

J U S  
CANONICUM  
UNIVERSUM

CLARA METHODO JUXTA TITULOS  
QUINQUE LIBRORUM DECRETALIU  
IN QUESTIONES DISTRIBUTUM

SOLIDISQUE RESPONSIONIBUS ET OBJECTIONUM SOLUTIONIBUS DILUCIDATUM

AUCTORE

R. P. F. ANACLETO REIFFENSTUEL


ORDINIS MINORUM S. FRANCISCI REFORMAT. PROVINCIÆ BAVARICÆ LECTORE JUDILATO

EDITIO NOVISSIMA CUI ACCESSIT

TRACTATUS DE REGULIS JURIS.

CUM REPERTORIO GENERALI TOTIUS OPERIS

*TOMUS SECUNDUS.*



R O M Æ  
APUD DOMINICUM ERCOLE

MDCCCXXXII

271

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875



# PRÆFATIO AUCTORIS AD LECTOREM

*Post primum Juris canonici Universi Tomum nuper publicae luci datum, sequitur nunc, Favente DEO, Tomus alter, secundum Librum Decretalium, ipsumque Processum Judicarium oculis tuis, Lector Benevole, exhibens, eaque, qua licuit, claritate, simul et brevitate, dilucidans. Et quidem claritatis conservandae gratia, ordo Titulorum Libri secundi Decretalium Gregorii Papae IX rite observatur, singulis eorum postea in peculiare Quaestiones, numerosque correspondentes distributis: ita tamen, ut Tituli copiosiores continentes materiam, prius in Paragraphos, et postea primum in Quaestiones, numerosque subdividantur; praemisso a fronte Libri Elencho singularum Quaestionum, atque addito in fine copioso materiarum, seu rerum et verborum Indice Alphabetico, ut in ipsis omnia facilius reperiri valeant. Brevitatem vero custodire placuit, tum in resolutione Quaestionum, tum in earundem probatione claris quidem, sed paucis, quantum fieri poterat, verbis utendo, atque neglectis inutilibus ambagibus illico ad fundamenta procedendo, imo et minus utilia studiosè omittendo: quamquam ipsa perutilium materiarum copia non nisi justo Tomo absolvi, concludique valuerit. Quod si forsitan ob hanc ipsam custoditam breviter quidpiam occurrerit, quod uberiori discursu declaratum optaret Lector Benevolus, adeat ipsosmet Auctores, quos idcirco fusius de singulis tractantes, ac plerumque propriis oculis in fontibus inspectos, praeter Jura copiose allegata, pro singulis notabilioribus materiis fideliter citavi. Quamvis circa hoc ipsum sit notandum, quod sive ob errores typographicos quandoque irrepentes, sive ob diversas ejusdem Auctoris impressiones, factasque subinde numerorum variationes, non raro contingat citationes fallere, aut cum aliis exemplaribus minime concordare: idque praesertim monendum censui propter Josephum Mascardum de Probationibus, saepius in hoc Tomo citatum; siquidem juxta Editionem Francofurti 1661 impressam, quam solam ad manus habui, omnes ferme ex celeberrimo isto Auctore adductas aliorum citationes numerales Conclusionum mutare debui. De reliquo noverit Lector Benevolus, praesentes Lucubrationes Canonicas eo duntaxat incumbere, ut secundum mentem Juris Communis deligerent opiniones tutiores, simul et probabiliores; hoc est, subnixas firmioribus ac solidioribus Juris fundamentis, Decisionibus Rotae Romanae, aut Cardinalium Declarationibus, nec non auctoritatibus Doctorum: nihil interim detrahendo oppositis aliorum sententiis, quae una cum praecipuis suis rationibus, saltem loco objectionum adductis, et postea solutis, plerumque allegantur. Multo minus intentionis nostrae fuit, quidpiam vel in minimo praejudicare rationabilibus particularium locorum, sive Tribunalium consuetudinibus rite praescriptis, aut Statutis legitima auctoritate alicubi forsitan in contrarium existentibus: nam ipsaemet Constitutiones Apostolicae talibus praejudicare, aut in aliquo derogare, neutiquam intendunt absque speciali mentione, cap. 1 de Constitut. in 6. Omnia vero scripta intelligantur salvo meliori aliorum, ac praesertim Sanctae Romanae Ecclesiae judicio, cujus altiori censurae, atque correctioni, verba singula humillime sint subjecta. Quod si igitur quid minus bene dictum, aut obscurius forsitan, oculis tuis occurrerit, Lector Benevole, illud vitio scribentis tribuas, sed placidus corrigas: atque in hunc finem versiculis illis, a Sancto Bonaventura, Doctore Seraphico, in Praefat. Confessionum humiliter decantatis, supplex Te alloquor.*

*Sis mihi corrector, resecando superflua, Lector.*

*Veraque digneris, quae desunt, jungere veris.*

*Omnem defectum, partim studio brevitatis.*

*Scribentis tribuas, partim vitio ruditatis.*

*VALE*

## FACULTAS ET CENSURA ORDINARI

**C**um Juris Canonici Tomus secundus Rev. P. Anacleti Reiffenstuel, Ordinis Minorum S. Francisci Reformatum Theologi Jubilati etc. a Theologis perlectus, nihil Fidei Orthodoxae aut bonis moribus contrarium contineat, sed imo ob claram methodum, sententiarum gravitatem, et rationum subtilitatem Jus dicentibus, et in utroque Foro versantibus, apprime utilis futurus sit: ideo, ut publicam lucem videre possit, licentiam, et facultatem concedimus, ac impertimur. In quorum etc.

Frisingae die 25 Aug. 1701.

*FRANCISCUS ANTONIUS BEGNUDELLIUS BASSUS, SS. Theolog. Doctor,  
Canon. Capitul. S. Scholasticus, Vicarius Generalis et Officialis.*

## LICENTIA ET APPROBATIO ORDINIS

Fr. Matthaeus a Sancto Stephano, SS. Theologiae Lector Jubilatus, ac totius Ordinis S. P. N. Francisci Minister Generalis, et Servus: Dilecto nobis in Christo R. P. F. Anacleto Reiffenstuel, Lectori Jubilato et Concionatori nostrae Reformatae Provinciae Bavariae, salutem, et omne bonum.

**C**um juxta Apostolicas, nostrique Ordinis Constitutiones, per idoneos Censores, revisum fuerit opus quoddam a Te compositum, cujus Titulus est: *Jus Canonicum juxta Titulos quinque Librorum Decretalium in Quaestiones distributum etc.* Tenore praesentium, ad Salutaris Obedientiae meritum, facultatem Tibi impertimur, quatenus servatis servandis illud Typis mandare valeas.

Datis Romae, die 10 Aprilis 1700.

*Fr. MATTHAEUS a S. Stephano Minister Generalis.*

*De Mandato S. P. Reverendissimae Fr. PETRUS ab Urbino,  
Secretarius Generalis.*

## FACULTAS ADMODUM REVERENDI PATRIS MINISTRI PROVINCIALIS

**C**um a Reverendo Patre Anacleto Reiffenstuel, Ord. Min. S. Francisci Reformatum Provinciae Bavariae Ex-Custode, Lectore Jubilato, opus quoddam, cui Titulus: *Jus Canonicum juxta Titulos quinque Librorum Decretalium in Quaestiones distributum*, sit compositum, illudque a duobus Theologis jamjam sit revisum et approbatum, plurimumque recommendatum, et omnia, quae de Jure in Editione Librorum sunt servanda, sint observata: tenore praesentium facultatem impertior, ut hoc laudatissimum Opus pro utilitate publica Typis mandari possit. Actum Monachii 14 Maii 1701.

*Fr. BENNO MAIR, Ord. Min. S. Francisci Reformat. Lector Jubilatus,  
et Provinciae Bavariae iterato Minister Provincialis.*

## CENSURA THEOLOGICA

**E**tiam Secundum Tomum Juris Canonici R. P. Anacleti Reiffenstuel, Ordinis Nostri Theologi; ac Lectoris Jubilati, eadem Censura donandum judico, qua Primum: est enim vero pari judicio in distincta methodo clarissimus: est in dismembris Partitionibus distinctissimus: est in energicis Doctrinis solidissimus: est in utrisque Legibus et Juribus fundatissimus: est in Practicis difficultatibus securissimus: est in occultis, aut obscuris mysteriis apertissimus: est denique in Sententiis Patrum et Doctorum illustrissimus. Et quia insuper non tantum contra Orthodoxam Fidem, ac Bonos Mores, Sanamque Theologiam mendosum nihil continet, sed pro Bono Publico ac privata utilitate plurimum conducit; hinc publico praelo dignissimum censeo. Monachii, die 13 Maii, Anno 1701.

*Fr. FORTUNATUS HUEBER, totius Ordinis S. Francisci  
et Provinciae Bavariae Pater.*

## CENSURA THEOLOGICA

**P**ost Tomum primum Juris Canonici universi methodice secundum ordinem Titulorum traditi, et Auctore R. P. Anacleto Reiffenstuel, Ordinis Minorum S. P. Francisci Reformatorem Provinciae Bavariae Lectore Jubilato conscripti, avibus et faelici partu, jam editur fulgidissimam in lucem Tomus Secundus de Processu judicii ordinario, seu Liber Decretalium alter, quem de mandato Superiorum diligentia, qua potui, revidi, et introspexi, maxima; thesaurumque inveni doctrinae sanae et momentosae, ad reconditos Juris utriusque Canonici, et Civilis sensus rimandos, et exponendos apprime proficuum et abundantem; non tantum pro iis, qui jurisprudentiae operam navare volunt studendo, sed et illis maxime, qui causas tractando, et partibus patrocinando inserviunt, ut Advocati et Judices. Progreditur Auctor pede inoffenso semper, nihil in Religionem, nihil in mores impingendo in quoquam: bene tamen pro Religione et moribus, Tribunaliumque utilitate et salutari praxi congerendo multa satis, et egregia, quae aedificent, quae prosint, quae instruant, quae delectent, et, ut verbo dicam, auro, cedroque digna sint. Quare Tomum hunc secundum subnatum primo, laude, luce, praelo, dignissimum censeo non permittendum tantummodo, sed etiam jubendum, ut edatur, jurisque publici fiat. Datum Frisingae, die 11 Maii Anno 1701 in Conventu nostro S. P. Francisci Stigmatizati.

*Fr. FLORIDUS MOSMILLER, Ord. M. S. P. Francisci Reform.  
Provinciae Bavariae Lector Jubilatus, et SS. Canonum Actualis.*

DIE 7 NOVEMBRIS 1831

**R E I M P R I M A T U R**

*Fr. DOMINICUS BUTTAONI Ord. Praed. Mag. S. Pal. Soc.*

**R E I M P R I M A T U R**

*JOSEPHUS DELLA PORTA Patriar. Constantinop. Vicesg.*



# E L E N C H U S

## TITULORUM PARAGRAPHORUM ET QUÆSTIONUM

IN TOMO SECUNDO JURIS CANONICI UNIVERSI CONTENTORUM



### TITULUS I.

#### De Judiciis.

##### §. I.

#### *Praemittuntur Generalia de Judiciis.*

- Quaestio I. Quid sit Judicium, quibusque ex personis constituatur? Pag. 2  
II. Quomodo haec quatuor, videlicet *Judicium, Instantia, Causa et Lis*, inter se differant? Ibid.  
III. Quando Judicium censeatur incipere, sive (ut alii loquuntur) quodnam dicatur *Litis exordium*? 3  
IV. Quibus modis pereat, seu perimatur *Instantia causarum*? 4

##### §. II.

#### *De Multiplici divisione Judiciorum; ubi plura de Judicio Summario.*

- Quaestio I. Quae sit praecipua Judiciorum divisio? 5  
II. In consistat Judicium Summarium, quibusque in censis locum habeat? Ibid.  
III. Utrum, et qua ratione, subdividatur Judicium Civile, et Criminale?

##### §. III.

#### *De Judice in causis spiritualibus, nec non civilibus Ecclesiarum, personarumque Ecclesiasticarum.*

- Quaestio I. Utrum, et qualiter causae spirituales ad Judicem Ecclesiasticum discutiendae pertineant? 8  
II. An etiam cognitio causarum spiritualibus connexarum, spectet ad Judicem Ecclesiasticum? Ibid.  
III. Utrum temporalia negotia, causaeque Civiles Ecclesiarum, personarumque Ecclesiasticarum, ad solum Judicem Ecclesiasticum pertineant? 9

##### §. IV.

#### *De Judice in causis criminalibus Clericorum.*

- Quaestio I. Quis sit Judex Ordinarius in causis criminalibus Clericorum? 10  
II. Coram quo Judice Ecclesiastico Clericus in criminalibus sit conveniendus? 11  
III. An, si Clericus una cum Laico crimen commit-

tat, uterque in Foro Ecclesiastico sit conveniendus, et puniendus? 12

- IV. Utrum, et quando Judex Ecclesiasticus possit Clericum criminosum tradere Curiae saeculari? Ibid.

##### §. V.

#### *De Judice Causarum Feudalium.*

- Quaestio I. Quis sit Judex competens in causis feudalibus inter Vasallos agitatis? 14  
II. Quis sit Judex competens, quando extraneus, seu non Vasallus, habet litem cum Vasallo? 15  
III. Quis sit Judex, quando quaestio feudalis oritur inter Dominum et Vasallum? 16  
IV. Utrum super crimine Clerici Vasalli delinquentis possit Dominus laicus feudi cognoscere, eumque punire, ac feudo privare? Ibid.

##### §. VI.

#### *De illis, qui possunt ut Actores, vel Rei, stare in judicio.*

- Quaestio I. Qui omnes possint ut Actores vel Rei, stare in judicio? 17  
II. An Mulieres possint personaliter stare in judicio, atque ad hoc compelli? 18  
III. Utrum Popilli, ac Minores viginti quinque annis, habeant legitimam personam standi in judicio? Ib.

##### §. VII.

#### *An, et qualiter Religiosi, ac Praelati, possint agere, et conveniri in judicio?*

- Quaestio I. Utrum Monachi, aliique Religiosi, possint agere et conveniri in judicio? 19  
II. Utrum Praelatus, praesertim Regularis, possit agere, vel conveniri super rebus Ecclesiae, aut Monasterii, absque consensu Capituli, seu Conventus; et econtra? 20  
III. Utrum habens actionem contra Religiosum, debeat ipsum convenire, vel potius Monasterium ejus? 21

##### §. VIII.

#### *Resolvuntur aliae notabiles Quaestiones circa materiam praesentis Tituli.*

- Quaestio I. Utrum Acta unius judicii habeant suum effectum, fidemque faciant in alio? 22

## ELENCHUS.

- II. Utrum gesta per Judicem communiter existima-  
tum, qui revera talis non est, sint valida? 23  
III. Utrum aliquis possit esse Judex propria cau-  
sa? 24  
IV. Utrum Judex possit cogere partes, ut persona-  
liter in judicio compareant? 25  
V. Utrum partes litigantes teneantur in judicio per  
se ipsas factum proponere? 25  
VI. Utrum in Praeparatoriis, ac Decisoriis Judicio-  
rum, attendendae sint leges et consuetudines  
Fori, ubi litigatur? Ibid.

### TITULUS II.

#### De Foro Competenti.

##### §. I.

##### *Generalia de Foro, ejusque competentia praemittantur.*

- Quaestio I. Quid intelligatur nomine Fori, praeser-  
tim competentis? 27  
II. Quid juris, si Reus conveniatur coram incompe-  
tente Judice, aut de hujus competentia dubium  
oriatur? Ibid.  
III. Quibus modis generatim inducatur competentia  
Fori? 28

##### §. II.

##### *De modo ordinario sortiendi Forum ratione Domicilii.*

- Quaestio I. Quid, et quotuplex sit Domicilium? 29  
II. An, et qualiter ratione Domicilii forum quis  
sortiatur? 30  
III. Utrum quis forum sortiatur, et conveniri va-  
leat ratione Domicilii originis? Ibid.  
IV. Utrum, et qualiter ratione quasi domicilii sor-  
tiatur quis forum, ita ut ibidem conveniri va-  
leat? 31  
V. Quid juris, si quis in duobus locis domicilium  
habeat, aut inchoata lite prius diffiserit? Ibid.  
VI. Qui censeantur Vagabundi, et ubi forum sor-  
tiantur ratione domicilii? Ibid.

##### §. III.

##### *De modo ordinario sortiendi Forum ratione Delicti.*

- Quaestio I. An et qualiter ratione Delicti quis sor-  
tiatur forum? 32  
II. Quid Judex delicti possit contra Reum crimino-  
sum, non amplius existentem in loco delicti? 33  
III. Utrum Reus, qui fugit, sit remittendus ad lo-  
cum delicti? 34  
IV. A quo Judice possit puniri delictum in confinio  
duorum territoriorum commissum? 35

##### §. IV.

##### *De modo ordinario sortiendi Forum ratione Contra- ctus, et Rei sitae in alieno territorio.*

- Quaestio I. An, et quando quis sortiatur forum ra-  
tione contractus, nec ne? 36  
II. Quam jurisdictionem habeat Judex contractus  
respectu contrahentium? 37  
III. An, et quando quis dicatur sortiari Forum ra-  
tione rei alicubi sitae? 38  
IV. In quibus differat Forum domicilii a Foro con-  
tractus, delicti, et rei? Ibid.

##### §. V.

##### *De modo extraordinario sortiendi Forum in Curia Romana; ubi de Jure revocandi domum, et Avocatione causarum.*

- Quaestio I. Utrum quilibet, praesertim Clericus,  
possit conveniri in Curia Romana? 39  
II. Quid sit jus revocandi domum, et quando le-  
cum habeat? Ibid.  
III. Quid sit Avocatio causae, et qualiter per eam  
inducatur competentia fori? 40

##### §. VI.

##### *De modo extraordinario sortiendi Forum per Prorogationem jurisdictionis.*

- Quaestio I. Quid sit Prorogatio jurisdictionis, et  
quot modis fiat? 40  
II. Quae Conditiones requirantur ad Prorogationem  
jurisdictionis? 41  
III. An etiam Clerici possint in se prorogare juris-  
dictionem Judicis non sui? 42

##### §. VII.

##### *De modo extraordinario sortiendi Forum ex quali- tate causarum, ubi et de Causis mixti fori.*

- Quaestio I. An, et qualiter ratione continentiae cau-  
sarum quis forum sortiatur? Ibid.  
II. Quid censendum de causis mixti Fori? 43  
III. Utrum punitus per Judicem saecularem super  
crimine mixti fori, possit denuo accusari, ac  
puniri per Judicem Ecclesiasticum, et econ-  
tra? 44

##### §. VIII.

##### *De modo extraordinario sortiendi Forum ratione Praeventionis, et ex Leg. Diffamari, ac aliis.*

- Quaestio I. Quid sit, et qualiter inducatur Praeven-  
tio jurisdictionis, per eamque Forum competens  
acquiratur? 45  
II. Quid sentiendum de judicio ex Leg. diffamari,  
quisque in eo sit judex competens? 46  
III. Attendantur alii modi extraordinarii sortiendi Fo-  
rum, et quales? 47

##### §. IX.

##### *De Privilegio Fori Clericorum, et quo Jure proveniat.*

- Quaestio I. An Clericis competat Privilegium Fo-  
ri, et qui nomine Clericorum hic veniant? 48  
II. Quo jure competat Clericis Privilegium Fo-  
ri? Ibid.  
III. Quid in tanta sententiarum diversitate rationum-  
que conflictu, prae caeteris sit tenendum? 51

##### §. X.

##### *Alia dubia circa Privilegium Fori Clericorum solvuntur.*

- Quaestio I. Utrum exemptio Clericorum, sive Privi-  
legium Fori, possit tolli a Summo Pontifice? 54  
II. Utrum consuetudine induci possit, ut Clerici co-  
ram Judice saeculari conveniantur? 55  
III. Utrum Clericus possit renunciare Privilegio  
Fori? Ibid.

## E L E N C H U S.

- IV. An in nullo prorsus casu Clericus coram Judice saeculari conveniri possit? 56
- V. Utrum suspiciens Statum Clericalem, vel Monachalem, circa res ante Clericatum gestas, aut commissum antea, grave crimen, gaudeat privilegio Fori? 57
- VI. Quid juris, si super Clericatu malefactoris, per Judicem laicum capti, et dicentis, se esse Clericum, oriatur quaestio? 58
- II. An in omnibus prorsus causis locum habeat Reconventio? Ibid.

### §. II.

#### *De Reconventione Clerici coram Judice Laico.*

- Quaestio I. Utrum Clericus Actor possit reconveniri a Laico Reo coram Judice saeculari? 74
- II. An saltem in causa temporali et civili possit Clericus Laicum conveniens, ab eodem reconveniri coram Judice saeculari? Ibid.
- III. Utrum locus sit reconventioni, quando Laicus dolo provocavit Clericum, puta ipsi furtum, vel damnum aut injuriam inferendo, ut ab eo conveniatur, quatenus hac occasione eum vicissim coram suo saeculari Judice (foras sibi magis favente) possit reconvenire? 75
- IV. An dentur alli casus, in quibus Clerici coram saeculari Judice Laicum convenientes, non possint ibidem reconveniri? 76

### §. III.

#### *De aliis Reconventionem concernentibus.*

- Quaestio I. Quo tempore reconventio sit proponenda? Ibid.
- II. Quomodo tractanda, et terminanda sit causa reconventionis, jam a litis exordio propositae? 77
- III. Qui sint effectus Reconventionis? Ibid.

## TITULUS V.

### *De Litis Contestatione.*

- Quaestio I. Quid sit Litis contestatio, et quae ejus necessitas? 78
- II. Quibus modis inducatur Litis contestatio? 79
- III. An per confessionem Rei inducatur Litis contestatio? 80
- IV. An per oppositam exceptionem inducatur contestatio litis? 81
- V. Quinam sint effectus Litis contestationis? Ibid.

## TITULUS VI.

Ut lite non contestata non procedatur ad Testium receptionem, vel ad Sententiam diffinitivam.

- Quaestio I. Cur dicatur in Rubrica praesentis Tituli, *Non procedatur ad sententiam diffinitivam ante litis contestationem*? 82
- II. Utrum in certis casibus possint recipi testes lite non contestata, et quibus? 83
- III. An praedicta locum habeant etiam in causis criminalibus? 84

## TITULUS VII.

### *De Juramento Calumniae.*

### §. I.

*De natura, et differentiis Juramenti Calumniae, Malitiae, ac de veritate dicenda.*

- Quaestio I. Quid sit Juramentum calumniae, et quae continere debeat? 85
- II. Quid sit Juramentum malitiae, et quomodo differat a Juramento calumniae? Ibid.
- III. Quid sit Juramentum de veritate, et an differat a Juramento calumniae? 86

## TITULUS III.

### *De Libelli Oblatione.*

### §. I.

*De natura Libelli, variisque ipsum concernentibus.*

- Quaestio I. Quid sit Libellus, quibusque partibus constet? 60
- II. An, et quomodo oporteat in Libello exprimere causam petendi, sive medium concludendi? 61
- III. Utrum etiam nomine actionis sit exprimendum in libello? Ibid.
- IV. An, et qualiter Conclusio libello sit addenda? 62
- V. An libellus semel oblatus possit mutari, aut emendari? Ibid.
- VI. Quid juris, si Actor causam in libello expressam non prober, bene tamen aliam? 63
- VII. Qui sint effectus oblationis libelli? Ibid.

### §. II.

*De Citatione, ejusque requisitis, ac necessitate.*

- Quaestio I. Quid, et quotuplex sit Citatio? 64
- II. Quae requirantur ad legitimam Citationem? 65
- III. An sit credendum Nuntio, asserenti, se citare de mandato judicis; vel affirmati, se rite citasse, ubi Reus negat, se citatum fuisse? Ibid.
- IV. Quatenus in citatione, sive Citatorio necessario sint exprimenda, ut legitima et valida sit citatio? Ibid.
- V. Quanta sit necessitas citationis in judiciis? 66

### §. III.

*De citatione Edictali, et Reali, ac effectibus Citationum.*

- Quaestio I. In quibus casibus locum habeat Edictalis citatio; hoc est, ea, quae publice fit per Edictum in valvis, Templorum, Curiarum, aut aliis locis publicis affixum? 68
- II. In quibus casibus fieri possit Citatio realis; hoc est, per capturam, sive apprehensionem personae? 69
- III. Qui sint effectus Citationis? 70
- IV. An etiam citatio invalida quosdam habeat effectus? 71

## TITULUS IV.

### *De Mutuis Petitionibus.*

### §. I.

*De Mutuis Petitionibus, ipsaque Reconventione generatim.*

- Quaestio I. Quid sint, et coram quo fieri debeant Mutuae petitiones? 72



## E L E N C H U S.

### §. II.

#### *De necessitate praestandi Juramentum calumniae.*

- Quaestio I. Utrum necessario, et quando praestandum sit Juramentum calumniae? 87  
 II. In quibus causis Juramentum calumniae sit praestandum? Ibid.  
 III. A quibus sit praestandum Juramentum calumniae? 88  
 IV. An Juramentum calumniae possit praestari per Procuratorem, et qualiter? 89

### §. III.

#### *De remissione Juramenti calumniae, poenisque illud praestare recusantium.*

- Quaestio I. An Juramentum calumniae de consensu partium remitti valeat? 91  
 II. Utrum per consuetudinem introduci possit, ut partes etiam petitae, seu exactae, non teneantur praestare Juramentum calumniae? Ibid.  
 III. Quae sit poena recusantium praestare Juramentum calumniae, ubi praestandum est? Ibid.

## TITULUS VIII.

### De Dilationibus.

#### §. I.

#### *De Dilationibus Judicialibus in communi.*

- Quaestio I. Quid, et quomplex sit Dilatio? 92  
 II. Qua ratione Dilationes judiciales generatim dividi possint? 93  
 III. Cur, et qualiter sit danda Dilatio judicialis? 94

#### §. II.

#### *De Dilationibus Citatoriis, et Deliberatoriis.*

- Quaestio I. Quid sit, et quanta concedi debeat Dilatio citatoria? Ibid.  
 II. Quae sint Dilationes deliberatoriae, et quales de jure concedantur? 95

#### §. III.

#### *De Dilationibus Probatoriis, Diffinitoriis, et Executoriis.*

- Quaestio I. Quid sit, et qualis concedenda Dilatio probatoria? 96  
 II. Utrum Dilationes probatoriae saepius sint concedendae? Ibid.  
 III. Quae sint Dilationes diffinitoriae? 98  
 IV. Quae, et quanta sint Dilationes executoriae? Ibid.

#### §. IV.

#### *De Prorogatione Dilationum, harumque effectibus.*

- Quaestio I. Quid sit Prorogatio Dilationis, et qualis prorogari valeat? Ibid.  
 II. Qui sint effectus Dilationum? 99

## TITULUS IX.

### De Feriis.

#### §. I.

#### *De divisione Feriarum; ubi plura de Feriis sacris. REIFFENSTUEL Jus Can. Tom. II.*

#### *Quaestio I. Quid, et quot sint species Feriarum? 100*

#### *II. Quid sit censendum de Feriis sacris, quaeque eorum obligatio? Ibid.*

#### *III. An, et qualiter in Feriis sacris prohibeantur Mercatus? 101*

#### §. II.

#### *De Placita, seu Processu judiciali, ejusque prohibitionem diebus Ferialis.*

#### *Quaestio I. Quid sit Placitum, et qualiter diebus Ferialis prohibeatur? 102*

#### *II. Utrum praedictis Feriis de consensu partium possit renunciari? 103*

#### *III. An, et qualiter ratione necessitatis, aut pietatis, valeat iudicium diebus Ferialis agitatum? Ibid.*

#### *IV. Utrum in causis summaris, seu simpliciter ac de plano tractandis, possit procedi tempore Feriali? 104*

#### §. III.

#### *De nonnullis Actibus judicialibus tempore Feriali prohibitis in specie.*

#### *Quaestio I. Utrum quolibet tempore, etiam Feriali, possit offerri Libellus? 105*

#### *II. Utrum valeat citatio facta die Feriali ad non Ferialium? Ibid.*

#### *III. Utrum econtra valeat citatio facta die non Feriali ad Ferialium? Ibid.*

#### *IV. An diebus Ferialis possit fieri captura, seu incarceration Reorum? 108*

#### *V. Utrum diebus Ferialis possit fieri receptio testium, horumque examen? Ibid.*

#### *VI. Utrum in Feriis observandis sit attendendus locus Judicis, Rei vel Actoris, quando in eorum loco sunt Feriae, et non in altero? 109*

## TITULUS X.

### De Ordine Cognitionum.

#### *Quaestio I. Quid sit Ordo cognitionum, et quaenam regula generatim circa eum observanda? Ibid.*

#### *II. Quae praecedere debeant, si concurrat actio civilis, et criminalis? 110*

#### *III. An, si Reus contra Actorem opponat spoliacionem, prius debeat tractari causa spoli? 111*

#### *IV. Quid sit Quaestio incidens, ac emergens, et an super ipsa pronuntiandum? Ibid.*

#### *V. Quid agendum, si causa principalis, et incidens, sint tractandae coram diversis iudicibus? 112*

## TITULUS XI.

### De Plus Petitionibus.

#### *Quaestio I. Quot sint modi plus petendi? 113*

#### *II. Quae sint poenae plus petentium in iudicio? Ibid.*

#### *III. Utrum, si Actor plus debito petens poeniteat, sive a petitione illa desistat, per hoc evitet poenas plus petentibus inflictas? 114*

#### *IV. An Actore plus petente possit Reus simpliciter negare totam petitionem? 115*

## TITULUS XII.

### De Causa Possessionis et Proprietatis.

#### §. I.

#### *Quid sit Possessio, et quae ejus divisio? 116*

## E L E N C H U S.

- Quaestio I. Unde derivetur Possessio, et quid sit? 116  
II. Quanam sint Possessionis divisiones? 117

### §. II.

*De differentiis Possessionis et Proprietatis,  
illiusque commodis?*

- Quaestio I. An, et quomodo Possessio differat a Proprietate? 119  
II. Quae sint commoda, et privilegia Possessionis? 120

### §. III.

*De Causa possessionis et proprietatis;  
ubi et de Interdictis.*

- Quaestio I. Quid sit causa possessionis et proprietatis, et quale Iudicium utrique correspondeat? 121  
II. Quotuplex sit Iudicium possessoriū, et unde dicatur Interdictum? 123  
III. Quid, et quotuplex sit Interdictum? Ibid.  
IV. Quid, et quotuplex sit Interdictum adipiscendae possessionis? 124  
V. Quid, et quotuplex sit Interdictum retinendae possessionis? Ibid.  
VI. Quid sit Interdictum recuperandae possessionis? 125

### §. IV.

*De Acquisitione, et in alium Translatione  
Possessionis rerum corporalium per  
apprehensionem veram, vel fictam.*

- Quaestio I. Quibus generatim modis, qualique apprehensione acquiratur et transferatur possessio rerum corporalium? 126  
II. Quid sit apprehensio vera et ficta, quibusque modis contingat? Ibid.  
III. Utrum Lege, Statuto, vel Consuetudine introduci valeat, quod transferatur, et acquiratur possessio absque omni corporali apprehensione rei? 129

### §. V.

*De Acquisitione, et in alium Translatione quasi  
Possessionis incorporalium.*

- Quaestio I. Qua ratione acquiratur, atque ab uno in alium transferatur possessio, vel quasi possessio rerum incorporalium, videlicet Iurium, ac servitutum? 130  
II. An, et quale exercitium juris requiratur ad acquirendam quasi possessionem iurium incorporalium per se spectatorum? 131  
III. An, et quomodo requiratur, probeturque scientia, et patientia domini, sive prioris possessoris ad acquirendam quasi possessionem iurium incorporalium? 132  
IV. Utrum ad quasi possessionem incorporalium adipiscendam requiratur bona fides? 133

### §. VI.

*De Amissione Possessionis tum corporalium,  
tum incorporalium.*

- Quaestio I. An possessio rerum corporalium solo animo amitti possit? 135  
II. Qualiter amittatur possessio rerum corporalium, praesertim mobilium? 136  
III. Qua ratione amittatur possessio rerum mobilium

furtive subtractarum, ac immobilium violenter ab alio occupatarum? 136

- IV. Utrum per aquarum inundationem amittatur rerum possessio? 137

- V. Qualiter perdat quasi possessio incorporalium? Ibid.

### §. VII.

*De probatione Possessionis, praesertim in Interdicto  
Ut possidetis.*

- Quaestio I. Quibus modis generatim probetur Possessio? 138  
II. Quid juris, si agatur Interdicto retinendae possessionis, quod appellatur *Ut possidetis*, et utraque pars contendat, probareque satagat, sese esse in possessione? 139  
III. Quanam probationes censeantur aliis meliores? 140  
IV. Quid agendum, quando in Interdicto *Ut possidetis* quaelibet pars aequaliter probaverit possessionem suam? 141

### §. VIII.

*Quo ordine, et coram quo Iudice, sit tractanda  
causa Possessionis et Proprietatis?*

- Quaestio I. An causa possessionis sit praemittenda causa proprietatis? 142  
II. An causa possessionis, et proprietatis, coram eodem Iudice sit tractanda, et terminanda? Ibid.  
III. Utrum causa possessionis rei spiritualis possit tractari per Iudicem saecularem, nec ne? 143

### §. IX.

*An, et quando causa Possessionis et Proprietatis  
cumulari possit?*

- Quaestio I. Utrum causa possessionis ac proprietatis possit cumulari, proponendo utramque simul in eodem Iudicio? 145  
II. An semper, et in omni materia, causa possessionis et proprietatis possit cumulari, simulque tractari? 146  
III. An Iudicium possessoriū retinendae possit aliquando cumulari, simulque ab eodem proponi una cum petitorio? 146

### §. X.

*De Modo procedendi super causa Possessionis et Proprietatis simul intentata, ac de Regressu a  
Petitorio ad Possessorium.*

- Quaestio I. Quomodo procedendum sit in causa, quando partes agunt iudicio possessoriū et petitorio simul? 148  
II. An ille, qui petitorium iudicium semel ingressus fuit, videns difficultatem in probanda rei proprietate, possit regredi ad possessoriū? 149  
III. Utrum regressus a iudicio petitorio ad possessoriū, etiam locum habeat in causis Beneficialibus? 150

## TITULUS XIII.

*De Restitutione Spoliatorum.*

### §. I.

*De Remediis Spoliatorum in genere, ac Interdicto  
Unde vi in specie.*



## E L E N C H U S.

- Quaestio I. Quot generatim sint Remedia Spoliatorum, et quae? 151  
 II. Quid sit Interdictum *Unde vi*, et ad quid, et quamdiu detur? 152  
 III. Quibus competat Interdictum *Unde vi*? Ibid.  
 IV. Contra quem competat spoliatis Interdictum *Unde vi*? 153  
 V. An contra tertium possessorem, qui rem a spoliatore invasam scienter recipit, competat Interdictum *Unde vi*? Ibid.

### §. II.

*Declarantur alia Remedia Spoliatorum in specie.*

Quaestio. An Remedium *Redintegranda* aeque competat Laicis pro recuperandis rebus profanis, sicuti Clericis pro rebus Ecclesiasticis? 155

### §. III.

*De Restitutione Spoliatorum ante omnia facienda.*

- Quaestio I. An, et qualiter Restitutio spoliatorum ante omnia sit facienda? 157  
 II. Contra quos procedat allata Regula de restitutione spoliatorum? 158  
 III. Utrum regula illa, *Spoliatus ante omnia est restituendus*, etiam suffragetur praedoni, si spoliatur rebus a se vi possessis? 159  
 IV. Utrum spoliatus possit spoliatorem, puta praedonem, vi repellere, aut rursus eundem spoliare? 160

### §. IV.

*De nonnullis casibus, in quibus non fit Restitutio Spoliatorum ante omnia.*

- Quaestio I. An, et qualiter ob consensum spoliati non fiat restitutio spoliati ante omnia? 161  
 II. Utrum spoliatus ante omnia sit restituendus, non obstante notorio defectu proprietatis ex parte ipsius? 161  
 III. An restitutio spoliati locum habeat non obstante resistantia Juris communis contra ipsum? 162  
 IV. Utrum restitutio spoliati sit facienda non obstante periculo animae, scandalo, vel damno irreparabili? 163  
 V. An propter renunciationem domini, cesset restitutio spoliati? Ibid.  
 VI. An dentur alii casus, in quibus fallit regula de Restitutione spoliatorum ante omnia facienda? 164

### §. V.

*De divisione Fructuum, horumque restitutione per Spoliatorem, aut malae fidei possessorem facienda.*

- Quaestio I. Quid intelligatur nomine Fructuum? 165  
 II. Quotuplicis generis sint Fructus? Ibid.  
 III. Utrum spoliator violentus tam rem ablatam, tum fructus ejus, et damna illata restituere teneatur; et qualiter? 166  
 IV. An possessor malae fidei, licet violentus non sit, teneatur fructus ex re aliena perceptos restituere? 167

### §. VI.

*De restitutione Fructuum, a bonae fidei possessore ex re aliena perceptorum, sed nondum consumptorum, facienda.*

- Quaestio I. Utrum bonae fidei possessor teneatur restituere fructus industriales ex re aliena perceptos?

REIFFENSTUEL Jus Can. Tom. II.

- pto, sed nondum consumptos? 167  
 II. Utrum bonae fidei possessor lucratur etiam fructus naturales? 168

### §. VII.

*De Restitutione Fructuum a bonae fidei Possessore jam consumptorum facienda.*

- Quaestio I. An fructus bona fide ex re aliena percepti, et jam consumpti, debeant restitui, quando ex eis possessor non est factus locupletior? 169  
 II. An bonae fidei possessor obligatus sit ad restituendos fructus etiam industriales, ante litis contestationem consumptos, quando ex eis factus est locupletior? 170

## TITULUS XIV.

*De Dolo et Contumacia.*

### §. I.

*De Dolo, et variis ipsum concernentibus.*

- Quaestio I. Quid sit Dolus? 172  
 II. Utrum Dolus malus viuiet contractus, et qualiter? Ibid.  
 III. Quot auxilia competant ex dolo? 173  
 IV. Quid sit Exceptio doli, et contra quos competat? 174  
 V. Quid sit Actio de dolo, et qualiter ab exceptione doli differat? Ibid.

### §. II.

*De Contumacia, ejusque requisitis, ac modo procedendi contra Contumaces.*

- Quaestio I. Quid sit, quibusque modis committatur Contumacia? 176  
 II. Quotuplex sit Contumacia in veniendo? Ibid.  
 III. Quae requirantur, ut quis possit dici contumax? 177  
 IV. Quando Judex contra contumacem procedere possit? 178  
 V. Utrum elapso termino peremptorio possit Judex expectare contumacem in aliam horam, vel diem sequentem? Ibid.

### §. III.

*De Contumacia Actoris, modoque contra hunc procedendi.*

- Quaestio I. Qualiter Actor censeatur committere contumaciam? 180  
 II. Quomodo citandus sit Actor vel Reus contumax? Ibid.  
 III. Utrum contra Actorem contumaciter absentem possit Judex procedere? Ibid.  
 IV. Quot Remedia Juris competant Reo contra Actorem contumaciter absentem? 182

### §. IV.

*De modo procedendi contra Reum contumacem.*

- Quaestio I. Utrum, ac intra quale temporis intervallum, Reus semel contumax, de novo sit citandus? 183  
 II. Utrum Reus, qui tantum fuit contumax in prima citatione, non item in secunda vel tertia, possit condemnari in expensis per Actorem factis tempore primae citationis, in qua Reus non venit? 184

d

## E L E N C H U S.

- III. An, si Reus ad primam citationem dixerit, se nolle comparere, is denuo sit citandus? 184  
IV. Quid agendum sit Judici, antequam contra Reum contumacem procedat ad infligendas poenas? 185

### §. V.

#### *De poenis Rei contumacis.*

- Quaestio I. Quae sint poenae Rei contumacis? 186

### TITULUS XV.

#### *De eo, qui mittitur in possessionem causa rei servandae.*

### §. I.

#### *De Missione, ex primo, et secundo Decreto judicis, ejusque requisitis.*

- Quaestio I. Quid sit Missio in possessionem bonorum ex primo, et secundo Decreto judicis? 189  
II. An ejusmodi Missio sit sententia definitiva, nec ne? Ibid.  
III. Quae generatim requirantur ad faciendam Missionem ex primo Decreto? Ibid.

### §. II.

#### *In quibus locum habeat Missio ex primo, et secundo Decreto?*

- Quaestio I. Utrum, et quando in actionibus realibus locum habeat Missio in possessionem ex primo Decreto? 190  
II. Utrum annus ille, quo elapso Actor actionibus realibus constituitur verus possessor, incipiat a die editi primi Decreti, vel potius a die factae actualis missionis in bona Rei contumacis? 191  
III. An, et qualiter in actionibus personalibus locum habeat missio ex primo, vel secundo Decreto? 192  
IV. Utrum missio in possessionem ex primo Decreto locum habeat in causis Beneficialibus? Ibid.

### §. III.

#### *De Necessitate, tempore, ac effectibus Missionis ex primo, et secundo Decreto.*

- Quaestio I. Utrum, tam in actionibus realibus, quam personalibus opus sit Missionem in possessionem bonorum contumacis ex secundo Decreto? 193  
II. Quo tempore possit interponi secundum Decretum judicis? 194  
III. Qui sint effectus primi Decreti judicis? Ibid.  
IV. Qui sint effectus missionis ex secundo Decreto? 196

### TITULUS XVI.

#### *Ut Lite pendente nihil innovetur.*

### §. I.

#### *De requisitis ad Litis pendentiam, hujusque effectibus.*

- Quaestio I. Quando Lis pendere censetur? 197  
II. Qui sint effectus Litis pendentiae? Ibid.  
III. An, et qualiter rerum litigiosarum alienatio lite pendente sit prohibita? 198

### §. II.

#### *De Re litigiosa, et revocatione attentatorum Lite pendente, poenisque Contractus litigiosi.*

- Quaestio I. Quid sit et qualiter res, vel actio, efficiatur litigiosa? 199  
II. Qualiter attentata lite pendente sint revocanda? 200  
III. Quomodo nihil sit innovandum lite pendente circa Beneficia Ecclesiastica? 201  
IV. Quae sint poenae Contractus litigiosi? Ibid.

### TITULUS XVIII.

#### *De Sequestratione Possessionum, et Fructuum.*

### §. I.

#### *Quid, et quotuplex sit Sequestratio, et in quibus casibus fieri possit?*

- Quaestio I. Quid, et quotuplex sit Sequestratio? 202  
II. Quot modis contingat fieri Sequestrationem necessariam? 203  
III. An, et in quibus casibus sequestratio permittatur fieri? Ibid.

### §. II.

#### *De requisitis ad Sequestrationem, et nonnullis aliis hanc concernentibus.*

- Quaestio I. Quae requirantur, ut Judex possit procedere ad faciendam Sequestrationem? 205  
II. Utrum suppetat aliquod remedium juris evitandi sequestrationem in casibus supra specificatis? 206  
III. Utrum possessio rei sequestratae transeat in Sequestrum? Ibid.

### TITULUS XVIII.

#### *De Confessione.*

### §. I.

#### *De Natura, et divisione Confessionis, ejusque requisitis.*

- Quaestio I. Quid, et quotuplex sit Confessio? 207  
II. Utrum Confessio sit species Probationis? 208  
III. Quae generatim requirantur ad validam Confessionem, praesertim judicialem? 209

### §. II.

#### *De Confessione Extrajudiciali.*

- Quaestio I. Quam vim probandi habeat Confessio extrajudicialis, praesente adversario facta? 211  
II. An ad hoc, ut Confessio extrajudicialis praesente adversario facta cum causae expressione plene probet, requiratur ejus acceptatio? 212  
III. Utrum Confessio extrajudicialis praesente adversario, sed sine adiectione causae factae, plene probet? 213  
IV. Utrum Confessio extrajudicialis, absente parte facta, probet? Ibid.

### §. III.

#### *De effectibus, et revocatione Confessionis judicialis.*

## E L E N C H U S

- Quaestio I. Quid sint effectus Confessionis judicialis? 215  
 II. An contra confessum in iudicio debet fieri sententia definitiva? Ibid.  
 III. An confessio facta in iudicio revocari possit? 216

### §. IV.

*De Confessione judiciali, Praelati, Procuratoris, et Socii criminis in praedictum Ecclesiae, &c.*  
*Tertio.*

- Quaestio I. Utrum confessio Praelati, Administrationem habentis, noceat Ecclesiae? 217  
 II. Utrum confessio Procuratoris praesudicet Domino? Ibid.  
 III. An de proprio crimine judicialiter confessi possint interrogari de Sociis criminis: eorumque confessio adversus istos admitti? 219  
 IV. Ad quid valeat confessio, seu nominatio socii criminis, per Reum de se confessum facta? 220

### §. V.

*De Confessione qualificata: et an haec ex parte solum possit acceptari?*

- Quaestio I. Quid sit Confessio qualificata? 221  
 II. An Confessio qualificata ex parte possit acceptari, et ex altera parte negari? Ibid.  
 III. Quid censendum de Confessione qualificata in criminalibus? Ibid.  
 IV. Utrum Confessio qualificata, quod scriptura, seu epocha grave delictum exprimens, manu sua fuerit conscripta, sed jocose solum, seu calumni expugnandi gratia, praesudicet confidenti? 223

### §. VI.

*De Confessione Sacramentali inique revelata, nec non de Confessione per torturam, vel sub spe impunitatis extorta.*

- Quaestio I. Utrum Confessio Sacramentalis inique revelata, vel reperta schedula Confessionis, praesudicet poenitenti in Foro externo? 224  
 II. Quae requirantur, ut confessio per torturam, seu metum tormentorum extorta probeat, ac praesudicet confidenti? 225  
 III. Utrum confessio criminis, emanata sub spe impunitatis a Iudice promissae probeat, et sufficiat ad condemnandum? Ibid.

### §. VII.

*De Obligatione confitendi veritatem ex parte Rei a Iudice interrogati.*

- Quaestio I. An Iudici non servato Iuris ordine interroganti, Reus teneatur fateri veritatem? 227  
 II. Utrum, et sub qua obligatione, Iudici legitime interroganti Reus teneatur fateri veritatem? 228  
 III. Utrum Reus ex praesumptione falsa a Iudice interrogatus teneatur confiteri propositionem veram, ubi ista confessio condemnandus est in Foro externo de crimine, aut debito, ad quod revera in Foro conscientiae non tenetur? 229

### §. VIII.

*De Positionibus, Articulis, et Interrogatoriis.*

- Quaestio I. Ad quid intentae sint positiones, quidque sint? Ibid.

*REIFFENSTUEL Jus Can. Tom. II.*

- II. An, et quando ad Positiones respondere recusare habeatur pro confessio? Ibid.  
 III. An, et quae sint causae rationabiles non respondendi ad Positiones sibi oblatae? 235  
 IV. Quid sint Articuli, et Interrogatoria, et quomodo differant a Positionibus? Ibid.

### §. IX.

*De Positionibus ad probationem.*

- Quaestio I. Qui possint facere Positiones? 236  
 II. Utrum Positiones in iudicio exhibitae denovo possint revocari, mutari, seu emendari? Ibid.  
 III. An possint fieri Positiones ab eo, qui renunciavit probationibus? 238  
 IV. In qua parte Iudicii possint fieri Positiones? Ibid.  
 V. An Reo, antequam respondeat, danda sit copia Positionum? Ibid.  
 VI. Utrum Reo debeat dari terminus ad respondendum? Ibid.  
 VII. Qualiter sit respondendum Positionibus? Ibid.

## TITULUS XIX.

*De Probationibus.*

### §. I.

*De natura, divisione speciebus et gradibus Probationum.*

- Quaestio I. Quid sit Probatio? 240  
 II. Quotuplex sit Probatio? Ibid.  
 III. Quos sint Probationum species? 241  
 IV. Quot sint gradus Probationum? 242

### §. II.

*Quid sit probandum? Ubi de Probatione negativae?*

- Quaestio I. Quid generatim sit probandum? 243  
 II. Circa quae versetur Probatio, et an hac indigeant Manifesta? Ibid.  
 III. Utrum negativa quandoque probari possit, ac debeat? 244

### §. III.

*Qualis debeat esse probatio, et an semper requiratur plena?*

- Quaestio I. Qualis debeat esse Probatio? 245  
 II. Utrum semper requiratur Probatio plena, et concludens? Ibid.  
 III. Utrum qui intentionem suam plene probavit, possint compelli, ut id ipsum praestito insuper iuramento confirmet? Ibid.  
 IV. Qualis probatio singularum rerum, atque negotiorum in specie, fieri possit, ac debeat? Ibid.

### §. IV.

*De Praevalentia Probationum inter se, harumque efficacia.*

- Quaestio I. Quenam Probatio in concurso plurius praevalet? 248  
 II. Quenam inter plures probationes sit censenda fortior, seu efficacior? 249  
 III. Utrum duae semiplenes probationes faciant unam plenam? Ibid.

## E L E N C H U S.

- IV. Quam vim probandi habeant verba auctativa  
Literarum Apostolicarum? 251.  
§. V. 252.  
Cui, coram quibus, et a quo facienda sit Probatio?

- Quaestio I. Cui, et coram quibus facienda sit Pro-  
batio? 252.  
II. Utrum probationes necessarias sint faciendas praes-  
ente Notario? 253.  
III. A quibus faciendas sint probationes? 254.  
IV. Quid iuris, si Rector sponte se offerat ad proban-  
dum? 254.  
§. VII. 255.

- De Tempore, quo faciendas sint Probationes.*  
Quaestio I. An probationes possint fieri ante litem  
contestationem? 256.  
II. Utrum post publicationem attestationum possint  
fieri novae probationes? 257.  
III. Utrum post Conclusionem in causa possint re-  
cipi novae probationes, et quando? 258.  
IV. Utrum probationes elapso termino ad proban-  
dum concessae, adhuc possint admitti, etiam in  
vita altera parte? 259.

- §. VII.  
*De Restitutione in integrum adversus omissam  
Probationem, huiusque effectibus.*  
Quaestio I. An, et qualiter Ecclesiae, vel Minori,  
competat restitutio in integrum adversus omissas  
probationes? 260.  
II. Utrum Ecclesia, vel Minor, adversus omissam  
probationem saepius in una eademque causa in in-  
tegrum restitui possit? 261.  
III. Quis sit finis, atque effectus Probationum? 262.

### TITULUS XX.

#### De Testibus, et Attestationibus.

*De Testibus idoneis, et minus idoneis in genere,  
horumque repulsione, ac obligatione fatendi  
suam inhabilitatem.*

- Quaestio I. Quid generaliter requiratur ex parte Te-  
stium? 262.  
II. Quis dicatur Testis idoneus, legitimus et inter-  
ger, et in differat a Teste omni exceptione mai-  
ori? 263.  
III. Qui generaliter sint Testes minus idonei, seu in-  
habiles? 263.  
IV. Utrum Index ex officio teneatur inquirere de  
conditione testis, ipsamque, si inhabilem inve-  
nerit, reprobare? 264.  
V. Utrum Testis a Iudice examinatus, et interro-  
gatus, an sit criminandus, vel aliunde inhabilis  
ad testificandum, teneatur respondere, suamque  
inhabilitatem confiteri? 264.

- §. II.  
*De Infamibus, et Criminosis, seu Testibus minus  
idoneis, ac repellendis.*  
Quaestio I. Quid sit quatuorplex infamia, et quid  
Testis infamis? 265.

- II. Quisnam secundum Canonem censentur Infames?  
267.  
III. An, et quando Infames repellantur a ferendo  
testimonio? 267.  
IV. Utrum, et quando Criminosi sint repellendi a  
ferendo testimonio? 269.

- §. III.  
*De Servis, Impuberibus, Minorennibus, Mulieribus,  
et Pauperibus, seu Testibus minus idoneis.*

- Quaestio I. Utrum Servi possint ferre testimonium  
in Iudicio? 271.  
II. Utrum, et qualiter Pupilli seu Impuberes, ac  
Minorennesc, sint excludendi a ferendo testimo-  
nio? 271.  
III. Utrum Mulier possit esse testis, nec no? 272.  
IV. An Pauperes, vilesque Personae, a testimonio  
in iudicio ferendo repellantur? 273.

- §. IV.  
*De Testibus inhabilibus ad testificandum pro certis  
personis, puta, pro Filiiis, Consanguineis,  
Domesticis etc.*

- Quaestio I. Utrum Parentes possint esse testes pro  
Filiiis, et contra? 275.  
II. Utrum Coniuges, Consanguinei et Affines, pos-  
sint ad invicem esse testes? 276.  
III. Utrum Domestici sint testes idonei? 277.

*De Testibus inhabilibus ad testificandum contra  
certas personas, puta, de Inimicis, et de Pa-  
rentibus adversus Liberos suos, ac Judaeis  
adversus Christianos.*

- Quaestio I. An, et quando testimonium Inimici re-  
pellatur? 278.  
II. Utrum Parentes adversus Liberos suos, et econ-  
tra, sint admittendi ad testimonium? 279.  
III. Utrum sit admittendum testimonium Judaeorum  
adversus Christianos? 280.

*De Testimonio Laicorum contra Clericos, et contra.*

- Quaestio I. Utrum Laici possint ferre testimonium  
in iudicio contra Clericos, et quando? 281.  
II. An Clerici sint admittendi ad testificandum ad-  
versus Laicos? 282.  
§. VII.

*De Testibus in causa propria, vel Ecclesiae, aut  
Universitatis suae.*

- Quaestio I. An aliquis possit esse testis in causa pro-  
pria, seu ex qua commodum ac interesse suum  
dependet? 285.  
II. An sit licitum Clericis, vel Ecclesiae, ferre testimo-  
nium in causis propriis Ecclesiae? 286.  
III. An pariter illi, qui sunt membra Universi-  
tatis secularis, v. g. Civitatis, Oppidi etc.  
possint esse testes in causa dictae Universitatis? 288.  
IV. Num testes de Universitate alii generaliter, seu  
directe admittendi ad testificandum in negotiis  
Ecclesiae, vel Universitatis suae, vel tantum in  
defectum aliarum probationum? 289.

## E L E N C H U S.

### §. VIII.

*De Numero Testium ad legitimam probationem  
requisitorum; et an aliquando sufficiat  
testimonium unius?*

- Quaestio I. Quot testes requirentur ad legitimam  
probationem? 291  
II. Utrum probet, vel quid aliud operetur testimo-  
nium unius? 293  
III. Utrum in nullo proreus causa sufficiat testimo-  
nium unius ad plenam probationem, seu termi-  
nationem causarum? Ibid.

### §. IX.

*De Testibus singularibus, eorumque probatione.*

- Quaestio I. Quid, et quotuplicis generis sint Testes  
singulares? 296  
II. Utrum testes singulares aliquid probent? 297  
III. An testes singulares singularitate administrati-  
va probent in causis civilibus? 298  
IV. Utrum testes singulares singularitate adminis-  
trativa probent in causis criminalibus? 299

### §. X.

*De Testibus contrariis, variantibus, et vacillantibus.*

- Quaestio I. Quis dicatur Testis contrarius, varius,  
et vacillans? 300  
II. Quid juris, si testes hinc inde producti videantur  
inter se contrarii? 301  
III. An probet testis sibi ipsi contrarius, vel potius  
sit puniendus? 302  
IV. Utrum aliquid probet Testis varians in iudicio,  
et quod dictum ejus valeat? Ibid.

### §. XI.

*De Testibus, de credulitate, et auditu auditus.*

- Quaestio I. Qui dicantur Testes de scientia, de cre-  
dulitate, et de auditu? 304  
II. Utrum testes de credulitate sint admiuendi, et  
aliquid probent? 305  
III. An, et in quibus casibus testes de auditu alieno,  
sive auditu auditus probent? 306  
IV. Utrum, et quando in probatione contanguita-  
tis, vel affinitatis, admittantur testes de auditu  
alieno? 308

### §. XII.

*De Fama, et qualiter probetur, ac probet.*

- Quaestio I. Quid, et quotuplex sit Fama, et quo-  
modo differat a Rumore? 309  
II. Quae requirentur ad hoc, ut Fama probet, qui-  
busque testibus ipsa probetur? 310  
III. Quis sit effectus Famae, seu quam vim probandi  
habeat? 311

### §. XIII.

*De Productione Testium.*

- Quaestio I. Quando, et qualiter testes sint produ-  
cendi? 313  
II. Utrum ad productionem testium requiratur cita-  
tio partis adversae; et quid, si quis eam impedire  
praesumat? Ibid.  
III. Quid agendum, si testes producendi alienae sint  
jurisdictionis? 315

IV. Cujus reus sit testes e longinquo sint produ-  
cendi? 315

V. Quot possint fieri productiones testium? 316

VI. An testes simul producti, iterum in eadem causa  
produci valeant? 317

### §. XIV.

*De Juramento Testium.*

- Quaestio I. An, et de quibus testes ante suam de-  
positionem jurare debeant? 318  
II. An juramentum possit testibus remitti? 320  
III. Qua forma juramentum testium sit praestan-  
dam? 321

### §. XV.

*De Examine Testium, ac Interrogatoriis  
suggestivis vitandis.*

- Quaestio I. A quo, coram quibus, et ubi exam-  
testium sit instituendum? 322  
II. De quibus testes sint interrogandi, seu exami-  
nandi? 323  
III. Quid sint Interrogatoria suggestiva, et qualiter  
vitanda? 324

### §. XVI.

*De Publicatione Attestationum.*

- Quaestio I. Quid sit Publicatio attestacionum, quali-  
ter fiat, et an post ipsam liceat alios testes, vel  
instrumenta producere? 325  
II. Utrum publicatio attestacionum sit de substantia  
Processus judiciarii? 326  
III. Utrum attestaciones testium receptae, sed non  
publicatae in uno iudicio, probent, testidem fa-  
ciant in alio? Ibid.

### §. XVII.

*De Exceptionibus contra Testes proponendis,  
horumque reprobatione.*

- Quaestio I. Quotuplicis generis exceptiones possint  
testibus opponi, et quando proponendas? 326  
II. Utrum exceptio contra personas testium sit dila-  
torie, impediaturque examen testium? 327  
III. A quo possint, vel non possint reproberi testes,  
aut dicta eorum? 328  
IV. Qua ratione licitum sit reprobare testes proba-  
torios, et reprobatorios? Ibid.

## TITULUS XXI.

*De Testibus cogendis, vel non.*

### §. I.

*Quo modo, et poena, quibusque in causis Testes  
cogendi sint?*

- Quaestio I. An, et quo modo, quibusque poenis te-  
stes cogi possint ad ferendum testimonium? 330  
II. Qua poena puniatur ille, qui subtrahit testes  
testificando, et an idcirco perdat causam? 331  
III. Utrum non solum in causis civilibus, sed etiam  
in criminalibus, testes sint cogendi ad perhi-  
bendum testimonium? Ibid.

### §. II.

*De Potentis privilegiatis, vel non,  
a ferendo testimonio.*



## E L E N C H U S.

- Quaestio I. Quatenus sint personae privilegiae, ita ut non possint cogi ad ferendum testimonium? 333  
 II. Utrum Clerici, ab alio invocati, possint compelli ad ferendum testimonium contra suam Ecclesiam? Ibid.  
 III. An possit cogi ad testificandum, qui iuramento se obstrinxit ad nihil dicendum, seu non testificandum? 334

### TITULUS XXII.

#### De Fide Instrumentorum.

##### §. I.

##### *De Instrumentorum natura et divisione, ac de Instrumento Publico.*

- Quaestio I. Quid, et quotuplex sit Instrumentum? 336  
 II. An sit differentia inter Instrumentum publicum, et authenticum? 337  
 III. Quae solemnitates requirantur ad Instrumentum publicum? Ibid.

##### §. II.

##### *De fide Protocolli, atque Exemplarium seu Transumptorum.*

- Quaestio I. Quid sit Protocolum, et quae vim probandi habeat? 340  
 II. Quae requirantur ad Protocolum, ut habeat vim probandi? Ibid.  
 III. Utrum unus Notarius possit in publicam formam redigere instrumentum juxta notas in Protocollo alterius repertas? 341  
 IV. Quam vim probandi habeant Exemplaria, seu Transumpta originalium instrumentorum? 342

##### §. III.

##### *De fide Sigilli, et aliis istud concernentibus.*

- Quaestio I. Quid, et quotuplex sit Sigillum, quaeque vim probandi habeat sigillum authenticum? 344  
 II. An, et qualem vim probandi habeat sigillum? 345  
 III. Utrum probet Sigillum, etiamsi nulla interverit subscriptio sigillantis? 346  
 IV. Utrum aliquando probet instrumentum absque appposito sigillo? Ibid.

##### §. IV.

##### *De fide Archivii, atque Scripturarum in eo repertarum.*

- Quaestio I. An, et quando scripturae in publico Archivio repertae, plene probent? 348  
 II. Utrum Scripturae privatae repertae in Archivio publico, fidem faciant duntaxat intra territorium Domini sui, hoc est, illius, cujus auctoritate deputatum est archivium, vel etiam extra illud? Ibid.  
 III. Quid dicendum de Archivii Monasteriorum, ac hujusmodi? 349  
 IV. Quam vim probandi habeant Libri Parochorum ceteroque non habentium speciale archivium? 350

##### §. V.

##### *De Scripturis privatis, earumque divisione, authenticatione, et probatione, ubi et de Comparatione litterarum.*

- Quaestio I. Quid, et quotuplex sit Scriptura privata? 351  
 II. Quibus modis Scripturae privatae authenticentur, ita ut plenam fidem faciant? 352  
 III. Quid Juris, quando Scriptura privata, v. g. Apocha, vel Epistola, negatur esse illius, contra quem producitur; et qualiter oppositum probetur, praesertim per comparationem scripturarum? 353  
 IV. Quam vim probandi habeat Comparatio litterarum, qualiterque fieri debeat? 354

##### §. VI.

##### *De fide Scripturarum privatarum, praesertim respectu Scribentis.*

- Quaestio I. Utrum, et qualiter Scriptura privata confessata probet tum contra scribentem, tum etiam contra tertium? 356  
 II. Utrum Scriptura privata in omni prorsus casu plene probet contra Scribentem? 356  
 III. An aliquando Scripturae privatae probent in contra modum scribentium; et quando? 357

##### §. VII.

##### *De Libris Rationum, Adeque ipsorum; nec non de Sculpturis antiquis.*

- Quaestio I. Quae fides debeat Libris rationum? 358  
 II. Quae sint adminicula illa, quibus probari potest veritas Libri rationum in favorem scribentis? 360  
 III. Quid probent Sculpturae, vel Litterae antiquae lapidibus incisae? 361

##### §. VIII.

##### *De Productione, atque Editione Instrumentorum.*

- Quaestio I. Quid sit Productio, atque Editio instrumentorum? 362  
 II. An, et quomodo Instrumenta, quibus aliquis in iudicio est usus, sint edenda? 363  
 III. An Reus sua instrumenta, quibus in iudicio non est usus, teneatur edere Actori ad fundandam ejus intentionem? Ibid.  
 IV. An Reus Instrumenta communia teneatur Actori edere; et quae censeantur communia? Ibid.  
 V. Utrum, et in quibus casibus Regula illa, *Reus non tenetur Actori sua propria instrumenta edere*, quaedam patiatur limitationes? 364

##### §. IX.

##### *De Impugnationem Instrumentorum, praesertim ob defectum Notarii.*

- Quaestio I. Quibus modis generatim Instrumenta impugari, et reprobari possint? 366  
 II. Utrum instrumentum publicum confectum a Notario valeat extra territorium ejus, a quo constitutus fuit? Ibid.  
 III. An instrumenta confecta per Notarium putativum, qui in veritate non est Notarius, tamen communi opinione reputatur, talis sint valida? 366  
 IV. An valeant instrumenta confecta per Notarium, qui antea quidem legitime creatus, sed postmodum condemnatus fuit de Falso in suo officio commissio? 367

##### §. X.

##### *De Reprobatione Instrumentorum per testes.*

- Quaestio I. Utrum probatio per testes validior sit,

## E L E N C H U S.

- probatione per instrumenta, atque hanc elidere  
valeat? 369  
II. An, et qualiter per testes instrumentarios possit  
instrumentum impuguari ac reprobari? 370  
III. An, et quot testes extranei, seu instrumento non  
inscripti, sufficiant ad istud impugnandum? 371

### §. XI.

*De contrarietate, rasura, et amissione Instru-  
mentorum: ubi et de Extravagandi dubia.*

- Quaestio I. Quid juris, quando producuntur Instru-  
menta inter se contraria? 373  
II. An Instrumentum ob factum in eo rasuram possit  
reprobari? 374  
III. Quid juris, quando instrumentum fuit amis-  
sum? Ibid.  
IV. Quid agendum, quando allegatur Extravagans  
Constitutio Papae, de qua dubitatur, an sit au-  
thentica? 375

## TITULUS XXIII.

De Praesumptionibus.

### §. I.

*Quid, et quotuplex sit Praesumptio?*

- Quaestio I. Quid sit Praesumptio? Ibid.  
II. Quid, et quotuplex sit Indicium? 376  
III. Quotuplex sit Praesumptio? 377

### §. II.

*De effectu Praesumptionum, seu qualiter probent.*

- Quaestio I. Quam vim probandi habeat Praesumptio  
hominis? 379  
II. Praesumptio juris quos operetur effectus in mate-  
ria probationum? 380  
III. An contra Praesumptionem, praesertim quae est  
juris et de jure, admittatur probatio in contra-  
rium? 381

### §. III.

*De sufficientia Praesumptionum ad ferendam  
sententiam.*

- Quaestio I. Utrum tam ex praesumptione juris, quam  
hominis, possit ferri sententia? 382  
II. Utrum etiam in causis criminalibus possit ex  
praesumptionibus ferri sententia? Ibid.  
III. Quae sit obligatio Legum in praesumptione fun-  
damentum? 383

### §. IV.

*De conjunctione, ac praevaletia Praesumptionum,  
ubi et de nonnullis harum in specie.*

- Quaestio I. Utrum plures Praesumptiones conjungan-  
tur ad faciendam sententiam plenam? 384  
II. An, et quando una Praesumptio praevalet alteri,  
haecque tollat? Ibid.  
III. Quid censendum de nonnullis Praesumptionibus  
in specie, hoc Titulo relatis? 386

## TITULUS XXIV.

De Jurejurando.

### §. I.

*De natura, et divisione Juramenti; et qualiter  
sit licitum?*

- Quaestio I. Quid, et quotuplex sit Juramentum? 388

- II. Quam ratione dividatur Juramentum judiciale? 389  
III. An Juramentum sit licitum, praesertim Sacerdo-  
tibus, ac Religiosis? 390

### §. II.

*De interpretatione Juramenti et conditionibus  
eidem tacite inexistentibus.*

- Quaestio I. Quomodo Juramentum sit interpretan-  
dum? 392  
II. An Juramentum sit interpretandum secundum in-  
tentionem jurantis, vel illud recipientis? 393  
III. Quatenam conditiones tacite inesse censeantur  
Juramento promissorio? 394  
IV. Utrum Juramentum servandi statuta, extendan-  
tur ad statuta imposterum edenda? 395

### §. III.

*De obligatione Juramenti promissorii.*

- Quaestio I. Quae generatim sit obligatio Juramenti  
promissorii? 396  
II. Quando obliget juramentum Deo, vel homini  
factum? 397  
III. Utrum, et qualiter obliget juramentum servan-  
di Statuta, Capitulationes, aut consuetudines  
alicujus Ecclesiae, vel Communitatis, quando in  
eis aliqua continentur, quae sunt illicita, vel  
vargunt in praedicium Ecclesiae seu dignitatis,  
ad quam jurans assumitur? 398  
IV. An juramentum contra Leges Civiles, earumque  
prohibitionem factum obliget? 399  
V. Utrum obliget juramentum vi, aut metu gravi  
extortum? 400  
VI. Utrum obligatio Juramenti promissorii sit per-  
sonalis, vel potius realis, ita ut ad haeredes  
transeat? 401

### §. IV.

*De Juramento ut confirmante pacta, vel contractus  
de jure invalidos.*

- Quaestio I. Utrum, et qualiter differat contractus  
per juramentum confirmatus, ab eo, qui non  
confirmatur, sed ipsum solum juramentum ser-  
vari debet? 402  
II. Utrum contractus de jure invalidi, confirmentur  
juramento? 403  
III. Quando pactum, sive contractus de jure irritus,  
censeatur confirmari juramento? Ibid.

### §. V.

*De Juramento litis decisorio, ejusque divisione,  
effectu, ac requisitis.*

- Quaestio I. Quid, et quotuplex sit Juramentum litis  
decisorium? 404  
II. Quis sit effectus Juramenti litis decisorii, et an  
retractari valeat, si postmodum appareat falsitas  
ejus? 405  
III. Quatenam requirantur ad Juramentum litis deci-  
sorium, ejusque delationem? 408

### §. VI.

*De Juramento necessario, seu a Judice in supple-  
mentum probationis delato, ejusque requisitis.*

- Quaestio I. An, et quando deferri, ac peti possit Ju-  
ramentum necessarium, seu suppletorium? 409  
II. Utrum, et qualiter a delationem juramenti ne-  
cessarii requiritur, quod praecesserit semiplena  
probatio? 410  
III. Quid sentiendum sit de Legalitate personae, ad  
delationem juramenti necessarii requisita? 411  
IV. An ad delationem juramenti necessarii etiam re-  
quiratur paritas causae? 412  
V. Quinam parti Judex deferre debeat juramentum  
necessarium, num Actori in supplementum suae  
probationis, vel potius Reo ad purgationem sui,  
seu ad ostendendam suam innocentiam? Ibid.

### §. VII.

*Resolvuntur alia dubia Juramentum litis decisorium  
concernentia.*

## E L E N C H U S.

- Quaestio I. In quibus causis possit vel non possit deferri iuramentum litis decisorium? 414  
 II. An, quibusque de causis iuramentum litis decisorium, si deferatur, possit recusari? 417

### TITULUS XXV.

#### De Exceptionibus.

##### §. I.

##### *De natura, et varia divisione Exceptionum.*

- Quaestio I. Quid sit Exceptio, et Replicatio? 419  
 II. Quomodo Exceptiones dividantur? Ibid.

##### §. II.

##### *De tempore opponendi Exceptiones.*

- Quaestio I. Quando opponendae, atque probandae sint exceptiones dilatoriae? 422  
 II. Quo tempore possint, ac debeant opponi Exceptiones peremptoriae? 424  
 III. Utrum post latam sententiam opponi possint quaedam Exceptiones? 425  
 IV. Utrum exceptiones peremptoriae post latam sententiam opponi possint in causa appellationis? 427

##### §. III.

##### *Solvuntur, alia Dubia oppositionem Exceptionum concernentia.*

- Quaestio I. A quibus possint Exceptiones proponi, et si non admittantur, appellari? 428  
 II. Utrum excipiens de intentione adversarii confiteri censeatur; ita, ut si in probatione exceptionis deficiat, condemnandus sit tanquam confessus? 429  
 III. An possit quis uti pluribus exceptionibus, etiam contrariis? Ibid.

##### §. IV.

##### *De Exceptionibus in Iudicio summario, aut summarissimo proponendis.*

- Quaestio I. Utrum exceptiones, praesertim requirentes altiore indaginem, admittendae sint in Iudicio summario? 430  
 II. Quid dicendum, sit de Iudicio Summarissimo, et an in eo locum habeant exceptiones? 431

##### §. V.

##### *De Exceptione excommunicationis, et quibusdam aliis exceptionibus in specie.*

- Quaestio I. Quo tempore, et qua ratione opponi possit, ac debeat exceptio excommunicationis? 433  
 II. Quae aliae exceptiones specialiter hoc Titulo approbentur, vel reprobenentur? 434

### TITULUS XXVI.

#### De Praescriptionibus.

##### §. I.

##### *De natura, divisione, affectu atque conditionibus Usucapionis, et Praescriptionis.*

- Quaestio I. Quot modis Praescriptionis nomen in Iure agnoscatur? 435  
 II. Quid sit Usucapio, et an differat a Praescriptione? 436  
 III. Quotuplex sit Praescriptio, et quo iure introducta? Ibid.

##### §. II.

##### *De rebus, quae praescribi possunt, vel non possunt.*

- Quaestio I. Quaeenam res generatim possunt, vel non possunt praescribi? 438  
 II. Quae res in specie praescribi nequeant? Ibid.

- III. Utrum Subditi possint praescribere exemptionem ab obedientia Superioris; aut praescribere contra visitationem, et procuracionem ratione visitationis debitam? 440

##### §. III.

##### *De bona fide ad Praescriptionem requisita.*

- Quaestio I. An, et quo tempore bona fides requiratur ad Praescriptionem? 442  
 II. Utrum dubitans, num res sit sua, nec ne, censeatur habere bonam fidem, possitque praescribere? Ibid.  
 III. An error juris impediat bonam fidem, ac proinde cum eo non procedat praescriptio? 443  
 IV. Utrum mala fides Praelati noceat Ecclesiis, vel Capitulo habenti bonam fidem; adeo, ut istud praescribere nequeat? 444  
 V. Qualiter probetur bona, vel mala fides in materia praescriptionum? 445

##### §. IV.

##### *De Servitutibus, Obligationibus et Actionibus, atque bona fide ad praescribendum ipsis requisita.*

- Quaestio I. Quid, et quotuplex sit Servitus? 446  
 II. Utrum Servitutibus, aliisque obligationibus praescribi valeat, non obstante mala fide, seu scientia juris alieni? 448  
 III. Utrum saltem actionibus personalibus, quae correspondent dictis obligationibus ad aliquid agendum, vel non agendum, possit praescribi cum mala fide, seu scientia juris alieni? 449

##### §. V.

##### *De Titulo ad Praescriptionem requisito.*

- Quaestio I. Utrum, et cur ad Praescriptionem requiratur Titulus? 450  
 II. Quid sit, et quotuplex sit Titulus? 451  
 III. Quando Titulus *Pro haerede* sufficiat ad praescriptionem? Ibid.  
 IV. An ad omnem prorsus praescriptionem requiratur iustus Titulus? 452

##### §. VI.

##### *De Tempore ad complendam Praescriptionem rerum, servitutum et actionum requisito.*

- Quaestio I. Quantum temporis requiratur ad praescriptionem rerum tum mobilium, tum immobilium, contra privatos? 454  
 II. Quanto tempore praescribentur iura servitutum, aut mediante alterius praescriptione amittantur? 455  
 III. Quantum temporis requiratur ad praescribendas res immobiles contra Ecclesias, Monasteria, Hospitalia, aliisque Loca Religiosa, et contum donationes ad pias causas? Ibid.  
 IV. Utrum res mobiles Ecclesiarum, aliorumque Locorum piorum, cum Titulo, et bona fide, triennii possessione usquepianantur? 456  
 V. Quo tempore extinguantur actiones, sive praescribatur contra eas? Ibid.

##### §. VII.

##### *De Possessione ad Praescriptionem requisita, huiusque dormitione et interruptione, ac restitutione in integrum contra eam.*

- Quaestio I. An, et qualis possessio ad praescriptionem requiratur, et sufficiat? 458  
 II. Quid sit, Praescriptionum non procedere, vel dormire; et in quibus casibus ea dormiat? Ibid.  
 III. Quid sit, Praescriptionem interrumpi, et quot modis ipsa interrumpatur? 459  
 IV. Quibus modis Praescriptio interrumpatur civiliter? Ibid.  
 V. Utrum praescriptio semel interrupta, possit de novo incipere? 461  
 VI. An Minoribus, Ecclesiis, et huiusmodi, competat beneficium restitutionis in integrum adversus praescriptionem contra eos iam completam? Ibid.



## E L E N C H U S.

### TITULUS XXVII.

#### De Sententia et Re iudicata.

##### §. I.

*De sententia ut sit, ejusque divisione in diffinitivam et interlocutoriam, harumque differentiis.*

- Quaestio I. Car Rubrica praesentis Tituli inscribatur, *De Sententia, et re iudicata; et an differant?* 462  
 II. Quid, et quotuplex sit sententia? 463  
 III. Unde cognosci possit, sententiam interlocutoriam habere vim diffinitivae; et an ipsa reguletur secundum naturam diffinitivae? 464  
 IV. Quae sint differentiae inter sententiam diffinitivam, et mere interlocutoriam? 465

##### §. II.

*Quando, et quo modo, ac loco, proferenda sit Sententia? ubi et de Conclusionis in causa.*

- Quaestio I. Quando a Iudice proferenda sit Sententia? 467  
 II. Quomodo fiat conclusio in causa? 468  
 III. Quo modo, et loco, proferenda sit Sententia? *Ibid.*

##### §. III.

*De Requisitis Sententiae diffinitivae, ordinatam decisionem respicientibus.*

- Quaestio I. Utrum sententia debeat esse juri conformis, et quomodo? 470  
 II. An, et qualiter sententia debeat esse conformis Libello? 471  
 III. Qualiter sententia debeat esse certa? 472  
 IV. Utrum sententia possit ferri sub conditione, vel sic lata teneat? *Ibid.*  
 V. Utrum sententia debeat continere non solum absolutionem, vel condemnationem, sed etiam causam ipsius? 473

##### §. IV.

*De Re iudicata, veluti praecipuo effectu Sententiae diffinitivae.*

- Quaestio I. Quid sit Res iudicata, et quo tempore sententia dicatur transire in rem iudicatam? 475  
 I. An dentur nonnulli casus, in quibus sententia post decernendum non transit in rem iudicatam; et qui? 476  
 III. Qualiter sententia, quae non transit in rem iudicatam, sit revocanda? 478

##### §. V.

*De aliis effectibus Sententiae diffinitivae; et an sententia inter aliquos lata noceat, vel prosit aliis?*

- Quaestio I. Quinam sint alii effectus sententiae diffinitivae? 479  
 II. An sententia inter aliquos lata noceat, vel prosit aliis, et quando? *Ibid.*

##### §. VI.

*De executione Sententiae.*

- Quaestio I. Quo tempore, ac ordine sit facienda executio sententiae? 481  
 II. Per quem fieri possit, ac debeat executio sententiae? 482

- III. Utrum tertius interveniens pro suo interesse, possit impedire executionem sententiae inter alios latae? 482

##### §. VII.

*De expensis, in quas victus victori est condemnandus; ubi et de Sententiis duorum Iudicum, contraria pronunciantium.*

- Quaestio I. An Index teneatur victum victori condemnare in expensis; et quando secus? 483  
 II. Utrum Index debeat condemnare victum victori in expensis, sive haec fuerint petita, sive non? 485  
 III. Quid nomine expensarum intelligatur, et quotaplices sint? *Ibid.*  
 IV. Utrum sententia super expensis possit esse incerta; et qualiter haec sint probandae? 486  
 V. Utrum non solum appellans, sed etiam appellatus, si in causa appellationis succumbat, in expensis condemnandus sit? 487  
 IV. Quid dicendum de sententiis, per duos Iudices contraria pronunciantes datis? *Ibid.*

### TITULUS XXVIII.

*De Appellationibus, Recusationibus, et Relationibus.*

##### §. I.

*De Appellatione, Supplicatione, ac Oppositione nullitatis Sententiae, harumque differentiis.*

- Quaestio I. Quid, et quotuplex sit Appellatio? 489  
 II. Quid sit Supplicatio, et quomodo differat ab Appellatione? 490  
 III. Quid sit Oppositio nullitatis sententiae, et quomodo differat Appellatione? 491

##### §. II.

*Qui, et a quibus Iudicibus, appellare possint?*

- Quaestio I. An omnibus sit permissum appellare, vel appellans faciat injuriam Iudici a quo? 492  
 II. Utrum excommunicatus, vel utraque pars, aut etiam aliquis tertius appellare possit a iudiciali sententia? *Ibid.*  
 III. An a quibuslibet Iudicibus appellare liceat? 493

##### §. III.

*De Iudice Ad quem appellationis.*

- Quaestio I. Utrum appellatio gradatim sit instituida ad proximum Iudicem superiorem; et quando secus? 494  
 II. Quid juris, si interque litigantium appellet, sed ad diversos Iudices, v. g. unus ad Papam, alter ad inferiorem; aut unus ad Episcopum, alter vi consuetudinis eo omissio ad Archiepiscopum? 496  
 III. An appellatio a Iudice saeculari ad Papam interposita teneat? 497

##### §. IV.

*Coram quibus, et quo modo proponi debeat Appellatio?*

- Quaestio I. Coram quo Iudice appellatio sit proponenda? 498  
 II. Utrum valida sit appellatio generalis super omni causa, vel gravamine? 499  
 III. Utrum appellans teneatur exprimere causam appellationis in specie? *Ibid.*  
 V. An appellatio debeat necessario fieri in scriptis, vel etiam aliis modis fieri possit? 502

## ELENCHUS.

### §. V.

#### *De Apostolis, seu Libellis dimissoriis Appellationum.*

- Quaestio I. Quid, et quotuplices sint Apostoli? 502  
 II. Intra quod tempus, et quo modo petendi, dan-  
 dique sint Apostoli? 503  
 III. Cujus expensis Apostoli concedantur, et an in  
 eorum concessione possit Iudex a quo praefigere  
 appellanti terminum ad se praesentandum cum  
 Apostolis coram Iudice ad quem? Ibid.  
 IV. Quid juris, si Apostoli debite petantur, aut pe-  
 titi non dentur a Iudice a quo? 504

### §. VI.

#### *De Fatalibus Appellationum.*

- Quaestio I. Quid sint, et quotuplicia Fatalia appella-  
 tionum? 505  
 II. Quae sint Fatalia interponendae appellationis, et  
 qualiter computentur? Ibid.  
 III. Quid sit sentiendum de Fatalibus introducendae  
 coram Superiore appellationis? 506  
 IV. Quae sint Fatalia prosequendae, ac finiendae ap-  
 pellationis? Ibid.  
 V. An, et per quem, terminus Fatalium a Iure  
 concessorum possit restringi? 508  
 VI. Quis sit Iudex in causa desertae appellationis ob  
 lapsum Fatalium? 509

### §. VII.

#### *De effectibus Appellationum; ac praesertim de harum effectu suspensivo, et revocatione sententiae.*

- Quaestio I. Qui sint effectus appellationis? 510  
 II. Quando appellatio a sententia definitiva habeat,  
 vel non habeat effectum suspensivum? 511  
 III. An pariter appellatio a sententia interlocutoria, vel  
 gravamine, habeat effectum suspensivum? 512  
 IV. Utrum post interpositam appellationem Iudex  
 a quo possit revocare sententiam a se latam? 513

### §. VIII.

#### *De effectu devolutivo Appellationum: ubi et de trans- portatione Actorum, ac Decreto Sac. Congre- gationis circa materiam Appellationum.*

- Quaestio I. Quid sentiendum sit de effectu devolu-  
 tivo Appellationis? 513  
 II. Utrum executio sententiae in causa appellationis  
 spectet ad Iudicem ad quem, vel a quo? 514  
 III. A quo, cujusque expensis, Acta prioris instantiae  
 transportanda sint ad Iudicem appellationis? 515

### §. IX.

#### *De Attentatis appellatione pendente, horumque revocatione.*

- Quaestio I. Quid intelligatur nomine Attentatorum,  
 praesertim appellatione pendente? 516

- II. Utrum Attentata pendente appellatione sint nul-  
 la, et qualiter revocentur? 516  
 III. Per quem Iudicem Attentata pendente appella-  
 tione sint revocanda? 517  
 IV. Quid censendum sit de Decreto Sac. Congregatio-  
 nis circa materiam Appellationum emanato? Ibid.

### §. X.

#### *De Casibus, in quibus Jura prohibent appellare: ubi plura ne clausula, Appellatione remota.*

- Quaestio I. An, et qui sint casus illi, in quibus Iure  
 prohibente appellari nequit? 519  
 II. Quomodo intelligendi sint singuli casus excepti,  
 atque in relatis versiculis comprehensi? Ibid.  
 III. Quos effectus operetur clausula, Appellatione  
 remota? 520  
 IV. Utrum clausula illa, Appellatione remota, ope-  
 retur effectus suos in omnibus casibus: et quan-  
 do secus? 521  
 V. Quale remedium competat illi, qui per senten-  
 tiam Iudicis dati cum clausula, Appellatione  
 remota, sentit sese iniuste gravatum? Ibid.

### §. XI.

#### *Declarantur alii casus, in quibus appellare non licet.*

Non habet Quaestiones. 522

### §. XII.

#### *De Recusationibus, et Relationibus.*

- Quaestio I. Quid sit Recusatio, et quomodo differat  
 ab Appellatione? 524  
 II. Quando, et quomodo fieri debeat Recusatio Ju-  
 dicis suspecti? 525  
 III. Quis sit effectus Recusationis Iudicis? Ibid.  
 IV. Quid sit Relatio? 526

## TITULUS XXIX.

#### *De Clericis Peregrinantibus.*

Non habet Paragraphos, neque Quaestiones. Ibid.

## TITULUS XXX.

#### *De Confirmatione utili, vel inutili.*

- Quaestio I. Quid et quotuplex sit Confirmatio? 527  
 II. Utrum, si a Lege, vel alia dispositione fiat  
 mentio de Confirmatione, in dubio censeatur,  
 eam esse Confirmationem in forma speciali, vel  
 communi? 528  
 III. Utrum de Confirmatione per Papam facta pos-  
 sit Iudex inferior cognoscere? 529  
 IV. Quid sentiendum sit de Innovatione Privilegio-  
 rum, aliorumque Instrumentorum? 530

# JURIS CANONICI

UNIVERSI.

CLARA METHODO JUXTA TITULOS

## QUINQUE LIBRORUM DECRETALIUM

IN QUÆSTIONES DISTRIBUTI SOLIDISQUE RESPONSIONIBUS  
ET OBJECTIONUM SOLUTIONIBUS DILUCIDATI

### *LIBER SECUNDUS:*

P R E F A T I O.



**P**ostquam Libro primo Decretalium de Personis Ecclesiasticis atque Judicibus, horumque Officiis et potestate dictum fuit, simulque circa finem de Praeparatoriis Judiciorum, quæis videlicet vel res controversæ amicaliter aut transigendo componantur, seu per Arbitros definiuntur, vel certe Processui judiciario sternitur via: nunc Compiler Juris Canonici, recedens ab ordine Juris Civilis, in quo post personas agitur de rebus, pulcherrima methodo tractat de Judiciis ipsis, seu toto ordine ac Processu judiciario. Itaque pro objecto hujus Secundi Decretalium Libri statui potest *Ordo judicarius*: qui cum tria principalia membra seu partes contineat, videlicet principium, medium, et finem, *Auth. Ad hæc. C. de Judiciis*: de singulis per ordinem in præsentis Libro tractatur. Principium siquidem Judicii, sive Processus judiciarii (ut ex communi tradit Jason *Ad Rubricam, Tit. Cod. de Judiciis, n. 4.*) durat a citatione, sive libelli oblatione, usque ad litis contestationem inclusive; nam contestatio litis, est judicii (ordinarii) fundamentum, lapisque angularis, secundum Baldum in *cap. un. de Litis contestat.* Et de hoc judicii, seu Processus judiciarii principio, tractant priores Tituli usque ad sextum. Medium Processus judiciarii, quod durat a contestatione litis exclusive usque ad conclusionem in causa inclusive, explicatur a Titulo septimo, qui agit *De Juramento calumnias*, usque ad Titulum vigesimum sextum.

*RESPONSTUEL Jus Cæn. Tom. II.*

Finis tandem Judicii consistit in sententia diffinitiva, ejusque executione, quæ a Judice proferri debet post probationes, et exceptiones partium absolutas, factamque ab ipsis conclusionem in causa; qua sive expresse, sive tacite, ulteriori probationi renunciant, sequæ ad sententiam submitunt: et de hoc Judicii fine agitur a Titulo vigesimo septimo usque ad finem. Nos, Deo favente, utiliores materias breviter, quantum licuerit, explicabimus.

---

#### TITULUS I.

De Judiciis.

*Ratio Ordinis Rubricarum.*

**Q**uoniam in secundo Libro Decretalium agitur de Judiciis, seu Processu judiciario, præsertim in causis civilibus observando (nam de criminalibus ex professo tractatur Libro quinto Decretalium) merito Compiler præmisit generalem de Judiciis Rubricam. Unde sit.



## §. I.

Praemittuntur generalia de Judiciis.

## SUMMARIUM.

- 2 *Judicii nomen varias habet acceptiones; et quas?*
  - 3 *Quomodo sumatur in proposito?*  
*Ejusque definitio per Glossam data. Ibid.*
  - 4 *Objectio contra hanc, ejusque solutio. Et num. seqq.*
  - 5 *In Judicio semper intervenit Actor, vel vere, vel fide.*
  - 6 *Refertur alia judicii definitio.*
  - 7 *Ad hoc constituendum requiruntur tres personae principales; nempe*
  - 8 *Actor,*
  - 9 *Reus, et*
  - 10 *Judex: et unde sic dicantur?*
  - 11 *Dantur in judiciis aliae personae accessoriae; et quae?*
  - 12 *Quid sint, et quomodo differant haec quatuor; nempe Judicium, seu Processus?*
  - 13 *Instantia,*
  - 14 *Lis,*
  - 15 *Et causa?*
  - 16 *Quaestio facti, et Quaestio juris, quid; et quomodo differat a Causa? Et num. praeced.*
  - 17 *Quodnam dicatur Litis exordium? Et num. seqq.*
  - 18 *Judicium ordinarium proprie incipit a Litis contestatione. Et num. praeced.*
  - 19 *Litis contestatio est lapis angularis, et fundamentum judicii.*
  - 20 *Et 22. Judicium incipit a Citatione quoad tres effectus; et quales? Et n. 17.*
  - 23 *Et quoad faciendam rem litigiosam ab obligatione Libelli.*
  - 24 *Confessio, vel alia res, quando censeatur facta in judicio?*
  - 25 *Judicium incipit tum a litis contestatione, tum a citatione, sed diversimode.*
  - 26 *Dividitur in tres partes; et quales?*
  - 27 *Instantia causarum, quando finiatur?*
  - 28 *Haec perit duobus modis.*
  - 29 *et 30. Referuntur casus, in quibus perit Instantia per abolitionem ab observatione judicii.*
  - 31 *De Jure Civili haec etiam perimitur ex lapsu triennii.*
  - 32 *Secus, spectato Jure Canonico.*
- 2 **Q**uaeritur I. Quid sit Judicium, quibusque ex personis constitutur? Ubi praenotandum, quod nomen *Judicii* sit aequivocum, pluresque habeat significationes. Quandoque enim sumitur pro discretionem, seu usu rationis: in quo sensu infans, et furiosus, dicuntur carere judicio; c. *Ex parte*. 3. de *Corpor. vitiat.* et alibi. Quandoque pro examinatione, seu deliberatione; ut *can. 2. dist. 59.* ibi: *Quod oportet districti semper esse judicii; id est, magnae deliberationis.* Quandoque pro poena; ut *can. Et purgabit. dist. 50.* ibi: *Tempus est, ut judicium incipiat a Domo Dei.* Tacentur aliae *Judicii* acceptiones, quarum quindecim refert Glossa c. *In judiciis. de Reg. Jur. in 6.* cum ad propositum non serviant. His praemissis
- 3 **R**esp. I. *Judicium* in proposito sumitur pro causae discussione, quae coram *Judice* pro *Tribunali* sedente fit. Et dicitur *judicium quasi juris dictio*: quia nimirum ibi, quid juris sit, discutitur, ac ferendo sententiam dicitur; prout notat *Isidorus*, relatus in c. *Forus. 10. de Verb. signif.* Atque in hac acceptione definitur illud a Glossa *ibid.* & *Judicium*, taliter: *Judicium est legitimus actus duarum perso-*

narum, Actoris et Rei, super eadem quaestione sub eodem *Judice* contracta.

Dices. Datur, quandoque *Judicium* sine Actore: ut si *Judex* praevia infamia ex officio procedit per inquisitionem, juxta c. *Qualiter et quando. 24. de Accusationib.* Quandoque etiam *Judex* procedit sine Reo: ut cum de crimine notorio, cujus Auctor ignoratur, inquit in genere, quis illud fecerit; ut *L. 1. §. Qui quaestionem. ff. de Quaestionib.* Ergo allata definitio non videtur esse bona, cum non sit convertibilis cum definito. Resp. neg. consequent. Quidquid non pauci contradicant, rejicientes praemissam *Judicii* definitionem, et aliam substituunt; ut videre est apud *Abbatem ad Rubricam. h. t. n. 1. et 2.* subjungentem: quod *Judicium sit causae discussio, quae coram *Judice* iudicetur fit.*

Ad primam instantiam dicitur, quod in *Judicio* semper interveniant dictae tres personae (videlicet Actor, Reus, et *Judex*) vel vere, vel saltem fide. Siquidem fama, seu infamia praerequisita ad inquisitionem specialem, habetur loco Actoris, seu accusatoris, arg. cit. c. *Qualiter et quando. de Accusation.* ibi: *Sed quasi denunciante fama, vel deferente clamore.*

Ad alteram respondetur, quamvis ibi necdum ad sit Reus certus quoad *judicem*, adesse tamen Reum certum in se, atque coram *Judice* ex futuro inquisitionis eventu certificandum: quamquam etiam dici possit, dum adhuc inquitur, non esse verum *judicium*. *Pirhing h. t. n. 2.* quamvis ipse pro majori claritate addat aliam *Judicii* definitionem, dicendo: *Judicium est legitima controversiae apud *judicem* tractatio, et adjudicatio.*

**R**esp. II. Tres sunt personae principales, quae ad constituendum *Judicium* requiruntur; videlicet Actor, Reus, et *Judex*. Patet hoc ex *S. Isidoro lib. 18. Etymolog. relato in c. Forus. 10. §. In omni de Verb. signif.*

Porro Actor, ab agenda dictus, est ille, qui actionem intentat, contra alium; id est, qui agit et pulsatur, seu provocat alium, rem quampiam ab eo petens in *judicio*. Quod si quis agat contra hunc criminaliter, seu ad publicam vindictam pro crimine infligendam, is speciali nomine dicitur *Accusator*.

Reus a re, super qua convenitur, appellationem accepit; estque ille, contra quem in *judicio* agitur. Hinc in cit. c. *Forus. de Verb. signif.* dicitur: *Reus a re, quae petitur, nuncupatur: quia quamvis sceleris conscius non sit, reus tamen dicitur, quamdiu in *judicio* pro re aliqua petitur.*

*Judex* tandem sic dictus est, quasi *ius dicens populo*: prout notatur in cit. c. *Forus*. Verum de *Judice* plura tum in propriis Titulis Libri primi Decretalium, tum in progressu.

Additur notanter in data num. 7. Conclusionem, *Tres sunt personae principales etc.* Dantur enim in *Judiciis* quaedam aliae personae accessoriae, seu minus principales; ut puta *Testes*, *Advocatus*, *Procurator*, *Assessor*, *Tabellio*, et aliae nonnullae, veluti *Ministri Justitiae*. Veruntamen haec non sunt principales in *judicio* personae, quamvis ad legitimam ejus administrationem plerumque adhibeantur, sicque inter personas ipsius accessorias merito connumerentur.

Quaeritur II. Quomodo haec quatuor, videlicet *Judicium*, *Instantia*, *Causa* et *Lis* inter se differant? **R**esp. cum *Jasone in l. Postquam liti. num. 10. C. de Pactis. Marata in Speculo Aureo, part. 5. n. 1. et 2. et 63. ac seqq. Pirhing h. t. n. 4.* et aliis, differre in his: quia *Judicium*, quod sumpsit denominationem a *Judice*, tanquam a digniori, est tota illa causae discussio, quae fit a citatione, duratque usque ad

- tentiam inclusive. Et cum Judicio taliter accepto, coincidit *Processus judicarius*: haud obstante, quod Judicium ordinarium proprie a litis contestatione primum incipiat, juxta dicenda num. 17. et seqq.
13. *Instantia est actualis exercitatio judicii*, incipiens a litis contestatione usque ad sententiam, vel saltem usque ad finem triennii: tunc enim, spectato Jure Civili (quidquid sit de Canonico, juxta c. *Venerabilis*. 20. h. t. et Abbatem *ibid.* n. 1. et 4. ac dicenda inferius n. 32.) petit instantia, exceptis causis Fiscalibus, et publicarum actionum. l. *Properandum* §. 1. de *Judiciis*. Unde inquit Jason *loc. cit.* post Paulum de Castro, et Pirhing *tit. de Foro compet. num.* 212. quod haec sit differentia inter Instantiam, et Processum: quia Instantia proprie incipit a litis contestatione, sed Processus a citatione. Accedunt dicenda inferius n. 25. et 26.
14. *Lis est nomen magis generale, et quandoque ponitur pro instantia causae*; ut cit. l. *Properandum* C. de *Judic.* ibi: *Properandum nobis visum est, ne lites fiant poene immortales*. Quandoque vero non solum instantiam, sed etiam ejus principale, sive causam in judicium deductam significat; ut l. *Litis nomen*. 36. ff. de *Verb. signif.* ibi: *Litis nomen omnem actionem significat, sive in rem, sive in persona sit*.
15. *Causa tandem proprie dicitur ipsa res controversa*, quae in judicium deducitur. Et differt a Lite, quod Lis proprie dicatur post litem contestatam: Causa vero ante et post. Jason. *cit. n.* 10. Differt etiam Causa a Quaestione, quod haec tam intra, quam extra judicium dicitur; Causa vero proprie solum in judicio. Pirhing *ubi supra*.
16. Porro duplex distinguitur Quaestio; una juris, alia facti. *Quaestio facti* est, cum de facto ipso, aut ejus circumstantiis quaeritur, vel lis movetur: puta, an Cajus hominem occiderit, quomodo, quo loco, quo tempore, quibus instrumentis etc. *Quaestio juris* est, quando de facti merito quaeritur: puta, quid de tali facto Jura constituerint? an Cajus jure occiderit hominem nec ne? qua poena sit afflictiendus? et hujusmodi.
17. Quaeritur III. Quando Judicium censeatur incipere, sive (ut alii loquuntur) quodnam dicatur Litis exordium? Resp. Quamvis Judicium ordinarium proprie incipiat a litis contestatione, et haec communiter dicatur *Litis exordium*: niliolo minus, quantum ad certos effectus, illud quandoque incipit a citatione, et aliquando ab oblatione Libelli. Ita Glossa in c. *Super quaestionum*. 27. §. *Litis exordium* de *Offic. Delegat.* Jason *ad Rubric. C. De in jus vocando*. Gailus lib. 1. *Pract. Observat.* 74. per totum. Pirhing *tit. de Foro compet. num.* 212. est in re communis.
18. Prima pars ex eo patet; quia omissa litis contestatione, *Processus judicarius* est ipso jure nullus; ut *cap. un. de Litis contestat.* Neque ante eam regulariter testes recipi possunt, *tot. tit. Ut lite non contestata non procedatur ad testium receptionem*. Hinc ante litem contestatam proprie non dicitur *Judicium*, juxta Abbatem *ad Rubric. h. t. n.* 2. Et ea, quae procedunt lite non contestata, proprie non dicuntur Acta judicii, sed praeparatoria ejus. Gailus *loc. cit. n.* 2.
19. Unde merito Litis contestatio appellatur *Lapis angularis, et fundamentum judicii*; ut loquitur Jason *ad Rubric. C. de Judiciis. num.* 4. et Baldus in *cap. un. num.* 2. de *Litis contestat.* Idque desumitur tum ex *cit. cap. un. de Litis contestat.* tum ex *Auth. de Litigiosis. §. Omnem Collat. 8. ubi Glossa, §. Initium*, amplius hoc probat. Quamquam istud solummodo locum habeat in Judicio ordinario: quia in summario non est necessaria litis contestatio, *Clem. Saepe contingit. de Verb. signif.*
- Altera pars Conclusionis, nempe quod Judicium quoad certos effectus incipiat a citatione, probatur inductione. Nam in primis Judicium incipit a citatione quoad tres effectus, quos enumerat Jason *in Rubric. C. De in jus vocando. n.* 1. Primo quidem quoad perpetuandam jurisdictionem delegatam: quia si Delegatus ante mortem Delegantis proposuit citationis Edictum, censetur res non amplius integra; jamque est perpetuata Delegati jurisdic-tio, lite primum post mortem Delegantis contestata; ut c. *Licet. 30. et c. Gratum. 21. de Offic. Delegat. et cap. ult. de Offic. Delegat.* estque communis Doctorum.
- Secundo, quoad interrumpendam in causis civilibus praescriptionem mere odiosam, seu quae currit ex sola negligentia non petentis. Ad hanc enim interrumpendam sufficit sola citatio, ad petitionem partis antea negligentis facta, l. *Sicut in rem. juncta Glossa §. Per executorem. C. de Praescript. 30. ann.* Et merito: quia per citationem jam cessat negligentia, quae est causa illius praescriptionis. Bartolus l. *Ex hoc edicto. n.* 1. et 2. ff. *De eo, per quem factum erit etc.* oppositum docens de praescriptione mere favorabili, seu usucapione.
- Tertio, incipit Judicium a citatione quantum ad interrumpendam praescriptionem in causis criminalibus; ut l. *Mariti. §. Quinquennium. ff. Ad Legem Juliam de Adulteriis*, et amplius tradit Jason *ubi supra*.
- Tertia tandem pars Conclusionis, nempe quod Judicium quoad certos effectus aliquando incipiat ab oblatione Libelli, patet ex eo: quia quoad faciendam rem litigiosam (ita ut amplius alienari non possit; et si alienetur, alienatio sit irrita, et alienans variis poenis subiaceat, l. 2. et seqq. de *Litigiosis*.) Litis exordium censetur esse oblatio Libelli, Reo sufficienter insinuata: prout clare habetur in *Auth. Litigiosares. C. de Litigiosis*, ibi: *Litigiosares est, de cujus dominio causa movetur inter possessorem et petitem judicaria conventionem, vel precibus Principi oblatis, et judici insinuatis, et per eum futuro reo cognitis*. Concordat *Auth. de Litigiosis. Collat. 8.* unde prior desumpta: et amplius singula patebunt ex dicendis infra *Tit. 16. Ut lite pendente etc. §. 1. n.* 2. et seqq. et §. 2. n. 23. et seqq.
- Tacetur, quod ad hoc ut confessio, vel alia res, dicatur facta in judicio, satis sit, quod Judex se-deat in loco judicii (id est; jus dicendi vel reddendi gratia) quantumcumque lis non sit contestata, l. *Voluit. ff. de Interrogatoriis actionib.* ac notat Abbas *ad Rubric. h. t. n.* 2. citans Innocentium in c. *Qualiter et quando il. 2. §. Non negamus. de Accusation.* Bartolum: quamquam Glossa in l. *un. §. Confessos. C. de Confessis*, videatur ad id requirere praeviam litem contestationem, dum verba illa, *Confessos in jure*, explicando subjungit: *Lite contestata, et in loco ubi redditur jus, et apud Praesidem*.
- Dices Principium instituendi judicii coram legitimo Judice, sumitur a citatione; §. *Citatio. Instit. de Poena temere litigant.* ibi: *Citatio prima pars judicii dicitur*. juncto c. *Quoniam. 11. de Probation.* ubi citatio intet actus judiciales primo loco ponitur; ergo illad non sumitur ullo modo a Litis contestatione. Resp. neg. consequent. Imo judicium incipit ab utroque, sed diversimode. Nam a Litis contestatione ita incipit judicium; quod partes litigantes obligentur instantiae, simulque amplius non possint regulariter Judicium recusare, sed teneantur coram eo, ubi lis contestata fuit, judicium finire; l. *Ubi coeptum. ff. de Judiciis*; et alibi. Econtra per citationem ita incipit judicium, ut tamen Reus necdum obligetur instantiae: imo possit libere, et etiam

Actore invito, ab eo disistere; atque insuper ex justa causa adhuc possit recusare talem Judicem, et coram alio litigare.

- 26 Unde sequitur, quod Instantis proprie incipiat a litis contestatione; Processus judiciarius vero a citatione, ut jam dictum n. 12. et 13. Et dictis concordat illa recepta doctrina Bartoli in L. 2. §. Quae-ro quomodo ff. de Furtis. et aliorum dicentiam, quod Judicium dividatur in tres partes, scilicet in principium, medium, et finem: ex quibus principium durat usque ad contestationem litis inclusive, medium vero usque ad conclusionem in causa, et finis post conclusionem in causa usque ad sententiam inclusive; prout jam supra in Praefatione hujus Libri dictum fuit.
- 27 Quaeritur IV. Quibus modis pereat, seu perimatur Instantia causarum? Et dicitur notanter, pereat: nam quod post latam sententiam Judicis finitur Instantia, patet ex eius definitione n. 13. altera: et proin, si ab ejusmodi sententia appellari contingat, jam nova, seu secunda Instantia fieri censetur, et prior intelligitur finita, non autem proprie perempta; eo quod non fuerit viribus suis evacuata, sed effectum sententiae judicialis obtinuerit. Quo praenotato
- 28 Resp. I. Instantia causarum generalim perit, seu evanescit, duobus modis: nempe per lapsum temporis; si videlicet causa non finiatur intra tempus a Jure praescriptum, de quo proxime: et per absolutionem ab observatione judicii. Ita Maranta in Speculo Aureo, part. 5. n. 49. Pishing h. t. 144. et communis.
- 29 Exemplum hujus posterioris est: quando in progressu judicii apparet, quod intentio, seu petitio Actoris, in libello fuerit inepte proposita: puta, quia ex eo constat, Actorem actionem non competere; vel quia ipsemet libellus fuit ineptus ex defectu aliquis solemnitatis substantialis. Tunc enim nequit fieri sententia valida: ac proin Juxta pronunciat processum nullum, et absolvit Reum ab observatione judicii, reservato tamen Actori jure iterum agendi, ac libellum petitionemque suam aliter et apte terminandi, si valuerit. Textus est in c. Laminata, juxta Glossa fin. et Abbate ibid. n. 3. h. t. Maranta cit. n. 49. et seqq. Sanaig h. t. cap. 1. n. 15. et seqq.
- 30 Alius casus, in quo potest fieri sententia absolutoria ab observatione judicii, est ille, si videlicet Actor lite contestata se absentat, et non prosequitur causam. Quia tunc in potestate Rei est, vel prosequi causam, suasque probationes ac exceptiones perpetuo usque ad sententiam diffinitivam: vel potius, ut restituitur ei ab Actore expensis litis, absolvari ab observatione judicii: prout amplius habetur l. Propterandum §. Et si quidem C. de Judiciis. Tacentur alii casus, in quibus potest peti absolutio ab instantia judicii, de quibus Maranta cit. n. 49. et seqq.
- 31 Resp. II. De Jure Civili permittitur instantia judicii ex lapsu biennii in criminalibus, et ex lapsu triennii in causis civilibus, si causa intra praefatum tempus, a litis contestatione computandum, non finiatur, exceptis dumtaxat causis Fiscalibus, et publicarum Actionum. Patet hoc ex cit. l. Propterandum §. 1. C. de Judiciis: ubi ita statutum legitur, ne lites fiant pene immortales, et vitae hominum modum non excedant.
- 32 Resp. III. Nihilominus spectato Jure Canonico Instantia judicii non perit lapsum triennii, sed est perpetua. Ita desumitur ex c. Venerabilis. 20. h. t. ac notat Glossa ibid. §. Non obstante. et Abbas n. 6. et Barbosa num. 2. citans plures alios. Ratio est, quia, ut inquit Abbas loc. cit. Jus Civile quo-

ad propositam non fuit moribus receptum in Foro Ecclesiastico. Sic enim jam antea in c. Cum olim. 14. §. Judices de Privilegiis, legitur, factam esse condemnationem in expensis per quadriennium, quo judicium duravit: et in C. Tum ex litteris. 5. De integr. restit. lis duravit longe ultra triennium; prout declarat Glossa ibid. §. Sententia. Accedit ratio congruentiae, ac disparitatis. Siquidem secundum Jus civile appellari tantum potest a sententia definitiva, L. penult. C. de Appellat. contra secundum Jus Canonicum (intellige antiquum: secus attento novissimo Jure Concilii Trident. Sess. 24. cap. 20. de Reform.) appellari poterat a sententia interlocutoria, et a quocunque gravamine, c. Super eo. 12. de Appellat. Unde saepius Juxta Ecclesiasticus, ob intervenientes plures appellationes, non potuisset intra triennium decidere causam principalem; sicque haud immerito rigor Juris Civilis, quantum ad propositum, per Sacros Canones non fuit usu receptus; sed juxta hos Instantia judicii est perpetua, ut loquitur Barbosa in d. c. Venerabilis. n. 2. h. t. solvens contrarias.

## §. II.

De multiplici divisione Judiciorum; ubi-plura de Judicio Summario.

## SUMMARIUM.

- 33 Judicium dividitur juxta quatuor causarum genera, nempe
- 34 A causa efficiente, in saeculare, et Ecclesiasticum.
- 35 A causa finali, in civile, et
- 36 Criminali; et in
- 37 Judicium mixtum.
- 38 A causa materiali, in petitorium, et possessorium.
- 39 Et a causa formali, in ordinarium,
- 40 Ac summarium; et quid?
- 41 et 42 Judicium, seu Processus summarius, in quo consistat?
- 43 In hoc possunt omitti solemnitates Juris positivi: non item in Judicio ordinario.
- 44 In Summario tamen non possunt omitti ea, quae requiruntur de Jure naturali, vel gentium, ad causae decisionem.
- 45 Judicium summarium de quibus causis institui solet? Et n. seqq.
- Instituitur in causis celebrem expeditionem requirentibus. Ibid.
- 46 et 47 Et quae sint istae?
- 48 Item summarie tractantur causae pauperum, personarum miserabilium etc. et Religiosorum.
- 49 Judicium summarium etiam instituitur ob modicitatem causarum.
- 50 Causae modicae, quae consueant?
- 51 In causis summarie tractandis potest observari Processus ordinarius? et sub quo rigore?
- 52 Judicii civilis quatuor sunt species; et quae? Et num. seqq.
- 53 Judicia universalis,
- 54 Horumque species, quae?
- 55 Judicia generalia,
- 56 Horumque differentia ab universalibus.
- 57 Judicia specialia seu particularia, et
- 58 Judicia communia, quae?
- 59 Judicium criminale subdividitur in capitale, et non capitale.
- 60 et 61 Et in publicum, ac privatum; et quid?
- 62 Judicia publica, et privata, cur sic dicantur? etc. n. praeced.



33. Queritur I. Quae sit praecipua Judiciorum divisio? Resp. I. Rubrica praesentis Tituli notanter inscribitur, *De Judiciis*: siquidem Judicium est multiplex. Praecipua vero ejus divisio est illa, quae ipsum juxta quatuor causarum genera dividitur in saeculare et Ecclesiasticum, in civile et criminale, in petitorium, et possessorium, ac tandem in ordinarium et summarium. Unde.
34. Resp. II. A causa efficiente, seu ratione Judicis illud peragentis, dividitur Judicium saeculare, et Ecclesiasticum. *Judicium Ecclesiasticum* dicitur illud, in quo dirimuntur causae ad Forum Ecclesiasticum pertinentes; sive, cui praestit Clericus potestate ab Ecclesia sibi facta. *Judicium saeculare* contra est, cui praestit Laicus, vel etiam Clericus ratione patrimonii, territorii, aut alterius rei et potestatis saecularis.
35. Resp. III. A causa finali, seu ratione finis, ob quem Processus judicialis instituitur, dividitur Judicium in civile, et criminale. *Judicium civile* est, quando non agitur super crimine, sed super re aliqua, sive jure debito; vel si quidem agatur super crimine, non tamen ad publicam vindictam, sed ad interesse privatum. Et hujusmodi Judicium civile non solum in rebus et causis mere civilibus, sive saecularibus, sed etiam in Ecclesiasticis locum habet, quotiescunque non agitur super crimine ad publicam vindictam.
36. *Judicium criminale* contra est, quando agitur super crimine ad publicam vindictam; id est, eo fine, ut reus criminis publicae, seu juridicae, puniatur. Uno verbo: *Judicium civile* principaliter instituitur ad commodum privatum: *Criminale* vero ad commodum publicum, seu vindictam publicam. Et de hoc Judicio criminali, quantum attinet ad Forum Ecclesiasticum, ex professo tractat Liber Quintus Decretalium.
37. Addunt Doctores tertium membrum, videlicet *Judicium mixtum*, in quo partim civiliter, partim criminaliter agitur: ut dum de crimine aliquo, v. g. furto, vel injuria, agitur ad interesse partis, et simul ad vindictam publicam; prout explicat Valensis h. t. n. 6. Aliud exemplum habetur in c. Tuas. 5. de Procurat. ubi vir legitur accusasse uxorem de crimine adulterii; et quatenus agebatur ad separationem thori, hoc respectu videbatur criminaliter agi; quatenus vero a marito petebatur locum dotis (nam mulier propter adulterium perdit dotem, l. Consensus. C. de Repudiis) ista ratione videbatur agi civiliter. Quae de causa accusatio illa ibidem declaratur esse mixta, his verbis: *Quoniam hujusmodi accusatio, etsi de crimine fiat, non est tamen criminalis, sed mixta inter civilem et criminalem.*
38. Resp. IV. A causa materiali, seu ratione materiae controversae, Judicium dividitur in petitorium, et possessorium. *Judicium petitorium* dicitur, in quo principaliter disceptatur de proprietate, dominio, seu alio jure cuiuspiam rei, extra possessionem vel quasi possessionem: ut si res venditur, haereditas petatur, actio empti, depositi, vel commodati, aut alia similia intentetur. *Judicium possessorium* vicissim est, in quo de possessione, vel quasi possessione contenditur, sive adipiscenda, sive retinenda, sive recuperanda: de quo plura inferius Tit. 12. de causa possessionis et proprietatis, per totum.
39. Resp. V. Tandem a causa formali, seu ratione formae in ipso servatae, dividitur Judicium in ordinarium, et summarium. *Judicium ordinarium* (quod et *plenarium* appellatur, atque *solemnis*) dicitur illud, in quo Juxta cum ordinaria figura et strepitu judicii, ac servatis ejus solemnitatibus, procedit juxta praescriptum Juris. Et de hoc Judicio ordi-

nario, ejusque figura, praecipue loquitur totus secundus Liber Decretalium.

*Judicium summarium* contra est, in quo proceditur simpliciter et de plano, sine strepitu et forma judicii id est, non observatis ad amissionem ordinariis judiciorum solemnitatibus, ambagibus, et terminis judicialibus. Et hoc Judicium summarium alio nomine appellatur *extraordinarium*, eo quod in ipso non usquequaque servatur ordo Juris. Faciendum tamen, quod in alia acceptione Judicium extraordinarium etiam dicitur illud, quod fit coram Juredelegato, arg. l. Si quando. C. de Dilationib. ubi Delegatus vocatur *Judex extraordinarius*. Quia etiam interdum Judicium appellatur extraordinarium, quando non proceditur in figura judicii, sed Juxta procedit ex officio suo in modum inquisitionis, vel denunciationis, ut notat Glossa in c. Quoniam. 11. §. Extraordinario. de Probationib. et amplius Abbas ad Rubric. h. t. n. 3. Verum pro meliori intelligentia Judicii summarii.

Queritur II. In quo consistat Judicium summarium, quibusve in causis locum habeat? Resp. I. *Judicium, sive Processus summarius*, consistit in hoc, quod in ipso ad praecedendas litem praesentitates omitti possint pleraque solemnitates, quae Jure solum positivo requiruntur; non item illae, quae Jure naturali, aut gentium, ad legitimam causae decisionem sunt necessariae. Ita desumitur ex Clem. Saepo contingit. de Verb. signif. et tradit Barbosa ibid. n. 1 et seqq. Mariana part. 4. Speculi Aurei; dist. 9. n. 8. g. et seqq. post Alexandrum Consil. 6. n. 1. vol. 3. Bartolum in Extravag. ad reprimendum. §. Sine figura. et alios communiter.

Prior pars probatur inductione, allegando verba cit. Clem. Saepo contingit, ubi Pontifex declarans, quid importet clausula illa, quandoque inserta judicialibus causarum commissionibus, ut in ipsis *Simpliciter et de plano, ac sine strepitu et figura judicii*, sed summario procedatur, subjungit: *Judex, cui taliter causam committimus, necessario libellum non exigit; litem contestationem non postulat; tempore etiam Periarum, ob necessitates hominum indultarum a Jure, procedere valeat; amputet dilationum materiam, litem quantum poterit, faciat breviorum, exceptiones, appellationes dilatorias, et frustratorias repellendo; partium Advocatorum et Procuratorum contentiones et jurgia, testiumque superfluum multitudinem refragando.* Et infra, interjectis aliis, subditur, quod Juxta sententiam diffinitivam (citatis ad id, licet non peremptorie, partibus in scriptis, et (prout magis sibi placuerit) stans, vel sedens, proferat etiam (si ei videbitur) conclusionem non facta, prout expeditione, et probatione, et aliis actibus in causa fuerit faciendum. -- Si tamen in praemissis casibus sollemnis ordo judicarius in toto, vel in parte, non contradicentibus partibus observatur, non erit processus propter hoc irritus, nec irritandus. Haec Pontifex.

Pateat proinde, quod in Judicio, seu Processu summario, solemnitates Juris positivi (quales sunt enumeratae) possint omitti, quatenus si adhibeantur, processum non vident. Secus est in Judiciis ordinariis, quibus acta judicialia, seu solemnitates in Jure praescriptae (quamvis explicant sub nomine *Obligationis servandi terminos substantiales*) adeo connaturalis est, ut non solum necessario sit servanda, sed etiam sententia sine ejusmodi solemnitatibus lata, nulla sit et invalida. Card. de Luca Tom. 3. Discurs. 1. de Judiciis, n. 11. et 12. et alii.

Altera pars Conclusionis, videlicet in Judicio, seu Processu summario, non posse omitti ea, quae de Jure naturali, aut gentium, sunt necessaria ad legitimam causae decisionem, similiter patet ex cit.

*Clem. Saepe contingit. de Verb. signif.* dum Pontifex ibidem inter alia sic loquitur: *Non sic tamen Judex litem abbreviet, quin probationes necessarias et defensiones legitimas admittantur. Citationem vero, ac praestationem juramenti de calumnia, vel malitia, sive de veritate dicenda, ne veritas occultetur, per commissionem hujusmodi intelligimus non excludi.* Illic ibi, postmodum subiungendo, quod etiam petitio pro parte Actoris, ipso et Rei, si quidem petere voluerit, in ipso litis exordio, sive in scriptis, sive verbo, Actis tamen continui inserenda, fieri debeat; eam juxta eam pronuntiatio, sive sententia Judicis, sequi debeat. Et his de causis Judex pariter tenetur interrogare partes, sive ad earum instantiam, sive ex officio, ubicunque hoc aequitas suadebit. Et merito: nam talia de Jure naturali requiruntur ad legitimam causae decisionem, hoc ipso, quod aliquam veritas occultaretur, sicque competens sententia sequi non posset. Tacetur alia ibidem expressa.

45 Resp. II. Judicium summarium, seu Processus summaris ex quo haec potissimum ratione institui solet. Prima est, quando causae sunt tales, quae celerem requirunt expeditionem: tunc enim, ne ex subactis odens judicium observatione dependens litem per longam peragat, summariter ac de plano est procedendum. *Clem. Dependensam. h. t. Maranta part. 4. Speculi Auct. de t. g. n. 13. Parburg h. t. n. 101. et alii.*

46 Secundo inter causas celerem expeditionem requirunt, ac proliu summarie tractandas, vel maxime enumerantur illae, quae recensentur in cit. *Clem. n. h. t. Et sunt sequentes, videlicet, causas Ecclesiasticas, in quibus agitur super Electionibus, vel Promotionibus, vel Persecutionibus, seu vel licet sint saeculares, item causas super Degradationibus Personaribus, Officiis, Canoniciis, vel Praebendis, seu quibusvis Beneficiis Ecclesiasticis; quando videtur agitur de Titulo Beneficii, ut quia sunt duo, quod litigat ad invicem de collatione sibi dante: tunc etiam dante huius peragatio per Ecclesiam, utpote legitime licet de statuta, praeter legem attinet. Successus, si agatur de proprietate Ecclesiae, quoniam dicitur, v. g. *Episcopus contendit esse de sua Diocesi.* Marant. cit. dist. 9. n. 12. allegans plures alios.*

47 Haec etiam pertinent causae super Decimis, nec non super matrimonialibus, dotalibus, et casibus quibusdam de gentibus vendendis, per textum expressum in cit. *Clem. Dependensam. h. t.* Quae etiam tales causae celerem requirunt expeditionem, ne hoc longius protracta illae decimae percant; huius autem rationem periculum incontinentiae ex matrimonio datus suspenso, aut in usuris, periculum damificandi eos, quibus de iure debentur.

48 Atque ob eandem rationem in bene constitutis Tribunalibus, summarie, ac de plano, tractantur, causae Pauperum, Pupillorum, Viduarum, Cunctatorum, diuturnique miserabilium personarum. *Auth. de Mandatis Principum. c. Sit tibi quoque. Collat. 3.* Item, causae alipentorum, *L. 2. ff. de Fariis.* Sicut et causae Spolii, Depositi, Mercedis, et Forensium seu peregrinorum. Engel h. t. n. 12. post Suting. in *Processu judicario, Observ. 3.* Maranta part. 4. *Speculi Auct. dist. 9.* praesertim a nu. 100. usque ad nu. 101. plures alias causas summarie tractandas enumerans. Inter has etiam sunt causae Religiosae concernentes: nam in eorum causis procedendum esse de plano, et absque strepitu judiciorum, cum talibus non deceat Servos Dei involvi, textus est in *c. Olim. de Accusationib. Maranta loc. cit. num. 170. et 171. et alii.*

49 Altera ratio, ob quam Judicium summarium instituitur, ac simpliciter et de plano procedi solet, est modestitas causarum: sive, quando agitur de rebus

levis momenti, vel in quibus controvertitur de praedictio facile reparabili. *Auth. nisi breves. et ibi Glossa, Bartolus, Baldus C. de sentent. ex brevitate recitand. Maranta, ubi supra, n. 188.*

Caeterum, quatenus causae censeantur modicae, ut possint summarie tractari, variant Doctores; uti videre est apud Glossam in cit. *Auth. q. Nisi breves.* referentem diversas sententias. Harum una censet, causam esse levem, quae est usque ad quinquaginta aureos, *L. 1. C. de Defensorib. Civitat.* Alia, quae est usque ad trecentos aureos, *Auth. de Defensor. Civitat. c. Et judicare. Collat. 3.* Vel usque ad decem libras auri; ut *Auth. de Appellationib. c. Illud. Collat. 4.* Verum melior prae caeteris est sententia eorum, qui istud, inspecta qualitate personarum judicandum existimant prudenti arbitrio Judicis: uti notat Glossa, et Bartolus, ubi supra. Sic quippe causa, v. g. centum aureorum, inter duos Principes, vel valde divites reputatur modica, quae inter homines mediocris fortunae censeretur magna. Maranta d. dist. 9. n. 189. citans plures alios.

Solummodo adde, cum nihil impediet, quin in causis summarie tractandis observetur Processus ordinarius, *Clem. Saepe contingit. de Verb. signif.* quod tunc Judicium, quod ex sui natura fuisset summarium, ita reddatur ordinarium, ut sententia non observatis solemnitatibus Juris prolata, nulla sit et invalida. Sibi enim imputet Actor, qui cum posset tenere Processum summarium, eligit et adhibet ordinarium. Card. de Luca tom. 3. *Discurs. 1. de Judiciis. n. 12. et 13.*

Quaeritur III. Utrum, et qua ratione subdividatur Judicium civile, et criminale? Resp. I. Judicii civilis quatuor sunt species: nam alia sunt Judicia universalis, alia generalia, alia specialia seu particularia, et alia communia. Ita Speculator tit. *De Judiciis, in Rubrica, et quatuor seqq. paragraphis,* ubi de singulis hisce Judiciis speciebus ex professo tractat, Glossa magna in cap. 2. et Abbas ibidem n. 18. *de Libelli oblation. et communis.* Et quidem

Judicia universalis (seu Actiones universales) sunt ea, quae dantur ad aliquid, quod de sua significatione multa in se universaliter continet. Horum quatuor sunt species, de quibus Jura faciunt mentionem: videlicet, Petitio haereditatis; Familiae heriscundae; Actio ex testamento, quae datur pro haereditate ex S. C. Trebelliano restituenda; et Actio ex empto, quae datur, quoties haereditas tota emitur, *L. 2. et seqq. ff. de Haereditat. vendit.* Speculator tit. *de Actione, seu Petitione. c. Sequitur. n. 44.* Abbas cap. 2. nu. 18. *de Libelli oblation.* citans Innocentium in c. Conquerente. de Offic. Ordin. Nam qui petit haereditatem, aut ejus divisionem, qualis petitur per actionem Familiae heriscundae (hoc est, haereditatis dividuandae, ut explicat Glossa in Rubrica. ff. Familiae heriscundae) intelligitur petere pro toto, vel parte sibi competente, successionem in universum jus, quod defunctus habuit, *l. Nihil est aliud. 24. ff. de Verb. signif.*

Additur notanter, *Horum quatuor sunt species, de quibus Jura mentionem faciunt.* Nam plures aliae actiones possunt dici universales ad similitudinem illarum quatuor: ut, quando petitur Villa, seu Castrum, una cum juribus, et attinentiis suis, *l. Lacius.* juncta Glossa fin. ff. de Fundo instruct. et notat Abbas cit. n. 8. Aut, si petitur Ecclesia una cum possessionibus, et pertinentiis suis; ut c. Cum ad Sedem, et Glossa ibid. c. Et pertinentiis. de Restitut. spoliat. Verum de his Jura speciale mentionem in propriis titulis non faciunt.

Judicia generalia (seu Actiones generales) dicuntur, quae competunt ad id, quod sub se continet plura capitula, non tamen universum jus; prout accidit,



ubicunque agitur ratione administrationis, quam quis gessit: ut est Actio negotiorum gestorum, Tutelas, pro socio, et hujusmodi, ubi judicialiter potitur, ut quis condemnatur ad reddendam rationem de gesta sua administratione, et ad reliqua restituenda. Talis enim actio generaliter quidem se extendit ad omnia capitula administrationis concernentia, non vero ad universum jus: simulque, ubi actura est ad unam speciem administrationis, v. g. salis, non venit, quod in alia specie administrationis continetur, etiamsi utraque ab eodem sit gesta.

56. Ac per hoc comprimis differt. Judicium generale ab universali: nam istud secundum propriam naturam actionis datur ad declarandum universum jus Actoris, v. g. respectu hereditatis. Atque ideo in Judicio universali non est necesse, ut Actor exprimat, seu specificet res singulares, contentas v. g. in hereditate, sed solum, ut declaratus esse heredes quo facto per Officium Judicis, aut executorum testamenti, debet ipsi solvi, quidquid detractis debitis, ac funeris expensis, in tali hereditate continetur. Sectus est in Judicio generali: istud enim datur ad Rem condemnandam ratione male gestae administrationis, tutelas, negotiorum gestorum etc. et quis in ejusmodi generali administratione plura continentur negotia implicita, ideo debet per Actorem exprimi, et probari id, ad quod vel qualem quantitatem Actor petit sibi Rem condemnari; ut l. Licet. C. de Judiciis. Glossa in l. 1. §. Ut procedendo. et Bartolus ibid. ff. de Edendo. Speculator tit. de Judiciis. §. 1. et 2. et alii.

57. *Judicia specialia, seu particularia* (sive *Actiones speciales, aut singulares*) dicuntur, in quibus agitur ad res aliquas speciales, seu singulares, non vero ad aliquid universum, vel generale: prout fit tum in actione reali, seu in rei vindicatione; quando v. g. ago ad acquirendum, vel recuperandum meum equum, agrum, vestem, aut aliam rem, vel res particulares, quae proximè singulariter designari debent. Tum in actione personali, quae proximè competit in personam, nobis obligatam ex contractu, aut delicto, ad aliquid particulare dandum, vel agendum; ut si a te peto decem, quae tibi mutuavi. Abbas in cit. cap. 2. n. 18. de Libelli oblatione. ubi idcirco addit, quod Actionum specialium aliae dicuntur reales, quia nimirum competunt ad rem, non vero in personam nobis obligatam: aliae vero personales, quia non ad rem, sed in personam diriguntur.

58. *Judicia communia, seu duplicia*; tandem dicuntur, in quibus uterque litigantium vices duorum sustinet, Actoris nimirum, et Rei; ut l. Ex litteris. 3. de Probationibus. Et talia Judicia communia sunt tria; videlicet Finium regendorum, Familias heriscundae, et Communi dividendo, l. In tribus. ff. h. t. et notat Speculator cit. tit. de Judiciis, §. Sequitur. n. 1. cum aliis.

59. Resp. II. Judicium criminale subdividitur imprimis in capitale, et non capitale. Ita communis. Ex quidem *Judicium capitale* est, in quo agitur de crimine capitali, pro quo videlicet imponenda est poena capitalis. Cujusmodi poena de Jure Civili, juxta textum in l. 2. §. 1. ff. de Poenis, est triplex; videlicet *Mors, vel Civitatis amissio, vel servitus*. Ibi enim intervenit mors naturalis, in aliis duobus vero mors civilis: nam Civitatis amissio alio nomine appellatur *Exilium*, l. 2. ff. de Publicis judiciis: Servitus autem propemodum mortalitati comparatur, l. Servitatem. ff. de Reg. Jur. Contra *Judicium non capitale* est, in quo non venit imponenda aliqua ex proxime dictis tribus poenis, sed alia mitior; puta, poena pecuniaria, vel incarcerationis, fustigationis, aut alia hujusmodi.

Resp. III. Insuper Judicium criminale dividitur in publicum et privatum. Ita liquet ex l. 1. ff. de Publicis judiciis. ubi dicitur, non omnia judicia, in quibus crimen vertitur, publica esse, sed ea tantum, quae ex Legibus publicorum judiciorum veniant. Et hujusmodi Leges ibidem per ordinem enumerantur, quae sunt sequentes: videlicet, *Lex Julia Majestatis, Julia de adulteriis, Cornelia de Sicariis, et veneficiis, Pompeja de parricidiis, Julia Peculatus, Cornelia de testamentis* (intellige, falsis, ut explicat Glossa.) *Julia de vi publica, Julia de vi privata, Julia ambitus, Julia repetundarum, Julia de annona*. Haec ibi. Itaque

60. *Judicium publicum* est, quod ex Legibus publicorum judiciorum venit: sive, ad cujus executionem, seu criminalem accusationem, quisvis e Populo plerumque admittitur, §. 1. Instit. de Publicis judiciis. Contra *Judicium privatum* dicitur, quod non venit ex Legibus publicorum judiciorum: sive, in quo agere nemo potest, nisi ad quem res proprie, atque omnino pertinet: ut in furto, injuria, et et aliis criminibus privatis accidit.

61. Aliam hujus divisionis, atque appellationis, rationem reddit Mynsinger in §. Publica judicia. n. 8. Instit. de Publicis judiciis. asserens cum aliis, quod *Publica judicia* (quae non nisi ob crimina Reipublicae perquam perniciosa instituebantur) videantur sic dicta ex eo: quia olim in publico Foro, et coram frequenti populo, haec judicia exercebantur super certis criminibus, Reipublicae admodum perniciosiss: ut est crimen laesae Majestatis, adulterium, parricidium, et hujusmodi. Alia vero *Judicia privata* dicta sint, quia extra ordinem, privatimque apud Praesidem constituiebantur. Verum de his plura Juristae.

### §. III.

De Judice in causis spiritualibus, nec non civilibus Ecclesiarum, personarumque Ecclesiasticarum.

### SUMMARIUM.

- 63 Ratio agendi nunc de Judice.
- 64 Causa criminalis mere civilis, et Ecclesiastica, quae?
- 65 Res spiritualis, quae?
- 66 Causarum spiritualium cognitio ad solos Judices Ecclesiasticos pertinet.
- 67 Et Judex saecularis harum cognitioni se immiscere prohibetur sub censuris.
- 68 Laicus nec principaliter, nec incidenter potest cognoscere de causa spirituali.
- 69 Idque nec ex commissione Episcopi, vel alterius Praelati Papa inferioris.
- 70 Nec una cum Clerico sibi per Episcopum adjuncto.
- 71 Quamvis auctoritate Episcopi possit de causa spirituali compromitti in Clericum et Laicum simul, ut in arbitrium: et quae ratio disparitatis?
- 72 Possunt tamen Laici in causis spiritualibus adhiberi Assessores.
- 73 Etiam causarum spiritualibus connexarum cognitio, spectat ad solum Judicem Ecclesiasticum. Et num. seqq.
- 74 Ut cognitio de jure patronatus. Ibid.
- 75 Et de jure sepulturae in loco sacro.
- 76 Cur Laicus possit tale jus possidere, non autem de eo cognoscere?
- 77 Judex Laicus potest accessorie a secundario de jure patronatus cognoscere, licet non principaliter.

- 77 *Posunt Laici negotia mere temporalia Ecclesiarum, personarumque Ecclesiasticarum tractare. Et n. seqq.*
- 78 *Ac huius congruentia.*
- 79 *Non tamen possunt habere generalem administrationem omnium bonorum Ecclesiae.*
- 80 *Nec ut habent quandam super Clericos praesminentiam. Et n. 77.*
- 81 *Neque possunt cognoscere causas mere civiles, quas contra Ecclesias vel Clericos intentantur, praesertim seclusa speciali commissione Episcopi.*
- 82 *Quid si accesserit talis commissio Episcopi? An Iudex saecularis possit supplere negligentiam Iudicis Ecclesiastici in causis Clericorum. Remissivo. Ibid.*
63. Quoniam ad consultandum Iudicium tres requirantur principales personas, videlicet Actor, Reus, et Iudex, c. *Forus*. 10. de *Verb. signif.* estque jam dictum superius §. 1. n. 7. et seqq. Visa multiplicitate ejus divisione, expedit, et de hisce principalibus ejus personis nonnulla subjungere: illis tamen suppositis, quae de Officio et potestate Iudicis, tum Delegati, tum Ordinarii, in *Libro I. a Tit. 29. usque ad Tit. 32.* fusi explicata fuerunt; et quae de Foro competenti, in *Tit. seqq.* specialiter tractanda sunt. Unde incipiendo a Iudice, veluti persona caeteris digniore.
64. Queritur I. Utrum, et qualiter causae spirituales ad Iudicem Ecclesiasticum discutiendae pertineant? Ubi praenotandum cum Glossa *caus. 11. q. 1. in Summa*. Abbate in c. *Decernimus*. n. 3. h. t. et aliis: quod causa alia est mere civilis, alia spiritualis, et alia criminalis. Haec est, ubi de crimine agitur; de qua procedunt dicta §. *praeced. nu. 36. et n. 37. et seqq.* Porro Causa mere civilis dicitur, in qua agitur de rebus mere temporalibus, puta de possessionibus, pecunia, et juribus eas concernentibus. Causa spiritualis vero, in qua tractatur de rebus spiritualibus.
65. Porro per *Res spirituales*, non solum illa intelliguntur, quae per se ac essentiam suam sunt spiritualia; ut gratiae, ac virtutes, aliaeque dona supernaturalia: sed etiam illa omnia, quae vel causant spiritualia; ut, Sacramenta, quae digno recipientibus conferunt gratiam supernaturalem: vel saltem ad Dei cultum, et pios usus, sive ad spiritualem salutem animarum, et a peccatis praeservationem ordinantur; sive ratione finis spiritualia censentur, et proprie pertinent ad spirituale regimen Praelatorum Ecclesiae: ut sunt Professio religiosa, Votum, Juramentum, Beneficia Ecclesiastica, et Electiones ad ea, Prioratus, Decanatus, et huiusmodi: una cum desuper motis quaestionibus de valore Professionis, voti, aut juramenti, causisque Beneficialibus, decimalibus etc. Quo praenotato
66. Resp. I. Generaliter loquendo causarum Ecclesiasticarum, seu spiritualium cognitio ad solos Ecclesiae Praelatos, seu Iudices Ecclesiasticos pertinet; ita ut talibus Laici seae intromittere nec possint, nec debeant. Patet hoc ex cap. 7. h. t. ubi absolute decernitur, ut *Laici Ecclesiastica tractare negotia non praesumant*, ac notat Glossa, Abbas, et Barbosa *ibid.* cum communi. Concordat c. *Contingit*. 8. de *Arbitris*, ubi, quod plus est, etiam prohibetur, ne super rebus spiritualibus in Laicum compromittatur, veluti in arbitrium. Et novissime Concilium Tridentinum *Sess. 24. can. 12.* illis verbis: *Si quis dixerit, causas matrimoniales non spectare ad Iudices Ecclesiasticos, anathema sit.*
67. Quia imo, si Iudex saecularis de facto se immiscerit cognitioni causae Ecclesiasticae, poterit ipsi per Ecclesiasticum fieri inhibita etiam sub censuris.
- Martha de *Jurisdic. part. 2. cap. 43.* Engel tit. *De Foro compet. n. 61.* Et si concurrat violatio Ecclesiasticae libertatis, ejusmodi Iudex laicus ipso facto excommunicationem incurrit, c. *Noverit*. 49. de *Sentent. excom.* etiam Papae reservatam in *Bulla Coenae Domini*, quae quoad propositum optime est notanda. Accedit ratio: quia Laicis, quamvis religiosis, disponendi de Ecclesiis, rebus et personis Ecclesiasticis, nulla est attributa potestas: quos obsequendi manet necessitas, non auctoritas imperandi, can. *Bene quidem dist. 96. et c. Ecclesia S. Mariae* 10. de *Constit. et cap. ult. de Rebus Ecclae. non alienand.*
- Resp. II. Adeo verum est, quod Laici de causis spiritualibus judicare nequeant, ut istud nullo modo possint, nec principaliter, nec incidenter. Ita Glossa in d. c. *Contingit. in fin. de Arbitris*, et communis. Idque patet ex c. *Lator*. 5. et c. *Causam quae inter*. 7. *Qui filii sint legitim.* ubi proin quaestio legitimae natiuitatis, quae opponebatur potestati haereditatem coram Iudice saeculari, remissa fuit ad Iudicem Ecclesiasticum. Unde Abbas in *cit. c. Lator*. n. 3. et alii communiter docent, quod si quaestio spiritualis, v. g. de legitimitate matrimonii parentum, incidat coram saeculari, ea ad Iudicem Ecclesiasticum remitti debeat; ac interim in causa principali per Iudicem saecularem sit supersedendum, donec incidens illa quaestio per Ecclesiasticum fuerit terminata; prout amplius infra *Tit. 10. De Ordine Cognitionum*. n. 31. et seqq. declarabitur.
- Ampliat. Conclusio, ut etiam ex commissione seu delegatione Episcopi, aut alterius Papa inferioris Praelati, non possint Laici cognoscere super causis spiritualibus: secus dicendum de Summo Pontifice, utpote qui ejusmodi causas Laico, ut puta cuipiam Regi, bene potest delegare; prout amplius dictum est supra *Lib. I. Decretalium, Tit. 29. de Officio et potestate Iudicis Delegati*. §. 4. n. 88. et seqq.
- Ampliat. ulterius Conclusio, ut Laicus etiam cum Clerico, sibi per Episcopum adjuncto, non possit cognoscere, seu iudicem agere, de causa spirituali. Abbas in c. *Contingit*. n. 1. et 4. de *Arbitris*. Layman *lib. 3. tract. 6. cap. 1. n. 2. et alii.*
- Nec obstat, quod auctoritate Episcopi, imo et Delegati, possit de causa spirituali compromitti in Clericum et Laicum simul, ut in arbitrium, prout habetur c. *Per tuas*. §. *fin. de Arbitris*. Resp. enim, disparitatem esse: quia ipsum arbitrari de re spirituali, non est actus jurisdictionis spiritualis; bene tamen judicare, est actus jurisdictionis spiritualis. Quia igitur Laicus non est capax iuris spiritualis, etiam associato sibi Clerico; ut c. *Massana*. 56. juncta Glossa, §. *Per Laicos. de Election.* non mirum, quod auctoritate Episcopi, vel alterius Papae inferioris, Laicus non possit judicare super causa spirituali una cum Clerico, etsi possit una cum ipso super ea arbitrari. Abbas *cit. n. 4. post Jo. Andream*.
- Resp. III. Nihilominus bene possunt Laici in causis spiritualibus, ac Ecclesiasticis discutiendis, adhiberi Assessores. Ita patet per textum notabilem in c. *Statutum*. 11. §. *Assessorem de Rescriptis*. in 6. Accedit ratio: quia Assessores nullam habent jurisdictionem, l. 2. c. *de Assessorib.* sed potius sunt Consilarii Iudicium, atque ad supplendam horum imperitiam, seu indigentiam inventi. Angelus, *Consil.* 274. Abbas in c. *Decernimus*. n. 3. h. t. et alii.
- Queritur II. An etiam cognitio causarum spiritualium committatur, spectet ad solem Iudicem Ecclesiasticum? Resp. I. Affirmative; prout tenet Abbas in c. *Quanto*. n. 3. et Barbosa *ibid.* n. 3. et 4. h. t. et alii ab hoc citati. Id ipsum demonstratur ex d. c. *Quanto*. 3. h. t. ubi legitur decisum, quod causa jurispatronatus, utpote conjuncta et connexa spiritualibus causis, non nisi Ecclesiastico iudicio valeat.

diffiniri. Idem ergo dicendum de aliis causis, quae spiritualibus sunt communes; idque ob paritatem rationis, et quia de similibus idem iudicium est habendum, c. *Inter corporalia. de Translat. Episcopi*. Accedit ratio: tum quia consuetudinem idem est iudicium, c. *Translata. juncta Glossa, ibid. de Constitut.* et late probat Barbosa *Axiomat. 5. n. 1.* Tum quia jus patronatus est quodammodo mixtum ex spirituali et temporali: atqui in mixtis magis dignum trahit ad se minus dignum, c. *Quod in dubiis, de Consecrat. Eccles.* Et quae religiosis adherent, religiose sunt, l. *Quae religiosis. ff. de Rei vindicat.*

74 Et his iisdem de causis, ad Judicem Ecclesiasticum privative pertinet, cognoscere, ac judicare de jure sepulturae in loco sacro, puta in Coemeterio, existentis: nam etiam istud est annexum spirituali, sique subijcitur jurisdictioni Ecclesiae. Abbas in cit. c. *Quanto. num. 10. et 11. h. t.* Et licet Laicus tale jus sepulchri proprie non possideat, nec quasi possideat, cum sit in Coemeterio sacro, sique spirituali annexum: nihilo minus in tali possessione, et facultate funerandi, toleratur ex speciali concessione et gratia Ecclesiae; prout etiam de jure patronatus dici solet.

75 Nec dicas: Potest Laicus ex concessione Ecclesiae possidere jus patronatus, et jus funerandi; ergo etiam de tali Jure potest Index laicus cognoscere. Negatur enim consequentia: quia Ecclesia ex quadam indulgentia, et speciali gratia, sustinet quidem Laicos in ejusmodi jure patronatus, aut jure funerandi; non tamen idcirco illud jus Laicorum iudicio, aut jurisdictioni subiecit, sed sibi subiectum reliquit. Atqui concessio, et gratia illa Laicis facta, utpote exorbitans a Jure communi, non est extendenda, nec ad consequentiam trahenda, juxta Reg. 28. Jur. in 6. multo minus retorquenda in praevjudicium ipsiusmet Ecclesiae, illud gratiose concedentis. Abbas ubi supra n. 8.

76 Caeterum hactenus dicta, videlicet quod Index laicus nequeat cognoscere de jure patronatus, et hujusmodi intellige de per se, ac principaliter judicando: nam accessorie ac secundario potest, ut puta, judicando super Castro, cui annexum est jus Patronatus Pirhing h. t. n. 53. Sicut a pari, licet jus patronatus per se vendi non possit, c. *De Jure 16. de Jure patronat.* potest tamen vendi per venditionem universitatis, cui inseparabiliter adheret, c. *Cum saeculum. 13. eod.*

77 Queritur III. Utrum temporalia negotia, causaeque civiles Ecclesiarum, personarumque Ecclesiasticarum ad solum Judicem Ecclesiasticum pertineant? Resp. I. Possunt quidem Laici negotia mere temporalia Ecclesiarum, personarumque Ecclesiasticarum tractare: sed ita duntaxat, ut nulla eis super Ecclesias, vel Clericos potestas, seu praeceminentia conferatur. Ita Abbas in c. *Decernimus. n. 9. et 10. h. t.* ubi post Gaspar. Calderinum inde infert, quod Laicus possit in temporalibus constitui OEconomus Ecclesiae vacantis; et multo magis, si non vacat. Vivianus in *Rationali, cap. 2. §. 1. h. t.* citans Felinum in c. *Apostolicarum col. 4. de Exceptionib.* Summa Angelica §. *Laicus num. 1.* Pirhing h. t. n. 55. et in re communis. Sic quippe Laicus potest esse Syndicus rerum temporalium ad Monasterium spectantium, cap. *un. de Syndico.* Item procurator non solum ad gerenda negotia temporalia, sed etiam ad agendum, vel defendendum in iudicio super causis spiritualibus, cap. *1. §. 1. de Procuratorib.* in 6. haud obstante, quod ipsos actus spirituales exercere, aut spiritualia negotia tractare non possint, c. *Decernimus. h. t.* Nam Procuratoris munus est vile, et onerosum; non sic potestas tractandi negotia spiritualia.

Accedit ratio: quia ex una parte Laici circa gerenda negotia mere temporalia, solent esse magis instructi, et practici: ex altera vero parte expedit, ut Clerici, veluti in sortem Domini specialiter vocati, a tractandis negotiis temporalibus magis sint abstracti, ne praetextu horum avocentur a Divinis, arg. cit. cap. *un. de Syndico.* Ergo non solum nihil impedit, sed etiam conveniens est, ut Laici administrent negotia mere temporalia Ecclesiarum, et Clericorum: dummodo nullam in hos exercent potestatem, ac praeceminentiam, sed nudum exhibeant ministerium, ipsorum nomine res suas temporales administrando.

Dices. In can. *In nona. 16. q. 7.* expresse prohibetur, ne Episcopi Laicos constituent suos OEconomos, sed hos ex proprio Clero sibi assumant; ergo. Resp. In praecallegato Canone per OEconomum, intelligi Vicarium Episcopi in rebus Divinis; prout liquet ex textu. Unde ibidem notanter subditur ratio dictae prohibitionis, illis verbis: *Indecorum est enim, Laicum Vicarium esse Episcopi; et saeculares in Ecclesia judicare.* Unde Abbas in cit. c. *Decernimus. n. 9. et seqq.* recte inquit, quod Laicus non possit esse OEconomus; id est, non possit habere generalem administrationem omnium bonorum Ecclesiae, temporalium, et spiritualium, ut sic praesit omnibus; c. *ex ratione, 2. de Aetate et qualitate praefc.* bene tamen possit Laicis committi cura rerum temporalium, ubi habent purum et nudum ministerium, tenenturque alicui personae Ecclesiasticae reddere rationem; prout observat quasi consuetudo totius Orbis.

Additur notanter in conclusionibus, sed ita duntaxat, ut nulla eis super Clericos potestas, seu praeceminentia conferatur. Hoc enim aperte repugnaret dignitati Status Clericalis, atque privilegio exemptionis Clericorum a jurisdictione Laicali; et merito reprobat in d. c. *Ex ratione. 2. de Aetate et qualitate praefc.* et can. *Indicatum est. dist. 89.*

Resp. II. Non tamen possunt Laici, praesertim sociata speciali commissione seu delegatione Episcopi, aut alterius Praelati Ecclesiastici, cognoscere causas judiciares, etiam pecuniarias aliasve mere civiles, quae vel inter duos Clericos, vel a saecularibus contra Ecclesias vel Clericos intentantur. Conclusio hic prolata est certa; et patet ex can. *Inolita. et seqq. 11. q. 1. et c. Si quis contra. 4. et c. Si diligenti. 12. de Foro compet.* cum similibus. Accedit ratio: quia Laici super Ecclesiis, rebus et personis Ecclesiasticis, nullam habent potestatem seu jurisdictionem, can. *Bene quidem. dist. 96. et c. Ecclesia S. Mariae. 10. de Constitut.* cum similibus. Atqui nemo potest auctoritate propria, et absque commissione seu delegatione Superioris judicare, nisi de rebus et personis suae jurisdictioni subiectis; nam sententia a non suo Iudice lata non valet, c. *At si Clerici. 4. h. t. et c. Ad nostram Audientiam. 3. de Consuetud.* cum similibus; ergo.

Additur autem praesertim sociata speciali commissione etc. Nam quod ex commissione Episcopi, alteriusve Praelati, possit Laicus cognoscere causas mere civiles Clericorum, tenet Glossa in c. *Decernimus. §. Non praesumant.* et ibi Abbas n. 4. et Felinus n. 1. et Barbosa n. 6. et 7. h. t. citans alios; quamvis plures horum id limitent: dummodo non adsint Clerici idonei, nec fiat commissio generalis ad omnes causas civiles; ut videtur est apud Felinum, et Barbosa loc. cit. Verum oppositam sententiam esse probabilior, videlicet non posse Episcopum, aut alium Praelatum Papa inferiorem committere Laico causam Clericorum temporalem judicialiter cognoscendam, jam dictum est supra Lib. 1. Tit. 29. de Officio et potestate Judicis Delegati. §. 4. num. 88. et seqq. Utrum autem Index saecularis

78

79

80

81

82



possit supplere negligentiam Judicis Ecclesiastici in causis realibus, et personalibus Clericorum, pariter jam dictum est *Lib. 1. Tit. 10. De supplenda negligentia Praelatorum* §. 3. num. 44. 45. et seqq. ibi videatur.

## §. IV.

De Judice in causis criminalibus Clericorum.

## SUMMARIUM.

- 83 Clericus de omni crimine debet coram Judice Ecclesiastico conveniri, non coram Laico.
- 84 Adeo, ut Laicus nec principaliter, nec incidenter, possit Clericum de crimine judicare, et punire. Et n. seqq.
- Etiam si Clericus esset calumniator in accusando Laicum coram Judice saeculari. Ibid.
- 85 Sed is coram Ecclesiastico Judice est conveniendus, ab eoque puniendus.
- 86 Nec valet consuetudo contraria, etiam immemorialis.
- 87 Ex commissione tamen Papae posset Laicus esse judex in causa criminali Clericorum.
- 88 Clericus coram Judice saeculari convictus, aut confessus, non ideo potest a suo Episcopo condemnari, et puniri.
- 89 Habet tamen ejusmodi confessio quosdam alios effectus non judiciales; et quales?
- 90 Judex Ecclesiasticus, coram quo Clericus delinquens conveniri debet, est proprius ejus Episcopus.
- 91 Non Episcopus alterius Dioecesis, nec saecularis.
- 92 Episcopus proprius Clerici conveniendi censetur quis pluribus modis. Et n. seqq. Videlicet, I. Ratione domicilii. Ibid.
- 93 II. Ratione Beneficii.
- 94 Atque hoc amplius declaratur.
- 95 III. Ratione contractus, delicti, rei sitae in ejus Episcopatu etc.
- 96 Episcopi appellatione, qui omnes hic veniant?
- 97 Episcopus est ordinarius judex Clericorum, ita ut etiam Clerici Ecclesiarum Cathedralium, et Collegiatarum, in prima instantia coram eo sint conveniendi.
- 98 Nisi tales habeant speciale privilegium, aut consuetudinem in contrarium.
- 99 Decani Ecclesiarum Cathedralium Germaniae de consuetudine habent jurisdictionem in Canonicos etc.
- 100 Clericus una cum Laico delinquens, privative convenitur coram Judice Ecclesiastico.
- 101 An coram hoc etiam Laicus ille sit conveniendus, ab eoque puniendus? Et n. seqq.
- Proponitur ratio dubitandi, et affirmativam tenendi. Ibid.
- 102 Et qui Auctores hanc teneant?
- 103 Sententia negativa est probabilior, ac in praxi recepta.
- 104 Ejusque rationes.
- 105 Quae limitatur, dummodo Judex Ecclesiasticus in captura Laici non praeventiat.
- 106 Laicus cum Clerico delinquens, nequit declinare Judicium saeculare.
- 107 Judex Ecclesiasticus, quando possit Clericum criminis tradere Curiae saeculari? Et n. seqq.
- 108 Contra Clericum criminis sunt observandi quatuor gradus poenarum.
- 109 Sed alius est ordo procedendi contra Clericum, quando poena incipit a crimine: alius, quando a contumacia.

- 110 Probabilius est, quod Clericus ob nullum crimen possit tradi Curiae saeculari, nisi in casu incorrigibilitatis, aliisque specialiter exceptis.
- 111 Idque amplius probatur. Et n. seqq.
- 112 Referuntur casus speciales, tum de Jure communi,
- 113 Tum per diversas Constitutiones Apostolicas excepti, in quibus Clerici criminosi statim traduntur Curiae saeculari.
- 114 Proponuntur, et
- 115 116 et 117. Solvuntur contraria.

Quaeritur I. Quis sit Judex ordinarius in causis Criminalibus Clericorum? Resp. I. Clericus de omni crimine debet coram Ecclesiastico Judice conveniri; adeoque Laicus non potest in causis criminalibus esse Judex ordinarius Clericorum, haud obstante quacunque consuetudine contraria. Patet hoc ex can. Nullus Judicium. et seqq. 11. q. 1. et ex c. Clerici 8. h. t. ubi Glossa, Abbas, Vivianus, Barbosa: et Auth. Ut Clerici apud proprios Episcopos. Collat. 6. estque communis. Accedit ratio: quia Judex saecularis nullam habet jurisdictionem in Clericos, utpote gaudentes privilegio Fori, sicque exemptos ab ejus jurisdictione, c. Ecclesia sanctae Mariae. 10. de Constit. et can. Nullus Judicium. et can. Relatum. 11. q. 1. cum similibus. Idque vel maxime procedit in causis criminalibus: cederet enim in grave dedecus, et contemptum status Clericalis, si Judices saeculares, qui statu sunt inferiores, Clericorum crimina cognoscerent, et punirent; sicque alios majores, et digniores se, in judicium adducerent, arg. c. Si diligenti. 12. de Foro compet. Atque sententia in non subditum lata, non tenet, c. At si Clerici. h. t. cum concordantiis; ergo.

Atque hoc adeo verum est, ut Judex laicus nec principaliter, nec incidenter, possit Clericum de crimine judicare, eumque punire. Farinacius tom. 1. lib. 1. de Inquisitione. tit. 1. quaest. 8. n. 26. cum aliis, inde concludens, quod Clericus calumniator in accusando Laicum coram Judice saeculari, non possit ab eodem saeculari Judice puniri. Et merito: nam statuta Conciliorum Generalium, Sacrique Canonum, et Imperatoriae sanctiones eo tendunt, ut in omnibus causis criminalibus Clerici plenissimo Fori privilegio gaudeant; idque ob dignitatem, atque excellentiam Status Clericalis.

Ne autem Clericorum crimina remaneant impunita, contra c. Ut famae. 35. de Sentent. excommun. consequens est, quod iidem super commissis criminibus coram Judice Ecclesiastico, seu Praelato suo sint conveniendi, ab eoque puniendi, cit. c. Clerici. h. t. et can. Placuit, ut quisquis. 11. q. 1. cum similibus, atque etiam, ubi incidenter coram Judice saeculari movetur quaestio super crimine Clerici, quod is ab hujus discussione supersedere, ejusque cognitionem ad Judicem Ecclesiasticum remittere teneatur, arg. c. Lator. 5. Qui filii sint legitimi, estque in simili dictum supra §. praeced. n. 68.

Nec obstat consuetudo contraria, quantocunque tempore obtenta fuerit. Quia nulla consuetudo, etiam immemorialis, praevalere potest contra libertatem Ecclesiasticam, c. Cum terra. 14. de Election. et cum inter. 5. de Consuetud. Irrogaret enim injuriam Ecclesiae Dei, cap. 2. de Foro compet. ac proinde ut corruptela venit extirpanda, can. Mala. dist. 8. et c. Noverit, 49. de Sentent. excommun. ubi insuper excommunicantur omnes illi, qui de caetero servari fecerint statuta, et consuetudines contra Ecclesiae libertatem introductas, aut secundum eas praesumpserint judicare. Idem amplius probatur ex dictis supra *Lib. 1. tit. 4. de Consuetudine*. §. 3. n. 61. et seqq.

83

84

85

86

87 Additur notanter n. 83. *Judex ordinarius*. Nam, quod ex speciali commissione Summi Pontificis (non item Episcopi, vel alterius Papa inferioris) possit Laicus esse Judex delegatus in aliquibus causis criminalibus Clericorum; tradit Glossa communiter recepta in c. *Decernimus*. §. *Non praesumant*. h. t. estque uberius dictum supra *Lib. I. Tit. 29. de Officio et potestate Judicis delegati*. §. 4. n. 88. et 92. et seq. Ibi videatur.

88 Resp. II. Adeo necesse est, quod Clericus in causa criminali conveniatur coram Judice Ecclesiastico, ut etiam convictus, vel confessus coram Judice saeculari, non idcirco possit a suo Episcopo condemnari, ac puniri. Textus est in c. *At si Clerici*. 4. h. t. ubi Abbas, Vivianus, Barbosa, et communis. Ratio est: quia, sicut sententia a non suo iudice lata non tenet, c. *Ad nostram audientiam*. 3. de *Consuetud.* et *L. ult. C. Si a non compet. judic.* ita nec tenet facta coram ipso confessio; ut in textu cit. c. *At si Clerici*.

89 Fatendum tamen, quod, licet ex tali confessione, coram Judice incompetente facta, Clericus a suo Episcopo condemnari, et puniri nequeat, ut dictum; nihilo minus ejusmodi confessio quosdam alios effluus non judiciales habere possit. Nam imprimis ipsa habet vim confessionis extrajudicialis, quando non per vim, vel metum tormentorum, nec per errorem, sed sponte, ac scienter facta fuit; unde causat legitimum indicium, ac praesumptionem criminis; ita ut a suo Judice possit capi, et judicialiter examinari, imo et torturae subijci. Abbas in cit. c. *At si Clerici*. n. 14. h. t. ex professo hoc punctum examinans, et Pirhing eod. n. 89. Deinde ex tali confessione criminis, a Clerico coram Judice saeculari facta, quandoque gravatur, et valde laeditur ejus bona existimatio: unde ad tollendam infamiam, et scandalum aliorum, potest ipsi iudici purgatio canonica; et si se purgare nequeat, debet puniri quasi convictus interpretativo. Glossa in d. c. *At si Clerici*. §. *Condamnandi*, id probans ex c. *Cum P. 7. de Purgat. canonice*. cum similibus.

90 Quaeritur II. Coram quo Judice Ecclesiastico Clericus in criminalibus sit conveniendus? Resp. I. Judex ille Ecclesiasticus, coram quo Clericus delinquens conveniri debet, est proprius ejus Episcopus. Ita communis; et habetur decisum in c. *Si quis contra*. 4. de *Foro compet.* illis verbis: *Si quis contra Clericum causam habuerit, Episcopum ipsius adeat etc.* Ubi Fagnanus n. 15. et seqq. cum aliis observat, regulam hanc procedere, si Clericus conveniatur a Clerico, sive a Laico: Actor enim sequitur Forum Rei, c. *Cum generalis de Foro compet.* Ac in causis tam civilibus, quam criminalibus, can. *Inolita et seqq.* 11. q. 1. et *Auth. Ut Clerici apud proprios Episcopos*. Collat. 6.

91 Et notanter in praedicta textu dicitur, *Episcopum ipsius adeat*. Idque tum ob exclusionem Episcopi alterius Dioecesis, nemo qui non debet mittere falcom in messem alienam, can. *Scriptum est*. 6. q. 3. Nec alterius Parochianum judicare, c. *Nullus*. 3. de *Parochiis*. Tum ad exclusionem Judicis saecularis, can. *Si quis cum Clerico et seqq.* 17. q. 1. et c. *Si diligenti*. 12. de *Foro compet.* Tum etiam ad exclusionem inferioris Praelati: aiquidem de Jure communi Episcopus solus habet fundatam intentionem super jurisdictione ordinaria in tota Dioecesi, c. *Cum Episcopus*. 7. juncta Glossa *ibid.* §. *In tota sua et §. Habere de Offic. Ordin. in 6.* cum Concordantiis: quicquid ex speciali privilegio, vel consuetudine, alicubi in contrarium fiat, juxta proxime dicenda n. 96.

92 Resp. II. Episcopus proprius Clerici conveniendi censetur quia pluribus modis. Primo, ratione

domicilii: qua ratione ille dicitur proprius Episcopus, in cujus Dioecesi Clericus domicilium habet; ut c. *Dilecti*. 17. de *Foro compet.* ubi Glossa §. *Ubi domicilium*, et DD. communiter; et l. *Si fideicommissum*. §. *Sed et rescriptum ff. de Judiciis*. Forus enim domicilii, est verus, et ordinarius ac generalis forus: adeo, ut quis possit ibi conveniri de omnibus, etiam alibi gestis. Abbas in cap. ult. n. 38. de *Foro compet.* et amplius dicitur *Tit. seqq.* §. 2. n. 28. et seqq.

Secundo, ratione Beneficii: sic enim Episcopus proprius dicitur ille, in cujus Dioecesi Clericus habet Beneficium Ecclesiasticum, licet caeteroquin sit alterius Dioecesis, c. *Cum nullus de Temporib. Ordin.* in 6. Etsi enim ibi sit sermo de proprio Episcopo respectu Ordinis conferendi, tamen idem est dicendum respectu jurisdictionis: quia qui potest ordinare, potest etiam judicare, arg. can. *Nullus Primas*. 9. q. 2. et cap. 3. de *Parochiis*.

Ubi tamen notandum, quod si Beneficium personalem residentiam non requirit; Clericus in loco Beneficii solummodo possit conveniri, quando agitur de illo Beneficio (quia tunc ratione rei, de qua agitur, sortitur ibi Forum) non autem de aliis, arg. c. *Dilectus filius*. 29. de *Rescript.* juncta Glossa *ibid.* §. *Domicilium*. Si vero Beneficium illud personalem residentiam requirat, tunc Rector Beneficii censetur ibi domicilium contrahere (nam residentia illa, seu necessitas residendi est; quae facit sortiri domicilium; prout post Innocentium in c. *Ex ore de Privileg.* sentit Abbas c. *Postulanti*. nu. 4. de *Foro compet.*) sicque potest ibi conveniri super omnibus, etiam alibi gestis, juxta dicta nu. 92. et notat Fagnanus in c. *Si quis*. n. 11. de *Foro compet.*

Tertio, in ordine ad dictum effectum conveniendi Clericum, Episcopus proprius ipse dicitur quis etiam ratione contractus iniu, delicti commissi, aut rei sitae in ejus Episcopatu, ut cap. ult. de *Foro compet.* Et generaliter omnibus aliis modis, quibus forum quis sortitur, de quibus ex professo agitur *Tit. seq.* §. 2. et seqq. Fagnanus loc. cit. n. 14.

Tandem sciendum, quod Episcopi appellatione, quantum ad propositum, etiam veniant inferiores Praelati, habentes in loco jurisdictionem quasi Episcopalem ex privilegio, vel consuetudine. Patet hoc ex c. *Cum contingat in fin.* 13. de *Foro compet.* ubi Abbas n. 18. et Barbosa n. 1. citans plurimos alios. Concordat c. *Auditis*. 15. de *Praescription.* ubi dicitur, Praelatum inferiorem posse praescribere in certis Ecclesiis jus Episcopale; et Fagnanus cit. n. 14. inde concludens, quod secundum omnes enumeratas acceptiones stet regula, ut Clericus coram proprio Episcopo conveniri debeat.

Resp. III. Adeo verum est, quod Episcopus sit ordinarius judex Clericorum suae Dioecesis; ut etiam Clerici illi, qui inserviunt Capitulis Cathedralibus, vel Ecclesiis Collegiatis, aut aliis Clericis ejusdem Dioecesis, in prima instantia sint conveniendi coram Episcopo tanquam Ordinario loci; et non coram illis, quibus inserviunt: nisi his forsan id competat ex speciali privilegio, vel consuetudine legitime praescripta. Ita habetur decisum in c. *Cum contingat*. 13. de *Foro compet.* ubi Abbas in *Summario*, Innocentius, Felinus, et Barbosa n. 1. citans plurimos alios. Siquidem, spectato Jure communi, solus Episcopus est ordinarius Judex Clericorum suae Dioecesis, can. *de persona*. 11. q. 1. ubi Gregorius Papa, quantum ad hoc, approbat *Auth. De Sanctissimis Episcopis*. §. *Si quis contra*. Collat. 9. cum similibus.

Hinc in *Irrefragabili*. 13. §. *Excessus de Offic. Ordin.* solummodo permittitur, ut excessus Canonorum Cathedralis Ecclesiae corrigantur per Ca-

pitulum, vel ejus Decanum (ut loquitur Glossa ibidem) in illis Ecclesiis, quae talem hactenus consuetudinem habuerunt. Secus ergo dicendum seclusa tali consuetudine, ac speciali privilegio in contrarium concessio.

99. Ejusmodi autem consuetudo (inquit Pirhing *tit. de Foro compet. n. 74.* est in Germania: ubi Decani Ecclesiarum Cathedralium jurisdictionem habent in Canonicos, et Clericos Capitulo deservientes, quorum correctioni Episcopi non se immiscunt; nisi Decani sint negligentes, et officio suo desint, juxta *cit. §. Excessus.*

100. Quaeritur III. An, si Clericus una cum Laico crimen committat, uterque in Foro Ecclesiastico sit conveniendus, et puniendus? Resp. I. Certum est, quod Clericus, etiam si cum Laico crimen commiserit (ut si cum Sempronio laico furtum perpetravit, aut cum foemina fornicatus sit) nihilo minus super eo privative coram Judice Ecclesiastico sit conveniendus, et puniendus. Siquidem textus Juris Clericum a jurisdictione saeculari eximentes, generaliter et indistincte loquuntur; ergo etiam procedunt in casu, quo Clericus est socius Laici in crimine.

101. Major difficultas est, utrum non etiam in tali casu Laicus (pate Sempronius, vel ejusmodi foemina) cum Clerico delinquens, coram Judice Ecclesiastico sit conveniendus, ab eoque puniendus? Ratio dubitandi, et affirmativam tenendi est: Tum quia ratione connexitatis delicti hujusmodi causa criminalis non videtur dividenda, *arg. l. Nulli. C. de Judiciis*, cum similibus; sique uterque delinquens ab eodem Judice dijudicandus: et crimine probato puniendus. Tum quia magis dignum trahit ad se minus dignum, *c. Quod in dubiis de Consecrat. Eccles.* sique in eadem causa Clericus videtur Laicum, secum delinquentem, trahere ad Forum Ecclesiasticum, et non e contra. Tum tandem, quia potest quis sortiri, ac retinere privilegium ratione socii, quod per se non potest; ut *l. Si communem ff. Quemadmodum servit. amitt.* ergo etiam Laicus potest sortiri privilegium Fori Ecclesiastici ratione Clerici in crimine socii, licet per se id non possit.

102. Atque oh haec rationes non pauci Doctores volunt, si Clericus cum Laico delictum perpetret, causam hanc esse ab uno duntaxat Judice decidendam, et quidem Ecclesiastico veluti digniore; prout sentit Merantia *part. 4. Speculi Aurei dist. 11. n. 22.* Menochius *de Arbitrar. Judic. lib. 2. cas. 371. n. 13.* qui adducit, hoc dictum originaliter fuisse Antonii de Prato in *l. 1. in fin. ff. Quae sent. sine appellat. rescind.* aliique plures ab ipsis citati. Verumtamen his non obstantibus,

103. Resp. II. Probabilius est, atque in praxi magis receptum, quod in tali casu Clericus quidem sit conveniendus, et puniendus a Judice Ecclesiastico, ut dictum; Laicus autem a Judice saeculari. Ita Covarruvias *Practicar. Quaes. cap. 34. n. 1. prope fin.* Fachineus *lib. 9. Controvers. jur. cap. 31. libellus tit. de Foro compet. n. 18.* Julius Clarus *lib. 5. Practicar. Criminalis. §. fin. quaes. 36. n. 46.* tandem concludens, quod ab hac communi observantia non sit recedendum in practica. Farinacius *lib. 1. tit. de Inquisitione, quaes. 8. n. 151. vers. Contrarium.* post Rebuffum, Gómez, et plures alios.

104. Ratio hujus sententiae est: quia, licet in individuis (seu ita communibus, ut nulli possit fieri congrua divisio inter socios, quorum alter habet privilegium Fori) tota causa sit tractanda coram Judice ejus, qui gaudet dicto privilegio Fori; uti notat Bartolus in *l. Praecipimus §. Eodem observando, C. de Appellatione.* et bene probat rationes nu-

101. adductas: secus tamen est dicendum de dividuali, seu commode ab invicem separabilibus. Covarruvias, et Farinacius, ubi *supra*, cum aliis. Atqui in proposito casu, quaestio est de re, seu causa dividuali; quia facile potest Index Ecclesiasticus Clericum punire, et Index saecularis Laicum, absque ulla utriusque jurisdictionis laesione; ergo. Acedit textus apertus in *l. Si quis uxori. §. 1. ff. de Furtis*; ubi, si quis furtum cum uxore in rebus sui mariti fecerit, furti actione tenetur; cum tamen ipsa uxor furti non teneatur, sed rerum amotarum: et consequenter in delictis socius criminis minime gaudet privilegio socii, cum res sit dividuali. Atque per hoc patet ad fundamenta prioris sententiae n. 101. allata. Nam procedunt in causa dividuali; secus in dividuali.

Caeterum per hactenus dicta nequaquam negatur, 105 quin Laicus una cum Clerico delinquens, possit a Judice Ecclesiastico puniri, si hic in captura praeventiat; prout recte limitat hanc sententiam Farinacius *cit. n. 151. circa finem*, asserens, istud a DD. hujus sententiae non negari. Siquidem quoad crimina mixti Fori locus est praeventioni; et Index Ecclesiasticus potest procedere super quolibet criminali peccato, *c. Novit. 12. §. Licet autem. h. t.*

Bene tamen ex dictis sequitur, quod Laicus una 106 cum Clerico delinquens, ideo non possit saeculare Judicium declinare; et si captus fuerit a Judice Laico, nequaquam valet exceptionem declinatoriam Fori proponere ad effugiendam criminis punitionem. Covarruvias, ubi *supra* n. 1. Quamquam istud sequeretur ex opposita Merantiae, et aliorum sententia.

Quaeritur IV. Utrum, et quando Index Eccle- 107 siasticus possit Clericum criminis tradere Curiae saeculari? Resp. I. De hoc extat celebris Constitutio in *c. Cum non ab homine. 10. h. t.* ubi Coelestinus III. circa processum, contra Clericos in gravibus criminibus deprehensos observandum, decrevit in haec verba: *Respondemus, quod si Clericus in quocunque Ordine constitutus, in furto, vel homicidio, vel perjurio, seu alio crimine fuerit deprehensus legitime, atque convictus, ab Ecclesiastico Ordine deponendus est. Qui, si depositus incorrigibilis fuerit, excommunicari debet: deinde contumacia crescente anathematis mucrone feriri; postmodum vero, si in profectum malorum veniens contempserit, cum Ecclesia non habeat ultra quid faciat, ne possit esse ultra perditio plurimorum, per saecularem comprimendus est Potestatem, ita quod ei deputetur exilium, vel alia legitima poena inferatur.* Haec ibi.

Ex quibus verbis liquet, contra Clericum cri- 108 minis observandos esse diversos poenarum gradus. In primis enim constituto de delicto, si illud est depositione dignum, Clericus deponitur; et hic est primus gradus poenae infligendae. Et si se corrigat, quia non iterat, nec continuat delicta, et depositionem servat, poenitentiamque adimplet injunctam, non proceditur ulterius. Sed, si sit incorrigibilis, praedicta non servando, ac similia, vel deteriora crimina perpetrando, tunc excommunicatur: et hic est secundus gradus. Crescente vero contumacia anathematizatur; quod ad terrorem caeterorum peragitur cum certis caeremoniis, in *can. De benedict. 11. q. 3.* praescriptis: et hic est tertius gradus. Denique, si adhuc non resipuerit, quin potius in profundum malorum venerit, cum Ecclesia non habeat ultra quid faciat, relinquit eum comprimendum per saecularem Potestatem, seu tradit ipsum Curiae saeculari: qui est quartus gradus poenae infligendae. Fagnanus in *c. Cum non ab homine. n. 34. h. t.* et alii,

Ubi tamen pro concordandis aliis Juribus, notandum est cum Glossa *fin. in cit. c.*



*Cum non ab homine.* et Fagnano *ibid.* n. 35. h. t. et aliis, quod praedictus ordo procedendi contra Clericum, tunc locum habet, quando poena incipit a crimine; sive, quando contra Clericum proceditur propter crimen depositionis dignum; v. g. propter homicidium, aut hujusmodi. Secus, quando poena incipit a contumacia: nam Clericus contumax, seu nolens parere mandatis Superiorum, aut Judicis, primo suspenditur, secundo excommunicatur, tertio deponitur, et ultimo traditur Curiae saeculari: ut *can. Honoratus. dist. 74.* juncta Glossa *ibid.* §. *Adhuc et can. Forte. 23. q. 4. et can. Quorundam. dist. 34. et c. Quoniam. §. fin. Ut lite non contestata etc.* Nam aliud est, non obedire, quod consistit in omittendo, ut facit simplex contumax; aliud contumacere, quod consistit in committendo, ut facit incorrigibilis: atque ideo mitius contra illum proceditur, quam contra istum; prout in simili contingit in *c. Ad falsarium. §. fin. de Crimine falsi.*

110 Resp. II. Probabilis est, Jurique magis conforme, quod Clericus ob nullum crimen, licet gravissimum, possit degradari, et Curiae saeculari tradi, nisi in casu incorrigibilitatis, aliisque casibus in Jure, aut per Constitutiones Apostolicas, specialiter expressis. Ita Covarruvias *lib. 2. Var. Resolut. cap. 20. n. 7.* Julius Clarus *lib. 5. Praxis Criminalis §. fin. quaest. 36. n. 40.* hanc opinionem appellans communem; et Fagnanus *loc. cit. n. 38. et n. 95. et seqq.* istam sententiam ex professo propugnans, ac plurimos alios pro ea allegans; quamvis non pauci etiam oppositum teneant. Fundamentalis ratio nostrae Conclusionis est: quia certum est, quod Clerici gaudeant privilegio Fori, sicque nequeant trahi ad iudicium saeculare. *can. Nullus iudicium. 11. q. 1. et c. At si Clerici. 4. h. t.* cum similibus: ergo in possessione hujus privilegii sunt mantenendi, donec in Jure, aut Constitutionibus Apostolicis, inveniantur eodem privati; etiamsi caeteroquin crimen ipsorum sit gravissimum, ut puta homicidium proditorium, occisio sacrilega Sacerdotis, furtum sacrilegum, aut hujusmodi.

111 Accedit textus jam allegatus ex *c. Cum non ab homine. h. t.* ubi Clericus non tantum ob sortum, vel perjurium, aut homicidium, sed etiam in alio crimine deprehensus (ut loquitur textus) tunc primum tradendus Curiae saeculari dicitur, quando perseverante malitia succedit ejus incorrigibilitas: eo quod *Ecclesia non habeat ultra, quid faciat*: idem ergo dicendum de omnibus criminibus, quantumvis gravibus, ac specialiter in Jure non exceptis. Probatur consequentia. Tum quis textus allegatus loquitur indistincte de aliis criminibus: tum quia quoad ista semper habet Ecclesia ultra, quid faciat; videlicet excommunicando, et anathematizando, donec haec omnia incorrigibilis contempserit. Unde in *c. Clerici. 4. de Excessib. Praelat.* ob crimen Sodomiae, utique gravissimum (imo hodie exceptum) Clericus non illico traditur Curiae saeculari; sed dejicitur a Clero, et in arctam Monasterium (cui hodie succedit carcer) ad agendum poenitentiam detruditur. Quo eodem modo Clerici in latrociniiis, vel aliis magnis sceleribus deprehensi, puniri jubentur in *c. Tuae discretionis. 6. de Poenis*: sicque clare liquet, Clericos etiam pro magna sceleribus non illico posse tradi Curiae saeculari, nisi sint incorrigibiles, aut crimina illa specialiter sint excepta.

112 Confirmatur. Quia Jura, et diversae Constitutiones Apostolicae, successore plures casus excepterunt, in quibus Clerici criminosi illico degradari, et Curiae saeculari tradi jubentur; ergo (cum exceptio firmet regulam in casibus non exceptis, ut *can. Dominus. 32. q. 7.* juncta Glossa *ibidem*) illud in aliis criminibus, quantumvis gravibus, fieri nequit.

REIFFENSTUEL Jus Can. Tom. II.

nisi accesserit incorrigibilitas. Antecedens probatur inductione. Sic enim de Jure communi Clericus degradari, et Curiae saeculari tradi jubetur. I. Ob crimen Haereticis, praesertim ob reincidentiam in illud, *c. Ad abolendam. 9. §. Praesenti. et §. Illos quoque de Haeretic. et c. Super eo. 4. cod. in 6.* II. Ob falsificationem Litterarum Apostolicarum, *c. Ad falsarium. 7. de Crimine falsi.* III. Ob conspirationem in proprium Episcopum, *can. Si quis sacerdotum. 11. q. 1.* et tradit Glossa in *d. c. Ad abolendam. 4. Relinquatur. de Haeretic.* IV. Ob crimen Assassinii, *cap. 1. de Homicid. in 6.* ubi Clericus hujus criminis reus, declaratur esse a toto Christiano populo perpetuo diffidatus; ita videlicet, ut possit a quocunque imponere offendi, etiam absque alia solemnitate degradationis; dummodo juxta Constitutionem 7. Clementis VIII. *Aequa et circumspecta* (quae refertur Tom. 3. Bullarii Romani) secuta sit sententia declaratoria, qua Judex Ecclesiasticus pronuntiavit ipsum esse assassinum. Julius Clarus *cit. §. fin. quaest. 36. n. 29. et seqq.* Fagnanus *loc. cit. n. 72. et seqq.* cum communis.

V. Juxta posteriores Constitutiones Apostolicas, 113 ac extra Jus Commune vagantes, Clericus potest ac extra Jus Commune vagantes, Clericus potest illico degradari, et Curiae saeculari tradi, ob crimen nefandum, sive Sodomiam: ut decrevit S. Pius, in sua Constitutione 72. *Horrendum illud scelus*; ac refertur Tom. 2. Bullarii Romani. VI. et VII. Clerici, qui ad Ordinem Presbyteratus non promoti, Missarum celebrationem usurpasse, vel Sacramentalem Confessionem audivisse convicti sunt, degradantur, et statim Curiae saeculari traduntur, juxta Constitutionem 81. Clementis VIII. *Et si alias*, quae refertur Tom. 3. Bullarii Romani. VIII. Clerici monarii, seu monetae fabricantes, tondentes, vel adulterantes, in Italia duntaxat, praevia degradatione Curiae saeculari puniendi traduntur, juxta Constitutionem 74. Urbani VIII. *In suprema*, quae refertur Tom. 4. ejusdem Bullarii Romani. Tot igitur casuum exceptio firmat regulam in casibus non exceptis, quod videlicet ob alia crimina quantumvis enormia, non possit Clericus delinquens tradi Curiae saeculari, nisi sit incorrigibilis, juxta *cit. c. Cum non ab homine. h. t.*

Dices. Textus in *d. c. Cum non ab homine. h. t.* facit 114 mentionem tantum de furto, perjurio, et simplici homicidio; ergo in criminibus atrocissimis, v. g. in homicidio sacrilego Sacerdotis, vel parricidio, aliud est observandum, potestque Clericus reus tradi Curiae saeculari. Probatur consequentia: quia sequitati naturali consentaneum est, ut pro mensura peccati sit et plagarum modus, Deuteronom. cap. 25. sicque non idem sit modus procedendi in criminibus atrocissimis, qui servatur in simplicibus delictis. Confirmatur id ipsum ex *can. Sunt quaedam. 23. q. 2.* ubi dicitur, esse quaedam enormia flagitia, quae potius, per mundi iudices, quam per Antistites, et Rectores Ecclesiarum vindicentur. Quia imo in *c. Novimus. 27. de Verb. signif.* dicitur, quod Clericus, qui propter hoc (crimen falsi) vel aliud flagitium grave, non solum *damnabile*, sed *damnosum*, fuerit degradatus, saeculari Fori per consequentiam applicetur; sicque is pro omni crimine damoso videtur posse tradi Curiae saeculari. Accedit auctoritas Ancharani in *d. c. Cum non ab homine. n. 10. et seqq.* et Abbatis *ibid. n. 6.* et amplius in *c. At si Clerici. n. 39. h. t.* Felini, Decii, plurimique aliorum oppositam sententiam teneantem: quae etiam amplectitur praxis plurimum Tribunalium; uti refert Covarruvias *cit. lib. 2. Var. Resolut. cap. 20. n. 7.* et Fagnanus *ubi supra, n. 37.*

Resp. Ad primum, neg. anteced. Quia in *c. Cum non ab homine. h. t.* generaliter subditur clausula illa,

vel alio crimine; sicque non tantum loquuntur de simplici homicidio, sed universim de omnibus aliis criminibus specialiter non exceptis. Accedit c. *Tunc discretionis de Poenis*, expresse loquens de Latrociniis, et aliis magnis sceleribus, junctis aliis in probationem nostrae Conclusionis adductis. Unde, quia Jura adeo clare loquuntur, nihil urgent, quae in probationem consequentiae afferuntur: praeterquam, quod cap. 25. *Deuteronomio*, expresse loquatur, non de modo procedendi contra criminosos; sed de modo, seu mensura plagarum. Potest autem Ecclesia aliis modis poenam commensurare delictis, v. g. pro atrocissimis delictis perpetuos, ac acerrimos carceres determinando, ad Reum poena doloris, et aqua angustiae sustentandam, prout loquitur textus in c. *Novimus. §. fin. de Verb. signif.* Vel amittendo Clericorum rogam ad trirēmas, aut aliis modis poenas exasperando, juxta gravitatem culpae; cum enim servitus morti ferre comparatur, l. *Servitutem. ff. de Reg. Jur.* multo magis id sentiendum de perpetuis atrocissimis carceribus.

116 Ad confirmationem respondetur, can. *Sunt quaedam. 23. q. 2.* loqui de Laicis, quorum enormia crimina potius per Judices mundi, quam per Rectores Ecclesiarum puniende censentur, quamvis sint delicta mixti Fori. Ad c. *Novimus. de Verb. signif.* patet responsio ex terminis: quia loquitur de illis gravibus criminibus, ob quae Clerici fuerunt degradati, sicque per consequentiam jubentur Curiae saeculari tradi: non autem dicit, quod ob quaelibet gravia crimina possit Clericus degradari. Unde sic explicato textu, negatur consequentia.

117 Ad auctoritatem Ancharani, Abbatis, aliorumque Doctorum, contrariam sententiam tenentium, respondetur, opponendo ipsis communiorē ceterorum Doctorum opinionem, junctis validioribus Jura fundamentis, hactenus jam allegatis. Ad penam quorundam Tribunalium dicitur, attendendum imprimis esse, utrum non talia in casibus particularibus gesta fuerint ex speciali concessionis Pontificis, seu dispensatione per Summum Pontificem in Jure communi facta ex certis circumstantiis tunc occurrentibus. Sin minus: patet ex l. *Nemo. C. de Sentent. et interlocut. omn. judic.* Quod Non exemplis, sed legibus judicandum sit.

### §. V.

#### De Jure causarum Feudalium.

#### SUMMARIUM.

- 118 Plures hic distinguuntur casus.
- 119 Quando inter ipsos Vasallos ejusdem Domini agitur causa feudi, hujus cognitio spectat ad Dominum.
- 120 Idque amplius probatur.
- 121 Et procedit, sive agatur petitorio, sive possessorio.
- 122 Ac etiam respectu Ecclesiarum, et Clericorum feudum a Laico habentium.
- 123 Non obstante, quod caeteroquin gaudeant privilegio Fori; et cur?
- 124 Affertur ulterior hujus ratio.
- 125 Si tamen Dominus feudi nolit, vel non possit justitiam exhibere, tunc devolvitur jurisdictio ejus in alium.
- 126 Nempe in Judicem ordinarium Rei conveniendi.
- 127 Aut in Superiorem Domini feudi, si eum habuerit.
- 128 De causis feudum non concernentibus Dominus feudi non judicat, sed Judex ordinarius Rei.
- 129 Idem dicendum, quando extraneus, etiam super re feudali, cum Vasallo habet litem.

130 Quae conditiones requirantur, ut Domino feudi competat jurisdictio in Vasallos?

131 et 132. Quis sit Judex, quando quaestio feudalis agitur inter Dominum et Vasallum de dominio directo.

133 Vasallus negans feudum, cadit a jure feudi; et quando?

134 Si inter Dominum et Vasallum oriatur quaestio circa feudum super dominio utili, cognoscunt Pares Curiae.

135 Pares Curiae, qui?

136 Qualiter ab utraque parte sint eligendi?

137 Quid, si Dominus feudi non habeat Pares Curiae? Alicubi in horum locum successit Judex ordinarius. Ibid.

138 Dominus feudi nequit cognoscere super crimine Clerici vasalli.

139 Bene tamen super delictis improprie dictis, quae post se Feloniam trahant.

140 An dominus feudi possit Clerico feudum auferre ob crimen, de quo per Judicem Ecclesiasticum est condemnatus?

141 et 142. Etiam injiciendo manus in Clericum vasallum, qui resistit, nec vult possessionem feudi relinquere.

143 Quando feudum est Ecclesiae, an et qualiter ob crimen Clerici feudum ipsi auferatur?

Quaeritur I. Quis sit Judex competens in causis feudalibus inter Vasallos agitis? Et notanter additur, inter Vasallos agitis: plures enim circa materiam Judicis causarum feudalium possunt distingui casus. I. Quando agitur de causa feudi inter Vasallos ejusdem Domini directi super jure feudi; et hoc, sive feudum illud sit saeculare, sive Ecclesiasticum. II. Quando extraneus habet litem cum Vasallo super re feudali. III. Quando agitur quaestio feudi inter Dominum, et Vasallum. Et hoc adhuc contingit dupliciter: vel enim agitur de dominio directo ipsius; ut quia Actor asserit, se esse dominum feudi, et Reus negat, dicendo, rem esse allodiam. Vel agitur de dominio utili dentaxat, seu de alio jure spectante ad Vasallum; puta, an feudum sit devolutum, et Vasallus illud perdere debeat; seu, an Vasallus ratione feudi debeat tributum, aut quid simile. Atque hi omnes casus distinctis Conclusionibus sunt resolvendi: unde

Resp. I. Quando inter ipsos Vasallos ejusdem Domini agitur causa feudi, sive Ecclesiastici, sive saecularis, tunc cognitio ejus pertinet ad Dominum feudi: dummodo Dominus ejusmodi possit, et paratus sit, justitiam exhibere. Ita communis; et patet ex c. *Caeterum. 5. h. t.* ubi Abbas, Baldus, et Barbosa n. 1. citans alios. Concordat textus expressus in c. *Ex transmissa. 6. de Foro competens* Ubi Papa desuper consultus, Episcopo Trecenti respondet in haec verba: *Per dominum feudi causam jubeas terminari et si ipse malitiose distulerit, tu ei debitum finem imponas.* Id ipsum repetitur, atque de quaestione feudi tam Ecclesiastici, tam saecularis declaratur, in c. *Verum. 7. eod.* juncta Glossa *ibid. §. Cognitionem.* Unde ulterius habetur, quod Dominus feudi hujusmodi causas alicubi, etiam coram Judice Ecclesiastico agitas, possit ad se advocare, ipsis quoque partibus invitis; prout accidit in d. c. *Ex transmissa.*

Accedit ratio: quia unusquisque coram proprio iudice est conveniendus; nam generale est, quod Actor sequatur Forum Rei, c. *Cum sit generale. de Foro compet.* Atqui Dominus feudi est iudex proprius, et ordinarius super Vasallos suos respectu causarum feudalium: habet enim jurisdictionem ordinariam ex Usibus Feudorum, ipseque Legi alicubi



concessum, respectu causarum Feudum concernentium; ubi patet ex cap. Imperialem. lib. 2. Feud. tit. 55. de prohibita feudi alienat. per Frideric. §. fin. ubi dicitur: Praeterea, si inter duos Vasallos de feudo sit controversia, domini sit cognitio, et per eum controversia terminetur.

121 Atque praesens Conclusio procedit, si inter duos Vasallos agatur petitorio de proprietate ipsius feudi; siue possessorio, videlicet de sola feudi possessione, secundum communem sententiam, de qua testatur Julius Clarus in §. Feudum. quaest. 90. var. Quae quidem communis opinio, et Farinacius tom. 1. Criminalium lib. 1. tit. 1. quaest. 8. n. 22 ac sequitur Barbosa lib. 1. Jur. Ecclesiast. univ. cap. 39. §. 2. n. 132. citans alios: quidquid in contrarium docuerit Glossa in c. Caeterum. v. Quamdiu. h. t. asserens, in possessorio posse agi coram Ordinario: cui nonnulli favet Fagnanus in d. c. Caeterum. n. 26. et seqq. Siquidem hanc Glossae doctrinam communiter reprobant alii Doctores, volentes, per Jura proxima allegata, utpote indistincte loquentia, etiam in possessorio esse agendum coram Domino feudi, teste Baldo in d. c. Caeterum. n. 2. et Decio, et Aretino ibid. h. t. et sequitur Farinacius cit. n. 22. cum aliis.

122 Resp. II. Dicta in Conclusionem praecedenti etiam locum habent respectu Ecclesiarum, et Clericorum quorumcumque, feudum a Laico; seu Principe aut alio Domino saeculari habentium; adeo, ut coram isto etiam conveniendus sit Clericus, vel Ecclesia, contra quem, vel quem a Convassallo movetur, lis super jure feudi; non autem coram Episcopo, nec coram Iudice ordinario loci, in cuius territorio res feudalis sita est: dummodo Dominus Feudi paratus sit justitiam exhibere. Ita habetur decisum in c. Caeterum. §. h. t. et notat ibidem Abbas n. 6. Baldus n. 1. et 2. citans plurimos alios; et concordat iam cit. c. Ex transmissa. et c. Verum. de Foro compet. Ex hisce siquidem Juribus clare habetur, quod Consecutiones, seu Leges Feudorum, utpote cum origine feudi annexae, etiam locum habeant in Ecclesiis, et Ecclesiastici personis; ac proinde Ecclesiae et Clerici, subiciantur Domino saeculari ratione Feudi ab eodem recepti; utpote cui, dominium directum in ejusmodi feudo semper retinenti, iuramentum fidelitatis praestiterunt.

123 Nec obstat, quod Ecclesiae, et Clerici gaudeant privilegio Fori, nec nisi coram proprio Episcopo conveniri possint, c. At si Clerici. §. h. t. cum concordantibus. Fallit enim data regula in causis feudalibus: non quidem virtute Legis, seu Potestatis Civilis, sed ex approbatione Ecclesiae universalis, ac virtute Constitutionum Apostolicarum, quae conformiter Usibus, seu Libris Feudorum, ne penitus Ecclesiae et Clerici carere cogantur emolumentis feudorum saecularium, successive per Romanos Pontifices factae sunt, et in praescriptis Juribus expressae. Abbas in d. c. Caeterum. num. 6. et Vivianus ibid. in Rationali. §. 1. h. t. id ulterius probans ex c. Ecclesia sanctae Mariae de Constitut.

124 Id ipsum confirmatur ex eo: quia feuda, quando conceduntur, sub ea conditione conceduntur, ut accipiens sit Vasallus concedentis, fungaturque jure privati: ergo etiam Ecclesia, vel Clericus, quando a Principe saeculari accipit feudum, sit Vasallus ejus, fungaturque jure privati: ideoque, quando Dominus feudi circa causam feudalem procedit contra Ecclesiam, vel Clericum feudatarium, procedit contra ipsum, non tanquam contra personam Ecclesiasticam, sed veluti contra Ducem, Marchionem, Baronem, etc. in feudis majoribus; sicque talis feudatarius Ecclesiasticus tenetur ad forum Domini directi, sicut tenetur Laicus. Accedit, quod isthaec consuetudo, videlicet ut Convassalli

inter se litigantes debeant adire Dominum feudi, sit de natura ipsius feudi, utpote cum ab origine ejus sit feudo annexa, cit. c. Imperialem. §. Quoniam. de prohibita feudi alienat. per Frideric. lib. 2. Feud. ac notat Baldus in c. Caeterum. num. 2. h. t. Unde non mirum, quod etiam respectu Ecclesiarum, et Clericorum, feudum a Laico recipientium locum habeat.

Additur notanter iam in hac, tum in praecedenti Conclusionem, Dummodo Dominus feudi paratus sit justitiam exhibere. Alioquin, enim, si Dominus feudi malitiose id facere recusaret, aut in exhibenda justitia omnino negligens foret, vel saltem non esset potens pro ea administranda: tunc, ne desit, qui subditis jus reddat, in defectum talis Domini feudi transferatur, seu devolvitur jurisdictio ejus in alium, c. Ex transmissa. §. et c. Licet. 10. et c. Ex tenore. 11. de Foro competent.

Et si potas, qualis sit ille Iudex, qui in defectum Domini feudi adiri possit? Respondetur, hunc esse Iudicem ordinarium Rei conveniendi; prout desumitur ex c. Caeterum. §. h. t. ac notat Summarium, et Abbas ibid. n. 12. post Glossam, et DD. in cit. cap. Imperialem. §. Praeterea. lib. 2. Feud. tit. 56. De prohibita feudi alienat. per Frideric. Concordat c. Ex transmissa. §. de Foro compet. juncta Glossa fin. id ulterius probante ex c. Significavit. §. de Offic. Ordinar. ubi in simili ob desiderium, vel malitiam Delegati, Iudex ordinarius procedit. Et merito: nam res de facili revertitur ad suam primariam naturam, l. Si unus. §. Pactus ne peteret. ff. de Pactis.

Intellige tamen istud, nisi Dominus feudi negligens in exhibenda justitia, habeat Superiorem in feudo. Si enim talem habuerit, tunc vel Vasallus Actor poterit eum facere compelli a majori illo Iudice, sub quo existit, ad exhibendam justitiam; ut inquit Glossa in cit. §. Praeterea. id probans ex L. 1. et 3. §. 1. ff. de Receptis arbit. Vel per dictum Superiorem jure devolutionis erit supplenda negligentia inferioris Domini feudi, non autem per Iudicem ordinarium Rei; ut tenet Abbas in cit. n. 12. id colligens ex c. Ex transmissa. §. de Foro compet. secundum unum intellectum.

Quaeritur II. Quis sit Iudex competens, quando extraneus, seu non Vasallus, habet litem cum Vasallo? Resp. I. Loquendo, de causis feudum non concernentibus, puta de actionibus tam civilibus, tum criminalibus a feudo independentibus, certum est secundum omnes, quod Dominus feudi de illis non judicet, sed Iudex ordinarius Rei sit adendus. Ita Abbas in cit. c. Caeterum. n. 13. h. t. Ratio est: quia Lex duntaxat tribuit Domino feudi jurisdictionem super Vasallos, in quantum agitur de feudo, utpote cujus ipse retinet dominium directum, cit. cap. Imperialem. §. Praeterea, ibi: Si inter duos vasallos de feudo sit controversia etc. Ac proinde reliqui casus remanent sub jurisdictione Iudicis ordinarii.

Resp. II. Insuper, quando extraneus, seu non Vasallus, habet litem cum Vasallo etiam super re feudali, non cognoscit Dominus feudi, sed tunc cognitio talis causae pertinet ad Iudicem ordinarium Rei. Ita Glossa fin. in cit. c. Caeterum. et Abbas ibid. n. 13. h. t. Pirhing. de Foro compet. n. 150. et alii. Ratio est: tum quia Jura solummodo tribuunt Domino feudi jurisdictionem super suos Vasallos, non item inter extraneos; haud obstante, quod de feudo sit controversia; ut liquet ex cit. c. Praeterea, ibi: Si inter duos vasallos de feudo sit controversia. Tum quia, si Dominus contra extraneum posset cognoscere de feudo, hoc ipso foret iudex in propria causa, contra L. un. C. Ne quis in sua causa etc.

Infertur proinde, ad hoc, ut Domino feudi competat jurisdictio in Vasallos, conformiter dictis

n. 119. et seqq. duas requiri condiciones. Primo, ut controversia sit super feudo, vel jure feudali, ita ut his, ex Legibus, seu Consuetudinibus Feudorum decidenda sit: nam in cacteris causis Judex ordinarius Rei erit adendus. Secundo, ut uterque litigantium recognoscat Dominum feudi: hoc est, sciat, se ejusdem esse Vasallum: sive dein id fiat respectu ejusdem feudi, et quilibet velit ostendere de jure suo; sive ipsi sint Vasalli ejusdem respectu diversorum feudorum, et contendat ad invicem super aliqua quaestione feudali. Et hae duae condiciones clare desumuntur ex cit. §. *Praeterea* junctis illis, quae in praecedentibus duabus Conclusionibus continentur.

131 Quaesitur III. Quis sit Judex, quando quaestio feudalis oritur inter Dominum et Vasallum? Resp. I. Si quaestio feudalis agitur inter Dominum et Vasallum de dominio directo: dum videlicet Actor asserit, se esse dominum feudi, Reus vero negat, dicendo rem esse allodiam: tunc Judex ordinarius Rei habebit cognitionem; et quidem Ecclesiasticus, si Reus sit Clericus; aut saecularis, si Reus fuerit Laicus. Ita Abbas in d. c. *Caeterum*. n. 20. et Fagnanus ibid. n. 13. et seqq. h. t. citans insuper Innocentium, Jo. Andream, et alios communiter. Idque merito. Nec enim tunc potest cognoscere ille, qui dicit se esse dominum feudi: quia foret judex in propria causa, contra cit. l. un. C. de no quis in sua causa etc. Nec possunt cognoscere Pares Curiae: quia, qui negat Dominum feudi, negat etiam Pares Curiae.

132 Accedit quod negato dominio directo, pariter negetur, causam esse feudalem: unde ejusmodi quaestio, veluti praepjudicialis, ante omnia alia erit examinanda, et terminanda. Et quia istud ab alio fieri nequit, ut dictum: remanet, quod ejusmodi quaestio de dominio directo, sit cognoscenda, et delinienda, a Judice ordinario Rei, arg. c. *Tua*. 3. de Ordine cognition. Et si is judicaverit, dominium directum pertinere ad Dominum feudi, sicque rem esse feudalem, remittat causam ad eundem Dominum feudi.

133 Ubi tamen sciendum, quod Vasallus negans feudum, si convincatur, cadat a jure feudi ipsoque in poenam suae inlicitationis privandus existat, l. ult. ff. de Rei vendicat. et lib. 2. Feudor. tit. 26. Si de feudo defuncti. §. *Vasallus* si. Quamquam hoc procedat solum, si quis prorsus negavit, feudum spectare ad Dominum, ac desuper fuit convictus: secus, si dubitanter dixit, se nescire: neque fraudulenter hoc ipsum sciens, seu cum scire potuisset, se debuisset, negaverit: prout est expressum in cit. lib. 2. Feud. tit. 34. de Lege Corradi. §. *Si fuerit*. ac notat Abbas in d. c. *Caeterum*. n. 21. h. t.

134 Resp. III. Si autem inter Dominum et Vasallum oriatur quaestio duntaxat super dominio utili, vel alio jure feudum concernente; puta, an feudum sit devolutum nec ne; anrum ex eo debeatur tributum, aut hujusmodi: tunc in casu cognoscunt Pares Curiae, si hos Dominus habuerit. Ita Glossa in cit. c. *Caeterum*. et Innocentius ibid. n. 1. Fagnanus n. 17. et seqq. h. t. et alii. Idque habetur expressum in cit. cap. *Imperialem*. lib. 2. Feud. tit. 55. De prohibita feudi alienat. per Frideric. §. *Praeterea*, illis verbis: *Si vero inter Dominum et Vasallum lis oriatur, per Pares Curiae, a Domino sub fidelitatis debito conjuratos, terminetur.*

135 Ubi per Pares Curiae, intelliguntur alii Vasalli ejusdem Domini. Et dicuntur *Pares*, a paritate feudorum: quia debent habere ab illo Domino consimilia feuda: ut si est causa Comitum, tunc alii Comites Vasalli erunt iudices; si causa inferiorum, tunc inferiores Vasalli iudicabunt, et sic de aliis. Abbas

in c. *Caeterum*. n. 14. post Innocentium ibid. n. 3. et Fagnanus n. 19. h. t. Vel, quia sunt Vasalli ejusdem Domini directi, habentes ab ipso feudum in eodem territorio: ut inquit Pirhing h. t. n. 152. post Mynsinger *Cont. 4. Observat. 89. in fin.*

Et hujusmodi Pares Curiae ab utraque parte co- 136 orditer sunt eligendi: vel si erit dissensio, tunc Dominus suo nomine debet eligere primo loco, quem, aut quos voluerit; deinde Vasallus dum ipso litigans similiter suo nomine eligit, quem, vel quos voluerit, secundum numerum a Domino approbatum; ita ut numeri aequalitas inter utrosque observetur. Textus est in lib. 2. Feud. tit. 16. De controversia feudi apud Pares terminanda.

Additur notanter in Conclusionem, *Si hos Domi-* 137 *nus habuerit*. Nam si Dominus feudi Pares Curiae non habeat, tunc quaestio ejusmodi vel apud Arbitros communi partium consensu electos, vel apud Judicem ordinarium Rei, seu in cujus territorio res sita est, tractanda et terminanda erit. Nam, ex quo non potest servari modus a Lege specialiter inductus, debet res atque jurisdictio redire ad naturam suam primariam: atqui caeteroquin generale est, quod Actor sequatur forum Rei, cap. 5. et 8. de Foro compet. ergo hoc ipsum in tali casu (nisi adhibeantur Arbitri) est observandum. Glossa in cit. cap. *Imperialem*. lib. 2. Feud. §. *Praeterea*. §. *Per pares*. Abbas c. *Caeterum*. n. 14. h. t. Engel tit. de Feudis, n. 51. circa finem, citans alios. Quia imo alicubi (prout de Patria nostra, imo fere de tota Europa, testantur Commentarii ad Jus Bavaricum Illustriss. et Excellont. D. Gaspari Schmid. p. m. Tom. 1. in *Sommentaria* 2. *Controvers.* 10. n. 9.) in locum Parium Curiae successit Judex Ordinarius.

Quaesitur IV. Utrum super crimine Clerici Va- 138 calli delinquentis possit Dominus laicus feudi cognoscere eumque punire, ac feudo privare? Resp. I. Quando contra Clericum Vasallum agitur criminaliter, vel civiliter, super crimine ad amissionem feudi: v. g. an is sit reus proditoris, aut alterius delicti, ob quod mereatur feudum amittere: nequit de hujusmodi crimine cognoscere saecularis Judex, aut Dominus feudi, sed remittenda est cognitio hujus ad proprium Judicem Ecclesiasticum Clerici Rei. Ita Abbas in c. *Verum*. numer. 17. de Foro compet. post Innocentium. Barbosa lib. 1. Jur. Ecclesiast. univ. cap. 39. §. 2. n. 135. et seqq. Farinacius tom. 1. *Practic. Criminal.* lib. 1. tit. 1. quaest. 8. m. 22. et alii ab his citati. Ratio est: quia de omni crimine Clericus non nisi coram Ecclesiastico Judice conveniri debet, can. *Nullus judicium*. et seqq. 11. q. 1. et c. *Clerici*. 8. h. t. ubi etiam reprobat omnis consuetudo in contrarium (quale consuetudinaria est Jus feudale) estque amplius dictum supra §. 4. nu. 83. et seqq.

Dices. Potest Judex saecularis cognoscere super 139 delictis: quae potest se Feloniam trahunt: ut si Vasallus omittat petere investituram legitimo tempore: si feudum irrequisito Domino alienet; si Domino periculum non denunciaret, aut illi non succurrat, et hujusmodi; ergo. Resp. Haec non tam esse delicta, quam causas privationis feudi ex contractu feudali descendentes: unde non mirum est, quod de his, quae non nisi improprie delicta vocantur, cognoscere possit Judex laicus: nam qui consentit in contractum feudi, consentit etiam ex pacto et conventionem in ea, quae feudum secum fert. Secus dicendum de criminalibus, seu delictis proprie dictis: qualia sunt, quae Jure naturali, Divino, ac Ecclesiastico illicita sunt, aut prohibita: ut est proditio, parricidium, violentia: vel stuprum personae Domini, aut uxori, seu filiae ipsius illatum, et hujusmodi.

Resp. II. Quod si Judex Ecclesiasticus condemna-

verit Clericum Vasallum Domini Laici de crimine, ob quod debeat in feudum amittere; tunc Dominus illo laicus, si velit, potest Clerico feudum auferre: secus, si Clericus Vasallus per suum Praelatum fuerit absolutus a crimine. Ita Jo. Andreas in c. *Verum* n. 4. et Abbas *ibid.* n. 17. de *Foro compet.* citans Innocentium, et alii. Nam quia Laicus nequit cognoscere super criminibus Clericorum, sed horum cognitio ad solum Judicem Ecclesiasticum pertinet, ut dictum; ergo etiam privatio feudi ob crimen, non nisi juxta sententiam Judicis Ecclesiastici, regulanda venit.

141 Dices. Si potest Dominus feudi exequi sententiam Judicis Ecclesiastici, Clericum Vasallum condemnantis, sicque ipsi feudum auferre; ergo, quando Clericus Vasallus resisteret, nolletque possessionem feudi relinquere, poterit etiam Dominus feudi in eum manus injicere, ac vi a possessione feudi expellere: atqui hoc non videtur dicendum, cum repugnet *can. Si quis suadente* 17. q. 4. ergo. Resp. neg. sequel. Etsi enim Innocentius id totum concesserit, asserens hoc esse speciale in feudo; ejus tamen opinio communiter non approbatur.

142 Dicendum proinde, quod Dominus feudi possit sententiam ejusmodi mandare executioni, non quidem tangendo personam Clerici (in hanc enim, utpote specialiter consecratam, et exemptam, vi feudi jurisdictionem non habet) sed compellendo eam aliis mediis; puta, terrore armorum, aut Colonos, pro ipso feudum detinentes, vi inde repellendo: per hoc enim non agitur contra *cit. can. Si quis suadente*. Quod si vero Clericus condemnatus personaliter feudum detineat, neque illud relinquere velit: tunc, sicut cognitio de crimine, ac sententia ferri debuit per Judicem Ecclesiasticum, ita per eundem fieri debet etiam compulsio absque eo, quod Laicus vim inferat in personam Clerici vasalli. Abbas in d. c. *Verum* n. 23. et 24. de *Foro compet.* post Jo. Andream, et alios, hanc sententiam appellans tutiorem, et veriore.

143 Caeterum hactenus dicta potissimum procedunt, quando feudum est paternum, seu spectans ad Clericum vasallum: tali enim feudo Clericus inimicosus, ob proprium crimen privari meretur. Quod si autem feudum sit Ecclesiae, tunc quia delictum personae non debet redundare in detrimentum Ecclesiae, utpote quae non peccavit, juxta *Reg. 76. Jur. in 6.* tali feudo non privatur Ecclesia, saltem non perpetuo. Quod ultimum notanter additur: nam vivente Clerico vasallo criminoso auferitur quidem feudum ab Ecclesia, ac pertinet ad Dominum directum: verum Clerico illo mortuo revertitur feudum ad Ecclesiam, sicque successor in Beneficio recuperat feudum. Textus est in *lib. 2. Feud. tit. 40. de Capitulis Corradi* §. *fin.* Plura de Feudis tum Civilitatis, tum Canonicae in *lib. 3. Decretalium. Tit. 20. de Feudis inscripto.*

## §. VI.

De illis, qui possunt ut Actores, vel Rei, stare in judicio.

### SUMMARIUM.

- 144 Generaliter omnes possunt stare in judicio, qui nullo jure prohibentur.
- 145 Sunt tamen plures personas sic prohibita. Et nam. seqq.
- 146 Excommunicatus, an, et qualiter in judicio stare prohibetur?
- 147 Filius familias absque patris consensu in judicio stare nequit.

REIFFENSTUEL Jus Can. Tom. II.

- 148 Exceptis certis casibus.
- 149 Furiosus, Prodigus et Servus, non possunt stare in judicio.
- 150 et 151. Mulieres invitas in causis civilibus ad judicium personaliter evocari nequeunt.
- 152 At volentes possunt personaliter venire in judicium, demptis Monialibus.
- 153 In causis criminalibus coguntur mulieres etiam invitas ad personaliter comparandum.
- 154 et 155. Pupillus absque Tutoris auctoritate, Sicut et Minorennis absque auctoritate Curatoris, non habent legitimam personam standi in judicio.
- 157 Minori petenti dandus est Curator ad litem. Et quid, si hunc nolit petere? *Ibid.*
- 158 Cum auctoritate Curatoris, et Tutoris, tum Minor, tum Pupillus potest stare in judicio.
- 159 An Minor in causis criminalibus sine Curatore possit in judicio stare?
- 160 Quid, si impetavit veniam aetatis?
- 161 Vel si agatur judicio possessorio?
- 162 Aut sententia pro ipso lata fuit?
- 163 In causis beneficalibus, et spiritualibus, Minor potest agere, ac respondere in judicio absque Curatore.
- 164 Atque hoc procedit etiam de Laicis minoribus respectu causarum spiritualium, ac dependentium ab eis.

Quaeritur I. Qui omnes possunt ut Actores, 144. vel Rei, stare in judicio? Resp. I. Generatione loquendo omnes illi possunt in judicio stare ut Actores, et Rei, qui nullo jure prohibentur. Ita Speculator *tit. De Actore* §. 1. numer. 1. et communis. Nam hoc ipso, quod quis nullo jure sit prohibitus, censetur habere legitimam personam standi in judicio; prout in simili dicitur *l. Mutus. ff. de Procuratorib. et c. Cum apud sedem. 23. de Sponsalib.* sicque et agere; et conveniri potest. Aequitati siquidem, Jorisque naturali consentaneum est, quod quilibet jus suum privatum, aut publicum Reipublicae, defendere possit; vel sub persona Actoris petendo, quod suum, aut Reipublicae est; vel sub persona Rei repellendo injustas actiones sibi intentatas, nisi a Legibus specialiter arceatur.

Resp. II. Plures nihilo minus sunt personae, quae 145 in judicio stare prohibentur; sicque agere, aut conveniri non possunt, vel saltem non sine alterius consensu. Ita communis, ac praesertim Speculator *cit. tit. De Actore. et tit. de Res.* ubi suscitatis praesentem materiam examinat, et resolvit; quae etiam declaratur inductione.

Sic imprimis Excommunicatus excommunicatione 146 majori, tanquam Actor in judicio stare non potest: quamquam conveniri non possit, et conventus in judicio per aliam respondere teneatur; ne alioquin, si conveniri non posset, de sua malitia commodum reportare videretur, *c. Intelleximus. 7. h. t.* ubi Glossa, et DD. communiter. Fatendum tamen, quod excommunicatus, ubi se injuste gravatum, ac condemnatum existimat, excipere, appellare, et omnem justam defensionem (excepta potestate reconvenendi) facere non prohibetur, *c. Cum inter. 5. de Exceptionib.* Imo etiam super causa excommunicationis, quam contendit sibi esse injuste inflictam, ac etiam appellationis, possit Rescriptum Apostolicum impetrare, *cap. 1. de Rescript. in 6.* estque uberius dictum supra *L. 1. Tit. 3. de Rescript. §. 2. n. 43. et seqq. et Tit. 38. de Procuratorib. §. 2. n. 30. et seqq.*

Deinde Filius familias absque patris consensu in 147 judicio regulariter stare non potest, *cap. ult. §.*



- fn. h. t. in 6.* Et si secus fiat, atque filius in potestate patris constitutus, licet sit majorannis, absque patris consensu contra quemlibet extraneum agat, vel ab eo judicialiter conveniatur, judicium est nullum, *l. Cum non solum. §. Sancimus. C. de Bonis quae liberis. etc. et l. 1. §. fn. C. de Annali exception. ac notat Speculator in cit. Tit. de Actore §. 1. num. 22. asserens, consensum patris hic exigere ad solemnitatem.*
148. Additur vero, *regulariter stare non potest.* Nam imprimis Filius familias sine patris assensu potest stare in iudicio quoad causas Beneficiales, et spirituales, ac dependentes ab ipsis, *citi cap. ult. h. t. in 6.* Deinde quoad bona sua castrensia, vel quasi castrensia: in his enim etiam contra patrem agit, *l. Lis nulla. ff. de Judiciis.* juncta Glossa *fn. ibid.* Tertio, quando Filius familias non suo, sed alterius nomine agit, *c. Qui generaliter. §. §. Necdum. de Procuratorib. in §. ubi.* Filius familias potest fieri procurator alterius, etiam ad iudicia, absque patris assensu. Taceatur aliis casus, de quibus Glossa *d. cap. ult. §. Regulariter. h. t. in 6.*
149. Tertio, Furiosus, vel mentis captus, sicut et Prodigus, cui bonis per Iudicem interdictum est, non nisi per Curatorem, qui eorum nomine agat, vel respondeat, possunt stare in iudicio, *l. 1. C. de Curatore furios. et prodig.* Sed nec Servus, seu Mancipium in iudicio interesse potest ut Actor, Reus, vel Index, *l. Servus. C. de Judiciis:* nam quoad actus judiciales servi pro nullis, seu pro mortuis habentur, *l. Quod attinet. ff. de Reg. Jur.* Taceatur tunc alii in progressu enumerandi.
150. Quaeritur II. An. Mulieres possint personaliter stare in iudicio, atque ad hoc compelli? Resp. I. Quantum ad propositum, Bonifacius VIII. *can. 2. h. t. in 6.* decrevit in haec verba: *Mulieres (quas vagari non convenit, nec virorum coetibus immisceri) auctoritate litterarum Sedis Apostolicae, vel Legatorum ipsius, aut alia quacunque (puta, ordinaria, vel delegata ab eo, ut explicat Glossa ibidem) ad iudicium personaliter evocari, vel trahi invitae, causa ferendi testimonii, aut alia qualibet, quae in Jure non exprimitur, prohibemus.* Haec Pontifex. Concordat textus in *l. Sancimus. C. de Receptis Arbitris.* Unde
151. Infertur primo, quod mulieres invitae in causis civilibus, vel etiam criminalibus civiliter intentatis, non possint compelli ad personaliter comparendum in iudicio, idque nec causa ferendi testimonii, sed nec ex quacunque alia causa: ac proinde, si mulieres conveniantur in iudicio, personaliter illuc accedere, nequaquam coguntur, sed sufficit, si respondeant per procuratorem. Quod si autem earum testimonium fuerit necessarium, Index vel per Tabellionem, expensis partis producentis missum, illud exquiret; vel etiam, cessante fraude, ipsemet Index eas accedet pro audiendo testimonio: prout sequitur in *textu cit. cap. 2. h. t. in 6.*
152. Additur notanter, *invitae.* Nam in dictis causis mulieres, si voluerint, bene possunt personaliter venire in iudicium, argumento a sensu contrario desumpto; ac notat Glossa *ibid. §. Invitae.* Dummodo hinc excipiantur foeminae religiosas, seu Moniales: nam haec, etiam volentes, extra suum Monasterium, vel clausuram, non sunt personaliter evocandae ad iudicium. Quod si secus, quidquam attentetur, illud ipso jure irritum est ac inane; prout subiungitur in *cit. cap. 2. §. fn. h. t. in 6.*
153. Infertur ulterius, quod in causis criminalibus criminaliter intentatis bene possint mulieres, etiam invitae, cogi ad personaliter comparendum in iudicio; sicque ipsae ob commissa crimina personaliter citari, imo et capi, atque incarcerari. Nam textus *num. 20. allegatus* prohibet solum, ne mulieres invitae cogantur personaliter venire in iudicium ex quolibet causa, quae in Jure non exprimitur. Atqui causa criminalis criminaliter intentata habetur in Jure expressa, seu excepta in *cap. 1. h. t. in 6.* juncta Glossa *ibid. §. Criminalis,* cum concordantiis. Nam quod in causa criminali non possit intervenire procurator, jam dictum est supra *Lib. II. Tit. 38. De Procuratoribus. §. 3. n. 2. et seqq.*
- Quaeritur III. Utrum Pupilli, ac minores viginti quinque annis, habeant legitimam personam standi in iudicio? Resp. I. Pupillus, ante quatuordecim annos, ex defectu aetatis non habet personam standi in iudicio; adeoque is neque agere, neque conveniri potest in iudicio absque Tutoris auctoritate; et si secus fiat, sententia lata contra Pupillum ipso jure non tenet. Patet hoc ex *l. 1. C. Qui legitimam personam standi in iudicio habeant,* juncta Glossa *fn. et Bartolo ibid.* qui tamen hoc intelligunt de sententia definitiva, non de interlocutoria. Concordat textus in *c. Si annum. §. Si vero. h. t. in 6.* ubi minor quatuordecim annis etiam in causis Beneficialibus, aliisque spiritualibus, per se ipsum, et absque Curatore, in iudicio agere, vel descendere prohibetur.
- Igitur emergente aliqua lite necesse est, ut Tutor ipsius pro Pupillo agat, ac respondeat: ita tamen, ut si Pupillus est ultra septennium, simulque praesens (nam pro absente, vel minore septem annis, semper Tutor in iudicio stabit) ipse auctoritatem ad hoc auctori praestet. Textus est in *l. 1. et 2. ff. de Administrat. Tutor.* juncta *l. 2. C. Qui legitimam personam etc. et cit. c. Si annum. h. t. in 6.*
- Resp. II. Insuper ex defectu aetatis legitimam personam standi in iudicio non habent Minores, seu minores viginti quinque annis, absque auctoritate Curatoris; idque procedit tum in civilibus, *l. Cum et minores. C. Si adversus rem judicatam etc.* tum in minoribus causis criminalibus, *l. Clarum. C. de Auctoritate praestand.* Quo posteriori in loco hujus ratio inter alia redditur, illis verbis: *Ne Minores alioquin ex sua imperitia, vel juvenili calore aliquid vel dicant, vel taceant, quod si fuisset ploratum, vel non expressum, prodesse eis poterat.* Gaius *l. 2. Pract. Observat. 108. n. 1. et seqq.* citans Bartolum, Baldum, et alios.
- Unde Minori petenti dandus est Curator ad litem, qui ejus nomine iudicium exerceat, *l. 1. §. fn. ff. de Minorib. et l. Acta. §. fn. de Re judicat.* Et si Minor de industria, atque in fraudem Actoris, nolit petere sibi dare Curatorem, ut hac ratione iudicium non sortiatur effectum (nam contra Minores indefensos, vel Curatorem non habentes, nulla sententia proferenda est, *l. Acta. §. fn. ff. de Re judicat.*) tunc Index ad instantiam Actoris debet mandare Minori, ut intra certum tempus compareat, nominaturus Curatorem ad litem. Et si is non compareat, neque Curatorem nominet, tunc Index ex officio illum dabit, ne ex mora et contumacia Minoris, iudicium magno Actoris incommodo, diu maneat in suspensio; ut *l. 3. §. Si pupillus ff. de Titul. et l. 1. C. Qui petant tutor. vel curat.* Maranta *par. 4. Speculi Aurei, distinct. 16. n. 36.* Gaius *cit. Observat. 108. n. 3.* allegans alios.
- Dicitur notanter in *data num. 156. Conclusionem*, 158. *absque auctoritate Curatoris.* Nam id, quod dici solet, Minorem non habere legitimam personam standi in iudicio, fallit imprimis, si habeat Curatorem, huiusque consensus, accedat. Tunc enim non solum Minor, verum etiam Pupillus, cum auctoritate Tutoris vel Curatoris, recte in iudicio agere, et conveniri potest; textu claro *l. 2. C. Qui legitimam personam.* Gaius *loc. cit. n. 8.* cum aliis.
- Et additur *cit. n. 156. in minoribus causis criminalibus.* Nam de his expresse loquitur dicta *l. Clarum.*

*C. de Auctorit. praestand.* Alioquin quippe in criminibus. Minores aetatis suffragio non juvantur: etiam malorum mores non exorat aetatis infirmitas, nisi ex juris ignorantia, vel alias sine dolo delictum acciderit, *L. 1. C. Si adversus delictum.* Concordat textus in *l. Si quis te roget. C. Ad leg. Cornel. de Sicariis*: quamquam interdum miseratione aetatis ad minorem poenam intelligendam soleat Judicem perducere, *l. Auxilium. §. In delictis. ff. de Minorib.* Et quidquid sit de Jure, seu dispositione dictae *l. Clarum*, quod in Practica non soleat dari Curator Minoribus, quando inquiruntur, seu examinantur in criminalibus: ac propterea horum confessio de consuetudine valeat, etiam sine auctoritate Curatoris, testatur Julius Clarus *lib. 5. §. An. quæst. 50. n. 2.* et Farinacius *Tom. 3. Criminal. quæst. 81. n. 370.* citans alios.

160 Fallit insuper data Conclusio in casu, quo Minor post expletum vigesimum vitae suae annum, veniam aetatis impetravit: ut *l. Omnes. C. De his qui veniam aetatis.* et *l. Ea quæ. C. de Temporibus integrum restitut.*

161 Fallit item in judicio possessorio; seu quando agitur de recuperanda, vel retinenda possessione, *L. ult. C. Qui legitimam personam.* etc. juncta Glossa, et Bartolo *ibid.* et aliis. Nam in judicio possessorio agitur de minori praejudicio, utpote quod, si contingat, in petitorio reparari potest: ac proinde ibi auditur Minor etiam sine auctoritate Tutoris, vel Curatoris.

162 Quin etiam in cæteris causis, quando Minor absque auctoritate Curatoris, vel Pupillus sine interventu Tutoris, agere tentavit, etsi sententia contra ipsum lata ipso jure non valeat, *L. 1. et 2. C. Qui legitimam personam.* etc. valet tamen, si pro ipso lata est. Textus est in *l. Non eo minus. C. de Procuratorib.* addita illa notabili ratione: *Minoribus animæ aetas in damnis subvenire, non in rebus prospera gestis obesse consuevit.*

163 Fallit insuper data n. 156. Conclusio in causis Beneficialibus, aliisque spiritualibus, et dependentibus ab eisdem. Siquidem Clericus minorennis in causis Beneficialibus (imo et Laicus respectu causarum spiritualium, vel dependentium ab istis, v. g. in causa matrimoniali, vel juris patronatus) si est major quatuordecim annis, vel per se, vel per procuratorem suum, absque alio Curatoris interventu, in judicio agere, et respondere potest, non minus, ac si esset major viginti quinque annis; prout est textus expressus in *c. Si annum. 3. h. t. in 6.* juncta Glossa *ibid.* §. *Ac si major.* et concordat quoad causam matrimonialem textus in *c. Ex parte. 14. de Restitut. spoliat.* Ex quibus Juribus liquet, quod Minorennis, si est major quatuordecim annis, in Beneficialibus, aliisque spiritualibus causis, habeatur pro majori. Glossa in *cit. c. Ex parte.* §. *Quamvis minor.* Barbosa in *d. c. Si annum. n. 2. h. t. in 6.* Flaminius Parisius *lib. 3. de Resignatione Beneficiorum. quæst. 7. n. 3.* et alii. Quamquam si contingerit, ejusmodi Minorem in actibus judicialibus graviter laedi; is non prohibetur postmodum petere restitutionem in integrum. Barbosa *loc. cit. n. 2.* Pirhing *h. t. n. 15.* et alii. Alioquin quippe privilegium ipsi concessum, in ejus praejudicium retorqueretur, contra *Reg. 61. Juris in 5.*

164 Atque istud respectu causarum spiritualium, v. g. matrimonialium, et dependentium ab eis, ut est jus patronatus, ac hujusmodi; etiam procedit de Laicis natu minoribus, quando sunt puberes, seu decimum quartum aetatis annum excesserunt. Nam textus in *cit. c. Si annum. h. t. in 6.* generaliter loquitur non solum de beneficialibus, sed etiam de aliis causis spiritualibus, nec non et dependentibus ab

eisdem: non distinguendo; nam Minor sit Clericus, vel Laicus. Concedat *c. Ex parte. 14. de Restitut. spoliat.* ubi mulier, quamvis minor, causam matrimonii per procuratorem agebat: ubi Glossa §. *Quamvis minor.* pluribus hoc exequitur. Pirhing *h. t. n. 15.*

## §. VII.

An, et qualiter Religiosi, ac Praelati, possint agere, et conveniri in judicio?

## SUMMARIUM.

- 165 Religiosi subditi nequeunt agere, vel conveniri in judicio absque licentia sui Praelati.
- 166 Nisi pro reformatione Monasterii accusando Praelatum.
- 167 Aut nisi de licentia Abbatis existant extra Monasterium in loco remoto.
- 168 Vel nisi habeant Beneficium de consensu sui Superioris.
- 169 Qui praeficitur alicui administrationi, obtinet eo ipso facultatem agendi super juribus ejus.
- 170 Religiosus potest agere super juribus spiritualibus, quorum est capax.
- 171 Bona Ecclesiarum quandoque sunt communia inter Praelatum, et Capitulum, seu Conventum, quandoque discreta; et quomodo?
- 172 Quando bona Ecclesiarum sunt communia, tunc Praelatus, etiam Regularis, se solo, et absque consensu Capituli, potest de ipsis in judicio stare.
- 173 et 174 Idque probatur multipliciter.
- 175 Dimmodo causa non sit ardua, et magni praejudicii.
- 176 Est tamen in his attendenda specialis Ecclesiarum consuetudo.
- 177 De bonis communibus Capitulum, seu Conventus, nunquam potest agere sine consensu Praelati.
- 178 Nisi quando vult agere pro male alienatis per Praelatum.
- 179 Possunt tamen gesta per solum Capitulum postea ratificari a Praelato, si ita expedire viderit.
- 180 De bonis omnino discretis potest Capitulum, seu Conventus, agere sine ulteriori consensu Praelati.
- 181 Nisi causa foret ardua, magnique praejudicii.
- 182 Ille non potest agere, qui non potest rem alienare, an, et quando verificetur?
- 183 In causis civilibus non est conveniendus Religiosus, sed Monasterium.
- 184 Secus in causis criminalibus, seu quando convenitur Religiosus ex delicto.

Quæritur I. Utrum Monachi, alique Religiosi, possint agere, et conveniri in judicio? Resp. Regulariter loquendo Religiosi subditi nequeunt agere, vel conveniri in judicio, sine licentia sui Praelati. Ita Glossa in *can. Non dicatis. 12. q. 1.* §. *Potestere.* Speculator *tit. De Actore. n. 28.* Navarrus *Comment. 2. de Regularib. n. 64.* et communis aliorum. Idque clare patet ex *can. Marachi a Monasterio. 16. q. 1.* cum similibus. Etenim Religiosus non est sui juris; cum velle et nolle non habeat *c. Si Religiosus de Election. in 6.* Nec etiam habet dominium bonorum temporalium; cum propter Deum omnia reliquerit, omneque eorum jus in Monasterium transulerit, *c. In praesentia. 8. de Probation.* et *can. Si qua mulier. 19. q. 3.* Unde

consequens est, quod nec agere possit sine consensu sui Superioris, nec conveniri super iisdem bonis, sed potius conveniendum sit Monasterium.

166 Additur in Conclusionem, *regulariter loquendo*. Nam imprimis, ne Monasterii reformatio valeat retardari, ab ipsomet Jure, et non petita alia Superioris licentia, permissum est Monachis suos Praelatos accusare, etiam de bonis Monasterii faciendo necessarias expensas litis, c. *Ex parte*. 11. et c. *Olim*. 26. de *Accusation*. Speculator cit. n. 48. Navarrus, ubi supra. n. 65.

167 Deinde, licet Monachi non possint alios accusare; nisi intersit Monasterii, atque accedat licentia Praelati, cit. c. *Ex parte*. juncta Glossa, §. *Licet alios*. de *Accusation*. cum similibus: hoc ipsum tamen limitatur, nisi Monachus de licentia Abbatis existat extra Monasterium in loco remoto, v. g. in studiis. Tunc enim, si fuerit in contractu laesus, atque injuria laesus, potest stare in judicio, et contra alium agere, seque defendere, non petita alia licentia Praelati. Ita Glossa fin. cit. c. *Cum dilecta*. 22. de *Rescript*. quam Abbas ibid. n. 14. reputat singularem, ad hoc, quod Religiosus spoliatum possit petere restitutionem in absentia sui Superioris; eo postea subjungit datam doctrinam de Monacho in studiis existente. Speculator loc. cit. n. 50. Engel h. t. n. 4. Sannig eod. cap. 3. n. 7. et alii. Nam ex quo Monachus habet licentiam standi extra Monasterium in loco remoto, v. g. in studiis, videtur hoc ipso per consequens, saltem tacite, habere licentiam ad accessoria; videlicet faciendi ea, sine quibus ibi commode stare non possit: ut puta, quod causa studiorum possit contractum necessarium inire, et contra laedentes, seu injuriam inferentes agere, seque in judicio defendere; ut c. *Præterea*. 5. et c. *Ex litteris*. 29. de *Offic. Delegat.* et l. *Si longius*. §. 2. ff. de *Judiciis*, cum similibus.

168 Tertio, quando Religiosus de consensu sui Superioris habet aliquod Beneficium; puta Prioratum, Parochiam, vel aliam administrationem in titulum Beneficium, saltem manuum ac revocabilem: tunc super juribus ejus potest per se agere, vel saltem (quod convenientius est juxta cap. un. de *Syndico*) per constitutum a se procuratorem. Desumitur hoc ex c. *Cum deputati*. 16. h. t. ubi Praecoceptores Templi, qui fuerunt Religiosi quidam in Italia, pro domibus suis agere, et defendere poterant.

169 Ex quo proinde Capitulo Abbas ibid. n. 1. infert pro generali regula, quod eo ipso, quod quis praeficitur alicui administrationi, adipiscatur atque obtineat facultatem agendi super juribus ejus, etiamsi administratio illa sit manualis, et ad nutum revocabilis. Concordat textus in *Clement. 1. de Rescript*. juncta Glossa ibid. §. *Licet*. post Innocentium, et Hostiensem. Navarrus cit. *Comment. 2. Regularibus*. n. 64. Qui tamen hinc excipit simplicem administrationem, quam habet Religiosus sine ullo titulo, etiam Manuali: ut si quis praedia, vel villas gubernet mandato sui Praelati, atque impensis Monasterii.

170 Quarto, potest Religiosus injuste gravatus, non petita alia Praelati licentia, agere super juribus spiritualibus, quorum est capax: ut super jure manendi in Monasterio, vel si inde injuste esse ejectum esse conquiritur, super restitutione in illud; item super jure competente sibi per Professionem, vel electionem canonice factam, ac alio quovis titulo, cujus est capax, arg. c. *Cum dilecta*. 22. de *Rescriptis*, ac notat Glossa fin. et Abbas ibid. nu. 13. et amplius Navarrus, in d. *Comment. 2. de Regularibus*. n. 64. apud quem plura de his.

Quaeritur II. Utrum Praelatus, praesertim Regularis, possit agere, vel conveniri super rebus Ecclesiae, aut Monasterii, absque consensu Capituli, seu Conventus; et econtra? Ubi praenotandum cum Abbate in c. *Edoceri*. 21. n. 3. de *Rescriptis*, quod bona Ecclesiarum, quandoque sint communia inter Praelatum et Capitulum, seu Conventum; et hoc adhuc dupliciter; nam aliqua sunt prorsus communia Praelato et Conventui; alia vero, licet sint divisa quoad rem (ut quia certa bona sunt deputata pro mensa Capituli, seu Conventus, et certa pro mensa Praelati) non tamen sunt divisa quoad administrationem, sed ea omnia administrat Praelatus, ac si bona ex toto essent communia. Quandoque autem bona Ecclesiarum sunt omnino discreta, sive inter Episcopum et Capitulum, vel inter Praelatum Regularem et Conventum, divisa tam quoad rem, quam quoad administrationem: ut quia Conventus per se, vel per alium a se deputatum, administrat bona sibi attributa; et idem facit Praelatus de suis. Hoc praenotato,

Resp. I. Quando bona Ecclesiae sunt communia, sive quoad rem, sive saltem quoad administrationem, tunc Praelatus, etiam Regularis, ac solo, et absque consensu Capituli seu Conventus, potest de ipsis in judicio agere, et conveniri; dummodo causa non sit ardua, et magni praedicii. Ita Abbas in cit. c. *Edoceri*. n. 6. et Felinus ibid. n. 2. et 3. de *Rescript*. Speculator tit. de *Actore*. n. 77. Pirhing h. t. n. 24. Engel eod. n. 5. et alii; contra Glossam in d. c. *Edoceri*. §. *Debeant*. et cap. 1. §. *Legaliter*. de *Procuratorib.* Quamquam ob hanc Glossae auctoritatem Curia non admittat de facili Praelatum ad agendum sine consensu Conventus; uti fatetur ipse Abbas cit. n. 8. Nisi dicere velis, istud accidere ex eo, quia in Curia Romana non praesumuntur tractari negotia, nisi ardua et magni praedicii, ut proinde ibidem subintret ultima pars datae Conclusionis.

Prior pars probatur ex eo, quia habens legitimam administrationem, potest agere sine consensu alterius; ut l. ult. ff. *Quod cujusque universitat. nomin.* et l. *Cum et judices*. §. *Quod observari*. C. de *Jurjurand. propt. calumn.* Sed quilibet Praelatus habet legitimam administrationem rerum suae Ecclesiae, c. *Cum nobis*. 19. §. *An de Electione*. Sicut et Abbas habet totam potestatem tam circa Cultum Divinum, quam circa alias res Monasterii sui, c. *Nullum*. 18. q. 2. cum similibus; ergo.

Accedit, quod Procurator generaliter ad negotia constitutus, possit agere, atque experiri in judicio, absque alio speciali mandato; nisi casus sit de specialiter exceptis, c. *Qui generaliter*. §. 1. de *Procuratorib.* in 6. Idem ergo, et quidem a fortiori, dicendum est de Praelato respectu rerum suae Ecclesiae, seu Monasterii (dummodo excipiantur causae arduae, et magni praedicii) cum is non sit simplex Procurator, sed habeat titulum honorabilem, et dignitatem, imo et liberam ac generalem administrationem in bonis Ecclesiae, juxta Glossam magnam in c. *Quia Episcopus*. 5. q. 3.

Altera pars probatur ex c. *Humilis*. 17. de *Majorit. et obed.* et c. *Novit*. 4. et c. *Quanto*. 5. de *his quae sunt a Praelat.* Ex quibus Juribus desumitur generalis regula, quod in arduis Praelatus nihil debet agere sine consensu Capituli. Unde etiam Episcopus non potest possessiones Ecclesiae minus utiles, alienare pro utilioribus, nisi de consensu Capituli; c. *Ut super*. 8. de *Rebus Eccles. non alienand.*

Atque in hoc sensu potest intelligi cap. 1. de *Procuratorib.* quod videlicet procedat in arduis; ut notat Abbas loc. cit. n. 6. et Speculator, tit. de *Actore*. n. 77. ubi tamen recte addit, quod in his etiam attendenda sit specialis Ecclesiarum consuetudo. Nam.



quod consuetudine induci possit, ut Praelatus solus non possit agere super his, quae pertinent ad Conventum, seu Capitulum; patet ex c. *Cum Ecclesia Pulverana*. 31. de Elect. et c. *Irrefragabili*. §. *Excessus*. de Offic. Ordin. et c. *Cum contingat*. 13. de Po-ro compet. cum similibus, ac late tradit Federicus de Senis Consil. 100.

177 Resp. II. Nihilominus Capitulum seu Conventus Ecclesiae tum Regularis, tum saecularis, nunquam potest agere, nec in iudicio respondere de bonis, seu causis communibus, absque consensu Praelati. Ita Felinus in c. *Edoceri*. n. 4. de Rescript. et Abbas ibid. n. 7. ac rursus in c. *Causam quas*. 9. h. t. ubi Glossa un. et Barbosa n. 3. citans alios. Et merito; nam Praelati ex officio suo tenentur Congregationum suarum negotia procurare, et non e contra cit. c. *Edoceri*. §. *fin. de Rescript. et can. Nullam*. 18. q. 3. Id ipsum probatur ex c. *Causam quas*. 9. h. t. ubi Papa respondet, quod Fratres Dulmensis Monasterii contra Monachos S. Albani non aliter sint permit-tendi ingredi negotium, sive causam iudiciariam, nisi cum auctoritate et assensu Episcopi sui (qui simul fuerat Abbas dicti Monasterii; ut patet ex littera sequenti, ac notat Abbas ibid. num. 8.) Idque ex ea ratione: *Ne, si Fratres S. Albani obtineant, Episcopus idem, Abbatem Monasterii se proponens, litam sopitam valeat suscitare*. Haec enim ratio non subsisteret, si Conventus absque assensu Praelati super rebus communibus in iudicio agere posset.

178 Limita tamen datam Conclusionem in casu notabili, videlicet quando Conventus solus vult agere pro rebus male alienatis per Praelatum. Nam si Praelatus, qui nunc est, male alienavit, ac repetere negligit, vel si ejus Successor est negligens in recuperando; potest Conventus solus agere pro recuperatione male alienatorum, etiam absque consensu Praelati. Idque probatur per textum notabilem in c. *Si quis Presbyterorum*. de Rebus Eccles. non alienand. ubi cuilibet Clerico conceditur, ut possit contradicere alienationi rerum Ecclesiasticarum, easque male alienatas cum fructibus repetere: multo magis igitur id poterit totus Conventus contra suum Praelatum. Abbas in cit. c. *Edoceri*. n. 7. de Rescript. et Felinus ibid. n. 4. et alii.

179 Insuper est notandum, quod gesta per solum Capitulum, sive Conventum, possint postmodum ratificari a Praelato, si ita Ecclesiae, seu Monasterio expedire viderit: unde si Conventus egit in iudicio absque consensu Praelati, et causam obtinuit, potest sententia in ejus favorem lata ratificari a Praelato per subsequenter consentum. Glossa in d. c. *Edoceri*. §. *Debeant*. et Abbas ibid. n. 12. et Felinus n. 8. de Rescript. et Pirhing. h. t. n. 28. et alii. Idque probatur ex can. *Si qua de rebus*. 12. q. 2. ubi alienationem factam per Capitulum, etiam Sede vacante, potest Episcopus postea creatus ratam habere, si expedierit Ecclesiae. Concordat c. *Cum nos jam pridem*. 3. de his quas sunt a Praelat. etc. ubi dicitur, quod defectus consensus per subsequenter ratificationem possit suppleri.

180 Resp. III. Loquendo nunc de bonis omnino discretis, seu quae inter Praelatum et conventum tam quoad rem, quam quoad administrationem sunt divisa, dicendum est, quod de his Capitulum, sive Conventus possit agere, ac respondere in iudicio, non requisito ulteriori consensu Praelati; nisi causa foret ardua, magnique praesudicii. Ita Abbas in cit. c. *Edoceri*. n. 5. et Felinus ibid. n. 3. §. *Amplia etiam*. de Rescript. Pirhing n. 26. et alii. Nam regula est, quod habens legitimam administrationem, possit agere sine consensu alterius; ut post Innocentium loquitur Abbas loc. cit. n. 6. ad hoc allegans L. ult. ff. *Quod cujusque universit. nomin.* Atqui circa bona

omnino discretis, Capitulum seu Conventus habeat legitimam administrationem; alioquin enim illa non essent quoad administrationem divisa; ergo.

Additur notanter, *Nisi causa foret gravis, etc.* 181 Quia in arduis negotiis, sicut Praelatus nihil potest agere sine consensu Capituli, seu Conventus, haud obstaute, quod ipse sit Caput, ac de jure habeat administrationem: ita multo magis Capitulum, seu Conventus, in causa ardua non potest agere sine consensu Praelati, haud obstaute administratione sibi caeteroquin concessa. Istud enim exigit communio, atque unitas corporis mystici; quae est inter Praelatum et Capitulum, sive Conventum; cit. c. *Novit*. 4. de his quas sunt a Praelatis etc. et c. *Requisivisti*. 13. de Testament.

Dices. Ille non potest agere in iudicio super re aliqua, qui non potest hanc alienare; ut l. *Ait Praetor*. ff. de Jure deliberand. ibi: *Est enim absurdum, ei, cui alienatio interdicitur, permitti actiones exercere*. Atqui Conventus nequit alienare sine consensu Praelati, imo nec Praelatus sine ejus consensu, ergo nec agere. Resp. Majorem non esse indistincte veram, ut inquit Abbas in cit. c. *Edoceri*. de Rescript. nam Procurator simplex potest agere in iudicio, c. *Qui generaliter*. de Procuratorib. in 6. et tamen non potest alienare, nisi habeat liberam administrationem, l. *Procurator tutorum*. ff. eod. Similiter pater super bonis adventitiis filii agere potest, et tamen non potest alienare. l. *Cum non solum*. C. de Bonis quas liberis et c. et l. 1. de Bonis maternis. Unde dicendum, quod is, qui non potest alienare, nec etiam possit agere nomine proprio, ut est casus in cit. l. *Ait Praetor*. Secus, si agat nomine alieno: prout Praelatus, vel Conventus circa bona omnino discretis, agit nomine Ecclesiae, seu Monasterii.

Quaeritur III. Utrum habens actionem contra Religiosum, debeat ipsum convenire, vel potius Monasterium ejus? Resp. I. In causis civilibus non est conveniendus Religiosus, sed Monasterium ipsius. Ita Glossa in can. *De persona*. 11. q. 1. §. *aut Monachum* et Archidiaconus ibid. n. 6. Speculator tit. de Reo n. 19. et alii Ratio est clara: quia Monachus, aut Religiosus solemniter professus, nihil habet proprium, can. *Non dicatis*. 12. q. 1. sed quidquid acquirit, puta ratione successionis ab intestato, aut hujusmodi, acquirit Monasterio; *Auth. Ingressi*. C. *Episcop. et Cleric. et can. Quia ingredientibus*. 14. q. 3. et c. *Quanto*. 7. de Offic. Ordin. et c. *Cum ad Monasterium*. 6. de Statu Monach. ergo in causis civilibus non ipse, sed Monasterium conveniri poterit, ac debebit.

Resp. II. Nihilominus in causa criminali, sive ex delicto, convenitur ipse Religiosus, non vero Monasterium. Ita Archidiaconus cit. num. 8. Jo: Andreas in c. *Mulieres*. num. 2. h. t. in 6. post Innocentium c. *Cum olim*. il 2. de Privileg. Speculator, ubi supra, id limitans, dummodo non agatur contra Monachum quoad poenam pecuniariam eo quod proprio careat; et alii. Desumitur hoc ex c. *Dilectus filius A.* 3. de Simonia, ubi contra Religiosos, qui labe Simoniae fuerunt maculati, accusatio potest canonice institui. Accedit ratio: quia hoc ipsum videtur exigere sanctitas Locorum sacrorum, sive Monasteriorum; quae proin ex delicto Monachi non tenentur, nisi forsitan aliquid ad ipsa inde pervenis-sent, not in eorundem utilitatem conversum fuisset, c. *Quod quibusdam*. de Fidejussorib. Unde ex delicto, seu haeretica doctrina Joachimi Abbatis, nullatenus tenetur Monasterium Florense, c. *Damnatus*. §. *In nullo de Summa Trinitat.* Nam, ut habet Reg. 76. Juris in 6. *Delictum personae non debet in detrimentum Ecclesiae redundare*.



## §. VIII.

Resolvantur aliae notabiles Quaestiones  
circa materiam praesentis Tituli.

## SUMMARIUM.

- 185 Acta iudicii, et Acta causae, quid, et in quo differant?  
186 Perempta instantia, pereunt Acta iudicii.  
187 Acta causae in uno iudicio fidem faciunt in alio etc. Et num. seqq.  
188 Quando inter easdem personas.  
189 Atque in ordine ad eundem effectum produ-  
cuntur. Et num. seqq.  
190 Acta coram Iudice Ecclesiastico fidem faciunt  
coram saeculari, et e contra, ut unus adjuvet  
alterum in compescendo malos.  
Iudex Ecclesiasticus potest implorare Brachium  
saeculare, etiam per censuras. Ibid.  
191 Acta probatoria in Iudicio summario, fidem  
non faciunt in ordinario; et cur?  
192 Hoc tamen limitatur.  
193 Similiter Acta probatoria in Iudicio civili, fi-  
dem non faciunt in criminali: bene tamen  
e contra.  
194 Acta in iudicio inducunt notorium, et quomodo?  
195 Res iudicata, pro veritate accipitur, quomodo?  
196 Utrum valeant gesta per Iudicem putativum?  
Et ratio dubitandi, ac negativam tenendi.  
197 Valent gesta per Iudicem putativum, qui revera  
talis non est, si concurrant certae conditiones.  
198 I. Ut interveniant error communis.  
199 II. Quod Iudex ejusmodi sit in possessione sui  
Officii ex aliquo titulo colorato,  
Idque exemplificatur. Ibid.  
200 Acta Iudicis intrusi non valent.  
201 Solvuntur rationes dubitandi.  
202 Parochus communiter existimatus, qui nunquam  
est ordinatus in Sacerdotem, invalide absolvit  
poenitentes.  
203 Secus si fuerit Sacerdos.  
204 Regula est, quod nemo sit iudex in propria causa.  
205 Adeo, ut Iudex habens ut privatus consimilem  
causam, possit recusari ut suspectus.  
206 Data regula fallit in supremis Iudiciis, ut  
Papa, Imperatore etc.  
207 Item in notoria injuria Iudici, vel Praetato ir-  
rogata: quia is potest imponere poenam a  
Iure taxatam.  
208 Imo et arbitrium, quando injuria notoria illata  
est Iudici ut iudici, seu ratione officii sui.  
209 Dummodo poena tendat ad vindictam publicam,  
et non ad privatum interesse illius Iudicis.  
210 Regula eadem fallit, quando oppositum culpam  
conceditur a Lege.  
211 Idque exemplificatur. Et num. praeced.  
212 Iudex regulariter non potest cogere partes ad  
personaliter comparendum.  
213 Idque procedit tum in Delegato, etiam Papae;  
tum in Ordinario. Et num. praeced.  
214 Nisi Delegatus Papae mandatum receperit  
speciale.  
215 Vel nisi fuerit causa criminalis.  
216 et 217. Referuntur alii casus, in quibus Iudex  
potest partes compellere ad personaliter com-  
parendum.  
218 Mulieres non sunt invitae personaliter in ju-  
dicium trahendae.  
219 Partes litigantes tenentur in iudicio per se  
ipsas factum proponere, nisi sint indiscretae.  
Et num. seqq.

- 220 Advocatus respondens in his, quae sunt facti,  
nemine contradicente, praefudicat parti.  
221 Advocatorum officium, circa quae versatur?  
222 Solvuntur Jura in contrarium.  
223 Praeparatoria iudiciorum, et  
224 Decisoria iudiciorum, quae?  
225 In praeparatoriis eorum attenduntur consuetudi-  
nes Fori, ubi litigatur.  
226 Idque exemplificatur, et amplius probatur.  
227 E contra quoad decisoria litis attenduntur con-  
suetudines et statuta litigantium.  
228 Atque hoc varie exemplificatur.

Quaeritur I. Utrum Acta unius iudicii habeant suum effectum, fidemque faciant in alio? Ubi praenotandum cum Glossa in Clement. Saepe contin-  
git. & Defensiones. De Verb. signif. Abbate in c. Ve-  
nerabilis. n. 14. h. t. Bartolo in l. Is apud quem. §.  
Secundo casu. C. de Edendo. Maranta in Speculo Au-  
reo. part. 5. n. 55. et aliis, quod alia sint Acta ju-  
dicii: alia vero Acta causae, seu litis. Acta iudicii  
dicuntur illa, quae respiciunt, seu concernunt or-  
dinationem iudicii: ut sunt libellus, litis contesta-  
tio, terminus peremptorius, satisfactio, et alii si-  
miles actus judiciales, qui tendunt ad ordinandum  
Processum iudicium, ejusque solemnitates obser-  
vandas. Acta causae contra vocantur illa, quae  
concernunt investigationem veritatis, justamque li-  
tis decisionem respiciunt: prout sunt depositiones  
testium, instrumenta, confessiones, et alia hujus-  
modi Acta probatoria, utpote quae tendunt, atque  
ordinantur ad justam decisionem litis. Quo prae-  
notato

Resp. I. Perempta instantia pereunt Acta iudi-  
cii, sicque non habent suum effectum in alia instan-  
tia. Ita Abbas cit. numer. 1. §. post Innocentium in c.  
Causam quae. de Testib. Bartolus, ubi supra Jason l.  
Is apud quem. n. 19. C. de Edendo. Maranta cit. n.  
55. et alii. Idque desumitur ex l. Cum lite mortua.  
ff. iudicatum solvi: ubi dicitur, quod lite mortua  
(seu perempta instantia per lapsum triennii, aut ab-  
solutionem ab ejus observantia) nulla res sit: sic-  
que non valent prima Acta, ut inquit Glossa un.  
ibid. allegans ad hoc etiam l. Properandum. §. 1. C.  
de Iudiciis.

Resp. II. Acta causae, seu Acta probatoria co-  
ram legitimo Iudice in uno iudicio, fidem faciunt  
in alio iudicio, quando inter easdem personas, at-  
que in ordine ad eundem effectum producantur:  
dummodo non varietur modus agendi. Ita Abbas  
in c. At si Clerici. num. 12. h. t. et amplius in c. Cau-  
sam quae. n. 1. et seqq. de Testib. Gailus lib. 1. Pra-  
ctice. Observat. 103. n. 1. et seqq. Pirhing h. t. n. 96.  
post Decium in d. c. At si Clerici. n. 15. et Alexan-  
drum de Nevo ibid. n. 33. Sannig h. t. cap. 5. n. 3. et  
alii. Idemque desumitur tum ex cit. c. Causam quae.  
11. de Testib. ubi auctoritates in uno iudicio rece-  
ptae, faciunt fidem in eadem causa, et inter easdem  
personas coram alio Iudice. Tum etiam ex cap. 2.  
de Exceptionib. in 6. ubi Summarium habet, quod  
exceptio rei iudicatae per Ecclesiasticum Iudicem,  
admitti debet in Foro saeculari, et e converso. Hoc  
enim non procederet, nisi Acta causae in uno iudi-  
cio, fidem facerent in alio; saltem quando inter  
easdem personas, et ad eundem effectum produ-  
cantur.

Additur notanter, quando inter easdem personas  
etc. Alioquin enim, sicut res inter alios iudicata  
aliis non nocet, l. 1. et seqq. C. Quibus res iudica-  
ta non nocet: Ita nec Acta causae inter certas perso-  
nas praefudicant aliis. Dummodo hi non manda-  
verint, nec Acta illa ratificaverint: prout limitatur  
in cit. l. 1. C. Quibus res iudicat. Et dummodo illae

plores personas non habeantur loco unius. Bartolus cit. l. *Is apud quem*. §. Quandoque. C. de Edendo, id probans ex l. *Haeredes*. ff. Familiae herciscundae. Quamquam per hoc non negetur, quod ejusmodi Acta probatoria, etiam inter personas alias producta, aliqualem praesumptionem faciant; licet non plenam fidem, Abbas d. c. *Causam quae*. num. 4. de Testib. et Bartolus l. *A sententia*. ff. de Appellat. et favet textus in l. *Si duo patroni*. §. 1. ff. de Jurejurand.

189. Additur ulterius, et ad eundem effectum etc. Prout v. g. testes in prima instantia recepti, publicatis semel eorum attestationibus, fidei faciunt in secunda instantia; ut c. *Presentata*. 50. juncta Glossa §. *Acta de Testib.* et l. ult. C. ord. ac notat Gailus cit. lib. 1. *Observat.* 103. n. 2. hanc appellans communem opinionem. Nam utraque instantia tendit ad eundem effectum.

190. Similiter Acta coram Indice Ecclesiastico, fidem faciunt coram Indice saeculari, et e contra, ut unus adjuvet alterum in compescendo malos, et defendendo bonos: nam utraque Potestas, Ecclesiastica videlicet ac Regalis, mutuo sese juvare debent, can. *Principes*. et seqq. 23. q. 5. et can. *Cum ad verum*. dist. 96. Unde, si opus fuerit, potest Index Ecclesiasticus implorare Publicum auxilium, sive Brachium saeculare, cap. 1. de Offic. Ordinarii. Imo potest Judicem saecularem ad hoc compellere, cap. 2. §. *Per temporalem*. de Maladicis. Etiam per censuram Ecclesiasticam, can. *Administratores*. 23. q. 5. ac notat Glossa in cit. cap. 1. §. *Publicum*. de Offic. Ordin. et ibi Abbas num. 11. amplius hoc declarat.

191. Additur tandem in data num. 187. Conclusionem, *Dummodo non varietur modus agendi*. Sic enim Acta probatoria, seu attestationes receptae in Judicio summario, fidem non faciunt in Judicio ordinario, c. *Veniens*. 38. de Testibus. Variatur enim modus agendi quia in Judicio summario sufficiunt probationes summariter factae, etiam lite non contestata, Clem. *Saepe contingit*. de Verb. signif. non item in Judicio ordinario, cap. un. de litis contestat. Abbas in d. c. *Causam quae*. n. 6. de Testib. citans Innocentium.

192. Quod si autem testes in Judicio summario rite, ac servatis omnibus solemnitatibus Juris, tanquam in plenario producti, et examinati fuissent; tunc eorum attestationes etiam in Judicio ordinario fidem facerent. Gailus lib. 1. *Pract. Observat.* 104. num. 4. citans Paulum de Castro Consil. 3. n. 3. Andon. de Butrio in c. *Fraternitatis*. de Testib. et Alexandrum in l. 2. C. de Edendo, ac alios. Et favet textus in cit. c. *Veniens*. 38. de Testib. ubi ideo non valent attestationes in Judicio summario receptae: quia fuerunt lite non contestata receptae. Secus ergo dicendum, quando praevia liti contestatione, ac servatis aliis Juris solemnitatibus, receptae fuissent: sic enim non varietur modus agendi.

193. Similiter Acta probatoria in Judicio civili, fidem non faciunt in Judicio criminali. Glossa l. *Si quis ad seendum*. §. *Destinatus*. C. Ad Legem Juliam de vi publica. Abbas cit. n. 6. et alii. Et ratio est: quia in criminalibus requiruntur probationes luce meridiana aliores, l. ult. C. de Probationib. non autem in civilibus. Secus dicendum, quando probationes sunt factae in causa criminali: tales enim a fortiori fidem faciunt in causa civili inter easdem personas, juxta Abbatem loc. cit.

194. Dices. Acta in Judicio inducunt notorium cap. ult. de Cohabitat. Cleric. et c. *Cum olim*. 24. de Verb. signif. ergo Acta in uno judicio, secuta sententia diffinitiva, semper fidem faciunt in alio. Nec obstat, quod sint aliae et aliae personae, aut quod ad aliam finem agatur; uti nonnulli distinguunt. Nam

contra est: quia veritas non est opprimenda, et angustienda talibus vanis subtilitatibus, arg. can. *Ecce autem*. 24. q. 3. et c. *Abbate sane*, circa fin. de Sentent. et re judicat. in 6. Atqui Acta in judicio post sententiam diffinitivam, a qua non extitit appellatum, sunt manifeste vera; ergo. Resp. negand. consequent. Nam, quod Acta in judicio inducant notorium, solummodo procedit de Notorio juris: unde hoc ipso ita species Notorii debet habere validitatem, quae in jure consistit, ut inquit Baldus in c. *Vestra*. n. 1. et Fagnanus ibid. n. 75. de Cohabitat. Cleric. Atqui Jus ipsum disposuit, atqui decrevit, ut Acta unius judicii fidem non faciant, in alio, quando variatur modus agendi, juxta hactenus dicta; et consequenter istaec Acta non habent validitatem in Jure consistentem.

Ad confirmationem negatur minor. Licet enim 195 *res judicata pro veritate accipjatur*, per textum in l. *Res judicata*. ff. de Reg. Jur. id tamen solum sit per quandam praesumptionem juris; sive ex eo, quod propter auctoritatem judicariam omnia praesumantur rite ac recte gesta, unde oritur praesumptio tam respectu rectitudinis processus, quam justitiae. Non tamen semper res judicata est manifeste vera: quia saepe non deficit jus, sed probatio: ut dicitur l. *Duo sunt Titii*. ff. de Testament. Tutel. Et facile contingere potest, quod succumbens in causa civili non appellet; sed ob taedium diuturnioris litis ultro solvat id, ad quod condemnatus fuit: qui tamen merito appellare potuisset; imo et ad evigandum gravius praejudicium appellasset, si credidisset, quod exinde etiam criminaliter contra ipsum procedi valeret.

Quaeritur II. Utrum gesta per Judicem commu- 196 niter existimatum, qui revera talis non est, sint valida? Ratio dubitandi, ac negativam tenendi, est: quia sententia a non suo judice lata, non tenet, c. *At si Clerici*. 4. h. t. et l. ult. C. *Si a non competente judice etc.* Atqui Index mere existimatus, revera non est Index; ergo. Nec juvat recurrere ad communem errorem. Nam contra est: quia ex una parte privatorum consensus judicem non facit eum, qui nulli praest jurisdictioni, ut dicitur in l. *Privatorum*. C. de Jurisdic. omni. judic. Ex altera vero parte nec Superior censetur cum inhabili dispensare, aut ipsi jurisdictionem conferre; vel enim dispensare non potest, vel saltem dispensare non intendit; cum nullus sit errantis consensus, l. Non ideo C. de Juris et facti ignorantia. His tamen non obstantibus

Resp. I. Gesta per Judicem putativum, qui re- 197 vera ex aliquo defectu legitimus non est, valida sunt; dummodo concurrant certae conditiones, proxime enumerandae. Conclusio sic proposita, est communis; atque clare habetur decisa in l. *Barbarius* ff. de Offic. Praetor. ubi occasione Barbarii (qui, cum servus fugitivus esset, Romae Praetoram petiit, et Praetor designatus est) quaeritur de validitate suorum Actuum judicialium, ac resolvitur in haec verba: *Si servus, quamdiu latuit, dignitate Praetoria functus sit, quid dicemus? An quas dixit, quas decrevit, nullius fore momenti? an fors, propter utilitatem eorum, quia apud eum egerunt, vel lege, vel quo alio jure? Et verum puto, nihil eorum reprobari: hoc enim humanius est, cum Populus Romanus etiam servo potuisset decernere hanc potestatem*. Haec ibi. Concordat l. 2. C. de Sentent. et interlocut. omni. judic. et Ioan. Infamis persona. 3. q. 7. §. *Interdum*. Accedit ratio: quia ob communem utilitatem, atque ad tollendum gravissimam incommoda et scandala, quae ceteroquin sequerentur, Jus utrumque decrevit, stante communi errore gesta per putativum Judicem esse valida, ac si verus Index existeret. Unde Glossa



in cit. l. *Barbarius*. §. *Reprobati*, inde concludit, quod circa factum error communis *jur. facit*.

198. Resp. II. Inter condiciones requisitas ad hoc, ut Acta Judicis putativi valeant, ea est praecipua, quod interveniat error communis: hoc est, quod talis communiter existimetur esse legitimus Jux. Unde non sufficit error unus, aut alterius, coram Jux. mere putativo litigantis, si caeteri communiter norunt ejus incompetentiam; nam Jura allegata fundant se in errore communi; ut cit. l. *Barbarius*, ibi: *Si servus, quamdiu latuit, cum similibus*. Accedit, quod Leges ad ea potius aptentur, quae frequenter contingunt; nam, quae semel aut bis accidunt, ut error particularis unius vel alterius, contemnant Legislatores, l. *Nam ad ea, et l. Quoniam ff. de Legib.* Neque enim ex errore particulari sequuntur ea incommoda et scandala, quae ex errore communi oriri solent, quibusque Jus commune occurrere voluit confirmando Acta Judicis communiter existimati. Concordant dicta superius Lib. 1. tit. 28. *De Officio Vicarii*. §. 4. n. 100. ubi cum aliis notatur, valere Acta Vicarii post mortem sui Episcopi longe distantis, quando hujus mors non a solo Vicario, sed communiter ab aliis ignoratur.

199. Altera conditio requisita ad hoc, ut Acta Judicis putativi valeant, est illa: quod ejusmodi Jux sit in possessione sui officii ex aliquo titulo colorato; qui licet ab occultum vitium sit invalidus, ac proinde mere putativus, nihilo minus ipsi collatus est a legitimo Superiore habente caeteroquin auctoritatem conferendi, seu instituendi in tali officio. Unde sequitur, quod non valeant Acta illius, qui se gerebat pro Jux, nec tamen erat in possessione officii judicis; arg. c. *Consultationibus*. 19. *de Jure patronat.* ac notat Abbas in c. *Nihil*. num. 11. *de Electionib.*

200. Similiter non valent Acta Judicis intrusi: hoc est, illius, qui assumpsit officium judicis absque auctoritate Superioris habentis potestatem illud conferendi. Nam Jura allegata, quae valere volunt gesta per Jux putativum, fundant se in hoc, quod ille habent titulum coloratum, a legitimo Superiore habente potestatem instituendi in tali officio sibi collatum; quamvis hic et nunc ob aliquod occultum vitium sit invalidus, aut jam revocatus; ut patet ex cit. c. *Barbarius*. ff. *de Offic. Praetor.* ubi *Barbarius* antea a Populo Romano designatus erat. Praetor, invalide tamen, cum esset servus. Et cit. l. 2. c. *de Sentent. et interlocut.* ubi sermo est de eo, qui fuit Jux, seu *Arbiter datus a Magistratibus*; quamvis postea inventum fuerit servus, ut explicat Glossa *ibid.* §. *Depulsus*. Ita Abbas in cit. c. *Nihil*. n. 11. et Jo. Andreas *ibid.* n. 28. *de Election.* Speculator. tit. *de Instrumentorum editione*. §. *Restat*. n. 32. Sanchez lib. 3. *de Matrim. disp.* 22. n. 49. et seqq. plurimos alios pro hac sententia allegans; quamvis nonnulli sufficere velint quemcumque communem errorem cum officii possessione, etiam absque alio titulo per Superiorem collato, quorum sententiam idem Sanchez loc. cit. num. 48. adducit.

201. Et conformiter dictis facilis est responsio ad rationes dubitandi, n. 196. allatas. In primis enim c. *At si Clerici*. h. t. cum similibus procedit, quando constat, quod quis non sit suus Jux: secus, ubi intervenit error communis, per Jura allegata. Ad alteram, seu replicam hujus responsionis dicitur, quod stante communi errore, simulque accedente titulo, saltem colorato, tali Jux putativo conferatur jurisdictio, non a consensu partium, neque a Superiore (utpote cum nullus horum sciat illum defectum) sed ab ipsomet Jure communi, quod ita de-

crevit ob bonum commune, et tollenda gravissima incommoda caeteroquin exortitura.

Intellige, dummodo Jus commune talem defectum supplere, dictamque jurisdictionem conferre possit; prout innuitur in allegata l. *Barbarius*. ff. *de Offic. Praetor.* illis verbis: *Cum Populus Romanus etiam servo potuisset decernere hanc potestatem*. Nam secus dicendum, ubi quid deficit Jure Divino requisitum: ut si quis communiter existimetur esse Parochus, qui tamen nunquam fuit ordinatus in Sacerdotem. Talis enim invalide confert absolutionem Sacramentalem, haud obstante communi errore; nam potestas Ordinis, Jure Divino, ex parte Ministri Sacramenti Poenitentiae requisita, non potest Jure humano suppleri.

Quod si vero quispiam Sacerdos communi errore reputetur Parochus, praesertim quando habet titulum coloratum, quoad hoc (ut quia a legitimo Superiore fuit institutus, institutio tamen sua ob occultum impedimentum ipso jure fuit nulla) valent gesta per ipsum, neque Confessiones Sacramentales eidem factae necessario sunt reiterandae: quia supposita semel potestate Ordinis, potest supplere, atque stante communi errore supplet Ecclesia potestatem jurisdictionis. Sanchez lib. 3. *de Matrim. disp.* 22. n. 13. citans alios.

Quaeritur III. Utrum aliquis possit esse Jux in propria causa? Resp. I. Regula est, quod nemo est Jux in causa propria, l. *un. C. Ne quis in sua causa judicet*. Ubi hujus ratio in aequitatem naturalem refunditur, illis verbis: *In re enim propria iniquum admodum est, alicui licentiam tribuere sententiae*. Unde etiam in simili, nullus idoneus testis in re sua intelligitur, l. *Nullus*. ff. *de Testib. et l. Omnibus*. C. *eod.*

Atque hoc adeo verum est, ut si Jux ut privatus habeat penes consimilem causam, quam habet ut Jux, possit recusari ut suspectus, atque a judicando removeri, c. *Causam quae*. 18. h. t. Idque merito: quia Jux debet omni suspicionem sinistra carere, can. *Quod suspecti*. 3. q. 5. Atqui hoc in dicto casu non fieret: siquidem ejusmodi Jux nimis videretur favorabilis parti illi, quae coram ipso petit pene idem, quod ipse petit coram alio; nam quatione is putat aequum, quod petit ut pars, poterit pariter aequum, quod judicat ut Jux Textus, et Vivianus in cit. c. *Causam quae*. h. t.

Resp. II. Data regula, quod nemo possit esse Jux in propria causa, procedit quidem regulariter, patitur tamen nonnullas fallentias, seu limitationes. Et primo, fallit ipsa in supremis Judiciis, qui non recognoscunt superiorem in terris; ut Papa, Imperator, Rex. Nam hoc ipso, quod tales superiores non recognoscant, inferiori autem sese submittere nullo jure cogantur, possunt judicare in causa propria. Glossa *un. in c. Cum venissent*, et Abbas *ibid.* n. 6. h. t. Bartolus in cit. l. *un. C. Ne quis in sua causa etc.* idque probans ex l. *Et hoc Titus*. ff. *de Haereditib. instituend.* ubi Titus Tiberius in propria causa sententiam dixisse legitur. Card. Tuschus *Litt. J. Concl.* 403. num. 1. et seqq. et alii. Quamquam consultius, ipsique Juri naturali conformius sit, ac de honestate expediat, ut non ipsemet talis Princeps judicet in causa propria, v. g. inter ipsum ac subditum autem exorta; sed haec aliis dijudicandam committat, arg. can. *Nos si incompetenter*. 2. q. 7. ac notat Glossa, et Bartolus, ubi *supra*. Antonellus *de Regim. Eccles.* lib. 6. cap. 13. §. 3. n. 12. post Gratium *Docis. Cas. conscient. part. 2. lib. 3. cap. 4. num. 5.* id ulterius probans ex cap. 1. *de Maledic.* ubi Pontifex injuriosa verba in se probata non per se ipsum punit, sed ea ad terrorem aliorum compescenda committit, cuiuspiam inferiori. Concordat

tertus in *L. 1. et 2. C. Si adversus fidei etc.* ubi Imperator in causa fiscali dat Procuratores.

207. Deinde fallit allata regula in notoriis. Nam, quando factum, v.g. injuria Judici, aut Praefato irrogata, notorium est, potest is in continenti, ac sine alio processu, punire delinquentem, infligendo poenam a Jure taxatam. Neque enim in notoriis opus est alio accusatore, c. *Evidentia. g. de Accusatorib. et c. Cum sit Romana. 5. §. An. De Appellat.* Accedit, quod ubi factum sit notorium, seu injuria manifesta, huicque certa poena est a Jure imposita, tunc ipse potius est executor Juris, quam Judex; haud obstante, quod caeteroquin procedat in causa propria. Abbas in *cit. c. Cum venissent. n. 8. h. t.* Pirhing *cod. n. 75.* istud intelligentes in casu, quando poena certa in Jure est expressa. Secus, ubi venit poena imponenda arbitrio judicis. Quia enim tunc non procederet, ut merus executor, sed ut Judex; simulque ob affectum propriae causae facile posset in arbitrando excedere modum: hinc licitum foret, ipsum ut suspectum recusare, *arg. can. Quod suspecti. 3. q. 5.* ac notat Archidiaconus *ibid. n. 7. et Jo. Andreas c. Cum speciali. n. 10. de Appellat.* cum aliis.

208. Quin imo si injuria fuit illata Judici ut judici, seu ratione officii sui quod gerit, simulque injuria illa est notoria (puta, si quis Judicem pro Tribunali sedentem convitiatur, vel aliqua in depressionem sui officii injuria coram aliis palam afficiat) potest talis pro qualitate personae, et delicti magnitudine, in continenti, ac praetermisso juris ordine puniri, etiam imponendo poenam extraordinariam et arbitrariam, ubi poena a Jure non est determinata, *arg. can. Salonitanas. dist. 63. juncta L. ult. ff. de Injur. Gailus lib. 1. Practic. Observat. 39. n. 1. et 3.* citans alios, idque exemplificans in casu, quo quis litteras injuriarum plenas misit ad Senatum, ob quas ab eodem Senatu coniectus fuit in carcerem. Id ipsum patet ex *cap. 1. de Poenis in 6.* ubi Archiepiscopus visitans Provinciam, et in se vel suis manifestas offensas passus, propria auctoritate punit notorios injuriantes se, aut familiam suam. Accedit ratio: quia Judex ut judex injuriatus, et injuriantem puniens, non tam in suo, quam alieno, seu Reipublicae negotio procedere, et condemnare censetur, *arg. l. Si paterfamilias. §. Qui duos. ff. de Adoption. Potest enim, et debet Judex poenalibus mandatis jurisdictionem suam defendere, L. 1. §. 1. ff. Si quis jus dicenti etc. junctis dicendis Tit. seq. §. 1. n. 11. et 12.*

209. Hoc tamen intellige, dummodo poena tendat ad vindictam publicam, atque ad terrorem aliorum, et commodum Reipublicae, ob cujus officium laesus fuit: secus, si Judex injuriam passus vellet agere ad privatam vindictam, seu proprium interesse, puta ad pecuniariam poenam sibi applicandam; quia tunc contra eum oriretur suspicio. Abbas c. *Si quis contra. numer. 11. et 17. de Foro compet. Gailus cit. Observat. 39. nu. 3. Antonellus ubi supra, num. 12.*

210. Tertio allata regula, quod nemo est Judex in propria causa, procedit, nisi istud sibi concedatur a Lege, prout limitat Jason in *L. 2. n. 107. C. de Jure Emphyteut.* Nam mens ejus est prohibere, ne quis propria auctoritate sibi jus dicat: secus, ubi id sit auctoritate Legis. Speculator *tit. de Actore. nu. 55.* novemdecim tales casus enumerans. Sic enim Judex tum ordinarius, tum delegatus, potest procedere contra eos, qui impediunt jurisdictionem ipsius; illosque distractione Ecclesiastica coercere: ut *cap. 1. de Offic. Delegat. et citi cap. 1. de Poenis in 6.* Deinde in *l. Si quis ex aliena. ff. de Judiciis*, expresse conceditur Judici potestas ferendi judicium de jurisdictione sibi competente: ibi: *Praetoris enim est existimare, an sua sit jurisdictio.* Concordat c. *Super*

*litteris. 20. §. An. de Rescript. et c. Significantibus. 38. de Offic. Delegat.* ubi pariter Judex delegatus existimare, ac pronunciare potest, num sibi competat jurisdictio respectu causae, nec ne.

Insuper potest Dominus propria auctoritate ejicere Emphyteutam, sive Colonum, si pensionem statuto tempore non solverit, c. *Propter. et c. Potuit. de Locato. et L. 2. C. de Jure emphyteut.* et cum aliis notat Jason *loc. cit. num. 100. et 105.* Quamvis nonnulli requirant ad hoc auctoritatem Judicis, de quo alibi: Uterius Tutor, si creditor fuit patris Pupilli, potest sibi ipsi solvere ex bonis Pupilli, *l. Quoties. §. Sicut. ff. de Administrat. Tutor.* Idemque a pari dicendum de Procuratore, et negotiorum Gestore, qui possunt uti retentione expensarum, quas fecerunt, nisi Dominus ei solvere paratus sit; *l. Quae omnia. §. An. et l. seq. ff. de Procuratorib.* Tacentur similia apud Speculatorem *loc. cit. nu. 55. 56. et 57. videnda.*

Quaeritur IV. Utrum Judex possit cogere partes, ut personaliter in judicio compareant? Resp. I. Regulariter loquendo id fieri non potest: adeo, ut Judex, etiam Delegatus Papae, non possit jubere, seu alterutram partium invitam compellere ad personaliter comparandum in judicio, nisi a Sede Apostolica mandatum ad hoc receperit speciale, aut nisi causa fuerit criminalis, vel nisi pro veritate dicenda, vel pro juramento calumniae faciundo, vel alias juris necessitas partes coram eo exegerit personaliter praesentari. Textus est in *cap. 1. h. t. in 6.*

Nec obstat, quod hic ex professo sermo sit de Judice delegato Papae. Istud enim contigit ex eo: quia de Delegato Papae major poterat esse ratio dubitandi, cum videretur posse idem, quod Papa, respectu causae sibi commissae: nihilo minus hoc ipsum, et quidem a fortiori, procedere etiam de Judice ordinario, recte notat Glossa *ibid. §. Judicem delegatum.* ac Vivianus in *Rationali, ibid.* istud confirmans ex *L. ult. C. de Procurat.* Accedit ratio: quia liberum est cuilibet, praeter casus specialiter in Jure exceptos, per se, vel per procuratorem legitime constitutum, ac informatum, in judicio respondere, *L. 1. ff. de Procurat. et L. ult. C. cod. cum similibus.* Atqui beneficium juris nemini invito est auferendum, juxta *Reg. 17. Juri in 6. cum similibus*; ergo.

Excipitur primo, si quis a Sede Apostolica mandatum receperit speciale. Nam, sicut Papa potest partes personaliter citare, atque ad comparandum cogere; ita et Delegatus Papae de ejus speciali commissione. Secus, si id non exprimitur: quia ex simplici delegatione non censetur omnia Delegato Pontificio concessa, quae ipsemet Papa potest; sed solum ea, sine quibus causa ipsi concessa expediri non potest, c. *Praeterea. 5. de Offic. Delegat.*

Excipitur secundo causa criminalis. Siquidem in hac criminaliter intentata, saltem ubi agitur de poena capitis, vel alia, quae sit gravior relegatione, non potest intervenire procurator, sed tenentur partes personaliter comparere: ne, si pars succumbens postmodum aufugerit, judicium reddatur elusorium; prout amplius dictum est *Lib. 1. Tit. 38. de Procuratoribus. §. 3. n. 62. et seqq.*

Excipiuntur ulterius alii duo casus, in quibus Judex potest partes compellere ad personaliter comparandum: videlicet *pro veritate dicenda*; hoc est, ad praestandum juramentum de dicenda veritate, atque ad personaliter respondendum ad positiones et articulos, aliasque interrogatoria. Ad haec enim plurimum juvat corporalis praesentia partium, utpote de propriis gestis, et particularibus circumstantiis, exactiorem notitiam habentium; ut c. *Dudum. 54. §. Partibus de Election.* Item *pro juramento calumniae fa-*

eiendo, nisi forsan Procurator habeat speciale mandatum ad iurandum de calumnia in animam sui Principalis; de quo tamen ex professo agetur inferius in Titulo VII. De Juramento calumniae. §. 2. num. 35. et seqq.

217 Excipitur tandem quaecunque alia juris necessitas, quae partes coram Iudice exigit personaliter praesentari. Ut sit, quando Principalis statum controversiae totamque rei veritatem magis perspectam habet, quam ejus Procurator; aut si verior, et legalior est persona Domini, et non ita rixosa, arg. L. ult. C. de Procuratorib. et notat Glossa ibid. §. Justiores. Idem accidit, quando oportet specialiter examinare qualitatem personae, maturitatem aetatis, seu discretionem iudicii: aut quando contra Reum adsunt vehementia indicia: eo enim praesente, etque considerato ipsius vultu, et quam constanter respondeat, vel trepide, facilius poterit veritas deprehendi, sicque ipsemet compelli ad personaliter comparandum. Ancharanus in cit. cap. 1. h. t. in 6. notab. 4. Pirhing cod. n. 44. et alii.

218 Resp. II. Singulariter mulieres, quaecunque ex causa in Jure non expressa, invitae personaliter in iudicium trahendae non sunt: et si aliquando necessarium fuerit ipsarum testimonium, iudex (expensis partis producentis) pro excipiendo earundem testimonio mittat ad ipsas tabellionem, aut aliam personam idoneam; vel, si aliter fieri nequeat, ipsemet Iudex omni fraude cessante personaliter ipsas accedat. Mulieres religiosae vero, etiam volentes, extra suum Monasterium, vel clausuram non vocentur ad iudicium, vel trahantur ex quavis causa personaliter: si secus fuerit attentatum, illud ipso jure irritum est, ac inane. Textus est in c. Mulieres. 2. h. t. in 6. estque amplius dictum supra §. 6. n. 150. et seqq.

219 Quaeritur V. Utrum partes litigantes teneantur in iudicio per se ipsas factum proponere? Resp. Affirmative; nisi forsan sint personae indiscretae, seu tales, quae se bene regere nesciunt propter simplicitatem, sive quia perfectam rationis discretionem non habent. Ita habetur in c. Pastoralis. et notant ibidem Abbas, alique DD. h. t. ubi Pontifex inquit. Statuimus praeterea, ut principales personae, non per advocatos, sed per se ipsas factum proponant: Nisi forte sint adeo indiscretae, ut earum defectus, de Iudicis licentia, per alios suppleatur. Haec ibi. Concordat l. Si servum. §. fin. ff. de Interrogat. action. ubi interrogatus, an fundum possideat, tenetur respondere, ac dicere, pro quota parte possideat. Et merito: nam unusquisque praesumitur de facto suo melius scire veritatem, quam sciant Advocati, vel alii extranei, c. Ab excommunicato. 41. juncta Glossa. §. De facto suo. de Rescript. Ac proinde ea, quae in facto consistunt, non per Advocatos, sed per se ipsas debent partes proponere, ipsumque factum referre: nisi ob earum indiscretionem, seu ineptitudinem, aliud Iudici videatur expediri.

220 Quod si tamen Advocatus respondeat etiam in his, quae sunt facti, Iudice, et parte adversa non contradicentibus: tunc talis confessio praepjudicat parti, nupote quae in sui praepjudicium consensit. Abbas in d. c. Pastoralis. n. 4. et Vivianus in Rationali. ib. h. t. atque desumitur ex o. Cum causam. 62. de Appellat. et L. 1. et 3. C. de Errore Advocat.

221 Dices. Etiam si partes non sint indiscretae, potest per alium proponi factum in iudicio, juxta textum in l. Non solum. ff. de Procuratorib. et L. 1. ff. Quod cujusque universit. nomin. ergo. Resp. neg. anteced. Nam officium Advocatorum, non versatur circa proponenda ea, quae sunt facti, ne subtilibus cavillationibus avertant Clientulos a propalanda veritate: sed eorum officium versatur in his, quae sunt iuris; ut

puta, quae ratione libellus sit conspiciendus, et litis contestanda, qualiter ponendae positiones, seu interrogatoria formanda, ac responsiones ad ea, ne Clientulus capiatur; item quomodo sit proponenda exceptio, ac huiusmodi. Abbas in cit. c. Pastoralis. n. 7. h. t.

Ad Jura allegata, et imprimis ad cit. l. Non solum, 222 dicitur, ibi sermonem esse, non de Advocato, sed de Procuratore ad litem constituto. Quia enim Procurator per litis contestationem fit dominus litis, cap. 1. de Procuratorib. in 6. estque jam dictum Lib. 1. Tit. 38. §. 5. n. 105. hoc ipso censetur esse persona principalis, sicque per se ipsam respondere, seu factum proponere potest, ac debet. Secus est in Advocato: nam iste nunquam efficitur dominus litis, ejusque officium solummodo versatur in ordinandis iis, quae sunt iuris, ut proxime dictum. Ad L. 1. ff. Quod cujusque universit. nomin. respondetur per idem: quia Universitates per suos Syndicos, seu Procuratores, in iudicio agere solent, cap. an. de Syndico, et alibi.

Quaeritur VI. Utrum in Praeparatoriis, ac Decisoriis Judiciorum, attendendae sint leges et consuetudines Fori, ubi litigatur? Est hic praenotandum, quod Praeparatoria iudiciorum dicantur ea, quae pertinent ad ordinationem litis: hoc est, respiciunt modum, ac ordinem procedendi in iudicio: ut sunt oblatio libelli, contestatio litis, terminus peremptorius, receptio testium, ac diversa Statuta et consuetudines particulares locorum, quae circa praemissa, et alia huiusmodi dantur, nam isthaec non ubilibet sunt uniformis, sed variantur multoties pro diversitate Fori ac Tribunalium.

Decisoria iudiciorum e contra dicuntur, quae pertinent ad decisionem causae: ut sunt Leges, Statuta et consuetudines laudabiles, non solum Jura communis, sed etiam particularium locorum, quae in Republica, ipsoque convicto humano, ac variis contractibus observari praecipiuntur, atque juxta diversitatem locorum aliarumque circumstantiarum non raro varia existunt. Quaestio proinde remanet, utrum si in istis reperiat difformiter inter Forum Actoris et Rei, aut Iudicii, sint attendendae leges et consuetudines Iudicii, seu Fori ubi litigatur, ita ut juxta has Iudex procedere, ac sententiarum teneatur, nec ne. Quo praenotato

Resp. I. Quoad praeparatoria iudicii attendendae sunt leges, et laudabiles consuetudines Fori, ubi litigatur. Ita Glossa un. in c. Quod Clericis. et Abbas ibid. n. 10. de Foro compet. et c. Licet ex suscepto. n. 14. eod. Bartolus in l. Consuetudinis. quest. 34. C. Quae sit longa consuetudo. Mascardus de Probation. Concl. 423. n. 1. Alexander Sperellus Decision. 10. Fori Ecclesiast. n. 12. et seqq. Barbosa in cit. c. Quod Clericis. n. 8. et 9. et communis. Idque desumitur ex l. Testium. §. fin. ff. de Testib. ubi Iudex circa evocationem testimonii, qualis utique connumeratur inter Praeparatoria iudicii, jubetur explorare, quae consuetudo in ea Provincia, in qua iudicat, fuerit. Unde Bartolus ibid. in Summario, generaliter infert, quod in his, quae spectant ad litis ordinationem, debemus inspicere consuetudinem loci, ubi agitur.

Infertur proinde, quod si Clericus conveniat Laicum coram Iudice saeculari, ipse quantum ad litis ordinationem, ut puta quoad libelli oblationem, contestationem litis, ipsumque modum ac ordinem procedendi in iudicio, teneatur servare leges et consuetudines, ceteroquin tamen rationabiles, illius Fori saecularis, ubi agitur causa. Nam huiusmodi leges, statuta et consuetudines, non concernunt personam litigantium, sed causam ipsam, quae subijcitur illi Foro: simulque dum Ius Canonicum concernit, Clericus certis in casibus co-



- ram saeculari Judice litigare, hoc ipso tacite consentire censetur, ut juxta illius Fori modum agant. Sperellus *loc. cit.* n. 24. et 25. Et vicissim, si Laicus agat contra Clericum in Foro Ecclesiastico, etiam is debet observare constitutiones, et consuetudines hujus Fori quoad ea, quae pertinent ad modum procedendi in judicio. Abbas *cit.* n. 10. Pirhing *tit. de Foro compet.* n. 146. et alii.
- 227 Resp. II. Econtra vero quoad Decisoria litis, quando intervenit aliqua discrepantia inter leges seu consuetudines Fori litigantium ad iudicii, tunc Juez debet judicare secundum consuetudinem litigantium, eorumque statuta, non autem secundum sua. Ita Abbas in *c. Ecclesia Sanctae Mariae*. nu. 41. et 42. *de Constitut. in solemn. Repetit.* Bartolus *cit. quaest.* 34. Mascardus, Sperellus, et Barbosa *ubi supra*, et alii. Conclusio haec probatur ex *c. Cum venissent*. 3. *De eo qui mittitur in possess.* ubi legitur, commissam fuisse causam Judicibus, secundum jus et bonam terrae consuetudinem terminandam. Concordat textus in *L. 1. ff. de Usuris*, et *l. Si fundus. ff. de Eviction.* in quo posteriori loco Glossa generaliter infert, quod inspiciatur consuetudo loci, ubi contractum est: idem ergo dicendum in caeteris causis quoad ea, quae spectant ad decisionem litis.
- 228 Hinc in *c. Constitutus*. 8. *De in integrum restitut.* judicatur secundum approbatam consuetudinem loci, ubi contractus venditionis celebratur. Idem, si agitur ratione delicti, consideratur jus loci, ubi delictum commissum est, *c. Ut animarum. de Constitut.* in 6. et *Auth. Quia in provincia. C. Ubi de crimin. agi oportet*. Similiter, quando agitur super re aliqua, tunc servanda sunt jura atque laudabiles consuetudines illius loci, ubi res sita existit; ut *c. Raynuius*. 16. *de Testament. et l. An in totum. C. de Edictis privat.* Abbas in *c. Quod Clericis*. n. 11. *de Foro compet.* Atque haec procedunt non solum, quando Laicus agit contra Laicum, sed etiam quando Clericus in Foro saeculari agit contra Laicum. Pirhing *tit. de Foro compet.* n. 147. et alii

## TITULUS II.

## De Foro Competenti.

## 1. Ratio continuationis Rubricarum.

Viso de Judiciis ut sic, procedit Compiler Juris Canonici ad tractandum de singulis partibus, et actibus Judiciis: et quia ante omnem alium actum judicalem debet discuti de competentia Fori, utpote de qua Rei in iudicium vocati non raro excipiunt merito caeteris subsequentibus praesens Rubrica praemittitur. Hinc ait

## §. I.

Generalia de Foro, ejusque competentia praemittuntur.

## SUMMARIUM.

- 2 Nomen Fori quandoque sumitur in masculino, quandoque in neutro.
- 3 In neutro acceptum, quid significet? Et num. praeced.
- 4 Et quid in masculino?
5. Forus competens, quid?
6. Si Reus habet multiplicem forum, in electione Actoris est, cum in quo maluerit foro, convenire.

REIFFENSTUEL Jus Can. Tom. II.

- 7 Reus coram incompetente Judice conventus impune non comparet, opponendo exceptionem declinatoriam fori.  
Haec exceptio est proponenda mox ab initio, ante litis ingressum. Ibid.
- 8 Solvitur instantia: simulque hoc amplius declaratur.
- 9 Quid, si de competentia, vel incompetencia Judicis, liquido constet?
- 10 In dubio de incompetencia fori tenetur citatus venire, suamque exceptionem probare.
11. Et tunc ipsemet Juez cognoscit, an sua sit jurisdictio, nec ne.
- 12 Nec obstat, quod nemo sit Juez in propria causa. Et num. seqq.
- Propria causa, quae censetur esse? Ibid.
- 13 Orta quaestione de competentia Fori inter Judicem Ecclesiasticum et Laicum, debet cognoscere Ecclesiasticus.
- 14 Competentia fori pluribus modis oritur. Et nu. seq.
- 15 Modi ordinarii ac speciales, et extraordinarii seu generales sortiendi forum, qui?

Quaeritur I. Quid intelligatur nomine Fori, praesertim competentis? Resp. I. Nomen Fori varias habet significationes, et quandoque in masculino, quandoque in neutro genere ponitur. Atque imprimis Forum in neutro positum, significat locum deputatum ad emendum, vel vendendum res quaspiam: quae tamen acceptio ad propositum non facit:

Aliter igitur Forum in neutro positum, accipitur pro districtu, seu territorio cujusque Judicis, intra quod in facinorosos animadvertere potest, *arg. l. Pupillus. §. Territorium. ff. de Verb. signif.* et notat Abbas ad Rubric. h. t. post Hostiensem. Sic omnes Basilicae intra fines suae Dioecesis constructae, dicuntur esse de territorio, seu foro Episcopi, *can. Omnes Basilicas*. 16. q. 7. Sic etiam procedit illud vulgatum: *Extra territorium jus dicendi, impune non paretur*; ac refertur *cap. ult. de Constitut.* in 6. et *l. fn. ff. de Jurisdict. omn. judic.*

Forus in masculino genere positus, est exercendarum litium locus: a fando dictus, sive a Foroneo Rege, qui primus Graecis legem dedit; prout legitur in *c. Forus. de Verb. signif.* Atque alio nomine dicitur Tribunal, ut *L. 1. ff. de Judiciis*. Item Auditorium, *l. Contra Pupillum. ff. de Re judicat.* ac respectu Papae, Consistorium.

Resp. II. Forus competens, de quo loquitur Rubrica praesentis Tituli, idem est, ac Tribunal Judicis, cujus jurisdictioni Reus, qui convenitur, subiectus existit. Et notanter haec definitio ponitur in ordine ad Reum: quia generale est, ut Actor forum sequatur Rei, *cap. 5. et cap. 8. h. t. et L. ult. C. Ubi in rem actio etc.* sicque competentia Fori non nisi in ordine ad Judicem, cujus jurisdictioni Reus subiectus est, desumi potest. Et conformiter dictis, Juez competens censetur ille, cujus jurisdictioni Reus subicitur.

Resp. III. Si Reus conveniendus multiplicem Forum sortiatur (prout frequenter contingit ex causis in progressu enumerandis) in electione Actoris erit, convenire Reum, in quo maluerit foro. Ita Glossa in *c. Dilecti. §. Ubi domicilium. h. t. et L. ult. C. Ubi in rem actio etc.* id probans ex *L. 2. §. Plano, si perfecta. ff. de Judiciis*; estque communis Canonistarum, teste Fagnano in *c. Licet. n. 40. h. t.*

Quaeritur II. Quid juris, si Reus conveniatur coram incompetente Judice, aut de hujus competentia dubium oriatur? Resp. I. Reus coram Jdice incompetente conventus, impune non comparet, opponendo exceptionem declinatoriam fori: haec tamen mox ab initio ante litis ingressum, seu

ante litem contestationem, imo et ante alias exceptiones dilatorias proponenda est; ne si Reo. sciente, et connivente, procedatur ad alia, videntur is in talem Judicem consensisse, ejusque persquam approbasse, ac jurisdictionem prorogasse, *l. Consensisse. §. 1. ff. de Judiciis*; sicque non possit postmodum ejus judicium declinare. Patet hoc ex *L. ult. C. de Exceptionib.* et amplius declarat Glossa in *c. Exceptionem. §. In dilatoriis.* et Abbas *ibid. n. 11. de Exceptionib.*

8. Dices. Sententia a non suo iudice lata, est ipso jure nulla, ut *c. At si Clerici, h. t. et L. 1. ac seqq. C. Si a non competente iudice etc.* ergo non est necesse, exceptionem declinatoriam fori opponere ante ingressum litis; imo poterit ipsa quocunque tempore, etiam post latam sententiam opponi, sicut et nullitas sententiae. Resp. neg. consequent. Licet enim exceptio declinatoria fori quandoque possit proponi quocunque tempore, etiam post sententiam latam: prout accidit, quando sententia lata fuit ab eo, qui nullo modo est Iudex competens, ne quidem ex consensu partium; quia videlicet alterutra partium ignoravit ejus incompetentiam; vel quia ex defectu aliarum conditionum ad prorogationem jurisdictionis requisitarum, de quibus infra §. 6. num. 129. et seqq. in ipsum consentire non potuit. Nihilo minus regulariter exceptio declinatoria fori debet proponi ante omnia alia, atque ante ipsum ingressum litis; alioquin enim scienter litigans coram iudice caeteroquin incompetente, hoc ipso censetur in ejus personam consensisse, ipsiusque jurisdictionem in se prorogasse; qua ratione is ex incompetente fieret Iudex competens, qualis postea amplius recusari non posset. Julius Clarus *lib. 5. Practicae Criminalis. §. fin. quaest. 35. in Addit. n. 1. et 2.* citans Berquem in *cap. 1. n. 16. de Accusat.*

9. Resp. II. Quando de incompetencia iudicis aliunde liquidè constat, citatus venire non tenetur, *L. ult. ff. de Jurisdic. omn. judic.* Glossa in *L. 2. §. Sciatur. ff. Si quis in jus vocatus etc.* et communis. Secus, quando certum est, citatum esse de jurisdictione citantis: quia tunc venire debet, alioquin puniatur, *L. 1. ff. Si quis jus dicendi non obtemp.*

10. Resp. III. Si vero de incompetencia fori, seu jurisdictione citantis certo non constet, sed dubium existat, adhuc tenetur citatus comparere; atque allegando privilegium exemptionis, aut aliam legitimam causam opponendo, docere de incompetencia iudicis. Patet hoc ex *c. Cum personae. 7. de Privileg. in 6. et l. Si quis ex aliena. juncta Glossa §. Existimare. ff. de Judiciis.* Ubi et hujus ratio redditur illis verbis: *Praetoris enim est existimare, an sua sit jurisdictio: vocati autem est, non contemnere auctoritatem Praetoris.* Concordat *L. 2. ff. de In jus vocando.* ubi pariter citatus venire tenetur, haud obstante dubio de jurisdictione citantis: *Ut hoc ipsum (inquit textus) sciatur, an jurisdictionis ejus sit.* Idque merito statutum fuit: alioquin enim perversi, quique facile eluderent omnem Iudicis auctoritatem, allegando ex causis quandoque frivolis hujus incompetentiam, si stante dubio non tenerentur comparere, et incompetentiam fori probare.

11. Atque ex his formatur generalis regula communiter inter DD. recepta, quod, ubi quaeritur de ipsa fori competentia, quilibet Iudex, sive ordinarius, sive delegatus, cognoscere possit, an sua sit jurisdictio, juxta *cit. l. Si quis ex aliena. ff. de Judic.* Idque verificatur non tantum ubi ad instantiam partis, sed etiam si ex officio iudicis proceditur: nam Jura allegata loquuntur indistincte. Abbas in *c. Super litteris. n. 10. §. Nunquid Iudex. de Rescrip. Engel. h. t. n. 96.* Quia imo istud procedit etiam in Iudice caeteroquin incompetente, ut puta, dato per Re-

scriptum subreptitè obtentum: nam et talis habet potestatem cognoscendi in dubio, an ipse sit Iudex, nec ne: prout uberius dictum est *Lib. 1. Tit. 29. De Officio et potestate Iudicis Delegati. §. 6. n. 130. et 133.*

Dices. Nemo potest esse Iudex in propria causa; ergo nec talis Iudex poterit cognoscere, an sua sit jurisdictio. Resp. Regulam in antecedenti positam limitari inter alia, quando istud a Lege fuit concessum Iudici: prout accidit in praemisso casu vi citatae Legis, *Si quis ex aliena*, cum concordantiis supra *Tit. praeced. §. 8. num. 210. et n. 207. et 208.* allatis, ubi plura de hoc. Accedit, quod re penitus inspecta, Iudex judicans de sua jurisdictione, non sit Iudex in propria causa quantum ad utilitatem: unde non mirum, quod possit sepe ea pronunciare; uti notat Glossa, et Bartolus in *cit. l. Si quis ex aliena. ff. de Judiciis.* Idque declaratur ex eo: quia Iudex pronunciando, quod sua sit jurisdictio, nullum inde emolumentum suo nomine recipit, sed tantum ampliatur jurisdictio sui officii: atqui ea duntaxat censetur propria esse causa, cujus emolumentum, vel damnum, ad aliquem suo nomine pertinet; ut loquitur textus notabilis in *L. 1. §. In propria. ff. Quando appellandum sit*; ergo.

Resp. IV. Quod si tandem inter Iudicem Ecclesiasticum et Laicum oriatur quaestio super competentia fori in casu speciali, utroque pro se jurisdictionem praetendente, tunc ipsi non conjungantur, nec interque agnoscit; sed Iudex Ecclesiasticus propter majorem auctoritatem, et praerogativam Fori Ecclesiastici praesaeulari, semper praefertur, debetque cognoscere, an sua sit jurisdictio, nec ne. Ita desumitur ex *c. Si Iudex. 12. juncta Glossa, et DD. ibid. de Sentent. excomm. in 6.* ubi loquendo de malefactore, qui captus a Iudice saeculari dicit se esse Clericum, istud clare habetur decisum; prout amplius infra §. ult. num. 273. et seqq. h. t. dicitur. Id ipsum suadet major auctoritas Potestatis Ecclesiasticae praesaeulari, quae, quanto praestat aurum, si comparetur ad plumbi metallum, tanto praecedat Potestatem saecularem, *can. Duo sunt dist. 96.* Et quanta est differentia inter Solem et Lunam, ita major est auctoritas Ecclesiastica, quae praest diebus, id est, spiritualibus; ac altera, quae praest carnalibus, *c. Solitas. 6. de Majorit. et obed. cum similibus.* Atque ideo datam Conclusionem tenet Felinus in *c. Pastoralis. n. 4. de Rescript.* monens Lectorem, ut hujus nunquam sit oblitus. Covarruvias *Pract. Quaest. cap. 33. num. 1.* Sperellus *Decis. 8. Fori Ecclesiast. num. 23. et Decis. 24. nu. 59.* allegans alios. Jason in *l. Ex quacunque. num. 19. ff. Si quis in jus vocatus, etc.* post Anton. de Butrio in *c. Caeterum. col. 4. de Judic.* et Jo. de Imola *ibid.* subjungens, quod hoc communiter tenetur. Julius Clarus *lib. 5. Pract. Criminal. §. fin. quaest. 36. n. 21.* Farinacius in *Appendice de Immunit. Eccles. n. 367. et lib. 1. Praxis Criminal. quaest. 8. n. 33.* citans plurimos alios.

Quaeritur III. Quibus modis generatim inducatur competentia fori? Resp. I. Etsi plumbus modis oriatur competentia fori, adeo ut Speculator *tit. De Competentis Iudicis additione*, quinquaginta duos modos sortiendi forum enumeret: nihilo minus generatim loquendo fori competentia deducitur ex tribus potissimum principiis. I. *Ex persona Iudicis*: ut quia est Ordinarius, vel Delegatus, aut quia prorogata est ejus jurisdictio. II. *Ex personae Rei*: ut quia hic alicubi habet domicilium, vel ibi contraxit, aut deliquit, vel saltem res ejus in territorio talis iudicis sita est: item quia habet privilegium fori, adeo ut alibi conveniri nequeat, et hujusmodi. III. *Ex qualitate*

causae: ut quia causa Ecclesiastica, vel saecularis, aut feudalis, et hujusmodi. Engel h. t. n. 1. atque amplius patebit ex dicendis.

- 15 Resp. II. Modi ordinarii, seu specialis sortiendi forum, sunt quatuor, qui enumerantur in cap. ult. h. t. illis verbis: *Ratione delicti, seu contractus, aut domicilii, sive rei, de qua contra possessorem causa movetur. forum regulariter quis sortitur.* Alii vero modi sortiendi forum dicuntur extraordinarii, simulque generales, utpote cum non sint restricti ad certam speciem, sed indifferenter possint competere respectu delictorum, contractuum, rerumque ipsarum. Ita Abbas in cap. ult. num. 2. h. t. Pirhing eod. n. 5. et 6. Sannig cap. 1. n. 6. et 7. ac alii. Atque de praecipuis ipsorum singillatim loquendo, sit

## §. II.

De modo ordinario sortiendi Forum  
ratione Domicilii.

## SUMMARIUM.

- 16 Domicilium generatim, quid, et quotuplex?  
17 Domicilium habitationis, quid?  
De hoc semper intelligitur nomen Domicilii absolute positum. Ibid.  
18 Potest quis in pluribus locis domicilium habere, licet hoc sit difficile.  
19 Peregrinari, ac Esse sine domicilio, quis dicatur?  
20 Domicilium originis, quod?  
21 Ad hoc non sufficit, quod quis fortuito alicubi natus fuerit.  
22 Quasi domicilium, quid?  
23 Et qualis habitatio ad istud requiratur?  
24 Ratione domicilii (habitationis) certum est, acquiri forum.  
Iste est verus et naturalis forus. Ibid. Et n. 102.  
25 Appellatione suae Dioecesis, in dubio intelligitur Dioecesis domicilii.  
26 Et appellatione Subditi, subditus ratione Domicilii. Et num. 103.  
27 Et large solum appellatur quis subditus ratione delicti, contractus etc.  
28 Forus domicilii concurret cum quolibet alio Foro: adeo, ut Reus ibidem possit conveniri super rebus, et delictis etiam alibi gestis. Et num. seqq.  
29 Index domicilii potest procedere contra Subditum praesentem, ac etiam citare absentem, quoad omnes effectus. Et num. seqq.  
30 Nec obstat, quod nuntius exequatur citationem extra ejus territorium: et cur?  
31 Praecipuus citationis effectus, est comparitio.  
32 et 33. Index domicilii, quomodo procedere possit contra subditum absentem citatum, et contumacem in comparando.  
34 Spectato Jure communi sortitur quis forum ratione Domicilii originis, potestque conveniri in loco originis.  
35 Et quid de consuetudine?  
36 Certum est, quod in loco quasi Domicilii possit quis conveniri super contractibus, ac delictis ibi gestis.  
37 An autem ratione quasi Domicilii ita quis sortitur forum, ut possit ibi conveniri super alibi gestis, variant DD.  
38 Negativa sententia, ejusque ratio refertur.  
39 et 40 Affirmativa est probabilior, ejusque fundamenta.  
41 Solvitur fundamentum prioris sententiae.  
42 Habens aequaliter domicilium in duobus locis, sortitur in utroque forum.

43 Domicilii permutatio non perimit instantiam, eamque Judice ejus jam coeptam.

44 Vagabundi, qui?

45 An talis sit, qui pergit ad locum in quo domicilium est collocaturus.

46 Vagabundi sortiuntur forum, ubi reperiuntur.

Quaeritur I. Quid, et quotuplex sit Domicilium?

Resp. I. Domicilium in genere, dici potest locus habitationis diuturnae, seu longi temporis, ut explicat Calepinus & Domicilium. Atque istud juxta Doctores communiter dividitur in Domicilium habitationis, Domicilium originis, et in quasi Domicilium. Ludov. Engel h. t. n. 1. et alii in progressu enumerandi.

Resp. II. Domicilium habitationis dicitur locus ille, in quo quis larem habet, aut majorem fortunarum suarum partem constituit, animo ibidem perpetuo commorandi. Ita in re communis, atque desumitur ex l. Senatores. C. de Senatorib. et l. Cives. C. de Incolis, lib. 10. Siquidem verum domicilium non nuda voluntate, et assertione, sed animo et facto simul constituitur, l. Domicilium. C. ad municipalem, estque amplius dictum supra Libro 1. Tit. 11. de Temporibus Ordinariorum. §. 4. num. 86. Et de hoc Domicilio habitationis semper intelligi debet, ubi fit mentio de domicilio absolute posito, juxta Glossam in c. Statutum. & Unam dietam. de Rescript. in 6. et Innocentium in cap. ult. h. t.

Potest autem contingere, quod quis nedum in uno, sed etiam in pluribus locis, ejusmodi domicilium habeat: ut si quis in duobus locis domum constituerit, ibique aequaliter moretur, per textum notabilem in l. Assumptio. §. Jurisprudantibus. ff. Ad municipalem. Concordat c. Ex parte. 19. juncta Glossa, & Andegavensi, et Abbate ibid. n. 8. h. t. atque amplius declarat alia Glossa in c. Dilectus. 29. §. Domicilium. de Rescript. Quamvis difficile esse, quod quis in duobus locis habeat domicilium, ultro fateatur Juris-Consultus in l. Ejus qui munus sit. §. Celsus. ff. Ad municipalem.

Quod si quis aliorum profectus fuerit animo tamen revertendi, tunc is peregrinari dicitur, l. Cives. C. de Incolis, lib. 10. Si autem quis domicilio relicto naviget, aut iter faciat, quaerens quo se conferat, aut ubi consistat: tunc talis censetur esse sine domicilio, cit. §. Celsus. ff. Ad municipalem. Hostiensis in Summa. h. t. n. 4. et alii.

Resp. III. Domicilium originis dicitur illud, ubi tempore suae originis, seu natalitatis, parentes ejuspiam stabilem sedem habuerunt. Et de hoc fit mentio in l. Senatores. ff. de Senatorib. illis verbis: *Tamen et ibi, ubi oriundi sunt, habere domicilium intelliguntur.* Glossa in c. Statutum. & Unam dietam. de Rescript. in 6. Jason l. Cunctos populos. n. 25. C. de Summa Trinitat. Pirhing h. t. n. 10. et alii.

Notanter tamen additur in Conclusionem, *stabilem sedem habuerunt.* Nam ad domicilium originis non sufficit, quod quis alicubi fortuito natus fuerit, puta a parentibus ibidem in itinere, vel negotiorum causa constitutis: sed requiritur, quod tempore natalitatis suae, parentes ipsius ibidem stabilem sedem sive domicilium habuerint. Abbas in c. Rudolphus. n. 9. de Rescript. Bartolus l. Filios. n. 4. C. de Municipib. et alii; atque dictum est supra Libro 1. Tit. 11. de Temporibus Ordinationum. §. 4. num. 77. et seqq.

Resp. IV. Per quasi Domicilium. intelligitur habitatio duntaxat temporalis, longior tamen, seu per majorem anni partem, vel etiam plures annos alicubi continuata, absque animo ibi perpetuo commorandi. Ita communis. Sic v. g. Studiosi in Academiis studiorum causa diutius commorantes, et famuli.



- in servitiis domitorum subreptim occupati per annum, aut maiorem ejus partem, censentur ibidem quasi domicilium contrahere, arg. L. 2. C. Ubi de criminib. juncta Glossa, ibid. §. Degit.
- 23 Additur notanter, habitatio longior, seu per maiorem anni partem. Nam si quis aliorum se conferat, animo ad breve duntaxat tempus ibidem permanendi, ut puta recreationis causa, vel ut ruralia in villa exerceat; is non censetur ibidem quasi domicilium adipisci, arg. c. Is qui de Sepultur. in 6. Neque intelligitur ibidem habitare, sed potius hospitari, L. 1. §. Habitare. ff. De iis, qui deiecerunt. Secus, si quis studiorum, aut negotiorum causa aliorum pergat, animo per maiorem anni partem ibidem consistendi: talis enim ibi acquirit quasi domicilium.
- 24 Queritur II. An, et qualiter ratione Domicilii forum quis sortiat? Resp. I. Certum est, quod ratione Domicilii (habitationis videlicet) quis forum consequatur, ita ut ibidem conveniri valeat; quia imo iste proprie dicitur verus, et naturalis forus. Patet hoc ex c. Licet. 20. seu ult. h. t. et tradunt ibidem Innocentius n. 3. Butrius n. 16. et Fagnanus n. 9. cum aliis, hunc proprie appellantes verum et naturalem forum. Concordat textus in l. Cives. C. de Incolis, lib. 10. ubi dicitur, quod Cives quidem origo, manumissio, affectio, vel adoptio; Incolas vero domicilium facit. Unde consequens est, quod forus Domicilii, recte dicatur verus, et naturalis forus.
- 25 Hinc etiam fit, quod appellatione suae Dioecesis, in dubio intelligatur Dioecesis domicilii; non autem originis, vel alia Glossa singularis in c. Statutum. §. Unam dietam. de Rescript. in 6. asserens, sic servari in Curia Romana. Felinus in c. Licet ratione delicti. n. 23. h. t. citans alios, et Fagnanus loc. cit. num. 10.
- 26 Hinc ulterius appellatione Subditi, in dubio venit duntaxat Subditus ratione domicilii, arg. l. Cives. C. de Incolis. lib. 10. ibi: Incolas vero domicilium facit. At vero subjecti, ex alio foro, puta contractus, delicti, vel rei sitae, licet sortiantur forum quoad casum illum; nihilo minus non dicuntur proprie Subditi, sed solum isti subditi ex domicilio. Glossa in Clem. 1. §. Subditi. h. t. Abbas in c. Propositi. n. 2. h. t. asserens, hoc caso notandum propter Statuta facientia mentionem de Subditis, quae cum sint stricti juris, stricte sunt interpretanda, sicque intelligenda de Subditis ratione domicilii. Felinus, et Fagnanus, ubi supra, cum communi, ac rursus dicitur infra §. 4. n. 103.
- 27 Nec obstat c. A nobis. 21. de Sentent. excomm. ubi generalis excommunicatio per Episcopum contra factum committentes lata, non obligat nisi subditos; et tamen etiam comprehendit eos, qui aliunde advenientes in ejus Dioecesi factum committunt; prout notat Glossa magna ibidem Resp. enim cum alia Glossa in c. Nuper. 29. §. Tunc erit. eod. quod in cit. c. A nobis, largo appellatur quis subditus ratione delicti: quatenus hoo iam sufficiat ad incurrendam ejusmodi excommunicationem, cum ratione delicti sortiat quis forum.
- 28 Resp. II. Forus domicilii est ordinarius, ac universalior ceteris, concurrentis cum quolibet alio Foro; in tantum, ut Reus possit ibidem conveniri etiam pro contractibus alibi gestis, ac pro delictis alibi commissis, ac super rebus alibi sitis. Ita Abbas in cap. 1. n. 6. et c. Cum contingat. n. 7. et cap. ult. n. 38. h. t. Felinus cit. n. 23. Fagnanus ubi supra, n. 12. et alii. Sic quippe potest quis in foro domicilii conveniri de contractu alibi gesto, vbi Dilecti. 17. h. t. Sicut et de re alibi existente, L. ult. C. de Praescript. long. tempor. Ac etiam de crimine alibi commissio, l. Soiens. Auth. Quas in provincia. c. Ubi de criminib. agi oportet. Accedit ratio: quia si in foro domicilii non posset Reus conveniri de alibi gestis, commissis, aut existentibus, tunc iste forus superflueret: atqui hoc non est dicendum; ergo iste forus est ordinarius, ac generalis ad omnis, ut inquit Calderinus cap. 1. de Raptorib. cujus dictum laudat Abbas cit. num. 38.
- Resp. III. Juxta domicilii non solum potest procedere contra subditum, quando hic est praesens, omnimodam jurisdictionem in ipsum exercendo; sed insuper potest subditum domicilii citare absentem, et ubicunque existentem, etiam quoad omnes effectus. Ita Abbas in d. cap. ult. n. 41. h. t. Felinus cit. n. 23. §. Et scias. Fagnanus c. Licet. n. 12. h. t. et communis aliorum. Ratio est: quia, ubicunque quis existat, remanet subditus Judicis domicilii, hoc ipso, quod domicilium non mutat, sed retinet; simulque citatio decernitur in proprio territorio ipsius Judicis.
- Nec obstat, quod Nuntius telem citationem exequatur extra territorium Judicis citantis. Nam actus Nuntii citationem exequentis, ut citatus futurae litis notitiam habere valeat, nudum duntaxat ministerium executionis est, non actus jurisdictionis; arg. c. Romana. §. Contrahentes, juncta Glossa h. t. in 6. et l. Omnes. §. Verum si apparitor. C. de Episcop. et Cleric. ac notat Gailus, lib. 1. Pract. Observat. 50. n. 3. Abbas, Fagnanus, ubi supra, et alii.
- Quod autem Juxta domicilii possit citare absentem quoad omnes effectus, declaratur inductione. Nam imprimis praecipuus citationis effectus, est comparitio. Gailus cit. lib. 1. Observat. 51. n. 8. Atqui absens citatus a Judice domicilii, tenetur comparere, sub poenis illico referendis.
- Deinde, quando absens citatus, est contumax in comparendo, potest contra ipsum Juxta domicilii procedere per missionem Actoris in possessionem bonorum ipsius, ut tadio affectus Reus veniat responsurus, cap. ult. §. In aliis. et §. Si autem. Ut lite non contestata etc. Vel si Reus contumax bona mobilia, aut immobilis non habeat, in quorum possessionem Actor mitti possit, tunc ipse pro merito suae contumaciae potest excommunicari, aut alia Ecclesiastica censura innodari; ut cit. §. Si autem. eod. Abbas loc. cit. n. 41. post Glossam in can. Episcopum. q. 2. §. Ordinandum, et alios communiter, paucis exceptis; idemque tenet Federicus de Senis Consil. 16. et Fagnanus, ubi supra, n. 14. Ad idem favet textus in c. Peritatis. de Dolo et contum. et c. Cum sit Romana. §. §. fin. de Appellat. cum similibus.
- Tertio Juxta domicilii potest contra subditum absentem citatum, et contumacem in comparendo, etiam procedere ad condemnationem, quando status causae id patitur. Nam, quod contra absentem possit ferri sententia condemnatoria, si est contumax, et altera pars de suo jure sufficienter docuerit; clare liquet ex cit. c. Veritatis. de Dolo et contum. et c. Ex tua. §. 1. de Cleric. non resid. et l. Properandum. §. Et si quidem. C. de Judiciis. Abbas, ubi supra, n. 41.
- Queritur III. Utrum quis forum sortiat, et conveniri valeat ratione Domicilii originis? Resp. Affirmative; ut proinde speciato Jure communi poterit quis conveniri in loco originis, dummodo ibi reperiat. Ita Abbas in cap. 1. num. 6. h. t. et Bartolus in l. Assumptio. §. Filius. §. Videamus. ff. Ad municipalem. citans Jacob. de Aretio. Piching h. t. numer. 10. et alii. Conclusio haec desumitur ex l. Incola et iis ff. Ad municipalem, juncta Glossa, §. Jurisdictioni. Concordat textus in l. Haeres absens. §. 1. ff. de Judiciis: ubi dicitur, quod haeres ibi sit conveniendus, ubi de-

functus debuit, si ibi reperiatur: secus ergo, si ibi non reperiatur. Quamquam Julius Clarus *lib. 5. Criminalium. §. An. quæst. 39. n. 1.* hoc ultimum asserat solummodo procedere in causis civilibus.

- 35 . Notat tamen Engel *h. t. n. 6.* Reum quidem inhabitantem conveniri in loco originis, quando tempore institutionis actionis ibidem habitat: tunc enim domicilium habitationis concurret cum domicilio originis. Quod si vero Reus habitationem suam alio transtulerit, tunc ius conveniendi aliquam in loco originis, ab usu recessisse; ut tradit Colerus in *Tract. de Process. execut. part. 2. cap. 2. nu. 17.* et Mathias Stephanus de *Offic. Judic. part. 1. lib. 1. cap. 8. n. 28.* Unde de Domicilio originis non oportet fusius disserere.

- 36 Quæritur IV. Utrum, et qualiter ratione quasi domicilii sortiatur quis forum, ita ut ibidem conveniri valeat? Resp. I. Certum est, quod in loco quasi domicilii, seu diuturnioris habitationis, possit quis conveniri super contractibus, ac delictis ibidem gestis, seu commissis. Ratio est clara. Quia tunc, si non ratione quasi domicilii (de quo proxime) saltem ratione delicti, aut contractus ibidem gesti, sortitur quis forum, *cap. ult. h. t.*

- 37 Resp. II. An autem ratione quasi domicilii, seu diuturnioris habitationis in loco, ita quis sortiatur forum, ut ibidem etiam conveniri valeat super contractibus, et delictis alibi gestis, aut perpetratis, major est difficultas, et diversae extant sententiae Doctorum, quorum plures in utramque partem allegat Felinus in *c. Dilatus. il. 2. n. 12. de Rescript.*

- 38 . Negativam tenet Bartolus in *l. Haeres absens. §. Proinde. ff. de Judiciis:* ubi in fine docet, quod Scholastici ratione studii sortiuntur forum, ut si ibi contrahant, possint ibi conveniri: non autem, quod pro contractibus, vel obligationibus antea factis, ibi conveniri possint. Idem tenet Hostiensis in *c. Quod Clerici. h. t.* et Engel *h. t. n. 10.* hanc sententiam amplectens in casu, quo quis alibi habet verum domicilium, et non nimis remotum. Ratio hujus sententiae est: quia Iura statuunt, quod quis possit alicubi conveniri ratione domicilii, loquantur de vero domicilio: nam in dubio a verborum proprietate recedendum non est. *l. Non aliter. ff. de Legat. II.* Atqui quasi domicilium, non est verum domicilium; ut *l. Cives. C. de Incolis. lib. 10.* ergo.

- 39 . Affirmativam, simulque probabiliorē sententiam, videlicet in loco quasi domicilii posse quempiam conveniri etiam super contractibus, et delictis alibi gestis; ex professo tradit Abbas *c. Quod Clerici. n. 5. h. t.* Felinus in *d. c. Dilatus. il. 2. n. 12. de Rescript.* Pirhing *h. t. n. 18.* et alii plures, quos citant. Desumitur haec sententia ex *L. 2. C. Ubi de criminibus etc.* nam competens Iudex ibidem censetur ille, ubi Reus degit: hoc est (ut inter alia loquitur Glossa finalis) *conversatur, ut Scholaris in scholis, licet domicilium non habeat ante decennium.* Accedit ratio: quia absurdum videtur, quod quis diutius in loco moraretur, et nollet ibi respondere de alibi gestis: sic enim quasi domicilium, seu diuturna conversatio in loco, parum operaretur: prout amplius urget Felinus *loc. cit.*

- 40 . Confirmatur: quia ex quasi domicilio alicubi constituto (dum videlicet quis locum accessit animo longius, saltem per majorem anni partem, ibi commorandi) acquiritur ius Parochiae pro Foro interno; ita ut quis non solum Sacramentum Poenitentiae, sed etiam omnia alia Sacramenta (excepto Sacramento Ordinis) possit ab Episcopo, vel Parocho illius loci recipere: prout fuso ostendit Sanchez *lib. 3. de Matrim. disp. 22. n. 12. et seqq.* Cur igitur hoc ipsum non sit admittendum pro Foro externo? Praesertim, cum istud audeant Iura, ratio-

nes et auctoritates, tum haecenus allatae, tum uberius apud Abbatem *loc. cit.* et alios videandas.

Atque ex his satisfit fundamento prioris sententiae. Negatur enim major sic universaliter prolata, per Iura, et rationes nunc allatas. Quamquam idcirco non negetur, quin particularis locorum consuetudo, quantum ad propositum, multum operetur, ac in praxi vel maxime sit attendenda.

Quæritur V. Quid juris, si quis in duobus locis domicilium habeat, aut inchoata lite prius dimiserit? Resp. I. Si quis obtineat domicilium habitationis in duobus locis, eo quod utrobique aequaliter sit instructus, aequaliterque per anni decursus commoretur, tunc in utroque loco censetur sortiri forum, potestque conveniri. Ita desumitur ex *c. Ex parte. 15. h. t.* juncta Glossa, §. *Andegvansi.* et Abbate *num. 8.* et DD. *Ibidem.* Concordat textus in *l. Labeo. et l. Assumptio. §. fin. ff. Ad municipalem.*

Resp. II. Mutatio domicilii non perimit instantiam coram Iudice illius domicilii jam coeptam: unde legitima citatus tenetur coram huiusmodi Iudice citante causam prosequi non obstante, quod post citationem mutaverit domicilium. Patet hoc ex *c. Proposuit. 19. h. t.* estque communis. Accedit ratio: quia per citationem legitime factam praevenitur, ac perpetuatur jurisdictio Iudicis citantis: sicque citatus, hand obstante mutatione domicilii, *ius revocandi forum non habet, quasi ab altero jam praeventus, ut loquitur textus ibidem.*

Quæritur VI. Qui censeantur Vagabundi, et ubi forum sortiuntur ratione domicilii? Resp. I. Vagabundi censentur illi, qui nullibi certam et stabilem sedem, aut domicilium habent, sed hinc inde vagantur. Ita Abbas in *cap. ult. n. 13. h. t.* Sanchez *lib. 3. de Matrim. disp. 25. n. 1.* et alii. Atque desumitur ex *l. Ejus qui manumisit. §. Celsus. ff. Ad municipalem,* ubi dicitur: *Si quis domicilii relicto naviget, vel iter faciat, quaerens quo se conferat, atque ubi consistat; nam tunc primam puto sine domicilio esse; sicque censebitur vagabundus.*

Nec obstat, quod quis relicto priori domicilio, ac in itinere constitutus, jam animo destinaverit locum, in quo domicilium sit collocaturus. Adhuc enim talis censetur vagabundus, dum est in via: cum careat pro tunc domicilio. Prius enim domicilium (ut supponitur) re, et facto deseruit: alterum vero nondum obtinuit; quia domicilium re et facto transfertur, non nuda contestatione, seu animi destinatione, *l. Domicilium. ff. Ad municipalem.* Sanchez *cit. disp. 25. n. 3.*

Resp. II. Vagabundi, qui certum domicilium, vel habitationem non habent, sortiuntur forum, ubi reperiuntur: adeo, ut ibi possint conveniri etiam ratione contractus, vel delicti alibi commissi, seu celebrati. Ita Glossa marginalis in *cap. ult. §. Aut domicilii. h. t.* dum ait, quod vagabundus ibi dicitur domicilium habere, ubi invenitur. Et Glossa in *l. Haeres absens. §. Proinde. §. Debebit. ff. de Judiciis,* dicens, quod si debitor vagari coeperit per orbem, nec alicubi certum domicilium habeat, possit conveniri, ubicunque reperitur, ne alioquin creditor ius suum perdat. Quam Glossam, pluribus jam Iuribus firmatam approbat Bartolus *ibid. §. Quaero quid si debitor,* subiungens, quod juxta ipsam multi Ribaldi suspendantur in Civitatibus, et Castris; cum non habeant alicubi forum. Fagnanus *c. Licet. num. 26. h. t.* Pirhing *cod. num. 15.* Sanchez *lib. 3. de Matrim. disp. 25. num. 5.* citans alios. Idque desumitur ex *l. 1. C. Ubi quis de Curiali etc.* et *L. 1. C. Ubi de criminibus etc.* juncta Glossa *fin.* de talibus vagabundis illud vul-

gatum allegante : *Ubi te invenero, ibi te iudicabo.* et amplius firmat Jo. Andreas cap. ult. n. 11. h. t.

## §. III.

De modo ordinario sortiendi Forum  
ratione Delicti.

## SUMMARIUM.

- 47 Certum est, quod ratione delicti alicubi commissi quis ibi forum sortiatur.
- 48 Delinquens, si adhuc est in loco delicti, tam respectu, personae, quam respectu bonorum, etiam alibi existentium est de jurisdictione Judicis delicti.
- Quid juris, quando Clericus in una Dioecesi habens Beneficium, committit in alia crimen dignum privatione ejus? Ibid. et num. seqq.
- 49 et 50. Expenditur intellectus c. Postulasti. 14. h. t. Et num. seqq.
- 51 Titulus Beneficii inhaeret ossibus Clerici, sicut et alia jura incorporalia ossibus dominorum.
- 52 Quando Judex, in cujus territorio bona condemnati existunt, possit exequi sententiam a Judice delicti prolatam?
- 53 Quid, si talis sententia sit nulla?
- 54 Et quid, si Judex ejusmodi debite requisitus nolit exequi sententiam ab altero latam?
- 55 Judex delicti, quid possit contra Reum criminis, non amplius existentem in loco delicti, sed citatione praeventum?
- 56 et 57. Vel non praeventum citatione? n. seqq.
- 58 Citatus a Judice delicti extra territorium, non censetur contumax, etsi non compareat.
- 59 Potest tamen ita citari ad effectum adstringendi bona ejus, nisi comparuerit.
- 60 Disparitas inter Judicem domicilii, et Judicem delicti, quoad potestatem citandi absentem.
- 61 Reus, qui fugit, an sit remittendus ad locum delicti? Et num. seqq.
- Potest ejus remissio debite per litteras requiri. Ibid.
- 62 Ac de rigore Juris fieri debet; et cur?
- 63 Idque non solum ex urbanitate, sed etiam ex necessitate.
- 64 Requiritur tamen ad hoc plures conditiones.
- 65 I. Ut petatur per publicas Litteras requisitorias.
- 66 II. Ut delictum sit grave, et commissum in territorio Judicis petentis remissionem.
- 67 III. Ut res adhuc sit integra, nec ab altero Judice tractari coepta.
- 68 IV. Ut Litteris requisitoriis inseratur summaria criminis cognitio.
- 69 V. Ut uterque Judex sit sub eodem Principe, a quo requisitus puniri possit, nisi Reum remittat.
- 70 Remissiones Reorum de factorarius practicantur, vel non nisi sub Litteris Reversalibus; et cur?
- 71 Ut Judex possit remissionem Rei facere, debet (juxta aliquos) in ipsum jurisdictionem habere.
- 72 Opposita sententia probatur.
- 73 Et resolvuntur rationes prioris sententiae.
- 74 A quo Judice possit puniri delictum in confinia territoriorum commissum, et consummatum?
- 75 Aut in uno territorio inchoatum, in altero consummatum? Et num. seqq.
- 76 Homicidium, unde sic dictum?
- 77 Ex duobus conjunctis potentius trahit ad se minus potens. Et num. 79.
- 78 Unum delictum plures personas tangens, cuique attribuitur in solidum.
- 79 Solvantur rationes sententiae, volentis, quod tunc solus ille sit Judex competens, in cujus territorio consummatum est delictum.

Quaeritur I. An, et qualiter ratione Delicti quis sortiatur forum? Resp. I. Certum est, quod ratione delicti alicubi commissi quis ibi sortiatur forum; adeo, ut in cujus territorio quis delinquit, ejus jurisdictioni subiciatur, ab eoque puniri possit, licet alias eidem subditus non sit. Patet hoc ex c. Postulasti. 14. et cap. ult. h. t. can. Placuit. 6. q. 3. et cap. 1. de Raptorib. cum similibus. Concordat Auth. Qua in provincia. C. Ubi de criminibus agi oportet, ibi: Qua in provincia quis delinquit, aut in qua pecuniarum, aut criminum reus sit, illic etiam Juri subjacent. Et merito scelera in eo loco puniri praecipiuntur, ubi commissi sunt; partim ad exemplum, seu terrorem aliorum; partim, ut per publicam vindictam satisfiat illi Reipublicae, quae per crimen extranei laesa est. Accedit, quod in loco delicti facilius inquiri possit de auctore criminis, ac delictum probari.

Resp. II. Quando delinquens adhuc reperitur in loco delicti, tunc ipse quoad omnes effectus tam respectu personae, quam respectu bonorum, etiam alibi existentium, est de jurisdictione Judicis delicti; hoc est, Judicis illius loci, in quo delictum perpetratum fuit. Ita desumitur ex c. Postulasti. 14. h. t. et tradit ibidem Glossa fn. et Abbas n. 7. ac Barbosa n. 1 et Vivianus in Rationali. §. 1. Pirhing h. t. n. 13. et alii. Siquidem in cit. cap. juxta probabiliorum ejus intellectum, decisa habetur, quod quando Clericus habet Beneficium in una Dioecesi, in alia vero delinquit committendo crimen dignum privatione Beneficii, tunc Episcopus delicti condemnet Clericum de delicto (sic exercendo jurisdictionem respectu personae ejus) atque ipsum etiam privat Beneficio, pronuntiando sententiam privationis super hoc (qua ratione exercet jurisdictionem respectu bonorum ejus, cum Beneficii alibi existentis) quamvis executio realis fiat postmodum ab Episcopo loci, ubi Beneficium illud situm est. Ad idem facit cap. 1. de Offic. Judic. Ordinar.

Nec obstat, quod Glossa in cit. c. Postulasti. §. Deliquit. h. t. et nonnulli alii, textum illius Capituli aliter esse intelligendum putent, ita videlicet, ut Episcopus delicti proferat sententiam super crimine solum, Episcopus Beneficii autem postea ferat sententiam privationis Beneficii, hancque exequatur. Alioquin enim (inquiunt) Episcopus delicti, si per suam sententiam privaret Clericum Beneficio alibi existente, videretur ponere saltum in memum alienam, contra c. Venerabilem. 34. de Election. et c. Novit. 13. de Judiciis Imo ejus sententia non teneret: nam extra territorium jus dicenti, impune non paretur, ut dicitur cap. ult. de Constitut. in 6. et L. ult. ff. de Jurisdict. omni. judic.

Non obstat, inquam. Quia hic intellectus cit. c. Postulasti, est minus probabilis, minusque concordans litterae; unde etiam relinquitur a Glossa fn. ibid. et a Speculatore tit. De Executione sententiae. §. Nunc dicendum. n. 13. §. Item facit: ubi inquit, quod dictus intellectus non placet. Concordat Abbas cit. num. 7. asserens, quod textus ibidem apertissime importat priorem intellectum, in Conclusionem approbatum, non cavillando litteram; estque communior aliorum. Atque idem in simili traditur in c. Romana. §. Contrahentes. h. t. in 6. ubi unus Episcopus decernit missionem faciendam in bona, quae Reus contumax in alia etiam Dioecesi noscitur obtinere; quem deinde ad illius requisitionem alter Episcopus exequitur.

Nec urgent rationes nu. 49. in oppositum allatae. Quia, cum titulus Beneficii v. g. residet penes



personam ipsius Clerici, atque inhaerent ossibus ejus; sicut de aliis jure incorporalibus dici solet, ac notat Glossa in *L. 3. §. Ea vero. ff. Pro socio*. Jam hoc ipso, quod ratione delicti persona delinquentis sit Judici illi subjecta, potest ipse hujusmodi jus, utpote personae inhaerens, abdicare ab illa persona, hancque in poenam delicti eodem sententialiter privare. Et sic non fert sententiam in rem sibi non subjectam, neque jus dicit extra territorium; cum persona delinquens sit sibi subjecta. Lata autem sententia privationis vocat Beneficium alibi existens, sicut quoad hoc executio facienda est per Judicem, sive Episcopum, in cujus Diocesi Beneficium existit. Abbas *cit. n. 7.*

52. Resp. III. Nihilominus, ut Juxta ille, in cujus territorio bona condemnati existant, exequatur sententiam a Judice delicti prolatam, requiritur, ut ab hoc ad illum directae fuerint Litterae requisitoriae super executione suae sententiae; prout in simili statuitur *c. Romana. §. Contrahentes. in fin. h. t. in 6. et l. Properandum. §. Sin autem. juncta Glossa, §. Ad majorem. C. de Judiciis*. Alioquin enim Juxta alterius Tribunalis, non posset se intromittere sine voluntate primi judicantis; ut *L. 1. §. 1. ff. de Offic. Consul.* Nisi forsitan esset talis Juxta, ad quem de Jure communi, vel municipali, spectat executio; et est ordinarius respectu Delegati, *l. A Divo Pio. §. 1. ff. de Re judicat.* Vel nisi ex officio deberet procedere; ut sit in Beneficialibus, *arg. c. Cum dilectus. 32. §. Nos vero. de Election. et c. Constitutus. 45. de Appellation.* Vel nisi Reus esset excommunicatus: nam excommunicatio secum trahit executionem, *c. Pastoralis. 53. de Appellat.* Aut nisi Reus foret excommunicatus in personam; nam in talem, quicumque eum primo caperet, ille posset facere executionem. Speculator *tit. De Executione sententiae. §. Nunc dicendum. num. 14.* Bartolus in *l. A Divo Pio. §. Sententiam Romae. ff. de Re judicat.* Abbas in *cit. c. Postulasti. n. 18.* ubi pluribus hanc materiam examinant, et adhibitis aliis distinctionibus solide resolvunt.

53. Resp. IV. Insuper hactenus dicta procedunt loquendo de sententia Judicis delicti rite prolata. Nam, si alter Juxta, a quo petitur executio sententiae, videat eam nullam, debet supercedere, ac exceptionem nullitatis remittere. Felinus in *c. Postulasti. num. 11. §. Si Juxta. h. t.* citans Paulum de Castro *Consil. 220. incip. Si dicta sententia*, et alios. Imo, si nullitas est notoria, non erit opus remissione, sed potest executio denegari. Felinus *loc. cit.* post alios.

54. Quod si autem Juxta debite requisitus, nolit exequi justam sententiam ab altero latam: tunc poterit is per Superiorem, vel Episcopum suum ad hoc cogi, et puniri, *arg. Auth. Ut differentes Judices etc. §. 1. Collat. 9.* Bartolus in *d. l. A Divo Pio. §. Sententiam. n. 5.* Ubi addit, quod ejusmodi Juxta insuper parti, forsitan exinde laesae, tenentur actione in factum ad interessam, *l. Si Juxta. ff. de Variis et extraord. cognitionib.*

55. Quaeritur II. Quid Juxta delicti possit contra Reum criminis, non amplius existentem in loco delicti? Resp. I. Quando Reus criminis citatione praeventus est, dum erat in loco delicti, seu in territorio Judicis illius, certum est, quod ejusmodi Juxta possit contra ipsum etiam absentem procedere: adeo, ut si contumaciter se absintet, nec amplius comparere velit, Juxta delicti non solum possit procedere contra bona Rei in suo territorio existentia; sed etiam contra personam ejus, ipsum videlicet excommunicando, et omnem processum super personam ejus formando, in quantum patitur qualitas causae, et status personae Rei. Ita Abbas in *cap. ult. n. 6.*

*h. t.* asserens, ita dicendum secundum omnes. Idque clare desumitur ex *c. Proposuit. 19. h. t.* ubi legitime citatus tenetur causam prosequi coram Judice citante, haud obstante, quod postea jurisdictionis alterius esse coeperit: Quasi (inquit textus) ab altero jam praeventus. Ubi proin Glossa insert, quod per solam citationem praeventus, ac perpetuatur jurisdictio tam Ordinarii, quam Delegati, Concordat textus in *l. Si quis postea. ff. de Judiciis*, ubi id ipsum, atque ob eandem rationem, decisum habetur. Item *c. Tuas. 3. et cap. ult. §. In aliis. Ut lite non contestata etc.* ubi legitime citatus, et contumaciter se absintet, vel ponitur in bona, mittendo alium in horum possessionem, si fieri potest; vel excommunicatur.

56. Resp. II. Quod si Reus delinquens intra territorium Judicis delicti non fuerit citatione praeventus, tunc (nisi is remittatur per proprium Judicem, juxta inferius dicenda) nequit Juxta delicti facere processum contra ejus personam, neque ad istum effectum citare constitutum extra territorium: licet possit ipsum citare in ordine ad effectum astringendi bona, si quae habeat in ejus territorio, nisi comparuerit. Ita Abbas *loc. cit. n. 7.* et Fagnanus *c. Licet. il. 2. n. 16. h. t.* citans Innocentium *ibid. §. Contractus.* Hostiensensem *n. 3.* et Ant. de Butrio *n. 6.* estque communis aliorum; quidquid nonnulli quoad primam partem olim contradixerint, quos refert, ac refutat Abbas, ubi *supra, n. 6.*

57. Prior pars desumitur ex *Clem. Pastoralis. de Sentent. et re judicat.* ubi sententia super crimine lata contra citatum, extra territorium citantis continuo existentem, ipso jure declaratur esse nulla: quia nimirum extra territorium jus dicenti, impune non paretur, *cap. ult. de Constitut. in 6.* cum similibus.

58. Et hinc fit, quod citatus extra territorium a Judice delicti, quamvis non compareat, neququam dicatur contumax, et proinde nec possit excommunicari ratione contumaciae. Quia videlicet comparere non tenetur, nec alter respectu suae personae jurisdictionem habet: excommunicatio autem, sicut et contumacia, respicit personam, ejusque ossibus inhaeret.

59. Secus dicendum quoad bona, si quae Reus habeat in territorio Judicis delicti existentia. Nam hoc ipso, quod haec subsint jurisdictioni illius Judicis, potest ipse citare Reum ratione criminis intra suum territorium commissi in ordine ad effectum astringendi bona hujusmodi, nisi comparuerit. Quae quidem citatio non solum potest fieri verbaliter per nuntium, vel litteras ad Reum directas; sed etiam, si isto lateat, et ignoretur, ubi degat, per Edictum in publico loco affixum. Reus autem citatus comparere non tenetur invitatus, sed sufficit, si res suas possideri patiatur, *arg. c. Romana. §. Contrahentes. h. t. in 6. et l. Sed et eas personae. §. fin. ff. de Procuratorib.* atque uberius probat Abbas in *d. cap. ult. n. 6. vers. Alii dicunt. h. t.* Ac per hoc patet ad alteram partem datas Conclusionis.

60. Dices. Potest Juxta domicilii citare Reum absentem, etiam procedendo contra ejus personam quamvis existat extra suum territorium, ut dictum supra *§. praec. numer. 20. et seqq.* ergo etiam Juxta delicti. Resp. neg. consequent. et paritatem. Disparitas est: quia, ubicunque quis existat, manet subditus Judicis domicilii, hoc ipso, quod istud adhuc retinet: contra delinquens, postquam est extra territorium, non amplius est subditus Judicis delicti, nisi fuerit citatione praeventus: quia solum accidentaliter ei subicitur, non naturaliter, ut sit ratione domicilii. Abbas *cit. n. 6.* et concordant dicenda inferius *§. 4. n. 102. et seqq.*

61. Queritur III. Utrum Reus, qui fugit, sit remittendus ad locum delicti? Resp. I. Quamvis Reus tempore fugerit, nec fuerit citatione praeventus; nihilo minus Judex ille, in cujus territorio grave crimen est perpetratum, potest debite per litteras requirere Judicem illum, ubi delinquens scitur degerere, ut eandem citet, seu capiat, sibi remittat. Ita communis; et patet ex *Clem. Pastoralis*, §. Nos quoque. juncta Glossa, §. De more. de Sentent. et re judicat. et l. Si cui. §. An ff. de Accusationib. et l. Solent ff. de Custodia et exhibit. reor.

62. Quia imo in *Auth. Ut nulli Judicium*, §. Si vero quis comprehensorum. Collat. g. expresse jubetur, ut Judex, in cujus Provincia delinquens degit, post publicas a Judice delicti susceptas litteras Reum comprehendere, atque illi remittere teneatur; idque sub gravibus poenis ibidem specificatis. Siquidem istud congruit communi bono Reipublicae: tum ut ad exemplum, et terrorem aliorum, delicta gravia ibi publice puniantur, ubi fuerunt perpetrata. Tum ut hac ratione satisfiat illi Communitati, quae per delictum in suo territorio commissum graviter offensa, et injuriata fuit. Tum tandem, quia alibi non tam facile Reus convinci possit super crimine, sicque crimina saepius remanerent impunita in grave praedictum Reipublicae. Merito igitur Judex ille, in cujus territorio Reus deliquit, potest petere ab altero Judice, ubi is degit, ejus citationem, ac remissionem.

63. Unde inferunt plerique Doctores, cum Imperator in *d. Auth. Ut nulli Judicium*, §. Si vero quis comprehensorum, utatur verbo *Jubemus*, quod est necessitatis, ac praeceptum importat: dictam remissionem Rei delinquentis ad locum delicti, non tantum ex urbanitate, vel ex voluntate (uti quidam voluerunt) sed etiam ex necessitate, saltem spectato Jure communi, ac seclusa speciali consuetudine locorum, faciendam esse. Quid si igitur Judex ille, ubi delinquens degit, nolit Reum remittere, non solum male agat non satisfaciendo necessitati Juris, qua tenetur remittere: sed etiam ab altero Judice, remissionem Rei urgente, poterit contra ipsum agi apud Superiorem ejus; quamvis ipsemet non possit illum cogere ad remittendum, neque ob repulsam punire (cum per in parem non habeat imperium) nisi forsitan aliunde foret ejus Superior. Ita Glossa in *cit. Clem. Pastoralis*, §. De more. de Sentent. et re judicat. Abbas in *cap. ult. n. 16. h. t.* Felinus c. *Licet ratione delicti*, n. 10. eod. et communior aliorum.

64. Resp. II. Nihilo minus, ut Judex ille, in cujus territorio delinquens degit, aut captus est, teneatur hunc remittere Judici delicti, plures requiruntur conditiones. Ita Covarruvias *Practic. Quaest. cap. 11. n. 5. et seqq.* Felinus *loc. cit. n. 7. et seqq.* Farinacius *lib. 1. Praxis Criminalis, tit. 1. cap. 7. n. 27. et seqq.* Engel *h. t. num. 23.* Aloys. Riccius in *Praxi Rerum Ecclesiast. tom 1. part. 2. Resol. 72. et tom. 2. part. 4. in fin. seu Praxi remissionis delinquentium, quaest. 3.* ubi novemdecim talia requisita enumerat. Caeteris tamen dimissis probatur Conclusio inductione, declarando quinque praecipuas condiciones ad remissionem delinquentium necessario faciendam requisitas.

65. I. Conditio ad remissionem Rei de necessitate faciendam requisita, est: Ut remissio delinquentis a Judice loci delicti petatur per publicas Litteras, quas appellant, *requisitorias*. Patet haec conditio ex *cit. Auth. Ut nulli Judicium*, §. Si vero quis comprehensorum: ibi enim Imperator pro facienda remissione delinquentium expresse jubet, *Provinciae illius judicem, in qua peccari contigerit, Epistola publica uti ad Provinciam illius judicem, in qua delinquens persona degit.*

Igitur seclusis hinc Litteris requisitoriis, nullo jure compellitur Judex Reum detinens facere remissionem delinquentis, licet nihilo minus ex quadam urbanitate possit eum remittere ad Judicem delicti (accedente tamen hujus voluntate) licet non petatur; eo quod congruentius exerceatur justitia in loco delicti ad terrorem aliorum, et tollendum ibidem scandalum. Abbas *Consil. 25. n. 2. lib. 1.* Riccius *cit. part. 2. Resol. 72. n. 1. et alii.*

66. II. Ut delictum sit grave, et commissum in territorio Judicis petentis remissionem, simulque de eo agatur criminaliter. Nam Doctores communiter tenent, quod in levioribus delictis non fiat remissio, sicut nec in gravibus, quando vel non sunt commissae in territorio Judicis remissionem petentis, vel de ipsis solummodo agitur civiliter. Ratio est: quia hujusmodi remissio Reorum ad locum delicti, fit principaliter ex eo, ut delinquentes ibidem ad terrorem aliorum, tollendumque publicum scandalum, suppliciis legitimis subjiciantur, *cit. §. Si vero quis comprehensorum*. Atqui haec ratio cessat in criminibus, quae non sunt commissae in territorio Judicis petentis remissionem; sicut et ipsa cessat in delictis levioribus, aut de quibus civiliter solum agitur. Abbas in *cit. cap. ult. n. 15. h. t.* Aloys. Riccius *cit. Resol. 72. n. 2. et Resol. 74. n. 2.* Julius Clarus *lib. 5. Criminalium §. An quaest. 38. n. 23. et 24.* Covarruvias, *ubi supra. n. 7. §. Octavo*, citans alios, et communem.

67. III. Ut res adhuc sit integra, nec a Judice, in cujus territorio delinquens degit, tractari coepta. Alioquin enim, si Judex originis, aut domicilii (utpote qui potest procedere contra Reum etiam alibi delinquentem) non requisitus praevenerit in captura, sicque res amplius non sit integra; ratione praeventiois non potest impediri a Judice delicti, quia causam cognoscat, eamque legitimis suppliciis Reum affligendo finiat. Abbas *d. cap. ult. num. 16. h. t.* asserens, in tali casu ex sola urbanitate procedere remissionem. Aloys. Riccius *cit. part. 2. Resol. 80. num. 2. et part. 4. in Praxi remission delinquent. quaest. 13. n. 3.* Farinacius *d. Quaest. 7. num. 28.* citans plures alios.

68. IV. Ut Judex delicti Litteris requisitoriis inferat quandam summariam criminis cognitionem, ac probationem: ne alioquin, si quis statim ligatus remitteretur, quandoque contingeret quempiam sine causa, et innocentem, infamia notari. Glossa in *Clem. Pastoralis*, §. De more. circa fin. de Sentent. et re judicat. refutans quorundam aliorum opinionem. Oldradus *Consil. 124. §. Secundo*, istud ulterius probans ex l. *Interdum*, §. *Idem autem ff. de Publican. et vectigalib.* Covarruvias, *ubi supra, n. 8.* Riccius *cit. Resol. 72. n. 2.* cum aliis requirens ad remissionem delinquentis faciendam, ut constet, fuisse commissum delictum in territorio Judicis requirentis; per-textum in l. 1. §. *Item illud ff. Ad S. C. Syllanian.* ubi prohibetur, fieri inquisitionem (consequenter et remissionem) nisi constet aliquem esse occisum: et *Resol. 86. n. 1.* allegans alios.

69. V. Ut remissio de necessitate sit facienda, requiratur, quod uterque Judex, videlicet tam requirens, quam requisitus, sint sub eodem dominio, seu Principe, a quo requisitus poni possit, nisi Reum remittat. Alioquin enim remissio non foret de necessitate facienda, cum non esset Princeps aliquis, qui posset Judicem requisitum cogere ad remittendum. Covarruvias *d. quaest. 1. Pract. Quaest. n. 10.* citans plures alios, et asserens, hanc sententiam communem totius Orbis Christiani usu et praxi receptam esse. Farinac. *cit. lib. 1. tit. 1. quaest. 7. n. 25.* addens aliam rationem: quia videlicet unusquisque defendit suam jurisdictionem. Julius Clarus *d. §. An quaest. 38. n. 21.*

hunc appellans communem sententiam, quam cum pluribus aliis sequitur Riccius *cit. part. 4. in Praxi Remiss. delinquent. quaest. 3. n. 11.*

70 Atque hic fit, quod licet antiquitas, quando omnes Ditiones, ac Provinciae, fuerunt sub eodem Principe, seu Imperatore, frequentes fuerint remissiones delinquentium, juxta *cit. Auth. Ut nulli judicium. §. Si vero quis comprehensorum. Collat. 9. de facto tamen ob multiplicem Principatum distinctionem, aut contrariam consuetudinem, eadem rarius practicerentur. Et quamquam etiam hodie in Germania, et aliis locis, praesertim in delictis atrocioribus, facta praevia requisitione soleat plerumque precario, et jure vicinitatis ac benevolentiae, fieri remissio delinquentium ad locum delicti, propter exemplum ac terrorem aliorum: id tamen practiceri consuevit sub antigrapho, seu Litteris Reversalibus (vulgo *auff einen Revers, oder Gegen-Bekandnus*) ipsius Magistratus, seu Domini remissionem petentis, quod hujusmodi remissio non sit praepjudicata jurisdictioni remittentis. Gailus *lib. 1. de Pace publica, cap. 16. num. 30. et 31. Engel h. t. n. 28.**

71 Addunt nonnulli, ad hoc, ut Juxta requisitus possit Reum remittere, ulterius requiri, quod in ipsum ratione domicilii, originis, vel alio modo jurisdictionem obtineat: ut volunt Felinus in *c. Licet ratione delicti. nu. 8. h. t. Aloys. Riccius, cit. part. 4. in Praxi remiss. delinquent. quaest. 10. nu. 2. et 3. Farinacius, etsi dubitative, d. quaest. 7. num. 31. post Bosium, tit. de Fora. competent. n. 53. et quidam alii, quos pro hac sententia allegat Covarruvias, *ubi supra, n. 7. et n. 10. §. Nec enim me latet.* Probant hi suam sententiam ex *cap. 1. §. 1. de Privileg. in di. ubi dicitur, quod ordinarii locorum non habeant potestatem remittendi exemptos ad locum commissi delicti; quia videlicet ob privilegium exemptionis eisdem competens, nullam in ipsos habent jurisdictionem. Idem ergo videtur dicendum de aliis Judicibus: si enim (inquiunt) nullam in Reum habent jurisdictionem, ergo nec habebunt potestatem ipsum capiendi, et consequenter non remittendi ad locum delicti.**

72 Oppositum nihilo minus tenet Abbas in *cit. cap. ult. n. 16. h. t. post Calderinum, et Covarruvias cit. n. 7. et Julius Clarus d. §. fin. quaest. 38. n. 22. asserens, se semper vidiase de facto contrarium servari. Ratio est: quia ad hoc, ut pro terrore aliorum Reus in loco delicti legitimis suppliciis subiciatur, indistincte jubetur in *Auth. Ut nulli judicium. §. Si vero, quis comprehensorum. Collat. 9. ut Juxta, in cujus territorio delinquens persona degit, post susceptas publicas a Juxta delicti litteras Reum comprehendat, eumque Juxta petenti remittat. Atqui allata ratio procedit generaliter (sicut et textus indistincte loquitur) sive Juxta ille, in cujus territorio existit, sit Juxta domicilii, aut originis, vel alias in Reum possit exercere jurisdictionem, sive non. Sufficit igitur Jure sic disponente, quod ille, qui remissionem petit, habeat jurisdictionem procedendi contra Reum delinquentem ratione delicti in suo territorio perpetrati: nam hoc ipso, quod ipse urgent Rei remissionem, acquiritur ex Jure dispositione alter Juxta desuper requisitus potestatem Reum illum capiendi, atque remittendi, ne crimina maneat impunita, simulque per inflectionem debitarum poenarum tollatur in loco facti delicti scandalum creatorum.**

73 Nec obstant rationes oppositae sententiae. Non quidem *cap. 1. de Privileg. in 6. Quia vel loquitur in casu, quando non est petita a Juxta delicti remissio: vel (quod magis placet) procedit in Remissio etiam ratione loci, nam tales non possunt remitti*

per ordinarium loci, sed si petantur, erunt remittendi per proprium Superiorem, ad Juxta suum. Covarruvias *cit. nu. 7. Ad alteram instantiam patet ex dictis: quia ad remissionem faciendam sufficit, quod ille, qui eam petit, habeat jurisdictionem procedendi contra Reum. Julius Clarus cit. n. 22. plura de remissione delinquentium apud Auctores hactenus allegatos, ac praesertim apud Aloys. Riccius *cit. part. 2. Resol. 71. usque ad 89. et Resol. 139. usque ad 151. et part. 4. in Praxi remissionis delinquentium, per totum.**

74 Queritur IV. A quo Juxta possit puniri delictum in confinio duorum territoriorum commissum? Resp. I. Quando delictum non solum inchoatur, sed etiam consummatur in confinio territoriorum (ut si homo occidatur, ita quod prostratus tangat de utroque territorio) conveniunt Doctores, posse utrumque Juxta procedere contra delinquentem, quamquam tunc inter ipsosmet Juxta detur locus praeventio. Et merito: quia non est major ratio de uno, quam de alio, nisi intervenerit praeventio.

75 Resp. II. Quod si delictum in uno territorio sit inchoatum, in altero autem finitum seu consummatum; ut si quis existens in territorio. A. emittat sagittam, et occidat hominem existentem in territorio B. probabile quidem est, quod solus ille sit competens Juxta, in cujus territorio consummatum est delictum, et non alter, ubi illud est inchoatum: sed probabilius videtur, quod tunc Juxta utriusque territorii possit contra Reum procedere, et si concurrant, detur locus praeventio.

76 Prior pars est Bartoli in *l. Libellorum. n. 7. ff. de Accusation. Felini c. Licet ratione delicti. n. 14. et Arctini ibid. n. 7. h. t. quorum sententiam approbat Fagnanus in *cit. c. Licet. n. 3. sed. ac probabilem censet Pirhing h. t. n. 28. Ratio esse potest: quia in homicidio v. g. inspicitur locus, ubi quis percutitur: nam homicidium, tracta vocis interpretatione, dicitur a caedendo, et a caede, *l. Si ita vulneratus. 52. §. 1. ff. Ad Legem Aquiliam: simulque regulariter ex solo conatu quis non punitur, sed ex effectu, seu actu percutiendi, unde mors sequitur, arg. Haec autem verba. de Poenit. dist. 1. juncta Glossa ibid. cum concordantiis. Atqui in casu posito percussio hominis, seu homicidium, contingit solummodo in illo territorio, ubi quis occiditur: si enim sagitta v. g. aberraret, vel lorica induto non noceret, ejus emissio nulli afferret mortem, neque (seclusa speciali Lege, aut Statuto, talem sagittae emissionem sub certis poenis prohibente) in Foro externo puniretur: haud obstante, quod in Foro poli, seu coram Deo, talis jam sit reus homicidii.***

77 Confirmatur: quia mandans homicidium, non in loco mandati, sed in territorio commissi per mandatum homicidii, est puniendus, juxta Felinum *loc. cit. n. 15. et DD. passim: idem ergo dicendum de emittente sagittam. Accedit, quod ex duobus conjunctis, potentius trahat ad se minus potens, *l. Et si non sunt. §. Perveniamus. ff. de Auro et argent. legat. et l. Quidquid. §. fin. ff. de Acquirend. rerum domin. Atqui in proposito finis est potentior, cum det esse, seu consummationem actui, videlicet actuali occisioni: ergo.**

78 Alteram partem absolute tenet Jo. Andreas Reg. in *obcuris. n. 5. §. Solutio. de Reg. Jur. in 6. Abbas cap. ult. num. 25. h. t. Julius Clarus cit. §. fin. quaest. 38. n. 11. asserens, ita communiter servari. Farinac. *tom. 1. Criminab. lib. 1. tit. 1. quaest. 7. n. 46. allegans plures alios; et inquiens, quod haec sit veritas. Ratio est: quia in tali casu committitur delictum, plura territoria tangens; ergo etiam jurisdictio quoad illud cognoscendum, et puniendum cuilibet territorio in solidum attribuitur. Probat. consequentia:**



tum quia quodlibet eorum ex tali delicto laeditur, seu injuriam patitur; nam etiam ille jam noxius est, qui mittit sagittas in mortem, *cap. 1. de Praesumpt.* sicque, ne crimina maneant impunita, merito utrique Judici tribuitur jurisdictio in solidum. Tum quia in simili unum delictum, plures personas tangens, unicuique in solidum attribuitur; ut *l. Si ita vulneratus. 52. §. An. ff. Ad Legem Aquilianam. et l. Vulgaris. §. Si duo. ff. de Furtis*: ubi si plures unum lignum furati fuerint, quod singuli tollere non poterant, omnes furti in solidum tenentur; idem ergo a pari dicendum in proposito.

79 Nec obstant rationes prioris sententiae. Non prima: negator enim Minor, ob proxime dicta. Nec secunda: quia mandatum ejus, et executio per alterum facta, non est unicus actus moraliter loquendo, sed duplex; simulque mandans, regulariter loquendo, non obligatur ad poenam ex solo mandato, sed ex delicto, propter mandatum secuto, quod alibi subponitur esse consummatum. Econtra emissio sagittae, et actualis, occisio hominis inde secuta, est unicus moraliter actus. Ad ultimum respondetur, dictum illud procedere in individuis; secus, in dividuis, seu ab invicem separabilibus; prout accidit in proposito, ac etiam contingit in causis mixti Fori, respectu quarum tum Jux Ecclesiasticus, tum saecularis, habet jurisdictionem in solidum, estque locus praeventioni.

#### §. IV.

De modo ordinario sortiendi Forum ratione Contractus, et Rei sitae in alieno territorio.

#### SUMMARIUM.

- 80 Regula est, quod ratione Contractus sortiatur quis forum.
- 81 Contractus nomen sumitur hic largissime.
- 82 Istud extendendo etiam ad Contractum fictum.
- 83 Regula illa, quod quis in loco contractus conveniri possit, plures habet limitationes. Et nu. seqq.
- 84 I. Quando inter partes contrahentes aliter conventum est.
- 85 II. In Advenis, et Viatoribus.
- 86 Dummodo non interveniat simul horum delictum.
- 87 Et sint veri Viatores, non autem Vagabundi.
- 88 Simulque contrahens cum ipsis sciat, eos statim recessuros: alias secus.
- 89 III. In contractu Dotis.
- 90 IV. Quando quis non reperitur in loco contractus, si patiatur bona sua possideri.
- 91 Juxta contractus habet omnimodam jurisdictionem respectu contrahentium, quando conventus reperitur in loco contractus.
- 92 Aut ibi aliquando comparuit in judicio, vel citatione praeventus est.
- 93 Secus, si hic non amplius reperiatur in loco contractus.
- 94 Unde Jux ille nequit hunc citare, quantum ad effectum arctativum suae personae.
- 95 Bene tamen, quantum ad effectum missionis in bona ejus, quae ibidem habet, nisi comparuerit.
- 96 Quid, si Reus contrahens non habet bona in territorio Judicis contractus; bene tamen alibi?
- 97 In contractibus regulariter non habet locum remissio.
- 98 Certum est, quod ratione rei, de qua contenditur, quis sortiatur forum.
- 99 Sive res illa sit immobilis, sive mobilis.
- 100 Dummodo sit permansura in loco.

101 Quid, si res mobilis alicubi sit in transitu? Et num. praeced.

102 103 et 104 Forum domicilii in quibus differat a Foro contractus, delicti, et rei? Et num. 60.

Quaeritur I. An, et quando quis sortiatur forum ratione contractus, nec ne? Resp. I. Regula est, quod ratione Contractus (quod nomen hic largissime sumitur) sortiatur quis forum; adeo, ut si quispiam in alieno territorio per se, aut per alium contrahat, vel contraxisse fingatur, eo quod in tali loco sese soluturum promiserit, possit ibidem super tali contractu conveniri, etiamsi domicilium ibi non habeat. Patet hoc ex *cap. ult. h. t.* ubi inter alia dicitur, quod *ratione contractus forum regulariter quis sortiatur*. Idem patet amplius ex *l. Haeres absens. et l. Omnem obligationem. ff. de Judiciis*, cum similibus.

Additur notanter quod nomen hic largissime sumitur. Nam quod nomen Contractus in proposito sumatur largissime, sive sit verus ac proprie dictus contractus, sive quasi contractus, vel aliud, unde obligatio oritur; recte notat Glossa in *cit. cap. ult. §. Contractus*. et Abbas *ibid. n. 19. h. t.* Idem liquet ex *d. l. Haeres absens*, ubi dicitur, quod quis sortiatur forum tom ratione quasi contractus; adeo, ut possit conveniri in loco, ubi tutelam vel negotium, vel quid aliud obligationem inducens administravit: tum ratione veri contractus, sive per se, sive per alium ibidem celebrati. Quia imo, quantum ad propositum, omnem obligationem pro contractu habendam esse, textus est in *cit. l. Omnem obligationem. ff. eod.*

Atque hoc extenditur etiam ad Contractum fictum; seu, ubi quis juris fictione contraxisse censetur, eo quod in tali loco sese soluturum promiserit. Nam contraxisse unusquisque in eo loco intelligitur, in quo, ut solveret, se obligavit: prout sonat textus in *l. Contraxisse. ff. de Actionib. et obligat.* Unde in *c. Dillecti. 17. §. Verum. h. t.* respondet Pontifex, quod, si quis in certo loco se soluturum promisit, possit ibidem conveniri (haud obstante etiam privilegio, quod non teneatur in loco tam distanti respondere) nisi Actor maluerit ipsam in loco domicilii convenire.

Resp. II. Etsi regulariter verum sit, quod quis in loco contractus conveniri valeat: nihilo minus haec ipsa Regula plures patitur limitationes. Ita communis, et probatur inductione.

Sic imprimis data Regula fallit, quando inter partes contrahentes conventum fuit, ut non in loco contractus, sed alibi; puta in loco domicilii, teneantur respondere, si forsan imposterum super ejusmodi contractu lis oriretur: prout limitatur *cit. l. Haeres absens. §. Proinde. ff. de Judiciis*. Quamvis enim nemo teneatur stare pacto de litigando coram Jux non suo, *l. Si convenerit. ff. de Jurisdict. omn. judic.* valet tamen ejusmodi pactum abnegative; si est, si convenit inter partes, ut non teneantur respondere, coram tali Jux, puta contractus. Glossa in *cit. §. Proinde. §. Ut defenderet.* et Bartolus *ibid.* et alii.

Fallit secundo in Advenis, et Viatoribus. Nam si quis, tanquam advena, et viator, in aliquo loco contraxerit, mox inde discessurus, idque ab altera parte sciatur, non tenetur ibi respondere, nisi voluerit: sed habet jus revocandi domum, seu ad forum sui domicilii. Patet hoc ex *cit. l. Haeres absens. §. Proinde. ff. de Jux.* Ubi inter alia hujus ratio redditur: quia Durissimum est, quotquot locis quis navigans, vel interfaciens delatus est, tot locis, se defendere. Quia videlicet sic a suscepto itinere, aliisque negotiis suis, magno cum damno impediretur.

Intellige tamen istud, dummodo non interveniant simul delictum. Quia tunc Viator in loco contra-

80

81

82

83

84

85

86

etiam posset conveniri, saltem ratione delicti: ut si quis a viatore emarit equum, pretiumque rite persolverit, alter autem recepto pretio equum dare negligit: talis enim contractus delinquere, alterumque decipere, atque ratione delicti posset ibi conveniri. Idemque dicendum de aliis, quae in ipso contractu illico expedienda sunt, nec expediuntur: quia pariter tunc deceptio, vel dolus committeretur. Bartolus d. l. *Haeres absens*. §. *Proinde*. §. *Quid ergo*. ff. de *Judic.*

87. Intellige ulterius de vero Viatore, seu Advena, qui videlicet alibi certam sedem, et domicilium habet. Siquidem Vagabundi per mundum, ac nullibi certam sedem habentes, non solum conveniri possunt in loco contractus, sed ubicunque inveniuntur, ne alioquin creditor jus suum perderet. Glossa in cit. c. §. *Proinde*. §. *Debit*. et Bartolus ibid. Felinus c. *Licet ratione delicti*. n. 20. h. t. post Baldum dicens, quod ubi de alio foro non apparet, intelligitur quis habere forum, ubi reperitur. Et concordant dicta superius §. 2. num. 46.

88. Intellige tamen de eo, qui contraxit cum Advena, aut ipsi vendidit, sciens eum statim recessurum. Nam si quis contrahat cum peregrino, ignorans, eum talem esse, et statim discessurum (ut quia advena ille istud occultavit, incedendo tanquam unus civium, aut mercatorum illius loci, vel penitus negavit) tunc poterit hunc in loco celebrati contractus recte convenire: arguendo a sensu contrario desumpto ex cit. l. *Haeres absens*. §. *Proinde*. ff. de *Judic.* ac notat Bartolus ibid. n. 1. et Abbas cap. ult. n. 33. h. t. Talis enim (inquit Abbas) fuit in culpa, non pendendo conditionem personae suae, arg. c. *In audientia*. 25. de *Sentent. excomm.* nec alteri debet obesse sua probabilis ignorantia, c. *Si vero aliquis*. §. *cod.*

89. Fallit tertio allata Regula in contractu Dotis: In hoc siquidem istud habetur speciale, quod non inspicitur locus contractus, seu in quo instrumentum dotis factum est: sed locus, ubi vir habet domicilium, et in cujus domicilium etiam ipsa mulier per conditionem matrimonii est itura, eo quod sequatur forum mariti. Textus, Glossa, et DD. in l. *Exigere*. 65. ff. de *Judiciis*.

90. Fallit tandem dicta Regula in testamento, quia in loco contractus non aliter quis invitatus conveniri potest, quam si ibidem reperitur. Alioquin eum sufficit, si bona sua possideri patitur: cit. l. *Haeres absens*. §. *Si quis tutelam*. ff. *cod.* et c. *Romana*. §. *Contrahentes*. h. t. in 6. Quod ut melius intelligatur,

91. Queritur II. Quam jurisdictionem habeat Juxta contractus respectu contrahentium? Resp. I. Quando quis, super contractu judicialiter conventus reperitur in loco contractus, tunc Juxta illius loci habet omnimodam jurisdictionem tam in res, quam in personam contrahentis, in quantum patitur qualitas causae, sive contractus. Ita Abbas in cap. ult. numer. 36. h. t. citans communem. Idque clare desumitur ex c. *Dilecti*. 17. h. t. et c. *Romana*. §. *Contrahentes*. *cod.* in 6. et l. *Haeres absens* ff. de *Judiciis*.

92. Atque hoc ampliatur, contrahens ibidem aliquando comparuit in iudicio, vel saltem existens in loco contractus citatione praeventus fuit, licet postea recesserit. Quia tunc jam firmata est jurisdictio dicti Iudicis, utpote ipsum citatione praeventis, non solum circa res, sed etiam circa personam ejus, arg. c. *Proposuit*. 19. juncta Glossa in h. t. et l. *Si quis postea*. et l. *Ubi acceptum*. ff. de *Judiciis*. Fagnanus in c. *Licet*. n. 17. h. t. post Innocentium in c. *Prasterea*. de *Dilationib.* Unde si citatus, postea contumaciter non compareret, posset excommunicari, ac etiam directe condemnari super

principali, et status causae id permetteret: prout determinatur ex cap. ult. §. *In aliis*. et §. *Si autem*. Ut lite non contestata etc. et l. *Properandum*. §. *Si autem*. c. de *Judiciis*. ac notat Innocentius, ubi supra; et Abbas cit. n. 36.

Resp. II. Quod si vero contrahens conventus non amplius reperitur in loco contractus, nec antea fuerit citatione praeventus, tunc Juxta contractus non potest ipsum citare quantum ad effectum arrestum suae personae; bene tamen quantum ad effectum missionis in possessionem bonorum ejus, si quae habet (juxta distinctionem illico tradendam) nisi comparuerit. Ita communis; et clare habetur cit. c. *Romana*. §. *Contrahentes*. juncta Glossa magna ibid. h. t. in 6. Idque amplius declaratur inductione.

Sic imprimis, quantum attinet priorem partem, 94. Juxta contractus non potest contrahentes, nisi inveniuntur ibidem, trahere coram se invitatos (hoc est, ut in sua persona coram ipso respondeant) ut loquitur textus in cit. c. *Contrahentes*: hoc enim esset, arctare personam. Deinde Juxta contractus nequit iam citare absentem, seu existentem extra suum territorium, ut, si is non comparuerit, possit eum excommunicare tanquam contumacem: nam excommunicatio tangit personam, eamque veluti lepra insequitur: personam autem dictus Juxta non potest ad se trahere invitam, sique nec quoad effectum excommunicationis constituere in contumaciam. Tandem Juxta contractus non potest ita absentem (nisi esset praeventus, vel ibi aliquando comparuisset) directe condemnare de debito: quia etiam istud concerneret personam. Glossa magna loc. cit. Fagnanus in c. *Licet*. num. 15. 16. et 17. citans Innocentium ibid. vers. *Contractus*, Hostiensis n. 3. Anton. de Butrio, n. 15. h. t.

Altera pars in cit. §. *Contrahentes*, sub hac distinctione resolvitur. Quia contrahens Reus, sive ab altera parte conventus, aut habet bona in territorio illius Iudicis, puta Episcopi, ubi contraxit: et tunc Juxta, seu Episcopus ille, potest ipsum citare (sive verbaliter, sive, quando latet, per Edictum) sub comminatione, ut nisi comparuerit ad respondendum, aut alioquin parti laesae satisfecerit, vel de satisfaciendo idoneam cautionem praestiterit, fiat missio in possessionem bonorum, quae ibidem habet. Et tunc, si citatus comparere contemnat, potest is quantum ad istum effectum (non autem quoad priorem, ac n. praeced. relatum) declarari contumax: sique Actor, seu adversarius ejus, mitti in possessionem bonorum, quae contumax ille ibidem habet, ut laedio affectus tempestive veniat responsurus, cit. §. *Contrahentes*. et cap. ult. §. *In aliis*. Ut lite non contestata etc.

Aut contrahens Reus, seu ab altera parte conventus, non habet bona in territorio Iudicis, seu Episcopi, ubi contraxit, habet tamen ea alibi: et tunc etiam Reus potest a dicto Iudice citari, quantum ad effectum missionis faciendam in bona ejus alibi existentia, nisi comparuerit, vel alias satisfecerit: ita tamen, ut dictus Juxta contractus (si citatus fuerit contumax, aut forte malitiose sese occultet, quo minus citatio ad ipsum perveniat) solum possit decernere missionem faciendam in possessionem bonorum illorum, quae Reus contumax in alio loco noscitur obtinere: actualem vero missionem non ipse, sed ad ejus denunciationem Juxta ille, in cujus territorio dicta bona existunt, facere debeat. Patet hoc totum ex saepe cit. §. *Contrahentes*, et amplius declarat Glossa ibid. Speculator tit. *De primo Decreto*. §. *Nunc videamus*. num. 2. Abbas d. cap. ult. num. 36. h. t. et favent in simili dicta superius §. 3. n. 42. et seqq.

97. Unde inferitur, quod in contrahentibus regulariter loquendo non habet locum Remissio, vi cuius Reus conventus remittatur ad Iudicem contractus, sicut accidit in delictis: habetur enim ibi alius modus procedendi, ut patet ex praemissis. Abbas loc. cit. n. 37. Jason in l. Si convenit. n. 39. ff. de Judiciis. Quamquam hoc ipsum quaedam patitur limitationes, ac praesertim in casu reddendas rationis de administratione, quam quis alicubi gessit: talis enim debet remitti ad locum, ubi gessit, arg. l. 1. Ubi de criminib. agi oportet. Abbas cit. numer. 37. ponens alias limitationes. Idemque dicendum, si quis specialiter renunciaverit privilegio altius loci: nam etiam talis est remittendus, juxta Glossam in l. 1. §. Pro non dato. ff. Si quis in jus vocatus etc. ac tradit Jason, ubi supra, num. 40. citans alios.
98. Queritur III. An, et quando quis dicatur sortiri Forum ratione rei alicubi sitae? Resp. I. Certum est, quod ratione rei, de qua contenditur, quis sortitur Forum: adeo, ut coram illo Iudice, in cujus territorio res religiosa existit, vel illius possessio habetur, possit quis conveniri. Textus est in cap. ult. h. t. ubi Pontifex inter alia inquit: quod etiam ratione rei, de qua contra possessorem causa movetur, forum regulariter quis sortitur. Concordat c. Sane. h. t. et l. 1. cum seqq. C. Ubi in rem actio, etc.
99. Resp. II. Data Conclusio procedit, si res sit immobilis, siye mobilis. Ita Glossa in cit. cap. ult. §. Contra possessorem. et Fagnanus ibid. n. 20. h. t. Hostiensis in Summa. h. t. num. 5. Innocentius, et alii. Idque desumitur ex l. ult. C. Ubi in rem actio, etc. ubi indistincte dicitur, quod Reus possit conveniri in loco, in quo res litigiosa constituta est. Id ipsum clarius, et quidem sub expressa mentione rei mobilis (de qua posset nonnulla moveri dubitatio) habetur l. Quod legatur. §. Si autem. ff. h. t.
100. Fatendum tamen, quod Abbas cit. cap. ult. num. 23. et Jo. Andreas ibid. n. 12. h. t. cum aliis, istud intelligendum asserant de tali re mobili, quae est pertransitura in loco: secus, si res ejusmodi ibidem existat, causa custodinae, vel sit solum transitoria, siye in transitu: ut quia Titius transit per hanc civitatem cum equo, quem ego dico esse meum. Tunc enim non possum ego Titium convenire in hac civitate, l. Haec res praesens. §. Proinde. ff. de Judiciis: simulque, quia Titius non videtur esse in hoc loco, cum sit in transitu, arg. Clem. Ne Romani. §. Sane. cum de Election. et c. Nam et ego de Verb. signif. ac praeter proxime citatos notat Speculator tit. de Competentis. Judicis. additione. §. 1. n. 17.
101. Quo tamen non obstante quando res alicubi est in transitu, et advena, illuc transiens nolit eam repenti reddere, tunc advena ille potest cogi ad satisfaciendum de stando juri, in loco iudicii: alioquin sequestrabitur res illa, v. g. equus. Baldus in l. ult. C. Ubi in rem actio. Felinus c. Licet ratione delicti. n. 20. Abbas, ubi supra, n. 44. et alii. Atque haec procedunt de advena proprie dicto, seu de viatore alibi certam sedem, ac domicilium habente, non de vagabundo: nam, quod vagabundus possit in quolibet loco conveniri, ubi reperitur, iam supra §. 2. n. 46. et §. 4. n. 37. dictum fuit.
102. Queritur IV. In quibus differat Forum domicilii a Foro contractus, delicti, et rei? Resp. Differre in pluribus. I. Quia Forum domicilii proprie dicitur verus, et naturalis, forum. Innocentius in c. Licet. il. 2. n. 3. et Burgius ibid. n. 16. et Fagnanus n. 9. h. t. Secus est in foro contractus, ac rei sitae, imo et delicti: quia ratioque horum sortitur quis forum eodem modo accidentaliter, non naturaliter.
103. II. Subditus proprie, ac in dubio censetur ille, qui est alteri subjectus ratione domicilii: contra-

ille, qui est alteri subjectus ratione contractus, vel sitae, vel delicti, proprie subditus non dicitur, licet sortitur forum quoad casum illum. Glossa in Clem. 1. §. Subditos. de Foro competent. Abbas in c. Propositi. n. 2. h. t. et Felinus in c. Licet ratione delicti. n. 23. eod. asserens, ita tenere omnes; cuius jam dictum supra §. 2. n. 26. et 27.

III. Iudex domicilii potest procedere contra subditum, non tantum praesentem, sed etiam absentem, citando eum quoad omnes, effectus, videlicet non tantum quoad effectum astringendi bona ipsius, si comparere contempserit; sed etiam quoad effectum arcuativum personae suae, prout ubi dictum est supra §. 2. n. 29. et seqq. Secus dicendum de Iudice delicti, contractus, ac rei sitae: talis enim solum potest procedere contra personam delinquentis, vel contrahentis etc. quando est praesens, aut citatione praeventus in loco delicti, aut contractus, vel rei sitae: si vero sit absent, seu extra ejus territorium, poterit quidem Iudex ille procedere quoad bona ipsius delinquentis, contrahentis etc. eadem astringendo: non vero quoad personam, eam v. g. excommunicando, vel aliter arcuando, prout jam dictum superius §. 3. num. 56. et seqq. §. 3. num. 39. et seqq.

## §. V.

De modo extraordinario sortiendi Forum in Curia Romana: ubi et de Jure revocandi domum, et Avocatione causarum.

## SUMMARIUM.

- 105 Ratio ordinis Paragraphorum.
- 106 In Curia Romana potest quilibet conveniri super Ecclesiasticis, et spiritualibus causis.
- 107 Solvitur instantia ex Concilio Trident. sess. 24. cap. 20. de Reform. Papa est Ordinarius singulorum, et Ordinarius Ordinariorum. Ibid. et n. praeced.
- 108 Jus revocandi domum, quid?
- 109 Differt plurimum a jure declinandi forum.
- 110 Ut jus revocandi domum cuipiam competat, requiritur quod is ex causa necessaria, vel quasi necessaria, alium locum accesserit.
- 111 Vel saltem ex probabili.
- 112 Secus, si illuc accessit ex causa mere voluntaria.
- 113 Ad jus revocandi domum etiam requiritur, quod non sit periculum in mora.
- 114 Et competit solum super delictis, vel contractibus alibi gestis: secus, si quis in tali loco deliquit, aut contraxit.
- 115 An, qui domum revocat, teneatur cavere de iudicio sibi, et reverti?
- 116 Jus revocandi domum in Curia Romana communiter non observatur.
- 117 Avocatio causae, quid?
- 118 Differt ab ea, per quam Iudex auocat subditum suum coram alio incompetenter litigantem.
- 119 Post avocationem causae processus per inferiorem Iudicem factus, ipso jure est nullus.
- 120 Avocatio causae magis inhabet jurisdictionem inferioris Iudicis, quam appellatio: et cur?
- 121 Quid, si Episcopus auocat causam coram suo Vicario generali agitam?

Est hic recoleptura ex dictis, supra §. 1. num. 105. et 106. quod quidem quatuor sint ordinarii ac speciales modi sortiendi forum, quibus Forum regulariter quis sortitur, ut loquitur textus in cap. ult. h. t. praeter hos tamen dantur plures alii extra-



ordinarii, seu generales: adeo, ut Speculator istorum quinquaginta duos enumeret. Explicita igitur prioribus quatuor, pergendum est ad caeteros extraordinarios, incipiendo a modo sortiendi forum in Curia Romana, utpote caeteris digniore. Unde.

- 106 Quæritur I. Utrum quilibet, præsertim Clericus, possit conveniri in Curia Romana? Resp. Quilibet non solum Clericus, sed etiam Laicus, potest super Ecclesiasticis, ac spiritualibus causis, conveniri coram Domino Papa, seu in Curia Romana: ibique conventus non habet jus declinandi forum. Ita communis; estque decisum in *cap. ult. h. t.* Ubi textus, Glossa *fin.* et Abbas *n. 46.* hujus rationem reddunt: tum quia Ecclesia Romana omnium Ecclesiarum mater est, et magistra. Tum quia Dominus Papa est Iudex ordinarius singulorum, *can. Cuncta per mundum. g. q. 3.* Et totus mundus est sibi territorium quoad causas spirituales: ut patet ex illa auctoritate, per Christum sibi denunciata Matth. 16. *Quodcumque ligaveris super terram, erit ligatum et in coelis, et quodcumque solveris super terram, erit solutum et in coelis.* Concordat *can. Duo sunt. et c. Si Imperator. g6. et c. Solitas. de Majorit. et obed.* cum similibus.

- 107 Neque dispositioni *cit. cap. ult. h. t.* atque hæcenus dictis quidpiam derogavit Concilium Trident. *Sess. 24. cap. 20. de Reform.* ubi statuit, quod *Causae omnes ad Forum Ecclesiasticum quomodolibet pertinentes, etiamsi beneficales sint, a prima instantia coram Ordinariis locorum duntaxat cognoscantur.* Nam, ut bene respondet Fagnanus in *c. Licet. il. 2. n. 25. h. t.* sub illis verbis Concilii: *coram ordinariis locorum*, non solum comprehenditur Ordinarius loci domicilium, sed etiam Ordinarius loci delicti, contractus, vel rei litigiosae, et quicumque alius cujuscunque loci, ubi, quis ex juris praescripto forum sortitur: et consequenter etiam sub illa clausula comprehenditur Papa, qui est Ordinarius singulorum, ut ait Glossa *fin. cit. cap. ult. h. t.* sicque Ordinarius caeterorum Ordinariorum. Proinde nullus omnino, sive Clericus, sive Laicus, ob allegatum defectum jurisdictionis, aut territorii, potest in causis spiritualibus declinare forum, seu iudicium Domini Papae: quamvis ex beneficio ejusdem quandoque habeat jus revocandi domum, ut habetur *cit. cap. ult. §. fin. h. t.* Ocasione cujus

- 108 Quæritur II. Quid sit jus revocandi domum, et quando locum habeat? Resp. I. *Jus revocandi domum* est privilegium concessum illi, qui ex causa necessaria, vel quasi necessaria, ad alium locum se transtulit, v. g. Curiam Romanam accessit, ut non possit ibi conveniri super antea gestis; et si ibidem forsitan ab aliquo conventus fuerit, possit excipere, dicendo: *Domine, non veni ad hoc paratus, remittatis me domum, et deliberabo.* Ita Abbas in *cap. ult. num. 4.* et Jo. Andreas *ibid. num. 7. h. t.* Fagnanus in *c. Licet. il. 2. n. 23. eod.* Bartolus in *L. 2. §. Legatis. ff. de Judiciis*, et alii.

- 109 Unde *jus revocandi domum*, differt plurimum a *jure declinandi forum*. Nam cui competit exceptio declinatoria fori, sive jus declinandi forum, non recognoscit alterum tanquam judicem suum: secus est in illo, cui competit jus revocandi domum. *Declinat* enim quis *forum*, quando non est suppositus jurisdictioni talis Iudicis, seu fori: *Revocat* vero *domum*, quando illi suppositus est, sed ex aliqua causa legitima non tenetur tunc respondere: ut quia non venit praeparatus, etc. Abbas *cit. numer. 4.*

- 110 Resp. II. Ut jus revocandi domum cuipiam competat, plura requiruntur. Et primo quidem, quod

ex causa necessaria, vel quasi necessaria, alium locum accesserit: ut si quis Romanam Curiam, vel alium locum accesserit, eo quod illuc evocatus fuerit causa ferendi testimonium, vel reddendae rationis, aut quando quis ut Legatus aliorum destinatus, sicque illuc accedit iudicandi causa: hac enim censentur causas necessariae: cum quis necesse habeat parere Superiori: Item quando quis illuc accedit causa prosequenda appellacionis: licet enim de necessitate hanc non teneatur prosequi, quia tamen eo non prosequente sententia manet rata; hinc ipse dicitur illuc venire ex causa quasi necessaria: sique ibidem conventus ab aliquo habeat jus oblitum sibi motum revocandi domum. Patet hoc ex *cit. L. 2. §. Legatis. ff. de Judiciis*, ac notat Glossa *fin. in cap. ult. h. t.*

Addit Abbas in *cit. cap. ult. num. 46. et seqq. h. t.* post Glossam in *d. L. 2. §. Legatis. ff. Ob aliam causam*, et Bartolus *ibid.* ad obtinendum ejusmodi privilegium revocandi domum, etiam sufficere causam probabiliter timoris: ut si quis aliorum venerit ex causa Religionis, puta ad lucrandas Romae, vel Assisii indulgentias; vel si Pater veniret Romam ad videndum filium in scholis ibi commorantem, *arg. l. Nec non et si quis. ff. Ex quibus causis majores etc.*

Quod si quis autem accesserit alium locum, v. g. Curiam Romanam, ex causa mere voluntaria, ut puta, quia illuc venit causa solatii, vel pro suo speciali negotio, quod erat omnino voluntarium, talis non gaudet privilegio revocandi domum. Abbas *cit. cap. ult. n. 46. et seqq.* et alii: Nam in *cit. cap. ult. h. t.* sicut et in *d. L. 2. §. Legatis. ff. de Judiciis*, ad obtinendum jus revocandi domum, expresse requiritur, quod quis aliorum venerit *ex justa et necessaria causa*: quales censentur eas superius enumeratae, et aliae consimiles.

Secundo, ut quis gaudeat privilegio revocandi domum, requiritur, quod non sit periculum in mora. Unde in causis electionum Praelatorum, et aliis quae celeriter sunt expediendae, aut quae in tempore essent periturae, non habet locum jus revocandi domum, *arg. l. Sed et si. §. Aedium. ff. de Judiciis*: ubi etiam Legatus aedium nomine tenetur cavere de damno infecto. Abbas in *d. cap. ult. numer. 49.* et Jo. Andreas *ibid. num. 13. h. t.* Innocentius, et alii.

Tertio jus revocandi domum ita est intelligendum, quod quis in loco, in quem ex causa legitima, vel testimonii, aut ex alia justa causa se contulit, non possit ibi conveniri super delictis, vel contractibus antea gestis: secus, si tales ibi deliquerint, vel contraxerint: quia tunc non habent jus revocandi domum. Textus est in *cit. §. Legatis. ff. de Judiciis*, et notat Abbas *cit. n. 49.*

Addit Jo. Andreas in *cap. ult. n. 7. h. t.* quod ille, qui domum revocat, teneatur saltem cavere de iudicio siasi, et ad diem sibi assignatum reverti, *arg. cit. L. 2. §. Sed et si dubitetur. ff. de Judiciis*: proinde jus revocandi domum parum prosit; quia, quod differtur non aufertur. Oppositum tamen tenet Innocentius in *d. cap. ult. n. 3.* et Abbas *ibid. n. 49.* ac Pirhing *h. t. n. 7.* Sufficit enim, quod de cautionem de respondendo domi, seu coram suo ordinario Iudice; non autem de revertendo ad locum, ubi prius conveniebatur. Neque plus convincit *cit. §. Sed et si dubitetur*; ut notat Glossa, *§. Sisti*, et Bartolus *ibid.*

Solum adde cum Fagnano *loc. cit. n. 23.* et Additione *fin. ad Abbatem in cit. n. 49.* licet illi, qui sunt in Curia Romana pro Republica, spectato Jure communi habeant jus revocandi domum, *cap. ult. de Foro compet. et cap. fin. de Dilacionib.* Communiter tamen

- in Curia observari, quod tales non habeant jus advocandi domum, sed cogantur ibidem respondere suis Adversariis, postquam sunt praesentes in Curia. Et ita dixerunt Domini de Rota Decis. 829. alias ubi tit. de Foro compet. in antiquis.
117. Quæritur III. Quid sit Avocatio causæ, et qualiter per eam inducatur competentia fori? Resp. I. Avocatio causæ aliud non est, quam litis pendens coram inferiore Jodice, ad superiorem, a quo illius jurisdictio dependet, citra appellationem facta translatio in eo statu, in quo apud inferiorem reperitur. Patet hoc ex c. Ut nostrum. 56. de Appellat. ubi talis avocatio causæ per Papam facta legitur. Concordatur textus in l. Judicium solvitur. ff. de Judiciis, ubi inter alia dicitur: Judicium solvitur volente eo, qui judicare jussit, vel etiam eo, qui majus imperium in eodem jurisdictionem habet, etc.
118. Dicitur notanter, litis pendens coram inferiore Jodice, ad Superiorem, etc. Ut excludatur illa Avocatio causæ, per quam unus Jux ab alio pari, vel etiam superiore, advocat subditum suum ibi incompetentem litigantem, prout in c. Ex transmissa. 6. h. t. Dominus feudi advocavit subditum suum coram Jodice Ecclesiastico litigantem, sub debito fidelitatis eidem inhibendo, ne coram ipso litiget. Haec quippe potius est exceptio declinatoria fori per propriam Judicem facta, non autem proprie avocatio: ista enim fit a Superiore contra inferiorem, per Jura allegata, et notat Gailus lib. 1. Practic. Observat. 41. n. 7. ac Engel h. t. n. 4.
119. Resp. II. Adeo per Avocationem causæ inducitur competentia fori Judicis superioris, seu causam ad se revocantis, ut processus postea per Judicem inferiorem factus, ipso jure sit nullus. Patet hoc ex cit. c. Ut nostrum. 56. de Appellat. Quia per avocationem causæ statim suspenditur jurisdictio Judicis minoris, ejusque manus ligantur, ac judicium coram eo coeptum solvitur, cit. l. Judicium solvitur. ff. de Judic. non minus, ac per appellationem, c. Dilactis. 55. de Appellat.
120. Quia, imo Avocatio causæ per Superiorem facta, magis indicit jurisdictionem inferioris Judicis, hancque suspendit, quam appellatio, per textum notabilem in cit. c. Ut nostrum. juncta Glossa fin. et Abbate ibid. n. 3. Siquidem appellatio consistit in jure: ac proinde, nisi sit legitima, non suspendit jurisdictionem. c. Cum appellationibus. de Appellat. in 6. Econtra, avocatio consistit in facto: unde, sive fiat ex justa causa, sive non, postquam est facta per Superiorem, suspendit jurisdictionem inferioris, ut d. l. Judicium solvitur. et notat Abbas cit. n. 3.
121. Inferitur, proinde, quod si Episcopus, v. g. advocet causam coram suo Vicario Generali agitatam, eamque ad se revocet; adeo suspendatur jurisdictio hujus, ut quidquid postmodum Vicarius in illa causa egerit, id penitus sit irritum et inane. Nam cum Episcopus ex toto possit revocare Vicarium prohibito, ut dictum supra lib. 1. Tit. 28. De Officio Vicarii. §. 4. n. 108. et 209. multo magis potest ipsi interdicere cognitionem certae causæ, hancque ad se revocare. Abbas loc. cit. n. 2. Gailus d. Observat. 41. n. 2. citans alios.

## §. VI.

De modo extraordinario sortiendi Forum per Prorogationem jurisdictionis.

## SUMMARIUM.

122. Prorogatio jurisdictionis, quid?  
123. Et qualiter fiat? Et, nup. seqq.

124. Fit quatuor praecipuis modis, videlicet.  
125. De persona ad personam,  
126. De re ad rem,  
127. De tempore ad tempus, et:  
128. De loco ad locum.  
129. Ad prorogationem jurisdictionis, quatuor requiruntur conditiones.  
130. I. Ex parte Judicis, ut habeat jurisdictionem aliquam.  
131. II. Et quidem ordinariam.  
132. Sufficit tamen jurisdictio Delegati ad universitatem causarum.  
133. Solvitur instantia contra hoc.  
134. Potest jurisdictio delegata prorogari quoad accidentalitatem.  
135. III. Ut prorogatio fiat ex certa scientia, nec coacte.  
136. Unde non valet facta per errorem.  
137. Nec facta ex gravi metu.  
Jurisdictio gravi metu extorta, ipso jure est nulla. Ibid.  
138. IV. Ut prorogantes non sint a Jure impediti prorogare; et hujus exempla.  
139. Clerici nequeunt in se prorogare jurisdictionem Judicis Ecclesiastici, absque consensu proprii Episcopi.  
140. Nec jurisdictionem Laiici, etiam de consensu Episcopi.  
141. Ut Clerici possint in se prorogare jurisdictionem Judicis non sui, quas requirantur?  
142. Prorogatio jurisdictionis hodie in utroque Foro raro admittitur.

Quæritur I. Quid sit Prorogatio jurisdictionis, 122 et quot modis fiat? Resp. I. Prorogatio jurisdictionis, est extensio jurisdictionis Judicis de consensu partium facta ultra limites, intra quos caeteroquin est constricta. Ita in re communis; atque desumitur ex L. 1. et 2. ff. de Judiciis. Ubi ex professo deciditur, quod cujusvis Judicis, qui tribunali praesit, vel aliam jurisdictionem habet, possit jurisdictio prorogari: dummodo partes sciant, se tali judici non esse subjectas, et nihilo minus in eam consentiant; prout amplius patebit ex dicendis.

Prorogatio jurisdictionis igitur tunc fit, quando 123 quis voluntarie consentit in Judicem non suum; sive, quando in se extendit jurisdictionem Judicis, cui alias vel omnino non, vel saltem in illa causa non est subjectus. Unde liquet, quod Prorogatio jurisdictionis pertineat ad modos extraordinarios sortiendi forum.

Resp. II. Prorogatio jurisdictionis fit quatuor 124 praecipue modis; videlicet de persona ad personam, de re ad rem, de tempore ad tempus, et de loco ad locum. Ita Glossa in cit. L. 2. §. Inhibita. juncta Glossa marginali, et Bartolus ibid. n. 7. de Judiciis. Maranta part. 4. Speculi Aurei. dist. 12. n. 3. citans insuper Baldum in l. Si quis ex consensu. C. de Episcopal. audient. Pirhing h. t. n. 182. et alii. Quamvis Glossa in c. P. et G. 40. §. Prorogatio. de Offic. Delegat. solummodo tres priores prorogationis modos referat: aliqui vero plures allegant, addendo videlicet prorogationem de caso ad casum, et de causa ad causam; uti videre est apud Abbatem in cit. c. P. et G. n. 12. de Offic. Delegat. et Antonium de Matthaeis tom. 3. Tractatum, tract. de Judiciis. §. Sequuntur. n. 19. Et quidem

De persona ad personam fit prorogatio jurisdictionis, 125 quando litigantes, concurrentibus certis conditionibus proxime afferendis, mutuo consensu sese subiciunt Judici caeteroquin in ipsos jurisdictionem non habenti. Exemplum habetur in L. 1. et 2. de Judiciis. et alibi.

126. *De re ad rem sit prorogatio*, quando iudex certarum causarum constitutus, ex consensu partium aliam quoque causam dijudicandam suscipit, quae quandam cum priori habet convenientiam, seu similitudinem; puta, quia est ejusdem naturae, ac formae. Et notantur hoc additur; quia ad alias causas non valeret prorogatio: sic enim Iudex malefactorum non potest cognoscere de causis pecuniaris. *l. Solemus. 61. ff. de Judiciis*; neque vicissim Iudex causarum civilium potest ex consensu partium cognoscere de criminalibus. Econtra bene potest iurisdic- tio prorogari de quantitate ad quantitatem: Unde, si quis habeat limitatam iurisdictionem cognoscendi, v. g. de summa centum aureorum, et infra poterit de consensu partium cognoscere ultra hanc summam, *l. De qua re. 74. ff. cod. et l. Inter convenientes. ff. Ad municipalem*.

127. *De tempore ad tempus dicitur fieri prorogatio* iurisdictionis, quando Iudici pro ferenda sententia certum tempus est assignatum, quod partes de communi consensu extendunt, illudque, antequam fuerit elapsum, ulterius prorogant, *l. Diom. proferre. §. 1. ff. de Receptis arbitris et l. 2. §. 1. Si et Iudex. ff. de Judiciis*. Et notanter additur, antequam fuerit elapsum: nam finito illo tempore expirat iurisdic- tio dicti Iudicis; sique ea amplius extendi, seu proro- gari non potest, quia quod non est, prorogari non potest. Abbas in *c. De causis. n. 7. de Offic. Delegat.* et favet textus ibidem illis verbis: *Nisi dies praefixus de communi consensu partium prorogetur, eo trans- acto mandat. expirat*. Ubi ponderandum ly, eo trans- acto etc. sique prorogatio antea est facienda.

128. Tandem *de loco ad locum* sit prorogatio iurisdic- tionis, quando iudex extra suum territorium, aut si est Delegatus Principis extra locum suae commis- sionis, de communi partium consensu ius dicit. Alio- quin enim id fieri non potest: quia extra territorium ius dicenti impune non paretur, cap. ult. de Consti- tut. in 6. Sicut et Delegatus extra Civitatem, vel locum suae commissionis, neutiquam potest partes citare; neque de causa sibi commissa cognoscere, nisi expressus partium consensus accesserit, *c. Sta- tutum. 11. §. in nullo. de Rescript. in 6.*

129. Quaeritur, II. Quae condiciones requirantur ad Prorogationem iurisdictionis? Resp. Requirit plu- res, ac praesertim sequentes quatuor: quarum duae requiruntur ex parte Iudicis, seu illius, cujus iurisdic- tio prorogatur; duae autem ex parte prorogan- tium. Et quidem.

130. I. Ex parte illius, cui partes litigantes per proro- gationem iurisdictionis suae sponte se subiciunt, re- quiritur, ut is habeat iurisdictionem aliquam, *L. 1. §. 1. ff. de Judiciis*. Alioquin enim, ubi nulla est iurisdic- tio, ea prorogari non potest: quod enim non est, hoc ipso prorogari nequit; cum non entis nul- lae sint qualitates, *c. Ad dissolvendum*, iuncta Glossa *§. Legitime accusari. de Desponsat. impub.* et con- cordant proxime dicta n. 127.

131. II. Ex parte Iudicis, cujus iurisdic- tio proroga- tur de persona ad personam, vel de causa ad causam, requiritur, ut habeat iurisdictionem ordinariam. Si- quidem iurisdic- tio delegata non potest prorogari, per textum notabilem in *c. P. et G. 40. de Offic. De- legat.* Ubi proin Summarium sic habet: *Delegata iurisdic- tio ad personas non expressas in Rescripto, etiam de ipsarum consensu prorogari non potest*: et amplius declarat Glossa ibid. *§. Prorogatio nulla*. Abbas n. 4. et 5. et Bárboza n. 3. et 4. citans alios.

132. Excipitur juxta Glossam in *L. 1. §. Qui tribunali. ff. de Judiciis*. Iurisdic- tio Delegati ad universitatem causarum: quia haec iurisdic- tio censetur quasi ordi- naria; ut inquit Glossa *c. Cum causam. 61. §. Dele- gatus. de Appellat.* Estque uberius dictum supra

REIFFENSTUEL Jus Can. Tom. II.

*lib. 1. tit. 29. §. 3. n. 63.* Atque ideo dictam Glossam sententiam Pirhing *h. t. n. 184.* appellat probabilem: licet Abbas, ubi supra, n. 5. de ipsa dubitet; magis- que in partem negativam inolet. Nec videtur obviare textus in *d. cap. P. et G.* in- 133 distincte dicent, quod huiusmodi delegata iurisdic- tio ad alias personas nequeat prorogari. Resp. enim, hic esse ponderandum ly, huiusmodi: utpote quod restringit textum illum ad casum, ubi quis est Dele- gatus ad causam particularem, qualis in *cit. cap.* re- fertur; secus ergo, ubi quis est Delegatus ad unie- versitatem causarum.

Additur notanter num. 131. requiri iurisdictionem ordinariam ex parte Iudicis, cujus iurisdic- tio proro- gatur de persona ad personam, vel de causa ad cau- sam. Nam secus est dicendum de prorogatione iurisdic- tionis quoad accidentalia, videlicet de tem- pore ad tempus, aut de loco ad locum: hanc enim posse fieri de consensu partium etiam respectu iurisdic- tionis delegatae patet ex *c. De causis. 4. de Offic. Delegat. et c. Statutum. §. In nullo de Rescript. in 6.* cum similibus. Atque idem esse dicendum de proro- gatione quantitatis minoris ad maiorem, clare de- sumitur ex *l. Inter consentientes ff. Ad municipalem*: ubi Iudex deputatus, ut possit cognoscere usque ad centum, accedente partium consensu, seu proro- gatione, potest cognoscere ultra centum. Abbas in *cit. c. P. et G. n. 12. et 13. de Offic. Delegat.*

III. Ad Prorogationem iurisdictionis ex parte prorogantium requiritur, quod consentiant in Ju- dicem non proprium ex certa scientia, et non per errorem; nec coacte; ita videlicet, quod sciant, ipsum caeteroquin non esse Iudicem suum, ac ni- hilominus sponte, et non coacte, se illi subiciant. Patet hoc ex *L. 2. §. 1. ff. de Judiciis*, ubi clare ha- betur utrumque; ac notat Bartolus ibid. num. 20. et seqq. Unde

Inferitur, non procedere prorogationem; quan- do partes Iudici non sponte se subiciunt, arbitran- tes ipsum jam habere iurisdictionem in se: quia er- ror impedit eam fieri; cum errantis nullus sit con- sensus, *l. Si per errorem ff. de Jurisdic. omni. judic. et l. Non ideo. C. de Juris et facti ignorant. Ma- ranta cit. part. 4. Speculi auri. dist. 12. n. 21.* Ab- 136 bas, Bartolus, ubi supra, et alii.

Insuper iurisdic- tio ex metu gravi prorogata; est invalida, ac nulla; et quidem ipso jure: haud ob- stante, quod aliquin gesta per metum, veniant pri- mum irritanda per actionem quod metus causa. De- sumitur hoc ex *cit. L. 2. §. 1. ff. de Judic.* ubi Glos- sa explicans textum; de Jurisdictione per vim com- pulsivam prorogata loquentem, *nulla iurisdic- tio est*, addit: *scilicet ipso jure, sicut nec dos per vim promissa*, etc. Concordat Bartolus ibid. *§. Nota casum.* et Abbas loc. cit. n. 23. ubi per dictam Legem con- cludit; quod iudicia agitata per Tyrannos sint ipso jure nulla, licet Populi per metum ipsos receperint in suis Civitatibus; quia iurisdic- tio gravi metu extorta, ipso jure est nulla, per *cit. L. 2. §. 1.* Si- cut in simili absolutio a censuris per metum extor- ta, omnino viribus caret, cap. un. *De his quae vi metu- tusve causa etc. in 6.*

IV. Ad prorogationem validam iurisdictionis ex parte Prorogantium ulterius requiritur, quod non sint a Jure impediti, seu prohibiti, quo minus proro- gare valeant. Textus est in *cit. L. 2. §. Si et iudex. ff. de Judiciis*, ibi: *Nisi principali Jussione speciali- ter prorogatio fuerit inhibita*. Sic non valet proro- gatio iurisdictionis in causa feudali, invito Domino, arg. *c. Caeterum. 5. de Judiciis*, et notat Abbas, ubi supra n. 18. citans alios. Similiter Clerici iurisdic- tionem Iudicis laici in se prorogare nequeunt, ut- pote prohibiti a Jure, *c. Significasti. 18. h. t.* cum



- similibus, atque illis amplius dicitur. Proinde
- 139 Quæritur. III. An eadem Clerici possint in se prorogare jurisdictionem Judicis non sui? Resp. II. Quamvis Laici id possint, nihil minus Clerici non queunt in se prorogare jurisdictionem alterius Judicis Ecclesiastici, nisi accedat consensus proprii Episcopi. Textus in d. c. Significasti. 18. h. t. ubi Abbas, Vivianus, Barboza, et communis. Ratio disparitatis est: quia Clerici ratione Ordinis susceperunt, vel recepti Beneficii Ecclesiastici, proprii Episcopi ac Prelati specialiter dignoscuntur esse obligati: unde Creditori Canonum expedire visum est, ut sicut non possunt Clerici ab alieno Episcopo Ordines recipere sine licentia proprii, c. Ad aures. 5. de Temporib. Ordinac. eum similibus; ita nec alieni Prelati iudicium subire valeant sine consensu proprii, can. Nullus Primus et can. Nullum Episcopo- rum, et seqq. g. 2.
- 140 Resp. II. Loquendo de Iudice Laico, nequit Clericus etiam de consensu proprii Episcopi, jurisdictionem in se prorogare. Ita Glossa. An. communiter recepta in v. c. Significasti. h. t. iuncto textu ibid. dum inquit: Clerici tamen in iudicem non suum (nisi forte sit persona Ecclesiastica, et Episcopi Diocessani voluntas accedat) consentire non possunt. Ubi ponderandum ly nisi forte sit persona Ecclesiastica, etc. Accedit ratio: quia Privilegium Fori est introductum in favorem totius Ordinis Clericalis: atqui tali privilegio, privatorum pactis derogari non potest, c. Si diligenti. 12. h. t. atque amplius dicitur infra §. 10. n. 242. et seqq. ubi etiam solvuntur objectiones.

- 141 Unde concludendum cum Speculatore lib. 2. tit. De competentis Judicis alienatione. §. Generaliter. n. 22. et aliis, ad hoc, ut Clerici possint in Iudicem non suum consentire, seu ejus jurisdictionem in se prorogare, requiri sequentia quatuor. I. Ut ille prae- sit ordinariæ jurisdictioni. II. Ut sit persona Ecclesiastica. III. Ut id fiat de consensu sui Episcopi, cit. c. Significasti. h. t. IV. Ut id fiat de consensu utriusque partis: cit. L. 1. et 2. ff. de Judiciis.

- 142 Tacetur nonnulla alia prorogationem jurisdictionis, et consurgentem inde competentiam Fori concernentia. Siquidem, ut notat Ludov. Engel. tit. de Officio Judicis. n. 32. post Jo. Monachum in Tract. de Prorogat. jurisdiet. cap. 2. n. 6. et Matth. Stephanum de Offic. Judic. part. 1. lib. 1. cap. 7. n. 65. hodie generaliter tum in Ecclesiastico, tum in saeculari Foro, raro, aut non nisi cum consensu proprii Domini, prorogatio jurisdictionis admittitur: eo quod Dominis Territoriorum hodie pleniori jure, quam olim, scilicet patrimoniali, seu feudali competat jurisdictio, quam proinde per factum Subditorum suorum interturbari non sinit. Idem observat Christoph. Klingensperger lib. 1. Institut. Justinian. tit. 20. q. 8. asserens, quod prorogationem jurisdictionis praxis moderna saltem in foro Politico, si non etiam Ecclesiastico, haud amplius admittat; cum jurisdictio hodie haereditaria, et sicut venatio in Germania sit valde ze- lotypa.

## §. VII.

De modo extraordinario sortiendi Forum ex qualitate causarum, ubi et de Causis mixti fori.

## SUMMARIUM.

- 143 Forum causarum spiritualium, et spiritualibus annexarum, nec non feudali, quale? Responsive.
- 144 Causae dicuntur continentes, tripliciter, et quomodo?
- 145 Continencia causarum regulariter non debet dividi.
- 146 147 et 148. Idque exemplificatur.
- 149 Fallit tamen, quando causae sunt alterius naturae, et ordinis.
- 150 Si non opponatur exceptio Causae connexae non dividenda, vales processus coram diversis Iudicibus facti.
- 151 Causae mixti Fori, quae?
- 152 Alias sunt civiles, alias criminales. Inter causas mixti fori recensentur Contractus inter Laicos initii, ac juramento confirmati. Ibid. Dummodo agatur de executione talium contractuum, et non de valore juramenti. Ibid.
- 153 Item Postulatio restitutionis in integrum, ad Ecclesiam contra haereticum petita.
- 154 Et causa Viduarum, Pupillarum, et aliarum miserabilium Personarum, sed in tribus duntaxat casibus. Et num. seqq.
- I. Quando Iudex saecularis negligens est in administrando eis iustitiam. Ibid.
- 155 II. Quando sunt spoliatae, si quis agunt interdicto Unde sit.
- 156 III. Quando viduas v. g. et thopia concurrunt.
- 157 Causa Dotis, an sit mixti fori?
- 158 Causae criminales mixti fori, quae? De facto plerumque crimina sunt mixti fori quoad poenam irrogandam. Ibid.
- 159 Excepta haeresi.
- 160 Et simonia.
- 161 Et quid de laesione infra dimidium iusti pretii?
- 162 Aut, quando quaeritur de valore, et honestate actuum?
- 163 Punitus per Iudicem saecularem super crimine mixti fori, an possit puniri etiam per Ecclesiasticum, et econtra?
- 164 Saltem, ubi imponitur poena nimium levis ad vindictam.
- Quod ratione causarum spiritualium, ac spiritualibus annexarum, sortitur quis Forum Ecclesiasticum, patet ex dictis Tit. praeced. §. 3. numer. 36. et seqq. ubi ostensum, tales causas non nisi per Iudicem Ecclesiasticum cognosci, ac terminari posse. Similiter, quod causae feudales coram Domino feudi sint agitandae, sique ratione feudali causarum ibidem forum quis sortitur, fusi- declaratum fuit. cit. Tit. praeced. §. 9. per totum. Quibus proinde nunc suppositis,
- Quæritur I. An, et qualiter ratione continen- tiae causarum, quis forum sortitur? Ubi praeno- tandum cum Jazone in l. Nulli prorsus. n. 3. C. de Judi- ciis, et aliis, quod Causae dicantur continentes, seu quandam habeant inter se connexionem, tripliciter. I. Ratione subjecti, seu rei, de qua agitur: prout fit, quando duo iudicia competunt ad eandem rem, ac v. g. causa possessionis, et proprietatis, circa ipsam simul intentatur; vel quando circa eandem rem diversae moventur quaestiones, una principa- liter, et alia incidenter: prout accidit, si mota causa matrimonii, huiusque nullitate declarata, oritur quaestio super dote restituenda. II. Ratio- ne generalis actionis: quando nimirum diversae res, seu causae speciales, continentur sub una ge- nerali actione, v. g. Tutelar, negotiorum gestio- rum etc. III. Ratione pluralitatis personarum, quas concernunt: ut si plures socii in actione aliqua in- dividua conveniantur; vel si inter plures cohaere- des actio, familiae haereditariae instituitur; aut, si actioe contra unum, iustitia, tertius interveniat,

- per suo interesse, ac huiusmodi. His prenotatis ;  
 145 Resp. I. Regulariter loquendo, causae continen-  
 tis non debet dividi, *h. Nulli. C. de Iudiciis*, cum  
 similibus ; adeoque ratione continentiae seu connexio-  
 nis causarum, datur competentia fori apud Iu-  
 dicem illam ; qui super causa cognoscit, et etiam  
 super aliis eidem connexis cognoscere possit, ac de-  
 beat. *Idem* dicitur de Iudice ordinario, sive Delega-  
 to. Ita Abbas in *c. Prudentiam*. §. Si vero. n. 2. de  
*Officio Delegati*. et in *c. Pensione*. 38. h. n. 8. de Testib.  
 Siles in *1. Practic. Observat.* fol. 101. n. 1. et 2. alle-  
 gat eadem moneta. Libet enim caeteroquin iurisdictioni  
 delegata sit iurictio fori ; id quod non comprehen-  
 dit, nisi expressa in Rescripto, *o. Cum dilecta* 21.  
 de Rescriptis. Nihilominus istud non procedit in con-  
 nexis, et accessoriis, *Ex. ff. de Iurisdictione*. omni. Ju-  
 dicis. et *c. Prudentiam*. 21. §. Si vero. de Officio De-  
 legati. cum similibus.  
 146 Sic quando inter plures Plurimae heredes agi-  
 tur, aut Communi dividendo ; vel Finium regu-  
 lationem ; aut quando inter coheredes, vel socios,  
 sive inter plures Titulos oritur actio, omnes eun-  
 dem Iudicem assumere debent, *L. 1. et ff. de quib-*  
*us rebus ad eundem Iudicem ventur*. Ubi Bartolus  
 in *Summaris* generaliter inferit : *In causis connexis*  
*pluribus, licet diversi Fori, cognoscitur apud eundem Ju-*  
*dicem litigari*. Rursum merito : nam ut illi plures cli-  
 tius in unum conveniant, nec dividatur causae con-  
 nexa ; tum ut evitetur absurditas, quae alioquin  
 eveniret ; si unus Iudex sic, alius aliter de perso-  
 nalibus obligationibus seu praestantibus iudicaret.  
 Textus, et Glossa cit. *L. 1. §. Eadem*.  
 147 Similiter causas matrimonii, et causas dotis eidem  
 accessoriae dividi non debet, sed coram eodem Ju-  
 dice, etiam delegato tractari et terminari. Textus  
 est in *c. De prudentia de Donationibus* inter virum et  
 uxor. ubi loquendo de Iudicibus delegatis dicitur,  
*Eos qui de matrimonio principaliter cognoverunt, et*  
*de dote (quae causa incidentis) accessorie cognosce-*  
*re debent, et sententia digne diffinire*.  
 148 Insuper, quod super causis possessionis, et pro-  
 prietatis, non possint diversi Iudices postulari, sed  
 ob causae continentiam debeat utraque sub eodem  
 Iudice agitari, patet ex cit. *l. Nulli. C. de Iudiciis*,  
 et *c. Ad ultimum*. 2. de Causa possessor. et propriet.  
 Aliud huius exemplum habetur in *c. Causa. De in-*  
*tegrum restitut.* ut supra illa tractantur.  
 149 Dicitur notanter in Conclusionibus regulariter lo-  
 quendo. Nam regula illa, quod causae continentia  
 non debeat dividi, solummodo procedit loquendo  
 de causis ejusdem naturae ac ordinis, sive gradus ;  
 socis autem, si sint alterius naturae, ordinis, seu  
 gradus. Unde, quando coram Iudice laico agi-  
 tur causa civilis, incidit etiam quaestio spirita-  
 lis, v. g. super validitate matrimonii, juramenti  
 etc. Iudex saecularis non potest cognoscere super  
 hac quaestione incidenti, upote causa mere spiri-  
 tuali ; sed tenetur hanc remittere ad iudicem Ecce-  
 siasticum, ac interim in causa principali supersedere,  
*c. Lator*. 5. et *c. Causam quae*. 7. Qui illi sint lo-  
 gitim. et amplius declarabitur Tit. 10. De Ordine  
 Cognitionum. n. 31. et seqq.  
 150 Resp. II. Nihilominus exceptio causae connexa  
 non dividua, ad similitudinem aliarum exceptio-  
 num declinatoriarum Fori, ante litem contestationem  
 opponi debet ; sique opposita impedit litem ingres-  
 sum ; alioquin, si fuerit omissa, valebit processus  
 coram diversis Iudicibus factus. Ita Felicius in *c.*  
*Ex tenore*. n. 19. de Rescriptis. Jason l. Nulli prorsus.  
 n. 6. C. de Iudiciis Engel h. t. n. 83. et alii. Idque  
 desumitur ex *c. Inter Monasterium*. 20. de Sentent.  
 et re iudicat. Siquidem non opponens huiusmodi  
 exceptionem ante litem contestationem, obram di-

versis Iudicibus subeundo iudicium, censetur iuri  
 suo renunciaste.

Quaeritur. II. Quid consentendum de causis mixti  
 Fori ? Resp. I. Causae mixti Fori dicuntur, quae in  
 utroque Foro, tam Ecclesiastico scilicet, quam Ci-  
 vili, tractari possunt, ita ut praeventioni locus sit.  
 Ita desumitur ex can. *Sunt quaedam*. 23. q. 3. et cap.  
 1. de Officio Ordinaris ac notat Sax. Congregatio Im-  
 munitatis in *Sorana*. 18. Februarii 1634. apud Ja-  
 cob. Pignatellum tom. 5. Consult. 2. n. 88. et En-  
 gel h. t. n. 67. et ibi Damus exponit aliquas causas,  
 quae licet ex se, et ex natura sua saeculares sint ; ni-  
 hilo minus propter certam adiunctam qualitatem spi-  
 ritalem, etiam respiciunt Forum Ecclesiasticum ;  
 aut contra ac proinde de sententiae aequitate Cano-  
 nica, Lex, seu consuetudines, in utroque Foro  
 agitari possunt ; ita tamen, ut qui praeventit, ab al-  
 tero impeditur amplius in iudicando non possit.

Resp. II. Causae mixti Fori aliae sunt civiles ; 152  
 aliae criminales. Ita communis ; et probatur induc-  
 tione. Et quidem, ut testatur noster noster crimi-  
 nales, de quibus Concl. seq. inter Causas civiles mix-  
 ti fori connumerantur imprimis Contractus inter Lai-  
 cos initi, ac iuramento firmati. Et si enim talis con-  
 tractus ex se, ac originaliter, stat de Foro saecula-  
 ri, nihilo minus propter adiunctam qualitatem ju-  
 ramentum, inquit in Fideles a peccato perjurii revo-  
 centur ; etiam ad iudicium Ecclesiae pertinere di-  
 gnoscuntur, *c. Novit*. 19. de Iudiciis iunctis con-  
 cordantiis ibidem a Glossa et *Paxem de*. *Non est*  
*dubium*, allegatis. Intellige, si de executione tal-  
 ium Contractuum quaestio moveatur, ut *cap. unde*  
*h. t. in 6.* Nam si de valore, seu obligatione iura-  
 menti agatur, cognitio privative ad Iudicem Ec-  
 clesiasticum pertinet, eo quod talis quaestio sit me-  
 re spiritualis, *cap. 2. de Pactis in 6.* et *c. Licet mul-*  
*ieres de Iurjurand.* in 6. et *cap. ult. h. t. in 6.* ac  
 notat Jo. Andreas ibid. n. 3. et Engel h. t. n. 68.

Insuper inter Causas civiles mixti Fori recensetur 153  
 Postulatio restitutionis in integrum, si ab Ecclesia  
 petatur contra Laicum, arg. *cap. 1. De in integrum*  
*restitut.* et *c. Ad nostram*. 11. de Rebus Eccles. non  
 alien. ubi talis restitutio in integrum per Iudicem  
 Ecclesiasticum facta legitur. Engel h. t. n. 71. post  
 Gutierrez Canon. Quaest. lib. 1. cap. 34. n. 10.

Rursum ad causas mixti Fori pertinent causae Vi- 154  
 darum, Pupillorum, et aliarum miserabilium Per-  
 sonarum ; non quidem omnes indifferenter, sed in  
 tribus casibus ; in quibus Ius Canonium indulget  
 eidem etiam retribuis, ut Laicos, ad Forum Ec-  
 clesiasticum trahere valeant. Et tales proinde causae  
 dicuntur mixti Fori, non quod in ipsis detur locus  
 praeventioni inter Iudicem Ecclesiasticum et Lai-  
 cum (prom solet accidere in delictis) sed quia ejus-  
 modi miserales personae possunt tunc suos adver-  
 sarios convenire, in quo meluerint Foro. Pignatel-  
 lus cit. Tom. 5. Consult. 2. n. 55. Et quidem primus  
 eorum casus est, quando Iudex saecularis negli-  
 gens est in administrando illis iustitiam. Textus est  
 apertus in *c. Ex tenore*. §. An. et ibi Canonistae om-  
 nes de Foro compet.

Secundus casus est, quando Vidua, Pupilla, 155  
 seu alia miserabilis Persona, a Laico fuit violenter  
 oppressa, seu rebus suis spoliata, ita ut interdicto  
 Unde vi, seu remedio Can. Redintegranda, agere va-  
 leat nam tunc, sive dives fuerit, sive pauper, sae-  
 cularibus Iudicibus binis (foris, quia perhorre-  
 scit potentiam adversariorum) potest Laicus spolia-  
 tores suos immediate ad Ecclesiasticum Forum tra-  
 here. Textus est in *c. Ex parte B.* 13. h. t. ubi Re-  
 gina Angliae vidua, spoliata quodam Castro, spo-  
 liatorem suum coram Iudice Ecclesiastico convenis-  
 se legitur ; et tradunt ibi Canonistae communiter

Concedat *can. Si quis de potentibus*, ad. q. 3. et *c. Super quibusdam*, §. *fin. de Verb. signif.* Nam Ecclesie interest, etiam Divinitate iubente, pupillos, viduas, etiamque miserabiles personas defendere, ac tueri, *can. 1. et 2. dist. 87.*

Additur notanter, rebus suis spoliata. Quia istud est speciale in possessoria recuperanda respectu miserabilium. Personarum oppressarum, seu rebus suis spoliatarum, etiam divitum. Secus dicendum in peritorio: tunc enim Vidua, vel Pupillus, ubi dives est, non potest laicum eorum Iudice Ecclesiastico convenire, nisi super causa mere Ecclesiastica (quod est commune omnibus) vel in defectum Iudicis secularis, *cit. c. Ex tenore*, juncta Glossa *ibid.*, §. *In iustitia*, h. t. etque proxime dictum num. 154. Vel nisi sit vidua, seu pupillus, et pauper simul, iuxta mox dicenda. Siquidem

156. Tertius casus est, quando Vidua, Pupillus, seu alia miserabilis Persona, simul est pauper. Ubi enim Vidua v. g. simul est pauper, sicque viduitas, et inopia concurrunt, tunc in causis etiam civilibus, et nulla interveniente ejus despoliatione, aut Iudicis laici negligentia, habet ipsa Fori electionem, potestque Laicum adversarium suum ad Iudicem Ecclesiasticum trahere. Ita desumitur ex *c. Significantiis*, 38. *de Offic. Delegat.* argumento a sensu contratio desumptio: et *c. Super quibusdam*, 26. §. *fin. de Verb. signif.* ac notat Abbas in *c. Ex tenore*, n. 2. h. t. iuxta relatos tres casus concordans iura iuribus. Sperellus *Decis.* 156. *Fori Ecclesiast.* num. 9. et 10. et 14. allatos tres casus per ordinem declarans. Jacob. Pignatellus *Tom. 3. Consult.* 24. n. 3. allegans Declarationem Sac. Congregationis Immunitatis, quae resolvit in *Actina* 31. Martii 1659. et in *Maceratens.* 18. Novemb. 1653. pauperes miserabiles posse convenire debitores suos coram Episcopo. Maranta *par. 4. Speculi Aurgi. dist.* 11. num. 9. et alii ab his citati.

157. Tacetur, una cum nonnullis aliis, causa Dotis. Licet enim Abbas in *c. De prudentia*, n. 7. *de Donationib. inter virum et uxorem*, post Innocentium *ibid.* velit, eam esse mixti fori: opposita nihilo minus sententia, videlicet causam dotis principaliter motam adhuc esse Iudicis secularis; est Glossa in *cit. c. De prudentia*, §. *Incident, accessorie*. Sanchezii *lib. 10. de Matrim. disp.* 8. num. 15. et communis aliorum. Quamquam si de dote solum agatur incidenter, seu accessorie, puta ratione divortii instituendi, palam, et extra controversiam sit, quod tunc causa dotis restituendae coram eodem Iudice Ecclesiastico, qui sententiam divortii tulit, simul sit ventilanda, per textum in *cit. c. De prudentia*, et Glossam, ac DD. *ibid.*

158. Resp. III. Causae criminales mixti fori dicuntur illae, quae versantur circa crimina, a Jure tum Canonico, tum Civili prohibita, ac punienda. Cujusmodi sunt, homicidium, adulterium, incestus, Sodomia, perjurium, Sacrilegium, blasphemia, sortilegium, divinatio, magia, et hujusmodi: de quibus fere agunt Abbas in *c. Cum sit generale*, num. 17. et seqq. h. t. Farinacius *lib. 1. Criminal. tit. 2. quaest.* 8. n. 129. et seqq. Julius Clarus *lib. 5. Pract. Crimin.* §. *fin. quaest.* 37. et alii. Siquidem ex una parte ad Ecclesiam pertinet, de quocunque mortali peccato corripere quemlibet Christianum, *c. Novit.* 13. §. *Cum enim de Judiciis*; unde praesertim in Libro Quinto Decretalium de varijs criminibus, per Ecclesiam puniendis, tractatur. Ex altera vero parte hodie plerumque crimina etiam puniuntur in Foro seculari; idque vel vi Juris Civilis communis, vel saltem propter diversos Recesus Imperii, et Constitutiones poenales Carolinas: sicque de facto, si non omnia, saltem plerumque crimina, quoad poenam ir-

rogandam, sunt mixti fori: quamquam de consuetudine plerumque Ecclesia positionem criminum inter Laicos commissorum relinquit judici saeculari, *arg. can. Sunt quaedam*, 23. q. 5. Engel h. t. num. 75.

Additur hic notanter, saltem plerumque crimina. 159. Quia hinc excipi debet crimen Haeresis, utpote quod est mere Ecclesiasticum, *c. Ut inquisitionis*, §. *Prohibemus de Haeretic.* in 6. ac proinde respectu ejus solus Iudex Ecclesiasticus, non autem saecularis, etiam inter Laicos, est competens. Farinacius *cit. quaest.* 8. n. 127. citans plurimos alios. Quamvis saeculares Principes, Potestates ac Rectores locorum, ad ammonitionem, et requisitionem Episcoporum, teneantur fideliter, atque efficaciter Ecclesiam contra Haereticos, eorumque sanctores adjuvare, ac defendere, juxta officium et potestatem suam, *c. Ad abolendam*, §. *Statuimus. et c. Excommunicamus*, §. *Memento de Haeretic.* Ac proinde, paucis loquendo, Iudices saeculares in ordine ad crimen haeresis, nullo quidem modo se possint intramittere respectu cognitionis; bene tamen respectu executionis, ad requisitionem Ecclesiae. Abbas *cit. c. Cum sit generale*, n. 19. h. t.

Similiter, quod Simonia sit crimen mere Ecclesiasticum, atque ideo Iudex saecularis non possit aliquo modo se de ea intramittere, neque cognoscere, tenet Abbas *ibid.* *c. Cum sit generale*, n. 20. h. t. Julius Clarus in *Pract. Criminal. lib. 5. §. Simonia*, n. 7. Farinacius *cit. quaest.* 8. n. 128. citans DD. communiter. Et merito, nam Simonia dicitur haeresis, *can. Quicumque. et can. Cum liqueat*, 1. q. 1, et *c. Quoties de Simonia*, et alibi: ac proinde, sicut haeresis est crimen mere Ecclesiasticum, ita et Simonia.

Posset hinc etiam excipi Laesio, sive deceptio infra pretium dimidii pretii, in venditione facta. Siquidem venditor deceptus infra dimidium justipretii, non habet actionem in Foro Civili, *L. 2. C. de Rescindend. vendit.* secus in Foro Ecclesiastico. Nam, cum in Foro conscientias quaelibet notabilis laesio compensari debeat, simulque Ecclesia procedere valeat super quolibet criminali peccato, *c. Novit.* 13. §. *Cum enim de Judiciis*: recte propter gravem laesionem, etsi non excedat medietatem justipretii, potest Iudex Ecclesiasticus adiri, ut cogat poenitentem, etiam per censuras, si opus fuerit, ad poenitentiam, et satisfaciendum gratiter laesio. Fachinus *lib. 2. cap. 25.* Engel h. t. n. 65. et alii. Sicque crimen gravis laesionis infra dimidium justipretii, est Fori duntaxat Ecclesiastici, non mixti: atque idem dicendum de similibus delictis, quae in Foro Civili non puniuntur.

Additur insuper n. 158. quoad poenam irrogandam. 161. Quia, si quaeratur de valore, ac honestate actuum, puta, an tale juramentum sit licitum, ac servandum, nec ne; an talis contractus sit usurarius, nec ne; an matrimonium validum, sicque ab ejus violatore fuerit commissum adulterium, nec ne, ac hujusmodi: tunc talium causarum cognitio private pertinet ad Iudicem Ecclesiasticum. Secus, quando de talibus constat, atque agitur, solummodo ad poenam delinquentibus imponendam: quia hanc potest uterque Iudex imponere; Ecclesiasticus quidem secundum Canones; saecularis autem secundum Leges Imperiales, aut Territoriales. Abbas *cit. c. Cum sit generale*, num. 21. h. t. et alii, atque concordant dicta superius n. 152. et 153. occasione cujus

Queritur III. Utrum punitus, per Iudicem saecularem super crimine mixti fori, possit denuo accusari, ac puniri per Iudicem Ecclesiasticum, et econtra? Resp. I. Quando poena ab alterutro Iudice inflictam,



fuit satis sufficiens ad criminis. punitionem; eique commensurata; tunc poenitus in uno Foro non potest amplius de super accusari, ac puniri in altero Foro. Ita Abbas in c. Tuas. n. 5. de Procurator. et c. Cum sit generale. n. 1. h. 2. Covarruvias lib. 2. Par. Resol. cap. 10. n. 6. Barbosa in c. Felicis. n. 38. de Poenis in 6. et alii ab his citati. Ratio est: quia nec Deus iudicat his in id ipsum, Naum. cap. 1. et can. Sant pluris. §. Auctoritas de poenit. dist. 3. Nec de delicto unius hominis saepius saepius quaeritur, c. De his criminibus. 6. de Accusation. Simulque bona fides non patitur, ut semel exactum iterum enigatur. Reg. 83. Juris in 6.

- 164 Resp. II. Loquendo tamen de atrocibus delictis, ac ubi in uno Foro imponitur poena nimium levis ad vindictam ut puta excommunicatio (quae potius est medicinalis, non poenitiva et mortalis, cap. 1. de Sentent. excomm. in 6.) nihil obstat, quo minus crimen illud etiam in altero Foro accusari, et puniri valeat. Ita Abbas, et Covarruvias, ubi supra. Inq. Andreas c. Felicis. n. 8. de Poenis in 6. Engel. h. 2. n. 76. et alii plures; contra Barbosam in d. c. Felicis. n. 38. et alios, quos citat. Ratio Conclusionis desumitur ex l. Placet. §. Si quis. C. de Sacrosanct. Eccles. estque canonizata in can. Generaliter. §. Placet. 16. q. 1. ubi in transgressores diolae Legis, seu immunitatem personarum Ecclesiasticarum violantes, duplex poena, ab utroque Foro infligenda, statuitur, illis verbis: Si quis contravenierit, post debitae ultionis acrimoniam, quae erga sacrilegos promenda est, exilio deportationis perpetuo subdatur. Concordat cit. c. Felicis. §. Per hoc quoque. de Poenis in 6. ubi dicitur, quod per illas poenas, quas ibi Pontifex praemisera, ac statuerat. occidentibus, aut percutientibus Cardinalem; non adimatur facultas saecularibus Potestatibus, quo minus contra tales possint procedere, ipsisque imponere poenam Legalem contra sacrilegos statutam. Idem ergo dicendum de aliis criminibus atrocibus mixti fori, ob paritatem rationis: quidquid contradicat Glossa ibid. §. Adimimus dicens, istud esse speciale in dicto casu propter criminis horrorem; regulariter autem secus esse.

## §. VIII.

De modo extraordinario sortiendi Forum ratione Praeventiois, et ex Leg. Diffamari, ac aliis.

## SUMMARIUM.

- 165 Praeventio jurisdictionis, quid?  
166 Contingit tripliciter.  
167 Inducitur per citationem legitime interpositam.  
168 Reus legitima citatione praeventus ab uno ex pluribus Iudicibus, sortitur forum coram eo. Et num. seqq.  
169 Si tamen non apponitur exceptio praeventiois, valent gesta coram alio.  
170 Citatio invalida non arctat citatum, nec perpetuat jurisdictionem citantis.  
171 Ut inducat praeventionem, debet citatio emanasse auctoritate Iudicis, atque ad petitionem partis.  
172 Ubi agitur ad utilitatem privatam, altus locus.  
173 Debet etiam citatio pervenisse ad notitiam citati.  
174 Citatio realis fortior est verbali, etiam anteriori.  
175 Per Leg. Diffamari. C. De Ingeniis. manumiss. quid statuatur?  
176 Habet locum in diffamatione super omni genere

causarum, tum criminalium tum civilium majoris momenti.

- 177 Quae requirantur, ut remedio Leg. Diffamari, locus sit?  
178 In Iudicio ex Leg. Diffamari, Iudex competens est Iudex diffamati.  
179 Solvitur instantia. Et n. seqq.  
180 In causis diffamationum duplex intervenit Iudicium: unum, diffamationis: alterum, actionis principalis.  
In iudicio diffamationis, Clericus diffamans nequit conveniri coram Iudice laico. Ibid.  
181 Si Reus, puta Diffamator, est alienae jurisdictionis, proprius ejus Iudex pro executione citationis est requirendus.  
182 Haec citatio non obstante, potest diffamator, seu Actor, postea convenire Diffamatum, coram quo maluerit ejus Iudice.  
In separatis ex uno ad aliud non infertur. Ibid.  
183 Referuntur alii modi extraordinarii sortiendi forum. Et n. seqq.  
184 Scholares ex privilegio sortiuntur forum coram suo Rectore; et cur?  
185 Item Clerici coram Iudice Ecclesiastico.

Quaeritur I. Quid sit, et qualiter inducatur Praeventio jurisdictionis, per eamque Forum competens acquiratur? Resp. I. Praeventio, de qua in proposito, dicitur illa, per quam unus Iudex jurisdictionem alterius, caeteroquin etiam competentis, praeventit, seu praecupat: ita, ut iste amplius causae praeventae se nequeat intromittere. Ita in re communis.

Et talis praeventio potest contingere tripliciter 166  
I. In causis mixti fori: de quibus supra §. praeced. n. 151. et seqq. II. In Reo mutante domicilium, postquam a Iudice prioris loci jam citatus, sicque praeventus fuit; ut c. Proposuiti. 19. h. 2. estque uberius dictum supra §. 2. numer. 43. III. In pluribus Delegatis in solidum: nam tunc uno eorum negotium inchoante commissum, alii se nequeant ulterius intromittere, c. Cum plures. 8. de Offic. Delegat. in 6.

Resp. II. Praeventio fori, seu jurisdictionis; inducitur per citationem legitime interpositam. Desumitur hoc ex c. Proposuiti. 19. h. 2. ubi Glossa inquit, ac pluribus probat; quod per solam citationem perpetuetur jurisdictione iam Ordinarii, quam Delegati. Concordat textus in l. Si quis postea. ff. de Iudiciis, estque communis. Idque merito: nam, ut habet Reg. 54. Juris in 6. Qui prior est tempore, potior est jure: ac proinde etiam Iudicis praecupantis, seu legitime citatione praeventientis, in causa illa potius jus, seu melior conditio esse debet praes alio, vel aliis, licet caeteroquin competentibus Iudicibus. Simile quid contingit in c. Non injuste. 14. de Procurat. et c. Si quis justo. 46. de Elect. in 6. et l. Qui prior. ff. de Iudiciis, eam similibus. Unde

Resp. III. Reus legitima citatione praeventus ab uno ex pluribus Iudicibus, sortitur forum coram ipso: adeo, ut Iudex praeventiens procedere debeat in causa, alteriusque, licet caeteroquin competentis Iudicis jurisdictionem silere, et quiescere faciat: Ita Federicus de Scto Consil. 97. §. Venio ad recitationem. Card. Tuschus Litt. P. Concl. 646. num. 1. Prosper Farinacius lib. 4. Praxis Criminal. tit. 1. de Inquisitione. quast. 7. n. 52. pluribus ampliationibus hanc Conclusionem illustrans. Gailus lib. 1. Pract. Observat. 29. n. 5. et alii. Ratio est eadem, quae nam. praec. Accedit, quod, ubi coeptum est Iudicium, ibi de jure finiri debeat, l. Ubi coeptum. ff. de Iudiciis.

Infertur proinde, quod si aliquando non obstante 169

praeventione. Iudex concurrens. causam praeventam acceptare velit, contra ejus jurisdictionem excipi possit jura praeventiois: siquidem exceptio praeventiois, est declinatoria fori. Maranta in *quaest. Legalib. disp. 6. n. 26.* Quod si vero non opponatur exceptio praeventiois, valent gesta coram alio Iudice, quam qui praevenit. Mascardus de *Probationib. Concl. 1233. n. 13.* Gailus cit. *Observat. 29. n. 6.* et alii.

170. Dicitur notanter in Conclusionem, *Raus legitima citatione praeventur.* Quia, ut praeventio per citationem inducatur, requiritur, ut haec fuerit legitime facta, c. *Proposuiti. 19. h. t.* Ad hoc autem requiritur imprimis, ut citatio sit valida: nam citatio invalida, seu facta a Iudice incompetente, vel alias a Jure reprobata, nec areat citatum, c. *Bonae memoriae. 36.* juncta Glossa *fn. de Elect.* Nec perpetuat jurisdictionem citatis, arg. cit. c. *Proposuiti. h. t.* ac notat Abbas *n. 6.* et Barbosa *ibid. n. 5.* Federicus de Senis d. *Consil. 107. §. Vnio ad expositionem.* Farinacius cit. *quaest. 7. n. 61.* et alii. Ratio est: quia, quod nullum est, nullum producit effectum, c. *Illud. 8. de Jure patronat.* Et paria sunt, non esse, et nullum esse, arg. l. *Duo sunt Titii. de Testamentar. tutel.*

171. Deinde, ut per citationem inducatur praeventio, atque perpetuetur jurisdicio. Iudicia citantis, requiritur, quod dicta citatio emanaverit auctoritate Judicis, et quidem ad petitionem partis, arg. cit. c. *Proposuiti. h. t.* ibi: *Ad petitionem ejusdem Adversarii sui, a te legitime citatus ad causam:* et notat Abbas *ibid. n. 3.* et Barbosa *n. 2.* et 3. Bartolus in l. *Ad peremptorium. ff. de Judiciis,* et alii. Unde non sufficit, quod quis extrajudicialiter cuipiam item denunciaverit, aut Iudex motu proprio quempiam citaverit; ubi agitur ad utilitatem privatam.

172. Atque hoc ultimum ideo additur. Quia, ut citatio fiat ad petitionem alterius partis, tunc solum requiritur, quando proceditur ad utilitatem privatam: secus, ubi proceditur ex officio ad utilitatem publicam: uti fit in iudicio inquisitionis, arg. c. *Qualiter et quando. 24. de Accusation.* Abbas cit. *n. 3.* Engel *h. t. n. 52.*

173. Tandem requiritur, ut citatio pervenerit ad notitiam citati, vel ipse fecerit, quo minus ad se perveniret: quia solum Decretum citatorium a Iudice emanatum non sufficit ad praeventioem inducendam. Engel cit. *n. 52.* post Martham de *Jurisdic. part. 2. cap. 3. n. 14.* Sufficit autem citatio unica et simplex: et sive sit verbalis, sive realis, seu facta per capturam. Mascardus cit. *Concl. 1233. n. 7.* et 8. allegans alios.

174. Verumtamen citatio realis est fortior, ac praefertur verbali, etiam anteriori. Fagnanus c. *Pervenit. n. 40. de Adulter.* ubi hoc docet in crimine mixti fori, quando Iudex Ecclesiasticus praevenit in citatione, Laicus tamen praevenit in captura criminosi: quia adhuc (loquit) praeventio realis praefertur verbali, juxta Bartolum in l. *Sepultura. ff. de Sepulch. violat.* Item tenet Farinacius cit. *lib. 1. quaest. 7. n. 53.* allegans plures alios: licet Engel d. *n. 57.* post Martham: *ubi supra. n. 19.* istud negat in casu, quo citatio verbalis praecessit.

175. Queritur II. Quid sentiendum de iudicio ex *Leg. Diffamari*, quisque in eo sit Iudex competens? Resp. I. Per *Leg. Diffamari. C. de Ingeniis manumissis*, contentam, statuitur: ut si quis alienum statum diffamaverit, quasi servilis conditionis existat, talis Diffamatus auctoritate hujus Legis possit officium judicis implorare, ut Diffamatori certum terminum praefigat, intra quem contra Diffamatum agere, suamque causam proponere, ac

probare debeat: sin minus, Iudex ei perpetuum imponat silentium, ne ulterius infamet: et si obstinatus non pareat sententiae, mulctetur: prout amplius liquet ex textu citatae Legis.

Licet autem memorata *Lex Diffamari* expresse 176 solum loquatur de diffamatione super statu servili, seu quod quis sit conditionis servilis: nihilo minus tum ex mente ipsius, tum ex recepta consuetudine, ac proxi Judiciorum, ea etiam locum habet in diffamatione super omni genere causarum, tum criminalium, tum civilium: dummodo sint majoris momenti, et non de levioribus tantum. Unde generaliter, si quis diffamaverit alterum, sive de aliquo delicto, sive de debito (hoc est, quod sit iniquus rei suae possessor, aut sibi obligatus ex contractu, vel quasi contractu, ac necdum satisfecerit) potest Diffamatus uti beneficio dictae Legis: ita, ut ad ejus instantiam Iudex diffamanti debeat terminum competentem praefigere, intra quem vel objecta probare teneatur: vel, si contumaciter se absentaverit, aut in probatione defecerit, perpetuum ipsi silentium imponatur. Wesenbecius in *Commentar. Codicis, lib. 7. tit. 14.* Gailus *lib. 1. Practic. Observat. 9. num. 2.* Engel *h. t. n. 56.* et alii.

Caeterum, ut remedio *Legis Diffamari* locus sit, 177 requiritur imprimis juxta proxime dicta, ut diffamatio sit de causis gravioribus, et majoris momenti: non item de levibus, utpote quae non infamant, nec scandalum generant. Deinde requiritur, ut de facta diffamatione Iudici probabiliter constet: unde non creditur nudis narratis Diffamati, seu implorantis officium Iudicis: sed antequam Iudex citationem Diffamatoris emitat, oportet, quandam summariam causae cognitionem, ac probationem, ratione factae diffamationis praemitti. Et quidem dicta diffamatio plerumque vel literis Diffamantis, vel testibus eam audientibus, summarie probatur.

Resp. II. In iudicio ex *Leg. Diffamari*, Iudex 178 competens est Iudex Diffamati: ita tamen, ut si Diffamator sit alienae jurisdictionis, proprius ejus Iudex a Iudice Diffamati sit requirendus pro executione citationis, et debitaee comparitionis injungendae. Ita Gailus cit. *Observat. 9. n. 3.* post Alexandrum *Consil. 103. lib. 5.* et Bartolum l. *In criminali. n. 1. C. de Jurisdic. omn. judic.* Engel *h. t. n. 57.* et 58. et alii. Ratio prioris partis est: quia Actor tenetur sequi forum Rei, c. *Cum sit generale. de Foro competent.* cum similibus: atqui per medium *Legis Diffamari*, Diffamatus constituitur Actor: nempe, ut causae traditionis, seu diffamationis, apud Iudicem in termino praefixo proponat, atque deducat, sub poena impositionis perpetui silentii, cit. l. *Diffamari. C. de Ingeniis manumissis.* et l. *Titia ff. de Accusat.* ergo tenetur sequi forum Rei, seu Diffamati.

Nec obstat, quod nemo invitus agere cogatur, 179 *J. un. C. Ut nemo invitus etc.* Fallit enim hoc in pluribus casibus, ibidem a Glossa enumeratis; ac praesertim tunc, quando ex causa statuitur cuipiam a Iudice terminus vel agendi, seu accusandi, vel in perpetuum tacendi: ut cit. l. *Titia. ff. de Accusat.* Accedit, quod adhuc in libertate citati, seu Diffamantis sit, agere, vel non agere, eligendo potius impositionem perpetui silentii. Innocentius in c. *Cum nobis. de Election.* Gailus cit. *Observat. 9. n. 6.* cum alijs.

Dices. Diffamatus in tali casu est actor, utpote 180 qui prior ad iudicium provocat, arg. l. *In tribus. ff. de Judiciis*; ergo in iudicio ex *Leg. Diffamari*, Iudex competens est Iudex Diffamantis, non Diffamati, contra datam Conclusionem. Resp. neg. anteced. Nam, ut recte notat Gailus cit. *lib. 1. Practic.*

180: *Observat. tit. n. 2. in causis diffamationum duplex est Judicium. Primum esse diffamatorium, in quo videlicet de veritate factae diffamationis, seu traditionis agitur; atque in hoc Diffamatus censetur Actor, utpote cujus iudice narrationi fides non adhibetur, sed requisitis summaria causae cognitio, et probatio, ut dictum n. 177. Ex quo consequens est, quod in hoc iudicio diffamationis, diffamans habetur Reus; ac proinde Laicus non habeatur pro Iudice competente respectu Clerici diffamantis, cum Clericus non nisi coram Ecclesiastico conveniri valeat. Jacobus Pignatellus. Consultat. Canonio. tom. 3. consult. 150. num. 31. post Franch. Decis. 657. n. 4. et alios. Secundum est Judicium actionis, seu causae principalis, in quo Diffamator citatus, si sua interesse putaverit, intra terminum praefixum de jure suo docere, et causas factae a se diffamationis, seu traditionis probare tenetur; idque sub poena perpetui silentii sibi actoris imponendi. Atque in hoc iudicio Diffamator est Actor: nam diffamando, tacite se ad agendum obligavit; quia diffamare, est tacite ad iudicium provocare, per textum in cit. l. Diffamari. et notat Baldus ibid. n. 8. et 10. atque Alexander Consil. 52. n. 3. vol. 2.*

181: *Altera pars Conclusionis, quod nempe, si Diffamator sit alienae jurisdictionis, proprius ejus Juxta sit requirendus pro executione citationis etc. probatur ex eo. Quia citatio extra territorium, simulque non subditi (quod additur propter dicta superius §. 2. n. 19. et 30.) vires non habet, cap. ult. de Constitut. in 6. et l. An. ff. de Jurisd. omni. judic. unde pro executione citationis oportet proprium Diffamatoris, utpote Rei citati, Iudicem requirere. Engel h. t. n. 58. citans Mundium in tract. ad Leg. Diffamari. §. 3. n. 235. ubi formam hujus Requisitionis praescribit.*

182: *Plura de iudicio ex Leg. Diffamari, apud Gaium cit. lib. 1. Practic. Observat. 9. 10. 11. et 12. Ubi Observat. 11. n. 3. et seqq. post Socinum in c. Proposuiti h. t. notanter observat, quod si Diffamatus (qui in iudicio diffamationis erat Actor, in iudicio actionis vero sit Reus) plures habuerit iudices, possit Diffamator eum convenire, coram quo maluerit: quia in optione Diffamatoris, utpote nunc Actoris, est, unum ex ipsis eligere. Neque enim praeventio impraesentiarum locum habet ex citatione facta in iudicio diffamatorio, ubi Diffamator erat Reus, Diffamatus autem Actor, et probans factam ab altero diffamationem suam. Siquidem iudicium diffamationis, et iudicium actionis, sunt diversa iudicia, juxta dicta n. 180. Atqui in separatis, ex uno aliud non inferitur. l. Duobus. ff. de Testament. tutel. et ibi Bartolus in Summario, et alii; ergo.*

183: *Queritur III. An dentur alii modi extraordinarii sortiendi Forum, et quales? Resp. Dari complures. Sic enim uberius sortitur quis Forum ratione appellationis, can. Peregrina. 3. q. 6. junctis illis, quae notantur Tit. De Appellationibus. Item ratione conventionis, can. Cujus in agendo. 3. q. 8. atque amplius declarabitur infra Tit. 4. De Mutuis Petitionibus. Item ratione recusationis, seu quando Juxta suus ex justa causa recusat, c. Si quis contra. h. t. Item ratione consuetudinis: nam consuetudo det jurisdictionem, can. Conquestus. 9. q. 3. et c. Cum contingat. juncta Glossa su. h. t. Item ratione militiae: sic enim milites delinquentes puniuntur a Duce, sub quo militant, l. De militibus, ff. de Custod. et exhibit. reor. Item ratione negligentiae iudicis saecularis: nam haec potest suppleri per Iudicem Ecclesiasticum, sicque forum hujus acquirit, c. Licet ex suscepto 10. et c. Ex tenore. 11.*

*h. t. estque uberius jam declaratum in Lib. 1. Tit. 10. De Supplenda negligentia Praetorum. §. 3. num. 44. et seqq. Atque, si plures alii tales modi taceantur, de quibus fere agit Speculator Tit. de Competentis Iudicis additione. §. 1. per notam.*

*Tandem sortitur quis Forum ratione privilegii. 184 Sic enim Studiosi coram suo Rectore forum sortuntur, Auth. Habita. C. Ne filius pro patre etc. Ardeo quidem, ut etiam alibi deliquerint, aut debitum contraxerint, quandoque studiorum causa alicubi reperintur, nontquam ad locum delicti vel debiti sint remittendi; ac hac occasione a studiis avocentur, atque impendantur: sed, si licet eis quispiam super aliquo negotio movere voluerit, coram eorum Rectore conveniri, quin etiam capiti in loco delicti ad Magistratum Academicum remitti debeant; prout amplius tum in cit. Auth. Habita. tum in propriis singularum Universitatum Privilegiis continetur. Atque hujusmodi speciale Privilegium, et protectio, meritissime Scholaribus concessum fuit, utpote quorum (inquit ibidem Imperator) scientia totus illuminatur Mundus, et ad obediendum Deo, et Nobis ejus ministris vita subjectorum informatur. Quis enim eorum non misereatur, qui amore scientiae exules facti, de divitiis pauperes, semetipsos exinaniant, vitam suam multis periculis exponunt, et a vilissimis saepe hominibus (quod graviter ferendum est) corporales injurias sine causa perferunt? Hactenus nova Constitutio Fridrici Imperatoris, quae refertur in cit. Auth. Habita. C. Ne filius pro patre etc.*

*Huc accedit speciale privilegium Clericorum, vi 185 cujus non nisi coram Iudice Ecclesiastico conveniri valent. Sed quia circa hoc plura, simulque notabilissima, atque uberiores declarationem requirentia dubia occurrunt; merito de ipso in specialibus Paragraphis agendum videtur unde sit*

## §. IX.

De Privilegio Fori Clericorum; et quo Jure proveniat?

## SUMMARIUM.

- 186 Privilegium Fori, quid?
- 187 Eo gaudent Clerici.
- 188 Clericorum nomine, qui hic comprehendantur? Et num. seqq.
- 189 Et qui, si materia sit odiosa?
- 190 Etiam Monachi, Regulares, Moniales, ac Novitii gaudent Privilegio Fori.
- 191 Novitius grave crimen committens, coram Iudice Ecclesiastico conveniendus est.
- 192 Etiam si dimisso habitu redeat in saeculum: quamvis nonnulli contradicant.
- 193 Quo Jure privilegium Fori compatat Clericis, variant Doctores.
- 194 195 196 197 198 199. Refertur, ac probatur sententia, valens, exemptionem Clericorum esse de Jure duntaxat humano.
- 200 Et Auctores, qui eam tenent, allegantur.
- 201 202 203 204 205 206 et 207. Refertur, ac multipliciter probatur sententia, asserens, exemptionem Clericorum esse de Jure Divino, quin et naturalis: Et num. seqq.
- 208 209 et 210. Eadem sententia confirmatur per textum Juris Canonici, aperte dicentes, exemptionem Clericorum personalem esse de Jure Divino.
- 211 Sicut et exemptionem Ecclesiarum; rerumque Ecclesiasticarum, sive Immunitatem rea-



lem. Et num. seqq.

- 212 Nec sufficit, Jus Divinum in citatis textibus  
numere improprie pro Jure Canonico.
- 213 Aut pro Jure Divino solum originaliter, ac  
initiative. Et num. seqq.
- 214 Erubescimus sine textu loqui.
- 215 et 216. Eadem sententia probatur rationibus.
- 217 Ac referuntur Auctores ipsam tenentes.
218. Certum est, quod Clerici, Ecclesiae, bonaque  
Ecclesiastica Jure Divino sint exempta quoad  
ea, quae vere sunt spiritualia etc.
- 219 Et hujus ratio.
220. Probabilius est, quod etiam in temporalibus  
Jure divino eximantur.
- 221 222 223 224 225. Solvuntur rationes appositae  
sententiae. Et num. seqq.
- 226 Ecclesia et Clerici, de agris, ac possessioni-  
bus solvant tributa, aliaque onera realia.
- 227 Quid de aliis tributis?
- 228 Privilegia circa Clericorum exemptionem non  
sunt, nisi juris declaratio.
- 229 Ecclesia, seu Papa, potuit moderari, ac li-  
mitare exemptionem Clericorum; et cur?
- 230 Extensio privilegii Fori ad personas Regulares,  
facta est auctoritate Ecclesiae. Et n. 118.
- 231 Immunitas localis, seu Jus Asyl, competit  
Ecclesiis Jure humano.

186 **Q**uaeritur I. An Clerici competat Privilegium  
Fori, et qui nomine Clericorum hic veniant? Ubi  
per Privilegium Fori intelligitur illud, vi cuius  
quis exemptus est ab omni potestate, et jurisdic-  
tione Fori saecularis; adeo, ut non possit amplius  
a Iudice saeculari in iudicium trahi, carcerari  
vel puniri, sed duntaxat ab Ecclesiastico. Quo  
praenotato

187 **R**esp. I. Certum est, atque inter Catholicos in  
dubitatum, quod Clerici gaudeant Privilegio Fo-  
ri, seu exemptionis a jurisdictione et potestate Fo-  
ri Civilis; adeo, ut ipsi ad iudicium Fori saecula-  
ris trahi non possint. Et quidem neque in causis  
criminalibus, *can. Nullus iudicium. et can. Relatum.*  
11. q. 1. et c. *At si Clerici. 4. de Judiciis*, cum con-  
cordantiis. Neque in causis Civilibus, *can. Bene*  
*quidem. dist. 96. et can. In Canonibus. 16. q. 1. et c.*  
*Ecclesia Sanctae Mariae. 10. de Constitut. et c. Qua-*  
*liter et quando. 17. de Judiciis. et c. Si diligenti. 12.*  
*de Foro competent. et Auth. Statuimus. C. de Episc.*  
*et Cleric. cum similibus*; atque amplius ex dicendis  
in progressu patebit.

188 **R**esp. II. Clericorum appellatione in praesenti  
materia veniunt omnes omnino Clerici: sive sint  
primae duntaxat Tonsurae, aut in Ordinibus mino-  
ribus constituti, *can. Cleros. dist. 21. et c. Cum con-*  
*tingat. de Etate et qual. praefc.* dummodo habeant  
conditiones de Jure requisitas, *cap. ult. de Cleric.*  
*conjugat. in 6. et Concilio Trident. Sess. 23. cap. 6.*  
*de Reform.* Sive sint constituti in Ordinibus majori-  
bus, *cit. can. Cleros. dist. 21.* Aut etiam in Digni-  
tate Ecclesiastica, c. *Cum tibi. 18. iuxta Glossa fin.*  
*de Verb. signif.*

189 **L**icet enim in materia odiosa, vel ubi tractatur  
de poena, Clericis inferenda, seu de eorumdem  
damno ac incommodo, appellatione Clericorum  
tantum veniant simplices Clerici; non autem illi,  
qui in Dignitate Ecclesiastica constituti sunt, nisi  
horum fiat specialis mentio. c. *Sedes. 15. de Rescript.*  
*et c. Statutum. 22. de Elect. in 6. et c. Quia peri-*  
*culosum 4. de Sentent. excomm. in 6.* Secus tamen est  
in materia favorabili, qualis est haec agens de Pri-  
vilegio Fori Clericorum: istud enim merito est ex-  
tendendum, c. *Odia. 15. de Reg. Jur. in 6. cum*  
*similibus.*

**R**esp. III. Insuper nomine Clericorum inspi- 190  
centiarum veniunt Monachi, alique Regulares. Re-  
ligionum ab Ecclesia approbatarum, tam Professi,  
quam Novitii, imo et Moniales, harumque Con-  
versae, et Novitiae; ac pariter omnes has personas  
gaudent Privilegio Fori. Ita Felinus in c. *Licet n.*  
*8. de Offis. Ordinar. Barbosa. lib. 1. Jur. Eccles.*  
*univ. cap. 39. §. 2. n. 40.* etiam alios, estque com-  
munis. Nam omnes tales sunt personae Ecclesiasti-  
cae, ac Dei servitio, Divinisque ministeriis specia-  
liter deputatae; atque ideo in materia favorabili  
(qualis haec est) veniunt appellatione Clericorum;  
ut *can. Quisquis inventus. et can. Si quis suadente.*  
*17. q. 4.*

Atque ex his inferatur, quod si Novitius grave 191  
crimen committat (non solum istud intelligendo  
de crimine contra Religiosam atque Ecclesiasticam  
disciplinam commisso; sed etiam loquendo de cri-  
mine atroci, et cui capitalis poena caeteroquin de-  
betur, et est homicidium etc.) is coram Iudice  
Ecclesiastico, seu Praelato Religionis sit conve-  
niendus, non autem coram Iudice saeculari: quia  
jam gaudent Privilegio Fori, estque favore Reli-  
gionis a Civili Potestate exemptus Emmanuel Ro-  
dericus tom. 2. *Quaest. Regul. q. 2. art. 10.* Ascanius  
Tamburinus tom. 3. *de Jure Abbatum. disp. 6. quaest.*  
*28. n. 3.* Lauretus de Franchis part. 2. *quaest. 46.*  
*n. 1. et alii passim.*

Quia imo multi Doctores hoc ampliant, atque 192  
intelligunt etiam in eo casu, quo Novitius tem-  
pore Novitatus graviter delinquens, postmodum  
dimisso habitu redit ad saeculum: adhuc enim (in-  
quunt) talis propter delictum in Novitatu com-  
missum non per Iudicem saecularem, sed per Ec-  
clesiasticum duntaxat erit puniendus: nam quoad  
poenas imponendas inspicitur tempus commissi de-  
licti, *L. 1. ff. de Poenis. Layman lib. 4. Theolog. Mo-*  
*ral. tract. 9. cap. 4. n. 14. et cap. 7. n. 5.* ubi hoc ip-  
sum docet de Clerico Minorista, qui Privilegio  
Fori gaudens committit delictum, et postmodum  
ducta uxore illud privilegium amittit; nam adhuc  
(inquit) de crimine illo ab Ecclesiastico, et non  
a saeculari Iudice, iudicandus est. Barbosa *cit. n. 40.*  
Diana part. 3. tract. 1. *resolut. 34.* Ascan. Tambu-  
rinus *cit. quaest. 28. n. 6.* pluresque alii ab his relatis  
quamvis non pauci etiam oppositum teneant, ut Mo-  
lius tom. 4. *de Justit. tract. 3. disp. 49. n. 24.* et Fa-  
rinacius lib. 1. tit. *de Inquisitione. quaest. 8. n. 46.*  
*Ampliat. 16.* et alii apud Farinacium, et Dianam, ubi  
*supra*, relati.

Quaeritur II. Quo jure competat Clericis Pri- 193  
vilegium Fori? Resp. Celebris est haec controver-  
sia, atque in ejusdem resolutione plurimum variant  
Doctores, qui generatim in duas extremas abeunt  
sententias: quarum una docet, exemptionem Cle-  
ricorum a Potestate saeculari, esse de jure natura-  
li ac Divino; altera vero sententia priori contraria  
censet, istam Clericorum exemptionem non esse  
de Jure Divino obligante, sed solum de Jure hu-  
mano, ac per privilegia in Corpore utriusque Ju-  
ris clausa, seu per diversas Constitutiones, tum Im-  
periales tum Canonicas Clericis concessam; quam-  
vis Legi naturali ac Divinae, in Judicialibus vete-  
ris Legis adumbratae, sit valde conformis. Juve-  
bit proin utriusque sententiae rationes praecipuas  
considerare.

Et quidem posterior sententia, volens, exem- 194  
ptionem Clericorum a Potestate Laicali esse de jure  
duntaxat humano, suadetur imprimis ex eo: quia  
talem exemptionem esse de Jure Divino, neque ex  
Sacra Scriptura, neque ex Traditione Apostolica  
constat, quin potius inde oppositum desumitur.  
Nam Christus Dominus generaliter, et indistincto

docuit, atque præcepit *Matth. 22.* dicens: *Radix ergo, quæ sunt Cæsaris, Cæsari; et quæ sunt Dei, Deo.* Imo quod plus est, hoc ipsum opete compleris *Matth. 17.* ubi pro se, et Petro, jussit solvi tributum, seu staterem in ore piscis reperiunt. Et quod initio nascentis Ecclesiae Clerici fuerint subiecti Principibus saecularibus, desumitur ex illo *Rom. 13.* *Omnis anima potestatibus sublimioribus subdita sit.* Unde etiam Paulus Apostolus ad Cæsarem appellatus legitur, *Actor. cap. 25.*

195 Confirmatur ista sententia et divinis textibus Juris Canonici, ex quibus liquet, quod primitiva Ecclesia ex agris suis tributa solvere Imperatoribus; atque hoc ipso agnovit, se non esse Jure Divino exemptam ab eorum potestate quoad res suas temporales, et causas civiles. Sic quippe in *can. Si tributum. 11. q. 1.* allegatus S. Ambrosius, dicens: *Si tributum petit Imperator, non negamus: agri Ecclesiarum solvunt tributum.* Et in *can. Tributum. 23. q. 8.* inquit Urbanus Papa: *Tributum in ore piscis, piscante Petro, inventum est: quia de exterioribus suis, quas palam cunctis apparent, Ecclesia tributum solvit.* Et infra hujus rationem reddendo, subiungit idem sanctus Pontifex: *De exterioribus Ecclesiae, quod constitutum antiquitas est, pro paco et quiete, qua nos tuari, et defensare debent, Imperatoribus persolvendum est.* Ubi Glossa, §. *De exterioribus*, aliam adhuc allegat rationem; dicens: *Quia cum honore ad eam pervenit. Nam res cum honore suo transit, c. Cum non sit in homine. 33. de Decimis.*

196 Probat eadem sententia compluribus textibus utriusque Juris, quibus exemptio Clericorum attribuitur privilegio. Sic quippe in *cap. ult. de Rebus Eccles. non alien. expressè dicitur, quod Immunitatem Ecclesiasticam Libertatis non tantum sancti Patres, sed etiam Principes saeculares, privilegiis multis munierunt.* Et tale privilegium immunitatis per Imperatores concessum Ecclesiis, Clericis et Monachis, circa Divina ministeria occupatis, refertur in *can. In qualibet et can. Secundum canoniam. 23. q. 8. et l. Generaliter. 40. C. de Sacrament. Eccles. cum similibus.* Unde exemptio Clericorum expresse vocatur Privilegium, in *Auth. Clerici quique. C. de Episc. et Cleric. lib. 1.* *Observans Clericorum privilegia.* Et amplius in *Auth. Statuimus. C. eod.* ubi dicitur: *Statuimus, ut nullus Ecclesiasticam personam in criminali questione, vel civili, trahere ad iudicium saeculare praesumat contra Constitutiones Imperiales, et Canonicas Sanctiones, cum concordantiis.*

197 Accedit etiam, quia, si exemptio Clericorum foret de Jure Divino, non posset ea per Summum Pontificem minui, aut restringi: sed consequens nequit dici, atque contra praxim Ecclesiae; uti liquet ex *cap. un. de Cleric. conjugat. in 6. et Concilio Trident. Sess. 23. de Reform. cap. 6.* ubi talis restrictio circa Clericos conjugatos, et Minoritas facta reperitur, atque istis est ademptum Privilegium Fori, nisi habeant conditiones ibidem requiritas. Tacentur Clerici criminosi, qui posset ex constitutione SS. Canonum perdere privilegium Fori, ut infra §. 10. n. 254. et seqq. dicitur.

198 Deinde, quod extensio privilegii Fori ad Monachos, aliosque Regulares, et eorum Novitios, ipsaque Novitiales, sit de solo Jure humano Ecclesiastico, vix negari posse videtur: nam divinum privilegium non competit, nisi illis, qui intrant Religiosem ab Ecclesia approbatus; talis autem approbatio, sicut et sollemnitas voti, ex sola constitutione Ecclesiae provenit, *cap. un. de Foro. in 6. ergo.*

199 Tandem, quod Immunitas localis Ecclesiarum, sive Jus Asyli, sit de solo Jure humano positivo, negari non potest, et passim traditur a Doctoribus,

REIFFENSTUEL Jus Can. Tom. II.

conformiter c. *Intra alia. de Immunit. Eccles.* ubi dicta Immunitas refunditur, atque explicatur juxta *Sacrorum statuta Canonum, et traditiones Legum Civilium*; ergo a simili idem dicendum videtur de exemptione, atque Immunitate personali Clericorum. Idque eo magis, quod etiam Privilegium Canonis (quid n. ergo et Privilegium Fori) eisdem solo Jure positivo humano, relato in *can. Si quis madente diabolo. 17. q. 4.* competere dignoscatur.

Et hisce, talisque hujusmodi de causis, multi 200 Doctores consent, exemptionem Clericorum a jurisdictione saeculari non esse de Jure Divino, sed humano duntaxat; eo quod competat ipsis solum per Privilegia, et Constitutiones tum Canonicas, tum Imperiales; quamvis ipsam Juri naturali, et Divino, esse valde consentaneam, ob rationes illico pro ista sententia afferendas, ulro fateantur. Et hujus sententiae est Covarruvias *Præst. Quaest. cap. 31. Concl. 2.* Lessius *lib. 2. de Just. et jur. cap. 33. dubit. 4.* Joannes Medina in *Codice, de Restitut. q. 16.* Molina *tract. 1. de justit. disp. 31. concl. 1. et 2.* Castro Palao *tract. 12. seu de Religione, punct. 1. n. 2. et 3.* Farinacius *tom. 1. lib. 1. tract. 1. de Inquisitionib. quaest. 8. nu. 2. limitat. 1. et 2.* pluresque alii a Barbosa *lib. 1. Jur. Eccles. univ. cap. 39. §. 2. nu. 1.* pro hac sententia relati; licet plerique ipsorum eam intelligendam dicant de rebus Clericorum temporalibus, et criminalibus, non autem de spiritualibus: nam quoad spiritualia exemptionem a jurisdictione saeculari esse inductam Jure Divino, gratis fatentur.

Posterior e contra sententia, volens, exemptio- 201 nem Clericorum esse de Jure Divino, quin et naturali, probatur multipliciter. Et quidem primo ex consuetudine omnium Gentium: nam quod ubique veluti religiosum observatur, non nisi ex Jure naturali descendit: atqui Sacerdotium et Levitaram exemptio, apud omnes Nationes, non omnino barbaras; vigeat; ergo Minor probatur inductione. Sic quippe observabatur in veteri Lege quoad Levitas Judaici Populi; ut patet ex *Numer. cap. 3.* ubi de his illud quoque celeberrimum Deus pronuntiavit: *Eruntque Levitae mei, cum concordantiis.* Idipsum sub Artaxerxe Rege, licet Gentili, quoad omnes Sacerdotes, et ministros Domus Dei in Jerusalem reaedificandae, observari mandabatur. *lib. 1. Esdrae. cap. 7. vers. 24.* Item sub Pharaone, Aegypti Rege, *Genes. cap. 47.* se refertur in c. *Non minus. 4. de Immunit. Eccles.* ubi idcirco graviter impropertur quibusdam Christianis Potestatibus saecularibus, quod deterioris conditionis factum sub eis Sacerdotium videatur, quam sub Pharaone fuerit, qui legis Divinae notitiam non habebat. Atque hoc ipsum circa Gentilium Sacerdotes olim observatum fuisse, cognosci potest ex Aristotele *lib. 2. Oeconom. et Julio Caesare lib. 6. de Bello Gallico, et Plutarcho in Camillo, et aliis.*

Hoc ipsum Constantinus Magnus in prima Gene- 202 rali Synodo Nicaena agnovisse videtur, dum in ea ante emanatum quodcunque aliud privilegium super exemptione Clericorum, ad quorundam querelas coram se contra Clericos depositas, exclamavit: *Fas a nomine dijudicari potestis, quia solius Dei iudicio reservantur. Dii etenim vocati estis, et idcirco non potestis ab hominibus judicari.* Ita notanter refertur in *can. Futurum. 12. q. 1. et can. Continua. 11. q. 1.*

Accedit Justinianus Imperator, qui rationem 203 exemptionis Clericorum in Jus naturale, ejusque duramen refundit, in *l. Sancimus. 18. C. de Sacros. Eccles.* dicens: *Cur enim non facimus discrimen inter res Divinas, et humanas? et quare non competens prerogativa Caelasti favori conservetur?*

204. Idque merito: quia, licet absolute non repugnet rationi, ut Clericus in rebus temporariis subd jurisdictioni saeculari; id tamen repugnat in ordinem ad officium Clericorum rite administrandum. Turpissimum quippe foret, si Magistratus Episcopum corrigere, et punire posset, a quo ipse corrigendus, et puniendus est: et si hodie Episcopus ad suum tribunal vocaret Judicem laicum, cras autem Laicus ille vocaret ad se Episcopum. Sic enim periret omnis reverentia, per Laicos Episcopis, ac Sacerdotibus debita; si hos pro imperio coercere possent: et ordo ipso naturae perverteretur, si Pastores ovibus, Patres filiis, et spiritualia corporalibus subicerentur. Bellarminus, cit. lib. 1. de Clericis, cap. 30. Patet igitur, per rationes ex Jure naturae depromptas, probari exemptionem Clericorum a jurisdictione saeculari: Jus autem naturae non humanum, sed Divinum est, cum ab ipsius naturae Auctore manaverit: ergo.

205. Confirmatur eadem sententia ex Sacra Scriptura. Sic quippe Psalm. 104. dicitur Nolite tangere Christos meos: id est Sacerdotes, qui Christi, id est, uncti, et consecrati sunt. Nec juvat dicere, haec pertinere ad Jus antiquae Legis, quae per Christi mortem fuit evacuata, et abrogata. Nam istud solum verificatur, in praeceptis caeremonialibus et judicialibus: non autem in moralibus, quales istud esse dignoscitur, cum spectet ad directionem bonorum morum, ac praecavendam irreverentiam in Christos Domini committendam. Ut taceatur illud S. Leonis Papae Serm. 8. de Passione Domini, post med. (ac refertur in Breviario Romano, in Festo Exaltationis S. Crucis) ubi inquit: Nunc etenim et ordo clarior Levitarum, et dignitas amplius Seniorum, et sacratior est unctio Sacerdotum: quia Crucis tua omnium fons benedictionum, omnium est causa gratiarum. Haec ille. Sed taceatur, cum videatur loqui de praecellentia caelestium gratiarum, quae in novo Testamento ob merita Christi acta exhibita ampliores dantur, ac dabantur in veteri Testamento ex meritis Christi duntaxat praevisis.

206. Eandem sententiam probat, textus ex novo Testamento depromptus, et magis urgens ad propositum. Nam Matth. c. 17. Christus querebat ex Petro: Reges terrae a quibus accipiunt tributum, vel censum, a filiis suis, an ab alienis? Et illo Jus naturale explicante ac respondente, ab alienis, subintulit Jesus: Ergo liberi sunt filii. Ut autem non scandalizemus eos, da eis pro me, et sic. En verba Domini, luculenter ostendentia exemptionem Clericorum! Qui enim nomine liberorum magis censendi sunt, quam Clerici, utpote specialiter in sortem Domini electi? praesentim quia Petrus tunc totius Ecclesiastici Status vicem gerebat, teste D. Augustino Serm. 6. de Verbis Apostoli. Neque enim verba illa intelligi possunt de exemptione solius Christi, seu veri Filii Dei. Nam illico jussit Christus, ut ad vitandum scandalum Petrus inventum in ore piscis staterem daret pro utroque: sicque uterque de jure exemptus dignoscebatur: Christus quidem, utpote filius Regis Regum: Petrus autem, veluti representans Ecclesiam, Sponsam Christi, Ecclesiasticasque personas tanquam Domesticos ejus, ac proinde eadem praerogativa cum ipso gaudentes: prout inferunt S. Hieronymus ibid. et S. Augustinus lib. 1. Quaest. Evangel. q. 23.

207. Eadem sententia confirmatur, ac probatur, diversis textibus Juris Canonici: quorum aliqui loquuntur de exemptione ipsorum Clericorum, a jurisdictione saeculari, seu de Immunitate eorum personali; alii vero de exemptione Ecclesiarum, rerum-

que Ecclesiasticarum, seu de Immunitate reali: utque aperte dicunt, utrumque hujusmodi Immunitatem esse de Jure Divino.

Et, quidem, inspicendo a prioribus textibus Juris Canonici, aperte dicentibus, exemptionem personalem Clericorum esse Jure Divino: primus, et valde notabilis continetur in can. Si Imperator, dist. 96. ubi habetur: Non a Legibus publicis, non a Potestatibus saeculi, sed a Pontificibus et Sacerdotibus Omnipotens Deus Christianae Religionis Clericos et Sacerdotes voluit ordinari, et debuit, hoc est, iudicari. Ubi ponderandum, ly, Omnipotens Deus voluit. Ponderandum insuper, quod verba illa, ordinari, et discuti, inter se equiparentur atque in confesso est inter Catholicos, Ordinationem Clericorum et Sacerdotum ad solos Episcopos Jure Divino pertinere: idem, ergo dicendum de eorumdem discussione. Unde Glossa singularis ibidem, §. Et discuti, concludit: Ergo antequam esset aliqua Constitutio, etiam Clerici non erant de jurisdictione saeculari: unde omnes Constitutiones, quae emanaverunt, quod Clerici non sunt iudicandi nisi ab Episcopis, non sunt nisi juris declaratio. Haec Glossa.

Accedit can. Sylvester. 11. q. 1. ubi S. Gelasius 209. Papa graviter reprehendit factum cuiuspiam, Clericos ad saeculare Iudicium pertrahentis, illis verbis. Et contra Leges Divinas, et publicas, pulsatis Clericis Forum suum putavit auferri. Notandum ly, contra Leges Divinas. Item illud, quod Pontifex ibidem proxime subiungit, mandans, ut in Episcoporum iudicio, quisquis ille est, qui Clericam lacessit, adveniat: Ut Ecclesiae jura (inquit) quae vetusti Principes assidua sanctione firmaverunt, impetitis Clericis non negentur. Si enim vetusti Principes assidua sanctione firmaverunt jura Ecclesiae, ipsiusque privilegium Clericorum: ergo istud non primum ab ipsis concessum, sed jam antea praestitutum fuit, ex Jure videlicet naturali, et Divino. Nam quod non est, non potest firmari, can. Praeceptis, dist. 12. et c. Inter dilectos. §. Cum igitur de Fide instrument. Cum non entis, nullae sint qualitates, arg. c. Ad dissolvendum. iuxta Glossa §. Legitime. de Desponsat. impub.

Confirmatur id ipsum ex can. Relatum est. 11. q. 1. 210. ubi de accusantibus Sacerdotes apud Iudicem Civilem, in fine subiungitur: Taliter praevariantes praevicati sunt in Deum suum, et non obediunt praeceptis ejus: et consequenter illud Jure Divino est prohibitum. His adde textus de Immunitate Ecclesiarum, rerumque Ecclesiasticarum illico afferendos: utpote qui etiam de exemptione Personarum Ecclesiasticarum expressam faciunt mentionem, simulque in terminis dicunt, eam esse Jure Divini. Itaque.

Perpendo nunc ad posteriores textus Juris Canonici, exemptionem Ecclesiarum, rerumque Ecclesiasticarum, seu Immunitatem realem esse Jure Divini, astrictas, probatur hoc ipsius ex Can. 39. (alias 37.) Apostolorum, et can. Quisquis Episcopus. 12. q. 2. et Concilio Trident. Sess. 25. cap. 1. de Reform. cum similibus, ubi res Ecclesiae, utpote Deo dedicatae, dicuntur esse Dei, illis verbis: Quae Dei sunt: ergo hoc ipso sunt exemptae a jurisdictione mere Laicali, et quidem Jure Divino, tanquam res Dei. Accedit textus expressus in c. Quamquam, de Censib. in 6. ibi: Cum igitur Ecclesiae, Ecclesiasticaeque personae, auras ipsarum, non solum Jure humano, quin et Divino, a saecularium personarum exactionibus sint immunes. Concordat c. Nimis. 30. de Jurejur. ibi: Nimis Jure Divino quidam Laici usurpare nituntur, cum viros Ecclesiasticos, nihil temporale obtinentes ab eis, ad praestandum sibi fidelitatis iuramenta compellunt. Unde et novissime.



Concilium Trident. Sess. 25. cap. 30. de Reform. expresse contestatur; *Ecclésiastice personarum Ecclesiasticarum immunitatem, Dei ordinationem, et Canonice Sanctionibus constitutam.* Accedit et Non minus. 4. de Immunitate Eccles. ac paulo superius m. 201. una cum nonnullis aliis huc attinentibus jam adductum.

212 Nec sufficit, si dicatur, Jus Divinum in allegatis sumi duntaxat improprie, videlicet pro ipsomet Jure Canonico, quod in comparatione Juris Civilis, quod humanam dicitur, appellatur *Jus Divinum*; ut liquet ex cap. 2. de Privileg. in 6. et can. Violatores. 25. q. 1. et can. Celebritatem. de Consecr. dist. 3. Nam contra est: quia haec responsio potius est voluntaria, et contra mentem verborum in citatis Canonibus contextuum extorta, ac subjectae materiae non conveniens; prout colligitur, ac probatur ex eo. Tum quia Concilium Tridentinum loc. cit. satis aperte Dei ordinationem contra distinguit a Canonice Sanctionibus; et alioquin haec posterior particula superflua foret. Tum quia in allatis auctoritatibus multoties additur, quod hanc exemptionem volderit *Omnipotens Deus*; et, quod ipsam violans agat contra *Leges Divinas*; et praeviariorum in Deum suum, et non obediat praeceptis ejus. Tales enim loquendi formulae sufficienter indicant, *Jus Divinum* in allegatis Sacris Canonibus accipi proprie, videlicet pro eo, quod immediate ac formaliter a Deo provenit, et non improprie tantum, seu promero Jure humano Canonico.

213 Nec pariter sufficit responsio aliorum asserentium, quod Immunitas Ecclesiastica, atque exemptio Clericorum, dicatur esse de Jure Divino, non immediate ac formaliter, sed solum originaliter atque initiativè, quatenus Legi naturali valde conformis est, atque a veteri Lege Divina Num. cap. 1. vers. 49. et cap. 3. et alibi, fuit adumbrata, indeque originem duxit: prout in simili c. Parochianos. 14. de Decimis, dicitur quod Decimae non ab homine, sed ab ipso Deo sint institutae. Item c. Tua. 25. eod. quod Decimae Divina constitutione debeantur; quas tamen, saltem quoad quotam spectatas, in Lege Evangelica solum deberi de Jure Ecclesiastico, passim tenent Doctores post D. Thomam 2. 2. quaest. 87. n. 1. Nam contra est primo: quia Decimae quoad substantiam spectatae, seu ut serviant ad necessariam sustentationem Ministrorum Ecclesiae, proprie ac immediate sunt de Jure naturali ac Divino, juxta Doctorem Angelicum loc. cit. et communem aliorum; ergo, retorquendo argumentum, idem erit dicendum de Immunitate Ecclesiastica, Clericorumque exemptione quoad substantiam spectata; quamvis haec potestas multum subit moderationi Ecclesiae, quae pro rerum exigentia, justisque de causis, ipsam restringere, ac limitare valet.

214 Contra est secundo: quia dicta responsio, sive distinctio, in nullo Jure fundatur: atqui, *Erubescimus sine textu loqui*, juxta illud vulgatum inter Juris Consultos, et liquet ex Auth. de Trionte et se miss. §. Consideremus. Collat. 3. ubi proinde Glossa §. *Erubescimus*. notandum inquit, non valere responsionem, quae Lege non probatur: et Baldus c. In Genesi. n. 10. de Election. ait, quod *Paria sint, aliquid fieri sine Lege, et contra Legem*.

215 Confirmatur, et probatur eadem sententia ratione. Quia in Ecclesia Dei duo sunt genera Christianorum, unum est Clericorum, Divino servitio specialiter mancipatorum; alterum Laicorum, qui temporalia tractant, c. Duo sunt genera. 12. q. 1. Simulque ex Divina institutione duplex in Ecclesia Dei datur potestas, Pontificalis videlicet, seu Ecclesiastica; et Regalis, sive Civilis, c. Novit. de Majoritat. et obed. et Extravag. Unam sanctam. eod. quarum illa, veluti spiritualis, tanto dignior est altera,

seu temporali duntaxat, quanto anima praefertur corpori, prout ibidem notatur. Atqui Jure naturali ac Divino notum est, quod anima non sit subiecta corpori, sed veluti nobilior pars hominis actiones ipsius moderetur; ergo etiam eodem jure (supposita semel institutione Divina Ordinis Clericalis) Potestas Ecclesiastica, Statusque Clericalis, non subijcitur, sed exemptus esse dignoscitur a jurisdictione potestatis Saecularis: ita quidem, ut veluti superior, cum opus fuerit, hanc dirigere, judicare, et coercere possit: non autem ab ipsa diriggi, judicari, vel coerceri.

Accedit, quod Clerici dignitate, gradu et Ordine, in Ecclesia sint superiores; Laici vero inferiores, can. Denique. dist. 4. et c. Solitas. de Majorit. et obed. et alibi: atqui Jure naturali notum est, quod Inferior non habeat potestatem, ac jurisdictionem in Superiorem. Insuper Potestas Ecclesiastica fuit a Christo Domino in Lege Evangelica supernaturaliter constituta; et D. Petro, suo in terris constituto Vicario, ejusque legitimis Successoribus, ac per hos ceteris Sacerdotibus, et Clericis in partem sollicitudinis vocatis, non autem Principibus Laicis commissa, can. In novo. dist. 21. et can. Bene quidem. ac seqq. dist. 96. et d. c. Solitas de Majorit. et obed. cum similibus: ergo pariter ipsorum exemptio a jurisdictione saeculari, sive Immunitas personalis, ex ipsamet Christi institutione, sicque ex Jure Divino promanare dignoscitur. Idque eo magis: quia Clerici et corpus et animam in sortem Domini transtulerunt, Deique servitio peculiariter dedicarunt; can. Cui portio. 12. q. 1. Neque munere suo rite fungi possent, nisi liberi essent ac immunes a jurisdictione Civili, cum Clericis Laicos esse infestos, oppido tradit antiquitas; can. Laicos. 2. q. 7. et c. Clericis de Immunit. Eccles. in 6.

Et hanc sententiam amplectitur Glossa in can. Si Imperator. dist. 96. §. Et discuti. Hostiensis in cap. 2. et Baldus ibid. n. 3. de Majorit. et obed. Abbas in c. Ecclesia sanctae Mariae. n. 6. de Constitut. Robertus Bellarminus lib. 1. de Clericis. cap. 29. et 30. fusa eam propugnans: Alexander Sperellus Decis. 37. Fori Ecclesiastici. nu. 1. allegans plures alios, tum Theologos, tum Canonistas; et subjunget, quod haec sententia fuerit canonizata a Rota in Decis. 10. n. 2. de Consuetud. in antiquiorib. Martia de Jurisdic. part. 2. cap. 6. per totum. Julius Claeus in Practic. Crimin. §. fin. quaest. 36. nu. 2. asserens post Alciatum in c. Cum non ab homine, nu. 2. de Judic. et aliis, hanc esse communem opinionem. Barbosa lib. 1. Jur. Ecclesiast. univ. cap. 39. §. 2. n. 5. et ibid. §. 5. nu. 3. citans plurimos alios. Layman lib. 4. tract. 9. cap. 8. n. 1. Fagnanus in c. Ecclesia sanctae Mariae. nu. 10. et seqq. de Constitut. dicens, quod celebrior gravissimorum Interpretum sententia est, eam exemptionem esse de Jure Divino. Pirhing h. t. num. 107. et seqq. ubi, cum utriusque sententiae fundamenta praemisisset, tandem n. 112. in fin. concludit, quod haec sententia sit communior Canonistarum, Jurisque Canonico conformior, et Statui Clericorum favorabilior, ac melioribus nitatur fundamentis, et merito praefenda sit. Engel h. t. n. 38. et alii.

Quaeritur III. Quid in tanta sententiarum diversitate, rationumque conflictu, praeceteris sit tenendum? Resp. I. Certum est, quod Clerici (quia et Ecclesiae, bonaque Ecclesiastica (Jure Divino sint exempta quoad ea, quae vere sunt spiritualia, Divina, seu Ecclesiastica, uti sunt, Sacramenta administrare, sacra munia, officiaque Ecclesiastica obire, interpretari Verbum Dei, poenas Canonicas sancire, aut remittere, vel in his dispensare; examinare, eligere, et instituere idoneos Ecclesiae Ministros; de dubiis circa Fidem, Sacramenta, Bene-

Scia Ecclesiastica, aliasque res sacras et supernaturales occurrentibus iudicare, et alia huiusmodi praestare, ad quorum cognitionem, seu executionem, supernaturalis cognitio requiritur, sique ad solam Potestatem Ecclesiasticam privative pertinent. Ita omnes Catholici; adeo, ut in hoc conveniant omnes utriusque sententiae assertores, ut notat Barbosa cit. cap. 39. §. 2. n. 5. ac in specie Covarruvias cit. cap. 31. Pract. Quaest. n. 2. Concl. 1. et Castro Prælo, ac Farinacius supra, n. 200. citati.

219 Ratio est: quia Potestas Ecclesiastica, quae circa iura spiritualia versatur, supernaturaliter a Deo instituta fuit, ac per Christum Dominum in Legem Evangelicam immediate tradita D. Petro, et ejus legitimis Successoribus, ac per hos inferioribus Clericis, non autem Principibus saecularibus: ergo. Antecedens patet ex illis verbis Salvatoris Matth. 16. ad Petrum Apostolorum Principem prolatis: *Tibi dabo Claves regni coelorum: et quodcumque ligaveris super terram, erit ligatum et in coelis: et quodcumque solveris super terram, erit solutum et in coelis.* Item Joan. cap. 21. *Pasce oves meas*, cum similibus. Accedit: quia Jure Divino Potestas Ecclesiastica est distincta a Civili, seu Politica; et haec illi comparata longe est inferior, quam si plumbi metallum, ad auri fulgorem compareretur, c. *Dua sunt quippe. dist. 96.* Et quanta est differentia inter Solem et Lunam, tanta est inter Potestatem Pontificiam, quae praestit diebus, seu spiritualibus, et inter Potestatem Regalem, seu Politicam, quae praestit noctibus, seu temporalibus, c. *Solita. de Majorit. et obed. Tacentur similia.*

220 Resp. II. Probabilius est, Jurique conformius, quod Clerici, Ecclesiae, bonaeque Ecclesiasticae, etiam in temporalibus Jure Divino a Civili Potestate sint exempta. Conclusionem hanc convincere videntur tum auctoritates, tum rationes pro posteriori sententia p. 14. 207. et deinceps allatae, ac ponderate suo rationes prioris sententiae multum excedentes. Accedit, quod eadem sententia Immunitati Ecclesiasticae, Statuque Clericali favorabilior existat: unde vel ex hoc capite potius amplectenda, et perseverante inter Doctores controversia, pro viribus defendenda nobis erit, ad imitationem Doctoris Subtilis Jo. Duns Scoti in 3. dist. 14. q. 4. §. *Quantum ad secundam quaestionem*; ubi in simili notabiliter pronunciavit: *In commendando Christum (Statumque Clericalem ab eodem institutum) malo excedere, quam deficere a laude sibi debita, si propter ignorantiam oporteat in alterutrum incidere.* Eadem sententia suadet ex hoc, quia ex una parte omnino concedendum est, exemptionem Clericorum etiam in temporalibus aliqua ratione esse de Jure Divino, propter clarissimos textus Juris Canonici; n. 208. 209. 210. et 211. relatos; ex altera parte nulla ratio convincit, dictos textus esse improprie accipiendos, prout liquet tum ex dictis n. 222. et seqq. tum amplius patebit ex solutione rationum pro altera sententia superius allatarum.

221 Et quidem imprimis, num. 194. dicitur, quod nec ex Sacra Scriptura, neque ex Traditionibus constet exemptionem Clericorum esse de Jure Divino. Resp. neg. assumptum, ob auctoritates, et rationes in favorem nostrae sententiae copiose adductas, juncta praesertim declaratione Ecclesiae in jam citatis Canonibus contenta: haec enim omnia insimul sumpta, licet necdum nostram sententiam convincant esse Fide Divina credendam, sique adhuc sit locus disputationi inter Theologos et Canonistas; eam tamen reddunt valde probabilem, et multum probabiliorem contraria. Dum vero additur, quod ex iisdem, videlicet Sacra Scriptura et Traditionibus,

potius laboretur oppositum, id omnino negatur.

Neque urgent ibidem adducta Sac. Scripturae loca. Ad istud quippe Matth. 22. ubi Christus, interrogatus, num liceat censum dare Caesari, audita hujus imagine, et superscriptione appositae dixit: *Reddite ergo, quae sunt Caesaris, Caesari*: facile respondetur, ipsum locutum fuisse de Laici, utpote in ordine ad quos interrogabatur. Et quia illico adjecit: *Et quae sunt Dei, Deo*: Bona autem Ecclesiarum, Clericorum, et pauperum usibus deputata, sint res Dei, juxta dicta n. 211. hinc textus ille Evangelicus in oppositum urget, probando videlicet, juxta Salvatoris estatum, et sic Jure Divino, ejusmodi Bona Ecclesiastica esse reddenda Deo, seu in pios usus roganda; non autem, subiacere jurisdictioni, atque exactionibus Caesaris, seu principum saecularium.

Ad istud Matth. 17. ubi Christus pro se, ac Petro, 223 jussit solvi tributum, respondetur, id factum esse scandali vitandi causa; ut patet ex ipsomet textus Evangelico, ibi: *Ut autem non scandalizemus eos, vade etc.* Imo ex hoc ipso loco Doctores nostrae sententiae fortissimum pro se formant argumentum, at jam supra n. 206. declaratum fuit.

Ad istud Rom. 13. ac nonnullos alios consimiles 224 textus Sac. Scripturae respondetur, ibi solum dici, quod generatim omnes homines, etiam Clerici, debeant subditi esse legitimis suis Superioribus, sique debitam reverentiam et obedientiam exhibere: nulli autem dici, quod Reges saeculi sint legitimi Superiores, ac Judices Clericorum. Alioquin quippe oves Pastoribus, filii Parentibus, ac temporalia spiritualibus praecederent. Bellarminus cit. lib. 1. de Clericis, cap. 30. §. Quarto. et concordat c. *Solita. de Majorit. et obed.*

Nec urget exemplum S. Pauli, appellantis ad 225 Caesarem, Actor. 25. Nam ibidem Paulus Apostolus fuit Actor contra Festum Judicem injuste se gravantem, ac Judaeis tradere volentem: est autem generale, quod Actor sequatur forum Rei, c. *Cum sit generale. h. 1. cum similibus.* Unde etiam de flecto Clericus agens contra Laicum in causa temporali, tanctur ipsum convenire coram Judice saeculari. Tergitur, quod illis temporibus Ecclesia nondum habuerit plenum usum, atque exercitium suae potestatis ac iuris, sed tantum quoad habitum et originem.

Ad confirmationem, et diversos textus Juris Canonici, num. 195. allatos, respondetur, plerosque Canones, in quibus dicitur, primitivam Ecclesiam ex agris, seu de exterioribus suis, solvisse tributum, commodè explicari de tributis, aliisque oneribus mere realibus, quae ab antiquo bonis illis impositae fuerunt, sique cum onere suo ad Ecclesiam pervenerant, et loquitur Glossa ibidem allegata: ex hoc autem nihil sequitur contra nostram sententiam. Quin imo etiamnum hodie Ecclesiae, atque Clerici, aliaeque personae Ecclesiasticae, de agris, ac exterioribus suis possessionibus, id quod antiquitus constitutum fuit ( hoc est, tributa, aliaeque onera realia ) pro pace et quiete, qua eos tueri et defensare debent, Imperatoribus, aliisque Principibus saecularibus persolvere tenentur, can. *Tributum. 23. q. 8.* atque incunctanter solvant, cap. 1. juncta Glossa §. *Praeter Ecclesiasticum, de Censib. et Elem. 1. eod.* haud obstante, quod nunc indubitate constet de privilegio Fori ipsius competentis.

Quod si nonnulli Canones velint, Ecclesiam usum 227 de agris suis alia etiam tributa solvisse: respondetur, id sub initio nascentis Ecclesiae, atque ad exemplum Christi Domini, didrachma solvantis pro evitando pusillorum scandalo, Matth. 17. observatum.

Autem, non de jure, sed de facto: quia tunc Clerici, ipsaque Ecclesiae, Principibus saecularibus etiam-  
 228 nam Regibus quoad hoc parere debebant, ac Chri-  
 stiana Fides ac Religio majus damnum pateretur.  
 Riching h. t. n. 112. Quia imo in publicis necessi-  
 tatibus, ac servatis servandis, quae continentur in  
 c. Non minus. 4. et c. Adversus. 7. et Clem. un. de  
 Immunitat. Eccles. etiam de facto Clerici praestant  
 Laicis extraordinaria subsidia, seu summas collectas,  
 absque ulla ipsorum subjectione ad ipsos.

Ad alios textus juris num. 196. relatos, in qui-  
 bus exemptio Clericorum attribuitur Privilegiis, et  
 Constitutionibus tam Canonice, tunc imperialibus.  
 Resp. cum illa in can. Si Imperator. dist. 96. quod  
 hujusmodi Privilegia, et Constitutiones, quae eman-  
 narunt circa Clericorum exemptionem, non sunt nisi  
 si juris declaratio: hoc est, non continent Jus nor-  
 vum, sed duntaxat Jus antiquum, naturalis videli-  
 cet ac divini, declarationem. Nam, et inquit Alex.  
 Sperellus cit. Decis. 37. Fori Ecclesiastici, num. 1.  
 post Rotam Decis. 10. n. 2. de Consuetud. in anti-  
 quiorib. et Suarez in Defens. Fidei Catholicas lib. 4.  
 cap. 8. n. 9. et seqq. dicta Immunitas Clericorum, quae  
 immediate ac proprie est de Jure Divino, postmodum  
 a Jure Canonico, declarante Jus Divinum, detec-  
 ta fuit, et quoad usum atque exercitium a Princi-  
 pum Orthodoxorum Sanctionibus emanata, et sta-  
 bilita: sicque potest dici esse de Jure humano posi-  
 tivo quoad declarationem, confirmationemque, et  
 quoad usum ac exercitium ejus (haec enim proxime  
 habentur ex Canonice Constitutionibus, et imperia-  
 libus Privilegiis) non autem secundum se, ac pro-  
 prie: sic enim immediate provenit ex Jure Divino.

Ad rationem nu. 197. in favorem prioris senten-  
 tiae allatam, negatur sequela. Licet enim exemptio  
 Clericorum, ipsaque Immunitas Ecclesiastica, se-  
 cundum se ac generatim spectata, sit Juri Divini,  
 tum naturalis, tum positivi, ac. per Ecclesiam de-  
 clarati: nihilo minus quoad casus individuales, seu  
 quantum ad ejus executionem in particulari ejusdem  
 determinatio ac moderatio pertinet ad iudicium,  
 atque ordinationem Ecclesiae, Christique in terris,  
 Vicarii Romani Pontificis, arg. c. Inter corporalia  
 de Translat. Episc. Ubi dicitur quod Romanus  
 Pontifex, Christi Vicarius, possit etiam spirituale  
 conjugium, inter Episcopum et Ecclesiam contra-  
 ctum, ac Divino solum iudicio reservatum, pro-  
 pter ejus translationem, depositionem aut cessionem  
 dissolvere: Non enim (ait textus ibi) humana,  
 sed potius Divina potestate conjugium spirituale dis-  
 solvitur. Simile quid contingit in Residentia Cleri-  
 corum in Beneficiis curatis, quae quae Juri Divi-  
 ni passim latentur Doctores, conformiter Concilio  
 Trident. Sess. 23. cap. 1. de Reform. et tamen quoad  
 casus particulares plerumque a Sacris Canonibus, et  
 Sede Apostolica, patitur moderationes, dispensa-  
 tiones ac limitationes. Tenetur, quod ipsummet  
 Praeceptum naturale, ac Divinum Decalogi, Non  
 occides, patitur limitationem in casu Belli legiti-  
 mi auctoritate indigenti, vel quando auctoritate pu-  
 blica occiduntur malefactores, et similibus.

Ad extensionem privilegii Fori in ordine ad Mo-  
 nachos, et Moniales, patet per idem. Licet enim  
 hujusmodi extensio, ob favorem Religionis, aliis-  
 que gravissimis de causis, ad hujusmodi personas  
 Regularis facis fuerit auctoritate Ecclesiae: ipsum  
 nihilo minus privilegium exemptionis, jam antea  
 competeat statui Clericali, per Jura et fundamen-  
 ta superius allata.

Porro Immunitatem localem Ecclesiarum, vul-  
 go Jus Asyli: non competere Ecclesiis, aliisque  
 prius Locis, Jure Divino, ac naturali: sed duntaxat  
 Jure humano positivo, tum Ecclesiastico, tum Im-

REIFFENSTUEL Jus Can. Tom. II.

periali: statetur quidem communior Doctores, atque  
 agnomitque docui in Theologia Morali. Tract. 12.  
 Dist. 2. n. 2. et seqq. exinde tamen nihil inferitur  
 contra Conclusionem nostram. Tum quia Immuni-  
 tas localis jam gaudet alio privilegio sibi competen-  
 te ex Jure naturali, ac Divino: videlicet, ut actus  
 profani, ac more saeculares, a Locis sacris arcean-  
 tur. Tum quia jus Asyli est valde diversum ab Im-  
 munitate reali, et personali: et diversis autem  
 non valet illatio ab uno ad aliud, l. Duobus. ff. de  
 Testament. tutel. Card. Tuschus Littora. A. Concl.  
 510. num. 2. id ultimum probans ex l. Papianus.  
 ff. de Minoribus.

## S. X.

Alia dubia circa Privilegium Fori Clerico-  
 rum solvantur.

## SUMMARIUM.

- 232 Privilegium Fori Clericorum, an possit tel-  
 li a Papa? Et n. seqq.
- 233 Papa nequit dispensare, aut immutare Jus,  
 quando inde resultat decoloratio status Eccle-  
 siae universalis.  
 Nec privilegium Fori Clericorum eo tunc tel-  
 lere. Ibid. Et n. praeced.
- 234 Bene tamen in causis particularibus, quae na-  
 tiones valde urgentes, immutare.
- 235 Atque ita de facto contingit. Et n. seqq.
- 236 Privilegium Reipublicae Venetae procedendi  
 contra Clericos, refertur.
- 237 Laicus qualiter ex concessione Papae possit  
 procedere contra Clericos?
- 238 Solvitur alia instantia.
- 239 Privilegia procedendi contra Clericos, per  
 Bullam Coenae revocantur.
- 240 Non valet consuetudo, ut Clerici coram Judi-  
 ce saeculari conveniantur in criminalibus.
- 241 Nec etiam, ut in civilibus.
- 242 Clericus nequit renuntiare privilegio Fori.
- 243 Solvuntur instantiae. Et n. seqq.
- 244 Privilegium Fori non est beneficium personale,  
 sed toti Collegio Ecclesiastico indultum.
- 245 Pacto privatorum, an Juri publico deroga-  
 tur? Et n. 243. et 247. et seqq.
- 246 Privati, qui dicantur?
- 247 Jus publicum tripliciter distinguitur.
- 248 Mulier potest renunciare S. C. Pellojano, non  
 autem filius familias S. C. Macedoniano: et cur?
- 249 Clericus Actor debet convenire Laicum coram  
 Iudice quo saeculari.
- 250 Regula de privilegio Fori Clericorum, plures  
 patitur fallentias.
- 251 I. In causis feudalibus.
- 252 II. In Clericis conjugatis: et quando?
- 253 III. In Clericis Minoribus, nullam ex requi-  
 sitis conditionem habentibus.
- 254 IV. In Clericis histrioniam exercentibus.
- 255 V. In Clerico ter admonito, et incorrigibili.
- 256 VI. In Clericis criminis Assassinii committentibus.
- 257 VII. In Clericis, qui se immiscuunt enormita-  
 tibus.
- 258 Refertur circa hoc Declaratio Sac. Congre-  
 gationis Concilii Tridenti.
- 259 Alii casus, in quibus amittitur privilegium  
 Clericale. Remissive.
- 260 Clerici nequeunt privilegio Clericali renun-  
 ciare verbo, bene tamen facto.
- 261 Seu, non expresse: bene tamen tacite, eo  
 quod Juri ministerio.



- 262 *Sacripsons statum Clericalium, vel Monachatum, an circa antea gesta gaudet privilegio. Fori? Et num. seqq.*  
*Re adhuc integra gaudet. Ibid.*
- 263 *Si res non amplius est integra, variant Doctores. Et num. seqq.*
- 264 265 et 266. *Loquendo de causis civilibus, si Judex saecularis citatione praevenerit, potest is causam persequi etc.*
- 267 *In causis criminalibus est distinguendum, an Datus post commissum crimen assumpserit Clericatum sine fraude, an in fraudem.*
- 268 *Idque probatur.*
- 269 et 270. *Laicus criminosus, quando censeatur in fraudem assumpserit statum Clericalem?*
- 271 *Requiritur declaratio Judicis Ecclesiastici super fraude commissa etc.*
- 272 *Hac secuta potest Judex laicus procedere contra ejusmodi Clericum, cumque punire pecuniaria, non vero corporali, donec fuerit degradatus.*
- 273 *Quid juris, si super Clericatu malefactoris, per Judicem laicum capti, et dicentis se esse Clericum, oriatur quaestio? Et n. seqq.*
- 274 *Cognitio hujus causae spectat ad Judicem Ecclesiasticum.*
- 275 *Vocato tamen Judice saeculari, vel alio cujus interest.*
- 276 *Malefactor ille stante dubio debet remanere pene Judicem laicum, qui tamen tenetur superaddere quovis processu contra eum.*  
*Quaestio Clericatus est praepjudicialis. Ibid.*
- 277 *Quid, si constet malefactorem illum esse Clericum?*  
*Aut is communi existimatione habitus fuerit pro Clerico? Ibid.*
- 278 et 279. *Vel fuerit deprehensus in habitu Clericali?*
- 280 *Aliae quaestiones circa privilegium Fori Clericorum. Remissive.*
- 232 *Queritur I. Utrum exemptio Clericorum, si ve privilegium Fori, possit tolli a Summo Pontifice? Resp. I. Quamvis Papa ex toto, ac simpliciter, privilegium Fori tollere non possit, cassando videlicet illud quoad omnes Clericos, omnesque eorum causas: nihilo minus potest illud ex rationibus valde urgentibus, pro diversitate temporum, et variarum circumstantiarum exigentia, quoad certas personas, causas, aut loca restringere, atque immutare. Ita Doctores communiter, tam illi, qui exemptionem Clericorum asserunt esse de Jure Divino, quam qui hoc negant: licet, quantum ad posteriorem partem, Covarruvias. *Pract. Quaest. cap. 31. num. 6. Farinellus lib. 1. Criminalium, tit. 1. de Inquisitione, quaest. 8. n. 4. Castro Palao tract. 12. de Religione, punct. 1. num. 7. et alii, bene observent, istud posse facilius fieri quoad Clericos primae Tonantiae, quam quoad Clericos in Sacris constitutos.**
- 233 *Ratio prioris partis est: quia, licet Papa secundum plenitudinem potestatis de jure possit supra jus dispensare, illudque ex causa rationabili de novo revocare, c. Proposuit. 4. de Concess. Præbend. non tamen potest hoc facere, quando ex tali dispensatione, seu immutatione, decoloraretur status Ecclesiae universalis; ut docet Glossa *ibid. q. Disputare*, id probans ex *can. Memor. sum. 24. q. 1. et Abbas in cit. c. Proposuit. num. 14. hoc ulterius probans ex *can. Eui illa. q. 7. Archidiaconus in *can. Sicut quidem. 25. q. 1. et alii. Siquidem potestas est tradita Papae a Deo in aedificationem, et non in destructionem Ecclesiae. 2. Corinth. cap. 13. et 13. ad****

probare, quod rectae ejus gubernationi contrarietur, statimque Ecclesiae universalis decoloratur, ac deturpat, censetur de jure impossibile, l. *Filius qui. ff. de Conditionib. institut.* Atqui decoloraretur status Ecclesiae Universalis, si privilegium Fori simpliciter, ac ex toto tolleretur: sic enim spiritualia temporalibus, Divina terrenis, Ecclesiastica politicis, Superioresque inferioribus, et pastores subicerentur oculis, harumque judicio committerentur, et hac ratione omnia susque deque vertentur.

Altera pars probatur ratione, a contrario desumpta: nam ex eo, quod Papa in causis particularibus, aut quoad certas duntaxat personas ex rationibus valde urgentibus dispensando, declarando, vel ordinando, quidpiam immutat circa exemptionem Clericorum, nequaquam decoloratur status Ecclesiae Universalis. Quin imo talis potestas in Summo Pontifice (qui non puri hominis, sed veri Dei vicem gerit in terris c. *Quanto, de Translat. Episc.*) pro ipsarum Ecclesiarum necessitate, atque utilitate requiritur: prout in simili dici solet de potestate dispensandi in votis, juramento, Residentia Curatorum, et aliis similibus.

Hoc ipsum, videlicet, quod ex causa valde urgente, ac rationabili fieri possit, quin et de facto facta fuerit quaedam restrictio ac limitatio privilegii Fori, seu exemptionis Clericorum quoad certas personas, causasque particulares, probatur inductione. Sic quippe contigit in Clericis conjugatis non habentibus debitas conditiones, in *cap. ult. de Cleric. conjugat. in 6. requisitis*. Item in Clericis Minoribus, qui nullam habent conditionem ex requisitis a Concilio Trident. *Sess. 23. cap. 6. de Reform.* Ac etiam in Clericis incorrigibilibus; prout amplius ex dicendis in progressu patebit. Nam ex eo, quod talibus auferatur privilegium Fori, quo se vel ob commissam criminis reddunt indignos, vel saltem ob defectam requisitarum conditionum minus dignos, non solum non deturpatur, sed potius conservatur status Ecclesiae Universalis.

Insuper, quod Papa possit ex gravibus motivis cuiuspiam saeculari Judici, vel Principi concedere, seu delegare potestatem cognoscendi certas causas Clericorum; tenet Glossa in *can. Bene quidem. q. Praeter Romanum. dist. 96. Abbas in c. Ecclesia sanctae Mariae. n. 6. et Felinus *ibid. num. 6. de Constitut.* Fagnanus in *c. Perniciosam. n. 59. de Offic. Ordinar.* dicens, hanc esse communem opinionem. Julius Clarus *lib. 5. Criminal. 5. fin. quaest. 41. num. 8. et Farinellus cit. lib. 1. tit. 1. quaest. 8. num. 4. allegans alios. Atque ex his Gigas lib. 1. de Crimine laesae Majestatis. Tit. Quis de crimine laesae Majestatis cognoscere possit. num. 20. et 21. testatur, se vidisse, et legisse privilegia Reipublicae Venetorum a Sede Apostolica concessa; vigore quorum, in atrocioribus criminibus, ut puta laesae Majestatis, Falsae monetae, ac nefandae Sodomiae, possint procedere contra quoscunque Clericos, etiam in Sacris constitutos: in caeteris autem criminibus contra illos solum, qui nec sunt Beneficiati, nec in sacris Ordinibus constituti. Et dictum privilegium a Clemente VII. Reipublicae Venetae concessum, ex parte adducit Fagnanus in *cit. c. Ad audiendam. num. 122. de Rescript.* Sicut et Regi Galliae ex privilegio, et auctoritate Romani Pontificis, competere facultatem cognoscendi certas causas Ecclesiasticas, praeter Bonbosam *lib. 1. Jur. Eccles. un. cap. 39. §. 2. num. 161. referunt plures Auctores.***

Nec obstat, quod in Laicum ius spirituale non cadat, *can. Bene quidem. dist. 96. et c. Sacro Sancta. 61. de Electi.* et notat Glossa *fin. c. Causam. quas. 7. de Rescript.* ac proinde non videtur, qualiter ex pri-

- privilegio, seu speciali concessione Papae, possint procedere contra Clericos. Resp. enim, hoc solum sequi, quod Laici id propria auctoritate facere non possunt: secus, si id sit ex commissione, seu delegatione Romani Pontificis, utpote in causis criminalibus, et civilibus Clericorum, plenariam potestatem habentis. Ubi enim Papa committit Laicis certas causas Clericorum exequendas, non dat ipsis, aut hoc faciant propria auctoritate, sed ut id exequantur tanquam Ministri, et Delegati Pontificis; hoc est, potestate delegata, et nomine Pontificis, in cujus persona fundatur jurisdictio, et cujus jurisdictione tunc Laici illi utuntur, L. 1. §. Qui mandatum. ff. de Officiis ejus cui mandata dnt. Innocentius in c. Quod sitis. et ibi Hostiensis de Election. Felinus cap. 2. n. 3. de Majorit. et obod. Barbosa ad cap. 39. §. 2. n. 192. citans illos, et concordans dicta Lib. 1. Decretal. Tit. 29. De Officio et potestate Judicis Delegati. §. 4. n. 92.
- 238 Nec etiam obstat, quod privilegium Fori, juxta probabiliorum sententiam, competat Clericis Jure Divino. Resp. enim cum Felino loc. cit. n. 2. et 3. Archidiacono in can. Sunt quidam. 25. q. 1. et aliis, inde solum sequi, quod Papa dictum privilegium non possit tollere ex toto, secus, ex gravibus causis dispensando in particulari. His adde dicta superius §. praec. n. 229.
- 239 Notat tamen Barbosa loc. cit. num. 194. post Marcham de Jurisdic. part. 4. casu 7. num. 12. et alios, quod hujusmodi privilegia procedendi contra Clericos, si quae Laicis concessa fuerunt a Sede Apostolica, revocentur per auctoritatem publicationem Bullae Coenae Domini. Verum de hoc alii, attendendo praesertim, an dicta Bulla ubique locorum quoad hoc sit recepta.
- 240 Queritur II. Utrum consuetudine induci possit, ut Clerici coram Judice saeculari conveniantur? Resp. I. Loquendo de causis criminalibus, certum est, Clericos ita coram Judice Ecclesiastico conveniendos esse super quocunque crimine, ut non valeat ulla consuetudo in contrarium, etiam immemorialis. Textus est in c. Clerici. 8. de Judiciis, juncta Glossa fin. et DD. ibid. estque jam dictum supra Tit. praec. §. 4. n. 86.
- 241 Resp. II. Etiam loquendo de causis civilibus, nequit ulla consuetudine induci, aut cohonestari, ut Clerici conveniantur coram Judice saeculari. Ita Abbas in c. Clerici. n. 8. et Jo. Andreas ibid. n. 3. de Judiciis, Carolus de Grassis de Effectibus Clericatus, effect. 1. n. 1. et seqq. hanc quaestionem plene pertractans; et alii, qui citant Capitulum Clerici, expresse loquens de causis criminalibus, recte extendant ad causas civiles: quidquid dubitare, ad limitate videatur Covarruvias Pract. Quaest. cap. 31. num. 5. Concordat 6. Qualiter et quando. 17. soci. ubi Pontifex generaliter ac positivas interdict, ne Clerici ad saeculares trahantur iudicium, etiam data suorum Praelatorum negligentia, illis verbis: Ne pro defectu justitiae Clerici trahantur a Laicis ad iudicium saeculare, quod omnino fieri prohibemus. Ubi ponderandum ly omnino: quae est dictio praecisa, habetque vim Decretis irritantis; ut late ostendit Barbosa in Dictionib. usu frequent. Dict. 240. n. 12. et seqq. Accedit ratio: quia talis consuetudo est contra libertatem Ecclesiasticam: atque contra hanc nulla valet consuetudo, etiam immemorialis: prout fuit, ac ex professo dictum est Lib. 1. Decretalium. Tit. 4. De Consuetudine. §. 3. num. 81. et seqq. ibi videtur.
- 242 Queritur III. Utrum Clerici possint renunciare privilegio Fori? Resp. cum communi DD. negative. Quia enim privilegium Fori non solum Jure Naturae, verum etiam Jure positivo probabiliorum sententiam

Divino, fuit introductum, non in privatum favorem personae, sed in publicum totius Ordinis Clericalis; hinc Clerici neque in causis criminalibus, neque etiam in civilibus, nec sponte, nec coacte, neque etiam accedente adversarii voluntate, aut juramento, potest renunciare privilegio Fori, et sibi Judicem laicum constituere, aut ejus jurisdictionem in se prorogare. Ita expresse decisum habetur in o. Si diligenti. 12. et c. Significasti. 18. h. t. Concordat can. Nemo unquam. et can. Si quispiam. et can. Pervenit. et can. Insuper. et can. Placuit. 11. q. 1. ubi hoc ipsum sub gravibus poenis prohibetur. Accedunt dicta superius §. 6. nu. 140. et 141. de prohibita prorogatione jurisdictionis saecularis in Clericum.

Dices. Quilibet potest juri suo renunciare: ergo saltem accedente adversarii consensu, potest Clericus in causis temporalibus sibi Laicum judicem constituere. Resp. conformiter cit. c. Si diligenti. h. t. Antecedens duntaxat procedere, quando jura, seu privilegia cuiuspiam competens, est duntaxat personale, id est, in merum favorem privatorum singularium concessum: secus, si quid pro bono publico sit concessum. Nam certum est, Pacto privatorum juri publico minima derogari. Prout ibidem loquitur Pontifex. Concordat textus in 4. Jura publica. ff. de Pactis. ibi: Jura publica privatorum pactis mutari non possunt: cum concordantiis.

Sic autem fieret, atque privatorum pacto derogaretur Juri publico, si Clericus posset ante exemptionem renunciare: cum juxta cit. c. Si diligenti. h. t. privilegium Fori non sit beneficium personale, cui renunciare valeat, sed potius toti Collegio Ecclesiastico publico sit indultum, cui privatorum pacto derogare non potest. Idem de privilegio Canonis Clericorum habetur c. Contingit interdum. 36. de Sententia excomm. ubi is, qui in Clericum, etiam volentem, manus iniecit violentas, atque injurias, declaratur esse excommunicatus; addita illa ratione: Cum illa Canon non tam in favorem Clerici ordinati, quam in favorem Ordinis Clericalis fuerit promulgatus. Et merito: nam redundaret in opprobrium totius Ordinis Clericalis, si Clerici, Divinis officiis specialiter dedicati, per saecularia iudicia vagari, et patres a filiis dijudicari, aut injuriose verberari possent.

Urgebis. Pactis privatorum quandoque juri publico derogatur: ergo allata ratio non subsistit. Antecedi patet ex c. Si de terra. 6. de Privilegiis. et c. Ad Apostolicam. 16. de Regular. et L. ult. §. fin. ff. Ad S. C. Vellejan. In quo postremo loco clare dicitur, mulierem posse renunciare privilegio, quod Jure communi ex S. C. Vellejano toti status muliebri ob ejus fragilitatem concessum fuit, ut non obligentur fiducione: in prioribus autem, quod hinc possit renunciari a Novitulis ante probationem, illuc autem privilegio toti cuiuspiam Ordini concessum. Insuper in 4. Pacisci. ff. de Pactis, expresse dicitur: quod pactis contra Edictum Aedilium curulium omnimodo illicitum: nimirum, ut non agatur de animali, etsi molosseum sit: et tamen Edictum illud continet jura publicum. Tacentur similia plura.

Pro solutione hujus instantiae, ac recta intelligentia illius dicti, Pacto privatorum juri publico non derogatur: notandum est primo, Privatas hic idem esse, ac personas singulares: nam neque Episcopi possunt renunciare privilegio Fori, hanc obstante, quod in alio sensu non sunt privati. Quandoque enim Privati dicuntur, qui non sunt praediti aliqua Dignitate, arg. can. Qui contra. 24. q. 1. et explicat Glossa ibid. x. Privati.

Notandum est secundo, Jura publica posse distinguere tripliciter. Quandoque enim Jure publico san-

citur aliquid in merum favoram privatorum singillationem; et tali juri publico pactis privatorum renunciari potest. Quandoque Jure publico sancitur aliquid in favorem aliquorum pro publica utilitate ipsorum, et in odium aliorum, qui ipsis saepe sunt iniqui, aut infesti: et huic Juri publico nemo potest renunciare. Quandoque autem, seu tertio, statuatur aliquid Jure publico in favorem publicum: et huic etiam persona privata renunciare nequit, licet consequenter tendat in ejus favorem. Glossa in cit. c. Si diligenti. §. Pacto privatorum, et amplius declarat Abbas ibid. n. 7.

248 Ac per hoc patet ad instantias n. 245. factas. Nam per Jura ibidem allegata sancitur quidpiam, quod est introductum solummodo in favorem aliquorum singillationem: secus est in nostro casu, ubi privilegium Fori Clericorum constat esse introductum in publicum favoram totius Collegii Clericalis. Unde in simili, quamvis mulier possit renunciare S. C. Vellejano, utpote in favorem ipsius tantum introducto; non tamen potest filiosfamilias renunciare privilegio S. C. Macedoniano, ratione cujus non obligatur creditoribus si mutui, quia istud est introductum tum in odium creditorum, tum in favorem publicam parentum, quorum vitae alioquin filii, aut filiosfamilias insidiarentur, ut debita contracta ex obtenta paterna hereditate solverent. Glossa, Abbas, ubi supra, et alii.

249 Quamvis IV. An in nullo prorsus casu Clericus coram Jure seculari conveniri possit? Dicitur negantur, conveniri: quia si Clericus Actor, seu petitor existens, Laicum super re temporali in judicio conveniat, ejus Juresecutorem adire debet, can. E. periclitatur. et can. Si quisquam. c. 1. Nam generale est, ut Actor Forum licet sequatur, can. Verminem. §. q. 3. et cap. 1. et 8. h. t. Hinc etiam S. Paulus Apostolus, cum iniuste a Festo Praeside gravaretur, ad Caesarem appellavit, Actor. cap. 25. Hoc praenotato.

250 Resp. Regula illa de Privilegio Fori Clericorum plures patitur limitationes, seu fallentias: adeo, ut Stephanus Anserius Tom. 11. Tractatum, tract. De Potestate saecularium super Ecclesiis, et personis Ecclesiasticis, Reg. 1. viginti et unam fallentias adducat, in quibus Clerici coram Jure saeculari de criminibus conveniri possunt: et Reg. 2. ponit triginta tres fallentias, in quibus Clerici quoad causas civiles possunt coram Jure laico conveniri. Verum caetera dimissis juxta principales duntaxat afferre.

251 Primo itaque fallit Regula illa in Feudalibus. Si enim Clericus a saeculari Domino feudum acceperit, tenetur ratione illius feudi coram Domino saeculari judicium subire: et convenitur coram eo in actionibus tam realibus, quam personalibus, feudum concernentibus, c. Ex transmissa. et c. Verum, h. t. etque amplius declaratum Tit. praec. §. 5. per totum.

252 Fallit secundo in Clericis conjugatis: nam hi in rebus suis non gaudent privilegio Clericali; ac proinde, sicut alii conjugati, tenentur praestare consuetas exactiones, aliasque servitia, c. Ex parte. g. de Cleric. conjugat. Quia etiam de facto penitus non gaudent privilegio Fori, nisi simul habeant tres illas conditiones, quae ad hoc requiruntur in cap. ult. de Cleric. conjugat. in 6. et Concilio Trident. Sess. 23. cap. 6. de Reform. ut nempe voto unica, et virgine contraxerint: ut deferant tonsuram, et vestes Clericales; et ut ab Episcopo deputati, quidam Ecclesiae inserviant.

253 Tertio fallit allata Regula in Clericis Minoristis, nullam ex conditionibus, requisitis a Concilio Trident. cit. Sess. 23. cap. 6. de Reform. habentibus.

Siquidem expresse ibidem statuatur, ut Clericus in Minoribus constitutus privilegio Fori non gaudeat, nisi Beneficium Ecclesiasticum habeat; aut Clericalem habitum, et tonsuram deferens, alicui Ecclesiae ex mandato Episcopi inserviat; vel in Seminario Clericorum, aut in aliqua Schola, vel Universitate, de licentia Episcopi, quasi in via ad majores Ordines suscipiendos, versetur.

Fallit quarto in Clericis histrioniam exercentibus. 254 Nam, si quis eorum, per integrum annum artem illam ignominiosam exercuerit, ipso jure privatus existit omni privilegio Clericali; si autem tempore breviori, et tertio monitus non respuerit, tunc saltem per sententiam amittet omne privilegium Clericale. Textus est in cap. un. de Vita et honest. Cleric. in 6.

Fallit quinto in Clerico ter admonito, et adhuc incorrigibili. Nam si Clericus de gravi crimine, v. g. furto, homicidio, perjurio fuerit convictus, is primo deponendus est ab Episcopo: et si depositus, adhuc incorrigibilis sit, est excommunicandus, et successive anathematizandus: et si in profundum malorum veniens contempserit, per Iudicem saecularem comprimendus, c. Cum non ab homine. 10. de Jure. Quo in loco dari a Lege fictam degradationem, et traditionem Curiae saeculari, notat Menochius de Arbitrar. Judic. casu 415. n. 29. et Barbosa lib. 1. Juris Eccles. univ. cap. 39. n. 82. citans alios, idque a simili probans ex cap. 1. de Homicid. in 6. Quamquam alii cum Glossa fin. in d. c. Cum non ab homine, requirunt actualem traditionem Curiae saeculari: atque istud securius esse dicat Fagnanus ibid. n. 25. de quo vide dicta superius Tit. praec. §. 4. n. 107. et seqq.

Fallit sexto in Clericis crimine Assassinii committentibus, vel mandantibus. Nam hi communiter numerantur inter amittentes ipso jure privilegium Fori, juxta cit. cap. 1. de Homicid. in 6. ubi statuatur, quod praeter personas saeculares quilibet Praelatus, vel Clericus, qui per Assassinos quempiam interfecerit, vel manderit (etiam morte non secuta) excommunicationis, et depositionis a dignitate, honore, ordine, officio, et beneficio incurrat poenas ipso facto. Sitque a toto Christiano populo perpetuo diffidatus; id est, orbatus, et absque spe auxilii et favoris, et consequenter omni prorsus Clericali privilegio destitutus. Verum ex nova Constitutione Clementis VIII. quae incipit, Aequa et circumspecta (atque refertur Tom. 3. Bullarii Romani, Constit. 37. dicti Pontificis) non potest Juxta laicus procedere, et punire Clericum pro crimine Assassinii, nisi praecedente declaratione Jucis Ecclesiastici.

Fallit septimo in Clericis, qui se immiscant enormitatibus: id est, pluries talia crimina perpetrant, ex quibus incurritur infamia. Nam tales concurrentibus certis conditionibus, de quibus fere Doctores, amittunt privilegium Fori, arg. c. Perpendimus. 23. et c. In audientia. 25. de Sentent. excomm.

Notat tamen Barbosa cit. cap. 39. §. 2. n. 75. S. Congregationem Concilii Trident. in una Motulensi, 1. Februar. 1620. declarasse, quod Clericus, qui in habitu et tonsura la. impii et enormitatibus, et viciis pluribus, censeatur, absque monitione renuncians se privilegio Clericali: secus, si in habitu laicali haec perpetrasset, quia tunc requiritur monitio. Et quidem trina, c. Contingit. 42. et d. c. In audientia. de Sentent. excomm.

Omittuntur breviter causa alii casus, in quibus amittitur privilegium Clericale; et de quibus partim fit mentio in cap. ult. de Vita et honest. Cleric. et Clem. 1. cod. et cap. 1. de Apostat. partim sussumpt. agit Aufreine, ubi supra, et Barbosa cit. lib. 1. Juris Eccles. univ. cap. 39. §. 2. n. 66. et seqq.



260 Nec obstat, quod Clerici privilegio Fori renunciare nequeant, ut dictum supra num. 243. Resp. enim cum Glossa in *est. cap. ult. §. Cum factis. de Vita et honest. Cleric.* quod, quamvis ipso verbo Clericus privilegio Clericali renunciare non possit, *c. Si diligenti. h. t.* possit tamen eadem renunciare facto, quatenus se reddit ipso indignum. Tum quia, ut in *est. cap. ult. de Vita et honest. Cleric.* loquitur Pontifex, Clerici talia committentes ipso facto privilegium abjiciunt Clericatum a quo plus est statim renuciare, quam verbis, *arg. c. Diligenti. §. de Appellat. cum similibus.* Tum quia privilegium moratur amittere, qui permixta sibi abutitur potestate: ac frustra legis auxilium invocat, qui committit in legem; ut dicitur in *x. Contingit. §. fin. 46. de Sentent. excomm.*

261 Hoc ipsum, sed aliis terminis, tradit Fagnanus in *c. Odoardus n. 71. et 72. de Solution.* dicens, quod Clericus privilegio Fori non possit renunciare expresse, *c. Si diligenti, de Foro compet.* Bene tamen tacite, ac juris ministerio; videlicet, per actum contrarium, a Jure sub poena privationis privilegii Fori prohibitum; puta immiscendo se enormitatibus, non deferendo habitum vel tonsuram, ac hujusmodi.

262 Queritur V. Utrum suscipiens statum Clericalem, vel Monachalem, circa res ante Clericatum gestas, aut commissum ante grave crimen, gaudent privilegio Fori? Resp. I. Si res adhuc sit integra, non debet Clericus super Rebus in statu laicali gestis eorum alio, quam Ecclesiastico Judice conveniri. Ita Fagnanus in *c. Magnus n. 26. et seqq. de Obligat. ad ratiocin. non ordin.* et Engel h. t. n. 53. allegans communem. Ratio est: quia privilegium superveniens eximit quempiam a priore onere, quo tenebatur, *c. Cum Capella. de Privileg. et l. Spadonem. §. Si quis autem. et l. Insuperitos. ff. de Excusationib. Tutor.* Item Sacerdotium superveniens tollit munus publicum jam inunctum, *l. Praetor eos. ff. de Vacation. et excusat. muner.* Accedit, quod privilegium Fori loquatur indistincte: unde, veluti favorable, est extendendum, ac interpretandum largissime, *c. Odit. de Reg. Jur. in 6.* nec tamere restringendum ad obligationes contractas, vel delicta commissa primum post Clericatum.

263 Major difficultas est in casu, quando quis ante assumptum statum Clericalem, vel Monachalem, in Foro saeculari praevenitus fuit, sicque res non amplius est integra: et tunc diversae sunt Doctorum sententiae, uti videre est apud Abbatem in *cap. 1. n. 4. et 5. de Obligat. ad ratiocin.* Caeteris tamen sententiis brevitate gratia dimissis, ac pro majori claritate distinguendo inter causas civiles, et criminales,

264 Resp. II. Loquendo de causa civili, si Juxta saecularis praevenit citando Laicum postea promotum ad Clericatum, vel Monachatum, potest in causam prosequi, ac definitiva sententia terminare; ipsamque sententiam realiter erequi in bonis Clerici, non autem in hujus persona, ipsum v. g. ratione debiti postmodum incarcerando. Ita Fagnanus *loc. cit. n. 54. Speculator tit. de Reo n. 4.* asserens, ita tenere omnes; seu (ut intelligit Annotatio) fere omnes, licet quidam contradicant. Idque desumitur ex *c. Proposuisti. 19. h. t.* ubi legitime citatus tenetur coram Judice citante causam prosequi, quasi ab eo jam praevenitus, haud obstante, quod postea forum mutaverit: idque ibidem Abbas n. 13. Jo Andreas n. 2. Hostiensis, et alii intelligunt etiam in Laico, qui postea factus est Clericus. Concordet textus in *l. Si quis postea. ff. de Judiciis*, cum similibus.

Accedit ratio: quia, ubi coeptum semel est judicium, ibi debet finem accipere, *l. Ubi coeptum. ff. de Judic.* Simulque jurisdictio Judicis laici respectu causae ante Clericatum citatione praevenit, perpetuatur in Clericum propter principium habile, licet postea deveniat ad causam, in quo non poterat incipere; idque per Jura proxime citata: Quia imo ipsum privilegium exemptionis jam est praeventum per actum citationis a Judice laico factae; atque ideo non suffragatur. Fagnanus *loc. cit. n. 42.*

Additur notanter in Conclusionem, Non item in 266 hujus persona. Quia Juxta laicus non posset ratione contracti, v. g. antea debiti, talem postea jam Clericum factum personaliter astringere, aut incarcerare; cum persona Clerici omnino sit exempta a manu Judicis laici: ac proinde constructio personae ejus pertinebit ad solum Judicem Ecclesiasticum, ut omnes sententur, atque in simili habetur *c. Postulasti. 14. h. t. et cap. 1. de Raptorib.* Nam Clericatus eximit personam quoad omnem manus injectionem, ac distractionem; licet non eximat causam a jurisdictione praevenientis quoad ipsum processum. Idemque dicendum de Monachatu: quia, licet propter Characterem plura habet Ordo, quam Professio; tamen Professus Religionem mendo mortuus est, ac plura promittit. Jo. Andreas in *c. Magnus. num. 19. et 20. de Obligat. ad ratiocin.* ubi ex professo hanc questionem examinat.

Resp. III. Loquendo de causis criminalibus, 267 videtur distinguendum: Aut enim Laicus post commissum crimen assumit statum Clericalem, vel Monachalem, sine fraude; et tunc gaudet privilegio Fori, addo ut non possit a laica Potestate desuper judicari, et puniri. Aut assumit hunc in fraudem, ut nimirum a Judice saeculari forum declinet; et tunc ipse potest a Judice laico desuper judicari, et puniri poena pecuniaria, vel confiscatione bonorum, licet non poena corporali, donec fuerit degradatus, et traditus Curiae saeculari. Ita Jo. Andreas in *est. c. Magnus n. 13. et 20. de Obligat. ad ratiocin.* et Abbas *ibid. n. 5. §. Quoad primum.* Et Fagnanus *loc. cit. n. 6. §. et seqq.* allegans ad hoc Decisionem Sac. Congregationis Concilii Trident. in causa Alexandri, et Zuccari, Nepesinae Diocesis. Bartolos in *l. 1. §. Juxta praedicta. ff. de Poenis. Covarruvias Pract. Quaest. cap. 32. n. 4. Julius Clarus lib. 5. Criminal. §. fin. quaest. 36. num. 43. Farinacius lib. 1. de Inquisitione; tit. 1. quaest. 8. n. 107. et alii ab his citati; quamvis non pauci quoad secundam partem oppositum teneant.*

Ratio Conclusionis desumitur ex *l. Si maritus sit. §. Lege Julia. ff. Ad Leg. Jul. de Adulter. et l. Hos accusare. §. 1. ff. de Accusat.* ubi, qui abest bona fide Reipublicae causa, non potest recusari: si in fraudem, potest. Similiter *l. 4. et 5. ff. Ex quibus causis majores etc.* solummodo illis Majoribus, et graviter laeisis, subvenitur per restitutionem in integrum, qui bona fide, ac sine dolo malo, Reipublicae causa abfuerint: accur, si data opera ob proprium commodum, vel litis evitandae gratia, atque in fraudem coepissent Reipublicae causa abesse. Idem ergo a simili dicendum de bona fide, vel in fraudem assumptibus statum Clericalem aut Monachalem, post commissum crimen. Accedunt rationes num. 262. allatae, ac militantes in favorem eorum; qui bona fide suscipiunt Clericatum, vel Monachatum: ut, quia longo post commissum crimen tempore, et a nemine desuper inquietati, dictum statum ad agendam poenitentiam eligunt. Alioquin enim, quod fraus et dolo alicui petrocinari non debent, textus est

est in, c. *Sedes*. 15. de *Rescriptis*, cum concordantiis.  
 269. Et si petas, quandonam Laicus, criminiosus ce-  
 seatur in fraudem, assumpsisse statum Clericalem,  
 vel Monachalem? Respondent Doctores, praesumi  
 ejusmodi fraudem, quando quis, de commissio delicto,  
 jam ante susceptum, Ordinem, vel habitum  
 Monachalem, apud Judicem saecularem fuit accusatus,  
 vel denunciatus, aut saltem diffamatus: tunc  
 enim videtur, assumpsisse statum Ecclesiasticum, ut  
 se eximeret a jurisdictione, ac poenis Fori saecula-  
 ris, arg. l. ult. ff. de *Bonis eorum, qui ante sentent.*  
 ac notat Covarruvias cit. cap. 32. num. 4. §. *Fraus*  
 vero, Sigismund. Scaccia lib. 1. de *Judiciis*, cap.  
 12. num. 4. Julius Clarus d. §. *An. quæst.* 36. num.  
 44. et Farinacius, ubi supra. nu. 110. allegans plu-  
 rimos alios.

270. Verum tamen Fagnanus in d. c. *Magnus*. n. 39. §.  
*Sed haec opinio.* et n. 72. et 73. de *Obligat. ad ra-*  
*tiocin.* ex professo hanc opinionem, repit; atque post  
 Jo. Andrean loc. cit. n. 19. §. *Quarta est opinio*, et  
 alios, ad hoc, ut Index laicus possit ejusmodi Cle-  
 ricum, punire poena pecuniaria, vel confiscatione  
 bonorum, omnino requirit, quod Index laicus in  
 causa, praevenerit citando Reum ante mutationem  
 status, arg. c. *Proposuit*. h. t. et l. *Si quis postea*.  
 ff. de *Judiciis*. Unde ad id non sufficit sola denun-  
 ciatio, aut diffamatio super crimine commissio, nisi  
 ante mutationem status Reus ille etiam fuerit cita-  
 tione praeventus, sique perpetua jurisdictio Ju-  
 dicis laici in ipsum. Accedit alia ratio, quia in du-  
 bus non praesumitur fraus, l. *Merito autem* ff. *Pro*  
*Socio*. sed unusquisque praesumendus est bonus, cap.  
 ult. juncta Glossa fin. de *praesumpt.* Ergo ex sola Cle-  
 rici diffamatione, vel etiam accusatione, fraus non  
 recte praesumitur; cum adhuc bona fide, puta, ad  
 agendam poenitentiam, potuerit, Statutum Clerica-  
 lem, vel Monachalem, suscepisse, licet eadem die,  
 qua electus est Clericus, repertus fuisse accusa-  
 tus. Sigism. Scaccia cit. lib. 1. cap. 12. num. 6. Igitur  
 ad hoc insuper requiritur, quod praeventus fue-  
 rit citatione, sique perpetua sit jurisdictio Judi-  
 cis saecularis in ipsum, quam postea subterfugere  
 praesumi potest.

271. Addit Fagnanus loc. cit. n. 75. ad hoc, ut Index  
 laicus possit, procedere contra bonos Clerici post com-  
 missum crimen in fraudem promoti ulterius requiri,  
 quod praecedat declaratio Judicis Ecclesiastici su-  
 per fraude per ipsum, commissio, et interim Index  
 saecularis debeat causa supersedere. Quia enim ha-  
 jus jurisdictio fundatur, super qualitate fraudis,  
 priusquam de hujusmodi fraude per declarationem  
 Judicis Ecclesiastici constiterit, Laicus adhuc igno-  
 rat, se esse judicem competentem; ideoque de  
 hac fraudis qualitate, utpote jurisdictionem, tri-  
 buente, antea constare debet, l. 2. §. *Sed et si du-*  
*bitetur* ff. de *Judic.* et interim Index laicus causa  
 supersedere; prout in simili decernitur c. *Si judex*  
*laicus* 12. de *Sentent. excomm.* in 6. ibi: *Contra eum*  
*tamen interim quivis processus judicis (laici) peni-*  
*tus congauescat.* Concordat c. *Cum secundum*. 13. §.  
 fin. de *Haeretic.* in 6. ubi bona Haereticorum ipsi ju-  
 re confiscata, non possunt per Dominos saeculares  
 occupari, donec sententia declaratoria super crimine  
 per Judicem Ecclesiasticum fuerit promulgata.

272. Notanter vero dictum fuit num. 267. *Laet non*  
*poena corporali, donec fuerit degradatus.* Quamvis  
 enim Index laicus, post factam declarationem Judi-  
 cis Ecclesiastici super fraude in assumptione status  
 Clericalis per Clericum commissio, possit illico pro-  
 cedere ad cognitionem criminis per ipsam in statu  
 saeculari commissi, eoque probato Clericum reum  
 punire poena pecuniaria vel confiscatione bonorum,  
 si quae habet in territorio suo existentia: nihilo mi-

nus poenam corporalem eidem infligere non potest,  
 nisi Clericus ille antea fuerit degradatus, et tradi-  
 tus Curiae saeculari. Ita Jo. Andreas in cap. 1. n. 19.  
 n. 1. An. et Abbas ibid. n. 5. vers. *Concludendo.* de  
*Obligat. ad ratiocin.* Farinacius lib. 1. *Pract. Cri-*  
*min.* quæst. 8. n. 107. et 108. referens plurimos alios.  
 Sigism. Scaccia cit. lib. 1. cap. 12. n. 10. et 12. alle-  
 gans communem aliorum, doctum, quod degradatio,  
 quando Clericus est susceptus in fraudem, sit  
 necessaria solum pro distinctione personae, non item  
 respectu honorum. Nec immerito: quia Clericus  
 eximit personam quoad omnem violentiam manuum  
 injectionem, vel distinctionem Potestatis Laicalis,  
 donec sequatur degradatio, privata degradatum  
 omni privilegio Clericali, c. *Degradatio de Poenis*.  
 in 6. cum similibus: non vero eximit causam a ju-  
 risdictione praevonientis Judicis saecularis, quae per  
 citationem jam est perpetua, ob dicta §. 8. n. 167.  
 et 168.

Quaeritur VI. Quid juris, si super Clerico ma- 273:  
 lefactoris, per Judicem laicum capti, et dictis,  
 se esse Clericum, oriatur quaestio? Haec contro-  
 versia et professo reperitur decisa in Constitutione  
 Bonifacii VIII. quae refertur in c. *Si judex*. 12. de  
*Sentent. excomm.* in 6. atque (ut Glossa hic in  
 princ. loquitur) est, *expedient et utilis valde, et*  
*saepius practica.* Unde dictam Pontificiam res-  
 ponsionem, semper esse prae oculis habendam re-  
 cte monet Covarruvias *Pract. Quæst.* cap. 33. *cir-*  
*ca inis.* subiungens, quod eam, praeter Docto-  
 res ibidem, maxime commendaverunt Baldus in l. *Si*  
*quae per calumniam.* C. de *Episcop. et Cleric.* et  
 Caepolla *Consil. Criminal.* 10. et 11. quacumque di-  
 ctæ Constitutionis partem peculiari adnotatione per-  
 pendentes. Proinde memoratae Decisioni, Pontificiae  
 inhaerendo,

Resp. I. Quando super Clerico malefactoris 274:  
 controversia existit inter Judicem laicum et Ecclesia-  
 sticum, dubitando, videlicet, num. captus a Laico sit  
 Clericus, aut Clericali privilegio hic et nunc gau-  
 deat: tunc cognitio hujus causae, spectat ad Judi-  
 cem Ecclesiasticum, vocato tamen Judice saecula-  
 ri. Ita textus in cit. c. *Si judex*. 12. de *Sentent. ex-*  
*comm.* in 6. illis Verbis: *Si judex laicus malefacto-*  
*rem captum detineat, et is se Clericum dicens ad*  
*Curiam Ecclesiasticam petat remitti, vel Curia ipsa*  
*eum tanquam suum Clericum repetat, Judice ipsum*  
*inficiente Clericum, ac ob hoc minime remittendum:*  
*dubitationis hujusmodi, an scilicet sit qui repetitur*  
*Clericus, ad judicem Ecclesiasticum (quia de re Ec-*  
*clesiastica, et spirituali, vocato tamen judice saecula-*  
*ri, vel alio cujus interest) cognitio pertinebit.* Ob  
 quem textum adeo apertum, atque allegatum in eo cau-  
 sam dictae Constitutionis, ita tradiderunt ibi Canonistae,  
 et Rota Decis. 3. alias 202. Tit. de *Sentent. excomm.*  
 in novis. Covarruvias cit. c. 33. n. 1. Barbosa in cit.  
 c. *Si judex*. n. 2. de *Sentent. excomm.* in 6. istud  
 exemplificans in malefactore per Judicem saecularem  
 capto, de quo controversatur, an sit Clericus primae  
 Tonsurae, vel minorum Ordinum, deferatque habi-  
 tum Clericalem, aut omnes alias conditiones habeat,  
 quae juxta cap. un. de *Cleric. conjugat.* in 6. et Con-  
 cilio Tridentinum Sess. 23. cap. 6. *Reform.* requi-  
 rantur ad privilegium Fori, participandum: estque  
 communis Canonistarum: atque ex Civilistis Bal-  
 dus, et Caepolla, ubi supra Alexander *Consil.* 8.  
 n. 4. vol. 1. loquens de Clerico conjugato, de  
 quo Index Ecclesiasticus cognoscere habet, an sit  
 Clericus, et gaudere debeat privilegio Clericali.  
 Farinacius lib. 1. *Pract. Criminal.* quæst. 8.  
 num. 33. citans plurimos alios. Julius Clarus lib.  
 5. §. *An. quæst.* 36. num. 21. Menochius lib. 6.  
 de *Præsumpt. praes.* 76. num. 34. Mascardus de

*Probat. Concl. Spo. n. 7. et 8. et alii ob his allegati.*  
 275. Additur notanter in relato textu Iuris, vocato  
*tamen* Judice saeculari etc. Quia licet in tali casu  
 questio Clericatus cognosci, ac decidi debeat per  
 Judicem Ecclesiasticum, cum tangat rem Ecclesia-  
 sticam atque spiritualement, nihilo minus ista quo-  
 gnitio fieri debet vocato Judice saeculari, vel alio cu-  
 jus interest; prout loquitur Pontifex in cit. c. Si ju-  
 dex laicus de Sentent. excomm. in 6. Ubi Glossa &  
 Interest, istud exemplificat de adversario, qui illum,  
 de cujus Clericatu movetur questio, fecit capi, et  
 pro maleficio puniri; talis enim, sicut et alii, quo-  
 rum interest, antea sunt vocandi, ut jus suum pro-  
 sequi, et si quod habent, defendere valeant, c. In-  
 ter quatuor de Majorit. et obed. et l. Emptor. fundi.  
 C. de Exco. cum similibus.

276. Resp. II. Si igitur malefactor captus per Judicem  
 saecularem asserat, se esse Clericum, sicque petat  
 remitti ad Judicem Ecclesiasticum, tunc stante du-  
 bio quoad hoc debet is remanere penes Judicem sae-  
 cularem, donec cognitum fuerit per Judicem Ecclesia-  
 sticum de Clericatu: ita tamen, ut Judex saecularis  
 una cum aliis interesse habentibus, vocetur ad istud  
 iudicium, ipseque interim a quovis processu con-  
 tra captivum illum supersedere teneatur. Ita habe-  
 tur ex cit. c. Si judex. §. fin. de Sentent. excomm. in 6.  
 Accepit ratio prioris partis; quia stante illo dubio  
 Judex saecularis est in possessione malefactoris capi-  
 ti; quia ob nudam suam assertionem Clericatus spo-  
 liari non debet, donec causa ista, utpote spiritualis,  
 per Judicem Ecclesiasticum fuerit terminata.  
 Altera vero pars ex eo probatur: quia questio Cleri-  
 catu est praedjudicialis, cum faciat supire causam  
 principalem ex parte Judicis saecularis, si probabi-  
 tur Clericatus; juxta Glossam in casu d. c. Si judex;  
 ergo necesse est, ut, donec ipsa per Ecclesiasticum  
 Judicem decisa fuerit, processus Judicis saecularis  
 interim quiescat, ne alioquin confusione quadam ju-  
 dicii ordinem perturbari contingat; prout in simili  
 habetur in c. Tuam. d. de Ordine cognit. et c. Lactor. etc.  
 Causam quae inter. Quis filii sint legitim. Comperto  
 autem, quod ille sit Clericus, debet is remitti ad eun-  
 dem Judicem suum Ecclesiasticum. Et ita servari  
 attestatur Afflictus part. 1. Constit. Regni, rubr. 3.  
 post n. 19. quem citat; et sequitur Clarus cit. quae-  
 36. num. 21.

277. Additur notanter; stante dubio quia in dubio  
 melior est conditio Judicis laici, veluti possiden-  
 tis. Secus dicendum, si notorie constet, quod ma-  
 lefactor ille sit Clericus, qui privilegio Fori gaude-  
 re debeat (dum videlicet nullus ex casibus supra n.  
 251. et seqq. enumeratis intervenire dignoscitur)  
 vel si is publica fama, sive communi estimatione  
 habitus fuerit pro ejusmodi Clerico. Tunc enim sta-  
 tim ac in continenti, etiam ante cognitionem de  
 Clericatu, Ecclesiasticae Curiae reddi debet. Textus  
 est in cit. c. Si judex. §. Et si notorium. de Sentent.  
 excomm. in 6.

278. Resp. III. Hoc idem est consentendum (nempe,  
 quod captus a Judice saeculari ante cognitionem de  
 Clericatu sit reddendus Curiae Ecclesiasticae) si Reus  
 ipse ante deprehensionem pro laico publice se non  
 gerens, deprehensus fuit in habitu Clericali, Tonsu-  
 ram videlicet et vestes deferens Clericales: nam talem  
 debemus Clericum (donec constet de contrario) repu-  
 tare. Ita loquitur Pontifex in cit. c. Si judex. §. Idem  
 esse. de Sentent. excomm. in 6. Accedit ratio ibidem  
 assignata. Tum quia talis existit in possessione Cleri-  
 catu, unde non tenetur hunc probare; sicut et il-  
 le, qui in possessione ingenuitatis existit; si dicatur  
 ab alio libertinus, juxta Leges Civiles non ipse, sed  
 adversarius probandi necessitate constringitur. Tum  
 quia justum est, ut quis praesumatur talis, qua-

lis est ille, cujus fert habitum; donec contrarium  
 probetur; prout pluribus exemplificat Pontifex loc.  
 cit.

Dicitur vero notanter in relato textu, ante depre- 279  
 hensionem pro laico publice se non gerens. Nam secus  
 est dicendum; si malefactor ejusmodi ante suam ca-  
 pturam pro laico publice se gerebat, ac pro tali com-  
 munitate habebatur: talis enim; haud obstante, quod  
 tempore capturae fuerit repositus in habitu Clerica-  
 li, non est per Judicem saecularem restituendus Ju-  
 dici Ecclesiastico, quo usque ipse probet se esse  
 Clericum, fidem faciendo de Titulo Clericali; v. g.  
 exhibitis Formis seu Litteris Episcopalibus de  
 sua Ordinatione attestantibus; quamvis interim con-  
 tra eum quavis processus Judicis saecularis penitus  
 conquirere debeat. Textus est in cit. c. Si judex.  
 §. fin. de Sentent. excomm. in 6. Et ratio disparitatis  
 inter hunc, et priorem casum est: quia ibi praesump-  
 tio stabat pro Clericatu; in cuius possessione quis  
 fuerat ob delatum habitum Clericalem, ac publice  
 pro laico se non gerendo. Secus in isto posteriori ca-  
 su, ubi malefactor ante capturam supponitur pro lai-  
 co publice se gessisse, sicque praesumptio stat adver-  
 sus ipsum; ac proinde onus probandi Clericatum ipsi  
 incumbit; neque enim ad hanc probandum sufficit  
 sola delatio habitus Clericalis tempore suae captu-  
 rae; praesumitur enim, talem habitum fuisse ab ipso  
 tunc assumptum in fraudem, eo quod antea publice  
 pro laico se gessisset.

Posset hoc loco ulterius quaeri, num Clericus Lai- 280  
 cum conveniens coram Judice saeculari, possit ibi-  
 dem reconveniri? Verum haec questio commodius  
 tractatur, atque resolvitur Tit. IV. de Mutuis Poti-  
 tionibus. §. 2. Aliae etiam nonnullae quaestiones, huc  
 applicabiles, fuerunt resolutae Tit. praeced. §. 3. et  
 4. De immunitate vero rerum ad Ecclesiam perso-  
 nasque Ecclesiasticae pertinentium, commodius di-  
 cetur Lib. 3. Tit. 49. De Immunitate Ecclesiarum,  
 Coemeterii, et rerum ad eas pertinentium, in scripto.

### TITULUS III.

#### De Libelli Oblatione.

##### 1. Ratio continuationis Rubricarum.

Merito praecedens Titulus prioris subjungitur: si-  
 quidem constituto semel Foro competenti, pro-  
 ponitur per Actorem petitio Judici, et aequo Reo in  
 iudicium vocato notificatur; quod fieri solet per  
 Libelli oblationem. Etsi enim in Iudicio summano,  
 in quo proceditur simpliciter, et de plano; non sit  
 necessaria oblatio libelli, Clem. Saep. contingit. de  
 Verb. signif. sed sufficiat, si Actor voce, sive ore te-  
 nus proponat petitionem suam: quae tamen postmo-  
 dum, ut de ipsa constare valeat, per publicam per-  
 sonam fideliter ac diligenter inferenda est Actus pu-  
 blicis, c. Quoniam de Probat. Nihilominus in Ju-  
 dicio ordinario, de quo ex professo agitur hoc se-  
 cundo Libro Decretalium, prius necesse est, ut  
 intentio Actoris proponatur scriptis, sive per Libelli  
 oblationem; prout patet ex cap. 1. h. t. Hinc sit

##### §. I.

De natura Libelli, variisque ipsum  
 concernentibus.

#### SUMMARIUM.

##### 2. Libellus, quid?



- 3 Debet dari in scriptis. Et primo Judici, ac postea per hunc Reo. Ibid.
- 4 Ac debet esse brevis.
- 5 Et claram continere intentionem Actoris; et cur?
- 6 Redditur quinque modis obscurus.
- 7 Libellus alius civilis, alius criminalis.
- 8 Solet constare tribus partibus.
- 9 Qualiter sit concipiendus?
- 10 An, et quomodo oporteat in eo exprimere causam petendi? Et n. 14. et seqq.
- 11 Actio realis, et
- 12 Actio personalis, quid sit.
- 13 In utroque duplex potest distinguere causa petendi, proxima et remota.
- 14 In Libello debet exprimi causa petendi. Et num. seqq.
- 15 Alioquin Reus non tenetur respondere.
- 16 Si tamen Reus non excipiat, valet iudicium.
- 17 In Actione reali sufficit exprimere causam petendi remotam: secus, in personali. Et n. 14.
- 18 De Jure Canonico non est necessario exprimendum nomen actionis in Libello.
- 19 Ac in dubio censetur intentata actio, proae caeteris utilior Actori.
- 20 An de Jure Civili, necesse sit, in libello exprimere nomen Actionis?
- 21 Etiam secundum Canones admittitur Actor, exprimens in libello nomen actionis. Et quid, si proposuit actionem ineptam?
- 22 In libello actionum civilium opus est Conclusionem.
- 23 Secus in actionibus criminalibus.
- 24 Conclusio libelli in actionibus civilibus, qualiter facienda?
- 25 Solent eidem addi clausulae salutes; et cur?
- 26 Mutari, et Emendari libellum differunt.
- 27 Libellus Judici oblati potest mutari usque ad litem contestationem.
- 28 Solvitur instantia, et contraria opinio Glozæ rejicitur. An etiam saepius possit mutari? Ibid.
- 29 Post litem contestatam nequit mutari libellus.
- 30 Nisi refusus expensis velit Actor a priori instantia recedere.
- 31 Emendare libellum, licitum est usque ad sententiam.
- 32 Idque declaratur exemplis.
- 33 Actor exprimens in libello certam causam cumque non probans, succumbit, licet probet aliam.
- 34 Quoniam idcirco non prohibetur, ex causa illa nova denuo agere.
- 35 Res iudicata pro veritate accipitur, quomodo intelligendum?
- 36 Si Actor certam causam in libello non expressit, sufficit probare quamcunque justam causam, etiam supervenientem.
- 37 Idque amplius probatur.
- 38 Effectus oblationis libelli, qui? Et n. seqq.
- 39 Qualiter ipsa interrumpat praescriptionem?
- 40 Actor post libellum per judicem Reo porrectum obligatur licetam persequi; et quando secus.

2. **Q**uestitur I. Quid sit Libellus, quibusque partibus constet? Resp. I. Libellus est brevis scriptura, claram continens intentionem Actoris, sive accusatoris. Ita Abbas ad Rubricam h. t. n. 1. estque in re communis.

3. Dicitur primo, scriptura: quia, ut num. 1. dictum, libellus in scriptis dari debet, cap. 1. h. t. Et quidem primitus Judex libellus offerendus est, arg. cit. cap. 1. ibi: Synodo porrigere: ac deinde per Judicem debet transmitti Reo, ut ipsemet Reus spatio viginti dierum deliberare possit, an cedendum sibi sit, vel iudicio contendendum. Auth. Offera-

tur. C. de Litis contestat. et can. Inducias. §. Offeratur. 3. q. 3.

Et additur, brevis. Nam ejusmodi scriptura debet esse brevis (hac enim de causa diminutive dicitur Libellus) ac proinde Libellorum dictationibus cavendum, ne verbositate stantur assertionibus, neve inutilis, et ad intentionem Actoris non pertinentia immisceant, aut semel perorata superflue repetere gestiant; h. Ampliorem. §. In refutatoria. C. de Appellat.

Dicitur ulterius claram continens intentionem Actoris. Siquidem Libellus debet esse clarus et perspicuus, simulque certus, sive super re certa propositus: ita videlicet, ut Reus rite valeat intelligere, quid, quare, quantum, et ex quo titulo petatur; sique deliberare possit, an sibi cedendum sit, nec no, atque insuper Judex, causa rite discussa, conformem libello sententiam ferre queat. Hinc in cap. 2. h. t. reprobatur libellus Actoris, repetentis terram a Reo plures terras possidente, et non specificantis terram illam, quam repetebat: quia hujusmodi libellus, utpote generaliter conceptus, erat obscurus, atque equivocus.

Addit Gailus lib. 1. Pract. Observat. 62. n. 3. Libellum quinque modis reddi obscurum: videlicet, ratione equivocationis, generalitatis, locutionis non coarctatae, vel alternativae, ac infinitatis; quamvis, quod attinet ad alternativam, hoc dictum nonnullas patiatur limitationes, de quibus agit Vallen-sis h. t. n. 4. et Gailus cit. Observat. 62. n. 4. et seqq. Sic enim tenet libellus alternativus, quando agitur ex l. 2. C. de Rescindend. vendit. nam venditor laesus ultra dimidium pretium, debet in libello concludere, ut vel emptor suppleat quantum pretium, vel restituat rem emptam, per textum ibidem: et si alterum precise petat, succumbit, c. Cum dilectis. 3. de Emption. et vendit. Similiter in actione hypothecaria sustinetur libellus alternativus, ut Reus condemnatur vel ad traditionem rei obligatus, vel ad solvendum debitum, l. Si fundus hypothecae. §. In vendicatione. ff. de Pignoris. Taceamus nonnulli alii casus.

Dicitur tandem Actoris, sive accusatoris. Nam Libellus alius est civilis, sive conventionalis, seu postulativus, qui datur in civilibus causis: in his enim actionem contra alium intentans, sive quidpiam ab eo ipso iudicio postulans, proprio nomine appellatur Actor. Alius vero dicitur Libellus criminalis, qui videlicet criminis accusationem continet: nam tunc agens contra alium criminaliter, dicitur Accusator.

Resp. II. Libellus tribus partibus constare solet, videlicet narratione facti, causa petendi, sive medio concludendi, et ipsa conclusione. Ita Engel. h. t. n. 1. cum communj. In primis enim praemisso nomine, ac competenti titulo Judicis (hujus quippe nomen exprimi necesse est, ut Reo constare valeat, an is sit competens, nec ne; quamvis necesse non sit, ut ejus nomen proprium exprimat in libello, sed sufficiat eum appellare a suo officio, sive jurisdictione. Pirhing h. t. n. 15.) Praemisso, inquam, nomine Judicis, oportet narrare factum cum necessariis circumstantiis: deinde addere medium concludendi, sive causam ipsam petendi aliquid in iudicio: et tandem, subungere conclusionem, sive actualem petitionem: prout in progressu amplius declarabitur.

Et hoc totum deservit ad solutionem illius questionis. Qualiter concipiendus sit Libellus? Resp. enim, Libellum ita concipiendum, ut detur in scriptis, sit brevis, simulque clare explicet intentionem Actoris, et constet tribus istis partibus. Unde Glossa cap. 1. h. t. et omnia, quae in libello exprimenda,

sunt, sequentibus versiculis apte complectitur.

*Quis, quid, coram quo, quo jure petatur, et a quo Recte compositus quisque Libellus habet.*

- 10 Quaeritur II. An, et quomodo oporteat in Libello exprimere causam petendi, sive medium concludendi? Ubi praenotandum, quid sit Actio realis et personalis: quia inter utraque quoad propositum est notabile discrimen. Et quidem

- 11 *Actio realis* ea est, quae adhaeret rei, ipsamque insequitur: adeo, ut in conjunctaque manus res nobis obligata devenerit, ab eodem reposci, et vendicari possit; et si probaverimus, rem esse nostram, etiam in judicio necesse habeat possessor eam nobis restituere. §. *Omnium. Instit. de Actionib. et l. Officium. ff. de Rei vindicat.* Atque haec alio nomine appellatur *Actio in rem*, item et *Rei vindicatio*: nam *Vendicare rem*, sive (ut Moderni passim loquuntur) *Vindicare*, idem est, ac rem sibi appropriare, et dicere esse suam; ac per hoc intendere, ut sententia judiciali res illa declaretur esse sua, ejusque dominium sibi applicetur.

- 12 *Actio personalis*, seu *Actio in personam*, est illa, quae proxime tendit in personam nobis obligatam ex contractu aliquo, vel delicto. Et dicitur, *personalis*: quia, licet haec actio sit in ordine ad aliquid recuperandum ab adversario quod tibi fieri, vel dari ab eo petis; nihilo minus actio illa ita cohaeret personae, ut ipsa contra alium, qui rem illam forte detinet, institui non possit. Sic, ubi mutuo dedisti Cajo centum florenas, quos ille postea Titio donavit, et tradidit, actio personalis duntaxat contra Cajum, nulla vero contra Titium tibi competit. Similiter, quando Cajus te damnavit, incendendo v. g. segetes, aut interficiendo equum tuum, tunc contra ipsum competit tibi actio personalis: habes enim ejus personam ex delicto suo tibi obligatam ad recompensandum damnum illatum. Et idem dicendum in similibus.

- 13 Porro in qualibet harum Actionum duplex potest distingui causa petendi, proxima videlicet, et remota; sed diversimode. In actione reali enim causa proxima petendi, est dominium: ideo enim potest quis in judicio petere rem aliquam, ad conjunctaque manus devenerit, quia est dominus ejus, *l. In rem. ff. de Rei vindicat.* ibi: *In rem actio competit ei, qui aut Jure gentium, aut Jure civili dominium acquisivit.* Causa vero remota in actione reali est factum, ex quo causabatur dominium: puta, quia fuit mihi legata, vel vendita, simulque tradita. Econtra in actione personali causa proxima petendi, est obligatio: sive, quia alter, sive ex contractu, sive ex delicto, est mihi obligatus: causa remota vero est ipsamet contractus, sive delictum, ratione cujus alterum habeo mihi obligatum. His praenotatis

- 14 Resp. I. Omnino necesse est, ut causa petendi, sive medium concludendi in libello exprimat: cum hoc tamen discrimine, quod in actione reali sufficiat exprimere causam proximam, petendo videlicet rem ratione domini sibi competentis, et non sit necesse dicere, ex qua causa sive titulo dominium sibi fuerit acquisitum. in actione vero personali tenetur quis, exprimere causam remotam, sive titulum, v. g. contractum, ex quo mota fuit obligatio, et non sufficiat exprimere solam causam proximam. Ita Glossa un. in c. *Significantibus.* et Abbas *ibid. n. 13. h. t.* Gailus lib. 1. *Pract. Observat. 61.* Zoësius h. t. n. 3. Engel et communis.

- 15 Prior pars, videlicet in Libello exprimendam esse causam petendi, patet ex eo: quia Reus conventus debet ex libello ita de statu causae certior reddi, ut deliberare possit, num cedere, an contendere velit; hoc autem fieri non posset, si causa petendi

in libello non exprimeretur. Hinc *cap. ult. h. t.* dicitur, quod Reus non teneatur respondere, si in libello non exprimitur causa petendi, sed possit contra excipere, ac, si Juxta nolit admittere hujusmodi exceptionem, ab eo appellare: quia Juxta non admittens legitimam exceptionem, gravat, sicque potest ab ipso appellari.

Si tamen Reus non exciperet, nec appellaret, valeret judicium, *arg. cit. cap. ult. h. t.* ubi ad invalidandum Acta judicii ponderatur et exceptio, et appellatio. Hoc ipsum clarius patet ex c. *Abbate sane. §. Socus autem. de Sentent. et re judicat. in 6.* et notat Abbas *cap. ult. n. 2. h. t.* post Innocentium *ibid.* istud ulterius probantem ex *L. ult. C. de Annuali except.*

Altera pars, simulque ratio disparitatis, ex eo suadet: quia, cum plures non possint habere ejusdem rei dominium in solidum, c. *Licet. de Probat.* expressa causa proxima in Actione reali, hoc est, allegato ab Actore dominio, sufficienter Reus deliberare potest, num cedere velit, nec ne. Secus est in Actione personali; cum ex pluribus causis possit quis alteri esse obligatus, eidemque quidpiam debere: unde causa remota petendi non expressa in Actione personali, semper esset incertum jus agendi, sicque Reus nunquam posset deliberare.

Quaeritur III. Utrum etiam nomen actionis sit exprimendum in Libello? Resp. negativo, praesertim spectato Jure Canonico. Textus est in c. *Dilecti. 6. de Judiciis.* Sufficit enim factum ipsum, reique veritatem clare proponere, simulque causam petendi, sive medium concludendi, ipsamque conclusionem apte proponere: nam inde qualitas intentatae actionis sufficienter colligitur, ac demonstratur: ac proinde non est ulterius subtiliter, *cujusmodi actio intentetur, inquirendum*, ut loquitur ibidem Pontifex.

Quod si vero obscurum sit, quae actio fuerit intentata, Juxta ex deductis eam elicere debet, quae Actori prae caeteris erit utilior. Nam in dubio censetur intentatum illud remedium, sive actio illa, quae melius facto applicari potest, *l. Si quis intentione. ff. de Judiciis*, ibi: *Si quis intentione ambigua, vel oratione unus sit, id quod utilius ei est, accipiendum est.* Et hoc praesertim tunc, quando in libello clausulae salutares adjectae sunt: ut illa: *Super quibus omnibus peto mihi justitiam administrari omni modo moliori.* Gailus lib. 1. *Pract. Observat. 61. n. 9. et seqq.*

Dicitur notanter in data num. 18. Conclusionem, praesertim spectato Jure Canonico. Nam multi volunt, de rigore Juris Civilis ipsummet actionis nomen esse exprimendum; ut *l. Edita actio. ff. de Edendo*, ibi: *Qua quisque actione agere vult, prius eam edere debet.* juncta *L. 3. C. cod.* Verum Glossa in *Auth. De exhibendis reis. §. Sancimus. Collat. 5. §. Libellum*, notat, de consuetudine servari, ut non exprimat nomen actionis: nam ubi Reus potest esse certus per rem et causam petendi, videtur id sufficere. Quia imo Zoësius h. t. n. 4. post Azonem ad *Tit. Cod. de Edendo.* et Jason cit. *l. Edita actio. n. 2.* tradunt, neque de Jure Civili esse necesse, nomen actionis exprimere: tum quia nihil refert, proprio nomine quid exprimat, an demonstretur per aequipollens, *l. Cortum. ff. de Robus credit.* Tum quia in Jure Canonico si clare decisum habetur, c. *Dilecti. de Judic.* ac proinde illud etiam de Jure Civili tenendum videtur, eo quod praesens materia sit dahja, et sub *Actione* edenda commode intelligatur libellus continens petitionem Actoris, ac Judicis offerendus. In praxi tamen oportet attendere consuetudinem singulorum Tribunalium; ut recte notat Jason cit. n. 2. post Baldum in *l. Majoribus. C. Communia utriusque judicii.*

21 Dicitur. Etiam de Jure Canonico necesse est actionem exprimere, juxta cap. 1. de Mutui petition. ibi: *Actione Plebani proposita, et responsione facta: juncto c. Examinatas. 15. de Judiciis*, cum similibus, ubi legitur, actionem fuisse expressam. Resp. neg. assumptum: quia in priori Capitulo per actionem intelligitur petitio Plebani, utpote Actoris: nam hujus petitio necessario est exprimenda in libello, non item nomen actionis. Ad alterum dicitur, licet non sit necesse secundum Canones, nomen actionis in libello exprimere, tamen ubi Actor vult eam proponere, is admittitur: si tamen ineptam actionem proposuisset, succumbit; quamvis refusus adversario expensis, de novo possit postea aliam, et aptam actionem proponere, c. *Examinata. de Judic. Glossa in c. Dilecti. §. Actio intentetur. eod. et concordant dicenda inferius n. 30.*

22 Queritur IV. An, et qualiter Conclusio in libello sit addenda? Resp. I. hic esse distinguendum inter actiones civiles, et criminales. Et quidem in Libello actionum civilium opus est Conclusionem, exprimendo, quid, et quantum, et quale sit, quod Actor petit: alioquin enim Reus nesciret, quae sit intentio Actoris, sicque deliberare non posset, neque Judex conformem libello sententiam ferre. Nam non attenditur in libello, quid, quantum, et quale narretur, sed quantum ex narratis concludatur: quia Conclusio libello restringit narrata ad ea, quae in Conclusionem exprimuntur: potestque Actor, si vult, minori satisfactione contentus esse: licet stante dubio libellus in favorem Actoris interpretandus sit. Gailus lib. 1. *Practic. Observat. 61. numer. 13. et Observat. 66. numer. 6. et seqq.* citans alios.

23 E contra in actionibus criminalibus non est opus Conclusionem, sed sufficit sola facti narratio absque alia conclusione. Ratio hujus est: quia in criminalibus Lex ipsa concludit, quae certam delictis poenam determinat: neque est in potestate Accusatoris, aliquid de tali poena remittere, cum haec vel dependeat a lege communi; vel, si est arbitraria, committatur Judicis arbitrio, sicque frustra exprimeretur ab Accusatore. Intellige dummodo poena non sit pecuniaria, cujus pars Accusatori veniat applicanda: nam tunc recte fit conclusio, etiam in causa criminali. Gailus cit. *Observat. 61. numer. 19. Loesius h. t. n. 5.*

24 Resp. II. In actionibus civilibus Conclusio libelli ita fieri debet, ut, si agatur actione reali, seu rei vindicatione, res petita sufficienter specificetur, sive designetur, simulque addatur, an ea petatur tota, vel pars ejus, et qualis: si vero agatur actione personali, exprimere oportet, quantum petatur. In judiciis tamen universalibus non est necesse, exprimere, sive designare singulas res, sed sufficit dicere: v. g. *Peto talem haereditatem, utpote legitimus haeres: Peto Ecclesiam cum suis pertinentiis.* Ita Glossa cap. 2. h. t.

25 Addit Engel h. t. n. 6. et Gailus lib. 1. *Practic. Observat. 61. n. 9. et seqq.* quod Conclusioni libelli civilis plerumque soleant addi Clausulae salutes, in hunc ferme modum: *Super his omnibus peto mihi jus, et justitiam administrari omni meliori modo et forma, qua de jure, statuto, vel consuetudine fieri potest.* Nam per hujusmodi clausulam salutarem censetur Actor omne suum jus in iudicium deduxisse, etiam non fecerit expressam de omnibus et singulis mentionem. Hinc si Actor simpliciter petierit, rem suam sibi restitui, nulla facta de fructibus et expensis mentione, Judex juxta multos Doctores (etiam dissentiat Pirhing tit. de Senz. et re judicat. num. 31.) non tenetur Reum condemnare in restitutionem fructuum, et expensarum: bene tamen,

si apposita sit ejusmodi clausula salutaris, quis per hanc censetur officium Judicis super omnibus aliis imploratum.

26 Queritur V. An Libellus semel oblatus possit mutari, vel emendari? Ubi notandum, haec duo differre: nam *Mutatur libellus*, quando actio proposita, vel causa petendi expressa commutatur, atque alia proponitur; vel quando receditur a repetita, et alia petitur, aut ipsum factum narratum mutatur, arg. L. un. C. de Mutation. *nomini* E contra *Emendatur Libellus*, quando vitium aliquod ipsius, aut obscuritas tollitur, salva libelli substantia; uti sit superflua resecando, obscura declarando, verba aliqua addendo, vel mutando, manente eadem sententia, arg. L. un. C. de Emendat. Codic. Abbas in c. *Significantibus. n. 24. h. t. Vallensis eod. n. 11.* His praenotatis

27 Resp. I. Libellus Judici oblatus, tam in causis civilibus, quam criminalibus, potest per Actorem mutari usque ad litem contestatam; non vero post: nisi cum refusione expensarum velit quis ex toto recedere a priori libello, atque instantia, et novum libellum offerre. Ita Glossa un. in c. *Significantibus. circa medium. h. t. et Vallensis eod. nu. 11. Pirhing n. 18. Gailus Practic. Observat. 74. n. 4. et seqq. et alii.* Prior pars habetur in l. *Edita actio. C. de Edendo*, ubi dicitur: *Edita actio (sive libellus) speciem futurae litis demonstrat, quam emendari, vel mutari licet, prout Edicti perpetui monet auctoritas, vel jus reddentis docerit aequitas.* Quae posteriora verba Bartolus ibid. §. *Sed quaero, sic explicat: Hoc est, quod sit Reo saluum jus deliberandi, et defendendi (hoc enim Edicti perpetui L. 1. ff. eod. monet auctoritas) et quod sibi restituantur expensae, si aequum visum fuerit judici.* Haec ille. Si tamen ex tali alteratione libelli Reus damnicaretur (puta, quia secundum priorem libellum quaerendo Advocatus jam fecit expensas, aut hujusmodi) tunc Actor debet ipse condemnari ad reficiendas expensas. Glossa un. in c. *Significantibus. post medium. et Abbas ibid. n. 32. h. t. Bartolus in l. Editi actio. §. Quaero quid vult dicere. C. de Edendo. et alii.*

28 Et quamvis Glossa in cit. l. *Edita §. Emendari*, dicat, hoc esse intelligendum, quando Reus necdum est conventus, neque libellus eidem datus; alioquin enim, si libellus jam fuit Reo exhibitus, non potest (inquit) amplius ex toto mutari, sed tenetur Actor in actione persistere, *Auth. qui semel. C. Quomodo et quando judex etc.* Nihilominus, quod possit libellus judicii oblatus mutari usque ad contestationem litis, haud obstante dicta Authentica, docet Jason in cit. l. *Edita actio. numer. 28. C. de Edendo*, dicens omnes alios sic tenere. Quia imo Fachineus lib. 11. *Controvers. Jur. cap. 94. post Menochium de Arbitrar. Judic. in Additione ad cas. 176. num. 62.* arbitrat, saepius permissum esse emendationem libelli ante litem contestatam, quoties videlicet bonus Judex aequum esse judicaverit: quidquid Baldus in cit. l. *Edita*, et nonnulli alii contradicant, volentes, eam semel tantum fieri posse. Neque obstat cit. *Auth. Qui semel.* Loquitur enim in Actore procrastinante, et malitiose differente procedere, ut instantia; perent; prout liquet ex *Auth. de Litigiosis. §. Omnem. Collat. 8.* unde altera desumpta est. Atqui mutans libellum, non vult malitiose procrastinare, sed serio procedere, renunciando tamen in totum primae actioni, et aliam intendendo; et sic potest ante litem contestatam.

29 Altera pars habetur ex cit. *Auth. Qui semel. et l. Nemo C. de Jurisdic. omn. judic. et l. Non potest. ff. de Judiciis*, cum concordantibus. Siquidem post litem contestatam iudicium est plene caeptum:



simulque per actum contestationis litis celebratur quidam quasi contractus, per quem obligatur quis principaliter ipsi instanti: hoc est, ad standum iudicio, donec sit finitum; et per quamdam consequentiam ad praestandum id, quod per sententiam iudicis dijudicabitur. Et hinc non mirum, posse libellum mutari ante litem contestatam, non vero post: adeo quidem, ut ne quidem de partitione consensu liceat mutare libellum post litis contestationem; nam contestatio litis, aliquo actus, substatialis iudicii, non possunt tolli partium consensu. Glossa in *a. De causis*. §. *Consensu partium de Offic. Delegat.* Gailus loc. cit. n. 2. Vallensis h. t. n. 12. et alii.

30 Intellige, nisi refusus expensis velit, Actor a priori libello, atque instantia, ex toto recedere, et aptiorem actionem intendendo, novum libellum Iudici offerre: prout fieri posse, habetur expressum in *c. Examinata*. 15. *de Judiciis*; ac notat Abbas *ibid.* n. 5. et 22. Vallensis h. t. n. 12. Bartolus in *cit. l. Edita actio*. §. *Quaero quid vult dicere*. *C. de Edend.* ex textu illius Legis probans necessitatem refectionis expensarum; quando Reus ex libello inepte concepto, ac postea emendato, vel mutato damnificatus est. Idem desumitur ex *l. Eum quem temere*. ff. *de Judiciis*, et §. *Haec autem*. *Instit. de Poena temere litigant.* ubi ille, qui alterum temere vocavit ad iudicium, puniatur in expensis. Ac per hoc patet ad ultimam partem datae Conclusionis.

31 Resp. II. Emendare libellum, vel eundem declarare, si quid obscurius contineat, licitum est usque ad sententiam. Ita Bartolus in *cit. l. Edicta*. §. *Quandoque voto*. *C. de Edend.* et favet textus ibidem, juncta *l. Si quis intentione*. ff. *de Judiciis*. Abbas *c. Significantibus*. num. 25. h. t. Vallensis *eod. n.* 12. Sannig. *cap. 2. num. 12.* et tradunt Doctores passim; quorum tamen aliqui (ut Pirhing h. t. numer. 19.) per sententiam hoc loco intelligunt Conclusionem in causa.

32 Hinc si Actor de summa rei petita aliquid diminueri velit, erit audiendus, arg. *l. Quidam*. ff. *Si certum petatur*. Item, si erravit minus petendo, quam ad eum pertinnerit, v. g. petendo quinque aureos, cum ei deberentur decem: poterit Actor emendare libellum, ac etiam residuum petere, §. *Si minus*. *Instit. de Action.* Sic enim non mutatur status causae, sed vel explicatur dumtaxat libellus, vel remanente eadem actione quidpiam additur, aut demitur primae petitioni, caeteroquin perduranti.

33 Quaeritur VI. Quid juris, si Actor causam in libello expressam non probet, bene tamen aliam? Resp. I. Quando Actor quidpiam petens expressit in libello certam causam, eamque postea non probat, tunc is succumbit, licet aliam probet. Patet hoc ex *c. Abbate sane*. 3. §. *Ceterum*. et seqq. *de Sentent. et re iudicat.* in 6. et notat ibidem Jo. Andreas in *Summario*. Vivianus in *Rationali*. §. 1. et 2. Barbosa in *Collectan.* num. 1. et alii, inde inferentes, quod si quis in iudicio petat sibi rem aliquam dari (actione reali, seu personali) simulque expresserit certam causam, ex qua ejusmodi rem petivit; illa causa non probata Reus absolvendus sit; haud obstante, quod forsitan Actor aliam causam probaverit. Acedit ratio: tum quia sententia est ferenda juxta petitionem libelli; nam satis est iudex, qui ultra petita iudicat, arg. *l. ult. C. de Fideicommissar. libert.* et tradit Barbosa in *cap. ult. num. 5. de Offic. Iudic.* Tum quia Actor tenetur justificare libellum ex causa expressa, sive in iudicium deducta, et non ex alia: exprimendo enim unam determinatam causam, videtur illam dumtaxat in iudicium deduxisse, et non aliam. Abbas in *c. Dilecti*. n. ult. h. t. post Innocentium in *c. Ex parte de Privileg.*

Ceterum dictum illud, quod Actor quidpiam certa causa expressa petens, et causam illam non probans, etsi probet aliam, succumbat: intelligendum est pro illo iudicio. Talis enim ideo non prohibetur, ex causa illa nova (sive haec iam extiterit) tempore litis contestatae, sive postea primum emergerit) de novo agere, seu instituta nova interpellatione, ac instantia, rem illam judicialiter repetere. Glossa in *cit. c. Abbate sane*. §. *fin.* §. *Huiusmodi de Sentent. et re iudicat.* in 6. id probans ex *c. Examinata de Judiciis*, et *l. Si mater*. §. *v. ff. de Exception. rei iudic.* et *l. Haereditas matertera*. *C. de Petition. haeredit.* Abbas in *c. Significantibus*. n. 14. h. t. Pirhing *eod. n.* 9. et alii.

Nec obstat exceptio rei iudicatae ob sententiam in priori iudicio latam; haud obstante, quod alioquin *res iudicata pro veritate accipitur*, *l. Res iudicata*. ff. *de Reg. Jur.* Nam, ut taceantur aliae fallentiae huius Regulae, ibidem per Glossam adductae, dicta Regula, simulque exceptio rei iudicatae, solum procedit, quando Actor succumbens nulla causa expressa, sed generaliter egerat; quia tunc videtur totum jus suum in iudicium deduxisse, sique ex toto succubuisse. Secus, quando ejusmodi Actor expressit dumtaxat certam causam, et hanc non probando succubuit: quia tunc hoc ipso, quod necdum totum jus suum in iudicium deduxerit, non obstat ipsi exceptio rei iudicatae, volenti agere ex alia causa, atque in alia instantia Abbas *cit. n.* 14. Atque ut hoc amplius intelligatur, hinc ad propositam Quaestionem,

Resp. II. Si autem Actor certam causam in libello non expressit, sed rem aliquam in genere tantum petivit, puta, jure domini (prout fieri posse in actione reali, jam supra n. 17. dictum fuit) tunc sufficit probare quaecunque justam causam, etiamsi talis primum postea, seu lite jam contestata supervenerit. Ita patet ex *cit. c. Abbate sane*. §. *Secus autem*. et §. *praefatus autem de Sentent. et re iudicat.* in 6. Ubi Glossa §. *Conscientia*. et Vivianus in *Rationali*. §. *fin.* et Barbosa *ibid. n.* 9. et alii. Concordat textus in *l. Si mater*. §. *Eandem*. ff. *de Exception. rei iudic.* ubi et huius ratio redditur illis verbis: *Nam quaecunque, et undecunque dominium acquisitum habuerit, vindicatione prima* (generaliter proposita) *in iudicium deduxit.*

Unde non obstat, quod causa domini postea primum emergente, a principio minus juste facta fuerit petitio. Non obstat, inquam: quia non ideo minus valuit, et tenuit iudicium subsequutum: simulque cognita rei veritate (seu, quod ante latam sententiam supervenerit justa causa domini in genere, ac nulla speciali causa expressa per Actorem allegati) non posset Iudex in contrarium libera et secunda conscientia pronunciare; quin imo contra conscientiam iudicaret absolvendo Rerum, et pronunciando, quod Actor non probaverit causam domini: prout amplius ostenditur in *cit. c. Abbate sane*. §. *Secus autem*, inde concludendo, quod *Actori suam ex supervenienti causa intentionem sufficiat fundavisse, cum egit aliqua causa specialiter non expressa: secus tamen, si certam et specialem in sua petitione subjunxerit, nisi postmodum intentionem suam ex eadem prorsus (quam prius expressit) tunc etiam competenti causa fundarit.* Haec ibi.

Quaeritur VII. Qui sint effectus oblationis libelli? Resp. cum Hostiensi in *Summa* h. t. num. 13. et aliis, plures esse effectus ipsius. Primo, ut secundum petitionem in libello formatam feratur sententia, *c. Cum dilectus*. 2. *de Ordine cognit. et c. Qualiter et quando*. 24. §. *fin. de Accusationibus*. et alibi.

Secundo, Libelli oblatio facit rem litigiosam, sequuta tamen per executionem denunciatione, seu

citatione. *Auth. Litigiosa res. C. de Litigios. etque jam dictum Tit. 1. de Judiciis, §. 1. num. 23.* Tertio, ea interruptit prescriptionem, dummodo fuerit subsccuta per escutorem conventio, sive citatio, *l. Sicut in rem. C. de Praescript. 30. ann.* Et hoc adeo verum est, ut si quis aliquem ex multis causis sibi habens obnoxium, oblato libello, et secuta ejus citatione, generali petitione convenierit, aut sibi obnoxium constituerit, omnium actionum sub illa generali petitione contestatarum interruptio facta censeatur, *l. Si ex multis. C. de Annali exception.*

- 40 Quarto, Actor post libellum per Judicem Reo porrectum obligatur litem proseguere, et ad finem perducere. *Auth. Qui semel. C. Quomodo et quando judex etc.* Intelligi, dummodo intersit Rei conventi, ut lis caepa perficiatur, puta, quia multas jam expensas fecit in litem: alioquin enim Actor bene potest litam deterere. *Pishing h. t. n. 20. arg. l. postquam. C. de Pactis.* Idemque dicendum, si Actor paratus sit factas expensas Reo refundere, juxta dicta n. 28. et 30.

## §. II.

De Citatione, ejusque requisitis, ac necessitate.

## SUMMARIUM.

- 41 Ratio agendi hic de Citatione.
- 42 Citatio, quid?
- 43 Citatio alia est juris, alia hominis.
- 44 Publica, et Edictalis: ac
- 45 Privata, seu personalis.
- 46 Simplex, et peremptoria.
- 47 Generalis, ac specialis; et quid?
- 48 Ad legitimam citationem tria requiruntur.
- 49 I. Mandatum Judicis de citando.
- 50 II. Executio commissae Nuntio citationis.
- 51 III. Relatio Nuntii de citatione a se peracta, referenda in Acta.
- 52 An sit credendum Nuntio, asserenti, se ex Judicis mandato citare?
- 53 et 54. Quid, si Nuntius affirmet, se citasse; et Reus neget, se citatum fuisse?
- 55 In Citatione, seu Citatorio, generatim sex debent exprimi. Et n. seqq.
- 56 I. Nomen Judicis citantis.
- 57 II. Nomen, et cognomen Rei seu citandi.
- 58 III. Nomen, et cognomen Actoris.
- 59 Nisi Judex procedat ex officio.
- 60 IV. Debet in Citatorio exprimi causa, ob quam quis citatur.
- 61 An una cum citatione sit necesse, vel saltem consultum, transmitti Reo tenorem libelli?
- 62 V. Debet in Citatorio exprimi locus judicii.
- 63 VI. Ac dies, sive terminus comparandi in judicio.
- 64 Non item certa diei hora.
- 65 Et qua diei hora tunc citatus venire teneatur?
- 66 Num Judex possit terminum citationis prolongare, etiam altera parte invita? Remissive.
- 67 Citatio est necessaria quoad absentem. Et numer. seqq.
- 68 Estque fundamentum judicii.
- Et censetur esse Juris naturalis, et Divini.
- Ibid.
- 69 Quoad praesentem non requiritur alia citatio.
- 70 et 71. Solvuntur Jura, ubi absens, et non citatus, videtur per Papam condemnatus.
- 72 Si evidenter constat de crimine, simulque

certum est, nullam Rem posse competere defensionem, non requiritur alia citatio.

- 73 Secus ubi absenti potest competere aliqua defensio.

74 Concordantur Jura juris quoad hoc.

- 75 Semel rite citatus, si dicat, se nolle venire, an iterum citandus? Remissive.

De Citatione non habetur specialis Rubrica in Jure Canonico, sed solum de ipso fit mentio hinc inde; ut c. *Gratum. de Offic. Delegat. et c. Propositi. de Foro compet. et c. Quoniam de Probat. et Clem. Pastoralis. de Sent. et re judicat. et alibi.* Quamvis in Jure Civili, tam in Digestis, quam Codice, de Citationibus agatur sub speciali Rubrica, *De in jus vocando.* Caeterum, quia citatio communiter solet sequi oblationem libelli, atque hoc per Actorem Judici porrecto Reus citari: merito in praesenti Titulo fit mentio etiam de Citatione, licet nonnulli de hac agere soleant ad finem Tituli, *De Foro Competenti.*

- Queritur I. Quid, et quotuplex sit Citatio? Resp. I. Citatio est actus legitimus, quo quis mandato Judicis juris experiundi causa in judicium vocatur. Ita Vallensis §. 3. *de Foro compet. n. 2.* estque in re communis. Concordat textus in *L. 1. ff. De in jus vocando*, ibi: *In jus vocare, est juris experiundi causa vocare.*

Resp. II. Citatio varie dividitur. Et primo quidem alia est juris, alia hominis: prout desumitur ex *Clem. Mulorum de Poenis*, ibi: *Ne citati ad Apostolicam Sedem ab homine, vel a Jure, venire valeant.* Atque ex his Citatio a jure dicitur, quando jus, sive lex ipsa certum terminum statuit, intra quem debet quis judicio se sistere. Exemplum hujus reperitur in *cap. 1. Cupientes. de Election. in 6.* ubi tum electi ad Dignitatem, vel Beneficium Ecclesiasticum, tum electionem ipsam impugnantes, infra certum tempus per se, aut procuratorem suum tenentur Sedem Apostolicam adire, sique illuc ipso jure citantur. Simile quid habetur in c. *Quamvis. 8. §. Si autem. de Offic. Ordinari. in 6. cap. 1. de appellat. in 6.* Econtra vero Citatio ab homine dicitur, quae fit de speciali Judicis mandato. Et haec postmodum varie subdividitur. Unde

Secundo a citatio alia est publica, alia privata. Citatio publica dicitur illa, quae fit in publico, seu coram tota Communitate. Atque haec contingit dupliciter, videlicet voce Praeconis, aut per Edictum in publico loco affixum: quarum posterior proin appellatur Citatio edictalis, ac praecipue locum habet, quando Reus latitat, nec inveniri potest; ut c. *Causam quae. juncta Glossa §. Ad Domum. et c. Venerabilis. de dolo et contumac. et amplius §. seq. dicitur.*

Econtra Citatio privata dicitur ea, quae fit privatim in personam citandi. Atque haec alio nomine appellatur Citatio personalis: et subdividitur in verbalem, quae fit vel viva voce per nuntium, seu apparitorem, vel per litteras a Judice ad Reum citatum directas: et in realem, quae fit per manus injectionem, sive per apprehensionem, ac capturam personae citandae.

Uterius citatio dividitur in simplicem, et peremptoriam. Citatio simplex est, quae citatum non prius contumacem reddit, quam tribus vicibus, ac justo temporis intervallo, facta fuerit. Peremptoria vero, quae addita clausula peremptoria, et observato justo temporis intervallo, pro tribus simplicibus decreta est. Et haec dicitur, peremptoria: quia tres simplices citationes ita perimit, ut in jus vocatum, si praefinita die non comparuerit, contumacem constituat, *l. Nonnunquam. ff. de Judic. cum similibus, et amplius infra §. 3. num. 102. et 103. dicitur.*

47. *Primo*. Citatio illa est generalis, quae nimirum generaliter auctoritate Judicis in iudicium vocatur, quicumque sua interesse potaverit. Alia vero dicitur Citatio specialis, per quam videlicet certa persona in iudicium vocatur.

48. *Quaeritur II.* Quae requirantur ad legitimam citationem? Resp. Trium ad eam requiri; adeo, ut si vel unum eorum omittatur, aut non legitime adhibeatur, citatio non valet, nec ariet citatum ad comparandum. Ita Maranta *part. 6. Speculi Auri, tit. de Citationibus n. 51. et seqq.* Pirhing *tit. de Foro competent. n. 222. et seqq.* et alii. Idque probatur inductione; siquidem

49. *Primo*, ac ex parte iudicis, ad totam legitimam citationem requiritur mandatum, seu commissio iudicis de citando; alioquin citatio non valet, *arg. c. Ex parte 8. 12. §. Quam cum de Rescript. et l. Sed si hac. §. fin. ff. De ius vocand. ibi Praetor ait, in ius sine permissu meo ne quis vocet.* Concordat textus in *l. ult. c. de Exhibend. reis*, ubi praecipitur, neminem in iudicio exhibendam esse, nisi de ejus exhibitione iudex pronunclavit. Quamquam Glossa un. *ibid.* hoc intelligat de privato; secus, in publico Officiali ad denunciandum crimina Reorum commisso, ut *l. Ex quidem. c. de Accusationibus.*

50. *Secundo*, ac ex parte Nuntii, Curatoris, seu Apparitoris citantis, requiritur executio commissae sibi per Iudicem citationis, videlicet, ut hanc actu exequatur. Et hoc patet ad sensum, quia ad hunc effectum committitur ipsi citatio; quae quidem in personam Rei facienda est, si invenitur, *cap. ult. de Dolo et contumacia c. Causam quae.* juncta Glossa *q. Ad domum. eod.* Quod si vero Reus discessit, relinquit tamen procuratorem, tunc iste est citandus; si autem non dixerit procuratorem, tunc ad domum, vel Ecclesiam absentis facienda est citatio. *d. c. Causam quae.* et Glossa *ibid.* Et si impediat, seu faciat etiam se celando, ne citatio ad eum possit pervenire, jam proposito publico Edicto citari, et arietari poterit, *Clam. 1. de Judiciis. et Extravag. Rem non novam. De Dolo et contumacia. inter Communes.* et amplius dicitur infra §. 3.

51. *Tertio*, ac rursus ex parte Nuntii, requiritur, ut de citatione a se peracta faciat relationem Iudici, quae per Notarium in Acta referri debet, ut de ea legitime facta constet; *c. Quoniam. 11. de Probation.* Nam citatio est de processu, ac de forma substantiali ipsius, *can. De illicita. 24. q. 3. et cap. ult. §. Porro. Ut lite non contestat. et Clam. Saepe contingit. de Verb. signif.* Maranta *loc. cit. n. 54. et 55.* ubi prope post Bartolum in *l. Haec autem §. Non defendi. ff. Quibus ex causis in posses.* et alios concludit, quod si non reperitur descripta Nuntii relatio in Actis, nec valet relatio, nec aliquis possit reputari contumax; quia ad hoc, ut quis ponatur ut contumax, debet liquere Iudici, quod sit contumax; hoc autem non potest judicialiter liquere, si Nuntius relationem de facta citatione ad Acta non reposuit. Verum occasione praemissorum

52. *Quaeritur III.* An sit credendum Nuntio, asserenti, se citare de mandato Iudicis; vel affirmanti, se rite citasse, ubi Reus negat, se citatum fuisse? Resp. I. Nuntio publico, ac jurato, ratione publici muneris credendum est, si asserat, se ex Iudicis mandato quomplam citare; secus dicendum de Nuntio privato, quia huc non creditur sine litteris citatoris, seu Iudicis commissionem continentibus. Ita Glossa in *c. Cum parati. 19. §. Suis nuntius.* et Abbas *ibid. numer. 12. de Appellation.* Maranta, ubi *supra. n. 45. et alii.* Prior pars desumitur ex *c. Cum parati*; nam in publico, ac jurato Nuntio, censetur esse electa industria, et fides personae; sic-

REIKENSTUEL Jus Can. Tom. II.

que ipsi ratione publici officii, quod gerit, est credendum. Posterior autem pars probatur tam a sensu contrario, tum ex *c. Prudentiam. 21. de Offic. Delegat.* ibi: *Per certum nuntium, vel executores litterarum destinatum.* Nunc loquendo quantum ad alteram partem propositae Quaestionis,

Resp. II. Etiam si pars neget, se citatum fuisse, adhuc magis creditur Nuntio publico, ac jurato, asserenti se legitime citasse, praesertim in causis civilibus; nisi Iudex ex aliis conjecturis, et habito respectu ad qualitatem causae, et personarum, contrarium arbitretur. Ita Glossa in *c. Quoniam. 11. §. Citationes. de Probation.* Abbas *cit. n. 17. Mascardus de Probation. Concl. 291. numer. 25. Gailus lib. 1. Practic. Observat. 54. numer. 3. Pirhing tit. de Foro compet. numer. 225. et alii.* Ratio prioris partis est, quae supra: nam in Nuntio publico, ac jurato, censetur esse electa industria et fides personae; ac proinde ratione publici muneris, quod gerit, ac ob juramenti religionem, ipsi de facto proprio deponenti credendum est: quamvis secus dicendum foret de Nuntio privato, nisi hic factam a se citationem probaverit per testes, aut alia legitima documenta.

Posterior pars solet exemplificari in eura, quo Nuntius publicus asserit, se citasse v. g. Episcopum, vel aliam insignem personam, et ista neget se fuisse citatum; nam tunc utique potius foret credendum tali insigni personae, praesertim juramentum praestanti de non facta sibi citatione, quam soli Nuntio illi, qui plerumque solet esse persona vilis. Abbas, ubi *supra.* Maranta *loc. cit. numer. 53. et alii.* Additur vero praesertim praestanti juramentum: nam Glossa marginalis in *c. Quoniam de Probation.* quae est Jo. Andreae, notanter inquit, quod saltem quoad hoc credatur Nuntio publico, ut negans cogatur jurare, se non fuisse citatum, *arg. c. Ex litteris. 4. de in integrum restitut.* Addit Sigismund. Scaccia *lib. 1. de Judiciis. cap. 33. n. 23.* aliud exemplum, seu limitationem prioris partis Conclusionis, quam ait fallere, quando citatio fit domi (puta, affigendo schedulam citationis ad ostium domus citati) non autem personaliter: quia tunc non creditur Nuntio publico, et commissione Iudicis referenti se citasse, sine testibus de facta tali citatione attestantibus.

*Quaeritur IV.* Quenam in citatione, sive Citationario, necessario sint exprimenda, ut legitima et valida sit citatio? Resp. in Citationario generatim loquendo debent exprimi sequentia sex, quae singillatim recenset, ac probat Gailus *lib. 1. Pract. Observat. 48. n. 5. et seqq.* allegans alios. Et quidem requiritur

I. Ut in citatione, sive Citationario, ut vocatur, exprimatur nomen Iudicis citantis. Idque merito: tum ut citatus cognoscat, an iussu Iudicis et quidem competentis, sit discreta citatio, *arg. l. Ex quacunque. ff. Si quis in ius vocatus. c. Iudici quippe incompetenti, sive extra territorium ius dicenti, impone non paratur, cap. ult. de Constitut. in 6.* Tum ut citatus cognoscere valeat, an Iudex ille sit ordinarius, vel delegatus: nam Delegatus non potest citare, nisi una cum citatione copiam factae sibi delegationis transmittat; alioquin enim, si non probat delegationem, in dubio, ac nisi de ea aliunde constet, ipsi non creditur, *c. Cum in iura 31. de Offic. Delegat. et c. Proterea. 2. de Citation.* etique amplius dictum *supra lib. 1. Tit. 29. de Officio et potestate Iudicis Delegati. §. 2. n. 44.*

II. Requiritur, ut in Citationario nomen, et cognomen Rei, sive citandi, discrete exprimatur, *c. Significante. 34. et c. Significavit. 36. de Rescript. et c. Cum in multis. eod. in 6.* Et merito: partim, ut



citandos cognoscat, quod citatio ipsam concernat, simulque contra eum contumacem executio fieri valeat: partim, ut fraudibus caeteroquin facile suborituris, aditus precludatur, et Actor amplius variare non possit. Quod si vero Communitas aliqua, vel Civitas, aut Collegium citari debeat, tunc sufficit generalis citatio, v. g. citando Consules et Senatores illius Civitatis, aut Abbatem, et Priorem talis Monasterii: siquidem huiusmodi nomina collectivè certum corpus representant, illudque totum determinant. Speculator *ut. de Syndico. n. 16.* Oldradus *Consil. 100.* per totum Gailus *cit. lib. 1. Pract. observat. 49. n. 6.*

68. III. Requiritur, ut in Citatorio exprimaturnomen, et cognomen Actoris, sive illius, ad cuius instantiam Iudex facit citationem. Neque enim Iudex in causis, quæ concernunt utilitatem privatam, debet decernere motu proprio citationem, sed solummodo ad instantiam et petitionem partis: alioquin invalida erit citatio, neque citatum arcebit ad comparandum, *arg. c. Proposui. 19. de Foro comp. et notat Abbas ibid. num. 3. et Gailus cit. lib. 1. Pract. observat. 50. n. 4. et seqq.* estque jam dictum supra n. 49. Proinde ut citatus intelligat, citationem non ex proprio motu Iudicis, sed ad petitionem et instantiam partis procedere, oportet huius nomen et cognomen in Citatorio exprimi.

59. Additur tamen notanter, Neque enim Iudex in causis, quæ concernunt privatam utilitatem etc. Si quidem in causis publicam utilitatem concernentibus, atque in omnibus casibus illis, in quibus Iudex ex officio procedit, valet citatio absque instantia partis facta. Abbas *loc. cit. n. 19.* et Gailus *n. 8.* allegans alios. Ratio est: tum quia Iudex, quando ex officio procedit, tenet locum partis, *arg. c. Qualiter et quando. 24. de Accusation.* Tum quia, licet Iudex officium suum mercenarium non impendat nisi imploratus, sive ad petitionem partium: secus tamen dicendum de officio nobili, utpote quod Iudex quasi motu proprio præter actionem institutam, aliquo ex officio, iure vel equitate, sic suadente, exequi potest, ac solet: ut sit de inquisitione, *c. cap. Qualiter et quando de Accusation.* et in restitutione usurarum a defuncto injuncta, si hæredes negligant ipsas restituere, *c. Ad nostram. 20. de Iurejurand.* atque amplius dictum *Lib. 1. Tit. 32. de Officio Iudicis. §. 1. n. 28.*

60. IV. Requiritur, ut in Citatorio exprimaturnomen, saltem in genere, ob quam quis citatur: idque ex eo, ut Reus instruat, super quo conveniatur, sique deliberare valeat, num cedere, vel iudicio contendere velit, atque ut venire possit paratus ad respondendum, *cap. Si primates. 5. q. 2. et c. Praeterea. juncta Glossa. §. Plene potuit. de Dilation.* et concordant dicta superius §. *præc. n. 14. et seqq.*

61. Cauterum necesse non est, quod una cum citatione transmittatur. Reo tenor libelli per Actorem Iudici presentat. Bartolus in *l. Inter accusatorem. §. Pro declaratione. ff. de Public. judic.* Gailus *lib. 1. Pract. Observat. 51. n. 2.* allegans insuper Pacornianum, Jasonem, et communem aliorum. Provide nihilo minus facit, qui libellum citationi inseri curat, eumque una cum citatione Reo transmittit: nam tunc dilatio deliberatoria super libello, et an iudicio contendere velit, nec ne, non amplius Reo citato indulgenda est, eo quod per litteras illas citatorias super negotio plene instrui, sique deliberare poterit, *c. cap. Praeterea, juncta Glossa, §. Plene potuit, et Abbate num. 1. et 2. et DD. ibid. de Dilation.*

62. V. Requiritur, ad citationem, quod in Citatorio exprimaturnomen, saltem in genere, ob quam quis citatur: idque ex eo, ut Reus instruat, super quo conveniatur, sique deliberare valeat, num cedere, vel iudicio contendere velit, atque ut venire possit paratus ad respondendum, *cap. Si primates. 5. q. 2. et c. Praeterea. juncta Glossa, §. Plene potuit, et Abbate num. 1. et 2. et DD. ibid. de Dilation.*

ma citatio ratiōis loci incerta, est nulla, *cap. ult. juncta Glossa, §. Vel indeterminato. de Rescriptis. et l. Si ut proponis. C. Quomodo et quando iudex etc.* Ignoraret quippe citatus, quo pergere, ac ubi comparere deberet. Deinde requiritur expressio loci iudicii, ut citatus intelligat, an Iudex non excedat fines suae jurisdictionis, alio territorii: alioquin enim venire non tenetur: nam extra territorium, ius dimitti impune non paretur, *cap. ult. de Constitut. in 6.* Item, ut citatus videre possit, num locus ad quem citatur, sit tutus, ac securus ad eum accessus pateat: quia non tenebitur comparere in loco manifeste non tuto, *c. Accadens. Ut lite non contestat. et Clem. Pastoralis. §. Notorium quippe. et seqq. de Sent. et re judicat. cum concordantiis.* Quia uno citatus ad locum non securum, potest uti exceptione loci non tuti: et si hanc Iudex admittere nolit, infert injuriam parti citatae gravamen, a quo ex licite appellat: haud obstante, quod Iudex fuerit delegatus eam, clausula, *Appellatione remota*: ut est textus clarus in *c. Ex parte. 47. de Appellat.*

VI. Requiritur, ut in Citatorio exprimaturnomen, saltem in genere, ob quam quis citatur: idque ex eo, ut Reus instruat, super quo conveniatur, sique deliberare valeat, num cedere, vel iudicio contendere velit, atque ut venire possit paratus ad respondendum, *cap. Si primates. 5. q. 2. et c. Praeterea. juncta Glossa, §. Plene potuit, et Abbate num. 1. et 2. et DD. ibid. de Dilation.*

Caeterum, eente diei hora comparendi non necessario in Citatorio exprimenda est (quidquid sit de speciali querendam, Tribunalium, consuetudine, etiam horam comparendi in citatione exprimentium) sed sufficit, exprimere diem: quia jam intelligitur quis citatus ad horam consuetam, qua congrue possit, ac solet actus ille tali die expediri, juxta textum notabilem, in *c. Consuluit. 24. de Officio Delegat.* et notat Abbas *ibid. n. 5.*

Et notanter additur, *quo congrue possit, ac solet.* Siquidem, quando non exprimitur in citatione certa hora comparendi, tunc secundum qualitatem actus videtur tacite illa hora diei praefixa, qua congrue possit, ac solet actus ille inchoari, atque finire. Sic citatus ad electionem faciendam, tenetur mane comparere: quis non nisi tali tempore solet electio inchoari, propter Missam de Spiritu Sancto eidem praemittendam. E contra citatus ad actum iudiciale, qui potest quacunque diei hora incipi, et finire, debet comparere qua hora maluerit in die statuto: dummodo compareat tam tempestiva, ut Iudex de die adhuc possit perficere actum illum. Quod si tamen alicubi Iudex solitus fuisset iudicare certa, dumtaxat hora diei, tunc citatus simpliciter ad diem absque determinatione alterius horae diei, debet comparere hora illa, qua Iudex solet comparere: Siquidem in iudiciis ea, quae sunt moris et consuetudinis, attendi debent, per textum in *l. Quod si, notit. §. Quia assidua. ff. de Edict. Edict. et c. Ex litteris. 11. de Constitut. ibi: Cum tam juris Canonici, quam nostri moris existat, cum similibus. Abbas in *c. c. Consuluit. n. 5. de Officio Delegat.**

Num autem Iudex possit terminum citationis a se factae prolongare, atque extendere ad sequentem diem, etiam altera parte litigantium iurata, commodus dicitur infra *Tit. 14. De Dolo et contumacia. §. 2. n. 68. et seqq.*

Quaeritur V. Quanta sit necessitas citationis in iudiciis? Resp. Citatio adeo est necessaria, ut ipsa quoad absentem omitti non possit, eaque omissa iudicium

reddatur nullum. Ita contentio: et potest ab can. Caveant. et can. Omnia 3. q. 9. et c. Ecclesia sanctae Mariae. 10. juncta Glossa & Non conventi. de Constitut. et Clem. Pastoralis. de Sent. et re judic. cas. cum similibus: ubi sententia contra absentem, et non legitime citatum lata, censetur irrita. Quia tunc non solum in iudicio ordinario, sed etiam in summario, omnimodis requiritur citatio Rei absentis, c. Quoniam. 11. de Probation. et Clem. Saepius contingit. de Verb. signif.

68 Accedit ratio: quia citatio spectat ad naturalem defensionem, atque nulli est deneganda: cum nemo inauditus condemnari debeat. Unde et citatio dicitur esse principium, ac fundamentum iudicii, seu prima pars eius, §. fin. Instit. de Poena temerit. litigant. et notat Glossa in d. c. Ecclesia Sanctae Mariae. & Non conventi. de Constitut. Quia imo citatio fuit inducta, et adhibita circa Mundi originem ab ipsomet Conditoris naturae, quando Deus Adam post suam praevericationem citavit ipse Paradiso, Genes. 3. dicens: Adam, ubi es? Unde merito ea censetur esse Iuris naturalis, et divini, quod nec per Principem tolli potest. Abbas in cap. 1. n. 6. de Causa possess. et propriet. juncto textu ibidem, dum Pontifex inquit: Nec nos contra inauditam partem aliquid possumus diffinire. Ubi ponderandum ly. Nec possumus, quod importat necessitatem.

69 Dicitur notanter in data num. 67. Conclusionem, quoad absentem. Nam quoad praesentem non requiritur alia citatio: haec enim solum fit, ac requiritur, ut citatus veniat: ergo, ubi is jam est praesens, cessat citandi necessitas. Jo. Andreas in cap. ult. n. 4. de Election. in li. et Abbas c. Inter quatuor. nu. 2. de Majorit. et obed. hinc inferens, quod sufficiat, casu venisse Reum ad Iudicium, licet citatus non fuerit: quumquam in continentem respondere non teneatur, si tale sit factum, quod indiget majori deliberatione.

70 Si dicatur. In can. Soetlis. 2. q. 1. et c. Cum olim. 12. de Sent. et re judicat. videtur absens, et non citatus, per Papam fuisse condemnatus: ergo. Respondent nonnulli, quos tacito nomine Glossa in utroque loco allegat, etiam ibi intervenisse citationem. Verum, quia haec responsio ex litteris non colligitur, hinc ipse, veluti voluntarie data, dimissa.

71 Respondetur, in dictis casibus ideo Papam processisse contra absentem, et non citatum: quia ibidem hinc de crimine, illinc de subreptione liquida constiterat, atque certum fuerat, quod absentem nulla competeret exceptio, sive defensio. Atque hinc responsio clare colligitur ex textu: nam in cit. can. Soetlis. 2. q. 1. dicitur, quod soetus, quod Lotharius rex in duabus foeminis commisit, omnibus manifestum est. Sicut et in d. c. cum olim. §. fin. habetur, quod de commissis per Archidiaconum (idcirco ibi condemnatum) subreptione liquida constat.

72 Porro, quando evidenter constat de crimine, simulque certum est, nullam Rei posse competere defensionem, quod tunc non requiritur citatio ipsius Rei, licet absentis, recte notat Abbas in cap. 1. n. 4. de Causa possess. et propriet. et c. Cum sit Romana. numer. 32. de Appellat. citans Innocentium c. Quando. de Translat. Episc. et alii. Atque istud, praeter Iura in objectione adducta, probatur tum ex L. 2. ff. de Administr. rerum ad Civitat. pertinent. ibi: Idque etsi contra absentem pronunciatum est, inanis querela est, juncta Glossa, et Bartolo ibidem. Tum ex eo: quia tunc frustra fieret citatio, utpote quae sit, et citatus venire parat ad se defendendum: atqui istud impraesentiarum fieri non posse, certum esse proponitur: ergo. Accedit textus in c. Cum sit Romana. 3. §. Praestare de Appellatione.

ibi: Nisi forte manifestus reus, vel fornicator existat, sicut ille, quem absentem de heretico Apostolus excommunicavit. Ubi proin Glossa fin. concludit, quod in notoriis non est aliquis vocandus in ius, arg. eam de manifesta. 2. q. 1. et eam Statutus. 11. q. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Additur notanter, simulque certum est, nullam Rei posse competere defensionem. Aliquin enim, ubicunque absenti potest competere aliqua defensio, semper requiritur citatio, etiam in notoriis: alias non valeret sententia. arg. cap. ult. de Offic. Delegat. in 6. et can. Caveant 3. q. 9. junctis Juribus supra. n. 67. citatis.

Et hac ratione isthaec Jura cum aliis, in objectione n. 70. allegatis, sunt concordanda: asserendo, quod haec procedant, ubi Rei potest competere aliqua defensio: praetera vero, seu allegata in objectione, locum habeant, ubi evidens est, nullam posse Rei competere defensionem.

Possit hoc loco ulterius quaeri, an semel rite citatus, si dicat, se nolle venire, iterum sit citandus? Verum de hoc commodius, simulque ex professo, dicetur infra Tit. 14. De Dolo et contumacia. §. 4. n. 115. et seqq. Ibi videatur.

### §. III.

De Citatione Edictali, et Reali, ac effectibus Citationum.

#### SUMMARIUM.

76 Edictalis citatio non indistincta, ac pro libitu Judicis permittitur.

77 Nec ab ea est incipiendum, quando in personam Rei potest fieri executio citationis.

78 Habet tamen locum in pluribus casibus.

79 I. Quando citandus malitiose se occultat.

80 Aut in domo sua manet clausus, ne citetur.

Reo invito non debet quis intrare domum ejus, causa citandi. Ibid.

81 II. Quando locus, ubi quis citandus foret, non potest tuto adiri.

82 Et quid, si Nuntius non intromittatur in Civitatem ad faciendam ibi citationem?

83 III. Edictalis citatio habet locum, quando citandus est vagabundus.

84 IV. Et quando contradictor est incertus.

85 R. Et quando in genere citantur omnes, quorum interest.

86 Cantela singularis pro emptoribus Castrorum etc. ad praecavendam horum evictionem: et pro advenantibus haereditatem suspectam.

87 Modus citandi per edictum competit solum Judicibus ordinariis, ac per Principem delegatis.

88 Citatio realis, in quibus casibus fieri possit? Et num. seqq.

In Causis criminalibus regulariter non potest quis capi a privato. Ibid.

89 Nisi id fiat circa deprehensum in flagranti crimine, et intentione praesentandi ipsum Judici.

90 Graviter delinquens potest capi auctoritate Judicis.

Iam et de domo sua invito extrahi. Ibid.

91 Quid in criminibus levioribus, et ubi solum veniale imponenda poena pecuniaria?

92 Capi nemo debet a. abrupto, ac nullis praecedentibus indicibus de commissis per eum delicto.

93 Qualia indicia ad hoc sufficiant?

94 In Causis civilibus regulariter citatio realis, seu captura Debitoris locum non habet.

95 An Debitor si fugitivus, aut de fuga suspectus.

96. *Intelligendo etiam de Clerico debitore.*  
 97. *Ue. Dabitur de fuga suspectus possit capi, quae requirantur?*  
 98. *Et quid scribitur de consuetudine?*  
 99. *Citationis effectus, qui? Et nup. seqq.*  
 100. *Præcipuus ejus effectus, est comparatio. Ibid.*  
 101. *Judex non potest aliquem declarare contumacem, nisi ad petitionem partis.*  
 102. *Hoc declaratur, ac limitatur.*  
 103. *Condamnari ut contumax, quando quis possit?*  
 104. *Citatio peremptoria debet continere clausulam, peremptorie; et an fieri possit sine causa?*  
 105. *Citatio inducit praevencionem inter plures Judices.*  
 106. *Ac perpetuationem jurisdictionis respectu Delegati.*  
 107. *Etiam si nondum ante obitum Delegantis pervenerit ad notitiam citati.*  
 108. *Citatio inducit litem pendentiam, postquam tamen ad partem citatam pervenerit.*  
 109. *Facitque rem litigiosam.*  
 110. *Ac interrumpit praescriptionem odiosam.*  
 111. *Citatio invalida nullum de se producit effectum.*  
 112. *Convalidatur tamen per comparitionem citati.*  
 113. *Adeo, ut nulliter citatus, et comparens, non possit amplius excipere contra nullitatem citationis.*
76. **Quaeritur. I.** In quibus casibus locum habeat Edictalis citatio; hoc est, ea, quae publice fit per Edictum in Valvis Templorum, Curiarum, aut aliis locis publicis affixum? Resp. I. Modus citandi per Edictum non indistincte, ac pro libitu Judicis permissus est, sed duntaxat in casu necessitatis, sive quando Reus aliter citari non potest. Ita Maranta *part. 6. Speculi Auri. tit. de Citatione. n. 82.* Engel *tit. de Libelli oblat. n. 15.* Pirhing *tit. de Foro compet. num. 213.* Gailus *lib. 1. Practic. Observat. 57. n. 1. ac seqq.* et communis aliorum. Patet hoc aperte ex *Clem. 1. de Judiciis*, juncta *Extravag. Rem non novam. de Dolo et contumacia*, ubi citatio per Edictum a Pontifice restringitur; ac tunc demum admittitur, quando Reus, per se, vel per alios procurat, sive impedit, ne ad ipsum pervenire possit citatio; vel quando ob locorum difficultatem haec ad eum pervenire nequit.
77. Concordat textus in *c. Causam. 3. de Dolo et contumacia. et l. Dies. 4. §. Praetor ff. de Damno infect.* ubi statuitur, non esse incipiendum ab Edictali citatione, quando in personam Rei, vel ad domum habitationis ejus, executio citationis fieri potest; alioquin enim per Judicem gravaretur citatus. Et hinc Edictales citationes, veluti a Jure communi exorbitantes, stricte sunt accipiendae, neque extendendae ultra casus speciales in jure expressos.
78. Resp. II. Dantur nihilo minus plures casus, in quibus Edictalis citatio locum habet. Ita communis; et patet inductione, enumerando dictos casus: sic quippe contingit.
79. I. Quando citandus malitiose se occultat, aut quoquo modo, sive per se, sive per alios facit, seu procurat, ne citatio ad ipsum pervenire valeat. Textus est in *c. Ex tuac. 1. de Cleric. non resident. et cit. Clem. 1. de Judic. ac Extravag. Rem non novam. de Dolo et contum. et c. Quoniam. §. Porro.* juncta Glossa, & *Impedit. Ut lite non contestat.* cum concordantiis.
80. Atque hoc ipsum procedit, quando quis manet clausus in domo sua, nec patitur se videri, ad hoc, ut non citetur; quia tunc in praesentia testium potest affigi Edictum citatorium, in janna domus suae, et perinde habetur, ac si personaliter citatus fuisset.

set. Maranta *cit. part. 6. Speculi Auri. tit. de Citatione. n. 86.* post Alexandrum in *l. Plerique. ff. De in jus vocando.* Speculator *tit. de Citatione. §. Sequitur. n. 16.* id probans ex *l. Dies. 4. §. Praetor. alt. ff. de Damno infect. et l. Aut qui aliter. ff. Quod si aut clam.* Caeterum Reo invito non debet quis intrare domum ejus causa citandi, seu vocandi eum in jus; quia faceret ipsi injuriam. *l. Plerique. juncta Glossa fin. ff. De in jus vocand. et l. Is qui in domum. ff. de Injuriis.* Fiat ergo denuntiatio ante fores. Speculator *loc. cit. n. 17.*

II. Quando locus, ubi quis citandus foret, non est tutus; hoc est, propter vigentem hostilitatem, vel ob subortas inimicitias, aut alia impedimenta, tuto, ac libere audiri non potest ad faciendam ibi citationem; nam tunc debet fieri citatio per edictum in locis vicinis, illudque in talibus locis affigi, ubi verisimiliter citatio ipsa ad notitiam citati valeat pervenire; prout statuitur in *Clem. un. de Foro compet. et Clem. Causam. de Election.* cum similibus. Et hoc plerumque tunc accidere solet, quando vel integra aliqua Respublica, sive Civitas, vel potens quispiam citatur Dominus, ob casus, suorumque adhaerentium potentiam, plerumque non patet tutus accessus Nuntiorum, qui deberent exequi citationem; praesertim, si haec procedat ex causa odiosa: quia tunc vel non admittuntur illi Nuntii, vel quandoque etiam captivantur, sive arrestantur; ac proinde sufficit, consultumque est, ut citatio fiat per edictum in locis vicinis, per Jura citata.

Declarat istud notabili casu Gailus *lib. 1. Practic. Observat. 55.* dum Nuntios citationem executurus contra citandum, non fuit a custodibus civitatis intromissus; et cum petisset citandum evocari, etiam hoc ipsi fuit denegatum; unde citationis formulam portae civitatis affixit, atque discessit. Nam quia Nuntius officium suum fecerat, nec steterat per ipsum, quo minus executio citationis ad domum, vel in personam citandi facta sit, sufficiebat, quod citatio eo loci affixa fuisset ubi verisimiliter ad notitiam citati pervenire poterat. *Clem. 1. et DD. ibid. de Judic. Rota Decis. 6. de Dolo et contum. in novis per totum.*

III. Citatio edictalis habet locum, quando citandus est vagabundus. Et quidem, si is non habeat certum domicilium, tunc Edictum citatorium debet affigi in illa Civitate, vel loco, ubi vagabundus solebat conversari. *l. Dies. 4. §. Praetor alt. ff. de Damno infect.* Si vero vagabundus alicubi habeat certum domicilium, debet affigi edictum citatorium in porta domus suae; idque in praesentia duorum, aut trium testium, vel Notarii publici, per textum in *cit. l. Dies. §. Praetor alt. et §. Toties. ff. eod. ac tradit Maranta d. part. 6. tit. de Citatione. n. 83.* post Baldum in *l. Ut perfectius. C. de Annal. except.*

IV. Si contradictor est incertus: quia tunc per edictum citantur omnes in genere, quorum interest; uti fit in *cap. ult. de Election. in 6.* ubi post electionem celebratam, per Edictum generaliter in Ecclesia, ubi ea facta est, citari jubentur omnes illi, si qui adsint volentes sese opponere dictae electioni, ut compareant intra terminum praefixum. Concordat *cap. ult. Qui matrimonium accusare poss. ubi hanna, seu denunciations matrimonium contrahendorum, in Ecclesiis fieri dicuntur, ut qui impedimentum noverit, illud debito tempore objiciat; si vero denunciationis tempore taceverit, repellatur ab accusando postmodum matrimonio, demptis casibus ibidem expressis.*

V. Citatio per edictum obtinet, quando in genere citantur omnes, quorum interest; prout desu-



mittit ex l. Si eo tempore. C. de Remission. pignor. ibi: Si eo tempore, quo praedium distrahebatur, programmate ( hoc est, scriptura publica proposita ) admoniti creditores, cum praesentes essent, jus suum executi non sunt, possunt videri jus suum amisisse. Et hac ratione creditores alicujus foras ex tali loco discedere valentis, quando ipsi sunt inerti, possunt citari per publicum edictum, sive Proclama, ut certo tempore coram legitimo Judice compareant, ibique creditum suum proponant, atque deducant; alioquin vero ipsis perpetuum silentium imponatur. Felix in c. Cognoscentes. num. 9. de Constitut. et c. Quoniam frequenter. numer. 14. Ut lite non contestat. Speculator tit. de Citatione. §. Sequitur. n. 19. et alii.

86 Addit Gailus d. lib. 1. Practic. Observat. 57. n. 7. Post Romanum Consil. 53. n. 3. et alios, hanc esse singularem cautelam pro captoribus Castrorum, vel Praedictum, ad praecavendam horum evictionem, ut publicis Edictis curent citari omnes, qui sua interesse, ibique aliquid juris esse habere putaverint, sub comminatione perpetui silentii. Atque ob eandem rationem potest fieri citatio per edictum ratione incertitudinis debitorum a defuncto contractorum; si quis beneficio Inventarii velit adire haereditatem suspectam, et de certis creditoribus non constat, per jura, et DD. hactenus allegatos. Tacentur nonnulli alii casus, in quibus potest fieri citatio per Edictum, quorum universum tredecim enumerat Maranta cit. part. 6. tit. de Citatione, a n. 83. usque ad n. 95. post Baldum in l. Etiam. C. de Execut. rei judicat.

87 Solummodo praemissis adde, quod modus citandi per edictum competat duntaxat Judicibus ordinariis, atque Delegatis a Principe. Auth. Qui semel. C. Quomodo et quando judex etc. juncta Auth. de Litigiosis. §. Si vero Collat. 8. ubi solum Judicibus ordinariis, ac per Principem delegatis, permittitur citare per edicta. Hinc alius Delegatus non potest sic citare per edictum, sed oportet, ut ad illum recurrat, causamque ipsi renuntiet, a quo datus est, Auth. de Exhibendis Reis. §. Si vero etiam quidam. Collat. 5. Nisi forsitan hoc ipsi specialiter concessum fuerit, aut per consuetudinem, quae tribuit jurisdictionem, permittatur. Gailus cit. Observat. 57. n. 11.

88 Queritur II. In quibus casibus fieri possit Citatio realis; hoc est, per capturam, sive apprehensionem personae? Resp. I. Loquendo de causis criminalibus, regulariter non potest quis capi a privato; bene tamen in delictis gravioribus auctoritate Judicis, sique citari citatione reali. Ita Abbas in c. Lator. n. 3. de Pignorib. Bartolus in l. Cum eo. §. Si vero quaeris. ff. Ad Leg. Jul. Peculat. Card. Tuschus Litt. C. Concl. 69. n. 5. et seqq. Julius Clarus in Praxi criminali. lib. 5. §. An. quaest. 28. et alii. Prior pars patet ex l. Neminem. C. de Exhibend. Reis, cujus verba sic sonant: Neminem in judicio exhibendum esse praecipimus, nisi de cujus exhibitione judex pronunciaverit. Ubi Glossa, §. Neminem, istud intelligit de privato. Concordat l. Non est singulis. ff. de Reg. Jur. Quin imo propria sua auctoritate, ac sine Judicis mandato quempiam carcerari, dicitur privatum carcerem committere: hoc est, privati carceris poena plectendus est, quae est poena capitalis, ac ultimi supplicii, l. un. C. de Privat. carcerib. Farinacius lib. 1. Criminal. quaest. 27. n. 8. et 9. citans alios.

89 Atque hoc procedit regulariter: nam dantur plures casus, in quibus cuilibet etiam privato, absque alio Judicis mandato, licitum est graviter delinquentes capere. Idque vel maxime procedit circa deprehensum in flagranti crimine, quando captus ejus non sit animo retinendi Reum in carcere,

sed intentione praestandi ipsam Judici intra tempus a Jure permissum, hoc est, intra viginti horas, l. Capite quinto. ff. Ad Leg. Jul. de Adulter. et l. Interdum. 58. §. Qui furem. ff. de Furtis. Abbas cit. n. 3. Farinacius d. lib. 1. tit. 3. quaest. 21. n. 139. et tit. 4. quaest. 27. n. 22. et 23. ubi plures alios tales casus refert, de quibus Civilitae.

90 Altera vero pars, nempe quod graviter delinquens possit auctoritate Judicis capivari, sique citari citatione reali, est communis; ac patet ex praxi recepta Tribunalium. Et hoc adeo verum est, quod, licet caeteroquin nemo de domo sua invitus extrahi debeat, l. Nemo de domo. ff. de Reg. Jur. eo quod domus intusimam cuique refugium, atque receptaculum sit, l. Plurique. ff. De in jus vocand. tamen pro delictis gravibus possit quis non solum auctoritate Judicis incarcerationi, sed etiam de domo sua invitus extrahi. Glossa in cit. l. Nemo de domo. Bartolus, ubi supra, et communis.

91 Intellige hoc de gravibus criminibus, id est, talibus, pro quibus poena corporalis est imponenda: secus in aliis levioribus, nam pro his Reus non est ad carceres ducendus. Abbas cit. c. Lator. n. 3. de Pignorib. istud satis aequum esse asserens. Julius Clarus cit. §. An. quaest. 28. n. 1. Quamvis Bartolus, ubi supra, asserat, quod auctoritate Judicis Reus pro causa criminali indistincte possit capi: atque Farinacius cit. lib. 1. quaest. 27. n. 39. contra Julium Clarum ex professo doceat, verius esse, ac in practica communiter receptum, quod captura in criminalibus per Judices licite decernatur non solum, quando agitur de poena corporali, sed etiam quando solum venit imponenda poena pecuniaria; licet datis postea fidejussoribus, detentus debeat relaxari, ubi solum agitur de poena pecuniaria, arg. c. Si Clericus. 15. de Sentent. excomm. in 6. et l. 1. ff. de Custod. et exhibit. reor. ubi Bartolus, et DD.

92 Insuper hactenus dicta procedunt, quando de commissio per Reum delicto constat, vel saltem gravis contra eum indicia praecedunt. Non enim potest Judex mandare aliquem capi ex abrupto, ac nullis praecedentibus judiciis de commissio per eum crimine, arg. l. 1. ff. de Quaestionib. et l. penult. C. cod. Farinacius cit. quaest. 27. n. 112. et 116. asserens, hanc esse communem, ac aequiorem sententiam, quidquid nonnulli ab eodem citati num. 115. scripserint in oppositum: sed oportet, quod praecedant legitima indicia, seu informationes de commissio per carcerandum crimine.

93 Verum tamen quae indicia ad hoc sufficiant, non tam facile est generatim determinare, atque in causis particularibus melius istud Judicis arbitrio relinquitur, qui id inspecta delicti, et circumstantiarum, personarumque qualitate prudenter dijudicabit: attendendo simul, ne ob insufficientiam indiciorum, aut malitiosam quorundam informationem, innocentia, dignitasque personae injuste patiatur, ac vexetur, arg. cit. l. 1. de Custod. et exhibit. reor. Julius Clarus cit. quaest. 28. n. 2. vers. Et quia. Farinacius loc. cit. n. 126. et alii.

94 Resp. II. Loquendo nunc de causis civilibus, regulariter citatio realis, seu captura Rei, sive Debitoris, non habet locum. Ita Abbas cit. c. Lator. n. 3. de Pignorib. Bartolus in l. Cum eo. §. Si vero quaeris. ff. ad Leg. Jul. Peculat. Gailus lib. 1. Pract. Observat. 25. n. 1. citans communiter Doctores. Patet hoc ex l. Nemo. C. de Exactorib. Tributor. lib. 10. ubi prohibitum legitur, pro debitis etiam publicis aliquem incarcerationi: quia ( inquit textus ) carcer poenalius, carcer noxiorum hominum est. Accedit, quod infinita aestimatio est libertatis, et necessitudinis, l. Non est singulis. ff. de Reg. Jur. Ut proinde etiam Ob aes alienum servire liberos creditoribus

Jura compelli non patiuntur, per textum notabilem in l. Ob aes alienum. C. de Action. et obligation.

95 Dicitur, regulariter citatio realis etc. Fallit enim data Conclusio in nonnullis casibus, et praesertim tunc, quando debitor est fugitivus; vel saltem de fuga suspectus: nam talis, ne iterum elabatur cum magno creditoris damno, potest capi, et incarcerationi, de auctoritate tamen ac licentia Judicis, si tam cito haberi potest, arg. L. ult. a. de Exhibend. reis. Speculator tit. de Citatione. §. 1. n. 8. Gailus lib. 1. Pract. Observat. 48. n. 10. et alii. Alioquin autem debitor fugitivus, aut de fuga suspectus, potest etiam capi, atque incarcerationi per creditorem, aut alium ejus nomine, si non adest facultas adeundi Judicem, aut capia ipsius tam cito haberi nequit, l. Ait Praetor. §. Si debitorem. juncta Glossa, §. Locum fore. ff. Quas in fraudem credit. et l. Generaliter. C. de Decurionib. lib. 10. ac tenet Jason in l. Finum. n. 3. et seqq. ff. Si certum potatur, citans aliorum, atque extendens hoc ad tempus feriatarum; addo, ut debitor de fuga suspectus capi valeat etiam in diebus festis ad honorem Dei.

96 Addit Abbas in c. Cum non ab homine. n. 17. et 18. de Judiciis, et Gailus lib. 2. Pract. Observat. 44. n. 2. citans alios, hoc procedere etiam in Clerico debitore, atque de fuga suspecto, vel recedente cum re mea; adeo, ut Clericus ille cum moderamine inculpatae tutelae capi possit a Laico creditore, ut Judici suo Ecclesiastico praesentetur. Facit ad hoc textus notabilis in c. Olim causam. 12. de Restitut. spoliat. ubi approbatur factum invadentis Clericum, ac vim vi repellentis pro recuperanda re sua, dummodo moderamen inculpatae tutelae non excedatur.

97 Recte tamen monet Gailus cit. Observat. 44. n. 5. et seqq. ad hoc, ut debitor de fuga suspectus capi valeat, tria potissimum requiri. I. Quod debitum sit certum et liquidum, v. g. ex chirographo debitoris, vel instrumentum publico, aut testibus. II. Quod debitor tempore contractus adhuc fuerit integritate fidei, atque opinione creditoris pro idoneo et solvendo habitus; alioquin enim creditor suae levitati imputare debet, quod sciens prudensque cum suspecto contraxerit; sique non habebit locum apprehensio personalis. III. Quod suspicio fugae juramento creditoris Judici (dummodo hujus copia tam cito haberi possit) rite probetur per conjecturas verosimiles: ut puta, quod Reus latitet, sit vagabundus, vel ad fugam sese praepararet, atque alia bona immobilia amplius habeat. Et hisce concurrentibus debitor ex causa civili, Judici auctoritate, ac licentia recte incarcerationi poterit: alias secus, l. Non est singulis. ff. de Reg. Jur. Quin imo debitor incaute sua libertate spoliatus, ante omnia restitui, seu relaxari debet, arg. Plerique. ff. De in jus vocando.

98 De consuetudine tamen isthaec requisita tam stricto non observantur, praesertim cum Forensibus et advenis, qui passim in Germania arrestari permittuntur ad simplicem Creditoris petitionem, donec huic de solutione securum reddant datis pignoribus, vel Fidejussoribus. Gailus loc. cit. n. 10.

99 Queritur III. Qui sint effectus Citationis? Resp. I. Effectus citationis legitime factae varii sunt. Et quidem primus atque praecipuus citationis effectus est comparitio: ea siquidem constringit citatum ad comparandum, nisi iusta exceptione sese teneat; alioquin citatus cessante iusta causa non comparens, ad instantiam alterius partis potest declarari, et puniri ut contumax, cap. ult. Ut lite non contestat. cum similibus. Vallensis tit. de Foro compet. §. 5. n. 1. Gailus lib. 1. Pract. Observat. 51. n. 8. et alii.

Addit notanter, ad instantiam alterius partis. 100 Siquidem Judex officium suum impeniri non debet, nisi postulatur, praesertim, si de fac. ip., et non de jure controversatur, ut l. Dicit §. Hoc, autem. ff. de Damno infecto: sique non potest Juxta ex officio decernere Proclama contra contumacem, declarando videlicet ipsum contumacem, sed duntaxat ad instantiam et petitionem alterius partis, arg. l. P. Properandum. §. Et si quidem. et notat Jason ibid. n. 3. C. de Judiciis. et Auth. Qui semel: et ibi Barcola n. 1. C. de Temporib. appellat. Maranta part. 6. §. scilicet Aurei, tit. de Contumacia: n. 15. Gailus lib. 1. Practic. Observat. 55. n. 3. et alii.

Intellige, quod non possit Judex, nisi parte instante, procedere contra citatum non venientem, quantum ad hoc, ut valeat istum condemnare tanquam contumacem, aut mittere adversarium in possessionem honorum, contumacis, et hujusmodi: nec cur, quoad alios effectus, qui vel non respiciunt Juxta adversarii, vel ipso jure inducuntur a Lege; aut statuto. Unde si ex forma statuti cujuspiam contumax habeatur pro confesso, et convicto, quantum ad obtinendum hunc effectum non requiritur, ut praesens accuset alterius contumaciam, et instet Jason in d. l. Properandum. §. Et si quidem. n. 7. C. de Judic. Maranta cit. n. 15. in Additione, et alii. Item potest Judex citatum, et contumaciter absentem, ob commissam erga se inobedientiam mulciare, etiam altera parte non petente, l. Ex quacunque. ff. Si quis in jus vocatus etc. et amplius dicitur infra Tit. 14. de Dolo et contumacia. n. 66. et 67. et n. 134. ac seqq.

Quin imo non illico ad unam legitimam citationem non comparens, poterit instante altera parte condemnari ut contumax: sed requiritur vel trina citatio, iusto temporis intervallo interposito facta, vel saltem una peremptoria, continens tantum temporis spatium, quantum continere deberent aliae tres simplices. Textus est in can. De illicita. §. Quicumque. 24. q. 3. et l. Ad peremptorium, ac seqq. ff. de Judiciis, juncta l. Properandum. §. Et si quidem. C. eod. et Auth. Qui semel. C. Quomodo et quando etc. Quamquam de hoc ipso uberius restet dicendum infra Tit. 8. de Dilationibus. §. 2. n. 26. et seqq. et Tit. 14. de Dolo et contumacia. §. 4. n. 107. et seqq.

Solum adde, quod in citatione peremptoria necessario exprimi debeat clausula illa, peremptoria: quatenus hac ratione intelligere possit citatus, sibi non esse licitum, aliam adhuc citationem expectare. Et quamvis unica citatio peremptoria non nisi ex iusta causa fieri debeat, v. g. ob distantiam viarum; ut c. Tum ex litteris. §. fin. De in integr. restitut. et cap. ult. juncta Glossa, §. Peremptorium de Dilationib. tamen valere citationem peremptoriam etiam sine alia causa urgente, recte notat Abbas cit. cap. ult. n. 9. de Dilation. et sequitur Vallensis eod. tit. n. 7. Siquidem peremptorium habens competentia intervalla, regulariter equiparatur trinae citationi, l. Contumacia. ff. de Re judicat. et l. Tres denunciationes. C. Quomodo et quando judex etc. Simulque unica peremptoria citatus non potest iuste conqueri propter hoc, eo quod ipsi adhuc tempus competens concedatur, et tale, quale per triam citationem concedi deberet.

Alter effectus citationis est, quod inducat praeventionem inter plures Judices, sive delegatos, sive ordinarios, habentes concurrentem jurisdictionem in solidum. Siquidem in causis mixti fori, vel quando earum cognitio concurrunt potest competere diversis Judicibus, citatio ab uno horum facta ita arceat citatum (dummodo ad huic pervenerit citatio) ut is, veluti citatione praeventus,

tenetur coram Iudice illo citante causam prote-  
qui; non obstante, quod forsitan post citationem  
mutavit forum, atque ulterius jurisdictionis esse  
coeperit, c. *Proposui*. 19. de *Foro compet.* juncta  
l. *Si quis postea*. ff. de *Judiciis*, estque amplius  
dictum supra Tit. 2. De *Foro competent.* §. 8. n.  
168. et seqq.

105 Tertijs citationis effectus est perpetuatio juris-  
dictionis respectu Judicis delegati; ita videlicet, quod  
superveniente morte Delegantis non expiret jurisdi-  
ctio Delegati, c. *Gratum*. 20. de *Offic. Delegati*.  
Porro ad perpetuandam jurisdictionem Delegati ( si-  
ent et ad inducendam liti pendentiam, et praeven-  
tionem ) sufficit prima citatio, et non necessario  
debet esse tria: juxta Glossam in *Clem.* 1. §. *Ci-  
tationes*. de *Judiciis*, et tenent communiter Docto-  
res apud Abbatem in cit. c. *Proposui*. n. 9. de  
*Foro compet.*

106 Addit Abbas in *Clem.* 2. n. 6. *Ut lite pendente et*  
c. et Gailus lib. 1. *Pract. Observat.* 74. n. 19. post  
Rotam *Decis.* 9. tit. de *Dolo et contum.* in antiq. per  
solam citationem a Delegato emissam, quamvis non-  
dum ante obitum Delegantis ad notitiam citati per-  
venerit, jam perpetuari jurisdictionem Delegati. Et  
merito: quia Delegatus emittendo citationem, jam  
coepit uti sua jurisdictione; et consequenter cense-  
tur perpetuata sua jurisdic-tio, arg. c. *Licet*. 30. et  
c. *Gratum*. 20. juncta Glossa, §. *Quasi coeptum*. de  
*Offic. Delegati*, estque amplius dictum Lib. 1. Tit.  
3. De *Rescriptis*. §. 10. n. 241. et seqq. solvendo  
contraria.

107 Quarto, Citatio a Iudice competenti emanata in-  
ducit liti pendentiam, postquam tamen ad partem  
citatum pervenerit, vel per eam factum fuerit, quo-  
minus ad ejus notitiam perveniret. Textus est in  
*Clem.* 2. *Ut lite pendente etc.* ubi proin Glossa,  
§. *Ad partem*. et Abbas n. 6. advertunt, quod licet  
quoad perpetuandam jurisdictionem sufficiat, cita-  
tionem emanasse a Iudice delegato, ut proxime di-  
ctum: tamen quoad inducendam liti pendentiam,  
atque ad eum effectum, ut lite pendente nihil in-  
novari possit, non sufficiat emanasse citationem;  
sed ulterius requiratur, quod pervenerit ad partem  
citatum, per textum ibidem.

108 Quinto, Citatio facit rem litigiosam; ita, ut post  
interpositam legitime citationem, prohibita sit alie-  
natio res illius, super qua oritur controversia. *Auth.*  
*Litigiosa res*. C. de *Litigiosis*, estque jam dictum  
supra Tit. 1. De *Judiciis*. §. 1. n. 23.

109 Sexto, per solam citationem interruptitur prae-  
scriptio odiosa; nempe ea, quae est inducia in odium  
negligentis, seu non repetentis rem suam tempore  
debito: ut est praescriptio longissimi temporis, seu  
triginta, vel quadraginta annorum, quae cum bona  
fide, etiam sine titulo, currit contra sic negligen-  
tes. Nam quia per citationem, ad petitionem partis  
autes negligentis factam a Iudice, cessat dicta ne-  
gligentia; merito per ipsam interruptitur ejusmodi  
praescriptio odiosa, arg. l. *Sicut in rem*. juncta  
Glossa, §. *Per exocularem*. C. de *Praescript.* 30.  
vel 40. ann. Abbas in c. *Illud autem*. n. 13. de *Prae-  
script.* Gailus cit. *Observat.* 74. n. 20. et alii, estque  
jam dictum supra cit. Tit. 1. n. 21.

110 Queritur IV. An etiam citatio invalida, quosdam  
habeat effectus? Resp. cum communi: Citatio in-  
valida nullum de se producit effectum, neque com-  
mittit aliquem in mora, nec citatum astringit ad  
comparendum. Ita clare habetur ex *Clem. Causam*.  
§. *fin.* de *Election.* ibi: *Intimatio vero aliter facta*  
*omni careat juris effectus*: juncto cap. ult. de *Feris*.  
Nam paria sunt, aliquid non fieri, et minus legi-  
time fieri, l. *Quoties*. ff. *Qui satisfacere cogantur*,  
cum concordantibus ibidem a Glossa relatis.

Additur notanter, nullum de se producit effectum. 122

Nam, si post factam illegitimam citationem ultro ci-  
tatus compareat, convalidatur citatio per comparitio-  
nem, ac perinde aetat citatum, sicut citatio legiti-  
ma. Ita Vallensis tit. de *Foro compet.* §. 5. n. 5. Ja-  
son l. *Ne quis messium*. n. 2. ff. de *Feris*, id pro-  
bans per textum ibidem: *Hicque sponte consentiant*.  
Maranta part. 6. *Speculi Aurei*, tit. de *Citatione*.  
n. 73. Gailus d. lib. 1. *Pract. Observat.* 58. num.  
1. etiam alios. Accedit ratio: quia sola praesentia  
partis absque alia citatione sufficit, ut processus  
atque sententia Judicis valeat, arg. l. *De unoquo-*  
*que*. ff. de *Re judicat.* Siquidem praesens regula-  
riter citari non debet, cum effectus citationis sit  
comparitio: neque citatio est de substantia liti, quan-  
do pars est praesens, et dictum supra §. *praec.* nu-  
mer. 69.

Et hinc nulliter citatus, quamvis comparere non  
teneatur, si tamen comparuerit, non amplius ex-  
cipere potest contra nullitatem executionis citatio-  
nis ( haec enim per comparitionem jam fuit con-  
validata ) sed tenetur respondere libello, vel ter-  
minum ad comparendum petere. Gailus cit. *Ob-  
servat.* 58. num. 1. Notanter dicitur, *contra nul-*  
*litatem executionis citationis*, quasi nimirum haec  
non rite facta, ac proin invalida sit: nam contra  
incompetentiam Judicis excipere quis non prohi-  
betur, si habeat aliunde justam causam declinandi  
forum.

#### TITULUS IV.

##### De Mutuis Petitionibus.

###### 1 Ratio continuationis Rubricarum.

Intellecta Actoris petitione ex libello per ipsam  
Judici, et per hunc Reo oblato, si quid vicissim  
Reus putet sibi ab Actore deberi, id proponere po-  
terit reconveniendo Actorem: quod quidem fieri so-  
let per mutuas ( ut hic loquitur Pontifex ) *Petitio-*  
*nes*, sive per mutuas *Actiones*, ut dicitur l. *Si idem*.  
ff. de *Jurisd. omn. judic.* In quo casu cum libelli  
ex utraque parte porrigantur, merito praesens Ru-  
brica subjicitur praecedenti, quae fuit *De Libelli*  
*Oblatione*.

###### §. I.

##### De Mutuis Petitionibus, ipsaque Reconventiones generationem.

###### SUMMARIUM.

- 1 *Mutuas petitiones, quid?*
- 2 *Reus conventus non cogitur reconvenire Actorem.*
- 3 *Si tamen vult, tenetur eum reconvenire coram eo-*  
*dem Iudice? Et nam. praec.*
- 4 *Noquit Actor, quoad reconventionem, ubi ea lo-*  
*cum habet, se ulla Fori incompetentis exceptio-*  
*ne tueri.*
- 5 *Reconventio generatim, in quibus causis locum ha-*  
*beat?*
- 6 *Ea non habet locum in causis criminalibus crimi-*  
*naliter motis.*
- 7 *Secus, ubi more civiliter proceditur.*
- 8 *Insuper reconventio non habet locum in causis ex-*  
*ecutivis.*
- 9 *Nec in causa appellationis.*
- 10 *Intellige de appellatione judiciali: secus in extra-*  
*judiciali. Ibid.*



- 11 *Reconventio etiam locum non habet, ubi qualitas causae eidem repugnat. Et num. seqq.*  
*Ut si una causa sit liquida, altera illiquida. Ibid.*
- 12 *Vel ubi causa conventionis est summaria, altera ordinaria: quod tamen limitatur.*
- 13 *Aut quando Judex, quem Actor adiit, de altera causa cognoscere nequit.*
- 14 *Ne quidem utraque parte consentiente: alias secus.*
- 15 *Per reconventionem extenditur jurisdictio Judicis: quomodo?*
- 16 *Reconventio non procedit coram Arbitris.*
- 17 *Et quibus?*
- 18 *Nec in Reo excommunicato.*
- 19 *Neque valet reconventio reconventionis.*

2 **Q**uaeritur I. Quid sint, et coram quo fieri debeant Mutuae petitiones? Resp. I. *Mutuae petitiones* aliud non sunt, quam conventio ex parte Actoris, et reconventio ex parte Rei. Ita Abbas *ad Rubricam h. t.* Siquidem *Reconventio* est secunda conventio, sive reciproca petitio, qua videlicet Reus viso Actoris libello, vicissim aliquid ab eo petit: sicque interveniunt duae petitiones, quas appellant *Mutuas petitiones*, hoc est, reciprocas.

3 Resp. II. Quamvis Reus conventus non cogatur reconvenire Actorem, si tamen ipsum reconvenire velit, tenetur hoc facere coram eodem Judice. Ita communis. Et quidem prima pars patet ex *L. un. C. Ut nemo invitatus etc.* ubi dicitur, quod invitatus agere, vel accusare nemo cogatur. Atqui reconventio spectat ad actiones, arg. c. *Cum inter. §. An. de Exception.* Proinde si quis reconvenire noluerit, expectet terminum primae litis, eaque finita adversarium suum conveniat: idque vel coram eodem, vel coram alio competenti Judice.

4 Altera pars est Abbatis *in cap. 1. n. 27.* et Barbosa *eod. cap. 1. n. 2. h. t.* et aliorum, juncto textu ibidem, dum Judex, etiam Delegatus, jubetur compellere Actorem ad respondendum Reo in causa reconventionis, atque utramque causam vicissim audire. Concordat *cap. 2. eod. ibi: Et Reus coram eodem judice Actorem reconveniat.* Item, et adhuc clarius, *Auth. Et consequenter. C. de Sentent. et interlocut. omn. Judic.* ubi expresse statuitur, quod is, qui reconvenire vult, non possit, nisi coram eodem Judice, et statim, reconvenire: si vero iste displiceat, debeat ipse recusari ( dummodo subsit justa causa recusandi ) vel expectandus sit terminus primae litis, qua prius ventilata, et discussa, tum demum alter admittatur. Accedit ratio, in lumine naturali fundata: tum ne in calumniosa Rei potestate sit, Actorem ad diversos Judices trahere, sicque ejus actionem eludere, *l. Si idem. §. Quod si. ff. de Jurisdic. omn. judic.* Tum ne causae continentia dividatur; simulque, ut hac ratione facilis citiusque lites dirimantur, sicque consulatur publicae quieti: nam Judex, etiam delegatus, tunc utramque causam, tam conventionis scilicet, quam reconventionis, ordine successivo simul audire, atque una sententia terminare debet, *cit. cap. 1. h. t.* atque amplius declarabitur infra §. 3. n. 45. et seqq.

5 Resp. III. Nequit actor quoad reconventionem, ubi ea locum habet, se ulla fori incompetentis exceptione tueri, quo minus, si a Reo reconveniat, coram eodem Judice respondere teneatur. Ita Vallensis *h. t. §. 1. n. 3.* Sennig. *h. t. cap. 1. n. 4.* et alii, atque habetur in *l. Cum Papinianus. juncta cit. Auth. Et consequenter. C. de Sentent. et interlocut. omn. judic.* estque canonizata in *can. Accusatores. 3. q. 8.* addita hac ratione: *Cujus in agendo quis observat arbitrium eum habere etiam contra se judicem*

in eodem negotio non dedignetur. Concordat textus in *l. Qui non cogitur. 22. ff. de Judiciis*, ibi: *Qui non cogitur in aliquo loco judicium pati, si ipse ibi agat, cogitur excipere actiones, et ad eundem judicem mitti.* Verum tamen ista procedunt duntaxat in illis casibus, in quibus reconventio locum habet: hanc enim non ubique locum habere, illico dicitur. Unde

Quaeritur II. An in omnibus prorsus causis locum habeat Reconventio? Resp. Negative. Licet enim generatim loquendo in omnibus causis locum habeat reconventio, ubi non repugnat qualitas causae, aut non reperitur specialis in Jure prohibitio; nihilo minus sunt quaedam exceptae.

Et primo quidem in causis criminalibus criminaliter motis non habet locum reconventio: siquidem *non relatione criminum, sed innocentia reus purgatur*, ut dicitur in *l. Is qui reus. ff. de Publicis judiciis*. Quin imo pendente accusatione non potest accusatus, nisi prius se purgaverit; alios accusare de pari vel minori crimine, quando non suas, vel suorum injurias persequitur, *l. Neganda. C. De iis, qui accusare non poss.* estque Canonizata in *can. 1. et 2. caus. 3. q. 11.*

Quod si vero mere civiliter procedatur, recte admittitur reconventio civiliter de crimine: quia tunc nihil impedit. Abbas *in cap. 1. num. 22. h. t.* Vallensis *eod. §. 2. n. 3.* Maranta *part. 4. Speculi Aurei. dist. 6. num. 68.* Sennig. *h. t. cap. 2. n. 3.* et alii.

Deinde reconventio non habet locum in causis executivis: hoc est, in illis, quae paratam habent executionem. Sic compensatio, sive reconventio, locum non habet in Deposito, *cap. ult. de Deposito. et l. Si quis vel pecunias. C. Depositi.* Item, quando petitur executio instrumenti confessionati: quia habet vim sententiae, atque paratam executionem. Vallensis *h. t. §. 2. n. 4.* Maranta *part. 4. Speculi Aurei. dist. 6. n. 39.* citans Baldum in *Auth. Et consequenter.* Item in causa spoli: nam spoliatus ante omnia restituendus est, et si cum spoliator conveniat, non tenetur huic respondere ante factam sibi restitutionem spoli, *c. Super spoliatione. de Ordine cognit.* Addit Barbosa *in cap. 1. numer. 8. h. t.* etiam in actione de dote reconventionem non admitti.

Uterius reconventio non habet locum in causa appellationis, arg. *L. 1. ff. Eum, qui appellaverit etc.* Siquidem in causa appellationis cessat ratio, quae in *l. Cum Papinianus, n. 5.* allegata, refertur: quia Judex appellationis non ex mero arbitrio, sed ex necessitate adiit, videlicet propter gravamen, quod appellans sibi putat injuste illatum. Hoc tamen intellige de appellatione judiciali: nam quando appellatur extrajudicialiter, admittitur reconventio: quia tunc judex principaliter, atque ex proprio arbitrio adiit. Speculator *tit. De Reconventione. §. Nunc dicamus. num. 6.* Abbas *cap. 1. n. 31. h. t.* Maranta *cit. dist. 6. n. 27.* Pirhing *h. t. n. 16.* et alii.

Quarto non habet locum reconventio, ubi natura seu qualitas causae reconventioni repugnat: ut si ab una parte debitum sit liquidum, ab altera vero non liquidum. Debet enim vel utraque causa esse liquida, vel utraque illiquida: siquidem reconventio non magis est admittenda, quam compensatio, cum qua habet affinitatem: haec autem non admittitur, nisi in debitis ejusdem qualitatis. Accedit, quod ceteroquin alteri parti, cujus causa est liquida, manifesta fieret injuria, si decisio suae causae liquidae retardaretur propter causam reconventionis ab altero propositam, quae illiquida est, longiorique indiget discussione. Locsius

n. 9. h. 2. et concordant illico dicenda *num. seq.*

12 Deinde, quamvis, si utraque causa si summaria, non dubitetur, quin locus sit reconventioni, cum simul tractari valeant. Abbas *cap. 1. n. 18. h. 1. Bartolus in Auth. Et consequenter. §. Juxta hoc quaero. C. de Sentent. et interlocut. omn. judic.* Nihilominus quondam causa conventionis est summaria, non habet locum reconventio causae ordinariae, seu requirentis processum plenarium, sive ordinarium. Jo. Andreas *in cap. 1. n. 3. §. Illud autem notandum. h. 1. Speculator, ubi supra, n. 11. Card. Tuschus Litt. R. Concl. 61. n. 9. citans Socinum Reg. 1. Reconventio Actoris, in 3. Fallent.* Ratio est: quia alioquin pariter magna inferretur injuria Actori, dum causa principalis per ipsum summarie intentata, et claritatem requirens, ad longum suspenderetur ob processum plenarium in reconventionis ordinaria observandam. Nisi dicere velis cum Abbate *in dic. cap. 1. num. 19. h. 1. quod tunc causa reconventionis trahatur ad naturam causae conventionis, arg. c. Prudentiam. h. 2. adeoque ubi ista est summaria, etiam causa reconventionis sit summarie expedienda. Vel cum Bartolo *loc. cit. et Sannig h. 1. cap. 2. num. 1. et nonnullis aliis, quod tunc habeat quidem locum reconventio quoad effectum prorogativum jurisdictionis (hoc est, ut Juxta conventionis summariae possit etiam procedere in causa reconventionis ordinariae) non tamen quoad hoc, ut ambae causae simul debeant tractari, atque eadem sententia terminari; prout in simili dicitur infra §. 3. n. 43. et 44.**

13 Ulterius reconventio non habet locum, ubi talis est qualitas causae, ut Juxta, quoniam Actor adiit, de ea ob suam incapacitatem cognoscere nequeat: prout accidit in causis spiritualibus, super quibus Juxta laicus cognoscere non potest, ne quidem incidenter, *c. Tuam de Ordin. cognit. juncta Glossa fin. ibid. et communi DD.* Unde quoad causam spirituales non habet locum reconventio coram Juxta laico: quamquam in hoc casu locum habeat reconventio coram Juxta Ecclesiastico competente, ad quem oportet talem causam remittere, etiam judicio conventionis adhuc pendente, *cit. c. Tuam de Ordin. cognit. et c. Later. Qui filii sint legitimi.*

14 Nec obstat testus in l. Quoties. C. de Judiciis, et l. Si idem. ff. de Jurisdic. omn. Judic. ubi Juxta, qui de causa aliqua graviori principaliter cognoscere nequit, nihilominus super ea incidenter, ad mediante reconventionem cognoscit. Resp. enim cum Abbate *in cap. 1. num. 28. et seqq. h. 1. distinguendo inter ejusmodi causas graves: nam harum quaedam sunt tales, de quibus Juxta cognoscere non potest nisi partibus volentibus prorogare jurisdictionem ejus; et in his habet locum reconventio: quia per electionem noius judicis Actor sibi praepjudicat; et debet pati eundem judicem etiam contra se, ut *cit. l. Cum Papinianus. C. de Jurisdic. omn. judic. cum similibus.* Quaedam vero sunt causae, de quibus Juxta non potest cognoscere etiam utraque parte consentiente: et in his non est locus reconventioni, nam natura causae non patitur talem judicem. Et hoc posterius accidit in causa spirituali respectu Juxta laici: prius autem procedit in illis causis, de quibus Juxta nequit cognoscere, nisi ex consensu partium, suam jurisdictionem prorogantiam, de quibus sermo est in *cit. l. Quoties et l. Si idem.**

15 Nec ulterius obstat, quod per reconventionem extendatur jurisdictio Juxta. Resp. enim, per eam extendi quidem jurisdictio Juxta respectu personae reconventae, utpote in quam alias non haberet Jurisdictionem: non tamen ex-

REIFFENSTUEL Jus Can. Tom. II.

tendere ejus jurisdictionem respectu causae, quae ex sua natura repugnat reconventioni, aut quae ob suam specialem qualitatem non nisi curam certo Juxta, puta Ecclesiastico, tractari potest. Neque enim reconventio tollit incapacitatem, quam habet Laicus ad cognoscendum super causa spirituali, vel spiritualibus annexa.

Quinto, non procedit reconventio coram Arbitris, *c. Cum dilectus. 6. de Arbitrio.* Siquidem Arbitrarius non habet potestatem judicandi ultra comprehensa in compromisso; sicque coram eo non est locus reconventioni; cum haec egrediatur terminos compromissi.

Notant tamen Doctores, hoc procedere solum de Arbitrio voluntario seu compromissario, qui ex libera partium voluntate, atque consensu eligitur: nam tunc est, quod imputatur Reo, cur causam suam non fecerit meliorem, exprimendo in compromisso, ut datur locus reconventioni. Secus est in Arbitrio juris, sive necessario, utpote qui ex necessitate, seu dispositione juris eligendus est: nam tunc Reus non vere libere, sed ex necessitate, Juris dispositione compromittere debet; sicque locum habere potest reconventio. Intellige, dummodo arbitrarius hujusmodi electus fuerit super tota causa aliqua, et non solum super certo articulo causae, puta ad cognoscendum de suspicionem Juxta: nam coram tali arbitro, etiam necessario, non habet locum reconventio: secus, si est deputatus ad totam causam. Abbas *in cit. c. Cum dilectus. num. 7. de Arbitris. Maranta part. 4. Specul. Aur. distinct. 6. n. 20. citans alios; estque jam dictum Lib. 1. Tit. 43. de Arbitris. §. 3. n. 60. et 68.*

Sexto, non procedit reconventio in Reo excommunicato. Etenim excommunicatus stare possit in judicio ut reus, ubique se defendere, excipere, imo, et appellare: nihilominus Actorem reconvenire non potest; *Ne quod in defensionis remedium sustinetur, ad impugnationis materiam extendatur, ut loquitur Pontifex in c. Cum inter. 5. de Exception.* Ratio diversitatis innuitur citatis verbis: nam priora spectant ad defensionem, quae cuilibet, etiam excommunicato, naturali aequitate concessa est: reconventio autem spectat ad impugnationem, seu reciprocam actionem. Atqui agere in judicio, non est permissum excommunicato, *c. Exceptionem. 12. eod.*

Septimo, reconventio reconventionis nulla est: ut si me convenis ad decem, et ego te convenio super bovem, non poteris me iterum reconvenire super equo, ne sic mutuae petitiones procedant in infinitum: nam infinitas reprobatur a Jure, *c. Cum in multis. de Rescript. in 6. juncta Glossa ibid. §. Multis, et concordantiis per eam adductis. Speculator. tit. de Reconventiones. §. Nunc dicamus. num. 13. bene notans, quod quidem in primo libello tu me potuisses etiam super equo convenire, non item post meam reconventionem rursus me convenire. Tacentur nonnulli alii casus, in quibus reconventio non habet locum, quorum octodecim enumerat Socinus *Reg. 1. Reconventio actoris.**

## §. II.

De Reconventionem Clerici coram Juxta Laico.

### SUMMARIUM.

20 An Clericus Actor possit reconveniri a Laico, Reo coram Juxta saeculari? Et num. seqq.

*Hic oportet distinguere plures casus. Ibid.*

21 *Laicus nequit Clericum coram Iudice saeculari reconvenire super causa spirituali, vel huic annexa.*

22 *Neque in causa criminali.*

23 *Num saltem possit ipsum reconvenire in causa temporali, et civili?*

24 25 et 26. *Ponuntur fundamenta sententiae negativae.*

27 *Sententia affirmativa est communior Doctorum.*

28 29 et 30. *Ea quo multipliciter probatur.*

31 32 et 33. *Solvuntur fundamenta sententiae negativae:*

34 *Reconventio non est propria conventio. Et num. 31.*

35 *Reconventioni non est locus, quando Laicus dolo provocavit Clericum, ipsum damnificando, iniuriando etc.*

36 *Idque amplius probatur.*

37 38 et 39. *Dantur alii casus, in quibus Clericus nequit reconveniri coram Iudice laico; et qui?*

20 **Q**ueritur I. Utrum Clericus Actor possit reconveniri a Laico Reo, coram Iudice saeculari? Ubi praenotandum, quod in hac celebri, et satis inter Doctores controversa materia, distinguendi sint plures casus; uti videre est apud Abbatem in cap. *At si Clerici*. nu. 19. et seqq. de *Judiciis*, et alios. Vel enim reconvenitur Clericus in causa spirituali, aut huic annexa; vel in causa criminali; vel in causa temporali, et civili; vel denique hoc contingit dolo provocantis Laici. Et quidem de duobus prioribus nunc loquendo.

21 **R**esp. I. Certum est, quod Laicus nequeat Clericum coram Iudice saeculari reconvenire super causa spirituali, vel huic annexa: ut puta de valore professionis, de voto, ejusque obligatione, de Beneficio Ecclesiastico per Clericum obtento, de jure eligendi, praesentandi, conferendi, aut hujusmodi. Ita Glossa can. *Accusatores*. 3. q. 8. §. *Judicium*. Abbas cit. n. 19. Speculator tit. de *Reconventionem*. §. *Nunc dicamus*. n. 8. et communis. Ratio est clara: quia Iudex laicus nequit cognoscere de talibus causis spiritualibus, c. *Decernimus*. 2. et c. *Quanto* 3. de *Judiciis*, estque amplius dictum Tit. 1. de *Judiciis*. §. 3. n. 66. et seqq. Quinimo de causa spirituali ne quidem incidenter potest Iudex saecularis cognoscere, sed haec ad Iudicem Ecclesiasticum est remittenda; ut c. *Tuam*. 3. de *Ordine cognit.* et c. *Laicos*. 5. *Qui filii sint legitimi*: multo minus ergo de ea cognoscit per reconventionem.

22 **R**esp. II. Nequit etiam Clericus reconveniri coram Iudice saeculari in causa criminali, sive deini agatur criminaliter, sive civiliter. Ita Abbas loc. cit. n. 20. et 21. Barbosa lib. 1. *Jur. Eccles. univ.* cap. 39. §. 2. n. 148. Pirhing h. t. n. 8. et alii. Idque desumitur ex cap. un. de *Cleric. conjugat.* in 6. ubi Clerici pro commissis ab eis excessibus nec criminaliter, nec etiam civiliter possunt puniri apud Iudicem saecularem, neque ab hoc ullatenus dampnari sive corporaliter, sive pecuniariter, ne alioquin (ut ibidem argumentatur Pontifex) per unam viam concedatur eisdem Iudiciis, quod per aliam denegatur, contra Reg. 84. *Juris* in 6. ibi: *Cum quid una via prohibetur alicui, ad id alia non debet admitti*, cum similibus. Concordant dicta superius Tit. 1. de *Judiciis*. n. 81. et 83. ac seqq. et n. 138. Ibi videatur.

23 **Q**ueritur II. An saltem in causa temporali et civili possit Clericus Laicum conveniens, ab eodem reconveniri coram Iudice saeculari? Resp. Hanc esse celebrem, valdeque controversam quaestionem inter Doctores, qui generatim abeunt in

duas extremas sententias, affirmativam videlicet, et negativam: quamvis utraque pars ultimata se remittat ad consuetudinem particularium locorum, hancque in praxi dicat esse servandam; cum sit articulus valde dubitabilis, prout amplius patebit ex progressu.

Fundamentum sententiae negativae est: quia regula traditur negative, Clericum non posse conveniri coram Iudice saeculari: ut c. *Si diligenti*. 12. de *Foro compet.* et c. *Qualiter*. 17. de *Judiciis*, ibi: *Ne Clerici trahantur a Laicis ad iudicium saeculare, quod omnino prohibemus*, cum concordantiis; ergo nec reconveniri. Probatur consequent. Tum quia reconventio est species conventionis; nec aliud est, quam secunda conventio, ut inquit Abbas ad *Rubric. h. t. nu. 2*. Tum quia dicto omnino est praecise significationis, et idem importat, ac nullo modo; sicque comprehendit omnem casum, tam conventionis videlicet, quam reconventionis. Confirmatur: quia casus illi, in quibus Clerici possunt judicari, et condemnari a Iudice Laico, jam habentur in Jure expressi; ut patet ex dictis Tit. 2. de *Foro compet.* §. 10. n. 250. et seqq. ergo, cum casus reconventionis nullibi habeatur in Jure expressus, remanet is sub regula negative posita.

Neque obstat dispositio Juris Civilis l. cum *Pa-* 25 *pinianus. C. de Sent. et interloc. omn. Judic.* ac refertur in can. *Accusatores*. 3. q. 8. Nam contra est: quia imprimis dispositio Legum Civilium non astringit Clericos ex defectu jurisdictionis, c. *Ecclesia sanctae Mariae*, 10. de *Constitut.* cum similibus. Deinde per hoc, quod Lex illa fuerit inserta. Decreto Gratiani, non accedit ipsi major auctoritas, seu potestas astringendi Clericos, quam antea habuerit, ut fasius dictum in *Prooemio*. §. 5. num. 68. Et quamvis citatus Canon, *Accusatores*, sit Zephyrii Papae, habentis facultatem concedendi Leges pro tota Ecclesia, ipsisque Clericis: nihilominus verba illa, ex Codice relata, non haberi in Epistola Zephyrii, neque in vetustis Gratiani Codicibus recte observatur ibid. in *Annotatione*. §. *Ut Codice*, sicque parum urgere convincitur.

Tandem regula illa, quod Actor possit recon- 26 *veniri coram eodem iudice*, traditur in genere solum; ergo ipsa non debet extendi, ac referri ad Clericos, utpote circa quos habetur specialis provisio, quod non possint conveniri coram Iudice saeculari, neque hic in eos (demptis casibus specialiter in Jure expressis) possit exerceere jurisdictionem. Probatur sequela: quia lex generaliter loquens, non tollit legem specialiter loquentem, sed per hanc distinguitur, ac limitatur; ut habet communis Doctorum, estque dictum Lib. 1. tit. 2. de *Constitutionibus*. §. 19. n. 496. Atque ideo sententiam negativam tenet Abbas in cit. c. *At si Clerici*. n. 22. et seqq. de *Judic.* quamvis n. 25. addat, quod, cum casus iste sit valde dubitabilis, attendenda sit consuetudo, quae est optima legum interpretis. Geminianus in can. *Cujus in agendo* 3. q. 8. Card. in *Clem. Sancimus. de Election.* Pirhing h. t. n. 9. et nonnulli alii.

Econtra sententiam affirmativam, videlicet Cle- 27 *ricum in causa civili et temporali posse reconveniri a Reo laico coram Iudice saeculari*; tenet Glossa in cap. 1. §. *Super suis*. h. t. Jo. Andreas c. *At si Clerici*. n. 14. de *Judiciis*. Speculator tit. de *Reconventionem*. §. *Nunc dicamus*. n. 7. Bartolus in *Auth. Et consequenter. quast. penult. C. de Sent. et interlocut.* Farinacius lib. 1. de *Inquisitione*, tit. 1. q. 8. n. 99. hanc vocans communem Maranta part. 4. *Speculi Aurei*, dist. 6. nu. 53. eamque novissime tenet Fagnanus in c. *Magnus*. n. 57. de *Obligat. ad rationem*. appellans ipsam communem; quamvis



in c. Tuam. n. 35. et 59. de Ordin. cognit. censeat, circa hunc articulum, utpote dubitabilem, esse attendendam consuetudinem locorum. Jacobus Pignatellus Tom. 3. Consult. 27. n. 1. et 4. Loesius h. t. n. 4. ibi Vallensis §. 1. n. 3. et seqq. Engel n. 6. et Barbosa lib. 1. Juris Eccles. univ. cap. 39. §. 2. n. 137. et cap. 1. n. 4. h. t. citans pro hac sententia plurimos alios.

28 Ratio hujus communioris sententiae est: quia pro regula quasi generali stat, Actorem incompetentis Fori exceptione se tueri non posse, quominus coram eodem iudice in causa reconventionis respondere cogatur; ut l. Qui non cogitur. 22. ff. de iudiciis. et l. Cum Sapinianas. juncta Auth. Et consequenter. C. de Sentent. et interlocut. omn. judic. quae regula in Jure Canonico cap. 1. et 2. h. t. et c. Cum dilectus. 6. de Arbitris. et c. Dispendia. §. Reus. de Rescript. in 6. et can. Accusatores. 3. q. 8. fuit recepta: nec ab ea Clerici quoad causas civiles ullibi reperiuntur excepti, uti patebit ex solutione objectionum.

29 Accedit, quod hoc ipsum sequitas naturalis postulare videntur. Tum quia ratio naturalis dicat, ut qui sponte sibi elegit iudicem contra adversarium, vicissim ab eo reconventus eundem iudicem sustineat; prout notatur cit. l. Cum Sapinianas. et can. Accusatores 3. q. 8. illis verbis: Cujus enim in agendo observat arbitrium, eundem et habere contra se iudicem in eodem negotio non dedignetur. Tria quia in iudiciis servanda est aequalitas, nec habenda personarum acceptio, c. Novit. de iudiciis, et c. In iudiciis. 11. de Reg. Jur. in 6. Quinimo, habet Reg. 32. Juris in 6. Non licet Actori, quod Reo non licet. Atqui haec non procederent, si circa causas ejusdem qualitatis, ut puta temporales, Actor Clericus posset coram iudice saeculari convenire Reum laicum, et non vicissim ab eo reconveniri. Et merito tali Actori, licet Clerico, obijciat illud vulgatum: Quod quisque juris in alterum statuerit, ipso eodem jure utatur, ut loquitur Rubrica. ff. Quod quisque juris etc.

30 Confirmatur eadem sententia: quia frustra quis petit debitum, qui quod debet, non impendit, arg. can. Esto subiectus, dist. 95. junctis concordantiis per Glossam ibid. §. Me. adductis; ergo et Clericus conveniens Laicum coram saeculari iudice, dum quid vicissim eidem debet, poterit ab ipso ibi reconveniri, ut sic frustra petere conviatur. Quinimo reconventio est aliqualis defensio, ac quodammodo quaedam retorquutio, ut inquit Jason in l. Si quis iniquum. n. 15. ff. Quod quisque juris etc. post Baldum, et alios; ac proin nec Laico per Clericum convento erit deneganda: servit quippe reconventio Reo convento ad commodius defendendum jus suum contra Actorem, sive Clericum, qui forsitan ab ipso petit centum vi mutui, repliando, quod ille Clericus sibi vicissim debeat centum ratione frumenti quondam venditi, ac necdum ab eo soluti: sic enim absque multiplicatione litium debita debitis facile tolluntur, Reusque conventus apte defenditur.

31 Nec obstant rationes num. 24. pro contraria sententia allatae. Non prima; negatur enim consequentia, cum sua probatione: quia reconventio non est conventio quomodocunque (sive talis, qualis datur ex parte Actoris, qui in sua potestate habet, an et quando velit convenire Reum, l. Pure. §. fin. ff. de Doli mali except.) sed est mutua conventio, seu assumpta a Reo per modum retorquutionis, et ad suam necessariam defensionem, ne videlicet plus seculo sibi nocere possit actio per adversarium intentata: quae duo sunt valde diversa. Unde, quod reconventio non sit proprie conventio: et quod statutum loquens in

RELFFENSTUEL Jus Can. Tom. II.

materia conventionis, non habeat locum in reconventionis, recte notatur in Additione ad Abbatem, super Rubric. h. t.

32 Concordat Bartolus in cit. Auth. Et consequenter quaset. parat. C. de Sent. et interlocut. omn. judic. ubi istud probat exemplo Legatorum causa Reipublicae absentium: nam hi favore publicae utilitatis habent quidem privilegium, ne ab aliquo conveniantur; non tamen habent privilegium, ut si ipsi agent, non possint ab alio reconveniri, l. 2. Sed etsi agent. ff. de iudiciis. Unde manifeste sequitur, reconventionem non esse proprie conventionem: alioquin enim Legati illi, sicut non possunt conveniri, ita nec reconveniri posse deberent. Quinimo ex hoc forte argumentum desumitur in probationem nostrae sententiae: nam si Legatus contra alium agens, potest ab isto reconveniri; hand obstante, quod ab hoc conveniri non possit ob favorem Reipublicae; ita a simili Clericus coram saeculari iudice contra Laicum agens, poterit ibidem ab isto reconveniri, non obstante, quod ob favorem Status Clericalis coram saeculari iudice conveniri nequeat.

33 Ad confirmationem num. 24. positam negatur consequentia, vel potius oppositum ejus; videlicet, quod causae reconventionis non habeantur exceptus in Jure: oppositam enim probant Jur. et textus num. 28. et seqq. allegati. Nec negat, quod dispositio Juris Civilis Clericos non astringat. Nam imprimis reconventio etiam Jure Canonico est recepta; ut cap. 1. et 2. h. t. cum concordantiis num. 28. relatis: neque hinc ullibi excipitur Clericus a Laico conventus. Deinde hoc ipso, quod circa jus conveniendi Clericum, etiam coram iudice laico, Jus Canonicum nihil expresse statuerit, censetur quoad hoc approbata dispositio Juri Civilis, arg. cap. 1. et 2. de Novi oper. nunciat. cum similibus.

34 Ad ultimum rursus negatur consequentia, cum sua probatione. Quamvis enim Jure statutum habeatur, quod Clericus non possit conveniri coram iudice laico: nullibi tamen habetur, quod ipse in causa civili conveniens Laicum, non possit vicissim coram eodem iudice reconveniri. Imo oppositum inquitur cap. ult. h. t. cum ibi dicatur, Quod Actoris et Rei eadem sit conditio. Simulque, ut addit Glossa ibidem, in iudiciis non debeat esse personarum acceptio, c. Novit. de iudiciis. Nec debeat Actori licere, quod Reo non permittitur, c. Non debet. de Reg. Jur. in 6. Accedit instantia de Legato num. 22. jam adducta: unde, ut inquit Bartolus loc. cit. latendum quidem, quod prorogatio jurisdictionis Laici in Clericum non possit fieri ab homine, bene tamen a Legate; utpote per quam fit, ut omne privilegium, per quod persona subducitur jurisdictioni, tollatur in causae reconventionis.

35 Quaeritur III. Utrum locus sit reconventioni, quando Laicus dolo provocavit Clericum, puta, ipsi furtum, vel dampnum aut injuriam inferendo, ut ab eo conveniatur, quatenus hac occasione cum vicissim coram suo saeculari iudice (forsitan sibi magis favente) possit reconveniri? Resp. Negative; prout tenet Glossa in c. Relatum. §. Coram saeculari. de Jure patronat. Abbas c. Cum dilectus. n. 9. de Arbitris. Speculator tit. de Reconventionibus. §. 1. n. 6. Jacob. Pignatellus Tom. 3. Consult. 27. n. 8. Maranta part. 4. Speculi Aur. dist. 6. n. 53. Farinacius lib. 5. de Inquisitione. q. 8. n. 101. et alii. Probatur hoc ex cap. ult. de Ordine cognition. ubi generatim spoliator non potest reconveniri spoliatum iudicio petitorio; ac proin nec Laicus spolians, damnificans Clericum, si ab hoc con-

veniat, poterit ipsam reconvenire. Concordat textus in l. 2. §. Sed et si agant. ff. de Judiciis, ubi Legati causa Reipublicae absentes possunt quidem, si prius agant, reconveniri in iudicio: non tamen si injuriam suam persequantur, vel furtum vel damnum, quod nunc passi sunt etc. Idem ergo dicendum de Clericis, quod nempe non possint reconveniri, quando furtum, vel damnum passi, eorum Judice seculari injuriam suam persequuntur, Laicumque ipsos damnificantem conveniunt: nam pari favore Clerici ratione Status Clericalis, ac Legati causa Reipublicae absentes, fruuntur. Accedit, quod generaliter loquendo in causa spoli locum non habeat reconventio, ut dictum superius §. 1. num. 9. idem ergo dicendum respectu Clerici per Laici furtum, vel damnificationem spoliatum.

36 Confirmatur. Quia Laicus Clericum (sicut et Legatum) injuriis, vel la bonis suis damnificans, hoc ipso praesumitur eum dolo provocasse ad agendum; alioquin enim impune laederet. Et si semel in tali casu locus daretur reconventioni, tunc Clerici (sicut et Legati) aut impune contumeliosi, et damnis afficerentur; aut erit in potestate cujusque, pulsando eos, subijcere ipsos jurisdictioni, Judicis laici, dum se vindicant; prout notatur, ac pro ratione dictae dispositionis refertur in cit. §. Sed et si agant. Quia igitur majus hominum non est indulgendum, l. In fundo. ff. de Rei vendicat. atque fraus et dolus alicui patrocinari non debent, c. Sedes. 15. et c. Ex tenore. 16. de Rescript. merito talibus praeccluditur via reconventioni. Idque eo magis: quia reconventio Clerici eorum Judice laico, caeteroquin a SS. Canonibus permixta est solummodo ex necessitate, sive ob connexitatem causarum, hac ratione citius stultendum: non vero, ut quis per dolum sibi ad eam, principaliter intentam, viam aperiat.

37 Queritur IV. An dentur alii casus, in quibus Clerici coram seculari Judice Laicum convenientes, non possint ibidem reconveniri? Resp. Dari: adeo, ut Jacob. Pignatellus cit. Consultat. 27. universum tederim tales casus enumeret. Et quidem primo generaliter reconventio Clerici coram Judice laico locum non habet in illis casibus, in quibus ipsa caeteroquin locum non habet, ne quidem contra Actorem laicum; estque jam dictum supra §. praeced. n. 6. et 7. et seqq.

38 Deinde praeter causas spirituales, et criminales, in quibus non procedere reconventionem coram Judice seculari contra Clericum, jam a principio hujus paragraphi dictum est: Reconventio locum non habet, nisi reconveniat Clericus nomine proprio, ubi is nomine proprio agit contra Laicum: alioquin enim cessaret ratio reconventionis. Unde si Clericus agat nomine Ecclesiae, nequit is reconveniri nomine proprio: quia non agit ipse, sed Ecclesia, cujus est procurator. Pignatellus cit. Consultat. 27. n. 6. allegans alios.

39 Uterius non habet locum reconventio, ubi consuetudine receptum est, quod reconventio Clerici non fiat sub eodem Judice, sed tantum sub Ecclesiastico: nam hujusmodi consuetudinem, veluti legitimam, et juris adeo controversi optimam interpretem, posse iudici, ac proinde in praxi servandam esse, ultro fatentur DD. ut dictum num. 23. et 7. Tacentur aliae limitationes, utpote potissimum consistentes in his casibus, in quibus generaliter reconventio non procedit, ac jam superius declarati fuerunt.

## §. III.

## De aliis Reconventionem concernentibus.

## SUMMARIUM.

- 40 et 41 Reconventio est proponenda sub ipso liti exordio.  
42 Sive ante, sive immediate post litem contestatam.  
43 Alias pari passu cum conventionem non ambulat.  
44 Et hujus ratio.  
45 Causa conventionis, et vicissim reconventionis, est simul tractanda.  
46 Cum praerogativa tamen Actoris.  
47 Et quomodo utraque causa dicatur eadem sententia terminari?  
48 Quid, si feratur sententia super una tali causa, et non super altera?  
49 50 51 et 52. Effectus reconventionis, qui?

Queritur I. Qua tempore reconventio sit proponenda? Resp. I. Reconventio sub ipso liti exordio, hoc est, vel ante litem contestatam, vel immediate post, debet proponi: alias pari passu cum conventionem non ambulat. Ita Glossa in Clem. Saepe contingit. §. Verum. Exordio, et Abbas ibid. n. 52. et 53. de Verb. signif. Maranta part. 4. Speculi Aurei. dist. 6. n. 5. Felinus in cap. 1. n. 2. l. t. Barbosa ibid. n. 6. citans alios; contra Glossam in cap. 1. §. Respondere h. t. et Speculatorem tit. de Reconventionibus. §. Sequitur, ubi ait, quod usque ad conclusionem in causa possit fieri reconventio: mihi placet, hanc sententiam intelligere conformiter dicendis n. 43.

Conclusio nostra, quam Felinus loc. cit. asserit esse communem opinionem, clare habetur ex d. Clem. Saepe contingit. §. Verum. de Verb. signif. ubi dicitur: Verum quia juxta petitionis formam pronuntiatio sequi debet pro parte Actoris, et etiam Rei, si quid petere voluerit, est in ipso liti exordio petitionis facienda. Nam Verbum illud, est, in exordio faciendum, necessitat, ut inquit Felinus cit. n. 2. post Card. in c. Exceptionem. de Exceptionibus, et Baldum in Rubric. C. de Edend. dicentem, quod Curiam necessitet. Concordat Auth. De Executoribus. §. Sancimus. Collat. 7. ibi: Sancimus ergo, si quis obnoxiam arbitratur habere eum, qui contra se conventionem exposuit, non apud alium iudicem, sed apud eum mox a principio convenire. Ubi Glossa notavit: Mox, hoc est, statim sive antequam post parum, non ex intervallo.

Caeterum, quod reconventio possit fieri nedum ante, sed etiam post litem contestatam, dummodo fiat incontinenti, sive parum post ipsam, ita tamen antequam juretur de calumnia (ut explicat Baldus in c. Cum venisset. num. 10. de Judiciis, et Jason in l. Non solum. §. Morte ejus. n. 13. ff. de Novi operis nunciat.) tenent Doctores communiter post Glossam proxime relatam, et aliam Glossam in d. Clem. Saepe contingit. §. Exordio. de Verb. signif. Ratio est: quia tunc reconventio adhuc censetur fieri in ipso liti exordio, utpote quod habetur per litem contestationem: nam quae incontinenti fiunt, a Jure inesse dicuntur, l. Lecta est. ff. Si certum potatur, junctis concordantiis per Glossam ibid. §. Stipulationi, allegatis.

Additur n. 40. notanter, Alias pari passu cum conventionem non ambulat. Quia negari non potest, quin reconventio, saltem quoad effectum, prorogandi jurisdictionem Judicis per Actorem electi, semper proposi valeat derante eodem iudicio, et in quacunque parte ipsius (hoc est, usque

ad sententiam, vel saltem usque ad conclusionem in causa) et hoc non solum coram Iudice ordinario, sed etiam coram Delegato, prout expressum habetur in *c. Dispendia*. §. *Reus de Rescript. in 6.* illis verbis: *Reus quoque, si eodem durante iudicio, Actorem sibi obnoxium dixerit, reconventionis beneficio de jure suo debet apud eosdem iudices experiri.* Atque hoc modo poterit intelligi Glossa, et Speculator, supra num. 40. in contrarium allegati. Verumtamen notandum cum Glossa in *cit. Clem. Saepe contingit. §. Exordio* Abbate Maranta, ubi supra, et aliis, quod reconventio illa, quae non fit in litis exordio, non sit vera reconventio, neque vim reconventionis habeat; ita ut simul cum causa conventionis tractari, ac finire debeat, licet operetur effectum prorogationis jurisdictionis. Unde quando reconventio proponitur alio tempore, quam sub litis exordio, tunc ea non operatur, ut pari passu ambulet cum Conventione (hoc est, ut Iudex debeat in utraque causa vicissim ac simul procedere, atque utramque eadem sententia terminare; prout fit in vera reconventionem, juxta proxime dicenda n. 45. et seqq.) sed solum id operatur, ut Actor teneatur stare juri coram tali Iudice, coram quo ita fuit reconventus. Atque ita intelligitur textus allegatus ex *cit. c. Dispendia*. §. *Reus*. Maranta *loc. cit.* n. 5.

44. Ratio hujus est: quia si causa reconventionis, post litis exordium ex longo intervallo interpositae, deberet simul cum causa conventionis discuti, ac terminari, ut sic pari passu cum ipsa procederet; retardaretur propter hoc causa conventionis antea jam satis discussa, ejusque decisio differretur, cum gravi dispendio Actoris: imo in potestate Rei quodammodo foret, hac arte Actorem deludere, ac sententiam in causa conventionis jamjam ferendam interposita aliqua reconventionem prolongare. Ne igitur malitiis hominum indulgeatur, hinc in tali casu oportet primitus sententialiter terminari causam conventionis, utpote quam prius in iudicium deductam, et probatam, aequum non est, suspendi cum gravi incommodo Actoris propter supervenientem reconventionem Rei: postea vero sub eodem Iudice oportet tractari causam reconventionis, hancque sententialiter terminari. Itaque talis reconventio id saltem habet commodi, quod ipsa apud eundem causae conventionis Iudicem, utpote ab Actore sponte electum, sive ordinarium, sive delegatum, tractari possit, ac debeat; neque Actor reconventus ejus Forum declinare valeat, per textum jam allegatum ex *cit. c. Dispendia*. §. *Reus de Rescript. in 6.* qui sic commode intelligi, atque cum aliis Juribus concordari potest. Barbosa *cit. cap. 1. n. 13. h. t.* Maranta, et alii.

45. Quaeritur II. Quomodo tractanda, et terminanda sit causa reconventionis, jam a litis exordio propositae? Resp. I. Causa conventionis, et vicissim reconventionis, est simul tractanda, cum praerogativa tamen Actoris: ita videlicet, ut prius tractetur unus articulus Actoris in conventionem propositus, ad eumque Reus respondere teneatur; et dein vicissim tractetur, atque expediatur unus articulus Rei propositus in reconventionem, et sic deinde loquendo de singulis articulis hinc inde tractandis: quibus omnibus expeditis ambae causae una sententia terminandae sunt. Ita communis. Et quidem prior pars clare habetur ex *cap. 1. h. t.* ubi causa conventionis ex una, et causa reconventionis ex altera parte, coram Iudicibus a se delegatis proposita, Pontifex mandat, ut ipsi compellant Actorem ad respondendum Reo: et vicissim (hoc est, eodem tempo-

re, ordine tamen successivo) postmodum rationes partium audientes, concordia, vel iudicio utriusque negotium terminent. Concordat *c. Cum dilectus*. 2. §. *Nos autem de Ordine cognit.* ubi dicitur, quod mutuae petitiones in idem iudicium ambae deductae, vicissimque tractandae, simul sint eadem sententia terminandae.

Altera pars, quod nimirum ambae illae causae sint tractandae, cum praerogativa tamen Actoris, patet ex *cit. c. Cum dilectus*. §. *Nos autem de Ordine cognit.* Accedit ratio: quia Actor primo provocavit ad iudicium; ergo etiam merito ipsi competit praerogativa, ut prius expediatur articulus aliquis Actoris in causa conventionis, quam Rei in causa reconventionis; juxta regulam illam: *Qui prior appellat, prior agat*, ut loquitur textus *ibid.* Abbas in *cap. 1. n. 7. h. t.* Vallensis *h. t.* §. 3. Pirhing. *cod. n. 19.* et alii.

Si petas, quomodo intelligendum sit, quod causa conventionis et reconventiones eadem sententia sit terminanda; cum tamen generaliter loquendo, quot sunt articuli, tot sint sententiae, *l. Etiam*. §. *Ex causa ff. de Minorib. et c. Cum Ecclesia. et c. Cum super de Causa possess. et propriet.* ubi duae diversae sententiae latae fuerunt super conventionem et reconventionem, sive super possessione et proprietate rei simul in iudicium deducta. Resp. cum Glossa in *d. c. Cum dilectus*. §. *Eadem sententia de Ordine cognit.* et Abbate in *cap. 1. n. 7. h. t.* Speculatore *tit. de Reconventionem*. §. *Videndum*. n. 4. et aliis, fatendum esse, quod revera duae sint sententiae in causa conventionis, et reconventionis; recte tamen eas dici unam sententiam propter continuationem temporis, et contextum prolationis: quia nimirum una continuo post alteram, sicque eodem continuato tempore, atque ex eadem scriptura proferri debet.

Quod si vero feratur sententia super una tali causa, et non super altera, valebit quidem sententia, sed pars altera potest appellare. Siquidem hic fit transgressio ordinis causae ad causam, quae licet non vitiet sententiam ipso facto, tamen iuste ab eadem appellatur, *l. 1. C. de Appellat. et l. 1. §. fin. ff. Quae sententiae sine appellat.* ac notat Abbas *cit. c. Cum dilectus*. n. 14. *de Ordine cognit.* Speculator *loc. cit.* n. 5. Maranta *cit. part. 4. distinct. 6. n. 7.* et alii. Qui tamen notanter istud limitant in casu, ubi prius liqueret de una, quam de alia causa, de qua non posset constare de facili, sed magnis adhuc opus foret ambagibus; aut ubi causa conventionis celeritatem requireret, et immineret periculum animarum in differendo: nam tunc posset Iudex super una causa v. g. conventionis, prius pronuntiare, nec valebit appellatio, arg. *c. Ad ultimum*. 2. *de Causa possess. et propriet. et l. Equissimum*. §. 1. *ff. de Usufruct.*

49. Quaeritur III. Qui sint effectus Reconventionis? Resp. Esse plures. Et quidem primus Reconventionis effectus est, quod si Actor nolit respondere Reo super libello reconventionis, neque Reus teneatur Actori in causa conventionis respondere. Nam utraque causa simul est tractanda, et terminanda, *cap. 1. h. t.* Atque Actoris et Rei par debet esse conditio, *cap. 2. eod.* Simile quid habetur in *cap. ult. §. fin. de Jurament. calumn.*

50. Alter effectus, sive privilegium Reconventionis est, quod ipsa sit prorogativa jurisdictionis. Siquidem reconventio extendit jurisdictionem Iudicis, sive ordinarii, sive delegati, in causa reconventionis contra Actorem; adeo, ut hanc dijudicare valeat, non obstante, quod in Actorem illum, sive causam, in qua reconvenitur, caeteroquin non haberet jurisdictionem. Glossa



in cap. 1. §. Super suis; ut Abbas ibid. n. 4. h. t. et alii. Quamquam hoc limitandum sit in causis illis, quarum natura et qualiter reconventioni repugnat, juxta dicta superius h. t. n. 11. §. 1.

51. Tertius effectus, sive privilegium Reconventionis, est simultaneus processus: nempe quod causa conventionis, et vicissim reconventionis, simul sit tractanda, eademque sententia terminanda, ne alioquin oporteat easdem partes simul coram diversis Judicibus dispendiose litigare, estque jam dictum n. 45. et seqq.

52. Quartus effectus, sive privilegium Reconventionis est, quod ea sit causarum adaequativa; ita videlicet, ut idem modus procedendi, qui servatur in causa conventionis, etiam servandus sit in causa reconventionis arg. cap. 2. h. t. ac notat Abbas ibid. n. 2. Hinc si in causa conventionis Reo appellare non licet, puta ob Rescriptum ab Actore impetratum cum clausula, *Appellatione remota*, neque Actor in causa reconventionis appellare poterit, cum uno et eodem jure uterque censi debeat cit. cap. 2. h. t. Accedit, quod non debeat Actori licere, quod Reo non permittitur, l. Non debet actori. ff. de Reg. Jur. et c. Non licet. cod. in 6.

## TITULUS V.

### De Litis Contestatione.

#### SUMMARIUM.

1. et 2. *Litis contestatio, quid?*
3. *Est fundamentum, et basis, lapisque angularis Judicii ordinarii.*
4. *In judicio summario tamen ea non requiritur, licet fieri possit.*  
*Vim litis contestationis habet in Judicio summario primus actus, qui fit, vel caeteroquin fieri solet post litem contestatam. Ibid.*
5. *Litis contestatio, quibus modis inducatur? Et num. seqq.*
6. *Praxis communis ipsam faciendi.*
7. *Ea etiam fit, si Reus in judicio simpliciter neget, quod Actor petit.*
8. *Atque in dubio praesumitur animus contestandi litem.*
9. *An censentur fieri sub verbo dubio. Non credo. Credo etc.*
10. *Ea non fit, quando Reus respondet cum protestatione, se nolle per hoc contestari litem. Et num. seqq.*
11. et 12. *Protestatio contraria facto non relevat, quomodo intelligendum?*
13. *Protestatio non contestandi litem, quando bene habeat?*
14. *Quid, si post eam Reus simpliciter respondeat negativa?*
15. *Tergiversans potest compelli ad contestandam litem; et quomodo?*
16. *Per solas positiones Actoris, ac responsionem Rei ad eas, non inducitur contestatio litis.*
17. *Nec per confessionem Rei in judicio factam, ante oblatum libellum Actoris.*
18. et 19. *Quid, si fiat in judicio post oblatum libellum?*
20. *Aut si Reus confiteatur, quidem se habere, sed opponat exceptionem.*
21. *Quando Reus simpliciter confitetur animam contestandi litem, tunc haec inducitur.*
22. *Idem amplius probatur.*
23. et 24. *Solvuntur instantiae.*

25. *Litis contestatio non inducitur oppositam exceptionem.*

26. *Tam declinatoriam Fori, quam peremptoriam.*

27. *Idque amplius probatur.*

28. *Solvuntur instantiae.*

29. *Effectus litis contestationis sunt multiplices.*

30. *I. Per eam constituitur judicium.*

31. *II. Ac partes litigantes sese obligant ad instantiam judicalem prosequendam.*

32. *III. Ex ea oritur Actio judicati.*

33. *IV. Post litem contestatam non potest Juxta recusari.*

34. *V. Nec postea possunt opponi exceptiones dilatoriae, vel declinatoriae Fori.*

35. *VI. Per eam perpetuatur jurisdictio Delegati.*

36. *VII. Ac post ipsam Procurator invitatus revocari nequit.*

37. *VIII. Neque mutari libellus.*

38. *IX. Et quid, si post eam alterutra pars litigantium recuset praestare juramentum calumniae?*

39. *X. Per litis contestationem actiones temporales fiunt perpetuae.*

40. *XI. Atque per eam fit, ut actiones poenales transeant in solidum contra Reorum haeredes.*

41. *XII. Per eam interrumpuntur praescriptiones longi temporis.*

42. *Hj, alique effectus, non nisi per validam litis contestationem inducuntur.*

Quaeritur I. Quid sit Litis contestatio, et quae ejus necessitas? Resp. I. *Litis contestatio* est fundamentum judicii, per petitionem in jura propositam, et congruam responsionem, animo litigandi factum. Ita Abbas cap. un. n. 10. h. t. post Hostiensem, Jo. Andream, et alios: quoniam horum aliqui apposuerunt ly., *animo contestandi litem*; verum loco hujus particularis melius in data definitione positum fuit ly., *animo litigandi*, ne alioquin idem definiretur per aeque ignotum, nempe *litis contestatio* per *animum contestandi litem*. Desinuntur autem allata definitio ex cap. un. h. t. ubi dicitur, quod per petitionem jure propositam, et responsionem secutam, *litis contestatio* fiat. Nam cum Actor, quidpiam petit in judicio, Reus autem congrue respondet, sive negando ex toto intentionem Actoris, sive partim affirmando, partim negando, animo tamen litigandi, sive contestandi litem; tunc inducitur Litis contestatio, prout amplius patebit ex progressu.

Brevius Litis contestationem definit Vulteius lib. 1. Jurisp. Rom. c. 31. Pirhing h. t. num. 5. et Engel n. 1. dicendo: *Litis contestatio* est judicii constitutio, facta affirmatione unius, et contradictione alterius litigantis. Et dicitur, *judicii constitutio*: quia Litis contestatio est fundamentum, et lapis angularis Judicii ordinarii; atque, ante eam, non dicitur quis proprie agere, vel petere; sed agere, vel petere velle l. *Amplius*. ff. *Rem ratam haberi*, atque illico amplius dicitur. Unde.

Resp. II. *Litis contestatio* est fundamentum judicii, et basis, lapisque angularis ipsius, quae omissa, si in figura Judicii ordinarii procedatur, vexatur, litigantes inanihus laboribus ac sumptibus, ipseque processus est nullus. Patet hoc ex cap. un. h. t. et cap. 1. et 2. *Ux lite non contestata*, etc. cum concordantiis; ac notat Abbas cit. n. 10. et Baldus in cap. un. num. 2. h. t. atque communis: et concordant dicta superius Tit. 1. de Judiciis. §. 1. n. 18. et 19.

Additur notanter, si procedatur in forma Judicii ordinarii. Nam in Judicio summario, utpote in quo proceditur simpliciter ac de plano, non est necessaria litis contestatio, Clem. Saepes contingit. de Verb.

significat: *Litis contestationem non exigit*. Quamvis si haec ibi fiat, idcirco Processus non sit irritus, neque irritandus; prout ibidem declarat Pontifex. Unde sciendum, quod in Judicio summario primus actus, qui fit, vel caeteroquin fieri solet post litem contestatam, habeat vim contestationis litis; ut est Glossa singularis in cap. 1. §. *Absentia*, juncta Glossa marginali ibid. de *Election*. in 6. et notat Innocentius in cap. 1. de *Dilation*. et c. . . Si duobus, de *Appellat*. et Abbas in c. *Venerabilis*. num. 22. de *Judiciis*, allegans alios.

5 Quæritur II. Quibus modis inducatur Litis contestatio? Resp. I. Litis contestatio regulariter fit per petitionem Actoris in judicio propositam, et responsionem negativam factam a Reo. Ita Glossa in c. *Dudum*. 54. §. *Responsionem*, de *Election*. Abbas in cap. un. h. t. Jason in l. *Julianus*. num. 6. ff. de *Condition*. indebit. Mascardus *Concl.* §34. de *Probationibus*. num. 1. citans alios. Idque clare desumitur ex cit. cap. un. h. t. ubi Pontifex inquit, quod non per positiones, et responsiones, ad eas, sed per petitionem in iure propositam, et responsionem negativam litem contestatio fiat. Concordat textus in cit. c. *Dudum*. 54. §. *Licet autem*. de *Election*. et in l. *Rem non novam*. §. *Patroni*. C. de *Judiciis*, ubi dicitur: *Cum lis fuerit contestata post narrationem propositam, et contradictionem objectam*.

6 Et quidem praxis communis est, quod Actor praesente Reo vel ad interrogationem Judicis, vel per se ipsum, affirmando contenta in porrecto libello, suamque petitionem repetendo, utatur similibus verbis: *Affirmo narrata, ut narrantur; et petita, ut petuntur, fieri debere*. Econtra Reus litem contestaturus, respondet: *Aego narrata, prout narrantur; et petita, prout petuntur, fieri debere*. Uterque enim litem contestari dicitur: Actor quidem affirmative, proponendo videlicet suam petitionem; et Reus negative, modo jam dicto negans tam narrata in libello Actoris, quam ejus conclusionem, sive petitionem. Gailus lib. 1. *Præctice Observat.* 73. n. 1. et 2. Speculator tit. de *Litis contestatione* §. 1. n. 2. Mascardus cit. *Concl.* §34. n. 2. et alii.

7 Addunt Doctores, etiam fieri litem contestationem, si Reus in judicio simpliciter neget id, quod Actor petivit, licet non adiat, ac hoc facere animo contestandi litem; dummodo non protestetur expresse in contrarium. Ita Abbas in cit. c. *Dudum*. n. 10. de *Election*. Bartolus in l. 1. §. *Quaero tertio*. C. h. t. Maranta part. 6. *Speculi aurei Membr.* 10. n. 5. et alii. Ratio est: quia in tali casu jam habetur petitio Actoris, et contradictio Rei in judicio; sique censetur lis contestata, arg. cit. l. *Rem non novam*. C. de *Judiciis*. Et hinc, si Actor in judicio dicat, *Titius debet mihi centum*; et Titius respondeat, *Nego*, vel, *Hoc non est verum*; fit litem contestatio saltem implicita. Secus, si dicat: *Non teneor respondere ratione Judicis, Actoris, vel temporis*; quia tunc declinat Forum, non vero contestatur litem. Glossa in l. 1. §. *Cum judex*. C. de *Litis contestat.*

8 Porro in dubio, ac exclusa protestatione in contrarium, praesumitur animus contestandi litem tam ex parte Rei, hoc ipso, quod respondeat ad libellum, quam ex parte Actoris nisi: forte alicubi vigeret consuetudo declarandi expresse animum in litem; nam eo casu talis expressio foret de substantia litem contestationis Mascardus cit. *Concl.* §34. n. 16. et 17. et Abbas in d. c. *Dudum*. 54. n. 10. de *Election*. Menochius lib. 2. de *Praesumptionibus* praesumpt. 30. n. 1. et 3. citans alios.

9. Usuper censetur fieri litem contestatio per responsionem datam sub verbo dubio, v. g. *Non credo*;

*Nescio*, ac hujusmodi: dummodo hujusmodi responsio se se referat ad libellum, et non solum ad positionem. Abbas in cap. 1. n. 27. h. t. Maranta loc. cit. n. 7. Mascardus d. *Concl.* §34. n. 13. et alii. Imo communiter hoc modo litem contestatio solet fieri per Procuratores, aut haeredes in causa Defuncti, et alios, qui justam ignorantie causam praetendere possunt in facto alieno; ut c. *Cum ad Sedem*. de *Restitut. spoliat.* ibi: *Ad quae respondit Procurator Episcopi, se nec scire, nec credere supra dicta ab Hospitali possessa, vel ad illud aliquatenus pertinere etc.* Per hoc enim factam esse litem contestationem, notat Glossa ibid. §. *Nec credere*, et Abbas in cit. c. *Cum ad Sedem*. n. 4. et 5. addita hac ratione: quia licet Procurator Episcopi hic solum responderit ad narrata in libello, et non ad conclusionem libelli, tamen indirecte etiam negabatur conclusio libelli. Nam si narrata non sunt vera, etiam non debet exaudiri conclusio; sique satis est, quod Reus ejusmodi verbo dubio respondens, non confiteatur intentionem Actoris; tenetur enim Actor suam intentionem probare, alioquin succumbet.

Resp. II. His tamen non obstantibus, si Reus aliquo praedictorum modo respondeat ad narrata, et petitionem Actoris, cum expressa protestatione, se per hoc nolle litem contestari, tunc non inducitur litem contestatio. Ita Glossa in cap. un. §. *Responsiones*. et Abbas ibid. n. 16. h. t. Speculator tit. de *Litis contestatione* §. 1. n. 16. Menochius cit. *Praesumpt.* 30. n. 4. Mascardus cit. *Concl.* §34. n. 19. et Doctores communiter. Ratio est: quia per litem contestationem fit quasi contractus ad standum iudicio, donec lis per sententiam Judicis terminetur, l. *Licet Praetor*. §. *Idem*. ff. de *Peculio*; atqui non cogitur agere, vel contrahere invitatus; et consequenter contestatio litem impeditur per contrariam protestationem, puta per clausulam, *Non animo contestandi litem*, libello insertam. Accedit, quod praesumptio, quae alioquin ex dicta rei responsione ad petitionem Actoris urgeret pro facta contestatione litem, ex claris verbis respondentis elidatur; atqui in claris non est opus conjecturis, l. *Ille aut ille*. ff. de *Legatis III.*

Dices. Protestatio contraria facto, non relevat; hoc est, nihil juvat, cum tollatur per factum contrarium, arg. c. *Cum M. g. de Constitut.* et c. *Sollicitudinem*. 54. de *Appellat.* atqui dum Reus negat intentionem Actoris, facit actum contrarium suae protestationi; ergo haec nunquam relevat, nec juvat. Resp. Maj. esse verum de facto uniformi, et non habente plures intellectus: secus, si illud factum sit multipliciter intelligibile, prout accidit in proposito. Siquidem dicta negatio intentionis potest fieri non solum animo contestandi litem, sed etiam animo duntaxat instruendi Judicem: unde praemissa tali protestatione censetur fieri solum animo informandi Judicem Abbas in cit. cap. un. n. 17. h. t.

Vel die post Baldum in l. 1. §. *Illud procul dubio*, C. de *Latina libertat. tollend.* quem sequitur Mascardus cit. *Conclu.* §34. n. 20. cum quadruplex sit virtus Legis, videlicet imperare, vetare, punire, permovere, l. 6. ff. de *Legib.* in tribus prioribus protestationem facto contrariam non valere, scilicet dum Lex imperat, vetat, vel punit: quando autem solummodo permittit, tunc valere protestationem in contrarium. Haec ad propositum applicanda, quando litem contestatio est necessaria, ac peremptoria, ut in casu cit. *Auth. Offeratur*. C. h. t. tunc protestatio non relevat. Mascardus loc. cit. n. 23. Secus, ubi non est necessaria, sed solum permissa, prout communiter accidit.

13. Caeterum dicta protestatio non contestandi litem, praecipue tunc habet locum, quando quis ex causa rationabili hic, et nunc litem contestari recusat; ut puta, quod cupiat antea melius suam causam, ejusque merita perpendere, consulendo doctiores, aut inquirendo in antiquis scripturis; vel videre, an non possit Judicem ut suspectum recusare. Maranta cit. par. 6. *Speculi Aurei. Membr.* 10. n. 13. et 14.
14. Ubi tamen notandum, si Reus a principio quidem generaliter protestetur, se nolle super libello exhibito litem contestari; postea tamen simpliciter respondeat ad libellum negative, quod tunc per hoc censeatur lis esse contestata. Ratio est; quia Reus simpliciter respondendo negative, censetur relicta priori intentione nunc animum habere contestandi litem; nemo enim praesumitur dixisse, quod non mente agitavit, *l. Labeo ait. §. fin. ff. de suppellect. legat. Vallensis h. t. §. 1. n. 8. Sannig. eod. cap. 1. n. 4. Gailus lib. 1. Practic. Observat. 73. n. 6. citans alios.*
15. Insuper ubi apparet, quod Reus per suas inutiles protestationes solum tergiversetur, Actoris quoque intentionem eludere conetur; tunc Jodex post lapsum viginti dierum utilium, a porrectione libelli computandorum, poterit ipsum compellere vel ad cedendum, vel rejecta sua inutili protestatione ad litem contestandam, juxta *Auth. Offeratur. C. de Litis contestat.* Atque talis coactio fieri poterit decernendo missionem in bona ejus ex primo Decreto, ut hac ratione Reus videns adversarium in possessione suorum honorum, tandem taedio affectus accedat judicium, litemque contestatur. *Glossa in Auth. Qui semel. §. Locum habet. C. Quomodo et quando judex. et Bartolus ibid. §. Quaero quid si Deus. Maranta part. 6. Speculi Aurei, Membr. 10. n. 11. Sannig. tit. Ut lite non contestata etc. cap. 1. n. 2. et alii.* Poterit etiam contumax in contestando litem praesertim ubi bona immobilia non habet, aliter puniri pro motu Judicis, *L. 1. §. fin. ff. Si quis jus dicenti etc. Glossa, et Bartolus loc. cit.* Imo et censuris coerceri, *cap. 1. et 2. Ut lite non contestata etc. Pirhing h. t. n. 20. et alii.* Interea tamen, seu donec lis contestata fuerit, regulariter testes recipi nequeunt ad probandam Actoris intentionem, juxta dicenda Tit. 7. cujus Rubrica stat pro regula negative posita, illis verbis: *ut lite non contestata non procedatur ad testium receptionem, etc.*
16. Resp. III. Per solas positiones Actoris, et responsionem ad ipsas a Reo factam, non inducitur contestatio litis. Ita communis; atque habetur decisum in *cap. un. h. t.* illis verbis: *Cum non per positiones, et responsiones ad eas, sed per petitionem in jura propositam, et responsionem secutam, litis contestatio fiat.* Concordat textus in *c. Dudum. 54. ff. licet autem de Election. et L. un. C. de Litis contestat.* Accedit ratio a Glossa in *cit. cap. un. h. t.* allata: quia, qui ponit aliquod dictum vel factum, nihil petit ab adversario, neque per hoc ostendit se velle agere; et ita non potest sequi sententia Judicis condemnatoria, vel absolutoria, eo quod nihil ab Actore fuerit petatum.
17. Quaeritur III. An per confessionem Rei inducatur Litis contestatio? Resp. I. Si Reus confiteatur in judicio ante oblatum ab Actore libellum, non fit litis contestatio, neque tunc est sententia definitiva, sed duntaxat praeccepto Judicis, quo is praecipiat Reo, ut intra certum tempus cum modica dilatione a Judice praefigendum solvat. Ita Glossa in *c. Dudum. 54. §. Responsionem. De Election. Abbas cap. 1. n. 13. h. t. et patet ex l. Si debitori. ff. de Judiciis.* Et merito: siquidem in tali casu nunquam praecessit petitio Actoris.

Resp. II. Quod si vero post oblatum libellum, atque petitionem factam ab Actore, Reus confiteatur eo animo, ut non cogatur subire judicium, etiam tunc non fit contestatio litis, neque opus est sententia Judicis. Ita Glossa, *ubi supra*, et Abbas *cit. num. 13.* Idque desumitur ex *l. Si reus. ff. de Procurat.* ubi dicitur, quod qui paratus est solvere, non cogitur judicium suscipere. Accedit ratio: quia inter consentientes non datur lis, et consequenter neque contestatio litis: unde et in tali casu non est opus sententia definitiva, sed solum praeccepto Judicis, ut confessus solvat Actori debitum intra certum tempus.

Resp. III. Quando post oblatum ab Actore libellum fit confessio in judicio cum aliqua resistantia, planum est, quod inducatur litis contestatio. Ita Speculator *tit. de litis contestat. §. Nunc videndum. n. 11.* Abbas *cit. cap. un. n. 13. h. t.* post Jo. Andreanum, et Cynum. Unde si Reus fateatur mutuum, sed neget lapsum esse terminum ad solvendum, aut alleget inopiam, planum est fieri contestationem litis; cum interveniat petitio Actoris, et aliqua contradictio Rei, quod sufficit, *l. Rem non novam. C. de Judiciis*, estque amplius dictum supra *n. 5. et seqq.*

Caeterum, si Reus confiteatur quidem se debere, sed opponat aliquam exceptionem contra Actorem, v. g. dicendo: *Centum quos petis ex causa mutui, accipi quidem, sed jam solvi*; aut, *sed tu reciproce debes mihi centum ex titulo emptionis etc.* tunc (nisi secus appareat de mente Rei taliter excipientis) primum fiet litis contestatio, si Actor solutionem, vel reciprocum debitum negaverit: quia tunc Reus per exceptionem oppositam sit quodammodo actor, alteroque exceptionem negante, intervenit illinc petitio, hinc negatio, per quae solet induci litis contestatio. Engel *h. t. n. 1.* Additur vero notanter, *Nisi secus appareat de mento Rei*, propter sequentem Conclusionem.

Resp. IV. Etiam tunc inducitur litis contestatio, quando Reus ad oblatum libellum simpliciter confitetur animo contestandi litem: potest enim confessio in judicio, non solum, ut quis non cogatur subire judicium (in quo casu habent locum dicta *num. 18.*) sed etiam eo animo, ut judicium subeat, et feratur sententia definitiva: quia hoc quandoque est utile, v. g. propter conservandam stipulationem de evictione, *arg. l. Utique autem. ff. de Rei vindicat.* in quo proinde casu per confessionem ejusmodi fit litis contestatio. Ita Glossa in *c. Dudum. 54. §. Responsionem de Election. Abbas loc. cit. num. 13. et alii.* Idque merito: quia Iura simpliciter dicunt, quod per petitionem unius, et responsionem alterius in judicio factam, inducatur litis contestatio; neque distinguunt, an id fiat negando vel confitendo, ut *cap. un. h. t. et cit. c. Dudum. 54. de Election.* estque jam dictum *num. 5.* et consequenter per talem confessionem, quae fit animo contestandi litem, revera haec inducitur.

Hoc ipsum desumitur ab etymologia nominis. Nam *contestari*, idem est, ac *simul testari*: atqui Reus, ut supra, confitendo simul cum Actore testatur super re petita; ergo. Concordat textus satis notabilis in *c. Cum causam. 62. juncta Glossa §. Lis contestata de Appellation.* ubi satis clare dicitur, quod per confessionem in judicio factam animo litigandi, fiat litis contestatio.

Nec obstat textus in *cit. l. Rem non novam. C. de Judiciis*, ubi dicitur, litem contestari post narrationem propositam, et contradictionem objectam. Resp. enim, utendo alias dicti textus explicatione, ac paucis concordando jura iuribus, ibi solum



indicari modum communiter et magis usitatum contestandi litem: non autem negari alios modos contestandi litem, ibidem in Jure fundatos: ut est confessio in judicio facta animo contestandi litem.

24 Dices. Si per confessionem partis, modo declarato, induceretur litis contestatio: ergo etiam opus esset postmodum sententia diffinitiva Judicis, per quam imposeretur finis controversiae. Atqui hoc non videtur dicendum: nam stante confessione partis, nulla potest esse controversia, quae dirimatur per sententiam diffinitivam Judicis: quinimo *Nul-lae sunt partes judicantis in confitentis*: ut dicitur, l. Proinde. ff. *Ad legem Aquilianam*: ergo ff. Concessa sequela maj. negando min. cum sua probatione. Quia non obstante dicta confessione, jam intervenit aliqua controversia, scilicet in quantum Reus permittit se trahi ad iudicium, et petit receptum libellum, atque constituendo, simpliciter, quae respondendo, litem contestari voluit. Ad alteram probationem responderetur, dictam illud, *Nul-lae sunt partes judicantis in confessor*, potissimum procedere quoad examinationem causae, non vero quoad prolationem sententiae: prout amplius dici solet infra Tit. 48. *De confessis*.

25 Quaeritur IV. An per oppositam exceptionem inducatur contestatio litis? Resp. Negative, per textum notissimum in cap. 2. h. t. in 6. ac notat Speculator tit. *de Litis contestat.* §. *Nunc dicamus*: n. 24. Abbas cap. un. n. 18. h. t. Barbosa cit. cap. 2. n. 1. h. t. in 6. allegans alios. Ratio est: quia contestatio non inducitur, nisi per responsionem Rei ad petitionem Actoris: atqui is, qui excipit, non sic respondet: quia neque affirmat intentionem Actoris, neque negat, c. *Cum venerabilis*, de *Exception* junda Reg. 63. Jur. in 6. ibi: *Exceptionem obiciens, non videtur de intentione adversarii constiteri*.

26 Et hoc intelligendum est non tantum de his exceptionibus, quae sunt declinatoriae Fori (haec enim cum opponantur ad declinandum Forum atque impediendum processum coram Iudice incompetente, vel suspicio, non vero ad litigandum, certum est, per eas non induci contestationem litis) sed etiam de exceptionibus peremptoriis: prout expressum habetur in cap. 2. h. t. in 6. illis verbis: *Si oblato ab Actore libello, ex parte Rei exceptio peremptoria proponatur, nequaquam per hoc litis contestatio intelligitur esse facta*.

27 Accedit ratio. Tum quia etiam ille, qui opponit exceptionem peremptoriam, non respondet petitioni Actoris: quinimo eam neque fatetur, neque negat, ut dictum num. 25. Tum quia per litis contestationem constituitur iudicium, per exceptionem peremptoriam vero destruitur: atque eadem res non potest parere duos effectus contrarios: prout argumentatur Glossa in cit. cap. 2. §. *Facta* h. t. in 6. Et hinc cap. 1. eod. 6. dicitur: quod obiectio peremptoriae exceptionis non impedit, neque retardet litis contestationem: et consequenter haec per eam non intelligitur fieri.

28 Dices. In c. *Prout*. 4. de *Dolo et contumacia*. per solam exceptionem praescriptiois videtur facta litis contestatio. Similiter in c. *Cum venerabilis* 8. de *Exception*. Litis contestata censetur per exceptionem permutationis: atque etiam in c. *Rhynutius*. 16. de *Testament* non aliter legitur facta litis contestatio, nisi per exceptionem annalis praescriptionis, atque usucapionis: ergo etiam per exceptionem lis contestatur. Resp. distinguendo consequens: ergo per solam, seu meram exceptionem lis contestatur, negatur: per exceptionem, quae simul habet annexam contradictionem, a Reo contra petitionem Actoris propositam, conceditur. Siquidem, ut recte notat Glossa in d. cap. 2. §. *Facta* h.

t. in 6. et Pirhing h. t. n. 20. in praescriptis locis, atque aliis similibus, non simpliciter litis exceptio: sed simul Reus directe respondet libello Actoris cum adjuncta contradictione, et animo contestandi litem, taliter videlicet: *Nego, aut non credo narrata, prout narrantur, vel petita prout petantur: et si etiam vera essent, tamen opponere possem, atque oppono exceptionem permutationis, praescriptionis, vel condonationis etc.* Idem fit in casu, si Actore petente decem, Reus dicat, se non teneri solvere, cum pactum de non petendo sibi factum fuerit. Patet enim, quod talis responsio non contineat meram exceptionem: sed primo fiat directa responsio, seu contradictio ad petitionem Actoris, et postea subjungatur exceptio: ac proinde merito hac ratione censetur lis esse contestata. Abbas cap. un. n. 18. h. t.

Quaeritur V. Quotnam sint effectus Litis contestationis? Resp. eos esse multiplices. Et quidem

I. Per litis contestationem constituitur iudicium, potestque procedi ad sententiam diffinitivam ad quam caeteroquin in iudicio ordinario deveniri nequit, cap. 2. h. t. etque iam dictam supra n. 3. h. t.

II. Per litis contestationem censentur partes litigantes mutuo consensu sese obligasse in ordine ad tale iudicium, sive ad huiusmodi instantiam iudicalem proseguendam. Per eam siquidem Juris fictione celebratur aliquis quasi contractus inter litigantes: ita, ut inducatur obligatio de *Judicio sisti*, et de *judicatum solvendo*: hoc est, ut teneantur partes litigantes toties comparere, seque sistere in iudicio, quoties opus fuerit: neque possit alterutra pars altera invita a iudicio recedere: alioquin vero veluti improbus litigator omnia damna, et litis impensas, adversarium resarcire teneatur, §. *Haec autem*. Instit. de *Poena temere litigant*.

III. Ex hoc quasi contractu oritur Actio iudicati, sive obligatio de *judicatum solvendo*, virtute cujus pars victa obligatur post sententiam praestare id, quod per sententiam iudicatum, atque decisum fuerit. Engel h. t. n. 5.

IV. Post litem contestatam Iudex non potest recusari: te et. clar. l. *Nemo*. C. de *Jurisdiction. omni. judic.* Etenim per litis contestationem coram eo factam censetur quis in talem iudicem consensisse, atque ejus, licet caeteroquin incompetens, jurisdictionem in se prorogasse. Fallit tamen hoc in casu, quo nova causa, ipsum recusandi primum supervenit, c. *Infringente*. 25. de *Offic. Delegat*: aut si postea solum ejus notitia acquiratur, c. *Pastoralis*. 4. de *Exception*.

V. Post contestationem litis nequeunt amplius opponi exceptiones dilatorias, vel declinatoriae Fori, c. *Inter Monasterium de Sentent et re judic.* ibi: *Quas etiam tanquam dilatorias ante litis ingressum opponere debuissent*: cum concordantibus ibidem a Glossa relatis. Nam per contestationem litis censetur caeptum iudicium, atque rehusitatum dictis exceptionibus.

VI. Per litis contestationem perpetuatur jurisdictio Delegati, adeo ut haec per mortem Delegantis non expiret, c. *Relatum*. 19. de *Offic. Delegat*. Quinimo jam per citationem perpetuatur jurisdictio Delegati, c. *Gratum*. 20. eod. etque solius declarationis Lib. 1. Tit. 3. de *Rescriptis*. §. 10. n. 258. et seqq.

VII. Procurator, qui ante litem contestatam, etiam aliquo alio causa, libere revocari potest, postmodum invitus nequit amplius revocari, nisi subit causa aliqua rationalis, c. *Quamvis*. de *Procurat.* in 6. Procurator siquidem per litis contestationem effectus est dominus litis, ac proinde absolute nulla causa rationali invitatus revocari nequit, quamvis Dominus, si voluerit, adhuc libere

- unacum Procuratore suo possit interesse causae suae, praesertim si de collusionem timeat; prout subiungitur *cit. c. Quamvis*, estque jam dictum, *Lib. I. Tit. 38. de Procuratoribus. n. 105. et n. 132. et seqq.*
- 37 VIII. Post litis contestationem nequit amplius mutari libellus; ut dictum supra *Tit. 3. de Libelli oblatione. §. 1. n. 29. et 30.*
- 38 IX. Litis contestatione semel facta, si alterutra pars litigantium absque iusta causa recuset praestare iuramentum calumniae, Actor quidem cadet sub actione; Reus vero pro confesso habebitur, *text. clar. cap. ult. §. fin. de Iurament. calum.*
- 39 X. Per litis contestationem actiones temporales sunt perpetuae; adeo, ut durant usque ad quadraginta annos *L. ult. C. de praescript. 30. annor.*
- 40 XI. Litis contestatio facit, ut actiones poenales, seu ex delicto, vel quasi delicto descendentes, transeant in solidum contra Reorum, sive delinquentium haeredes; quae alioquin non nisi, quatenus ad haeredes pervenerit, transeunt. *§. Non autem omnes. Instit. de Perpetuis et temporal. action.* Nam haeredes post litem antea contestatam non tam ex delicto defuncti, quam ex quasi contractu litis contestatae, conveniri intelliguntur. *Engel h. t. n. 5. Sannig cod. cap. 4. n. 1.*
- 41 XII. Per litis contestationem interrumpuntur praescriptiones longi temporis, videlicet decem aut viginti annorum, inchoatae a Reo, *l. Morae litis. C. de Rei vendicac.*
- 42 Tacentur nonnulli alii effectus litis contestatae, de quibus alibi. Quamquam iidem, sicut et hactenus enumerati, non nisi per validam litis contestationem indocantur: nam invalida nihil operatur, nullumque effectum producit, *Auth. Offeratur. C. de Litis contestat.*

## TITULUS VI.

Ut lite non contestata non procedatur  
ad Testium receptionem, vel ad  
Sententiam diffinitivam

## SUMMARIUM.

- 1 Rubrica praesens stat pro Regula negative posita.
- 2 Sententia interlocutoria potest fieri ante litem contestatam.
- 3 Non itam diffinitiva; et cur?
- 4 In certis casibus possunt recipi testes ante litem contestatam. Et num. seqq.
- 5 Quae generatim ad hoc requirantur?
- 6 I. Possunt testes recipi ante litem contestatam in Iudiciis summariis.
- 7 II. Si adsit periculum, ne testimonii facultas pereat: ut si timeatur de testium morte, vel absentia diuturna.
- 8 Tale periculum Iudicis arbitrio relinquitur discernendum. Et num. 10.
- 9 Quid de Senibus septuagenariis? *Ibid.*
- 9 Ac de illis, qui sunt quinquaginta quinque annorum? Et num. praec.
- 10 Aut vexantur infirmitatibus?
- 11 Etiam ob alias consimiles causas possunt testes recipi lite non contestata.
- 12 Ut si timendum, ne ob moram longiorem testes obliviscantur rerum gestarum.
- 13 Exempla regulam non restringunt.
- 14 Testibus sic receptis ante litem contestatam, tenetur Actor intra annum convenire adversarium, aut eidem receptionem testium denunciare.

- 15 Alioquin attestations testium sunt invalidae; et quomodo?
- 16 III. Regula praesentis Rubricae fallit in casu contumaciae Rei, estque periculum in mora; idque exemplificatur.
- 17 Quid, si causae non ita requirantur celerem expeditionem?
- 18 Aut ipsemet Actor contumaciter se absentes?
- 19 IV. Regula eadem fallit, quando ad instantiam partis fit receptio testium, Ad perpetuam rei memoriam.
- 20 Tunc tamen etiam pars adversa est citanda.
- 21 V. Fallit, quando agitur per viam inquisitionis super aliquibus excessibus.
- 22 Solvuntur contraria.
- 23 Alii casus, in quibus dicta Regula fallit. Remissive.
- 24 In causis criminalibus criminaliter intentatis, nunquam recipiuntur testes ante litem contestatam pro instituenda futura accusatione.
- 25 Idque probatur ulterius.
- 26 Secus, quando agitur de crimine solum civiliter.
- 27 Limitatur, ac declaratur ulterius Conclusio.

**P**raesens Rubrica, cum contineat sensum completum atque perfectum, stat pro Regula negative posita; videlicet, quod Regulariter lite non contestata non debeant testes recipi, neque possit ad sententiam diffinitivam procedi. Quicumque igitur in causa particulari allegat rationem specialitatis, necesse habet eam probare: tum quia in materia communiter prohibita, sive in iis, quae sunt de genere prohibitorum, locum habet illud *Clem. Exvi. §. Porro de Verb. signif. Ubi aliquid alicui generaliter prohibetur, quod expresse non conceditur, intelligitur denegatum.* Tum quia potior est causa, pro qua facit Regula: habet enim adversarius necesse ostendere rationem, quare in illo casu Regula non loquatur, sicut in ipsum refunditur onus probandi; uti notat Glossa Super Rubricam de Reg. Jur. in 6. Quo praenotato.

Quaeritur I. Cur dicatur in Rubrica praesentis Tituli, *Non procedatur ad sententiam diffinitivam ante litis contestationem*? Resp. cum Abbate ad Rubricam. n. 3. h. t. id fieri ad excludendam a Regula sententiam interlocutoriam: quia bene potest antea procedi ad sententiam interlocutoriam, praesertim eam, quae fertur super exceptionibus dilatoriis, aut declinatoriis Fori; aut quae fertur super his, quae de novo emergunt, vel incidunt, v. g. an Reus fuerit legitime citatus, vel an is sit contumax, ac huiusmodi. Et hinc pariter testes, quamvis ante litem contestatam regulariter non possint recipi super negotio principali; possunt tamen recipi super dictis exceptionibus dilatoriis, aut declinatoriis Fori: siquidem hae necessario proponendae sunt ante litem contestatam, ut dictum *Tit. praeced. nu. 35.* ac proinde, si opus fuerit, etiam testes ante hanc recipiendi sunt ad illarum probationem. Et hoc idem dicendum de aliis quaestionibus incidentalibus, aut de novo emergentibus ante ingressum iudicii; puta, an Reus legitime fuerit citatus, vel an is existat contumax: nam etiam circa talia necessario testes prius sunt recipiendi, ac praemittenda sententia interlocutoria.

Veram loquendo de negotio principali, procedit Regula in Rubrica contenta. Et ratio ipsius est: quia basis, ac fundamentum Iudicii ordinarii, est ipsamet litis contestatio, quia omnia nihil agitur, *cap. un. de Litis contestat.* Ergo hoc ipso, regulariter loquendo, etiam non valet testium receptio, neque sententia diffinitiva inde secuta: Quinimo utraque ipso iure nulla est atque inanis, c. *Ad hoc Deus. 1. et c. Accedens. 2. §. Cum igitur.*

juncta Glossa, & Cassanus. h. t. cum concordantiis. Confirmatur: quia ante litem contestationem, utpote quae est basis ac fundamentum Judicii ordinarii, necdum censetur causa in iudicium deducta; imo adhuc incertum est, an lis sit secutura, vel super quo negotio ea sit movenda: sicque necdum habetur determinatum, super quo vel testes recipiantur, vel proferatur sententia diffinitiva. Nam ante litem contestatam partes non tam agunt, quam agere volunt; ut l. *Amplius. ff. Rem ratam haberi*, ibi: *Hic enim non petit, sed petere vult.*

4 Quæritur II. Utrum in certis casibus possint recipi testes lite non contestata, et quibus? Resp. I. Cum nulla sit regula sine exceptione, prout habet vulgatum axioma: hinc non solum in ordine ad exceptiones dilatorias, et declinatorias Fori, juxta dicta num. 2. sed etiam in ordine ad negotium principale, Regula in praesentis Tituli Rubrica contenta quasdam patitur fallentias, seu limitationes; danturque nonnulli casus, in quibus lite non contestata vel potest procedi ad testium receptionem, vel etiam ad sententiam diffinitivam: prout ostenditur inductione, enumerando principaliores tales casus.

5 Ubi tamen praenotandum cum Abbate in c. *Quoniam. n. 3. h. t.* ad istud, ut aliquando testes lite non contestata recipi valeant, quatuor requiri. Primo, quod subsit causa rationalis. Secundo, quod pars adversa citetur, si citari potest. Tertio, quod si citari nequeat, intra annum a receptione testium, cessante alio impedimento pars adversa super principali negotio conveniatur, aut saltem facta testium receptio eidem denunciatur. Quarto, quod agatur civiliter: prout amplius de singulis patebit ex dicendis.

6 Resp. II. Casus principaliores, in quibus potest procedi ad receptionem testium lite nondum contestata, sicque data Regula fallit, praecipue sunt sequentes. I. Istud accidit in judiciis summariis: in his etenim proceditur simpliciter ac de plano, neque necessario praemittenda est litis contestatio. *Clem. Saepe contingit. de Verb. signif.* Atque sub hac fallentia plures alii casus speciales continentur, quos refert, ac distinguit Glossa in cap. ult. §. 1. & *Generaliter. h. t.* uti sunt causae electionum, aliaeque Beneficiales; item causae matrimoniales, ac motae super decimis, vel usuris, et hujusmodi: nam tales summariter et de plano possunt expediri, *Clem. Dispendiosam. de Judiciis*: sicque in ipsis potest procedi lite non contestata, utpote quam necessario non praerequirant.

7 II. Loquendo etiam de Judiciis ordinariis, atque solemnibus, quando civiliter agendum est, possunt testes recipi ante litem contestationem, si adsit periculum, ne caeteroquin testimonii facultas pereat. Pateat hoc ex cap. ult. §. 1. h. t. ubi inter alia, quantum ad propositum, sic habetur: *Regulariter verum est, quod lite non contestata, non est ad receptionem testium procedendum; nisi forte de morte testium timeatur, vel absentia diuturna: in quibus casibus, cum civiliter est agendum (ne veritas occultetur, et probationis copia fortassis subtrahatur) senes valetudinarii, et alii testes, de quibus ex aliqua rationali causa timeatur, etiam lite non contestata, sunt procul dubio admittendi.* Haec ibi.

8 Caeterum, quando censeatur adesse mortis periculum, aut quanta diuturna requiratur absentia testium, ut hi lite non contestata recipi valeant, Judicis arbitrio relinquendum esse, ac discernendum; notat Abbas in c. *Quoniam frequenter. §. 2. num. 17. h. t.* allegans communem, ac fuisse Menochius lib. 2. de *Arbitrariis judic. Casu 59. et tribus seqq.* Et quidem de senibus septuagenariis in-

distincte procedit dispositio cit. cap. ult. h. t. cum satis certum sit, tales esse senes: infra hanc vero aetatem, ubi in Jure quid specialiter non reperitur expressum, id vel speciali locorum consuetudine, vel Judicis arbitrio taxandum erit.

Nec obstat textus in L. ult. C. *Qui aetate et c. lib. 10.* ubi quisquis annum agit quinquagesimum quintum, senex reputatur, ita ut a muneribus personalibus excusetur. Nam hoc est speciale in publicis muneribus personalibus, a quibus ob difficultatem operum personaliter praestandorum, atque ob aliqualem respectum illius aetatis tales excusantur: non item locum habet in proposito, ubi non attenditur aliqua difficultas, sed solummodo permittuntur lite nondum contestata testes recipi ob timorem mortis, ne forsitan cum illis seniculis pariter pereat probatio. Abbas loc. cit. n. 18.

Verum tamen si nonnulli talium Senum quibusdam verentur infirmitatibus corporalibus, tunc ipsi, etiam lite non contestata, pro testibus audiri poterunt ex alio capite, nempe ob metum mortis: siquidem in adultioribus ejusmodi infirmitates solent esse periculosiores. Idem dicitur de absentia testium diuturna, cum et quoad hanc qualitas negotii, v. g. non patientis diuturniorem dilationem, viarum distantia, atque periculum mortis ex longiori peregrinatione impendens, prudenti judicio discutendum sit.

His etiam addendum, cum textus in cit. cap. ult. h. t. generaliter dicat, *etiam alios testes, de quibus ex aliqua rationali causa timeatur, lite non contestata admittendos esse*: non solum ex causa timoris mortis, vel absentiae testium diuturnae, sed etiam ob alias consimiles causas posse testes recipi lite necdum contestata, si alioquin arbitrio Judicis timeatur, ne casu aliquo fortuito copia probationis subtrahatur, sicque veritas occultetur.

Hinc Glossa in cit. cap. ult. & *Subtrahatur*, et Abbas in c. *Quoniam frequenter. n. 6. h. t.* citans Hostiensium, et Jo. Andream, asserit, ejusmodi dispositionem procedere etiam in casu illo, quando timeatur, ne propter moram longiorem testes obliviscantur rerum gestarum, sicque subsit periculum veritatis occultandae. Quia tunc, quantum ad propositum militat eadem ratio: nam in ordine ad ferendum testimonium par periculum oritur ex timore mortis naturalis, ac ex timore oblivionis, ubi Judex ex qualitate personae, ac negotii, talem subesse prudenter arbitrari potest.

Unde non obstat, quod in d. cap. ult. h. t. casus iste inter alios, non connumeretur. Tum quia de similibus idem est dicendum, c. *Inter caeteras. §. de Rescript.* et alibi. Tum quia caeteroquin exempla regulam non restringunt. Fagnanus c. *Ego N. n. 23. de Jurejurand.* Quia potius declarant, dispositionem de similibus esse intelligendam, arg. L. 1. §. *Quod vulgo. ff. de Vi et vi armat.* Fagnanus in c. *Non minus. n. 30. de Immunitat. Eccles.*

Caeterum circa praemissa ex saepe cit. cap. ult. §. 1. h. t. bene notandum est, quod, si Actor testibus sic ante litem contestatam receptis non convenerit adversarium infra annum, ex quo conveniri poterit, vel saltem receptionem hujusmodi testium non denuntiaverit illi: attestations sic receptas non valeant. Idque saluberrime constitutum est, ut hac ratione obviatur malitiae, et fraudibus hominum: ne videlicet Actor diutius tardet duntaxat ex eo, donec mortuis, vel absentatis aliis hominibus, per quos Reus depositionem, vel dicta talium testium reprobare potuisset, processu temporis non amplius possit legitimas exceptiones ad repellendum illos testes, vel ipsorum depositionem opponere.

Verum tamen sciendum, quod licet textus alle-



gatus annullet attestationes non facta intra annum conventionem, vel denunciationem; nihilominus eadem non sint irritae ipso jure, sed opus sit exceptione partis, aut sententia Judicis: unde valeret sententia praetextu ipsarum lata, si pars non exciperet. Abbas *loc. cit.* n. 10. Et merito: quia attestationes illae jam semel fuerunt validae: quando autem sollemnitas requiritur post actum, hoc ipso non dat formam actui; ac proinde is valet, nisi exceptione partis, vel per sententiam Judicis annulletur, *arg. l. Universa. juncta Glossa fin. C. de Precib. Imperat. offerend.* et notat Bartolus in *L. 1. ff. de Testib.*

- 16 III. Regula praesentis Rubricae fallit in casu contumaciae Rei. Si enim Reus legitime citatus comparere contempserit, sicque contumax fuerit, simulque periculum sit in mora; possunt contra contumacem, etiam lite non contestata, non solum testes recipi, sed etiam si de causa liquido constet, sententia definitiva ferri. Textus est in *cit. cap. ult. §. Porro. h. t.* Ubi istud expresse statuitur in causa litis super matrimonio, tum spirituali (hoc est, super electione alicujus ad Beneficium Ecclesiasticum) tum carnali: utpote in quo utroque casu longior mora foret nociva, illinc Ecclesiis suo Rectore diutius destitutis, hinc alteri conjugi ob periculum incontinentiae. Idemque a simili dicendum in ceteris causis celerem expeditionem requirentibus, atque ubi periculum est in mora: eo praesertim, quod tales causae possint expediri summarie, ac de plano, sicque non praemissa litis contestatione. *Clem. Dispensatam. de Judiciis*, estque jam dictum *Tit. 1. De Judiciis*, §. 2. n. 45. et seqq.

- 17 In aliis vero causis non ita celerem expeditionem exquirentibus, est distinguendum, an Reus contumax conveniatur actione reali, vel personali. Et quavis in utroque casu procedat regula, quod lite non contestata testes non sint recipiendi: nihilominus perseverante Rei contumacia, ob quam retardatur contestatio litis, mittitur Actor in possessionem rei litigiosae, sed diversimode; prout notatur in *cit. cap. ult. §. In aliis vero. h. t.* et amplius dicitur infra *Tit. 1. De eo qui mittitur in possess. etc.* §. 2. per totum.

- 18 Quod si vero Actor post propositam semel Judici actionem, Reoque per hunc insinuatam, sese contumaciter absentaverit, et post triam legitimam citationem non comparuerit: tunc Reo praesente, ac instante, potest procedi in causa, etiam lite non contestata; et liquidato negotio devenitur ad sententiam definitivam, *Auth. Qui semel. C. Quomodo et quando etc. Glossa in cap. ult. §. Regulariter. h. t.*

- 19 IV. Regula eadem fallit, quando ad instantiam alterutrius partis sit receptio testium ad perpetuam rei memoriam; prout clare habetur *cit. cap. ult. §. Sunt et alii. juncta Glossa, §. Publicatio. h. t. et c. Significavit. 41. de Testib. et Auth. de Testib. §. Et hic vero. Collut. 6.* Nam quando quis timet, ne in futurum super aliquo contractu, vel alio negotio proximae gesto, lis sibi moveatur, sicque ipse Reus constituator: tunc potest is petere a Judice, ut testes, qui contractui, aut negotio illi interfuerunt, recipiantur, atque publicentur: idque ad perpetuam rei memoriam, ne videlicet imposterum probationis copia pereat. Atque ut hujusmodi receptio testium eo firmior existat, poterit is, qui eam a Judice petit, ulterius postulare, ut publicum instrumentum desuper conficiatur, quod suo tempore in judicium afferri poterit ad probandum suam intentionem; prout liquet ex *cit. c. Significavit. de Testib.* Atque hoc in favorem Reorum statutum fuit, ne alioquin ipsis, si forsan imposterum convenirentur, copia probationis quoquo modo deficeret.

- 20 Solum nota, quod, quando ad instantiam partis, non ne quis imposterum super certo contractu vel

negotio conveniri valeat, sit receptio testium ad perpetuam rei memoriam; etiam pars adversa sit citanda, ut si velit, dictae testium receptioni intersit, juxta *cit. c. Significavit. 41. de Testib. et d. Auth. de Testib. §. Et hic vero.* Ubi tamen additur, quod si altera pars citata interesse proterve respuerit, ea habeatur pro praesenti, nec postmodum dispositiones testium amplius impugnare valeat.

V. Quando igitur per viam Inquisitionis super aliquibus excessibus, possunt testes recipi absque litis contestatione. *cit. cap. ult. §. Sunt et alii. h. t.*

Nec obstat *c. Cum I. et A. 22. de Sentent. et re judic. et c. Cum dilectis. 15. de Purgat. canon.* ubi in causa Inquisitionis requiritur litis contestatio. Resp. enim cum Glossa in *cit. c. Cum I. et A. §. Lite non contestata*, Innocentio, et aliis, quos citat Abbas in *d. cap. ult. Sunt et alii. n. 4. h. t.* haec posteriora Jura procedere, quando tela Inquisitionis assumitur ad instantiam alicujus specialis impetrantis, sive prosecutoris: secus esse, quando fit Inquisitio ex officio Judicis ad publicam infamationem praeviam. Vel dic cum Glossa marginali ad *cit. c. Cum I. et A. Abbate ubi supra*, et aliis, quod in Inquisitione generali nunquam fiat litis contestatio: in speciali autem Inquisitione fiat quidem litis contestatio, quando Reus est praesens; tunc enim is, contra quem inquiritur, est vocandus, et si neget, habetur id pro lite contestata. Si autem sit absens per contumaciam ille, contra quem fit Inquisitio, tunc ista procedit absque alia litis contestatione: et sic concordabis jura juriibus.

Praeter hos casus dantur nonnulli alii, per Glossam in *cit. cap. ult. §. Regulariter. h. t.* et Abbatem *ibid.* §. 1. n. 4. enumerati, in quibus possunt testes recipi ante litis contestationem. Verum praemissi casus sunt principales, alii vero commodè reducuntur ad aliquem ipsorum: puta, quis in ipsis solet procedi summarie, ac de plano; aut quia adest periculum in mora, ne postmodum testibus mortuis, aut saltem diutius absentatis, pereat copia probandi: vel saltem, quia non instituitur judicium ordinarium ac solemne; ut si duntaxat incidentaliter imploretur officium Judicis pro concedenda restitutione in integrum, *c. Judiciis juncta Glossa fin. de Offic. judic.* Vel, quando recipiuntur testes in notoriis ad cautelam, ut *c. Bonae memoriae. 23. §. Licet. de Election.* Nam in notoriis non est opus alio processu judicio, *c. Evidentia. de Accusation. et can. De manifestat. 2. q. 1.*

Quaeritur III. An praedictum locum habeant etiam in causis criminalibus? Resp. I. In causis criminalibus criminaliter intentatis nunquam recipiuntur testes ante litem contestatam pro instituenda futura accusatione; ac proinde vel maxime in ipsis procedit regula Rubricae praesentis Tituli. Ita Glossa *cap. ult. §. Civiliter. h. t.* et Abbas *ibid.* n. 5. cum aliis passim. Idque desumitur ex verbis *cit. cap. ult. §. 1. ibi: In quibus casibus, cum civiliter est agendum etc.* Quasi diceret: securus, quando criminaliter est agendum. Nam exceptio illa firmat regulam in oppositum in casu non excepto, juxta dicta *Lib. 1. Tit. 2. De Constitutionibus* §. 16. n. 405.

Accedit ratio: quia in criminaliter intentatis ordo judicarius exacte servari, strictissimeque procedi debet; cum in eis non agatur de interesse bur-sali, sicut in civilibus, sed de gravissimo praepudio vitae, et sanguinis humani. Unde et in talibus requiruntur probationes, apertissimae luceque clariores, *can. Epiphanium. 5. q. 6. et L. ult. C. de Probat.* Idque merito: Satius enim est, impunitum relinqui facinus nocentis, quam innocentem damnari, ut inquit *Juris Consultus in l. Absentem. ff. de Poenis.*

26 Additur num. 24. notanter, in causis criminalibus criminaliter intentatis. Nam quando agitur de crimine solum civiliter (hoc est, ad privatum interesse, et non ad publicam vindictam) tunc cessant rationes proxime allatae: ac proinde, licet regulariter id fieri nequeat, nihilo minus possunt recipi testes lite nondum contestata, seu timeatur de ipsorum morte, aut diuturna absentia, vel urgeat alia rationabilis causa. Communiter siquidem paria censentur, quod agatur mere civiliter, vel quod de crimine agatur civiliter, arg. L. ult. ff. de Privatis delictis. Simulque textus in cap. ult. §. 1. h. t. ex praemissis causis admittens receptionem testium ante litem contestatam, loquitur indistincte, Cum civiliter est agendum. Abbas in c. Quoniam frequenter. n. 5. h. t.

27 Additur ibidem ulterius, pro instituenda futura accusatione. Tum quia ad probandam rei innocentiam, etiam lite necdum contestata, possunt quocunque tempore testes recipi, arg. c. Significavit. 41. de Testibus. idque suadent rationes n. 25. allegatae, sumpto argumento a sensu contrario. Engel h. t. n. 5. Saubig. cod. cap. 2. n. 2. et alii. Tum quia secus est, quando super crimine aliquo proceditur per viam Inquisitionis, juxta dicta n. 21. Imo etiam in causa denunciationis regulam fallere, notat Glossa in cit. cap. ult. §. Regulariter. h. t. id probans ex c. Novit. de Judiciis.

## TITULUS VII.

## De Juramento Calumniae.

## 1 Ratio continuationis Rubricarum.

1 Quoniam regulariter loquendo post Actionem mediante libelli oblatione editam in Judicio, et factam litis contestationem, solet immediate praestari Juramentum calumniae; merito post praecedentes Rubricas subjicitur ista. Hinc dimissis aliis juramenti divisionibus, ipsumque juramentum generatim concernentibus, utpote de quibus agetur commodius infra Tit. 24. de Jurejurando. ac praesentem Titulum majoris claritatis gratia in paragraphos dividendo, sit

## §. I.

De natura, et differentiis Juramenti calumniae, malitiae, ac de veritate dicenda.

## SUMMARIUM.

- 2 Juramentum calumniae, quid?
- 3 Calumnia, et Calumniari, quid?
- 4 et 5. Juramentum calumniae quae contineat?
- 6 Juramentum malitiae, quid?
- 7 Non est superfluum; et cur?
- 8 Differt multipliciter a Juramento calumniae.
- 9 Juramentum de veritate, quid?
- 10 Spectato rigore Juris, jurans de veritate dicenda non tenetur respondere, nisi quod novit per proprios sensus.
- 11 Istud de consuetudine non servatur; et cur?
- 12 Juramentum de veritate dicenda partim convenit cum Juramento calumniae,
- 13 et 14. Partim ab isto differt; et quomodo?

2 Quaeitur I. Quid sit. Juramentum calumniae, et quae continere debeat? Resp. I. Juramentum.

REIFFENSTUEL Jus Can. Tom. II.

tum calumniae est illud, quod praestatur tam ab Actore, quam Reo, super tota causa, quod bona fide, sive credendo se habere justam causam litigandi, non autem animo calumniandi, per decursum totius litis agere, vel respondere velint. Et hoc dicitur Juramentum calumniae, subintelligendo, evitandae in causis. Qua ratione exponi etiam solet illud Apostoli 1. Corinth. 7. Propter fornicationem, scilicet evitandam, unusquisque uxorem suam habeat.

Porro Calumnia, de qua evitanda hoc juramentum praestatur, et quantum ad propositum, est aliquis in litibus per fraudem et frustrationem vexatio. Atque haec calumniae definitio desumitur ex l. Si calumniatur. ff. de Verb. signif. ubi dicitur: Calumniatores appellati sunt, qui per fraudem et frustrationem alios vexarent litibus. In causis criminalibus tamen proprie calumniari, est falsa crimina intendere; prout habetur L. 1. ff. ad S. C. Turpilianum.

Resp. II. Juramentum calumniae tria continet, sub quibus Jure sic disponente praestandum est Primo, quod quis credat, se justam causam habere. Actor siquidem jurare debet, non calumniandi animo litem se movere, sed existimando bonam causam habere. Reus vero jurat, quod putans se bona instantia uti, ad reluctandum pervenerit; prout sancitur in L. 2. C. de Jurejurando propter calumniam. Secundo, quod nullam petant dilationem calumniosam, neque probationem superfluum exigant ab adversario in fraudem, sive protrahendae litis ergo; ut L. 1. juncta Auth. in isto juramento. C. cod. Tertio, quod nihil promiserint, dederint, daturi ve sint per se, vel per alios, causa patrocini Judicibus, aliisve personis; exceptis iis, quae propriis Advocatis pro patrocinio praestantur; aliisque personis, quibus dari posse Jura disponunt. Auth. Principales. C. cod. Engel h. t. num. 1. Loesius nu. 6. et alii.

Caeterum Glossa in cap. 1. §. Calumnias h. t. addit alia duo puncta, quae in hoc juramento continentur: videlicet, quarto quod quis interrogatus in Judicio non negavit, quod verum esse credit, sed veritatem respondebit. Et quinto, quod non utetur scienter falsa probatione. Et haec quinq. puncta, quorum tamen duo ultima commodè reducuntur ad unum ex tribus praemissis, sequentibus versiculis complectitur citata Glossa, quam sequitur Pirhing h. t. n. 2.

Istud juretur, quod lis sibi justa videtur.

Et si quaeretur, verum non inficietur.

Nil promittetur, nec falsa probatio detur.

Ut lis tardetur, dilatio nulla petetur.

Quaeritur II. Quid sit Juramentum malitiae, et quomodo differat a Juramento calumniae? Resp. I. Juramentum malitiae, de quo fit mentio in cap. 2. h. t. in 6. vocatur illud, quod praestatur non super tota causa, sed super exceptionibus, vel aliis singularibus articulis, sive ante, sive post litem contestatam, quoties praesumptio est contra aliquem, quod quid malitiose proponat: ut puta, si praesumptio adsit contra partem litigantem, quod malitiose proponat exceptionem, vel malitiose petat dilationem etc. Ita Speculator tit. de Juramento malitiae §. Est autem. n. 6. et in re communis; atque desumitur ex cit. cap. 2. §. fin. h. t. in 6. juncta Glossa §. Malitias, et DD. ibidem. Concordat c. Pastoralis. 4. de Exceptionib. et c. Ultra tertiam. 55. de Testib. ubi non admittitur quarta testium productio, nisi praestito ab eo, qui eam desiderat, juramento malitiae: militat enim contra talem praesumptio, quod ipsam malitiose solum petat, puta, animo protrahendi litem.

Dices. Praestito semel juramento calumniae super

tota causa, superfluum videtur aliud super singulis articulis juramentum malitiae; ergo frustra asseritur. Resp. neg. anteq. Nam, ut recte notat Ancharanus in cit. cap. 2. n. 4. h. t. in 6. per juramentum calumniae, vel de veritate dicenda, merito non excluditur juramentum malitiae: quia plus solet timeri, quod singulariter pollicetur, seu juratur, quam quod generali sponcione concluditur per textum notabilem in c. Quamquam. dist. 23.

- 8 Resp. II. Juramentum malitiae differt multipliciter a Juramento calumniae, prout ostendit Speculator cit. §. Est autem n. 9. et sequuntur alii. Imprimis enim Juramentum calumniae, utpote quod praestandum est super tota causa, primum post litem contestatam exigi potest, arg. cap. 1. h. t. in 6. Juramentum malitiae econtra exigi potest tam ante, quam post litem contestatam, cit. cap. 2. §. fin. eod. in 6. Deinde Juramentum calumniae exigitur super tota causa: alterum vero non nisi super particularibus articulis, super quibus adest praesumptio, vel Iudex ex variis judiciis suspicatur, quidpiam malitiose proponi. Insuper Juramentum calumniae, in eadem instantia, et ab eadem persona non nisi semel praestatur juxta dicenda num. 17. Juramentum malitiae vero potest exigi toties, quoties Iudici videbitur, cit. cap. 2. §. fin. h. t. in 6. Ulterius differunt, quia Juramentum de malitia est species contenta sub juramento generali calumniae, non econtra. Ancharanus in cap. 2. n. 4. h. t. in 6. Tandem juramentum calumniae olim non praestabatur in causis mere spiritualibus (etsi postea hoc correctum fuerit cap. 1. h. t. in 6.) at vero Juramentum malitiae etiam olim, sive spectato Jure antiquo, jam praestabatur in causis spiritualibus, c. Cum dilectus. 37. juncta Glossa & Juramenta. de Election. et c. Litteras. 13. de Restitut. spoliat.

- 9 Queritur III. Quid sit Juramentum de veritate, et an differat a Juramento calumniae? Resp. I. Juramentum de veritate illud appellatur, quod deponitur super scientia, seu veritate, quam quis scit, dicenda. Unde Juramentum hoc, stricte loquendo, cadit super scientiam (atque explicatur per verbum, Scio) et non mere super credulitatem.

- 10 Inferitur proinde, quod, quantum est spectato rigore Juris, jupans de veritate dicenda, non teneatur respondere, nisi id, quod scit, sive novit per proprios sensus, arg. can. Hortamur. 3. q. 9. et notant Speculator ubi supra. §. Est autem. n. 12. et Abbas c. Litteras. n. 12. h. t. Idque exemplificari potest in testibus, qui regulariter non probant, nisi deponent de scientia, sive de iis, quae propriis sensibus perceperunt, can. Testes per quancunque. 3. q. 9. juncta Glossa ibid. §. Quae noverunt.

- 11 Verum de facto rigor iste de consuetudine in Curis non adeo exacte observatur; ac proinde astrictus juramento de veritate dicenda, non solum teneatur respondere de iis, quae scit per proprios sensus, sed etiam de quibus per varia argumenta, iudicia, aut praesumptiones, habet credulitatem. Et hoc fit ex eo: quia non semper de omnibus articulis potest haberi exacta notitia, sed quandoque duntaxat probabilis opinio, vel credulitas ex variis iudiciis, sive argumentis deprompta; praesertim cum et ille censetur veritatem deponere, qui dicit, Credo, si re ipsa credat, ita sane. Accedit, quod scientia in judiciis non semper tam stricte accipitur, sed quandoque etiam large, pro omni videlicet notitia, quam quis habet sive certitudinaliter; sive ex credulitate: talis enim etiam dicitur scientia alicui improprie; ut L. 2. §. Quod observavi. C. de Jurejur. propter calumn. ubi tutores, et Curatores, dicuntur jurare ex animi sui scientia: id est (ut explicat Glossa ibidem) ex conscientia sua credu-

litis, quam habent circa justitiam causam, non de veritate facti. Abbas in cit. c. Litteras. nu. 2. h. t. Pirhing eod. n. 3.

Resp. II. Juramentum de veritate dicenda partim convenit, partim differt a Juramento calumniae. Patet hoc inductione: nam praeter rationem generalem juramenti, conveniunt in hoc, quod utrumque possit exigi, ac praestari, sive ab exordio litis, sive in qualibet ejus parte: ut cap. un. h. t. in 6. Item, quod utrumque etiam in causis spiritualibus de facto sit praestandum cit. cap. 1. §. fin. licet olim secus fuerit de juramento calumniae, cap. 2. h. t. Item conveniunt, quod in causa appellationis tam de veritate dicenda, quam de calumnia jurari debeat; haud obstante, quod a principio taliter juratum fuerit, c. In appellationibus. §. 1. h. t. in 6.

Differunt autem: quia Juramentum de calumnia, est juramentum credulitatis, quo quis jurat, se credere, quod justam causam habeat, unde explicari solet per verbum Credo. Econtra juramentum de veritate est juramentum de scientia, seu de veritate, quam quis scit, dicenda; atque fit per verbum Scio. Proinde utile est, praeter juramentum calumniae exigere a parte adversa juramentum de veritate dicenda: prout etiam in cap. 1. h. t. in 6. et in cap. 2. §. fin. eod. in 6. utrumque simul conjungitur. Pirhing h. t. num. 28.

Differunt ulterius: quia Juramentum de veritate est species juramenti ut sic, inclusa tamen sub juramento generali calumniae, non econtra. Ancharanus in cap. 2. num. 4. h. t. in 6. Item differunt: quia Juramentum calumniae, cum feratur super tota causa, respicit multa capitula: at vero Juramentum de veritate respicit unum duntaxat, videlicet illud, super quo fertur, quodque a jurante scitur. Tacentur aliae differentiae, quas allegat Speculator cit. tit. de Juramenta calumniae. §. Est autem. n. 12. et 13. et Abbas in c. Litteras. num. 10. h. t. nam illae sunt minus certae.

## §. II.

De necessitate praestandi Juramentum calumniae.

## SUMMARIUM.

- 15 Juramentum calumniae ab alterutra parte exactum, necessario est praestandum; alioquin processus non valet.
- 16 Est regulariter praestandum ab exordio litis, quamvis et postea exigi, ac praestari possit.
- 17 Durante eadem instantia non nisi semel praestandum est.
- 18 Sed in causa appellationis denuo debet jurari. Et num. seqq.
- 19 Causa appellationis, est alia causa a prima instantia; et cur?
- 20 Solvitur instantia contra hoc.
- 21 Juramentum calumniae est praestandum in omnibus causis. Et n. seqq.
- 22 Et tam in Judicio ordinario, quam summario.
- 23 Ac etiam in causis spiritualibus, licet antiquitus secus fuerit.
- 24 Imo et in criminalibus. Et n. 21.
- 25 Solvantur contraria. In criminalibus licitum est accusatorem corrumperere, quomodo? Ibid.
- 26 Juramentum calumniae est praestandum per Actorem, et Reum, prius tamen per Actorem.
- 27 Dantur tamen nonnulli casus, in quibus non tenentur jurare de calumnia.



- 38 et 39. Et qui sint illi casus? *Et. n. seqq. illi.*  
 30. Princeps potest per Rescriptum tollere juramentum calumniae.  
 31. Etiam haeredes, alique successores, in quos transiit instantia, tenentur jurare de calumnia.  
 32. In Jure censetur una esse persona haeredit, et defunctis et qualiter?  
 33. Tutores, et Curatores, et generales rerum Administratores, non autem Pupilli etc. jurant de calumnia et quidem in animam suam.  
 34. Dummodo melius noverint causas rerum sibi commissarum.  
 35. Potest juramentum calumniae per Procuratorem praestari.  
 36. Solvitur instantia.  
 37. Procurator jurans in animam Principalis, vel in animam suam, quomodo debeat verba concipere?  
 38. Requiritur ad id mandatum speciale Principalis, jurandi in tali causa.  
 39. Dummodo Principalis non longe sit absens, puta, ultra mare.  
 40. Procurator ejusmodi duplex calumniae juramentum deponere debet: et quale?  
 41. Refertur, ut explicatur sententia asserentium; potest juramentum calumniae praestari per Procuratorem habentem generale duntaxat mandatum.  
 42. Procurator nuper ab altero constitutus, etiam tenetur jurare de calumnia.  
 43. Et quid de Advocatis, seu Patronis causarum.  
 44. Syndicus alicujus Collegii, vel Universitatis, jurat de calumnia absque alio speciali mandato.  
 45. Idemque dicendum de Tutoribus, Curatoribus, et aliis generalem rerum administrationem gerentibus.

15. Quæritur I. Utrum necessario, et quando, praestandum sit Juramentum calumniae? Resp. I. Juramentum calumniae, ab alterutra parte exactum, necessario est praestandum; adeo, ut tunc censetur esse de substantia judicii, ejusque ommissio vitiet processum, ac sententiam reddat invalidam. Ita clare desumitur ex L. 2. §. Sed quia veremur. C. de Jurejurand. propter calumn. ac notat Bartolus ibid. §. Circa hanc legem. Pirhing h. t. num. 5. Gailus lib. 1. Practic. Observant. 84. n. 1. et alii. Additur tamen ly, ab alterutra parte exactum; ob dicenda §. 3. n. 45. et 48.

16. Resp. II. Juramentum calumniae regulariter ab exordio litis, sive statim post litem contestatam, et antequam positiones ab Actore offerantur, praestandum est: si tamen id non fiat, poterit exigi, atque praestari in qualibet parte judicii. Ita communis: atque habetur decisum cap. 1. §. 1. h. t. in 6. illis verbis: Si de calumnia, seu de veritate dicenda, in primo litis exordio non juratur, ut debet, poterit postmodum in qualibet parte litis jurari: cum hujusmodi juramenta praestari ab initio de substantia ordinis judiciarii non existat. Haec Pontifex. Ubi ly, ut debet, probat priorem partem Conclusionis: quae utiam liquet ex L. 2. C. de Jurejurand. propter calumn. ubi tam Actor, quam Reus, jubetur hoc juramentum praestare in primordio litis: sive post narrationem et responsionem, hoc est, post factam litis contestationem. Concordat Auth. Hoc Sacramentum. C. eod.

17. Resp. III. Nihilominus durante eadem lite, seu instantia, juramentum calumniae non nisi semel praestandum est. Ita habetur decisum in Auth. De iis qui ingrediuntur etc. §. fin. Collat. 5. et Auth. In RIFFENSTUEL Jus Can. Tom. II.

iste juramenta. C. de Jurejurand. propter calumn. expresse prohibendo, ne saepius juretur in causa: si- ve, ut si alterutra pars hoc juraverit sacramentum, istud nequaquam penitus ab altera parte exacti possit. Accedit ratio: quia juramentum calumniae est generale super tota causa; ac proinde extenditur ad omnia subsequencia, ipsaque totum negotium, et quemlibet ejus articulum: unde tunc superfluum foret novum calumniae juramentum, atque non repetendum, c. Et si Christus. 26. de Jurejurand. et cap. 2. de Probat.

Resp. IV. Illis tamen non obstantibus, in causa appellationis denuo jurari debet de calumnia. Ita reperitur decisum in cap. 2. §. 1. h. t. in 6. illis verbis: In appellationis causa, quamquam in principio juramentum fuerit praestari jubemus calumniae juramentum. Et idem in juramento de veritate dicenda volumus observari. Haec ibi.

Idem suadet ratio: quia causa appellationis est, 19. nova instantia, siveque censetur alia causa a prima instantia, seu lite principali: unde merito transigitur novum juramentum calumniae. Antecedenter traditur a Glossa in l. Cum et judices §. Novisse: et Bartolo ibid. §. Circa hoc quaeritur. C. de Jurejurand. propter calumn. Speculatore tit. de Jurament. calumniae §. Sequitur. n. 3. et alia. Idque patet ex eo, quia causa appellationis versatur circa aliud objectum a causa principali, seu prima instantia: nam, ut dicitur in c. Interposita. 70. §. fin. de Appellat. in casu appellationis iniquitas prioris Judicis principaliter arguitur. Accedit quod in causa appellationis alius sit Jux, aliudque Tribunal: nam appellatio est a minori iudice ad majorem provocatio, arg. cap. 2. juncta Glossa §. Officiali de Consuetud. in 6. Insuper in ea novae probationes offerri, atque exceptiones proponi possunt. l. Per hanc divinam. C. de Temporib. appellat. Imo et nova libelli oblatio, et contestatio litis fieri debet, c. Raynaldus. 18. juncta Glossa §. Contestata. de Testament. Quin et Procurator in causa principali primae instantiae condemnatus, non tenetur appellationem proseguere, c. Non injuste de Procuratorib. et l. Inventus. C. eod. Haec enim omnia probant, causam appellationis esse aliam a prima instantia: siveque in ea denuo praestandum juramentum calumniae, quando exigitur.

Nec obstat textus Rubricae, in L. un. C. Ne liceat 20. in una eademque causa ter provocare, hoc est, appellare: quibus verbis indicari videtur, unam eandemque esse causam principalem, et causam appellationis, cum alioquin nunquam in eadem causa ter appellari contingeret. Resp. enim, in allato textu per ly, in una eademque causa, intelligi unum idemque negotium principale, circa quod ter provocare, seu appellare nulli est licitum: non autem ibi denotari eandem litem, seu instantiam, de qua loquitur utraque praemissa Conclusio nostra.

Quæritur II. In quibus causis juramentum calumniae sit praestandum? Resp. I. Juramentum calumniae (nisi tacite remittatur, juxta dicenda §. 3. num. 48) indifferenter praestandum est in omnibus causis, in quibus probatione opus est, sive sint civiles, sive criminales. Ita Hostiensis in Summa. n. 3. h. t. et Abbas in cap. 1. num. 12. et 13. eod. Valens h. t. §. 3. Pirhing num. 25. et alii: quamvis quoad causas criminales non pauci teneant oppositum, ac multum pro et contra disputet Glossa in cap. 1. §. Criminali, h. t. tandem in nostram Conclusionem inclinans. Ratio hujus desumitur ex L. 1. C. de Jurejurand. propter calumn. ubi juramentum calumniae jubetur praestari in omnibus causis. Concordat cap. 1. h. t. ubi Pontifex juxta divinas et humanas Leges dilluam, Clericos in Causa Ecclesiae

causae non totum potest jurare de calumnia, sed posse hujusmodi officium committere idoneis Defensoribus suis; idque vult observari in quacunque causa, sive contravertit, seu criminali, sive civili. Frustra enim iura Clerici, eximere a praestando juramento calumniae in ejusmodi causis, si caeteroquin in istis de rigore Juris non esset praestandum dictum juramentum; prout argumentatur Abbas cit. n. 12.

22. Et hoc procedit tam in causis, quae discutuntur in Iudicio solenni, sive ordinario, quam etiam in quibus agitur simpliciter ac de plano, sive summariter et sine figura iudicii. Prout liquet ex *Clam. Saepo contingit. de Verb. signific. ibi: Praestatio- nem juramenti de calumnia vel malitia, sive de veritate dicenda, ne veritas occultetur, per commis- sionem hujusmodi intelligimus non excludi.*

23. Id ipsum de facto procedit non solum in causis pro- fanis, sed etiam spiritualibus, in quibus v. g. agitur de Ecclesiis, Decimis, aliisque rebus sacris. Faten- dum quidem est, quod antiquitus in causis mere spi- ritualibus, spectato Jure Canonico, juramentum calumniae nec dari, nec recipi consueverit, text. *clar. c. Litteras. a. h. t.* Idque ex eo accidit: quia in spi- ritualibus praesumebatur, quod litigantes semper ha- berent Deum praesentem oculis, sique non calumniaren- tur: simulque, quia tales causae non ex Legum distri- ctione, sed ex Canonum aequitate sunt determinan- dae, cap. 1. de Dolo et contumacia. cum concordantiis. Verum istud postea correctum fuit in cap. 1. §. fin. h. t. in 6. ubi, ut via praeccludatur calumniis, Pontifex de- crevit, etiam in causis spiritualibus tam de veritate dicenda, quam de calumnia jurandum esse: Quia (inquit) frequenter calumniari videmus in ipsis. Et sic aequum fuit, ut, cum frigescente charitate mul- torum, cessasset ratio prius allegata, etiam cessaret, atque revocaretur prior Constitutio.

24. Et quamvis loquendo de causis criminalibus non desinit Doctores, quos citat, et sequitur Zoesius h. t. n. 5. volentes, quod in ipsis criminaliter iuten- tatis non recte exigatur juramentum calumniae: id- que tum propter obvium perjurium, cum in causa sanguinis liceat se qualitercunque redimere, imo et accusatorem suum corrumpere, et cum eo transige- re, l. Transigere. C. de Transact. l. ff. de Poenis eorum qui etc. Tum ex eo, quia in causis crimina- libus criminaliter motis requiritur ex parte Accusa- toris inscriptio, quae sola videtur sufficere. Nihilo minus etiam in causis criminalibus, si exigatur, praes- tandum esse juramentum calumniae, videatur con- vincere Jura n. 21. citata; utpote quae loquuntur in- distincte de omnibus causis, et consequenter etiam de criminalibus. Abbas in cap. 1. n. 12. h. t. et alii in Conclusionibus citati.

25. Nec urgent rationes n. praeced. in oppositum al- latae. Quia imprimis dictum illud, quod in causis criminalibus licitum sit, accusatorem suum cor- rumperere, et cum eo transigere, non ita accipien- dum est, quasi id culpa vacet (mentiri enim nun- quam est permissum) sed quia illud ignoscitur, hoc est, ob id a Jure nemo punitur. Glossa margina- lis in cap. 1. §. Non dicitur. h. t. Deinde, quamvis licitum sit transigere, non sequitur, licitum esse ca- lumniari: nam etiam in civilibus, haud obstante ju- ramento calumniae, licitum est transigere cum ad- versario, nunquam autem calumniari. Ad alterum dicitur, aliud esse juramentum calumniae, aliud inscriptionem: unde sicut non obstante juramento malitiae, vel juramento de veritate dicenda, adhuc exigi potest, atque exactum praestari debet jura- mentum calumniae, cum sit diversum ab illis; ita etiam in criminalibus praestandum est non obstante inscriptione. Neque obstat periculum perjurii: nam si quis primarius juramenti calumniae optimus est, vi-

delicet, veritatis litigandum, ac evitatio calumniae in Iudicio: ex his autem suo primario attendenda, est quaelibet dispositio, c. Accusatorium. de Reg. Juris in 6. cum concordantiis. Unde si secus fiat, id non nisi propriae perjurantium perversitati tribuendum erit: quae si deprehendatur, merito postea in Foro etiam exterius punitur; sin minus, Divino iudicio puniendi relinquitur. Alioquin certe ob simile peri- culum perjurii, per malitiosos nonnunquam commi- tendi, omne prorsus juramentum in Iudiciis cessare deberet: quod est contra aperta Jura, et generalem totius Orbis consuetudinem.

Quaeritur III. A quibus sit praestandum Jura- mentum calumniae? Resp. I. Juramentum calumniae communis regulariter praestandum est per ipsas per- sonas principales, nempe per Actorem et Reum, prius tamen per Actorem. Ita communis; et patet ex L. 2. juncta Glossa, §. Et actor. C. de Jurejurand. propt. calumn. et Auth. Principales. C. eod. ubi ex- presse jubentur principales personae jurare de ca- lumnia. Quia vero Actor provocavit ad iudicium, merito is primo loco tenetur jurare, ac postea pri- mum Reus.

Additur notanter, regulariter praestandum est per personas principales. Dantur enim nonnulli casus, in quibus data Conclusio, ac regula fallit: adeo, ut etiam principales personae, videlicet Actor et Reus, non teneantur jurare de calumnia, arg. cap. ult. §. fin. h. t. Ubi statuitur poena recusantis praestare ju- ramentum calumniae, sed cum additio, cum praes- tandum fuerit: sique innuitur dari casus, ali- quos, in quibus illud praestare quis non cogi- tur. Id ipsum clarius habetur in l. Qui bona fide. §. Si alieno. ff. de Damno infecto; ac probatur in- ductione.

Sic quippe antiquitus in causis mere spirituali- bus, personae principales non tenebantur jurare de calumnia: quamvis postea aliter fuerit ordina- tum, juxta dicta num. 23. Deinde data regula, et conclusio fallit in Patronibus, et Patronis, quan- do in casibus permissis litigant in iudicio cum pro- priis Liberis, vel Libertis: tunc enim ob reveren- tiam talibus personis debitam, utpote de quibus non licet Liberis, aut Libertis suspicari, quod quid- quam animo calumniandi sint attentaturae, de jure juramentum calumniae remissum est, l. Si patronus. ff. de Jurejurand. et l. Licet. ff. de Obsequiis a libertis et c. ac cit. l. Qui bona fide. §. Si alieno. ff. de Damno infecto.

Insuper fallit regula illa in Pupillis, et aliis, quo- rum nomine agunt Tutores, Syndici, aut alii, re- rum suarum generalem administrationem habentes. Tunc enim non Pupilli, aliave personae principa- les, sed solum Tutores, Curatores, aut generales illi Administratores, jurant in animam suam (cum meliorem rerum a se administratarum notitiam ha- beant) et non in animam Pupilli etc. ut amplius di- cetur n. 43. et 44.

Fallit ulterius data regula, quando Princeps su- premus per Rescriptum tollit juramentum calum- niae. Nam quia praestatio dicti juramenti, est juris duntaxat positivi humani, posse illud tolli, sive re- mitti per Rescriptum Principis, clare desumitur ex C. Proposuit. 4. de Concess. Praebend. et l. Prin- cept. ff. de Legib. ac notat Abbas in c. Caeterum. n. 10. h. t. et Cailus lib. 1. Practic. Observat. 85. n. 7. allegans communem. Fallit tandem eadem regula, quando juramentum calumniae tacite a partibus est remissum, juxta dicenda §. seq. n. 48.

Resp. II. Etiam haeredes, alique successores prin- cipalium personarum, in quos nimirum transivit instantia, seu jus causae principalis, tenentur jurare de calumnia: non obstante, quod defunctus, aut

praedecessor, tale juramentum jam praestiterit. Ita textus, et Glossa *q. Migraverit. in Auth. Principales. C. de Jurejurand. propt. calumn.* Speculator *tit. de Juramento calumniae. §. Sequitur. n. 7.* et alii. Accedit ratio: tum quia facile accidere potest, ut defunctus, sive antecessor, habuerit bonam fidem; haeres autem, vel successor ob majorem negotii cognitionem non item. Tum quia juramentum hoc est quid personale, neque transit de una persona ad aliam; sicque juramentum defuncti, vel antecessoris, non stringit heredem sive successorem.

32 Nec obstat, quod in Jure censetur esse una persona heredis, ac defuncti, *Auth. de Jurejurando a moriente praestito etc. §. 1. Collat. §.* Resp. enim, hoc verum esse duntaxat sectione juris: ac proinde conformiter dictis *Lib. 1. Tit. 2. §. 8. n. 193. et seqq.* non procedit, nisi in casibus a Jure expressis. Atque inter hos est ille, de quo fit mentio in *cit. Auth.* si videlicet moriens praestitit juramentum, in quo menturam suam facit substantiae manifestam: unde tali juramento haeredes substantiam dividentes (non item creditores, quibus exinde nullum generatur praedictum) necessario stare tenentur. Cum utique nostris (inquit imperator ibidem) videatur Legibus unam quodam modo esse personam haeredis, et ejus, qui in eum transmittit hereditatem: nullus autem sibi reluctari, sive contradicere censetur. Secus est in aliis casibus a Jure non expressis, ac praesertim in Juramento calumniae, quod non transgreditur personam: nam in veritate rei haeres, atque defunctus sunt duae personae, habentque duas animas. Glossa marginalis ad *cap. 2. h. t. in 6.*

33 Resp. III. Insuper jurant de calumnia, et quidem in animam suam Tutores, Curatores, alique generales rerum alienarum administrationem legitima auctoritate gerentes: ut puta Administratores Xenodochiorum, Rectores Civitatum, Praelati Ecclesiarum, ac Syndici generaliter quoad omnes causas Collegiorum, aut Universitatum constituti. Ita Speculator *tit. de Juramento calumniae. §. Restat. n. 15.* Abbas *c. Inpertractandis. n. 4. h. t.* Vallensis *cod. §. 2. num. 3.* et alii. Idque desumitur tum ex *L. 2. §. Quod observari. C. de Jurejur. propt. calumn.* tum ex *c. Imperatorum. et c. In pertractandis h. t.* In quo postremo loco etiam indicatur hujus ratio: quia videlicet ille debet jurare de calumnia in animam suam, qui causam omnino non nescit; hoc est, non ignorat, imo melius prae aliis novit: atqui tales personae generalem rerum administrationem gerentes, melius noverunt causas rerum sibi commissarum, quam pupilli v. g. aut singuli de Collegio, vel Universitate: ergo illae tenentur jurare de calumnia, et quidem in animam suam, non vero in animam sui Pupilli, nec in animas singulorum, qui sunt de tali Collegio, vel Universitate.

34 Intellige, dummodo Administratores illi melius noverint causas rerum sibi commissarum: alioquin enim secus foret dicendum. Ut accidit in casu, quo quis primum acquisivit generalem rerum alienarum administrationem, sicque debitam causae notitiam nondum habet: ac proinde nec jurare de calumnia in animam suam compellendus est, prout limitat Abbas *loc. cit. num. 2. et 4.* Favet hoc ipsum textus in *d. c. In pertractandis h. t.* ubi juramentum calumniae dicitur deferendum vel Oeconomis, vel ipsis personis principalibus, inspecta qualitate causae, vel personarum, quae causam omnino non nesciant, id est, non ignorent: tales enim solummodo jurare possunt in animam suam, ac jura propriam conscientiam.

35 Queritur IV. An Juramentum calumniae possit praestari per Procuratorem, et qualiter? Resp. I. RUFFENSTUEL Jus Can. Tom. II.

Possunt personae principales non solum per semetipsas, sed etiam per Procuratorem a se substitutum praestare juramentum calumniae: dummodo hic speciale ab eis super hoc mandatum acceperit. Ita communis: et patet ex *cap. ult. h. t. in 6.* licet olim de hoc fuerit magnum inter DD. dubium: eo quod antiquitus solummodo Episcopia fuerit permissum, jurare per alium, ut *cap. ult. h. t.* Atque etiam Clericis, sed duntaxat in causis suae Ecclesiae, ut *cap. 1. cod.* Verum de facto data Conclusio est certa, ob claram Juris decisionem, jam allegatam.

Nec dicas. Ergo citatum *cap. 1. et cap. ult. h. t.* 36 superfluum: cum nihil speciale juris tribuant Episcopis, et Clericis, concedendo ipsis, quod possint jurare de calumnia per alium: hoc quippe de facto generaliter est concessum omnibus. Resp. enim neg. sequel. Quia, praeter alias utilitates, quae afferunt, ambo illa Capitula saltem inserviebant specialiter Clericis secundum antiqua tempora, ubi adhuc de nostra Conclusionis dubitabatur: licet non amplius de facto ipsis specialiter deserviant. Abbas *cap. 1. n. 15. h. t.*

Cacterum Procurator habens speciale jurandi 37 mandatum, debet concipere verba in personam Principalem, sicque in animam ejus jurare: unde ipsemet Dominus videtur jurare, atque per os Procuratoris veluti per organum loqui, ex quo dedit ipsi speciale mandatum in tali causa jurandi suo nomine, atque in animam suam Abbas *c. In pertractandis. nu. 5. h. t.* Quod si vero quis juret in animam suam, tunc debet concipere verba in propriam personam, sicque semetipsum jurando obligare: quia ratione tum Actor ac Reus, tum Tutores pupillorum, ac nonnulli alii jurare de calumnia tenentur: atque formulam dicti juramenti refert Speculator *Tit. de Juramento calumniae. §. Nunc dicamus, per totum.*

Additur notanter num. 35. dummodo speciale super hoc mandatum acceperit. Siquidem in Procuratore particulariter deputato, ad hoc ut possit jurare de calumnia in animam sui Principalem, non sufficit mandatum generale ad agendas omnes causas ejus, neque etiam mandatum generale jurandi de calumnia in quaecunque causa: sed requiritur mandatum speciale jurandi in tali causa, quae expressa est, atque exprimi debet a Principali. Abbas *in cit. c. In pertractandis num. 5. h. t.* et Glossa *cap. ult. in casu h. t. in 6.* Et ratio est: quia Procurator duntaxat generaliter constitutus, non est instructus specialiter in qualibet causa; ac proinde is in aliqua causa male jurans in animam sui Principalem, non obligaret ipsum Principalem ad perjurium: nam in generali mandato non venit delictum, *l. Si procurator. juncta Glossa, q. Quoniam nihil ff. de Condition. indubit.*

Limitat hoc ultimum Bartolus in *L. 2. §. Sin autem. C. de Jurejur. propt. calumn.* ac post ipsum Abbas *c. Cacterum. n. 7. h. t.* in casu, quo Principalis est longe absens: puta, ultra mare, aut in longinqua peregrinatione, ita ut in brevi haberi non possit. Quis tunc (inquiunt) admittetur Procurator jam ante litem contestatam generaliter constitutus; cum non sit, quid imputetur Domino principali, eo quod ante suum discessum ignoraverit, litem contra se forte movendam, sicque nequiverit suo Procuratori dare mandatum speciale in tali causa jurandi de calumnia in animam suam: simulque ratione absentiae multa permittantur: ut *cap. ult. de Sepultur. in 6. et c. Si Episcopus. de Supplend. neglig. Praelat. in 6. et l. Si longius. ff. de Judiciis,* cum similibus. Quidquid contradicat Glossa *c. Cartorum. §. Ab utraque. h. t.* volens, in tali casu dandum esse Curatori bonis, qui postmodum ju-



rabit de calumnia, arg. L. 1. et 2. ff. de Curator. bonis dand. cujus opinionem ex professo, ac fusiis, rejicit Abbas cit. n. 7.

40 Atque ulterius loquendo de tali Procuratore particulari, et habente speciale mandatum ad jurandum de calumnia, est notandum cum Glossa in cap. 2. §. Ab ipsis. h. t. in 6. et Viviano ibid. §. Procurator. Pirhing h. t. n. 12. ac aliis, quod talis debeat duplex quodammodo calumnie juramentum deponere. Unum quidem in animam sui Principalis, utpote ex ejus mandato speciali, ac nomine jurat: alterum, vero in animam propriam, et nomine suo, quod: nimirum et ipse velit calumpniam evitare, simulque credat sese fovere causam justam. Et hoc clare desumitur ex cit. cap. 2. §. Procuratores. h. t. in 6. ubi Procuratores deputati post præstitum jam semel, sive a personis principalibus, sive ab alio priori Procuratore juramentum calumnie (hæc obstat, quod alioquin, istud juramentum, semel præstare sufficiat, Auth. In isto juramento. C. eod.) etiam ipsi jurare jubentur, ut calumnia evitetur ab ipsis. Idque merito: non enim, est infrequens, quod Procurator habeat meliorem notitiam causæ, citiusque deprehendat ejus injustitiam, quam Dominus principalis: simulque melius quandoque Procuratores norunt modum calumniandi, quam Principales. Unde, ut et ipsi, quoad propriam personam evitare calumpniam, sub perjurii reatu caeteroquin incurrendo, sollicitius curent, merito in animam suam jurare coguntur: quamvis ad hoc alterum juramentum non requiratur speciale mandatum Domini principalis. Glossa et Vivianus, ubi supra

41 Atque conformiter proxime dictis videtur intelligenda sententia illorum, qui asserunt juramentum calumnie posse præstari etiam per Procuratorem habentem generale mandatum ad lites: pro qua sententia allegatur Speculator tit. de Juramento calumnie. §. Restat. n. 13. et 14. Bartolus l. Qui bona. §. Si alieno. n. 17. ff. De Damno infect. eamque tenet Hercules Marescortus Variar. Resolut. lib. 1. cap. 47. n. 8. asserens, id observari de generali consuetudine, quidquid de rigore juris esset dicendum, prout attestatur (inquit) Mathesilaus Singular. 149. Siquidem isthæc sententia convenienter intelligi nequit, nisi de juramento calumnie, quod Procurator habens generale mandatum, tenetur præstare in animam suam: nam quia Procurator per litis contestationem, factus est dominus litis, cap. 1. §. Licet de Procurat. in 6. hoc ipso potest jurare de calumnia (sed in animam suam, veluti dominus litis) absque alio speciali mandato: prout argumentatur Speculator cit. num. 13. id probans ex cap. penult. de Jurament. calumn. Alioquin vero requiri speciale mandatum, ut procurator possit jurare in animam sui Principalis, fatetur ipsemet Speculator loc. cit. juncto tit. de Procuratore. §. Ratione autem forpne. num. 23. et Bartolus, ubi supra. Qua ratione etiam intelligenda venit generalis consuetudo, de qua testantur præallegati Auctores: quia enim per litis contestationem Procurator effectus est dominus litis, ut dictum, hinc ejus Juramentum de calumnia sufficere dignoscitur, generali consuetudine sic Jura interpretante, quæ referuntur in c. Cum causam. 6. de jurament. calumn. et l. Qui bona. §. Si alienq. ff. de Damno infect. ubi de solo Juramento calumnie Procuratorum fit mentio.

42 Notandum vero est ob rationes n. 31. jam allatas, quod si post Juramentum calumnie a persona principali, puta ab Actore, vel Reo, aut a constituto per ipsam procuratore præstitum, constituatur novus Procurator: etiam isto teneatur de calumnia ju-

rare, non obstante priori alterius Juramentum: ut nimirum etiam ab isto evitetur calumnia. Textus est in cap. 2. §. Procurator. h. t. in 6.

43 Porro quæ nunc dicta sunt de Procuratoribus particularibus, spectato Juris rigore, etiam procedunt de Advocatis, seu Patronis causarum (alioquin eorum Procurator ad lites, differt ab Advocato, juxta dicta Lib. 1. Tit. 38. de Procuratoribus. n. 7. et seqq.) ut proinde etiam Advocati, quantum est de Jure communi, jurare debeant de calumnia ab ipsis vitanda, L. 2. §. 1. C. de Jurojur. propt. calumn. et l. Rem non novam. §. Patroni. C. de Judiciis. Quamvis Abbas in cap. 1. num. 5. h. t. et Pirhing eod. num. 23. existiment, hoc de consuetudine moderna non observari (nisi forsitan Advocati, simul sint etiam Procuratores litis) eo quod ipsi, cum ad munus postulandi, sive advocandi admittantur, Juramentum generale de vitandis calumniis, atque ad omnes causas extensum, emittant. Qua ratione etiam Juxta hodie non in singulas causas tenetur jurare de calumnia: sed sufficit, cum ab initio sui officii jurare, Auth. Injurandum quod præstatur ad h. etc. §. penult. Collat. 2. Et si olim secus fuisse, satis pateat ex cit. l. Rem non novam. §. 1. C. de Judic.

44 Resp. II. Licet simplex Procurator, seu a particulari persona constitutus, non possit absque speciali mandato jurare de calumnia, juxta proxime dicta: secus tamen est dicendum de Syndico, qui ad causas alienas Collegii, seu Universitatis generaliter agendas, sive defendendas constitutus est: hic enim regulariter jurat in causa Universitatis absque alio speciali mandato, eo quod melius sit informatus de factis Universitatis, quam ipsa Universitas, utpote carens sensu, vel singuli de Universitate, utpote frequenter non adeo ad communia attendentes. Glossa in c. Quia in causis. §. De jure communi: et Abbas ibid. num. 2. de Procurat. et idem Abbas in c. Imperatorum. n. 5. et c. Cum in causa. nu. 10. h. t. Speculator cit. tit. de Juramento calumnie. §. Restat. n. 15. Atque præter rationem jam allegatam, desumitur istud ex c. In pertractandis. et c. Imperatorum. h. t.

45 Et quod hic dicitur de Syndico ad negotia Universitatis generaliter constitutio: pariter, atque ob eandem rationem, procedit in Tutoribus, Curatoribus, et aliis generalem rerum alienarum administrationem, auctoritate legitima gerentibus: nam et hi, etiam absque alio speciali mandato, jurant de calumnia, et quidem in animam suam: quia tales generales Administratores, etiam sub nomine procuratoris dati fuerint (non enim est vis in nomine, ut c. Petitio. §. de Procurat.) melius possunt, ac præsumuntur scire justitiam causæ, quam Pupillus, Minor, vel alius habens ejusmodi Procuratorem ad sua negotia generaliter constitutum. Textus est in L. 2. §. Quod observari. C. de Jurojurand. propt. calumn. et amplius declarat Bartolus ibid. tit. §. Quod observari a princip. atque sequitur Abbas in c. In pertractandis. n. 1. et 4. h. t. et concordant dicta superius n. 33.

### §. III.

De remissione Juramenti calumnie, poenisque illud præstare recusantium.

### SUMMARIUM.

- 46 Juramentum calumnie nequit de consensu partium expresse remitti.  
47 Disparitas inter juramentum testium, et juramentum malitiæ.

- 43 *Hoc expresse remisso, nequit Index procedere causa.*
- 49 *Potest tamen id tacite remitti, illud videlicet non exigendo; et cur?*
- 50 *Consuetudo tollens juramentum calumniae in totum, non valet.*
- 51 *Nec valet consuetudo, ut differatur usque ad finem causae. Et n. seqq.*
- 52 *Juramentum non est exigendum, quando verisimiliter dubitatur de perjurio.*
- 53 *Poenam recusantium praestare Juramentum calumniae, ubi praestandum est, quae? Et n. seqq.*
- 54 *Hae poena non committitur ipso jure ante sententiam declaratoriam Judicis.*
- 55 *Quid Judici agendum, alterutra parte Juramentum calumniae recusante.*
- 56 *Si Zimor, vel Praetator velit jurare, non praepjudicat Pupillo, vel Ecclesiae.*
- 46 *Quaeritur I. An Juramentum calumniae de consensu partium remitti valeat? Resp. I. Juramentum calumniae nequit expresse remitti a partibus; bene tamen tacite, illud videlicet non exigendo. Ita communis. Et quidem prior pars patet ex L. 1. §. Sed quia. C. de Jurejurand. propt. calumn. Nam, ut ibidem dicitur, Juramentum calumniae fuit introductum non pro commodo privatorum, sed pro communis utilitate; seu pro favore publico, ne scilicet per calumniae frustra defatigentur Judices, ac lites in infinitum multiplicentur: atqui illis, quae sunt introductae pro communi utilitate, sive favore publico, non potest derogari pactis privatorum, c. Si diligenti. 12. de Foro competent. cum concordantibus; ergo. Accedit, quod per tale pactum expressum videretur concedi facultas impune calumniandi, sive utendi fraudibus in judicio: atqui tale pactum, utpote turpe, bonisque moribus contrarium, est invalidum, cap. ult. de Pactis. Unde in simili, et pari ratione, etiam non valet pactum, ne dolus praestetur: hoc enim bonae fidei iudicio contrarium est, prout habetur in l. Contractus. ff. de Reg. Juris.*
- 47 *Nec obstat, quod Juramentum testium possit expresse remitti, c. Tuis. 39. de Testibus. Resp. enim, disparitatem esse, quia Juramentum testium principaliter est introductum in favorem partium, Juramentum calumniae vero ob favorem publicum: potest autem quis bene totum jus suum verbo alterius, puta testi, etiam non jurato, relinquere: non item favori publico derogare. Glossa ad cit. c. Tuis. v. Remittatur.*
- 48 *Quod si igitur partes litigantes pepigerint inter eas de non praestando Juramento calumniae, atque ideo etiam ad praeceptum Judicis nolint jurare; neutra quidem earum perdet jus suum, sed Index non procedet in causa. Si enim secus faceret, ferretque sententiam, ista non valeret, l. Prolatam. C. de Sentent. et interlocut. omn. judic. quia expresse hoc juramentum remitti non potest, ut dictum. Speculator tit. de Juramento calumniae. §. Superest. n. 3. Abbas o. Cum in causa. n. 20. h. t.*
- 49 *Altera pars Conclusionis patet ex cap. 1. §. 2. h. t. in 6. ubi Pontifex declarat, quod propter omissum quoque tacite in tota causa calumniae Juramentum judicialis processus, alias factus legitime, non est nullus, nec etiam annullandus. Accedit ratio tum quia praestatio Juramenti calumniae post litem contestatam, non est de substantia processus judiciarii: prout in cit. cap. 1. §. 1. notatur. Tum quia per hoc, quod istud Juramentum tacite remittatur, illud videlicet non exigendo, nequaquam aperitur via calumniae; cum possit viso tali periculo in quocunque iudicii parte exigi, atque exactum praestari debet, cit. cap. 1. §. 1. h. t. Illic autem, Cui nequiret, si illud ex-*

presse, simulque valide remitti posset; quia tunc non posset amplius exigi. Et per hoc patet ratio, cur istud Juramentum possit tacite, non autem expresse remitti.

Quaeritur II. Utrum, per consuetudinem introduci possit, ut partes etiam petita seu exactae, non teneantur praestare Juramentum calumniae? Resp. I. Consuetudo tollens Juramentum calumniae in totum, non valet. Ita desumitur ex c. Caeterum. 5. h. t. ac notat Abbas ibid. n. 3. et Jo. Andreas n. 3. et Barbosa n. 3. Kirling h. t. nu. 6. et alii contra Gajum cit. lib. 1. Practiq. Observat. 82. num. 4. et 5. Concordat c. Constitutus. 3. de Fidejussoribus. ubi Pontifex jubet, ut Reus consuetudine, quae est legi contraria, non obstante, Juramentum calumniae subire cogatur. Accedit ratio: quia talis consuetudo non est rationalis, cum Juramentum calumniae a Jure inductum fuerit ad veritatem eliciendam, atque ad evitandas fraudes: eoque consuetudo contraria potius foret peccata, et malitiae hominum; non minus, ac si Juramentum calumniae expresse remitteretur. Et hoc vult textus in cit. c. Caeterum. §. fin. h. t. ibi: *Consuetudine, quae legi contraria est* (videlicet ut irrationalis, forens peccatum, atque reprobata a Lege) *non obstante.*

Resp. II. Insuper non valet consuetudo, ut differatur Juramentum calumniae usque ad finem causae, seu prolationem sententiae; sed, quando exigitur, debet praestari prius, quam quis in causa audiat. Ita Abbas in cit. c. Caeterum. n. 4. et Jo. Andreas ibid. n. 3. h. t. Fishing loc. cit. n. 2. Et quidem posterior pars patet ex cap. ult. §. fin. h. t. cap. 1. §. 1. eod. in 6. Ratio autem prioris partis est: quia similiter non apparet aliqua rationalitas hujus consuetudinis: ergo non praepjudicat dispositioni Juris communis, volentis, Juramentum calumniae esse praestandum in exordio litis. Antecedens probatur. Quia ejusmodi contraria consuetudo praeberet animi pejerandi: si enim aliquis jam antea responsisset falsum, vel frustratoriam dilationem petisset, facile induceretur ad jurandum in fine contrarium, ne puniatur, aut contra proprium factum veniat.

Accedit, quod Juramentum non sit exigendum, quando dubitatur verisimiliter de transgressionem, seu perjurio, arg. can. Ille qui. 22. q. 4. et c. Clericos. 3. de Cohabit. Cleric. Abbas cit. n. 4. Istud autem accedit in propositum. Insuper ad veritatem erigendam, et praecavendas fraudes, plus juvat juramentum praecedens, quam subsequens: unde et testes prius, quam audiantur, jurare coguntur, can. Si testes. §. Jurjurandi. 4. q. 3. cum similibus: ac proinde consuetudo de differendo in finem causae Juramento calumniae, non videtur rationalis; atque nec derogat Juri communi.

Quaeritur III. Quae sit poena recusantium praestare Juramentum calumniae, ubi praestandum est? Resp. I. Quando Actor recusat praestare juramentum istud, cum praestandum est, ipse ab instituta actione cadit, ac veluti improbus litigator a iudicio quam longissime expellendus est: eoque vero Reus jurare nolens, haberi debet pro confessore; adeo, ut contra ipsum, hoc Juramentum subire recusantem, liceat Judici sententiam proferre. Ita habetur decisum in cap. ult. §. fin. h. t. et l. 2. §. Quod si actor. C. de Jurejur. propt. calumn. ubi tamen illud posterius nonnihil limitatur, sequentibus verbis: *Quemadmodum et ipsa rerum qualitas suggesterit.* Nam si aliunde, puta ex libello, aut confessione Actoris, constaret tale quid, propter quod Reus sive ex simplicitate, sive quacunque de causa recusans jurare, cognoscitur absolvendus, non deberet, cum tunc Index condemnare: prout ex

allegatis verbis infert Glossa singularis *ibid.* §. *Rei qualitas.*

- 54 Resp. II. Nihilominus dicta poena non jurantis de calumpnia, non committitur ipso jure, sed requiritur sententia Judicis. Ita Glossa in *cit. cap. ult.* §. *Poena*, et Barbosa *ibid. num.* 5. h. t. Bartolus in *L. 2. §. Quod si actor. nu.* 1. *C. de Jurejurand. propt. calum.* Pirhing h. t. n. 31. Gailus lib. 1. *Practic. Observat.* 86. n. 1. citans alios. Idque desinitur, tum ex *cit. cap. ult. §. fin. h. t.* tum ex *L. 2. §. Quod si actor. juncta Glossa*, §. *Cadat. de Jurejur. propt. calum.* ponderando citatum verbum in utroque loco positum, *Cadat*; quod est futuri temporis, et non importat poenam litae sententiae. Idque expressius habetur in *Auth. Principales. §. Si quis autem. C. eod. et in Auth. Ut litigantes jurent. §. 1. in fin. Collat. g.* Ubi dicitur, quod si quis litigantium hujusmodi iurandum praestare noluerit, sententiam Judicis, Actor quidem casum actionis, Reus vero casum condemnationis sustineat.

- 55 Igitur, quando alterutra pars litigantium cunctatur praestare Juramentum calumniae, ubi praestandum est (quod ultimum additur ob quosdam casus exceptos, atq. supra n. 27. et seqq. jam enumeratos) tunc Judex, ad petitionem alterius partis, interloquendo eidem, injungat, ut petitum Juramentum calumniae, intra certum tempus, sub poena non jurantis praestet: quo elapso sequatur sententia diffinitive declaratoria; quae est quoad Actorem contumacem absolutoria, quatenus ab ejus petitione Reus absolvitur; quoad Reum vero, est condemnatoria. Si quis tamen ante secutam ejusmodi sententiam declaratoriam velit moram purgare, et juramentum petiti praestare, is adhuc admittendus erit, nec incidet in dictam poenam. Gailus *cit. L. 1. Practic. Observat.* 86. n. 1. et 2. allegans alios.

- 56 Insuper, notandum cum Speculatore *tit. de Juramento calumniae. §. Superest. n. 4.* et Abbate in *cap. ult. n. 21. h. t.* quod si Tutor, aut Curator nolit jurare, idcirco non noceat Pupillo, nec causam ejus perdat, sed ipse solus puniatur, *arg. L. 1. §. 2. ff. Si quis jus dicenti non obtemperet. et l. Quicumque. §. In minorum. C. de Servis fugit.* Idemque dicendum de Praelato, aut Syndico: quia, si recusant ita jurare, non praepjudicant Ecclesiae, *can. Si Episcopum. 16. q. 4.* Siquidem delictum personae in damnum Ecclesiae non est retorquendum, ut *ibidem* dicitur.

## TITULUS VIII.

### De Dilationibus.

#### 1 Ratio continuationis Rubricarum.

- 1 Quoniam lite contestata, praestitoque hinc inde calumniae juramento, solent litigantes plerumque petere quasdam inducias, seu dilationes; sive ad intentionem suam probandam ex parte Actoris; sive ad respondendum ipsius petitioni, atque proponendas, probandasque exceptiones ex parte Rei; merito praesens Rubrica praecedenti subjungitur. Hiuc sit

#### §. I.

De Dilationibus Judicialibus in communi.

#### SUMMARIUM.

- 2 Dilatio judicialis, quid? Et num. seqq.

3 Dilatio generatim, quid?

4 Illa debet continere justum temporis intervallum.

5 Conceditur tam Actori, quam Reo.

6 Dilationes judiciales sunt multiplices. Et num. seqq.

7 8 et 9. Earum recensentur viginti quatuor. Et num. 6.

10 Ex parte causae efficientis dividuntur in

11 Dilationes legales;

12 Judiciales seu arbitrarías; et in

13 Dilationes conventionales; et quid sint?

14 et 15. Spectando tres Judicii partes, qualiter Dilationes dividantur?

16 In praesenti Titulo solum agitur de Dilationibus citatoriis et deliberatoriis.

17 Nec tamen is incongrue huc collocatus fuit.

18 Referuntur causae, quas concedi solent dilationes.

19 Dilationum materia ubique est amputanda; et qualiter?

20 Dilatio petenda est, et concedenda a Judice pro Tribunali sedente, et causa cognita, etc.

21 Quid si secus fiat, nec pars adversa contradicat?

Quaeritur 1. Quid, et quotuplex sit Dilatio?

Resp. 1. Dilatio judicialis est justum temporis intervallum, quod ad actum aliquem judicium commodius expediendum, Actori, vel Reo conceditur, Ita Pirhing h. t. num. 1. Engel num. 1. et alii.

Dicitur in primis, Dilatio judicialis. Ad excludendas Dilationes, sive (ut appellantur *Caus. 3. q. 2. in princip.*) Inducias extrajudiciales: nam impraesentiarum sermo est duntaxat de dilationibus judicialibus, quae dantur durante Judicio, sive a citatione partium usque ad sententiam, ejusque executionem inclusive. Si tamen quis Dilationem in genere, ac prout tam judicialem, quam extrajudicialem complectitur, describere velit, dicere poterit: Dilatio generatim accepta, est concessio competentis temporis, intra quod aliquid agi debet.

Dicitur ulterius, justum temporis intervallum etc. vel (ut alii loquuntur) assignatio certae diei, sive termini, intra quem actus judicialis expediendus est, justo temporis intervallo facta. Debet enim tempus illud non nimium arctari, nisi urgeat necessitas: alioquin juste appellabitur, *cap. 1. h. t. Quamquam*, quis terminus censeatur nimium brevis, Judicis arbitrio relinquendum esse, Glossa communiter recepta censeat, *ibid. §. Nimis brevem*. Sed neque tempus dilationum nimis debet extendi, in praevicium partis alterius; cum potius dilationum materiae, quantum fieri potest, ubique sint amputandae: *L. 2. §. 1. de Temporib. appellat.* et amplius declarabitur in progressu.

Additur, tandem, Actori, vel Reo conceditur. Nam aliae dilationes conceduntur Actori, v. g. ad aliquid probandum; aliae Reo; puta, ad veniendum in judicium post citationem, aut ad deliberandum, an cedere, vel judicio contendere velit, aut hujusmodi: prout magis patebit ex dicendis.

Resp. II. Dilationes judiciales sunt multiplices; adeo, ut earum sedecim enumeret Hostiensis in *Summa, h. t. num. 1.* Speculator autem *tit. de Dilationibus §. 1.* illarum universim recenscat viginti quatuor: et sunt sequentes, videlicet. I. Citationes experiundoriae; ut *cap. ult. Qui matrimon. accusar. poss. et cap. ult. de Elect. in 6. II.* Citatoriae, de quibus infra. III. Representatoriae, seu exhibitoriae, dum quis intra certum tempus debet se exhibere in judicio; puta, ad prosequendam appellationem, o. *Personas. 4. et c. Saepe contingit. 5. j.*



de Appellat. Vel alium in iudicio esse exhibiturum promittit, ut *L. Sancimus. C. de Fidejussorib. IV.* Si iudicium: ut si inter partes conveniatur, quod die stet in iudicio, ibi standum sit; vel, si non conveniatur, in iudicis arbitrio istud sit, *l. De die. ff. Qui satisfacere cogantur. V.* Defensoriae, quae arbitrio boni viri dantur illis, qui alieno nomine volunt defendere *l. Servum. §. At praetor. ff. de Procurat.*

7. VI. Dilationes denunciatoriae, quibus petitur dilatio ad denunciandum adversario, ut veniat, *L. 2. C. Ubi in rem actio.* VII. Electoriae, quae dantur ad arbitros eligendos in causa suspecti iudicis: ut *c. Cum speciali. 6r. de Appellat. et L. ult. C. de Iudiciis*, ubi pro dilatione assignatur tempus trium dierum. VIII. Inquietatoriae; ut *l. Diffamari. C. de Ingentis. manumiss.* IX. Vacatariae, seu Ferialles, de quibus infra *Tit. seq.* X. Inchoatorias, quae nimirum habet Actor ad inchoandam, seu contestandam litem intra duos menses, a libelli oblatione computandos, *Auth. Libellum. C. de Litis contestat.*

8. XI. Dilationes revocatoriae, seu quae dantur illi, qui jus habet revocandi domum: ut *cap. ult. de Foro compet. et cap. ult. h. t.* Quamquam etiam illae possint dici Dilationes revocatoriae, quae conceduntur Domino principali ad revocandum errorem sui Advocati: atque est tempus prius dierum, *L. ult. C. de Error. Advocat.* XII. Restitutoriae, quae competunt vel graviter laesis ad petendam restitutionem in integram; estque tempus quatuor annorum, *L. ult. C. de Temporib. in integr. restitut.* Vel spoliatis, ne cogantur spoliatoribus respondere ante factam spoliis restitutionem, *c. Conquerentes. 7. de Restitut. spoliat. et c. Frequens. eod. in 6. cum similibus.* XIII. Exceptoriae, de quibus infra *Tit. 25. de Exceptionibus.* XIV. Praeparatoriae, quae dantur in iudicium vocatis ad se praeparandum pro responsione, *can. Si primates. 5. q. 2. vel ad quaerendos testes, aut inveniendos Advocatos, et huiusmodi.* XV. Deliberatoriae, de quibus *§. seq. num. 33.*

9. XVI. Dilationes dubitatoriae: suntque illae, quando quis forsan facta positione asserit se dubitare, sicque petit dilationem pro investiganda melius rei veritate. XVII. Probatoriae. XVIII. Diffinitoriae. XIX. Executoriae: de quibus tribus singillatim infra *§. 3. per totum.* XX. Solutoriae, quae conceduntur condemnatis ad solvendum debitum; sicque sub executoriis comprehenduntur. XXI. Revocatoriae, seu concessae ad revocandum errorem sui Advocati, juxta dicta *num. 8.* XXII. Appellatoriae, seu quae dantur ad appellandum: et sunt tempus decem dierum, *c. Quod ad consultationem. 15. de Sentent. et re judic.* XXIII. Prosectoriae, quae nimirum dantur ad prosequendam appellationem, *c. Cum sit Romana. 5. de Appellat.* XXIV. Supplicatoriae tandem Dilationes dicuntur illae, quae conceduntur sententiam passis ad supplicandum Principi, ut ex quadam benignitate velit eos restituere adversus sententiam, *Auth. Quae supplicatio. C. de Precibus. Imperat. offerend.* De quibus plura suo loco.

10. Quaeritur II. Qua ratione Dilationes judiciales generaliter dividi possint? Resp. I. Id fieri posse dupliciter: primo, earum divisionem instituendo ex parte causae efficientis: secundo, ipsas dividendo juxta tres iudicii partes. Et quidem priori modo, seu ex parte causae efficientis, convenienter Dilationes dividuntur in legales, judiciales (quas Zoesius *h. t. n. 1.* alio nomine vocat *arbitrarias*) et conventionales: prout notat Abbas *cap. 1. n. 15. h. t.* Vallensis *cod. §. 1. n. 2.* et alii; atque probatur explicando singulas. Et quidem:

*Dilationes legales* sunt, quae simpliciter se determinant a Lege ipsa, vel statuto, vel consuetudine speciali locorum: ut est tempus decendii iure concessum ad appellandum, et huiusmodi.

*Dilationes judiciales*, seu (ut Zoesius loquitur) *arbitrariae*, dicuntur illae, quae dantur a Iudice: sive, quae ad arbitrium Iudicis, inspecto conditione causae, et personarum, aliarumque circumstantiarum exigentia assignantur, *l. Nonnunquam. ff. de Iudiciis*, et *L. 1. §. Expilatores. ff. de Effractorib.* Non enim Dilatio judicialis hic sumitur, prout contra distinguitur ab extrajudiciali: sed ut opponitur legali, quae datur a Jure, sive Statuto: illa enim vicissim conceditur ab homine, seu a Iudice.

*Dilationes conventionales*, vero sunt illae, quae competunt ex conventionione partium: ut si partes consentiant super prorogatione negotii, *c. Pastoralis. §. fin. 28. de Offic. Delegat.* Vel si partes inter se conveniant de certo temporis spatio, intra quod solutio debiti sit facienda, aut satisfactio danda, *l. De die. §. 1. ff. Qui satisfacere cogantur.*

Resp. II. Spectando tres iudicii partes, ipsamque materiam, circa quam dantur, recte dividuntur *Dilationes in citatorias, deliberatorias, ac recusatorias*, quarum quaevis concedatur in prima iudicii parte, nempe a citatione usque ad contestationem litis inclusive. Et harum priores dantur in ipsa citatione ad comparandum: secundae ad deliberandum super contentis in libello, an nimirum citatus cedere, vel iudicio contendere velit: tertiae vero concedendo terminum, intra quem possunt proponi omnes exceptiones tam declinatoriae Fori, tum dilatorias.

His accedunt *Dilationes probatoriae, et allegatorias*, quae nimirum dantur ad probandum, vel ad allegandum in causa intra certum tempus: et haec competunt a litis contestatione usque ad sententiam diffinitivam exclusive. Item *Dilationes diffinitoriae*, atque *executoriae*, quarum priores dantur ad diffiniendum negotium: posteriores vero, ad exequendam sententiam intra certum tempus: quae proinde locum habere dignoscuntur in tertia iudicii parte; hoc est, a sententia usque ad ejus executionem inclusive. Ita Abbas *cit. n. 15.* Pirking *h. t. n. 3.* Zoesius *n. 2.* et alii; ac patebunt singula harum Dilationum membra amplius in progressu de ipsis loquendo. Caeterae autem Dilationes, paulo superius recensitae, commodè ad unam praemissarum reducuntur.

Nec obstat Conclusioni, quod in praesenti Titulo solum agatur de Dilationibus citatoriis, atque deliberatoriis, quae dantur ante litem contestatam. Resp. enim, per hoc negari, quin dantur etiam aliae Dilationes in caeteris iudicii partibus, cum Rubrica hujus Tituli generaliter inscribitur; *De Dilationibus.* Fatendum tamen est cum Abbate ad Rubricam *h. t.* et aliis, quod, cum Rubrica praesens sit generalis *De Dilationibus* in genere, et in progressu Tituli agatur solum de Dilationibus, quae dantur ante litis contestationem, Rubricam sit generalius Nigro: hoc est, Rubrica Tituli sit generalior contentis in illo.

Nec dicas. Si in hoc Titulo solum agatur de Dilationibus ante litem contestatam, ergo Compiler incongrue collocavit isto loco praesentem Rubricam; cum melius eandem potuisset post Rubricam *De Iudiciis.* Negatur enim sequela. Tum quia istud factum est propter generalitatem ipsius praesentis Rubricae, atque ad imitationem Juris Civilis, tam in Codice, quam in Digestis; hunc ordinem servantis. Tum quia Dilationes, quae dantur post litem contestatam ad probandum, obtinent principatum: sic merito Compiler huc

1. inserere voluit praesentem Rubricam, quamvis tam etiam alibi ponere potuisset; siquae hoc sit. unum de arbitriis ipsius. Nunc loquendo de singulis istis Dilationibus in speciebus. *in l. h. t. n. 6.*
28. Queritur III. Cur, et qualiter sit danda Dilatio judicialis? Resp. I. Plures sunt causae, ob quas concedi solent Dilationes. Primo, ut pars litigans melius deliberare valeat, *can. Induciae accusatis. §. Offeratur. 3. q. 3. et Auth. Offeratur. C. de Litis contestat. Secundo, ut veritas rerum melius investigari possit, et salva maneat, cap. ult. h. t. cum similibus. Tertio, ut in omnibus aequitatis ratio observetur. Hostiensis in *Summa. h. t. n. 6.**
19. Quando igitur evidens est calumnia, seu quod quis solum malitiose ad protrahendam litem postulet dilationem, ea non est concedenda; quia imo materia dilationum dandorum ubique est amputanda, *L. 2. §. 1. de Temporib. appellat. intellige, cum Glossa ibid. §. Amputantes, nisi urgentissima ratio, vel causa expetatur; seu, ut dicitur L. 1. C. h. t. nisi dilationem dare rerum necessitas cogat.*
20. Resp. II. Dilatio petenda est, et concedenda a Iudice pro Tribunali sedente, et causa cognita, saltem de plano, atque utraque parte praesente: et si quidem dilationis petitio per adversarium fuerit improbata, tunc ejusmodi questio, num danda sit dilatio, nec ne, per sententiam Iudicis interlocutoriam dirimi debet. Textus est in *l. A. procedente. C. h. t. et can. Induciae accusatis. §. A iudice. 3. q. 3. juncta Glossa ibid. et alia Glossa in cap. 2. §. Plene potuit. h. t. ac novat Speculator tit. de Dilationibus. §. Nunc videamus. n. 1. Hostiensis h. t. n. 7. Pirhing h. t. n. 2.*
21. Solum addo cum Speculatore *loc. cit. n. 1. et 2. et aliis, quod si secus fiat, et v. g. dilatio a Iudice concedatur altera parte absente, quae postmodum de hoc certificata non contradicit, neque excipit; nihilo minus assignatio talis dilationis valet. Censetur enim in ipsam consentire, eamque ratihabere, juxta amplius dicenda n. 58. h. t.*

## §. II.

## De Dilationibus Citatoriis, et Deliberatoriis.

## SUMMARIUM.

- 22 Dilatio citatoria, quid?
- 23 Ejus terminus non debet esse nimis brevis. Et n. 4.
- 24 Dictio Maxime est implicativa.
- 25 Quid si necessitas aliud requirat?
- 26 Citatus una vice non peremptorie, si non compareat, post intervallum saltem decem dierum citandus est secunda et tertia vice.
- 27 Solvitur instantia.
- 28 Potest tamen Iudex moderari dictum terminum dilationis citatoriae.
- 29 Enumerantur causae justae abbreviandi intervalla citationum.
- 30 Atque easdem prolongandi.
- 31 Termini dilationum a Jure constituti, hodie communiter non servantur.
- 32 Omnes dilationes hodie videntur arbitrariae; et quomodo?
- 33 Dilationes deliberatoriae, quae?
- 34 Dantur Reo, non autem Actori; et cur?
- 35 Limitatur hoc posterius.
- 36 Tempus dilationum deliberatarum de Jure sunt viginti dies.
- 37 Hoc juxta Glossam, nequit Iudex minorare.
- 38 Oppositum est tenendum stante causa rationabili.
- 39 Solvitur fundamentum Glossae.

40. Longe magis ex causa rationabili potest tempus illud prolongari.

41. Dilatio deliberatoria non datur Reo, quando per litteras citatorias potuit plene instrui, ac deliberare.

42. Practica excludendi dilationes deliberatorias, ejusque declaratio.

Queritur I. Quid sit, et quanta concedi debeat Dilatio citatoria? Resp. I. Dilatio citatoria dicitur, quae citatis, sive in iudicium vocatis, datur ad comprehendendum. Neque enim regulariter loquendo, ac nisi gravis causa urgent, v. g. subitum periculum in mora, poterit quis ita citari, ut statim relictis omnibus comparere teneatur; sed oportet, ipsi relinquere justum temporis spatium ad comprehendendum.

Resp. II. Terminus dilationis citatoriae, intra quem Reus peremptorie tenetur comparere in iudicio, non debet esse nimis brevis, nisi necessitas aliud requirat: alioquin juste appellari poterit. Ita habetur in *cap. 1. h. t. et concordant dicta superius num. 4.*

Nec obstat, quod in *cit. cap. 1. h. t. praecipue sit sermo de censis Ecclesiasticis: ibi: Maxime, cum de rebus Ecclesiasticis agitur.* Nam ly *Maxime* est dictio implicativa, sive comprehendens etiam ensus magis dubitabilem, *L. 1. §. Si ex dodrante. ff. de Collation. et cum plurimis aliis tradit Barbosa Diction. 197. n. 1. ac proinde ex propria vi, et natura suae significationis implicat, sive denotat, idem esse in causis non Ecclesiasticis; quamvis in causis Ecclesiasticis fortior ratio militet.*

Additur tamen in Conclusionem, *nisi necessitas aliud requirat.* Nam necessitas non habet legem, *c. Quod non est licitum. de Reg. Jur. et can. Discipulos. de Consecr. dist. 5.* Sic accidit, quando periculum est in mora, ne res litigiosa pereat: aut si Actor diutius in loco commorari non valet, et hujusmodi: atque innuitur in *cit. cap. 1. h. t. illis verbis: Nisi forte necessitate urgente.*

Resp. III. Extra casum citationis peremptoriae, si Reus una vice citatus non compareat, citandus est secunda, et tertia vice, per intervallum saltem decem dierum singulis citationis interponendum; quamvis ex causa rationabili Iudex hunc terminum dilationis citatoriae moderari, atque pro exigentia causae et personarum, aliarumve circumstantiarum qualitate, longiorem vel brevioram concedere valeat. Ita Doctores communiter. Et quidem prima pars habetur in *can. De illicita. 24. q. 3. juncta Glossa ibid. §. Peremptorio. et l. Ad peremptorium. ac seqq. ff. de Judiciis.* Concordant dicenda inferius *Tit. 14. de Dolo et contumacia. §. 4. n. 107. et seqq.*

Nec obstat, *Auth. De Litigiosis. Omnem vero. Collat. 8.* quae vult, inter singulas citationes esse interponendum spatium triginta dierum: ut proinde Glossa *ibid. §. Cautione*, inde concludat, quod Jura antiquiora per dictam Authenticam sint correctae. Non obstat, inquam: quia, ut bene notat Additio ad Glossam in *l. Properandum. §. Et si quidem. §. Decem et Bartolus ibid. §. Veniamus. C. de Judic.* Authentica illa loquitur in casu speciali, videlicet quando Actore per contumaciam absente Reus vult proponere probationes suas, ac facere, ut de causa liquet, et pro ipso sententia diffinitiva feratur: quod quia est majoris praejudicii, merito ibidem requiruntur longiores dilationes. Secus est in aliis casibus non ita praejudicialibus.

Altera pars, videlicet posse Iudicem pro qualitate causae et personarum, atque loci, temporis, aliarumque circumstantiarum exigentia, moderari.

terminum dilationis citatoriae: patet ex c. *Consuluit. 24. de Offic. Delegat. et c. Ex litteris. 4. De in integrum restitut. et c. Cum sit Romana. 5. de Appellat. et c. Quod ad consultationem. 15. de Sent. et re judicat. et l. Oratione. ff. de Feriis*, cum concordantiis. Unde Glossa in cap. 2. §. *Plene potuit. h. t.* notanter inquit, quod dilationes istae hodie videantur arbitratoriae, et iudex considerata locorum distantia, et temporis qualitate, inducias concedat. Quin imo Hostiensis in *Summa*, nu. 2. h. t. inquit, regulariter omnes dilationes ex causa reddi arbitrarías.

32 Porro causae, ob quas Iudex abbreviare poterit intervalla dilationum, plures sunt; easque refert Abbas in cap. 1. n. 7. h. t. et Bartolus in L. 2. §. *Item pro declaratione. ff. de Re judicat.* I. Si consuetudo locorum id ferat, l. *Testium. §. An. ff. de Testibus*: nam quoad intervalla dilationum oportet attendere stylen Curiarum, et cujuslibet Fori, qui alius et alius existit. II. Si causa est vilis, seu modicae quantitatis, arg. *auth. Nisi breves. C. de Sentent. et interlocut. omn. judic.* III. Si res, de qua controversatur, alioquin tempore peritura foret, arg. L. *un. ff. de Glan. legenda.* IV. Si ejusmodi res longiori concessa dilatione majores causaret expensas, quam afferret commodum: ut si lis oriatur super aquo vel animo, qui protracta ob intervalla dilationum diutius lite plus comedendo absumeret, quam valeret: ut L. *Mediterraneae. C. de Annonis. lib. 10.* V. Cum agitur super alimentis: alioquin enim, si nimium expectaretur, periculum foret, ne quis interim fame periret. Accedunt aliae consimiles causae abbreviandi dilationes, arbitrio Iudicis discutiendae.

30 Caeterum causae prolongandi dilationes contrario explicari debent. I. Siquidem haec prolongari possunt ob gravitatem, aut aliam qualitatem causae, ob quam aliquis intra tempus brevius super ipso met causae negotio commode non potuit deliberare, cap. *ult. h. t.* II. Ob qualitatem personarum: nam major dilatio debet dari seni, quam juveni; major absenti, quam praesenti; arg. l. *Continuus. §. Cum ita. ff. de verb. obligat. et l. Nonnunquam. ff. de Judiciis*; ubi hoc totum Iudicis arbitrio relinquitur, illis verbis: *Hoc autem aestimare oportet. eum, qui jus dicit, pro conditione causae, vel personae, vel temporum: et ita ordinem Edictorum, et compendium (id est, numerum dierum) moderari.* Adde textum in c. *Consuluit. 24. §. An. de Offic. Delegat.*

31 Notant insuper Doctores post Abbatem in cit. cap. 1. n. 7. h. t. quod de consuetudine termini dilationum a Jure constituti, communiter non serventur; sed vel in specialibus Statutis exprimantur, vel Iudicis arbitrio relinquuntur moderandae, per Jura hactenus allegata; quamvis circa hoc consuetudo Fori cumprimis attendenda sit.

32 Addit Glossa in c. *Praeterea. §. Plane potuit. h. t.* et Vallensis eod. n. 6. quod moribus hujus saeculi, omnes dilationes a Jure statutae hodie videantur arbitrariae: non quidem sic arbitrarías, quas eas Iudex pro libitu concedere possit, vel denegare (nam si hoc contra Juris constitutionem attentaretur, locus foret appellationi, propter injustum gravamen parti illatum, arg. cap. 1. h. t. juncta L. 1. eod.) Sed quia, ut dictum, pro varietate circumstantiarum eas moderari potest, vel prorogare, ac proinde potius termini dilationum sint arbitrii, quam ipsae dilationes. Concordant dicta superius n. 28. et dicenda inferius n. 45.

33 Queritur II. Quae sint Dilationes deliberatoriae, et quales de jure concedantur? Resp. I. *Dilationes deliberatoriae* sunt, quae post oblatum libellum dantur Reo ad deliberandum super petitis in libello. Ita Abbas in d. cap. 1. n. 15. h. t. Hostiensis in *Sum-*

ma, h. t. n. 1. et alii. Et quidem dilatio deliberatoria ad hoc datur Reo, ut deliberare valeat, etiam consulendo Doctores, quid respondeat ad libellum; et an litigare velit, vel oedere; aut judicem ut suspectum recusare, vel aliquam exceptionem proponere. *Auth. Offeratur. C. de Litis contestat.*

34 Dicitur, Reo. Siquidem dilatio deliberatoria conceditur duntaxat Reo, non autem Actori. Quia enim Actor provocat ad iudicium, is instructus venire potest, ac debet, sicque nulla ei talis dilatio ab initio datur: secus est in Reo, utpote qui praeter spem in iudicium trahitur, et instructus venire non potuit, l. *Si quando. C. de Dilation. et can. Indiciae. §. Spatium. 3. q. 3.* juncta Glossa ibid. §. *Deneganda.*

35 Quod si vero Reus excipiat, tunc etiam Actori danda erit dilatio deliberatoria, ut et ipse deliberare possit, etiam Doctores consulendo an, et quomodo replicare valeat: nam super illo puncto exceptionis non potuit venire paratus. Glossa loc. cit. Ab initio tamen Actori non conceditur talis dilatio, quia instructus venire potuit, ac debuit, ut dictum: quamquam dilatio data Reo, etiam prosit Actori, l. *Petenda. C. De in integr. restitut.* ac proinde Actor habeat per alium, quod non potest habere per se ipsum. Speculator h. t. §. *Videndum. 14. n.* Abbas c. *Praeterea. n. 13. eod.*

36 Resp. II. Spectato Jure communi, tempus dilationum deliberatarum sunt viginti dies a die porrecti Reo libelli computandi. *Auth. Offeratur. C. de Litis contestat.*

37 Et hos quidem viginti dies non potest Iudex minorare, sicut nec decem dies, qui dantur ad appellandum; prout tradit Glossa in cit. *Auth. Offeratur. §. Viginti dierum*: addens, quod Jura, quae iudicant tempus istud dilationum per Iudicem abbreviari posse, loquantur de dilationibus ab homine datis; non autem de induciis, quae conceduntur a Lege.

38 Oppositum tamen, videlicet istos viginti dies ex causa rationabili, et secundum quod visum fuerit Iudici expedire, posse minorari; tenet Glossa *fin. in c. Dilatus. 11. de Procurat.* Abbas c. *Praeterea. n. 15. h. t.* Bartolus in cit. *Auth. Offeratur. §. Quaero, utrum ista dilatio*, dicens, cum ista dilatio detur ministerio iudicis, posse eam minui causa cognita; ut L. 1. ff. *de Re judicat.* et plures alii.

39 Nec urget instantia de induciis decem dierum ad appellandum concessis. Nam ibi Iudex nihil habet officii, c. *Quod ad consultationem. 15. de Sentent. et re judic.* Secus est in proposito, ubi Iudex debet attendere ad personarum et negotii qualitatem, aliasque circumstantias, quae nonnunquam ita possunt urgere, ut necesse sit, tempus a Lege praefixum abbreviari. Glossa *fin. loc. cit.*

40 Longe magis ex causa rationabili potest tempus istud viginti dierum prolongari: ut puta, ob distantiam locorum, vel si Reus in alia ardua causa publicam utilitatem concernente occupetur; adeo, ut intra memoratorum terminum viginti dierum non possit super ista privata causa sufficienter deliberare, neque alia necessaria ad respondendum tam cito explicare, aut huiusmodi; prout desumitur ex cap. *ult. h. t. et c. Cum sit Romana. 5. de Appellat. et cit. c. Dilatus. 11. de Procurat.* Ubi Glossa §. *Cedere*, inde concludit, quod huiusmodi induciae deliberatoriae, etiam arbitrarías sicut: quia per Jura allegata debent moderari secundum locorum distantiam, et personarum ac negotii qualitatem, licet dicantur viginti dierum induciae. Consentit Abbas in c. *Praeterea. n. 13. h. t.* et Vallensis eod. §. 1. n. 8. Barbosa cap. 1. n. 3. h. t. et alii.

41 Resp. III. Nihilominus dilatio deliberatoria non conceditur Reo, quando per litteras citatorias,



vel transmissum simul libellum Actoris, plene potuit instrui, atque deliberare super eo, de quo quaeritur. Ita habetur decisum in *c. Praeterea*. 2. h. t. ac notat Abbas *ibid.* in *Summario*. et Barbosa n. 1. cum aliis. Ratio est: quia superfluae dilationes sunt denegandae, *L. 1. C. de Dilation.* juncta *Glossa ibid.* §. *Flagitaverit*. et ubique amputandae, *L. 2. §. 1. C. de Temporib. appellat.* Atqui nova dilatio deliberatoria superflua esset, si Reus per litteras citatorias, vel insertum ipsis libellum Actoris, plene potuit instrui: quin imo tunc nova dilatio videretur peti duntaxat differendi iudicii causa; ergo.

42. Et hac de causa recte monet *Glossa in cit. c. Praeterea*. §. *Plene potuit*, et Abbas *ibid.* n. 2. h. t. cum aliis, cautelam et practicam optimam excludendi tales dilationes deliberatorias esse, si litteris citatoriis addatur copia libelli ab Actore porrecti, vel aliquid aliud, ex quo certificetur Reus, super quo conveniatur, et qua actione. Oportet tamen, quod terminus in citatione praefixus talis sit, ut quis non solum comparere in iudicio, sed etiam sufficienter deliberare valeat, num. cedere, vel contendere debeat: alioquin enim cessaret ratio ex *cit. c. Praeterea*. h. t. proxime allata; consequenter concedendae forent novae induciae ad deliberandum.

## §. III.

De Dilationibus Probatoriis, Diffinitoriis,  
et Executoriis.

## SUMMARIUM.

- 43 Dilatio probatoria, quid? .  
44 De Jure communi, quale tempus habeat pro termino.  
45 Nihilominus ejusmodi tempus censetur arbitrium; et qualiter?  
46 Quoad concedendas Dilationes probatorias est servanda aequalitas inter Actorem, et Reum.  
47 Dilationes probatoriae in causis criminalibus Reo ter, Accusatori bis concedantur.  
48 In causis vero civilibus regulariter sunt peremptoriae, nec nisi semel conceduntur.  
49 Etiam si non addatur *ly*, peremptoriae.  
50 Solvitur instantia de citatione peremptoria.  
51 Corollarium.  
52 Etiam in causis civilibus conceduntur plures dilationes probatoriae, si antea aderat iustum impedimentum probandi.  
53 Vel si novae probationes superveniant.  
54 Et tunc potest concedi non solum secunda, sed etiam tertia, et quarta.  
55 Ad quartam tamen requiritur solemnitas Legalis: et qualis?  
Fallit hoc in Haerede, vel Successore alterius, utpote cui indistincte nova dilatio danda est. *Ibid.*  
56 Plures illae dilationes probatoriae conceduntur gradatim ex graviore causa.  
57 Valet dilatio probatoria, quae datur partibus praesentibus, et non contradicentibus.  
Imo de partium consensu potest etiam omitti solemnitas Legalis ad quartam dilationem requisita. *ibid.*  
58 Quoties Iudex facit actum parti alicui praesentem, debet pariter contradicere: alias sibi praepjudicat.  
59 Dilationes diffinitoriae, quae?  
60 Hae non sunt peremptoriae, potestque Iudex sententiam differre in sequentem diem.  
61 Dilationes executoriae, quae?  
62 Et quantae? Ac num. seqq.  
63 Hae in actionibus personalibus regulariter sunt quatuor mensium.

64 Potest tamen Iudex hae quadrimestre ex causa abbreviare, vel prorogare.

65 In actionibus realibus Dilationes executoriae non habent locum.

66 Limitatur hoc.

67 Nec habent locum in actionibus criminalibus.

68 69 et 70. Fallit hoc in certis casibus.

Quaeritur I: Quid sit, et qualis concedenda Dilatio probatoria? Resp. I. Dilatio probatoria est, quae datur volenti probare de jure suo. Speculator tit. de Dilationibus. §. 1. num. 23. Sive, Dilatio probatoria dicitur ea, quae post litem contestatam, praestitumque juramentum calumniae, Actori ad suam intentionem, et Reo ad exceptionem probandam conceditur. Vallensis h. t. §. 1. num. 10. Engel n. 4. et alii.

Resp. II. Dilationes probatoriae sunt dandae, et moderandae secundum locorum distantiam, et qualitatem personarum: et de Jure communi regulariter pro termino habent tres menses, si ex eadem Provincia, ubi lis agitur, testes vel instrumenta poscuntur; aut, si ex aliena Provincia probationes adducendae sunt, sex menses; vel si ejusmodi Provincia sit remota, novem menses, et non ultra. Textus est in *L. 1. C. de Dilation.*

Hoc tamen non obstante ejusmodi tempora recte censentur arbitraria, et Iudicis arbitrio relinquuntur. Gailus lib. 1. Practic. Observat. 91. n. 15. Pinhing h. t. n. 19. Generatim enim induciae, ac dilationes a Jure statutae, sunt arbitrariae: non quod Iudex eas penitus possit denegare aut pro libitu augere, vel minuire (alioquin enim pars inde gravata licite appellabit, arg. cap. 1. h. t.) sed quia consideratis locorum distantis, personarum ac negotiorum qualitatibus, cacterisque circumstantiis, longiorem vel brevioram nonnunquam dilationem deponentibus, potest eas prout expedire judicaverit moderari, vel prolongare: ut desumitur ex *c. Personarum*. 4. et 6. Oblatas. 57. de Appellat. et can. De induciis. 3. q. 3. et can. Si aegrotans. 5. q. 3. cum concordantiis. Speculator tit. de Citatione. §. Nunc de temporibus. n. 4. Marcus part. 6. Speculi Aurei. §. de Dilation. n. 15. Bartolus in cit. *L. 1. C. h. t.* juncto textu *ibid.* et alii; atque concordant dicta superius num. 32.

Solum adde, quod quantum ad concedendas dilationes probatorias inter Actorem, et Reum, servanda sit aequalitas; ac proinde quantum temporis Actori concessum fuit, tantum etiam Reo, si petat, concedendum sit. Quia non debet Actori licere, quod Reo non permittitur, uti habetur in *l. Non debet actori*. ff. de Reg. Juris Nam favoribus favorabiliores sunt partes Rei, quam Actoris, *l. Favorabiliores*. ff. eod. cum similibus.

Quaeritur II. Utrum Dilationes probatoriae accipiantur concedendae? Resp. I. Loquendo de causis capitalibus, seu criminalibus, possunt Reo dari tres dilationes: Accusatori vero duae; sed utrique causa cognita. Textus est in *L. ult. ff. de Feriis*. Ubi *Glossa magna de fin.* Bartolus §. *Ultima quaerit.* et Jason n. 32. notant, quod in criminalibus magis favoreatur Reo accusato, quam Actori accusanti; atque ideo illi causa cognita tres concedantur dilationes, huic autem tantum duae. Nec obstat, quod in *cit. L. ult. de Feriis*, videatur esse mentio de solis causis capitalibus: nam idem procedere in quibuscunque causis criminalibus, secundum communem, et a consuetudine adprobata opinionem, recte notat Prosp. Farinacius lib. 1. Criminal. tit. 5. quaest. 39. n. 5. et Julius Clarus in *Practica Criminali*. §. fin. quaest. 48. n. 2.

48 Resp. II. Nihilominus in causis pecuniariis, aliisque civilibus, dilatio probatoria regulariter est peremptoria, ita ut pro singulis causis non nisi semel concedi possit. Textus est in cit. *L. ult. ff. de Feriis*, et *l. Oratione. ff. eod.* ac tradit Glossa in *c. Præterea. 4. Plene potuit h. t. Abbas in c. Licet n. 4. de Probatione. Maranta part. 6. Speculi Aurei. tit. de Dilatione. n. 2. Gailus lib. 1. Practic. Observat. 91. n. 1. ac seqq. et communis. Idque merito fuit statutum, ne aliquis ejusmodi lites pecuniariae, aliæque civiles, fiant propemodum immortales, causaque super ipsis plus aequo protrahatur. Accedit, quod non de tanto præjudicio agatur in civilibus, sicut in capitalibus seu criminalibus causis, unde non mirum, plures hic admitti dilationes probatorias: satius enim est, nocentem dimitti, quam innocentem condemnari, *l. Absentem. ff. de Poenis*.*

49 Et nota, quod dilatio probatoria in causis civilibus censeatur peremptoria (hoc est, ut non nisi unica regulariter concedi debeat) etiamsi in concessione ipsius non addatur *ly, peremptoria*. Siquidem ex Juris dispositione jam subintelligitur, per textum notabilem in *L. 1. C. h. t. cum concordantiis. Maranta cit. n. 2. Pirhing h. t. n. 16. et alii*.

50 Nec obstat, quod citatio non censeatur esse peremptoria, nisi addatur clausula *peremptoria*. Resp. enim, disparitatem esse: quia de Jure communi requiritur tria citatio, nisi fiat una peremptoria; adeoque, ut citatus intelligat, nullam aliam citationem a se expectari posse, necessario addi debet clausula illa, *peremptoria*. Secus est in dilatione probatoria, utpote quae de Jure communi non nisi semel conceditur, saltem regulariter, ac nisi aliud postulet justa aliqua causa.

51 Inferitur proinde, quod si in causis civilibus post terminum primae dilationis probatoriae velit Judex novam hujusmodi dilationem concedere, possit, ac debeat pars inde gravata contradicere: alioquin enim sibi præjudicaret, juxta dicenda *nu. 58*. Et si post lapsum dicti termini Actor, vel Reus, conetur facere novas positiones, illis non tenetur pars altera respondere *arg. cap. 2. de Confessis in 6. ibi: Absque rationabili causa*: et notat Jason *cit. l. In pecuniariis. n. 13. ff. de Feriis*.

52 Additur notanter *num. 48 regulariter*. Nam imprimis fallit data Conclusio, si iustum impedimentum a parte litigante allegetur, et probetur, ratione cujus intra terminum primae dilationis non poterat suas probationes sufficienter instruere. Quia tunc, si nova dilatio petatur, poterit eam Judex concedere, causa tamen prius cognita saltem summariter, an ejusmodi impedimentum sit legitimum, per textum in cit. *l. Oratione. ff. de Feriis*, ibi: *Sed utilitatis litigantium gratia, causa cognita, iterum dilatio tamen eadem, quam ex alia Provincia, secundum moderamen locorum impertiri solet: et maxime, si aliquid inopinatum emergat*. Haec ibi.

53 Deinde fallit eadem Conclusio, quando post elapsum terminum primae dilationis probatoriae superveniunt litiganti novae probationes, ipseque iurejurando fidem faciat, quod postea primum ad earum notitiam pervenerit: tunc enim ad eas producendas potest dari nova dilatio, *c. Pastoralis. 4. de Exceptione. Maranta loc. cit. n. 6. Pirhing h. t. n. 17. et alii*. Et merito: nam ea, quae de novo emergunt, novo indigent auxilio, ut dicitur *l. De actate. 5. Ex causa. ff. de Interrogat. action.* ac notat Glossa *c. Sciscitatus. 4. Infamem. de Rescriptis*, et Jason *l. In pecuniariis. num. 47. ff. de Feriis*.

54 Et quidem in allatis casibus non solum secunda dilatio, sed etiam tertia, imo et quarta (servata tamen solemnitate Legali) a Judice concedi potest, nunquam vero quinta, *Auth. At qui semel. C. de Pro-*  
**REIFFENSTUEL Jus Can. Tom. II.**

*bation. etc. In causis 15. et c. Ultra tertiam. 55. de Testibus*. Ita tamen, ut in concessione secundae, et tertiae dilationis, Judex antea cognoscere debeat de rationabilitate causae: alioquin enim secunda, ac tertia dilatio, ipso jure foret nulla, et per consequens etiam totus processus nullus; prout desumitur ex *c. Pastoralis. 4. de Exceptione*. ibi: *Nullatenus audiat: et amplius ex l. In pecuniariis*. ubi Bartolus *5. Sed quaero, quid si*, et Jason *nu. 23. et 25. ff. de Feriis, et dilatione*. Gailus *lib. 1. Practic. Observat. 91. n. 4.* citans alios. Quod intellige, nisi forsan pars adversa consentiat, juxta dicenda *num. 57. et 58*.

Porro, ut quarta dilatio concedatur, requiritur insuper solemnitas Legalis, nempe, quod eam petens juramento prius praestito contestetur, se non malitiose in suis probationibus coactum, neque dolose quartam dilationem exposcere, *cit. c. Ultra tertiam. de Testib.* juncta *Auth. de Testibus. 5. Quia vero. Collat. 7.* Veruntamen dictum istud, quod quarta dilatio non concedatur, nisi allegentur causae relevantes, eamque petens juret, ut supra, fallit in Haerede illius, contra quem caeptum est judicium: nam huic ulterior dilatio absque onere dictae solemnitatis legalis conceditur, sicut etiam Successori, licet ejus Praedecessor jam obtinisset quartam dilationem: siquidem indistincte Haeredi, vel alteri Successori, causa tamen cognita, nova dilatio danda est, *l. Oratione. juncta Glossa An. et D. D. ibi. ff. de Feriis. Speculator tit. de Teste. 6. Qualiter autem. num. 9. post Vincentium c. Significaverunt. de Testib.* Hercules Marescottus *lib. 1. Variar. Resolut. cap. 91. n. 14. Mynsinger Singul. Observat. Cent. 1. observ. 71.*

Et haecenus dictis adde illud, quod notat Glossa in *L. ult. ff. de Feriis*, ac Speculator *h. t. 5. Videndum. n. 19.* videlicet, quod prima dilatio probatoria detur cum levi causae cognitione secundum moderamen locorum, nisi evidens appareat calumnia. Secunda tunc demum detur, si quis probet, se juxta causam impeditum fuisse in prima. Tertia vero, et quarta dilatio, solum ex gravissima causa concedatur: nec quarta sine solemnitate Legali, ut proxime dictum. Ac per hoc possunt concordari jura iuribus, quae caeteroquin apparerent contraria.

Tandem, ut nonnulli alii casus taceantur, fallit data *num. 48. Conclusio*, et regula, quando secunda, vel ulterior dilatio probatoria datur partibus expresse consentientibus, vel saltem praesentibus, et non contradicentibus. Quia hoc ipso partes tacite consentire censentur: sicque valida erit dilatio, nec partes postea processum secutum ulterius impugnare valent, *arg. cap. ult. de Accusation. in 6. Gailus lib. 1. Practic. Observat. 91. nu. 6.* post Abbatem *c. In causis circa finem de Testib.* et alios; ac Jason *l. In pecuniariis. n. 15. ff. de Feriis*, citans alios. Atque istud ampliatur ad solemnitatem Legalem, quae requiritur in quarta dilatione concedenda: nam etiam haec de partium consensu omitti potest; quemadmodum in simili, juramentum testium remitti potest, *c. Tuis quaestionibus. 39. juncta Glossa 4. Remittatur. de Testib.* cum similibus. Unde, si parte non contradicente detur quarta dilatio absque memorata solemnitate Legali; valent attestations textuum tunc receptae; eo quod non fuerit contradictum, neque appellatum, sicque pars altera tacite eisdem consenserit. Abbas *cit. c. In causis. n. 3. et 4.* et Felinus *ibid. nu. 4. ff. de Testib.* post Innocentium *ibid.* et Bartolum in *L. An. ff. de Feriis*, et communiter alios.

Accedit ratio. Quia, quoties Judex facit actum, qui potest esse praedicialis parti, debet pars expresse contradicere; alias sibi praedjudicat, *arg. L. 1. C. de*

*Relat.* et notat Bart. in §. Ultimo notat et post ipsum Maranta cit. part. 6 §. de Dilationibus. n. 12. iode pariter concludens, quod dilatio, quae dari non deberet, et datur utraque parte praesente, nec contradicente, valet: et ad idem facit textus in cit. cap. ult. de Accusation. in 6. Et hinc ipse stylum in Carriis, quod scribatur in Actis aliquid esse factum hoc praesente parte contradicente, et protestante, vel non.

59 Quæritur III. Quae sint dilationes diffinitoriae? Resp. Dilationes diffinitoriae sunt, quae dantur ad causam definiendam: ut si Iudex citavit partes pro tali die ad audiendam sententiam diffinitivam: prout habetur casus in c. Consuluit. 24. de Offic. Delegat.

60 Porro haec dilationes suapte natura non sunt peremptoriae, potestque secunda et tertia addi, nisi praefigantur cum termino peremptorio: imo etiam hoc praefixum, si alterutra pars die statuto non comparuerit, post Iudex sententiam diffinitivam differre in sequentem diem: dummodo, si est Delegatus, sua Jurisdictio necdum expiret. Textus est in cit. c. Consuluit. §. Nos autem. Ubi tamen recte subiungitur, quod Iudex discretus in assignatione talis termini peremptorii, non debeat jurisdictionem suam (nisi necessitas exigat) adeo coarctare.

61 Quæritur IV. Quae, et quantae sunt Dilationes executoriae? Resp. I. Dilationes executoriae sunt, quae dantur Reo per sententiam condemnato ad satisfaciendum. Hostiensis in Summa h. t. num. 1. et communis.

62 Resp. II. Quantae haec sint dilationes, seu ad distinguendum, pro quanto tempore Dilationes, executoriae sese extendant, oportet distinguere inter actiones personales, reales, et criminales. Ita Speculator tit. de Dilationibus. §. 1. num. 24. Hostiensis cit. n. 1. et alii.

63 Et quidem in actionibus personalibus dilationes executoriae regulariter sunt quatuor mensium, qui de jure conceduntur Reo condemnato ad solvendum: ut liquet ex c. Quarenti. 26. juncta Glossa §. Quadrimestre. de Offic. Delegat. et l. Eos qui. et l. Sancimus. C. de Usuris rei judicat. Concordat textus notabilis in l. Quod dicimus. ff. de Solution. ubi dicitur: Ly quempiam debere statim solvere, cum aliquo temperamento temporis intelligendum est: nec enim cum sacco adire debet.

64 Caeterum hoc ipsum tempus quadrimestre potest Iudex ex causa rationabili abbreviare, vel prorogare, c. Quod ad consultationem. §. Sed nec. 15. de Sent. et re judicat. juncta l. 2. ff. de Re judic. Quod si vero Iudex ejusmodi tempus Judicati, quod est quadrimestre, sine causae cognitione abbreviet, suppletur illud ex Lege usque ad legitimum tempus: si vero detur majus, computatur. Reo tam tempus legitimum, quam quod est supra legitimum, text. clar. l. Si se non obtulit. §. Si quis. ff. de Re judicat. Ratio disparitatis est: quia ex una parte beneficium juris sine causa nulli est auferendum, juxta Reg. 17. Juris in 6. quae sic sonat. Indultum a Jure beneficium non est alicui auferendum. Ex altera vero parte prioriores debemus esse in liberando, quam obligando, l. Arianus. ff. de Action. et obligat.

65 Econtra in actionibus realibus ejusmodi Dilationes executoriae non habent locum. In his siquidem statim, ac Reus condemnatus dixerit, se velle parere sententiae (alias post decem dies, si non fuit appellatum) debet sententia executioni mandari, ne videlicet res aliena diutius detineatur invito domino: Glossa in c. Quarenti. §. Quadrimestre. de Offic. Delegat.

66 Intellige, nisi Reus possessor illius rei neget, sese rem illico restituere posse, atque ob id datis fidejussoribus petat aliud tempus restituendi gratia. Tunc enim aliqua dilatio eidem a Iudice concedenda est,

§. Et si in rem. Instit. de Offic. judic. ac notat Glossa marginalis in cit. c. Quarenti.

Insuper in actionibus criminalibus Dilationes executoriae non habent locum: sed post latam sententiam regulariter statim fit executio, can. Sicut in hoc judicio 2. q. 1. et l. Si qua poena. ff. de Verb. signif. et l. Cum reis. C. Poenis.

Dicitur regulariter. Nam fallit hoc ipsum in nonnullis casibus, quos refert Hostiensis in Summa. tit. de Officio Judicis delegati. n. 9. §. Quae jurisdictio. §. Quamvis. Primus est, cum Princeps forsan iratus jubet aliquem severius puniri ultra modum solitum, ac regularem: tunc enim Iudex debet executionem differre usque ad triginta dies, ut videat, an Princeps interim poenam relaxet, l. Si vindicari. C. de Poenis. et can. Cum apud Thessalonicam. 11. q. 3.

Alter casus est, cum mulier praegnantis damnatur ad mortem: nam ejus poena differenda est, donec pariat, l. Praegnantis. ff. de Poenis. Tertius est, quando servus capitaliter damnatur: nam executio talis poenae differtur, donec antea domino, velocius tamen advenienti, per servum illum reddatur ratio administrationis rerum suarum, l. 1. C. de bonis proscriptor. Quartus est, cum relegando assignanda primum est insula can. Biduum. §. Si quem. 2. q. 6.

Glossa finalis in d. can. Cum apud Thessalonicam. 11. q. 3. addit quintum casum, in quo differtur executio sententiae in criminalibus, videlicet quando quis confessus est de crimine capitali: debet enim expectari, donec appareat, an velit in confessione perseverare, l. 2. C. de Custodia reor. Idque merito: quia in capitalibus non statuitur confessioni, donec constet de corpore delicti, et confitens perseveret in ea: posset enim confessio criminis potius ex taedio vitae, vel desperatione, facta fuisse, quam ex conscientia criminis, l. 1. §. Divus. et §. Si quis ultro. ff. de Quaestionib. Atque omnes praedicti casus, et tempora praemissarum Dilationum apte sequentibus versiculis ab eadem Glossa relatis, comprehenduntur.

In personalibus post menses quatuor: in re  
Protinus est omnis sententia perficienda.  
Sic in criminibus: sed casus excipe quinque:  
Confessus, praegnantis, iratus, et insula, servus.

#### §. IV.

De Prorogatione Dilationum, harumque effectibus.

#### SUMMARIUM.

- 71 Prorogatio dilationis, quid?
- 72 Non fit finito termino prioris dilationis.
- 73 Nequit prorogari prima dilatio probatoria.
- 74 Bene tamen quarta ex causa legitima.
- 75 Sicut et aliae a Iudice datae.
- 76 Iudex post elapsam prioris dilationis terminum, an possit invita parte concedere?
- 77 Dilationis effectus primarius est, quod ea pendente conquiescat officium Iudicis.
- 78 Limitatur hoc.
- 79 Alius dilationis effectus.
- 80 Tempora dilationum sunt continua.
- 81 Dilatio absenti concessa non currit, nisi a die intimationis.

Quæritur I. Quid sit prorogatio dilationis? et qualis prorogari valeat? Resp. I. Prorogatio dilationis aliud non est, quam extensio dilationis habentis, sed nondum elapsae. Et talis dilatio



sic extensa, seu prorogata, censetur esse eadem cum prima, arg. l. Sed et si manente ff. de Præcar. ac notat Maranta part. 4. Speculi Aurei distinct. 12. n. 2. citans alios.

72 Additur notanter in data definitione, *sed non dum elapsae*. Quia, si finito termino prioris dilationis alia detur, jam non sit prorogatio prioris, sed novae dilationis concessio: siquidem, quod amplius non existit, prorogari nequit. Gailus lib. 1. Practic. Observat. 91. n. 20.

73 Resp. II. Prima dilatio probatoria prorogari non potest. Ita Vallensis h. t. §. 2. n. 1. Pirhing eod. n. 22. Gailus cit. Observat. 91. n. 3. asserens, in Camera Imperiali neque secundam, neque tertiam prorogari: et alii. Ratio est: quia post primam talem dilationem superest secunda, et tertia; imo etiam quarta, si constet de justo impedimento: atqui dilationes sunt amputandae, l. 1. C. de Temporib. appellat. ibi: *Ubique dilationum materias amputantes*. Alioquin enim, si prorogationes singularum dilationum concederentur, jam aliquis in effectu novitres, sed sex, aut plures dilationes habiturus esset: quod Juri communi, ipsique aequitati adversatur. Accedit, quod ad extraordinarium prorogationis remedium deveniri non debeat, quando superest remedium ordinarium, l. In causas cognit. tione etiam hoc. 17. ff. de Mirorib.

74 Veruntamen quarta dilatio probatoria, utpote post quam alia non suppetit, prorogari potest: ex causa tamen legitima, et servata sollemnitate Legati, de qua num. 55. ne alioquin fraus fiat legi, quae non verbis, sed rebus posita esse debet. Gailus loc. cit. n. 16. et seqq.

75 Resp. III. Alias dilationes a Judice dari solite, v. g. ad contestandam litem, vel ad respondendum libello Actoris, possunt ex causa prorogari, seu prolongari; et quidem facilius, quam ut nova dilatio detur, dummodo intra terminum earum prorogatio petatur. Ita Vallensis h. t. §. 2. nu. 3. Gailus cit. Observat. 91. n. 19. asserens, hujusmodi prorogationes ex causa quotidie fieri. Pirhing h. t. nu. 22. citans alios. Et merito: quia in prorogatione dilationis censetur unica intervenire dilatio, ut dictum num. 71. Ergo, sicut hanc potest Juxta a principio concedere, ita et ex causa prorogare: et quidem facilius, cum prorogando nulla nova concedatur, ut dictum num. 71.

76 Utrum autem post elapsam prioris dilationis terminum possit Juxta alium assignare, etiam altera parte invita, dubitari posset? Dicendum tamen cum Speculatore tit. de Dilationibus. §. Nunc videamus. n. 5. Mascaro de Probationibus, Concl. 1236. nu. 1. et 11. ac seqq. et communiter aliorum, nonnullis tamen exceptis, posse id fieri per Judicem ex causa legitima, si res sit adhuc integra, prout erat tempore assignati prioris termini, et jus adversarii non sit factum deterius. Atque hoc probatur ex c. Cum cessante. 60. de Appellat. et l. Quod jus sit. ff. de Re judicat. ubi Juxta potest suam sententiam interlocutoriam ex causa rationabili revocare. Concordat textus in l. Mancipiorum. ff. de Optione legat. sibi Legatarius optionis termino ad eligendum si ibi praefixo, et jam elapso, adhuc eligere potest, dummodo res sit adhuc integra, et nullum exinde damnum haeres sit subiturnus. Concordant dicenda inferius Tit. 14. De Dolo et Contumacia. §. 2. num. 68. et seqq.

77 Queritur II. Qui sint effectus Dilationum? Resp. I. Primarius ac principalis effectus dilationis est, quod ea pendente, seu durante, officium Judicis conquiescat: nihilque sit agendum, vel innovandum quoad articulum, aut capitulum illud; super quo dilatio data fuit, donec concessa dilationis tem-

pore defluerint, text. clar. l. Sive pars. C. de Dilation. Adeo quidem, ut si quid innovatum fuerit, ipso jure sit nullum. Vallensis h. t. §. 4. n. 1.

Caeterum super alio articulo, super quo non fuit petita dilatio, officium Judicis non conquiescit, ac proinde super illo non prohibetur Juxta procedere. Pirhing h. t. num. 23. Quia etiam, posse Judicem pendente dilatione sese intromittere in favorem ejus, qui ipsam impetravit, notat Vallensis loc. cit. n. 1. addens, quod pari modo suspectus de fuga pendente dilatione capi valeat.

Resp. II. Alter dilationis effectus est, quod quando terminus ipsius advenerit, regulariter habeat vim sententiae interlocutoriae, ac perimat actum, qui in assignato dilationis termino fieri debuit: adeo, ut pars postea primum comparens, amplius super eadem re, nisi ex magna causa, audiri non debeat. Ita desumitur ex cap. Noverit ult. ff. de Feriis. et l. Scire oportet. §. Consequens. ff. de Excusatione tutor. ubi elapso termino quinquaginta dierum, qui datur Tutori ad se excusandum, ipse amplius non auditur: et si socus fiat, non liberatur. Accedit ratio: quia cessante justa causa, in civilibus non nisi unica conceditur dilatio probatoria, ut dictum supra num. 48.

His addendum, quod tempora dilationum omnium sint continua: et proinde in ipsis computentur dies tum feriati, tum non feriati, imo etiam Feriae repentinae, l. Sive pars. C. h. t. Quamvis propter Ferias repentinae, puta, ob res prosperas gestas, vel in honorem Principis extraordinarie indictas, si quis laeditur, restitutio tot dierum concedatur, quot intercesserunt Feriae repentinae, l. Sed et si. §. Si feriae. ff. Ex quibus causis majores, etc. Et merito: quia tales Ferias, ut pote repentinae, nemo praevidere poterat: bene tamen sollemnes, de quibus proinde ratio haberi non debet, prout ibidem notatur.

Caeterum, si dilatio concessa fuerit absenti, haec ipsi non currit, nisi a die intimationis: simulque dies illa, qua intimatur, non est computanda. Maranta part. 6. Speculi Aurei. tit. de Dilatione, num. 14. citans Bartolum, et Alexandrum in l. Labeo, in fin. ff. de Jurejurand. Pirhing h. t. n. 19. et alii.

## TITULUS IX.

## De Feriis.

1 Ratio continuationis Rubricarum.

2 Feriae, et Dilationes, in quo differant?

Viso de Dilationibus, in quibus conquiescit officium Judicis, l. Sive pars. C. de Dilation. cum hoc ipsum contingat in Feriis, merito subjungitur praeterea Rubrica: eoque magis, quia ipsaemet Feriae sunt quaedam Dilationes, saltem largo modo; ut inquit Glossa ad Rubricam h. t.

2 Dicitur, saltem largo modo. Nam negari non potest, quin sit aliqua differentia inter Dilationes, et Ferias. Dilationes siquidem dantur ad utilitatem partium litigantium, et quidem plerumque ad instantiam ipsarum, ut sese melius instruerent, aut jus suum explicare valeant: contra Feriae vel ob honorem Dei, vel ob honorem publicum principaliter instituuntur. Accedit, quod Dilationes communiter, juxta exigentiam causarum, concedantur Judicis arbitrio: at Feriae sunt stabiles, et determinatae. Et hinc Abbas ad Rubric. h. t. non immerito negat, Ferias esse proprie dilationes juris: hae enim dantur.

ad aliquid explicandum; Feriae autem, ut homines quiescant, prout magis in progressu dicitur.

## §. I.

De divisione Feriarum; ubi plura de Feriis Sacris.

## SUMMARIUM.

3. Feriae, quid, et unde sic dicantur?
  4. Alia earum acceptio refertur.
  5. Feriarum tres sunt species; videlicet.
  6. Feriae sacrae, sive solemnes.
  7. Feriae rusticae, seu necessariae.
  8. Harumque indictio.
  9. Et quibus prosint?
  10. Ac Feriae repentinae; et quid?
  11. Praeceptum de Feriis sacris, seu diebus Festis observandis, datur.
  12. Extat potestas in Ecclesia instituendi Festa de praeepto.
  13. Haec nequeunt indicere Reges, aliique Principes saeculares.
  14. Quamvis possint statuere poenam violentibus dies Festos ab Ecclesia indictos.
  15. Episcopi possunt in suis Diocesisibus instituere Festa de praeepto, etiam ab exemptis observanda. Et num. 12.
  16. Praeceptum de celebratione Festorum partim est affirmativum, partim negativum.
  17. Dies Festi quando incipere debeant? Et num. seqq.
  18. More Romano dies a media nocte incipit.
  19. Dies naturalis, et artificialis, quando incipiat? Et num. praec.
  20. Mercatus in Feriis sacris est prohibitus.
  21. Nomine prohibiti Mercatus, quid intelligatur?
  22. Aliis diebus Festis de consuetudine celebrantur Nundinae.
  23. Consuetudines tamen huiusmodi sunt moderandae.
  24. De obligatione audiendi diebus Festis Missam, et abstinendi ab operibus servilibus. Remissive.
3. Queritur I. Quid, et quot sint species Feriarum? Resp. I. Feriae, quantum attinet ad propositum, dicuntur dies illi, quibus vacatur, sive cessatur ab actibus judicialibus; ut l. Prudic. et l. Si feriatis. ff. de Feriis. et l. Omnes. C. eod. addendum juxta Sacros Canones, et quantum ad Ferias sacras, abstinentiam ab operibus servilibus, et mercatu. Et dicuntur Feriae a feriando; quia antiquitus diebus festis mactabantur, sive feriabantur Hostiae solemnes; vel potius a feriando, hoc est, cessando, quatenus illis diebus veteres cessabant, sive abstinebant a strepitu judiciali. Quae de causa Feriae etiam appellabantur *Justitiae*, eo quod Jus, sive Judicium, tunc staret, nec progrediretur. Vallensis h. t. n. 2.
4. Additur autem, Feriae quantum ad propositum, Siquidem Ecclesia in alio adhuc sensu accipit Ferias, videlicet pro quolibet die Hebdomadae: in qua accipitur Dies Dominicus dicitur Feria prima, Dies Lunae Feria secunda, et sic deinceps. Unde S. Sylvester Papa (ut legitur in Breviario Romano die 31. Decembris) *Sabbati et Domini diei retento nomine, reliquos Hebdomadae dies Feriarum nomine distinctos, ut jam antea in Ecclesia vocari coeperant, appellari voluit: quo significaretur, quotidie Clericos, abjecta coetorum rerum cura, uni Deo prorsus vacare debere.* Verum loquendo de Feriis in priori acceptione.
5. Resp. II. Feriarum tres sunt species, videlicet,

Feriae sacrae, rusticae, et repentinae. Ita Speculator h. t. §. 1. num. 1. Abbas in c. Conquestus. n. 8. et Fagnanus ibid. nu. 35. h. t. et probatur inductio- ne. Siquidem

Feriae sacrae, sive solemnes dicuntur esse, quae ob reverentiam et cultum Dei principaliter sunt institutae: ut Dies Dominicus, Natales Domini, S. Stephani, et aliorum Sanctorum, de quibus sit mentio in cap. 1. et ult. h. t. ac praesertim in Bulla Urbani VIII. quae incipit, *Universa* (et habetur Tomo 4. Bullarii Romani, Constit. 164. dicti Pontificis) in qua singillatim referuntur, atque specificantur omnes Feriae sacrae, seu Festa de praeepto totius Ecclesiae.

Feriae Rusticae (quae etiam necessariae vocantur) illae sunt, quae ob necessitates hominum, praesertim ruri laborantium, instituuntur: uti sunt Feriae messium, atque vindemiarum; de quibus sit mentio in cap. ult. §. fin. h. t. et l. 1. ff. eod. Item Feriae autivis caloribus mitigandis destinatae, l. Omnes dies. C. h. t. Et haec alio nomine appellantur necessariae, nupte communibus necessitatibus hominum sublevandis destinatae.

Porro tempus rusticarum Feriarum non est determinatum a Lege, vel Canone; cum alicubi citius, alibi tardius fiat collectio fructuum, nupte qui citius maturescunt, et colliguntur in locis calidis, quam frigidis. Proinde harum Feriarum indictio, sive determinatio temporis ipsarum, relinquatur Judicibus: ita tamen, ut eas indicant hic in anno, secundum qualitatem et consuetudinem cujuslibet loci, l. Praesides. ff. h. t.

Inferior proinde, quod extra tale tempus, quamvis novemo fructus actualiter colligat, ipsi non suffragentur Feriae rusticae, quo minus in jus vocari possint: quia necesse est, ut Feriae haec a Judice indicantur. Postquam vero eas semel indicatae sunt, prosunt non solum rusticis, aut ruri laborantibus, sed etiam militibus, Clericis, et aliis etiam ruri nequaquam laborantibus, qui proin in jus vocati poterunt allegare exceptionem Feriarum. Et merito: quia, licet tales personaliter in messibus, atque vindemiis non occupentur, sique respectu horum videatur cessare ratio Legis, seu quae in l. 1. ff. h. t. assertur, illis verbis: *Quia occupati circa rem rusticam, in forum venire compellendi non sunt*, tamen haec non fuit causa finalis circa ipsum vocatum, sed impulsiva solum. Accedit, quod saltem Advocatos, vel Femes, quandoque contingat tunc occupari circa rem rusticam; et quia hi idcirco non possunt tam facile haberi, subintrat dicta ratio Legis. Glossa in cit. l. 1. §. Occupati. ff. h. t. Alexander Consil. 2. n. 6. lib. 2. Fagnanus cit. c. Conquestus. n. 36. h. t.

Feriae repentinae tandem dicuntur, quae non ex certa et stabili Lege constituantur, sed extra consuetum ordinem repente, ac subito indicuntur: prout fieri solet ob corruptionem Principis, aut ejus adventum, vel ob insignem victoriam ab hostibus reportatam, l. Sed et si feriae. ff. Ex quibus causis majores etc. Item propter hostilitatem, vel grassantem publicam litem, aut similem causam extraordinariam. Et tales Ferias repentinas (ideo sic dictas, quia sunt incertae, et repente indicuntur) solus Princeps, non autem Jux, auctoritate propria indicere potest, l. A nullo. C. h. t.

Queritur II. Quid sit censendum de Feriis sacris, quaeque earum obligatio? Resp. I. Inter quinque generalia Ecclesiae Praecepta, et cuius Christiano scita, atque observari necessaria, primum est de Feriis sacris, seu diebus Festis observandis; et communiter sequentibus verbis proponitur *Statutos Ecclesiae dies Festos celebrato.* Atque de hoc frequenter

6.

7

8

9

10

11

fit mentio in Jure Canonico; ut *can. Nullus. et seq. 15. q. 4. et can. 1. et seqq. de Consecr. dist. 3.* nec non toto praesenti *Tit. de Feriis.*

- 12 Resp. II. Esse potestatem in Ecclesia instituendi Festa de praeepto, de fide est: atque patet ex perpetua traditione, et usu Ecclesiae, a temporibus Apostolorum, usque nunc continuato. Quin imo etiam Episcopi respectu suarum Dioecesium cum consensu Cleri, et saltem tacito Populi, possunt instituere quaedam Festa; prout habetur *in can. 1. de Consecr. dist. 3. et cap. ult. h. t. cum similibus.* De facto tamen circa observationem Festorum, horumque institutionem, oportet attendere ad Constitutionem 164. Urbani VIII. quae incipit, *Universae* ac refertur *Tom. 4. Bullarii Romani.*

- 13 Caeterum Reges, et Principes saeculares, Civitates ac Populi, nullam habent potestatem indicendi diem Festum in honorem Dei et Sanctorum, nisi ex auctoritate Papae, vel Episcopi Dioecetani. Ratio est: quia actus praeciipiendi, seu indicendi hujusmodi dies Festos, utpote cultui Divino principaliter consecratos, proprio est spiritualis, et ad Religionem pertinens, *Clem. 11. de Reliq. et venerat. Sanctor.* Atqui Laici nulla est attributa potestas de rebus spiritualibus statuendi, quos obsequendi manet necessitas, non auctoritas imperandi, *c. Ecclesia sanctae Mariae. de Constitut. et cap. ult. de Rebus Eccles. non alienand.* Fagnanus *in c. Conquestus. n. 59. et seqq. h. t.* fusa hanc materiam examinans. Barbosa *part. 3. de Offic. et potest. Episc. allegat. 105. n. 3. et alii communiter.*

- 14 Non tamen ob hoc negatur, quia Laici per statutum a se conditum possint poenam infligere illis, qui violant dies Festos ab Ecclesia institutos. Tum quia violatio Festorum est delictum mixti Fori; prout declaravit S. Pius V. in Constitutione, *Cum primum. §. 7. et habetur Tom. 2. Bullarii Romani, Constitut. 5. dicti Pontificis.* Tum quia officium Catholicorum Principum est, in adiutorium Ecclesiae sacrarum Constitutionum praeepta tueri, atque in earum violatores animadvertere, *can. Si in adiutorium. dist. 10. et can. Boni Principis. dist. 96. juncto Concilio Trident. Sess. 25. cap. 10. de Reform.* Quamvis igitur Princeps laicus in materia spirituali quid de novo absque auctoritate Ecclesiae statuere nequeat, ob defectum jurisdictionis: potest nihilo minus circa eam aliquid statuere fortificando Jus commune, seu leges Ecclesiasticas jam positas cum adjunctione poenae. Glossa *in Clem. Ne Romani. §. 1. q. Tolli. de Elect.* Fagnanus *loc. cit. numer. 73. Felinus cap. 1. num. 13. de Sponsalib. et alii.*

- 15 Resp. III. Dies Festi ab Episcopis in sua Dioecesi praeepti, servari debent ab omnibus, etiam exemptis, ac Regularibus. Ita expresse statuitur in Concilio Trident. *Sess. 25. cap. 12. de Regularibus,* ibi: *Dies etiam Festi, quos in Dioecesi sua servandos idem Episcopus praeeperit, ab exemptis omnibus, etiam Regularibus, serventur.*

- 16 Resp. IV. Praeeptum Ecclesiasticum de celebratione Festorum, partim est affirmativum, partim negativum. Ita Scotus *in 3. dist. 37. quaest. un. §. Ad quaestionem.* Guiliel. Herinx, *part. 3. Summae Theologiae, disp. 3. de Festis. numer. 8.* etque communis. Nam quatenus illud est affirmativum, praecipitur devota Missae auditio omnibus diebus Festivis: quatenus vero est negativum, praecipitur abstinencia ab operibus servilibus, et nonnullis aliis, de quibus fit sermo *cap. 1. h. t. ubi Pontifex omnes dies Dominicos (idem dicendum de Festivis) a vespere in vespem cum omni veneratione decernit observari, et ab omni illicito opere abstinere: ut in eis mercatus minime fiat, neque placitum,*

*REIFFENSTUEL Jus Can. Tom. II.*

*neque aliquis ad mortem vel ad poenam judicetur, nec sacramenta (nisi pro pace, vel alia necessitate) praestentur.* Haec ibi: etsi postmodum *in cap. ult. eod.* recte hoc limitetur, *Nisi necessitas urgeat, vel pietas suadeat.*

Resp. V. Quamvis *in cit. cap. 1. h. t.* dicatur, quod dies Festi incipere debeant a vespere praecedentis diei, et durare usque ad vespem diei sequentis: idque in Officio Divino, seu recitatione Horarum Canoniarum, etiamnum observetur: tamen, quantum attinet ad abstinencia ab operibus servilibus, aliisque supra enumeratis, rationabili et antiquae locorum consuetudini standum est. Ita expresse habetur *in c. Quoniam eod.* Idem patet ex *cap. ult. de Consuetud.* ubi generaliter dicitur, quod consuetudo rationalis, et legitime praescripta, deroget Juri positivo humano.

Hinc ex usu Romanae Ecclesiae, qui per totam ferme Europam invaluit, solent incipere Festa a media nocte, et terminari in sequenti media nocte, quantum attinet ad cessationem operum servilium. Et haec quidem consuetudo ortum videtur traxisse ex more Romano, in caeteris negotiis observari solito, nam, ut *in l. More Romano. ff. de Feriis,* dicitur: *More Romano dies a media nocte incipit, et sequentis noctis media parte finitur: ita quidquid in iis viginti quatuor horis, id est, duabus dimidiatis noctibus, et haec media actum est, perinde est quasi qualibet hora lucis actum esset.* Haec ibi. Concordat *c. Consuevit. 24. de Offic. Delegat.*

Quod si vero alicubi alia sit consuetudo ea pariter recte observatur, *cit. cap. ult. de Consuetud.* cum concordantia. Nam, ut notat Glossa *1. in cit. l. More Romano,* diem naturalem (qui est viginti quatuor horarum, ac etiam noctem comprehendit) inceperunt Athenienses ab occasu, Babylonii ab ortu, et Arabes a meridie. Artificialis autem dies, seu quatenus a nocte secernitur, incipit ab ortu solis usque ad occasum, sive a mane usque ad vespem; juxta illud Genesis *cap. 1. Et factum est vespere et mane, dies unus.* Concordat Hymnus Ecclesiasticus, illis Verbis: *Qui mane junctum vespere, diem vocari praecipis;* intelligendo hoc de die artificiali; nam de nocte illico subjungitur: *Illabitur tetrum chaos.* Glossa *loc. cit.* Fagnanus *in cap. 1. n. 4. de Treuga.* Layman *lib. 4. Theolog. Moral. tract. 1. cap. 3. n. 1. et alii.*

Queritur III. An, et qualiter in Feriis sacris prohibeatur Mercatus? Resp. I. Certum est, quod diebus Dominicis, Festivisque, prohibitum sit exercere Mercatum. Textus est *in cap. 1. h. t. supra n. 16.* jam relat. Idque merito ab Ecclesia fuit statutum, ut hac ratione eo magis mentes Fidelium abstrahantur a rebus ac desideriis rerum mundanarum, eriganturque ad intelligenda et desideranda coelestia, debitasque Deo grates pro receptis innumeris beneficiis persolvendas. Mercatio quippe multum ab his abstrahit, estque periculosa, et inducens ad mendacia, fraudes, aliaque peccata, *can. Ejiciens. et can. Quoniam. dist. 88.* Unde etiam Dominus vendentes et ementes e Templo ejecit, et mensas nummulariorum, et cathedras vendentium columbas evertit, *Matth. 21. dicens: Scriptum est, Domus mea, domus orationis vocabitur: vos autem fecistis illam speluncam latronum.* Congruum itaque fuit, ut Dominicis, Festivisque diebus, utpote cultui Divino specialiter deputatis, prohiberetur Mercatus.

Porro sub nomine prohibiti Mercatus, intelliguntur publicae Nundinae; item contractus emptio-  
21  
um et venditionum, locationum et conductionum, aliaque hujusmodi, praesertim si longiore tempore indigeant, aut publice et cum solemnitate fiant. Nae-  
varrus *cap. 13. Manualis. numer. 8. Vallensis h. t.*



num. 12. Pirhing eod. n. 17. et alii. Hinc adde Decretum Sac. Congregationis circa *Festorum Observationem*, quod post Quarantani in *Summa Bullarum*. v. *Dies Festi*, refert Barbosa part. 2. de *Offic. et potest. Episc.* allegat. 105. n. 40. ac inter alia ne loquitur: *Itaque rursus ibidem censuit, praetextu Mercatum, nundinarum, et feriarum Festa nullatenus esse violanda. Caeterum his diebus libere sarcinas, et onera nundinarum causa exonerare, inceptumque iter, Missa tamen prius audita, prosequi: non autem sarcinas componere, et jumenta onerare ad iter de novo accipiendum, aut merces quibuscumque etiam viatoribus et clausis apothecis vendere, nisi tantum ad victum necessaria, et alia minuscula, et modici momenti opata confecta pro transeuntium hospitum, advenarum, et externorum urgenti, ac praesentanea necessitate, et opportunitate, etc.* Haec ibi.

22. Resp. II. Pluribus nihilo minus in locis consuetudine receptum est, ut diebus Festivis nundinae celebrentur, ob maiorem populi commoditatem, ac praesertim rusticorum et pauperum, qui absque iactura mercedis diurnae, qua maxime indigent, aliis diebus accedere nequeunt. Et quamquam Abbas in cap. 1. num. 5. h. t. post Hostiensem asserat, talem consuetudinem non excusare a peccato, cum sit prava: oppositum tamen passim tenent caeteri Doctores. Siquidem observatio Festorum: ac proinde etiam prohibitio mercatus in ipsis, est Juris duntaxat humani Ecclesiastici, ut late docet Suarez lib. 2. de *Religione*, cap. 1. et sequitur Vallensis h. t. n. 12. Pirhing num. 18. estque communis. Atqui legi humanae potest derogari per contrariam consuetudinem, rationabilem tamen (ut est praesens, ob rationem supra allegatam) ac legitime praescriptam, cap. ult. de *Consuetud.*

23. Recte tamen monent Doctores, ut Zoesius h. t. num. 12. et Layman lib. 4. *Theolog. Moral. tract. 7. cap. 2. num. 6.* huiusmodi consuetudines esse cavendas, ne imposterum introducantur, atque, ubi jam introductae sunt, nunquam extendendas, sed quantum fieri potest, moderandas: saltem in tantum, ut ejusmodi nundinae, atque negotiationes non fiant ante peractum Officium Divinum.

24. Alia, quae concernunt obligationem audiendi Missam, atque ab operibus servilibus in Feriis sacris, fusius declaravi in *Theologia Morali, Tract. 10. Distinct. 1.* per totum. Ibi videatur.

## §. II.

De Placito, seu Processu judiciali, ejusque prohibitionem diebus Feriatis.

### SUMMARIUM.

- 25 Placitum, quid sit?
- 26 Est prohibitum diebus Feriatis, ac regulariter invalidus omnis actus contentiosae jurisdictionis.
- 27 Idque probatur ex Jure.
- 28 Solvitur instantia.
- 29 Actus jurisdictionis voluntariae possunt fieri diebus Feriatis.
- 30 Alias limitationes Conclusionis.
- 31 Feriis sacris nequit renunciari de consensu partium.
- 32 Nec Feriis repentinis.
- 33 Non obstante, quod simul importent favorem partium.
- 34 Bene tamen Feriis rusticis. Et num. 31.
- 35 Sive de in partes expresse consentiant, sive tacite.
- 36 Omnibus Feriis potest exerceri judicium ratione necessitatis, aut pietatis. Et num. seqq.
- 37 38 39 et 40. Exemplificantur casus necessitatis.
- 41 42 et 43. Et casus pietatis.

44 In causis summariis, seu de plano tractandis, potest procedi tempore Feriarum rusticarum.

45 Idque exemplificatur.

46 Non item in Feriis sacris, et repentinis.

Quaeritur I. Quid sit Placitum, et qualiter diebus Feriatis prohibeatur? Resp. I. Nemine *Placiti*, de quo fit mentio in cap. 1. h. t. aliqui intelligunt quamlibet causam Forensam, ac strepitum judiciale, arg. *can. Placita*. 15. q. 4. ac proinde volunt, quod prohiberi diebus feriatis *Placitum*, idem sit, ac prohiberi *judiciale strepitum*. Nihilo minus Abbas in cit. cap. 1. num. 2. h. t. Vallensis eod. n. 13. Pirhing n. 9. et plures alii, melius docent, quod nomine *Placiti* duntaxat intelligatur Judicium civile, seu strepitus Forensis quoad causas civiles. Ratio hujus posterioris sententiae est: quia in cit. cap. 1. h. t. de *Judicio criminali* fit specialis mentio, dum subiungitur: *Neque aliquis ad mortem, vel ad poenam judicatur*. Haec enim verba superfluerent, si *Placitum* quaecumque causa etiam criminalis, significaret: ac proinde, ut differat a sequentibus, *Placitum* intelligi debet de causis civilibus tantum. Hoc ipsum satis colligitur tum ex cap. ult. h. t. ponderando ly, *judicialis strepitus*, quod est quid generalius, ac *Placitum*. Tum etiam ex cit. *can. Placita*. 15. q. 4. eo quod ibi notanter dicatur, *Placita saecularia* (hoc est, ut explicat Archidiaconus ibid. n. 1. de rebus saecularibus) sicque sub ipsis causae criminales non comprehendantur, sed haec speciali indigeant mentione; ut fit in cit. cap. 1. h. t.

Resp. II. *Placitum*, sicut et *Processus criminalis*, diebus Feriatis est prohibitus: ita, quidem, ut omnibus Feriis tam sacris, quam profanis, istud sit commune, quod eorum tempore extra casus in Jure permisos (de quibus in progressu) nullus in jus vocari possit, et vocatus venire non teneatur; neque ullas actus contentiosae jurisdictionis in eisdem exerceri valeat, sed strepitus judicialis omnino conquiescere debeat: adeo, ut actus in contrarium gestus regulariter ipso jure sit invalidus. Ita Abbas in c. *Conquestus*. n. 1. et Fagnanus ibid. n. 1. et seqq. h. t. Vallensis eod. n. 6. Gailus lib. 1. *Pract. Observat.* 53. n. 7. et communis.

Conclusio haec clare desumitur tum ex cap. 1. et ult. h. t. tum etiam ex L. 1. ff. eod. Ubi statuitur, quod tempore messium, atque vindemiarum, nemo compellatur in jus venire: et si Judex contra partem tunc absentem, et non comparentem sententiam tulorit, sententia ipsa nullius sit momenti, atque citra appellationem infirmetur: *Nec enim Praetoris factum*, juri derogari oportet, prout in cit. L. 1. ff. h. t. subiungitur. Concordat textus in L. *Si feriatis*. ff. h. t. et L. 2. C. eod. ubi non solum diebus Dominicis, aliisque Feriatis, jubetur abstinere ab omni strepitu, actuque judiciali; verum etiam in posteriori loco additur: *Et quod contra hoc factum fuerit, omnibus modis irritatur*.

Nec obstat, quod allata Jura ex professo loquantur de Feriis messium, atque vindemiarum. Nam ob paritatem, imo et majoritatem rationis, recte id ipsum dicitur de Feriis sacris, atque repentinis, utpote quibus ex consensu partium renunciari nequit, sicuti aliis renunciari potest. Quia imo in Feriis introductis in honorem Dei, et Sanctorum (extra casum necessitatis, vel pietatis) non valere processum judicium, nec sententiam huiusmodi diebus promulgatam, consentientibus etiam partibus, expresse statutum habetur in cit. cap. ult. h. t.

Additur notanter primo in Conclusionem, *neque nullus actus contentiosae jurisdictionis etc.* Siquidem actus

jurisdictionem voluntariae, qui nimirum absque strepitu judiciali tantum in volentes exercentur, diebus etiam feriatis recte expediuntur: per textum in *l. Solet. ff. h. t.* ibi: *Liberalia quoque judicia omni tempore fiuntur.* Concordat textus in *l. Actus omnes. C. eod.* ubi licentia diebus Feriatis emancipandi, et manumittendi, cunctis conceditur: et Baldus in Summario generaliter inquit: *Actus voluntariae jurisdictionis possunt explicari quolibet tempore, etiam feriato.* Et hinc non solum emancipationes, et manumissiones, ut dictum, sed etiam dispensationes, adoptiones, pacta, transactiones, approbatio contractuum, designatio Tutorum aut Curatorum, creatio Magistratum, et alii consimiles actus, diebus Feriatis valide expediuntur. Si quidem contrarium non reperitur in Jure expressum: quin potius ejusmodi actus tempore feriato fieri posse, clare conceditur per Jura proxime allegata, juncta *l. Eadem oratione. ff. h. t. et l. ult. C. eod.*

30. Additur ulterius in data num. 26. Conclusionem, extra casus in Jure permisso: et infra, regulariter est invalidus. Fallit enim, si partes renunciarent Feriis, saltem rusticis: aut si necessitas, vel pietas aliud suadeat, prout Jure sic permittitur fieri posse, magis patebit ex illis dicendis. Unde

31. Quaeritur II. Utrum praedictis Feriis de consensu partium possit renunciari? Resp. I. Feriis sacris, sicut et Feriis repentinis nequit de consensu partium renunciari: bene tamen Feriis rusticis, messium videlicet ac vindemiarum. Ita Glossa in *Clem. Saepe contingit. §. Ob necessitates. de Verb. Signif. Speculator h. t. §. Nunc videamus. n. 1.* Fagnanus in *c. Conquestus. n. 7. ac seqq. h. t.* Vallensis *cit. n. 6.* et communis. Idque patet ex *cit. c. Conquestus*, sive *cap. ult. h. t.* ubi Pontifex declarat, non valere processum judicium diebus ob reverentiam Dei feriatis, *consentientibus etiam partibus celebratum*: licet Feriis gratia messium, vel vindemiarum introductis, partes renunciare valeant. Et horum posterius etiam habetur in *l. 1. et l. Si feriatis ff. eod.* Accedit ratio disparitatis: quia Ferie sacrae, utpote in honorem Dei institutae, principaliter concernunt cultum Divinum, cui partium consensu renunciari nequit, non autem partium favorem, sicut Ferie rusticae.

32. Atque ob hanc eandem rationem nequit a partibus renunciari Feriis repentinis, ob honorem Principis, vel ob commune de parte victoria gaudium, a Principe indictis: nam publicum potius, quam privatum partium favorem respiciunt, *arg. l. Omnes dies. C. h. t.* ubi ideo dies Feriarum repentinarum Imperator appellat suos dies, ibi: *Nostris etiam diebus etc.* Atqui pacto privatorum, nequit derogari favori, ac juri publico, *c. Si diligenti. de Foro compet. et l. Jus publicum. ff. de Pactis.* Abbas in *cap. 1. n. 1. h. t.* Glossa, Speculator, Fagnanus, ubi supra, et alii.

33. Nec obstat, quod Ferie sacrae, sicut et repentinae, simul impotent favorem partium: eo quod priores etiam ob humanam quietem introductae fuerint: posteriores autem simul in particulare cujusque gaudium redudent, faciantque, ac quis invitatus in judicium trahi valeat. Non obstat, inquam: tum quia hujusmodi Ferie principaliter introductae sunt illinc ob cultum Divinum, hinc ob favorem publicum: atqui ex principali intento, seu primario fine, attendenda est quaelibet dispositio, *c. Accessorium. 42. de Reg. Juris. in 6.* cum similibus. Tum quia non potest quis renunciare favori, sibi et alteri individuo concessio, absque illius consensu, *arg. Ad Apostolicum. 16. de Regularib. et notat Abbas in c. Conquestus. n. 6. h. t.* Atqui talis consensus ex parte

Dei, vel Principis, in ordine ad Feras sacras, vel repentinae, extra casum necessitatis, aut pietatis, semper deficit: ergo.

34. Contra res se habet in Feriis rusticis, messium scilicet ac vindemiarum, utpote in gratiam privatorum principaliter introductis: ad hoc videlicet, ut ipsi melius fruges suas colligere valeant, eisque occasione judicii, si ad illud inviti venire compellerentur, non periret commoditas fructuum congregandorum coelesti provisione concessa. *l. Omnes judices. C. h. t. juncta l. 1. ff. eod.* Unde mirum non est, quod talibus Feriis sponte partes renunciare valeant: *Cum sit regula juris antiqui, omnes licentiam habere iis, quae pro se introducta sunt, renunciare*: uti loquitur Imperator in *l. Si quis 29. C. de Pactis.*

35. Resp. II. Quantum ad Feras rusticas valet Placitum, omnisque processus atque actus judiciorum, sive deinde partes expresse consentiant, sive tacite: hoc est, sponte veniendo in judicium diebus Feriatis, et non exipeciendo contra Processum judicium tunc formatum. Ita communis. Et quidem prior pars patet ex *cap. ult. h. t. et l. Si feriatis. ff. eod.* ubi ejusmodi processus dicitur valere, *si de partium processu voluntate.* Altera vero pars habetur *l. 1. §. Sed si Praetor. ff. h. t. juncta Glossa, §. Sententia valebit. et Bartolo ibid.* ubi inquit, valere judicium in praesentem, si non opponatur exceptio Feriarum: sed in absentem, judicium nullum erit.

36. Quaeritur III. An, et qualiter ratione necessitatis, aut pietatis, valet judicium diebus Feriatis agitatum? Resp. I. Certum est, quod ex hisce duabus causis possit in omnibus Feriis, etiam introductis in honorem Dei et Sanctorum, judicium exerceri, teneatque sententia inde promulgata. Textus est in *cap. ult. h. t.* ubi a generali prohibitione exercendi judicium diebus Feriatis, expresse excipiuntur duo praemissi casus, illis verbis: *Nisi necessitas urgeat, vel pietas suadeat.*

37. Et quidem ratione necessitatis, sive publicae, sive privatae, possunt tunc expedi causa, quae celeritatem requirunt: veluti, si res cum tempore peritura foret, puta si oritur controversia circa collectionem fructuum: caeteroquin periturorum, vel capturam piscium raro, aut certis duntaxat diebus apparentium, *arg. c. Licet. 3. h. t. et l. Solet. ff. eod.* Hoc ipsum est dicendum, si quando ob quancunque causam periculosa dilatio Judicii videatur, *arg. l. 1. ff. de Damno infect.* Atque inter alia exemplificari solet in causis alimentorum, et carceratorum, ne lite diutius protracta fame moriantur, aut diutius injuste verentur. Idem judicium est de causis pistoris: puta, an pistorum bonum panem conficiant: siquidem pane egemus omnibus diebus, *l. Publicas, juncta Glossa fin. C. h. t.*

38. Id ipsum procedit, si alioquin dilatio peremptura foret actionem: ut puta, si data dilatione finiretur jurisdictio Delegati, sicque evanesceret instantia judicialis: ut *l. 1. §. Sed excipiuntur. ff. de Feriis.* et tradit Glossa fin. *cap. ult. de Judiciis*, id probans ex *o. Consuet. de Offic. Delegat.* Vel si ipsamet actio morte alterius peritura foret: prout contingit in actione furti, damni dati, et aliis similibus, quae moriantur una cum fure, vel damnum date: item in actione injuriarum, quae tollitur lapsu certi temporis, *l. Solet. ff. juncta Glossa ibid. §. Morte. h. t.* Quamquam in hiis posterioribus casibus solummodo pars adversa cogi possit praetorem accedere, ut lis contestetur, *l. 1. §. Sed excipiuntur. ff. eod.* Nam per litem contestationem actio jam perpetuatur, sicque satis provisum est. Actum: simulque quando aliquid conceditur ratione necessitatis, eatenus conceditur, quatenus necessitas erit, et

non ultra; prout notat Bartolus. *in. cit. §. Sed. excipiuntur.*

- 39 Insuper ex causa necessitatis potest diebus Feriatis procedi contra latrones, ne sceleratorum captura diutius differatur, multorumque salus et incolumitas tempestive procuretur, *l. Provinciarum. C. h. t.* Atque ob eandem causam necessitatis potest carcerari debitor fugitivus diebus Feriatis, etiam in honorem Dei. Abbas *cap. ult. n. 22. de Judiciis*, et alii, juxta amplius dicenda *num. 74. et 75.* Item negotia militaria possunt quolibet die expediri, *l. Divus. ff. h. t.* Rursus Feriae messium atque vindemiarum (secus dicendum de Feriis sacris in honorem Dei institutis, ut limitat Pirhing *h. t. num. 21.*) non sunt observandae in causis publicis, et fiscalibus, *l. Publicis. C. cod.* Rursus tempore Feriato potest interponi appellatio, utpote concessa ad naturalem defensionem, et quae sine magno strepitu fieri potest; quamvis ejus prosecutio tunc fieri non valet, *l. 1. C. de Feriis*, ac notat Glossa magna *in cap. ult.* et Abbas *ibid. num. 13.* et Fagnanus *n. 21. h. t.* Speculator *tit. de Feriis. §. Sequitur. n. 2.* et communis.

- 40 Tandem, ut alia taceantur, possunt ex causa necessitatis diebus Feriatis expediri actus judiciales, ipsaque sententia promulgari, si alio tempore testes vocari, vel Juxta adiri non possit, vel saltem non sine magno incommodo, aut quoad pauperes non absque jactura mercedis diurnae: nam haec satis magna censeretur necessitas, cum pauperes maxime indigeant mercede diurna. Quod ipsum comprobatur consuetudo aliquarum Regionum, ubi Judices rusticorum diebus Festivis jus dicunt, quando aliis diebus rustici homines adesse, vel commode absque jactura mercedis diurnae testes vocari nequeunt; prout jam dixi *in Theologia Morali, Tract. 10. dist. 1. numer. 22.* post Navarrum *cap. 13. Manual. numer. 13.* Tannerum *Pom. 3. disp. 5. n. 9.* et alios.

- 41 Resp. II. Ratione pietatis ita suadentis, recte imprimis exercerentur actus judiciales tempore Feriato, quando tractantur causae debilius, vel miserabilium personarum. Ita Glossa *in cap. ult. §. Pietas. h. t.* Speculator *tit. de Feriis. §. Sequitur. nu. 1. et seqq.* Hostiensis *in Summa h. t. num. 4.* et communis. Nam in operibus misericordiae distinctio dierum non est habenda; ut *cap. Utinam. dist. 76. et can. Nunquam. de Consec. dist. 5.* Unde possunt tunc pupillis Tutores dari, et uxori mortuo viro alimenta decerni: haec enim suadet pietas. Decretum tamen super alienatione rerum Minoris interponi non potest: quia non adeo istud suadet pietas; simulque non nisi causa cognita, et Juxta pro Tribunali sadente, id fieri potest, *l. Minorum. C. de Praediis minor.* ac notat Speculator *loc. cit. n. 12.* Abbas *in c. Conquestus. n. 15.* et Jo. Andreas *ibid. n. 2.* et Fagnanus *n. 16. et 17. h. t.*

- 42 Deinde ratione pietatis, simul et necessitatis, possunt diebus Feriatis tractari causae spirituales, electionem, inquisitionem, et hujusmodi. Ita Jo. Andreas *in c. Conquestus. nu. 22.* et Fagnanus *ibid. n. 15. h. t.* post Innocentium, et Hostiensem. Idem desumitur ex *can. Placita. 15. q. 4.* ibi: *Placita saecularia Dominicis diebus minime fieri discernimus:* et consequenter cum exceptio firmet regulam in casu non excepto, simulque argumentum a sensu contrario desumptum, in Jure sit fortissimum (ut amplius dictum *lib. 1. Tit. 2. de Constitutionibus. §. 16. n. 405. et 406.*) non prohibentur tunc tractari causae Ecclesiasticae, sed permittuntur. Accedit, quod Ecclesiarum necessitas, ne videlicet diutius careant Rectore, id ipsum exigat, *c. Ne pro defectu. 41. de Elect.*

Insuper ex motivo pietatis possunt tempore Feriato tractari ea, quae pertinent ad pacem, et concordiam; uti habetur *l. ult. C. de Feriis.* ibi: *Pacta conferant, transactiones loquantur.* Item possunt ea agitari, quae ad Religionem spectant; prout Haeretici solent diebus Festivis judicari, et puniri, ad majorem aliorum tunc confusantium terrorem, Fideique Catholicae defensionem. Pirhing. *h. t. nu. 21.* Nam summam esse rationem, quae pro Religione facit, patet ex *l. Sunt personae. ff. de Religiosis et sumpt. funer.* Tacentur plura similia, de quibus alii.

Quaeritur IV. Utrum in causis summariis, seu simpliciter ac de plano tractandis, possit procedi tempore Feriato? Resp. I. Tempore Feriarum rusticarum, seu ob necessitates hominum indultarum, potest Index procedere in causis summariis, seu simpliciter ac de plano expediendis. Ita communis; et habetur expressum in *Clement. Saepe contingit. de Verb. signif.* illis verbis: *Sancimus, ut Juxta, cui taliter* (hoc est, simpliciter, ac de plano) *causam committimus, tempore etiam Feriarum ob necessitates hominum indultarum a jure, procedere valeat.*

Infertur proinde, cum in *Clem. Dispendiorum de Judiciis*, statuatur, quod in causis matrimonialibus, et beneficialibus, sicut et in causis decimarum, atque usurarum, et eas quoque modo tangentibus, possit Juxta simpliciter ac de plano procedere, hujusmodi causae rite agitari, ac terminari tempore Feriarum rusticarum. Idemque dicendum de causis pupillarum, vidoarum, alimentorum, caeterisque summarie ac de plano expediendis. Et haec procedunt etiam extra casum necessitatis, ac pietatis, de quo superius.

Resp. II. Nihilo minus praemissae causae summariae non possunt judicialiter agitari, nec valet processus desuper factus (extra casum necessitatis, aut pietatis) in Feriis sacris, et repentinis. Ita Glossa *in. cit. Clem. Saepe contingit. §. Ob necessitates.* et Abbas *ibid. num. 28. et 29. de Verb. signif.* Ratio hujus desumitur ex verbis *cit. Clem. Saepe contingit.* argumento a sensu contrario desumpto. Ibi enim causae summariae solum permittuntur agitari tempore Feriarum ob necessitates hominum indultarum; quales sunt Feriae rusticae, sive messis atque vindemiarum, aliaeque ad mitigandos aestivos calores concessae: ergo secus est dicendum de Feriis sacris, sive in honorem Dei statutis (secluso tamen casu urgentis necessitatis, vel suadentis pietatis) nec non in Feriis repentinis, propter Principis coronationem, aut aliam similem causam indicis. Generaliter etenim olim prohibitum fuit, tempore Feriato causas judiciales tractare: atqui non censetur plus de priori Lege mutatum, quam est expressum, in posteriori; ut *l. Praecipimus. C. de Appellat.* estque amplius dictum *lib. 1. Tit. 2. de Constitutionibus. §. 17. n. 491.* ergo.

### §. III.

De nonnullis Actibus judicialibus tempore Feriato prohibitis in specie.

#### SUMMARIUM.

- 47 Libelli oblatio potest Juxta fieri tempore etiam Feriato.  
48 Non tamen parti; et ratio diversitatis.  
49 Citatio facta die Feriato ad non Feriatum, an valeat? Et *num. seq.*  
Quando ob necessitatem, vel pietatem, potest causa judicialiter expediri, palem est, valere etiam citationem. *Ibid.*  
50 In citationem triplex actus intervenire solet: et qualis?



51. *Mandatum Judicis de citando, potest fieri diebus Feriatis.*  
 52. *Idque probatur.*  
 53. *Dummodo non fiat a Judice pro Tribunali sedente.*  
 54. *Executio citationis per apparitorem, non potest fieri die Feriato.*  
 55. *Et Cur?*  
 56. *Hoc procedit in Foris sacris; et repentinis; et secus in rusticis.*  
 57. 58 et 59. *Disparitas inter Executionem citationis, et Mandatum judicis de eo exequenda. Et num. seqq.*  
 60. *Executio citationis, est actus judicialis.*  
 61. *Solvitur alia instantia contra Conclusionem.*  
 62. *Haec de consuetudine non servatur.*  
 63. *Processus ex citatione inchoatus nequit fieri die Feriato.*  
 64. *Citatio facta die non Feriato ad Feriatum, est invalida.*  
 65. *Idque probatur.*  
 66. *Valeat tamen citatio facta cum assignatione termini usque ad talem Feriam.*  
*Ly usque, stat tunc exclusio. Ibid.*  
 67. *Idem probatur.*  
 68. *Solvitur instantia. Et num. seqq.*  
 69. *Citatus ad diem Feriatum, an teneatur comparere sequenti die?*  
 70 et 71. *Citatio facta ad diem Feriatum ex errore, qui tacite inest, an valeat?*  
 72. *Cautela in citatione adhibenda.*  
 73. *Captura, seu incarceration Reorum, diebus Feriatis est prohibita.*  
 74. *Nisi sit periculum in mora. Et num. seqq.*  
*Debitus de fuga suspectus, potest die Feriato incarcerari. Ibid.*  
 75. *Malefactor pro crimine gravi, v. g. latro, vel homicida, potest diebus Feriatis capi: secus pro levibus delictis etc.*  
 76. *Receptio testium ad juramentum, est actus judicialis.*  
*Et nequit valide fieri diebus Feriatis. Ibid.*  
 77. *Nisi aliud necessitas, vel pietas suadeat: quod exemplificatur.*  
 78. *Aut testes possint ordinari, eorumque deponitio judicialiter diebus Feriatis, si antea praestiterint juramentum? Et num. seqq.*  
*Ponitur sententia negativa. Ibid.*  
 79. *Sententia affirmativa est in praxi recepta: ejusque ratio.*  
 80. *In Feriis observandis attendendus est locus Judicis.*  
 47. *Quaeritur I. Utrum quolibet tempore, etiam Feriato, possit offerri Libellus? Resp. I. Libelli oblatio potest Judici fieri quocunque tempore etiam Feriato. Ita decernitur ex t. Miles. c. Sexaginta dies. ff. Ad leg. Jul. de Adulter. ubi dicitur, quod de plano quoque libellus dari potest: ac notat Bartolus idem asserens, hoc esse verum in qualibet causa, etiam civili. Glossa fin. in cap. ult. de Judicis. et Additio ad Abbatem ibid. quoniam ipsemet Abbas ibi n. 17. inclinet in oppositum. Speculator h. t. §. Sequitur. n. 2. Pirhing h. t. n. 27. et alii. Accedit ratio: quia oblatio libelli, quae fit Judici, non est actus judicialis, enim praecedat citationem, a qua incipit iudicium: neque est de processu, uti colligitur ex l. Libertus. ff. De in jus vocand. ubi porrigens Praeceptum libellum, non censetur in jus vocare.*  
 48. *Resp. II. Nisi libellus die Feriato possit offerri Judici, ut dictum, non tamen potest ejus oblatio die fieri parti. Ita Glossator in Bartolam loc. cit. §. Sexaginta. citans Hostiensem, et Innocentium in cap. 2. de Dilation. et sequitur Pirhing ubi supra.*

Ratio est: quia oblatio libelli, quatenus fit parti, ab ea aliquid dari aut fieri petendo, est actus judicialis, spectatque ad ipsum processum: atque actus judiciales diebus Feriatis exerceri non possunt, cap. 1. et cap. ult. h. t. cum similibus; ergo. Major patet ex c. Quoniam. 11. de Probation. ubi etiam Propositiones, seu (ut explicat Glossa) Libelli, inter Acta iudicii consummatur. Accedit, quod oblatio libelli ut parti facta, vel praesupponat citationem, sicque fiat iudicio iam coepto, vel nova cum ista fiat: citatio autem nequit fieri die Feriato, juxta illico dicenda. Unde potest disparitas inter hanc, et priorem Conclusionem: quamvis, praesertim ob cit. c. Quoniam. de Probation. Abbas ubi supra, etiam priorem videatur negare Conclusionem.

Quaeritur II. Utrum valeat citatio facta die Feriato ad non Feriatum? Haec questio procedit solum in iis casibus, in quibus non possunt valide exerceri actus contentiosae jurisdictionis: nam loquendo de casibus illis, in quibus ob urgentem necessitatem, vel pietatem suadentem, possunt causae judicialiter expediri: palam est, valere quoque citationem non solum ad diem feriatum, sed etiam die feriato factam. Ratio est clara: quia citatio est principium ipsius processus iudicarii: ergo, ubi iste ex causa necessitatis, vel utilitatis, rite ac valide peragitur, hoc ipso etiam valida erit citatio. Nam, quando aliquid permittitur, videntur esse omnia permissa, per quae pervenitur ad illud: ut loquitur Summarium in l. Oratio. ff. de Sponsal. et faveat textus ibid. no in l. 2. ff. de Jurisdic. omni. judic. Simulque, ut habet Reg. 80. Juris in G. In toto partem non est dubium contineri. Glossa in l. 2. §. Dies feriantur. ff. Si quis in jus vocatus etc. Maranta part. 6. Speculi Aurei. tit. de Citatione. n. 121. Pirhing h. t. n. 30. in fin. Verunt loquendo de causis illis, quae non possunt diebus feriatis expediri, an valeat citatio facta die feriato, vel ad diem feriatum, valde controversant Doctores.

Ubi praenotandum cum Jo. Andrea in c. Conquestus. n. 3. et Abbate ibid. num. 20. et Fagnano num. 42. h. t. quod in citatione triplex actus intervenire solet. Primus est praeceptum seu mandatum Judicis de citando. Secundus est ipsemet citationis actus, sive executio mandati, quam facit Apparitor, sive nuntius, de mandato Judicis quempiam citando ad comparandum in iudicio tali die. Tertius est processus ex citatione inchoatus. His praenotatis,

Resp. I. Prior actus ex enumeratis tribus, videlicet Mandatum judicis de citando ad diem non feriatum, potest fieri diebus Feriatis: dummodo non fiat a Judice pro tribunali sedente. Ita Jo. Andreas loc. cit. hanc appellans communem opinionem, et Fagnanus in d. c. Conquestus n. 39. et seqq. citans insuper Bellameram ibid. num. 19. h. t. Gailus lib. 1. Practic. Observant. 34. numer. 4. allegans Decisionem 1. Rotae numer. 1. de Feriis, in novis. Valensius h. t. num. 13. et alii: quamvis Speculator tit. de Citatione. §. 1. num. 14. et Abbas in c. Conquestus. n. 20. h. t. Maranta part. 6. Speculi Aurei, tit. de Citatione n. 119. et novissimus Pirhing h. t. num. 28. oppositum teneant.

Ratio Conclusionis est: quia praeceptum de citando, per se loquendo, est actus omnino extrajudicialis, nullam requirens causae cognitionem judicalem, neque secundum se spectatus, est actus contentiosae, sed voluntariae potius jurisdictionis: atque actus voluntariae jurisdictionis, alique extrajudicialis, possunt fieri diebus feriatis, l. Actus omnes. C. de Feriis, ergo. Major probatur: quia Mandatum illud, est commissio de citando: atque haec est actus extrajudicialis, enim praecedat citationem, a qua incipit iudicium; simulque exercetur solum in volentes;

49

50

51

52

sive eos, qui talem commissionem in se suscipere voluit: ergo. Accedit, quod commissio totius jurisdictionis, vel totius aliquas causas, possit fieri tempore feriatis: et facta tali tempore non sit invalida: nullo enim fore istud reperitur prohibitum: argo idem dicendum de commissione citationis. Neque enim ulla subest ratio: cur magis invalida censeri debeat commissio unius articuli, quam totius causae: atque oppositum clare convincitur ex l. *Quae de tota ff. de Rei vendicat.*

53 Additur vero in conclusione, dummodo non fiat a Iudice pro Tribunali sedente. Nam tunc ejusmodi mandatum citandi, foret eo ipso de processu judiciali: atque actus processus judicialis sub nullitate prohibetur diebus feriatis, cap. 1. et ult. h. t. cum similibus: ergo etiam tale mandatum Iudicis pro Tribunali sedentis de citando foret invalidum. Accedit, quod ejusmodi mandatum foret quaedam sententia interbontaria, arg. l. *Prasenti*, juncta Glossa, et *Sententiis. C. de his qui ad Ecclesias etc.* Atqui talem sententiam non posse ferri diebus Feriatis: utpote in quibus debet omnis strepitus judicialis conquiescere, satis clarum est. Ex hoc modo commodè potest explicari sententia Doctorum oppositum tenentium: nam Jura, et rationes ab ipsis adductae ex cap. 1. et ult. h. t. et l. ult. C. eod. plus non convincunt.

54 Resp. II. Alter actus, videlicet, executio citationis per Apparitorem, sive nuntium faciendae, non potest fieri die Feriatis, quantum est de rigore Juris communis. Ita Rota in causa Bonon. Liberationis a Fidejussione. Ken. 9. Febr. 1607. apud Prosp. Farin. num. lib. 2. Decis. 233. numer. 4. post Baldum in l. Cum Clericis. n. 3. C. de Episc. et Cleric. Laufrancum tract. de Citation. n. 18. et alios, tenens citationem non valere, quae sit executioni demandata die Dominico. Idem tradit Abbas in c. Conquestus. num. 20. et Baguinus ibid. num. 36. h. t. allegans praxim, et aliam Decisionem Rotae, quae est Decis. 305. num. 1. part. 3. Recent. contra Jo. Andream in d. c. Conquestus. n. 3. Gailum cit. lib. 1. Practic. Observat. 57. n. 6. Vallensem h. t. n. 13. et Pirling. eod. n. 29.

55 Ratio Conclusionis est: quia negari non potest, quin citatio spectet ad actus judicii: ut patet ex c. *Quoniam. de probation.* ibi: *Qui fideliter universa judicii acta conscribant, videlicet citationes, dilationes etc.* Atqui actus judicii nequeunt exerceri diebus Feriatis, cap. ult. h. t. Quin imò in l. ult. C. eod. videtur actus iste specialiter fuisse prohibitus, illis verbis: *Nulla quemque urgeat admonitio, Praeconis horrida vox sileseat.* Confirmatur. Quia ejusmodi citatio, licet non arceat citatum ad comparandum tunc, tamen arceat atque afficit eum pro tunc: simulque mentem ipsius conturbat, et inquietat, atque abducit in sollicitudinem deliberandi, et cogitandi super causa factae citationis, imò et plerumque provocat citatum ad iram et indignationem adversus eum, qui citationem impetravit, sicque ipsum avertit a contemplatione Dei. Atqui hac ratione subintrat finis a Lege intentus, prohibendi scilicet diebus feriatis Placitum, ac strepitum judicialem, cap. 1. et cap. ult. h. t. ergo. etiam ipsamet citationis executio pro diebus feriatis cadit sub prohibitione. Nam quando prohibetur finis et terminus, prohibetur pariter principium, et via perveniendi ad ipsum, arg. l. *Oratio. ff. de Sponsatib.*

56 Et haec praecipue procedant de Feriis sacris, atque in honorem Dei institutis, utpote de quibus loquuntur Canones praeciusi, sique expresse sermo in l. ult. C. eod. et urgent rationes allatae. Quibus possunt addi Feriae repentinae, utpote per Prin-

cipem. Quoniam indicibiles ad communiem laetitiam, et quae pari veneratione cum Feriis sacris jubentur observari in l. *Omnes dies. C. eod.* Caeterum in Feriis rusticis, messium videlicet atque vindemiarum, valide fieri executionem citationis ad diem non Feriatum, ultra sapitur Abbas cit. n. 20. et insinuat Fagnanus, ubi supra, num. 36. illis verbis: *Quidquid sit in feriatis ob necessitates hominum.* Et merito: tum quia hic cessant textus Juris, et rationes superius allatae. Tum quia in l. 1. ff. h. t. neutiquam prohibetur, quin aliquis in Feriis rusticis citari possit: sed solum decessatur, quod messium vindemiarumque tempore occupati circa rem rusticam in forum venire compellendi non sint: quae duo sunt valde diversa.

57 Dices. Si in Feriis sacris nequit fieri Executio citationis, ergo neque Mandatum judicis de ea exequenda tunc fieri poterit: atqui hoc est contra priorem Conclusionem: ergo. Probatur sequela maj. Quia omnes rationes pro secunda Conclusionem n. 54. allegatae, aequè militent contra mandatum judicis de citando: tum quia et hoc spectet ad processum judicialem, eo quod ab isto Iudicis mandato totam vim quam habeat executio citationis per Apparitorem, facta: sique sit scribendum inter Acta judicii, arg. cit. c. *Quoniam. de Probation.* Tum quia pariter dictum mandatum de citando abstrahit Iudicem a contemplatione Dei, atque interiori inquietat, dum considerare cogitur, an mandatum ejusmodi facere, et quem terminum citationis statuere debeat. Resp. neg. sequel. maj. Ad eius probationem dicitur, instantias illas solum pergere, quando mandatum de citando sit a Iudice pro Tribunali sedente (tunc enim inter alia Acta judicii erit scribendum, juxta cit. c. *Quoniam. de Probation.* ibi: *Et caetera, quae occurrerint etc.*) alias secus. Nec obstat, quod ab illo mandato vim suam habeat Executio citationis: quia nihilo minus antecedit citationem, ipsumque judicium (nisi fiat a Iudice pro Tribunali sedente) sicque inter Acta judicii non connumerantur.

58 Accedit, quod Mandatum de citando non ita inquietet Iudicem, sicut executio citationis solet inquietare citatum. Et, quamvis Iudex, aliquantulum intra se deliberare debeat de medio illud faciendi, hoc non obstat: alioquin enim neque Jux, neque Advocatus posset diebus Feriatis ulli causae, ejusque decisioni in futurum faciendae studere: cum etiam hic opus sit non modica interiori consideratione, aliquantulum hominem abstrahente a contemplatione Dei.

59 Potest igitur manifesta disparitas inter Mandatum de citando, utpote non spectans ad Processum judicialem, nisi fiat a Iudice pro Tribunali sedente: et inter Executionem citationis ab Apparitore, vel nuntio factam, utpote spectantem ad Processum, et a qua proprie incipit Judicium, arg. §. *Citatio. Instit. de Poena temere litigant. et c. Quoniam. 11. de Probation.* Et hinc fit, quod terminus comparendi intra certos dies, in citatione praefixus, primum currere incipiat a die factae per nuntium executionis, arg. c. *Super eo. 12. §. fin. de Appellation.* eo notat Gailus lib. 1. Practic. Observat. 53. n. 3. Insuper fit, quod ad hoc, ut per citationem inducatur praeventio jurisdictionis inter plures caeteroquin competentes Iudices, requiratur, citationem pervenisse ad notitiam citati, juxta dicta Tit. 2. de Foro compet. §. 8. n. 173. Quamquam ad perpetuandam jurisdictionem Delegati sufficiat, citationem ante obitum Delegantis a Delegato emanatam fuisse, tametsi haec ad citatum nondum pervenerit, ob rationem supra Lib. 1. Tit. 3. De Rescriptis §. 10. nu. 241. jam allatam.

Urgebis. Executio citationis per nuntium perfecta, 60

est quid fieri duntaxat, nudumque ministerium continet, non aulem est actus jurisdictionis; unde in subditum etiam extra territorium Jadicis citantis fieri potest, juxta dicta *Tit. 2. De Foro competenti. §. 2. num. 30.* ergo nihil impedit, quin die Feriata peragi possit. Resp. neg. consequent. Adhuc enim executio citationis per nuntium, vel Apparitorem facta, est actus judicialis, ac spectans ad Processum judicialem: ut pote, cum his interveniant omnia substantialia Processus, videlicet Jodex imperans, instantia partis seu Actoris citationem procurantis, et pars citata sive Reus, simulque executio mandati judicis ad unius partis instantiam in aliam directa: nam haec insimul important actum judicialem, *c. Forus. §. In omni. de Verb. signif. Fagnanus ubi supra, n. 55.*

- 61 Instabis. Effectus citationis die Feriata ad non feriatam factae, dirigitur in tempus concessum; ergo debet valere, *arg. l. Si cum servum, et l. Quia in hoc. ff. de Donationib. inter virum et uxorem.* Ubi donationes mortis causa inter virum et mulierem validae censentur, eo quod donationis eventus in illud tempus essurrit, quo vir et uxor esse desinunt: idem ergo dicendum in proposito. Resp. neg. consequent. et paritatem. Nam allegatae Leges specialiter loquuntur de donatione inter virum et uxorem mortis causa: in quo casu cessat ratio legis similes donationes in vita prohibentis, *ne mutuo amore se invicem spoliant, donationibus non temperantes, sed profusa erga se facilitate utentes;* uti loquitur textus in *L. 1. ff. eod.* Econtra vero in nostro casu non cessant rationes, ob quas diebus feriatis, una cum strepitu forensi, de Jure prohibita est citatio, juxta dicta *num. 55. et seqq.*

- 62 Additur notanter *num. 54. Quantum est de rigore Juris communis.* Siquidem Abbas in *d. c. Conquestus. nu. 20. h. t.* post Jo. Andream, et quidam alii, citati a Fagnano *ibid. n. 41.* arbitrantur, quod haec opinio de consuetudine non servetur: neque talis consuetudo citandi in die feriatum ad non feriatum, ubi viget, mutanda sit, *l. Minime. ff. de Legib. juncto cap. ult. de Consuetud. cum similibus.* Verum, quia consuetudo est quid facti, in praxi videndum erit, num in tali loco etiamnum vigeat, sicque contraria opinio locum habeat.

- 63 Resp. III. Loquendo nunc de tertio actu in citatione interveniente, qui est processus ex citatione inchoatus, juxta dicta *num. 50.* convenient Doctores, ipsum diebus Feriatis fieri non posse: quia is vere et proprie est actus judicialis, et consequenter sub poena nullitatis inhibitus in *cap. 1. et ult. h. t. cum similibus.* Jo. Andreas in *d. c. Conquestus. nu. 3.* Abbas *ibid. n. 20* et Fagnanus *n. 45. h. t.* et alii.

- 64 Queritur III. Utrum econtra valeat citatio facta die non Feriata ad Feriatum? Resp. I. Citatio, facta die etiam non Feriata, ad diem Dominicum, vel aliam Feriatum, penitus est invalida, ita ut citatum nulla modo officiat, sed opus sit nova citatione. Ita Abbas in *cit. c. Conquestus. n. 22.* et Fagnanus *ibid. n. 37. et 38. h. t.* Loesius *eod. num. 15. et 16.* et alii; Contra Innocentium, Vallensem *h. t. n. 13.* et Gailum *lib. 1. Practic. Observat. 53. n. 3.* ubi ait, quod citatio ad diem feriatum facta secundum Canonistas valeat; cum secundum hos procedat demum die sequenti non Feriata.

- 65 Ratio Conclusionis est: quia citatio facta expresse ad diem feriatum, est temeraria, et contra jus; ergo nullo modo debet afficere citatum, neque habere ullam firmitatem. Nam *quas contra jus sunt, debent utique pro infectis haberi,* juxta *Reg. 64. Juris in 6. juncto can. Imperiali. 25. q. 2. et l. Non dubium. C. de Legibus.*

- 66 Resp. II. Nihilominus valida est citatio, quando quis citatur cum assignatione termini usque ad talem

Feriam; ut puta, dicendo: *Compareas coram nobis usque ad diem Dominicum, vel usque ad Festum Ascensionis Domini.* Ita speculator *tit. de Citatione. §. 1. n. 13.* Abbas *cit. c. Conquestus. n. 21.* et Fagnanus *ibid. n. 38. h. t.* alique passim. Ratio est: quia talis termini assignatio, ac *ly usque,* tunc ponitur exclusive. Nam, ut inquit Barbosa *Dictien. §. 37. n. 15.* quoties inclusio est contra legem, tunc *ly usque* stat exclusive: ac proinde sensus dictae citationis est: *Compareas coram nobis intra tempus usque ad Festum Ascensionis Domini,* id est, ante hoc Festum.

Idem patet ex *c. Exposuit. 4. fin. de Dilation.* ubi datur dilatio usque ad proximum venturum Festum: *Nativitatis Dominicae.* Item ex *c. Cum dilecti. 6. de Dolo et contum.* ubi Papa quempiam citat usque ad *Dominicam, qua cantatur: Ego sum Pastor bonus.* Nam in hisce et aliis hujusmodi locis, non fit citatio ad ipsummet diem Festum; sed mandatur, ut usque ad diem festum compareat citatus, *ly usque* capiendus exclusive. Accedit disparitas inter hunc, et prioris Conclusionis casum: siquidem citatus cum *clausula usque* potest qualibet die intra terminum praefixum venire: sed quando quis citatur, ut tali die Festo compareat, prius venire non potest, nec debet, simulque tali die venire non tenetur; ac proinde necessaria erit nova citatio. Fagnanus *loc. cit. num. 38.*

Obicies contra primam Conclusionem. In *c. Veniens. 15. de Accusation.* legitur, quempiam ad *Festum Resurrectionis Dominicae peremptorio* a Papa citatum fuisse; ergo citatio ad Festum non est invalida. Resp. cum Hostiensii *ibidem, ly ad Festum esse exponendum pro ly usque ad Festum;* et sic stat exclusive, ut proxime dictum.

Urgebis cum Gailo *cit. lib. Practic. Observat. 53. num. 2.* et aliis contrariae sententiae Auctoribus. Quamvis citatio ad diem Feriatum non arceat citatum pro tali die, arceat tamen ipsum ad comparandum pro die sequenti; ergo adhuc erit valida. Antecedens probatur ex *c. Cum dilecti. 6. de Dolo et contum.* ubi dicitur, quod quando quis citatur ad totam causam certo termino sibi ad comparandum praefixo, duo sub hac forma mandentur: primo, ut ad judicium veniat: secundo, ut illud ad diem praefixum accedat: unde si non possit venire ad diem assignatum, teneatur nihilo minus se Jadici praesentare; quam primum poterit, post terminum; ergo etiam in proposito citatus ad Diem Feriatum, tenetur saltem die sequenti comparere. Resp. neg. anteced. ob rationes *num. 65.* allegatas. Ad ejus probationem, atque ad *c. Cum dilecti. de Dolo et contum.* dicitur cum Fagnano in *cit. c. Conquestus. n. 38. h. t.* textum allatum procedere, ubi citatio, vel mandatum tenuit a principio: nam tunc superveniente impedimento, quo minus quis ad diem statutum comparere valeat, suspenditur quidem citatio, non tamen ex toto relaxatur. Secus est, quando citatio a principio fuit nulla, sive invalida, prout accidit in proposito: nam quod nullum est, nullum producit effectum, *arg. c. Illud. de Jurat. patron. et L. 4. §. Condemnatum. ff. de Res. judicat. cum similibus.*

Instabis. Non videtur posse negari, quin valeat citatio facta ad diem Feriatum ex errore, qui solum tacite inest: ut si dicatur in citatione, *Die vigesimo compareas coram Judice super talis causa respondurus;* et dies ille vigesimus incidat in Dominicum, aut aliam diem Festum; ergo, si in tali casu valida est citatio, ut arceat citatum ad comparandum, non quidem in die Feste, sed die immediate sequenti, idem dicendum erit in aliis casibus. Resp. Quidquid sit de antecedenti, negando consequentiam, et paritatem: quia ubi.



error non exprimitur in citatione, sed dies comparitionis ( utpote computandus a die factae per nuntium executionis, juxta dicta num. 59. ) per accidens incidit in diem Feriatum; ibi non solum tenuit mandatum Judicis de citando, sed etiam citatio, saltem quantum de se erat: unde non mirum, quod taliter citatus teneatur comparere die sequenti non Feriato. Secus est, ubi error exprimitur in citatione, dicendo v. g. *Compareas die Dominico coram Judice*: hic enim nec mandatum Judicis de citando, nec ipsamet citatio, ullatenus valet.

- 71 Additur notanter, *quidquid sit de antecedenti*. Nam non pauci Doctores illud negant, asserentes, etiam in illo casu non valere citationem: ut Speculator tit. de citatione §. 1. n. 13. Hostiensis in c. Conquestus. n. 3. et Jo. Andreas ibid. n. 2. §. Tu vero. et Fagnanus n. 38. h. t. citans alios. Revera enim ejusmodi citatio fit ad diem Festum; et consequenter videtur esse invalida.

- 72 Consultius igitur est, atque a cautis et eruditis Judicibus in praxi receptum, ut ad majorem cautelam in citatione adiciatur sequens clausula: *Compareas tali die: quod si illa non fuerit juridica, compareas die sequenti juridica*. Hac quippe ratione tollitur omnis dubitatio de validitate citationis, et praecaventur quaecunque controversiae aliqui forsitan suberiturae, si nuntii citationem exequerentur tali die, ut terminus comparendi, qui demum currere incipit a tempore factae executionis, caderet in diem Feriatum: quod quidem Index ob locorum distantiam, et alia impedimenta, vel circumstantias praevidere non potuit. Abbas in d. c. Conquestus. n. 20. §. Ad secundum. h. t. Gailus lib. 1. Practic. Observ. 53. num. 1. et 2. Vallensis h. t. n. 13. et alii.

- 73 Quaeritur IV. An diebus Feriatis possit fieri captura, seu incarceration Reorum? Resp. I. Inter actus judiciales tempore Feriato prohibitos etiam connumeratur captura, seu incarceration Reorum: adeo, ut nullus die Festivo, sive pro debito civili, sive pro crimine capi, seu incarcerari possit; nisi sit periculum in mora. Ita Pirhing h. t. n. 33. Farinacius lib. 1. Praxis Criminal quae. 27. num. 106. allegans alios, atque hanc Conclusionem post Baldum in tractat. de Carcer. cap. 1. num. 6 et 9. intelligens non solum de diebus Feriatis in honorem Dei, sed etiam de Feriis inductis ad utilitatem hominum, ut puta messium, et vindemiarum. Conclusio haec liquet ex cap. 1. et ult. h. t. et L. fin. C. de Foris; ubi extra casum necessitatis, vel pietatis, omnis strepitus atque executio, exactio et apparitio Judicii Forensis prohibetur: unde paulo superius, videlicet num. 54. et seqq. etiam executionem citationis verbalis diebus Feriatis fieri posse, negatum fuit.

- 74 Additur notanter, *nisi sit periculum in mora*. Tali enim stante periculo subintrat causa necessitatis, vel pietatis, ob quam secus esse dicendum, patet ex cit. cap. ult. h. t. Id ipsum declaratur inductione: sic quippe, loquendo de causis civilibus, non procedit data Conclusio in debitore suspecto de fuga: talis enim etiam die Feriato potest incarcerari, secundum Glossam in L. ult. C. de Feriis, ibi: *Nisi timeatur de recessu*; et notat Abbas in cap. ult. num. 22. et Felinus ibid. num. 14. de Judiciis. Covarruvias lib. 2. Var. Resol. cap. 20. num. 14. Sigism. Scaccia de Judiciis lib. 2. cap. 5. n. 28. Jason in §. Superest. n. 77. Instit. de actionib. Farinacius cit. quae. 27. n. 107. allegans alios cum communi.

- 75 Deinde loquendo de criminalibus, potest malefactor pro crimine, praesertim gravi et enormi, etiam diebus Feriatis in honorem Dei capi, arg. L. 3. cum ibi notatis. C. de Episcop. audiens. Farinacius cit.

quae. 27. n. 109. Sigism. Scaccia d. lib. 2. cap. 6. n. 12. et alii. Siquidem ex captura facinorosorum hominum sequitur purgatio Provinciae, et salus plurimorum innocentium, l. Provinciarum. C. de Feriis. Accedit, quod, si tales sceleratis diebus Feriatis capi, et incarcerari non possent, subesset periculum, ne fuga elaberentur: unde subintrat ratio necessitatis, ad publicam utilitatem permittens capi reos gravium seu enormium criminum, v. g. latrones, homicidas, etiam diebus Feriatis in honorem Dei. Secus dicendum de delictis levibus, et ubi nullum subest periculum fugae: quia propter talia levia non debet quis carcerari in die Feriato: tunc enim cessant allatae rationes; simulque multa conceduntur propter criminis enormitatem, quae alias non concederentur, ut inquit Bald. in tract. de Carcer. cap. 1. n. 9. Farinacius, ubi supra num. 110.

Quaeritur V. Utrum diebus Feriatis possit fieri receptio testium, horumque examen? Resp. I. Receptio testium ad juramentum, est actus judicialis, l. Jurisjurandi. C. de Testib. Atque adeo receptio ipsorum una cum juramento nequit valide fieri diebus Feriatis: nisi aliad necessitas suadeat. Ita Speculator tit. de Feriis §. Sequitur. n. 2. 3. et 6. Abbas in cap. 1. n. 9. h. t. Farinacius de Testib. quae. 80. n. 55. asserens, quod testes recepti die Feriato nihil probent; et alii. Idque patet ex cap. 1. h. t. ubi prohibitum legitur, ne diebus Festivis sacramenta, nisi pro pace, vel alia necessitate praestentur. Concordat cap. ult. eod. ubi judicialis strepitus adeo diebus jubetur conquiescere Feriatis, ut in Feriis Domini ( nisi necessitas urgeat, vel pietas suadeat ) consentientibus etiam partibus nec processus habitus teneat, nec sententia, quam contingit diebus hujusmodi promulgari etc.

Additur notanter, *nisi aliud necessitas, vel pietas suadeat*: ut puta, quando est periculum in mora, seu verisimiliter timetur de Testium morte, aut diuturna eorum absentia, vel hujusmodi. Quia certum est, tunc valide et licite admitti receptionem testium ad juramentum, juxta allegatum textum cit. cap. ult. juncta Glossa fin. et DD. ibid. h. t. Item, quando reus esset carceratus, et ipse instaret pro processu, et expeditione: quia tunc partim ob necessitatem, partim ob pietatem, seu ne diutius cogeretur is manere in vinculis, posset testium juramentum, ac depositio recipi. Sigism. Scaccia lib. 2. de Judic. cap. 5. n. 70. et cap. 6. num. 8. citans alios.

Resp. II. Utrum vero testes valide licite possint examinari, eorumque depositio judicialiter recipi diebus Feriatis, postquam praecedenti die juridico praestiterunt juramentum, variant Doctores. Et quidem negativa sententia fundatur in c. Quoniam. 11. de Probation. ubi inter ceteros actus judiciales expresse connumerantur *testium depositiones*. Accedit, quod in L. ult. C. h. t. generaliter decernatur, ut dies Festus a cunctis executionibus excusetur, nulla quemque urgent admonitio, nulla fidejussionis flagitatur exactio, taceat apparitio, advocatio delitescat, sit dies ille a cognitionibus alienus, Praeconis horrida vox quiescat, respirent a controversiis litigantes. Atqui istud non veriticaretur, neque observaretur, si dictis diebus Festivis posset fieri examinatio testium, horumque depositio recipi, etiam extra casum necessitatis, seu pietatis; ergo. Ita Suarez de Diebus Festivis, lib. 2. cap. 3. Vallensis h. t. num. 14. Sannig. eod. cap. 2. num. 5.

Affirmativam nihilo minus sententiam tenet Glossa in Clem. 1. §. Judices. et Imola, et Ancharanus, et Barbosa ibid. n. 2. de Offic. Delegat. Felinus c. Licet causam. nu. 19. de Probat. Speculator et Abbas, ubi supra. Menochius de Arbitrar. Judic. lib. 1. quae. 30. n. 15. Mascardus de Probation. in Prohem. quae. 5. n. 91. Farinacius d. quae. 80. n. 5. citans plurimos alios, et subiungens, quod ita practicet Curia Romana, et

totos Mundus. Accedit ratio: quia examinatio testium refertur seu trahitur ad tempus praestiti per eos juramenti: ergo sufficit, siud in die iudicii esse depositum. Antecedens est Bartoli in l. Si quando. n. 11. C. de Testib. Felini, et Menochii loc. cit. et aliorum: siquidem testimonii fides, et auctoritas, pendet a iuramento testium tanquam a radice: unde inspicitur iuramentum tanquam principium, arg. l. Qui balneum. et l. Potior. ff. Qui potiores in pignor. hab. Et virtus testimonii trahitur ad illud, arg. c. Aqua. de Consecrat. Eccles. Accidit, quod examinatio testium secundum se non sit actus iudicialis, sed extrajudicialis: unde et secreto fieri debet. Ac per hoc patet nil rationes oppositae sententiae.

80 Queritur VI. Utrum in Feriis observandis sit attendendus locus Judicis, Rei vel Actoris, quando in uno eorum loco sunt Feriae, et non in altero? Resp. cum Abbate loc. cit. n. 22. Valleusi num. 16. h. t. et communi aliorum, in tali casu esse attendendum locum Judicis. Ratio est: tum quia in praeparatione iudiciorum, seu ubi agitur de ordinatione iudicii, attenditur consuetudo Fori, sive loci, ubi iudicium exercetur; non autem consuetudo loci litigantium, arg. c. Quod Clericis. 9. de Foro compet. et l. Testium. §. fin. ff. de Testib. estque iam dictum supra Tit. 1. De Iudiciis. §. 8. n. 223. et 224. Tum quia alias contingere posset, quod Actor, vel Reus haberet Ferias duplicatas, nempe et regionis suae, et loci Judicis: quod est absurdum, et latens prolongationi litium.

## TITULLUS X.

## De Ordine Cognitionum.

## SUMMARIUM.

- 1 Ratio ordinis Rubricarum.
- 2 Rubrica haec non est superflua, et differt ab aliis.
- 3 Ordo cognitionum, quid?
- 4 Regula est, quod illa causa prius sit tractanda, a cuius decisione dependet altera.
- 5 et 6. Idem exemplificatur.
- 7 Ac procedit etiam in qualibet exceptione peremptoria.
- 8 Quod exemplis declaratur.
- 9 Procedit insuper in exceptionibus dilatoriis.
- 10 Actio criminalis, utpote maior, regulariter, prius est tractanda, quam civilis.
- 11 Dummodo utraque principaliter intentatur.
- 12 Fallit hoc, quando quaestio civilis praepjudicat criminali.
- 13 Quaestio praepjudicialis debet cognosci antea aliam, cui praepjudicat.
- 14 Quaestio praepjudicialis, quae?
- 15 Quaestio alia est praepjudicialis respectu proponentis, seu eligentis.
- 16 Alia respectu Adversarii.
- 17 Et alia respectu Processus, et quomodo?
- 18 An si reus contra Actorem opponat spoliationem, prius debeat tractari causa spoli? Et num. seqq.
- 19 Sive eam opponat in modum exceptionis.
- 20 Sive per viam actionis, reconveniendo videlicet Actorem super spoliatione.
- 21 Quaestio incidens (penultima correpta) ob amargone, quid?
- 22 Quaestio incidens (penultima producta) sumitur tripliciter.
- 23 et 24 et 25. Qualiter, et quomodo differat ab emergenti?

REIFFENSTUEL Jus Can. Tom. II.

- 26 et 27. Super quaestione incidenti, ac emergenti, quando sit pronuntiandum?
- 28 Et quando non? Et n. 26.
- 29 Ratio disparitatis inter haec.
- 30 Quid, si quaestio incidens sit tractanda coram alio Iudice? Et n. seqq.
- 31 Incidente quaestione mere spirituali Iudex saecularis nequit de ea cognoscere, ne quidem accessorie.
- 32 Idem probatur simulque exemplificatur.
- 33 Solvuntur contraria. Et n. seqq.
- 34 et 35. Incidentia causae prorogat jurisdictionem; et quomodo? Et n. praec.
- 36 Iudex Ecclesiasticus potest mittere inhibitoriam Iudici laico, ne procedat super causa pendente ab ea, quam ipse cognoscit: et tunc suspenditur hujus jurisdictio.
- 37 Quid, si non fuerit missa inhibitoria?

Lite jam contestata, praestitoque iuramento calumniae, et expletis dilationibus a jure, vel ab homine concessis: solet non raro Reus vicissim quandam quaestionem, sive per modum actionis, sive (ut frequentius accidit) per modum exceptionis, contra Actorem proponere. Et quia dubitari posset, quo ordine tunc ejusmodi causae cognosci debeant, seu quatenam earum prius sit discutienda: merito praesens Rubrica subijcitur.

Nec dicas, huiusmodi Rubricam esse superfluum, eo quod superius Tit. 4. de Mutuis Petitionibus, jam fuerit actum, quo ordine de pluribus quaestionibus cognoscatur: atque inferius Tit. 25. de Exceptionibus, hoc ipsum amplius tractetur. Resp. enim cum Abbate ad Rubric. h. t. et aliis, negando assumptum: quoniam enim hi Tituli, eorumque Rubricae, habeant aliqualem proximitatem inter se, atque incidenter tractent quandoque de iisdem: nihilo minus principaliter tractant de diversis. Siquidem Rubrica de Mutuis Petitionibus, principaliter tractat, an Reus conventus possit reconvenire Actorem, et coram quo Iudice, et qua ratione id fieri debeat. Deinde Rubrica de Exceptionibus principaliter agit de ipsismet exceptionibus, et qua ratione iisdem, veluti clypeis, et loriceis. Rei sese contra Actorem defendere valeant. At vero praesens Rubrica agit principaliter de ordine in pluribus actionibus, sive per modum reconventionis; sive per modum exceptionis, aut alia ratione institutis, observando: atque declarat quo ordine plures actiones, quae interdum in eodem iudicio, atque inter easdem personas concurrunt, sint cognoscendae, seu quatenam earum prius sit discutienda, atque terminanda. Unde

Queritur I. Quid sit Ordo cognitionum, et quatenam regula generatim circa eum observanda? Resp. I. Ordo cognitionum apte describitur, dicendo, quod sit modus et ordo, servandus a Iudice in examine plurium quaestionum, quae nonnunquam in eodem iudicio circa easdem personas concurrunt. Ita Pirhing h. t. in princip. Sennig eod. cap. 1. et 2. et alii. Ubi ly, modus et ordo ponitur loco generis; caetera autem loco differentiae.

Resp. II. Circa ordinem cognitionum sit Regula generalis, quod ubi plures concurrunt quaestiones seu causae, quarum una dependet ab altera, illa prius in iudicio tractanda atque decidenda sit, a cuius decisione dependet altera. Ita Jo. Andreas in c. Tuam. n. 3. et Abbas ibid. n. 5. h. t. Eugel eod. n. 1. Vallensis ibid. n. 1. hanc regulam intelligens, sive deimplures illae haerent ab uno sive a diversis, sive agendo sive excipiendo proponantur, et alii communiter. Ratio est: quia omne superfluum in iudiciis est rescindendum, arg. cap. 2. de Probation.

atque superfluum foret in aliqua causa procedere, cuius decisio pendet a decisione alterius, nisi prius haec decidatur. Accedit, quod alioquin praeposterat alium causarum cognitio, earumque confusio, ipsummet iudicii ordinem perturbaret; ut dicitur in *c. Tuam*, 3. h. t. Idem declaratur inductione.

5. Hinc quippe, si mulier petat aliquem in viram, sibi restitui, vir autem mulieri objiciat exceptionem consanguinitatis; prius cognoscendum est de consanguinitate, quam de contractu matrimoniali. Siquidem exceptione consanguinitatis probata, quaestio principalis perimitur; cum de jure non possit dari matrimonium inter consanguineos. Textus est in *cap. 1. h. t.*

6. Similiter, si quis petat haereditatem paternam tantquam haeres ab intestato, et ipsi opponatur exceptio natiuitatis; allegando nimirum, quod non sit filius defuncti, vel saltem non natus de legitimo matrimonio, sicque succedere non debeat: ante omnia quaestio filiationis, aut legitimitatis, discutienda et terminanda est; prout decisa habetur in *cit. c. Tuam*, h. t. Quia, cum causa successionis omnino dependeat ex causa natalium, si hac non prius terminata Iudex inciperet causam successionis, inani labore et se et litigantes fatigaret, ordinem iudicium perturbaret, atque diversis processibus negotium intricaret.

7. Hoc ipsum procedit in qualibet exceptione peremptoria; nam ea prius debet discuti, antequam diffiniatur principale negotium. Desumitur istud aperte ex *cap. Intelleximus*, 1. h. t. ac notat Abbas *ibid.* n. 1. et Fagnanus *num.* 8. citans alios. Ratio est, quae supra, siquidem exceptio peremptoria est, quae ius Actoris perimit, ejusque petitionem totaliter elidit; ergo prius de ipsa est cognoscendum. Nam probata exceptione peremptoria illico apparet, quod quaestio principalis, ipsaque petitio Actoris, totaliter perimatur; adeo, ut de hac non amplius oporteat cognoscere: sin minus, pariter apparebit, quod oporteat ipsum etiam negotium principale discutere.

8. Hinc, praeter jam allegatum casum objectae exceptionis peremptoriae consanguinitatis matrimonium dirimentis, de quo fit mentio in *cit. cap. 1. h. t.* aliud hujus exemplum habetur in *c. Super eo*, §. de *Renunciat.* Ubi, cum quidam Beneficia Ecclesiastica repescerent, illis autem ex adverso objiceretur spontaneae abjuratōis exceptio: Pontifex jubet, ut ante omnia inquiratur, num talis abjuratio facta fuerit; et quidem spontanea, non autem vi, aut metu. Nam probata tali exceptione spontaneae abjuratōis, utpote peremptoria, clarum foret, quod illi sua Beneficia amplius repescere non valerent.

9. Pari ratione id ipsum procedit in exceptionibus dilatoriis. Nam et haec ante negotium principale sunt cognoscendae; quin imo regulariter proponi, discuti, atque probari debent ante litem contestatam, *c. Pastoralis*, 4. de *Exceptionib.* et *c. Inter Monasterium*, 20. de *Sentent.* et *re judicat.* Unde proposita contra Actorem per Reum exceptio dilatoria, antequam Iudex procedat in negotio principali, tenetur de veritate talis exceptionis cognoscere: nam hac subsistente, superflue, imo et nulliter atque invalide procederet in causa principali; cum per talem exceptionem vel persona Iudicis a iudicando, vel persona Actoris ab agenda, vel ipsamet instantia veluti incompetens repelleretur. Et haec sunt casus clariore; nunc ad alia specialem difficultatem habentia descendendo.

10. Quaeritur. II. Quae praecedere debeant, si contras actio civilis et criminalis? Resp. I. Quando actio criminalis principaliter intentatur, regulariter loquendo, de ea prius est cognoscendum, quam

tractetur actio civilis etiam principaliter mota: sed postquam actio criminalis quocunque modo cessaverit, tunc quaestio civilis ex integro aperitur. Ita habetur *L. ult. C. de Ordine judicior.* addita illa ratione, quod iudicium criminale, utpote majus, merito minori praefertur, videlicet civili. Et Glossa ibidem exemplificat istud in casu, quo Titius petiit decem a Caio, et Caius in modum reconventionis accusavit Titium de homicidio: nam prius terminanda est quaestio ista criminalis, et altera differenda, donec criminalis cessaverit, sive per sententiam absolutoriam, sive per pactum, aut quocunque alio modo. Idem tenet Bartolus, et Baldus in *Summario cit. L. ult. C. de Ordine judicior.* Farinacius *tom.* 3. *Criminal. quaest.* 100. n. 59. citans Rotam *divers. Decis.* 267. n. 2. lib. 3. *tom.* 3. et plurimas alias. Vallensis *h. t.* n. 4. et Pirhing *eod.* n. 18. Ratio est, quae supra: quia videlicet actio criminalis, est major civili; ac propinde huic, utpote minori; merito praefertur, atque prius tractatur, quando utraque principaliter intentatur.

Notanter additur, quando utraque principaliter intentatur. Nam quando civilis quaestio est principaliter mota, et incidit quaestio criminalis; vel e converso, si quaestioni criminali incidat civilis, simulque neutra praepjudicat alteri: tunc eadem sententia terminatur, nec una propter aliam differtur. Ita desumitur ex *l. Cum civili. C. de Ordine judicior.* Ubi Glossa, §. *Tempore.* concordans jura iuribus, inquit, quod hic secunda quaestio proponatur in modum exceptionis, sicque incidenter moveatur: at vero in *L. ult. C. eod.* quae priori videtur contraria, ambae quaestiones sint principales, cum posterior proponatur per modum reconventionis. Idem tenet Farinacius *cit. quaest.* 100. n. 75. citans alios, ac Vallensis, et Pirhing, *ubi supra.*

Additur ulterius *num.* 10. *regulariter loquendo.* Nam data responsio fallit, quando quaestio civilis praepjudicat criminali: ut fit, si quis, qui liber esse dicebatur, accusetur de crimine, et ab alio conveniatur ratione status. Tunc enim prius causa libertatis agi debet, quam de crimine cognoscatur: Quoniam necesse est antea sciri, si delictum probatum fuerit, utrum ut in liberum, an ut in servum constitui oporteat iudicium: prout loquitur textus in *con. Prius est*, §. *Si crimon.* 3. q. 11. et *L. 3. C. de Ordine cognit.* et *l. Quoniam. C. Ad Legem Juliam de Adulter.*

Ratio hujus est: quia generaliter quaestio praepjudicialis debet praecedere, ac prius cognosci ante aliam, cui praepjudicat: ut *cap. 1. et c. Tuam*, 3. h. t. et concordant dicta superius *num.* 4. et *seqq.* ergo hoc ipsum est dicendum, ubi quaestio civilis praepjudicat criminali. Antecedens praeter Jura jam allegata, patet ex ipsa definitione Quaestionis praepjudicialis: siquidem.

Quaestio praepjudicialis dicitur illa, ex cuius decisione pendet aliqua alia quaestio, cui praepjudicare intelligitur. Atque istud multipliciter, et diversis respectibus, contingit; prout fusius explicat Jo. Andreas in *c. Tuam*, n. 6. et Ancharanus *ibid.* n. 8. h. t. et Fagnanus in *c. Intelleximus*, n. 35. et 36. *eod.* Nam quandoque quaestio est praepjudicialis respectu proponentis, quandoque respectu adversarii, et quandoque respectu processus; idque adhuc pluribus modis.

Et quidem respectu Proponentis, seu Eligentis ex pluribus unam, Quaestio aliqua dicitur praepjudicialis, quatenus ia ex duabus quaestionibus, seu actionibus, quae competere poterant, eligit unam earum. Nam, per hoc, infert sibi praepjudicium in altera, utpote ad quam amplius regredi non potest: prout habetur casus in *c. Ut quis duas*, 25. de *Election.* in 6. et *cap. un. §. fin. de Postulat. Praelat.* in 6. et *l.*

11.

12.

13.

14.

15.



*Quod in haeredibus. §. Eligere. ff. de Tributor. action.*

16 Deinde *Quaestio* dicitur *praejudicialis* respectu Adversarii; puta, quoad intentionem Actoris, in quantum illa probata ius Actoris tollitur, huiusque intentio perimitur, et ipse ab agendo repellitur: ut est casus in cap. 1. h. t. ubi probato impedimento consanguinitatis et lata desuper sententia, perimitur intentio mulieris virum repetentis; eo quod ab ejusmodi impedimentum dirimens, iste non fuerit legitimus vir ejusdem. Et hac ratione quaelibet exceptio peremptoria, est etiam *Quaestio* *praejudicialis*: quia, si fuerit probata, perimit intentionem adversarii, ac sententia desuper lata parit exceptionem rei judicatae in altero. Jb. Andreas, Ancharanus, Fagnanus, ubi supra, et alii.

17 Tertio *Quaestio* dicitur *praejudicialis* respectu Processus: et istud adhuc multipliciter. Inprimis enim id accidit ex arte causae, seu quaestiois, eo quod sit talis conditionis, ut ipsa ante aliam postulet tractari, licet non sit peremptoria intentionis Actoris: prout est quaestio super libertate, et nativitate, seu an aliquis sit servus, aut legitime natus, §. *Præjudiciales actiones. Institut. de Actionib. et L. 1. ac seqq. C. de Ordine cognit.* Huc spectat quaelibet quaestio incidenter proposita, de qua debet prius cognosci, prout exemplificat Glossa in c. Tuam. §. *Dependentem. h. t.* nam hoc ipso, quod ejusmodi quaestio incidens debeat prius cognosci, praepjudicat Processui, nupta quem retardat. His accedunt Quaestiones praepjudiciales ex parte Judicis: ut si ipse recusetur ut suspectus, aut si coram Iudice saeculari incidat quaestio spiritualis super sententia excommunicationis, valore matrimonii, vel huiusmodi, de quibus ipse cognoscere nequit: sic enim pariter praepjudicatur Processui, dum Iudex saecularis interim eo supersedere debet, donec super incidenti quaestione spirituali Iudex Ecclesiasticus cognoverit, ac sententiam tulerit.

18 Quaeritur III. An, si Reus contra Actorem opponat spoliationem, prius debeat tractari causa spoli? Resp. Hic opus esse distinctione, de qua fit mentio in c. Cum dilectus. 2. et cap. ult. h. t. utrum videlicet Reus contra Actorem opponat spoliationem excipiendo; hoc est, in forma exceptionis ad intentionem adversarii repellendam: vel agendo, hoc est ipsum reconveniendo super alia spoliatione ad petendam spoli restitutionem.

19 Et si quidem Reus opponat spoliationem contra Actorem in modum exceptionis, tunc ipse Reus prius auditor, atque probata spoliatione non cogitur respondere Actori; nisi prius restituatur ab ipso, juxta cit. c. Cum dilectus. §. Sed quoniam. h. t. Verum tamen spoliatione in modum exceptionis tantum proposita, atque probata (sive in continenti, sive infra quindecim saltem dies, c. Frequens. de Restitut. spoliat. in 6.) non est propter hoc restitutio spoli facienda. Ratio huius est: quia finis exceptionis est, repellere Actorem ab agendo, non vero quid aliud consequi: prout in simili, si per modum exceptionis crimen aliquod testi obijciatur, et civiliter contra ipsum prohibetur; non ideo poena ipsi ordinaria infligitur, sed ejus daturat testimonium reprobat, cit. c. Cum dilectus. et cap. ult. h. t.

20 Quod si vero ejusmodi exceptionem opponat Reus per viam actionis, reconveniendo videlicet Actorem super alia spoliatione sibi per ipsum illata, sicque petendo restitutionem talis spoli; tunc censentur esse duae actiones principales, seu mutuae petitiones, conventionis videlicet ac reconventionis, sese tanquam diversae minime contingentes: ac proinde ambae vicissim, et simul (cum praerogativa tamen Actoris, utpote prius ad iudicium provocantis) tractari, simulque eadem sententia termi-

nari debent; prout habetur decisum in cit. c. Cum dilectus. juncta Glossa §. Eadem sententia terminandas. h. t. atque uberius dictum est supra Tit. 4. de Mutuis Petitionibus. §. 3. n. 45. et seqq.

21 Quaeritur IV. Quid sit *Quaestio* *incidens*, ac emergens, et an supra ipsa pronuntiandum? Resp. I. *Quaestio* *incidens* potest sumi vel penultima correpta, vel producta. Et quidem, si sumatur penultima correpta, tunc *Quaestio* *incidens* non differt ab emergenti; neque aliud est, quam *Quaestio* sive exceptio, quae incidenter, seu occasione alterius litae et tunc venit tractanda. Verum tamen hoc modo de *Quaestione* *incidenti* nunc non loquimur. Igitur in proposito *Quaestio* *incidens* (seu, ut alio nomine dicitur, *Exceptio* *incidens*) sumitur penultima producta: et de hac loquendo,

22 Resp. II. *Quaestio* *incidens*, penultima producta, triplici modo sumitur a Doctoribus; prout notat Glossa fin. in c. Intelleximus. 1. h. t. et notat Abbas ibid. n. 12. et Fagnanus n. 22. et seqq. cum aliis. Idque probatur inductione.

23 Primo enim *Quaestio*, seu *Exceptio* *incidens*, sumitur pro peremptoria; eo quod quasi incidat, seu perimat ipsum negotium principale. *Emergens* contra dicitur omnis exceptio dilatoria, juxta illum versiculum a Glossa fin. in cap. 1. h. t. relatum.

*Incidens perimit: Emergens quaestio differt.*

24 Deinde, ac alio modo, *Quaestio* *incidens* dicitur ea, quae competit Reo jam ante litis contestationem: *Emergens* vero, quae competit, seu emergit sub lite, v. g. an dilatio sit danda, an testis talis recipiendus etc. Ita Glossa fin. cit. cap. 1. h. t. Sive, ut alii loquuntur, *Quaestio*, seu exceptio *incidens* ea censetur, quae habet vetustiore causam in iudicio; id est, quae orta fuit ante iudicium coeptum: ut est exceptio consanguinitatis, et exceptio pacti de non petendo, et alias huiusmodi, quae ortum habent ante litem inchoatam. *Emergens* contra in hoc sensu dicitur ea, quae ortum post iudicium jam coeptum, quasi tunc primum oritur sive emergat.

25 Tertio, simulque melius, *Quaestio*, seu Exceptio *incidens* appellatur omnis illa, quae concernit ipsum factum principale, seu quae ad ipsum factum opponitur. Et merito talis quaestio vocatur *incidens*: quia incidit, sive perimit ipsum factum principale. Contra vero *Quaestio*, seu Exceptio, concernens processum, sive ordinem iudicarium, dicitur *emergens*: quia in veritate tunc emergit, seu incipit competere respectu objecti; sive dein exceptio illa sit peremptoria, ut exceptio litis finitae; sive non, ut est exceptio excommunicationis, inhabilitatis, incompetentiae etc. quae opponitur Actori, sive Testi, vel Iudici, ad eandem a iudicio repellendos. Et haec tertia acceptatio dictorum terminorum magis placet Abbati, et Fagnano, ubi supra, et satis clara videtur. Nunc pergendo ad alteram propositae Quaestiois partem,

26 Resp. III. Quando est talis quaestio, sive exceptio, circa quam pronuntiatione non facta negotium principale expediri non potest; tunc de illa, sive sit *incidens*, sive *emergens*, prius est cognoscendum, ac pronuntiandum. Quando autem est talis quaestio, sive exceptio, cujus pronuntiatione non facta potest nibilo minus quaestio principalis definiri, et processus ipsius expediri; tunc quamvis possit Iudex super illa expresse pronuntiare, tamen ad hoc non tenetur, sed sufficit, si expresse pronuntiet super principali: nam sic etiam tacite pronuntiabit super illa incidenti, vel emergenti; dummodo haec non sit necessario ventilanda coram alio Iudice. Ita Glossa in L. 1. §. Quoniam. C. de Ordine iudicior. Abbas in cit. c. Intelleximus. n. 11. et Fagnanus

*ibid.* num. 28. et seqq. h. t. cum aliis. Siquidem per hanc distinctionem optime concordantur Jura, quae ceteroquin prima facie videntur discordare, prout patebit ex Juribus allegandis. Et quamvis Glossa *fin. in cap. 1. h. t.* praesentem difficultatem solvere conatur distinguendo inter quaestiones, seu exceptiones incidentes, et emergentes; et asserat, in incidentibus non pronunciari, bene tamen in emergentibus; tamen haec Glossae distinctio nonnullas patitur instantias, atque limitationes, quas refert tum citata Glossa, tum Fagnanus *loc. cit.* num. 26. et 27. Nostra vero Conclusio est generalior, simulque clarior.

27 Probatum proinde prima pars Conclusionis ex c. *Cum super. de Causa posses. et propriet.* ubi dicitur, quod *Judex, de qua re cognoscit, pronunciare debeat*. Licet enim hic textus ibidem per Glossam exponatur de tali re seu quaestione, de qua Judex cognovit principaliter: merito tamen is etiam extenditur ad omnes alias quaestiones, sine quarum pronuntiatione nequit expediri processus super negotio principali: nam hoc ipso, quod processus super principali non possit sine earum pronuntiatione expediri, oportet istam praemittere veluti medium necessario praerequisitum. Hinc in l. *Libris. § fin. juncta Glossa, § Pronuntiandum fuerit. C. de Liberal. caus.* pronuntiatum super incidenti quaestione; quia aliter in judicio procedi non poterat. Similiter in l. *Intra utile ff. de Minorib.* fertur sententia interlocutoria super aetate. Et l. *A procedent. C. de Dilation.* pronuntiatum per sententiam interlocutoriam, an dilatio sit danda, nec ne: quia nimirum aliter in causa principali procedi non posset.

28 Ratio posterioris partis datae Conclusionis desumitur ex cap. 1. h. t. ubi habetur, vel saltem (ut loquitur Glossa *fin.*) inde colligitur manifeste, quod si Reus opponat Actori exceptionem peremptoriam, de hac Judex cognoscere quidem debeat, non autem sententiarum teneatur: quia eo ipso, quod pronuntiatum super principali quaestione, satis intelligitur esse pronuntiatum super incidenti quaestione per quandam consequentiam. Concordat textus in l. 1. *C. de Ordine judicior.* ubi Judex debet quidem cognoscere non solum de quaestione principali, sed etiam de incidenti (haud obstante, quod alioquin de hac cognoscere non valeret) non tamen de incidenti expresse pronunciat, sed solum de principali. Ad hoc ipsum facit textus in l. *Quoties. C. de Judiciis.* et l. *Si de haereditate. C. de Ordine cognit.* ubi pariter sufficit, quod super quaestione principali pronuntietur.

29 Disparitas inter hanc, et priorem partem, est: quia quandoque proponuntur quaestiones, seu exceptiones quaedam, in ordine ad effectum impediendi processum judicium ad ulteriora: et patet, in his necessario esse pronuntiandum, eo quod non aliter posset ulterius procedi super principali. Aliquando vero ipsae proponuntur per modum incidentis in ordine ad effectum reportandi victoriam super negotio principali: et tunc super eis non est necesse expresse pronuntiare, sed sufficit pronuntiare super principali. Quia eo ipso, quod pronuntietur super principali quaestione, sique victoria reportetur, satis super tali quaestione intelligitur pronuntiatum per quandam consequentiam; ut fit in Juribus *n. praeced.* allegatis.

30 Additur notanter num. 26. *dummodo haec non sit necessario ventilanda coram alio Judice*: ut si mota causa principali coram saeculari Judice, incidat quaestio spiritualis, v. g. de validitate matrimonii. Tunc etenim alter Judex, ut puta Ecclesiasticus debet prius pronuntiare, sive sententiam ferre super tali quaestione, antequam prior Judex, puta

Laicus, in negotio principali procedere valeat, *arg. c. Tuam. 3. h. t. et c. Lator. 5. Qui filii sint legitim.* ac illico amplius dicitur. Unde

Quaeritur V. Quid agendum, si causa principalis, et incidentis, sint tractandae coram diversis Judicibus? Resp. I. Quando quaestio incidentis est mere spiritualis, Judex saecularis non potest ullatenus, ne quidem accessorie, de ipsa cognoscere; sed haec erit remittenda ad Judicem Ecclesiasticum, et interim Judex saecularis debet super causa principali supersedere. Ita Glossa in c. *Tuam. §. Patienter.* et Abbas *ibid.* n. 3. et 9. et Fagnanus n. 19. et 22. h. t. Engel *eod.* n. 2. et communis. Generaliter enim prohibitum est, ne Laici Ecclesiastica tractare negotia praesument, c. *Decernimus. 2. de Judiciis.* cum concordantiis: estque jam dictum supra Tit. 1. *de Judiciis.* §. 3. n. 66. et seqq.

Idem probatur, simulque exemplificatur, tum ex c. *Tuam. 3. h. t.* tum amplius ex c. *Lator. 5. Qui filii sint legitim.* Ubi petente quodam coram Judice saeculari haereditatem, cum ex adverso contra eum fuisset exceptum, quod non sit natus ex legitimo matrimonio, sicque nihil possit jure successorio sibi vindicare: mandatur, ut prius per Judicem Ecclesiasticum quaestio natalium, sive de validitate matrimonii decidatur, atque interim Judex saecularis super causa principali supersedeat. Similiter, quando agenti coram Judice saeculari objicitur excommunicatio, non potest is de hac cognoscere; sed debet causam excommunicationis remittere ad Judicem Ecclesiasticum. Bartolus in l. *Quoties. C. de Judiciis.* Abbas *cit.* n. 9. et alii.

Nec obstat, quod continentia causae non debeat dividi, l. *Nulli. C. de Judiciis.* Fa qui de causa principali cognoscit, etiam de incidente valeat accessorie cognoscere, atque sententialiter diffinire, c. *De prudentia. 3. de Donat. inter virum et uxorem.* et l. *Quoties. C. de Judiciis.* cum similibus. Resp. enim cum Glossa *fin. in cit. c. Tuam. h. t.* istud regulariter verum esse, ac praesertim loquendo de causis civilibus: at secus dicendum de causa mere spirituali, de qua Judex saecularis ne quidem incidenter cognoscere potest; idque per Jura proxima allegata.

Vel dic cum Fagnano *loc. cit.* num. 25. et seqq. quod incidentia causae proroget quidem jurisdictionem Judicis ad speciem non omnino diversam, nec altioris, nec inferioris gradus existentem: non tamen eam proroget ad speciem omnino diversam, seu separatae naturae, atque altioris gradus. Hinc Judex delegatus, qui principaliter cognoscit de matrimonio, potest incidenter et accessorie simul cognoscere de dote; cum haec sit quid inferioris gradus, atque accessorium ad matrimonium, *cit. c. De prudentia. de Donat. inter virum et uxorem.* Similiter, si orta causa Ecclesiastica coram Judice Ecclesiastico incidat quaestio temporalis, etiam hanc (excepta causa sanguinis.) Judex Ecclesiasticus incidenter tractare, et terminare potest: quia jurisdictio Ecclesiastica est superior temporali; simulque jurisdictio in temporalibus, quoad habitum est penes Ecclesiam.

Secus est, si causa incidentis sit omnino speciei diversae, et separatae naturae, atque altioris ordinis: prout accidit in causis spiritualibus respectu Judicis saecularis. Unde nequit Judex laicus de causa Ecclesiastica incidenti accessorie cognoscere, cum haec sit diversae naturae; atque altioris ordinis; et sic requirat Judicem superiorem, nempe Ecclesiasticum. Simile quid habetur de Jure Civili: nam Judex, qui merum et mixtum imperium non habet, non potest incidenter cognoscere de iis, quae sunt meri, vel mixti imperii; siquidem haec causae requirunt maximos Judices, *arg. l. Non distinguemus. §.*

*Julianus. ff. de Receptis arbit. ac notat Glossa an. in l. Inter convenientes. ff. Ad municipalem. Fagnanus cit. c. Tuam: n. 27. h. t. et alii.*

36. Infertur proinde, quod, quando causa principalis, et cause incidentis, sunt tractandae coram diversis Judicibus, quorum unus est inferior, alter superior; pendentia incidentis suspendat jurisdictionem in principali. Idque certum est, quando per Judicem superiorem sit inhibitoria, ut inferior ulterius in causa procedat, donec superior de incidenti cognoverit; prout factum fuisse in cit. c. Tuam. h. t. desumitur ex illis verbis: *Patienter expectes*. Ubi proin Abbas num. 5. generaliter infert, quod Juxta Ecclesiasticus possit mittere inhibitoriam Judici saeculari, ne procedat super causa dependente ex causa, quae agitur coram ipso Jodice Ecclesiastico.
37. Quod si verp Juxta superior, v. g. Ecclesiasticus, non miserit inhibitoriam inferiori, puta Laico; tunc quidem processus per hunc super principali negotio interim, factus parte non opponente valebit, sed sententia, si tunc feratur, erit invalida: ferretur enim a Jodice minus instructo, et contra ordinem juris, arg. cap. 1. h. t. Ubi proposita exceptione peremptoria dicitur, non esse ferendam sententiam super negotio principali, nondum discussa prius peremptoria: ac proinde ex hujus pendentia, manet suspensa jurisdictione Judicis inferioris ad ferendam sententiam super principali ex ipsamet Legge. Abbas cit. c. Tuam. et Fagnanus ibid. n. 22. et 23. h. t.

## TITULUS XI.

## De Plus Petitionibus.

## SUMMARIUM.

1. Ratio continuationis Rubricarum.
  2. Quatuor modis plus petitur.
  3. Nemp re,
  4. Loco,
  5. Tempore, et
  6. Causa.
  7. Poenae plus petentium antiquitas, quae?
  8. Et quae de facto.
  9. et 10. Induciae temporis qua ratione duplicentur? Reo in poenam Actoris plus tempore potestis? Et referantur duae sententiae.
  11. Poena pecuniaria est levior quavis poena corporali.
  12. Plus petens causa, loco et re, condemnatur in expensas.
  13. et 14. An etiam incurrat poenam Tripli?
  17. Praedictae poenae locum non habent, si probetur, non multoties plus petitum fuisse.
  16. Actor plus debito petens, potest impune poenitere ante litem contestationem.
  17. Restitutis tamen adversario expensis, si quas idcirco fecit.
  18. Etiam post litem contestatam poenitens evitat poenas.
  19. Limitatur hoc in casu L. un. C. h. t.
  20. Actore plus petente, an possit Reus simpliciter negare totam petitionem?
  21. Affirmatur; et cur? Et num. seqq.
  22. Juristarum cauta responsio: Nego narrata, et narratur.
  23. Opinio, ac distinctio Bartoli refertur.
  24. In toto pars continetur.
  25. Aliae rationes Bartoli distinguuntis.
- RIEFENSTUEL Jus Can. Tom. II.**

**C**am libellus Actoris debeat esse rite instructus, ac proinde nihil plus justo petere: recte novum-quantum a Reo excipitur. Actorem plus petere, quam sibi debeat. Quia igitur in Rubrica procedenti visum est *De Ordine cognitionum* in genere; merito subiungitur praecedens Rubrica *De plus petitionibus*; eo, quod haec inter quaestiones incidentes primo loco discutiendae videntur.

Quaeritur I. Quot sint modi plus petendi? Resp. I. Quatuor modis plus petitur, videlicet re, loco, tempore, et causa. Patet hoc ex cap. un. h. t. et §. *Plus autem. Instit. de Actione*. Et quidem.

*Re plus petere*, dicitur, qui plus exigit, quam autem sit debitum. Ut si quis v. g. pro decem aureis, qui sibi debebantur, viginti petierit: aut cum quis rem, quae ex parte duntaxat sua est, petat integram, vel pro majori parte.

*Loco plus petit*, qui certo loco quidpiam sibi dari stipulatus, id alibi voposuit. Ut si Titius promisit Cajo decem mocos frumenti, vel centum florenos Monachii dare; et Cajo illos exigit Viennae: nam adimit Titio commoditatem solvendi, quam haberet, si solveret Monachii, ubi facilius posset praestare solutionem. Atque istud vel maxime solet contingere in mercibus, ut puta, vino, frumento, oleo etc. in quibus haec commoditas multum variatur per singulas propemodum Regiones propter earum abundantiam, vel caritatem.

*Tempore plus petit* ille, qui praemature, seu antedictum statutum, vel ante impletam conditionem postulat: nam et talis adimit Reo utilitatem temporis. Unde, sicut minus solvit, qui tardius solvit; ut dicitur in l. Si cui. 12. §. *fin. ff. de Verb. signif.* ac proinde tenetur in accessoriis, l. *Mora. §. In bonae. ff. de Usur.* ita e converso, qui citius petit, plus petere censetur: nam contrariorum eadem est disciplina.

Tandem *Causa plus petit*, qui in alternativa, cuius electio ad Reum conventum pertinet, alteram partem determinate petit; vel qui rem debitam in genere, postulat praecise in tali specie: ut si Titius debeat Cajo vel solvere decem aureos, vel ipsi dare equum, et Cajo petat equum sibi dari. Nam in alternativis Debitoris est electio, quid praestare velit, v. g. utrum pecuniam illam, vel equum velit dare, §. *Huic autem. Instit. de Actionib.* Qui igitur alterutram determinate exigit, eripit electionem adversario, ejusque conditionem facit deteriore: ac proinde plus causa petere convincitur. Idem accidit, si quis debeat centum florenos, et Creditor petat solutionem fieri in certa duntaxat moneta.

Quaeritur II. Quae sint poenae plus petentium in judicio? Resp. I. Olim plus petentium poena fuit, quod causa cadebant; hoc est, rem amittebant: nisi minor aetas, vel magis iusti erroris causa ipsos excusasset, §. *Si quis agens. Instit. de Actionib.* juncto §. *Appellantur. Instit. de Exceptione*. Ubi etiam explicatur, qua ratione plus petens tempore, totam rem amittebat: quia nempe talis in primo judicio nihil consequabatur, propter objectam exceptionem dilationis, ratione cuius differre cogebatur actionem usque ad debitum tempus; et postea suo tempore rem agere volens, submovebatur exceptione peremptoria; quod rem semel temere in judicium deduxisset. Et hac ratione totam rem amittebat, l. *Iustas. C. de Jure Pisci. lib. 10.*

Resp. II. Hujusmodi poena plus petentium successu temporis sublata fuit (excepto unico speciali casu, qui habetur l. un. C. h. t. et infra n. 19. adducetur). Jureque novo tam Civili, tam Canonico, qui plus tempore petit; removeatur ab instantia illius judicii, et condemnatur in expensas: adeo, quod etiam adveniente debito tempore non.



- teneatur Reus litem suscipere, nisi solutis sibi expensis prioris instantiae: atque insuper in poenam Actoris plus tempore petentis duplicetur Reo induciae temporis. Ita patet ex cap. un. h. t. et §. *Hodie autem. Instit. de Exception.*
9. Caeterum, qualiter memoratae induciae temporis Reo sine duplicetur in poenam Actoris plus tempore petentis, variant. Doctores. Siquidem Abbas in cap. un. n. 14. h. t. Bartolus §. *Et haec quidem. Instit. de Actionib.* Vallensis h. t. n. 2. et nonnulli alii, volunt, ejusmodi duplicationem induciarum temporis non esse intelligendam de duplicatione totius temporis; sed illius duparet, quod reliquum erat Reo, et in quo plus petendo deliquit Actor: ut si terminus solutionis faciendae erat annus, et Actor mensis decimo solutionem judicialiter petierat, non duplicetur integer annus, sed solum duplicentur duo isti menses. Et haec sententia fundat se tum in aequitate naturali; seu, ne plus puniatur quis, quam deliquerat, sed poena sit commensurata delicto, et Quaesivit. §. *An. De his quas sunt a major. parti. Capit. et l. Respiciendum. ff. de Poenis.* Tum quia, in simili casu ita declaratur poena de tempore duplicata in l. *Aut damnum. §. Quisquis. ff. de Poenis.*
10. Oppositum vero sententiam, sive quod in poenam Actoris plus tempore petentis duplicetur Reo totum tempus, ut puta in casu posito integer annus, tenet Jo. Andreas cap. un. numer. 5. h. t. Engel eod. num. 3. asserens, inducias ad solvendum v. g. concessas tunc ita debere duplicari, ut qui prius fuerat obligatus solvere intra annum, postea non teneatur nisi post biennium. Sannig h. t. cap. 3. numer. 3. Hercules Marescottus lib. 2. *Variar. Resolut. cap. 131. num. 5.* hanc sententiam appellans veriorum; quam etiam communiter teneri, inquit Pirhing h. t. n. 19. licet priorem quoque fateatur esse probabilem. Fundamentum ejus desumitur ex textu satis aperto in cit. §. *Hodie autem. Instit. de Exception.* ubi poena plus tempore petentis, vi Zenonianae Constitutionis, inducitur illis verbis: *Ut et inducias, quas ipse Actor sponte induxerit (puta, in casu posito integrum annum) vel quas natura actionis continet, si contempserit, in duplum habeant illi, qui talem injuriam passi sunt etc.*
11. Neque obstant rationes oppositae sententiae. Non prima: quia talis poena ab ipsomet Jure statuta fuit, et quidem rationabiliter, seu ut *Actores tali poena porterriti, tempora litium doceantur observare*; prout subiungit textus in cit. §. *Hodie autem.* siquidem nihil hinc sequitur repugnans aequitati naturali. Neque secunda: quia in l. *Aut damnum. §. Quisquis. ff. de Poenis*, sermo est de poena corporali, qua quis in opus publicum damnatus fuerat: hic vero agitur de pecuniaria, quae cum levior sit, ac minor quavis poena corporali, l. *In servorum. §. An. ff. de Poenis.* non sit bona illatio ab hac ad illam.
12. Resp. III. Plus petens causa, loco et re, condemnatur in omne damnum, expensas et interesse, si quod ex sua actione Reo acciderit, cap. un. h. t. Atque insuper ex Constitutione Justiniani solvere debet triplum ejus, quod ob maiorem quantitatem, libello conventionis seu actionis insertam, Sportularum, nimirum praestandum erat Victoribus, sive executoribus litium, §. *Sed haec quidem et §. Tripli vero. Instit. de Action.*
13. Additur notanter, ex Constitutione Justiniani. Siquidem haec poena Tripli non habet locum de Jure Canonico; prout notat Jo. Andreas in cap. un. numer. 11. et Abbas ibid. n. 9. h. t. Pirhing eod. n. 8. Vallensis n. 4. et alii contra Glossam in cap. un. §. *Amplius.* h. t. Ratio est: tum quia Pontifex assignando poenas plus petentium, nihil meminit de poena Tripli; et consequenter rigor Juris Civilis non procedit in personis, ac negotiis Ecclesiasticis, arg. cap. 1. de Dolo et contum. Nam, si Papa in ipsis voluisset etiam poenam Tripli observari, potuisset inter alias poenas et hanc expressisse, c. *Inter corporalia. §. Sed neque. de Translat. Episc.* Tum quia Sportulae non praestantur in Foro Ecclesiastico, c. *Cum ab omni. de Vita et honest. Cleric.* ergo neque poena Tripli sub nomine Sportularum: nam quod non est, triplicari nequit.
- Et haec posterior ratio tam fortiter stringit, ut in Foro quoque Civili, ubi de consuetudine non praestantur sportulae, non sit locus huius poenae. Tripli. Jo. Andreas, et Abbas ubi supra. Quia imo moribus modernis plus petentem loco, re, vel causa, ad totum damnum, expensas et interesse condemnari, notat Zoesius Tit. de Action. Instit. n. 76. in Addit. et Christoph. Clingensperger lib. 4. Institut. tit. de Actionib. quaest. 100. Marescottus cit. lib. 2. *Variar. Resol. cap. 131. n. 8.*
- Addit Ludov. Engel h. t. num. 3. et Sannig eod. cap. 1. n. 4. praefatas poenas locum non habere, si Actor probaverit, se non malitiose, sed justo errore doctum plus petisse: ut puta, quia totum Legatum petivit, eo quod vigore Testamenti id sibi competere credebat, postmodum vero proferatur alia Testatoris scriptura, sive Codicillus Legataris incognitus, in quo dimidia pars Legati ipsi adempta, et alteri data fuit. Nam Jura haecenus allata, et poenam plus petentibus statuente, fundant se in dolo, seu importunitate plus petentium; ut patet ex l. un. C. de Plus petition. ibi: *Odiosas contrahentium calliditates: juncto cap. un. h. t. ibi: Punitur enim importunitas plus petentium, cum similibus.* Accedit, quod error facti justam praestet excusationem; cum optimi quoque, et constantissimi, tali errore labi possint, §. *Si quis agens. Instit. de Actionib.*
- Quaeritur III. Utrum, si Actor plus debito petens poeniteat, sive a petitione illa desistat, per hoc evitet poenas plus petentibus inflictas? Resp. I. Potest Actor ante factam litis contestationem impune poenitere; atque tunc desistens a facta plus petitione, non incorrit praedictas plus petentium poenas. Ita Glossa cap. un. §. *In judicio.* h. t. et sequuntur Doctores passim, propter textum cit. cap. un. h. t. satis clarum; dum ait: *Punitur enim importunitas plus petentium; si super petitione sua duxerint in judicio persistendum.* Aique ante litem contestatam, nondum censetur Actor plus petens in judicio persistere: siquidem ante litis contestationem necdum iudicium intelligitur acceptum, cum ipsa sit lapis angularis, et fundamentum iudicii. Accedit, quod Actor libere possit libellum mutare usque ad litis contestationem, ut supra Tit. 3. num. 27. et seqq. ostensum fuit.
- Notat tamen Glossa marginalis cit. cap. un. h. t. post Hostiensem ibid. quod licet Actor plus petens possit ante litis contestationem desistere, teneatur tamen minus adversario ad interesse, sive ad restituendas expensas, si quas idcirco fecit. Et merito: nam quia Actor dictarum expensarum sua importuna plus petitione fuit causa, iniquum foret, tales expensas indebito causatas ab ipso non resarciri. Sicut e contrario, si Actor in sua plus petitione persistens nullum exinde Reo damnum procreasset, ad nullam solvendarum expensarum (utpote revera non factarum) poenam condemnari posset: cum Reus nullum in hoc interesse praetenderet, neque praetendere valeret. Abbas h. t. n. 4.
- Resp. II. Etiam post factam litis contestationem, sed ante istam sententiam, Actor a sua plus petitione desistens, evitat praefatas poenas. Ita Abbas cit. cap. un. numer. 6. h. t. ac valde probabile censet Pirhing h. t. numer. 10. contra Glossam in d. cap. un. §. *In judicio.* cap. 1. h. t. et plures alios Doctores.

Ratio est: quia in cit. cap. h. t. poenitur solum, qui persistit in iudicio super sua importuna plus petitione: atqui desistens ab ea ante sententiam, non sic persistit in iudicio: cum, hoc duxerit, quamdiu causa discutitur, c. Forus. 10. de Verb. signif. et in materia poenali verba stricte sunt accipienda, atque cum effectu. Accedit textus in l. Qui cum natu major. §. Accusatio. ff. de Bonis libertor. ubi sic legitur: Accusatio cum dicimus, qui crimina objecit, et causam perorari usque ad sententiam effecit. Item l. In servitutem. §. Petisse. ff. cod. ibi: Petisse in servitutem non videtur, qui ante litem contestatam destitit: sed et si post litem contestatam, dicendum est, nec id nocere debere: quia non usque ad sententiam duravit. Idem ergo dicendum in proposito, veluti in materia poenali, atque requirente persistentiam in iudicio, ut poena legalis incutatur.

19 Dices. In l. un. C. h. t. expresse habetur quod ante litem inchoatam, sive contestatam, possit plus petens poenitere, non vero postea. Resp. id esse speciale in casu dictae Legis, propter duplex debitum Actoris. Ideo enim ibidem non est locus poenitentiae post litem contestatam, quia Actor ille deliquit in duobus. Primo, quia certa quantitate sibi debita, super majori poena per dolum malum exegit cautionem. Secundo, quia insuper dolose petiit plus, sive maiorem illam quantitatem: atque idcirco gravius poenitur talis, ut non solum post litem contestatam nequeat amplius poenitere: sed insuper convictus in iudicio, in detestationem gaminis delicti, privetur toto debito. Hinc in simili, si usurarius v. g. exigit cautionem de duplo verap sortis (ut puta, de ducentis florenis: cum mutuasset duntaxat centum) et postea in iudicio exigit totum, v. g. ducentos florenos, lite iam contestata nequit amplius poenitere: simulque convictus super majori illa quantitate, privatur toto debito: nisi vel cum Reo transigat super poena alia, vel Reus ultro confiteatur, se totum debere: nam hi duo casus in cit. l. un. h. t. excipiuntur Abbas cit. cap. un. num. 6. et 7. C. h. t. post Bartolum in l. In criminali. C. de Juriad. omn. judic.

20 Quaeritur. IV. An Actore plus petente possit Reus simpliciter negare totam petitionem? Haec quaestio quotidiana est, et habet locum etiam circa positiones habentes aliquam partem falsitatis: ut si Titius arguatur, quod percusserit Cajum in Foro, quem percussit quidem, sed alibi, an is possit simpliciter negare positionem illam, eo quod revera Cajum in Foro non percusserit: aut si arguatur, quod debeat viginti, qui tamen non debet viginti, sed decem solummodo.

21 Resp. Actore plus petente potest Reus absolute negare totam petitionem, ut proponitur. Ita Abbas in cap. un. n. 15. h. t. post Glossam in cap. ult. §. Absque rationabili causa de Confessis. in 6. Covarruvias lib. 1. Var. Resolut. cap. 2. num. 5. allegans Baldum in c. Dudum. il. 2. de Election. num. 29. et alios: quibus accedant citandi num. seq. Desumitur Conclusio ex l. Si is, qui ducenta. §. Utrum. ff. de Rebus dubiis: ubi dicitur: Significatio, quae sumitur ex universo, in quo aliquid falsum est, totam orationem falsam efficit, Concordat can. Si ad scripturas. dist. 9. juncta Glossa §. Quid in eis: quae pluribus Juribus probat, quod quando instrumenta, vel attestations, pro parte inveniuntur falsae, in totum reprobentur.

22 Et in simili, quando positio continet alterum verum, alterum falsum (eodem quoque est ratio de plus petitione), posse ipsam simpliciter negari propter additam partem falsam, tenet Glossam in cap. 2. §. Singillatim. de Testib. in 6. Idemque docet Jacou l. Sive autem alterutra. num. 17. C. de Judic.

et Speculator tit. de Litis contestatione. §. Nunc dicamus. n. 3. Quia (inquit) talis non simpliciter negat, sed negat narrata, prout narratur. Et quod communiter Advocati sequantur hanc opinionem in Practica, testatur Abbas cit. cap. un. n. 15. h. t. Quin et Doctor Subtilis in 4. dist. 15. q. 4. §. In tertio. §. Quid ergo, refert, et commendat causam illam responsionem Juristarum: Nego proposita, ut proponuntur.

23 Estendum tamen, quod Bartolus in l. 1. §. Si stipulanti. ff. de Verb. obligat. et l. Si quis cum totum. ff. de exception. rei judic. allatam doctrinam tam illimitate non admittit, sed quandam adhibeat distinctionem. Aut enim (inquit) illud, quod continetur in libello vel positione, est falsum ratione, qualitatis: aut ratione quantitatis. Si primum, potest negari in totum: et sic etiam juxta Bartolum procedit allata Conclusio. Si secundum, hoc est, quando falsitas est in quantitate: ut si quis petat viginti, cum solum debeantur ipsi decem: aut si petat totum, ubi pars duntaxat habetur: tanq (inquit Bartolus) non potest quis in iudicio negare totum, sed solummodo partem indebitam, et debitam debet confiteri. Ratio ipsius est: quia, qui petit totum, etiam quamlibet ejus partem petere censetur: ergo et vicissim, qui simpliciter negat totum, etiam quamlibet ejus partem censetur negare: atqui hoc non potest fieri absque falsitate, quando pars aliqua debetur: ergo.

24 Antecedens principale, sive quod petendo totum in quantitate etiam quaelibet pars ejus peti videatur, probatur ex eo: quia pars in toto est, l. Si quis cum totum. ff. de Exception. juncta Reg. 80. Juris in 6. ibi: In toto partem non est dubium contineri. Et manifestum est, in viginti et decem inesse, l. 1. §. Si stipulanti. ff. de Verb. obligat.

25 Consequentia vero sic probatur. Tum quia contrariorum eadem est disciplina, l. 1. ff. De his qui sunt sui, vel alien. jor., cum concordantiis. Tum quia in l. Pupillus. §. fin. ff. de Verb. signif. habetur, quod negans rem esse suam, hoc ipso videtur etiam negare, eam esse sibi cum altero communem: et amplius notat Glossa in can. Nulli. 12. q. 1. §. Hoc mox est. Accedit, quod Reus in iudicio teneatur respondere ad petitionem Actoris, eamque certificare, quid negat: et consequenter vel debet negare duntaxat partem indebitam: vel simpliciter negando totum, etiam quamlibet ejus partem negare videbitur (quod tamen absque falsitate fieri nequit) sicut et Actor petendo totum, etiam hanc petivit.

## TITULUS XII.

## De Causa Possessionis, et Proprietatis.

## 1 Ratio continuationis Rubricarum.

17 Cum frequentissime in Judiciis occurrant Causae possessionis, et proprietatis: viro jam generatim de Ordine cognitionum, merito nunc agitur de causa possessionis, ac proprietatis in specie, et ordine cognoscendi de utraque. Quia vero haec materia est amplissima, usque frequentissima, ac proinde nonnihil latius explicanda, expedit eam in paragraphos subdividere.

## §. I.

Quid sit Possessio, et quae ejus divisio?

## SUMMARIVM.

2. Possessio, unde sic dicatur? Et n. seq.
3. Possessio rerum immobilium est dignior, quam mobilium, quae vilis est.
4. Possessionis definitio. Et n. seqq.
5. Fjus nomen quandoque tribuitur ipsis rebus possessis.
6. Possessio propria, est rerum corporalium: quasi possessio, incorporealis.
- 7 et 8. Definitio ipsius declaratur. Et n. seqq.
9. Possidere, et esse in possessione, differunt.
10. Possessio solo animo acquiri nequit, bene tamen acquisita retineri.
11. Quatenam possideri non possint?
12. Primaria possessionis divisio, quae?
13. Possessio juris, seu civilis,
14. Possessio facti, seu naturalis, et
15. Possessio juris et facti simul, quid?
16. Qui alieno nomine possidet, non possidet. Et qualiter tunc Dominus retineat possessionem? Ibid.
17. Possessio civilissima, quae?
18. Possessio justa, et injusta; item bonae, vel malae Fidei, quae? Possessor bonae fidei, et malae fidei, quis? Ibid.
19. Possessio vacua; ejusque requisita. Et n. seqq.
20. Possessio libera, et
21. Possessio non vacua, quae?
22. Possessio plena, et Proprietas plena, quae?
23. Possessio pacifica, et Pacificè possidere, quid?
24. Possessio habens plus juris, quam facti.
25. Et habens plus facti, quam juris;
26. Et habens multum juris, et multum facti, declaratur.

2. Quæritur. I. Unde derivetur Possessio, et quid sit? Resp. I. Possessio dicitur a pedibus; et sonat idem, ac pedum quasi positio, prout notatur in L. 1. ff. de Acquirend. possess. Ideo autem possessio potius denominatur a pedibus, quam ab alia corporis parte: quia pedes sunt firmum totius corporis sustentaculum, et basis reliquarum partium ejus; ac proinde res naturaliter (hoc est, de jure naturali primævo) censetur teneri, sive possideri ab eo, qui pedibus suis eidem insistit; juxta illud Deuteronom. cap. 11. Omnis locus, quem calcaverit pes vester, vester erit: et concordat textus in cit. L. 1. juncta Glossa. §. Quia naturaliter. Et licet manus quoque sint instrumentum acquirendi possessionem rerum, præsertim mobilium, quae manibus apprehendantur: nihilo minus rerum immobilium possessio a pedibus, eorumque insistentiâ corporali, primævam originem duxit.

3. Quia insuper possessio rerum immobilium est multo dignior, quam possessio mobilium, quae vilis est et abjecta, ut inquit Glossa in l. Rem quae nobis. §. Erepta. ff. de Acquir. et amitt. possess. atque facilius perditur, d. l. Rem quae nobis. et l. Si rem mobilem. ff. eod. Ideo a pedibus, veluti a digniori instrumento possidendi, merito trahitur denominatio possessionis: haud obstante, quod Jason in l. Possessio appellata. numer. 14. ff. de Acquir. possess. et Andreas Alciatus l. In lege consoria. §. Sedes. ff. de Verb. signif. et quidam alii, aliam dicti nominis etymologiam ponant; dicentes, quod Possessio non a pedibus, ut vulgo legitur in L. 1. ff. de Acquir. pos-

sess. sed a dictione pos, unde impos et compos: itemque a Sedibus dicta sit. Et favet Glossa in d. l. 1. §. A pedibus; ubi notat, quod alias ibi legatur, a Sedibus. Verum prior opinio, sicut est conformis textui Juris, ut communiter legitur, ita magis est recepta, præsertim cum roboretur etiam rationibus proxime allegatis.

Resp. II. Possessio, quantum ad propositum, est rei corporalis detentio, corporis et animi, et juris adminiculo concurrente. Ita post Azonem. Glossa in d. l. 1. §. A pedibus. ff. de Acquir. possess. et de facto recipitur communiter contra Bartolum, et quosdam alios ipsam impugnantes. Quatinus ultro latendum sit, quod data definitio solummodo conveniat possessioni naturali et civili simul, utpote quae est perfectissima: non autem possessioni juris, sive civili tantum, quae seu rei corporalis detentio, animi et juris duntaxat adminiculo: neque possessioni naturali; sive facti tantum; qualis datur in fure, et quocunque injusto rei alienae detentore, atque habetur sine juris adminiculo, et proinde est imperfecta.

Additur notanter, Possessio, quantum ad propositum. Quia interdum istud nomen tribuitur ipsis rebus possessis; ut Psalm. 77. Tradidit possessionem eorum igni. Et Matth. cap. 19. Erat enim habens multas possessiones, et elibi. Quia utiam. lo. Jure Civili quandoque possessionis nomen accipitur pro rebus possessis; ut l. Interdum. ff. de Verb. signif. Unde si quis possessiones suas alteri legavit, vel vendidit, censetur legasse, aut vendidisse, non nudam possessionem, sed proprietatem rei, sive ipsammet rem possessam: ut cit. l. Interdum. est responsum; atque ulterius patet ex l. Si ea quae. juncta Glossa. §. Possessiones. C. de Fidejussorib. minor. et l. Possessiones. C. Si quis ignorans rem minor. etc. cum similibus. Verum hæc acceptio possessionis non est ad propositum.

Dicitur primo in data possessionis definitione, Rei corporalis. Siquidem possessio proprie duntaxat est rerum corporalium: nem possessio (ut jam dictum) appellata est a pedibus, et est pedum quasi positio, quia naturaliter tenetur ab eo, qui ei insistit, juxta citatam L. 1. ff. de Acquir. possess. quod non nisi de rebus corporalibus verificari potest. Unde incorporealia, sicut non possunt corporaliter apprehendi, seu detineri, ita et proprie non possidentur, sed dicuntur, quasi possideri; prout liquet ex c. Cum Ecclesias. §. h. et c. Conquestus. 16. de Foro compet. ubi pontifex possessionem juris spiritualis eligendi, appellat quasi possessionem. Quod ipsum Glossa in cit. c. Conquestus. §. Quasi possessione, extendit ad omnia jura spiritualia, et servitutes, arg. Sequitur. §. Si viam. ff. de Usucapion. Concordat textus in l. Si quis diuturno. ff. Si servitus vendicetur, ibi: Si quis diuturno usu, et longa quasi possessione jus aquae ducendae nactus fuerit.

Et additur Detentio; vel, ut alii legunt, retentio. Nam data definitio convenit possessioni, non solum, prout est in fieri, sive prout in esse producta (sicut nonnulli cum Bartolo existimant, atque ob id datam definitionem velati insufficientem rejecerunt) sed etiam, prout, consideratur, in facto esse, seu in esse producta: prout indicat ly detentio, vel retentio, utpote importans perseverantiam actus.

Dicitur ulterius, corporis, et animi, etc. Quia hinc definitur possessio civilis, et naturalis simul, ut dictum: ad hanc autem conjunctionem requiritur et corporis, et animi, adminiculum; hoc est, ut quis rem corporaliter apprehendat seu detineat, simulque ut eam detineat tanquam suam, sive animo possidendi: nam unum sine alio non sufficit. Hinc De-



positarius non dicitur possidere Depositum, quia non detinet illud tanquam suum, sicque non animo possidendi: idemque accidit in Commodatario, qui detinet rem ab alio tibi commodatam, et aliis hujusmodi.

9. Insuper missus in possessionem rei servandae causa non censetur possidere (quia nimirum non detinet rem illam ut suam, sed solum custodiae causa) sed esse in possessione: quae duo sunt longe diversa, l. Si quis ante. ff. de Acquir. possess. Nam ei, qui possidet, competunt Interdicta possessoria; non item illi, qui solum est in possessione: quia haec est pura detentio, prout et assinus detinet librum in dorso suo. Zasius L. 1. n. 3. ff. Ne vis fiat ei, qui in possessionem etc.

10. Accedit alia ratio apponendi ly, corporis et animo adminiculo. Quia, licet possessio legitime acquisita possit solo animo retineri (prout accidit in possessione civili tantum) ea tamen nudo animo acquiri non potest; sed praeter animum requiritur etiam apprehensio, sive detentio corporalis ipsius rei, l. Licet. C. de Acquir. possess.

11. Dicitur tandem: et juris adminiculo concurrente; hoc est, jure non refragante. Quibus verbis partim indicatur, hic sermonem esse duntaxat de possessione justa: siquae excluditur possessio manifesto injusta, qua fur v. g. detinet rem furtivam; estque possessio facti solum, seu duntaxat naturalis. Partim indicatur, quod tali possessioni, de qua loquimur, Jus non debeat refragari, seu resistere: quae de causa Ecclesia, Forum, Theatrum, ac hujusmodi a privatis possideri non possunt, cum Jus commune refragatur, ut L. 1. §. fin. et l. Qui universas. ff. de Acquir. possess. Similiter Laici decimas, et alia jura spiritualia, taliter possidere nequeunt: quia jus eisdem refragatur, c. Causam. 7. de Praescription. cum concordantiis. Quamvis enim Laici decimas v. g. de facto, sive naturaliter detinere praesumant; nunquam tamen eas civiliter possidere possunt, cum careant juris adminiculo.

12. Queritur II. Quenam sint Possessionis divisiones? Resp. I. Inter varias ejus divisiones primaria et principalis est ea, qua ipsa generatim accepta dividitur in possessionem juris, in possessionem facti, et in possessionem juris et facti simul. Ita Glossa in Reg. 3. §. Sine possessione. de Reg. Juris in 6. et sequuntur DD. communiter: quamvis Mynsinger in §. Possidere. n. 4. Instit. de Interdictis: citans pro se Placentinum, et Azonem velit, unam tantum esse possessionem, quae tamen duplicem habet rationem, seu qualitatem possidendi, naturalem scilicet et civilem. Verum quantum ad rem ipsam, hoc parum refert.

13. Possessio juris, quae et civilis nuncupatur, est ea, quae habetur cum juris adminiculo. Et quidem, si haec sit civilis tantum, aliud in re non est, quam ipsummet jus possidendi solo animo retentum: ut si quis corpore abiit a rebus suis, inde tamen non discessit animo relinquendi possessionem, sed postea reversurus; censetur interim res illas de jure, sive civiliter tantum possidere, l. Licet. 4. C. de Acquir. posses. Et hoc procedit, quamvis inde discesserit nullo alio pro se in possessione relicto, arg. d. l. Licet. ibi: Praediorum desertam possessionem. Idque clarius habetur in L. 1. §. Interdictum autem hac. ff. de Vi et vi armat. Porro hujusmodi possessio semper est justa, utpote juris adminiculo subnix: et dicitur etiam civilis, eo quod Juris Civilis dispositione fuerit introducta, ejusque auctoritate fulciatur seu defendatur.

14. Possessio facti (quam et naturalem, seu corporalem appellant) est ipsemet actus possidendi, seu corporalis detentio alicujus rei. Et talis possessio

facti quandoque est justa, quandoque injusta: Justa quidem, quoties ipsa est conjuncta cum civili, habeturque concurrente juris adminiculo. Injusta vero, si sit naturalis tantum, seu facti duntaxat absque jure: qualis convenit furi respectu rei furtivae, et aliis injustis rerum alienarum detentoribus.

Tandem Possessio juris et facti simul, seu civilis et naturalis, dicitur illa, quae includit utramque; hoc est, tam jus quam actum possidendi. Et talis semper est justa, convenitque cuilibet Domino rem suam per corporalem insistentiam detinenti, seu possidenti. Porro hujusmodi possessio dicitur naturalis, eo quod Jure naturali primitus fuerit inducitur, et apud omnes Populos peraeque custodita, justa illud jam alligatum Deuter. c. 11. Omnis locus, quem calcaverit pes vester, vester erit. Unde haec vim suam non habet ex mera dispositione Legum Civilium, quamvis postea per has etiam ob suam naturalem aequitatem fuerit approbata; et hac ratione appelletur simul Possessio naturalis et civilis.

16. His adde, quod si quis alieno nomine possidet, ut puta Procurator, Inquilinus, servus etc. talia revera non censetur possidere. Nec enim idem est, possidere; et, alieno nomine possidere: nam in tali casu is possidet, cujus nomine possidetur, prout habetur expressum in l. Quod meo. §. 1. ff. de Acquir. possess. et c. Cum venissent. 9. §. fin. de Restitut. spoliati. Unde si quis personaliter quidem abest a rebus suis, tamen ibi reliquit Procuratorem, Custodem, vel alium, qui suo nomine sit in possessione ipsarum: talis non solum retinet possessionem civilem animo suo, sed etiam naturalem corpore alterius, l. Generaliter. 9. ff. eod. ac notat Summarium ibidem. Concordat textus in L. 1. §. Non alii. ff. de Vi et vi armat. ubi Glossa §. Retineo, inquit, quod talis retinet possessionem civilem per se, et naturalem per alios.

17. Addunt Doctores hoc loco aliam Possessionem, quam vocant, civilissimam: estque illa, quae acquiritur ex mera dispositione Legis: consuetudinis, aut statuti, absque alio actu corporis nostri, arg. l. Raptores. C. de Episc. et Cleric. ibi: Ecclesia vero omnem proprietatem, et plenam possessionem earundem rerum, nostro habeat beneficio. Caeterum haec non constituit novam speciem Possessionis civilis, sed solum importat differentiam in modo acquirendi: nam utraque habetur ex Legis dispositione, sed cum hoc discrimine, quod possessio civilis praerequirat apprehensionem veram, vel fictam rei possessae; non item possessio civilissima, utpote quae ex sola Legis, aut consuetudinis dispositione acquiritur absque alio actu apprehensionis corporalis vero, vel ficto. Jason in l. Possessio. n. 72. ff. de Acquir. possess.

18. Resp. II. Possessio ut sic ulterius dividitur in justam, et injustam; prout liquet ex proxime dictis n. 14. Item in eam, quae est bonae fidei, vel malae fidei, l. Possidere §. Genera. ff. de Acquir. posses. Et si quidem aliquis detinent rem alienam bonae fide (hoc est, non habens notitiam rei alienae, ut explicat Abbas in c. Si diligenti. n. 13. de Praescript. seu probe existimans, ejusmodi rem esse suam, quae tamen revera non est sua, sed alterius) dicitur is Possessor bonae fidei. Sin autem possideat rem alienam mala fide (id est, cum notitia rei alienae, seu bene cognoscendo, quod ea sit alterius, prout fur detinet rem furtivam) dicitur talis esse Possessor malae fidei.

19. Insuper Possessio alia dicitur vacua, alia non vacua: Possessio vacua in proposito censetur ea, quae a nemine detinetur, neque animo, neque corpore,

*l. Cum quaerebatur.* iuncta Glossa. §. *Vacuum. C. Unde vi.* Hinc si quis rem de facto detineat, etiam non iuste, possessio non censetur vacua, arg. c. *Cum nostris. 6. de Concess. Praebend.* Nam quia possessio alia est juris, alia facti, alia juris et facti simul; ut posset dici simpliciter vacua, deberet hoc verificari tam in iure, quam in facto. Idque vel maxime procedit in Litteris Beneficialibus, utpote quae sunt ambiguae, ac strictae interpretationis. Abbas in cit. c. *Cum nobis. n. 6. et 7.* iuncto textu, Glossa, et DD. ibidem. Insuper possessio non censetur vacua, si alius est in possessione rei, quamvis eam non possideat, *l. Si in emptione. §. 2. ff. de Action. empti.*

20 Secus dicendum; si res solummodo debeat servitutem aliquam realem, a nemine tamen possideatur, neque aliquis sit in possessione ejus custodiae causa, vel huiusmodi: nam talis Possessio adhuc censetur vacua, et qui eam tradit alteri, dicitur ipsi tradere possessionem vacuam, *l. Maevius. §. Fundo. ff. de Legat. II.* Interim tamen satendum, quod utilis non sit Possessio libera, eo quod habeat annexam servitutem. Atque ideo Notarii in confectione Instrumentorum super tractanda possessione rei vacuae, non superfluae, sed caute solent addere, atque cavere, ut rerum possessio et vacua tradatur, et libera. Felinus in c. *Cum Joannes. n. 30. et 31. de Fidei instrument.* Zoesius *l. in conventionalibus. §. Si quis vacuum. n. 4. ff. de Verb. obligat.* Jasson eod. §. *Si quis vacuum. n. 2.* et alii: atque ulterius desumitur ex *l. Si pro fundo. C. de Transaction.*

21 Ex dictis facile colligitur, quid sit Possessio non vacua: nempe haec est ea, quam quis alius possidet corpore, vel animo, vel saltem existit in ejus possessione. Nam quod aliud sit possidere, aliud esse in possessione, paulo superius num. 9. jam dictum fuit.

22 Rursus Possessio quandoque dicitur plena, quandoque pacifica. Et quidem per Possessionem plenam in proposito non intelligitur ea, quae opponitur vacuae: sed illa, qua quis possidet rem civiliter, et naturaliter, simulque pacifice. Sicut enim Plena proprietas intelligitur haberi, quando quis habet proprietatem, et usumfructum, et jus alienandi tanquam rem propriam, arg. *l. Foeminae. §. Illud. C. de Secundis nuptiis*; ac notat Baldus ibidem: ita Possessio plena censetur ea, quando quis rem possidet civiliter ac naturaliter, ac simul pacifice. Jasson in *l. Aedes. n. 7. ff. de Legatis I.* post Baldum in *l. Raptores. §. Sin autem. C. de Episc. et Cleric.*

23 Porro Possessio pacifica vocatur ea, quae nullam patitur juris, vel facti controversiam, intra, vel extra iudicium. Felix in d. c. *Cum Joannes. n. 33. de Fidei Instrument.* et Barbosa part. 2. de Offic. et potest. Episc. allegat. 19. n. 16. Hinc pacifice possidet, qui sine lite possidet Glossa in Clem. un. §. *Antea. de Sequestrat. possess.* Rebuffus tract. de Pacifica possessione. n. 1065. Et quidem Possessio pacifica semel acquisita, non desinit esse pacifica, si ex post facto desuper controversia moveatur. Glossa in c. *Commissa. 35. §. Pacificam. de Election.* in 6. iuncta Glossa margin. ibid. istud post Lapum intelligente, quando quis possessionem aliquamdiu, puta per mensem, vel duos menses, obtinuit sine litigio. Secus dicendum, si in ipsamet apprehensione sibi moveatur lis, *l. Si post perfectam. C. de Evictionib. vel saltem in continenti post, arg. c. Officii. 38. de Election.* et amplius probat Glossa, ubi supra.

24 Dividitur praeterea Possessio in eam, quae habet plus juris quam facti; et in eam, quae contra plus habet facti quam juris, et in eam, quae simul habet multum juris, et multum facti. Atque haec possessionis divisio clare desumitur ex c. *Cum nostris. 6.* iuncta Glossa, §. *Plus habet facti. de Concess. Prae-*

*bend. et l. Possessio quoque. 49. ff. de Acquir. possess.* Et quidem tunc Possessio censetur habere plus juris, minus facti, quando in ea plus versatur atque operatur juris dispositio, quam nostrum factum: ut est possessio, quae acquiritur nobis per servum, aut aliam personam in nostra potestate constitutam, d. *l. Possessio quoque etc.* Nam in hac parum intervenit de facto nostro (cum acquiratur nobis etiam ignorantibus, atque ex tunc jam currat usucapio, *l. 2. ff. Pro soluto.*) sed totum quasi procedit ex Juris humani artificio, seu dispositione. Hoc idem accidit in retinenda possessione: nam ex Juris dispositione haec retinetur etiam ab absente, qui discessit animo revertendi; et procedit praescriptio, sive usucapio ex parte sic possidentis.

Econtra tunc Possessio dicitur plus habere facti, quam juris, quando in ea plus operatur factum nostrum, quam juris dispositio. Sic accidit in acquirenda possessione, eo quod haec sine corporali apprehensione non procedat, *l. Licet. c. de Acquir. possess.* Et quia possessio per corporalem apprehensionem pariter jam acquirerebatur ante omnem humani Juris dispositionem, sic ea in acquirendo parum habet juris et plus facti. Aliud exemplum habetur in d. c. *Cum nostris. de Concess. Praebend.* ubi refertur possessio Praepositurae plus habens facti, quam juris: quia videlicet corporaliter quidem detinebatur, sed cum dubio juris, aut titulo solum colorato.

Tandem datur Possessio habens multum juris, et multum facti: ut sit, si possessio nobis acquiratur per Procuratorem. Nam ex Juris dispositione acquiritur ipsa nobis etiam ignorantibus, sed vi ejus non procedit usucapio, nisi nobis scientibus, d. *l. 2. ff. Pro soluto*: ac proinde multum habet juris, et multum facti nostri, utpote simul requisiti. Glossa in d. c. *Cum nostris.* et Abbas ibid. n. 14. de Concess. Praebend. et alii. Tacentur nonnullae aliae possessionis divisiones, utpote de quibus suo loco commodius agetur.

## §. II.

De differentiis Possessionis et Proprietatis, illiusque commodis.

### SUMMARIUM.

- 27 Possessionis nomen interdum significat proprietatem.
- 28 Ita tamen differunt, ut nihil commune habeat proprietas cum possessione.
- 29 Solvitur instantia.
- 30 Possessio, et proprietas, differunt quoad propriam naturam.
- 31 Ex diversis non fit bona illatio. Ibid.
- 31 Proprietas, et Dominium, important propemodum idem.
- 32 Nisi quod dominium sit terminus magis amplius: idque declaratur.
- 33 Possessio, et proprietas, differunt quoad modum acquirendi.
- 34 Et quoad modum amittendi; et qualiter?
- 35 Differunt etiam quoad effectus.
- 36 Et quia possessio est effectus domini, seu proprietatis.
- 37 Sententia lata super proprietate rei, absorbet sententiam super possessione latam pro adversario.
- 38 In aliquibus etiam dici potest, quod effectus possessionis sit dominium.
- 39 Possessionis commoda sunt valde eximia. Et, num. seqq.

Beati Possidentes. Ibid.

46. *Possessio relevat ab onere probandi, et transfert istud in Actorem.*
47. *Nisi praesumptio stet contra possessorem.*
48. *Aut Actor intentionem suam habeat fundatam in Jure.*
49. *Vel uterque contendat se possidere.*
50. *In pari delicto, vel causa, melior est conditio possidentis; et cur?*
51. *Idque exemplificatur.*
52. *Fallit hoc in causis favorabilibus; et quas sint tales?*
53. *Fallit eadem regula in Simonia reali.*
54. *Possessio parit praesumptionem bonae fidei pro possidente.*
55. *Nisi appareat de possessore antiquiori.*
56. *Nec junior possessor possedisset per tempus longissimum.*
57. *Vel saltem per decem annos.*
58. et 59. *Referuntur alii casus, in quibus possessio non parit praesumptionem bonae fidei.*
60. *Possessio parit etiam praesumptionem dominii.*
61. *Si duo habent causam ab eodem domino, melior est conditio ejus, qui possidet, seu cui res tradita fuit.*
62. *Fallit hoc in causis matrimonialibus,*
63. *Et Beneficialibus,*
64. *Ac nonnullis aliis casibus.*
65. *Possessio causa usucapionis conditionem.*
66. *Possessio debet exprimi in privilegio, quod tendit in praesudicium tertii possidentis.*
67. *Et parit restitutionem spoliati.*
68. *Possessio bonae fidei tribuit possessori jus administrationis.*
69. *Possessor bonae fidei lucratur fructus ex re possessa perceptos; secus dicendum de possessore malae fidei.*
70. *Possidens nec vi, nec clam, nec precario, debet a Judice in sua possessione manuteneri.*
71. *Etiam vitiosa possessio prodest adversus extraneos.*
72. *Possessor invasus potest vim vi repellere.*
73. *Alia possessionis commoda. Remissive.*

27. **Q**uæritur. I. An, et quomodo Possessio differat a Proprietate? Resp. I. Quamvis interdum nomen possessionis significet etiam proprietatem: tanta nihilo minus, et tam multiplex inter utramque est differentia, ut merito proprietatem censeatur nihil habere commune cum possessione. Ita communis. Et quidem prior pars habetur ex l. Interdum. ff. de Verb. signif. ibi: Interdum proprietatem quoque verbum possessionis significat: sicut eo, qui possessiones suas legasset, responsum est, cum concordantiis; etque jam dictum supra n. 5.

28. Altera pars reperitur expressa in l. Naturaliter. §. Nihil commune. ff. de Acquir. possess. illis verbis: Nihil commune habet proprietatem cum possessione. Esi enim ista jura possint intentari, atque frequenter intententur super eadem re; adhuc tamen sunt penitus distincta jura, et diversi effectus amborum: simulque sententia lata in uno, non praesudicat in altero. Et quia insuper nec ut pars, nec ut totum sese invicem contingant, neque unum necessario sequitur ad alterum, quin etiam ab invicem separari possunt: hinc non immerito proprietatem nihil censetur habere commune cum possessione. Sic quippe non raro contingit, quod aliquis sit possessor, qui non est dominus; alter dominus quidem, sed non possessor, l. 1. §. Hujus autem ff. Uti possidetis: atque patet in rebus mobilibus furto ablati, l. Si rem nobilem. 47. ff. de Acquir. possess. cum similibus. Sicut etiam nonnunquam obtinet aliquis

in possessorio, et succumbit in petitorio: ut c. Cum Ecclesia. 3. et c. Cum super. 4. h. t.

Nec obstat, quod tam possessio, quam proprietatem, sit jus quoddam spirituale. Resp. enim, hinc solum sequi, quod in jure spirituali convenient velati in genere; non autem, quod ipse in specie, atque secundum naturam suam spectatae, habeant quid commune: sicut a pari homo nihil censetur habere commune cum asino, licet cum ipso conveniat in animali, velati in genere proximo. Jason. l. Si quis autem n. 31. ff. de Acquir. possess. Accedit, quod nihil obstat, quin possessio et proprietatem sub uno respectu dicantur nihil habere commune, quatenus minimum sunt distincta jura, et ab invicem separabilia; adeo ut sententia lata super uno eorum, non praesudicat in altero: et tamen sub alio respectu habeant quid commune, nempe unitatem generis, vel etiam identitatem objecti, atque connexitatem causae, de quorum ultimo plura inferius §. 8. n. 248. et seqq.

Resp. II. Possessio, et Proprietatem differunt imprimis quoad propriam naturam, atque essentiam suam. Siquidem Possessio est jus, quo rem detineo ut meam: Proprietatem vero sive dominium, est ipsummet jus, quo res est mea, atque ergo sum dominus ejus. Et hinc fit, quod de possessione non liceat argumentari ad proprietatem, nec e contra: nam generaliter ex diversis non fit bona illatio de uno ad aliud, arg. l. Papinianus exuli. ff. de Minorib. et l. ult. ff. de Columniat. Abbas Consil. 10. n. 1. lib. 1. Barbosa tract. de Axiomat. axiom. 14. Card. Tuschus Litt. A. Concl. 501. numer. 2. Et hoc procedit tam positive quam negative: ita, ut id non liceat neque quoad positionem, neque quoad remotionem.

Notanter nam praeced. dictum est, proprietatem, sive dominium. Haec enim duo propemodum idem important: nam proprietatem accipitur etiam pro dominio in l. 1. §. Hujus autem ff. Uti possidetis. Et, quod idem sit dicere, Causa proprietatis, ac Causa dominii, dum discutitur, eas sit res, notat Abbas in c. 1. n. 2. h. t.

Dicitur, propemodum idem. Poterit enim sequens discrimen inter dominium, ac proprietatem notari: videlicet, quod Dominium sit terminus magis amplius, et comprehendat quodcumque dominium, tam directum videlicet, quam utile. Nam et usufructus pars dominii est, prout habetur in l. Usufructus in multis. ff. de Usufruct. Proprietatem vero accipitur solum pro dominio directo, et vero; prout liquet ex ipsa nominis etymologia. Siquidem Proprietatem dicitur quasi proprie tua res: adeo, quod in tali jure partem non habeat. Unde fit, quod proprietatem nunquam ponatur pro solo dominio utili: sicque Emphyteuta, Feudatarius, et hujusmodi, qui habent utile duntaxat dominium, non dicantur habere proprietatem rei, sed solus Dominus directus. Jason in l. Naturaliter. §. Nihil commune num. 13. et 14. ff. de Acquir. possess.

Resp. III. Possessio, et proprietatem differunt etiam quoad modum acquirendi. Nam proprietatem quandoque acquiritur solo animo, et ante actuale apprehensionem rei: prout adita haereditate illico transeunt omnia jura ad haerodem, l. Cum haeredes. ff. de Acquir. possess. et §. fin. Instit. Haerodem qualiter. E contra possessio nequit acquiri solo animo, et sine omni apprehensione vera, vel ficta, cit. l. Cum haeredes. et l. Possideri. ff. de Acquir. possess. et l. Licet. C. eod. cum similibus. Deinde possessio ex pluribus causis non contrariis haberi potest: proprietatem vero sive dominium, non nisi ex unica causa, d. l. Possideri. §. Ex pluribus. et l. Non ut ex pluribus causis. ff. de Reg. jur. Nam, quod

29

30

31

32

33



meum est, ex alia causa meum fieri non potest, nisi desiderit esse meum; ut inquit Pontifex in c. Inter dilectos. §. Ceterum. de fide instrument. iunctis concordantiis ibi a Glossa relatis.

34. Resp. IV. Possessio, ac proprietas, differunt ulterius in pluribus aliis. Nam proprietas solo animo amitti non potest, l. Si quis vi. §. 2. de Acquir. poss. Quod tamen cum Glossa ibidem intellige de solo animo, et retenta adhuc possessione rei: nam alioquin perditur dominium, et habetur res pro derelicta, si eam dominus abiecit eo animo, ut in numero rerum suarum esse nolit, §. penult. Instit. de Rerum divis. Possessio econtra solo animo amitti potest, d. l. Si quis vi et l. Possideri. §. In amittenda. ff. eod. ac dicitur amplius infra §. 6. n. 183. et seqq.
35. Insuper Proprietas causat Petitorium, auct rei vendicationem: Possessio autem causat Interdicta, vel Remedia possessoria, de quibus infra §. 3. n. 76. et seqq. Et sic etiam quoad effectus nihil habent communione, cum causent valde diversos.
36. Tandem, ut nonnullae aliae Possessionis, et Proprietatis differentiae taceantur, differunt ex eo: quia possessio est effectus domini sui proprietatis, estque commodum istius, arg. c. Saepo contingit. 18. de Restit. spoliat. et notat Abbas ibid. n. 1.
37. Et hinc sententia lata super proprietate rei, est maioris efficaciae; atque in executione praevalet, et absorbet sententiam super possessione latam in favorem adversarii, c. Cum Ecclesia. 3. et c. Cum dilectus. 6. in l. atque amplius declarabitur infra num. 272. et 292. et seqq.
38. Quamquam loquendo de iis, quae vel sub nullius dominio extiterunt, sicque fiunt primo occupantis (ut fera animalia, pisces maris, gemmae ac lapilli in litoribus inventi) vel quae in bello iusto capiuntur; etiam dici possit, quod effectus possessionis sit dominium, arg. l. Possessio. §. 1. ff. de Acquir. poss. ac notat Lasius ibid. n. 3. Idem accidit vi usucapionis, et praescriptionis: ubi constat, quod effectus possessionis, bona fide ac debito tempore continuatae, sit dominium rei, utpote vi dictae possessionis legitime praescriptum, sicque acquisitum.
39. Quaeritur II. Quae sint commoda, et privilegia Possessionis? Resp. I. Horum plura sunt, et valde eximilia: adeo, ut in §. Retinendae. Instit. de Interdict. recte notetur, quod quia longe commodius est et potius, possidere, quam petere: ideo plerumque et fere semper ingens existat contentio de ipsa possessione. Quin imo Glossa in lib. Feud. tit. De pace tenend. §. Acquirat, eos qui tenent et possident, Beatos appellat; nisi forte eorum adversarius probaverit de iure suo, ipsaque proprietate. Unde
40. Resp. II. Possessio imprimis relevat ab onere probandi, et transfert istud in Actorem. Nam Actore non probante, qui convenitur, etsi nihil praestiterit, obtinebit, ut dicitur in c. Cum Ecclesia. §. fin. h. t. Concordat textus in l. Possessiones. C. de Probat. ibi: Non enim possessori incumbit necessitas probandi eas (possessiones) ad se pertinere; cum te (Actore) in probatione cessante, dominium apud eum remaneat, cum similibus.
41. Limitatur tamen regula ista, et Conclusio, multipliciter cum Glossa in can. Accusator. 6. q. 5. et cap. un. §. Actore non. Ut beneficia Ecclesiastica etc. Nam primo ratione praesumptionis stantis contra possessorem aliquando transfertur onus probandi in item, seu possessorem: uti sit in cit. cap. un. Ut beneficia Ecclesiastica. et cap. ult. §. Sane. de Iurejurand. ubi ratio praesumptionis contra item possessorum, et pro Actore stantis, deferitur iteo possessori onus probandi.

Deinde hoc ipsum accidit, quoties Actor intentionem suam habet fundatam in Jure communi: nam tunc alia probatione non indiget, sed Res possessori incumbit onus probandi, arg. can. Contra morem. dist. 100. et l. Sive Possidetis. C. de Probat. Hinc etiam in cap. ult. de Restitut. spoliat. in 6. Ecclesia, quae petit restitutionem Decimarum in aliena Parochia possessorum non auditur, nisi antea probet, quod earum possessionem legitime fuerit assecuta: nam de Jure communi (nisi aliud speciale ostendatur Decimas spectare ad propriam Ecclesiam Parochialem, certum est, ac patet ex toto Tit. de Decimis.

Uterius saltem data regula seu Conclusio, in duplicibus judiciis: nam ibi utraque pars litigantium tenetur probare, et quae melius probaverit suam intentionem, obtinet, per textum in c. Ex litteris. 3. de Probat. et amplius dicitur infra §. 7. n. 38. Idem dicendum, quando uterque contendit se possidere, c. Licet causam. 9. de Probat. Tacentur nonnullae aliae limitationes memoratae regulae, de quibus Glossa n. 41. citata, et alii.

Resp. III. Insuper multum prodest possessio, et affert insigne commodum, dum in pari delicto, vel causa, melior est conditio possidentis, juxta Reg. 65. Juris in 6. et concordat textus in l. In pari. ff. eod. Quia enim in pari causa, duos titulos habet possidens; unum minus certum, parem tamen cum ejus adversario, nempe quod proprietas rei ad ipsum pertineat; alterum vero certum (quo caret adversarius ipsius) videlicet, quod possessio talis rei penes ipsum existat: merito in pari caeteroquin causa, possessor praefertur suo adversario: cum fortius stringant duo vincula, quam unum, cap. 1. de Treuga et pace, juncto illo Ecclesiastes cap. 4. Funiculus triplex difficile rumpitur.

Hinc ubi causa dubia reperitur, ac suborta inter quasdam controversia super rei proprietate, post factam diligentem inquisitionem adhuc remanet dubium: melior est conditio possidentis, et ipsi adjudicator causa, reique proprietates.

Excipe tamen hinc Causas favorabiles, matrimonii videlicet, libertatis, dotis, ac testamenti. Nam si in istis utriusque partis probationes extiterint aequales, non pro possessore, sed pro valore matrimonii, sive testamenti, dote aut libertate, profertur sententia: idque favore talis causae liberalis. Textus est in c. Ex litteris. 3. de Probation. et cap. ult. de Sent. et re judic. ubi proin Glossa allegat illos vulgatos versiculos:

Stat testamentum, libertas, conjugium, dos:  
Si sint aequales, qui producantur utrinque.

Fallit insuper allata regula in Simonia reali: nam recipiens aliquid per eam, tenetur acceptum restituere, c. De hoc. 11. de Simon. haud obstante, quod par sit delictum dantis, ac recipientis simoniae. Tacentur aliae fallentiae: ac proin allata regula, et praedictum possessionis privilegium, intelligi debet procedere regulariter, et nisi circa aliqua Jus speciale quid disponat.

Resp. IV. Possessio insuper parit praesumptionem bonae fidei: adeo, quod quilibet possidens censeatur in dubio esse possessor bonae fidei. Ita Glossa in c. si diligenti. §. Bona fides. de Praescript. et c. Sanctorum. §. Sincere. eod. ac notat Petrus de Ubaldis Repetit. in cit. c. Si diligenti. num. 28. de Praescript. et Mascardus Concl. 1007. de Probat. numer. 12. ubi cum pluribus Doctoribus a se citatis docet, quod possidere bona fide quis praesumatur, nisi probetur contrarium; l. penult. C. de Eviction. cum similibus. Et merito: quia semper praesumitur malus, nisi probetur malus, arg.

cap. un. de Scrutinio in ordine faciend. et cap. ult. de Praesumpt. Et quia nemo delinquere praesumitur, quin potius in dubio quilibet jure suo uti censendus est, l. Merito. ff. Pro socio: hinc pariter sequitur, quod possidens, nisi aliud probatur, nec vi, nec clam, nec precario possidere praesumatur. Mascardus de Probation. Concl. 1197. n. 57. et 58.

- 49 Fallit tamen data Regula, et adjectum proxime privilegium, in nonnullis casibus. Primo, quando apparet de possessore antiquiori: tunc enim possessio recens praesumitur vitiosa, clandestina et minus iusta; atque ipsemet possidens (nisi titulum verum, aut saltem putativum, allegare valeat) praesumitur esse in mala fide, arg. c. Licet causam. g. de Probation. ac notat Abbas c. Si diligenti. n. 15. et 16. de Praescript. Bartolus in L. ult. circa fin. C. Unde vi. et l. Lucius. §. Quaero pone. ff. de Usucapion. Petrus de Ubaldis loc. cit. nu. 35. et alii. Accedit ratio: tum quia contra talem juniorem possessorem (nisi titulum allegare valeat) recte antiquior possessor optinere poterit malam fidem, juxta illud: Quod tuum non erat, scire debebas ad alium pertinere, L. ult. C. Unde vi. Tum quia duo simul, ac in solidum, eandem rem possidere non possunt: ille vero, qui olim possedit, etiam hodie possidere praesumitur, arg. l. Licet. C. de Acquir. possess. et l. Sive possidetis. C. de Probat. et cum communi notat Mascardus Concl. 1200. de Probat. num. 6. et alibi Unde consequens est possessionem juniorem (si ejus iustitia aliunde non ostendatur) praesumi vitiosam, et clandestinam. Etenim ille censetur clam possidere, qui furtive ingressus est in possessionem eo ignorante, quem sibi controversiam facturum suspicabatur, et ne faceret, timebat, text. clar. l. Clam. possidere. ff. de Acquir. possess.

- 50 Intellige, dummodo noviter possidens non possedisset per longissimum tempus, puta per triginta annos: alioquin enim iste praesumeretur esse in bona fide, quantumcumque appareat de possessione antiquiori alterius. Abbas cit. n. 16. Bartolus in L. ult. circa fin. C. Unde vi. Petrus de Ubaldis cit. n. 35. allegans alios.

- 51 Quin imo, si junior possidens probaverit, se a decem annis citra possedisse, atque antiquiorem possessorem illis decem annis desisse possidere: similiter non procedit dicta praesumptio contra eum ex antiqua possessione: quia per desistentiam longi temporis, sive decennii; inducitur negligentia, oblivio, atque amissio possessionis ex parte alterius, qui habuit anteriorem possessionem, ab ea tamen per decennium desistit. Mascardus d. Concl. 1200. num. 86. et seqq. post Bartolum in cit. l. Lucius. §. fin. ff. de Usucap. Baldum, et alios.

- 52 Fallit ulterius data regula, sive quod possessio pariat praesumptionem bonae fidei, quando intervenit denunciatio: ut si denunciatum fuerat a domino, ne quis emat, eo quod res non sit distrahenda. Nam talis denunciatio constituit emptorem malae fidei possessorem, l. Si fundum. de Rei vindicat.

- 53 Fallit tertio, quando quis rem acquirit contra jus: ut l. Quamquam, C. de Agricol. et censib. lib. 10. Vel mercatur contra leges, harumque prohibitionem, juxta Reg. 82. Joris in 6. ibi: Qui contra jura mercatur, bonam fidem praesumitur non habere. Ut si quis emit a prodigo, cui bonis interdictum fuit, l. Qui fundum. §. Qui scion. ff. Pro emptor. et l. Si quis ff. eod. Tacetur aliae hujusmodi fallentiae, quarum quindecim adducit Petrus de Ubaldis cit. Repetit. in c. Si diligenti. num. 30. et seqq. de Praescript.

- 54 Resp. V. Possessio ulterius parit praesumptionem dominii, arg. L. ult. C. de Rei vindicat. et §. REIFFENSTUEL Jus Can. Tom. II.

Retinendas. Instit. de Interdict. Proinde habere is dicitur, qui utitur, et jure possessionis fruatur, per textum notabilem in l. Praetor ait. 2. §. Habere. ff. Ne quid in loco publico etc. Et quod possessor praesumatur etiam esse dominus, et qui dicit contrarium, probare debeat, tradit Card. Tuschus Litt. P. Concl. 427. n. 13. post Paulum de Castro Consil. 139. lib. 1. Idemque docet Federicus de Senis Consil. 13. §. Secundum est. ac Myusinger d. §. Retinendas. num. 12. Ubi tamen istud ait esse intelligendum, quando dominium deducitur in judicio incidenter: secus, si principaliter, ut quia rei vindicatione agitur; nam tunc probatio dominii necessaria est, arg. c. Cum Ecclesia. 3. h. t. ac notat etiam Mascardus de Probation. Concl. 1201. n. 71. et seqq.

Resp. VI. Insuper possessio illud commodi affert, quod si duo habeant causam ab eodem domino, melior sit conditio ejus in detinendo dominio, qui possidet, sive cui Reus tradita fuit. Patet hoc clare ex l. Quoties. C. de Rei vindicat. ubi exemplum hujus ponitur de fundo duobus in solidum vendito: nam (inquit textus) manifesti juris est, eum, cum priori traditum est, in detinendo dominio esse potiorum.

Fallit tamen hoc ipsum in pluribus casibus: videlicet in causis matrimonialibus, c. Tuas. 5. de Sponsa duor. ubi deciditur, quod is, qui duas per verba de praesenti desponsavit, primam desponsatam habere debeat in uxorem, etiam si prius cognoverit secundam. Nam vinculum matrimonii Jure Divino existit indissolubile, quod per consensum de praesenti rite contrahitur.

Fallit insuper in Beneficiis Ecclesiasticis, in quibus valet prior collatio, non posterior, etiam si haec sit conjuncta cum possessione, seu actuali receptione ipsius Beneficii, c. Tibi qui. 12. de Rescript. in 6. et c. Eum cui. 7. de Praebend. in 6.

Quin etiam, ut taceantur nonnulli alii casus, fallit id ipsum in Ecclesia, vel alio Loco Religioso, aut Civitate emptore: nam ista vi specialis privilegii, causa Religionis, vel ob favorem publicum talibus concessa, excludunt secundum emptorem, non obstante traditione mereis hanc facta, et possessione ejus subsequuta; l. Ut inter. C. de Sacrosanct. Eccles.

Resp. VII. Possessio plura alia affert commoda, et privilegia: nam, ulterius, atque septimo causat usucapiendi conditionem: et si cum bona fide, atque legitimo tempore sit continuata, parit praescriptionem: ita quidem, ut res, quae prius revera non fuerat possessoris, elapso tempore a Jure praefinito fiat propria possessoris, et iste non amplius tenetur eam pristino domino, postea primum ipsam repetenti restituere, L. 3. ff. de Usucapion. cum similibus.

Octavo. Possessio debet exprimi in privilegio, quod tendit in praedictum tertii possidentis: alioquin istud non praedictat possessioni, arg. c. Dudum. 31. de Privileg. et cap. 2. §. 1. de Decimis. in 6. Neque enim intentio Principis est, per suum privilegium inturbare, seu cuicumque auferre jus possessionis, nisi id exprimat; aut saltem verba privilegii sint adeo universalis, et clara, ut ex ipsis mens Principis, sive concedentis, satis appareat, quod voluerit etiam possessionem comprehendere. Tuschus Litt. P. Concl. 427. num. 1. et 2. et alii.

Nono. Possessio, a qua aliquis privata alterius violenta fuit dejectus, vel clam ea privatus, parit restitutionem spoliati. Et haec quidem ante omnia necessario debet fieri, non obstante, quod spoliator, sive occupator rei ab altero prius possessae, alleget titulum, velique probare, rem illam esse suam. Siquidem restitutio spoliati ante omnia fieri

- debet, c. *In litteris*. 5. et seqq. de *Restitut. spoliat.* atque ibidem amplius dicitur.
- 62 Decimo. Possessio bonae fidei tribuit possessori jus administrationis. Hinc, si quis sit in possessione, vel quasi possessione, eligendi, praesentandi, vel instituendi Clericos in Beneficio, aut huiusmodi: valida est electio, praesentatio etc. ab ipso facta, quamvis postmodum appareat, tale jus non ad ipsum, sed ad aliquem alium pertinuisse. Patet hoc ex c. *Querelam*. 24. iuncta Glossa, v. *Super Jura. de Election.* et clarius c. *Consultationibus*. 19. de *Jurepatronat.*
- 63 Undecimo. Possessio bonae fidei id juris tribuit possessori, ut hic lucretur fructus ex re taliter possessa perceptos, neque ipsos jam consumptos cogatur domino postmodum comparenti restituere, §. *Si quis a non domino*. *Instit. de Rerum divis. et l. Bonae fidei*. §. 1. ff. de *Acquir. rerum domin.* atque ex professo declarabitur Tit. seqq. §. 6. num. 127. et seqq. Secus dicendum de male fidei possessore: nam is indistincte omnes fructus, licet consumpti fuerint, cogitur restituere, cit. §. *Si quis a domino*, cum similibus.
- 64 Duodecimo. Possessio praestat hoc commodum, ut si quis tempore motae litis in possessione reperiat, et nec vi, nec clam, nec precario possideat, a Iudice defendi, et in sua possessione manuteneri debeat, Et 1. ff. *Uti possidetis*, et l. 1. C. de *Servitut. cum concordantiis*.
- 65 Quia imo etiam vitiosa possessio prodest adversus extraneos, etsi non contra Dominum rei. Textus est in l. ult. ff. de *Acquir. possess. et d. l. 1. §. fin. Uti possidetis*. Hinc Pontifex in c. *In litteris* 5. de *Restitut. spoliat.* inquit, quod etiam praedo secundum rigorem juris sit restituendus: de quo tamen plura Tit. seqq. §. 3. n. 59. et seqq.
- 66 Tandem possessio id commodi tribuit, quod possessor ab altero iniurius possit vim vi repellere, remque suam defendere, adhibitis etiam armis, si ita opus fuerit: aut jam expulsus, possessionem suam repetere, dummodo id statim, sive in continenti fiat, c. *Olim causam*. 12. de *Restitut. spoliat.* et l. *Idem est*. ff. de *Vi et vi armat.*
- 67 Alia plura possessionis commoda, seu privilegia existunt: adeo, ut Barbatia in *Repet. Rubric. de Causa possessionis et proprietatis*, centum privilegia possessionis enumeret. Verum praemissa sunt principaliora.

## §. III.

De Causa possessionis et proprietatis: ubi et de Interdictis.

## SUMMARIUM.

- 68 Causa possessionis, quae?
- 69 Appellatur etiam momentanea: et cur?
- Judicium possessorium, quod? N. 68.
- 70 Causa proprietatis, quae?
- Judicium petitorium, quod? Ibid.
- 71 Judicium possessorium est triplex: et quale?
- 72 Judicia possessoria alio nomine appellantur Interdicta.
- 73 Interdicta, unda sic dicantur?
- 74 Interdicti nomina non intelligitur hic Censura Ecclesiastica.
- 75 Interdictum in proposito, quid?
- 76 Differentiae inter Interdicta, et Actiones, olim erant plures.
- 77 Hodie in effectum nulla remanet differentia.
- 78 et 79 Interdicta varie dividuntur. Et n. seqq.
- Nempe ex parte rerum, quibus competant.

- 80 Item ab effectu et sic dividuntur in
- 81 Interdicta prohibitoria, restitutoria, et exhibitoria: et quid?
- 82 Interdicta mixta, quae?
- 83 Aliae Interdictorum divisiones.
- 84 Interdictum adipiscendae possessionis, quid?
- 85 Est triplex.
- 86 Interdictum Quorum bonorum, unde sic dicatur?
- 87 Quid,
- 88 Et quale sit?
- 89 Interdictum Quorum legatorum, et
- 90 Interdictum Salvianum, quid?
- 91 Interdictum retinendae possessionis, quid?
- 92 Dividitur in Interdictum Uti possidetis, et in Interdictum Utrobi, et quid?
- 93 Interdicta haec, quando locum habeant?
- 94 Quando de possessione constat, dantur alia Remedia retinendae possessionis. Et n. praec.
- 95 Interdictum recuperandae possessionis, quid?
- Appellatur Interdictum Unde vi. Ibid.
- 96 Interdictum hoc, quibus competat?
- 97 An, et quando etiam competat vi, vel clam possidendi? Et n. praec.
- 98 Interdictum Unde vi, pertinet solum ad res immobiles.
- 99 Non vero ad mobiles.
- 100 Nisi accessorie, seu nisi existerent in re immobili.
- 101 Praeter Interdictum Unde vi, dantur plura Remedia recuperandae possessionis.
- 102 Quae tamen non sunt Interdicta.

Quaeritur 1. Quid sit causa possessionis et proprietatis, et quale Judicium utrique correspon-  
deat? Resp. 1. Causa possessionis est, in qua principaliter possessione agitur de sola possessione, vel quasi sive adipiscenda, sive retinenda, sive recuperanda: ut si Actor principaliter petit per Iudicem declarari, quod possessio ejuspiam rei ad ipsum pertineat, quisquis interim illius sit dominus. Et huic correspondet Judicium possessorium: estque illud, in quo controversitur super sola rei possessione, vel quasi possessione.

Porro Causa possessionis alio nomine appellatur momentanea: ut videre est in l. ult. C. Qui legitimam personam standi etc. ubi dicitur: Momentaneas possessionis actio: iuncta Glossa, v. Momentanea. Concordat textus in can. Ei qui appellat. §. De possessione. 6. q. 2. illis verbis: De possessione etiam, et ejus momento: id est, ut explicat Glossa, de momentanea possessione: Et dicitur, momentanea, quia apta est durare momentu: nam potest contingere, quod quis viuat in possessorio, sique ipsi possessio adjudicetur: ejusque adversarius superet in petitorio, ac proin huic res controversa mox restituatur: hac enim ratione alterius possessio durabit momento, sive tempore modicissimo: ut extat exemplum in c. Cum Ecclesia. 2. et c. Cum dilectus. 6. h. t. Glossa, ubi supra, Felinus c. Edoceri. n. 3. §. Restringe tamen. de Rescript. et alij.

Causa proprietatis contra est illa, in qua principaliter disceptatur de proprietate, sive de dominio, aut alio jure ejuspiam rei, extra possessionem vel quasi possessionem: ut si Actor postulet declarari per Iudicem, quod proprietas sive dominium talis rei sibi competat, Reus vero id neget. Ex Judicium super tali causa institutum, appellatur petitorium, eo quod Actor petat rem ipsam: velique, ejus proprietatem, sive dominium, sibi per Iudicem adjudicari. Quod si tam causa possessionis, quam proprietatis, simul in judicium deducatur, dicitur Agi super possessorio et petitorio simul, atque utrumque judicium cumulari.



71. Queritur II. Quotplex sit Iudicium possessorium, et unde dicatur Interdictum? Resp. I. Iudicium possessorium generatim est triplex; videlicet adipiscendae, retinendae, et recuperandae possessionis. Patet hoc ex §. *Sequens. divisio. Instit. de Interdictis*. Et ratio est; quia omnis actio, quae super possessione moveri potest, vel instituitur ratione adipiscendae possessionis, quam Actor nunquam habuit; vel ratione retinendae possessionis, quam Actor habet, sed in ea ab alio turbatur, aut impeditur; vel ratione recuperandae possessionis, quam olim Actor habuit, sed postea per injuriam alterius, aut infortunium amisit. Patet igitur bonitas datae divisionis, quoniam ea non sit essentialis, sed duntaxat detur juxta diversum respectum accidentalem habitae vel non habitae prius possessionis.

72. Resp. II. Eiusmodi Iudicia possessoria alio nomine in iure appellantur *Interdicta*. Textus est in cit. §. *Sequens. divisio. Instit. de Interdictis*. ac notat Glossa communiter recepta in c. *Pastoralis*. §. *Interdictum. h. t.*

73. Dicuntur autem *Interdicta*, non ab *interdicendo*, ut olim quidam voluerunt (nam Interdictis quandoque Praetor etiam aliquid fieri jubet; ut patet in interdictis restitutoris et exhibitoris, quibus aliquid restitui, aut exhiberi jubetur.) sed quia inter duos dicuntur, prout habetur in §. *Summa autem. Instit. de Interdictis*. ac notat citata Glossa: vel quia sunt quasi *interim dicta*, hoc est, ad tempus, salvo jure partium, donec videlicet super ipsa rei proprietate cognoscatur; non vero in perpetuum. Mynsinger ad cit. §. *Summa autem. n. 23*. Et quia de Interdictis non solum in Jure Civili, sed etiam in Jure Canonico frequens sit mentio; ut patet ex c. *Pastoralis*. §. *h. t. et c. Audita. 4. et c. Item cum. 6. et c. Cum venissent. 9. et c. Cum ad Sedem. 15. de Restit. applicat. junctis Summariis, et DD. ibidem: hinc pro meliori Interdictorum intelligentia.*

74. Queritur II. Quid, et quotplex sit Interdictum? Ubi nomine *Interdicti* non intelligitur Censura Ecclesiastica (de hac enim alibi sit mentio, nimirum Lib. 5. Tit. 27. de Clerico excommunicato, deposito, vel interdicto ministrante) sed Interdictum hoc loco sumitur pro Iudicio possessorio. Quo praenotato

75. Resp. I. *Interdictum*, quantum ad propositum est solemnis conceptio verborum, quibus Praetor seu Juxta aliquid fieri jubet, aut fieri prohibet, maxime super possessione, vel quasi possessione. Textus est in §. 1. *Instit. de Interdictis*. ubi dicitur: *Erant autem interdicta formae atque conceptiones verborum, quibus Praetor aut jubebat aliquid fieri, aut fieri prohibebat: quod tunc maxime fiebat, cum de possessione, aut quasi possessione inter aliquos contende-batur.*

76. Et quidem antiquitus erat differentia inter Interdicta, et Actiones: haud obstante, quod Actio quoque fuerit certa quaedam verborum conceptio, sive formula, L. 1. et 2. C. de Formulis et impetratione actionum sublati. Primo siquidem solemnitates Actionum fuit introducta a Jure Civili; solemnitates Interdictorum a Jure Praetorio. Deinde formula ipsa verborum in eis diversa fuit: nam Interdicta reddebantur a Praetore loquente inter duos, qui interdictum intenterant (unde etiam Interdicta vocabantur, quasi *inter duos dicta*) prout videre est in L. 1. §. 1. ff. de Vi et vi armat. ibi Praetor ait: *Sic ut illum dejecisti etc.* Contra Actiones generaliter, et in persona omnium formabantur, L. 2. §. Deinde ex his ff. de Origin. juris. Super diversa erat formula agendi: nam Interdicta a Praetoribus, Actiones a ceteris Magistratibus formabantur. Uterius in Actionibus observare oportebat rectam viam iudiciorum: contra vero Interdicta per Praetores red-

debantur litigantibus sub certa quidem et solemni verborum forma, sed causa duntaxat summam cognita. Hostiensis in Summa, tit. de Causa proprietatis, num. 3. Glossa §. 1. *Instit. de Interdictis*. §. *Conceptiones*. Mynsinger §. *Ne ordine. num. 1. Instit. eod. et alii.*

Hodie tamen sublatis Interdictorum, et Actionum solemniibus formulis, per cit. L. 1. epa. C. de Formul. actionum sublat. nulla in effectum remanet differentia inter Interdictum, et Actionem. Quia imo Interdictum est actio in factum Praetoria: hoc est, a Praetore inventa et obligans in quantum religioni iudicantis aequum visum fuerit, ac Res facere potuerit. Sive (ut alii loquuntur) Interdictum est actio extraordinaria in factum ad possessionem vel adipiscendam, vel retinendam, vel recuperandam; §. *fin. Instit. de Interdictis*; juncto L. 2. et 4. C. Unde vi. Ac proinde non immerito Rubrica Lib. 43. ff. sic ponitur: *De Interdictis, quae extraordinariis actionibus, quae pro his competunt*. Ubi Glossa inquit: *Ex ergo Interdictum nihil aliud, quam actio Praetoria; et quodcumque proponatur, non est vis scilicet Actio in factum, vel Interdictum.*

Resp. II. Interdictorum variae sunt divisiones: uti videre est in L. 1. et 2. ff. de Interdictis. Et primo quidem respectu rerum, pro quibus competunt, dividuntur Interdicta in ea, quae dantur de rebus Divinis, et quae competunt de rebus humanis. De Divinis quidem, puta, de Locis sacris et religiosis, datur Interdictum *Ne quid in loco sacro fiat*. Item, ut si quid indecens sit factum, inde tollatur. Item Interdictum *de Mortuo inferendo*, et huiusmodi; prout ibidem subiungitur.

Porro in ordine ad res humanas, Interdicta varie subdividuntur. Quia aliqua dantur de illis rebus humanis, quae nullius sunt ut personae liberae, quae hoc ipso, quod liberae sint, nullius existant: et de his datur Interdictum *de Libero homine exhibendo*; item, *de Liberis exhibendis*. Alia vero Interdicta competunt de illis rebus humanis, quae sunt alicujus: et hoc sit adhuc diversimode, sicut et ipsae res aut sunt publicae, puta viae, flumina, aliaque loca publica, aut privata; quae vel spectant ad universitatem, vel ad singulares personas, de quibus specialia competunt Interdicta; prout cit. L. 1. et 2. ff. de Interdictis. et ibidem per plures subsequentes Titulos habetur, ac fusius explicant Juris Civiles Interpretes.

Resp. III. Alia Interdictorum divisio, desumpta ab effectu, est in prohibitoria, restitutoria, et exhibitoria. Textus est in cit. L. 1. juncto Bartolo, et DD. ibid. ff. de Interdictis. et §. *Summa autem. Instit. eod.* Et quidem.

*Interdicta prohibitoria* sunt, quibus Praetor aliquid fieri prohibet: ut Interdictum, *Ne vis inferatur sine vitio possidenti*, aut in flumine publico naviganti, et huiusmodi; prout cit. §. *Summa autem. Instit. eod.* exemplificatur. *Interdicta restitutoria* dicuntur, quibus Praetor aliquid restitui jubet: ut cum jubet, ei, qui vi de possessione fundi dejectus est, possessionem restitui, aut huiusmodi. Tandem *Interdicta exhibitoria* sunt, per quae Praetor jubet aliquid exhiberi: hoc est, in publico ostendi: ut est interdictum de exhibendo hominem, de cuius libertate agitur, et detinetur alicubi invidus: item de exhibendo libertum, cui patronus operas indicere vult: aut de exhibendis parenti liberis, qui in potestate ejus sunt, et ab alio detinentur; uti exemplificatur cit. §. *Summa omnium. et seqq. Instit. de Interdictis*. et L. 1. ff. de Liberis exhibendis. Hostiensis in Summa tit. de Causa proprietatis, n. 4. et 5. et alii.

Hic Juris Consultus in cit. L. 1. ff. de Interdictis. addit Interdicta mixta, quae nimirum sunt et pro-

inhibitoria, et exhibitoria: ut est Interdictum, *Ne eis fiat ei, qui in possessionem missus est*: nam Praetor prohibet vim fieri possidenti, ac simul iubet possessionem amissam restitui. Hostiensis *loc. cit.* n. 5. allegans alia exempla. Verumtamen interdicta mixta non constituunt diversam, sed quartam speciem talium Interdictorum, cum Iuris-Consultus ibidem tres solum dicat esse horum species; uti notat ibi Bartolus.

- 83 Resp. IV. Inter alias Interdictorum divisiones, de quibus Hostiensis *cit.* n. 4. et 5. cum aliis, ulterior, atque desumpta a fine, propter quem conceduntur, est divisio in interdicta adipiscendae, retinendae, et recuperandae possessionis. Textus est in *L. 1. ff. de Interdict.* et §. *Sequens divisio. Instit. eod.* Et quodlibet horum membrum subdividitur in alia membra: quae quia etiam in Jure Canonico locum habent, praesertim circa Beneficia Ecclesiastica adipiscenda, retinenda, vel recuperanda, operae pretium est, de singulis speciatim quaestionem proponere: unde

- 84 Quaeritur II. Quid, et quotuplex sit Interdictum adipiscendae possessionis? Resp. I. *Interdictum adipiscendae possessionis* est illud, quod competit illis, qui antea non sunt nati possessionem. Textus est in *cit. L. 1. §. Adipiscendae. ff. eod.*

- 85 Resp. II. Interdictum adipiscendae possessionis rursus est triplex, videlicet Interdictum *Quorum bonorum*, Interdictum *Quorum legatorum*, et Interdictum *Salvianum*. Patet hoc ex *cit. L. 1. ff. et §. Sequens divisio. Instit. eod.* et tradit Glossa in *c. Pastoralis. §. Quod de recuperanda.* et Abbas *ibid.* n. 12. h. 2. et alii. Quamvis enim Jacobus Menochius in *Commentariis de adipiscenda, retinenda, et recuperanda possessione*, addat nonnulla Remedia adipiscendae possessionis, quorum unum habetur ex *L. ult. C. de Edicto Divi Adriani tollendo*. Alterum, ex *L. 3. C. de Pignorib.* Et tertium, ex Iudicis officio, de quibus fusissime tractat citatus Auctor a Remedio 4. *adipiscendae possessionis usque ad Remedium. 6.* Haec tamen non sunt interdicta, juxta dicenda inferius n. 102. Igitur pergendo de Interdictis,

- 86 Resp. III. Interdictum *Quorum bonorum* sic dicitur a primis verbis suis, quibus incipit, ac refertur in *L. 1. Quorum bonorum*. Sicut in simili Rescripta Pontificia, seu Litterae Papales, quandoque trahunt suam denominationem ab initiis: ut illa, quae vocantur, *Si alteri, Si neutri, Si nulli, Si rationi congruit*, eo quod tale initium habeant.

- 87 Porro Interdictum *Quorum bonorum* est, quod competit haeredi ad capiendam hereditatem, quam nunquam habuit, contra possidentem pro haerede (hoc est, contra eum, qui putat se haereditatem esse, cum tamen non sit) aut contra possidentem pro possessore; hoc est, contra eum, qui nullo jure possidet hereditatem, sciens eam ad se non pertinere. Ita desumitur ex *cit. §. Sequens divisio. Instit. de Interdict.* et *L. 1. ff. Quorum bonorum*. Et quamvis ibi Interdictum *Quorum bonorum* concedatur directe soli haeredi Praetorio, sive illi, qui *succedit alteri jure Praetorio*: nihilo minus ob paritatem rationis, et aequitatis, istud etiam competit illi, qui succedit alteri de Jure Civili, arg. *L. 1. C. Quorum bonorum*.

- 88 Ea hinc Interdictum *Quorum bonorum* est directum respectu haeredis Praetorii, utpote cui Praetor illud directe concesserat: utile vero respectu haeredis de Jure Civili succedentis; nam et iste utiliter eodem expeditur, Bartolus in *cit. L. 1. ff. Quorum bonorum.* et *L. 1. C. eod.* Quia vero Interdictum hoc datur contra possidentem pro haerede, vel pro possessore: hinc illud est restitutorium, adipiscendae possessionis gratia, in bonis hereditariis comparatum. Atque in effectu nihil aliud est, quam Pe-

titio hereditatis: nisi quod petitio hereditatis spectet ad iudicium petitorium, causamque proprietatis concernat: Interdictum *Quorum bonorum* vero respiciat Iudicium possessorium, causamque possessionis, quae facilitior est probationis, et non tam longas habet litis moras, sicuti petitorium.

Resp. IV. Interdictum *Quorum legatorum* dicitur illud, quod dator haeredi contra Legatarium, qui jacente hereditate apprehendit legatum propria auctoritate, ut istud haeredi restituat. Et enim sequissimum Praetori visum est, unumquemque non sibi ipsi jus dicere occupatis legatis, sed hoc ab haerede petere, *L. 1. §. 1. ff. Quorum legatorum*. Abbas *cit. c. Pastoralis. n. 12. h. 1.* et alii. Et istud ideo dicitur *Interdictum adipiscendae possessionis*, quia locum habet, si Legatarius occupando praevenit haereditatem, ita ut hic rei legatae nunquam habuerit possessionem: nam si istam habuisset, et amisset, competeret Interdictum *recuperandae*. Melchior Kling *Tit. de Interdict.* num. 5.

*Interdictum Salvianum*, sic appellatum ab auctore suo Salvo Juliano, etiam est adipiscendae possessionis: et competit Domino fundi de pignoribus, sive de possessione rerum Coloni tacite sibi obligatarum, ne suam amittat pensionem, *L. 2. ff. de Interdict.* et §. *Sequens divisio. Instit. eod.* Abbas in *d. c. Pastoralis. nu. 4. h. 2.* et alii. Unde, si res illae, quas Colonus in fundum a se conductum intulit, sique tacite sunt obligatae, seu oppignoratae Domino fundi pro praestanda annua pensione, ante solutam pensionem aliorum exportentur: potest Dominus fundi per hoc Interdictum agere, ut eandem possessionem acquirat. Et dator hoc Interdictum etiam adversus tertium possessorem, qui res Coloni, praedium rusticum vel urbanum conducentis, loco pignori fundo illatas, vel alias pro debito obligatas occupat, *L. 1. ff. de Salviano Interdict.*

Quaeritur IV. Quid, et quotuplex sit Interdictum retinendae possessionis? Resp. I. *Interdictum retinendae possessionis* est illud, de quo agimus, ut retineamus possessionem, quam habemus. Et servit hoc Interdictum vel maxime ad hoc, ut quis per Iudicem conservetur in possessione rerum sive mobilium, sive immobilium, de quarum proprietate inter aliquos controversitur, et quaestio antea oritur, uter ex litigatoribus possideat: de hoc enim prius constare debet, ut sciatur, quis potere debeat, sique ipsi velut Actori onus probandi incumbat, §. *Retinendae. Instit. de Interdict.* cum similibus.

Resp. II. Interdictum istud subdividitur in Interdictum *Uti possidetis*, et in Interdictum *Utrobi*. Textus est in *cit. §. Retinendae. Instit. de Interdict.* ac notat Glossa in *c. Licet causam. 11. §. Uti possidetis. de Probat.* et Abbas in *c. Pastoralis. num. 16. h. 2.* cum communi. Et quidem Interdictum *Uti possidetis* locum habet, quando contenditur de retinenda possessione rerum immobilium, v. g. fundi, aedium, et huiusmodi: Interdictum *Utrobi* vero, quando quaestio est de retinenda possessione rerum mobilium, d. §. *Retinendae. et Lum. ff. Utrobi*. In quo posteriori loco notanter additur, quod *vis hujus sit exaequata interdicto Uti possidetis*: et *is in hoc interdicto vincat, qui nec vi, nec clam, nec praecario, dum super hoc ab adversario inquietatur, possessionem habet*: ac proin Iudex decernere debet, talem debere retinere possessionem suam: et sicut haecenus possedit, ac possidet, ulterius libere possidere.

Et haec duo Interdicta praecipue locum habent, quando orta super rei proprietate controversia prius quaeritur, sique inter partes litigantes con-

tenditur super possessione rei, eo quod melior sit conditio possidentis, cit. §. *Retinendae. Instit. de Interdict.* Nam quando de possessione constat, fatendum est, plura alia Remedia retinendae possessionis in Jure prodita reperiri, quibus possessor injuste ab alio molestatus, inquietatus, aut interturbatus in sua possessione retineatur: qualia ad longum enumerat Jacob. Menochius in cit. *Commentar. de adipiscenda, retinenda, et recuperanda possessione, Remar. 1. et seqq. de Retinenda possess.* et sunt sequentia: videlicet, praeter duos jam enumerata,

94. Uterius datur remedium retinendae possessionis ex Interdicto, *Ne vis fiat ei, qui in possessionem missus est*: ut loquitur Rubrica, et concordat textus in *L. 1. ff. eod.* Atque per hoc consultum est illis, qui suam possessionem Praetoris, seu Judicis auctoritate obtinent, tueri volunt. Item illud ex Interdicto *De Superficiebus*: quod prodest illi, qui turbatur in possessione superficiei, quam habet in alieno solo. Item illud ex Interdicto *De itinere, actuque privato*. Item illud ex Interdicto *De Aqua quotidiana, et aestiva*. Et aliud ex Interdicto *De Rivis*. Et aliud ex Interdicto *De Fonte*. Et tandem postremum, quod extat retinendae possessionis remedium ex *Judicis officio*. De quibus omnibus (dempto ultimo) habentur diversi, ac proprii *Tituli in Lib. 43. Digestorum*: et fusc ibidem tractant juris Civilis. Interpretes, ac Menochius *loc. cit.*

95. Quaeritur V. Quid sit Interdictum recuperandae possessionis? Resp. I. *Interdictum recuperandae possessionis* est, quod datur pro recuperanda possessione rerum immobilium, ut puta fundi, vel aedium, unde quis vi dejectus, seu expulsus fuit. Textus est in §. *Recuperandae. Instit. de Interdict.* ubi hujusmodi Interdictum assignatur unicuique, quod speciali nomine appellatur Interdictum *Unde vi*, a primis videlicet verbis Praetoris Interdictum hoc proponentis, *L. 1. ff. de Vi et vi armata*, ibi: *Unde tu illum vi deiecasti etc.*

96. Atque istud Interdictum competit, et suffragatur illis, qui per alium, vel ejus familiam, vi a sua possessione fuerunt dejecti, seu expulsi: nam vi hujus Interdicti cogitur ille, qui deiecit, restituere alteri possessionem, cit. *L. 1. ff. de Vi et vi armata*. juncto toto *Tit. de Restitut. spoliat.* Et hoc etiam procedit in eo casu, quo quis ab eo, qui deiecit, antea per intervallum vi, vel clam, aut precario possessionem acquisivit: nam etiam talis est restituendus, d. §. *Recuperandae. Instit. de Interdict.* et c. *In lictoris. 5. de Restitut. spoliat.* ubi dicitur, quod etiam praedo, si spoliatur, sit restituendus.

97. Notanter tamen additur, *antea per intervallum*. Nam hoc posterius tunc solummodo procedit, quando quis eum, qui vi vel clam coepit possidere, non in continenti, sed primum ex intervallo ex sua possessione expellat: nam tunc tenetur hoc Interdicto, ac proinde cogitur restituere alteri possessionem. Secus est dicendum, quando quis eum, qui vi aut clam incipit possidere, expellit in continenti: id est, illico antequam ad alios actus extraneos divergat: quia tunc vim vi repellere licet, *L. 3. §. Eum igitur. ff. de Vi et vi armata. et l. Qui possessionem. ff. eod.* ac notat Glossa in d. §. *Recuperandae. §. Is Abbas c. Olim. n. 9. et 10. de Restitut. spoliat.* id ulterius probans ex textu illius Capituli. Vallensis *tit. de Restitut. spoliat. §. 1. num. 4. et alii.*

98. Resp. II. Interdictum recuperandae possessionis, seu *Unde vi*, non pertinet nisi ad res immobiles. Patet hoc ex *L. 1. §. Et generaliter. ff. de Vi et vi armata. et d. §. Recuperandae. Instit. de Interdict.* et ibi Mynsinger n. 3. Ferrarius, Kling, ac Pirhing.

REIFFENSTUEL Jus Can. Tom. II..

*tit. seq. num. 1.* Ita tamen, ut sub rebus immobilibus, etiam comprehendantur jura incorporalia: ut puta Servitutes, Redditus annui, Beneficia, Pensiones, Jurisdictiones, ac hujusmodi: nam talia jura incorporalia computantur inter immobilia: sicque, qui vi expellitur a talium possessione, vel quasi possessione, recte agit Interdicto *Unde vi*, prout desumitur ex c. *Olim inter. 17. et c. Pisanis. 19. de Restitut. spoliat.*

Caeterum pro rebus mobilibus, earumque possessione recuperanda, non competit istud Interdictum, sed actio furti, vel actio vi honorum, aut actio ad exhibendum: *texti. clar. d. L. 1. §. Illud utique. ff. de Vi et vi armata.*

Intellige, principaliter. Nam ut illico ibidem subjungitur, si tales res mobiles existerent in re immobili, puta, in fundo aut aedibus, unde quis vi dejectus est, tunc Interdictum *Unde vi*, quod principaliter solummodo datur pro recuperanda possessione rerum immobilium; datur etiam secundo, accessorie sive in consequentiam, pro recuperanda possessione illarum rerum mobilium, utpote solo vel aedificio cedentium. Concordat textus in *L. Idem est §. Pertinet. ff. eod.* ac notat Glossa in *L. Rem quae nobis. §. Erepta est. ff. de Acquir. poss. Maranta part. 4. Speculi Aurei. dist. 7. n. 29. Vallensis loc. cit. n. 2. Pirhing, et alii.*

Tandem sciendum, quod quidem in cit. §. *Recuperandae. Instit. de Interdict.* unicuique assignatur Interdictum recuperandae possessionis, videlicet Interdictum *Unde vi*; nihilo minus praeter hoc dantur plura alia Remedia pro recuperanda possessione: adeo, ut Menochius *loc. cit.* universim enumeret septendecim talia Remedia. Maranta vero *d. part. 3. Speculi Aurei. dist. 7. nu. 29. et seqq.* viginti aliolegat.

Verumtamen haec non sunt interdicta, ut inquit Maranta *cit. n. 29.* post Bartolum, Alexandrum, et alios in *L. Rem quae nobis. ff. de Acquir. possess.* hi negant, pro rebus mobilibus, earumque possessione, dari Interdictum, etsi dantur alia Remedia recuperandae possessionis ipsarum. Et hujus ratio afferetur infra *Tit. seq. §. 2.* ubi commodius agetur de aliis Remediis spoliatorum in specie.

#### §. IV.

De Acquisitione, et in alium Translatione Possessionis rerum corporalium per apprehensionem veram vel fictam.

#### SUMMARIIUM.

103. *Possessio rerum corporalium generatim acquiritur tribus modis; et quibus?*

104. *Quando res antea in nullius bonis extitit, requiritur ad acquirendam possessionem vera ejus apprehensio.*

*Nemo possidet pisces in stagnis, et Feras in sylvis libere evagantes. Ibid.*

105. *Quando res jam antea in alicujus bonis extitit, sufficit apprehensio ficta, ut tertius quis ejus possessionem acquirat.*

106. *Solo tamen animo nunquam acquiritur possessio corporalium. Et num. praec.*

107. *Haud obstando, quod ea solo animo retineri possit; et cur?*

108. *Apprehensio vera, quae?*

*Quid sufficiat ad capiendam possessionem domus, vel fundi? Ibid.*

109. *Per ingressum domus comparatur possessio rerum mobilium in ea contentarum.*



- 110 *Secus dicendum de Thesauris ibidem latentes ; et quae disparitas ?*  
 111 *Apprehensio ficta, quae, quibusque modis fiat?*  
 112 *Possessio non acquiritur sine corporali apprehensione, quomodo intelligendum?*  
 113 I. *Visu sive aspectu, transfertur rerum possessio.*  
 114 *Idque exemplificatur. Et n. praec.*  
 115 *Ut visu transferatur rerum possessio, quae concurrere debeant?*  
 116 *Per apprehensionem fictam acquiritur vera possessio.*  
 117 II. *Clavibus transfertur rerum possessio; idque exemplificatur.*  
 118 *Inter alia, requiritur ad hoc animus transferendi possessionem.*  
*In dubio praesumitur traditio clavium facta custodias causa. Ibid.*  
 119 *An etiam ad id requiratur, ut traditio clavium fiat in conspectu rei, cuius claves traduntur? Ponitur sententia affirmativa.*  
 120 *Contraria quorundam sententia refertur.*  
 121 *Sed relinquitur. Et n. seqq.*  
 122 *Dictio Apud quandoque obtinet vim dictionis Coram.*  
 123 *Solvitur aliud fundamentum sententiae contrariae.*  
 124 *Et declaratur sententia affirmativa.*  
 125 *Dicta de traditione clavium extenduntur ad investituram in Beneficio cum traditione annuli, pilei etc.*  
 126 *Atque ad traditionem vectis.*  
 127 *Potest etiam consuetudine induci actus aliquis, per quem transfertur possessio rei absentis.*  
 128 III. *Chartis, seu traditione scripturae transfertur rerum possessio.*  
 129 *Nec opus est, ut traditio scriptura fiat in conspectu rei traditae.*  
 130 IV. *Transfertur possessio Rei mutuae venditionis: et qualiter hoc intelligendum?*  
 131 V. *Transfertur etiam rerum possessio ficta apprehensione, Mea si conduci scientes; sive Titulo constituti. Et n. seqq.*  
 132 *Is possidet, cuius nomine possidetur.*  
 133 *Retinens usumfructum rei, quam alteri donavit, etc. censetur ejus possessionem in alterum transferre.*  
 134 *Per solutionem pensionis, factam de consensu prioris possessoris, transfertur possessio rei in eum, qui recipit pensionem.*  
 135 *Signatio rei habetur pro traditione.*  
 136 *Et quid dicendum de dolio vini signato?*  
 137 *Quando apponitur custodia rei venditori consentiente, censetur res illa tradita.*  
 138 *Atque in huiusmodi casibus acquiritur vera rei possessio, ita ut Notarii de ea possint testari.*  
 139 *Utrum Logo, Statuto, vel Consuetudine possit introduci, quod transferatur possessio absque omni apprehensione rei? Et ratio dubitandi, ac negativam tenendi.*  
 140 *Sententia affirmativa est communis,*  
 141 *Quae probatur.*  
 142 *Et solvitur ratio dubitandi.*  
*De Jure naturali requiritur corporalis est apprehensio rerum ad acquirendam harum possessionem; et quando? Et n. 139.*

143 **Q**uaeritur I. Quibus generatim modis, qualique apprehensione acquiratur et transferatur possessio rerum corporaliū? Resp. I. Generatim loquendo, possessio rerum corporaliū acquiritur ac transferatur tripliciter, seu tribus modis: videlicet apprehensione vera, apprehensione ficta, et dispositione Legis. Ita Saupig h. t. cap. 2. num. 1. etique

in re communis; prout patebit ex sequentibus Conclusionibus.

Resp. II. Quando res antea in nullius bonis existit, ad acquirendam ejus possessionem requiritur vera apprehensio, sive corporalis detentio ipsius. Ita Hostiensis in Summa, tit. de Causa possessionis. n. 2. cum communi; et patet ex L. 1. §. 1. ff. de Acquir. possess. cum concordantiis. Unde pisces in publicis stagnis, aut feras in sylvis libere evagantes nemo possidet, quamdiu captae, seu apprehensae non fuerint: quoniam manent in libertate sua naturali, l. Possideri. 3. §. Item feras. ff. eod. Ubi ideo falsum dicitur, quod si quis emerit sylvam, omnes ejus feras possidet. Neque enim per venditionem sylvae potest venditor transferre in emptorem possessionem ferarum ibidem latitantium, eo quod hanc ipsemet non habeat, feris illis sua naturali libertate fruentibus: atqui nemo potest plus juris transferre in alium, quam sibi competere dignoscatur, ut loquitur Reg. 79. Juris in 6.

Resp. III. Quando res corporalis jam antea existit in alicujus bonis, non semper requiritur apprehensio vera seu corporalis, ut ejus possessio acquiratur, seu transferatur in aliquem tertium, sed sufficit etiam apprehensio ficta, seu quasi apprehensio ipsius: nihilo minus solo animo, et absque ulla apprehensione vera, vel ficta, possessio corporaliū nunquam potest acquiri, sique nec transferri in alium. Ita communis. Et quidem prior pars patebit ex declaratione apprehensionis verae, et fictae, de qua proxime.

Posterior autem pars Conclusionis expresse habetur in l. Licet. C. de Acquir. possess. ibi: Possessio nudo animo acquiri non potest. Concordat textus in l. Quemadmodum. ff. eod. ibi: Nulla possessio acquiri nisi animo et corpore potest: juncta l. Possideri. 3. §. 1. ff. eod. et §. Possidere. Instit. de Interdictis.

Nec obstat, quod solo animo retineri possit possessio, d. l. Licet. C. eod. et cit. §. Possidere. Instit. de Interdict. Resp. enim, plus requiri ad acquirendam, quam ad retinendam possessionem; uti convincunt textus Juris haecenus allegati. Accedit ratio disparitatis: quia, si solo animo posset acquiri rerum possessio, male provisum esset Reipublicae, et quieti hominum societati: tum, quia avarus quisque quilibet res facile concupisceret, et animo eorum possessionem acquirere intenderet. Tum quia, cum motus animi non tam facile dignosci, atque probari valeant, constare haud posset, quis inter plures prius animo suo rei possessionem acquisivisset. Haec autem incommoda neutiquam urgent in retinenda solo animo, seu civiliter tantam rerum possessionem, uti patet consideranti. Quia imo, nisi possessio rite acquisita deinceps posset solo animo retineri, longe graviora urgereut incommoda: cum dominus vel rebus suis semper actu insistere cogereur (quod perquam difficile foret) vel in recuperanda tali possessione novas semper deberet molestias, aut lites experiri. Unde ad praecavendum talibus incommodis, merito Imperator cit. §. Possidere. Instit. de Interdict. dixit: Animo quoque solo retineri possessionem placet. Nunc pro majori intelligentia prioris partis datae Conclusionis,

Quaeritur II. Quid sit apprehensio vera et ficta, quibusque modis contingat? Resp. I. Apprehensio vera, seu corporalis, dicitur ea, quae sit vero actu corporali: ut puta, manibus rem mobilem apprehendendo, vel pedibus insistendo rei immobili a nobis possidendae. Non tamen ad hanc requiritur, ut qui domum v. g. vel fundum possidere vult, singulas ejus partes circumambulet; sed sufficit quamlibet ipsius partem ingredi, ea mente et:

cogitatione, quod totam domum vel fundum possidere velit; prout habetur *l. Possideri. §. 1. ff. de Acquir. possess.*

- 109 Illis adde, quod per ingressum domus comparetur etiam possessio rerum mobilium in ipsa contentarum, dummodo animus possidendi ad eas sese extendit. Siquidem res mobiles eatenus possidentur, quatenus sub custodia nostra sunt, *cit. l. Possideri. §. Nerva filius. ff. eod.* Atqui adepta possessione domus, res mobiles in ipsa contentae iam censentur esse in nostra custodia; ergo etiam una cum domo possidentur, dummodo adsit animus ipsas possidendi. Et hoc ultimum idcirco additur: quia, quando quis emit solam domum, non vero suppellectilem, vel alias res mobiles ipsius, adepta possessione domus non censetur harum rerum mobilium possessionem acquirere: deest enim animus, qui una cum corpore simul requiritur ad acquirendam possessionem, *l. Quomodo. ff. de Acquir. possess.*

- 110 Nec obstat, quod secus sit dicendum de Thesauris in fundo domus latente, sicut qui non possidentur, donec apprehendantur, *d. l. Possideri. §. Nerva filius. ff. eod.* Resp. enim, disparitatem esse manifestam. Siquidem Thesaurus (sermo est de Thesauris proprie dicto, non de sola pecunia custodiae causa in terram recondita, *arg. l. Peragro. ff. eod.*) non est sub nostra custodia, cum nec extet ejus memoria, *l. Nunquam. ff. de Acquir. rerum domin.* unde nec animus ipsum possidendi intervenit, cum ignoti nulla sit cupido. Bene tamen sub nostra custodia sunt res in domo a vobis possessae contentae: et quia harum habetur proba notitia, etiam ad eas affectus possidendi sese extendit.

- 111 Resp. II. *Apprehensio ficta* dicitur ea, quae quidem non fit vero actu corporeo, nihilominus Juris fictione, seu dispositione, habetur pro vera apprehensione, ejusque effectus operatur. Atque haec alio nomine appellatur *Quasi apprehensio*: et contingit variis modis, quorum praecipuos adducit Glossa in *c. Ex litteris. 2. §. Signum. de Consuet.* et continentur versiculis illis.

*Visu, sive rei mutuae venditione.*

*Clavibus, et chartis: mea si condicio sententia: Quamvis non aliter detur possessio, transit.*

- 112 Unde licet regulariter verum sit, quod possessio non acquiratur sine corporali apprehensione, *d. l. Possideri. et l. Quomodo. ff. de Acquir. possess.* cum concordantia. Fallit tamen hoc in actibus illis, quibus ex artificiosa Juris dispositione, absque alia corporali apprehensione, transfertur rei possessio. quamvis, quia etiam in talibus actibus solet intervenire aliquis sensus corporis, v. g. visus, possit dici *Quasi apprehensio* concurrere.

- 113 I. Igitur hac ratione (sive per fictam apprehensionem) *Visu*, oculis et aspectu, transfertur, et acquiratur possessio. Non enim corpore, et actu necessario est apprehendere rem, sed etiam oculis et affectu: prout habetur, ac varie exemplificatur in *L. 1. §. Si jusserim. ff. de Acquir. possess.* Unde, si dominus ostendat rem oculis, ac tradat verbis, potest, dicendo, *Pono te in possessionem illarum rerum, quas vides, et a me amisti;* censetur transulisse, alterique tradidisse possessionem. Abbas in *c. Ex litteris. n. 10. de Consuetud.* Concordat textus notabilis in *l. Quod meo. §. Si venditorem. ff. de Acquir. possess.* ubi inter alia sic dicitur: *Si vicinum mihi fundum mercatum venditor ex mea turre demonstrat, vacuamque possessionem se tradere dicat, non minus possidere coepi, quam si pedem finibus intulissem.*

- 114 Idem est: si venditor mercem, quam emeram, in domo mea me jubente deponat; aut jurem cum

meo procuratori meo vidente tradat. Nam censor ego ipsemet possessionem ejus acquirere (ei quidem per mentisipsum, non per procuratorem solum: adeo, quod de hoc possit testificari Notarius in publico instrumento. Jason *d. l. 1. §. Si jusserim. n. 2. et 4. ff. eod.*) quamvis rem ipsam non attigerim. Textus est in *c. l. Quod meo. §. 1. juncta Glossa §. Praestat. et §. Si venditorem. ff. de Acquir. possess.*

Caeterum, ut visu transferatur rerum possessio, nonnulla debent concurrere. Primo, ut res prius ab alio fuerit possessa: nam quae nullius sunt, non solo aspectu, sed corporali solum apprehensione possidentur; cum fiant primo occupantis, *§. Foenus. Instic. de Rerum divis.* cum similibus. Secundo, ut res illa ab alio tertio non possideatur: nam si alius quia existeret in possessione rei, per talem fictam traditionem non posset privari sua possessione, *arg. d. l. Quod meo. §. Si venditorem;* ibi: *vacuamque possessionem, ac notat Abbas in c. Ex litteris. n. 10. de Consuetud.* Jason loc. cit. n. 13. et alii. Tertio, ut verbalis traditio possessionis fiat per ipsummet dominum possidentem, qui demonstrando emptori, v. g. rem venditam, dicat, se vacuam ejus possessionem tradere: nam secus est dicendum, si interveniat nuntius, vel executor, qui non erat in possessione; cum Jura praescripta hoc solum admittant possessori. Abbas cit. n. 10. et Jason in *d. l. 1. §. Quod jusserim. ff. de Acquir. possess.* post Bartolum, et alios.

Notandum insuper, quod quidem traditio possessionis, ejusque apprehensio, quae fit per visum sive aspectum, sit ficta: nihilominus possessio, quae de ipsa acquiratur, sit vera et propria possessio. Jason loc. cit. n. 10. Et hoc idem dicendum in sequentibus casibus, in quibus pariter, Jure sic disponente, per apprehensionem fictam acquiratur vera et propria dicta possessio, et non ficta dantur; prout rursus dicitur infra n. 138.

II. *Clavibus*, sive traditione clavium facta circa rem praesentem, et animo transferendi ejus possessionem, transfertur, atque ab altero acquiratur possessio. Textus est in *l. Clavibus. 74. ff. de Contrahend. emptum.* ibi: *Clavibus traditis, ita mercium in horreis conditarum possessio tradita videtur, si claves apud horrea traditae sint: quo facto confestim emptor dominium et possessionem adipiscitur, etsi non aperuerit horrea.* Concordat textus in *L. 1. §. Si jusserim. ff. de Acquir. possess.* ubi dicitur, *Finis tradita videri, cum claves cellae vinariae emptori traditae fuerint.*

Caeterum, ut traditione clavium transferatur, et ab altero acquiratur rei possessio, praeter hoc, quod res illa a nullo alio possideatur, sique vacua tradita possit possessio, juxta dicta n. 115. requiritur vel maxime animus transferendi possessionem mediante illa traditione clavium: non enim sufficit, si haec tradantur mere custodinae gratia. Et quia verisimile non est, quod quis facile renunciet possessioni suae absque causa, *arg. c. Super hoc. de Renunciac.* hinc in dubio praesumitur, quod traditio clavium facta fuerit solius custodinae causa; non autem animi transferendi possessionem rerum sub clavibus contentarum, nisi praecesserit titulus venditionis, donationis, vel alius. Jason *L. 1. §. Si jusserim. n. 16. ff. de Acquir. possess.* Card. Tuschus *Litt. P. Concl. 407. n. 6. et alii.*

Requiratur aliter, ut ejusmodi traditio clavium fiat in conspectu ipsius rei, cujus claves tradantur. Abbas *c. Ex litteris. n. 12. de Consuetud.* Covarruvias *lib. 3. Variar. Resolut. cap. 16. num. 11.* post Bartolum *L. 1. n. 18. ff. de Acquir. possess.* Jason *l. Possessio appellata. num. 91. ff. eod.* Mascardus.

- de Probat. Concl. 1190. n. 18. et seqq. citans plures alios. Et desumitur hoc ex d. l. *Clavibus*. ibi: *Si claves apud horrea traditae sint: ac tenet Glossa ibid.* & *Horrea*. id firmans ulterius ex L. 1. §. *Si jusserim. et l. Quid mgo. §. Si venditorum. ff. de Acquir. poss.*
120. Contrarium nihilo minus tenet Alexander in d. L. 1. num. 78. ff. de Acquir. poss. et post eum Decius Consil. 56. n. 2. qui volunt, non esse necesse, quod claves tradantur in conspectu, vel praesentia rei, cuius sunt claves, v. g. horrei; sed satis esse, si tradantur in loco propinquo, adeo, ut emptor facile possit ad ipsam pervenire. Fundat hanc suam opinionem Alexander in verbis cit. l. in *Clavibus*, ibi: *Apud horrea*: hoc enim (inquit) jam salvatur, si traditio clavium fiat prope horreum, sive in loco propinquo, quamvis non fiat in conspectu horrei. Addit etiam, quod aliquis supervacanea foret, nihilque operaretur traditio clavium; cum solus aspectus, una cum voluntate verbis expressa prioris possessoris volentis transferre, jam sufficiat ad acquirendam possessionem, juxta dicta superius num. 113. et 114.
121. Verum haec sententia passim ab aliis relinquitur, ob textus Juris supra allegatos. Quamvis enim traditio clavium facta extra conspectum rei, cuius sunt claves, operetur effectum licentiae ingrediendi rem, illam, et capiendi propria auctoritate possessionem mercium in ea existentium, sibi que venditarum: non tamen actualiter per ipsam transfertur possessio. Abbas cit. num. 12. Romanus Consil. 337. num. 6. et Card. Tuschus d. Concl. 407. num. 7. quamvis ibid. num. 5. non nihil etiam faveat sententiae Alexandri.
122. Nec obstant rationes in contrarium n. 120. allegatae. Non quidem prima, ex illis verbis deppompata: *Apud horrea*. Siquidem dictio *Apud* in Jure quandoque obtinet vim dictionis *Coram*; uti accidit in l. *Eum pro quo. ff. De in jus vocando*; ibi: *Apud officium cavit: Apud Acta promisit*: id est, coram Iudice, Officialibus, ut explicat Glossa. Idem fit in l. *De jure. §. 1. ff. ad Municipalem*, ibi: *Apud Praesidem Provinciae agere debet*, cum similibus. Barbosa Tract. de Dictionib. Dict. 40. Mascardus loc. cit. n. 23. et alii.
123. Neque obstat altera ratio. Quia, licet traditio clavium debeat fieri in conspectu rei, cuius sunt claves, ut puta in conspectu horrei; non tamen necesse est eam fieri in conspectu mercium in horreo v. g. contentarum, de quarum possessionem transferenda agitur: ac proinde multum operatur traditio clavium, nempe quod transferat possessionem mercium, quae non videntur, neque existunt in conspectu pactum.
124. Et per hoc patet diversitas inter hunc, et priorem, seu num. 113. allegatum casum. Ibi enim agitur de transferenda possessione rerum, quae videntur secundum se: ut est domus, horreum etc. Hic vero sermo est de illis rebus, quae secundum se non sunt in conspectu, sed clausulae in alio, puta in horreo: ac proinde non mirum, quod hic praeter conspectum rei, cuius sunt claves, v. g. horrei, requiratur traditio clavium: nulla vero traditio clavium requiritur in altero casu, sed sufficiat sola traditio verbalis in conspectu ipsius rei facta ab eo, qui eam prius possidebat. Jason cit. n. 91. Covarruvias d. n. 11. Mascardus n. 22. et alii.
125. Porro quae hactenus dicta sunt de traditione clavium, ea ob paritatem rationis extendunt, atque intelligunt Doctores etiam de investitura, quae fit in Beneficio Ecclesiastico cum traditione annuli, libri, vel pilei. Haec enim, si fiat extra conspectum Beneficii vacantis, non sufficit ad adipiscendam ejus possessionem, absque alia corporali institutione: juxta Glossam communiter receptam in c. *Auctoritate. §. Instituitur. de Instit.* sed habet vim collationis duntaxat; vel, si haec jam praecessit, confirmationis juris illius, quod quis per collationem in Beneficio acquisivit. Si vero dicta investitura cum traditione annuli, libri, vel pilei, fiat per Praelatum valentem instituere in conspectu Beneficii, quod a nemine alio possidetur: tunc revera possessio corporalis ipsius Beneficii acquisita censetur. Jo. Andreas in c. *Transmissum. n. 13. et 14. Abbas cit. c. Ex litteris. n. 10. de Consuetud.* Covarruvias cit. lib. 3. *Paras. Resolut. cap. 16. n. 10. et alii.*
- Hoc ipsum extendit ad traditionem vectis. Nam sicut sub clave, ita et sub vecte continentur omnia, quae intus existunt: ac proinde ob eandem rationem transfertur possessio per traditionem vectis, sicut per traditionem clavium, factam in conspectu rei, quae claudit alias res tradendas. Mascardus d. Concl. 1190. n. 10. Guido Papae Consil. 71. n. 7.
- Quin etiam in c. *Ex litteris. 2. de Consuetud.* habetur, quod ex consuetudine possit introduci actus aliquis, per quem absque apprehensione corporali transfertur possessio rei absentis. Exemplum hujus ponitur ibidem de consuetudine illa, in partibus Daciae vigente: ubi si quis pro remedio animae suae voluit Locis Religiosis possessiones aliquas conferre, solebat is modicum terrae in manu accipere, illudque postmodum vel in extremitate pallii, quod manu Praelati Ecclesiae sustinetur, vel super Altare ponere sub testimonio videntium et audientium, proferendo simul certam verborum formulam. Et hujusmodi signum, quod *Scotatio* vulgariter appellatur, sub obtentu memoratae laudabilis consuetudinis, non solum esse argumentum factae donationis, sed etiam traditae possessionis, declarat Pontifex ibidem.
- III. Per factam apprehensionem transfertur, et acquiruntur rerum possessio *Chartis*; hoc est, traditione scripturae, aut instrumenti, in quo pristinum jus tradentis continetur. Textus est in l. 1. c. de *Donation.* ubi dicitur, quod qui tradit instrumentum, videtur tradere possessionem rei. Intellige cum Glossa ibidem, dummodo tradens possidebat antea: alias enim secus foret. Accedit c. *Cum pridem. 4. de Pactis. et c. Sane dilecto. 7. de Renunciat.* cum concordantibus, ibidem a Glossa & *Reddens*, adductis: ex quibus liquet, quod tradendo litteras, quis renunciet juri suo: et donatis, ac traditis instrumentis, v. g. mancipiorum, ipsa quoque mancipia donata, et tradita esse intelligantur.
- Et sciendum, quod impraesentiatum non sit necesse, traditionem hujusmodi instrumenti, sive scripturae et chartae, facere in conspectu rei traditae: quia tradens scripturam, sive instrumentum, in quo continetur jus ipsi competens ad rem donatam, vel venditam, creditor eidem renunciare, juxta Glossam loc. cit. & *Reddens*; ac proinde censetur illud totum una cum possessione transferre in alium. Covarruvias lib. 3. *Paras. Resolut. cap. 16. n. 12. Mascardus d. Concl. 1190. n. 24.* cum communi aliorum, quos citant. Unde aliud est in traditione clavium, aliud in traditione scripturae, sive instrumentorum: et hoc tum propter majorem coherenteriam, sive expressionem juris, quae reparitur in scriptura, seu instrumento rei venditae, sive donatae alteri tradita, potius, quam in clavibus: tum quia propter diversam Juris dispositionem circa ista.
- IV. Transfertur possessio *Rai mutuatae venditione*. Quod intellige non solum de venditione rei, quae erat emptori mutuata, hoc est, commodata; sed etiam de venditione rei ipsi locatae, vel pignoris loco datae, aut penes ipsum depositae. Quotiescunque enim rem meam penes te actualiter existentem tibi vendidero, vel donavero, aut datus nomine dederam: statim absque alia nova



traditione acquiritur tibi dominium, simulque possessio illius, §. Interdum, Instit. de Rerum divis. et notat Abbas in c. Ex litteris. nu. 13. de Consuetud. Hostiensis in Summa, tit. de causa possessionis. n. 1. vers. Sequitur, et alii. Ratio est: quia, cum res illa corporaliter jam a te detineatur, et apud te existat, superflua foret nova ejus traditio: ac proinde hac neutiquam opus est, sed sufficit sola patientia domini, volentis, rem illam esse tuam, et apud te manere: haud obstante, quod tali animo, talique de causa eam tibi prius non tradiderit, d. §. Interdum. Instit. de Rerum divis. et l. Qua ratione. §. Interdum. ff. de Acquir. rerum domin.

131 V. Ficta apprehensione transferatur rerum possessio, Mea si conduco scienter: sive, (ut Abbas loc. cit. n. 14. loquitur) Titulo constitui. Quando enim quis rem suam, quam possidet, alteri vendidit, vel donavit, ac postea eam rursus ab eo conducit, vultque possidere nomine ipsius, illico transferatur possessio civilis in istum alterum, l. Quaedam mulier, ff. de Rei vindicat. Ubi Summarium ex Bartolo sic ait: Si venditor, vel donator rem conducit ab eo, cui dedit, ipsa conductio transfert possessionem, quam habet, et etiam dominium. Concordat textus in l. Qui bona. §. 1. ff. de Acquir. possess.

132 Accedit ratio: quia is possidet, ejus nomine possidetur, l. Quod meo. §. 1. ff. de Acquir. possess. et c. Cum venissent. §. fin. de Restit. spoliat. cum concordantiis. Unde hoc ipso, quod quis rem suam possideat nomine alterius, cui ipsam vendidit, vel donavit, censetur ejusmodi emptor, seu donatarius rem illam possidere: utpote a quo ipsam venditor, vel donator denuo. conduxit, ejusque nomine nunc possidet. Intellige, dummodo hoc faciat scienter: nam alias secus foret dicendum, l. Si aliquam rem. ff. de Acquir. possess.

133 Aliud talis ficta apprehensionis exemplum habetur in l. Quisquis rem. C. de Donation. Ubi si quis rei, quam alteri donavit, aut in dotem dedit, vel vendidit, usufructum sibi retineat; hoc ipso censetur in alterum transferre et dominium, et possessionem illius rei: adeo, ut quadam jurisdictione idem sit, in talibus casibus usufructum retinere, quod tradere rem ejusmodi: siquidem retentio ususfructus inducat traditionem possessionis, quae erat penes donantem, vendentem etc. Hoc ipsum habetur expressum in l. Si quis argentum. §. Sed si quidam. C. de Donationib.

134 Rursus per solutionem pensionis ex Titulo donationis, vel alio titulo habili ad translationem dominii, simulque de auctoritate sive consensu prioris possessoris factam, videtur translata possessio rei in eum, qui recipit ejusmodi pensionem, v. g. in donatarium. Ita desinitur ex c. Cum venisset. juncta Glossa §. Annuum. de Restit. spoliat. ac notat Abbas ibid. in Summario, et n. 11. et Pirhing eod. tit. n. 99. dicens, quod per talem pensionis acceptionem acquiritur possessio civilis, et vacante postmodum possessione naturali per mortem Coloni, vel Usufructuarii possit istam occupare, is, qui possidebat civiliter, propria auctoritate, etiam sine licentia illius, qui rem antea concesserat, seu donaverat.

135 Sunt et alii modi acquirendi rerum possessionem ficta apprehensione: qui tamen ad usum praemissorum commodè reducuntur. Ut si quis rem emptam, v. g. pecora ex grege aliquo sibi vendita, venditore consentiente capiat, et signet, l. Quod si neque. ff. de Periculo, et commod. rei vend. ibi: Videri autem trabes traditas, quas emptor signasset. Ubi Glossa inquit, signationem pro traditione haberi.

136 Nec obstat textus in l. 1. §. Si dolium. ff. de Periculo et commod. rei vendit. ubi dicitur, per hoc,

quod dolium vini sit signatum, non censeri traditum vinum: addita illa ratione: quia dolium magis signari solet, ne submoveatur, aut subvertatur, quem ut traditum videatur. Resp. enim, ibi sermone esse de dolio signato, ut sibi ex eo vinum in singulas, v. g. amphoras sub certo pretio admetiatur: hoc enim non censetur traditum, donec admensum fuerit, haud obstante dicta oblatione, arg. l. Quod saepe. §. In iis quae. de Contrahend. empt. Secus, si omne vinum, vel oleum, aut hujusmodi, uno pretio fuerit emptum, ac dolium ejus signatum: tunc enim censetur jam traditum, non minus, ac traba signata: et proinde periculum ejus continuo cedit emptori, si aliter non convenit. Loesius in cit. Tit. de Periculo et commod. rei vendit. ff. n. 4.

Iusuper, quando emptor apponit custodiam rei emptae, v. g. acervo lignorum, venditore consentiente, hoc ipso res illa censetur tradita, l. Quaedam rerum. §. 1. ff. de Acquir. possess. Tacentur alia hujusmodi exempla, de quibus Hostiensis in Summa, tit. de Causa possessionis. n. 1. et 2. Abbas c. Ex litteris. n. 9. et seqq. de Consuetud. et c. Cum venissent. n. 11. 13. et seqq. Pirhing h. t. n. 7. Mynsinger in §. Interdum. et seqq. Instit. de Rerum divis. et alii.

Solum adde, quod in hujusmodi casibus, in quibus aliquis ficta apprehensione acquirit possessionem rei: quam nemo alius possidet, is acquirit veram et propriam illius possessionem: adeo, ut Notarii instrumentis possint de ea testari. Hinc si postea prior dominus venderet, aut donaret illam rem, ejusque corporalem possessionem traderet alteri, nihilo minus primus foret potior. Abbas d. c. Ex litteris. n. 14. de Consuetud. eoque jam dictum supra n. 116.

Quaeritur. II. Utrum Lege, Statuto, vel Consuetudine introduci valeat, quod transferatur, et acquiratur possessio absque omni corporali apprehensione rei? Et notanter hoc additur: nam in casibus factae apprehensionis haecenus enumeratis, praeter animum solet intervenire aliquis actus cujuspiam sensus corporei, ut puta visus sive aspectus rei, traditio clavium vel scripturae, aut alius actus aequipollens actui corporeo. Ratio quoque dubitandi est: quia istud videtur repugnare Juri naturali, quod ad acquirendam rerum corporaliū possessionem videtur requirere actum naturalem apprehensionis verae, vel factae, arg. l. 1. et l. Possideri. ff. de Acquir. possess. cum similibus. Hoc tamen non obstante,

Resp. Potest Lege, vel Statuto (ac etiam longaeve consuetudine) induci, ut transferatur possessio ipso jure absque alia apprehensione vera, vel ficta. Ita Jason in l. 1. n. 1. C. Communia. de Legat. post Bartolum in l. Raptores. C. de Episc. et Cleric. Menochius Remed. 1. de Recuperand. possess. n. 404. et seqq. Covarruvias lib. 3. Var. Resolut. cap. 5. n. 6. Gailus lib. 2. Practica. Observat. 152. n. 18. etque communis aliorum. Et talis Possessio appellatur civilissima (de qua jam dictum n. 17.) sive artificialis, eo quod nihil facti habeat, sed totum pendeat ex artificio Legis, sive Statuti, cujus effectum etiam operatur consuetudo longaeve.

Probatum haec Conclusio tum ex l. Raptores. C. 141 de Episc. et Cleric. ubi in Ecclesiam transferatur plena quarundam rerum possessio ex solo Legis beneficio. Tum ex c. Ex litteris. 2. de Consuetud. ubi approbatur consuetudo alicubi recepta transferendi rerum absentium possessionem in Ecclesiam absque reali ipsarum apprehensione, uti jam dictum supra num. 127. Tum tandem, quia Actor ex primo Decreto missus in possessionem honorum causa rei servandae, licet eandem propter

potestant, et resistentiam adversarii intra annum adipisci non possit; nihilo minus elapso anno absque alio actu verus constituitur possessor iprius, et *Constitutio*. g. de Dolo et contum. juncta Glossa fin. ibid. Accedit ratio: quia, talis transmissio possessionis absque alia apprehensione corporali, revera non est prohibita de Jure naturali; ergo nihil obstat, quo minus Lege, vel Statuto introduci possit, si ita Communitati expedire videatur.

- 143 Nec urget ratio dubitandi n. 139. allata. Nam licet de Jure naturali necessaria sit corporalis apprehensio ad acquirendam possessionem rerum communium; quae sub nullius bonis sunt, ac proinde Jure naturali fiant primo occupantis: negatur tamen, de Jure naturali itidem requiri verum ac proprium actum ad acquirendam, seu transferendam possessionem illarum rerum quae prius ab aliquo possessae sunt, atque in bonis ejus jam existerunt, hoc enim ex nullo capite ostenditur. Unde humana Lege, Statuto vel consuetudine bene fieri potest, ut possessio rerum ab uno in alium transferatur absque alia apprehensione ipsius vera vel ficta, quando ita Communitati expedire visum fuerit: non minus, ac de facto Lege humana statutum fuit, quod in certis casibus ad transferendam rerum possessionem sufficiat, sola apprehensio ficta. Siquidem Jus naturale, requirens apprehensionem ad acquirendam possessionem rerum, simpliciter loquitur de apprehensione vera, seu corporali: apprehensio autem ficta non est talis apprehensio corporalis, sed sola Legum humanarum constitutione, seu quadam Juris fictione fuit introducta.

## §. V.

De Acquisitione, et in alium Translatione  
ne quasi Possessionis incorporalium.

## SUMMARIUM.

- 143 Incorporalium quasi possessio acquiritur, atque in alium transfertur, corpore et animo simul concurrente.  
144 Incorporalia aliquando cohaerent corporalibus, aliquando non.  
145 Quando incorporalia cohaerent corporalibus, per horum possessionem acquiritur etiam illorum quasi possessio.  
146 et 147. Idque exemplificatur.  
148 Solvuntur contraria. Et num. seqq.  
Possessione unius rei apprehensa, non censetur apprehensa possessio alterius rei; et quando?  
149 Incorporalia traditionem non recipiant. Et num. 154.  
150 Quomodo hoc intelligendum?  
151 Ad acquirendam possessionem jurium incorporalium per se spectatorum, quae requirantur? Et num. seqq.  
152 Ad eam inter alia requiritur, adminiculum animi.  
153 Pro acquirenda quasi possessione juris eligendi, requiritur etiam, ut sequatur confirmatio ejus.  
154 Ad acquirendam quasi possessionem jurium in corporalium, an requiratur exercitium juris?  
155 Et quale? Et num. seqq.  
156 In aliquibus materiis, complures actus ad id non sufficiunt.  
157 Nisi aliud appareat ex circumstantiis.  
158 In aliis materiis sufficiunt quidam plures actus, non tamen unus.  
159 In nonnullis vero sufficit unicus actus; et quando?  
160 Possessio juris eligendi acquiritur per electionem, semel factam absque protestatione.

- 161 Idque probatur.  
162 Quid dicendum de quasi possessione jurisdictionis?  
163 Ad adipiscendam quasi possessionem jurium in corporalium, requiritur scientia et patientia prioris domini. Et num. seqq.  
164 Idque probatur.  
165 Sententia ejusmodi, unde colligatur?  
166 Praesumptio una tollit aliam.  
167 Patientia domini hoc ipso probatur, quod solens non reclamaverit.  
168 Aut reclamaverit quidem, sed altero resistente postmodum taceat.  
169 Nisi forsan ejus contradictio non prodasset.  
170 et 171. Tacens an in re onerosa habeatur pro consentiente? Et num. seqq.  
172 Taciturnitas vicini non sufficit ad constituendam in ejus praedio servitutem, nisi accesserit praescriptio.  
173 Ubi agitur de obligatione personali, taciturnitas non habetur pro consensu. Et n. 177.  
174, 175 et 176. Fallit hoc in pluribus casibus, et quibus?  
177 In materia concupiscibili tacens habetur pro consentiente.  
178 Ad quasi possessionem incorporalium, adipiscendam, an requiratur bona fides? Et num. seqq.  
Ratio dubitandi; et affirmativam tenendi, proponitur. Ibid.  
179 et 180. Sententia negativa statuitur, et probatur.  
181 Solvitur ratio dubitandi. Et num. seqq.  
182 Bona fides requiritur, ut quis agere possit Interdicto de aqua quotidiana, et hujusmodi.  
183 Sicut et ad validitatem actus ex tali quasi possessione procedentis.  
184 Et quae hujus ratio?

Quaeritur. I. Qua ratione acquiritur, atque 143 ab uno in alium transferatur possessio, seu quasi possessio rerum incorporalium, videlicet jurium ac servitutum? Resp. I. Generatim loquendo, incorporalium possessio, seu quasi possessio non minus, ac corporalium, acquiritur corpore et animo simul concurrente, L. 1. §. 1. et l. Possidere. §. 1. ff. de Acquir. posses. cum similibus. Universaler enim ad possessionem vel quasi possessionem acquirendam, requiritur et corporis, et animi, ac (loquendo de justa) juris adminiculum: prout liquet ex ipsa Possessionis definitione supra §. 1. n. 4. et seqq. jam declarata. Atque idcirco, ut quasi possessio incorporalium rite ab uno transferatur in alium, necesse est, et corporis et animi, jurisque adminiculum intervenire.

Verum loquendo magis specificè, et particula- 144 riter de acquirenda quasi possessione incorporalium, est distinguendum. Aliquando enim incorporalia adhaerent corporalibus, siveque his connexa: aliquando non, sed secundum se considerata acquiruntur, vel deperduntur. Unde.

Resp. II. Quando incorporalia cohaerent cor- 145 poralibus, tunc per inductionem in possessionem talium corporalium transfertur, atque ab inducto acquiritur etiam possessio, vel quasi possessio incorporalium. (dummodo haec a nullo tertio possideantur, juxta dicta n. 115.) etiam ante usum juris. Ita Abbas in c. In litteris n. 20. de Restitut. spoliat. Ubi inter alia notanter ait: Ita incorporalia accedunt rei corporali: ideo acquisita possessione rei corporalis, competit exercitium incorporalium, arg. eorum, quae notantur in c. Transmissam. de Election. Haec ille: Idem tradit Paulus de Eleazaris in Re-

*petit. c. In litteris. n. 17. de Restitut. spoliat.* citans Hostiensem *ibid.* contra Innocentium, et quosdam alios, qui ulterius recipiunt usum juris.

Conclusio probatur imprimis *ex c. Translatio. de Constitut.* ubi de connexis idem censetur esse iudicium. Accedit textus in *l. Omnium. 3. ff. de Usufruct.* ubi haeres usufructum legatum alteri *dare intelligitur, si induxerit in fundum Legatarium, cum eo patiatur uti frui.* Nam dictio, *cum eo*, cum sit disjunctiva, satis indicat, ad acquirendam quasi possessionem usufructus sufficere alterutrum illorum: nempe, quod haeres vel Legatarium inducat in fundum, cui usufructus ipsi legatus cohaeret; vel ipsum patiatur eodem fundo uti frui. Idem desumitur *ex l. Si ego emi. §. 1. de Publician. in rem action.* ubi quasi possessio usufructus, et servitutum, dicitur per rei, puta fundi, *traditionem constitui, vel per patientiam: forte si per donum quis suam passus est aqueductum transduci.*

146 Unde, si cuiquam tradatur possessio domus, etiam iurium eidem competentium, seu cohaerentium, quasi possessio tradita censetur, *cit. l. Possideri. §. 1. ff. de Acquir. possess. et l. Gerit pro haeredit. ff. de Acquir. haeredit.* Similiter, si quis tanquam Canonici installatur in Choro et Capitulo, omnium iurium ad Canonicum pertinentium videtur acquisivisse possessionem, *c. Relatum. 9. et c. Dilectus. 19. de Praebend. ac notat Innocentius ibid. ac Paulus de Elenxaris cit. n. 17.*

147 Hinc etiam quasi possessio iurium Ecclesiae, probatur ex claviis Ecclesiae traditione: nam illae pariter transferunt quasi possessionem talium iurium. Menochius *Remed. 3. de Retinenda possess. num. 384.* post Butrium in *cap. ult. de Causa possess. et propriet. Nicol. de Milis. §. Possessio. q. 34. et Rebuffum in Commentar. ad Reg. Constitut. Galliae, tom. 3. tit. de mat. possess. in praefat. num. 69. ac notat Mascardus *Concl. 1330. de Probat. n. 22. et seqq.* dicens, quod adepti possessione Beneficii, consequuntur etiam in consequentiam acquisita possessio iurium, et honorum ipsius Beneficii; dummodo nullus alius fuisset in possessione eorum.*

148 Nec obstat, quod possessione unius rei apprehensa, non creetur apprehensa possessio alterius rei, *l. 1. §. Veteres. iuncta Glossa §. Per unum. ff. de Acquir. possess. et l. Quod meo. §. fin. ff. eod. et tradit Menochius cit. Remed. 3. de Retinenda possess. num. 282. citans alios.* Resp. enim, istud dictum procedere in illis, quae sunt diversa, et invicem non cohaerentia, secus vero esse dicendum, quando possessio, vel quasi possessio unius, est accessoria ad aliud; prout fit in proposito, et in aliis similibus. Tunc enim apprehensa possessione unius, etiam in consequentiam transit possessio vel quasi possessio alterius. Mascardus *cit. Concl. 1330. n. 23.*

149 Nec obstat ulterius, quod aliqui ad acquirendam quasi possessionem talium iurium insuper requirant exercitium juris; sive, quod quis tali jure actualiter usus fuerit: quia aliter. (inquiunt) incorporalia non traduntur, *arg. l. Servus qui bona. ff. de Acquir. rer. domin.* ubi dicitur: *Incorporales res traditionem, et usucapionem non recipere, manifestum est.* Resp. enim: quoniam, ut simul interveniat exercitium, sive usus aliquis illius juris, perquam sit utilis et consultum, ac data opportunitate non facile omittendum; eo quod deserviat ad confirmandam, et fortius probandam talium iurium quasi possessionem: nihilominus tamen ad eam acquirendam in casu nostro, ejusmodi exercitium juris non esse simpliciter necessarium. Nam tradita possessione rei corporalis, cui ius illud cohaeret, etiam accessorie, ac in consequentiam, transit quasi possessio illius juris.

Neque arguet adluctus textus *ex l. Servus qui bona. ff. eod.* Loquitur enim de incorporalibus per se spectatis, et quae corporalibus non cohaerent, sicque traditionem neutiquam requirunt: non autem de rebus seu iuribus incorporalibus, ut sunt connexa corporalibus. Nam loquendo de istis, sicuti servitutes, aliaque jura spiritalia, non cum fundis sive aedificiis, quibus debentur seu cohaerent, possunt usucapi, licet per se usucapi nequeant, *text. clar. l. Si aliena §. Hoc jure ff. de Usucap.* Ita etiam una cum fundis aliave corporalibus, quibus debentur atque cohaerent, eorum quasi possessio tradi, et transferri potest, licet per se traditionem non recipiant.

Resp. III. Ad acquirendam quasi possessionem iurium incorporalium per se spectatorum, et dum traditioni rerum corporalium non cohaerent, tria vel maxime requiruntur. Primo, exercitium actus illius juris: deinde, scientia et patientia domini, sive prioris possessoris, in cuius praedictum actus ille exercetur: tandem adinventionem animi, ut nempe actus ille exercetur veluti ex debito, sive intentione acquirendi quasi possessionem. Ita Glossa in *c. Cum Ecclesia. §. Vocemque. h. t. et Abbas ibid. n. 22. post Innocentium. Bartolus in l. 1. §. Hoc interdicto ff. de Itinere actuque privat. Sanguis h. t. cap. 2. n. 4. et alii passim.*

Et quidem duae priores condiciones ex professione examinabuntur, ac declarabuntur, in sequentibus Quaesitis singillatim. Tertia vero, seu quod requiratur adinventionem animi pro acquirenda possessione incorporalium, probatur, simulque declaratur exemplis. Sic enim quasi possessio juris eligendi, vel praesentandi, acquiritur per hoc, quod quis eligat, vel praesentet: dummodo hoc fiat scientibus, ad patientibus illis, qui fuerint in possessione eligendi, vel praesentandi, *arg. c. Cum Ecclesia. h. t.* Simulque id fiat non ratione alicujus amicitiae, seu invitationis honorificae solum, aut ex causa consilii dandi, sed quasi ex debito, seu intentione acquirendi quasi possessionem; ut notat Glossa *loc. cit.* Concordat textus in *l. ult. ff. de Itinere actuque privat.* ubi qui saepius commineavit per fundum proximi, non tamen tanquam id jure suo saveret, sed si prohiberetur non facturus, per hoc non acquirit ius itineris in fundo illius. Idem probatur *ex l. ult. ff. Quomodo servitutes amitt.* ibi: *Servitus uni non videtur: nisi is, qui suo jure uti so-credidit, cum similibus.*

Addit Innocentius in *c. Cum venissent. De in intergrum restitut.* et post ipsum Abbas *ibid. n. 23.* aliud adhuc requisitum pro acquirenda quasi possessione juris eligendi: nempe, quod sequatur confirmatio electionis per Superiorem facta. Tum quia alioquin exercitium illius actus, v. g. electionis, vel praesentationis, non haberet effectum: tum quia per solum electionem, vel praesentationem a se factam, sed a Superiore repulsam, quis possideret solummodo labia sua. Verum haec conditio commode reducitur ad primam, nempe ad exercitium actus illius juris: nam ibi sermo est de actu perfecto, seu habente effectum suum. Nunc loquendo de aliis duabus conditionibus, ad acquirendam quasi possessionem incorporalium requisitis,

Quaeritur II. An, et quale exercitium juris, requiratur ad acquirendam quasi possessionem iurium incorporalium per se spectatorum? Resp. I. Certum est, ad acquirendam quasi possessionem iurium incorporalium per se spectatorum, requiri aliquod talis juris exercitium. Et ratio est: quia jura incorporalia per se considerata, non recipiunt veram traditionem, *l. Servus qui bona. ff. de Acquir. rer. domin.* sed ipsamet patientia exercitium talium iurium, est loco traditionis; prout liquet



ex l. Quoties. ff. 20. de Servitut. ubi dicitur, *Usus ejus juris, sive servitutis, pro traditione possessionis accipiendum esse.* Concordat textus in l. 1. §. fin. ff. de Servitut. rustic. praedior. Cum similibus.

155. Resp. II. Ad ejusmodi exercitium juris, et acquirendam quasi possessionem, hujus, quandoque sufficit unicus actus, quandoque requiruntur plures, et quandoque etiam multi non sufficiunt: unde materia haec multum est arbitraria, atque ex qualitate actus, variisque circumstantiis persuadenda, an sufficiat unicus actus, vel quot requirantur. Ita Abbas in c. Cum Ecclesia. num. 21. et seqq. h. t. Pirhing h. t. num. 10. et alii. Ratio diversitatis est: quia sunt nonnulla, quae nunquam, vel certe non facile concedi solent, ex amicitia, seu quadam indulgentia; alia quandoque sic concedi solent, sed non semper; alia vero semper sic conceduntur. Ut igitur Iudex in dubio discernere possit, an hic et nunc actus fuerit exercitus quasi ex debito et a domino sive priore possessore toleratus ut talis, vel potius ex amicitia solum, probe erit consideranda natura seu qualitas subjectae materiae.

156. Et quidem in illis materiis, quarum actus vel semper, vel saltem saepe ex gratia et amicitia, seu benevolentia concedi solent: tunc complures etiam tales actus non sufficiunt ad probandam quasi possessionem alicujus juris. Illic si quis saepius ad mensam alterius invitatus sit, aut tanquam hospes in Monasterio receptus, non per hoc praesumi potest, quod ipsi quaesita sit quasi possessio juris ejusmodi: quia hujusmodi actus sunt talis qualitatis, quod praesumantur fieri, ac tolerari ex benevolentia, non autem tanquam debiti ex jure.

157. Intellige, nisi aliud sufficienter appareat ex circumstantiis: ut si Episcopus visitando Monasterium, ab eodem recipiatur, et procuraciones sibi exhibitae recipiat. Quia, ob circumstantiam visitationis censetur illis uti vel uti jure debitis, sicque constituitur in quasi possessione: ac tempore legitimo praescribit tale jus, c. Sopitae. 14. de Censibus.

158. Loquendo autem de materiis illis, in quibus quandoque solet admitti aliquis actus ex gratia, et ratione amicitiae, non tamen multum frequenter: tunc ad acquirendam quasi possessionem juris exercendi ejusmodi actus sufficiunt quidem complures actus; non tamen sufficit unicus actus, sed requiruntur tam multi, ut verisimile sit, utentem voluisse uti pro jure suo, et dominum ita passum fuisse. Desumitur hoc ex l. 1. §. Hoc interdicto. ff. de Itinere actusque privati, ubi ad acquirendam quasi servitutem itineris, requiritur, quod quis in fundo proximi sui nec vi, nec clam, nec precario transundo, ad minus triginta diebus per annum, tali jure, usus fuerit: nam pauciores actus praesumerentur permitti potius ex amicitia, quam ex aliquo jure. Abbas in d. c. Cum Ecclesia. n. 24. h. t.

159. Loquendo tandem de illis materiis, quarum actus non facile absque expressa protestatione solent concedi ratione amicitiae, ac ex mera gratia: ut puta, quod extraneus, sive non existens de gremio Capituli, admittatur ad dandum votum, in electione, vel quod quis gerat officium judicis, ac hujusmodi: tunc in dubio sufficit unicus actus ad acquirendam quasi possessionem talis juris, dummodo concurrant caetera requisita n. 151. insinuata.

160. Inferatur proinde, quod quasi possessio juris eligendi acquiratur per electionem semel factam, scientibus et patientibus, seu non protestantibus, illis, ad quos spectat electio, arg. cit. c. Cum Ecclesia. juncta Glossa §. In trium. h. t. ac notat Innocentius, et Abbas n. 22. ibid. Concordat c. Cum de beneficiis. §. de Praebend. ubi in ubi hoc ipsum satis indicatur,

dom per promotionem unius etiam Clerici; Beneficium regulare sit saeculare, quando Clericus ille tempore ad praescriptionem sufficiente continuo id possedit.

Accedit ratio: quia, cum actus tam graves non facile soleant concedi ex gratia, et mera facultate agendi, absque facta protestatione, arg. c. Cumana. 50. de Election. et can. Pontifices. 7. q. 1. juncta Glossa §. Cum cautela: hinc praesumendum est, quod exercens hujusmodi actum intendebat uti jure suo, et quod dominus id sciens patiebatur eum uti veluti pro suo jure. Atqui per hoc jam ipsi acquiritur quasi possessio talis juris: nam in hujusmodi incorporalibus patientia habetur loco traditionis, l. Si ego emi. §. 1. ff. de Publiciana in rem action. cum similibus. Concordat textus in l. 1. §. Quosdam. ff. de Aqua quotidiana. et d. l. Si ego emi. ubi quasi possessio servitutis per unicum actum, quo quis per domum suam aquaeductum transduci passus est, constitui dicitur.

Et ob eandem rationem etiam quasi possessio Jurisdictionis, quando omnia capitula jurisdictionalia sunt contigua et annexa, generaliter obtinetur per exercitium unius actus jurisdictionalis: ut si quis cognovit de una causa, vel aliud quidpiam jurisdictionale exercuit, intentione utendi generaliter jure suo; nem hoc ipso acquirit quasi possessionem totius jurisdictionis. Intellige, dummodo id fiat sciente, et patiente alio, cui paratur praedictum; vel si hic contradicit, resistat utens dicendo, quod utatur jure suo: nam si is, cui paratur praedictum, hoc ignoret, nullum jus alteri acquiritur. Paulus de Eleazaris cit. Repetit. inc. In litteris. nu. 19. et seqq. de Restitut. spoliat. post Innocentium in c. Bonae memoriae. 2. de Postulat. Praelat. atque illico amplius dicitur. Unde

Quaeritur III. An et quomodo requiratur, probaturque scientia, et patientia domini, sive prioris possessoris, ad acquirendam quasi possessionem juris incorporalium? Resp. I. Certe est, ad hanc adipiscendam requiri, quod dominus, sive pristinus possessor, in cujus praedictum tale jus incorporate acquiratur, sciat et patiatur ejusmodi actus exerceri: Ita Abbas in cap. 2. §. fin. De in integrum restitut. et Innocentius ibid. Paulus de Eleazaris cit. n. 19. et communis. Idque desumitur ex l. 1. et 2. C. de Servitut. ubi ad acquirendam, seu praescribendam contra alterum, servitutem, expresse requiritur, quod actus eam inducentes nec vi, nec clam, nec precario fiant, sed eo sciente, cui praedictum generatur: junctis concordantiis ibidem a Glossa, §. Sciens, allegatis.

Accedit ratio: quia in corporalibus, si pote in quibus nequit habere locum vera traditio, ipsamet scientia, et patientia domini seu prioris possessoris, habetur loco traditionis: prout liquet ex l. 1. §. fin. ff. de Servitut. rustic. praedior. ibi: Traditio plane et patientia servitutum, inducit officium Praetoris. Ubi Glossa ly, et patientia, explicat per ly, id est, patientia: hoc ipse denotans, quod patientia in incorporalibus habetur loco traditionis. Concordat textus in l. Quoties. 20. ff. de Servitut. et l. Datio. §. Si iter. ff. de Action. empti, ubi proinde Summarius inquit: In incorporalibus patientia est pro traditione. Quia imo, nisi adesset scientia et patientia domini, seu prioris possessoris, tolerantis tales actus exerceri, eo ipso censetur alter vi, vel clam possidere: qualis possessio nequaquam suffragatur, l. 1. cum seqq. ff. Quod vi, vel clam. Nunc pergendo ad alteram partem propositae Quaestionis

Resp. II. Scire, quantum ad propositum, non solum dicimus, illud, quod nobis praesentibus, atque intelligentibus gestum est l. Testium. C. de Testib. resum-

etiam scientia ex multis conjecturis colligi, atque probari potest. Mascardus de Probationibus, Concl. 1300. n. 1. et seqq. cum communi. Sic quippe praesumitur scientia rei, si res illa fuit nota in vicinia, c. Quanto. 8. de Praesumpt. Item colligitur scientia ex vicinitate locorum, ac diuturnitate temporis, quo actus aliquis fuit exercitus: unde si quis exercuit jurisdictionem in certo loco per longum tempus, praesumitur scientia vicinorum. Mascardus loc. cit. n. 15. et 16. citans alios, et plures consimiles scientiae probationes adducens.

166 Nec obstat Reg. 47. Juris in 6. Praesumitur ignorantia, ubi scientia non probatur. Nec obstat, inquam: quia praesumptio non tollit aliam, arg. c. Cum Joannes. 10 de Fide instrument. et l. Divus. ff. de Restitut. in integr. Simulque in dubio per ejusmodi conjecturas sufficienter probatur scientia.

167 Resp. III. Patientia domini quoad propositum eo ipso probatur, quod is sciverit quidpiam in suum praedictum agi, et non reclamaverit. Nec immerito: Cur enim, si volebat aliquid pati, non clamabat, et protestabatur, cum posset? arg. l. Si hypothecas. c. de Rationem. pignor. ac docet Mascardus de Probationibus, Concl. 1159. n. 2. cum aliis. Unde patientia cum scientia conjuncta, censetur inducere consensum, atque equiparatur ratificationi, arg. l. Quo enim tutiora. §. Julianus. ff. Rem ratam haberi.

168 Idem est, si dominus a principio quidem reclamavit, sed aliquo resistente, et allegante, quod utatur suo jure, postmodum tacet, et patitur: nam talia taciturnitas, seu patientia, habetur pro assensu. Glossa in l. Si fidejussor. §. Recusare. ff. Qui satisdare cog. Paulus de Eleazaris, ubi supra. n. 19. Mascardus cit. Concl. 1159. n. 40. et alii. Idque desumitur ex l. ult. §. Item si praedixerit. ff. Nautae, caupon. ubi protestatio, cui consentit adversarius, liberat protestantem.

169 Fallit tamen istud, quando contradictio consipiam non prodest: sive, ubi quis actum ab altero exercitum impedire non potuit: tunc enim tacendo, et patiendū talem actum, nemo sibi praedictat. Nam culpa caret; qui scit, sed prohibere non potest, prout dicitur, in l. Culpa caret. ff. de Reg. Jur. Ad idem facit textus in l. Si fundus. §. fin. ff. Locati. Abbas in c. Pervanit. n. 6. de Emptione. Mascardus cit. Concl. 1159. n. 47. citans Bartolum in l. Pomponius. §. Ratum. ff. de Procurat. et plures alios.

170 Dices. Ubi agitur de re onerosa, tacens non habetur pro consentiente, sed potius pro contradicente; ergo nunquam potest acquiri quasi possessio incorporalium ex sola taciturnitate, seu patientia adversarii. Antecedens probatur ex l. Invitum. ff. de Servitut. urban. praedior. ibi: Invitum autem in servitutibus accipere debemus non solum, qui contradicit, sed et qui non consentit. Concordat textus in l. Filiusfamilias. §. Invitum. ff. de Procurat. ubi pariter invidius censetur procurator, qui consensisse non probatur: junctis his, quae tradunt Glossa, et Doctores, in c. Qui tacet. de Reg. Jur. in 6.

171 Ad hanc notabilem instantiam plures solent afferri solutiones: uti videre est apud Glossam in can. 1. dist. 27. §. Tacuerit. et aliam Glossam d. l. Filiusfamilias. §. Non probatur. Breviter tamen respondetur: Antecedens non esse universaliter verum, praesertim ubi non agitur de onere magni praedicti, per Jura num. 167. et 168. allegata, et notat Abbas in c. Nonne benedicimus. numer. 3. de Praesumpt. istud ulterius probans ex l. Quam Tuberonis. §. Sunt quidam. ff. de Peculio: ubi ad hoc, ut pater possit habere peculium, non necessario requiritur consensus domini, sed sufficit istud non adimmi. Atqui acquisitio quasi possessionis

REIFFENSTUEL Jus Can. Tom. II.

juris spiritualis non est magni praedicti, cum ante completam praescriptionem facile elidi possit contradicendo.

Ad probationem Antecedentis, et imprimis ad 172 cit. l. Invitum. ff. de Servitut. urban. praedior. dicitur, ibi sermonem esse de servitute in praedio vicini constituenda: ad hanc autem de novo constituendam non sufficit sola vicini taciturnitas, sed ob magnam praedictum, quo si hominibus servitute quapiam gravandis, Jura pro ejus constitutione requirunt verum et expressum consensum ipsorum. Et quamvis per actus libertati contrarios possit acquiri quasi possessio servitutis, prout in simili dictum est supra num. 160. et seqq. non tamen idcirco constituitur, vel acquiritur jus servitutis: nisi etiam tanto tempore tales actus altero tacente exercentur, ut tandem servitus ipsa legitime praescribatur: Glossa ibid. §. Invitum. juncta l. Haec autem. ff. eod.

Ad alterum textum ex l. Filiusfamilias. ff. de 173 Procurat. desumptum, dicitur, ibi sermonem esse de obligatione personali, puta, quod quis constituitur procurator. Est autem Regula, quod quando agitur de obligatione personali, taciturnitas non habeatur pro consensu, sed pro dissensu, arg. d. l. Filiusfamilias. ac notat Felinus in c. Nonne. n. 6. de Praesumpt. Idque merito: siquidem obligatio personalis est caeteris gravior.

Fatendum tamen, quod haec ipsa regula fallat, 174 atque limitanda sit in pluribus casibus in Jure specialiter expressis. Et primo quidem hoc fit favore Matrimonii, ratione cujus filius praesens, et tacens, obligatur matrimonio per parentes contracto, quamvis haec sit obligatio personalis, cap. un. de Dispensat. impuber. in 6. Idem fit favore Pupillorum: quia de causa Fidejussores a Tutoribus nominati, si praesentes fuerint, et non contradicendo nomina sua referri in Acta publica passi sint, jam obligantur l. Cum ostendimus. ff. de Fidejuss. tutor.

Insuper dicta regula, seu quod taciturnitas non 175 habeatur pro consensu, ubi agitur de obligatione personali, fallit in odium contumaciae. Nam contumax in respondendo habetur vel pro consentiente, vel pro negante, quatenus vertitur magis in suum praedictum, eo quod Judicem contemnere videatur: l. De actato. §. Qui tacuit. ff. de Interrogator. action. et c. Si post praestitum. de Confessis, in 6.

Fallit tandem eadem regula, quando praeter 176 citurnitatem intervenit aliquis actus positivus: nam tunc taciturnitas, seu patientia, censetur inducere consensum etiam in principali. Sic, qui scienter recipit litteras, in quibus constituitur procurator, et non protestatur, censetur eis praestare assensum, Clem. 1. de Procurat. Huic simile quid habetur in l. Si Filiusfamilias absente. 18. ff. ad S. C. Macedon. ubi Paterfamilias receptis litteris, in quibus filius petit pecuniam a se mutuo acceptam solvi, continuo debet testationem contrariae voluntatis interponere: alioquin facium approbare videtur, sique solvere debet pecuniam mutuo acceptam a filio.

Porro in aliis casibus, ubi Jus speciale quid non 177 exprimit, regula est, quod in onerosis, et maxime in obligantibus personam, tacens habeatur pro contradicente: licet secus sit in materia concupiscibili, seu commodum afferente. Abbas in cit. c. Nonne. n. 4. et Felinus ibid. n. 19. de Praesumpt. post Baldum in l. Quo enim ff. Rem ratam haberi, et alios: atque uberius explicant Glossa, et Doctores in Reg. 44. et 45. Juris in 6.

Quaeritur IV. Utrum ad quasi possessionem 178 incorporalium adipiscendam requiratur bona fides? Haec quaestio sub aliis etiam terminis pro-

- potest solet, interrogando videlicet, an ad acquirendam quomodolibet quasi possessionem sufficiat, quod quis actibus aliquibus intendat uti tanquam jure suo; vel ulterius necesse sit credere, quod utatur jure suo. Et ratio dubitandi, atque hoc posterius asserendi, desumitur ex *L. ult. ff. Quomodo servitut. amitt.* ubi dicitur: *Servitute usus non videtur, nisi is, qui suo jure uti se credidit*, cum similibus.
179. Resp. I. Ad acquirendam quasi possessionem incorporalium non est opus bona fide, sed sufficit intendere ipsis uti tanquam jure suo. Ita Abbas in *c. Cum Ecclesia. numer. 26. h. 2.* citans Innocentium *ibid. Pithing h. 1. n. 10. vers. Porro bona fides*, et alii. Ratio est clara: quia, sicut in corporalibus, ita et in incorporalibus dari potest non solum possessio, seu quasi possessio civilis, quae est iusta, et conjuncta cum bona fide; sed etiam naturalis tantum, arg. *c. In litteris. 5. de Restitut. spoliat.* Ubi Pontifex respondet, quod violenter electus de possessione Beneficii Ecclesiastici, in eodem restitui debet; haud obstante, quod adversarius ipsius alleget, probareque velit, eum non fuisse canonice institutum.
180. Atque hoc responsum suum comprobatur Papa ex eo: quia secundum rigorem Joris Civilis, etiam praedo est restituendus: hoc autem non procederet, nisi praedo acquireret possessionem (saltem naturalem) rerum male ablatarum; et Clericus possessionem Beneficii, in quo non fuit canonice institutus: et consequenter procedit possessio absque bona fide. Caeterum qua ratione praedo sit restituendus, ex professo declarabitur *Tit. seq. §. 3. numer. 59. et seqq.*
181. Nec obstat Conclusioni textus ex *L. ult. ff. Quomodo servitut. amitt.* ac supra numer. 178. relatus. Resp. enim, ibi sermonem esse de praescribenda servitute urbana, ac de possessione ad eam praescriptionem sufficiente: talis enim procul dubio debet esse bonae fidei, seu quod possidens credat sese uti jure suo: nam *possessor malae fidei ullotempore non praescribit*, juxta Reg. 2. Joris in 6. Hinc Summarium in *cit. L. ult.* sic habet: *In praescribenda servitute requiritur, quod bona fide quis utatur jure servitutis.*
182. Fatendum insuper, quod requiratur bona fides, non quidem ad quasi possessionem simpliciter, sed ut quis agere possit Interdicto de aqua quotidiana, *L. 1. §. Aristo. ff. de Aqua quotidian.* vel alio tali Interdicto. Nam agens hujusmodi Interdicto repelleretur, si probaretur ejus mala fides: non minus, ac si vi, clam, vel precario possedisset, seu tali servitute usus esset, arg. *L. 1. ff. Uti possidetis. et L. 1. ff. de Itiner. actuque privat.* cum similibus, ubi ejusmodi Interdictum non conceditur nisi illi, qui nec vi, nec clam, nec precario actus possessorios exercuit.
183. Resp. II. Nihilominus quoad validitatem actus ex tali quasi possessione procedentis, v. g. factae electionis, praesentationis, ac hujusmodi, omnino requiritur bona fides: id est, ad valorem talium actuum necesse est, credere, quod quis utatur jure suo. Ita Abbas *cit. c. Cum Ecclesia. n. 26. h. 2. et c. Cum venissent. num. 23. De in integr. restitut.* post Innocentium *ibidem*; ac sensus tradit Joannes de Selva *Tom. 1. Tractatum, tract. de Beneficio. quaest. 7. n. 1.* cum aliis. Et hoc desumitur ex *c. Consultationibus*, juncta Glossa *§. Credebatur de Jura patronat. et c. Cum olim. 7. h. 2.* Ubi Glossa in Casu notante ait, quod ille, qui est electus, et institutus ab eo, qui est in pacifica possessione eligendi, obtinet ex sola possessione, licet postea appareat, jus ad alios pertinere. Ubi ly, in pacifica, indicat possessionem bonae fidei; et quod alias secus foret dicendum. Concordat *c. Querelam. 24. de Election.*

Accedit ratio: quia generaliter loquendo, licet possessor bonae fidei fructus faciat suos, tamen possessor malae fidei, *§. Si quis a non domino. Instit. de Rer. divis.* estque jam dictum supra *§. 2. numer. 63.* Atqui electio, sive praesentatio, est quasi fructus juris eligendi, seu praesentandi; ut notat Innocentius in *c. Cum venissent: De in integr. restitut.* et Abbas *ibid. numer. 23.* ac eorum *c. Cum Ecclesia. n. 26. h. 2.* ergo non mirum, quod eligens, seu praesentans cum mala fide, non debeat consequi fructum suae electionis, seu praesentationis. Unde, quodcumque constiterit de tali mala fide, et iniqua quasi possessione illius juris, cassanda erit electio; licet secus sit in possessore bonae fidei.

## §. VI.

De Amissione Possessionis tum corporalium, tum incorporalium.

## SUMMARIUM.

- 185 *An possessio rerum corporalium solo animo amitti possit, quaestio est difficilis; ob apparentem Jurium contrarietatem.*  
*Textus Juris pro parte negativa. Ibid.*
- 186 *Alii textus Juris pro parte affirmativa referuntur. Et num. 189.*
- 187 *Hi concordantur ab aliquibus, distinguendo inter possessionem naturalem, et civilem.*
- 188 *Instantia contra hanc sententiam resolvitur.*
- 189 *Refertur communior Doctorum sententia, simulque probatur.*
- 190 191. et 192. *Ac explicatis Juribus in contrarium militantibus, amplius declaratur.*
- 193 *Possessio omnibus illis modis amittitur, quibus potest ab uno in alium transferri.*  
*Duo insimul eandem rem, et eodem modo in solidum, possidere non possunt. Ibid.*
- 194 *Bene tamen diverso modo.*
- 195 *Possessio rerum mobilium retinetur, quamdiu manent sub nostra custodia: amittitur, quando ea perdidimus, ut ignoremus ubi sint.*
- 196 *Idem declaratur: et quid, si adhibemus diligentiam ad easdem recuperandas?*
- 197 *Possessio hominis, qualiter retineatur? Et num. seqq.*
- 198 *Servus fugitivus non privat dominum possessione sua.*
- 199 *Qui deperdidit rem mobilem, non potest contra hujus inventorem uti Remediis possessorii.*
- 200 *Potest tamen contra hunc agere Judicio petitorio.*
- 201 *Bona inventa sunt dominis suis reddenda. Et num. praec.*
- 202 *Quid, si pecora nostra in sylva aberraverint, aut gallinae vel anseres avolarint?*
- 203 *Fera animalia quamdiu possideamus?*
- 204 *Discrimen inter amissionem possessionis rerum immobilium.*
- 205 *Et mobilium ab alio injusto occupatarum; et quale?*
- 206 *Ac ratio talis discriminis.*
- 207 *Per aquarum inundationem perditur rerum possessio.*
- 208 *Nisi ea sit utilis agris sitientibus.*
- 209 *Vel modica solum.*
- 210 *Aut modico durans tempore.*
- 211 *Et nisi possessor resistat inundationi obiclando repagula.*
- 212 *Non tamen per inundationem amittitur rerum dominium.*
- 213 *Quasi possessio jurium incorporalium, quae com-*



petit ratione Dignitatis aut loci, hoc amisso perditur.

184 Limitatur istud in casu Clem. un. de Foro compet.

185 Amittitur insuper per hoc, quod quis sciat tale jus exerceri ab alio, et non contradicat, sed patiat.

186 Secus, si resistat.

187 Aut saltem publice protestatur.

188 Cur possessio incorporalium retineatur per solam resistantiam, vel protestationem, non item corporalium?

185 Quæritur I. An possessio rerum corporalium solo animo amitti possit? Resp. Istud est unum ex difficillimis contrariis Juris, ut inquit Udalricus Zasius in l. Possideri. §. In amittenda ff. de Acquir. possess. asserens, se semper super eo dubitasse, ac difficile esse reale reperire solutionem. Idque accidit ob quosdam textus Juris, satis prima fronte inter se pugnantes. Siquidem in l. Quemadmodum. 8. ff. de Acquir. possess. dicitur: Quemadmodum nulla possessio acquiritur nisi animo et corpore potest: ita nulla amittitur, nisi in qua utrumque in contrarium actum est. Concordat textus in l. Fere quibuscunque. ff. de Reg. Jur. ubi eadem verba habentur.

186 E contra in l. Possideri. §. In amittenda. ff. de Acquir. possess. expresse dicitur, possessionem solo animo amitti posse, licet solo animo acquiri non possit, verba ejus sic sonant: In amittenda quoque possessione affectio ejus, qui possidet, intuenda est. Itaque si in fundo sis, et tamen nolis eum possidere, protinus amittes possessionem. Igitur amitti et animo solo potest, quamvis acquiri non potest. Concordant Leges numer. 189. allegandæ. Et quidem isthæc apprens Jurium contrarietas multum torquet Juris Civilis Interpretum ingenia, et diversas ab eis extorsit responsiones: nil videre est apud Glossam in cit. §. In amittenda. §. Animo solo, referentem quinque solutiones. Earum unam, vel alteram præ cæteris probabilior, juvat hoc adducere; idque sufficiat pro præsentis Quæstionis resolutione.

187 Primo igitur dicta Glossa in Responsione prima, et Mynsinger §. Possideri. n. 9. et 10. Instit. de Interdict. ad concordandas memorandas Leges, distinguit inter possessionem naturalem et civilem, atque docet, quod quidem possessio naturalis et civilis simul non possit amitti in totum, nisi corpore et animo concurrente, juxta cit. l. Quemadmodum ff. de Acquir. possess. et l. Fere quibuscunque. ff. de Reg. Jur. Nihilominus possessio civilis solo animo amittitur, arg. d. l. Possideri. §. In amittenda. ff. de Acquir. possess. Unde isthæc sententia vult, citatum Paragraphum In amittenda loqui de possessione civili, priores Leges autem de naturali.

188 Nec dicas cum eadem Glossa, hanc responsionem postmodum rejiciente. In cit. §. In amittenda, est etiam sermo de possessione naturali; ut patet ex illis verbis, Itaque si in fundo sis etc. et tamen ibidem subditur, solo animo eam amitti; ergo hæc solutio nequit subsistere. Resp. enim neg. consequent. Quia, ut notat Mynsinger cit. n. 10. in eo casu, quando sum adhuc in fundo, et tamen nolo possidere, amitto quidem possessionem civilem, non vero possessionem naturalem seu corporalem: sicque adhuc salvatur allata concordia. Et quidem ejusmodi possessio corporalis prodeit mihi in tantum, quod solo animo, si velim, recuperem possessionem civilem, apote quam solo etiam animo amiseram; hoc quippe non licebit illi, qui de loco discessit, et naturalem quoque possessionem amisit, arg. d. l.

REIFRENSTUEL Jus Can. Tom. II.

Possideri. §. 1. et l. Si quis vi. §. fin. ff. eod. cum concordantiis. Et conformiter dictis, explicatur ly, Si in fundo sis etc. ac conceditur, quod in cit. §. In amittenda, sit quidem sermo etiam de habente possessionem naturalem: negatur tamen, inde sequi, quod solo animo amittatur tunc possessio naturalis, cum amittatur sola civilis.

Secunda, et quidem communior Doctorum sententia, absolute ac non adhibita præmissa distinctione docet, possessionem, sicut corpore et animo acquiritur, ita corpore et animo vicissim deperdi; quia etiam solo animo amitti posse (modo inferius n. 191. et 192. jam declarando) juxta cit. §. In amittenda, ponderando præsertim illa verba: Si in fundo sis, et tamen nolis eum possidere, protinus amittes possessionem. Concordat textus in l. Si quis vi. §. 2. ff. de Acquir. possess. ibi: Possessio autem recedit, ut quisque constituit nolle possidere. Id ipsum amplius desumitur ex l. Peregre. 44. §. fin. ff. eod. ubi dicitur: Ejus quidem, quod corpore nostro teneremus, possessionem amitti vel animo, vel etiam corpore: si modo eo animo inde digressi fuerimus, ne possideremus. Et hinc facilius amittitur, quam acquiritur possessio, cum solo etiam animo amittatur: præsertim, si quis Titulo constituti velit eam in alium transferre, juxta dicta §. 4. n. 131. et seqq.

Ad textus Juris numer. 185. in oppositum allegatos, satis communiter respondent Doctores hujus posterioris sententiae: In amittenda possessione utrumque, tam corpus videlicet, quam animum esse necessarium, si incipias a corpore: secus vero, si incipias ab animo. Et addunt, hac ratione rite concordari posse textus Juris supra allegatos, qui oæteroquin prima fronte contrarii videntur. Atque ita respondet Glossa in saepe cit. §. In amittenda. et l. Fere quibuscunque. ff. de Reg. Jur. Hostiensis in Summa tit. de Causa possessionis. n. 4. Udalricus Zasius d. §. In amittenda. n. 4. ff. de Acquir. possess. Pirhing. h. t. n. 13. et alii: Nam incipiendo a corpore, sicut qui intrat fundum, non acquirit ejus possessionem, nisi concurrat animus possidendi: ita vicissim, qui exit de fundo, non amittit ejus possessionem, nisi etiam concurrat animus derelinquendi possessionem: alioquin hanc adhuc civiliter retineret: et in hoc sensu explicantur Leges n. 185. adductæ.

Cæterum incipiendo ab animo, tunc est diversitas: nam solo quidem animo non acquiritur possessio, tamen ipsa solo animo amittitur: et hoc modo locum habet d. §. In amittenda. cum concordantiis cit. num. 185. allegatis. Quamquam ad hoc, ut animo solo amittatur possessio, necesse sit, quod qui animum possidendi deposuit, postea etiam corpore ex fundo egrediatur, arg. l. Peregre. 44. ff. de Acquir. possess. ibi: Si modo eo animo inde digressi fuerimus, ne possideremus. Quo facto censetur quis possessionem amisisse, non ab eo die, quo quis ex fundo discessit, sed ex illo temporis articulo, quo quis possidere noluit: prout notat Fachineus lib. 8. Controvers. Jur. cap. 21. vers. Ego igitur.

Et hac ratione commode explicatur: atque salvatur textus in saepe cit. §. In amittenda: ubi dicitur: Si in fundo sis, et tamen nolis eum possidere, protinus amittes possessionem. Etsi enim dictio illa protinus, videatur indicare, possessionem amitti ante egressum ex fundo, sicque istum non requiri: nihilominus explicando citatum textum juxta datam proxime doctrinam, dictio illa protinus convenienter salvatur per hoc, quod secuto postmodum corporali egressu e fundo, non censetur quis amisisse possessionem ex eo primum tempore, quando egressus est: sed ex illo jam tempore, quo

animum possidendi deposuit. Et hac etiam ratione verificatur illud, quod in eodem §. *In amittenda* subiungitur illis verbis: *In amittenda possessione affectio ejus, qui possidet, intuenda est.*

- 193 Quæritur II. Qualiter amittatur possessio rerum corporaliū, præsertim mobiliū? Resp. I. Generaliter loquendo, omnibus illis modis, quibus possessio corporaliū ab uno potest transferri in alium, potest, ac solet ab altero ipsa amitti. Ita communis; et ratio est clara. Quia duo insimul eandem rem, et eodem modo, in solidum possidere non possunt, prout loquitur Pontifex in o. *Licet*. q. de Probat. et concordat textus in l. *Possideri*. §. *Econtrario*. ff. de Acquir. possess. Ergo eo ipso, quod unus transfert possessionem in alterum, amittit ipsam.

- 194 Dicitur notanter in allata ratione, eandem rem, et eodem modo. Quia nihil obstat, quin plures possideant eandem rem, sed diverso modo: ac proinde quispiam translata una possessione in alterum, adhuc retineat aliam. Sic enim bene potest unus habere possessionem civilem, alter naturalem, ut notat Glossa cit. c. *Licet*. §. *Eodem modo*. Similiter Dominus proprietarius rei retinet possessionem domini directi; quamvis alteri, puta Vasallo, Emphyteutæ, concedat usufructum, vel dominium utile, huiusque possessionem, vel quasi possessionem. Idem accidit, si plures eandem rem possideant pro diverso: quia tunc nullus ipsorum possidet rem illam in solidum.

- 195 Resp. II. Loquendo specialiter de rebus mobilibus, possessio rerum mobiliū, v. g. annali, ensis, vestimenti etc. ac etiam se moventium, puta equi, jumentorum, gallinarum et ferarum bestiarum, tamdiu a nobis retinetur, quamdiu manent sub nostra custodia sive potestate, etiamsi ad tempus nesciamus, ubinam existant. Quod si vero ita deperdantur, ut adhibita diligenti inquisitione amplius reperiri nequeant, illico rerum mobiliū, ac se moventium (homine excepto) amittitur possessio. Ita habetur expressum in l. *Possideri*. §. *Nerva filius*. ff. de Acquir. possess. et l. *Si id quod*. 25. ff. eod. ubi dicitur: *Si id quod possidemus, ita perdidimus, ut ignoremus ubi sit, desinimus possidere*. Concordat textus in §. *Ferae*. Instit. de Rerum divis.

- 196 Cæterum illud, quod habetur in allegato textu, ut ignoremus, ubi sit: Fallit imprimis, quando adhuc scimus sandum, in quo res existit, licet ignoremus locum fundi, seu in qua parte ipsius sit, arg. l. *Peregre*. §. 1. ff. de Acquir. possess. ac tenet Glossa in cit. l. *Si id quod*. §. *Ubi sit*. ff. eod. Fallit insuper, quando adhibemus adhuc diligentem inquisitionem ad ipsam recuperandam: nam quamdiu intendimus, quaerimus et sollicitamur, ut inveniat, necdum perita est possessio, arg. d. §. *Nerva filius*. et notat Lasius ibid. n. 5. et 8. Sed interim retinetur possessio civilis, cum spe recuperandi etiam naturalem: per ea, quæ notat Glossa in l. *Idem est*. §. *Eum igitur*. §. *Continenti*. ff. de Ki et vi armat.

- 197 Additur notanter in data n. 195. Conclusionem, excepto homine, sive mancipio nostro. Nam, quia homo ratione utitur, potest is solo proposito revertendi conservare sui possessionem proprio domino: ac proinde per amissionem ejus custodiam non perditur possessio ipsius, quamdiu nemo alius eum possidere coepit, l. *Possideri*. §. *Nerva filius* juncta Glossa, §. *Homine*. ff. de Acquir. possess. et clarius habetur in l. *Si rem mobilem*. ff. eod.

- 198 Quin etiam, si servus sit fugitivus, atque a domino suo recesserit animo non revertendi, nihilominus ab ieo possidetur, donec ab alio possideri coeperit. Nam servus non potest dominum privare sua possessione quibique aliquod jus acquirere, sed quidquid acquirit, domino acquirit: atque ideo,

quamdiu ab alio non possidetur, remanet in possessione prioris domini, l. 1. §. *Per servum*. ff. de Acquir. possess. et l. *Pomponius*. §. 1. ff. eod. Unde Glossa loc. cit. notanter inquit, quod homo, sive mancipium, etiam non sit sub nostra custodia, adhuc a nobis possidetur: vel quia propositum habet redeundi, ut dictum num. præc. vel ea ratione, quia est, ob proxime dicta.

Ex præmissis plura inferantur corollaria. Primo, 199 quando quis deperdidit rem mobilem, vel se moventem, ita ut ignoretur ubi sit (modo jam declarato) et illa ab alio inveniat, non potest prior dominus contra istum Inventorem uti Remediis possessorii, neque instituere Iudicium possessorium contra eum: cum revera non amplius sit possessor, sed ipsam rei possessionem amiserit.

Hicbit tamen ipsi agere Iudicio petitorio, et rem a se amissam, et ab altero inventam, perire per conditionem ex l. ult. c. *Unde vi*. Nam adhuc retinet dominium talium rerum, arg. cit. l. ult. et Pomponius. §. 1. ff. de Acquir. possess. cum similibus. Atque insuper omnes scire debent, quod suum non est; hoc ad alios modis omnibus pertinere: prout dicitur cit. l. ult. c. *Unde vi*. Ubi proinde invasores, seu possessores talium rerum, quæ restituere nolunt, et prædones et feres puniri jubentur.

Concordat textus in can. *Si quid* 14. q. 15. clarissime dicens, bona inventa esse prioribus dominis reddenda, illis S. Augustini verbis: *Si quid invenisti, et non reddidisti, rapuisti: quantum potuisti, foveisti*. Idem tradit D. Hieronymus, relatus can. *Multi*. 14. q. 5: dum inquit: *Multi sine peccato putant esse, si alienum, quod invenerint, teneant: et dicunt, Deus mihi dedit: cui habeo reddere? Discant ergo peccatum hoc esse simile rapinae, si quis inventa non reddat*. An intellige, quando scitur prior dominus, qui talia deperdidit, prout amplius declaravi in *Theologia Morali Tractat. 7. Distinct. 5. n. 6. 7. et 8.*

Secundo inferitur, quod si pecora nostra, vel 202 greges jumentorum aberraverint in sylva, ita ut post diligentem inquisitionem ea amplius non inveniamus: tunc quidem ipsorum perdamus possessionem, non vero dominium. Unde si quis domesticas gallinas, vel anseres ex turbatione aliqua longius evolantes loci causa detinuerit, fortum committere intelligitur, §. *Gallinarum*. Instit. de Rerum divis. et l. *Naturalem*. §. *Gallinarum*. ff. de Acquir. rerum domin.

Tertio inferitur, quod loquendo de feris animis 203 libris, quamdiu ea sub nostra existent custodia (puta quia pisces inclusimus in pincinis, feras bestias in vivariis, aves in aviariis, aut saltem ipsas circumstæ consuetudinem redeundi obtinent) tamdiu huiusmodi feras bestias possidemus, eorumque retineamus dominium, l. *Possideri*. §. *Item feras*. ff. de Acquir. possess. juncta l. 3. et l. *Naturalem*. ff. de Acquir. domin. et §. *Ferae*. Instit. de Rerum divis. Quod si vero huiusmodi feræ bestiae nostram custodiam effugerint, aut secundum pristinam consuetudinem redire desierint, non tantum eas amittamus possessionem sed etiam dominium: eo quod et nostram evaserint custodiam, et in naturalem libertatem suam sese receperint: ac proinde sunt primo occupantis, prout in allegatis Juribus amplius declaratur.

Quæritur III. Qua ratione amittatur possessio 204 rerum mobiliū furtive subtractarum, ac immobilium violentè ab alio occupatarum? Resp. I. Inter amittendam possessionem rerum mobiliū, et immobilium, ab alio violentè aut furtive occupatarum, est notabile discrimen. Siquidem possessio rerum immobilium, per alium injuste occupatarum, non primo amittitur, donec dominus re

cognita, animum possidendi, sive corporalem earum possessionem recuperandi deposuerit: quis videlicet vel ob timorem futurae resistantiae non audet reverti ad recuperandam possessionem fundi, v. g. vel Castri, ab alio violenter occupati, *L. 3. §. Si quis. et l. Sed si nolit. et l. Si id quod. ff. de Acquir. possess.* Vel revertatur quidem, tamen reversus non admittitur, sed ab alio repellatur, *l. Si id quod. §. fin. ff. eod.* Nam, donec prior dominus animum possidendi rem suam immobilem deposuerit, censetur possessionem ejus civilem adhuc retinere: haud obstante, quod alius ipso absente occupaverit possessionem naturalem ipsius, *l. Clam possidere. §. fin. ff. eod.* ac notat Glossa communiter recepta *ibid. §. Non clam.*

205 Econtra vero possessionem rerum mobilium, per furem aut praedonem iniuste ablatarum, hoc ipso confestim amittitur, etiam ignorante domino, seu possessore prioro. Patet hoc ex *l. Rem quae nobis. ff. de Acquir. possess.* ubi expressum habetur, quod rei nobis subtrahae, aut vi ereptae, amittamus possessionem: nisi forsitan surripuerit talis, qui in nostra potestate est; quis tunc per ipsum possideremus: quae est fallentia hujus caeteroquin generalis doctrinae. Hinc Glossa, *ibid. §. Erepta*, et Doctores passim inferunt, quod rerum mobilium vilis et abjecta est possessio, utpote quae tam facile, domino etiam ignorante, deperditur; estque jam supra §. 1. n. 3. dictum. Concordat textus in *l. Possideri. §. Si rem. et l. Si rem mobilem. ff. eod.* ubi, si quis rem apud se depositam, vel sibi commodatam, forti faciendi causa contractaverit, sive animo possidendi et suam loco moverit, dominus confestim possessionem ipsius amittere dignoscitur.

206 Accedit ratio disparitatis inter res mobiles, et immobiles. Siquidem possessio mobilium (excep- tio homine) ex eo habetur: quis existat sub nostra custodia, sive potestate, *cit. l. Possideri. §. Nerva filius. et l. Si rem mobilem. ff. de Acquir. possess.* Unde quamprimum earum custodia est neglecta, vel amissa, ita ut licet velimus, ipsarum naturalem possessionem amplius nauciari non possimus (sive deus alius eas occupaverit, sive non) perditur prior possessio, uti locis citatis dicitur. Econtra vero res immobiles nostra custodia non indigent, sed semper maneat loco affixae: sicque potest earum dominus semper, quandocunque voluerit, ipsarum naturalem possessionem adipisci: ac proinde merito censetur dominus earundem civilem retinere possessionem (haud obstante, quod ipso absente ab alio fuerint occupatae) donec deposuerit animum ipsum possidendi. Prout fieri censetur, si vel ex timore repulsae non audet reverti ad recuperandam possessionem naturalem illius, vel revertens non admittitur, sed repellitur, ut dictum.

207 Queritur IV. Utrum per aquarum inundationem amittatur rerum possessio? Resp. I. Fundi, sive loci cuiuspiam possessio perditur etiam inundatione aquarum, fluminis videlicet, aut maris. Textus est in *l. Possideri. §. Labeo. ff. de Acquir. possess. et l. Qui universae. §. Item quod a mari. ff. eod.* ubi dicitur: *Quod a mari, vel flumine occupatum sit, possidere nos desinimus.* Accedit ratio: quia, cum aqua non facile possit resisti, censetur quis animum possidendi deposuisse, dum spes nulla adest recuperandi fundum aquis obrutum. Udalricus Zasius *cit. l. Possideri. §. Labeo, n. 1. et seqq.* et Jason. *ibid. n. 1. et seqq.* Ubi proin Jason corollarie inferi, quod per inundationem perdatur possessio, non solum naturalis, sed etiam civilis; sicque per ejusmodi inundationem interrompatur praescriptio: simulque, quod talis amissio possessionis procedat etiam in ignorante.

BEIFFENSTUEL Jus Can. Tom. II.

Resp. II. Nihilominus data Conclusio plures patitur limitationes, seu fallentias. Et primo quidem ea fallit, estque limitanda, quando inundatio illa est utilis fundo, sive agris sitientibus: nam talis non nocet possessioni nostrae. Prout Nilus quotannis inundare solet, totamque Egyptum reddere frugiferam, *L. 2. C. de Alluvionib.*

Deinde non perditur possessio per inundationem, si haec sit tam modica, quod fundus adhuc pedibus calcari possit. Siquidem ac perdendam possessionem requiritur talis inundatio, quod vi et impetu aquarum possessores expellantur a naturali possessione fundi: si autem quis fundum adhuc pedibus calcaret, profecto naturaliter eidem insisteret.

Uterina data Conclusio est intelligenda in inundatione diu duratura. Nam quae modico tempore durat, ut puta per diem, biduum, aut etiam tri- dium, non tollit possessionem, imo nec attenditur, *arg. l. Pretia rerum. ff. Ad Legem Falcidiam, et l. Si ager ejus. ff. Quibus modis usufruct. amitt. ac notat Baldus in c. Illud. n. 2. de Praescript. et Jason. cit. l. Possideri. §. Labeo. n. 9. et seqq. ff. de Acquir. possess.* fusius hoc declarans.

Quarto limitatur eadem Conclusio, quando pos- sessor resistit inundationi objiciendo repagula, val- la, et hujusmodi: quia quamdiu quis resistit, tam- diu non perdit possessionem, *arg. l. Si id quod. §. fin. ff. de Acquir. possess.* Zasius, et Jason ubi supra, cum aliis.

His adde, quod, quamvis per inundationem (cessantibus dictis quatuor limitationibus) perda- tur possessio fundi: non tamen ideo dominus amittat proprietatem illius fundi, *l. Adeo quidem. §. Insula ff. de Acquir. rer. domin.* ubi dicitur: *Namque inundatio speciem fundi non mutat: et ob id, cum recesserit aqua, palam est ejusdem esse, cu- jus et fuerat.* Concordat textus in *l. Pomponius. §. 1. ff. de Acquir. possess.* ubi lapidum tempore nau- fragii in Tyberim demersorum, sed post tempus ex- tractorum, dominium prior dominus retinere dicitur, non vero possessionem. Siquidem possessio fa- cilius perditur, quam dominium, *l. Si quis vi. §. Differentia. ff. eod.* junctis Juribus proxime allegatis; et notat Jason in *l. Rem quae nobis n. 6. ff. eod.* Et quia nihil commune habet proprietas cum pos- sessione, *l. Naturaliter §. 2. ff. eod.* ex amissione unius non potest inferri amissio alterius.

Queritur V. Qualiter perdatur quasi possessio in- corporaliū? Resp. I. Quasi possessio Jurium in- corporaliū, quae competunt ratione certae Dignita- tis, vel loci, puta Castri, eo ipso deperditur, quod quis illius Dignitatis seu Castri possessionem amittat. Ita Abbas Panormit. in *c. Olim inter. 17. n. 14. de Restitut. spoliat.* Imola in *Clem. un. §. 1. de Foro compet.* et alii, post Innocentium in *c. Cum venis- sent. 2. De in integr. restit.* ubi inquit, quod si unus fuit ab alio exclusus a sua Dignitate, ille alius exercebit jura Dignitatis, qui est in possessione, et non alter exclusus. Accedit ratio: quia tale jus incor- porale cohaeret Dignitati, vel loco, uti supponitur; prout v. g. jurisdictio cohaeret territorio, seu administra- tioni, *L. ult. C. Ubi et apud quem etc.* Ergo expulsus ab hoc, etiam expulsus videtur a jure incorporali eidem inherente: nam conexorum idem est iudicium, *arg. c. Translatio de Constitut.* cum similibus; ac tradit Card. Tuschus *Litt. C. Conclus. 626.* et Barbosa *tract. de Axiomat. Juris Axiomat. 51.* citans alios.

Limitatur tamen hoc in casu *Clem. un. de Foro compet.* ubi per Concilium Generale Viennense conceditur Episcopis expulsis a Sedibus suis, quod in locis aliarum Dioecesium (servata forma ibi- dem praescripta) possint procedere contra expul- sores, eorumque fautores et consiliarios; atque



inter subditos. non jus dicere. Ratio specialitatis hujus affertur ibidem, illis verbis: *No injuria in eorum expulsiōe ipsorum irrogata Ecclesiis, hoc praestatu maneat impunito.* Quasi diceretur, Episcopum posse vindicare injuriam Ecclesiae suae illatam, etiam non propriam. Glossa *ibid.* §. *Ecclesiis.*

215. Resp. II. Insuper quasi possessio jurium incorporalium amittitur per hoc, quod quis sciat, tale jus, puta jurisdictionem, exeroeri ab alio, et non contradicat, sed patitur; etiamsi hoc fiat, quia non audet contradicere: tunc etenim animo paillanimi videtur possessionem deservisse, atque hanc in alium transulisse. Ita Abbas *cit. n. 14.* post Innocentium *ibid.* estque communis aliorum; et concordant dicta superius §. 5. *n. 167. et seqq.* Accedit textus in l. *Et si forte.* §. *Sciendum ff. Si servitus vendit. ibi: Sed et si patiente eo aedificavero, ego possessor. ero effectus. servitutis.* Ubi Glossa recte concludit: *Sic ergo patientia praefuldeat.*

216. Additur notanter, non contradicat, sed patitur. Quia, quamdiu quis, quantum in eo est, resistit, et non permittit alterum tale jus, sive jurisdictionem exercere, tamdiu non perdit quasi possessionem illius. Hinc, quando Episcopus, v. g. non patitur populum Parochiae suae servare sententiam Interdicti ab alio Episcopo prolatam, quinimo subditos eam observantes prohibet, punit, atque contra ipsos sive spiritualibus, sive temporalibus poenis procedit (quod iuste facere potest ad defendendum jura sua, c. *Olim causam. 12. de Restitut. spoliat. cum similibus*) hoc ipso conservat possessionem jurium suorum: haud obstante, quod populus eo ignorante per aliquot dies ex timore observasset dictam Interdicti sententiam, ab altero Episcopo prolatam, c. *Olim inter. 17. eod.*

217. Quod si vero propter potentiam alterius hoc non potest, aut ex timore non audet facere, consilium erit, ut ad conservandum jura sua istud publice protestetur, arg. can. *Pontifices. 7. q. 1. juncta Glossa, §. Cum cautela. et c. Pastoralis. 11. §. Verum tamen. de Offic. Ordinari. et cap. ult. de Appellat. cum similibus.*

218. Nec obstat, quod ad manutenendam possessionem rerum corporalium, etiam immobilium, non sufficiat resistentia, vel protestatio prioris possessoris, l. *Si id quod. §. fin. de Acquir. possess. ubi reversus ad recuperandam possessionem fundi, ipso absente per alium occupati, sed repulsus, censetur possessionem illius fundi amittere.* Resp. enim, disparitatem esse inter corporalia et spiritualia, seu jura incorporalia: siquidem incorporalia tenacius inhaerent, sicque difficilius perduntur, quam corporalia, quae citius amittuntur, ac destruantur, c. *Inter corporalia. 2. de Translat. Episcop. Unde non mirum, quod possessio incorporalium retineatur per solum resistentiam, vel protestationem: non item possessio incorporalium ab alio invasorum, seu occupatorum.* Innocentius in *cit. c. Olim inter.* et Jo. Andreas *ibid. n. 3. et Abbas n. 14. de Restitut. spoliat. et alii.*

#### §. VII.

De probatione Possessionis, praesertim in Interdicto *Uti possidetis.*

#### SUMMARIUM.

219. Probatio domini est difficilis.  
220. Non item probatio possessionis. Et numer. seqq.  
Ad hanc probandam sufficiunt leviores, ac semiplenae probationes; et quando? *Ibid.*  
221. Possessio potest probari variis modis. Et n. seqq.

Qualiter probetur quasi possessio incorporalium? *Ibid.*

Putat, alicujus Canonici? *Ibid.*

222. Et qualiter probetur possessio corporalium?

Et numer. praeced.

223. In Interdicto retinendae possessionis, seu *Uti possidetis*, quandoque utraque pars vult probare, se esse in possessione.

224. Et tunc obtinet ille, qui probat suam intentionem altero non probante.

225. Aut qui antiquiorem probat possessionem. Et numer. seqq.

Qui semel possedit, etiam hodie possidere praesumitur: declaratur. *Ibid.*

226. Dictio *Maxime est* implicativa; et quid denotet?

227. Intrans possessionem alterius censetur injuste possidere, nisi probet quod iuste.

228. In dubio praesumitur pro antiquiori possessione, etiamsi junior habeat titulum.

229. Caeteris paribus vincit illa pars, cujus possessio habet titulum, et quidem meliorem.

230. In possessorio retinendae non est necesse allegare titulum; et quando?

231. Data possessione, et titulo aequali, obtinet illa pars, quae melioribus utitur rationibus.

232. Probationes quae censeantur meliores, multum relinquuntur arbitrio Judicis.

233. Probatio illa censetur melior, quae fit per testes plures.

234. Simul tamen honestiores, et magis verisimilia deponentes: alias secus.

235. Testes affirmativi deponentes praeferruntur aliis negative deponentibus.

236. Melius possessionem probant testes meliorem suae scientiae rationem assignantes.

237. Et quorum dicta consonant *Juri Communi.*

238. Regula illa, *Soli Aetori* incumbit onus probandi, fallit in *Judiciis duplicibus.*

*Judicia, et interdicta duplicia, quae? Ibid.*

239. Quando in Interdicto *Uti possidetis* quaelibet pars aequaliter probat possessionem, tunc in causis Beneficialibus neuter litigantium obtinebit.

240. Loquendo autem de causis profanis quaestio est ardua.

241. Si tamen constet, quis primo ad iudicium provocaverit, caeteris paribus fertur sententia in favorem provocati.

242. et 243. Alioquin *Judex* pronuntiabit secundum formam Interdicti, *Uti possidetis*, ita possideatis.

244. Solvitur instantia. Et numer. seqq.

245. Cur ex tali sententia non tribuatur litigantibus occasio veniendi ad arma?

Quaeritur, I. Quibus modis generatim probetur Possessio? Resp. I. Possessionis probatio non usque adeo difficilis est, haud obstante, quod probatio domini sit difficillima. Ita Mascardus de Probationibus, *Concl. 871. n. 10. juncta Concl. 539. num. 1. Maranta in Praxi Aurea, part. 4. dist. 9. num. 43. Gailus lib. 2. Practic. Observat. 26. n. 2. et alii.* Et quidem, quod probatio domini sit difficilis, passim fatentur Doctores; eo quod ad ejus probationem plura requirantur, arg. l. *Cum res. C. de Probation.* Nam ut inquit Glossa *ibid.* §. *In vacuum*, satis non est ad probationem domini alicujus rei, puta fundi, quod quis probet ejus emptionem; sed ulterius oportet probare, quod venditor fuerit dominus. Si enim venditor non fuisset dominus, etiam emptorem non potuisset facere dominum illius rei: quia nemo plus juris ad alium transferre potest, quam ipse habet, ut dicitur l.

*Nemo. 55. ff. de Reg. Jur.* Atqui notum est, quanta sit difficultas in probando, quod venditor fuerit dominus rei venditae. Facit ad hoc ipsum textus in *l. Ad probationem domini. C. de Probat.* ubi proin-  
Glossa *fn.* notandum inquit, quod *res mea pecunia empti, non ideo est mea, ut l. 1. C. Si quis alteri vel sibi etc.*

220 Econtra, quod possessio sit facilis probationis, ex eo liquet: quia haec illico probatur per traditionem rei a priore possessore factam: atqui patet, hoc esse facillimum, ut taceantur plures modi probandi possessionem. Accedit ratio: quia questio possessionis censetur esse parva, et modici praedicii, utpote quod est reparabile in petitorio, *arg. l. un. C. Si de momentanea possessione etc. et l. Momentaneas. C. Qui legitimam personam habent etc.* Unde, quod in probanda possessione sufficiant leviores, ac semipleae probationes, ut puta per famam, vel unum testem, tenet Bartolus in *l. 2. §. Si vero. C. Ubi in rem actio etc.* Menochius de recuperanda possessione. *Remed. 15. numer. 410. et seqq.* Maranta *cit. numer. 43. et Mascardus loc. cit. Concl. 1203. n. 1. et seqq.* allegans plurimos alios.

Fatendum tamen, quod praedicti Auctores istud duntaxat admittant in probatione possessionis momentaneae, aut quae est modici praedicii, cum facile reparari possit in petitorio. Uti accedit in possessione ex Interdicto *Quorum bonorum*: item in possessione ex Carboniano Edicto, vi cuius impubes, cui movetur controversia, an inter liberos sit, causa summariter cognita datur possessio bonorum haereditariorum, et iudicium desuper in tempus pubertatis differtur, *l. 1. et seqq. C. de Carboniano Edicto.* Et idem fit in possessione ventris nomine, quae datur mulieri praegnantis in bonis mariti, ut inde alatur. Secus est dicendum de probatione possessionis illius, quae parat plenum praedictum, utpote non reparabile per petitorium: eo quod dominium sit difficile, et quoadque impossibile probationis. Tunc enim maximi est praedictum, possidere: eo quod probata possessione, competat alicui manutentio in ea. *§. Retinenda. instit. de Interdict.* una cum caeteris commodis possessionis, supra *§. 2. n. 40. et seqq.* iam relatis: ac proinde in causa talis possessionis, veluti magui praedictum, exactae requiruntur probationes: quamquam adhuc haec sint faciliores, ac probatio domini, ob rationem supra allatam.

221 *Resp. II.* Possessio potest probari variis modis. Et primo quidem ea probatur per Instrumentum adeptae possessionis: tale enim ad effectum manutentionis in possessione satis probat, alio non possidente. Rota in una *Calaguritana, Capellania. 3. Julii 1628. coram Merlino, Decis. 372.* et Rota *Decis. 506. n. 1. part. 1. Divers.* Deinde probatur possessio ex confessione adversarii, facta v. g. in sua supplicatione, sive libello Judici oblato, *l. Cum precum. C. de Liberal. causa. Rota Decis. 802. part. 1. Divers.* et alia Rota in una *Leuena. Saraven. Jurispatronat. 4. Julii 1628. coram Merlino, Decis. 374.* Tertio probatur possessio omnibus illis modis, de quibus hactenus per praecedentes Paragraphos dictum est: videlicet loquendo de possessione rerum corporalium, per apprehensionem earum veram vel fictam: prout fusius declaratur supra *§. 4. a numer. 103. usque ad n. 138.* asserendo varios fictae apprehensionis modos ac postea *numer. 139. et seqq.* subiungendo modum, acquirendi rerum corporalium possessionem ex Legis dispositione. Loquendo autem in incorporalibus, puta de iuribus, potestate eligendi, jurisdictione, ac huiusmodi, qualiter, quibusque actibus generatim quasi possessio acquiratur, atque ab uno in alium trans-

feratur, pariter dictum est *§. 5. per totum*, illico possumus *§. 6.* subiungendo diversos modos amittendi possessionem tum corporalem, tum incorporalem.

Praeterea, et magis in specie loquendo, quasi possessio iurium incorporalium, potest probari ex gabellarum exactione, et persolutione: onerum sibi debitorum; ex captura bestiarum, harnaque restitutione, ubi ab alio captae fuerunt; ex condemnatione et punitioe malefactorum; ex obedientia praestita sibi, vel suis Officialibus exercentibus in loco jurisdictionem; ac ex aliis huiusmodi actibus, possessoriiis, v. g. per actum cundi, vel agendi in fundo, per electionem, vel praesentationem ad Beneficium antea factam, etc. Mascardus de *Probation. Concl. 1193. et 1194. et seqq.* ac alii, et concordant dicta superius *§. 3. n. 154. et seqq.* Hinc etiam possessio, seu quasi possessio Canoniciatus, probatur probando exercitium particularium actuum solis Canonici competentium; ut, quod quis habuerit stallum in Choro, locum in Capitulo; legerit sem cantaverit ut Canonici, *c. In Genesi. 65. et Abbas ibid. n. 6. de Election.* Item, quod per Capitulum obtinuerit domum, quae solis Canonici consueverat assignari; et quod fuerit receptus ad osculum pacis eo tempore, quo soli Canonici recipiebantur, *c. Dilactor. 25. et ibi Abbas n. 7. de Praebend.* ac huiusmodi.

Iusuper possessio rerum corporalium probatur ex 222 perceptione fructuum, *arg. l. 2. et ibi Bartolus C. de Acquirend. possess. et l. Litibus. C. de Agricol. et censib. lib. 11.* Sic ex depositione testium, qui expriment actus possessorios perceptionis fructuum, et locationis (puta, quod viderint Titium collegisse fructus talis fundi, vel pensionem a colono ipsi solutam fuisse) plene probatur possessio illius fundi. Rota in una *Romana, Viennae. die 27. Martii 1628. coram Merlino, Decis. 344. n. 1.* et Rota *coram S. mem. Gregorio XV. Decis. 160.* Mascardus de *Probat. Concl. 1189. n. 1. et 2.* allegans alios. Idemque dicendum de cultura agrorum: huius enim possessio rite probatur ex eo, quod curaverim terram seminari, arari et coli, juxta Glossam notabilem in *l. 3. §. Finiatur. C. Finium regund.* ubi Baldus *numer. 4.* addit, quod per dictam agrorum culturam possessio probetur, licet de perceptis redditibus non constet. Mascardus *Concl. 1188. n. 1. et seqq.* istud ampliatur, etiamsi alius meo nomine agrum colat, vel fructus ejus percipiat.

Rursus probatur, possessio ex eo, quod quis confiteatur, se nomine meo possidere: nam *is possidet, cujus nomine possidetur*, prout habetur a *Cum venisset. §. de Restitut. spoliat.* junctis concordantiis per Glossam *fn. ibid.* adductis. Iusuper probatur possessio per custodis appositionem ad rem ipsam, *arg. l. 3. §. Nerva filius. et l. Si rem mobilem. ff. de Acquirend. possess.* Item per lignorum inversionem, et pascuationem pecorum in tali loco factam: item ex demolitione aedificii; aut ex eo, quod quis terra evulsis arboribus ad culturam redegerit. Generaliter enim possessio probatur per actus, qui communiter non solent fieri in rebus, nisi a dominis, vel possessoribus earum, *l. 2. C. de Acquirend. possess.* Mascardus *Concl. 1196. n. 1. et seqq.* limitans, dummodo tales actus fiant meo nomine, et praecedente meo mandato, aut secuta ratificatione. Taceantur complures alii similes modi probandi rerum possessionem, de quibus fusissime Mascardus de *probationibus, a Concl. 1184. usque ad Concl. 1207. et alii.*

Quaeritur II. Quid juris, si agatur Interdicto 223 retinendae possessionis, quod appellatur *Uti possidetis*, et utraque pars contendat, probaretque se-

inquit, esse esse in possessione? Exemplum hujus habetur in *c. Ex litteris*. 3. et *a. Licet causam*. 9. de *Probationib.* in quorum priori loco litigarunt duo Beneficarii de quadam parte fundi ad suam Praebendam spectantis, quam uterque diu sese possedisse asserbat: in altero autem contendebatur super jurisdictione, honore atque districtu in certo loco, respectu cuius utraque pars praetendebat possessionem, eamque probare conabatur. Idem accidit, quotiescunque emergit quaestio super possessione juris venandi, piscandi, pasceudi, vel ligna caedendi in certo loco, et utraque pars litigantium per antea exercitos actus possessorios ostendere studet, esse esse in possessione vel quasi possessione talis Juris. Ad quod

224 Resp. I. Quando unus litigantium deficit in probatione, enervatis videlicet rationibus, aut testibus ab ipso productis, clarum est; quod obtineat ille, qui probaverit suam intentionem, seu possessionem, altero hanc non probante. Nam generalis est regula, quod Iudex debeat judicare secundum allegata et probata, *can. Judicet*. 3. q. 7. cum concordantiis per Glossam *ibid.* §. *Audit allegatis*. Verum hoc est extra statum quaestionis.

225 Resp. II. Si uterque litigantium per antea exercitos actus possessorios probaverit possessionem, obtinebit is, qui antiquiorem probat possessionem. Ita desumitur ex *c. Licet causam*. 9. de *Probationib.* ac notat Abbas *ibid.* n. 9. post Innocentium, et Jo. Andreas n. 24. et Felinus n. 9. Idemque tenet Bartolus in *l. Si duo. vers. Circa principium. ff. Uti possidetis*. et Mascardus de *Probat. Concl.* 200. n. 1. et *Concl.* 202. numer. 1. et *seqq.* allegans illud vulgatum, istudque late declarans: *Qui semel possedit, etiam hodie possidere praesumitur*: stante nimirum dubio, seu donec alius probaverit, priorem possessorem iusta ex causa amisisse possessionem, acque in hanc admissum esse: cum nemo rem suam jactasse praesumatur, *l. Cum de indebito. ff. de Probationib.* estque communis aliorum. Accedit ratio: quia, cum duo eandem rem, simul et eodem modo possidere non possint, in dubio stat praesumptio pro legitimitate antiquioris possessionis: et consequenter, quod posterior possessor non nisi propria temeritate, seu vi aut clam, sicque injuste possessionem intraverit: unde nova ejus possessio, quamdiu de hujus iustitia non constat praesumitur clandestina, et vitiosa, *c. Licet causam*. 9. §. *Ex praemissis. de Probationib.* qualis merito debet cedere priori legitima.

226 Nec obstat, quod in *d. c. Licet causam*, sit sermo de possessione antiquiori etiam munita titulo: unde Summarium *ibid.* sic habet: *Si Actor et Reus in Interdicto retinendae possessionis probant, obtinet is, qui antiquiorem possessionem probat titulo maxime justificatam*. Resp. enim, hinc solum sequi, quod accedente titulo fortius militet ratio de antiqua possessione: non autem, quod titulus necessario requiratur: sufficit enim sola probatio antiquioris possessionis, donec alter probet, quod iusto possideat. Et hoc ipsum insinuat dictio *Maxime*, in Summario proxime allato contenta: haec enim dictio est implicativa, et ex propria vi atque natura implicat, seu denotat idem esse, quamvis ratio expressa, puta titulus deficiat, licet ex statuto magis illud urgens, *arg. L. 1. Si ex dodrante. ff. de Collationib.*

227 Accedit ratio: quia duo simul eandem rem, et eodem modo, in solidum possidere non possunt, ut argumentatur Pontifex in *d. c. Licet causam. de Probat.* atque procedit non solum in corporalibus, sed etiam in incorporalibus, quoad effectum juxta Abbatein *loc. cit.* n. 10. Ergo, quando constat de

antiquiori possessione alienius, quae usque ad praesens fuit continuata, intrins possessionem illius censetur aut clandestine, aut violenter, ac proinde injuste possidere: nisi probet, quod iuste, *d. c. Licet causam. de Probationib.* et *l. Clam possidere. ff. de Acquir. poss.*

Ex his siquidem Juribus aperte habetur, quod 228 quando non constat, novam possessionem esse justam (propterea constaret, si hanc quis acquisivisset a priori possessore mediante aliquo contractu, vel ex alio iusto titulo, v. g. haereditatis) sed dubium super ejus iustitia existit, praesumatur pro antiquiori possessione. Adeo quidem, quod antiquior possessio praesertatur juniori, etiamsi junior habeat titulum, acquisitum tamen post illam antiquiorem possessionem: quia in dubio etiam titulus ille praesumitur acquisitus ab injusto auctore, stante possessione alterius antiquiori. Alexander *Consil.* 88. n. 12. vol. 1. Mascardus *cit. Concl.* 1200. n. 7. et *seqq.* citans plures alios.

Resp. III. Quod si neutra pars litigantium probaverit possessionem antiquiorem, sed utraque parem in tempore, tunc praefertur illa, cujus possessio habet titulum, vel, si quaelibet pars alleget titulum, tunc vincit illa, quae probaverit titulum meliorem. Ita Bartolus in *l. Si duo. §. Circa principium. vers. Sed si uterque. ff. Uti possidetis*, asserens ita tenere omnes. Mascardus *d. Concl.* 1200. n. 48. et *seqq.* citans alios. Idque desumitur ex *c. Licet causam. de Probationib.* ubi praefertur possessio munita titulo, altera parte iustum possessionis titulum non ostendente. Concordat textus in *l. ult. C. de Edicto Divi Adrian. tollend.* ubi ei possessio acquiritur, qui potius ex legitimis modis iura ostenderit.

Nec obstat, quod in possessorio retinendae non 229 sit necesse allegare, vel probare titulum: quis, ut *l. Iusta. ff. Uti possidetis*, dicitur quilibet possessor hoc ipso, quod possessor est, plus juris habet, quam illo, qui non possidet. Resp. enim, hoc dictum procedere tantum, quando alter litigantium non possidet, proat loquitur citatus textus: secus tamen esse, quando uterque pari iam tempore fuit in possessione. Nam caeteris paribus asperat ille, qui non solum parem possessionem ostendit, sed insuper probat titulum suae possessionis, quem alter non potest ostendere, vel saltem non tam bonum.

Resp. IV. Quando possessionem et titulum aequa- 230 lem allegarant ambae partes, suntque omnia paria demptis probationibus, obtinebit illa pars, quae melioribus, et validioribus utendo rationibus, suam possessionem probaverit. Ita habetur *d. c. Licet causam. de Probationib.* ac notant Abbas, et Felinus in Summario *ibid.* alique passim, ac Bartolus *loc. cit. vers. Quandoque uterque*. et fuse tradit Menochius de *Retinenda poss.* Remed. 3. quaest. 87. n. 718. et *seqq.* Nam, ubicunque caetera sunt paria, probationes illae meliores et efficaciores ita obscurant, atque debilitant alias minus efficaces, ut minus veras credantur: proat loquitur Menochius *cit.* n. 718. ac proinde mirum non est, quod ille obtineat, qui melius probat, *arg. c. In nostra. 32. de Testib. et l. Ob curiam. §. fin. ff. eod.* Verum occasione datae Conclusionis,

Quaeritur III. Quenam probationes censeantur 231 aliis meliores? Resp. I. Quenam probationes censeantur meliores aliis, atque efficaciores, multum tribuitur arbitrio Iudicis, ejusque relinquitur iudicio discernendum. Ita Abbas *c. Licet* n. 8. de *Probat.* et Menochius de *Arbitrar. Judic. Casu* 90. n. 2. et 3. Idque liquet ex *c. Practerea. 17. de Testib. et l. Testium fides. §. Ideoque. ff. de Testib.* ubi Iudicis arbitrio relinquitur, quanta fides testibus sit adhibenda. Verum descendendo ad magis specialia.



- 233 Resp. II. Illa probatio ceteris paribus censetur melior, ac efficacior, quae sit per testes plures, simulque honestiores, ac magis verisimilia deponentes. Ita communis: ac liquet ex cit. c. *Licet causam*. §. *Ex praemissis*. de Probat. et c. *In nostra*. de Testib. et l. *Ob carmen*. ff. eod.
- 234 Notanter tamen additur, *simulque honestiores, ac magis verisimilia deponentes*. Siquidem non ad solam testium multitudinem oportet respicere, sed etiam ad ipsorum qualitatem, sive honestatem atque existimationem, et ipsorum deposita. Unde in cit. c. *In nostra*. 34. de Testib. optime Pontifex sic loquitur: *Ad multitudinem tantum respicere non oportet, sed ad testium qualitatem, et ad ipsorum deposita, quibus potius lax veritatis auiat*. Proinde merito vincit illa pars, quae intentionem suam probat per testes quidem pauciores, sed maioris praesentiae et dignitatis existentes, arg. l. *Testium*. C. de Testib. ac tradit Baldus ibid. n. 21. et Mascardus Concl. 1200. num. 66. Item quae probat per testes pauciores sed verisimiliora deponentes, cit. c. *In nostra* et l. *Ob carmen*. ff. de Testib. Mascardus n. 68. allegans alios.
- 235 Resp. III. Insuper melius probare possessionem censetur ille, qui eam probat per testes affirmative deponentes. Nam hi praesentantur aliis negative deponentibus, juxta Glossam notabilem in l. *Diam proferre*. §. *Consenserunt*. ff. de Receptis arbitris, ubi ait: *Quia duobus asserantibus affirmativam magis creditur, quam etiam decem negativum proponentibus*.
- 236 Rursus melius probat possessionem, quia eam probat per testes meliorem rationem scientiae assignantes: ut puta, quia sunt vicini, atque melius veritatem scire praesumuntur. Mascardus cit. Concl. 1200. n. 98. post Balzum in l. *Presbyter*. C. de Episcopis et Clericis. Decium Consil. 392. n. 18. et alios.
- 237 Tandem, ut alio his similia doceantur, data paritate testium contraria deponentium, plus creditur illis, quorum dicta consonant Juri communi. Abbas in c. *Licet* n. 9. de Probat. Sicque efficacior est probatio illa, cui Lex auiat, quam cui resistit. Menochius cit. Remed. 3. de Retinend. possess. quaest. 87. n. 22. post Baldum in sua Disputatione, *Accusatus de vi turbativa vers. Quanto modo*.
- 238 Dices Soli Actori incumbit onus probandi, eoque non probante Reus, etiam nihil praesentit, obtinebit, c. *Cum Ecclesia*. §. *fn. de Causa possess.* Atqui in proposito ille intelligitur esse Actor, qui primo ad iudicium provocavit, l. *In tribus*. ff. de Iudiciis; ergo huic soli incumbit onus probandi, et non alteri. Resp. Regulam illam non procedere in Iudiciis duplicibus; ut est *Judicium communi dividundo*, *Familiae hereditariae*, et *finium regundorum*, per textum in l. *Judicium*. 10. ff. de Iudiciis *fn. regundor.* Neque in Interdictis duplicibus; quales est Interdictum *Uti possidetis*, et Interdictum *Utrubi* ubi habetur §. *Tertia divisio*. Instit. de Interdictis. Quibus accedit Interdictum *De Superficiebus*, prout liquet ex l. 1. §. *Proponebatur*. ff. de Superficiebus in huiusmodi enim Iudiciis, atque Interdictis duplicibus, uterque litigans tam Actoris, quam Rei partes sustinet, c. *Ex litteris*. 3. de Probat. et l. *Si duo*. ff. *Uti possidetis*, juncta cit. l. *Judicium* et §. *Tertia divisio*: ac proinde utrique parti incumbit onus probandi, et quae melius probaverit suam intentionem obtinebit. Verum ulterius
- 239 Quaeritur IV. Quid agendum, quando in Interdicto *Uti possidetis* quaelibet pars aequaliter probaverit possessionem suam? Resp. I. Quando partes omnino sunt utriusque partis probationes, et ambo litigantes vel nullum ostendant titulum, vel penitus aequalem (quod tamen in praxi non nisi raro contingere videtur). tunc imprimis dispo-

guendum est inter causas Beneficiales, et causas profanas, earumque possessionem retinendam. Et quidem in Beneficialibus neuter litigantium obtinebit, sed stante omnimoda paritate probationum uterque succumbet: quia mutuo sese impediunt per concursum: unde quia simul agitur de praesudicio Ecclesiae, debet ab eis auferri Beneficium. Ita Felinus in c. *Capitulum S. Crucis*. n. 20. et 21. de Rescript. Menochius d. Remed. 3. de retinendi possess. n. 739. citans insuper Cardinalem in c. *Licet causam*. de Probat. et alii.

Ceterum loquendo de causis non Beneficialibus, seu profanis, valde in resolutione huius Quaestionis variant Doctores: uti videre est apud Glossam in c. *Licet causam*. §. *Uti possidetis*. de Probat. et Menochium loc. cit. n. 740. et seqq. ubi adducit octo diversas Doctorum sententias. Verum ceteris dimissis,

Resp. II. Loquendo de causis profanis, quando probationes hinc inde sunt penitus aequales in Interdicto retinendae possessionis, constat tamen, quis primo ad iudicium provocaverit: tunc sententia est ferenda in favorem provocati, et contra provocantem. Ita Glossa loc. cit. et Abbas ibid. num. 36. ac plures alii. Ratio est: quia provocatus tenet locum Rei, et provocans Actoris, l. *In tribus*. de Iudiciis, et amplius tradit Glossa in c. *Ex litteris* §. *Pices duorum*. de Probat. dicens, quod quavis in iudicio duplici uterque censeatur Actor et Reus, illa tamen principaliter Actor dicatur, qui primo ad iudicium provocaverit. Atqui favorabiliora sunt partes Rei, quam Actoris, l. *Favorabilior*. ff. de Reg. Jur. Ex, ut loquitur Reg. 11. Jar. in 6. *Omni enim partium iura obscura, Reo favendum est potius quam Actori*, cum concordantiis; ergo.

Resp. III. Quod si non constet, quis primo provocaverit ad iudicium, puta, quia ambo simul ac simul provocaverunt: tunc Iudex pronuntiare debet secundum formam Interdicti *Uti possidetis, ita possideatis*, nimirum, ut donec de proprietate constet, uterque possideat communiter, et pro indiviso. Ita desumitur ex l. *Si duo*. 1. juncta Glossa, §. *Vincetur*. ff. *Uti possidetis*, ac tenet Bartolus ibid. circa fn. et Abbas in c. *Licet causam* n. 37. de Probat. post Vincentium. Eugel h. t. n. 8. et alii. Concordat textus in cit. c. *Licet causam*. §. *Cum ergo*. de Probat. ubi Pontifex ideo negat, in casu illius Decretalis locum esse Interdicto *Uti possidetis*, ita possideatis, eo quod probationes unius partis, sive Ecclesiae longo sint potiores, et ideo sit Interdicto superior. Ergo, si probationes hinc inde sint penitus aequales, ac ex neutra parte potiores, ita locus est Interdicto *Uti possidetis*, ut dici debet, *Uti possideatis, ita possideatis*: argumento a sensu contrario desumpto, quod in Jure fortissimum est juxta Glossam c. *Cum Apostolica*. §. *Datur intelligi*. De his quae sunt a Praelat. estque uberius dictum lib. 1. tit. 2. Constitutionis. §. 16. n. 406. et seqq.

Confirmatur data Cancellario ex l. *Titiae uxores*. 243. ff. de Legat. I. ubi, quando duobus diversae species servorum legantur, servi illi, qui participant de utraque specie, ac proinde non magis uni quam alteri legari censentur, communes ambobus esse dicuntur. Favet eidem sententiae textus in l. ult. §. 1. ff. *Uti possidetis*: ubi inter duos Fructuarios, aequae probantes ac possidera, redditur Interdictum *Uti possidetis*; ita, ut uterque sit in possessione medietatis pro indiviso. Accedit ratio: quia cum in tali casu uterque litigantium aequaliter probet possessionem (ut apponitur) non est ratio, cur uni totum adjudicetur, alteri totum adjudicetur; ergo sicut probaverunt communiter possessionem, ita hanc ipsis communiter et pro in-

divisio, Iudex adjudicabit dicendo *Ubi possidetis, ita possideatis*: sic enim secundum allegata et probata procedet, ac tantum cuilibet tribuet, quantum sibi probaverit deberi.

- 244 Nec obstat, quod huiusmodi sententia videatur esse de re incerta, cum non declaret, quis vicerit: simulque videatur continere impossibilitatem, cum duo eandem rem possidere non possint. Resp. enim negando assumptum: nam imprimis sententia illa, qua Iudex pronunciat, utrumque debere possidere communiter, ac pro indiviso, continet rem certam, ac correspondentem allegatis et probatis amboz litigantium: haud obstante, quod neuter eorum in totum vincatur, ac proinde sicut unus, ita et alter possidere permittatur. *l. Si duo. §. 1. Ut possidetis*. Deinde quamvis duo non possint eandem rem, ac eodem modo possidere in solidum: tamen nihil obstat, quin eandem rem possideant communiter, ac pro indiviso, arg. c. *Exitit. §. Præterea. de Verb. signif. in 6.*

- 245 Neque ulterius obstat, quod ex tali sententia tribuantur partibus litigantibus occasio veniendi ad arma: quod Iudex pati neutiquam debet, *l. Aequissimum. §. 1. ff. de Usufruct.* Resp. enim neg. sequel. quia, si partes voluerint obsequi sententiae Iudicis, bene possunt communiter uti tali possessione: aut, si maluerint, alternis vicibus eandem potiri, vel eandem possessionem in medio dividere: prout ipsis melius expedire visum fuerit, aut placuerit. Quod si a rixis, et privatis contentionibus, ac violentiis non abstinerint, Iudicis officium erit, pacem imperare: et si hoc nihil profecerit, possessionem sequestrare, usque dum vel amicabilem sese mutuo componant, aut transactionem perpetuam ineant: vel petitorium instituant, unde appareat, ad quem iure proprietatis res possessa pertineat.

## §. VIII.

Quo ordine, et coram quo Iudice, sit tractanda causa Possessionis et Proprietatis?

## SUMMARIUM.

- 246 Licitum est, prius agere super proprietate, quam possessione.  
247 Sed non consultum.  
248 Causa possessionis, et proprietatis, debet tractari coram eodem Iudice delegato.  
249 Et si Delegato absoluto committitur causa, censetur utraque commissa.  
250 Etiam Iudex ordinarius, qui cognovit de possessione, debet cognoscere de proprietate.  
251 Possessio nihil habet commune cum proprietate: quomodo?  
252 Fallit Conclusio, quando Actor et Reus sunt diversi Fori.  
253 Et concordantur jura juribus.  
254 Idque exemplificatur.  
255 Ac solvitur instantia.  
256 Quid, si Iudex de utraque causa, possessionis nimirum et proprietatis, cognoscere nequeat?  
257 Causa possessionis rei spiritualis, an possit tractari per Iudicem saecularem? Et num. seqq.  
258 Nequit istud fori, quando causa illa instituitur super proprietate seu jure possidendi, aut habet annexam quaestionem proprietatis.  
259 Idque probatur.  
260 Bene tamen, quando super ipsa possessione est mera quaestio facti.  
261 Et hujus ratio.  
262 Solvitur instantia.

Quaeritur I. An causa possessionis sit praemittenda causae proprietatis? Resp. I. Quamvis nullo iure prohibitum sit, prius agere super proprietate, quam super possessione ejusdem rei: communiter tamen consultum non est, quod Actor causam proprietatis intenet, quamdiu potest agere Remedio aliquo possessorio. Ita communis. Et quidem prima pars patet ex c. *Patronalis. 5. h. t.* ubi neglecto iudicio possessorio, illico quis litem proprietatis ingressus legitur neque propter hoc repulsus fuit, cui simile quid habetur in c. *Significaverunt. 36. de Testib.* Et posset hoc quandoque expedire pro finienda citius lite, dummodo Actor habeat paratas, claresque probationes ad convincendam ipsam rei proprietatem: quod tamen rarius accidere solet, nisi probavit eventus rei in citatis Capitulis.

Altera pars habetur *l. Is qui destinavit. ff. de Rei vindicat.* Ubi etiam ratio hujus insonatur, illis verbis: *Quia longe commodius est ipsum possidere, et adversarium ad onera petitionis compellere, quam alio possidente petere*: idque ob plura possessionis privilegia et commoda, de quibus jam supra dictum fuit §. 2. n. 39. et seqq. Accedit, quod probatio domini sit difficilis: e contra vero probatio possessionis sit facilis, ut jam supra §. 7. n. 219. et 220. dictum fuit. Unde non immerito Imola in *Clem. un. circa princip. h. t.* inquit: *Quod si a principio intentatur petitorium, videtur intentari contra consilium.*

Quaeritur II. An causa possessionis, et proprietatis, coram eodem Iudice sit tractanda, et terminanda? Resp. I. Causa possessionis, et proprietatis, debet eumprimis tractari coram eodem Iudice delegato: ita videlicet, ut non possit quis diversos Iudices delegatos per Rescriptum obtinere, unum super possessione, et alium super proprietate: et si secus fiat, talis unus sit audiendus, Ita Glossa in cap. ult. §. *Super proprietate. de Judiciis*, et Abbas in c. *Significaverunt. n. 14. eod. et communis*. Idque decisum habetur in *l. Nulli. C. de Judiciis*. Ubi proiu Summarium sic loquitur: *Causae continentia non debet dividi: et ideo non potest super causa possessionis unus Iudex, super causa proprietatis alius Iudex impetrari: et contrafaciens punitur*. Concordat cap. 1. h. t. ibi: *Legali provisione decretum est, tam momenti (id est, possessionis, ut explicat Glossa) quam proprietatis causam sub uno eodemque iudice debere cognosci.*

Et hoc adeo verum est, ut si cuipiam Delegato absolute et indistincte committatur causa, tunc tam causa possessionis, quam proprietatis, eidem delegata censetur: eo, quod causae continentia dividi non debeat, per textum expressum in cap. 1. §. *Caelestinus. de Sequestrat. possess.*

Resp. II. etiam coram Iudice ordinario non est dividenda continentia causae, ac proinde Iudex ille ordinarius, qui cognovit de possessione, debet etiam cognoscere de proprietate: dummodo Actor et Reus sint ejusdem Fori, nec aliud Canonum obstat. Ita Glossa, et Abbas, ubi supra. Gailus lib. 1. *Pract. Observat. 32. num. 8. et 9.* addens, quod si secus attentetur, possit opponi exceptio continentiae causae, quae est declinatoria Fori. Idque desumitur imprimis ex allegatis Juribus, utpote indistincte loquentibus, quod continentia causae non debeat dividi: atqui talis continentia causae datur inter iudicium possessorium, et petitorium super eadem re: nam finis possessorii est initium petitorii. Baldus in *L. 1. C. Ut possidetis*, et Gailus cit. numer. 8. Simulque cognitio unius, offert magnam intelligentiam alterius: quia Iudex ille, qui jam cognovit de possessione, majorem prae cæteris habet informationem super

toto negotio, sique facilius cognoscet etiam de proprietate; ergo.

- 251 Dices. Juxta l. Naturaliter. §. 2. ff. de Acquir. poss. nihil commune habet proprietas cum possessione; ergo etiam causa possessionis, et proprietatis, nullam habent inter se continentiam, seu connexitatem. Resp. neg. consequent. Quia nihil obstat, quin possessio, et proprietas, sub uno respectu dicantur nihil habere commune; ut puta quoad acquisitionem, eo quod sint diversa jura, possintque ad invicem separari, et habeant diversos effectus: ne proinde sententia lata in uno, non praejudicet in altero judicio. Et tamen sub alio respectu habeant aliquid commune, videlicet identitatem objecti, eo quod proprietas et possessio versentur circa eandem rem: simulque habeant connexionem subordinationis ad invicem dum finis unus solet esse initium alterius, atque etiam cognitio unius juvat ex parte Judicis ad faciliorem decisionem alterius; uti convincunt jura haecenus allegata. Tacetur, quod non detur jura possessio absque jure, seu titulo proprietatis.

- 252 Additur notanter in data n. 250. Conclusione: Dummodo Actor et Reus sint ejusdem Fori. Nam secus est dicendum, quando hi sunt diversi Fori: prout desumitur ex cap. ult. de Judiciis. ubi Actor Clericus, seu Abbas cum Conventu S. Mariae de Florentia, contra Communitatem saecularem obtinens in possessorio jura eligendi Rectorem in quodam Castro coram Judice saeculari Rei, non cogitur postmodum coram eodem saeculari Judice respondere super proprietate memorati juris eligendi. Id enim accidit, quia Abbas cum suo Conventu sit diversi Fori, sive Ecclesiastici; sique a Communitate illa saeculari non potuit super proprietate dicti juris eligendi, coram Judice laico conveniri.

- 253 Atque hinc evitatur omnis juris contrarietas. Nam jura illa, quae prohibent, ne causas continentia dividatur, loquuntur in casu, quo Actor et Reus sunt ejusdem Fori; at vero cit. cap. ult. de Judic. procedit in casu, quo Actor et Reus sunt diversi Fori; et sic jura illa non contradiunt. Glossa in cap. 1. §. Sub uno. h. l. et Abbas in d. cap. ult. numer. 14. de Judic. et alii.

- 254 Unde, quando Actor et Reus sunt diversi Fori, dum Clericus. v. g. in possessorio agit contra Laicum coram Judice saeculari (nam Clerici ut Actor tenentur sequi Forum laici Rei, c. Cum sit generale. 8. de Foro compet.) et obtinet contra Laicum: si postmodum Laicus contra Clericum illum coram eodem Judice saeculari velit agere judicio petitorio super proprietate ejusdem rei, in cuius possessorio incubuit; non tenebitur Clericus ille respondere in causa proprietatis coram dicto Judice saeculari: sed debet conveniri coram proprio Judice suo, nimirum Ecclesiastico. Siquidem in hoc casu ipsamet necessitas, seu diversitas Fori inter Actorem et Reum, cogit causam dividi, et ad diversos Judices deferri. Abbas in d. cap. ult. n. 14. de Judiciis.

- 255 Nec obstat, quod durante judicio possessorio possit Laicus reconvenire Clericum super proprietate rei eodem Judice saeculari, conformiter dictis Tit. 4. De Mutuis Petitionibus. §. 2. num. 27. Resp. enim, disparitatem esse: quia reconventio propria non fit, nisi durante eodem judicio: hic autem duo intervenirent iudicia, eo quod post absolutam possessionem, institueretur novum judicium petitorium super proprietate rei; unde in hoc altero judicio Clericus non nisi coram suo proprio, seu Ecclesiastico Judice conveniri poterit, ob privilegium Fori ipsi de Jure competens.

- 256 Additur, alterius in data n. 250. Conclusione,

Nec aliud canonicum obstat. Prout quid obsteret, quando causa foret talis naturae, ut idem Judex de utraque causa, tam possessionis videlicet quam proprietatis, non posset cognoscere. Sic accideret, quando inter duos Laicos judicium possessionis circa rem spiritualem, vel spirituali annexam, instituitur coram Judice saeculari, ita tamen, ut de possessione sit mera questio facti, juxta dicenda n. 260. Non enim coram eodem saeculari Judice poterit vicissim institui judicium petitorium super proprietate, seu jure illius rei spiritualis, sed istud erit instituendum solammodo coram Judice Ecclesiastico; cum Index laicus de causa spirituali, seu Ecclesiastica, cognoscere nullatenus possit, c. Decernimus. 2. de Judic. cum similibus. Abbas cit. n. 14. Speculator tit. de Rescript. praesentat. §. ult. n. 11. vov. Item quod facit. Vallensis h. l. §. 3. n. 5. Pirhing cod. n. 20.

Quaeritur III. Utrum causa possessionis rei spiritualis possit tractari per Judicem saecularem, nec ne? Ratio dubitandi, et affirmativam tenendi, desumitur ex Glossa in c. Litteras. 2. §. Rebus spiritualibus. de Juram. calum. ubi causam possessionis rei spiritualis censet esse quid temporale, adeoque etiam coram Judice saeculari tractabile; dum inquit, esse notandam, quod licet in spiritualibus causis de calumnia non juretur, tamen si agatur possessorio pro re spirituali, juretur de calumnia, arg. c. Litteras. de Rescript. spoliis. Concordat alia Glossa in c. Cum dilectus. 32. §. Juramento de Election. dicens, quod si agatur ad restitutionem rei spiritualis, sic non agitur spiritualiter. Et faveat huic sententiae textus in can. Petimus. 11. q. 1. et cap. ult. de Judic. ac notat Vincentius in cit. cap. ult. de Judic. et plures, quos pro hac sententia allegat Garzias part. 1. de Beneficiis, cap. 2. num. 50. et Covarruvias Pract. Quaest. cap. 35. n. 1. Verum haec sententia non ita simpliciter ac aude admittenda est, sed opus est convenienti explicatione, seu distinctione: hinc.

Resp. I. Quando causa possessoria rei spiritualis principaliter instituitur super proprietate, seu jure possidendi, vel saltem habet annexam questionem proprietatis, sive ipsius juris possidendi: tunc ea per Judicem saecularem tractari, et terminari non poterit, sed duntaxat per Judicem Ecclesiasticum. Ita Abbas loc. cit. n. 7. et 8. Covarruvias, ubi supra, Concl. 1. Garzias loc. cit. num. 51. et 52. Lerola part. 2. Praxis Episcop. §. Possessorium. Azorius part. 1. lib. 5. cap. 14. quaest. 1. Layman lib. 4. Theol. Moral. tract. 9. cap. 2. numer. 11. Pirhing h. l. n. 18. et alii.

Ratio est: Quia hujusmodi causa Possessoria non potest dici quid mere temporale; cum vel principaliter intentetur super ipsomet jure possidendi aliquid spirituale, v. g. Beneficium Ecclesiasticum, jus decimandi, aut jus patronatus, hac vel illa ratione ad ipsum perveniens: vel saltem habeat admixtam hujusmodi questionem, eo quod in ipsa tractanda necesse sit facere aliqualem probationem super ipsomet jure possidendi. Unde sicut jus patronatus, licet non sit aliquid mere spirituale, sed spirituali annexum, c. De jure. 16. de Jurapatron. tamen propter istam connexitatem cum spirituali, causa juris patronatus ita spectat ad Forum Ecclesiasticum, ut nullatenus in judicio saeculari, sed Ecclesiastico solum valeat diffiniri, prout habetur decisum in c. Quanto. 3. de Judiciis; ita pari ratione dicendum in proposito. Concordat c. Tuam. 3. de Ordin. cognit. et c. Causam quas. 7. Qui filii sint legitimi. ubi causa spiritualis, incidens in judicio saeculari, remittitur ad Forum Ecclesiasticum: nam generale est, quod Laici Ecclesiastica tractare negotia.



- non debeant, c. *Decernimus*. 2. de *Judiciis*, cum concordantiis ibidem a Glossa. v. *Laici*, allegatis.
- 269 Resp. II. Nihilominus causa possessionis rei spiritualis, seu quasi spiritualis, potest etiam per Judicem laicum cognosci, atque terminari, quando non est aliqua quaestio annexa super proprietate seu jure possidendi, sed super ipsa possessione est mera quaestio facti, nihilque proprietatis admixtum habens: ut puta, si agatur de solo facto Laici turbantis, sive molestantis Clericum in possessione Beneficii Ecclesiastici, aut expellentis ipsum e possessione juris decimandi, praescribendo decimas, vel hujusmodi. In tali siquidem casu etiam Laicus est competens iudex, adeoque potest Clericus contra Laicum (non vero contra alium Clericum, propter privilegium Fori) turbatorem, seu invasorem, intentare Remedium retinendae, aut recuperandae possessionis juris Beneficii, seu decimarum, etiam coram saeculari Iudice. Ita Abbas cit. c. *Litteras*. numer. 8. de *Jurament. calum.* Menochius *Remed.* 3. de *retinend. possess.* numer. 324. ad seqq. et *remed.* 15. de *recuperand. possess. quaest.* 18. numer. 223. et 234. Garcias cit. part. 1. de *Benefic.* cap. 2. num. 59. Layman lib. 4. tract. 9. cap. 2. numer. 13. asserens, esse receptissimam Doctorum sententiam, quod talis causa sit mixti Fori. Pirhiog h. t. n. 19. Gailus lib. 1. *Pract. Observat.* 38. numer. 3. hanc opinionem appellans communem, ac in Camera Imperiali observatam, et communi iudiciorum non approbatam; contra Covarruviam, ubi supra, n. 1. §. *Forum*. et Antonium de Butrio in cap. ult. n. 20. de *Judiciis*, et quosdam alios.
- 261 Ratio Conclusionis est. Quia in tali casu intervenit nova quaestio facti, concernens injuriam per Laicum possessori rei spiritualis, puta, Clerico illatam; hoc est, solummodo quaeritur, et cognoscitur, an revera possessori, v. g. Beneficii Ecclesiastici, vel decimarum, aut juris eligendi Praelatum, fuerit illata turbatio seu violentia, nec ne: atqui istud censetur quid temporale; vel saltem, quatenus involvit injuriam seu violentiam personae Ecclesiasticae in sua possessione illatam, continet crimen sacrilegii, quod est mixti fori; ergo. Accedit, quod in aliis quoque casibus Iudex laicus possit cognoscere de injuria illata Clerico, vel Ecclesiae consecratae, c. *Cum sit generalis*. 8. de *Foro compet. et l. Si quis in hoc genus*. c. de *Episc. et Cleric.* puta, ut cogatur Laicus restituere Ecclesiae Calicem furto ablatum, aut abstinere ab injuriis Clerico illatis, c. *Praelatis*. de *Homicid.* in 6. vel ut compellatur servare juramentum Clerico praestitum, arg. c. *Licet mulieras*. de *Jurajurand.* in 6. Non enim tunc Iudex saecularis iudicat de ipsa spiritualitate: sed solum; hac jam praecognita, cognoscit de injuria spiritualitati illata: sicut et praesupposita jam validitate juramenti, condemnat, atque urget partes ad hujus observantiam. Ergo pari ratione, potest judicare de molestia, turbatione, aut violentia possessioni rerum spiritualium per Laicos illata; cum non iudicat super jure spirituali Clericis competente (hoc enim non licere Iudici laico, aliunde constat) sed solum de mero facto Laici, an revera intulerit injuriam, molestiam vel violentiam Clerico, vel ejus possessioni; sicque Clericus sit manutenendus, vel restituendus, nec no. Atque hoc ipsum suadent rationes dubitandi, numer. 257. allatae, quas oportet in hoc sensu intelligere, atque explicare.
- 262 Nec dicas cum Covarruvia loc. cit. §. *Verum*. Omnes causae Ecclesiasticae debent tractari apud Iudices Ecclesiasticos, non apud saeculares, c. *Decernimus*. 2. de *Judiciis*: atqui causa possessoria indistincte censetur Ecclesiastica; atque liquet ex *Clem.*

num. 8. t. et *Clem. un. de Sequestrat. possess.* ergo Resp. Minorem procedere solum de causa possessoria quoad proprietatem, seu quoad jus possidendi intentatam non vero, si in ea est mera quaestio facti; prout convincunt instantiae numer. praeced. adductae, et advertit Menochius cit. *Remed.* 15. n. 220. Accedit, quod in cit. *Clem. un. h. t.* sit sermo de duobus Clericis, super proprietate, vel possessione Beneficii Ecclesiastici litigantibus (Laicus enim ipse est incapax) unde non mirum, quod talis causa coram solo Iudice Ecclesiastico sit tractanda; cum Clericus Clericum coram saeculari Iudice super nullo negotio convenire valeat. Atque idipsum accidit in cit. *Clem. un. de Sequestrat. possess.* uti patebit consideranti textum: ac proinde hae Clementinae parum urgeant contra Conclusionem.

## §. IX.

An et quando causa Possessionis et proprietatis cumulari possit?

## SUMMARIUM.

- 263 Cumulare causam possessionis et proprietatis, quid, et quot modis contingat?
- 264 Possunt haec cumulari, proponendo utramque in eodem iudicio.
- 265 Demptis certis casibus; et quibus?
- 266 Orta possessionis et proprietatis lite, oportet, prius iudicare de possessione.
- Et quando hoc verificetur? Ibid.
- 267 Cumulatio actionum est prohibita; et qualium? Et num. seqq.
- 268 Regula, quando admittatur actionum cumulatio.
- 269 et 270 Sententia lata in petitorio, an pariat exceptionem rei iudicatae in possessorio?
- 271 Sententia lata in possessorio, absorbetur per sententiam illam pro parte adversa latam in petitorio, quoad effectum principalem, non quoad effectus secundarios. Et n. 292. ac seqq.
- 272 Sententia in possessorio; operatur multum quoad receptionem fructuum, quos spoliator interim perceperat.
- 273 Causa possessionis, et proprietatis, non potest in omni materia cumulari. Et num. seqq.
- Spoliatus agens possessorio recuperandas, non teneatur spoliatori respondere ante factam restitutionem spoli. Ibid.
- 274 Dummodo excipiat contra spoliatorem; alias secus.
- 275 Ipsemet spoliatus, si velit, potest, simul agere possessorio recuperandas, et petitorio.
- 276 Iudicium possessorium retinendas regulariter non potest cumulari cum petitorio.
- 277 An vero possit aliquando sic cumulari, est quaestio perdifficilis.
- 278 Sententia negativa refertur, ejusque fundamentum. Et num. seqq.
- 279 Agens petitorio fatetur, se non possidere. Contrarium. Num. 282. et seqq.
- 280 In iuribus incorporalibus bene potest cumulari iudicium petitorium, et possessorium retinendae. Actio confessoria, quas? Ibid.
- 281 Estque probabilius, hoc ipsum aliquando fori posse in rebus corporalibus.
- 282 et 283. Idque probatur.
- 284 et 285. et 286. Solvuntur rationes in oppositum.
- Cumulare in iudicio causam possessionis et proprietatis idem est, ac utramque in Iudicio proponere; seu agere tam possessorio, quam petitorio. Et hoc quidem pluribus, generatim autem.

duobus modis, accidere potest. I. Quando utraque causa proponitur ab eodem parte: Sive deinde fiat simul; atque ab ipso jam litis exordio; ut dum Actor, qui asserit, se per alium re sua spoliatum fuisse, aut ab adipiscenda possessione ejusdem injuste impediri, intentat in libello Judici oblato iudicium tum possessorium recuperandae, vel adipiscendae, tum petitorium, petendo, ut sibi tam possessio, quam proprietatis rei adjudicetur: sive id fiat successive, ut dum Actor, postquam coepit agere petitorio, regreditur etiam ad possessorium. II. Quando causa possessionis et proprietatis in eodem iudicio proponitur divisim, seu ab utraque parte: ut dum Actor incipit iudicium possessorium, petendo, rei litigiosae possessionem sibi adjudicari; Reus autem excipiat, atque probare contendat, proprietatem seu dominium illius sibi competere: aut dum tam Actor, quam Reus, contendit simul super possessione ac proprietate rei. Quibus praenotatis

264. Quaeritur I. Utrum causa possessionis ac proprietatis possit cumulari, proponendo utramque simul in eodem iudicio? Resp. affirmative. Idque probatur ex c. *Ad ultimum*. 2. h. t. ubi Iudices Delegati, ad parcendum gravioribus partium sumptibus, commixtim audiunt probationes, atque testes tam super causa possessionis, quam proprietatis. Concordat c. *Cum Ecclesiae*. 3. et c. *Cum super*. 4. et c. *Cum dilectus*. 6. h. t. ubi super possessorio et petitorio, simul actum fuisse legitur. Et merito istud de Jure permittitur: tum ut lites citius finiantur, juxta l. *Properandum*. C. de *Judiciis*: in tali enim casu ambae causae eadem sententia sunt terminandae, uti amplius infra dicetur, sicque evitatur periculosus causarum circuitus. Tum ut hac ipsa ratione praevaleatur majoribus partium litigantium expensis, d. c. *Ad ultimum*. h. t.

265. Solum nota, quod parte opponente, non admittatur cumulatio petitorii et possessorii simul; prout notat Ludovic. Postius in tract. *Mandati de Mandatendo*; *Observat.* 7. n. 41. citans Caputaqued. *Decis.* 143. part. 3. n. 2. Et multo minus potest petitorium cumulari cum Remedio possessorio retinendae ex officio Iudicis: quia nullo modo potest in hoc iudicio misceri petitorii causa. Menochius de *Retinend. possess. remed. ult. num.* 30. Postius loc. cit. n. 42. Mascardus de *Probation. Concl.* 1211. nu. 3. una cum Bologn. in l. *Naturaliter*. §. *Nihil commune*. part. 2. in fin. ff. de *Acquir. possess.* Sicut et data Conclusio locum non habet, quando spoliatus agit possessorio recuperandae, simulque excipit contra spoliatorem volentem agere super petitorio, seu super proprietate rei; prout amplius infra n. 273. et 274. declarabitur.

266. Obijcies nihilo minus contra praemissam Conclusionem. Pluribus in locis utriusque Joris expressum habetur, quod orta possessionis et proprietatis lite, oporteat prius judicare de possessione; ergo haec duae causae nunquam possunt cumulari seu simul tractari in eodem iudicio. Antecedens patet ex l. *Incerti Juris*. C. de *Interdictis* ubi dicitur: *Incerti juris non est orta proprietatis et possessionis lite, prius possessionis decidi oportere quaestionem competentibus actionibus; ut ex hoc ordine facto, de domini disceptationes probationes ab eo, qui de possessione victus est, exigantur.* Concordat textus in l. *Ordinarii*. C. de *Rei vendicat.* ibi: *Ordinarii juris est, ut prius exhibitis mancipiis de possessione judicetur; ac tunc demum proprietatis causa ab eodem Iudice decidatur.* Et quod plus est, hoc ipsum, quod Jure Civili autem statutum fuerat, expressis verbis approbat Pontifex in d. c. *Ad ultimum*. 2. h. t. ergo.

Resp. Jura proxime allata procedere, quando du-

bitatur de ipsamet possessione, seu quis actu possideat: ut fit, quando utraque litigantium et de possessione, et de proprietate contendit; ac neuter eorum in se suscipere vult onus probandi proprietatem (eo quod difficilis existat probationis) sed quilibet istud onus in alterum rejicere satagit. In hoc siquidem casu non potest agi possessorio, et petitorio simul (neque enim apparet, quis probare teneretur in petitorio) sed oportet prius tractari, discuti, atque terminari quaestionem super possessione; sic quippe ab eo, qui de possessione victus est, poterunt postea exigere probationes super proprietate, cit. l. *Incerti juris*. C. de *Interdictis* et l. *Exitus*. ff. de *Acquir. possess.* alioquin, ac nisi de proprietate docuerit, succumbet etiam in petitorio. At vero data Conclusio nostra, una cum Juribus in ipsa allegatis, procedit, quando non dubitatur de possessione, seu quis actu possideat: sed, supposito, quod Reus actu possideat, Actor contra eum intentat simul iudicium petitorium, atque possessorium recuperandae, si jam antea possederat, ac se spoliatum contendat; vel (si antea nondum possederat) adipiscendae possessionis. Abbas d. c. *Ad ultimum*. n. 3. h. t. Vallensis eod. §. 4. n. 5.

Instabis. Cumulatio actionum est prohibita in l. 267. *Quod haerede*. §. *Eligere*. ff. de *Tributoria action.* ibi: *Eligere quis debet, qua actione experiat: utrum de peculio, an tributoria: cum sciat sibi regressum ad aliam non futurum, cum similibus: ergo neque actio petitoria poterit cumulari cum possessoria.* Resp. Antecedens esse verum loquendo de illis actionibus, quae vel sunt contrariae, vel quae electione tolluntur, vel in quarum prima sententia absolutoria lata parit exceptionem rei judicatae in secunda. Tunc siquidem merito rejicitur cumulatio actionum partium quia contrariorum eadem est ratio; ut posito uno, alterum removeatur; ac proinde contrarias actiones nemo potest exercere, l. un. C. *Si servus extero etc.* et l. 1. C. de *Furtis*. Partim quia, ubi actio aliqua electione alterius tollitur, hac electa praecluditur via ad alteram, c. l. 1. C. de *Furtis*: et l. *Quod in haerede*. ff. de *Tribut. action.* Partim quia, ubi duae actiones ita se habent ad invicem, quod sententia absolutoria lata in primo iudicio, pariat exceptionem rei judicatae in secundo; et condemnatoria lata in secundo, pariat Reo praejudicium in primo: si admitteretur cumulatio earum, jam per secundam sententiam fieret praejudicium primae, et contra: quod est absurdum; arg. l. *Fundum*. 16. cum. 2. seqq. ff. de *Except.* ac fute tradit Dynus in *Reg.* 20. *Nullus pluribus* n. 9. et seqq. de *Reg. Jur.* in 6. et Abbas in c. *Cum dilectus*. n. 6. *Vers. Tres enim sunt*. h. t.

Econtra vero est recepta Doctorum regula: *Ubi plures sunt actiones non contrariae, et quae electione non tolluntur, et in quarum prima, sententia absolutoria lata non parit exceptionem rei judicatae in secunda: ibi admittitur cumulatio.* Dynus et Abbas ubi supra. Jason. in l. *Edita actio*. n. 34. C. de *Edendo*, et alii. Atque idecirco, dum nullum horum impedit, recte admittitur cumulatio causae possessionis et proprietatis in eodem iudicio.

Urgebis. Sententia lata in petitorio, parit exceptionem rei judicatae in possessorio; ergo non possunt cumulari, juxta regulas cumulationis proxime allatas. Antecedens probatur ex c. *Cum Ecclesia*. et c. *Cum dilectus*. h. t. ubi sententia lata super proprietate, ita absorbet atque elidit sententiam latam super possessione, ut haec non debeat mandari executioni; ergo. Resp. neg. anteced. Quia causa possessionis est omnino separata a causa proprietatis, nihilque cum hac habet commune, l. *Naturaliter*. §. *Nihil*. ff. de *Acquir. possess.* et l. *Permisceri*. 52. ff. eod. Ex diversis autem non fit bona illatio,

arg. l. ult. §. fin. ff. de Calumniar. et notat Bartolus ibid. et Barbosa tract. de Axiomat. axiom. 114. citans alios.

270 Proinde, sicut sententia lata in possessorio, non parit exceptionem rei iudicatae in petitorio, text. clar. l. Et an eadem. §. fin. ff. de Exception. rei iudicat. Ita pariter sententia lata in petitorio, non parit exceptionem rei iudicatae in possessorio, arg. l. Julianus. §. ff. eod. ac notat Dynus ad Reg. 71. Qui ad agendum. n. 6. de Reg. Jur. in 6.

271 Ad probationem antecedentis negatur consequentia. Quia, licet in eo casu, quo post sententiam latam in possessorio pro favore unius partis, illico sequitur sententia super petitorio pro favore alterius partis, per hanc elidatur prior sententia lata in possessorio quoad effectum suum principalem: ita videlicet, ut ipsa non debeat mandari executioni. Nihilominus ejusmodi sententia, seu verbalis adjudicatio possessionis, operatur nonnullos alios effectus secundarios, seu minus principales, infra §. seqq. n. 292. et seqq. enumerandos: ac proinde non penitus eliditur, et absorbetur per sententiam latam in petitorio.

272 Accedit, quod saltem non urgeat instantia, ejusque probatio in eo casu, quando una eademque pars, sive Actor sit sive Reus, obtinet simul tam in possessorio, quam petitorio. Nam tunc sententia lata in petitorio, non solum non absorbet alteram latam in possessorio, sed potius haec fovet et corroborat. Insuper in tali casu sententia lata in possessorio, habet effectum notabilem, quem non haberet sola sententia in petitorio reportata: nam si quis sua possessione spoliatus fuisset, prodesset sententia super possessione in ejus favorem lata quoad eos fructus, quos spoliator a tempore dejectionis seu spoliationis percipit, nec percipere potuit: quia hi omnes spoliato erant restituendi, ut c. Gravis. 11. de Restitut. spoliat. et l. 2. §. Ex die. ff. de vi et vi armat. et l. Si de possessione. C. Unde vi. Tales autem fructus sibi restituendos non consequeretur quis ex vi solius petitorii: ut tradit Abbas in c. Pastoralis. n. 32. h. t. ac notatur in d. c. Gravis.

273 Quaeritur II. An semper, et in omni materia, causa possessionis et proprietatis possit cumulari, simulque tractari? Resp. negative: patitur enim istud quaedam limitationes. Et primo quidem in casu factae spoliationis: quando enim spoliatus agit possessorio recuperandae possessionis contra spoliatorem, et iste excipit contra eum super proprietate, aut ipsum reconvenit intentando vicissim petitorium super proprietate rei per spoliationem acquisitae: certum est, quod iste nullo modo sit audiendus, neque admittendus ad probandam rei proprietatem, nisi prius restituerit spoliū. Siquidem questio spoliationis est privilegiata: adeo, ut ipsam intentans, atque probans, deinceps non teneatur suis spoliatoribus respondere ante factam sibi restitutionem spoliū, text. clar. cap. ult. de Ordin. cognit. Ac proinde, si spoliator velit agere super proprietate, tenetur is antea restituere spoliū: et tunc primum, si quid habet, super rei proprietate sibi competente proponere valet.

274 Intellege hoc, dummodo spoliatus agens possessorio recuperandae, excipiat contra ejusmodi spoliatorem allegando istud privilegium spoliationis: antequam Reus spoliator audiat. Nam si Actor spoliatus non exciperet, antequam Reus spoliator audiat, valeret reconventio super proprietate: neque poterit deinceps Actor amplius excipere, postquam Reus jam fuit auditus super proprietate. Siquidem haec est quaedam exceptio dilatoria, ac proinde proponenda ante litem ingressum, c. Intra Monasterium. 20. de Sent. et re Judicat. Abbas

d. cap. ult. n. 7. de Ordin. cognit. et Innocentius ibid. Menochius de Recuperand. possess. Remedi. i. n. 174. citans alios.

275 Fatendum tamen, quod ipsemet spoliatus, si velit, possit agere simul et possessorio recuperandae, et petitorio iudicio: quia nullo jure id ei prohibitum reperitur. Et tunc, quando Actor agit utroque iudicio, etiam Reus sese defendere potest super utroque iudicio: ut c. Cum Ecclesia 3. et c. Cum super. 4. h. t. ac notat Glossa magna in c. Cum dilectus. eod. Verumtamen in tali casu ad obtinendum in petitorio, non sufficit probare solam possessionem, arg. cap. ult. h. t. juncto Summario ibid. Siquidem possessio et proprietates nihil habent commune, l. Naturaliter. §. 2. ff. de Acquir. possess. ac proinde ab illa ad istam non est bona illatio, cap. ult. h. t. Igitur in huiusmodi casibus Actor probans possessionem et spoliationem, sed non proprietatem spoliū, obtinet in possessorio, sed succumbit in petitorio: nam Actore non probante, Reus absolvitur.

276 Secundo allata doctrina passim limitatur in iudicio retinendae possessionis. Nam, licet certum sit, iudicium adipiscendae, et recuperandae possessionis posse cumulari una cum petitorio, per rationes et Jura num. 264. allegata: hoc tamen de possessorio retinendae plurimi Doctores negant: quia (inquiunt) agens possessorio retinendae, et simul petitorio, allegaret contrariae: juxta amplius dicenda n. 278. sique non foret audiendus. Et quidem haec doctrina, seu limitatio, regulariter loquendo habet locum: utrum autem in quodam casu extraordinario socus fieri possit, difficultas non modica existit. Unde

277 Quaeritur III. An iudicium possessorium retinendae possit aliquando cumulari, simulque ab eodem propositi una cum petitorio? Resp. I. Haec questio est ardua et perdifficilis, prout fatetur Fagnanus in c. Cum Ecclesia. n. 14. h. t. ac etiam perplexa juris questio: quae omnium ingenia exerceat: ut loquitur Menochius de Retinenda possess. Remedi. 3. quest. 115. num. 511. fusissime posmodum eandem protractans, atque in novem casus distinguens.

278 Et quidem sententiam negativam tenet Glossa in c. Pastoralis §. Quod de recuperanda. h. t. et Abbas ibid. n. 17. Pirhing eod. n. 39. et alii plures. Fundamentum hujus sententiae est: quia iudicium possessorium retinendae (quale est Interdictum Ut possidetis, et Interdictum Utrobi) ac iudicium petitorium super eadem re, videntur inter se repugnare: unde utramque simul intentans allegaret contraria, sique non esset audiendus. Antecedens probatur ex eo: quia, qui agit Interdicto retinendae, asserit se possidere, petitque manuteneri in possessione contra adversarium, qui ipsum in sua possessione turbare, seu molestare conatur: qui autem agit petitorio, sive rei venditione, hoc ipso saltem tacite asserit, atque fatetur, se non possidere, sed adversarium suum. Atqui possidere, et non possidere, sunt contraria, seu potius contradictoria: et consequenter haec simul asserens, dum vult agere possessorio retinendae ac petitorio simul, tamquam sibi ipsi contradicens, et contraria allegans, non foret audiendus, sed repellendus, juxta c. Examinata. 10. de Judiciis, et c. Sollicitudinem. 54. §. fin. de Appellat. et l. Ubi pugnantia. ff. de Reg. Juris.

279 Major hujus probationis quoad priorem partem est clara ex terminis: quoad alteram vero, sive quod agens petitorio fateatur hoc ipso se non possidere, sed adversarium, probatur ex eo: quia ei, qui possidet, non datur actio in rem, et rei venditio, §. Quod genus. Instit. de Action. et L. un. C.



*de Alienat. jud. mut. onus.* Ut quid enim quis petat ab adversario id, quod actu jam possidet? Siquidem et civilis et naturalis ratio facit, ut alius possideat, alius a possidente petat, prout loquitur Imperator in §. Retinendae. Instit. de Interdict. Accedit, quod in l. Incerti juris. C. de Interdict. et l. Ordinarii. C. de Rei vindicat. jubetur prius discuti, ac terminari iudicium possessorium ante petitorium; ergo hoc ipso videtur negari posse petitorium cumulari una cum iudicio possessorio, saltem retinendae possessionis: nam de Interdicto adipiscendae et recuperandae, oppositum per alia Jura expresse liquet: simulque in istis nulla intervenit contrarietas cum petitorio. Verum his non obstantibus,

280 Resp. II. Loquendo de incorporalibus, ut puta servitutibus, aliisque juribus, bene potest cumulari iudicium petitorium et possessorium retinendae. Ita Barolus in l. Naturaliter. §. Nihil commune. vers. Secunda combinatio quando unus et idem. n. 18. et Jason ibid. n. 127. ff. de Acquir. posses. Menochius cit. Remed. l. de Retinend. posses. quaest. 66. nu. 539. citans Baldum, et Castrensem in l. Ordinarii. C. de Rei vindicat. et plures alios. Idque desumitur ex §. Aequo si agat. Instit. de Actionib. ubi clare habetur, quod in incorporalibus, puta in servitutibus, is qui possidet, possit agere actione in rem, quae a Juristis dicitur Actio Confessoria. Et haec quidem est ea, quae competit Actori asserenti, quod habeat jus, seu servitutem in fundo, vel praedio proximi: nam mediante tali actione is, qui possidet jus servitutis, petit per sententiam iudicis declarari, quod ei debeat talis servitus hactenus jam possessa, ac proinde adversario suo ipsum in tali jure, ejusque quasi possessione molestam, imponatur silentium, vel cautio praestanda de non impediendo. Mysinger ad cit. §. Aequo si agat. Instit. de Actionib. Accedit ratio: quia loquendo de incorporalibus, puta de servitutibus, cumulatio iudicii possessorii et petitorii nullam involvit contrarietatem, seu contradictionem; uti liquet ex proxima dictis.

281 Resp. III. Etiam loquendo de rebus corporalibus videtur probabilius, quod possit aliquando iudicium possessorium retinendae cumulari cum petitorio. Ita ex professo Speculator Tit. de petitorio et possessorio, §. 1. n. 29. Zoesius h. t. n. 6. Vallensis eod. §. 4. n. 4. Engel n. 9. Consentit nonnihil Menochius loc. cit. n. 543. asserens, tunc haec iudicia cumulari posse, quoties iudicium petitorium est tale, ut iudicio possessorio fomentum afferat. Et Imola in Glom. un. §. Glossa, spoliantis. h. t. ubi ait: Licet possessorium retinendae non possit regulariter intentari cum petitorio ratione contrarietatis, fallit tamen hoc in incorporalibus; ac etiam tunc, quando respectu diversae possessionis intentarentur, puta, possessorium ratione civilis et petitorium ratione naturalis possessionis.

282 Ratio Conclusionis est: quia nulla in hoc reperitur repugnantia, sive contrarietas; ergo, cum Jura indistincte admittant cumulationem possessorii cum petitorio, cap. 1. a. 4. et 6. h. t. non est, cur hinc penitus excludamus Interdictum retinendae possessionis. Antecedens probatur ex l. Naturaliter. §. An. ff. eod. ubi dicitur: Non enim videtur possessioni renunciasso, qui rem vendicavit. Item ex o. Dilectus. 2. de Capell. Monach. Ubi talis Casus indicatur. Hoc ipsum probatur enervando principale fundamentum oppositae sententiae: siquidem agens petitorio, non ideo fatetur, ne tacite quidem, adversarium suum possidere; ergo corrui principale fundamentum oppositae sententiae. Antecedens patet ex l. Officium. 9. ff. de Rei vindicat. ubi rejecta quorundam opinione contraria admittitur rei vindicatio, seu iudicium petitorium adversus

REISENSTUEL Jus. Can. Tom. II.

Depositarium, Commodatarium, Conductorem, aut qui legatorum servandorum causa, vel dotis, aut rei servandae nomine in possessione est; et generaliter adversus omnes illos, qui detinent, et restituendi facultatem habent. Atqui tales non possident, prout in cit. l. Officium, dicitur, iuxta l. possideri. §. An. ff. de Acquir. posses. Ergo, cum nihilo minus contra eos possit agi iudicio petitorio, clare sequitur, quod Actor instituens petitorium contra adversarium, non per hoc fateatur, ne tacite quidem, eum possidere; sicque corrui principale fundamentum contrariae sententiae n. 278. allegatum.

Confirmatur, atque hoc ipsum magis declaratur: 283 quia ratione solius detentionis, qua quis detinet rem alterius, et ipsam postulat cum posset, non vult reddere, competit domino illius rei vindicatio, sicque iudicium petitorium; uti convincitur ex cit. l. Officium ff. de Rei vindicat. Nam Depositarius, vel Commodatarius detinet quidem rem depositam, vel commodatam, non tamen possidet: quis Dominus deponens, vel commodans, non solum retinet ejus proprietatem, sed etiam possessionem, l. Licet deponere ff. Depositi. et l. Rei commodatae ff. Commodati: et tamen contra Depositarium, vel Commodatarium, competit Domino rei vindicatio. Sufficit proinde ad instituendum petitorium, quod alter rem nostram detinet, aut in possessione ejus existat, et requisitus eum posset, reddere nolit, licet non possideat: quo facto Dominus rei ab altero injuste detentae, potest contra eum instituere tam possessorium retinendae, quia rem illam civiliter possidet, tam petitorium ratione proprietatis sibi competentis: et si vult, potest etiam utrumque iudicium cumulare, ac simul intentare; quia nulla in hoc reperitur contrarietas, aut repugnantia; simulque Pontifex in cap. 1. a. 4. et 6. h. t. indistincte concedit possessorium et petitorium simul in iudicium deduci.

Et per hoc patet ad principale fundamentum oppositae sententiae n. 278. relatum. Negatur enim, quod agens petitorio, necessario per hoc fateatur, saltem tacite, alterum possidere: nam, ut dictum, sufficit, quod fateatur, alterum detinere, vel in possessione rei existere: haec autem sunt valde diversa. l. Si quis ante ff. de Acquir. posses. estque jam supra §. 1. n. 9. dictum. Ad primam probationem, negatur assumptum ob textum clarum ex d. l. Officii ff. de Rei vindicat. jam allegatum.

Ad §. Quod genus. Instit. de Action. dicitur, ibi 285 imprimis clare haberi, quod in incorporalibus is, qui possidet, possit agere actione in rem, quae a Juristis dicitur Actio confessoria: estque jam dictum supra num. 280. Deinde, quamvis textus in cit. §. Quod genus, videntur velle, quod in corporalibus ille duotaxat possit agere, qui non possidet: nihilominus respondetur, istud procedere regulariter; fallere tamen in casu, quando Actor civiliter possidet, Res autem rem actualiter detinet, aut est in ejus possessione custodiendae causa, vel alia consimili ratione. Nam tunc Actor potest contra talem Rem agere in rem, sive rei vindicatione, ac iudicio petitorio, quando iste debite requisitus non vult restituere rem illam, et tamen restituendi habet facultatem, per Jura in conclusione allegata. Et pari modo respondetur ad cit. §. Retinendae. Instit. de Interdict.

Porro in L. un. C. de Alienat. judic. etc. solum dicitur, quod in rem actionem possessio pariat adversario: non tamen negatur, quia possessio possit habere actionem in rem contra eum, qui rem detinet, eamque cum posset, reddere non vult. Ad l. Incerti juris. et l. Ordinarii etc. jam patet ex dictis,

a. 265. et 266. non loquuntur in casu, ubi dubitatur de ipsa possessione, sive quis possideat: alias secus.

## §. X.

De modo procedendi super causa Possessionis et Proprietatis simul intentata, ac de Regressu a Petitorio ad Possessorium.

## SUMMARIUM.

- 287 Quando partes agunt iudicio possessorio et petitorio simul, potest Iudex commixtım super utraque causa probationes, testesque recipere.
- 288 Et postea utramque causam una sententia terminare.
- 289 Debet tamen prius discuti, et terminari possessorium, quando dubitatur quis possideat; aut quando solum constat de possessorio.
- 290 Qualiter Iudex debeat causam possessionis et proprietatis una sententia terminare? Et n. 288.
- 291 Et quomodo sententia haec dicatur una?
- 292 Sententia lata super possessorio momentaneo, cur non superflua? Et num. seqq.
- 293 294 et 295. Haec prodest ad plures effectus; et quales?
- 296 Tamen sententia lata super petitorio praevalet in executione; et cur?
- 297 Quando constat de sola possessione, potest fieri executio super ipsa, dilato imposterum petitorio.
- 298 Et notabilis effectus talis sententiae super possessorio latae.
- 299 Petitorium iudicium ingressus, potest regredi ad possessorium ante conclusionem in causa.
- 300 Et hujus congruentia.
- 301 et 302. Variqua exempla Juris.
- 303 Solvuntur instantiae. Et num. seqq.
- 304 Talis regressus a petitorio ad possessorium, ad quid deserviat?
- 305 Post conclusionem in causa non licet Actori, a petitorio regredi ad possessorium.
- Per conclusionem in causa ligantur manus, et clauditur os partibus. Ibid.
- 306 Non tamen Iudici.
- 307 Et hinc ex gravi causa potest Iudex etiam post conclusionem in causa concedere regressum ad possessorium.
- 308 Regressus a petitorio ad possessorium pariter locum habet in causis Beneficialibus, etiam per appellationem ad Sedem Apostolicam devolutis.
- 309 Solvuntur instantiae. Et num. seqq.
- Iudex Appellationis non potest cognoscere nisi super ea causa, a qua fuit appellatum. Ibid. Et num. 311.
- 310 Clem. un. h. t. procedit solum, quando est appellatum ad Sedem Apostolicam; secus dicendum in inferioribus.
- 311 Neque ejus decisio est communis aliis causis, prius Beneficiales.
- 312 Appellatio non solum suspendit sententiam iudicis, sed etiam effectum Conclusionis in causa prioris instantiae.

287 Quæritur I. Quomodo procedendum sit in causa, quando partes agunt iudicio possessorio et petitorio simul? Resp. I. Iudex potest tunc commixtım super utraque causa recipere probationes, testesque admittere. Testis est in o. *Ad ultimum*. 2. h. t. ac tenet communis Doctorum. Et merito: ut ut parentur laboribus, et gravioribus partium

expensis, quas alioquin subire cogerentur in procedendo his testes super dictis iudiciis, si non nisi separatim tractari possent, aut seorsim tractarentur. Tum quia mos est gerendus partibus probare volentibus, l. Circa. 14 ff. de Probat. et c. Licet. 9. eod.

Resp. II. Quando simul iudicio possessorio et petitorio actum fuit, propositis hinc inde, atque examinatis sufficienter probationibus, utrumque una sententia terminari debet; ita tamen, ut in pronunciando præmittatur possessorium, sed in exequendo prævalet petitorium. Ita communis; et habetur expressum in c. Cum dilectus 6 h. t. juncto c. Cum Ecclesia. 3. et c. Cum super. 4. eod. Siquidem Iudex, de qua re cognoverit (saltem principaliter, ut explicat Glossa) pronunciare debet, per textum in cit. c. Cum super eod. et l. De qua re. ff. de Iudiciis: et consequenter, ubi Iudex super possessorio et petitorio simul cognovit, de utroque pronunciare debet.

Nec obstat id, quod in c. *Ad ultimum*. 2. h. t. 289 legitur, videlicet quod auditis super utraque causa commixtım probationibus, possit Iudex prius discutere probationes super possessorio, illudque pronunciata super possessione sententia terminare. Resp. enim, Capitulum istud procedere in casu, quando dubitatur, quis possideat: ut si utraque pars litigantium contendat se possidere, simulque sibi competere rei proprietatem: tunc enim omnino necesse est, prius agi, discuti, atque terminari possessorium, ut sic apparere valeat, cui incumbat onus probandi in petitorio; ut l. Incerti juris. C. de Interdict. et l. Ordinarii. C. de Rei vindicat. ac dictum est supra n. 265. et 266. Idem locum sibi vendicat, quando ex allegatis et probatis nondum liquere potest de utroque, sed solummodo de possessorio; aut si ex aliis circumstantiis, atque rationibus, ita expedire videatur: tunc enim Iudex ex officio procedere potest, juxta tenorem cit. c. *Ad ultimum*. 2. h. t. ac pronunciare tantum super possessione, dilato imposterum iudicio petitorio. Glossa ad cit. cap. 2. §. Expressum. et Abbas ibid. n. 3. et Imola n. 4. ac favel textus in c. *Significaverunt*. 36. §. fin. de Testib.

Verum ubi tam possessorium quam petitorium simul fuit deductum in iudicium, et super utroque attestaciones, aliaque probationes sufficienter fuerunt adductae, procedunt dicta in Conclusionem. Tunc enim debet Iudex utramque causam simul una eademque sententia terminare; ita tamen, ut primo pronunciet super possessione, ac deinde in continenti pronunciet etiam super proprietate.

Et licet hic videatur intervenire, ac re ipsa intervenire duplex sententia, una concernens possessionem, altera proprietatem rei: nihilo minus haec utraque adhuc recte dicitur esse unica sententia. Et hoc fit tum propter unitatem seu continuationem temporis, quia videlicet una continue, seu in continenti profertur post alteram sententiam, sicque simul et eodem propemodum tempore: tum etiam propter unitatem scripturae, ex qua utraque sententia recitatur; prout in simili dictum est superius Tit. 4. De Mutuis Petitionibus. §. 3. num. 47.

Dices. Sententia lata in tali casu super possessorio momentaneo penitus superflua; ergo non est asserenda, neque necessario permittenda. Antecedens probatur ex Juribus num. 288. allegatis, quae volunt, tunc prævalere in exequendo sententiam latam super petitorio, quae proin illico absorbet alteram latam in possessorio; uti contingit in cit. c. Cum Ecclesia. 3. h. t. Resp. neg. anteced. cum suae probationis consequentia. Quia,

et jam breviter dictum est superius §. praec. num. 271. et 272. in tali casu praevalet quidem sententia lata super petitorio in exequendo, quatenus haec sola debet mandari executioni, atque eliditur sententia lata super possessione quoad effectum suum principalem: non tamen haec penitus absorbetur, atque evacuatur, sed habet plures effectus saltem secundarios, ac minus principales. Idque ostenditur inductione, enumerando dictos effectus.

293 Et primo quidem juvat ejusmodi sententia super possessorio lata, ut satisfiat juri, atque petitioni litigantium, dum hac ratione possessio adjudicatur illi parti, cui secundum allegata et probata de jure debetur: ut est casus in d. c. Cum Ecclesia. 3. h. t. Idque merito: siquidem Juxta de omni re, de qua cognovit, et quidquid juris deductum fuit in iudicium, pronunciare debet, cit. c. Cum Ecclesia. §. Verum. et c. Cum super. juncta Glossa & Restituendum. h. t.

294 Deinde prodest ejusmodi sententia super possessione lata, quantum ad expensas litis. Nam regula est, quod victus debeat victori condemnari in expensis c. Calumniam. de Poenis, et l. Properandum. §. Sive autem alterutra. C. de Judiciis: talis autem in possessorio censetur victor.

295 Prodest insuper talis sententia propter fructus perceptos: nam possessor bonae fidei non tenetur restituere fructus jam consumptos, §. Si quis a non domino. Instit. de Rerum divis. Rursus ipsa prodest: quia bonae fidei possessor non tenetur de casu, l. Utique autem. ff. de Rei vindicat. ac proinde obtinens in possessorio, non tenebitur rem illam, quae casu apud ipsum perierat, recompensare adversario obtinenti in petitorio.

296 Patet proinde ex tam multiplicibus ejus effectibus saltem secundariis, ac minus principalibus, quod sententia lata in possessorio non superflua: haud obstante, quod sententia lata super petitorio praevalent in executione, c. Cum dilectus. h. t. Adeo, ut Actor obtinens in possessorio, sed succumbens in petitorio, non mereatur in actualem rei litigiosae possessionem immitti. Et ratio hujus ulterior est. Tum quia proprietas, quae est longe dignior possessione, attrahit ad se possessionem, absorbetque effectum saltem primarium et principalem sententiae super possessione latae: nam magis dignum trahit ad se minus dignum, c. Quod in dubiis de Consecrat. Eccles. et cap. un. cod. in ti. cum concordantiis. Tum quia frustra quis postulat mitti in possessionem illius rei, quam statim cogitur restituere vero domino, seu obtinenti in petitorio. Quia imo dolo facit, qui petit, quod redditurus est: sicut dicitur l. Dolo facit. ff. de Doli mali exception. juncta Glossa ibid.

297 Nec dictis obstat c. Suborta. 21. de Sent. et re judicat. ubi mandatur executioni sententia lata super possessorio, quamvis ibidem simul fuerit actum petitorio. Resp. enim, id accidisse ex eo, quia ibi prius constabat de possessorio, et quidem per confessionem partis adversae: non vero sic constabat de petitorio, utpote de quo gravis adhuc restabat difficultas. Posse autem in tali casu, quo constat jam de possessione, sed super proprietate superest adhuc controversia diutius protrahenda, terminari iudicium possessorium, et sic fieri executionem super eo, dilato imposterum petitorio, textus est in c. Ad ultimum. 2. h. t. et notat Abbas in c. Cum dilectus. num. 13. h. t. atque jam dictum superius num. 289.

298 Solum dictis adde, quod in tali casu sententia super possessorio lata operetur adhuc alium notabilem effectum. Nam quando non statim sequitur sententia super proprietate in favorem adversarii (sive

te, quia causa proprietatis longiori indiget discussione) tunc ipsa liberat possessorem sententialiter declaratum ab onere imposterum probandi ipsam rei proprietatem, eidemque confert cetera possessionis commoda, de quibus plura superius §. 2. num. 40. et seqq.

Quaeritur II. An ille, qui petitorium iudicium 299 semel ingressus fuit, videns difficultatem in probanda rei proprietate, possit regredi ad possessorium? Resp. affirmativo: dummodo id fiat ante factam conclusionem in causa. Ita habetur expresse decisum in c. Pastoralis. 5. h. t. ac notant ibidem Doctores passim. Concordat Jus Civile in l. qui fundum. §. An. ff. de Vi et vi armat. ibi: Eum, qui fundum vendicavit ab eo, cum quo interdicto Unde vi potuit experiri, pendente iudicio nihilo minus interdicto recte agere placuit.

Et merito talis regressus ad possessorium permit- 300 titor, ne alioquin Actor ingressus petitorium, ac deficiens in probatione domini, seu proprietatis rei, utpote difficillima, omni penitus remedio destitueretur, atque ex integro causa cadere cogatur: sed probans possessionem, aut quod ea per alterum spoliatus fuerit, obtineat saltem in possessorio, commodisque seu privilegiis possessionis gaudere mereatur, donec alius probaverit dominium seu proprietatem rei.

Exemplum hujus habetur in c. Significaverunt. 36. 301 de Testib. ubi Moniales quaedam, super causa proprietatis minus certe prius litem ingressae, postmodum cognita difficultate probandi proprietatem, suspensio petitorio (sive hoc interim dilato, donec possessorium fuit terminatum) intenterunt possessorium iudicium, allegantes, et probantes, quod illae personae, quibus Moniales illae successerunt, ex possessione Prioratus tunc litigioni violenter ejectae fuerint.

Exemplum aliud poni potest in haerede: nam si 302 haeres institutus primo intenterit petitionem haereditatis ex testamento, sed in progressu patitur difficultates in probanda validitate ipsius testamenti: potest regredi ad possessionem, atque intentare Interdictum adipiscendae, petendo, ut immittatur in possessionem dictae haereditatis, arg. c. Pastoralis. h. t. ibi: Seu adipiscenda possessio etc. Nam hac ratione, atque obtenta immissione in haereditatem, onus probandi invaliditatem talis testamenti rejicietur in adversarium, volentem succedere ab intestato; et haeres institutus non tenebitur probare validitatem illius.

Nec dicat. Actor post litem contestatam non potest 303 mutare libellum, l. Non potest. 23. ff. de Judiciis, estque jam dictum supra Tit. 3. de Libelli oblatione. §. 1. num. 29. ergo neque regredi ad possessorium intentato jam iudicio petitorio. Resp. enim neg. consequent. Siquidem in tali casu libellus re ipsa non mutatur, sed duntaxat emendatur ei aliquid superaddendo, nempe possessorium, suspensio interim petitorio, quo usque constet de possessione: ita ut, si Actor post illum regressum succumbat in possessorio, possit reverti ad petitorium. Glossa in d. c. Pastoralis. & Pendente. h. t. Si igitur obtineat Actor in possessorio, tunc Juxta praecipiat rem, cujus possessione spoliatus fuerat, eidem restitui: vel ipsum in possessionem, si hanc antea nunquam habuit, immitti, donec Res probaverit ejus proprietatem sibi competere. arg. cit. c. Significaverunt de Testib. ac notat Abbas in d. c. Pastoralis. n. 32. h. t.

Nec ulterius dicat. Talis regressus a petitorio 304 ad possessorium ad nihil aliud deservit, nisi ad tergiversandum, et malitiose procrastinandum lites: atque hoc est prohibitum, Auth. de Litigiosis. §. Omnem.



*Collat. 8.* Probatur sequel. Siquidem sententia lata in petitorio, absorbet totum ius in possessorio, c. *Cum Ecclesia. 3. et c. Cum super. 4. et c. Cum dilectus. 6. h. t.* ergo. Resp. neg. sequel. Quia imo talis regressus multum prodesse potest Actori: hic enim alioquin, si post intentatum petitorium deficeret in probatione proprietatis, quae est difficillimae probationis, perderet totam causam: nam Actore non probante, Reus existens in possessione, etsi nihil ipse praestiterit, obtinebit, atque ab Actoris impetitione absolvetur, c. *Cum Ecclesia. 5. fin. h. t.* cum concordantiis. Secus vero est, quando Actor a petitorio regressus fuit ad iudicium possessorium: nam si obtinuerit in isto, rejiciet onus probandi proprietatem in adversarium, ipseque gaudebit omnibus privilegiis seu commodis possessionis, ut iam superius dictum. Ad probationem sequelae rursus negatur consequentia: quia, ut patet ex proxime dictis n. 292. et seqq. sententia lata in petitorio absorbet quidem sententiam in possessorio quoad effectum primum, seu quatenus illa praevalet in executione: non vero quoad effectus istius secundarios, et minus principales: ob quorum onem n. 298. et 300. decretatum, instituitur regressus ille a petitorio ad possessorium, non vero in ordine ad procrastinandam litem.

305. Additur notanter n. 299. *Dummodo id fiat ante factam conclusionem in causa.* Nam postquam conclusum fuit in causa, et partes ulterioribus allegationibus atque probationibus renunciaverunt, causamque cognitioni et decisioni Iudicis submiservunt; non amplius permissum est Actori, ab intentato petitorio regredi ad possessorium, sed expectanda est sententia: nisi Iudex hoc ipsum ex iusta causa viderit expedire, prout habetur expressum in *cit. c. Pastoralis. 5. Si vero. h. t.* Et merito: tum ne lites ex litibus oriantur, et via aperiatur fraudibus malitiosorum, hac occasione post satis iam agitarunt petitorum eludendi Iudicem, ejusque sequentiam illico proferendam retardandi per regressum ad possessorium. Tum etiam, quis per conclusionem in causa ligantur manus, et clauditur os partibus litigantibus. Jason. in *Relect. l. Admonendi. n. 62. ff. de Jurejurand.* Gailus lib. 1. *Practic. Observat. 107. n. 5. et seqq.* citans alios.

306. Secus est dicendum respectu Iudicis. Siquidem officium Iudicis, utpote qui cuncta debet rimari, antequam ferat sententiam, viget uniformiter usque ad prolationem sententiae inclusive: ac proinde per conclusionem in causa ligantur quidem manus partium, non tamen Iudicis, c. *Cum Joannes. 10. de Fide instrument. et Clem. Saepa contingit.* juncta Glossa & *Interrogabit. de Verb. signif.* Ubi dicitur, quod Iudex possit interrogare partes, sive ad earum instantiam, sive ex officio, ubicunque hoc aequitas suaderit: et consequenter etiam post conclusionem in causa, uti notat Jason, et Gailus ubi supra, cum aliis.

307. Et hinc, si Iudex aequitate suadente ita expedire viderit, potest etiam post factam a partibus conclusionem in causa permittere Actori, quod ab intentato petitorio regredi valeat ad iudicium possessorium: ut puta, si ex apertis indiciis appareat iniquitas invasoris, factaeque per ipsum spoliationis: aut quod spoliato sive per malitiam spoliatoris, sive casu fortuito, subtracta fuerit facultas probandi ipsam rei proprietatem: vel si alia gravis interveniat causa, quae iuste moveat animum Iudicis ad concedendum ejusmodi regressum, etiam postquam conclusum fuit in causa: prout expressum habetur in saepe dicto c. *Pastoralis. 5. fin. h. t.*

308. Queritur III. Utrum regressus a iudicio peti-

torio ad possessorium, etiam locum habeat in causis Beneficialibus? Resp. affirmative, per textum satis apertum in *Clem. un. h. t.* ubi Clemens V. in Concilio Generali Viennensi ita statuit: *Causa Beneficiali per appellationem ad Sedem Apostolicam legitime devoluta, tam appellanti, quam appellato licere decernimus non solum petitorium, sed et possessorium intentare. Et in spoliantis odium ante causae conclusionem suspendere petitorium a se et ab adversario intentatum, in solo possessorio procedendo.* Haec ibi. Et merito: ut sic malitia spoliantium, seu deficientium alios a possessione suorum Beneficiorum melius praecaveatur, in quorum odium proinde sic statutum fuit.

Dices. Iudex appellationis non potest cognoscere nisi super ea causa, a qua fuit appellatum, *Clem. Appellanti. 5. de Appellat. et l. Eos qui. 5. i. C. cod.* Atqui, solum a causa in petitorio (uti supponitur) fuit appellatum: ergo. Resp. Majorem procedere regulariter: fallere tamen, seu pati exceptionem in causis Beneficialibus ad Sedem Apostolicam per appellationem devolutis juxta *cit. Clem. un. h. t.* Etenim, quia in istis majus vertitur periculum, ne Ecclesiae diutius maneant legitimo Restore destitutae; simulque, quia Papa est generalis Ordinarius, et habet concurrentem cum omnibus Ordinariis potestatem: merito Pontifex cum Concilio permixt, ut in detestationem factae spoliationis, ac in causa Beneficiali per appellationem ad Sedem Apostolicam devoluta, licet dicto modo transire a petitorio ad possessorium, atque etiam invita altera parte in hoc solo procedere.

Additur notanter, Majorem illam pati exceptionem in causis Beneficialibus ad Sedem Apostolicam per appellationem devolutis. Quia, cum Major illa regulariter procedat, per Iura allegata: simulque non censeatur plus de priori lege esse mutatum, quam est expressum in posteriori, ut *l. Praecipimus. C. de Appellat.* cum similibus: hinc dispositionem *cit. Clem. un. h. t.* habere duobus locum in causis Beneficialibus per appellationem ad Sedem Apostolicam devolutis, ac proinde non procedere, quando fuit appellatum ad Inferiores: tenet Glossa in *cit. Clem. un. 4. Ad Sedem Apostolicam*, et Abbas *ibid. n. 2. et Imola 5. Glossa ad Sedem. h. t.* contra quosdam alios.

Insuper dictam Clementinae decisionem non esse communem aliis causis praeter Beneficiales, notavit Glossa in *d. Clem. un. h. t. in Casu. ac 4. Beneficiali.* et Covarruvias lib. 1. *Var. Resolut. cap. 16. n. 13.* allegans communem aliorum contra Jasonem in *l. Naturaliter. 5. Nihil commune. n. 137. ff. de Acquir. possess.* et quosdam alios: qui volunt, etiam in aliis causis facta appellatione posse spoliatum transire ad possessorium, quamvis in prima instantia solum petitorium fuerit agitatum. Sed quia non censeatur plus de priori lege mutatum, quam est expressum in posteriori, ut dictum: simulque Iudex ad quem appellationis regulariter, et nisi alicubi habeatur specialis exceptio, solum habet judicare, utrum appellatio fuerit iusta vel iniusta, *cit. l. Eos qui. C. de Appellat.* ac postmodum pronunciare, *Bene appellatum, male judicatum*, vel econtra: hinc prior Sententia merito est retinenda, cum dicta Clementina de solis causis Beneficialibus mentionem fecerit.

Urgebis contra datam Conclusionem. Regressus a petitorio ad possessorium nequit amplius fieri post conclusionem in causa, c. *Pastoralis. h. t.* ergo ipse non videtur posse habere locum in causa appellationis, utpote quam conclusio in causa jam praecessit. Resp. neg. seq. Siquidem appellatio legitime interposita non solum suspendit sententiam

Judicis, sed etiam effectum conclusionis in causa, quae facta est in priori instantia. Imola *ad cit. Clem. un. h. t. circa principium*. Unde sicut in iudicio appellationis pars litigans, credens, se prius minus bene allegasse seu probasse, potest novis probationibus et allegationibus uti: haud obstante priori conclusione in causa principali, dummodo hoc fiat ante conclusionem in causa appellationis: ita etiam ante hanc conclusionem potest quis a petitorio interim suspensus, redire ad possessorium. Et hoc intellige non solum de prima, sed etiam de secunda instantia appellationis. Barbosa *ad cit. Clem. un. n. 2. h. t. Pirhing eod. n. 42*.

## TITULUS XIII.

## De Restitutione Spoliatorum.

## 1 Ratio continuationis Rubricarum.

1 Quia Titulo praecedenti tractatum fuit de causa possessionis in genere, merito subiungitur praesens Titulus: Tum quia causa restitutionis etiam est possessoria: tam praesertim, quia necesse est, ut cognita natura possessionis ut sic, etiam pateat remedium eandem vi ablatam denuo recuperandi. Et hoc fit per Interdictum *Unde vi*, ac per alia Remedia recuperandae possessionis, de quibus cum speciales occurrant difficultates, recte sub proprio Titulo pertractantur, quem maioris claritatis gratia expedit dividere in paragraphos.

## §. I.

De Remediis Spoliatorum in genere ac Interdicto *Unde vi* in specie.

## SUMMARIUM.

- 2 Remedia spoliatorum, quot?
  - 3 Eorum principia enumerantur. Et n. seqq.
  - 4 Remedium spoliatorum ex Conditione *Triticaria*,
  - 5 Et ex Conditione *incerti*,
  - 6 Et ex Conditione *indebiti*, declaratur.
  - 7 Interdictum *Unde vi*, quale?
  - 8 Datur ad duo: quae?
  - 9 Et ad quantum tempus de Jure Civili.
  - 10 Et Canonico?
  - 11 Interdictum *Unde vi* solum competit spoliato sua possessione,
  - 12 Et quidem rei immobilis.
  - 13 Dummodo tempore spoliationis possederit.
  - 14 Et vere possederit.
  - 15 Colono, Inquilino, vel Procuratore possessione rei immobilis Domini sui vi dejecto, Interdictum *Unde vi* competit Domino, non Colono etc.
  - 16 Dummodo non fuerit Conductor ad longum tempus, Emphyteuta, Vasallus, Usufructuarius etc. Et cur?
  - 17 et 18. Solvuntur instantiae.
  - 19 Interdictum *Unde vi* competit adversus eum, qui deiecit, vel spoliari jussit, aut spoliationem ratam habuit.
  - 20 Et qui clam ordinavit dejectionem, aut ejus Familia vi alterum possessione sua deiecit.
  - 21 Et qualiter hoc postremum procedat?
  - 22 An contra tertium possessorem, qui rem spolio ablatam scienter recepit, datur Interdictum *Unde vi*? Et n. seqq.
- Refertur fundamentum sententiae affirmativae. *Ibid.*

23 Sententiae negativa probatur.

24 Solvitur fundamentum prioris sententiae.

Quaeritur I. Quot generatim sint Remedia Spoliatorum, et quae? Resp. I. Circa numerum Remediorum, quae spoliatis a Jure sunt concessa ad recuperandam possessionem rerum sibi ablatarum, variant Auctores, dum alii plura, alii pauciora enumerant. Siquidem Speculator *tit. De Restitutione Spoliatorum*, atque Card. Tuschus *Litt. S. Concl. 384. et Lopus alleg. 52.* solum octo enumerant Remedia spoliatis concessa ad recuperandam possessionem amissam. Econtra vero Jacobus Menochius in *Commentariis de Adipiscenda, retinenda, et recuperanda possessione*, septuaginta recenset hujusmodi Remedia: et Robert. Maranta in *Speculo Aureo* (alias, *Tractatus de Ordine Judiciorum* nuncupato) *part. 4. dist. 7. num. 29. et seqq.* ex Jure Communi refert viginti talia Remedia: quibus addit duo alia locum habentia ex Constitutione Regni sui.

Resp. II. Hujusmodi Remedia recuperandae possessionis, spoliatis a Jure concessa, potissimum sunt sequentia. I. Interdictum *Unde vi*. II. Condictio ex c. *Saepe. de Restitut. spoliat.* III. Condictio ex can. *Redintegranda* 3. q. 1. IV. Condictio ex l. *Si quis in tantum. C. Unde vi*. V. Condictio ex l. *Extat. ff. Quod metus causa etc.* VI. Condictio ex l. *invalet. C. Unde vi*. VII. Condictio ex l. *Cum quaerebatur, seu ex L. ult. C. Unde vi*. VIII. Remedium ex Officio judicis. Et ista octo Remedia non solum referuntur Speculator, et Card. Tuschus, ubi *supra*, sed etiam Menochius, ordine tamen diverso: de quibus veluti principalioribus, in progressu singillatim dicetur.

IX. Remedium a Menochio, Maranta, et aliis superadditum, habetur ex Conditione *Triticaria* (sic dicta a Triticio auctore suo, ut notat Glossa ad Rubric. *Tit. ff. de Condict. Triticar.*) quae locum habet pro cuicunque re sive mobili, sive immobili, quam quis vere possedit, atque ejus possessione privatus fuit, exceptis dumtaxat pecunia numerata, *L. 1. et 2. ff. de Condict. Triticar.* Unde haec Condictio concurret cum interdicto *Unde vi*. Maranta *loc. cit. num. 39.* Nisi, quod utilis sit ad recuperandam etiam rerum mobilium (dempta pecunia) possessionem, ad quam non concedatur Interdictum *Unde vi*. Menochius *Remed. 3. de Recuperand. poss. num. 1.*

X. Remedium spoliatorum datur ex Conditione *incerti*: quae competit ei, qui licet non sit dominus, habet tamen jus in re spoliata, ac proinde ipsius, interest rem illam salvam esse: ut quia ipse est creditor, habetque rem illam pignoris loco sibi obligatam, et fuit spoliatus possessione ejus. Cum enim talis non sit dominus, habeat tamen jus aliquod in re, in locum Conditionis furtivae, quae datur soli domino, competit ipsi Condictio *incerti* ad recuperandam ejus possessionem. Textus est in l. *Et ideo. §. Noratius. ff. de Condict. furti*, juncta Glossa *ibid. §. Incerti*, et Bartolo in *Summario*. Maranta *loc. cit. n. 40.*

XI. Remedium competit ex Conditione *indebiti*. Et haec datur ei, qui per errorem ac indebite solvit rem alienam, cujus ipse fuerat possessor, ad recuperandam possessionem ejus, l. *Indebiti*. juncta Glossa & *Ut vel. ff. de Condict. indebit.* Menochius *loc. cit. Remed. 2. num. 1. et seqq.* Maranta *num. 41.* apud quos plura de caeteris Remediis recuperandae possessionis: nam praedicta undecim sunt principaliora. Nunc proseguendo per ordinem priora octo,

Quaeritur II. Quid sit Interdictum *Unde vi*, et ad.

quid, et quamdiu detur? Resp. I. Interdictum *Unde vi* (sic dictum a primis verbis Praetoris, illud proponentis) L. 1. §. 1. ff. de Vi, et vi armata propositur, sequentibus verbis: Praetor ait: *Unde tu illum vi deieceris, aut familia tua deiecit, de eo quoque quod ille tunc ibi habuit, tantummodo intra annum, post annum vero de eo, quod ad eum, qui vi deiecit, pervenerit, iudicium dabo.* Quamvis autem olim fuerit differentia inter vim armatam, et sine armis (hoc est, an quis cum armis a sua possessione fuerit dejectus, vel sine armis) atque etiamnum hodie quoad poenam non modica sit differentia, et iuxta atrocitatem violentiae gravius plectatur vis armata: nihilo minus quoad possessionis restitutionem talis differentia hodie sublata est, arg. §. *Recuperandae. Instit. de Interdict.* ac notat Menochius *Remed.* 1. *De Recuperand. possess.* n. 8. et Virbius h. t. num. 1.

8 Resp. II. Interdictum *Unde vi* datur ad duo. Primo, ut spoliatus ante omnia restituatur in pristinam possessionem: adeo, ut spoliator volens agere super proprietate rei oblatae, non sit audiendus, nisi eam prius restituerit, c. *In litteris.* 5. h. t. et c. *super spoliations.* 4. de Ordin. cognit. et amplius declarabitur in progressu. Secundo ut spoliatus restituatur ad totam causam: hoc est, non solum in pristinam possessionem (et quidem liberam, ut notat, arg. q. *Pisanis.* 19. §. *Porro.* h. t.) sed etiam ad omne id, quod ibi amisit, licet ad spoliatorem nihil pervenerit, text. clar. L. 1. §. 1. ff. de Vi et vi armat. Et quidem usque ad obolum, sive ultimum quadrantem, tam quoad rem ipsam, quam quoad fructus, damna et interesse. Barbosa cap. 1. num. 4. h. t. post Rotam Decis. 334. part. 3. de vers. et alios; atque amplius infra §. 5. a num. 117. usque ad num. 121. dicetur. Et hoc merito statutum fuit: partim in odium spoliantis, Clem. un. de *Causa possessor. et propriet.* Partim, quia Interdictum *Unde vi* atrocitatem facinoris in se continet, d. L. 1. §. *Interdictum hoc.* ff. de Vi et vi armat. Partim vero, et quidem praecipue, quia aequitas naturalis id ipsum postulat.

9 Resp. III. Interdictum *Unde vi* quoad persecutionem damnorum spoliatorum illatorum, ex quibus ad spoliatorem nihil pervenit, spectato Jure Civili datur solummodo intra annum (utilem tamen, d. L. 1. §. *Annus.* ff. de Vi et vi armat.) post annum autem datur tantum de eo, quod ad ipsum, qui vi deiecit; pervenerat. Textus est in cit. L. 1. §. 1. ff. eod. ac supra num. 7. iam allegatus, juncta L. *Unde pulsos.* C. *Unde vi.* Sed hoc intellige, agendo: nam excipiendo Interdictum *Unde vi* est perpetuum, arg. l. *Pure.* §. *An.* ff. de *Doli mali except.* et notat Glossa in d. l. *Ubi pulsos.* §. *Annus.* Maranta part. 4. speculi Aurei. dist. 7. num. 32. Mynsinger §. *Summa autem.* num. 16. *Instit. de Interdict.* et alii.

10 Additur notanter, spectato Jure Civili. Nam, quod de Jure Canonico Interdictum *Unde vi* sit perpetuum tam ad excipiendum, quam ad agendum de damnis illatis, licet ad spoliatorem nihil devenerit; clare desumitur ex can. *Redintegranda.* 3. q. 1. et passim observant Doctores, quos sequitur Mynsinger loc. cit. Existimant enim SS. Canones, tam immane facinus uno anno non recte concludi: simulque completam redintegrationem omnium damnorum per spoliatorem injuste illatorum, quamvis inde ad spoliatorem nihil pervenerit, postulat aequitas naturalis, ac virtus Iustitiae; haud obstante nullo lapsu temporis, dummodo sub sit possibilitas resarciendi: prout idem contingit in aliis, proximum suum injuste damnifican- tibus.

Quaeritur III. Quibus competat Interdictum *Unde vi*? Resp. I. Interdictum istud nulli competit, nisi ei, qui vi dejectus, sive spoliatus fuit possessione rei immobilis. Patet hoc ex d. L. 1. §. *Dejicitur.* et §. *Interdictum autem hoc.* ff. de vi et vi armat. cum similibus. Sollicit tamen, sive quis possideat naturaliter, sive civiliter tantum: nam quaecunque possessione quis detineat rem immobilem, seu fundo adhaerentem, si tali possessione fuerit spoliatus, datur ei istud Interdictum *Unde vi*, dummodo rem illam vere possederit tempore illo, quo fuit dejectus.

12 Additur notanter, possessione rei immobilis. Nam de rebus mobilibus, utpote quarum possessio vilis est et abjecta, non competit Interdictum *Unde vi*: sed, quando aliquem his spoliari contingit, tunc forti, aut bonorum raptorum actio competit: potest tunc etiam ad exhibendum agi; prout habetur expressum in d. L. 1. §. *Illud atque.* ff. eod. estque uberius dictum Tit. praec. §. 3. nu. 98. et seqq. Ubi tamen recte subjungitur, quod quidem de rebus mobilibus non competit Interdictum *Unde vi* principaliter; possit tamen de istis dari saltem secundo- rio et accessorie, quando nimirum res mobiles existunt in re immobili, l. *Idem est.* §. *Pertinet.* ff. de Vi et vi armat.

13 Additur ulterius, dummodo vere possederit tempore illo, quo fuit dejectus. Quia Interdictum *Unde vi* solummodo illi competit, qui tempore spoliationis possedit cit. L. 1. §. *Interdictum autem hoc.* ff. eod. Unde non sufficit quempiam probare, olim se possedis- se, nisi probet praecise, etiam tempore spoli- ationis possedis- se. Maranta cit. part. 4. Speculi Aurei, dist. 7. num. 28. Quamquam in dubio is, qui olim possedit, etiam hodie possidere praesumatur, c. *licet causam.* q. 5. *Ex praemissis de Probation.* et l. *Sive possideris.* C. eod. eo quod nemo praesumatur suum jactasse, l. *cum de indebito* §. *de Probation.* ac late tradit Mascardus *Concl.* 1202. num. 1. et seqq. estque amplius dictum supra Tit. praeced. num. 225. 227. et 228.

14 Et dicitur, vere possederit. Nam si quis solummodo rem detineat, aut sit tantum in possessione, v. g. custodiae causa, revera autem non possideat, et postmodum inde vi expellatur; etiam huic non com- petit Interdictum *Unde vi*. Siquidem hoc Interdi- ctum non datur, nisi possidenti dejecto, cit. L. 1. §. *Hoc Interdictum.* et §. *Interdictum autem.* ff. de Vi et vi armat. Tales autem non possident, sed tan- tum detinent. Speculator tit. *De primo Decreto.* §. *Jam de effectu.* n. 14. cit. dist. 7. n. 38. et alii: qui tamen recte notant, talibus posse subveniri per alia Remedia recuperandae possessionis, de quibus infra §. seqq.

15 Resp. II. Quando Colonus fundo, Inquilinus domo, aut Procurator e possessione rei immobilis Domini sui vi dejectus est, tunc Interdictum *Unde vi* non istis, sed Domino principali competit. Ita communis; et habetur expressum d. L. 1. §. *Dejicitur.* et §. *quod servus.* ff. de Vi et vi armat. In quo posteriori loco sic dicitur: *Quod servus, vel procurator, vel colonus tenent, dominus videtur possidere: et ideo his dejectis, ipse ejici de possessione videtur.* Accedit ratio: quia illi rem tantummodo detinent, non autem possident; sed quod illi te- nent, Dominus possidere videtur (nam is possidet,) cujus nomine possidetur, c. *Cum venisset.* q. 5. *An.* h. t. et l. *Quod meo.* 18. §. 1. ff. de *Acquir. pos- sess.*) ac proinde illis dejectis, ipsemet Dominus de possessione dejecti ocusetur, cui proin compe- tit istud Interdictum *Unde vi*, non illis, per Jura jam allegata.

16 Intellige, dummodo talis non fuerit Conductor



fundi, sive domus ad longum tempus, puta ad decennium: nec Emphyteuta, Vasallus, Usufructuarius vel Usurarius. Siquidem Usufructuario, imo et Usurario, si spoliati fuerint, competit Interdictum *Unde vi*: ex quocunque enim causae constitutus est usufructus, vel usus, hoc Interdictum locum habebit, *L. 3. §. Unde vi, et §. Uti frui. ff. de Vi et vi armat.* ac notat Jason in *l. Naturaliter. nu. 15. ff. de Acquir. possess.* Menochius de *Recuperanda possessione*, Remed. 1. nu. 68. et seqq. citant alios. Ratio est: quia tales habent dominium utile fundi; ac proinde, cum sint in quasi possessione juris utendi vel fruendi, sive domini utilitatis, *cit. l. Naturaliter. §. 1. ff. de Acquir. possess.* recte ipsis, quando ex tali possessione iuris, seu domini utilitatis dejecti fuerint, datur Interdictum *Unde vi*. Idem dicendum de Conductore rei immobilis ad longum tempus, ut puta, ad decennium: siquidem locatio ad longum tempus, est quaedam alienatio domini utilitatis, *C. Nulli. de Reb. Eccles. non alien. cum concordantibus*; ac proinde posset de dicti domini utilitatis, est penes ejusmodi Conductorem: unde hic super tali jure poterit agere tam possessorio, quam petitorio iudicio, et quidem suo nomine. Menochius *d. num. 68.* Pirhing *h. t. num. 4.* aliique.

67 Dices. Etiam mero Inquilino, vel Colono, quamvis non conduxerit rem ad longum tempus, si spoliatur a tertio, competit istud Interdictum *Unde vi*. ergo. Antecedens probatur ex *l. Colonus. et l. Cum fundum. ff. de Vi et vi armat.* Resp. neg. anteced. per Jura in Conclusionem allegata. Ad ejus probationem, atque ad *l. Colonus. et l. Cum fundum. ff. de Vi et vi armat.* dicitur, ibi sermonem esse de Colono, qui prius intervertit possessionem, et non amplius Dominus, sed sibi possidere caepit: nam, si talis post possessionem domini intervertit, spoliatur a tertio, tunc contra tertium istud dejectum datur tali Colono Interdictum *Unde vi*, non domino; quamvis dominus postea habeat regressum, atque Interdictum istud contra Colonom, qui se antea deiecit, suamque possessionem intervertit. Glossa in *d. l. 1. §. Deiecitur. §. Si Colonus. ff. eod.* Menochius *cit. Remed. 1. de Recuperand. possess. num. 66.* citant alios. Pirhing *h. t. num. 3.*

68 Nec dicas. Si Usufructuario, vel Conductori ad longum tempus, competit Interdictum *Unde vi*: cur non idem dicendum de Colono, vel Conductore ad breve tempus? cum etiam talis vi locationis censeatur acquisivisse jus utendi, fruendi, istudque jus possidere. Resp. disparitatem esse: quia ibi intervenit vera alienatio domini utilitatis, istudque suo nomine possidet Usufructuarius, Usurarius, vel Conductor ad longum tempus. Secus dicendum in Colono, vel Conductore ad breve tempus: nam per locationem fit solum concessio rei ad usum certa mercede interveniente, non autem transfertur dominium utile: et hinc Colonus, seu Conductor hujusmodi solummodo rem detinet, nempe ad usum, non autem possidet: Dominus enim est, qui possidet per Jura *num. 15.* allegata, cui proinde soli facta spoliatio competit Interdictum *Unde vi*. Poterit tamen Colonus spoliatus tunc alio remedio sibi consulere, ac praesertim officio Judicis. Menochius *cit. Remed. 1. de Recup. possess. n. 62.* et amplius patebit ex dicendis §. seq. per totum.

69 Queritur IV. Contra quem competat spoliatis Interdictum *Unde vi*? Resp. I. Interdictum istud competit adversus eum, qui alterum possessionem sua vi deiecit, seu spoliavit, *L. 1. §. 1. ff. de Vi et vi armat.* Deinde adversus eum, qui mandavit, vel

jussit, ut aliquis deiceretur, dommodo effectus fuerit actus: siquidem parum refert, suis manibus quis deiciat, an per aliam, *d. E. r. §. Deiecitur.* Item adversus eum, qui dejectionem, sive spoliationem suo nomine faciat, ratam habuit: nam rati-habitio in maleficiis comparatur mandato, *d. L. 1. §. Sed et si. ff. eod. Concordat c. Cum ad sedem. 15. §. fin. h. t.* ubi Pontifex negat Interdictum *Unde vi* in casu illius Decretalis locum habuisse, eo quod Reus nec spoliaverit, nec spoliari mandaverit, nec spoliationem ratam habuerit: et consequenter, argumento a secus contrario desumpto, quodlibet horum ad illud sufficiat, ac sufficit.

Resp. II. Interdictum *Unde vi* datur etiam contra eum, qui clam fecit, sive ordinavit dejectionem alterius a sua possessione, *l. Si vi me deieceris. ff. de Vi et vi armat. et l. Competit. §. fin. ff. Quod vi aut clam.* Item contra eum, qui fraudulententer persuasit, sive dolo malo fecit, quod quis armis deiceretur, *l. Idem est. 3. §. Hoc interdictum etiam. ff. de Vi et vi armat.* Et merito: quia talis re ipsa non differt a mandante, vel consulente dejectionem. Competit insuper adversus eum, cujus Familia vi deiecit, licet ipse dominus non jussit, *text. clar. L. 1. §. 1. et §. Quod ergo. ff. eod.*

Solum hic notandum est, quod in isto posteriori casu Dominus, qui non jussit, nec ratam habuit dejectionem (nam si unum horum intervenisset, ipsemet deiecit censeretur, juxta dicta *num. 19.*) non tenetur restituere omne id, quod spoliatus ibi habuit, et amisit: sed sufficiat praestare factam suorum servorum, qui deiecerunt: nimirum restituendo id, quod ad ipsum dominum pervenit: aut si nihil pervenit ad eum, servos maleficii casus noxae dedendo: nam hoc facto dominus erit immunis, nec amplius gravari poterit, prout habetur decisum in *cit. L. 1. §. Quod ergo. juncta Glossa ibid. §. Erit. ff. de Vi et vi armat.*

Queritur V. An contra tertium possessorem, qui rem a spoliatore invasam scienter recipit, competat Interdictum *Unde vi*? Glossa in *c. Cum ad sedem. §. Interdictum. h. t.* videtur affirmare, id probans ex *c. Saep. 18. eod.* idemque tenuit Gossredus, ut refert Abbas in *cit. c. Saep. num. 8.* ac sequitur Barbosa in *Collectan. ad d. c. Saep. n. 2. h. t.* citans alios pro hac sententia. Et ratio esse potest: quia in *d. c. Saep. h. t.* Pontifex cum Concilio Generali sancivit, quod contra possessorem illum, qui scienter rem invasam a spoliatore recipit, *spoliato per restitutionis beneficium succurratur.* Atqui per istud restitutionis beneficium intelligitur Interdictum *Unde vi*: nam de hoc ibidem est sermo, ut patet ex contextu, ac praesertim ex verbis illis praecedentibus: *Non obstante Juris civilis rigore*: ergo. His tamen non obstantibus,

Resp. breviter. Interdictum *Unde vi* non datur contra tertium possessorem, qui rem a spoliatore invasam, scienter recepit: sed contra ipsum subvenitur spoliato per aliud remedium (infra *num. 27. et seqq.* declarandum) quod appellatur *Condictio ex c. Saep. h. t.* Ita Abbas in *cit. c. Saep. num. 8.* et Jo. Andreas *ibid. num. 5. h. t.* asserens, quod quidquid alii dicant, spoliatus succumberet, etiam secundum Cagones, si proponeret Interdictum *Unde vi*. Alexander *Consil. 94. n. 12. et 15. vol. 5.* Zousius *h. t. n. 4.* Pirhing *eod. num. 105.* Maranta *part. 4. Speculi Aurei, dist. 7. n. 36.* citans alios. Fundatur haec sententia in *l. Cum ad 10. ff. de Vi et vi armat.* ubi clare dicitur, quod in eum, qui non spoliavit, minime intentetur Interdictum *Unde vi*, illis verbis: *Cum a te vi deiectus sim, si quis eandem possessionem possidere coeperis, non possum cum alio quam tecum Interdicto experiri.* Quam Legem Bartolus

ibidem appellat notabilem. Concordat c. Cum ad sedem. §. fin. 15. h. t. ubi Pontifex ex eo, quod quis non spoliaverit, nec mandaverit spoliari, nec spoliacionem ratam habuerit, pronunciat, in quaestione illa Interdictum Unde vi locum non habere. Atqui in illo, qui rem a dejectore seu spoliatore invasam acquisivit, etiamsi extra scienter receperit, nullum horum trium intervenit; ergo nec contra eum potest intentari Interdictum Unde vi.

24. Nec obstat cit. c. Saepo. h. t. Cum enim expediat jura, jurebus concordare, et eorum correctiones, si fieri potest, evitare, c. Cum expediat. 29. de Elect. in 6. Hinc dicendum, quod Pontifex in cit. c. Saepo. 18. h. t. non intenderit, spoliatis contra tertium detentorem rei spoliatae concedere Interdictum Unde vi ( hoc enim pugnat contra cit. l. Cum a te. ff. de Vi et vi armat. imo et contra d. c. Cum ad sedem. h. t. ) sed quia non multum interest quoad periculum animae, injuste detinere, ac alienum invadere, solummodo voluit Papa providere de novo Remedio recuperandae possessionis, quod appellant Conditionem ex c. Saepo. de Restitut. spoliat. de quo mox plura. Nam hoc ipsum satis denotat ly Sancimus ( hoc est, de novo constituimus ) quo utitur Pontifex cum Concilio Generali in cit. c. Saepo. h. t. ac notat Abbas ibid. n. 8. eo praesertim, quia per tale remedium et sufficienter providetur spoliatis, et praecavetur periculo animae tertii scienter rem spoliata detinentis. Ac per hoc patet ad rationem prioris sententiae num. 22. allatam: negatur enim minor.

### §. II.

Declarantur alia Remedia Spoliatorum,  
in specie.

### SUMMARIUM.

25. Caetera Remedia recuperandae possessionis, non dicuntur Interdicta; et cur?  
26. Condictio, et Condicere, quid?  
Condictio ex Rego, quid? Ibid.  
27. Condictio ex c. Saepo. de Restit. spoliat. in quo consistat?  
28. Datur contra quemcunque tertium possessorem, qui rem invasam scienter, et a quocunque recepit.  
29. Secus, si ignoranter.  
30. In dubio praesumitur ignorantia, nisi invasio sit notoria.  
31. Condictio ex can. Redintegranda. 3. q. 1. declaratur. Et n. seqq.  
32. Extenditur ad quoscunque Clericos.  
33. An etiam competat Laicis pro recuperandis rebus profanis?  
Proponitur sententia negativa, una cum suis rationibus. Ibid.  
34. Affirmativa sententia est communis, ejusque fundamentum.  
35. Solvitur instantia.  
36. Et respondetur ad rationes sententiae negativae. Et n. seqq.  
37. Circa Remedium spoliatorum ex can. Redintegranda. 3. q. 1. aderat diversitas opinionum; sicque aliud certum ex c. Saepo. h. t. non superfluit.  
38. Conditio ex l. Si quis in tantam. C. Unde vi, adversus quem competat, quidque conferat?  
Poenae hujus Legis locum duntaxat habent post sententiam Judicis. Ibid. Et n. 64.  
39. Condictio ex l. Exat. ff. De iis, quae vi metusve causa etc. declaratur.

40. Condictio ex l. Invasor. C. Unde vi, explicatur.

41. Remedium istud possessorium habet duo specialia; et quae?

42. Condictio ex l. ult. C. Unde vi, adversus quem competat?

43. Et in quo differat a Conditione ex l. Si quis in tantam. C. Unde vi?

44. Et a Conditione ex l. Invasor. C. Unde vi?

45. Aliud remedium recuperandae possessionis habetur ex Officio Judicis, estque extraordinarium.

46. Et quibus competat? Et n. praec. ac seqq.

47. Remedium extraordinarium non debet tribui habenti ordinarium, nisi illud sit pinguius.

Cum praeter Interdictum Unde vi dentur plura alia remedia Spoliatorum, seu recuperandae possessionis, quae superius num. 3. jam sunt enumerata: viso de Interdicto Unde vi, oportet alia quoque breviter declarare. Solum nota cum Maranta part. 4. Speculi Aurei, dist. 7. num. 29. citante Bartolum, Alexandrum, et alios in l. Rem quas nobis. ff. de Acquir. possess. quod caetera ejusmodi Remedia recuperandae possessionis, non dicuntur Interdicta ( Interdictum enim est actio in factum Praetoria, hoc est, a Praetore inventa; estque unicum recuperandae possessionis, nempe Interdictum Unde vi. ) sed appellantur Conditiones ex Lege.

Caeterum Condictio quantum ad propositum, aliud non est, quam actio in personam. Condicere enim idem est, ac rem suam in judicio petere personam pulsando, sive inquietando, et ipsam dicendo sibi obligatam esse ad aliquid dandum, vel faciendum; quod idem est, ac per actionem personalem aliquid ab eo petere. Unde Condictio, sicut et Vendicatio ( Recentiores legunt Vindicatio ) ad rei recuperationem pertinent: cum hoc tamen discrimine, quod Vendicatio sit rei singularis atque actio in rem; Condictio autem sit actio personalis, sive actio in personam. Hinc Condictio ex Lege idem est, ac personalis actio, quae ex Lege aliqua ( istam exprimendo ) cuipiam datur ad recuperandam rem, vel ejus possessionem. Et talis est multiplex: prout fusissime declarat Menochius in Commentariis de Recuperanda possessione, et Maranta part. 4. Speculi Aurei, dist. 7. n. 39. ac patet ex dictis num. 3. et seqq. ubi nonnullas Conditiones nunc declarandas retulimus. Igitur post Interdictum Unde vi.

Secundum Remedium spoliatorum, seu recuperandae possessionis habetur Conditio ex c. Saepo. 18. de Restitut. spoliat. quod est valde proficuum, et notabile. Siquidem antiquitus per Interdictum Unde vi non satis consulebatur spoliatis: quando enim res spoliata per spoliatorem in alium translata fuit, sive titulo venditionis, sive donationis, aut alio hujusmodi; tunc possessori dejecto, sive spoliato, non subveniebatur per Interdictum Unde vi, utpote quod conformiter dictis num. 23. contra tertium possessorem non dabatur: ex quo saepe contingit, quod prior possessor amisso possessionis commodo, et postmodum deficiens in probatione juris proprietatis, quod est difficillimae probationis, amiserit totam causam, ipsamque rei proprietatem. Hisce igitur incommodis praecavere volens Romanus Pontifex una cum Concilio Generali ( hoc est, Lateranensi, sub Innocentio III. celebrato, ac in d. c. Saepo. 18. h. t. relato ) sancivit, Ut si quis de caetero scienter rem talem receperit, cum spoliatori quasi succedat in vitium ( eo quod non multum intersit quoad periculum animae, injuste detinere, ac invadere alienum contra possessorem hujusmodi, spoliato per restitutionis beneficium succurratur. Haec ibi.

28. Ex quibus verbis liquet, quod spoliatus *Conditione d. c. Saepo h. t.* agere possit contra quemcumque tertium possessorem, qui rem invasam scienter (hoc est, sciens, rem illam fuisse ab alio spoliatam) recepit: adeo, quod ipse cogatur illico rem ablata restituere, quamvis spoliatus non probaverit ejus proprietatem, sed duntaxat spoliationem. Et hoc procedit, etiamsi res spoliata per multas manus transierit: ut proinde, quicumque rem raptam, sciens ipsam esse raptam, a quocumque receperit, tenetur hac Decretali, licet res illa per mille manus transierit: adhuc enim urget ratio dictae Decretalis, quia videlicet parum interest quoad periculum animae, injuste detinere, ac alienum rapere. Innocentius *c. c. Saepo. et Abbas ibid. n. 15. h. t. Vallensis h. t. §. 2. n. 3. et 5. Sannig. eod. cap. 3. num. 2. et seqq. et alii.*
29. Additur vero in relata Decretali, *scienter*. Nam recte foret dicendum, si quis ignoranter, bona fide, hujusmodi rem spoliatam accepisset: ut notat Glossa ad *c. c. Saepo. §. Scienter. et Abbas ibid. n. 12. h. t.* Nam textus allatus aperte requirit scientiam: simulque se fundat in periculo animae, sive peccato recipientis, quod excluditur per bonam fidem, qua quis ignorans recepit alienum.
30. In dubio autem, an quis hoc sciverit, praesumitur ignorantia: eo quod sit factum alienum, circa quod praesumitur ignorantia, ubi scientia non probatur, juxta Reg. 47. Juris in ti. et DD. ibidem. Intellige, nisi invasio notorie facta fuerit: nam tunc praesumitur scientia, nisi probetur ignorantia, *arg. cap. 1. de Postulat. Prælat. Idem d. c. si recipiens spoliatus erat spoliatoris vicinus, c. Quosdam. et c. Quanto. de Præsumpt.* aut nisi aliae hujusmodi conjecturae concurrant. Abbas in *d. c. Saepo. num. 14. h. t.*
31. Tertium Remedium recuperandae possessionis, quod a Pragmaticis appellatur *Remedium redintegranda*, habetur *Conditione ex can. Redintegranda §. q. 1.* ubi spoliatus, vel ejectis Episcopis, omnia sive mobilia, sive immobilia, in eodem loco, ubi sibi erepta fuerant, redintegrari, sive restitui jubentur; et quidem ante accusationem, adeo ut spoliatus ante factam restitutionem omnium sibi ablatorum accusari non possit, et accusatus in Synodo spoliatoribus respondere non teneatur, autquam omnium sibi fuerint restituta. Et hoc procedit quaecumque *conditione temporis, aut captivitas, aut dolo, aut violentia Majorum, aut per quascumque injustas causas, res Ecclesiae, vel proprias, aut substantias suas perdidisse noscuntur*; prout loquitur textus in *c. Redintegranda. §. q. 1.*
32. Atque Remedium istud, licet ex professo loquatur de expoliatis, et ejectis Episcopis; tamen ob paritatem rationis, favoremque Religionis, communiter extenditur ad alios Clericos, qui vel suas, vel Ecclesiae suae res injuste perdidisse noscuntur: et competit ipsis contra quemcumque talium rerum possessorem, sive bona sive mala fide possideat, et sive scienter sive ignoranter, sive cum vitio, sive absque vitio, sive cum titulo, sive sine titulo res illa ad ipsam pervenerit. Unde Remedium istud est plenissimum, et magis generale, atque utilius inter omnia Remedia possessoria; simulque concurrebat cum aliis remediis possessoriis. Alexander *Consil. 94. n. 22. vol. 5. Maranta part. 4. Speculi Aurei, dist. 7. num. 58. Vallensis h. t. §. 3. n. 1. Sannig eod. cap. 4. n. 1. et alii.* Ac procedit contra quemcumque possessorem, etiam ignorantem, et non vitiosum. Abbas *c. Cum ad sedem. n. 26. h. t.* post Innocentium in *c. Quarelam. de Elect. Hostiensis in Summa. h. t. §. A quo potest possit. n. 6. vers. Sed conditio.* Bartolus in *l. Rem, quae nobis. §. Quare-*

*quae praedicta. ff. de Acquir. posses. et alii.* Verum occasione praemissorum,

Quaeritur 1. An Remedium *Redintegranda* recte competat Laicis pro recuperandis rebus profanis, sicut Clericis pro rebus Ecclesiasticis? Respr. In resolutione hujus quaestionis variare Doctores. Et quidem Glossa in *c. Cum ad sedem §. Interdictum, h. t.* et Jo. Calderinus *ibid.* et nonnulli alii, apud Menochium *de Recuperanda possessione, Remed. 15. n. 16. et 17.* citati, partem negativam tenent. Ratio eorum est: quia in *c. can. Redintegranda. §. q. 1.* fit mentio duntaxat de Episcopis, veluti personis Ecclesiasticis; et specialiter privilegiatis; sicque dispositio illa non videtur extendenda ad Laicos, nam sermonis proprietate non est recedendum, nisi quando manifestum est aliud sensisse testatorem, seu Legislatorem, *l. Non aliter. ff. de Legatis. lll.* Deinde, si Remedium *can. Redintegranda*, fuisset tam generale, ac etiam Laicis commune, superflua fuisset memorata Decretalis *Saepo. h. t.* ubi Papa contra rigorem Juris Civilis induxit novum Remedium possessorium: nunc patet ex illis verbis, *Sancimus, ut si qui de caetero etc.* idque in odium ejus, qui scienter successit in vitium spoliationis. Siquidem Remedium *Redintegranda*, si etiam ad Laicos extenderetur, hoc ipsum praestaret; et quidem uberius, ac alteram in *c. c. Saepo. h. t.* noviter inductum, quod proinde superfluum videretur.

Opposita nihilo minus, seu affirmativa sententia, concedens dictum Remedium non solum pro rebus Clericorum, aut Ecclesiae, sed etiam pro rebus Laicorum, tum immobilibus, tum mobilibus, est communis aliorum, ac servatur in praxi. Ita Menochius *d. Remed. 15. num. 13. Alexander Consil. 94. n. 21. vol. 5. Abbas in c. Cum ad sedem. n. 27. h. t. Morania cit. part. 4. dist. 7. n. 58. et Jaron in l. Rem quae nobis. n. 20. ff. de Acquir. posses. allegans insuper pro hac sententia Bartolum, Ludovicum Romanum, et plures alios; idemque tenet Sannig *h. t. cap. 4. num. 2. et Vallensis eod. §. 3. num. 1.* addens, quod Remedium istud, utpote plenissimum atque caeteris utilius, hodie sit in frequentissimo usu. Ratio est: quia Remedium *Redintegranda* emanavit ad finem corrigendi peccata, seu ne quis ex re aliena injuste locupletaretur cum alterius jactura: ergo, cum haec ratio aeque militet inter rebus Laicorum, idem erit jus de istis. Generaliter enim Jus Canonicum, ubi emanat ad finem corrigendi peccata, servandum est etiam in Foro Civili, *arg. cap. ult. de Praescript. et cap. 2. de Jur. jurand. et cap. penult. et ult. de Secundis nuptiis cum similibus.**

Nec obstat, quod hoc Remedium competat etiam adversus possidentem bona fide, et cum titulo; in quo tamen casu cessat peccatum, sique ratio dicti Canonis. Non obstat, inquam, quia, postquam Reo convento constiterit de mala fide auctoris sui, et quod per ipsum alius fuerit spoliatus possessione talis rei; desinit ejusmodi bona fides, et militat ratio peccati, *arg. c. Licet, et cap. ult. de praescript.* ac notat Jaron *loc. cit. n. 22.* sique manet res illa obnoxia restitutioni.

Ad rationes in oppositum n. 33. allatas, et quidem, ad primam eorum, facilis est responsio. Nam dispositio illa *can. Redintegranda*, ex professo loquens de Episcopis, ob identitatem rationis, seu correctionis peccatorum, recte extenditur ad Laicos. Siquidem, ubi agitur favore animae, et vitandi peccati causa, conceditur extensio. Bartolus in *Auth. Saceramenta pabera. n. 19. Q. Si adversus vendit;* et alii. Id ipsum desumitur ex §. 1. *c. caus. 3. q. 1.* ubi generaliter dicitur, quod restitutio quibuscumque



- spoliatis danda sit: idque multis postmodum auctoritatibus, ac ipsomet *can. Redintegranda* comprobatur. Accedit, quod ni dicatur *cit. can. Redintegranda*. 3. q. 1. continere marum privilegium Episcoporum, ac non pati extensionem, sequeretur, dictum Remedium solis Episcopis competere, non autem Clericis inferioribus; utpote cum de spoliatis et ejectis Episcopis duntaxat mentionem faciat, non autem de aliis Clericis: hoc autem foret absurdum, et contra adversarios ipsomet.
37. Ad alterum oppositae sententiae Fundamentum, ac *num. 33.* relatum, quodque fortius struigit, dici potest, *cit. c. Saepa h. t.* ex professo agere contra Leges Civiles, quae juxta dicta superius *n. 23.* denegant interdictum. Unde *vi. respectu*, tertii possessoris, etiam scienter detinentis rem ab alio spoliata, juxta quam tenorem, quidam Judices, Ecclesiastici procedebant: unde ad parcavendum tali praxi, et inde consequentibus malis, opus fuit novo Jure, et expresso Decreto Pontificio. Et quamvis spoliati sese juvare potuissent Remedio Redintegranda, utpote quinquaginta jam annis prius promulgato, ut notat Menochius *d. Remed. 15. num. 6.* adhuc tamen alterum non superfluit. Siquidem circa Remedium Spoliatorum ex *c. Redintegranda*. 3. q. 1. advenit, atque etiamnum adest, diversitas opinionum inter Doctores, an teneat etiam pro Laicis, cumque rebus profanis; neque istius verba illius Canonis tam clare patetentur, quam aliqui Judices, etiam Ecclesiastici, oppositam partem fuerint secuti: ac proinde ad retundendam horum praxim, seu fovendam peccatum, Pon. tifici novo atque expresso Remedio opus esse censuit. Quia igitur non superfluit Remedium clarum et expressum, in concessu alterius non aucto clari, sed dubio. Hinc partem non super consensu ut possessorium Conditionis ex *c. Saepa h. t.* in concessu Conditionis ex *can. Redintegranda*. 3. q. 1. utpote etiamnum dubia. Nunc progredior ad alia.
38. Quantum Remedium recuperandae possessionis, habetur Conditione ex *l. Si quis in tantum. C. Unde vi.* Et hoc competit Spoliato adversus eum, qui propriam auctoritate violenter (hoc est, sine interdicto personae) ingreditur possessionem penes alium constitutam. Nam talis ita violenter ingrediens possessionem alterius, cum prius hanc alius retinere teneretur. Deinde, si invasor fuit Dominus illius rei, praeter possessionem, quam violenter ingressus est, ac proinde restituere cogitur, etiam dominium ejusdem rei amittit: Si vero non fuerat dominus, praeter possessionem restituendam, etiam aestimationem dictae rei restituere compellitur. Textus *in d. l. Si quis in tantum. C. Unde vi.* Quamvis innotata poena amissionis domum, aut redditus aestimationis rei, locum domuscat habeat post sententiam Judicis, non ipso jure, ut notat Glossa *ibid. §. Amittat.* Concordat textus in *can. Placuit. ubi q. 1. et l. Invasor. C. Unde vi.* In quo posterior locus habetur. Invasor locorum poena teneatur legitima, ac tamen *vi. l. ea eadem invasisse constituit.* Ubi Glossa *§. Legitima*, per poenam legitimam intelligit eam, quae est constituta in *jam cit. l. Si quis in tantum. C. Unde vi.*
39. Quantum Remedium recuperandae possessionis, habetur Conditione ex *l. Extat. ff. De us, quae in metusve causa etc. et l. Creditore. ff. Ad Legem Julianam de vi priuat.* Ubi prioris Legis verba repetuntur. Siquidem hoc utroque in loco statuitur, quod Creditor vim nullam Debitoribus inferat, sed si Debitor sponte debitum solvere recuset, hunc in iudicio congreto, et alioquin autem Creditor, qui per vim, seu propriam auctoritate rem aliquam vel pecuniam sibi debitam acceperit, aut vi illata sol-
- vi fecerit, et quasi sibi ipsi jus in rem illam dicendo possidere caeperit: cogatur rem acceptam restituere, simulque perdat jus crediti, et actionem ad illud. Unde liquet, quod istud recte connumeretur ex parte Debitorum inter Remedia recuperandae possessionis, quae per Creditorem vi illata privati sunt. Ceterum etiam haec poena privationis juris in rem creditam, non ipso jure, sed mediante sententia Iudicis inducitur: prout pluribus ostendit Menochius *Remed. 5. de Recuperand. possess. nu. 67.* quidquid nonnulli contradicant.
40. Sextum recuperandae possessionis Remedium, competit Conditione ex *l. Invasor. C. Unde vi.* Et istud datur non solum contra eum, qui per vim locum aliquem invasisse probatur, juxta dicta *num. 38.* sed etiam contra eum, qui per errorem occupavit possessionem rei alienae, aut ob domini incuriam sine dolo id egit, occupando v. g. possessionem forte per multos jam annos vacantem, quam idcirco ut derelictam ingressus est. Nam potest dominus agere Conditione ex illa Lege, ac teneretur eidem occupator, non obstante suo errore, ac bona fide, restituere possessionem: ita tamen, ut non teneatur poena legitima, de qua fit mentio in *l. Si quis in tantum. C. Unde vi.*
41. Porro Remedium istud possessorium habet duo specialia. Primo, quia competit ei, qui tempore invasionis non erat possidens, sed ob suam incuriam possessio fuerat vacans. Bartolus ad *cit. l. Invasor. C. Unde vi.* Marantia *part. 4. Speculi Aurei. dist. 7. n. 50. et alii.* Secundo, quia prodest ex parte invasoris conventi, ut poenam legitimam, caeteroquin legibus contra violentos invasores statutam, ac *n. 38.* explicatam elugiat si vel errorem suum, vel domini incuriam ostenderit. Et merito: nam ubi iusta causa excusat a dolo, eadem per consequens excusabit pariter a poena, arg. *l. Igitur. §. Potest. ff. de Liberali caus.* Menochius *de Recuperand. possess. Remed. 7. num. 12. et seqq.* Bartolus ubi supra, et alii.
42. Septimum Remedium recuperandae possessionis, habetur Conditione ex *l. ult. C. Unde vi.*, quae incipit, *Cum quaerebatur.* Et istud competit adversus eum, qui dolose occupavit possessionem rei alienae vacantem: nam talis possessor ut praedo censetur, et sic non solum rem occupatam, ejusque possessionem restituere teneretur: sed etiam subiacet poenis statutis in *l. Si qui in tantum. C. eod.* ac notat Glossa *in d. l. ult. §. Et generali. et §. Per ignorantiam. C. Unde vi.* Et hoc quidem Remedium intra annos triginta datur tam pro re mobili, quam immobili: prout in fine *cit. l. ult.* subjungitur, et amplius declarat Bartolus *ibid.* Menochius *de Recuperand. possess. Remed. 13. et Marantia loc. cit. n. 54.*
43. Differt autem Remedium Conditionis ex *l. ult. C. Unde vi.* ab eo, quod habetur Conditione ex *l. Si quis in tantum. C. Unde vi.* Nam istud requirit violentiam, seu vim factam personae ipsius possessoris: non illud, utpote quo quis convenitur solum ex eo, quod intraverit possessionem vacantem, sicque nonnisi vim intulerit.
44. Differt etiam a Conditione ex *l. Invasor. C. Unde vi.* Nam istud Remedium loquitur non solum de eo, qui per vim invasit rem alterius, sed etiam de occupante possessionem sine dolo, sive per errorem, aut incuriam domini, juxta dicta *num. 40.* Secus dicendum de Conditione ex *cit. l. ult. C. eod.* ibi quippe duntaxat sermo est de eo, qui rem vacantem occupavit dolose: hoc est, bene sciens, quod res illa non sit sua. Et hinc etiam fortis actione teneretur ille, qui alienam rem contra domini voluntatem attigerit, si scivit esse alienam licet ignoraverit, cujus sit; prout loquitur textus in

ult. C. Unde vi: juxta Glossam ibi. Tenetur. Secus, si credidisset esse suam, l. Fulguri: §. Sed et si quis. ff. de Furtis.

45. Octavum Remedium recuperandae possessionis, habetur ex Officio judicis. Quod quidem Remedium est extraordinarium, ac subsidiarium; et competit imprimis ei, qui non possidet, sed solum detinet, ac postmodum spoliatur: ut Commodatarius, Depositarius, Conductor ad breve tempus, aut qui rei servandas causas, vel ventris aut dotis nomine est in possessione. Nam quia tales non possident, sed solum detinent, l. Officium. ff. de Rei vendicat. hinc, si expellantur a detentione talium rerum, non habent ullum de supra enumeratis Remediis possessionis ex defectu possessionis (illae enim Remedia solum competunt possidentibus, et postmodum sua possessione excidentibus) ac proinde, sic suadente aequitate, fuit illis indultum in subsidium, ut possint implorare Officium judicis ad recuperandam rerum praehabitarum detentionem, a qua ceciderunt. Et hoc patet ex l. Atilius. ff. de Donatione: ubi is, cui facultas inhabitandi coenaculum donata fuit, si inde expellatur, Officio judicis defendendus dicitur, quasi loco possessoris constitutus. Concordat l. Et non tantum: juncta Glossa §. Facilio ff. de Petitione haerediti. Manochius Remed. 17. Recuperand. possess. n. 17. Maranus d. part. 4. Speculi Aurei, dist. 7. n. 43. post Bartolum; Decium, Alexandrum, et alios.

46. Addit Speculator titi de Restituti spoliat. n. 12. et post ipsum Card. Tuschus Litt. S. Conclus. 384. num. 16. quod istud Remedium ex officio Judicis etiam competit spoliato contra Legatarium, cui spoliata rem violenter possessionem legaverat, arg. c. Quia. F. 11. de Judicis. et c. Bonae memoriae. 16. de Appellati lusuper, quod istud Remedium sit generale, arg. c. Ex litteris. De in integr. restitut. notat idem Card. Tuschus loc. citi n. 17. post Lapum. Allegat. 52. n. 8.

47. Hoc ultimum tamen intellige in casu, quo aliud Remedium non supplet. Siquidem officium Judicis est remedium extraordinarium, et subsidiarium, atque imploratur loco principalis actionis, cum alia actio non superest, cap. ult. de Officio Judicis: et in initio sequenti, ne quis cum alterius jactura litem faciat, l. Plano. ff. de Petitione haeredit. At qui, quamdiu quis munus est comuni auxilio, habetque medium ordinarium, non debet ei tribui extraordinarium, l. In casu §. 1. ff. de Minori. Dummodo remedium extraordinarium non sit pinguis ordinario: nam tunc illud bene concederetur. Barbosa Actum. 202. n. 7. citans plures alios; est quoque obiter dictum Lib. 1. Tit. 41. De in integrum restitutione. §. 1. n. 4. et 5.

### §. III.

De Restitutione Spoliatorum ante omnia faciendae.

#### SUMMARIUM.

48. Regula est: Spoliator ante omnia est restituendus.
49. Adeo, ut non obstat exceptio proprietatis etc.
50. Nec etiam exceptio criminis.
51. Dummodo istud personam Spoliati non reddat inhabilem ad agendum: ut excommunicatio.
52. Vel missio in bannum.
53. Nec ob crimen ejusmodi quis ipso jure privatus existat tam re, quam possessione ipsius.
54. Ut spoliatus ante omnia sit restituendus, quid probare debeat?

KRIFFENSTUEL Jus. Can. Tom. II.

55. Regula illa, Spoliatus etc. contra quos procedat? et num. seqq.

56. Spoliatus petens restitutionem; non tenetur allegare titulo praehabitam possessionem justificare.

57. Spoliatus etiam restituitur contra Minores, et Pupillos.

58. Imo et contra Ecclesiam.

59. Praedo etiam est restituendus, si spoliatur.

60. Solvitur instantia.

61. Si tamen praedo concurrat cum domino rei in petenda restitutione, praefertur dominus.

62. Insuper praedo notorius, ex intervallo spoliatus a domino, non restituitur.

63. Solvuntur contrariae. Et num. seqq.

64. 65. et 66. Textus L. Si quis in tantum C. Unde vi declaratur.

67. Spoliatur potest spoliantem vi repellere, ac eundem in continentis rursus spoliare, non autem ex intervallo.

68. Ly. In continentis, quid importet?

69. Dominus ex intervallo praedonem non notorium spoliante, potest a praedone conveniri. Interdicto Unde vi.

70. Facta tamen ipsi restitutione; postea praedo illa simili Interdicto obstrictus erit domino.

Quaeritur I. An, et qualiter Restitutio spoliatorum ante omnia sit faciendae? Resp. I. Regula est, Spoliatus ante omnia est restituendus. Textus est in cap. ult. de Ordine cognitionis: Episcopi. et can. Redintegranda. 3. quaest. 1. et L. ff. de Vi et vi armis: cum concordantiis. Siquidem spoliator semper delinquit, donec restituat; atque ideo non auditur, nisi perget vitium. Card. Tuschus Litt. S. Conclus. 385. num. 5. post Baldum. Consil. 217. lib. 2. hanc rationem afferens.

Resp. II. Adeo verum est, quod spoliatus ante omnia sit restituendus, ut regulariter non obstat exceptio proprietatis, cap. 1. et c. In litteris. 3. h. t. et c. cap. ult. de Ordine cognit. Ac proinde Spoliator non audiat ante factam spolii restitutionem, licet opponat rei ablatam proprietatem ad se pertinere, seque offerat ad hanc illico probandam; nisi Actor seu spoliatus ultro in hoc consentiat, d. cap. 1. juncta Glossa §. Contentionem. h. t. Sed Actore non sic consentiente, restitutio spolii regulariter (hoc est; exceptis casibus §. seq. enumeratis) ante omnia fieri debet: ita tamen, ut causa proprietatis omnino integra servetur, et spoliator post factam restitutionem libere possit ingredi judicium petitorium super proprietate rei, L. un. C. Si de momentanea possess. etc. cum concordantiis.

Resp. III. Insuper regula illa locum habet in tantum, ut agenti Interdicto Unde vi, seu petenti restitutionem spolii, non obstat exceptio criminis, sed prius cognoscendum sit super spolio: et si istud rite probatum fuerit, restitutio ipsius faciendae sit, antequam cognoscatur super crimine. Textus est in c. Item cum quis. 6. h. t. addita illa ratio: quia, qui nos spoliavit bonis nostris, praesumitur noster inimicus existere; atque ideo non admittitur ad criminaliter accusandum nos, priusquam spoliolum restituerit. Nam inimici accusare non possunt; c. Accusatores cum seqq. 3. q. 5.

Intelligi, dummodo non opponatur talis criminis exceptio, quae personam spoliati reddat inhabilem ad agendum; ut est excommunicatio, can. Conspiratores cum seqq. 3. q. 4. et c. Intelleximus. 7. de Judicis, cum similibus. Nam tunc agere non potest, neque intentare Interdictum Unde vi, donec fuerit absolutus. Glossa in c. Dilectus. 26. §. Ex-

communicationis. et Felious *ibid.* n. 11. *de Rescriptis.* Abbas d.c. *Item cum quis.* n. 9. h. t. Pirhing. *cod.* n. 77. Menochius *de Recuperand. possess. Remedio.* n. 350. citans plures alios.

52 Hoc ipsum quoque procedit in Bannitis, sive proscriptis, et in bonum missis: quia tales, cum in iudicio audiri non possint, imo jure occiduntur, non restituantur ante omnia, si spoliuntur. Glossa c. *In litteris.* §. *Praedo* et Baldus *ibid.* n. 3. addita illa ratione: quia, qui potest offendi in persona, multo magis in bonis. Abbas *cit.* n. 9. Menochius, *ubi supra*, n. 351. citans alios. Et merito, quia talis petitio restitutionis adversaretur Juri publico, ac proinde non est concedenda.

53 Idem intellige, dummodo non opponatur tale crimen, ex cuius commissione quis ipso jure privatus existit tam re, quam possessione ejus. Quia si ipso jure privatus fuisset et re, et possessione ejus, non diceretur possidere; sicque frustra ab eo intentaretur Interdictum *Unde vi*: nam ad hoc non sufficit probare spoliacionem, nisi probet quis etiam, quod antea possiderit. Glossa c. *Ex parte.* 14. §. *Commodo.* h. t. Abbas *loc. cit.* Menochius, *ubi supra* n. 350. citans alios. Et hoc exemplificari solet in Laico petente restitutionem Decimarum: siquidem Laici Decimas Ecclesiasticas possidere non possunt, c. *Causam.* 7. *de Praescription.* Item in illo, qui repetit Beneficium Ecclesiasticum, quo asserit se spoliatum; et contra ipsum vicissim excipitur, quod non sit Clericus, nec prima Tonsura initiatus. Item in eo, cui opponitur crimen Haeresis, vel laesae Majestatis: nam ob haec crimina ipso jure quis privatus existit omnibus bonis suis. Verum tamen, cum in his duobus ultimis casibus, et aliis hujusmodi, requiratur sententia declaratoria Judicis super crimine commisso, c. *Cum secundum de Haeretic.* in 6. dura videtur haec exemplificatio, ut inquit Menochius *loc. cit.* n. 351. nisi intelligatur supposita dicta sententia declaratoria Judicis.

54 Additur notanter n. 50. *Et si istud rite probatum fuerit etc.* Quia, ut spoliatus ante omnia sit restituendus, tunc is, dum petit restitui, tenetur rite antea probare spolium: ad hoc autem, requiritur, ut duo copulative probet, scilicet se possedisse, et se spoliatum fuisse: prout desumitur ex c. *Consultationibus.* 10. *de Offic. Delegat.* juxta Glossa, §. *Possessionem et dejectionem.* Accedit textus in *L. 1. §. Interdictum autem.* ff. *de Vi et vi armat.* ibi; *Interdictum autem hoc nulli competit, nisi ei, qui tunc, cum deiceretur, possidebat.* Idem tenet alia Glossa in c. *Ultim causam.* 12. §. *Restitutionem.* h. t. istud colligens ex textu ibidem. Covarruv. *part.* 2. c. *Possessor.* §. 1. n. 4. *de Reg. Jur.* in 6. Fachinus *lib.* 8. *Controvers. Jkr. cap.* 9. *vers. Altera est,* allegans alios. Atque nunc procedit, quando spoliatus agit ad recuperandam possessionem ex Interdicto *Unde vi*; de quo jam dictum est supra §. 1. n. 7. et seqq. atque loquitur allegatus textus ex §. *Interdictum autem*, uti patet ex Rubrica. Quod, si vero spoliatus agat ad recuperandam possessionem, sive restitutionem rei spoliatae, ex Remedio *can. Redintegranda.* 3. *quaest.* 1. (quod est plenissimum, et caeteris utile, ac declaratur *super num.* 31. et seqq.) tunc sufficit, ut Actor probet suam priorem possessionem, et novam alterius, seu Rei conventi praetensam possessionem. Ita Innocentius in c. *Saepe.* nu. 2. h. t. Abbas c. *Cum ad sedem.* nu. 28. *cod.* Menochius *de recuperand. possess. Remed.* 15. *quaest.* 31. n. 383. et seqq. Mascardus *Concl.* 1248. n. 1. et seqq. allegans plurimos alios, qui testantur de communi. Unde Innocentius, Abbas, *ubi supra*, et alii inferunt, quod, si quis possidebat rem,

bonae fide, et alius postea ejusdem rei possessionem acquirat bona etiam fide, nisi constiterit priorem possessorem juste possessionem suam amisisse, fieri debeat restitutio possessionis, etiam non probata alia spoliacione, l. si Coloni. C. *de Agricol. et censib. lib.* 1. 1. et *Auth. de Mandatis Princip.* §. *sed etiam Collat.* 3. et *can. Redintegranda.* 3. q. 1. Ratio hujus est: quia probata justa antiquiori possessione, nova praesumitur clandestina et vitiosa, nisi probetur, hanc ex justa causa fuisse acquiratam: cum duo insimul eandem rem, et eodem modo, possidere non possint. c. *Licet causam.* 9. §. *Ex praemissis.* *de Probation.* cum similibus.

Quaeritur II. Contra quos procedat allata Regula de restitutione spoliatorum? Resp. I. Regula illa, *Spoliatus quia omnia est restituendus*, procedit non solum, quando quis fuit spoliatus a privato, ut est certum, atque extra omnem controversiam: sed etiam, quando quis est spoliatus a suo Praelato, vel Judice extrajudicialiter, sive non servato Juris ordine praecedente. Ita habetur decisum in c. *Conquerente.* 7. h. t. ac notant Doctores ibidem. Siquidem Judex extrajudicialiter, atque praetermisso Juris ordine procedens, reputatur ut persona privata, ac proinde non praesumitur pro eo: haud obstante, quod si judicialiter procedat, propter auctoritatem judicariam praesumantur omnia legitime gesta, donec contrarium probetur, c. *In praesentia.* 6. *de Renunciat.* et c. *Sicut.* 16. *de Sentent. et re judicat.* cum similibus.

Atque occasione *clt. c. Conquerente.* h. t. est notandum, quod spoliatus petens per restitutionem Beneficii Ecclesiastici (idem servata proportionem dicendum de aliis) non teneatur iustificare praehabitam possessionem, allegato justo ejus titulo, nec alio modo: sed sufficit probare possessionem et secutam ejus spoliacionem, sive privationem; prout notat Abbas in *clt. c. Conquerente* num. 4. h. t. argumento optimo inde desumpto. Nam cum Clericus quidam conquestus fuisset coram Alexandro Papa III. quod Archiepiscopus Cantuariensis ipsum suae Ecclesiae, sine judicio (sive Juris ordine praetermisso) spoliasset: Pontifex de hoc duntaxat inquirendum censuit (uti liquet ex illis subjunctis verbis, *Si ita est*) atque veritate hac deprehensa illico mandavit, ut Archiepiscopus ille dicto Clerico praehabitam Ecclesiam una cum redditibus inde perceptis restitueret: et restitutione jam facta, tum demum concessit eundem Archiepiscopo, ut si quid super dicta Ecclesia proponere vellet, id ordine judiciario coram Delegato Papae possit experiri. Concordat celebre *clt. In litteris* 5. h. t. ubi petenti restitutionem Ecclesiae suae, et ejus possessione sive violenter ejectum fuisse conqueritur, non potest referri seu opponi questio proprietatis, sive institutionis non Canonicae, donec probata jam violenta ejectione, prius fuerit facta ejus restitutio. Glossa in *Causa*, et Doctores ibidem: Quia (inquit Pontifex) *praedo etiam est secundum rigorem juris restituendus.* Ex quibus verbis liquet, quod proxime dicta non solum habeant locum in Beneficiis Ecclesiasticis, sed etiam in aliis casibus factae spoliacionis: nam ratio allegata a Pontifice, est generalis.

Resp. II. Usque adeo verum est, Spoliatum ante omnia esse restituendum, quod spoliatus, utpote iniustus causa spoli specialiter privilegiata, etiam restituitur contra Minores et Pupillos: ita tamen: ut hi et culpa Tutorum vel Curatorum suorum, a quibus invasio facta est, nullum damnum sustinere cogantur; sed iati sint eis condemnandi ad omne damnum, si quod idcirco incurrerunt, reparandum, atque insuper aliis legitimis poenis.

55

56

57



plectendi. Patet hoc ex *L. Meminerint. C. Unde vi. et DD. ibidem.*

58. Insuper privilegium istud competens spoliato, ut ante omnia, seu non audiat quaestione super proprietate spoliandi, procedit etiam, si per Laicum spoliatum agatur contra Ecclesiam spoliantem. Abbas in *cap. 1. n. 4. h. t.* et concordant Jura proxime allegata.

59. Quaeritur III. Utrum regula illa, *Spoliatus ante omnia est restituendus*, etiam suffragetur praedoni, si spoliatur rebus a se vi possessis? Resp. I. Regula ista etiam suffragatur praedoni spoliato. Ita textus expressus, *c. In litteris. 5. h. t. ibi: quia praedo etiam est secundum rigorem juris restituendus.* Concordat alius textus in *L. 1. §. Qui a me ff. de Vi et vi armat.* ubi dicitur: *Quia a me vi possidebat, si ab alio vi deji- ciatur, habet hoc Interdictum.* Siquidem etiam praedonis interest, ne ab alio spoliatur; cum teneatur domino rem vi ablatam una cum omnibus fructibus restituere, eique satisfacere.

60. Nec obstat, quod praedo rem illicite, et cum peccato detineat. Resp. enim, cum quidem illicite detinere rem respectu veri domini, non autem respectu tertii spoliatoris: unde respectu hujus, ut vero domino satisfacere valeat, potest agere Interdicto *Unde vi*, quod est personale: eo locum habet illud vulgatum *L. ult. ff. de Acquir. possess.* ubi dicitur: *Adversus extraneos vitiosa possessio prodesse solet.* Et notanter additur *ly, Adversus extraneos*, propter dicenda in progressu: unde

61. Resp. II. Nihilominus, quando praedo concurrat cum Domino proprietario, et uterque petit ab aliquo tertio, qui praedonem spoliaverat, rem ablatam sibi restitui, probata veritate, seu rei proprietate, praefertur Dominus. Ita Barbosa *c. In litteris. num. 8. h. t.* post Sordum *Consil. 166. num. 12.* et alios. Siquidem proprietas veluti dignior trahit ad se possessionem, et huic praevalet in executione. *c. Cum dilectus. 6. juncta Glossa & Prae- valere de Causa possess.* Concordat textus notabilis in *L. Bona fides. §. Incurrit. ff. Depositum*: ubi loquendo de casu, quo latro spolia sua mihi ablata deposuit apud alium, v. g. Titium, inscium de malitia deponentis, et ego veniam ad ea petenda; decisum legitur, quod ille mihi sint reddenda, non latroni deponenti. Nam (subdit Juris Consultus) *hanc probo esse justitiam, quae suum cuique ita tribuit, ut non distrahatur ab ullius personae justiore petitione*: id est: Nullus est alius, qui justiore habet petitionem, quam dominus, qui pro merito praefertur, ut explicat Glossa *ibid.* & *Ut non distrahatur.*

62. Resp. III. Insuper si praedo, sive injustus spoliator sit notorius (seu ubi constat de injusta despoliatione per ipsum facta) atque is ex intervallo rursus spoliatur per verum dominum re sibi prius ablata, non est restituendus ejusmodi notorius praedo contra spoliatorem dominum. Ita Glossa *c. Ad decimas. & Praesumuntur h. t. in 6.* Abbas *c. In litteris. num. 9. et 10. h. t.* dicent, quod praedoni, etiam notorio, sit concedenda restitutio spoli, si non concurrat cum domino: secus si constaret eum esse praedonem, ac peteret restitutionem contra dominum; quia obviaret defectus proprietatis notorius. Pirhing *h. t. num. 24.* ubi istud refutavit in ipsam naturalem aequitatem, cui consentaneum est, ut melior sit conditio innocentis, quam nocentis, Zoësius *h. t. num. 13.* Menochius *cit. Remed. 1. de Recuperand. possess. n. 13. et seqq.* citans communem tam Canonistarum, quam Legistarum. Ratio fundamentalis desumitur ex *c. Cum dilectus 6. de causa possess.* ubi decisum habetur, quod si constet de causa, seu jure proprietatis, ipsa in

executione praevalere debeat causae possessionis. Atqui, ubi praedo est notorius, qui de quo fuit spoliatus a vero domino, constat de jure proprietatis, utpote domino competentis; ergo haec in executione debet praevalere; atque praedo non restitui. Concordant dicenda inferius §. seq. num. 76. et seqq.

Nec obstant Jura num. 59. allegata. Nam ea partim loquantur de praedone restituendo contra extraneum, qui ipsum spoliavit: partim procedunt in eam, quando non est notorium, quod alter sit dominus, vel quasi dominus rei; aut quod fuerit spoliatus ab eo, qui quidem a parte rei praedo est, talis tamen nondum apparet. Siquidem pro foro externo paria sunt, quod quis praedo non sit, vel quod sit praedo, non tamen talis esse appareat: unde meritis hujusmodi praedo adversus dominum restituendus est, donec ipse et habitam possessionem, et illam sibi per alteram spoliationem probaverit: prout hoc ipsum accidit in aliis casibus. Secus dicendum de notorio praedone concurrente cum vero domino, quem constat esse dominum: nam tunc praevalet in executione proprietas probata; atque praedo per dominum spoliatus si petierit adversus ipsum dominum restitui, recte removeatur exceptione proprietatis huius notorie competentis.

Quod si objicias. In executionem spoliationis atque odium, Jure tantum est in *L. Si quis in tantam. C. Unde vi*, ut dominus propria auctoritate violenter invadens possessionem rei suae apud alium constitutae, non solum teneatur ipsam restituere; verum etiam dominium ejus amittat; ergo non videtur, quod dominus praedonem spolians, possit contra ipsum, uti exceptione proprietatis, sive dominii sibi competentis, cum in poenam factae spoliationis istud amittere meruerit. Resp. primo, hanc poenam amissionis dominii non incurrit ipso jure, sed primum post sententiam Judicis: ut notat Glossa in *cit. L. Si quis in tantam. & Amittat. ff. eodem.* Unde quod dispositio, et poena dictae Legis, locum non habeat, nisi postquam a Judice declaratum fuit, spoliatorem in eam incidisse, recte docet Menochius *cit. Remed. 1. numer. 238.* et Mascardus *de Probationib. Concl. 1333. numer. 14.* cum aliis, estque jam dictum supra §. praedonem numer. 38.

Deinde, et magis ad propositum, respondetur cum eodem Menochio *loc. cit. nu. 121. et 128.* dictam Legem, *Si quis in tantam*, non procedere in notorio praedone; cum de hoc specialem mentionem non faciat, et alias Jure permissum sit domino, adversus manifestum praedonem jus sibi dicere: prout tradit Decius in *L. Qui jurisdictioni. n. 11. ff. de jurisdiction. omn. judic.* ac favet textus in *c. Proposita. 24. de Appellat.* ubi pro crimine gravi, et notorio, dicitur quis ipso actu merito esse damnandus. Accedit Glossa in *cap. 1. §. Rigor. de Dolo et contum.* dicent, quod rigor ille Juris Civilis, de quo in *d. l. Si quis in tantam. C. Unde vi.* secundum Canones non sit servandus in Ecclesiasticis personis, et negotiis, per textum ibidem cum concordantiis; licet in causis privatorum servetur.

Tandem ad eandem instantiam responderi potest cum Glossa in *c. Pastoralis. 5. & Intentaro. de Causa possess.* quam approbat Abbas *ibid. numer. 23.* negando sequelam. Siquidem, quod violentiam inferens super re sua, privetur dominio ipsius, id non provenit ex natura Interdicti *Unde vi* (nam virtute hujus non privatur quis dominio, sed compellitur solum restituere rem cum fructibus) sed illud oritur ex con-

situtione citatae Legis poenalis, *Si quis in tantam*. Ac proinde, si spoliatus velit sibi adjudicari proprietatem rei; oportet, ut agat Condictione ex *L. Si quis in tantam*. C. Unde vi: etenim per Interdictum Unde vi, de quo loquitur data Conclusio, hoc non consequeretur, sed possessionem duntaxat rei cum fructibus. Et hanc ultimam Glossae responsionem addere libuit pro meliori illius Legis intelligentia: nam ad nostrum casum magis deservit prima, et secunda. Verum occasione praemissorum,

67 Queritur IV. Utrum spoliatus possit spoliatorem, puta praedonem, vi repellere, aut rursus eundem spoliare? Resp. I. Si quis spoliatur, seu vi per alium, puta praedonem, deiciatur a possessione sua, licite poterit invasorem vi repellere; et si jam spoliatus fuerit, rursus eundem spoliare: dummodo hoc faciat in continenti, sive confestim, non autem ex intervallo. Ita communis: atque habetur expressum *L. 3. §. Cum igitur. ff. de Vi et vi armat.* Ratio Conclusionis, atque disparitatis inter utramque ejus partem, est: quia vim vi repellere, ac violentum invasorem deicere in continenti sive spoliū eidem illico eripere, spectat ad licitam rerum suarum defensionem, atque ipso Jure naturali permissum, c. *Significasti. 18. de Homicid. volunt. et L. 1. §. Vim vi. ff. de Vi et vi armat.* Econtra vero dejectio violenta facta ex intervallo, potius censenda est vendictio, quam justa rerum defensio; ac proinde non est permissa, nisi interveniente auctoritate Judicis.

68 Caeterum in continenti, sive confestim, censetur ille vim vi repellere, qui hoc facit, antequam ad alia extranea negotia divertat, *L. Continuus. ff. de Verb. signif. ac notat Glossa in d. L. 3. §. In continenti. ff. de Vi et vi armat.* Quae Glossa hoc ipsum notabiliter extendit ad eum casum, quo quis in via spoliatus venit in Civitatem, rogat amicos pro auxilio, et in hoc laborat per biduum vel triduum, ac regressus cum amicis iterum expellit praedonem: quia talis (inquit) interim retinuit possessionem civilem, eam spe recuperandi naturalem. Neque ipsi ob stare potest, quod biduo, vel plus moratus fuerit in Civitate: quia sic erat opus pro tali negotio; ac proinde occupatus circa hoc, non censetur divertisse ad extranea. Concordat Glossa *fn. in c. Significasti. 18. de Homicid.* et Hostiensis, ac Abbas in *c. Olim causam. nu. 10. h. t. Gailus lib. 1. de Pace publica, cap. 16. n. 12. Menochius de Arbitrar. possess. Remed. 1. n. 385.* citans plurimos alios. Quia imo plerique horum addunt, *ly in continenti*, intelligendum esse pro *ly, quamprimum fieri potest*, nempe collectis amicis et defensoribus, et non divertendo ad alia negotia: atque istud tandem Judicis arbitrio pro rerum et personarum, ipsiusque, dejectionis, et rei invasive qualitate dijudicandum, ac determinandum relinquunt.

69 Resp. II. Quod si vero dominus re sua spoliatus, primum ex intervallo praedonem deiciat, potest is a praedone (dummodo hic non sit notorius, ob dicta n. 62.) postea conveniri Interdicto Unde vi. Ita communis: et patet ex *L. Colonus. et L. Cum fundum. ff. de Vi et vi armat.* Nam ultimum spoliū est purgandum. Menochius *de Recuperand. possess. Remed. 1. n. 128.* Atqui ultimum spoliū, in proposito est spoliū domini contra praedonem ex intervallo spoliatum: ergo.

70 Interim tamen facta praedoni restitutione, postmodum praedo simili Interdicto obstructus erit domino, vel priori possessori: dummodo hic probare possit, ac probet tam possessionem, quam dejectionem suam, *cit. L. Colonus, et L. Cum fundum. ff. eod.*

## §. IV.

De nonnullis casibus, in quibus non fit Restitutio Spoliatorum ante omnia,

## SUMMARIUM.

- 71 Regula illa, Spoliatus ante omnia restituendus, fallit in nonnullis casibus.
- 72 Ut si spoliatus in hoc consentiat.
- 73 Sive dein expresse, sive tacite consenserit.
- 74 Et tunc non potest Juxta ex officio supplere restitutionem.
- 75 Nisi caeteroquin imminet periculum animarum.
- 76 77 et 78 Ob notorium defectum proprietatis spoliatus non restituitur; et qualiter hoc intelligendum? Et num. seqq.
- 79 Notorium, quibus modis aliquid fiat?
- 80 Restitutio spoliati non habet locum ob resistantiam Juris communis contra spoliatum, nisi doceat de titulo. Et num. seqq.
- 81 Et alioquin praesumitur usurpando possessionem invasisse.
- 82 In judicio recuperandae possessionis non requiritur exacta probatio tituli.
- 83 Si Jus commune resistat quidem spoliato, non autem faveat spoliatori, tunc admittenda est ejus restitutio.
- 84 Et hoc procedit non solum in causis spiritualibus, sed etiam temporalibus.
- 85 Limitatur tamen in causis Beneficialibus; et cur?
- 86 In Beneficialibus praestanda restitutio debet titulus colorari, non in profanis. Et num. praec.
- 87 Quando ex restitutione spoliati imminet periculum animae, tunc ea non est facienda.
- 88 Dummodo probationes ejus offerantur in continenti paratae: alias secus. Et num. seqq.
- 89 Quid agendum mulieri recedendi a viro suo ob impedimentum dirimens matrimonii, si per Judicem Ecclesiasticum eidem restituatur quoad thorum?
- 90 Probationes, quando censeantur inequenti offerri paratae?
- 91 Etiam non est facienda restitutio spoliati, quando exinde imminet publicum scandalum.
- 92 Aut damnum irreparabile.
- 93 Nec tunc, quando quis ante suam spoliationem sponte renunciavit dominio rei.
- 94 Et quae hujus ratio?
- 95 Solvuntur contraria, et concordantur jura.
- 96 Quid, si quis gravi metu coactus renunciet dominio rei ante spoliationem?
- 97 Aut post spoliationem omnino sponte?
- 98 Spoliatus non restituitur, quando post spoliationem inivit pactum cum spoliatore, quod nolit agere Possessorio recuperandae.
- 99 Non valet tale pactum ante spoliationem initum, bene tamen post; et cur?
- 100 Neque restituitur spoliatus, qui post spoliationem sponte juravit, non agere Possessorio recuperandae.
- 101 Solvitur instantia.
- 102 Regula illa, Spoliatus ante omnia restituendus est, fallit ob exceptionem excommunicationis, vel alterius criminis etc. Et numer. 51. ac seqq.
- 103 Dantur aliae fallentiae dictae Regulae. Remissive.

Certum est, ac passim fatentur Doctores, quod sicut in aliis materiis nulla solet esse Regula sine exceptione; ita etiam Regula illa, Spoliatus ante omnia est restituendus, fallat in non-

nullis casibus, seu quaedam patiatur exceptiones, quas et *Fallentias* appellant: prout habetur in *c. Litteras. §. Secunda h. t. ibi: Cum etiam in multis casibus restitutio differatur secundum Canonicas Sanctiones. Unde*

72 Quæritur I. An, et qualiter ob consensum Spoliati non fiat restitutio spoli ante omnia? Resp. I. Certum est, quod si consentiat spoliatus, non sit necesse, ut restituatur ante omnia: sed eodem consentiente possit Spoliator in iudicio audiri super proprietate rei sibi competente. Textus est in *cap. 1. h. t. ubi Glossa, et DD. communiter. Siquidem potest spoliatus privilegio, ut ante omnia restituatur, sponte renunciare: cum privilegium istud in favorem Spoliati concessum fuerit, et quilibet iuri suo renunciare valeat, c. Si diligenti. 12. de Foro compet. Accedit, quod exceptio factæ spoliationis, impediens cognosci super proprietate ante factam spoli restitutionem, sit exceptio dilatoria: atque exceptioni dilatoriae potest renunciari, c. Inter Monasterium. 20. de Sentent. et re judic.*

73 Resp. II. Præmissa Conclusio procedit, etiamsi spoliatus non expresse, sed tantum tacite consenserit, permittendo videlicet spoliatorem probare jus proprietatis ante factam spoli restitutionem, et non declamando: hoc ipso enim, quod non reclamet, seu non excipiat, nec replicet contra spoliatorem Reum opponentem dominium, neque a Iudice volente cognoscere super dominio appellet, subeundo huiusmodi iudicium censetur tacite in istud consentire. Ita desumitur ex cit. *c. Inter Monasterium. 20. de Sent. et re judicat.* ac notat Menochius in *Remod. 1. de Recuperand. possess. n. 163. Sperellus Decis. 100. Fori Ecclesiast. n. 12. et 13.* asserens, quod agens Remedio recuperandae teneatur excipere, et instantes protestari de non cumulando petitorium cum possessorio: alioquin spoliatus, non sit ante omnia restituendus. Mascardus *Conclus. 1332. de Probationib. num. 7.* post Bartolum in *l. Si quis ad se fundum. n. 2. C. Ad Legem Julian. de vi public.* et alios. Ratio est: quia actio non excluditur, neque impeditur, nisi exceptio expressa opponatur, *arg. c. Pastoralis §. de Exception. et d. c. Inter Monasterium. de Sent. et re judicat.* Ergo etiam in proposito non impeditur actio spoliatoris, volentis probare proprietatem rei spolio sublatae ad se pertinere, nisi spoliatus expresse exceptionem factæ spoliationis opponat.

74 Resp. III. Insuper stante tali consensu Spoliati, sive expresse, sive tacito, non potest Iudex ex officio supplere, ut ante omnia spoliatum restituat. Ita Menochius *loc. cit. n. 873. Mascard. d. Conclus. 1332. n. 15. et alii.* Nam Iudex regulariter non interponit suum officium, nisi petatur, *arg. c. Innotuit. 20. §. fin. de Election. et l. 4. §. Hoc autem iudicium. ff. de Damno infecto, cum similibus, ac proinde tunc solum ante omnia restitui debet spoliatus, quando petit, non autem ex mero officio Iudicis: prout ulterius desumitur ex *cap. 1. et c. In litteris. §. et c. Item cum quis. 6. h. tit.**

75 Hoc tamen intellige, dummodo non imminet periculum animarum, si restitutio non fiat. Nam stante tali periculo potest Iudex facere restitutionem etiam non petent, ut evitetur periculum peccati, *arg. c. Ex parte Abbatis. 9. et c. Ex parte tua. 14. de Convers. conjugat. in quorum priore loco conjugatus, faciens professionem Religionis uxore consentiente, et post huius mortem ducens aliam, jubetur hac dimissa redire ad Monasterium; in altero vero casu reverti ad conjugem, si post propositum servandæ castitatis nolit Religionem ingredi, sed solum in domo propria remanere: quia videlicet in utro-*

REIFFENSTUEL Jus Can. Tom. II.

quo casu imminet periculum animarum, cum neutrum de jure fieri possit. Abbas *cap. 1. n. 3. h. t. Pirhing eod. n. 26. et alii, quos citat, atque innuit Glossa in can. Quia praesulatus. 1. q. 4. §. Ablata, loquens de Presbytero, qui sine propria culpa fuit excommunicatus, suaeque Ecclesiae privatus: siquo restitui debebat, cum haec alius sine periculo animae ante retinere non potuisset.*

76 Quæritur II. Utrum spoliatur ante omnia sit restituendus, non obstante notorio defectu proprietatis ex parte ipsius? Resp. Stante notorio defectu proprietatis ex parte Spoliati, tunc is non est restituendus ante omnia: dummodo simul constet, proprietatem seu dominium spoli spectare ad spoliatorem: et puta, si ex Actis iudicii, aut per propriam spoliati confessionem, vel huiusmodi, liquido constet, quod proprietatem rei spolio ablatae non pertinet ad ipsum spoliatum, sed ad spoliatorem. Ita Abbas in *cap. 1. num. 3. h. t. post Innocentium in c. Constitutus. de Filiis Presbyt. Mascardus de Probationibus. Conclus. 1333. num. 1. et seqq. Menochius de Recuperand. possess. Remed. 1. num. 215. et 216. citans Rotam in novis Decisionibus tit. de Restitut. spoliat. Decis. 16. 17. et 19. et alii. Notanter tamen additur in Conclusionibus, dummodo simul constet, proprietatem rei spectare ad spoliatorem: ob dicta superius num. 59. ubi etiam praedo restituitur contra extraneum.*

77 Ratio Conclusionis sic declaratae, est illa. Quia, quando notorie constat de dominio spoliatoris, et quod proprietatem rei spolio ablatae pertinet ad ipsum, non vero ad spoliatum nunc agentem Interdicto Recuperandae, frustra hic mitteretur in possessionem rei illius: utpote quam statim restituere cogeretur spoliatori, tanquam vero ac manifeste domino. Accedit, quod ejusmodi spoliatus ob talem notorium defectum proprietatis, veluti dolus, jure repellatur: nam dolo facit, qui petit, quod restituere oportet eundem, ut loquitur *Reg. 59. Juris in 6. cum concordantiis.* Atque hinc, quod praedo notorius non sit restituendus adversus dominum rei spolio ablatae, jam supra §. praeced. num. 62. dictum fuit.

78 Insuper, quando de proprietate spoliatoris plene liquet (nil constare de ea, supponitur in casu notorietatis jam memoratae) clarum est, quod proprietatem tanquam dignior trahat ad se possessionem, *l. Bona fides. ff. Depositum.* Ubi huius ratio refunditur in Jus naturale, seu in iustitiam, quae suum cuique ita tribuit, ut non distrahatur ob ullius personae iustiore petitione. Unde in simili, quando super possessione ac proprietate simul agitur, et ita processum est, ut liquet de utraque: quamvis in pronuntiatione sententiae primo praemittenda sit possessio, nihilo minus in executione debet praevaleare proprietatem, c. Cum dilectus. 6. et c. Cum Ecclesia. 3. §. An. de Causa possess. cum similibus, estque amplius dictum *Tit. praec. §. 10. num. 296.*

79 Additur notanter num. 76. exempli gratia, ut puta; si ex Actis iudicii etc. Nam dicta fallentia procedit, sive de spoliatoris dominio constet ex Actis iudicii, v. g. per sententiam jam semel pro ipso latam in iudicio petitorio: siquidem Acta judicialia faciunt notorium, *cap. ult. de Cohabitat. Cleric.* Et quidquid in iudicio probatum est, dicitur notorium, *arg. c. Cum olim. 24. de Verbor. signif.* ac notat Abbas *ibid. n. 3.* hoc ultimum intelligens de probatione in jure facta, postquam conclusum fuit in causa, quia tunc demum facit notorium. Menochius, *ubi supra, nu. 231.* citans alios. Sive de eodem spoliatoris dominio constet per confessionem ipsiusmet spoliati: quoniam confessio propria, est probatio probata,



et aliarum verior atque potentior, *l. Generaliter. C. de non numerat. pecun.* Menochius *loc. cit.* n. 217. Sive de tali spoliatoris dominio constet per publicum instrumentum: nam et instrumenta rem faciunt notoriam. *Rota in cit. Decis. 16. tit. de Restitut. spoliator. in novis.* Mascardus *d. Concl.* 333. n. 6. et 7. Menochius, *ubi supra*, num. 223. et seqq. id tamen intelligens, dummodo contra tale instrumentum nihil obijciatur: si enim quid opponeretur, res desinere- ret esse clara. Sive tandem de dicto spoliatoris dominio constet per testes, a spoliato jam admis- sos: quia per testes etiam res fit notoria, *l. ult. C. de Probationib.* simulque instrumenta, et tes- tes, pari modo procedunt, *l. In exercendis. C. de Fide instrument.* Abbas *in cap. 1. numer. 3. h. t.* Menochius *et loc. cit.* n. 226. et alii. Quamquam post- oppositam spoli exceptionem, testes super proprie- tate a spoliatore adducti amplius audiri non debeant, donec spoliatus restituatur: ac proinde notanter hic fuerit additum cum citato Abbate, *Per testes admis- sos etc.*

80. Quaeritur III. An restitutio spoliati locum ha- beat non obstante resistantia Juris communis contra ipsum? Resp. I. Superius allata regula, quod *Spo- liatus ante omnia sit restituendus*, fallit ulterius ob resistantiam Juris communis contra spoliatum, et assistentiam pro spoliatore: unde quando Jus com- mune favet spoliatori, et resistit spoliato, iste po- stulans restitui adversus eum, qui Jure comuni- juvatur, non auditur, neque ante omnia restituendus est, nisi prius docuerit de titulo. Ita Abbas *c. In litteris. num. 18. et 24. h. t.* Jo. Andreas *in c. Ad decimas. nu. 2. h. t. in 6.* et Glossa *ibid. in Addit.* et Barbosa *cit. c. Ad decimas. n. 2.* Pirhing *h. t. num. 42.* et alii. Idque clare desumitur ex *d. c. Ad decimas. 2. h. t. in 6.* ubi Ecclesia, quae petit restitutionem Decimarum, quas ait se infra Parochiam alterius possedisse, non auditur, neque restituitur, nisi prius probaverit, sese earum possessionem legiti- mo titulo assecutam fuisse. Accedit ratio ibidem allegata: quia, nisi talis docuerit de legitimo ti- tulo acquisitae possessionis, praesumitur injuste ejus- modi Decimas in aliena Parochia occupasse; cum manifestum sit (nisi aliud ostendatur) Decimas ad Ecclesiam propriae Parochiae pertinere, *cap. ult. de Parochiis*. Idem ergo dicendum de similibus casibus, ubi contra agentem judicio restitutorio mili- tat Jus commune, et juvat alterum, contra quem agitur.

81. Confirmatur id ipsum ex *can. Contra morem. dist. 100.* ubi dicitur, morem Ecclesiae universalis, et consequenter Juris communis esse observandum, nisi quis consuetudine generali, aut privilegio se- se munijum ostendere valeat: alioquin enim usur- passe se comprobatur, quod fecit. Hoc quippe ap- plicando ad propositum, ex quo manifestum est, quod Jus commune resistat spoliato, simulque assi- stat spoliatori, pariter constat de dominio spoliantis, et quod spoliatus non nisi usurpando ejus possessionem invaserit: nisi hic possit ostendere legitimum ti- tulum, vel saltem praesumptionem ejus, puta, ex pos- sessione longi temporis desumptam.

82. Et hoc ultimum notanter additur. Siquidem in dubio, et stante praesumptione tituli, favorabili- oris conditionis debet esse spoliatus, sicque ante om- nia restitui stat enim tunc in possessione Regula. Accedit, quod in judicio recuperandae possessionis non requiritur exacta probatio tituli, sed sufficit le- vis. Pirhing *h. t. n. 42. et 47.* Nam, ut inquit Mascar- dus *de Probat. Concl.* 329. n. 2. cum aliis, ut spoliatus possit agere ad petendam restitutionem, sufficit pro- batio summaria, sive ut coloretur possessio praehabi- ta: non enim tunc agitur ad reportandam sententiam,

diffinitivam, sed per modum cujusdam praeparamen- ti: cum contra restitutum postea agi possit judicio petitorio.

Dicitur notanter in Conclusionem, *Quando Jus com- mune favet spoliatori etc.* Nam si istud solum resi- stat spoliato, non autem assistat spoliatori, tunc (extra causas Beneficiales, juxta dicenda num. 85.) admittendam esse restitutionem non obstante illa Ju- ris communis resistantia, passim fatentur Doctores: ut Glossa *in cit. c. Ad decimas. 4. Eundem Cleri- cum. h. t. in 6.* Covarruvias *lib. 1. Var. Resolut. cap. 17. nu. 6. vers. Quamobrem sunt.* Barbosa *in d. c. Ad decimas. n. 6. h. t. in 6.* citans alios. Et merito: tum quia allegatum *c. Ad decimas*, expresse loquitur in casu, quo Jus commune resistit possessori spoliato, et vicissim assistit spoliatori, nisi spoliatus ostende- rit titulum: ergo ad hunc solum casum est restrin- gendum: nam regulae Juris, ut est praesens de Re- stitutione spoliatorum, sunt tenaces, ipsisque est in- haerendum, donec de fallentia doceatur. Menochius *loc. cit. num. 359.* post Bartolum *in L. 2. num. 1. ff. Si quis in jus vocatus etc.* et alios. Tum quia etiam praedo est restituendus adversus extraneum, *c. In lit- teris. h. t.* haud obstante, quod Jus naturale eidem resistat, quia videlicet istud illi extraneo non assistit.

Resp. II. Haecenus dicta locum habent non so- lum in Decimis, Beneficiis Ecclesiasticis, et cae- teris causis spiritualibus, sed etiam in temporalibus. Ita Barbosa *in cit. c. Ad decimas. n. 14. h. t. in 6.* asserens, ita tenere ferme omnes Doctores pri- oris sententiae: cum inter res spirituales; et tem- porales non distinguant, paucis exceptis. Accedit ratio: quia de causis quoque temporalibus militat rationes num. 80. et 81. allatae. Deinde, si non obstante Juris communis resistantia contra spolia- tum, illiusque assistentia pro spoliatore, adhuc ante omnia, seu ante ostensum a spoliato titulum, faci- enda foret ejus restitutio; aequae tam in tempora- libus, quam spiritualibus, urget periculum ani- mae, et praesumptio injustae possessionis, nam pos- sidentis aliquid contra Juris dispositionem, praesumi- tur malae fidei possessor, donec ostenderit titulum, *arg. cit. c. Ad decimas. h. t. in 6.* et notat Glossa *ibid. in casu.*

Atque hanc Conclusionem intellige, quando non solum resistantia Juris communis est contra spolia- tum, nullo titulo etiam colorato munitum (idem- que, si notorie constet de defectu proprietatis ex parte ipsius) sed insuper assistentia Juris commu- nis (vel notorietas proprietatis) stat pro spoliante. Alioquin enim, secluso hoc posteriori, datur mani- festa disparitas inter causas Beneficiales, et profanas: nam, ut spoliato denegetur restitutio ad Beneficium Ecclesiasticum, sufficit, quod notorium sit, nullum jus in Beneficio cuipiam spoliato competere, *arg. c. Quoniam. 10. et c. Constitutus. 8. de Filiis Presbyt.* ac notat Abbas *c. In litteris. 1. h. t.* cum aliis: alio- quin enim daretur ingressus vitiosus, et absque in- stitutione canonica, in Beneficium Ecclesiasticum, contra *Reg. 1. Juris in 6.* cum similibus. Unde, ne contra Clericum spoliatum praesumatur vitiosus in- gressus, oportet, ut ostendat legitimum titulum, sal- tem coloratum.

Econtra in aliis causis, praesertim profanis, ad re- stitutionem denegandam non sufficit notorius defe- ctus proprietatis (nam etiam praedo ad restituen- dum contra extraneum, ut dictum) sed ulterius re- quiritur, ut spoliatori Jus commune assistat, aut aliunde constet de proprietate spoli huius compe- tente. Abbas *loc. cit. n. 10.* Pirhing *h. t. n. 27.* et con- cordant dicta superius nu. 76. et seqq. Atque in hoc sensu videtur accipienda Decisio Rotae 20. *tit. de Rec-*

83

84

85

86

*stitut. spoliat. in antiq.* quam ei sit, et cum nonnullis aliis sequitur Mascardus *Concl.* 1329. num. 10. dicens, quod in Beneficialibus omnino debeat titulus colorari; in profanis vero non sit titulus colorandus, sed tunc spoliatus restitui debeat sine aliqua probatione. Hoc quippe recte asseritur, ubi praeter notorium defectum proprietatis, aut resistantiam Juris communis ex parte spoliati, non assistit spoliatori Jus commune, nec aliunde constat de proprietate spoliati competentis: alius secus, uti conveniunt hactenus dicta et probata.

87 Quæritur IV. Utrum restitutio spoliati sit facienda non obstante periculo animæ, scandalo, vel damno irreparabili? Resp. I. Quando imminet periculum animæ, si spoliatus restituitur, tunc non est facienda restitutio: dummodo probationes ejus offerantur in continenti paratas. Ita Abbas in c. *Litteras*. n. 5. et Barbosa *ibid.* n. 5. h. t. Menochius *Remed.* 1. de *Recuperand. possess.* num. 115. et n. 148. Pirhing h. t. n. 27. Eugel *cod.* nu. 5. et alii. Desumitur hoc ex cit. c. *Litteras*. 13. h. t. ubi marito repetenti conjugem, quam propria auctoritate ab ipso discesserat, postmodum præmisso juramento de malitia, et oblati probationibus in continenti paratis, opponebat impedimentum dirimens matrimonii; restituitur conjux quoad cohabitationem tantum (cohabitare enim licite poterat) non autem quoad thorum, donec cognoscatur super ejusmodi impedimento dirimente. Nam scilicet veritate hujus exceptionis, pro qua simul offerebantur probationes in continenti paratas, mulier quoad thorum restitui non poterat absque detrimento animæ: cum cognito dicto impedimento dirimente, atque nullitate matrimonii, sine offensa Dei, et peccato mortali, debitum viro reddere nequivisset.

88 Additur notanter in data Conclusionem, dummodo probationes ejus offerantur in continenti paratas. Alias enim secus foret dicendum; prout notat Abbas cit. n. 5. atque probat textus in d. c. *Litteras*. h. t. Ibi siquidem §. *penult.* expresse subjungitur, quod si mulier non habeat probationes in continenti paratas ad probandum impedimentum dirimens matrimonii; ipsa plenarie, atque etiam quoad thorum, viro suo sit restituenda, donec probationes offerat præparatas. Præsumitur enim mala fides contra ipsam, eo quod propria temeritate, et absque judicio Ecclesiae, a viro suo recesserit.

89 Nec obstat, quod talis sententia Judicis Ecclesiastici, seu restitutio illius mulieris quoad thorum viro suo facta, videatur mulierem illam conjungere in manifestum periculum animæ, seu peccati fornicationis. Nam quia Ecclesiae non constat, neque tam facile constare potest per probationes, ut pote diutius protrahendas, de allegato impedimento dirimente; quin etiam contra mulierem stet præsumptio, quod forsitan in fraudem istud confingat contra Jus matrimonii: hinc stante tali casu locus esse debet regulæ generali, quod spoliatus ante omnia sit restituendus. Neque ideo mulier illa cogitur peccare: quia aut non certo constat sibi de allegato impedimento (forte, quia illud in fraudem confuxit, vel saltem de eo dubitat, et sic deponat suam fraudem, vel conscientiam dubiam), aut de dicto impedimento dirimente matrimonii certo ipsi constat, et tunc debet viro potenti negare consortium thori, haud obstante sententia Judicis, atque censura Ecclesiastica (hanc enim humiliter tolerare debet, donec probaverit impedimentum, prout ibidem subjungit Pontifex) imo etiam non obstante periculo mortis: cum potius sit moriendum, quam fornicandum. Verum occasione prædictorum,

Petes. Quandoque censentur probationes in continenti offerri paratas? Resp. Tunc dicuntur probationes in continenti offerri paratas, quando non petuntur dilationes magnæ, sed offeruntur faciendæ intra aliquod breve tempus, arbitrio Judicis taxandum. Ita Abbas in cit. c. *Litteras*. n. 6. et Barbosa *ibid.* num. 6. h. t. Menochius lib. 2. de *Arbitrar. Judic.* Casu 12. n. 4. citans alios. Idque merito: nam in mora modici temporis non est periculum, l. *Si debitori*. ff. de *Judiciis*.

90 Resp. II. Fallit etiam allata superius regula propter scandalum: nam restitutio spoliati non est facienda ante omnia, si exinde imminet publicum scandalum, arg. can. *In primis*. 2. q. 1. ac notat Glossa *ib.* §. *In primis*. et alia Glossa c. *Ad petitionem*. §. *Et si restituendus de Accusat.* Menochius cit. *Remed.* 1. de *Recuperand. possess.* num. 319. citans Rotam *Decis.* 12. tit. de *Restitut. spoliat. in noviss.* et plurimos alios. Siquidem propter scandalum quandoque aliquid omittitur, quod de jure foret faciendum, can. *Aliquantas dist.* 51. Sicut et multa alia solent concedi, ut evitentur scandala: nam potest Juxta partes cogere ad concordiam, seu transactionem inveniendam, ut evitetur scandalum, ac perturbatio Reipublicæ: item potest Juxta sub sequestro retinere possessionem, quando alias ob contentionem partium oritur scandalum, et quies publica interturbaretur: de quibus alibi. Idque eo magis in proposito locum habet, quia modicum præjudicium inferitur spoliato, dum ipsi ad evitandum publicum scandalum non statim possessio ablata restituitur: hanc enim in petitorio vel illico erit recuperaturus, vel alioquin amissurus.

91 Resp. III. Fallit ulterius dicta regula propter damnum irreparabile, quod facta ante omnia restitutione spoliati secuturum foret. Ita Menochius cit. *Remed.* 1. numer. 308. et seqq. allegans communem aliorum. Idque clare desumitur ex c. *Litteras*. 13. §. *fn. h. t.* ubi ob magnam viri sævitiam, qui per sufficientem cautionem præcaveri nequit, dicitur, mulierem trepidantem non esse restituendam, etiam in eo casu, in quo ceteroquin restituenda foret: nam sævitia talis viri afferret uxori restitutione damnum irreparabile, puta, si ab ipso graviter percuteretur, mutilaretur vel interficeretur.

92 Quæritur V. An propter renunciationem domini, censet restitutio spoliati? Resp. I. Regula de restitutione spoliati ante omnia facienda, fallit ulterius, et patitur limitationem, quando spoliatus ante factam suam spoliationem sponte renunciavit dominio rei per spoliū ablatae. Ita Abbas in c. *Accepta*. num. 4. et Barbosa *ibid.* num. 1. et seqq. h. t. Menochius, *ubi supra*, n. 297. post Rotam *Decis.* 7. et 16. de *Restitut. spoliat.* et alios. Atque hoc aperte colligitur ex c. *Accepta*. 3. h. t. ubi petens restitutionem Beneficii Ecclesiastici (idemque a pari, servata tamen proportione, dicendum de aliis rebus) non auditur, licet probet spoliationem, quando probatur, eum nullo metu aut vi coactum, sed spontaneè, prius illud Beneficium coram legitimo Superiore resignasse.

93 Accedit ratio: quia per spontaneam renunciationem remisit Resignans omne Jus suum, non solum quoad proprietatem (hinc enim resignans cedit) sed etiam quoad possessionem, l. *Si quis vi*. §. *Differentia*. ff. de *Acquir. possess.* Unde amplius non potest prætereundum spoliationem, ob defectum possessionis; neque, si inde quoquo modo dejectus fuerit, restituitur: cum facto proprio, sive ex spontanea renunciatione, jam antea possessionem amiserit, licet adhuc corpore insistat. Siquidem Interdictum *Unde vi* non competit, nisi ei, qui possessione sua actua-

liter habita spoliatus fuit, *L. 1. §. Deficitur: et §. Interdictum autem hoc. ff. de Vi et vi armat.*

95. Nec obstat textus in *c. Sollicite. 2. h. t.* ubi petenti restitutionem Beneficii, non obstat renunciatio facta post spoliationem. Resp. enim, hic sermonem esse de renunciatione facta primum post spoliationem: unde quia tempore spoliationis adhuc erat in possessione, merito locum habet Interdictum *Unde vi*, sique spoliatus restituitur. Accedit, quod renunciatio facta primum post spoliationem, praesumatur non spontanea: *Quia non est verisimile, quod sponte juri suo renunciaverit, qui renunciavit spoliatus*, ut loquitur ibidem Pontifex. Notum autem est, quod ea, quae vi aut metu fiunt, vel sunt ipso jure nulla, vel saltem per sententiam Judicis rescindenda, *cap. 2. De iis quae vi metusve caus.* cum similibus. Econtra in data Conclusionem, sicut et in *cit. c. Accepta. h. t.* sermo est de renunciatione sponte facta, et quidem ante spoliationem, dum quis adhuc quiete possidebat: unde non mirum, quod isthaec renunciatio censeatur valida, cum sit facta sponte, simulque a possidente: et sic citata Jura non contradicunt. Glossa in *c. Super hoc. §. Resignationis. de Renunciat.* et alla Glossa in *cit. c. Sollicite. §. Eum spoliatum.* et Abbas *ibid. n. 8. h. t.*

96. Fateandum tamen, quod si quis vi, aut metu gravi iniuste incusso coactus renunciaret ante spoliationem, possit postmodum, si spoliatur ejus possessione, petere restitutionem: argumento a sensu contrario desumpto ex *cit. c. Accepta*, et notat Abbas *ibid. n. 4. h. t.* Generaliter enim, quae vi metusve causa fiunt, vel sunt ipso jure nulla, vel saltem ad instantiam partis laesae per Judicem rescindenda.

97. Et econtra; si quis post spoliationem omnino sponte, et absque ulla vi aut metu resignet, valere talem resignationem, censet Barbosa in *d. c. Sollicite. nu. 4. h. t.* Azorius *part. 2. lib. 7. cap. 26. q. 7.* Id ipsum admittit etiam Abbas in *c. Sollicite. num. 9. et 10. h. t.* addens, quod tunc renunciatus videatur velle purgare vitium spoliationis, saltem respectu possessionis consequendae; cum possessio sequatur proprietatem, ubi haec notoria est, *c. Cum dilectus. de Causa possessor. cum similibus.* Idque vel maxime procedit, quando talis resignatio post spoliationem facta est coram competenti Iudice: quia legitima Judicis auctoritas omnem suspicionem violentiae, ac metus excludit. Azorius *cit. q. 7.* Flaminius Parisius *de Resignatione, lib. 13. quaest. 5. n. 28.* allegans communem.

98. Quaeritur V. An dentur alii casus, in quibus fallit regula de Restitutione spoliatorum ante omnia facienda? Resp. I. Dare plures alios. Sic quippe fallit ulterius saepe dicta regula, quando spoliatus post spoliationem inivit pactum cum ipsomet spoliatore, quod nolit agere Possessorio recuperandae. Nam post tale pactum non est restituendus: et, si agens possessorio restitui potat, removetur exceptio talis pacti. Ita Glossa in *c. Ex insinuatione. §. Atind. canonicum. de Procurat.* Abbas in *cit. c. Sollicite, nu. 16. h. t.* Innocentius *c. Super hoc. de Renunciat.* Alexander *Consil. 93. n. 5. lib. 5.* Menochius *d. Remed. 1. de Recuperand. possessor. n. 281.* citans insuper Rotam *Decis. 16. tit. de Restitut. spoliat. in novis*, et alios quamplures. Ratio est, quia pacta esse custodienda, et ea quae promittuntur opere complenda, textus est in *cap. 1. et 3. de Pactis*; et comprobatur ipsam Jura naturae. Et licet de rigore Joris Civilis ex pacto nullo non detur actio, datur tamen exceptio, *l. Juri gentium. §. Sed cum nulla. ff. de Pactis.*

99. Dices. Non valet pactum ante spoliationem initum cum spoliatore, quod quis nolit agere possessorio recuperandae, *text. clar. l. Si unus. §. Pacta. ff.*

*de Pactis*; ergo nec valet tale pactum post spoliationem. Resp. neg. consequent. Nam ejusmodi pactum ante spoliationem initum daret ansam delinquendi, et animaret homines ad spoliandum; ac proinde veluti continens turpem causam, merito reprobatum a Jure, et non valet. Secus dicendum de pacto non agendi possessorio, seu remissione talis juris post spoliationem: quia haec duntaxat respicit rem familiarem, dum per ipsam sit renunciatio super jure agendi possessorio, quod competit spoliato; non autem datur ansa de novo delinquendi, sive dolum committendi, quod cederet in offensam Dei, ac in perniciem Reipublicae. Hinc in *cit. l. Si unus §. Illud. et §. Pacta. ff. de Pactis.* recte dicitur, non valere: *Si paciscar, ne furti agam, vel injuriarum, si feceris: expedit enim timere furti, vel injuriarum poenam: sed post admissa haec pacisci possumus.* Ubi Glossa *§. Possumus.* breviter dat rationem hujus, illis verbis: *Quia per hoc non publico, sed juri nostro renunciamus, quod fieri potest; ut L. penult. C. eod.*

Resp. II. Fallit insuper eadem regula propter exceptionem Juramenti. Nam quando spoliatus post spoliationem, etiam secluso alio pacto, sponte juravit non agere Possessorio recuperandae, neque molestare spoliatorem seu possessorem, amplius non restituitur ante omnia, sed obstat ipsi exceptio talis juramenti. Ita Abbas in *d. c. Sollicite. num. 16. h. t.* Alexander *cit. Consil. 93. n. 5. lib. 5.* Zasius in *§. Nihil commune. n. 55. ff. de Acquir. possessor.* Menochius, *ubi supra, n. 287.* citans Rotam *Decis. 16. tit. de Restit. spoliat. in novis*, et alios. Et hoc praeter illa, quae in fallentia praecedenti allata sunt, probatur ulterius ex eo: quia tale juramentum potest servari absque dispendio salutis aeternae; ergo est servandum *c. Ad nostram. 7. et c. Si vero. 8. de Jurejurand.* ac notat Glossa in *c. Pervenit. §. Posse constringi. eod.*

Nec obstat *cit. c. Sollicite. 2. h. t.* ubi petenti restitutionem non obstat exceptio juramenti, seu renunciationis juratae post spoliationem. Resp. enim, in *cit. c. Sollicite* sermonem esse de juramento facto post spoliationem, ac respiciente possessionem spoliati, quam amplius non habebat spoliatus, sique nec huic renunciare poterat; simulque de tali juramento, quod praesumitur praesumptione juris non fuisse spontaneum. Secus est in praesenti fallentia, ubi sermo est de juramento, quod quidem fit post spoliationem, non tamen respicit possessionem spoliati, sed cadit duntaxat super jus non agendi; simulque supponitur esse spontaneum, ac praesumptionem in contrarium purificari vel per confessionem spoliati juramentum hoc emittentis, vel per publicum instrumentum desuper confectum, aut saltem per hoc, quia contra tale juramentum nihil opponitur. Abbas *cit. num. 16.*

Resp. III. Fallit etiam saepe dicta regula ob exceptionem excommunicationis, vel alterius criminis, reddentis personam spoliati inhabilem ad agendam, vel ipso jure inducentis privationem spoliati ac possessionis ejus. Sed de his criminibus exceptis, et in quibus locum non habeat dispositio *c. Item non quis. 6. h. t.* volentis, quod non obstat exceptio criminis agenti Interdicto *Unde vi*, jam dictum est superius *§. 3. n. 50. et 51. ac seqq.*

Tacentur nonnullae aliae fallentiae illius regulae, *103. Spoliatus ante omnia restituendus est.* Nam praemissae sunt principales, de quibus, et quibusdam aliis, fusissime tractat Menochius *cit. Remed. 1. de Recuperanda Possessione*, per totum.



## §. V.

De divisione Fructuum, horumque restitutione per spoliatorem, aut malae fidei possessorem facienda.

## SUMMARIUM.

- 104 *Fructus generatim, qui?*  
Beneficiorum Ecclesiasticorum collatio constituitur inter fructus. Ibid.
- 105 *Fructuum appellatione in Jure qui veniant?*
- 106 *Obligatio restituendi fructus rei alienae, qualiter intelligenda?*
- 107 *Fructus alii sunt naturales, alii industriales. Et num. seqq.*
- 108 *Fructus Civiles non constituent tertiam Fructuum speciem, sed reducuntur ad industriales.*
- 109 *Fructus naturales, et*
- 110 *Fructus industriales, qui?*
- 111 *In dubio quales sint, Judicis arbitrio id discutendum. Et num. seqq.*
- 112 et 113. *Lac, et lana in pecoribus etc. an sint fructus industriales, vel naturales?*
- 114 *Fructus percepti, et*
- 115 *Fructus percipiendi, ac*
- 116 *Fructus consumpti, qui?*
- 117 *Spoliator violentus tenetur restituere rem ablata, et omnes fructus ejus.*
- 118 *Etiam illos, quos prior possessor percipere potuisset.*
- 119 *Et hoc amplius declaratur.*
- 120 *Spoliator tenetur etiam omnia damna illata plenarie resarcire.*
- 121 *Et antequam audiat super proprietate, praemissa omnia spoliato ad obolum restituere.*
- 122 *Ubi de illata spoliato violentia constat, damna et interesse probantur per Actoris juramentum; et qualiter?*
- 123 *Requiruntur tamen ad hoc quatuor conditiones; et quae?*
- 124 *Possessor malae fidei, licet violentus non sit, tenetur restituere fructus ex re aliena perceptos.*
- 125 *Imo et eos, qui a domino percipi potuissent.*
- 104 **Q**ueritur I. Quid intelligatur nomine Fructuum?  
Resp. I. Generatim loquendo *Fructus*, a *ferendo* sic dicti, appellantur illi, quos fundus, vel quaelibet alia res fert, seu reddit. Et in tali tam generica seu ampla acceptione: *Fructuum* appellatione continetur etiam collatio Beneficiorum Ecclesiasticorum, utpote quae inter bona Episcopalia, et fructus computatur, juxta Glossam *fin. in c. Cum olim. 14. de Majorit. et obed.* Hac ratione pariter dicuntur *Fructus Mensae Episcopalis*, hoc est, redditus ipsius, quos videlicet solet annuatim ferre. Sed magis loquendo ad propositum,
- 105 Resp. II. *Fructuum* appellatione in Jure intelliguntur illi, qui supersunt *deductis impensis, quae quaerendorum, colligendorum, conservandorumque eorum gratia sunt.* Ita loquitur textus expressus in *l. Si a domino. 39. §. fin. ff. de Petition. hereditat.* eo addito, quod hoc non solum in bonae fidei possessoribus locum habeat, verum etiam in malae fidei, puta in praedonibus. Id ipsum tradit Glossa in *c. Gravis. §. Fructus. h. t.* etque communis.
- 106 Inferitur proinde, quod dum dicitur quempiam, puta injustum rei alienae spoliatorum: teneri praeter rem ipsam restituere omnes ejus fructus, id de illis duntaxat fructibus, qui supersunt necessariis im-

pensis, intelligendum sit: non autem includendo ipsas expensas, quae factae fuerant, ut puta respectu frumenti in arando, triturando, et conducendo aut conservando horreum, in quo reconditum fuit. Glossa in *cit. l. Si a domino. §. Quaerendorum et seqq.* Neque enim potest censeretur fructus, nisi quod superest expensis, computando simul pretium laboris impensis in cultura rei alienae.

Quaeritur II. Quotuplicis generis sint *Fructus*? 107

Resp. I. *Fructus* alii sunt naturales, alii industriales. Ita Glossa in *d. c. Gravis. §. Fructus. h. t.* et alia Glossa in *l. Et ex diverso. §. Non habendam. ff. de Rei vindicat.* et Doctores communiter: quamvis Abbas in *cit. c. Gravis. n. 3. h. t.* et Bartolus in *l. Et ex diverso. §. Ultimo. ff. de Rei vindicat.* et Alexander Imolensis lib. 4. *Consil. 56. n. 9. na.* Menochius de *Recuperand. possess. Remed. 13. n. 576.* addunt tertium *Fructuum* speciem, videlicet *Fructus Civiles*, ut sunt usurae, pensiones domorum, navium vecturae et obventiones, ac his similia.

Verum *Fructus* isti, quos alii vocant *Civiles*, commode reducuntur ad industriales: hoc ipso, quod magis industria hominum, quam natura proveniant; prout sentit Covarruvias lib. 1. *Var. Resolut. cap. 3. n. 6.* citans Aetium *Consil. 100.* Myasinger *§. Si quis non domino. n. 7. Institut. de Rei divis. Card. Tuschus Litt. P. Concl. 486. n. 1. et seqq.* Quia imo Baldus in *l. Si traditio. in fin. C. de Actio. empt.* hosce *Fructus* vocat *industrialissimos*, eo quod hominis industria in navibus, vel aedibus locandis, impensas proveniant, et sine tali industria non habeantur. Et hinc Menochius lib. 2. de *Arbitrar. Judic. caus. 210. n. 27. et 29.* revocat priorem suam sententiam, quae *cit. Remed. 15. de Recup. possess. n. 576.* admiserat tertiam illam speciem *Fructuum Civilium*: et credit, convenientiam esse denominationem hanc, quoniam nulla Jure probetur; ac negari non possit, majorem in his industriam hominis versari, ac in caeteris fructibus. Itaque dimissa *Fructuum Civilium* specie, sive ipsa ad *Fructus industriales* redacta;

*Fructus naturales* sunt illi, quos natura sua sponte producit, nihil aut parum cooperante industria hominis: ut poma, flos, nuces, corna, foenum, ligna et hujusmodi, quae vi ac beneficio naturae principaliter, non diligentia, et opera hominis proveniunt, arg. *l. Fructus percipiendi. ff. de Usuris.* Ubi ideoque potius censetur esse *fructus naturalis*, quia non ex facto hominis is *fructus nascitur.* Licet enim in hisce colligendis, aut etiam plantandis arboribus, requiratur aliquis labor hominis, atque industria ipsius, haec tamen modica est respectu naturae, quae totum sermone agit.

*Fructus Industriales* occurrunt dicuntur illi, qui diligentia et cura hominis proveniunt, *l. Bonae fidei. §. 1. ff. de Acquir. rerum domin.* Sive, qui proveniant, ac percipiuntur potius ex industria hominis, quam ex ipsa natura: ut segetes sive frumenta, utpote quae non nisi opera hominis, sive excolendo terram, atque serendo acquiruntur; prout exemplificatur in *d. l. Fructus percipiendi.* Idem dicendum de vino, oleo, ac similibus, arg. *l. Si ojas. ff. de Rei vindicat.* ubi vinum, et oleum, clare distinguuntur ab *avis* et *olivis*, sicutque ob novam formam, quam eisdem homo per expressionem sua industria tribuit, §. *Cum ex aliena. Institut. de Rerum divis.* inter *Fructus industriales* connumerari merentur, haud obstante, quod *ovae* et *olivae*, ad instar pomorum possint dici *fructus naturales.* Menochius de *Arbitrar. Judic. cit. Caus. 210. n. 21. et seqq.* quamvis Card. Tuschus *cit. Concl. 485. n. 4.* allegans Bartolum *Consil. 125. n. 2. lib. 1.* olivas numeret inter *fructus industriales*, eo quod hominis industria requirant.

111 Caeterum loquendo de aliis fructibus, in quibus non satis per Leges determinatum reperitur, aut sint naturales, vel industriales, id relinquitur Judicis arbitrio: qui tam ex allatis exemplis motum animi sui informare potest, arg. l. Non possunt ff. de Legib. tam circa casus particulares attendere debet, utrum in hujusmodi fructibus producendis plus valeat industria hominis, quam ipsa natura, vel econtra. Si enim magis in illis versetur industria hominis, eruat industriales, si vero magis natura, dicuntur Fructus naturales, arg. l. Queritur ff. de Statu homin. et can. Si testes. §. Hermaphroditus. 3. q. 4. Abbas in c. Gravis. n. 3. h. t. Covarruvias lib. 1. Var. Resolut. cap. 3. n. 6. Menochius d. Casu 210. n. 20. et alii.

112 Hinc fit, quod inter Fructus industriales non pauci Doctores namerent lac, et lanam in pecoribus; ut Glossa §. Si quis a non domino. & Cura Instit. de Rei divisi. Abbas cit. n. 3. Bartolus l. Et ex diverso. n. 2. ff. de Rei vendicat. Ant. Nebrissensis in Vocabulario Juris. §. Fructus industriales. Menoch. cit. Casu 210. n. 25. quidam alii: eo quod non proveniant absque magna cura hominis, qui nisi diligenter custodiret et pasceret oves, nec lac nec lanam ab his acciperet. Econtra vero Menochius d. Remed. 15. de Recuperandi possess. n. 577. Myasinger d. §. Si quis a non domino. n. 7. Inst. de Rei divisi. Spiegelius in Dictione Juris. §. Fructus naturales, et quidam alii, lac et lanam pecorum inter fructus naturales connumerant: Et hoc ipsum de foetibus animalium, ut haedulis, agnis, vitulis, plerique Doctores tenent, quod nempe spectent ad fructus naturales; cum magis ex natura, quam hominum industria proveniant.

113 Verum hoc non posse universaliter affirmari, sed id juxta diversas locorum qualitates, et circumstantias, Judicis arbitrio fore determinandum, inquit Joan. Garcias Tom. 17. Tractatum, tract. de Expensis et meliorat. cap. 23. n. 8. Nam alicubi oves, in sylvis et montibus absque cura hominum vagantur, concipiunt et pariunt; sicque merito eorum foetus censentur esse fructus naturales. Alibi vero id non accidit absque magno labore et industria hominis, qui eas in stabulis custodire, ad pascua deducere, ipsaque pascua juxta illarum genium atque indigentiam mutare, pluraque alia praestare cogitur: ubi proin merito foetus talium animalium inter fructus industriales numerari valent. Idem dicendum de herbis, quae alicubi sponte nascuntur, alicubi magnam hominis industriam et culturam, ut nascantur, requirunt; prout praesertim videre est in hortaliis.

114 Resp. II. Insuper Fructus alii sunt percepti, alii percipiendi, seu adhuc pendentes: ex perceptis vero alii sunt consumpti, alii non consumpti. Ita communis: Et quidem Fructus percepti, non solum dicantur illi, qui perfecti sunt collecti; veluti, qui jam coniecti sunt in horreum: sed etiam, qui industria hominis sunt a solo separati, licet nondum sint in horreis, vel cellariis reconditi, l. Si usufructuarius. ff. Quibus modis usufructus amitt. ubi dicitur, Fructum percipi spica, aut foeno caeso, aut uva adempta, aut ex cussa olea, quamvis nondum tritum frumentum, aut oleum factum, vel vindemia coacta sit: Secus dicendum de ea olea, quae per se decidit, ac proin absque hominis industria separatur a solo, sicque nondum inter fructus perceptos numerari meretur; prout in cit. l. Si usufructuarius: subjungitur.

115 Fructus percipiendi dicantur illi, qui adhuc pendunt, bonisque aliis connexi adhaerent. Et tales fundo cedunt, fundumque sequuntur; ac proinde una cum fundo (deductis tamen impensis) restituendi sunt: nam

fructus pendentes, pars fundi esse videntur, prout loquitur tex. in l. Fructus pendentes. 45. ff. de Rei vendic.

Fructus consumpti appellantur illi, quos possessor in suos usus convertit, nec amplius existunt in rerum natura. Fructus non consumpti econtra censentur, qui adhuc sunt in rerum natura. Et hac multiplex Fructuum divisione praesupposita, quantum ad alteram partem praesentis Paragraphi,

Queritur III. Utrum spoliator violentus tum rem ablata, tum fructus ejus et damna illata restituere teneatur, et qualiter? Resp. I. Spoliator, seu violentus invasor, non solum tenetur, ac judicialiter compelli debet restituere rem ablata, sed etiam omnes fructus ejus; tam perceptos, et consumptos, vel adhuc extantes; quam etiam illos, quos prior possessor percipere potuisset, si ipsi possidere fuisset licitum. Textus est in c. Gravis. 1. h. t. estque concors Doctorum sententia. Concordat Jus Civile l. Si de possessione. C. Unde vi, ubi pariter dicitur, quod conventum Interdicto Unde vi; seu violentum possessorem, causam omnem praestare oportet: in qua fructus etiam, quos vetus possessor percipere potuit, non tantum quos percepit, venire non ambigitur.

Et notanter hoc ultimum additur: Quia, dum dicitur, quod possessor malae fidei teneatur restituere illos etiam fructus, qui percipi potuissent: istud ly, percipi potuissent, referendum est ad petentem spoliatum; non vero ad possessorem violentum, seu praedonem spoliatorem; uti liquet tum ex posterioribus verbis cit. l. Si de possessione. C. Unde vi. tum etiam ex d. c. Gravis. h. t. Ubi Pontifex, loquens de restitutione fructuum percipiendorum, satis clare id ipsum insinuat, illis, verbis: Sed quos (si eis possidere fuisset licitum) possessores veteres percipissent; reddi faciatis eisdem. Abbas in cit. c. Gravis num. 13. et seqq. h. t. et Bartolus in l. Et ex diverso. §. Sequitur in Glossa. ff. de Rei vendicat. Solventes contraria.

Nec immerito hoc dicitur; atque notatur. Quia ex qualitate culturae, quam exercet petitor, seu dominus spoliatus, facile contingere potest, ut ex re spolio ablata majores ille fructus percipere potuisset, ac ipsemet spoliatus possessor sive praedo. Quod si vero econtra spoliator majores inde fructus potuisset percipere, non videtur, quod exinde petitor spoliatus possit praetendere interesse: tum quia nullam ob id damnum passus est: tum quia in cit. c. Gravis. h. t. solummodo fit mentio de fructibus, qui per antiquum possessorem percipi potuissent. Abbas loc. cit. n. 14. infra. istud asserens esse notandum.

Resp. II. Insuper spoliator, seu violentus invasor, tenetur omnia damna, ex sua despoliatione alteri illata, plenarie resarcire, atque pro illatis injuriis competenter satisfacere. Ita unanimis Doctorum; et praeter Jura proxime allegata, patet ex L. 1. §. Non solum. ff. de Vi et vi armat. et L. 1. ac seqq. C. Unde vi, cum similibus. Id ipsum, et quidem clarius, habetur expressum in Jure Canonico cap. ult. de Injuriis et dam. dat. Idque merito: siquidem lumen naturale, atque ipsa Justitiae virtus, non solum exigit restitui alienum, seu rem violententer alteri ablatam; sed etiam resarciri pro possibile omnia damna injuste illata, et pro injuriis undequaque satisfieri, ne proximus indebite gravetur, molestetur, atque gravatus remaneat, contra illud lumen naturali notum: Quod tibi non vis fieri, alteri ne feceris.

Atque haec ad materiam praesentis Tituli applicando, est sciendum, quod antequam spoliator audiat, spoliatus debeat restitui quoad fructus et expensas, Barbosa in c. Gravis. n. 4. h. t. allegans Rotam.

in Lavelen. seu Melfien. pecuniaria 18. Novemb. 1610. coram Ubaldo. et in Romana sylvae. 15. Maii 1628. coram Verospio. Adeo quidem, ut conformiter dictis supra num. 8. spoliatus ad obolum usque sit restituendus, antequam spoliator audiat super proprietate spoli. Menochius Remed. 1. de Recuperand. possessor. n. 329. citans plures alios. Concordat Abbas in c. Gravis. n. 2. h. s. asserens, quod ex Interdicto Recuperandas non solum veniat restitutio rei invasae, sed etiam plenaria restitutio omnium mobilium inde ablatum, resarcitio damorum, atque plenaria restitutio fructuum tam perceptorum, tum eorum, qui percipi potuissent: quamvis etiam Interdictum Unde vi de rebus mobilibus non detur principaliter, bene tamen accessorie, ut jam supra Tit. praeced. §. 3. num. 99. et seq. dictum fuit.

122 Resp. III. Si quidem constet de violentia illata, certum autem non sit, quantum damnum per spoliatorem fuerit illatum, et spoliatus singula, quae perdidit, comprobare nequeat, sicque super ipsismet rebus ablati, vel invasi, ac damno dato controversia suboritur: tunc Judex inspecta personarum, et negotii qualitate, debet illud taxare, et juramentum Actori, sive petitori spoliato deferre: et hoc jurante, quod tantum damnum, et non minus, passus fuerit, statim juramento ejus, ac juxta quantitatem taliter juranti Judex Reum, seu spoliatorem condemnare debet. Ita DD. communiter, et patet ex cap. ult. De iis, quae vi metus causa etc. Idemque habetur expressum in l. Si quando, C. Unde vi. ubi Summarium brevius sic loquitur: Contra violentum, constitit de violentia, damna et interesse probantur per Actoris juramentum, judicis taxationis praemissa.

123 Porro ut locum habeat dispositio hujus Legis, ac cit. cap. ult. De iis, quae vi metus causa etc. Sequentia quatuor copulative requiruntur. I. Quod violentia plene probetur: puta, per propriam spoliatoris confessionem, vel per testes, aut hujusmodi, non autem per solum juramentum spoliati: Si quidem juramentum non est liquida probatio: ac proinde, ubi requiritur legitima probatio, non sufficit juramentum solum, juxta Glossam notabilem in l. Cum de indebito. §. Legitimus. ff. de Probatione. II. Quod inspecta negotii, ac personae qualitate, fiat taxatio damni per Judicem. III. Quod juretur per spoliatum juxta formam taxatam. IV. Quod sequatur condemnatio facta a Judice secundum formam illam taxatam, Jason in d. l. Si quando. n. 7. C. Unde vi: et patet singula ex verbis illius Legis, atque ex cit. cap. ult. De iis, quae vi metus causa sunt.

124 Quaeritur IV. An possessor malae fidei, licet violentus non sit, teneatur fructus ex re aliena perceptos restituere? Resp. affirmative. Idque patet ex l. Si fundum. C. de Rei vindicat. et l. Certum est. C. eod. ubi dicitur: Certum est, malae fidei possessores, omnes fructus solere cum ipsa re praestare. Concordat textus expressus in §. Si quis a non domino. Instit. de Rerum divis. de quocunque malae fidei possessore indistincte pronuncians: Qui alienum fundum sciens possederit, cum fundo etiam fructus ( licet consumpti sint ) cogitur restituere. Ubi Glossa §. Cogitur restituere, inquit, quod malae fidei possessor teneatur de consumptis, Conditione sine causa: et de extantibus, Rei vindicatione.

125 Quia ita possessor quilibet malae fidei, non solum teneatur praestare fructus perceptos: sed etiam, qui a domino honeste percipi potuissent, l. Fructus non modo. ff. de Rei vindicat. juncta Glossa ibid. in Casu, textum illum intelligente de quolibet malae fidei possessore: non distinguendo, an sit violentus, nec ne. Menochius de Recuperanda possessor. Remed.

15. n. 602. et communis. Concordant proxime dicta num. 117. et seqq. Et de his minor est controversia inter Doctores: major autem de restitutione fructuum per bonae fidei possessorem praestandorum ex re aliena, seu postmodum per dominum illius rei evicta. Unde sit

## §. VI.

De Restitutione Fructuum a bonae fidei possessore ex re aliena perceptorum, sed nondum consumptorum facienda.

### SUMMARIIUM.

- 126 Praemittitur ordo quaestionum
- 127 Possessor bonae fidei, etiam sine titulo, fructus industriales ex re aliena perceptos, facit suos etc. et num. seqq.
- 128 129 et 130. Idque probatur.
- 131 Eos tamen adhuc exstantes tenetur domino supervenienti restituere. Et num. 127.
- 132 Sicque dominium illorum fructuum non est perfectum, et irrevocabile. Et num. 127.
- 133 Et qua ratione fructus illi sint reddendi?
- 134 Haec fructuum restitutio non procedit, si bonae fidei possessor lapsu triennii ipsos usu cepit.
- 135 Possessor bonae fidei cum titulo legitimo, saltem colorato, lucratur fructus naturales: alias secus.
- 136 et 137. Ratio prioris partis.
- 138. 139. et 140. Proponitur, et solvitur notabilis instantia.
- 141 Et concordatur textus l. Fructus percipiendos ff. de Usuris, una cum l. Bonae fidei. ff. de Acquir. rer. domini. Et num. 138. ac seqq.

Quaeritur I. Utrum bonae fidei possessor teneatur restituere fructus industriales ex re aliena perceptos, sed nondum consumptos? Et notanter additur, fructus industriales: quia de naturalibus est alia quaestio, de qua agetur proxime post istam. Additur etiam, sed nondum consumptos: nam de consumptis pariter est specialis difficultas, de qua ex pro- fessor dicitur §. seq. Quo praenotato

Resp. R. Possessor bonae fidei, sive cum titulo, sive absque titulo, fructus industriales ex re aliena perceptos, facit suos: ita tamen, ut hosce necdum consumptos, sed adhuc exstantes, teneatur domino supervenienti non cum re evicta restituere: sicque dominium illorum fructuum non sit omnino perfectum, et irrevocabile. Ita Glossa in l. Et ex diverso. §. Non habendam. et Bartolus ibid. §. Sed fructus industriales ff. de Rei vindicat. Abbas in c. Gravis. n. 4. b. 2. Speculator tit. de Fructibus et Interesse §. 1. n. 2. Covarruvias lib. 1. Var. Resolut. cap. 3. n. 6. et alii: Menochius de recuperand. possessor. remed. 15. n. 594. et seqq. et alii.

Conclusio haec quoad primam partem desumitur ex l. Bonae fidei. 48. ff. de Acquir. rerum domini. et l. Qui vit. §. Porro. ff. de Usur. et §. Si quis a non domino. Instit. de Rerum divis. In quo posteriori loco etiam hujus ratio insinuat, dicendo, bonae fidei possessoris esse fructus industriales, ex re aliena perceptos, pro cultura et cura.

Nec obstat, quod praedictae Leges et pro- fesso loquantur de eo, qui bona fide possidet cum titulo, v. g. emptionis, donationis, aut hujusmodi. Siquidem hoc ipsum communiter extendunt Doctores ad bonae fidei possessorem etiam sine titulo, juxta Glossam loc. cit. ubi ait, quod fructus industriales quilibet bonae fidei pos-



*factor, sive cum titulo, sive sine titulo, facit suos, secundum omnes.* Idque merito; tum ob allatam rationem impensarum culturae, et laboris: tum propter textum in *l. Fructus percipiendo*, juncta Glossa & Donata. ff. de Usuris: ubi cum titulo illegitimo (qualis pro non titulo habetur *l. Quoties. ff. qui satisfacere cogant.*) lucratur, quis fructus industriales.

130. Accedit ratio. Quia spectato solo Jure naturali, omnes fructus fundi alieni spectarent ad verum dominium ipsius fundi (nam quaelibet res domino suo fructificat) sique non efficerentur bonae fidei possessoris: sed ius Civile, ob impensam culturam et industriam, juncta bonae fidei possessione, hunc primum efficit dominum talium fructuum, per Jura allegata, et notat Sanchez lib. 2. in Decalogum, cap. 23. n. 71. Ergo, sicut in simili et ejusdem Juris Communis ordinatione ad praescriptionem, sufficit possessio bonae fidei, sive cum titulo, sive absque titulo (quamquam hic requiratur longius tempus) ita, impraesentiarum etiam sufficit bonae fidei possessio, licet non interveniat specialis titulus: nam tempus illud longius abunde supplebit industria, et labor respectu fructuum industrialium a bonae fidei possessore impensus.

131. Altera pars Conclusionis probatur per textum in *l. Certum est. C. de Rei vendicat.* ubi dicitur: *Certum est, malae fidei possessores, omnes fructus solere cum ipsa re praestare: bonae fidei vero, extantes.* Ubi Glossa & Bonae fidei, hoc intelligit indistincte, sive quis, bonae fidei cum titulo, sive absque titulo possideat: in utroque enim casu fructus extantes una cum re ipsa sunt restituendi, per textum allegatum. Et hoc vel maxime procedit de fructibus adhuc pendentibus, seu percipiendis: hi enim fundo cedunt, cujus pars esse censentur, *l. Fructus pendentes. ff. de Rei vendicat.* ac proinde clarum est, quod una cum fundo (deductis tamen expensis), restitui debeant. Id ipsum procedit de fructibus jam perceptis, nondum tamen consumptis: nam et hi, una cum re evicta, vero domino restitui debent; uti constat ex *l. Certum est. ibi: Bonae fidei vero extantes.* Idem desumitur ex *§. Si quis a non domino Instit. de Rer. divis.* ubi, licet bonae fidei possessor pro cultura et cura, fructus perceptos dicatur facere suos, illico tamen subiungitur: *Et ideo, si postea dominus supervenerit, et fundum vendicat, de fructibus ab eo consumptis agere non potest.* Ex quibus verbis, argumento a sensu contrario desumpto, clare colligitur, quod de fructibus nondum consumptis, sive adhuc extantibus, dominus superveniens agere possit; uti notat Glossa *ibid.* & Non potest. Sanchez *loc. cit.* n. 72. Menochius de Recuperand. possess. Remed. 15. n. 596. allegans alios.

132. Atque ex dictis sequitur ultima pars datae num. 127. Conclusionis, quod nimirum, licet ex dispositione et beneficio Legis possessor bonae fidei fructus industriales ex re alicui perceptos faciat suos; ac proinde fructus illos salvo jure, totaque conscientia restituere valeat, quamdiu judicialiter nemo se opponit: horum tamen dominum, quod acquirit, non sit perfectum, ac irrevocabile. Durat enim solum tamdiu, donec dominus superveniens una cum re evicta etiam fructuum perceptorum, adhuc tamen extantium, restitutionem judicialiter urgeat: tunc enim dominum illud instituta per dominum supervenientem actio elidit, et Legibus sic ordinantibus ad ejus instantiam per Judicem revocari potest, ac debet per Jura proxime allegata: sique dominum ejusmodi dentant est imperfectum, ac revocabile.

133. Et si petat, quae actio id fieri possit? Resp. I. Quod in tali casu bonae fidei possessor, tenetur red-

dere fructus extantes, non quidem rei vindicatione, quia ipsos fuit lucratus: sed vel officio Judicis, eo quod fructus illi provenierint ex re alterius, arg. d. l. Certum est: C. de Rei vendicat. et notat Glossa in d. l. Et ex diverso, et Bartolus *ibid.* §. In fructibus industrialibus ff. de Rei vendicat. et Abbas c. Gravis n. 6. et alii. Vel saltem conditione sine causa, arg. l. Si et me et Titium 32. ff. Si certum potatur; ac suadet aequitatis ratio proxime allegata, quia videlicet fructus illi provenierunt ex re alterius. Covarruvias *cit. lib. 1. Var. Resolut. cap. 3. n. 6. Concl. 1.* post Aug. Arctium §. Si quis a non domin. Instit. de Rer. divis. et alios.

Resp. II. Nihilominus praefata fructuum restitutio est intelligenda, dummodo bonae fidei possessor nondum per lapsum triennii fructus illos usuceperit, sive praescripserit. Nam si is probaverit, sese tales fructus (immo et naturales) sive consumptos, quamvis inde factus sit locupletior, sive nondum consumptos, jam habuisse, ac bona fide possedisse per integram triennium, antequam ab Actore, seu vero domino, una cum fundo repeterentur, censetur eos praescripsisse, *l. Sequitur. §. Fructus.* juncta Glossa & Non fuerint. ff. de Usucapion. ac proinde ipsos amplius restituere non tenetur. Ita Covarruvias *cit. cap. 3. n. 7.* et Menochius d. Remed. 15. de Recuper. possess. n. 588. citans plures alios. Et haec de fructibus industrialibus nondum consumptis: nunc pergendo ad fructus naturales.

Quaeritur II. Utrum bonae fidei possessor lucretur etiam fructus naturales? Resp. I. Probabilius est, quod talis cum titulo legitimo, saltem colorato, lucretur etiam fructus naturales: non item, quando nullum habet titulum. Ita Abbas in *cit. c. Gravis. n. 4. h. t.* Bartolus in d. l. Et ex diverso. §. Sequitur. ff. de Rei vendicat. Covarruvias *cit. lib. 1. Var. Resolut. cap. 3. nu. 6. Concl. 1. et 2.* Sanchez lib. 2. in Decalog. cap. 23. n. 68. citans alios; ac praesertim Joannes Garcias Tom. 17. Tractatum, tract. de Expensis et moliorat. cap. 23. n. 36. Et si contrarium tenent Glossa in c. Gravis. & Fructus. h. t. et Glossa alia in §. Si quis a non domino. & Fructus. Instit. de Rer. divis. Speculator tit. de Fructibus. n. 1. et 2. et non pauci alii, qui moti ex *l. Fructus percipiendo ff. de Usuris*, infra num. 138. alleganda, tenent, bonae fidei possessorem, etiam cum titulo, fructus naturales non facere suos; sed teneri reddere universos, tum extantes, et quidem rei vindicatione; tum consumptos; dando eorum pretium. Et horum sententia una cum allato textu Juris, convincit alteram partem Conclusionis, juxta dicenda inferius. Verum quantum attinet primam ejus partem, ac loquendo de bonae fidei possessore cum titulo, saltem colorato,

Probatur Conclusio ex *l. Bonae fidei 46 ff. de Acquirend. rerum domin.* ubi dicitur: *Bonae fidei emptor non dubio percipiendo fructus ex aliena re, suos interim facit: non tantum eos, qui diligentia et opere ejus provenierunt, sed omnes: quia quod ad fructus attinet loco domini pene est.* Ubi clausula illa, *Sed omnes*, vel maxime ponderanda est: nam, qui dicit omnia, nihil excipit, c. Solitas. §. Nobis de Majoritat. et obed. cum similibus: ac proinde sub clausula illa comprehenduntur fructus etiam naturales.

Neque sufficit cum Glossa *ibid.* & Sed omnes, hanc clausulam torquendo explicare de fructibus, qui diligentia alterius provenierunt: ut sensus sit, tale non tantum lucrari fructus industriales, qui sua propria industria, sed etiam qui diligentia alterius provenierunt. Nam contra est. Tum quia *ly*, omnes, non refertur ad operantes, sed ad fructus ipsos: ac proinde generaliter de his omnibus, etiam naturalibus, intelligi debet. Tum quia, nisi de istis omnibus

Lex illa loqueretur, frustra subjungeretur ratio illa generalis: *Quia quod ad fructus attinet* (non distinguendo inter naturales, et industriales) *loco domini pene est*. Tum tandem, quia dictio *Sed*, est adversativa; ergo, ut juxta naturam adversativae prioribus adverteretur, non tantum de industrialibus, verum etiam naturalibus accipi debet. *Garcias loc. cit. num. 35.*

138 Objicies asserendo praecipuum oppositae sententiae fundamentum. In *l. Fructus percipiendo. 45. ff. de Usuris*, sic habetur: *Fructus percipiendo uxor, vel vir ex re sibi donata, suos facit illos tantum, quos suis operis acquisivit (veluti serendo) nam si pomum decerpserit, vel ex sylva ceciderit, non fit ejus, sicut nec ejuslibet bonae fidei possessoris: quia non ex facto ejus is fructus nascitur*; ergo data Conclusio non subsistit. Haec instantia multum torquet ingenia Ibristarum; adeo, ut non defuerint; qui putaverunt, in proxime allegatis Legibus, nempe *l. Bonae fidei. ff. de Acquir. rer. domin. et l. Fructus percipiendo. ff. de Usur.* reperiri antinomiali Juris Civilis: sive repugnantia Responsa, ut voluit Pinellus apud *Garciam cit. n. 35.* et *Otomanus §. Si quis a non domino. Instit. de Rer. divis.* apud *Sanchez cit. cap. 23. n. 68.* Verum quia contrarietas in Jure non tam facile oportet admittere, *l. Tanta. §. Contrarium. C. de Veter. Jure enucleand.* et jura juribus, quantum fieri potest, concordanda sunt, *c. Cum expediat. 29. de Elect. in 6.* passim haec opinio relinquitur, ex cogitando diversos modos, quibus dictae Leges commode inter se conciliantur.

139 Unde respondent aliqui, dictas Leges ex eo sibi invicem non contrariari; quia loquuntur de diversis casibus, et circumstantiis. Nam in *cit. l. Bonae fidei*, sermo est de possessore cum titulo competente ex contractu oneroso, nimirum ex emptione: econtra in *d. l. Fructus percipiendo*, agitur de possessore cum titulo lucrativo, nempe ex donatione suborto. Ac proinde (inquiunt) mirum non est, quod ille fructus naturales faciat suos, non vero iste: cum aliud sit, lucra non facere, v. g. ex donatione; et aliud, damna pati, *l. ult. C. de Codicill.* quale damnum pateretur bona fide emens, si fructus naturales ex re empti non lucraretur, quos tamen lucraturus fuisset ex emptione cum alio celebrata. Ita nonnulli apud *Garciam cit. cap. 23. n. 35.* et *Sanchez ubi supra, n. 63.* Verum quia in *d. l. Fructus percipiendo*, generaliter subiungitur: *Non fit ejus, sicut nec ejuslibet* (NB.) *bonae fidei possessoris*: simulque negari non potest, possessorem ex titulo oneroso, dum praeter fructus industriales petit acquirere naturales, etiam agere de lucro captando: hinc praesens responsio, veluti insufficient, merito ab aliis relinquitur.

140 Deinde, ac melius respondent alii, in saepe dicta *l. Bonae fidei. ff. de Acquir. rer. domin.* sermonem esse de bonae fidei possessore cum titulo legitimo (hoc est, legibus approbato, et quantum est de se, sufficiente ad transferendum rei dominium) ut est emptio: econtra vero in *cit. l. Fructus percipiendo. ff. de Usur.* agi de possessore bonae fidei sine titulo, saltem legitimo, prout *n. seq.* ostendetur. Ac proinde (inquiunt) mirum non est, quod iste non censeatur fructus naturales facere suos; bene tamen ille, absque ulla dictarum Legum contrarietate, eo quod de tam diversis casibus loquantur.

141 Hac igitur responsione retenta, ad instantiam, ex *l. Fructus percipiendo. ff. de Usur. n. 138.* allatam, negatur consequentia. Conclusio quippe nostra loquitur de bonae fidei possessore cum titulo legitimo (hoc est, Legibus approbato) saltem colorato: econtra textus *cit. l. Fructus percipiendo*, dum vult possessorem bonae fidei fructus naturales non facere

suos, loquitur de possessore bonae fidei sine titulo saltem legitimo. Et hoc patet ex eo: quia in *d. l. Fructus percipiendo*, fit quidem mentio de aliquo titulo, sed solum de titulo donationis factae inter virum et uxorem: atqui hujusmodi titulus non est legitimus, hoc est, per Leges approbatus: quin potius per Leges est reprobatus: cum donatio inter virum et uxorem de jure non subsistat; ut *cap. ult. de Donat. inter virum et uxorem. et l. vac. seqq. ff. eod.* Quia igitur paria sunt, non habere titulum, et habere titulum a Jure improbatum (nam talis pro non titulo habetur, *l. Quoties. ff. Qui satisfacere cogantur.*) haud immerito, simulque absque ulla contrarietate, in *cit. l. Bonae fidei* censeatur possessor bonae fidei fructus facere suos, utpote perceptos cum titulo legitimo, de quo ibidem est sermo: atque hoc ipsum recte negatur in *d. l. Fructus percipiendo* de eo, qui hujusmodi fructus ex re aliena percepit sine titulo, saltem legitimo colorato.

## §. VII.

De Restitutione Fructuum a bonae fidei Possessore jam consumptorum facienda.

## SUMMARIUM.

- 142 Bonae fidei possessor non tenetur restituere ullos fructus ante litem contestatam consumptos, si ex eis non est factus locupletior.
- 143 Idque probatur de fructibus industrialibus,
- 144 Ac etiam de naturalibus.
- 145 Quando quis censeatur locupletior factus?
- 146 Tenetur tamen is restituere omnes fructus post litem contestatam consumptos.
- 147 Et, si factus est locupletior, tenetur restituere fructus naturales ante litem contestatam consumptos.
- 148 Ac in Judiciis universalibus quoslibet fructus.
- 149 Istud in Judiciis particularibus multi Doctores negant.
- 150 Refertur fundamentum hujus sententiae negativae.
- 151 Ac solutio contrariorum.
- 152 Et quinam teneant istam sententiam negativam.
- 153 Affirmativa tamen sententia est communior, et probabilior. Et n. 149. et n. 154. ac seqq.
- 154 Et haec amplius probatur. Et n. praec.
- 155 Ac solvuntur rationes in oppositum.

Quaeritur I. An fructus bona fide ex re aliena 142 percepti, et jam consumpti, debeant restitui, quando ex eis possessor non est factus locupletior? Respi. I. Bonae fidei possessor non tenetur restituere fructus ante litem contestatam consumptos, quando ex eis non est factus locupletior: idque procedit non solum de fructibus industrialibus, sed etiam naturalibus, et sive cum titulo, sive absque titulo quis possederit. Ita Glossa in *c. Gravis. §. Fructus.* et Abbas *ibid.* num. 6. et Barbosa n. 8. h. t. Speculator tit. de Fructibus et interesse, §. 1. num. 2. Covarruvias lib. 1. Var. Resolut. cap. 3. num. 6. Sanchez lib. 2. in Decalog. cap. 23. num. 4. et communis aliorum.

Conclusio haec, loquendo de fructibus industria- 143 libus, patet ex §. Si quis a non domino. Instit. de Rer. divis. ubi fructus industriales adjudicantur bonae fidei Possessori pro cultura et cura; adeo, ut si dominus supervenerit, et fundum vendicat, de fructibus ab eo consumptis agere non possit. Ne quidem ad pretium, ut explicat, et probat Glossa *Ibid.* §. Non potest. Accedit ratio: quia obligatio restituendi ex duplici solum capite oritur; nempe vel ex parte rei acceptae, seu possessae, quae domino suo reddi debeat;

vel ratione injustae acceptionis: atqui in proposito neutrum horum urget. Non secundum: quia loquimur de bonae fidei possessore. Nec primum: quia neque res ipsa, neque aliquid rei apud possessorem illud remanet, quando bona fide omnia consumpsit, nec inde factus est locupletior; ergo non tenetur ad aliquid restituendum. Et haec ratio urget etiam de caeteris partibus datae Conclusionis: nihilo minus specialiter

144 Probatur etiam altera pars Conclusionis ex *l. Sed et loci. §. Post litem ff. Finium regundor.* Ubi generaliter, et absque distinctione inter fructus industriales et naturales, vel inter bonae fidei possessorem cum titulo, et sine titulo, dicitur: *Nam aut bona fide percepit, et lucrari eum oportet, si eos consumpsit.* Concordant textus illi, quibus statuitur, bonae fidei possessores de fructibus consumptis teneri solum restituere id, in quo locupletiores facti sunt: inde enim a contrario sensu recte inferitur, eos ad nihil teneri, quando non sunt facti locupletiores. Sic quippe habetur in *l. Item veniunt. §. Eos autem ff. de Petition. haeredit.* ubi dicitur: *Eos autem qui iustas causas habuissent, quare bona ad se pertinere existimassent, usque eo duntaxat, quo locupletiores ex ea re facti essent, condemnandos esse.* Et hoc amplius declaratur in *l. Sed et si lege. §. Consultuit. ff. eod.* illis verbis: *Consultuit Senatus bonae fidei possessoribus, non in totum damno afficiantur, sed in id duntaxat teneantur, in quo facti sunt locupletiores.* Adeo quidem, ut bonae fidei possessores nec teneantur ad pretium, nisi quatenus facti sunt locupletiores. *l. Utrum autem. ff. eod.* ubi istud ex professo habetur decisum.

145 Caeterum ex re aliena consumpta tunc censetur quis *Locupletior factus*, quando hac occasione bona sua fuerunt aucta: ut quia sumptus aliquos caeteroquin ex propriis bonis facturus, non fecit; aut quia ratione illius rei alienae aliquod lucrum fecit: sin minus, non censetur factus locupletior. Hinc in *cit. l. Sed et si lege. §. Quod autem. ff. de Petition. haeredit.* dicitur, si quis ex re aliena, v. g. haereditate sibi bona fide facta, lautius ad victum quotidianum impendit, quam alias impensurus fuisset, eum non censeri factum locupletiores quoad impensas lautius factas, sed solum, quoad sumptus ordinarios, quibus hac occasione pepercit. Similiter in *cit. l. Sed et si lege. §. Consultuit. ff. eod.* declaratur, quod si bonae fidei possessor ex re aliena, puta ex haereditate, extraordinarios sumptus fecerit, si re aliquid dilapidaverit aut perdidit, dum re sua se abuti putabat, non videatur factus locupletior; atque ideo non sit condemnandus ad restitutionem. Idem dicendum, si quis hac occasione donavit aliquid, quamvis ideo alterum obligaverit ad remunerandum: secus dicendum, si dona, sive antidota accepisset; nam talis censetur factus locupletior, non ille, prout in *cit. §. Consultuit.* notatur. Et ex his exemplis poterunt alia dijudicari.

146 Resp. II. Nihilo minus bonae fidei possessor, re per dominum evicta, tenetur restituere universos fructus ejus post litem contestatam consumptos. Ita Glossa in *cit. c. Gravis. §. Fructus.* et Abbas *ibid. n. 6.* et Barbosa *num. 8. h. t.* cum communi; estque expressum in *l. Certum est. C. de Rei vendicat.* ubi dicitur, quod bonae fidei possessor fructus ante litem contestationem perceptos, soleat cum ipsa re praestare *extantes post litem autem contestationem universas.* Et merito: quia, ut inquit Glossa *fin. ibid.* malae fidei incipit esse quoad fructus post litem contestatam primum perceptos. Concordat textus in *l. Et ex converso. §. Ubi aliquid ff. de Rei vendicat. et l. Ediles etiam. 25. §. Item sciendum. ff. de Edilit. Edict. et §. Et si haereditas. Instit. de Offic. Judicis.* cum similibus.

Quaeritur II. An. bonae fidei possessor obligatus sit ad restituendos fructus etiam industriales, ante litem contestationem consumptos, quando ex eis factus est locupletior? Et additur, *etiam industriales*: nam de fructibus naturalibus, qui supersunt deductis omnibus expensis, ipsaque mercede culturae et curae impensae pro eorum acquisitione, minor est difficultas, quod restitui debeant quoad excessum factae locupletationis: idque a fortiori, ob rationes *num. 153. et seqq.* afferendas: Quo praenotato,

Resp. I. Certum est, quod in Judiciis universalibus adsit obligatio restituendi quoslibet fructus, per quos possessor bonae fidei factus est locupletior. Ita communis omnium; atque habetur expresse decisum in *l. Item veniunt. et l. Sed et si lege ff. de Petition. haeredit.* cum similibus *num. 144.* iam allegatis, quae ex professo loquuntur de Judiciis universalibus, ut puta, de petitione haereditatis, ac huiusmodi: nam quia fructus illi, quibus possessor factus est locupletior, pertinent v. g. ad totam substantiam haereditatis, non immerito isthaec per verum dominum evictam, etiam fructus illi deberi censentur. Porro quatenam Judicia dicantur universalis, et quae particularia, habetur superius *Tit. 1. §. 2. n. 53. et seqq.*

Resp. II. Quamvis nonnulli Doctores velint, bonae fidei possessorem non teneri restituere fructus jam consumptos in Judiciis particularibus, tamen si ex eis factus fuerit locupletior: opposita tamen sententia, seu talem obligationem admittens, est communior, probabilior, ac proinde merito tenenda. Ita Covarruvias *d. lib. 1. Var. Resolut. cap. 3. n. 6. Concl. 3.* Sanchez *lib. 2. in Decalog. cap. 23. nu. 76. et 77.* citans non paucos Doctores pro priori (quorum aliqui infra *nu. 152.* allegabuntur) plurimos autem pro posteriori sententia.

Fundamentum principale eorum Doctorum, qui tenent, in Judiciis particularibus non adesse obligationem restituendi fructus bona fide consumptos, tametsi quis ex eis factus sit locupletior, consistit in hoc. Quia (inquiunt) Jura indistincte asserunt, bonae fidei possessorem lucrari fructus consumptos; ut *l. Sed et loci. ff. Finium regund.* ibi: *Nam ut bona fide percepit, et lucrari eum oportet, si eos consumpsit.* Neque teneri eosdem jam consumptos restituere; ut *§. Si quis a non domino.* juncta Glossa *§. Non potest. Instit. de Rer. divis. et §. Et si haereditas. Instit. de Officio Judicis.* In quo posteriori loco notabiliter dicitur de fructibus ante litem contestatam consumptis, in haec verba: *Si vero bonae fidei possessor fuerit, non habetur ratio neque consumptorum, neque perceptorum fructuum, nisi post litem contestatam.*

Neque urgent textus supra *n. 144. ex l. Item veniunt. et l. Sed et si lege ff. de Petition. haeredit.* allegati, qui velle videntur, possessorem bonae fidei teneri restituere fructus consumptos, quatenus ex eis factus est locupletior. Nam isthaec Jura (inquiunt hujus sententiae Auctores) procedunt in Judiciis universalibus; uti est petitio haereditatis, de qua ibidem ex professo agitur: secus dicendam in Judiciis particularibus, nam in his Jura indistincte attribunt fructus jam consumptos bonae fidei possessoribus. Accedit (inquiunt) ratio disparitatis, quia in Judiciis universalibus, puta in petitione haereditatis, locupletatio facta ex fructibus consumptis inerat ipsi substantiae haereditariae, ac proinde hac petita, et evicta, etiam illa jure debetur. At vero in judiciis particularibus cessat haec ratio; quinimo fructus bona fide consumpti expresse relinquuntur possessori pro cultura et cura, d. *§. Si quis a non domino. Instit. de Rer. divis.* cum concordantiis.



152. Ex idem hanc sententiam negativam, loquendo tamen de fructibus industrialibus, tenent Joannes Garcias *Tom. 17. Tractatum, Tract. de Expensis. cap. 23. n. 40.* post Glossam in *l. Et ex divorio. §. Non habendam. Vers. De consumptis. ff. de Rei vindicat.* dicentem, quod bonae fidei possessor de fructibus consumptis nullo modo tenetur, quia lucrifacit eos pro cultura et cura. Et Glossa hujus doctrinae communiter acquiescere Doctores, fatetur Bartolus *ibid. §. Sequitur in Glossa*, quamvis postea teneat oppositam: Cynus in *l. Non est. C. Familiae Herciscund. Baldus in l. 3. C. de Usur. et fructib. legat. Angelus, et Janola in l. Sequitur. §. 1. ff. de Usucap. pluresque alii, quos pro hac sententia allegat tunc Garcias *cit. cap. 43. n. 40.* tum Covarruvias *d. n. 6. Concl. 3.* et Sanchez *ubi supra*, appellans hanc opinionem valde probabilem, cui etiam multum favet Abbas in *c. Gravis. n. 6. h. t.* quamvis opposita ipsi magis placeat tanquam acquissima.*

153. Altera vero pars datae Conclusionis, seu quod bonae fidei possessor teneatur restituere fructus etiam industriales consumptos, in quantum ex eis factus est locupletior; est Abbatis *loc. cit.* et Bartoli, *ubi supra*. Eandemque sententiam, eam veriorera tenet Covarruvias *cit. lib. 1. Var. Resolut. cap. 3. num. 6. Concl. 3. Alexander Consil. 21. n. 10. lib. 4. Jason l. Si me et Titium. n. 1. ff. Si certum petatur.* allegans alios, et Sanchez *cit. lib. 2. in Decalog. cap. 23. nu. 76. et seqq.* Fundamentum hujus sententiae desumitur ex naturali aequitate: quia enim augmentum istud, quo locupletior factus est ex re mea, ad te pervenit, nec subest ratio, cur apud te remanere debeat (necessariae enim impensae tuae cum aestimatione operarum tuarum, jam apponuntur deductae) et quaelibet res domino suo fructificat: hinc non obstante, quod nullum tecum contractum inierim, illud augmentum a te mihi reddi, bonum et aequum est, prout in simili casu habetur decisum *h. Si et me et Titium. ff. Si certum petatur.* Confirmatur: quia possessor bonae fidei tenetur vero domino supervenienti restituere fructus, etiam industriales, adhuc extantes; et hoc vel officio Iudicis, vel conditione sine causa, juxta dicta *nu. 131. et seqq.* ergo idem dicendum in proposito. Siquidem fructus illi, ex quibus possessor factus est locupletior, licet secundum se ac substantiam suam sint consumpti: nihilo minus adhuc extant, et perseverant in illo augmento, per quod possessor factus est locupletior. Unde bonum et aequum est, ut hujusmodi augmentum (deductis primis expensis) reddatur vero domino rei: tum quia quaelibet res domino suo fructificat, ut dictum. Tum quia hoc natura aequum est, nominem cum alterius detrimento fieri locupletiores; prout habetur *l. Nam hoc natura. ff. de Conduct. indebit. et l. Jure naturae. ff. de Regul. Jur.* Tum tandem, quia hic adest unum ex duobus capitibus obligationem restitutionis inducentibus, videlicet alterum, ex parte rei acceptae, seu possessae desumptum, quae reddi debet domino suo: tunc enim possessor retinet adhuc rem alterius saltem quoad augmentum, seu partem illam, qua locupletior factus est, quae proinde obnoxia manet restitutioni.

154. Confirmatur hoc ipsum. Secundum Leges *num. 144.* allegatas, in petitorio haereditatis debet fieri restitutio fructuum quoad illud augmentum, quo bonae fidei possessor ex fructibus perceptis locupletior factus fuit: ergo a pari, imo et a fortiori, idem est dicendum in proposito. Probatur consequentia: quia in Iudicio universali petita haereditatis, haeres aucte aditam haereditatem solum habet jus ad rem respectu illius nondum aditae: et tamen vi dictarum Legum debetur ipsi postmodum

REIFFENSTUEL Jus Can. Tom. II.

supervenienti augmentum locupletiationis, ex fructibus jam consumptis a bonae fidei possessore acquisitum: ergo hoc idem, et quidem a fortiori, est admittendum in Iudicio particulari; nata in hoc verus dominus habet non solum jus ad rem, sed etiam jus in re, verumque dominium, puta alicujus fundi ab alio bona fide possessi: prout argumentatur Bartolus; *ubi supra*, et Sanchez *cit. cap. 23. n. 77.*

Neque obstant rationes *n. 150.* pro priori sententia allatae. Nam imprimis Jura ibidem allegata commode intelliguntur de fructibus consumptis, ita ut nihil eorum remaneat: ne quidem augmentum, quo possessor ex ipsis fuerat locupletior factus: alioquin enim adhuc extarent, atque perseverarent in tali augmento. Deinde respondetur, fructus consumptos, ex quibus possessor est factus locupletior, locari quidem a bonae fidei possessore; sed solum in eo sensu, in quo is pro cultura et cura fructus perceptos adhuc extantes dicitur facere suos: nempe revocabiliter per officium Iudicis, aut conditionem indebiti; non autem perfecte ac irrevocabiliter, prout dictum est superius *n. 127. et 132. et 133.*

## TITULUS XIV.

### De Dolo et Contumacia.

#### 1. Ratio continuationis Rubricarum.

Cum spoliatus quandoque dolo, vel contumacia Rei, nequeat consequi restitutionem ablati spoli: hinc praevius Titulus recte subjungitur praecedenti, quem etiam claritatis gratia juvat in paragraphos dividere.

#### §. I.

#### De Dolo, et variis ipsum concernentibus.

#### SUMMARIUM.

1. Dolus bonus, et
2. Dolus malus, quid?
3. Calliditas, Fallacia, et Machinatio differunt; et qualiter?
4. Dolus an vitiet contractus? Et *n. seqq.*
5. Error, et Dolus, in quo differant? *Ibid.*
6. Ob dolum circa substantiam rei, contractus Jure naturae est irritus. Et *n. seqq.*
7. Errantis nullus est consensus.
8. Quid, si dolus solum versetur circa qualitates accidentales? Et *n. seqq.*
9. Si dolus non det causam contractui, sed solum incidat, valet ipso jure contractus.
10. Adeo ut nec rescindi possit etc. Et *n. praec.*
11. Tenet contractus non obstante dolo per tertium commissum.
12. Datur tamen actio de dolo contra illum tertium. Et *n. praec.*
13. Quid, si ille non sit solvendo? *Ibid.*
13. Dolus dans causam contractui stricti juris, cum non reddat ipso jure nullum, licet rescindi possit.
14. Bene tamen contractum bonae fidei ipso jure efficit nullum.
15. Idem firmatur auctoritate Doctorum; et quae ratio disparitatis?
16. Limitatur hoc posterius, quando deceptus vult stare contractui.
17. Item in contractu matrimoniali.

18. Aliqui etiam tenent oppositum.  
 19. Quot auxilia competant ex Dolo?  
 20. Nominis Juris Civilis, et Juris Praetorii, quid intelligatur?  
 21. Actio Civilis, et Actio Praetoria, quae?  
 22. Et quale discrimen inter eas?  
 23. Exceptio doli, quid?  
 24. Hanc obiciens probare debet, dolo Aetoris aliquid factum esse, non alterius.  
 Exceptis casibus, in quibus dolo unus nocet alteri. Ibid.  
 25. Exceptio doli datur adversus omnes, qui contra aequitatem naturalem aliquid exigunt.  
 26. Deemptis Parentibus, Patronis.  
 27. Et qua exceptione adversus hos utantur Liberi, vel Liberti graviter laesi?  
 28. Actio de dolo, quid?  
 29. Est actio Praetoria.  
 30. Et personalis.  
 An transeat in haeredes? Ibid. Et n. seqq.  
 31. Actiones personales transeunt in haeredem, quae?  
 Haeres censetur eadem personam cum defuncto. Ibid.  
 32. Actio de dolo non procedit secluso dolo malo.  
 33. Nec admitti debet nisi causa cognita, attendendo videlicet ad tria; et quae? Et n. seqq.  
 34. Ea non datur pro modica summa, seu quae non excedit duos aureos.  
 35. Neque omni tempore, sed intra biennium duntaxat.  
 36. Nec adversus eas personas, quibus pietate, officio, reverentia obligamur.  
 37. Neque, ubi alia actio, exceptio, aut restitutio in integrum suppetit.  
 38. Actio de dolo, et Exceptio doli, in aliquo conveniunt.  
 39. Differunt tamen in pluribus. Et n. seqq.  
 Illa finitur biennio, non haec. Ibid.  
 40. Isthaec non infamat, bene tamen illa.  
 41. Actio de dolo est extraordinaria, et subsidiaria:  
 Exceptio de dolo est generalis, et concurret cum omnibus exceptionibus in factum.  
 42. Illa est arbitraria: secus dicendum de ista.
2. Queritur I. Quid sit Dolus? Ubi praenotandum, quod inpraesentiarum agatur de Dolo malo; prout Lib. 4. Digestorum, Tit. 3. inscribitur Rubrica, de Dolo malo. Et hoc sit ad differentiam Doli boni, qui est solertia quaedam, qua citra reprehensionem machinatur aliquid in hostem, ponendo v. g. ipsi insidias, can. Dominus. 23. q. 2. Aut in latrones, ut fraudem ipsorum alias nobis nociturum repellamus, seu declinemus, L. 1. §. Non sunt. ff. de Dolo malo, juncta Glossa & Hostem, et DD. ibidem. Hoc praenotato,
3. Resp. Dolus (videlicet malus) est omnis calliditas, fallacia machinatio ad circumveniendum, fallendum, decipiendum alterum adhibita. Ita communis; et patet ex l. Dolus. ff. de Dolo malo, ubi relicta alia ejus definitione Dolus allatis verbis definitur: qualis dolus vel maxime committitur in contractibus humanis. In Rubrica tamen praesentis Tituli Dolus magis specialiter accipitur, quatenus videlicet contumaciae adhaeret; atque is in Dolo esse censetur, qui ad circumveniendam proximum in judicio comparere recusat: nam contumacia non committitur cessante dolo, sive absque culpa, l. Contumacia. 53. ff. de Re judicat.
4. Dices. In data definitione superfluum verba illa, calliditas, fallacia; ergo ipsa non est bona. Resp. neg. anteced. Eo quod ista duo vi nominis aliud quid significant, quam machinatio: nam Calliditas committitur tacendo, juxta illud Proverb. 12. Qui dissimulat injuriam, callidus est. Quo modo,

venditor committit dolam, dum scivit rem esse alienam, vel alteri obligatam, aut debere servitutem quandam, neque de hoc certificavit emptorem, l. Tenetur. §. Si dolo ff. de Actionib. empti. At vero Fallacia committitur decipiendo mendaciis, l. Falsus. §. Si quis nihil. ff. de Furtis. Tandem Machinatio committitur factis; sive occulte insidiando, arg. cap. 1. et c. Super hoc. 3. De eo qui duxit in matrim. Hostiensis in Summa. h. t. n. 2. et seqq.

Queritur II. Utrum Dolus malus vitiet contractus, et qualliter? Ubi praenotandum, quod haec quaestio multum coincidat cum illa, Utrum contractus, qui ex errore celebrantur, sint validi? Nam Error, si naturaliter contingat, absolute dicitur Error, seu Ignorantia; si vero proveniat ex alterius malitia, sive calliditate, fallacia vel machinatione, appellatur Dolus, sumendo Dolum in partem malam, seu pro dolo malo. Hoc praenotato,

Resp. I. Quando alteri contrahentium dolus infertur versus circa substantiam rei, contractus Jure naturae est irritus pro omni Foro. Ita communis; idque exemplificari solet in emente aurichalcum pro auro, vel vitream pro gemma dolo alterius substitutum; aut hujusmodi. Ratio est: quia tunc deest consensus substantialis ad contractum requisitus; nam emens intendit emere aurum vel gemmam, non vero aurichalcum vel vitrum: sine consensu autem contractus est nullus Jure naturae.

Nec obstat, quod dolo alterius inductus hic et nunc videatur consentire. Nam consensus, si quis intervenit, procedit ex errore per dolum alterius causato, et quidem circa ipsam rei substantiam: aique nullus est errantis consensus, ut dicitur l. Non idcirco. C. de Juris et facti ignorant.

Resp. II. Si dolus versetur solum circa qualitates accidentales rei, seu quandam extrinsecas circumstantias contractus: tunc oportet distinguere, an dolus dederit causam contractui, vel actui, ut puta quia dolois suasionibus ad contrahendum quis inducebatur, alias non contracturus: vel non dederit causam contractui, sed solum incidat in contractum; prout fieret, si quis alias contracturus esset, dolo autem alterius in pretio, vel alia ratione deciperetur. Et horum utrumque adhuc dupliciter potest contingere: quia ejusmodi dolus vel causatur ab altera parte, cum qua quis contrahit, vel ab aliquo tertio. Proinde ulterius agendo speciatim de singulis.

Resp. III. Si dolus non det causam contractui, sed solum incidat in eum, conveniunt Doctores, quod contractus ipso jure sit validus: adeo, ut etiam per exceptionem doli ad petitionem decepti nequeat rescindi; licet taliter decepto competat actio contra decipientem, ut solvat, quanti sua interest dolum adhibitum non fuisse. Ita Hostiensis in Summa h. t. n. 5. vers. Quid si deceptus. Pirhing eod. n. 4. Zoesius tit. de Dolo malo. ff. n. 12. Layman lib. 3. sect. 5. tract. 4. cap. 5. n. 2. allegans communem. Ratio prioris partis est: quia dolus iste, utpote incidens solum, non tollit consensum circa substantiam contractus; et consequenter istum Jure naturali validum relinquit.

Alteri pars ex eo suadetur: quia hujusmodi dolus (uti supponitur) non dedit causam contractui, imo eo cognito adhuc quis contracturus fuisset; ergo non est: ratio, cur cognita rei veritate contractus ad petitionem partis infirmari, et rescindi debeat: dummodo solvatur decepto, quanti ejus interest dolum adhibitum non fuisse. Id ipsum clare desumitur ex l. Julianus. §. Si venditor. ff. de Actionib. empti: ubi dolo rem plaris vendens, tenetur actione ex empto, non ad rescissionem contractus, sed:

ad praestandum, seu solvendum decepto, quantum pluris ei vendidit.

- 11 Resp. IX. Insuper, quando dolus non ab altero contrahente, sed eo ignorante per tertium quendam commissus fuit, simulque contractus vel ab utraque, vel saltem ab altera contrahentium parte completus est, tenet contractus: datur tamen actio de dolo contra illum tertium. Ita Glossa c. *Cum dilecti*. §. *Deceptione*. circa fin. de *Emption*. Bartolus in l. *Et eleganter*. §. *Venit ad tertium*. ff. de *Dolo*. Zoesius Tit. de *Dolo malo*. ff. n. 11. Pirhing h. t. nu. 9. Layman cit. tract. 4. cap. 5. n. 3. allegans alios. Ratio est: quia, cum neuter contrahentium causaverit dolum (uti supponitur) iam hoc ipso dolo non debet alterutri eorum obesse: hoc autem fieret, si eo invito contractus ex sua parte completus rescinderetur. Id ipsum desumitur ex cit. l. *Et eleganter*. ff. de *Dolo*.

- 12 Caeterum, quod ille tertius, qui dolum commisit, actione de dolo teneatur ei, qui exinde laesus est, desumitur ex l. 2. ff. de *Proxenetis*. Ubi in simili de Proxenetis dicitur, quod si dolo et calliditate creditorem circumvenit, de dolo actione tenetur: junctis concordantiis ibidem per Glossam allegatis. Quod si forsitan ille solvendo non sit, succurrendum erit circumvento ratione resultantis inaequalitatis, reducendo contractum ad aequalitatem. Zoesius cit. n. 11.

- 13 Resp. V. Loquendo tandem de dolo circa qualitates accidentales ab alterutro contrahentium commissas, simulque dante causam contractui, est distinguendum inter contractus bonae fidei, et stricti juris. Et quidem loquendo de contractibus stricti juris, communiter tenent Doctores, quod dolus dant causam contractui stricti juris, eum non reddat ipso jure nullum; sed talis contractus primum ad petitionem decepti sit rescindendus per Judicem, arg. §. 1. *Instit. de Exception.* et l. *Dolo vel metu*. C. de *Inutilib. stipulat.* In quo posteriori loco sermo est de stipulatione, quae est stricti juris, et sic habetur: *Dolo vel metu adhibito, actio quidem nascitur, si subdita stipulatio sit: per doli mali tamen, vel metus exceptionem submoveri potest.*

- 14 Quod si vero dolus det causam contractui bonae fidei, tunc (inquiunt plerique Doctores) efficitur contractus ipso jure nullus; ut l. *Et eleganter* juncta Glossa §. *Si in hoc ipso* et Bartolo ibid. ff. de *Dolo malo*. et l. *In causis*. §. 2. ff. de *Minorib. et l. Ea vero* §. fin. ff. *Pro Socio* ubi dicitur: *Societas* (quae est contractus bonae fidei) *si dolo malo, aut fraudandi causa coita sit, ipso jure nullius momenti est: quia fides bona contraria est fraudi et dolo.*

- 15 Atque hanc sententiam, et distinctionem, praeter Glossam, et Bartolum, ubi supra, tenet alia Glossa in c. *Cum dilecti*. §. *Deceptione*. et Abbas ibid. n. 6. de *Emption*. Zoesius tit. de *dolo malo* ff. n. 3. eandemque communi Doctorum suffragio recipi, refert Covarruvias part. 2. in c. *Possessor. de Reg. Jur.* in 6. §. 6. n. 6. citans alios. Quamquam difficile sit, reddere veram rationem disparitatis, cur contractus bonae fidei ipso jure sint irriti, non item contractus stricti juris: nisi recurratur ad dispositionem Juris Communis, sic ordinantis ex ea congruentia, quod contractus bonae fidei judicentur ex aequo et bono, ac secundum bonam fidem etiam ultra id, quod nominatim est conventum; et sic, cum bonae fidei vel maxime contrarietur dolo, non censeatur quis habuisse animum contrahendi, ubi dolus dedit causam contractui: secus in contractibus stricti juris, utpote in quibus praecise judicatur secundum ea, de quibus nominatim conventum est: prout jam dictum Lib. 1. *Decretalium*, Tit. 35. de *Pactis*. §. 6. n. 27. ac seqq. Et hanc di-

sparitatem insinuant Abbas, et Bartolus, ubi supra.

Limitatur tamen haec posterior pars primo, quando deceptus vult stare contractui. Nam contractus, etiam bonae fidei, ita demum est nullus, si dolo alterius circumventus velit, quod sit nullus: alioquin enim eo volente, sicque consensum suum praestante, contractus valet in praerudicium dolosi, teneturque hic omnia complere, ac si contractus ab initio tenuisset. Glossa in cit. l. *Et eleganter*. §. *Si in hoc ipso* ff. de *Dolo malo*. Abbas loc. cit. nu. 5. Bartolus, Zoesius, ubi supra, et alii. Idque merito: ne alioquin dolus possit prodesse doloso, contra illud c. *Sedes*. 15. et c. *Ex tenore*. 16. de *Rescript.* allegatum: *Fraus et dolo alicui patrocinari non debent*. Simulque, quia deceptis, et non decipientibus, Jura subveniunt, c. *Cum universorum*. 8. de *Rerum permutat.*

Limitatur secundo eadem doctrina in contractibus matrimoniali. Hic enim non redditur ipso jure nullus ob dolum quoad accidentalia ab altero commissum; ut puta, si sponsa afferat se divitem, quae tamen non est talis. Abbas loc. cit. n. 7. atque jam dixi in *Theologia Moral.* tract. 14. distinct. 14. nu. 52. Nam contractus iste est spiritualis, et a Christo Domino elevatus ad rationem Sacramenti: sicque Jus Civile nihil de eo disponere potuit.

Additur notanter num. 14. *inquiunt plerique Doctores*. Quia licet dicta sententia sit communior, adhuc tamen non desunt Doctores, qui tenent, etiam contractus bonae fidei non esse ipso jure irritos ac nullos, etiamsi dolus quoad accidentalia ab altero commissus dederit causam contractui: quamvis per exceptionem doli rescindi possint, ac debeant, si deceptus velit. Atque ita antiquitus tenuit Petrus de Bella pertica, ut refert Abbas in d. c. *Cum dilecti*. n. 6. de *Emption*. eandemque sententiam novissime tenet Layman lib. 3. sect. 5. tract. 4. cap. 5. num. 6. citans Glossam §. 1. §. *Efficax est. Instit. de Exception.* Lessium lib. 2. de *Justit. et jur.* c. 17. dub. 5. concl. 3. et alios; ac sequitur Pirhing h. t. num. 6.

Quaeritur III. Quot auxilia competant ex dolo? 19  
Resp. Auxilia ex dolo, seu remedia dolo circumventis duo competunt, nimirum Exceptio doli, et Actio de dolo. Ita Hostiensis in *Summa*. h. t. num. 5. et communis. Idque patet ex l. 1. ff. de *Doli mali exception.* et l. 1. ff. de *Dolo malo*. et l. 2. C. *cod.* cum similibus, ubi haec auxilia ex dolo deceptis per Praetorem conceduntur. Quia enim non obstante dolo circa accidentalia contractuum commissas, tenet horum obligatio de Jure civili, juxta dictam nu. 13. hinc Praetor locis citatis tum exceptionem doli, tum actionem de dolo proposuit, ne cui dolo suus per occasionem Juris Civilis contra naturalem aequitatem prosit; prout loquitur textus in cit. l. 1. ff. de *Doli mali exception.*

Ubi sciendum, quod nomine Juris Civilis, per cujus occasionem non vult Praetor dolum cuiuspiam prodesse contra naturalem aequitatem, intelligatur illud, quod ex his quinque ejus partibus constat, videlicet ex Lege duodecim Tabularum, Plebiscitis, Senatus Consultis, Principum placitis, et Responsis Prudentum. Udalric. Zasius in §. *Sed isto* n. 3. *Instit. de Actionib.* Christoph. Klingensperger lib. 4. *Instit. Imperial.* tit. 6. quaest. 26. et alii. Atque istud appellatur Jus Civile primarium (quod proinde in allegato textu absolute Juris Civilis nomine indigitatur) ad differentiam Juris Praetorii, quod constat ex Edictis Magistratum, Praetorum, Praesidum, Aedilium, et hujusmodi. Zasius loc. cit. n. 4. et concordant dicta in *Proemio*. §. 9. n. 178. Licet enim etiam istud diceretur Jus, nihilo minus ad differentiam Juris Civilis primarii, non ita simpliciter



- nomen *Juris* obtinuit: sed quia per Praetorem ad illius interpretationem, et moderamen, ex aequo et justo statuatur, *Jus praetorium* appellari coepit. Covarrarias part. 2. in c. *Possessor. de Reg. Jur. in 6. §. 6. n. 6.* post Franc. Duarenum. l. *In actionibus. n. 14. ff. De in litem Jurand.* et alii.
21. Sciendum ulterius conformiter dictis, quod Actio, ut sic ex parte suae originis, seu causae efficientis, dividatur in Civilem, et praetoriam, §. *Sed istas quidem. Instit. de Actionib.* Harum prior dicitur, quae descendit ex Jure Civili proxime explicato, sive ex memoratis quinque partibus ejus. Posterior vero, sive Actio Praetoria est, quam Praetor sua jurisdictione comparavit: hoc est, advenit, ac secundum aequum et justum suis Edictis proposuit. Et hoc ultimum idcirco additur: quia si Praetor actionem quandam, ut puta actionem Depositum, vel Commodati, solum confirmavit, non vero adinvenit, Actio illa nihilo minus censetur civilis, arg. cit. §. 3. et Mynsinger *ibid. n. 3. et 4. Instit. de Actionib.* et alii.
22. Est autem notabile discrimen inter hasce Actiones. Nam Actiones Civiles natura sua perpetuo sunt, seu durant triginta annis: Praetoriae vero non item, sed haec plerumque sunt annuae, l. *In honorariis ff. de Actionib. et obligat.* Christoph. Clingensperger cit. *quaest. 26.* et amplius declarant Juris Civiles Interpretes.
23. Queritur IV. Quid sit Exceptio doli, et contra quos competat? Resp. I. Exceptio doli, dicitur illa, quae competit dolum passio adversus exigentem id, quod suo dolo malo promissum est, aut factum. Unde, si mihi vendidisti agrum tacita servitute ejus et urges me, ut stem contractui, possum te submovere exceptione doli: opponendo videlicet contra te, quod tacueris servitutem agri, sicque ob dolum a te commissum non teneat stare contractui: prout liquet ex §. 1. *Instit. de Exception.* et toto *Tit. ff. de Doli mali exception.* ubi ex professo de hoc agitur.
24. Solum hic notandum, quod in exceptione doli necesse sit, ut eam obijciens alleget, et probet, dolum Actoris quid factum esse: nam de Dolo Actoris excipere oportet, non alterius, l. *Palam autem. §. Sequitur ff. de Doli mali exception.* Dummodo hinc excipiantur casus, in quibus dolum unius nocet alteri, puta dolum Tutoris Pupillo, Curatoris Minori, Testatoris Haeredi, et hujusmodi: tunc enim, licet pupillus v. g. agat, sufficit excipere de dolo Tutoris, istumque probare, cit. l. *Palam autem. §. Sequitur.* juncta Glossa, §. *Nocet.* et l. *Apud Celsum. §. Illa etiam.* et §. *Si quis autem. ff. eod.*
25. Resp. II. Exceptio doli datur adversus omnes, qui contra aequitatem naturalem aliquid exigunt. Patet hoc ex cit. l. *Apud Celsum. ff. de Doli mali exception.* Ubi ad longum pluribus exemplis istud declaratur. Adeo, ut etiam Pupillus, cui quis solvit sine Tutoris auctoritate id quod debuit, submoveatur doli exceptione, si postmodum allegata prioris solutionis nullitate ob defectum auctoritatis Tutoris, denuo petat cum licito suo solutionem, cit. l. *Apud Celsum §. Si quis Pupillo.* Et simile quid habetur l. *Si debitor. ff. eod.* Nam etsi ab initio Pupillus dolo caruerit, nihilo minus postea non est extra dolum, dum contra naturalem aequitatem vult locupletari ex re alterius. Zoesius tit. *de Doli mali exception. ff. n. 9.* Pirhing h. t. n. 13. et alii.
26. Excipiuntur hinc Parentes, et Patroni: his enim exceptio doli a Libertis, vel Libertis opponi nequit, sive ex suo contractu agant, sive ex alieno. Textus est in cit. l. *Apud Celsum. §. Adversus parentes ff. de Doli mali exception.* Ex merito: siquidem exceptio doli apud proximos bonam famam sugillat: famae

autem parentum, et patronorum, omnimodis est pericendum, ac debita Jure naturae ipsis reverentia exhibenda non tantum vivis, sed etiam defunctis: Adeo, ut si Libertus ab haerede Patroni conveniatur, non possit excipere de dolo Patroni, prout ibidem subjungitur.

Si igitur Liberi, vel Liberti facto parentis, aut Patroni graviter laesi fuerint, utuntur alia exceptione non ita famam sugillante: ut puta, exceptione pecuniae non numeratae, si forte haec nondum sibi numeratam repetant, per textum cit. §. *Adversus parentes:* aut alia hujusmodi exceptione in factum, vel generaliter utendo exceptione, ne iis sui defensio denegetur. Zoesius loc. cit. n. 10. Alia exceptionem doli concernentia patebunt ex differentiis inter haec, et Actionem de dolo intercedentibus, de quibus n. 39. et seqq.

Queritur V. Quid sit Actio de dolo, et qualiter ab Exceptione doli differat? Resp. I. Actio de dolo est Actio Praetoria, et personalis, quae datur decepto adversus decipientem dolo malo causa cognita, si nulla alia actio suppetat decepto pro consequenda sua indemnitate. Ita in re communis, ac praesertim Mynsinger lib. 4. *Instit. tit. de Actionibus. §. Praeterea. n. 29.*

Dicitur in primis, Actio Praetoria. Quia, ne cui dolus suus per occasionem Juris Civiles contra naturalem aequitatem prosit, ea per Praetorem fuit adinventata, proposito Edicto in l. 1. §. 1. *ff. de Dolo malo:* ubi in haec verba loquitur: *Quas dolo malo facta esse dicuntur, si de his rebus alia actio non erit, et justa causa esse videbitur, judicium dabo.* Unde haec censetur esse Actio Praetoria, conformiter dictis num. 21.

Et additur, personalis: quia ex maleficio doli mali nascitur in personam ejus, qui alium decepit. Unde haec actio solum datur adversus decipientem, sive dolum committentem: in haeredes autem, vel successores ipsius: non aliter datur, nisi quatenus ad eos ratio doli commissi pervenit, seu locupletior eorum haereditas effecta est, l. *Si plures et l. In haeredem. ff. de Dolo malo.* Aut quo minus perveniret, dolo eorum factum est, l. *Dolove. ff. eod.*

Nec obstat, quod aliae actiones personales transeant in haeredem, l. *Partinet. §. An ff. de Capitis diminut.* et l. *Ex contractibus de Verb. obligat. et l. Si hominem. §. 2. ff. Depositum:* eo quod haeres eadem censetur esse persona cum defuncto, *Auth. de Jur. Jurand. §. 1. Collat. 5.* Resp. enim cum Glossa in cit. l. *Ex contractibus. ff. de Verb. obligat.* et aliis, istud procedere in actionibus, quae veniunt ex contractibus, vel quasi contractibus, prout liquido seorsum explicant citatae Leges: secus autem esse dicendum de actionibus, quae proveniunt ex delictis extra contractum. Siquidem iniquum foret, quempiam ultra id, quod ad eum pervenit, ex alieno dicto obligari: quia non debet aliquis alterius odio praegravari, juxta *Reg. 22. Juris in 6.* ac proinde actiones illae, quae veniunt ex delicto, ad haeredem non transeunt, nisi quatenus ad eum pervenit. Accedit textus in l. 1. *ff. de Privatis delict.* ubi Jure Civili (imo, ut explicat Glossa §. *Civili*) etiam hoc dictante natura, constitutionem legitur, *poenalibus actionibus haeredes non tenentur, nec ceteros quidem successores:* intelligendo hoc de actionibus poenalibus ex delicto venientibus: secus, si ex contractibus, ut explicat alia Glossa *ibid. §. Actionibus.*

Dicitur tertio in data definitione Actionis de dolo, *quas datur decepto adversus decipientem dolo malo.* Quia secluso dolo malo ex parte damnum inferentis, haec actio non procedit: puta, si quis bona fide, vel jure suo usus quidpiam egit, ex quo alteri damnum emergit. Nam Praetor cit. l. 1. §. 1. *ff. de Dolo mal.*

Hanc actionem duntaxat concedit de illis, quas dolo malo facta dicuntur. Atqui nullus videtur dolo facere, qui suo jure utitur, l. Nullus. ff. de Reg. Jur.

33 Et additur, causa cognita. Siquidem haec actio, utpote famosa, passim institui non potest, neque admitti debet, nisi causa cognita, L. 2. C. de Dolo malo. Ubi Glossa *fn.* et Mynsinger *in cit.* §. Praeterea. n. 32. et seqq. advertunt, quod in hac causae cognitione specialiter tria attendenda sint, videlicet quantitas seu res, tempus, et personae, per Jura proxime alleganda.

34 Et primo quidem in hujus causae cognitione debet attendi *Res*, seu quantitas ejus. Non enim actio tam famosa, passim indulgenda est pro quacunque modica somma; sed tum demum, si *justa causa esse videatur*, ut loquitur Praetor in L. 1. §. 1. de Dolo malo. Unde iudicium istud non indulgetur, nisi quantitas damni, per dolum alterius causati, duos aureos excedat, l. Si oleum. §. *fn.* et l. Id est, usque juncta Glossa *un.* ff. eod.

35 Deinde in memorata causae cognitione attendendum est *Tempus*. Neque enim omni tempore haec actio conceditur, sed intra biennium duntaxat a tempore doli commissi continuo numerandum, et non ultra: adeo, ut etiam actio ista intra biennium debeat terminari, et alias ipso jure tollatur. Textus est in L. ult. C. de Dolo malo, juncto Summario, et DD. *ibid.* Loesius *tit. eod.* ff. n. 26.

36 Tandem etiam debent cognosci *Personae*. Quia haec actio, seu famosa, non conceditur adversus eas personas, quibus pietate, officio, reverentia obligamur. Unde nec Liberis adversus Parentes, nec Libertis adversus Patronos, nec Subditis adversus Dominos, neque villibus personis adversus constitutos in Dignitate, de dolo agere licet: quamquam loco hujus possint uti Actione in factum, verbis tamen ita temperatis, ut Doli mentio non fiat, sed nudum factum narretur, nihilque aliud petatur, quam quod Judex ex bona fide, sive ex aequo et bono justum arbitrabitur, per textum in l. Non debet. ff. de Dolo malo.

37 Dicitur postremo in allata n. 28. definitione, et nulla alia actio suppetat decepto. Quia actioni de dolo, veluti famosae, non aliter locus est, quam si desit alia actio, *cit.* L. 1. §. 1. ff. de Dolo malo. et L. 2. C. eod. Adeo, ut si cuiuspiam sufficiat sola doli mali exceptio, puta contra creditorem debitum repetentem, is actione de dolo non possit agere: sufficit enim doli mali exceptio, sique per haec actio illa excluditur, L. ult. ff. de Dolo malo. Imo, si quispiam possit uti beneficio restitutionis in integrum, non debet ei haec actio competere *text. clar.* L. 1. §. Idem. Pomponius ff. de Dolo mal.

38 Resp. II. Actio de dolo, et Exceptio doli, conveniunt potissimum in hoc, quod utraque sit auxilium contra dolum. Utraque enim per Praectorem fuit adinventae in odium dolum committentis, et ne cuiuspiam dolum seu contra naturalem aequitatem patrocinetur per occasionem Juris Civilis; dum juxta istud contractus dolo interveniente celebrati (dummodo dolum non versetur circa substantiam rei, sed solum circa ejus qualitates) validi existunt, atque obligant, donec opposita exceptione doli, vel instituta actione de dolo elidantur, atque rescindantur, prout jam proxime dictum fuit.

39 Differunt tamen in pluribus aliis. Nam exceptio doli est perpetua: Actio de dolo autem, certo tempore finitur, nempe biennio, L. ult. C. de Dolo malo. et l. Pure. §. *fn.* ff. de Doli mali exceptione. In quo posteriori loco ratio disparitatis datur, quod Actor quidem in sua potestate habeat, quando utatur suo jure, Reumque in iudicio convenire velit: non item Reus, quando conveniatur, et sic contra Actorem exceptionis remedio uti valeat.

Deinde Exceptio doli non infamat. Ea enim opposita non damnatur Actor, sed solummodo Reus absolvitur; nemo autem ex dolo infamis redditur, nisi qui de dolo malo suo nomine damnatus fuit, L. 1. et l. Athletas. §. *fn.* ff. De his qui notantur infam. et L. 2. §. Item quaeritur. ff. de Doli mali exceptione. Contra Actio de dolo est famosa, et condemnatis perpetuae ignominiae notam inurit, per Jura proxime allegata, juncto §. Ex quibusdam Instit. de Poenis temere litigant.

40 Ulterius differunt: quia Actio de dolo est extraordinaria, et subsidaria; et, cum sit actio tam tristis ac famosa, non debet admitti, quamdiu suppetit alia actio, qua quis experiri, et indemnitate suam consequi valet, L. 1. ff. de Dolo malo. estque jam dictum supra num. 37. At vero Exceptio doli est generalis, l. Apud Celsum. §. Metus causa. ff. de Doli mali exceptione. et concurreit cum omnibus exceptionibus in factum. Quia enim dolo facit, quicumque id petit, quod qualibet exceptione elidi potest, hinc ex omnibus in factum exceptionibus, etiam doli oritur exceptio: nam nunc petendo facit dolose (nisi forsitan ignorantia excuset dolum) etsi ab initio nihil dolo malo fecerit. Textus, et DD. in L. 2. §. Et generaliter. ff. eod.

Tandem, ut alias differentiae taceantur, Actio de dolo est arbitraria; utpote in qua restitutio fieri jubetur arbitrio judicis, l. Arbitris. ff. de Dolo malo. Secus est in Exceptione de dolo, quia per hanc praeseise perimitur actio Actoris dolosi, §. Appellantur. Instit. de Exceptionib.

## §. II.

De Contumacia, ejusque requisitis, ac modo procedendi contra Contumaces.

### SUMMARIUM.

- 43 Contumacia, quid?
- 44 Est delictum personale.
- 45 Contumacia erga Judicem potest pluribus modis contingere.
- 46 I. In non veniendo.
- 47 Atque istud tribus modis.
- 48 II. In non respondendo.
- 49 III. In obscure respondendo.
- 50 IV. Reverendo absque Judicis licentia.
- 51 V. In non jurando.
- 52 VI. In non restituendo.
- 53 Intra quod tempus Reus condemnatus restituere debeat?
- 54 VII. In non exhibendo.
- 55 Et aliis adhuc modis.
- 56 Contumacia est duplex, vera, et ficta.
- 57 Et ratio hujus divisionis.
- 58 Verus contumax,
- 59 Et fictus, seu praesumptive contumax, quis?
- 60 Et quid in dubio; an citatio per Edictum ad notitiam citati pervenerit?
- 61 Vel si talis postea moram purgaverit, allegando justam causam absentiae?
- 62 Ut quis dicatur contumax, requiritur, ut sit citatus tribus Edictis, vel uno peremptorio.
- Et quomodo hoc sit intelligendum? *Ibid.* et n. 114.
- 63 Requiritur ulterius, quod nullo justo impedimento detentus fuerit, dum in termino citationis non comparuit.
- 64 et 65. Ista haec impedimenta exemplificantur. Et n. 63.
- 66 Judex nequit procedere contra contumacem, nisi ad instantiam partis.
- 67 Limitatur hoc.

*An Jdex elapso termino possit expectare contumacem in aliam horam, vel diem sequentem?*

*Et n. seqq.*

*Nequit hoc fieri, quando tunc expirat jurisdictio Judicis delegati. Ibid.*

69 *Bene tamen, si ejus jurisdictio post terminum peremptorium adhuc duret.*

70 *Et hujus ratio.*

71 *Tota dies cedit citato.*

72 *Solvuntur contraria. Et n. seqq.*

73 *Non potest tunc Jdex remittere expensas, quas pars praesens facit ob absentiam alterius.*

74 *Terminus peremptorius est quaedam sententia interlocutoria.*

*Haec transit in rem judicatam quoad partes, non quoad Judicem. Ibid.*

75 *Jdex etsi possit, non tenetur expectare contumacem in diem sequentem. Et n. seqq.*

76 *Non quidquid judicis potestati permittitur, juris subijcitur necessitati.*

*In arbitrariis prodest habere Judicem favorabilem Ibid.*

77 *Jdex ex aequo et bono debet moderari suum arbitrium.*

43 **Q**uæritur I. Quid sit, quibusque modis committitur Contumacia? Resp. I. Contumacia generatim loquendo, et quantum ad propositum, est inobedientia erga Judicem commissa. Additur notanter commissa: quia non semper est obediendum Judici, sed tum primum, quando juris ordine servato quidpiam praecipit. Et tunc, si quis non obtemperaverit Judici praecipienti, puta, ad comparandum cogenti, committitur contumacia.

44 Porro contumacia est delictum personale; hoc est, sequitur personam inobedientis, neque ipsam egreditur. Unde, si Procuratores, Tutores vel Curatores, Judici non obtemperaverint, ipsi soli tenentur, ac puniri debent; non autem Dominus, Pupillus, vel Minorennis. *L. iii. §. Si procurator. ff. quis jus dicenti non obtemp. Spiegelius in Lxxio Juris. §. Contumacia.*

45 Resp. II. Contumacia erga Judicem potest pluribus, ac praesertim sequentibus modis, contingere; videlicet, in non veniendo, in non respondendo, in respondendo obscure, in recedendo absque licentia infecto negotio, in non jurando, et in non exhibendo; ut puta, non restituendo pignus, aut non edendo rationes ad mandatum judicis, et hujusmodi. Atque de his omnibus extant vulgati versiculi apud Glossam in c. *Ex litteris. h. t.*

*Non veniens, non restituens, citiusque recedens,  
Nil dicens, pignusque tenens, juraroque nolens,  
Obscureque loquens: isti sunt jure rebelles.*

46 I. Itaque committitur contumacia in non veniendo, si videlicet quis legitime citatus non venit, sed sui praesentiam coram Jdice facere contemnit. Et de tali contumacia in praesenti Titulo potissimum est sermo.

47 Porro isthaec contumacia in non veniendo, potest adhuc tribus modis contingere. Primo, quia peremptoria citatione recepta quis venire contemnit. Secundo, quia malitiose se ipsam occultat, ne citari possit. Fit tertio, quia impedit, ne procurat, ne citatio ad ipsum quoquo modo perveniat; prout liquet ex c. *Quoniam. §. Porro. Ut lite contestata etc.* ac tradit Glossa i. in l. *Contumacia. ff. de Re judicata.* Hoc pertinet ille, qui quidem comparet, sed venit minus competentiter instructus, arg. c. *Cum dilecti. 6. h. t. et cap. 1. §. fin. de Appellation. in 6. Abbas c. Ex litteris. nu. 8. h. t.* qui istud postremum ulterius probat ex cap. 1. de *Election.*

in 6. ubi loquendo de negotio electionis, jubentur illi, quos causa contingit, intra certum tempus comparere apud Sedem Apostolicam per se, vel per procuratores in causa instructos: alioquin autem in negotio procedatur.

II. Contumacia committitur in non respondendo. 48 Tenentur enim partes, si juris ordine servato interrogentur, respondere Judici interroganti, veritatemque confiteri: nam ad hoc obligantur Jura naturae, et vi quarti praecepti Decalogi de praestanda obedientia legitimis Superioribus; siquidem Jdex est superior respectu eorum, qui judicantur. D. Thomas 2. 2. quæst. 69. art. 1. Navarrus cap. 26. Manual. n. 36. et communis.

III. Committitur contumacia in obscure respondendo, ita ut incertum relinquit Judicem interrogantem: nam hoc idem est, ac non respondere, l. *De aetate. §. Qui tacuit. et §. Nihil. ff. de Interrogator. actionib.*

IV. Incurritur contumacia recedendo absque Judicis licentia infecto negotio, nec revertendo; ut c. *Prout. 4. h. t. et c. Constitutis. 12. de Procurat. et can. Certum est. 11. q. 3.* Unde contra tales proceditur veluti contra contumaces, per Jura allegata.

V. Contumacia fit in non jurando ad mandatum judicis. l. *Manifestae. ff. de Jurejurandi juncto cap. ult. de Jurament. calumn.* ubi ideo Actor recusans Juramentum (de multis casibus, in quibus illud de jure recusare potest) ab instituta cadit actione: Reus autem idipsum recusans, habetur pro confesso; prout jam dictum supra Tit. 7. *De Juramento calumniae. §. 3. n. 52. et seqq.*

VI. Committitur contumacia in non restituendo ad praeceptum Judicis. In quo casu poterit ipse res, quam possidet, ac restituere jussus est, etiam auferri manu militari ex officio Judicis, l. *Qui restituere. ff. de Rei vindicat.*

Et quidem in actione reali, si Reus dixerit, se velle parere sententiae, isthaec statim mandatur executioni; alias vero post decem dies, si non sit appellatum. Nisi forsitan Reus condemnatus non habeat facultatem rei tam cito restituendae; quia tunc praestita sufficienti cautione, seu datis fidejussoribus; indulgetur ipsi aliud tempus, intra quod restituere debeat. §. *Et si in rem. Instit. de Offic. judic. Glossa in c. Quærenti. §. Quadrimestre. de Offic. Delegat.* At vero in actione personali, dantur Reo condemnato quatuor menses ad solvendum, cit. c. *Quærenti. 26. de Offic. Delegat. et L. 2. et 3. C. de Usuris rei judicat. Glossa loc. cit. et can. Cum apud. 11. q. 3. §. Animadversione.* Nam, ut l. *Quod dicimus. ff. de Solution. habetur declaratum, Debere statim solvere, cum aliquo temperamento temporis intelligendum est: nec enim cum sacco adire debet.*

VII. Committitur contumacia in non exhibendo, v. g. rationes, pignus, ad mandatum Judicis; prout patet ex l. *Creditor. §. Justus. ff. de Appellat.* Atque istud ultimum in supra allegatis versiculis denotatur per ly, *Pignusque tenens.* Nam ob paritatem rationis idem dicendum de aliis similibus, quae quis in judicio exhibere jussus, non exhibet.

Cæterum per haecenus dicta nentiquam negatur, 55 quia contumacia aliis quoque modis committi valet: quia imo generaliter loquendo, contumacia versatur circa omnes Judicii partes, in quibus Actor, aut Reus, Judici legitime jubenti non obtemperat; neque enim ipsa est aliud; ac inobedientia erga Judicem commissa. Pirhing h. t. n. 21. post Hiltropium in *Processu judiciario, part. 2. tit. 6. §. In quibus committ. contum. n. 22. Saanig h. t. cap. 3. num. 4. et alii.* In proposito tamen praecipue agitur de Contumacia in veniendo; unde de hac loquendo

Quæritur II. Quotuplex sit Contumacia in venien- 56



dō? Resp. I. Contumacia haec est duplex, alia vera, alia ficta sive praesumpta. Ita Hostiensis in *Summa. tit. de Contumacia. n. 1.* Maranta *part. 6. Speculi Aurei. §. de Contumacia. n. 8.* et alii; quamvis Glossa *fin. in Clem. un. h. t. post Speculatorem tit. de Contumacia. num. 3.* addat tertium membrum, videlicet *Contumaciam evidentem*, qualem committit ille, qui citatus expresse dicit, se non venturum. Verum haec sub contumacia vera jam continetur.

57 Ratio Conclusionis est: quia vel citatio apprehendit citatum; et tunc Contumacia ab ipso commissa vocatur vera. Vel ipsum non apprehendit personaliter, neque ad ejus notitiam pervenit; ut quia citatus latuit, nec inveniri potuit, tamen citatio solemniter facta est ad ejus domum, vel publicas valvas Ecclesiae, seu Curiae: et tunc ejus absentia in termino constituto, appellatur *Contumacia ficta*, seu *praesumpta*; eo quod juris fictione, seu praesumptione, talis reputetur contumax, nisi moram purgaverit.

58 Hoc *verus contumax* dicitur ille, quem citatio legitime facta apprehendit (hoc est, qui tribus Edictis, aut uno peremptorio, personaliter citatus fuit) et tamen transiente legitimo impedimento in termino praefixo non comparuit; ut *l. Contumacia. et seqq. ff. de Re judicat. et con. De illicita. §. Quicumque. 24. q. 3.* Hoc adde illum, qui citatus peremptorie non est inventus, aliunde tamen constat, ipsum habuisse notitiam factae suae citationis, nec tamen comparuit, arg. *l. Ex consensu. §. fin. ff. de Appellat.* Ubi Bartolus istud exemplificat de eo, qui citatus est ad domum, et postea ad ejus notitiam citatio tempore congruo pervenit: quia, si non comparuerit, dicitur verus contumax. Pirhing *h. t. n. 20.* Mascardus *de Probationibus, Concl. 430. n. 10.* Benedict. *Caprae Repet. in Clem. Si ante. n. 151. et 15. de Dolo et contum. refutans contrariam quorundam opinionem.*

59 *Ficta* autem, seu *praesumptiva contumax* dicitur ille, qui quidem personaliter, ac in faciem citatus non fuit, eo quod inventus non sit; tamen solemniter citatus est per Edictum affixum ad domum ejus, vel valvas Ecclesiae, aut Curiae, nec comparuit in termino praefixo. Jus enim violenter praesumit, quod ad taliter citati notitiam citatio devenerit, vel (quod non relevat) ipse impedierit, aut fecerit se celando, ne ad eum potuerit pervenire citatio, *Extravag. Rem non novam. h. t. inter Communes, et Clem. 1. de Judiciis.* Unde dicto modo per Edictum publice propositum citatus, habetur pro citato, *cap. ult. h. t. et c. Ex tuac. 11. de Cleric. non resident. et c. Venerabilibus. §. Idem est. 7. de Sentent. excomm. in 6. eum similibus.* Et si in termino praefixo non venerit, praesumptive, seu juris fictione censetur esse contumax; sicque contra ipsum veluti contumacem potest procedi, *c. Cum Bertholdus. 18. de Sentent. et re judicat.* et notat Glossa *fin. in Clem. un. h. t.* Abbas *in c. Venerabilis. num. 8. eod.* Speculator *tit. de Contumacia. §. 1. n. 2.* Hostiensis *eod. tit. num. 2. et communis.*

60 Nec obstat dubium, an sollemnis illa citatio per Edictum ad notitiam citati pervenerit. Adhuc enim, si in termino praefixo non comparuerit, ob violentiam illam juris praesumptionem censetur talis ficta contumax, potestque contra ipsum procedi. Maranta *part. 6. Speculi Aurei, tit. de Contumacia. n. 8.* post Bartolum *in l. ult. §. Respondet ad primam. ff. de Restitut. in integr. Angel. in Consil. 186. et Cardinal. in Clem. 1. quaest. 9. de Dolo et contumac.* Quin imo, si constaret, citationem pervenisse ad citatum, nec tamen iste compareret in termino, jam reputaretur verus contumax, ut proxime dictum.

Atque haec procedunt, nisi postea talis moram purgaverit, allegando videlicet justam causam absentiae, seu cur in termino praefixo non venerit: aut saltem, loquendo de ficta contumacia, is per juramentum, quod citatio sollemnis per Edictum ad ejus notitiam non pervenerit, nec per eum steterit, quominus perveniret, violentiam contra se praesumptionem juris elidere valeat, juxta Glossam *in c. Ex litteris. §. Ad plenum. De in integrum restitut.* Nam legitime impediti, neutiquam reputantur contumaces, neque poenam contumacium patiuntur, *text. clar. l. Contumacia. §. Poenam contumacis. ff. de Re judicat. et l. Sancimus si quis. C. de Fidejussorib.* Quia imo, si contra talem jam processum fuisset, atque ipse in contumaciam condemnatus; nihilo minus probata postmodum justa causa absentiae, is sine difficultate restituitur, et lata contra eum sententia, revocatur, seu retractatur; ut *c. Cum Bertholdus. 18. juncta Glossa §. Justam causam. de Sentent. et re judicat.* et Abbas *ibid. n. 35.* Speculator *cit. tit. de Contumacia. §. 1. n. 2.*

Quaeritur III. Quae requirantur, ut quis possit dici contumax? Resp. I. Ad hoc imprimis requiritur, quod sit legitime citatus, videlicet tribus Edictis, vel uno peremptorio pro omnibus. Textus est *in l. Contumacia. ff. de Re judicat. et con. De illicita. §. Quicumque. 24. q. 3.* cum similibus. Quamquam istud non ita accipiendum sit, quasi ad primam, aut secundam citationem comparere contempnas, nullam committat contumaciam: vere enim talis committit inobedientiam quandam erga Judicem citantem, sicque existit contumax; et tenetur alteri parti comparere ad refundendas expensas, quas fecit in veniendo, juxta dicenda inferius *n. 113.* Sed quia requiritur tria citatio, vel una peremptoria ad hoc, ut contra talem possit perveniri ad sententiam diffinitivam, vel ad missionem in possessionem ex primo, et secundo Decreto; prout explicat Bartolus *in d. l. Contumacia. §. Contumax est. ff. de Re judicat. et Jason l. Sancimus. n. 8. C. de Judiciis*, citans alios, junctis dicendis *infra §. 4. n. 114.*

Resp. II. Ad hoc, ut quis contumax reputetur, ulterius necesse est, ut nullo justo impedimento detentus fuerit, dum in termino citationis non comparuit. Textus est *in l. Contumacia. §. Contumax est. et l. seqq. ff. de Judiciis.* Ubi istud exemplificatur de eo, quem adversa valetudo detinet: item, quem majoris causae occupatio defendit; vel, qui obedire non tenetur, eo quod ad jurisdictionem citantis non pertineat: item, si quis Reipublicae causa absit: vel qui ad majus Tribunal evocatus, coram inferiore Judice non comparet. Talis enim non videtur contumax, prout ibidem declaratur.

Id ipsum accidit, atque non comparet excusator a contumacia, quando citatus est ad comparandum in loco non tuto: puta, ob insidias inimicorum, quos habet capitales in loco, ad quem citatur, vel si illuc accedere tuto non potest ob metum hostium, pestilentiam grassantem, vel inundationem fluminis, et hujusmodi. Farinacius *lib. 1. Criminalium. tit. 1. quaest. 11. nu. 52. et 55. ac seqq.* citans alios; atque liquet ex *c. Accedens. 4. Ut lito non contestat. et c. Ex part. 47. de Appellat. et Clem. Pastoralis. §. Notorium. et §. Esto igitur. juncta Glossa, et DD. ibid. de Re judicat.*

Insuper, quando Judex in termino peremptorio est abscissa, nec pro tribunali sedet, tunc Reus non comparens, neutiquam censetur contumax. Glossa *fin. in l. Ex quacumque. ff. Si quis in jus vocatus etc.* Maranta *part. 6. Speculi Aurei. tit. de Contumacia. n. 1.* qui tamen subdit, quod debeat talis comparere die sequenti reverso Judice, ac pro Tribunali sedente, sine alia citatione. Item inter justas absentiae causas

connumeratur mors parentis, arg. *L. 2. ff. De in jus vocando*, juncta *Glossa penult. et ult. ibid.* quae istud extendit ad mortem Familiarium, quibus aliquis funeralia exequi debet. Item, quando quis habet consanguineum infirmum: quia etiam infirmitas suorum excusat a contumacia, secundum Alexandrum in *L. Quaesitum est ff. de Re judicat.* et Marantia loc. cit. n. 3. Tacentur aliae consimiles causae exsantes absenti a contumacia, quarum plures sunt, Judicis tamen arbitrio remittendae; prout notat Farinacius loc. cit. n. 52. et Menochius lib. 2. de Arbitrar. Judic. Cas. 153. n. 4. et 5.

- 66 Quæritur IV. Quando Judex contra contumacem procedere possit? Resp. I. Judex de jure nunquam potest procedere contra contumacem ad aliquem actum, nisi altera parte instante, ac petente. Ita desumitur ex *L. Ad peremptorium et seqq. ff. de Judiciis*; ubi statuitur, quod quis petat post absentiam adversarii edictum primum, mox alterum, et tertium: quibus propositis tunc peremptorium impetret; atque hæc omnia non nisi ad instantiam, seu petitionem partis, Judex decernit: quin imo, si pars adversa istud non petat, videtur consentire in absentiam sui adversarii, eamque tacite approbare, seu remittere. Concordat textus in *L. Properandum. §. 1. C. cod. et Auth. Qui semel.* et Bartolus ibidem. *1. C. Quomodo et quando etc. et Auth. Ei qui appellat. §. Venio ad finem. C. de Temporib. appellat.* Jason in *L. Properandum. §. Et si quidem. n. 3. de Judiciis* Mascardus de Probationibus, Concl. 450. n. 8. et 9. Marantia part. 6. *Speculi Aurel. tit. de Contumacia. n. 15. Gailus lib. 1. Pract. Observat. 56. n. 3.* et alii. Siquidem Judex officium suum impertiri non debet, nisi petita sit, praesertim, si de facto, et non de jure controversetur, arg. *L. Dies. §. Hoc autem ff. de Damno infecto.*

- 67 Limita tamen datam Conclusionem in casibus illis, in quibus Judex potest procedere, ac procedit ex officio: prout in simili jam dictum est supra *Tit. 3. de Libelli oblatione. §. 2. n. 58. et 59.* Item in casu mulctae pecuniariae, utpote quam Judex potest imponere Reo contumaciter absenti in poenam commissae erga se inobedientiae, etiam altera parte non petente: *L. Ex quacunque. ff. Si quis in jus vocatus etc.* et amplius dicetur infra §. 5. n. 134. et seqq. His addè dicta, aliudque exemplum supra *Tit. 3. de Libelli oblatione. §. 3. n. 100. et 101.* jam allegatum.

- 68 Quæritur V. Utrum elapso termino peremptorio possit Judex expectare contumacem, in aliam horam, vel diem sequentem? Resp. I. Quando potestas Judicis delegati expirat eadem hora, vel die termini peremptorii, nequit Judex expectare contumacem in aliud tempus; sed oportet, ut his hora adhuc competente procedat ad exequendum id, propter quod partibus citatis terminum peremptorium legitime assignavit: ne alioquin, expirante ejusdem jurisdictione, tota judicialis instantia frustra evanescat. Textus est in *c. Consuluit. 24. de Offic. Delegat.* ac tradit ibidem Abbas in *Summario. Barbosa in Collectan. num. 1. et communis aliorum.*

- 69 Resp. II. Loquendo de Judice ordinario, vel etiam Delegato, cujus jurisdictio adhuc durat post assignatum terminum peremptorium, potest is partem absentem de aequitate expectare in sequentem diem; ac proinde, si partes ad certum diem, vel etiam certam horam diei, peremptorie fuerint citatae, et alterutra earum tunc non compareat, pars absens, etiam ad instantiam partis praesentis, atque alterius contumaciam accusantis; non statim necessario condemnanda est in contumaciam. Ita desumitur ex *c. Consuluit. 24. de Offic. Delegat.*

ubi loquendo de Judice delegato, cujus jurisdictio in termino peremptorio non expirat (idemque, a paritate rationis, dicendum de Judice ordinario) Pontifex desuper consultus respondet, quod partibus ad certam diem peremptorie citatis, et altera earum contumaciter se absente, Jdex in diem alterum aequitate sudente, poterit expectare. Ubi proinde *Glossa, §. Gratiam fecerit*, notabiliter sic loquitur: *Ecce, quanta potestas datur Judici circa judicia, ut possit parcere contumaci in praejudicium alterius, ut L. 1. C. quomodo et quando etc.* Haec *Glossa* Idipsum tenet Jo. Andreas in *c. Consuluit n. 6.* et Abbas in *Summario, ac num. 2. et seqq.* et Felinus n. 1. et Barbosa n. 1. *de Offic. Delegat.* citans alios quosplures. Bartolus in tract. *Super possessorio Generis humani, paulo post initium. Speculator tit. de Citatione. §. Viso. n. 4. Menochius de Arbitrar. Judic. lib. 1. quaest. 36. n. 3. et quaest. 63. n. 1. Pirhing tit. de Offic. Delegat. n. 90. et Mascardus de Probationibus, Concl. 1236. num. 1. et seqq.* allegans plurimos alios, nonnullis tamen dissentientibus.

Accedit ratio: quia Judex non solum vitatur merita iustitia et rigore juris, sed etiam quandoque aequitate, videlicet juxta exigentiam personarum, causarum, locorum et temporum, arg. *c. Sicut dignum. §. 1. de Homicid. et L. Quod si Ephesi. ff. de eo, quod certo loco etc. et L. Placuit. C. de Judiciis.* Atqui ratio aequitatis plerumque suadet, ut pars absens non illico condemnator in contumaciam; ergo. Min. probatur: quis potest contingere, nec raro contingit, quod justum impedimentum intervenierit, quo minus pars citata in praefixo citationis termino comparere potuerit. Hoc autem facto, et probato, cessat contumacia, *L. Contumacia. ff. de Re judicat.* estque postea expectandum tempus, quo pars illa comparere possit; et si secus attentatum fuerit, sententia contra absentem ex legitimo impedimento prolata, nullius est valoris, atque revocari debet, *c. Querelam. 2. de Procurat. et c. Cum Bertholdus. 18.* juncta *Glossa §. Justam causam. de Sentent. et re judicat.* Siquidem juste impedito tempus ad agendum non currit, arg. *L. Quaesitum est. ff. de Re judicat.* Unde ad evitandum illud inconveniens aequum est, ut Judex non nihil expectet, donec de contumacia absentis melius constet.

Deinde, quamvis citatus teneatur comparere hora diei sibi in citatione praefixa, vel si non exprimitur hora, quam Curia solita est tenere, ut dictum est supra *Tit. 3. de Libelli oblatione. §. 2. n. 65.* Nihilominus non dicitur contumax, eo quod illa hora non comparuerit, si ante ultimam adhuc horam totius diei venerit: quia tota dies citato cedit, arg. *L. Omnis stipulatio. Instit. de Verbor. obligat.* Additio ad Abbatem in *c. Consuluit. §. Hora diei praefixa. de Offic. Delegat.* Bartolus ubi supra. Card. de Luca de *Judiciis. Discurs. 11. n. 18. post Rotam Decis. 199. part. 3. Recant.* quamvis addat, in hoc deservendum esse Tribunalium stylis.

Dices. Judex ita tenetur utramque partem litigantium audire, ut neutri praejudicium inferat: atqui hoc fieret, si posset parti absenti, seu contumaci parcere, ac terminum peremptorium prorogare in aliam horam, vel etiam diem sequentem; hoc enim vergeret in praejudicium partis praesentis, et ulterius contumaciam accusantis; ergo. Resp. neg. min. Tum quia Judex ita prorogaret terminum peremptorium aequitate sudente, Jureque permittente, ne alioquin forsan innocentem, seu ex justo impedimento non comparentem, damnet in contumaciam. Tum quia ejusmodi prorogatio modici temporis nequit cedere in magnum praejudicium partis praesentis (de modico autem non est curandum, *L. Scio. ff. de Restitut. in integr.*).

70

71

72

quia in mora modici temporis non est periculum, *l. Si debitori. ff. de Judiciis.*

- 73 Accedit, quod si revera pars praesens idcirco pateretur grave praedictum, puta, quia majores fecisset expensas in veniendo de longinquo, tunc contumaciter abiens teneretur has resarcire, neque posset eas Judex remittere: alioquin ipse de suo restituere cogeretur expensas, *l. Sancimus. C. de Judiciis. Glossa in cit. c. Consuluit. & Gratiam fecerit. et Abbas ibid. n. 9. de Offic. Delegat. citans Innocentium. Pirhing h. t. n. 90. et alii, nonnullis tamen exceptis, quos allegat Abbas loc. cit.*

- 74 Urgebis. Terminus peremptorius citationis videtur esse quaedam sententia interlocutoria: quia Judex censetur tacite pronunciare, quod quis cessante justo impedimento tunc abiens, non audiat post illum terminum, *arg. l. A procedente, juncta Glossa fin. C. de Dilationib.* Atqui sententia interlocutoria, a qua intra decendum non est appellatum, transit in rem judicatam, *c. Significaverunt. 36. de Testib. et c. Quod ad consultationem. 15. de Sentent. et re judicat.* et consequenter terminus ille nequit amplius per Judicem; invita altera parte, prorogari. Resp. disting. min. Sententia interlocutoria, a qua non est appellatum, transit in rem judicatam, quoad partes litigantes, conced. quoad Judicem, neg. Licet enim sententia illa interlocutoria transeat in rem judicatam quoad partes, atque idcirco pars negligens, seu contumaciter abiens, non possit ex se, atque ex jure suo petere, quod post elapsum terminum peremptorium adhuc audiat: ab hoc enim, virtute peremptorii, jam intelligitur exclusa. Secus tamen est dicendum quoad Judicem: in hunc quippe talis sententia interlocutoria non cadit, ac proinde quoad ipsum etiam non transit in rem judicatam. Quia imo, ut notat Mascardus *de Probationibus, Concl. 1236. n. 15. et 16. post Bellameram Decis. 744. et alios, ejusmodi sententia interlocutoria censetur habere tacitam illam conditionem, nisi Judex suadente aequitate partem absentem adhuc duxerit esse admittendam: potest enim ipse sententiam suam interlocutoriam remittere, ac revocare, l. Quod jussit. ff. de Re judicat.*

- 75 Resp. III. Quamvis Judex possit parcere contumaciae, eumque in diem alterum expectare; adeo, ut pars adversa non possit contradicere, eo quod utatur potestate sibi per legem concessa, ut hactenus dictum: nihilo minus Judex ille ad hoc non tenetur, sed si voluerit, termino peremptorio elapso poterit illico, ad instantiam partis praesentis, condemnare absentem in contumaciam. Ita desumitur ex *cit. c. Consuluit. juncta Glossa & Aequitate. ff. de Offic. Delegat.* et tradunt Doctores proxime allegati. Accedit ratio, quia pars abiens revera incidit in contumaciam; et ideo sibi imputet, quod fuerit negligens. Aut, si forsan ex justo impedimento absuisset tunc, vel tempestive oportuisset mittere excusationem absentiae ad Judicem; vel saltem imposterum oportebit justam causam absentiae allegare, et probare: quo facto ad ejus instantiam revocatur sententia condemnatoria in contumaciam contra eum lata, ipseque restituitur in integrum, ut jam dictum supra n. 61.

- 76 Nec urget, quod Judex possit absentem expectare in diem alterum. Resp. enim, hinc neutiquam sequi, quod etiam teneatur expectare: quia non omne, quod potest Judex, etiam necesse habet facere; si-  
ve, non quidquid judicis potestati permittitur, id subijcitur juris necessitati, ut loquitur textus in *l. Non quidquid. ff. de Judiciis. et l. 1. C. Quomodo et quando etc.* Ac proinde Judex ille, motus aequitate, et quasi ex gratia, potest quidem partem absentem

expectare, et admittere in diem sequentem, si voluerit, haud obstante lapsu temporis peremptorii: ad hoc tamen non tenetur, ne quidem ad instantiam partis, utpote per lapsum temporis peremptorii jam exclusae. Mascardus *loc. cit. n. 14. et alii.* Unde in hujusmodi arbitrariis multum prodest, habere Judicem favorabilem. Abbas *in cit. c. Consuluit. n. 2. de Offic. Delegat. Menochius de Arbitrar. Judic. lib. 1. quaest. 63. n. 3. allegans alios.*

Accedit, quod Judex possit quidem prorogare terminum peremptorium in diem sequentem, sed non nisi aequitate suadente, per textum in *cit. c. Consuluit.* Etsi enim termini judiciales solum excludant partem, non vero Judicem; debet tamen Judex ex aequo et bono moderari, atque regulare suum arbitrium, habito respectu ad jus alterius partis, ejusque praedictum: et si adesset concursus aequitatis ex parte ambarum partium, contra negligentem foret judicandum: nam jura vigilantibus subveniunt, non negligentibus, *l. Non enim. ff. Ex quibus causis majores etc. Mascardus cit. Concl. 1236. n. 20.*

### §. III

De Contumacia Actoris, modoque contra hunc procedendi.

#### SUMMARIIUM.

- 78 Actor qualiter censetur committere contumaciam?  
79 Et cur haec quandoque a nonnullis committatur?  
80 Levitus agere nemo cogitur: quomodo intelligendum?  
81 Contra Actorem contumacem, quomodo si procedendum? Et n. seqq.  
82 Ejus citatio quomodo fieri debeat?  
Praesertim, si sit abiens, vel latitet? *Ibid.*  
83 Dicta de citatione Actoris contumaciter absentis, etiam procedunt in citatione Rei contumacis.  
84 Contra Actorem contumaciter absentem potest Judex procedere usque ad sententiam, etiam lite non contestata.  
85 Quale citationum, ac temporis intervallum, ad hoc de Jure Civili requiratur?  
86 Et quid spectato Jure Canonico, et consuetudine Fori Ecclesiastici?  
87 Ad litis contestationem, an requiratur simultanea utriusque partis praesentia?  
88 Contra Rem contumaciter absentem non potest procedi lite necdum contestata; et cur? Et n. seqq.  
Major est contumacia Actoris, quam Rei. *Ibid.*  
89 Magis praesumitur contra Actorem, quam contra Rem contumaciter absentem.  
Rei in Jure appellantur fugientes; et cur? *Ibid.*  
90 Cur non frustra ad instantiam Rei fiat processus super causa principali, Actore contumaciter absente, sicque nihil probante.  
91 Actor non probante Reus absolvitur: quomodo intelligendum?  
92 Quatuor Remedia Juris competunt Reo contra Actorem contumaciter absentem.  
93 I. Ut Reus potat circumduci Edictum: et quale sit hoc remedium?  
94 Actor in termino citationis contumaciter abiens, tenetur Reo comparere ad expensas.  
95 Secus, si nec Reus comparuit.  
96 Nec amplius Actor ille est audendus, nisi praeter



restitutae expensas etiam praestet cautionem de comparando in termino citationis.

97 Et qualis debeat esse haec cautio?

Ubi in Jure requiritur cautio, qualis ea debeat esse? Ibid.

98 Ut Actore non competente, Reus petat se absolvi ab observatione judicii.

99 An ad obtinendum istud remedium requiratur nova citatio Actoris?

100 III. Ut Reus praesens petat se diffinitive absolvi ab impetitione Actoris contumaciter absens.

101 Litigatoris absentia Dei praesentia repletur.

102 Ante ejusmodi tamen sententiam diffinitivam debet Judex diligenter examinare negotium pro utraque parte.

103 Et quid, si viderit, quod Actor absens meliorem causam habeat?

104 IV. Ut Reus etiam pro se pronunciari postulet.

105 Remedium istud est caeteris pinguius; et quid ad illud obtinendum requiratur?

106 In arbitrio Rei est unum ex dictis remediis contra Actorem contumacem eligere.

78 Quaeritur I. Qualiter Actor censeatur committere contumaciam? Resp. Id contingit, quando Actor proposita semel Actione (saltem mediante libelli oblatione) et per Judicem Reo cognita, ad mandatum Judicis statuto tempore comparere, ac litem prosequi contemnit. Ita communis; et patet ex Auth. Qui semel. C. Quomodo et quando etc.

79 Solent enim quandoque aliqui malitiosi, praesertim praetextu Litterarum Apostolicarum, facere Reos citari, ubi volunt; nec tamen comparent in termino a judice statuto, ut sic citatos amplius indebite graveat. Speculator tit. de Contumacia. §. Nunc. num. 2. Interdum etiam Actores contumaciter se absentant, nec legitime citati coram judice comparere nolunt, eo quod dissident de jure suo: siveque sua absentia judicis sententiam subterfugere, vel saltem prolongare cupiunt; aut dum vident, Reum habere nunc paratas suas defensiones ex testibus, vel aliis modis, sese absentant, donec interim testes illi moriantur; vel quoquo modo paratae Rei probationes intercant. Glossa Marginalis in c. Causam. 3. h. t.

80 Nec ipsos juvat illud, quod habetur L. un. C. Ut nemo invitus etc. ibi: Invitus agere, vel accusare nemo cogatur. Resp. enim, praeter alias hujus Legis fallentias, seu limitationes, quas ponit Glossa ibidem, Regulam hanc solum procedere ante coeptam litem, sive dum quis nondum agere incepit: tunc enim in uniuscujusque arbitrio est, agere vel non agere; atque oportet Actorem praemeditari, an sufficienter instructus comparere possit. Secus dicendum post coeptam semel litem, ac re non amplius integra; tunc enim, ne Reus malitiose vexetur, potest is cogere Actorem ad persistendum in lite, et propositam semel actionem ad finem usque prosequendam; ac proinde petere, ut Actor contumaciter absens citetur, juxta Auth. de Litigiosis. §. Omnem vero Collat. 8. et mox amplius declarabitur.

81 Quaeritur II. Quomodo citandus sit Actor, vel Reus contumax? Resp. I. Si Actor est contumax, et comparere renuit, Reo instante, Actor per Judicem trina denunciatione, vel una peremptoria personaliter citari debet, dummodo reperiri possit: quod si is nullo modo reperiri valeat, ut quia se occultavit, aut penitus recessit, citandus est Procurator ejus, si quem reliquit: si autem nullum dimiserit Procuratorem, not est incertum, an hunc dimiserit tunc citatio ipsius debet fieri per Edictum ad

domum ejusdem Actoris, vel ad valvas Curiae, aut Ecclesiae affixum. Ita habetur statutum c. Causam. 3. h. t. ac notant Glossa, et Doctores ibidem communiter. Et merito, quia, antequam ad ulteriora procedatur, citatio partis adversae absens cumprimis est necessaria, cum sit fundamentum judicii, ac etiam de Jure naturali, et divino requiratur: ut dictum supra Tit. 3. de Libelli oblatione. §. 2. n. 67. et seqq.

Porro hujusmodi citatio Actoris absens, non nisi reo instante fieri debet, juxta dicta superius num. 66. Deinde dicta citatio partis absens, debet esse personalis; hoc est, facta in persona citandi, si reperiri valeat: sive dein ea fiat per missas a Judice litteras, sive per publicum Ministrum aut Nuntium, citationem ex mandato Judicis oretenus deponentem. Quando autem citatio personalis fieri non potest, eo quod citandus lateat, neque reperitur; tunc, juxta dicta in conclusione, facienda est citatio in persona sui Procuratoris, si quem se dimisit. Aut si Procuratorem loco sui non reliquerit, simulque absens sit; vel latet, oportet fieri citationem ipsius per Edictum, affixum ad domum suam, vel valvas Curiae, aut Ecclesiae illius loci, ubi citandus morari consuevit, cit. c. Causam. 3. h. t. juncta Glossa ibid. §. Ad domum. et Abbate num. 5. ac seqq. eod. et communi. Concordat textus in L. 4. §. Praeter. ait. ff. de Damno infecto. et Auth. Qui semel. C. Quomodo et quando etc. Clem. 1. de Judiciis: ac praesertim Extravag. Rem non novam, h. t. inter Communes; ubi additur, quod facta citatione Edictali, ut supra jus violenter praesumat, quod ipsa ad notitiam citati deveniret, aut (quod non relevat, c. Quoniam. §. Porro. ut lite non contestata etc.) ipsemet fecerit, atque impediverit malitiose se occultando, ne ad ipsum citatio pervenire potuerit; quibus hoc ipso censetur contumax.

Resp. II. Quae nunc dicta sunt de citatione Actoris contumaciter absens, eadem pariformiter (servata proportionem) procedunt de citatione Rei contumacis; utpote de quo militat eadem ratio, ac loquuntur pleraque allegata Jura, juncto cap. ult. h. t. ubi specialiter modus iste citandi Reum absentem, et latitantem, determinatur. Praemissis accedunt dicta superius Tit. 3. de Libelli oblatione. §. 2. et 3. ubi de Citationem, et variis ipsam concernentibus, ex professo tractatur.

Quaeritur III. Utrum contra Actorem contumaciter absentem possit Judex procedere? Resp. I. Facta citatione Actoris contumacis, ut supra, sive ejus Procurator venerit, sive non; tunc reo praesente, et instante, potest Judex procedere super negotio principali, atque in hunc finem testes recipere, auditisque allegationibus, et comperta veritate sententiam definitivam ferre, etiam lite non contestata. Patet hoc ex cit. c. Causam. 3. h. t. juncta Glossa, et Abbate n. 1. et Barbosa n. 1. Emanuel Gonzalez Tellez d. c. 3. n. 3. aliasque DD. ibid. et concordat textus in l. Properandam. §. Et si quidem C. de Judiciis. et Auth. Qui semel. C. Quomodo et quando etc. Idque merito statutum fuit, ut Actoribus subtrahatur omnis occasio malitiose vexandi Reos, dum non amplius licet ipsis prohibita a lite jam coepta recedere, sed cogantur judicium coeptum ad finem perducere, si pars adversa voluerit.

Resp. II. Nihilominus spectato rigore Joris Civilis, quoad tempus inchoandi tales processus distinguendum est inter Actorem contumaciter absentem ante litem contestationem, ac post litem contestationem. Et si quidem Actor post oblatum judici libellum, et per hunc Reo cognitum, ante litem contestationem contumaciter absit, litemque prosequi differat; tunc postulante Reo citandus est tribus Edictis, quolibet habente intervallum triginta dierum;

quod si non venerit, indulgetur ei adhuc spatium unius anni; ita tamen, ut intra annum veniens non audiatur, nisi refusus Reo expensis: si vero non venerit, tunc primum Judex possit, ut supra procedere super negotio, causamque examinare, ad veritatem cognita legitimam proferre sententiam. Sin autem Actor contumaciter absit potest litis contestationem jam factam, tunc Reo instante tribus Edictis, quoquoque eorum pariter non minus triginta dierum spatium continente, citandus est: et si intra id temporis Actor non venerit, non expectato ulteriori spatio, Judex procedet ad cognitionem negotii principalis; atque, ubi liquet de meritis causae, sententiam diffinitivam proferret pro eo, qui justam causam fovet: alioquin vero Reum absolvit ab observatione iudicii nullo regressu ad causam reservato Actori; simulque Actorem, sive vincatur, sive vincat, condemnabit Reo praesenti in expensis. Patet hoc totum ex *Auth. Qui semel. C. quomodo et quando etc.* juncta *Auth. De Litigiosis. §. Omnem. Collat. 8.* et tradit Speculator *tit. de Contumacia. §. Nunc. num. 3.* Pirhing *h. t. num. 25.*

86 Additur notanter, *spectato rigore Juris Civilis.* Nam de Jure Canonico intervallum dictarum dilationum non procedit, *arg. c. 1. juncta Glossa & Rigor. et c. Causam. 3. h. t.* Neque etiam ex consuetudine Fori Ecclesiastici servantur; sed statim Actore, vel ejus Procuratore, post trinam legitimam, vel unam peremptoriam citationem non comparente, testibus receptis, proceditur Reo instante in causa ad veritatem inquirendam, et sententiam ferendam, ut supra. Abbas *cit. c. Causam. n. 15. in An. h. t. et cap. 1. n. 7. eod.* Pirhing *cit. n. 25. h. t.* junctis dicendis infra §. 4. n. 110.

87 Fatendum tamen, quod Eman. Gonzalez Tellez in *c. Causam. 3. num. 3. h. t.* arbitretur, suppositum hujus secundae Conclusionis, (scu, quod Actor post oblatum Judici libellum, et propositam in eam suam petitionem, aliquando contumaciter absit ante litem contestatam) continere causam impossibilem. Rationem dat: quia si Reus citatus postea compareat, Actorisque petitioni contradicat, hoc ipso inter eos censetur lis esse contestata: siquidem litis contestatio fit per petitionem Actoris, et negationem Rei (qualis in dato casu jam intervenit) neque ad eam requiritur simultanea utriusque partis praesentia; nullo enim jure istud cavetur, quin imo in *cap. un. de Litis contestat. et c. Dudum Ecclesia. 54. §. Licet autem. de Election.* cum similibus, de sola petitione Actoris in iudicio proposita, et responsione Rei subsequuta sit mentio, eaque facta litis contestatio fieri censetur. Verum, quidquid sit de hac sententia, quod litis contestatio utraque parte praesente facienda sit, tenet Hostiensis in *cap. un. de Litis contestat. et Bartolus in L. un. num. 6. C. eod.* allegans communem, et istud probans per textum *ibid.* ex quo patet, multum interesse inter editam actionem, et litis contestationem: et *Auth. Qui semel. C. Quomodo et quando etc.* Ubi, cum Actor porrexisset Judici libellum, recessisset, Reo negante contenta in libello, et litem prosequente, nihilo minus dicitur in causa procedi lite non contestata: et consequenter ad hanc inducendam non sufficit sola libelli oblatio ex parte Actoris, et negatio subsequuta ex parte Rei; nisi Actor praesens sit, et vel viva voce repetat narrata sui libelli, Reo postmodum illa negante, prout communiter fieri solet; vel saltem ipso facto eandem contestetur, nempe procedendo ad probationem actionis intentatae, ut limitat, atque in Camera obtinuisse refert Gilas *lib. 1. Pract. Observat. 73. num. 3.* Atque juxta

REIFFENSTUEL Jus Can. Tom. II.

hanc communem sententiam procedit data Conclusio, contra quam tamen majoris claritatis gratia,

88 Objicies prima. Quando Reus contumaciter est absens, non proceditur altera parte instante ad receptionem testium, multo minus ad sententiam diffinitivam, lite necdum contestata, *c. Accedens. 2. et c. Tuas fraternitatis. 3. et c. Quoniam. 5. §. In aliis. Ut lite non contestata etc.* Ergo hoc ipsum est vicissim, dicendum quando Actor est contumax, et absens. Resp. neg. consequent. et paritatem: siquidem magna est disparitas inter Actorem contumacem, et Reum contumacem, uti notat Glossa in *d. c. Causam. §. Ad domum.* et Abbas *ibid. n. 15. h. t.* Primo enim major est contumacia Actoris, quam Rei: nam a principio in potestate Actoris erat, non agere: non item Rei, qui invitatus convenitur, *l. Pure. §. fin. ff. de Doli mali except.* ac proinde plus imputatur Actori contumacia, quam Reo.

Deinde, si non posset procedi contra Actorem contumacem, ut supra, etiam lite necdum contestata, foret in ejus potestate, Reum vexare citando, quodcumque vellet: quod aliquo est absurdum: haec autem ratio cessat ex parte Rei, cum hic non nisi provocatus ab Actore in iudicium veniat. Huc facit nota illa regula juris, *Favorabiliores Rei potius, quam Actores habentur*; prout habetur in *l. Favorabiliores ff. de Reg. jur. juncta Regul. 11. Juris in 6.* cum similibus. Et haec disparitas, uti patet, sequitur ex praecedenti:

89 Tandem quando Actor, qui alterum provocavit, contumaciter non venit, magis praesumitur contra ipsum, quam contra Reum absentem. Siquidem Rei generatim in Jure appellantur *Fugientes*, seu *Fugitivi*, juxta textum in *l. Properandum. §. Et siquidem. C. de Judiciis*: quia, ut explicat Glossa *ibid. §. Fugiente*, Rei consueverunt fugere: unde si fugiunt, seque absint, faciunt secundum naturam suam, *arg. can. 1. caus. 4. q. 4.* et proinde nihil mali contra illos praesumitur. Secus dicendum in Actore: nam iste fugiendo, directe facit contrarium ejus, a quo denominatur, quodque praestare debet, nempe agere: unde praesumitur contra ipsum, quod se idcirco malitiose absintet, quia videt Reum habere defensiones paratas: et sic velit expectare, donec istae tractu temporis pereant, *arg. c. Quoniam. §. 1. Ut lite non contestata et c. Significavit. 41. de Testib.* Qua de causa quandoque Actori praefinitur certum tempus ad agendum, *l. Diffamari. C. de Ingentis manumiss. et cap. 1. de Restitut. spoliat. in 6.*

90 Urgebis. Frustra in tali casu fit receptio testium, et processus super causa principali ad instantiam Rei; ergo. Antecedens probatur: quia generaliter *Actore non probante* (prout Actor contumaciter absens nihil probat) *Reus est absolvendus*, per textum expressum in *c. Cum Ecclesia. 3. de Causa possess. et l. Qui accusare. C. de Edendo*, cum similibus; ergo. Resp. neg. anteced. cum suae probationis consequent. Quia potest accidere casus, ut Reo melius sit, nunc prosequi litem, dum habet paratas probationes, quam alio tempore, ac mortuis jam testibus, quos nunc producere potuisset. Et hinc ad ejus instantiam non inutiliter tunc fit receptio testium, et processus super causa principali, praetermissa mera absolutione ab observantia iudicii, atque impetitione Actoris, juxta allegata Jura.

91 Accedit, quod regula illa, *Actore non probante Reus absolvitur*, plures patitur fallencias, seu limitationes, quas ponit Glossa in *Can. Accusatores. 6. q. 5.* Caeteris tamen dimissis, regula illa tunc solum procedere dignoscitur, quando utra-

que pars litigantium fuit praesens, simulque omnes dilationes ad probandum Actori jam fuerunt datae, et tamen nihil probavit: nam quia ex tunc liquet, Actori nullum jus competere adversus Reum, merito ab ejus impetitione Reus absolvitur, etsi ipse nihil praestiterit. Secus dicendum in nostro casu, ubi Actor est absens, etsi contumaciter, et necdum ipsi datae fuerunt legitimaee dilationes ad probandum; tunc enim, licet Reus possit petere circumduci Edictum factae citationis, ita ut tali citatione amplius non astringatur, et libere possit recedere; aut etiam petere, sese absolvi ab observatione iudicii, juxta proxime dicenda: non tamen potest definitive absolvi ab impetitione Actoris (hoc est, ab instantia ejus super re petita) multo minus declarari dominus talis rei, nisi observaverit, atque observari petierit dicta in Conclusionem. Quod ut melius intelligatur,

92. Queritur IV. Quot Remedia Juris competant Reo contra Actorem contumaciter absentem? Resp. cum Abbate in *cit. c. Causam. num. 18. h. t.* Bartolo in *Auth. Qui semel. num. 13. C. Quomodo et quando etc. Sigism. Scaccia lib. 1. de Judiciis, cap. 91. num. 9.* et aliis, quatuor esse remedia Juris, quae competant Reo praesenti adversus Actorem contumaciter absentem; et sunt sequentia, quorum semper unum est pinguius altero.

93. I. Ut Reus praesens petat circumduci Edictum; hoc est, deleri peremptoriam citationem, ejusque virtutem tolli, ita ut absolvatur a facta citatione, sicque libere possit a Iudicio recedere, *l. Et post edictum, juncta Glossa §. Circumducendum. ff. de Judiciis.* Et istud remedium caeteris est levius, ac facile obtinetur etiam sine nova citatione: non tamen per illud est plene consulium. Reo, quia poterit Actor, si voluerit, redire; ac denuo (restitutis tamen expensis, quas antea Reus in iudicio comparens ex sua comparitione fecerat) Reum citari facere, et procedere super prius agitis. Quia etiam, licet Reus petierit circumduci Edictum, neque absolvi ab obligatione factae citationis peremptoriae: poterit nihilo minus Iudex, aequitate sic suadente, Actorem expectare in diem sequentem, et non illico licentiaré Reum, *c. Consuluit. 24. de Offic. Delegat.* estque jam dictum superius *num. 69. et seqq.*

94. Additur notanter, *restitutis tamen expensis etc.* Siquidem jure cautum est, quod Actor, qui ad certum terminum citari adversarium fecit, et tamen ipsemet in termino illico citationis contumaciter (sive cessante justo impedimento) non comparet, condemnari debeat Reo comparenti in expensis, quas Reus veniens ex sua comparitione legitime fecisse probatur; prout habetur *cap. 1. h. t. in 6.* juncta Glossa marginalis, et DD. *ibid.* et concordat textus in *l. Sancimus. 13. C. de Judiciis, et Auth. de Litigiosis §. fin. Collat. 8.* Idque merito: quis aequitas naturalis non patitur, ut quis innocens damnum sentire cogatur ob culpam alienam; simulque, non debet aliquis alterius odio praegravari, ut loquitur *Reg. 22. Juris in 6.*

95. Quid si tamen nec Reus comparuit in termino citationis, tunc Actor ad nullam restitutionem expensarum condemnari debet. Tum quia tunc Reus nullas fecerat expensas in veniendo, cum non venerit. Glossa *cit. cap. 1. §. Venienti. h. t. in 6.* Tum quia in tali casu una contumacia compensatur cum altera, *l. Si duo. ff. de Dolo malo, et l. Si ambob. ff. de Compensatione.*

96. His adde, quod Actor semel in termino citationis contumaciter non comparens, praeter expensas Reo venienti restituendas, juxta proxime dicta, puniatur etiam in hoc; quod, si iterum ci-

tari petat Reum, non sit audiendus, nisi prius sufficientem praestiterit cautionem, sese in termino constituto fideliter compariturum; prout habetur expressum in *cit. cap. 1. h. t. in 6.* Et ratio est: tam quia aequum est, ut quis puniatur in eo loco, in quo deliquit, *c. Litteras. 13. de Tempor. ordinat.* Tum quia juxta *Reg. 8. Juris in 6. Semel malus, semper praesumitur esse malus* (intellige, in eodem genere delicti, ut explicat Glossa *ibidem*) ac proinde Actor semel contumax, iterum praesumitur futurus contumax, nisi sufficientem de veniendo, seu comparendo in termino constituto, cautionem praestiterit.

Et haec quidem cautio, quam tenetur praestare Actor semel contumax, debet esse fidejussoria, vel pignoratitia: talis enim exigitur, quoties in Jure requiritur sufficiens, seu idonea cautio, *l. Si mandato. §. fin. ff. Mandati*: dummodo quis eam praestare possit. Quod si vero talem fidejussoriam, vel pignoratitiam cautionem praestare nequeat, dabit saltem juratoriam, juxta Glossam *d. cap. 1. §. Sufficiens. h. t. in 6.* et favet textus in *c. Per vestras. 7. de Donat. inter vir. et uxor.*

II. Remedium Rei contra Actorem contumacem est: ut Actore non comparente post legitimas citationes, Reus petat se absolvi ab observatione iudicii; hoc est, ab instantia intentatae actionis. Et hoc est aliquantulum pinguius Remedium, quam primum: nam per illud tollitur tantum virtus factae citationis, et absolvitur Reus ab ipsa; per istud autem tolluntur, et annullantur omnia gesta in tali instantia, sive iudicio, *l. Proparandum. §. Et si quidem. C. de Judiciis.* Ita quidem, ut si Actor redieris, solutis Reo expensis prius factis, denuo agere velit, novam actionem, seu iudicium instituere debeat. Glossa *ibid. §. Iudicii.*

Requiritur tamen ad obtinendum istud Remedium nova citatio partis absentis, seu Actoris contumacis, cum altera citatio ad hunc actum non emanarit, *arg. l. Aut qui aliter. §. 1. ff. Quod vi aut clam. et notat Innocentio in c. Consuluit. de Offic. Delegat. ac Speculator *tit. de Contumacia. §. 2. num. 4.* Nisi forsitan antea promississet Actor, intra certum tempus litem exequi; tunc enim Reo comparente, et Actore expectato, ac intro decem dies post constitutum tempus non comparente, absolvendus est Reus ab observatione iudicii sine alia citatione; estque Actor condemnandus ad praestandum Reo factas expensas, *Auth. Quod fieri. C. de Dilationib.* ac notat Bartolus in *Auth. Qui semel. C. Quomodo et quando etc.* et Abbas *cit. c. Causam. n. 18. h. t. §.**

III. Remedium contra Actorem contumacem, est: Ut Reus praesens petat se definitive absolvi ab impetitione Actoris contumaciter absentis, ita ut postea Actor super eodem negotio amplius non audiat, et si denuo agere velit, repellatur exceptione rei judicatae. Atque istud Remedium est magis pingue prae duobus jam enumeratis, simulque perpetuum: non tamen potest obtineri, nisi duobus modis. Et primo quidem, quando ex probationibus Actoris jam factis constat, nullum jus Actori competere; aut quando datis ipsi omnibus iudicis dilationibus, Actor nihil probavit: tunc enim locum habet illud vulgatum: *Actore non probante, qui convenitur, et si nihil ipse praestiterit, obtinebit*, prout habetur *c. Cum Ecclesia. 3. §. fin. de Caus. poss. cum concordantiis.* Secundo, quando Reus ipsemet, etiam lite nondum contestata, vult in se suscipere onus probandi de injusta petitione Actoris: nam secuta hac probatione, sive per testes, sive per alia legitima argumenta, proferri debet a Iudice sententia definitiva, Reusque absolvi ab impetitione Actoris, judicialiter pronuntiando, quod



- Reus non debet Actori rem petitam; ut c. *Causam*. 3. h. t. *Auth. Qui semel*. C. *Quomodo et quando etc.*
- 101 Neque tunc obstat absentia Actoris. Siquidem stante sua contumacia, ipsius Actoris seu litigatoris absentia Dei praesentia repletur, juxta textum notabilem in l. *Properandum*. §. *Sin autem*. C. *de Judiciis*; sicque nihil obstat absentia illa: praesertim, cum etiam tunc in favorem Actoris, licet contumaciter absentis, ob Dei cuncta videntis praesentiam, et evitandam ejus offensam, oportet Judicem inquirere, testesque recipere, ut illico magis dicatur.
- 102 Unde notandum, quod quando proceditur contra Actorem contumaciter absentem in ordine ad obtinendam sententiam diffinitivam, Judex diligenter examinare debeat negotium pro utraque parte. Siquidem Judex usque ad prolationem sententiae debet universa rimari. c. *Cum Joannes*. 10. §. *Ad hoc*. de *Fide instrument*. ac proinde potest, et debet, in favorem etiam Actoris absentis (nupte ejus absentiam tunc supplet Dei praesentia) inquirere veritatem; atque ex officio suo supplere absentiam ejus recipiendo testes, aliasque probationes, arg. cap. un. *De eo, qui mittitur in possess.* in 6. juncta *Auth. de Litigiosis*. §. *Omniom*. *Collat.* 8.
- 103 Et hoc adeo verum est, ut si Judex ex Actis apud se gestis, seu ex allegatis et probatis, perspexerit, quod Actor, licet contumaciter absens, meliorem causam habeat, pro ipso definitivam ferre sententiam teneatur: ita tamen, ut expensas litis Reo reddere teneatur, quas ipse praesens cum taxatione Judicis legitime sese expendisse juraverit. Siquidem hanc poenam Actor, licet meliorem causam habenti, Jura statuerunt propter solam contumaciam absentiae poenam, l. *Properandum*. §. *Et si quidem*, C. *de Judiciis* juncta Glossa, et DD. *ibid.* et l. *Et post edictum*. §. 1. ff. *cod.*
- 104 IV. Remedium Rei contra Actorem contumaciter absentem est: Ut in tali casu Reus non solum definitive ab impetitione Actoris sese absolvi petat, sed etiam pro se pronuciari postulet. Exemplo istud declaratur: Titius Actor rei vindicatione petivit agrum a Cajus possessum, et postmodum Titius contumaciter se absentat: quo cognito Cajus adhibitis pro sua intentione idoneis probationibus, petit non solum absolvi ab illa impetitione Titii per diffinitivam sententiam, qua declaratur agrum illum non deberi Titio; sed insuper postulat judicialiter pronuciari, quod ipse sit verus dominus illius agri. In hoc quippe casu Cajus uteretur quarto isto Remedio, quo imposterum non solum contra Titium, sed contra quemcumque tertium sese defendere posset, opponendo exceptionem rei judicatae.
- 105 Unde patet, quod istud Remedium caeteris omnibus sit pius: ad illud tamen obtinendum non sufficit probare duntaxat, rem illam, v. g. agrum, non esse Titii Actoris (licet hoc satis sit ad Remedium tertium proxime explicatam) sed requiritur ulterius, quod Cajus Reus etiam probet de jure suo, nempe quod ipse sit dominus agri, arg. c. *Olim ex litteris*. 25. de *Rescript*. et notat Glossa *fn. in cap. un. De eo, qui mittitur in possess.* in 6. Et merito: quia non sequitur, *Agor ille non est Titii Actoris, ergo est Cajus Rei*, nisi hoc specialiter probetur: quia posset esse aliquis tertii. Abbas *cit. c. Causam*. n. 18. h. t.
- 106 Porro in arbitrio Rei est, quale Remedium ex praefatis vellet arripere contra Actorem contumaciter absentem: nimirum, an velit solum petere, absolvi se a facta citatione; aut etiam ab observatione iudicii, seu a facta instantia contra refusionem

expensarum per Actorem praestanda: vel, an insuper petere velit absolvi ab impetitione Actoris: aut, an etiam desideret pro se pronuciari, sibi rem controversam adjudicari; atque in hunc finem velit onus probandi in se suscipere, ac proinde etiam absente Actore usque ad sententiam diffinitivam procedere, juxta *cit. c. Causam*. h. t. Dummodo hoc ultimum non temere fiat, sed probe perpensis suis probationibus et rationibus, ne aliquia contra ipsam pronuciari contingat, ubi uno ex praecedentibus remediis indubitata pro tunc potuisset sperare victoriam.

## §. IV.

De modo procedendi contra Reum contumacem:

## SUMMARIUM.

- 107 Reus in prima citatione contumax, secundo et tertio citandus est.
- 108 Prima citatio vocatur conventionalis, secunda monitoria, et tertia peremptoria.
- 109 Tres illae citationes de Jure Civili debent fieri per intervallum saltem decem dierum.
- 110 De Jure Canonico intervallum istud est positum in arbitrio Judicis.
- 111 Dummodo hic terminum illum non nimis restringat.
- 112 Utrum Reus, qui tantum fuit contumax in prima citatione, condemnari debeat Actori in expensis? Et ratio dubitandi.
- 113 Affirmativa sententia est vera.
- 114 Solvuntur Jura in contrarium.
- 115 Si Reus extra judicium ad primam citationem respondeat, se nolle comparere, debet secundo et tertio citari: secus, si in judicio ita responderit.
- 116 et 117. Idque probatur. Et num. seqq.
- 118 Confessio facta ex calore iracundiae non tenet, nisi in ea detur perseverantia.
- 119 Quid agendum cum Reo extra judicium respondenti, se nolle comparere?
- 120 Praesertim, si in termino citationis non comparuerit?
- 121 Et quid, si in judicio ita responderit?
- 122 Judex, antequam procedat ad infligendas Reo absentis poenas, debet eum declarare contumacem.
- 123 Attendendo prius, an non habeat justam causam absentiae, et aliquantulum expectando.
- 124 Cur non sit frustraneum, quod Judex in tali casu expectet? Et num. seqq.
- Mandatum de comparendo in judicio ad certum tempus, duo involvit; et quae? *Ibid.*
- 125 Si Reus citatus veniat intra terminum prorogatum citationis, vel postea, quid prosit?

Quaeritur L. Utrum, an intra quale temporis intervallum, Reus semel contumax, de novo sit citandus? Resp. I. Quando Reus fuit contumax in prima citatione, et in termino ejus non venit per se, nec per idoneum Procuratorem, tunc is ad instantiam Actoris secunda vice, et needum comparens tertia vice citandus est: nisi primitus uno pro tribus peremptorio Edicto citatus fuerit. Ita communis; et patet ex *can. De illicita*. 24. *quarst.* 3. et l. *Contumacia*. ff. *de Re judicat.* et l. *Ad peremptorium*. et l. *Nonnunquam*. ff. *de Judiciis*, cum similibus. Alioquin quippe contra Reum, nisi taliter citatum, ad sententiam diffinitivam, vel missionem ex primo, aut secundo

- Decreto, perveniri non posset; ut jam supra §. 2. num. 62. declaratum fuit.
108. Circa quod notat Speculator tit. de Contumacia. §. Viso. n. 16. quod prima citatio, vocetur *Conventionalis*: quia in ea dicitur: *Venias tali die coram tali Judice*. Secunda, *Monitoria*: quia Index dicit: *Unda mone eum, ut veniat*. Tertia vero, appellatur *Peremptoria*: quia dicitur in ea: *Nisi venerit, procedet Judex etc.* condemnando, vel absolvendo.
109. Resp. II. Eui de rigore Juris Civilis dictae tres citationes Rei contumacis debeant fieri saltem dato intervallo decem dierum, inter unam et alteram citationem interponendorum: de Jure tamen Canonico rigor iste non procedit, sed intervallum illud est positum in arbitrio Judicis. Prior pars habetur in l. *Ad peremptorium. et l. Per intervallum. ff. de Judiciis*: ubi expresse sancitur, singulas tres citationes esse faciendas successive *per intervallum non minus decem dierum*. Quamvis enim in *Auth. Qui semel. C. Quomodo et quando etc.* longius intervallum videatur praefigi, statucendo, ut inter singulas citationes interponatur spatium triginta dierum: tamen Authentica illa non loquitur de citatione Rei contumacis, sed in alio casu speciali; nempe, quando Actore per contumaciam absente, Reus vult proponere probationes suas, ut pro ipso feratur sententia diffinitiva: prout jam supra Tit. 8. de *Dilationibus*. §. 2. num. 26. et 27. dictum fuit.
110. Altera pars est Glossae in *can. De illicita. 23. q. 3. §. Peremptorio*, et Archidiaconi, *ibid. nu. 1.* dum asserunt, quid istud in arbitrio Judicis sit positum: idemque tenet Abbas in *cap. 1. num. 7. de Dilationib.* et Pirhing *h. t. num. 25.* Ratio est: tum quia in Ecclesiasticis personis, ac negotiis, rigor Juris Civilis non requiritur, ubi justitia propter hoc non periclitatur, *cap. 1. de Dolo et contumacia. juncta Glossa §. Rigor. et §. Non periclitatur. et DD. ibid.* Tum quia de Jure Canonico spatium illud decem dierum, intra unam et alteram citationem interponendum, nullibi praescribitur, neque de consuetudine Fori Ecclesiastici observatur, ut inquit Abbas *cit. numer. 7.* Unde sequitur, quod dictum temporis spatium sit positum in arbitrio Judicis Ecclesiastici, qui considerata qualitate negotii, conditione personarum, ac locorum distantia, intervallum illud moderari, vel etiam ampliare potest, *arg. o. Cum sit Romana. 5. de Appellat.* ac notat Glossa in *cap. 1. §. Nimis brevem. et Abbas ibid. num. 7. de Dilationib.* post Innocentium, et alios.
111. Intellige, dummodo Judex terminum illum non nimis restringat, ne justa praestetur causa appellandi, juxta textum, et DD. in *d. cap. 1. de Dilationib.* Siquidem in his, quae Judicis arbitrio relinquuntur, tenetur Judex arbitrari ut bonus vir. Et hoc ipsum procedit in casu, quo sit unica citatio peremptoria: quamvis enim nonnulli voluerint, eam debere continere tantum intervallum, quantum continerent tres successive factae: melius tamen dicitur, hoc ipsum esse positum in Judicis arbitrio. Glossa in *cit. can. De illicita. 23. q. 3. quæst. 3. §. Peremptorio*. His adde dicta superius Tit. 8. de *Dilationibus*. §. 2. num. 23. et seqq. ubi etiam num. 29. et 30. referuntur causae, ob quas Judex potest abbreviare, vel prolongare intervalla citationum.
112. Quaeritur II. Utrum Reus, qui tantum fuit contumax in prima citatione, non item in secunda vel tertia, possit condemnari in expensis per Actorem factis tempore primae citationis, in qua Reus non venit? Ratio dubitandi est: quia talis modum, opusque committere contumaciam; cum contumax ille sit, qui tribus Edictis, vel duobus peremptorio evocatus, venire contemnit, l. *Contumacia. ff. de Re judicat. et can. De illicita. 24. q. 3.* Et hinc sententiam negativam tenent Jo. de Aret. et Folgositius in l. *Sancimus. C. de Judiciis*, ut refert Jason illico citandus. Verum hoc non obstante
- Resp. Si Reus non venerit in prima vel secunda citatione, licet postea veniat, nihilo minus condemnari debet Actori in expensis, quas Actor tunc veniendo fecerat. Ita Glossa notabilis in *can. Honoratus. dist. 74. §. Tot scriptis. et alia Glossa in c. Querelam. §. Rationabili causa. et Abbas ibid. numer. 8. de Procurat.* Speculator tit. de *Citatione. §. Viso. numer. 10.* Bartolus in l. *Contumacia. §. Contumax est. ff. de Re judicat. et in Auth. Qui semel. §. Nota tertio. C. Quomodo et quando etc.* et Jason in l. *Sancimus. numer. 18. C. de Judiciis*, citans alios, et subjungens, quod haec sit veritas. Ratio est: quia ex prima citatione, dum quis venire contemnit, jam committitur inobedientia erga Judicem; atque contrahitur contumacia. Id ipsum probatur ex *cit. c. Querelam. 2. de Procurat.* argumento a sensu contrario desumpto. Concordat textus in l. 2. ff. *Si quis in jus vocatus etc. et l. Sancimus. C. de Judiciis*: ubi contumax, seu citatus et non veniens, si postea comparuerit, amplius non auditur, nisi relictis prius adversario expensis. Et merito: ne aliquis innocens damnum pati cogatur ob culpam alterius, et hujus odio praegravetur.
- Nec obstante Jura num. 112. in contrarium allata. Nam solum volunt, quod quis ante trinam factam citationem, aut unam peremptoriam, non censeatur contumax, quantum ad hoc, ut contra eum possit deveniri ad primum et secundum Decretum, vel ad sententiam diffinitivam: prout explicat Bartolus in *cit. l. Contumacia. §. Contumax est. ff. de Re judicat.* et Jason *cit. l. Sancimus. numer. 18. C. de Judic.* cum aliis: neque etiam censeatur contumax, quantum ad incurrendam excommunicationem, et alias poenas contumacibus debitas: non vero loquuntur de expensis, earumque restitutione parti adversae innocenti praestanda, ne indebite gravetur. Glossa *cit. can. Honoratus. dist. 74. vers. Tot scriptis.* Abbas *cit. numer. 8.* et alii. Licet enim satis sit ad effugiendas Juris poenas, comparere in uno dictorum terminorum: tamen quia talis in primo jam citationis termino fuit inobediens Judicis praecepto cum damno partis adversae, recte condemnatur instante parte laesa ad resarciendas ipsi factas expensas.
- Quaeritur III. An si Reus ad primam citationem dixerit, se nolle comparere, is de novo sit citandus? Resp. I. Quando Reus citatus extra judicium sic respondit nuntio citanti, tunc is rursus secunda, et tertia vice citandus est: secus, si ipse in judicio praedixerit Judici, amplius se non compariturum. Ita Abbas in *c. Cum parati. numer. 12. de Appellat.* Engel *h. t. num. 13.* Et alii. Et quamvis Glossa in *can. De illicita. 24. q. 3. §. Peremptorio*, indistincte asserat, quod si Reus ad primam citationem dicat, se nolle venire, non sit de novo citandus, tamen dictum istud solum procedere sub data distinctione, bene notat alia Glossa in *c. Venerabilibus. §. In judicio. de Sentent. excomm. in 6.*
- Probatur Conclusio quoad utramque partem, imprimis ex *cit. c. Venerabilibus. §. Porro. de Sentent. excomm. in 6.* nam ibi expresse dicitur, quod *si quis forte praedixerat in judicio, quod minime compareret, manifesta sit contumacia ejus*. Ubi ponderanda dictio illa, *in judicio*: secus ergo dicendum, quando quis extra judicium haec dixerit: prout argumentatur Glossa *ibid. §. In judicio. Confirmatur*:

quia ideo citationes geminantur, et ter fieri jubentur, ut sufficienter pateat de voluntate citati, deque ejus contumacia, si non comparuerit, arg. l. Contumacia. ff. de Re judicat. Atqui, si citatus dicat in judicio, se nolle venire, jam constat de ejus voluntate, estque manifesta ipsius contumacia. Secus, si extra judicium sic dixerit: ergo in hoc posteriori casu denuo erit citandus, non autem in priori; quia in incertis, non in certis, est locus conjecturae, l. Continuus. §. Ita ff. de Verb. signif.

- 117 Confirmatur specialiter prima pars. Conclusionis. Quia assertio nuntii, dicentis, quod citatus dixerit se non venturum, non facit plenam probationem; ergo ad solius nuntii verbum non potest illico procedi contra Reum, veluti contumacem. Antecedens probatur: quia nuntio, etiam jurato, non creditur, nisi de suo actu (v. g. quod alterum citaverit) non autem de actu alieno ad suum officium non pertinet; ut est memorata responsio Rei citati. Abbas cit. num. 12. Gailus lib. 1. Pract. Observat. 54. n. 4.

- 118 Deinde, licet per alios testes legitime probari possit, Reum citatum ita nuntio citanti respondisse, potuit tamen citatus id dixisse ex calore iracundiae: atqui confessio facta ex calore iracundiae non tenet, nisi in ea detur perseverantia, juxta Glossam c. Ex litteris. §. Admonita de Divort. et savel textus in l. Quidquid. 49. ff. de Reg. jur. ibi: Quidquid in calore iracundiae vel fit, vel dicitur, non prius ratum est, quam si perseverantia apparuerit judicium animi fuisse.

- 119 Sequitur ergo, quod in tali casu expectandus sit terminus factae citationis: etsi mutata voluntate Reus citatus in ipso comparuerit, propter illam solam locutionem extrajudicialem non debeat creari contumax, quamvis ob aliqualem contemptum Judicii illatum poena extraordinaria puniri possit. Actori vero nihil per hoc juris accrescit, utpote qui tunc primum de contumacia Rei conqueri potest, quando is in termino citationis non comparuit: nam hoc interest Actoris, ipsique praedjudicat in factis expensis, non illud dictum extrajudiciale Rei.

- 120 Sequitur ulterius, quod Reus ille, licet in primo termino citationis non comparuerit, secundo et tertio citari debeat: siquidem respectu causae nondum est manifeste contumax; simulque Jura requirunt trinam citationem, vel unam pro omnibus peremptoriis, antequam in contumaciam procedi possit, can. De illicita. 24. q. 3. cum concordantia. Et haec est benignior sententia, quam tenet Engel h. t. num. 14. Quamvis Abbas in cit. c. Cum parati. num. 12. de Appellat. et post ipsum Pirhing h. t. num. 47. velint, Reum illum, qui nuntio citanti dixit, se nolle comparere, simulque postea in termino non comparuit, haud amplius fore citandum: quia (inquiunt) tunc insurgunt duae praesumptiones contra Reum absentem; una, quae oritur ex contumacia, seu absentia sua in termino, c. Nullus. de Praesumpt. altera, quae jam orta est ex relatione nuntii, aliquam etiam fidem faciente, arg. c. Cum parati. 19. §. Cumque. de Appellat. Verum quia ambae haec praesumptiones non convincunt manifestam respectu causae contumaciam, et adhuc urgent allata nostrae Conclusionis fundamenta; non videtur recedendum a benigniore sententia; sed adhuc Reus ille citandus erit.

- 121 Secus dicendum, quando Reus in judicio dixisset, se non amplius compariturum. Nam quia confessio facta in judicio, parit notorium, cap. ult. de Cohabit. Cleric. jam ejus contumacia foret manifesta, c. Venerabilibus. §. Porro. de Sent. excomm. in 6. ac proinde contra talem, veluti manifeste contumacem, illico potest Judex procedere, non facta ul-

teriori ejus citatione. Siquidem citationes solum geminantur, ut appareat de voluntate citati; ergo ubi notorie constat, talem nolle comparere, frustra amplius adhibentur. Innocentius c. Ad petitionem. de Decretis. Abbas, ubi supra, et alii, junctis dictis superius n. 116.

Quaeritur IV. Quid agendum sit Judici, antequam contra Reum contumacem procedat ad intelligendas poenas? Resp. Quando Reus legitime citatus, contumax est non comparendo in termino peremptorio, tunc Actore instante, Reique absentis contumaciam inouente, Judex antequam ad poenas contumaci intelligendas procedat, debet ipsum declarare, seu pronuciare contumacem. Ita desumitur ex c. Cum dilecti. 6. §. fin. ac notat Abbas ibid. num. 8. h. t. Speculator tit. de Contumacia. §. Sequitur. num. 1. et alii. Et merito: Neque enim contra aliquem, veluti contumacem, procedi potest intelligendo poenas jure statutas, nisi prius de ejus contumacia constet in judicio; alioquin eveni-  
122  
injuncta foret executio poenae, si infligeretur nondum condemnato, seu ante sententiam saltem declaratoriam judicis super commisso crimine, ac contumacia, arg. c. Cum secundum. de Haereticis. in 6. et l. Ejus, qui delatorem ff. de Jure Fisci, ibi: Verum oportet constare prius, et de crimine pronuciari.

Oportet tamen, ut prius Judex attendat, atque  
123  
investiget, an Reus tunc absens non habeat justam causam absentiae, sive legitimum impedimentum, quo minus in termino praefixo venerit, sique excusetur a delicto contumaciae, arg. c. Consultuit. 24. de Offic. Delegat. ubi idcirco, aequitate sic suadente, potest Judex contumacem expectare in diem alterum post terminum peremptorium, et cit. c. Cum dilecti. §. Expectantibus. h. t. Ubi hac de causa Pontifex Reum absentem dia ultra assignatum terminum peremptorium expectavit, antequam eum declararet contumacem, atque damnavit in legitimis expensis litis, parti adversae a tempore factae citationis praestandis. Huc facit textus in l. Si finita. §. Si forte. ff. de Damno infecto, ubi in simili dicitur, non debere Praetorem festinare ad decernendum, puta, ad ferendum sententiam super contumacia.

Dices. Frustraneum est, quod Judex in tali ca-  
124  
sa expectet Reum absentem in aliud tempus; ergo male hoc asseritur. Antecedens probatur; quia citatio peremptoria fuit affixa ad certum diem, sique hoc elapso, sive culpabiliter sive inculpabiliter: absentem Reum non amplius afficit: non minus, ac perceptum certa die jejunandi, vel Missae audiendi, eodem elapso non amplius obligat. Resp. neg. antec. cum sua probatione, ac paritate. Nam praeceptum jejunii, vel Missae audiendae est simplex, ac certo diei affixum. Econtra vero, ut notat Pontifex in cit. c. Cum dilecti. h. t. quando mandatur alicui, ut ad certum terminum se Judici praesentet, duo (saltem virtualiter, ac implicite) sub hac forma praecipiuntur: videlicet primo, ut ad Judicem veniat, quod est principale; secundo, ut die praefixo veniat, quod est minus principale, ac secundarium. Unde, si venire non possit ad diem praefixum ob aliquod legitimum impedimentum, tunc occurrens, tenetur nihilo minus venire postea, quamprimum poterit; cum hoc sit praeceptum principale. Sicut a pari: quando cuiquam mandatur, ut alteri solvat quampiam pecuniam ad certum diem, etsi solvere non poterit die illo praefixo ob aliquod impedimentum, non per hoc liberatus est a mandato de solvendo, sed tenetur solvere quamprimum poterit, etiam elapso jam die solutioni praefixo. Concordat textus in l. Celsus ait. §. Sed ipse. ff. de Receptis.



arbitr. ubi dicitur, in tali casu deo esse precepta: unam, pecuniam dari: aliud, intra tempus certum dari.

- 125 Accedit, quod in ejusmodi casu non sit futura frustranea comparitio Rei citati. Si enim is venerit ad Judicem intra terminum citationis, saltem prorogatum, evitabit contumaciam, ejusque poenas, arg. c. *Consuluit*. 24. de *Offic. Delegat.* et c. *Cum dilecti*. 9. juncta Glossa & *Diutius*. h. t. et l. *Et si post tres ff. Si quis cautionibus etc.* Quamvis Abbas in cit. c. *Cum dilecti*. num. 15. h. t. hinc excipiat expensas, quas Actor praesens ob moram Rei fecit, sibi restituere postulat. Si autem intra terminum citationis iusto impedimento detentus non venerit, veniat autem postea, quamprimum poterit, atque alleget, probetque impedimentum, ob quod in termino citationis praefixo non venit; etiam revocanda, seu evacuanda erit sententia interim contra ipsam veluti contumacem lata, et ipse restituitur in integrum, eo quod revera contumax non fuerit; ut c. *Querelam*. 2. de *Procurat.* et c. *Cum Bertholdus*. juncta Glossa & *Iustam causam*. de *Sentent. et re judicat.* et alia Glossa in c. *Consuluit*. verb. *Aequitate*. de *Offic. Delegat.* estque iam dictum supra §. 2. numer. 61.

## §. V.

## De Poenis Rei contumacis.

## SUMMARIUM.

- 126 Poenae Rei contumacis sunt plures.  
127 Haec non incurrit, qui solum citatur, ut veniat, si sua interesse putaverit.  
128 In poenis instigendis semper incipiendum est a minori, et crescente contumacia crescere debet et poena.  
129 Reus contumax, et postea veniens, non auditur, nisi refusus Actori expensis, et praestita cautione de iudicio sisti.  
130 Ob ejus contumaciam mittitur Actor ex primo Decreto in possessionem rei petitaе.  
131 Ac post annum constituitur verus rei petitaе possessor.  
132 Potest quandoque Judex ob contumaciam Rei sequestrare fructus rei petitaе.  
133 Sed non nisi concurrentibus certis circumstantiis.  
134 Reus contumax potest mulctari a Judice.  
135 Etiam altera parte non petente.  
136 Haec mulcta est arbitraria.  
137 Et habet locum dumtaxat in vero contumace, non autem in fecto contumace.  
138 An, et quando pro mulcta imponenda debeat quis de novo citari?  
139 Reus contumax potest realiter citari.  
140 Ac excommunicari.  
141 Ad excommunicationem tamen non est deveniendum; nisi deficientibus aliis poenis.  
142 Excommunicatus per annum, redditur suspectus de haeresi.  
143 Reus contumax habetur pro praesenti in sui praedictum.  
144 Hinc potest Judex contra eum procedere per missionem in possessionem bonorum ejus, si lis nondum fuit contestata.  
145 Et, si lis jam erat contestata, procedere usque ad sententiam diffinitivam, etc.  
146 Ratione contumaciae Rei, an, et quando detur Actori vera possessio rei petitaе? Et num. praec.  
147 Reus contumax perdit beneficium appellandi.

148 Intelligendo istud de Reo contumace in non veniendo: secus, in non exhibendo; et cur?

149 Item de Reo vere contumace, et non tantum fecto.

150 Alia Rei contumacis poena, est litis damnum.

151 Et qualiter hoc intelligendum?

152 et 153. Poena Rei contumacis in non respondendo, vel obscure respondendo, quae?

154 Alias contumacium poenas Remissive.

Quaeritur I. Quae sint poenae Rei contumacis? 126

Resp. I. Plures sunt ejusmodi poenae in Reos contumaces statutae; adeo, ut Maranta part. 6. *Spemantli Andrei*. §. de *Contumacia*. num. 9. et seqq. viginti quatuor tales poenas enumeret. Earum principales ceteris dimissis, breviter hic enumerabuntur: circa quas tamen

Advertendum est, quod ille dumtaxat puniatur 127 ut contumax, qui citatur petendo aliquid fieri, vel dari ab ipso: secus, si citetur solui, ut veniat, si sua interesse putaverit. Nam isthaec citatio censetur citatio voluntaria, seu ad ipsius libitum facta: atque non arctat citatum ad comparendum; cum nihil ab eo petatur fieri, vel dari, sed potius monetur, ut veniat, si sua putaverit interesse: unde si non venerit, contumax dici nequit, nec puniri, quamvis sibi ipsi praedictet negligendo proprium interesse. Maranta, ubi supra n. 128.

Advertendum ulterius, quod in poenis instigendis 128 semper a minori poena, quantum fieri potest, sit incipiendum: et postmodum crescente contumacia, crescere debeat et poena, arg. c. *Veritatis*. juncta Glossa & *Excommunicationis*. h. t. ubi Episcopus contumaciter absens primo suspenditur ab officio, et beneficio; deinde excommunicatur, et tandem omnino deponitur. Concordat c. *Quoniam*. §. *In aliis*. *Ut lites non contestata etc.* ubi Reo contumaciter absente Actor primo mittitur in possessionem rei petitaе causa custodiae: deinde crescente alterius contumacia, sive post lapsum anni, tunc Actor efficitur verus possessor. Simile quid habetur l. *Delegati*. ff. de *Poenis*, ubi poenae Relegati contumaciae semper augentur, addita illa generali ratione: *Nam contumacia ejus, cumulat poenam*. His praenotatis,

Resp. I. Inter complures poenas Rei contumacis 129 prima est, quod is postea veniens non audiat amplius, nisi refusus Actori expensis; simulque idoneam antea praestiterit cautionem de iudicio sisti, c. *Quoniam*. §. *In aliis*, juncta Glossa & *Cautio*. *Ut lites non contestata*. et concordant dicta superius §. 3. n. 94. et 96. et §. 4. n. 112. et seqq.

II. Rei contumacis poena est, quod ob ejus contumaciam mittitur Actor ex primo Decreto in possessionem bonorum ipsius custodiae causa, ut Reus tandem affectus veniat ad respondendum; prout ex professo declarabitur infra Tit. seq. sermo per totum.

III. Poena est, quod si Reus perseveret per annum in contumacia, gravior procedatur contra ipsum, dum Actor vel ipso jure post lapsum unius anni constituitur verus rei petitaе possessor; prout accidit in actionibus realibus; vel talem, loquendo de actionibus personalibus, Actor mittitur in possessionem quorundam bonorum Rei pro qualitate debiti declarati ex secundo Decreto, ex quo etiam constituitur verus ipsorum possessor; ita ut impostorum Reus non nisi super proprietate eorundem audiat, text. clar. c. *Quoniam*. §. *An Ut lites non contestata*. atque amplius dicitur Tit. seq. nu. 17. et seqq. et n. 24. et n. 30. et seqq.

IV. Rei contumacis poena, est sequestratio fructuum rei petitaе: nam potest quandoque Judex,

spectatis variis circumstantiis, ob contumaciam Rei non mittere Actorem in possessionem rei petitaе, sed duntaxat hujus fructus sequestrare usque ad exitum causae. Et hoc desumitur ex c. *Olim. ex litteris. 25. de Rescript.* ubi in causa Beneficiali, ob contumaciam partis adversae, legitur facta talia sequestratio fructuum, quam etiam Papa approbasse videtur, dum alteri parti adjudicavit Ecclesiam una cum fructibus sequestratis; prout notat Felix *ibid.* num. 1. et Abbas num. 4. et 5. Concordat c. *Ex litteris. 2. h. t.* ubi licet Monachi quidam, ob contumaciam partis adversae, sive Canoniorum Lincoliensium, fuissent intrudendi in possessionem rerum petitarum; nihilominus Judices delegati, intuitu Religionis, cum Canonicis illis mitius agere volentes, possessionem illorum rerum sequestrari fecerunt, ut sic Canonici, saltem taedio affecti, in judicio stare cogerentur.

133 Additur notanter spectatis variis circumstantiis. Nam regulariter propter contumaciam Rei debet fieri missio in possessionem rei petitaе, nec habet locum sequestratio fructuum, utpote quae regulariter est prohibita; cum non expediat judicium ab executione inchoari, ut notat Glossa in d. c. *Olim ex litteris. 4. Sequestrari*, ac Felix, et Abbas, ubi supra. Nihilominus, quando concurrentibus certis circumstantiis nequit fieri initio in possessionem rei petitaе; prout accidit in causis Beneficialibus, et quoties in missione facienda timetur scandalum exciturum, aut alias Juxta viderit hoc melius esse: tunc potest etiam rem petitaam sequestrare, et loco missionis in possessionem decernere sequestrationem adhibendam, per jura allegata, et Doctores citatos, et sequitur Parking h. t. num. 38.

134 V. Rei contumacis poena, est multa: quia Reus contumax propter suam contumaciam, commissamque erga Judicem inobedientiam, potest ab eo mulctari: hoc est, imponi poena pecuniaria. Ita habetur l. *Ex quacunque. 2. ff. Si quis in jus vocatus non ierit. et l. 1. juncta Glossa*, et DD. *ff. Si quis jus dicenti non obtemperet.*

135 Et quidem hujusmodi poenam, siue multam, potest Juxta imponere contumaci, etiam altera parte non petente. Nam haec facultas mulctandi contumacem, competit Judici ex ipso jure, per Legem citatas. Quia imo respectu mulctae imponendae nulla parti adversae competit actio, sed totum expediat officio Judicis, utpote cujus jurisdictio et auctoritas contemneretur impune, nisi hujusmodi poena exigi valeret. Abbas c. *De Quod vult deo. n. 7. de Judiciis*, post Bartolum in l. 2. *ff. Si quis in jus vocatus*.

136 Porro haec multa est arbitraria, et juxta gravitatem contumaciae, ac consuetudinem Curiarum moderanda: simulque per Judices inferri non solet, quando non intererat Actoris, Reum in termino citationis comparere, puta, quia dies erat foris, d. l. *Ex quacunque. 2. ff. Si quis in jus vocatus etc.* ac notat Lasius *ibid.* n. 6.

137 Caeterum haec poena habet duntaxat locum in vero contumace; hoc est, in eo, quem apprehendit citatio, eo quod vel personaliter citatus fuerit, vel saltem citatio edictalis ad ejus notitiam pervenerit: non autem in ficto contumace, siue in illo, de quo dubitatur, an citatio edictalis ad ipsius devenerit notitiam. Nam fictus contumax mulctari non potest, secundum Alexandrum, et DD. communiter in l. 1. *ff. Si quis jus dicenti etc.* Maranta loc. cit. n. 9.

138 Adhuc Doctores, quod ex contumacia non debeat quis mulctari in continenti, sed oporteat ipsum pro multa imponenda de novo citare, arg. c. *Re-*

*nons. 5. fin. de Accusat.* et ibi Abbas numer. 10. Verumtamen hoc est intelligendum, quando contumacia non est notoria: tunc enim requiritur nova citatio, cum ad aliud non agatur, ad quod prior citatio se non extendit: simulque quia posset in absentem cadere aliqua excoctio, ac quaedam ipsi defensio competere, arg. l. *Ex quacunque. h. ff. Si quis in jus vocatus etc.* et docet Bartolus *ibidem*. Secus dicendum, si contumacia fuerit manifesta, et in judicio vi g. commissa, ac proinde certum est, quod absenti nulla possit competere defensio: tunc enim nova citatio non requiritur, arg. c. *De Quod vult deo. 1. de Judiciis*, ubi contumaciter recedens a Judicio, absque alia citatione fuit excommunicatus: et notat Abbas *ibid.* num. 28. et seqq. Concordat textus in c. *Constitutis. 12. de Procurat.* ubi Reus illicentiae recedens a judicio, atque manifeste contumax, absque alia citatione condemnatur parti adversae in expensis: nam de his, et de imponenda multa pecuniaria, videtur eadem ratio.

VI. Rei contumacis poena est, quod contumax possit realiter citari, hoc est, capi, et violenter ducatur ad judicium. Ita desumitur ex l. *Consentaneum*, juncta Glossa *q. Ad cogendum eum*, et Bartolo *ibid. C. Quomodo et quando etc.* et Auth. *de Exhibendis Reis. 5. Si vero etiam quidam. Collat. 5. Abbas in c. Prout. n. 18. h. t.*

VII. Poena est, quia Reus contumax potest excommunicari. Idque patet ex c. *Tuae fraternitatis. Ut hic non contestata etc.* atque practicum legitur in c. *De Quod vult deo. 1. de Judiciis. et c. Olim ex litteris. 25. de Rescript.* Abbas c. *Peritatis. nu. 8. h. t. et alii.*

Caeterum quia in Ecclesia non datur major poena, quam excommunicatio, c. *Corripiantur. 24. q. 3.* ad eam non est deveniendum, nisi deficientibus, aut frustra attentatis aliis poenis minoribus, juxta dicta nu. 128. Quia imo Concilium Trid. *Sess. 25. cap. 3. de Reformat.* saluberrime mandat omnibus Judicibus Ecclesiasticis, quod ad poenam excommunicationis infligendam non procedant, quandoque executio realis, vel personalis adversus Reos fieri poterit; cum experientia doceat, si temere, aut levis de rebus incutatur, eam magis contemni, quam formidari; et perniciem potius perire, quam salutem.

VIII. Poena est, quod si Reus fuerit excommunicatus propter suam contumaciam; et in tali excommunicatione per annum continuam pertinaciter persistit, elapso anno reddatur suspectus de haeresi: quia videtur contemnere potestatem Ecclesiae, cujus claves, atque excommunicationem non timet. Unde contra talem, tanquam de haeresi suspectum, procedi poterit, juxta Concilium Trident. *cap. 3.*

IX. Rei contumacis poena est, quod contumax habeatur pro praesente in sui praesudicium. Auth. *Qua in provincia. C. Ubi de criminibus agi oportet*, ibi: *Quia contumacia ejus pro praesentia est.* Nam tunc litigatoris absentia Dei praesentia repletur, ut dicitur in l. *Properandum. 5. Sin autem Reus. C. de Judic.* atque in simili notatur cap. 2. *de Arbitris in 6.* et notat Abbas in c. *Peritatis. n. 12. h. t.* Maranta loc. cit. nu. 30. citans ulterius Glossam in l. *De unoquoque ff. de Re judicat.* et Baldum in l. *Cum fratrem. C. De his quibus ut indignis etc.*

Et hinc fit, quod Juxta contra Reum contumacem possit procedere per missionem in possessionem bonorum ejus, prout ex professo declarabitur Tit. seq. *5. 2. et seqq.*

Quia imo in actionibus realibus, et quando illa jam fuit contestata, et postea prius Reus contumax

citer se absentat, potest Judex procedere non solum ad receptionem testium, sed etiam usque ad diffinitivam sententiam, si liquet de meritis causae, c. *Prout. 4. h. t. et l. Properandum. §. Sin autem Reus. C. de Judiciis*. Quod si vero de causa, sive meritis ejus, liquere non possit, tunc Atori praesenti adjudicator saltem vera possessio rei petita, sola quaestione proprietatis super ea Reo absenti reservata, d. c. *Prout. §. An. juncta Glossa. §. Terminatis. h. t.* atque amplius declarabitur Tit. seq. §. 2. n. 14. et seqq.

146 Dices. Ratione contumaciae non est danda statim vera possessio rei petita, sed Actor tantum mittitur in possessionem ejus causa custodiat, c. *Quoniam. 10. §. In aliis. Ut lite non contestata etc.* ergo hoc ultimum assertum non subsistit. Resp. Antecedens solum procedere ante litem contestatam, prout indicat Rubrica citati Tituli: *Ut lite non contestata etc.* Secus dicendum, si Reus post litem jam contestatam fuerit contumaciter absens: tunc enim gravior censetur esse contumacia ejus, fortiorque contra ipsum oritur praesumptio, quod se ideo absentet, quia diffidit de jure suo; ac proinde merito non solum mittitur Actor in possessionem rei petita causa custodiat, sed etiam acquirit veram ejus possessionem, juxta cit. c. *Prout.* ac notat Abbas *ibid. n. 18. h. t.*

147 X. Rei vere contumacia poena est, quod is perdat beneficium appellandi; adeo, ut a sententia contra ipsum absentem, ut proxime dictum est, diffinitive lata appellare non possit. Patet hoc ex cit. l. *Properandum. §. Sin autem Reus. C. de Judic.* ibi: *Nec partimescat Judex appellationis obstaculum, cum ei, qui contumaciter absens nascitur, nulla sit provocationis licentia.* Idem patet ex l. 1. c. *Quorum appellat non recip. et l. Et post edictum. §. fin. ff. de Judiciis. et l. Ex consensu. §. fin. ff. de Appellat.* Ubi hujus ratio insinuat, fundata in hoc, quod in potestate Rei fuerit, antea die praestituta pro Tribunali respondere, seque ibidem defendere; ac proinde contumaciter tunc se absentans, postea non recte provocare censetur. Et hoc procedit etiam in illa sententia, quae nunquam transit in rem judicatum: nam verus contumax non appellat. Jason L. 1. §. *Si procurator. num. 13. ff. Si quis jus dicent.* Ant. de Butrio, et Imola in c. *Tenor. de Sentent. et re judic.* Maranta loc. cit. n. 19.

148 Nec obstat textus in l. *Creditor. §. Jussus. ff. de Appellat.* ubi contumax in non exhibendo, si idcirco condemnatur, auditur appellans. Resp. enim, hoc procedere in eo, qui est contumax in non exhibendo, sive non restituendo rem a Judice reitui, aut exhiberi praecipiam: secus autem esse dicendum de contumacia in veniendo, per Jura allegata. Accedit ratio disparitatis, ibidem per Glossam, §. *Appellandi*, insinuata: quia plus delinquit contumax in non veniendo, quam in non exhibendo; hic enim delinquit solum in uno, illo in duobus; quia et Judicis auctoritatem contemnit, et se ipsum defendere negligit; nam horum posterius non facit contumax in non exhibendo.

149 Insuper proxime dicta poena est intelligenda de vero contumace; ac proinde nam. 147, notanter additum fuit ly, *Rei vera contumacia poena est.* etc. Nam fictus contumax, quem citatio non apprehendit (ut quia fuit citatus ad domum, et non venit in judicium, allegans ignorantiam factae citationis) bene potest appellare. Si tamen judicialiter probaretur, quod citatio ad ejus notitiam pervenerit, nec tamen venit, censetur verus contumax, nisi probet legitimum impedimentum, Glossa

sa magna in Clem. un. et Abbas *ibid. num. 4. et 5. h. t.* et concordant dicta superius §. 1. num. 68. et seqq.

XI. Rei contumacia poena, est litis damnum; prout liquet ex l. *Contumacia. ff. de Re judicat.* ibi: *Contumacia eorum, qui jus dicenti non obtemperant, litis damno coercetur.* Non quod Judex propter contumaciam possit aliquem punire in tota causa, ita ut his propter eam solam perdat causam principalem: hoc enim foret contra omnia Jura, quibus Reo, etiam contumaciter absenti, reservatur quaestio proprietatis; ut cit. c. *Prout. 4. h. t. et c. Quoniam. §. In aliis. Ut lite non contestat.* cum similibus: ac notat Glossa in d. l. *Contumacia. §. Litis damno.* Jason L. 1. §. *Hoc judicium ff. Si quis jus dicenti etc.* Menochius de Arbitrar. Judic. Casu 280. n. 4. cum aliis.

In tantum igitur contumax litis damno coercetur, quatenus imprimis Reus contumax condemnatur adversario in expensis. Deinde, quatenus ipse appellans non auditur, juxta dicta num. 147. et 148. Et tandem ex eo, quia contumaci in una causa potest Judex denegare suam jurisdictionem atque audientiam in alia causa, saltem inter easdem personas, arg. l. *Sed et si. §. Sed et si dum. ff. Ex quibus causis majores etc.* juncta Glossa marginali *ibid.* et alia Glossa in l. *Contumacia §. Litis damno. ff. de Re judicat.*

XII. Poena Rei contumaciae in non respondendo est, quod, qui contumaciter non vult respondere coram Judice, habeatur pro negante, vel affirmante, prout est magis ipsi praedjudiciale. Ita Abbas in cap. 1. numer. 5. *Ut lite non contestata etc.* Maranta cit. part. 6. *Speculi Aurei. §. de Contumacia. num. 32.* cum aliis, et patet ex l. *De actate. §. Qui tacuit. ff. de Interrogat. actionib.* Nam quia talis Praetorem contemnere videtur, merito hanc suae contumaciae poenam ferre debet; prout argumentatur ibidem Juris Consultus.

Hic adde, quod non solum ille hac poena tenetur, qui Judici interroganti penitus nihil loquitur; sed etiam is, qui quidem aliquid dixit, tamen non respondet ad interrogata: nam et talis omnino non respondere videtur, d. l. *De actate. §. Quod autem.* Eadem quoque poena constringitur ille, qui ita obscure respondet, ut Judicem interrogantem reliquat incertum: nam obscure respondere, et nihil respondere, paria sunt, d. l. *De actate. §. Nihil interest. ff. de Interrogat. action.*

Tacentur aliae contumacium poenae: ut est illa, qua Actor recusans sine causa praestare juramentum calumniae, cadit ab instituta actione; Reus autem id ipsum praestare recusans, habetur pro confesso, cap. ult. §. *An de Jurament. calumniae.* Item illa, qua Reus similiter habetur pro confesso, si interrogatus, jussusque a Judice, absque rationabili causa nolit respondere positionibus ab adversario sibi factis; aut postmodum contumaciter se absentet, c. *Si post praestitum de Confessis in 6.* Nam de litis contumacium poenis commodius augetur in propriis Titulis: caeterae vero sunt usu minus frequentes, poterunt tamen videri apud Marantam, ubi supra.



## TITULUS XV.

De eo, qui mittitur in possessionem causa rei servandae.

1. *Ratio continuationis Rubricarum.*

Nigrum quandoque est generalius Rubro. *Ibid.*

**P**ostquam praecedenti Titulo dictum est de Contumacia, recte subjungitur praesens Rubrica, eo quod per contumaciam saepe pervenitur ad missionem, vel immissionem in possessionem bonorum contumacis. Et quia in Rubrica fit duntaxat mentio de Missione in possessionem causa rei servandae, qualis datur ex primo Decreto Judicis; postmodum autem in Nigro (seu in textibus Capitulorum) tractatur etiam de interpositione secundi Decreti, per quod transfertur vera possessio: hinc patet, quod Nigrum quandoque sit generalius Rubro; prout fit in proposito. Id ipsum accidit in Rubrica de Officio et potestate Judicis Delegati in 6. ubi similiter cap. 1. et 2. cap. ult. tractatur de Conservatoribus, qui in pluribus differunt a Judice Delegato, juxta Glossam in d. cap. ult. §. Edita: et tamen de ipsis Rubrica non meminit. Glossa, et Abbas ad Rubricam h. 1. Concordant dicta in Provenio, §. 6. num. 99. et 100. ac seqq.

## §. I.

De Missione ex primo, et secundo Decreto Judicis, ejusque requisitis.

## SUMMARIUM.

1. *Missio in possessionem ex primo Decreto, quid?*
3. *Ex ea non acquiritur dominium, vel possessio, sed duntaxat detentio bonorum custodiae causa. Aliud est possidere: aliud, esse in possessione Ibid.*
4. *Missio in possessionem ex secundo Decreto quid?*
5. *Missio ex primo, aut secundo Decreto, non est sententia diffinitiva, sed interlocutoria.*
6. *Sicque potest per Judicem revocari.*
7. *Neque in ea requiruntur sollemnitates sententiae diffinitivae.*
8. *Missionis ex primo Decreto requisita, quae? Et num. seqq.*
9. *Ad eam requiritur, ut Actio sit in tentata. Ibid.*
9. *Et trina citatio, vel una peremptoria. Nova tamen citatio, non est necessaria. Ibid.*
10. *Requiritur etiam, ut causa, propter quam fit, sit vera.*
11. *Simulque quaedam summaria causas cognitio praecedat.*
12. *Et qualis officiat? Et num. praec.*

**Q**ueritur I. Quid sit Missio in possessionem bonorum ex primo, et secundo Decreto Judicis? Resp. I. *Missio in possessionem ex primo Decreto*, est prima jussio Judicis, per quam Actor ob contumaciam Rei mittitur in possessionem bonorum petitorum custodiae causa, ut sic Reus laedus affectus in iudicium venire, ac respondere cogatur. Ita in re communis: et habetur c. Quoniam. 10. §. In aliis. Ut lite non contestata etc. quamvis Eodem Gonzalez Telles in c. Tuas fraternitatis. 3. num. 12. Ut lite contestata etc. post ly, custodiae causa, legat: Ut eam pignoris vice deti-

neat, donec Reus veniat responsurus. Et talis jussio Judicis recte inter Decreta connumeratur: cum Decreti nomine comprehenduntur omnia, quae causa cognita per Judicem statuuntur, L. 1. ff. de Constitut. Princip. et L. penult. ff. de Offic. Praetor. Ju. Calvinus in Lexico Juridico §. Decretum autem. et Gonzalez Telles loc. cit. n. 7.

Additur vero in data definitione, *custodiae causa*. Quia, sive agatur actione reali, sive personali, per missionem ex primo Decreto non acquirit Actor missus, seu immissus in bona Rei contumaciter absentis, dominium, aut veram possessionem, sed duntaxat detentionem eorum custodiae causa. Siquidem ex primo Decreto mittitur Actor solum in possessionem causa rei servandae; ut loquitur Rubrica praesentis Tituli, juncto cap. ult. ood. Atqui aliud est, possidere; aliud, esse in possessione: suntque haec duo valde diversa, l. Si quis ante. 10. ff. de Acquir. possess. Nam ille possidet, qui suo nomine possidet, vel cujus nomine possidetur, c. Cum venisset. §. fin. de Restitut. spoliat. cum concordantiis: at vero *Esse in possessione*, tantum denotat andam detentionem rei; et competit etiam Depositario, Commodatario, Conductori, et aliis, qui rei servandae nomine sunt in possessione, l. Officium. ff. de Rei vindicac. junctis dictis supra Tit. 12. De Causa possessionis et proprietatis. §. 1. numer. 9. Unde ex missione in possessionem, non potest inferri vera possessio; multo minus proprietas, et dominium rei illius, in quam Actor missus fuit.

Resp II. *Missio in possessionem ex secundo Decreto*: est secunda jussio Judicis, per quam Actor ob perseverantem Rei contumaciam verus constituitur possessor illorum bonorum, quae prius ex primo Decreto detinebat, servata tamen Reo legitima defensione super proprietate sive dominio eorundem, seu facultate imposterum agendi super eisdem iudicio petitorio. Ita Speculator tit. De secundo Decreto. §. 1. num. un. Scaccia de Judiciis, Lib. 1. cap. 96. et 97. Zoesius h. 2. num. 2. et Pirhing n. 17. cum aliis. Idque probatur ex cap. 1. h. 1. et l. Praetoris. §. 1. et l. Si finita. §. Julianus. ff. de Damno infecto: ubi missus in possessionem ex secundo Decreto, dicitur posse praescribere per longum tempus: atqui ad praescriptionem requiritur vera possessio; ergo.

Quaeritur II. An ejusmodi Missio sit sententia diffinitiva, nec ne? Resp. Missio sive ex primo, sive ex secundo Decreto Judicis, non censetur esse sententia diffinitiva, sed interlocutoria solum. Ita Abbas Patormit. in cap. 1. nu. 10. h. 1. post Innocentium in c. Dilecto. de Verborum signif. et aliis passim. Siquidem per hujusmodi missionem non imponitur finis controversiae principali, cum adhuc Reus postea veniens audiat super proprietate: sed solum Juxta pronunciat super aliquo emergenti inter principium et finem causae; idque ob contumaciam Rei absentis.

Infertur proinde, quod, sicut Juxta potest sententiam interlocutoriam suam revocare, etsi non diffinitivam, l. Quod jussit. ff. de Re-judicac. Ita pariter Juxta revocare valet factam a se missionem; quandocumque constiterit eam indebite factam.

Infertur ulterius, quod in interponendo primum, vel secundum Decretum, non sit necesse servare omnes eas sollemnitates, quae requiruntur ad sententiam diffinitivam: nam ejusmodi Decretum primum, vel secundum regulatur potius secundum naturam sententiae interlocutoriae, non diffinitivae. Innocentius et Abbas, ubi supra.

Quaeritur III. Quae generatim requirantur ad faciendam Missionem ex primo Decreto. Resp.

Plura ad eam requiri: adeo, ut Card. Tuschus *Lit. M. Concl.* 283. allegatis aliis Auctoribus, enumeret tredecim ejus requisita: eorum tamen quatuor sequentia sunt principaliora. Primo equidem ad missionem in possessionem ex primo Decreto requiritur, quod causa sit intentata, et Actor mittendus accusata contumacia Rei absentis, petat a Jdice se mitti in possessionem: alioquin enim non potest emanare primum Decretum; ut *l. Dies. §. Hoc Autem judicium. ff. de Damno infecto.*

9. Secundo requiritur tria citatio, vel una peremptoria: alioquin enim Reus in ordine ad missionem in sua bona faciendam non censeretur contumax, *can. De illicita. 24. quæst. 3.* estque amplius dictum, *Tit. præc. num. 62. et 114.* Verumtamen citatio nova non requiritur ad videndum decerni primum Decretum: quia sufficit, peremptorium esse emanatum, et Reus sit contumax; nam in peremptorio jam debet dici: *Compareas tali die, et peremptorie; alias procedetur contra te.* Bartolus in *l. Si finita. §. Julianus. nu. 25. vers. Quære, utrum postquam est contumax. ff. de Damno infecto.* Card. Tuschus *loc. cit. n. 29.*

10. Tercio requiritur, ut causa, propter quam fit missio, sit vera: quia falsa causa vitiat missionem. Baldus *Consil. 53. lib. 3. Romanus Consil. 96. nu. 9. vers. Quin imo.* Atque ideo, si debitum, pro quo fit missio, non est verum, primum Decretum nullius existit. roboris. Card. Tuschus *loc. cit. n. 5. et 6.* allegans insuper Baldum *Consil. 261. lib. 5.* Idemque dicendum: si Reus probaverit justam absentiae causam: quia erit restituendus, *l. Si finita. §. Si forte. ff. de Damno infecto.* vel potius ipso jure invalida est missio, *arg. c. Cum Bertholdus. 18. de Sentent. et Re judicat. et l. Imperatores. ff. de Privileg. credit.*

11. Quarto proinde ad decernendam missionem requiritur quædam summaria dictæ causæ cognitio et probatio debiti, saltem facta per præsumptiones et juramentum Actoris. Licet enim ad hoc, ut concedatur primum Decretum, non requiratur, quod plene constet de debito: sed sufficiat, quod summam, aut per juramentum Actoris probetur, ex quo medicum inde paratur præjudicium, et statim reparabile per adventum Rei intra annum, ut notat Glossa in *l. Cum proponas. §. Constat. et Bartolus ibid. §. Tertio quæro. C. de Bonis auctoritat. judic. possid. et Maranta part. 6. Speculi Aurei. tit. de Contumacia. n. 12.* Nihilominus Jdex non illico debet festinare ad faciendam talem missionem, sed debet prius saltem summam examinare negotium, et attendere, utrum adsint pro Actore aliquæ præsumptiones, calumnie petat; simulque exigere ab ipso juramentum calumnie, quod vera sint petita, nec ea petat per calumiam: debet etiam saltem summam inquirere, an Reus nullam habeat justam causam absentiae; prout desumitur ex *c. Quoniam. §. In aliis. inacta Glossa ibid. §. Summam. et Abbas num. 21. Ut lite non contestata etc.*

12. Hoc ipsum docet Card. Tuschus *cit. Concl. 283. n. 13. et seqq.* sed addit, variare opiniones, an sufficiat solum juramentum calumnie, ut indicat Bartolus, ubi supra, et Bartolus *Consil. 261. n. 4. lib. 5.* allegans consensum. Vel an insuper requiratur summaria probatio, saltem per præsumptiones, aut unum testimonium; prout in decernenda missione ex actione personali requirit Abbas *cit. num. 21.* licet secus teneat, quando agitur actione reali, ubi missio ex primo Decreto fit potius ad hoc, ut Reus audio affectus veniat responsurus in judicio.

## §. II.

In quibus locum habeat Missio ex primo, et secundo Decreto?

## SUMMARIUM.

- 13 Est hic distinguendum inter actiones reales, et personales.
- 14 In actionibus realibus, quando lis jam est contestata, non habet locum missio ex primo Decreto.
- 15 Et qualiter tunc procedendum? Et num. præc.
- 16 Actore non probante Reus absolvitur: Limitatur, et declaratur.
- 17 et 18. Quid juris in actionibus realibus, quando lis nondum est contestata, et Reus contumaciter abest? Et num. seqq.
- 19 Tunc Actor ex primo Decreto missus in bona petita, post annum efficitur verus possessor. Et numer. 17.
- Potest tamen etiam deveniri ad secundum Decretum. Ibid.
- 20 Annus ille, quando tunc incipiat currere? Et numer. seqq.
- 21 Si inter primum Decretum Judicis, et actua-lem missionem, mediat tempus ex culpa Rei, annus illo computatur a die interpositionis primi Decreti.
- 22 Actor qui ob resistantiam adversarii rem custodiendam, nancisci non potest, post annum statim verus constituitur possessor.
- 23 Alias annus ille primum currit a die actualis missionis.
- 24 In actionibus personalibus, qualiter Actor ob contumaciam Rei sit mittendus in possessionem ex primo Decreto? Et num. seqq.
- 25 Actor tunc post annum non acquirit possessionem bonorum absque secundo Decreto.
- 26 Idque amplius probatur.
- 27 Notabilis differentia inter actiones reales et personales.
- 28 et 29. Missio ex primo Decreto, an et quando locum habeat in causis Beneficialibus?
- 30 Et quid in causis matrimonialibus?

Quæritur I. Utrum, et quando in actionibus realibus locum habeat Missio in possessionem ex primo Decreto? Et notanter additur, in actionibus realibus; hoc est, actionibus in rem, quæ videlicet adherent rei, ipsamque vendicant et insequuntur, puta agrum, vel domum, quam Actor Reo negante dicit esse suam. Nam de actionibus personalibus, seu quæ proxime tendunt in personam nobis obligatam ex contractu, vel delicto, specialis est difficultas inferius examinanda. Quo prænotato, se distinguendo ulterius, an in actione reali lis jam fuerit contestata, nec ne.

Resp. I. In actionibus realibus, quando lis jam fuit contestata, non habet locum missio in possessionem ex primo Decreto, quamvis postea Reus contumaciter se absente. Si enim liquet, aut liquere potest de causa, ejusque meritis, ut puta per instrumenta, vel testes receptos, sive recipiendos, aut confessionem propriam; tunc illico Jdex potest procedere ad sententiam diffinitivam, absolvendo, vel condemnando, prout exigunt merita causæ: ita tamen, ut sive pro Reo contumaciter absente, sive contra eum pronuntiaverit, semper eum in expensis condemnaret; neque Reus contumaciter absens a sententia contra ipsam lata appellare possit. Ita habetur in *l. Proposendam. §. Si autem Reus. et §. Si autem ea ge-*

stis, C. de Judiciis. et c. Proet juncta Glossa fin. de Dolo et contumac. Speculator tit. de Calumnia. §. Sequitur. nu. 2. et alii: concordant dicta superius Tit. praeced. §. 5. n. 144. et seqq.

15 Quod si vero tunc non liquet, nec liquere potest de meritis causae; ut quia Actor pro se non producit idoneos testes, neque instrumenta, quibus plene probet de Jure suo, nec etiam per talia constare possit de jure adversarii: tunc ob adeo sortem praesumptionem illam, qua praesumitur contra Reum lite contestata contumaciter se absentantem, quod hoc fecerit diffidendo de jure suo: simulque in poenam contumaciae suae, transfertur possessio bonorum petitorum in Actorem praesentem, et huic adjudicatur vera ipsorum possessio, ita ut statim fiat verus possessor, sola quaestione proprietatis Reo absentem reservata. Patet hoc totum ex l. Contentaneum. C. Quomodo et quando etc. et cit. c. Proet. de Dolo et contumac. ibi: Vel praesenti adjudicetis saltem possessionem: ac notat Glossa, et Speculator, ubi supra, cum aliis. Et merito istud de jure statutum fuit, tum in odium contumaciae, contra quem fit praesumptio, can. Decernimus 3. quaest. 9. Tum quia praesudicium illud, quod Reus absens sua culpa per omissionem possessionis incurrit, iterum est reparabile in petitorio judicio, si ipse probaverit de proprietate bonorum illorum.

16 Dices. Aut Actor probat intentionem suam, et tunc condemnandus est Reus, juxta dicta numer. 14. aut non probat, et absolvendus est Reus: nam generaliter Actore non probante, Reus absolvitur, c. Cum Ecclesia. §. fin. de Causa Possess. cum similibus: ergo casus iste posterior non procedit. Resp. neg. anteced. quoad alteram partem: nam specialiter a Jure ita statutum fuit, ut si lite jam contestata Reus contumaciter se absente, in possessione bonorum petitorum privandus sit, licet Actor jus suum non plene probaverit, per Jura et rationes jam allegatas. Unde dictum illud, Actore non probante Reus absolvitur, potissimum procedit, quando utraque pars est praesens, et neutra contumaciter absens. Glossa in cit. can. Decernimus. 3. q. 9. §. Manifestum, estque jam dictum supra Tit. praeced. §. 5. n. 91.

17 Resp. II. Loquendo de actionibus realibus, quando lis nondum fuit contestata, tunc Reo contumaciter absente, non potest procedi ad receptionem testium, aut sententiam diffinitivam: neque etiam potest Actori adjudicari possessio bonorum petitorum, sed Actor est mittendus in possessionem rei petitaе ex primo Decreto judicis, ut Reus taedio affectus veniat in judicium ad respondendum. Et si quidem Reus infra annum venerit, simulque expensas ab Actore factas, et idoneam cautionem in judicio sibi praestiterit, saltem suam possessionem una cum fructibus recuperabit: adeo, ut Actor non amplius censeatur esse in possessione bonorum petitorum, neque horum detentionem habere. Quod si vero Reus intra annum venire, seu praefatam cautionem offerre neglexerit: tunc Actor anno elapso, absque alio Judicis Decreto, efficitur verus dictorum bonorum possessor, sicque gaudebit omnibus possessionis commodis, sola proprietatis quaestione, atque defensione Reo reservata. Ita Glossa in c. Contingit. §. Constituitur et Abbas ibid. num. 10. de Dolo et contumac. Menochius de retinend. possess. remod. 3. nu. 206. et 207. Pirhing. tit. Ut lite non contestata etc. n. 26. et alii: quamvis Gonzalez Tellez in c. Tuas fraternitatis n. 32. Ut lite non contestata etc. asserat, verius esse, quod tam in actionibus realibus, quam personalibus, necessarium sit secundum Decretum Ju-

dicis, etiam post lapsum anni, ut possessio in Actorem transferatur.

Prima pars Conclusionis patet ex c. Accedens. 2. et c. Tuas fraternitatis 3. Ut lite non contestata etc. cum concordantiis. Et cur Actore contumaciter absente possit procedi ad receptionem testium, atque sententiam diffinitivam, non item Reo contumaciter absente, si lis nondum contestata fuit, multiplex discriminis ratio jam fuit allata Tit. praeced. §. 3. numer. 84. et 88. et seq. Altera pars quoad singula sua membra ex professo habetur decisa in c. Quoniam. §. In aliis. Ut lite non contestata etc. juncta Glossa et Doctoribus ibidem, fusius hoc declarantibus.

Concordat cit. c. Accedens. eod. et cap. 1. et ult. h. t. et l. Si quis emptionis. Sed si quis. C. de Praescript. 30. vel 40. ann. cum similibus. Ubi Reo contumaciter absente, et lite nondum contestata, Actor solum mittitur in possessionem rei petitaе causa custodiae, sive ex primo Decreto: post lapsum autem unius anni veram et incommutabilem rei petitaе possessionem acquirere dicitur, quando Reus infra annum non venit, aut veniens idoneam de juri stando cautionem non praestitit. Quod ultimum insuper confirmatur ex c. Pastoralis. 11. §. Verumtamen. de Offic. judic. ordin. ibi: Post annum verus efficiatur possessor. Quamquam per hoc non negetur, quin post lapsum anni possit deveniri ad secundum Decretum, etiam in actionibus realibus: quia, licet lapsus anni habeat vim secundi Decreti, istud tamen solum contingit tacite; non ergo impedit, quin id etiam expresse fieri valeat, prout notat Menochius cit. num. 207. Atque in hoc sensu potest admitti contraria sententia Gonzalez Tellez, num. 17. in fin. relata. Verum occasione praemissorum.

Quaeritur II. Utrum annus illò, in quo elapso Actor in actionibus realibus constituitur verus possessor, incipiat a die editi primi Decreti, vel potius a die factae actualis missionis in bona Rei contumacia? Contingit enim, quod quandoque inter Decretum judicis, et actualem missionem in bona contumaciae, intercedat aliquod tempus medium: idque vel ob resistantiam aut dolum Rei, vel ob culpam seu negligentiam Actoris, sive etiam absque culpa utriusque. Et in hujus quaestionis resolutione variant Doctores: uti videre est apud Abbatem in c. Quoniam. §. In aliis. num. 47. Ut lite non contestata etc. et Annotationem Jo. Andreae ad Speculatorem, tit. De secundo Decreto. §. Videndum. vers. Tractandum imminet. Omissis tamen aliorum opinionibus juvabit eandem congrua distinctione resolvere: unde

Resp. I. Quando mediat tempus inter primum Decretum Judicis, et actualem missionem ex culpa Rei, ut puta ob hujus resistantiam vel dolum, tunc ejusmodi annus statim incipit currere, estque computandus a die interpositionis primi Decreti. Ita Abbas cit. num. 47. et Speculator tit. De secundo Decreto. §. Videndum. num. 20. ubi quidem simpliciter docet, quod annus ille sit computandus a tempore interpositionis primi Decreti: sed quia hoc suum assertum probat ex c. Contingit. §. de Dolo et contum. ubi sermo est de casu resistantiae, vel doli per Reum commissi, ne Actor consequatur decretam sibi possessionem ex primo decreto, vel maxime favet Conclusioni. Accedit ratio: quin Actor per potentiam, sive dolum adversarii impeditus, ne admittatur in possessionem auctoritate Judicis sibi decretam causa custodiae, hoc ipso juris fictione habetur jam pro immissio, per testem notabilem in l. Quamvis. juncta Glossa §. Perinde habetur. ff. de Bonis auctoritat. judic. possidend. Concordat cit. c.



*Contingit. de Dolo et contumac.* quae posterior probatio ut melius intelligatur,

22. Est sciendum, quod cum Actor, ob contumaciam adversae partis, adjudicatur (causa rei servandae) possessio, et ipse propter Rei adversarii potentiam, sive dolum, infra annum rem custodiendam nancisci non potest, vel acquisitionem amittit; tunc Actor elapso anno absque alia reali apprehensione possessionis statim verus constituitur ejus possessor. Ita enim de aequitate Canonica habetur decisum in Concilio Generali (sive Lateranensi, sub Innocentio III. celebrato) ac refertur in dicto c. *Contingit. g. de Dolo et contumac.* addita illa ratione: Ne aliquin Reus contumax commodum de sua malitia reportet; neve contumax melioris, quam obediens, conditionis existat. Atqui hoc non procederet, nisi in isto casu annus ille statim currere inciperet a die interpositi Decreti primi causa rei servandae; ergo. Concordant dicta superius Tit. 12. de Causa possessionis et proprietatis. §. 4. n. 140. et 141.

23. Resp. II. Quod si vero inter Decretum primum Judicis, et actualem missionem, intermediet tempus absque culpa Rei (ut puta, quia vel Actor fuit in culpa, vel neuter extitit culpabilis) tunc annus ille, post cuius lapsum Actor ipso jure constituitur verus possessor bonorum petitorum, primum incipit currere a die actualis missionis. Ita Abbas, ubi supra, num. 47. cum aliis. Conclusio haec desumitur ex jam cit. c. *Contingit. g. de Dolo et contumac.* ubi Concilium Generale loquens de Actore, qui ob potentiam, vel dolum Rei, non potest nancisci possessionem causa rei servandae sibi decretam, subjungit, quod is secundum multorum assertionem verus non efficeretur post lapsum anni possessor. Haec enim propositio negativa nullatenus verificaretur, si annus ille statim, et universaliter, inciperet currere a die editi primi Decreti. Et quamvis ibidem hoc statuatur in casu, quo Actor ob culpam Rei, nequit adipisci decretam sibi possessionem; tamen istud de aequitate Canonica pro casu illo speciali ita statutum fuit, ne contumax melioris, quam obediens, conditionis existat, ut loquitur textus; ac proinde, veluti materia odiosa et poenalis, ad alium casum non extenditur; et consequenter cessante dolo, et resistencia Rei, currit annus ille primum a die factae missionis. Accedit, quod missio ex primo Decreto fiat, ut Reus taedio affectus saltem intra annum desistat a sua contumacia, et veniat responsurus in iudicio, c. *Quoniam. §. In aliis. Ut lite non contestata etc.* Sed antequam fiat missio actualis, non potest dici taedium illatum; sicque cessat ratio, computandi tempus actualem missionem antecedens intra annum praefatum.

24. Quaeritur III. An, et qualiter in actionibus personalibus locum habeat missio ex primo, vel secundo Decreto? Resp. I. Quando Reus actione personali conventus in iudicium venire contemnit, seu contumaciter abest, etiam lite necdum contestata, tunc Actor ex primo Decreto mittendus est custodiae causa in possessionem bonorum ipsius Rei, pro modo debiti in libello Actoris declarati; et primo quidem in possessionem bonorum mobilium; deinde, si mobilia Reus non habeat, vel saltem non sufficientia, in possessionem bonorum immobilium ipsius; ita tamen, ut si Reus intra annum, vel etiam post annum ante interpositionem secundi Decreti venerit, et restituit expensis, tunc de iudicio sisti, is audiri debeat, simulque recuperet res suas, harumque detentionem et custodiam. Ita habetur expressum in cit. c. *Quoniam. §. fin. Ut lite non contestata etc.* ac notat

Glossa *ibid.* §. *Si autem.* et Abbas §. *In aliis. n. 1.* et communis aliorum.

Resp. II. Quamvis ejusmodi Reus diutius in contumacia perstiterit, nihilo minus Actor post lapsum unius anni, vel etiam longioris temporis, non acquirit ipso jure possessionem bonorum illorum: in quae pro mensura debiti in suo libello declarati missus fuerat ex primo Decreto custodiae causa: sed opus est secundo Decreto Judicis. Ita Glossa in c. *Contingit. §. Constituatur. de Dolo et contumac.* Abbas in c. *Quoniam. §. in aliis. nu. 16. et 37. et 40. Ut lite non contestata Speculator tit. De secundo Decreto. §. Videndum. num. 20. Zoesius h. t. num. 1. Valleus num. 3. Eugel eod. num. 3. Pirhing num. 17. et alii communiter. Accedit ratio: quia nullibi Jura in actione personali attribuunt Actori post missionem ex primo Decreto, et lapsu unius anni, veram possessionem bonorum pro modo debiti petitorum, sicut fit in actione reali; sicque illud non est asserendum; quia *Erubescimus sine textu loqui*, juxta *Auth. De Triente et Semisse. §. Consideremus. Collat. 3.* cum similibus.*

Accedit, quod in actione personali Reus non solum intra annum, sed etiam post annum ante interpositum secundum Decretum veniens, recuperet res suas, earumque possessionem, dammodo Actori restituat expensas, ac praestet cautionem de iudicio sisti; prout habetur d. c. *Quoniam §. fin.* juncta Glossa §. *Distinctionem.* et DD. *ibid.* et l. *Cum proponas. et Auth. seq. C. de Bonis auctorit. judic. possid.* Atqui hoc esset falsum, si Actor in actione personali illico post lapsum anni, et absque interpositione secundi Decreti, acquireret veram et incommutabilem talium bonorum possessionem; ergo.

Nec obstat, quod secus accidat in actione reali, ubi quis post lapsum anni illico, et ipso jure, verus efficitur possessor illius rei, in quam ob contumaciam Rei absentis auctoritate Judicis ex primo Decreto, seu custodiae causa missus est. Non obstat, inquam. Tum quia in actione reali istud Jura satis clare statuerunt, ut dictum numer. 17. et 19. secus in personali. Tum quia inter utramque magna intercedit ratio disparitatis: nam in actione reali missus ex primo Decreto praetendit jus in re, contendendo videlicet, rem illam, in cujus possessionem ob contumaciam Rei missus fuit, esse suam in specie: simulque hoc Actoris petium esse verum, sortiter praesumi facit contumacia Rei ultra annum post primum Decretum sese absentantis; et hinc merito Jura ipso facto post lapsum anni attribuunt Actori veram possessionem, sola defensione proprietatis Reo servata. Secus accidit in actione personali: nam ibi Actor non praetendit jus in re, quin potius ex primo Decreto missus est in possessionem rei non suae, sive quam in specie vindicare non intendit, neque dicere potest eam esse suam; cum solam personam rei contendat sibi esse obstrictam ad aliquid dandum, vel faciendum: et hinc non mirum, quod ad acquirendam veram et incommutabilem possessionem rei illius, quam Actor sibi in specie non esse obligatam ultra fateatur, requiratur secundum Decretum Judicis etiam post lapsum anni; et ante emanatum istud Decretum semper possit res illa recuperari per Ream supervenientem, solutis tamen expensis, ac praestita cautione de iudicio sisti.

Quaeritur IV. Utrum missio in possessionem ex primo Decreto, locum habeat in causis Beneficialibus? Resp. I. Quando agitur de Beneficio Ecclesiastico quoad titulum obtinendo, tunc ob contuma-

eiam Rei absentis non fit missio Auctoris in possessionem dicti Beneficii ex primo Decreto causa rei servandae; sed procedendum est ad recipiendas probationes, atque examinato rite negotio (si de meritis causae liqueat) usque ad sententiam diffinitivam, etiam lite non contestata. Ita habetur expressum in cap. un. h. t. in 6. quod est desumptum ex Concilio Lugdunensi, celebrato sub Innocentio IV. Et quantum attinet priorem partem, merito sic statutum fuit: ne alioquin hac occasione ad Ecclesiastica Beneficia vitiosus parere valeat ingressus; prout loquitur textus ibidem. Non enim ex possessione, vel contumacia alterius, sed solum ex canonica institutione, Beneficia Ecclesiastica obtineri possunt, ac debent, c. Ex frequentibus. 3. de Institut. et cap. 1. de Reg. Juris in 6. cum similibus. Ratio autem posterioris partis est: ne alioquin propter longiorem moram, in spiritualibus et temporalibus Ecclesia patitur detrimentum, c. Quoniam. §. Porro. Ut lite non contestata etc.

29. Resp. II. Quando agitur de proprietate Ecclesiarum, non autem de Beneficio quoad titulum obtinendo, tunc bene habet locum missio ex primo Decreto. Ita Glossa in cit. cap. un. §. Vitiosus. h. t. in 6. Idque patet ex c. Cum sicut 2. h. t. ubi ob allegatam Rei contumaciam, Moniales aliquae fuerunt missae in possessionem Ecclesiae petita causa rei servandae. Ex quo proinde loco recte Abbas ibid. num. 2. ac Zoelius h. t. num. 4. et Gonzalez Telles in c. Tuas fraternitatis. num. 1. Ut lite non contestata etc. cum aliis colligunt, quod si petatur Ecclesiae ut proprietas, habeat locum missio ex primo Decreto: non quod fiat missio in iura Ecclesiae, sed in ipsum corpus Ecclesiae causa rei servandae.

30. Caeterum id, quod num. 28. dictum est, videlicet missionem in Beneficia Ecclesiastica quoad titulum non habere locum; sed licet etiam non contestata, esse testes recipiendos, ac negotio rite examinato (si de causa liqueat) ferendam sententiam diffinitivam: procedit pariter in causis matrimonialibus, ubi alter conjugum peremptorie citatus venire contemnit, seu malitiose se occultat, aut impedit, ne ad ipsum citatio pervenire possit; prout habetur decisum cit. c. Quoniam. §. Porro. Ut lite non contestata etc. Et ratio est: ut hac ratione evitetur periculum animarum, et causa diutius ob absentiam partis contumacis protrahatur, non praebatur viro aut mulieri, occasio fornicationis.

### §. III.

De necessitate, tempore, ac effectibus Missionis ex primo et secundo Decreto.

#### SUMMARIUM.

- 31 In actionibus realibus non est opus secundo Decreto.  
32 Et cur tale fuerit interpositum. cap. 1. h. t.  
33 Potest tamen impetrari ad cautelam.  
34 Nec talis cautela est damnosa. Et num. praec.  
35 In actionibus personalibus opus est secundo Decreto, ad acquirendam veram bonorum possessionem.  
36 Est in arbitrio Iudicis, quo tempore missionem ex secundo Decreto facere velit.  
37 Potest, praesertim ob nimiam contumaciam Rei, in actionibus realibus interponi ante lapsum anni. Et num. praec.  
38 Et tunc Actor incipit lucrari fructus, veluti verus possessor.  
39 Idem fieri potest in actionibus personalibus, sed.

REIFFENSTUEL Jus. Can. Tom. II.

ordinaria expectatur annus.

- 40 Effectus primi Decreti sunt plures. Et num. seqq. Per illud acquirit Actor custodiam, et detentionem bonorum: quod exemplificatur.

- 41 Item Interdictum. Ne vis fiat ei, etc.

- 42 In actionibus personalibus missus ex primo Decreto in bona Rei contumacis, non acquirit veram istorum possessionem.

- 43 Utrum in actionibus realibus missus ex primo Decreto acquirat veram possessionem, variant Doctores. Et num. seqq.

Opinio affirmativa, ejusque fundamentum refertur. Ibid.

- 44 Negativa est communis Canonistarum, eoque probatur.

- 45 Solvuntur rationes in contrarium.

- 46 Inter utramque sententiam nulla, aut parva in effectu est differentia: idque declaratur. Et num. seqq.

- 47 Missus ex primo Decreto, post annum lucratur fructus, etiam prioris anni.

- 48 et 49. In quo consistat Tedium, quo afficitur Reus ab missionem ex primo Decreto?

- 50 Effectus missionis ex secundo Decreto principalis est, quod quis constituatur verus et incommutabilis possessor.

Quibus verbis interponi solet? Ibid.

- 51 Missus ex secundo Decreto in bona contumacis, lucratur fructus ejus.

- 52 Et onus probandi proprietatem eorum, incumbit Reo postmodum revertenti.

In actionibus realibus hoc ipsum accidit post lapsum anni. Ibid.

- 53 Alii effectus ipsius. Remissive.

Quaeritur I. Utrum tam in Actionibus realibus, quam personalibus, opus sit Missionem in possessionem bonorum contumacis ex secundo Decreto? Resp. I. In actionibus realibus non est opus secundo Decreto Iudicis; sed, si Reus contumax exhibita congrua satisfactione expensarum, et praestita cautione de iudicio sisti, infra annum post factam primi Decreti interpositionem comparere neglexerit, Actor post annum absque alio secundo iudicis Decreto statim ipso jure verus rei petita constituitur possessor; adeo, ut Reus contumax postea primus veniens non audiat, nisi super proprietate. Textus est in c. Quoniam. §. In aliis. Ut lite non contestata etc. Ubi Glossa §. Constituetur, proinde infert, quod in realibus actionibus locum non habeat secundum Decretum, nisi aliquis ad cautelam illud impetret: quia solus transcursum anni constituit aliquem possessorem verum. Id ipsum desumitur ex c. Pastoralis. 11. juncta Glossa §. Possessor de Offic. Ordinarii et c. Contingit de Dolo et contumac. ac tradit Glossa alia hic §. Constituetur, estque communis Doctorum, juxta dicta superius num. 17. et 19.

Nec obstat textus in cap. 1. h. t. ubi Pontifex in actione reali legitur interposuisse secundum Decretum. Resp. enim, istud factum ex eo, quia ibi dubitabatur super valore cautionis, quam Reus contra contumax intra annum facere voluit, sed ex proprio defectu non praestitit: unde quia de tali voluntate concertabatur, et dubitabatur, an sufficeret, hoc ipsum antea examinatum fuit; et comperto, quod ex proprio defectu non fuerit deducta in opus, voluntas illa iudicabatur insufficienti: et ideo datum fuit secundum Decretum, quo missus ex primo Decreto adjudicabatur vera et incommutabilis rei petita possessio. Glossa fin. juncto Summario ibid. Quia imo in effectu illud potius fuit, quaedam declaratio verae

possessionis, ipso jure jam acquisitae post lapsum anni, quam secundum Decretum judicis, ut notat Abbas *ibid.* num. 6.

33. Addit notanter Glossa nom. 3r. releta, nisi aliquis ad cautelam illud impetret: Quia, licet superfluis remediis attendum non sit, c. Sicut. 2. de Probation. Et frustra a Principe impetretur, quod de Jure communiter conceditur, l. Imperatores. et Bartolus in Summario *ibid.* ff. de Privilegiis creditor. Nihilominus non negatur, quin ob quorundam improbitatem, et majorem cautelam (cum abundans cautela non noceat, l. Testamentum. C. de Testament.) etiam in actione reali possit quis impetrare secundum Decretum, quamquam istud necessarium non requiratur, cum ipsemet lapsus anni Actorem ipso jure constituat verum et incommutabilem possessorem, per Jura jam allegata, Glossa in c. Conringit. §. constituatur. et Jo. Andreas *ibid.* de Dolo et contumacia. et Abbas in cap. 1. n. 6. h. t.

34. Nec obstat, quod Odofredus, et nonnulli alii dicant, hanc cautelam esse damnosam. Quia male loquuntur, ut inquit Glossa marginalis, et Jo. Andreas *loc. cit.* habetque Odofredi sententiam ex professo rejicit Speculator tit. De secundo Decreto. §. Videndum num. 20. et 21. solvens contraria.

35. Resp. II. In actionibus personalibus omnino opus est secundo Decreto Judicis ad acquirendam veram possessionem bonorum, in quae ob contumaciam Rei absentis missus est ex primo Decreto. Ita Glossa in c. Conringit. §. Constituatur. de Dolo et contumacia. Speculator *cit.* tit. De secundo Decreto. §. Videndum num. 20. et seqq. et communis aliorum. Ratio diversitatis inter actiones reales, et personales est: quia in actione reali Actor praetendit jus in re respectu illius, in quam ex primo Decreto missus est; non item in actione personali, ut jam dictum supra num. 24. et seqq. ubi plura de hoc.

36. Quaeritur II. Quo tempore possit interponi secundum Decretum Judicis? Resp. breviter, in arbitrio Judicis positum esse, quo tempore missionem ex secundo Decreto facere velit; cum hujusmodi tempus a Jure non fuerit praefinitum. Ita, reiectis aliequum opinionibus, notat Glossa in l. Cum proponas. §. Tempore. et Bartolus *ibid.* C. de Bonis auctoris judic. possident. Jo. Andreas in c. Quoniam. num. 4. et Abbas *ibid.* §. In aliis. num. 41. Ut lite non contestata etc. et idem Abbas in cap. 1. num. 6. h. t. asserens, quod secundum Decretum possit interponi arbitrio Judicis, etiam ante lapsum anni, non solum in Actione personali, sed etiam in reali, ad effectum transferendi ante lapsum anni veram possessionem. Murantia part. 6. Speculi Aurei. tit. de Contumacia, numer. 12. Menochius lib. 2. de Arbitrar. Judic. Casa 6. num. 13. allegans communem aliorum, asserentium, quod haec opinio procedat non solum de Jure Civili, sed in Canonico. Accedit ratio jam allegata in Conclusionem: quia videlicet tempus interponendi secundum Decretum, non habetur a Jure praefinitum; unde subintrat regula, ex l. 1. §. An. ff. de Jure deliberand. de prompta, ubi habetur: Cum Praetor dicit tempus, nec adjicit diem, sine dubio ostendit esse in jus dicentis potestate, quem diem praestituit.

37. Hinc in actionibus realibus, etsi post lapsum anni non sit opus secundo Decreto, ut proxime dictum; nihilominus Judex non cogitur semper integrum annum expectare, praesertim ubi intervenit nimis contumacia Rei, ut puta, quia dixit se non venturum: sed pro suo arbitrio, et quando ita expedire viderit, potest secundum Decretum etiam ante lapsum anni interponere in ordine ad transferendam veram possessionem, quae alioquin au-

te annum non transferretur. Atque in hoc omni secundum Decretum non est mere ad cautelam, sed necessarium. Abbas in cap. 1. n. 6. h. t.

Et adde, quod quando Judex ob nimiam Rei contumaciam ante finitum annum mittit Actorem in possessionem bonorum petitorum ex secundo Decreto, quod tunc hoc ipso Actor incipiat lucrari fructus eorum, veluti verus possessor. Id ipsum contingere potest, si ob eandem nimiam contumaciam Rei Judex decreverit, et missus ex primo Decreto lacetur fructus bonorum petitorum; prout fieri potest, liquet ex l. Fulcinias. §. An. ff. Quibus ex causis in possess. eatur, ac notat Abbas *cit.* n. 6.

39. Similiter in actionibus personalibus potest arbitrio Judicis, et ex gravi causa, secundum Decretum interponi ante lapsum anni, arg. l. Si finita. §. Non autem statim. ff. de Damno infecto. Glossa in c. Consultationibus. §. Restitutionem. de Offic. Delegat. Abbas *cit.* num. 6. Nihilominus, cum in actione reali primum post annum Reus contumax perdat ipso jure possessionem illorum bonorum, in quae Actor ex primo Decreto missus fuerat: hinc pariter in actione personali secundum Decretum ordinario non solet interponi, nisi post lapsum anni. Abbas in c. Quoniam. §. In aliis. n. 37. Ut lite non contestata etc. Engel h. t. num. 3. Loesius *ead.* nu. 2. et alii.

40. Quaeritur III. Qui sint effectus primi Decreti Judicis? Resp. I. Multi sunt effectus primi Decreti, quos fusius, ac per ordinem enumerat Speculator, tit. De primo Decreto. §. Jam de effectu. num. 1. ac seqq. Imprimis enim per illud acquiritur Actor custodiam, et defensionem bonorum illorum, in quorum possessionem ex primo Decreto, seu causa rei servandae, missus est; uti liquet ex Rubrica praesentis Tituli loquente De eo, qui mittitur in possessionem causa rei servandae; hoc est, ex primo Decreto Judicis. Hinc ita missus non solum in actione reali, ubi pingulus jus acquiritur, sed etiam in personali, potest custodire fructus illius rei, in quam missus est, ne dissipentur; ac etiam distrahere eos, qui conservari non possunt, arg. l. Is cui §. Qui legatorum. ff. Ut in possessione legatorum etc. Speculator *loc. cit.* num. 7. Abbas in c. Quoniam. §. in aliis. numer. 14. Ut lite non contestata etc. istud inter alia exemplificans de bonis mobilibus, puta de equo: nam si hunc dominus contumax vellet ducere ad aquam minus salubrem, poterit eum missus prohibere, equumque educere ad aquam magis salubrem; cum ipse habeat custodiam equi.

41. Deinde per missionem ex primo Decreto competit misso interdictum, Ne vis fiat ei, qui in possessionem missus est. Frustra enim Praetor, sive Judex, in possessionem mitteret rei servandae causa, nisi missos tueretur, et prohibentes venire in possessionem coercere: unde Edictum istud est generale, ac pertinet ad omnes, qui in possessionem a Judice missi sunt. Textus est in L. 1. §. Hoc interdictum. ff. Ne vis fiat ei, qui in possess. etc. Taceatur alii effectus primi Decreti, utpote de quibus minor est difficultas; ac possunt videri apud Speculatorem, ubi supra. Potissima difficultas est, utrum per missionem ex primo Decreto etiam acquiratur vera possessio illorum bonorum, in quae quis missus fuit: verum separando certa ab incertis, et distinguendo inter actiones reales, ac personales,

42. Resp. II. Loquendo de missione in bona contumacis ex primo Decreto in actionibus personalibus, omnino tenendum est, quod missus ex primo Decreto in bona Rei contumacis non ac-



quirit veram istorum possessionem, sed dantat custodiam et defensionem, donec perseverante Rei contumacia, fuerit interpositum secundum Decretum ita communis omnium, et testatur Abbas in c. Quoniam. §. In aliis. numer. 16. Ut lite non contestata etc. Et desumitur ex cit. Quoniam. §. f. ubi loquendo de Reo actione personali convento, ac contumaciter absente, statuitur in haec verba: Si autem super personali actione conveniatur, mittendus est Actor in possessionem bonorum ipsius etc. Atqui aliud est, esse in possessione; aliud, possidere, l. Si quis autem. ff. de Acquir. possess. Concordat textus in l. Si finita. §. Si quis autem. et §. Non autem statim. ff. de Damno infect. ubi ex primo Decreto in possessionem missus, nondum possidere dicitur; videlicet, ante secundam Decretum, uti explicat Glossa ibidem.

43 Caeterum loquendo de actionibus realibus, sunt duae opiniones Doctorum; uti notat Abbas in cit. c. Quoniam. §. In aliis. numer. 14. et 16. Ut lite non contestata etc. et Jason in l. Possidere. §. Genera. n. 20. ff. de Acquir. possess. Prima opinio tenet, quod si agatur reali, missus in possessionem ex primo Decreto fiat verus possessor, licet revocabiliter solum, et non incommutabiliter: quia videlicet, si Reus intra annum venerit (restitutis tamen expensis, ac praestita cautione de iudicio sisti) recuperat possessionem, prout habetur in cit. c. Quoniam §. In aliis. Ut lite non contestata etc. Ubi Glossa §. Affectus, inquit, quod in hoc casu missus in possessionem expellet Reum de possessione, et erit possessor, et percipiet fructus, et conservabit eor. Concordat textus in c. Pastoralis. 11. §. f. de Offic. Judic. ordin. ubi pariter passus missionem, ac praestita cautione reversus, recuperare possessionem perhibetur. Item l. Si quis emptionis, §. penult. C. de Praescript. 30. vel 40. ann. ubi in reali passus missionem ex primo Decreto, si intra annum praestita cautione venerit, eandem rem recipere dicitur. Atqui (inferunt hujus sententiae Auctores Reus ejusmodi non recipere rem, neque ejus possessionem recuperaret, nisi haec autem per missionem, seu primum Decretum iudicis, Actor acquisivisset, etiam non incommutabiliter; ergo. Et ideo hanc opinionem tenet Glossa loc. cit. Speculator tit. De primo Decreto. §. Jam de effectu. numer. 9. post Azonem, Goffredum, et Roffredum. Maranta part. 6. Speculi Aurei. §. de Contumacia. numer. 12. et Jason cit. numer. 20. allegans insuper Bartolom., et Legistas communiter. Verum his non obstantibus, opposita est communior, et inter Canonistas magis recepta sententia, cum qua-

44 Resp. III. Etiam in actionibus realibus missus ex primo Decreto, non constituitur infra annum verus possessor, sed detentor duntaxat et custos illarum rerum, in quas missus est. Ita Glossa alia, et priori contraria, in cit. c. Quoniam. §. In aliis. §. possessionem recuperet. et §. Verus. et Abbas ibid. numer. 4. et numer. 14. ac seqq. et Vivianus in Rationali, ibid. Ut lite non contestata etc. Pirling h. t. numer. 4. et Canonistae communiter, ut inquit Jason loc. cit. numer. 21. seu, ut loquitur Speculator, ubi supra, numer. 9. quasi omnes Canonistae. Fundamentum hujus Conclusionis, seu communioris sententiae Canonistarum, desumitur ex cit. Quoniam. §. In aliis. §. Ut lite non contestata etc. ubi loquendo de Reo actione reali convento, et contumaciter absente, statuitur in haec verba: Quod si Reus cautionem offerre neglexerit infra annum, Actor post annum verus constituitur possessor: ergo, cum Actor primum post annum verus constituitur possessor, nondum fuit

verus possessor infra annum, sed duntaxat custos, sive missus in possessionem causa rei servandae. Concordat textus in c. Pastoralis. 11. §. f. de Offic. Judic. ordin. ibi: Verumtamen ne alius post annum verus efficiatur possessor: Ubi ponderanda est dictio illa, post annum: haec enim stat exclusiva, quando ponitur in dispositione, in qua tempus statuitur; ac declarat, praecedentem dispositionem non comprehendi in sequenti. Barbosa Diction. 269. numer. 2. citans alios. Fortius hoc ipsum probatur ex c. Contingit. 9. de Dolo et contumacia. ubi dicitur, quod Actori ob contumaciam adversae partis adjudicatur (causa rei servandae) possessio: et consequenter secundum Canones, ex primo Decreto constituitur quis duntaxat custos bonorum petitorum, non autem verus possessor, juxta allegatam parenthesis, causa rei servandae, juncta Glossa ibid. §. Servandae.

Nec obstant rationes in contrarium num. 43. adductae. Nam, ut notat Glossa in cit. §. In aliis. §. Possessionem recuperet. et Abbas ibid. num. 14. verba illa debent exponi, ut sensum faciant, possessionem, hoc est, detentionem possessionis recuperet. Nec immerito: siquidem hujusmodi detentio bonorum petitorum, quam Actor missus acquisivit custodiam causa, donec Reus iudicio affectus veniat in iudicium, etiam est quaedam possessio facti, licet non juris; sique potius imaginaria, non autem vera possessio. Vel dic, recuperet, hoc est, retineat veram possessionem, quam necdum amisit; prout in simili can. Priusquam. 27. q. 2. verbum accipere, amittitur pro retinere.

Solum adde cum Abbate in saepe cit. §. In aliis. 14. vers. Et secundum hunc, quod in effectu nulla, aut parva sit differentia, utrum Actor in actione reali missus in possessionem bonorum petitorum ob contumaciam Rei absentis dicatur ante annum possidere, vel non. Imprimis enim, sive cum nostra Conclusionem dicatur, quod ejusmodi Actor intra annum sit detentor duntaxat, et custos illorum bonorum; sive cum opposita opinione teneatur, quod sit eorundem verus possessor, etiam non incommutabiliter: utraque haec sententia ultro fatetur, quod Reus intra annum veniens, post solutas Actori factas expensas, et praestitam debitam cautionem de iudicio sisti, recuperet rem cum fructibus suis, deductis tamen expensis; et consequenter Actor fructus interim collectos non faciat suos, sed istos una cum bonis postmodum evictis teneatur Reo restituere. Glossa Speculator, ubi supra, et alii.

47 Quod si vero Reus actione reali conventus, et contumax, intra annum non venerit, aut saltem intra annum solutis expensis debitam cautionem praestare neglexerit; tunc rursus utraque allata extreme sententia fatetur, quod Actor tunc ipso jure fiat verus, et incommutabilis possessor: adeo, ut fructus exinde faciat suos, imo etiam intra annum jam perceptos non teneatur restituere. Siquidem post annum Reus comparens, amplius non audito, nisi super proprietate duntaxat; ut loquitur Pontifex in cit. c. Quoniam. §. In aliis. Ut lite non contestata etc. et consequenter nec amplius auditur super fructibus prioris anni, prout notat Abbas ibid. num. 17. Hoc ipsum verbis clarioribus tradit Card. Tuschus Litt. M. Concl. 284. numer. 7. post Zabarellam Consil. 78. circa fin. docens, quod missus in possessionem, post annum necdum lucratur fructus perceptos post annum, sed etiam perceptos intra annum, quos tunc non fecerat suos: nisi forsitan alicubi sit consuetudo in contrarium. Ita ille.

Petes autem occasione praemissorum, in quo con-

sistat. *Tædium* illud; ob quod Actor ex primo Decreto mittitur in possessionem rerum petitarum, ut *Reus* tædio affectus *vanias* responsurus, juxta textum in cit. c. Quoniam. §. In aliis. Ut lite non contestata etc. Resp. Glossa ibid. §. Affectus. cum Abbate numer. 14. et aliis, *Tædium* illud præcipue consistere in hoc; quia Actor in Actione reali ex primo Decreto in possessionem rei petitiæ missus, vel obtinet hujus veram possessionem, licet non incommutabiliter (juxta aliorum sententiam numer. 43. relatum) vel saltem ejus detentionem et custodiam, juxta Conclusionem numer. 44. datam: sicque Reus contumax expelletur ex ejus possessione, vel saltem detentione et custodia. Atqui istud merito solet magno tædio afficere Reum expulsum; præsertim cum sciat, elapso uno anno, nisi venerit, Actorem statim, ac ipso jure, acquisiturum esse possessionem bonorum petitorum. Accedunt alii effectus primi Decreti, de quibus jam supra.

49. Porro in actionibus personalibus, ubi Actor ex primo Decreto solum acquirit custodiam et detentionem, non autem possessionem aut detentionem bonorum illorum, in quas missus est: ex eo saltem Reus contumax tædio afficitur, quia tenetur sustinere Actorem, libere secum admittendum in agrum, ut custodiat fructus ejus, ne ab ipso consumantur; aut ingredientem domum suam pro ejus custodia, vel rerum ibidem existentium, in quarum possessionem missus est. Glossa, et Abbas, ubi supra.

50. Queritur IV. Qui sint effectus missionis ex secundo Decreto? Resp. Præcipuus ac principalis effectus missionis ex secundo Decreto, et a quo caeteri promanant, est, quod per illam quis constituitur verus et incommutabilis possessor bonorum illorum, in quæ ob contumaciam Rei auctoritate Judicis ita missus fuit. Patet hoc ex cap. 1. h. t. ubi formula talis missionis continetur, simulque Conclusio aperte traditur, illis verbis: Ideoque decernimus, ut amodo possessionem dictæ Ecclesiæ (salvo jure, quod idem Pæpositus in petenda Ecclesia habere dignoscitur) absque contradictione aliqua habeatis. Ubi idcirco Abbas numer. 9. et Innocentius ibid. inquirunt, secundum Decretum interponi similibus verbis Judice utente: Decerno, jubeo et constituto te esse verum possessorem talis rei. Similem formam secundi Decreti refert Speculator tit. De secundo Decreto. §. Nunc dicamus. n. 13.

51. Inferitur proinde, quod missus ex secundo Decreto in possessionem bonorum contumacis, fructus inde collectos lucretur, eosque faciat suos. Speculator, et Abbas, ubi Supra, et alii. Nam generale est, quod bonæ fidei possessor lucretur fructus ex re possessa perceptos, neque eos jam consumptos cogatur domino postea comparenti restituere, §. Si quis a non domino. Instit. de Rerum divis. cum similibus. Atqui jure possidet, qui auctore Praetore possidet, ut dicitur, l. Jure. ff. de Acquirend. posses.

52. Inferitur ulterius, quod; licet Reus postmodum reverens auditor super causa proprietatis illorum bonorum, in quorum possessionem Actor ex secundo Decreto missus fuit: tamen onus probandi dictam proprietatem incumbat Reo reverso, utpote tunc petitori. Siquidem ejus adversarius per missionem ex secundo Decreto, jam acquisivit veram et incommutabilem eorundem possessionem. cap. 1. h. t. Atque hoc ipsum, loquendo de actionibus realibus, contingit post lapsum unius anni: quia tunc Actor statim, et absque alio secundo Decreto, acquirit veram possessionem bonorum, in quæ missus est, juxta dicta numer. 22. ac pro-

in ea tunc lucretur fructus illius. Pirhing h. t. n. 3. non vero antea, demptis casibus supra nu. 37. et 38. expressis.

Tacentur alia veræ possessionis commoda, quæ pariter misso ex secundo Decreto competunt, siquæ inter effectus ipsius connumerari merentur. Nam de istis copiose superius Tit. 12. De Causa Possessionis et Proprietatis. §. 2. numer. 33. et seqq. jam actum fuit.

## TITULUS XVI.

Ut Lite pendente nihil innovetur.

1 Ratio continuationis Rubricarum.

Ne ex dictis Titulo præcedenti perperam quis inferre possit, generaliter licitum esse, quidpiam lite pendente innovare circa statum causæ pendens, eo quod ob contumaciam Rei obventis Actor mitti possit in possessionem bonorum petitorum: merito præsens Rubrica adjungitur, tradendo regulam; et quidem negative conceptam, *Ut lite pendente nihil innovetur*: tale videlicet, quo status causæ pendens immutatur in præjudicium partis adversæ. Quod ut melius intelligatur, sit

§. I.

De requisitis ad Litis pendentiam, hujusque effectibus.

### SUMMARIUM.

- 2 *Lis pendere, quando censeatur? Et num. seqq.*
- 3 *Differentia quoad hoc ex parte Actoris, et Rei.*
- 4 *Ad litis pendentiam plura requiruntur. I. Quod citatio emanaverit.*
- II: *Et sit facta a Judice competente, haud obitante, quod hujus jurisdictio possit per exceptionem elidi. Ibid.*
- 5 *III. Ac pervenerit citatio ad Reum citatum.*
- 6 *Disparitas inter perpetuationem, jurisdictionem, et inter inducendam litis pendentiam.*
- 7 *IV. Ad litis pendentiam requiritur, quod citatus plene instruat, super qua causa convenitur.*
- 8 *V. Et quod nuntius citationem sufficienter insinaverit.*
- 9 *Item, quod citatio sit apta.*
- 10 *Effectus litis pendentiæ sunt plures.*
- I. *Lite pendente non debet possessor privari commodo suæ possessionis.*
- 11 *Etiā intelligendo istud in causis matrimonialibus.*
- 12 et 13. *Et qualiter?*
- 14 *II. Rescriptum lite pendente impetratum, censetur subreptitium, non facta mentione de ea.*
- 15 *Rescriptum post causam Delegatis commissam impetratum, potest nullitatis argui, tum ex vitio subreptionis, tum ex vitio attentati post litis pendentiam.*
- 16 *III. Alienatio rerum litigiosarum est prohibita. Et num. seqq.*
- 17 *Et cur?*
- 18 et 19. *Exceptis tamen certis casibus; et quibus?*
- 20 *Estque vel ipso jure irrita,*
- 21 *Vel saltem irritanda.*
- 22 *Quæ differentia inter contractus ipso jure irritos, et irritandos?*

2 **Quaeritur I.** Quando Litis pendere censeatur? Resp. 1. *Lis*, quantum ad propositum, *pendere* dicitur, quando citatio a Judice facta pervenit ad citatum, vel per ipsum stetit, quo minus perveniret; dummodo in citatione fuerint ea expressa, per quae citatus plene potuit instrui, super quo conveniatur. Ita Glossa in c. *Ut debitus*. 59. §. *Si dicat. de Appellat.* Menochius de *Arbitrar. Judic.* casu 301. num. 7. Sigism. Senecca lib. 1. de *Judiciis*, cap. 64. num. 11. Pirhing h. t. n. 1. et 2. ac alii. Et habetur decisum in *Clem. 2. h. t.* ibi: *Cum lite pendente nihil debeat innovari, litam quoad hoc pendere censetur, postquam a Judice competenti in ea citatio emanavit, et ad partem citatam pervenit, vel per eam factum fuit, quo minus ad ejus notitiam perveniret: Dum tamen in citatione praedicta talia sint expressa, per quae plene possit instrui, super quibus in judicio convenitur.* Haec ibi.

3 Notat tamen Felix in c. *Super litteris*. num. 13: de *Rescript.* Sigism. Senecca lib. 1. de *Judiciis*, cap. 64. num. 11. et Menochius cit. cas. 302. num. 8. post Rotam Decis. 17. n. 4. de *Dolo et contumac.* in *novis: et Decis.* 6. *Ut lite pendente etc. in novis.* quod cit. *Clem. 2. h. t.* dum vult, litis pendentiam non induci nisi executam citationem, ut supra, procedat solum respectu Rei, non autem respectu Actoris. Disparitas est: quia Actor post impetratum a se, et a Judice emanatum Decretum citationis, hoc ipso novis litis pendentiam, quam sollicitavit, et procuravit; unde nec indiget alia citatione, vel dictae citationis executione: talis autem requiritur ex parte Rei, utpote caeteroquin ignorantis citationem illam emanasse. Unde loquendo praecipue de litis pendentia ex parte Rei,

4 Notandum est, quod ex verbis cit. *Clem. 2. h. t.* et Glossa, et Imola *ibid.* §. 2. alique, plures eliciant conditiones, quae requiruntur ad hoc, ut inducatur *Litis pendentia*; et, si quid innovetur, *Vitium litigiosi*. I. Quod citatio emanarit. II. Quod sit facta a Judice competente: hoc est, illo, qui causae jurisdictionem habet cum exercitio. Nec obstat, quod talis jurisdictionis possit per exceptionem elidi. Quia enim certum est, quod in hujusmodi casibus valeat processus in principali, quando non excipitur, et *Inter monasterium*. 20. de *Sent. et re judicat.* cum similibus: hinc merito Index ante exceptionem censetur competens, ac proinde valet ejusmodi citatio, quantum ad inducendam litis pendentiam. Glossa in cit. *Clem. 2. §. Competenti.* et Abbas *ibid.* n. 4. h. t. et Imola, *ubi supra*, post Lapum istud intellegendus de exceptione dubia: secus, si sit notoria, et talis, ut jurisdictionis sit ipso jure nulla, arg. *Quoniam de Filiis Presbyt. et Clem. Pastoralis*, juncta Glossa §. *Notorio. de Sent. et re judicat.*

5 III. Ad litis pendentiam requiritur, quod citatio pervenerit ad Reum citatum, aut per hunc steterit, quo minus perveniret. Nam is, qui dolose facit seu procurat, ne citatio ad ipsum perveniat, habetur pro citato, arg. c. *Quoniam*. §. *Porro. §. Ut lite non contestata etc. et l. Si ideo. ff. de Eviction.* Idque merito: tum, ne alioquin ex malitia, sive dolo suo, quis commodum reportet, contra illud: *Fraus, et dolo, alicui patrocinari non debent*, uti habetur c. *Sedes* 15. et c. *Ex tenore*. 10. de *Rescriptis*. Tum, ne contumax melioris, quam obediens conditionis existat; contra id, quod legitur in c. *Contingit. de Dolo et contumac.*

6 Dices. Ad perpetuandam jurisdictionem sufficit citationem emanasse, licet nondum pervenerit ad citatum; ut c. *Licet*. 30. et c. *Gratum*. 20. de *Offic. Delegat. et cap. ult. de Offic. Legat.* ergo idem dicendum de inducenda litis pendentia Resp. neg. consequentiam.

REIFFENSTUEL Jus Can. Tom. II.

et paritatem. Siquidem perpetuatio jurisdictionis est favorabilis; ac proinde facilius perpetuatur jurisdictionis, quam inducatur litis pendentia, quae est odiosa. Unde non mirum, quod ad illam perpetuandam sufficiat, citationem emanasse: ad hanc vero inducendam ulterius requiratur, quod citatio pervenerit ad citatum, sicque iste innovando quidpiam incurrat vitium litigiosi. Imola in cit. *Clem. 2. §. Glossa, et ad partem. h. t.*

7 IV. Ad litis pendentiam requiritur, quod ex tempore factae citationis citatur plene instruat, super qua causa in judicio convenitur. Unde si Judex dicat, *Compareas tali die Tisio responsurus super quadam domo*, hoc non erit sufficiens expressio; cum citatus non sufficienter instruat per talem citationem; eo quod per hanc cognoscere nequeat, super qua domo conveniatur, vel quare: ac proinde necdum censetur lis pendere super domo, nec domas illa esse litigiosa. Glossa *fin.* et Imola, et Abbas n. 7. in cit. *Clem. 2. h. t.* qui ideo pro bono Actoris consulunt, ut ad inducendam litis pendentiam una cum citatione transmittatur *Reo copia Libelli*; ut cap. 2. de *Dilationib.*

8 V. Ad inducendam litis pendentiam ulterius requiritur, quod nuntius citationem hujusmodi rite insinuaverit: alioquin non inducitur litis pendentia. Proinde ad hanc inducendam non sufficit, quod Judex nuntio citationem sufficienter expresserit; si nuntius eam sufficienter non retulit: nam requiritur, quod ipsa citatio plene deveniat ad notitiam citati, cit. *Clem. 2. h. t.* ac notat Imola *ibid.* §. *fin.* Et hinc ad obviandum imperfectae nuntiorum relationi erit de cautela, ut una cum citatione transmittatur *Reo copia Libelli*, juxta proxime dicta.

9 Addit Pirhing h. t. num. 3. sextam conditionem, quod nimirum citatio sit apta: Verum haec conditio ad primam reducitur: nam citatio inepta, aut tempore indebito facta, sicut de jure nulla est, nullumque inducit effectum, imo merito pro non citatione habetur, arg. l. *Quoties. ff. Qui satisdare cogantur.*

10 Quaeritur II. Qui sint effectus Litis pendentiae? Resp. Esse plures, praecipue vero sequentes. Primo enim lite pendente Reus, sive possessor, commodo suae possessionis privari non debet: ac proinde durante lite aequae, sicut prius fructus ex re possessa colligere potest. Patet hoc ex cap. 1. h. t. ac vocat Abbas *ibid.* in *Summario*, cum communi. Accedit ratio: quia ideo lite pendente nihil est innovandum, sed omnia sunt relinquenda in eo statu, in quo erant tempore motae litis, ne quis conqueratur, ac injuste privatam fuisse suo jure, atque in praepjudicium suum quidpiam esse attentatum circa rem controversam; juxta cit. cap. 1. h. t. ibi: *Nulum tibi praepjudicium faciant.* Atqui magnum foret praepjudicium, si quis privaretur commodo suae possessionis, aut hujus usus et exercitium ipsi interdiceretur; ergo.

11 Et hoc adeo verum est, videlicet quod possessio rei controversae maneat penes possessorem, donec lis decisa fuerit, ut istud etiam procedat in causa matrimoniali. Patet hoc ex cap. 2. h. t. ubi accusatus de adulterio in ordine ad separationem thori, non debet lite pendente privari possessione conjugali, sive possessione juris, quod habet in corpore conjugis. Idemque dicendum, quando accusatur matrimonium ob impedimentum dirimens, v. g. ob consanguinitatem, vel aliud impedimentum perpetuum: nam pari ratione non est ejusmodi matrimonium lite pendente separandum, nec ejus usus stante dubio de veritate impedimenti dirimentis conjugibus interdicendus ante finem causae, seu donec constet per legitimas probationes de



impedimento dirimente. Glossa in d. cap. 2. in Casu, et Abbas ibid. n. 2. Pirhing h. t. n. 10. et alii. Accedit ratio: quia stante dubio illo adest praesumptio pro possessore, quod iuste possident.

- 12 Intellige tamen istud potissimum in ordine ad Judicem, utpote qui iuxta dispositionem cit. cap. 2. non debet privare, lite pendente, alteram conjugem commodo possessionis juris conjugalis: stat enim praesumptio pro possessore, quod iuste possident, donec probatum fuerit impedimentum, dirimens. Caeterum loquendo in ordine ad partes, sive ipsosmet conjuges, ille qui certo scit adesse impedimentum. (scilicet, si de hoc solam dubitet) neque potest petere debitum conjugale, neque reddere, ne peccatum incurrat; quin potius, si ad hoc per Judicem compellatur, humiliter sustinere debet excommunicationem, c. Litteras, §. Porro. de Restitut. spoliat.

- 13 Insuper illud est intelligendum, dummodo matrimonium ante fuerit consummatum. Quia enim ante ejus consummationem non est quis in possessione commercii conjugalis; ergo nec lite pendente poterit hoc uti: nam lite pendente debent omnia in suo statu relinqui, sicut fuerant ante motam litem. Sanchez lib. 2. de Matrimon. disp. 41. num. 50. Engel h. t. n. 2.

- 14 Secundus effectus litis pendente est, quod Rescriptum, aut Privilegium, lite pendente in praejudicium partis adversae impetratum, nisi de litis pendente mentionem faciat, censetur esse subreptitium. Desumitur hoc ex cap. 1. ac ult. h. t. et c. Causam quae vertitur. 19. de Testib. ubi Glossa §. Noviter. et Abbas num. 3. citans Hostiensem. Menochius lib. 2. de Arbitrar. Judic. cas. 202. num. 4. Sigism. Scaccia lib. 1. de Judic. cap. 64. nu. 11. qui citant alios, atque istud intelligunt de litis pendente per solam citationem, conformiter dictis supra n. 2. et 3. Concordat textus in l. Tutor potitus, §. 1. ff. de Excusat. tutor. Accedit ratio: quia in dubio, et nisi aliud exprimat, Princeps non censetur velle juri alterius praejudicare, vel statum litis immutare: ac proinde, si tales litterae exhibeantur, praesumuntur esse falsae, et subreptitiae obiectae, arg. c. Cum adeo. 17. et c. Super litteris. 20. de Rescript. et sic erit expectanda secunda jussio Principis. Abbas in cap. 1. n. 6. h. t.

- 15 Hic tamen breviter nota, quod Rescriptum post causam Judicibus Delegatis jam commissam impetratum, duplici ratione possit nullitatis argui. Primo, ex Vicio subreptionis: ut quia fuit impetratum tacita veritate de facta jam commissione; prout liquet ex d. c. Causam quae vertitur. 19. juncta Glossa §. Noviter. de Testib. Secundo, ex Vicio attentati ob litis pendente, juxta proxime dicta: et in hoc posteriori casu requiritur citatio, una cum sufficienti instructione Rei, non in priori. Nam ad vitium subreptionis incurrendum sufficit sola taciturnitas commissionis causae Judicibus Delegatis factae, ac in supplicatione non expresse post ejus notitiam. Imola in Clem. 2. §. Glossae. citatio. h. t. Abbas in c. Causam quae. 19. num. 5. de Testib. et alii.

- 16 Tertius litis pendente effectus est, quod rerum litigiosarum, actionumque alienatio, lite pendente sit prohibita: et si attentetur, vel ipso jure sit irrita et nulla, vel saltem per Judicem irritanda. Quod ut melius intelligatur,

- 17 Quaeritur III. An, et qualiter rerum litigiosarum alienatio lite pendente sit prohibita? Resp. I. Certum est, quod rerum litigiosarum alienatio lite pendente fieri non possit, sed sit prohibita: exceptis certis casibus in Jure specialiter expressis. Patet hoc ex can. ult. caus. 11. q. 1. et cap. 3. et 4. h. t. et

L. 2. et ult. C. de Litigiosis: in quo posteriori loca certae poenae in alienantes rem litigiosam statuuntur, de quibus infra num. 47. et seqq. agetur. Ratio hujus prohibitionis est: ne aliquis per alienationem rei litigiosae durius fiat conditio adversarii, contra illud Jure naturali notum: Non debet alteri per alterum iniqua conditio inferri, ac refertur l. Non debet. 75. ff. de Reg. Jur.

Additur tamen in Conclusionibus, exceptis certis casibus in Jure specialiter expressis. Nam hinc excipiuntur nonnulli casus, in quibus ob speciales rationes fieri potest alienatio rei litigiosae, quae refertur in cit. L. ult. C. de Litigiosis. Nimirum, si ea fiat dotis nomine, vel ante nuptias donationis: tunc enim excusat causa necessitatis, dum forte non suppetit alia res, quae in dotem detur: simulque, quia tunc adest praesumptio cupiditatis divertiendi adversarium. Item, si alienatio rei litigiosae fiat nomine transactionis, dum quis transigit cum adversario de re quapiam inter eos controversa: ut explicat Glossa ibid. §. Transactionis: quia tunc excusat bonum pacis. Item, quando alienatio rei litigiosae fit nomine divisionis rerum hereditariarum, vel per legati, vel per fideicommissi causam; prout loquitur textus in cit. L. ult. C. de Litigiosis. Quamquam ipse de facto sit intelligendus juxta Auth. De Litigiosis. Collat. 8. uti notat Abbas in cap. 3. n. 7. et 8. h. t. atque amplius declarant Interpretes Jura Civilis.

Alium adhuc casum addit Glossa in cit. cap. 3. §. Litigiosis. h. t. Si quidem in Judiciis universalibus, ubi agitur de hereditate, Praetor permittit quandoque fieri alienationem, videlicet pro expensis funeris, pro solutione debitorum, et pro cibariis familiae: talem enim alienationem, seu hereditatis litigiosae diminutionem tunc fieri, urget plerumque ipsa necessitas, l. Divus Pius §. 1. ff. de Petition. heredit.

Resp. II. Quando extra causas permittas, ac proxime enumeratas, res litigiosa alienatur, tunc ejusmodi alienatio lite adhuc pendente facta, vel est ipso jure irrita et invalida, vel saltem per Judicem irritanda. Ita in re communis. Et quidem, quod dicta alienatio sit ipso jure irrita, videtur tradi in can. ult. caus. 11. q. 1. juncta Glossa ibid. §. Quia res. et in L. 2. C. de Litigiosis. ibi: Tanquam si nihil actum sit: ac tenet Abbas in cap. 3. n. 10. et 14. h. t. Bartolus in L. 1. §. Quaero quid habeat. ff. de Litigiosis. Engel h. t. n. 4. et plures alii. Adeo, ut nec firmitatem habeat, arg. c. In nomine Domini. 2. de Testib. Nec valeat, quod sequitur ex ea, vel ob ipsam, l. Non dubium. C. de Legib. et cap. ult. de Rerum permutat. cum similibus, et docet Hostiensis in Summa. h. t. num. 3. vers. Quidquid igitur.

Quod autem ejusmodi alienatio rei litigiosae primum sit irritanda per Judicem, videtur docere Zoesius h. t. n. 3. dum inquit, quod si attentata quid fuerit lite pendente, sive alienando, sive quocumque alio modo, illud sit revocandum. Et huic sententiae etiam favet Pirhing h. t. n. 13. dum sub disjunctione ait, quod alienatio tunc facta vel sit ipso jure nulla, vel saltem irritanda. Accedit ratio: quia, si pars altera, in cujus praejudicium facta est alienatio rei litigiosae, nihil contra eam opponat, censetur eam approbare, ratamque habere: prout in aliis similibus dici solet.

Estendum tamen, quod sit aliqua differentia inter praemissos modos loquendi. Nam si alienatio lite pendente facta, est ipso jure irrita, tunc hoc ipso, quod deceptus aut laesus, declarat se nolle eam valere, in judicio ac extra alienatio illa est nulla, et irrita ipso jure: sicque opus non est actione ad eam rescindendam, cum ab ipsa Lege rescindatur;

cit. l. Quae sub conditione. §. An. ff. de Conditionib. institut. Secus est, ubi solum datur actio ad rescindendam factam lite pendente alienationem, Bartolus in l. Et eleganter. §. Dicendum est ergo. ff. de Dola. malo, ita discurrens de contractibus contra Juris prohibitionem celebratis.

§. II.

De Re litigiosa, et revocatione attentatorum.  
Lite pendente, poenisque Contractus  
litigiosi.

SUMMARIUM.

- 23 Res litigiosa, quae?
- 24 Ad hanc requiritur, ut moveatur questio super  
ejus dominio, vel quasi dominio.
- 25 Et non tantum de aliquo onere illius.
- 26 Nec solummodo super ejus possessione.
- 27 Quamvis tunc ipsa possessio fiat litigiosa.
- 28 Res efficitur litigiosa non solum per litem  
contestationem, sed jam antea.
- 29 Et quantum ad hoc, correctum est Jus antiquum.
- 30 Non tamen simplex interdictio, ne vendatur,  
facit rem litigiosam.
- 31 Ut actio tum personalis, tum realis, fiat litigiosa,  
requiritur litis contestatio.
- 32 Ante litem contestatam actio liquida potest  
libere cedi, vel vendi.
- 33 Et quid de actione dubia, seu controversa?
- 34 Attentata lite pendente, dicuntur laborare  
vitio litigiosi.
- 35 Quidquid innovatur lite pendente, debet  
revocari in pristinum statum.
- 36 Adeo, ut parte opponente impediatur processus  
ad ulteriora.
- 37 Si res litigiosa alienetur, oportet eam restitui.
- 38 Aut, si restitui non possit, alia aequivalens in  
ejus locum ac jus subrogari. Et num. praec.
- 39 Quae postea alienari, vel oppignorari non  
potest.
- 40 Debetque esse libera ab onere, sicut erat res  
litigiosa indebite alienata.
- 41 Insuper potest Actor suspensio petitorio, transire  
ad vitium litigiosi.
- 42 et 43. Quomodo lite pendente nihil sit  
innovandum circa Beneficia. Et num. seqq.
- 44 Differentia inter casum cap. 1. et cap. 2. h. t.  
in 6. relatum.
- 45 Lite pendente inter duos praesentatos ad  
Beneficium, nequit Patronus Ecclesiasticus  
variare, seu alium praesentare.
- Praesentatio Patroni Ecclesiastici habet vim  
electionis. Ibid.
- 46 Nec etiam Patronus laicus potest tali lite  
pendente variare: haud obstante, quod  
alioquin intra quadrimestre variare possit.
- 47 et 48. Quis conferre possit Beneficium, si  
duobus super eo sibi collato litigantibus,  
mori contingat unum, vel utrumque eorum?
- 49 Contractus litigiosus, quis?
- 50 Quando ambo contrahentes ignorans rem esse  
litigiosam, contractus quidem est nullus, sed  
nullae poenae incurruntur.
- 51 Difficile tamen est, in alienante reperiri  
ignorantiam rei litigiosae.
- 52 Quae sint poenae, quando uterque contrahentium  
scivit, rem esse litigiosam?
- 53 Et quid, si solus emptor ignoravit, rem esse  
litigiosam?
- 53 Dicta de scienter, vel ignoranter vendente, aut

emente rem litigiosam, procedant in quolibet  
contractu.

55 Rem litigiosam scienter Sacris dedicans, punitur  
in duplum.

Quaeritur I. Quid sit, et qualiter res, vel  
actio, efficiatur litigiosa? Resp. I. Res litigiosa  
dicitur ea, de cujus dominio causa inter petitorum et  
possidentem movetur, aut per judicariam conventio-  
nem, aut per preces Principi oblatae, et insinuat  
Judici, ac per eum adversario interpellatoris  
cognitas. Ita habetur in Auth. de Litigiosis. §. 1.  
Collat. 8. ubi ex professo agitur de rebus corporalibus,  
tum mobilibus, tum immobilibus: quamquam Glossa  
in can. ult. cap. 11. q. 1. majoris claritatis gratia,  
sic legat: De cujus dominio, vel quasi dominio  
causa movetur. Concordat textus in Clem. 2. h. t.  
ut supra num. 2. jam relatus.

Dicitur, de cujus dominio: quod intellige sub  
addita clausula, vel quasi dominio. Quis, et res  
efficiatur litigiosa, et alienari sit prohibita, sufficit,  
quod questio judicaria moveatur, vel super ejus  
proprietas ac dominio, vel quasi dominio. Glossa  
in Auth. Litigiosa. §. Dominio. C. de Litigios.  
Abbas in cap. 3. n. 7. h. t. et alii.

Secus dicendum, si tantum agatur de aliquo  
onere rei illius: ut puta, quia agitur hypothecaria,  
dum Actor dicit, rem sibi jure hypothecario obligatam  
esse. Tunc enim res ipsa non efficitur litigiosa;  
ac proinde potest vendi, cum onere tamen suo.  
Textus est in Auth. de Litigiosis. §. Ab hoc autem.  
Collat. 8. Abbas cit. num. 7.

Insuper, si agatur solummodo de possessione rei,  
pariter res ipsa per hoc non efficitur litigiosa. Glossa  
in c. Si quis. §. Litigiosa. et Abbas ibid. numer. 5.  
et Fagnanus num. 9. de Confirmat. utili etc. Nam  
quia proprietas nihil habet commune cum possessione,  
l. Naturaliter. §. 2. ff. de Acquirend. posses-  
sionem mota duntaxat controversia super possessione,  
non efficitur ipsa proprietas litigiosa, et ideo  
poterit tunc alienari proprietas rei sine vitio litigiosi;  
prout infert Abbas in cit. c. Si quis. nu. 5. de  
Confirmat. util.

Fatendum tamen, quod tunc ipsamet possessio,  
super qua movetur controversia, efficiatur litigiosa.  
Abbas loc. cit. Fagnanus, ubi supra. n. 10. allegans  
Cravettam Consil. 279. num. 3. et Lancollotum  
de Attentatis, part. 2. cap. 4. in Praefat. n. 493.  
ubi refert, ita fuisse resolutum in Rota. Nam  
ubi principaliter agitur supra possessione, ea habet  
se ad instar proprietatis, ut innuit Glossa in Auth.  
Litigiosa. §. Dominio. C. de Litigios. Tunc enim  
possessio est res illa, de qua controversatur, ad quem  
ex litigantibus pertinet.

Resp. II. Res efficitur litigiosa non solum per  
litem contestationem, sed etiam per libelli oblationem,  
postquam tamen secuta est citatio Rei, simulque  
huic insinuatio contentorum in libello per Judicem  
sufficienter facta fuit. Ita Glossa in cit. Auth. de  
Litigiosis. §. Movetur. Collat. 8. ac probat textus  
ibidem, juncta Clem. 2. h. t. et conditionibus ad  
inducendam litem pendentiam requisitis, de quibus  
jam dictum supra num. 2. et 7. ac seqq.

Nec obstat, quod l. 1. §. 2. ff. de Litigios.  
requiratur litis contestatio ad hoc, ut res fiat litigiosa.  
Resp. enim, hoc fuisse de Jure antiquo: secus esse  
hodie post dictam Auth. de Litigiosis. Collat. 8.  
siquidem per hanc corrigitur Jus antiquum quoad  
propositum. Glossa loc. cit. §. Movetur. et Glossa  
cap. 1. §. Litigantibus h. t. in 6. plura pro et contra  
allegans. Bartolus in l. Lite. nu. 1. C. de Litigios.  
et Abbas in cap. 3. n. 7. h. t.

Cacterum simplex interdictio, sive sola denun-

ciatio adversarii, ne res vendatur, non facit rem litigiosam. Textus est in *L. 1. ff. de Litigios. et L. 1. C. eod.*

31. Resp. III. Nihilominus, ut actio tum personalis, tum etiam realis, fiat litigiosa, ita ut in alium cedi, aut vendi, vel donari non possit absque vitio litigiosi, requiritur litis contestatio. Ita Jo. Andreas in *cap. ult. nu. 12. h. t.* et Abbas in *c. Ecclesia sanctae Mariae. 3. num. 7. eodem.* quavis loquendo de actione reali, et mixta universali, oppositum tenet Bartolus in *cit. l. Lite. C. de Litigios.* et quidam alii, volentes, idem esse tenendum de talibus actionibus, quod de re ipsa: nempe, quod fiant litigiosae mox per conventionem judicariam Reo insinuatam, sicque jam ante litis contestationem. Ratio autem Conclusionis est: quia, ut res, vel actio fiat litigiosa, requiritur contestatio litis spectato Jure antiquo; ut patet ex *L. 1. §. 2. ff. de Litigios.* juncta *L. 2. C. eod.* Atqui de Jure novo (sive per *cit. Auth. de Litigiosis. Collat. 8.* utpote loquentem solum de rebus, non vero de actionibus) nihil reperitur immutatum quoad actiones; ergo in his statum adhuc Juri antiquo, *l. Praecipimus. C. de Appellatione.* Et consequenter, sicut antiquitus, ita et nunc requiritur litis contestatio, ut actiones fiant litigiosae, et inducant vitium litigiosi, si alienentur: aliud enim est vitium, quod afficit rem: aliud, quod afficit actionem, prout loquitur Jo. Andreas *cit. n. 12.*

32. Petes autem occasione praemissorum, utrum saltem ante litem introitam possit actio in alium cedi, sive alienari? Ad hoc breviter dicendum cum Glossa in *cap. 2. §. Sanctiones. de Alienat. judic. mutand. caus.* Engel *h. t. n. 5.* et alia, quod tunc actio liquida possit in alium libere cedi, et vendi, ac quovis alio modo alienari, *l. Venditor actionis. ff. de Haeredit. vel action. vendit. juncta L. ult. C. eod.*

33. Actio dubia, sive controversa vero, donari quidem poterit ante litem contestatam, non autem vendi, *l. Per diversas. et l. Ab Anastasio. C. Mandati.* Quod si vero actio controversa vendatur pro pretio minori (prout communiter fieri solet) aut ex parte vendatur, et ex parte solum donetur (in quo casu donatio illa praesumitur esse simulata) tunc si emptor ille vincat, non in plus ipsi condemnabitur. Reus, conventus, quam is pro actione illa expendit: vendens autem actione privatur. Idque merito statutum fuit, ne alioquin, si quid lucri acquirere posset emptor actionis, facile alienas lites redimerentur, quaerendo praedam ex aliorum jurgiis, et forsitan lites dudum sopitae resuscitarentur. Plura de hoc supra *Lib. 1. Tit. 37. De Postulando. h. 48. et seqq. et Tit. 42. De Alienatione judicii mutandi causa, n. 15.*

34. Quaeritur II. Qualiter attentata lite pendente sint revocanda? Ubi sciendum, quod Attentata lite pendente, sive actus circa rem litigiosam in praepjudicium partis adversae quidpiam innovantes, dicantur laborare *Vitio litigiosi*: de quo fit mentio in *c. Ecclesia. 3. h. t.* et amplius explicat Glossa *ibid. §. Litigiosi.* Quo praenotato

35. Resp. I. Quidquid innovatur lite pendente, ante omnia debet revocari in statum pristinum. Ita communis; et patet ex *c. Ecclesia sanctae Mariae. 4. h. t. et cap. 1. de Sequestrat. possess.* Quod enim contra leges fit, per leges dissolvi meretur, *can. Vides. dist. 10.* Idque eo magis, quia hujusmodi innovata firmitatem non habent, *c. In nomina Domini. de Testib. junctis dictis supra num. 20.*

36. Et hoc adeo verum est, ut antequam innovata revocentur, parte opponente impediatur processus ad ulteriora. Hostiensis in *Summa h. t. num. 3.* Engel *n. 6.* et alii. Neque valebit, quod sequitur

ex talibus innovatis, vel ob illa, *l. Non dubium. §. Sed et si. C. de Legib.* et in simili dicitur in *c. Qualiter. 17. de Election. et cap. ult. de Rerum permutat.* Atqui insuper is, qui lite pendente aliquid innovat, in expensis suo adversario condemnandus est, *arg. cap. 2. de Dolo et contum. et cap. 1. §. An. de Sequestrat. possess.* Unde ulterius

Resp. II. Quando res litigiosa alienatur, oportet eam restitui in statum pristinum: et si res ipsa restitui amplius non possit, debet in ejus locum ac jus subrogari alia aequivalens. Textus est in *c. 8. juncta Glossa §. Litigiosi.* et Abbate *ibid. n. 1. et 5. h. t. eod.* et DD. communiter. Ratio est: quia alienatio rei litigiosae vel est ipso jure nulla, vel saltem irritanda, ut dictum *num. 20. et 21.* et consequenter restituenda in statum pristinum, ne deterior per ejus alienationem evadat conditio adversarii. Accedit ratio in *c. 3. h. t. addita*: quia, nisi res litigiosa post alienationem restitueretur, vel saltem alia aequivalens in ejusdem locum ac jus subrogaretur, in vanum Actor laboraret: quia etiam si vinceret in judicio, non haberet, quod evinceret, atque obtineret. Hoc autem est absurdum, quia sic iudicium de facto esset frustratorium, et frustratoria rei petita adjudicatio; ergo.

Additur notanter in *Conclusiones*, in ejus locum ac jus subrogari etc. Quia, quando ipsamet res litigiosa alienata amplius restitui non potest, non solum in ejus locum substitui debet alia aequivalens, sed etiam in jus ipsius. Siquidem res, quae in locum succedit alterius, eodem jure censetur cum ea, *arg. c. Cum tu. 5. §. An. de Usuris*, et amplius probat Glossa in *cap. 3. §. Successerunt. h. t.* Nam subrogatum sapit naturam ejus, in cujus locum subrogatur. Everardus in *Locis Legalibus. loc. A. vi subrogationis.* Barbosa *Axiomat. 213. nu. 1.* latissime illud probant.

Inferitur proinde, quod sicut ipsamet res litigiosa non potest alienari, nec locari saltem ad longum tempus, neque oppignorari lite pendente, ne deterior seu durior fiat conditio Actoris: prout uberius ostendit Abbas in *cit. cap. 3. num. 9. h. t.* ita et altera res, quae in ejus locum subrogatur, alienari, locari vel oppignorari non valeat. Abbas in *cap. 4. num. 2. eod.* Etenim subrogatum sapit naturam ejus, in cujus locum subrogatur: atque assumit ejus condiciones, juxta proxime dicta.

Inferitur ulterius, quod si res litigiosa, quae indebite alienabatur, fuerat libera, v. g. ab onere pignoris: etiam res in ejus locum subroganda, libera esse debeat a tali onere. Idque desumitur ex *cap. 4. h. t.* ubi proin Pontifex possessiones illas, quae in locum litigiosae rei alienatas subrogabatur, et cuiuspiam erant pignori obligatae, antea ab onere illo liberari fecit. Et merito: tum quia subrogatum debet sapere naturam ejus, in cujus locum subrogatur: Tum quia obligatus ad tradendam rem aliquam, debet eam tradere liberam et expeditam, sicque liberatam ab onere pignoris, *arg. L. 1. et 2. ff. de Actionib. empt.* Abbas in *cit. cap. 4. n. 4. h. t.*

Resp. III. Ut attentata lite pendente melius in irritum revocentur, hinc instituto petitorio super rei vindicatione, potest Actor hoc suspensio transire ad vitium litigiosi, si quid innovatum fuerit. Desumitur istud ex *cap. 3. h. t.* ubi in tali casu sub disjunctione conceditur, vel de vitio litigiosi, vel de proprietate experiri: et tradit Abbas *ibid. nu. 4.* Sicut enim pendente iudicio petitorio potest Actor eo suspensio transire ad possessorem, *c. Pastoralis. 5. de Causa Possess. et propriet.* ita pendente petitorio potest transire ad vitium litigiosi. Et hoc quidem fortius est asserendum, ob odium alienantis rem, contra praecceptum Legis.



42. Queritur III. Quomodo nihil sit innovandum lite pendente circa Beneficia Ecclesiastica? Resp. I. Si duo electi in discordia super electione de se celebrata litigent, non potest ad aliam electionem procedi: quamvis aliquis ipsorum moriatur, vel juri sui renunciaret, aut a prosecutione suae causae quoquo modo excludatur, quamdiu haec super electione superstitis electi pendet: alias electio lite adhuc pendente celebrata, ipso jure invalida existit. Ita habetur decisum in cap. 1. h. t. in 6. Accedit ratio: quia alienatio rei litigiosae spectato Jure Civili est nulla, L. 2. et l. ult. C. de Litigios. ergo hoc ipsum merito Sacri Canonis extendendum censuerunt ad Beneficia Ecclesiastica.

43. Concordat cap. 2. h. t. in 6. ubi pariter habetur decisum, quod si Beneficiarius, contra quem super Beneficio Ecclesiastico, quod possidet, per aliam litigatur, forsitan moriatur, vel sponte juri suo renunciaret, et contra superstitem lis nondum finita fuerit, non possit lite taliter pendente Beneficium illud alteri conferri, nec a lii illud quispiam eligi, vel etiam praesentari: et si secus actum fuerit, illud eo ipso irritum habetur.

44. Est tamen inter hunc, et praecedentem casum, nonnulla differentia: nam in priori, qui refertur cap. 1. h. t. in 6. sermo est de electione, ac Beneficio litigioso, quod neuter litigantium possidet: at vero in posteriori casu, qui refertur cap. 2. eod. in 6. alter litigantium jam fuerat Beneficium adeptus, illudque possidebat. Glossa cit. cap. 2. §. Possident. Alioquin certe posterius Capitulum superflueret, nisi adesset talis diversitas casus.

45. Resp. II. Doctrina proxime allata etiam procedit in praesentatione ad Beneficium Ecclesiasticum: adeo, ut lite inter duos Praesentatos pendente (etiam uno eorum mortuo, vel cedente) Patrono non permittatur absque vitio attentati alium praesentare, donec lis cum superstitibus finita fuerit. Ita Jo. Andreas in cap. 1. num. 1. h. t. in 6. et Franchis ibid. Aloys. Riccius part. 1. in Praxi Jurispatronatus. resolut. 170. n. 1. asserens, hanc esse communem DD. sententiam, quam etiam tenuit Rota Decis. 42. num. 6. part. 1. Divers. et in una Zamorens. Beneficii de Morales. 30. Maii 1586. coram Orano Covarruvias Pract. Quaestion. cap. 36. n. 7. et 1. Tertio quandoque. Robertus Lancellottus, tom. 5. Tractatum, tract. de Attentatis part. 2. numer. 557. et seqq. hanc appellans communem opinionem. Et quidem loquendo de duobus praesentatis a Patronis Ecclesiasticis, res caret difficultate: nam praesentatio ab his facta, habet vim electionis: unde etiam ipsi amplius variare non possunt, c. Cum autem. 24. de Jur. patron. et notat Abbas ibid. n. 3. allegans Innocentium, et Lancellottus cit. n. 557. Ac proinde non mirum, quod dispositio cit. cap. 1. h. t. in 6. expresse loquens de electione duorum lite pendente, pariter procedat in praesentatione duorum, per diversos Patronos Ecclesiasticos in discordia peracta, liteque desuper pendente.

46. Major difficultas est de Patrono laico; utpote cui caeteroquin concessum est posse variare intra quadrimestre, non quidem totaliter a priori Praesentato recedendo, sed aliam cumulative praesentando cit. c. Cum autem. 24. et c. Pastoralis. 29. de Jur. patronat. Difficultas inquam est: utrum intra quadrimestre tempus posuit Patronus laicus taliter variare, non obstante lite pendente inter duos prius praesentatos? Sed verius est, quod Patronus laicus lite pendente variare non possit, sique etiam respectu ipsius procedat dispositio cit. cap. 1. h. t. in 6. Ita Lancellottus loc. cit. numer. 560. et seqq. referens contrarias aliorum opiniones, et summum hanc materiam declarans. Covarruvias cit.

numer. 7. Riccius de resolut. 170. numer. 4. allegans alios, et a Rota ita decisum referens in Decis. 10. de Jur. patronat. Ratio est: quia, licet caeteroquin Patronus licet variare possit, tamen in dato casu talis variatio eidem prohibita videtur propter litis pendentiam: tum quia generaliter lite pendente nihil est innovandum, juxta Rubric. h. t. Tum quia dicta variatio tendere posset in praedictum Ecclesiarum, eo quod in harum domum lites prorogari contingeret per novos adversarios, qui malitiose interdum prioribus subrogantur.

Resp. III. Si duobus super Beneficio sibi collato litigantibus, mori contingat utrumque, vel alterutrum eorum: tunc observanda erit dispositio Clement. 1. h. t. Et si quidem uterque moriatur, tunc vel uterque moritur in Romana Curia, vel solus possidens, aut neutro possidente unus tantum illorum in Curia Romana moritur, aliter alibi decedente: et sic ad Romanum Pontificem spectat collatio illius Beneficii: In casibus autem conversis pertinet ejus collatio ad ordinarium Collatorem, dummodo aliquis tertius in dicto Beneficio jus non habeat.

48. Quod si vero lite pendente alter tantomodo decedat, et superstes nihil minus litem prosequatur: tunc (nisi ad superstitem Beneficium illud pertinere dignoscatur) ex futuro patebit eventu, ad quem collatio spectet. Nam quando declaratur, Beneficium pertinuisse ad defunctum in Curia Romana, pertinebit collatio ad Papam: si autem pronuncietur, illud pertinuisse ad defunctum extra Curiam, spectabit collatio ad Ordinarium: quod si ad neutrum ipsorum Beneficium spectasse constiterit, pariter ad Ordinarium collatio pertinebit. Salva tamen in praemissis omnibus plenitudine potestatis Pontificiae. Ita habetur expressum in cit. Clem. 1. h. t. juncta Glossa, et Doctoribus ibidem.

49. Queritur IV. Quae sint poenae Contractus litigiosi? Ubi praenotandum, quod per Contractum litigiosum intelligatur ille, qui circa rem litigiosam celebratur, in praedictum partis adversae lite pendente quidpiam innovando: ut puta, ipsam vendendo: donando, aut hujusmodi. Contractus quippe tales dicuntur laborare vitio litigiosi: ut est textus in c. Ecclesia. 3. h. t. et amplius explicat Glossa ibid. §. Litigiosi. et Abbas num. 9. et alii. Quo praenotato, et distinguendo inter eos, qui scienter rem litigiosam alienant, vel recipiunt, aut ignorantiter id faciunt;

50. Resp. I. Quando ambo contrahentes ignorant rem esse litigiosam, contractus quidem super re illa est invalidus, juxta dicta n. 20. poenae tamen non incurrantur. Ita communis. Siquidem in tali casu excusant contrahentes a poenis incurrendis probabilis ignorantia: ut c. Cognoscentes 2. de Constitut. Ubi dicitur: Rem, quas culpa caret, in damnum vocari non convenit: junctis concordantibus ibidem per Glossam, §. Culpa caret, relatis.

51. Solum nota, quod in venditore, vel alio alienante, difficile sit reperiri talem ignorantiam rei litigiosae, et hoc propter denunciationem antea ipsi faciendam: nisi forsitan is successerit alteri, et probabiliter ignoraverit, ejusmodi denunciationem illi factam fuisse. Unde in hoc casu impeditur quidem contractus, sed aliae poenae cessant. Abbas in cap. 3. num. 10. h. t.

52. Resp. II. Quando uterque contrahentium sci- vit rem esse litigiosam, tunc imprimis contractus, sive alienatio ejusdem non tenet, ac restituta re illa litigiosa procedit actio, ut antea, juxta haecenus dicta. Deinde vero scienter emens rem litigiosam, amittit pretium ejus: vendens autem eam scienter, tantundem dabit de suo: atque utraque

haec quantitas Fisco applicabitur. Ita statutum habetur in *L. ult. C. de Litigijs*; ac notat Glossa in *cap. 3. §. Litigiosi. h. t. Abbas cit. nu. 10. Pirling h. t. n. 14. et Sannigood. cap. 2. num. 4.*

53. Resp. III. Quando autem solus emptor nescivit rem esse litigiosam, et sic eam emit ignorans, quod sit litigiosa, tunc is pretium ejus repetit, atque ultra istud lucratur tertiam partem aestimationis rei a venditore sibi dandam. Textus est in *cit. L. ult. C. de Litigijs*. Et merito bonae fidei emptor pretium repetit, ne absque sua culpa damnum sustinere cogatur. Lucrat vero tertiam partem pretii, quia hanc Jura ipsi concedunt, eo quod a doloso venditore fuerit circumventus, dum ipsi non manifestavit rem esse litigiosam. Etenim scienter vendens rem litigiosam tantum de suo debet dare, quantum est pretium rei venditae: atque illud Fisco applicatur, ut dictum est. *nam. praeced.* Si autem emptorem circumvenit, una tertia conceditur emptori ob illatam ipsi injuriam; et solum caeterae duas tertiae applicantur Fisco, per textum in *cit. L. ult. C. de Litigijs*.

54. Porro quae hactenus dicta sunt de scienter vel ignoranter vendente, aut emente rem litigiosam; eadem similiter procedunt in donatione, et quolibet alio contractu circa rem litigiosam scienter, aut ignoranter celebrato: nam scienter alienans, vel rem alienatam recipiens, punitur ut supra: teneturque statutam poenam de suo refundere. Textus est in *cit. L. ult. C. de Litigijs*, et concordat Glossa, et Abbas *loc. cit.* Et haec procedunt de emptis casibus illis, in quibus alienatio rei litigiosae conceditur, juxta num. 18. et 19.

55. Solum adde, quod si quis rem litigiosam scienter Sacris dediderit, seu consecraverit, in duplum adversario applicandum ponitur: per textum in *L. ult. ff. de Litigijs*, et notat Abbas *loc. cit. num. 10.* post Hostiensem, et Zoësius *tit. de Litigijs. ff. nu. 6.* Idque fit propter contumeliam in Deum, quem talis falsa Religionis specie colit, in detrimentum adversarii.

## TITULUS XVII.

De Sequestratione Possessionum,  
et Fructuum.

## 1. Ratio continuationis Rubricarum.

1. Cum Titulo praecedenti dictam fuerit, quod hic pendente nihil sit innovandum; et nihilo minus non raro, dum lis pendet, petatur sequestratio rei litigiosae, sive fructuum ejus: hinc merito subiungitur praesens Rubrica ad declarandum ex professo, an, et quando ejusmodi sequestratio locum habeat. Unde sit.

§. I.

Quid, et quomplex sit Sequestratio, et in  
quibus casibus fieri possit?

## SUMMARIUM.

2. Sequestratio, quid? Et num. seqq.
3. Et qualiter differat a Depositione? Et num. 5.
4. Datur tam de re mobili, tam immobili.
5. Sequester, quis?
6. Sequestratio est duplex. Et num. seqq.
- Sequestratio voluntaria, quid? Ibid.
7. Et qualiter haec censetur voluntaria?

8. Sequester, an officium suum deponere valeat?
9. Sequestratio necessaria, quae?
10. Haec fit dupliciter: nempe vel officio Judicis,
11. Vel ad instantiam partis.
12. Sequestratio de re non litigiosa, ex duplici causa fieri solet: et quali?
13. Et quibus modis ea fiat de re litigiosa? Remissive.
14. Sequestratio voluntaria est permessa.
15. Necessaria vero regulariter prohibita.
16. Et quae hujus ratio?
17. In pluribus tamen casibus Sequestratio necessaria est permessa. Et num. seqq.
18. I. Quando Reus dissipat fructus, quos conservare debet.
19. II. Quando petitur res mobilis, et persona est suspecta, ne fugiat cum ea.
20. Personam taliter suspectam esse, ex quatuor mediis probari potest; et quibus?
21. Non tamen est necesse, omnia quatuor conjunctim haberi.
22. III. Si timetur de dilapidatione.
23. IV. In re dotali, et accedente justa causa.
24. V. Quando appellatur ab executore sententiae diffinitivae modum excedente.
25. VI. Si quis de possessione servitutis proclamet in libertatem.
26. VII. Si Colonus neget locationem.
27. VIII. Si pendente lite super valore matrimonii, ex parte mulieris timeatur de saevitia viri.
28. IX. Si timetur, ne sponsae, de cuius matrimonio agitur, violentia inferatur, aut ipsa corrumpatur.
29. Vel si servi conquerrantur de tyrannide Dominorum suorum.
- Aut Religiosi de suis Praelatis. Ibid.
30. X. Quando aliquid dicitur ablatum illi, qui est de familia Judicis.
31. XI. Fit quandoque sequestratio fructuum rei petita ob contumaciam Rei.
32. XII. Fit sequestratio Beneficii, et fructuum ejus, quando contra ejus possessorem apud Sedem Apostolicam fuit promulgata una sententia diffinitiva, etc.
33. XIII. Fit sequestratio ob timorem scandali.
34. XIV. Et non perdatur occasio vendendi rem litigiosam, quae servari nequit.

Quaeritur I. Quid, et quomplex sit Sequestratio? 2  
Resp. I. Sequestratio, quantum ad propositum, est rei controversae, vel fructuum ejus, apud tertium facta depositio: Ita in re communis; et patet ex *l. Sequester. ff. de Verb. signif. ibi: Sequester dicitur, apud quem plures eandem rem, de qua controversia est, deposuerunt, cum concordantiis.*

Dicitur imprimis, rei controversae: ad differentiam 3  
Depositionis, quod est genus ad Sequestrationem. Nam omnis Sequestratio est Depositio, non autem e contra: siquidem Deponi possunt etiam illae res, de quibus nulla est lis, neque controversia. Sequestrantur autem duntaxat res litigiosae, ad hoc, ut post causam decisam, et litem sopitam, reddantur ei, qui vicerit, *l. Licet. 17. §. 1. ff. Depositi*. Et additur, vel fructuum ejus. Quia non solum ipsa res controversa sequestrari potest, sed etiam fructus ejus, ne ab aliquo indebite alienentur, aut etiam dissipentur, *cap. 2. et 3. h. t.*

Porro sub ly, rei controversae, non solum intel- 4  
ligitur res mobilis, sed etiam immobilis: utraque enim potest sequestrari, et in utramque proprie cadit Sequestratio. Et quidem de re mobili, textus est in *l. Ad executionem. C. Quorum appellatione non recip. et l. Si de jussor. §. Si satisfatum. ff. Qui satisfare cogantur, cum similibus*. De re immobili autem hoc ipsum docet Barbosa ad Rubric. *h. t. num. 7.* Card. Tuschus *Litt. §. Concl. 201. num. 6.* Pirling.

- h. t. numer. 4. Idque desumitur ex cap. 1. h. t. et cap. 2. de Dolo et contumacia. quidquid contradicat Jason in l. Si fidejussor. §. Si satisfactum. n. 7. ff. Qui satisfacere cog. asserens, sequestrationem solum dari de mobili, non de immobili.
- 5 Dicitur alterius apud tertium ( qui proprio nomine Sequester appellatur ) ad maiorem discrepantiam Depositionis ut sic. Nam non tantum plures, sed etiam unus potest apud alterum, veluti Depositarium, quidpiam deponere: Sequestrare autem, sive apud Sequestrem deponere, non potest nisi plures, sive mota controversia inter plures, sit. l. Licet. ff. Depositi. et l. Proprie. 6. ff. eod. et l. Sequester. ff. de Verb. signif.
- 6 Resp. II. Sequestratio proxime definitur duplex voluntaria videlicet, et necessaria. Ita Abbas in c. Dilactus. n. 11. h. t. et communis aliorum. Sequestratio voluntaria dicitur illa, quae fit mutuo partium consensu. Solent enim, quandoque partes de aliqua re litigantes, vel ratione scandali vitandi, vel alia de causa, rem illam deponere apud tertium, sive Sequestrem, ut eam interim custodiat, et postmodum tradat vincenti.
- 7 Et huiusmodi Sequestratio rectissime dicitur voluntaria: quia ad hanc faciendam, regulariter partes cogi nequeunt, sed ipsam faciunt propria sua voluntate, mutuoque consensu. Dicitur etiam conventionalis, ob eandem rationem: fit enim non coacte, sed ex mutua conventionem partium, ac prout inter ipsas convenerit. Verumtamen etiam huiusmodi Sequestratio censetur voluntaria, ob rationem proxime dictam: nibilo minus, ex quo semel mutuo partium consensu facta est, amplius ab ea recedere non licet. Nam, uti in contractibus humanis, qui similiter mutuo partium consensu celebrantur, ita et impraesentiarum procedit illud vulgatum: Quod a principio est voluntatis, ex post facto fit necessitatis, juxta textum notabilem in l. Sicut initio. C. de Action. et obligat.
- 8 Atque ob eandem rationem etiam Sequester officium suum, quod semel suscepit, amplius sua sponte deponere, non valet, nisi iuxta de causa, et interveniente auctoritate Judicis; uti colligitur ex l. Ei apud quem. §. fin. ff. Depositi: ubi Bartolus in Summario. Jason in l. Si fidejussor. §. Si satisfactum. n. 4. ff. Qui satisfacere cogantur, et alii.
- 9 Sequestratio necessaria e contra est illa, quae fit auctoritate, et mandato Judicis. Et dicitur necessaria: quia fit sine communi partium consensu, ac plerumque altera parte invito: simulque quia necesse habent partes litigantes tali Sequestro stare, eidemque obtemperare. Dicitur etiam judicialis, eo quod fiat Judicis auctoritate. Pirhing h. t. numer. 3.
- 10 Queritur II. Quot modis contingat fieri Sequestrationem necessariam? Resp. cum communi. Sequestratio necessaria generatione fit dupliciter, nimirum vel motu proprio, sive ( ut vocant ) ex officio nobili Judicis; vel ad instantiam partis, seu ex officio Judicis mercenario. Prius accidit, quando Juxta ex sua, sive juris auctoritate, ac veluti ex officio suo, sic suadente bono communi facit sequestrationem, etiamsi nemo eam petat: ut quia videt, qualibet partem contendere se possidere, et procedere cum armis ad eam manutenendam. Tunc enim, quia Judicis est obviare tantis malis Reipublicae, communique civium quieti prospicere, potest is ex suo officio nobili rem ipsam sequestrare apud tertium, donec partes de suo jure debitas probationes deposuerint. Archidiaconus c. Quia res. 11. q. 1. n. 9. Jo. Andreas in Reg. Locupletari. n. 6. et 7. de Reg. Jur. in 6. Abbas in c. Dilactus. n. 12. h. t. et alii.
- 11 Posteriori modo, sive ad instantiam partis, et

officio Judicis mercenario, varie contingit Sequestrationem fieri. Primo, ad petitionem Sequestri: quando videlicet Sequester allegata legitima causa desiderat liberari a suo officio; atque in hunc finem accedit Judicem, petendo, ut ex ejus ordinatione res sequestrata apud alium deponatur, l. Ei apud quem. §. fin. ff. Depositi. Secundo, ad petitionem partis: et hoc adhuc dupliciter, nimirum aut de re litigiosa, aut de re non litigiosa.

Et quidem de re non litigiosa, Sequestratio ex duplici causa fieri potest: nempe vel ad conservationem sui juris ( videlicet illius, qui petit a Judice fieri sequestrationem, ejusmodi ) vel ad evitacionem alicujus periculi, seu praedicii ceteroquin sibi imminuentis. Exemplum prioris habetur in l. Cetera. et seqq. ff. Familiae heredes. ubi pro manutenuendo jure plurium, cohaeredom, aequales partes habentium, sequestrantur Tabulae testamentariae, si inter eos non convenerit, apud quam potius esse debeant. Exemplum posterioris ponit Abbas cit. c. Dilactus. numer. 15. h. t. in Debitore, qui vult solvere debitum, sed Creditor non vult acceptare solutionem, aut non comparere, ut possit ipsi solutio fieri: vel si ex duobus uterque praetendit, sibi debere fieri solutionem, et non alteri: nam debitor ille poterit debitam pecuniam Judici consignare, ut ejus auctoritate sequestretur, seu deponatur apud eadem sacram, sive quendam tertium, donec Creditor comparat, aut ostendatur, cui ex duobus illis debeat pecunia.

Ceterum Sequestratio de re litigiosa potest variis modis intelligi fieri: quia vel potest peti pendente principali negotio, vel pendente negotio appellationis: idque adhuc diversis modis, prout suscitavit Jo. Andreas in cit. Reg. Locupletari. numer. 8. de Reg. Jur. in 6. Verum his non videtur diutius inhaerendum, eo quod isthaec sequestratio necessaria regulariter sit prohibita, prout illico amplius dicetur. Unde

Queritur III. An, et in quibus casibus Sequestratio permittatur fieri? Resp. I. Sequestratio voluntaria, seu quae fit mutuo partium consensu, regulariter est permessa: nam possunt partes sibi ipsis, si volunt, praedicare, remque litigiosam, donec lis decidatur, apud tertium custodiendam deponere, dummodo quid aliud non obstat. Ita Abbas in c. Dilactus. n. 11. h. t. Hostiensis in Summa. n. 4. h. t. Cailus lib. 1. Practic. Observat. 148. numer. 7. asserens, sequestrationem, seu quae fit ex voluntate sive consensu partium, semper licitam esse, l. Si solutus. ff. de Solutionib. et alii. Idemque patet ex l. Proprie. ff. Depositi. et l. Interesse puto. ff. de Acquir. possess. et l. Si soluturus. ff. de Solutionib.

Resp. II. Sequestratio necessaria, seu quae fit auctoritate Judicis, regulariter est prohibita. Ita Glossa in c. Dilactus. §. Sequestrari. et Abbas ibid. numer. 7. h. t. Cailus lib. 1. Pract. Observat. 148. n. 1. Sigism. Scaccia lib. 1. de Judiciis, cap. 38. numer. 4. asserens, de hoc nulli esse dubium; et communis. Idque patet ex l. un. C. de Prohibita sequestrat. Concordat cap. 1. h. t. ubi Innocentius III. revocavit sequestrationem, quam Coelestinus Praedecessor suus fecerat pro suo arbitrio: hoc est, non jure, ut explicat Glossa ibid. §. Arbitrio; et Hostiensis in Summa. n. 4. h. t. qui proinde Rubricam hujus Tituli sic legit: De Sequestratione possessionum, et fructuum generaliter prohibita.

Accedit Ratio. Tum quia non oportet iudicium ab executione inchoare, sed oportet, ut Actor antea de suo jure doceat; Reumque super debito convineat, cit. l. un. C. de Prohibit. sequest. Tum quia, priusquam Actor docerit de suo jure, praesumptio est pro Reo, c. Ex litteris. de Probat. et l. ult. C.



de Rei vendicat. Ergo non est turbandus Reus in sua possessione vel ejus usu, per sequestrationem mandato Judicis factam; cum lite pendente nihil sit innovandum. Abbas c. *Dilectus* n. 16. h. t. et alii. Additur tamen notanter in data Conclusionis, *regulariter est prohibita*, propter illico dicenda: unde

17. Resp. III. His tamen non obstantibus, dantur nonnulli casus, in quibus aequitate sic suadente (ne scilicet iudicium reddatur elusorium, et Actor re litigiosa per Reum jam dilapidata post obtentam in causa victoriam nihil obtineat; aut, ne alia graviora incommoda eveniant) Jus ipsum permittit, fieri sequestrationem necessariam. Ita communis; et patet referendo principales hosce casus cum Glossa in c. *Dilectus*. §. *Sequestrari*. h. t. et Abbate ibid. n. 7. et seqq. et Hostiensis in *Summa* n. 4. eod. Sannoig h. t. cap. 3. et alii passim. Et quidem

18. I. Sequestratio necessaria potest ad instantiam alterius partis per Judicem fieri, quando Reus dissipat fructus, quos conservare debet, c. *Dilectus*, et cap. ult. h. t. Et hic casus comprehendit sub se plures alios, ubi quis tenetur fructus conservare, et tamen eos indebite alienat, dissipat seu depopulatur; ut can. *Quoties post auditam*. 2. q. 1. juncta Glossa §. *Sequestranda*. ubi jubetur fieri sequestratio, quando possessor victus appellat, et incipit dissipare fructus, vel alienare. Si enim tunc ob talem ejus dilapidationem non possent durante lite fructus sequestrari, hac sententialiter decisa Actor, reportans pro se sententiam finalem, nihil lucraretur nisi verba, dum fructus ab adversario jam fuissent dilapidati: ne igitur istud fiat, tunc aequitate naturali sic suadente Jura admittunt sequestrationem. Quamquam, ut fiat sequestrum propter dilapidationem, oporteat hanc prius probari, arg. d. c. *Dilectus*. h. t. ibi: *Si est ita*: ac notat Abbas ibid. num. 22.

19. II. Sequestratio locum habet, quando petitur res mobilis, et persona est suspecta, quod cum ea fugiat. Patet hoc ex l. *Si fidejussor*. §. *Si satisfidatum*. ff. *Qui satisfidare cogantur*, ubi ejusmodi res mobilis, quam quis a persona suspecta petit, auctoritate Judicis deponenda dicitur apud Officium (hoc est, apud Officiales) donec vel sufficiens satisfidatio, vel lis finem accipiat. Concordat textus in l. *Senatus-Consulto*, juncta Glossa §. *Et deponatur*. ff. *de Officio Praesid.* Atque suadet hoc ipsum ex aequitate naturali proxime insinuata: nam Reo cum re mobili litigiosa aufugiente, redderetur pariter iudicium elusorium; cum non amplius adesset, quod Actori in causa vincenti daretur.

20. Caeterum, quod persona aliqua super re mobili convента censeatur suspecta, ita ut ex hoc capite, sive ad praecavendam fugam illius cum re litigiosa, licite fiat sequestratio: ex sequentibus quatuor mediis probari potest; quae enumerat Glossa in cit. l. *Si fidejussor*. §. *Officium*. ff. *Qui satisfidare cogantur*. quam approbat Bartolus ibid. et sequuntur alii. Primum est, si persona de fuga suspecta, nulla possideat bona immobilia, argumento a sensu contrario desumpto ex l. *Sciendum*. §. 1. ff. *Qui satisfidare cog.* Alterum est, si paucis immobilia possideat, ita ut respective inopia laborare videatur, l. *Si creditores*. ff. *de Privileg. creditor.* Ad tertium medium probandi personam suspectam, pertinent mores mali, quos persona illa habet, eisque sese suspectam reddit, §. *fn. Instit. de Suspectis tutorib.* Quartum est, si prius male fecerit, aut male administraverit, c. *Semel malus*. de Reg. Jur. in 6. et l. *Si cui*. §. *Eisdem*. ff. *de Accusation.* cum similibus.

21. Porro ad probandam personam suspectam, non est necesse, omnia ista quatuor conjunctim haberi;

imo quandoque sufficit alterutrum eorum iuxta materiam subjectam, aut alias circumstantias. Abbas in cit. c. *Dilectus*. n. 9. h. t. et Bartolus in cit. l. *Si fidejussor*. §. *Si satisfidatum*. ff. *Qui satisfidare cogantur*.

III. Licite fit sequestratio, si timeatur de dilapidatione, l. *Imperatores*. §. *fn.* ff. *de Appellat.* ac notat Glossa et Abbas in d. c. *Dilectus*. nu. 10. h. t. junctis dictis supra numer. 18. Intellige tamen hunc casum conformiter proxime dictis, quando rationabiliter timetur de secutura dilapidatione: et hoc vel ob praesentes malos mores personae, vel quia antehac dilapidaverat. Alioquin enim nemo praesumitur malus, sique non habebit locum sequestratio, nisi successu temporis incipiat actu dissipare bona, vel fructus illorum.

IV. In re dotali, et accedente alia justa causa, locum habet sequestratio. Nam si maritus vergat ad inopiam, aut ut vir nullius frugi dotem uxoris dissipare incipiat, sequestratur dos; prout notatur, et amplius dicitur in c. *Per vestras*. 7. de Donat. inter vir. et ux. et l. *Si cum dotem*. §. *Si vero*. ff. *Solutio matrim.* cum aliis jurihus a Glossa in cit. c. *Dilectus*. §. *Sequestrari*. h. t. relatis. Hostiensis in *Summa*. n. 4. h. t. et alii. Id ipsum suadet aequitas naturalis: ne videlicet uxori innocenti gravissimum praejudicium ex socordia, vel malitia viri inferatur, si dos ipsius non sequestraretur.

V. Sequestratio procedit, quando appellatur ab executione sententiae diffinitivae, eo quod Executor modum executionis, sive dictae sententiae excedat. Et in tali casu, si lis fuerat de re mobili, ea auferitur Reo, et apud sequestrum idoneum deponitur, postmodum reddenda ei, qui obtinebit: si autem lis erat de re immobili, sequestrantur fructus illius, similiter postea tradendi victori. Ita textus, et Doctores in l. *Ab executore*. C. *Quorum appellat.* non recip.

VI. Fit sequestratio, si quis de possessione servitutis proclamet in libertatem: nam sequestrantur res illae, quas habere videtur. Et hoc merito: tum ne Dominus ejusmodi res dissipet: tum quia oportet antea discutere, utrum ejusmodi res sunt Domini, vel potius ejus, qui dicit se liberam. Patet hoc ex l. 3. C. *Quibus ad libertatem proclamare etc.* et l. 1. §. *Super peculio*. C. *de Assertion. tollend.* et Glossa magna in l. un. C. *de Prohib. sequet.* et alia Glossa in c. *Dilectus*. §. *Sequestrari*. et Abbas ibid. n. 10. h. t. et Hostiensis cit. num. 4. et alii.

VII. Si Colonus neget locationem, et contra Dominum super dominio terrae litiget: tunc vel Colonus tenetur satisfidare de restituendis fructibus, si succubuerit; vel fructus illi sequestrantur usque ad decisionem causae, l. *Litibus*. C. *de Agriculis et censib.* lib. 11.

VIII. Si pendente lite super valore matrimonii ex parte mulieris timeatur de saevitia viri, nec possit sufficienter caveri, aut securitati mulieris provideri: haec non restituitur viro petenti, sed ab eo potius amovetur; sique fit sequestratio aliqua, c. *Litteris*. 13. §. *fn. de Restitut. spoliat.*

IX. Si adest suspicio, seu justus timor, ne sponsae, de cujus matrimonio contrahendo lis agitur, violentia quaedam inferatur, sique consensus ejus non sit omnino liber; vel subsit periculum, ne puella illa corrumpatur. Tunc enim debet Judex providere locum tutum et honestum, donec causa illa fuerit terminata; sique quodammodo fit sequestratio ejus, c. *Cum olim*. 14. de Sponsalib. et c. *Causam matrimonii*. 14. de Probat. ubi talis puella jubetur poni in Monasterio, quod antea intraverat, ut ibi interim secure valeat commorari. Glossa in c. *Dilectus*. §. *Sequestrari*. et Abbas ibid. num. 10. h. t. Covarravias part. 2. de Matrimonio. c. 3. §. 6. n. 2.

istud intelligens, sive inter duos viros sit contentio de matrimonio contrahendo, vel contracto; sive aliunde Judex intelligat, liberum puellae consensum impediri, *L. 3. §. Hoc interdictum. ff. de Libero homin. exhibend.* Aloys. Riccius *part. 1. Praxis Matrimonial. Resol. 227. numer. 1. et 2.* ubi addit, quod inter loca honesta, in quibus interim reponi possit puella sequestranda pro exploranda sua voluntate, praeter Monasterium etiam connumeretur domus materna: nisi forte instaret mater pro dissolutione matrimonii, prout fuit decisum in Rota in una Romana matrimonii, 29. Apr. 1579. coram Illustr. Blanchetto.

29 Hoc ipsum extenditur ad Servos conquerentes de tyrannide Dominorum suorum, timeturque probabiliter, quod hac occasione Domini saeviant in illos, *arg. L. 1. §. Quod autem. ff. de Offic. Praefecti Urbis. et §. Sed et major. Instit. De iis, qui sui vel alien. jur. sunt.* Idem ob paritatem rationis ampliatur ad Religiosos, qui coqueruntur de suis Praelatis: quia etiam hos lite pendente debet Judex conservare illaesos, et si opus fuerit, sequestrare, *arg. c. Olim. 26. de Accusation. Abbas cit. n. 10.*

30 X. Fit sequestratio, quando aliquid dicitur factum ablatum illi, qui est de familia Judicis. Tunc enim, ne Judex judicet in facto familiae suae, sique evadat suspectus, lis quidem contestatur; sed res ablata, super qua controvertitur, interim sequestratur usque in adventum Judicis successoris, nisi sufficiens satisfactio fiat, *l. Senatus Consulto. ff. de Offic. Praesid.*

31 XI. Fit quandoque sequestratio fructuum rei petita ob contumaciam Rei: idque ob varias circumstantias, talem sequestrationem fieri postulant: ut *c. Olim ex literis. 25. de Rescript. et c. Ex litteris. 2. de Dolo et contum.* estque uberius dictum supra *Tit. 14. De dolo et contumacia. n. 132. et 133.* Hos undecim casus, in quibus aequitate sic suadente habet locum sequestratio, adducit Glossa *cit. c. Dilectus. §. Sequestrari. h. t.* unacum Auctoribus hactenus allegatis, qui nonnullos alios casus superaddunt: unde

32 XII. Debet per Ordinarium loci fieri sequestratio Beneficii Ecclesiastici, et fructuum Beneficialium, postea reddendorum obtinenti finalem in causa victoriam, quando contra possessorem Beneficii apud Sedem Apostolicam duntaxat in petitorio, vel possessorio, promulgata fuit una diffinitiva sententia super ipso Beneficio (dum tamen tricenio pacifice antea ab eo possessum non fuerit) quamvis ab hac sententia appelletur. Patet hoc ex *Cl. un. h. t.* ubi aperte sic habetur decisum.

33 XIII. Fit sequestratio ob timorem scandali, vel metum, ne partes litigantes veniant ad arma, *arg. cap. 1. et 2. de Purgat. vulgar. et l. Aequissimum. §. 1. ff. de Usufruct.* Nam quia Judicis est, obviare malis et scandalis; nec pati debet ad arma et rixas procedere illos, quos Jurisdictione sua componere potest: hinc tantibus talibus periculis potest ex officio suo nobili rem controversam sequestrare apud tertium, atque a partibus probationes exigere, et juxta harum merita pronunciare. Abbas *in cit. c. Dilectus. n. 12. h. t.* Pirhing *cod. n. 12. et alii.*

34 XIV. Sequestratio fieri potest, ne alioquin perdat occasio vendendi rem litigiosam, quae servando servari nequit; sique peritura sit, nisi vendatur, *l. Si oleum. ff. de Dolo malo.* Hostiensis *in Summa. h. t. n. 4.* post Goffredum.

## §. II.

De requisitis ad Sequestrationem, et nonnullis aliis hanc concernentibus.

## SUMMARIUM.

35 Ut Judex motu proprio, seu ex officio nobili, procedat ad faciendam sequestrationem, requiritur causa publica.

36 37. et 38. Et quas requirantur, ut ad eam Judex procedat ex officio mercenario?

Debet ad ipsam citari pars adversa, in cujus praejudicium petitur sequestratio. n. 37.

39 Remedium Juris evitandi sequestrationem, regulariter est cautio sufficiens de restituenda re litigiosa.

40 Imo per hanc etiam tollitur sequestratio jam facta.

41 Fallit hoc in nonnullis casibus.

42 In sequestratione necessaria non transit possessio rei sequestratae in Sequestrum.

43 Idemque dicendum esse in sequestratione voluntaria, probabiliter est.

44 et 45. Istud probatur multipliciter.

46 Sed limitatur, quando apud Sequestrum deposita est possessio rei.

47 Et quoties in sequestratione voluntaria expressum fuit, ut transat possessio in Sequestrum. Et num. 43.

Queritur I. Quae requirantur, ut Judex possit 35  
procedere ad faciendam Sequestrationem? Resp. I. Ut Judex motu proprio, seu ex officio nobili, procedat ad faciendam sequestrationem, requiritur aliqua gravis et publica causa, redundans in bonum commune Reipublicae, conformiter dictis supra num. 33.

Resp. II. Ut Judex ex officio mercenario, sed ad 36  
petitionem partis, procedat ad sequestrationem faciendam, potissimum requiruntur quatuor; ut notat Card. Tuschus *in Litt. §. Concl. 203. n. 2.* citans Guidon. Pap. *Decis. 246.* et Decium *Consil. 366. n. 12.* et Rebuffum *de Sequestrat. 1. Gloss. 2. n. 3.* idemque tradit Pirhing *h. t. n. 15.* post Mysinger *Cent. 2. observat. 11.* et Vultejum *lib. 2. Jurisprud. Rom. cap. 30. §. 6.* Quia enim sequestratio regulariter est prohibita, *L. un. C. de Prohibita Sequestrat.* ac permessa solum in casibus specialibus a Jure expressis: ideo, qui vult apponere, vel obtinere sequestrationem debet probare, se esse in casu exceptuato, et permisso a Jure. Card. Tuschus *loc. cit. Concl. 202. num. 2.* citans alios. Ad hoc autem probandum plura requiruntur, et praesertim quatuor mox enumeranda.

Primo quidem, ut Judici saltem summarie constet de jure petentis sequestrationem. Secundo, ut 37  
citetur debitor, seu pars adversa, in cujus praejudicium postulat sequestratio: alioquin ea non valet. Jason *l. Si fidejussor. §. Si satisfactum. n. 10. ff. Qui satisfac. cogant.* id limitans, nisi periculum sit de fuga debitoris, secundum Innocentium *in c. Significavit. de Testib.* Ubi autem non est timor fugae debitoris, non valet sequestratio, nisi pars citetur, ut videre possit eam fieri: siquidem sequestratio est species cujusdam executionis; et quia pars caeteroquin laedi posset, ideo debet citari, ut *l. Nam ita Divus. ff. de Adoption. et l. De unoquoque. ff. de Re judicat.*

Tertio ad faciendam sequestrationem officio 38  
mercenario Judicis requiritur, ut eam postulans juret de calumnia: hoc est, ut juratus affirmet, se non calumniare, aut aemulationis gratia, sed

pro suo jure conservando ipsam petere. Quarto, ut adit aliqua suspicio contra debitorem, puta, quod alioquin dilapidatis v. g. bonis non esset satisfactionem praestiturus: nam cessante tali suspicione contra debitorem, vel praestita idonea cautione, non esse sequestrationem faciendam, illico magis declarabitur. Unde

39. Queritur II. Utrum suppetat aliquod remedium juris evitandi Sequestrationem in casibus supra specificatis? Resp. Affirmative. Nam tale remedium regulariter est sufficiens cautio, seu satisfactio de restituenda re litigiosa, vel fructibus ipsius, in casu, quo pars adversa finalem obtinuerit victoriam. Patet hoc ex l. *Senatus-Consulto. ff. Qui satisfacere cogantur. Abbas in c. Dilectus. n. 19. h. t. Felinus in c. Examinata. n. 10. de Judiciis. Sannig h. t. cap. 4. n. 1. et alii.*

40. Atque hoc extenditur adeo, ut sequestratio jam facta denovo revocetur, seu tollatur per ejusmodi sufficientem cautionem, ut puta, fidejussionem: dummodo datus fuerit fidejussor idoneus. Patet hoc ex l. *Si fidejussor. §. fin. ff. Qui satisfacere cogantur. et notat Bartolus ibid. in Summario. Oldradus Consil. 24. in princ. Card. Tuschus Litt. S. Conclus. 212. n. 1. citans alios.*

41. Additur notanter in data Conclusionem, tale remedium regulariter est. Fallit enim in nonnullis casibus, utpote in quibus vel ejusmodi cautio, et satisfactio non habet locum, vel per eam non sufficienter providetur incommodis. Sic fit in *Clem. un. h. t. ubi, ne vitiosus possessor (id est, ille, qui in Romana Curia jam reportavit unam sententiam diffinitivam sibi contrariam, sicque praesumptive censetur possessor vitiosus) possessioni Beneficii Ecclesiastici ulterius incumbat, praebeturque materia illicitae occupationis, locum non habet satisfactio; sed per Ordinarium loci interim sequestrandum est Beneficium in aliam idoneam personam, quae plenam de ipso curam gerat, ejusque jura exerceat. Textus, et Glossa ibid. §. Beneficium. Abbas loc. cit. n. 24. Felinus, ubi supra, subiungens quasdam alias hujusmodi fallentias, ac praesertim illam, quando fit sequestratio ob timorem scandali: nam timor ille per satisfactionem non tollitur.*

42. Queritur III. Utrum possessio rei sequestratae transeat in Sequestrum? Resp. I. Loquendo de sequestratione necessaria, seu auctoritate Judicis facta, conveniunt Doctores, per eam non transferri possessionem in Sequestrum. Ratio est: quia haec fit solummodo custodiae causa: ut c. *Dilectus. 2. h. t. et l. Possideri autem. §. fin. et l. Interesse puto. ff. de Acquirend. possess. cum concordantiis. Felinus in c. Examinata. n. 10. et Abbas ibid. n. 14. de Judiciis: quamquam Barbosa in cit. c. Examinata. n. 10. allegans plures alios, recte istud limitet, nisi expresse per Judicem actum fuerit, ut transeat possessio in Sequestrum. Hoc ipsum, atque sub eadem limitatione, tradit Bartolus in cit. l. Interesse. §. Item quaero. ff. de Acquirend. possess. dictam limitationem probans ex cap. 1. de Sequestrat. possess. ubi apparet, aliam fuisse voluntatem Judicis, seu Papae sequestrantis.*

43. Resp. II. Probabilius est, quod etiam in sequestratione voluntaria non transeat possessio in Sequestrum: quoties non de possessione ipsa, sed solum de proprietate contenditur: nisi aliud fuerit expressum. Ita Felinus in cit. c. Examinata. n. 10. de Judiciis. allegans pro se Franciscum Aretinum ibid. Idemque tenet Zoennius h. t. n. 3. et tit. Depositi. ff. n. 35. Pirhing h. t. n. 2. contra Glossam in cap. 1. §. Sequestrari. et Abbatem ibid. n. 19. h. t. Bartolum in l. Interesse. ff. de Acquirend. possess.

Alexandrum Consil. 94. n. 5. vol. 5. Gailum lib. 1. Practic. Observat. 148. n. 8. et Barbosam in cit. c. Examinata. n. 10. de Judic. ubi ait, Doctores communiter distinguere inter sequestrationem voluntariam, seu de consensu partium factam, in qua inquirunt possessionem transire in Sequestrum, juxta l. *Licet. §. Rei depositae. ff. Depositi*: et inter necessariam, quae fit jubente Judice, et in qua negant possessionem transire in Sequestrum, nisi id expresse actum fuerit, l. *Interesse. ff. de Acquirend. possess.* Verum licet haec sententia, seu distinctio, videatur communior inter Doctores: quia tamen non ex multitudine Auctorum judicandum est, L. 1. §. *Sed neque. C. de Veteri Jure enucleand.* sed potius ex soliditate fundamentorum, ac Jurium allegatorum: hinc

Probatur Conclusio. Quia sequestratio rei de partium consensu potest fieri et causa custodiae, et animo amittendi possessionem, l. *Interesse puto. ff. de Acquirend. possess.* ergo in dubio, ac nisi aliud expressum fuerit, censetur facta solummodo custodiae causa. Probatur consequentia. Tum quia non est verisimile, quod quis velit amittere commodum possessionis, nisi id exprimat, cit. l. *Interesse puto.* ubi tunc demum possessio rei sequestratae amitti censetur, quando apud Sequestrum res deponitur dimittendae possessionis causa, et hoc aperte fuerit approbatum. Tum quia non praesumitur quis facile res suas jactare, et indebitas effundere, l. *Cum de indebito. Vers. Qui enim solvit. ff. de Probat.* Glossa in c. *Quia verisimile. §. Concesserit. de Praesumption.* Mascardus Concl. 555. n. 1. et 2. de Probation. ergo nec abdicere possessionem, ejusque commoda, nisi exprimat. Tum tandem, quia nisi aliud exprimat, procedit textus in l. *Proprie. ff. Depositi.* ibi: *Propria in sequestro est depositum, quod a pluribus in solidum certa conditione custodiendum, reddendumque traditur.* Ubi sermonem esse de sequestratione voluntaria, convincunt verba illa, *quod a pluribus custodiendum traditur*: simulque in his ipsis bene ponderandum est ly, *custodiendum*; nam hinc sequitur, potius censi rem ejusmodi esse traditam causa solius custodiae, et non animo transferendi possessionem. Idipsum desumitur ex c. *Examinata. 15. de Judiciis*, juncta Glossa §. *Possidebas*: ubi quis legitur possedisse Ecclesiam, haud obstante, quod eam alius tanquam sequestratam accepisset.

Confirmatur, et probatur Conclusio a simili: quia pignus conventionale, quamvis detur in favorem Creditoris, ac pro ejus securitate, non transfert veram possessionem a Debitore in Creditorem, l. *Qui pignoris. ff. de Acquirend. possess.* ergo multo minus eam transfert sequestratio voluntaria, seu conventionalis, nisi aliud exprimat. Hic enim deponitur res apud tertium, qui est audus minister ad commodum alterius, absque ullo respectu ad proprium favorem; qualis tamen in pignore attenditur.

Dices In l. *Licet. ff. Depositi*, sic habetur expressum: *Rei depositae proprietates apud deponentem manet, sed et possessio: nisi apud Sequestrum deposita est: nam tunc demum sequestrer possidet*; ergo revera in sequestratione voluntaria transfertur possessio. Ad hoc principale fundamentum contrariae sententiae respondetur, neg. consequentiam, sub datis in Conclusionem limitationibus: nam Lex allegata procedit in casu; quo apud sequestrum deposita est possessio; prout sonant verba ejusdem. Hunc autem casum data Conclusio nostra expresse excipit: quia ultro in ea conceditur, quod propter incertitudinem possessionis: quolibet se possidere concedente, si fiat voluntaria, ejus sequestratio in tertium, neque aliud ex-

44

45

46



primatur, censetur, (Jure sic interpretante) de communi partium consensu translata possessio rei in Sequestrum, et is usque ad terminationem litis possidere permittatur; ita tamen, ut postea rem illam victori in causa reddere teneatur.

47. Atque hoc ipsum procedit, utroque fatetur Conclusio, quoties in sequestratione voluntaria expressum fuit, ut transeat possessio in Sequestrum; sicque neutri litigantium exinde aliquod commodum, utputa jus usucapiendi, seu praescribendi, vel hujusmodi obveniat. Quia enim quilibet potest renunciare juri suo, etiam certo, c. Si diligenti. 12. de Foro compet. quanto magis poterunt ambae partes mutuo consensu renunciare juri incerto possessionis, commodorum ejus, si quod in re controversa haberent? Hinc tamen non sequitur, quod semper per sequestrationem voluntariam transferatur possessio in Sequestrum, etiam ubi constat de possessione, et ad quem haec pertineat; et solum controversatur super proprietate rei, simulque illud expressum non fuit: in quo casu loquitur data Conclusio, quae sic explicata forsitan nec a Doctoribus in contrarium allegatis negatur, cum solum videatur loqui in casu cit. l. Licet. ff. Depositi, utpote quam pro se solent allegare.

## TITULUS XVIII.

## De Confessis.

## 1. Ratio continuationis Rubricarum.

1. Posquam pluribus praecedentibus Titulis actum est de iis, quae pertinent ad formam, et modum ordinandi Judicii: pergit Compiler agere de modis, quibus causa instruitur; et sic tractat nunc de meritis causae, seu de Probationibus in genere, et specie. Praemittitur autem praesens Titulus De Confessis: siquidem per propriam adversae partis Confessionem relevatur litigans ab onere probandi, prout amplius patebit ex dicendis. Hinc sit

## §. I.

De natura, et divisione Confessionis, ejusque requisitis.

## SUMMARIUM.

2. Hinc non est sermo de confessione generalissima sumpta.
3. Confessio, quantum ad propositum, quid?
4. Confessio judicialis, quae?
5. Potest in jure tripliciter fieri.
6. Facta coram Judice non legitimo, an teneat?
7. Utrum debeat fieri coram Judice pro Tribunali sedente?
8. Confessio extrajudicialis, quae?
9. Facta coram Notario an censeatur judicialis? Et num. praeced.
10. Confessio facta coram Arbitratore est extrajudicialis.
11. Secus, si fiat coram Arbitro.
12. Confessio, an sit species Probationis? Et rationes affirmativam tenendi.
13. Propria non est probatio, sed probationis relevatio. Et num. seqq.
14. Referuntur casus, in quibus non admittitur probatio, bene tamen confessio.
- 15 et 16. Solvuntur rationes sententiae affirmativae. Et num. seqq.

REIFFENSTUEL Jus Can. Tom. II.

- 17 Dictio Nisi aliquando non capitur exceptive, sed determinative.
- 18 Ad validam confessionem plures requiruntur conditiones. Et num. seqq.
- 19 I. Ut confessus sit major viginti quinque annis. Et quid de confessione Pupillorum, et Minorennum? Ibid.
- II. Ut confessio sponte fiat. Et quid de confessione vi tormentorum extorta? Ibid.
- 20 III. Ut confessus sit sanas mentis, non furiosus, non phreneticus.
- 21 Et quid de confessione, et accusatione, facta calore iracundiae?
- 22 IV. Ut confessio sit contra se, sive ad se obligandum alteri. Confessio pro se, sive ad obligandum alterum sibi, valet. Ibid.
- 23 Ne quidem in mortis articulo.
- 24 Nec probat confessio unius in praejudicium alterius.
- 25 Puta, confessio mariti de dote recepta in praejudicium creditorum.
- 26 V. Ut confessio fiat in judicio. VI. Et praesente adversario. Ibid.
- 27 VII. Ut non sit incerta. Nec erronea. Ibid.
- 28 VIII. Et sit facta de re litigiosa.
- 29 IX. Ipsique favor non repugnet. Et num. seqq.
- 30 Confessio contra valorem matrimonii non valet.
- 31 Bene tamen pro matrimonio.
- 32 X. Ut confessioni nec jus, nec natura repugnet.
- 33 Idque exemplificatur.
- 34 Aliae conditiones ad validam confessionem requisitae. Remissiva.

Quaeritur I. Quid, et quotuplex sit confessio? 2  
Ubi praenotandum, quod impraesentiarum sermo non sit de Confessione generalissime sumpta, et prout sub se complectitur tam confessionem laudis, qua fatemur Divinas perfectiones, Deumque laudamus, quam confessionem propriorum peccatorum; in quo sensu D. Augustinus Serm. 8. de Verbis Domini loquitur dicens: *Confitemur ergo sive laudantes Deum, sive accusantes nosmetipsos. Pia est utraque confessio, sive cum te reprehendis, qui non es sine peccato; sive cum illum laudas, qui non potest habere peccatum.* Igitur in proposito duntaxat sermo est de Confessione, prout haec deservit pro decisione causarum in Judiciis agitarum. Quo praenotato,

Resp. I. Confessio, quantum ad propositum, est ejus, quod ab adversario intenditur, in judicio, vel extra illud facta asseveratio. Ita in re communis. Ubi ly asseveratio est genus, et reliqua habent rationem differentiae. Additur vero in judicio vel extra illud: quia duplex est hujusmodi Confessio, una judicialis, et altera extrajudicialis: quod ut melius intelligatur.

Resp. II. Confessio judicialis dicitur ea, quae fit in judicio: sive, est certa et clara asseveratio ejus, quod ab adversario intenditur, facta in jure coram legitimo Judice. Ita Antonius Nebrissensis in Vocabulario Juris, §. Confessio. Dicitur in jure: hoc est, in loco, ubi jus redditur; seu, in judicio coram competenti Judice pro tribunali sedente: sive deinceps fuerit contestata, sive non, juxta dicta superius Tit. 1. §. 1. n. 24.

Atque talis Confessio in jure, potest fieri tripliciter; prout notat Glossa in c. Nullus dubitat. §. Confitemur. et Abbas ibid. n. 2. de Praesumpt. Primo, ore: ut dum quis oretenus, seu verbi, confitetur intentionem adversarii: quo etiam spectat confessio in scriptis facta, can. Si quandoque. 16. q. 1.

Secundo, rei evidentia, quae tergiversatione aliqua celari non potest, *cap. ult. de Cohabitat. Cleric. et can. Priusquam. dist. 28.* Tercio, interpretative: ut si quis legitime citatus contumaciter se absente, *cit. c. Nullus dubitat. de Praesumpt. et can. Decernimus. 3. q. 9. Aut*, si Reus petitus iuramentum praestare recuset, *cap. ult. §. fin. de Jurament. calum. et huiusmodi.*

6 Dicitur ulterius in data Confessionis judicialis definitione, coram legitimo Iudice. Nam, ut in *c. At si Clerici, 4. de Judiciis*, loquitur Pontifex: *Sicut sententia a non suo iudice lata non tenet, ita nec facta confessio coram ipso*: ac proinde ipsa non erit judicialis. Quamquam extrajudicialis confessio censeretur possit, et habeat nonnullos effectus, supra *Tit. 1. De Judiciis. §. 4. n. 89.* iam explicatos.

7 Et additur, *pro Tribunali sedente etc.* Quia non censetur confessio facta in iure, sive iudicio, quando sit in praesentia Iudicis quomodocunque: sed oportet, quod is sedeat pro Tribunali, *arg. l. Jus pluribus. ff. de Justit. et jur. et can. Deus omnipotens. §. Quando autem. 2. q. 1.* juncta Glossa & *Judicis*; ac notat Abbas in *cit. c. At si Clerici. n. 6. de Judic.* Qui tamen, unacum aliis proxime allegatis Doctoribus, notanter subjungit, istud intelligendum esse in causis requirentibus plenam discussionem, sive plenam probationem: nam, quando non requiritur plena causae cognitio, sed sufficit semiplena ejus discussio, ac probatio; tunc etiam dicitur confessio fieri in iure, quando ea sit coram Iudice, licet is pro tribunali non sedeat, sed stet, aut deambulet in loco iudicii, juxta textum notabilem in *l. Voluit. ff. de Interrogator. actionib.* juncta Glossa & *In itinere*, Summario, et Bartolo *ibid.* et Abbas *cit. n. 6.* Concordat Glossa in *L. un. C. h. t.* et Gonzalez Tellez in *cap. 1. n. 4. eod.* ubi rejecta contraria sententia docet, *ly confessum in iure*, intelligendum esse pro *ly, confessum in quovis loco*, ubi Iudex adfuerit iudicandi causa de eo, de quo sit confessio, sive domi, sive in itinere. Facit ad istud *Clem. Saepo contingit. §. fin. de Verb. signif.* ubi dicitur, Iudicem in causis summarie, ac de plano tractandis, posse procedere, sententiamque ferre non solum sedendo pro Tribunali, sed etiam (*prout magis sibi placuerit*) stando: nec tamen ullus negavit, in hisce causis dari confessionem judicialem.

8 Resp. III. Confessio extrajudicialis e contra est: quae apud probos et fide dignos homines sit extra iudicium. Qualis etiam censetur ea, quae sit coram Iudice incompetente, juxta dicta *nu. 6.* Item et illa, quae sit coram Notario, etiamsi fiat altera parte praesente, si non adsit Iudex pro Tribunali sedens. Abbas in *c. At si Clerici. num. 6. de Judiciis.* Mascardus de Probationibus, *Concl. 344. num. 7.* Maranta *part. 6. Speculi Aurei, tit. de Confessione. num. 30.* qui istud intelligunt in causis plenariam discussionem requirentibus, conformiter dictis *num. praeced.* Barbosa in *c. Ea parte. numer. 8. h. t.* citans plurimos alios.

9 Notat tamen Pirhing *h. t. num. 2.* post Hiltropium in *Processu judiciali, part. 3. tit. 17. de Confessis, num. 3.* quod defacto ex recepta consuetudine Confessio apud Protocollum coram Notario recepta, censetur judicialis: siquidem plenae actus legitimi, qui in iudicio coram Iudice expediuntur, etiam coram Notario hodie expediri possunt, et eandem vim habent. Hinc in simili Bartolus *L. un. §. Tertio nota. C. de Confessis*, meminit ejusmodi statuti, vi cujus confessio facta coram Notario, videtur facta co-

ram Iudice. Igitur praemissa Abbatis, et aliorum opinio, defacto intelligi debet de simplici Tabellario, non fruente privilegiis publicorum Notariorum.

10 Insuper Confessio extrajudicialis censetur ea, quae sit coram Arbitratore: ut tradit Alexander *Consil. 13. numer. 7. vol. 1.* Maranta *loc. cit. numer. 31.* Mascardus *cit. Concl. 344. numer. 9.* et alii. Siquidem coram Arbitratore non est iudicium, *arg. Auth. Ut differentes iudices. et juncta Glossa & Conventum.* Bartolo, et DD. *ibid. collat. 9.* et Innocentio in *c. Quintavallis. de Jurjurand.*

11 Secus est in confessione facta coram Arbitro. Nam quia hodie arbitraria sunt redacta ad similitudinem iudiciorum, *L. ff. de Receptis arbitris*: haud immerito confessio coram Arbitro facta censetur judicialis, quando ipse processit iuris ordine servato. Bartolus *L. un. in fin. C. de Confessis.* Mascardus *loc. cit. num. 10.* Maranta *cit. num. 31.* Pirhing *h. t. num. 2.* et alii ab his citati; quamvis nonnulli contradixerint. Idque ulterius probatur ex *c. Praesentata. 50. juncto Summario*, et DD. *de Testib.* Ubi attestaciones receptae per Arbitrum, fidem faciunt in iudicio, quando testes mortui sunt: si autem vivunt, est in optione illius, contra quem testes producti fuerunt, an velit attestaciones illorum recipere, vel has respuendo consentire, ut iidem testes amittantur iterum ad testificandum. Idipsum expresse habetur decisum in *L. ult. C. de Testib.*

12 Quaeritur II. Utrum Confessio sit species Probationis? Ratio dubitandi, et affirmativam tenendi, desumitur imprimis ex illo vulgato axioma: *Propria confessio, est optima probatio.* Nam nulla est major probatio, quam proprii oris confessio; ut inquit Maranta *cit. tit. de Confessione, num. 21.* Imo dicitur plenissima probatio; ut notat Petr. Philip. Corneus *Consil. 261. vol. 4.* Unde, quod Confessio numeretur inter genera Probationum, notat Glossa in *L. 1. §. Quemadmodum. C. de Edendo.* Maranta *loc. cit. num. 1.* Eamque proprie esse probationem, censet Aretinus in *Rubr. infra de Probat.* et Salicetus in *Rubr. C. de Probat.* quos pro hac sententia citat Jason in *l. Cum te transegisse. num. 11. de Transact.* Accedit textus in *cap. 1. h. t. in 6.* ubi dicitur, quod positiones negativae probari non possunt, nisi per confessionem adversarii: et sic dictio, *Nisi*, stat exceptive. Atqui exceptio debet esse de regula, seu debet contineri sub generalitate verborum in regula expressorum: ut puta, si regula est de homine, etiam exceptio debet esse de homine, et non de bove vel asino, aut alia specie animalium. Dynus ad *Rubric. de Reg. Jur. in 6. num. 15.* Bartolus in *l. Si eum. §. Qui injuriarum. ff. Si quis cautionibus.* et alii. Ergo et confessio debet esse de genere probationum; alioquin frustra in *cit. cap. h. t. in 6.* exciperetur. His tamen non obstantibus.

13 Resp. Confessio proprie non est probatio, sed probationis relevatio. Ita Glossa, et Abbas ad *Rubric. h. t.* et idem Abbas ad *Rubric. tit. de Probation. nu. 3.* Archidiaconus *can. Accusator. 6. q. 5. num. 2.* Jason *loc. cit. n. 9.* et seqq. hanc appellans communem sententiam. Antonius Rigos in *repatit. c. At si Clerici. n. 11. et seqq. de Judiciis*, et alii. Fundamentum hujus Conclusionis desumitur imprimis ex definitione utriusque. Nam, quando volumus ostendere proprietatem rerum, confugimus ad earum definitionem: at-

qui alia est definitio Confessionis, alia Probationis: haec enim est rei controversae per legitima argumenta facta ostensio; Confessio autem est ejus, quod ab adversario intenditur, in vel extra judicium, facta asseveratio; ergo. Accedit textus c. Cum causa. 5. de Raptorib. ubi clare distinguitur inter probationes, et confessionem, tanquam inter diversa, illis verbis: Si vel ex probationibus, vel ex mulieris confessione claruerit: et consequenter Confessio inter Probationes proprie non connumeratur. Unde et diversae Rubricae de his in Jure exant. Nec immerito prius in specie agitur de Confessione, quam in genere de Probationibus: tum quia Confessio potius est relevatio probationis, quam vera probatio: tum ne alioquin illam sub probationibus, velut speciem sub genere, contineri videatur.

14. Accedit, quod post Conclusionem in causa non admittatur probatio aliqua, c. Cum dilectus. 9. de Fide instrument. bene tamen confessio partis, c. Cum Joannes. 10. §. Porro eod. Insuper contra praesumptionem juris et de jure, non admittitur probatio in contrarium, c. Is qui fidem. 30. juncta Glossa ibid. §. Contra praesumptionem. de Sponsalib. bene tamen contra eam admittitur confessio partis, pro qua erat praesumptio. Felinus in c. Quoniam contra. n. 30. de Probation. post Glossam in l. In contractibus. §. Nullo modo. C. De non numerat. pecun. et alios. Unde consequens est, quod Confessio proprie non sit Probatio, sed potius relevatio probationis: adeoque quod in Statuto faciente mentionem de Probationibus, in materia odiosa non comprehendatur Confessio. Abbas ad Rubric. tit. de Probationibus. n. 3. Jason ubi supra n. 9.

15. Ad rationes dubitandi num. 12. allatas dici potest, confessionem imprimis merito appellari optimam probationem, cum sit ulterioris probationis, caeteroquin per Actorem faciendas, relevatio. Quare etiam confessio judicialis recte vocatur plenissima probatio, utpote post quam alia probatione opus non est; eo, quod confessi in jure, pro judicatis habuantur, L. 1. ff. de Confessis, cum similibus. Ad Glossam in L. 1. C. de Edendo, respondetur per idem: quia et tum ipsi Glossae, tum Auctoribus in contrarium stantibus, opponitur alia Glossa una cum Auctoribus pro conclusione n. 13. jam allegatis.

16. Ad cap. 1. h. 2. in 6. respondetur cum Jazone in cit. l. Cura te transegiro. n. 9. et 10. C. de Transact. per illud inter alia probari Conclusionem nostram. Ibi siquidem aperte dicitur, quod positiones negativas (quae probari non possunt, nisi per confessionem adversarii) iudices admittere possint; neque confiteri per partes, etsi non probari: ergo hoc ipso confessio, non est propria probatio. Nec urget dictio Nisi, quae videtur esse exceptiva. Nam, quia in multis confessio assimilatur probationi, imo est melior ista, et ipsius probationis relevatio: non frustra Pontifex apposuit ly, Nisi per etc. Accedit, quod aliquando dictio Nisi non capiatur exceptivae, sed determinativae, arg. c. Abbata sane. §. Secus autem. de Sentent. et re judicat. et c. Consultationibus. 10. in fin. de Offic. Delegat. et notat Anton. Bargas ubi supra, n. 15. post Jo. Andream, et Dominicum in cit. c. Abbata sane. Atque hac ratione, non determinativae solum, capiendo ly Nisi, corrumpit totum fundamentum contrariae sententiae, ex cap. 1. h. 1. in 6. desumptum.

17. Queritur III. Quenam requirantur ad validam Confessionem praesertim judicialem? Resp. Plures ad hanc requiruntur conditiones: adeo, ut Glossa in cap. ult. §. Confessus et Abbas ibid. a num. 6. usque ad n. 16. h. 1. decem earum enumeret, quae

dicta Glossa melioris memoriae gratia sequentibus versiculis comprehendit.

Major, sponte, sciens, contra se ubi iussit, et hostis.

Certum, lisque: favor, jus nec natura repugnet.

His nonnulli quasdam alias superaddunt conditiones; prout videre est apud Hostiensem in Summa; h. t. num. 1. Joseph. Mascardum de Probationibus, a Concl. 344. usque ad Concl. 392. sumissime materiam de Confessione pertractantem, et alios. Earum praecipuas, et juxta ordinem in praecallegatis Glossae versiculis observatam, jurabit breviter huc alligare.

I. Condicio ad confessionis validitatem requisita, denotatur per ly, Major: hoc est, ut confessus existat major viginti quinque annis. Siquidem confessio a Pupillo facta sive Tutoris auctoritate, ipso jure nulla est, et invalida, l. Certum. §. In pupillo. ff. de Confessis: nam aetas impuberum quid videat, ignorat; L. 6. C. de Falsa monet. Puberum autem, seu Minorennum, confessio mero quidem jure valet, tamen ipsi graviter laesi adversus eam restituuntur, cit. l. Certum. §. In pupillo. ff. de Confessis. Et haec praecipue locum habent in causis civilibus: nam de causis eorum criminalibus, patet ex dictis supra Tit. 1. de Judiciis. §. 6. n. 156. et 159.

II. Condicio in allegatis versiculis per ly, Sponte denotata, consistit in hoc, quod confessio fiat sponte, et non coacte, can. Lotharius. 31. q. 2. Glossa, et Abbas, ubi supra, et alii. Unde si quis pro magna angustia tormentorum confiteatur, non nocet ei talis confessio, nisi in ea perseveraverit post depositionem tormentorum, L. 1. §. Divus Severus. juncta Glossa §. Pro exploratis. ff. de Quaestionib. Hostiensis cit. n. 1. vers. Sponte. Mascardus Concl. 353. num. 1. et seqq. fusius hanc materiam declarans.

III. Condicio indicatur per ly, Sciens: hoc est, quod confessus sit sano mentis, et compos rationis, ac proinde sciat, quid agat. Unde si furiosus confiteatur, non valet ejus confessio; cum nullam negotium contrahere possit, l. In negotiis. ff. de Reg. Jur. et c. Sicut tenor. 15. de Regularib. cum similibus. Idemque dicendum de phrenetico mente alienato, can. ult. de Successionib. ab intestat.

Atque hoc ampliatur ad confessionem, quae est facta calore iracundiae; quia non nocet, nisi detur perseverantia in ea. Textus est in l. Quidquid calore. ff. de Reg. Jur. et l. Divortium non est. ff. de Divort. Exemplum hujus refertur in c. Ex litteris. 5. de Divort. ac notat Glossa §. Admonita. et Abbas n. 10. ibid. et Aloys. Riccius Praxis part. 1. resolut. 583. n. 4. istud extendens ad accusationem factam calore iracundiae; quia debet per Judicem aboleri, L. 2. C. de Abolition. Nec immerito: quia homo vehementi calore iracundiae promotus, non est omnino suae mentis compos, et iratus non distat a furioso, nisi in tempore. Mascardus de Probationib. Concl. 346. n. 20. et 21. citans alios.

IV. Condicio confessionis praejudicium generantis, insinuat per ly, contra se: hoc est, ut confessio fiat contra semetipsum, seu ad obligandum se alteri. Nam si confessio fiat pro se, seu ad obligandum alterum sibi, puta confitendo, quod sibi Titius debeat decem, tunc ei non habetur fides, etiamsi millies fiat, nisi aliunde probetur debitum: siquidem nullus testis idoneus in sua re intelligitur, prout legitur can. Si testes. §. Nullus. 4. q. 3. et l. Nullus. ff. de Testib. et notat Glossa magna in L. un. C. de Confessis. Hostiensis cit. n. 1. vers. Contra se. Speculator tit. de Confessionibus. §. Nunc videndum. n. 7. et communis.

Ampliatur istud, ut procedat, etiamsi in mortis articulo fiat talis confessio, quae quis v. g. certam pecuniae quantitatem aut etiam res certas sibi de-



beri significaverit, per textum notabilem in *l. Rationes. C. de Probatione*. Nam, ut Imperator. in *l. ult. C. de Conveniendis fisci datorib.* in simili pronunciat: *Iniquissimum esse perspicimus, ut sub propria annotationis manu ( seu confessione ) unusquisque sibi faciat debitorem.* Concordat textus in *l. Exemplo. C. de Probat.* ubi similia habentur.

24. Ampliatur ulterius, quod generaliter confessio unius non probet in praejudicium alterius; ut *can. Interrogatum. 2. q. 3.* juncta Glossa *ibid. §. Profitetur. et can. Nominis. 15. q. 3. et c. Dilactus, de Capell. Monach.* Hostiensis in *Summa. num. 1. vers. Item ideo. h. t.* Mascardus *loc. cit. Concl. 386. n. 1.* cum aliis. Et merito: quia alioquin foret in potestate confitentis, dicere, quod vellet: et sic posset jus alteri, quæsitum pro sua prava voluntate auferre: contra illud Jure naturali notum, atque in *l. Non debet. ff. de Reg. Jur.* clarius expressum, illis verbis. *Non debet alteri per alterum iniqua conditio inferri, cum similibus.* Hinc confessus criminis, non probat contra socium criminis, *cap. 1. juncta Glossa: §. Confessio h. t. et amplius dicitur §. 4. n. 107. et seqq.*

25. Similiter confessio mariti, dicentis, dotem uxoris a se receptam fuisse, non probat in praejudicium creditorum, vel aliorum, quo minus hi possint proponere exceptionem, non numeratae dotis, donec solutio hujus aliis modis rite probetur, *l. Assiduus. juncta Glossa §. Datae. C. Qui potiores in pignora etc.* Mascardus *de Probat. Concl. 362. n. 1. et seqq.* Marescottus *lib. 1. var. Resolut. cap. 8. et alii.* Adeo, ut talis confessio mariti non probet, dotem ab eo esse receptam, quamvis fuisset jurata. Gabriel. *de Donation. Concl. 3.* Mascardus *loc. cit. n. 4.* allegans alios. Qui tamen postea *n. 11. et 12.* istud solummodo procedere inquit, quando ejusmodi confessio videretur facta in fraudem creditorum, vel aliorum; quod colligendum censet ex qualitate personarum, aut quantitate pecuniae confessatae, vel aliis circumstantiis, atque conjecturis: nam cessante omni suspitione fraudis standum esset tali confessioni, etiam adversus creditores, juxta Baldem *Consil. 352. lib. 3. et Raphael. Cumanum. Consil. 31. et alios.*

26. V. Conditio confessionis valida est, quod fiat in judicio; sive, ut loquuntur allegati versiculi, *Ubi jus fit. VI.* Ut fiat praesente adversario: quae conditio ibidem denotatur, per *ly, Et hostis.* Verum de his duabus conditionibus, et an semper requirantur, plura in progressu.

27. VII. Conditio importatur per *ly, Certum.* Atque per hanc excluditur imprimis confessio incerta: haec enim nihil probat; sed interrogatus in judicio, debet cogi, ut certum confiteatur, *l. Certum. ff. de Confessis.* Hostiensis in *Summa. num. 1. vers. Certum. quid. h. t.* Eo quod super re incerta non possit dari certa sententia, *can. Grave satis. 11. q. 3.* Deinde per eandem conditionem excluditur confessio erronea. Haec enim potest revocari: ut *cap. ult. h. t.* Et probato errore non praejudicat confitenti, etiamsi fuisset acceptata, saepius repetita imo et jurata; prout amplius ostendit Abbas in *cap. ult. num. 1. et 20. ac seqq. h. t. et Mascardus de Probationib. Concl. 378. num. 1. et seqq.* allegans communem. Siquidem non fatetur, qui errat, nisi in jure erraverit, ut dicitur *l. 2. ff. de Confessis.*

28. VIII. Conditio est, quod confessio sit facta de re litigiosa; prout indicat dictio, *Lisquis* in allatis versiculis contenta; et desumitur ex *l. Confessionibus. ff. de Interrogat. actionib.* alioquin secus. Unde, si confiteor quempiam, qui vere et extra controversiam liber homo existit, esse servum meum,

non praejudicat mihi confessio in actione noxali, *arg. cit. l. Confessionibus;* et notat Abbas in *d. cap. ult. n. 16. h. t.*

IX. Conditio, ad concessionem praejudicialem, requisita, est, quod ipsi *favor non repugnet*; ut loquuntur versiculi allegati. Exemplum hujus ponit Glossa in *cit. cap. ult. §. Confessus, et Abbas ibid. n. 16. h. t.* quando confessio fit contra libertatem; ut puta, quando quis confitetur, se esse servum: quia talis confessio non nocet, dummodo possit probari contrarium; ut *l. Interrogatam. juncta Glossa fin. C. de Liberal. caus.* Verum istud exemplum parum facit ad propositum: nam ex una parte generalis est, et cacteris etiam negotiis commune, quod confessio erronea non noceat, dummodo possit error probari ut dictum *n. 27.* Ex altera vero parte constat ex *l. Jubemus. c. de Liberal. caus.* quod confessio coram competenti Judice facta, valeat etiam contra libertatem: intellige, nisi probetur esse erronea.

Aliud itaque hujus exemplum ponit Hostiensis in *Summa, cit. num. 5. vers. Nisi favor. h. t.* in causa matrimoniali: quia non valet confessio contra matrimonium, ejusque valorem, ut *c. Super eo. 5. De eo, qui cognovit consanguin. uxoris suae.* Idque ex eo: quia causa matrimonii est favorabilis, *c. Directae. 39. de Appellat. et cap. ult. de Sentent. et re judicat.* sicque confessioni contra ejus validitatem factae, repugnat favor Juris Communis. Et alioquin facile posset fieri collusio partium, contra matrimonium confitentium, *cit. c. Super eo.* si ad solam ipsarum confessionem posset dissolvi.

Cacterum, si pro matrimonio confessionem fieri contingat, tunc statur tali confessioni, *cap. 2. de Clandestin. desponsat.* Dummodo nullum praejudicium exinde pareretur cupiam, neque obstarret aliquod impedimentum. Disparitas inter hoc, et priorem casum, desumitur ex favore animae, ac periculo peccati: tale enim immineret, si ad solam partium confessionem dissolveretur matrimonium, forsitan antea jam validum; non ita ex ejus contractu, si aliud non obsistat. Hostiensis in *Summa, h. t. n. 2.*

X. Conditio validae confessionis est, quod ipsi *nec jus, nec natura repugnet.* Nam uno horum repugante confessio non praejudicat; sed veluti nullius valoris rejicitur. Exemplum prioris est: Si Christianus confiteatur, se contraxisse matrimonium cum persona infideli: tali enim confessioni repugnat Jus Canonicum, eo quod juxta illud nequeat dari matrimonium validum Fidelis cum Infideli, ob impedimentum dirimens Disparitatis cultus. Et idem accidit in aliis similibus.

Exemplum posterioris est: Si quis confiteatur, se occidisse Titium, qui tamen adhuc vivit. Item, si confiteor, quempiam esse meum filium, qui est majoris aetatis, quam ego: prout exemplificat Glossa in *cit. cap. ult. §. Confessus, et Abbas ibid. num. 16. h. t.* Proinde, ut confessio praejudicet, necesse est inter alia, ut saltem naturalibus conveniat: alioquin non tam confessio, quam mendacium monstruosum esse censetur. Hostiensis, *ubi supra.*

Quod si nonnullae aliae conditiones ad validam confessionem requirantur, eadem commodius in progressu declarabuntur, resolvendo speciales circa Confessionem tum judicialem, tum extrajudicialem quaestiones.

§. II.

De Confessione Extrajudiciali.

SUMMARIUM.

- 35 Confessio extrajudicialis potest varie fieri.  
 36 Hic sermo est de Confessione extrajudiciali legitime probata.  
 Et qualiter ea probetur? Ibid.  
 37 Confessio extrajudicialis praesente adversario, et cum adiectione causae facta, in civilibus plene probat. Et num. seqq.  
 38 Idque probatur.  
 39 Pars adversa, quando censeatur esse praesens?  
 40 et 41. In causis criminalibus, quam vim probandi habeat confessio extrajudicialis?  
 42 et 43. Confessio solum incidenter facta, plene non probat.  
 44 Referuntur casus, in quibus confessio extrajudicialis plene non probat, etiam causa expressa. Et num. seqq.  
 45 Confessio facta calore iracundiae, non probat, nisi datur perseverantia in ea.  
 46 et 47. An, ut confessio extrajudicialis plene probet, requiratur ejus acceptatio?  
 48 Consultum est, ipsam expresse acceptare.  
 49 Facta praesente adversario, sed sine causae adiectione, plene non probat etc.  
 50 Fallit hoc in pluribus. Et num. seqq.  
 Confessio extrajudicialis, etiam sine addita causa plene probat liberationem. Ibid.  
 51 Dummodo fiat ab illo, qui jure proprio eam facit: secus, si nomine alieno, ut Procurator etc.  
 52 Confessio jurata, etiam sine causa, plene probat.  
 53 Sicut et confessio geminata.  
 54 Confessio extrajudicialis absente parte facta, plene non probat.  
 55 Ampliando hoc ad confessionem in judicio factam.  
 56 Istud procedit regulariter, patitur tamen quasdam fallentias.  
 I. Quando intervenit juramentum. Ibid.  
 57 II. Quando facta est cum expressione causae per scripturam etc.  
 III. Vel fuit geminata ex intervallo. Ibid.  
 58 IV. Aut ab alio acceptata nomine alterius.  
 V. Seu facta favore causae piae. Ibid.  
 59 VI. Confessio parte absente facta, de aequitate canonica facit plenam probationem.  
 60 Dummodo confessio illa fuerit plene probata; et qualiter ita probetur?  
 61 Simulque ea fiat animo deliberato, ac serio; sitque certa, et aequivoca.  
 De aequitate canonica idem praestat sermo superior, ac juramentum. num. 59.  
 85. Queritur I. Quam vim probandi habeat Confessio extrajudicialis, praesente adversario facta? Et notanter additur, praesente adversario facta. Varie enim potest fieri Confessio extrajudicialis; videlicet praesente, vel absente adversario, sive eo, in cuius favorem ipsa tendit. Item cum adiectione causae, vel sine expressione hujus: cum juramento, vel sine juramento: geminata, vel duntaxat semel. Et de omnibus istis speciatim est dicendum, incipiendo de Confessione extrajudiciali, praesente adversario facta.  
 36 Loquimur autem hic de confessione extrajudiciali legitime probata: sive, quam a se factam esse, vel ulro quis in judicio constituitur, vel saltem per duos legitimos testes probatur. Alio-

quin enim, si quis negaverit ejusmodi confessionem a se factam, procul dubio nulla exinde probatio desumi poterit, donec adversarius eam factam esse rite probaverit. Quod autem ipsa rite probetur per duos testes contestes, seu eandem confessionem in sua praesentia factam esse deponentes, indubitati juris est, per textum in c. Licet. 23. de Testib. et c. Relatum. 11. de Testamen. cum similibus: ubi illud Salvatoris Matth. 18. refertur: In ore duorum, vel trium testium stat omne verbum. Atque amplius declarat Maranta part. 6. Speculi Aurei. tit. de Confessione. num. 14. Mascardus de Probationibus, Concl. 79. num. 1. et seqq. Quibus praenotatis

Resp. I. Confessio extrajudicialis praesente adversario, simulque cum adiectione causae facta, puta dicendo, Fateor me debere Titio centum vi mutui, in civilibus plene probat, etiam ad effectum inducendi obligationem. Ita Glossa in can. Testes. 3. q. 9. v. Audierunt. id probans ex l. Generaliter. C. de non numerat. pecun. Speculator tit. de Confessionibus. §. Nunc videndum. num. 5. et 6. Maranta part. 6. Speculi Aurei. tit. de Confessione, num. 6. Saonig h. t. cap. 3. nu. 2. Mascardus de Probationibus, Concl. 346. ubi, licet n. 1. cum plurimis aliis a se allegatis absolute doceat, confessionem extrajudicialem parte praesente plene probare: nihilominus hanc suam assertionem num. 25. et 26. cum aliis limitat, quando confessio ejusmodi facta est sine causa; quia tunc (inquit) plene non probat.

Conclusio haec desumitur ex l. Cum de indebito. ff. de Probationib. et amplius ex l. Generaliter. ff. De non numerat. pecun. Ubi Imperator istud in naturalem aequitatem refundit, illis verbis: Nimis enim indignum esse judicamus, quod sua quisque voce dilucide protestatus est, id in eundem casum infirmare, testimonioque proprio resistere. Concordat c. Per tuas. 10. de Probat. ubi Pontifex haec eadem verba allegat; indeque concludit, quod, postquam mulier asseruit, sese filium, quem in domum Titii reversa genuerat, ex eodem Titio suscepisse, quem etiam Titius pro suo filio agnovit, ejusdem mulieris juramento in contrarium praestito non amplius sit standum.

Additur notanter in Conclusionem, praesente adversario, simulque cum adiectione causae facta. Nam de confessione sine adiectione causae, vel parte absente facta, dicitur ex professo inferius 49. n. et 54. Solummodo hinc notandum est, quod Pars adversa (hoc est, illa, quae pro se allegat factam confessionem extrajudicialem) non solum tunc censeatur esse praesens, quando ipsa personaliter interest factae alterius confessioni, eamque intelligit, atque acceptat; sed etiam, quando praesens adest ipsius Nuntius, sive negotiorum Gestor, et factam ejusmodi confessionem coram testibus pro-absente acceptat. Mascardus cit. Concl. 346. n. 3. post Gravettam Consil. 272. n. 16. et alios. Sufficit etiam, ut confessio dicatur fieri in praesentia partis, quod pars ibidem accidentaliter reperitur, etiam si confessionem expresse non acceptaverit; per textum in c. Cum dilectus. de Successionib. ab intestat. ibi: In praesentia Abbatis: ac notat Panormitanus ibid. n. 5.

Resp. II. Loquendo vero de causis criminalibus, confessio extrajudicialis cujuscumque delicti non probat, ut quis possit affici poena ordinaria: bene tamen, ut constitens subjiciatur torturae. Ita Rota Decis. 1. (alias 180.) de Confessis, in novis. Glossa An. in l. Capite quinto. et ibi Bartolus ff. ad Legem Juliam de Adulter. Jason l. Magistratibus. n. 4. et 5. ff. de Jurisdic. omn. judic. istud etiam concedens de confessione criminis facta coram Notario in absentia Judicis. Felius in c. Olim.

n. 2. et seqq. de Rescript. Maranta part. 6. Speculi Aursi. tit. de Confessione. n. 3. Mascardus. Concl. 498. n. 1. allegans alios. Ratio est: quia in causis criminalibus, ubi agitur de damno irreparabili vitae, vel membrorum, requiruntur probationes luce meridiana clariores, L. ult. C. de Probation. Atqui talis non est confessio extrajudicialis delicti; quinimo posset quandoque confessio criminis potius taedio vitae, aut ex desperatione emissae fuisse, quam ex conscientia criminis L. 1. §. Divus. et §. Si quis ultro. ff. de Quaestionib. ergo.

42. Atque hoc ampliatur, etiam si confessio criminis facta fuisset praesente parte adversa: nam praesentia partis nullam vim habet in criminalibus, ob rationem proxime dictam; et notat Felinus loc. cit. n. 4. Maranta cit. n. 3. Mascardus n. 10. et 11. allegans alios. Quia vero ex tali confessione gravis oritur praesumptio, ac iudicium contra contentem, merito asseritur, exinde locum esse torturae ad elicendam legitimam et judicialem confessionem.

43. Obijcies majoris claritatis gratia contra priorem, et datam num. 37. Conclusionem. In cap. ult. de Successionib. ab intestat. legitur facta confessio in praesentia partis, puta Abbatis, quod quis se et sua obtulerit Monasterio, sicque non possit condere testamentum: et tamen confessio illa plene non probavit, sed semiplene duntaxat, ut patet ex Littera; ergo. Resp. cum Abbate in cit. cap. ult. n. 16. et Jason. in Repetit. l. Admonendi. n. 158. ff. de Jurjurand. et aliis, id contingit ex eo: quia ibi confessio solum facta fuerat incidenter, videlicet occasione requisitionis aliorum, ut conderet testamentum; non autem principaliter, ac propter se. Si quidem ibi non agebatur, nec quaerebatur, an confessus se et sua Monasterio obtulerit; sed quia is requirebatur a circumstantibus, ut conderet testamentum, ad excusandum se a confessione testamenti confitebatur, quod jam se et sua Monasterio obtulerit, sicque amplius nequeat facere testamentum. Unde liquet, quod confessio illa solum facta fuerit incidenter.

43. Porro, quod confessio solum incidenter facta non praepjudicat contenti, seu plene contra eum non probet, sed ad hoc requiratur, ut quis confiteatur principaliter propter illud; tradit Abbas loc. cit. n. 16. et in c. Inter dilectos. n. 6. de Donation. post Bartolum in l. Si confessus. n. 3. ff. de Custod. reor. et Farinacius lib. 3. quaest. 81. num. 219. citans plurimos alios; atque pro regula ponens, quod confessio incidenter emanata de crimine, ad quod non agebatur, ad condemnandum non sufficiat: imo etiam ad torturam indicium non faciat, quando ejusmodi confessio extrajudicialis incidenter, seu ad alium finem et effectum, emanata fuit, prout idem num. 228. subjungit. Concordat Mascardus Concl. 483. de Probationibus. n. 1. et seqq. post Decium in c. At si Clerici. n. 19. et seqq. et Canonicas communiter, de Judic. concludens, confessionem incidenter factam non probare. Unde si Titius a me petat mutuo centum florenos, et ego, ut me excusem, dixerim, Non habeo; imo ego ipse, quia indigebam, centum mutuo accepi a Cajio: non idcirco Cajus, licet praesens, istud audierit, poterit ex tali confessione contra me agere: cum hanc non fecerim principaliter super ipso mutuo Cajii, sed incidenter solum, videlicet ad me excusandum a dando mutuo; prout datam Conclusionem suam exemplificat Mascardus ibid. n. 2. allegans alios.

44. Obijces ulterius textum in l. In contractibus. et L. ult. C. de non numerat. pecun. nam ibi clare habetur, quod confessio ex causa mutui, etiam scriptis facta, imo et juramento firmata, plene non probet, sed intra biquinque possit adhuc opponi.

exceptio non numeratae pecuniae; nisi aliter probetur, numerationem pecuniae esse factam. Similiter exceptio non numeratae dotis potest intra certum tempus opponi, etiam si dotem a se receptam fuisse, maritus dotalibus instrumentis confessus sit, L. 1. et L. ult. C. de Dote certa non numerat. Insuper in Auth. Sive a me C. Ad S. C. Vallejanum, mulier contentius alienationi rei sibi propter nuptias assignatae, eandemque confitens, sibi non praepjudicat, nisi hoc fiat sub certa forma ibidem expressa: Ergo confessio extrajudicialis plene non probat, etiam si causa in ea fuerit expressa. Resp. cum Glossa in c. Si cautio. §. Confessione. et Abbate ibid. num. 8. ac seqq. de Fide instrument. datam Conclusionem, seu Regulam, fallere in allatis casibus, propter specialem Juris dispositionem: alias secus esset. Ratio autem specialitatis, est frugalitas humana in hisce casibus magis periculosa. Nam imprimis egestate pressus, ut pecuniam mutuum facilius acquirat, promptus solet esse ad transmittendam in scriptis attestationem de ejus receptione, antequam ipsam sibi mutuata re ipsa acceperit. Similiter maritus ex desiderio celeriter consequendi uxorem, de facili confitetur dotem a se jam receptam, quam in veritate nondum acceperat. In ultimo casu specialitatem suadet facilitas promittendi, et debilitas iudicii, qualis reperitur in sexu muliebri.

45. Estendum tamen, quod praeter jam allatos casus dentur adhuc aliae limitationes dictae Conclusionis. Puta, si confessio facta est calore iracundiae: talis enim non probat, nisi detur perseverantia in ea. l. Quidquid calore. ff. de Reg. Jur. et amplius ostendit Mascardus cit. Concl. 346. n. 20. Similiter non probat confessio facta per phreneticum, seu alienata mente loquentem, cap. ult. §. Nos causam. de Successionib. ab intestat. Tacentur nonnullae aliae limitationes, de quibus Mascardus de Concl. 346. Maranta cit. tit. de Confessionibus, et alii.

46. Queritur. II. An ad hoc, ut Confessio extrajudicialis praesente adversario facta cum causae expressione plene probet, requiratur ejus acceptatio? Resp. In hujus resolutione variant Doctores. Et quidem non pauci ad id requirunt expressam partis acceptionem; ut Felinus in c. Si cautio. n. 23. de Fide instrument. et Alexander Consil. 20. n. 1. lib. 4. qui istud desumunt ex ipsa significatione vocabuli: quia Confessio est idem, quod simul fassio: nam proprie confiteri idem est, ac simul fari. Eandem sententiam tenet Jason in l. Tale pactum. n. 7. ff. de Pactis. et l. Postquam liti. nu. 2. C. eod. post Cynum in L. un. in 6. quaest. de Confessis, et Sollicitum in l. Generaliter. in 5. quaest. C. De non numerat. pecun. et l. Jubemus. C. de Liberal. caus. ubi refert, se saepius ita consuluisse: et plures alii, quos Jason cit. n. 2. et Mascardus Concl. 346. n. 11. et seqq. et Concl. 498. n. 12. ac Farinacius lib. 3. Praxis criminalis, quaest. 82. n. 7. pro hac sententia allegat.

47. Oppositam nihilominus sententiam, videlicet, ejusmodi expressam acceptionem factae in sui favorem confessionis non requiri; tenet Abbas in c. Cum dilectus. n. 5. de Successionibus ab intestat. Antonius de Butrio in cap. ult. num. 12. de Confessis. Socinus. Consil. 228. n. 6. ubi dicit, hanc esse reverentiam. Maranta part. 6. Speculi Aursi. tit. de Confessionibus. n. 2. asserentis, hanc partem communiter teneri. Pirhing h. t. nu. 36. Farinacius loc. cit. n. 8. et Mascardus de Concl. 346. n. 14. citans alios, hancque appellans communem opinionem. Ratio est: quia, cum confessio fiat in favorem praesentis, praesumitur acceptatio ex parte ejus, dummodo non contradicat: ergo non est opus alia expressa acceptione. Antecedens patet ex Reg. 43. Juris.



in 6. *Qui tacet, consentire videtur*: quam Regulam procedere in facto concupiscibili, censet Glossa in c. *Is qui tacet*. 44. *cod. in 6.* Concordat textus in l. *Qui patitur*. ff. *Mandati*, juncta Glossa fin. *ibid.*

48 In proxi tamen consultissimum erit expresse acceptare confessionem alterius, quae tendit in favorem suum. Tunc enim confessio ita praepjudicat constitenti, ut postea eam revocare non possit: atque in hoc sensu videtur intelligenda prior opinio. Quod si vero quaeratur de acquisitione juris tantummodo, quod competit parti ex tali confessione sibi favorabili, tunc videtur locum habere posterior opinio: atque ita dictas extremas sententias inter se conciliat Mascardus cit. *Concl.* 346. nu. 16. post Purpuratum in l. *Postquam*. col. 9. C. de *Pactis*.

49 Quaeritur III. Utrum Confessio extrajudicialis praesente adversario, sed sine adjectione causae factae plene probet? Resp. I. Hujusmodi confessio regulariter plene non probat; facit tamen aliquam praesumptionem, imo et semiplenam probationem, quando per eum, qui instituit tali confessioni, allegatur causa. Ita Speculator tit. de *Confessionibus*. n. 7. Alexander *Consil.* 4. n. 2. et 12. vol. 1. Jason in *Repetit. l. Admonendi*. n. 158. vers. *Quid in confessione*. ff. de *Jurejurand.* Maranta part. 6. *Speculi Aurei*. tit. de *Confessione*, n. 6. Mascardus *Concl.* 345. n. 1. et *Concl.* 346. n. 26. et Barbosa c. *Si cautio* nu. 2. de *Fide instrument.* cum aliis, quos allegat. Idque desumitur ex d. c. *Si cautio* 14. de *Fide instrument.* ubi hoc ipsum deciditur de confessione per cautionem, seu scripturam indeterminatam, hoc est, sine expressione causae ipsius debiti factae. Concordat textus in l. *Nuda Ratio*, juncta Glossa fin. ff. de *Donatione*. et l. *Cum de indebito*. §. *In omnibus* ff. de *Probationib.* et l. *Instrumenta*. C. *cod.* In quo posteriori loco inter alia dicitur, quod privata testatio se sola sufficiat ad probationem, si non aliis quoque adminiculis adjuvetur: et sic, argumento a sensu contrario desumptum, facit semiplenam probationem, quae una cum aliis adminiculis plene probat. Ad idem facit cap. ult. de *Succession. ab intest.* ubi Abbas n. 17. et alii.

50 Resp. II. Data tamen Conclusio est limitanda in pluribus casibus. Primo, ut procedat solum, quando ejusmodi confessio sit ad obligandum semetipsum alteri: secus si fiat ad liberandum alterum: ut puta, si quis in praesentia partis, et testium dicat: *confiteor, te mihi ad nihil teneri*. Talis quippe confessio, etsi fiat sine addita alia causa, plene probat liberationem: ut l. *Tale pactum*. et ibi Bartolus, in *summario*, et Jason n. 1. ac seqq. ff. de *Pactis* Speculator, ubi supra n. 7. addita ea ratione disparitatis: quia promptiores debemus esse ad liberandum, quam ad obligandum, l. *Arianus*. ff. de *Actionib.* et obligat. Felinus c. *Si cautio*. n. 7. de *Fide instrument.* Maranta loc. cit. n. 6. Mascardus cit. *Concl.* 346. n. 26 et 27. et alii.

51 Solum adde, quod haec limitatio sit vera, quando confessio sit ab eo, qui jure proprio eam facit: secus, si numine alieno: ut in Procuratore, et Administratore. Siquidem horum confessio sine adjectione causae, non valet ad liberandum. l. *Non abstulit*. C. de *Novationib.* ac notat Additio ad Felinum in cit. c. *Si cautio*. num. 7.

52 Limitatur secundo data Conclusio, quando intervenit juramentum: quia confessio jurata etiam sine causa, plene probat: istud enim suadet religio juramenti. Abbas in cap. ult. num. 19. de *Succession. ab intestat.* id documens ex Auth. *Quid obtinet*. C. de *Probation.* Felinus in d. c. *Si cautio*. n. 24. et 25. et Barbosa *ibid.* n. 2. de *Fide instrument.* Maranta, ubi supra, n. 4. Covarruvias part. 2. c. *Quamvis pactum*. de *Pactis* in 6. §. 4. n. 26. Mascardus cit. *Concl.* 345. n. 18. allegans plurimos alios.

Limitatur tertio, quando confessio sine expressione causae facta, et geminata: quia tunc praesumitur causa. Felinus in cit. c. *Si cautio* n. 14. et Abbas *ibid.* n. 2. de *Fide instrument.* Bartolus in l. *Cum scimus*. n. 2. C. de *Agricol.* et censit. lib. 11. Maranta loc. cit. n. 15. Mascardus de *probationib.* *Concl.* 347. num. 37. Farinacius lib. 3. *quaest.* 82. num. 13. citans alios. Accedit ratio: quia confessio geminata (hoc est, reiterata ex intervallo, et non uno ac eodem tempore repetita) ipsaque ejus geminatio, demonstrat enixam mentem sese obligandi: ut l. *Si mulier perfectas*. C. ad S. C. *Velleian.* Ac proinde confessio geminata equiparatur confessioni judiciali, eandemque habet vim, ac si in judicio facta fuisset. Ludov. Romanus *Consil.* 290 num. 7. Tacentur nonnullae aliae limitationes, apud Felinum, et Mascardum, ubi supra, videndae.

54 Quaeritur IV. Utrum Confessio extrajudicialis absente parte facta, probet? Resp. I. Quando in civilibus sit confessio extrajudicialis absente parte, et tum adjectione specialis causae, tunc ea caeteroquin rite probata inducit semiplenam probationem, non autem plenam. Ita Glossa in c. *Si cautio*. §. *Si causam*. et Abbas *ibid.* n. 6. et 7. Felinus n. 24. ac seqq. de *Fide instrument.* et rursus Abbas in cap. ult. n. 16. de *Succession. ab intestat.* Bartolus l. *Admonendi*. §. *His promissis quaero*. ff. de *Jurejurand.* Alexander *Consil.* 24. vol. 2. Maranta, ubi supra, n. 2. Jason in *Repet. cit. l. Admonendi*. n. 158. ff. de *Jurejurand.* hanc appellans communem opinionem, a qua non sit in consulendo, vel judicando recedendum. Pirhing h. t. nu. 36. et alii: quamvis non desint, qui volunt, talem confessionem ne quidem semiplene probare; licet, si fuerit conjuncta alteri verisimilitudini ratione loci, vel temporis, praesumptionem faciat, et transferat onus probandi in adversarium: prout videre est apud Mascardum de *Probationibus*, *Concl.* 347. n. 25. et 26.

55 Atque istud ampliatur ad confessionem in judicio factam parte absente: nam etiam talis plene non probat, per textum in l. *Certum*. §. *Si quis absente*. ff. de *Confessis*. et l. ult. juncta Glossa §. *Non valere*. de *Interrogat. action.* Felinus in cit. c. *Si cautio*. n. 22. et Abbas nu. 6. de *Fide instrument.* Mascardus de *Probat.* *Concl.* 347. num. 3. citans plures alios. Idque praeter Jura jam allegata, suadetur ratione: Tum quia non praesumitur quis velle se obligare absenti, nisi aliis adminiculis ejusmodi confessio fuerit reprobata, l. *Cum scimus*. C. de *Agricol.* et censit. lib. 11. Tum quia confessio facta parte absente, etiam in judicio, non videtur facta ex certa scientia, sed potius ex abrupto, vel ex aliqua occasione: saepe enim ad se excusandum dicit quis se debitorem, cui in veritate ad nihil tenetur, prout discursit Abbas cit. n. 6.

56 Resp. II. Data proxime Conclusio regulariter quidem procedit, patitur tamen plures limitationes, seu fallentias, quarum tredecim enumerat Felinus in cit. c. *Si cautio*. nu. 25. et seqq. de *Fide instrument.* Et I. quidem, quando intervenit juramentum. Quia enim juramentum supplet absentiam partis, eo quod per illud obligatio acquiratur Deo, qui ubique est praesens: et quia ob religionem juramenti appositum censetur quis magis praemeditate, atque ex certa scientia, ad actum accessisse: hinc confessio etiam parte absente facta, si sit jurata, plene probat. Felinus cit. n. 25. Bartolus in l. *Cum quis decedens*. §. *Codicillis* ff. de *Legat.* III. Jason in *Repetit. l. Admonendi*. n. 258. ff. de *Jurejurand.* Pirhing h. t. n. 38. Mascardus cit. *Concl.* 347. n. 49. allegans alios.

II. Fallit dicta Regula, quando confessio cum expressione causae facta est parte absente per

scripturam, sive instrumentum aliquod. Etenim scriptura semper loquitur, sicutque plene probat, nisi quis possit ostendere errorem, aut probare contrarium. *c. Si cautio. 14. de Fide instrument. et l. Generaliter C. De non numerat. pecun.* Id ipsum procedit, si confessio fuerit facta per Epistolam, *l. Publica. ff. Depositi*: quia per Epistolam censetur quis loqui abseuti, cui praesentatur. Aut si ea facta est in scriptura Libelli, vel exceptionis, prodacta per partem, *l. Cum precum. C. de Liberal. caus.* Vel in Libro rationum: quia, si pervenerit talis scriptura ad adversarium, videtur loqui vice partis, et ideo praepjudicat. Felinus, *ubi supra, n. 31. 34. et 36.* Mascardus *d. Concl. 347. n. 81.* citans alios; idque ulterius probans *ex l. Desiderium. C. Depositi.*

III. Fallit, quando confessio extrajudicialis parte absente una cum causae expressione, ex intervallo fuit geminata, et per testes legitime probata. Felinus *loc. cit. n. 39.* Abbas *c. Si cautio. n. 12. de Fide instrument.* id intelligens, nisi confessus vellet in se suscipere onus probandi, confessionem ex errore factam. Bartolus *in l. Cum scimus. C. de Agricol. et censit. lib. 11.* Pirhing *cit. n. 38.* et concordant dicta paulo superius *n. 53.*

58 IV. Fallit, quando confiteor, me debere aliquid Titio ex certa causa in praesentia alicujus, qui talem confessionem recipit nomine Titii, quamvis non habeat ad hoc speciale mandatum, neque sit nuntius ipsius: quia, si postea Titius ratum habeat, prodest talis confessio Titio. Felinus *cit. c. Si cautio. n. 37.* citans Imolam *ibid. de Fide instrument.* et alios.

V. Fallit, quando confessio parte absente facta est favore causae piae: nam probat, eo quod Deus ubique sit praesens, dictamque confessionem propria causa acceptare censeatur. Mascardus *cit. Concl. 347. n. 93.* post Tiraquellum *de Privileg. piae causae. Privileg. 116.* Baldus *in l. Generaliter. quaest. 10. C. De non numerat. pecun.* et alios.

69 VI. Et tacendo alias fallentias, apud Felinum, et Mascardum *ubi supra* videndas, confessio facta parte absente, de aequitate canonica facit plenam probationem: quia secundum aequitatem canonicam sola mens contententia videtur sufficere. Nam, quia iuramentum facit, quod confessio etiam parte absente, plene probet, ut *n. 56.* dictum: idem etiam de aequitate canonica videtur praestare simplex et seriosus sermo, sive confessio, *arg. can. Juramenti. 22. q. 5.* ubi dicitur, quod Dominus inter iuramentum, et loquelam nostram, nullam vult esse distantiam. Ea ita tenet, atque inter alia discurre Felinus *in cit. c. Si cautio. n. 27.* post Imolam, et Anton. et Card. *ibid. de Fide instrument.* Idemque tradit Alexander *Consil. 122. n. 4. vol. 7.* loquens de causis spiritualibus, atque ob favorem animae suae, cui voluit consistens, providere. Baldus *c. Innotuit. n. 3. de Election.* istud probans per textum ibidem: *Spontanea tibi, et secreta confessione: quae tamen plene probavit.* Socinus *in Fallentiis. reg. 63. vers. Fallit de aequitate canonica.* secundum quam (inquit) valet confessio etiam abacate parte: quia secundum aequitatem canonicam sola mens (exterius sufficienter expressa) sufficere videtur, Mascardus *cit. Concl. 347. n. 57. et 58.* allegans plures alios, qui attestantur de communi. Anton. Conciolus *in Allegationibus Forensibus, allegat. 8. n. 37.* post Rotam apud Burattum *Decis. 228. n. 3. et Decis. 233. n. 8. et Decis. 317. n. 6. et Decis. 792. n. 9. et Decis. 803. n. 4. et Decis. 828. n. 4.* addens quoque, ita tenere Doctores communiter. Rota apud Merlinum *Decis. 340.* Gabriel *de Confessis, Concl. 1. nu. 46.* citans alios: quamvis nonnulli contrarium tenuerint, quod refert Mascardus *cit. n. 57. vers. Sed consuluit.*

80 Caeterum memorata communis Doctorum opinio, seu quod confessio extrajudicialis, etiam facta ab-

sente parte, inspecta aequitate canonica plene probet, tunc demum procedit, si ipsa fuerit plene et legitime probata. Conciolus *cit. allegat. 8. n. 38.* post Gratianum *Consil. 2. n. 59. lib. 2.* et alios, et concordant dicta superius *num. 36.* Censetur autem ejusmodi confessio extrajudicialis plene ac legitime probata, quando de ipsa deponunt duo testes, contestes de loco, tempore et verbis. Rota apud Card. Cerro, *Decis. 33. num. 24.* Conciolus *d. allegat. 8. num. 39.* allegans insuper Ceucium *de Consil. quaest. 43. n. 29.* Cravettam *Consil. 267. n. 1.* et alios, unacum multiplici Decisione Rotae. Sufficit autem, quod testes concordent in substantia verborum, licet in cortice verborum discordare videantur. Gabriel *de Testib. Concl. 2. nu. 64. et seqq.* Rota apud Merlinum *cit. Decis. 340.* Farinacius *de Testib. quaest. 64. n. 68.* Quinimo confessio extrajudicialis probatur etiam testibus singularibus, quando concurrunt alia adminicula. Rota apud Bichium *Decis. 49.* Conciolus *d. allegat. 8. n. 43.* de quo tamen inferius *Tit. 20. de Testibus. §. 9. num. 297. et seqq.* agendo de singularitate adminiculativa testium.

Insuper, ut confessio extrajudicialis de aequitate canonica probet, necesse est, quod ea fiat animo deliberato, et serio; non autem ex joco, vel ex ignorantia, inadvertentia, et sine animo confitendi. Rota apud Bichium *cit. Decis. 49.* Neque ex calore loquacitatis inter comestationes, aut cum mulieribus. Rota *loc. cit.* Praeterea confessio ejusmodi, ut noceat, debet esse certa, et indubitata. Rota apud Rubicum *part. 8. Decis. 618. n. 21.* et apud Bichium *Decis. 75. n. 12.* ubi confessio aequivoca, et dubia, non nocet contententi: et ne noceat, sufficit, quod non sit omnino clara, Rota apud Bichium *Decis. 169. n. 17. et Decis. 479. n. 6. et Decis. 580. et 584. et apud Campagnum Decis. 174. n. 9.*

### §. III.

De effectibus et revocatione Confessionis judicialis.

#### SUMMARIUM.

62 Confessionis judicialis effectus, qui? Et num. seqq.

Haec plene probat, et inducit notorium juris. *Ibid.*

63 Confessio facta in judicio summario, probat etiam in plenario.

64 In causis civilibus habet vim sententiae, et rei judicatae.

65 Secus in criminalibus; et cur?

Antequam ex propria confessione Reus condemnatur ad mortem, debet constare de corpore delicti.

66 Confessio judicialis convalidat nullitatem Processus.

67 Atque excludit appellationem, praesertim in causis civilibus. Et *n. 70.*

68 In criminalibus ad excludendam appellationem plures requirunt, quod Reus simul et confessus, et convictus sit.

69 Reus, quibus modis censeatur esse convictus?

70 Confessio indistinctum excludit appellationem, etiam in criminalibus, nisi exprimat causa obfuscativa ipsius.

Intelligendo istud de vero confesso, secus in fecto confesso. *Ibid.*

71 An contra confesum in judicio debeat ferri sententia definitiva? Et ratio dubitandi.

72 In causis criminalibus haec omnino requiritur.

73 Imo et in causis civilibus.

74 Saltem post litem contestatam.

75 Et quando proceditur servato ordine judiciorum, alias secus. Et num. 73.

76 *Solvuntur rationes dubitandi.*

Nullae sunt partes judicantis in confidentes; quomodo intelligendum? *Ibid.*

77 *Confessio facta in judicio regulariter revocari non potest.*

78 *Nisi revocetur incontinenti.*

79 *Et quando dicatur revocari incontinenti?*

80 *Potest etiam ex intervallo revocari confessio, quando probatur per errorem facti contigisse.*

81 *Minorenes ex propria confessione graviter laesi, et quandoque Majorenes, restituantur in integrum.*

62 **Q**uaeritur I. Qui sint effectus Confessionis judicialis? Resp. I. Sunt multiplices. Imprimis enim confessio facta in judicio, non solum plene probat, atque Actorem ab onere probandi relevat; sed etiam facit rem manifestam, et inducit notorium juris. Textus est in *cap. ult. De Cohabitat. Cleric. et c. Cum olim. 24. de Verb. signif.* cum concordantiis; ac notat Mascardus de *Probationibus, Concl. 348. n. 1. et seqq.* et Farinacius *tom. 3. Praxis Criminalis, quaest. 81. nu. 3.* cum communi aliorum, quorum plurimos allegant.

63 **I**ntellige tamen istud de Confessione judiciali, caeteris conditionibus ad eam requisitis vestita, et nisi debite revocetur, vel probetur erronea. Quo modo intellecta Conclusio ampliatur, et extenditur, ut confessio facta in Judicio summario, quando tendit ad eundem finem et effectum, probet etiam in plenario. Innocentius in *cap. 2. de Ordin. cognit. Felinus c. Causam quae. il. 1. n. 7. de Testib. Abbas c. Cum super n. 12. h. t. Mascardus cit. Concl. 348. n. 9. Farinacius d. quaest. 81. nu. 100.* citans plures alios. Haud obstante, quod aliae probationes, quae factae sunt in Judicio summario, plene non probent in ordinario, nisi tunc testes fuissent producti, ac examinati servatis omnibus solemnitatibus Juris. Felinus *loc. cit. n. 5.* estque amplius dictum supra *Tit. 1. de Judiciis. §. 8. n. 191. et 192.*

64 **R**esp. II. Alius effectus Confessionis judicialis est, quod in causis civilibus habeat vim sententiae, ac rei judicatae. Ita communis; et patet ex *L. 1. de Confessis*; ubi dicitur: *Confessus pro judicato est, quia quodammodo sua sententia damnatur.* Concordat textus in *l. Post rem. ff. de Re judicat. et L. un. C. de Confessis.* ibi: *Confessus in iure, pro judicatis haberi placet.* In quo posteriori loco proin Bartolus §. *Tertio nota*, inquit, quod *judicialis confessio habet executionem paratam.*

65 **D**icitur notanter, in causis civilibus. Siquidem in criminalibus, praesertim majoribus, ob rei magnitudinem, et vitae humanae periculum, Reus confessus non habetur pro judicato; sed insuper requiritur sententia Judicis, per textum expressum in *L. Si confessus. juncta Glossa un. ff. de Custod. et exhibit. Reor. Bartolus in L. un. §. Opponi videtur ff. de Confessis. Zoësius cod. tit. ff. n. 14. Engel. h. t. nu. 1.* allegans communem. Accedit ratio: quia ad poenam, etiam ipso jure inflictam, quando requiritur exterior executio, nemo tenetur ante sententiam; ut habet communis Doctorum, estque amplius dictum *Lib. 1. tit. 2. De Constitutionibus. §. 10. n. 227. et seqq.* Quinimo, antequam Reus ex propria confessione possit condemnari ad mortem, oportet, ut constet de corpore delicti, puta; homicidium, quod quis confitetur se fecisse, re ipsa patratum esse, posset enim confessio criminis potius ex taedio vitae, aut desperatione, emissa fuisse, quam conscientia criminis, *L. 1. §. Divus. et §. Si quis ultro. ff. de Quaestionib.*

66 **R**esp. III. Ulterior effectus Confessionis judicialis est, quod convalidet nullitatem Processus, adeo,

quod ubi habetur propria confessio, non attendatur defectus ordinis judiciarii, quin confessus possit condemnari. Ita Innocentius in *c. Qualiter et quando. il. 2. n. 7. de Accusation. Abbas c. At si Clerici. n. 5. et n. 17. de Judiciis. Bartolus l. Si confessus. nu. 2. ff. de Custodia et exhibit. Reor. Farinacius cit. quaest. 81. n. 66.* allegans alios cum communi. Idque liquet ex *cap. 1. de Accusat. in 6.* ubi confessio facta in judicio coram Delegato sufficit ad condemnandum, etiamsi inquisitio facta fuerit non praecedente diffamatione; nec traditis antea Reo capitulis inquisitionis; haud obstante, quod talis Processus inquisitionis censetur factus contra formam in *c. Qualiter et quando. 24. de Accusation.* praescriptam.

67 **R**esp. IV. Alius adhuc Confessionis judicialis effectus est, quod excludat appellationem; adeo, ut confessus ad appellandum non admittatur. Textus est in *c. Cam speciali. 61. §. Porro. de Appellat. ibi: Si ejus excessus evidentia rei, vel ipsius confessione fuerit manifestus, non est provocationi hujusmodi deferendum.* Et hoc quidem in causis civilibus passim admittunt Doctores, nisi quis velit probare errorem; ut inquit Glossa in *cit. cap. Cam speciali. §. Porro. §. Confessione.* et alia Glossa in *c. Romana. §. Si autem. §. Vel de quo. de Appellat. in 6.* Vel nisi in appellatione appellans inferat aliquam causam obscurantem, vel excusantem ipsam confessionem; prout loquitur Abbas in *cit. c. Cam speciali. §. Porro. num. 5. de Appellat. Covarruvias Practic. Quaest. cap. 23. num. 5. Concl. 2. Pirhing. h. t. n. 19. et Farinacius lib. 3. Praxis Criminalis, quaest. 101. n. 157. et 160.* citans plurimos alios.

68 **V**erum in criminalibus ad excludendam appellationem plures requirunt, quod Reus simul et confessus, et convictus sit; et si unum horum defecerit, appellatio admittatur, *arg. L. 2. C. Quorum appellationes non recipiantur. et can. Et qui appellat. §. Sunt etiam. 2. q. 6.* ubi haec duo videntur conjunctim requiri ad hoc, ut in criminalibus appellatio excludatur.

69 **P**orro Reus censetur esse convictus tribus modis, videlicet Testibus, Instrumentis, et Indiciis inductis; ut probat textus in *l. Sciant cuncti. et Baldus ibid. in Summario. C. de Probation. Farinacius lib. 3. quaest. 84. ante n. 1.*

70 **N**ihilominus, quod non solum in civilibus, sed etiam in criminalibus indistinctim non sit deferendum appellationi, quando quis fuit sponte confessus, nullam tamen in appellatione exprimit causam obscurantem factae a se confessionis; censent Abbas, Covarruvias, Pirhing. *ubi supra*, et Farinacius *loc. cit. quaest. 101. n. 157. et 160.* allegans plurimos alios. Quamquam inter alias limitationes dictus Farinacius *n. 146.* merito notet, Regulam illam, quod confessus non appellet, solummodo procedere in vere confessio; secus autem in fecte confesso ratione contumaciae; haud obstante Statuto, quod contumax habeatur pro confesso et convicto. Verum de appellationibus alibi.

71 **Q**uaeritur II. An contra confessum in judicio debeat ferri sententia definitiva? Ratio dubitandi, et negativam tenendi, desumitur ex Juribus *n. 64. relatis*, ubi confessi in iure, pro judicatis habentur. Accedit textus argutissimus in *l. Proinde. ff. Ad Legem Aquiliam*, ibi: *Nullae sunt partes judicantis in confidentes.* Verum his non obstantibus, ac distinguendo inter causas criminales, et civiles.

72 **R**esp. I. Loquenda de causis criminalibus, contra sponte confessum omnino requiritur sententia definitiva Judicis. Ita Abbas in *c. At si Clerici. n. 16. vers. Secundo casu. de Judiciis. Bartolus L. un. n. 13. C. de Confessis. Maranta part. 6. Speculi Aurei, tit. de Confessione. n. 26. et communis.* Idque patet ex *L. Si*



*confessus. ff. de Custod. et exhibit. Reor. ibi: Si confessus fuerit Reus, donec de eo pronuncietur, in vincula publica conjiciendus est. Concordat textus in l. Cum Reis. C. de Poenis. et can. Nos in quemquam. 2. q. 1. cum similibus. Unde cap. 2. h. 2. contra Clericum simoniacum fertur sententia diffinitiva depositionis, quamvis ille fuerit crimen in iudicio confessus.*

73 Resp. II. Quamvis major inter Doctores sit controversia, utrum in causis civilibus contra sponte confessum requiratur sententia diffinitiva: communior tamen est Doctorum opinio, etiam tunc requiri sententiam saltem post litem contestatam, et quando proceditur servato ordine judiciario, et non summarie tantum. Ita Glossa in cit. can. Nos in quemquam. 2. q. 1. §. Confessum. Bartolus in cit. L. un. n. 13. C. de Confessis. expresse distinguens, an in causa civili confessio emanaverit ante litem contestatam; et tunc (inquit) habetur confessus pro condemnato, ut loquitur textus ibidem: aut post litem contestatam; et tunc debet sequi sententia, l. Certum. confessus. §. fin. ff. de Confessis. Zoësius tit. eod. ff. num. 13. Pirhing h. t. n. 20. et alii. Ratio est: quia ordo iudicarius praecepit consistit in sententia; ergo hanc ex confessione post litem contestatam primum facta, tenetur Iudex ferre. Iudicium enim semel caeptum, sententia dirimenda est, l. Ubi acceptum. ff. de Judiciis. Unde, ac magis loquendo ad propositum, in c. Praeterea quarto. 10. de Transact. Pontifex in causa cujusdam transactionis, jubet contra confessos sententiam diffinitivam ferri, illis verbis: Respondemus, quod ex praedicta Fratrum confessione contra eos sententia procedere debeat. Concordat Textus in l. Julianus. ff. de Confessis, ibi: Julianus ait, confessum, certum se debere legatum, omni modo damnandum.

74 Additur notanter, saltem post litem contestatam, et quando proceditur servato ordine judiciario. Nam si ante litem contestationem sponte facta fuerit confessio, non requiritur alia sententia, sed sufficit, ut confesso simpliciter faciat Iudex praeceptum de solvendo, arg. l. Si debitor. ff. de Judiciis; ac recte notat Glossa L. un. C. de Confessis, sic solvens textus in contrarium, dicendo, quod hi procedant post litem contestatam: alii vero ante litem contestatam. Bartolus loc. cit. et alii. Accedit ratio: quia ante litem contestatam, Iudicium (ordinarium) necdum censetur esse coeptum; eo, quod litem contestatio sit fundamentum, lapisque angularis iudicii, cap. un. de Litis contestat. cum similibus: sicque hic cessat ratio proxime allata ex cit. l. Ubi acceptum. ff. de Judic. cum similibus.

75 Deinde, quod in Iudicio summano, seu de plano instituto, non requiratur necessario sententia, sed sufficiat praeceptum Iudicis de solvendo; desumitur tum ex natura huius iudicii, in Clem. Saepè contingit. de Verbor. signif. exacte descriptum ex l. Post rem. ff. de Re judicat. et L. un. C. de Confessis, ubi dicitur: Confessos in iure pro iudicatis haberi placet: cum concordantiis.

76 Ad rationes dubiandi num. 71. allatas, et imprimis ad textus illos, in quibus confessi pro iudicatis habentur. Resp. Eos procedere partim loquendo de Iudicio summano, partim de confessione ante litem contestationem facta, ut sic iura iuribus concordentur, juxta Glossam proxime allegatam. Ad alteram respondetur, dictum illud, Nullae sunt partes iudicantis in confidentes, procedere solum, quantum ad examinationem causae, seu ulteriorem eius probationem: non vero, quantum ad prolationem sententiae. Etiam enim, supposita Rei confessione, non amplius debeat Iudex in civilibus investigare de veritate causae; puta; utrum damnum fuerit datum, nec ne? (de

hoc enim constat ex propria confessione Rei) tenetur nihilominus juxta hanc confessionem ferre sententiam, Reum condemnando, damnumque quantitatem aestimando; saltem, quando iudicium fuit solemniter inchoatum, et sic solemniter finiatur per sententiam. Unde Glossa in cap. ult. h. t. breviter ait: In confessis nullae sunt partes iudicis in cognoscendo, sed in sententiando sic: quis nimirum debet ferre sententiam ex illa confessione, l. Proinde. juncta Glossa fin. ff. Ad Legem Aquil. et c. Praeterea de Transact.

Quaeritur III. An Confessio facta in iudicio revocari possit? Resp. I. Regulariter eam revocari non posse, nisi revocetur incontinenti. Ratio est: quia confessus in iure habetur pro iudicato, per textum in L. un. C. de Confessis. Ubi proinde de quopiam, a propria tali confessione recedere volente, subiungitur: Quare sine causa desideras recedi a confessione tua, cum et solvere cogaris?

78 Additur notanter, nisi revocetur incontinenti. Nam, ubi quis videt se errasse, potest incontinenti se corrigere, suamque confessionem revocare, c. Praeterea. 7. de Testib. cogend. ac notat Glossa in can. Apud misericordem. 32. q. 2. §. Revertitur, et communis. In quo quidem casu non est necesse probare errorem, aut rem aliter se habere; sed sufficit simpliciter revocare, allegando errorem: sicut solet dici de teste, juxta cit. c. Praeterea, ac notat Abbas in cap. ult. n. 21. h. t. Secus est, si ex intervallo primum revocatur confessio: quia tunc oportet probare errorem, vel saltem rem aliter se habere, juxta dicenda n. 80.

79 Dicitur autem Confessio revocari incontinenti, si non interponatur suae correctioni intervallum; uti loquitur textus in d. c. Praeterea. de Testib. cogend. Atque istud censetur vel maxime tunc fieri, quando revocatur, antequam confessio sit redacta in scriptis, juxta Glossam loc. cit. et aliam Glossam cap. ult. §. Iusta causa. de Jurajurand. in 6. quam approbat Abbas in c. Ex litteris. n. 10. de Divort. et Mascardus de Probat. Concl. 369. n. 5. Vel saltem, quando facta confessio revocatur in eadem instantia, sive antequam quis recedat a praesentia Iudicis; ut explicat Glossa in cit. c. Praeterea. §. Incontinenti. Aut certe hoc erit relinquendum arbitrio Iudicis, qui inspecta conditione personae, et quantitate intervalli, secundum qualitatem facti considerabit, an adhuc incontinenti censetur confessio revocata; adeoque non sit opus alia probatione erroris, juxta Glossam proxime allegatam, et Abbatem in cap. ult. n. 22. h. t.

80 Resp. II. Dantur nihilominus aliqui casus, in quibus data Conclusio, seu Regula fallit, atque limitanda est. Primo siquidem potest etiam ex intervallo revocari confessio facta in iudicio, quando quis probare potest, per errorem facti se confessum fuisse, arg. cap. ult. juncta Glossa fin. h. t. et fuisse tradit Abbas ibid. nu. 20. et seqq. ac Barbosa nu. 4. eod. asserens cum aliis, quod, confessio facta per errorem facti possit revocari, dum causa non fuerit finaliter terminata. Card. Tuschus Litt. C. concl. 649. nu. 1. idem docens post Federicum de Senis Consil. 98. n. 4. ac nu. 20. subiungens, quod hoc ipso de errore doceatur, si probetur, rem aliter se habere, quam sit confessus, etiam in facto proprio, quando agitur de damno vitando. Concordat textus in l. Non fatetur. ff. de Confessis, ibi Non fatetur, qui errat, nisi ius ignoraverit. Ubi Bartolus ad longum praesentem materiam examinat, et resolvit. Zoësius tit. de Confessis. ff. n. 12. Mascardus Concl. 378. nu. 1. et seqq. citans alios.

81 Deinde fallit data Regula in Minoronibus: nam hi propria confessione graviter laesi, ob debilitatem

judicii, restituantur in integrum, l. Certum confensus. §. In pupillo. ff. de Confessis. Quia etiam in Majorennibus ratione probabilis erroris, potest istud extraordinarium remedium restitutionis in integrum quandoque locum habere, ex clausula illa generali, Si quae mihi justa causa etc. etiam post rem judicatam. Card. Tuschus. cit. Concl. 649. n. 5. Alexander Consil. 80. n. 14. vol. 2. istud probans ex l. Cum fideicommissum, juncta Glossa. fin. ff. de Confessis. Bartolus in cit. l. Non fatetur. §. Aut habuit justam. ff. eod. et alii; et concordant dicta Lib. 1. Tit. 41. De in integrum restitutione. §. 2. n. 22. et 49. ac seqq.

## S. IV.

De Confessione judiciali Praelati, Procuratoris, et Socii criminis in praejudicium Ecclesiae, vel Tertii.

## SUMMARIUM.

- 82 Confessio Praelati administrationem non habentis, non praejudicat Ecclesiae.
- 83 Et quid, si consteatur de rebus illis, in quibus est legitimus administrator? Et num. seqq. Confessio per viam contentiosae jurisdictionis, et voluntariae jurisdictionis, quae? Ibid.
- 84 Confessio Praelati facta per viam contentiosae jurisdictionis, probat contra Ecclesiam. Et num. praeced.
- 85 Ecclesia ex tali confessione graviter laesa, juvat duplici remedio; et quali?
- 86 Confessio Praelati per modum voluntariae jurisdictionis, non praejudicat Ecclesiae, neque Successori. Et num. 83.
- Etiam si consisteret in facto proprio Praelati, foretque sigillata sigillo ejus. Ibid.
- 87 Limitatur istud, quando confessio illa facta est una cum Capitulo.
- Vel Ecclesia non habet Capitulum. Ibid.
- 88 Item, si confessio tendat ad liberandum aliquem.
- 89 Afferuntur aliae limitationes.
- 90 Confessio Procuratoris praejudicat Domino, nisi legitime revocetur. Et num. seqq.
- 91 Dummodo sit facta per viam contentiosae jurisdictionis, et non omnino sponte.
- 92 Solvitur instantia ex l. Si defensor, ff. de Interrogat. action.
- 93 Confessio judicialis per Procuratorem facta, potest revocari.
- 94 Nec opus est alia probatione erroris, quando revocatur in continenti; alias secus. Et num. praeced.
- 95 Confessio Procuratoris quando dicatur per Dominum revocata in continenti?
- 96 De se confessus super aliorum conscientis, seu de sociis criminum, interrogari non debent.
- 97 Et hujus ratio.
- 98 Fallit data regula in Criminibus exceptis, nam in his de se confessus potest interrogari de sociis.
- 99 Crimina excepta, cur sic dicantur?
- 100 Horum sunt plura.
- 101 Et quae? Et num. seqq.
- 102 Simoniae crimen est exceptum, et comparatur crimini laesae Majestatis; et quando?
- 103 Furtum connumeratur inter excepta crimina: et quomodo?
- 104 Inter haec generaliter veniunt delicta illa, quae ex natura sua petunt complicem.
- 105 Vel saltem in talibus circumstantiis requirunt socios.
- 106 Reus de se confessus potest interrogari de consociis in delictis occultis, et difficilis probationis.

107 Ad quid valeat confessio, seu nominatio socii criminis, per Reum de se confessum facta? Et num. seqq.

108 Loquendo de criminibus non exceptis, dicta nominatio socii solum aperit viam Judici ad inquirendum generaliter, non vero contra Nominatum in specie, nisi concurrant alia indicia.

109 Et hujus ratio.

110 Loquendo vero de criminibus exceptis, nominatio socii criminis indistincte valet ad inquisitionem specialem.

111 Hoc ipsum procedit in criminibus non exceptis, quando ea est adminiculata aliis indiciis. Indicia hodie succedunt loco diffamationis. Ibid.

112 Quae indicia censeantur sufficientia ad instituendam inquisitionem specialem contra aliquem, puta Nominatum?

113 Nominatio socii criminis facta per Reum de se confessum, non est sufficiens indicium ad torturam etc.

Quaeritur I. Utrum confessio Praelati, administrationem habentis, noceat Ecclesiae? Et notanter additur, administrationem habentis: nam quod confessio Praelati, qui vel ab officio suo suspensus est, sique administrationem non habet, vel saltem de rebus Capituli divisa bona habentis confiteri praesumit, non noceat, neque probet in praejudicium Ecclesiae, vel Capituli, est certum, atque extra controversiam. Ratio est: quia non debet aliquis alterius odio praegravari, juxta Reg. 22. juris in 6. Sive ut l. Non debet. ff. eod. legitur: Non debet alteri per alterum iniqua conditio inferri. Simulque Delictum personae, puta improvida, vel malitiosa confessio Praelati, non debet in detrimentum Ecclesiae redundare, juxta Reg. 76. Juris in 6. cum concordantiis. Atque idcirco in Auth. Quod obtinet. C. de Probat. tunc demum statuitur confessioni, quando praejudicat tantum confitenti, et non alteri. Verum loquendo de Praelato administrationem habente, quaestio remanet: ad quam.

Resp. I. Quando Praelatus de rebus illis, in quibus est legitimus administrator Ecclesiae, confitetur aliquid per viam contentiosae jurisdictionis, probat ejus confessio in praejudicium Ecclesiae, sique Successoris: secus, quando aliquid confiteretur per viam voluntariae jurisdictionis. Ita Abbas c. Ex parte. n. 10. h. t. ubi sub Confessione per viam contentiosae Jurisdictionis intelligit eam, quando Praelatus (vel Procurator, Tutor etc.) vocatur ad Judicium, et ibi in responsionibus ex Judicis mandato factis, aliquid confitetur in praejudicium Ecclesiae, vel Domini principalis, aut Pupilli. Econtra vero sub Confessione per viam voluntariae Jurisdictionis intelligit illam, quam facit Praelatus, vel alius Administrator, sua sponte, et non coacte, hoc est, absque alia necessitate ultro aliquid confitendo in praejudicium Ecclesiae, vel alterius. Eandem Conclusionem, sic declaratam, tenet idem Abbas in cap. ult. n. 44. et Glossa fin. aliique Canonistae ibid. de Praescript. Card. Tuschus Lit. C. Concl. 669. n. 1. et 34. et seqq. Notulus de Transmissionibus, Casu 72. allegans Rotam Decis. 573. n. 5. part. 2. Recent. Mascardus de Probat. Concl. 367. n. 1. et 22. citans alios.

Prior pars, seu quod confessio Praelati facta in Judicio, sive per modum jurisdictionis contentiosae absque conclusionem et fraude, probet contra Ecclesiam; desumitur ex c. Praesentium. 2. de Confessis. in 6. et c. Suborta. 21. de Sentent. et re judicat. In quorum priori loco confessio Abbatis, et Prioris; in posteriori autem confessio Procuratoris in judicio facta probat sique praejudicat Ecclesiae. Accedit, quod

confessio Procuratoris facta in iudicio per viam contentione jurisdictionis, praejudicat Domino, ut proxime num. 90. et 91. dicitur: idem ergo, et quidem a fortiori, dicendum de confessione Praelati taliter facta.

85. Solum adde, quod si Ecclesia ex confessione sui Praelati, etiam in iudicio facta, graviter laesa fuisset, duplici remedio eidem subveniri, dictaque confessio revocari possit. Primo, per remedium ordinarium, seu a Jure communi omnibus concessum; si nempe Ecclesia, sive Praelatus ille, negotio nondum finito docuerit, confessionem illam per errorem facti emanasse: ut c. *Ex parte. h. t.* et notat Abbas *ibid. n. 4.* et Engel *cod. n. 19.* estque jam dictum supra num. 77. 78. et 80. Secundo, per remedium extraordinarium, seu per restitutionem in integrum: ut c. *Cum venissent, ac seqq. De in integrum restitut.* Atque istud remedium extraordinarium pinguius providet, quam ordinarium: quia in ordinario oportet probare errorem, et quidem ante finitum negotium; in extraordinario autem sufficit probare gravem laesionem, et datur totum quadriennium a tempore factae laesionis, licet sententia jam fuisset lata. Abbas *cit. c. Ex parte. n. 4. h. t.* et concordant dicta superius Lib. I. Tit. 41. *De in integrum restitut. n. 6. et seqq. et num. 32.*

86. Altera pars datae Conclusionis, probatur ex eo: quia confessio Praelati per modum voluntariae jurisdictionis facta in praejudicium Ecclesiae, est species alienationis, seu donatio quaedam; tacite enim per talem confessionem remitteretur, seu donaretur alteri jus Ecclesiae: atqui alienatio de bonis Ecclesiae non valet, nisi fiat ex causa necessitatis, vel utilitatis, atque interveniente debita forma, et auctoritate Superioris, cap. 1. et seqq. *de Rebus Eccles. alienand.* sicut et rei alienae Administratores donare non possunt. *Contra juris. §. fin. ff. de Pactis.* ergo. Accedit, quod in confessione voluntaria insit ambitio; et si ea semel liceret, aperiretur lata porta infinitis fraudibus, quibus Praelati ad complacendum aliis possent suis Ecclesiis praejudicare: secus accidit in confessione necessaria, seu facta in iudicio ad mandatum Judicis per modum jurisdictionis contentiosae. Atque ex his patet manifesta disparitas inter priorem, et posteriorem partem datae num. 83. Conclusionis.

Inferitur proinde, quod confessio voluntaria Praelati, si fiat sine necessitate, consensuque Capituli, seu aliorum, quorum interest, non praejudicat Ecclesiae, neque Successorem ejus obliget: etiamsi consisteret in facto proprio, quo Praelatus Ecclesiam cuiusdam alteri, v. g. ratione certae sibi ab ipso praestitae pecuniae, obligavit, simulque confessio illa foret sigillata sigillo ipsius Praelati. Idque per jura, et rationes proxime allatas: et quia alioquin daretur aperta via fraudibus, in magnum praejudicium Ecclesiarum. Card. Tuschus *d. Concl. 669. n. 1. et 8.* citans alios.

87. Resp. II. Patitur nihilo minus data Conclusio quoad alteram partem nonnullas limitationes. Primo, quando confessio Praelati, v. g. de recepto mutuo, facta fuit una cum Capitulo, vel de ejus assensu: quia tunc praejudicat Ecclesiae, atque obligat Successorem. Glossa 1. *Dudum ecclesia. 54. §. De veritate. vers. Sed non credo. de Election.* Felinus *cap. ult. n. 11. de Praescription.* Card. Tuschus *cit. Lit. C. Concl. 669. n. 41.* ad hoc requirens, quod exprimat causa obligatoria Ecclesiae: puta, quod pecunia fuerit mutuo accepta pro reparatione, vel aliis necessitatibus Ecclesiae; citansque Calderinum *Consil. 153. circa med.* et Castrensem *Consil. 338. n. 2. lib. 1.* Mascardus *de Probat. Concl. 367. n. 5. et 6.* citans Rotam *Decis. 466. Confessio Praelati. in novis.* et plures alios.

Deinde confessio Praelati probat in praejudicium,

Ecclesiae, si haec, sive Praelatus ille, non habent Capitulum. Abbas *in c. Dilectus. n. 4. de Capell. Monach.* Card. Tuschus *cit. Concl. 669. num. 40.* Romanus *Consil. 36.* istud probans ex *Clem. 1. de Rebus Eccles. non alienand.* Mascardus *loc. cit. n. 10. et 20.* allegans alios, atque istud intelligens in causis non arduis; secus in arduis, juxta *cit. Clem. 1.*

88. Ulterius confessio Praelati, quae tendit ad liberandam aliquem, et consistit in facto proprio (puta, si is confiteatur debitum ab altero rite sibi persolutum fuisse) probat etiam sine consensu Capituli: adeo, ut ex tali confessione liberetur debitor, et Ecclesia nihil amplius ab eo exigere valeat. Mascardus *d. Concl. 367. n. 7.* post Castrensem *Consil. 43. n. 2.* et alios.

89. Insuper, nec confessio Praelati se sola non praejudicat Ecclesiae, nihilo minus praejudicat ipsa, et nocet Ecclesiae, quando Jus commune, sive praesumptio stat contra Ecclesiam. Abbas *in c. Si diligenti. 17. num. 4. de Praescript.* id probans per textum ibidem, juncto cap. 2. *de Capell. Monach.* ubi talis casus refertur. Rursus, confessio Praelati potest praejudicare Ecclesiae una cum aliis adminiculis: ut inquit Glossa *in c. Dudum ecclesia. 54. vers. De veritate. de Election.* Mascardus *d. Concl. 367. n. 13.* Nam quae non prosunt singula, multa juvant, *l. Instrumenta,* jubeta Glossa, *vers. Aliis quoque. C. de Probat.* Praejudicat quoque Ecclesiae confessio Praelati, durante vita ipsius Praelati. Card. Tuschus *cit. Lit. C. Concl. 669. num. 40.* Mascardus, *ubi supra, n. 16.* Item, confessio Praelati praejudicat Ecclesiae, si is confiteatur ut procurator constitutus ad ipsam Ecclesiam, juxta proxime dicenda: et notat idem Mascardus *num. 23.* et Tuschus *cit. num. 46.* qui nonnullas alias limitationes adducunt, apud eundem videndas; nam praemissae sunt caeteris notabiliores.

90. Quaeritur. II. Utrum confessio Procuratoris praejudicat Domino? Resp. I. Procuratoris confessio facta in iudicio per viam contentiosae jurisdictionis probat contra Dominum, ipsique praejudicat, nisi legitime revocetur. Ita desumitur ex cap. 1. juncta Glossa 4. *Non negavit de Postul. Praelat. et c. Suborta. 21. de Sentent. et re judicat. et c. Dilectus. de Capellis Monach.* et notat Abbas *in c. Ex parte. n. 3. et 10. h. t.* id ipsum docens de confessione Oeconomii respectu Ecclesiae, et Tutoris vel Curatoris respectu Pupilli, vel Minoris: Mascardus *Concl. 369. de Probat. num. 1. et seqq.* citans Rotam *Decis. 374. in antiq.* et alios; et concordant dicta superius Lib. I. Tit. 38. *de Procuratoribus. §. 5. num. 119. et 125.*

91. Additur notaster, confessio facta per viam contentiosae Jurisdictionis: hoc est, si quis vocatus fuerit in iudicium, et ibi juridice interrogatus quidpiam respondendo confiteatur in praejudicium sui Principalis. Nam si Procurator sponte, et absque ulla necessitate, ulro fateatur aliquid in praejudicium Domini, talis confessio non praejudicat: quia censetur potius esse donatio, seu ultronea renunciatio juris; qualis non tenet, si per Procuratorem fiat absque speciali mandato Domini, *l. Contra juris. ff. de Pactis,* et docet Abbas *d. num. 10.* Atque in hoc sensu procedit textus *in l. Certum. §. Sed an. ff. de Confessis;* ubi Ulpianus inquit: *Sed an et ipsos procuratores, vel tutores, vel curatores fateri sufficiat, videamus? Et non puto sufficere:* nempe, ut praejudicent Domino, quando sic ulro confitentur; prout esse communem intellectum, testatur Abbas *cit. num. 10.*

92. Obijcies contra datam Conclusionem. *In l. Si defensor. ff. de Interrogat. action.* dicitur: *Si defensor in iudicio interrogatus --- falso responderit, ipse quidem defensor adversario tenebitur: ipsi autem, quem defendit, nullum facit praefudicium:* ergo confessio Procuratoris Domino suo non praejudicat. Resp.



neg. consequent. Quia, ut notat ibidem Glossa in *Basil.* et *vers. Praejudicium*, ibi servum est de Defensore, qui sine mandato aliam defendit. Alioquin autem, quod error Advocati nocet suo Clientulo praesenti, nec contradicenti ex continenti (saltem intra triduum) neque post sententiam appellanti, patet ex *l. 1. et l. ult. C. de Errori Advocat.*

93 Resp. II. Potest nihilominus ejusmodi confessio judicialis per Procuratorem, vel Oeconomum Ecclesiae facta, revocari; idque vel in continenti, in quo casu non est opus alia probatione erroris; vel ex intervallo, quae ratione potest revocari confessio quovis tempore ante sententiam latam, dummodo probetur, eam per errorem facti contigisse, atque inde Ecclesiae, vel Domino principali praepjudicium generari. Ita Mascardus *cit. Concl. 369. num. 2. et seqq.* citans alios, et allegans multiplicem Decisionem Rotae, quae censuit talem revocationem fieri posse non tantum per Dominum principalem, sed etiam per ipsamnot Procuratorem. Conclusio haec sequitur ex dictis *num. 78. et 80.* Nam si in continenti, aut probato errore facti, potest revocari confessio propria; multo magis istud erit concedendum de confessione alterius, puta Procuratoris, in suum praepjudicium emanata. Id ipsam, loquendo de Confessione in praepjudicium Ecclesiae per Oeconomum facta, expresse statuitur in *c. Ex parte. h. t.* Addita illa ratio: *Cum negotio nondum finito nemini noceat error facti.*

94 Concordat textus in *l. Error facti. C. de Juri et facti ignorant.* ubi similiter dicitur, quod *error facti necdum finito negotio, nemini noceat.* Et hoc casu intelligendum, quando quis ex intervallo confessionem revocans, probat, se aut suum Procuratorem in facto errasse, deducitur ex *cit. c. Ex parte. h. t.* ibi: *Si de hujusmodi potuerit errore docere.* Porro, quod juxta alteram partem datae Conclusionis, nulla opus sit probatione erroris, si confessio per ipsum Procuratorem, vel per ejus Dominum principalem in continenti revocetur; patet ex *c. Cum causam. 62. de Appellat.* Ubi habetur talis revocatio confessionis erroneae, per Procuratorem seu Advocatum factae; et quidem absque alia erroris probatione, eo quod Dominus confessionem illam revocaverit in continenti, sive adhuc eadem die. Idem tradit Glossa in *can. Apud. 32. quaest. 1. vers. Revocatur. et c. Scriptum est. vera. Revocatam. de Election.* Abbas *cit. c. Ex parte. num. 21. h. t.* Nam etiam testis potest in continenti dictum suum corrigere, *c. Praeterea. de Testib. cogend.* et concordant dicta superius *cit. n. 78.*

95 Dicitur autem confessio Procuratoris per Dominum revocata in continenti non solum, si praesente Domino facta revocetur, antequam confessio est redacta in scriptis; vel saltem, antequam recedant partes a praesentia Judicis, juxta dicta superius *num. 79.* Sed insuper in *c. Cum causam, 62. de Appellat.* admittitur revocatio responsionis Advocati, per Dominum principalem eadem die factae; et sic post recessum a praesentia Judicis. Quin imo in *l. ult. C. de errore Advocat.* censetur error Advocati revocatus ex continenti, si triduo proximo contradixit Dominus, qui iudicio praesens non intererat.

98 Quaeritur III. An de proprio crimine judicialiter confessi possint interrogari de Sociis criminis, eorumque confessio adversus istos admitti? Resp. I. Regula est: *De se confessi super aliorum conscientiis interrogari non debent.* Ita quippe loquitur *cap. 1. h. t.* ubi Glossa, *vers. Confessi*, varias hucusque Juris concordantias allegat; atque inferit, dicens:

*Nulli ergo de confessio, super crimine aliorum creditur.* Idem patet ex *c. Veniens. 10. de Testib. et can. Nemini. 15. qu. 3. et can. Negandum. 3. qu. 11. et l. ult. C. de Accusation. et inscript.* cum similibus.

Inferitur proinde, quod regulariter loquendo, de proprio crimine confessi non sint examinandi de Sociis criminis, neque eorum confessio adversus quemlibet admittenda; ut patet ex allegatis Juribus. Accedit ratio: tum quia de se crimen in iudicio confessus, eo ipso fit infamis, vilis, ac debilis fidei; idcirco merito a testimonio stando repellitur, *can. Testimonium. 54. de Testib.* Tum quia ejusmodi confessio est periculosa; ut dicitur in *cap. 1. h. t. juncta l. ult. C. de Accusation.* Ubi et de hujus ratio redditur: Ne aliquin de se confessus sibi blandiri possit. *Veniam sperans propter flagitia adjuncti, vel pro communione criminis consortium personae superioris obtinens, aut inimici supplicio in ipsa supremorum suorum forte satiandus, aut eripi se posse confidens.* Haec enim facile sequerentur, si de proprio crimine jam confessi, possent semper examinari, atque audiri super aliorum criminibus.

98 Resp. II. Fallit, nihilo minus data Regula in criminibus exceptis, in quibus, cum valde perniciosa sint Reipublicae, bonumque publicum graviter laedant, Jus ipsum statuit, posse de se confessos interrogari de sociis criminis. Ita communis; et patet huc inductione, seu enumeratione dictorum criminum, de quibus *Concl. seqq.*

99 Solum hic praenotandum, quod ejusmodi valde perniciosa Crimina dicantur excepta, eo quod in ipsis non necessario sint observanda ea omnia, quae alioquin Jure positivo de Inquisitione criminum, et Processu judiciario statuta fuerunt. Unde inter alia fit, quod in eisdem fallat data Regula, possitque Index de se confessos interrogare de sociis criminum.

100 Resp. III. Ejusmodi crimina excepta, seu circa quae de se confessi possunt judicialiter interrogari de sociis criminum, sunt plura. Patet hoc inductione, enumerando talia crimina, quorum nonnulla refert Glossa *fin. in Leg. ultim. C. de Accusation.* caetera vero Farinacius *lib. 1. Criminal. quaest. 41. num. 57. et seqq.* Petrus Maria Passerinus in *Tribunali Regularium, quaest. 12. art. 14. un. 60.* et alii.

101 Sic quippe inter Crimina excepta connumeratur: I. Crimen Haerese: ut *c. In fidei. 5. de Haeret. in 6. et c. Litteras. 14. de Praesumptionib.* II. Crimen laesae Majestatis: ut *cap. 1. h. t. et can. Veniens. 15. qu. 3. cum similibus.* III. Crimen sacrilegii: juxta *can. In primis. 5. De persona Januarii. 2. quaest. 1. et can. Si quis suadente. 17. qu. 4. 5. Qui autem.* ubi contra genus sacrilegii ad instar publici criminis, et laesae Majestatis, procedendum dicitur. IV. Crimen Beneficii, seu Magiae, *arg. l. ultim. C. de Maleficio*; ubi puniuntur, qui occultaverint talem publicum Reum, ne facinoris socios publicaret. V. Crimen Latrocinii, et Gravatationis per vias publicas, *l. Divus Hadrianus ff. de Custodia Reor.* ibi: *Hierenchae cum apprehenderint latrones, interrogant eos de sociis et receptatoribus.* VI. Crimen falsae Monetae, utpote ejus obnoxii, crimen laesae Majestatis, committunt; ut dicitur *l. 2. C. de Falsa monet.* VII. Assassinii crimen: nam in hoc potest Assassinus de mandatoribus interrogari, *arg. l. Non ideo minus. C. de Accusat.* et tradit Farinacius *loc. cit. n. 56.* cum pluribus aliis.

102 VIII. Simoniae crimen: nam istud comparatur crimini laesae Majestatis, *c. Sane. 15. qu. 3.* Quamquam hoc duntaxat procedat, si agitur de Simonia civiliter; quia tunc socius criminis admittitur ad testificandum,

dammodo sit socius criminis tantum, et non muneris: secus, si agatur de ea criminaliter, aut quis etiam fuerit socius muneris, per textum in cap. 1. de Testib. in 6. Ulterius, et

- 103 IX. Factum etiam connumeratur inter excepta Crimina: non quidem de jure, sed de consuetudine Jodicum, qui deprehensum in uno furto, solent examinare de aliis furtis ab eo commissis, quorum nulla habent indicia: idque propter frequentiam hujus criminis, cui proinde severius obviandum esse existimant. Julius Clarus lib. 5. Practicæ Criminalis, §. fin. quaest. 64. num. 45. Pishing h. c. n. 24.
- 104 X. Inter crimina excepta, seu in quibus Juxta ex officio potest, et debet interrogare de sociis criminis generaliter veniant delicta illa, quae ex natura sua petunt socium criminis, seu complicem quendam: tunc etiam de se confessus potest interrogari de complice, qui illius criminis particeps fuit. Farinacius cit. quaest. 43. num. 107. post Salycetum in L. ult. n. 7. ff. de Accusat. et plurimos alios. Et talia crimina sunt adulterium, stuprum, sodomia, et hujusmodi, quae necessario requirunt complicem.
- 105 His accedunt ea delicta, quae quidem absolute possent committi sine socio, tamen in talibus circumstantiis requirunt multitudinem sociorum: ut sit in subtractione magnarum trabium, aut in amotione magni lapidis pro limite in confinio positi, qui ab uno solo amoveri non potuisset. Idem dicendum, quando hic et nunc adunt indicia, quod crimen, ut puta homicidium, fuerit a pluribus commissum, vel tractatum: tunc enim de se confessus, poterit de alijs consociis interrogari: prout pluribus declarat Farinacius loc. cit. num. 107. et 109. allegans alios.
- 106 XI. Reus de se confessus potest interrogari de consociis in delictis occultis, et difficilis probationis, et in quibus veritas aliter haberi non potest, nisi per socios criminis. Ita Farinacius cit. quaest. 43. n. 68. allegans Decium Consil. 342. n. 3. et alios. Idque desumitur ex cap. ult. de Testib. cogend. ubi loquendo de crimine conjurationis in Episcopum, quod aliter probari non poterat, coguntur socii etiam jurati ad eam detegendam. Accedit, quod in illis, quae sunt difficilis probationis, aut ubi ex natura facti alii testes haberi non possunt, adstantur testes, cui alii sunt prohibiti: ut c. Peniens ad apostolicam. 38. §. fin. de Testib. et c. Etsi Christus. 26. de Jurejurand. et l. Consensu. §. Super plagis. C. de Repudiis. Verum occasione praemissorum,
- 107 Queritur. IV. Ad quid valeat confessio, seu nominatio socii criminis, per Reum de se confessum facta? Resp. I. Generaliter loquendo illis, qui de se sunt confessi, et nominant seu denuntiant socios criminis, non creditur quantum ad convincendum, sed quantum ad praesumptionem: unde si adunt alias praesumptiones seu indicia, valent; alias per se non sufficiunt. Ita Glossa in cap. 1. §. Confessi. et Abbas ibid. n. 6. et 8. et Barbosa n. 4. h. t. Verum descendendo magis ad specialia,
- 108 Resp. II. Loquendo de criminibus non exceptis, quando depositio Rei de se confessi, seu socium criminis quoquo modo nominantis, non est adimiculata aliis indiciis, seu praesumptionibus: tunc solum aperit viam Judici ad inquirendum generaliter super admissio crimine, ejusque auctore in genere: non vero ea sufficit ad inquirendum specialiter super nominato socio criminis, neque ad transmittendum huic libellum criminalem, ut teneatur personaliter comparere, suasque defensiones facere. Ita Julius Clarus cit. §. fin. quaest. 43. num. 5. Farinacius cit. quaest.

43. n. 129. Petrus Maria Passerius in Tribunali Regularium, quaest. 12. nu. 63. Ludovic. de Ameno in Practica Criminali, tit. 15. §. 7. n. 63. et alii.

Ratio est: quia in tali caso dictum Rei de se confessi non se habet ut dictum testis (est enim inhabilis ad testificandum, utpote criminosis) sed solum ut dictum denuntiatoris, seu notificatoris: talis autem potest etiam esse persona infamis et vilis, sufficiensque ejus dictum ad aperiendum Judici viam pro Inquisitione generali: ut patet ex praxi Tribunalium in Apparitoribus, et alijs personis ad denuntiandum crimina constitutis, quales plerumque sunt pauperes et viles, quin et quandoque infames. Ad inquirendum tamen in specie contra Nominatum, dictum Rei de se confessi non sufficit absque alijs adminiculis, cum non faciat semiplenam probationem, vel indicia asquipollentia, simulque per Inquisitionem in specie contra Nominatum institutam, magis gravetur bona fama ipsius. Accedit, quod ex una parte boni publici interest, delicta ad notitiam Magistratus quomodocunque pervenire, ne delicta maneat imposita: ex altera vero parte talis denuntiatio est modici praesudicii, cum nihil aliud operetur, nisi quod aperiat viam Judici ad inquirendum in genere, non vero in specie contra Nominatum; multo minus ad hunc citandum, vel capiendum, nisi prius habitis contra eum legitimis indiciis, et forsitan ex Inquisitione generali depromptis. Ita argumentatur Jul. Clarus cit. §. fin. quaest. 7. n. 2. quamvis postea quaest. 43. n. 5. videatur etiam admittere Inquisitionem specialem contra ejusmodi Nominatum, dum concedit, posse tunc Judicem procedere ad inquirendum, et assumendam alias informationes contra Petrum nominatum, etiamsi prius contra ipsum nihil aliud esset in processu. Verum in criminibus non exceptis, et exclusis alijs indiciis, communiter Doctores tenent oppositum, ut inquit Ludovic. de Ameno loc. cit. n. 53. et Passerius d. n. 63.

Resp. III. Loquendo vero de criminibus exceptis, nominatio socii criminis indistincte valet ad Inquisitionem specialem, atque ad transmittendum libellum criminalem, ut is teneatur personaliter comparere, et defensiones suas facere, idemque dicendum de criminibus non exceptis, quando dicta nominatio socii criminis est adminicula alijs sufficientibus indiciis. Ita Farinacius loc. cit. num. 127. 129. et 130. Ludovic. de Ameno, et Passerius ubi supra. Julius Clarus loc. cit. quaest. 21. n. 5. cum alijs. Ratio est: quia in criminibus exceptis potest Reus de se confessus (ipso Jure sic concedente, et ordinante) interrogari quoad socios criminis: ergo etiam ejus nominatio facit indicium, sufficiens ad specialiter inquirendum contra Nominatum, et ad istum citandum: alioquin frustra permitterent Jura, ut Reus de se confessus in hujusmodi criminibus interrogaretur de sociis, contra Regulam generalem num. 96. jam allatam. Accedit, quod loquendo de criminibus exceptis, Reus de se confessus quandoque admittatur in testem contra socium criminis: prout de crimine haeresis habetur statutum c. In fl. dei. 5. de Haeretic. in 6. et c. Litteras. 14. de Praesumpt. in 6.

Atque id ipsum procedit in criminibus non exceptis quando per Reum de se confessum nominatio consocii criminis est adminiculata alijs sufficientibus indiciis: hoc ipso, quod tunc adstant talia indicia, juxta proferens arbitrium Jurgis sufficientia ad specialiter inquirendum, et transmittendum Nominato libellum criminalem.

lem una cum ejus citatione. Nam indicia hodie succedunt loco diffamationis ; ut notat Bartolus in l. Congruit. §. Et nota quomodo. ff. de Offic. Prae- sid. ubi aequiparat processum Inquisitionis specialis cum iudiciis, et fama publica. Maranta part. 6. Speculi Aursi, tit. de Inquisitione num. 22. Farina- cius lib. 1. quaest. 9. n. 20. citans complures alios. Atqui ad Inquisitionem specialem contra quempiam instituendam sufficere, quod praecesserit diffamatio ejus, textus est in c. Qualiter et quando, 24. de Accusation. ergo.

- 112 Quenam autem Indicia censeantur legitima ad instituendam Inquisitionem specialem contra ali- quem, puta contra hujusmodi Nominatum, ad- modum variant Doctores, prout videre est apud Jul. Clarum cit. §. fn. quaest. 20. et Farinacium cit. l. 1. quaest. 1. num. 47. et seqq. Illud est cer- tum, quod fama sola, quod quis maleficium commiserit, sit sufficiens signum ad inquirendum specialiter contra diffamatum, cit. c. Qualiter et quando. 24. de Accusation. Alioquin vero, cum indicia alia sint levia, alia gravia, alia gravissima, generatim sufficit dicere, talia ad specialiter in- quirendum contra aliquem requiri indicia, per quae sit Iudici legitima praesumptio, sive suspi- cio, quod inquirendus deliquerit: qualia vero haec sint in casibus particularibus, prudentis Ju- dicis arbitrio est relinquendum; quamquam levio- ra indicia sufficiant ad specialiter inquirendum, quam ad torquendum. Farinacius cit. quaest. 1. num. 25. Julius Clarus cit. quaest. 20. num. 2. et seqq. et alij. Unde ulterius

- 113 Resp. IV. Nominatio socii criminis facta per Reum de se confessum, nisi concurrant alia ad- minicula, non est sufficiens indicium ad torturam. Ita Jul. Clarus lib. 5. Criminal. §. fn. quaest. 21. n. 7. et 8. allegans Boerium Decis. 319. num. 1. at- testantem de communi, pluresque alios; simulque asserens, quod hoc non tantum procedat in cri- minibus non exceptis, sed etiam exceptis: adeo, ut etiam in istis dicta nominatio (alia praesumptio- ne non concurrente) non sit sufficiens signum ad torturam.

## §. V.

De Confessione qualificata; et an haec ex parte solum possit acceptari?

## SUMMARIUM.

- 114 Confessio qualificata, quae?  
115 Confessio quandoque fit simpliciter, quandoque sub adjecta qualitate.  
116 117. et 118. Exempla Confessionis qualificatae referuntur. Et num. 115.  
119 Confessio qualificata an ex parte possit acce- ptari, et ex parte negari? Et num. seqq.  
Confessio continens diversa capitula, potest ex parte acceptari, et ex parte reprobari. Ibid.  
120 In causis civilibus ubi praesumptio juris non stat contra qualitatem adjectam, confessio qualifi- cata debet vel tota recipi, vel tota respai.  
121 Unde veritatem appositae conditionis non tene- tur probare ipsemet confitens.  
122 Sed hanc debet refutare is, qui recipit anam partem confessionis qualificatae.  
123 Secus est, quando praesumptio aliqua stat con- tra confitentem, seu adjectam qualitatem.  
124 In criminalibus potest confessio qualificata divi- di, eaque sine qualitate acceptari. Et num. seqq.  
125 In delictis stat praesumptio contra delinquentem..

REIFFENSTUEL Jus Can. Tom. II.

126 Confessus tamen confessione qualificata, non po- test condemnari ad poenam capitalem.

127 Solvitur instantia.

128 Confessio qualificata, quod scriptura privata grave delictum exprimens, sua manu fuerit con- scripta jocosum solum, an praepjudicet confitenti? Refertur notabilis casus circa hoc. ibid.

129 Stante tali confessione, scriptura privata probat plene contra confitentem, dummodo non agatur de imponenda poena corporali. Et num. 131.

130 Solvitur instantia de allegato joco.

131 Privatio Beneficii Ecclesiastici, reputatur poe- na civilis.

Quaeritur I. Quid sit Confessio qualificata? Resp. 114 Confessio qualificata dicitur illa, quae emanat circa unum capitulum ut certa qualitate affectum, vel sal- tem circa plura ut inter se connexa. Ita in re com- muni; prout patebit exemplis illico asserendis.

Unde sciendum, quod confessio quandoque fiat 115 simpliciter; puta, absolute et pure confitendo de- bitum, vel crimen, sine apposita alia qualitate: in quo sensu hactenus de Confessione dictum est. Quan- doque autem tali confessioni adjicitur aliqua qua- litas, et quidem sub eadem constructione, vel sal- tem in continenti apposita, juxta exempla illico asserenda: et tunc dicitur esse Confessio qualifi- cata. Exemplum hujus affert Glossa magna in l. Siquidem. C. de Exception. si Actore asserente, quod Reus sibi promiserit decem, Reus respondeat, se solum conditionaliter promississe (qualis con- fessio sit sub unica constructione) vel promississe, sed sub conditione, si hoc aut illud fiat, et non aliter: talis enim confessio censetur qualificata, ob appositam in continenti qualitatem, seu conditio- nem illam; nam quae in continenti dicuntur, censentur inesse l. Lacta est, ff. Si certum petatur. Secus, si conditio non in continenti apponatur, sed primum ex intervallo: quia tunc non censetur inesse confessioni, sicque non reddit istam qualifi- catam. Glossa loc. cit.

Aliud Confessionis qualificatae exemplum habet 116 tur in c. Bonae memorias. 3. §. 1. de Postulat. Praelat. ubi Nuntii Capituli Strigoniensis confitendo responderunt, quod super praeficiendo sibi Pontifi- ce de gratia multoties Suffraganeorum fuerat re- quisitus consensus. Haec enim confessio Nuntio- rum, inquit Abbas ibid. num. 29. emanavit qua- lificate; atque ideo Suffraganei non poterant reci- pere, et approbare confessionem illam sine qua- litate de gratia. Hoc ipsum (subjungit Abbas ibidem) contingit, si confitear, recepisse me a te centum, quae mihi debebas ex causa mutui: ta- lis enim confessio continet unum actum qualifica- tum; quia non confiteor, me recepisse a te cen- tum simpliciter, sed centum quae mihi debebas vi mutui.

Secus foret dicendum, si petas a me centum, 117 et ego respondeam, quod bene mihi mutuasti cen- tum, sed tu ex alia causa tenearis mihi in centum. Haec enim non censetur Confessio qualificata, sed est pura confessio de recepto mutuo, quam pro- inde adversarius potest habere acceptam; etsi si- mul sit adjecta exceptio de debito aliorum cen- tum, quam ego probare tenebor, cum loquatur de facto separato. Abbas loc. cit. Hoc idem di- cendum in casu, si respondeam Fateor, me tibi promississe centum, sed ea tibi jam solvi. Nam haec, utpote loquens de diversis actibus seu capitulis, non est confessio qualificata, sed confessio, simul et exceptio; sicque potest per adversarium quoad priorem partem acceptari, quoad posteriorem



vero negari, donec hæc a me probetur. Maranta part. 6. *Speculi Aursi, tit. de Confessione, num. 27.*

118. His addo Bartolum in *l. Aurelius. §. Idem quæsiit. ff. de liberation. legat.* ubi generalem ponit regulam pro dignoscenda Confessione qualificata, dum inquit: quod si confessio fiat circa unum capitulum, hoc est, unum factum, cum qualitatibus suis, vel circa plura connexa, tunc censetur esse Confessio qualificata. Exemplum prioris est: *Fateor, me promisisse tibi decem sub conditione*: hic enim est unicum capitulum cum sua qualitate, atque ideo est una confessio qualificata. Exemplum posterioris, seu plurium capitulorum inter se connexorum, est: *Fateor, me promisisse tibi centum sed pacto in continenti apposito, quod vadat pro me. Romam*: ista enim sunt plura capitula, inter se tamen connexa; et quia in continenti dicuntur videntur inesse, cit. *l. Lecta. ff. Si certum palatur*. Contra vero diversa capitula censentur ea, quæ sunt diversis temporibus; ut *l. Perfecta. C. de Donation. quæ sub modo etc.* Idem dicendum, si in continenti fiant plura capitula, quorum unum non venit ad alterius demonstrationem, sed quolibet per se stat: tunc enim sunt diversa capitula, quorum unum, potest acceptari, alterum negari, ut *l. Etiam si pater. §. Ex causa. ff. de Minorib. et l. Scire debemus. ff. de Verbor. obligat.* Ita notanter discurret Bartolus.

119. Queritur II. An Confessio qualificata ex parte possit acceptari, et ex alia parte negari? Et dicitur, *Confessio qualificata*: nam extra controversiam est, quod si Confessio continent duo vel plura capitula separata, bene possit adversarius unum capitulum, sive unum factum, quod pro se facit, acceptare; et alterum, quod contra se est, reprobare; ut cit. *l. Etiam si pater. §. Ex causa. ff. de Minorib.* cum similibus. Idem patet in positionibus: hæc enim omnes fatetur quidem. Pars ponens, non tamen eas omnes. Pars adversa recipit, sed aliquas sibi faventes potest acceptare, reliquas vero respuere: nam continent facta separata, ut *c. Praesentium. §. Praeterea. juncta Glossa vers. Sigillatim. de Testib. in 6. cum similibus.* Verum loquendo de Confessione qualificata,

120. Resp. I. In causis civilibus, et ubi praesumptio juris non stat contra qualitatem adjectam, tunc Confessio qualificata debet vel tota recipi, vel tota respoi: nisi recipiens partem talis confessionis pro se facientem, velit ac possit aliam partem, sive adjectam qualitatem per rationes impugnare, et refutare. Ita Glossa magna communiter recepta in *l. Siquidem. C. de Exception.* Bartolus ubi supra, et in cit. *l. Si quidem. C. de Exception.* Abbas in *c. Bonae memoriae. 3. num. 29. de Postulat. Praelat.* Alexander Consil. 87. n. 2. lib. 1. Jason *l. Siquidem ex causa. num. 2. C. de Transaction.* Maranta cit. num. 27. Farinacius lib. 3. *Criminal. quæst. 81. num. 149.* Gailus lib. 1. *de Pace publica, cap. 17. num. 2.* cum aliis, quos citat. Ratio prioris partis est: quia Actore rem pure et absolute petente, si Reus emitat confessionem qualificatam, hæc magis est negativa, quam affirmativa responsio; et sic perinde est, ac si petitio Actoris per omnia negaretur: ut puta, si Actor petat decem vi factas sibi promissionis, et Reus qualitate confiteatur, illa decem se promisisse solum sub conditione. Atqui Actore non probante Reus absolvi-  
tur, *c. Cum Ecclesia. §. fin. de Caus. posses. et l. Qui accusare. C. de Edendo*; ergo Accedit, quod in iudicio, si quis ambigua oratione usus fuit, id quod alijs ei est, accipiendum sit, *l. Si quis intentione,*

*ff. de Iudiciis*: atqui faciens confessionem qualificatam, nonnihil ambigue loquitur; ergo.

Atque ob hæc, et alias huiusmodi rationes, 121  
Glossa proxime citata ponit notabilem doctrinam, videlicet, quod confessionem qualificatam, seu veritatem adjectæ qualitatis, non tenentur probare ipsemet confitens; sed altera pars sive Actor debeat probare puritatem, ostendendo videlicet, quod qualitas illa in ipsa actionis nativitate non fuerit appositæ. Nam ei incumbit probatio, qui dicit, puta, decem sibi promissa fuisse absolute: non qui negat; prout negat dictam puritatem, confitens, illa decem a se promissa esse sub conditione, *L. 2. ff. de Probation.*

Et per hoc patet ad alteram partem datæ Con- 122  
clusionis, videlicet, quod recipient unam partem qualificatæ confessionis, debeat alteram partem, seu adjectam qualitatem, per rationes refutare. Hujus etiam exemplum habetur in *l. Aurelius. §. Idem quæsiit. ff. de Liberation. legat.* ubi potest quis uni scripturae pro parte stare, pro parte non, probando tamen contrarium. Atque hæc procedunt, ubi praesumptio juris non stat contra qualitatem adjectam, propter rationes illico afferendas: unde

Resp. II. Nihilominus etiam in civilibus, quan- 123  
do praesumptio aliqua stat contra confitentem, seu contra adjectam per eam qualitatem, tunc ejusmodi confessio qualificata, potest scindi, ac ex parte acceptari, et ex parte reprobari: acceptari quidem; quatenus facit contra confitentem; reprobari vero, quatenus facit pro ipso, donec is oppositum probet, atque praesumptionem juris elidat. Ita Abbas in *c. Cum venissent. n. 7. de Institut. Alexander Consil. 2. n. 22. lib. 2.* post Bartolum in *l. Aurelius. §. Idem quæsiit. ff. de Liberation. legat.* Menochius *de Arbitrar. Judic. casu 93. num. 36.* Farinacius cit. *quæst. 81. num. 149.* et alii. Idque desumitur ex *l. Cum de indebito. ff. de Probation. et ex c. Cum venissent. juncta Glossam verb. Probatur. de Institut.* Ubi Archiepiscopo confesso, quod Antecessores sui quibusdam Archidiaconis institutionem, et custodiam Ecclesiarum, personaliter commiserint: stante praesumptione pro Archidiaconis, quod confessio illa fuerit realis, desumpta tum ex continua possessione, tum ex aliis rationibus ibidem enumeratis; Papa pro Archidiacono tulit sententiam interlocutoriam, donec probatum legitime fuerit ex adverso, libertates ipsas Archidiaconis ab Archiepiscopis personaliter fuisse concessas: sicque Pontifex scidit confessionem qualificatam Episcopi, partem unam acceptando, et partem alteram, seu adjectam qualitatem reprobando propter praesumptionem in contrarium, donec hæc per Archiepiscopum qualitate confessionis legitime fuisset probata.

Queritur III. Quid censendum de Confessio- 124  
ne qualificata in criminalibus? Resp. I. In criminalibus potest confessio qualificata dividi, eaque sine qualitate accepta, donec hæc per allegantem legitime probetur. Ita Bartolus in cit. *l. Aurelius. §. Item quæsiit. ff. de Liberation. legat.* Abbas in *c. Auditis. num. 32. de Praescription.* Jason *l. Ut vim. num. 13. ff. de Justit. et jur.* Gailus lib. 1. *de Pace publica, cap. 17. num. 3.* Julius Clarus lib. 5. *Criminal. §. fin. quæst. 55. num. 15.* Farinacius cit. *quæst. 81. num. 110.* allegans plurimos alios, qui testantur de communi, paucis exceptis, quos ibid. num. 112. citat. Solet hæc Conclusio exemplificari in eo, qui fatetur, se occidisse hominem, pro sua necessaria defensione: nam talis confessio acceptatur quoad partem, videlicet de facto homicidio; non vero quoad qualitatem necessariæ defensionis, ac hæc per allegantem est probanda. *l. C. Ad*

*Leg. Cornel. de Sicariis.* Et idem dicendum, si quis confiteatur, se vulnerasse proximum aut aliud ei damnum intulisse, solummodo per litem, *cap. 1. de Praesumpt.* Aut dixisse verba opprobriosa, non animo injuriandi, *l. Si non convitiis. C. de Judiciis.* et hujusmodi.

125 Accedit ratio. Quia in delictis, seu in his, quae sunt de genere prohibitorum, praesumitur dolus, et stat praesumptio contra delinquentem. Nam omne maleficium prae praesumitur factum; ut *cit. cap. 1. juncta Glossa fin. de Praesumpt. et l. 1. C. Ad Leg. Cornel. de Sicariis; et l. Si non convitiis. C. de Injuriis*, ubi proin-Summarium inquit: *Verba sui natura injuriosa, praesumuntur animo injuriandi prolata, nisi contrarium probetur*: et notat Alexander *Consil. 93. num. 6. lib. 6.* et Farinacius *lib. 1. Consiliorum criminalium, Consil. 25. num. 14.* allegans alios. Atqui, ubi praesumptio stat contra confitentem, potest confessio qualificata scindi, et qualitas adjecta rejici, donec per allegantem probetur: habet enim vim cujuspiam exceptionis. Id ipsum probant Jura haecenus allegata: ergo.

126 Resp. II. Licet ex confessione qualificata, quae v. g. confitetur, se occidisse hominem ad suam necessariam defensionem, hac qualitate non probata possit aliquis ut confessus condemnari: nihilo minus talis non potest condemnari ad poenam capitalem, sed solum ad poenam extraordinariam, seu aliam mitiorem pro Judicis arbitrio infligendam. Ita Abbas in *c. Auditis. num. 32.* et Felinus *ibid. num. 30. de Praescription.* Jason *cit. num. 13.* Menochius *d. Casu 93. nu. 38.* Maranta *part. 6. Speculi Aurei. tit. de Confessione. num. 39.* Julius Clarus *d. §. fin. quaest. 55. num. 16.* Farinacius *cit. quaest. 81. num. 157.* allegans plurimos alios. Ratio est: quia ad inferendam mortem, seu poenam capitalem homicidio debitam, requiruntur probationes luce meridiana clariores, *l. Sciant cuncti. C. de Probation. et can. Sciant. 2. q. 8.* Atqui talis probatio luce meridiana clarior, non est praefata confessio qualificata: cum non fiat pure, sed solum cum addita qualitate suae necessariae defensionis; ergo.

127 Nec obstat, quod tali qualitate non probata, consurgat quaedam praesumptio juris in contrarium. Si quidem ex praesumptione, etiam vehementi, non debet quis de gravi crimine, ac poena capitali damnari, *c. Litteras. 12. de Praesumption. et l. Absentem. ff. de poenis*; atque cum pluribus aliis tradit Farinacius *lib. 3. Criminalium. quaest. 86. numer. 1. et 3. et 15. ac seqq.* Haud obstante, quod exinde possit quis condemnari civiliter ad restitutionem rei, vel recompensationem damnorum illatorum, *arg. c. Afferre. de Praesumption.* vel ad substituendam aliam poenam mitiorem, puta pecuniariam mulctam, vel hujusmodi. Nam in poenalibus causis benignius interpretandum est, ut dicitur *l. Factum cuique. ff. de Reg. Jur. cum similibus.* Simulque satius est, nocentem dimitti, quam innocentem damnari, *cit. l. Absentem. ff. de Poenis*: idque fusius declarat Farinacius *cit. quaest. 86. n. 18. et seqq.* allegans plurimos alios.

128 Quaeritur IV. Utrum Confessio qualificata, quod scriptura privata, seu apocha grave delictum exprimens, manu sua fuerit conscripta, sed jocosè solum, seu calami experiendi gratia, praedictet confitenti? Notabilem casum circa hanc quaestionem refert Prosper Farinacius *lib. 1. Consiliorum Criminalium, Consil. 25. num. 1. et seqq. et n. 54. et 55.* de quodam Clerico, qui apocham, ex qua constabat de crimine digno privatione Beneficiorum, sua manu scriptam fuisse, judicialiter recognovit; sed ad-

didit, se illam scripsisse causa experiendi calamum; atque in hac sua confessione persistens, torturam sustinuit: unde oriebatur quaestio, num Clericus ille vitalis confessionis potuerit judicialiter privari Beneficiis Ecclesiasticis. Eundem casum refert etiam Nicolaus Genova *de Scriptura privata, lib. 1. quaest. 3. num. 108.*

Resp. Stante ejusmodi confessione, seu recogni- 129 tione suae manus judicialiter facta, scriptura privata probat. plene contra confitentem; dummodo non agatur de imponenda poena corporali, sed solum de poena civili, puta privationis Beneficiorum, quae reputatur civilis. Ita Farinacius *cit. Consil. 25. num. 1. et n. 11. et seqq.* Genova *cit. num. 108.* asserens, in casu memorato tandem re mature discussa ita fuisse judicatum. Abbas in *c. Scripta vero. num. 4. de Fide instrument.* Covarruvias *lib. 2. Variar. Resolut. cap. 11. num. 4.* Emmanuel Rodericus *tom. 2. Quaest. Regular. qu. 13. art. 5.* post Rebuffum in *Rat. de Chirograph. et Schedul. recog. n. 44.* et alios. Idque clare desumitur ex *l. Scripturas quae. C. Qui potiores in pignore etc.* ubi Bartolus, et DD. et Paulus de Castro in *l. Cum antiquitas. C. de Testament.*

Nec obstat, quod confessus suam esse scriptu- 130 ram, addiderit, eam solum jocosè: seu animo experiendi calamum fuisse conscriptam. Nam ubi talis confessio emanavit qualificate, seu sub una constructione verborum, tunc quia sumus in criminalibus, potest ipsa dividi; ac proinde priora parte judicialiter acceptata restat, ut altera pars sive quod scriptura per jocum v. g. duntaxat facta sit, probetur per allegantem. Neque enim Judex potest stare simplici assertioni ipsius Rei: nam in delictis, seu loquendo de his, quae sunt de genere prohibitorum, semper praesumitur dolus, et delictum, nisi contrarium probetur, ut dictum *num. 125.* Deinde excusatio illa, quod quis schedulam adeo turpem solummodo per jocum, seu animo experiendi calamum, scripserit, inverisimilis est; atque ideo rejicienda talis responsio, *arg. Milites. C. de Quaestione.* et notat Farinacius *cit. Consil. 26. num. 55.* post Baldum in *l. 1. C. de Servis fugitiv.* et Cephalus *Consil. 85. num. 39. vol. 1.* Nam, si voluit duntaxat experiari calamum, cur scripsit verba adeo nefanda, atque completum sensum constituentia, et non potius scripsit verba statum suum decentia, vel saltem indifferentia.

Additur notanter, dummodo non agatur de im- 131 nenda poena corporali, ob rationem *num. 126.* allatam. Quod autem privatio Beneficii Ecclesiastici, reputetur esse poena civilis, notat Abbas in *c. Illa praepositorum. n. 5. et c. Cum P. Manconella n. 7. et c. Super his. n. 4. de Accusation.* Farinacius *cit. Consil. 25. n. 9.* allegans alios, et Maranta *part. 4. Speculi Aurei. dist. 1. n. 32. et 33.* ubi tamen istud limitat in casu, quo Statutum pro crimine non imponeret aliam poenam, nisi privationis.

## §. VI.

De Confessione Sacramentali inique revelata, nec non de Confessione per torturam, vel sub spe impunitatis extorta.

## SUMMARIUM.

132 Confessio Sacramentalis inique revelata, nihil probat contra Poenitentem in Foro externo. Et *num. seqq.*

133 Sacerdos sigillo Confessionis cum primis tenetur.

- Ipsi Confessionem revelanti, nullo modo creditur. Ibid.*
- 134 *Depositiō testium de Confessione Sacramentali forsā audita, contra Poenitentem nihil probat.*
- 135 *Inventor schedulae Confessionis peccat scienter ipsam legendo.*  
*Nec potest Iudex de peccatis in ea descriptis inquirere. Ibid. et num. seqq.*
- 136 *Poenitentiae Sacramentum est secunda post naufragium tabula.*
- 137 *Ut confessio per torturam extorta probet, quae requirantur? Et num. seqq.*  
*Requiritur imprimis, quod constet de corpore delicti. Ibid.*
- 138 *Deinde, ut contra tortum praecessorint legitima indicia.*  
*Confessio per torturam extorta non praecedentibus legitimis indiciis, nihil probat. Ibid.*
- 139 *Indicia legitima, seu ad torturam sufficientia, sunt plura. Et num. seqq.*  
*Ut depositio unius testis: et qualis? Ibid.*
- 140 *Confessio extrajudicialis.*
- 141 *Fama, fuga Rei, praevia inimicitia capitalis etc.*
- 142 *Plura indicia de se insufficientia, conjunguntur ad effectum torquendi.*  
*Non item ad condemnandum poena corporali; et cur? Ibid.*
- 143 *Judicis arbitrio est relinquendum, quatenam indicia sint ad torturam sufficientia.*  
*Haec tamen non est infligenda ante assignatas Rei defensiones cum copia indiciorum etc. Ibid.*
- 144 *Utrum ad torturam sufficiant indicia, quae sunt minus quam semiplena probatio?*
- 145 *Ad torturam regulariter non est deveniendum, nisi in subsidium, seu quando delictum aliter probari non potest.*
- 146 *Fallit hoc in nonnullis casibus.*
- 147 *Ut confessio facta in tortura probet, requiritur ulterius, quod tortus persistat in confessione.*
- 148 *Qualiter Reus tortus conseat persistere in confessione?*
- 149 *Confessio criminis emanata sub spe impunitatis a Iudice promissae, an probet? Et num. seqq.*  
*Ratio dubitandi, et affirmativam tenendi, refertur. Ibid.*
- 150 *Confessio ejusmodi non sufficit ad condemnandum poena ordinaria.*
- 151 *Solvitur ratio dubitandi.*  
*Licetum est, in bello justo ponere hostibus insidias, non vero datam eis fidem violare. Ibid.*
- 152 *Sufficit tamen dicta confessio ad condemnandum Reum poena extraordinaria.*
- 153 *Quid, si Reus in illa confessione perseveraverit?*
- 132 **Q**uaeritur I. Utrum Confessio Sacramentalis inique revelata, vel reperta schedula Confessionis, praedictet poenitenti in Foro externo? Resp. I. Confessio in Sacramento Poenitentiae facta coram Sacerdote, nihil omnino probat contra poenitentem in Foro externo. Ita communis tum Theologorum, tum Canonistarum. Idque clare desumitur ex c. *Dilectus*. 13. de *Excessib. Praelator. et c. Si Sacerdos*. 2. de *Offic. Ordinar.* Ubi hujus ratio redditur: quia videlicet Confessio Sacramentalis consetur facta Sacerdoti, non ut homini, sed ut Deo, seu Vicario Dei; ac proinde ad decidendas controversias humanae est prorsus impertinens. Accedit, quod, si quovis modo absque expressa licentia poenitentis posset revelari Confessio Sacramentalis, vel ipsa inique revelata adhiberi in Foro externo pro probatio-

ne contra poenitentem, Sacramentum Poenitentiae redderetur valde odiosum, imo et periculosum fidelibus: hoc autem repugnat Divinae institutioni, ac debitae reverentiae tanti Sacramenti, utpote a cujus frequentatione hac ratione Fideles retraherentur, non sine magna ejusdem injuria.

Inferitur proinde, quod si Confessarius, qui sacro Sigillo comprimis tenetur, can. *Sacerdos de Poenitent. dist. 6. et c. Omnis utriusque sexus de Poenitent. et remiss.* factam sibi Confessionem Sacramentalem absque expressa licentia poenitentis malitiose revelet, ob hanc ipsius revelationem Magistratus contra poenitentem inquirere non possit, etiam si ob non institutam inquisitionem salus Reipublicae periclitaretur. Castro Palao de *Sacramento Poenitentiae*, tract. 23. punct. 19. n. 12. post Sotum in 4. dist. 18. q. 4. art. 6. et alios. Quinimo Sacerdoti revelanti Confessionem non creditur: adeo, ut ejus revelatio nec faciat indicium ad torturam, nec ullam fidem habeat, imo nullum omnino effectum operetur in judicio, vel extra. Farinacius lib. 1. *Criminalium*, quaest. 47. num. 96. Menochius lib. 1. de *Praesumptionibus*, quaest. 89. n. 26. post Baldum in l. *Archigerontes*. C. de *Episc. audient.* Covarruvias de *Matrimonio*, part. 2. cap. 8. §. 12. n. 23. allegans alios.

Inferitur ulterius, quod si testes, qui audierunt Confessionem poenitentis, clarius forsā coram Sacerdote factam, deponerent de ea in judicio, testimonium eorum nequaquam probaret, neque ejusmodi Confessio Sacramentalis quidpiam praedictet confidenti. Mascardus de *Probationibus*, Concl. 377. n. 2. Farinacius cit. quaest. 47. n. 99. et alii. Ratio est, quae supra: nam et horum testimonium, si quid probaret, tenderet in injuriam Sacramenti Poenitentiae, et contra Christi institutionem, retrahendo nimirum Fideles a frequentatione illius. Et hinc ulterius

Resp. II. Inventor schedulae, in qua alicujus peccata pro facienda Confessione Sacramentali annotata fuerunt, non solum peccat scienter ipsam legendo; sed insuper, si eam inique legens denuntiet Magistratui, non potest contra taliter denuntiatum Magistratus inquirere, vel eum punire, neque comprehendere. Ita Castro Palao cit. tract. 23. de *Sacramento Poenitentiae*, disp. un. punct. 19. §. 4. n. 11. Bonacina de *Sacramento Poenitentiae*, disp. 5. quaest. 6. sect. 5. punct. 3. num. 7. et 8. ubi hoc ipsum extendit ad Iudicem, qui repertam schedulam confessionis legit: quia (inquit) non potest de peccatis in ea descriptis inquirere, sed tenetur ista perpetuo silentio tegere: idemque docent alii. Ratio primae partis est: quia inventor schedulae confessionis gravem infert injuriam poenitenti invito, dum scienter legit peccata secretissima ipsius, nec nisi in ordine ad faciendam Confessionem Sacramentalem annotata: unde non mirum, quod graviter peccet, et saltem ad secretum naturale (si non etiam ad Sigillum Confessionis, ut nonnulli volunt, minus tamen probabiliter) teneatur de iis perpetuo reticendis.

Altera pars ex eo suadetur. Quia reverentia Sacramento Poenitentiae debita videtur exigere, quod instrumenta Confessionis non deducantur ad Forum externum; alioquin suboriretur periculum aversionis, et retractionis Fidelium ab eodem tam salutari Sacramento, contra Christi institutionem; qui istud instituit tanquam secundum post naufragium deperditae gratiae tabulam, can. *Secunda post naufragium de Poenit. dist. 1. et docet Concilium Tridentinum Sess. 6. cap. 14. et Sess. 14. cap. 2.*



137 Quæritur II. Quæ requirantur, ut Confessio per torturam, seu metum tormentorum extorta probet, ac præiudicet consentienti? Resp. I. Ad hoc requiritur cumpmissis, ut constet de corpore delicti. Alioquin enim torturae locus non est, *text. clar. E. 1. §. Item illud. ff. Ad S. C. Syllanian.* Quia imo, etiamsi quis confiteretur debitum aliquod ac commississe, puta homicidium, non posset condemnari, nisi de corpore delicti illius aliter, quam ex ejus confessione constaret: quia posset confessio criminis quandoque potius ex taedio vitae, seu desperatione facta fuisse, quam conscientia criminis, *L. 1. §. Divus. et §. Si quis ultro. ff. de Quaestionib.* Julius Clarus *lib. 5. Criminalium. §. An. quaest. 4. n. 1. et quaest. 5. n. 10.* Farinacius *lib. 1. Criminal. quaest. 2. nu. 7.* generaliter docens cum aliis, quod confessio non noceat consentienti, quando non constat de corpore delicti. Atque ideo si Reus in tormentis fateatur, se alibi homicidium v. g. vel furtum commississe, debet in eo loco inquiri, an aliquando tale homicidium, aut furtum ibidem factum fuerit. Engel. *h. t. n. 17.*

138 Resp. II. Insuper ad hoc, ut confessio per torturam emanata probet, requiritur ut contra torturam præcesserint legitima, seu ad torturam sufficientia indicia: nam regula est, quod confessio extorta a Iudice per torturam nullis præcedentibus indicibus, vel saltem non legitimis, seu ad torturam non sufficientibus, nihil probet, neque consentienti præiudicet. Desumitur hoc imprimis ex c. Cum in contemplatione. 6. de Reg. Jur. ubi dicitur: *In ipso causae initio non est a quaestionibus inchoandum.* Hoc autem fieret, si confessio per torturam facta nullis præcedentibus legitimis indicibus aliquid probaret. Concordat textus satis apertus in *L. 1. §. Divus. Severus. ff. de Quaestionib.* ubi loquendo de Quaestionibus, hoc est, de inquisitione veritatis per tormenta, dicitur, *Confessiones Reorum pro exploratis facinoribus haberi non oportere, si nulla probatio religionem cognoscentis instruat.* Et ita tenet Glossa un. in *l. Quaestionis*, et Bartolus *ibid. n. 1. de Quaestionib.* Feliaus c. *At si Clerici. n. 1. vers. Septimo limita. de Judic. addens*, quod talis confessio non noceat, etiamsi millies ratificetur. Mascardus de Probatione. Concl. 353. num. 1. et seqq. Farinacius *lib. 3. Criminalium, quaest. 83. n. 1. et seqq.* citans plurimos, hæcque materiam fusius declarans.

139 Porro, quænam Indicia sint legitima, seu sufficientia ad torturam, non est hujus loci examinare. Videri desuper inter alios poterit Menochius de Praesumptionibus. *lib. 1. quaest. 89.* ubi ad longum quadrangula quatuor indicia, sufficientia ad torturam refert, atque declarat. Eorum primum oritur ex attestatione unius testis, omni exceptione majoris, qui deponit de visu ipsius actus, seu commissi delicti, juxta Glossam in *l. Si quis alibi. §. Convictus. C. ad Leg. Jul. Majestat.* et alios passim. Nam ejusmodi testis de visu, non solum facit indicium, sed etiam semiplenam probationem. Mascardus de Probationibus, *vol. 1. quaest. 11. num. 2. et 3.* Secus dicendum, si testis ille non sit omni exceptione major: quia tunc non faceret sufficiens indicium ad torturam, nisi concurrerent alia adminicula: prout supra *num. 113.* de nominatione socii criminis jam dictum.

140 Alterum indicium ad torturam sufficiens, censetur esse confessio extrajudicialis. hæc enim, licet non sufficiat ad condemnandum, regulariter tamen non sufficit ad torquendum. Glossa *fin. in l. Capite quinto.* et ibi Bartolus *ff. ad Leg. Jul. de Adulteriis.* Maranta *part. 6. Speculi Aurei. tit. de*

*Confessione n. 3.* Menochius *loc. cit. n. 14.* Farinacius, *ubi supra; quaest. 82. num. 23.* citans plurimos alios una cum communi, ac fusc hæc regulam declarans. Concordant dicta superius *§. 2. n. 40. 41. et 43.*

Inter alia indicia connumeratur fama, non quidem se sola, sed una cum aliis adminiculis. Item fuga Rei, ac prævia inimicitia capitalis, vel tamen præcedentes mendacium et variatio accusati, titubatio et trepidatio animi ipsius, et hujusmodi: quæ licet non semper se solis sufficiant, nihilominus conjuncta aliis adminiculis sufficiens indicium ad torturam constituunt: prout amplius declarat Menochius *cit. quaest. 89.* per totum, et Julius Clarus *cit. §. fin. quaest. 21.* per totum.

Addit Alexander *Consil. 65. n. 10. lib. 1.* Menochius *ubi supra, quaest. 40. n. 9.* et Farinacius *loc. cit. quaest. 86. n. 72. et 74.* allegans plurimos alios, et communiorum Doctorum, paucis exceptis, quod plura indicia, quamvis imperfecta, et de se insufficientia, conjungantur ad effectum torquendi: sique hic locum habeat vulgata regula: *Et quæ non prosunt singula, multa juvant.* Quamvis secus sit dicendum, quando agitur de crimine criminaliter ad condemnandum poena corporali: hic enim, sive ad condemnandum corporaliter, requiruntur probationes luce meridiana clariores, *L. ult. C. de Probat.*

Unde notandum, quod, quænam indicia sint ad torturam sufficientia, non possit dari una certa doctrina: sed hoc totum sit relinquendum arbitrio boni viri, scilicet Iudicis, qui secundum qualitatem personæ, ac delicti ipsarumque demonstrationum, seu suspicionum judicabit, indicium esse ad torturam sufficiens, nec ne. Bartolus in *L. ult. n. 5. ff. de Quaest.* Alexander *cit. Consil. 65. n. 10. lib. 1.* Menochius *cit. quaest. 89. n. 1. et lib. 2. de Arbitrar. Judic. eas. 270. n. 3.* Jul. Clarus *d. §. fin. qu. 20. n. 1. et quaest. 64. nu. 13.* allegans communem Doctorum. Verumtamen, quod tortura non sit intelligenda, prius quam Reo assignatae fuerint defensiones cum copia indiciorum, ac etiam post Decretum torture expectatus sit terminus ad appellandum, ne subita accusatione criminum, vel metu torture opprimatur: desumitur ex *l. Unius facinoris. §. Cogniturum.* et Bartolo *ibid. ff. de Quaest. Antonellus de Regim. Eccles. lib. 6. c. 44. nu. 8.* apud quem alii.

Utrum autem ad torturam sufficiant Indicia, quæ sunt plus quam simplex præsumptio, etsi sint minus quam semiplena probatio: vel potius, an pro tortura intelligenda requiratur, ut ex indicibus ejusmodi resultet semiplena probatio, rursus variant Doctores: prout videre est apud Farinacium *lib. 1. Criminalium, quaest. 36. num. 118. et seqq.* ubi plurimos pro et contra allegat. Et quidem priorem sententiam tenet Glossa in *l. Cum probatio. §. Deficit. ff. de Probation.* quam (ut notat Glossa marginalis *ibid.*) pro singulari notandum censet Alexander in *L. 2. §. Si absens. ff. Si ex noxali caus. agat.* ad hoc, quod solum indicium, etiam non sufficiens ad semiplenam probationem, dicatur sufficere, ut quis subeat torturam. Idem tenet Jul. Clarus *cit. quaest. 20. n. 1. et 4.* allegans Corneum *Consil. 101. Lit. L. lib. 1.* testantem de communi Doctorum. Verum Farinacius *cit. quaest. 36. n. 219. et seqq.* ex professo docet, et fusius probat, quod indicium ad torturam non sit, nec esse debeat minus, quam semiplena probatio: quam ipsemet *num. 231.* subjungat quod Iudicis arbitrio sit relinquendum, an hic et nunc ex præhabitis indicibus semiplena probatio oriatur, necne.

Insuper notandum, quod ad torturam regula

riter non sit deveniendum, nisi in subsidium, seu quando delictum aliter probari non potest. Nam tormentis locus non est, ubi crimen aliis probationibus apparet, l. *Divus Pius. et l. Edictum. ff. de Quaestionib.* ac tradit Abbas c. *Cum in contemplatione. n. 10. de Reg. Jur. et Covarruvias Practic. Quaest. cap. 23. n. 5.* asserens, ita adnotasse passim utriusque Juris Interpretes; et Iohannes Clarus, ubi supra, quaest. 64. n. 5. allegans Angelum in l. *fn. post n. 4. C. de Quaestione*, et Boerium Decis. 163. n. 1. et Practicam Conradi Fol. 280. quae aia, ita concludere omnes Doctores.

- 146 Addit tamen Clarus cit. quaest. 64. num. 7. quod plerumque Indices, laud obstante, quod delictum sit plene probatum, etiam per testes de visu, adhuc solent adhibere tormenta: non quidem, ut constet de delicto, sed solum, ut Reus illud fateatur, sique (juxta sententiam quorundam supra §. 3. num. 68. allatam) amplius appellare non possit. Id ipsum fatetur Covarruvias cit. cap. 23. num. 5: citans Baldum in l. 1. num. 9. C. de Jurament. calumn. et alios; quamvis hanc praxin reprobet, exceptis casibus extraordinariis, aliud pro bono Reipublicae exigentibus. Torquentur etiam quandoque Rei convicti, et confessi, ut ostendant socios, mandatores, et complices criminum. Julius Clarus cit. quaest. 64. n. 8. Covarruvias cit. n. 5. et alii.

- 147 Resp. III. Uterius, ut confessio facta in tortura probet, atque sufficiat ad condemnandum, requiritur, quod Reus tortura postea persistat in confessione, eamque ratificet extra tormenta ad Rationem Juris. Ita Glossa in l. 2. §. *Aliquid. C. Quorum appellat. non recip.* Abbas cit. c. *Cum in contemplatione. n. 7. de Reg. Jur.* Mascard. de Probation. Concl. 353. n. 9. et seqq. Farinacius lib. 3. quaest. 83. cap. 3. n. 67. allegans plurimos alios. Julius Clarus cit. quaest. 64. n. 40. cum communi. Ratio hujus desumitur ex l. 1. §. *Quaestioni. ff. de Quaestionib.* ubi dicitur, quod *Tortura res est fragilis et periculosa, et quae veritatem fallat: nam plerique patientia sive duritia tormentorum, ita tormenta continent, ut exprimi ab eis veritas nullo modo possit: alii tanta sunt impatientia, ut in quovis potius mentiri, quam pati tormenta velint etc.* Ne igitur ob intolerabilem cruciatum effugiendum quis falso crimen confiteatur, quod non fecit (prout nonnunquam contingisse, experientia docuit) merito inductum fuit, ut confessio in tortura facta plene non probet, nisi tortus in ea persistat, ipsamque ratificet.

- 148 Censetur autem Reus tortus in confessione persistere: non si statim hanc post torturam ratificet (praesumeretur enim adhuc durare metus tormentorum) sed si post spatium unius diei et noctis ad Rationem Juris, ut vocant, ductus, et extra tormentorum conspectum positus, confessionem suam repetat, arg. l. 2. C. de Custodia Reor. Farinacius cit. quaest. 83. n. 73. et seqq. Clarus d. quaest. 64. n. 41. Engel h. t. n. 17. et alii. Et quidem plures Doctores per spatium unius diei et noctis, intelligunt spatium viginti quatuor horarum: alii vero sufficere ajunt, si saltem nox fuerit intermedia, et si horas viginti quatuor vicedum plene fuerint completae. Quia imo nonnulli apud Farinacium loc. cit. n. 75. censent, expectandum esse per tres dies, et tres noctes; nam per solum diem et noctem, adhuc Reus dicitur esse in dolore, et cruciatu: atque ita servari in Tribunali Inquisitorum Haereticæ Pravitatis, testatur Simanchus Cathol. Institut. tit. 63. n. 71. Verum Bartolus in l. 1. §. *Divus Severus. n. 4. ff. de Quaestione*, et communior Doctorum censet, istud, relinquent.

dam esse arbitrio judicis: qui secundum qualitatem torture illatae, ipsiusque personae tortae, judicabit, quanto temporis spatio praesumatur cessare dolor, ac regius tormentorum. Clarus et Farinacius, ubi supra, n. 76. cum aliis.

Quaeritur III. Utrum Confessio criminis, cum nota, sub spe impunitatis a Judice promissae probet, et sufficiat ad condemnandum? Ratio dubitandi, atque affirmativa tenendi, est: quia licitum est Judici, causae veritatis explorandae aliquid simulare, et fingere, exemplo Salomonis Regis, 3. Reg. cap. 3. ac refertur c. *Afferte. 2. de Praesumptione*, ubi is duabus mulieribus coram se litigantibus, quarum quaelibet asserbat filium suum vivere, jussit dividi infantem vivum: non, quod hoc facere intenderit (repugnat enim Juri naturali, occidere innocentem) sed id jussit tentative solum, videlicet ad explorandum, utrumque affectum alterutrius eorum; ut notat Abbas in cit. c. *Afferte. num. 1.* Quo eadem ratione Christus Dominus post suam gloriosam Resurrectionem, coram duobus Discipulis euntibus in Emmaus, finxit se longius iturum, ad probandum videlicet eorum affectum, an videlicet illi, qui cum, etsi nesciebant ut Deum diligere, saltem ut peregrinum amarent: prout explicat D. Gregorius Papa Homil. 23. in Evangelia. Atque ideo, quod possit Judex promittere Reo impunitatem pro reprenenda veritate, et hac per confessionem ejus patefacta nihilo minus Reum condemnare, tenent non pauci Doctores, quos pro hac sententia citat Covarruvias lib. 1. Par. Resolut. cap. 2. n. 16. Menochius lib. 2. de Arbitrar. Judic. Casu 367. num. 7. et Farinacius lib. 3. quaest. 81. n. 278. et 279. inter quos sunt Geminianus in can. *Nos in quemquam. 2. q. 1. Felinna c. Afferte. n. 1. de Praesumpt.* Archidiaconus in can. *Utilem. 22. q. 2. Cynus in l. Praesenti. C. De iis, qui ad Eccles. confug.* et plures alii: adeo, ut hanc sententiam magis esse communem, censent Jul. Clarus lib. 5. §. *fn. quaest. 55. n. 9.* licet contrariam opinionem arbitretur aequiorem, Verum praemissis non obstantibus,

Resp. I. Confessio emanata sub spe promissae per Judicem impunitatis, veluti ejusdem Judicis dolo extorta, ad condemnandum poena ordinaria non sufficit; nisi forsitan Reus absque ulteriori spe factae promissionis, in illa confessione perseveraverit, seu ipsam ratificaverit. Ita Covarruvias cit. cap. 2. n. 16. pro hac sententia allegans Jo. Imolam Consil. 109. Decium in l. *Ea est natura. ff. de Reg. Jur.* et alios. Farinacius cit. quaest. 81. n. 276. et seqq. et plures alii, hanc sententiam non solum aequiorem, sed etiam magis communem reputantes. Atque haec fundatur imprimis in naturali lumine, quo dictante cuilibet, etiam homini; fides promissa servanda est, can. *Noli. 23. q. 1.* Accedit, quod per ejusmodi fictam impunitatis promissionem illaquearetur Reus fraude, et mendacio: hoc autem a quolibet bono viro, ac praesertim a Judice, summopere vitandum est; ac proinde Judex vel ab hujusmodi fictis promissionibus abstinere debet, prout passim consulant Doctores, vel datam Reo fidem servare tenetur. Hoc ipsum confirmatur ex c. *Sane. 7. de Renunciat.* ubi in simili is, qui pravo patris adversae consilio inductus, redditus propriis instrumentis ejus misericordiae se subiecit; et postmodum, undemericordiam debuit impetrare, inde cogebatur dispendium sustinere, auctoritate Apostolica in pristinum statum restituitur. Illud quippe etiam accideret in proposito, dum Reus falsis Judicis promissionibus inductus ad confitendum, ejus misericordiae se subiecit: ergo.

151. Nec obstant rationes in oppositum. Nam aliud est aliquid simulare, seu fingere se facturum explorandae veritatis causa, exemplo Salomonis, et Christi Domini: aliud, ficto et doloso animo impostitum promittere: Illud quidem est licitum, istud vero in iussecus malum, et prohibitum, utpote continens mendaciam perniciosam, dolumque malum. Sicut a pati, in bello iusto licitum est uti stratagematibus, ac ponere hostibus insidias, *can. Dominus noster*. 23. q. 2. non autem est licitum, promissam hostibus fidem violare, et frangere, *cit. can. Noli*. 23. q. 1.
152. Additur notanter in Conclusionem, ad condemnandum poena ordinaria. Quia licet confessio spe promissae impunitatis extorta non sufficiat ad condemnandum poena ordinaria, juxta proxime dicta: nihilo minus sufficit ipsa ad condemnandum in poenam quandam extraordinariam, dummodo postea per Reum non fuerit revocata. Farinacius *cit. quaest.* 81. num. 302. Covarruvias *loc. cit.* num. 16. *vers.* in eo tamen casu. Menochius *lib. 2. de Arbitrar. Judic. casu* 367. num. 4. citans alios, et hac ratione concordans ambas extremas sententias. Nam hoc ipso, quod Index non condemnet Reum per poenam ordinariam, stat iussu promissioni de servanda indemnitate ab hac poena ordinaria: unde, ne crimine maneat penitus impunita in perniciem Reipublicae, locus erit poenae mitiori seu extraordinariae.
153. Additur ulterius in dicta Conclusionem, Nisi forsitan Reus absque ulteriori spe factae promissionis in illa confessione perseveraverit, eamque ratificaverit. Tunc enim virtute hujus ratificationis, seu iteratae confessionis, poterit condemnari in poenam ordinariam: quamquam ad hoc requiritur ratificationem expressam, et quidem cum expressa denuntiatione, quod impunitatis iam promissae nulla habenda sit ratio, censeat Farinacius *cit. quaest.* 81. num. 287. 288. et 289. allegans Bossium *tit. de Confess. per tortur.* num. 14. et plures alios; et videtur etiam tenere Covarruvias *cit. num.* 16. illis verbis: Nisi spe promissionis frustratus in ea (confessione) perseveret.

## §. VI.

De obligatione confitendi veritatem ex parte Rei a Judice interrogati.

## SUMMARIUM.

154. Judici non legitime interroganti Reus fateri veritatem non tenetur.
155. Sed potest ejus interrogationem artificio eludere, non autem mentiri.
156. Ut Reus censeatur interrogari servato Juris ordine, quid requiratur?
157. Index nequit Reum interrogare de occultis criminibus, si nulla praecessit infamia, probatio vel indicium.
158. Neque convictum de uno crimine, potest interrogare de alio non connexo.
159. Alioquin graviter peccat.
- 160 et 161. Utrum dubitans, an juridice interrogetur, teneatur confiteri veritatem, variant Doctores.
162. Quid in praxi observandum?
163. Judici legitime interroganti tenetur Reus in conscientia fateri veritatem.
164. Reo juridice interrogando solet antea imponi juramentum de veritate dicenda.
- Et quid in causis criminalibus? *Ibid.*
165. Nemo debet cogi ad detegendam propriam tur-

161. pituitudinem; ut quomodo istud sit intelligendum? *Et num.* 204.

166. An in causis criminalibus gravioribus Reus juridice interrogatus sub gravi obligatione teneatur fateri veritatem? *Et num.* seqq.

167. Reus juridice interrogatus peccat mortaliter, si non fateatur veritatem. *Et num.* seqq.

168. Nec durante sua prava intentione hanc negandi, potest sacramentaliter absolvi.

169. Istud non debet videri nimis durum; quomodo intelligendum? *Et num.* seqq.

170. An Reus, qui negavit, sed adhuc est in potestate Judicis, teneatur se offerre Judici ad sustinendam veritatem?

Et quid, si potestatem Judicis jam evasis?

*Num.* 169.

171. Utrum Reus ex praesumptione falsa a Judice interrogatur, teneatur confiteri propositionem veram, ubi ista confessio condemnandus est in Foro externo de crimine, aut debito, ad quod revocari in Foro conscientiae non tenetur?

Status quaestionis exemplis declaratur. *Ibid.* et *num.* seqq.

172. Quantum attinet ad Forum conscientiae, sententia negativa statuitur.

173 et 174. Ea quoque pluribus probatur.

175. In Foro tamen externo est procedendum juxta exigentiam praesumptionis.

176. Solvuntur objectiones. *Et num.* seqq.

177. Juramentum est interpretandum juxta mentem recipientis.

178. Et quando?

Respondere an, et quando quis teneatur juxta mentem interrogantis? *Ibid.*

179. Referuntur tres Propositiones Innocentii XI: quibus damnantur Restrictiones mentales.

180 et 181. Amphibologia; quid, et qualiter contingat?

182. Restrictio mentalis, quae?

183. Praemissa sententia negativa nihil habet commune cum illis Propositionibus damnatis. *Et num.* seqq.

184. Sine causa non est licitum uti amphibologia.

Quaeritur I. An Judici non servato Juris ordine interroganti, Reus teneatur fateri veritatem? *154.*  
 Resp. I. Judici non legitime interroganti, aut non servato Juris ordine procedenti, non tenetur Reus veritatem fateri; neque juramentum praestare. Ita Lessius *lib. 2. de Justit. et jur. cap. 31. n. 8.* Lugo *de justit. disp. 40. sect. 1. n. 1.* Layman *lib. 3. sect. 5. tract. 6. cap. 5. n. 4.* Sannig *h. t. cap. 2. n. 5.* Bonacina *in Decalogum. disp. 10. quaest. 3. punct. 2. num. 2.* et communis aliorum, post D. Thomam 2. 2. q. 69. art. 2. ubi sit, quod aliud est, veritatem tacere, aliud falsitatem proponere. Primum horum aliquando licet: non enim tenetur quis omnem veritatem confiteri, sed illam solum, quam ab eo requirit Index secundum ordinem juris. Falsitatem autem proponere, in nullo casu licet alicui. Id ipsum desumitur ex c. Qualiter et quando 17. et c. Cum oporteat. 19. et c. Inquisitionis. 21. de Accusation. cum concordantiis; ubi Index prohibetur procedere ad inquisitionem, et examinationem Reorum, nisi Juris ordine servato: ergo hoc non observato nullam potest Reo obligationem imponere ad aperendum crimen, vel ad jurandum de calumnia, seu de veritate dicenda; cum Ias hanc potestatem ipsi non concesserit.

Unde consequens est, Reum non juridice interrogatum neutiquam teneri ad Iudicis mentem respondere, sed posse locutione amphibologica, *155.*



vel alio artificio, ejus interrogationem eludere. Falsitatem autem dicere, seu mentiri, nunquam est licitum: cum sit, intrinsece, malum: quatenus mentiri non legitime interroganti, mortale peccatum non sit, praeter eos casus, in quibus mendacium, etiam extra judicium, prolatum, mortalem culpam conjunct.

156. Porro, ut Reus censetur interrogari Juri ordine servato, praeter hoc, quod Juxta ceteroquin sit legitime; requiritur, ut vel praecesserit infamia super aliquo crimine, vel aliqua expressa seu manifeste indicia ejus apparuerint (tunc enim potest Juxta ex officio procedere, c. Qualiter et quando. 24. de Accusation. cum similibus) vel quod praecesserit accusatio, seu denunciatio criminis, una cum semiplena probatione ipsius. Alioquin, vero, si nullum horum intervenerit, censetur Reus a Jure interrogari non servato Juri ordine. D. Thomas, et Auctores proxime allegati, et alii.

157. Infertur, proinde, quod de occultis criminibus, sive de quibus nulla praecessit infamia, probatio vel grave indicium, Juxta Reum interrogare non possit: ut patet ex c. Qualiter et quando. 17. §. fin. de Accusation. ibi: Exceptis occultis criminibus. Siquidem occulta publicanda non sunt, sed soli Deo relinquenda, can. Erubescant. dist. 32. et can. Si omnia. 6. q. 1. junct. Glossa ibid. §. Si omnia; et notat Abbas in c. Cum super. n. 17. h. t. inde inferens, quod nulla aequitas possit movere Judicem, ut possit interrogare Reum de occultis.

158. Atque hoc adeo verum est, ut Juxta Reum de uno crimine infamatum, vel etiam convictum, non possit examinare de aliis criminibus, quae neque suapte natura, nec indicibus connexa sunt: ut si quis fuerit deprehensus, aut convictus de furto, non debet is examinari de homicidio, nisi praecesserint aliqua hujus indicia: quia etiam convictus de uno homicidio, nequit examinari de alio homicidio, si de hoc nulla indicia habeantur. Navarrus in Rubric. de Judiciis, num. 62. Layman lib. 3. tract. 6. cap. 5. n. 5. citans plures alios.

159. Infertur ulterius, quod Judices peccent, et quidem graviter, qui in causis criminalibus, praesertim notabilis infamiae, quempiam sine praevia semiplena probatione, diffamatione, aut sufficientibus indicibus comprehendunt; eumque ad dicendam veritatem juramento astringunt, et contra ipsum procedunt interrogando eum de gravi crimine, et aliis istud concernentibus in particulari. Tales enim graviter laedunt famam proximi, simulque agunt contra justam prohibitionem Juri communis, volentis, ut absque praevia diffamatione, aut semiplena delicti probatione, contra criminosos specialiter non inquiratur. Navarrus in can. Inter verba. 11. q. 3. Concl. 6. num. 179. et 181. Lugo cit. disp. 40. de Justit. et jur. num. 1. vers. Unde infertur. et alii. Pulchre ad propositum Practica Criminalis Fratrum Minorum, quos refert Ludovicus de Ameno tit. 19. Reus, §. 2. (mihi, f. 660.) in haec verba constituit: Non est constituendus Reus, nisi in informatione constet, delictum esse semiplene probatum, vel adesse aequipollentia indicia. Secus agens Juxta mortaliter peccabit, et Reus respondere non tenetur: quia non interrogatur juri ordine servato. Haec ibi.

160. Resp. II. Utrum Reus dubitans, an juridice interrogetur, teneatur confiteri veritatem? variant Doctores. Et quidem negativam tenet Lessius lib. 2. de Justit. et jur. cap. 31. num. 10. allegans pro se Cajetanum 2. 2. quaest. 69. art. 1. Sotum de Secreto, memb. 3. q. 2. Concl. 2. et Adrianum Quodlib. 2. Idem tenet Lugo cit. disp. 40. num. 2. et 3. Layman loc. cit. n. 4. Concl. 2. et alii. Ratio-

non dant: quia nemo tenetur obedire Superiori cum gravissimo suo incommodo, nisi constet eum legitime praecipere; manet enim quis in possessione suae libertatis, et incolomitatibus, seu bonae fame: atqui stante dubio illo necdum constat, quod Superior, seu Juxta legitime praecipiat. Accedit, quod in dubio favendum sit Reo, c. Cum sunt partium, 11. de Reg. Jur. in 6. et l. Favorabilior. ff. eod.

Oppositam sententiam, seu affirmantem, quod 161. stante praemisso dubio Reus Juxta interroganti teneatur fateri veritatem, tradit Paludanus 4. dist. 19. q. 4. quem citat, et sequitur Sylvester 4. Inquisitio, 1. num. 7. ejusque sententiam probabiliorum censet Bonacina cit. disp. 10. in Decalogum, quaest. 3. punct. 2. num. 4. una cum pluribus aliis, quos refert Diana part. 2. tract. 5. Miscellan. Resol. 91. et 106. Rationem dant: quia in dubio obediendum est legitimis Superioribus, can. Quid culpat, 23. q. 1.

Verum, quia Auctores prioris sententiae respon- 162. dero solent, rationem hanc, atque allegatum Canonem procedere solum, quando concessa auctoritate legitimi Superioris, seu Juxta, dubium est, an res praecipere sit licita, nec ne: secus autem, ubi dubitatur, an is habeat potestatem praecipiendo; prout uberius declarat Lugo cit. num. 2. Hinc in praxi, et loquendo pro Foro externo, consultum erit, ut Juxta antea denuntiet Reo, quod delictum, de quo interrogabitur, adeo sit probatum, vel quod ipse Reus tanta laboret diffamatione, aut tam gravibus urgeatur indicibus, ut Juxta competat ius eum juridice interrogandi, sique is veridice respondere teneatur. Quod si Reus talia indicia, vel probationem semiplenam adesse negaverit, oportet, ut Juxta aperiat Reo statum causae, probationes, indicia, vel diffamationem jam probatam, ut videat, an juridice interrogari, sique respondere teneri. Lessius cit. lib. 2. cap. 31. n. 10. post Cajetanum cit. quaest. 69. art. 1. Lugo ubi supra. n. 7. Sennig h. t. cap. 2. n. 7. Diana part. 3. tract. 5. resol. 91. citans Ludov. Mirandam in Ordine judiciario, tom. 2. quaest. 19. art. 13. concl. 2. et plures alios. Sin minus, poterit Reus excipere contra nullitatem processus, ob defectum diffamationis, indiciorum, aut semiplenae probationis, ne alioquin sibi praepjudicet: ut cap. 1. et 2. de Accusat. in 6. In dubio autem Juxta erit, de horum sufficientia cognoscere, l. Si quis ex aliena. ff. de Judiciis, ubi dicitur: Praetoris enim est existimare, an sua sit jurisdictio.

Quaeritur II. Utrum, et sub qua obligatione Ju- 163. dici legitime interroganti Reus teneatur fateri veritatem? Resp. I. Si Juxta servato juri ordine interroget, ac vel sub juramento, vel alias legitime praecipiat sibi veritatem dici, tenetur Reus in conscientia hanc fateri. Ita D. Thomas 2. 2. q. 69. art. 1. Covarruvias Practic. Quaest. cap. 23. num. 5. citans Innocentium in cap. 2. de Confessis. Navarrus cap. 25. Manualis, n. 36. Lessius loc. cit. n. 12. Layman cit. tract. 6. cap. 5. n. 1. Sennig h. t. cap. 2. n. 5. Sanchez lib. 2. in Decalogum, cap. 7. num. 1. inde inferens, quod si Juxta juridice interroget, constat, esse lethale peccatum, in re notabili veritatem amphibologiis tegere, cum teneatur eam sincero aperire: estque communis aliorum. Ratio est: quia quilibet tenetur obedire Superiori legitime praecipienti: sed Juxta servato Juri ordine procedens, ac interrogando praecipiens, vel juramentum de dicenda veritate deferens, legitime praecipit; ergo. Accedit, quod potestas juridice interrogandi ex parte Juxta, et obligatio respondendi ex parte Rei sunt cor-

relativa: quia, imo, Judicem judicialiter interrogant, idem est, ac Reum obligare ad respondendum. Lugo cit. disp. 49. n. 8. Ad quid autem deserviret potestas judicialis, si Reus legitime interrogatus, adhuc veritatem celaret, (ne dicam mentiendo negare, quod est intrinsece malum) eandemque sive locutione amphibologica, sive aliis modis occultare, licet bene valeat?

164. Additur in Conclusionem, *vel sub juramento*. Nam in causis civilibus, imo et alicubi in causis criminalibus, Reo juridice interrogando solet antea imponi juramentum de veritate dicenda: et tunc non solum ex vi legitimi praecepti Judicis, sed etiam ratione praestiti juramenti, tenetur Reus veritatem edicere, ne aliquo perjurii reatum incurrat. Et quamvis, hanc Practicam, quod in criminalibus Reo deferatur juramentum de veritate dicenda, sibi nunquam placuisse asserat Julius Clarus lib. 5. Practic. Criminal. §. An quæst. 55. num. 9. eo, quod sit manifesta occasio perjurii, tamen addit, in Practica, non esse recedendum a communi observantia.

165. Dices. Nemo debet cogi ad detegendam propriam turpitudinem, arg. can. Quis aliquando. §. His auctoritatibus. de poenit. dist. 1. et l. Alias autem. ff. de Jurejurand. atque esse communem regulam, testatur Decius in L. fin. post. num. 6. C. de Edendo; et Julius Clarus cit. §. An quæst. 45. n. 9. Ergo etiam Reus, quantumvis juridice interrogatus, non potest cogi ad confitendam veritatem, praesertim ubi detegeretur propria turpitudine. Resp. Antecedens esse verum in casu, quo alius non habet jus legitime interrogandi: uti fit in cit. l. Alias autem: alias secus. Et hinc etiam Judicis, quando interrogat non servato juris ordine, nemo tenetur detegere propriam turpitudinem: bene tamen, ubi is praevis semiplena probatione, diffamatione, aut manifestis indiciis juridice interrogat. Atque istud in causis civilibus, et criminalibus levioribus, Doctores communiter concedunt.

166. Verum loquendo de causis criminalibus gravioribus (hoc est, de illis, in quibus timetur sententia mortis, tritemium, perpetuorum carcerum, vel confiscationis omnium bonorum; ut explicat Lessius cit. lib. 2. c. 34. n. 17. et Lugo d. disp. 40. nu. 14.) nonnihil variant Doctores. Licet enim etiam in istis multorum sententia agnoscat gravem obligationem, Rei juridice interrogati, ad latendum crimen; prout post C. Thomam a. 2. q. 69. art. 1. et Cajetanum ibid. tenet Navarrus, et Covarruvias ubi supra, pluresque alii, per Lessium loc. cit. num. 12. pro hac sententia, quæ appellat communior, relaq. Oppositum nihil minus, videlicet in causis capitalibus, Reum non peccare, mortaliter negando crimen, quoadvis, spes est evadendi, etiamsi juridice interrogatur, non improbabile existit, idem Lessius num. 16. et Lugo nu. 14. et seqq. Sanguis cit. cap. 2. num. 5. et l. et seqq. Cordova in Crisi Theologica, Direct. 1. q. ad Propositionem 26. et seqq. Innocentii XI. cap. 7. n. 8). citans complures alios. Ratio est: quia, praeceptum Judicis de dicenda veritate, debet esse, secundum naturam, hoc est, accommodatum conditioni naturae humanae; prout de ipsiusmet legibus habetur can. Erit autem. l. c. dist. 41. Aliquale non videretur esse, si Reus, ad preceptum Judicis, illicite teneretur, scilicet, crimine necdum, plene probatum, et haud obstante, quod exinde sit morte placendus. Accedit, quod nullibi licet transigere, seu pacisci de crimine capitali (excepto adulterio), si quis sanguinem, et vitam suam negime, de Tractatu. C. de Thom. act. 2. ubi tenet, si in aliis criminibus, et ibidem dicitur, Facientur similia, de

quibus fuit Lessius, et Lugo, ubi supra.

Resp. II. Reus juridice interrogatus a Legitimo, 167. Judice peccat mortaliter, si non fateatur veritatem: unde durante prava sua intentione eandem negandi, non potest a Confessario sacramentaliter absolvi. Ita Navarrus cap. 25. Manual. num. 36. et communis aliorum, illis demptis, qui, juxta proxime dicta, excipiunt causas criminales graviores, praesertim capitales: quorum sententia, utpote probabilis, Confessario inservire poterit, ut Reum ita persuasum non multum teneatur urgere ad aperiendum crimen, sed possit ipsum absolvere; prout notat Layman cit. n. 3. post Sa. §. Judicialis actus. §. de Reo. nu. 6. et Sotum lib. 6. quæst. 5. art. 2. Conclusio sit declarata sequitur ex dictis: quia enim Judicis legitime interroganti, sive accesserit juramentum de veritate dicenda, sive non, tenetur Reus de plano respondere, faterique veritatem; ergo istud ejus praeceptum in materia gravi transgrediens, peccat mortaliter. Neque enim ad evitandum quodcumque damnum, licitum est peccare: quin imo, si quis excusaretur a peccato, hoc ipso non obligaretur praecepto Judicis juridice interrogantis de latenda veritate.

Atque ex his sequitur altera pars datae Conclusionis. 168. Nam, ubi Reus perseverat in sua prava voluntate negandi veritatem, dum tamen istam ad mandatum Judicis legitime interrogantis, vel etiam juramentum imponentis, tenetur aperire, hoc ipso non poenitet eum peccati, ac perjurii; neque habet propositum emendationis; ergo non meretur veniam, neque absolutionem Sacramentalem. Hinc Praxis Criminalis FF. Minorum, relata per Ludovic. de Ameno, tit. 19. Reus. §. 6. notanter inter alia sic deposuit: Reus legitime interrogatus sub mortali culpa (a qua, nisi dicat veritatem, in Foro poenitentiae absolvi non possit) tenetur de plano respondere ad mentem judicis interrogantis.

Dices. Textus hic, una cum data conclusione, 169. videtur omnium durus, imo, et contra rationem naturalem: nam inde sequeretur, quod Reus in judicio semel negans delictum a se commissum, nunquam posset Sacramentaliter absolvi, nisi denuo Judicem adeat, et crimen fateatur: hoc autem videtur nimis durum, et contra omnem rationem; ergo. Resp. neg. Assumptum, una cum sequela Majoris suae probationis. Nam sensus Conclusionis est, quod durante sua prava voluntate negandi veritatem, vel persistendi in perjurio, etiamsi denuo interrogaretur, non possit a Confessario absolvi: quia retinens animum etiam in futuro examine negandi veritatem, quam tamen juridice interrogatus sub mortali tenetur aperire, habet actualem voluntatem peccandi mortaliter: sicque non est rite dispositus ad recipiendam absolutionem Sacramentalem. Non autem vult Conclusio, neque allegatus textus Praxis Criminalis, quod ille qui semel negavit veritatem, atque exinde fuit judicialiter absolutus in Foro extermo, vel e carcere fugiens omnino est extra potestatem Judicis, teneatur redire, et postea etiam non interrogatus debeat delictum coram Judice humilo fateri, ut Sacramentaliter absolvi possit. Hoc quippe merito durum nimis, et contra rationem naturalem esse videretur; quia aliud non foret quam se ipsum prodere. Ludovic. de Ameno in Praxis Criminali, tit. 19. Reus. §. 6. n. 35. Lugo, ubi supra, n. 17. Sanchez lib. 3. in Decalogum, cap. 7. n. 5. citans alios.

Et additur hic notanter, omnino est extra potestatem 170. Judicis. Nam quando Reus adhuc est in Judicio, potestatis, neque sententia jam lata fuit, multo magis, non esse in malo stato, nisi se ad latendam veritatem etiam non rogatus offerat; ac proinde:

absolvendum non esse, nisi id praestare firmiter proponat: censetur enim adhuc durare Judici praeceptum, obligans ad mortale. Atque hanc sententiam esse communem, asserit Sanchez cit. cap. 7. num. 6. post Sotum lib. 5. de Justit. quaest. 6. art. 2. vers. Et his autem. Navarrum cap. 25. Manual. n. 36. et alios: quamvis idem Sanchez n. 8. et Lugo, ubi supra. n. 17. oppositam sententiam existimet esse probabiliorum, de quo citati Auctores.

171. Queritur III. Utrum Reus ex praesumptione falsa a Judice interrogatus, teneatur confiteri propositionem veram, ubi lata confessio condemnandus est in Foro externo de crimine, aut debito, ad quod revera in Foro conscientiae non tenetur? Exemplum hujus ponit Sanchez lib. 1. de Matrim. disp. 16. n. 27. de eo, qui fecte promissit matrimonium; sique certum est, quod in Foro conscientiae vi hujus promissionis; utpote fectae, non teneatur ducere puellam, cui talis promissio facta est; etsi concessa illa promissione, cum internam fictionem probare nequeat, in Foro externo certissime ad eam ducendam sit condemnandus. Aliud hujus exemplum ponit Lugo disp. 40. de Justit. et jur. sect. 1. num. 4. de Titio, qui ex praesumptione falsa commissi homicidii judicialiter interrogatur, an exierit ex tali domo, et tali tempore, stricto ense? Quod quidem verum est, ac etiam jam semiplene probatum, sed exitus ille, non contigit facto homicidio, sed ob aliam causam: unde quaestio remanet, an taliter interrogatus possit negare exitum illum, ne aliquin licet innocens, ob tam gravem praesumptionem habeatur reus homicidii? Et tales casus possunt innumeri formari, quorum aliqui n. seqq. referuntur. Quo praenotato,

172. Resp. Quantum attinet Forum conscientiae probabilis est, quod interrogatus a Judice ex praesumptione falsa delicti, vel debiti, possit negare ejusmodi propositionem, utpote falsam in sensu ab Actore, seu Judice hinc et nunc principaliter intento. Ita Navarrus in can. Humanas aures. 23. q. 5. quaest. 1. et 2. per totum, ubi non solum talem asserit coram Deo esse immunem a mendacio, sed etiam a perjurio, licet a Judice adjuratus ita negaverit, Concordat Sanchez, et Lugo loc. cit. ubi in casibus proxime relatis hoc ipsum docent Covarruvias lib. 1. var. Resolut. cap. 2. num. 3. post Baldum in Rubr. C. de Fide instrument. num. 30. et Hyppolitum Singul. 177. et alios docens, quod si Sempronius petat a me centum, v. g. florenos, quos mihi mutavit, sed ego secreto, sive absque testibus ipsi jam solvi, possim sine ullo crimine hanc ejus petitionem negare, prout in ea Actoris propositio continetur: quia (inquit) nullum hic intervenit mendacium, ea ratione, quod Actor in eo libello asserat centum mihi mutasse, et adhuc me sibi obnoxium esse ad totam solutionem; hoc enim falsum est, cum ei centum solverim; et ideo petitio ea formae, qua fit, et Judici exhibetur, falsa est, justoque a me negari potest in genere. Ita discorrit Covarruvias. Idem tenet Jazon in l. Manifesta. num. 7. ff. de Jurejur. ubi de hoc ipso casu loquens, post Immoletum, et Geminianum, et alios concedit, posse me jurare, quod mihi nihil mutasti; nempe, ex quo tibi debitor sum, prout dunc allegas in iudicio. Sylvester §. Juramentum. 3. q. 2. circa fin. et Navarrus cap. 12. Manual. n. 19. istud exemplificantes de interrogato tempore pestis a Custodibus civitatis, post veniat ex tali loco, quem falso exigunt esse peste infectum; nam, si novit, locum illum a peste penitus esse immunem, tunc potest dicere, ac jurare, se inde non venire referenda se ad principalem intentionem illorum Custodum, juxta quam de mandato Magistratus eum interrogare

debent: quamvis Fagnanus in c. Falsidicus. nu. 38. 43. et seqq. de Crimine Falsi. dum Restrictiones mentales ex professo, ac fasius impugnat, hoc ultimum exemplum, non cum aliis similibus, falsitatis arguat; cujus praecipuum fundamentum loco objectionum ponetur, ac solvetur absque eo, ut Restrictiones mentales propugnentur.

Ratio principalis datae Conclusionis est. Quis in tali negatione, vel juramento, nulla a parte rei intervenit falsitas: ergo nec mendacium, vel perjurium. Antecedens partim patet ex dictis, partim ulterius sic declaratur. Quis interrogatus, vel adjuratus, non tenetur attendere verba nude seu materialiter spectata ipsius interrogantis, seu adjurantis, sed potius ad ejus intentionem et mentem: Quia non debet aliquis verba considerare, sed voluntatem et intentionem: quia non debet intentio verbis deservire, sed verba intentioni: prout loquitur D. Gregorius Papa, relatus oan. Humanas aures. 22. q. 5. et c. Intelligentia. 6. de Verb. signif. Atqui interrogatus a Judice ex praesumptione falsa delicti, vel debiti, si respondeat negando propositionem, utpote falsam in sensu ab Actore, vel Judice principaliter intento, sic attendit non ad verba nude prolata, sed ad intentionem Judicis interrogantis; ergo.

Confirmatur. Quia, licet iuxta interrogatus a Judice teneatur veritatem aperire; secus tamen est, si interrogetur injuste, ac non servato Juris ordine, ut dictum num. 154. et seqq. Atqui stante illa praesumptione falsa, revera interrogatur quis injuste; ergo. Minor probatur: quia crimen necdum est semiplene probatum: cum revera non contigerit, sed falsa duntaxat ejus praesumptio habeatur. Accedit, quod stante praesumptione falsa Judex non intendat, neque percipere possit, ut Reus ad factam interrogationem, prout licet, absolute respondeat; ergo nec Reus tenetur ita respondere. Antecedens declaratur in exemplo, per Lugonem n. 171. adducto, de Titio egrediente domum stricto ense: si enim Judex sciret veritatem, ac Titii innocentiam, certum est, quod Titium de illo egressu non interrogaret; imo nec interrogare posset: tum ne hunc injuste diffamaret, imponendo ipsi innocenti grave crimen: tum ne viam sterneret ad injustam ejus condemnationem, qualis ex gravi praesumptione, licet a parte rei falsa, contra Titium facile sequeretur; si absolute concederet, se ex tali domo, et tali tempore, stricto ense egressum fuisse. Tacentur aliae probationes, quarum plures adducit Navarrus in cit. can. Humanas aures. 22. q. 5. per totam quaest. 1. et 2. solvens simul contraria.

Additur notanter in Conclusionem Quantum attinet Forum Conscientias. Siquidem in Foro externo procedendum est juxta exigentiam, et gravitatem praesumptionis, resultantis v. g. ex propria significatione verborum, donec contrarium probetur. Nam, ut D. Gregorius Papa in cit. can. Humanas aures. 22. q. 5. loquitur: Humanas aures verba nostra talia judicant, qualia foris sonant. Divina vero judicia talia ea audiunt, qualia ex intimis proferuntur. Ex quod Judices in judicando, teneantur procedere secundum Leges in praesumptione fundatas, uberius dictum est Lib. 1. Tit. 2. De Constitutionibus. §. 7. num. 163. et seqq. ubi plura de hoc. Quamquam tamen interroget Judex iudice, nisi ex praesumptione: si enim veritatem sciret, non posset interrogare, et proxime dictum, se notat Lugo cit. disp. 40. sect. 1. n. 4.

Obijciunt primo contra datam num. 172. Conclusionem. Ille mentitur, qui aliud cogitat mentis, quam ore proferat, ut inquit Glossa in can. Is autem. 22. q. 2. §. Instituta, juncto textu ibid. nam in dissonantia verborum ab intentione, consistit ratio formalis.



mendacii, can. *Homines. ord. caus. 21. q. 2.* ubi proim subjungitur: *Ream linguam non facit, nisi mens rea*, videlicet aliud putans, quam dicit lingua. Hinc can. *Humanas aures. 22. q. 5.* notanter dicitur: *Humanas aures verba nostra talia judicant, qualia foris sonant: Divina vero judicia talia ea audiunt, qualia ex intimis proferuntur*; cum concordantia. Atqui in casibus in Conclusionem positis, aliud quis cogitat mente, quam ore profert; quis affirmat, v. g. se non promississe matrimonium, quod scit se verbis promississe; ergo data Conclusio ne quidem pro Foro conscientiae procedit. Resp. cum Navarro in cit. *Commentario. can. Humanas aures etc. quaest. 2. num. 13.* negand. mō. Quin imo sic respondens mente cogitabat, se sciebat, se non promississe matrimonium, cum illud (uti supponitur) duxerat, fide promississet. Quinquam per hoc non negetur, quia ita fide promittens tenetur puellos deceptos ad recompensationem omnis damni inde subsecuti, utpote ejus fraudulenta. sua promissione fuit causa, et quidem injusta; neque hinc excusentur alia peccata, si quae forsitan talium responsionum comitentur.

177 Urgebis. Juramentum in Foro animo est interpretandum juxta intentionem recipientis: nam, ut can. *Quacunque arte. 22. q. 5.* dicitur: *Quacunque arte verborum quisque juret, Deus tamen qui conscientiae testis est, ita hoc accipit, sicut ille, cui juratur, intelligit etc.* Concordat S. Hieronymus can. *Quoties. ord. 22. q. 5.* relatus, dum inquit: *Quoties vero loquimur, aut non in tempore, aut importuno loco, aut non ut convenit audientibus, toties sermo malus procedit de ore nostro etc.* Atqui responsiones illae, de quibus in Conclusionem, non conveniunt audientibus, utpote veram earum significationem, atque intellectum non percipientibus; ergo. Resp. primo, opponendo can. *Humanas aures. 22. q. 5.* supra n. 173. jam relatum, juncto c. *Intelligentia. 6. de Verb. signif.* ubi dicitur: *Intelligentia dictorum ex causis est assumenda dicendi: quia non sermoni res, sed rei est sermo subjectus.* Atqui responsiones in Conclusionem relatae dantur, et quidem veridice, juxta causas dicendi; nempe juxta eas, ex quibus Iudex Interrogavit, et alter respondere debuit: et consequenter juxta has intelligentia talium dictorum est desumenda.

178 Respondetur secundo cum Navarro, ubi supra, quaest. 2. n. 13. quod quidem regulariter teneatur quis respondere interroganti, seu adjuranti, juxta mentem seu intentionem ipsius; sed fallit, quando alia mente, quam debet, quis interrogatur, seu adjuratur; quia tunc sufficit, quod respondeat secundum eam mentem, seu intentionem, qua debet interrogari seu adjurari, modo verum respondeat. Hoc autem contingit in casibus, de quibus in Conclusionem, prout uberius est declaratum in ejus probationibus. Taceatur nonnullae aliae hujusmodi instantiae, de quibus fuit Navarrus loc. cit. quaest. 1. et 2. ponendo solutionem pro singulis, quae tamen ex praecipuis facile desumi poterit.

179 Obijciat ulterius. Praemissa Conclusio repugnat novissimis Decreto Innocentii XI. anno 1679. die 11. Martii emanato, atque nam restrictionum mentalium, et amphibologiarum expresse damnant; ergo. Antecedens probatur ex Propositione 26. et duabus sequentibus ibidem damnant, quae ita sonant: 26. *Si quis vel solus, vel coram aliis sive interrogatus, sive propria sponte, sive retractionis causa, sive quocunque alio fine jurat, se non fecisse aliquid, quod revera fecit, intelligendo intra se aliquid aliud, quod non fecit, vel nihil tamen ab eo, in quo facit, vel quodvis aliud adhibere verum, taceatur non mentitur, nec est perjurus.* 27. *Causa dicitur*

NEIFFENSTUEL Jus Can. Tit. II.

his amphibologiis est, quoties id necessarium aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censatur tunc expediens, et studiosa. 28. Qui mediante commendatione, vel munere ad Magistratum, vel officium publicum promotus est, poterit cum restrictione mentali praestare juramentum, quod de mandato Regis a similibus solet exigi, non habito respectu ad intentionem exigentis; quia non tenetur fateri crimen occultum. Haec, inquam, tres Propositiones sunt damnatae, ac sub poena excommunicationis latae sententiae doceri prohibita; ergo idem videtur dicendum de dicta Conclusionem, utpote concedente quendam restrictionem mentalem, vel amphibologiam, et quidem juramento firmatam. Resp. neg. anteced. cum ejus probationis consequentia. Nam, ut notanter additur in Prooemio dicti Decreti, Propositiones in eodem contentae damnantur ibidem; ut jacent: Conclusio autem nihil habet commune cum ipsis, ut jacent. Quod ut melius intelligatur,

Notandum, quod Amphibologia vi nominis idem sit, ac Dubium dictum, sive sermo dubium sententiam indicans, prout explicat Calepinus, §. Amphibologia: ubi pro exemplo ponit illud---*Ajo te Accidit Romanos vincere posse.* Item Cato injuste criminatur. Incertum enim relinquitur, an Cato blime criminetur, vel ipse ab alio: an Romani vincere possint Accidit, vel isto Romanos. Hinc alii inquirunt, quod Amphibologia sit ambiguitas vocis ad sensum plarium rerum accommodabilis. Et haec imprimis accidit adhibendo verba aequivoca, quibus loquens utitur in uno sensu; quamvis audiens eadem intelligat in altero sensu. Exemplum hujus habetur Tobias cap. 5. ubi Raphael Angelus dicit: *Ego sum Azarias, Ananias Magni filius*; nam verba illa, *Azarias, Ananias*, possunt duo significare: nempe personam humanam (in quo sensu intelligebantur a Tobia) et rem specialem: nam *Azarias* interpretatur *Auxilium Domini*; et *Ananias* idem est, ac *Nubes Domini*. Quia igitur *Nubes*, juxta S. Ambrosium Serm. 61. significat Patrem Aeternum, hinc sermo ille talem sensum mysticum, a Raphaela Archangelo intentum, reddebat: *Ego sum Auxilium Domini*, sive Auxiliator a Deo missus, *Aeterni Patris filius*, videlicet adoptivus. Aliud hujus exemplum ponit Glossa magna in can. *Ne quis. 27. q. 2.* deserviens ad caute deludendum interrogantem, cum Titius ad mortem quaesitus, sit domi, per aequivocationem dicendo: *Non est hic; id est, Non comedit hic.* Hoc accedit illud dictum negantis, se occidisse Gallum, intelligendo istud de gallo gallinaceo, non de Gallo homine; vel econtra si quem horum forsitan occidisset. Aut viri pii in convivio invitati ad esum ciborum delicatorum, vel potum nobilioris vini, et dicentis, eum sibi nocere: intelligendo hoc suum dictum mystice, pro medicamento videlicet profectus spiritualis, etsi corpori non noceret: Taceatur innumera alia his similia.

Deinde contingit Amphibologia, quando verba ex sua significatione non sunt ambigua; nec aequivoca; sed tamen attentis circumstantiis loci, temporis et personae, limitantur ad aliud significatum. Jo. Cardenas in *Crisi Theologica ad Propositiones ad Innocentium XI. damnatas, Dissertat. 19. cap. 4. n. 36. et seqq.* istud declarans exemplo S. P. N. Francisci, qui cum latrones quidam transissent illa via, interrogatus a Ministris justitiae ipsos persequentibus, an illas transissent, mittens manum in manum, respondit: *Non transierunt haec.* Aliud exemplum offert idem Cardenas num. 39. de Christo

Domino, qui interrogatus a Discipulis de tempore adventus sui, et consummationis saeculi, *Matth. 24. et Marci 13.* respondit: *De die autem illo, vel hora nemo scit, nisi Angeli in coelo, neque Filius, nisi Pater.* Quia, licet Christus, etiam ut homo, diem illum sciverit: non tamen scivit eum cum scientia illa, quae utilis esset ad respondendum in hisce circumstantiis, nempe ut eum manifestaret Discipulis interrogantibus. Simile talis Amphibologiae exemplum desumit Patritius Sporer tom. 3. *Theolog. Moral. tract. 3. in. 2. Praecept. Decalog. cap. 1. sect. 3. n. 106.* ex illo Salvatoris effuso, *Joan. cap. 7.* dicentis: *Non abscondam ad diem festum:* cum tamen postea ascenderit, non manifeste, sed quasi in occulto. Siquidem verba illa, absque alia restrictione mentali, veritatem habebant ex circumstantia mentis eorum, quibusque Christus loquebatur: nam, Frares, sive cognati ipsius, dixerant Christo, ut pergeret in Iudaeam, et quaereret palam esse, manifestando se ipsum mundo per miracula; et hoc modo Aeterna Veritas negavit se ascensurum, etsi postea ascenderit quasi in occulto, prout loquitur Sacer Textus. Tacentur similia, de quibus Auctores proxime citati, et Jo. Maria Sbogar in *Theologia Radicali, tract. 9. cap. un. n. 9. et seqq.* ac alii.

182. E contra per Restrictionem mentalem intelligitur purus conceptus mentis, qui nullo modo concordat cum verbis oretenus prolatis. Unde fit, quod ejusmodi conceptus mentis, per Restrictionem mentalem intentus, praeter loquentem non possit ab alio audiente percipi. Hujus exempla referuntur in citata Propositione 26. per Innocentium XI. damoata; quamvis et ista dicantur Amphibologiae in Propositione 29. itidem damoata, ut liquet ex earum verbis n. 176. allegatis: sed hoc accedit, sumendo Amphibologiam in sensu largiori.

183. His praenotatis patet, quod Conclusio, nu. 172. data, nihil habeat commune cum Propositionibus damoatis, ac n. 176. relatis. Ibi enim solum damnantur Restrictiones mentales, seu amphibologiae, quae fiunt per restrictionem mentalem, addendo verbis aliquid sola mente retentum. Jo. Cardenas cit. *Dissertat. 19. cap. 4. n. 35.* Patritius Sporer loc. cit. n. 104. et seqq. Jo. Maria Sbogar, ubi supra, num. 18. Talis autem non est illa, de qua fit mentio in dicta Conclusionem: cum ibidem relata responsio negativa nihil addat sola mente retentum, quin imo correspondeat menti Actoris, et Judicis interrogantis; prout jam supra ostensum, et confirmat exempla n. 171. et 172. adducta.

184. Accedit, quod hic interveniat justa causa utendi tali amphibologia, ne videlicet aliquin innocens ex praesumptione falsa delicti, vel debiti, injuste condemnatur: nam quod sine causa non sit licitum uti amphibologiis (ac multo minus, ubi impingeret injuria, vel dolus, tertio) patet ex illo Evangelico, *Matth. 5.* ubi Christus veram simplicitatem in loquendo commendans, praecipisse legitur: *Sic autem sermo vestrorum, Est est, Non non,* cum similibus. Accedit, quod uti ratione ambigua sine justa causa, sit abusus communis loquelae contra virtutem veritatis; similique usus amphibologiarum, cessante alia justa causa frequentatus, praeberet multiplicem deceptionem hominum, sicque repugnat communi bono societatis humanae; ac proinde est peccatum, licet proprie non sit mendacium. Lessius lib. 2. de *Justit. et jur. cap. 42. num. 48.* Sporer loc. cit. n. 104. et 198. et communis aliorum.

## S. VIII.

De Positionibus, Articulis, et Interrogatoriis.

## SUMMARIUM.

185. Cur de istis hoc loco agatur?
186. Positiones, ad quid sint inventae? Et n. seqq.
187. Fiunt plerumque ab Actore, quamvis etiam a Reo fieri possint.
188. Atque admitti consueverunt ob clariorem litium expeditionem.
189. Positio, quid? Et n. seqq.
190. Debet esse affirmativa, non negativa. Ponens fatetur omne illud, quod punit. Ibid.
191. Positio juris, an sit admittenda?
192. Positio, quae sit impertinens, vel pertinens?
193. Utrum sit admittenda, saltem stante dubio, an sit impertinens?
- Securius est, superfluum admittere, quam necessarium omittere. Ibid.
194. Clausula, Salvo jure impertinentium, et non admittendorum, quid operetur?
195. Positiones exhibentur in scriptis medio juramento. Et n. 183. et 184.
196. Et quis sit finis earum. Et n. 185.
197. Reus ad positiones respondere recusans, habetur pro confessio. Et n. seqq.
198. Idemque dicendum de Actore, si recuset respondere ad positiones Rei.
199. et 200. Quae conditiones requirantur, ut non respondens positionibus habeatur pro confesso?
201. Requiritur ad hoc etiam sententia declaratoria Judicis.
202. Dantur tamen plures causae rationabiles non respondendi ad positiones. Et n. seqq.
203. Videlicet, si positio sit superflua, seu impertinens.
204. Aut obscura.
205. Hujus declarationem antea petat responsurus; alioquin sibi praepjudicat.
206. Vel, quando positio est captiosa; et quae sit talis?
207. Item, si positio sit multiplex, nisi explicetur;
208. Vel sit juris, et non facti. Aut criminosa. Ibid.
209. Positio debet fieri positiva, non interrogativa.
210. Articulus, quid?
211. Articuli multipliciter differunt a Positionibus.
212. In praxi tamen plerumque inter se confunduntur.
213. Interrogatoria, quid, et quomodo fiant?
214. Interrogatoria non dantur parti. Possuntque per Judicem fieri usque ad prolationem sententiae. Ibid.
215. Interrogatoria varie differunt a Positionibus.
216. et 217. Et in quibus?

Quia Compiler Juris Canonici cap. 1. et 2. de Confessis in. 6. ex professo tractat de Positionibus, eo quod, hae plurimum deserviant ad evadendam partium confessionem; merito ad finem praesentis Tituli agimus etiam de Positionibus. Occasione quarum simul fiet mentio quaedam de Articulis, et Interrogatoriis, ad ostendendam harum a Positionibus differentiam. Unde

Quaeritur I. Ad quid inventae sint Positiones, 185. quidque sint? Resp. I. De Positionibus frequens fit mentio in Jure, uti patebit ex Juribus in progressu citandis. Siquidem praxis omnium ferme Tribunalium, et cap. 1. et 2. h. t. in. 6. approbata habet, ut post litis contestationem, per quam Reus.

generaliter contradicere intentioni Actoris, negat-  
que rem esse, quae in libello per Actorem Induci  
oblato continetur: ex eodem libello extrahantur  
certae, ac speciales positiones, eaeque post praestitum  
veritatis, aut calumniae iuramentum ( ut loquitur  
textus ibidem ) adversario porrigantur: atque is ad  
singulas earum, praevio iuramento de veritate di-  
cenda ( quod Praetici Iuramentum respondentorum  
appellant ) respondere debeant.

- 187 *Fiunt autem Positiones plerumque ab Actore,*  
qui ipsas format, atque ex suo libello extractas of-  
fert Reo ad respondendum; praestito tamen prius  
juramento (quod appellant *Juramentum dantorum*,  
ut inquit Engel *tit. de Confessis. n. 9.*) se nihil calum-  
niose posuisse in ipsis. Quamquam nihil prohibeat,  
quod etiam a Reo fiant positiones, ut notat Glossa  
magna in *cap. un. de Confessis. in 6.* et amplius di-  
cetur §. *seqq. n. 218.*
- 188 Atque hujusmodi Positiones primitus sunt inven-  
tae, et inductae a consuetudine, seu ex usu homi-  
num diu in causis inuito, postmodum tamen per  
Leges et Canones firmatae. Speculator *tit. de Posi-  
tionibus. §. 1. n. 1.* Sigism. Scaccia *lib. 1. de Ju-  
diciis, cap. 60. n. 3.* et alii. Et quidem usus longae-  
vus admisit positiones in causis ob clariorem expe-  
ditionem litium, propter partium confessiones; ut  
dicitur *cit. Clem. Saepe contingit §. Et quia de Verb. sig-  
nif.* Siquidem Ponens censetur asserere, atque ul-  
tro confiteri omne id, quod posuit, *cit. cap. ult. de Jurejurand. in 6.* Contra adversarius ejus,  
seu Respondens, sub juramento interrogatus a Ju-  
dice, non tam facile negare poterit singulares par-  
tes libelli, quam totum libellum, ob quandam  
forsan in eo admixtam falsitatem: unde si quasi-  
dam Positiones concessus fuerit, relevabitur Po-  
nens ab onere hanc probandi, sicque facilius cau-  
sa terminabitur. Quod si vero aliquis interroga-  
tus, jussusque a Judice, ad positiones sibi obla-  
tas absque rationabili causa respondere recusave-  
rit, habetur is pro confesso, *cap. 2. de Confessis in 6.* sicque iterum citius causa terminabitur. Ve-  
rum de hoc posteriori plura inferius num. 193.  
*ac seqq.*
- 189 Resp. II. *Positio* est simplex assertio facti ad cau-  
sam pertinentis, medio juramento in scriptis exhi-  
bito, ad hoc, ut per responsionem adversarii ad in-  
terrogationem Judicis, pars relevetur ab onere pro-  
bandi. Ita Fagnanus in *cit. c. Olim. n. 55. de Litis contest.* Quamvis Glossa magna in *cap. un. de Confessis in 6.* plures alias referat definitiones Positionis: sed  
haec vel naturam Positionis non recte explicant, vel  
conveniunt aliis a definito, ut patet Articulis; pro-  
ut fasius declarat Fagnanus *loc. cit. n. 52. et seqq.*  
atque patebit ex dicendis.
- 190 Dicitur primo, *simplex assertio.* Tum quia Posi-  
tio debet esse affirmativa; non negativa (haec  
enim nihil ponit, sed removet, ut inquit Glossa in  
*cit. cap. 1. §. Negativas*) nisi aliud Iudici aequi-  
tate suadente videatur expedire *d. cap. un. de Confessis in 6.* Tum quia Positio debet esse simplex, non acqui-  
voca, captiosa, aut duplex; alioquin ejusmodi po-  
sitioni non est respondendum, ut n. 199. et *seqq.* am-  
plius dicitur. Tum tandem, quia Ponens asserit,  
atque faciet omne illud, quod ponit, *arg. cap. 2. de Testib. in 6.* Adeo quidem, ut si quis post jura-  
mentum in causa praestitum manifeste contraria pa-  
nat, seu respondeat (nisi rationabiliter excusetur)  
veluti peccatorius repellatur, *text. clar. cap. ult. de Jurejurand. in 6.*
- 191 Dicitur secundo, *facti ad causam pertinentis.* Quia  
in primis non admittitur positio juris: hoc est, fa-  
cta de mente Legis. Bartolus in l. *Ornamentorum ff. de Auro et argent. legat. et Baldus in c. Dilectum. ff. de*  
**REIFFENSTUEL Jus Can. Tom. II.**

2. n. 6: et n. 36. de Election. Siquidem non est in po-  
testate respondentis, dubia Iuris interpretari: quin-  
imo Jus certum est, nec per contrarium positio-  
nem, vel responsionem alterari, potest, c. l. Orna-  
mentorum ff. de Auro et argent. legat. ibi: Nec erro-  
rem haeredis sui mutatur, respondi. Quamquam hinc  
excipiendum sit Jus consuetudinarium: valet enim  
positio, et confessio de consuetudine alicubi vi-  
gente: cum haec ipsa sit quid facti, et in facto con-  
sistat, cap. 1. de Constitut. in 6. Idemque, eo ob  
eandem rationem, est dicendum de Jure municipa-  
li, ut notat Bartholus loc. cit. juncta Additione mar-  
ginali, et Fagnanus, ubi supra, n. 79. et 80. alie-  
rans alios.

Deinde non est admittenda *Positio impertinens* : 193.  
hoc est, ad negotium omnino non faciens, ut pu-  
ta, Pono, quod *Rex est in Francia* : prout explicat  
Baldus *loc. cit. n. 6.* Caeterum *Positio impertinens* dici-  
tur omnis illa, quae causae controversae confert ali-  
quid per se, vel cum alio conjuncto. Baldus *cit. n.*  
*n. 6.* id probans *ex l. Quo minus. de Fluminib. et Fu-*  
*gnanis loc. cit. n. 82.* allegans alios. Sive illa positio,  
quae venit in auxilium causae ejus, qui ponit, cen-  
setur esse pertinens. Baldus *ubi supra, n. 28. vers.*  
*Et nota istam regulam.* Et sufficit ad hoc, si quale-  
cunque adminiculum praestet, etiam ex levi prae-  
sumptione : nam quae non prosunt singula, multa  
juvant. Glossa in *c. Cum causam. §. Adminicula. de*  
*Probation.*

Si igitur statim appareat, quod Positio sit imper- 193  
tinent, non debet admitti, nec ad eam responderi:  
si autem est dubium, et requirit altiorē indaginem,  
debet responderi cum protestatione; *salvo jure im-*  
*pertinentium, et non admittendarum positionum.*  
*Glossa in c. Cum contingat. §. Nihilò minus. de Offic.*  
*Delegat. Baldus ubi supra. Fagnanus loc. cit. num. 28.*  
*et 29. Speculator tit. de Positionibus. §. Septimo vi-*  
*dendum num. 7. et 8. Mascardus de Probationibus,*  
*Concl. 1183. n. 10. Et monent hi Auctores, ne Ju-*  
*dex velit esse praeceptus in rejiciendo positiones: tum*  
*quia nonnunquam prima facie positio videtur im-*  
*pertinens, quae reversa est pertinens, et saltem in-*  
*directe facit ad rem. Tum quia securius est super-*  
*fluum admittere, quam necessarium omittere: nam*  
*omissa solent vitare actus, c. Cum dilecta. 22. de*  
*Rescript. non vero, quas ex superabundanti sunt,*  
*l. Non solet §. de Reg. Jur. Simulque utilis est, re-*  
*spondendo sub praemissa protestatione abbreviare lit-*  
*tem, quam supervacua altercatione de impertinen-*  
*tia positionis eandem protrahere, l. Properandum.*  
*§. Illo procul dubio. C. de Judiciis. Speculator, et*  
*Mascardus ubi supra.*

Porro vis hujus clausulae: *salvo jure impertinen-* 194  
*tium, et non admittendarum*, haec est, ut si imposte-  
 rum appareat, quod tales positiones non debebant  
 admitti, habeantur pro non admissis, atque rejician-  
 tur etiam depositiones testium super eisdem rece-  
 ptae. Id. Andreas in *c. Cum contingat. n. 23. et 24. de*  
*Offic. Delegat. Meranta part. 6. Speculi Aurei, tit. de*  
*Positione, actu 4. n. 23. Barbosa Clausul. 143. nu. 1.*  
*et seqq. allegans alios.*

195  
*dictum tertio in data Positionis definitione, mo-  
 dio juramento in scriptis exhibita. Ponens enim tene-  
 tur praemittere juramentum de veritate dicenda, c.  
 Prasentium. de Testib. in 6. et quod nihil calumnio-  
 se posuerit, cap. 1. juxta Glossa & Juramentum.  
 h. 1. 6. Teneaturque insuper positiones in scriptis ex-  
 hibere Judicib. ut videre valeat, utrum non sint  
 impertinentes, captiosae, aut ex alio capite reji-  
 ciendae. Glossa magna in cap. 1. h. 1. in 6. vers. Et  
 sunt in scriptis.*

Tandem additus in eadem definitione, ad hoc ut 196  
per confessionem adversarii pars relevetur ab onere



*probandi*. Quibus verbis depotatur finis, ob quem longævus usus Tribunalium introduxit positiones; nempe ut pars ponens releveretur ab onere probandi, si adversarius ultro confessus fuerit positionem, sicque lites facilius expediantur propter partium confessiones, *Clem. Saepe contingit. §. Verum quia, de Verb. signif.* Occasione cujus

197. Queritur II. An, et quando ad positiones respondere recusans habeatur pro confesso? Resp. I. Si post praestitum veritatis, aut calumniae juramentum, Reus, vel Procurator ipsius, positionibus ab adversario sibi factis interrogatus, jussusque a Judice respondere absque rationabili causa recuset, aut nolit, seu contumaciter se absentet: haberi debet super his, de quibus in eisdem positionibus interrogatus extitit, pro confesso. Ita loquitur textus in *cap. 2. de Confessis in 6.* Et merito: quia, cum quis in eo sit puniendus, in quo deliquit, c. *Litteras, de Temporib. ordinat.* hinc in poenam inobedientis, seu post praestitum jam de veritate dicenda juramentum ad mandatum Judicis respondere recusantis, Jus interpretatur, atque disponit, quod ejus taciturnitas, seu contumax absentia, habeatur pro confessione: sicque talis censetur fecte confessus, nisi possit allegare rationabilem causam non respondendi.

198. Caeterum, licet allegatus textus mentionem duntaxat faciat de Reo, vel ejus Procuratore; idem tamen e converso esse dicendum de Actore (quod nempe recusans jubente Judice respondere ad positiones a Reo sibi factas, habeatur pro confesso) tenet Glossa *ibid. §. Reus.* et Pirhing. *h. t. n. 12.* quidquid nonnulli contradicant, allegantes pro se, quod Constitutio illa sit odiosa, sicque ad Actorem non extendenda; quem proinde volunt solummodo cadere ab instituta actione, juxta *cap. ult. de Jurament. calumn.* Ratio est: quia allegatus textus, dum facit mentionem de Reo, respicit illud, quod communiter accidere solet; non autem per hoc negat, idem esse dicendum de Actore nolente respondere ad positiones Rei. Siquidem ista duo sunt correlativa, et par ratio militat in ambobus; sicque dispositum de uno, censetur etiam esse dispositum de altero; prout amplius dictum est *lib. 1. tit. 2. de Constitutionibus, §. 19. n. 514.* Accedit, quod in Judiciis sit servanda aequalitas: atque, ut dicitur *Reg. 32. Juris in 6. Non licet Actori, quod Reo licitum non existit.* Quin imo *Favorabiliores Rei potius habentur, quam Actores, l. Favorabiliores: ff. eod.*

199. Resp. II. Nihilominus, ut Reus non respondens positionibus haberi possit pro confesso, plures requiruntur conditiones, quae tum ex allegato *cap. 2. de Confessis in 6.* (enjas verba *n. 197.* referuntur) tum ex stylo, et consuetudine Tribunalium desumuntur. Ita Glossa in *cit. cap. 2. h. t. in 6.* Sigism. Scaccia *lib. 2. de Judiciis, c. 7. n. 484. et seqq.* Blasius Michalorius *tract. de Positionibus, cap. 32. num. 14. et seqq.* allegans Rotam *Genuens. Decis. 161. nu. 10.* et Rotam *coram Seraphin. Decis. 408.* Francus in *cit. cap. 2. de Confessis in 6. nu. 10. et alii.* Idque probatur inductione. Sic quippe

Primo, requiritur, quod Reo respondere debenti fuerint lectae, et declaratae positiones. Secundo, quod fuerit ipse a Judice monitus, et jussus respondere: quae duae conditiones colliguntur ex verbis *cit. cap. 2. h. t. in 6. ibi: Positionibus ab adversario sibi factis interrogatus.* (sicque haec deherunt Reo esse praelectae; alias super eis frustra interrogaretur) *jussusque a Judice respondere.* Et hoc adeo requiritur, ut non sufficiat ad declarandum pro confesso Reum respondere nolentem, quod is fuerit monitus, et respondere jussus per nuncium duntaxat, et non per Judicem: quia Pontifex requirit, quod fuerit *jussus a Judice respondere;*

simulque (ut inquit Glossa *ibid. §. Jussusque*) major est contumacia illius, qui interrogatur a Judice; et ab eo jussus, respondere non vult, quam illius, qui citatus per nuncium, vel litteras continentes tale praeceptum, respondere recusat: quamvis aliquibi de consuetudine soleant mitti positiones absenti per nuncium cum comminatione, quod habebitur pro confesso, nisi venerit ad respondendum: prout refert Scaccia *cit. cap. 7. num. 489.* Verum spectato Jure communi requiritur jussio Judicis in faciem: unde et juxta styllum, et consuetudinem aliorum Tribunalium, Judex debet statuere terminum Reo ad respondendum positionibus, praestito antea juramento, cum comminatione, ut alioquin positiones habeantur pro confessis, vel negatis ad commodum ponentis, et ipse non respondendo habeatur pro confesso. Speculator *tit. de Positionibus. §. Nono. num. 3. et 4.* Michalorius *cit. cap. 32. num. 15. et seqq.* Scaccia *d. cap. 7. num. 490. et seqq.* et alii. Quamquam respondens aliquibus positionibus, sed non omnibus habeatur pro confesso non in omnibus, sed solum quoad eas, quibus non respondit; quia poena non debet extendi ultra culpam. Glossa in *cit. cap. 2. §. Eisdem h. t. in 6.* Scaccia *loc. cit. n. 491.*

Tertio requiritur, quod praecesserit veritatis, aut calumniae juramentum. Istud enim in *cit. cap. 2. h. t. in 6.* expresse requiritur, illis verbis: *Si post praestitum veritatis, aut calumniae juramentum etc.* ac proinde hoc nondum praestito, nequit Reus respondere recusans haberi pro confesso, argumento a sensu contrario desumpto. Siquidem dispositio citati Capituli, seu valde rigorosa, et inducens confessionem, servanda est ad unguem; uti notarunt Domini de Rota *Decis. 3. alias. 283. de Confessis, in antiq.* Scaccia *cit. lib. 2. cap. 7. nu. 496. et 500.* allegans alios. Poterit tamen tunc Judex contra Reum antea se absentantem, vel contumaciter respondere se nolentem, aliis mediis procedere *veluti contra contumacem, prout ratio dictaverit:* et habetur *cit. cap. 2. §. Verum. h. t. in 6.* Idque fieri potest indicendo multam, vel capiendo pignora, donec veniat responsurus. Bartolus, et Baldus in *L. 2. C. de Re judicat. Michalorius d. cap. 32. n. 19.* aliisve hujusmodi modis, juxta dicta superius *Tit. 14. De Dolo et contumacia. §. 4. et 5.*

Quarto requiritur, quod quis absque rationabili causa recuset respondere positionibus, per textum in saepe *cit. cap. 2. h. t. in 6. ibi: Respondere absque rationabili causa recuset:* et proxime amplius declarabitur. Quinto requiritur, quod a parte altera fuerit accusata contumacia Rei: siquidem Judex officium suum impertiri non debet, nisi fuerit petitum, *arg. l. Dies. §. Hoc autem. ff. de Damno infect.* estque amplius dictum supra *Tit. 14. de Dolo et contumacia. §. 2. n. 66.* Sexto tandem, ut Reus respondere recusans habeatur pro confesso, requiritur sententia declaratoria Judicis, juxta illico dicenda: Unde

Resp. III. Reus interrogatus, et non respondens, 201 ut supra, non habetur ipso jure pro confesso, sed ad hoc requiritur sententia declaratoria Judicis. Ita Glossa in *cit. cap. 2. §. Pro confesso.* et Bachosa *ibid. nu. 2. h. t. in 6.* Mascardus *Concl. 1177. n. 71.* Michalorius *cit. cap. 32. n. 14.* Pirhing *h. t. n. 12.* et alii. Ratio est: quia Reus, qui ex causa rationabili, et inferius declaranda, recusat respondere ad positiones sibi oblatis, nequit haberi pro confesso, ut indicat textus in Conclusionem relatus; ergo, ut possit censeri fecte confessus, hoc ipso requiritur sententia declaratoria Judicis, pronunciantis, Reum sine legitima causa non respondisse, ac proin habendum esse pro confesso.

202. Quæritur III. An, et quæ sint causas rationabiles non respondendi ad Positiones sibi oblatas? Resp. I. Daci aliquas tales causas, est certum; atque supponitur in cit. cap. 2. de Confessione in 6. ibi: *Absque rationabili causa* juncta Glossa ibid. 4. *Absque rationabili*, plures tales causas excusantes allegante.

203. Resp. II. Inter causas rationabiles, ob quas interrogatus non tenetur respondere ad Positiones sibi oblatas, prima est: si positio sit superflua, seu impertinens, quæ nimirum probata non relevat: unde nec ad eam tenetur Reus respondere, l. *Ad probationem domini*. C. de Probatione, ac notat Glossa loc. cit. communiter recepta: estque jam dictum num. 193. addita notabili positione in casu dubii, num positio sit impertinens, casus observanda.

204. Deinde non tenetur Reus respondere, si positio sit obscura, nisi prius ipsa declaratur, l. *Ut responsum*. C. de Transact. et c. *De muliere*. 6. de Sponsalib. Censetur autem Positio esse obscura, quando ex ea certitudinaliter cognosci non potest, quid ponens vere per eam affirmare velit: ut, si positio plures, et diversos contineat intellectus (quod vel ex equivocis verbis, vel ex tota oratione oriri solet) aut si ponens non sufficienter declarat factum; veluti si dicat, Titium sibi promississe centum, non declarando, an simpliciter et pure, vel potius sub conditione promiserit. Speculator tit. de Positionibus, §. *Decimo*. num. 15. addita ea ratione: quia non videtur edere, seu ponere, qui totam stipulationem non edidit: quin imo dies solutionis, sicut summa, pars est stipulationis, l. 1. §. *Edere*, et §. *Editiones*. ff. de Edend. Blasius Michalorius tract. de Positionibus, cap. 7. n. 8. et seqq. allegans alios.

205. Quando igitur positio est obscura, petat responsurus ante ejus declarationem fieri per ponentem; aut ipsemet eam declarat, addendo v. g. diem vel conditionem factæ promissionis, ut sic responsio sua vel tota acceptari, vel in totum rejici debeat: alioquin vero, si non iustaret pro declaratione positionis obscuræ, nec ipsemet eam respondendo declarat, sed statim responderet, tunc sibi præjudicaret: foretque ipsi imputandum, si quid mali inde sentiret. Scozia lib. 2. de Judiciis, cap. 7. n. 181. Michalorius cit. cap. 7. n. 7. et n. 17. et 18. ubi tamen subjungit quod si ex tali confessione posset oriri aliqua dubitas, interpretari debeat in favorem respondentis.

206. Tertio non tenetur quis respondere, quando positio est callida, seu captiosa, quæ videlicet ponens quaerit adversarium in sermone capere. Nam Positio captiosa censetur illa, cui quis non potest respondere affirmando, vel negando, quia sibi præjudicet: puta, *Pono, quod sis usurarius*: nam si dicas, quod sic, detegis turpitudinem tuam; si dicas, quod non, cum revera sis usurarius, efficeris perjurus, Glossa, ubi supra. Speculator tit. de Positionibus, §. *Septimo*. nu. 20. Mascardus de Probationib. Concl. 1183. n. 36. Michalorius de Positionib. cap. 12. n. 1. dicens, quod positiones callidas, seu captiosas non esse admittendas, omnes uno ore asserant. Siquidem juxta vulgata principia Juri, fraudibus et malitiis hominum non est indulgendum, l. *In fundo*. ff. de Rei vendicat. Et neminem decipere licet, §. *Humanum genus*. dist. 1. Simulque nulli injiciendus est laqueus, can. *De viduis*. 22. q. 1. cum concordantia.

207. Ulterius non tenetur quis respondere ad positionem multiplicem: hoc est, eam, quæ in se continet, seu implicat plures articulos, seu plura dicta, l. *Ita fidei*. ff. de Jure Fidei. Exemplum ut: *Pono,*

*quod possideas Ecclesiam A. pertinentem ad Monasterium B.* Nam hæc positio duo involvit, nempe: quod possideas Ecclesiam A. et quod Ecclesia illa pertineat ad Monasterium B. quorum unum potest esse verum, alterum falsum: unde non tenetur simpliciter respondere, sed potes petere prius explicari positionem: nisi ipsemet hanc velis explicare, dicendo, utrumque esse falsum: vel, hoc verum, illud falsum. Glossa loc. cit. Speculator nu. 21. Mascardus d. Concl. 1183. n. 38. et 39. asserens, ita procedere, etiamsi positio fiat sub clausula: *Pono conjunctim, et divisim.*

208. Hæc non tenetur quis respondere, si positio sit juris, et non facti: ut, *Pono, quod impubes potest condere testamentum*, aut hujusmodi, consensiter dictis num. 188. Item non tenetur quis respondere ad positiones criminales: hoc est, eas, quæ ponuntur super crimine ejus, contra quem fiunt: quia nemo cogitur detegere turpitudinem suam, can. *Quis aliquando*. vers. *Non tibi dico de Poenit. dist. 2.* Glossa loc. cit. Mascardus d. Concl. 1183. num. 60. allegans communem, et concordant dicta superius num. 165.

Tandem, ut nonnulla alia præmissis similis, 209. ceantur, positiones debent fieri positive, non interrogative: alias pars interrogata non tenetur eis respondere, Maranta part. 6. Speculi Aurei tit. de Positione. Actu 4. num. 13. post Baldum in l. *Data opera*. C. *Qui accusare non poss.* Geminianum in cap. 1. col. penult. de Confessione in 6. et alios. Ratio disparitatis est: quia qui ponit, fatetur: non sic, qui interrogat.

Quæritur IV. Quid sint Articuli, et Interrogatoria: et quomodo differant a Positionibus? Resp. I. *Articulus* est pars intentionis continens id, quod quis probare intendit: puta per testes, instrumenta etc. Ita Glossa in c. *Præsentium*. 4. *Articulis*. de Testibus in 6. Maranta loc. cit. n. 1. et alii.

Hinc Articuli multipliciter differunt a Positionibus. Primo, quod Articuli sunt, ubi opus est probatione: Positiones contra non semper indigent probatione, imo ad hoc fiunt: ut per confessionem adversarii positis relevetur ab onere probandi. Secundo, quia Articulus non fatetur articulos, neque asserit eos veros esse, sed tantum, quod credat eos probari posse: bene tamen Ponens fatetur positiones, easque asserit esse veras. Testior, quia inter ista datur ordo, ut pure fiant positiones, et ad eas producendas datur unus terminus: postea vero, atque ubi positiones negantur, sicque indigent probatione, datur alius terminus ad producendum articulos, ut inquit Maranta cit. n. 1. allegans Cardinal. in Clem. *Sæpe contingit*. §. *Et quis*. de Verb. signif. et Baldus in l. 2. §. *Quod observari*. C. de Jurament. calumn. et alios.

212. Notat tamen Gailus lib. 1. Practic. Observat. 79. n. 1. et Engel h. t. n. 6. quod hujusmodi differentie in praxi tam accurate non attendantur, sed Positiones et Articuli plerumque inter se confundantur: dum libellas articulas, facta litis commentatio, et præstito juramento calumnie, loco positionum, vel articulorum exhibetur, et adversarius ad respondendum urgetur: v. g. interrogando, *Numquid verum est, quod tali vel tali die a me petiveris mutuo centum: Numquid verum est, quod tantum petivisti actu ibi numeraveris*, et hujusmodi.

213. Resp. III. Interrogatoria dicuntur, quæ faciunt pars testibus productis contra se, ut responderet ad singula, Ita Glossa in c. *Præsentium*. 4. *Interrogatoria*. de Testibus in 6. Spiegelius in Lexico Juris. Interrogatoria. Et hæc solvantur super articulis secundum circumstantias causarum, et personarum productarum, c. *Licet causam*. 9. de Probation. finitque.

- hac modo: Si testis dixerit, verum esse, quod in primo articulo confitetur; quaeratur ab eo, quomodo sciat, et an tunc praesens fuerat, et ad quid ibi erat, et si vidit: potuit enim praesens fuisse, et non vidisse? Item, quo anno et die, et in quo loco, quo domo, et qua parte eas id contigerit, et an alii fuerint praesentes, et qui? Item, si cognoscit illum, de quo testificatur (si enim non cognoscit, non valet testimonium. *Glossa marginalis in cit. c. Praesentium*) et ejus aetatis, staturae et coloris? ac huiusmodi.
- 214 Et talia Interrogatoria non dantur parti adversae, ne possit super his instruere testes suos; sed Iudex per se, vel per Assessorem examinat libi: et si pars non fecit Interrogatoria, Iudex ea faciat, juxta *c. Cum causam. 37. de Testibus*. Quoties enim Iudex vult inquirere aequitas, potest is facere interrogationes ex officio, *can. Judicantem. 30. q. ult. et l. Ubi omneque. ff. de Interrogatione*. Etiam, postquam conclusum est in causa *c. Cum Joannes. 10. §. Ad hoc autem de Fide instrumenti. Glossa in c. Quoniam contra. §. Interrogationes de Probatione*.
- 215 Resp. II. Interrogatoria varie differunt a Positionibus. Ita Abbas in *cit. c. Quoniam contra. n. 15. de Probatione*, dicens, quod licet largo modo possit Interrogatio dici Positio, ut explicat *Glossa loc. cit.* tamen proprie et stricte est differentia inter interrogationem et positionem; quod est notandum propter Statuta.
- 216 Primo enim Positiones sunt assertive: est enim Positionis effectus, ut is qui ponit, quod ponit, asserere, seu fateri censeatur, *cap. ult. de Iurejurand. in 6*. Secus fit in Interrogatoriis: nam interrogans nihil constituitur, neque affirmat, *L. 1. et seqq. ff. de Interrogat. actione*. Deinde Positiones solae fiunt in causis civilibus; in criminalibus enim non fiunt positiones. Archidiaconus *can. Ex poenitentibus. dist. 50.* sed Reus per Iudicem interrogatur. Baldus *Consil. 326. lib. 2.* Fagnanus in *c. Olim. num. 84. de Litis contestat.* Interrogatoria vero fiunt non solum in causis civilibus, sed etiam in criminalibus.
- 217 Tertio, Positiones fiunt a parte, utpote quae ponendo aliquid affirmat, seu constituitur: Interrogationes autem fiunt a Iudice, licet quandoque ad petitionem partis. Quarto, finis Positionum est, propter partium confessionem inde habitam abbreviare lites, *Clem. Saepe contingit. §. Et quia de Verb. signif.* Interrogationum contra finis est, investigare veritatem; et, si quae forsan interveniret totius falsitas, ipsam exactioribus speculium circumstantiarum inquisitionibus solenter deprehendere, exemplo *S. Danielis Prophetae*, hinc ratione impios Senes de falso contra castam Susannam lato testimonio et propriis verbis eorum convincentis, *Daniel. cap. 13.*
- 218 Positiones possunt facere partes litigantes, non solum Reus, sed etiam Actor, ut patet in *l. 1. de Iurejurand. in 6.* Dubia alia de Positionibus solvuntur.
- SUMMARIUM.**
- 218 Positiones possunt facere partes litigantes, non solum Reus, sed etiam Actor, ut patet in *l. 1. de Iurejurand. in 6.*
- 219 Index non potest facere positiones, sed partes litigantes.
- 220 Bene tamen Procurator, quando ad hoc habet speciale mandatum, facere positiones.
- 221 Utrum ad hoc ex parte Procuratoris requiratur mandatum specialissimum?
- 222 Positiones, quando jam sunt effectus de iure, non possunt revocari, sed solummodo mutari.
- 223 Bene tamen antequam effectus de iure, mutari possunt.
- 214 *Capitulum pro Iudice quoad positiones.*
- Positio, quando dicatur esse de Actis? Ibid.
- 215 Positio erronea potest revocari, et docetur de refore.
- 216 Potest etiam positio revocari in continentia.
- 217 Ac declarari.
- 218 Positio etiam ab adversario negata, non potest mutari.
- 219 Quamvis tunc adversarius non possit uti confessione ejus.
- 220 Positiones non possunt fieri ab eo, qui generaliter renunciavit probationibus.
- 221 Positiones, in qua parte iudicii possint fieri? Et n. seqq.
- 222 An fieri possint ante litem contestatam? Et num. praec.
- 223 Et post conclusionem in causa? Et n. seqq.
- 224 Admittuntur tunc pro habendis responsionibus tantum.
- 225 Solvitur instantia.
- 226 An Reo danda sit copia Positionum?
- 227 Et quid servetur alicubi de consuetudine?
- 228 Stante consuetudine dandi copiam Positionum, ea non datur, nisi petatur.
- 229 Terminus ad deliberate respondendum positionibus, regulariter non est dandus.
- 230 et 242. Limitatur hoc in certis casibus.
- 243 Positionibus est respondendum pure ac simpliciter.
- 244 Pure et simpliciter respondere, quid importet?
- 245 Positionibus tenentur respondere ipsi principales.
- Quaeritur I. Qui possint facere Positiones? Resp. 218
- I. Positiones facere possunt partes litigantes; et quidem non solum Actor, sed etiam Reus. Ita *Glossa magna in cap. 1. de Confessis in 6. Speculator tit. de Positionibus. §. 3. nu. 3.* Fagnanus *c. Olim. num. 89. de Litis contestat.* Blasius Michalorius *tract. de Positionibus, cap. 5. num. 1.* et alii. Idque clare desumitur ex *c. Praesentium. §. 1. de Testib. in 6.* ubi injungitur Actori, et Reo, videlicet Abbati et Priori, ut tam ponendo, quam respondendo dicant veritatem. Concordat *Clem. Saepe contingit. §. Et quia. de Verb. signif. et cap. ult. de Iurejurand. in 6.* Accedit ratio: quia positiones succedunt loco probationum; sunt enim inventae ad relevandum partes ab onere probandi, ut dictum §. praeced. num. 188. Atqui non solum Actor, sed etiam Reus (praesertim, si ultro in se recipit onus probandi: ut *l. Circa eum. ff. de Probatione*.) potest probare; ergo etiam facere positiones. Tacetur, quod Reus non solum possit, sed etiam teneatur probare suas exceptiones, si quas contra Actorem proponit; unde non mirum, quod possit tunc positiones facere; quamquam non negatur, quin Reus excipiendo fiat Actor, *L. 1. et l. In exceptionibus. ff. de Exceptione*.
- Resp. II. Iudex non potest facere Positiones, nec possit partes interrogare. Ita *Speculator cit. §. 3. nu. 2.* Sigism. Scaccia *lib. 2. de Iudiciis, cap. 7. n. 33. et 35.* et alii; quidquid nonnulli apud eundem Scaccia *n. 31.* contradicunt. Ratio est: quia positiones loco probationum succedunt; atqui Iudicis non est probare, sed iudicare inter partes; ergo. Accedit, quod ponens fatetur id, quod ponit in facto; *cap. ult. de Iurejurand. in 6.* atque Iudicis non est fateri, sed supplere in facto; ergo nec positionem facere, id ipsum confirmat longaeus in *h. Tribunalium*, qui non patitur, quod Iudex faciat positiones, sed litigat.
- Resp. III. Procurator potest facere Positiones, quando ad hoc habet speciale mandatum; alia.



non. Ita Glossa in cap. ult. §. *Expresse. de Jurejurand.* in 6. juncto textu ibid. Scaccia cit. cap. 7. n. 41. Michalorius loc. cit. cap. 6. num. 19. et alii. Ratio est, quia, ubi accedente speciali mandato procurator positionem facit, idem est, ac si Principalis faceret, juxta Reg. 72. Juris in 6. *Qui facit per alium, est perinde, ac si faciat per se ipsum.* Alias vero in c. *Pastoralis.* 14. de *Judiciis.* legitur statutum, ut principales personae non per advocatos, sed per ipsas factum proponant: ac proinde etiam positiones faciant per se ipsas. Unde in cit. cap. ult. de *Jurejurand.* in 6. positiones contrariae, quas Procurator nomine sui Principalis fecit, non nocent ipsi Principali, nisi eo *expresse mandante, vel ex post facto sciente, et ratum habente, et non revocante,* factae fuerint.

221 Utrom autem ex parte Procuratoris, requiratur mandatum specialissimum ad ponendam materiam specificatam (id est, mandatum ad ponendum sic et sic individuum) vel sufficiat speciale ad ponendum, aut jurandum de calumnia, variant Doctores. Et quidem requiri specialissimum, et individuum mandatum ad ponendum sic et sic, tenet Rota *Decis.* 779. n. 3. part. 2. recent. quem etiam refert Michalorius ad finem cit. tract. de *Positionib.* *Decis.* 7. eo quod alioquin confessio procuratoris voluntaria, seu nullo jure cogente data per positiones, non praediceret domino suo, conformiter dictis supra n. 91. Verum, quidquid sit de puncto juris, nihilo minus de consuetudine non requiri mandatum specialissimum, sed sufficere mandatum speciale ad ponendum, et jurandum de calumnia, ut Procuratores possint facere positiones, notat Scaccia cit. lib. 2. cap. 7. n. 44. asserens ita servari in Urbe: idemque tradit Michalorius cit. tract. de *Positionib.* cap. 6. n. 29. allegans insuper Vestrum in *sua Praxi.* lib. 5. cap. 16. n. 5. Nec immerito: quia, cum Procuratores absque instructione principalium verisimiliter positiones illas ignorassent, jam hae praesumuntur eis per principales sufficienter subministratae: ac proinde admittuntur, absque exhibitio alto specialissimo mandato.

222 Queritur II. Utrum Positiones in judicio exhibitae deinceps possint revocari, mutari seu emendari? Resp. I. Quando positiones jam sunt effectae de Actis, nequeunt amplius revocari, mutari seu emendari. Ita Speculator tit. de *Positionib.* §. *Decimo.* n. 8. Maranta part. 6. *Speculi Aurei.* §. de *Positione.* n. 8. Mascardus de *Probatione* Concl. 1182. n. 9. et seqq. Scaccia cit. cap. 7. n. 589. Alexander *Consil.* 71. nu. 6. lib. 3. Card. Tuschus *Litt. P. Concl.* 392. Michalorius loc. cit. cap. 22. n. 1. asserens, istud apud omnes Scribentes satis esse expeditum. Ratio est: quia qui ponit, fatetur, ut jam saepius dictum: atqui confessio propria, et Actis jam inserta, nequit amplius revocari in praedictum alterius: *Nam semel emissam volat irrevocabile verbum.* Et nimis indignum est, ut quod sua quisque voce dilucide protestatus est, in eundem casum proprio valeat testimonio confirmare, c. *per tuas.* 10. de *Probatione.* cum similibus.

223 Additur notanter, quando positiones jam sunt effectae de Actis: Nam antea hoc ipso, quod necdum sint de Actis, neque concludant parti, possunt ipsae ad libitum revocari, seu mutari. Maranta cit. n. 8. Mascardus cit. Concl. 1181. n. 12. Michalorius d. cap. 22. n. 6.

224 Atque idcirco Speculator, ubi supra, §. *Quinto.* n. 12. et Mascardus cod. num. 12. pro cautela monet Judicem, ut postquam positiones formatae, sicut moris est, fuerint ipsi in scriptis oblatae, ipsemet Index eas examinet, an sint admittendae nec ne: et si viderit admittendas, priusquam respondeatur, faciat eas in Actis redigi, ac aliquam variatib fiat,

l. *Acta.* ff. de *Re judicat.* aut ne postea oriator contentio inter partes, quod aliter fuerint rescriptae, quam propositae; nam ex illa scriptura praeccluditur illis vis in talibus, arg. con. *Omnes fideiinae.* 27. q. 1. Caeterum ad hoc, ut Positio dicatur esse de Actis, non sufficit exhibitio, seu productio ipsius: sed necessaria etiam est Judicis admissio, sine qua non dicitur effecta de Actis. Maranta, Mascardus, Michalorius, ubi supra, n. 7. et alii.

Deinde data Conclusio patitur limitationem in positione erronea, dummodo doceatur de errore facti: quia tunc revocari potest, arg. c. *Ex parte. de Confessis.* et l. *Error facti.* ff. de *Juris et facti ignorant.* Quia errantis nullus est consensus, l. *Cum testamentum.* C. de *Juris et facti ignorant.* Mascardus cit. Concl. 1182. num. 16. Card. Tuschus cit. *Litt. P. Concl.* 391. nu. 8. et seqq. Scaccia d. lib. 2. cap. 7. n. 609. allegans plurimos alios; idque num. 612. et seqq. extendens, etiamsi positio, seu confessio ejusmodi fuisset scripta, imo et acceptata a parte.

Limitatur ulterius in positione, quando haec in continenti revocatur: quia tunc non obstante, quod jam fuerit scripta, seu redacta in Actis, atque admissa a Judice, potest revocari, etiam non docto de errore. Alexander cit. *Consil.* 71. n. 7. lib. 3. Card. Tuschus d. Concl. 391. nu. 1. et seqq. Mascardus d. Concl. 1182. n. 13. Scaccia, ubi supra, n. 668. allegans alios cum communi: qui tamen, quando mutatio censetur facta in continenti, relinquunt determinandum arbitrio Judicis. Concordant dicta paulo antepius §. 3. n. 77. et seqq. de revocatione confessionis judicialis.

Insuper, licet positio jam effecta de Actis amplius mutari, vel revocari non possit, bene tamen potest ea declarari: quia imo faciens positionem obscuram, non solum potest, sed etiam ad positionem alterius tenetur eam declarare. Maranta part. 6. *Speculi Aurei.* tit. de *Positione.* n. 12. Michalorius cit. cap. 22. n. 25. allegans alios. Accedit ratio: quia mediante dicta declaratione, nihil additur positioni illi: quinimo declaratio retrahitur ad tempus dispositionis, seu positionis antea factae, arg. *Auth. de Raptu mulierib.* circa fin. *Collat.* 9. atque a principio eadem jam inerat, ipsasque juxta hanc intelligenda fuerat. Glossa c. *Sicut nobis.* §. *Respondamus.* de *Verb. signif.* Bartolus in l. 1. §. *Hujus studii.* ff. de *Jur. et jur.* estque in simili jam dictum de Declarationibus Cardinalium in *Prooemio* Lib. 1. *Decretal.* §. 8. num. 132. Tacentur nonnullae aliae limitationes, apud Michalorium cit. cap. 22. videndae.

Resp. II. Citata Conclusio sub datis limitationibus etiam procedit in Positione ab adversario negata, seu impugnata: nam etiam haec, postquam effecta est de Actis, amplius mutari, seu revocari non potest. Ita Michalorius cit. *quaest.* 22. n. 29. quamvis nonnulli oppositum tenere videntur. Ratio est: quia nemo potest revocare id, quod sub suo juramento judicialiter confessus est: atqui ponens jurato sic constituitur positionem a se factam, et Judicis oblatam. Quia imo ponens contraria (nisi rationaliter excusetur) censetur perjurus, cap. ult. de *Jurejurand.* in 6.

Nec obstat, quod positio illa per adversarium fuerit negata: sicque remaneat pro revocata, ac si non emanasset; ut loquitur Scaccia cit. lib. 2. cap. 7. nu. 679. Resp. enim, hinc solum sequi, quod adversarius ille, postquam semel contradixit, non possit amplius uti confessione per dictam positionem facta: quia quoad ipsam censetur, quasi nunquam emanasset, postquam negando ipsam contradixit: non tamen inde sequitur, positionem in se haberi: pro revocata, vel pro nunquam facta: quia

negatio adversarii non potest revocare positionem, aut ipsam reddere non veram, aut non factam. Michalorius cit. n. 29.

230. Quæritur III. An possint fieri Positiones ab eo, qui renunciavit probationibus? Resp. breviter. Qui renunciavit generaliter probationibus, quibuscunque, sive omni generi probationum, etiam positionibus renunciare videtur, ac proinde hoc facere nequit. Ita Speculator cit. de Positionib. §. Quarto. num. 7. et seqq. Michalorius cit. tract. de Positionibus. cap. 29. num. 2. et cap. 27. num. 29. et 30. et alii. Ratio est: quia positio est species probationis, cap. 2. de Confessis, in 6. atque succedit in locum probationum; ergo, qui generaliter renunciavit quibusvis probationibus, seu omni generi earum, etiam positionibus renunciare intelligitur, arg. can. Si Romanorum, dist. 19. et c. Quia circa. 22. de Privileg. cum similibus; ubi locutio indefinita sequi potest universali. Atqui is, qui juri suo semel renunciavit, non potest postea ad illud redire, can. Quam periculosum. 7. q. 1. et c. Cum inter. R. 16. junctis Glossa §. Ex consensu. de Election. ergo. Adde tamen dicenda num. 235. pro majori horum intelligentia.

231. Quæritur IV. In qua parte Judicii, possint fieri Positiones? Resp. I. Positiones super causa principali post litem contestatam, ac in termino probatorio fieri posse, est extra controversiam; ante litem vero contestatam, nequeunt fieri positiones, nisi in casibus illis, in quibus tunc fieri possunt probationes. Ita Speculator cit. §. Quarto. num. 1. Michalorius, ubi supra, cap. 27. num. 1. ac seqq. cum alijs. Ratio est: quia positiones succedunt in locum probationum; imo sunt species quaedam probationum, cum sint inventae ad hoc, ut per confessionem adversarii pars litigans relevetur ab onere probandi; ergo, sicut post litem contestatam, non vero antea (demptis certis casibus) possunt fieri probationes, ita etiam poterunt fieri positiones.

232. Inferitur proinde, cum probationes ante litem contestatam quandoque fieri possint super aliquo emergenti, puta, exceptione tunc proposita, consequenter etiam positiones tunc fieri posse. Speculator loc. cit. n. 1. Abbas cap. ult. n. 5. de Confessis. Gailus lib. 1. Practic. Observat. 79. n. 4. et alii.

233. Resp. II. Utrum post conclusionem in causa fieri possint Positiones, variant Doctores. Negant Jason in L. ult. n. 13. ff. de Feriis. Maranta part. 6 Specul. Aurei. tit. de Position. n. 10. Menochius de Arbitrar. Judic. lib. 1. quaest. 35. n. 25. Mascardus cit. Concl. 1182. n. 3. et n. 44. et seqq. citans alios: qui tamen istud procedere ajunt, in causis plenariis; secus in summarijs, atque exceptis etiam illis casibus, in quibus post conclusionem in causa probationes admittuntur, juxta dicenda inferius Tit. seq. §. 6. n. 163. et seqq. Rationem dant: quia positiones succedunt loco probationum; ergo, sicut post conclusionem in causa nequeunt afferri novae probationes, ita nec positiones: adeo, ut si secus fiat, non relevetur pars a probando, nec pars teneatur ipsis respondere.

234. Alii vero absolute, et indistincte volunt, post conclusionem in causa, atque elapsas omnes dilationes, adhuc admittendas esse positiones pro habendis responsionibus tantum. Michalorius cit. tract. de Positionib. cap. 27. nu. 17. et 22. ac seqq. Seaccia de Judicijs, lib. 1. cap. 60. nu. 9. citans Asinium in Practica. §. 19. cap. 11. et alios. Rationem dant: quia conclusio in causa tollit quidem probationes per testes, non autem per confessionem partis, ut, cit. Tit. seq. nu. 164. dicitur: atqui positiones non aliter probant, nisi per confessionem partis, qua-

habita pars altera ab onere probandi relevatur. Ac per hoc corrumpit fundamentum prioris sententiae. Accedit, quod Juxta debent universa rimari, postquam etiam post conclusionem in causa, a partibus factam interrogare de facto, quoties dubitationis aliquid occurrerit, usque ad prolationem sententiae, text. clar. c. Cum Joanne. 10. §. penult. de Fide instrumenta. Atqui oblatis sibi per partem positionibus pro suo jure tuendo, oritur aliqua dubitatio: ergo juxta eas potest Juxta interrogare, atque tenebitur adversarius respondere non obstante conclusionem in causa. Et haec sententia videtur probabilior.

Nec dicas. Per conclusionem in causa partes renunciant ulterioribus probationibus; ergo etiam renunciant positionibus, juxta dicta num. 230. et consequenter has amplius facere non possunt. Resp. conformiter dicendis Tit. seq. nu. 159. 161. et seqq. Antecedens esse verum in tantum, quatenus post conclusionem in causa regulariter non admittuntur novae probationes super eisdem articulis: nec eas tamen esse in certis casibus ibidem expressis, inter quos etiam connumeratur probatio per confessionem partium. Ad dicta nu. 230. respondetur per idem: nam sicut per conclusionem in causa non renunciatur probationi per confessionem partis, ita nec positioni faciendae. Accedit, quod dicta illa procedant, quando generaliter renunciatur omni generi probationum, sive per testes, sive per instrumenta, sive quocunque alio modo fiant: quia igitur per conclusionem in causa non fit adeo generalis renunciatio probationum, cum post eam admittantur instrumenta de novo reperta, arg. c. Pastoralis. §. de Exceptionib. non mirum, quod tunc pariter admittantur positiones pro habendis responsionibus tantum. Michalorius cit. cap. 27. 29. et 30.

Quæritur V. An Reo, antequam respondeat, danda sit copia Positionum? Resp. I. Spectato Jure communi, non est danda copia positionum, sed tantum legenda parti illi, quae debet respondere positionibus pendentibus ex facto proprio. Ita Jason l. Is apud quem. n. 5. C. de Edemba, citans Baldum in L. 2. C. Ut lite pendent. Michalorius de Positionib. cap. 33. n. 1. allegans ius super Alexandrum in d. l. Is apud quem. Decium n. 22. Ripam n. 10. C. de Edemba. et alios. Ratio est: quia, si Reo responsuro daretur copia positionum, facile instrueretur is ab Advocato, qualiter respondeat, et sic quodammodo eluderetur Legum intentio, admittentium positiones fieri in judicijs, ut lites abbrevientur per confessionem partis de veritate respondentis, atque Actor relevetur ab onere probandi.

Additur, notanter, spectato Jure communi. Nam de consuetudine teneri contrarium, asserit Jason cit. n. 5. Michalorius cit. cap. 33. n. 3. allegans ius super Mancinum de Jurament. part. 2. art. 2. n. 44. attestantem de consuetudine Romanae Curiae; sed subiungens, quod non sit eadem omnium Tribunalium consuetudo. Multis namque in locis, ex forma etiam Statutorum, datur copia positionum, antequam respondeatur, ne partes cavillosis forsan, aut captiosis positionibus decipiantur, vel ex improbia, et minus considerata responsione damnum irreparabile incurrant. In alijs vero locis aliter habetur statutum, seu observatur, ne, si copia positionum antea Reo daretur, ac ipsa per Advocatum suum ad respondendum instrueretur, iniquis redderetur ipsarum usus. Atque istud posterius videtur tenendum, ubi de contraria consuetudine non constat, puta, per speciale Statutum, vel dignitatem ejus observantiam: quia tunc est in possessione dispositio Juris communis.

238. Solum-mota, quod etiam stante consuetudine dantes Reo copiam positionum, non datur hujusmodi copia, nisi potatur, arg. l. Peto. §. fin. ff. de Legat. II. Michalorius cit. c. 33. n. 6. allegans alios.

239. Queritur VI. Utrum Reo debeat dari terminus ad respondendum? Resp. I. Terminus ad deliberate respondendum positionibus, regulariter non est dandus. Speculator tit. de Positionibus. §. Sexto. n. 10. Maranta part. 6. Speculi Aurei. tit. de Positione. n. 22. Michalorius loc. cit. cap. 34. num. 4. hanc Conclusionem pro regula ponens, quam tamen multipliciter limitat. Ratio est: quia quilibet debet esse certus de facto suo, c. Ab excommunicato. §. de Rescriptis. Et quilibet praesumitur melius scire factum suum, quam alius; ergo non oportet dare terminum Reo ad respondendum positionibus, seu consulendum alios, qualiter in facto proprio respondeat.

240. Resp. II. Patitur tamen data Conclusio quasdam limitationes. Et quidem imprimis ea limitatur, quando quis habet probabilem causam ignorantiae, arg. can. In lectum 34. q. 2. et can. Si quis a Simoniacis. l. q. 1. ac notat Glossa in cit. c. Ab excommunicato. §. De facto suo. Sic contingeret, quando quis interrogatur de facto proprio, sed antiquo, seu excedente decennium: nam post tantum temporis spatium praesumitur oblivio, can. Antiquitate. 12. q. 2. et l. 3. §. Si servus. ff. de Acquirend. possessione. Unde merito de facto iam antiquo interrogatus potest terminum petere ad se recolligendum, et deliberate respondendum, ne subito, et ex praecipitatione quadam respondendo, grave sibi praediciatur genere.

241. Limitatur deinde in persona pluribus aliis negotiis implicita: tunc enim, ob negotiorum multitudinem, de facili praesumitur oblivio. Mascardus de Probat. Concl. 1128. n. 28. atque ideo ad deliberate respondendum terminus assignari debet. Ancharanus in cap. ult. de Jurejurand. in 6. Michalorius cit. cap. 34. num. 9. et 10. ubi hoc ipsum extendit ad senes, foeminas, rusticos, minores, et similes personas, in quibus de facili potest oblivio cadere. Menochius Consil. 255. n. 47. vol. 3. Mascardus cit. Concl. 1128. n. 19. ubi tamen istud arbitrio Judicis relinquit discernendum.

242. Limitatur ulterius, quando quis interrogatur de facto alieno: nam in facto alieno cadit probabilis oblivio. Menochius Consil. 248. num. 29. vol. 3. Mascardus d. Concl. 1128. n. 23. et notatur in l. ult. ff. de Socio: ac proinde potest Reus petere terminum ad deliberate respondendum. Speculator tit. de Positione, §. Sexto. n. 15. Cum enim tanquam oblitus dubitet, seu non bene recogitet, potest petere terminum ad deliberate respondendum, nec potest cogi, ut statim respondeat. Michalorius cit. c. 34. num. 6. allegans alios: ac postmodum num. 11. et 12. hoc ipsum extendens ad eum, qui interrogatur de facto admodum implicito, et circumvoluto; atque ad omnes eos casus, in quibus Juxta animadvertere potest, verisimiliter oblivionem adesse, quod ejus relinquitur arbitrio; ac etiam credit Menochius lib. 2. de Arbitrar. Judic. cas. 29. n. 2. et seqq.

243. Queritur VII. Qualiter sit respondendum Positionibus? Resp. I. Positionibus est respondendum pure ac simpliciter: Ita Gailus lib. 1. Practic. Observat. 82. num. 1. et 2. allegans communem. Idque desumitur ex l. 2. §. Quod observari. juncta Glossa §. Existimat. C. de Jurejurand. propt. talum. Accedit ratio: quia positiones sunt ad hoc, ut Actor per responsionem Rei relevetur ab onere probandi, juxta saepius jam dicta; scilicet, quid sibi probandum remaneat: atqui hoc evenire non potest,

si Reus solum obscure, ambiguus vel conditionaliter, non vero pure et simpliciter responderet, saltem per verbum Credo, vel Non credo: nam qui affirmat in facto proprio errare, sibi praediciatur; et habetur pro confitente. Federicus de Senis Consil. 23. in fin. Card. Tuschus Litt. P. Concl. 387: citans alios. Accedit, quod positiones debeant esse simplices: ergo pariter responsio ad eas debet esse simplex: alias pro non datis habentur, ac Judicis interlocutione nova responsio injungitur; cum paria sint, non respondere, et obscure respondere, l. De aetate. §. Nihil interest. ff. de Interrogat. actionib.

Ceterum pure et simpliciter respondere aliud non importat, quam dare responsionem claram et certam, ut inquit Gailus d. Observat. 82. n. 1. non dare responsionem absolutam, sine aliqua conditione, additione, vel restrictione. Michalorius, ubi supra, cap. 39. n. 10. et 12. Hinc in Camera non admitti illam vulgarem responsionem, Non Credo ut ponitur; refert idem Gailus n. 3. ex eo, quod talis responsio sit incerta. Ac proinde, ut Reus dicatur simpliciter respondere, debet affirmare, vel negare, quod ponitur; absque aliqua additione, vel detraktionem: sive (ut loquitur) ad litteram, prout censet ipsa positio. Michalorius loc. cit. n. 13. et seqq. istud limitans, quando vel ex natura actus resultet aliqua conditio; vel ipsa positio est duplex, seu alternativa; sicque parem exigit responsionem; vel quando ex causa Juxta censet admittendam esse responsionem conditionalem.

Resp. II. Positionibus ex adverso exhibitis tenentur ipsimet Principales, si fuerint praesentes, medio suo juramento per semetipsos respondere, non autem per suos Advocatos; nisi forsan persona principalis sit indiscreta. Ita Speculator tit. de Positionibus. §. Tertio. num. 6. Maranta cit. §. de Positione. n. 15. Mascardus de Probat. Concl. 1182. num. 50. Michalorius, ubi supra, cap. 65. n. 1. allegans alios. Idque probatur ex eo: quia non debet unus interrogari pro alio de facto proprio; cum quilibet certus esse debeat de facto suo, c. Ab excommunicato. §. de Rescriptis. illudque melius nosse censeatur prae quocunque alio. Accedit textus expressus in c. Pastoralis. 14. de Judiciis; estque jam dictum supra eod. Tit. 1. de Judiciis, §. 8. n. 219. et seqq. ibi videatur.

## TITULUS XIX.

### De Probationibus.

#### 1. Ratio continuationis Rubricarum.

Postquam actum est Titulo praecedenti de Commissionibus, per quas adversarius relevatur ab onere probandi, sequitur nunc de Probationibus, utpote quibus opus est, si Reus ultro non confiteatur: alioquin quippe locum habebit vulgata Regula: Actore non probante Reus absolvitur. Praemittitur autem praesens Titulus de Probationibus in genere, ut postea in progressu per sequentes Titulos distinctius agi possit de Probationibus in specie: unde majoris claritatis gratia sit



## §. I.

De natura, divisione, speciebus et gradibus Probationum:

## SUMMARIUM.

2. Probatio ut sic, quid? Et n. seqq.
3. Omnis definitio in Jure est periculosa; et quomodo?
4. Argumentum stricte, et largo acceptum, quid?
5. Probationis judicialis definitio. Et n. seqq.
6. Persatur circa facta, et quidem incerta.
7. Probationes differunt ab Allegationibus juris.
8. Data probationis definitio ulterius declaratur.
9. Probatio varie dividitur. Et n. seqq.
- Alia est judicialis, et alia extrajudicialis. Ibidem.
10. Artificialis, et inartificialis.
11. Probatio plena.
12. Evidentissima, seu apertissima.
13. Clara, et.
14. Legitima, quae?
- Haec accipitur proprio, et largius. Ibid.
15. Probatio semiplena, et.
16. Mixta, quae?
17. Appellatione Probationis simpliciter dictae, solum venit plena probatio; et cur?
18. Probationis species, quot? Et n. seqq.
19. Probatio fit per evidentiam rei.
20. Per Confessionem propriam.
21. Per aspectum, seu inspectionem ocularem.
22. Et quae ad hanc requirantur?
23. Aliisque modis; et quibus?
24. Non est opus, admittere duodecim species probationum.
25. Gradus Probationum sunt quatuor, nempe
26. I. Dubietas; quae tamen proprie non est gradus Probationis.
27. II. Suspicio.
28. III. Opinio. IV. Credulitas.
29. Hi Probationum gradus probantur ex Jure.
30. Credulitas, in quo conveniat, et differat a Scientia?

2. Queritur I. Quid sit Probatio? Resp. I. Probatio ut sic est rei dubiae, seu controversae, per legitima argumenta facta ostensio. Ita post Azonem, et Accursium in Rubric. C. de Probat. Hostiensis in Summa. h. t. num. 1. Abbas ad Rubric. h. t. n. 1. Mascardus de Probationibus, volum. 1. quaest. 2. proemial. n. 8. Pirhing h. t. n. 1. et alii: quamvis non pauci post Goffredum in Summa, datam Probationis definitionem, veluti insufficientem, et non convenientem Probationibus per testes, ac instrumenta, inficiare conati fuerint. Ratio est: quia data definitio recte explicat naturam Probationis ut sic per genus et differentiam, quae et conditiones ad eam requisitas sufficienter declarat; ac proin merito est retinenda.

3. Nec urget id, quod habetur l. Omnis definitio ff. de Reg. Jur. illis verbis: Omnis definitio in Jure Civili periculosa est: Rarum est enim, quod perverti non potest. Resp. enim cum Glossa un. ibid. per Definitionem in citata Legge non intelligi Definitionem Dialecticam, seu talem, quae est brevis, et propria substantiae rei per genus et differentiam enunciativa; sed Definitionis nomine ibidem intelligi plurium rerum breviter, seu summatim, sub certa regula factam traditionem. Hujusmodi quippe definitiones sunt periculosae, quia patiuntur complures exceptione, seu fallentias.

4. Neque ulterius, re penitus inspecta, urget ratio Goffredi, datam definitionem impugnantis, ex eo quod non conveniat probationi per testes et instru-

menta. Quia (inquit) argumentum dictum est, quasi argute inventum, juxta c. Forus. 10. de Verb. signif. quale dictum, quasi argute inventum, non continet probatio per testes et instrumenta. Resp. enim cum Hostiensis, Abbate, ut supra, et aliis, in cit. c. Forus. accipi ly argumentum stricte, ac proprie; prout sumitur in Dialectica, et etiam in Jure; quando disputatur, vel allegatur. Secus contingit in data definitione, seu descriptione, ubi argumentum largo modo sumitur, pro omni videlicet specie Probationis: hoc est, pro omni ratione, ac medio rem dubiam probandi; prout etiam sumitur in l. Testium. §. Eiusdem quoque ff. de Testib. ibi: Quae argumenta ad quem modum probandae cuique rei sufficiant, nullo certo modo definiti potest.

Quod si quis nihilo minus aliam Probationis, praesertim judicialis, desideret definitionem, dicat cum Mascardo, ubi supra, n. 7. Vallensi h. t. §. 1. Saut nig eod. cap. 1. et aliis, taliter. Probatio est ostensio rei dubiae per legitimos modos Judicii faciendi in causis apud ipsum controversis: ubi ly Ostensio, rationem generis, reliqua vera obtinent rationem differentiae.

Dicitur inprimis, Ostensio. Nam Probatio ea potissimum de causa sic appellata fuit, quia est quaedam quasi propositio, atque manifestatio ejus, quod erat dubium: ut inquit Jo. Andreas, ad Rubric. h. t. n. 3. et Abbas ibid. n. 2. Solum adde, quod Probatio versetur circa facta, et quidem incerta: prout indicat ipsum ly, Ostensio: nam quae juris sunt, per se nota existunt (etenim Jura habentur certa), ac proinde nequaquam veniunt probanda, nisi forte juris esse negentur, quomodo consuetudo dicitur probanda, cap. 1. de Constitut. in 6. Abbas loc. cit. nu. 2. Zoesius h. t. n. 2. et alii.

Unde Probationes differunt ab Allegationibus juris, quae non raro fieri consueverunt; non quidem ad probandum (unde nec sunt de Processu) sed tantummodo, ut Judex instruat. Mascardus cit. quaest. 2. n. 18. et 19. et quaest. 17. nu. 50. Maranta part. 6. Speculi Aurei, tit. de Actorum Editione, actu 10. n. 58. et alii.

Dicitur secundo, rei dubiae. Nam quae sunt certa, et notoria, probatione non indigent, c. Super eo. 3. de Testib. cogend. Sicut nec illa, quae pars adversa ultro concedit: nam propria confessio, est optima probatio; et si fiat in judicio, inducit notorium, can. ult. de Cohabitat. Cleric. Et additur, per legitimos modos: hoc est, a Legibus, approbato, de quibus in progressu dicitur ulterius, Judici faciendi etc. ad iudicandum, quod impraesentiarum sermo sit de probatione judiciali: nam, altera superius allata definitio convenit Probationi ut sic, et prout est genus ad judicialem, et extrajudicialem.

Queritur II. Quotplex sit Probatio? Resp. I. Generatim loquendo, Probatio alia est, judicialis, alia extrajudicialis. Probatio judicialis dicitur, quae fit in judicio. Et istud potest intelligi conformiter dictis de Confessione judiciali. Tit. praec. n. 4. et seqq. Quamquam Vallensis h. t. §. 2. n. 5. Pirhing. eod. n. 4. et alii, soleant addere ly, post litem contestatam: quod recte dicitur in ordine a iudicio ordinarium (utpote proprie incipiens a lita contestatione) et causas plenam discussionem requirentes. Probatio extrajudicialis vicissim censetur ea, quae fit extra iudicium: ut sunt Probationes, quae solent adhiberi inter homines privatos, in contractibus civilibus: item illae, quae autem omnia item motam recipiuntur ad perpetuam rei memoriam, c. Cum dilecta. 4. de Confirmat. liti. etc. aut ne copia probationum fortuitis casibus subtrahatur, cap. ult. §. 1. Ut lita non contestata etc.

10. Deinde utraque haec Probatio subdividitur in artificialem, et inartificialem. *Probatio artificialis* dicitur, quae arte et industria probantis ex ipsa causa, ejusque circumstantiis desumitur. *Probatio inartificialis* vero, quae extrinsecus, seu extra causam assumitur: puta a testibus, instrumentis, juramento, confessione etc.
11. Resp. II. Probatio ulterius dividitur in plenam et semiplenam: ita communis. Et quidem *Probatio plena* dicitur illa, quae tantam fidem facit, quanta ad definiendas controversias sufficit. Spiegelius in *Lexico Juris*, §. *Probatio plena*. Mascardus de *Probationib. quest. 4. n. 15*. Atque hanc nonnulli dividunt in Probationem evidentissimam, claram, et minus evidentem; seu in plenam, plenioram, et plenissimam, prout loquitur Card. Tuschus *Litt. P. Concl. 789*. Ex quibus.
12. *Probatio evidentissima* censetur illa, quae fit per privilegia, et instrumenta indubitata: ut inquit Abbas in c. *Licet. n. 12. h. t.* Jason l. *Si constante. n. 135. ff. Solutio matrimonii* et Mascardus cit. *quest. 4. n. 5*. Huc accedunt Probationes apertissimae, prout appellantur in c. *Pia de Exceptionib. in 6. et l. Sciant. C. de Probatio. ibi: Apertissimis documentis*. Quales Probationes apertissimae, seu (ut alii loquuntur) plenissimae, atque luce clariores, habentur per facti evidentiam, et aliis modis indubitatis, atque requiruntur in causis criminalibus, cit. l. *Sciant*. Nam saepe aliqua Probatio in causis civilibus sufficiens est ad ferendam sententiam, quae non sufficeret in criminalibus, praesertim capitalibus: quia, ut l. *Abstem. ff. de Poenis*, dicitur: *Satius est, impunitum relinqui facinus nocentis, quam innocentem daminari*. Engel h. t. n. 8. et alii.
13. *Probatio clara* est, quae fit per testes, et hujusmodi. *Probatio minus evidens* vero, quae fit per conjecturas, et praesumptiones: ut c. *Afferte. de Praesumption. cum similibus*: qualis alio nomine dicitur *Probatio praesumptiva*. Esi enim Mascardus cit. *quest. 4. n. 13*. post Romanum in l. *I. C. de Testament. milit. et alios*, asserat, Probationem per praesumptiones et conjecturas non dici veram et propriam probationem, nisi esset praesumptio *Juris*: nihilo minus idem recte apponit ly, *Nisi esset praesumptio juris*. Nam quod probatio illa dicatur vera, clara seu evidens, quae ex conjecturis colligitur, habentibus praesumptionem *Juris* pro se, seu ubi Lex statuit, quod conjecturae habeant vim plenae probationis: desumitur ex c. *Nullus dubitat. 4. et c. Litteris. 12. de Praesumption. cum similibus*; ac tradit ipsemet Mascardus *Concl. 497. n. 3. et 4.* post Baldum in l. *Cives. C. de Appellat. Decium in cap. 1. in fin. de Offic. Delegat. et alios*.
14. Huc pertinet *Probatio legitima*; qualis proprie loquendo dicitur illa, quae fit testibus, vel instrumentis, et non per juramentum. Glossa in l. *Cum in debito. §. Legitima. ff. de Probation. quem* Glossam Alexander *Consil. 119. n. 9. vol. 2.* repetit singularem, ad hoc, quod ubicunque requiritur probatio legitima, non sufficit semiplena probatio cum juramento. Concordat Glossa in c. *Ab si Clerici. verb. Legitima probatio. de Iudiciis*. Andr. Barbatus in *Repetit. in Rubricam. de Fide instrument. n. 29*. Card. Tuschus *Litt. P. Concl. 787. n. 1.* dicens, quod Probatio per testes, vel per instrumenta, seu per confessionem partis, sive per inspectionem ocularem, dicatur vera et legitima Probatio. Mascardus *Concl. 1148. n. 10.* Jason in l. *Si quando. n. 10. C. Unde si, asserens*, quod Probatio per juramentum necesse sit liquida, nec legitima Probatio. Alioquin vero, et largius loquendo, quod Probatio legitima non

solum censetur ea, quae fit per testes, aut instrumenta indubitata, sed etiam, quae fit per famam consentientem, seu consonantem cum alia probatione, aut quibuscunque aliis modis per Leges approbatis; patet ex l. *Proprietatis. C. h. t.* juncta Glossa ibid. verb. *Legitimis*.

*Probatio semiplena* contra dicitur, per quam aliqua fides rei gestae fit Judici, non vero tanta, ut jure possit moveri ad ferendam sententiam juxta eam. Et hujus semiplenae Probationis quatuor exempla ponit Glossa in l. *Admonendi. verb. Exacto jurejurando. ff. de Jurejurand.* videlicet Probationem, quae fit per scripturam privatam, vel per comparisonem litterarum, aut per fugam Rei, qui debuisset respondere, vel per testem unum. Quibus adde probationem illam, quae fit per famam, juxta Bartolum in cit. l. *Admonendi. §. Videnda sunt.* et Mascardum *quest. 11. prooemial. de Probation. n. 20.* item Probationem per confessionem extrajudicialem, et hujusmodi: de quibus alii.

Hic addit Pirhiog h. t. num. 3. aliud membrum, videlicet *Probationem mixtam*; estque ea, quae fit ex duobus semiplenis ad eundem finem tendentibus, juxta Glossam fin. c. *Cum causam. h. t.* et amplius infra §. 4. n. 98. et seqq. declarabitur.

Solum nota, quod appellatione *Probationis* simpliciter et absolute dictae, veniat duntaxat plena, non autem semiplena probatio: ac proinde, ubi Lex, vel Statutum facit simpliciter mentionem de Probatione, intelligatur de plena, arg. Clem. *Constitutionem*, juncta Glossa verb. *Fides. de Election. et l. Lucius. 82. ff. de Condition. et demonstrat.* Si quidem vera et propria probatio solam dicitur illa, quae se sola sufficit ad faciendam fidem, nec indiget alterius adminiculo: qualis est duntaxat probatio plena. Glossa loc. cit. Bartolus in l. *Ait Praetor. §. fin. ff. de Re judicat.* Sperellus *Decis. 101. Fori Ecclesiast. n. 22.* Francisc. Niconitius in *Repetit. c. Quoniam contra num. 133. de Probation.* Mascardus *quest. 4. prooemial. n. 12.* Barbosus de *Appellativa verborum Juris significat. Appellat. 220.* Jason in l. *Qui accusare. n. 7. C. de Edendo*, istud limitans, quando subjecta materia repognat.

Quaeritur III. Quid sint Probationum species? Resp. Esi circa hoc non omnino conveniant Doctores, cum alii duodecim, alii decem, alii sex, alii vero novem assignent; uti videre est apud Mascardum de *Probationib. cit. quest. 4.* tamen haec posterior sententia novem admittens, quae est Hostiensis in *Summa. h. t. n. 6.* praeceteris videtur retinenda. Ratio est: quia ceterae Probationum species commode ad novem praecipuas reduuntur, quae et hisce versiculis breviter continentur:

*Aspectus, sculptum, testis, notoria, scriptum. Jurans, confessus, praesumptio, fama probavit.*

I. Etenim potest aliquid probari per *Evidentiam* rei, quando scilicet res ita palam est, ut nulla tergiversatione, vel negatione celari valeat. Et hoc indicant relati versiculi per ly, *Notoria*; siquidem *Notorium facti* est, quod ita habet facti, seu rei evidentiam, ut non possit negari (subintellige) probabiliter, cap. ult. de *Cohabitat. Cleric. etc.* Cum olim. 24. de *Verb. signif.* atque amplius declarat Glossa in can. *Manifesta. 2. q. 1.*

II. Probatio solet fieri per *Confessionem propriam* sive, quando quis de se ipso est confessus. Hoc obstat, quod confessio proprie non sit probatio, sed probationis elevatio, juxta dicta Tit. praeo. §. 1. n. 13. Respondeo enim, dari etiam confessionem extrajudicialem, quae plene non probat; ac proinde non relevat. Autorem abdicare probandis: imo etiam confessio judicialis, si non proprie, saltem

largius loquendo potest dici probatio, juxta illud vulgatum: *Propria confessio est optima probatio.*

- 21 III. Fit probatio per *Aspectum*, sive per ocularem inspectionem (vulgo *ein Augenschein*) et accidit, quando Juxta rem, de qua lis movetur, per se ipsum, aut alias personas ad id deputatas, praesentialiter inspicit. Sic in quaestione de Novi operis nunciatione plerumque requiritur inspectio ocularis, ut appareat, an revera quis priorem faciem operis immutaverit, aut in praedictum Actoris aedificium extruxerit. Similiter, quotiescunque controversia oritur circa limites agrorum, vel terminos jurisdictionis regulariter ipsi termini sunt inspiciendi, l. *Si irruptione*, ff. *Finium regund.* Insuper petita per vicinam cautione *Damni infecti*, si alter neget, domum suam esse ruinosa, oportet devenire ad ocularem inspectionem, l. *Dies cautionis*, §. 1. ff. *de Damno infecto*. Idemque contingit in nonnullis aliis casibus.

- 22 Solum breviter nota, quod ad Inspectionem ocularem regulariter requiratur utriusque partis praesentia: nisi forsitan Juxta ex officio clam pro sua duntaxat informatione ipsam suscipere velit. Insuper ad Inspectionem ocularem ducendi sunt testes ab alterutro litigantium producti: eo quod in re praesenti melius se explicare, judicemque informare valeant. Tandem inspectio ocularis debet fieri per artis peritos, v. g. per Architectos, agri mentores, et hujusmodi: quibus etiam juramentum deferri debet (nisi forsitan in susceptione sui officii tale juramentum jam deposuerint, ac jurati Magistris existant) quod ob neutrius partis favorem declinando, sed fideliter, prout in sua conscientia deprehenderint, veritatem edicere velint. Engel h. t. n. 12. post Roland. in *Tract. de Commissariis*. lib. 3. Sennig h. t. cap. 4. n. 11.

- 23 IV. Contingit fieri probationem per *Testes*. V. Per *Instrumenta*, quae in supra allatis versiculis denotantur per ly, *Scriptum*. VI. Per *Juramentum*, VII. Per *Praesumptionem*. Atque de istis extant in Jure Canonico proprii Tituli, proxime explicandi. VIII. Fit interdum probatio per antiquas *Sculpturas*, lapidibus v. g. impressas: idque in memoratis versiculis insinuat per ly, *Sculptum*, de quo commodius agetur infra Tit. 22. *De Fide Instrumentorum*. §. 7. num. 221. et seqq. IX. Tandem species probationis est *Fama*, de qua agitur Tit. seq. §. 12. n. 384. et seqq. Atque per haec patet bonitas datae Conclusionis, admittentis novem species Probationum.

- 24 Nec obstat, quod Speculator tit. *de Probationibus*. §. *Videndum*, universim admisit duodecim species Probationis, addendo videlicet probationem factam per *Litteras signatas Sigillo Episcopali*, per *Denunciationem publicarum personarum*, et per *Indicia indubitata*. Resp. enim, Probationem per Litteras signatas sigillo Episcopali commode reduci ad speciem Probationis per Instrumenta: sicut et Denunciatio publicarum personarum pertinet ad speciem Probationis per Testes: ac Indicia indubitata ad speciem Probationis per praesumptionem, eo quod ex talibus indiciis indubitatis soleat oriri vel praesumptio hominis, vel praesumptio juris: imo quandoque etiam praesumptio juris et de jure inde consurgat.

- 25 Quaeitur IV. Quot sint gradus Probationum, Resp. Quatuor sunt gradus Probationum, videlicet Dubitatio, Suspicio, Opinio, et firma Credulitas. Ita Abbas in c. *Tertio loco*. n. 11. h. t. Hactenus in l. *Admonendi*, §. *Quaera quando dicatur*, ff. *de Jurejurand.* Card. Tuschus Litt. P. Concl. 764. n. 3. et Antonius Butrius *Repetit. in c. Veneranda*. n. 60. et seqq. *de Cohabitat. Cleric.* Conclusio haec declaratur inductione, praemittendo, quod

in Judice, praeter nescientiam alicujus rei, et scientiam hujus habitam per rationes et demonstrationes, aut si est facti, per proprium sensum, possit dari firma credulitas, seu fides talis rei, quae est media inter illa extrema. Atqui ad hanc firmam credulitatem, seu fidem, dantur dicti quatuor gradus: quamvis etiam inter istos possint distingui varii modi, juxta majorem videlicet, vel minorem rationem suspicandi, opinandi, et credendi: idque declaratur taliter.

Primus gradus est, cum Juxta proponitur causa per Actorem affirmantem, quae per Reum econtra negatur: tunc enim Juxta inducitur in *Dubitatem*. Quamquam ulro sit fatendum, quod ista haec Dubietas proprie non sit aliquis gradus Probationis, nisi quatenus Juxta exinde inducitur ad investigandum.

Secundus gradus est: quia post Dubitationem, et investigationem veritatis, solet Juxta incipere suspicari, et applicare animum magis ad unam, quam ad alteram partem. Et quando hoc fit ex levi aliquo indicio, seu argumento non excludente prorsus dubitationem, dicitur *Suspicio*: quae quidem non sufficit ad condemnandum, (nam ex suspicionibus non debet aliquis condemnari, l. *Absentem*, ff. *de Poenis*) facit tamen proprie gradum aliquem Probationis.

Tertius gradus est: quia post memoratam suspicionem, si alicubi appareant fortiora argumenta, tunc Juxta incipit opinari. Jam enim applicat animum ad unam partem, licet non sine formidine de opposito: et sic ex parte ejus oritur *Opinio*. Ac proprie loquendo, iste est alter gradus Probationis, et habet ibi locum suppletio per juramentum, cap. ult. *de Jurejurand.* et l. *Admonendi*, ff. *eod.* Quartus tandem gradus est, quando ex deductis in iudicium animis Juxta in tantum informatur, quod firmam credulitatem seu fidem habeat ejus, de quo quaeritur: atque istud habetur per plenas probationes.

Accedit textus in l. 1. §. 1. ff. *de Questionib.* ubi posteriores tres gradus Probationum (primas enim, seu Dubitatio, non est proprie talis gradus, ut jam dictum) sequentibus verbis designantur: *Ad tormenta servorum ita demum deveniri oportet, cum suspectus est Reus, et aliis argumentis ita probationi admoveatur, ut sola confessio deesse videatur*. Nam ly, *Suspectus est Reus*, denotat primam gradum Probationis, qui est *Suspicio*: ly, *aliis argumentis*, indicat secundum, qui est *Opinio*: et ly *sola Confessio*, tertium Probationis gradum, qui facit plenam fidem: nam habita propria confessione, seu plena probatione, adducitur Juxta ad firmam credulitatem.

Atque talis Credulitas istud habet commune cum Scientia, quod sicut firmiter quis uni parti adhaeret per scientiam: ita etiam adhaeret eidem per hanc credulitatem. Differunt tamen in modo perveniendi ad istam firmam adhaesionem: nam Sciens ad istam perducitur vel ob rationes demonstrativas a priori, vel quando scitum est quid facti, quod cognoscitur per proprium sensum: Credens autem ad ejusmodi firmam adhaesionem adducitur per alia argumenta. Bartolus ubi supra.

## §. II.

Quid sit probandum? Ubi et de Probatione Negativa.

## SUMMARIUM.

26 Id est probandum, quod est deductum in iudicium.



32. Si per testes probatur aliud, quam est deductum in iudicium non valet eorum dictum.

33. Illud duntaxat est probandum, quod probatum prodest probanti.

34. Articuli alii necessitate concludunt, alii praesumptive; et talium probatio est admittenda.

35. Quod non est verisimile, an possit admitti ad probandum?

36. Probatio circa quae versetur? Et num. seqq.

37. Manifesta, seu notoria non indigent probatione. Et num. seqq.

*Allegatio notorii, est probatio probata. Ibid.*

38. Istud procedit in notorio facti permanentis: secus in notorio facti transeuntis.

39. Etsi impedimentum matrimonii sit notorium nequit vir dimittere uxorem absque iudicio Ecclesiae; et cur?

*Ad notorium facti permanentis, quid requiratur. Ibid.*

40. Explicatur c. De hoc. de Simon. Et num. seqq.

41. Manifestum sumitur dupliciter; et quid sit?

42. Et quomodo differat a Notorio?

43. Negativa, an quandoque probari possit, ac debeat? Et num. seqq.

*Nulla negativa potest probari directe. Ibid.*

44. Negationes sunt triplicis generis, quarum aliquae probari possunt indirecte, non autem omnes.

45. Negativa facti, quae?

*Est duplex, pura, et coarctata.*

46. Harum posterior potest probari indirecte; non prior.

47. Solvitur instantia. Et num. seqq.

48. Negativa quandoque includit affirmativam; et haec potest probari. Et num. 50.

49. Negativa qualitatis, quae?

*Haec potest probari indirecte. Ibid.*

50. Negativa qualitatis, quae?

*Ista potest, ac debet probari ab allegante. Ibid.*

51. Omnis negativa potest indirecte probari, excepta Negativa facti pura.

31. Quaesitor I. Quid generatim sit probandum?

Resp. I. Generatim loquendo id est probandum, quod est deductum in iudicium, et ab altera parte fuit negatum. Ita Speculator tit. de Probationibus. §. Nunc dicendum. num. 1. Hostiensis in Summa. h. t. n. 4. Mascardus de Probatione. quaest. 2. Prooemial. n. 27. ac quaest. 17. n. 16. id intelligens de omni eo, super quo lis mota est, sive directe, sive indirecte, seu per modum exceptionis, aut applicationis: et alii. Idque patet ex c. De testibus. 29. de Testib. et l. Ad probationem domini. C. h. t. Cum similibus. Accedit ratio: quia, ut dicitur in ejus definitione, Probatio est ostensio rei dubiae per legitimos modos Judici faciende in causis apud ipsum controversis; ergo non debet illud ad probandum assumi, quod est impertinens, ac extra causam propositam; sed ea duntaxat oportet probare, quae sunt in iudicium deducta, et ad causam pertinent, et in quibus se aliquis fundat, ab adversario tamen negantur. Per negationem enim res fit dubia, l. 3. juncta Glossa §. Dubium. C. Quibus ad libertatem. etc.

32. Inferitur proinde, quod si per testes v. g. probetur aliud, quam est deductum in iudicium, non valeat dictum eorum super illo, l. 1. §. Divus Antoninus. ff. de Quaestionib. junctis Iuribus proximo allegatis. Speculator tit. de Teste. §. 1. n. 62. et Mascardus d. quaest. 17. n. 17. istud exemplificantes de teste, qui productus fuit super possessore et talis enim non est interroganda super proprietate; et si locus fiat, nihil proderit ejus dictum, saltem parte opponente; videtur enim non jur-

**MANIFESTUM Ius Can. Tom. II.**

tus deponere. Idemque dicendum de similibus probationibus articulorum in iudicium non deductorum: nam subreptitia probatio improbat a Lege, ut l. Sed et hoc lego. §. Praetor ait ff. De in jus vocando, et amplius probat Speculator cit. tit. de Teste §. 1. n. 64.

Resp. II. Insuper illud duntaxat est probandum, quod probatum prodesse potest probanti. Ita Glossa in c. Cum contingat. §. Nihilominus. et Jo. Andreas ibid. n. 19. de Offic. Delegat. Speculator tit. de Probatione §. Nunc dicendum. n. 1. Mascardus de Probatione. quaest. 17. Prooemial. n. 24. ac seqq. et communis. Unde non debet ad probandum admitti, quod est extra rem propositam, seu omnino impertinens ac inutile, cit. l. Ad probationem domini, C. h. t. et c. Cum contingat. 36. de Offic. Delegat.

Solum nota cum Bartolo in l. Neque natales. C. h. t. quod Articuli ad probandum assumpti, aliqui de necessitate concludant intentum Auctoris, alii solum praesumptive; et hoc adhuc dupliciter: quia quandoque inde inducitur talis praesumptio, ut onus probandi transferatur in adversarium, l. Matrem tuam. et l. Si possidetis. C. eod. aliquando autem inducitur talis praesumptio, quae facit semiplenam probationem: et omnia talium articulorum probatio est admittenda. Quod si vero articulus probatus nullum horum facit, nec aliam probationem coadjuvat, tunc is non debet admitti ad probandum.

Resp. III. Rursus ad probandum debet assumi, quod est verisimile; et licet quis possit admitti ad probandum id, quod non est verisimile, nihilo minus tunc requiritur efficacior probatio. Ita Mascardus de Probatione. cit. quaest. 17. n. 24. contra Speculatorem tit. de Probatione §. Nunc dicendum. n. 1. ubi contra secundam partem Conclusionis inquit, illud debere probari, quod est verisimile, et non aliud. Conclusio quoad utramque partem desumitur ex c. Quia verisimile. 10. de Praesumptione. ubi proinde Summarium ex Jo. Andrea, Abbate, et aliis desumptum, sic habet: Efficacior probatio requiritur ab eo, qui probare vult illud, quod non est verisimile. Et merito: quia praesumptio stat contra ipsam.

Quaesitor II. Circa quae versetur Probatio, et an hac indigeant Manifesta? Resp. I. Probatio versatur circa facta, et quidem incerta seu dubia. Ita communis, et ratio est: quia quae juris sunt, jam aliunde Judici, utpote Legem notitiam habenti, nota existunt, sicque probatione non indigent. Quamquam per hoc non negetur, quin in Quaestionibus juris, praesertim inter Doctores controversis, utiliter fiant allegationes Jurium; non quidem ad probandum, sed ad melius informandum Judicem, juxta dicta superius §. 1. n. 6. et 7.

Resp. II. Manifesta, seu notoria; ulteriori probatione non indigent: Ita communis; et habetur expressum c. Super eo. 3. de Testib. cogend. illis verbis: Si factum est notorium, non eget testium depositionibus declarari; cum talia probationem, vel ordinem judicium non requirant. Concordant textus in can. Manifesta. 2. q. 1. et c. Evidentia. 9. de Accusatione. cum similibus. Unde notorium non probari, sed allegari debet. Glossa in cap. 2. §. Appellavit. juncta Glossa marginali ibid. Ut lite non contestata etc. Nam allegatio notorii probatio probata est. Vallensis h. t. §. 1. n. 3. Mascardus de Probatione. Concl. 1107. n. 1. Atque ubi est notorium, non est disputandum, sed disputatum esse, ut inquit Baldus in l. 1. C. Quomodo et quando etc.

Istud tamen praecipue intelligendum est de Notorio facti permanentis: nam satis est, hoc allegari, nec indiget alia probatione. Glossa in l. Civis. §. Si sub iura. C. de Appellatione et alia Glossa in Clem. Appellavit. §. Aliter causas eod. Secundo dicendum

de Notorio facti transeuntis : nam quia multa dicuntur notoria, quas non sunt talia, c. *Consultus nos*. 14. de *Appellat.* et ea, quae sunt notoria facti transeuntis, forsitan non sunt notoria ipsi Iudici : hinc Notorium facti transeuntis non tantum debet allegari, sed etiam probari. Glossa c. *Ad nostram*. 11. 3. 4. *Observandus et 4. Requirit. de Iurejurand.* Specul. *Decis.* 132. *Fori Ecclesiast.* n. 76. et 77. Mascardus de *Probat.* Congl. 1107. n. 11. et seqq. Sigism. Scaccia lib. 1. de *Judiciis*, cap. 76. n. 9. et 10. et alii. Quia, imo, Notorium facti transeuntis est probandum, juris ordine servato ; secus, dependum, in Notorio facti permanentis, utpote quod non, servato, juris ordine ; sed per ocularem inspectionem, probari potest, quando Iudici necesse, existit, notorium. Gratianus *Disceptat. Forens.* tom. 3. disc. 313. n. 8.

39. Obijcies contra datam Conclusionem. In c. *Porro. de Divortis*, habetur, quod vir non possit dimittere uxorem, absque iudicio Ecclesiae, etiamsi impedimentum parentelae esset publicum, et notorium ; ergo etiam in notoriis requiritur probatio. Resp. neg. consequent. Siquidem in dato casu requiritur iudicium Ecclesiae solummodo quoad prolationem sententiae, seu ne quis propria auctoritate dimittat uxorem suam praetextu impedimenti consanguinitatis ; non tamen inde sequitur, quod in notorio facti requiratur iudicium Ecclesiae, seu ordo iudiciarius, quantum ad probationem, atque examinationem causae. Sicut in simili, nullae sunt partes iudicantis in consistentes quantum ad examinationem causae, atque alteriorem ejus probationem ; propria enim confessio, est optima probatio : secus tamen, quantum ad aestimationem damni illati, et prolationem sententiae, l. *Proinde si occisus ff. ad Legem Aquil.* estque uberius dictum Tit. praeced. §. 3. num. 76. Accedit, quod impedimentum parentelae, seu consanguinitatis, non inducat Notorium facti permanentis : nam ad hoc requiritur rei evidentia, nimirum, ut factum se exhibeat quotidie oculi hominum, ita quod alio instrumento non egeat. Mascardus cit. *Concl.* 1107. num. 13. post Butrium tract. de *Notor.* art. 2. n. 10. et alios.

40. Obijcies ulterius, textum notabilem, ex c. *De hoc*. 11. de *Simonis*, ubi dicitur : *Si vero id manifestum est, nec tamen convicti, vel confessi fuerint, eis canonica purgatio dabitur indici* ; ergo etiam quoad certae, seu manifestae, locum habet probatio. Resp. primo causa, Glossa Marginali ibid. aliam Litteram habere : *Si vero id manifestum non est*. Quo dato textus ille nihil urget.

41. Verum, retinendo textum, ubi jacet, respondetur secundo neg. consequ. *Manifestum* enim dupliciter accipitur : primo large, prout sub eo continetur *Notorium* ; et sic sumitur in can. *Manifesta*. 2. q. 1. ibi : *Manifesta accusatione non indigent* : id est, notoria cum concordantiis. Secundo, prout *Manifestum* est species contradistincta a *Notorio* : sic *Manifestum* dicitur illud, de quo est publica seu famosa proclamatio, ex certa scientia, et certis auctoribus proveniens ; prout tradit Speculator de *Notorio crimine*. §. 7. Abbas in c. *Vestra* n. 12. de *Cohabitat. Cleric.* Mascardus de *Probat.* *Concl.* 1018. n. 1. allegans alios.

42. Dissert autem *Manifestum* sic acceptum a *Notorio*. Siquidem *Notorium* nulla indiget probatione, cum tergiversatione aliqua celari non possit ; ut cap. ult. de *Cohabit. Cleric.* ibi : *Nisi peccatum huiusmodi sit notorium per sententiam, vel per confessionem factam in iure, aut per evidentiam rei, quae tergiversatione aliqua celari non possit*. Contra vero *Manifestum* est probandum, ostendendo, videlicet, quod de aliquo exet quomodi publica et famosa proclama-

tio. Imo, non solum *Manifestum* est probandum, sed ipsum etiam factum, quod dico esse manifestum, debeat probari ; ut notat Bartolus in l. *Civica*. §. fin. c. de *Appellat.* id probans per textum ibid. Mascardus cit. *Concl.* 1018. n. 3. allegans alios. Atque in hoc sensu potest intelligi cit. c. *De hoc* 11. de *Simonis*, retinendo litteram, ut modo jacet ; quia cum debet *Manifestum* probari, seu prout contradistinctum a *Notorio*, atque indiget aliqua probatione.

Quaeritur. III. Utrum Negativa quandoque probari possit, ac debeat ? Resp. 1. Certum est, Negativam directe probari non posse. Patet hoc ex c. *Bonae*. 23. de *Election.* ubi dicitur : *Quia negantis factum per rerum naturam nulla est directa probatio*. Idem habetur in can. *Accusator*. 6. q. 3. etc. Quoniam contra. 11. h. t. et l. *Actor quod asserat*. C. de *Probat.* ibi : *Cum per rerum naturam factum negantis probatio nulla sit*. Accedit ratio : quia non entis ullae sunt qualitates, arg. c. *Ad dissolvendum*, juncta Glossa 4. *Legitime accusari de Desponsat. impuber.* estque receptum Philosophorum. Simulque ejus, quod non est, nulla est causa ; et quod nullum est, nullum producit effectum, cum ex nihilo nihil fiat. Et quidem, haec rationes manifeste convincunt, Negativam directe probare non posse : utrum autem non possit probari saltem indirecte, quaestio remanet. Unde

Resp. II. Negationes sunt variae, et earum aliquae possunt probari indirecte, aliae vero non. Ita Glossa in cit. c. *Bonae* 4. *Per rerum naturam de Election.* Engel h. t. n. 6. et communis Doctorum ; ac probatur inductione. Siquidem loquendo generaliter Negatio, sive Propositio negativa, tribus modis dicitur : est enim Negativa facti, Negativa Juris, et Negativa qualitatis.

*Negativa facti*, dicitur, quando factum ipsum negatur. Et haec adhuc est duplex : una pura, et simplex, quae non est coarctata, seu non habet determinationem loci, vel temporis, vel alterius rei : ut si quis absolute dicat, se nunquam fuisse citatum, se non blasphemasse etc. Alia negativa coarctata est, quae habet determinationem loci, temporis, vel alterius rei, atque est coarctata : ut si quis neget, se heri vel in tali loci occidisse Cajum.

Porro ex his duobus Negativa coarctata, seu prolatata, cum determinatione loci, vel temporis etc. potest probari saltem indirecte, probando videlicet, se tempore perpetrati, v. g. in Urbe homicidii fuisse in campo ; vel ostendendo, quod alius tale homicidium perpetraverit. Negativa vero pura, et simplex, non potest probari neque directe, neque indirecte : unde onus probandi transfertur in adversarium, sive in eum, qui affirmat.

Nec urget contra hoc ultimom textus in c. *Tertio loco*. 5. h. t. ubi quis probavit : *instrumentum quoddam de assensu Conventus non fuisse confectum* ; et tamen haec erat pura, et simplex negativa. Accedit cap. 1. et seqq. de *Purgat. canon.* ubi infamatus de crimine, quod tamen ipse negat, cogitur per purgationem canonicam probare, se non deliquisse. Resp. enim, talia non probari directe, vel indirecte, sed tantum presumptive. Nam quantum ad primum attinet, recte praesumebatur falsitas illius instrumenti : tum quia quoties de eo inter Fratres erat sermo, vox et consilium totius Conventus fuit ; nullo contenta in illo instrumento admittere : tum quia pars adversa contra hoc nihil probare poterat. Purgationem canonicam quod attinet aliunde liquet, quod tantum in praesumptione fundetur, unde non habet locum, quando crimen est notorium, c. *Cum dilactus de Purgat. Canon.*

Neque ulterius obstat c. *Super hoc*. 5. de *Renunciat.* ubi negans spontaneam renunciationem, potest ac tenetur probare, se non sponte renunciasset.

Resp. enim cum Glossa *ibid.* §. *Negat.* id ex eo fieri; quia huiusmodi negatio, *Non sponte renunciavi*, includit in se hanc affirmativam, *Cocotus renunciavi*; et istam tenetur Replicans in sua replicatione probare, quia tunc replicando assumit personam Actoris. Idem dicendum de aliis similibus.

- 62 *Negativa juris est*, quando aliquid negatur esse Juris conforme, v. g. dicendo: *Tu non potes esse procurator, testis etc. Tu non potes fieri Clericus; Ista electio non est canonice facta*, et huiusmodi. Porro huiusmodi Negatio bene potest probari indirecte, adducendo videlicet locum illum Juris, in quo fundata est: quia qui aliquid negat esse iuste factum, hoc ipso affirmat, illud esse injuste factum; vel talem esse inhabilem ad Clericatum, esse repellendum a ferendo testimonio etc. Unde illud probare debet, *l. Ab ea parte. ff. de Probat.* ubi Summarium sic habet: *In negativa juris ei, qui negat, incumbit probatio.*

- 63 *Negativa qualitatis tandem dicitur*, in qua negatur de aliquo certa qualitas; ut sit dicendo: *Titius non est legitimus, non diligens, non est idoneus ad hoc officium*, et huiusmodi. Et talis etiam indirecte probari potest, sicut et generaliter omnes Negativae, quae habent in se inclusam affirmativam: nam qui negat, aliquem esse legitimum, hoc ipso affirmat, eum natum extra matrimonium. Quin imo tales Negativae non solum possunt, sed etiam debent probari ab eo, qui hoc dicit, sive qui talem Negativam alteri objicit: quia quilibet praesumitur idoneus, nisi probetur contrarium, *cap. un. de Scrutinio in ordine faciend. et cap. ult. de Praesumpt.*

- 64 Ex dictis igitur patet, omnem Negativam posse indirecte probari, excepta sola Negativa facti pura, seu simpliciter dicta: cui proinde specialiter convenit supra relatus textus *l. Actor quod assererat. C. de Probation.* ibi: *Cum per rerum naturam factum negantis probatio nulla sit*; sicque neque directa, neque indirecta: nam de quo negatur genus, negatur et quaelibet species ejus.

## §. III.

Qualis debeat esse Probatio, et an semper requiratur plena?

## SUMMARIUM.

- 51 *Probatio debet esse clara, et certa.*  
 52 *Probatio dubia non relevat.*  
 53 *Etiamsi probans sit Ecclesia.*  
 54 *Quin imo interpretatur contra producentem.*  
 55 *Probatio judicialis debet fieri secundum formam Libelli.*  
 56 *Haec regulariter debet esse plena, et concludens.*  
 57 *Ac de tali intelligenda sunt Jura, vel Statuta, dum probationem requirunt.*  
 58 *Idemque dicendum, quando causa cuiuspiam committitur terminanda sub clausula, Constito.*  
 59 *Quaenam probatio hic et nunc sit plena, et concludens, Judicis arbitrio relinquitur.*  
 60 *Probationes omnes sunt Judici arbitrariae. Ibid.*  
 61 *Dantur tamen plures casus in quibus non requiritur probatio plena, sed sufficit semiplena vel alia ex conjecturis deprompta.*  
 62 *Sic probat unius testis depositio, quando nemi- ni nocet, et alteri prodest.*  
 63 *Actore plene non probante, ad probandam innocentiam Rei sufficit praesumptiva, et dubia probatio.*

*Qualis etiam sufficit ad elidendam praesumptionem contumaciae, et excusandam absentiam peremptorie citati. Ibid.*

REIFFENSTUEL Jus Can. Tom. II.

- 64 *In causis summariis, ubi agitur de rebus modicis, sufficit semiplena probatio.*

- 65 *Secus in causis gravioribus.*

- 66 *In Factis antiquis non requiritur plena probatio.*

- 67 *Idemque dicendum, ubi probationes directas haberi nequeunt.*

- 68 *Et quando Judici committitur causa sub clausula, ut procedat sola facti veritate inspecta.*

- 69 *Qui intentionem suam bene probavit, non potest compelli, ut id ipsum juramento confirmet.*

- 70 *Haud obstante contraria consuetudine, etiam immemoriali.*

- Juramentum suppletorium, quando sit deferendum? Ibid.*

- 71 *Litteris Judicis ordinarii est standum, donec contrarium probetur.*

- Per eas probatur quis esse excommunicatus. Ibid.*

- 72 *Probatio singularum rerum, atque negotiorum in specie, qualis sit faciendum? Remissive.*

Quaeritur I. Qualis debeat esse Probatio? Resp. 52

*L. Probatio cumprimis debet esse clara, et certa. Ita Hostensis in Summa, num. 5. h. t. Val- lensis eod. §. 5. n. 1. et communis; ac patet ex ipsa ejus definitione, qua dicitur, quod Probatio sit rei dubiae ostensio. Id ipsum desumitur ex c. In praesentia, 8. h. t. ubi cujuspiam probatio, quod quis tempore illo, quo se suaeque Monasterio obtulerat, fuisset minor annis, sicque obligatio illa ex defectu aetatis non tenuerit, ex eo rejicitur; quia verbum illud, minor annis, potest dupliciter intelligi; videlicet et de minore quatuordecim annis, et de minore viginti quinque annis, quorum tamen posterior bene poterat, et se, et sua Monasterio offerre. Unde Glossa in casu adducto. c. In praesentia. notanter inquit: Dubia probatio, non dicitur probatio: quia qui sic probat, non constat, de qua aetate v. g. sit probatum: et ideo clara et certa debet esse probatio, et non dubia. Hic- nus Glossa.*

Inferitur proinde, quod si probatio sit generalis, quae potest referri ad unum et ad aliud, illa probatio non valeat, sed debeat rejici. Felinus in c. Prudentiam. n. 18. de Offic. Delegat. Bartolus, l. Inter stipulantem. §. Si Stichum stipulatus. ff. de Verb. obligat. Ludov. Gomesius Ludov. Repetit. c. Licet. n. 118. de Constitut. citans alios. Sive, ut alii loquuntur, Probatio dubia non relevat. Abbas c. In praesentia. n. 5. et Fagnanus ibid. n. 1. et 14. h. t. post Rotam Decis. 380. n. 10. part. 5. Recent. Barbosa Axiomat. 191. n. 3. citans alios. Nam juxta illud vulgatum, Non probat hoc esse, quod ab hoc quandoque contingit abesse: prout loquitur Summarium l. Neque natales. C. de Probat. ac probat textus ibid. et l. Non hoc C. Unde vi, cum similibus.

Atque hoc amplius, ut probatio, quae non concludit necessaria, non relevet probantem, etiamsi probans sit Ecclesia. Abbas in c. Auditis. n. 4. De integr. restitut. et favet textus ibidem. Probatio enim debet concludere de necessitate, et non de contingenti l. Non hoc C. Unde legitimi: ubi Baldus, et Salycetus in Summario inquirunt: Probatio debet esse de necessario concludentibus. Fagnanus c. In praesentia. n. 15. et 16. h. t. istud ulterius probans ex cit. l. Neque natales. C. de Probation. Ubi ex eo, quod pater probet se ingenuum, non habetur idonea probatio, quod etiam filia sit ingenua: cum nihil prohibeat, et illum esse ingenuum, et filiam ancillam. Simile quid legitur in l. Matrem tuam. C. eod. cum concordantiis.

Quin imo dubia probatio non solum non relevat, ut dictum; sed etiam interpretatur contra probantem, seu producentem. Glossa *fn. in c. Per-*



- tuas. 6. de Condition. ubi notandum sit, quod contra eum sit interpretatio, qui testes produxit, cum expresse non probant id, ad quod inducuntur, sed obscure. Hostiensis in Summa. h. t. num. 5. istud probans ex cit. c. Per suas, et c. In praesentia. h. t. Maranta Part. 6. Speculi Aurei, tit. de Confessione. n. 32. pro se allegans l. Veteribus. ff. de Pactis; ubi Bartolus in Summario inquit: Ambigua conventio interpretatur contra eum, pro quo proferatur. Card. Tuschus Litt. P. Concl. 765. n. 11. Ant. Rosellus in Repetit. can. Manifesta. 2. q. 1. num. 41. Barbosa cit. Axiomat. 191. n. 4. allegans alios.
- 56 Resp. II. Probatio judicialis debet esse facta secundum formam Libelli. Ita Hostiensis in Summa, n. 5. h. t. et alii. Idque patet ex c. Cum dilectus. §. Sed quoniam. de Ordin. cognit. cum similibus. Accedit ratio: quia secundum formam Libelli est pronunciandum, Clem. Saepe. contingit. §. Verum quia. de Verb. signif. Ergo hoc ipso illa duntaxat sunt probanda, quae mediante Libello in iudicium deducta fuerant, ac desuper lis movetur, sive directe, sive in modum exceptionis, vel replicationis; ut c. De testibus. 29. de Testib. et l. Ad probationem domini. C. de Probation. junctis dictis supra num. 31. et seqq.
- 57 Quaeritur II. Utrum semper requiratur Probatio plena, et concludens? Probatio judicialis regulariter debet esse plena, et concludens. Ita Farinacius Consil. 168. n. 8. lib. 2. Sperellus Decis. 101. Fori Ecclesiast. n. 23. post Baldum in L. 2. n. 33. C. Si contra jus etc. Decium in Rubric. 10. de Probation. n. 133. Card. Tuschus Litt. P. Concl. 765. et 766. suse istud declarans, atque exemplificans. Barbosa cit. Axiomat. 191. n. 2. citans alios. Idque patet tum ex c. In praesentia h. t. et c. Recepius 13. de Privileg. cum concordantiis, tum ex l. Iudices. C. de Iudiciis. ibi: Iudices oportet imprimis rei veritatem plena inquisitione discutere. Accedit, quod nomine Probationis simpliciter dictae, non nisi plena probatio intelligatur, ut dictum num. 17. Quin imo probationes necessariae, seu plenae et concludentes, sunt de Jure Divino, quo Matth. 18. et alibi cavetur: In ore duorum, vel trium testium stat omne verbum Maranta part. 4. Speculi Aurei, distinct. 9. n. 10.
- 58 Resp. II. Insuper Jura vel Statuta, dum probationem requirant, intelligenda sunt de plena et concludenti probatione (utpote quae simpliciter nomine probationis venit) non autem de leiori. Farinacius, et Sperellus, ubi supra. Barbosa de Appellatione verb. Juris signif. Appellat. 200. citans alios, idque intelligens, nisi subjecta materia repugnet.
- 59 Hoc ipsum est dicendum, quando causa cuiuspiam committitur terminanda sub clausula, Constituto hoc est, ut procedat, quando ipsi de ea constabit. Nam clausula illa est condicionalis, et formam inducit: simulque requirit veras et concludentes probationes, neque admittit praesumptivas. Barbosa Clausul. 25. n. 1. et 6. allegans alios, et multiplicem Decisionem Rotae.
- 60 Solummodo praedictis adde, quod in discernendo, quatenam probatio hic et nunc sit plena et concludens, plurimum sit relinquendum arbitrio Iudicis, per textum notabilem in L. 3. §. Ideoque Divus. ff. de Test. Ubi inter alia dicitur, Eum qui iudicat, magis scire posse, quanta fides habenda sit testibus; idque in progressu ibidem amplius declaratur. Concordat c. In nostra. 32. de Testib. ubi Pontifex id ipsum notavit: idem ergo dicendum de aliis probationibus, earumque valore, atque efficacia concludendi, praedictis Iudicis arbitrio spectatis omnibus circumstantiis, melius dijudicanda. Hinc
- Menochius de Arbitrar. Judic. lib. 2. Casu 90. n. 1. et seqq. citans alios, generaliter infert, Probationes omnes Iudicis arbitrarie esse. Etenim ad quem modum probandae cuicunque rei argumenta in particularibus casibus adducta sufficiant, nullo certo modo definitum reperitur, neque ob infinitatem casuum, diversarumque circumstantiarum definiri potest. Quamquam ejusmodi arbitrium non sit omnino liberum atque absolutum, sed regulatum, ut loquantur Doctores, debet enim regi secundum jura, rationem et aequitatem, non autem pro mera Iudicis voluntate haec vocari sufficiens probatio, illa veluti insufficientis rejici: quod utique foret absurdum, et iniquissimum. Menochius lib. 1. de Arbitrar. Judic. quaest. 13. n. 15. et communis.
- 61 Resp. III. Quamvis regulariter probatio judicialis debeat esse plena, et necessario concludens, ut dictum; dantur nihilo minus complures casus, in quibus rigor iste non requiritur, sed sufficit vel probatio semiplena, vel alia ex indiciis atque conjecturis deprompta admittitur. Ita Bartolus in l. Si constante §. Et primo discutiamus. ff. Solutio matrim. Ubi pro regula ponit, quod quaedam sint causae, in quibus sententia lata, facit magnum praedictum; et in istis (inquit) requiritur plena cognitio, et plena probatio, ut l. Iudices. C. de Judic. Quaedam sunt causae, in quibus sententia lata facit modicum praedictum; et in istis sufficit semiplena probatio, ut L. 3. §. Causae. ff. de Carbonar. Edict. et L. 4. §. Sciendum. ff. Ad exhibend. Ita Bartolus, et in re communis; idque declaratur inductione, per quam simul ostenditur, etiam in proposito locum habere vulgatum illud: Nulla regula sine exceptione.
- 62 Sic imprimis testis unius depositio probat, ejusque statur attestationi, quando nemini nocet, et alteri prodest: ut can. Parvulos, et can. Cum itaque, de Consecr. dist. 4. et notat Glossa in c. Nuper. §. Nisi juratus. de Testib. Mascardus de Probation. quaest. 11. prooem. n. 14. ubi refert plures similes casus, quibus sufficit attestatio unius, de quibus infra Tit. seq. §. 8. num. 154. 258. et seqq. dicitur.
- 63 Deinde, quando Actor intentionem suam non plene probavit, tunc ad probandam innocentiam Rei admittitur praesumptiva, et dubia probatio. Bartolus in l. Non solum. §. Sed ut probari. ff. de Novi operis nunciat. Farinacius Consil. 115. n. 7. et Consil. 172. n. 23. lib. 2. citans alios; et subiungens, quod totus Mundus sequitur doctrinam Bartoli. Hinc etiam per praesumptivam probationem, et minus plenam, puta mediante proprio juramento, eliditur praesumptio contumaciae, c. Ex litteris, juncta Glossa §. Ad plenum. De in integrum restitut. Sicut et ad excusandam absentiam peremptorie citati, admittuntur probationes minus sufficientes, ne veritati opinio praevaleat, c. Cum Bertholdus. 18. et Glossa ibid. §. Minus sufficientes. de Sentent. et ra. judicat. Card. Tuschus Litt. P. Concl. 794. numer. 8. post Geminianum Consil. 57. num. 2.
- 64 Tertio, in causis summaris, ubi agitur de rebus modicis, et quasi nullius praedictum, sufficere semiplenam probationem, imo quandoque sufficere juramentum: tradit Petrus de Ancharano in Clem. Saepe n. 24. et 25. de Verb. signif. Mascardus de Probation. quaest. 11. n. 19. Pirhing tit. de Testib. n. 112. Barbosa Axiomat. 150. n. 2. Georgius Natta in Repetit. Clem. Saepe. n. 120. de Verb. signif. citans alios, idque probans per cit. c. Ex litteris. et c. Cum Bertholdus, juncta l. Thesaurus. ff. Ad exhibendum.
- 65 Additur tamen, ubi agitur de rebus modicis: utpote quae minus sunt in consideratione. Nam loquendo de causis gravioribus, seu majoris praesum-

dicti, quod in Iudicio summario, aut quando causa empiriam delegatur cum clausula, et procedat summarie ac de plano, non tollantur probationes necessariae, legitimaeque defensiones, patet ex *Clem. Saep. de Verb. signif.* Unde fit, quod plena probatio requiratur etiam in iudicio summario et extrajudiciali, ubi agitur de irreparabili praedicio inferendo. Speculator tit. de Officio omn. Judic. §. ult. nu. 18. et Sperellus Decis. 101. n. 57. citans alios. Neque potest Iudex omittere probationes necessarias, quia sunt de Jure Divino. Maranta cit. part. 4. Speculi Aurei. dist. 9. n. 10. Barbosa Clausul. 176. n. 21.

66 Quarto fallit allata Regula in Factis antiquis. In his enim, cum sint difficilis probationis, atque ob temporum injuriam facile testes moriantur, aut legitima documenta pereant, admittitur probatio per libros antiquos, famam, et quaeconque alia adminicula, c. Cum causam. 13. h. t. Aymon Cravetta tom. 17. Tractatum, tract. de Antiquitate temporum. part. 1. §. Viso de forma. n. 30. et 31. asserens, quod in antiquis probationes leviores, facilioresque sufficiant; et sufficiat quoque probatio per indicia et conjecturas, l. Censu et monumenta, et quod ibi notatur. ff. de Probat. et l. Qui ex liberis. ff. de Bonorum possession. secundum tabul. et cit. c. Cum causam. h. t. et c. Cum olim. 19. juncta Glossa verb. Antiquis. de Censib. Quinimo subiungit Cravetta potest Anchoranum Consil. ult. in fine 3. dubii, et alios, quod in antiquis sufficiat probatio praesumptiva et adminicularis; item probatio per indicia, et conjecturalis, licet necessario non concludat: dummodo hinc excipiantur materia, in qua lex vel statutum requirit plenam probationem, quia tunc non sufficeret probatio per indicia et conjecturas; nisi forsitan talia forent, ut exinde consurgeret plena probatio. Concordat Mascardus de Probat. Concl. 103. n. 12. et 13. citans plures alios. Menochius de Arbitrar. Judic. casu 115. num. 1. asserens, receptissimam esse sententiam, in saeculis antiquis plenam illam et exactam probationem, quam in novis exigimus, non requiri. Farinacius Consil. 189. num. 1. et 3. lib. 2. post Rotam Decis. 187. nu. 5. part. 1. divers. et alios docens quod in antiquis admittatur probatio, quamvis non plena, sed ex iudiciis, praesumptionibus, et conjecturis collecta.

67 Quinto, ubi probationes directae haberi non possunt, tunc id, quod per circumstantias et praesumptiones probatur, verum esse censetur; ut filiatio, l. Filium. ff. De his qui sui vel alieni juris etc. Felinus c. In praesentia. num. 15. h. t. Fagnanus c. Ego N. num. 16. de Jurejurand. Sperellus Decis. 27. num. 55. post Bellameram Decis. 188. num. 24. et alios. Et generaliter, quod probatio admittatur alias non integra, ubi facultas probandi deest, tenet Abbas in c. Cum in tua. num. 7. de Sponsalib. id probans per textum in c. Cum dilectus. 32. juncta Glossa verb. Etsi tres. de Election. et c. Praeterea. 27. de Testib.

68 Tandem, et nonnullas alia taceantur, ubi Iudici causa dijudicanda committitur sub clausula, ut procedat sola facti veritate inspecta; potest is admittere probationes leviores, seu persuasivas solum, et non concludentes. Barbosa Clausul. 173. n. 15. Menochius de Arbitrar. Judic. lib. 1. quaest. 24. num. 4. istud extendens ad Arbitratores, qui pariter possunt credere levioribus probationibus, cum sola veritate inspecta pronunciare habeant.

69 Queritur III. Utrum, qui intentionem suam plene probavit, possit compelli, ut ipsam praestito insuper juramento confirmet? Resp. Negative; adeo, ut etiam consuetudo contraria non valeat. Textus est in cap. 2. h. t. ubi Abbas in Summario. Barbosa. n. 1. et 2. et communis. Accedit

ratio: quia superfluis remediis, maxime in praedictum alterius, non est utendum, l. Haec stipulatio. §. Divus. ff. Ut legatorum nomin. caveat; sed superflua est exactio, et praestatio juramenti, quando quis intentionem suam jam plene probavit, ut puta per duos testes omni exceptione majores, vel per instrumentum indubitatum; quia cum, qui certus est, certiorari ulterius non oportet, ut loquitur Reg. 31. Juris in 6.

Nec obstat contraria consuetudo, etiam immemorialis. 70 Siquidem hujusmodi consuetudo est irrationabilis, siquidem nullo unquam tempore potest induci: nam juramentum, si fiat absque ulla necessitate, seu justa causa, illicitum est, nec sine peccato fieri potest, c. Etsi Christus. 26. de Jurejurand. Ex quo fit, quod juramentum suppletorium tunc demum sit deferendum, cum alias legitimae probationes deficiunt, cit. cap. 2. h. t. et l. In bonae fidei. C. de Jurejurand. cum concordantiis. Dummodo tamen semiplene sit probatum: alias enim non deferitur juramentum suppletorium, c. Ex insinuatione, ubi Glossa verb. Clerici. de Procurat. et cap. ult. de Jurejurand. Fagnanus in c. Sicut. n. 5. h. t. allegans alios.

Queritur IV. Qualis probatio singularum rerum, atque negotiorum in specie, fieri possit, ac debeat? 71 Resp. I. Per Litteras Iudicis ordinarii probatur quis esse excommunicatus. Ita habetur expressum c. Post cessionem. 7. h. t. ubi idcirco Pontifex quempiam duxit non admittendum ad officium procuratoris: quia inquit, Litteris Ordinarii standum est, donec probetur contrarium. Atque hoc ipsum est dicendum de similibus.

Resp. II. Qualis probatio caeterarum rerum, atque causarum, in specie sit facienda, superfluum videtur hoc loco examinare. Frequens quippe de hoc recurrit mentio in propriis locis: prout de probatione Confinium, jam dictum est supra Tit. 12. De causa possessionis et proprietatis. §. 7. n. 223. et seqq. et de probatione virginitatis proxime dicitur nu. 86. et seqq. ut alia taceantur. Interim videre licebit Josephum Mascardus, celeberrimum illum Juris-Consultum, et Proto-Notarium Apostolicum, qui integris quatuor Voluminibus, de Probationibus inscriptis, ac saepius in progressu citandis, probationem singularum rerum, atque causarum in specie, ordine alphabetico fusissime, pleneque discussit. 72

## §. IV.

De Praevalentia Probationum inter se, harumque efficacia.

## SUMMARIUM.

73 Quenam probatio in concursu plurium praevaleat?

Probationes quandoque sunt ab utraque parte Ibid.

74 Si sint contrariae; tunc se invicem non enervant.

75 Probationes contrariae, quae?

76 Ex probationibus contrariis fortior praevalet; et minor habetur pro non facta.

77 Probatio clara vincit praesumptivam.

78 Et plenior absorbet; seu vincit contrariam minus plenam.

79 Ac ubi probationes omnino sunt aequales, tunc quaelibet probatio levis, etiam minus legitima, quae superadditur uni parti, facit praevalere probationem istius partis.

80 Data omnimoda aequalitate probationum hinc inde stantium, tunc probationes contrariae invicem conquassantur. Et nam. seqq.

- 81 Quid si duo Arbitri, vel duo Judices Delegati, dederunt contrarias sententias? *Vel idem. Legatum, factum, fuit Sempronio, et duo, sint Sempronii ejusdem qualitatis? Ibid.*
- 82 In aequalitate probationum favetur Reo, seu possessori.
- 83 Exceptis causis favorabilibus: et quae sint istae?
- 84 Probatio per rei veritatem, praevalet probationi per praesumptiones et conjecturas.
- 85 Sic probatio per duos testes, praefertur communi opinioni Viciniae, ac uni testi cum fama.
- 86 Et probatio per aspectum, praefertur attestationi juratae in contrarium. Et num. seqq.
- 87 et 88. Virginitas qualiter probatur? Et numer. 86.
- 89 Juramentum alicujus non creditur, si legitime probetur contrarium.
- 90 Ad impugnandum instrumentum non admittitur probatio praesumptiva.
- 91 Probatio per evidentiam facti, seu aspectum ocularem, est omnium optima.
- 92 Et haec nunquam censetur exclusa, etiamsi Statuto caveatur, non admittendam probationem in contrarium.
- 93 Idem dicendum de exceptionibus ex inspectione instrumenti etc.
- 94 In pari causa praevalet probatio, quae est favorabilior.
- 95 Vel cui Lex assistit.
- 96 Probationes in specie, semper praevalent probationibus in genere.
- 97 Ex probationibus per testes, quae censetur melior?
- 98 An duas semiplenas probationes faciant unam plenam? Et num. seqq.
- Affertur ratio dubitandi, ac negativam tenendi. Ibid.*
- 99 Sententia affirmativa statuitur.
- 100 Dummodo duas illas probationes semiplenas tendant ad eundem finem.
- 101 Alias secus.
- 102 Solvuntur rationes dubitandi.
- 103 Verba narrativa, et enunciativa, quae?
- 104 Verba narrativa Papae, proprium factum narrantis, plene probant, si super illis intentio ejus fundetur.
- 105 An contra haec admittatur probatio in contrarium? Et num. praeced.
- 106 Isto procedunt tam in materia favorabili, quam odiosa.
- 107 Quid, si intentio Papae fundatur super facto alieno a se narrato?
- 108 Quando intentio Papae super eis non fundatur, tunc verba narrativa Litterarum Apostolicarum nihil probant. Et num. seqq.
- 109 Papa excommunicatum litteris salutans, non per hoc censetur eum absolvere.
- Etiam si scienter excommunicato sic participet, nisi aliud exprimat. Ibid.*
- 110 Papa in Rescripto Ecclesiam exemptam appellante, non idcirco hujus exemptio est probata.
- 111 Et si quempiam sub titulo cujuslibet Dignitatis nomine etc. non per hoc in Dignitate illa ipsum approbare intelligitur.
- 112 Praemissa procedunt etiam in Imperatore, Rege, ac Principe superiorem non recognoscente.

73. Queritur I. Quenam Probatio in concursu plurium praevaleat? Ubi praenotandum, non raro contingere, quod ex utraque parte, tam Actoris videlicet quatuor Rei, quaedam afferantur probationes:

unde ad dignoscendam, quanam earum praevaleant, oportet quasdam generaliores tradere regulas, juxta quas Juxta, cujus arbitrio praevalentia probationum plurimum relinquitur discernenda, juxta dicta num. 60. in causis particularibus recte arbitrari, et probe judicare valeat. Et quidem suppositis illis, quae superius Tit. 12. De causa possessionis et proprietatis. §. 7. num. 223. et seqq. jam dicta fuerunt de Probationibus in Judio communi, ac Interdicto retinendae possessionis, ex utraque parte faciendis, et quanam earum obtineat.

Resp. I. Quando probationes non sunt contrariae et incompatibiles, sed possunt commoda aliqua distinctione inter se conciliari, tunc se invicem non enervant, sed quaelibet retinet suam vim. Ita Fagnanus in c. Quod nobis. num. 13. et 17. de Desponsat. impuber. post Baldum Consil. 380. Tres sunt casus. num. 2. et 3. lib. 5. Idque desumitur ex Clem. 2. juncta Glossa verb. Directo contrariis. de Testib. Alioquin enim, si probationes non sint directe contrariae, sed possint invicem stare, sicut expedit jura iuribus concordare, atque eorum correctiones (si sustineri valeant) evitare, c. Cum expediat. 29. de Election. in 6. etiam eorum apparentem contrarietatem reducendo ad concordiam per divisionem actuum, arg. c. Litteras. 13. §. Nos autem. de Restitut. Spoliat. ac notat Glossa marginalis in cit. c. Cum expediat. Ita pariter dicendum est de probationibus directe non contrariis, sed quasdam inter se conciliationem patientibus: uti sit in c. Cum tu fili. 16. de Testib. ubi dicta testium, ne perjurii reatu notentur, benigna interpretatione, ac distinguendo de diversis temporibus, ad concordiam revocantur.

Ubi notandum, quod illae Probationes dicantur contrariae, quae ita invicem sunt oppositae, et incompatibiles, ut nulla ratione conciliari possint; puta, quia sunt super articulis directe contrariis, de iisdem personis et actibus, ac de eodem instanti temporis. Glossa in cit. Clem. 2. verb. Directo contrariis. de Testib. id exemplificans de majoritate et minoritate, de legitimitate et illegitimitate, de absentia et praesentia ejusdem personae, ac pro eodem tempore. Fagnanus, ubi supra, et alii. Et de talibus probationibus contrariis imposterum erit sermo: quo praenotato

Resp. II. Generatim loquendo, ex probationibus contrariis fortior seu efficacior praevalere debet, et minor habetur pro non facta. Ita Card. Tuschus Litt. P. Consil. 798. num. 4. Fagnanus in c. Quod nobis. num. 15. de Clandestinis desponsat. Mascardus de Probation. Concl. 1200. n. 63. Menochius de Retinenda possessione, Remed. 3. n. 718. citans alios. Ratio est: quia haec est natura contrariorum, ut se mutuo expellant, Clem. Gratias. de Rescript. et l. Sed et si pupillus. juncta Glossa verb. Si institutor. ff. de institutor. action. Et vincat, quod potentius est, l. Generaliter. ff. de Fidejussorib. cum similibus. Unde consequens est, quod probationes meliores atque efficaciae ita obsecrent, atque debilitent minus efficaces, ut istae minus verae credantur, sique obtineat is, qui melius probat, l. Ob carmen. §. fin. ff. de Testib.

Infertur proinde, quod probatio clara vincat probationem praesumptivam. Quia, ut habetur l. Imperatores. ff. de Probation. estque receptum inter Doctores, Praesumptio cedit veritati: ac proinde, ubi per probationem plenam seu claram apparet veritas, conjecturis, ac praesumptioni locum non est. Card. Tuschus cit. Litt. P. Concl. 612. numer. 1. et seqq. allegans alios: idque ulterius probans ex l. In rebus. C. de Jure dotium. Atque istud ampliatur ad probationem praesumptivam, quae



ceteroquin de se sufficeret: nam in consensu eam plena probatio prævalet plena, et præsumptiva non attenditur. Geminianus *Consil.* 27. *Super dubio*, n. 1. et 12. addens, quod plena probatio absorbeat semipleam. Card. Tuschus *Litt. P. Concl.* 798. allegans alios.

78 Inferitur ulterius, quod probatio plenior absorbeat, seu vincat contrariam minus plenam; prout desumitur ex c. *Cum Ecclesia*. 3. §. *Partibus de Causa posses.* ibi: *Plenius probavissent*: juncto c. *Licet causam*. 9. §. *An. h. t.* ibi: *Cum probationes Ecclesiae longè sint potiores*: Glossa c. *In nostra verb. Mentionem de Procurat.* Fagnanus in c. *No innitarius*. num. 281. de *Constitut.* et d. c. *Cum Ecclesia*. num. 15. de *Causa posses.* post Bartolum iml. *Si duo*. n. 4. ff. *Uti possidetis*. Rotam *Decis.* 366. num. 4. part. 5. *Recent.* et alios. Sic prævalet probatio, quæ majori numero testium ejusdem honestatis, et existimationis existentium, est munita, *test. clas. c. in nostra*. 32. de *Testib.* Sicut et duæ rationes ceteris paribus vincunt unam, *arg. l. Nam et iis. et ibi communiter Doctores. ff. de Inofficios. testamentis* Glossa c. *Cum inter R.* 16. *verb. Episcopus munus de Election.* Fagnanus cit. c. *No innitarius*. num. 283. allegans alios.

79 Quin imo, ubi probationes ex utraque parte sunt æquales, et omnino pares, tunc quælibet probatio levis, etiam minus legitima, quæ superadditur uni parti, facit prævalere probationem istius partis. Alexander *Consil.* 136. n. 4. vol. 6. citans Baldum post Glossam in cap. 1. §. *Si duo de Pace tenenda*. Atque istud ampliatur ad informationem unius solius testis non legitime recepti, et non jurati: ita quod, ubi probationes sunt hinc inde pares, testis unus dictum extra judicium faciat præponderare. Alexander *Consil.* 112. num. 8. lib. 4. Idemque dicendum de qualibet præsumptione, vel adminiculo, quod data ceteroquin omnimoda paritate probationum, facit unam partem prævalere. Fagnanus cit. c. *No innitarius*. num. 449. de *Constitut.* Card. Tuschus *Litt. P. Concl.* 798. num. 17. Mascardus de *Probation.* 1200. num. 22. citans complures alios. Ratio est: quia, ubi ceteroquin paria sunt probationum momenta, tunc paritas illa reducitur ad imparitatem per quodlibet additum alteri extremo; ac proinde istud prævalere debet.

80 Resp. III. Data omnimoda æqualitate probationum hinc inde stantium, tunc probationes contrariæ invicem conquassantur. Ita Glossa in c. *Licet causam*. §. *Uti possidetis*. h. t. quam sequitur, et communiter esse approbatam testatur Fagnanus in d. c. *No innitarius*. num. 160. de *Constitut.* citans insuper Felium, et Decium c. *in praesentia*. num. 12. h. t. et Seraphinum *Decis.* 619. num. 3. et 9. Idque merito: non stante omnimoda æqualitate probationum, non est major ratio, cur hisce potius steter, quam aliis; ergo invicem conquassantur.

81 Confirmatur, et probatur id ipsum a simili. Sic quippe, ubi duo Arbitri contrarias dederant sententias, neutra harum valet, cap. *ultim. §. An. de Sentent. et re judicat.* Similiter, ubi duo Iudices Delegati diversas dederant sententias, manet utraque sententia in suspense, donec per Delegantem altera eorum fuerit approbata, cit. cap. *ultim. et l. Duo iudices. ff. de Re judicat.* Item, si quid legatum fuit Sempronio amico, et duo sicut Sempronii æqua charitate conjuncti, nec appareat aliunde, cui ipsorum Testator relinquere voluerit; tunc legatum præ omnimoda ambiguitate, atque incertitudine vitatur, et neutri debetur, l. *Si ita fuerit legatum ff. de Rebus dubiis*; ubi nonnulla alia talia exempla referuntur.

82 Itaque in dicto casu æqualitatis probationum contrariorum, quæ hoc ipso ad invicem conquas-

santur, favetur Reo, juxta *Reg. 1.1. Juris in 6.* Sen possessori, c. *In pari delicto 65. de Reg. Jur. in 6.* eam concordantia. Vel, si uterque se possidere contendat (prout accidit in Judiciis communibus), nec appareat, quis primo ad judicium provocaverit: tunc in causis Beneficialibus neuter litigantium obtinebit; in profanis autem pronuncietur secundam formam Interdicti, *Uti possidetis, ita possideatis*: prout uberius jam dictum est supra *Tit. 12. De Causa possessionis et proprietatis*. §. 7. num. 239. et seqq.

83 Exeipiuntur tamen hinc Causæ favorabiles, quales sunt quatuor, videlicet pro Matrimonio, Libertate, Dote, seu Testamento, cap. *ult. de Sentent. et re judicat.* Nam data omnimoda paritate, seu æqualitate probationum, pro causa favorabili ferenda est sententia, cit. cap. *ult. et c. Ex litteris*. 3. de *Probationib.* estque jam dictum supra *apud Tit. 12. de Causa possessionis. etc.* §. 2. n. 46.

84 Queritur II. Quænam inter plures probationes sit censenda fortior, seu efficacior? Resp. I. Probatio per rei veritatem semper prævalet probationi, quæ sit per præsumptiones et conjecturas. Ita Abbas in c. *Per tuas*. num. 2. et 3. et Fagnanus *ibid.* num. 10. *Qui filii sine legit.* Card. Tuschus *Litt. P. Concl.* 798. num. 1. et alii. Idque desumitur ex cit. c. *Per tuas*: ubi Pontifex inquit, quod *plus est, quod in veritate agitur, quam quod simulate concipitur*. Id ipsum habetur *L. 1. et seqq. C. Plus valere quod etc.* simulque probatur Conclusio inductione.

85 Sic imprimis probatio per duos testes contrarios, præfertur communi opinioni Viciniae. Nam ex dictis testibus, utpote deponentium de iis, quæ proprio sensu perciperant, colligitur vera probatio; non sic ex opinione Viciniae. Abbas cit. c. *Per tuas*. n. 2. *Qui filii sine legit.* Deinde probatio per duos testes conformes de visu, præfertur probationi per unum testem de visu cum fama. Socius *Consil.* 270. lib. 2. Card. Tuschus cit. *Concl.* 798. num. 2.

86 Ulterius probatio per aspectum corporis, præfertur probationi per attestationem juratam in contrarium. Ita desumitur ex c. *Proposuiti*. 4. h. t. ubi Glossa §. *Puella*. Abbas n. 1. et Barbosa n. 3. citans plurimos alios. Nam mota quaestione super valore matrimonii, cum mulier proposuisset, se non fuisse a viro cognitam; nec potuisse cognosci; idque tam proprio juramento, quam testimonio septem mulierum, quæ corpus ejus inspexerant, probavisset, vir autem per juramentum suum contrarium asseruisset: declarat Pontifex, quod juramento mulieris, et testimonio aliarum matronarum eam inspicientium, ac de virginitate ejus deponentium, fides potius sit adhibenda.

87 Nec obstat can. *Si quis acceperit*. 33. *quæst. 1. et c. Continebatur*. 6. de *Desponsat. impuber.* ubi habetur expressam, quod si vir dicit se cognovisse uxorem, et ista negat; standum sit juramento viri. Resp. enim cum Glossa in cit. c. *Continebatur*. §. *Viri standum*, isthæc sars procedere, quando mulier non probat se virginem per aspectum corporis: alias secus, ut cit. c. *Proposuiti* h. t.

88 Per hoc tamen non negatur, quia in tali casu possit reprobari testimonium matronarum, per quas probatur virginitas: quia saepe manus fallit, et oculi obstetricum; ut inquit Pontifex in c. *Causam matrimonii*. 14. h. t. Verum tamen talis reprobatio debet tunc fieri per novam inspectionem ocularem aliarum honestarum, providarum et prudentium matronarum; non autem per merum iuramentum viri, prout contingit in cit. c. *Causam matrimonii*. h. t.

89 Insuper non creditur juramento alienius, si ex adverso legitime probatur contrarium. Abbas

q. 2. *Proposuit*. num. 1. et Barbosa *ibid.* n. 3. *h. t.* allegans alios. Atque istud procedit, etiam si Lex, sive Statutum aliquod disponat, in tali caso standum esse testimonio, sive juramento aliquo, puta publici Officialis: quia lex illa intelligi debet locum habere, nisi ex adverso legitime probetur contrarium; ut d. c. *Proposuit*, h. t. Accedit ratio: quia probatio per juramentum, est solum praesumptiva; unde debet cedere, si ex adverso afferatur probatio integra per rei veritatem.

90 Rursus ad impugnandum Instrumentum non admittitur probatio praesumptiva. Glossa in *leg. Juris gentium*. §. *Quod fero*. §. *Contrarium probatur*. ff. *de Pactis*. Ubi Baldus in Glossa marginali relictus notanter addit, quod falsitas instrumenti non probatur, nisi de necessitate, et concludenter probetur. Id ipsum tenet Fagnanus in c. *Per tuas*. num. 11. *Qui filii sint legit.* citans insuper Decium *Consil.* 36. n. 4. et Rotam *Decis.* 106. nu. 4. part. 2. *Recent.*

91 Resp. II. Probatio, quae fit per evidentiam facti, seu aspectum ocularem, est omnium optima, et caeteris validior. Ita Glossa in c. *Ad nostram*. n. 1. §. *Requirat*. de *Jurejurand.* Jason l. *De perjurio*. n. 3. *De in litem jurand.* asserens, regulam esse, quod probatio per evidentiam rei, seu per inspectionem ocularem, nunquam intelligatur exclusa: puta est fortior probatio de Mundo: ut fuit dictum singulare d. Azo. in *Summa tituli C. ad Legem Aquili.* quod sequitur Baldus in *Rubric. c. de Probat.* Mascardus *quaest.* 8. numer. 1. et seqq. allegans alios; et concordant dicenda inferius numer. 166. Ratio est: quia nulla alia de causa probationes in Jure requiruntur, nisi ut veritas in apertum deducatur, et ipsi Judici nota fiat; atqui hoc vel maxime fit per facti evidentiam, et inspectionem ocularem; ergo. Hinc c. *Evidentia*. g. de *accusation.* dicitur: *Evidentia patratu sceleris non indiget clamore accusatoris.* Concordat cap. *ultim. de Cohabitat. Cleric.* et c. *Cum olim*. 24. de *Verb. signif.* ubi illud dicitur manifestum, seu notorium, de quo constat per sententiam (diffinitivam) seu per confessionem factam in jure, aut per evidentiam rei, quae tergiversatione aliqua celari non possit.

92 Inferitur proinde, quod probatio per evidentiam facti, seu inspectionem ocularem, nunquam censetur exclusa, etiam si Statuto caveretur, ne in contrarium probatio, vel exceptio admittatur. Sic, quamvis probata violentia per testes, res amissae probentur per juramentum damnum passi, l. *Si Quando. C. Unde vi. et cap. ultim. De iis quae vi matrona causa etc.* Si tamen Reus per evidentiam rei probare velit, damnum a se illatum non esse tantum (ut puta ostendendo, quod res illae, quae jurato dicebantur ablatae, adhuc existant penes damnificatum) admittenda erit dicta probatio per rei evidentiam: haud obstante Statuto speciali, quo expresse cautum fuerat, ne in contrarium probatio admittatur. Mascardus cit. *quaest.* 8. nu. 6. post Tiraquellum in *tract. de Retract.* §. 4. gl. 2. n. 13. et seqq. et alios.

93 Insuper, licet a Statuto rejectae sint omnes exceptiones, illae tamen opponi poterunt, quae ex inspectione instrumenti, vel contractus, aut sententiae, sive alterius actus, apparere possant. Tiraquellus loc. cit. n. 38. Mascardus ubi supra, n. 18. allegans alios, ac num. seqq. istud ampliatur ad testamentum: nam etsi regulariter pro testamento praesumatur, fallit tamen hoc, quando ex ejus inspectione constat de aliquo vicio, ut puta de minore numero, aut defectu subscriptionis testium.

94 Resp. III. In pari causa praevalet illa probatio, quae est favorabilior. Ita Romana *Consil.* 245.

num. 2. et seqq. quem citat, et sequitur Card. Tuschus *Litt. P. Concl.* 798. num. 24. et seqq. istud exemplificans in pari probatione, quarum una est pro delicto, altera exclusiva delicti: praevalet enim ista, quae est exclusiva delicti. Siquidem promptiora sunt jura ad absolvendum, quam ad condemnandum, ut dicitur c. *Ex litteris*. h. t. junctis *Reg.* 11. *Juris in 6.* cum similibus. Concordat c. *Ex litteris*. 3. h. t. et cap. *ult. de Sentent. et re judicat.* ubi stantibus aequalibus hinc inde probationibus judicandum dicitur pro causa liberali, seu favorabili.

95 Resp. IV. Caeteris paribus efficacior est illa probatio, cui Lex assistit, quam sit illa, cui Lex resistit. Ita Baldus in c. *Si diligenti*. n. 21. de *Prascript.* juncto textu *ibid.* Card. Tuschus *Litt. P. Concl.* 798. nu. 20. Menochius de *Retinenda possessione*, *Remed.* 3. n. 791. Jason. in l. *Naturaliter*. §. *Nihil commune*. n. 40. ff. de *Acquirend. posses.* Nec immerito: nam ille, cui favet Jus commune, habet insuper juris admodum; ac proin caeteris paribus vincere debet. Accedit, quod illae probationes censentur meliores, quibus potius lux veritatis assistit, prout dicitur in l. *Ob carmen*. §. *Am. ff. de Testib.* Atqui caeteris paribus lux veritatis potius assistit illi, cui Lex assistit, quam cui ea resistit; ergo.

96 Resp. V. Probationes in specie semper praevalet probationibus in genere. Ita Alexander *Consil.* 77. numer. 6. lib. 1. citans Innocentium in c. *Auditis*. de *Prascriptio.* et istud declarans in eo, quem plures affirmarunt esse bonae famae, duo autem contestabantur esse reum criminis falsi, nam illorum probationes sunt in genere, horum in specie, et sic praevalet. Id ipsum repetit *Consil.* 148. n. 3. et 5. lib. 2. eumque sequitur Card. Tuschus *Litt. P. Concl.* 798. n. 8. et seqq. et n. 22. citans alios, istudque exemplificans in duobus testibus deponentibus de fructibus, et quantitate ipsorum in specie quoad tempus, et annum, de quo agitur: nam istis (inquit) magis statuitur, quam pluribus, vel mille deponentibus in genere pro his annis. Desumitur autem istud ex *Reg.* 34. *Juris in 6.* *Generi per speciem derogatur*, cum concordantiis.

97 Tacentur plura similia: nam quae probationes caeteris sint meliores, atque efficaciores, longum foret recensere, atque de nonnullis earum commodis agitur in propriis locis. Breviter tamen loquendo de Probationibus per testes, jam dictum est supra *Titul.* 12. *De Causa possessionis et proprietatis*. §. 7. num. 232. et seqq. quod illa caeteris paribus censetur probatio melior, atque efficacior, quae fit per testes plures, simulque honestiores, ac magis verisimilia deponentes; ut c. *Ecce causam*. g. h. t. et c. *In nostra*. 32. de *Testib.* cum similibus. Quamquam hoc ipsum, seu quinam testes sint honestiores, ac carentes omni sinistra suspitione, simulque magis verisimilia deponentes, Judici arbitrio relinquatur discernendum, l. *Testium*. *fides*. et l. *Ob carmen*. ff. de *Testib.* estque jam dictum superius num. 60.

98 Quaeitur III. Utrum duae semiplenae probationes faciant unam plenam? Ratio dubitandi, et negativam tenendi, est: quia duo testes singulares non probant, c. *Cum dilectus*. 32. de *Election.* et c. *Licet causam*. h. t. et tamen quilibet eorum facit semiplenam probationem. Accedit, quod duae imperfectae non constituent unam perfectam, arg. *con. Quorundam*. dist. 23. junctis Glossa verb. *Imperfectae*. Verum his non obstantibus,

99 Resp. I. Duae semiplenae probationes possunt jungi, et facere unam plenam probationem, dummodo tendant ad eundem finem. Ita Abbas in c. *Cum causam*. numer. 2. h. t. Bartolus in *leg. Admonendi*. §. *His praemissis* quaere. ff. de *Jurejur.* Anton.

- Bergo in *Reposit.* c. *Cum accessissent*. n. 71. de *Constitut.* Card. Tuschus *Litt. P. Concl.* 796. num. 20. Mascardus de *Probation.* *Concl.* 254. num. 3. Pirhing h. t. n. 3. et alii. Idque desumitur ex cit. c. *Cum causam* 13. h. t. ubi Pontifex ad plene probandos fines Dioecesium, inquit: *Mandamus, quatenus secundum divisiones, quae per libros antiquos, vel alio modo melius probabuntur, nec non et testes, fama, et quaecunque adminicula in negotio procedatis.* Ubi Glossa fin. inde concludit: *Adminicula ergo, etsi per se non probent; tamen adjuvant, c. Per tuas.* 32. de *Simoniam* etc. Et sic est argumentum, quod quae non prosunt singula, multa juvant. Concordat textus in l. *Instrumenta*. C. de *Probation.* ibi: *Si non aliis quoque adminiculis adjuventur, ad probationem sola non sufficiunt:* juncta L. 2. §. *Etas*. ff. de *Excusation.* tutor. et Glossa ibid. §. *Legitimis*, quae ait, quod duae praesumptiones etiam probationes plenam faciunt cum aliis indiciis. Accedit ratio: quia per plenam probationem intelligitur ea, quae tantam fidem facit, quanta sufficit ad definiendas controversias: atqui tantam fidem faciunt plures semiplenae probationes ad eundem finem tendentes, per Jura proxime allegata; ergo.
100. Additur notanter, ad eundem finem tendentes. Quia tunc solummodo duae semiplenae probationes possunt conjungi ad faciendam unam plenam probationem, quando tendunt ad eundem finem: sive deinde sint ejusdem generis, ut duo testes testes, de quibus non est dubium, qui faciant plenam probationem: sive diversi generis, ut puta, unus testis, et confessio facta absente parte: ut est casus in c. *Cum dilectus*. 3. de *Successionib. ab intestat.* Item unus testis, et fama publica, arg. cap. 1. de *Appellat.* ac notant Abbas, et Bartolus, ubi supra. Aliud hujus exemplum habetur in c. *Accedens* 4. *Ut lite non contestata* etc. et c. *Illud quoque* 11. de *Praesumption.* ubi ex pluribus conjecturis, seu semiplenis probationibus ad eundem finem tendentibus, una plena probatio constituitur, movens Pontificem ad decisionem causae tunc agitatae.
101. Secus est, quando duae semiplenae tendunt ad diversos fines: nam tunc non possunt iungi simul ad faciendam unam plenam, hoc ipso, quod non probent circa idem, sed solum circa diversa. Atque ita accidit in testibus singularibus, quales sunt illi, qui testantur super diversis factis: nam quia tales sunt in suis testimoniis singulares, et non nisi diversa probant, nunquam possunt facere unam plenam probationem: per Jura in ratione dubitandi allegata, juncto can. *Nihilominus*. 3. q. 9. et Glossa fin. ibid. Simile quid habetur in L. un. C. *Qui numero tutelar.* ubi pariter dicitur, quod imperfectae diversae species, licet praesentibus, non proficiant, sed non juvent ad faciendam unam perfectam excusationem Tutorum.
102. Atque per hoc patet ad rationes dubitandi num. 98. allatas. Quamquam ad can. *Quorundam*. dist. 23. specialiter dici possit, quod ibi sermo sit de Sacramentis, quae non conficiuntur unum adhibente materiam, et altero formam; prout inquit textus ibidem.
103. Quaeritur IV. Quam vim probandi habeant verba narrativa Litterarum Apostolicarum? Ubi praenotandum, quod per Verba narrativa dicamur loqui, quando narramus factum aliquod, v. g. quod quis sit infamatus: prout accidit, si Papa dicat, *Multorum clamor ad nos pervenit, quod talis* etc. referendo factum illud. At vero per Verba enunciativa dicamur loqui, quando loquimur hoc modo: *Quia constat nobis, talem esse in infamatum* etc. Abbas c. *Cum oporteat*. n. 7. de *Excusation.* Mascardus de *Probation.* *Concl.* 620. n. 1. et *Concl.* 254.

n. 35. post Petrum Daennas *Reg.* 229. *Limit.* 18. et alios. Quo praenotato

Resp. I. Verba narrativa Litterarum Apostolicarum, quibus Papa proprium factum narrat, plene probant, si super illis gratia, vel intentio Papae fundetur. Ita textus expressus in *Clem. un. h. t.* juncto Summario, Glossa verb. *Litteris*, et DD. ibid. Atque adeo hoc procedit, ut assertio Summi Pontificis, attestantis de facto suo proprio faciat fidem plenissimam, ita ut nec probatio in contrarium admittatur: prout desumitur ex verbis cit. *Clem. un. h. t.* ibi: *Censemur super sic narratis fidem plenariam adhibendam:* et notat Glossa verb. *Fecisse narramus*. et Abbas num. 3. et Barbosa in *Collectan.* n. 3. et Mascardus de *Probation.* *Concl.* 139. n. 1. citans alios.

Intellige tamen istud in tantum, quod contra assertionem Papae de facto proprio attestantis, eique inhaerentis, non admittatur directe probatio in contrarium: hoc est, talis, quae perimat narrationem Papae, seu ipsam falsam ostendat: potest enim bene aliquid probari indirecte in contrarium, hoc est tale, quod stante narratione Pontificia debilitet vires ejus, et gratiae desuper fundatae; prout notat Glossa cit. verb. *Fecisse narramus*. et Mascardus d. *Concl.* 139. nu. 18. allegans alios, et Pirhing. h. t. n. 62. Atque hoc solet declarari exemplo perquam apto; et a Glossa loc. cit. relato. Nam si Papa in Rescripto narret, quod renunciatio v. g. Beneficii in manibus suis facta fuerit, et per ipsum acceptata, sicque illud conferat, vel conferri mandet alteri, factum istud directe non patitur probationem in contrarium; potest tamen indirecte impugnari, probando videlicet, quod tempore factae per alterum resignationis in manus Pontificiae, Beneficium illud ad me spectaverit, non vero ad renunciantem; sicque resignatio illa non tenuerit. Et idem dicendum de similibus, quae narrationem Papae directe non perimunt, seu (quod absit) non arguunt falsitatis, licet aliando exhauriant vires ejus, ne gratiae in ipsa fundatae; prout amplius exemplificant Doctores proxime relati, una cum aliis, quos citant.

Ceterum data Conclusio sic declarata, procedit non solum in favorabilibus, et gravioribus; puta, si Papa narret, se resignationem Beneficii alicujus recepit, vel quempiam fuisse suum Capellanum, ac hujusmodi: sed etiam in poenalibus, et odiosis; ut si Papa in Litteris narret, se quempiam excommunicasse, vel suspendisse. Sufficit enim, quod super his narratis intentio Papae fundetur: ut quia mandat Beneficium sibi resignatum cuipiam conferri; vel, quia jubet contumacem citari, moneari, privari, vel capi, quem dicit se jam excommunicasse, vel suspendisse. Textus, et Glossa in cit. *Clem. un. verb. Intentio*. h. t.

Resp. II. Quando intentio Papae fundatur super facto alieno a se narrato, tunc narratio, sive assertio Papae facit quidem plenam fidem, si nihil opponatur; admittitur tamen probatio in contrarium. Ita Glossa in cit. *Clem. un. verb. Fecisse narramus*. et Abbas ibid. n. 2. et Barbosa n. 6. et 7. h. t. citans alios. Pirhing h. t. n. 61. et Mascardus cit. *Concl.* 139. n. 21. et 22. cum pluribus aliis docens, quod attestationi Papae de facto alieno statuitur, donec probetur contrarium. Ratio disparitatis inter hunc, et casum prioris Conclusionis est: quia in facto proprio non facile praesumitur error, in facto alieno autem, quoniam multum sit tribuendum spectatori Principis, seu Papae attestantis, tamen contingit de facili ob malam aliorum informationem, etiam ipsum errare, c. *Lator*. 7. de *Sentent. et rejudicat.* et c. *Ad nobis*. 28. de *Sentent. excommunicato*



junctis concordantiis hic per Glossam, verb. *Opinionem sequitur*, allegatis; ac proinde merito relinquatur locus probationi in contrarium.

- 106 Resp. III. Quod si intentio Papae super eis non fundatur, tunc verba narrativa Papae, seu Litterarum Apostolicarum nihil probant. Ita Glossa in cit. Clem. un. §. *Fundatur*, et Abbas ibid. n. 1. Mascardus cit. Concl. 139. n. 23. et 24. allegans Rotam Decis. 197. in antiq. Nota, quod ubi Papa, et alii, idque probatur, et declaratur inductione.
- 109 Sic imprimis, quando Papam quempiam auctoritate Apostolica excommunicatum suis litteris salutat, non per hoc censetur eum absolvere. c. *Si aliquando*, 41. de *Sentent. excommun.* Quia videlicet intentio Papae, litteras illas dantis, super impertienda tali absolutione se non fundabat; Cum (ut ibidem loquitur textus) *per ignorantiam, vel negligentiam, aut occupationem nimiam, vel etiam per subreptionem* (tacendo videlicet, quod quis sit excommunicatus) contingat hujusmodi litteras impetrari. Quae ratio generaliter urget de caeteris verbis narrativis Papae, in quibus intentio ejus non fundatur: praesumuntur enim narrata illa in supplicatione fuisse Domino Papae suggesta, sicque nihil probant. Quia etiam, licet Summus Pontifex scienter excommunicato participet litteris, verbo, oculo, aut quovis alio modo, non ideo censetur eum absolvere, nisi expresse dicat, se per hoc velle ipsum absolvere, text. clar. Clem. Si Summus. 4. de *Sentent. excommunicat.*
- 110 Deinde, si Pontifex in aliquo privilegio, seu Rescripto Apostolico, non facto principaliter super donatione vel sententia exemptionis, aliquam Ecclesiam appellet exemptam, seu ipsam ad jus et proprietatem Ecclesiae Romanae pertinere dicat, vel similia verba narret: non propterea illius Ecclesiae exemptio est probata, nisi de libertate, seu exemptione aliter doceatur. Textus est expressus, in c. *Si Papa*, 10. §. 1. de *Privileg. in 6.*
- 111 Uterius, si Papa quempiam sub titulo cujuscunque Dignitatis, ex certa etiam scientia (multo magis, si id fiat ex ignorantia, vel per suggestionem supplicantis) verbo, constitutione, vel litteris nomet, honoret, seu quovis alio modo tractet, per hoc in Dignitate illa ipsum approbare non intelligitur, aut quicquam ei tribuere novi juris. Ita his ipsis verbis habetur declaratum in cit. Clem. Si summus. de *Privileg. in 6.* Et ratio est: quia super talibus verbis, signis vel factis, non fundatur intentio Papae, seu talia non fiunt ad concedendam, vel approbandam Dignitatem illam; sed incidenter, solum similia narrantur, vel fiunt. Atque idem dicendum de similibus.
- 112 Porro, quae dicta sunt de Papa, respective procedunt etiam in Imperatore, et Rege superiorem in terris non recognoscentis; prout resolvit Castrensis Consil. 339. vol. 1. Alexander Consil. 11. n. 14. lib. 7. Mascardus cit. Concl. 139. n. 10. ubi allegatis aliis istud ampliat ad quemlibet alium Principem, qui de facto non recognoscit Superiorem.

### §. V.

Cui, coram quibus, et a quo facienda, sit Probatio?

### SUMMARIUM.

- 113 Probatio est facienda Judici, non Adversario.
- 114 Potest tamen Juxta alium deputare ad recipiendos testes etc.
- 115 Probationes ex testium depositionibus recipi non possunt, nisi citato, et praesente, si voluerit, ad certum.

116 Idemque dicendum de probatione per Instrumentum, et Inspectionem ocularem.

117 Probationes Judiciales debent fieri coram Notario, inter alia Acta Judicii eas conscribente.

118 Et hoc procedit tam in Judicio ordinario, quam summario etc.

Imo et in Arbitrio compromissario. Ibid.

119 Excipiuntur hinc causa leviores, utpote in quibus nulla scriptura requiritur.

120 Vel si per confessionem partium, aut testes, possint Acta probari.

121 Et quid si pars adversa nihil opposuit, nec a sententia appellavit?

122 Affirmanti incumbit probatio.

123 Onus probandi regulariter incumbit Actori. Et num. seqq.

124 Actor tenetur ad Judicium venire paratus.

Actor habet in sua potestate, quando agere velit, non sic Reus. Ibid.

125 Regula illa: Actori incumbit probatio, patitur plures fallentias. Et num. seqq.

126 Ut, si praesumptio Juris stet pro Actore: nam tunc onus probandi transfertur in Reum.

127 Istud exemplificatur. Et num. praeced.

128 Si Reus excipiendo aliquid affirmet, quod ab Actore negatur, tunc Reo incumbit probatio.

129 Secus, quando Reus excipiendo aliquid negat.

130 Regula illa fallit in Judiciis duplicibus, seu communibus.

Judicia duplicia, quae? Ibid.

131 Fallit etiam in Interdictis duplicibus.

Et quae sint ista? Ibid.

132 Aliae fallentiae. Remissive. Et num. 125.

133 Quid juris, si Reus sponte in se suscipiat, onus probandi? Et num. seqq.

134 Si plene probatur Reum deliquisse, non auditur Reus volens probare, se non deliquisse, mediante Purgatione canonica.

Et qualiter haec fieri solent? Ibid.

135 Secus, si indirecte per testes id probare velit.

136 Reus suscipiens in se onus probandi, est audiendus.

137 Solvitur instantia.

138 Quid commodi reportare possit Reus, suscipiens in se onus probandi?

139 Etiam si Reus se, astrinxisset ad probandum, et deficeret in probatione, non debet condemnari, si nec Actor probaverit.

140 Dummodo Reus ad id se non obligarit sub amissione causae.

141 An Actor possit petere instrumenta a Reo sibi exhibenda? Remissive.

Quaeritur I. Cui, et coram quibus facienda sit Probatio? Resp. I. Probatio est facienda Judici, non adversario, vel alteri. Ita Glossa in l. *Quinquaginta*, verb. *Judici*, ff. de *Probation. Notariensis in Summa*, h. t. num. 3. Mascardus de *Probation. quaest. 2. prooemial.* num. 24. Abbas in c. *Ex litteris*, n. 1. not. 7. h. t. addens, non valere probationem, si fiat Notario, vel alteri; idque probans per textum, ibid. juncto c. *In nostra* 32. de *Testib.* ubi depositionem testium coram giudice fieri jubentur, ut is eorum qualitate inspecta, atque examinatis ipsorum, depositis, motum animi, sui, rite informare valeat. Idem ergo dicendum de aliis probationibus, cit. l. *Quinquaginta* ibid. *Hoeres* ipse id probare Judici debet, Acredit, ratio: quia et una parte probatio nunquam satisficeret adversario, utpote, qui semper negaret, etiam si quis solem ipsum ad ostendendum, veritatem in manibus gereret: prout post Oldendorpium in *Tract. probat.* loquitur Mascardus cit. num. 24. Frustra igitur ipsi facienda.

foret Probatio. Ex altera vero parte Judicis est ferre sententiam; ergo etiam ipsi necessariae probationes fieri debent, quibus circa qualitatem causae rite informetur.

- 114 Caeterum per hoc non negatur, quin Judex possit deputare Notarium, aut aliam idoneam personam ad recipiendos testes, depositiones, aliasque probationes. Quia imo receptio testium, confessionum, ac hujusmodi, potest ubique fieri, ac scribi, sive in praesentia, sive in absentia Judicis, dummodo fiat de mandato Judicis: nam ubicunque de hujus mandato fiant, jam computantur inter Acta Judicii, sique valent: quia reputantur facta coram Judice; ex quo ipsius mandato facta sunt. Abbas in c. Quoniam contra. n. 29. et 30. h. t. citans Innocentium ibidem, et Hostiensensem, juncta generali consuetudine, quae est optima legum interpret, c. Cum dilectus. de Consecratione. cum similibus. Insuper non negatur, quin eodem modo etiam ipsi adversario facienda sit probatio, saltem in tantum, quatenus omnia actitata postmodum eidem petenti tradenda sunt. c. Quoniam contra. 11. h. t. Mascardus loc. cit. n. 26. et quia ab initio ad receptionem testium, ac hujusmodi, citandus est, ut illico amplius dicitur unde

- 115 Resp. II. Nihilominus probationes ex testium depositionibus recipi non possunt, nisi citato, et si venire voluerit, praesente adversario: alioquin non valent. Textus est in cap. 2. de Test. quod per Abbatem, et alios, communiter sic sumatur: Nulla est receptio testium facta contra non citatum. Concor-dat Auth. de Testib. §. Et haec vero. Collat. 7. Idque merito fuit statutum, ut hac ratione Adversarius legitimas defensiones, seu exceptiones contra testes, eorumque dicta proponere valeat.

- 116 Atque hoc ipsum procedit in probatione, quae sit per Instrumentum: debet enim istud Judici exhiberi, citata, ac praesente parte adversa, ut audire possit contenta in eo, c. Contingit. 5. de Fide instrumenti: vel illud, si oportuerit, redarguere falsitatis, c. Accepimus. 4. et c. Inter dilectos. 6. §. Sed contra eod. Idemque dicendum de probatione per inspectionem ocularem, juxta dicta num. 22. et aliis hujusmodi: adeo, ut etiam probationes in scriptis contentae, parti adversae ad videndum, et respondendum communicari soleant, et debeant, juxta cit. c. Quoniam contra h. t.

- 117 Queritur II. Utrum probationes necessario sint faciendae praesente Notario? Resp. I. Probationes judiciales debent fieri Judici in praesentia publici Notarii, aut duorum Virorum idoneorum, qui praeter caetera Acta Judicii diligenter easdem conscribant. Textus est in c. Quoniam contra 11. h. t. ubi ad praecavendum falsitati iniqui Judicis, atque innocentiae justae, statuitur in haec verba: Statuimus (inquit Innocentius III. in Concilio Generali, seu Lateranensi) ut tam in ordinario Judicio quam extraordinario, Index semper adhibeat aut publicam (si potest habere) personam, aut duos viros idoneos, qui fideliter universa Judicii acta conscribant: videlicet citationes, dilationes, recusiones, exceptiones, petitiones, responsiones, et interrogationes, confessiones, testium depositiones, instrumentorum productiones, interlocutiones, appellationes, renunciationes, conclusiones, et caetera, quae occurrerint, competentis ordine conscribenda: loca designando, tempora et personas. Et omnia sic conscripta partibus tribuantur. Et infra: Judex autem, qui Constitutionem ipsam neglexerit observare, si propter ejus negligentiam quid difficultatis emeruerit, per superiorem Judicem animadversione debita castigetur: nec pro ipsius praesumitur processu, nisi quatenus in causa legitimis constiterit documentis. Haec ibi.

REIFFENSTUEL Jus Can. Tom. II.

Et quidem constitutio hujus Decretalis, quae jus novum inducebat (uti desumitur ex verbo Statuimus juncta Glossa in c. Statuimus, ut is. 13. de Offic. Delegat. in 6. et late propugnat Barbosa in Collectan. ad cit. c. Quoniam contra. numer. 9.) procedit tam in Judicio ordinario, quam summario, et sive agatur coram Judice ordinario, sive delegato, ac sive procedatur per viam accusationis, denunciationis, vel inquisitionis: nam in omnibus istis casibus publicus Notarius, aut in ejus defectum alii duo Viri idonei intervenire debent, qui omnia Acta judicii, ut supra, fideliter conscribant. Quia imo hoc etiam extenditur ad Arbitros compromissarios: quia procedunt ad similitudinem Judicum et ordinem ac formam Judiciorum servare debent, L. 1. ff. de Receptis arbitris. juncta Glossa in ibid. Abbas in cit. c. Quoniam contra. num. 7. et Barbosa ibid. num. 6. et Pirching num. 64. h. t. Alioquin suborta quadam controversia super Actis judicialibus, non crederetur Judicis assertioni, ne daretur ipsi occasio laedendi partes litigantes: uti habetur in texto jam relato.

Resp. II. Nihilominus hioc. excipiuntur causae modicae, ac leviores: in his enim nulla scriptura requiritur nec respectus processus, nec respectus sententiae, sed statim simplici assertioni Judicis. Ita textus notabilis in Auth. Nisi breviores. C. de Sentent. ex breviori. recipiend. et Auth. Ut Judices sine quoquo suffragio. §. Necessitatem. Collat. 2. ac notat Abbas loc. cit. n. 3. et Pirching d. n. 64. et Barboam n. 7. allegans alios. Nec immerito: nam si in istis modicis credatur relationi nuntii, l. Ea quidem. C. de Accusationib. et c. Cum parati. 19. juncta Glossa verb. Suus nuntius. ad Appellat. fortius in hisce levioribus est credendum assertioni Judicis. Hoc facit textus in can. Si quis cum Clerico. 11. q. 1.

Deinde etiam de caeteris causis loquendo, licet ommissio scripturae, seu annotationis Actorum, juxta cit. c. Quoniam contra. h. t. per Notarium faciendae, vitiet Processum in tantum, ut pro ipso non praesumatur, si pars altera negaverit, quidpiam ex requisitis fuisse observatum: nihilominus statim Processui, si per confessionem partium, vel per legitimos testes, aut alio modo probari possit, factam v. g. esse contestationem litis, et alia substantialia rite observata fuisse. Desumitur hoc ex cit. c. Quoniam contra. h. t. ibi: Nisi quatenus in causa legitimis constiterit documentis: et notat Abbas n. 38. post Innocentium.

Insuper pars adversa nihil opposuit, neque a sententia definitiva Judicis intra decennium appellavit, tunc sententia lata transit in rem judicatum; simulque praesumitur pro rectitudine processus, et sententiae. Felinus c. Quoniam contra. n. 23. et 31. et Barbosa ibid. n. 40. h. t. Menochius lib. 2. de Praesumptionib. praes. 67. num. 47. et 48. Mascardus de Probat. Concl. 1237. num. 12. allegans alios. Quamquam hic num. 14. post Jo. Andream, et Abbatem in d. c. Quoniam contra. num. 19. vers. Vult ergo, recte subjungat, quod quidem post lapsum decennii praesumatur pro rectitudine processus, nihilominus admittatur probatio in contrarium super defectu processus substantialis. Et merito: nam si quid ex substantialibus fuisset omisum, sententia ipso jure foret nulla, nec transiret in rem judicatum, L. 1. ff. Quae sententiae sine appellet. rescind.

Queritur III. A quo faciendae sint probationes? 112. Resp. I. Generationem loquendo, ei incumbit probatio, qui dicit, non qui negat. Textus est in L. 2. ff. h. t. Nec immerito: Quia negantis factum per rerum naturam nulla est directa probatio, prout habetur c. Bonae. 23. de Election. et can. Accensator. 9. qu. 5. cum similibus.

Resp. II. Probatio, seu onus probandi, regu-

lenter incumbit Actori: ipsius enim est, illud, quod proponitur, probare, si Reus id neget; alioquin Reus absolveretur ab ejus impetitione. Ita communis; et habetur decisum in *c. Cum Ecclesia. 3. §. fin. de Causa posses. et l. Qui accusare. C. de Edendo*, illis verbis: *Actore non probante, qui convenitur, et si nihil ipse praestiterit, obtinebit. Concordat textus in cit. can. Accusator. §. qu. 5. et l. Actor. C. h. t.* quod utroque in loco sic legitur: *Actor ( seu Accusator ) quod asseverat, probare se non posse proptendo, Reum necessitate monstrandi contrarium non astringit: cum per rerum naturam factum negantis probatio nulla sit.*

124 Unde fit, quod Actor teneatur ad Judicium venire paratus, hoc est, munitus legitimis probationibus, seu documentis: ac proinde, cum invitus agere, vel accusare nemo cogatur, *L. un. C. Ut nemo invitus etc.* causam suam prius bene examine, et nisi rite se paratum invenerit, actionem non instituat: alioquin favorabiles erunt partes Rei, *l. Favorabilioras. ff. de Reg. Jur. cum similibus.* Id ipsum notatur in *L. Pure. §. fin. ff. de Doli mali exception.* juncto Summario, addita illa notabili ratione congruentiae: quia Actor quidem in sua potestate habet, quando utatur suo jure: is autem, cum quo agitur ( sive Reus ) non habet potestatem, quando convenitur.

125 Resp. III. Etsi allata Conclusio, seu quod Actori incumbet probatio, procedat regulariter, ut dictum: ea tamen plures patitur fallentias, seu exceptiones, quas refert Glossa magna in *cit. can. Accusator. §. qu. 5.* et alia Glossa in *cap. un. Ut Ecclesiastica Beneficia etc.* §. *Actore non probante*, ac praesertim Speculator tit. *de Probationibus. §. probare. n. 10. et seqq.* ubi adducit undecim fallentias dictae Regulae. Idque patet inductione enumerando plures tales exceptiones, seu fallentias ejusdem.

126 Sic imprimis, quotiescunque praesumptio juris stat pro Actore, transfertur onus probandi in Reum. Hinc si Parochus petat Decimas intra fines hae Parochiae existentes, nihil probare cogitur, sed Reus tenetur ostendere, quo jure ad ipsum Decimae pertineant: siquidem Parochus censetur habere fundatam intentionem in jure, quod Decimae ad ipsum pertineant, nisi contrarium ostendatur. *cap. 2. de Restitut. spoliat. in 6.*

127 Simile quid habetur *c. Ex insinuatione. 3. de Procuratorib.* juncta Glossa *ibid. §. Probare poterit.* Ubi Archidiaconus super quadam Praebenda ab aliquo conventus, tenetur probare canonicam institutionem: quia cum esset Archidiaconus in Ecclesia, de Jure communi aliam Praebendam una cum Archidiaconatu habere non poterat, nisi probaret se cum fuisse dispensatum. Sic etiam in *cap. un. Ut Beneficia Ecclesiastica etc.* Papa cuipiam Reo imponit onus probandi, eo quod prima facie juste praesumebatur pro Actore. Plura alia similia exempla adducit Speculator tit. *de Probationibus. §. Probare. num. 11.* et Mascardus *de Probation. quaest. 17. proem. num. 3. et seqq.* ubi postea *num. 9.* sicut et Speculator *cit. num. 11.* generaliter concludit, quod ubique Jus commune pro aliquo facit, et pro eo praesumit, talis praesumptio Juri transferat onus probandi in Reum, *can. Ferrum dist. 50.* junctis concordantiis ibidem per Glossam allegatis.

128 Deinde Reo incumbit probatio, si is excipiendo aliquid affirmet, quod deinde in replicatione ab Actore negatur. Ratio est clara: quia Reus excipiendo fit actor, *text. clar. Leg. 1. ff. de Exception. Agere etiam is videtur, qui exceptione utitur: nam Reus in exceptione actor est.*

129 Dicitur notanter, si Reus excipiendo affirmet. Sane enim est, quando is, excipiendo aliquid negat: uti fit in exceptione non numeratae pecuniae: ea quippe per Reum proposita, Actor numeratio-

nem pecuniae a se factam, et non Reus exceptionem probare debet *text. clar. l. Si ex cautione. ff. De non numerat. pecun.*

Tertio fallit Regula in Judiciis duplicibus, seu communibus, utpote in quibus utraque pars litigantium vicem duorum sustinet, Actoris videlicet et Rei, *c. Ex litteris. 3. h. t. et l. Judicium communi. ff. Finium regundor. et l. Inter cohaeredes. §. Qui familias. ff. Familiae herciscund.* Et hujusmodi Judiciis duplicis, seu communis sunt tria, videlicet Judicium Communi dividendo: quo agitur ad communium rerum divisionem: item Familiae herciscundae: id est, haereditatis inter cohaeredes dividendae: atque Finium regundorum, quod datur inter eos, qui agros confines habent et praedia, ad horum fines dirimendos, *l. In tribus. ff. de Judiciis*, junctis Juribus proxima citatis. Ex quibus Juribus etiam habetur, quod in dictis Judiciis duplicibus utrique parti incumbat onus probandi, et quae melius suam intentionem probaverit, obtineat: prout jam dictum supra Tit. 12. de Causa possessionis et proprietatis §. 7. num. 238. et seqq.

Quarto fallit eadem Regula in Interdictis duplicibus: qualia sunt Interdictum *Uti possidetis*, atque Interdictum *Utrubi*: quorum priore certatur de retinenda possessione rei immobilis, v. g. fundi, vel aedii; posteriore vero, seu Interdicto *Utrubi* contenditur de rerum mobilium possessione, §. *Sed Interdicto. et §. Tertia divisio. Instit. de Interdict.* His addit Glossa in *cit. §. Tertia divisio. §. Utrubi*, Interdictum de Superficiebus: nam et hoc duplex est, exemplo Interdicti *Uti possidetis*, prout desumitur ex *L. 1. §. Proponitur. ff. de Superficieb.* In his enim Interdictis duplicibus etiam uterque litigantium simul ad probandum admittitur, atque probare debet: quia enim uterque contendit se possidere, hinc par utriusque Litigatoris in his conditio est, et unusquisque tam Rei, quam Actoris partem sustinet ( unde et Interdicta duplicia appellantur ) *cit. §. Tertia divisio. Institut. de Interdict. et c. Licet causam. g. h. t. cum similibus.* In his itaque Interdictis duplicibus ( sicut et in Judiciis communibus ) is obtinebit, qui probaverit suam intentionem altero non probante. Quod si vero uterque probaverit, tunc Judicis erit videre, quis eorum melius probaverit intentionem suam: et talis obtinebit, *c. Ex litteris 3. et c. Licet causam. g. h. t.* estque fasius jam dictum *cit. Tit. 12. de causa possessionis etc. §. 7. n. 238. 239. et seqq.*

Quinto, ut aliae fallentiae, apud Speculatorem ubi supra videndae, taceantur, limitatur saepe dicta Regula, quando Reus ultro in se recipit onus probandi: tunc enim Reo mos est gerendus, *cap. 1. de Restitut. spoliat. et l. Circa eum. ff. h. t.* sicque Actor affirmans relevatur ab onere probandi. Glossa magna in *can. Accusator. §. qu. 5.* Speculator tit. *de Probation. §. Probare. n. 12.* Pirhing *h. t. n. 7. et alii.* Occasione cujus

Quaeritur IV. Quid juris, si Reus sponte se offerat ad probandum? Resp. I. Si plane probari possit Reum deliquisse, Reus autem probare velit mediante Purgatione canonica, eo non deliquisse, non est Reus audiendus. Textus est in *c. Ad nostram. 12. h. t.* ubi Abbas in Summario. Barbosa *n. 1.* et ceteri Canonistae communiter.

Additur notanter, mediante Purgatione canonica. De tali enim probatione in *cit. c. Ad nostram. h. t.* est sermo, uti liquet ex illis verbis: *Si se super his purgare valeant quoquo modo: mediante videlicet Purgatione canonica: qualis videlicet fieri solet praestito proprio juramento super negativa, seu quod quis non deliquerit, et juramento Compurgatorum.*



iuramentum de credulitate, seu quod credant eum verum iurasse, juxta c. *Quoniam. de Purgat. can.* Siquidem purgatio per iuramentum est tantum subsidium, et nunquam admittitur, quando probationes legitimae adsunt, c. *Accedens. 23. de Accusat. cum concordantiis.*

135. Secus dicendum, si quis velit probare dictam negativam indirecte per testes de veritate deponentes: ut si quis homicidium sibi in iudicio impositum probet, se non commisisse, eo quod per testes probare possit, se toto die commissi homicidii fuisse in alio loco: hic enim audiendus est. Glossa *fin. in cit. c. Ad nostrum.* et Abbas *ibid. n. 3. et 4. h. t.* idque desumitur ex c. *Series. 26. et c. Ex tenore 35. de Testib.*

136. Resp. II. Quod si Reus confusus de justitia suae causae sponte in se assumat onus probandi, tunc is erit audiendus. Ita patet ex *can. Cujus rei causa. 29. q. 2. juncta Glossa, §. Probare.* Concordat textus in l. *Circa eum. ff. de Probat.* ubi Reus, cui movetur lis super ingenuitate sua, fiducia ingenuitatis suae ultro in se suscipiens probationes, admittitur, sive morem ei geri decernitur. Accedunt proxime dicta *num. 132.*

137. Nec obstat, quod in citatis Juribus fiat sermo solum de ingenuitate, quae est causa favorabilis: ac proinde Jura illa non videantur extendenda ad quascunque causas, etiam non favorabiles, ut nonnulli voluerunt. Resp. enim cum Glossa *ad d. l. Circa eum §. Juris.* quam approbat Bartolus *ibid. neg. sequel.* Neque enim illud est speciale ratione ingenuitatis, sed procedit generaliter in quacunque causa. Ratio est: tum quia favore Rei indultum est, ut Reus non debeat cogi ad probandum, sed Actor: atque juxta Reg. 61. Juris. *Quod ob gratiam alicujus conceditur, non est in ejus dispendium retorquendum.* Tum quia hoc ipsum suadet textus citatus, ibi: *Morem ei geri:* quasi diceret, quod in aliis ex consuetudine observatur, et hic dicendum est: sed et infinita sunt exempla, in quibus dicimus aliquem *admissum, non jussum probare.* Haec Glossa.

138. Et si petas, quid commodi reportare possit Reus sponte in se assumens onus probandi? Resp. Multum id profuturum Reo, si intentionem suam recte probaverit. Licet enim Actore non probante Reus sit absolvendus, etsi nihil praestiterit: haec tamen absolutio solummodo fit ab impetitione Actoris, judicialiter pronunciando, quod Reus rem petitam non debeat Actori: qualis sententia post decedendum, cessante justa appellatione, transit in rem judicatum, ita ut si adversarius de novo agere velit, repellatur exceptione rei judicatae. At vero, si Reus suscipiat in se onus probandi, et legitime suam intentionem probaverit, tunc non solum is absolvitur ab impetitione Actoris: sed etiam positive pro ipso ferenda est sententia, sententialiter pronunciando, quod ipso v. g. sit ingenuus, sit innocens, etc. vel quod res litigiosa ad ipsum pertineat: prout desumitur ex d. l. *Circa eum. ff. de Probat.* juncta Glossa *fin. ibid.* quae notatiter asserit, quod in omni causa debent sententiae ferri pro Reo, quod sua sit Res, si hoc probaverit: neque tunc sufficiat, si pronuncietur, eam Actoris non esse. Diversa enim sunt commoda in his: ut patet ex l. *Sed utrum possessori. ff. de Jurejurand.* Nam in priori casu solum datur Reo contra Actorem exceptio, videlicet exceptio rei judicatae: at vero in posteriori casu, seu ubi Reus intentionem suam probavit, non solum ipsi competit dicta exceptio: sed etiam dabitur ei actio in factum adversus Actorem, si forte is imposturum uictus fuerit possessione illius rei. Concordant in similitudine superius Tit. 14. *De Dolo et contumacia. §. 3. n. 100. et 104.*

REIFFENSTUEL Jus Can. Tom. II.

Resp. IV. Etiam si Reus se assuisset ad aliquid 139 probandum, et deficeret in probatione, nihilo minus non debet condemnari, sed erit absolvendus, si nec Actor probaverit intentionem suam. Ita Glossa in l. *Circa eum §. Juris* et Bartolus *ibid. ff. h. t.* Abbas in c. *Ex parte. n. 10. de Rescript.* Jason in l. *Qui accusare. num. 5. C. de Edendo.* Mascardus de Probationibus. *Concl. 36. n. 37.* et alii. Generaliter enim Actore non probante, Reus absolvitur; per Jura *num. 123. allegata.* Simulque nemo prohibetur pluribus exceptionibus uti, prout dicitur, l. *Nemo ff. de Exception.* Vel defensionibus, l. *Nemo ex iis ff. de Reg. Juris.* Simulque per hoc non privatur Reus commodo suae possessionis, prout argumentator Abbas *cit. num. 10.*

Exige, nisi Reus suscipiens in se onus probandi, 140 expresse ac speciatim sese ad amissionem causae obligarit, casu, quo non probaverit: tunc enim non probando, amittit causam; cum non nisi sub hac conditione, seu pacto onus probandi susceperit, ac juri suo sponte cesserit. Annotatio Marginalis ad Speculatorem tit. de Probation. §. *Probare n. 17. §. Obtinuit,* id desumens ex cap. 1. de Restitut. spoliat. Pirhiog h. t. n. 7. citans Fulvium Pacianum lib. 1. de Probation. cap. 69. nu. 2.

Quaeritur V. Utrum Actor possit petere, ut 141 instrumenta a Reo sibi edantur, seu exhibeantur ad probandum suam intentionem? Resp. Negative: ut est textus notabilis in cap. 1. h. t. Nemo enim tenetur adversario suo arma praebere, quibus se impugnare valeat. Fatendum tamen, quod haec ipsa Regula plures patiatur limitationes, sed de istis agitur commodius infra Tit. 22. De Fide Instrumentorum. §. 8. per totum.

## §. VI.

De tempore, quo faciendae sunt Probationes.

## SUMMARIUM.

- 142 Probationes regulariter sunt faciendae post litem contestatam
- 143 Exceptio dilatoria quando sit proponenda, et probanda?
- 144 Dantur plures casus, in quibus probationes fieri, ac testes recipi possunt, lite non contestata. Et num. seqq.
- Ut fit, si testes sint voluntarii etc. Ibid.
- 145 Item in Judicio summario.
- 146 Vel quando de alicujus crimine agitur per modum inquisitionis, seu denunciationis.
- Item in causa Haeresis post mortem; et in causa purgationis canonicae. Ibid.
- 147 Id ipsum contingit in pluribus aliis casibus, qui recensentur.
- 148 Publicatio attestationum, quid; et qualiter fiat?
- 149 Post eam regulariter non licet alios testes producere.
- 150 Saltem super eisdem articulis, vel directis contrariis: alias socus.
- 151 Idque probatur.
- 152 Possunt tamen post Publicationem attestationum nova instrumenta produci. Et num. 149.
- 153 Disparitas inter productionem testium, et instrumentorum.
- 154 Dantur complures casus, in quibus post publicationem attestationum possunt super iisdem articulis testes produci. Et num. seqq.
- 155 156. 157. 158. Enumerantur duodecim tales casus.
- 159 Conclusio in causa, quid, et quomodo fiat?

- 160 An in *Judicio summario*, vel *ordinario* requiratur de necessitate?
- 161 Post eam regulariter non admittuntur novae Probationes.
- 162 Saltem super eisdem articulis, bene tamen super novis.
- 163 Dantur tamen plures casus, in quibus admittuntur novae probationes post conclusionem in causa. Et num. seqq.
- Ut in causa criminali, praesertim capitali, pro defensione Rei. Ibid.
- 164 In causis Beneficialibus.
- 165 In causis matrimonialibus; et quibus?
- 166 In confessione partis, et probatione per rei evidentiam, seu ocularem inspectionem.
- Probatio per inspectionem ocularem est privilegiata in multis, et potest semper fieri. Ibid.
- 167 In probatione juramenti suppletorii ante petiti.
- 168 In testibus, et instrumentis de novo repertis.
- 169 Item accedente magna aequitate.
- 170 Atque ex officio Judicis.
- Quoad Judicem nunquam censetur conclusum in causa. Ibid.
- 171 Probationes elapso termino ad probandum concessio, an possint admitti altera parte invita? Et n. seqq.
- Loquendo de termino peremptorio per Legem, vel statutum praefixo ad probandum, nequit id fieri. Ibidem.
- 172 Nisi probato justo impedimento.
- 173 Loquendo autem de termino per hominem praefixo, si res adhuc sit integra, potest illud fieri.
- 174 Idque probatur.
- 175 Secus, si res amplius non sit integra.
- 176 Cautela pro Advocatis quoad propositum.
- 177 Solvitur instantia.

- 142 Queritur I. An probationes possint fieri ante litem contestationem? Resp. I. Probationes regulariter sunt faciendae post litem contestationem super articulis in *Judicium* deductis, et negatis, et non ante. Ita Speculator tit. de Probationibus. §. Nunc dicendum, n. 2. et Mascardus de Probat. quaest. 17. prooem. num. 30. et alii. Ratio est: quia post litem contestatam primum dicitur coeptum *Judicium*, arg. cap. un. de Litis contest. Hinc ante litem contestationem non admittitur receptio testium, cap. 1. et seqq. Ut lite non contestata non procedatur ad testium receptionem: et alioquin non valebit receptio testium, c. Accedens. eod.
- 143 Solum adde, quod si Rens ab initio, seu lite necdum contestata, quandam exceptionem dilatoriam proposuerit, non illico hanc probare cogatur: sed prius probanda sit intentio Actoris, et deinde primum exceptio Rei. Speculator, et Mascardus, ubi supra; atque habetur istud expressum in l. Exceptionem C. h. t. illis verbis: Exceptionem dilatoriam opponi quidem initio, probari vero, postquam Actor monstraverit, quod asseverat, oportet.
- 144 Resp. II. Dantur nihilo minus complures casus, in quibus nulla litem facta, contestatione, possunt probationes fieri, ac testes recipi. Ita communis: et patet inductione. Sic imprimis probationem quandoque fieri posse per testes, etiam lite nondum contestata, habetur decisum in c. Quoniam. §. 1. Ut lite non contestata etc. illis verbis: Si forte de morte testium timeatur, vel absentia diuturna: in quibus casibus, cum civiliter est agendum (secus, si criminaliter, argumento a sensu contrario desumpto: et notat Glossa ibid. §. Civiliter. et Abbas n. 6.) ne veritas occultetur, et probationis copia fortuitis casibus subtrahatur, senes, et valetudinaris; et alii testes, de quibus ex aliqua rationabili causa timeatur, etiam si lite non contestata sunt, admittendi etc.

Si tamen postmodum Actor non convenit adversarium infra annum, ex quo conveniri potuit, vel saltem receptionem testium hujusmodi non denunciaverit eidem, attestations sic receptae non valent: prout expresse subjungitur in cit. c. Quoniam. §. Sed si actor.

Deinde data Regula fallit in casibus, in quibus procedi potest simpliciter ac de plano, seu sine strepitu et figura *judicii*: ut sunt Causae beneficiales, matrimoniales, causae electionum, decimarum, usurarum, et hujusmodi, Clem. Dispendiosam. de *Judiciis*. Siquidem in processu summario, ac de plano instituto, non necessario requiritur litem contestatio, Clem. Saepe contingit, de Verb. signif. sed eidem aequiparatur quicumque alius actus, qui caeteroquin fieri solet post litem contestatam, juxta dicta superius Tit. 5. De Litis contestatione. n. 4.

Rursus proceditur ad receptionem testium, aliasque probationes ante litem contestatam, quando agitur de alicujus crimine per modum inquisitionis, c. Veritatis. 8. de Dolo et contumacia. et c. Qualiter et quando 24. de Accusatione. et c. Inter sollicitudines. 10. de Purgat. canon. Vel per modum denunciationis. c. Novit. de *Judiciis*. Idemque occidit in causa Haeresis post mortem, can. Sane proferitur 24. q. 2. et l. 4. C. de Haereticis. Item in causa Purgationis canonicae, c. Cum P. 7. et c. Inter sollicitudines. 10. de Purgat. canon.

Proceditur insuper ad testium receptionem lite necdum contestata, cum persona, contra quam agitur, est incerta, can. Quidam. 5. q. 1. et can. 2. eod. 4. q. 2. Item in notoriis, quando in eis Juxta testes recipit ad cautelam, c. Bonae memorias. 24. §. Licet autem de Electione. Aut, quando recipiuntur testes ad Judicem instruendum, seu ad informationem ipsius, ut sic causam rite instructam ad Superiorem transmittat, c. Constitutus. 45. de Appellatione. Item, cum agitur *Judicio* finium regundorum, l. Si quis super. C. Finium regund. Item, ubi offenditur publicum commodum; puta, in malo Officiali, l. Ne diu. C. de Poenis. et l. Si apparitor. C. de Cohort. lib. 12. et can. Quia ea. 3. n. 2. Item, cum restitutio in integrum incidenter postulatur officio Judicis, cap. 2. de Offic. Judic. Idemque dicendum in omnibus illis casibus, in quibus Libellus non offertur: quia casus (inquit Abbas cit. c. Quoniam n. 3. Ut lite non contestata etc.) comprehendit multos casus. Item generaliter testes recipiuntur lite non contestata, ubicunque aliquid *Judicis* officio expeditur. L. i. juncta Anth. seq. C. Si minor abhaeredit. et notat Glossa in cit. c. Quoniam. §. Regulariter, asserens universim viginti fallentias; et Speculator tit. de Teste. §. Nunc tractemus, ubi triginta sex ejusmodi fallentias allegat, quarum tamen caeterae hio brevitate causa omittuntur.

Queritur II. Utrum post publicationem attestatorum possint fieri novae Probationes? Ubi praenotandum, quod Publicatio attestatorum idem sit, ac publica praelectio earum depositionum, quas singuli testes a partibus producti, et rite examinati, ad singula posita secreto fecerunt, ac testificati sunt. Nam examinatione testium, productorum legitime peracta, Juxta operam dare debet, ut partes renuncient ulteriori testium productioni: quo facto hae postulent attestations publicari, vel saltem pars producens id petat; atque istud redigatur in actis. Tum Juxta volens attestations publicare, vocet partes, eisque praesentibus, vel per contumaciam absentibus (quia tunc pars contumaciter absens, habetur pro praesente, arg. c. In nomine Domini. 2. de Testib. per se, vel per Notarium suum, publice legat dicta testium in tali causa judicialiter receptorum, praemissa hac, vel

simili forma: *Hae sunt attestations testium in causa N. juridice receptorum, quas hinc publicamus, et pro publicatis haberi volumus*; et hoc totum rodigatur in actis, Speculator cit. tit. de Teste. §. Satis utiliter. n. 1. Quamvis Engel tit. de Testib. n. 48. asserat, publicationem attestatorum fieri per hoc, si utrique parti in scriptis communicetur, quid singuli testes ad singula penota responderint. Quo praenotato.

149. Resp. I. Post publicationem attestatorum regulariter non est licitum, alios testes super eisdem articulis, vel directe contrariis producere, etsi possint produci nova instrumenta usque ad conclusionem in causa. Ita Glossa in c. Cum dilectus. g. §. Post publicationem. de Fide instrument. Speculator tit. de Teste. §. Satis utiliter. num. 3. juncto Tit. de Instrumentorum editione. §. Nunc dicamus. num. 1. Mascardus de Probation. quaest. prooemial. 5. n. 45. et quaest. g. n. 130. Prosper Farinacius tit. 8. de Testibus, quaest. 75. n. 68. et seqq. et communis.

150. Additur notanter, super iisdem articulis. Nam super novo articulo bene potest alterutra partium, si voluerit, novos testes producere, vel per jam receptos aliquid probare, c. Fraternitatis. 17. de Test. Etiam si novus illo articulus pendeat ex veteribus, aut ex illis oriatum. Glossa in d. c. Fraternitatis. verb. Novis, et probat textus in c. Ex tenore. 35. eod. Praesertim autem Iudex ex officio potest interrogare testes post publicationem, si absente dixerunt, quandoque si visum fuerit, neque ad probationem sententiae, c. Cum Joannes. 10. juncta Glossa §. Postquam. de Fide instrument. Quo praenotato.

151. Probatur prima pars Conclusionis, seu quod post publicationem Testium non liceat super eisdem, vel (quod in effectu idem foret) directe contrariis articulis alios testes producere. Sic enim patet ex Auth. de Testib. §. Quia vero. vers. Illud tamen. Collat. 7. et Auth. Qui semel. C. de Probation. et c. Ex tenore. 36. juncta Glossa fin. de Testib. et c. Fraternitatis. 17. et c. Intimavit. 18. eod. cum similibus. Accedit ratio: quia per publicationem attestatorum fit renunciatio ulteriori testium productioni, vel expresse (prout peracto testium examine ad interrogationem Iudicis fieri solet, ut partes ulteriori testium productioni renuncient) vel saltem tacita, consentiendo in ipsam testium publicationem.

152. Altera vero pars expresse habetur decisa in c. Cum dilectus. g. de Fide instrument. illis verbis: *Ad secundam quaestionem duximus respondendum, quod utraque pars potest instrumenta, etiam post publicationem attestatorum usque ad diffinitivae sententiae calculum exhibere, antequam sit in causa conclusum.*

153. Nec dicas. Appellatione instrumentorum etiam continentur testes, text. clar. cap. Pervenit ad audientiam. 4. de Testib. cogend. et L. 1. ff. de Fide instrument. ergo, si post publicationem attestatorum non licet alios testes super eisdem articulis producere, idem dicendum de instrumentis, aut econtra. Resp. enim neg. consequent. Nam praeter diversam Juris dispositionem, de qua constat per citatos Canones, accedit ratio disparitatis: quia in casu productionis instrumentorum, post publicationem attestatorum facta, cessat timor subordinationis: qualis tamen timor subordinationis subest in testibus, si adhuc post eam produci possent: nam ubi quis ex publicatione attestatorum jam didicisset testificata, sicque intelligeret, ex qua parte testis examinatus defecit, ac intentum non probavit, possit ipsi suggerere in posterum dicenda, sicque eum subordinare, si de quo testis ille produci valeret. Glossa in cit. c. Cum dilectus. §. Post publicationem. de Fide instrument. Jo. Andreas c. Fraternitatis. quaest. 8.

REIFFENSTUEL Jus Can. Tom. II.

n. 24. de Testib. Maranta part. 6. Speculi Auri, tit. de Instrumentorum productione, n. 47. et 48. inde inferens post Baldum, et DD. in l. Carti conditio §. Quoniam. ff. Si certum petatur, quod etiam testes, quando producuntur una cum scriptura, possunt produci post ejusmodi publicationem: nam tunc ratione adiectae scripturae, cessat timor subordinationis. Qualiter autem testes nomine Instrumentorum continentur, dicitur Tit. 21. De Testibus cogendis, §. 1. n. 13. et 14.

Resp. II. Etsi data Conclusio regulariter procedat, 154. patitur nihilominus ipsa quoad priorem partem plures fallentias, ac limitationes in certis casibus, in quibus post publicationem attestatorum possunt testes produci etiam super eisdem articulis. Ita communis: adeo, ut Abbas in r. Fraternitatis. n. 4. de Testib. octodecim tales fallentias; Speculator autem tit. de Teste. §. Satis utiliter. n. 3. et seqq. viginti et unam; et Farinacius cit. quaest. 75. a num. 98. usque ad num. 255. sexaginta septem ejusmodi limitationes afferat.

Sic imprimis post publicatas attestaciones denuo 155. possunt produci testes super eisdem articulis, quando mutatur iudicium, et id valit ille, contra quem producuntur: ut c. Praesentata. 50. de Testib. Ubi mutato iudicio relinquatur optioni ejus, contra quem testes producti sunt, an velit priores depositiones testium recipere; vel his rejectis consentire, ut iidem testes producantur, ac deponant iterum, etiam si horum attestaciones antea jam fuissent publicatae. Idemque dicendum est, quando agitur diverso modo, et ad alium finem: ut contingit in c. Peniens. 38. de Testib. ac notat Abbas ibid. n. 15. et Pirhing tit. de Testib. n. 235. et seqq. Farinacius n. 128. et alii.

Secundo fallit data Conclusio in causis matrimonialibus, beneficialibus, et capitalibus: nam quia in his agitur de periculo animarum, vel vitae hominum, non solum post publicationem attestatorum, sed etiam post conclusionem in causa, possunt recipi testes, ac novae probationes, juxta amplius dicenda num. 163. et seqq. Huc accedunt caeteri casus ibidem relati, in quibus possunt de novo recipi testes, aliaeque probationes fieri post conclusionem in causa. Tertio fallit, quando sumus in casu, in quo sententia non transit in rem judicatam, sicque non obstat exceptio rei judicatae: ut tradit Jo. Andreas c. Fraternitatis. n. 25. et Abbas ibid. n. 4. h. t. qui istud probant ex l. Cum quaeritur. ff. de Exception. rei judicat. et c. Inter dilectos. §. Instrumentum. de Fide instrument. Farinacius cit. qu. 75. n. 122. allegans plurimos alios. Quarto, si malitia, vel negligentia Iudicis, aut alterius examinatoris, testes antea non fuerunt plene examinati super articulis sibi porrectis: tunc enim etiam post publicationem attestatorum denuo produci, et examinari possunt, c. Per tuas. 48. de Testib. Idemque dicendum est, quando testes fuerunt nulliter recepti, Clem. a. juncta Glossa, §. Rite eod. Aut si quidem testes rite sunt recepti, tamen eorum publicatio non tenuit, arg. c. Ex tenore. 35. de Testib. sumpto argumento a sensu contrario, ex illis verbis: *Cum attestaciones jam essent hinc inde solemniter publicatae.*

Quinto possunt denuo testes produci post eorum 157. publicationem in crimine Falsi, seu, quando priores testes de perjurio sunt convicti, c. Sicut nobis. g. de Testib. Sexto, quando priores attestaciones fuerunt amissae sine culpa producentis, cap. ult. de Probation. atque amplius declarat Speculator loc. cit. num. 12. Septimo, quando agitur inter diversas personas: Publicatio enim testium facta inter partes principales, non impedit, quin tertius occupans, pro suo interesse possit alios testes



producere. Speculator num. 3. Farinacius, ubi supra, numer. 131. et 133. allegans alios. Octavo, quando instantia est perempta: tunc enim testes possunt examinari post publicationem. Farinacius loc. cit. numer. 222. allegans communem. Nono, quando Princeps ita mandavit: possunt enim testes post publicationem examinari de expresso jussu aut mandato Principis, utpote Papae, vel alterius Superiorem non recognoscentis. Speculator, ubi supra, num. 3. Farinacius loc. cit. num. 225. et seqq. Decimo, si concedatur restitutio in integrum, ut iterum testes produci valeant, c. Auditis. 3. De in integrum restitut.

158 Undecimo, post publicationem, attestationum possunt testes produci de consensu partium: quia possunt cedere juri sibi quaesito, c. Si diligenti. 12. de Foro competent. Abbas c. Fraternitatis. n. 4. in 16. Limitat. de Testib. Gailus lib. 1. Practic. Observat. 105. num. 13. et alii. Atque istud ampliatur ad receptionem testimonii, factam post publicationem, eorum parte non opponente: talis enim receptio non est ipso jure nulla: adeoque probant testes sic recepti ex consensu saltem tacito alterius partis, nisi contra exceperit. Farinacius ubi supra, num. 182. allegans alios. Duodecimo, quando agitur de dubiis testimonii depositionibus declarandis: potest enim Juxta et officio (non vero ad instantiam partis, altera contradicente) interrogare testes post publicationem, si quid obscure dixerunt, quodcumque sibi visum fuerit, usque ad prolationem sententiae, utpote ante quam cuncta rimari debet, c. Cum Joannes. 10. juncta Glossa & Postquam de Fide instrument. Farinacius d. quaest. 75. num. 239. cum aliis. Tacetur brevitate gratia caeterae fallentiae, apud praedictos Auctores videndae; nam praemissae sunt principales.

159 Quaeritur III. Utrom post Conclusionem in causa possint recipi novae probationes, et quando? Ubi praenotandum, quod Conclusio in causa nihil aliud sit, quam renunciatio ulteriorum probationum, et allegationum faciendarum, una cum submissione ad sententiam Judicis excipiendam; prout notat Glossa in c. Cum dilectus. & Conclusum. et Abbas ibidem num. 8. de Fide instrument. et alii. Ac potest fieri vel expresse, nempe verbis, vel litteris; puta si partes in ultima sua scriptura adjungant, quod hiis in causis concludere, aequae ad sententiam submittere velint: vel tacite, si nimirum partes nulla facta formali renunciatione simpliciter a probationibus desistant, et a Juce sententiam postulent. Eugel tit. de Sentent. et re judicat. n. 1.

160 Solum adde, quod Conclusio in causa in Judicio summario de necessitate non requiritur, Clem. Saepo contingit. §. fin. de Verbo signif. Imo etiam in Judicio ordinario, seu pleno, ea non est de substantia, sed solum de consuetudine; ac proinde, si omittatur, non vitietur processus. Abbas in c. Cum I. et A. n. 12. et Felinus ibid. de Sentent. et re judicat. Maranta part. 6. Speculi Aurei. tit. de Conclusionem in causa. n. 9. citans alios. His praenotatis

161 Resp. I. Regula est, quod post Conclusionem in causa non amplius super eisdem articulis sint examinandi testes, neque admittendae novae probationes per instrumenta, vel hujusmodi: sed si forenda sententia secundum allegata, et probata. Ita Glossa, et Abbas in c. Cum dilectus. n. 8. de Fide instrument. Farinacius quaest. 75. de Testibus. nu. 257. Menochius de Arbitrar. Judic. lib. 1. quaest. 35. n. 1. Maranta part. 6. Speculi Aurei. tit. de Instrument. productione num. 47. et alii passim. Idque desumitur ex c. Juravit. 6. §. 1. juncta Glossa fin. et melius ex c. Cum dilectus. 9. de Fide instrument. ubi

probationes per instrumenta dicuntur semper admittendae, antequam sit conclusum in causa, et consequenter non amplius post Conclusionem in causa. Id ipsum probatur etymologia hujus verbi: Conclusio in causa: per hanc siquidem, ut ipsa nomen importat, partes sive expresse, sive tacite, ulteriori probationi renunciant, neque ad sententiam submitunt. Hinc, ut loquitur Mascardus de Probat. quaest. 17. Prooem. n. 44. Conclusio in causa partibus os obstruit, et elaudit, ut probationibus nullus amplius relinquantur locus.

Additur notanter in Conclusionem, super iisdem 162 articulis. Nam super novis articulis, etsi penderent ex veteribus, bene possunt aliae probationes admitti, arg. c. Fraternitatis. de Testib. et c. Cum Joannes. §. penult. de Fide instrument. estque in simili jam dictum supra num. 150.

Resp. II. Eui praemissa Conclusio regulariter 163 procedat, dantur nihilominus complures casus, in quibus ipsa fallit, et admittuntur novae probationes etiam post Conclusionem in causa. Ita communis: et probatur inductione. Sic quippe sit primo in causis criminalibus, praesertim capitalibus: nam, quando agitur de causa capitali, tunc ad defensionem Rei possunt etiam post factam in causa conclusionem recipi testes, et probationes ad innocentiam detegendam. Ita habetur in l. Unius facinoris. §. Cognitum ff. de Quaestionib. ibi: Ne ii, qui defendendi sunt, subito accusatorum criminibus opprimantur, defensionem quocumque tempore postulante Reo negari non oportet. Bartolus in l. 1. §. fin. ff. de Quaestionib. Mascardus cit. quaest. 17. n. 45. Jul. Clarus in Practic. Crimin. lib. 5. §. fin. quaest. 61. num. 2. et 6. allegans communem. Idque potest fieri non solum ex officio judicis, sed etiam ad instantiam partis, ne innocens injuste opprimatur, ac vita privetur. Pirhing tit. de Testib. num. 232. Farinacius de Testibus. tit. 8. quaest. 75. n. 420. et alii.

Fallit deinde Conclusio in causis Beneficialibus; 164 nam in his etiam post factam in causa Conclusionem admittuntur probationes; idque propter periculum animarum, et ne quis per surreptionem ad Dignitatem Ecclesiasticam ascendat. Mascardus loc. cit. num. 47. allegans Rotam Decis. 1. et Decis. 2. de Testib. in novis.

Atque haec ipsa est dicendum in causis 165 matrimonialibus: nam ob idem periculum animarum, seu ne conjuges legitime copulati separentur: etiam post publicatas attestationes, et Conclusionem in causa, recipiuntur testes, aliaeque probationes pro valore matrimonio jam contracti militantes. Quia imo ipsamet etiam sententia contra matrimonium contractum lata nunquam transit in rem judicatum, sed quocumque tempore revocatur falsitate probata, c. Lator. 7. et c. Consanguinei. 11. de Sentent. et re judicat. Secus tamen est dicendum de matrimonio contrahendo: nam ibi probato impedimento, et publicatis attestationibus, alii testes desuper non admittuntur: cum nullum subit periculum animarum, si aliqui non contrahant, arg. c. Juravit. 6. juncta Glossa & Partibus. h. c.

Fallit ulterius data Conclusio in propria partis 166 confessione, in ejus praesudicium facta: haec enim etiam post Conclusionem in causa est recipienda. Maranta part. 6. Speculi Aurei. tit. de Conclusionem in causa. Acta 15. n. 5. citans Baldum in Rubric. C. de Probation. Idem dicendum de probatione per rei evidentiam, et inspectionem ocularem: cum ista probatio sit privilegiata in multis, et nunquam censetur exclusae, sed semper fieri possit: quia est fortior probatio de mundo. Card. Tuschus Litt. P. Cens. 776. num. 1. Jason l. De perjurio. nu. 3. §.

- De in litem jur: ac quodeunque probationis genus longe superat. Maranta loc. cit. n. 6. allegans alios; et concordant dicta superius num. 91.
- 167 Similiter probatio juramenti suppletorii, etiamsi in causa conclusum fuerit, potest admitti, dummodo ante ipsam conclusionem petiti fuerit, arg. l. Generaliter. §. 1. C. de Jurejurand. ac declarat fatus Jason in Repetit. l. Admonendi. n. 318. ff. de Jurejur. et sequitur Maranta loc. cit. num. 4. et Mascardus d. quaest. 17. n. 56.
- 168 Limitatur insuper dicta Regula in testibus, atque instrumentis de novo repertis, seu quos quis tempore Conclusionis in causa producere non poterat, arg. c. Pastoralis. 4. de Exception. Ubi istud in simili conceditur de exceptionibus de novo exortis, vel ad alicujus notitiam pervenientibus, quae possunt proponi etiam post terminum a Judice praefixum. Ita Gailus lib. 1. Practic. Observat. 107. n. 10. Farinacius de Testibus, quaest. 75. n. 260. et 262. allegans alios.
- 169 Limitatur rursus eadem Regula ob magnam aequitatem: quia post conclusionem in causa potest Judex ex magna aequitate admittere testes, aliasque novas probationes. Menochius de Arbitrar. Judic. lib. 1. quaest. 35. n. 22. Farinacius cit. quaest. 75. n. 272. pluresque alii ab his citati. Accedit Socinus tract. de Fallentis, Reg. 403. Fallent. 35. dicens, quod, quando subest aliqua justa causa, tunc subveniatur per restitutionem in integrum ex clausula generali, per L. 1. ff. Ex quibus causis major. etc.
- 170 Limitatur tandem eadem Regula in Judice: quia quoad Judicem nunquam censetur conclusum in causa; atque ideo ex officio post conclusionem in causa potest partes examinare, testesque interrogare, ac recipere pro informatione, ulterioremque probationem partibus injungere; ut c. Cum Joannes. 10. §. Ad hoc autem. de Fide instrument. Fagnanus in c. Qualiter. il. 2. num. 67. de Accusat. Jason in d. Repetit. l. Admonendi. num. 59. ff. de Jurejur. citans Angelum Consil. 295. Farinacius d. quaest. 75. num. 266. Gailus cit. lib. 1. Practic. Observat. 107. num. 5. allegans alios, et addens, ita quotidie in Camera observari; et concordant proxime dicenda in simili num. 177. Tacentur nonnullae aliae limitationes, apud citatos Auctores videndae.
- 171 Quaeritur IV. Utrum probationes elapso termino ad probandum concessio, adhuc possint admitti, etiam invita altera parte? Resp. I. Loquendo de termino peremptorio per Legem, vel Statutum praefixo ad probandum, tunc eo elapso; ac parte altera contradicente, novae probationes audiri non possunt, nisi probato justo impedimento. Ita Abbas in c. Cum in tua. num. 11. et Innocentius ibid. Qui matrimonium accusare poss. Felinus c. Licet causam. n. 17. h. t. Mascardus de Probat. Concl. 1236. num. 45. allegans alios. Idque desumitur ex l. Quinquaginta. et l. Seire oportet. §. Consequens. ff. de Excusat. tutor. ubi post lapsum quinquaginta dierum, qui dantur Tutori ad se excusandum, quis amplius non auditur; et si secus fiat, sententia inde consequens non valet. Accedit ratio: quia terminus Legis ad probandum est praefixus cum magna causae cognitione; et per se principaliter, ne lites nimium protrahantur; ergo neque per Judicem invita altera parte prolongari: nam, quae contra jus sunt, debent utique pro infectis haberi, juxta Reg. 64. Juris in 6. cum concordantibus.
- 172 Addiuntamen, nisi probato justo impedimento. Tamen si impedimento probato potest quis audiri post dictum terminum: ut l. Ob commissam. C. ad Leg. Jul. de adulteris, ubi merito Reipublicae causa absenti non currit tempus ad accusandum de adulterio, necnon per Legem praefixum. Concedat. ite-
- tus in Leg. ultim. ff. de Decretis ab ordine faciend. ubi ignorantia excuset ab incurrenda poena Legis, utpote statuta adversus scientes. Abbas, Felinus, ubi supra; et alii.
- Resp. II. Nihilominus, quando terminus ad probandum est praefixus tantum ab homine (nimirum a Judice) non autem a Lege vel Statuto, possunt, si res adhuc sit integra, et Judici expedire videatur, secundum canonicam aequitatem admitti novae probationes, et admissae valent, etiam termino illo elapso, ac non obstante partis contradictione. Ita Glossa in Clem. Saepes contingit. §. Non obstante. de Verb. signif. Innocentius, Abbas, Felinus, ubi supra; et Mascardus cit. Concl. 1236. num. 1. et 2. ac num. 11. et seqq. una cum aliis, quos copiose allegat; quamvis non pauci etiam oppositum teneant, pariter ab eodem Mascardo num. 3. et seqq. citati.
- Conclusio haec desumitur ex c. Consultat. 24. de Officio Delegat. ubi Judex non obstante termino peremptorio, quem assignaverat, potest partem non comparentem aequitate suadente expectare in diem sequentem; idem ergo dicendum in proposito. Concordat c. Si tibi absenti. 17. de Praebend. in 6. et textus notabilis in l. Mancipiorum. ff. de Optione legata: ubi si datur alicui terminus ad eligendum servum sibi legatum, hoc etiam elapso potest fieri electio talis servi, dummodo jus adversarii non sit factum detoritas. Accedit ratio, simulque disparitas inter terminum a Lege, et terminum ab homine praefixum: quia fortior est dispositio Legis ad excludendum, quam dispositio hominis: nam Lex, utpote per Superiorem, et magna cum deliberatione pro communi bono condita; non suppletur per Judicem veluti inferiorem; sed bene Judex supplet factum proprium: atque ideo terminus Legis non potest prorogari; prout in simili de decem dierum spatio ad appellandum concessio dicitur in c. Quod ad consultationem. 15. de Sentent. et re-judicat. et c. Concertationi. 8. de Appellatione in 6.
- Additur notanter in Conclusionem, si res adhuc sit integra. Nam secus dicendum, si res amplius non sit integra: ut puta, quia ex mora probationum alteri parti grave damnum emersit; aut testes, quos tunc producere potuisset, interea mortui fuerint, arg. cit. l. Mancipiorum, et c. Mora. 25. de Reg. Juris in 6. Idemque dicendum, si Judex ad instantiam partis adversae jam pronunciasset, talem fuisse contumacem in termino, ac de caetero super tali articulo non amplius esse audiendum: Felinus cit. num. 17. Mascardus ubi supra; n. 30. et alii.
- Atque ideoque cautela datur Advocatis; ut elapso termino ad probandum, vel quid aliud faciendum peremptorie assignato, et Adversario id non praestante intra terminum praefixum; accusent ejus contumaciam, ut Judex ad constantem ipsorum petitionem pronunciet, eam fuisse contumacem: Quamquam Judex non statim teneatur ita pronunciare, ob dicta in Conclusionem.
- Nec obstat, quod terminus a Judice assignatus, sit peremptorius: et quod ex lapsu ipsius videatur alteri parti jus quaesitum, atque non possit eo per Judicem amplius privari: prout fieret, si ite post lapsum dicti termini peremptorii adhuc admitteret probationes partis adversae. Resp. enim cum Mascardo cit. Concl. 1236. numer. 14. terminum dicti peremptorium duntaxat quoad partes, seu quatenus pars negligens ex se, et ex jure suo non potest petere, quod sine probationes post terminum peremptorium elapsum admittantur: nisi forsan ei succurratur per beneficium restitutionis in integrum non autem terminum.

illum, dicit peremptorium quod Judicium. Unde Jeddex motus aequitate, potest quidem probationes quasi ex gratia adhuc admittere: non tamen ad instantiam partis jam exclusae tenetur id facere; prout, uberius jam fuit dictum supra, Tit. 14. de Dolis, et contumacia, §. 1. n. 68. et seqq. Et per hoc patet etiam ad alteram instantiam: nam, ex lapsu termini peremptorii solum, censetur parti innocentij ius quesitum respectu alterius partis; non vero respectu Judicis, utpote in cuius arbitrio est, suadente aequitate novas probationes post lapsum ipsius, admittere, si voluerit. Aliae, objectiones, horumque solutiones, videantur supra cit. Tit. 14. §. 2. n. 72. et seqq.

## §. VII.

De restitutione in integrum adversus omissam Probationem, huiusque effectibus.

## SUMMARIUM.

- 178 Restitutio in integrum adversus omissam probationem datur Ecclesiae, et Minoranni, si graviter laedatur.
- 179 Ita, ut restituatur etiam contra aliam Ecclesiam, vel Minorem.
- 180 et 181. An pariter possit restitui ad productionem testium post publicationem attestationum.
- 182 Quae conditiones ad restitutionem in integrum propter omissas probationes requirantur?
- 183 et 184. An etiam necesse sit, probare laesionem?
- 185 Utrum Ecclesia, vel Minor, adversus omissam probationem saepius in eadem causa restitui in integrum possit? Et num. seqq.
- Refertur sententia negativa, una cum suis rationibus. Ibid.
- 186 Sententia affirmativa est probabilior, ejusque fundamenta.
- 187 et 188. Solvuntur rationes oppositae sententiae.
- 189 Finis probationum, quis?
- 190 Probationis plenae, et judicialis, effectus praecipuus, quis?
- 191 Semiplenae probationis non est magnus effectus.
- 192 Alter plenae probationis effectus declaratur.
- 193 Probatio semiplena etiam non caret omni effectu; et qualem habeat?
- 178 Quaesitur. I. An, et qualiter Ecclesiae, vel Minori competat restitutio in integrum adversus omissas probationes? Resp. I. Quando Minoranni, vel Ecclesiae graviter laeso, fuit ex omissione necessarium probationum pro obtinenda causa, tunc ei conceditur beneficium restitutionis in integrum. Ita communis. Idque loquendo de Minoranni, habetur expressum in l. Minor. 37. ff. de Minorib. illis verbis: Minor viginti quinque annis omissam allegationem per in integrum restitutionis auxilium repetere potest. Ubi Glossa & Allegationem, per hanc intelligit totam exceptionem dilatoriam vel peremptoriam, tum probationem omissam. Loquendo autem de Ecclesia, id ipsum habetur in c. Auditis. 3. De in integrum restitut. ubi post conclusionem in causa, propter necessariam (ut asserbat) probationem omissam, utraque Ecclesia, utpote, surgens iure Minoris, aequitate suadente, restituta, fuit contra reliquam ad faciendam probationem ante omissam; ne alterutra pars propter huiusmodi negligentiam, gravi iactura laedatur.
- 179 Atque hoc amplius, in quod Ecclesia, graviter laesa, non solum restituatur contra privatum; ut supra, De in integr. restitut. Sed, etiam contra

aliam Ecclesiam; haud obstante, quod haec, pariter sit privilegiata, cit. c. Auditis, cod. ac notat Abbas ibid. n. 8. et Layman n. 6. cum aliis. Sicut et Minor damnus passus restituitur adversus alium Minorem, l. Verum. §. Item, quaeritur. ff. de Minorib. estque uberius dictum Lib. 1. Tit. 41. De in integrum restitut. §. 2. n. 42. et seqq.

Amplius id ipsum ad productionem testium post publicatas attestationes. Si enim Ecclesia, vel Minor, non probavit intentionem suam, sique graviter laedi deberet succumbendo in causa; tunc per viam restitutionis in integrum, etiam post testium publicationem, potest super eisdem articulis alios testes producere, si quos habet meliores. Bartolus in l. 1. §. Nunciatio. ff. de Novi oper. nunciat. Barbosa cit. c. Auditis. n. 4. De in integr. restitut. Mascardus de Probation. Concl. 1280. n. 15. et alii, paucis exceptis.

Sciendum tamen, quod Abbas in d. c. Auditis. n. 181. 16. et Barbosa cit. n. 4. post Innocentium ibid. istud intelligendum censent, quando Ecclesia, vel Minor, nullos omnino testes super tali articulo produxit: quia tunc post restitutionem in integrum debet audiri, secundum omnes; nullum enim tunc subest periculum subornationis, simulque hoc ipso, quod Ecclesia, vel Minor non adduxerit testes, quos poterat, praesumitur ipsum fuisse deceptum. Secus vero, quando super eodem articulo antea produxit aliquos testes, quorum publicatio jam facta fuit: quia tunc timetur periculum subornationis testium, arg. Clem. 2. de Testib. Et sic (inquiunt) non debet restitui, cum contra Ecclesiam, vel Minorem, sit praesumptio doli: nisi diligenti inquisitione per Judicem facta appareat, quod omiserit probationem, seu productionem meliorem testium ex sua facilitate, sique excludatur praesumptio subornationis. Atque hoc ultimum esse singulariter notandum, videlicet, quod per restitutionem in integrum possit fieri productio testium publicatis attestationibus, quando per causae cognitionem excluditur praesumptio subornationis, censet Abbas cit. num. 16.

Resp. II. Ut Ecclesia, vel Minor, propter omissas probationes, sive non productos testes intra terminum peremptorium, restituatur in integrum, requiruntur eadem conditiones, quae pro dicta restitutione generaliter obtinenda requiri, uberius jam dictum est supra Lib. 1. Tit. 41. De in integrum restitutione. §. 1. n. 8. et seqq. Videlicet, quod laesio sit gravis: nam de minimis non curat Praetor. Item, quod laesio illa gravis acciderit dolo adversarii, vel sua facilitate, idque per laesum rite probetur: secus enim dicendum, si aliunde, seu ex caso fortuito, damnum accidisset. Item, quod propter omissam probationem revera quis patiatur, damnum pecuniarum, vel tale lucrum amittat: nam si huiusmodi damnum Ecclesiae, vel Minori non acqueretur (ut puta, quia solum omisit contra adversarium opponere crimen, vel illud efficacius probare neglexit) tunc ei non conceditur restitutio in integrum adversus omissam probationem, per textum in l. Auxilium. ff. de Minorib. ubi in delictis, et poenarum executionibus, dicitur cessare restitutio in integrum. Atque haec omnia amplius patent ex dictis cit. Lib. 1. Tit. 41. §. 1. n. 8. et seqq. et §. 4. n. 104.

Fatendum quidem, quod Abbas in c. Auditis. n. 183. De in integrum restitut. et Pirhing cod. n. 21. existimant, quod in petenda restitutione adversus probationem omissam non sit necessitas probare aliter laesionem: nam eo ipso (inquirunt) apparet de laesione, quod Ecclesia omisit necessarias probationes in termino. Accedit, quod in cit. c. Auditis.



Pontifex nullum exigit probationem laesionis; sed restitutionem in integrum concesserit ex eo solum, quia utraque pars necessariam (ut asserit) probationem omisit.

184 Varum, ut notat Barbosa in *Collectan. ad cit. c. Alidtis. num. 5.* istud fuit speciale in caso illius Capituli, eo quod restitutio in integrum ab utraque parte simul peteretur, sicque neutri in concedenda petita restitutione potuerit praedictum generari: alioquin vero non videtur standum simplici assertioni, sed opus est aliqua probatione laesionis, saltem summaria; vel ad minimum, ut detur fumus ejus per semiplenam probationem, prout loquitur Rutilius Paitellius *Causar. Civil. Expedit. 5. et Annot. 5. num. 60.* Si enim simplici assertioni omissoe necessariae probationis standum foret, facile fraus contingere posset: unde Leges restitutionem concedentes ludibrio fierent, ac lites plus aequo protraherentur.

185 Queritur II. Utrum Ecclesia, vel Minor, adversus omisam probationem saepius in una eademque causa in integrum restitui possit? Resp. In resolutione hujus questionis variant nonnihil Doctores; prout videre est apud Rutilium Paitellium *Causar. Civil. Expedit. 5. num. 15.* ubi pro et contra diversos Auctores allegat. Et quidem sententiae negativae videtur adherere idem Paitellius *cit. n. 15.* utpote hanc posteriori loco adducens, et pro ea allegans Baldum in *L. 1. et 2. C. si saepius in integrum restitut. potat.* et Afflicium *Decis. 114. n. 2. et Decis. 35.* qui hanc suam negativam sententiam probant per textum in *L. ult. C. de Bonis quae liberis etc.* ubi filius restitutus in integrum ad capessendam haereditatem, quam pater tempore suae minoritatis ejus nomine repudiaverit, non amplius restituitur in integrum ad eandem repudiandam. Accedit, quod in *L. ult. C. Si saepius in integrum etc.* expresse dicatur: *In una eademque causa iteratum in integrum restitutionis auxilium non jure, nisi novae defensiones praetendantur; postea saepe rescriptum est.* Verum his non obstantibus,

186 Opposita sententia, seu quod Ecclesia, vel Minor post obtentam semel restitutionem in integrum, v. h. contra probationem omisam, cognita et probata alia gravi laesione, iterum restitui possit, videtur probabilior, Jurique conformior. Ita tenet Glossa, et Bartolus *locis proxime citandis*, ac favet nonnihil Paitellius *cit. n. 15.* post Asinium in sua *Praxi*, §. 2. cap. 16. n. 15. Idque probatur imprimis ex proxime allegato textu *L. ult. C. Si saepius in integrum etc.* ibi: *Nisi novae defensiones praetendantur*; et consequenter, si novae suppetant defensiones (puta, ob probationem antea minus bene intellectam, sicque omisam; vel ob instrumenta de novo reperta) concedendum est Ecclesiae, vel Minori, iteratum restitutionis auxilium. Accedit alius textus in *l. Et si sine. §. Restitutus, ff. de Minorib.* expresse concedens, quod Minor restitutus ut adest haereditatem, quam repudiaverat, cognita gravi laesione exinde sibi obveniente, possit iterum restitui, ut se abtineat. Ubi proinde Glossa §. *Rursus restitui*, quam approbat Bartolus *ibid.* generaliter infert, quod restitutio in integrum, si semel est concessa, iterum datur, ut hic: *nisi in casibus specialiter exceptis, qualis habetur in cit. L. ult. C. de Bonis quae liberis etc.*

187 Et per hoc patet ad rationes negativae Sententiae, num. 185. allegatas. Nam, quod in *d. L. ult. C. de Bonis liberis etc.* filius in integrum restitutus ad capessendam haereditatem, antea suo nomine a patre repudiatam, non amplius restituatur: istud est speciale, atque ita constitutum propter reverentiam Patris, et ut leges sibi ludibrio

nam alias potes Minor saepius ad studium, vel abstinendum restitui; prout respondet Glossa in *d. L. ult. §. Non autem filio*, id probans et *cit. §. Restitutus*. Porro illud ex eo specialiter sic fuit constitutum propter reverentiam Patris etc. quia haec facile laederetur (et quidem praetextu legum num. praeced. allegatarum) si filius impone posset nunc aspernari judicium patris, et postea cognito suo errore illud de novo amplecti: unde ne temere permittantur filii aspernari judicium paternum, recte eadem, restitutionem in integrum adversus istud petentibus, praeccluditur regressus ad idem.

Ad alterum textum patet responsio ex dictis num. 186. Favet enim nostrae sententiae. Nisi fortan cum Glossa *fn.* et Bartolo in *cit. L. ult. C. Si saepius in integrum etc.* dicere velis; ibi sermonem esse de restitutione, quae semel jam fuit denegata: unde amodo non datur, nisi novae causae praetendantur, ne alioquin Leges ludibrio fiant; atque amplius dictum supra *cit. Lib. 1. Tit. 41. §. 2. n. 39. 40. et 41.* Secus dicendum, ubi restitutio semel est concessa; nam tunc iterum concedi potest cognita, et probata alia gravi laesione; idque a fortiori, tum quia ejusmodi restitutio in integrum jam antea ob similem causam fuerat judicialiter concessa, sicque non mirum, ut de novo concedatur: tum quia, etiamsi antehac ipsa fuisset denegata, nihilo minus ob novarum defensionum praetensionem ipsa nunc concedi deberet, juxta eundem textum supra allegatum.

Queritur III. Quis sit finis atque effectus Probationum? Resp. I. Finis probationum est, Judici fidem facere, ita ut intelligere possit, qualem sententiam ferre debeat. Ita in re communis; atque desumitur ex *l. Quinquaginta.* juxta Glossa *fn. ff. de Probation.* Ubi hac de causa dicitur, Judici faciendam esse probationem, non adversario, utpote qui semper negaret. Probationes siquidem ordinantur ad decisionem litis, et judicii; ut inquit Petr. Ancharanus *Repetit. in c. Canonum statuta. n. 217. de Constitut.*

Resp. II. Loquendo de probatione plena, et judiciali, primus ac praecipuus ejus effectus est, quod Judex secundum ipsam, sive (ut aliis terminis loquuntur) secundum allegata et probata teneatur ferre sententiam. Patet haec ex *can. Judicet. 3. q. 2. et l. Rem non novam. C. de Judiciis. et L. 6. §. Veritas. ff. de Offic. Praesid.* ubi Summarium allegat illud vulgatum: *Judex debet judicare secundum allegata et probata, non autem secundum conscientiam.* Verum de hac plura dixi *Lib. 1. Tit. 32. de Officio Judicis. §. 2. et 3.* Ibi videatur.

Additur notanter, loquendo de probatione plena et judiciali. Nam semiplenae probationis non est magnus effectus, ideoque nomine Probationis simpliciter positae non venit: et si Actor suam intencionem non, aut saltem non sufficienter probaverit, habebit locum illud vulgatum: *Actore non probante Reus absolvitur*; ut dicitur *c. Cum Ecclesia §. fn. de Caus. possess.* illis verbis: *Actore non probante, qui convenitur, etsi nihil praestiterit, obtinebit, cum concordantis.*

Alter effectus plenae probationis est, quod Purgatio canonica contra eam non sit admittenda: nam si probari potest legitime testibus fide dignis Reum deliquisse, ejus probatio per purgationem canonicam, quod non deliquerit, non est admittenda, *text. clar. c. Ad nostram. 12. de Probation.* Idem a fortiori dicendum, si crimen existat notorium: et tunc non esse indicendam Reo purgationem canonicam, sed in eum condemnationis sententiam promulgandam, expresse habetur decisum in *c. Cum dilectis. §. pgnult. de Purgat. canon. Concordant dicta superius §. 5. n. 134.*

193. Resp. III. Probatio, semiplena etiam, non omni-  
periana caret effecta: nam interdum facit aliqua-  
lem fidem, ut vel deferatur iuramentum suppleto-  
rium parti adversae, vel onus probandi in ad-  
versarium transferatur, vel ei iniungatur purgatio  
canonica: quandoque ea praestat iudicium suf-  
ficiens ad torturam. Sed de horum ultimo jam di-  
ctum est supra Tit. 18. De Confessis. §. 6. n. 139.  
de alij vero commodius agetur in propriis locis.

## TITULUS XX.

## De Testibus, et Attestationibus.

1. Ratio continuationis Rubricarum.  
2. Testes, et Attestationes, quid?

V. iso de Probationibus in genere, sequitur de  
iisdem in specie: et quia probatio, quae fit per  
testes, est efficacior caeteris, cum fiat viva voce; ideo  
praemittitur praesens Rubrica de Testibus, et postea  
agitur de reliquis.

3. Porro generatim loquendo Testes sunt personae,  
quae ad fidem alicujus rei astruendam adhibentur:  
Attestationes vero sunt ipsorum testium depositio-  
nes, seu asseverationes super facto aliquo.

## §. I.

De Testibus idoneis, et minus idoneis in ge-  
nere, horumque repulsione, ac obligatione  
fatendi suam inhabilitatem.

## SUMMARIUM.

- 3 Quid generatim requiratur ex parte Testium?  
Et num. seqq.  
4 Testibus non sunt examinandi, nisi jejuni, de  
honestate.  
5 In Testibus sex sunt consideranda; nempe con-  
ditio, sexus, vita.  
6 Item aetas, dignitas, et fortuna.  
7 Testis idoneus, quis?  
8 Vocatur etiam Testis legitimus, et Testis integer.  
9 Omnes consentur Testes idonei, nisi expresse  
per Leges repellantur.  
10 Testis idoneus an sit idem, ac Testis, omni ex-  
ceptione major? Et num. seqq.  
11 Sententia negativa suadetur.  
12 Testes minus idonei, qui?  
13 Testes reprobantur vel ex vitio personae, vel  
ex dictis suis.  
14 Exceptiones contra testes quatuor generis  
sunt, et quando proponendae? Remissive.  
15 Vitium personae in testibus oritur vel ex natu-  
ra rei, vel ex Juris dispositione.  
16 Eorum, qui ex juris dispositione sunt testes mi-  
nus idonei, diversa sunt genera; et quae?  
17 et 18. Inhabilitates testium aliqae possunt per  
partes remitti, aliae non; et ipsarum exem-  
pla. Et num. 21.  
19 Judex tenetur inquirere de conditione testium.  
20 Potestque ex officio repellere testem, quem no-  
vit inhabilem inhabilitate per partes non re-  
missibili  
21 Alias inhabilem non potest repellere, nisi ad in-  
stantiam partis; et cur?  
22 Utrum testis a Judice interrogatus, an sit cri-  
minosus, vel aliunde inhabilis ad testifi-  
candum, teneatur respondere? Et num.  
seqq.

Ratio dubitandi, et affirmativam tenendi, pro-  
ponitur. Ibid.

- 23 Refertur ratio in oppositum, una cum diver-  
sitate sententiarum.  
24 Tenetur testis respondere de illis, quae ipsum  
reddunt inhabilem ad testificandum, simul-  
que turpitudinem, seu crimen suum non de-  
tegent.  
25 Alias secus.  
26 Et hujus ratio.  
27 Si tamen respondeat de concernentibus suam  
turpitudinem, creditur ipsi.  
28 Et quid, si hanc quis consteatur, ne cogatur  
ferre testimonium?

Quaeritur I. Quid generatim requiratur ex par-  
te Testium? Resp. I. Requiritur imprimis, ut Te-  
stes non conducantur pretio, ut sint idonei et fideles,  
ac ut nullus testimonium dicat, nisi jejunus. Ita tex-  
tus in cap. 1. h. t. junctis concordantibus ibidem a  
Glossa relatis.

Caeterum id, quod additur de testibus non exa-  
minandis, nisi jejunis; est intelligendum de honesta-  
te, non de necessitate, arg. can. Honestum. 22. q. 5.  
ac notat Glossa fin. cit. cap. 1. h. t. et Fagnanus  
in c. Audivimus. n. 58. de Reliquiis et venerat. San-  
ctor. asserens, istud esse consilium, et non praeceptum.  
In praxi tamen standum est consuetudini locorum,  
utpote quae est optima legum interpret: et magis  
deceus est, testes examinari jejunos, quia sunt  
magis sobrii; prout notat Abbas ad cit. cap. 1.  
num. 4. h. t.

Resp. II. In testibus plura sunt consideranda,  
ac praesertim sex, videlicet conditio, sexus, vita,  
aetas; dignitas, atque fortuna. Ita communis; idque  
liquet ex diversis textibus Juris. Et quidem priora  
tria requisita referuntur in c. Forus. 10. de Verb. si-  
gnif. illis verbis: Testes antiquitus Superstitibus di-  
cebantur, eo quod super causas statu profereban-  
tur: nunc parte ablata nominis, Testes vocantur.  
Testes autem considerantur conditione, natura, et  
vita. Conditione, si liber, non servus: nam saepe  
servus metu dominantis testimonium supprimit ve-  
ritatis. Natura, si vir, non foemina: nam varium, et  
mutabile testimonium semper foemina producit. Vita,  
si innocens, et integer actu: nam si vita bona de-  
suorit, fide carebit; non enim potest justitia cum  
scelerato homine habere commercium. Haec ibi.

Caeterum posteriora tria requisita, seu conside-  
randa in testibus (hoc est, eorum dignitas, aetas,  
atque fortuna) abentur ex L. 2. et 3. ff. h. t. Ubi  
ad longum recensentur qualitates in testibus desi-  
deratae: atque inter alia in persona Testium ex-  
plorandum dicitur, Utrum quis Decurio an plebejus  
sit: et an locuples, vel egenus sit, ut lucri causa  
quid facile admittat: vel an ei inimicus sit, adversus  
quem testimonium foret; vel amicus ei, pro quo te-  
stimonium dat, etc. Et infra, postquam inter alios  
a testimonio dicendo excluditur impubes, subjun-  
gitur: Nam quidam propter reverentiam persona-  
rium, quidam propter lubricum consilium, alii propter  
notam et infamiam vitae suae admittendi non sunt  
ad testimonii fidem. Hinc illi vulgati versiculi apud  
cap. 2. h. t.

Conditio, sexus, aetas, discretio, fama,  
Et fortuna, fides: in testibus ista requiruntur.

Quaeritur II. Quis dicatur Testis idoneus, le-  
gitimus et integer, et an differat a Teste omni  
exceptione majori? Resp. I. Ille dicitur Testis ido-  
neus, qui nulla exceptione legitima repelli potest.  
Ita Glossa in cap. 1. §. Idonei. et Abbas ibid. n. 3. h. t.  
et communis; idque patet ex L. 1. ff. de Testib. ubi

omnes illi pro testibus idoneis agnoscentur, quibus non interdictur testimonium.

8. Ex hujusmodi testis idoneus alio nomine appellatur *Testis legitimus*, utpote secundum Leges ad ferendum testimonium admittendus; cum nulle legitima exceptione repelli valeat. Et cum isto in re convenit *Testis habilis*, ac *Testis integer*, seu integre opinionis: qualis dicitur ille, contra quem nulla urget suspicio. Farinacius tit. 6. de *Testib.* quaest. 62. n. 5.

9. Unde notandum, quod omnes censentur esse Testes idonei, seu legitimi, nisi qui a testimonio dicendo per leges seu Canones expresse repellantur. Glossa cit. cap. 1. §. *Idonei*. h. t. Ratio est: quia Edictum de Testibus prohibitorium est, ut quilibet admittatur, qui non repellitur aliqua Lega a testimonio ferendo, L. 1. ff. h. t. Accedit, quod quilibet praesumatur idoneus, nisi probetur malus, cap. ult. de *Praesumpt.* cum concordantiis.

10. Resp. II. Esi plures Doctores velint, quod Testis idoneus idem sit, ac *Testis* omni exceptione major: verius tamen est, quod *Testis* omni exceptione major sit aliquid plus, quam *Testis*. Prior pars est Glossae in cap. 1. §. *Majores de Consanguinit. et affinit.* ubi inquit, quod illi *Testes* dicantur omni exceptione majores, qui repelli non possunt aliqua exceptione. Itemque tradit alia Glossa §. *Item verborum* §. *Idoneus Instit. de Inutilib. stipulat.* et Abbas in cit. cap. 1. n. 5. de *Consanguinit. et affinit.* so plurimi alii, quos pro hac sententia citat Prosper Farinacius de *Testibus*, quaest. 62. n. 2.

11. Altera vero pars est Mascardi de *Probation. Concl.* 1024. n. 15. ubi inquit, quod *Testis* idoneus plurimum distat a *Teste* omni exceptione majori: et allegat pro hoc suo dicto Felinum in *Rubric. de Sponsalib.* col. 4. num. 5. Socinum Jan. *Consil.* 88. n. 8. vol. 2. idemque tenet Farinacius loc. cit. n. 3. allegans alios. Ratio est: quia, sicut in aliis rebus dantur tres gradus, videlicet positivus, comparativus, superlativus; ut puta bonus, melior, optimus l. *Ubi autem*. §. 1. ff. de *Verb. obligat.* ita et in Testibus idoneis debent admitti *Testes* magis idonei, qui scilicet majoris existant honestatis estimationis, c. *In nostra* 32. h. t. et *Testes* summe idonei, qui nimirum sunt optimae opinionis et qualitatibus. Unde consequens est, quod *Testis* idoneus, veluti positivo contentus, minorum qualitatem importet, quam *Testis* omni exceptione major, seu in comparativo acceptus: hic enim censetur esse fidelior testis, ac magis fide dignus, quam *Testis* simpliciter idoneus, seu legitima exceptione non repellibilis. Ita Farinacius cit. n. 3. credens, hanc esse veritatem, quidquid in contrariam alii Doctores affirmarint.

12. Queritur III. Qui generatim sint testes minus idonei, seu inhabiles? Resp. I. *Testes* minus idonei (qui alio nomine *Testes inhabiles* appellantur) sunt illi, quibus aliquid opponi potest, quod eorum testimonium debiliat, vel penitus evacuat. Ita in re communis.

13. Porro ex duplici defectu generatim contingit testes reprobari: videlicet; aut ex vitio personae; ut, quia aliquis est infamis, servus, impubes, aut hujusmodi: aut ex dictis suis; puta, quia contraria, obscura, iaverisimilia, vel hujusmodi deposuit. Mascardus de *Probat. Concl.* 1363. n. 1. Quamquam per hoc non negetur, quin testes etiam possint reprobari ob defectum legitimi examinis, iuxta dicenda inferius §. 17. num. 535. sed quia defectus iste non se tenet ex parte testium, merito impraesentiarum tacetur.

14. Atque idcirco praeter eam, quae potest opponi contra examen testium, dantur generatim duplici-

cis generis exceptiones, quae contra testes fieri, ipsisque opponi possunt. Alia quippe concernunt personam testium, videlicet ratione vitii ipsam committantis: et hae regulariter sunt opponendae ante publicationem attestationum, c. *Praesentium* 31. h. t. atque amplius dicitur infra cit. §. 17. n. 537. et seq. Quaedam vero exceptiones respiciunt dicta testium: ut puta, quod testis deponat absque ratione scientiae, vel deponat contraria, sive impertinens, et hujusmodi. Et tales exceptiones contra dicta testium, proponendae sunt post publicationem attestationum: hoc ipso, quod antea sciri nequeat a partibus, quid testes dixerint, sive deposuerint; prout etiam infra num. 539. dicitur.

Resp. II. Vitium personae, ob quod testes censentur minus idonei, seu inhabiles ad testificandum, atque reprobari possunt, rursus erit dupliciter; nimirum vel ex natura rei, vel ex Juris dispositione. Ita communis; et patet inductione. Sic quippe ex natura rei repelluntur a ferendo testimonio infantes, utpote carentes usu rationis. Item amentes, et Furiosi, qui sicut a natura impediuntur, ne Judices sint, cap. 1. §. *Tria sunt. caus.* 3. q. 7. ita pari modo a natura impediuntur, ne testes existant; cum mente careant, seu durante furia ignorent, quid dicant. Caeterum ex Juris dispositione plures alii repelluntur a ferendo testimonio: quamvis omnes perfectum usum rationis habentes censentur idonei testes, nisi aliquid in ipsis reperiatur, ratione cuius velit Jus ipsos repellere a ferendo testimonio. Unde

Resp. III. Eorum, qui ex Juris dispositione censentur testes minus idonei, sive repellendi a ferendo testimonio in Judicio, diversa sunt genera: ita tamen, ut eorum nonnulli simpliciter et absolute, hoc est, in quacunque causa, et respectu quarumvis personarum, sint inhabiles ad ferendum testimonium: alii vero duntaxat respectu certarum personarum vel causarum. Ita rursus communis; et patet inductione. Sic enim simpliciter et absolute (hoc est, respectu quarumvis personarum, et causarum) repelluntur a ferendo judiciali testimonio Infames, et Criminosi, Servi, et Impuberes; prout ex professo dicitur. §. 2. et 3. afferendo simul quasdam limitationes, in quibus ipsi admitti possunt. Porro respectu certarum personarum adhuc dupliciter contingit, quosdam esse testes inhabiles: nam aliqui prohibentur esse testes pro certis personis, sive in favorem ipsarum; ut Parentes pro filiis, et econtra, Consanguinei pro Consanguineis, et domestici ad invicem. Alii vero nequeunt esse testes contra certas personas, sive in earum praedictum testificando: ut inimicus contra illum, cum quo gerit inimicitiam, Judaeus contra Christianum, et hujusmodi. Tandem aliqui nequeunt esse testes in certis causis: ut Clerici in causa sanguinis, Mulieres in causa criminali, et si qui sunt alii tales, de quibus singulatum in progressu.

Queritur IV. Utrum Juxta ex officio teneatur inquirere de conditione testis, ipsamque, si inhabilem invenerit, reprobare? Ubi praenotandum cum Doctoribus proxime citandis, quod dantur quaedam Inhabilitates testium, quae per partes remitti non possunt; eo quod alioquin laederetur Jus publicum, et favor communis Reipublicae, ipsorumque Judiciorum decor violaretur: ut fit in Testibus infamibus, excommunicatis, haereticis, ac hujusmodi. Alias vero sunt inhabilitates, seu exceptiones testibus obijcibiles, quae tamen committi possunt ab eo, contra quem proceduntur: vel tacite, nihil videlicet contra testes ejusmodi opponendo: vel etiam expresse, adven-



ter in eorum testimonium consentiendo. Exemplum hujus habetur in *c. Licet. 9. de Probat.* ubi exceptiones contra testes intra certum duntaxat terminum, v. g. intra mensem, fieri permittuntur; ne proinde, nisi tunc facta fuerint, ipso facto censeantur remissae. Concordat *c. Praesentium. 31. h. l.* ubi post publicatas attestations prohibentur fieri oppositiones in personas testium (exceptis certis casibus ibidem expressis) ne proinde, quae antea non fuerunt propositae, intelligantur remissae. Concordat textus in *l. Si quis testibus. C. h. t. et can. Si testes. §. Si quis testibus. 4. q. 3.* ubi aperte habetur, testem caeteroquin inhabilem posse de consensu partium admitti, admissumque probare contra producentem.

- 18 Atque istud tunc vel maxime contingit, quando testes repelluntur non odio ipsorum testium, hoc est, non ex defectu suae personae; sed juxta Legum dispositionem dicuntur repellendi favore partis: ut quia testis productus, est producentis frater, consanguineus, domesticus, vel ei, contra quem producit inimicus, sique veluti suspectus repelli potest. Tunc enim, si nihilo minus pars adversa ejus testimonium velit admittere, poterit favori, pro se introducto renunciare, illudque admittere prout de consensu utriusque partis admittitur, atque ad testificandum compellitur Proxenetæ, seu Mediatoris. *Auth. de Testibus. §. Quoniam. Collat. 7.* Hic praenotatis,

- 19 Resp. I. Juxta ex officio suo debet inquirere de conditione testium; et si aliquem eorum reperit inhabilem inhabilitate per partes non remissibili, tunc ex officio potest ipsam repellere. Ita Felinus in *c. Intimavit. 18. n. 9.* et Abbas *ibid.* num. 3. juncta Additione, *¶. Juxta h. t.* Juxta Andreas in *Addit. ad Speculatorem. tit. de Teste. §. 1. n. 19.* *¶. Prohibet. et §. Saepè n. 1. ¶. Praesentium.* Mascardus de *Probat. Concl. 1363. n. 12. et 13.* et alii, quos citant. Et quidem prior pars patet ex *can. Si qui sunt. 2. q. 7.* ac notat Glossa in *L. 1. §. De nominibus ff. de Magistrat. conveniend.* ubi ex verbis dictae Legis infert, quod Juxta debet inquirere de conditione testis. Id ipsum clarius habetur in *L. 3. §. 1. ff. de Testib.* illis verbis: *Testium fides diligenter examinanda est: ideoque etc.* subjungendo modum explorandi fidem testium. Concordat recepta praxis Tribunalium, in hunc ipsum finem testibus proponentium quaedam Interrogatoria generalia, statum et conditionem ipsorum concernentia.

- 20 Altera vero pars, seu quod Juxta ex officio suo possit repellere testem, quem novit esse inhabilem inhabilitate per partes non remissibili, desumitur ex *l. Quos prohibet. ff. de Postuland.* quae in simili vult, quod Juxta Advocatos inhabiles repellat a postulando; illosque omnimodo prohibeat, etiamsi adversarius eos patiatur postulare. Ubi Glossa *fin.* distinguit inter defectus, qui consensu partium remitti, vel non remitti possunt: et intelligendo citatam Legem de defectibus per partes non remissilibus, sicut et Bartolus *ibid.* addit, prohibitionem illam fieri ex causa decoris Praetoris, sive propter honorem, et auctoritatem Judicis (haec enim vilisceret ex consensu Advocatorum, seu Testium adeo defectuosorum, puta infamium, vel criminiosorum.) atque ex causa publicae utilitatis.

- 21 Resp. II. Quod si defectus, seu inhabilitas testis, per partes est remissibilis, tunc Juxta nequit repellere testem, nisi ad iurantiam, seu exceptionem partis, contra quam is producit: alioquin enim, si haec non excipiat, censeatur testis ille ex hujus consensu saltem tacito habitus, atque ad ferendum testimonium admissus. Ita Felinus *cit. c. Intimavit. n. 10. h. t.* asserens, quod ista sint aures dictae.

Jo. Andreæ, ubi *supra.* et idem Felinus *c. Litteras. n. 14. de Praesumpt.* expresse distinguens inter exceptiones contra personas, et dicta testium, favore partis introductas, quae si non opponuntur, per partem adversam remitti censeantur: et inter alias exceptiones, introductas odio testis, ut est excommunicatio, vel banum, ac hujusmodi, quae per partem remitti nequeant: Idemque tradit Mascardus *cit. Concl. 1363. n. 13. et 14. et Concl. 408. n. 22.* post Baldum in *l. Si quis testibus. col. ult. C. h. t.* et alios. Farinacius de *Testibus. quaest. 62. n. 193.* allegans plurimos alios, et notanter sic distinguens. Accedit ratio: tum quia potest quis, si vult, renuntiare favori pro se introducto, non autem favori publico, *¶. Si diligenti. 12. de Foro compet.* ac proinde potest etiam pars remittere exceptiones testium in favorem sui introductas, etiam secus sit dicendum de aliis ob favorem publicum, seu ex ratione decoris Tribunalium introductis. Tum quia generaliter loquendo, valet actus parti cuiusque praesudicialis, nisi pars illa expresse contradixerit, *Arg. L. 1. C. de Relation.* et notat Bartolus *ibid.* *§. Ultima. nota.* atque jam dictum *supra Tit. 8. de Dilationibus. §. 3. num. 57. et 58.*

Quaeritur V. Utrum testis a Juxta examinatus, et interrogatus, an sit criminiosus, vel aliunde inhabilis ad testificandum, teneatur respondere, atque inhabilitatem confiteri? Ratio dubitandi, et affirmativam tenendi est: quia Judiciis est, explorare in persona testium, an quis sit Decorus, vel plebejus; an honestae et inculpatae vitae, vel reprehensibilis; an locuples, vel egeus, ut lueri causa quid facile admittat; vel an sit illi inimicus, adversus quem fert testimonium, vel amicus ei, pro quo fert testimonium, *text. clar. L. 3. §. 1. ff. de Testib. et can. Si testes. §. Testium fides. 4. q. 3.* Ergo si Juxta de his ex officio potest interrogare, etiam testis, si interrogatus tenetur respondere. Accedit stylus Tribunalium, in quibus varia Interrogatoria circa personas testium fieri solent: ut puta, singulos eorum interrogando de nomine, aetate, et conditione sua, an sit dives nec no, an ei aliquid fuerit datum vel promissum, ut sic testificetur, an sit amicus vel inimicus alicujus partium, ac hujusmodi: prout refert Speculator *tit. de Teste. §. Jam de Interrogatoriis. n. 19.* postea breviter subjungens, quod testis interrogari debet de omnibus, propter quod repelli potest. Et tales interrogationes esse in usu, testatur etiam Abbas *c. Cum causam. n. 13. h. t.*

In oppositum autem, seu pro sententia negativa facit: quia nemo tenetur prodere se, et propriam turpitudinem detegere, ac Judici denuntiare, *arg. can. Quis aliquando. §. His auctoritatibus. de Poenit. dist. 1. et l. Alias autem. ff. de Jurejurand.* Hoc enim valde durum foret, et conditioni naturae humanae repugnans, contra *can. Erit autem. lex. dist. 4.* Neque videntur urgere Jura proxime allegata: quia ibi solum dicitur, quod Juxta debet explorare in persona testium, quae proxime enumerantur; quod recte fit, si talia exploret apud se, vel ab aliis: non tamen dicitur, quod talis debeat explorare ab ipsomet teste, saltem loquendo de iis, quae propriam ejus turpitudinem, seu crimen concernunt: prout respondet Hostiensis *c. Cum causam. n. 20. et Jo. Andreas n. 15. et Abbas cit. n. 13. de Testib.* Atque ob has, et alias hujusmodi rationes, in utramque partem militantes, Doctores in diversas abeunt sententias; prout videre est apud Abbatem *loc. cit.* ubi sex circa hoc DD. sententias enumerat; et Farinacium de *Testibus. quaest. 73. n. 34. et n. 53. et seqq.* Unde majoris claritatis gratia, et competentem distinctionem adhibendo,

24. Resp. I. Potest testis a Judice interrogari, tene-  
turque respondere de omnibus illis, quae reddunt  
eum inhabilem ad testificandum, simulque crimen,  
seu turpitudinem ipsius non detegunt. Ita Specu-  
lator cit. Tit. de Teste. §. Jam de interrogatoriis.  
num. 19. Abbas d. c. Cum causam. num. 13. h. t. Fa-  
rinacius cit. quæst. 73. n. 34. et n. 70. allegans plu-  
rimos alios. Ratio est, quæ supra n. 23. allegatur: si-  
mulque istud probat recepta praxis Tribunalium, et  
longæva eorum consuetudo, quæ est optima le-  
gem interpret. c. Cum Dilocus. de Consuetud. et l.  
Si de interpretatione. ff. de Legib. Id ipsum declara-  
tur exemplis: sic enim potest testis interrogari, ac  
vi præstati juramenti de veritate dicenda tenetur Ju-  
dici interroganti respondere, cujus sit nominis, con-  
ditionis, ætatis: puta, an sit impubes, nec ne;  
an sit dives, vel pauper; nam paupertas non est de  
genere malorum, sique non infamat, can. Illa ca-  
venda. 15. q. 1. Abbas cit. c. Cum causam. n. 14. h. t.  
Farinacius loc. cit. n. 34. allegans alios. Potest etiam  
interrogari, an sit amicus, seu consanguineus pro-  
ducentis, haud obstante, quod ideo sit repellen-  
dus, et hujusmodi: talis enim non infamat, nec  
detegunt turpitudinem testis: sique sunt aperien-  
da Judici, utpote qui ex officio suo talia inquirere,  
ac interrogare tenetur.

25. Resp. II. Loquendo tamen de iis, quæ concer-  
nunt crimen, infamiam, vel turpitudinem ipsius;  
tunc testis de talibus non potest a Judice interroga-  
ri, et interrogatus non tenetur respondere. Ita Ab-  
bas cit. n. 14. post Jo. Andream in Addit. ad Specu-  
latorem, Tit. de Testib. §. Jam de interrogatoriis.  
num. 22. Baldus in cit. c. Cum causam. num. 51.  
et Hostiensis ibid. num. 20. de Testib. Farinacius cit.  
quæst. 73. n. 53. allegans plures alios: contra Glos-  
sam in d. c. Cum causam. §. De causis. h. t. ubi sen-  
tire videtur, quod saltem respondere teneatur ad  
ea, de quibus traditur in L. 3. ff. de Testib. ibi enim  
inter cætera Judex in testibus explorare jubetur;  
An honestas et inculpatae vitæ, an vero notatus  
quis et reprehensibilis sit: et contra Joannem can.  
Quærendum. 3. q. 7. et nonnullos alios, qui volunt,  
testem non posse quidem interrogari de crimine in  
specie, bene tamen in genere, an sit criminosus,  
seu an commiserit aliquod crimen, ob quod sit  
infamis.

26. Ratio conclusionis est: quia in simili pars non te-  
netur respondere positioni criminosæ, seu factæ sur-  
per crimine ejus, contra quem sit, juxta Glossam  
in c. 2. §. Absque rationabili causa. de Confessione  
in 6. ergo multo minus tenetur testis respondere tali  
interrogationi: prout argumentatur Baldus cit. num.  
51. Accedit, quod etiam Rens a Judice interroga-  
tus non teneatur confiteri crimen, nisi prævia semi-  
plena probatione: alioquin enim potest Judicis in-  
terrogationem bono modo, aut verbis æquivocis  
declinare, juxta amplius dicta superius Tit. 18. de  
Confessione. §. 7. nu. 154. et seqq. Id ipsum suadet ra-  
tio n. 23. relata: quia videlicet nemo tenetur ultro  
se prodere, suamque turpitudinem Judici denun-  
tiare. Unde si defectus ille, quo testis laborat, ad-  
huc est occultus, tunc adversario contra ipsum ex-  
cipienti incumbit probatio defectus hujusmodi, L.  
2. ff. de Probat. alioquin testis ille præsumitur bo-  
nus, idoneus, cap. ult. de Præsumpt. cum simili-  
bus. Si vero defectus ille est publicus, simulque  
per partes non remissibilis, jam Judex ex officio te-  
netur testem repellere: vel, si ille per partes remit-  
ti potest, nec tamen adversarius excipit, censetur  
is hoc ipso in testem illum consentire, ipsumque ad  
ferendum testimonium habilitare, juxta proxima  
dicta n. 18. et 21.

27. Resp. III. Etsi testis non teneatur respondere de  
REIFFENSTUEL Jus Can. Tom. II.

iis, quæ continent suum crimen, aut turpitudi-  
nem, ut dictum: nihilo minus si respondeat, et ul-  
tro confiteatur, creditur ipsi contra se ipsum, sic-  
que repelli debet. Ita Innocentius in cap. 2. de Con-  
fessione, et alibi, quem refert, ac sequitur Abbas cit.  
c. Cum causam. nu. 13. h. t. Farinacius d. quæst. 73.  
n. 67. allegans alios. Ratio est: quia talis confessio  
fit in Judicio, simulque est de circumstantiis testi-  
monii: ergo, si fiat, fides eidem erit adhibenda, ut  
c. Inquisitionis. 21. §. Tertio. de Accusat.

Nec obstat, si dicatur, posse talem confessio-  
nem fieri a teste, ut evitet testimonium, seu non  
cogatur ad istud ferendum. Nam contra est: quia  
non est verisimile, quod quis tantam turpitudinem  
suam in publico Judicio mendaciter asseveret; nam-  
cradelis est, qui negligit famam suam, cau. No-  
lo. 12. q. 1. Quamvis Speculator Tit. de Teste. §.  
1. n. 43. asserat, stante tali dubio testi deferendum  
esse juramentum, vel veritatem plenariam esse in-  
veniendam per torturam, arg. can. Illi. 5. q. 5. et  
can. Indicantem. 30. q. 5. et c. Cum Joannes. §. fin.  
de Fide Instrument.

## §. II.

De infamibus, et Criminosi, cen testibus -  
minus idoneis, ac repellendis.

### SUMMARIUM.

- 29 Infamia et  
Fama bona, quid? Ibid.
- 30 Testis infamis, quis?  
Infamia æquiparatur morti. Ibid.
- 31 Infamia alia est facti.  
Et an etiam hæc oriatur ex vita bonorum; Ibid.
- 32 Alia juris.  
Hæc inferitur dupliciter, videlicet ipso facto, aut  
per sententiam Judicis. Ibid.
- 33 Quando censeatur inferri ipso facto?
- 34 Et quando per sententiam Judicis?
- 35 Qualiter utraque infamia repellat testem a te-  
stificando?
- 36 Secundum Canones potest addi tertium membrum,  
videlicet Infamia canonica.  
Hæc irrogatur ex quolibet peccato mortali. Ibid.
- 37 Infames secundum Canones censentur omnes,  
quos sæculi Leges pronunciant infames.  
Nisi specialiter isthæc infamia per Canones  
tollatur. Ibid.
- 38 Infames in specie, qui?
- 39 Infamia Juris orta ex crimine occulto, tollitur  
per poenitentiam.
- 40 Eaque peracta licet sacros Ordines suscipere, etc.
- 41 Secus dicendum de infamia orta ex crimine  
manifesto. Et n. præced.
- Hanc non nisi Princeps auctoritative tollere po-  
test. Ibid. Et n. 46.
- 42 Infames infamia Juris non admittuntur ad testi-  
ficandum, tam in causis criminalibus, quam  
civilibus.
- 43 Idem dicendum de excommunicato, quia reputa-  
tur inter infames.  
Adeo, ut excommunicatus non admittatur ad testi-  
ficandum contra alium excommunicandum Ibid.
- 44 Intelligendo istud de excommunicato vitando. Et  
quid de excommunicatis non vitandis? Ibid.
- 45 Infamis infamia Juris, etiam parte non opponen-  
te, potest ex officio Judicis repelli a ferendo te-  
stimonio.
- 46 Eoque inhabilis ad testificandum, etiamsi sit  
de crimine emendatus.
- 47 Infamia repellens quempiam a testificando, de-

- vel attendi pro tempore latum per sum testimonii, nec obest superveniens.
- 48 Repellitur tamen, qui tempore praestiti juramenti erat habilis, sed ante testificationem suam, incurrit infamiam.
- 49 Infames infamia facti, an, et quando excludantur a ferendo testimonio?
- 50 Dantur tamen plures casus, in quibus infames infamia Juris admittuntur ad testimonium. Et n. seqq.
- Ubi fit in criminibus exceptis. Ibid.
- 51 Item, quando veritas aliter haberi non potest.
- 52 Quomodo istud sit intelligendum?
- Et qualiter tunc personis infamibus credatur? Ibid.
- 53 Item, quando infamis ab utraque parte fuit rogatus.
- 54 Et si infamis tempore dati testimonii non reputabatur talis.
- Valet Testamentum, ad quod servus, vel infamis adhibitus fuit, quando tunc communi opinione reputabatur liber, vel bonae famae. Ibid.
- 55 Criminosus, quis?
- 56 Criminosus vel adhuc perseverat in crimine, vel jam est emendatus.
- Et quomodo probetur emendatus? Ibid.
- 57 Criminosus post lapsum triennii honeste peracti, censetur emendatus.
- 58 Criminosus, jam emendatus admittitur in causis civilibus ad testimonium: secus, si nondum est emendatus.
- 59 Istud spectato Jure Canonico praecedit, dummodo crimen testi objectum legitime probetur, licet antea de eo non fuerit condemnatus.
- 60 De Jure tamen Civili, requiritur, ut de crimine illo fuerit antea judicialiter condemnatus.
- 61 In causis criminalibus criminaliter motis, repellitur testis criminosus.
- In his requiruntur indistincte probationes apertissimae, ac testes carentes omni suspitione, vel macula. Ibid.
- 62 Adeo, ut etiam ex unico crimine quis repellatur.
- 63 Cur Judeo criminosus non infamis, nequeat per exceptionem partis repelli a judicando; bone tamen testis criminosus?
- 64 Dantur nihilo minus plures casus, in quibus Criminosus emendatus admittitur pro testis, in causis etiam criminalibus. Et n. seqq.
- Puta, in criminibus exceptis; et quando veritas aliter haberi nequit. Ibid.
- 65 Item, parte non opponente.
- 66 Ad repellendum testem criminosum non sufficit obicere crimen in genere etc.
- 67 Testes criminosi admittuntur ad probandam innocentiam Rei.
- 68 Ac in causis, in quibus non requiritur plena probatio.
29. **Q**uæritur. I. Quid, et quomplex, sit. Infamia, et quis Testis infamis? Resp. I. Infamia, vi nominis idem est, ac privatio, seu diminutio bonae famae. Et quia bona fama, sive Existimatio, est dignitatis illaesa status, legibus ac moribus comprobatus; prout dicitur l. Cognitionem. ff. de Variis et extraord. cognitio. Hic e contrario Infamia est laesae dignitatis status, vita et moribus reprobus; ut loquitur Fagnanus in c. Postea. n. 31. de Cohabitat. Cleric. allegans alios.
30. Ac per hoc patet, quia censetur Testis infamis, nempe is, qui laborat infamia, seu mole famae, Quam quidem infamiam morti equiparari, probat Textus in l. Iusta. ff. de Muneribus vindicta, et l. Isti quidem. §. Quod si. ff. De eo, qui metus causa etc. Liguagius de Testib. quaest. 26. n. 1.

Resp. II. Infamia est duplex, alia Juris, alia facti. Ita Glossa can. Infames. 3. q. 7. §. Infamia. Bartolus in l. 1. §. Secunda videndum. ff. De iis, qui notantur infam. et communis. Infamia facti accidit, quando quis tale quid commisit, seu perpetravit, propter quod ejus bona fama, seu existimatio, apud probos et honestos viros laeditur, seu aggravatur, licet Jure aliquo expresso non notetur infamia. De hac fit mentio in c. Testimonium. 54. h. t. illis verbis: Aut gravata sit ejus opinio. Item et in l. 2. ff. de Obsequiis a liberis etc. ibi: Licet enim verbis Edicti non habeantur infames: ita condemnari, re tamen ipsa, vel opinione hominum non effugiunt infamiae notam. Simile quid habetur in l. Ea quae. C. Ex quibus caus. infam. irrog. et can. Sunt plurimi. 6. q. 1. In quo posteriori loco dicitur, infamiam facti etiam ex vita bonorum oriri posse, quando haec ab ore vituperantium suffocatur; juxta illud Apostoli 2. Corinth. 6. Per infamiam, et bonam famam. Verum istud posterius non nisi improprie accipi potest: nam ex actibus bonis, ac virtutibus, nequit bona fama alicujus apud probos et honestos laedi; alioquin enim hoc ipso tales, ob conceptum temerarium judicium, non amplius forent probi et honesti.

Infamia Juris est, quae ab ipso Jure infligitur, seu decernitur, in certa crimina committentes. Atque haec inferitur dupliciter, videlicet vel ipso facto, vel per sententiam Judicis: juxta textum in can. Infames. §. Porro. 3. q. 7. ac notat Glossa ibid. §. Infamia. Abbas c. Testimonium. nu. 6. h. t. Bartolus, ubi supra, et alii.

Infamia ipso facto inferri censetur, quando haec delinquenti infligitur ipso Jure, absque ministerio Judicis: tunc enim eo ipso, quod quis facit aliquid prohibitum, ipsum Jus profert sententiam et infamiam irrogat. Et hoc est, quod dicitur ipso facto, id est, propter ipsum factum: seu (ut alii loquuntur) ipso Jure, hoc est, Jure ita sententiente, seu statente. Exempla eorum, qui secundum Leges ipso facto infamiam incurrunot, ponuntur in cit. l. 1. a princip. ff. De iis, qui notantur infam. ut sunt, ignominiose dimissi ab exercitu, histriones, exercentes lenocinia, et hujusmodi: quibus Engel h. t. n. 14. addit deprehensos in adulterio, contrahentes incestuosas nuptias, polygamos, ac sepulchrorum violatores.

Infamia per sententiam Judicis e contra inferri censetur, quando ea per Jus decreta fuit in committentes certa delicta, ita tamen, ut primum sit contrahenda, postquam quis per Judicis sententiam de tali crimine condemnatus fuit. Sic contingit, quando quis in Judicio publico, calumniae, praevericationisve causa quid fecisse judicatus fuerit: qui furti, vi bonorum raptorum, injuriarum, de dolo malo, et fraude suo nomine damnatus, pactusve erit, et hujusmodi: prout loquitur textus in cit. l. 1. §. Qui in Judicio. ff. De iis, qui notant. infam. ac per Leges sequentes ibidem amplius declaratur. Quibus in verbis est ponderandum ly, judicatus fuerit, damnatus erit. Unde Bartolus in cit. l. 1. §. Circa quam distinguendum, inquit, quod infamia non irrogetur ipso facto per Legem, nisi super facto aequatur sententia Judicis.

Et quidem infamia ipso facto contracta repellit testem a testificando statim, etiam non expectata sententia Judicis. Farinacius de Testibus, quaest. 56. n. 35. Secus dicendum de infamia, quae quidem a Jure, statuta est in delinquentes, non tamen ipso facto contrahitur; ac, proinde, donec aequatur condemnatio Judicialis super crimine admisso, testem a testificando non repellit. Farinacius loc. cit. nu. 35. et 36. post Tiracellum De revocand. donat. §. Revertatur. n. 385. et alios.

Resp. III. Praemissae duplici infamiae potest secundum Canones addi tertium membrum, videlicet



**Infamia Canonica:** hoc est, illa, quae irrogatur ex quolibet peccato mortali. Ita Glossa in *can. Infames*. 6. q. 1. §. *Fures*, ex textu illius Canonis concludens, quod omne crimen infamet secundum Canones. Speculator *tit. de Teste*. §. 1. n. 25. Fagnanus *c. Vestra*. n. 37. *de Cohabitat. Cler.* Idque ulterius desumitur ex *can. Omnes. et can. Illi qui*. 6. q. 1. In quo posteriori loco Fabianus Papa omnes eos, qui illa peccata perpetravit, de quibus Apostolus *ad Galat. cap. 5.* scribit: *Quoniam, qui talia agunt, regnum Dei non consequentur: valde cavendos esse dicit: quia infamiae maculis sunt aspersi.* Ubi proinde Glossa §. *Leges*, hanc infamiam appellat *Canonicam*: ac sequuntur Doctores jam allegati, et alii.

37 Quæritur II. Quinam secundum Canones censeantur Infames? Resp. I. Infamia Juris secundum Canones contrahitur ex omnibus criminibus, sive causis, ex quibus Jure Civili notatur quis infamia: nisi infamiam Jure Civili introductam Canones speciatim sustulerint. Ita communis. Et quidem prior pars patet ex *can. Omnes*. 6. q. 1. ubi Hadrianus Papa expressè sic loquitur: *Omnes vero infames esse dicimus, quos Leges saeculi infames appellant.* Concordat textus in *can. Infames*. 6. q. 1. ibi: *Infames esse dicimus omnes eos, quos Ecclesiasticas, vel saeculi Leges infames pronunciant.* Altera vero pars probatur ex *cap. ult. de Secundis nuptiis*: ubi infamia illa, quae Jure Civili in *L. 1. de Secundi nupt.* decreta fuerat in mulierem intra annum luctus nubentem, specialiter sublata fuit: eo quod nubens post obitum viri, etiam intra annum, concessa sibi ab Apostolo *1. Corinth. 7.* utatur potestate.

38 Resp. II. Quenam personae in specie censeantur Jure Canonico infames, refertur *cit. can. Infames*. 9. q. 1. Et sunt omnes, qui *Christianae Legis normam abjiciunt, et Statuta Ecclesiastica contemnunt*: similiter fures, sacrilegi, et omnes capitalibus criminibus irretiti, sepulchrorum quoque violatores, et qui adversus patres armentur: similiter inecatuosi, homicidae perjuri, raptores, malefici, venefici, adulteri, de bellis publicis fugientes, aut facultates Ecclesiae abstrahentes injuste, calumniatores, et omnes anathematizati, vel pro suis scelerebus ab Ecclesia pulsi: et omnes, quos Ecclesiasticas, vel saeculi Leges infames pronunciant. Concordat Textus in *can. Constitutus*. 3. q. 5. ubi Eusebius Papa, renovans cans Patrum statuta, denuo constituit, ut homicidae, malefici, fures, sacrilegi, raptores, adulteri, incesti, venefici, suspecti, criminosi, domestici, perjuri, et qui raptum fecerunt, vel falsum testimonium dixerunt, seu qui ad sortilegos, divinosque concurrerunt, similesque eorum nullatenus ad accusationem, vel ad testimonium sint admittendi, quia infames sunt; et justè repellendi, quia funesta est vox eorum. Haec ibi. Quamquam Glossa ibid. §. *Quia infames*, recte notet, illa verba, *quia infames sunt*, non esse referenda ad omnia supra dicta: quia Suspecti, et Domestici, non sunt infames, cui sint repellendi a ferendo testimonio.

39 Resp. III. Infamia Juris, quando orta est ex crimine occulto, tollitur per poenitentiam: acutus, quando oritur ex crimine manifesto, de quo quis per sententiam condemnatus fuit, aut quod aliunde notorium existit. Ita Glossa in *can. Illi qui*. 6. q. 1. §. *Nisi eis.* et Fagnanus *cit. c. Vestra*. n. 37. *de Cohabitat. Cleric.* ac Speculator *Tit. de Teste*. §. *Opponitur*. num. 86. Ratio est: quia ex crimine occulto, licet de Jure induceret infamiam, non laeditur existimatio, seu dignitas status delinquentis coram hominibus, utpote qui occulta cognoscere, vel de ipsis judicare nequeant: nisi forsan tale crimen postea propaleatur, seu ordine Judiciario

comprobatur; quia tunc sententia declaratoria Judicis super crimine admissio retraheretur, et infamia contraheretur. Farinacius *de Testib. quaest.* 56. num. 36. et alii.

40 Facit ad hoc textus in *cap. ult. de Temporib. ordinat.* ubi Clerici, qui per reatam adulterii, perjurii, homicidii, vel falsi testimonii, bonum conscientiae rectae perdidierunt, si talia crimina ordine Judiciario comprobata, vel alias notoria non fuerint, post peractam poenitentiam (excepto homicidio) non impediuntur sacros Ordines recipere, aut in susceptis ministrare: haud obstantia, quod ejusmodi crimina soleant inducere infamias Juris. Concordant dicta superius *Lib. 1. Tit. 6. de Electione*. §. 9. num. 226. et 227.

41 Porro infamiam Juris ex crimine manifesto subortam, auctoritative tollere, seu abolere, spectat solummodo ad Principem, sive ad Summum Pontificem, veluti Conditorem Canonis, arg. *c. Cum to.* 23. *de Sentent. et re judicat.* ac notat Glossa *fn.* et Barbosa *ibid.* num. 6. Covarruvias *lib. 3. Var. Resolut. cap. 3. num. 3.* Fagnanus in *c. Vergentius*. n. 38. *de Haeretic.* et alii. Adde istis proxime dicenda n. 46.

42 Quæritur III. An, et quando infames repellentur a ferendo testimonio? Resp. I. Regula est, quod infamis infamia Juris non admittatur ad testificandum tam in causis criminalibus, quam civilibus. Ita Farinacius *cit. quaest.* 56. num. 26. Mascardus *de Probat. Concl.* 1363. n. 2. et communis aliorum. Unde clare habetur de *can. Nulli*. 3. q. 4. et *can. Constitutus*. 3. q. 5. et *can. Testes*. 2. q. 7. et *Præterea*. 7. *de Testib. cogend.* cum similibus: Concordat textus in *L. 3. §. Lego Julia. ff. h. t.* ibi: *Alii vero propter notam, et infamiam vitae suae, admittendi non sunt ad testimonii fidem.* Accedit ratio: quia infamis caret fide, eo quod status ejus sit diminutus, et vita moribusque reprobatus: atqui fundamentum testimonii, est fides, *c. Forus. §. fn. de Verb. signif.* et notat Abbas in *c. Testimonium*. n. 6. *vers. Ego in hac materia. de Testib.* Deinde, ferre testimonium, est honor et dignitas, *can. Praeceptum*. 32. q. 5. ibi: *Generosae dignitatis testimonium: juncto c. Forus §. fn. de Verb. signif.* Simulque ferre testimonium, computatur inter actus legitimos, *l. Quoniam multi. C. de Haeretic.* ibi: *Omne testimonium, sicut et alias legitimas conversationes.* Atqui actus legitimi sunt infamibus interdicti, *c. Licet ex quadam.* 57. §. *Nec tamen. de Testib.* sicut et illa omnia, in quibus dignitas versatur, *c. Infamibus*. 87. *de Reg. Jur.* in 6. et *L. un. C. de Infamib. lib. 10.* ergo.

43 Et haec Conclusio ampliatur, seu extenditur ad Excommunicatum: nam is ad testimonium dicendum admitti non debet, quia reputatur inter infames, *can. Illi qui. et can. Infames*. 6. q. 1. Concordat textus in *c. Decernimus*. 8. *de Sent. excomm.* in 6. et *c. Excommunicamus*. 13. *de Haeretic.* ubi excommunicati non solum non admittuntur ad testificandum, sed etiam Juxta laicus ab Ecclesiastico compellitur per censuras ad eos repellendos. Adro, ut excommunicatus etiam non admittatur ad testificandum contra alium excommunicatum. Mascardus *de Probat. Concl.* 705. n. 4. Farinacius *quaest.* 56. n. 257. cum aliis.

44 Istud tamen de facto est intelligendum de excommunicatis vitandis: hoc est, nominatim denunciatis, aut notoriis percussoribus Clericorum, juxta Extravag. Martini V. *Ad evitanda.* Nam excommunicatus non vitandus potest quidem Juxta repellere a ferendo testimonio, si excommunicatio ejus publice nota est: non tamen tenetur eam repellere, nisi pars adversa encipiat, atque intra octo dierum spatium excommunicationem

- probet, *cap. i. de Exception. in 6. Layman lib. 1. Tract. 5. part. 2. cap. 2. n. 14. allegans communem; et amplius egometipse dixi in Theolog. Moral. Tract. 13. Dist. 2. n. 31. et 32.*
45. Resp. II. Infamis infamia Juris non solum est repellendus a ferendo testimonio, quando pars adversa excipit contra ipsum, opponendo infamiam Juris ab eo contractam, hancque probando: sed etiam parte non opponente, Judex ex officio potest ipsum repellere. Ita Glossa in *can. Alieni. 2. q. 7. §. Non possumus. Mascardus Concl. 1363. nu. 2. et 11. Farinacius ead. quaest. 56. nu. 34. et 36. et alii. Ratio est: quia infamis laborat vitio personae, quod redundaret in ignominiam Judicis, ad despectum Tribunalium si admitteretur in testem, *arg. L. 1. §. 1. ff. de Postuland. ubi in simili dicitur, quod Praetor suae dignitatis tuendae et decoris causa, quosdam a postulando removit. Concordat textus in l. Quos prohibet. juncta Glossa. §. Patiatur. ff. eod. Unde inhabilitas ad testificandum in Judicio, quae ex infamia Juris oritur, non est inducta favore partium, cui renunciari possit; sed odio, atque vitio personae, et ad conservandam dignitatem, publicumque decorem Tribunalium, facile diminuendum, si ibi passim admitterentur ad ferendum testimonium notorie infames: ac proinde ad officium Judicis pertinet, hujusmodi infames, veluti inhabiles, a testificando posse repellere. Concordant dicta superius §. praeced. num. 20.**
46. Resp. III. Ulterius infamis infamia Juris ob commissum crimen, est inhabilis ad testificandum, etiamsi de crimine illo jam fuisset emendatus. Ita Glossa in *c. Testimonium. §. Emendatus. et Abbas ibid. n. 1. et Felinus n. 34. de Testib. Mascardus Concl. 1363. num. 16. et 17. et alii. Ratio est: quia infamis etiam emendatus, non est testis integritatis fidei, sed remanet in antiqua nota infamiae, donec haec auctoritate Principis aboleatur: quia licet per poenitentiam animas salvare possimus, infamiam tamen abolere non possumus, *can. Euphemium. 2. q. 3. §. Hinc colligitur: sicque poenitentiam, talibus infamibus non prodest, quantum ad hoc, ut actus legitimi ab ipsis attentati valeant, donec per Principem in integrum restituantur. Secus dicendum, quando hujusmodi infamis a Superiore fuit dispensatus: quia tunc deletur macula infamiae, ac proinde censetur testis habilis. Mascardus loc. cit. n. 73. et alii.**
47. Solum nota, quod infamia repellens quempiam a testificando, attendi debeat pro tempore latum per eum testimonium: nam habilitas testium consideratur pro tempore depositionis. Gigas *Consil. 38. nu. 27.* Proinde, ut notat Mascardus *cit. Concl. 1363. n. 10.* cum aliis, inhabilitas, puta, infamia superveniens post depositionem, eam vitare non potest: nam quod ab initio legitime factum, seu rite ac secundum Leges actum fuit, non debet postmodum ex alio eventu retractari, *c. Pactum legitime. 73. de Reg. Juris, in 6. et l. Sancimus. C. de Administrat. tutor. Neque culpandus est, qui testem pro tempore idoneum produxit, si postea is malus et infamis efficiatur: quia divinare non tenebatur, l. Si Fidejussor. §. Si cum debitor. ff. Mandati. Farinacius *cit. quaest. 56. n. 94. cum aliis.**
48. Secus dicendum de eo, qui tempore praestiti juramenti adhuc fuit habilis, sed antequam ut testis deponat, sive testificetur, infamiam incurrit: talis enim repellitur veluti inhabilis: quia, ut proxime dictum, in testibus consideratur habilitas pro tempore depositionis, Abbas in *c. Testimonium. nu. 5. h. t. Mascardus loc. cit. n. 9. et alii. Quamquam hoc ipsum procedat solummodo de teste infami,*
- qui tempore depositionis jam reputabatur infamis: quod additur ob dicenda n. 54.
- Additur quoque notanter in data Conclusionem, *infamis infamia Juris.* Siquidem infames infamia facti, seu quorum fama et existimatio apud viros prudentes et honestos graviter laesa existit, in causis quidem criminalibus criminaliter motis excluduntur a testimonio (in istis enim requiruntur probationes indubitatae, et omni exceptione majores *cap. 1. de Exception. et can. Testes. 2. q. 7. et l. Sciant cuncti. C. de Probatione.*) nihilo minus in causis civilibus, et criminalibus civiliter agitis, ipsi regulariter admittuntur, licet eisdem de fide non parum diminuatur. Glossa in *c. Testimonium. 54. §. Emendatus. et Abbas ibid. n. 6. vers. Tertia scilicet infamia facti h. t. Ubi inquit, istam infamiam facti in criminalibus indubie repellere, sicut et in causis civilibus gravioribus, nisi quoad faciendam praesumptionem: in aliis autem eos admitti, licet plus, vel minus, aut nihil ipsis credatur, secundum qualitatem et quantitatem infamiae. Idem tenet Engel h. t. n. 16. Mascardus *d. Concl. 1363. num. 59. et 65. et Farinacius cit. quaest. 56. n. 100. et 115. ac seqq. allegans alios, atque fusius istam materiam declarans.**
- Resp. IV. Dantur nihilo minus plures casus, in quibus Regula superius posita de testibus infamia juris laborantibus non admittendis ad testimonium, fallit, estque limitanda. Patet hoc inductione. Sic quippe in primis accidit in criminibus exceptis, puta, in crimine Haeresis, laesae Majestatis, ac hujusmodi: in his enim propter eorum enormitatem, ac maximam, quam Reipublicae afferunt perniciem, admittuntur testes etiam infames in subsidium, et cum tormentis (prout limitat Jason *l. Cunctos populos nu. 67. C. de Summa Trinitat. et Farinacius cit. quaest. 56. n. 56. allegans alios*) ac praesertim socii criminum de se judicialiter confessi; prout jam supra *Tit. 18. de Confessis. §. 4. num. 98. et seqq.* dictum fuit. Ubi pariter, quae crimina sint excepta, et quantum probet depositio Rei de se confessi, et interrogati quoad socios criminum, uberius declaratur.
- Fallit secundo dicta Regula in casu, quo veritas aliter haberi non potest, quam per infames: quia tunc isti admittuntur pro probatione in subsidium, ut Judex ex eis eligat aliquam praesumptionem. Abbas *cit. c. Testimonium. nu. 6. vers. in aliis vero. et Felinus ibid. num. 11. h. t. Mascardus, ubi supra, n. 52. Farinacius cit. quaest. 56. n. 50. et 55. allegans alios.* Hinc secundum communem theoriam, de qua testatur Rolandus *Consil. 3. nu. 5. Infames admittuntur in delictis nocturnis, in quibus alii testes haberi non possunt: sicut et ad probanda gesta in prostibulis, admittuntur lenones, meretrices, et infames, eo quod aliae personae honestae communiter ibi non reperiantur: similiterque mota quaestione, quod quis luserit, et vicerit cum falsis tavillis, admittuntur similes lusores: cum tales personae simul conversentur, seque mutuo melius cognoscant; prout exemplificat Farinacius *loc. cit. num. 51. et seqq.**
- Atque haec fallentia vel maxime tunc procedit, quando neque actu, neque habita, potest veritas negotii sive delicti aliter haberi, hoc est, quando ex natura talis actus, seu criminis, non poterant alii testes occurrere: uti accidit in furto, adulterio, et hujusmodi criminibus, quae communiter in occulto fieri solent; item in illis, quae contingunt in Capitulo, intra domum, vel in alio loco abdito seu secreto, *arg. l. Consensu. §. Super plagis. C. de Repudiis.* At vero secus esset dicendum, ubi ex natura cujuscumque facti, v. g. in publica via peracti,

poterant alii testes occurrere, licet consensu non interfuerint; tenet Alexander *Consil.* 64. num. 5. et 6. lib. 1. Mascardus *de Probat. Concl.* 1306. n. 9. Farinacius *quaest.* 62. num. 62. cum plurimis aliis, quos allegant, asserentibus, quod tunc testes infames, vel aliunde inhabiles non admittantur ad testificandum: Quia, (inquiunt) ubi ex natura actus poterant alii testes intervenire, tunc est casus contingens, quod non interveniant; non autem est casus necessitatis, ob quam licitum est recedere a regula Juris communis; multa enim permittuntur, ob necessitatem, quae alias non permitterentur, c. *Quod non est licitum*, 4. de *Reg. Jur.* cum similibus. Oppositum tamen, nempe quod in casibus, ubi certum est, aut saltem verisimile, alios testes non adfuisse, licet ex natura actus intervenire possint, testes caeteroquin inhabiles sunt, admittendi in subsidium, ipsique fides adhibetur, si non ad condemnandum poena ordinaria, saltem ad infligendam poenam extraordinariam, vel ad torturam, esse tenendum; atque ita pluries so. vidisse servari, et quidem suo iudicio melius, asserit Id. Clarus lib. 5. *Practic. Crimin.* §. *fn. quaest.* 4. n. 20. Rationem dat: quia eadem ratio propter quam Doctores caeteri moventur, nempe difficultas probationis, ita militat quando constat alios testes non interfuisse, sive deus interesse praesumatur, sive non.

Notatur tamen n. 51. additum fuit, tunc isti admittuntur pro probatione in subsidium etc. Quia talibus personis infamibus non creditur quantum ad convincendum; sed quantum ad praesumptionem: unde si adsunt aliae praesumptiones, valent; per se autem non sufficerent, neque constituerent plenam probationem. Glossa in *cap. 1. Confessi*, et *Confessus*, de *Confessis*, estque dictum supra tit. 18. de *Confessis* n. 107. et seqq.

53 Fallit tertio eadem regula, quando infamis rogatus fuit ab utraque parte, ut testis esset: quia tunc praesumitur ejus fides mutuo partium consensu approbata, et sic creditur ei etiam sine tormentis; alias non. Glossa in *Auth. de Testibus*. §. *Et licet*. & *Et supplicis*. Collat. 7. Baldus in *cap. 2. n. 3. h. t.* Jason *cit. l. Cunctos populos* n. 67. C. de *Summa Trinitat.* Farinacius *quaest.* 56. n. 92. Mascardus *d. Concl.* 1363. n. 53. et alii.

54 Fallit quarto, si infamis tempore dati testimonii non reputabatur talis: tunc enim valet ejus testimonium. Desumitur hoc ex *L. 1. C. de Testament.* ubi in simili dicitur valere Testamentum, ad quod testis servus, sed communi opinione tunc reputatus liber, adhibitus fuit: ac notat Bartolus *ibid.* §. 1. inde concludens, quod debet inspicere conditio testis putativa eo tempore, quo adhibetur testimonium, non post. Alexander *Consil.* 24. n. 37. vol. 2. id ipsum docens de teste infami; ac pro se allegans Glossam *fn. in l. Cum lege ff. de Testament.* quae ait, quod infamis potest esse testis in testamento, nisi constet apud omnes, quod sit infamis. Mascardus, *ubi supra*. n. 55. Pirhing *h. t. n. 17.* Farinacius *d. quaest.* 56. n. 86. allegans plures alios. Tacentur nonnullae aliae fallentes, apud proxime citatos Auctores videntur: nam praemissae sunt caeteris notabiliores, scitque utiles.

55 Quaeritur III. Utrum, et quando Criminosi sint repellendi a ferendo testimonio? Ubi praenotandum, quod nomine Criminosi hoc loco non intelligitur ille, qui commisit crimen inducens infamiam Juris (de tali enim Criminoso in quaestione praecedenti dictum est) sed ille, qui commisit crimen grave, seu peccatum mortale, non habens annexam infamiam Juris. Et censetur quis Criminosus, sive de tali crimine jam fuerit in iudicio convictus, et confessus, aut condemnatus,

sive illud capiam nunc opponatur, et probetur: prout desumitur ex *c. Super eo*, 13. et *c. Testimonium*, 54. h. t. ac notat Farinacius *cit. quaest.* 56. de *Testib.* n. 128. et 129.

Porro Criminosus hujusmodi vel adhuc perseverat in crimine, vel jam est emendatus, nec eum comitatur infamia, *cit. c. Testimonium h. t.* Censetur autem quis emendatus, de crimine, quando probaverit se egisse poenitentiam, saltem per Sacerdotem: qualis probatio tunc requiritur, quando crimen non adeo est occultum, quin possit probari per testes. Abbas *in cit. c. Testimonium* n. 14. h. t. Probatio autem, quod quis poenituerit, amplius non dicitur talis, *can. Ferran. dist.* 50.

Quia Criminosus etiam post lapsum triennii praesumitur emendatus, si tanto temporis intervallo ab improbe factis se abstineat, et in bonis honestisque actionibus se exercuit. Desumitur hoc ex *Auth. de Monachis* §. *Sancimus ergo*. Collat. 1. ubi inter alia dicitur, quod etsi vitium in priori sorte gestum est vita, attamen sufficit ad mediorum purgationem peccatorum, et ad virtutis augmentum, triennalis temporis testimonium: ac notat Jason *l. Si prius* num. 43. vers. *Tu ergo dic ff. de Novi oper. nunciat.* Felinus in *c. Cum deputati*. a *princip. de Judiciis*. Mascardus *de Probat. Concl.* 466. n. 10. et alii ab his allegati. Quibus praenotatis

Resp. I. Loquendo de causis civilibus, vel criminalibus civiliter motis, tunc Criminosus jam emendatus, et quem non comitatur infamia, admittitur ad testimonium: repellitur autem, si nondum est emendatus, sed perseverat in crimine. Textus est in *d. c. Testimonium*. 54. et ibi Glossa & *Emendatus*. et Abbas num. 6. et Barbosa num. 1. h. t. Mascardus *de Probat. Concl.* 465. num. 1. et 6. Farinacius *d. quaest.* 56. num. 126. et 134. et seqq. et alii.

Atque istud spectato Jure Canonico procedit, dummodo crimen testi obiectum legitime probetur, etiamsi quis antea de eo nondum fuerit condemnatus: uti liquet ex *c. Super eo* 13. h. t. ubi Summarium, Jo. Andreas, et Abbas sic summant: *Crimen nunc probatum repellit testem, etiam alias de illo crimine non damnatum.*

Additur tamen, *spectato Jure Canonico*. Nam de Jure Civili, ut testis ob peccatum mortale, seu crimen non inducens infamiam Juris repellatur, requiritur ulterius, quod is de tali crimine autem judicialiter fuerit condemnatus: prout desumitur ex *L. 3. §. Lego Julia ff. h. t.* et *l. Athletas §. Calumniator ff. de iis, qui not. infam.* ubi dicitur, quod calumniator ita demum notatur infamia, si fuerit calumniae causa condemnatus: nequa enim sufficit calumniatum. Glossa *fn. in d. c. Super eo*. et Abbas *ibid.* num. 3. et Felinus *n. 3. h. t.* Pirhing *num. 19. eod.* Farinacius *d. quaest.* 56. num. 129. et alii. Qui proin hac ratione solvant contraria, et concordant Jura Juribus, dicendo, quod secundum Leges tunc detentum a ferendo testimonio repellatur Criminosus, quando jam fuit condemnatus de crimine: secundum Canones autem sufficit, quod nunc possit convinci, seu crimen contra eum probari.

Resp. II. Loquendo de causis criminalibus criminaliter motis, testis criminosus, ut supra, repellitur a testimonio indistincte: hoc est, sive perseveret in crimine, sive jam fuerit emendatus. Textus est in *cit. c. Testimonium* 54. h. t. ubi Glossa & *Confessus*. Abbas num. 1. Barbosa in *Collectam* num. 1. Farinacius *cit. quaest.* 56. num. 135. Pirhing *h. t. num. 22.* et alii ab his citati. Concordat *c. Super eo* 13. h. t. Accedit etiam ratio: quia criminosus,



- contra quem crimen est probatum, non est testis omnino integer; cum omne peccatum mortale, secundum Canones inducat infamiam canonicam, ut dictum supra num. 36. Atqui in causis criminalibus criminaliter motis requiruntur probationes apertissimae, et omni exceptione majores, *l. Sciunt cuncti. C. de Probat.* debentque testes esse sine omni infamia, suspitione vel macula manifesta, *cap. 1. de Exception. et can. Testes. 2. q. 7. et c. Super eo. 13. h. t. ergo.*
- 62 Atque illud ampliatur, ut etiam ex unico crimine quis repellatur a testimonio. Ita quippe desumitur ex textu *cit. c. Testimonium. h. t.* ubi a principio dicitur in singulari, quod merito reprobatum testimonium ejus, cui a parte adversa opponitur crimen. Abbas *ibid. n. 3.* Farinacius *loc. cit. n. 133.* et alii.
- 63 Dices, Judex criminis non infamis, nequit per exceptionem partis repelli a judicando; ut tenet Jo. Andreas *cap. ult. n. 4. de Cleric. excomm. minist.* Abbas in *c. Testimonium. n. 4.* Felinus *ibid. n. 4. h. t.* allegans plures alios; ergo nec testis criminis potest repelli a ferendo testimonio, nisi sit infamis. Resp. neg. consequent. et paritatem. Disparitas est: quia Judici semel constituto jus judicandi plene est acquisitum; sicque eo privari non debet, nisi causa cognita per Superiorem deponatur ab officio suo: secus est in teste criminis. Accedit alia ratio: tum quia majus periculum est in teste, quam in Judice: cum ab isto, si quis se gravatum senserit, possit appellari; non item a teste, postquam admissus est. Tum quia non praesumitur verum dicere, qui peccat in Deum, eo quod peccatum sit contrarium veritati, *can. Non potest. 2. q. 7.* ubi inter alia dicitur: *Non potest erga homines esse fidelis, qui Deo extiterit infidus:* ac proinde criminis merito repellitur a testificando. Secus est in Judice, quia non testificatur, sed inter partes dijudicat: nam hoc etiam criminis bene praestare praesumantur, exemplo Judicis iniquitatis, de quo *Luc. cap. 18.* fit mentio.
- 64 Resp. III. Dantur nihilo minus plures casus, in quibus criminis, sed jam emendatus, admittitur pro teste in causis etiam criminalibus criminaliter motis. Ita Mascardus *de Probat. Concl. 465. n. 10. et seqq.* Farinacius *cit. quaest. 56. de Testib. nu. 136. et seqq.* Jul. Clarus *lib. 5. §. fin. quaest. 24. nu. 19. et seqq.* et alii. Sic imprimis contingit in criminibus exceptis, juxta dicta *n. 50.* Secundo, quando veritas aliter haberi non potest: quia tunc etiam admittuntur testes infames, saltem in subsidium, ut jam dictum est supra *n. 51. et 52.* Multo magis igitur id ipsum est concedendum de Criminis non infami, simulque jam emendato.
- 65 Tertio id accedit parte non opponente. Nam quando pars adversa nihil opposuit contra testem criminis, quem sciebat esse talem, postea, seu post factam ejus examinationem amplius opponere nihil potest: censetur enim tunc in personam talis testis tacite consensisse, eamque approbasse, *arg. l. Si quis testibus. juncta Glossa §. Excipere. C. de Testib. Felinus c. Testimonium. num. 3. de Testib. Pirhing h. t. n. 45.* Mascardus *loc. cit. n. 22.* et alii.
- 66 Quia imo ad repellendum testem criminis non sufficit obicere crimen in genere; sed oportet, ut fiat specificatio ipsius criminis, istudque obiciatur, et probetur in specie, una cum adjunctione loci, et temporis. Desumitur hoc ex *c. Praesentium. §. penult. et ult. h. t. in 6.* ac notat Glossa in *c. Pastoralis. §. Protestato. de Exception. et c. Pia. §. Speciem. eod. in 6.* Mascardus *d. Concl. 465. num. 24.* Farinacius *loc. cit. num. 142.* allegans plures alios; et Jul. Clarus *lib. 4. §. fin. quaest. 23. num. 2.*
- post Boerium *Decis. 321. num. 2.* asserens, hanc esse communem opinionem. Quamquam notorie criminis possit Judex ex officio repellere, neque teneatur sequi dictum ejus. Ancharanus in *c. Testimonium. nu. 4.* et Felinus *ibid. num. 3. de Testib. Pirhing h. t. n. 25.* Farinacius *cit. quaest. 56. n. 145.* et alii. Adde in simili dicta paulo superius *nu. 45.* de Teste infami.
- Quarto testes criminosi possunt, et debent admitti, si producantur ad defensam, seu ad probandam innocentiam Rei. Pirhing *cit. num. 25.* Mascardus *de Probat. Concl. 1363. num. 17.* Farinacius *d. quaest. 56. n. 137.* Jul. Clarus *cit. §. fin. quaest. 24. num. 20.* allegans Speculatorem *tit. de Inquisitione. §. 1. num. 22.* et Ant. Gomesium *cap. 12. Delictorum. num. 23.* attestantem de communi opinione: quamvis subjungat, hoc ita esse intelligendum, non ut testes illi omnino probeant; sed ut deinde, inspecta facti, et personarum qualitate, Judicis ipsius religioni relinquatur, quanta eisdem fides sit adhibenda, juxta textum vulgarem in *L. 3. §. 2. de Testib.*
- Quinto admittuntur testes criminosi in illis causis, in quibus non requiritur plena probatio, sed sufficit aliqua levis et apparens: neque tunc admittitur testium repulsio. Menochius *de Arbitrar. judic. lib. 1. quaest. 32. num. 11.* Farinacius *quaest. 62. num. 206.* qui istud exemplificant in casu *L. ult. C. de Edicto D. Adriani tollend. Pirhing h. t. n. 25.* et alii.

## §. III.

De Servis, Impuberibus, Minorennibus, Mulieribus  
et Pauperibus, seu testibus minus idoneis.

## SUMMARIUM.

- 69 Servi, seu Mancipia, prohibentur simpliciter esse testes in Judicio.
- 70 Nisi in defectum aliarum probationum, ac in exceptis criminibus.
- 71 Servi tamen adscriptitii, et originarii sunt homines liberi, nec excluduntur a ferendo testimonio.
- 72 Pupilli et Impuberes, regulariter excluduntur a ferendo testimonio in quacunque causa.
- 73 An etiam in testamentis: adeo, ut eorum testimonium si ipso jure nullum.
- 74 Fallit data Regula in certis casibus. Et n. seqq. Impuberes possunt esse testes in matrimonio. *Ibid.*
- 75 Atque in causis civilibus, saltem ad faciendum indicium.
- 76 Et in criminibus exceptis, ac revelanda morte domini etc.
- Testes inhabiles quandoque admittuntur, non quantum ad probationem, sed quantum ad praesumptionem faciendam. *Ibid. et n. 79.*
- 77 Impubes, qui factus est pubes, potest testificari de iis, quae vidit in sua impubertate.
- Et quantum fidem mereatur ejus testimonium? *Ibid.*
- 78 In testamentis tamen impubes nequit esse testis, licet postea factus sit pubes.
- 79 Impuberis testimonium admittitur in nonnullis aliis casibus; et qualiter?
- 80 Pubes, minor tamen viginti annis, non potest esse testis in causis criminalibus, bene tamen in civilibus.
- 81 Nisi haec fuerint arduae, magnique praesudicii: et quae conseantur arduae?
- Haec aequiparantur causis criminalibus; et cur? *Ibid.*
- Bona temporalia, dicuntur vita hominis. *Ibid.*

82. Fallit illud in iis, quas sunt difficultis probationis etc.
83. Pubes major viginti annis, non repellitur a testimonio, etiam in causis criminalibus.
84. Mulier potest esse testis in causis civilibus.
85. Non item in criminalibus, saltem spectato Jure Canonico.
86. Et quid secundum Jus Civile?
87. In criminibus capitalibus tres foeminae contestes Reum non convincunt.  
Secus in furto v. g. quando agitur civiliter. *Ibid.*
88. Mulier nequit esse testis in testamento; nisi ad pias causas.  
Bene tamen in Codicillis. *Ibid.*
89. Mulieris testimonium non admittitur in causis feudalibus etc.
90. Neque in causis civilibus arduis.
91. Mulier potest esse testis in causis criminalibus civiliter motis.
92. Et quando de crimine agitur per modum denuntiationis, inquisitionis, vel exceptionis.  
Ac in nonnullis aliis casibus. *Ibid.*
93. Pauper, seu Testis pauper, quis?
94. Regula est, quod Pauper, vilisque Persona, non sit testis idoneus, et omni exceptione major.
95. Refertur sententia aliorum, contrariam regulam statuentium.
96. Sed defenditur prior regula. Et n. praeced.
97. Haec procedit cum primis in causis criminalibus.
98. Ac etiam in civilibus arduis, et magni praesudicii.
99. Secus in non adeo arduis.  
Ac in instrumentis. *Ibid.*
100. Imo et in ceteris quoque casibus admittitur Pauper ad testimonium, si persona ejus sit honesta, et nequaquam suspecta.  
Paupertas non est de genere malorum. *Ibid.*
101. Notabilis objectio contra praemissa, ejusque solutio.
69. Quæritur I. Utrum Servi possint ferre testimonium in Judicio? Resp. Inter eos, qui simpliciter prohibentur esse testes in Judicio, cum primis sunt Servi, seu Mancipia proprie dicta. Textus est in *Auth. de Testibus. §. Si vero dicatur*, juncta Glossa & *Ita sit Collat. 7. et can. Si testes. §. Servi. et §. Liberi. 4. q. 3. et c. Forus. 10. de Verb. signif.* ubi hujus ratio redditur, illis verbis: *Si liber, non servus: nam saepe servus metu dominantis testimonium supprimit veritatis.* Accedit, quod servitus mortalitati laeae comparatur, l. *Servitatem. ff. de Reg. Jur.* Unde etiam quoad actus legitimos, seu quod attinet ad Jus Civile, servi pro nullis habentur, ut dicitur l. *Quod attinet. ff. eod.*
70. Fallit hoc in defectu aliarum probationum: quia cum alia probatio ad eruendam veritatem non est, etiam Servi responso credendum est: prout limitatur in l. *Servi. ff. h. t. et l. Cum probatio. ff. de Probation. et cit. can. Si testes. §. Servi. 4. q. 3.* Fallit id ipsum in exceptis criminibus: cum in his admittuntur testes etiam inhabiles: ut c. *In fidei. 5. et c. Accusatus. 8. §. Licet de Haeretic. in 6.* Speculator cit. *de Teste. §. 1. n. 39.* Farinacius *de Testibus. quaest. 55. n. 173. et seqq.* estque in simili jam dictum supra tit. 18. *de Confessis. §. 4. n. 98. et seqq.*
71. Additur etiam notanter in data Conclusionis, Servi, seu mancipia proprie dicta. Nam secus est dicendum de Servis adscriptitiis, atque originariis. Hi enim, licet quandam cum Servis similitudinem gerant, eo quod sint adstricti Dominis suis ad colendam certam glebam: tamen re ipsa non sunt servi, sed homines liberi l. *Diffinitus. C. de Agri-*

col. et censit. lib. 11. et cap. 2. *de Judaeis*: Atque ideo a legitimis actibus, ferendoque testimonio non excluduntur, dummodo aliud non obstet. Glossa in cit. cap. 2. §. *Sint liberi. de Judaeis.* Speculator, ubi supra, n. 40. Pirhing. h. t. n. 8. et alii.

Quæritur II. Utrum, et qualiter Pupilli seu Impuberes, ac Minorennos, sint excludendi a ferendo testimonio? Resp. I. Pupilli, seu Impuberes regulariter excluduntur a ferendo testimonio in quacunque causa: idque sit ob lubricitatem consilii sui. Textus est in l. 3. §. *Lege Julia ff. h. t.* ubi Glossa & *Impubes. et §. Lubricum.* Speculator cit. tit. *de Teste. §. 1. num. 33.* Farinacius *de Testib. quaest. 58. num. 1.* allegans plurimos alios, et istud intelligens non solum in causis criminalibus, sed etiam civilibus.

Atque istud ampliatur, ut Impubes (haec est, masculos minor quatuordecim annis, et foemina minor duodecim annis completis) etiam non possit esse testis in testamento: ut §. *Testes autem. Instit. de Testament. et l. Hac consultissima. C. eod.* Adeo, ut impubers testimonium sit ipso jure invalidum et nullum, etiam parte non opponente. Farinacius cit. *quaest. 58. num. 13.* post Angelum in §. 1. n. 3. *Auth. de Testib.*

Resp. II. Nihilominus data Conclusio procedit solem regulariter, ac petitur nonnullas fallentias, in quibus Impubes admittitur ad testificandum. Probat hoc inductio, per quam patebit, etiam impubescentiarum locum habere vulgatum illud: *Nulla regula sine exceptione.* Sic imprimis loquendo de duobus testibus, qui praeter Parochum debent interesse matrimonio contrahendo in locis recepti Concilii Tridentini Sess. 24. cap. 1. *de Reform. matrim.* et quidem sub nullitate actus: hujusmodi testes possunt etiam esse impuberes, dummodo sint rationis compotes, et intelligant, quid agatur Barbosa part. 2. *de Offic. et potest. Episcop. allegat. 30. n. 138.* Sanchez lib. 3. *de Matrim. disp. 41. n. 4. et §. Layman lib. 5. Theolog. Moral. tract. 10. part. 2. cap. 4. nu. 6. et alii.* Siquidem Concilium Tridentinum loc. cit. ad valorem matrimonii, praeter Parochum, simpliciter requirit duos testes, neque ipsis requirit specialem aliquam qualitatem: ergo nulla alia requiritur praeter eam, quae Jure naturae est necessaria ad testificandum, nempe ut quis sit compos rationis, ac sufficienter intelligat, quid agatur. Accedit, quod citatum Decretum Concilii Tridentini, sit correctorium Juris Communis: ergo non est extendendum, sed, quantum patitur verborum proprietates, restringendum: eo praesertim, quod sit irritans matrimonium, cujus causa est favorabilis, cap. ult. *de Sentent. et rejudicat.*

Deinde allata Conclusio fallit etiam in causis civilibus loquendo de Impubere pubertati proximo, ac doli capace, arg. l. ult. juncta Glossa & *Potuerit. ff. de Liberal. caus.* Farinacius d. *quaest. 58. n. 15. et 16.* Quamquam, si Impubes pubertati proximus admittatur ad testificandum, non per hoc sit testis legitimus, sed faciat dumtaxat aliquod indicium. Glossa cit. in l. *Inviti. ff. h. t.*

Fallit insuper data Conclusio in criminibus exceptis puta, in crimine laesae Majestatis, arg. l. *Nullus. C. Ad Leg. Jul. Majestat.* junctis dictis supra n. 50. ac notat Vallensis h. t. §. 2. n. 1. et Pirhing n. 4. Item in casu, qui refertur in l. *Excipiuntur. ff. ad S. C. Syllanian.* ubi impubes servus, non longe distans a pubertate, punitur, eo quod non relevaverat mortem domini sui, quam sciebat: nam si tale ejus testimonium nullam faceret probationem, frustra illud exigeretur: simulque frustra impuberem, non relevantem interfectores domini sui, Lex puniendam decerneret. Specu-

latores tit. de Teste. §. 1. nu. 34. Farinacius d. quaest. 58. n. 15. 16. et 18. allegans alios. Ratio horum est: quia quandoque testes ceteroquin inhabiles admittuntur, non quantum ad probationem seu plenam fidem, sed quantum ad praesumptionem faciendam, seu aliquale indicium Iudici praebendum, arg. c. Cum I. et A. 22. juncta Glossa fin. de Sentent. et re judicat. et alia Glossa in cap. 1. §. Confessi de Confessis; estque amplius dictum supra Tit. de Confessis. §. 4. n. 107. ac seqq. Et ita accidit in proximis dictis casibus, in quibus impuberes admittuntur ad testimonium, non ut eorum dicta plene probent, sed ut inde Iudex haurire valeat indicia quaedam contra Reum.

77. Fallit insuper in Impubere, qui factus est pubes: nam is potest testificari de his, quae vidit in pupillari aetate, ac impubertate sua. Glossa in L. 3. §. Impubes. ff. h. t. Farinacius loc. cit. num. 53. allegans alios. Speculator loc. cit. n. 35. asserens, ita tenere omnes, praesertim loquendo de his, quae quis vidit pubertati proximus. Accedit ratio: tum quia pubes factus non prohibetur ullo jure testificari de his, quae vidit tempore impubertatis suae; et consequenter debet admitti; L. 1. §. Adhiberi. ff. de Testib. Tum quia experientia constat, puberes optimam habere memoriam, et recordationem eorum, quae post infantiam audierunt, seu viderunt; et licet tunc forte non intellexerint, quid revera inter alios ageretur, tamen post adeptam pubertatem melius talia discernere possunt; sicque de rebus illis merito tunc, testificari permittuntur. Quia tamen contingere potest, quod impubes propter suam inadvertentiam non omnia rite perceperit, hinc Iudicis arbitrio relinquendum est, quantum fidem ejus testimonium post pubertatem depositum mereatur; prout monet Engel h. t. n. 13.

78. Nota tamen, quod istud ultimum non procedat in testamentis. Esi enim pubes possit esse testis in testamento, non tamen sic est in impubere, licet postea factus fuerit pubes; nam in testamento jam a principio requiritur testis idoneus, et quidem quantum ad solemnitatem, ac substantiam actus, §. Testes. Instit. de Testament. cum similibus. Glossa in cap. §. Impubes. Farinacius d. quaest. 58. nu. 7. et 8. et n. 55.

79. Fallit tandem data Regula in nonnullis aliis casibus, in quibus testimonium impuberum admittitur, non quidem quoad plenam probationem, sed quoad indicium aliquod, seu praesumptionem faciendam. Sic fit, quando Iudex ex officio procedit; item in casu, quo aliae probationes haberi non possunt, et hujusmodi; prout fusius declarat Farinacius cit. quaest. 58. de Testib. per totum; estque in simili paulo superius dictum de Teste infami, et criminoso.

80. Resp. III. Quantum attinet Minorennos, etsi Pubes, minor tamen viginti annis, non possit esse testis in causis criminalibus: bene tamen potest is testem agere in causis civilibus, nisi hae fuerint arduae. Ita Speculator tit. de Teste. §. 1. nu. 34. Farinacius cit. quaest. 58. n. 10. et 13. Pirhing h. t. n. 75. et alii. Et quidem prior pars expressa habetur decisa l. In testimonium. ff. h. t. estque canonizata can. Si testis. §. In testimonium, 4. q. 3. Quo utroque in loco dicitur: In testimonium accusator citare non debet eum, qui iudicio publico reus erit, aut qui minor viginti annis erit. Ubi Glossa fin. istud intelligit in causa criminali: quod ipsum denotat ly, Accusator. Altera vero pars ex eo suadetur; quia Pubes nullibi reperitur prohibitus, testimonium ferre in causis civilibus; ergo hoc ipso debet admitti. L. 1. ff. h. t.

81. Additur tamen in Conclusionem ly, nisi hae fuerint arduae. Quia causae civiles arduae, magnique praedicti (ut est causa unica haereditatis, vel omnium

bonorum, aut majoris partis eorum, arg. l. Propter litem. §. 1. ff. de Excusat. tutor. et §. Item propter. Instit. eod.) arquiparantur causis criminalibus; ergo, cum minor viginti annis non possit esse testis in causis criminalibus, idem erit dicendum de causis civilibus arduis, magnique praedicti. Antecedens desumitur ex l. Advocati. C. de Advocat. divers. judicior. ubi Patroni causarum, seu Advocati: patrimonium hominum defendentes, dicuntur, laborantium spem, vitam, et posteram defendere. Ubi Glossa §. Vitam, inquit: Ut non perdant, quod habent. Ex quo inferunt Doctores, quod Bona temporalia dicantur vita hominis: nam ex ablatione omnium, aut majoris partis bonorum, vita non mediocriter laeditur, ac periclitatur, utpote quam sine alimentis transigere non possumus. Mascardus de Probat. Concl. 900. n. 8. citans alios. Sicque causa civilis ardua, puta, in qua agitur de amissione patrimonii, seu majoris partis ipsius, haud immerito arquiparatur amissioni vitae; uti notat Bartolus in l. Admanendi. §. Viso ergo, quando. ff. de Iurejurand. Jason l. Cunctos populos. num. 18. C. de Summa Trinitat. Baldus c. Cum causam. nu. 1. de Probat. Feliciusc. Insuper. n. 5. h. t. Mascardus cit. Concl. 900. n. 10. Farinacius quaest. 57. n. 26. Pirhing h. t. nu. 77. et alii.

Intellige tamen hanc limitationem, ut procedat regulariter duntaxat. Licet enim Impuberes, imo et minores viginti annis, regulariter non possint esse testes in causis criminalibus, vel civilibus arduis, ut dictum: fallit tamen istud in his, quae sunt difficultis probationis: quia tunc minores viginti annis, imo et Impuberes admittuntur, atque probant in praefatis causis. Farinacius d. quaest. 57. n. 29. citans plurimos alios; et rursus Consiliorum lib. 1. Consil. 31. n. 9. loquens in casu fractae pacis ob percussione in ira domum aliquis factam, quae cum ratione loci solitarii, et abditum, dicatur actus difficultis probationis, etiam minores viginti annis, imo et Impuberes ad testificandum admittuntur. Atque ita tenuit Rota in una separationis thori, apud Rubicum part. 12. Decis. 337. n. 15. et Rota, apud Eminent. Ottobonum Decis. 261. n. 9. Alexander Consil. 64. n. 5. et 6. lib. 1. Mascardus de Probat. Concl. 1253. n. 7. allegans alios. Tacentur aliae limitationes, seu casus, in quibus videlicet admittuntur Impuberes ad testificandum, sicque a fortiori admittendi sunt Puberes, etsi sint minores viginti annis, de quibus iam dictum est supra n. 74. et seqq.

Additur ulterius in data Conclusionem, minor tamen viginti annis, etc. Quia si Pubes est major viginti annis (haud obstante, quod adhuc sit minorennis, seu minor viginti quinque annis) tunc, is etiam in criminalibus non repellitur a ferendo testimonio: prout probat allegatus textus ex cit. l. In testimonium. ff. h. t. argumento a sensu contrario desumpto. Farinacius d. quaest. 58. num. 19. et 21. citans plurimos alios, hancque sententiam appellans verissimam, et magis communiter receptam; quidquid nonnulli in contrarium scripserint.

Quaeritur III. Utrum mulier possit esse testis, nec ne? Resp. I. In causis civilibus potest mulier esse testis; non item in causis criminalibus, saltem spectato Jure Canonico. Ita Glossa in c. Quoniam aliquae. §. Mulieres. h. t. Farinacius de Testib. quaest. 59. n. 1. et seqq. et nu. 32. ac seqq. Mascardus de Probat. Concl. 763. n. 1. et seqq. et Concl. 765. n. 1. Pirhing h. t. n. 66. et 69. allegans communiter DD. Et quidem loquendo de causis civilibus, textus est in l. Ex eo. ff. h. t. quae est canonizata can. Ex eo quod. 15. q. 3. ubi, argumento a sensu contrario desumpto, colligitur, etiam mulieres in iudicio testimonium dicendi jus habere. Concordat textus cap. 2. de Iudiciis. in §. ubi expresse testimonium mulierum in



- Judicis admittitur. Atque hoc esse intelligendum in causis civilibus, et matrimonialibus, recte notat Glossa in c. *Forus*. §. *Non foemina*. ff. de *Verbis signif.* istud ulterius probat ex c. *Tam litteris* 33. de *Testib.*
- 85 Nec obstat textus can. *Mulierem* 33. q. 5. ubi inter alia de muliere dicitur: *Nec docere enim potest, nec testis esse*. Nam, ut concordentur jura iuribus, dicendum est cum Glossa *ibid.* §. *Nec testis*, istud esse intelligendum in causis criminalibus. Quia enim in causis criminalibus criminaliter motis agitur de rebus maximi praedicii, nempe de morte: vel mutilatione hominis, aut hujusmodi: merito foeminae tum ob fragilitatem consilii, et lubrica vota sua, tum ob mutabilitatem et inconstantiam suapte naturae sexui illi congenitam, a ferendo testimonio in eisdem repelluntur: nam *varium, et mutabile testimonium semper foemina producit*: prout legitur c. *Forus* 10. de *Verb. signif.* Ac per hoc patet altera pars datae Conclusionis.
- 86 Notanter tamen in ea additur, *saltem spectato Jure Canonico*. Nam, quod secundum Jus Civile nec in criminalibus mulier a testificando repellatur, desumitur ex l. *Ex eo* ff. h. t. et notat Abbas c. *Quoniam* 3. h. t. et Farinacius *quaest.* 59. n. 17. et seqq. allegans communem, paucis exceptis. Sed de hoc Civilistae.
- 87 Infertur proinde, quod in criminibus capitalibus, et ubi agitur de poena mortis inferenda, tres foeminae contestes Reum non convincant. Farinacius *quaest.* 59. n. 29. allegans alios. Unde ulterius, licet furtum (rei alicujus gravis) si agatur civiliter, probetur per duas foeminas contestes; secus tamen est, quando agitur criminaliter. Farinacius *cit.* *quaest.* 59. n. 31. post Angel. Aretinum *Consil.* 71. n. 57. et 58. lib. 1. *Consil. Crimin.* et sequitur Pirhing h. t. n. 68.
- 88 Resp. II. Data tamen Conclusio plures patitur limitationes. Sic enim, loquendo de causis civilibus, mulier nequit esse testis in Testamento, §. *Testes autem*. *Instit. de Testament.* Etsi secus sit de Codicillo: ibi enim nullo jure reperitur rejecta mulier, quo minus testis esse possit: Glossa in l. ult. c. de *Codicill.* Imo etiam in testamentis ad pias causas, potest mulier esse testis; idque favore piae causae, et animae testatoris. Fagnanus c. *Cum esses* n. 34. et seqq. de *Testament.* et alii.
- 89 Insuper in causis feudalibus non admittitur testimonium mulieris, *text. clar. lib. 2. Feud. tit. 32. Qui testes sunt necessarii etc.* Nisi forsitan foemina esset illustris, et haberet feudum sub se: talis enim est idonea ad testificandum in causa feudali. Mascardus *Concl.* 765. n. 3. Farinacius *cit.* *quaest.* 59. n. 40. et alii, quos allegant.
- 90 Quia etiam in causis civilibus, ubi agitur de rebus arduis, seu magni praedicii (puta, ubi controversia est de omnibus bonis, vel majori parte eorum, l. *Propter litem* §. 1. ff. de *Excusat. Tutor.*) mulieres ob inconstantiam, et fragilitatem consilii sui, non censeantur testes: omni exceptione majores; adeo, ut duarum testimonium non efficeret plenam probationem. Siquidem causae civiles arduae aequiparantur criminalibus, ut dictum n. 82. adeoque in ipsis requiruntur testes magis idonei, et quibus nihil prorsus vitii potest opponi. Farinacius *cit.* *quaest.* 59. n. 37. et 38. Pirhing h. t. n. 66.
- 91 Loquendo etiam de causis criminalibus, quomvis spectato Jure Canonico mulier non possit esse testis, quando agitur criminaliter, seu ad sumendam publicam vindictam, ut dictum: nihilo minus, quando agitur de crimine soluti civiliter, v. g. ad compensationem damni illati, vel privationem Beneficii, admittitur etiam foemina in testem: ut c. *Tam litteris* 33. juxta Glossa §. *Foeminas* h. t.
- Idem est dicendum, quando agitur de crimine per modum denunciationis, inquisitionis, vel exceptionis: quia tunc etiam foeminae admittuntur in testes. Glossa *loc. cit.* et alia Glossa in c. *Quoniam* 3. juncto textu h. t. Farinacius *cit.* *quaest.* 59. num. 9. allegans plurimos alios. Tacentur crimina excepta, v. g. laesae Majestatis, Haeresis, et hujusmodi; item, quando est defectus aliarum probationum; vel ubi agitur ad defensionem alicujus, seu ad probandam ejus innocentiam; et generaliter omnes illi casus, in quibus infames de Jure Canonico ad testificandum admittuntur: nam in ipsis etiam, ac multo magis, admittuntur foeminae, juxta Glossam in can. *Mulierem* q. 5. §. *Nec testis*. Farinacius *cit.* *quaest.* 59. num. 8. et 10. ac seqq. allegans alios. Proinde videantur dicta superius §. 2. n. 50. et seqq.
- Quaeritur. IV. An Pauperes, vilesque Personae, a testimonio in judicio ferendo repellantur? Ubi praenotandum, quod Doctores non nihil variant, quis censeatur *Testis pauper*; uti videre est apud Alexandrum *Consil.* 15. num. 2. et seqq. lib. 3. Farinacius de *Testib.* *quaest.* 57. nu. 90. et seqq. et alios. Primo enim Glossa in *Auth. de Haeredib. et Falcid.* §. *Si vero absunt* §. *Substantiam*. *Collat.* 1. cum non paucis aliis voluit, illum dici Testem pauperem, qui non habet tantum in bonis, quantum valet causa: prout in simili non dicitur idoneus Tutor, qui non habet tantum in bonis, quantum habet Pupillus, §. *Sed et propter paupertatem*. *Instit. de Excusat. tutor.* Secundo Speculator *tit. de Testibus* §. 1. n. 61. pluresque alii volunt, Testem pauperem dici, qui non habet quinquaginta aureos in bonis: cui sententiae favet textus in l. *Nonnulli* ff. de *Accusation.* ubi legitur, quod ab accusando repellantur *nonnulli propter paupertatem: ut sunt, qui minus, quam quinquaginta aureos habent*. Priorem sententiam ait Alexander: et Farinacius, *ubi supra*, n. 92. loqui in causis civilibus, posteriorem in capitalibus. Tertia, et caeteris expeditior sententia asserit; *Pauperem* dici non solum illum, qui necessariis ad vitae sustentationem caret, (de quo nullus dubitat) sed etiam, qui convenientia ad sui status conditionem non habet; quamquam hoc ipsum Judicis arbitrio sit remittendum. Ita Glossa in *Auth. Praeterea* §. *Locuples*. c. *Unde vir*. Sperellus *Decis.* 156. *Fori Ecclesiast.* n. 17. et 20. Farinacius *cit.* *quaest.* 57. n. 93. hanc appellans veriore, magisque approbatam opinionem, pro qua etiam plurimos alios allegat. Menochius *lib. 2. de Arbitrar. Judic. cas.* 65. n. 7. asserens, quod crebriore calculo recepta sit opinio, hoc totum relinquens Judicis arbitrio, qui juxta personarum qualitatem judicet divitem, ac pauperem: Antonellus de *Regimin. Eccles. lib. 1. cap. 10. §. 1. n. 6.* Vincentius de *Justis Dispensat. matrim. lib. 1. cap. 7. n. 69.* citans Rotam *Decis.* 230. n. 4. *part. 6. Recent.* Et loquendo de tali teste paupere, qui judicis arbitrio convenientia ad sui status conditionem non habet; seu, qui decenter statum suum sustentare nequit.
- Resp. I. Regula est; quod Pauper, vilisque Persona non sit testis integer; et omni exceptione major: potest enim contra eum opponi paupertas, quae ipsi de fide diminuit. Textus est in l. 3. §. 1. ff. h. t. quae est canonizata can. *Si testes* §. *Testium fides* 4. q. 3. ubi inter alia in persona testium diligenter examinandum, et explorandum dicitur, *Utrum quis Decurio, an plebejus sit: An locuples, vel agens sit, ut lucri gratia quid facile admittat*. Quibus posterioribus verbis, etiam ratio datae regulae indicatur. Concordat can. *Imprimis* §. *Sed et de personis*. 2. q. 1. ibi: *Aut ne inopes sint: cum similibus*. Atque ideo hanc Regulam tenet Glossa in *cit. Auth. de Haeredib. et Falcid.* §. *Si vero absunt* §. *Substantiam*.

*Collat. 1. Speculator tit. de Testibus. §. 1. n. 61. Baldus c. Si quis testium. n. 5. h. t. Mascardus de Probant. Concl. 1161. n. 1. et seqq. Farinacius d. quaest. 57. n. 1. et 3. et 5. cum plurimis aliis, quos allegant.*

95 Etendum quidem, quod Socinus in *Fallentiis*, Reg. 189. post Glossam *fn. in c. Si qui testium. h. t. et L. 3. §. Egens. ff. eod.* statuit regulam contrariam, dicendo, quod Pauper ad testimonium regulariter admittitur, Cui concordat Pirhing *h. t. n. 76. et seqq.* dicens, quod Persona inops, nisi aliunde sit suspecta, in civilibus controversiis a testimonio ferendo in iudicio non repellitur; bene tamen in criminalibus causis, et civilibus arduis et magnis, quae criminalibus equiparantur. Quam suam regulam uterque postmodum varie limitat; adeo, ut re ipsa penitus inspecta, et pensatis inferius dicendis, parum, aut nihil a Conclusionem nostram differre videatur. Verum a data in Conclusionem regula non videtur recedendum: haec enim, sicut magis communiter a DD. est recepta, ita etiam rationabilior, Jurique conformior apparet, per textus *num. praeced. allegatos*. Accedit ratio: quia ex paupertate redditur testis suspectus: oritur enim in ipso praesumptio mendacii et corruptionis, sive quod *lucni gratia quid facile admittat*; prout loquitur textus *cit. L. 3. ff. h. t. et can. Si testes. 4. q. 3* ubi Glossa §. *Locuples*, id confirmat auctoritate Salomonis *Proverb. cap. 30.* petentis absentiam paupertatis, *Ne. (inquit) egestas te compulsius furor, et perjurem nomen Domini.*

96 Nec obstat, quod pauper, qui alias caret suspitione, bene sit admittendus ad testificandum, §. *fn. Instit. de suspect. tutor.* et notat Glossa *cit. §. Locuples.* et alia Glossa in *L. 4. §. Egens. ff. h. t.* dicens, quod agens ad testificandum admittitur interdum; quia non tam ex facultatibus, quam ex fide testis idoneus aestimatur. Non obstat, inquam: Nam regula ponitur de iis, quae frequentius et communius accidunt: atqui frequentius accidit, et pauperes potius corrumpantur, quam divites; unde et praesumptio juris inde oritur; donec probata pauperis integritate vitae, fide, moribusque elidatur. Atque hoc ipsum videtur innuere Glossa proxime allata, illis verbis, *Admittitur interdum*: his enim ultro fateatur, Regulam stare in oppositum, etiam interdum fallat, seu quasdam patiatur limitationes ad iustarum aliarum regularum. Farinacius *cit. quaest. 57. nu. 3.* cum aliis.

97 Resp. II. Data Conclusio, sive regula, cum primis procedit in causis criminalibus, utpote in quibus pauperes, vilesque personae non solum non censentur testes idonei, atque integritate fidei; sed etiam a ferendo testimonio penitus excluduntur, *arg. l. Nonnulli. ff. de Accusat. ibi: Nonnulli prohibentur accusare propter paupertatem: ut sunt, qui minus quam quinquaginta aureos habent.* Et ratio est: quia in causis criminalibus requiruntur probationes indubitatae, *l. Sciatis cuncti. C. de Probation. testesque omni suspitione, et macula carentes, cap. 1. de Exception. cum similibus.* Atqui istud non reperitur in teste paupere, utpote cui semper potest opponi exceptio paupertatis; ergo. Mascardus *Concl. 1161. num. 11. et seqq. Farinacius cit. quaest. 57. n. 15. et 16. et alii.*

98 Resp. III. Etiam in causis civilibus arduis, et magni praedicii, pauperes, vilesque personae non admittuntur tanquam testes idonei, omnique exceptione majores. Ita Farinacius *cit. quaest. 57. n. 26. et 27.* istud exemplificans in causa unius hereditatis, vel majoris partis honorum, *arg. l. Propter litem. §. 1. ff. de Excusation. tutor.* Mascardus *loc. cit. n. 16.* allegans Parisium *Consil. 188. n. 27. vol. 5. Pirhing h. t. n. 77. et alii.* Accedit ratio: quia causa civilis tam ardua, antiquae praedicii, equiparatur causae

criminali, juxta dicta superius *nu. 81.* ergo, cum in criminali pauperes vilesque personae non sint testes idonei, idem dicendum de causis civilibus arduis, seu magnis.

Disitur notanter, in causis civilibus arduis etc. 99 Quia in causis civilibus non adeo arduis seu magnis, non penitus repelluntur pauperes a ferendo testimonio in iudicio, convocat textus in *c. Si quis testium.* juncta Glossa §. *Paupertate. h. t.* ubi Iudex jubetur mittere ad recipiendum testimonium eorum, qui paupertate depressi personaliter ad Iudicem venire nequeant. Accedit, quod si aliter diceremus, multum angustaretur facultas probandi, contra *l. Quoniam. C. de Haeretic.* eo quod multo major sit numerus pauperum, quam divitum; prout argumentatur Farinacius *cit. quaest. 57. n. 13. et Pirhing. h. t. n. 76.* Huc adde quod in instrumentis pauperes, et viles non repelluntur pro testibus, cum per rogationem repellantur pro testibus, cum per rogationem a partibus tacite censeantur approbati. Farinacius *loc. cit. n. 97.* cum aliis.

Deinde per haec dicta non negatur, quia in 100 caeteris quoque casibus Pauper sit admittendus ad ferendum testimonium, si persona ejus caeteroquin sit honesta, et neutiquam suspecta propter suam paupertatem; juxta textum notabilem in *cit. c. Si quis testium. 8. h. t.* juncta Glossa *fn. et DD. ibid.* ac tenet Rota apud Rubeum *part. 12. Decis. 57. n. 12.* auctoritate Baldi *num. seqq.* referendi istud intelligens etiam in causa ardua, qualis fuit illa, in qua Rotalis Decisio emanavit. Quod ipsum procedit, licet pauper sit vilis, si tantum est vilis, quia pauper. Rota *loc. cit.* Concordat Menochius *lib. 2. de Arbitrar. Judic. cas. 96. n. 5. et 6.* plures alios allegans. Accedit ratio: quia paupertas non est de genere malorum, *can. Illa cavenda. 15. q. 1.* atque ideo se sola nequit quempiam a ferendo testimonio in totum excludere. Unde Regula proxime data solum vult, quod pauper non sit testis adeo idoneus, ut sit omni exceptione major: potest enim contra ipsum opponi exceptio paupertatis, donec haec probata pauperis integritate vitae, sinceraque fide elidatur, juxta proxime dicta *n. 96.* Judicia igitur arbitrio relinquenda est, quantum fidem mereatur testificatio pauperis, attendendo ad qualitatem personae et causae. Abbas in *cit. c. Si quis testium. n. 8.* et Felinus *ibid. n. 8. et Barbosa n. 4. h. t.*

Juvabit huc adducere notabilem distinctionem 101 Baldi in *d. c. Si quis testium. num. 5. h. t.* ubi quoad propositum aio objicit, suamque objectionem dissolvit. Ad verum dicendum (inquit objiciendo) quilibet est idoneus natura, nisi se depravet mentiendo; et magis creditur virtuoso pauperi, quam diviti vitioso; ergo. Resp. Aut incidit quis in paupertatem propter vitium suum; et non est idoneus testis: quia non solum rerum, sed famae suae prodigus est; et tunc repellitur: quia vitiosus in se, praesumitur vitiosus in alium multo magis, ut notatur in *l. Si aut sine vitio. C. de Sentent. pass.* Aut in eam incidit absque vitio suo, simulque existit bonae famae; et est idoneus testis. Aut nullius est famae, neque bonae, neque malae; et tunc minus ei creditur, nisi quod deficit in fide, suppleat numerus. Et breviter haec omnia committuntur Iudicis arbitrio, quia non potest dari certa descriptio; ut *L. 3. vers. Tu magis. ff. de Testib.* Ita notanter Baldus.

§. IV.

De Testibus inhabilibus ad testificandum,  
pro certis personis: puta, pro Filiis,  
Consanguineis, Domesticis etc.

SUMMARIUM.

- 102 Parentes regulariter prohibentur ferre testi-  
monium pro filiis, et e contra.
- 103 Ampliatur istud ad filium emancipatum.
- 104 Atque ad omnes Ascendentes, et Descendentes.  
Parentis appellatione, qui omnes comprehendan-  
tur? Ibid.
- 105 Regula hæc fallit in certis casibus. Et n. seqq.
- 106 Sic in probanda filii ætate testes esse possunt  
Parentes, et qualiter?
- 107 Item, quando agitur causa inter duos Filios.  
Pari affectionis causa, tollit suspicionem fraudis.  
Ibid.
- 108 Ampliatur istud ad Fratres, Consanguineos,  
Domesticos etc. inter se litigantes.
- 109 Parentes, alique Consanguinei, possunt testi-  
ficari in causa matrimoniali filiorum, quando  
agitur super consanguinitate etc.
- 110 Vel contractu matrimoniali, aut sponsalicio in-  
ter aequales inito.
- 111 Quid si filius in uxorem petat nam, quæ divi-  
tiis, nobilitate etc. longe est præstantior?
- 112 De consensu partis adversas potest pater esse  
testis pro filio.
- 113 Maritus pro uxore, et e contra, regulariter testis  
esse non potest.
- 114 Ampliatur istud ad Sponsum de futuro.
- 115 Et Concubinam, atque Amantem.
- 116 Consanguinei et Affines producentis, non sunt  
testes idonei adversus extraneos.
- 117 Prædicta fallunt accedente consensu adversa-  
rii: quia tunc Conjuges, Consanguinei etc. ad  
invicem possunt testificari.
- 118 Idem dicendum in factis antiquis, et aliis, quæ  
sunt difficilis probationis: quia etiam tunc reci-  
piuntur in testes ad invicem.
- 119 Et qualem probationem eorum testimonium tunc  
faciat?
- 120 Domestici, qui dicuntur?
- 121 Maritus, et uxor, sunt Domestici.
- 122 Quinam alii censeantur Domestici? etc. Ibid.
- 123 Nomen familiaris latius patet, ac nomen Do-  
mestici.
- 124 Domesticus ipsius producentis non est testis ido-  
neus, sed potest repelli.
- 125 Dantur nihilo minus aliqui casus, in quibus ad-  
mittitur testimonium domesticum.  
Ut, si domestici sint magnæ auctoritatis, et valde  
honesti, puta: Familiares Episcoporum etc. Ibid.
- 126 Item admittuntur Domestici, Consanguinei etc.  
ad defensionem Rei inquisiti, seu probandam  
ejus innocentiam.
- 127 Et ad forendum testimonium favore Ecclesie.
- 128 Aut, ubi quis est domesticus utriusque partis.
- 129 Vel, quando Domesticus partim deponit pro alio  
Domestico, partim contra ipsum.
- 130 Item in probandis factis, et delictis domesticis.
- 131 Domestici possunt adhiberi in testes instrumen-  
tarios.
- 132 Ad in nonnullis aliis casibus. Remissive.
102. Queritur I. Utrom Parentes possint esse testes,  
pro Filiis, et e contra? Resp. I. Inter eos, qui  
regulariter prohibentur ferre testimonium pro cer-  
tis personis, seu in favorem eorum, et contrarium.

sunt Parentes respectu Filiorum, et e contra: nam  
pater pro filio: et vicissim filius pro patre, re-  
gulariter non admittitur testis in Judicio. Ita  
communis: et patet ex l. Testis. ff. h. t. ubi  
dicitur: *Testis idoneus pater filio, aut filius pa-  
tri non est.* Concordat textus in l. Parentes. C.  
eod. et can. Si testes. q. 3. §. Testis idoneus. et §.  
Parentes. Idque merito statutum fuit propter natu-  
ralem affectionem, maximamque dilectionem, qua  
parentes filios, et filii parentes prosequi præsu-  
muntur: sicque eorum testimonium redditur su-  
spectum.

Atque istud ampliatur ad filium emancipatum: 103:  
hic enim non potest in testem produci ad favorem  
patris, nec e contra Glossa. 1. in l. Parentes. C. eod.  
et in can. Si testes. 4. q. 3. §. Filio. Ratio est: quia,  
licet per emancipationem cessat potestas patris in fi-  
lium, non tamen cessat paternæ in ipsum affectio,  
ratione cujus repellitur a testimonio. Speculator tit.  
de Teste. §. 1. n. 2. Farinacius de Testib. quaest. 54.  
n. 154. ubi n. 157. hoc ipsum tenet de Filio naturali,  
ac spurio, citans alios.

Ampliatur ulterius ad omnes Ascendentes, et De- 104:  
scendentes, tam in linea paterna, quam materna, et  
quidem in infinitum. Siquidem Appellatione paren-  
tis non tantum pater, sed etiam avus, et proavus, et  
deinceps omnes superiores continentur: sed et mater,  
et avia, et proavia, per textum expressum in l. Ap-  
pellatione. ff. de Verb. signif. Speculator loc. cit. n.  
2. et 3. Mascardus de Probat. Concl. 154. n. 3. Fa-  
rinacius d. n. 154. et alii.

Resp. Dantur nihilo minus certi casus, in quibus 105:  
bus valet testimonium Patris, vel Matris pro Filio:  
sicque limitanda est proxime allata Conclusio, et re-  
gula in ea posita. Ita Mascardus cit. Concl. 154. Fa-  
rinacius d. quaest. 54. num. 177. et seqq. ubi allegatis  
aliis Auctoribus plures tales casus enumerant. Idem-  
que probatur inductione.

Sic imprimis fallit data Conclusio, in probanda 106:  
Filii ætate. In hac enim probanda, possunt esse te-  
stes ipsimet parentes, utpote meliorem præ cæteris  
notitiam habentes: prout probat textus in l. Etiam  
matris. ff. de Probat. ibi: *Etiam matris professio de  
ætate filiarum recipitur: sed et avias recipienda est.*  
Quamquam Glossa ibid. §. Professio. et Mascardus  
Concl. 669. n. 12. et 13. et Farinacius cit. quaest. 54.  
n. 178. recte notent, quod professio matris de æta-  
te filii non recipiatur ut testis, seu ad inducendam  
efficacem probationem semiplenam ad iustar unius  
testis: sed tantum ejus testimonium faciat ad indu-  
cendam quandam præsumptionem, et leve indi-  
cium pro filio. Atque hoc vel maxime procedit,  
quando talis testificatio matris redundat in commo-  
dum filii cum alterius præjudicio. Mascardus cit. n.  
12. Simulque non adjuvat aliis adminiculis: ut pu-  
ta, libro patris, in quo annotata sit natiuitas filii.  
Farinacius cit. quaest. 54. num. 180. Mascardus d.  
Concl. 669. n. 15. et 16. ubi notat, quod concurren-  
te tali adminiculo mater probet ut testis. Pirhing h.  
t. n. 34. et alii.

Fallit secundo, quando causa agitur inter duos 107:  
Filios. Tunc enim pater potest esse testis pro uno  
filio contra alium: quoniam propter æqualem affec-  
tionem paternam, quæ erga utrumque filium ge-  
rere præsumitur, tollitur omnis sinistra suspicio, per  
textum in d. Non volum. §. De uno. ff. de Ritu nuptiar.  
ibi: *Quia pari affectionis causa suspicionem frau-  
dis amovet.* Mascardus Concl. 154. n. 29. Farinacius  
cit. quaest. 54. n. 203. et alii.

Atque hoc servata proportionem ampliatur ad Fra- 108:  
tres, Consanguineos, Affines, atque Domesticos  
inter se litigantes: quia similiter pari affectionis cau-  
sa remouet sinistram suspensionem, cit. l. Non solum.



*f. de Rita nuptiar. Glossa c. Postremo. 36. §. Consanguineus.* juncta Glossa marg. *ibid. de Appellat. Speculator tit. de Teste. §. 1. n. 10.* Farinacius *d. quaest. 54. n. 45. et n. 116. et quaest. 55. n. 89. et 92.* allegans plurimos alios.

109 Fallit tertio in causa matrimoniali filiorum. Quia enim unusquisque suam genealogiam tum ex testibus et scripturis, tum etiam ex recitatione Majorum, melius scire praesumitur: hinc, ubi agitur super consanguinitate, vel affinitate quorundam, possunt testificari Parentes, alique Consanguinei, *c. Videtur. 3. Qui matrimonium accus. poss. et can. De parentela. 35. q. 6. et c. Licet ex quadam. 47. h. t.*

110 Ampliatur istud ad contractum matrimonialem, seu sponsalium. Unde, si filia petat aliquem sibi aequalem in virum, et alterutra pars una cum alio teste asserat, filiae suae ab isto factam esse promissionem matrimonii, vel istud cum ea de praesentia contractum; tunc ob favorem matrimonii eorum, admittitur testimonium, *cit. c. Videtur. Qui matrimonium accus. poss. et c. Super eo. 22. juncta Glossa §. Cum mater. et Abbate n. 9. et Barbosa ibid. n. 4. h. t.* Idemque tradit Farinacius *de Testib. quaest. 54. n. 191.* Mascardus *de Probat. Concl. 1024. n. 23.* citans plurimos alios, et Pirhing *h. t. n. 36.* talem appellans plenam probationem.

111 Additur notanter, aliquem sibi aequalem etc. Quia si filius in uxorem, aut filia in virum petat quempiam, qui divitiis, nobilitate, potentia et honore longe est praestantior, tunc testimonium parentis de matrimonio deponentis redditur suspectum; sicque non est aliquatenus admittendum, nisi aliae sufficientes probationes concurrant. Ratio est: quia, cum parentes proles suae incrementum, et honorem diligere videantur, imo et ad proprium emolumentum pertinere arbitrentur; hinc attestatio eorum de sponsalibus, vel matrimonio inter jam disparem contracto redditur suspecta, atque ex nimio erga prolem affectu proficisci praesumitur. Accedit textus in *cit. c. Super eo. 22. h. t.* ubi Glossa §. Cum mater. et Abbas n. 8. istud limitans in parentibus valde honestis; et Barbosa *ibid. in Collectan. nu. 4.* id ipsum amplians ad parentes, et consanguineos, qui supra modum de matrimonio solliciti, illius exitum praecuperent: hoc ipso enim testimonium ipsorum redderetur suspectum. Hostiensis in *cit. c. Super eo.* ac Speculator *tit. de Testibus. §. 1. num. 4. et 5.* et Menochius *de Arbitrar. Judic. lib. 2. causa 102. n. 6. et 7.* Qui tamen tale parentum testimonium Judicis arbitrio censent esse relinquendum, ut inspecta qualitate personae, et affectionis, caeterisque circumstantiis dijudicet, qualis fides eidem sit adhibenda.

112 Fallit quarto de consensu partis tacito, vel expresso. Nam, quando adversarius, contra quem producit, expresse, vel saltem tacite (hoc est, non excipiendo contra testimonium ejus) consentiret, patrem esse testem, validum erit testimonium patris pro filio, *l. Si quis testibus. C. h. t.* cum prohibitio illa, ne parentes testificentur pro filiis, sit inducta in favorem ipsius adversarii, sicque hic possit eidem renuntiare, conformiter dictis supra §. 1. n. 17. et 18. Mascardus *d. Concl. 1154. n. 17.* Farinacius *cit. quaest. 54. n. 189.* apud quos nonnullae aliae fallacias videri possunt.

113 Quaeritur. II. Utrum Conjuges, Consanguinei et Affines, possint ad invicem esse testes? Resp. I. Maritus pro uxore, ac e contra Uxor pro marito suo, regulariter testis esse non potest, sed repellitur ad exceptionem alterius partis. Ita Glossa *can. Si testes. 4. q. 3. §. Imperari;* et alia Glossa *l. Sed et si quis. §. Domesticus. ff. Si quis cautionibus etc.* Spec-

ulator *tit. de Teste. §. 1. nu. 15.* Mascardus *Concl. 1429. n. 1. et 3.* Farinacius *cit. quaest. 54. n. 210.* allegans plurimos alios. Ratio est: tum quia uxor dicitur viro subjecta, *can. Mulierem. 33. q. 5.* ac proinde merito nequit esse testis pro viro: quia idonei non videntur esse testes, quibus imperari potest (a producente) ut testes fiant; prout habetur *l. Inveni. ff. h. t.* Simulque uxor censetur esse de domo, et familia viri, ac illius domestica, §. *Item is, qui aediu. Instit. de Usu et habit.* atque ideo repellitur a testimonio, *l. Etiam jure. C. h. t.* Tum quia inter virum et uxorem solet intercedere summa affectio, qua unus conjugum diligit alterum; cum sint duo in carne una, *Genes. cap. 1.* ac proinde, quidquid unus vult, et sentit, etiam alter velle et sentire praesumitur; sicque testimonium eorum ad invicem redditur suspectum. Atque haec posterior ratio est generalior prioribus, et aeque militat in viro ac uxore.

Ampliatur id ipsum ad Sponsam de futuro: nam et haec ratione affectionis, quam ad Sponsam suam habere praesumitur, a testimonio pro eo ferendo repellitur, Mascardus *cit. Concl. 1429. n. 4.* Farinacius *ubi supra, n. 215.* cum aliis.

Id ipsum extenditur ad Concubinam, et Amasiam. Concubina enim non distat ab uxore in affectu animi, sed solum in honore, *l. Item in legato. §. Parvi. ff. de Legat. 3.* Simulque amor puellarum subvertit verum iudicium; sicque testimonium inde procedens redditur suspectum. Mascardus *loc. cit. n. 5. et 6.* citans alios.

Resp. II. Insuper Consanguinei, et Affines illius, qui producit ipsos ut testes pro se adversus extraneos, non sunt testes integri, aeque plenam probationem inducunt. Ita Speculator *tit. 1. de Teste. §. 1. n. 14.* Farinacius *de Testib. quaest. 54. nu. 1.* Mascardus *de Probat. Concl. 68. n. 1. et seqq.* loquens de Affine, et *Concl. 412. nn. 1. et seqq.* loquens de Consanguineo. Pirhing *h. t. nu. 39.* intelligens hoc de causis criminalibus, vel civilibus arduis; et alij. Desumitur istud ex textu in *l. 3. §. 1. ff. h. t. et can. Si testes. 4. q. 3. §. Testium fides:* ubi inter alia, quae in persona testis, ut hujus testimonium suspicionem careat, examinanda caventur, habetur illud: *An sit amicus ei, pro quo testimonium dat:* juncto *can. Consanguinei. 3. q. 5.* De Affine idipsum estat expressum *can. Absens per aliam. 3. q. 9.* ibi: *Nec affinis testis admittatur, cum concordantiis.* Accedit ratio: quia tales non carent labe suspicionis, ob naturalem affectionem erga suos Consanguineos, seu Affines: unde non mirum, quod non sint testes omnino integri, sed possit contra eos excipi, *can. Accusatoribus. 3. q. 5.* cum similibus.

Resp. III. Ambae hae Conclusiones patiuntur nonnullas limitationes. Et primo quidem, eadem fallunt accedente consensu adversarii: nam tum conjuges, tum consanguinei et affines ad invicem possunt esse testes, quando ipsos pars adversa, contra quam producantur, sponte admittit ad testificandum contra se; sive dein eos admittat expresse, sive tacite, videlicet nihil contra ipsas, ipsarumque testimonium opponendo: potest enim, si vult, renuntiare favori pro se introducto, *c. Si diligenti. de Foro compet. Ita Jo. Andreas in Addit. ad Speculatorem. tit. de Teste. §. 1. n. 2. litt. F.* id firmans ex *h. ult. §. fin. C. de Temporib. et reparat. appellation.* Farinacius *de Testib. quaest. 54. n. 126. et 189.* Mascardus *de Probationib. Concl. 1154. n. 17.* citans alios; et concordant dicta superius n. 17. et 18.

Fallunt secundo in factis antiquis, eo quod sint difficilis probationis. Barbosa *c. In litteris. nu. 18. h. t.* citans alios. Quin etiam fallunt, si patiuntur quandam limitationem in aliis factis, quae sunt difficilis

probationis: seu talia, ut de illis veritas aliter, si-  
ve melius haberi non possit, quam per Conjuges,  
Consanguineos, Affines, quin et Parentes vel Fra-  
tres, ac hujusmodi: Tunc enim tam in civilibus,  
quam criminalibus, recipiuntur in testes. Farina-  
cius cit. quaest. 54. num. 76. post Rotam coram  
Caesare de Grass. Decis. 10. num. 11. et numer. 131.  
ubi in casu, in quo veritas aliter haberi non potest,  
etiam fratrem pro fratre in testem admitti docet:  
et quaest. 62. num. 56. et seqq. ubi hoc ipsum genera-  
liter tradit de testibus caeteroquin inhabilibus, et  
alias non admittendis: quia admittuntur in casibus,  
ubi veritas aliter haberi non potest; ut puta, si aga-  
tur de commissis in domo, eremo, nemore, vel alio  
loco secreto, c. Veniens. 38. §. fin. h. t. et cap. ult. juncta  
Glossa & Juramento. et DD. de Testib. cogend. et can.  
Si testes. §. Servi responso. 4. q. 3. et l. Consensu. §.  
Super plagis. C. de Repudiis. cum concordantibus.

- 119 Fatendum tamen est, quod talium testimonium ad  
invicem tunc admittatur, non quoad plenam proba-  
tionem (prout accidere solet in testibus integrae  
fidei, ac omni exceptione majoribus) sed solum-  
modo quoad faciendam qualemquam probationem.  
Judicis arbitrio discutiendam, et ad praebendum in-  
diciam duntaxat Farinacius cit. quaest. 62. n. 73. et  
quaest. 54. num. 70. ac quaest. 55. num. 53. allegans  
alios; et concordant dicta superius tit. 18. de Con-  
fessis. §. 5. num. 106. et 107.

- 120 Queritur III. Utrum Domestici sint testes idonei,  
nec ne? Ubi praenotandum, quod Domestici dica-  
tur illi, qui ex eadem domo sunt, et nobiscum  
habitant; ut inquit Spiegelius in Lexico Juris Ci-  
vili. §. Domestici. et Jo. Calvinus in Lexico Juri-  
dico. cod. §. Domestici. Sed quantum ad propositum,  
Domestici proprie appellantur, quibus imperari po-  
test ratione patriae, seu dominicae potestatis. Glos-  
sa in c. In litteris. §. de Familia. et Barbosa  
ibid. n. 23. h. t. Card. Tuschus Litt. F. Concl.  
72. Calvinus loc. cit. §. Domesticum autem; ubi in-  
ter alia inquit: Domesticum testimonium non ex  
consanguinitate, sed ex unitate subjectionis accipi-  
mus; id est ratione subjectionis quae unum efficiuntur.

- 121 Et hac ratione Domestici sunt maritus et uxor,  
ac liberi utriusque sub patria potestate constituti,  
§. In testibus. Instit. de Testament. et §. Item is. In-  
stit. de Usu et habit. cum similibus. Deinde  
etiam illi vocantur Domestici, qui in eadem domo  
sub potestate unius patrisfamilias diutius cohabitent:  
ut Famuli mercede conducti, ac Libertus respectu  
Patroni, in cujus domo moratur, l. Respicendum.  
§. Furta. ff. de Poenis. Tandem, sed minus pro-  
prie, inter Domesticas personas numerantur Co-  
loni, adscriptitii, Familiares, ac Mercenarii, qui  
apud nos degunt, etsi caeteroquin ratione patriae,  
vel domesticae potestatis nobis non sint subjecti,  
cit. §. Furta. et l. Praesenti. §. Sane. juncta  
Glossa & Domestica. C. de iis qui ad Eccles. con-  
fug. Et Glossa alia §. In testibus. & In ea re. In-  
stit. de Testament. Mascardus de Probat. Concl. 534.  
num. 5. Farinacius de Testib. quaest. 55. n. 6. et  
alii. Nam etiam tales censentur Domestici, arg.  
Auth. De Monachis. §. Cogitandum. Collat. 1. Et  
ratione majoris familiaritatis, seu amicitiae, quae  
ex tali mutua cohabitatione nasci solet, non cen-  
sentur pro se ipsis mutuo testes omni exceptione ma-  
jores. Farinacius cit. quaest. 55. numer. 8. et 12.  
Mascardus Concl. 534. numer. 3. et seqq. Qui ta-  
men numer. 4. post Stephan. Aufrerium tract. de  
Testibus. numer. 35. istud posterius limitat in illis,  
qui in eadem domo cohabitant aequaliter: nam  
tunc non adeo dicentur Domestici, ut eorum  
testimonium repelli posset.

- 122 Ubi sciendum, quod juxta Glossam c. In lito-  
REIFFENSTUEL Jus Can. Tom. II.

ris. §. De familia, et Abbatem ibid. numer. 5. h. t.  
nomen Familiaris latius pateat, ac nomen Dome-  
stici; et quod Familiares etiam nuncupentur, qui  
sunt de eadem Familia, seu Consanguinei. Sed  
est lis de nomine: nam conjuncti sanguine, licet eis  
non imperetur, sunt Familiares improprie: ut antea  
vere ac proprio quis dicatur Familiaris, duo requi-  
runtur copulative, nempe, ut actu intersit, et ut  
veluti commensalis vivat expensis Domini. Card.  
Tuschus Litt. F. Concl. 72. nu. 28. et 29 citans inter  
alios Decisionem Rotae in una Senescens. ac Stylum  
Curiae. Barbosa part. 2. de Offic. et potest. Episc.  
allegat. 5. num. 2. Idque desumitur ex Concilio Tri-  
denti. Sess. 14. cap. 2. de Reformat. ibi: Praeterea tu  
familiaritatis continuas commensalitates suas. Et  
Sess. 23. cap. 9. de Reformat. ibi: Episcopum fa-  
miliarem suum — nisi per triennium secum fuerit  
commoratus. Quibus praenotatis

Resp. I. Domesticus ipsius producentis non est 123  
testis idoneus, sed potest repelli a ferendo testi-  
monio. Ita communis: et procedit non solum in  
criminalibus, sed etiam in civilibus (sub limitatio-  
nibus tamen proxime affertendis) prout notat Farina-  
cius de Testibus, quaest. 55. num. 1. et seqq. ci-  
tans plurimos alios, ac fusissime istam materiam de-  
clarans. Textus est in l. Etiam jure. C. h. t. quae est ca-  
nonizata in can. Si testes. 4. q. 3. §. Etiam: quo utroque  
loco dicitur: Etiam Jure Civili domestici testimonii  
fides improbatur. Concordat textus in l. Testes eos. ff.  
h. t. canonizata pariter in cit. can. Si testes. 4. q. 3.  
illis verbis: Testes eos, qui accusator de domo pro-  
duxit, interrogari non placuit: cum similibus. Unde  
et Pontifex c. In litteris. 24. h. t. tres testes, quos  
Actor de sua familia produxerat, censuit esse repu-  
diandos: ac nulla ratione pro illorum testimonio,  
contra valorem matrimonii dudum contracti depo-  
sito, conjuges separandos. Ubi proin summarium ha-  
bet: Non sunt idonei testes, quos Actor de familia  
sua produxit.

Resp. II. Dantur nihilo minus aliqui casus, in 124  
quibus testimonium domesticum admittitur. Ita  
communis. Sic quippe contingit imprimis in Dome-  
sticis magnae auctoritatis seu valde honestis, et bo-  
nae conversationis ac famae: nam tales admittun-  
tur. Mascardus Concl. 534. n. 28. cum pluribus  
aliis. Barbosa c. In litteris num. 6 h. t. Bartolus in l.  
Etiam. n. 2. C. de Testib. ubi inquit, quod possit per-  
sona domestica tantae esse auctoritatis et dignitatis,  
quod ejus fides non reprobaretur: et hoc relinquen-  
dum est officio Judicis, qui investigabit de condi-  
tione personae, et qualitate: ut l. 1. in fin. ff. eod. et  
l. 2. ff. de quaestione. Haec Bartolus. Idemque tradit  
Farinacius cit. quaest. 55. nu. 82. allegans alios: ubi  
postea num. 127. istud extendit ad Familiares Epi-  
scopi, Abbatis, seu alicujus magni Domini, qui cum  
reputentur honestae, et laudabilis vitae, admittun-  
tur ad testificandum pro eorum Dominis, et ad ho-  
rum favorem. Quod ipsum ex professo, ac solutis  
contrariis, firmat Felinus c. in Litteris. n. 4. h. t. ci-  
tans plures alios.

Deinde admittuntur testes domestici (idemque 125  
dicendum de Consanguineis, affinis etc.) quan-  
do producentur ad defensionem Rei inquisiti, si-  
ve ad probandam illius innocentiam, seu ad exclu-  
dendam delictum probando negativam coarctatam  
loco, et tempore: puta, quod frater, consan-  
guineus, vel domesticus ille, qui ratione homici-  
dii commissi inquiritor, eodem tempore fuerit domi.  
Speculator Tit. de Inquisitione. §. 1. n. 22. et Ale-  
xander Consil. 5. numer. 6. et 8. id probantes tum  
ex can. Manifesta. et can. seq. 12. q. 1. et can. Cum  
Pastoris. 2. q. 7. tum ex c. Veniens. 38. §. fin. de Te-  
stib. et l. Consensu. §. Si autem. C. de Repudiis.

- Barbosa c. *In litteris*. n. 10. h. t. Mascardus *Concl.* 491. n. 4. et seqq. Farinacius d. *quaest.* 56. n. 70. citans plurimos alios, et commenta.
126. Uterius Domestici adajuntantur in causa civilibus ad ferendum testimonium favore Ecclesiae. Patet hoc ex can. *Super prudentia*. 14. q. 2. ubi Clerici pro sua Ecclesia testimonium ferre possunt ac notat Glossa. can. 2. dist. 29. §. *Negotio*. Mascardus *Concl.* 534. n. 35. Farinacius *quaest.* 55. n. 91. allegans alios.
127. Item, ubi quis est Domesticus utriusque partis: sive (ut alii loquuntur.) data aequalitate domesticitatis: quia, tunc, propter parem affectionem erga utrumque cessat ratio suspicionis: sicque admittitur ejus testimonium, l. *Non solum*. ff. de *Ritu nupt.* Mascardus cit. *Concl.* 534. n. 36. Farinacius loc. cit. n. 92. et alii: estque in simili dictum supra num. 107.
128. Atque istud ampliatur, quando Domesticus partem deponit pro alio Domestico, vel etiam Domino suo: et partem contra ipsum. Quia tunc, sicut fides testimonii non potest dividi: ita et testimonium illius domestici nequit pro parte acceptari, et pro parte rejici, arg. l. *Si quis testibus*. C. h. t. ac proinde, si adversarius vult uti ejus dicto, in quantum sibi faxet, pariter debet tolerare, ut valeat quoad alterum, in quo militat contra ipsum. Felinus c. *In litteris*. n. 3. h. t. Mascardus, ubi supra, n. 37. Farinacius n. 93. et alii.
129. Insuper Domestici testimonium admittitur in probandis factis, et delictis domesticis: nam de facili, quae domi geruntur, per alios probari non possunt, l. *Consensu*. §. *Super plagis*. C. de *Repudiis*. Felinus cit. c. *In litteris*. n. 6. h. t. Mascardus d. *Concl.* 534. n. 15. Farinacius n. 60. et seqq. citans alios.
130. Rursus Domestici possunt adhiberi, in testes instrumentarios, seu ad conficienda instrumenta, nam quando sunt rogati, et ab utraque parte approbati, nequeunt postmodum reprobari, sub praetextu, quod sint domestici, per regulam traditam in l. *Si quis testibus*. C. h. t. Farinacius d. *quaest.* 55. n. 38. istud limitans, dummodo altera pars non ignorasset qualitatem domesticitatis. Mascardus, ubi supra, num. 29. et 30. allegans alios.
131. Tandem domesticus testis admittitur in probatione aetatis hominis: haec enim commodius potest probari per domesticos, quam per extraneos. Farinacius num. 112. et concordant dicta superius num. 106. Item parte non opponente admittitur, ac probat testis domesticus: sicut et in factis antiquis: ac in quibus veritas aliter haberi non potest, juxta ea, quae in simili habentur supra num. 117. et seqq. et nonnullis aliis, de quibus fuit Farinacius, et Mascardus, ubi supra, et alii ab istis copiose citati.

## §. V.

De Testibus inhabilibus ad testificandum contra certas personas: puta, de Inimicis, et de Parentibus adversus Liberos suos, ac Judaeis adversus Christianos etc.

## SUMMARIUM:

132. Inimicus adversus eum, cum quo gerit inimicitiam, testimonium ferre non potest.
133. Etiam loquendo in criminibus exceptis.
134. Et factis occultis, ac difficilis probationis.
135. Intelligenda istud, quoad causas civiles de inimicitia gravi, seu capitali. Et num. seqq.
136. In causis tamen criminalibus quaelibet inimicitia, etiam levis, testem repellit.
137. Epit. istud in inimico reconciliato; et quando.

138. Item in inimico utriusque partis.
139. Testis inimicus probat contra producentem.
140. Inimicitia testis non praesumitur, sed est probanda ab allegante.
141. Ad eam probandam sufficiunt conjecturae.
142. et 143. Et, quales?
144. Parentes adversus liberos suos, et econtra, testes esse non possunt.
145. Idemque dicendum de Liberto, respectu Patroni.
146. In causis matrimonialibus admittitur testimonium Parentum adversus Liberos, in gradu prohibito contrahere volentes. Adeo, ut ad testimonium solius matris non prohibeantur matrimonium contrahere. Ibid.
147. Secus dicendum de matrimonio jam contracto, quod ad dictum solius matris non dissolvitur; et quae ratio disparitatis?
148. An testificatio parentum in causis matrimonialibus admittatur pro favore Liberorum? Remissivo.
149. Parentum testimonium contra filios, et econtra, admittitur in crimine laesae Majestatis, Haeresis etc. Filii nascuntur Patriae; et magis, quam parentibus. Ibid.
150. Item, quando utraque pars consentit.
151. Aut si veritas aliter haberi non potest.
152. Judaei ad testificandum in Judicio contra Christianos admitti non debent.
153. Ampliatur istud ad Paganos, Haereticos etc.
154. Imo et ad Judaeos, aliosque Infideles, noviter Eadem Catholicam conversos.
155. Tamen in instrumentis, contractibus, et testamentis, iidem admittuntur.
156. Sicut et in criminibus exceptis.
157. Testimonium Christianorum indistincto admittitur contra Judaeos.
158. In Judiciis servanda est aequalitas.
159. Et qualiter istud sit intelligendum?

Queritur I. An, et quando testimonium Inimici repellatur? Resp. I. Inter eos, qui auctoritate dicere testimonium contra certas personas, cum primis numerantur inimici: nam inimicus adversus eum, cum quo gerit inimicitiam, testimonium ferre non potest. Textus est in l. 3. ff. h. t. quae est canonizata in c. *Si testes*. §. *Testium fides*. 4. q. 3. ubi inter alia, testem a ferendo testimonio repellentia, explorandum dicitur, *An ei inimicus sit, adversus quem testimonium fert*. Concordat c. *Cum oporteat*. 19. de *Accusatione*. et Auth. de *Testibus*. §. *Si vero quis dicat*. Collat. 7. et can. *Accusatores, et testes*. 3. q. 5. In quo posteriori loco S. Anacletus Papa Epist. 3. cap. 5. ita scripsisse refertur: *Accusatores, et testes esse non possunt, qui ante hesternum diem, vel nudius tertius inimici fuerunt; ne irati nocere cupiant, vel laesi se ulcisci velint*. Quibus verbis, ut alias Concordantiae taceantur, redditur ratio datae Conclusionis: quia videlicet testimonium inimici redditur suspectum, eo quod animo nocendi, aut ulciscendi se de suo inimico procedere, sicque falsum esse praesumatur. Atque ideo Jure gentium rejicitur testimonium inimici, ne exinde condemnari contingat etiam innocentes. Menochius de *Arbitrar. Judic. lib.* 1. *quaest.* 28. num. 4. et seqq. Mascardus de *Probat. Concl.* 463. numer. 31. et *Concl.* 901. num. 1. et seqq. Farinacius de *Testib. quaest.* 53. num. 3. et communis aliorum.

Atque haec Conclusio ampliatur, ut procedat etiam in criminibus exceptis, ut puta, Haeresis, laesae Majestatis, aliisque talibus gravissimis delictis: nam.



- etiam in talibus inimici non admittuntur in testes contra suos inimicos, per textum in *q. Per tuas*. 32. §. *Nos vero de Simonia*. Mascardus *d. Concl.* 901. n. 2. et Farinacius *ad quaest.* 53. nu. 5. et seqq. citans plurimos alios.
- 134 Ampliatur ulterius in delictis, et factis occultis, ac difficilis probationis, aliisque causis privilegiatis: quia etiam in talibus testimonium inimicorum non admittitur; et si secus fiat, non solum non probat plene, aut semiplece, sed nec facit indicium, aut praesumptionem quandam: alioquin enim, si possent testificari contra suum inimicum in factis occultis, ampliorum visus haberent evadendi virus concepti odii in ipsum. Menochius *de Arbitrar. Judic. cit. quaest.* 28. n. 5. Birhing *h. 2. nu.* 53. Farinacius *d. quaest.* 53. n. 7. et 12. allegans plurimos alios cum communis: qui tamen *quaest.* 62. n. 283. hanc suam sententiam, seu quod testis inimicus examinatus, cum examinari non debuisset, nullum faciat iudicium, intelligi vult de inimicitia caputuli. Quod ut melius intelligatur.
- 135 Resp. II. Nihilominus proxime data Conclusio est intelligenda, duntaxat de inimicitia gravi, seu capitali: juxta Glossam in *c. Si testos*. §. *Inimicus*. 4. q. 3. et aliam Glossam *c. Per tuas*. 32. juncto textu *ibid.* §. *Inimicitias capitales de Simonia*. Sequitur, si nullae intercedant capitales inimicinium: quis propter alias non repellitur quis a ferendo testimonio, etsi minor fides eidem adhibetur, *Auth. de Testibus*. §. *Si vero quis dicat*. *Collat.* 7. et ibi Glossa §. *Non adsit*, et seqq. et Glossa *cit. c. Per tuas de Simonia*. Mascardus *d. Concl.* 463. n. 34. et alii.
- 136 Fatendum tamen, quod istud posterius procedat solum in causis civilibus. Siquidem in causis criminalibus (seu, in quibus venit imponenda poena mortis naturalis, aut civilis, vel mutilatio membrorum) testes debent esse omni exceptione maiores, ac omni suspitione, maculaque carere, *cap. 1. de Exception.* cum concordantiis: atque ideo quaelibet inimicitia, etiam levis, illos repellit a testificando. Farinacius *cit. quaest.* 53. n. 53. Birhing *h. 2. n.* 54. Imo in causis quoque civilibus, etiam levis inimicitia non repellat quempiam a testificando, nihilominus minus admissus non censetur testis idoneus, siue talis, qui faciat semipleceam probationem: ad ei de fide diminuitur tantum, quantum patitur qualitas inimicitiae prudenti Judicis arbitrio. Menochius *cit. quaest.* 28. n. 5. Farinacius, *ubi supra*, n. 54. allegans communem aliorum, paucis exceptis, qui voluerint, tales esse testes idoneos.
- 137 Resp. III. Ulterius data Conclusio prima patitur alias quasdam limitationes. Et quidem imprimis ea fallit in inimico reconciliato: nam hoc ipso amplius non censetur inimicus, sique admittitur ejus testimonium. Intellige, si est reconciliatus ab antiquo, sique concordiae et reconciliationis praesecerunt: secus enim est dicendum, si sit reconciliatus de recenti, ita ut adhuc odium, et animum nocendi retinere praesumatur, *can. Accusatores et Testes*. 3. q. 5. quod Judicis arbitrio relinquatur discernendum. Mascardus *cit. Concl.* 901. n. 9. Farinacius *d. q.* 53. n. 58. et alii.
- 138 Fallit deinde in inimico utriusque partis: nam sicut par affectio testem non repellit, *arg. l. Non solum*. §. *De uno*. ff. *de Rit. nuptiar.* ita nec eum repellit par odium. Farinacius *ibid.* num. 86. cum plurimis alijs.
- 139 Ulterius testis inimicus probat contra producentem. Generaliter enim, qui testes producit, censetur illos approbare: atque ideo ibi probant contra ipsum, etiamsi alias forent inhabiles, *l. Si quis testes*. juncta Glossa §. *Excipere*. *C. h. 2. et can. Si*. REIFFENSTUEL *Jus Can. Tom. II.*

testes. §. *Si quis testas*. 4. q. 3. Farinacius *ad quaest.* 53. n. 71. et 72. citans alios, et optimas alias fallentias adducens.

Solum nota, quod inimicitia testis probanda sit ab allegante non enim praesumitur inimicitia, veluti existens contra Jus naturale. Mascardus *de Probat. Concl.* 900. n. 1. et 3. Farinacius *lib. 1. Praxis Criminal. quaest.* 49. num. 126. et alii. Quia imo praesumi debet quis bonus, et amicus, donec contrarium probetur: quia haec est praesumptio naturae, quae inter nos cognitionem quandam constituit: ac proinde consequens est, hominem homini insidiari nefas esse, *l. Ut viri*. ff. *de Just. et Jur.*

Porro ad probandam inimicitiam sufficiunt conjecturae, dummodò causae illae, ex quibus oritur conjectura, seu praesumptio Juri de inimicitia, evidenter ac manifesto probentur: alioquin enim non censetur probata inimicitia. Farinacius *cit. quaest.* 49. n. 129. et 131. sic concordans diversas Doctorum sententias. Quia etiam inimicitia consistit in affectione animi, aliter quam conjecturis probari non potest. Abbas *c. Repellatur*. num. 2. *de Accusat.* Mascardus *d. Concl.* 900. num. 5.

Tales autem conjecturae, ex quibus Jus praesumit inimicitiam, etiam capitalem, oriuntur ex lite pignium, vel majoris partis bonorum, per alterum aibi mota, *c. Frequens*. §. *Illum autem*. *de Restitut. spoliat.* in 6. Item ex spoliatione unius magnoe quantitatis pecuniariae, vel alterius magnoe rei, puta, ex detentione terrae alienae, *c. Item cum quis*. 6. *de Restitut. spoliat.* in 6. et *c. Accedens*. 4. *Ut lite non contestata etc.* Farinacius *cit. quaest.* 49. n. 2. et seqq. Mascardus *d. Concl.* 900. n. 9. ac seqq. Et ratio ultior est: quia bona temporalia, praesertim in tam magna quantitate, vita hominis dicuntur, *l. Advocati*. juncta Glossa §. *Pitiam*. *C. de Advocatis divers. Judicior.* et tradit Baldus *l. In suis*. *C. de Oper. libertor.* Mascardus *loc. cit.* n. 8.

Deinde probatur, atque praesumitur inimicitia, etiam capitalis, eo quod quis occiderit meum consanguineum: item, quod quis vitae meae insidias paraverit: aut minus de occidendo sparserit, praesertim si potens est, ac solitus exequi minas: quin etiam ex verbis injuriosis poterit desumi capitalis inimicitia, *arg. c. Veniens*. 16. *de Jurejurand.* ac notat Baldus *ibid.* numer. 3. Item, si quis est amicus, vel affinis inimici mei: vel qui frequenter cum inimico meo habitat. Item praesumitur inimicus meus, qui inimicus est fratris, affinis, vel socii mei, ac hujusmodi: prout fusius declarant Mascardus, et Farinacius, *ubi supra*. Quamquam Judicis arbitrio esse relinquendum, quatenam in his vel illis casibus, atque circumstantiis, conjecturae sufficiant ad repellendam testem, veluti inimicum, recte notat Glossa in *c. Cum oporteat*. §. *Inimicos*. *de Accusation.* Menochius *de Arbitrar. Judic. lib. 2. cas.* 110. n. 2. Mascardus *d. Concl.* 900. nu. 44. asserens, in hoc omnes residere.

Queritur II. Utrum Parentes adversus Liberos suos, et e contra, sint admittendi ad testimonium? Resp. I. Parentes adversus Liberos suos, et vicissim Liberi adversus Parentes, in Judio testes esse non possunt. Textus est in *l. Parentes*. *C. h. 2.* quae est canonizata in *can. Si testos*. 4. q. 3. ibi: *Parentes, et liberi invicem adversus se nec volentes ad testimonium admittendi sunt*. Idque merito statutum fuit, hinc ob dilectionem, quam Jure naturali, ac Divino, tenentur parentes exhibere liberis suis, illinc ob reverentiam parentibus debitam a liberis: haec enim laederetur per testificationem adversus se in Judio factam, contra Jus naturale, et quantum praecceptum Decalogi.

Atque hoc ipsum ampliatur ad Libertam respectu

Patroni: nam ob consimilem reverentiam et gratitudinem, quam Libertus debet suo Patrono, ipsum in libertatem redigenti, nec volens, nec invitum, in testem contra eundem admittitur, *can. Episcopus, qui mancipium. 12. q. 2.* ubi sermo est de Liberto per Ecclesiam manumisso: et *l. Libertorum. C. h. t.* ubi non solum Libertas contra Patronum testificari non cogitur, sed testificans punitur.

146 Resp. II. Data Conclusio procedit quidem regulariter, patitur tamen quasdam limitationes. Et primo quidem in causis matrimonialibus, quando agitur de impediendo matrimonio per Liberos contrahendo. Nam, quia tunc agitur de reverentia Sacramenti Matrimonii, saluteque animarum, ac vitando peccato Liberos; simulque Parentes (imo, servata proportione, etiam consanguinei) melius prae caeteris posse praesumuntur parentelam, sive gradus consanguinitatis, et affinitatis suorum; idcirco ad dictum unius eorum non modica oritur praesumptio, quod contrahere volentes se linea consanguinitatis attingant: recte testimonium patris vel matris admittitur adversus Liberos suos, in gradu prohibito matrimonium, contrahere volentes, *can. De parentela. 35. q. 6. et c. Licet ex quadam. 47. h. t.* Adeo quidem, ut ad testimonium solius matris, quae prolem suam, matrimonio conjungendam cum alio, constituitur hinc esse consanguineam, matrimonium inter hos contrahi prohibeatur, *c. Super eo. 22. h. t.*

147 Additur notanter, matrimonio conjungendam. Nam secus est dicendum de matrimonio jam contracto: igitur enim neutiquam est dissolvendum ad dictum solius matris, sed opus est legitimo plurium testimonio, qui iudices deponant, eos qui putantur conjuges, esse consanguineos, aut alio impedimento dirimente laborare: prout expresse habetur decisum in *cit. c. Super eo. h. t.* Ratio disparitatis est: quia, ubi agitur de matrimonio jam contracto dissolvendo, nempe ob impedimentum dirimens postea cognitum, agitur tunc de reverentia et validitate Sacramenti Matrimonii, seu de illis, quos Deus conjunxit, homo separet; contra illud: *Salvatoris Marc. cap. 10.* tunc de magno praedjudicio ipsorum conjugum, susceptarumque prolium, si deinde ab invicem separarentur: talis autem incommoda non sequuntur, si impediatur duntaxat matrimonium inter aliquos contrahendum. Accedit, quod multa impediunt matrimonium contrahendum, quae non dirimunt contractum, *c. Quammodum. 23. de Jurejurand.*

148 Au autem, et quando testificatio parentum in causis matrimonialibus admittatur pro favore Liberos, jam dictum est supra §. 4. num. 109. et seqq. Hinc enim sermo est de Testimonio parentum adversus Liberos, sed in praedjudicium ipsorum, et contra.

149 Fallit ulterius data Conclusio in crimine laesae Majestatis, Haereticis, et aliis hujusmodi exceptis, et atrocissimis criminibus. Nam in his admitti testimonium parentum contra filios, et econtra, ex eo suadet: quia filii nascuntur Patriae, seu Reipublicae, *l. 1. §. Quamvis sit. ff. de Pontre inspiciend. et l. 1. §. Et generaliter. ff. de Pontre in possess. mittend.* Et quidem magis, quam parentibus, et inquit Glossa in *cit. §. Et generaliter. §. Reipublicae*, id probatur ex *l. Postliminium. §. Filius. ff. de Captivis et postlimin. revers.* cum similibus. Unde non mirum, quod in crimine laesae Majestatis, et aliis exceptis, ac Reipublicae summe periculosis sceleribus, admittatur testimonium filii contra patrem, et econtra. Ad hoc §. sicut facit Glossa in *cap. 1. §. Et Christiani de Conversione infidel.* in simili asserens, quod pugnantes pro patria, et Fide, pater in filium,

et filius in patrem iburgere debeat. Mascardus *Concl. 463. n. 9. et 10.* Farinacius *d. quaest. 54. n. 173. et 174. et alii.*

Fallit rursum, si utraque pars, pater videlicet et filius consentiat, ut unus volens contra alterum examinetur, atque deponat: quia concurrente voluntate utriusque nihil adest, quod tale examen impediat, cum quaelibet pars favori suo rennuciare possit. Farinacius *loc. cit. num. 176.* Pirhing *h. t. n. 65.* Quamvis Lorus *sic. de Testib. cogend. n. 4.* asseret, quod filius contra patrem etiam volentem audiendus non sit, cum Lex non distinguat, sed simpliciter audiri velit, *l. Parentes. C. de Testib.*

Idem dicendum, si veritas aliter haberi non possit: quia tunc parentes contra filios, et econtra, ad testificandum quoque a Iudice compelli possunt. Farinacius *ibid. numer. 171. et 172.* Jaf. Clarus in *Pract. Criminal. lib. 5. §. An. quaest. 24. numer. 22.* Qui tamen recte notat, quod Iudex, quantum fieri potest, debeat abstinere ab examinandis testibus, qui de Jure contra Reum non possunt compelli ad testificandum, et si casus occurreret, quod veritas aliter haberi nequeat, simulque crimen sit atrox, Iudex prius consulat Principem, antequam parentes contra filios, aut hujusmodi examinet.

Quaeritur III: Utrum sit admittendum testimonium Judaeorum adversus Christianos? Resp. I. Judaei ad testificandum in Iudicio contra Christianos admitti non debent. Textus est in *can. Non potest. 2. q. 7.* addita ex ratione: Tum quia non potest erga homines esse fidelis, qui Deo extiterit infidelis. Et infra loquendo de illis Judaeis, qui post Fidem Christi, dudum acceptam, quam tamen postea praevaricati sunt, se Christianos esse dicunt. Quia, sicut in fide Christi suspecti sunt, ita et in testimonio humano dubii habentur. Infirmari ergo oportet eorum testimonium, qui in fide falsi docentur, nec eis esse credendum, qui veritatis a se fidem abjecerunt. Haec ibi. Concordat textus in *l. Quoniam. C. de Haeretic.* cum concordantiis: estque communis et indubitata sententia, prout testatur Farinacius *quaest. 56. de Testib. num. 205.* citans alios.

Atque haec Conclusio ampliat ad Paganos, Haereticos, et quoscunque alios Infideles. Hi enim omnes, dum testantur contra Catholicos, sunt de veritate suspecti: Nam ex quo sunt Deo infideles, non praesumuntur fideles esse hominibus, veram Fidem Dei profitentibus; atque idem a testimonio contra Catholicos judicialiter ferendo repelluntur, *can. Pagani, et can. Si Haeretici. 2. q. 7. et can. Ipsa pietas. 23. q. 4. et cit. l. Quoniam. C. de Haeretic.* cum similibus.

Ampliat ulterius ad Judaeos, aliosque Infideles, noviter ad Fidem Catholicam conversos: nam etiam isti repelluntur a testimonio contra Catholicos ferendo in Iudicio, prout desumitur ex *can. Constituit. 17. quaest. 4.* juncta Glossa *ibid. §. Qui ex Judaeis.* Farinacius *d. quaest. 56. numer. 208.* Mascardus *de Probat. Conclus. 436. numer. 3.* Pirhing *h. t. numer. 61. et alii.* Ratio est: tum quia in similibus inimicus noviter reconciliatus repellitur a dicendo testimonio, *can. Accusatores et testes. 3. quaest. 5.* estque paulo superius dictum *numer. 137.* Tum quia tales appellantur Neophyti, qui veluti multa adhuc indigentes probatione, juxta monitum Apostoli *1. Timoth. 3.* a susceptione Ordinum repelluntur, *can. 1. dist. 48.* sicque pariter repellendi sunt a ferendo testimonio: nam haec duo quoad propositum aequiparantur, *cap. ult. h. t. illis verbis: Ab accusatione, ac susceptione Ordinem repellantur.*

Intellige tamen datam Conclusionem iudicium cum

vis ampliationibus, de testimonio a Judaeis contra Christianum ferendo in judicio ad dirimendas lites. Siquidem in instrumentis, contractibus, et testamentis eorum testimonium non est interdictum, sed propter utilitatem necessariis usibus sine ulla distinctione admittitur, ne probationum facultas angustetur: prout loquitur Imperator in cit. l. Quoniam C. de Haereticis, et amplius declarat Glossa in et Bartolus ibid. Baldus in l. Cunctos populos. C. de Summa Trinitate. Mascardus d. Concl. 946. n. 11. Farinacius cit. q. 56. n. 221. allegans alios.

156. Limitatur eadem Conclusio in criminibus exceptis: sicut et in casibus, in quibus veritas aliter haberi non potest, arg. c. In fidei. 5. de Haereticis. in 6. Ubi excommunicati, et participes, et socii criminis, ad testimonium admittuntur contra alios Haereticos, Fautores, Receptores, et Defensores eorum; praesertim in probationum aliarum defectum: si ex verisimilibus conjecturis, et ex numero testium, aut personarum tam deponentium, quam eorum, contra quos deponitur, qualitate, ac aliis circumstantiis, sic testificantes falsa non dicere praesumantur. Haec ibi. Concordat c. Contra Christianos. 13. eod. in 6. ac tradit Mascardus cit. Concl. 946. num. 9. Pirhing h. t. n. 62. Farinacius d. quaest. 56. numer. 227. allegans alios. Quamquam statim numer. 228. subjungat, quod tunc Judaeus, aliunde Infidelis, non sit testis integrae fidei, atque omni exceptione major, neque faciat plenam probationem, sed indicium ac praesumptionem solum: prout et allegatus textus c. In fidei. de Haereticis. in 6. claresupponit.

157. Objicies majoris charitatis gratia contra datam Conclusionem. Testimonium Christianorum indistincte admittitur contra Judaeos: ergo etiam vicissim testimonium Judaeorum contra Christianos recipiendum est. Antecedens patet ex c. Judaei. 21. h. t. ubi Alexander III. in Concilio Lateranensi sic decrevit: Testimonium quoque Christianorum adversus Judaeos in omnibus causis (hoc est, tam in civilibus, quam criminalibus) cum illi adversus Christianos testibus suis uti praesumant, recipiendum esse censuimus. Concordat Clem. Cum Judaei eod.

158. Consequentia vero probatur: quia in Judiciis servanda est aequalitas: ut cap. 2. de Mutuis petitionibus etc. Cum inter 5. de Exceptionibus et l. In sacris scriniis militantes. 5. Et quoniam. C. de Proximis sacror. scribitor. Ubi dicitur: In controversiis, quas in Judiciis moveri contigerit, aequalitatem litigatoribus volumus servari, et adversariis eorum, cum similibus. Resp. concessio antecedente, negando consequentiam.

159. Ad hujus probationem dicitur cum Glossa in cit. Clem. Cum Judaei q. Juri. h. t. quod aequalitas illa, quae in Judiciis observanda est, respiciat personas Actoris, et Rei: ita videlicet, ut regulariter non liceat Actori, quod Reo licitum non existit, prout loquitur Reg. 32. Jur. in 6. Non vero aequalitas illa debet respicere personas testium alioquin enim sequeretur, quod cum vir probus, ac fide dignus, non recipiat testem criminis vel excommunicatum contra se, nec ipse contra illum in testem recipi possit: quod utique est absurdum.

## §. VI.

De Testimonio Laicorum contra Clericos, et contra.

## SUMMARIIUM.

160. Laici in causa criminali Clericorum regulariter testimonium ferre non possunt. Et num. seqq.

RIFFENSTUEL Jus Can. Tom. II.

161. Laici sunt Clericis oppido infesti.

162. Cur. Laici possint Clericos accusare, non vero contra eos testimonium dicere?

163. Criminaliter agitur contra Clericum quando agitur ad Degradationem, vel depositionem ab Ordine.

Ad hanc propositio tendit accusatio Clericorum. Ibid.

164. Civiliter agitur contra Clericum, quando agitur ad restitutionem rei alienae, vel ad privationem Beneficii.

Laicus potest testificari contra Clericum in causis civilibus. Ibid.

165. Imo et in criminibus exceptis.

166. Sicut et in crimine notorio, ac probatione infamiae.

167. Et ob defectum testium Ecclesiasticorum.

168. Clerici non admittuntur ad testimonium contra Laicos in causa criminali.

169. Etiam si non agatur de imponenda Laico criminali poena sanguinis: quamvis nonnulli contrarium teneant.

170. Ubi agitur ad poenam sanguinis irrogandam, nullo modo potest Clericus esse testis.

Ne quidem in criminibus exceptis. Ibid.

171. Etiam si protestetur, se nolle deponere ad causam sanguinis.

Solvitur instantia ex c. Praelatis. de Homicid. in 6. desumpta. Ibid.

172. Potest Episcopus Judici laico concedere licentiam exhumandi corpus occisi, ut constat de corpore delicti, absque irregularitate.

Non tamen potest Judex laicus a Loco sacro illud exhumare inconsulto Episcopo. Ibid.

173. Potest etiam Clericus testificari in causa criminali pro Laico, seu ad ejus defensionem.

174. Item, quando Laicus accusatur de crimine coram Judice Ecclesiastico.

175. Et ubi veritas aliter haberi non potest, nec agitur ad poenam sanguinis.

176. In hisce casibus Clerici ad testificandum cogi possunt per Judicem saecularem.

177. Sed Episcopus ejus, ad requisitionem Judicis saecularis, debet per se, aut per alium, examinare Clericum.

178. An tale examen Clerici contra Laicum, possit jubente Episcopo fieri per Judicem saecularem?

179. In causis civilibus potest Clericus contra Laicum ferre testimonium.

Sicut, et quando de crimine solum agitur civiliter. Ibid.

180. Clericus ratione Ordinis est testis magis idoneus, quam Laicus.

181. Saltem regulariter.

182. Clerici non possunt esse testes in Instrumentis saecularium, cum. Quamquam. 14. q. 2.

183. et 184. Et quomodo istud intelligendum?

185. Stante rigore Juris Canonici, validum est testimonium Clerici, vel Monachi, in causis civilibus Laicorum sine licentia Superioris.

Quaeritur I. Utrum Laici possint ferre testimonium in Judicio contra Clericos, et quando? Resp. I. Laicus contra Clericum in causa criminali regulariter testimonium ferre non potest. Textus est in can. Nullus Laicus 2. q. 7. ibi: Nullus Laicus audeat Clerico crimen inferre: juncto can. Beatus Petrus 6. q. 1. cum concordantiis. Unde Alexand. III. in c. De castro. 14. h. t. in haec verba rescripsit Salernitano Archiepiscopo: De caetero Laicos in accusationem, vel testimonium contra Clericum in criminali causa non esse aliquatenus admittendos, censura Sacrorum Canonum manifestus edocet: Nisi forte sum, vel tuorum: injuriam prosequantur. Nec tunc etiam ad testimonium, sed ad accusationem possunt admitti. Haec ibi.



- 161 Accedit ratio: Tum quia Laici non sunt ejusdem conversationis, nec paria dignitatis cum Clericis: quin imo Clerici sunt patres, et rectores ipsorum; *can. Absit. 11. q. 3. et can. Duo sunt genera. 12. q. 1. cum similibus.* Unde propter reverentiam Clericis debitam, et quorum castitatem et gravitatem nolunt imitari, recte Laici eos impetere prohibentur, *can. Laicos. 2. q. 7.* Impetere autem, si contra Clericos testimonium judicale in causa criminali ferrent. Tum quia tale testimonium Laicorum contra Clericos, est suspectum: nam Laicos oppido Clericis infestos esse, ipsa tradit antiquitas; *cit. can. Laicos et can. Laici in accusatione. 2. q. 7. et c. Clerici. de Immunitat. Eccles. in 5.* Mascardus *de Probat. Concl. 1365. n. 44. et alii.*
- 162 Dices. Possunt Laici in causa criminali agere contra Clericos, istosque accusare, saltem *ad suam, vel suorum injuriam prosequantur*, juxta allegatum textum, *cit. c. De caetero h. t.* ergo a pari possunt etiam testificari contra eos. Resp. neg. consequent. et paritatem. Disparitas est: quia testimonium dicere, est majoris praejudicii, quam accusare. Index enim tenetur ferre sententiam secundum allegata, et probata per testes: non vero secundum propositam accusationem, *can. Judicet. 3. q. 7. et l. Rem non novam. C. de Judiciis, cum similibus.* Et hinc fit, quod Laici, dum suam, vel suorum injuriam prosequuntur, merito admittantur ad Clericos criminaliter accusandos, non vero ad testificandum contra ipsos: quia ex hoc posteriori facile damnum irreparabile Clericis accideret, si Laici contra illos juxta antiquum suum affectum sinistram male testarentur: non item ex priori.
- 163 Additur notanter in data Conclusionem, *in causa criminali.* Siquidem ipsa procedit solum in causis criminalibus criminaliter, motis contra Clericos; puta, ubi agitur ad Degradationem, vel depositionem ab Ordine: ad hanc enim proprie tendit accusatio Clericorum, *c. Qualiter et quando 24. §. Verum ita. de Accusatione.* Et in talibus causis regulariter Laici, veluti suspecti ob antiquam infestationem Clericorum; contra hos, in testes non admittuntur.
- 164 Secus dicendum est in causis civilibus, vel quando de crimine solum agitur civiliter; puta, ad restitutionem rei alienae, vel ad privationem Beneficii, nam etiam tunc dicitur agi civiliter solum, ut patet ex *c. Per tuas. 32. §. fin. de Simonia.* Quando enim civiliter duntaxat agitur, tunc Laicus admittitur, in testem contra Clericum; prout desumitur ex *c. Quoniam. 3. h. t.* ac notat Abbas in *cit. c. De caetero num. 6. et Barbosa ibid. n. 4. h. t.* argumento a sensu contrario, desumpto. Mascardus *cit. Concl. 1365. n. 54. Farinacius quaest. 61. de Testib. n. 120.* allegans plurimos alios.
- 165 Quia etiam loquendo de causis criminalibus, limitatur eadem Conclusio, in criminibus exceptis; ut est crimen Haeresis, laesae Majestatis, Simoniae, et hujusmodi: quia in talibus admittuntur Laici in testimonium contra Clericos, si bono zelo, et non odio procedere videantur, *c. Tanta. 7. de Simon. et notat Glossa in c. Cum P. §. Laicus. de Accusat.*
- 166 Idem dicendum in crimine notorio: nam tunc etiam Laici admittuntur contra Clericos, *arg. c. Cum dilectis. 13. de Purgat. Canonice. Abbas in d. c. De caetero n. 4. et Barbosa ibid. n. 4. h. t.* Pirhing *h. t. n. 58. Farinacius ead. quaest. 61. n. 118.* allegans alios. Item in probatione infamiae Clerici: nam ad istam probandam admittuntur Laici, hoc ipso, quod admittantur in crimine notorio. Mascardus *de Probat. Concl. 1365. num. 59. et 60. Barbosa cit. n. 4. Farinacius n. 119. et alii.*
- Limitatur rursus eadem Conclusio ob defectum testimonii Ecclesiasticorum; puta, quia criminis Clerici est commissum in villa, ubi non aderat alii Clerici: quia tunc admittuntur Laici in testimonium, ne aliquo delictum Clerici remaneat impunitum, eique praebentur ausa delinquendi. Hac quippe de causa, seu in casu difficultis probationis, caeteroquin etiam admittuntur testes alias inhabiles, *cap. ult. de Testib. cogend. et notat Abbas loc. cit. n. 3. Barbosa d. n. 4. Mascardus cit. Concl. 1365. n. 46. et alii.* Tacentur nonnullae similes limitationes, apud praefatos Auctores videndae.
- Quaeritur II. An Clerici sint admittendi ad testificandum adversus Laicos? Resp. I. Clerici non admittuntur ad ferendum testimonium contra Laicos in causa criminali criminaliter agitata. Ita Abbas in *p. De caetero 14. n. 1. h. t. Mascardus de Probat. Concl. 306. num. 6. Farin. cit. quaest. 61. q. 57. et alii.* Idque liquet ex *can. Testimonium. 11. q. 1.* ubi S. Sylvester Papa in Concilio Romano, *cap. 14.* sic descripsisse legitur: *Testimonium Clerici adversus Laicum nemo recipiat*: subintellige, *in causa criminali*; prout explicat Glossa *ibid. §. Recipiat.* et Archidiaconus *ibid. n. 1. et 3.*
- Amplius Conclusio, ut procedat non solum, quando criminaliter agitur adversus Laicum ad imponendam poenam sanguinis (juxta dicenda *num. seq.*) sed etiam, ut ea locum habeat, quando contra Laicum agitur criminaliter, seu ad publicam vindictam, etiamsi non agatur de imponenda Laico criminoso poena sanguinis. Id enim videtur convincere textus proxime allegatus, utpote indistincte loquens: ac (descriptis casibus exceptis, de quibus infra) tenet Felinus in *cit. c. Ex litteris. numer. 1. h. t.* ac verius esse, censet Farinacius *d. quaest. 64. num. 69.* allegans alios: quatenus contrarium teneat Mascardus *cit. Concl. 306. n. 7. Jul. Clarus lib. 5. §. fin. quaest. 24. num. 8.* volentes, Clericum posse testificari contra Laicum in causa criminali, ubi non venit irroganda poena sanguinis, *can. Quamquam 14. q. 2.*
- Eadem Conclusio vel maxime procedit, quando agitur criminaliter ad irrogandum Laico criminoso poenam sanguinis, seu mutilationis, aut mortis: quia tunc nullo modo potest Clericus testificari contra Laicum, propter periculum irregularitatis, quam illata Reo propter suum testimonium poena mortis, vel mutilationis, Clericus incurreret. Glossa in *can. Aliquantos. dist. 51. §. Ad Sacerdotium.* Covarruvias in *Clem. Si furiosus part. 2. §. 4. n. 5. vers. Decimo tertio.* Felinus *c. De caetero. n. 1. h. t.* et communis. Adeo, ut Clericus ne quidem in criminibus exceptis, v. g. laesae Majestatis etc. testificari possit contra Laicum, quando propter illud crimen infligenda esset poena sanguinis. Farinacius *cit. quaest. 61. n. 66. et 67.* quidquid nonnulli alii contradicant, apud ipsum *num. 65.* relati.
- Nec obstat, quod Clericus protestetur, ac nolle deponere ad causam sanguinis, *arg. c. Praelatis. de Homicid. in 6.* ubi Clerici sine poena irregularitatis possunt de suis malefactoribus conqueri coram Iudice saeculari etiam de criminibus, quibus debetur poena sanguinis. Non obstat, inquam: quia protestatio ex parte testis in causa sanguinis deponentis, omnino est contraria facto, utpote in quo civiliter nihil agitur; ac proinde, si ex tali testimonio mors Reo inferatur, contrahitur irregularitas. Secus in casu *cit. c. Praelatis*, ubi Clerici, penes saecularem Iudicem sub dicta protestatione deponentes, petunt solummodo emendam sibi fieri, et provideri, ne imposterum ejusmodi injuriae, seu spoliationem sibi inferantur. Unde patet, quod agant civiliter ad proprium interesse, seu privatam suam.

indemnitate: et nisi istud eisdem liceret, daretur  
multitudo materia Clericos trucidandi, ipsorumque  
bona libere deprædandi: prout loquitur textus ibi-  
dem. Felinus, Covarruvias, Farinacius, ubi supra.  
Pirhing h. t. n. 59. et alii.

- 173 Dices. Potest Episcopus Judici laico concede-  
re licentiam exhumandi corpus hominis occisi, et  
in loco sacro sepulti, ad cognoscendum de cor-  
pore delicti ( seu, an vulnus defuncto illatum le-  
thale extiterit, vel potius is ex incuria v. g. chy-  
zurgi mortuus fuerit ) nec tamen Episcopus incur-  
rit irregularitatem, etiam si deprehenso postea vul-  
nere lethali, homicida morte plectatur, maxime ac-  
cedente protestatione Episcopi circa poenam sangui-  
nis: ergo idem dicendum de Clerico, qui fert te-  
stimonium de tali vulnere inflicto, saltem præmis-  
sa protestatione, quod nolit deponere ad causam san-  
guinis. Antecedens docetur a Diana part. 9. tract.  
7. resol. 64. allegante pro se Genuensem in Praxi.  
cap. 42. num. 10. et alios: quamvis merito addat,  
quod Jodex laicus inconsulto Episcopo non pos-  
sit ad præfatam finem exhumare corpus occisi, et  
in coemeterio sepulti: frangeret enim immunitatem  
Ecclesiasticam, atque ideo posset excommunicari,  
c. Decet domum de Immunit. Eccles. in 6. Resp. con-  
cesso antecedente, una cum sua declaratione, neg.  
consequent. Disparitas est: quia ad incurrendam  
irregularitatem requiritur actus, qui est causa pro-  
pinqua mortis, seu mutilationis, et non admodum  
remota. Glossa un. c. De caetero. de Homicid. Navar-  
rus cap. 27. Manual. n. 211. et alii, ac dixi egomet  
ipse in Theolog. Moral. tract. 13. dist. 3. numer. 59.  
Atqui concessio Episcopalis exhumandi corpus oc-  
cisi, ut possit constare de corpore delicti, est  
actus remotissimus, et suapte natura non directus  
in mortem, vel mutilationem Reo inferendam:  
hinc tamen testificatio de vulnere lethali inflicto:  
ergo. Accedit, quod in simili casu, ubi malefac-  
tor captus a Judice saeculari falso dixit se esse  
Clericum, Episcopus possit ipsum pronunciare Lai-  
cum absque periculo irregularitatis, et sine limita-  
tione, si postea sequatur mors illius malefactoris,  
nec no, c. Si Jodex. 12. de Sentent. excomm. in 6.  
idem ergo dicendum in proposito. Diana cit. re-  
sol. 64.

- 173 Resp. II. Nihilo minus data Conclusio nonnullas  
patitur limitationes, seu fallentias. Et primo qui-  
dem potest Clericus testificari in causa criminali pro  
Laico, seu ad ejus defensionem, et innocentiam osten-  
dendam: haud obstaute, quod hæc ratione simul te-  
stificetur contra alterum Laicum, qui ipsum accusa-  
vit. Felinus d. e. De caetero. n. 3. et 8. h. t. Pirhing  
h. t. n. 60. Farinacius cit. quaest. 61. n. 74. allegans  
alios; et concordant dicta superius num. 125.

- 174 Limitatur secundo, quando Laicus accusatur de  
crimine coram Judice Ecclesiastico: quia tunc etiam  
Clericus potest in testem produci contra Laicum.  
Archidiaconus can. Testimonium. 11. q. 1. n. 3. id  
probat ex can. 1. caus. 6. q. 2. Abbas in c. De cae-  
tero. n. 1. vers. Dicit tamen. et Felinus ibid. n. 1. h.  
t. Farinacius ubi supra. n. 70. allegans alios.

- 175 Limitatur tertio, ubi veritas aliter haberi non po-  
test: quia tunc in subsidium, non solum in civilibus  
( de quibus infra num. 179. et seqq. ) sed etiam in cri-  
minalibus, dummodo non agatur de imponenda poena  
sanguinis, Clerici admittuntur in testes contra Laicos,  
per textum in can. Quamquam. 4. q. 2. et notat Glos-  
sa ibid. in Casu, et 7. Occultatur. Abbas c. Cum nunc-  
cius. nu. 3. h. t. Felinus c. De caetero. n. 1. vers. Fal-  
lit secundo. eod. Alexander Consil. 65. num. 7. lib. 7.  
Farinacius d. quaest. 61. num. 71. et 72. citans alios,  
et nonnullas alias limitationes subiungens.

Notandum tamen, quod in illis, et aliis hujus-  
modi casibus, Clerici ad testificandum cogi non  
possint per Judicem saecularem, coram quo verifi-  
catur questio contra Laicum: nam Clerici sunt exen-  
pti a Jurisdictione Fori saecularis, adeoque nullam  
potestatem potest habere Jodex saecularis in perso-  
nam Clerici, puta, cogendo ipsum ad ferendum te-  
stimonium, cap. 2. de Foro compot. cum similibus.  
Quia imo istud expresse est prohibitum, can. Te-  
stimonium. 11. q. 1. illis verbis: *Nemo Clericum quam-  
libet in publico examinare praesumat, nisi in Eccle-  
sia: ubi Glossa ly, in publico, exponit pro Foro sae-  
culari. Concordat can. Nullus ex Ecclesiastico. 22. q.  
6. ubi prohibetur, ne Clericus cuipiam Laico quidi-  
piam jurare praesumat: sine juramento autem non  
creditor depositioni testis, quantumcunque religio-  
si, in alterius praejudicium, c. Tuis quaestionibus. 59.  
et c. Nuper. 51. h. t.*

Itaque in tali casu observanda erit dispositio cit.  
can. Quamquam. 14. q. 2. ubi statuitur, quod si Cle-  
ricos in subsidium oportuerit dare testimonium, ne  
veritas occultetur, et malus ut bonus aestimetur, in  
providentia proprii Episcopi sit, ut aut coram se et  
competentibus Judicibus, aut aliter honorifice veri-  
tatem attollant, seu testificentur. Ex quibus verbis  
liquet, quod ubi in causa Laicorum examinandus  
est Clericus in subsidium veritatis, debeat Episco-  
pus per Judicem saecularem, coram quo veritur  
questio, debite requisitus, vel per se, vel per alium  
se deputandum, judicialiter examinare Clericum  
illum: hujusque depositionem per tabellionem, ac  
sub sigillo suo remittere ad Judicem causae: prout  
etiam solet observari, quando testes sunt in alieno  
territorio, ut c. Constitutus. 3. de Fidejussorib. Ita  
Archidiaconus in cit. can. Quamquam. 14. q. 2. num.  
2. Abbas c. Cum nuncius. num. 3. et Felinus ibid.  
num. 3. h. t. Pirhing eod. n. 60. Mascardus Concl. 365.  
num. 61. Farinacius cit. quaest. 61. num. 83. allegans  
plurimos alios.

Quia imo plerique horum Doctorum addunt, quod  
tale examen Clerici contra Laicum jubente Episco-  
po, seu de ipsius assensu, si ita expedire judicave-  
rit, possit etiam fieri per Judicem saecularem: cum  
licentia enim Episcopi possit Clericus etiam coram  
Judice saeculari testimonium ferre. Abbas, Pirhing,  
Mascardus, Farinacius, ubi supra. et alii: ac favet  
textus in can. Super prudentia. 5. Potest. in fin. ibi:  
jubente Episcopo: 14. q. 2. et cit. can. Quamquam.  
eod. 14. q. 2. ibi: *Aut aliter honorifice veritatem  
attollant.* Atque haec dicta procedunt de cau-  
sis criminalibus criminaliter motis Laicorum, seu  
quando contra istos agitur ad capiendam publicam  
vindictam: nunc loquendo de causis eorum civi-  
libus,

Resp. III. Quod in causis civilibus Laicorum pos-  
sit Clericus contra Laicum ferre testimonium, pas-  
sim sentiunt Doctores: ut Archidiaconus in can. Te-  
stimonium. 11. q. 1. n. 1. juncta Glossa ibid. Abbas  
c. De caetero. n. 1. et Felinus ibid. n. 1. h. t. et alii.  
Idemque dicendum, quando de crimine agitur solum  
civiliter: puta, ad faciendam restitutionem rei alie-  
nae injuste ablatae, vel ad poenam pecuniariam:  
quia tunc pariter nihil est, quod impedit Clerici te-  
stimonium contra Laicum. Abbas cit. nu. 1. Pirhing  
h. t. n. 60. ( hi tamen istud solummodo admittunt  
in defectum aliorum testium, seu ne veritas occul-  
tetur, et malus ut bonus aestimetur, prout loqui-  
tur textus in cit. can. Quamquam. 14. q. 2. ) Felinus  
d. n. 1. Farinacius eod. quaest. 61. n. 68. et 77. alle-  
gans alios.

Quia imo, quod Clericus ratione Ordinis Presby-  
teratus sit magis idoneus testis, quam Laicus, tex-

tus est in, c. *Quamquam*, 14. q. 2. ibi: *Quamquam Sacerdotum testimonium credibilibus habeatur etc.* Concordat Glossa can. *Monachos*, dist. 77. §. *Quorum ubi* inquit, quod tantum valeat testimonium quatuor Clericorum, quantum sex Laicorum, Mascard. cit. *Concl.* 306. num. 1. id ipsum asserens, ac pro se citans Socinum *Consil.* 28. col. 3. circa princip. et Decium c. *Ex litteris*, n. 24. de *Probat.* Speculator *ut. de Requisitione Consilii*, num. 8. Sperellus *Decis.* 81. *Fori Ecclesiast.* n. 49. post Cravetiam *Consil.* 169. num. 3. et alios. Alexander *Consil.* 43. n. 4. vol. 7. ubi citatis pluribus alijs inquit, quod qualitas illa, nempe quod quis sit Clericus, seu Sacerdos, augeat fidem; et tales sint testes majoris fidei: unde eorum testimonium, ceteris paribus, praefertur testimonio Laicorum regulariter.

181 Et notanter subdit *ly regulariter*. Nam si duo Clerici dicant, Titium commississe fornicationem cum Coja, v. g. tali die, duo autem Laici testificentur, Titium fuisse cum eis tota illa die in alio loco; tunc praepoendi sunt Laici, quia stant pro Reo. Glossa notabilis in can. *Clerici*, dist. 81. §. *Aliqui*. Abbas c. *Iniqua*, n. 4. h. t. istud limitans, dummodo sit modicus excessus in testibus Actoris; simulque cesset praesumptio subornationis ex parte testium Laicorum, in favorem Rei deponentium.

182 Dices. Clerici extra casum necessitatis, et absque consensu Episcopi, non possunt esse testes in Instrumentis saecularium conficiendis; ergo multo minus in causis criminalibus ipsorum, etiam civiliter duntaxat agitis; et consequenter praemissae limitationes non videntur subsistere. Antecedens probatur ex cit. can. *Quamquam*, 14. q. 2. ubi in Synodo habita Romae ab Eugenio Papa II. cap. 13. sic statutum legitur: *Quamquam Sacerdotum testimonium credibilius habeatur; tamen ipsi in saecularibus negotiis pro testimonio, aut conficiendis instrumentis non rogentur: quia eos in talibus rebus esse non convenit. Si autem eventu aliquo causae interfuerint, et aliquid viderint, vel audierint, ubi nullae idoneae saecularium inveniantur personae; ne veritas occultetur, et malus ut bonus aestimetur, in providentia proprii Episcopi sit, ut aut coram se et competentibus Judicibus, aut aliter honorifice veritatem attollant.* Haec ibi: Accedit, quod Clerici, ac praesertim Monachi et Religiosi, subiacent suae Episcopo, vel Praelato Regulari, ac sub ejus obedientia sint positi; ergo hoc ipso non possunt esse testes sine licentia ejus, cui subsunt, arg. can. *Monachi vagantes*, et can. *Monachi a monasterio*, 16. q. 1. cum sigillibus.

183 Ad hanc notabilem instantiam respondetur primo, non deesse Auctores, qui volunt, relatum Canonem *Quamquam* 14. q. 2. procedere potius de honestate, quam de necessitate; prout videtur innuere *ly*, *Eos in talibus rebus esse non convenit*. Atque ita censuit Felinus c. *Cum nuncius*, num. 3. in fin. h. t. Pirhing *cod.* num. 60. Farinacius cit. *quaest.* 61. num. 64. allegans alios. Sed quoniam Jure cautum est, *Ne Clerici vel Monachi saecularibus negotiis se immisceant*, prout loquitur Rubrica *cod. Tit.* juncto *Nigro* *ibid.* Hinc spectato rigore Juris Canonici illicitum videtur, quod Clerici extra casum necessitatis, et sine licentia Episcopi, aut Monachi sine Praelati sui consensu, testimonium ferant in Instrumentis, aliisque causis sive contractibus civilibus Laicorum. Glossa in *Authent. De Monachis*, §. *Cogitandum*, §. *Testes*. *Collat.* 1. juncta Glossa marginali *ibid.* Abbas in, c. *Cum nuncius*, n. 3. h. t. Farinacius cit. *quaest.* 61. de *Testib.* n. 64. et alii; Qui omnes istud probant, tum ex cit. can. *Quamquam*, 12. q. 2. tum quia, ut dictum, Clericis illicitum est, negotiis saecularibus se immiscere, tot.

*Tit. Ne Clerici vel Monachi etc.* juncto illo D. Apostoli 2. Timoth. 2. *Nemo militans Deo, implicat se negotiis saecularibus.*

Respondetur secundo, quidquid sit de rigore Juris Canonici, citatum can. *Quamquam* 14. q. 2. saltem quantum attinet Clericos saeculares, vel non esse usum receptum, vel denuo per contrariam consuetudinem abrogatum. Solent enim Clerici illi passim in testamentis, aliisque contractibus Laicorum, ex generali consuetudine in testes adhiberi, etiam sine alia licentia Superioris Ecclesiastici: prout refert Farinacius cit. *numer.* 64. post Arctium *Consil.* 159. num. 20. et alios; ac Pirhing cit. *num.* 60. Verum quoad Monachos, aliosque Religiosos, qui strictius per votum obedientiae suis Superioribus propter Deum se subjecerant, oportet observare laudabiles cujuslibet Ordinis constitutiones, et consuetudines.

Quin etiam stante dicto rigore Juris Canonici, si Clericus sine licentia Episcopi, aut Monachus absque consensu sui Praelati, sponte deponat, et a Judice saeculari admittatur ad ferendum testimonium super Instrumentis; aliisque alii causis civilibus Laicorum; tunc, etsi illud foret illicitum, nihilo minus validum existeret, parte altera nihil opponente. Tota quia licentia Superioris est quoddam accidentale, non autem de substantia actus testimonii, arg. cap. 1. de *Testib.* Tum quia multa fieri prohibentur, quae si facta fuerint, obtinent roboris firmitatem, c. *Ad Apostolicam*, 14. de *Regular.* Simulque, quia nullibi reperitur, tale testimonium a Jure declarari irritum, ac invalidum. Abbas cit. c. *Cum nuncius* n. 3. et 4. et Felinus *ibid.* n. 3. h. t. ex professo hanc quaestionem examinantes. Mascardus de *Probat. Concl.* 260. num. 12. et 13. Farinacius cit. *quaest.* 61. num. 84. et 134. allegans plures alios. In praxi tamen (monent citati Auctores) consultius est, ad effugiendam dubietates habere licentiam Superioris: nam quod testamentum possit impugnari, in quo Monachus absque sui Superioris licentia est testis, eo quod pro mortuo habeatur, tradidit Jo. Faber §. *Testes*, numer. 3. *Instit. de Testament.* junctis nonnullis aliis, quos in oppositum citat Mascardus d. *Concl.* 260. numer. 1. et 2.

## §. VII.

De Testibus in causa propria, vel Ecclesiae, aut Universitatis suae.

## SUMMARIUM.

- 186 *Regula est: Nullus idoneus testis in re sua intelligitur. Et num. seqq.*  
*Testis debet carere omni suspitione falsitatis, seu propensionis in una partem. Ibid.*
- 187 *Testis in propria causa non est idoneus, etiamsi deponat in mortis articulo.*  
*Aut in ultima voluntate dabitam sibi pecuniam, significaverit. Ibid.*
- 188 *Etiam ille est testis inidoneus, qui habet interesse in causa.*  
*Causa propria, quae dicatur? Ibid.*
- 189 *Advocatus, Procurator etc. nequit esse testis in causa, cui patrocinium gessit.*
- 190 *Illi, qui habent simile negotium hanc, ad quod testes inducuntur, non sunt in testimonium admittendi.*
- 191 *Ad faciendam videlicet plenam probationem; secus ad aliqualem praesumptionem.*
- 192 *Regula illa limitatur, si testis cum juramento protestetur, se nolle commodum sentire ex sua depositione etc.*



- 193 Limitatur etiam in testibus multum legalibus.  
 194 Ac in causis modici emolumentum.  
 195 Et ubi testis deponit de facto proprio ad utilitatem aliorum tantum.  
 196 Item in Instrumentis.  
 Haecres nequit esse testis in testamento, bene tamen Legatarius: et cur? Ibid.  
 197 Praelatus, alique Clerici possunt esse testes in causa Ecclesiae suae. Et num. seqq.  
 198 Etiam istud intelligendo de Clerici Regularibus.  
 199 Exemplificatur hoc in donatione, vel legato facto Ecclesiae.  
 200 Canonici possunt esse testes in causa sui Capituli, ad ejus favorem.  
 201 Et de illis, quae sunt gesta in capitulo.  
 202 Consuetudo non solvendi Episcopo quartam Decimarum, et hujusmodi, potest probari per Rectores vicinarum Ecclesiarum.  
 203 Potestque unus Canonicus esse testis in causa sui Concanonici.  
 204 Ex causa rationabili quandoque impeditur Clericus testificari in causa suae Ecclesiae: ut, si est excommunicatus etc.  
 205 Vel quando in tali causa constitutus est Actor, vel Responsalis.  
 206 Clerici nequeunt testificari in causa suae Ecclesiae, quando commodum inde proveniens est singulorum.  
 207 Hinc Canonici non est testis idoneus in causa suae Praebendae.  
 208 Et Praelatus Ecclesiae non Collegatae nequit esse testis in causa ipsius Ecclesiae.  
 209 Loquendo de causis criminalibus, possunt quidem Clerici in causa suae Ecclesiae testificari contra Praelatum.  
 Vel Conclericum suum ab alio accusatum. Ibidem.  
 210 Non vero contra extraneum in favorem Ecclesiae etc. Et num. praec.  
 211 An pariter illi, qui sunt membra Universitatis saecularis, possint esse testes in causa ejusdem?  
 Propinquantur rationes dubitandi, ac negativae tenendi. Ibid.  
 212 Affirmativam sententia est tenenda. Et num. seqq.  
 213 Universitatis sunt, non singulorum, quae sunt communia.  
 214 Quando agitur de donatione, vel legato facto cuipiam Universitati, etiam saeculari, possunt esse testes, qui sunt de illa Universitate.  
 215 Item dicendum de probatione Confinium.  
 216 Et de probatione consuetudinis non solvendi Decimas, gabellae etc.  
 217 Solvantur rationes dubitandi.  
 218 Proponitur, ac resolvitur alia notabilis instantia.  
 219 Testes de Universitate possunt repelli in causis illis, ubi commodum inde resultans tangit singulos eorum.  
 Ut fit in lite super nemore, vel pascuis, unde singuli de Communitate possunt ligna caedere, vel animalia sua pascere. Ibid.  
 220 Vel quando agitur de praedio, aut vinea, cujus proprietate est Universitatis, ususfructus autem singulorum.  
 221 Aut quando lite perdit, in singulis de Universitate venit imponenda certa collecta.  
 222 Item dicendum in causis civilibus arduis, et magni praedicii.  
 223 Testes de Universitate, num sint admittendi generaliter, vel duntaxat in subsidium?  
 Et num. seqq.

Ratio dubitandi, ac istud posteriorius tenendi. Ibid.  
 224 Ipsi sunt admittendi generaliter, seu directe, et non tantum in subsidium.

225 Idque probatur.

Naturalis vitium est, negligere, quod communiter possidetur. Ibid.

226 et 227. Solvantur rationes dubitandi.

228 Testes de Universitate, quando admittuntur in subsidium, plene probant.

229 Alias non sunt omni exceptione majores, sed minor fides ipsis est adhibenda, Judicis arbitrio.

230 Testibus de Universitate minus creditur in concursu aliorum testium ipsa contradicentium.

Quaeritur I. An aliquis possit esse testis in causa propria, seu ex qua commodum ac interesse suum dependet? Resp. I. Regula est: Nullus idoneus testis in re sua intelligitur. Ita textus in A. Nullus. ff. de Testib. quae est canonizata in can. Si testes. §. Nullus. 4. q. 3. Concordat textus in d. Omnibus. C. eod. illis verbis: Omnibus in re propria dicendi testimonii facultatem Jura submovent. Quod ipsum habetur cit. can. Si testes. §. Omnibus. etque recepta DD. sententia; adeo, ut contradicentem non habeat, teste Farinacio quaest. 60. de Testib. n. 2. Accedit ratio: quia testis debet carere omni suspitione falsitatis, seu propensionis in unam partem magis, quam in alteram eam. Placuit sancto et can. Si testes. §. 1. caus. 4. q. 2. et 3. Atqui istud non reperitur in teste respectu causae propriae; cum ob naturalem inclinationem quilibet praesumitur esse magis affectus erga rem propriam, quam alienam, ergo, veluti suspectus, merito repellitur a ferendo testimonio in causa propria.

Atque istud amplius, etiam testis deponens in causa propria, constitutus sit in mortis articulo. Quia, licet tunc quilibet praesumatur non immemor esse propriae salutis, sique nolle pejerando attestari falsum; nihilo minus ob rationem jam dictam, testimonium ejus in causa propria non est idoneum. Farinacius cit. n. 2. post Novam Consil. 74. n. 4. et plures alias ampliationes subjungens. Huc facit textus in l. Rationes. C. de Probatione ubi dicitur, quod attestatio scripta cujuscumque se sola non sufficiat ad probandum, etsi in ultima voluntate defunctus certam pecuniae quantitatem, aut etiam res certas, sibi deberi significaverit.

Resp. II. Etiam ille est testis idoneus, et repellendus a dicendo testimonio, qui habet interesse in causa; puta, quia ex suo testimonio commodum, aut, si non testificetur, incommodum sit reportaturus. Ita Glossa in d. can. Si testes. 4. q. 3. §. Sua, istud exemplificans in re communi: quia, quod commune est, utriusque est, L. Illud. ff. de Ritu nuptiar. Farinacius cit. quaest. 60. num. 4. Pirhing. h. s. n. 79. et alii. Ratio est: quia Causa propria dicitur ea, cujus emolumentum, vel damnum ad aliquem suo nomine pertinet: prout loquitur textus in L. 1. §. In propria. ff. Quando appellandum sit. et can. Biduum. §. Et palam est. 2. q. 6. Ergo, cum in propria causa nemo sit testis idoneus, idem dicendum, ubiennaque aliquis habet interesse in ea; seu quando commodum, aut damnum inde sibi obventurum est suo nomine. Et notanter hoc ultimum additur, propter dicenda num. 212. et seqq. conformiter quibus praesens Conclusio est intelligenda.

Atque inhaec Conclusio amplius ad Advocatum: nam etiam Advocatus non potest esse testis in causa, cui patrocinium praestitit, L. ult. ff. h. t. junctis Glossa fin. ibid: istud extendente ad Syndicos, Tutores, et Curatores. Concordat c. Romana, h. t.

In 6. ubi dicitur: *In appellationis causa, is qui appellantis procurator vel advocatus in priori iudicio fuerat, non recipiatur in testem.* Idque merito statutum fuit propter propensam animi sui voluntatem in causam illam, cui Advocatus antea patrocinium praestitit: unde est praesumptio, quod ferret testimonium potius pro ea parte, pro qua antea stetit. Speculator tit. de Testib. §. Opponitur. 74. Mascardus de Probat. Concl. 66. nu. 1. citans plures alios: quamquam hoc ipsum postea limitet variis modis, ac praesertim accedente consensu partium; nam quod de voluntate partium etiam Mediator testificari cogatur, textus est in *Auth. de Testibus. §. Quoniam, verq. Collat. 7.*

190 Ampliatur ulterius data Conclusio, ut procedat etiam in illis, qui habent simile negotium huic, ad quod testes indocentur. Siquidem isti, ob praesumptam affectionem, quam morbo consimili laborantes (hoc est, similem causam habentes, de qua aliunde constat, vel legitima probatio adest) gerunt erga propriam causam, sive negotium suum, non sunt testes idonei, nec si ab alterutra parte testes adducti fuerint, in testimonium admittendi. Ita loquitur textus in *c. Personas. 20. h. t.* ubi proin Glossa in *Casu*, generatim notat, quod qui consimilem causam habet, in causa consimili testis esse non debet. Hoc ipsum amplius tradit Abbas *ibid.* nu. 1. et 2. et Vivianus in *Rationali.* et Barbosa in *Collectan. n. 2.* et Mascardus de *Probation. Concl. 1364. n. 54.* et alii. Sicut enim Iudicem similitudo causae, quam habet ut privatus, repellit a iudicio in alia consimili causa, ne forsan ductus affectione suae causae, quam iustam putat, sic iudicet in causa alterius, *c. Causam. quae. 19. de Iudiciis,* estque jam dictum supra *Tit. 1. de Iudiciis. §. 8. nu. 205.* Ita etiam (et quidem a fortiori, ob majus periculum, de quo supra §. 2. nu. 63.) similitudo causae reddit testem suspectum, ut possit repelli a testificando, *cit. c. Personas. h. t. et l. Quoniam. C. eod.*

191 Intellige, quod testes consimilem causam habentes reddantur suspecti, nec sint in testimonium admittendi (iuxta textum allegatum) parte contra eos excipiente: simulque, quod non sint admittendi in effectum, seu quantum ad faciendam plenam probationem. Nam ad aliqualem praesumptionem bene possunt admitti, considerata qualitate causae, et personarum, qua inspecta bonus Iudex arbitrabitur, quanta fides ipsis sit adhibenda. Abbas *cit. c. Personas. n. 2.* et Vivianus *ibid. h. t.*

192 Resp. III. Patitur, nihilo minus data Conclusio, non Regula quasdam limitationes. Et primo quidem ipsa limitatur, si testis ante depositionem suam cum iuramento protestetur, se nolle commodum sentire ex sua depositione, aut incommodum inde prosequens, ad se non pertinere: tunc enim etiam in causa, ad quam caeteroquin praesumptam affectionem gerere censeretur, validum testimonium dicere poterit, eo quod ejusmodi praesumptio per dictam protestationem elidatur. Ita Socinus in *Fallentiis. Reg. 422. fallent. 1.* Mascardus *cit. Concl. 1364. n. 57.* Farinacius d. *quaest. 60. n. 51. et 52.* allegans plures alios.

193 Limitatur deinde in testibus multum legalibus, et fide dignis: quia tales admittuntur ad testificandum, haud obstat, quod eorum aliqualem intersit, Mascardus *loc. cit. n. 58.* post Imolam *Consil. 58.* Farinacius, ubi supra, *nu. 54.* citans alios.

194 Idem dependit in causis modici emolumentum: quia tunc cessat praesumptio immoderatae affectionis: simulque ob modicum emolumentum Leges neminem praesumunt velle perjurare, *arg. c. Esi quaestiones. 18. de Simonia.* Mascardus *nu. 60.* Farinacius *n. 56.* Riching *h. t. n. 81.*

Limitatur tertio, ubique testis deponit de facto proprio ad utilitatem aliorum tantum: quia tunc pariter cessat praesumptio sinistrae affectionis, ac proinde hoc casu plenam etiam faciet probationem. Socinus *cit. Reg. 422. fallent. 3.* Mascardus *loc. cit. n. 63.* Ubi *num. 61.* cum aliis, quos citat, hoc ipsum dicit de illis, qui solent aliquid facere pro exercitio, seu officio suo: puta, portarii, et Fachini, et hujusmodi: hi enim, licet ad sui exonerationem (seu, quod satisfecerint officio suo) sique ad aliquale commodum suum deponere videantur, nihilo minus probant ea, quae ad suum officium pertinent.

Tandem, ut nonnullae aliae limitationes, apud 196 Auctores hactenus citatos, videndae taceantur, fallit data Regula in *Instrumentis.* in his enim testes esse possunt etiam habentes inde commodum, vel interesse in consequentiam, non autem principaliter. Farinacius d. *quaest. 60. nu. 62.* post Angelum in *l. Qui testamento n. 3. ff. de Testament. et Campegius de Testib. Reg. 75. in 1. fallent.* Sic in testamento Legatarius potest esse testis, non obstante aliquo emolumento inde sibi proveniente: licet haeres scriptus non possit esse testis, §. *Sed neque haeres. et §. Legatarius. Instit. de Testament.* iuncta Glossa *ibid. §. Legatarius.* Disparitas est: quia haeres, est juris successor; non sic Legatarius, utpote, qui non juris, sed rei singularis successor existit: unde Legatarius fert testimonium non in causa sua, sed in causa Testamenti. Neque etiam ex eo, quod valet Testamentum, necessario sequitur, quod valeat Legatum: prout, notat alia Glossa *l. Omnibus. §. In re propria. C. de Testib.* ac proinde Legatarius ex suo testimonio non reportat commodum principaliter, et directe: licet istud indirecte, et in consequentiam, quandoque reportare possit. Et idem dicendum de similibus, prout amplius declarabitur infra *num. 212. et seqq.*

Quaeritur II. An sit licitum Clericis, ferre 197 testimonium in causa propriae Ecclesiae? Resp. I. Praelatus, aliique Clerici possunt esse testes in causa civili Ecclesiae suae; dummodo non subsit alia rationalis causa, illos impediens a testificando. Ita Glossa in *a. Insuper. §. Ecclesiae.* et Abbas *ibid. not. 1.* et Felinus *n. 1.* et Barbosa in *Collectan. numer. 1. h. t. Sperellus Dacis. 81. Fori Ecclesiast. nu. 47. quaest. 60.* Socinus in *Fallentiis. Reg. 408.* allegans communem. Idque patet ex *c. Cum nunciis. 13. h. t.* ubi dicitur: *Clerici non sunt a ferendo testimonio super negotio Ecclesiae suae (nisi alia rationalis causa impediatur) repellendi.* Accedit ratio: quia imprimis Clerici, qui tractant Ecclesiae negotia, meliorem quoad ejus possessiones et jura, tum ex visu, tum auditu, praeter aliis censentur habere notitiam; et dicitur *can. Super prudentia. 14. quaest. 2.* Deinde ipsi Ecclesiae, non est jus proprium Clericorum: ergo male repellerentur Clerici a ferendo testimonio in causis Ecclesiae suae. Antecedens partim patet ex eo: quia bona Ecclesiae sunt bona Dei, et patrimonium Christi, *can. Quia tua. et can. Res Ecclesiae. 12. quaest. 1.* cum concordantia. Partim amplius patebit ex testibus *num. 213.* allegandis, ex quibus clare habetur, quod bona Universitatis non sint bona singulorum.

Et haec doctrina, quod Clerici possint testificari 198 in causis suae Ecclesiae etiam in favorem ejusdem, procedit non solum de Clericis Saecularibus, sed etiam Regularibus: nam et hi, pro suo Monasterio testes idonei reputantur. Tum quia Jure loquuntur iudiciale: tum quia Pontifex in *c. Insuper. 6. h. t.* expresse concedit Priori, et Fratribus SS. Trinitatis,

ut liceat ipsi in causis propriae Ecclesiae ferre testimonium. Accedit, quod rationes proximè allatae neque militent in Clericis Regularibus, imò fortius in istis: quia sunt mortui Mundi, l. Deo nobis. C. de Episcop. et Cleric. nihilque proprii possident. *cqn. Non dicatis.* 12. q. 1. cum similibus; si- que in ipsis magis cessat praesumptio affectionis, ac suspicio proprii interesse. Baldus c. Tertiò loco. n. 4. de Probation. Abbas cit. c. Insuper. n. 1. h. t. Mascardus Concl. 3. n. 11. et 12. Pirhing h. t. num. 101. Farinacius quaest. 60. de Testib. n. 463. et seqq. istud cum aliis etiam extendens ad Moniales, et nu. 544. plurimos alios allegans.

199 Exemplificatur, et declaratur data Conclusio in ditione. Sic quando agitur de donatione, vel legato facto Ecclesiae, Monasterio, aut alteri Universitati, pro aedificiis v. g. extruendis, aut reficiendis, possunt Clerici, aut alii de Universitate illa esse testes idonei: nam tale v. g. legatum non afficit singulos de Universitate, sed solum Universitatem: unde cessat praesumptio pravae affectionis; et si quae remaneret levis suspicio ipsius, haec purgatur per iuramentum testium. Felinus c. Insuper. n. 1. h. t. Menochius de Arbitrar. Judic. lib. 2. cas. 106. num. 4. Bartolus l. In tantum. §. Universitatis. nu. 1. ff. de Rerum divis. Alexander Consil. 68. nu. 14. istud exemplificans de molendino spectante ad Universitatem, seu Ecclesiam. Farinacius d. quaest. 60. nu. 472. citans alios.

200 Deinde Canonici possunt esse testes in causa sui Capituli, atque ad ejus favorem. Glossa in casu can. Super prudentia. 14. q. 2. juncto textu ibid. Ubi de mandato Paschalis II. Canonici S. Stephani, in causa civili sui Capituli, admittuntur in testes contra canonicos S. Joannis, addita illa ratione: Caeterum in possessionum, vel hujusmodi negotiis hi potissimum assumendi sunt, qui eadem negotia tractaverunt, de quorum auditu, et visu dubitatio esse non potest. Baldus c. Tertiò loco. n. 3. et 4. de Probation. Mascardus de Probat. Concl. 260. n. 6. et 9. Farinacius cit. quaest. 60. n. 60. allegans alios.

201 Tertiò Canonici possunt esse testes eorum, quae sunt gesta in Capitulo; puta, in electionibus, et hujusmodi, quae secreto inter ipsos capitulariter fieri solent. Glossa d. c. Tertiò loco. §. Jurati. de Probation. Bartolus l. In tantum. §. Universitatis. n. 1. ff. de Rerum divis. Menochius de arbitrar. Jud. lib. 2. cas. 106. n. 1. citans alios. Idque clare desumitur ex c. Veniens. 38. §. An. h. t. ubi hoc ipsum expresse concessum legitur addita illa ratione: Quia, quae in Capitulo aguntur, non possunt facile nisi per Canonicos ipsos probari. Idem habetur ex c. Cum dilectus. 32. §. Nos attendentes. de Election. ubi Pontifex jussit, tres Electores praestito iuramento dicere, quot ex Canonici in Electum consenserint.

202 Quarto, consuetudo non solvendi Episcopo quorundam Decimarum, et hujusmodi, potest probari per Rectores vicinarum Ecclesiarum, attestantes de generali consuetudine easdem non solvendi; quamvis in consequentiam videantur deponere circa id, quod concernit propriam eorum commodam. Id. Andreas c. Sine possessione. n. 8. vers. Primo casu. de Reg. Jur. in 6. Felinus c. Insuper. n. 17. h. t. Mascardus de Probat. Concl. 1364. n. 60. Farinacius cit. quaest. 60. n. 494. et alii ab his relati.

203 Quinto, potest unus Canonici esse testis in causa sui Concanonici. Glossa in c. Super prudentia. 14. q. 2. §. Stephani, istud intelligens in casu, quo unus Canonici inducit suum Concanonicum in testimoniam contra alium Concanonicum ejusdem Ecclesiae: quia tunc per affectionis causa excludit suspicionem, l. Non solum. ff. de Ritu nuptiar. estque in simili jam dictum supra §. 4. num. 107. Vel etiam

contra Canonici alterius Ecclesiae; imò et contra suum Praelectum, ut casu. Lator. 2. q. 7. Concordat alia Glossa in c. Cum. R. Canonici: §. Cum sint ejus socii. et Abbas ibid. n. 4. et Felinus n. 3. de Offic. Delegat. Mascardus de Probat. Concl. 260. numer. 7. Farinacius d. quaest. 60. num. 460. et 461. citans alios.

Resp. II. Nihilominus data num. 197. Conclusio nonnullas patitur limitationes, ratione quarum notanter in ea fuit addita: Dummodo non subsit alia rationalis causa; illòs impediens a testificando. Sic quippe incipiendo a generalioribus, talis causa rationalis, impediens Clericum a testificando in causa suae Ecclesiae, potest esse excommunicatio, perjurium, infamia, vel aliud grave crimen ipsius. Abbas c. Cum nuncius. n. 1. h. t. junctis illis, quae per praecedentes Paragraphos copiosius dicta fuerunt.

Deinde descendendo ad specialiora, Clericus nequit esse testis in causa suae Ecclesiae, quando in eadem causa constitutus est Actor, vel Responsalis seu Procurator, qui nomine ipsius Ecclesiae, seu Universitatis causam exerceat: siquidem nemo potest simul esse actor, et testis, in eadem causa. Textus est in c. Insuper. 6. h. t. ubi Glossa in casu. Jo. Andreas, Abbas, Felinus in Summario. Farinacius cit. quaest. 60. n. 526. allegans alios.

Tertiò, praedicta Conclusio, seu Regula procedit, solum in causis illis, in quibus agitur de rebus, quae quoad nomen et commodum immediatum sunt Ecclesiae, seu Universitatis; puta, quando haec per suos Officiales percipit redditus, si- ve (ut alii loquuntur) quando causas tractantur de rebus, quarum proprietas, simul et utilitas, est ipsius Ecclesiae, Monasterii, vel alterius Universitatis. Secus, quando commodum, seu utilitas inde proveniens est singulorum, licet proprietas sit Ecclesiae, seu Universitatis: quia tunc Clerici pro tali negotio suae Ecclesiae, vel singuli de Universitate, non sunt testes idonei; testificarentur enim in re propria, seu cujus commodum singulis eorum immediate obveniret. Ita Joan. Andreas c. Cum nuncius. numer. 4. h. t. Abbas c. Insuper. num. 2. et Felinus num. 6. eod. Alexander Consil. 168. numer. 14. lib. 2. Mascardus de Probat. Concl. 318. num. 3. Farinacius cit. quaest. 60. n. 495. et seqq. usque ad n. 507. allegans alios, et fuisse hanc materiam declarans.

Hinc Canonici non potest esse testis idoneus in causa suae Praebendae: quia licet in genere omnes praebendae spectent ad Capitulum, nihilominus earum redditus immediate obveniant singulis Canonici specialiter deputatis; atque ideo merito Canonici repelluntur a ferendo testimonio in causa suae Praebendae, cum agatur de proprio et speciali commodo ipsius. Abbas d. c. Insuper. num. 7. et Felinus ibid. num. 6. h. t. Mascardus de Probat. Concl. 3. numer. 19. et Concl. 1364. numer. 29. istud amplius ad Episcopum, vel Abbatem, quos pariter negat posse ferre testimonium in rebus spectantibus ad Mensam suam. Farinacius d. quaest. 60. n. 462. citans alios.

Similiter Praelectus Ecclesiae, vel Capellae non Collegiatae, nequit esse testis in causa ipsius Ecclesiae. Ita Jo. Andreas in Addit. ad Speculatorem, tit. de Teste. n. 24. §. Dominicalis, distinguens inter Praelectum Ecclesiae Collegiatae, de quo haecenus dicta procedunt; et inter Praelectum Capellae, in quo (inquit) dubium movet Praelectus, data Regula non procedit. Idem tenet Socius in Fallentis Regula 408. fallent. 4. Nec immerito: nam redditus Ecclesiae non Collegiatae immediate proveniunt Praelecto, seu Rectori ipsius: unde procedunt proxime



dicta de Canonico non admitendo ad testificandum in causis suis Praebendae.

209 Resp. III. Loquendo nunc de causis criminalibus, quavis Clerici in causa suae Ecclesiae possint testificari contra Praelatum, vel Conclericum suum, ab alio accusatum: nihilo minus quando criminaliter accusatur aliquis extraneus in causa Ecclesiae, vel alterius Universitatis, tunc Clerici, vel alii de tali Universitate assumpti non sunt testes idonei ad testificandum in favorem huius contra illum extraneum. Ita Speculator tit. de Teste, §. 1. n. 22. Menochius de Arbitrar. Judic. cas. 106. n. 17. Felinus c. Insuper num. 4. h. t. allegans communem. Et quidem prior pars patet ex c. 1. Lator. 2. q. 7. et c. Ex parte 11. de Accusat. cum similibus, ubi tales accusationes, et testificationes Clericorum contra Episcopum, vel Monachorum contra Abbatem suum factae, et permissae leguntur. Accedit ratio: quia tunc cessat praesumptio sinistrae affectionis, cum Clerici in testes adducti non magis reputentur esse domestici, et familiares alterius Conclerici Praelatum accusantis, quam ipsius Praelati accusati: unde per affectionis causam tollit sinistram suspicionem, prout in simili jam dictum est supra §. 4. numer. 101. et num. 127. Et haec ratio pariter militat respectu Conclerici ab alio accusati.

210 Altera pars habetur decisa in can. Super prudentia. 14. q. 2. eamque praeter jam allegatos tradit Abbas in cit. c. Insuper. n. 3. h. t. Speculator, ubi supra numer. 22. generaliter docens, quod si aliquis de Universitate accusat extraneum, non possit talem inducere socium, qui est ejusdem Universitatis, nisi in defectum. Mascardus de Probat. Concl. 295. num. 14. et seqq. Farinacius d. quaest. 60. num. 508. et seqq. allegans alios. Accedit ratio: quia in criminalibus requiruntur probationes indubitatae, et loco clariores, l. Sciant cuncti. C. de Probat. et testes omni suspicionem, maculaque carentes, cap. 1. Exception. et can. Testes. 2. q. 7. Atqui tales testes non sunt, qui produuntur de Universitate in ejus favorem, utpote quibus potest opponi exceptio familiaritatis, et aliquis proprii interesse: ergo ipsi merito repelluntur. Nisi forsitan necessitas, seu defectus aliarum probationum, tales suadeat esse admittendos ad testificandum in subsidium, seu ne deficientibus aliis testibus veritas occultetur, atque injustus existimetur probus, in grave praepjudicium Ecclesiarum; prout limitant Auctores proxime citati.

211 Queritur III. An pariter illi, qui sunt membra alienius Universitatis saecularis v. g. Civitatis, Oppidi etc. possint esse testes in causa dictae Universitatis? Ratio dubitandi, ac negativam tenendi, est: quia Jura num. 197. allegata, et Clericos ad testimonium in causis suae Ecclesiae admittentia, solum loquuntur de Clericis, de quibus utpote Deo specialiter consecratis, vel propter Deum, omnia temporalia relinquentibus, magis praesumitur, quod in causa suae Ecclesiae nolint peiorare, falsum attestando: simulque, quia Clerici ratione sacri Ordinis censentur testes magis idonei, quam Laici, juxta dicta superius §. 6. num. 180. Deinde quia nullus idoneus testis in re sua intelligitur, juxta textum expressum in can. Si testes. §. Nullus. et §. Omnibus. 4. q. 3. et l. Nullus. ff. h. t. cum similibus: hoc autem videtur fieri, cum Saeculares in particulari sint capaces domini (quod secus accidit in Regularibus) et bonum Communitatis redundet in singula membra ejus. Tandem testimonium domesticum utroque Jure reprobatum: ut cit. can. Si testes. §. Etiam jure civili. 4. q. 3. et l. 2. C. h. t. cum equyordantiis: tale autem videtur esse illud, quod

fertur a membro Universitatis saecularis pro ipsa contra extraneum. Atque ob has, et consimiles rationes, non desunt Doctores oppositum tenentes: ut Ang. Aretius. Instit. de Rerum divis. in princip. n. 1. quem secutus est Petrasanta Singul. 24. post num. 4. cum nonnullis aliis, quos refert Farinacius cit. quaest. 60. num. 454. et Menochius lib. 2. de Arbitrar. Judic. cas. 106. n. 5. Verum his non obstantibus,

Resp. I. Etiam in causa Universitatis saecularis, 212 vel alterius cujuslibet, possunt testes esse illi, qui sunt de Universitate: adeo, ut cives v. g. pro sua Civitate, oppidani pro suo Oppido ad testificandum admittantur. Ita Abbas in c. Insuper. numer. 2. h. t. Baldus c. Tertio loco. numer. 4. de Probat. Jason l. Sed si haec lege. §. Patronum. n. 7. ff. De in jus vocand. Menochius cit. cas. 106. num. 6. et seqq. Farinac. cit. quaest. 60. de Testib. n. 452. et seqq. citans alios, atque hanc Conclusionem appellans verissimam, et communem.

Ratio fundamentalis est: quia tales revera non ferunt testimonium in propria causa juxta illud l. In censum. ff. de Rerum divis. ubi dicitur: Universitatis sunt, non singulorum, quas communia sunt Civitatum: et consequenter causa Universitatis, non est causa singulorum. Accedit textus in l. Sicut ff. Si quid Universitatis nomin. illis verbis: Si quid Universitati debetur, singulis non debetur. nec quod debet universitas, singuli debent. Unde, quod est commune in universitate, nullus potest singulariter dicere, Meum est: quia imo ista sunt contraria, scilicet, Esse singulorum, et, Esse universorum: quia non potest esse plarium in solidum, prout argumentatur Baldus cit. n. 4.

Hoc ipsum declaratur inductione. Sic potest quis 214 esse testis, qui est de Universitate, etiam saeculari, quando agitur de donatione, vel legato eidem Universitati relicto. Siquidem titulus donationis, seu relicti in ultima voluntate, non acquiritur singulis, sed toti Universitati, l. ult. C. de Saecrosanct. Eccles. et l. Civitatibus. ff. de Legatis l. ubi illud, quod ad divisionem singulorum civium relictum fuerit, censetur esse relictum Civitati. Felinus c. Insuper. n. 2. h. t. Farinacius cit. quaest. 60. n. 472. allegans plurimos alios; et concordant dicta superius num. 199.

Deinde, quando agitur de probatione Confessionum, 215 admittuntur testes de Communitate: quia non testantur in re propria, sed in ea, quae est Universitatis, l. In tantum. §. Universitatis. ff. de Rerum divis. et l. Sed si hoc. §. Qui manumittitur. ff. De in Jus vocand. Menochius de Arbitrar. Judic. cas. 106. num. 5. Farinacius loc. cit. num. 487. Mascardus de probat. Concl. 395. n. 9. asserens, hanc esse communem opinionem.

Tertia, testes de Universitate admitti in probatione consuetudinis non solvendi v. g. decimas, vel gabellas, affirmant Felinus c. Insuper num. 17. h. t. et Farinacius cit. quaest. 60. num. 594. allegans alios; et concordant dicta superius num. 202. Item, sicut testis de Universitate admittitur ad testificandum pro ea, ita etiam admittendus est contra ipsam: tenetur enim esse indifferens ad deponendam juxta veritatem, prout in sua conscientia reperit. Speculator tit. de Teste §. 1. num. 22. Farinacius loc. cit. num. 488. apud quem nonnulla alia huc spectantia.

Nec obstant rationes dubitandi num. 211. in contrarium adductae. Non prima: quia, licet nonnulli Canones expresse faciant mentionem tantummodo de Clericis, utpote de quorum rector gubernio et professo loquuntur; nihilo minus alia Jura indistincte admittunt testes de Universitate, ut di-

etum in Conclusionibus. Accedit, quod etiam Laici praesumantur boni et veraces, donec probatur contrarium. Ad alteram negatur, testes de Universitate dicere testimonium in causa propria, quando testificantur in causa Universitatis: quia Universitatis sunt, non singulorum, quae sunt communis, ut jam dictum. Ad tertiam pariter negatur, membra alicujus Universitatis esse proprie Domestici ejus: unde etiam Jus satis aperte ipsorum testimonium pro causis ad Universitatem spectantibus admittit.

218 Quod si urgens. Ex causa Universitatis, etiam membra illius commodum reportant: ergo adhuc videntur testificari in causa propria. Resp. neg. consequent. Tum ob rationem proximè dictam, quia videlicet ea, quae sunt communis, non sunt singulorum: ac proinde, etsi membra Universitatis emolumentum aliquod exinde reportent (quod ipsum est incertum, consideratis aliis necessitatibus, atque expensis saepe saepius per Universitatem faciendis) illud non percipiant nomine proprio, sed nomine Universitatis, cujus sunt membra. Tum quia ejusmodi commodum non obvenit directe, ac principaliter singulis membris dictae Universitatis (aliquin secus esset dicendum, juxta Conclusionem proximè ponendam) sed solummodo indirecte, secundo et consecutive, ac plerumque non nisi post longum tractum temporis. Hoc autem est per accidens nec impedit eorumdem testimonium: prout in simili patet in Legatariis, qui admittuntur in testes circa validitatem testamenti: haud obstante, quod exinde aliquod lucrum, sive legatum sibi relictum consequantur, §. *Legatariis. Instit. de Testament.* estque jam supra n. 196. dictum.

219 Resp. II. Nihilominus proximè data Conclusio procedit solum in illis causis, in quibus agitur de negotio, seu commodo et incommodo totius Universitatis: secus dicendum, quando agitur de commodo Universitatis, quod sigillatim spectat ad utilitatem singulorum: hoc est, ubi commodum, vel (si causa perdat) damnum inde resultans tangit singulos de Universitate in particulari; quia tunc hi possunt repelli, veluti testes in propria causa, cum in effectu ageretur de commodo, vel damno singulorum. Sic contingit, quando Communitas habet nemora, vel pascua, in quibus quilibet incolarum potest ligna caedere, vel animalia sua mittere ad pascendum: quia tunc orta lite super eisdem, repellerentur singuli de tali Communitate a ferendo testimonio: eo quod lucrum, vel damnum inde obveniret singulis de Communitate in particulari, cum non amplius commo perditam possent ibi ligna caedere, vel animalia sua pascere. Ita Felinus in c. *Insuper. n. 5. h. t. Jason l. Sed si hæc lego. §. Patronum. n. 7. ff. De in jus vocand.* Menochius cit. cas. 106. num. 3. Covarruvias *Practic. Quaest. cap. 18. n. 4.* hanc appellans communem opinionem. Pirhing h. t. num. 102. Farinacius d. *quaest. 60. n. 495. et seqq.* citans complures alios: quamvis Abbas in c. *Insuper. num. 2. vers. Primum membrum. h. t.* de veritate aliorum exemplorum dubitet: Licet enim (inquit) aliqua utilitas obveniat singulis, nihilominus causa est Universitatis, et Universitas potest commutare usum v. g. nemoris, val aliter de eo disponere etc.

220 Similiter, quando agitur de praedictis, vel vineis, aut hujusmodi, cujus proprietates quidem spectat ad Universitatem, sed usufructus aut utilitas ejus pertinet ad singulos (ut puta, quia singuli de Communitate vivunt de fructibus illius) tunc isti non possunt esse testes idonei in tali causa:

nam ratione usufructus, seu utilitatis in singulos provenientis, censetur causa illa spectare ad singulos de Universitate. Baldus c. *Cum nuncius. n. 1. h. t.* Felinus in d. c. *Insuper. n. 5. eod.* Farinacius cit. *quaest. 60. n. 499. et 504.* Pirhing d. num. 102. et alii.

Rursum testes de Universitate non censentur idonei, quando agitur de lite, in qua si Communitas succumbit, venit in singulos imponenda certa collecta: tunc enim talis causa censetur tangere singulos de Universitate, sicque hi non essent admittendi ad testificandum. Felinus c. *Insuper. n. 6. et ibi Baldus n. 3. h. t.* Menochius d. cas. 106. n. 15. Mascardus de *Probat. Concl. 1422. nu. 5. et 6.* Farinacius cit. *quaest. 60. n. 505. et 507.* istud intelligens cum aliis, quando certum foret, collectam singulis de Communitate esse imponendam: alias non.

Resp. III. Insuper data Conclusio est limitanda in causis civilibus arduis, et magni praedicti. Haec enim equiparantur criminalibus, ut dictum supra §. 3. n. 82. ac proinde, sicut testes de Universitate in causa criminali contra extraneos non admittuntur, juxta dicta n. 209. et 210. ita nec in causa civili multum ardua, et magni praedicti. Accedit, quod testis repellatur ob magnam affectionem, quam gerit ad rem litigiosam, non minus, ac consanguineus. Felinus d. c. *Insuper. n. 3. et 11. h. t.* Baldus in c. *Cum nuncius. n. 1. eod.* Covarruvias *Pract. Quaest. cap. 16. n. 4.* atque in re civili ardua, magnique praedicti suae Universitati imminentis, ut puta, ubi agitur de magno honore, commodo, vel jurisdictione ipsius, praesumi potest magna affectio ex parte illius testis propter annexam commoditatem in singulos redundaturam: haud obstante, quod res immediate spectet ad Universitatem, et non ad singula membra ejus. Ita Felinus, Baldus, Covarruvias, ubi supra. Mascardus de *Probat. Concl. 1422. 18.* Farinacius d. *quaest. 60. n. 501. et 522.* allegans plurimos alios.

Quaeritur IV. Num testes de Universitate sint generaliter, seu directe admittendi ad testificandum in negotiis Ecclesiae, vel Universitatis suae, vel tantum in defectum aliarum probationum? Resp. Hanc esse specialem difficultatem, in ejusque resolutione variare Doctores. Et quidem Speculator de *Teste §. 1. n. 22.* Felinus c. *Cum nuncius. n. 2. h. t.* Mascardus *Concl. 318. n. 2.* Engel h. t. n. 39. pluresque alii censent, eos admittendos tantum esse in defectum aliorum testimonium. Idque probant per textum in c. *Etsi Christus. §. fin. de Jurejurand.* ubi Papa Monachis indulget, ut in causis sui Monasterii (deficientibus aliis testibus) pro ipso perhibere possint testimonium veritati. Nota ly, deficientibus aliis testibus: cui textui sane absque divinatione (ait Engel) responderi non potest. Accedit quod praecipua ratio, cur testes de Communitate admittantur, est, quod plerumque homines extranei rerum ad Communitatem spectantium veram notitiam non habeant arg. can. *Super prudentia. 14. q. 2.* Atque haec ratio cessat, quando adsunt extranei veram notitiam habentes qui idcirco testes esse possunt: ergo, Concordat can. *Quamquam ead. 14. q. 2.* ubi, praesertim Clerici in causis civilibus solum admittuntur ad testificandum in subsidium, seu, ubi nullus idoneus saecularium inveniantur personas: ne veritas occultetur, et malus ut bonus aestimetur, prout loquitur textus ibidem. Verum his non obstantibus.

Resp. I. Testes de Universitate admittuntur non solum in subsidium, seu quando veritas aliter haberi non potest (in quo casu nullus negat, eos esse admittendos) sed etiam generaliter, ac

pro illo quoque casu, quo aduunt alii testes: sive, ut loquitur Menochius *de Arbitrar. Judic. lib. 2. cas. 106. n. 8.* testes ejusmodi admittuntur proprie ac directe, et non tantum in subsidium. Ita Abbas *c. Insuper. n. 2. vers. An autem admittantur. h. t.* citans Hostiensem, et Doctores communiter. Felinus *d. c. Insuper. n. 7.* ex professo rejiciens contrariam opinionem Speculatoris. Menochius *ubi supra.* Farinacius *cit. quaest. 60. n. 474. et seqq.* citans plures alios pro utraque sententia; ac *n. 478.* pro concordia subjungens, quod quidem in utroque casu, videlicet tam in subsidium, quam alias, testes de Universitate admittantur, sed quando admittuntur in subsidium, tunc sint testes omni exceptione majores: secus, si non in subsidium, de quo infra *Concl. seq.*

225. Prima pars Conclusionis probatur ex eo. Quia testes de Universitate nullo Jure excluduntur (uti patet ex solutione contrariorum) ergo hoc ipso sunt admittendi, et quidem generaliter, ac directe, per textum in *L. 1. ff. de Testib.* Deinde in saepe cit. *c. Insuper. 6. et c. Cum nuncius. 12. h. t. et can. Super prudentia. 14. q. 2.* indistincte admittuntur testes hujusmodi in causa Universitatis, seu Ecclesiae suae: simulque ratio *nu. 213.* allata, seu quod ejusmodi bona sint Universitatis, non singulorum, urget generaliter, ac indistincte; unde etiam indistincte testes de Universitate sunt admittendi, et non tantummodo in subsidium. Accedit, verisimile non esse, quod quis velit pejerare propter jura Universitatis: *Naturale quippe vitium est negligere, quod communiter possidetur; ut dicitur l. Meminimus. C. Quando et quibus quarta pars etc. lib. 10.*

226. Nec urgent rationes *num. 223.* in contrarium allatae. Nam in *c. Etsi Christus. de Jurejurand.* sermo est de juramento, quod Monachi praestare timebant, ob verba Christi *Matth. cap. 5.* dicentis: *Nolite jurare omnino.* Unde Papa, cum praemisisset, licite jurari pro re vera, atque exigente necessitate postea Monachis dat licentiam jurandi, declarando per illa verba, *Deficientibus aliis testibus*, hic intervenire veram necessitatem jurandi: per hoc tamen non negavit, quin etiam extra talem casum necessitatis possint membra Communitatis in hujus negotiis testimonium ferre. Quinimo, cum istud Jura proxime allegata indistincte concedant, id quod cit. *c. Etsi Christus*, habetur, est intelligendum juxta contingentiam facti, de quo ibidem fit mentio: vel, conformiter ceteris Juribus, dictum illud oportet supplere per ly, *maxime deficientibus aliis testibus*; prout supplendum censet Abbas *d. c. Etsi Christus. n. 4. de Jurejurand.* citans Hostiensem, et Speculator *tit. de Teste. §. 1. n. 22.*

227. Ad alterum patet ex dictis: nam allata ratio non est adaequata: imo praecipua ratio, cur quis possit esse testis in causa Universitatis, ea est, quia jus Universitatis non est jus singulorum. Ad can. *Quamquam. 14. q. 2.* patet ex contextu verborum, ibi solum prohiberi, ne Clerici in causis civilibus, seu instrumentis Laicorum, extra casum necessitatis, testimonium ferant; de quo jam ex professo dictum est supra *§. 6. n. 182. et seqq.* Ex hoc tamen nihil sequitur contra Conclusionem.

228. Resp. II. Etsi testes de Universitate plene probent, quando admittuntur in subsidium, eo quod per alios veritas haberi non possit: nihilominus extra casum defectus aliarum probationum probabilius est, et magis inter Doctores receptum, quod testes de Universitate non sint omni exceptione majores, sed minor fides ipsis sit adhibenda: idque pro qualitate causae, et personarum, Judicis arbitrio sit relinquendum. Prior pars est Abbas *cit. Insuper. num. 2. vers. Ego putarem. h. t.* et Farinacii *d. quaest. 60. num. 478. et 480.*

sub data distinctione concordantis extremae Doctorum sententiae: Fundamentum hujus desumitur ex *c. Tertio loco. 5. de Probation.* ubi testes de Universitate admittuntur ad reprobandum instrumentum in casu, quo agebatur de gestis in Capitulo, sicque alii testes haberi non poterant. Atqui ad reprobandum instrumentum requiruntur testes legales, et omni exceptione majores. Glossa *fin. in cit. c. Tertio loco.* Bartolus in *L. 1. §. Si quis neget. vers. Quaero, quid sit in instrumento. ff. Quemadmodum testament. aperiant.* Felinus *c. Cum Joannes. n. 44. de Fide instrument.* istud inter alia probans ex *L. Optimam. §. fin. C. de Contrahend. stipulat.* Menochius *de Arbitrar. Judic. cas. 106. n. 33.* Mascardus *quaest. 6. Prooem. de Probat. n. 68.* citans alios.

Altera pars est quidem contra Felinum *c. Insu- per. num. 2. h. t.* Menochius *de Arbitrar. Judic. cas. 106. n. 8.* Alexandrum *Consil. 68. num. 14. vol. 2.* et nonnullos alios a Farinacio *d. quaest. 60. n. 537.* citatos, qui indistincte volunt, testes de Universitate plene probare in causis ejusdem. Verum aut hi Doctores sunt benigne interpretandi, quod loquantur in casu defectus aliarum probationum, juxta proxime dicta: aut eadem relictis tenenda est sententia datae Conclusionis, quae est aequitati magis consentanea, magisque recepta inter Doctores: uti videre est apud Mascardum *de Probat. Concl. 1422. nu. 15. et seqq.* et Farinacium *loc. cit. n. 536. et 538.* Ratio est: quia, licet agatur de negotio Universitatis, nihilominus ob naturalem affectionem, quam membra Universitatis circa eam gerere consueverunt ratione utilitatis inde sibi quoque modo obvenientis, non carent omni suspitione: sicque non mirum, quod ceteris paribus minus eis credatur, ac crederetur, si istius etiam suspitione affectionis carerent. Quinquam in casibus particularibus Judicis arbitrio relinquendum sit, quantum fidem mereantur testes de Universitate in hujus favorem deponentes: uti notaverunt Menochius *cit. cas. 106. num. 9. et 11.* Covarruvias *Pract. Quaest. cap. 18. num. 5.* Mascardus *loc. cit. num. 19.* Farinacius *num. 538.* allegans communem.

Infertur proinde, quod licet testes de Universitate admittantur ad testificandam in ejus favorem: in concursu tamen aliorum testium ipsis contradicentium, seu ab altera parte productorum, et contrarium deponentium, minus illis, quam istis credatur: nam illi laborant aliquali suspitione affectionis, non isti; in pari autem causa merito major fides est adhibenda illis, qui utramque qualicunque suspitione carent. Abbas *cit. c. Insuper. n. 2. vers. Ego putarem. h. t.* Menochius *d. cas. 106. n. 10.* Mascardus *cit. Concl. 1422. n. 17.* Farinacius *ubi supra, n. 534.* allegans alios.

### §. VIII.

De Numero Testium ad legitimam probationem requisitorum: et an aliquando sufficiat testimonium unius?

### SUMMARIUM.

229. Regula est, ad legitimam probationem requiri, et sufficere duos testes.  
230. Et quidem in qualibet causa tam personalit, quam Ecclesiastica, imo et criminali.  
231. Dummodo illi, duo testes sint omni exceptione majores.  
232. Testium numerus potest supplere ipsorum defectum in causis civilibus.



- 235 Secus in causis criminalibus, et civilibus arduis.  
 236 Dantur certae causae, in quibus plures, quam duo testes requiruntur. Et n. 241. ac seqq.  
 237 Notabilis contra hoc proponitur obiectio ex illo: In ore duorum etc.  
 238 Quae resolvitur. Et num. seqq.  
 239 Dictum illud: in ore duorum etc. qualiter intelligendum? et num. praeced.  
 240 Consuetudo adhibendi septem testes in Testamento, qualiter dicatur esse aliena a Legē Divina?  
 241 In Purgatione canonica plures requiruntur testes: et cur?  
 242 In causa divortii ob impotentiam viri, septem requiruntur testes.  
 243 Ad condemnationem Episcopi Cardinalis requiruntur septuaginta duo testes.  
 244 De consuetudine istud non servatur in practica.  
 245 Ad inspectionem Privilegiorum, quot testes sufficere debeat?  
 246 De Jure Civili requiruntur in Testamentis septem testes, et quinque in Codicillis.  
 247 Testimonium unius, quantumvis legitimum, regulariter non probat, neque sufficit ad decisionem causarum.  
 248 In quacunque Dignitate is sit constitutus. Et num. seq.  
 Vox unius, vox nullius. *ibid.*  
 249 Idquo procedit etiam de Jure Divino  
 250 Testimonium unius non caret omni effectu. Quia inducit praesumptionem. *Ibid.*  
 251 Et facit indicium sufficiens ad inquirendam, et citandum, et ad torturam.  
 252 Unus testis legitimus facit semiplenam probationem.  
 253 An in illo prorsus casu sufficiat testimonium unius ad plenam probationem, seu terminationem causarum?  
 Rationes dubitandi et negativam tenendi, proponuntur. *ibid.*  
 254 Dantur nonnulli tales casus. Et num. 258. ac seqq.  
 255 Solvuntur rationes dubitandi.  
 256 Papa non potest tollere Jus divinum, bene tamen interpretari.  
 Atque ex certis causis statueret, ut credatur uni testi. *Ibid.*  
 257 An hoc ipsum possint statuere alii Principes superiorem non recognoscentes?  
 Et quid de consuetudine particulari locorum? *Ibid.*  
 258 Uni testi plene creditur, quando non agitur de alterius praedjudicio.  
 259 Puta, quod aliquis sit baptizatus, ordinatus, Ecclesia consecrata etc.  
 260 Dummodo Probatio, v. g. Clericatus nemini praedjudicet: alias secus.  
 261 Testis unus sufficienter probat, quod moriturus dederit signa poenitentiae, sive possit absolvi.  
 262 Sufficit etiam testis unus, quando agitur de impediendo peccato etc.  
 263 Ac in denunciatione inhabilitatis ad Ordines, vel Beneficium obtinendum.  
 Secus, si Beneficium cuiuspiam jam fuisset collatum, *Ibidem.*  
 264 Creditur dicto unius de consensu partium.  
 265 Aut quando Testator ita praecepit.  
 266 Sufficit dictum unius testis ad probandam innocentiam inquisiti, denunciati, vel accusati.  
 Idque exemplificatur, et limitatur. *Ibid.*  
 267 Idem dicendum in causis, in quibus nullo modo, difficulter plures testes haberi possunt.  
 Sic creditur dicto Interpretis. *Ibid.*  
 268 Et quando agitur de indicitiis, seu declaratione mentis disponentis.

BRIFFENSTUEL Jus Can. Tom. II

- Testis unus attestans in individuo de mento alterius, facit indicium. *Ibid.*  
 269 Testis unus probat concurrente simulfama, arbitrio tamen Judicis. Et n. 404.  
 270 Vel quando accedit juramentum suppletorium personae principalis.  
 Aut concurrunt alia adminicula. *Ibid.*  
 271 Officialis jurati dicto creditur in his, quae pertinent ad suum officium.  
 272 Sic statur dicto Nuncii publici.  
 273 Item Ponderatori publico circa mensurationem, seu ponderationem.  
 274 Sicut et Medico, Architecto, Agrimensori, et similibus.  
 275 Statur Notarii publici testimonio de gestis a seipso. Instrumenta publica, in quibus Notarius attestatur de rebus a se visis, vel coram se gestis, faciunt probationem probatam. *Ibid.*  
 276 Quid, si testis asserat, se non ita dixisse, sicut Notarius scripsit?  
 277 Testis unus sufficit in probanda verisimili causa ignorantiae.  
 Ignorantia, qualiter probatur? *Ibid.*  
 278 Testimonio solius Papae creditur, quando deponit de facto proprio.  
 279 Idem dicendum de Imperatore, et Rege.  
 Cardinali asserenti, se esse Legatum Papae, creditur. *Ibid.*  
 280 Sufficit testis unicus in causis levioribus.  
 281 Sicut et ad leviores poenas delinquentibus imponendas; idque exemplificatur.

Quaeritur I. Quot testes requirantur ad legitimam probationem? Resp. I. Regula est, quod in qualibet causa ad legitimam probationem, plenamque fidem faciendam, requirantur, et sufficientes duo testes probatae vitae, omnique exceptione majores; nisi expresse per Legem, seu Canonem plures in aliqua causa requirantur. Ita Speculator Tit. de Teste. §. Restat. num. 1. Forinacius quaest. 63. de Testib. n. 232. et communis. Idque patet ex l. Ubi numerus. ff. h. t. quae canonizata est in can. Si testes. §. Ubi numerus. 4. q. 3. quo utroque in loco dicitur: Ubi numerus testium non adiecitur, etiam duo sufficient. Concordat textus in c. Licet universis. 23. h. t. ubi Pontifex inquit: Mandamus, quatenus si inter vos emergerit quacatio, non minus, quam Duorum, vel trium virorum, qui sint probatae vitae, et fidei conversationis, testimonium admittatis juxta illud Dominicum, (Matth. cap. 18. et Lucae cap. 17.) In ore duorum, vel trium testium, stat omne verbum. Quia licet quaedam sint causae, quae plures quam duos exigant testes, nulla est tamen causa, quae unius testimonio (quamvis legitimo) terminetur. Simile quid habetur c. In omni. 4. et c. Veniens. 10. h. t. cum concordantiis. Accedit ratio: quia manifestum periculum subest, ne si unus homo ad ferendum testimonium admitteretur, is sinistro affectu amoris, odii, timoris, aut hujusmodi perversus, falsum testimonium diceret: duo tamen non tam facile pervertuntur, saltem ut per omnia conformiter loquantur, et falsitas se non prodatur, ut patet in duobus illis Senibus, quos ex propriis verbis falsitatis convictos fuisse, legitur. Daniel. cap. 13.

Atque data Regula procedit in qualibet causa, tam profana videlicet, quam Ecclesiastica. Siquidem Regulae inhaerendum est, donec de fallentia constet; seu per adversarium probetur, cur in illo casu Regula non loquatur. Glossa in Rubric. de Reg. Jur. in 6. Quinimo data Conclusio procedit non solum in causis civilibus, sed etiam in crimi-

nalibus: adeo, ut duorum legitimorum, et omni exceptione majorem testimonium dispositio, sufficiat ad convincendum, et condemnandum. *Farinacius cit. quaest. 63. de Testib. n. 233. Julius Clarus lib. 5. Pract. Criminal. §. An. quaest. 66. n. 5. Mascardus de Probat. Concl. 462. n. 1. et alii. Idque probat textus can. Nullam. §. Sed hoc. 2. q. 5. illis verbis: Quorum vita adeo laudabilis est, ut omnibus imitanda appareat, de quorum assertione nulla dubitatio nasci poterit, eorum testimonio duorum, vel trium testimonium quilibet jure convinci, et damnari poterit.*

- 233 Dicitur notanter in Conclusionem, duo testes omni exceptione majores, sive, ut loquitur allegatus textus, de quorum assertione, nulla dubitatio nasci poterit. Secus enim dicendum de aliis testibus minus idoneis, et quibus aliqua exceptio jure opponi potest, et opponitur: nam in causis criminalibus criminaliter motis requiruntur testes omni exceptione majores, omni que suspitione, et macula manifesta carentes, *cap. 1. de Exception. et can. Testes. 2. q. 7. Mascardus Concl. 460. et 7. Quod ipsum procedit in causis civilibus: nam etiam in his regulariter requiruntur, ac sufficiunt, duo testes omni exceptione majores.*

- 234 Additur regulariter, ob nonnullas limitationes, seu fallentias in progressu adducendas. Quod ipsum, loquendo de testibus omni exceptione majoribus, est limitandum, nisi forsitan testimonium numerus suppleat ipsorum defectum, atque inhabilitatem: nam quod in causis civilibus inhabilitas, testimonium possit suppleri per eorum numerum, tradit Glossa in l. Testium fides. §. Numerus, juncto textu *ibid. ff. h. t. Alexander Consil. 5. n. 6. vol. 1. Jason, in Auth. Si vero contigerit. n. 2. et seqq. C. de Judiciis. Mascardus Concl. 1359. num. 14. et Farinacius de Testibus. quaest. 62. n. 309. et 311. allegans plurimos alios, et communem Doctorum.*

- 235 Secus dicendum in causis criminalibus criminaliter motis: nam in his ob gravitatem eorum, et periculum majoris praedicii, adeo requiruntur testes omni exceptione majores, omni que suspitione et macula carentes, per Jura n. 233. allegata, ut testimonium numerus eorum defectum, atque inhabilitatem non suppleat. Jason *cit. Auth. Si vero contigerit. n. 6. C. de Judic. Baldus c. Ad nostram. n. 1. de Probat. Farinacius d. quaest. 63. n. 211. allegans alios; atque n. 213. istud extendens ad causas civiles arduas et graves, utpote quae aequiparantur criminalibus, juxta dicta superius §. 3. n. 82.*

- 236 Resp. II. Esi Conclusio praemissa regulariter procedat, dantur nihilominus certae causae, in quibus plures, quam duo testes requiruntur. Ita communis; et patet ex *cit. c. Licet. universis. h. t. ibi: Licet quaedam sint causae, quae plures, quam duos exigant testes. Ubi Glossa §. Quaedam, et Baldus num. 1. et Felicius §. in textu, et alii notant; dari quasdam causas, in quibus non solum requiruntur plures, quam duo testes (quod nullus negat) sed etiam plures, quam tres, ut puta, in testamentis, ac hujusmodi.*

- 237 Verum contra istud posterius insurgit Fagnanus in *cit. c. Licet universis. nu. 7. h. t. dicens. Juxta illud Salvatoris jam allegatum, In ore duorum, vel trium testimonium stat omne verbum; ergo repugnat Juri Divino, ut requirantur plures, quam tres, non minus, ac repugnat eidem, quod sufficiat, unus testis. Accedit: quia in allegata Decretali solum dicitur, dari quasdam causas, quae plures, quam duos, exigant testes (hoc enim non repugnat Legi Divinae, quae solum loquitur alternative, duorum vel trium, interim relinquens determinationem Legum humanarum, in quibus causis sufficiant duo testes, vel tres sive necessarij adhibendi) non au-*

tem in etiam Decretali dicitur, dari aliquas causas, quae plures quam tres exigant testes. Quinimo istud expresse reprobat *c. Cum esses. 10. §. Quia vero, de Testament. ubi consuetudo exigendi septem testes in testamentis, dicitur esse aliena a Divina Lega, et Sanctorum Patrum institutis etc.*

Sed his laud obstantibus a data Conclusionem non videtur recedendum; quae amplius patebit inductione, enumerando tales causas, in quibus plures, quam tres testes requirantur, uti patebit ex progressu. Nec obstat Auctoritas Divina, *In ore duorum vel trium testimonium, stat omne verbum. Quia, ut inquit Glossa in cit. c. Licet universis. §. Duorum. et Baldus ibid. h. t. dictum illud est intelligendum abnegative, seu exponendum pro: id est, non pauciorum: ut sic affirmativa exponatur per negativam. Concordat illud Deuteronom. cap. 17. In ore duorum aut trium testimonium paribit, qui interficiuntur: nemo occidetur uno contra se dicente testimonium: sicque praemissum ly, In ore duorum, aut trium testimonium, clavis verbis exponitur abnegative. Hoc ipsum fit, atque repetitur Deuteronom. cap. 19. vers. 15.*

Deinde dictum illud procedit regulariter: limitatur tamen in casibus, ubi per Leges humanas iustis de causis, seu ad praecavendum diversis fraudibus hominum, plurimum testimonium requiritur. Neque istud est prohibitum Jure Divino, eo quod de tali prohibitione non constat. Quinimo illa ipsa Auctoritas Divina, etiam abnegative intellecta, patitur limitationem in causis nulli praedicialibus, et nonnullis alijs, in quibus sufficere testimonium unius, infra n. 254. 258. et seqq. dicitur: ergo pariter, imo a fortiori, potest limitari, ut in certis causis ex rationabili dispositione Legum humanarum requirantur plures, quam duo, aut tres testes.

Ad *c. Cum esses. de testament. longiori opus foret responsione: pro nunc sufficiat dicere; consuetudinem adhibendi septem testes in testamento juxta praescriptam Legem Civilem, ibidem dici a Lega Divina alienam: non quidem positive, quasi sit contra Legem Divinam, hujusque prohibitionem; sed negative, quia est praeter Legem Divinam, neque ab hac fuit praecepta. Neque cuiquam mira videatur haec responsio: nam haec ipsa ratio in §. Jus autem gentium. Instit. de Jur. natur. gent. civil. bella, captivitates et servitutes, dicitur Juri naturali contrarias; prout dictum in Prooemio, Lib. 1. §. 1. num. 22.*

Resp. III. Inter casus illos, qui de Jure Canonico plurimum, quam duorum, vel trium requirunt testimonium, potissimum sunt sequentes. Primo, in Purgatione Canonica: nam in Purgatione Episcopi requiruntur testes duodecim; *can. Omnibus. §. Ipse vero Sacerdos. 2. q. 5. juncto cap. 1. et c. Quoties. de Purgat. canon. Et in purgatione Presbyteri, septem; et in purgatione Diaconi, tres, can. Si legitimi. ead. caus. 2. q. 5. nec mirum, quod plures testes in purgatione canonica requirantur: hi enim solum deponunt, ac jurant ex credulitate, seu quod credant, purgatorem, negantem sub juramento crimen sibi obiectum, verum jurasse, *cit. c. Quoties. et c. De Testibus. de Purgat. canon.**

Secundo, in causa divortij, ob impotentiam viri inter conjuges instituendi, requiritur, quod uterque, tam vir nimirum quam mulier, cum se prima propinquorum, vel vicinorum mano juret, quod invicem cohabitaverint, et tamen nunquam per carnis copulam una caro effecti fuerint, *can. Requirivisti. 34. q. 1. et c. Laudabilem. 8. et c. Litterae. 7. de Frigid. et maleficiat.*

Tertio, in *can. Praesul. et can. Nullam. 2. q. 4. 243*

ad condemnationem Episcopi Cardinalis requiruntur septuaginta duo testes; et quadraginta quatuor ad Presbyterum Cardinalem, et septem ad Subdiaconum, Acolytum etc. dammandum. Quamquam Gratianus in *fine cit. can. Nullam*, et Abbas *c. licet*. n. 4. h. t. post Hostiensium *ibid.* asserant, Canones allegatos loqui de testibus non integris, sive de talibus, qui cum sint non spectatae vitae et scientiae, improbe nonnunquam in accusationem Ministrorum Dei repente prosiliunt: alias vero sufficerent duo, vel tres testes, si sint omni exceptione majores; quorum nimirum vita adeo laudabilis est, ut omnibus imitanda appareat, de quorum assertione, nulla dubitatio nasci poterit, prout loquitur Gratianus *loc. cit. §. Sed hoc*.

244 Verum, quidquid sit de rigore Juris communis, quod dispositio *cit. can. Praesul. 2. q. 5. de consuetudine* non servetur hodie in practica: testatur Jul. Clarus in *Pract. Crimin. lib. 5. §. fin. quaest. 63. n. 5.* Pirhing *h. t. num. 108.* Farinacius *quaest. 63. de Testib. n. 244.* allegans alios, et communem.

245 Quarto, ad inspectionem Privilegiorum, quae redarguuntur de falso, debet quis esse contentus duodecim hominum numero, *c. Accepimus. 4. §. fin. de Fide instrument.*

246 Quinto, de Jure Civili in Testamentis requiruntur septem testes, *l. Hac consultissima. C. de Testament.* Et quinque testes in Codicillis, *L. ult. C. de Codicill.* et alibi. Similiter requiruntur quinque testes in donatione facta causa mortis, *L. ult. C. de Donation. caus. mort.* Tacentur plures alii casus, in quibus ad legitimam probationem plures requiruntur testes, quam duo: de quibus fere agit Speculator *Tit. de Testib. §. Restat. n. 1. et seqq.* universum viginti duo tales casus enumerans; et Farinacius *de Testib. quaest. 63. n. 239. et seqq.* allegans alios.

247 Queritur II. Utrum probet, vel quid aliud operetur testimonium unius? Resp. I. Testimonium unius, quatenus legitimum, contra alterum regulariter non probat, neque sufficit ad decisionem causarum. Ita Glossa *fin. in c. Licet universis. 23. h. t. Speculator Tit. de Testib. §. Restat. n. 8. et seqq.* Mascardus *de Probat. Quaest. 11. Prooem. n. 2. et seqq.* Farinacius *cit. quaest. 63. n. 50. ac seqq.* et alii. Conclusio haec patet ex *cit. c. Licet universis. h. t.* ubi dicitur: *Nulla est tamen causa, quae unius testimonio, quamvis legitimo, terminetur.* Ubi Glossa istud esse verum, inquit, in praedictum alterius: quod merito additur ob casus infra n. 208. excipendos. Concordat *c. Veniens. 10. h. t. ibi: Nec unius testimonium ad condemnationem sufficit alicujus: junctis concordantiis ibidem a Glossa huius citatis.* Hinc *can. Admonere. 33. q. 2.* Stephanus Papa V. generaliter inquit: *Nec Evangelium, nec ulla Divina, humanaque Lex unius testimonio etiam idoneo quampiam condemnat, vel justificat: cum similibus.*

248 Et hoc intellige de uno teste, in quacunque Dignitate sit constitutus, *can. Si testes. §. Jurisjurandi. 4. q. 3. et l. Jurisjurandi. C. de Testib. ibi: Manifeste sancimus, ut unius omnino testis responsio non audiat, etiamsi praeturae Curiae honore praefulgeat.* Ubi proinde Summarium refert illud vulgatum: *Vox unius, vox nullius.* Concordat *c. Cum a nobis. 28. de Testib.* ubi Papa districtius inhibet, ne unius Judicis, quantaecunque auctoritatis fuerit, verbo credatur in causis, sive super testamentis, sive quibuslibet aliis contractibus quaestio agitur. Nec scriptum eorum (nisi testimonium adminiculo fulviatur) eam obtineat firmitatem, quin si possint, et debeant, duorum vel trium testium bonorum testimonia praevalere: salva in omnibus Sedis Apostolicae auctoritate. Haec ibi.

249 Atque istud procedit non solum de Jure humano, Civili, et Canonico, sed etiam de Jure Divino, REIFFENSTUEL Jus Can. Tom. II.

juxta illud Salvatoris, Math. 18. Luc. 17. *In ore duorum, vel trium testium stat omne verbum.* Quod esse intelligendum abnegative, aem exponendum pro ly, non pauciorum, paulo superius n. 238. jam dictum fuit, atque probatum ex illo Deuteronom. cap. 17. *Nemo occidatur uno contra se dicente testimonium.* Sigism. Scaccia *lib. 2. de Judiciis, cap. 9. n. 381. et 392. et seqq.* istud intelligens de causis, in quibus agitur de magno praedictio. Farinacius *cit. quaest. 63. n. 2. et 3.* allegans alios; atque hoc amplius ad testem Senatoria, aut Praesidiali Dignitate fulgentem, juxta *c. Licet ex quadam. 47. h. t. Abbas c. Cum a nobis. num. 1. h. t.* asserens, quod excepto Papa (utpote quem solum testis ibidem excipit) nulli credatur in praedictum alterius; quantaecunque fuerit auctoritatis, etiam Cardinalitiae.

Resp. II. Esi testimonium unius facit plenam fidem, neque solo sufficit ad terminationem causarum, ut dictum; nihilominus illud non caret omni prorsus effectu. Ita communis; ac patet inductione. Sic quippe testis unus inducit praesumptionem. Glossa *fin. c. Licet universis. h. t. Speculator Tit. de Testib. §. Restat. n. 11.* Mascardus *de Probat. Quaest. Prooem. 11. n. 4.* Farinacius *d. quaest. 63. n. 50.* allegans alios. Idque patet ex *L. 1. §. ff. Quomodo modum testamenti aperiant.* ubi dictum unius testis, sigillum suum negantis se agnoscere, reddit suspectas tabulas testamenti, licet eas non prorsus infringat.

Deinde unius testis integri depositio facit indicium sufficiens ad inquirendam, et citandam, imo et ad torturam. Scaccia *lib. 1. de Judic. cap. 84. n. 7.* post Romanum *Consil. 451. n. 4.* et Vivianum in  *suis Commun. Opinion. §. Testis unius.* Jul. Clarus in *Pract. Crimin. lib. 5. §. fin. quaest. 21. n. 2.* allegans communem.

Tertio, unus testis legitimus facit semiplenam probationem. Glossa in *L. 3. §. Decidi oportet. C. de Rebus creditis.* Jason in *Repet. l. Admonendi. n. 178. ff. de Jurisjurand.* Mascardus *cit. quaest. 11. num. 3.* Quia si duo faciunt plenam probationem; ergo unus semiplenam, prout argumentatur Glossa *cit. loc.* allegans diversa Jura. Atque hinc ulterius fit, quod Juxta possit deferre juramentum suppletorium illi, pro quo stat semiplena probatio: saltem in defectum aliarum probationum, *L. Si duo. §. 1. ff. de Jurisjurand.* ac suo loco amplius dicetur.

Queritur III. Utrum in nullo prorsus casu sufficiat testimonium unius ad plenam probationem, seu terminationem causarum? Ratio dubitandi, ac negativam tenendi, desumitur ex jam allegato dicto Salvatoris Math. cap. 18. *In ore duorum, vel trium testium stat omne verbum:* quod esse intelligendum abnegative, hoc est, ut non sufficiat verbum pauciorum, jam supra dictum est. Accedit illud *c. Licet universis. 23. h. t.* ubi Pontifex indistincte inquit, quod nulla est causa, quae unius testimonio (quamvis legitimo) terminetur, cum similibus. Verum his non obstantibus,

Resp. I. Dantur nonnulli casus, in quibus dictum unius testis plene probat, seu tantam fidem facit, quanta sufficit ad decisionem causarum. Ita Speculator *Tit. de Testib. §. Restat. n. 8. et seqq.* triginta tales casus enumerans. Card. Tachius *Lit. T. Concl. 281.* addens plures alios casus. Felix *c. Veniens. il. 1. n. 18. et seqq. h. t.* Baldus *c. Licet universis. n. 4. eod.* Mascardus *cit. quaest. 11. Prooem. n. 12. et seqq.* Farinacius *d. quaest. 63. n. 18. et seqq.* citans complures alios. Concordant dicta superius *Tit. praeced. §. 3. n. 61. et seqq.* ubi plures enumerantur casus, in quibus terminandis non requiritur plena, et necessario concludens.



probatio, sed sufficit semiplena, vel alia ex indicis, atque conjecturis deprompta, admittitur: unde consequens est, quod in ipsis etiam sufficiat testimonium unius fide digni testis, cum istud caeteroquin faciat semiplenam probationem.

255 Non obstant rationes dubitandi proxime adductae. Nam dictum Salvatoris, *In ore duorum, etc.* sicut et c. *Licet universis. h. t.* utpote fundata se in relata auctoritate Divina, loquitur de causis arduis et gravibus, in quibus agitur de magno praedicio: puta, in criminalibus, ubi agitur de inferenda morte, juxta illud jam allegatum Deuter. cap. 17. *Nemo occidatur uno contra se dicente testimonium*: et in causis civilibus arduis, magnique praedicii, eo quod hae aequiparentur criminalibus, juxta dicta superius. §. 3. n. 82. prout respondet Glossa *fn. in cit. c. Licet universis. h. t.* ac verissimam esse solutionem, inquit Sigism. Scaccia lib. 2. de Judic. c. 9. n. 392. Secus ergo dicendum de aliis causis, in quibus vel de nullo, vel saltem non de gravi praedicio alterius agitur.

256 Accedit, quod etsi Summus Pontifex non possit tollere Jus Divinum, neque in eo dispensare; imo teneatur illud usque ad animam, et sanguinem confirmare, *can. Sapit quidam. 25. q. 1.* Nihilominus potest is Jus Divinum interpretari, atque ex certis et urgentibus causis interpretando limitare; prout amplius dictum est, *Lib. 1. Tit. 2. De Constitutionibus. §. 18. num. 455. et seqq.* Ergo etiam Papa potest ex certis causis, et pro aliquibus contrariis definiendis statuere, ut credatur uni testi, eique plena fides adhibeatur, sufficiens ad decisionem causarum: ut puta, in rebus nullius, aut modici praedicii, vel quando agitur de impediendo peccato, et hujusmodi Abbas c. *Nuper nobis. n. 1.* et Felinus *ibid. n. 3. h. t.* Farinacius *cit. quaest. 63. n. 11. et 12.* et Scaccia *d. lib. 2. quaest. 9. n. 380.* allegans alios, atque hanc appellans communem, et veriore opinionem.

257 Et hoc ipsum praecitati Auctores extendunt ad alios Principes superiorem non recognoscentes. Licet enim isti generaliter et pro omnibus causis, etiam arduis, magnique praedicii statuere non possint, ut unico testi plene credatur (obstat enim Jus naturale, ac Divinum jam relatam) possunt tamen in aliquibus negotiis, atque ex certis causis statuere, ut unico testi caeteroquin idoneo, ac jurato, vel in magna Dignitate constituto, plena fides in Judiciis adhibeatur. Atque istud confirmatur ex *can. Quicumque. et can. Omnes itaque. 11. q. 1.* ubi Theodosius Imperator decrevit: ut *testimonium, ab uno licet Episcopo perhibitum, omnes Judices indubitanter accipiant etc.* Et quod hic dictum est de Principe, extenditur etiam ad Civitates Superiorem non recognoscentes, harumque Statuta; sicut et ad particulares consuetudines locorum. Farinacius, *ubi supra*, citans alios.

258 Resp. II. Inter casus, in quibus uni testi, caeteroquin legitimo, ac jurato plene creditur, potissimum numerantur sequentes. Primo, uni testi plene creditur, quando non agitur de alterius praedicio. Ita Glossa in c. *Nuper. §. Nisi juratus. h. t.* Felinus c. *Veniens. il. 1. n. 18. cod.* Abbas in c. *Proposisti. de Consecr. Ecclesiae.* Jason l. *Legatum est. ita. n. 20. ff. de Legatis. I.* et alii.

259 Sic per unum testem plene probatur, quod aliquis sit baptizatus, *can. Parvulos. et can. Cum itaque. de Consecr. dist. 4.* Similiter per unum testem probatur, quod aliquis sit ordinatus, vel quod Ecclesia sit consecrata; ac similiter Sacerdotium, vel Doctoratus potest probari per unum testem juratum, qui interfuit: siquidem in istis casibus depositio testis nemini praedicare solet, bene tamen

prodesse illi, pro quo fit. Glossa *fn. in c. Nuper. h. t.* id ampliatis ad casum, quo quis vult probare, se egisse poenitentiam, per Confessarium suum. Speculator *Tit. de Teste. §. Restat. n. 8.* Baldus c. *Licet universis. n. 4. h. t.* Mascardus *cit. quaest. 11. n. 14.* et alibi. Jason *cit. l. Legatum est. ita. n. 20. ff. de Legat. I.* Farinacius *cit. quaest. 63. n. 26.* et alii.

Additur notanter, nemini praedicare solet etc. 260 Nam, quando probatio v. g. Clericatus afferret alteri praedicio, ut puta, si agitur lis inter duos super Beneficio uni eorum collato, cujus collationem alter praetendit nullam, veluti factam in non Clericum; tunc probatio illa Clericatus debet legitime fieri vel per duos testes, vel per scriptum instrumentum recepti Clericatus: ut c. *Tuas. de Cleric. peregrin.* ac recte notat Farinacius *loc. cit. n. 27. et 28.* allegans alios.

Similiter ob eandem rationem, non quia non agitur de alicujus praedicio: probat sufficienter testis unus, quando quis morituros dedit signa poenitentiae, seu petiit Confessarium, de quo saltem unus testatur: quia ille potest absolvi, etiamsi lapsus in phrenesim, vel jam agonizans, superveniente Confessario nullum amplius signum dare possit, *can. Qui recedunt. et can. Is qui poenitentiam. 26. quaest. 6.* Speculator *cit. tit. de Teste §. Restat. nu. 8.* Card. Tuschus *Litt. T. Concl. 281. n. 14.* Diana *part. 3. tract. 3. resolut. 5.* et alii; atque jam dixi in Theologia Morali *Tract. 14. Dist. 7. n. 67.*

Deinde, ubicunque agitur de impediendo peccato, et simul nondum fuit jus aliud alteri quaesitum, sufficit testis unus, utpote ad cujus depositionem oritur dubium, an actus ille liceat: in dubio autem non est licitum operari. Idipsum desumitur ex c. *Super eo. 22. h. t.* ubi ad dictum solius matris de impedimento deponentis, impeditur matrimonium a filio contrahendum, sed contractum non dissolvitur: estque jam dictum supra §. 5. n. 146. Abbas in *cit. c. Super eo. n. 7.* et Virianus *ibid. §. Quae praesumptio. h. t.* Jason in *Repetit. l. Admonendi. n. 197. ff. de Jurejurand.* Farinacius *de Testib. quaest. 63. n. 48.* Sanchez *lib. 1. de matrim. disp. 71. n. 1.* loquens de impedimento matrimoniali, et asserens, nullam in hoc discrepare; atque *num. 2. et seqq.* istud ampliatis ad testem non citatum, ad testem criminis, atque ad testem, qui non vult publice, seu in partis praesentia testificari, sed duntaxat secreto, et absque sui nominis publicatione, *arg. c. Praeterea. 12. de Spanalib.* Quod intellige cum Gobat *tract. 9. Theolog. Experiment. n. 66.* et aliis, quomodo non probatur contrarium: prout fieri posse, constat ex *cit. c. Praeterea.* juncta Glossa *fn.*

Hoc ipsum tradit Layman *lib. 3. Theolog. Moral. 263. sect. 5. tract. 6. cap. 4. nu. 6.* et Pirhing *h. t. num. 112.* de denunciatione inhabilitatis ad suscipiendos Ordines, vel obtinendum Beneficium Ecclesiasticum: quia sufficit unus testis juratus, cum agatur de impediendo peccato alterius, et jus partem necdum fuerit acquisitum; quamvis (inquit Pirhing *loc. cit.*) nonnulli contradicant. Quod si autem Beneficium cuiquam jam fuisset collatum, certum est, non sufficere testem unicum ad inducendam illius inhabilitatis probationem; sed requiri plenam probationem per duos saltem testes, *arg. c. Super his. 16. de Accusation.* cum similibus.

Tertio plene creditur dictio unius, de consensu, 264 seu partium. Siquidem, ubi consensus partium intervenit, potest etiam fieri, ut soli dicto alterius partis, seu adversarii sui credatur, *L. ult. C. de Fideicommiss. et L. ult. C. de Sentent. pass. ergo pariter, et quidem a fortiori, possunt partes con-*

venire; et facere ut credatur uni testi caeteroquin indifferenti. Speculator loc. cit. n. 11. Farinacius cit. quaest. 63. n. 18. et seqq. allegans communem aliorum; idque intelligens, quando partes non solum consentiunt in personam testis, sed etiam in dictum ejus super certo negotio.

265. Quarto, stator dicto unius testis, quando Testator ita praecepit. Potest enim Testator in sua ultima voluntate mandare, ut in materia haereditatis statueret assertioni unius certae personae; et tunc creditur ipsi propter auctoritatem Testatoris, utpote ejus solius dispositioni staretur, l. Theopompus. ff. de Dote praed. legat. Glossa fin. c. Veniens. il. 1. et Felinus ibid. n. 28. h. t. Speculator cit. §. Restat. nu. 8. Jason in d. p. tit. l. Admonendi n. 200. ff. de Jurajurand. Mascardus cit. quaest. 11. Proem. n. 13. Farinacius ubi supra, n. 39. cum aliis. Qui tamen addunt, tunc requiri citationem partis adversae, ac praevium testis illius juramentum, quod Testator ita sibi impetraverit.

266. Quinto, sufficit dictum unius testis ad probandam innocentiam inquisiti, denunciati, vel accusati. Mascardus de Probat. Concl. 491. nu. 17. et 18. et Concl. 906. n. 10. Farinacius d. quaest. 63. n. 42. et 43. alique plures ab his citati. Hinc si Titius accusatur, quod occiderit Cajum, ille vero probet, quod occiderit provocatus, et ad suam necessariam defensionem; vel quod Cajus non ex vulnere, sed ab malum regimen obierit: tunc ad probandam Titii innocentiam sufficit testis unus, caeteroquin tamen idoneus, saltem ad hoc, ut non possit condemnari. Secus tamen dicendum, quando per duos legitimos testes probatum fuit, quod Titius occiderit Cajum, et Titius e converso per unum testem probare conetur, quod non occiderit: quia tunc ambae probationes non sunt compatibiles (quales tamen sunt in priori casu) sed inter se directe contrariae: ac proinde probatio accusatoria, veluti plenior, praefertur probationi ipsius Rei. Farinacius cit. n. 43. allegans alios, et concordant dicta Tit. praeced. §. 4. n. 74. et 76.

267. Sexto, sufficit dictum unius testis in probatione causarum, in quibus vel nullo modo, vel saltem difficulter haberi possunt plures testes, arg. l. 1. §. fin. ff. de Verb. obligat. Ubi creditur dicto Interpretis, linguam ignotam alteri explicantis: quamquam Glossa marginalis ibid. dubitet, an Interpretes possit dici testis, ac velit, cum potius esse dicendum expositorem, quam testem. Mascardus quaest. 11. Proem. n. 17. Farinacius cit. quaest. 63. n. 38. allegans alios. Concordat Card. Tuschus Litt. T. Concl. 281. n. 50. hoc ipsum docens in antiquis, in quibus fama, et semiplena probatio sufficit: quia pariter (inquit ipse post Decianum Consil. 17. n. 11. et seqq. lib. 3.) admittitur unus testis.

268. Idem dicendum, quando agitur de iudiciis, seu declaratione voluntatis, et mentis disponentis, quae per indicia et conjecturas satis apparet, l. Haereditas palam. §. Sed si notum. ff. de Testament. et l. Cum proponeretur. ff. de Legat. I. Quia testis attestans in individuo, et directe de mente alterius, facit iudicium et conjecturam. Alexander Consil. 75. n. 14. vol. 5. Et sic in dato caso etiam probat Card. Tuschus cit. Concl. 281. n. 71. et 72. illico post Gabriellam Consil. 51. n. 8. lib. 2. subjungens, quod ubi agitur de iis, quae non sunt facti, sed animi et intentionis, unus testis sufficit.

269. Séptimo, probat unus testis concurrente simul fama, arg. cap. 1. de Appellation. ac notat Abbas in c. Cum causam. n. 2. de Probat. Speculator Tit. de Testa. §. Restat. n. 11. Card. Tuschus Litt. T. Concl. 281. nu. 32. Quod tamen intelligendum est accedente simul arbitrio Judicis, juxta dicenda infra §. 12. n. 401. et 404. ac seqq.

Similiter testis unus probat, quando accedit iuramentum suppletorium personae principalis, l. In bonae. C. de Rebus credit. et c. Sicut de Probat. Speculator ibid. n. 8. Card. Tuschus cit. Concl. 28. n. 10. Et quoties cum uno teste concurrunt aliae praesumptiones, seu adminicula: quia tunc, si testis ille caeteroquin sit major omni exceptione, in causis civilibus (secus in criminalibus) videtur induci plena probatio. Farinacius d. quaest. 63. n. 35. allegans alios; et concordant dicta superius Tit. praeced. §. 4. n. 98. 99. et seqq. ubi ostensum, atque declaratum fuit, qualiter ex duabus semiplenis probationibus fiat una plena.

Octavo, creditur dicto Officialis jurati, in his, quae pertinent ad suum officium. Idque fit tum ratione publici officii, quod gerit: tum ratione juramenti, cum juratus sit officium suum fideliter exequi; ac proinde hoc praestare praesumatur: nisi contrarium probetur, per textum in c. Illud quoque. 11. juncta Glossa fin. de Praesumpt. et c. Ad audientiam. 13. de Praescriptio. et alibi.

Sic statur dicto Nuncii publici jurati in iis, quae concernunt suum officium. Mascardus de Probat. Concl. 1121. n. 1. et 4. Puta dicentis, quod aliquem citaverit, Glossa c. Cum parati. §. Suus nuncius de Appellat. Jason l. Ne is n. 10. ff. de Acquirend. haeredit. Mascardus loc. cit. n. 14. et seqq. rationem hujus redditens: quia Nuncius publicus juravit officium suum exercere legaliter; et sic ipsi creditur, donec probetur contrarium, dummodo aliunde non sit suspectus. Sed de hoc plura superius Tit. 3. De Libelli oblation. §. 2. n. 52. et seqq.

Insuper creditur Ponderatori publico circa mensurationem, seu ponderationem justae rerum ad se delatarum, quando is ab aliqua Civitate constitutus est ad ponderandum, seu mensurandum, l. 2. de Ponderation. lib. 10. ubi ad ejus dictum lites extorque dirimuntur.

Et idem dicendum in Medico, Architecto, Agrimensore, et similibus: nam etiam uni horum (si unum solum Civitas habet) jurato deponenti credendum esse, decivum legitur in Auth. De non alienandis etc. §. Quod autem. Collat. 2. Baldus c. Licet universis. n. 4. h. t. Felinus c. Veniens. il. 1. n. 20. eod. Farinacius d. quaest. 63. num. 40. allegans alios.

Nono statur Notarii publici testimonio, licet singulari, de gestis a seipso: ut si attestetur, aliquid a se scriptum. Menochius de Arbitr. Judic. lib. 2. cas. 92. num. 3. Mascardus de Probat. Concl. 1101. n. 1. cum aliis. Adeo, ut instrumenta publica, quae magna illa praesumptione Notarii publici, attestantis de rebus a se visis, vel coram se gestis jvantur, vere credantur, et probationem probatam faciant. Bartolus in l. 1. in princip. n. 8. et Jason ibid. n. 10. ff. de Novi oper. nunciat. Menochius de Recuperand. posseta. remed. 1. n. 224. Mascardus loc. cit. nu. 2. Idque desumitur ex c. Ad audientiam. 13. de Praescriptio. ibi: Nec credendum sit, ipsum Seriniarium, cum juratus sit suum officium fideliter exequi, aliud scripsisse, quam a testibus diceretur. Intelligi, nisi aliunde probetur contrarium, seu ejusmodi instrumentum impugnetur, conformiter dicendis infra Tit. 22. De fide Instrumentorum. §. 10. n. 287.

Quinimo Abbas ex allegato textu in cit. c. Ad audientiam. n. 7. de Praescriptio. post Speculatorem Tit. de Instrumentorum editione. §. Restat vers. Quod si dum attestaciones. num. 10. et seqq. concludit, quod si testis publicatione dicti sui facta esset, se non ita dixisse, sicut Notarius scripsit: nihilominus Notario plus credatur in causis civilibus, per textum cit. c. Ad audientiam. Intelligi, nisi

- foram Notarius aliunde foret suspectus; aut falsitas scripturae suae per alios testes qui simul aderant, et audierant deponentem, probari posset.
277. Decimo, sufficit unus testis in probanda verisimili causa ignorantiae. Quia enim ignorantia in dubio praesumitur; ideo testis unus, de causa dictae ignorantiae deponens, plene probabit. Speculator *Tit. de Teste. §. Restat de numero. n. 8.* Farinacius *loc. cit. n. 40.* Quinimo in tali caso statim soli iuramento illius, qui allegat ignominiam; puta, quod ignoraverit v. g. illum esse Clericum, quem percussit, c. *Si vero aliquis. 4.* iuncta Glossa *§. Ignoraverit. de Sentent. excommunicat.* Card. Tuschus *d. Litt. T. Concl. 281. n. 7.* Aut, quod ignoraverit, citationem Edictalem contra se fuisse factam. Glossa c. *Ex litteris. §. Ad plenum. De integritate restitut.* estque jam dictum supra *Tit. 14. De Dolo et contumacia. §. 2. n. 60.*
278. Undecimo, plene creditur assertioni, ac testimonio solius Papae, quando deponit de facto proprio. Estque illud speciale in Summo Pontifice, ob supremam eius auctoritatem, c. *Cum a nobis. 28. h. t.* ubi Abbas, et Barbosa *n. 4.* post Romanum *Singul. 116.* qui istud extendit etiam ad ea, quae vidit Papa ante Papatum, et alios. Concordat *Clem. un. de Probationibus. §. 4. n. 104. ac seqq.*
279. Hoc ipsum esse dicendum de Imperatore, et Rege, aliisque Principe superiore non recogno-scute: censet Mascardus *de Probat. Concl. 139. n. 10. et 35. et Concl. 1227.* Farinacius *d. quaest. 63. n. 28.* Barbosa *cit. nu. 4.* cum aliis, quos allegant. Insuper creditur Cardinali, asserenti, se esse Legatum Sedis Apostolicae, etiam non exhibitis litteris suae commissionis, seu legationis, *arg. cum Nobilissimus. dist. 97.* estque jam dictum *Lib. 1. Tit. 30. de Officio Legati. n. 27.* ac suae declarat. Farinacius *cit. quaest. 63. n. 55. et seqq.*
280. Duodecimo, sufficere testem unicum, caeteroquin idoneum, in causis levioribus, in quibus solum de modico praepjudicio tertii agitur; sicut et in causis summariis, quae de plano, ac sola veritate inspecta expediuntur: tenet Mascardus *cit. quaest. 11. Prooemial. n. 18.* Farinacius *d. quaest. 63. n. 20.* Pirhing *h. t. n. 112.* et alii: estque uberius dictum supra *Tit. praec. §. 3. n. 64. et 65.* ubi a *n. 61. usque ad num. 68.* nonnulla alia hac applicabilia continentur.
281. Similiter ad leviores poenas delinquentibus imponendas sufficit quandoque unus testis de commisso excessu: unde ex testimonio publici Custodis mulctari solent furantes ligna et sylva communi. Sic etiam in Religionibus leves poenitentiae imponi solent ex unius testimonio: quia in ipsis ita expedit facere pro bono communi, seu conservanda disciplina Regulari: ut ait Lugo *de Justit. et Jur. disp. 39. n. 17.* Tacentur caeteri casus, apud Auctores hactenus citatos videandi: nam illi vel commode reducuntur ad unum praemissorum, vel sunt minoris considerationis.
285. Ea est triplex; nempe
286. Singularitas obstativa, seu adversativa.
287. Singularitas adminiculativa; et
288. Singularitas diversificativa, quid?
289. Regula est, quod testes singulares non probent. Testes singulares tantum probant mille, quantum unus. *Ibid.*
290. Idipsum ostenditur ex Jure.
291. Regula haec vel maxima procedit in testibus singularibus singularitate obstativa, seu adversativa.
292. Nequit istis deferri iuramentum in supplementum.
293. Melius est, habere unum testem, quam plures singulares singularitate obstativa, Et num. 291. et 292.
294. Testes singulares singularitate diversificativa, plene non probant.
295. Quamvis singuli eorum probent tantum, quantum unus. Et num. praeced.
- Sicque ex eorum depositione oritur semiplena probatio. *Ibid.*
296. Quidquid nonnulli contradicant.
297. Testes singulares singularitate adminiculativa probant in causis civilibus idem factum genericum, seu successivum.
298. Et hujus ratio.
299. et 300. Idem declaratur exemplis.
- Possessio, Jurisdictio, et similia, possunt probari per testes singulares singularitate adminiculativa. *Ibid. et num. 303.*
301. Iura indistincte dicentia, quod testes singulares non probent, procedunt in testibus, singularibus singularitate obstativa, et diversificativa, non adminiculativa. etc.
302. et 303. Proponitur, et solvitur instantia ex c. Cum causam. de Election.
304. Factum particulare, seu actum specialem et individuum, non probant testes singulares singularitate adminiculativa.
305. Etsi magna exinde consurgat praesumptio, et aliquando plus, quam semiplena probatio.
306. Unde Judex potest moveri ad ferendum iuramentum suppletorium.
- Imo quandoque ad indubitanter credendum, et ferendam sententiam. *Ibid.*
307. In causis criminalibus non probant testes singulares singularitate adminiculativa, etsi causent praesumptionem contra Reum, et aperiant viam ad specialiter inquirendum etc.
308. Et ratio hujus.
309. Testes singulares singularitate adminiculativa probare usuram, tenent non pauci Doctores.
310. Opposita Sententia videtur tenenda.
311. Hoc ipsum videtur dicendum de probatione Haeresis.
312. Ad probationem Sollicitationis poenitentium in Confessionali admittuntur testes singulares, sed non probant sine aliis praesumptionibus et indicis.

## §. IX.

De Testibus singularibus, eorumque probatione.

## SUMMARIUM.

282. Testes alii vocantur Testes contestes: alii Testes singulares.
283. Et qui sint?
284. Singularitas testium potest induci secundum omnia decem Praedicamenta.

Quaeritur I. Quid, et quotuplicis generis sint Testes singulares? Resp. I. Testes singulares contradistinguuntur a Testibus contestibus, atque istis directe opponuntur: generatim enim loquendo, alii vocantur Testes contestes; alii vocantur Testes singulares.

Testes contestes dicuntur, qui unum et idem factum testantur, v. g. se vidisse, quod Titius occiderit Cajum tali loco, et tempore. Testes singulares e contra sunt, qui testantur super diversis factis, ita quod quilibet est singularis in dicto suo, et non concordet cum alio.

Porro hujusmodi diversitas, ac testium singu-



laritas, potest induci multipliciter, et secundum omnia decem Prædicamenta: ut in prædicamento Substantiæ, si unus testium deponat, Titium furto abstulisse equum, alter asserat, eum abstulisse vaccam, aut huiusmodi. Ita prædicamento Quantitatis, quando unus deponit de centum, alter de quinque. In prædicamento Qualitatis, quando unus testificatur actum pure factum, alter sub conditione; vel equum alteri venditum extitisse sanum, alio dicente, ipsum fuisse claudum etc. In prædicamento Ubi, et Quando, si unus dicat, furtum commissum esse tali die, vel loco; alter testetur, furtum esse factum alio tempore, vel loco, aut huiusmodi: et sic loquendo de cæteris prædicamentis.

285 Resp. II. Singularitas testium est triplex; videlicet obstativa, adminiculativa, et diversificativa. Ita Baldus in c. *Licet causam*. n. 11. de Probation. Pirhing h. t. num. 142. Farinacius de Testib. quaest. 64. n. 4. allegans alios; idque probatur explicando terminos. Siquidem

286 Singularitas obstativa, seu (ut alii loquuntur) adversativa dicitur ea, quæ continet contrarietatem testium de eodem actu deponentium, seu repugnantiam in eorum dictis. Sic accidit, quando unus dicit, furtum v. g. vel homicidium, factum esse in tali loco, vel tali tempore; alter vero inquit, illud commissum esse in alio loco, vel alio tempore: repugnat enim, quod idem numero delictum acciderit diverso tempore: vel diversis in locis. Et talis Singularitas obstativa; seu adversativa, reperiebatur in testimonio illorum duorum impudicorum Senum, Daniel. cap. 13. quorum unus testabatur, castam Susannam commississe adulterium sub achino, alter sub primo: quos proinde Daniel falsitatis convicerat, eo quod idem numero adulterium sub distinctis locis, seu arboribus, fieri nequiverit.

287 Singularitas adminiculativa vocatur, quando testes deponunt de actibus diversis mutuo tamen sese adjuvantibus ad probandum id, de quo controversitur. Ut si unus testis deponat, se vidisse, quod Titius abstulerit equum, alter vero deponat, se audivisse Titium confitentem, quod abstulerit illum equum. Atque hoc ipsum generaliter contingit, quoties ad eundem actum, vel finem probandum, tendunt diversæ testium depositiones, dum unus deponit de facto a se viso, alter de fama, vel auditu, seu confessione illius facti: item dum unus testificatur de una confessione, alter de alia confessione ejusdem facti: item, quando in ordine ad probandam v. g. possessionem fundi, unus testis inquit, se vidisse eum arare a. Cajo, alius vero dicit, se vidisse messem ex eo collectam a. Cajo etc. In hisce enim, ac alijs huiusmodi casibus, datur quidem singularitas testium, quantum ad actus illos, de quibus deponunt (hi enim sunt diversi, cum aliud sit videre, aliud audire, arare, messem colligere etc.) quia tamen iidem tendunt ad probandum eundem finem, sicque dictum unius testis coadjuvat dictum alterius; hinc singularitas ista vocatur adminiculativa, seu (ut alii loquuntur) cumulativa.

288 Singularitas diversificativa tandem dicitur ea, quando testes deponunt de actibus diversis, quorum unus neque repugnat alteri, neque ipsius probationem coadjuvat: ut si unus testis dicat, quod Cajus mutuaverit Titio centum in tali loco, tali que die; alter vero, quod mutuaverit eidem quinquaginta in alio loco, alioque tempore: quia non repugnat, quod Cajus bina vice mutuaverit Titio, sicque una depositio non adjuvat alteram in probando, neque idem repugnat, sed quilibet

manet singularis in substantia objecti, atque effectus. Aliud exemplum est, si unus dicat, Cajum commisisse furtum Monachij; alius vero asserat, quod commiserit furtum Augustae: nam etiam hic, ob diversitatem loci, necessario concurrit diversitas actuum; sicque quilibet testis manet in suo dicto singularis singularitate diversificativa. Et idem dicendum de innumeris similibus.

Queritur II. Utrum Testes singulares aliquid probent? Resp. I. Regula est, quod testes singulares non probent, neque ad faciendam probationem conjungantur. Ita communis, et excepta Doctorum opinio; prout relatis pluribus quis attestatur Farinacius cit. quaest. 64. n. 13. Adeo, ut Baldus in l. *Jurisjurandi*. n. 4. C. h. t. Jason in *Repetit. l. Admonendi* nu. 256. ff. de *Jurejurandi* Sigism. Scaccia lib. 2. de *Judiciis*. cap. 9. nu. 373. Farinacius n. 37. et alii ab his relati asserant, quod *Testes singulares tantum probant mille, quantum unus*. Quis videlicet hoc ipso, quod sint singulares, quilibet in suo dicto manet unus, et solus: atqui testis unus non probat; quia vox unius, vox nullius, ut jam supra dictum est.

Idipsum clare desumitur ex diversis textibus Jo- 290  
vis. Sic quippe in c. *Licet causam*. 9. §. *Quamquam de Probatione*. rejicitur testimonium illorum, qui in dicto sui testimonii singulares extiterunt. Similiter in c. *Cum dilectus*. 32. de *Electione*. haud obstante, quod post actum electionis cujuspiam ferme omnes Canonici publice professi fuerint, quod archidiaconus Archidiaconum (de quo ibidem est sermo) nominasset; nihilominus contra hoc (sen, quod in sua privata electione Archidiaconum non nominaret) (concentr eorum probatio insufficient, eo quod singuli essent in suis testimoniis singulares) quis nimirum quilibet ipsorum non nisi de se testari potuit, prout notat Glossa ibid. §. *Probatio*. Concordat alius textus in c. *Bonae memoriae*. 23. §. *Contra eod.* ubi de nonnullis sacerdotibus, eo ad electionem non fuisse citatos, Pontifex loquitur, dictamque eorum assertionem reprobat, illis verbis: *Cum etsi quilibet de se posset asserere, quod ad eum citatio minime pervenisset, singuli tamen vestrum essent in suo testimonio singulares*: juncta Glossa ibid. §. *Singulares*.

Resp. II. Regula proxime data, seu quod Te- 291  
stes singulares non probent, vel maxime procedit in testibus singularibus singularitate obstativa, seu adversativa: hi enim, propter repugnantiam, et contrarietatem inter eos existentem, quæ falsitatem arguit, nihil omnino probant: adeo, quod nec semipleenam probationem inducant. Ita Baldus cit. c. *Licet causam*. n. 11. de Probation. inter alia dicens, quod ubi propter singularitatem vacillat depositio, ibi singularitas omnino vitiat. Alexander Consil. 94. n. 1. et 4. lib. 6. loquens de singularitate obstativa ratione loci, atque istud inter alia probans ex c. *In nostrae*. 32. h. t. et exemplo duorum Senum Daniel. 13. castam Susannam de adulterio accusantium. Mascardus de Probat. Concl. 958. n. 20. Farinacius d. quaest. 64. n. 41. 44. et 1099. et alii copiose ab his citati.

Infertur proinde, quod Testibus singularibus sin- 292  
gularitate obstativa non possit deferri iuramentum in supplementum: quia, ut dictum, non probant semipleam, sed potius unus enervat, atque suspectum reddit dictum altius sua contrarietate, seu repugnantia. Mascardus cit. n. 20. Farinacius n. 30. cum plurimis alii.

Infertur ulterius, quod melius sit, habere pro 293  
se unum testem, quam plures testes singulares singularitate obstativa. Siquidem unus testis, cæteroquin idoneus, probat semipleam: non sic plures illi

testes sacculares, etiam si mille forent. Jason in *Repetit. l. Admonendi. n. 156. ff. de Jurjur.* Farinacius *loc. cit. n. 39.* post Corpolaam *Caut. 152.* Baldum *l. Jurisjurandi. C. de Testib.* et alios. Verum de Testibus contrariis plura inferius §. 10. per totum.

294 Resp. III. Testes singulares singularitate diversificativa plene quidem non probant: quamvis singuli eorum probent tantum, quantum unus; adeoque ex eorum depositione bene oriatur semiplena probatio, demum inter ipsos adsit unus testis omni exceptione major. Ita Farinacius *cit. quaest. 64. n. 42. et 47.* post Caccialupum in *l. Admonendi. n. 91. et 92. et 93. ff. de Jurjurand.* attestantem de communi Doctorum opinione, et alios. Prior pars desumitur ex Juribus *num. 290.* allegatis. Accedit ratio: quia hoc ipso, quod testes illi sint singulares singularitate diversificativa, nullus eorum in sua depositione habet contestem, quilibet enim ipsorum deponit de eo, quod ipse solus scit, et alius non scit, cum deponat de actibus diversis; et consequenter inde non consurgit plena probatio.

295 Altera pars ex eo suadetur. Quia hoc ipso, quod inter actus illos, et factam super eisdem depositionem testium, nulla reperitur contrarietas, vel repugnancia; non subest ratio, cur depositio unius testis, de certo actu deponentis, enervetur, seu debiliatur per depositionem alterius testis super alio actu testificantis. Manet igitur quaelibet depositio in valore illo, quem habet depositio unius testis caeteroquin legitimi, et omni exceptione majoris; neque probat semiplene, juxta dicta §. *praec. nu. 152.*

296 Nec obstat, quod nonnulli Doctores, quos citat Farinacius, *ubi supra, nu. 43. et 48.* et sequitur Mascardus *cit. Concl. 958. n. 20.* sentire videantur, quod ex singularitate diversificativa testium nec semiplena probatio oriatur. Nam vel horum sententia est relinquenda; vel benigne interpretanda de testibus caeteroquin non omni exceptione majoribus, aut ita inter se diversis, ut quandam contrarietatis imaginem prae se ferant: quod tamen Judicia arbitria est relinquendum, ut movent Auctores proxime citati.

297 Quaeritur III. An Testes singulares singularitate adminiculativa, probent in causis civilibus? Resp. I. Loquendo de facto sapte natura successivo, continuo vel generico, tunc in civilibus ad ejus probationem sufficiunt testes singulares singularitate adminiculativa; hoc est, tales testes, qui licet deponant de diversis actibus, tamen actus illi mutuo sese adjuvant ad probandum idem factum genericum, continuum, seu successivum. Ita Glossa *can. Nihilominus. 3. q. 9.* et Glossa *fn. l. Ob carmen. ff. de Testib.* quarum verba *num. 299. et 300.* afferuntur. Felinus *c. Licet ex quadam. n. 2. vers. Secundo limita.* et Baldus *ibid. n. 9. h. t. Card. Tuschus Litt. T. Concl. 265.* plures tales casus referens. Arnold. Albertinus in *Repetit. c. Quoniam. num. 48. de Haeretic.* Mascardus *de Probat. Concl. 1205. num. 24. et seqq.* Farinacius *cit. quaest. 64. n. 112. et 150. et 160. et 164.* allegans plurimos alios, etiam attestantes de communi; etiam *num. 151. et 165.* multos etiam allegat in contrarium. Zoecius *h. t. n. 38.* hanc sententiam appellans communem. Gajus *lib. 2. Practic. Observat. 66. n. 11.* Layman *lib. 3. Theolog. Moral. sect. 5. tract. 6. cap. 4. n. 5. §. Interim.* Pirhing *h. t. n. 144.* ac novissime Card. de Luca *tract. de Nota. Discurs. 144. n. 9.* asserens, quod haec sit *propositio in Foro satis vulgaris.*

298 Accedit ratio: quia, ubi testes interrogantur de aliquo facto generico, vel successivo, seu toto,

integrali, etsi deponant circa diversos actus, sive partes ipsius; nihilominus deponunt super eodem facto successivo, aut generico, vel toto integrali; ergo quoad rem, et substantiam quaestionis, non censentur esse testes singulares, sed potius contestes, per textum notabilem *l. Qui sententiam. C. de Poenis.* ibi: *Per testes in anam conspirantes, concordantesque rei finem convictus sit.* Et quamvis adhuc possent dici testes singulares, eo quod deponant de alio, et alio actu specifico: nihilominus, quod testes etiam singulares conjungantur ad plene probandum, quando tendant ad eundem finem, licet per diversa media; demum ex *cap. ult. de Succession. ab intestat.* ac notat Abbas *ibid. nu. 17.* Alexander *Consil. 76. n. 4. et 5. lib. 6.* Mascardus *de Probat. Concl. 379. nu. 14.* allegans alios: et concordant dicta superius *Tit. praec. §. 4. n. 99. et 100.* ubi ostensum, quod ex pluribus probationibus imperfectis constituatur una perfecta, juxta prudens arbitrium Judicis.

Declaratur eadem Conclusio exemplis. Sic lo- 299  
quendo imprimis de probatione actus continui et successivi, tunc testes vel in tempore, vel in loco discordes non censentur singulares, sed probant. Ita Glossa notabilis *can. Nihilominus. 3. q. 9.* ubi distinguendo inter actus momentaneos, v. g. homicidium alienius, quod non nisi semel committitur, et inter actus successivos; ultro quidem concedit, quod diversitas in loco, aut tempore, circa actus momentaneos contingens, tollat fidem testibus, et in eisdem inducat singularitatem: secus tamen esse dicendum de actibus successivis, notat sequentibus verbis: *Si tamen aliquem actum continuum viderent aliqui, licet diversis horis, videtur, quod testimonium teneret: ut si successive in uno foramine viderent aliquos fornicari; vel si aliqui volunt testari, quod aliquis excommunicatus celebravit, et unus audit finem blissae, alter principium, hoc casu concedo eos bene testari de una re propter continuationem actus, sicut propter continuationem possessionis una dicitur praescriptio, licet sit facta a diversis personis. 16. q. 3. §. Potest.* Hactenus Glossa *loc. cit.* quam sequitur Farinacius *d. quaest. 64. num. 87. 90. et 91.* allegans plurimos alios. Accedit ratio: quia, cum actus ille sit successivus, testes ejusmodi non videntur deponere super diversis actibus, sed super uno tantum; prout argumentatur Mascardus *de Probat. Concl. 65. n. 2.* post Glossam *loc. cit.* Bartolum in *l. Querebatur. ff. de Re milit.* Baldum *l. Testium. C. de Testib.* et alios.

Aliud exemplum de actu quopiam generico ponit 300  
Glossa *fn. in l. Ob carmen. ff. de Testib.* ubi inquit: *Si dicam, quod possederim, et inducam plures, quorum unus dicat, quod viderit me possidere per annum, alius per alterum, et sic de caeteris, eorum tenet testimonium: quia hoc solum quaeritur, an possederim, quod omnes testes dicunt: non autem est quaestio, an ista vel illa die possederim.* Haec Glossa: quam communiter servari in Judiciis, refert Farinacius *cit. quaest. 64. n. 78. et 171. et 172.* allegans plurimos alios: quamvis in hoc posteriori loco recte notet, datam doctrinam solummodo procedere, quando agitur de probanda possessione in genere absque limitatione certis temporis; secus, quando agitur de probanda possessione in specie, ac pro tali tempore: quia tunc singularitas in tempore tolleret fidem testibus, sicut inquit Glossa *loc. cit.* et sequuntur alii.

Nec obstant Jura *num. 290.* allegata, et indi- 301  
stincte dicentia, quod testes singulares non probent. Resp. enim, istud indubitata quidem procedere in testibus singularibus singularitate ob-

stativa, eo quod fidem sibi mutuo detrahant propter contrarietatem, et repugnantiam, dolumque praesumptum, quem continet: simulque procedere in testibus singularibus singularitate diversificativa, qui licet aliquam semiplenam probationem faciant (dummodo inter eos sit unus testis, cuius exceptio maior) quia tamen singuli testator de diversis actibus, non plus probant mille, quam unus; ut notat Arnaldus Albertinus c. *Repetit. c. Quoniam. nu. 66. et. 68.* Secus tamen est dicendum de testibus singularibus singularitate adminiculativa, ac loquendo de actu generico, continuo seu successivo, ob rationes in Conclusionibus allatas; et suadet multiplex auctoritas Doctorum.

302 Quod si urgeas. In c. *Licet causam. §. Quamquam de Probat.* testes singulares Faventionum non probant, licet fuerint inducti generatim, et absque aliqua temporis determinatione, super usu jurisdictione; ergo nulla responsio. Ob hunc textum, qui prima facie videtur fortiter stringere, Jason in l. *Repetit. l. Admonendi. n. 256. ff. de Jurejur.* tandem in contrariam abiit sententiam. Idem tradit Baldus in d. c. *Cum causam. n. 11. de Probat.* asserens esse notatu dignum, quod in probatione actus generalis, puta jurisdictionis, testes singulares nihil probant; textus est hic expressus melius, quam reperitur alibi. Haec ille. Eidem contrariae sententiae adhaeret Albericus in l. *Ob carmen. §. fin. n. 7. ff. de Testib.* et nonnulli alii, apud Farinacium, ubi supra, n. 165. citati.

303 Verum, quod singularitas testium tunc non obsit, quando agitur de probando aliquid in genere, ut possessionem, jurisdictionem, et similia; ac proinde probetur possessio, si unus testis dicat, quod vidit arari, alter seminari, alius messes colligi, alius arbores putari: in hoc ipso exemplo tenet Mascardus de *Probat. Concl. 1205. n. 24. et 25.* et Farinacius d. *quaest. 64. n. 154.* allegans alios, qui attestantur de communis; et subiungens, quod ita fuerit unanimiter conclusum per Rotam Romanam, uti testatur Caesar de Grassis *Decis. 78. n. 10.* Caputaquensis. *Decis. 269. n. 1. et 2. part. 3.* Neque urget cit. c. *Licet causam. de Probat.* Quia, ut liquet ex contextu, ibi Faventioni occiderunt causa, non praecise, quia testes ipsorum fuerunt singulares (nam, ut patet ex littera, sex istorum remanserunt concordantes, qui utique sufficerent ad legitimum testimonium) sed quia contraria pars iustum titulum, et longe potiores probationes allegaverat.

304 Resp. II. Loquendo de facto aliquo particulari, seu actu speciali et individuo, tunc testes singulares etiam singularitate adminiculativa plene non probant, licet faciant magnum adminiculum, ac praesumptionem. Ita Glossa in cit. can. *Nihilominus 3. q. 9.* Felinus d. c. *Licet ex quadam. n. 2. h. t. Card. Tuschus Litt. T. Concl. 265. num. 58.* Arnald. Albertinus cit. *Repetit. c. Quoniam. n. 66. de Haeretic Jason in Repetit. l. Admonendi. num. 256. ff. de Jurejur.* Farinacius cit. *quaest. 64. num. 113. et 126.* allegans plurimos alios; idque exemplificans in caso, quo unus testis deponit de veritate, v. g. mutatae, seu numeratae Titio pecuniae, et alter deponit de confessione, qua Titius fatebatur, mutatam seu numeratam sibi fuisse pecuniam: quia (inquit) veritas est, quod ex eorum dictis non inducatur plena, et omnimoda probatio ad condemnandum sufficiens. Atque istud ad minimum convincunt Iura nova. 790. allegata; et praesertim casus in c. *Cum directus. 32. de Election.* Accedit ratio, quia revera tales testes sunt singulares; cum deponant de factis omnino diversis;

puta; unus de numeratione pecuniae, alter vero de confessione dictae numerationis sibi factae: sicque neuter habet contestem circa idem factum particulare.

Quia tamen depositio testis de veritate numeratae pecuniae testificantis facit semiplenam probationem, quae adjuvatur seu adminiculatur per depositionem alterius de audita illa confessione, v. g. Titii: hinc magna exinde consurgit praesumptio, seu adminiculum; et aliquando plus quam semiplena probatio, secundum quod animas Iudicis movetur plus vel minus ad praesumendum, seu indubitanter credendum; arg. l. 2. §. *Aetas. ff. de Excusat. tutor.* juncta Glossa ibid. §. *Legitimus*, allegante inter alia illud vulgatum: *Quae non prostant singula, multa juvant.*

Inferitur proinde, quod ex ejusmodi testibus singularibus possit Iudex moveri ad deferendum iuramentum suppletorium. Farinacius cit. *quaest. 64. n. 52. et n. 113.* Mascardus de *Probat. Concl. 958. n. 20. in fin.* et alii. Imo et quandoque, concurrentibus aliis sufficientibus adminiculis, ad indubitanter credendum; adeo, ut exinde in certis casibus, puta, qui sunt difficilioris probationis, seu minoris praesudicii, aut huiusmodi, etiam procedere possit ad ferendam sententiam. Nam quod duae semiplenae probationes, quae tendunt ad eundem finem, unam plenam facere possint, jam supra Tit. *praec. §. 4. n. 98. et seqq.* dictum fuit.

Quaeritur IV. Utrum testes singulares singularitate adminiculativa probent in causis criminalibus? Resp. I. Et in causis criminalibus criminaliter motis ejusmodi testes singulares, ut puta de diversis actibus, vel diversis indicis commissi sceleris deponentes, plene non probent in ordine ad condemnandum poena ordinaria: nihilominus testes illi caeteroquin habiles causant magnam praesumptionem contra Reum, ita ut aperiantur via Iudici ad inquirendum, specialiter contra ipsam; et insuper constituent indicium sufficiens ad torturam, imo et quandoque sufficiens ad inferendam poenam extraordinariam. Ita Alexander Consul. 77. n. 10. et 11. vol. 1. asserens, quod testes singulares pro parte accusatoris adducti, non probent quoad plenam probationem, sed quoad indicium una praesumptio juvet alteram; ut per Bartolum in l. *fin. ff. de Question. Sigism. Scaccia de Judiciis, lib. 2. c. 9. n. 367. et seqq.* Layman lib. 3. sect. 5. tract. 6. cap. 4. n. 5. in fin. Julius Clarus in *Practici. Crimin. lib. 5. §. fin. quaest. 53. n. 18.* Farinacius in *Practici. Crimin. lib. 1. quaest. 37. num. 34. et 35.* ubi istud intelligit de testibus singularibus, qui alioquin sunt omni exceptione majores, simulque deponunt super indicis proximis delicti; et alii, quos citat.

Ratio prioris partis est, quia in criminalibus ad condemnandum requiruntur probationes indubitatae, l. *Sciunt cuncti. C. de Probat.* et absque ulla suspicionem, vel exceptionem manifesta, can. *Testes. 2. q. 7. et cap. 1. de Exception.* Atque tales non sunt ejusmodi testes singulares, utpote adhuc de diversis factis particularibus deponentes, et in suis dictis contestem non habentes; ergo: Altera pars patet ex dictis supra Tit. 18. de *Confessis. §. 4. n. 107.* quamvis etiam impraesentiarum arbitrio iudicis multum sit relinquendum, juxta saepius jam dicta.

Resp. II. Et in probatione Usurae; seu quod quis sit usurarius manifestus, ac proinde privandus sepultura Ecclesiastica, et aliter puniendus, juxta cap. ult. de *Usuris in 6.* non pauci Doctores velint, sufficere testes singulares singularitate adminiculativa, seu qui deponunt de diversis actibus.



usurariis particularibus: puta., quod unus testis dicat, se vidisse Titium sub usuris mutuantem Cejo, et alius asserat, eum taliter motuisse Sempronio: prout vulg. Abbas Consil. 77. n. 1. et 2. part. 3. Covarruvias lib. 3. Variar. Resolut. cap. 3. n. 5. Vers. *Utrum quoties*, et plures alii, tum ab isto, tum a Farinacio *de testib. quaest. 64. n. 195.* pro hac sententia allegati: quia (inquiunt) hic agitur de probando aliquo universalis, habente in se plura particularia; neque non possunt dici testes singulares, cum ex dictis ipsorum resultet totum.

310 Nilominus opposita sententia, seu ejusmodi testes singulares non plene probare, quod quis sit usurarius manifestus, ac puniendus, ut supra, videtur tenenda, per rationem num. 308. allatam: quia videlicet in criminalibus requiruntur testes omni exceptione majores. Atque ita hanc opinionem tenet, et communem, ac veriores appellat Sigism. Scaccia lib. 2. de Judic. cap. 9. n. 376. et seqq., et Farinacius *de quaest. 64. n. 196. et 200.* citans plurimos alios; et pro concordia subiungens, quod testes singulares probant, non usuram, sed infamiam usurae etc. Quae quidem infamia non sufficit ad sententiandum, et condemnandum de usura, sed tantummodo ad repellendum a testimonio, vel ad diminuendum ei de fide. Haec ille.

311 Atque hoc ipsum (servata proportionem) dicendum videtur de probatione Haeresis: prout fusiuse ostendit Farinacius *de quaest. 64. nn. 201. et 202. ac seqq.* allegando in utraque partem diversas Doctorum sententias, et auctoritates: ubi etiam in progressu de aliis criminalibus sigillatim tractat, qui ideoque consuli poterit.

312 Juxta huc pro majori praemissorum declaratione refertur Constitutionem 34. Gregorii XV. *Universi Domini* (quae habetur Tom. 3. Bullarii Romani) in qua, ne ob defectum probationum illud tam enorme, et Ecclesiae Dei tam perniciosum delictum, videlicet Sollicitationis poenitentium in Confessionali ad inhonestas, maneat impunitum, §. 5. expresse, quidem, admittuntur testes singulares: sed ita, ut non probent, nisi concurrentibus aliis praesumptionibus, et indiciis, arbitrio Judicis dijudicandis, ibi: *Cam difficultas sit probationis, testibus etiam singularibus, concurrentibus praesumptionibus, indiciis, et aliis adminiculis, delictum probatum esse judicandi etc.* Unde, quod scelus istud, licet sit nefandum, immanequae sacrilegium, et difficillimae probationis, non probetur sufficienter per testes singulares, puta, per plures foeminas, quae singillatim deponunt, se a tali Confessario seorsim fuisse sollicitas ad inhonestas, nisi concurrant alia indicia et praesumptiones: merito docet Jacob. Pignatellus Tom. 1. Consult. 104. num. 2. et seqq. Idem igitur in simili dicendum de probatione aliorum criminum, haud obstante, quod ad ipsorum probationem etiam admittantur testes singulares, arg. l. Non possunt ff. de Legib. cum concordantiis.

## §. X.

De Testibus contrariis, variantibus, et vacillantibus.

## SUMMARIUM.

- 313 Testis contrarius, et  
314 Testis varius, se varians, quis?  
315 Ex quomodo differant?  
316 Testis vacillans, quis?  
317 Si deponit vera dubitando, fidem non meretur.  
318 Ex quid, si deponat titubando, timendo, sagando?

319 Juxta debet vacillationem testis, et causam ipsius in Actis ponere.

320 Et ad deprehendendam ejusmodi contrarietatem, varietatem et vacillationem, testes personaliter evocare.

321 Si testes videantur inter se contrarii, tunc pro possibili debet Juxta eorum, dicta interpretari, ut non contradicant etc.

Testium dicta benigne sunt interpretanda, ne perjurii reatu notentur. Ibid.

322 Testes duo ex una parte producti, et sibi manifeste contradicentes, nihil probant: sed si multi fuerint, valet testimonium plurimum concordantium, etsi debilitetur.

323 Quid agendum, si duo testes contestes allegent tertium, qui negat se interfuisse, aut aliquid scire, etc.

Magis credendum est duobus testibus affirmantibus, quam centum negantibus: idque declaratur. Ibid.

324 et 325. Testibus ex utraque parte productis, et manifeste contrariis, qui sint praefereendi?

326 Testis sibi ipsi contrarius, nihil probat.

327 Nisi forsitan incontinenti correxerit prius dictum: nam tunc statuitur posteriori dicto. Et num. praeced.

328 Testis in judicio contraria deponens, est competenter puniendus: et qualiter?

329 Nisi per errorem, seu ignorantiam id acciderit.

Ex quid, si unum dixit in judicio, et aliud extra judicium? Ibid.

330 Quando testis diversis Judiciis, vel diversis instantiis ejusdem Judicii contraria deponit, ordinarie statuitur primae ejus depositioni juratae.

331 Fallit hoc, si quis ex intervallo dictum suum corrigat allegando errorem facti, eumque probando.

Error facti excusat. Ibid.

332 Fallit etiam, quando posterius dictum judiciale testis est magis verisimile, vel adminiculatum aliis conjecturis.

333 Fallit tertio in causa Haereticis.

334 Et quando testis deposuit primum dictum sine juramento, et posterius contrarium cum juramento.

335 Si testis sub juramento deposuit unum in judicio, et contrarium ejus dicit extra judicium, standum est dicto judiciali, nisi contrarium aliunde probetur.

336 Idque amplius ostenditur.

337 338. et 339. Solvuntur notabiles objectiones contra hoc.

340 Prima depositio jurata judicialis debilitatur per secundam judicialem contrariam, arbitrio Judicis.

341 Idemque dicendum, quando testis extra judicium responderit contraria dictis in judicio.

**Q**ueritur. I. Quis dicatur Testis contrarius, 313. varius, et vacillans? Resp. I. Testis contrarius dicitur, qui deponit duo, vel plura inter se repugnantia: ut si quis interceptus per diversas interrogationes sibi factas talia asserat, quae prorsus inter se repugnant, et simul esse non possunt. Hoc ipsum clarius videre licet in distinctis testibus, hinc inde ex utraque parte adductis: nam, non raro directe contraria, et mutuo repugnantia deponere reperiuntur. Quae quidem testium contrarietas potest inveniri in omnibus propemodum materiis, ac discurrendo per singula decem Praedicamenta: prout de singularitate testium superius n. 284. jam dictum fuit.

314. Resp. II. *Testis varius*, seu *variatus* conestatur, qui varia loquitur; ut inquit Baldus in c. *Praeterea* nu. 7. de *Testib. cogend.* Hoc est, qui non stat firmus in dicto suo: puta, quia in uno iudicio sic, in altero autem, sive iterum examinatus, diverso modo loquitur super eodem facto. Intellige, quando quis primo dicit aliquid, et postea dicit contrarium ejus nulla variationis causa assignata; ut inquit Jo. Andreas in d. c. *Praeterea* numer. 11. de *Testib. cogend.* Alioquin enim, si causam suae variationis daret, potius dictum suum corrigere, quam variare censeretur.
315. Differt autem *Testis varius* a *contrario*: quia hic in eodem examine dicit contraria, seu inter se repugnantia; *Testis varius* autem successive, seu in diversis instantiis, aut examinibus. Quamquam iidem in l. *Qui falso* ff. h. t. et alibi, inter se etiam equiparentur. Nisi cum Farinacio *quaest. 66. de Testibus* num. 8. et 9. dicere velis, quod ille testis proprie dicatur variare, qui non deponit contraria, sed qui diverso modo dicit: ut si primo dixerit, *Titium omisse domum Sempronii*; postea vero, seu in alio examine asserat, *Titium emisse domum Sempronii una cum uxore sua*.
316. Resp. III. *Testis vacillans* dicitur, qui timendo, titubando, vel dubitando testimonium dicit. Ita Jo. Andreas c. *Praeterea* n. 11. de *Testib. cogend.* dicens, quod *Testis vacillans* sit, qui dubitando, et timendo loquitur. Farinacius d. qu. 66. n. 10. citans alios. Unde, ut testis censeatur vacillans, sufficit, quod dubitando, timendo, aut titubando deponat, etsi non loquatur contraria. Concordat Paris de Puteo *Tom. 7. Tractatum, tract. de Syndicatu, circa fin. §. Viro de judiciis* num. 8. ubi inquit, quod tunc dicitur quis vacillare in testimonio, quando deponit dictum suum dubitando, vel tremendo, vel sudando, praenimio timore loquendo.
317. Et quidem *Testis vacillans*, quando deponit vere dubitando, fidem non meretur: quia hoc ipso, quod vere dubitet, in neutram inclinat partem; sicque incertum est ejus testimonium: nec est ratio, cur uni potius, quam alteri parti assensus praebetur, ac proinde tollitur fides ejus in totum. Jo. Andreas cit. c. *Praeterea* numer. 11. de *Testib. cogend.* Farinacius loc. cit. num. 16. et alii. Unde Innocentius in d. c. *Praeterea*: et post ipsum Baldus *ibid.* num. 6. inquirunt, quod qui dubitando loquitur, vacillet scilicet quoad fidem ei adhibendam, id est, vacillet fides ejus.
318. Quod si vero sit tantomodo vacillans, quatenus deponit titubando, timendo, sive audando, tunc probatio ejus non tollitur in totum, bene tamen de fide ejus diminuitur. Farinacius d. qu. 66. num. 15. et 16. post Alberic. in l. *Qui falso* num. 5. ff. de *Testib.* et alios. Et merito: quia non obstante tali timore, aut sudore, vel palore vultus, qui vel ex periculi magnitudine, vel ob cordis debilitatem, aut pusillanimitatem saepius oriri solet, testis duntaxat titubando vacillans vere in favorem unius partis, et quidem sub iuramenti religione deponit; sicque non destituitur omni fide, sed meretur aliquam, majorem tamen, vel minorem, pro qualitate suae vacillationis, formidinis, seu palloris, aliarumque circumstantiarum, prudenti iudicis arbitrio dimittendam.
319. Et hinc notat Jacob. Cognacenus in *Repetit. c. Quoniam contra* n. 59. de *Probat.* et Paris. de Puteo cit. §. *Viso de Judiciis*, num. 8. quod tunc Juxta debeat ejusmodi vacillationem testis, et causam ipsius in Actis ponere, et per quem modum vacillavit; debeatque ipsam vacillationem scribi facere in Actis ipso deponente intelligente, et tunc quando deponit, juxta l. *De minore* §. *Tormenta*, ff. de

REIFFENSTUEL Jus Can. Tom. II.

Quaestio. Innocentius c. *Quoniam contra* de *Probat.* Bartolus l. *fn. ff. de Quaestionib.*

Porro ad apprehendendam ejusmodi contrarietatem, varietatem, seu vacillationem tertium, si qua forsas subesset, jubetur Juxta testes personaliter evocare, atque ad dignoscendam, quanta fides ipsis habenda sit, attendere, *cujus dignitatis, et ejus existimationis sint: et qui simpliciter visi sint dicere: utrum unum eundemque, et praemeditatum sermonem attulerint; et an ad ea, quae interrogaverit, ex tempore verisimilia responderint*; prout rescripsisse Imperatorem, habetur l. 3. §. *Idcirco* de *Testib.* additis illis nonnihilis verbis, videlicet: *Testibus se, non testimoniis crediturum*. Quia, ut ibidem subjungitur, *Alia est auctoritas praesentium, alia testimoniorum, quae recitari solent*. Haec ibi.

Quaeritur II. Quid juris, si testes hinc inde producti videantur inter se contrarii? Resp. I. Ad officium Judicis cum primis pertinet, testes ejusmodi, si possibile est, inter se conciliare, et ita interpretari coram dicta, et vel non contradicant, vel de diversis actibus deposuisse censeantur. Ita Glossa c. *In nostra* 32. §. *Adversa* h. t. ubi Magisterialiter declarans materiam de contrarietate testium, recte inter alia datam Conclusionem intelligit, si-ve testes ab una parte, sive ex utraque producti inter se dissideant, ac diversa deponant. Abbas cit. c. *In nostra* n. 4. et Barbosa *ibid.* n. 14. Rota apud Richium *Decis.* 563. n. 9. et alia Rota in *Elborren. Pensionis* 7. Junii 1627. coram R. D. Ubaldo. Pirhing h. t. n. 152. Farinacius de *testibus*, qu. 65. n. 37. et seqq. allegans plurimos alios, et communem. Ratio est: quia *dubia in meliorem partem interpretari debent*, per textum vulgatum in c. *Estote* de *Reg. Juris*. Simulque quia nemo praesumitur esse perjurus, si verba ipsius quoquo modo in partem meliorem trahi possunt; ergo, si testes prima fronte contrarii appareant, prius Juxta, si fieri poterit, eos concordare studebit, ne altoquin quidam eorum perjury esse convincantur. Id ipsum patet ex c. *Cum tu* 16. h. t. ubi idcirco Pontifex dicta testium benigne interpretatur, ne perjury reatu notentur: quia utrumque (inquit) esse potuit. Idem fit c. *In praesentia* 8. §. *Quare* de *Probat.* et alibi.

Resp. II. Si duo duntaxat Testes ex una parte producti fuerint, et sibi manifeste contradicant, certum est, eos nihil probare: quia unus enervat dictum alterius, nec constat, quis eorum veritatem dixerit. Sucus est, quando multi ab eadem parte testes producantur, quorum plures inter se concordant; aliqui vero, sed pauciores, ab eis discordant: valet enim, caeteris paribus, testimonium plerumque inter se concordantium; quamvis negari non possit, ex tali quorundam contradictione, si fiat circa substantiam negotii, seu qualitates intrinsecas, aliorum testimonium concordantium fidem debilitari, ita ut minus probent. Ita Glossa marginalis tit. c. *In nostra* §. *Adversa*, et Abbas *ibid.* num. 3. h. t. Pirhing *cod.* num. 145. Farinacius de *testib.* qu. 65. num. 9. et seqq. allegans alios. Quamquam notanter addatur, *caeteris paribus valet testimonium plurium etc.* Quia non ad solam testium multitudinem respicere oportet, sed etiam, an caetera sint paria, considerando videlicet eorum qualitatem, et quorum dictis potius affulgeat lux veritatis, seu qui verisimiliora deponant; prout observat Pontifex in cit. c. *In nostra* 32. h. t.

Et conformiter dictis resolvendum est illud dubium, quid videlicet agendum sit, si duo testes contestes ab eadem parte producti allegent tertium contestem, iste tertius vero neget se interfuisse, vel aliquid scire, aut recordari talis facti. Standum quippe est testimonio duorum testium concordantium,

caeteroquin tamen habilius: tum quia sunt numero plures, sique procedunt proxime dicta. Tum quia magis credendum est duobus testibus affirmantibus, quam centum negantibus: ut inquit Innocentius c. Cum super. de Renunciat. Abbas c. Cum in tua. n. 2. de testib. et Jo. Andreas c. Cum Joannes. n. 8. de Fide instrument. addita ea ratione: quia possibile est, quod ubi etiam plures sunt praesentes, duo tantum ad id, quod agitur, sint attenti, caeteris non advertentibus, vel non orantibus, aut postea non amplius recordantibus; et hinc aptius et naturalius est testimonium affirmantium, praesertim si plures sint, bonaeque fidei, quam negantium. Nec obstat, quod Abbas loc. cit. asserat, dictum illud, *Magis credendum est duobus affirmantibus, quam centum negantibus*, solum procedere, quando negativa non est coarctata, utpote quae vera probari non potest: secus, si est coarctata, cum haec saltem indirecte probari possit. Non obstat, inquam: quia ratio allata ex Jo. Andrea, etiam urget in negativa coarctata: nisi forsitan probetur, vel aliunde constet, testes fuisse ad omnia attentos, riteque omnium recordari, praesertim loquendo de factis recentibus. Deinde in caso posito tertius ille, negans, se interfuisse, aut aliquid scire, est unus testis: atqui nulla *lex* unius testimonio etiam idoneo quempiam condemnat, vel justificat, ut dicitur can. Admonere te. 33. qu. 2. et c. Licet universis. 23. h. t. ergo. His adde dicenda inferius tit. 22. De Fide instrumentorum. §. 10. n. 296. et seqq.

324 Resp. III. Quod si manifesta contrarietas sit inter testes hinc inde productos, ex parte Actoris videlicet ac Rei, tunc si testes utrinque producti ejusdem sint honestatis, atque existimationis, praeservantur numero plures: si vero testes ex una parte producti tantae praeseminentiae fuerint, quod eorum auctoritas merito sit praeservenda aliorum numero, tunc praevalet digniores, et verisimiliora deponentes. Ita expressum habetur in d. c. In nostra. h. t. juncta Glossa ibid. in Casu, recte notante, quod non semper Juxta debeat se referre ad multitudinem testium, sed potius ad eorum honestatem et opinionem, et qui verisimiliora dicant: puta, juri consona, vel aptiora negotio.

325 Resp. IV. Si vero Testes ex utraque parte producti omnino pares existant, et deponant contraria, tunc pro Reo fertur sententia: nisi forsitan Actor moveat causam favorabilem, stantem videlicet pro matrimonio, libertate dote, aut testamento. Ita textus clarus in c. Ex litteris. 3. de Probation. ibi: *Quod si ambarum partium testes sint aequales, possessoris testes praeservantur: cum promptiora sint jura ad solvendum, quam ad condemnandum, praeterquam in liberali causa: id est, in causa favorabili, puta, matrimonio, libertate, dote, aut testamento*, prout explicatus cap. ubi de Sentent. et re judicat. Unde versus apud Glossam ibidem relati.

*Stat Testamentum, Libertas, Conjugium, Dos. Si sint aequales, qui producantur utrinque.*

326 Quaeritur III. An probet Testis sibi contrarius, vel potius sit puniendus? Resp. I. Certum est, si unus idemque testis sibi et ipsi expresse contradicat in sua depositione judiciali, non valere ejus testimonium: ubi forsitan hoc fecerit in continentem corrigendo dictum suum, nam tunc statim dicto posteriori, utpote prius corrigenti. Ita communis Doctorum. Ex quidem prima pars habetur c. Nihil minus. 3. qu. 9. et can. Quod autem. 23. qu. 7. et c. Sollicitudinem. 54. in fin. de Appellat. ibi: *Non est tanquam adversa petens, et sibi contrarius audiendus, cum concordantibus*. Atque idem in c. Licet causam. 9. §. Quamquam de Probat. multi Faventinorum testes reprobantur, cum sibi et in serie sui testimonii.

contradixerint. Accedit, quod non sit major ratio, cur uni potius, quam alteri dicto talis testis sibi contrarii credatur. Imo ex manifesta illa contrarietate redditur testis suspectus, atque perjurus: cum juraverit dicere veritatem, et contraria non possint esse vera.

Altera vero pars habetur expressa in c. Praeterea. 327 de test. cogend. ibi: *Quorum testimonia, si quandoque non studiose, sed in proferendo erraverint, et se in continentem correxerint, reprobati non debent: et consequenter statim posteriori Forum dicto*. Ubi Glossa ly In continentem explicat (*id est, in eadem instantia judicii, antequam loquatur partibus*) vel antequam recedatur a praesentia iudicis: quia postea subornatus praesumitur. Vel certe juxta Hostiensem, et Glossam marginalem ibid. id arbitrio Iudicis erit relinquendum, ut considerata qualitate personae, quantitate intervalli, colloquio partium, et reliquis circumstantiis correctionem admittat, vel non. Concordant dicta superius tit. 18. de Confessis. §. 3. n. 78. et 79.

Resp. II. Insuper Testis in iudicio contraria deponens, est competenter puniendus de falso. Ita textus expressus in l. Qui falso. ff. h. t. Quae est Canonizata in can. Si teste. 4. qu. 3. quo utroque in loco sic legitur: *Qui falso, aut varie testimonia dixerunt, vel utrique parti prodiderunt, a iudicibus competenter puniantur: videlicet poena Legis Corneliae de Falsis*, ut explicat Glossa ff. in cit. l. Qui falso; et sequitur Farinacius d. quae. 66. num. 36. allegans alios; quamquam circa finem cit. num. 56. moneat, quod hodie poena Falsi sit arbitraria. Porro secundum Canones, testis ille de commissio perjurio deberet agere poenitentiam septem annorum, can. Quicumque. 6. qu. 1. ac notat Glossa c. Sicut nobis. 9. §. Perjurio. h. t.

Excipe tamen hinc testem sibi varium, et contrarium per errorem, seu ignorantiam; ut puta, si per oblivionem aliquid dixit, et postea se corrigat, aut ab alio melius informari patitur. Talis enim non est puniendus; ut notat Farinacius loc. cit. na. 33. 34. et 75. allegans alios. Idemque dicendum, si unum dixit in iudicio, et contrarium ejus extra iudicium: quia testis deponens falsum extra iudicium, non punitur de falso. Farinacius ibid. n. 83. allegans communem; quamvis tanquam mendax leviter puniatur arbitrio Iudicis, pro facti et personae qualitate. Covarruvias cap. Quamvis. part. 1. §. 7. num. 5. prope med. de Pactis in 6. Menochius de Arbitrar. Judic. lib. 2. cas. 312. num. 3. Farinacius num. 84. et alii.

Quaeritur IV. Utrum aliquid probet Testis varius in iudicio, et quod dictum ejus valeat? Resp. I. Quando testis in diversis iudiciis (puta summario, et ordinario) vel in diversis instantiis ejusdem iudicii, super eodem facto contraria deponit, ordinarie statim primae ejus depositioni iuratae. Ita Abbas c. Cum in tua. n. 9. et Felinus ibid. n. 4. h. t. Menochius de Arbitr. Judic. lib. 2. cas. 108. n. 10. Farinacius quae. 66. n. 124. et seqq. citans plurimos alios. Pirhing h. t. n. 158. et 160. asserens post Myusinger Cent. 2. observat. 86. ita servare praxin Camerae Imperialis. Ratio est: quia, ut l. Generaliter. C. De non numerat. pecun. et c. Per tuas. de Probat. expressum legitur: *Nimis indignum est, ut quod sua quisque voce dilucide protestatus est, in eundem casum proprio valeat testimonio infirmare*. Accedit ratio: tum quia non debet esse in potestate testis, per falsi machinationem tollere jus iam quaesitum parti, pro qua prius deposuit. Tum quia testi perjurio non creditur: atqui confitens, se prius jurato falsum dixisse, fatetur se perjurum; ergo si non est credendum post talem,



confessionem. Hinc c. *Sicut nobis*. g. h. t. non creditur testibus (nisi in proprium eorum praejudicium, seu ad injungendam ipsis poenitentiam) qui asserebant, se corruptos testimonium perhibuisse falsitati: sed vult Papa, ut super hoc diligenter inquiratur, et si probetur corruptionis veritas, tunc primum sententia retractetur.

- 331 Additur tamen in Conclusionem, *ordinarie statur primae etc.* Fallit enim istud primo, si quis ex intervallo dictum suum corrigere vult, allegando errorem facti, eumque probando: eritque talis extra poenam falsi, et ultimum dictum habebitur validum, et legitimum. Glossa in cap. ult. §. *Iusta causa de Jurejurand.* in 6. Zoesius h. t. n. 41. Siquidem error facti, si probetur ante negotium finitum, excusat; prout habetur c. *Ex parte*. 3. de *Confessis*. Et merito, cum nullus sit errantis consensus, per textum in l. *Non idcirco*. C. de *Juris et facti ignorant.* Unde etiam talis error excusat quempiam a culpa, et reddit eum innocentem cap. *Idt.* juncta Glossa §. *Iusta causa de Jurejurand.* in 6.

- 332 Fallit deinde, quando posterius dictum judiciale testis est magis verisimile, quam primum. Item, quando secundum est adimniculatum redditione alienius rationis concludentis, vel aliis conjecturis, seu praesumptionibus: quia tunc attenditur secundum, et non primum. Tyndarus Tom. 4. *Tractatum tract. de Testibus*, lib. 1. cap. 11. n. 5. et cap. 14. n. 1. Farinacius cit. quæst. 66. n. 150. et 151. allegans alios. Idque desumitur ex c. *Litteras*. 14. de *praesumpt.* ubi posterius dictum judiciale, quadam praesumptione adimniculatum, praefertur priori. Et c. *Per tuas*. 12. de *Probation.* ubi confessio extrajudicialis, gravibus praesumptionibus munita, praefertur Juramento judiciali. Et c. *cum Causam*. 37. h. t. ubi testes jubentur diligenter examinari de singulis circumstantiis; sique dicta illorum, qui magis verisimilia deponunt, merito praeferenda censentur.

- 333 Fallit tertio in causa Haeresis: siquidem testis super facto haeresis antea falsum deponens, si postea velit corrigere dictum suum, et veritatem directe, sive: contra se, sive contra suos complices deponendo, non obstante, quod sit perjurus, auditur et probat: dum tamen ex aliis indiciis apparuerit, talem non animi levitate, odio, vel corruptione, sed zelo verae Fidei velle dictum suum corrigere, ac quae prius pejerando celaverat, revelare. Idque ob favorem fidei statutum habetur c. *Accusatus*. §. *Licet de Haeretic.* in 6. ac notat Felinus c. *Cum in tua*. n. 6. h. t. Covarrovias lib. 2. *Fariar. Resolut.* cap. 13. n. 9. Pirhing h. t. n. 159. in fin. Farinacius d. quæst. 66. n. 157. allegans alios.

- 334 Fallit ulterius, quando testis primum dictum deposuit sine juramento, et postea secundum dictum contrarium deponat cum juramento. Quia tunc attenditur dictum juratum, etsi sit posterius; cum praesumatur magis praemeditatum, et ratione annexi juramenti veritati consonum: nam ideo testes compelluntur jurare, ut timore Dei, ac reverentia juramenti, verum directe cogantur, c. *De Testibus*. 29. h. t. Tyndarus cit. *Pract. de Testib.* lib. 1. c. 11. n. 1. et 2. Farinacius loc. cit. n. 148. allegans alios, et quasdam alias fallentias subiungens.

- 335 Resp. II. Si testis sub juramento deposuit unum in judicio, sed contrarium ejus vel jam antea dixerat extra judicium, vel postea extra istud dicat, etiam expresse fatendo, quod falsum in judicio dixerit: nihilo minus standum est dicto judiciali, nisi contrarium aliunde probetur. Ita Abbas c. *Per tuas*. n. 11. de *Probat.* Tyndarus cit. *Tract. de Testib.* lib. 2. cap. 2. Menochius de *Arbitrar. Judic.* lib. 2. cas. 108. n. 19. Farinacius d. quæst. 66. n. 200.

KEIFFENSTUEL Jus Can. Tom. II.

Maranta part. 6. *Speculi Aurei. Tit. de Confessione*. n. 11. dicens, quod non probet confessio testis, extra judicium asserentis, se falsum deposuisse in judicio: quia non per hoc tollitur ejus depositio. Gabriel. de *Malefic.* lib. 7. *Conclus.* 31. ubi ampliationes et limitationes. Pirhing h. t. n. 161. et alii ab his citati. Idque desumitur ex c. *Sicut nobis*. g. h. t. ubi non creditur testibus asserentibus extra judicium, quod corrupti falsum in judicio testimonium dixerint. (*Cum perjuri sint*, ut loquitur textus) nisi in eorum praejudicium, sive ad injungendam ipsis poenitentiam; et nisi aliunde contrarium probetur.

Accedit alia ratio: quia testimonium judiciale ob juramenti religionem, Judicisque praesentis auctoritatem est magis qualificatum, et deliberatum, sique merito praefertur simplici dicto extrajudiciali. Quin imo non raro contingit, quod extrajudicium quis dicat falsum, ut complacere partibus; in judicio autem propter religionem juramenti verum dicat: quia igitur istud ad hoc deferretur, ut timore juramenti testes cogantur dicere veritatem, simulque nemo praesumitur esse immemor suae salutis, potius statur dicto judiciali jurato, quam alii; prout argumentatur Abbas in c. *Per tuas*. n. 11. de *Probation.*

Objicies contra hanc Conclusionem. In c. *Pér tuas*. 10. de *Probation.* potius creditur priori dicto extrajudiciali mulieris, asserentis, quod filium suscepit ex proprio marito, quam ejus juramento judiciali in contrarium postea praestito; ergo prius dictum extrajudiciale praeponderat posteriori dicto judiciali, etiam jurato. Resp. hunc casum esse unum ex fallentiis datae Conclusionis, quae quidem regulariter procedit, patitur tamen et ipsa suas fallentias. Ideo autem ibidem credebatur potius priori dicto extrajudiciali memoratae mulieris, quia cum ipso concurrebat communis existimatio populi, simul et nominatio et tractatus ipsiusmet mulieris, quo alterum tractabat ad modum legitimi filii: unde merito subsequens juramentum in contrarium reddebatur suspectum, ac nihil probabat; uti notat Abbas cit. c. *Per tuas*. in 9.

Urgebis, asserendo rationem ibidem a Pontifice allatam: *Nimis indignum est, ut quod sua quisque voce dilucide protestatus est, in eundem casum proprio valeat testimonio infirmare*; ergo. Resp. hoc imprimis verificari de testimonio judiciali jurato, juxta dicta num. 330. Deinde loquendo de testimonio extrajudiciali, de quo ibidem est sermo, respondetur, id ipsum pariter procedere, quando quis dilucide, seu concurrentibus tam gravibus adimniculis, ut supra, quidpiam extrajudicialiter protestatus est: alias secus. Vel dic cum Abbate loc. cit. n. 11. datam rationem procedere, quando quis negat in facto proprio, seu quasi proprio, et praesumitur appetere, seu horrere aliquid, prout ibidem accidit; nam tunc obest sibi confessio propria extrajudicialis antea facta, et negatio judicialis sequens redditur suspecta; quia praesumitur facta ratione emolumenti inde sperati. Secus autem dicendum, quando quis assumitur testis in facto alieno, unde nullum sibi sperare potest commodum eventurum: durum enim esset, quod quis ex simplici assertionem extrajudiciali possit praecludere viam veritatis indagandae in judicio.

Objicies ulterius. In l. *Eos qui. ff. Ad Leg. Cornel.* 339. de *Falsis* dicitur, *Eos, qui diversa inter se testimonia praebuerunt, quasi falsum fecerint, esse puniendos*; ergo neque primum, neque secundum dictum testis variantibus valet, quia est convictus de falso, atque ut talis puniendus. Resp. neg. consequent. Ibi quippe sermo est de duobus contrariis testimoniis.

dati in Iudicio, prout liquet ex Summario, in quo casu non credi secundae depositioni, cum fiat a convicto de falso, ultro est sciendum, conformiter dictis supra num. 330. Inde tamen nihil inferitur contra ultimam Conclusionem.

340. Resp. III. Licet prima depositio iurata, et judicialis, per secundam contrariam totaliter revocari non possit, ut dictum num. 330. nihilo minus prima depositio per secundam judicialem contrariam debilitatur, ac redditur plurimum suspecta; et Iudex ex circumstantiis, aliisque iudiciis discernere debet, an, et quanta ei fides sit adhibenda. Ita Abbas in c. Per tuas. n. 11. de Probat. etc. Cum in tua. n. 9. et Felinus ibid. n. 4. h. t. Tyndarus cit. lib. 1. cap. 14. n. 3. Eogel h. t. n. 56. Farinacius d. quæst. 66. n. 164. allegans alios. Idque desumitur imprimis ex c. Praeterea. de Testib. cogend. Accedit textus in c. Sicut nobis. 9. h. t. ubi testibus privatim, seu extrajudicialiter dicentibus, se corruptos dedisse salum testimonium, praeter poenitentiam eis injungendam, jubetur veritas diligenter inquiri: et consequenter eorum testimonium judiciale debilitabatur, seu suspectum reddebatur per contrarium dictum ipsorum subsequens, licet fuerit tantaxat extrajudiciale. Idem ergo, et quidem a fortiori, dicendum de secundo dicto judiciali, quando est varium, seu contrarium priori judiciali.

341. Addit Covarruvias lib. 2. Variar. Resolut. cap. 13. n. 7. post Aretinum Consil. 71. col. 4. Alexandrum Consil. 63. lib. 1. et alios, vacillaturam quoque fidem testis, et arbitrio Iudicis fore diminuendam, quando is extra Iudicium etiam absque iuramento responderit contraria his, quae jam solemniter in iudicio dixerat. Non enim (inquit) quispiam inficiari poterit, hunc testem saltem esse mendacem, et varium, sicque fidei satis dubiae; et ideo caute cum eo est agendum, et Iudex discretus arbitrabitur, quantam fidem mereatur, attenda negotii, personarum, et temporis qualitate. Accedit casus proxime relatus ex cit. c. Sicut nobis. h. t.

### §. XI.

De Testibus de credulitate, et auditu auditus.

#### SUMMARIUM.

342. Testes de scientia, qui?  
343. Testes ordinarie requiruntur.  
Testes tenentur reddere causam scientiae, seu testimonii sui. Ibid.  
344. Testes de credulitate, qui?  
Hi proprie non dicuntur testes. Et num. seqq.  
Et sententia lata per dicta testium de credulitate, nunquam transit in rem judicatam.  
Num. 344.  
345. Credulitas non potest stare cum scientia.  
Scientia de illis, quae sunt facti, unde capiatur?  
Ibid.  
346. Testes ex auditu auditus, sive ex auditu alieno, qui?  
347. Non dicuntur vere, ac proprie testes, et cur?  
348. Regula est, quod testes de credulitate non probent.  
349. Fallit tamen in pluribus casibus. Et num. seqq.  
350. Ut, quando credulitas est proxima sensui.  
351. Sive, quando testis de credulitate sufficientem reddit rationem credulitatis suae.  
352. Item fallit in iis, quae sunt difficilis probationis,  
353. Admittuntur quoque testes de credulitate ad probandam hominis innocentiam.  
Sicut et in Purgatione canonica. Ibid.  
354. Testes deponentes per verbum Credo de iis, quae consistunt in peritia artis, probant: ut Medici, Obstetrices etc.

Nisi debeant deponere de rebus sensu corporeo perceptibilibus. Ibid.

355. Testes de credulitate probant contra producentem.  
356. Sicut et confessio de credulitate probat contra contententem.  
357. Testis primo deponens de veritate, et postea dicens se illud credere, probat.  
358. Testes de credulitate faciunt indicium efficacissimum; et quando?  
359. Testimonium de credulitate admittitur in omnibus illis casibus, in quibus admittitur testimonium de auditu alieno.  
360. Regula est, quod testimonium de auditu alieno non valeat.  
361. Etiam si fama concurret sine aliis tamen adminiculis.  
Dictum unius facile sequitur multitudo. Ibid.  
362. Idque vel maxime procedit in delictis.  
363. Notabilis casus quoad propositum refertur.  
364. Regula praedicta fallit in pluribus casibus. Et num. seqq.  
Testimonium de auditu proprio quoad res auditu perceptibiles, valet. Ibid.  
365. Testes etiam de auditu alieno probant in factis antiquis.  
366. Antiquum, et tempus antiquum, quod dicatur? Referuntur variae circa hoc Doctorum sententiae. Ibid.  
367. Testis de auditu alieno probat contra producentem.  
368. Et quando agitur ad defensionem Rei.  
Ac in aliis causis, in quibus modica scientia fidem facit. Ibid.  
369. Atque in illis, quae sunt difficilis probationis.  
370. Testes de auditu alieno faciunt praesumptionem.  
371. Imo accedentibus aliis adminiculis etiam plenam probationem.  
372. Proxime dicta procedunt; quando illi, a quibus testis audivit, jam sunt mortui, vel saltem longe absentes: alias secus.  
373. Consanguinitas, et affinitas, etiam contra valorem matrimonii, olim probabatur per testes ex auditu alieno.  
374. Hodie tamen istud nannihil est correctum; et cur? Ut de facto possint recipi testes de auditu alieno super causis matrimonialibus, requiruntur duodecim conditiones. Ibid. et num. seqq.  
375. I. Ut testes illi sint personae graves.  
376. II. Et ante litem motam testificata didicerint.  
377. III. Et quidem ab antiquioribus suis.  
378. IV. Nec ab uno tantum, sed pluribus.  
379. V. Et quidem non infamibus et suspectis, sed fide dignis etc.  
380. VI. Atque deponant cum proprio iuramento.  
381. VII. Et ad ferendum testimonium odio, amore etc. non procedant.  
VIII. Testesque illi debent personas expressis nominibus, vel circumlocutione sufficienti exprimere. Ibid.  
IX. Et ab utroque latere singulos gradus clare distinguere. Ibid.  
382. X. Et in suo iuramento concludere, se accepisse a maioribus, quod deponunt.  
XI. Et se credere, ita esse. Ibid.  
383. XII. Ac se vidisse, personas pro consanguineis se habere.

Quaeritur I. Qui dicantur Testes de scientia, 342 de credulitate, et de auditu? Resp. I. Testes de scientia dicuntur illi, qui deponunt, se scire rem ita gestam esse, eo quod proprio sensu corporeo, v. g. visu, vel audita eam perceperint; puta,

viderint Titium a Cajo esse occisum, audierint eum blasphemantem, et huiusmodi. Scire enim in proposito illud dicimus, ad quod movemur per sensus: et haec est scientia, quae requiritur in teste, ut inquit Abbas c. *Litteras*. n. 12. de *Jurejurand.* Idque patet ex can. *Hortamur* 3. q. 9. et melius ex can. *Testes*. eod. caus. 3. q. 9. ubi dicitur: *Testes per scripturam testimonium non proferant, sed praesentes de his, quae noverunt, et viderunt, veraciter testimonium dicant. nec de aliis causis, vel negotiis dicant testimonium, nisi quae sub praesentia eorum acta esse cognoscuntur.* Concordat textus in l. *Testium*. C. de *Testib.* juncta Glossa marginali ibid. recte notante, quod testis debeat reddere rationem dicti sui per sensum corporeum, puta, per visum, vel auditum, quibus communiter res gestae percipiuntur; aut loquendo de iis, quae gustu, odoratu, vel tactu percipiuntur, per sensum illis proportionatum.

343 Et tales dicuntur *Testes de propria scientia*, quales ordinarie requiruntur ad facti probationem: qui non possunt testes esse certi de facto exteriori, et sensu perceptibili, nisi per aliquem sensum corporeum. Unde fit, quod testes teneantur reddere causam scientiae, seu testimonii sui, quando desuper interrogantur, prout a Judicibus interrogari debent, c. *Cum causam*. 37. juncta Glossa §. *De causis h. t.* Adeo, quod aliquando dictum quia non valeret, c. *Sicut nobis*. 16. de *Sentent. et re judicat.* ac notat Glossa ibid. §. *De causis*, et communis Doctorum.

344 Resp. II. *Testes de credulitate* dicuntur, qui jurati deponunt, se credere, rem ita se habere. Et tales proprie non dicuntur testes, sed tantum improprie: ut inquit Glossa in l. 2. §. *penult.* §. *Audierint ff. de Aqua pluvia arcend.* Farinacius de *Testib.* quaest. 68. n. 6. et Jason in *Rubric. ff. de Jurejurand.* n. 11. citans alios. Ubi proinde post Aut. de *Butrio in c. Proposuit. de Probat.* et Lod. Romanum *Consil.* 208. ad fin. et Alexandrum de Imola in l. *Si ab hostibus. ff. Solutio matrim.* notanter inferet, quod sententia lata per dictum testimonium de credulitate, nunquam transeat in rem judicatam; sed cognita veritate per alios testes melius deponentes, semper possit retractari.

345 Porro, quod testes de credulitate non dicantur proprie testes vel ex eo patet. Quia credulitas concipitur ex variis argumentis, indicis, et praesumptionibus, ut inquit Abbas c. *Litteras* n. 12. de *Praesumpt.* ergo hoc ipso non potest stare cum scientia (qualis requiritur in teste proprie dicto per Jura num. 322. allegata) sed inest ipsis quoddam dissidium. Scientia enim de illis, quae sunt facti, tunc habetur: quando eam capimus per proprium sensum, puta, videndo, audiendo, gustando etc. Credulitas autem ex conjecturis dimanat: et sic ibi non est vere scientia, sique nec testis proprie dictus Mascardus de *Probat. Concl.* 459. n. 2. et seqq.

346 Resp. III. *Testes ex auditu auditus*, sive (ut alii loquuntur) *ex auditu alieno*, vocantur illi, qui jurati deponunt, se ita audivisse narrari a viris fide dignis. Nam ut notat Glossa in can. *Hoc videtur* 22. q. 3. §. *Indicavit.* testimonium de auditu proprie est, cum quis audit aliquid dici esse factum.

347 Porro *Testes de auditu alieno*, pariter non dicuntur vere ac proprie testes: prout notat Glossa l. *In summa* §. *Audierint ff. de Aqua pluvia arcend.* Abbas c. *Tam litteris*. n. 5. et Felinus ibid. n. 2. h. t. Farinacius quaest. 69. n. 7. citans alios. Et ratio est: quia testis debet deponere de eo, quod gestum est, vel dictum in sua praesentia, ut can. *Testes*. 3. q. 9. Tales autem non sunt testes ex auditu auditus, ut patet. Et hinc in c. *Ecce ex quadam* 17. h. t. testes de auditu dicuntur *Testes praeter communem formam*: de quibus proinde etiam procedunt dicta num. 344.

HEIFFENSTUEL Jus Can. Tom. II.

ueniunt, quod sententia ex eorum dictis lata, non transeat in rem judicatam.

348 Queritur II. Utrum testes de credulitate sint ad mittendi, et aliquid probent? Resp. I. Regula est negativa, videlicet eos non esse admittendos, nec probare. Ita Glossa c. *Quoties*. §. *credere*. et Felinus ibid. n. 7. vers. *Est enim regulariter h. t.* et alia Glossa l. *Testium*. §. *Praesto. C. eod.* Speculator *Tit. de Teste.* §. 1. n. 58. Sorinus de *Fallentiis. reg.* 407. Farinacius loc. cit. quaest. 68. n. 62. et Doctores communiter. Ratio est: quia testis de credulitate nihil certi videtur affirmare: quia imo credulitas dimanat solum ex conjecturis, ac praesumptionibus; ac proinde ibi non datur vera scientia, virtute cujus quis possit aliquid certo affirmare. Atqui testes, ut probent, debent deponere de eo, quod viderunt, seu proprio corporeo sensu perceperunt, sique sciunt, can. *Testes* 3. q. 9. et l. *Testium*. C. h. t. ergo. Accedit, quod testis de credulitate non sit proprie testis, ut proxime dictum: quia imo stricte loquendo, *scire*, et *credere*, non possunt super eodem facto concurrere. Abbas d. c. *Quoties*. n. 9. h. t. Quamvis illico recte moneat, quod verba testimonii rudium, qui non capiunt istas subtilitates, et saepe dicunt, se credere illud, quod sciunt, sint largo modo capienda, ut valeat eorum testimonium.

349 Resp. II. Fasi data Conclusio continet Regulam, procedatque regulariter; dantur nihilominus plures casus, in quibus necessitate sic suadente admittuntur testes de credulitate. Ita Speculator *Tit. de Teste.* §. 1. n. 58. Socinus cit. *Reg.* 407. Jason ad *Rubric. ff. de Jurejur.* n. 4. et seqq. octo limitationes dictae regulae referens. Farinacius cit. quaest. 68. n. 74. et seqq. octidecim tales limitationes adducens, et communi; inque probatur inductione.

350 Sic imprimis, quando credulitas est proxima sensui, per quem percipitur veritas, tunc valet tale testimonium: secus, quando est remota a sensu. Abbas cit. c. c. *Quoties*. n. 9. h. t. Mascardus de *Probat. Concl.* 459. n. 12. Farinacius cit. quaest. 68. num. 92. allegans alios. Exemplum prioris est: si testis dicat, se vidisse solum cum sola, vel nudum cum nuda in eodem loco, sique credere, quod commiserint adulterium: talis enim testis, utpote in materia difficilis caeteroquin probationis attestans de praesumptione tam violenta, seu deponens ex credulitate proxima sensui, probat; ut c. *Praeterea*. 27. h. t. Secus foret, si solum vidisset eos simul confabulantes; quia inde non recte probaretur adulterium ex credulitate sua.

351 Hoc ipsum, sed sub aliis terminis, tradunt Farinacius cit. quaest. 68. n. 74. et Mascardus d. *Conclus.* 459. n. 11. cum aliis dicentes, quod testis de credulitate probet, quando sufficientem reddit rationem credulitatis suae: prout accidit in allato exemplo de eo, qui vidit nudum cum nuda, sique credit ipsos peccasse carnaliter. Idemque dicendum, quando concurrunt alia adminicula, et praesumptiones ad sic credendum: nam insufficientis probatio fit sufficiens ex praesumptionibus, conjecturis, aliisque adminiculis arg. *Cum causam*. 13. juncta Glossa fin. de *Probat. et l. Instrumenta*. C. eod. eorum similibus. Praesertim, quando accedit praesumptio Juris. Farinacius loc. cit. n. 40. post Rotam in *una Clusin. Pension. coram Blanchetto. die 9. Decemb. 1574.* et alios.

352 Deinde data Regula non procedit in iis, quae sunt difficilis probationis, et est probatio filiationis, ac huiusmodi: nam in talibus testis deponens per verbum *Credo*, bene probat. Jason ad *Rubric. ff. de Jurejur.* n. 5. post Bartolum. in l. 2. §. *penult.* ff. de *Aqua pluvia arcend.* Alexander *Consil.* 24. n. 6. et 20. lib. 2. Farinacius loc. cit. n. 81. et seqq. allegans alios.



- 353 Tertio admittuntur testes de credulitate ad probandam hominis innocentiam, v. g. quod quis hominem occiderit ob necessariam sui defensionem. Jason *loc. cit.* n. 7. Farinacius n. 77. Pirhing h. t. n. 135. et alii. Siquidem innocentia hominis non potest aliter, quam per praesumptiones, ac credulitatem probari. Et ob eandem rationem in Purgatione canonica admittuntur seu jurant Compurgatores de credulitate. c. *Quoties. et c. de Testibus. de Purgation. canon.*
- 354 Quarto, quando testes per verbum *Credo* deponunt de iis, quae consistunt in peritiis artis: ut sit in Medicis, Obstetricibus, ac huiusmodi. Tales enim probant. Glossa L. 1. §. *Et duae* et Bastolus *ibid ff. de Vetre inspiciend.* Jason *ubi supra.* n. 4. Socinus *cit. Reg. 407. Fallent.* 3. Mascardus *Concl.* 1370. n. 14. Felinus c. *Quoties.* n. 11. h. t. Farinacius d. *quaest.* 68. n. 95. et alii. Siquidem Periti in arte, utpote qui de rebus iudicio duntaxat intellectus comprehensibilibus deponunt, hoc ipso non nisi de iudicio et credulitate deponere valent. Aliud foret, si peritus in arte deponere debeat de rebus acutu corporeo perceptibilibus, puta, per inspectionem ocularem: quia tunc tenetur jurare, et deponere non solum, quod ita credat, sed etiam, quod ita sit. Farinacius *cit.* n. 95. cum aliis.
- 355 Quinto, licet testes deponentes de credulitate regulariter non probent contra illum, contra quem producantur, ob dicta n. 348. probant tamen contra producentem, sive contra eum, a quo producantur: quis producens videtur dicta eorum ratificasse, seu approbasse per suam productionem. Jason *loc. cit.* n. 9. post Ludov. Romanum *Consil.* 104. in fin. Maranta *part. 6 Speculi Auri. Tit. de Testium productione.* n. 16. Mascardus d. *Concl.* 1370. n. 18. asserens, quod testis de credulitate contra producentem optime probat. Farinacius n. 75. et alii.
- 356 Sexto, testis, seu potius confessio de credulitate, probat contra confidentem, sicut probat confessio de veritate. Abbas *cit. c. Quoties.* n. 8. h. t. id probans ex c. *Ex Litteris.* 32. *de Iurejurand.* iuncta Glossa *fin. ibid.* dicente, quod aequae praepjudicat. *confessio de credulitate, sicut de veritate:* quia videlicet confitendo ex credulitate, quis approbat dictum suum. Idem tradit Tyndarus *cit. tract. de Testib. lib. 1. cap. 3. n. 14.* ubi ait, quod per verbum *Credo* inducitur confessio valida, et responsio positionibus, sicut per verbum assertivum. Jason, *ubi supra* n. 10. Farinacius n. 99. et alii.
- 357 Septimo, quando testis primo deponit de veritate, seu quidpiam affirmat de scientia facti, et postea dicit se illud credere: nam per hoc non evanescit prius ejus testimonium, neque testis ille dicitur sibi contrarius, sed bene probat. Felinus c. *Quoties.* n. 8. h. t. Jason *loc. cit. num.* 6. Mascardus d. *Concl.* 1370. n. 17. asserens, quod tunc illud verbum *credo*, exponitur pro certitudine, et veritate. Farinacius *cit. quaest.* 68. n. 102. cum aliis.
- 358 Octavo, licet testes de credulitate non inducant plenam probationem, nihilo minus ipsi faciunt iudicium efficacissimum. Jason *loc. cit.* n. 9. citans Angelum in *Consil.* 3. Mascardus *loc. cit.* n. 22. Farinacius n. 105. et alii. Quod tamen intellige, quando testes congruam rationem assignant, unde resultat tale iudicium, vel praesumptio, prout explicat Socinus in *Fallentiis, reg. 429. fall.* r. Alioquin enim, quamvis testis dicat, se pro certo credere, non facit praesumptionem: ut inquit Baldus in l. *Sive possidetis. C. de Probat. et. Jason cit.* n. 9.
- 359 Tandem, ut nonnullae aliae limitationes, apud Auctores proxime citatos videndae, sed cum praemis missis multum convenientes taceantur testimonium de credulitate admittitur in omnibus illis casibus, in quibus admittitur testimonium de auditu alieno. Speculator *Tit. de Teste.* §. 1. n. 58 Abbas c. *Quoties.* n. 7. h. t. Jason *ubi supra.* n. 10. Farinacius *cit. quaest.* 68. n. 100. Mascardus d. *Concl.* 1370. n. 19. Socinus *cit. Reg. 429. fall.* 1. et alii. Occasione cujus
- Quaeritur III. An, et in quibus casibus testes de auditu alieno, sive audito auditus probent? Resp. I. Regula est, quod testimonium de auditu alieno non valet. Ita Glossa *fin. c. Quoties.* h. t. Speculator *loc. cit.* n. 53. istud probans ex can. *Imprimis.* 2. q. 1. §. *Sed et de personis. et c. Licet ex quadam.* 47. h. t. ubi Abbas n. 1. Farinacius *de Testibus, quaest.* 69. n. 1. et communis. Ratio est: quia testes de auditu alieno non fundantur super principali facto, sed super dicto tertii. Atqui istud non sufficit, quia testes tenentur deponere de sua, non aliena Scientia: hoc est, de eo, quod per proprium sensum perceperunt, juxta textus num. 348. relatos.
- Et hoc extende, etiamsi fama publica cum tali depositione concurrat, sine aliis tamen adminiculis, arg. c. *Tam litteris.* 33. §. 1. h. t. ubi nihil sufficienter ostensum dicitur; cum testes tantum de auditu, et fama deposuerint: et amplius firmat Glossa *ibid.* §. *de auditu.* Accedit ratio: quia dictum unius facili sequitur multitudo, prout legitur in c. *Cum in juventute.* 12. *de Purgat. can.*
- Atque istud vel maxime procedit in delictis. Card. Tuschus *List. T. Conc.* 180. n. 1. post Alexandrum *Consil.* 71. n. 8. in fin. lib. 1. et alios. Aden, ut testes de auditu alieno non solum non probent, sed nec praesumptionem faciant ad condemnandum, imo nec indicium ad torturam. Farinacius *de Testib. quaest.* 69. n. 9. et 13. Pirhing h. t. n. 137. et alii. Siquidem in criminalibus, ut jam aepius dictum, requiruntur probationes indubitatae, *L. Sciatis euncti. C. de Probat.* et testes ab ipso nullo macula et suspitione, seu omni exceptione majores, cap. 1. *de Exception.* cum similibus.
- Notabilem ad propositum refert casum Caramuch in *Theologia Regulari.* n. 1881. de Maldere Episcopo Antuerpiensi, viro, caeteroquin doctissimo, qui Pastorem de fornicatione, ut dicebatur infamatum capi jusserat: auditur ipse, audiuntur octoginta rustici; negat ille crimen, asserunt isti, et negans ob tot testimonia, seu convictus de crimine condemnatur. Verum Reus audita sententia, cum neque hanc acceptare, neque appellare vellet, modeste ad Episcopi colloquium admitti rogit: qua gratia obtenta agebat, se damnari ut convictum virtute informationis, quae nondum erat plena, obvi testimonium numero, non veritate; neminem ex illis octoginta esse testem oculatum, testibus vero ex auditu neminem convinci posse; porro omnes illos crimen illud fornicationis, habuisse ex ore alicujus vetulae, sibi ante aliquot menses a servitiis, sed jam ob furtum dimissas. Obstupuit haec audiens Episcopus recognoscit processum, nec videt in illo vel unum oculatum, testem, imo nec auritum, sed singulorum testimonia sive expressione istius necessariae circumstantiae. Mittitur proinde, qui rusticos secundo examinet; illi sane depositioni constant, fornicationem a Sacerdote commissam asserunt: at rogati, unde scirent? an viderint actum, vel indicia? linguam illius vetulae furis allegant, et forte alios, qui adjuverunt a vetula. Unde Episcopus revocat sententiam, Parochum innocentem declarat, atque ob illatam, ut putabat, injuriam, veniam rogat, in vetulam tamen animadvertit. Vide, quam parum probent testes ex auditu.
- Resp. II. Nihilo minus data Regula, seu quod testes de auditu alieno non admittantur, neque

proben, fallit in certis casibus. Ita Auctores proxime citandi, et communis. Notanter tamen additur, *de auditu alieno*: quia, quod valeat testimonium de auditu proprio quoad res sensu auditus perceptibiles, puta, si quis testificetur, se fuisse praesentem, et audivisse, quando Titius blasphemavit, vel quid promisit etc. indubium est; atque liquet ex cap. 1. de Consuetud. ibi; *Sub testimonio videndum, et audientium*. Nam audiens verba alterius loquentis, atque de istis testimonium ferens, revera testificatur de iis, quae proprio sensu corporeo percepit; sicque testimonium tale est legitimum, riteque probat: Verum loquendo de teste ex auditu alieno, seu deponente, quod ita audierit ab aliis dicti, posset dubitari, an aliquando probet: et Conclusio est affirmativa. Siquidem

365 Fallit primo data Regula, et probant testes ex auditu alieno in factis antiquis. Speculator titul. de Teste §. 1. n. 54. Abbas c. *Licet ex quadam*. n. 3. h. t. ubi dispositionem illius Capituli, expresse loquentis de probanda consanguinitate, seu affinitate, ob paritatem rationis procedere ait in aliis factis antiquis, de quibus testes haberi non possunt. Card. Tuschus *Litt. T. Concl.* 180. n. 26. Menochius de Arbitrar. *Judic. lib. 2. Cas. 478. n. 9. et 10.* et alii. Atque istud, praeter jam allegatum c. *Licet ex quadam* 47. h. t. desumitur ex l. *Si arbiter*. ff. de Probat. et l. *In Summa*. 2. §. *anteponit*. ff. de Aqua pluvia arcend. ubi ad probandum, quod operis facti memoria extet, admittitur probatio de auditu auditus. Hinc Doctores sere in ore habent, quod in antiquis propter difficultatem probationis sufficiant leviores probationes, L. 1. ff. de Probation. et c. *Cum causam*. 13. eod. cum similibus. Aymon Cravetta Tom. 17. *Tractatum tract. de Antiquitate temporum*. §. 1. n. 1. et §. *Ampliat*. et §. *Uso de verbis. ac seqq.*

366 Caeterum quodnam Tempus dicatur antiquum in materia probationum, variant Doctores, uti videre est apud Menochium *lib. 2. de Arbitrar. Judic. cas. 3. num. 1. et seqq.* ubi refert septem diversas sententias. Et quidem, ut aliquid dicatur *Antiquum*, requiri tempus centum annorum, sique Tempus centum annorum censeri *antiquum*: tradit Abbas c. *Licet ex quadam*. num. 3. h. t. id desumens ex L. ult. C. de Saecrosanct. Eccles. Innocentius c. *Veneriens de Verb.* Alexander *Consil. 6. n. 7. lib. 1.* Farinacius de Testib. qu. 69. n. 226. Jason in *Repet. l. Admonendi*. numer. 245. et 246. allegans alios, et communem; quam sententiam etiam appellat communem Cravetta *cit. tract. de Antiquit. temp.* §. 1. num. 4. et 5. cum aliis. Atque huic sententiae novissime favet Card. de Luca de *Jure patronat. Discurs. 57. num. 52. et 55.* quamvis addat, centenarium istud tempus non esse intelligendum praecise, sed moraliter; ac proinde quoad fidem scripturarum, et alios effectus ex antiquitate resultantes, sufficere tempus supra nonaginta annos, etsi sint infra centum: quoniam adhuc adimpletur idem finis, seu verificatur eadem ratio defectus memoriae hominum. Ab hac opinione non multum distat Decius *Consil. 195. n. 7.* asserens, tempus antiquum esse nonaginta annorum.

Alii contra volunt, Tempus antiquum in materia probationum esse tempus triginta, vel saltem quadraginta annorum: quidam vero crediderunt, tempus septuaginta annorum esse antiquum, prout videre est apud Menochium *cit. cas. 3. num. 3. et seqq.* Media via ingreditur Rota apud Rubeum *Decis. 424.* et Seraphinum *Decis. 75.* et alia Rota apud Merlinum *Decis. 489.* dicens, tempus antiquum dici tempus sexaginta annorum. Nec immerito: nam tale tempus subductis pueritiae annis, utpote quibus minus perfecte res-gestas

percipere soleamus, communiter memoriam hominum excedit, juxta illud Davidicum. Psalm. 89. *Dies annorum nostrorum in ipsis, septuaginta anni.* Ultima, et caeteris probabilior sententia asserit, quale tempus dicatur antiquum, Judicis arbitrio esse relinquendum; qui ex subjecta materia istud determinabit. Ita Alexander *Consil. 187. n. 4. lib. 2.* post Glossam *fin. Clem. 1. de Rebus Eccles. non alienand.* istud probans ex L. 1. ff. de *Jure deliberand.* Menochius *cit. cas. 3. n. 2.* allegans plures alios. Nam sufficere tempus decem annorum, quando agitur de medico et levi praedicio, inquit Carol. Molinæus in *Consuetud. Paris. tit. 1. §. 5. n. 65.* quem refert idem Menochius *num. 5.* et Cravetta *loc. cit. §. 1. nu. 6.* post Decium putat, tempus quadraginta annorum sufficere ad plenam probationem, ubi non agitur de gravi praedicio: hoc est, quando praedictum est quidem alicujus considerationis (in modicis enim etiam admittitur probatio alia imperfecta) non tamen praedictum illud est multum grave; quod totum (inquit) in arbitrio Judicis videtur positum. Porro in causis magnis, vel gravissimi praedicti, locum habebit aut opinio Rotae sexaginta annos requirantis, aut severior opinio requirens centum annos, non quidem physice, sed moraliter computandos, juxta sententiam Cardinalis de Luca jam relatum.

Fallit secundo dicta Regula, testis de auditu alieno probat contra producentem: Card. Tuschus *cit. Litt. T. Concl.* 180. num. 88. post Romanum *Consil. 290.* dicentem, quod is jungatur cum teste partis adversae deponente de visu. Farinacius qu. 69. num. 57. allegans alios: et concordant in simili dicta superiorum num. 355.

Fallit tertio, quando agitur ad defensionem Rei: 368 quia enim tunc admittuntur testes de credulitate, ut dictum num. 353. ergo pariter admittendi sunt testes ex auditu, qui audierunt ab aliis fide dignis, ac reddentibus causam sui dicti; puta, quod fuerint praesentes, et viderint, istum esse innocentem. Idemque dicendum in aliis causis, in quibus modica scientia fidem facit: ut est causa denunciationis. Glossa *can. Hoc videtur. 12. qu. 5. Indicavit.* Farinacius de Testib. qu. 69. n. 54. et 56.

Fallit quarto in illis, quae sunt difficilis probationis: quia in talibus etiam admittitur testimonium de auditu. Farinacius *cit. qu. 69. n. 48. et seqq.* allegans alios. Ut accidit in delictis occultis. Hostiensis c. *Praeterea*. n. 4. et Jo Andreas *ibid. n. 10. h. t.* Saltem, quando alia adminicula concurrant; prout inquit textus in d. c. *Praeterea*. et notat Farinacius *loc. cit. n. 52.*

Quinto, licet testes de auditu non probent plenae, nihilo minus faciunt praesumptionem. Archidiaconus *can. Hoc videtur. 22. cas. q. 5. n. 3.* Felinus c. *Tam Litteris*. n. 3. h. t. Menochius de Arbitrar. *Judic. lib. 2. cas. 475. n. 5.* Card. Tuschus *cit. Concl.* 180. n. 74. cum aliis. Qui addunt, dictam praesumptionem istud operari, ut onus probandi transeat in adversarium: quamvis hoc ultimum non pauci negent, quos allegat Card. Tuschus *ibid. n. 76.*

Quod si vero dictae praesumptioni accesserint alia adminicula, Judicis arbitrio adjudicanda, tunc inde etiam plena probatio resultabit, *Arg. cit. c. Praeterea*. n. 27. juncta Glossa §. *De auditu*. et DD. *ibid. h. t.* Menochius *cit. cas. 475. num. 9.* Card. Tuschus, *ubi supra*, n. 78. Farinacius *cit. quaest. 69. n. 44. et seqq.* apud quem nonnullae aliae sententiae videri poterunt.

Solum pro meliori praemissorum intelligentia adverte cum Menochio *cit. Cas. 475. n. 6.* allegante pro se Cravettam *Consil. 277. col. 3. et in tract. de antiq. temp. in ultima partis primae part. n. 7.*

proxime digna, procedere, quando illi, a quibus testis audivit, jam sunt mortui, vel saltem longe absunt: securi, si in hominis, et praesentes existerent. Nam tunc nullam praesumptionem facerent: quin potius exurgit suspicio quaedam adversus illum, qui producit solummodo testes ejusmodi de auditu alieno, cum tamen producere posset illos in ipsos, qui id inter diverant.

- 373 Quæritur IV. Utrum, et quando in probatione consanguinitatis, vel affinitatis, admittantur testes de auditu alieno? Resp. I. Quia antiquitus consanguinitas, et affinitas, neque ad septimum gradum dirimebat matrimonium; simulque ob brevitatem vitae humanae difficile fuerat scire, sive proprio sensu percipere, quousque consanguinitas se extenderet: hinc olim necessitate sic urgente, in causis matrimonialibus, ac etiam contra valorem matrimonii jam contracti, adhibebatur probatio consanguinitatis per testes ex auditu alieno; ut *can. De parentela. 33. quæst. 5. juncto c. Licet ex quadam. 47. §. 1. h. t.*

- 374 Quia tamen experientia teste, exinde multa pericula contra legitima provenerunt matrimonia; prout observavit Concilium Generale (scilicet Lateranense, sub Innocentio III. celebratum) a quo editum fuit *c. Licet ex quadam*; simulque hodie impedimentum consanguinitatis non amplius extenditur ad septimum gradum, sed duntaxat ad quartum: hinc antiqui Canones quoad hoc non nihil sunt correcti, nec valet testimonium de auditu auditus ad probandam consanguinitatem, nisi observatis illis conditionibus, quas ponit idem Concilium Generale ibidem relatum; et juxta Jo. Andream, Abbatem, et Summatum in *d. c. Licet ex quadam h. t.* ac Farinacium de *Testib. quæst. 63. n. 105. et seqq.* sunt duodecim. Unde

- 375 Resp. II. Prima conditio requisita ad hoc, ut de caetero possint recipi testes de auditu alieno super causis matrimonialibus, est illa; videlicet, quod testes ita deposituri, *personae graves existant, quibus fides sit merito adhibenda*, prout loquitur Concilium Generale *loc. cit.* Gravitas autem personae desumitur ex gravitate morum, bonaeque famae et opinionis, sic ut censeatur fide digna. Glossa *ibid. §. Persona.* et Hostiensis *§. Gravis.*

- 376 II. Testes illi debent deponere de iis, quae audierunt ante litem motam; juxta illud, quod *in cit. c. Licet ex quadam h. t.* subjungitur: *Et ante litem motam testificata didicerint etc.* Unde si deponerent de illis, quae primum audierunt post litem motam, nullam fidem facerent, licet intervenirent omnes caeterae conditiones, quae ibi requiruntur: quia si vel una earum deficiat, tunc testes nullam penitus fidem faciunt. Mascardus de *Probat. Concl. 419. num. 7. et 8.* post Hostiensem; et Innocentium in *cit. c. Licet ex quadam*, ubi et Barbosa in *Collectan. num. 2. h. t.* citans alios.

- 377 III. Quod testes audierint, non testificata didicerint ab antiquioribus suis: Antiquioribus enim magis fides adhibetur, ut inquit Barbosa *ibid. n. 4.* post Tiracellum de *Jure Primogeniturae, in Praefat. n. 148. et seqq.*

- 378 IV. Quod audierint non ab uno tantum: quia, sicut illa solus non sufficeret ad faciendam plenam fidem, etiam si de scientia deponeret: ita nec sufficiunt plures testes de auditu, qui ab uno solo audierunt, seu gradus consanguinitatis didicerunt: ne ipsa credatur copiosa, quam originali, ut loquitur Card. Tuschus *Litt. T. Concl. 180. numer. 2.* Unde subiungit illudem Concilium Generale: *Non utique ab uno, cum non sufficeret illo, si sciret; sed duobus ad minus.* Ubi Glossa *§. Ab uno*, amplius hoc confirmat ex eo: quia omnes

illi, qui causam habent ab uno, pro uno solo reputantur, *arg. can. Cito. 1. qu. 1. et l. Cui fundus. ff. de Condit. et demonstrat.*

V. Ut testes illi de auditu deponentes, non audierint gradus consanguinitatis ab infimibus et suspectis, sed a fide dignis, et omni exceptione majoribus: cum satis videretur absurdum illos admittere, quorum repellerentur auctores: prout loquitur Concilium Generale *loc. cit.* Nam is, qui audivit aliquid ab alio, non potest superare fidem illius, a quo audit, et cujus verba refert.

VI. Testes ejusmodi debeat deponere cum proprio juramento: alias non probant, juxta textum ibidem, ubi dicitur: *Testes proprio juramento firmant etc.* Et infra: *Nec tales sufficiant, nisi jurati deponant etc.* Ubi ponderando ly, *proprio juramento*, videtur pro forma, et ad terrorem aliorum, requiri proprium juramentum: adeo, ut non sufficiat jurare per Procuratorem habentem speciale mandatum; prout docet Abbas *ibid. num. 6.* asserens, ita tenere omnes Doctores.

VII. Ut testes illi ad ferendum testimonium in causa ipsa odio, amore, timore, vel commodo non procedant. Ita textus ibidem. VIII. Testes illi debeat personas expressis nominibus vel demonstratione, circumlocutione sufficienti designare. IX. Ac etiam ab utroque latere singulis gradus clara computatione distinguere: ut loquitur textus *ibid.* Ubi tamen Glossa *§. Gradus.* et Barbosa *num. 6.* et Farinacius *qu. 69. n. 117.* istud intelligant, de jure stipite: quia de isto non reperitur Canon, sed tantum de lateribus; ac proinde incipit incipere a fratribus, *arg. c. Tua nos. 7. juncta Glossa §. Vel germanis. de Consanguinit. et affinit.*

X. Debeat testes illi in suo nihilo minus juramento concludere, se accepisse a suis majoribus, quod deponunt. XI. Addendo simul, se credere ita esse: prout loquitur Concilium Generale. *ibid.*

XII. Sed nec tales testes sufficiant, nisi jurati deponant, se vidisse personas, vel saltem in uno praedictorum graduum constitutas, pro consanguineis se habere. Ita statuit Concilium Generale *loc. cit.* addita illa ratione: *Tolerabilius est enim, aliquos contra statuta hominum relinquere copulatos, quam conjunctos legitime, contra statuta Domini separare.* Nam in Constitutionibus suis potest Ecclesia, sive Romanus Pontifex, Conditor Canonum dispensare: non item in Legge Divina, posita de indissolubilitate matrimonii legitime contracti.

## §. XII.

De Fama, et qualiter probetur, ac probet?

### SUMMARIVM.

384 Fama vi nominis, et Fama ut sic, quid? *Ibidem.*

385 Fama in bonam partem accepta, quid?

386 Proprie loquendo Fama non dicitur, nisi bona sit. Fama mala appellatur infamia. *Ibid. et n. 29.*

387 Fama ut sic dividitur in Famam hominis, et

388 Famam inter homines; et quid?

389 Fama an certo auctore provenire debeat? Et num. praeced.

390 Fama inter homines est duplex; et qualis?

391 Fama super facto aliquo particulari, potest ratione suae originis tripliciter distinguari.

392 Fama differt a Rumore; et quomodo? Rumor, quid? *Ibid.*

393 Quae requirantur ad hoc, ut fama probet? Et num. seqq.

Fama debet esse uniformis, solida, constans et perpe-



- tua; non vaga, levis, aut contraria. Ibid.*
- 394 *Fama potest probari per duos testes. Testes illi debent esse spectatae fidei, seu omni exceptione majores. Ibid.*
- 395 *Testes deponentes de fama debent deponere, quod ita audiverint dici a majori parte populi. Et num. 396.*
- 396 *Populi nomine, qui hic intelligantur? In negotiis tamen parvis sufficit fama viciniae. Ibid.*
- 397 *Testes de fama tenentur exprimere certas personas, saltem duas; a quibus audierunt.*
- 398 *Ac reddere causam scientiae, et dicti sui.*
- 399 *Stimulque deponere de tempore, a quo fama traxit originem. Fama est difficilis probationis. Ibid.*
- 400 *Quis sit effectus famae, seu quam vim probandi habeat? Et num. seqq.*
- Fama regulariter plenam fidem non facit. Ibid.*
- 401 *Utrum fama faciat semiplenam probationem, variant Doctores. Et num. seqq.*
- 402 *Refertur sententia asserentium, famam per se nihil probare.*
- 403 *Alii tenent, quod fama legitime probata, semiplenam probationem inducat in causis civilibus.*
- 404 *Melius istud relinquitur arbitrio Judicis, qui pensata qualitate famae, causisque ejus, et aliis circumstantiis id dijudicabit.*
- 405 *Dantur aliqui casus, in quibus fama plene probat. Et num. seqq.*
- 406 *Ut in factis antiquis.*
- 407 *Et in rebus modici praejudicii.*
- 408 *Vel quando cum fama concurrunt alia adminicula.*
- 409 *Item in iis, quae sunt difficilis probationis.*
- 410 *Et quando agitur Remedio can. Redintegranda. 3. q. 1.*
- 411 *Item, quando agitur ad evitandum peccatum.*
- 384 **V**iso de Testibus ex auditu alieno, operae pretium esse videtur etiam de Fama tractare, utpote quae ex auditu sumit originem. Fama siquidem a *fando*; sive loquendo sic dicta, vi nominis dicitur, quidquid de aliquo divulgatur, sive in bonam, sive in malam partem; ut inquit Calepinus in Dictionario. *¶ Fama.* Unde Bartolus *l. De minore. §. Plurimum. n. 8. de Quaestione.* famam ut sic definiens, inquit: *Fama est communis opinio voce manifestata, ex suspitione proveniens. Et haec grosso modo dicitur, Vox populi: de qua loquendo.*
- 385 **Q**uæritur I. Quid, et quotuplex sit Fama, et quomodo differat a Rumore? Resp. I. *Fama* in bonam partem accepta, est illa saepe dignitatis status, moribus, et legibus comprobatus, ita textus in *l. Cognitionum. ff. de Variis et extraord. cogn.* ubi dicitur: *Existimatio est dignitatis illa saepe status, legibus et moribus comprobatus, quae ex delicto nostro auctoritate legum aut minuitur, aut consumitur.* Nam existimatio idem est, ac fama et opinio; ut inquit Glossa *ibid. §. Existimatio.*
- 386 **E**t proprie loquendo, Fama non dicitur, nisi bona sit: quia fama est argumentum virtutis, ut inquit Baldus *c. In Genesi. num. 66. de Electione.* De qua loquitur S. Augustinus *can. Nolo. 12. q. 1.* relatus his verbis: *Duae sunt res, conscientia et fama: conscientia necessaria est tibi, fama proximo: qui fideus conscientiae suae negligit famam suam, crudelis est.* Similia habentur *can. Non sunt. 11. q. 3.* Econtra vero Fama in malam partem accepta, speciali nomine appellatur *infamia*, id est, *Famae privatio*; prout notat Glossa *loc. cit.* estque jam dictum supra, *§. 2. n. 29.*
- 387 **R**esp. II. Fama ut sic dicitur in Famam hominis, et Famam inter homines. Ita Fagnanus *c. Vestra. n. 27. de Cohabit. Cleric.* Bartolus in *l. De minore. §. Plurimum. ff. de Quaestione.* Mascardus *de Probat. Concl. 749. n. 1.* et alii: *Fama hominis*, seu (ut alii loquuntur) Fama de homine est ea, de qua proximo dictum est, cuique convenit data definitio.
- Fama inter homines* sic dicitur respectu eorum 388 inter quos viget, seu circumfertur: nec aliud est, ac publica seu communis insinuatio, vel proclamatio ex sola suspitione; et certo auctore proveniens. Ita Ant. Nebrissensis in *Vocabulario Juris. §. Fama.* Fagnanus *loc. cit. n. 38.* et alii.
- Etsi enim Speculator *tit. de Notoriis criminibus. §.* 389 *Fama* est; asserat, quod fama quandoque procedit ex scientia, quandoque ex suspitione, quandoque ex certo, et quandoque ex incerto auctore; ut *can. Sanctum est. de Consec. dist. 4.* ibi: *Sed incerto auctore fama commendat.* Ex quo Canone Glossa *c. Qualiter et quando. il. 2. §. A malevolis. de Accusat.* infert, quod difficile est probare, famam ortam esse a malevolis; cum fama ab incerto auctore procedat, *can. Sanctum est. de Consec. dist. 4.* Nihilominus merito retinetur dictio illa, et certo auctore procedens, in definitione Famae proprie dictae appositum: idque tum ad differentiam Rumoris, de quo infra: tum quia Judex, ut tollat omnem ambiguitatem, debet testes de Fama deponentes interrogare, a quo, vel a quibus dici audiverint, et ubi, et an sit fama recens; uti notat Baldus *c. Tua. n. 3. de Cohabit. Cleric.* et amplius in progressu dicetur.
- R**esp. III. Fama inter homines adhuc duplex est: 390 una; qua de aliquo homine, puta Titio, in genere dicitur, quod sit bonus, vel malus, aut fur etc. In qua acceptione sumitur Fama *cit. l. D. minore. §. Plurimum. ff. de Quaestione.* dum inter alia jubetur investigari, *Cujus existimationis quisque in civitate sua est.* Altera vero, quae est de aliquo facto particulari: cuiuspiam: ut puta, quae dicitur inter homines communiter, Titium commisisse tale furtum, homicidium, aut huiusmodi: Et hoc modo accipitur Fama in *l. 3. §. Ejusdem quoque. ff. h. t.* ibi: *Alias veluti consentiens fama confirmat rei, de qua quaeritur, fidem.* Bartolus *cit. §. Plurimum. n. 7.* Mascardus *d. Concl. 749. n. 4.* et alii.
- R**esp. IV. Fama huiusmodi, seu super facto aliquo 391 particulari exorta; ratione suae originis, potest adhuc tripliciter distingui. Primo, ut est vana vox vulgi, et rumor in populo, quae nullos habet certos auctores, nec causas seu rationes probabiles ad se credendum; et talis fama non est attendenda, *l. Decurionum filii. C. de Poenis, et c. Osius Episcopus. 2. de Electione.* junctis concordantiis a Glossa *ibid. §. Populi*, relatis. Secundo, ut oritur ab aliquibus malitiosis, suspectis, aut proprio commodo, suaeque utilitati studentibus: et haec pariter fama non est attendenda, *c. Qualiter et quando. 24. de Accusatione.* ibi: *Si per clamorem, et famam ad aures Superioris pervenerit, non quidem a malevolis et maledicis, sed a providis et honestis.* Tertio prout fama trahit originem a personis fide dignis, gravibus, et de quorum commodo non agitur, sed apparet, ex qua ratione et causa fama ortum habuerit; *cit. c. Qualiter et quando. 24. de Accusatione. et c. Licet ex quadam. 47. h. t.* ibi: *Nec ab infamibus et suspectis, sed a fide dignis didicerint.* Et de Fama hoc tertio modo considerata, impraesentiarum est sermo.
- R**esp. V. Fama aliter accepta multipliciter differt a Rumore. Nam Fama proprie est, quando tota civitas, vel vicinia, seu major pars populi aliquid asserit. Rumor autem est, quando aliqua pars minor; puta, media, tertia, vel quarta pars ita loquitur. Abbas *c. Super eo. n. 3. De eo qui cognovit consang.* Speculator *tit. de Notoriis criminibus.*

§. *Nunc de rumore. n. 1.* Nebrissensis in *Vocabulario Juris. §. Rumor*, et alii. Deinde Fama, saltem proprie dicta, procedit a certo auctore; puta, quando est orta a certis et honestis personis, quae dixerunt in populo, se quid videri, et interfuisse: Rumor autem, est ab incerto auctore. Baldus *cit. c. Tua. n. 4. de Cohabit. Cleric. Fagnanus d. c. Vestra. n. 44. eod.* Tertio, minus probat Rumor, quam Fama: haec enim est communis assertio; Rumor vero, cum pauci aliqui dicunt, et ideo non probat, sed solam suspicionem, et praesumptionem inducit. Nebrissensis *loc. cit.* Insuper Fama vires suas eundo, et perseverando extendit, juxta illud Virgilii *Aeneid. 4. Fama malum, quo non aliud velocius ullum, Mobilitata viget, virosque acquirit eundo.* Rumor contra quandoque cito deficit, *L. ult. ff. de Haeredib. instituend.* Hinc Rumor definitur a Speculatore, et Nebrissensi, *loc. cit.* et aliis, quod sit particularis assertio, ex incerto auctore, et sola suspicionem proveniens.

393. Quae sit II. Quae requirantur ad hoc, ut Fama probet, quibusque testibus ipsa probetur? Resp. I. Ad hoc, ut fama habeat vim quandam probandi, plura requiruntur, ac praesertim sequentia. I. Ut fama sit uniformis, solida, constans et perpetua; non autem vaga, levis, aut contraria, seu contrariis allegationibus conquassata: quia alioquin non constaret, qualis fama fuerit, quidque asseveraverit. Baldus *Consil. 275. vol. 1. Sperellus Decis. 173. Fori Ecclesiastici, n. 37. post Rotam Decis. 335. n. 5. part. 2. Recent. Rolandum Consil. 3. n. 49. lib. 1. et alios.* II. Requiritur, quod fama originem duxerit a personis honestis, et fide dignis, *c. Qualiter et quando 24. de Accusation.* cum similibus. III. Quod constet, seu per testes legitime probatur, famam ex probabilibus causis originem duxisse, quae populum inducere poterant ad sic credendum, et dicendum: alias enim non esset fama, sed vana vox populi, quae attendi non debet, *L. Decurionum filii. C. de Poenis.* Hae duae posteriores conditiones ut melius intelligantur,

394. Resp. II. Fama potest probari per duos testes spectatae fidei, atque integre opinionis, seu (ut alii loquuntur) omni exceptione majores. Ita Glossa in *L. 3. §. Confirmat. ff. h. t.* dicens, quod fama probatur per duos testes, cum jurant, majorem partem populi ita sentire. Bartolus *l. De minore. §. Plurimum. n. 19. ff. de Quaestione. Felionus c. Tertio loco. n. 4. de Probation.* Jul. Clarus in *Practica Crimin. §. fin. quaest. 6. n. 11. Farinacius lib. 2. Pract. criminal. quaest. 47. n. 208. 210. et seqq.* Menochius *lib. 8. Consil. 701. num. 49.* Mascardus *de Probation. Concl. 750. n. 1. allegans communem.* Et habetur *c. Inquisitiones. 21. §. Quaesitum. de Accusat.* ubi fama censetur probata per duos, vel tres testes. Concordat *c. Licet universis. 23. h. t. et c. Cum esset. 10. de Testament.* ubi allegatur illud Dominicum: *In ore duorum, vel trium testium fiat omne verbum.* Quod autem testes illi debeant esse spectatae fidei, seu (ut loquitur Menochius *cit. n. 49.* et Farinacius *d. n. 210.* cum aliis) omni exceptione majores, patet ex *c. Qualiter et quando. 24. de Accusat.* et *c. Licet ex quadam. 47. h. t.* quorum verba *n. 391.* referuntur.

395. Resp. III. Testes deponentes de fama debent inter alia deponere, quod audierint ita publice dici a majori parte populi: alioquin non probant famam. Ita Glossa *loc. cit.* Bartolus *cit. n. 19.* Mascardus *num. 1. et 2. allegans alios.* Ratio est: tum quia testes, ut probent, debent reddere rationem dicti sui, per sensum corporalem; puta, quia audierunt sic dici a majori parte populi, ut dictum supra *§. praec. n. 342. et 343.* Tum quia fama non inducitur, nisi a majori parte populi; ergo etiam

testes de ea deponentes tenentur jurati dicere, se audivisse ita publice dici a majori parte populi. Unde non sufficit deponere, quod audierint ita publice dici (posset enim contingere, quod unus solus id publice dixisset) sed necesse est testificari, ita fuisse dictum a majori parte populi.

Caeterum nomine majoris partis Populi, hic non 396. semper venit intelligenda major pars totius multitudinis hominum in tali loco, vel vicinia quomodoque existentium: sed id est accipiendum in sensu accommodato, videlicet pro majori parte eorum, qui hoc scire poterant, et ad quos spectabat istud scire. Bartolus *cit. §. Plurimum. n. 12.* Mascardus *d. Concl. 750. n. 8.* et alii. Sic, ubi quaeritur de fama super peritia alicujus, vel ejus scientia, sufficit esse famam inter peritos, et discipulos talis artis, aut scientiae, a majori parte sic dicentes; puta, inter Legistas, si quaeratur de fama Legistae: vel inter Canonistas, si de Canonista, et hujusmodi. Unde Glossa *l. Cum quidam. §. Sed si scit, ff. de Acquirend. haeredit.* in simili ita loquitur: *Sed si scit, multorum opinione, qui hoc scire possunt.* Concordat textus *l. in ratione. §. Quod vulgo dicitur. ff. Ad Legem Falcid.* ubi ly, quod vulgo dicitur, nequit verificari, nisi inter Sapientes et Studentes, qui Jus illud scire possunt, et debent; prout argumentatur Bartolus, *ubi supra.*

Deinde ex eo, quod fama oriatur non nisi ex communi opinione eorum, ad quos spectat scire, inferitur, quod testes super ea deponentes in negotiis magnis, debeant testificari, famam esse totius Civitatis, utpote ad quam pertinet scire negotia ardua, vel saltem majoris partis ejus: secus in negotiis parvis, nam in his sufficit fama viciniae, seu illius Universitatis, ad quam de hoc scire spectat. Bartolus *loc. cit. n. 12.* id probans ex *c. Illud de Praesumpt. et l. Cum quidam. §. Quod dicitur. ff. de Acquirend. haeredit.* et sequitur Mascardus *cit. Concl. 750. n. 9.* allegans insuper Salycetum in *l. Ea quidem. C. de Accusation.*

Resp. IV. Insuper testes super fama deponentes, ac interrogati, tenentur exprimere certas personas, saltem duas, a quibus audierunt, quantevis de aliis non amplius recordentur. Ita Menochius *cit. Consil. 701. n. 50. et 51.* post Bartolum *l. De minore. §. Plurimum. n. 23. ff. de Quaestione.* Fagnanus *c. Qualiter et quando. il. 2. n. 83. de Accusat.* post Innocentium *ibid. n. 1.* et Mascardus *cit. Concl. 750. n. 12. 16. et 17.* allegans alios; ex quibus anulu dicunt, istud etiam procedere, licet testes non sint interrogati. Ratio est: quia fama debet habere originem ab honestis et providis, et non malevolis personis, neque ab iis, de quarum commodo agitur, *cit. c. Qualiter et quando. 24. de Accusat.* et *c. Licet ex quadam. h. t.* cum similibus. Hoc autem Judici constare nequit, nisi certae personae, saltem duae nominentur: alioquin, ut *l. Decurionum. C. de Poenis.* dicitur, *Kanoe voces populi non sunt audiendae.*

Addit Alexander *Consil. 70. n. 6. vol. 3. et Consil. 25. n. 5. vol. 4.* Sperellus *cit. Decis. 173. n. 39.* allegans Rotam coram *Card. Mantica, Decis. 279. n. 9.* et Mascardus *d. Concl. 750. n. 12. et 13.* post Bertrandum *Consil. 126. n. 8. vol. 7. Decim. cap. 1. n. 20. de Appellat.* et plures alios, quod testes super fama deponentes, non solum tenentur reddere causam scientiae suae, attestando, videlicet, quod publice sic audierint dici a majori parte Communitatis: sed insuper debeant dare causam dicti sui, nampe assignando causas probabiles, ex quibus inductus est populus ad sic credendum puta, quia personae illae honestae, a quibus fama traxit originem, asseruerunt, ita se videri oculis suis; vel quia is, de cujus morte dicitur publica fama extare, in-

gressum est: confictum bellicum, aut navigans passus est naufragium, et amplius non est inventus, nec comparuit, licet diu expectaretur, vel huiusmodi. Nisi (inquies) huiusmodi casus probabiles exortae fama assignentur, non censetur, fama probata, sed potius dicitur esse probatum de vasis vocibus populi, quae audiri non debent, cit. l. *Decurionum*. C. de Poenis.

399 Resp. V. Ad famam legitime probandam ulterius requiritur: quod testes illi depocant de tempore, a quo fama traxit originem: nam, et probent famam, requiritur, quod iam audierint ante litem motam; alioquin praeiudicaretur orta famae primum occasione litis motae, seu ex contestatione ipsius. Desumitur istud ex c. *Licet ex quadam*. §. *Nisi forte*. 47. h. t. ac notat Abbas ibid. n. 3. et Aucheranus n. 5. et Mascardus cit. *Concl.* 750. n. 30. et 31. Qui tamen Mascardus illico subiungit, istud intelligendum esse, quando testis interrogatur de tempore: quia si non fuerit interrogatus, neque expresse deposuerit de tempore, praesumitur, famam iam existisse ante litem motam, nisi aliud ex depositione ipsius deprehendatur; uti voluit Decisio Rotae coram Domino de Rubis, 1563. mens. Decemb. in causa *Tuletanae Portionis*: apud quem nonnulla alia de conditionibus ad probationem famae requisitis: quae cum tam multae sint, non mirum, quod fama censetur esse difficilis probationis; adeo, ut Grammaticus *Consil. criminal.* 42. n. 8. quem refert Sperellus d. *Decis.* 173. n. 43. et Menochius cit. *Consil.* 701. n. 51. cum nonnullis aliis dixerit, toto tempore vitae suae nunquam se viderisse Processum, in quo fama legitime probata fuerit.

400 Quaeritur III. Quis sit effectus Famae, seu quomodo probandi habeat? Resp. I. Fama regulariter plenam probationem non facit. Ita Glossa can. *Si testis*. 4. q. 3. §. *Fama*. Abbas c. *Transmissa*. n. 10. Qui filii sunt legit. Felinus c. *Per tuas*. n. 15. de *Probat.* Mascardus de *Probat.* *Concl.* 754. num. 1. allegans communem. Ratio est, quia fama saepe est fallax, teste experientia: nam dictum unius, facile sequitur multitudo, prout notavit Pontifex c. *Cum in iuventute*. de *Pargat.* canon.

401 Resp. II. Utrum fama faciat semiplenam probationem, variant Doctores; et melius istud Iudicis arbitrio relinquitur, qui, pensata qualitate famae, causisque seu conjecturis, et personis, a quibus traxit originem, ipsiusque negotii gravitate, et aliis circumstantiis, vim probandi ipsius dijudicabit. Ita Abbas c. *Veniens ad nos*. 10. n. 8. et Felinus ibid. n. 1. h. t. Bartolus l. *De minore*. §. *Plurimum*. circa fin. ff. de *Quaestione*. Mascardus de *Probat.* *Concl.* 754. n. 6. allegans alios.

402 Et quidem prior pars, seu quod circa hoc variant Doctores: patet inductione. Nam quod fama per se, ac sine aliis adminiculis nihil probat, tradit Glossa can. *Si testis*. 4. q. 3. §. *Fama*, dicens, quod fama per se nihil probat. Idemque in re tenent omnes illi, qui volunt, famam se sola non inducere semiplenam probationem, sed tantummodo iuvare probationem factam; ita nimirum, ut si utriusque partis probationes essent aequales, et altera pars ionuper pro se haberet famam, ista vinceret: pro qua sententia Bartolus, ubi supra, allegat Jacob. de Aretio, et Ant. de Pisis, et Jacob. Butrium; quibus plures alios addit Mascardus loc. cit. n. 5. Accedit ratio, quia probatio debet necessario concludere, c. *In praesentia*. 8. de *Probatione*. cum similibus: atqui fama est fallax; ergo.

403 Excontra, quod fama legitime probata, ut supra, semiplenam probationem inducat, saltem in causis civilibus (sucus in criminalibus, ubi requi-

rantur probationes indubitatae, de luce clariores) insinuat Glossa c. *Veniens ad nos*. 10. §. *Illorum h. t.* et Glossa in L. 3. §. *Confirmat*. ff. h. t. asserens cum aliis, quod fama faciat probationem semiplenam, unde facit deferri iuramentum, ut l. *In bonae*. C. de *Iurejurand.* Archidiaconus can. *Si duo*. 35. q. 6. n. 5. Speculator tit. de *Notitia criminibus*. §. *Fama est*. n. 5. pariter asserens, quod fama inducit semiplenam probationem in civilibus. Card. Tuschus *Litt. F. Concl.* 66. n. 59. post Alexandrum *Consil.* 103. n. 3. et 5. lib. 7. inferens, quod in civilibus et pecuniariis causis fama faciat plenam probationem, si iungatur cum alia probatione semiplena. Jason in *Repetit. l. Admonendi*. n. 242. ff. de *Iurejurand.* Sigism. Seaccia lib. 2. de *Judiciis*, cap. 9. n. 84. et 85. Saunig tit. de *Probatione*. cap. 4. n. 12. Et pro hac sententia ulterius allegat Mascardus loc. cit. n. 6. Parisius *Consil.* 75. n. 17. vol. 1. Decium cap. 1. n. 11. de *Appellat.* ubi hanc dicit communem opinionem, et servari in practica. Bellamoraui *Decis.* 740. et alios, Atque ex his patet varias sententiarum inter Doctores quantum ad propositum.

Altera vero pars Conclusionis, seu quod Iudicis arbitrio sit relinquendum, quantum vim probandi hic et nunc fama obtineat, est probabilior: Si quidem haec ambas extremas sententias hactenus allatas apte inter se conciliat, dum primam procedere censet seclusis aliis adminiculis, seu conjecturis; secundam vero admittit istis simul concurrentibus: quod eo magis dicendum, quia fama non censetur legitime probata, nisi nominatis ejus auctoribus, qui sint honestae vitae, et bonae fidei; reddendo simul rationem dicti sui, quibus concurrentibus recte Iudex arbitrabitur, quod fama inducat semiplenam probationem, imo quandoque etiam plenam, prout illico amplius dicitur. Accedit textus expressus in L. 3. §. *Ejusdem*. ff. h. t. quae est canonizata in can. *Si testes*. §. *Saepe*. 4. q. 3. ubi istud Iudicis arbitrio relinquitur dijudicandum, illis verbis: *Saepe sine publicis monumentis cujusque rei veritas deprehenditur: aliarum numerus testium, alias dignitas et auctoritas, alias veluti consentiens fama confirmat rei, de qua quaeritur, fides. Hoc ergo solum tibi scribere possum summam* (alloquitur Iudicem Imperator) *non utique ad unam probationis speciem cognitionem statim alligari debere, sed ex sententia animi tui existimare oportere, quid aut credas, aut parum probatum tibi opineris.* Haec ibi.

Resp. III. Dantur nihilo minus aliqui casus, in quibus fama plene probat. Ita Bartolus in l. *De minore*. §. *Plurimum*. circa fin. ff. de *Quaestione*. junctis Auctoribus proxime citandis; estque communis. Concordant dicta superius *Tra praeced.* §. 3. n. 61. et seqq. ubi plures enumerantur casus, in quibus sufficit semiplena probatio, vel alia ex conjectoris desumpta. Accedit textus ex jam allegata L. 3. ff. h. t. ibi: *Volui consentiens fama confirmat.*

Idem probatur inductione. Sic quippe in factis antiquis, quae excedunt memoriam hominum, fama plene probat: ut c. *Cum causam*. 13. de *Probat.* ubi fines Dioecesium in alia probantur per famam; et notat Innocentius c. *Veniens*. il. 1. et Felinus ibid. h. t. Alexander *Consil.* 83. n. 7. vol. 3. Jason in *Repetit. l. Admonendi*. n. 243. ff. de *Iurejurand.* Mascardus d. *Concl.* 754. num. 7. allegans alios, et communem. Generaliter enim in antiquis, ob difficultatem probationum, leviores probationes admittuntur: prout jam saepius dictum est.

Deinde fama plene probat in rebus modici praedicti. Abbas c. *Veniens ad nos*. 10. num. 9. vers. *Si vero agatur*. Felinus ibid. num. 9. h. t. Bartolus cit. l. *De minore*. §. *Plurimum*. circa fin. ff.



de Quæstion. id probans ex l. Ubi adhuc. C. de Jure dotium. Mascardus d. Concl. 754. n. 8. et 17. allegans alios. Concordant dicta superius §. 8. n. 28p. et alibi.

- 408 Tertio potest Fama plene probare; quando cum ea concurrunt alia adminicula; juxta illud cap. 1. de Appellat. ibi: *Veritate per idoneas personas, et famam loci sollicitè inquisita*. Concordat textus in 6. Illud quoque de Praesumpt. ubi Glossa §. Fama forci, recte infert, quod fama sufficiat ad probationem, si aliæ præsumptiones coadjuvent; ita quod cum fama faciant probationem, et ita, quæ non prosunt singula, multa juvant. Huc adde c. Præterea. de Testibus, ibi: *Si præsumptionem violentam fama consentiens subministrat, ac alia legitima adminicula suffragentur. Etiam circumspice judex atque discretus motum animi sui ex argumentis, et testimoniis, quæ rei aptiora esse compererit, confirmabit.* Hæc ibi. Atque ideo hanc limitationem tradunt Felious loc. cit. n. 17 Alexander Consil. 24. n. 20 lib. 2. Abbas Consil. 81. n. 1. vol. 2. asserens, quod fama cum alijs adminiculis sufficiat ad probandum quem usurarium manifestum, ut excludatur a sepultura Ecclesiastica; idque probans ex c. Cum in Diocesi. juncta Glossa §. Manifestos. et Jo. Andrea ibid. num. 2. de Usuris. Card. Tuschus Litt. F. Concl. 66. n. 3. et 65. hanc appellans communem opinionem.
- 409 Quarto, Fama sola, legitime tamen probata, plene probat in iis, quæ sunt difficilis probationis. Card. Tuschus d. Concl. 66. num. 66. Alexander Consil. 66. n. 9. lib. 3. citans Ant. de Butrio in c. Veniens. il. 1. de Testib. et Bartolum l. De pupillo. §. Si quis ipsi prætorio. quæst. 8. ff. de Novi oper. nunciat. Jaxon cit. Repetit. l. Admonendi. n. 252. ff. de Jurejurand. Mascardus cit. Concl. 754. num. 22. et alii.
- 410 Quinto, quando agitur Remedio can. Redintegranda. 3. q. 1. ad recuperandam possessionem: nam tunc probata publica fama, debet restitui possessio agenti hujusmodi Remedio. Ancharanus Consil. 42. num. 2. asserens, in hoc convenire omnes Doctores. Mascardus n. 24. allegans alios.
- 411 Sexto, Fama probat, quando agitur ad evitandum peccatum: ut c. Super eo. juncta Glossa fin. de Consanguin et affinit. ubi sola fama loci de subsistente impedimento, impedit matrimonium contrahendum. Septimo, quando agitur de probanda morte alicujus in loco remoto, aut naufragio, vel conflictu bellico, juxta dicta num. 398. Octavo, fama plene probat in illis casibus, in quibus versatur opinio, et consuetudo hominum: ut in nominum impositione, arg. l. Librorum. §. Quod tamen. juncta Glossa §. Libros deberi. ff. de Legat. III. Nono, quando Lex vult, quod sufficiat, famam esse de re aliqua: prout amplius tradit Mascardus cit. Concl. 754. n. 24. 25. et seqq. ubi citatis alijs Auctoribus universim enumerat triginta duos tales casus.
- probat parte contra eum. excipiente. Et num. 417.
- 416 Si tamen deponat in præsentia partis, valet dictum ejus nemine reclamante.
- 417 Partibus præsentibus, et non contradicentibus, non requiritur alia testis citatio.
- 418 Regula est, quod productio et receptio testium, debeat fieri citata parte adversa: alias non probant.
- 419 Et hujus ratio.
- 420 Debet etiam citatio illa scribi inter acta judicii.
- 421 In quo sensu pars adversa debeat audire testes; juxta cap. 2. h. t.
- Juramentum testium trahitur ad totum actum depositionis. Ibid.
- 422 Regula illa est limitanda in certis casibus.
- 423 Sic, quando est periculum in mora, possunt testes recipi altera parte non citata: idque exemplificatur.
- 424 Idem dicendum, quando pars adversa consentit, saltem tacite.
- 425 Aut, quando ea est præsens in productione, ac receptione testium.
- 426 Vel intervenit monitio Judicis, ut pars adversa compareat.
- Plus operatur monitio Judicis, quam citatio nuntii. Ibid.
- 427 Item, quando est talis testis, ut ejus dicto necessario sit standum.
- Et quid, sit testis sit omni exceptione major? Ibid.
- 428 Et quando testes recipiuntur ad informationem Superioris super habilitate Electi etc.
- 429 Item in causa Hæresis.
- 430 Et quando Judex vult se informare super notorio, vel fama.
- Vel testis alias examinatus iterum producit ad declarandum dictum suum. Ibid.
- 431 Excommunicari potest, qui impedire præsumit productionem testium. Et num. 432. et 434.
- 432 Judex ex officio providere debet, ne impediat productio testium.
- 433 Quid agendum, si testes producendi alienæ sint jurisdictionis? Et num. seqq.
- Debet tunc citatio eorum expediri per litteras Mutui compensis. Ibid.
- 434 His non indiget Episcopus in causis Ecclesiasticis citans testes laicos suæ Diocesis; et cur? Episcopus est Ordinarius totius Diocesis. Ibid.
- 435 Quod si testes personaliter venire nequeant, concedenda est alteri Judici Remissoria.
- 436 Intelligendo istud in causis civilibus: secus in criminalibus, in quibus Remissoria non conceditur.
- Nisi hæc sint modicæ, vel agatur ad defensionem Rei etc. Ibid.
- 437 Depositiones testium a Judice Remissoriam accipiente, transmitti debent alteri Judici claustræ, seu sigillatæ. Et num. 435.
- Et quid, si transmittantur apertæ? Ibid.
- 438 Testes e longinquo sunt producendi sumptibus ipsius producentis.
- 439 Qui tenetur eis subministrare competentes expensas in veniendo, stando, et redeundo; et qualiter id præstandum?
- 440 Judex cavere debet, ne testes e longinquo adductos diutius detineat, saltem non ultra quindecim dies.
- 441 Expensæ testibus e longinquo venientibus debent qualiter sint mensurandæ? Et n. seqq.
- 442 Rusticus equo uti non debet; et si utatur, expensæ idcirco factæ non sunt ei reficiendæ.
- 443 Utrum emolumentorum, quibus testis ob absen-

## §. XIII.

## De Productione Testium.

## SUMMARIUM.

- 412 Testes regulariter sunt producendi post litem contestatam.
- 413 Exceptis certis casibus. Remissive.
- 414 Qualiter testes sint producendi?  
Sunt producendi tempore per Judicem designando, vel citandi a Judice ad instantiam partis. Ibid.
- 415 Testis ultroneus censetur suspectus, et non

tiam carere debet, ratio sit habenda?

444 *Testes a longinquo citati gratia utriusque partis, ab utraque sumptus ex aequo recipiunt.*

*Sed hos pars victa tenetur victrici refundere, nisi etc. Ibid.*

445 *Regulariter tres solum productiones testium fieri possunt: quarta vero non nisi cum solemnitate Legali admittitur.*

446 *Solemnitas ista Legalis declaratur.*

447 *Importat iuramentum super tribus punctis judicialiter deponendum.*

448 *Afferitur ratio memoratae Decisionis.*

449 *Cur iuramentum, ad quartam productionem testium requisitum, non superfluat post praestitum iuramentum calumniae?*

450 *An per ly Productionem, oporteat hic intelligere Dilationem?*

451 *Si quarta productio testium fuerit concessa sine solemnitate legali nemine contradicente, valent attestationes.*

452 *Secus, si fuerit contradicendum, et appellatum. Idem dicendum de receptione testium post Conclusionem in causa. Ibid.*

453 *Testes semel producti, an iterum in eadem causa produci valeant? Et num. seqq.*

*Potest eos reproducere, qui testificata nondum didicunt. Ibid.*

454 *Didicita testificata, quando dicantur? Et num. seqq.*

455 *Non censetur didicisse testificata, cui testes revelarunt, quid dixerint, aut dictari sint.*

456 *Secus, quando Judox praelegit partibus testium depositiones, vel quis eas subtrahit etc.*

457 *Post publicationem attestationum, et didicita testificata nequit pars super eisdem articulis reproducere priores testes, nec alios producere; et cur?*

458 *Etiamsi didicisset testificata statim post primam, vel secundam productionem testium.*

459 *Et hoc regulariter loquendo; ac deemptis certis casibus. Remissive.*

460 *In causa appellationis, an post didicita testificata possint priores, vel novi testes produci?*

461 *Timor subornationis testium magis urget post publicationem attestationum, quam antea.*

462 *Solvitur instantia ex c. Cum causa. h. t.*

412 **Q**ueritur I. Quando, et qualiter testes sint producendi? Resp. I. Testes regulariter sunt producendi post litem contestatam. Ita communis; et patet ex Rubrica, totaque Tit. *Ut lite non contestata non procedatur ad testium receptionem*: estque jam superius dictum eod. Tit. 6. n. 1. et seqq.

413 **A**dditur regulariter, ob certos casus ibid. n. 4. et seqq. jam specificatos. Potest enim Reus etiam ante litem contestatam, petere productionem, et receptionem testium, atque eorum testimonio publicanda curare, si timet v. g. de futura controversia sibi per adversarium movenda, et testes, quos pro sua defensione nunc habere posset, sunt va-laudinarii, aut in longinquas regiones abituri; atque periculum subest, ne ob ipsorum defectum veritas imposterum occultetur, c. Quoniam. 5. §. 1. *Ut lite non contestata etc.* Tacentur caeteri casus ibidem videndi.

414 **R**esp. II. Quando lite jam contestata Actor per testes vult probare intentionem suam, vel Reus suam exceptionem, petere a Judice debet admitti ad probandum, seu producendum testes suos tempore per Judicem designando: et si testes ad solas producentis pices venire recusent, vel solum recepta praxis Tribunalium ita habeat, tunc ipsi sunt citandi a Judice, ad instantiam tamen

partis producentis. Ita Vallensis h. t. §. 3. n. 1. Engel eod. n. 1. et alii, praesertim proxime citandi. Idque desomitur ex L. 3. §. fin. ff. h. t. ubi Juez jubetur in testibus evocandis attendere ad antiquam locorum consuetudinem: et consequenter Judicis est, evocare testes ad petitionem partis, vel saltem huic dare facultatem statuto tempore ipsos producendi.

Et merito hic intervenit auctoritas Judicis, parte 415 petente vel testes citantis, vel eorum productionem pro statuto tempore concedentis. Nam testis ultro-neus, sive non-citatus, neque post assignatum a Judice terminum a parte producente petitus, sed ultro ad testificandum se offerens, censetur suspectus, id est, nimium parti affectus; ac proinde debet reprobari, juxta l. Quas omnia. §. Sed et si. ff. de Procurat. Nec probat parte adversa contra ipsum excipiente. Felinus c. In nomina. n. 23. h. t. istud confirmans ultarius ex Auth. de Testib. §. Si vero ignoti. Collat. 7. Bartolus l. Post legatum. §. His vero. ff. De his quibus ut indignis etc. Mascardus de Probat. Concl. 1365. n. 63. Farinacius de Testib. quaest. 80. n. 1. allegans plurimos alios.

Excipe, nisi ejusmodi testis ultro-neus in praesentia 416 adversae partis, et Judicis deposuerit: quia tunc, nemine reclamante, valet dictum ipsius. Ratio est: quis talis non praesumitur se ingerere, sed potius a parte produci, utpote quae in ejus depositionem altera parte non reclamante consensit: nam, ut inquit Abbas c. In nomina. n. 15. h. t. post Dom. de Rota Decis. 360. ad validitatem testimonii satis est, quod Juez assignet certum terminum parti ad producendum testes: quo facto potest pars intra terminum abaque alia citatione testes producere, arg. c. Constitutus. 30. h. t. ubi pars ita legitur testes coram Judicibus pro se produxisse. Idem docet Speculator tit. de Teste. §. Qualiter. n. 6. Mascardus cit. Concl. 1365. n. 66. et 67. post Rotam Decis. 22. de Testib. Bartolum cit. l. Post legatum. §. His vero. ff. De his quibus ut indigni. et plurimos alios, quos citant.

Accedit Felinus cap. 2. n. 23. h. t. asserens veritatem 417 esse, quod praesentibus partibus, et non contradicentibus, alia testis citatio, vel monitio non requiratur. Et quod dictum illud, *testis ultro-neus non probat*, sit verum parte opponentis: alioquin vero nocet ei taciturnitas sua, juxta Reg. 43. Jur. in 6. *Qui tacet consentire videtur*. Siquidem inhabilitas ista non est talis, cui pars tacite renuntiare non possit: unde redeunt dicta superius §. 1. n. 17. 18. et 21.

Quaeritur II. Utrum ad productionem tertium requiratur citatio partis adversae; et quid, si quis eam impedire praesumat? Resp. I. Regula est, quod productio, et receptio testium debeat fieri citata parte adversa, contra quam producuntur: alioquin attestationes contra non citatum receptae nihil probant, imo sunt nullius momenti. Ita textus expressus in c. 2. h. t. ubi Glossa, Abbas, Jo. Andreas, Baldus in Summario. Mascardus de Probat. Concl. 683. num. 1. Farinacius de Testib. quaest. 72. num. 1. et communis. Id ipsum habetur in Auth. de Testib. §. Et hic vero, Collat. 7. quae est canonizata in cit. cap. 2. h. t. illo tamen addito, quod si citatus cessante justo impedimento venire noluerit, absentia ejus habeatur pro praesentia; et factae postmodum attestationes perinde teneant, ac si eo etiam praesente factae sint.

Ratio Conclusionis est. Tum quia, ubi agitur de alicujus interesse, semper ille in iudicium citandus est, l. De unoquoque. ff. de Re judicat. Tum quia, si testes reciperentur parte adversa non citata, adimeretur huic facultas proponendi legitimas exceptiones, per quas repellerentur personae testium, aut negotium principale elideretur, et

*Quoniam frequenter*. §. 1. juncta Glossa &. *Ad repellendum. et &. Vel alias Ut lite non contestata etc.* Hoc autem firri non debet; cum legitimae defensiones nulli sint subtrahendae, *Clem. Saepè contingit*. §. 1. *de Verb. signif.* cum similibus.

420. Quia imò non solum pro receptione testium citandi sunt illi, quorum interest; sed etiam super ipsa facta citatione, testiumque depositionibus confici debet publicum instrumentum: ut *c. Significavit*. 41. et *o. Albericus*. 43. h. t. et notat Hostiensis in *Summa. tit. de testib.* n. 8. Aut saltem per Notarium ea est scribenda inter Acta iudicii, *c. Quoniam contra*. 11. *de Probat.*
421. Caeterum illud, quod in *cit. cap. 2. h. t.* additur, videlicet quod oportet, ut testimonia dentur, illo (adversario) admonito a iudice, vel defensore venire, et audire testes: non sic intelligendum est, quasi adversaria pars venire debeat, ut audiat testes, quando deponunt dictum suum (debent enim testes secreto, ac singulatim deponere, *c. Venerabili*. 52. h. t. et *l. Nullum. C. cod.*) seu quia debent eos videre, et audire jurantes; ut explicat Glossa *ibid.* &. *Audire*. et Virianus in *Rationali cit. cap. 2. h. t.* Nam testis censetur recipi, ac deponere, quando jurat, eo quod iuramentum testium ad totum actum depositionis trahatur, *l. Si quando. C. h. t.* et sic actus depositionis refertur ad tempus iuramenti. Virianus *loc. cit.* Porro dicta ipsamet testium sufficienter audiuntur, ac videntur post publicationem attestationum, quando etiam legi possunt.
422. Resp. II. Et si data Regula, sive Conclusio, regulariter procedat, eadem nihilo minus est limitanda in certis casibus. Ita Abbas, et Felinus in *cit. cap. 2. num. 7. h. t.* et Additio ad *Abbat. ibid.* &. *De crimine*. Mascardus *Concl.* 683. num. 15. et *seqq.* Farinacius *d. quaest.* 72. num. 36. et *seqq.* ubi viginti tres huiusmodi limitationes refert: earum tamen praecipuae sunt sequentes.
423. Primo data Regula fallit, possuntque testes recipi parte altera non citata, quando est periculum in mora. Mascardus *cit. Concl.* 683. num. 41. Farinacius *d. num.* 36. allegans alios. Ut si iurisdictio Iudicis delegati esset peritura eo tempore, quo pars citatur: Vel si agatur de probatione, debiti contra debitorem de fuga suspectum. Farinacius *ibid.* num. 36. et 37. Mascardus *num.* 26. cum aliis. Aut, quando est timor mortis, aut diuturnae absentiae testium, vel alias urget periculum admittendae facultatis ad probandum, *c. Quoniam frequenter*. §. 1. *Ut lite non contestata etc.*
424. Deinde fallit data Conclusio, quando pars adversa consentit in talem productionem, ad receptionem testium absque sua citatione (potest enim cedere juri suo) sive deum ita consentiat expresse, sive tacite; hoc est, non excipiendo contra talem productionem testium, juxta dicta superius, §. 1. n. 17. 18. et 21.
425. Idem dicendum, si pars adversa sit praesens in productione, ac receptione iuramenti testium, quia tunc non est opus alia citatione, cum praesentia ejus suppleat citationem. *Auth. Sed si quis. C. h. t.* Glossa *cap. 2. &. Admonendus*. et Felinus *ibid.* n. 16. h. t. et concordant dicta superius *Tit. 3. De Libelli oblatione*. §. 2. n. 69.
426. Fallit tertio data Regula, quando intervenit monitio Iudicis, ut pars adversa compareat: quia tunc non est opus alia citatione: uti probat textus in *d. cap. 2. h. t.* ibi: *Illo admonito a Iudice, aut defensore venire etc.* Quia imò plus operatur monitio Iudicis, quam citatio vocantis. Maranta *part. 6. Speculi Auct. tit. de Citatione* n. 49. Farinacius *d. quaest.* 72. n. 76.
427. Fallit, quartò, quando est talis testis, ut ejus dicto jurato necessario sit standum; ut puta, ex voluntate testatoris ita mandantis, juxta *l. Theopompus*. ubi Bartolus *num. 4. ff. de Dote praelegat.* eo notat Alexander *Consl.* 130. num. 5. lib. 1. Felinus *c. In nomine*. 2. num. 14. h. t. rejiciens contrariam Abbatis opinionem. Mascardus *d. Concl.* 683. num. 30. allegans alios. Idem dicendum, quoties certum est, nihil posse opponi contra testem: puta, quia constat, quod sit major omni exceptione. Felinus, et Mascardus, *ubi supra*, et plures alii, quod pro hac sententia allegat Farinacius *d. quaest.* 72. num. 42. quamvis ipse *num. seq.* fateatur, hanc limitationem sibi admodum duram videri: quia, licet nihil possit opponi personae testis, multa tamen alia possunt proponi ad impediendum examen, vel saltem ad veritatem magis explicandam formando certa interrogatoria, quae pars citata formare posset.
- Fallit quinto, quando testes recipiuntur ad informationem Superioris super habilitate vel inhabilitate Electi, vel alterius personae ad aliquam Dignitatem promovendae: tunc enim non requiritur citatio partis. Abbas *c. In nomine*. n. 7. et Felinus *ibid.* n. 8. h. t. Socius *de Fallentis. reg.* 406. *fallent.* 2. Farinacius *d. quaest.* 72. n. 51. et 52. istud intelligens, antequam quis est promotus ad Dignitatem: secus, ubi quis jam fuit promotus, et agitur de illo removendo; quia tunc judicialiter foret agendum; non sic in priori casu, ubi sufficit informatio extrajudicialis.
- Fallit sexto in causa Haereticis, quando propter potentiam personarum, contra quas inquirunt, testibus grave periculum imminere vident Episcopus et Inquisitores: quia tunc nomina testium non sunt publicanda, *cap. ult. de Haeretic. in 6.* sicque cessat dispositio *cap. 2. h. t.* Abbas *cit. cap. 2. n. 8.* et Felinus *ibid.* n. 17. h. t. Socius *d. reg.* 406. *fallent.* 4. Mascardus *ubi supra*, n. 36. et alii.
- Fallit septimo, quando Juxta vult se informare super notorio, vel fama: puta, quando agitur, ut deveniatur ad inquisitionem specialem, juxta *c. Qualiter et quando*. 24. *de Accusat.* quia tunc potest recipere testes parte non citata. Felinus *c. In nomine*. n. 7. h. t. Mascardus *d. Concl.* 683. n. 15. allegans alios. Idemque dicendum, quando testis alius examinatus, iterum producit ad declarandum dictum suum: quia in tali declaratione non est necessaria partis citatio. Mascardus *loc. cit.* num. 31. allegans alios. Tacentur etiam limitationes, de quibus Auctores proxime citati: nam praemissae sunt principales, minusque dubiae.
- Resp. III. Quod si pars adversa, vel quicumque alius impedire praesumpserit productionem testium, tunc excommunicari poterit. Textus est in *c. Constitutis*. 45. h. t. ubi Pontifex intellecto, quod nonnulli partim minis et terroribus, partim extorto juramento de non testificando contra Reum, testes a ferendo testimonio arcare niterentur; ex officio suo providere volens mandavit, ut generalis sententia excommunicationis feratur in omnes, qui impedimentum aliquod parti in producendis testibus praestare praesumpserint: et notat Abbas in *Summario*, et Barbosa in *Collectan. ibid.* numer. 1. et communis Doctorum. Accedit ratio, quia occultare veritatem in alterius praepjudicium, dum quis legitime inducitur ad testificandum, est peccatum mortale, *can. Quisquis motu*. 11. *quaest.* 3. ergo idem dicendum de eo, qui malitiose praesumit impedire alteram a ferendo testimonio: nam facientes, et consentientes pari poena sunt puniendi, *c. Quantas*. 47. *de Sentent. excommun.* Atque pro peccato mortali, praesertim tam pernicioso, potest quis excommunicari, *can. Nemo Episcoporum, et can. Nullus sacerdotum*. 11. q. 3. ergo.



432- Hinc Abbas in *c. Constitutis*. n. 1. h. t. ex textu illius notanter infert, quod Judex ex officio suo providere debeat, ne impediat productio et receptio testium, sed salva sit parsibus rerum probatio: et si secus fiat, Judex Ecclesiasticus possit excommunicare etiam Laicos, vel quoscunque impediētes partem in explicandis illis, quae sunt iudicio necessariae. Quod si tales ignorantur in specie, notetur *Practica in d. c. Constitutis*. 45. h. t. insinuat, ut feratur excommunicatio generalis in quolibet ita impediētes.

433 Queritur III. Quid agendum, si testes produci alienae sicut jurisdictionis? Resp. I. Quando testes non sunt subiecti jurisdictioni Judicis citantis, sed alienae jurisdictionis: tunc eorum citatio expediri debet per litteras, quas vulgo *Mutui Compassus* appellant, in quibus requiritur Judex competens, ut testes suae jurisdictioni subiectos mittat ad locum Judicii, in quo eorum testimonium desideratur. Ita Engel h. t. num. 3. Et ratio est: quia necessariae probationes debent fieri coram Iudice, qui praestet iudicio, l. *Quinquaginta*. ff. de Probat. Et ipse omnibus rite observatis tenetur existimare, quanta fides testibus sit adhibenda, l. 3. §. *Ideoquo*. ff. h. t. Istud autem obtineri non potest a testibus alienae jurisdictioni subiectis, nisi per memoratas litteras petendo ipsorum remissionem a proprio eorum Iudice: siquidem citatio non subditi, nullius est momenti: cum extra territorium jus dicenti, impune non pareatur, l. ult. ff. de Jurisdic. omn. judic. et cap. ult. de Constit. in 6. ergo.

434 Additur notanter, quando testes non sunt subiecti jurisdictioni Judicis citantis, etc. Cum enim Episcopus sit Ordinarius totius Dioecesis. Abbas in *Repet. c. Si quis contra*. num. 41. de Foro compet. Atque ipse in quolibet loco suae Dioecesis non exemplo per se, vel per alium possit pro Tribunali sedere, eo quod Episcopus in tota sua Dioecesi jurisdictionem ordinariam nescatur habere, juxta textum expressum in c. Cum Episcopus. 7. de Offic. Ordin. in 6. Liberaque habeat potestatem, adulteria et scelera inquirendi, ulciscendi, et judicandi, secundum quod Canones censent, absque impedimento alienius, cap. 1. de Offic. Ordin. junctis concordantiis a Glosse ibid. §. *Secundum quod*, relatis. Hinc perspicuum est, quod Episcopus in causis Ecclesiasticis citans testes laicos suae Dioecesis, non indigeat litteris *Mutui Compassus*, quibus requirat Judices saeculares, ut mittant auditores suos ad ferendum testimonium in iudicio Ecclesiastico: habet enim Episcopus jurisdictionem Ecclesiasticam non solum in Clericos, verum etiam in Laicos totius suae Dioecesis: sicque testes ab eodem in causis Ecclesiasticis citati, nequeunt declinare Forum ipsius. Quod si forsitan aliqui eorum secus attente praesumpserint, per censuras Ecclesiasticas sunt compellendi ad ferendum testimonium, ne veritas occultetur, cap. 1. et 2. etc. *Parvenit ad nos*. 5. de testib. cogend. Sed nec ejusmodi testes possunt a saecularibus Iudicibus, vel Dominis suis territorialibus impediri, quo minus ferant testimonium coram Episcopo loci in causis ad ejus Forum pertinentibus: quia, ut patet ex c. *Constitutis*. 45. h. t. estque proxime dictum num. 431. et 432. per Iudicem Ecclesiasticum excommunicandi sunt quicumque illi, etiam Laici qui productionem testium impedire praesumpserint.

435 Resp. II. Quod si testes vel ob nimiam distantiam locorum, seu pericula itinerum, aut infirmitatem ipsorum, vel aliud justum impedimentum, Iudicem judicii personaliter accedere, seu re-

mittere nequiverint, tunc per istam concedenda est alteri Iudici *Remissoria* ( seu litterae Remissoriae ) pro examinandis ejusmodi testibus absentibus, ac extra Provinciam existentibus: ita videlicet, ut ille alius Iudex exaurem testium in se suscipiat, illudque secundum ordinem Juris instituat, ne depositiones testium in scriptis sub suo sigillo clausas transmittat. Ita probat textus in l. *Judices*. C. de Fide instrumenti ac notat Menochius de *Recuperand. possess. Remed.* 15. n. 348. asserens, ita affirmare omnes: ac Farinacius de *testib. quæst.* 77. num. 2. citans plurimos alios, et num. 4. subiungens, quod si Judex ejusmodi in causa civili denegaverit Remissoriam, possit a tali denegatione appellari.

Notanter tamen additur, in causa civili. Nam in 436 causis criminalibus Remissoria non conceditur: ut habet textus expressus in *Auth. Apud eloquentissimum*. C. de Fide instrument. Ubi Baldus, et Salycetus in Summario, sic inquit: *Receptio testium potest committi in civilibus causis, non in criminalibus*. Quamquam istud sit limitandum in causis criminalibus parvis, seu ubi agitur de modica poena pecuniaria: item, quando agitur ad defensionem Rei inquisiti; vel de crimine agitur solum civiliter: aut quando petitur Remissoria pro examinandis testibus senibus, vel valetudinariis, sive non habentibus totum accessum ad locum, ubi causa criminalis intentatur; atque in nonnullis aliis casibus, in quibus Remissoria etiam in causis criminalibus concedi potest, ne facilius probationum angustietur, aut veritas occultetur: prout fufius declarat Farinacius cit. *quæst.* 77. a num. 78. usque ad num. 114. allegans alios.

Porro, quod attestaciones, seu depositiones testium 437 examinatorum a Iudice delegato, seu Remissoriam accipiente, transmitti debeant Iudici Remissoriam concedenti clausae, seu sigillatae, non vero apertae, patet ex eo: quia per Remissoriam committitur alteri Iudici examinatio testium; non vero publicatio attestacionum, cit. l. *Judices* juncta Glossa fin. C. de Fide instrument. et notat Farinacius d. *quæst.* 77. n. 143. Quamquam illico subjungat num. seq. quod si secus fiat, et attestaciones testium mittantur apertae, seu non sigillatae, idcirco non vitientur dicta testimonia: licet pars aperiens dictas attestaciones absque auctoritate Judicis, puniatur poena falsi; et amplius non possit opponere contra testes inhabilitate, vel falsitate.

Queritur IV. Cujus sumptibus testes a longinquo 438 sicut produciendi? Resp. I. Testes sunt produciendi sumptibus ipsius producentis, sive ipsorum testimonium desiderantis; qui proinde testibus a longinquo adductis tenetur subministrare viaticum, seu competentes expensas in veniendo, stando, et redeundo factas, juxta conditionem et qualitatem ipsorum. Ita communis; et habetur decisum in c. *Statutum*. 10 §. *Pro ferendo*. de Rescript. in 6. et l. *Quoniam liberi*. C. h. t. ubi Judex jubetur esse cautus, ut testibus venturis ad iudicium per accusatorem vel ab eis, per quos fuerunt postulati, sumptus competentes dari praecipiat. Quod ipsum refertur can. *Si testes*. §. *Venturis*. 4. q. 3. Et merito: quia licet testimonium non debeat testi esse lucro, non tamen debet ipsi esse onerosum: et regulare est, quod ille teneatur ad impensas, cujus gratia actus celebratur, l. *Sed etsi haereditas*. §. *Quo autem*. ff. *Ad exhibendum*. Menochius de *Arbitrar. Judic. lib.* 2. cas. 310. n. 10. Covarruvias c. *Peccatum*. part. 2. §. 3. num. 2. Gailus lib. 1. *Practic. Observat.* 99. num. 2. et seqq. Engel h. t. n. 8. et alii.

Additur notanter, competentes expensas in veniendo, 439 stando, et redeundo. Hae enim omnes sunt testi-

has aliunde vocatis subministrandae, per textum expressum in *cit. c. Statutum. §. Pro ferendo. de Rescript. ig. 6.* Ubi Glossa & *Expensas*, et Ancharanus *ibid. num. 3.* sentit expensas illas esse depoendas apud Judicem jam a principio, seu antequam testes citet: e longinquo. Et idem placet Gailo *cit. Observat. 99. num. 2. et 3.* ubi addit, istud pro cautela esse bene notandum: simulque notat, quod ubi testes extra locum habitationis suae peregre evocantur, viaticum necessarium ipsis subministrandum sit nulla habita ratione, vel deductione sumptuum, quos alias domi fecissent, per textum in *d. §. Pro ferendo*: et nisi producens id fecerit, testes citati comparere non teneantur, nec Index causam differre debeat, juxta Glossam *ibid. §. Expensas.*

440 Index tamen cavere debet, ne testes e longinquo adductos diutius, quam par est, in loco examinis stare faciat, et saltem ipsos non detineat ultra quindecim dies: alias enim testes illi, etiam venia non petita discedere, atque domum redire possent, per textum expressum in *l. Si quando. C. de Testib.* Licet aut illud tempus, absque licentia, impune hoc facere non possint, *cap. 1. de Judiciis*, ac notat Gailos *loc. cit. num. 6.* allegans alios.

441 Resp. II. Expensae testibus e longinquo venientibus debitae, sunt mensurandae per Judicem habita ratione status personarum, et qualitatum suarum. Ita desumitur ex textu *cit. §. Pro ferendo*, ibi: *Competentes expensas.* Quod ipsum traditur in *d. l. Quoniam liberi. C. h. t.* ibi: *Sumptus competentes dari praecipiat*: et amplius tradit Gailus *loc. cit. num. 3. et 4.*

442 Hinc in taxando modo expensarum considerare oportet, an nobilis, plebejus, vel rusticus in testem vocetur. Rusticus enim equo uti non debet; et si utatur, expensae idcirco factae non sunt ei reficiendae, juxta Glossam singularem in *l. Idemque. §. Idem Labeo. §. Eum oportere. ff. Mandati*: Quia (inquit Glossa) consuetudo sua est servanda, et non competit suae conditioni equitare.

443 Utrum autem emolumentorum, quibus testis ob absentiam carere debet, seu operarum omissarum ratio habenda sit, variant Doctores. Et quidem negativam tenet Gailus *cit. Observat. 99. num. 5.* post Baldum in *l. fin. num. 12. C. de Fructib. et lit. expens.* ac teneat nonnulli alii apud Farinacium *de Testib. q. 67. nu. 271. et 272.* Verum ipse Farinacius *ibid. n. 270. et 273.* adhaeret oppositae sententiae tanquam veriori, et magis communi; ne videlicet testimonium sit testificanti damnosum ex jactura talium emolumentorum.

444 Solum adde, quod si testes e longinquo citentur pro utilitate utriusque partis, tunc sumptus ex aequo faciendi sint ab utraque parte, utpote ejus gratia atque geritur, ut *l. Sod et loci. §. 1. ff. Finium regund.* Gailus *loc. cit. num. 6.* Alioquin vero pars victa cogetur sumptus necessarios in producendis testibus factos, parti victrici refundere: nisi forsitan ob justam causam litigandi compensatio expensarum facta fuerit, *l. Properandam. §. Sive autem alterutra. C. de Judiciis.*

445 Quaeritur V. Quot possint fieri productiones testimonium fieri, et admitti possunt; quarta vero non nisi ex justa causa, et cum solemnitate Legali, admitti debet. Ita Summarium, Abbas Barbosa, et DD. communiter in *c. In causis. 15. h. t.* ubi sic habetur decisum, illis verbis: *In causis Ecclesiasticis, et civilibus ultra tertiam productionem, non debent testes produci, nisi adhibita quadam solemnitate, quae in legibus invenitur expressa.* Concordat *Auth. de testib. §. Quia vero. Collat. 7. et c. Ultra tertiam. 53. eade* illico referendum. Unde

Resp. II. Solemnitas Legalis, quae debet observari in quarta testimonium productione, determinatur in *cit. Auth. de testib. §. Quia vero. et d. c. Ultra tertiam. h. t.* illis verbis: *Ultra tertiam productionem non debent testes produci in causa: nisi praestito ab eo, qui hoc postulat, juramento, quod neque per se, neque per alium testificata subtraxerit, vel fuerit percunctatus: nec per dolum aut artem aliquam quartam productionem exposcat; sed quia, quos desiderat de novo producere, prius habere nequivit.* Haec ibi.

Ex quibus verbis liquet, quod dicta solemnitas Legali importet juramentum super tribus punctis judicialiter praestandum. I. Quod testificata, seu factas sive pro sua, sive pro adversa parte (ut explicat Glossa in *cit. c. Ultra tertiam. §. Testificata*) testimonium depositiones, neque per se, neque per alium subtraxerit; hoc est, suppresserit; vel occultaverit, forsitan advertens, quod sibi non saveant. II. Quod nec testificata fuerit percunctatus; id est, non didicerit, aut exploraverit: quia tunc oriretur periculum, et praesumptio subornationis testimonium, si isti post jam didicita testificata produci possent, *c. Fraternitatis. 17. juncta Glossa §. Novis. h. t.* III. Quod dolose, seu per dolum, aut artem aliquam, puta, ad malitiose protrahendam litem quartam productionem non petat; sed quia hujusmodi testes antea producere non poterat: uti liquet ex allegato textu, et *cit. Auth. de testib. §. Quia vero.*

Ratio Conclusionis, seu memoratae Decisionis est. Partim, ut coerceretur effraenata testimonium multitudo; qualis sequeretur, si semper alii et alii testes possent produci, *Li. 1. §. fin. ff. h. t. et c. Significaverunt. 36. juncta Glossa §. Effraenata. h. t.* Partim, quia ex petita jam multiplici productione testimonium oritur praesumptio, quod quis malitiose id faciat, nimirum vel animo prolongandi litem; vel quia jam percunctatus fuerat dicta testimonium antea a se productorum, et videndo, quod illi non bene probeant intentionem suam, velit postea producere alios testes subornatos: prout in simili caveatur *Clem. 2. h. t.* Sed quia potest quandoque oppositum contingere, hinc statuitur illud moderamen, ut cessante tali fraude possit quidem admitti quarta testimonium productione, sed non nisi servata praemissa solemnitate Legali, sive praestito juramento, ut supra.

Dices. Frosira exigitur istud juramentum, postquam a principio jam fuit juratum de calumnia; ergo. Antecedens probatur. Quia juramentum de calumnia extendit se ad omnia, quae postea occurrunt in causa, *Auth. Hoc sacramentum. C. de Jurament. calumn.* simulque non debet saepius in eadem causa jurari, *Auth. De his, qui ingred. appellat. §. fin. Collat. 5.* Resp. neg. antecedens, cum suae probationis consequentia. Quia juramentum de calumnia est longe diversum ab isto; atque ideo unum juramentum non excludit alterum, neque istud reddit superfluum; nam juramentum de calumnia, est juramentum de credulitate, seu quod quis credat, se habere justam causam etc. Juramentum autem, quod hic requiritur ad obtinendam quartam productionem testimonium, est juramentum de veritate; seu quod quis neque per se, neque per alium didicerit testificata etc. Glossa *cit. c. Ultra tertiam. §. Juramento. h. t.* juncta Glossa marginali *ibid.* amplius haec instantiam deducens, et resolvens.

Circa dictam tamen Conclusionem, et allegatum in ea textum ex *c. Ultra tertiam. h. t.* est sciendum, quod Glossa *ibid. §. Productionem.* et Barbosa in *Collectan. n. 1.* et Jo. Andreas *c. In causis. n. 6. h. t.* pluresque alii, per *ly, Productionem*, intelligunt *Dilationem*; ut sit sensus, quod ultra tertiam

titur non concedatur quarta dilatio absque memorata solemnitate Legali, quamvis intra terminum ejusdem dilationis plures possint fieri productiones testium. Verum de hac opinione Glossae multum dubitat, ac in oppositum inclinat Abbas in *cis. c. Ultra tertium. not. 1. et c. In causis. num. 1. h. t.* cumque sequitur Pirhing *h. t. num. 174.* Tum quia textus in Juribus praescriptis utitur verbo *Productionis*, et non *Dilationis*. Tum quia ex tot repetitis testium productionibus, quae juxta dictam Glossae opinionem intra singulas dilationes fieri possent, daretur locus effraenatae testium multitudini: simulque oriretur praesumptio fraudis contra producentem, juxta dicta *num. 448.* Quod si tamen ista incommoda cessarent, poterit habere locum dicta Glossae opinio: quam etiam servari in praetico, esseque tenendam, monet Jo. Andreas ad *fin. cit. num. 6.*

451 Resp. III. Esi quarta productio testium concedi non debeat absque memorata solemnitate Legali, ut dictum: nihilo minus si ea concessa fuerit absque illa solemnitate, simulque a parte altera non sit contradictum, neque appellatum, valent attestationes inde secutae. Ita Abbas *cis. c. In causis. n. 4. h. t.* Mascardus *Quaest. 10. Proem. n. 63. et 64. et Concl. 1229. n. 18.* citans alios. Ratio est: quia hoc ipso, quod non fuerit contradictum, censetur pars altera tacite consensisse in ejusmodi quartam productionem testium, eamque approbasse; sicque sibi praedictat, conformiter dictis supra §. 1. *num. 17. 18. 21. et tit. 8. De Dilationibus. §. 3. num. 57. et 58.*

452 Accedit, quod in simili, imo et a fortiori, valeat productio ac receptio testium facta post Conclusionem in causa; si non fuerit contradictum; prout censuerunt Domini de Rota *Docis. 5. apud Abbatem cit. num. 4.* Quod si vero fuerit contradictum, et appellatum, non valent attestationes, quae recipiuntur post Conclusionem in causa; vel in quarta testium productione absque solemnitate Legali concessa, juxta Reg. 64. Juris in 6. Quae contra jus sunt, debent utique pro infectis haberi, cum concordantiis. Abbas *loc. cit. num. 4.*

453 Queritur VI. An testes semel producti, iterum in eadem causa produci valeant? Resp. I. Qui testificata nondum didicit, neque testibus producendis renunciavit, potest in eadem etiam judicio, et super iisdem articulis, iterum eandem vel alios testes producere. Ita habetur decisum in *c. Constitutis. 46. h. t. ubi Summarium, Glossa, Abbas, Barbosa, alique communiter.* Accedit ratio: quia is, qui testificata nondum didicit, adhuc ignorat, quid testes deposuerunt in sua priori productione; sicque cessat periculum subornationis, ut aliquid addant, vel corrigant de priora testificatione sua. Deinde facultas probationum non est indebite angustianda, *c. Dilato. 40. h. t. et L. 1. §. Adhiberi. ff. eod.* ergo non est impedienda iterata productio testium illorum, quos antea quis producere potuit, aut etiam produxit, nisi obstat facta renuntiatio testium, vel aliud legitimum impedimentum. Occasione cuius

454 Est sciendum, quod *Didicita testificata* tunc dicuntur, quando quis actu depositionis testium plene cognovit, seu ex Actis intellexit, quid testes in sua testificatione deposuerint: secus, quando quis vel omnino non, vel saltem non plene, aut non ex Actis illis, sed aliunde extrinsecus, testium depositiones intellexisset. Baldus *c. Constitutis. il. 2. num. 3. h. t.* asserens, hoc esse mente tenendum; et alii proxime citandi. Quare, si quis attestationes perfunctorie, et quasi aliud agens non diligenter perlegerit, vel si ipsi legenti Notamina attestationum e manibus eripuerit, aut alio quovis modo imperfecte deuterum attestationem notitiam acquisierit, nondum censetur testificata didicisse: sicque potest adhuc testes producere. Bartolus in *Auth. At qui semel. vers. Venio ad quartum. C. de probat.* Baldus *loc. cit.* Mascardus *de Probat. Concl. 1243. n. 30. et alii, quos citat.*

stationes e manibus eripuerit, aut alio quovis modo imperfecte deuterum attestationem notitiam acquisierit, nondum censetur testificata didicisse: sicque potest adhuc testes producere. Bartolus in *Auth. At qui semel. vers. Venio ad quartum. C. de probat.* Baldus *loc. cit.* Mascardus *de Probat. Concl. 1243. n. 30. et alii, quos citat.*

Hinc etiam non censetur didicisse testificata pars illa, cui testes probantur revelasse examen: seu, quid in sua testificatione deposuerint: quia saepe mentitur, aut saltem veritatem occultant ejusmodi testes, ut partibus blandiantur, et placeant. Baldus *cit. n. 3. Gailus lib. 1. Pract. Observat. 105. n. 3. vers. Idem est, si ab ipsis etc.* Idemque dicendum, si testis autquam deponeret, praedixit parti, quid in examine dicturus sit: quia saepe aliter postea dicitur. Felinus *c. Fraternitatis. n. 11. h. t.* Farinacius *de testib. qu. 75. n. 35. et 38.* allegans plures alios, atque inde concludens, quod quis propterea non excludatur a productione novorum testium.

Econtra vero, quando Iudex partibus praesentibus, tacentibus et audientibus praefigit testium depositiones, tunc indubie censetur a partibus testificata didicisse, seu plene percipisse. Et idem dicendum, quando quis testificata subtrahit, vel penes Notarium, aut aliam personam existentia perfecte legit, *arg. c. Ultra tertiam. 53. h. t.* Vel quando aliae hanc penes ipsum aperta, seu desigillata reperiuntur: praesumitur enim testificata perlegisse, sicque didicisse: nisi forsan oppositum probari posset, v. g. ex eo, quod attestationes penes ipsum reperiuntur adhuc clausae, et non disigillatae. Farinacius *cit. quaest. 75. n. 43. et alii, quos copiose citat.*

Resp. II. Post publicationem attestationum, si didicisse testificata, non potest pars super eadem articulis, vel directe contrariis, reproducere priores testes, neque alios novos producere. Ita Glossa *c. Fraternitatis. §. Novis.* et Abbas *ibid. num. 4. h. t.* Farinacius *cit. quaest. 75. num. 68. et communis Doctorum.* Atque istud habetur expressum in *Auth. de testib. §. Quia vero. Collat. 7. ubi dicitur: Illud tamen indubium est, quia et si semel producantur testes, aut bis, aut testificationes tractaverit (id est, descriperint, ut explicat Glossa) aut adversario in hoc faciente ipse disputationem accipit, et ex hoc didicerit testificata non habebit omnino licentiam ullam ulterius testium productione.* Concordat textus in *c. Constitutis. 46. h. t. ibi: Cum nondum testificata didicerint* sumpto argumento a sensu contrario. Et *c. Ex amore. 35. juncta Glossa fin. et c. Veniens. 38. §. Pars autem. h. t.* cum similibus. Accedit ratio: quia, postquam pars didicit testificata, subest periculum subornationis testium, seu ut pars, quae testes produxit, eos subornet, ac instruat, ut aliquid addant, vel demant factae suae depositioni: prout notatur in *Clem. 2. de Testib.*

Atque haec Conclusio non solum procedit ad impediendum quartam productionem testium, de qua fit mentio in *c. Ultra tertiam. 55. h. t.* sed etiam locum habet, quando quis post primam jam, vel secundam testium productionem testificata didicit, uti probatur ex *cit. Auth. de Testib. ibi: Et si semel producant testes, aut bis etc.* Nam etiam tunc subest periculum subornationis testium, dum quis testificata jam didicit, per Jura hactenus allegata: sicque non possunt alii testes produci, aut reproducere.

Intellige, regulariter loquendo, ac de promptis certis casibus, in quibus etiam post publicationem attestationum, aut didicisse attestata, imo et post Conclusionem in causa, posse novas probationes recipi, testesque produci aut reproducere, jam dictum est supra *tit. praeced. §. 6. num. 154. et seqq. et num. 163. et seqq.* Sed de his ibi videatur, vel, si placuerit,



legatur Prosper Farinacius *de Testib. quest. 75. n. 98. usque ad n. 255.* ubi sexaginta septem tales limitationes adducit.

460. Procedit insuper data Conclusio in causa appellationis: nam etiam tunc post publicatas antea factas testium depositiones, et didicita. testificate, non possunt amplius super eisdem, vel directe contrariis articulis, priores vel novi testes produci. *Glossa in cit. c. Fraternitatis. §. Novis.* et Abbas *ibid. n. 3. h. t.* rejiciens contrariam quorundam Legistarum sententiam. Siquidem *cit. Auth. de Testib. §. Quia vero,* loquitur indistincte; et ratio prohibitionis, scilicet timor subornationis, quae est in causa principali, pariter militat in causa appellationis. Accedit nova decisio Apostolica, seu textus apertus in *Clem. 2. h. t.* ubi et hujus ratio additur, illis verbis: *Cum non minus in appellationibus, quam in principali causa, subornatio sit timenda.* Intelligo tamen hoc ipsum regulariter, demptis nimirum casibus, de quibus *num. praeced.* remissive dictum fuit.
461. Dices. Timor subornationis testium, etiam orget ante publicationem attestatorum; cum pariter antea super causa principali possint testes subornari, *arg. c. Licet causam. 9. §. Post hoc de Probat. et c. Sicut nobis. 9. h. t.* ergo. Resp. neg. consequent. Quia, ut notat Jo. Andreas *in d. c. Fraternitatis. n. 24.* et Abbas *ibid. n. 3. h. t.* ante publicationem attestatorum non subest tantus timor subornationis testium, quantus postea. Siquidem para verisimiliter antea sperat, se posse intentionem suam probare per testes, vel adversarium suum in probando succubiturum; sique minus est sollicita de subornatione testium, secus dicendum post jam didicita attestata, ubi videt se succubiturum, nisi aliter testes deposuerint; unde spe victoriae, sepe se succumbat, facilius inducetur ad testium subornationem, si denuo super eisdem articulis, vel saltem directe contrariis, testes producere, vel reproducere possit.
462. Urgetur. *In c. Cum causa. 47. h. t.* recipiuntur testes, etiam jam antea producti, ad probandam eandem causam; ergo. Resp. neg. consequent. Quia, licet ibidem fuerint testes recepti super eadem causa, videlicet lationis ultra dimidiam justi pretii in contractu venditionis; non tamen idem testes fuerunt reproducti super eodem articulo, sed super articulo diverso: nam testes illi in secunda productione solum debuerunt deponere de valore, seu quantitate pretii, quo res vendita constabat tempore venditionis; prout liquet ex textu, et amplius probat *Glossa ibid. §. Ad aliam.* Porro, quod super diversis articulis possint testes tum eisdem tum diversi saepius produci, etiam post publicationem attestatorum super uno articulo factam; patet ex *c. Fraternitatis. 17.* juncta *Glossa §. Novis. h. t.* etque jam dictum *Tit. praeced. §. 6. n. 150.*

## §. XIV.

## De Juramento Testium.

## SUMMARIUM.

463. Testis, antequam deponat, debet jurare; alioquin non probat.
464. Juramentum testium est de veritate dicenda.
465. Quinque capitula, secundum Glossam, sunt juranda per testes: nempe, quod dicent totam veritatem.
466. Nullam interserendo falsitatem.
467. Et quid dicent veritatem pro utraque parte.
468. Et quidem omnem veritatem, sive interrogati, sive non.

469. Et quod non pretio, nec amore, nec timore etc. testimonium dicent.
470. Alii sexto requirunt, quod testes jurent, secreto tenere dictum suum.
471. Dantur aliqui casus, in quibus juramentum testium non exigitur, sed probant testes non jurati. Et *num. seqq.*
472. Ut, quando Judex super notorio recipit informationes ad suam plenam instructionem.
473. Item in probatione consuetudinis populi.
474. Et generaliter, quando testes recipiuntur pro informatione solius Judicis.
475. Unde Executor Litterarum Apostolicarum cum clausula, Si idoneum enim invenoris, potest recipere informationes a testibus non juratis.
476. Probat testis non juratus, quando ipsi remittitur juramentum. Et *num. 480. et seqq.*
477. De consuetudine multis in Provinciis Personae Illustres sine juramento testificantur etc. Non testimoniis, sed testibus judicandum est. *Ibid.*
478. Consuetudo illa non valet, qua generaliter omnibus testibus creditur sine juramento.
479. Testes sine juramento recepti, licet non probent, ne quidem semiplena, faciunt tamen praesumptionem.
480. Juramentum potest testibus remitti de consensu partium; et cur?
481. Disparitas inter juramentum testium, et juramentum calumniae, quod expressa remitti nequit.
482. Ut remittatur juramentum testibus, requiritur utriusque partis consensus.
483. Solvitur instantia ex *c. Tuis* questionibus, *h. t.*
484. An ad remittendum juramentum testibus requiratur auctoritas Judicis?
485. Dantur aliqui casus, in quibus juramentum testibus remitti non potest. Et *num. seqq.*
- Ut in causa matrimoniali, quando agitur de matrimonio dissolvendo: alias secus. *Ibid.*
486. Et in causis criminalibus, praesertim capitalibus.
487. Et quando agitur de Beneficio Ecclesiastico etc. Ac in causis civilibus arduis. *Ibid.*
488. Juramentum testium, qua forma sit praestandum? Et *num. seqq.*
- Debet esse personala, ac praestari tactis SS. Evangelii. *Ibid.*
489. Spectato rigore Juris, qui non habet manus, nequit testimonium judiciale dicere. Juramentum quando possit praestari solo verbo? *Ibid.*
490. De consuetudine alicubi sufficit jurare tangendo quolibet sacras scripturas. Consuetudo haec stricta interpretanda; et qualis esse debeat? *Ibid.*
491. Episcopus receptus in testem jurat, non tactis, sed positis ante se. Evangelii etc.
492. Testes prius debent jurare, quam deponere; alias non valet testimonium.
493. Quid, si prius deponant, et postea jurant? Et *num. praeced.*
494. Testis debet jurare praesente adversario.
495. Nisi forsan citatus, contumaciter absit.
496. Et quid, si adversarius justa de causa venire nequivit?

Queritur. I. An, et de quibus testes ante 463. suam depositionem jurare debeant? Resp. I. Testis, antequam deponat suum testimonium, debet jurare: alioquin dictum ejus non probat. Ita communis; et habetur expressum in *c. Nuper nobis. 51. h. t.* illis verbis: *Nullius testimonio, quantumcunque religiosus existat, nisi juratus deposuerit, in alterius praedictum debet credi.* Ubi proin-

Jo. Andreas, Felius, Abbas in *Summario*, Barboza, et alii passim, hanc regulam ponunt: *Non creditur testi, etiam religioso, qui sine juramento deponit*. Concordat textus in *l. Jurisjurandi. C. h. t.*, quae est canonizata can. *Si testes. §. Jurisjurandi. 4. q. 3.* ubi dicitur: *Jurisjurandi religione testes, priusquam perhibeant testimonium, coarctantur: juncto c. Fraternitatis. 16. et c. Tuis quaestionibus. 39. h. t. et l. Testium. C. eod. cum similibus.* Unde ob textus Juris tam claros, quod praesens Conclusio contradictorem non habeat, testatur Farinacius de *Testibus*, quæst. 74. n. 2. quamvis ipsa procedat solum regulariter, demptis videlicet certis casibus, infra num. 471. et seqq. referendis; et salva illa quaestione, an sufficiat testem purare post depositionem suam, de qua n. 492. et 493.

464. Resp. II. Juramentum testium est de veritate dicenda; et quidem de tota, quam noverunt de re illa super qua deponit jurant. Ita Glossa *fin. in c. Fraternitatis. h. t.* quam approbat Jo. Andreas *ibid. n. 15.* et Abbas *n. 13.* Speculator *Tit. de Teste. §. Sequitur. n. 1.* Farinacius *cit. quæst. 74. n. 5. et seqq.* et alii. Idque patet ex *can. Hortamur. 4. q. 9.* ubi testes jubentur veritatem aperire, *tactis sacrosanctis Evangeliiis, praebito etiam legaliter sacramento, quae in veritate rerum noverunt, ut potestatis omnibus, quae secundum leges, et justitiam censendunt*, Judex cognoscere, et competentem legibus, et veritati terminum dare valeat. Concordat *Auth. de Testibus. §. Sancimus autem. Collat. 7. cum similibus.*

465. Atque idcirco Glossa *fin. cit. c. Fraternitatis. h. t.* ponit quinque capitula ferenda per testes; quibus Jo. Andreas, et Abbas, *ubi supra*, addunt sextum. Primo enim jurabant, quod dicens totam veritatem Judici, vel cui is commiserit, quam noverunt de re illa, super qua jurant, ut proximo dictum. Et hinc inquit Speculator *cit. §. Sequitur.* et Pirhing *n. 116. h. t.* allegans insuper Inolam in *c. Testibus. num. 2. eod.* notandum esse, quod nec Judex, nec partes pati debent, ut testes de veritate jurent super centis, dentatæ articulis (sic enim non valeret eorum testimonium super aliis, quae nonnquam contigunt; eo quod de his non jurati deponerent) sed debeant jurare super articulis datis, totaque causa; et sic valebit eorum testimonium super omnibus ad causam facientibus, ut *cit. can. Hortamur. 4. q. 9. et c. De Testibus. 29. h. t. et c. Cum dilecti. 18. §. 1. de Accusatione*. Hoc ipsum confirmat praxis recepta Tribunalium, juxta quam testes jurant, quod dicent veritatem super illis, de quibus fuerint interrogati: tale enim juramentum respicit totam causam, quando de ea, sicut possunt, interrogabuntur.

466. Secundo testes jurabant dicere veritatem, nullam interserendo falsitatem; et *can. Nullam damnationem. 2. q. 4. ibi: Et prius ad sacra Christi quatuor Evangelia sacramenta praestent, quod nihil falsum deponant*; juncta Glossa *ibid. §. Falsum*, quae pariter enumerat quinque ista capitula per testes juranda. Verum haec verba sufficienter in priori capitulo includuntur, et si formam dicendae veritatis magis specificent, et declarent, unde quod verba ista, de falsitate non immiscenda; in practica non opponantur juramento testium, refert Farinacius *cit. quæst. 74. n. 12.* allegans alios.

467. Tertio jurabant testes, quod pro utraque parte dicent veritatem, quam sciunt, *can. Non sane. 14. q. 5.* ac notat Glossa, *ubi supra*, Speculator *loc. cit. n. 1.* istud ulterius probans ex *Auth. Sed Judex. C. de Episcopis et Clericis et c. Veniens. 38. §. fin. h. t. ibi: Ut vocati ad testimonium libere valeant pro utraque parte testari*. Maranta *part. 6. Speculi Aurei. Tit. de Testium productione. n. 19.* Farinacius *d. quæst. 74. n. 16.*

allegans alios. Sicut enim testes pro utraque parte tenentur dicere veritatem, ita etiam jurare. Pirhing *h. t. n. 116.*

Quarto jurabant testes, quod dicent omnem veritatem, sive interrogati, sive non, *arg. c. Cum dilecti. 18. §. 1. de Accusatione*, et notat Glossa *fin. in cit. c. Fraternitatis. h. t. et can. Nullam damnationem. 2. q. 4. §. Falsum*. Farinacius *ead. quæst. 74. n. 9.* allegans alios: quamquam statim num. 10. subjungat, istud requisitum in practica non servari, semper juramento testium non exprimi; sed sufficere, ut testis juret simpliciter de veritate dicenda: hoc ipsum enim importat omnem veritatem.

Quinto jurabant testes, quod non pretio, nec amore, nec timore, vel odio, aut pro alio commodo, quod habuerant, habent, vel habitori sunt, testimonium dicent, *c. Quoties. 6. et c. Licet ex quadam. 47. h. t.* Glossa, *ubi supra*. Speculator *cit. Tit. de Teste. §. Sequitur. n. 2.* Farinacius *loc. cit. n. 17.* allegans alios: quamvis addat, etiam hoc requisitum in forma juramenti testium non solere exprimi, cum sufficienter includatur in eo, quod testes jurent simpliciter de veritate dicenda.

Sextum capitulum, quod extra Glossam Abbas in *cit. c. Fraternitatis. n. 13. h. t.* citans Jo. Andreas, et Speculator *loc. cit. n. 2.* et Farinacius *n. 18.* cum aliis in juramento testium requirunt, consistit in hoc, quod testes jurent, secreto tenere dictum suum, illudque ante publicationem attestationum nemini revelare. Idque desumitur ex *l. Qui falsi. ff. de Testib. 3. illis verbis: Qui falso, vel varie testimonia dixerunt, vel utrique parti prodiderunt, a Judicibus competenter puniantur*. Ratio hujus prohibitionis est, ne ex talium testium dicto alii testes subornentur. Quamquam et istud requisitum potius sit de specificatione formae juramenti, quam de ipsa forma, ut notat Farinacius *num. 19.*

Resp. III. Dantur nihilo minus aliqui casus, in quibus juramentum testium necessario non exigitur, sed probant testes etiam non jurati. Ita Socius in *Fallentiis. Reg. 424.* plures tales casus enumerans. Farinacius *cit. quæst. 74. n. 83. et 101. ac seqq.* allegans alios. Idque probatur inductione.

Sic imprimis testis non juratus admittitur, quando Judex procedit super notorio, ac super eo recipit informationes, et probationes ad suam plenam instructionem, *arg. c. Tua nos. juncta Glossa §. Testimonio de Cohabit. Clericis et c. Ad nostram. 11. de Jurejurando*, ubi dicitur quod in notoriis ordo judicarius non sit necessario observandus. Abbas *c. In nomine Domini. 2. num. 7. et Felinus ibid. n. 7. h. t.* Jason in *Repetit. l. Admonendi. n. 32. de Jurejurando*. Socius *cit. Reg. 424. Fallentis. 1.* Mascardus de *Probatione. Concl. 1369. num. 17.* Farinacius *num. 103. et 104. et alii.*

Deinde testes non jurati admittuntur in probatione consuetudinis populi. Felius *c. Tuis quaestionibus. n. 2. h. t.* Jason *loc. cit. n. 32.* Mascardus *cit. n. 17.* Farinacius *n. 106.* et alii, qui tamen loqui videntur de consuetudine notoria, eo quod de consuetudine, et notorio, simul loquantur.

Tertio generaliter admittuntur testes non jurati, quando recipiuntur pro informatione solius Judicis. Jason *cit. Repetit. l. Admonendi n. 220. ff. de Jurejurando*, allegans pro se Glossam singularem in *cap. 1. §. Si duo. de Pace tenend. in Usib. Feudor.* et Baldum *ibid.* Mascardus *d. Concl. 1369. nu. 14. et 15.* citans Innocentium *c. Cum in tua. de Sponsalib.* asserentem, quod Judex possit ad informationem suam procedere sine ordine et figura judicii, et sine testibus in forma judicii receptis. Farinacius *loc. cit. num. 106.* allegans complures alios.

475. Infertur proinde, quod Executor Litterarum Apostolicarum cum clausula, *Si idoneum eum inveneris*, possit recipere informationes a testibus non juratis. Mascardus loc. cit. num. 16. post Butrium, et Abbatem in cap. 1. de *Postulat. Prælat.* Farinacius ead. quæst. 74. num. 107. allegans alios, et Socius cit. Reg. 424. fallent. 4. istud limitans, nisi diceretur, quod diligenter se informet: quia tunc testes deberent jurare, et partes citari.
476. Quarto probat depositio testis non jurati, quando ipsi de consensu partium remittitur juramentum: prout remitti posse testi, præsertim Illustri, aut Religioso, vel in aliqua Dignitate constituto, proxime dicitur.
477. Addit Farinacius loc. cit. num. 58. et Ludov. Engel h. t. n. 43. et Pirhing eod. n. 122. post Gailum lib. 1. Pract. Observat. 101. num. 13. et 14. in multis Provinciis, ac nominatim in Bohemia, Austria, Bavaria, et aliis locis, ex singulari privilegio, et longa observantia, atque consuetudine introductum esse, ut Personæ Illustres, et in Dignitate constitutæ, sine juramento solum sub fide Nobilitatis, vel Status sui testificentur, et depositionem in scriptis clausam, suoque sigillo munitam Judici transmittant. Quamquam de rigore Juris non sit testimoniis, sed testibus judicandum, juxta textum in c. Tua nos. 8. de *Cohabit. Cleric.* Siquidem alia est auctoritas præsentium testium, alia testimoniorum, quæ recitari solent, prout habetur l. Testium fides. §. Sabino. ff. h. t.
478. Caeterum consuetudinem illam esse reprobendam, nec valere, quæ generaliter, et omnibus testibus, etiam privatis indifferenter creditur sine juramento: merito censet Farinacius cit. quæst. 74. n. 57. et 58. citans Gailum d. Observat. 101. n. 11. et 13. et alios, ac sequitur Pirhing cit. n. 122. et Engel ubi supra, n. 44. Quia talis consuetudo generalis foret irrationalis, cum præberet anam multis calumniationibus, falsitatibus et corruptionibus testium.
479. Tandem, ut taceatur nonnulli alii casus, in quibus admittuntur testes non jurati, viderique possunt apud Mascardum, et Farinacium, ubi supra: licet testes sine juramento recepti plene non probent, imo nec semiplenam probationem faciant, ut inquit Mascardus cit. Concl. 136g. num. 18. nihilo minus faciunt ipsi aliquam præsumptionem. Glossa fin. c. Nuper nobis, h. t. Jason, ubi supra, n. 220. Farinacius d. quæst. 74. n. 109. et 110. allegans complures alios. Quæ quidem præsumptio id operatur, ut si ab utraque parte par foret probatio prævaleret illa, quæ caeteris paribus haberet ulterius pro se testem non juratum. Menochius lib. 1. de *Arbitrar. Judic.* quæst. 26. num. 6. Mascardus d. Concl. 136g. n. 18. Farinacius n. 110. et alii ab ipsis citati. Concordant dicta superius Tit. præced. §. 4. num. 79.
480. Queritur II. An juramentum possit testibus remitti? Resp. I. Testes possunt testificari de consensu partium, etiam sine juramento, sicque potest illud illis remitti. Ita Glossa fin. et DD. communiter in c. Tuis quæstionibus. 3g. h. t. ubi dicitur: *Testes producere absque juramenti depositione non possunt, nisi forte a parte remittatur adversa.* Accedit ratio: quia juramentum in favorem ipsarum partium principaliter introductum fuit, ne in earum præjudicium veritas occultetur: sed potest quilibet favori pro se principaliter introducto renunciare, c. Ad Apostolicam. de *Regularib.* ergo. Accedit, quod quis verbo adversarii totum suum jus relinquere possit, l. ult. c. de *Fideicommiss.* ergo etiam poterit istud relinquere verbo testis, atque esse contentus, ut in proprium etiam præjudicium fides habeatur simplici ejus assertioni.
- Nec obstat, quod juramentum calumnie de 481 expresso consensu partium nequeat remitti, l. 2. §. Sed quia. c. de *Jurejurand. propter Calumn. dand.* et cap. 1. §. Propter omissionem de *Jurament. calumn. in 6.* Disparitas enim inter juramentum testium, et juramentum calumnie, jam supra Tit. 7. De *Juramento calumnie.* §. 3. num. 47. assignata fuit. Siquidem expressa remissio juramenti calumnie præberet ausam calumniandi, et cum agatur de proprio interesse partium, et circumveniendi partem alteram, sicque violandi jus publici judicii, et sic contra bonos mores foret talis remissio, ac proinde non valeret. Nam generaliter pacta, quæ invitant ad peccatum, non sunt servanda, l. Illud ff. de *Pactis dotalib. et ult. de Pactis*: unde nec valet pactum, ne dolus præstetur, l. Contractus. ff. de *Reg. Jur.* Secus accidit in juramento testium: nam hujus remissio, etiam expressa, non sic inducit ad peccandum, eo quod non agatur de proprio interesse testium, a quo facilius solet animus corrumpi: quin imo juramentum testium respicit potius favorem partium, cui per has remitti potest. Glossa c. Tuis quæstionibus. 3g. §. Remittatur. et Abbas ibid. n. 6. h. t.
- Resp. II. Ad hoc, ut remittatur juramentum 482 testibus, requiritur utriusque partis consensus: Ita Jo. Andreas cit. c. Tuis quæstionibus. n. 1. et Abbas ibid. n. 4. h. t. Farinacius cit. quæst. 74. n. 86. cum aliis. Ratio est: quia testis tenetur testificari, pro utraque parte veritatem deponendo: unde etiam utrique parti posset præjudicium generari ex falso ejus testimonio: ergo utriusque partis interest, ut testes sub juramento religionis ad veritatem edicendam compellantur, et consequenter ad istud juramentum remittendum, requiratur etiam utriusque partis consensus, juxta Reg. 86. Juris in 6. Quod omnes tangit, debet ab omnibus approbari.
- Objicies contra datam Conclusionem. In cit. o. 483 Quis quæstionibus. h. t. fit mentio solius consensus adversarii, seu remissionis juramenti per ipsum factæ, ibi: *Nisi forte a parte remittatur adversa*: ergo sufficit consensus solius adversarii. Resp. neg. consequent. Quia ideo textus ille fecit mentionem duntaxat de remissione juramenti per partem adversam, contra quam testes inducebantur: quia pars altera, seu producens testes, ultro in hoc jam consenserat volendo testes producere absque intervenitu juramenti: sed Pontifex hoc illius intentum reprobabat, nisi forsitan accesserit etiam remissio partis adversæ. Abbas ibid. n. 4.
- Urgebis. Requiritur ulterius consensus, et auctoritas Judicis, ut juramentum testibus remitti possit: ergo non sufficit consensus utriusque partis duntaxat. Resp. neg. anteced. Licet enim Glossa in cit. c. Tuis quæstionibus. §. Remittatur. et Baldus ibid. n. 6. et Ancharanus n. 4. h. t. et Speculator Tit. de *Teste.* §. Sequitur. n. 6. pluresque alii velint, juramentum illud testium non posse remitti a partibus, nisi accedente simul auctoritate et consensu Judicis: oppositum tamen est probabilius, tum per allegatum textum cit. c. Tuis quæstionibus: tum per l. Si convenerit. juncto Summario. ff. de *Re judicat.* ubi dicitur, quod si partes concordant, qualiter sententia feratur, Juxta debeat sequi eorum voluntatem. Ita Abbas, ubi supra, n. 3. Pirhing h. t. n. 124. Farinacius d. quæst. 74. n. 91. allegans plures alios. Multo minus potest Juxta partibus invitatis remittere dictum juramentum ut tradit idem Farinacius num. 88.
- Resp. III. Dantur nihilo minus aliqui casus, 485 in quibus juramentum testibus remitti non potest.



test. Ita communis; et patet inductione. Sic imprimis nequit remitti juramentum testibus in causis matrimoniali, quando agitur de matrimonio dissolvendo. Glossa in cit. c. *Tuis quaestionibus*. §. *Remittatur*. et Abbas *ibid.* n. 5. et Barbosa n. 3. h. t. Speculator cit. §. *Sequitur* n. 6. Mascardus de *Probation. quaest.* 5. proem. n. III. Farinacius n. 92. et alii. Idque merito: ne aliquae partes ad invicem colludere possint contra valorem matrimonii, c. *Super eo*. 5. De eo, qui cognovit consang. uxori: Secus dicendum, quando agitur de matrimonio contrahendo: tunc enim bene potest partibus juramentum remitti. Glossa, Abbas, Mascardus, Barbosa, ubi supra, Speculator cit. n. 6. Farinacius n. 94. et alii.

486 Deinde nequit testibus remitti juramentum in causis criminalibus; praesertim capitalibus: quia tunc non agitur de privato dentaxat favore partium, sed potius de communi et publica Reipublicae utilitate, utpote cujus interest, delicta non manere impunita; sed castigari, l. *Si ita vulneratus*. ff. *Ad Legem Aquiliam*, cum concordantiis. Atqui favori publico partes renuntiare nequeunt, c. *Si diligenti*. 12. de *Foro compet.* et l. *Jus publicum*. ff. *de Pactis*; ergo.

487 Tertio, nequit remitti juramentum testibus, quando agitur de Beneficio Ecclesiastico, aliave re spirituali non dependente a mera voluntate partium. Farinacius cit. *quaest.* 74. n. 93. et alii. Idemque dicendum in causis civilibus arduis, utpote quae acquirantur criminalibus. Barbosa cit. *num.* 3. Farinacius n. 85. allegans alios.

488 Quaeritur III. Qua forme juramentum testium sit praestandum? Resp. I. Juramentum testium debet esse personale, ac praestari tactis sacrosanctis Evangeliiis. Ita Glossa 1. in l. *Jurisjurandi*. C. h. t. Abbas c. *Tuis quaestionibus*. n. 7. h. t. Speculator cit. tit. de *Teste* §. *Sequitur* num. 4. Farinacius *quaest.* 74. n. 20. Pirhing h. t. n. 118. et alii. Idque patet ex can. *Hortamur*. 4. dist. 9. ubi jubentur testes jurare tactis sacrosanctis Evangeliiis. Concordat textus in *Clem.* 1. §. *Porro*. de *Haeretic.* ibi: *Jurabunt ad sancta Dei Evangelia corporaliter a se tacta*.

489 Unde, quamvis regulariter juramentum possit praestari solo verbo, et absque tactu SS. Scripturarum: secus tamen est, ubi juramentum defertur a Jure tactis SS. Evangeliiis: quia tunc non sufficit, quod solo verbo juretur, aut in conspectu SS. Evangeliorum, sed necesse est, ut eorum tactus interveniat. Et hinc spectato rigore Juris, qui non habet manus, nequit testimonium Judiciale dicere: quia oportet, ut testes jurantes tangant manibus sacras Scripturas. Mascardus de *Probation. Concl.* 1365. n. 40. Farinacius cit. n. 20. allegans Rotam de *Jurament. calumn.* Decis. 14 alias 37. num. 4. in nov. et alios.

490 Verum, quod de consuetudine alicubi sufficiat jurare tangendo quolibet sacras Scripturas, etiam si non sint Evangelium; censet Glossa in cit. *Clem.* 1. §. *Porro*. §. *Tacta*. de *Haeretic.* et Abbas cit. c. *Tuis quaestionibus*. n. 7. h. t. Farinacius d. *quaest.* 74. n. 22. allegans alios. Quamvis deinde addat, consuetudinem illam esse stricte intelligendam; simulque debere esse specificam, expressam, et servatam super non tacto Evangeliorum: alioquin enim, ubi talis consuetudo in specie non viget, testis juxta dispositionem Juris communis jurare debet ad Sancta Evangelia.

491 Excipitur tamen hinc Episcopus: qui licet receptus in testem jurare debeat, et alioquin non probet; nihilo minus non jurat tactis corporaliter sacris Evangeliiis, sed tantummodo iis coram se positis, et inspectis tangendo pectus suum, juxta *Auth. Sed Juez. C. de Episcop. et Clerico.* et cap.

ult. juncta Glossa §. *Per te ipsum*. de *Jurament. calumn.* et confirmat generalis consuetudo, de qua testatur Farinacius cit. *quaest.* 74. num. 81. et 82. Pirhing h. t. n. 121. alique ab his copiose citati.

Resp. II. Testis prius debet jurare, quam deponere: adeo, ut probabilius non valeat testimonium, si prius deponat, et postea primum juret. Ita desumitur ex l. *Jurisjurandi*. C. h. t. quae est canonizata in can. *Si testes*. §. *Jurisjurandi* 4. q. 3. ubi dicitur: *Jurisjurandi religione testes, priusquam perhibeant testimonium, coarcentur*: et notat Glossa in cit. l. §. *Jurisjurandi*, reddens rationem: *Quia aliter esset ordo praeposterus*. Bartolus *ibid.* in 2. *Lectura. not.* 1. ponderans dictionem illam, *Priusquam*. Mascardus de *Probation. Concl.* 1369. n. 10. Gailus lib. 1. *Practice. Observat.* 101. n. 7. Farinacius d. *quaest.* 74. n. 31. citans plurimos alios, hancque sententiam asserens esse magis inter DD. receptam. Accedit textus in c. *Fraternitatis*. 17 h. t. ibi: *Receptum prius festum juramentis*: juncto c. *De testibus*. 29. ubi Jo. Andreas n. 2. Abbas n. 8. Felix n. 5. h. t. et alii. Siquidem antea jurans, religione juramenti non praesumitur falsum dicere: sed postea jussus jurare, etiam prius falsum dixisset, tamen ob reverentiam, et metum infamiae, contrarium dicere non audet; et sic juramentum tunc destituitur suo fine, cessatque dicta praesumptio.

Additur tamen in Conclusionem, *probabilius non valet*. Nam, quod praefatus ordo non sit substantialis, adeoque valeat testimonium, si testis prius deponat, et postea primum juret, non pauci, praesertim ex antiquioribus, tenent; uti videre est apud Aucthores proximo relatos: Accedit Gailus lib. 1. *Practice. Observat.* 101. n. 7. in Camera receptum esse, quod depositio testis, ante juramentum facta, eatenus valeat, si post eam in continenti sequatur juramentum: tunc enim dictum testis censetur juramento informatum, juxta illam Regulam: Quae in continenti apponuntur, censentur inesse, l. *Juris gentium*. §. *Quin imo* ff. *de Pactis*. cum similibus.

Resp. III. Testis debet jurare praesente adversario, et depositionem juramenti audiente: nisi forsan citatus, contumaciter absit. Ita Speculator tit. de *Teste*. §. *Sequitur*. n. 4. et communis; patetque ex cap. 2. h. t. et dictis supra §. 13. nu. 418. et 421. ac seqq.

Additur notanter, *nisi forsan citatus contumaciter absit*. Quis, si debite fuerit citatus adversarius, et tamen noluerit venire, et quidem contumaciter (hoc est, non ex inevitabili quadam necessitate praepeditus, ut loquitur textus in cit. cap. 2. h. t. sed forsitan malitiose sua absentia impediturus receptionem testimonii) perinde testimonia receptorum testimonium valebunt, ac si ipso praesente facta fuissent. Textus est in d. cap. 2. h. t. et in *Auth. de Testibus*. §. *Et hic vero*. Collat. 7.

Quod, si vero citatus adversarius ex inevitabili quadam necessitate, sive (ut explicat Glossa in cit. cap. 2. §. *Inevitabili*. h. t.) juxta de causa detentus, venire nequiverit: tunc probata postmodum tali causa absentiae, nec ipso censebitur contumax, neque valebunt attestations testium ipso absente receptae; sed erunt in irritum revocandae, sicut et sententia inde secuta. Glossa in cit. cap. 2. §. *Inevitabili*. h. t. et Abbas *ibid.* n. 11. et 12. alique Doctores, quos citat, et sequitur Farinacius *quaest.* 72. de *Testib.* n. 20. Idque clare patet ex d. *Auth. de Testibus*. §. *Et hic vero*. atque ex textu cit. cap. 2. h. t. argumento a sensu contrario desumpto: et concordat c. *Cum Bertoldus*. 18. de *Sent. et re judicat.* et l. *Si praetor jusserit*. §. *fn. ff. de Judiciis*.

## §. XV.

De Examine Testium, ac Interrogatoriis.  
suggestivis vitandis.

## SUMMARIUM.

- 497 *Testes sunt examinandi ab ipsomet. Iudice.*  
498 *Qui tamen ex causa potest examen testium alteri committere.*  
499 *Testes sunt examinandi secreto, et singillatim. Et num. seqq.*  
500 *Etsi per hoc non excludatur praesentia Notarii, eorum depositiones conscribantur. Et num. praeced.*  
501 *In examine testium super crimine Haeresis, praeter Notarium, adhibentur aliae duae discretae personae.*  
*Consultum est, ut idem fiat in aliis causis multum arduis. Ibid.*  
502 *Examinatio testium regulariter fit in loco Iudicii.*  
503 *Quamvis etiam extra iudicium, et ubi vis locorum fieri possit.*  
504 *Personae egregiae domi suae examinari debent. Et num. 506.*  
505 *Inter has connumerantur Episcopi, Sacerdotes, alique Clerici; item Personae illustres, Doctores, et Milites.*  
506 *Ad Personas egregias, quando producuntur in testes, debet Iudex domum mittere pro excipiendo earum juramento, et testimonio.*  
*Idem dicendum de Testibus valetudinariis, senibus, foeminis etc. Ibid.*  
507 *Sacerdotes, aliaeque personae Ecclesiasticae, si producuntur in testes coram saeculari Iudice, non jurant neque deponunt coram eo, sed coram Episcopo etc.*  
508 *Testes, de quibus sint interrogandi, seu examinandi? Et num. seqq.*  
509 *Interrogatoria generalia, et*  
510 *Interrogatoria specialia, quae?*  
511 *Testes sunt diligenter examinandi de causis. Testis tenetur reddere causam suae scientiae, si interrogatur. Ibid.*  
512 *Secus, si non interrogetur.*  
513 *Testes sunt examinandi de singulis circumstantiis; puta, de personis, loco et tempore.*  
514 *De visu, et auditu.*  
515 *De scientia, et de credulitate; ac de fama, et certitudine.*  
516 *Interrogatoria suggestiva, quae?*  
*Testes interrogari per suggestionem, quid? Ibid.*  
517 *Suggestio alia aperta, alia palliata, quid?*  
518 *Interrogatoria suggestiva sunt prohibita, et vitanda.*  
519 *Interrogationes testium debent fieri in genere, gradatim descendendo ad magis specialia.*  
520 *Idem procedit in examine Rei super crimine admissio.*  
521 *Ad eo, ut confessio Rei per suggestionem extortae, sufficiat ad condemnandum etc.*  
497 *Quaeritur. I. A quo, coram quibus, et ubi examen testium sit instituendum? Resp. I. Testes sunt examinandi ab ipsomet Iudice: utpote qui in persona testium diligenter explorare debet, cujus conditionis, et cujus dignitatis, et cujus existimationis sint, et qui simpliciter visi sint dicere: utrum unum eundemque et praemeditatum sermonem attulerint: an ad ea, quae interrogaverit, ex tempore verisimilia responderint. Textus est in L. 3. ff. h. t. ubi pluribus officium, atque potestas Iudicis in examinandis*

Testibus, et discutiendis argumentis, quanta fides habenda sit testibus, declaratur. Concordat *Auth. Ut defuncti, seu funera etc.* §. *Illud etiam Collat.* 5. ubi ipsimet Administratores (id est, ordinarii Iudices, ut explicat Glossa §. *Administratores*) per seipsos jubentur examinare testes, ut possint istos terrere, et si opus fuerit, juxta Glossam *ibid.* §. *Testibus*, etiam per tortoriam cogere ad ferendam testimonium: nisi forsitan aliis publicis occupationibus impediti, examen istud testium inferioribus Consiliariis delegare cogantur.

Et notanter hoc ultimum additur. Quia si Iudex ordinarius justis de causis impeditus testes personaliter examinare nequiverit, aut ipsimet testes remote abfuerint, ita ut difficulter ad eum accedere valeant; tunc Iudex poterit alteri, puta, Consiliario suo, aut alteri idoneae personae, vices suas delegare, eique examen testium committere: ita tamen, ut ipse postea causam audiat, sententiamque sibi reservet, ac proferat, *cit.* §. *Illud etiam* Concordat textus in *l. Iudices*, juncta Glossa, et Summario. *C. de Fide instrument.* ubi disponitur, quod Iudices possint committere examinationem absentium testium Iudici illius territorii, ubi testes degunt, et commovere partes, ut adsint delationi juramenti ab ipsis testibus praestandi. Quinimo ad excipendum testimonium mulierum, quae personaliter ad iudicium invitae trahendae non sunt, posse transmitti Tabellionem, aut aliam personam idoneam, habetur *decisum cap. 2. de Iudiciis, in G.*

Resp. II. Testes sunt examinandi secreto, ac singillatim; etsi per hoc non excludatur praesentia Notarii, eorum depositiones in scripta redigentis. Ita Speculator *tit. de Teste.* §. *Nunc tractandum. n. 2.* Abbas *c. Cum causam. 37. num. 5. h. t.* et alii Prior pars constat ex *c. Venerabili. 52.* juncta Glossa §. *Examinare. h. t. et l. Nullum. C. eod. etc. Inquisitionis.* §. *Tertiar. de Accusation.* ibi *Qui post juramentum interrogati secreto.* Idque merito fit exemplo Danielis, qui secreto ac separatim examinavit duos Senes, qui accusabant castam Susannam. Alioquin enim, si non ita secreto et singillatim testes examinarentur, sed omnes simul et semel interrogarentur, periculum foret, ne unus instrueret alterum, siveque omnibus eodem modo respondentibus, falsitas deprehendi non posset.

Altero vero pars constat ex *c. Quoniam contra. 11. de Probation.* ubi Iudex in iudicio jubetur adhibere publicam personam, sive Notarium, aut alios duos viros idoneos, qui fideliter inter alia Acta iudicii conscribant *Testium depositiones*: et consequenter Notarius ille, aut alii duo Viri idonei debent interesse examini testium, horumque depositiones audire. Nam id, quod dicitur, testes secreto, ac nemine audiente esse examinandos, refertur tum ad partem litigantem, quae non potest interesse examini, et depositioni testium, ne forsitan ejus praesentia deterriti, vereantur libere veritatem edicere: tum ad alios simul testificaturos, qui pariter caeterorum depositiones audire non debent, ne ab illis instruantur, quod dicant. Neutiquam tamen illud refertur ad Notarium, aut illos alios duos viros idoneos, qui necesse habent Acta iudicii conscribere. Sicut a simili in *c. Quia propter. 42. de Election.* jubetur electio Praelatorum fieri secrete, ac singillatim: haud obstante, quod tres de Collegio fide digni assumantur, qui vota singulorum eligentium in scriptis redigant; imo et Notarius publicus, alique testes extranei ad negotium illud electionis assumi valeant; prout jam alibi, videlicet *Lib. 1. Tit. 6. De Electione.* §. 5. n. 124. et 126. dictum fuit.

Accedit textus notabilis in *c. Ut Officium.* §. *Quia* 501

vero. *de Haeretic.* in 6. ubi in causa Haeresis, propter negotii gravitatem, et ad praecavendum quemlibet errorem, mandat Pontifex, ut Inquisitores in examine testium, super crimine praefato recipiendorum, praeter publicum Notarium adhibeant alias duas religiosas et discretas personas. Atque, ut hoc ipsum Juxta faciat in aliis causis multum arduis, adhibendo videlicet in examine testium praeter Notarium alios duos fide dignos viros, ne unquam de ejus fide dubitari contingat: monet Abbas *c. Cum causam.* 35. n. 5. h. t. Baldus in *l. Nullum.* n. 5. C. eod. et Felinus *c. Venerabili.* n. 3. h. t. Id ipsum consulunt plures alii, quos pro hac sententia allegat Farinacius *de Testib. quaest.* 80. n. 95. et 96. quamvis ipse dicat, communem observationem esse in contrarium, neque nunquam vidisse talem cautelam servari.

502 Resp. III. Receptio, atque examinatio testium, regulariter in loco judicii per ipsammet Judicem die non Feriato institui debet; et, nisi necessitas aliud exposcat, ante prandium, dum testes adhuc jejuni, et melius sibi praesentes existant, *cap. 1. juncta Glossa* *fn. h. t.* ac notat Engel *h. t. n. 48.* post Suttingerum *Observat.* 54. et seqq.

503 Additur tamen, regulariter. Nam quod examinatio testium, si opus fuerit, aut expedire videatur, etiam extra judicium, et ubique locorum fieri possit: notat Abbas in *c. Quoniam contra.* n. 31. *de Probat.* id desumens ex textu ibidem, dum Notarius jubetur in Actis judicii scribere depositiones testium, *loca designando, tempora etc.* Id ipsum declaratur inductione.

504 Sic quippe Personae egregiae, quando producuntur in testes, domi suae examinari possunt, ac debent: *l. ad personas.* ff. *de Jurejurand.* ubi dicitur, *Ad personas egregias, eosque qui valetudine impediuntur, domum mitti oportet ad jurejurandum.*

505 Porro inter Personae egregias connumerantur Episcopi, Sacerdotes, alique Clerici, eo quod sint constituti in altiore gradu Ecclesiae; ac notat Abbas *c. Si qui testium.* n. 5. et 6. h. t. Pirhing eod. n. 189. Farinacius *de Testib. quaest.* 77. n. 213. citans alios. Item Personae Illustres, et a Dignitate constitutae. Felinus *c. Si qui testium.* n. 6. h. t. Farinacius *eit. quaest.* 77. n. 210. Pirhing *h. t. n. 189.* Item Doctores. Abbas in *d. c. Si qui testium.* n. 5. Farinacius n. 214. Et Milites. Farinacius *loc. cit.* n. 223. allegans alios.

506 Atque ad hujusmodi Personae egregias, quando producuntur in testes, debet Juxta in eorum domum mittere Notarium, vel alios idoneos viros, qui illarum juramentum, et testimonium fideliter excipiant, Judicique deferant, juxta *cit. l. Ad personas.* ff. *de Jurejurand.* etsi istud quoad Clericos, praesertim inferiores, in plerisque Dicasteriis Ecclesiasticis non sit usu receptum. Id ipsum est dicendum de aliis personis privilegiatis: ut sunt Foeminae, praesertim religiosae, *cap. 2. de Judiciis* in 6. Item testes valetudinarii, et senes, vel debilitate confecti, aut paupertate depressi, ita quod non possint ad praesentiam Judicis adduci: nam etiam ac horum testimonium recipiendum Juxta mittere debet personas idoneas, ac discretas, juxta textum expressum in *cit. c. Si qui testium.* n. 8. h. t.

507 Illud tamen non est praetereundum, quod Sacerdotes, aliaeque personae Ecclesiasticae privilegio Fori gaudentes, quando producuntur in testes coram saeculari Juxta, non jurent, neque examinentur coram eo, sed coram Episcopo, vel Praelato suo Ecclesiastico, aut coram eo, cui is commiserit: prout inter alios observat Abbas *c. Si quis testium.* n. 5. h. t. et patet ex *can. Quamquam.* 14. q. 2. juncta Glossa *ibid.* §. *Coram se.* Nec

mirum, nam hoc ipsum contingit in Laicis, quando eorum testimonium petitur a Juxta alterius territorii: quia tunc jurant, atque testificantur coram suo Juxta, qui eorum attestaciones clausas, atque sigillo obsignatas mittit ad alterum, *Auth. Apud eloquentissimum.* C. *de Fide instrument.* Speculator *tit. de Teste.* §. *Sequitur.* n. 5. etque uberius dictum supra §. 13. n. 434. et seqq.

Quaeritur II. De quibus testes sint interrogandi, 508 seu examinandi? Resp. I. In examine testium proponuntur ipsis Interrogatoria partim generalia, partim specialia; eorumque dicta, quantum ad verba etiam formalia, prout fieri potest, protocollari debent. Ita in re communis. Et quidem

*Interrogatoria generalia* sunt primo; quo nomine 509 testis vocetur? Cujus sit aetatis, et conditionis? Deinde, an sit conjunctus producenti? An inimicus parti adversae? An non subornatus? An non cum aliis testibus convenerit, quid dicere velit? An non in causa controversa interesse habeat? et hujusmodi, de quibus hactenus plura.

*Interrogatoria specialia* sunt, quae ex facto 510 controverso, ejusque circumstantiis desumuntur. Ex horum generalium sunt decem, quae enumerat, atque in testibus singillatim examinanda decrevit Pontifex in *c. Cum causam.* 37. h. t. mandans Episcopo Placentino, *Quatenus recipiat testes, quos utraque pars duxerit producos: ac eos diligenter examinari procuret: et de singulis circumstantiis diligenter inquirens, de causis videlicet, personis, loco, tempore, visu, audita, scientia, credulitate, fama, et certitudine, cuncta plane conscribat* Haec ibi. Quibus verbis Interrogatoria specialia, breviter quidem, simul tamen exacte comprehenduntur, atque numerum densum constituant; et in sequentibus versiculis, ibidem a Glossa relatis, apte continentur.

*Auditus, visus, persona, scientia, causa, Fama, locus, tempus, ac certum, credulitasque*  
*Dum testes recipit, Juxta haec cuncta notabit.*

Resp. II. Discurrendo per singula haec decem 511 Interrogatoria specialia, juxta ordinem a Pontifice observatum, Juxta imprimis tenetur diligenter examinare testes *de Causis*: tum rei gestae; videlicet cor, et qua occasione initium sumpserit: tum suae scientiae; hoc est, an, et qualiter testes producti scient, negotium ita gestum esse. Siquidem testis debet reddere causam suae scientiae, quam si interrogatus non reddiderit, non valet dictum ejus, neque fidem faciet: ut *l. Solam C. h. t. et can. Si testes.* §. *Sola* 4. q. 3. juncta Glossa *ibid.* et *Auth. de Testibus.* §. *Et licet.* Collat. 7. cum similibus. Et merito: quia scire, est rem per causam cognoscere; erga hoc ipso non censetur scire, qui nescit reddere rationem dicti sui. Farinacius *quaest.* 70. *de Testib.* n. 1. allegans alios.

Additur vero, *quam si interrogatus non reddiderit* 512 etc. Quia testis non interrogatus de ratione, seu causa scientiae suae, non tenetur eam reddere. Glossa *cit. c. Cum causam.* 37. §. *De causis.* et Abbas *ibid.* n. 6. h. t. Farinacius *d. quaest.* 70. num. 91. cum aliis. Neque ideo invalidum erit testimonium ejus, *c. Sicut nobis.* 16. juncta Glossa §. *De causis.* *de Sentent.* et *re judicat.* et *l. De pupillo.* §. *Qui opus.* ff. *de Novi oper. nunciat.* Siquidem testis ille dixit omnia, quae novit, etsi non dixerit causam eorum. Glossa *can. Si testes.* 4. q. 3. §. *Attestatione.* Nec enim hanc non interrogatus dicere tenebatur, quia non debet esse verbosus. Glossa magna in *cit. l. Solam.* C. h. t. Quamquam si Juxta malitiosa omisisset interrogare testem de causa, sciens forsitan, eum non redditurum sufficientem suae



scientiae causam; non solum in Foro externo (si istud probari posset) sed etiam in Foro conscientiae, sed poenitentiali, teneretur parti laesae ad interesse, seu ad compensationem damni illati. Abbas, cit. c. *Cum causam*. n. 7. h. t.

513 Deinde testes diligenter examinandi sunt de singulis circumstantiis, prout Iudex arbitratore fore necessarium, vel utile: quia aliter ad veritatem non perveniretur, can. *Occidis*. 23. q. 8. Hinc testes sunt examinandi de *Personis*; tum illis, quas tangit negotium, principale; puta, an eas testis probe noverit, quales sint, cujusque conditionis etc. tum de aliis, quae forsitan rei gestae interfuerant. Item de *Loco*, exemplo Danielis duas Senes interrogantis, sub qua arbore viderint Susannam adulterantem. Ac de *Tempore*, quo aliquid dicitur factum; quia, si testes discordent in loco, vel tempore, tunc veluti inter se contrarii nihil probant, prout jam supra dictum §. 10. n. 322.

514 Rursus testes sunt interrogandi de *Visu*: honesti, an proprio sensu corporeo rem gestam perceperint, viderintque, v. g. quod Titius percussit Cajum, quia bene potest contingere, quod quis praesens fuerit, sed ad alia intentus non viderit, quod actum fuit. Item de *Auditu*: quando videlicet vel res gesta, puta blasphemia, non nisi sensu auditus erat perceptibilis; vel, quando testis interrogatur de iis, quae audit a Majoribus suis dici, sicque debet testificari de auditu alieno, ut similiter jam dictum superius §. 11. num. 364. et seqq.

515 Ulterius testes sunt interrogandi de *Scientia*: an nimirum illud, quod deponunt, vere sciant, seu proprio sensu corporeo veraciter et indubitante perceperint, riteque adhuc omnium recordentur etc. Ac de *Credulitate*: seu, num credant, rem ita se habere, prout asserunt; praesertim, quando solum deponunt de conjecturis, aliisque indiciis rei gestae, ipsam tamen propria oculis non perceperunt. Item de *Fama*: quae de ejusmodi facto, aut negotio, in populo habetur. Et de *Certitudine*: an scilicet certi sint de eo, quod testificantur, qualemque desuper certitudinem acquisierint etc. Textus, Glossa, et DD. in. cit. c. *Cum causam*. 37. h. t.

516 Queritur III. Quid sint Interrogatoria suggestiva, et qualiter vitanda? Resp. I. *Interrogatoria suggestiva* dicuntur ea, quae fiunt de aliquibus in specie, sive exprimendo speciales personas, circumstantias, et qualitates alicujus causae civilis, vel criminalis, seu rei gestae, aut commissi criminis. Prout contingit, si Iudex interroget testem, an viderit, quod Titius occiderit Cajum tali die, in tali loco, percutiendo ipsum gladio, vulnerando in pectore etc. Hac enim ratione dicitur testis interrogari per suggestionem, suggerendo videlicet, seu ipsi indicando, quid respondeat: puta, Ita, vidi, quod Titius occiderit Cajum tali die et loco, gladio ipsum percutiendo in pectore etc. Sigism. Scaccia lib. 1. de Judiciis, cap. 86. et Farinacius tom. 3. *Praxis Criminalis*, quaest. 84. n. 91. et 92.

517 Porro duplex est Suggestio, una aperta, alia palliata. *Suggestio aperta* dicitur, quando de ea aperte, seu clare constat ex ipsamet facta interrogatione; uti fit in proximo allato exemplo. *Suggestio palliata* contra consetur, si testis aliquo modo aperitur via respondendi, sed de ea ex interrogatione non apparet: idque accidit dupliliter. Primo, quando nullo modo apparet, de qua re testis fuerit interrogatus: ut puta, si in Actis scribatur: *Ad opportunam interrogationem respondit etc.* sic enim libera datur via respondendi. Secundo, quando interrogans praevient testem in responsione, quasi subtiliter ei indicando modum respondendi,

aut (si ipsemet Reus interrogetur) modum evadendi. Scaccia cit. quaest. 86. num. 8. et num. 49. asserens cum aliis, hoc genus suggestionis esse valde perniciosum. Farinacius d. num. 91. et 92. ubi tamen num. 89. post alia notavit, in Judiciis arbitrio esse positum, quae dicantur Interrogatoria suggestiva, et quae non.

Resp. II. Interrogatoria suggestiva sunt vitanda, et in Jure prohibita; teneturque Iudex ab ipsis abstinere non solum, quando tendunt in damnum Rei, sed etiam, quando tendunt in damnum Fisci. Ita Scaccia cit. quaest. 86. n. 8. et 40. Farinacius de Testibus, quaest. 79. num. 78. et communis. Idque patet ex textu appo in L. 1. §. Qui quaestionem. ff. de Quaestionib. ubi dicitur: Qui quaestionem habiturus est, non debet specialiter interrogare, an Lucius Titius homicidium fecerit; sed generaliter, quis id fecerit: alterum enim magis suggerentis, quam requirantis videtur etc.

Infertur proinde, quod interrogationes testium solum debeant fieri in genere: puta, anrum, sciant delictum esse perpetratum, quale, a quo, et quando illud sit commissum, quo modo, quibus cooperantibus etc. semper a generalioribus gradatim descendendo ad magis specialia. Idemque dicendum, quando testes producuntur super causis civilibus: quia in his quoque Judici abstinendum est ab interrogatoriis suggestivis, ne testis facile assentiendo deponat ea, quae a veritate sunt aliena, nec antehac ab ipsis cogitata; cum, potius assenserint suggerenti, ne forsitan displiceant, quam interroganti ex proprio responderint.

Atque hoc ipsum procedit in examine Rei super crimine admissio. Nam etiam Reus, quando in Processu criminali interrogatur super quapiam crimine, non nisi Juris ordine servato interrogari debet: ac proinde neotiquam per interrogationes suggestivas, juxta cit. L. 1. §. Qui quaestionem. ubi Bartolus, et alii. ff. de Quaestion. Hinc Iudex non illico debet interrogare Reum, an ipse occiderit Cajum, an moechatus sit cum Bertha etc. sed incipiendo ab indiciis, et quidem a generalioribus, et descendendo ad particularia, quasi per circuitum, et a longe, debet formare suas interrogationes: v. g. An interfuerit, dum Cajus occisus est; an sciat, quis percussit Cajum; an ipse habuerit cum eo rixas etc. sicque paulatim descendendo ad qualitates, et circumstantias speciales, juxta quod indicia magis magisque se produunt, ac demum deveniendo ad ipsum delictum in specie. Sigism. Scaccia lib. 1. de Judiciis, cap. 86. numer. 39. Farinacius tom. 3. *Praxis Criminalis*, quaest. 83. num. 84. et seqq. citans alios; atque istud num. 97. limitans, quando indicia commissi criminis sunt manifesta: quia tunc Reus potest etiam in specie interrogari de crimine.

Quod si secus accadat, et Reus per interrogatoria suggestiva deceptus crimen fateatur: tunc ejusmodi confessio per suggestionem extorta non praecedentibus signis, non sufficit ad condemnandum, omniaque inde secuta, ipso jure nulla sunt ac invalida. Scaccia d. lib. 1. cap. 86. num. 7. et 40. et Farinacius cit. tom. 3. quaest. 83. num. 84. allegans plures alios; et tradit novissime Ludov. de Avena in *Practica Criminali*, tit. 19. §. 4. num. 17. asserens, ita tenere Doctores communiter, atque hoc ipsum subjungens de teste suggestivo interrogato. Nec immerito: nam, quae contra jus fiunt, debent utique pro infectis haberi, ut dicitur, Reg. 14. Juris in 6. et can. *Imperialis*. 25. q. 2. et l. Non dubium. C. de Legib.

## §. XVI.

## De Publicatione Attestationum.

## SUMMARIUM.

522 *Publicatio attestatorum, quid sit, qualiter fiat, et an post ipsam liceat alios testes, vel instrumenta producere? Remissive.*

523 *Publicatio attestatorum non est de substantia processus judiciarii, bene tamen de ejus justitia etc.*

524 *Idque probatur.*

525 *Attestationes receptae in uno judicio, sed non publicatae, fidem non faciunt in alio, etiam inter easdem personas.*

526 *Idque probatur. Et num. praeced.*

527 *Solvitur instantia.*

528 *Regula data non procedit in Judice subrogato ejusdem judicii.*

529 *Neque in Judice in causa appellationis, et revisionis.*

530 *Regula illa fallit quoque in nonnullis aliis casibus. Et num. seqq.*

*Ut fit accedente consensu partium. Ibid.*

531 *Item in illis casibus, in quibus testes possunt examinari lite non contestata.*

532 *Et quando testes priores interim fuerunt mortui etc.*

533 *Tenetur pars adversa vel ratam habere priorem receptionem testium, vel pati, ut denuo testes examinentur.*

522 **Q**uaeritur I. Quid sit Publicatio attestatorum, qualiter fiat, et an post ipsam liceat alios testes, vel instrumenta producere? Resp. De hoc, occasione aliarum materiarum tunc occurrentium, ex professo jam dictum est *Tit. praeced. §. 6. a num. 148. usque ad n. 158.* Ibi videatur.

523 **Q**uaeritur II. Utrum publicatio attestatorum sit de substantia Processus judiciarii? Resp. I. Publicatio attestatorum, per quam videlicet examinatione testium peracta, horum attestations in secreto receptae, utraque parte praesente (nisi aliqua rite citata contumaciter absit) a Judice publicantur, seu publice praeleguntur, non est de substantia Processus judiciarii, bene tamen de ejus justitia: adeoque ommissio publicationis attestatorum non vitiat processum, valetque sententia inde secuta, et transit in rem judicatam, nisi intra decendum ab ea fuerit appellatum; potest tamen pars litigans petere harum publicationem, et Judice recusante eam facere, appellare. Ita Innocentius, et Abbas in *c. Cum I. et A. numer. 10.* Jo. Andreas *ibid. numer. 8.* et Felinus *numer. 1.* alique DD. de *Sentent. et re judicat.* Menochius de *Arbitrar. Judic. lib. 1. quaest. 33. numer. 1.* Maranta *part. 4. Speculi Aurei. dist. 9. numer. 22.* Gailus *lib. 1. Practic. Observat. 105. numer. 5.* asserens, ita communiter receptum esse, contra Accursium in *l. Prolatam. C. de Sentent. et interlocut. omn. judic.* Farinacius de *Testib. quaest. 75. n. 5.* citans alios.

524 **C**onclusio haec desumitur ex *cit. c. Cum I. et A. 22. de Sentent. et re judicata*: ubi Pontifex, post interpositam ad se appellationem, novis Judicibus delegatis mandat, ut servatis servandis confirmant processum, quem alii Judices formarant, sententiamque tulerant testium depositionibus coram partibus minime publicatis, nec ostensis eisdem. Quoniam textum Innocentius *ibid.* et Glossa marginalis, dicit esse singularem ad hoc, quod attestatorum publicatio sit de justitia, non autem de substantia

processus. Accedit ratio: quia Judici semper publicatae sunt attestations, seu nota Acta judicii, et partium jura; ut inquit Menochius *cit. q. 33. numer. 1. et 11.* et Pirhing *h. t. n. 202.* unde cum is optime instructus sit de jure partium ex attestacionibus testium sibi cognitis, ferre sententiam poterit, lataque valebit, nisi ab ea appellatum fuerit.

**Q**uaeritur II. Utrum attestations testium receptae, sed non publicatae in uno judicio, probent, seu fidem faciant in alio? Resp. I. Attestations receptae in uno judicio, sed non publicatae, fidem non faciunt in alio judicio, etiam inter easdem personas. Ita Felinus *c. Causam quae. il. t. numer. 13. h. t.* allegans pro se Glossam, Jacob. de Aretio, et Bartolum in *l. Gesta. C. de Re judicat.* Menochius de *Arbitrar. Judic. lib. 1. q. 33. numer. 7. et 8.* Pirhing *h. t. nu. 203. et seqq.* Farinacius *cit. quaest. 75. n. 10. 12. et seqq.* cum aliis pluribus, contra Abbatem in *cit. c. Causam quae. 11. n. 2.* et nonnullos alios, qui volunt, testes in uno judicio receptos fidem facere in alio, quamvis non fuerint publicati. Ratio Conclusionis est: quia Juxta alterius judicii non ita notam habet qualitatem testium, neque adeo potest esse instructus de jure partium, sicuti prior Juxta, qui testes examinavit: unde non mirum, quod aliter de hoc, quam de illo dicatur.

**A**ccedit textus in *c. Cum causam. 37. §. fin. h. t.* ubi Pontifex mandat, ut per novos Judices a se delegatos iidem testes, qui jam antea fuerant recepti, sed nondum publicati (parte adversa eorum depositiones non ratificante) iterato producantur, ea addita ratione: *Cum attestations illae sint clausae*: sicque totum defectum nullitatis illarum attestacionum, seu eor coram novis Judicibus datis forent repetendae, refundit Pontifex in defectum publicationis earum, seu quia adhuc fuerunt clausae. **A**ccedit textus in *l. Gesta. C. de Re judicat.* ubi tum demum gesta sub priore Judice censentur habere firmitatem perpetuam, quando sunt translata in publica monumenta (hoc est, quando gesta, seu Acta illa sunt in scriptis translata, facta scilicet publicatione eorum eo, apud quem sit publicandi facultas, arg. *l. Publicati. C. de Testament.* propt. Glossa *ibid. §. Gesta*, explicat.) Neque enim morte cognitoris perire debet publica fides: id est, Acta publicata non pereunt morte Judicis, ut subiungit textus in *cit. l. Gesta.* juncto Glossa *fin.*

**N**ec obstat *cap. ult. de Probat.* Glossa *ibid. §. 527* *Judices*, absolute dicens, quod attestations in uno judicio receptae, valent in alio, *Auth. de Testibus. §. Quoniam. Collat. 7.* cum similibus. Resp. enim, concordando jura iuribus, hujusmodi auctoritates esse intelligendas de testibus in priori judicio receptis, simul et publicatis: alioquin enim saltem foret contra justitiam, attestacionibus nondum publicatis, simulque partibus invitis, ferre sententiam. Jura autem non intendunt aliquam injustitiam fovere, seu approbare, multo minus committendam tradere.

**R**esp. II. Conclusio, seu Regula proxime data procedit, quando sermo est de diverso judicio; diversoque Judice: secus, in Judice subrogato ejusdem judicii: puta, quando Juxta aliquis recepit testes, et ante publicationem attestacionum sententiamque latam mortuus est, ac in locum ejus alius successit, sive subrogatus fuit. Ita Felinus in *c. Causam quae. il. t. numer. 1. h. t.* Jason *l. 2. numer. 21. C. de Edendo.* Pirhing *h. t. numer. 205.* Farinacius *cit. quaest. 75. n. 21.* allegans alios. Ratio est: quia Successor, sive subrogatus Juxta, debet judicare ex Actis, quae coram mortuo fuerunt producta, *l. Mortuo juxta §. de Jurisdict.* imo censetur veluti idem Juxta cum mortuo *l. Proponebantur. ff. eod.* Et con-

- sequenter attestaciones, etiam nondam publicatae, acque probant coram ipso, ac coram priori Iudice; acque valet sententia iode lata absque harum publicatione, nisi fuerit appellatum, juxta dicta *Concl.* 1.
- 529 Atque hoc ipsum esse dicendum de Iudice in causa appellationis, et revisionis, censent proxime citati Auctores. Idque tam ob paritatem rationis, quia videlicet Iudex ad quem succedit respectu ejusdem causae Iudici a quo. Tum quia alioquin sequeretur, quod sententia lata per Iudicem a quo sine publicatione attestatorum, non posset confirmari per Iudicem ad quem sine nova receptione, et publicatione attestatorum: hoc autem non esse dicendum, patet ex c. *Cum I. et A. 22. de Sentent. et re judicat.* de quo jam supra num. 524. dictum est.
- 530 Resp. III. Dantur ulterius nonnulli alii casus, in quibus fallit Regula num. 526. data, ac testes in uno iudicio recepti, fidem faciunt in alio etiam sine publicatione suorum attestatorum. Ita Felinus loc. cit. n. 14. et seqq. Farinacius n. 22. et seqq. et alii. Sic quippe fit accedente consensu partium: quia partibus consentientibus testes etiam non publicati, probant coram quocunque Iudice, per textum in cit. c. *Cum causam.* 37. h. t.
- 531 Deinde testes non publicati probant inter eadem personas, ac etiam coram alio Iudice, in omnibus illis casibus, in quibus testes possunt examinari lite non contestata. Jason cit. L. 2. num. 21. C. de Edend. id probans ex Auth. Sed et si quis. C. de Testib. quem textum Bartolus ibid. ad hoc notat, et reputat mirabilem. Farinacius d. quaest. 74. numer. 25. Pirhing h. t. num. 203. istud exemplificantes in testibus, senibus, valetudinariis, et huiusmodi.
- 532 Id ipsum est dicendum in caso, quo testes priores interim fuerunt mortui, vel nunc existunt in adeo remotis partibus, quod iterato prodoci non possint: quia tunc ipsi probant non publicati. Jason L. 2. num. 20. C. de Edendo. Farinacius cit. quaest. 74. n. 26. allegans alios.
- 533 Tandem, etsi testes non publicati fidem non faciant coram alio Iudice, ut dictum, nihilo minus pars adversa vel debet ratam habere priorem receptionem testium, atque in eorum publicationem per alterum Iudicem faciendam consentire: vel compellitur pati, ut denuo iidem, alique testes producantur, atque examinentur, c. *Cum causam.* 37. h. t. Farinacius cit. quaest. 74. n. 28. et alii.
- 540 Exceptio contra personas testium proprie non est dilatoria, nec peremptoria.  
Exceptio contra Testes est quasi peremptoria. Ibid.
- 541 Ea regulariter non impedit examen testium, sed reservatur disputanda in finem litis.
- 542 Fallit haec Regula, quando pro opponente simul stat praesumptio juris.
- 543 Vel, quando notorius est defectus, qui testi obijciuntur.
- 544 Vel, quando testi opponitur excommunicatio, ob quam sit vitandus.
- 545 Item, quando periculum est, quod testes reprobatorii aliorum, postea non amplius sint reperiendi in fine litis.
- 546 In arbitrio Iudicis est positum, exceptiones testium statim admittere ad probandum, vel earum discussionem reservare in finem litis.  
Materia de Testibus multum est arbitraria. Ibidem.
- 547 Non possum reprobare testem, quem induxi pro me, nisi nova causa supervenerit.
- 548 Ne quidem in alio iudicio.
- 549 Etiam si ipso postea usus non sim.
- 550 Ex causa de novo superveniente possum reprobare testem antea a me productum.
- 551 Ac etiam ex defectu nunc primum cognito, quo antea testis laborabat.  
Paria sunt, non esse, et non apparere. Ibid.
- 552 Possum reprobare dicta testis a me producti, quando sunt sibi contraria, vel aliunde eorum falsitas ostendi potest.
- 553 Testes probatorii, reprobatorii, et Testes reprobatorii reprobatoriorum; qui?
- 554 Testes probatorii possunt reprobari per alios Testes reprobatorios; et hi rursus mediantibus aliis, sive per Testes reprobatorios reprobatoriorum; sed non ultra. Et num. seqq.
- 555 Infinitas est vitanda, et reprobat a Jure.
- 556 Licet testes reprobatorii reprobatoriorum non possint reprobari per novos testes, possunt tamen reprobari per instrumenta.
- 557 Modus in reprobatione testium probatoriorum, et reprobatoriorum observandus, in quo consistat? Et num. seqq.
- Non sufficit dicere in genere, quod v. g. testis sit criminarius; sed oportet crimen specificè exprimere, et cur? Ibid.
- 558 Qui producit testes reprobatorios reprobatoriorum, debet jurare, quod ad hoc ex malitia non procedat.  
Et quid dicendum de prima reprobatione testium? Ibid.

## §. XVII.

De Exceptionibus contra Testes proponendis, horumque reprobatione.

## SUMMARIUM.

- 534 Exceptiones, quae testibus possunt obijci, sunt triplicis generis. Et num. seqq.
- Potest opponi contra personas testium. Ibid.
- 535 Contra examen testium.
- 536 Et contra dicta testium.  
Testes extra Articulum deponentes, nullam fidem faciunt. Ibid.
- 537 Exceptiones contra personas testium sunt opponendae ante publicationem attestatorum, exceptis tribus casibus; et quibus?
- 538 Si quis protestatus est exceptionem proponere contra personam testis, tunc testi in favorem ejus deponenti de facili non creditur.
- 539 Exceptiones contra dicta testium, et contra eorum examen, opponuntur post publicationem attestatorum.

Quaeritur I. Quotuplicis generis exceptiones possunt testibus opponi, et quando proponendae? 534

Resp. I. Exceptiones, quae testibus obijci possunt, sunt triplicis generis. Ita Pirhing h. t. numer. 239. post Nitropium in Process. Judic. tit. 9. cap. 6. Idque patet inductione. Primo enim potest excipi contra personas testium; opponendo videlicet ipsis, quod vel omnino, vel saltem respectu talis causae, inhabiles sint ad ferendum testimonium: et de hoc fere dictum fuit supra d. §. 2. usque ad §. 7.

Secundo potest excipi contra examen testium: 535

opponendo videlicet, quod non sit legitime factum. Idque vel ex defectu jurisdictionis, si nimirum ab incompetente Iudice testes fuerint examinati: puta, Clerici a Iudice saeculari sine consensu proprii Episcopi, can. Quamquam. 11. q. 2. Vel quia testes producti, et recepti fuerunt ante litem contestatam, seu adversa parte non citata, sive post tertiam productionem non observata solenniter.



tate Legali, aut post jam didicita testificata, sive non jurati, aut non singillatim, sed simul plures admissi, ac hujusmodi: de quibus etiam fuisse dictum extitit supra §. 13. et 15.

536. Tertio potest accipi contra depositiones, seu dicta testium; ut quia deposuerunt contraria, obscura, incerta, vacillantia, non verisimilia, non congruentia facto, vel penitus falsa: aut quia deposuerunt singularia, vel non addita causa suae scientiae, aut saltem non idonea, et hujusmodi; de quibus pariter jam dictum est §. 9. 10. et seq. Huc accedit quando testibus objici potest, quod dicta eorum sint impertinentia, sive data extra Articulos: nam, quod testes extra Articulum interrogati, seu deponentes, nullam fidem faciant, eo quod deponent non jurati, desumitur ex c. *De testibus*: ac notat Glossa *ibid.* §. *Non jurati*. et Abbas nu. 1. h. t. Jason l. *Si duo patroni*. §. *Idem Julianus*. num. 26. et seqq. ff. *de Jurejurand.* Cuius lib. 1. *Practic. Observ.* §. n. 4. Pirhing h. t. n. 239. et alii.

537. Resp. II. Exceptiones contra personas testium sunt opponendae ante publicationem attestationum: his autem publicatis regulariter non potest amplius aliquid objici in personas testium. Ita textus in c. *Praesentium*. 31. h. t. Alioquin enim praesumptio foret, quod quis malitiose velit nunc testes reprobare, postquam vidit, seu ex publicatis attestationibus cognovit, quod contra eum deposuerint, prout notat Abbas *ibid.* num. 2. Additur vero regulariter: fallit enim hoc in tribus casibus, qui referuntur in cit. c. *Praesentium*. h. t. et sunt sequentes. I. Si quis cum juramento firmaverit, quod ad hoc ex malitia non procedat. II. Si forsitan ante publicationem id fuerit protestatus. Et hic est casus caeteris frequentior: formam autem talis protestationis ponit Speculator tit. *de Teste*. §. *de Testium reprobatione*, n. 3. III. Quando quis ostendere poterit, quod post publicationem attestationum primum, non autem antea didicerit, quod objicit in personas. Et hoc ultimum (inquit Glossa *ibid.* §. *Didicerit*) est difficile probare, nisi per juramentum.

538. Ubi tamen notandum est, quod si quis ante publicationem attestationum protestatus fuerit, se velle contra personam alicujus testis exceptionem proponere, ipsamque reprobare; tunc non facile credendum sit dicto talis testis, si forsitan is in favorem protestantis deposuerit. Textus est in cit. c. *Praesentium*. h. t. ibi: *Si quid pro ipso dixerint* (nempe pro protestante) *de facili non credatur*. Ubi Glossa *fin.* et Abbas *ibid.* num. 12. et alii plures ly, *de facili*, exponunt pro ly, *nullo modo*: vel saltem (quod probabilius est) ut sensum faciat, *Non credatur de facili*; videlicet, sine aliis adminiculis: quod postea Judicis arbitrio relinquitur. Ratio hujus est: tum quia protestatio illa debilitat dictum testis, dum exinde oritur praesumptio contra ipsum, quod in favorem protestantis aliquid dixerit ex timore criminis, aliquando sibi ab eo objiciendi, si quid contra eum diceret. Tum quia is, qui noluit dictis illorum testium fidem haberi contra se, etiam non debet habere pro se, arg. c. *Cum olim*, 19. *de Consib.* ubi quis ex eo, quod studuit impugnare, non debet beneficium consequi; eam similibus.

539. Resp. III. Exceptio contra dicta testium est opponenda post publicationem attestationum: neque enim antea norunt partes: qui testes deposuerint; ac proinde, quid in eorum dictis sit reprobandum. Engel h. t. §. 4. nu. 52. Idemque, servata proportionem, dicendum de exceptionibus contra examen testium: nam et haec tunc primum opponi valent, quando examine illo testium productio alteri parti innotescere potuit, istud se non citata, vel alias

illegitime fuisse attentatum, et factum.

Quaeritur II. Utrum exceptio contra personas 540 testium sit dilatoria, impediatque examen testium? Resp. I. Exceptio contra personas testium proprie non est dilatoria, nec peremptoria, sed participat de utraque. Ita Abbas d. c. *Praesentium*. numer. 1. h. t. Pirhing h. t. num. 244. Ratio est: quia imprimis ea proprie non est dilatoria: nam exceptio dilatoria differt, seu impedit processum super negotio principali ad tempus, §. *Appellantur*. *Instit. de Exception.* debetque ante litem contestationem opponi, c. *Inter Monasterium*. 20. *de Sentent. et re judicat.* et L. ult. C. *de Exception.* Exceptio autem contra personas testium potest etiam post litem contestatam opponi; imo et quandoque post publicationem attestationum, ut proxime dictum. Nec proprie est peremptoria: quia exceptio peremptoria est actionis exclusio, L. 1. et 2. ff. *de Exception.* et semper agentibus obstat cit. §. *Appellantur*. *Instit. eod.* Hoc autem non facit exceptio contra personas testium; ergo. Remanet proinde, quod exceptio, quae fit contra testes, participet de utraque: nisi cum Glossa in c. *Ex parte A.* §. *Testes idoneos*. *de Testib.* Abbate c. *Finem litibus*. numer. 11. *de Dolo et contumac.* atque Barbosa cap. 1. num. 7. h. t. exceptionem illam, quae opponitur contra testes, malueris appellare quasi peremptoriam: quia, licet directe non perimat intentionem adversarii, perimit tamen ipsam per obliquum; dum sublata probatione per testes, jus ipsius remanet inutile, non probatum.

Resp. II. Exceptio contra personas testium regulariter non impedit examen illorum, sed reservatur 541 examinanda seu disputanda in finem litis. Ita Glossa in c. *Ex parte* §. *Infames*. et ibi Jo. Andreas num. 1. et 16. Abbas num. 3. Baldus numer. 11. Felinus num. 12. h. t. Socinus *de Fallent.* reg. 129. Mascardus *de Probatione* Concl. (35). num. 1. Pirhing h. t. numer. 247. Farinacius *de Testib. quaest.* 62. numer. 350. allegans plurimos alios. Idque desumitur ex *Auth. Si testis*. C. h. t. ubi decernitur, quod propter exceptionem, quae objicitur in personam testis, non differatur ejus testimonium; sed dictae exceptionis probatio, et examinatio in tempus disputationis (hoc est, post publicationem attestationum) sit differenda: nisi pro opponente sit de jure praesumptio, vel talis aperta probatio, quae testimonium etiam latum penitus evertat: prout limitat Baldus in *Summario* *ibid.* Accedit ratio: quia statim disputando de inhabilitate testium, quae nondum est aperta, sed longiori indiget examine, multum protraheretur lites, et quandoque inutiliter: cum contingere possit, quod in progressu appareat, Judicem etiam sine testimonio illorum testium, quibus aliqua exceptio objicitur, ex aliis depositionibus, et probationibus, posse sententiam ferre. Sufficit ergo, in fine disputare de inhabilitate testium, quando id opus esse videbitur; eaque probata respuere testimonium illius testis.

Disitur tamen in data Conclusionem, regulariter. 542 Patitur enim haec Regula suas limitationes. Et primo quidem, quando pro opponente simul stat juris praesumptio: ut si contra testem opponatur, quod sit Servus, sicque inhabilis ad testificandum; et testis fateatur, se fuisse Servum, nunc autem esse Libertinum, sive manumissum: quia tunc non admittitur ad testificandum, nisi prius exhibeat instrumentum sive manumissionis; stat enim praesumptio juris contra ipsum, utpote manumissionem non praesumentis, donec probetur. *Authent. Si testis*. C. h. t. Socinus cit. Reg. 129.

- fallent. 3. Farinacius d. quaest. 62. num. 356. et alii.
543. Limitatur secundo, quando notorius est defectus, qui testi obicitur; aut si huic opponitur crimen publicum, et manifestum; vel saltem in contumaciam offeritur ejus. probatio: quia talis exceptio impedit examen testium, illiusque probatio statim est admittenda, nec reservatur in finem litis: et si Judex noluerit eam admittere, licite appellatur. Casus est in cit. c. Ex parte. 7. h. t. ubi Summarium, et Abbas num. 8. Felinus num. 15. Menochius de Arbitrar. Judic. lib. 2. cas. 239. numer. 12. Farinacius d. quaest. 62. n. 358. et 362. allegans plurimos alios. Id ipsum desumitur ex cit. Auth. Si testis. C. h. t.
544. Limitatur tertio, quando opponitur testi excommunicatio, ob quam sit vitandus: quia talis exceptio impedit receptionem, atque examen illius testis, propter periculum communicationis cum excommunicato; atque ideo statim est de inquirendum de veritate dictae exceptionis. Jo. Andreas cit. c. Ex parte. num. 15. et Abbas ibid. num. 8. h. t. Socinus cit. Reg. 129. fallent. 4. Mascardus cit. Concl. 695. nu. 3. istud probans ex c. Pia. de Exception. in 6. Pirhing n. 259. et alii.
545. Limitatur quarto, quando periculum est, quod testes reprobatorii aliorum, contra quos proponitur exceptio, postea non amplius sint reperiendi in fine litis; ut quia sunt senes, infirmi, vel in remotas regiones abituri: tunc enim exceptio contra testes opposita non reservatur in finem litis, sed impedit examen testium, donec de ea cognoscatur. Jo. Andreas loc. cit. n. 16. et Abbas d. num. 8. Socinus cit. Reg. 129. fallent. 5. Farinacius d. quaest. 62. n. 363. allegans alios.
546. Tacentur nonnullae aliae limitationes, apud Auctores proxime relatos videndae: qui tandem concludunt, in arbitrio Judicis esse positum, an pensatis variis circumstantiis, quae hinc inde possunt occurrere, velit exceptiones contra testes oppositas statim admittere ad probandum, vel potius eorum discussionem reservare in finem litis: nam praesens materia de Testibus, multum est arbitraria, l. 3. ff. h. t. Quod si vero Judex non arbitratbitur ut bonus vir, poterit ab eo appellari. Abbas cit. n. 8. vers. Quare concludo, et alii.
547. Queritur III. A quo possint, vel non possint reprobare testes, aut dicta eorum? Resp. I. Etsi Reus possit reprobare testes Actoris contra se inductos, et e contra, ostendendo ipsorum inhabilitatem, dummodo eos antea necdum approbaverit, ut est extra controversiam, testem tamen, quem induxit pro se, non potest amplius reprobare, sed tenetur eum admittere contra se, nisi nova causa supervenerit. Ita Glossa in c. Praesentium. §. Si quis. et Jo. Andreas ibid. n. 10. et Abbas n. 6. h. t. Speculator tit. de Teste. §. de Testium reprobatione, n. 5. et alii. Ratio est: quia, cum quis producit testem pro se, hoc ipso approbat personam illius: ergo contra personam ejus (nisi ex nova causa emergente) nihil amplius potest opponere; sicque tenetur eum etiam contra se admittere: nam, quod semel placuit, amplius displicere non potest, juxta Reg. 21. Juris in 6. cum similibus, Acredit textus in l. Si quis testibus. C. h. t. proxime referendus.
548. Ampliatur haec Conclusio, ut etiam in alio iudicio non possim reprobare personam testis, quem semel pro me induxi, nisi ex nova causa. Textus est expressus in cit. l. Si quis testibus. C. h. t., quae est canonizata in can. Si testes. §. Si quis testibus. 4. q. 3. quo utroque in loco sic legitur: Si quis testibus usus fuerit, si demum testes in alio iudicio (seu in alia lite) producantur, non licebit ei personas eorum excipere: nisi ostenderit, inimicitias inter se et illos postea emersisse, ex quibus testes repellere Leges praecipunt etc. Haec ibi.
- Et quamvis allegatus textus loquatur in casu, quo quis testibus usus fuerit: hoc ipsum tamen censent Doctores esse dicendum etiam tunc, quando quis testes pro se produxit, etiamsi iis postea usus non sit; forte, quia non potuit, vel eorum testimonio non indiguit. Quia hoc ipso, quod istorum testimonio uti voluerit, sicque eos produxerit, censetur approbasse personam illorum: unde redit allata ratio, seu ne quis reprobet, quod autem approbavit. Jo. Andreas, et Abbas, ubi supra num. 7. et alii.
- Caeterum limitatio illa, nisi ostenderit inimicitias inter se et illos postea emersisse etc. merito extenditur ad omnes alias causas de novo supervenientes, quibus de jure potest persona testis repelli; ut puta, si postea testis ille factus sit infamis, perjurus etc. Tunc enim possum exinde ipsum repellere, haud obstante, quod antea eum pro me induxerim, juxta textum relatum ex cit. l. Si quis testibus. C. h. t.
- Atque hoc ipsum est dicendum de aliis hujusmodi defectibus postea primum cognitis, quibus testis productus antea laborabat, sed a producente ignorabatur. Abbas cit. num. 7. asserens, ejusmodi ignorantiam posse probari juramento: quod ipsum tradit Felinus c. Pastoralis. de Exception. et favet textus c. Nulli licere. 8. de Election. in 6. Siquidem quantum ad propositum, paria sunt, non esse, et non apparere, l. In lege fundi. juncto Summario. ff. de contrahend. emption.
- Resp. II. Etsi personam testis, quem induxi pro me, non possim amplius reprobare absque nova causa, ut dictum; possum tamen reprobare dicta ejus, quando video, quod sibi sint contraria, vel aliunde eorum falsitas ostendi potest. Ita Glossa in cit. l. Praesentium. §. Si quis. et Jo. Andreas ibid. num. 8. et 12. et Abbas num. 7. in fin. h. t. et alii. Ratio diversitatis est: quia, qui producit testem, censetur nosse: et approbare personam ejus; sicque contra hanc non potest amplius excipere, nisi nova supervenerit causa: non autem is novit, neque divinare potuit, quid testis sit dicturus; atque ideo dicta ipsius reprobare potest, ostendendo eorum contradictionem, falsitatem etc. Sicut in simili potest quis appellare a sententia illius, quem impetravit in iudicem, c. Causam quae. 14. de Sentent. et re judicat. et l. Ex consensu. ff. de Appellat. licet personam ejus, quam suo consensu jam approbaverat, amplius repudiare, seu recusare non possit, nisi nova causa superveniente, c. Insinuante. 25. de Offic. Delegat. cum similibus.
- Queritur IV. Qua ratione litigum sit reprobare testes probatorios, et reprobatorios? Ubi praenotandum, quod Testes probatorii dicantur illi, qui super negotio principali producantur ad probationem illius. Testes reprobatorii vero appellantur, qui ab altera parte producantur ad reprobandum, seu refutandum personas, aut dicta illorum testium probatoriorum: ut puta, probando per eos, quod testes illi probatorii sint servi, infames etc. aut quod eorum depositio sit contradictoria, falsa etc. sicque ipsi nihil probent. Testes reprobatorii reprobandorum tandem vocantur illi, qui vicissim producantur ad reprobandum personas, aut dicta praefatorum testium probatoriorum. Hoc praenotato.
- Resp. I. Testes probatorii, seu producti super probatione causae principalis, possunt reprobare per alios testes reprobatorios a parte adversa productos; ac etiam hi ipsi rursus possunt reprobare mediantibus aliis, sive per testes reprobatorios reprobandorum: ultra vero, hoc est, contra testes istos repro-

hitorios reprobatoriorum, non est permissum alios testes reprobatorios producere. Ita habetur decisum in *c. Licet dilectus*, 49. h. t. ac notat ibi Summo-  
 ximus, Innocentius, Jo. Andreas, Abbas, Barbosa, et communis aliorum. Ratio est: quia reprobatio testium, siue repulsa ipsorum ob suam inhabilitatem, seu falsitatem, est quaedam defensio, si enim non liceret uni parti, testes ab altera parte productos reprobare, saepe veritas succum-  
 beret, ac per falsos testes opprimeretur; cap. 2. h. t. et l. *Eam testes*. C. cod. Ac proinde, ut aequalitas servetur in judiciis, merito tam Actori, quam Reo permittitur reprobare iam testes probatorios super principali negotio ab altera parte productos, tum etiam horum reprobatorios: Ita ta-  
 men, ut hic, siue in tertia productione testium priores reprobantium, utrobique datur status.

555 Et merito hic datur status: *Ne, si produendi quatuor contra tertios, et sic deinceps partibus licen-  
 tia tribuatur, negotium diutius protelari contingat*; prout loquitur Pontifex cit. *c. Licet dilectus*, h. t. Quia tunc daretur processus in infinitum, nec esset aliquis finis litium, partibus semper in nova repro-  
 batione ulteriorum testium occupatis. Infinitas au-  
 tem est vitanda, inquit Glossa *ibid.* §. Quor. id probans *c. l. Ut inter divinum. C. de Sacrosanct. Ec-  
 cles.* ut pote quae reprobatur a Jure, *c. Cum in mal-  
 tis. de Rescript.* in 6. juncta Glossa §. *Multis*. fu-  
 sius istud exemplificante.

556 Dicitur notanter in Conclusionem, ultra vero non est permissum, alios testes reprobatorios producere. Licet enim testes secundo reprobatorii (hoc est, reprobatorii reprobatoriorum) non possint repro-  
 bari per novos testes; bene tamen possunt iidem reprobari per instrumenta: ut inquit Jo. Andreas in *cit. c. Licet dilectus*, num. 4. et Abbas *ibid.* nu. 3. et Imola *col. 2. h. t.* et Pirhing *cod. n. 253*. Tum quia in *cit. c. Licet dilectus*, h. t. solum prohibetur, ne fiat tertia reprobatio per testes: atqui in materia odiosa, ut est praesens, nominè testium non vocantur instrumenta. Tum quia in simili, post publicatio-  
 nem attestationum non est licitum novos testes pro-  
 ducere; bene tamen possunt produci instrumenta de novo reperta, *c. Cum dilectus*, 9. de Fide instru-  
 ment. estque jam dictum supra Tit. praeced. §. 6. numer. 149. et 150.

557 Resp. II. Modus in reprobatione testium proba-  
 toriorum, et reprobatoriorum observandus, traditur in cap. 2. §. *Testes etiam*, h. t. in 6. et consistit potissimum in sequentibus. Primo, ut fiat singillatim specificatio criminum, et aliorum obsectorum, seu de-  
 fectuum, qui forsitan productis testibus objici pos-  
 sunt, suntque tales, ut illi idcirco testes esse pro-  
 hibeamur; prout explicat Glossa *ibid.* §. *Et alio-  
 rum*. Unde non sufficit tantum in genere dicere,  
 quod testis, qui ab altera parte productus fuit,  
 sit criminosus, vel aliunde inhabilis ad testifican-  
 dam: sed oportet, crimen illud, vel alium de-  
 fectum singillatim, ac specificè exprimere. Alio-  
 quin enim opponens crimen sub tali generalitate,  
 posset postea variare: ac cognito, quod nunc cri-  
 men probare nequiret, aliud fraudulentè obficere,  
 sicque negotium protrahere in infinitum: quod est  
 absurdum. Simile quid habetur *c. Ut crimen. de  
 Election.* in 6. ubi pariter appellantes contra ele-  
 ctionem, tenentur exprimere omnia, quae inten-  
 dunt obficere contra personam Electi, vel formam  
 electionis.

558 Secundo, quod is, qui producit testes repro-  
 batorios reprobatoriorum, prius praestet juramen-  
 tum, quod ad hoc ex malitia non procedat. Ita lo-  
 quitur textus in *cit. cap. 2. in fin. h. t. in 6.* Ubi  
 Glossa §. *Juramentum*, quærit rationem disparita-

tis, cur in prima reprobatione testium probato-  
 riorum, non exigatur juramentum, bene tamen  
 in secunda, per quam testes reprobatorii repro-  
 bantur. Et respondet, disparitatem esse: quia  
 potius praesumitur, malitiam intervenire in repro-  
 batione testium reprobatoriorum, quam in repro-  
 batione probatoriorum, seu super principali ne-  
 gotio productorum: quamquam hoc ipsum sit in  
 potestate Judicis; adeo, ut in prima etiam repro-  
 batione possit exigere juramentum, si ita sibi vi-  
 debitur, cap. 2. §. *fin. de Jurament. calumn.* in 6. et  
 illud in secunda omittit, si sibi videbitur.

## TITULUS XXI.

De Testibus cogendis, vel non.

1 Ratio continuationis Rubricarum.

Quia praecedenti Titulo visum est de Testibus  
 et attestationibus; et dubitari posset, an quis  
 invitatus possit ad testificandum cogi, nec no, meri-  
 to praesens Rubrica subjungitur: quae cum duplex  
 membrum contineat, pariformiter duobus Paragra-  
 phis declarabitur. Unde sit

§. I.

Quo modo, et poena, quibusque in causis  
 Testes cogendi sint?

## SUMMARIUM.

- 2 Testes auctoritate publica sunt citandi, vocato  
 etiam adversario.
- 3 Regula est, quod si testes legitime citati ve-  
 nire, aut testificari nolint, per Judicem com-  
 pelli possint.
- 4 Officium testium est publicum, vel quasi pu-  
 blicum.
- 5 Alias rationes afferuntur, cur teste quandoque  
 cogantur ad testificandum.
- 6 Testes non illico compellendi sunt, sed debet  
 praecedere monitio.
- 7 Nisi eorum testimonium mox a principio sit  
 necessarium.
- 8 Testes admoniti, et testificari recusantes, com-  
 pellendi sunt pro qualitate Fori.
- 9 Namque de Jure Canonico, per censuras Eccle-  
 siasticas.
- 10 Et de Jure Civili, pignora capiendo, vel mul-  
 ctam imponendo.
- 11 Qui subtrahit testes a testificando, potest ex-  
 communicari.
- 12 Et puniatur poena extraordinaria, tanquam  
 contemptor Judicis.
- 13 An etiam teneatur poena Falsi? Et num. seq.
- 14 Testes continentur appellatione instrumentorum.  
 Et num. praeced.
- Proprio tamen aliud sunt Instrumenta, aliud Tes-  
 tes. *Ibid.*
- 15 Subtrahens adversario instrumenta, vel testes,  
 ex hoc solo causam non perdit: ostendit tamen,  
 quod iniquam foveat causam. Et num. seq.
- 16 Haec praesumptio, quid operetur?
- 17 Certum est, in causis civilibus posse testes cogi ad  
 testificandum, nisi reperiantur privilegia.
- 18 De Jure Civili etiam in causis criminalibus co-  
 gendi sunt testes.
- 19 An idem sit dicendum de Jure Canonico, va-  
 riant Doctores.
- 20 Secundum Canones, in causis criminalibus re-



gulariter testes non possunt cogi: Et num. seqq.

- 21 Peccatum fratris tacere, non est peccatum, sed meritorium; et quando?
  - 22 Vel maxime testes non sunt cogendi, quando agitur de probando crimine occulto.
  - 23 Vel quando ex tali depositione grave periculum, v. g. capitalis inimicitiae imminet testi.
  - 24 In certis casibus, etiam de Jure Canonico, coguntur testes ferre testimonium in causis criminalibus. Et num. seqq.
  - 25 Ut, quando veritas aliter haberi non potest.
  - 26 Vel, quando adversa pars malitiose impedit testimonium productionem.
- Item, quando ipsimet testes sese subtrahunt timore, gratia, vel odio. Ibid.
- 27 Et in criminibus summa perniciosa Haeresis, laesae Majestatis etc. Et num. 22.

2. Queritur I. An, et quomodo, quibusque poenis testes cogi possint ad ferendum testimonium? Antequam respondeatur, est supponendum, quod testes auctoritate publica, hoc est, a Judici, vel de ejus mandato per publicam personam, ad ferendum testimonium judiciale citari debeant: ita tamen, ut simul vocetur, seu admonetur adversarius ad veniendum, et audiendum testimonium juramentum: vel etiam ad opponendum contra eorum personas, si quid forsitan habuerit, quod testibus objicere, sicque eos reprobare possit: prout uberius Tit. praeced. diversis in locis dictum est. Quia vero nonnunquam contingit, quod testes legitime citati, vel odio producentis, vel gratia, aut timore illius, contra quem producuntur, sese subtrahant; et vel penitus comparere recusent, vel saltem in tali causa, et contra talem personam testificari nolint: hinc quaestio remanet, an, et quomodo, quibusque poenis testes cogi possint ad ferendum testimonium. Quo praenotato

- 3 Resp. I. Regula est, quod si testes legitime citati venire, aut testificari nolint, per Judicem tum Ordinarium, tum Delegatum, ad testificandum compelli valeant. Ita textus expressus in cap. 1. h. t. ubi Pontifex sic loquitur: *Mandamus, quatenus testes ab alterutra partium in suae assertionis testimonium invocatos, ne veritatem occultent, diligentius maneant, et inducas. Si autem odio, vel gratia, vel timore se subtrahant, eos ad ferendum testimonium coram praefatis Judicibus, vel eorum nuncio, quem ad hoc miserint, Ecclesiastica districtione compellas.* Haec ibi. Atque ideo hanc Regulam tradit Hostiensis in Summa. h. t. n. 1. Speculator Tit. de Teste. §. de Testium compulsionem, n. 3. Sigism. Scaccia lib. 2. de Judiciis, cap. 10. n. 1. Farinacius de Testib. quaest. 78. n. 57. citans alios.

4 Accedit ratio: quia officium testium, est officium publicum, arg. L. 1. ff. de Testib. et notat Baldus ad Rubric. h. t. n. 1. Mascardus de Probat. quaest. 5. Proem. n. 48. Vallensis h. t. n. 1. Vel saltem, ut inquit Jo. Andreas ad Rubric. h. t. officium testium est quasi publicum: sive, ut inquit Innocentius in c. Nihil ad fin. de Election. et Abbas ad Rubric. h. t. et cap. ult. n. 3. eod. est publicum in se. Atqui ad officium publicum compellitur interdum quis invitatus, et cum ab initio, juncta Glossa §. Cogat. ff. Quomodo testament. aperiunt. cum similibus: neque enim juri publico quis renunciare potest, c. Si diligenti. de Foro compet. ergo.

5 Confirmatur. Tum quia testes quandoque cogi ad interrogandum, exigit bonum commune, et publica necessitas seu utilitas Reipublicae, ut hac ratione praecaveatur malitiae hominum caeteroquin plures fraudes criminalesque perpetrantium, quae occulta remanerent, et quandoque testes cogi valerent: seu, ne veritas

occultetur, et ne malus at bonus aestimetur, prout habetur can. Quamquam. 14. q. 2. et cit. cap. h. t. Tum quia ex eo, quod quis non vult ferre testimonium, praesumitur contra ipsum, quod veritatem, quam novit, velit odio, gratia, vel timore occultare: sicque merito compellitur ad eam detegendam. Tum tandem, quia officium testium adeo est necessarium, ut quis etiam removeatur a munere judicandi propter actum testificandi, c. Dilacto. 46. de Testib. ubi Judici delegato substituitur alius, eo quod pars litigans illius testimonio indignisset: nam, ut inquit Abbas ibid. num. 3. facilius reperiuntur centum Judices, quam unus testis.

6 Resp. II. Testes recusantes ferre testimonium, non illico, et ex abrupto compellendi sunt, sed necesse est, ut praecedat monitio. Ita textus in cit. cap. 1. h. t. ibi: *Diligentius maneas, et inducas:* ac notat Abbas ibid. num. 1. Felinus num. 1. Farinacius de Testib. quaest. 78. num. 55. allegans alios. Concordat textus in c. Super eo. 3. In 1. illis verbis: *Testes, qui interfuerunt facto, monendi sunt, non cogendi ad ferendum testimonium veritati.* Ubi Glossa §. Non cogendi, hoc intelligit, a principio primo enim sunt monendi, et postea cogendi, inquit Glossa. Nec immerito: quia non statim debet Index fulminare minitendo excommunicationem, sed mitius procedendo, prius monere, donec crescente contumacia testis, et graviora Juris remedia procedere oporteat.

7 Limitat tamen istud Abbas in cit. cap. 1. num. 1. h. t. et post ipsum Farinacius, ubi supra, numer. 56. nisi testimonium illorum testium mor a principio fuerit necessarium: ut puta, quia factum aliter probari non potest; vel quia Index est remotus a partibus, nec iudicium de facili potest geminari. Tunc enim non est opus, praemittere aliam monitionem; sed poterit Index statim a principio praecipere testium comparitionem, atque depositionem, etiam sub conditione fulminando censuras Ecclesiasticas. Idque desumit Abbas loc. cit. ex cap. 2. h. t. ubi ita videtur practicum a Pontifice in casu, quo testimonium quorundam fuerat necessarium pro decisione causae tunc existentis.

8 Resp. III. Quod si admonitio testibus facta de aperienda veritate non prosit, sed ipsi jam admoniti adhuc testificari recusent, tunc testes (extra casus in Jure privilegiatos) sunt compellendi pro qualitate Fori. Ita communis: et patet ex Juribus illico allegandis.

9 Et quidem de Jure Canonico testis monitus, eo interrogatus, si odio unius, vel gratia aut timore alterius partis (quod juxta Glossam in c. Super eo. §. Timore. h. t. fieri praesumitur, nisi privilegium, aut ipsam impedimentum allegare valeat) testimonium ferre recusaverit; Ecclesiastica districtione compelli debet, cap. 1. h. t. et cap. 2. et 6. Pervenit ad nos. 5. eod. ibi: *Sunt per censuram Ecclesiasticam compellendi.* Id est, Clericus: in talem vocatus, et contumaciter non comparens, imprimis compellitur sub poena suspensionis: deinde, quia crescente contumacia crescere debet et poena, cogitur sub poena excommunicationis: et tandem sub poena depositionis, juxta textum in cit. cap. 2. h. t.

10 Porro de Jure Civili, testis auctoritate Judicis compelli debet venire in iudicium, atque testimonium perhibere: quod si facere contemnat, pigora ejus erant capienda, et distrahenda; vel ipse multatus, seu bonis extraordinario coerebatur, donec veniat, et respondeat: ut L. 1. §. Post editum. ff. de Ventre inspiciend. ubi Glossa §. Et multis. Bartolus, et alii: et sequitur Vallensis h. t. n. 2. de quo tamen Civilistae. Verum occasiones horum,

- 11 Quæritur II. Qua poena puniatur, ille qui subtrahit testes a testificando, et: an idcirco perdat causam? Resp. I. Qui subtrahit testes adversario suo, puta, impediendo, ne testimonium contra ipsum ferant, aut per vim occultando eos domi, ne non testificentur, potest excommunicari. Ita textus in *c. Constitutis*. 45. et Jo. Andreas, et Abbas in *Summario ibid. de Testib.* Farinacius *de Testib. quaest.* 78. num. 138. et alii; estque jam dictum supra *Tit. præcod.* §. 18. num. 431. et seqq. ubi generaliter dicitur, posse excommunicari eos, qui partem impediunt, in producendis testibus.
- 12 Resp. II. Insuper subtrahens testem adversario suo, puta, per vim eum domi occultando, ne testificetur, puniatur poena extraordinaria ad motum Judicis, tanquam contemptor ipsius. Ita desumitur ex *c. Pervenit ad audientiam*. 4. h. t. ubi dicitur, quod subtrahens adversario testem, *experi debet in se Judicis auctoritatem elusam*; hoc est, quem suo facto eludebat: ac notat Baldus in *c. Pervenit. il.* 1. num. 2. et Felinus *n.* 3. h. t. Farinacius *cit. quaest.* 78. n. 138. allegans alios.
- 13 Dices. Qui subtrahit, seu furatur instrumenta, ut veritas non appareat, tenetur poena Falsi, *l. Eum qui. C. Ad Leg. Cornel. de Falsis*: atqui subtrahens testes, hoc ipso subtrahit instrumenta; ergo is tenetur poena Falsi, et consequenter non sola poena extraordinaria, seu arbitraria. Min. probatur ex textu *cit. c. Pervenit ad audientiam*. h. t. ubi Pontifex attendendum censet, quod nemo debet adversario instrumenta (quorum appellatione testes continentur) subtrahere. Resp. Majorem esse veram de instrumentis proprie dictis: ut sunt Tabulae testamentariae, de quibus in *cit. l. Eum qui*, sit mentio: secus dicendum de Testibus.
- 14 Ad probationem negatur consequentia. Quia, licet testes nomine Instrumenti contineantur, ut inquit textus allegatus; possintque dici Instrumenta, saltem in lata significatione, quatenus deserviunt ad instruendam causam, non minus, ac instrumenta, *l. In exercendis. C. de Fide instrument.* sicque instrumentis aequiparentur, *c. Forus*. juncta Glossa *q. Testibus, et fide tabularum. de Verb. signif.* Nihilominus proprie loquendo, ac in materia strictae interpretationis (qualis est ista, imponens subtrahentibus instrumenta poenam Falsi) aliud sunt instrumenta, et aliud testes. Unde in simili videmus, quod post publicationem attestationum possint produci instrumenta, non vero testes, *c. Cum dilectus. 9. de Fide instrument.* Ita Abbas in *c. Pervenit. il.* 1. num. 2. et Baldus *ibid. n.* 2. et Felinus *ibid. n.* 3. h. t. Farinacius *cit. quaest.* 78. n. 134. et alii.
- 15 Resp. III. Licet is, qui subtrahit adversario instrumenta, vel testes, ostendat iniquam a se litem moveri; sicque oriatur contra eum praesumptio, ac proinde testes sint compellendi ad dicendam veritatem: nihilo minus subtrahens testes ex hoc solo non perdit causam, si de justitia sua aliunde doceat. Ita Glossa *fn. l. Providendum. C. de Postuland.* loquens in simili casu, quo quis adversario subtrahit copiam Advocati. Abbas in *cit. c. Pervenit. il.* 1. num. 2. Jo. Andreas *ibid. num.* 5. et Felinus *num.* 3. h. t. Farinacius *de quaest.* 78. nu. 141. et seqq. citans alios, nonnullis tamen exceptis. Et quidem prior pars constat ex textu *cit. c. Pervenit. il.* 1. h. t. Ratio vero posterioris partis est: quia nullo Jure reperitur tantum, quod subtrahens testes, in poenam hujus delicti perdat causam; ergo nec est asserenda talis poena, sed sufficit poena arbitraria, vel etiam excommunicatio ipsi infligenda, donec dimittat testes ad libere ferendum testimonium.
- 16 Quia tamen contra talem oritur praesumptio ju-

ris, quod foveat iniquam litem, *cit. c. Pervenit. il.* 1. sensu. *Pervenit ad audientiam*. 4. h. t. Hinc imprimis merito testis ille compellendus est ad detegendam fraudem, et calliditatem illius, qui eum voluit subtrahere; prout loquitur textus *ibid. in fn.* Deinde debet testis ille deponere super causa principali, ne veritas occultetur: imo, et inquit Abbas *ibid. num.* 2. post Innocentium, potest etiam ad hoc compelli. Tandem, si non constet de justitia causae ex parte subtrahentis testes, sed de ea remaneat dubium, tunc praesumitur, quod subtrahens ille foveat injustam causam; et sic, loquendo de causa civili, amittit ipsam ex tali praesumptione. Farinacius *loc. cit. num.* 143. Quin etiam in criminalibus praesumptio delicti oriens ex subtractione testimonii contra subtrahentem, transfert in ipsum onus probandi eam innocentiam; alias condemnabitur, juxta Hostiensem *cit. c. Pervenit. il.* 1. h. t. *et c. h. t.* quem sequitur Farinacius *d. q. 78. num.* 148.

Quæritur III. Utrum non solum in causis civilibus, sed etiam in criminalibus, testes sint cogendi ad perhibendum testimonium? Resp. I. Certum est, quod in causis civilibus testes possint compelli ad testificandum, nisi reperiantur expresse privilegiati, de quibus §. *seq. n.* 28. et seqq. Ratio est: quia Jura hactenus allegata ad minimum procedunt in causis civilibus, idque patet ex *cap. 1. et 6. h. t.* ubi sermo est de causa matrimoniali, et consanguinitate probanda. Item ex *cap. 2. et 3.* juncta Glossa *fn. eod.* ubi clare habetur, in causis civilibus posse cogi testes; cum similibus.

Resp. II. Utrum in causis criminalibus cogendi sint testes, variant Doctores. Et quidem loquendo de Jure Civili, Regula est affirmativa, quod videlicet quilibet possit cogi ad ferendum testimonium, nisi reperiat exceptiones. Ita desumitur ex *l. Si quando. C. h. t.* juncta Glossa *ibid. q. Causis*; quae istud ulterius probat ex eo: quia cum quidam excusentur, ut inviti non dicant testimonium, *l. 4. et seqq. ff. de Testib.* consequens est, alios ad hoc compelli. Atqui ideo hanc sententiam in Jure Civili esse expeditam, eamque servari de consuetudine, asserit Jul. Clarus in *Praxi Crimin. lib. 5. §. fn. quaest.* 24. numer. 21. et Sigism. Scaccia *cit. lib. 2. de Judiciis. cap. 10. num.* 12. allegans Capellam Tholosanensem *Decis.* 413. in *fn.* Follerum in *Pract. crimin. can. Rubr. Testibusque diligenter examinatis*, *cap. 8. n.* 5. et n. 34. et alii.

Verum loquendo de Jure Canonico, diversae sunt Doctorum sententiae. Et quidem affirmativam sententiam, seu spectato etiam Jure Canonico testes in criminalibus cogi posse ad testificandum, originaliter docuit Hostiensis in *Semma h. t. numer.* 2. appellans falsam opinionem Doctorum antiquorum, negativam tenentium. Zoesias *nu.* 2. h. t. rationem datur, quod Reipublicae intersit crimina sciri, ne maneant impunita. Et hujus sententiae multum favet Glossa *fn. in c. Dilactorum. vers. In contrarium. h. t.* ipsamque in praxi hodie esse receptam, refert Scaccia *cit. cap. 10. num.* 16. Jul. Clarus *de quaest.* 24. num. 21. in *fn.* Barbosa *c. Dilactorum. numer.* 4. h. t. et Farinacius *cit. quaest.* 78. num. 120. in *fn.* ubi num. 116. pro hac sententia plures alios Doctores allegat. Negativa contra sententiam, abstrahendo a speciali locorum, seu Tribunalium consuetudine, videtur Juri conformior, atque magis recepta inter Canonistas doctrius, quamquam etiam ipsa quaedam patiatur limitationes. Unde

Resp. III. Secundum Sacros Canones, in causis criminalibus regulariter testes non possunt cogi ad testificandum. Ita Glossa *c. Super eo. q. Passim*.

et c. *Pervenit ad nos*. §. *Recusant*. et c. *Dilectorum*. §. *Super criminibus*. h. t. Speculator tit. de Testes. §. de Testium compulsionibus. n. 4; lxxviii. cap. 11. n. 2. h. t. Abbas cit. c. *Dilectorum*. n. 3. eod. Pirhing h. t. n. 11. et seqq. Farinacius cit. quaest. 78. numer. 115. allegans plurimos alios, hancque appellans communem opinionem Canonistarum. Atque pro hoc Regula facit textus in d. c. *Dilectorum* 10. h. t. illis verbis: *Testes, qui fuerint nominati, praeterquam super criminibus (si se gratia, odio, vel timore subtraxerint) per censuram Ecclesiasticam cogatis veritati testimonium perhibere*. Ubi exceptio illa, praeterquam super criminibus, firmat regulam in oppositum. Concordat c. *Ex parte*. 7. de Testib. juncta Glossa fin. ubi dicitur, quod in crimine probando, testes sunt monendi, non cogendi.

- 21 Accedit ratio: quia peccatum fratris tacere, non est peccatum. (saltem regulariter, et quando sine periculo dissimulari potest) imo est laudabile, ac meritorium arg. can. *Si peccaverit*. 2. quaest. 1. Simulque in infamiam alterius nemo facile debet prosilire, arg. can. *Ex merito*. et can. *Summa iniquitas*. 6. q. 1. ergo multo fortius nemo debet ad hoc compelli.

- 22 Atque haec Conclusio, vel maxime procedit, quando agitur de probando crimine occulto: quia tunc multo minus testes cogendi sunt, per Jura proxima allegata, juncto c. *Super eo*. 3. h. t. ubi dicitur: *Verum si non est notorium — testes qui interfuerunt facto, monendi sunt, non cogendi etc.* ac notat Jo. Andreas c. *Dilectorum*. n. 11. vers. *In occultis*. h. t. hinc excipiens crimina occulta perniciose; ut est Haeresis, dilapidatio, et hujusmodi. Farinacius d. *Quaest.* 78. n. 121. allegans alios.

- 23 Atque id ipsum incunctanter etiam est dicendum, quando ex depositione super crimine alterius grave periculum, v. g. capitalis inimicitiae, imminet testis: quia tunc non debet Judex eum cogere. Baldus c. *Dilectorum*. n. 6. et Felinus ibid. num. 3. h. t. Menochius de Arbitrar. Judic. lib. 2. cas. 487. n. 3. et seqq. qui tamen extra tale periculum arbitrantur, testem esse cogendum ad testificandum etiam in criminalibus favore Reipublicae, ne crimina maneat impunita. Rationem dant: quia nemo potest cogi testificari in praedictum suorum consanguineorum, vel affinium, l. *Lago Julia*. ff. de Testib. cum concordantia: ergo multo minus, aequitate naturali sic suadente, cogitur quis testificari in praedictum proprium adeo magnum, quale est inimicitia capitalis, quae ex testimonio in causa capitali conaugere solet, arg. c. *Cum P.* 10. de Accusat.

- 24 Resp. IV. Patitur nihilo minus data Conclusio, quasdam limitationes, atque in certis casibus testes etiam de Jure Canonico coguntur ferre testimonium in causis criminalibus. Ita Abbas c. *Dilectorum*. n. 6. h. t. nonnullas tales limitationes assignans; et subiungens, promptam esse, hoc modo Jura Juribus concordare. Farinacius cit. c. *quaest.* 78. nu. 122. et 124. ac seqq. et alii.

- 25 Sin imprimis testes ad testificandum compellantur, quando veritas aliter haberi non potest: et hoc non solum in civilibus, sed etiam in criminalibus, textus est in c. *Pervenit ad nos*. 5. juncto Summario, et Glossa §. *Ecclesiasticis* h. t. ubi in causa injuriarum enormium Clericis illatarum illi, qui testificari recusant, si aliter veritas nequiverit elici, ad illud sunt per censuram Ecclesiasticam compellendi Abbas cit. c. *Dilectorum*. n. 1. h. t. Pirhing eod. n. 13. Socinus in *Fallentiis*, reg. 47. fallent. 1. Farinacius d. *quaest.* 78. n. 124. allegans plurimos alios.

- 26 Quando testes in criminalibus compelluntur testi-

fieri, quando adversa pars malitiose impedit eorum productionem, c. *Pervenit ad audientiam*. 4. h. t. Item, quando ipsimet testes sese subtrahunt timore adversae partis, c. *Super eo*. 3. eod. quem timorem eo ipso praesumi, quod quis monitus sit, et nolit testificari, censet Glossa in cit. c. *Super eo*. §. *Timore*. Idemque dicendum, quando testes sese subtrahunt non solum timore partis adversae (ut vult Abbas in cit. c. *Super eo*. n. 2.) sed etiam gratia, vel odio aliquo; ut c. *Cum contra*. 9. et cap. ult. h. t. ubi expresse dicitur, testes etiam in criminalibus, ut pote de quibus ibidem agitur, esse cogendos ad perhibendum testimonium veritati, si se gratia, odio vel timore subtraxerint: haud obstante, quod in cit. c. *Super eo*. eod. de solo timore fiat mentio. Farinacius cit. *quaest.* 78. num. 126. cum plurimis aliis.

Insuper in crimine Haeresis, laesae Majestatis, 27 Conjuracionis, Simoniae, aliisque hujusmodi gravissimis, summeque perniciosis criminibus compelluntur testes, haud obstante, quod simus in criminalibus: telia enim crimina nequeunt dissimulari, neque relinqui in summam perniciem Communitatis, can. *Si quis per capillum*. 22. q. 1. et cap. ult. h. t. cum similibus. Baldus ad Rubric. h. t. num. 2. Jo. Andreas d. c. *Dilectorum*. num. 11. h. t. Socinus cit. reg. 417. fallent. 3. Pirhing h. t. num. 19. Farinacius d. *quaest.* 78. num. 184. et seqq. allegans alios, et de singulis talibus criminibus specialiter differens: quamquam num. 199. recte subjonget, quod ubi agitur causa sanguinis, tunc Clerici sint excipiendi, nec cogendi ad ferendum testimonium, propter periculum irregularitatis: estque jam dictum supra Tit. praeced. §. 6. num. 170. et 171.

## §. II.

De Personis privilegiatis, vel non, a ferendo testimonio.

## SUMMARIUM.

- 28 Plures sunt Personae privilegiatae a ferendo testimonio. Et num. seqq.  
29 Ut Parentes, et Liberi adversus se.  
30 Agnati, et Cognati usque ad tertium gradum.  
31 Agnati, et Cognati, qui, et quomodo differant.  
32 affines, qui sibi instar parentum, et liberorum sunt, inviti non coguntur adversus se testimonium perhibere; et quales illi sint.  
33 Differentia inter Agnatos et Affines, et inter Parentes et Liberos quoad hoc.  
34 Quando veritas aliter haberi nequit, possunt Agnati et Affines cogi ad ferendum testimonium.  
35 Adhuc tamen est disparitas inter privilegiatos, et non privilegiatos; et qualis?  
36 Inviti non coguntur ferre testimonium Senes, valetudinarii, milites etc.  
Et in quo sensu?  
37 Clerici in certis casibus non coguntur testificari.  
38 Utrum Clericus possit compelli ad ferendum testimonium contra suam Ecclesiam? Et ratio dubitandi ac negativam tenendi.  
39 Quando Ecclesia producit Clericum pro se in testem, tenetur is etiam testificari contra eam.  
40 Sed si producit ab adversario, timetque sibi de damno aliquo, potest se Clericus excusare a ferendo tali testimonio.  
41 Extra hos casus, si non adsint alii testes, compellitur Clericus perhibere testimonium veritati, etiamsi cederet in damnum Ecclesiae.  
42 Solvuntur rationes dubitandi.  
43 Potest cogi ad testificandum, qui juramento se ob-



*strinxit ad nihil dicendum, nec testificandum.*

43 *Et hujus ratio.*

45 *Imo talis potest testificari nulla praevia subjuramenti absolute.*

*Quamvis hanc praemittere, sit consultum. Ibid. et num. 48. et 49.*

46 *Juramentum de non testificando, est contra bonos mores, sicque non obligat. Et num. 44. et 47.*

47 *Declaratur istud in crimine Simonias.*

48 *Et conjunctionis, seu conspirationis subditiarum contra Praelatum suum.*

49 *Et in inquisitione super reformatione Monasterii.*

50 *Atque in Denunciationibus matrimonialibus.*

*Consciis impedimenti matrimonii tenetur istud denunciare, etiam si sub secreto acceperit, vel etiam sub juramento, ne quid dicat. Ibid.*

38 **Q**ueritur I. Quenam sint personae privilegiatae; ita ut non possint cogi ad ferendum testimonium? Resp. I. Plures esse tales personas.

29 **E**t imprimis excipiuntur Parentes et Liberi, qui non solum non coguntur inviti adversus se dicere testimonium, sed ne quidem volentes admittuntur, l. *Parentes. C. de Testib.* quae est canonizata in can. *Si testes. §. Parentes. 4. q. 3.* ubi dicitur: *Parentes, et liberi invicem adversus se nec volentes ad testimonium admittendi sunt.* Et merito: ne quoquo modo vel pietas in liberis (sub his quoscunque descendentes comprehendendo) vel charitas in parentibus laedatur, si adversus se testari eos contingat. Concordant dicta superius, *Tit. praeced. §. 5. numer. 144. et seqq.* ubi plura de hoc.

30 **D**einde Agnati, et Cognati, non possunt compelli ad testificandum contra suos Consanguineos usque ad tertium gradum inclusive. Glossa *fin. in can. Consanguinei. 3. q. 5. Abbas c. Litteras. num. 8. vers.* Et quod dixi de Praesumption. Mascardus de Probation. *Concl. 74. numer. 3.* Farinacius de Testib. *quaest. 54. num. 23.* allegans alios. Id quo desumitur ex *L. 4. ff. de Testib.* quae est canonizata in can. *Si testes. 4. q. 3. §. Lege Julia publicorum:* ubi cavetur, ne consanguinei inviti cogantur adversus se dicere testimonium usque ad *Sobrinum et Sobrinam, Sobrinove natum;* quos tertio gradu secundum Canones ab invicem distare, constat ex Arbore Consanguinitatis.

31 **U**bi sciendum, quod Agnati dicantur illi, qui propter virilis sexus cognationem sunt conjuncti: adeoque eodem nomine Gentilitio, Familia, et Insigniis utuntur. Cognati autem vocantur, qui per foeminei sexus cognationem sanguine iunguntur; prout habetur *§. 1. Instit. de legitima Agnator. tutel. et l. Sunt autem agnati. ff. de Legitimis tutorib. et l. Inter agnatos. ff. Unde legitimi.* Quamvis in hoc ultimo loco addatur, quod Cognatorum nomen latius pateat: adeo, ut Agnati etiam censentur Cognati, sed non e contra: prout v. g. omnis emptio est pactum, sed non e contra: cum pactum sit genus respectu emptionis, ut exemplificat Glossa *ibid. §. continentur.*

32 **I**nsuper Affines, qui sibi instar parentum et liberorum sunt, ut Socer, Gener, Vitricus, Privignus, inviti non compelluntur adversus se testimonium perhibere, *cit. L. 4. ff. de Testib. et can. Si testes. 4. q. 3. §. Lege Julia publicorum,* quo utroque in loco etiam subjungitur, *Generi appellatione, Sponsum filiae quoque contineri; item Soveri, sponsae patrem.* Et merito tales personae sunt privilegiatae, ne cogantur adversus se dicere testimonium: quia durum, et naturali affectioni contrarium esse dignoscitur, ut quis invitatus contra suum sanguinem, vel affinitatem adeo conjunctum, atque in praes-

judicium ipsius, passim compellatur ferre testimonium.

Est tamen differentia inter Agnatos et Affines, 33. ac hujusmodi, et inter Parentes et Liberos. Nam hi non solum non possunt cogi, sed neque volentes admittendi sunt ad testificandum contra se, *cit. l. Parentes. C. h. t.* Illi vero, licet non cogantur inviti, tamen volentes admittuntur. Vallensis *N. t. num. 6.*

Deinde dictum illud, quod Cognati, et Affines, 34. non cogantur adversus se dicere testimonium, procedit quidem regulariter: fallit tamen, quando veritas aliter haberi non potest. Nam, ubi ob defectum aliarum probationum, sive testium, veritas aliunde nequit haberi, cessat harum personarum privilegium: atque possunt eadem cogi ad ferendum testimonium in subsidium etiam contra se invicem: idque publicae utilitatis causa, quae privato affectui praeferrenda est. Ita desumitur ex *c. Pervenit ad nos. 5. h. t. ibi: Si aliter veritas nequiverit elici:* juncto *cap. ult. eod. ibi: Ne pro defectu testium pereat sua justitia;* cum similibus: ac notat Hostiensis in *cap. 1. num. 2. et Jo. Andreas ibid. num. 5. et Abbas n. 4. et Felinus n. 8. h. t. Vallensis eod. n. 7. Farinacius cit. quaest. 78. n. 77. et n. 108.* allegans plurimos alios.

Neque hinc inferre licet, quod frustraneum sit 35. harum personarum privilegium. Resp. enim cum Jo. Andrea, et Abbate, *ubi supra,* et aliis, adhuc disparitatem esse inter privilegiatos, et non privilegiatos: nam non privilegiati possunt compelli ad ferendum testimonium hoc ipso, quod nominantur, seu in testes vocantur, et moniti testificari recusant, etiamsi veritas aliunde haberi possit. At vero personae privilegiae non coguntur, nisi ubi per alios nequit veritas apparere: ut *can. Quamquam. 14. q. 2. ubi Glossa §. Occultetur,* inquit, *istud esse regulare, quod in defectum probationum quilibet possit cogi, ut c. Pervenit ad nos. 5. de Testib. cogend.* Nam qui veritatem occultat, peccatum committit mortale, *can. Quisquis metu. 11. q. 3. ut loquitur Glossa in cap. 1. §. Occultent. h. t.*

Rursus inviti testimonium dicere non coguntur 36. Senes (id est, majores septuaginta annis: ut *L. 1. G. Qui aetate etc. et L. 3. ff. de Jure immunit.*) item valetudinarii, milites, vel illi, qui cum Magistratu Reipublicae causa absunt, vel quibus venire non licet, *cit. can. Si testes. 4. q. 3. §. Inviti. et L. 8. ff. de Testib.* juncto Glossa *ibid.* Quod tamen intelligendum est, non quod tales simpliciter exempti sint a ferendo testimonio: sed ne inviti longius evocentur ad Judicem. Idque merito statutum est, partim propter eorum impotentiam, qualem reperitur in senibus, et valetudinariis, ac hujusmodi; partim propter occupationem, qua detinentur Milites, et alii Reipublicae causa absentes: et hinc, quando vocantur in testes, ad ipsorum domum pro recipiendo testimonio suo mittenda est, *o. Si qui testium. 8. de Testib.*

Tandem, ut omittantur nonnulli alii, de quibus 37. fit mentio in saepe *cit. can. Si testes. 4. q. 3.* Clerici in certis casibus, ac praesertim in causa sanguinis propter periculum irregularitatis, non coguntur testificari; prout uberius jam dictum est *Tit. praeced. §. 6. num. 170.* Et multo minus possunt iidem ferre testimonium super auditis in confessione, propter sigillum ipsius; estque amplius dictum *Tit. 18. De Confessis. §. 6. n. 133.* Verum occasione horum

38 **Q**ueritur II. Utrum Clericus, ab alio invocatus, possit compelli ad ferendum testimonium contra suam Ecclesiam? Ratio dubitandi, ac negati-

vam. tenendi est: quia Clericus, qui contra Ecclesiam, a qua Beneficium obtinet, pro extraneis Advocatus, vel Procurator esse praesumpserit; potest tanquam ingratus Beneficio hujusmodi spoliari, per textum expressum in *cap. ult. de Postulando*: idem ergo dicendum de testimonio adversus Ecclesiam suam ferendo. Accedit, quod nemo cogatur esse testis in praedictum fratris, et cognatorum suorum, *L. 4. ff. de Testib. et can. Si testes. §. Lego Julia publicorum. 4. q. 3.* ergo nec Clericus in praedictum suae Ecclesiae: quia nulla ejus proximior videtur, quam Ecclesia sua, quae ipsam Domino sociavit, *c. Presbyteri. 2. de Poenis*. Tandem, nemo debet petere ab adversario suo propria instrumenta, *cap. 1. de Probation. et can. Si testes. §. Qui intendit. 4. q. 3.* ergo neque Actor potest exigere probationes, seu attestationem fieri sibi per Clericum Ecclesiae, contra quam agit. Verum his in suo robore relictis,

39. Resp. I. Quando Ecclesia producit Clericum pro se in testem, tunc is, quando rei veritas ita exegerit, tenetur etiam testificari contra Ecclesiam. Ita Glossa *c. Cum nuncius. 12. §. Repellendi.* et Abbas *ibid. num. 2. de Testib.* et alii. Ratio est: quia testis pro utraque parte tenetur deponere; ac dicere veritatem, *can. Non sane. 14. q. 5.* ac proinde hoc ipso, quod Ecclesia inducat pro se testem Clericum, tenetur ipsum recipere contra se, *can. Si testes. §. Si quis testibus. 4. q. 3.* cum concordantibus.

40. Resp. II. Quod si vero Ecclesia non produxit Clericum illum pro se in testem, sed inducit ab adversario, tunc Clericus ille, quando timet aliquod damnum temporale, vel spirituale inde sibi imminere, puta a populo, vel alio potentiore, potest se excusare a ferendo tali testimonio. Ita Baldus in *cit. c. Cum nuncius. num. 1. de Testib.* id probans ex eo: quia, si non cogitur quis in praedictum fratris, vel consanguineorum ferre testimonium, *L. 4. ff. de Testib.* cum similibus; ergo multo minus cogetur illud dicere in praedictum tam grave sui ipsius.

41. Resp. III. Extra hosce casus est distinguendum: quia aut reperiuntur alii testes, per quos veritas haberi potest: et non compellitur Clericus testificari contra Ecclesiam, juxta textum notabilem in *can. Quamquam. 14. q. 2.* et favent rationes dubitandi proxime allatae: aut non adsunt alii testes, per quos veritas aperitur, et tunc compellitur Clericus perhibere testimonium veritati, etiamsi cederet in aliquod damnum Ecclesiae. Ita Glossa *un. in cit. c. Cum nuncius.* et Abbas *ibid. num. 4. de Testib.* et alii. Ratio est: quia in defectu probationum cessat omne privilegium, ne veritas occultetur, et injustitia soveatur, *cit. can. Quamquam. 14. q. 2. et cap. 1. juncta Glossa §. Occultent. h. t. et c. Pervenit ad nos. 5. eod.* cum similibus. Majorque debetur reverentia veritati, quam Ecclesiae: praesertim, cum iniquum sit, Ecclesiam contra aliam injuste locupletari, vel manuteneri, atque cum gravi alterius laesione veritatem opprimi. Accedit, quod Clericus possit testificari in favorem Ecclesiae suae, *cit. c. Cum nuncius. 12. de Testib.* estque amplius dictum *Tit. praec. §. 7. num. 197. et seqq.* ergo sequum est, ut pro manutenenda veritate etiam contra eam testificari valeat, saltem in subsidium, seu quando alii testes non adsunt: puta, quando ipse adfuit contractui per Oeconomum nomine Ecclesiae celebrato cum aliquo Laico, qui soluta jam pecunia urget ejus observantiam, nec aliter nisi per Clericum potest probare celebrationem illius, aut solutionem pecuniae a se jam factam.

Nec urgent rationes dubitandi *num. 38. allatae.* 42. Non quidem *cap. ult. de Postuland.* Quia ibi sermo est de monere Advocati, vel Procuratoris: quorum prius aliunde Clericis prohibitum est, *cap. 1. de Postuland.* posterius autem nemo invitus suscipere compellitur, *l. Invitus. C. de Procuratorib.* Secus est dicendum de testibus, quos cogi posse ad ferendum testimonium, praesertim ubi veritas aliunde haberi non potest, patet ex toto hoc Titulo. Ad secundam dicitur, etiam Cognatos et Affines cogi ad ferendum testimonium, quando aliter veritas haberi non potest, ut dictum *num. 34.* unde ista ratio militat in oppositum. Ad tertiam dicitur, ipsam procedere in instrumentis, non in testibus, horumque attestatione; cum proprie nomine instrumenti non veniant, ut dictum *num. 14.* Accedit, quod res, seu causa Ecclesiae, non sit res vel causa Clerici: unde requirendo Clerici testimonium contra Ecclesiam, in defectum aliarum probationum, neutiquam petuntur instrumenta e domo adversarii.

Quaeritur III. An possit cogi ad testificandum, qui Juramento se obstrinxit ad nihil dicendum, seu non testificandum? Resp. I. Non obstante juramento, quo testis juravit, se nihil dicturum, neque depositurum in judicio, potest is ad testificandum compelli. Ita textus in *c. Pervenit ad audientiam.* et Glossa *ibid. §. Juramento astrinxit.* et Abbas *num. 2. h. t. Mascardus de Probat. quaest. 5. Prooem. num. 47. 48. et seqq. ubi num. 49.* Istud extendit ad eum casum, quo quis sub juramento promisit alicui non revelare arcanum sibi privatim commissum; nam si producat in testem, tenetur (inquit) illud detegere. Farinacius *de Testib. quaest. 78. numer. 49.* allegans plurimos alios. Concordat *cap. ult. h. t. et c. Constitutis. 40. de Testib.* ubi testes inducti ad jurandum, ne adversus Archiepiscopum aliquid dicerent, denunciantur juramento hujusmodi non teneri.

Accedit ratio: quia tale juramentum est temerarium, et contra bonos mores praestitum; estque vinculum iniquitatis, ne scilicet veritas manifestetur, et iuxta sententiam sequatur: atqui non est obligatorium contra bonos mores praestitum juramentum, juxta Reg. 58. Juris in 6. Confirmatur: quia simpliciter jurans de non revelando, vel intendit comprehendere casum testimonii judicialis non ferendi; et illicitum fuit juramentum, utpote factum contra jus Superioris, *c. Venientes. 19. de Jurjurand.* Vel non intendit, nec cogitavit casum illum comprehendere; et sic juramentum illud ad talem casum non extenditur, et consequenter hic et nunc non obligat, *can. Humanas aures. 12. q. 5.* Ita argumentatur Abbas in *cap. ult. numer. 3. h. t.* et post ipsum Mascardus *cit. quaest. 5. numer. 50.* et concordant proxime dicenda *num. 46.*

Resp. II. Post ejusmodi juramentum de non testificando factum, potest quis in testem vocari, ac judicialiter deponere jussus, nulla alia praevia illius juramenti absolutione testificari, quamvis, si juramentum illud sit publicum, consultius sit, absolutionem ad cautelam ab eodem petere, vel saltem, ut Index prius declaret nullitatem ejus. Ita Glossa in *cap. ult. §. Sacramento absolvant.* et Abbas *ibid. numer. 3. h. t. Vallensis eod. numer. 3. Pirhing numer. 19. Mascardus cit. quaest. 5. numer. 48. et 54. Farinacius id. quaest. 78. numer. 150. et 151. et alii.* Et quidem consultius esse, talem absolutionem ad cautelam, seu declarationem nullitatis juramenti praemittere, non est, cur negetur: idque convincunt Jura, et rationes in progressu adducendae.

46 Prior autem pars ex eo probatur. Tum quia tale juramentum non est obligatorium, utpote praestitum contra bonos mores: unde absque ullo periculo perjurii potest quis ipsi contravenire, c. *Quanto*. 18. de *Jurejurand.* Tum quia in omni juramento praeter alias condiciones, de quibus jam dixi in *Theologia Morali. Tract. 6. Distinct. 2. num. 23.* tacite subintelligitur conditio illa, *si potero* (quia ad impossibile, de jure vel facto, nemo tenetur, juxta *Reg. 6. Juris in 6.* juncta Glossa, et D.O. *ibid.*) et, *salvo jure, et auctoritate Superioris*; prout liquet ex c. *Venientes*. 19. de *Jurejurand.* Atqui tale juramentum est observatu impossibile saltem de jure; cum sit vinculum iniquitatis, et contra bonos mores; simulque praesudicat juri Superioris, nempe Judicis publica auctoritate constituti, et juridice interrogantis; ergo.

47 Utraque haec Conclusio declaratur exemplis. Sic in c. *Constitutis*. 45. de *Testib.* ubi testes aliqui leguntur antea fuisse inducti ad jurandum, ne quid dicerent contra Archiepiscopum de Simonie crimine accusatum, hoc non obstante coguntur testificari: jubetque Papa Judici a se Delegato, ut illos, quos jurasse constiterit, quod contra Archiepiscopum nihil dicerent, denunciet juramento hujusmodi non teneri. Quae posteriora verba clare indicant, juramentum ejusmodi ipso jure fuisse invalidum, veluti contra bonos mores praestitum: quia Pontifex non mandat suo Delegato, ut illos a suo juramento prius absolvat; sed solum, ut denunciaret illos suo juramento non teneri.

48 Deinde in cap. ult. h. t. compelluntur testes ad manifestandam veritatem conjurationis, seu conspirationis subditorum contra suum Praelatum, etiam si prius juraverint eam celare, et nullatenus manifestare: ita tamen, ut prius illi, quorum interest, per censuras Ecclesiasticas cogantur, ut testes illos ab hujusmodi juramento absolvant. Ubi tamen Glossa & Juramento absolvant, et Abbas *ibid.* numer. 3. alique notant, quod absolutio illa, seu relaxatio juramenti non fuisset necessaria, sed potius sit facta ad cautelam: qua ratione quandoque aliquos absolvi ad cautelam, ut possint testificari, patet ex c. *Veniens ad Apostolicam*. 38. in fin. de *Testib.*

49 Simile quid habetur c. *Pervenit ad audientiam*. 4. h. t. et c. *Olim*. 26. de *Accusation.* ubi in inquisitione super reformatione Monasterii jubentur omnes Regulares deponere, juramentis, si quae de tacenda veritate Abbas extorserat, relaxatis, ut loquitur textus. Quamvis enim talia juramenta ipso jure non teneant, utpote praestita contra bonos mores: nihilo minus ad cautelam, majorisque securitatis gratia, non immerito prius relaxantur, vel saltem per Judicem prius denunciantur esse invalida, praesertim quando existunt notoria; ne testi illi quoquo modo vitium perjurii obijci valeat, sicque minus valeat testimonium ejus; vel ne ipse Judex perjurium videatur in testem admisisse. Pirhing h. t. num. 18. Farinacius cit. quaest. 78. nu. 150. allegans alios.

50 Hoc ipsum est extendendum ad Denuntiationes matrimoniales. Quando enim quis conscius est alicujus impedimenti, quantumvis illud extra Confessionis sigillum sub secreto acceperit, vel etiam sub juramento, ne quid dicat, nihilo minus tenetur illud denunciare. Sanchez lib. 3. de *mairim. disp.* 13. numer. 5. et 6. citans plures alios. Ratio est: quia secreto commissum tenetur quis manifestare, quoties vergit in damnum publicum Communitatis, vel in grave damnum alicujus tertii, ut inquit D. Thomas 2. 2. q. 70. art. 1. ad 2. ad sequuntur Theologi communiter: praevalet enim bonum

Communitatis, nec habet quis jus ad tuendam famam suam cum tam gravi damno proximi. Atqui istud contingit in impedimento matrimoniali secreto cognito, ut pote quod, si non denunciatur, vergit tam in praesudicium alterius conjugis bona fide contrahentis; tum in irreverentiam Sacramenti Matrimonii, invalide, vel saltem illicite contracti: imo etiam tendit in gravissimum spirituale damnum contrahentia cum tali impedimento, ut pote non solum mortaliter peccantis, sed etiam in spectum periculum permanendi in concubinato sese conjicientis; ergo.

## TITULUS XXII.

De Fide, instrumentorum.

## 1. Ratio continuationis Rubricarum.

Scriptura jurat ad probationem actus, licet ad ejus substantiam non semper requiratur. *Ibid.*

V. iso in praecedentibus duobus Titulis de prima specie probationis, quae fit per Testes, sequitur nunc de altera, quae fit per Instrumenta. Et merito: nam probatio facilius, et securius fit per scripturam, licet haec ad substantiam actus non semper requiratur, l. *Contrahitur*. ff. de *Pignorib.* ibi: *Fiunt enim de his scripturae, ut quod actum est, per eas facilius probari possit: et sine his autem valet, quod actum est, si habeat probationem.*

## §. I.

De Instrumentorum natura et divisione, ac de Instrumento Publico.

## SUMMARIUM.

2. Instrumentorum nomine, large loquendo, ea omnia accipiuntur, quibus causa instrui potest. Etiam testes. *Ibid.*
3. Instrumentum largissimo acceptum, comprehendit etiam utensilia domus etc.
4. Instrumentum stricto, quid?
5. Aliud est publicum, aliud privatum.
6. Instrumentum publicum generaliter, quid, et quae ejus species?
7. Instrumentum publicum specialiter loquendo, quod?
8. Notarius, quis? Vocatur etiam Tabellio, Scriniarius etc. *Ibid.*
9. Instrumentum privatum, quid?
10. Differentia inter instrumenta publica, et privata. Et num. 12. et 186. Instrumentum publicum in prima figura, quod? Num. 10. Probat pleno, etiam absque aliis adminiculis. *Ibid.*
11. Nisi quis possit illud arguere de falso.
12. Instrumenta privata regulariter valent in praesudicium scribentium, non vero ad eorum commodum, nisi aliis adminiculis adjuvantur.
13. Instrumentum authenticum, et non authenticum, quid?
14. Inter instrumentum publicum, et authenticum, an sit differentia? Et num. seqq. Differunt tanquam superius et inferius. *Ibid.*
15. Scriptura authentica magis patet, quam publica. Et num. praeced.
16. Instrumentum publicum, et authenticum, frequenter sumuntur pro synonymis. Et numer. 14.



- 17 *Ad Instrumentum publicum, quae solemnitates requirantur? Et num. seqq.*
- 18 *Debet illud continere invocationem Divini nominis.*
- 19 *Ac in eo apponantur Dominicae Incarnationis.*
- 20 *Item mensis, et dies anni.*
- 21 *Atque Indictio.*
- 22 *Indictionis nomino, quid intelligatur, et unde traxerit originem?*  
*Modus facillimus inveniendi Indictionem cuiuslibet anni. Ibid.*
- 23 *Instrumento publico debet inseri nomen Papae, vel Imperatoris etc.*  
*An etiam nomen Consulis? Ibid.*
- 24 *In eo debet exprimi locus, in quo celebratur contractus in ipso expressus; et quidem locus particularis.*
- 25 *Nomina etiam testium, qui interfuerunt actui, sunt instrumento publico inscribenda.*
- 26 *Testium tamen subscriptio non requiritur.*
- 27 *Ex parte Notarii plura requiruntur ad validitatem instrumenti. Et num. seqq.*  
*Nempe, ut is legitime sit creatus, ac per se sciat actum etc. Ibid.*
- 28 *Notarius debet subscribere nomen suum, addendo, qua auctoritate sit Notarius.*
- 29 *An etiam debeat addere signum sui Notariatus? Narbonae, et in quibusdam locis, hoc non fit. Ibid.*
- 30 *Notarius debet esse rogatus a partibus.*
- 31 *Is attendat, ut semper servet eandem formam subscriptionis etc.*
- 32 *Dictae solemnitates in publicis instrumentis sunt servandae; et cur?*  
*Omissio Solemnitatis de consuetudine requisitae vitiat instrumentum. Ibid.*
- 33 *Notarius, vel alius ad scribendum testamentum alienum vocatus, nequit sibi adscribere haereditatem, aut legatum, sub poena falsi etc.*

2. **Q**uestitur I. Quid, et quotuplex sit Instrumentum?  
Resp. I. Large et generaliter loquendo, Instrumentorum nomine non tantum comprehenduntur scripturae, sed etiam testes, horumque testimonia; imo et omnis alia probatio, per quam causa, et notitia iudicis instrui potest. Et in hoc largiori sensu intelligendum est illud, quod habetur c. *Pervenit ad audientiam*. 4. de *Testib. cogend.* ibi: *Nemo debet adversario instrumenta, quorum appellatione, testes continentur, subtrahere.* Item illud, quod L. 1. ff. h. t. habetur, illis verbis: *Instrumentorum nomine ea omnia accipienda sunt, quibus causa instrui potest; et ideo tam testimonia, quam personae instrumentorum loco habentur.* Quod esse accipiendum in largiori significatione, iam dictum est superius Tit. praec. §. 1. n. 14.

3. Tacetur illa largissima acceptio Instrumenti, qua illud sub se comprehendit etiam utensilia, per quae domus, vel fundus instruitur. In quo sensu de Instrumentis fit mentio L. 1. et l. *Instrumenta*. ac seqq. ff. de *Fundo instructo etc.* et L. 1. et l. *Instrumenti*. ac seqq. ff. de *Supellect. legat.* et c. *Significasti*. 18. §. *An. de Homicid.* ibi: *Ratione instrumenti, cum quo ipse percussit; et alibi.* Verum de instrumento ac largissime sumpto impraesentiarum non est sermo.

4. Resp. II. Instrumentum stricte acceptum, seu quantum attinet ad rubricam praesentis Tituli, illud est, ac scriptura, quae fit ad probationem alicuius rei in futurum faciendam. Ita Abbas ad Rubric. h. t. et alibi passim. Ratio patet ex ipsa diversitate Titulorum, nam si hic appellatione

Instrumentorum, etiam Testes venirent, non debuissent poni Rubrica specialis, sed simul de utrisque agendum fuisset. Atque de Instrumentis in hac postrima acceptione loquendo,

Resp. III. Instrumentum aliud est publicum, aliud privatum: atque de utroque in praesenti Titulo tractatur; uti patet ex c. *Scripta vero* 2. et c. *Imputari*. 13. et c. *Si cautio*. 14. h. t. cum similibus. Porro

6 *Instrumentum publicum generatim dicitur omne illud, quod publicam habet auctoritatem.* Speculator tit. de *Editione instrumentorum*. §. *Nunc descendam*. num. 1. et seqq. ubi plures instrumenti publici species enumerat, videlicet, Instrumentum manu publica, seu publici Notarii confectum, de quo mox plura. Deinde instrumentum authentico sigillo sigillatum; puta sigillo Episcopi, Capituli, vel Principis, aut Magistratus saecularis monitum in rebus ad suum officium spectantibus, cap. 2. juncta Glossa §. *Sigillum*. h. t. quamvis idem Speculator num. 2. notet, tale instrumentum potius dici authenticum, quam publicum. Tertio, instrumentum publicum censetur illud, quod est auctoritate Iudicis exemplatum: ut cap. *penult. et ult.* h. t. et cap. 1. ac seqq. de *Confirmat. util. et l. Publicati*. C. de *Testament.* cum similibus; atque infra §. 2. num. 45. 48. et seqq. amplius dicitur. Quarto, instrumentum dicitur publicum, quod in iudicio scribitur apud Acta publica: ut c. *Quoniam contra de Probation.* et L. ult. C. de *Re judicat.* Quinto, instrumentum dicitur publicum, quod de Archivio publico producitur, arg. can. *Pervenit*. 30. q. 1. et c. *Ad audientiam*. 13. de *Praescript. et Auth.* Ad haec de iis. C. de *Fide instrument.* Addit Speculator loc. cit. num. 3. atque Mascardus de *Probat. quest.* 6. prooem. num. 73. post Innocentium cap. 1. h. t. quod generaliter instrumentum publicum, sive publica scriptura, vel authentica dicatur illa, cui de jure, vel speciali consuetudine creditur. Verum istud duntaxat procedit sumendo instrumentum publicum pro authentico: alioquin vero plura dari instrumenta authentica privata, seu non publica, patebit ex dicendis infra §. 5. num. 143. et seqq.

7 Additur notanter, *Instrumentum publicum generatim etc.* Nam magis communiter, et specialius loquendo, *Instrumentum publicum* appellatur scriptura illa, quae per manum publicam, sive a publico Notario, legitime, et cum debitis Solemnitatibus confecta est. Textus est in cap. 2. juncta Glossa, et DD. ibid. h. t. et *Auth. de Instrumentorum cautelis, et fide*. §. *Sed etsi*. Collat. 6. Atque in hac ultima potissimum acceptione de Instrumento publico in praesenti Paragrapho dicitur.

8 Solum nota, quod *Notarius* (qui cit. cap. 2. h. t. intelligitur per *Manum publicam*, ut explicat Glossa ibid. §. *Per manum*) aliud non sit, quam persona publica a Principe deputata, et sacramento obstricta, ut rationes, et acta in formam publicam redigat. Et hic alio nomine in Jure appellatur *Tabellio*: uti nominatur cap. *penult.* h. t. et *Auth. de Tabellionibus*. Collat. 4. per totum. Item *Scriniarius*, prout nominatur c. *Ad audientiam*. 13. de *Praescript.* et notat Glossa ibid. §. *Scriniarius*. Dicitur etiam *Servus publicus*, L. 2. ff. *Rem pupilli salvam fore*, juncta Glossa §. *Publicum*: quia videlicet est persona publica, cujus officium est inventum ad publicam utilitatem.

9 *Instrumentum privatum contra vocatur illa scriptura, quae fit a privatis personis: et plerumque contra scribentem tantum, variis autem pro ipso fidem facit.* Et huiusmodi instrumentum privatum, seu privata scriptura ad tres species reducitur: quarum prima vocatur *Apocha*, quae datur a parte

parti; atque alio nomine appellatur *Chirographum*, et complectitur sub se *Antapocham*, et *Syngrapham*. Secunda dicitur *Liber rationum*: et tertia *Epistolae*: de quibus, earumque fide, quam faciunt, singillatim plura inferius §. 5. 6. et 7.

10 Solum nota cum Glossa in cap. 2. §. *Authenticas*.

h. t. communiter recepta, notabilem differentiam inter instrumenta publica, et privata. Siquidem instrumenta publica perpetuum habent firmitatem ad damnum et commodum utriusque partis: ut cit. cap. 2. h. t. et can. *Si quis de Clericis*. 12. q. 2. et c. *Cum pridem de Pactis*, cum similibus. Et hinc instrumentum publicum, seu manu publici Notarii confectum, si fuerit in prima figura (hoc est, non cancellatum, non abolutum, non vitiatum, sed absque omni vituperatione; et explicatur *L. ult. C. de Edicto D. Hadriani tollend.*) plene probat, etiam absque aliis adminiculis: prout habetur cit. *L. ult. et d. cap. 2. h. t.* ubi scripta per manum publicam facta plenae firmitatis robur habere noscuntur, etiam si testes inscripti jam decesserint.

11 Intellige, dummodo is, contra quem ejusmodi instrumentum manu Notarii confectum est, non possit illud arguere de falso: puta, probando, quod ille non fuerit legitimus Notarius, vel quod in confectione illius instrumenti crimen falsi commiserit. Hoc tamen asserenti, incumbit defectus ejusmodi probandus: nam instrumentum praesumitur verum, validum et solemne, donec probetur contrarium, arg. l. *Cum precibus. C. de probat.* Baldus c. *Illud. n. 7. de Praesumpt.* Mascardus de *Probat. Concl.* 907. n. 1. et seqq. citans alios.

12 Econtra vero instrumenta privata valent quidem regulariter in praepjudicium illorum, qui ea scripserunt, l. *Generaliter. ff. de non numerat. pecun. et l. Publica Maevia §. fin. ff. Deposit.* Ad commodum vero eorum non valent, nisi aliis adminiculis adjuvantur, l. *Instrumenta. et l. Rationes. et l. Exemplo. C. de Probation.* atque amplius declarabitur, simul et limitabitur infra §. 6. per totum.

13 Resp. IV. Ulterius instrumenta alia sunt authentica, alia non. *Instrumentum authenticum*, seu *Scriptura authentica* dicitur, quae per se fidem facit: sive id contingat ob interventum publici Notarii, sive ex appositione sigilli authentici, sive alio modo; ita quod ad sui validitatem non requirat aliud adminiculum. Unde vocatur *authenticum*, quasi ex se auctoritatem habens, ut inquit Abbas cap. 1. n. 2. h. t. Econtra *Instrumentum non authenticum* dicitur, quod ex se, ac seclusis aliis adminiculis non facit fidem, plenamque probationem. Occasione cujus

14 Queritur II. An sit differentia inter Instrumentum publicum et authenticum? Resp. I. Etsi inter instrumentum publicum, et authenticum, possit notari aliqua differentia, in effectu tamen perum interest: ac frequenter publica et authentica instrumenta, sumuntur pro synonymis. Ita Abbas in cit. cap. 1. num. 7. h. t. dicens, quod omnia scriptura publica est authentica: sed non omnis authentica, est publica: habent enim se, ut superius et inferius. Haec ille. Id ipsum tradit Innocentius in c. *Scripta vero.* 2. num. 1. h. t. asserens, quod omnia scripta publica possint dici authentica, sed non econtra; quia se habent ut excedentia, et excessiva. Baldus ibid. n. 8. Engel h. t. n. 2. Saneig eod. cap. 2. num. 1. et alii. Ratio prioris partis est: quia magis communiter per *Instrumentum publicum*, intelligitur illa scriptura, quae confecta fuit a publica persona, scilicet a Notario cum solemnitatibus a Jure requisitis. Econtra vero per *Instrumenta authentica* intelliguntur ea, quae ex se fidem faciunt: sive ex appositione sigilli authentici, puta Episcopi, vel Principis

saecularis, cui creditur de consuetudine: sive alio modo, ita ut ad sui validitatem non requiratur aliud adminiculum. Unde patet, quod differat velut excedens et excessum, seu tanquam superius et inferius; atque instrumentum publicum sit etiam authenticum, sed non econtra omne authenticum sit publicum.

15 Accedit, quod scripturae illae, quae originaliter sunt privatae, pluribus modis possint roborari; ita ut recipiant authenticationem, atque authentica evadant, plenamque fidem faciant, sicut scriptura publica: et consequenter scriptura authentica magis patet, quam scriptura publica. Antecedens probatur inductione. Sic enim scriptura, caeteroquin privata, seu non confecta manu publici Notarii, dicitur authentica, quando ipsi appositum est sigillum authenticum; puta, Episcopi, Capituli, vel alicujus Principis saecularis cap. 2. juncta Glossa §. *Sigillum h. t.* Item, quando habet tria testimonia viventium subscriptionem, l. *Scripturas. §. fin. C. Qui potiores in pignore etc.* Insuper scriptura privata, redditur authentica per subscriptionem auctorum partium: ut sit in contractibus, aliisque scriptoris facientibus pro utraque parte: imo et per subscriptionem illius solius partis, contra quam facit: ut in donatione, deposito, ac hujusmodi, l. *In donationibus. C. de Donation.* Jo. Andreas in *Addit. magna ad Speculatorem, tit. de Instrumentorum editione. §. 7. Nunc dicendum. vers. Tertium supplementum.* Tacentur nunc alii modi, quibus scripturae privatae authenticantur, atque infra §. 5. n. 143. et seqq. ex professo declarabuntur.

16 Altera pars datae conclusionis, scilicet, in effectu parum interesse inter Instrumentum publicum et authenticum, ex eo patet: quia hoc ipso, quod Instrumentum authenticum ex se fidem faciat, jam illud perpetuae firmitatis est, fidemque meretur omnium; non obstante, quod a publico Notario cum requisitis solemnitatibus confectum non fuerit. Atque ideo Speculator tit. *de Instrument. editione. §. Nunc dicendum. n. 1.* pro eodem accipit *Instrumentum publicum, seu authenticum*: ac frequenter haec duo accipi pro synonymis, fatetur etiam Pax Jordanus tom. 3. tit. *de Fide instrument. num. 5. ac 13.* Et quia haec videtur esse questio de nomine, non expedit eidem diutius immorari.

17 Queritur III. Quae solemnitates requirantur ad Instrumentum publicum? Resp. I. Loquendo de Instrumento publico specialius accepto, seu manu publici Notarii confecto, plures solemnitates de jure, vel consuetudine, ad illud requiruntur. Ita Speculator cit. tit. *de Instrumentorum editione. §. 1. num. 1. et seqq.* Abbas cap. 1. num. 3. h. t. Mascardus de *Probat. quaest. 6. prooem. num. 80. et seqq.* Covarruvias *Pract. quaest. cap. 20. nu. 1. et seqq.* Engel h. t. sect. 1. et communis. Idque probatur inductione, declarando singulas solemnitates, quae eo adhibendae sunt.

18 Et primo quidem, oportet, ut Instrumentum publicum contineat invocationem Divini Nominis, per ly, *In Nomine Domini, Amen: In nomine Sanctissimae et Individuae Trinitatis.* Atque haec solemnitas desumitur ex can. *In Nomine Domini. dist. 23. et can. In Nomine Patris. dist. 73.* ubi Pontifex in publico instrumento legitur usus tali invocatione Divini Nominis: juncta *Auth. Ut praeposatur nomen Imperatoris documentis. Collat. 5.* ibi: *Auctore Deo*: et id ipsum probat consuetudo, quae viget hodie, sique est observanda. Quanquam sollemnitas hujus omisio, veluti levis, non vitiet instrumentum: unde et in Juribus allegatis ipsa quidem adhibetur, non tamen fieri praecipitur. Covarruvias loc. cit. n. 1. Mascardus num. 81. allegans

communem: et si ratione receptae consuetudinis contrarium sentire videatur Abbas, *ubi supra*, n. 3. citans quosdam alios.

19. Deinde ad Instrumentum publicum requiritur, ut apponatur annus Dominicae Incarnationis. Ita Glossa *in cit. Auth. Ut praeponatur nomen Imperatoris. & Auctore.* et alia Glossa *c. Inter dilectos. & Indictionis. h. t.* Abbas *loc. cit.* Mascardus n. 82. Covarruvias *d. cap. 20. n. 2.* allegans alios. Quamvis enim haec solemnitas iure non requiratur, nec probetur (nam *in cit. can. In nomine Domini. dist. 23. et can. In nomine Patris. dist. 73.* hoc quidem observatur, non tamen mandatur, ut ita fiat) nihilo minus ipsa de consuetudine est inducta; adeo, ut ea omissa instrumentum sit nullum. Neque enim negari potest, mentionem annorum Domini esse maximi momenti, ut constet, quo tempore sit confecta scriptura; cum alioquin maxima posset contingere incertitudo cujuslibet negotii, seu juris per instrumentum probandi: simulque ad invalidandum instrumentum sufficiat omisso solemnitate consuetudine tantum inductae, modo ea caeteroquin non sit levis, sed magni momenti. Glossa *in cit. Auth. Ut praeponatur nomen Imperatoris. v. Auctore.* Covarruvias *Pract. quaest. cit. cap. 20. num. 2.* asserens hanc sententiam in praxi esse receptam, et nunquam se vidisse hac de re ambigi.

20. Tertio, in Instrumento publico debet apponi mensis, ac dies Anni Domini, quo ea gesta sunt, quae inferuntur instrumento. Glossa *c. Inter dilectos. v. Indictionis. h. t.* et alia Glossa *in l. Generali. v. Servituti. C. de Tabulariis. lib. 10.* Speculator *loc. cit. n. 7.* et alii.

21. Quarto, debet addi Indictio, prout habetur *cit. Auth. Ut praeponatur nomen Imperatoris. Collat. 5.* ac notat Glossa *cit. c. Inter dilectos. v. Indictionis. h. t.* juncto textu *ibid.* dum inquit, quod in annotatione Indictionis falsitas instrumenti facilius potuisset deprehendi. Covarruvias *lib. 1. Variar. Resolut. cap. 12. n. 7.* post Bartolum *in l. Si quis. §. Si initium. n. 12. ff. de Edendo.* et Felinus *cit. c. Inter dilectos. n. 12. h. t.* dicens, ita fieri debere, nisi consuetudine id omissum fuerit.

22. Porro Indictio, sic dicta ab *indicendo*, est numerus annorum constans ex tribus lustris, seu ex quindecim annis. Glossa *cit. c. Inter dilectos. v. Indictionis. h. t.* Quibus peractis, iterum reditur ad unitatem: initiumque sumit quilibet annus hujus Cycli Indictionum a Januario in Bullis Pontificiis, prout notatur circa initium Breviarii Romani *tit. De Indictione.* Origine autem hujus nominis Indictionis tradit Glossa *in Auth. Ut praeponatur nomen Imperatoris etc. & Indictionis. Collat. 5.* sequentibus verbis: quia (inquit) antiquitus Romani singulis quindecim annis recipiebant tributum de toto Mundo: et erat in primo quinquennio ferrum, ut inde fierent arma militibus Romanis: secundo quinquennio argentum, ut inde haberent stipendia milites: tertio quinquennio aerem, quod in aerario reponebatur, ut tempore necessitatis pro Republica Romanorum expendere. Unde adhuc hodie servamus cursum illorum triam lustrorum, scilicet horum quindecim annorum; et Indictionem appellamus. Haec Glossa *loc. cit.* subrogens modum facillimum inveniendi Indictionem cujuslibet anni. Accipe (inquit) annos Domini; et eis addas tres annos; quia tertius annus Indictionis erat tempore Nativitatis Christi: deinde numerum annorum divide per quindecim, et semper, abicias illa quindecim; et residuum, vel saltem ultimum quindecim, dabit Indictionem. Haec breviter annotare placuit, quia Indictionum (vulgo, *Romer Zins-Zahl*) frequens mentio fit in Diplomatis, Bullis Pontificiis, aliisque scripturis publicis.

Quinto, Instrumento publico debet inseri nomen Papae, vel Imperatoris, aut Regis, in locis ipsius Imperii subjectis, una cum anno Papatus, seu Imperii: et hoc est necessarium, juxta *cit. Auth. Ut praeponatur nomen Imperatoris etc.* ac notat Abbas *in d. cap. 1. n. 3. h. t.* post Bartolum *l. Infames. ff. de Public. judic.* Et subjungit Abbas, utile esse, ut apponatur nomen utriusque, videlicet tam Papae, quam Imperatoris, una cum anno Imperii, seu Papatus. Porro nomen Consulis illius anni, olim quidem apponi debebat, juxta *d. Auth. Ut praeponatur nomen etc.* istud tamen hodie locum amplius non habet. Glossa *can. Quoties cordis. l. q. 7. v. Consulibus.*

Sexto, necessarium est, ut in Instrumento publico exprimatur locus, in quo celebratur contractus, sive actus ille, qui instrumento exprimitur. Glossa *a. Abbate sane. v. Censeretur* juncto textu *ibid. de Sentent. et re judicat. in 6.* Abbas *cit. n. 3.* Covarruvias *Pract. quaest. cap. 20. n. 3.* Mascardus *cit. quaest. 6. proem. n. 89. et 90.* citans alios. Et quidem locus celebrationis actus debet in instrumento exprimi, non tantum in genere, v. g. dicendo, ita esse actum Romae; sed debet addi ipsemet locus particularis, nimirum domus, in qua actus ille gestus est: alioquin hujus omisso instrumentum labefactare posset, ob incertitudinem illam, quam haberet, si locus et tempus confecti instrumenti deliceret. Covarruvias *cit. num. 3.* Mascardus *num. 90.* allegans alia. Quin imo majoris securitatis gratia, solet etiam exprimi in instrumentis locus loci particularis; puta, hypocaustum ipsius domus: quamvis hoc ultimum non ita sit necessarium, ut notat Mascardus *loc. cit. num. 91.* post Bartolum, et alios communiter.

Septimo, nomina testium, qui celebrationi actus, super quo fit instrumentum, interfuerint, atque ad minimum duo requiruntur, etiam publico instrumento sunt inscribenda. *Auth. de Instrumentorum cautelis §. Sed etsi instrumenta. Collat. 6.* Et solet quoque addi per Tabellionem in instrumento, quod testes illi fuerint ad hoc vocati, et rogati: quamvis de jure istud non sit necessarium, demptis certis casibus. Speculator *loc. cit. n. 10.* Abbas *cit. n. 3. vers. An autem testes, et alii.*

Testium tamen subscriptio nentiquam requiritur ad instrumentum publicum; prout desumitur ex *Auth. de Instrumentorum cautelis. §. Sed etsi instrumenta. Collat. 6.* juncta Glossa *v. Compleatur:* ac notat Abbas *d. cap. 1. n. 3. h. t.* Covarruvias *Pract. quaest. cap. 20. num. 4.* citans alios: quidquid contradicat Glossa *c. Post occasionem. v. Litteras de Probat. cum nonnullis aliis.* Quamquam in hoc servandum esse consuetudinem locorum monent Abbas *loc. cit.* Nec obsit, si testes se subscribant *arg. c. Cum inter. 13. de Sentent. et re judicat. et l. Contractus. C. h. t.*

Octavo, atque ex parte Notarii, ad validitatem Instrumenti plura requiruntur. I. Ut is legitime fuerit creatus: id est, ab habente potestatem publicas Notarius constitutus. II. Notarius confecturus instrumentum, debet per se scire, atque interfuisse ipsi negotio, de quo conficit instrumentum: ac proinde nihil aliud debet scribere, quam quod ipsemet propriis oculis vidit, atque praesens audivit; prout habetur *Auth. de Tabellionibus. Collat. 4.* et omni aliis notat Speculator *cit. tit. de Instrumentorum editione. §. 1. n. 13.* Menochius *lib. 2. de Arbitrar. Judic. cas. 143. n. 8.* et Engel *h. t. n. 7.*

III. Notarius nomen suum subscribat propria manu, addendo, qua auctoritate, an Caesares, vel Pontificia, sit Notarius: alias vitabitur instrumentum, *Auth. de Instrument. cautel. §. Sed etsi instrumenta.*



*Collat. 6. juncta Glossa ibid. §. Adjiciatur. Speculator cit. tit. de Instrument. edit. §. 1. n. 11. Covarruvias d. cap. 20. n. 5. Mascardus quaest. 6. prooem. n. 91. Engel h. t. n. 14. et alii ab istis citati.*

- 29 IV. Notarius debet addere signum sui Notariatus, cit. *Auth. de Instrument. cautel. §. Sed etsi instrumenta. juncta Glossa §. Oportet. et L. ult. C. de assessorib. Covarruvias cit. n. 5. asserens, hujus omissionem vitare instrumentum. Mascardus loc. cit. n. 92. post Bartolum in Prooem. ff. n. 6. et alios. Et quamvis Abbas cap. 1. n. 3. vers. Decimo requiritur. h. t. et c. Inter dilectos. n. 3. et Felinus hic n. 5. vers. Et adverte. eod. velit, quod solemnitas sigilli in instrumento manu publici Notarii confecto non sit necessaria, nec defectus in eo noceat: atque etiam Speculator cit. tit. de Instrument. edit. §. 1. n. 15. refert, quod in quibusdam locis, ut Narbonne, Tabelliones non utantur aliquibus signis, sed solum de in instrumentis subscribant: tamen illico hinc subiungit, quod circa istud sit standum consuetudini Regionis: nihilominus utile sit, ac honestum, omnemque Notarium suum proprium habere signum. Addit Engel cit. n. 14. h. t. quod quamvis hoc signum non esset de substantia instrumenti, ut vult Abbas, ubi supra; cum nonnullis aliis: tamen consuetudo ita passim invaluit, ut instrumentum illo signo careas, de falsitate suspectum habeatur.*

- 30 V. Ad valorem instrumenti ex persona Notarii requiritur, ut sit rogatus a partibus, *Auth. de Tabellionibus. §. 1. Collat. 4.* Atque ideo stylus communis habet, ut Notarii in principio, vel fine instrumenti expriment, se fuisse rogatos.

- 31 VI. Notarius attendat, atque in praxi sollicitus sit, quod semper servet eandem formam subscriptionis in uno instrumento, ac in aliis: ut, cum opus fuerit, possit fieri comparatio instrumentorum per ipsum confectorum, arg. cit. *Auth. de Instrument. cautel. juncta Glossa §. Adjiciatur. Collat. 6.*

- 32 Tandem sciendum, quod licet aliquae ex dictis solemnitatibus de rigore Juris non forent necessariae, dummodo alias non intervenerit vitium: de consuetudine tamen tales solemnitates in publicis instrumentis adhiberi soleant, et debeant: nam ommissio solemnitatis de consuetudine requisitas ita vitiet instrumentum, sicut ommissio solemnitatis juris. Glossa in d. *Auth. ut praependantur nomen Imperatoris. v. Auctore. Alexander Consil. 166. n. 13. lib. 6. Mascardus cit. quaest. 6. n. 93. allegans insuper Cravetum Consil. 216. et alios. Addit Engel h. t. n. 15. Constitutionem Maximiliani Imperatoris, in Comitibus Coloniensibus Anno 1512. promulgatam, in qua dictae solemnitates in necessitatem legis translatae videntur.*

- 33 Caveat autem Notarius, vel quicumque alius ad scribendum Testamentum alienum vocatus, ne in tali Testamento, vel Codicillo, manu sua sibi haereditatem, aut legatum adscribat: alioquin enim non solum privaretur tali legato, sed etiam incideret in poenam falsi, *L. Divus Claudius. §. 1. ff. Ad Leg. Corneli de falsis. et l. Quae in testamento ac seqq. C. de his, qui sibi adscribunt in testament. Hostiensis in Summa. tit. de Falsis. nu. 5. Julius Clarus in Pract. Crimin. §. Falsum. n. 34. Zoesius lib. 48 ff. tit. Ad Leg. Corneli de Falsis. nu. 17. et alii. Siquidem haec res est Jure prohibita, quia fraudi obnoxia: unde si testator quid velit relinquere Notario, vel alteri testamentum scribenti, istud scribendum erit manu aliena, cit. *L. Divus Claudius. §. fin. ut sic evitetur fraudis suspicio. Zoesius loc. cit. ubi nu. 24. subiungit, quod serenissimi Imperii Principes Edicto anni 1611. art. 14. vetuerunt Notariis, et iis qui funguntur Notariorum vice, sibi quid adscribere, aut parentibus suis usque ad quartum gradum,**

REIFFENSTUEL Jus Can. Tom. II.

secundum Jus Civile computandum. Verum de hoc plura Doctores praecallegati, et alii Juris Civilis Interpretes.

## §. II.

De fide Protocolli, atque Exemplarium, seu Transumtorum.

## SUMMARIUM.

- 34 Protocollum, quid?  
35 Dicitur etiam Liber, in quo originalis scriptura instrumentorum continetur.  
36 Protocollo, si omnia requisita habeat, plena fides adhibetur.  
37 Adeo, ut in dubio magis sit standum protocollo, quam instrumento inde desumpto.  
38 Solvitur instantia. Nihil creditur actum, dum aliquid superest addendum. Ibid.  
39 Quae requirantur ad protocollum, ut plene probet? Et n. seqq. Notarius illud conficiens debet esse rogatus a partibus, ac per se audire negotium etc. Ibid.  
40 In protocollo debent gesta clare esse conscripta etc.  
41 Ad illud requiruntur omnia, quae debent intervenire in publico instrumento, etc.  
42 Protocollum, an debeat publicari, seu praelegi partibus etc. Et n. seqq.  
43 Ubi scriptura est de substantia actus, non valet, quidquid scribitur, nisi complete scribatur.  
44 Protocollum Notarii, cui aliqua ex requisitis desunt, adhuc incomplemam facit probationem.  
45 An unus Notarius possit in publicam formam redigere instrumentum juxta notas in protocollo alterius repertas? Et n. seqq. Notarius, dum vivit, non potest alteri Notario committere completionem publici instrumenti, sed ipsemet debet illud complere etc. Ibid.  
46 Nihil addendo, aut diminuendo, quam in protocollo continetur: et quomodo istud sit intelligendum?  
47 Si duo, vel tres Notarii de eodem instrumento fuerint rogati, an tunc unus eorum possit inde instrumentum levare?  
48 Mortuo priore Notario, qui protocollum fecit, potest alius istud in publicam formam redigere, concurrentibus tamen certis conditionibus. Et num. seqq.  
49 Nimirum, si prior mortuus est naturaliter, aut civiliter.  
50 Fiatque istud ad petitionem eorum, quorum interest etc.  
51 Et accedat auctoritas Judicis ordinarii, vel delegati. Illeque secundus sit Notarius publica auctoritate creatus. Ibid.  
52 Et prioris protocollum redigat in formam publicam.  
53 Atque istud praestet fideliter. Notarius protocollum penes se habere debet. Ibid.  
54 Iudex de praemissis summarie cognoscat.  
55 Schedulae a Notario scriptae, an faciant plenam fidem? Et n. seqq.  
56 Protocollum, Nota, et Abbreviatura, idem sunt.  
57 Et schedulis penes Notarium defunctum repertis, quando possit confici publicum instrumentum? Et num. seqq.  
58 Quid de schedulis Notarii adeo abbreviatis ut

- voluntatem partium perfecte non exprimant?  
Et num. 40.
- 59 Exemplaria, seu Transumpta originalium instrumentorum, si fiant auctoritate Judicis, ac servatis servandis, eandem vim probandi cum originalibus habent.
- 60 Plures conditiones requiruntur ad solemnem exemplationem; et quae?
- 61 His non observatis Exemplar instrumenti regulariter non probat.
- 62 Etiam si a Notario publico ex Originali fuisse extractum.
- 63 Fortius istud procedit in exemplo exempli.
- 64 An juxta Exemplaria solemniter traducta, possit fieri nova exemplatio? Et n. praeced.
- 65 Dantur tamen aliqui casus, in quibus probat Transumptum absque illis conditionibus.  
Ut si Litteris Pontificiis habetur inserta hujusmodi clausula. Ibid.
- 66 Vel quando exemplar fuit scriptum manu illiusmet Notarii, qui instrumentum originale confecit.
- 67 Aut ubi contraria consuetudo derogavit cuiuspiam conditioni.
- 68 Item de consensu partium.
- 69 Exemplar sine dictis conditionibus facit aliquam praesumptionem; ac deperdito originali simplenam probationem.
34. Queritur I. Quid sit Protocollo, et quam vim probandi habeat? Resp. I. Protocollo est prima, seu originalis scriptura, in qua breviter a Tabellione annotatur substantia actus gesti, ut deinde extendi, et absolvi possit. Ita Calvinus in *Lexico Juridico*. v. Protocollo, Spiegelius in *Lexico Juris eod.* v. Protocollo, et alii. Et dicitur Protocollo, a graeco verbo, *protos*, quod est primum, et *collum*, quod est collatio, scilicet litterarum: quasi diceretur: Protocollo, est prima collatio litterarum in charta. Glossa in *Auth. de Tabellionibus*. v. Protocollo. Collat. 4. Atque alio nomine dicitur, *Abbreviatura*. Mascardus de *Probat. Concl.* 4. nu. 1. et 5. Card. Tuschus *Litt. P. Concl.* 945. n. 1. illud appellans *Imbrevisuram*, sive instrumentum Notarii non extensum.
35. Porro Protocollo dicitur etiam liber, in quo prima matrix, seu originalis scriptura instrumentorum rogatorum describitur, habens generalem superscriptionem: *Hic est liber Protocolloz mei etc.* De quo fit mentio in *cit. Auth. de Tabellionibus*. §. *Illud quoque*. juncta Glossa v. Protocollo. et notat Card. Tuschus *loc. cit.* n. 3. Quamvis de consuetudine liber iste Protocolli non ubique sit in usu: sed vel in quaterno, vel in alia prorsus charta rogationes petentium, seu substantialia actuum a petentibus gestorum, per Tabelliones, sive Notarios publicos describi soleant. Glossa *loc. cit.*
36. Resp. II. Protocollo, si habeat omnia requisita, plena fides adhibetur. Ita Speculator *tit. de instrumentorum editione*. §. *Videndum*. n. 4. Abbas c. *Cum P. n. 3.* et Felinus *ibid.* n. 1. h. t. Mascardus d. *Concl.* 4. n. 1. post Bartolum in *Rubric. C. de fide instrument.* et *Concl.* 1250. n. 2. et 26. Pirhing h. t. n. 16. et alii, nonnullis tamen exceptis, ob rationem loco objectionis n. 38. afferendam. Conclusio haec desumitur ex l. *Argentarius*, juncta Glossa v. *Abri miles*, et Summario, *ibid.* ff. de *Edend.* ubi Argentarii, et omnes, qui gerunt officium publicum, puta Notarii, tenentur, suas rationes, cum opus fuerit, edere: et consequenter horum scripta probant. Idem, et quidem fortius, probatur ex c. *Quoniam contra*. 11. de *Probatione*. ubi Iudex semper adhibere jubetur Notarium publicum, aut duos viros

idoneos, qui fideliter universa iudicii Acta conscribant, ut si quid difficultatis emergerit, ad eadem imposterum possit haberi recursus: et consequenter protocollo ejusmodi probat. Concordat textus notabilis in l. ult. C. de *Re judicat.* ubi dicitur: *Gesta, quae sunt translata in publica monumenta, habere volumus perpetuam firmitatem: neque enim morte cognitoris perire debet publica fides.* Accedit ratio: quia instrumentis ex protocollo extractis habetur publica fides, et perpetua firmitas, cap. penult. h. t. ergo multo magis ipsi Protocollo, juxta illud vulgatum Philosophorum: *Propter quod unumquodque tale, et illud magis est tale.*

Resp. III. Protocollo habenti omnia requisita adeo creditur, ut in dubio magis sit standum protocollo, quam instrumento inde desumpto. Ita Abbas c. *Tum ex litteris*. n. 8. De *in integrum restitut.* Bartolus l. *Sempronius*. ff. de *legat.* 2. istud probans ex l. *Si quis ex argentariis*. §. penult. ff. de *Edend.* et *Auth. de Tabellionibus*. Collat. 4. per totum. Alexander *Consil.* 105. n. 1. vol. 2. Menochius de *Arbitrar. Judic.* lib. 2. cas. 87. nu. 21. Mascardus de *Probat. Concl.* 1250. n. 2. et plurimi alii ab his allegati. Idque clare desumitur tum ex cit. c. *Quoniam contra*. de *Probat.* Tum amplius ex d. *Auth. de Tabellionibus*. Collat. 4. ubi multas fraudes per hoc fuisse detectas, fatetur Imperator in §. *Illud quoque*, illis verbis: *Novimus enim, multas falsitates ex talibus chartis (Protocollo) ostensas et nunc, et prius.* Hinc Zoesius h. t. num. 6. recte cum aliis notat, si contrarietur protocollo instrumentum, potius standum esse protocollo, tanquam priori, et continenti primam actus sive contractus gesti conceptionem: et quia ex eo trahitur instrumentum, et istud secundum formam illius expediri debet: quo fit, ut si de instrumenti fide dubitetur, ad protocollo recurri soleat.

Obicies majoris charitatis gratia. Protocollo est principium instrumenti nondum completi: ergo, nisi compleatur, pro nihilo habetur, sique non probat, arg. l. *Cum Syllanianum*. §. *An. C. Ad Syllanian.* ubi Imperator sic loquitur: *Nihil etenim actum esse credimus, dum aliquid addendum superest.* Resp. cum Abbate cit. c. *Cum P. n. 3.* h. t. instantiam hanc, et contrariam quorundam opinionem procedere, quando sermo est de protocollo imperfecto: seu ita truncato, et abbreviate scripto, ut non possint ex eo, quae facta sunt, plene intelligi: tunc enim, cum multa possint intelligi sub abbreviaturis illis, non est congruum fidem adhiberi, donec negotium illud in publicam et extensam formam redactum fuerit. Secus dicendum de protocollo, quod habet omnia requisita, et de quo haecenus dicta procedunt. Verum occasione hujus

Queritur II. Quae requirantur ad Protocollo, ut habeat vim probandi? Resp. I. Ad protocollo, ut pleno probet, requiritur cumprimis, quod manu Notarii, per se negotium audientis, ex rogatione partium, sit scriptum, et quidem tam clare, ut ex ipso, quae gesta sunt, plene ac distincte intelligi possint. Ita Abbas cit. c. *Cum P. n. 3.* Felinus *ibid.* n. 1. h. t. Mascardus de *Probat. Concl.* 4. n. 24. et seqq. et *Concl.* 1250. n. 26. et 30. Menochius de *Arbitrar. Judic.* lib. 2. cas. 187. num. 1. et 3. et 30. alique ab his allegati. Et quidem, quod Tabellio, sive Notarius publicus, debeat a partibus esse rogatus, et ipse per se audire negotium, ac ipsemet scribere, non vero alicui alteri delegare: habetur statutum in *Auth. de Tabellionibus*. §. *Nos autem*. Collat. 4. juncta Glossa *ibid.* v. *Ipsis per se*

Cacterum, quod in protocollo, ut probet, debeant gesta clare esse conscripta, patet ex proxime dictis. num. 38. alioquin enim ex eo constare non

37

38

39

40

posset, qui revera gestum fuisset. Unde notulae, seu schedulae illae, in quibus Notarii multoties aliqua annotant; non summam et admodum abbreviate scribunt, fidem in iudicio non faciunt: quia voluntatem partium perfecte non expriment. Menochius, et Mascardus, ubi supra, et alii.

41 Resp. II. Ad Protocollum, ut plene probet, ulterius requiruntur et omnia, quae debent intervenire in publico instrumento ad effectum plenae probationis, nempe subscriptio Notarii, signum ipsius, rogatus seu petitio partium, expressio loci, temporis, et personarum celebrantis, seu contractus, conformiter dictis supra de Solemnitatibus instrumentorum. Ita Abbas cit. c. Cum P. n. 3. et Felinus ibid. n. 1. h. t. Alexander Consil. 153. n. 12. vol. 2. Hondedeus Consil. 86. n. 95. vol. 1. post Decium Consil. 447. n. 5. Angelum Consil. 230. et alios. Mascardus d. Concl. 4. n. 17. et Concl. 1250. n. 26. allegans alios. Idque desumitur tam ex cit. Auth. de Tabellionibus. Collat. 4. tam ex c. Quoniam contra. de Probat. ubi inter alia ad hoc, ut Acta judicialia per Notarium conscripta faciant fidem perpetuam, requiritur, quod eadem diligenter conscribantur loca designando, tempora et personas. Accedit textus in c. Cum P. 15. h. t. ubi ea, quae in nota redacta fuerant a Notario mortuo, non probant, donec auctoritate Iudicis ordinarii in publicam formam redigantur; de quo tamen infra n. 48. et seqq.

42 Resp. III. Quamvis consuetudo sit, praeter observatas alias solemnitates instrumenti publici, Protocollum publicare, seu praelocare partibus eo tempore, quo actus coram Notario gestus est, atque in protocollo relatus, ut appareat, omnia rite percepta, et conscripta fuisse: nihilominus loquendo de aliis casibus, in quibus scriptura non est de substantia actus, sive contractus, tollis praefectio, seu publicatio protocolli coram partibus et testibus, non necessario requiritur. Ita Abbas cit. c. Cum P. n. 4. h. t. Pirhing h. t. n. 17. Mascardus d. Concl. 4. n. 26. post Socinum Junior. Consil. 102. num. 8. vol. 4. et alios. Ratio est: quia nullo jure talis necessitas publicationis probatur. Quia imo c. Quoniam contra. de Probat. ad hoc, ut scriptura Notarii perpetuam fidem faciat circa actus judiciales, solum requiritur, quod Acta illa diligenter conscribantur, loca designando, tempora et personas: non autem requiritur aliqua eorum praefectio, seu publicatio.

43 Additur notanter, loquendo de illis casibus, in quibus scriptura non est de substantia actus, sive contractus. Nam ubi scriptura est de substantia actus, sive contractus, non valet, quidquid scribitur, nisi complete scribitur, l. Contractus. C. h. t. ubi sancitur, contractus venditionum, permutationum, transactionum, et huiusmodi, quos in scriptis fieri placuit, non aliter viros habere, nisi instrumenta in mundum recepta, subscriptionibusque partium confirmata, et si per Tabellionem conscribantur, etiam ab ipso completa, et postremo a partibus absoluta sint: qualia proinde debent partibus praeflegi, seu publicari. Glossa in l. Fideicommissa. §. 1. v. Quoties ff. de Legat. III. Abbas cit. n. 4. Mascardus d. Concl. 4. n. 26. vers. Septimo. allegans alios.

44 Resp. IV. Protocollo Notarii, in quo sufficienter apparet de perfecta voluntate partium, saltem semiplenam facit probationem, etsi aliqua ex cacteris requisitis non adsint. Ita Bartolus l. Admonendi. §. Quapropono quod in libro Notarii. ff. de Iurejurand. Mascardus Concl. 1250. n. 21. post Hostiensem cap. 1. h. t. Nevizanum Consil. 25. nu. 9. et alios, istud exemplificans in defectu Indictionis, et subscriptionis, et signi Notarii. Quia enim testis unus caeteroquin idoneus inducit semiplenam probationem, cur non idem dicendum de Notario publico, ejusque

REIFFENSTUEL Jus Can. Tom. II.

scriptura? Praesertim, quia juravit officium suum fideliter exequi, licet forsitan morte praeventus non potuerit scripturam illam in formam authenticam redigere. Idem confirmatur ex cit. c. Cum P. 15. h. t. ubi alius Notarius potest notas defuncti Notarii in formam publicam auctoritate Iudicis redigere, prout illico factus declarabitur. Unde

45 Quaeritur III. Utrum unus Notarius possit in publicam formam redigere instrumentum iuxta notas in Protocollo alterius reportas? Resp. I. Notarius publicus, dum vivit, non potest alteri Notario committere completionem publici instrumenti, sed ipsemet debet illud complere, prout in protocollo reperitur. Textus est in Auth. de Tabellionibus. Collat. 4. ubi Glossa v. Ipse per se, notanter ex his ipsis verbis, ut sequenti finis inferat, quod ipse Tabellio, seu Notarius debeat a partibus esse rogatus, ac ipse debeat per se addere, et scribere verba contractus usque ad finem, non vero possit illud alteri scribendum committere. Quia (inquirit) facere instrumentum, non competit jure Magistratus; ergo delegari non potest, L. 1. primo. ff. de Officio ejus, cui mandata est jurisdictio.

46 Concordat Glossa fin. in C. Cum P. h. t. asserens esse sciendum, quod Tabellio, dum vivit, non possit alteri committere completionem instrumenti, sed ipsemet debeat complere instrumentum, prout in protocollo reperitur: nihil addendo, aut diminuendo, quam in protocollo continetur; ut in Auth. de Tabellionibus. Collat. 4. Hanc Glossam. Quamquam verba illa, Nihil addendo etc. intelligenda sint de verbis spectantibus ad substantiam actus, seu contractus: nam hoc ipso, quod protocollo sit in prima scriptura, in qua breviter solum a Tabellione annotatur substantia actus gesti, ut deinde extendi, et absolvi possit, iuxta dicta n. 34. necesse est, in ejusmodi extensione, seu confectione sollemnisi instrumenti, quaedam addere iuxta interpretationem Juris, et consuetudinem locorum, dummodo nihil addatur, aut diminuat de substantialibus.

47 Caeterum data Conclusio patitur limitationem, quando duo, vel tres Notarii de eodem instrumento rogati fuerant: quis tunc unus eorum solus, vel is, cui alterius protocollo commissa sunt, instrumentum authenticum inde levare potest. Menochius de Arbitrar. Judic. lib. 2. cas. 187. nu. 7. id probans ex Auth. de Instrumentis cautel. et fid. iuxta Glossam in Auth. de Haereditibus et Falcid. §. Si vero absunt. v. Quantum. Siquidem tunc unusquisque Notariorum in solidum rogatus censetur: nisi forsitan ex adverso probetur, omnes Notarios una simul et conjunctim rogatos esse; tunc enim non posset instrumentum tale ab uno eorum duntaxat levare. Alexander consil. 124. n. 4. lib. 7. post Baldum, et Angelum in l. Si quis ex argentariis. ff. de Edend. ex textu ibidem notantes, quod si plures Notarii (nempe omnes insimul ut intelligit Menochius cit. n. 7.) fuerant rogati de eodem instrumento, non sit necesse, quod unusquisque scribat totum; sed sufficiat, quod unus scribat totum, ex alter confirmet se subscribendo.

48 Resp. II. Quod si Notarius ille, qui ad partium petitionem protocollo fecit, ante perfectionem sollemnisi instrumenti mortuus fuerit, tunc, accedente Iudicis auctoritate, potest alius Notarius antea requisitus ab illis, quorum interest, mortui notas, sive protocollo in publicam formam redigere; adeo, ut tale instrumentum inde extractum publicam fidem faciat, ac si a priore Notario confectum fuisset. Ita communis: atque habetur expresse decisum in c. h. c. Cum P. seu penult. h. t. ubi Gregorius IX. rescribit l. Tabellioni, illis verbis: Cum P. Tabellio morte praeventus, quaedam non perfecit instrumenta, quae in nota redacta fuerant ab



eodem, ad petitionem eorum, ad quos pertinent, auctoritate ordinarii Judicis poteris (tu l. Tabellio) ea fideliter in publicam formam redigere: habitura per hoc perpetuam firmitatem. Haec Pontifex.

49. Ex quibus verbis Jo. Andreas in cit. c. Cum P. n. 8. et Abbas ibid. n. 1. et Barbosa in Collectan. n. 2. et sagg. h. t. Covarruvias Pract. quæst. cap. 21. n. 3. et alii, plures decumunt conditiones requisitas ad hoc, ut unus Notarius possit in formam redigere, ac publicare instrumentum, de quo fuit rogatus alius. I. Ut ista morte praeventus fuerit: quod non tantum de morte naturali, sed etiam civili, puta missione in exilium, imo et de longa infirmitate, seu alio diuturno impedimento procedit. Abbas, Barbosa, ubi supra. Alias enim unus Notarius non potest publicare, seu in publicam formam redigere notas, sive protocollum alterius Notarii: ut cit. c. Cum P. h. t. et Auth. de Tabellion. Collat. 4. et quoque proxime dictum n. 45. et 46.

- 5a. II. Ut secundus Notarius istud faciat ad petitionem eorum, ad quos pertinet. Unde etiam pars adversa, cujus interest, debet citari: est si pars est incerta, requiritur generalis citatio per Proclama. Barbosa, loc. cit. n. 3. cum aliis: quamquam simul referat nonnullos casus apud eundem videndos, in quibus talis citatio non requiritur.

51. III. Auctoritas Judicis ordinarii, vel Delegati: haec enim necessaria est, tam ad citationem partis adversae, tum ob dicenda n. 54. IV. Ut illa secundus, qui supplet vires defuncti, etiam sit Tabellio, seu Notarius publica auctoritate creatus: ut liquet ex ly Poteris, juncta superscriptione cit. c. Cum P. h. t.

52. V. Ut ille secundus Notarius notas, seu protocollum prioris Notarii, mortui, in publicam instrumenti formam redigat. Quale protocollum Notarius, penes se servare debet, c. Quoniam contra. 12. de Probat. et Auth. de Tabellion. Collat. 4. ea addita ratione: ut habeat, unde sciat negotium; et interrogatus a Judice possit, quas subsequuta sunt, cognoscere, et respondere.

53. VI. Ut istud praestet fideliter: hoc est, nihil ad substantiam pertineans addendo, subtrahendo, vel mutando ex iis, quae in notis, seu protocollo defuncti continentur. Glossa fin. et Abbas in cit. c. Cum P. h. t. Quamquam per hoc non negatur, quin alter Notarius illa, quae abbreviale reperit scripta in protocollo, defuncti, extendere valeat secundum interpretationem Iuris, vel consuetudinis, aut communis intellectus: dummodo nihil addat, subtrahat, vel mutet de pertinentibus ad substantiam actus. Jo. Andreas cit. c. Cum P. num. 8. et Abbas ibid. num. 5. h. t. et quoque dictum paulo superius n. 46.

54. VII. Ut de morte, seu diuturno impedimento prioris Notarii, simulque de fide et integritate illius, necnon protocolli, seu notarum per ipsum factorum, Judex summarie cognoscat: ad quod quippe auctoritas Judicis, de qua in cit. c. Cum P. h. t. fit mentio, vel maxime requiritur. Covarruvias Pract. quæst. cap. 21. n. 3. Pirhing h. t. n. 19. allegans alios. Verum occasione praemissorum.

55. Obijciat contra dicta n. 41. Juxta saepe cit. c. Cum P. 15. h. t. et Conclusionem proxime datam, priore mortuo potest alius Notarius ea, quae in notam redacta fuerunt, ab eodem priore Notario, in publicam formam redigere etc. ergo non solum protocollum Notarii habens solemnitates publici instrumenti, sed etiam schedulae ab eodem scriptae, seu Notarii schedula protocollo non inserta, contentae, facient plenam fidem. Probatur consequentia. Quia transumptum, seu extractum non potest habere maiorem fidem, quam ipsum Originale; nam procedens a radice

infecta, et vitiosa, etiam ipsum redditur vitiosum: ergo si instrumentum ex Nota, seu schedula mortui Notarii extractum plenam fidem facit, pariter ipsamque Nota illa, seu Scheda plene probabit.

Ad hanc instantiam respondetur cum Abbate in cit. c. Cum P. n. 3. h. t. quod Nota seu Abbreviatura, de qua ibidem est sermo, idem sit, ac Protocollum: haec enim tria (inquit) nempe Protocollum, seu Nota, sive Abbreviatura idem sunt. Unde nihil sequitur contra haecenus dicta, bene tamen confirmantur ea, quae n. 41. dicta sunt de solemnitatibus in Protocollo requisitis, et quidem iidem, quae requirantur ad instrumentum: eo quod Extractum non possit habere maiorem fidem, quam ipsum primum Originale.

Quod si omnino contendas, etiam schedulis saltem penes Notarium defunctum repositis, quando perfecte exprimunt voluntatem partium, licet careant subscriptione, aut sigillo illius Notarii, debere adhiberi fidem, atque inde posse ad petitionem partium confici publicum instrumentum auctoritate Judicis interveniente arg. cit. c. Cum P. seu cap. penult. h. t. Resp. cum Mascardo de Probat. Concl. 1250. num. 38. citante Castrensem Consil. 111. vers. Si vero quaeritur, et consil. 306. vers. Breviter. vol. 1. et nonnullos alios, multis tamen contradicentibus, id quidem fieri posse, sed tunc solum, quando intervenit specialis commissio Judicis, simulque cognitio causae, et examen testium super litteris, sive schedulis illis, et publicatio dicti instrumenti; non vero aliter. Et tunc instrumentum ejusmodi recipit vires non ex solis prioribus schedulis Notarii defuncti, sed a Notario altero transcribente, illudque ad petitionem eorum, quorum interest, authenticante ex commissione Judicis, ac praevia causae cognitione: nam Iudex in tali casu advertere debet, quo in loco reperta sit ejusmodi schedula, an sit suspecta, nec ne, et deinde, quod ibi bene visum fuerit arbitrat. Menochius lib. 2. de Arbitrar. Judic. cas. 187. num. 28. Mascardus loc. cit. num. 39.

Nec his obstant dicta superius cit. n. 40. Quia illi sermo est de scedulis adeo imperfectis, et abbreviatis, ut voluntatem partium perfecte non exprimant: tales enim, ne quidem auctoritate Judicis, possunt in publicam formam redigi; sed oportet negotium de novo coram Notario expedire. Verum occasione praemissorum.

Quaeritur V. Quam vim probandi habeant Exemplaria, seu Transumpta originalium instrumentorum? Resp. I. Si talia Exemplaria, seu Transumpta originalium instrumentorum fiant auctoritate Judicis ordinarii, vel delegati, per publicam personam, ac servatis aliis de jure servandis, tunc ipsa eandem cum Originalibus auctoritatem, seu vim probandi obtinebunt. Ita expresse decisum habetur cap. ult. h. t. ibi: Si instrumenta propter vetustatem, vel propter aliam justam causam exemplari petantur coram ordinario Judice, vel delegato ab ipso specialiter praesententur: qui si ea diligenter inspecta in nulla sui parte vitiosa repererit, per publicam personam illa praecipiat exemplari, eandem auctoritatem per hoc cum originalibus habitura. Haec ibi.

Dicitur notanter, auctoritate Judicis per publicam personam ac servatis aliis etc. Nam ad solemnem traductionem copiae ex originali instrumento, seu ad Transumptum eandem cum ipso vim probandi obtinens, juxta Doctores passim, plures conditiones requiruntur. I. Ut interveniat justa causa: puta, ne propter vetustatem Originale preat, aut propter viarum distantiam, et discrimina amittatur, cap. ult. h. t. et c. Cum dilecta de Confirmat. utili etc. II. Debet exemplatio illa fieri interveniente auctori-

tate Judicis ordinarii, vel delegati, per testis citatos. III. Debet ea fieri ad petitionem partium, vel alterius partis; bene quidem per personam publicam, id est, per publicum Notarium, cui id Juxta praescribitur, quod si ejusmodi publica persona haberi non possit, satis esse arbitrat. *Glossa in cit. cap. ult. h. t.* quod per aliquam aliam personam honestam auctoritate Judicis describatur, dummodo sigillum authenticum apponatur. IV. Ad solemnem exemplationem requiritur citatio eorum, quorum interest, *q. Significavit §. de Testib.* ubi in simili ad receptionem testium requiritur citatio partis adversae: ac notat Covarruvias *Pract. Quaest. cap. 21. n. 4.*

61 Resp. II. Praemissa non observatis Exemplar, seu Transumptum instrumenti, regulariter non probat, non exhibito ipso originali. Ita Covarruvias *loc. cit. n. 2.* Mascardus *de Probat. Concl. 712. num. 2.* Jason *Auth. Si quis in aliquo n. 2. C. de Edend.* cum communi. Patet hoc ex *cap. h. t. ibi: Si scripturam authenticam non videmus, ad exemplaria nihil facere possumus.* Concordat *Jus Civile L. 2. ff. de Fide instrument. juncta Auth. Si quis in aliquo C. de Edend. et L. 3. C. de Diversis Rescript.* cum similibus. Idque statutum est ratione falsitatis vitandae, quae alioquin facile committi posset.

62 Et hoc adeo verum est, ut etiam Exemplar, seu Transumptum a Notario publico ex originali extractum, spectato Juris rigore plene non probet, nisi observentur aliae solemnitates num. 60. relatae. Mascardus *cit. Concl. 712. nu. 1. et seqq.* allegans alios, pluresque hujus rationes referens. Earum una est: quia Notario publico non creditur, nisi de his, quae coram eo videntur, vel audientur, a partibus gestae sunt, *Auth. de Tabellionibus §. Nos autem. Collat. 4.* Atqui actus ille, de quo publicum instrumentum debet exemplari, coram tali Notario gestus non fuit; ergo. Accedit, quod testis de auditu auditus non probet, ut dictum *Tit. 20. De Testibus §. 11. n. 369.* ergo nec probabit Notarius exemplaris instrumentum ab alio confectum, et receptum, nisi observentur solemnitates de Jure requisitae. Probatur consequens. Tum quia valet argumentum a Teste ad Notarium, procedentem non servatis solemnitatibus Juris: reputatur enim tunc veluti persona privata. Tum quia quandoque potest impugari ipsum instrumentum originale, ob certos defectus in eo notatos: tales autem defectus non possent notari in exemplo ejus, si fieri posset private, ac proprio auctoritate, per quemlibet Notarium, et non citatis illis, quorum interest. Tacentur aliae rationes apud Mascardum *loc. cit.* videndae.

63 Porro data Conclusio fortius procedit in Exemplo exempli; ut inquit Jason *cit. Auth. Si quis in aliquo n. 2. C. de Edend.* id probans ex *L. 3. C. de Diversis Rescript.* Adeo, ut Alexander *Consil. 138. n. 4. lib. 1.* post Baldum *in d. l. Sancimus*, et quosdam alios asserat, Exemplum exempli etiam legitime exemplatum fidei non facere, sicut nec testimonium de auditu auditus probet.

64 Fatendum tamen, quod oppositur hujus tenet Bartolus in *Auth. Si quis in aliquo §. Quaero utrum exemplum. C. de Edend.* ubi priorem opinionem inquit procedere, quando fit Exemplum exempli absque partis alterius praesentis, vel ea contradicenter secus, si exemplatio fiat partibus praesentibus, et interveniente Judicis auctoritate, id probans ex *L. 1. et 2. C. de Rotationib.* Ea ratio est: quia parte altera praesente, nec rationabiliter contradicente, de fide et veritate illius Exempli dubitari non potest. Hoc ipsum convincit textus *cap. ult. h. t.* et jam supra allegatus, ibi: *Eandem auctoritatem per*

hoc cum originalibus habitura: et consequenter sicuti juxta originalia, ita et juxta exemplaria solemniter traducta poterit fieri nova exemplatio; dummodo haec fiat juxta de causa ad petitionem partis, et interveniente auctoritate Judicis, citatisque aliis, quorum interest.

65 Resp. III. Nihilominus data proxima Conclusio fallit in pluribus casibus, in quibus probat Transumptum absque conditionibus num. 60. relatis. Et primo quidem, quando in Litteris Pontificiis, ut saepius fit, habetur inserta hujusmodi clausula: *Quodque praesentium transumptis, etiam impressis, manu alicujus Notarii publici subscriptis, et sigillo alicujus personae in Dignitate Ecclesiastica constitutae munitis, eadem prorsus fides adhibeatur, quae praesentibus adhiberetur, si forent ostensae, vel exhibitae.* Nam tunc sufficit talis observari, de clausula hujusmodi est superfluum, sed aliquid operetur.

66 Fallit secundo, quando Exemplar factum sumptum, seu scriptum manu illiusmet Notarii, qui instrumentum originale confectum: quia enim talis sufficienter est instructus de toto negotio, utpote coram eo gesto: hinc in ipso versant rationes num. 60. allatae; ac proinde Exemplum probat indistincte, sicut ipsam Originalem. Bartolus *cit. Auth. Si quis in aliquo §. Quaero utrum exemplum. circa fin. C. de Edend.* id probans ex *L. Si quis ex argentariis §. Prohibet. ff. eod.* Covarruvias *Pract. quaest. cap. 21. num. 2. vers. Quod respicit.* Mascardus *cit. Concl. 712. n. 35.* citans alios, qui attestantur de communi. Accedit, quod idem Tabellio de eodem actu possit conficere plura instrumenta; et cum sit auctor ejusdem scripturae, eadem fides debet adhiberi utrique. Facit hac optima textus in *c. Dudum. 20. de Conversion. conjugat.* ubi tale publicum instrumentum, post amissionem prioris ab eodem Notario confectum, et pro legitimo habitum legitur.

67 Fallit tertio; ubi contraria consuetudo derogavit quoad aliquam Constitutioni *cap. ult. h. t.* relatae. Nam, ut notat Pirhing *h. t. n. 22.* in praxi hodie Juxta non suspicit originale; sed Tabellio, qui instrumentum transcribit, testator, quod ipse illud diligenter inspexerit, nullumque in eo vitium repererit etc.

68 Fallit quarto de consensu partium. Potest enim exemplatio instrumenti originalis fieri absque auctoritate Judicis a solo Tabellione, si partes ad hoc consenserint: ita tamen, ut ipsis duntaxat, eorumque successoribus praepredicet. Covarruvias *cit. cap. 21. num. 5. vers. Poterit tamen,* post Bartolum in *Auth. Si quis in aliquo C. de Edend.* communiter receptum.

69 Fallit quinto, quia Exemplar sine debitis solemnitatibus ex instrumento originali descriptum, etsi non faciat plenam probationem, adhuc tamen facit aliquam praesumptionem. Mascardus *loc. cit. n. 59. et 60.* post Geminianum *Consil. 100. num. 3.* Imo, si originale instrumentum probetur fuisse amissum, tunc Exemplar ipsius facit semiplenam probationem, adeo, ut possit deferri iuramentum in supplementum. *Glossa in L. Sicut iniquum. v. Facile C. de Fide instrument.* Jason *Auth. Si quis in aliquo n. 6. C. de Edend.* Mascardus *cit. Concl. 712. n. 58.* et alii ab his allegati, qui nonnullas alias fallentias adducunt.

## §. III.

De fide Sigilli, et aliis istud concernentibus.

## SUMMARIUM.

70 Sigillum, quid?

71 Dividitur in authenticum, et non authenticum.

72. Quatuor detrahunt fidei Sigilli; et quae? Et n. seqq.  
*Sigilli falsitas arguitur ex eo, quia non congruit in sculpturis dignitati sigillantis. Ibid.*
73. An, et qua ratione quis uti possit Sigillo alieno?
74. Sigillum solitum Magistratus, et ad talia negotia destinatum debet adhiberi; alioquin redditus suspectum.
75. Sigillum redditur suspectum, quando litterae ejus non sunt legibiles.
76. Aut patitur enormem fracturam.  
*Vel per glutinum novae cerae est chartae connexion arbitrio Judicis. Ibid.*
77. Sigillum publicum.
78. Quod saepius confunditur cum authentico.
79. Et sigillum privatum, quid?
80. Ratione finis multiplex est divisio sigilli.
81. Sigillum de se nihil probat, nisi concurrant aliae conditiones.
82. Harum potissimum sunt tres. Et n. seqq.
83. Sigillum ut probet, oportet, ut litteris exprimat, ejus sit.
84. Sigillans cum re non habente characteres, v. g. cum corrigia, nihil agit.
85. Sigillum in Jure etiam vocatur Annulus.
86. Ut sigillum probet, debet apparere, a quo fuerit appositum.
87. Et qua de causa appositum sit.
88. An etiam requiratur subscriptio opponentis.
89. Scripturae, seu instrumenta, quae habent sigillum authenticum, plene probant.
90. Differentia inter sigillum authenticum, publicum, et privatum.
91. Sigillum an probet, etiam si nulla intervenit subscriptio sigillantis? Et n. seqq.
92. Negativae sententiae rationes.
93. Fundamenta sententiae affirmativae referuntur.
94. In testamentis aliisque casibus magni praesudicii, requiritur subscriptio, nec sufficit sola appositio sigilli.
95. Secus dicendum de negotiis modici praesudicii etc. Et n. praeced.
- Adevitandas disputationes optatum est, etiam addere subscriptionem. Ibid.*
96. Solvitur notabilis obiectio.  
*Cur magis credatur sigillo, quam dicto unius testis? Ibid.*
97. Instrumentum an aliquando probet absque appposito sigillo? Et n. seqq.  
*Testamenta, Privilegia, et hujusmodi, absque sigillo, non habent vim probandi.*
98. Extra hosce casus regulariter sigillum in instrumentis ad substantiam actus non adhibetur.
99. Sed ad faciliorem ejus probationem. Et n. praeced.  
*Sigillans scripturam videtur fateri omnia contenta in ea. Ibid.*
100. Scriptura etiam privata, plene probat contra sigillantem.
101. Consuetudo Provinciarum multum operatur quoad hoc, ut credatur alicui scripturae, vel non.
70. Queritur. I. Quid, et quomplex sit Sigillum, quomque vim probandi habent sigillum authenticum? Resp. I. Sigillum, quod est diminutivum a *signa*, impraesentiarum accipitur pro imagine, qua cerae impressa litteras obsignamus. Atque in hac acceptione dicuntur *Litterae sigillatae*; id est sigillo adposito clausae, obsignatae, seu munitae. Calepinus v. *Sigillum*. Quamquam praeter hanc vulgatam significationem. Sigillum quandoque parvam statuam, puta, domui alicui significet, l. *Quaesitum*. §. *Papinianus*. ff. de *Fundo instruct. legat.*
71. Resp. II. Sigillum variis dividitur. Et primo quidem in authenticum, et non authenticum. *Sigillum authenticum* est, quod multorum auctoritate comprobatum est: sive, quod est certae fidei. Nam, ut observat Spiegelius et Jo. Calvinus in *Lexico Juris*, v. *Authenticum*, istud vocabulum *Authenticum* proprie certae fidei positionem, seu quae multorum auctoritate comprobata est. *Sigillum non authenticum* contra dicitur illud, cujus fides vacillat.
- Porro quatuor sunt, quae detrahunt fidei Sigilli, et faciunt illud vacillare; ut notat Abbas v. *Inter dilectos*. n. 4. juncto textu *Ibid.* h. 2. Primum quando sigillum non congruit in sculpturis dignitati sigillantis: non enim praesumitur sigillum illius, cui adscribitur, si sibi non convenit. Et hinc in c. o. *Inter dilectos*. §. *Sed contra vers. Testib.* h. 2. falsitas sigilli cuiuspiam instrumento appositae arguitur ex eo, quia in ipso apparebat quaedam imago, non cum Mitra in capite (quae solebat esse Luceardi Episcopi, cujus dicebatur fuisse instrumentum illud) sed cum Pileo; nec indute Pontificalibus, sed Regalibus indumentis; tenens in manu non *Baculum* Pastoralis, sed quasi Sceptrum Regale.
- Ex quo sequitur, quod si quis habeat sigillum proprium, tunc ipso, et non alieno sigillare debeat: alioquin illud non proderit, cum sibi, necque statui non conveniat. Si autem nullum sigillum proprium habeat, vel saltem non habeat illud prae manibus, neque facile acquirere possit: tunc potest quidem uti alieno, §. *Possumt*. *Instit. de Testament. ordinand.* debet tamen exprimere, se alieno, et non proprio sigillo signasse, et cujus, et quae alieno. Innocentius, quem citat, et sequitur Abbas cap. 2. n. 16. h. 2. idque rationem proxime dictam.
- Illud etiam in Sigillo, praesertim Magistratus, est observandum, ut adhibeatur sigillum solitum, et ad talia negotia expedienda destinatum. Alioquin etiam veluti non congruens negotio, et potestati sigillantis, reddetur suspectum, nec censerebatur authenticum: nam auctoritas sigilli restringitur ad causam, et ad officium, ad quod designatum est sigillum, c. *Significavit*. 48. juncto Glossa v. *Ad citationes de Appellat.* Felinus v. *Porta sessionem*. n. 17. de *Probation.* Mascardus de *Probat. Concl.* 1309. n. 28. Menochius de *Arbitrar. Judic. lib.* 2. cas. 113. n. 7. allegans plures alios.
- Secundo, Sigillum redditur vacillans, et detrahitur fidei ejus, quando litterae sigilli non sunt legibiles: vel leguntur ita paucae, quod necessario non concludant, sigillum esse illius, cui adscribitur, sed oritur aequivoctio. Idemque dicendum, si sculpturae sunt consumptae, nec aliter potest verificari, cujus sit sigillum, juxta c. o. *Inter dilectos*. c. h. 2. Ubi proin Glossa v. *Dimidia*. insert, quod ad hoc, ut sigillum sit authenticum, debeant in eo apparere characteres, et orbita, l. *Ad totum*. §. *Signum*. ff. de *Testament.*
- Tertio, Sigillum redditur suspectum, quando patitur enormem fracturam, ita quod ex residuo non possit clare cognosci, cujus sit: quod ipsum sequitur ex proximo dictis. Quarto, quando sub sigillo charta reperitur perforata, et per glutinum novae cerae sigillum illud ipsi chartae connexum; ut est casus c. 2. o. *Inter dilectos*. ac post Innocentium notat Abbas *Ibid.* n. 4. et Felinus n. 5. h. 2. et Menochius *lib.* 2. de *Arbitrar. Judic. cas.* 113. n. 12. et 13. allegans alios. Qui tamen notant, arbitrio prudentis Judicis esse relinquendum, quatenam ex his in casibus particularibus sufficiant ad fidem detrahendam sigillo, attenta qualitate lacerationis ipsius sigilli, aliisque circumstantiis; prout in simili dici solet de vi probationis testimonii, l. 3. ff. de *Testib.* et can. *Si testes*. 4. q. 3.
- Resp. III. Sigillum dividitur ulterius in publicum. 72.



et privatam. *Sigillum publicum* dicitur, quod publica auctoritate nititur: puta, quia est Episcopi, Capituli, Principis, Civitatis, Judicis, vel alterius personae magistratum gerentis in iis, quae spectant ad ejus jurisdictionem, seu officium. Et notanter hoc ultimum additur: quia sigillum, v. g. Episcopi, appositum in testamento, vel circa alium actum non spectantem ad jurisdictionem ipsius, non censetur publicum. Mascardus *d. Concl.* 1309. n. 48. cum aliis.

78 Porro hujusmodi Sigillum publicum saepius confunditur cum Sigillo authentico, juxta Glossam *cap. 2. v. Sigillum h. t.* quoniam revera differant, sicut magis et minus commune. Nam omne sigillum publicum, est etiam authenticum: sed non e contra; sicut in simili de instrumento publico, et authentico dici solet, estque jam dictum supra §. 1. num. 14. et 15. Gonzales Tellos in *c. Scripta 2. num. 4. h. t.*

79 *Sigillum privatum* e contra dicitur, quod apponitur a persona privata: ut est sigillum Doctoris, aliarumque personarum sigillo utentium, Mascardus *cit. Concl.* 1309. n. 49. cum aliis. Et si negatum fuerit, hujusmodi sigillum esse suum, tunc a producente illud veritas ejus erit probanda: puta, per comparationem aliarum litterarum tale sigillum habentium; vel per testes, qui fuerint praesentes appositioni illius sigilli, ac hujusmodi: nam generale est, quod affirmanti incumbat onus probandi, *L. 2. ff. de Probat.* cum similibus.

80 Resp. IV. Ratione finis, ob quem apponitur, multiplex etiam est divisio Sigilli. Quoddam enim est *Sigillum auctoritatis*: ut sigillum Papae, Imperatoris, Regis, Episcopi, Dominorum temporalium, *arg. can. Nobilissimis. dist. 96.* Aliud est *Sigillum Solemnitatis*: ut sigillum testium in testamentis. Aliud *Sigillum testimoniale*; quale solet apponi in litteris testimonialibus, seu pro ferendo testimonio cujuscumque rei datis. Aliud *Sigillum ratificativum*, aut positum in signum consensus, quando v. g. agitur de praedictio sigillantis, et hujusmodi: prout focius ostendit Mascardus *cit. Concl.* 1309. n. 51. cum aliis.

81 Quaeritur II. An, et qualem vim probandi habeat Sigillum? Resp. I. Sigillum de se nihil probat, nisi concurrant aliae certae conditiones. Ita Menochius *de Arbitrar. Judic. lib. 2. cas. 113. n. 1.* post Baldum *Tit. de pace Constantiae. q. Imperialis. n. 8.* ubi idcirco dixit, commissionem, maxime specialem, ex solo sigillo non probari, cum sigillum sit res inanimata. Idemque tradit Felinus *c. Tertio loco. in princip. de Probat.* pluresque alii a Menochius, ubi *supra*, relati. Accedit ratio: quia sigillum est testis mutus, et incertus; est enim ad plura indifferens, nisi aliunde, puta, per appositam scripturam, determinetur ad aliquid certum et determinatum probandum.

82 Resp. II. Conditiones requisitae ad hoc, ut sigillum probet, fidemque faciat, potissimum sunt tres; quarum prima est, ut litteris exprimat, cujus sit; secunda, ut pateat, a quo appositum fuerit; tertia, ut constet, quae de causa appositum fuerit. Ita Menochius *cit. lib. 2. de Arbitrar. Judic. cas. 113. n. 3. et seqq.* Mascardus *de Probat. Concl.* 1309. n. 53. citans alios. Nec in re discordat Baldus *cap. 2. n. 15. h. t.* ubi inquit, quod in sigillo quatuor requirantur: videlicet *actus, aptitudo, voluntas, et character.* Nam *ly aptitudo*, et *ly character*, primam conditionem complectitur; *ly voluntas*, secundam; et *ly actus*, tertiam: prout amplius patebit ex declaratione singularum trium praemissarum conditionum.

83. Primo igitur, ut probet Sigillum, requiritur, quod litteris exprimat, cujus sit. Unde oportet, quod habeat quandam impressionem, puta imaginem alicujus Saeculi, vel Principis, vel Regis, etc.

aut arma sigillantis, *arg. L. 1. §. Sin autem socius C. de Communi sermo manumiss.* ibi: *Sigillo impresso*: prout hoc ipsum fieri solet in moneta, *L. ult. juncta Glossa v. Aeternales. C. de Veteris numismat. potest. lib. 12.* Quin imo, si desit, aut delata fuerit imago, vel characteres, ita ut non appareat, cujus sit sigillum; vacillat fides ejus, atque ipsam redditur non authenticam, *c. Inter dilectos. 6. h. t.* estque paulo superius n. 75. jam dictum.

Infertur proinde, quod si quis vellet sigillare 84 cum re non habente characteres, seu litteras legibiles, v. g. cum corrigia, vel hujusmodi, nihil ageret, *arg. l. Ad testium, §. Signum autem ff. de Testament.* ubi dicitur: *Et magis est, ut tantum annulo quis possit signare, dum tamen habeat characteres.* Innocentius in *cap. 2. vers. Cum corrigia h. t.* istud probans ex *cit. l. Ad testium. et l. Argumento §. Ornamenta. ff. de Auro et argent. legat. Abbas cod. cap. 2. n. 14. et Baldus ibid. n. 15. Mascardus d. Concl.* 1309. n. 53. cum aliis.

Solum nota pro intelligentia allegatae Legis, *Ad 85 testium*, cum Innocentio, et Abbate, ubi *supra*, et Baldo n. 16. quod illud, quod Canonistae appellant *Sigillum*, Jus Civile appellet *Annulum*. Unde quod dicitur de Sigillo idem est in Annulo; dummodo sit sculptus ad modum sigilli cum imagine, et characteribus, ut dignosci valeat, cujus sit: quales annuli hodie multi reperiuntur, ac etiam taliter appellantur *can. In nomine Patris. dist. 73.*

Secundo, ut probet sigillum, requiritur, quod 86 appareat, a quo ipsum fuerit appositum. Alioquin vero in dubio non praesumitur sigillum voluntate domini esse appositum, si is hoc negaverit: quin imo, ubi constat de protestatione contrariae voluntatis, sigillum praesumitur furtivum, si voluntas non colligatur aliunde, quam ex sigillo: ut est casus in *c. Tertio loco. 5. de Probat.* Menochius *cit. cas. 113. n. 3.* Mascardus *d. Concl.* 1309. n. 41. et 42. referens talem casum sigilli furtivi. Verumtamen scripturae non vitiantur ex eo, quod in eis non fuerit specificatum, a quo sigillum est appositum dummodo ex aliis circumstantiis istud possit deprehendi Abbas *cit. cap. 2. n. 16. h. t.* post Innocentius Mascardus *loc. cit. n. 11.*

Tertio requiritur, ut constet, quae de causa sigillum fuerit appositum: unde de hac communiter in instrumentalibus solet fieri expressa mentio. Idque merito fit: quia sigillum multis de causis potest apponi; ut puta, in signum praestitae se consensus, vel pro testimonio alteri dato, vel ad solemnitatem testamenti, aut hujusmodi. Unde, nisi harum aliqua exprimeretur, vel de ipsa aliunde sufficienter constaret, sigillum appositum veluti incertum nihil probaret.

Additur Ludov. Engel *h. t. num. 17.* etiam requiri 88 subscriptionem apponentis: quia sigillum sine subscriptione videtur testis mutus; et alioquin, si soli sigillo plena fides, adhibenda foret, facile dolus committi posset. Verum licet optimum sit, ac in praxi frequentissimum praeter appositum sigillum testem subscribere; idque quandoque sit necessarium, ut in testamentis: nihilominus subscriptionem non apponentis sigillum non semper requiri, dicitur infra n. 98. et seqq.

Resp. III. Scripturae, seu instrumenta illa, quae 89 pro sui confirmatione habent sigillum authenticum, faciunt plenam fidem. Ita textus in *cap. 2. h. t.* ubi dicitur, currere instrumentum, si testes inscripti decesserint, nisi per magistrum publicum, seu Notarium quempiam fuerit confectum, aut nisi authenticum sigillum habuerit. Et notat Glossa *ibid. v. Authentica* Abbas in *Summario. Barbosa in Collectan. n. 1. et alii. DD. Mascardus cit. Concl. 1309. n. 1.* allegans plurimos alios.

- 90 Est tamen hic notanda differentia inter sigillum authenticum publicum, et privatum. Nam instrumenta publica seu publico sigillo munita, perpetuum habent firmitatem ad damnum, et commodum utriusque partis, arg. can. *Si quis de Clericis*. 12. q. 2. et c. *Cum pridem de pactis. et l. In exercendis. C. de Fide instrument.* cum similibus. At vero privata instrumenta, seu sigillo privato munita, valent quidem in praejudicium illorum, qui ea scripserunt, l. *Generaliter. C. de non numerat. pecun. et l. Publica. §. fin. ff. Depositum*: non vero ad commodum eorum, nisi ab adversario fuerint approbata. cit. l. *Publica. §. fin.* juncto Bartolo in *Summario ibid. et l. Instrumenta domestica. C. de Probation.* Glossa in d. cap. 2. v. *Authentica h. t.* Mascardus cit. *Concl.* 1309. n. 1. 4. et 40. ad seqq. allegans alios.
- 91 Queritur III. Utrum probet Sigillum, etiam si nulla intervenierit subscriptio sigillantis? Resp. I. In resolutione hujus Quaestionis variant Doctores, atque in diversas abeunt sententias, quas majoris claritatis gratia breviter juvabit adducere. Et quidem
- 92 Negativam sententiam, seu quod absque subscriptione apponenti non probet sigillum, tenet Bartolus in *Proem ff. n. 8. vers. Item quaero, si est solum sigillum etc.* pro se allegans l. *ad testium. §. Si quis ex testibus. ff. de Testament.* ubi dicitur: *Si quis ex testibus nomen suum non adscripserit, veruntamen signaverit, pro eo est, atque vi adhibitus non est.* Unde *Summarium ibid.* ex eodem Bartolo desumptum, inquit: *Requiritur signatio, et subscriptio: et alterum sine altero non valet.* Eidem sententiae favet *Speculator Tit. de Instrumentorum editione. §. Instrumentum ergo publicum. n. 19. vers. Item quod est signatum.* ubi ad valorem instrumenti tam sigillum, quam subscriptionem requirit: et alii, quos pro hac sententia allegat Mascardus d. *Concl.* 1309. n. 6. ac sequitur Engel h. t. n. 18. addita ea ratione: quia sigillum sine subscriptione videtur esse testis mutus, qui in iudicio prodeus nihil loquitur: et si soli sigillo plena fides habenda foret, facile aliquis dolus committi valeret.
- 93 Oppositam, seu affirmativam sententiam, videlicet probare sigillum, ubi de ipso constat, nec esse necessariam propriam subscriptionem sigillantis, nisi aliud legibus, vel consuetudine constitutum fuerit: tenet Covarruvias *Pract. Quaest. cap. 22. n. 9. circa fin.* allegans alios. Menochius lib. 2. de *Arbitrar. Judic. cas. 113. n. 6.* Innocentius in cap. 2. in fin. h. t. Decius c. *Post cessionem. n. 31. de Probation.* et alii, quos pro hac sententia refert Mascardus cit. *Concl.* 1309. nu. 5. Accedit ratio: quia in cap. 2. h. t. ista duo equiparantur, et alternative sufficere dicuntur; videlicet, scripta per manum publicam facta, et scripta habentia sigillum authenticum, ibi: *Nisi per manum publicam facta fuerint, ita quod appareant publica; aut authenticum sigillum habuerint, per quod possint probari.* Atqui in alternativis sufficit alterum adimpleri, juxta *Reg. 70. Juris in ti.* cum concordantiis. Verum inter hasce extremas sententias videtur media via iucundum; unde
- 94 Resp. II. In testamentis scriptis, sicut et in aliis casibus, ubi agitur de magno praejudicio, aut de jure vel consuetudine specialiter requiritur subscriptio, haec omnino est facienda, neque sufficit sola appositio sigilli: secus dicendum in aliis negotiis, quae sunt modici praejudicii, simulque constat sigillum esse ejuspiam, atque ab ipso vel de ejus voluntate, sive appositum. Ita Covarruvias loc. cit. Mascardus d. *Concl.* 1300. nu. 7. et alii. Neque in re videatur dissentire Auctores pro sententia negativa num. 92. allegati: quia ipsi, ac praesertim Bartolus, loquuntur in testamentis scriptis, juxta l. *Ad testium. §. Si quis ex testibus. ff. de Testament.* quam Bartolus pro se allegat, quamque agere de solemnitate testamentorum, patet ex Rubrica, totoque contextu. Atqui in testamentis, aliisque causis, in quibus agitur de magno praejudicio, vel ubi reperitur specialis constitutio, aut consuetudo, requiritur subscriptio, et sigillationem simul, utro latetur praesens Conclusio. Siquidem de testamentis illud clare habetur statutum in cit. l. *Ad testium*: de aliis vero causis arduis id ipsa suadet gravitas negotii, majusque periculum; praesertim si accesserit specialis constitutio, vel consuetudo locorum, cum haec sola sufficere valeat ad inducendam necessitatem subscriptionis, cap. ult. de *Consuetud.* cum similibus.
- 95 Secus dicendum de negotiis modici praejudicii, simulque constat de appositione sigilli: quia tunc (secluso speciali locorum statuto, vel consuetudine) cessant rationes proxime allatae, atque subintrat dispositio cap. 2. h. t. Quamquam Menochius cit. cas. 113. n. 6. notanter moneat, quod ad evitandas omnes disputationes optimum sit, etiam addere subscriptionem.
- 96 Objicies autem contra praemissa, afferendo notabilem instantiam. Non creditur dicto unius testis, quantaecumque sit auctoritatis, c. *Cum a nobis. 28. de Testib. et l. Jurisjurandi. C. eod.* ergo multo minus sigillo quantaecumque authentico: cum non major fides adhibenda sit voci motae, quam viva; nec minus induci quis possit ad apponendum falsum sigillum, quam ad falsum testandum. Resp. neg. consequent. et paritatem. Et enim sigillo authentico, de cujus veritate constat, creditur tam auctoritate Legis cap. 2. h. t. cum similibus: tum ex recepta consuetudine locorum, ubi contraria consuetudo non inolevit. Nam consuetudo non solum est optima Legum interpret, c. *Cum dilectus. 8. de Consuetud.* sed etiam potest facere, ut credatur talibus litteris sigillatis in quocumque facto, etiam ubi alias non plene crederetur sigillo; prout cum communi DD. notat Mascardus cit. *Concl.* 1309. n. 34. Horum autem nullum procedit de dicto unius testis. Accedit, quod ob labilitatem linguae multis plura pericula falsi testimonii subessent, si passim crederetur dicto unius testis, etsi caeteroquin gravis, quam si fides adhibetur appposito sigillo authentico. Tum quia in sigillo facilius falsitas comprehenditur, quam in dicto testis: tum quia Conclusio procedit, quando non oritur rationabile dubium de voluntate apponendi sigillum ex parte ejus, cujus est sigillum.
- 97 Queritur IV. Utrum aliquando probet instrumentum absque appposito sigillo? Resp. I. Loquendo de testamentis, privilegiis, et similibus, in quibus sigillum est de solemnitate vel substantia actus, tunc eo deficiente instrumentum non censetur authenticum, nec habet vim probandi. Ita Menochius lib. 2. de *Arbitrar. Judic. cas. 113. nu. 14.* Felinus c. *Inter dilectos. n. 5. h. t.* et alii, ex textu illius Capituli inferentes, quod ob enormem fracturam sigilli vacillet fides privilegii: quanto magis, si sigillum penitus deliceret, seu nunquam appositum fuisset. Idem esse dicendum de testamentis, patet ex l. *Ad testium. §. Si quis ex testibus. ff. de Testament.* cum concordantiis.
- 98 Resp. II. Extra hosce casus, ac regulariter loquendo, sigillum in instrumentis ad substantiam actus non adhibetur, sed ut is facilius probetur. Ita Innocentius c. *Inter dilectos. vers. Sigillum h. t.* Abbas cap. 1. n. 3. vers. *Decimo requiritur et c. Inter dilectos. n. 3. eod.* ubi tamen addit, quod semper apponatur sigillum ad cautelam, quando instrumentum est publicum. Felipus cit. c. *Inter dilectos. n. 5. h. t.*

Menochius d. cas. 113. n. 13. et 14. allegans insuper Hostiensem, et Cardialem, quos secutus est Zaccarius Consil. 2. n. 37. lib. 1. et concordant dicta superiora §. 1. nu. 29. Id ipsum desumitur ex cap. 2. h. t. ubi scripta illa censentur autentica, et mortuis etiam testibus probantia, quae per manum publicam (id est, per Notarium, ut explicat Glossa) facta fuerunt, ita quod appareant publica: atque istud solum sufficit; nam de sigillo primum subjungitur subdisiunctione: *Aut authenticum sigillum habuerint.* Concordat textus in l. Contractus venditionum. C. h. t. ubi ad valorem instrumentorum plus non requiritur, quam quod subscriptionibus partium confirmata, et si per tabellionem conscribantur, etiam ab ipso completa, et postremo a partibus absoluta sint; hoc est, subscripta, ut explicat Glossa ibid. v. Absoluta.

99 Solet tamen plerumque sigillum apponi, non quod istud regulariter sit necessarium, seu requiratur ad substantiam actus, seu ad faciliorem probationem: nam sigillans scripturam, contenta in ea praesupponit vera, et videtur sateri omnia contenta in ipsa. Alexander Consil. 147. nu. 6. et 7. lib. 2. Card. Tuschus Lit. S. Concl. 239. n. 1. citans insuper Baldum Consil. 175. n. 2. lib. 1. Romanum Consil. 303. in fin. et alios.

100 Inferitur proinde, quod scriptura, etiam privata, quae inducitur contra eum, qui ipsam scripsit, atque subscripsit ad utilitatem alterius partis, v. g. in donatione etc. neque ab eo facta negatur, contra ipsum plene probet, l. In donationibus. C. de Donationib. et l. Publica §. fin. ff. Depositi. Idemque dicendum, quando scriptura facit pro utraque parte, et subscribitur a qualibet earum, vel per alium vel alios de ipsarum voluntate; ut fieri potest in contractu locationis, et huiusmodi: tunc enim ea per subscriptionem ambarum partium efficitur legitima, et per illam subscriptionem suppletur defectus publicae personae ac etiam tenium, cit. l. Contractus venditionum. C. h. t. et l. Vice donatricis. C. de Donation. ac notat Jo. Andreas in Addit. magna ad Speculator. Tit. de Instrument. edition. §. Nunc dicendum. vers. Tertium supplementum. et Pax Jordanius vol. 3. lib. 1. §. de Fide instrument. n. 9.

101 Illud quoque notandum est cum Speculatore cit. §. Nunc dicendum. num. 8. Felino c. Post cessionem. num. 8. de Probat. et aliis quod consuetudo Provinciarum multum operetur quoad hoc, utrum credatur alicui scripturae, vel non, c. Cum dilectus. 9. h. t. juncta Glossa §. Approbata, ubi inquit, quod consuetudo facit aliquod instrumentum authenticum, quod alias non esset: sicut et consuetudo dat alicui jurisdictionem, quam alias non haberet. Concordat Jo. Andreas in cit. Addit. magna. vers. Septimum supplementum, et Pax Jordanius loc. cit. nu. 8. ubi inquirunt, quod juxta consuetudinem loci Venetiis statuitur instrumentis scriptis per Sacerdotes: et in multis partibus fidem faciat certum sigillum, certa subscriptio, certa stampo, vel formae impressio. Stabatur enim (ajunt) consuetudini illius loci, et instrumentis eo loco factis, etiam si alibi egatur, et scripta illa producantur; ut d. c. Cum dilectus. h. t. et l. 1. C. de Emancipat. Idem tradit Jason l. Admonendi. num. 78. ff. de Jurejurand. citans alios. Concordant dicenda inferius §. 5. num. 153.

## §. IV.

De fide Archivii, atque Scripturarum in eo repertarum.

## SUMMARIUM.

- 102 Libri rationum, et caeterae scripturae privatae, concurrentibus certis conditionibus desumptae ex publico Archivio, plene probant.
- 103 Conditiones ad id requisitae, sine quatuor. Et n. seqq.
  - I. Ut Archivium ejusmodi sit publicum. Et num. seqq.
- 104 Secus dicendum de Archivio privato.
- 105 II. Ut scriptura illa sit posita inter scripturas authenticas.
- 106 III. Ut ex consuetudine fides detur talibus scripturis; et an talis consuetudo sit probanda?
- 107 IV. Ut constet, scripturam illam esse Archivii, seu repertam in eo.
- 108 Scripturae privatae repertae in publico Archivio; an fidem faciant duntaxat intra territorium Domini sui, vel etiam extra illud? Et num. seqq.
 

Refertur sententia, asserens, eas tantum probare intra territorium illius, qui deputavit archivium. Ibid.
- 109 Opposita sententia, seu docens, tales scripturas probare ubique locorum, etiam inter non subditos Domini archivii, suadet.
- 110 Et haec videtur probabilior, sub certa tamen limitatione. Et n. 112.
- 111 Solvuntur rationes contrariae sententiae. Archivium publicum, unde fidem faciat? Ibid.
- 112 Et respondetur ad decisionem Rotae.
- 113 Ad constituendum publicum Archivium, quae requirantur?
- 114 Archivii Monasteriorum, Civitatum et Personarum illustrium, etc. atque libris, et scripturis inde depromptis, ex titulo Archivii nulla auctoritas competit.
 

Neque ipsis regulariter creditur, praesertim quando allegantur ad probanda propria jura. Ibid.
- 115 Puta, si reperiantur in libro Monasterii, rem meam esse eidem traditam; aut in eo sint descriptae solutiones canonum, vel censuum etc.
- 116 Contraria quorundam sententia refertur.
- 117 Quae rejicitur, seu explicatur.
- 118 Dantur certi casus, in quibus libri ex Archivii Monasteriorum, civitatum etc. extracti, plene, vel quasi plene probant.
 

Ut si Monasterio etc. competit jus publici Archivii; aut libri illi sint scripti in forma publica. Ibid.
- 119 Vel quando libri ejusmodi communiter habentur pro authenticis, et in dubio ad eos recurri consuevit.
 

Aut Decreto Principis sancitum est, ut eis plena fides adhibeatur. Ibid.
- 120 Item in Summis parvis: tunc enim datur plena fides libris Monasteriorum, Civitatum etc.
 

Istud extenditur ad libros rationum Administratoris, et Mercatorum. Ibid. et num. 108. ac seqq.
- 121 Idem dicendum in Factis antiquis: unde Libri antiqui Ecclesiarum probant pro Ecclesia: praesertim, quando agitur de probandis finibus. Ibid.
- 122 Id ipsum procedit, quando ex libris Monasterii constat de solutione decennali uniformi censuum; quia tunc solita solutio sensus recte probatur.



- 123 Quod si agatur de probando dominio, vel possessione, tunc requiritur majus tempus; et quale?
- 124 Quando agitur contra Monasterium, tunc contra istud ex libris ejusdem plena fides inducitur.
- 125 Idem dicendum, quando unus subditus tales libros, vel scripturas Monasterii, allegat contra alium subditum ipsius.
- 126 Libri Parochorum non habentium speciale archivium, quam vim probandi habeant? Et num. seqq.
- Quos libros Parochus teneatur habere? Ibid.
- 127 Libri Parochiales de quorundam Baptismo, Matrimonio, vel morte attestantes, plene probant.
- 128 Et qualiter probent libri Parochiales, in quibus annotantur redditus, jura, et bonae Ecclesiae suae.

192. Queritur I. An, et quando scripturae in publico Archivio repertae, plene probent? Resp. I. Libri rationum, sicut et caeterae Scripturae privatae, concurrentibus certis conditionibus, desumptae ex publico archivio, plenam fidem faciunt. Ita Abbas cap. 2. n. 6. h. t. Jason Repetit. l. Admonendi n. 97. ff. de Jurjurand. Mascardus de Probat. Concl. 111. n. 9. et Concl. 712. nu. 60. et 61. Card. Tuschus Litt. A. Concl. 366. n. 1. et seqq. Engel h. t. n. 19. Sigism. Scaccia de Judiciis, cap. 11. num. 756. et 757. ac seqq. Aymon Cravetta Tom. 17. Tractatum, tract. De antiquitate temporum. §. Quarto limitatur n. 1. Felinus c. Ad audientiam. n. 11. et Barbosa ibid. n. 3. de Praescript. Nicolaus Genova (alias, Nicolaus de Passeribus) tract. de Scriptura privata lib. 5. et §. 1. et 10. ac seqq. et alii passim. Siquidem per Archivium publicum datur robor scripturae caeteroquin non authenticae, arg. Auth. Ad haec de iis. c. de Fide instrument. ibi: Item ex charta, quae profertur ex archivio publico, et testimonium publicum habet. Concordat textus in can. Pervenit. 30. quaest. 1. juncto c. ad audientiam. 13. de Praescript. ubi plene creditur Libro censuali, et aliis in archivio Sedis Apostolicae repertis. Accedit ratio ibidem relata: quia, cum *Scriniarius juratus sit officium suum fideliter exequi*, ratione juramenti, et publici officii praesumitur, nihil ipsum scripsisse, nec ibidem reposuisse, quam quod verum extiterat; prout argumentatur Pontifex in cit. c. ad audientiam. de praescript.

193. Resp. II. Conditiones requisitae ad hoc, ut scripturae ratione archivii plene probent, sunt quatuor. Prima est: ut Archivium ejusmodi sit publicum; hoc est, erectum ab eo, cui jus archivii compellere dignoscitur: quale solet competere donatariis Praelatis Ecclesiasticis majoribus, puta Episcopis, horumque Superioribus; nec non et Principibus, Dominisque saecularibus, qui in suis territoris exercent jura Imperii, et Regalium. Archivium quippe est locus publicus, in quo solent reponi scripturae publicae, et authenticae. Abbas c. Cum causam. n. 1. vers. Secundo dicit. de Probat. Sigism. Scaccia lib. 2. de Judiciis cap. 11. num. 757. et alii: de cujus requisitis proxime dicitur n. 213.

194. Secus dicendum de Archivio privato: quia in hoc solet concurrere interesse eorum, qui habent tale archivium; atque ideo archivium privatum non potest dare fidem scripturae inde extractae. Scaccia cit. cap. 11. nu. 760. Nam quod archivium publicum tribuat scripturae fidem, et authenticationem, provenit tum ratione loci, publica auctoritate, seu per Principem jus Imperii, ac Regalium habentem, ad hoc deputati; tum ratione juramenti.

praeiiti per Officialem illum, sub cujus custodia existit: unde praesumitur de fidelitate custodiae, et quod scripturae ibidem repertae censeantur fide dignae, arg. cit. c. Ad audientiam. juncta Glossa v. Juratus. et DD. ibid. de Praescript. Talia autem delinunt in Archivio privato.

Secunda conditio est, quod scriptura illa, de cujus fide agitur in publico illo Archivio sit posita inter scripturas authenticas, vel pro authenticis habitas. Abbas cit. c. Cum causam n. 1. vers. Quandoque agitur. Genova, ubi supra. n. 1. Scaccia n. 762. allegans alios.

Tertia est, quod ex consuetudine fides detur libris scripturis. Nec tamen hinc sequitur, quod producens scripturam ex archivio teneatur probare ejusmodi consuetudinem; atque non auctoritas archivii, sed consuetudo, tribuat scripturae illi vim probandi. Resp. enim quod auctoritas archivii sit causa illius consuetudinis, talisque consuetudo sit notoria in judiciis, nisi forsitan alicubi vigeret contraria: unde consuetudo illa, veluti notoria, non indiget alia probatione, sed est praesumptio pro illa; ac proinde in dubio scripturae repertae in publico archivio, de consuetudine habeantur pro authenticis, nisi probetur contrarium. Scaccia loc. cit. n. 768. et 770.

Quarta conditio est, quod constet, scripturam illam esse scripturam Archivii: seu, quod scriptura illa corroboretur testimonio Officialis ipsi archivio assistentis, et attestantis, illam scripturam in archivio publico fuisse repertam. Textus est in Auth. Ad haec ex iis. c. h. t. ibi: Item ex charta, quae profertur ex archivio publico, et testimonium publicum habet: ubi Glossa v. Testimonium publicum asserit, istud haberi ex ipso, quod constet Magistrate, ex Archivio eam esse; vel quod talia sint signa in ea, qualia solent fieri manu Commentariensis. Hoc ipsum tradit Glossa c. Ad audientiam. v. Censualem. de Praescript. Scaccia, ubi supra, n. 772. et 773. allegans alios.

Queritur II. Utrum Scripturae privatae repertae in Archivio publico, fidem faciant donatari intra territorium Domini sui, hoc est, illius, cujus auctoritate deputatum est archivium, vel etiam extra illud? Resp. In resolutione hujus Quaestionis non nihil variare Doctores; prout videre est apud Aymon Cravettam cit. Tom. 17. Tractatum, tract. De antiquitat. tempor. §. Quarto limitatur. num. 5. ac seqq. Card. Tuschum Litt. A. Concl. 386. nu. 6. et alios. Et quidem, quod libri, seu scripturae privatae ex archivio publico productae, solum probent intra territorium illius, qui deputavit archivium, ac etiam contra subditos suos extra illud existentes, non vero contra alios; tenet Baldus in Rubric. c. de Fide instrument. nu. 44. et 45. Jo. Andreas in Additione magna ad Speculatorem. tit. de Instrument. edit. §. Nunc dicendum. vers. Quintum supplementum. et vers. Sextum est. Felinus c. Ad audientiam. n. 12. de Praescript. Alexander Consil. 138. n. 5. et 6. lib. 1. Cravetta loc. cit. n. 5. quamvis postea videatur in oppositam sententiam declinare. Mascardus de Probat. Concl. 712. n. 63. et Concl. 977. num. 52. Pax Jordanus tom. 3. tit. de Fide instrument. n. 37. citans Rotam Decis. 271. n. 7. part. 1. novus. Scaccia cit. cap. 11. n. 796. et 798. allegans plures alios. Rationem dant: quia virtus probandi ex tali libro, si ve scriptura ratione loci, seu publici archivii promanans, non extenditur extra territorium; cum extra territorium iam dicenti, impune non pareatur, c. Ut animarum. de Constitut. in 6. et L. ult. ff. de Jurisdic. omn. judic.

Oppositum tamen, seu scripturam sumptam ex Archivio publico cum testimonio Officialis ad hoc deputati, plenam fidem facere, atque hunc effectum.

operari ubique locorum, etiam inter non subditos homini archivii: tenet Franciscus de Aretin c. Cum causam, n. 6. et seqq. de Probat. Jason. l. Si non speciali, n. 3. C. de Testament. ubi ex textu illius Legis inferit, quod non solum testamentum, sed generaliter scriptura facta in loco secundum privilegium loci (quod etiam est privilegium publici archivii) probet ubique. Genova, ubi supra, d. §. n. 18. et 19. citans alios, idque probans ex Auth. Ad haec. C. de Fide instrument. et Auth. de iis qui ingrediuntur ad appelland. §. Si vero etiam. Collat. §. Accedunt rationes relatae per Cravettam loc. cit. n. 6. et 7. quia videmus, quod ubi aliqua scriptura de iure non solennis, sit valida ratione statuti, vel consuetudinis, talis consuetudo extendatur extra territorium, et scriptura sic roborata, ubique probet. Bartolus, et DD. in l. 1. in 7. quaest. C. de Summa Trinit. Baldus l. Si non speciali, per textum ibid. C. de Testament. et alii; et concordant dicta §. praeced. num. 101. et dicenda inferius §. 5. n. 153. 154. et 155. Unde circa fidem scripturae inspicitur locus, ubi facta est, ubicunque postea producat per l. Si fundus. C. de Eviction. Baldus Consil. 179. lib. 3. Jason l. Jus autem Civile n. 33. ff. de Iustis. et Jur. Guido Papae quaest. 260. ita discurret Cravetta loc. cit. subiungens quaedam alia in favorem huius sententiae.

Atque haec posterior sententia videtur probabilior, Iurique conformior; loquendo tamen de archivio publico, et dummodo non agatur de commodum eorum, quorum est archivium; prout censet, ac limitat Mascardus d. Concl. 712. num. 64. allegans alios.

Nec obstant rationes contrariae sententiae, et n. 108. allatae. Siquidem scripturae sumptae ex archivio publico fidem faciunt, non ratione loci unde sumpti (utpote qui est testis mutus, ac de se indoneus ad dandam talem fidem) sed potius ratione illius, cujus auctoritate archivium publicum est constitutum, ac scripturae ejusmodi in illud relatae, et ibidem fideliter custoditae atque asservitae. Et quavis huius jurisdictionis, videlicet Principis, cuius potest archivium publicum, extra proprium territorium se non extendat: quia tamen circa fidem scripturae inspicitur locus, ubi facta est, hanc semel ex archivio publico acceptam retinet semper scriptura illa, ubicunque producat.

Ad Decisionem. Rotae dicitur, eam procedere, quando agitur de commodum eorum, quorum est archivium: quia, ut inquit Pax Jordanus loc. cit. et loquitur de archivio civitatis Ravennae quoad Ecclesiasticos ejusdem civitatis. Hic autem casus cum Mascardus jam est exceptus num. 110. cum Iuri naturali sit consuetudinem, ne quis propria annotatione debitorum sibi constitueret valet, praesertim a sua jurisdictione saeculari exemptum: ut est Clerus respectu fori saecularis.

Notandum tamen est cum Engel h. t. n. 20. allegante communem, quod ad constituendum publicum Archivium tria requirantur. Primo, ut sit erectum ab eo, cui ius archivii competere dignoscitur: quale tantummodo competere Praelatis Ecclesiasticis majoribus, nempe Episcopis, eorumque Superioribus, necnon et illis Dominis temporalibus, qui in suis territoriis exerceant iura Imperii et Regalia, communis Doctorum sententia censet. Secundo, ut specialiter inquiratur, ut tale Archivium sit sub custodia cujusdam Officialis, quem antiqui Commentarienses, moderni Cancellarium appellant. Cord. Tuschus Litt. A. Concl. 486. num. 1. et seqq. Felius c. Cum causam. numer. 7. de Probat. Decia d. lib. 2. cap. 11. n. 761. Engel loc. cit. et alii. Tertio, ut in productione scripturae alienius testetur, quoniam scripturae inter alia instrumenta

authentica in tali Archivio, seu Cancellaria repertam, et asservitam fuisse, conformiter dictis supra n. 105. et 107.

Quaeritur III. Quid dicendum de Archivio Monasteriorum, ac huiusmodi? Resp. I. Archivio Monasteriorum, Civitatum, et Personarum illustrium, quibus nec Cancellarius, nec iura Regalia suffragantur atque scripturis, vel libris inde de promptis ex titulo Archivii nulla auctoritas competit. Ita Sigism. Scaccia lib. 2. de Judiciis. cap. 11. n. 980. Engel h. t. n. 21. Genova de Scripturis privatis. lib. 6. §. 1. num. 30. citans Rotam die 3. Decemb. 1548. in causa Tarraconensis Parochialis, teste Putzo lib. 3. Decis. 186. et alios; atque omnes, hanc esse receptissimam sententiam. Ratio est: quia talia archivaria sunt privata dominata, cum eis deficient conditiones ad Archivium publicum requisitae; ac proinde exinde nequit ipsis accrescere major vis, atque auctoritas probandi. Unde consequens est, quod ipsis regulariter non credatur, praesertim quando allegantur ad probanda propria sua iura; neque in commodum suum, et aliorum praevicium, l. Exemplo. C. de Probat. ibi: Exemplo perniciosum est, ut ei scripturae credatur, quae unusquisque sibi annotatione propria debitorem constituit: cum similibus.

Inferitur proinde, quod si reperjatur in libro Monasterii, rem meam esse eidem traditam, ex hoc solo mihi praevicium non inferatur: nisi ego coactionem, vel aliae probationes supplicent. Genova cit. lib. 6. cap. 1. n. 2. et 9. post Matthaeum de Afflictis Decis. 314. n. 7. et alios. Item, si in libro Monasterii sint descriptae solutiones canonum, aut census, ex hoc solo non sequitur probatio census, aut emphyteosis. Abbas Consil. 67. circa med. lib. 2. Genova cit. cap. 1. n. 3. Cravetta d. tract. De antiquo tempore. §. Quid in libro. n. 2. citans Aulicorum Consil. 44. post med. Juan. de Anania Consil. 84. et Paulum de Castro Consil. 105. lib. 1.

Notandum quidem, quod Romanus Consil. 137. circa princ. tenet, quod libris Monasteriorum, et similium locorum, talem solutionem continentibus, plena sit adhibenda fides; per textum in l. Census. ff. de Probat. etc. Ad audientiam de Praescript. Cui sententiae etiam favent Boerius Decis. 103. num. 18. Parisius Consil. 7. n. 4. Decius Consil. 147. n. 14. pluresque alii, quos pro hac sententia allegat Genova cit. lib. 6. cap. 1. n. 6. qui tamen dictam Romani sententiam procedere ajunt concurrentibus aliis conjecturis. Ac Hippolytus Riminal. Consil. 506. num. 19. ubi docet, Libris Monasteriorum esse credendum, in quibus apparent solutiones factae per plures ipsorum Procuratores, et Oeconomos jam defunctos: quia non est verisimile, quod mori voluissent in peccato falsitatis.

Verum duo ille Iura, per Romanum allegata, istud non convincunt: nam textus in d. l. Census. ff. de Probat. intelligitur in publicis instrumentis, receptis manu Notarii, quae habent fidem indubitatam. Cravetta cit. §. Quid in libro. n. 9. post Fulium; et alios. Textus autem in d. c. Ad audientiam. de Praescript. loquitur de publico Archivio Pontificio, non de privato monasteriorum et similium locorum. Nec multum urgent ceteri doctores, utpote qui vel loquuntur concurrentibus aliis adimiculis, seu conjecturis, ut dictum; vel commode possunt explicari, quod loquuntur in factis antiquis, aut in aliis casibus illico offerendis, in quibus data conclusio esse liminanda, ultro facendum. Hinc

Resp. II. Nihilominus data Conclusio patitur nonnullas limitationes: danturque certi casus, in quibus libri ex archivis Monasteriorum, Civitatu-

aut similia locorum extracti, plene, vel quasi plene probant. Et primo quidem id contingit, quando Monasterio, Principi, vel Civitati, competent jura Imperii, ac Regalium, atque etiam jura publici archivii: nam tunc procedunt dicta superiorum num. 102. Idemque dicendum, quando libri illi sunt scripti in forma publica, aut inter scripturas publicas in loco publico ab hoc destinato, et per Officiales publicos ad id deputatos custodiantur: quia tunc etiam plene probant, juxta dicta num. 103. et seqq. et tradit Alexander Consil. 187. n. 2. lib. 7. cum alijs pluribus. Sed hi duo casus sunt extra propositum nostrum.

- 119 Secundo limitatur dicta Conclusio, quando libri in Archivio Monasterii, vel Civitatis etc. conservati, communiter habentur pro authenticis, atque in dubio hactenus ad eos recurri consuevit: nam tunc antiqua consuetudo eisdem tribuit auctoritatem, atque ipsis plena fides adhibetur. Alexander cit. Consil. 187. n. 2. lib. 7. Cravetta loc. cit. n. 6 istud probans ex c. Cum dilectus. 9 de Fide Instrument. juncta Glossa v. Approbata. et D. D. ibid. Genova cit. cap. 1. n. 30. istud ampliatur ad Decretum Principis, quo sancitur, ut talibus libris Monasteriorum plena fides adhibetur: intellige, nisi ex alijs gravibus causis contrarium videatur Judici tenendum.

- 120 Tercio limitatur in parvis Summis, seu quando agitur de modico praejudicio: tunc enim talibus libris Monasteriorum, Civitatum etc. datur plena fides. Cravetta cit. §. Quid in libro. num. 4. allegans Ancharanum Consil. 44. nu. 6. atque istud extendens ad libros rationum Administratoris: nam si creditur in summis partibus, et verisimilibus cum iuramento, si vivit: alijs mors supplebit efficaciam juramenti. Mascardus de Probat. Concl. 977. n. 58. istud a pari dicens de libris Mercatorum, quibus standum est in postis minutis. Genova cit. cap. 1. n. 20. allegans communem, atque amplius dicitur infra §. 7. n. 208. 209. et 214.

- 121 Quarto limitatur in Facijs antiquis, praesertim hominum, memoriam excedentibus: siquidem in antiquis, universaliter, propter difficultatem probationum, leviores probationes acceptantur, c. Cum causam. 13. de Probat. cum similibus. Unde, quod libri Ecclesiarum antiqui, propter eorum antiquitatem, probent pro Ecclesia: testis est in d. c. Cum equam. juncta Glossa v. Per libros antiquos de Probat. ac notat Speculmor tit. de Probat. §. Videndum. n. 12. Abbas Consil. 74. n. 1. lib. 1. Genova loc. cit. num. 14. Mascardus d. Concl. 977. num. 57. allegans alios. Atque istud vel maxime locum habet, quando agitur de probandis finibus, ac territorio: utpote de quibus in cit. c. Cum causam. de Probat. ex professo agitur.

- 122 Id ipsum procedit, quando ex libris Monasterii clare constat de solutione decennali uniformi censuum: quia non est verisimile, quod viri Religiosi, vel Procuratores ipsorum, longo tempore falso et fraudulentè augerent factam ejusmodi solutionem: ac proinde, nisi aliunde forent suspecti, merito creditur ipsis etiam in praejudicium tertii, sive solventium, Genova cit. lib. 5. de Scriptura privata. cap. 2. n. 11. et seqq. allegans Baldum in L. fin. num. 9. Sine censu vel reliquis etc. Ubi ait, solitam solutionem, census recte probari per libros censuales continentes uniformem solutionem: nec ultra aliud inquirendum, si per decennium haec conquectum fuisse, scriptum legitur, nisi contrarium probetur: quia hoc non quaeritur, an haec bona sint Monasterii, vel censualia, sed hoc supposito tantummodo tractatur, quid, et quantum sit praestari solitum.

- 123 Quinto, verum agatur de probando dominio, vel

possessione illius, tunc requiritur majus tempus: videlicet tempus quadraginta annorum, si sermo sit de bonis Ecclesiae, arg. c. de quarta. juncta Glossa ibid. v. Quadrageima. de Praescript. et c. Olim causam. 20. de Censib. Mascardus de Probat. Concl. 279. n. 1. et 2. allegans alios. Quamquam in rebus privatorum sufficiant triginta anni, c. Sanctorum. juncta Glossa v. Sincere de Praescript. Mascardus loc. cit. n. 3. Jul. Clerus §. de Feudis. quest. 19. Genova ubi supra n. 13. et alii, quos citant.

Quarto limitatur, quando agitur contra ipsam Monasterium: tunc enim contra istud ex ejusdem libris plena, et indubitata fides inducitur. Abbas Consil. 67. num. 2. vers. Nam ut apparet. lib. 2. Cravetta cit. §. Quid in libro. nu. 6. post Ancharanum Consil. 44. Engel h. n. 21. Genova cit. cap. 1. n. 29. cum alijs. Nam generale est, quod scripturae, seu instrumenta privata valeant in praejudicium illorum, qui ea scribunt, l. Generaliter. C. De non numerat. pecun. licet non ad commodum eorum. Glossa cap. 2. v. Authentica. h. t.

Quinto limitatur, quando unus subditus, tales libros, seu scripturas Monasterii, allegat contra alium subditum ipsius: tunc enim cessat omnis praesumptio fraudis, atque falsitatis, ob parem affectionem Domini erga subditos suos; arg. l. Non solum §. De uno. ff. de Ritu nuptiar. sique inde colligitur efficax probatio. Taceatur nonnullas aliae limitationes, apud Auctores proxime relatos videndae, quibus accedunt dicenda inferius §. 7. De libris Rationum. etc. n. 200. et seqq.

Quaeritur IV. Quam vim probandi habeant Libri Parochorum, caeteroquin non habentium speciale archivium? Ubi praenotandum, quod juxta praescriptum Concilii Tridentini Sess. 24. cap. 1. et 2. de Reformat. matrim. Parochos praecipue tenetur habere duos libros, videlicet Baptismalem, et Matrimonialem. In priori tenetur diligenter inscribere nomina eorum, quos baptizat, simulque illorum, qui Baptizatum de sacro fonte suscipiunt, nec non nomen patris et matris ipsius baptizati, et impostum tum aetas baptizati, tum cognatio spiritualis ex Baptismo suborta, inde probari valeat. In posteriori autem, sive in Libro matrimoniali, tenetur Parochus conjugum, coram ipso contrahentium, et testium nomina, diemque et locum contractu matrimonii describere, quos diligenter apud se custodiat. Praeterea debet Parochus habere librum, in quo describatur mors Sepulorum in sua Ecclesia: item Librum, in quo continentur annotati redditus, jura et bona Ecclesiae suae. Quo praenotato.

Resp. I. Libri Parochiales de quorundam Baptismo, Matrimonio, vel morte attestantes, et contenti in ipsis ad Parochi officium pertinentia, plene probant. Ita Pax Jurdaus tom. 3. tit. de Fide instrument. numer. 48. allegans Rotam Decis. 321. num. 3. part. 1. noviss. ubi resolvitur, sufficiens probari mortem alienius ex libro Parochi, in quo mortui adnotantur: quod a pari dicendum de Baptismo, Confirmatione, Matrimonio, et similibus. Genova cit. lib. 5. cap. 2. quest. 1. et 2. Mascardus de Probat. Concl. 673. n. 1. et seqq. allegans plurimos alios. Ratio est: quia, licet Liber Parochialis non sit publicus, id est manus publici Notarii com. debitis solemnitatibus Juris conscriptus: nihilominus auctoritate Sac. Concilii Tridentini, industria, et fides Parochi est electa ad conscribendum istum librum: ergo indubitanter fides talibus est adhibenda. Alioquin cum frustra a Generali Concilio fuisset Parochis impositum onus registrandi talia in suo libro, nisi fides apud omnes publice foret, et plene probaret. Intellige,



dummodo aliunde de opposito non constet, aut de errore duceatur: qua ratione etiam instrumentum publicum Notarii impugnari posse, infra §. 10. n. 291. 294. et 304. dicitur.

- 128 Resp. II. Libri Parochiales, in quibus annotantur redditus, jura et bona Ecclesiae suae, non aliter probant, ac libri et scripturae, quae asservantur in Archivis Monasteriorum, de quibus proxime dictum est: Ratio disparitatis inter hos, et priores libros est: quia ex libro Baptismali, Matrimoniali et Mortuali, nihil proprii commodi, atque emolumentum provenit: Parochia, unde tunc cessat ratio singulae suspicionis contra ipsum: secus dicendum de Libris reddituum etc. utpote in quibus agitur de proprio commodo Parochi.

§. V.

De Scripturis privatis, earumque divisione, authenticatione, et probatione: ubi et de Comparatione litterarum.

SUMMARIUM.

- 129 Scripturae privatae, quae?  
130 Triplex est species earum. Et num. seqq.  
131 Apocha generatim, et  
132 Apocha specialius accepta, quid?  
133 Autapocha, ejusque utilitas.  
134 Syngrapha,  
135 Liber rationum;  
136 Inventarium, et Epistola, quid?  
137 Scriptura, sive instrumentum privatum, adhuc tripliciter dividitur.  
138 Scriptura privata tibi tantum facta, quae?  
Hanc regulariter non probat in commodum scribentium. ibid.  
139 Adeo, ut etiam Rationes defuncti, ad probationem sibi debitae quantitatis solae non sufficiant. Idem dicendum, si defunctus in ultima voluntate sibi quid deberi significaverit. Ibid.  
140 Scriptura privata alteri tantum facta, quae?  
Haec regulariter plene probat contra scribentem.  
141 Scriptura privata tibi et alteri facta, quae?  
142 Scriptura privata alia est authentica, alia non authentica; quae?  
143 Scripturae privatae pluribus modis authenticantur, ita ut plenam fidem faciant. Et num. seqq. Videlicet,  
144 I. Per subscriptionem propriae manus, ac trium testium viventium.  
145 Quid, si testes interea sunt mortui?  
146 II. Per appositionem sigilli authentici majoris Magistratus etc.  
147 Idem dicendum, quando scriptura caeteroquin privata, cum debitis solemnitatibus est subscripta, et sigillata a publico Notario: secus, si eam confecit non ut Notarius.  
148 III. Per subscriptionem partium non negatarum.  
149 IV. Per subsequentem Judicis examinationem, et approbationem.  
150 V. Per deputationem loci, seu ratione publici Archivi.  
151 Scriptura privata in Archivio publico fideliter custodita, plene probat; et quando?  
152 VI. Ex longi temporis observatione.  
153 VII. Scriptura censetur authentica, quae confecta est secundum morem, et consuetudinem Regionis: et ratio hujus.  
154 Stante consuetudine ista, vel statuto loci, datur scripturae illi fides ubique locorum.  
155 Statutum existens in Curia Mercatorum, ut

scripturae mercatoris adhibeatur fides, debet servari in quolibet Foro.

- 156 Scriptura privata habens aliquod tale supplementum, dicitur Instrumentum publicum.  
Instrumentum omnino privatum, quod, et an aliqua fides eidem adhibenda? Ibid.  
157 et 158. Scriptura privata, v. g. Apocha vel Epistola, quando negatur esse illius, contra quem producit, nihil probat.  
159 Donec oppositum per producentem ostendatur. Et num. praeced.  
160 Istud potest imprimis probari per appensum sigillum illius.  
161 Dummodo dolus in appositione sigilli non videatur intervenisse.  
162 Deinde potest illud probari per testes, qui interfuerunt scriptioni etc.  
163 Et quot testes ad id requirantur? Et n. seqq.  
Quando testes tres fuerunt subscripti, sufficit, quod duo recognoscant scripturam. Ibid.  
164 Si testes deponant super contractu, seu de contentis in scriptura, tunc sufficiunt duo testes pro ejus probatione.  
165 Insuper Apocham, v. g. seu Epistolam, manu cujuspiam fuisse conscriptam potest probari per comparationem litterarum etc.  
166 Comparatio litterarum, quam vim probandi habet? Et num. seqq.  
Ea est periculosa; et cur? Ibid.  
Scriptura ejusdem nominis solet mutari. Ibid.  
167 Comparatio litterarum se sola plene non probat. An saltem probet semiplene? Ibid.  
168 Comparatio litterarum, qua forma, et quo ordine periri debeat?  
169 Ea non habet locum, nisi ipsam petens juret, se non habere alias probationes.

Quaeritur I. Quid, et quotplex sit Scriptura privata? Resp. I. Scripturae privatae dicuntur, quae a personis privatis fiunt; non autem a Notario in forma solemni sunt confectae, nec alias publicam auctoritatem obtinent: ut dictum §. 1. n. 6. et 109q.

Resp. II. Triplex est species Scripturarum privatarum; videlicet Apochae, Libri rationum, et Epistolae. Ita Bartolus in Auth. At si contractus. §. Ut igitur C. de Fide instrument. Jason in Repet. l. Admonendi. nu. 87. ff. de Jurejurand. Mascardus de Probationib. Quaest. 6. n. 26. et alii. Nec obstat, quod praeter enumeratas etiam dentur Autapochae, Syngraphae, et Inventaria privata. Nam ista commode ad unam praedictarum trium specierum reducuntur: ubi patebit ex explicationibus singulorum.

Apocha generatim dicitur scriptura, quae datur a parte parti, ut inquit Bartolus, ubi supra. Et hac ratione complectitur sub se tam Apocham specialius dictam, tam Autapocham, et Syngrapham.

Apocha specialius accepta dicitur scriptura, seu Chirographum creditoris, consistentis de recepta, sibi quae per debitorem rite persoluta pecunia, aut alia re debita. Et haec alio nomine vocatur Quittantia (vulgo ein Quittung) de qua fit mentio in l. Plures. C. de Fide instrument. ubi Glossa v. Apochis, inquit: Apocha est de receptis; puta, Confiteor me recepisse tantum: et a creditore fit, et datur debitori.

Autapocha contra est de solutis: sive, est scriptura debitoris, in qua is confitetur, se tantum vel tantum solvisse nomine annui; v. g. census, seu pensionis. Glossa loc. cit. Utile siquidem est creditori, tales autapochas recipere, ut paratam habeat probationem juris sui, v. g. recipiendi ab altero tantum pro annuo censu, ne alter vel debitum successu temporis

- negare, vel praescriptionem praetendere queat, arg. cit. l. *Plures. C. de Fide instrument.*
- 134 *Syngrapha*, latine *Conscriptio*, dicitur illa scriptura, quae in alienos rei fidem sit a pluribus, et utrique parti tradi solet. Anton. Nebrissensis in *Vocabulario Juris. v. Syngrapha*. Sive, ut loquitur Calpinus, *Syngrapha* est scriptura, seu schedula, quae sit propria manu contrahentium, ad pactorum fidem. Unde patet, quod reducatur ad *Apotham* generatim acceptam.
- 135 *Liber rationum* est scriptura privata, quam quilibet sua sponte de datis, et acceptis, sibi conficit. Sive, ut l. *Si quis ex argentariis. §. Rationem. ff. de Edendo*, dicitur: *Ratio* (hoc est, *Liber rationum*, ut explicat Glossa ibidem) est ultro citroque dandi accipiendi, credendi, obligandi, solvendi sui causa negotiatio. Quod intellige, quando scripturae huiusmodi reperiuntur in forma *Rationis*, et non in aliqua tantum schedula, vel memoriali annotato: nam istud non meretur nomen *Libri*. Et tales libri rationum communiter solent fieri a Tutoribus, Curatoribus, atque negotiorum alienorum Gestoribus, sicut et a Mercatoribus, et huiusmodi.
- 136 Porro ad *Librum rationum* commode reducitur *Inventarium privatum*, utpote pariter sua sponte de rebus propriis confectum: ad hoc videlicet, ut imposterum sciatur, quantum eo tempore, vel die, quo scribebatur, in bonis suis contentum fuerit, *Epistola* tandem est scriptura privata, quam quis alicui absenti mittit.
- 137 Resp. III. Scriptura privata, sive *Instrumentum* privatum, adhuc tripliciter dividitur: nam aliquando facis scripturam privatam tibi tantum, aliquando alii tantum, aliquando tibi et alii. Ita *Speculator tit. de Instrumentorum editione. §. Nunc dicendum, n. 4.* estque in re communis.
- 138 Scriptura privata tibi tantum facta, censetur illa, in qua quidpiam scriptum, sive annotatum habetur in tuum duntaxat commodum: ut puta, quod Titius tantum, vel tantum tibi debeat. Et huiusmodi scripturae regulariter non probant in commodum scribentium; prout habetur expressum in l. *Exemplo. C. de Probat.* illis verbis: *Exemplo perniciosum est, ut ei scripturae credatur, qui unusquisque sibi annotatione propria debitorem constituit.* Concordat textus in l. ult. *C. de Conveniend. fisci debitorib. lib. 10* ibi: *Iniquissimum esse perspeximus, ut sub propria annotationis manu unusquisque sibi faciat debitorem.* Ratio huius clara est: quia alioquin aperiretur via plurimis fraudibus, ac iniuriis, si sola propria annotatione posset quis alium sibi debitorem esse convincere; sic enim posset quilibet perversus plurima in sui favorem, et aliorum praedictum annotare. Accedit, quod privatae scripturae alicujus non plus debeat credi, quam viva voci ejusdem: sed si quis viva voce deponeret, pro se nihil ei crederetur, l. *Omnibus. C. de Testib. ergo.*
- 139 Et hoc adeo verum est, ut quamvis nemo in extremis constitutus, praesumatur esse immemor aeternae salutis: nihilominus *Rationes defuncti*, quae in bonis ejus reperiuntur, ad probationem sibi debitae quantitatis sola non sufficiant. Ejusdem juris est, etsi in ultima voluntate defunctus certam pecuniae quantitatem, aut etiam res certas sibi deberi significaverit: prout his ipsis verbis decisum habetur l. *Rationes. C. de Probat.* Quamquam in hac ipsa auctoritate bene sit ponderandum ly, *sola non sufficiant*: etenim, quod concurrentibus aliis adminiculis scripturae privatae etiam probent in commodum scribentis, infra §. seq. n. 136. 137. et seqq. amplius declarabitur.
- 140 Scriptura privata alteri tantum facta dicitur ea, quam testis contra te in commodum alterius duntaxat: ut est *apocha*, in qua confiteris, te debere Titio centum ratione mutui, aut huiusmodi. Et tali scripturae regulariter statur, plenaeque ea probat contra scribentem; prout liquet ex l. *Publica Maevia. §. fin. Depositi*: atque amplius dicitur infra n. 170. 171. et seqq. afferendo simul quasdam huius limitationes.
- Scriptura privata tibi et alteri facta intelligitur, id est qua agitur de commodo, et damno iam tuo, quam alterius: ut est *Liber rationum*, in quo habetur annotata ratio dati, et accepti; item *Liber censualis*, ac huiusmodi. Et huic interdum creditur, alius vero non, arg. l. *Si quis ex argentariis, et l. Quaedam. §. Nummularios. ff. de Edendo* cum similibus; atque ex professo examinabitur infra §. 7. per totum.
- Resp. IV. Tandem scriptura privata alia est authenticata, alia non authenticata. Scriptura privata authentica vocatur, quae licet originaliter sit privata, certis tamen modis roboratur, seu authenticatur; adeo, ut ex se plenam fidem faciat in iudicio. Scriptura privata non authentica e contra est, quae est destituta omni tali supplemento, seu robore; ac proinde fidem, plenamque probationem non facit. Ita Pax Jordanus tom. 3. tit. *de Fide instrument. n. 5. et 13.* atque concordant dicta superius §. 1. n. 13. Quod ut adhuc melius intelligantur,
- Quaeritur II. Quibus modis Scripturae privatae authenticentur, ita ut plenam fidem faciant? Resp. Id pluribus modis accidere: adeo ut Jo. Andreas in *Additione magna ad Speculatorem. tit. de Instrument. edition. §. 7.* Nunc dicendum, septem talia supplementa enumeret; et Pax Jordanus loc. cit. n. 5. et seqq. novem referat modos authenticandi scripturas privatas. Similia habet Jason in l. *Admonendi. nn. 77. et 78. et in Repet. cit. l. Admonendi. a numer. 91. usque ad n. 109. ff. de Iurjurand.* et Mascardus de *Probat. Concl. 109. et seqq. et Concl. 1301.* allegans alios.
- Primo quidem scriptura privata authenticatur per subscriptionem propriae manus, ac trium testium adhuc viventium probatae opinionis. Talis enim solemnitas supplet, et dat vires publici instrumenti, l. *Scripturas. C. Qui potiores in pignore etc.* Ubi Glossa fin. illos pervetustos versiculos refert.
- Cautio privata, jam trino teste notata, Hoc jus est nacta, quod cautio publica facta.
- Additur notanter, trium testium adhuc viventium. Quia scriptura privata cum testium subscriptione, postmodum suborto dubio, plenam fidem non facit mortuis interea testibus; nisi fuerit etiam subscripta per manum publicam, id est, per Notarium, aut sigillo authentico munita, juxta textum expressum in cap. 2. h. t. Ubi Glossa, Summarium, Abbas, Felinus, Barbosa, alique passim. Concordat *Auth. de Instrument. cautel. §. Si vero moriantur omnes. Collat. 6.* ac notat Pax Jordanus loc. cit. n. 11. et Jason. cit. *Repetit. l. Admonendi. nn. 109. ff. de Iurjurand.* allegans alios.
- Secundo scriptura, quae originaliter est privata, authenticatur per appositionem sigilli authentici majoris Magistratus; ut puta, Episcopi, Principis, vel illius, cujus officium est in illo loco, vel Curia, publicis sigillationibus praese. Textus, et DD. in cit. cap. 2. h. t. Jo. Andreas in d. *Addit. magna ad Speculatorem. vers. Secundum supplementum.* et concordant dicta superius §. 3. n. 77. et 89.
- Atque hoc ipsum procedit, quando ejusmodi scriptura, caeteroquin privata, cum debitis solemnitatibus subscripta, et sigillata fuit a publico Notario: quia tunc accipit auctoritatem ab ejusdem manu publica, cit. cap. 2. h. t. Secus, si scriptura

quampiam conficit, aut subscribit Notarius non ut Tabellio seu persona publica, sed ut aliquis alius: quia tunc scriptura illa non acquiritur maiorem firmitatem, quam a subscriptione alicujus privati. Baldus *cit. cap. 2. n. 5. vers. Sed pone.* et Felinus *ibid. n. 2. h. t. Pax Jordanus, ubi supra. nu. 6. allegans Rotam Decis. 139. nu. 4. part. 2. noviss. Mascardus de Probat. Concl. 1304. num. 9. citans alios.*

- 148 Tertio, scriptura privata efficitur legitima per subscriptionem auctorum partium, loquendo de contractibus, vel scripturis facientibus pro utraque parte: vel saltem per subscriptionem illius, contra quem facit; ut sit in mutuo, deposito, donatione ac huiusmodi. Stante enim tali subscriptione, et demum hanc rationabiliter non negatur, impletur defectus personae publicae Notarii, et testium: nam propria confessio, praesertim lãteris comprehensa, est optima probatio. Jo. Andreas, *ubi supra, vers. Tertium supplementum.* Pax Jordanus *loc. cit. numer. 9. Abbas cap. 2. num. 2. h. t. Mascardus Concl. 109. num. 2. et communis.* Quid autem sit agendum, quando pater negat subscriptionem esse suam, vel opponit quandam exceptionem, v. g. non numeratae pecuniae, dicetur infra n. 157, et 158. et seqq. et n. 182. et seqq.

- 149 Quarto, scriptura privata redditur authentica per subsequentem Iudicis examinationem, et approbationem: ut sit in ultimis voluntatibus, seu testamentis, quae licet fuerint scriptae a persona privata, vel etiam a servo, tamen coram Iudice aperiantur, atque examinantur; et si testes jurent, ita verum esse, sicut scriptum est, publicantur: atque scriptura illa testamenti redditur authentica, fidesque facit, l. *Publicati.* juncta Glossa v. *Publicati. C. de Testament.* Jo. Andreas *loc. cit. vers. Et est quartum supplementum.* Pax Jordanus *num. 10. Jason loc. cit. n. 93. et alii.*

- 150 Quinto, scripturae privatae authenticantur per deputationem loci, seu ratione Archivi publici: hoc est, quando ipsae auctoritate publica deputantur, seu registrantur in publico Archivio, aut pro publicis scriptoris communiter habentur, et ut tales a Iudicibus servantur: ut sunt Libri censuales, Libri aestimorum ac statutorum, et huiusmodi: *arg. l. Cens. juncta Glossa un. ff. de Probat. et c. Ad audientiam. 13 §. Nos igitur de Praescription.* Jo. Andreas, *ubi supra: vers. Quia tunc supplementum.* Pax Jordanus *loc. cit. n. 11. et alii.*

- 151 Atque istud ampliatur ad aliam scripturam privatam, v. g. apocham, quando reperta est fideliter custodita in archivio publico: hoc est, in loco, in quo solent reponi publicae scripturae. Talis enim scriptura sine aliqua subscriptione partium, et sine testibus, plene probat ratione loci, in quo auctoritative asservata, et reperta est: prout desumitur ex *Auth. Ad haec. C. de Fide instrument.* atque cum aliis notat Jason *cit. Repet. l. Admonendi. numer. 97. ff. de Iurejurand.* et Abbas *cap. 2. numer. 6. h. t. istud intelligens, quando scriptura illa habet in se causam sufficientem; ut c. Si cantio. 14. h. t. et l. Cum de indebito. C. de Probat.* Adde etiam, dummodo concurrant conditiones supra §. 4. n. 103. et seqq. et n. 113. enumeratae, ubi plura de hoc.

- 152 Sexto, scriptura, quae est originaliter privata, redditur authentica ex longi temporis observatione: quando videlicet longa retro temporibus, a singulis ut publica, et authentica servata fuit, *arg. l. 1. §. An. ff. de Aqua pluvia arcend. ibi: Vetustatem, vicem legis tenere, cum similibus.* Jo. Andreas *loc. cit. vers. Sextum est temporis observatio.*

- 153 Septimo, scriptura censetur authentica, quae confecta est secundum morem, et consuetudinem Regionis: habet enim consuetudo vim ethusiandi

authenticae scripturae, quae alias non esset talis. Glossa *c. Cum dilectus. v. Approbata. et Felinus ibid. n. 35. et Abbas n. 5. et 6. h. t. citans insuper Innocentium, et Hostiensium. Speculator tit. de Instrument. edition. §. 7. Nunc dicendum. nu. 8. Jo. Andreas. ubi supra. vers. Septimum supplementum.* Pax Jordanus *cit. tom. 3. tit. de Fide instrument. n. 8. Jason cit. l. Admonendi. n. 78. ff. de Iurejurand.* istud tenent non solum de consuetudine, sed etiam de Statuto disponente, ut tali vel tali scripturae privatae fides adhibeatur: Idque probatur ex *c. Cum dilectus. §. h. t. ubi ob consuetudinem patriae approbatam instrumentum habetur authenticum, quod alias non esset, ut explicat Glossa. Accedit, quod consuetudo det alicui jurisdictionem, quam alias non haberet, c. Cum contingit. 13. de Foro comper. junctis concordantiis a Glossa *fin. ibid. relatis:* unde non mirum, quod longaeva consuetudo etiam scripturae privatae possit dare robur, et authenticationem. Sic Venetiis statuit instrumentis scriptis per Sacerdotes: atque in multis aliis partibus facit fidem certum sigillum, certa subscriptio, certa stampo, vel formae impressio; et inquit Jo. Andreas *loc. cit. et Pax Jordanus d. num. 8.**

Porro atque consuetudine, vel statuto loci, ut ejusmodi scriptoris privatae ibidem factae fides adhibeatur, datur ipais fides ubique locorum, etiamsi alibi iudicium agitur, illaeque scripturae producantur. Jo. Andreas, et Pax Jordanus, *ubi supra;* et fusc Jason *cit. num. 78. et seqq. allegans alios, atque istud probans ex illa regula: quia scriptura facta in loco secundum privilegium loci, probat ubique arg. l. Si non speciali. C. de Testament. et tradit Baldus, et Salycetus ibid. et l. 2. C. Quomodo testamenta aperiantur.*

Accedit, quod si existat statutum in Curia Mercatorum, ut scriptores Mercatoris adhibeatur fides, tunc illud statutum debeat servari in quolibet Foro saeculari, et Episcopali, l. 2. §. *An. C. de Constituta pecun.* ubi dicitur: *His videlicet quae negotiatores indefensae constituerint, in sua firmitate secundum morem usque adhuc obtinentem durantibus:* ac notat Baldus *ibid.* quem citat, et sequitur Jason *loc. cit. num. 80. quidquid contradicat Glossa fin. in cit. l. 2. C. de Constit. pecun.* Nusquam quod circa Decisoria litis attendantur consuetudines, et statuta litigantium, jam dictum est supra Tit. 1. De Iudiciis. §. 8. n. 227. 228.

Addit Jo. Andreas in *cit. Addit. magna. vers. Septimum supplementum,* quod scriptura privata, sive instrumentum privatum, habens aliquod supplementum ex proxime enumeratis, dicatur etiam *Instrumentum publicum* (quod intelligi conformiter dictis supra §. 1. n. 14. et 16. somendo instrumentum publicum latius, ac prout coincidit cum instrumento authentico.) *Instrumentum omnino privatum* vero dicatur illud, quod nullum supplementum habet de praedictis. Atque istud quandoque patitur modicum defectum: ut, si est scriptum cum solemnibus instrumenti publici a persona magnoe opinionis et fidei, quae tamen non est publicus Notarius. Quandoque habet magnum defectum: ut, si est scriptum a privata persona ad proprium suum commodum. Est autem secundum qualitatem defectus tali privato instrumento fides habenda, quandoque semiplena, quandoque minor, quandoque nulla, *arg. l. Instrumenta. et l. Exemplo. C. de Probation.* Ita Jo. Andreas *loc. cit.* Verum occasione praemissorum

Quaeritur III. Quid juris, quando scriptura privata, v. g. Apocha, vel Epistola, negatur esse illius, contra quem producit: et quomodo oppositum probatur, praesertim per comparisonem scripturarum?



- Questio haec solummodo locum habere potest, quando scriptura privata nullum habet adminiculum. ex proxime enumeratis, quo reddatur authentica: alioquin, enim, plerumque fidem faceret, ac proinde non nisi temere, et per calumniam negaretur; nisi forsau quis illud impugnare valeret, conformiter dicendis infra §. 9. et 10. per totum. Quo praenotato
158. Resp. I. Quando is, contra quem scriptura privata producit, negat eam esse suam, vel se ipsi consensisse, si dicatur ab alio scripta suo nomine, certum est, ipsam nihil probare, donec oppositum per producentem ostendatur. Textus est in *l. Instrumenta. C. de Probat.* ibi: *Instrumenta domestica, seu privata testatio, seu annotatio, si non aliis quoque adminiculis adjuvetur, ad probationem sola non sufficiunt.* Concordat textus in *cap. 2. h. t.* ubi de similibus scripturis privatis dicitur, quod non videntur alicujus firmitatis robur habere.
159. Restat proinde, quod allegati, seu talem scripturam privatam producenti, incumbat onus probandi. Nam generale est, quod affirmanti incumbat probatio, *L. 2. C. de Probat.* cum similibus: *Cum factum negantis per rerum naturam nulla sit directa probatio, ut dicitur can. Accusator. §. 9. 5. et c. Quoniam contra. 11. de Probat. et l. Actor. C. eod.* Ac per hoc patet ad priorem partem propositae. Quaestionis: nunc pergendo ad alteram.
160. Resp. II. Scripturam privatam, puta, Apocham, manu cujuscumque scriptam fuisse, vel saltem eam ab alio de ipsius voluntate conscriptam, sive subscriptam, esse (quod idem est, ac si propria manu scripsisset, *l. Vico donatricis. C. de Donation.*) potest imprimis probari per appensum sigillum illius. Ita Mascardus de *Probat. Concl. 330. n. 10.* istud probatur ex *l. Si qua per calumniam. C. de Episc. et Cleric.* Accedit ratio: quia sigillum denotat consensum, et ratihabitionem. arg. *l. Si fidejussor. §. Pater Solj. ff. de Pignori.* ac tradit idem Mascardus *Concl. 330. numer. 26.* post Romanum *Consil. 303.* et alios. Vel saltem maxime adjuvat alias probationes, v. g. comparationem litterarum, de qua proxime, ut inquit Menochius de *Arbitrar. Judic. lib. 2. cas. 114. num. 21.*
161. Intellige, dummodo dolus in appositione sigilli non videatur intervenisse: nam eo ostenso, sigillum nihil probaret. Casus est in *c. Tertio loco. 5. de Probat.* ubi sigillum Capituli furtive appositum cujuscumque instrumenti, nihil probavit. Item in *l. Distrahente. C. de Rebus alienis non alienandi.* ubi maritus vim suae uxoris distraxit, atque instrumentum venditionis sigillo suae uxoris fraudulenter signavit: sicque uxori non praepjudicavit.
162. Resp. III. Deinde scripturam manu, vel de voluntate cujuscumque esse scriptam, potest probari per testes, qui attestantur se fuisse praesentes, quando pars, quae nunc instrumentum negat, illud scribebat, vel ab alio scribi, sine nomine suo subscribi mandaverat: nam tales testes plene probant. Ita Abbas *cap. 2. n. 2. vers. Aut negat. pars. h. t.* Bartolus *l. Admonendi. n. 26. ff. de Jurejurand.* et Jason in *Repetit. cit. l. Admonendi. num. 88.* Mascardus de *Probat. Concl. 110. n. 1.* allegans alios.
163. Solum adde, quod ubi testes non deponunt de contractu, sive tenore ipsius, sed solum, quod talem scripturam viderunt confici a convento, seu debitore eam nunc negante; ad istud plene probandum requiruntur tres testes honesti, fideique digni, nec pauciores sufficiant. *Auth. de Instrument. cautel. §. Si quis igitur. et §. Oportet. Collat. 6.* Et hoc ipsum pariter procedere spectato Jure Canonico, tenet Abbas *cit. cap. 2. n. 2. vers. Mihi autem.* et Felinus *ibid. n. 4. h. t.* Tum quia non reperitur equiparatio de Jure Canonico statutum: tum quia, alioquin de facili posset errari propter similitudinem scripturarum; praesertim, si testes non fuissent subscripti. Nam si tres testes subscripti fuissent, non fore necesse, ut omnes tres scripturam recognoscant, sed sufficere, quod duo ex tribus eam recognoscant, censet Menochius *lib. 2. de Arbitrar. Judic. cas. 114. n. 3.* id probans ex *l. Comparationes litterarum.* ubi Glossa v. *Subscriptiones.* Baldus, et Salyvetus. *C. h. t. Mascardus cit. Concl. 110. n. 3.* allegans alios.
- Quod si vero testes deponerent de contractu, seu de contentis in illa scriptura: puta, quia viderunt mutuum contrahi, vel depositum, aut quid simile, de quo dicta scriptura loquitur: tunc utroque Jure, tam Canonico videlicet, quam Civili, pro ejus probatione sufficiunt duo testes caeteroquin idonei; juxta illam vulgatam Regulam, quod ad legitimam probationem requirantur, et sufficiunt duo testes, de qua fere Tit. 20. de *Testib. §. 8. num. 23. et seqq.* dictum est. Abbas, et Felinus, ubi supra. Mascardus *cit. Concl. 110. n. 4. et alii.*
- Resp. IV. Insuper Apocham, v. g. seu Epistolam, manu cujuscumque fuisse conscriptam, potest probari per comparationem scripturarum, seu aliarum litterarum ab eodem scriptarum, atque approbatarum: et si tales non extant, tunc negans scripturam seu manu factam cogi potest ad scribendum, ut inde sumi valeat comparatio litterarum. Ita desumitur ex *l. Comparationes litterarum. C. h. t.* ac notat Menochius *cit. cas. 114. num. 11. et 12.* allegans alios. Occasione cujus
- Quaeritur IV. Quam vim probandi habeat Comparatio litterarum, qualiterque fieri debeat?
- Resp. I. Comparatio litterarum est valde periculosa, ac multum in ea relinquendum est arbitrio Judicis, qui tunc oculos habet lynceos, ac omnia rite examinet, adhibitis etiam aliis, si opus fuerit, in ortoperitis. Ita Menochius *loc. cit.* et ratio est. Tum quia multi reperiuntur, qui alterius manum imitantur, ut illa ipsa scriptura esse putetur; prout aliquos se vidisse, refert Marsilius in *Rubric. C. de Probat. nu. 318.* et Zasius *lib. 2. Singul. respons. cap. 25.* Mascardus de *Probat. Concl. 330. num. 1.* allegans alios. Tum quia ejusdem hominis scriptura per vitae decursum solet mutari: non enim ita quis scribit juvenis et robustus, ac senex, et forte tremens: saepe etiam languor litterarum dissimilitudinem inducit; quin et calami atque atramenti immutatio, similitudinis litterarum per omnia aufert puritatem; et habetur in *Auth. de Instrument. cautel. §. 1. Collat. 6.*
- Resp. II. Comparatio litterarum se sola plene ac simpliciter probare non potest, scripturam manu cujuscumque esse factam; sed opus est aliis adminiculis, ut puta, confessione ipsius, vel subscriptione testium, aut horum attestations, quod eis praesentibus scriptura illa a tali facta sit, aut proprii scribentis sigilli appositione. Ita Glossa in *Auth. de contractus. v. Soli.* et Bartolus *ibid. C. h. t.* Menochius *cit. cas. 114.* per totum, id probans inter alia per rationem *num. praeced.* allegatam. Mascardus *d. Concl. 330. n. 1. et 3. ac seqq.* allegans alios. Qui tamen nonnullas hujus dicti limitationes afferunt, atque addunt, comparationem litterarum saltem semiplene probare, juxta Glossam *fn. l. In bonae fidei. C. de Jurejurand.* Bartolum *l. Admonendi. num. 26. ff. eod.* Felinum *cap. 2. nu. 14. h. t.* et alios: Vel saltem Judicis arbitrio esse relinquendum, quantum fidem mereatur ejusmodi litterarum comparatio; prout melius censet Menochius *loc. cit. numer. 6.*
- Resp. III. Qua forma, et quo ordine, talis comparatio litterarum fieri debeat, tradit inter alios

Menochius cit. cas. 114. num. 26. et seqq. dicens, quod si Judex nolit ipsemet facere comparationem (potest enim, si vult, ex suo arbitrio, juxta Baldum l. Comparationes. n. C. 17. h. t.) tunc ipse duos, nec pauciores, peritos attia scribendi eligere debeat: qui etiam, antequam ad comparationem litterarum deveniant, jurent, quod eam facient, non lucri causa, neque inimicitia, vel gratia testi, juxta textum cit. l. Comparationes. §. Omnes. Et tunc assumant alias scripturas ad faciendam ejusmodi comparationem, quae sunt omnino certae, et verae illius, qui averitur scripsisse hanc contentiosam scripturam: et quod periti isti postea inspiciant singulas litteras, et elementorum verborumque tractus, signa, stylum, atque his similia: et tunc Judici referant, quid egerint, atque judicaverint.

169 Illis adde, quod ille, qui petit comparationem litterarum fieri, prius jurare debeat, se non habere alias probationes, praeter hanc comparationis litterarum probationem. Ita quippe habetur expressum in Auth. de Instrument. cantel. §. Si vero nihil. Col. lat. 6. illis verbis: Et ipse, qui hoc petit fieri, juret, quia non aliam idoneam habens fidem, ad collationem instrumentorum venit, nec quicquam circa eam agit, aut machinatus est, quod possit forte veritatem abscondere. Ubi Glossa v. Juret id ipsum confirmat, ex l. Comparationes. §. Omnes autem, C. h. t. et notat Menochius d. cas. 114. num. 34. citans insuper, Selycetam in d. l. Comparationes vers. Oppono sexto.

§. VI.

De fide Scripturarum privatarum, praesertim respectu Scribentis.

SUMMARIUM.

- 170 Scriptura privata confessata, regulariter probat plene contra scribentem.
- 171 Confessio facta in supplicatione Principi perrecta plene probat.
- 172 Alicubi scriptura privata confessata, v. g. de pecunia mutuo recepta, habet paratam executionem.
- 173 Disparitas inter confessionem extrajudicialem, et scripturam privatam.
- 174 Scriptura privata confessata, non praepjudicat tertio etc.
- 175 Probat tamen contra scribentem, ejusque haeredem.
- 176 Haec censetur eadem persona cum defuncto. Ibid.
- 176 Probat etiam contra alios Successores, ac tertios, qui habent causam ab eo scribente.
- 177 Dummodo recognitio scripturae suae facta sit ante sessionem. Ibid.
- 177 Recognitio propriae scripturae non trahitur retro ad tempus factae scripturae, nisi contra recognoscentem etc. Et num. 174.
- 178 Scriptura privata in antiquis inducit semiplenam probationem contra tertium.
- 179 Scriptura privata an in omni prorsus casu plene probet contra scribentem? Et num. seqq.
- 180 Regula illa fallit in scriptura privata, v. g. cautione, quae continet debitum, sed non causam debiti.
- 181 Secus, si in ea exprimaturs causa debiti: quia tunc plene probat.
- 182 Fallit ulterius, quando intra biennium per debitorem opponitur exceptio non numeratae pecuniae.
- 183 Aut exceptio non numeratae dotis.
- 184 Creditores etiam, si citius dano quiescentiam, quam receperint pecuniam, possunt opponere exceptionem non numeratae pecuniae, sed intra triginta dies tantum.

Et cur creditoribus minus tempus concedatur ad opponendam dictam exceptionem, quam debitoribus? Ibid.

- 185 Confessio qualificata, quod scriptura privata fuerit manu sua scripta jocosum solum, an praepjudicet constanti remissive.
- 186 Scripturae privatae regulariter non probant in commodum scribentium.
- 187 Fallit hoc, quando scriptura, ceteroquin privata, est subscripta a partibus, et tribus testibus, qui adhuc vivunt, ipsamque recognoscunt.
- 188 et 189. Et quid, si testes jam fuerunt mortui? Paria sunt, totum scribere, vel tantum subscribere. Num. 189.
- 190 Scriptura privata plene probat pro scribente, quando alianda est authentizata.
- 191 Item de consensu, seu conventionione partium.
- 192 Seu quando fuit producta, et contra eam pars adversa nihil opposuit.
- 193 Epistola acceptata, et retenta, absque eo quod quis ei expresse contradicat, probat contra acceptantem pro scribente.

Quaeritur I. Utrum, et qualiter Scriptura privata confessata probet tam contra scribentem, tum etiam contra tertium? Resp. I. Regula est, quod Scriptura privata, v. g. apocha confessata, plene probet contra scribentem: Patet hoc ex l. Publica Marvia, §. fin. ff. Depositi. et l. Vico donatricis. C. de Donation. et l. Generaliter De non numerat. pecun. Nam propria confessio, praesertim litteris comprehensa, est optima probatio: nisi fortan aliis documentis, et probationibus quis probare possit, errorem et falsum esse, quod scripserat.

Hieronymus in l. Cum te transigisse. n. 12. C. de Transact. notanter inquit, quod confessio facta in supplicatione Principi perrecta plene probet, etiam parte absente. Idque desumitur ex textu ibid. ubi proin Baldus in Summario inquit: Non est minor probatio per confessionem, quam probatio per publicum instrumentum. Hoc ipsum, seu quod scriptura privata agnita, seu confessata a parte, eandem vim habeat, ac si esset a publico Notario confecta tradit Covarruvias lib. 2. Variar. Resol. cap. 11. n. 4. post Bartolum l. Admonendi. n. 26. ff. de Jurjurand. Alexandrum Consil. 191. n. 1. vol. 2. et alios, id probans per jura proxime allegata, cum similibus.

Quin imo certis in locis scriptura privata, puta, 172 chirographum confessatum, in quo aliquis fateatur se recepisse mutuum pecuniam, habet paratam executionem: ita videlicet, ut statim per Judicem solutio injungatur Debitori, neque is audiat ante solutionem factam, quamvis velit aliquas exceptiones (atque tamen indagari, nec in continente probabiles) contra Creditorem proponere. Atque ita in Austria receptum esse, asserit Ludov. Engel h. t. num. 26. citans Sutingerum in Process. judiciar. observat. 11. et observat. 104. num. 2. Idemque in Hispania per Constitutionem Madritianam concessum esse, refert Covarruvias cit. cap. 11. num. 4. quamvis ultro fateatur, spectato Jure communi, istud non procedere.

Nec obstat, quod confessio extrajudicialis ore- 173 tenus facta plene non probet, l. Certum. §. Si quis absente. ubi Bartolus ff. de Confessis, estque uberius dictum Tit. 18. de Confessis, §. 2. n. 49. et 54. Resp. enim, disparitatem esse inter eam, et inter scripturam privatam: tum quia scriptura semper loquitur, arg. l. Ariani. de Haeretic. et notat Jason cit. l. Cum te transigisse. numer. 12. C. de Transact. post Bartolum in l. Nuda ratio. ff. de Donation. et alios: adeoque censetur etiam loqui in praesentia adversarii,

vel Judicia, si ipsi exhibetur. Tum quia cum majori deliberatione, et cautela solemus aliquid scribere, quam loqui, ideoque majorem vim habet confessio instrumentalis, seu per litteras, quam simpliciter et ex abrupto ore tenus facta, arg. *L. i. C. de Usuris, et l. Sciendum. ff. de Verbor. obligat.*

- 174 Resp. II. Licet Scriptura privata recognita, seu confessata, fidem faciat contra scribentem, ut dictum, nihilo minus ea non praejudicat tertio: nisi in quantum talis scriptura potest de jure nocere culpam tertio a die factae illius recognitionis. Ita Abbas cap. 2. num. 2. et Felinus *ibid.* num. 12. h. t. Covarruvias *cit. lib. 2. Variar. Resolut. cap. 11. n. 4.* Mascardus *de Probat. Concl.* 109. num. 4. citans alios, addita illa ratione: quia alioquin foret in potestate Creditoris, praejudicare tertio: quod est absurdum. Sic *l. Scripturas. C. Qui potiores in pignore etc.* cavetur, quod scriptura privata cum causa, si de ipsa constet, v. g. per confessionem scribentis, vim habeat probationis contra ipsum: ita tamen, ut si quis jura pignoris, aut hypothecae ex ea sibi vendicare contulerit, praesentetur ille, qui publico desuper confecto instrumento munitus est, etiam si sit posterior: nisi privata scriptura illa a trius teste subscripta fuerit, sicque quasi publico confecta censetur. Nec immerito ita statutum fuit: quia alioquin posset Debitor ad libitum fraudare priores Creditores jure pignoris, aut hypothecae, constituendo per litteras suas, sub Unio. priora conscriptas; aliam anteriorem; prout argumentatur Abbas *loc. cit.*

- 175 Additor notanter in Conclusionem, nisi in quantum talis scriptura potest de jure nocere culpam tertio etc. Nam imprimis scriptura privata recognita plene probat non solum contra scribentem, sed etiam contra ejus haereditatem: atque in hoc sensu potest nocere tertio. Mascardus *de Probat. Concl.* 1301. num. 2. citans alios. Nec immerito: nam haeres censetur esse eadem persona cum defuncto, *Auth. de Jurjurando. §. 1. Collat. 5.*

- 176 Deinde scriptura privata recognita probat etiam contra alios Successores, sive universales, sive particulares, ac tertios, qui habent causam ab eo scribente. Sigism. Senccia *lib. 2. de Judiciis. cap. 14. n. 80.* post Baldum *Consil. 26. n. 1. lib. 4. et alibi.* Cravetta *cit. Tom. 17. Tractatum tract. de Antiquit. tempor. §. Pico de verbis enunciatis. n. 2. et 15. et 16.* Mascardus *c. Concl.* 1301. n. 2. cum aliis. Quamquam Cravetta *eod. num. 16.* et post ipsam Senccia *loc. cit.* dictum illud, quod scriptura privata fidem faciat etiam contra tertium, habentem causam a recognoscente, nonnihil limitent, dum id procedere asservunt, dummodo recognitio illa scripturae suae facta sit ante cessionem: secus, si postea. Quia tunc jam urgeret ratio *num. 174.* allata, ne videlicet possit quis alteri ad libitum inferre praedictum, contra illud lumen naturali notum: *Non debet aliquis alterius odio praegravari*, ut loquitur *Reg. 22. Juris in. 6. cum similibus.*

- 177 Hinc Covarruvias *lib. 2. Var. Resol. cap. 1. numer. 4.* notat, quod hujusmodi recognitio propriae scripturae non trahatur retro ad tempus factae illius scripturae, nisi contra recognoscentem: non vero contra tertium, habentem medio tempore hypothecam: siquidem iste habebit privilegia prioris, et prioris creditoris; prout notatur in *l. Scripturas. C. Qui potiores in pignore etc.* juncto textu *ibid.* Atque ob hoc in Conclusionem notanter etiam additam *tit. 17. A die factae illius recognitionis.*

- 178 Ulterius scriptura privata cujuspiam, ceteroquin fide digni, in antiquis semiplenam inducit probationem contra tertium, contra quem ejusmodi scri-

ptura indicitur: dummodo non negetur, vel aliter aliunde constet, quod sit scriptura illius, qui dicitur eam scripsisse. Cravetta *cit. Tract. de Antiquit. tempor. §. Pico de verbis enunciatis. n. 2. et 3.* Jason *l. Cum aliquis. n. 5. et 6. C. de Jure deliberand.* Mascardus *cit. Concl.* 1302. n. 1. allegans alios. Siquidem in antiquis admittuntur leviores probationes propter difficultatem probandi, *c. Cum causam. 13. de Probat. juncta Glossa ibid. cum similibus.*

Quaeritur II. Utrum Scriptura privata in omni prorsus casu plene probet contra scribentem? Resp. Negative: nam quaedam dantur limitationes hujus Regulae: adeo, ut etiam impraesentiarum locum habeat illud vulgatum: *Nulla Regula sine exceptione.* Idque ostenditur inductione, adducendo tales fallacias, seu limitationes ipsius.

Ex primo quidem Regula illa fallit in privata scriptura, puta, centione seu chirographo, quae continet quidem debitum, sed non exprimit causam debiti: nam si debitor postea negaverit, se revera debere id, quod in tali scriptura continetur, allegando, quod cautio ejusmodi indebite exposita, seu data fuerit, nulla inde actio, seu obligatio oritur in Foro externo, tum Ecclesiastico, tum Civili: sed oportet, ut Actor aliunde probet, illud ex tali vel tali causa vere debitum fuisse, quod in centione, seu scriptura illa privata continetur. Ita communis tum Canonistarum, tum Legistarum; atque habetur expressam *l. Cum de indebito. §. fin. ff. de Probat. et c. Si cautio. 14. h. t.* utpote quod cum citata *Lego* concordat; sicque loquitur: *Si cautio, quam a te indebite proponis expositum, indeterminata loquatur, adversarius tuus tenetur ostendere debitum, quod continetur in ea.*

Secus dicendum, quando in instrumento, seu scriptura privata, puta, centione confessata, exprimitur causa debiti, v. g. quod quis debeat Titio centum vi monti, vel ratione rei emptae: quia tunc in iudicio standum est soli suae confessioni, et cautio illa plene probat contra scribentem, isque veluti debitor condemnatur, nisi forsitan legitime probet indebitum. Textus est in *cit. l. Cum de indebito. §. fin. ff. de Probat. et c. Si cautio. 14. h. t.* in quo posteriori loco, post verba *num. praeced.* relata, ita sequitur: *Sed si causam, propter quam hujusmodi scriptura processerit, expresseris in eadem, confessioni tuae statur: nisi probaveris, te id indebite promississe.* Haec ibi. Concordant dicta superius *Tit. 18. de Confessis. §. 2. num. 37. et 49. et seqq.* ubi hoc ipsum de confessione extrajudiciali, praesentis adversario, cum vel sine adjectione causae facta, plenius declaratur.

Secundo fallit data Regula, quando per Debitorem opponitur *Exceptio non numeratae pecuniae.* Nam si quis in apocha, seu chirographo privato fatetur, se accepisse pecuniam ab altero sibi mutuatam, quam revera non recepit (prout non raro hujusmodi apochae solent dari, vel mihi ante receptionem pecuniae, quam quis petit mutuatam) tunc competit ipsi certum Juris beneficium, quod appellatur *Exceptio non numeratae pecuniae.* Hanc quippe exceptionem si Debitor scriptus intra biennium a die dati chirographi opposuerit, tunc onus probandi numerationem pecuniae factam esse, in adversarium transfert, *l. In contractibus. et tot. Tit. C. De non numerata pecunia,* estque communis Doctorum.

In dote similiter constitutum est, ut marito intra biennium concedatur exceptio non numeratae dotis, *cit. l. In contractibus. §. fin. C. eod. ibi: Quae etiam in exceptione non numeratae dotis locum habere, certum est.*

Quod si etiam Creditores citius dent apocham



seu quietantiam, quam receperint solutionem debiti etiam ipsi possunt opponere exceptionem non numeratae pecuniae, sed intra triginta dies tantum post dictae quietantiae expositionem computandos, *cit. l. In contractibus. §. Super C. eod.* Ratio disparitatis, cur his minus tempus, nempe triginta dierum solummodo, Debitoribus vero totum biennium a Jure concedatur, recte ab Engel *h. t. n. 28.* assignatur: quia videlicet Debitor, si velit habere pecuniam mutuam, debet ad petitionem Creditoris prius dare chirographum, ne alioquin mutuum negatur: Creditor vero non solum non cogitur ad reddendum ante receptam solutionem chirographum, sed etiam Debitorem, solvere recusantem, potest per media judicialia compellere ad solvendum. Unde magis videtur succurrendum debitori, qui citius dedit chirographum, quam creditori.

185 Posset hoc loco etiam quaeri, an confessio qualificata, quod scriptura privata fuerit manu sua scripta iocuse solum, sive calami experientia gratia praepudiet constanti? Vacui de hoc jam dictum est supra *Tit. 18. De Confessis. §. 5.* ubi ex professo actum fuit de confessione qualificata; ac praesertim *num. 128. et seqq.* ubi talis casus refertur, atque uberius declaratur.

186 Quaeritur V. An aliquando Scripturae privatae probent in commodum scribentium; et quando? Resp. I. Regulariter loquendo, scripturae privatae non probant in commodum scribentium, *l. Exemplo. C. de Probat. et l. ult. C. de Conventiend. Fisci debitorib. lib. 10.* ac tradit Glossa communiter recepta in *cap. 2. v. Authentica. h. t.* ubi ponit differentiam inter instrumenta publica et privata, quod illa utantur perpetua firmitate ad damnum, et commodum utriusque partis: privata vero valeant quidem in praepudium scribentium, *l. Publica Maceria. §. fin. ff. Depositi*: ad commodum vero eorum minime, *cit. l. Exemplo. et l. Rationes. C. de Probat.* estque jam dictum supra *num. 138. et seqq. et n. 170. et alibi.*

187 Resp. II. Dantur nihilo minus aliqui casus, in quibus Scriptura privata plene probat pro scribente, seu in commodum ejus. Ita communiter et patet inductione. Sic imprimis scriptura caeteroquin privata plene probat pro scribente, quando est subscripta a partibus, simulque a tribus testibus: nam si testes adhuc vivant, et recognoscant scripturam, insurgit plena probatio; *cap. 2. h. t.* argumento a sensu contrario desumpto; ac tradit Abbas *ibid. num. 5.* Bartolus *l. Scripturas. §. fin. C. Qui potiores in pignore etc.* juncto textu *ibid.* dum tibi talis scriptura, quasi publica confecta intelligitur. Pax Jordanus *Tom. 3. Tit. de Fide instrument. num. 22.* Engel *h. t. num. 22. et alii.*

188 Quod si vero scriptura illa est subscripta a partibus tantum, tunc mota desuper controversia facit quidem magnam praesumptionem pro scribente, seu pro altera parte subscribente; non tamen plene probat in commodum ejus contra tertium sive augmento testium, *arg. cit. l. Scripturas. C. Qui potiores in pignore etc.* ac notat Bartolus *ibid.* Abbas *loc. cit. n. 2.* Pax Jordanus *n. 20.*

189 Additur notanter contra tertium. Quia contra alteram partem simul subscribentem, ejusque haeredem, bene probabit scriptura illa; dummodo non negetur subscriptio, sed sit recognita, vel aliter justificata. Mascardus *de Probation. Concl. 1301. num. 2.* post Speculatorem *Tit. de Instrument. edition. §. Nunc dicendum. num. 7.* Bartolum *Auth. At si contractus. C. h. t.* et alios. Nam quod scriptura privata recognita, et confessata, etiam sine aliis adminiculis plene probet contra scribentem

(et consequenter in commodum alterius partis, simul ipsam subscribentis) jam supra *num. 170.* cum communi dictum est. Atqui paria sunt, totum scribere, vel tantum subscribere, *l. Si quis ex argentariis. §. Cogentur.* juncta Glossa *marg. ff. de Edendo. et §. 1. Instit. de Emption. et vendit.* ibi *Instrumta... conscripta vel manu propria contrahentium, vel ab alio quidem scripta, a contrahentibus autem subscripta*; et tradit Pax Jordanus *loc. cit. n. 23.* post Gabriel. *de Praesumption. Concl. 3.*

Deinde Scriptura privata plene probat pro scribente, quando aliunde est authenticata; ut puta, quae est asservata in Archivio publico; vel quia est munita sigillo authentico Curiae, seu majoris Magistratus; aut quia ex longi temporis observantia censetur authentica, et hujusmodi: prout uberius dictum est supra *§. 5. num. 146. et seqq.*

Tertio, Scriptura privata potest plenam fidem facere de consensu, seu conventionione partium. Jason in *Repetit. l. Admonend. n. 101. ff. de Jurejurand.* citans alios. Ratio est: quia, quod scripturae privatae non credatur in commodum scribentis, principaliter est introductum favore partium, seu partis adversae; ergo huic favori possunt partes renunciare: *c. Si diligenti. 12. de Foro compet.* cum similibus: non minus, ac renunciare possunt juramento testium, *c. Tuis quaestionibus. 39.* juncta Glossa *fin. de Testib.*

Unde Alexander *Consil. 185. in fin. lib. 6.* et Mascardus *de Probat. Concl. 1301. n. 18.* citans Jacob. de Aretho, Hostiensium, Butrium, et alios, notanter infert, quod quaelibet scriptura privata probet, habeatque effectum instrumenti, quando fuit prodacta, et contra eam pars adversa nihil opposuit: quia tunc ab hac censetur scriptura illa approbata, et continere veritatem. Quod tamen procedit duntaxat, quando pars adversa omnino nihil contra ejusmodi scripturam opponit; videlicet nec expresse, puta, verbis; nec etiam tacite, seu facto ipso: nam secus foret, si quid opponeret facto ipso, puta, petendo se absolvi a petitis partis, *arg. l. Paulus respondit, non tantum verbis. ff. Rati ratam haberi*; ac notat Mascardus *d. n. 18.* et Cravetta *cit. tract. de Antiquit. tempor. part. 1. §. Viso de verbis. n. 23. et seqq.* allegans alios.

Quarto, Epistola per illum, cui scribitur, acceptata, et retenta absque eo, quod ei expresse contradicat, probat contra illum pro scribente: ita ut hoc ipso debitum, vel obligationem in tali epistola expressam sateri censeatur, quod hanc recipiens non contradixerit, cum potuerit. Jason *cit. Repetit. l. Admonendi. num. 142. ff. de Jurejurand.* post Bartolum, Baldum, pluresque alios. Idem tenet Alexander *Consil. 78. n. 1. lib. 1.* Engel *h. t. n. 31.* Idque probatur ex *Clem. 1. de Procurat. et l. Si filius familias absente ff. Ad S. C. Macedonian.* Ubi Summarium sic habet: *Ratione Conventionis, qui epistolam recipit, videtur approbare, quod in epistola continetur.* Ubi Glossa v. *Contrariae voluntatis*, inde notat, aliisque allegatis Juribus firmat, quod qui non improbat, probat.

## §. VII.

De Libris Rationum; fideque ipsorum; nec non de sculpturis antiquis.

## SUMMARIUM.

194 Libri rationum, qui, et a quibus confici solent?

195 Regulariter non probant plene pro scribente, bene tamen contra ipsum.

- 196 Nec probant pro haerede scribentis; etiamsi succedat Fiscus, aut Ecclesia.
- 197 Foeneratores, cur cogantur edere Libros rationum suarum?
- 198 Liber rationum probat contra scribentem, etiamsi sit scriptus manu alterius de sua voluntate.
- 199 Et quid, si Principalis neget, talem Librum rationum manu alterius de sua voluntate esse scriptum?
- 200 Dantur nihilominus aliqui casus, in quibus Liber rationum probat pro scribente.
- Et num. seqq.
- 201 Istud fieri potest publica Lege sic disponente: ut antiquitus probarunt libri Argentariorum, et Nummulariorum.
- 202 Item consuetudine, vel Statuto speciali: prout alicubi probant Libri mercatorum.
- 203 Saltem usque ad certam quantitatem: alius consuetudo illa non esset rationabilis.
- 204 Quod si alicubi vigeat talis consuetudo, vel Statutum, sine aliqua taxatione quantitatis, tunc haec erit arbitraria Judici.
- 205 Debet quoque ejusmodi consuetudo, vel Statutum intelligi, nisi Mercator sit suspectae vitae.
- 206 Liber rationum defuncti, qui fuit vir bonus, facit pro haerede non solum praesumptionem, sed etiam semiplenam probationem etc.
- 207 Non vero plenam, nisi aliis adminiculis adjuvetur.
- 208 Libro rationum Tutoris, Mercatoris, seu alterius Administratoris viventis, praevio scribentis juramento statuitur in parvis ac verisimilibus summis, dummodo ille sit vir legalis.
- 209 Serius dicendum in magnis summis; nisi concurrant legitimae probationes, vel sufficientia adminicula.
- 210 Adminicula hujusmodi, quibus probari potest veritas Libri rationum, sunt plura.
- Et num. seqq.
- 211 Ut est Legilitas conscribentis Librum rationis etc.
- 212 Quod hic solemniter sit factus in forma Libri rationum, et contineat simul data, et accepta etc.
- 213 Quod in eo addatur causa, ex qua aliquid datum et expensum fuit, una cum anno, mense, et die.
- 214 Quod ex verisimilibus conjecturis praesumi possit, verum esse illud, quod quis in Libro rationum suarum annotavit. Idque exemplificatur.
- 215 Quod Liber rationum sit candidus, seu carens cancellationibus, et superinductionibus.
- 216 Adminiculum ejusmodi est etiam juramentum illius, qui Librum rationum composuit, quod contenta in eo sint vera.
- 217 Quale juramentum praestatur, quando scribens a principio sui officii non deposuit juramentum.
- 218 In defunctis, qui olim scripserant Librum rationis, supplet mors efficaciam juramenti.
- Tantum importat mors, quantum juramentum. Ibid.
- 219 Ut Liber rationum probeat pro scribente, requiritur, ut si ad petitionem partis exhibeatur.
- 220 Et quod in eo solum sint descriptae res pertinentes ad officium, de quo tractatur: non vero aliae.
- Item, ut Liber rationum sit compaginatus, non autem in foliis volitantibus. Ibid.
- 221 Per Sculpturas, vel Litteras antiquas marmoribus incisas, possunt probari facta antiqua.
- 222 Et quidam plena, quando de nullius praesentia agitur.
- 223 Probatio ducta ab armis sculptis, vel depictis in monumentis, Capellis etc. attenditur.
- 224 Item, si factum est antiquissimum, et agitur de modico praesudicio.
- 225 Lapidis, seu columnae terminorum, probant confinia.
- 226 Inscriptio in antiquis probat Jus patronatus.
- 227 Ubi agitur de magno praesudicio, tunc Sculpturae, seu Litterae antiquae marmoribus incisae, solum probant semiplena, nisi aliis adminiculis adjuvantur.
- 228 Quasnam adminicula, indicia et praesumptiones tunc sufficiant ad plenam probationem, iudicis arbitrio relinquitur.

Queritur I. Quae fides debeat Libris rationum? 194

Ubi praenotandum, quod per Libros rationum intelligantur illi, quos quis de datis, et acceptis sibi conficit, ut jam dictum supra §. 5. n. 135. Et tales Libri rationum sunt frequentes, ac usitati, praesertim inter Mercatores, Tutores, Curatores, ac alios rerum alienarum Gestores seu Administratores. Atque horum aliqui eos conficiunt ratione sui officii: ut olim Nummularii, l. Quaedam. §. Nummularios. ff. de Edendo. item Exactor tributorum, ac Thesaurarius, l. Illatae. C. de Fide instrumenti. Alii vero libros tales conscribunt ratione suae administrationis: ut Tutores, Curatores, alique rerum alienarum administratores, l. 1. §. Officio. ff. de Tutel. et rationib. distrahend. Quidam vero pro sua voluntate et arbitrio, prout res postulat, aut expedire videtur, privatim sibi tales libros rationum conficiunt: ut Mercatores, ac hujusmodi. Quo praenotato

Resp. I. Libri rationum regulariter pro scribente 195 te plene non probant, bene tamen contra ipsum, seu in eius praesudicium. Ita Glossa in Clem. un. §. Caeterum. v. Rationum. de Usuris. et alia Glossa l. Quaedam v. Nummularios. v. Decretatur. ff. de Edendo. Abbas cap. 2. n. 8. et 9. h. t. Bartolus in l. Nuda ratio. n. 7. ff. de Donation. Mascardus de Probat. Concl. 977. n. 1. allegans alios, cum communi. Si quidem tales scripturae revera sunt privatae; sicque urgent Jura, et rationes, §. praeced. num. 170. et 186. allatae, Exemplo quippe perniciosum est, quod sub propriae scripturae annotatione quis alium sibi debitorem constituere valeat, l. Exemplo. C. de Probat. cum similibus. Et si libris rationum in favorem scribentium passim foret credendum, de facili praebere- tur causa delinquendi. Accedit, quod instrumenta quoque Notariorum, haud obstante, quod eorum fides de publico approbata sit; non probent in favorem ipsius scribentis, l. Divus Claudius. ff. Ad Leg. Cornel. de Falsis.

Atque istud amplius, ut Liber rationum, privati, non solum non probeat pro scribente, sed nec etiam pro haerede ipsius; quamvis illi succedat Fiscus, aut Ecclesia. l. Inter chartulas C. de Conveniend. fisci debitorib. lib. 10. Ubi proin Bartolus in Summario sic loquitur: Scriptura privata non facit fidem pro scribente, vel ejus haerede, etiamsi fiscus sibi successor sit. Nam, ut inquit Imperator ibidem, Iniquum esse perspeximus, ut sub propria annotationis manu unusquisque sibi faciat creditorem, cum concordantiis.

Nec obstat, quod in Clem. un. §. Caeterum. de 197 Usuris, Foeneratores in causis usurarum cogantur edere Libros rationum suarum: idque frustra fieret, si libri illi rationum nihil probarent. Resp. enim, istud nequaquam obstat: quia ibidem solummodo compelluntur Foeneratores ad exhibendum Codices suorum rationum, et quidem sub emensuris Ecclesiasticis, ut hoc modo possit deprehendi praevitas usuraria ipsorum, quae ut plurimum occulte committi; non autem, ut libri illi eadem suffragentur. Unde Glossa ibid. v. Caeterum, 198.

notanter infert, ac pluribus aliis Juribus allegatis firmat, quod illis feneratorum rationibus stetur contra eos, pro eis non.

198 Ampliatur quoque altera pars datae Conclusionis, ut Liber rationum probet contra scribentem, non solum, quando est scriptus sua manu, sed etiam, quando est scriptus manu alterius de sua voluntate: quia adhuc plene probat contra scribentem, arg. l. *Vica donatricis. C. de Donation.* ubi paria esse censentur, per se subscribere, vel alium subscribere vice ipsius. Jason in *Repetit. l. Admonendi. num. 112. ff. de Jurejurand.* Mascardus *Concl. 978. n. 5.* citans alios; atque n. 16. et seqq. istud cum aliis intelligens, quando liber ille rationum continet causam debiti, vel saltem adnotat quaedam conjecturas de causa debiti: alias secus.

199 Nec juvat, si Principalis, v. g. mercator neget, talem Librum rationum manu alterius de sua voluntate conscriptum fuisse. Non juvat, inquam: quia cum mercator ille talem librum retineat ut suum, eoque utatur tanquam suo, quidquid reperitur in illo scriptum, praesumitur scriptum vel manu sua, vel alio de ejus consensu, nisi contrarium evidenter probetur. Jason *cit. num. 112.* Mascardus *d. Concl. 178. num. 9.* citans alios. Alexander *Consil. 245. n. 1. et seqq. lib. 6.* asserens, quod libro creditoris etiam privato, in quo continetur solutio debiti, datur plena fides contra ipsam creditorem, l. *Quaedam §. Nummularia. juxta Glossa ff. de Edend.*

200 Resp. II. Dantur nihilo minus aliqui casus, in quibus data Conclusio, seu regula fallit, atque Liber rationum probat pro scribente, aut in Commodum suorum haeredum. Ita Jason *cit. Repetit. l. Admonendi. n. 125. et seqq. ff. de Jurejurand.* Mascardus *d. Concl. 97. n. 3. et seqq.* Cravetta *Tractatum Tom. 17. tract. de Antiquit. tempor. §. Vidimus et abunde. n. 2. ac seqq. et alii* idque probatur inductione.

201 Et primo quidem id fieri potest publica Legē sit disponente: prout antiquitus libris Argentariorum, et Nummulariorum, qui publica auctoritate assuebantur, et in susceptione sui officii juramentum de fidelitate praestabant, plena fides adhibebatur; juxta textum expressum l. *Quaedam §. Nummularios. ff. de Edendo, ibi: Quia Nummularii, sicut argentarii rationes conficiunt: quia et accipiunt pecuniam, et erogant per partes, quarum probatio scriptura, codicibusque eorum maximo comprobatur etc.* Verum hodie (inquit Glossa *ibid. v. Breuiter.*) eorum scripturae sunt privatae, ac proinde ipsis non est credendum pro se, vel contra se. Concordat Mascardus *loc. cit. n. 88. et seqq.*

202 Secundo, consuetudine, vel statuto speciali fieri potest, quod Libris rationum, v. g. Mercatorum, plena fides detur pro scribente, arg. *cit. §. Nummularios. et c. Cum dilectus. 8. et cap. ult. de Consuetud. cum similibus.* Cravetta, *ubi supra. nu. 1.* Jason *cit. Repetit. l. Admonendi. numer. 120. ff. de Jurejurand.* allegans Paulum de Castro *ibid. col. penult.* Baldum, et Alexandrum in *d. l. Quaedam §. Nummularios, cum aliis.* Et addit Jason *ibidem*, Florentinae talem esse consuetudinem inter Mercatores; quod eorum libris stetur etiam pro se: quia maxima poena imponitur eis, si aliquod falsum in libro committerent. Similiter Bononiense est statutum, quod liber mercatorum plene probet pro Mercatore: et tunc standum est ei, utri possit probari falsum.

203 In quibusdam tamen locis statum, neque ad quam quantitatem sit credendum libris rationum in favorem scribentis, v. g. mercatoris. Nam consuetudo indifferens ac indiscrcta, seu quae disponderet quod credideretur omni scripturae mercatoris pro se, etiam

in quibuscunque magnis quantitatibus, non esset rationabilis: quia daret eum delinquendi, ac proinde veluti nutritiva peccati non valeret, *can. Erit autem lex. dist. 4. et c. Ex parte de Consuetud. cum similibus*; ac notat Alexander *Consil. 3. n. 6. lib. 2.* Jason *ubi supra, n. 122.* Cravetta *cit. §. Vidimus et abunde. n. 6. et alii.*

Quod si igitur detur alicui talis consuetudo, vel statutum de credendo libris rationum in favorem scribentis sine aliqua taxatione quantitatis: tunc illud non convincitur esse irrationabile intelligi debet sub tacita ille clausula: *Accedente consensu Judicis, et si ei videbitur*: considerata videlicet qualitate personae scribentis, quantitate et praesudicio causae; et sic illud erit arbitrium Judicis. Abbas *c. Bonae memoriae. il. 2. num. 30. de Postulat. Praelat.* citans Baldum in *L. un. C. de Confessis.* Jason *loc. cit. n. 122. et 129.*

Insuper stante statuto, vel consuetudine, quod libris mercatorum plena fides detur pro scribente, debet intelligi, ac limitari ejusmodi consuetudo sive statutum; nisi Mercator alioquin sit infamis, vel suspectae vitae, arg. l. *Si quis ex argentariis. §. Cogentur. ff. de Edendo*; ac notat Jason *loc. cit. numer. 123.* post Baldum l. *Cunctos populos. in Repetit. vers. Quintum Exemplum. C. de Summa Trinit. et alios*: idque suadent dicta *num. praeced.*

Tertio, ac aclusa speciali locorum consuetudine, et statuto; Liber rationum defuncti, qui fuit vir bonus, bonaeque opinionis ac famae, pro haereditate scribentis non solum facit aliquam praesumptionem; ut vult Abbas *cap. 2. numer. 9. ff. de Bartolus l. Admonendi. numer. 27. ff. de Jurejurand.* et alii; sed etiam semiplenam probationem; dummodo liber ille defuncti habeat debitam formam rationum, seu contineat data et accepta; secus, si esset simplex scriptura unius debiti tantum, quia nihil probaret. Jason *cit. Repetit. l. Admonendi. num. 120.* post Paulum de Castro *ibid. col. ult. ff. de Jurejurand.* et sequitur Mascardus *cit. Concl. 977. numer. 4. et 6.* Sigism. Scaccia *lib. 2. de Judiciis, cap. 11. numer. 261.* Genova *de Scriptura privata, lib. 4. Tit. 1. de Libris rationum. num. 24.* et alii ab his citati. Ratio est; quia non est verisimile, quod vir probus, bonaeque famae, in articulo mortis scriberet librum falsum, aut eum falsa contententem relinqueret.

Plenam tamen probationem se soli ejusmodi Liber rationum defuncti non facit, nisi aliis praesumptionibus et adminiculis adjuvetur, l. *Rationes. C. de Probat. ibi: Rationes defuncti, quae in bonis ejus inveniantur, ad probationem sibi debitas quantitatis solas sufficere non possunt, saepe rescriptum est.* Secus, si alia adminicula concurrant: nam tunc etiam plene probat; arg. l. *Instrumenta domestica. C. de Probat. et cit. l. Rationes, ponderando ly, solas sufficere non possunt. C. cod. cum similibus.* Bartolus in *l. Admonendi. n. 27. ff. de Jurejurand.* Abbas *cap. 2. n. 9. h. t. Mascardus cit. Concl. 977. nu. 8.* Genova *loc. cit. n. 32. et alii.*

Quarto, et loquendo de Libro rationum Tutoris, Mercatoris, seu alterius Administratoris adhuc vivens, tunc praevio scribentis juramento statum talis libro in parvis ac verisimilibus summis; dummodo caeteroquin Tutor, Administrator, seu Mercator ille sit vir legalis, ac fide dignus. Abbas *c. Bonae memoriae. 4. num. 30. de Postulat. Praelat.* loquens de Mercatore. Jason *loc. cit. num. 126.* agens de tutoribus et curatoribus. Cravetta *loc. cit. §. Quid in libro. numer. 4. et 5.* Mascardus *cit. Concl. 977. n. 13. et n. 58.* post Ancharanum *Consil. 44. num. 6. et alios.* Accedit ratio: quia officium istud cum communiter est approbatum, et tacite vide-



tur eis mandatum, ut conscribant librum suorum rationum; ergo debet eis credi etiam pro se, saltem in parvis ac verisimilibus summis, ne officium scribendi reddatur ipsis damnosum, si liber suorum rationum dumtaxat crederetur contra se, nullatenus autem pro se. Ceterum, quae summa deuseatur modica, nec ne, et quando ipsa sit censenda verisimilis, Iudicis arbitrio est relinquenda; qui istud dijudicabit, inspecta qualitate rei et personarum, aliarumque circumstantiarum, arg. l. Sed et si suscepit. §. Sed et si proponas. ff. de Iudiciis, cum similibus.

209. Secus dicendum in magnis summis, atque ad grave praepjudicium tertii tendentibus. Tunc enim periculosum, atque exemplo perniciosum foret, credere soli libro rationum in favorem scribentis, et Exemplo. et l. Rationes. C. de Probat. cum concordantiis: ac proinde requiruntur aliae legitima probationes; puta, per testes, seu epochas rite subscriptas, vel saltem tales praesumptiones et adjuvencia, quibus sufficienter probetur veritas debiti, seu factorum expensarum in favorem scribentis librum rationum, Occasione cuius

210. Quaeritur II. Quae sint adminicula illa, quibus probari potest veritas libri rationum in favorem scribentis? Resp. Huiusmodi adminicula esse plura, quae referuntur tum ab Aymon. Cravetta cit. Tom. 17. Tractatus, tract. De antiquitat. temp. §. Vidimus et abunde. num. 20. ubi post Guidonem Papae Quaest. 441. et Boerium Decis. 105. n. 5. ponit sex talia adminicula: tum a Pace Jordano Tom. 3. Tit. de Fide Instrument. num. 108. et seqq. referente novem talia requisita; tum praesertim a Nicolao Genova (alias, Nicolao de Passeribus) cit. l. 4. de Scriptura privata, Tit. De libris mercatorum, num. 46. et seqq. ubi refert quiddecim adminicula, sive requisita, quibus concurrentibus, vel majori eorum parte, stante statuto vel consuetudine, potest libris Mercatorum plena fides adhiberi; et quidem non solum in parvis, sed etiam in magnis summis, seu quantitativis. Eorum praecipua sunt sequentia.

211. I. Legalitas conscribentis librum rationum, v. g. Mercatoris: nempe, ut sit homo legalis, fideque dignus, et pro tali communiter habitus. II. Ut liber ille rationum manu propria ipsius fuerit scriptus, l. Generaliter. C. de non numerat. pecun. quamvis alii succurrere velint, si liber penes ipsum existat, sicque de ejus consensu et voluntate conscriptus praesumatur, nisi contrarium probetur: quia ille videtur scribere, cuius nomine scribitur, l. Vice donatrix. C. de Donationib. et c. Qui facit per alium. 72. de Reg. Jur. in fi. Farinacius lib. 1. Consil. 18. num. 16. Genova loc. cit. n. 52. et 54. allegans alios. III. Quod veritatem scribere consueverit, l. Vel universorum. ff. de Pignorat. action. Alioquin enim semel malus, seu falsus in scribendo, semper praesumitur esse malus, seu falsus, juxta Reg. 8. Jur. in fi. Verum istud adminiculum, commode reducitur ad primum.

212. IV. Adminiculum, ac se tenens ex parte libri rationum, est, quod hic solemniter sit factus in forma Libri rationum, sicque contineat congruam praefationem, aut inscriptionem: secus, si solum foret simplex scriptura, seu quaedam schedula, in qua annotatum reperitur aliquid sibi debitum: talis enim nihil probaret in favorem scribentis. Jason d. Repetit. l. Admonendi. num. 120. ff. de Jurejurand. Mascardus cit. Concl. 977. n. 7. Digisus. Seaccia lib. 2. de Iudiciis, cap. 11. n. 267. Genova d. lib. 4. tit. de Libris mercat. n. 91. et alii. Unde ulterius, et V. Requiritur, quod Liber ille rationum aliquid contineat contra scribentem: alioquin enim non haberet

debitam formam Libri rationum, nisi contineret simul data, et accepta, sique aliquid contra scribentem, arg. l. Quaedam. §. Nummularios. ff. de Edendo. Mascardus cit. n. 7. Genova, ubi supra, n. 59. et alii.

VI. Requiritur quod in eo addatur causa, ex qua quid acceptum, et ex qua quid expensum fuit, arg. l. Nada ratio. iuxta Gloriam ff. de Donation. Bartolus l. Instrumenta. C. de Probation. Alexander Consil. 174. n. 2. lib. 6. asserens, quod liber rationum non probet in ea parte, in qua ratio in eo descripta caret causa, c. Si cantio. de Fide instrument. et l. Cum de indubito. §. ff. de Probation. Genova loc. cit. nu. 60. et alii. VII. Debet in ipso Libro rationum esse appositus annus, mensis et dies, prout fieri solet in Diariis: quia sine certo die rationes redduntur obcurae, incertae, et multis fraudibus expositae; eo quod falsitas, si quae intervenisset, omisso certo die non facile deprehendi posset. Abbas cap. 2. n. 12. h. t. Alexander Consil. 182. n. 6. lib. 2. Cravetta, ubi supra §. Quarto limitatur. num. 45. Seaccia cit. cap. 11. n. 281. Genova loc. cit. n. 76. et alii.

VIII. Requiritur, quod ex verisimilibus conjecturis praesumi possit, verum esse illud, quod quis in libro rationum suorum annotavit: ut puta, si aliunde constet, mercatorem tradidisse culpam merces: quia tunc quantitas, et pretium earum, satis probatur per ejusmodi librum rationum, huicque statuitur, nisi aliunde contrarium probetur, cum jam constet de substantia debiti. Cravetta, ubi supra. §. Vidimus et abunde. numer. 9. et seqq. Genova numer. 82. Mascardus d. Concl. 977. numer. 33. allegans alios. Idem dicendum, quando Tutor, Curator, vel rerum alienarum Administrator, in libro rationum scribit expensas alimentorum pupilli, familiae, aut alienjus fabricae perantae: quia enim talia sine expensis fieri non possunt; hinc considerata qualitate personarum, temporis, loci, aliarumque circumstantiarum, et quantitate expensarum verisimilium, stabitur libro rationum pro scribente, saltem praevio juramento ejus: quod ipsum tamen multum arbitrio Iudicis relinquatur. Jason. loc. cit. n. 125. citans alios, ac pro se allegans l. Lex quae tutores. C. de Administrat. tutor. et Auk. de Haeredit. et Falcid. §. Si vero absunt. Collat. 1. Cravetta cit. §. Vidimus et abunde. n. 9. Mascardus d. Concl. 977. nu. 82. et 95. cum aliis.

IX. Quod Liber rationum non existat mendosus, sed sit candidus, sive carens cancellationibus, et superinductionibus: alioquin enim redderetur suspectus, dum quod prius scriptura affirmaverat, cancellatio seu superinductio postea negaret, seu immutaret. Farinacius lib. 1. Consil. 18. num. 4. asserens, quod cancellatio, si fiat non probatio erroris, et sine praevio consensu eorum, quorum interest, a Jure sit improbat: arguatque falsitatem, cum prima confessio in scriptis facta, aliter revocari non possit. Decius Consil. 447. Menochius lib. 1. Consil. 23. num. 16. et 17. ubi addit, quod falsi suspicio in nova substantiali parte libri, totum vitiet, arg. l. Si ex falsi. C. de Transact. et l. Si aliquid. C. de susceptorib. lib. 10. Genova loc. cit. n. 84. et 86.

X. Adminiculum, quo probari potest veritas Libri rationum in favorem scribentis, est juramentum Mercatoris, vel alterius, qui Librum rationum conscripsit, quod contenta in eo sint vera. Cravetta loc. cit. Quarto limitatur. num. 47. Alexander Consil. 71. num. 9. lib. 3. post Bartolum in l. Theopompus. ff. de Voto praetlegat. per illum textum Anton. de Butrio c. Fontens. id. 1. de Testib. Genova, ubi supra, num. 89. Menochius Consil. 23. n. 14. allegans alios.

217 Quod intellige, quando scribens libram rationum non deposuit iuramentum a principio sui officii. Quia tunc tenetur postea jurare, vera esse, quas continentur in libro: alias secus, nisi ex nova causa emergente; arg. *Hoc iuramentum. C. de iurjurand. prop. calum.* Genova loc. cit. n. 91. Scaccia lib. 2. *Judiciis*, cap. 61. n. 286. et 287. citant alios.

218 Insuper notandum, quod istud iuramentum donat locum habeat in illis libris rationum, quos a se conscriptos edunt, sive exhibent adhuc viventes. Siquidem loquendo de libris rationum, quos inter defuncti olim conscripserant, supplebit mors effusciam iuramenti: quia si ille, qui scripsit librum, mortuus est, tantum facit mors, quantum iuramentum; ac proinde, et liber rationum cum iuramento fidem faceret pro scribente, propter huius mortem faciet fidem pro haerede absque alio iuramento: quia nempe tantum importat mors, quantum iuramentum. Ita Paulus de Castro *Consil.* 301. incip. *Ad bene examinandum. dub. 5. lib. 1.* quem citat, et sequitur Cravetta de tract. de antiquit. tempor. §. *Quarto limitatur.* n. 48. post Decium L. 1. in 2. notab. ff. de Edend. cum aliis, Jason de Repet. l. *Admonendi.* n. 128. ff. de *Iurjurand.* et alii.

219 XI. Adminiculum, seu requisitum ad hoc, ut Liber rationum pro scribente probet, est, quod liber ille ad petitionem partis exhibeatur ad effectum, ut contra eam opponere possit. Menochius *Consil.* 23. n. 17. Genova loc. cit. nu. 92. Pax Jordanus cit. part. 3. *Tit. de Fide instrument.* n. 118. Farinacius lib. 1. *Consil.* 18. n. 18. et alii. Nam generale est in omnibus Administratoribus, quod in redditione rationum teneantur exhibere omnes libros administrationis, l. *Cum servus.* ff. de *Condition. et demonstrat. et li Si statu libera.* §. *fin. de Statu liber.*

220 XII. Quod in illo rationum sint solum descriptae partitae, sive res pertinentes ad mercatorem, seu officium illud, de quo tractatur, non autem aliae: quia pro his nulla erit probatio. Menochius de *Arbitrar. Judic. lib. 2. cas. 91. n. 22.* Mascardus de *Probat. Concl.* 977. n. 94. Genova loc. cit. n. 30. et 74. et alii. Item, quod ipsamet Liber rationum sit compaginatus, seu juxta consuetudinem loci bene consuetus et compositus, non autem in foliis volitantibus. Baldus *Consil.* 152. lib. 3. Farinacius lib. 1. *Fragment. Criminale. v. Administrator.* n. 50. Pax Jordanus loc. cit. n. 115. Genova n. 97. et seqq. et alii.

221 Quaeritur III. Quid probent Sculpturae, vel Litterae antiquae lapidibus incisae? Resp. I. Facta antiqua possunt probari per sculpturas, vel Litteras antiquas marmoribus incisae. Ita Glossa can. *Sane profertur.* 24. q. 2. n. 28. et seqq., quod si in aliquo lapide, vel columna inveniat scriptura, fides ei sit adhibenda. Idem tradit alia Glossa c. *Cum causam.* v. *Per libros antiquos.* et Abbas *ibid.* n. 1. Barbosa in *Collectan. nu. 5. de Probat.* Mascardus *Concl.* 105. n. 10. et alii ab his copiose allegati. Ratio est: quia facta antiqua sunt difficilis probationis; unde in ipsis leviores probationes admittuntur, d. c. *Cum causam* 13. de *Probat.* estque uberius dictum supra *Tit. 19. de Probationibus.* §. 3. n. 66. Accedit, quod sculpturae, seu litterae marmoribus incisae, sunt cum majori deliberatione; et cum publice soleant videri eo legi, ab antiquo non tolerarentur, nisi forent veritati consentaneae.

222 Atque haec Conclusio vel maxime procedit, quando agitur de nullius praesudicio: quia tunc litteris sculptis in marmoribus, de antiquo est danda plena fides. Abbas cit. n. 1. v. *ore.* Dic ergo. et Additio *ibid.* allegans Baldum *Consil.* 345. incip. *An patronatus.* Sic accedit, quando dubitatur, an Ecclesia sit consecrata: atque extant sculpturae lapidibus incisae.

REIFFENSTUEL Jus Can. Tom. II.

de consecratione ipsius attestantes: eo hujusmodi.

Similiter probatio ducta ab armis sculptis, vel affixis, aut depictis in monumentis, domibus, seu capellis, attenditur, juxta Baldum *Consil.* 310. lib. 5. quem sequitur Barbosa loc. cit. num. 6. allegans Rotam in *Comen. Habit. Junii*, 1610. coram Pirovano. et in *Tolstana Habit.* 14. Martii 1625. coram Merlino.

Procedit insuper data Conclusio, si factum est antiquissimum, et agitur de modico praesudicio. Abbas loc. cit. istud probans per textum in cit. c. *Cum causam.* 13. de *Probat.* ubi confines probantur per Libros antiquos indistincte: quia, cum agatur (inquit) de modico praesudicio, nec interveniat interesse humane, non est verisimile, quod quis scripserit falsum, aut ejusmodi scriptura, seu sculptura, tanto tempore fuisset tolerata, si non continuisset veritatem.

Hic lapides, seu columnae terminorum probant confinis. Menochius *Consil.* 21. nu. 30. Card. Tuschus *Lit. C. Consil.* 700. nu. 3. Mascardus de *Probat. Concl.* 400. n. 1. id probans ex L. 1. §. *Qui in rationibus.* ff. ad *Leg. Cornel. de Falsis.* Barbosa ubi supra, n. 6. et alii ab his allegati. Qui tamen istud intelligunt, demmodo lapides pro confinis positi, sive immobiles, et terrae inhaerentes instar terminorum; vel saltem habeant alios lapillos terrae adhaerentes, qui vocantur *Indices.* Mascardus loc. cit. n. 4. cum aliis.

Insuper inscriptio in antiqua probat jus patronatus. Bartolus l. *Monumentorum. C. de Religios. domib.* Barbosa loc. cit. n. 7. allegans Rotam in *Mutien. Plebis*, seu *Jurispatronatus.* 21. Februarii, 1625. coram Coccino, et alios.

Resp. II. Loquendo tamen de causis, in quibus agitur de magno praesudicio, tunc sculpturae seu litterae antiquae marmoribus incisae, solum probant semiplene, non autem plene; nisi aliis quoque adminiculis adjuventur, aut ab antiquo eisdem fuerit fides adhibita. Ita Abbas cit. c. *Cum causam.* nu. 11. de *Probat.* Mascardus d. *Concl.* 105. nu. 6. Cravetta cit. tract. de *Antiquit. temp.* §. *Viso de verbis.* nu. 1. allegans alios. Idque partim desumitur ex d. c. *Cum causam.* 13. de *Probat.* Partim suadet ex eo: quia ejusmodi sculpturae antiquae, sunt solum scripturae privatae; atqui hae in antiquis tantum semiplene probant, nisi aliis adminiculis adjuventur, aut ab antiquo eis fides adhiberi consueverit. Accedit, quod causae civiles arduae, seu magni praesudicii aequiparentur causis criminalibus, prout dictum est supra *Tit. 20. de Testibus.* §. 3. n. 81. Atqui in causis criminalibus requiruntur probationes apertissimae, l. *Sciant cuncti. C. de Probat.* seu testes absque ulla infamia, vel suspitione, cap. 1. de *Exception.* ergo.

Porro, quatenam indicia, praesumptiones et adminicula sufficiant ad faciendam per antiquas scripturas, sive sculpturas plenam probationem, Judici arbitrio standum est: prout recte observat Menochius de *Arbitrar. Judic. lib. 2. cas. 115. n. 9.* et Mascardus de *Probat. Concl.* 1230. n. 5. et 7. et concordant dicta superius *Tit. 19. de Probationibus.* §. 3. n. 60. ubi generaliter asseritur, quod, quatenam probatio hic et nunc sit plena, et concludens, Iudicis arbitrio relinquatur.

## §. VIII.

De Productione, atque Editione Instrumentorum.

## SUMMARIUM.

223 Productio instrumentorum, quid? Et quando fieri possit? *Ibid.*

230. Quid agendum, si instrumentum arguatur falsitatis?
231. Testamenta, a quo, quibusque presentibus, sint aperienda?
232. Editio instrumentorum, quid?
- Edere quid? Ibid.
233. Rubrica, De Edendo, cur in Jure Civili sic inscribatur?
234. Instrumenta, quibus aliquis in judicio est usus, sunt edenda.
235. Et quidem in originali. Et n. proco.
236. Originale tamen non tenetur quis relinquere apud Acta.
237. Instrumenta regulariter debent edi citata, et praesente parte adversa.
- Subinde tamen non requiritur, citatio partis adversae. Ibid.
238. Instrumentum, quo quis usus est in judicio, totum debet legi audiente Jure, et parte adversa: si tamen super unico tantum capitulo moveatur questio, sufficit istud edere, seu parti ad describendum dare. et num. seqq.
239. Ratio prioris, et
240. Ratio posterioris partis, quae?
241. Instrumentorum editiones debent fieri sine die: sicut in editione Rationum.
242. Reus instrumenta, quibus non est usus, regulariter non tenetur edere Actori ad fundandam hujus intentionem; et cur?
243. Quomodo teneatur respondere ad positiones Actoris: et quae disparitas?
244. Actor tamen tenetur edere reo instrumenta ad fundandam hujus exceptionem; et cur?
- Reus excipiendo fit Actor; et quomodo? Ibid.
245. Instrumenta communia tenetur Reus edere Actori petenti: et si Juxta ea non faciat edi, licite appellatur.
- Quod commune est, meum est. Ibid.
246. Instrumenta pluribus modis dicuntur communia: videlicet,
- Ratione proprietatis. Ibid.
247. Ratione materiae: quae etiam debent edi.
248. Solvitur instantia ex cap. i. b. l.
249. Et instrumenta communia ex natura negotii; quae?
250. Regula illa, Reus non tenetur Actori, sua propria instrumenta edere, plures pariter limitationes. Et num. seqq.
251. Reus tenetur edere sua instrumenta Fisci, agenti contra illum.
252. Privilegium istud extenditur ad Ecclesias, Hospitalia, aliaque Loca pia: item ad causam matrimonialem, causam dotium, alimentorum, legatorum priorum etc.
253. Usurarii, quando conveniantur ad restituendas usuras, coguntur edere Libros rationum suarum.
254. Quando Actor habet intentionem suam in jure fundatam, tenetur Reus conventus edere privilegium in oppositum.
255. Idemque dicendum, quando Actor petit instrumentum ad intentionem suam jam fundatam coadjuvandam: idque exemplificatur.

259. Quæritur I. Quid sit Productio, atque Editio instrumentorum? Resp. I. Productio instrumentorum idem est, ac exhibitio instrumentorum in judicio facta ad probandam suam intentionem. Atque hæc regulariter debet fieri primum post litem contestatam: potest autem fieri usque ad conclusionem in causa, etiam post publicationem attestationum, c. Cum dilectus. g. h. t. Verum de his jam dictum est supra Tit. 19. De probationibus. §. 6. quærendo de tempore, quo faciendæ

sunt probationes: præsertim num. 149. et seqq. et n. 149. 152. ac seqq. ubi etiam nonnullas limitationes, quas quoad utramque partem reperimus, videre licet.

Quod si vero instrumentum aliquod, puta privi-  
legium, a parte adversa redarguatur falsitatis; tunc illud pro inspectione faciat Juxta exhiberi parti adversae in loco securo, atque congruo, et coram testibus paucis, seu duodecim hominum numerum non excedentibus. Ita habetur c. Accepimus. 4. h. t. juxta c. Inter dilectos. 6. §. Sed contra. eod. ubi ex tali inspectione plures defectus in instrumento leguntur reperti.

Porro, quemadmodum Testamenta aperiuntur, 231  
inspiciantur et describantur, extat integer Titulus lib. 8. ff. Quomodo testaments aperiuntur. Solum breviter dicendum, quod aperiatio Tabularum testamenti non quovis modo sit faciendæ, sed per legitimum Judicem, ut fides earum confirmetur, si forsitan nonnulli contra legitimos hæredes controversiam imposternum essent motori. Competens autem Juxta ille est Magistratus, qui Tabulas aperiat secundum consuetudinem loci, citatis illis, quorum interesse potest, necnon et testibus, ut sua sigilla recognoscant. Si tamen testes abfuerint, non coguntur comparere; sed orto dubio, mitti debent ad ipsos Tabulas testamenti, ut recognoscant, l. Sed si quis. ff. Quomodo testament. aper. Sufficit autem ad aperiendum testamenti, si major pars testium signatorum adfuerit l. Sed si major ff. eod. Quinimo etiam nullo eorum praesente, si urgeat necessitas, intervenientibus aliis optimæ opinionis viris poterit testamentum aperi, et regiari, cit. l. Sed si quis. atque amplius declarat Locsius eod. tit. Quomodo testament. aper. ff. num. 2. et seqq. Verum de Testamentis nubi.

Resp. II. Editio instrumentorum aliud non est, 232  
quam exhibitio, seu communicatio instrumentorum, facta coram Jure parti adversæ. Ita Aut. Nebrissenis in Vocabulario Juris. v. Editio instrumentorum, citans Hostiensem in Summa. h. t. §. An instrumentum etc. estque in re communis. Nam, ut l. 1. §. 1. ff. de Edendo, dicitur: Edere, est copiam describendi facere. Sive, Edere sit, vel dictare, vel tradere libellum, vel Codicem proferre; ut loquitur textus in l. Si quis ex agentarius. §. Si initium ff. eod. Generaliter enim loquendo, et quantum ad propositum; Edere, idem est, ac extra dare. Quapropter et partus edi dicitur, cum nascitur, l. Arcetusa. ff. de Statu homin. Et rationes eduntur, cum exhibentur, atque copia describendi fit, l. Si quis. §. Edere. ff. de Edendo. Nebrissenis loc. cit. v. Edere.

Extat autem in Jure Civili integer Titulus, tam 233  
in Codice, tum Digestis contentus, sub Rubrica De Edendo. Et dicitur, de Edendo, per gerundium, non autem per ablativum, de Editione, ad instar Tituli, de Pactis: sive, ut ostendatur, quandam necessitatem imponi edendi. (hoc est, exhibendi instrumenta, vel rationes, aut demonstrandi actionem, qua quis acturus est) ut vult Glossa ad Rubric. ff. de Edendo: sive quia Juxta-Consultos intendit ibi tractare de Editione, prout est in fieri; et sic posuit per gerundium, quod significat actum; uti notat Glossa Marginalis, et Bartolus ibid. Tractat autem Juxta Civile de triplici Editione, nempe Actionum, Instrumentorum, et Rationum: sed quia spectato Jure Canonico non est necesse, edere nomen actionis, quam quis intentare cogitat, c. Dillecti. 6. de Judiciis, estque jam dictum supra Tit. 3. De Libelli oblatione. §. 1. num. 30. et 31. Hinc in progressu de sola Editione instrumentorum sermo erit: quamquam ea, quæ de Instrumentalis dicatur,



servata proportionem facile editioni Rationum accommodari possint. Unde.

234. Queritur II. An, et quomodo Instrumenta, quibus aliquis in iudicio est usus, sint edenda? Resp. I. Certum est, si pars litigans, sive Actor agendo, sive Reus excipiendo, se suamque causam funderet super aliquo privilegio, vel instrumento, ac proinde eodem in iudicio usus sit, quod tenetur illud in iudicio edere, seu Judici inspiciendam praebere; et quidem in originali, ac citata parte adversa. Patet istud ex c. *Contingit*. 5. h. t. et l. ult. C. de Edendo. et l. 1. §. fin. ff. eod. etque communis.

235. Additur notanter, et quidem in originali. Nam exemplaribus non creditur, juxta textum cap. 1. h. t. ibi: *Si Scripturam authenticam non videmus, exemplaria nihil facere possumus*. Quod intelligi, nisi exemplaria fuissent exemplata auctoritate Judicis, ac servatis caeteris conditionibus de Jure ad id requisitis, juxta dictum superius §. 2. num. 59. et seqq.

236. Notat tamen Abbas in cit. c. *Contingit*. nu. 2. h. t. quod utens privilegio, vel alio instrumento in iudicio, non tenetur originale iudicio relinquere apud Acta; ne eodem impofterum carere cogatur, aut ipsum penitus amittatur: sed satis sit, praesentare in iudicio praesente parte ad fidem ei faciendam, et copiam illius capituli, de quo est quaestio, transscriptam tradere.

237. Deinde, quamvis regulariter instrumenta debeant edi citata parte adversa, eaque praesente legi, *Contingit*. 5. h. t. sicut et testes in citata, et si voluerit, praesente producendi sunt, cap. 2. de Testib. Recte tamen Vallensis h. t. §. 3. n. 4. cum aliis advertit, subinde non requiri citationem partis adversae; veluti, quando instrumentum producit ad solam instructionem Judicis, et in aliis hujusmodi casibus: prout in simili de productione testium jam dictum est supra Tit. 20. de Testibus. §. 13. num. 418. 422. et seqq.

238. Resp. III. Instrumentum, vel privilegium, quo quis usus est in iudicio, totum quidem praesente Judice, et audiente parte adversa legi, seu integraliter recitari debet: si tamen super uno tantum capitulo quaestio mota fuerit, non cogitur quis parti adversae edere, seu describendum dare totum instrumentum, sed solummodo illud capitulum, de quo agitur. Ita communis: et habetur expresse de iis c. *Contingit*. 5. h. t. ubi Pontifex desuper consultus, ita loquitur: *Respondamus, ut quandocumque super exhibendo privilegio, vel indulgentia, seu instrumento fueritis requisiti: praesente Judice, aut aliquibus prudentibus viris deputatis ab ipso, audiente parte contraria tantummodo recitetur: ita quod si super uno tantum capitulo quaestio, fuerit, illud solummodo rescribatur, et adversae parti copia ejus fiat*. Haec ibi: Concordat c. *Cum personas*. §. Nos volentes de Privileg. 6.

239. Id ipsum suadet ratio, et naturalis aequitas. Nam ex una parte, quia nonnumquam praecedentia vel subsequencia solent arcere, vel declarare articulum, de quo controversitur: hinc ut Juxta merita causae, valoremque et vim instrumenti plane intelligat, totum instrumentum eidem exhibendum est: atque, ut pars etiam adversa sufficientem ejus notitiam habere queat, integraliter erit praelegendum. Nam, ut in simili l. *In civili*. ff. de Legib. dicitur: *In civilis est, nisi tota lege perspecta, unica aliqua particula ejus proposita judicare, vel respondere*.

240. Ex altera vero parte, ne litigia nova suscitarentur, si totum instrumentum, sive copia ejus, parti adversae ederetur: hinc provide decretum fuit, ut totum quidem instrumentum praelegatur parti adversae ad habendam sufficientem totius instrumenti

notitiam; non tamen totum eidem ederetur, sed tantum par illa, sive capitulum, super quo quaestio moveretur. Quia non tam facile ex simplici lectione oritur nova materia litigandi, sicut ex integro Transumptio instrumenti: si enim istud continuo remaneret penes adversarium, diebus ac noctibus per ejus Advocatos legeretur, discontretur, et quoad alia capitula impuguari tentaretur, plurimis exinde novis litibus falcitatis. Et ita teste experientia olim factum esse, refertur cit. c. *Contingit*. 5. h. t. unde Pontifex eo intellecto, atque ad praeccludendum viam plurimis litigiis caeteroquin suscitandis, decrevit, ut supra.

Atque haec ratio tam fortis est, ut Jure Civili caveatur, quod ejusmodi instrumentorum editiones sine die, et Consule, fieri debeant: ne quid fraudis excogitetur edito die, et Consule: prout loquitur textus l. 1. §. *Editiones*. ff. de Edendo. Quamquam illi ibidem istud limitatur in Libris rationum, illis verbis: *Rationes tamen cum die et Consule edi debent: quoniam accepta et data non aliter possunt apparere, nisi dies et Consul fuerit editus*. Atque ex his patet disparitas inter libros rationum, et alia instrumenta.

Queritur III. An reus sua instrumenta, quibus in iudicio non est usus, tenetur edere Actori ad fundandam ejus intencionem? Resp. Regulariter non teneri edere; prout clare habetur cap. 1. de Probat. et l. *Qui accusare*. C. de Edendo. Ratio est. Quia qui cogitat agere in iudicio, debet ipsemet paratus tenere, atque probationes seu instrumenta, quibus suam intencionem fundare intendit, in promptu habere, l. *Pure*. §. fin. ff. de Doli mali exceptione juncto Summario, et DD. ibid. Neque enim juris, aut aequitatis ratio permittit, ut quis invitatus arma, quibus impugnetur, adversario suo tradere, eumque contra se adjuvare cogatur, l. *Nimis grave*. C. de Testibus. Accedit quod Actore non probante, Reus sit absolvendus, c. *Cum Ecclesia*. §. fin. de Causa possessor. ibi: *Actore non probante, qui convenitur, etsi nihil praestiterit, obtinebit, cum concordantiis*.

Nec obstat, quod Actor faciendo positiones (ad quas Reus respondere tenetur, nisi velit pro confesso haberi, cap. ult. de Confessis. in 6.) per positionem, et confessionem Rei, possit fundare suam intencionem; et sic quodammodo arma de domo adversarii petere. Resp. enim cum Jo. Andrea cap. 1. nu. 2. de Confessis, in 6. et Abbas cap. *Ex epistola* n. 17. de Probat. negando paritatem inter instrumenta, et confessionem Rei: nam respectu confessionis alterius partis non potest Actor venire paratus, cum non sit in sua potestate, quid Reus fateatur. Secus dicendum respectu instrumenti, cum potuerit a principio Actor sibi praecavere; et si hoc non fecit, sibi imputet: nam jura vigilantibus subveniunt, non negligentibus.

Neque ulterius obstat, quod Actor teneatur Reo edere instrumenta ad fundandam, sive probandam suam exceptionem, text. clar. l. *Non est novum*. et l. ult. C. de Edendo; cum tamen Reus excipiendo fiat Actor, l. 1. ff. de Exceptione. Resp. enim, disparitatem esse: quia, licet Reus excipiendo fiat Actor, tamen ipse est actor necessarius, et quasi invitatus; cum non sit in ejus potestate, an, et quando conveniatur. Secus dicendum de Actore: nam in potestate Actoris est, an, et quando convenire velit Reum; sequo aut praemunire sufficientibus probationibus, aut actionem non inchoare. Et hinc non immerito, *Favorabiliores Rei potius, quam Actores habentur*, juxta textum vulgatum in l. *Favorabiliores*. ff. de Reg. Jur. cum similibus.

Queritur IV. An Reus Instrumenta communia tenetur Actori edere; et quae censeantur communia? Resp. I. Si instrumenta non sunt propria ipsius

Rei, sed communia, tenetur ea Reus, edere Actori petenti: et, si Judex parti petenti non faciat edere instrumenta communia, licite ab ipso appellatur: quidquid post appellationem attentatum fuerit, non valet. Ita textus expressus in *c. G. perpetuus. 12. h. t.* ubi Glossa vers. *Communium*. Abbas in *Summario*. Barbosa *n. 1.* et reliqui Canonistae. Accedit ratio: quia instrumenta communia, sunt quodammodo propria utrique parti: nam quod commune est, meum est, *l. Servi electione.* juncta Glossa vers. *Communis ff. de Legat. 1.* saltem quantum ad dispositionem meae partis, ut explicat Bartolus in *Summario ibid.* Ergo talia communia instrumenta a qualibet parte juste petuntur; et si Judex eadem parti petenti negaverit, ipsam gravat, injuste, sicque locus est appellationi.

246 Resp. II. Instrumenta pluribus modis dicuntur communia; videlicet, ratione proprietatis; ratione materiae, et ex natura negotii. Ita Abbas *cap. 1. n. 6. et 7. de Probatione.* Engel *h. t. n. 38.* et alii. Instrumenta communia ratione proprietatis censentur ea, quae communibus sumptibus confecta sunt, aut utrique parti legata, donata, vel alio consimili modo acquisita; sicque utrique parti quoad proprietatem communia existunt.

247 Instrumenta communia ratione materiae censentur, quae sunt communia ob materiam, quam continent: uti sunt Testamenta inter haeredes, et legatarios. Item instrumenta, seu rationes Tutorum, Curatorum, Procuratorum, utpote quae fiunt pro cautione plurium, sicque edi debent, *l. Quaedam. §. 1. ff. de Edendo.* Item instrumenta inter ipsos contrahentes super contractibus confecta: nam haec, si sunt in originali, ac penes partem adversam, debent edi, *cit. c. P. perpetuus. h. t.* Secus, si sunt exemplata sumptibus solius partis alterius: nam tunc ratione proprietatis sunt propria ipsius, ac proinde regulariter edi non tenentur.

248 Nec obstat quod Papa *cap. 1. de Probatione.* negaverit, quod Imperator teneatur ad editionem quorundam pactorum, olim inter Justinianum, et Praedecessores Tancradi Regis emissorum, quae tamen pacta videntur fuisse communia utrique parti ratione materiae. Resp. enim cum Glossa, et DD. *ibid.* dictum pactorum instrumentum fuisse proprium Imperatoris: quia enim fuerat exemplatum, et in chartophylacium repositum sumptibus Justiniani, factum est proprium ipsius, sive suum jure proprietatis, ita ut commune alteri amplius censi non debuerit: non obstante, quod alterius quoque utilitatem respiceret, quia is sua culpa illud suum quoque facere neglexit. Wagnerek *ad cit. cap. 1. de Probatione.* Pirhing *cod. n. 24.*

249 Instrumenta communia ex natura negotii dicuntur, quae sunt gesta ab exercente aliquod officium publicum, et tenente librum, in quo scribebat omnia negotia officii: et talia debent edi. Sic Judex omnia Acta iudicii exhibet interesse habenti debet exhibere ad investigandam veritatis fidem, *c. Quoniam contra. 11. de Probatione.* et *L. 2. C. de Edendo.* Similiter Notarius publicus debet exhibere partibus contrahentibus Protocolum; et si Notarius requisitus nolit exhibere Protocolum, instante alterutra parte, mandatis prenalibus ad id compelli potest, *l. Argentarius. ff. de Edendo.* et Jason *ibid. n. 1.* et Gailus *lib. 1. Practic. Observat. 106. n. 6.* Insuper libri Mercatorum, in quos ipsi, veluti ex publico, et ratione sui officii, data et accepta referre solent, sunt edendi petentibus, ut v. g. videre possint, quanti valuerit pannus ad vestem Titio conficiendam apud talem Mercatorem emptus, *l. Quaedam. §. Nummularios. et L. seqq. de Edendo.*

250. Queritur V. Utrum, et in quibus casibus Regula

illa, *Reus non tenetur actori sua propria instrumenta edere*, quasdam patiatur limitationes? Resp. Regulam hanc plures pati limitationes: et quidem praeter instrumenta communia, de quibus jam dictum,

Fallit primo data Regula respectu Fisci. Nam Reus cogitur edere sua instrumenta Fisco, agenti contra illum, ad fundandam etiam Fisci intentionem: idque ex speciali privilegio concessum fuit Fisco, *L. 2. ff. de Jure Fisci.* Dummodo hinc excipiantur causae criminales, praesertim capitales, ut bene ibidem subiungitur.

Et hoc privilegium Fisco concessum extenditur etiam ad Ecclesias, Hospitalia, atque alia Loca pia: quia Fiscus, et Ecclesia, in materia favorabili aequiparantur; cum utrobique versetur publica utilitas. Idem quoque communiter a Doctoribus extenditur ad causam matrimonialem, utpote ubi multa sunt specialia, cum in ea veritatur periculum animarum. Id ipsum admittunt Doctores in causa dotium, alimentorum, legatorum piorum, et in aliis causis favorabilibus; saltem ubi non adest alia copia probandi, nisi per instrumenta a Reo exhibita. Speculator *tit. de Instrumentorum editione. §. Videndum restat. nu. 17.* asserens, quod magna causa debeat Judicem movere ad cogendum aliquem, instrumenta sua adversario exhibere, *arg. l. In hac actione. Interdum aequitas. ff. Ad exhibendum,* cum similibus: ubi Jo. Andreas in *Additione.* vers. *Satis est*, istud exemplificat in causa matrimoniali: Si enim (inquit) favore Fisci cogatur quis edere instrumenta, fortius hoc fieri debet favore matrimonii, in quo multa sunt favorabilia, et subest periculum animarum. Concordat Abbas *cap. 1. num. 19. et 20. de Probatione.* praemissa intelligens, quando non adest alia copia probandi: alioquin enim non subesset bona causa violandi Regulas juris. Felinus *cod. cap. 1. num. 10. et seqq. de Probatione.* Pirhing *de Probatione. num. 26. et alii.*

Deinde Usurarii, quando conveniuntur ad restituentes usuras, coguntur edere instrumenta, sui Libros rationum suarum, et quidem sub censuris Ecclesiasticis, *Clem. un. §. Caeterum. de Usuris.* Idque merito statutum fuit, tum in odium usurariae pravitatis: tum ut hac ratione foeneratores convinci possint de usuraria pravitatis sua; prout loquitur textus ibidem.

Fallit ulterius dicta Regula, quando Actor habet intentionem suam in Jure fundatam: quia tunc tenetur Reus conventus edere instrumentum, vel privilegium in oppositum. Sic quando Ordinarii locorum citant personas quae se dicunt ab eorum jurisdictione exemptas, tenentur haec exhibere suum privilegium, *c. Cum personas, de Privilegiis. in 6. et l. Si quis. ex aliena. ff. de Judiciis.*

Insuper ea fallit, quando Actor petit instrumentum ad intentionem suam jam fundatam coadjuvandam: quia tunc tenetur id Reus edere. Sic quando Actor fundavit intentionem suam, seu plene probavit, agram talem a Reo sibi fuisse venditam, nunc vero remanet quaestio, quantum ager ille extendatur, tenetur Reus ad hoc ostendendum edere sua instrumenta: quia non petuntur principaliter ad impugnandum Reum, sed solum ad coadjuvandum intentionem Actoris jam fundatam. Abbas *loc. cit. n. 15.* post Bartolum *L. 1. C. de Edendo.* Pirhing, *ubi supra, num. 25.* citans Baldum in *L. ult. C. de Edendo.* qui istud exemplificat in Colano censuali, vel Vasallo: talis enim tenetur edere sua instrumenta ad dignoscendum modum suae obligationis, et qui sint limites fundi censuales; seu feudalis. Tacentur nonnullae aliae fallentiae, apud memoratos Auctores videndae; nam praemissae sunt principales.

## §. IX.

De Impugnatione Instrumentorum, praesertim ob defectum Notarii.

## SUMMARIUM.

- 256 Instrumenta generatim possunt impugnari juxta omnia quatuor causarum genera.
- 257 Impugnaturus instrumentum, ante omnia diligenter perlegat totum ejus tenorem,
- 258 Beneque perpendat, quis v. g. contraxit etc. rite ponderando omnes circumstantias.
- 259 Instrumentum a Notario confectum an valeat extra territorium ejus, a quo constitutus fuit? Et num. seqq.
- Notarius conficiens instrumentum publicum, debet legitime esse creatus. Ibid.
- 260 Potestatem creandi publicos Notarios, qui habeant?
- 261 Instrumentum publicum confectum a Notario intra territorium constituentis, valet etiam extra territorium ejus.
- 262 Notarius a Papa, vel Imperatore creatus, quae Instrumenta spectato Jure communi conficere possit?
- 263 De consuetudine, si Notarius Imperialis conficiat instrumentum in terris Ecclesiae, probat; et e contra.
- 264 Clericis in Sacris est prohibitum, officium Notariatus exercere in causis profanis; non tamen redditur instrumentum invalidum, si secus attentetur.
- 265 Instrumenta confecta per Notarium putativum, an valeant? Et num. seqq.
- Error communis jus tribuit; et quando? Ibid. et n. 269. et 272.
- 266 Bonum est argumentum a teste ad Notarium publicum, et e contra. Et n. 273.
- 267 Si Notarius ille putativus habet titulum coloratum sui officii, valent instrumenta ab eo confecta.
- 268 Et hujus ratio.
- 269 Secus, si non habeat titulum coloratum, sed ipsemet se ingressit officio Notariatus. Et n. 267.
- 270 Confirmatur hoc ipsum exemplis.
- 271 Solvuntur rationes dubitandi. Et num. seqq.
- Explicatur textus in l. Barbarius. ff. de Offic. Praetor. ibid. et n. 265. et 269.
- 272 Error communis nihil operatur, quando error est substantialis.
- 273 Datur disparitas aliqua inter testem, et Notarium publicum.
- 274 Valent instrumenta confecta per Notarium, qui ingressus est in quasi possessionem Notariatus scienter, et patiente Superiore, habente potestatem creandi Notarios.
- 275 Instrumenta confecta per Notarium de crimine Falsi condemnatum valent, si fuerint facta ante ejus condemnationem.
- 276 Sed instrumenta ab eo confecta post suam condemnationem, non valent. Et n. praeced.
- 277 Instrumenta si habeat plura capitula; et in uno horum sit admixta falsitas circa substantialia negotii, ob quam postea Notarius damnatur, probabilis reprobat in totum.
- 278 Idque multipliciter probatur.
- Si testis falsitatem circa substantialia adjiciat suo testimonio dictum ejus reprobat in totum. Ibid. Et num. 281.
- 279 Falsitas circa substantialia negotii, quae? Summa, seu quantitas, pars est stipulationis; sicque est quid substantialia. Ibid.

REIFFENSTUEL Jus Can. Tom. II.

280 Falsitas circa accidentalia non vitiat instrumentum.

281 Si testis deposuit falsum circa accidentalia duntaxat, valet ejus testimonium quoad caetera.

Quaeritur I. Quibus modis generatim Instrumenta impugnantur, et reprobari possint? Resp. I. Instrumenta, generatim loquendo, possunt impugnari juxta omnia quatuor causarum genera. Ex parte quidem causae efficientis, quando est factum ab eo, qui non erat habilis: ut puta, qui non erat Notarius publicus, vel fuerat excommunicatus etc. Ex parte causae materialis, opponendo videlicet, quod sit factum super re illicita, vel a Jure non permissa. Ex parte causae formalis, quando non sunt observatae solemnitates a Jure requisitae: v. g. Si fuerit omissa indicio, annus, testis, subscriptio, vel quid aliud ad ejus substantiam requisitum, de quibus supra §. 1. num. 17. et seqq. Ex parte causae finalis, si opinatur instrumentum, vel privilegium esse ob; vel subreptitiae obtentum, narrando falsa, vel lacendo vera de jure exprimenda; de quorum postremo jam ex professo dictum est Lib. 1. Tit. 3. de Rescriptis. §. 7. et seqq. ubi etiam plura habentur de erroribus et Rasura Rescriptorum, quae servata proportionem huc applicari poterunt.

Resp. II. Impugnaturus quodpiam instrumentum, vel quaecumque scripturam, ante omnia diligenter videat, et perlegat totum ejus tenorem: aliter enim nec redargui possunt, nec valet resciri, quid redargui in eisdem debeat. Textus est in c. Accepimus. 4. h. t. ibi: Cum privilegia non inspecta non valeant argui falsitatis: junctis concordantiis per Glossam ibid. vers. Non valeant; allegatis.

Resp. III. Perlegens instrumentum, bene perpendat, quis v. g. contulerit, vel stipulatus sit; quid, et cui, et quantum, et an sit talis, qui hoc potuerit; atque omnes alias hujusmodi conditiones, seu circumstantias rite ponderet; Speculator tit. de Instrumentorum editione §. Instrumentum ergo publicum. num. 1. et alii. De quibus tamen, cum in propriis locis agi consueverit, atque hactenus plura jam dicta fuerint, eisdem pro nunc suppositis, speciales quaedam quaestiones circa causam efficientem instrumentorum; seu circa personam Notarii, impresentiarum occurrunt resolvendae. Unde

Quaeritur II. Utrum instrumentum publicum confectum a Notario valeat extra territorium ejus, a quo constitutus fuit? Ubi praesupponendum conformiter dictis, §. 1. num. 27. quod inter alia ad validitatem publici instrumenti requiratur, ut Notarius illud conficiens, legitime sit creatus; id est, ab habente potestatem constitutus fuerit publicus Notarius.

Porro hujusmodi potestatem creandi publicos Notarios, cumprimis habet Papa, Imperator, Rex, et alius Princeps superiorem non recognoscens, sicut et Civitates exercentes jura Principis. Abbas c. Cum P. n. 7. et 8. h. t. asserens, de hoc non esse dubium. Speculator tit. de Instrumentorum editione. §. Restat videre. num. 22. id probans ex cit. c. Cum P. h. t. et c. Per venerabilem. Qui filii sint legitimi. Deinde dicta potestas competit illis, quibus a Summo Principe concessum est speciale privilegium creandi Notarios: vel qui per immemorabilem consuetudinem tale jus legitime praescripserunt; arg. L. ult. C. de Emancipat. et c. Cum dilectus. g. h. t. et c. Accedentibus. 12. §. fin. de Excessib. Praelat. ac notat Speculator, et Abbas ubi supra. Pirhing h. t. n. 8. citans alios. Quia etiam Episcopi possunt creare



Notarios pro sua Dioecesi Card. Tuschus *Litt. E. Concl.* 290. nu. 1. post Oldradum *Consil.* 75. et *Litt. N. Consil.* 70. n. 5. et 6. Abbas c. *Cum P. nu.* 8. h. t. Belletus *Disquisit. Cleric.* p. 1. tit. 1. §. 29. n. 10. et alii ab his citati. Quo praenotato

261 Resp. I. Instrumentum publicum confectum a Notario intra territorium constituentis, valet, facitque fidem etiam extra territorium ejus; adeoque ex hoc capite non recte impugnatur. Ita Abbas *cit. c. Cum P. n. 9. h. t.* et Felinus *ibid. n. 10.* citans Rotam in *Formis Decis.* 291. *incip. Instrumenta confecta*, et plurimos alios; ac sequitur Pirhing *eod. n. 10.* citans alios. Ratio est; quia circa valorem instrumenti inspicitur locus, ubi instrumentum scriptum est, arg. *L. 1. C. de Emancipat.* ac notat Abbas *loc. cit.* istud amplians, etiam si Notarius intra territorium constituentis, fecisset instrumentum rogatus ab extraneis: quia tale instrumentum jam acceperat fidem publicam in loco constituentis talem Notarium, et quidem a jure communi: atqui, vis probandi semel acquisita, non tollitur mutatione loci; ergo. Concordant dicta superius §. 5. n. 153. et 154. ubi pluribus ostenditur, quod instrumentum factum secundum consuetudinem loci, probet ubique etiam quoad extraneos.

262 Resp. II. Spectato Jure communi Notarius creatus a Papa potest quidem instrumenta conficere in terris Ecclesiae subjectis, ac etiam alibi quoad causas Ecclesiasticas, non tamen in terris Imperii respectu causarum profanarum: sicut et Notarius creatus ab Imperatore nequit extra terras Imperii, vel super causis Ecclesiasticis instrumenta conficere. Ita Abbas *cit. c. Cum P. n. 9.* et Felinus *ibid. n. 17. h. t.* Jo. Andreas c. *Sicut te. nu. 3.* et Abbas *ibid. nu. 12. Ne Clerici vel Monachi etc.* Speculator *cit. §. Restat videre. n. 27. et seqq.* Pirhing *h. t. n. 11.* quamvis oppositum esse de jure verius, censeat Card. Tuschus *Litt. N. Concl.* 72. n. 1. et 3. allegans alios. Ratio Conclusionis est; quia, ut argumentatur Jo. Andreas *cit. n. 3.* duo operantur, quod credatur publico instrumento, nempe praestatio iuramenti per Notarium facta, c. *Ad audientiam.* 13. §. *Nos igitur de Praescript.* et auctoritas judicialis, a qua Notarius talem recipit potestatem, *Aut. de Tabellionibus.* §. 1. *Collat. 4.* Atqui hoc posterius deficit in Notario, qui conficit instrumentum extra territorium constituentis. Accedit, quod Notarius non exerceat jurisdictionem, quae possit prorogari extra territorium de consensu partium: habet enim duntaxat officium in Republica; unde et *Servus publicus* appellatur, *L. 2. ff. Rem pignori salvam fore. et cap. 2. de Usuris.* in 6. juncta Glossa *ibid. vers. Servo publico.* Atqui hujusmodi officium non extenditur extra territorium constituentis, arg. *l. Praefes. ff. de Offic. Praesid.* cum similibus. Tandem dictum testis, auctoritate Iudicis laici in causa Ecclesiastica recepti, fidem non facit in Foro Ecclesiae, c. *At si Clerici. 4. de Judiciis.* ergo, nec probat instrumentum super causa Ecclesiastica factum per Notarium laicum: valet enim argumentum a teste ad Notarium, et e contra, juxta dicenda n. 266.

263 Additur notanter in Conclusionem, *spectato Jure communi.* Nam, quod secus accidere possit de consuetudine, et per tacitum consensum Supremorum Principum, ultro facendum est. Et hoc modo videtur intelligendus Card. Tuschus *cit. Concl.* 72. et Mascardus *de Probat. Concl.* 928. nu. 19. cum pluribus aliis asserentes, quod si Notarius Imperialis conficiat instrumentum in terris Ecclesiae, probet, et e contra; ut censuit Rota *Decis.* 5. alias 291. *de Fide instrument. in novis:* quia (subjungit Mascardus nu. 21.) ita tenuit inveterata consuetudo, et communis observantia.

Nec obstat, quod Clericis in sacris Ordinibus constitutis, sub poena privationis Beneficii prohibitum sit, officium Notariatus exercere in causis temporalibus, seu profanis, c. *Sicut te. 8. §. Ne Clerici vel Monachi etc.* Resp. enim cum Jo. Andrea *ibid. n. 1.* et aliis, istud esse quidem illicitum dictis Clericis, non tamen reddi instrumentum invalidum, si secus attentetur: quia istud ibidem non statuitur, neque ejusmodi instrumentum a Clerico factum declaratur invalidum, sed sola poena privationis Beneficii Clerico imponitur; unde aliam insenire non debemus. Nam interpretatione *legum poenae sunt molliendae potius, quam exasperandae*, ut dicitur *l. Interpretatione. ff. de Reg. Jur.* cum concordantibus. Simulque multa fieri prohibentur, quae si facta fuerint, roboris obtinent firmitatem: c. *Ad apostolicam. 16. de Regularib.*

Quaeritur III. An instrumenta, confecta per Notarium putativum, qui in veritate non est Notarius, tamen communi opinione reputatus talis, sint valida? Ratio dubitandi, et affirmativam tenendi, est, quia *error communis jus tribuit*: prout habet vulgatum axioma, atque desumitur ex *l. Barbarius. ff. de Offic. Praetor.* ubi Acta judicialia servi fugitivi, qui nesciebatur talis esse, atque in praetorem electus fuerat, propter communem errorem, atque publicam utilitatem, valere censentur. Accedit: quia talis Notarius est in quasi possessione officii Notariatus: simulque nihil est, quod imputari possit parti ab ipso confectorem instrumenti postulanti, cum iste publice habeatur pro Notario.

Confirmatur: quia bonum est argumentum a teste ad Tabellionem, seu Notarium publicum, et e contra arg. *l. Domitius Labeo. ff. de Testament. juncta Glossa sup. ibid.* computante Tabellionem in numero testium; et *l. Hac consultissima. §. fin. C. de Testament.* ac notant Doctores *ibid.* et Jason d. *l. Barbarius, nu. 46. ff. de Offic. Praetor.* Atqui testis, qui revera est inhabilis, communi tamen opinione reputatur habilis, si adhibeatur in testamento, sufficit ad hujus validitatem, *L. 1. C. de Testament. et §. Sed cum aliquis. Instit. eod.* ubi servus communi opinione reputatus liber, potest in testamento esse testis; ergo idem dicendum de eo, qui communi opinione reputabatur Tabellio, sique conficit instrumentum. Verum his non obstantibus, affirmativa sententia nequit iudicinate admitti, sed oportet congruam adhibere distinctionem: unde

267 Resp. I. Aut Notarius ille putativus, et conficiens instrumenta, habet titulum coloratum sui officii (quia nimirum fuit constitutus a Superiore, sed propter occultum defectum non potuit tale officium habere, vel istud denuo perdidit) et valet instrumenta ab eo confecta. Aut non habet titulum coloratum, eo quod nunquam fuerit creatus Notarius per habentem potestatem, sed ipsemet sese ingesserit huic officio, et non valet ejusmodi instrumenta. Speculator *eod. Tit. de Instrumentorum editione.* §. *Restat videre. n. 3.* Bartolus in *d. l. Barbarius.* §. *Et per hoc puto, ff. de Offic. Praetor.* Abbas c. *Sicut te. n. 21. Ne Clerici vel Monachi etc.* Pirhing *h. t. n. 13.* Loesius *Tit. de Fide instrument. ff. n. 4.* Jason d. *l. Barbarius n. 48. ff. de Offic. Praetor.* citans alios, atque hanc sententiam appellans veram et communem, et intrepide tenendam. Concordant dicta superius *Tit. 1. de Judiciis.* §. 8. n. 169. et seqq. ubi in simili resolvitur quaestio illa: *Utrum valeant gesta per Iudicem putativum?*

268 Prima pars patet ex *cit. l. Barbarius. ff. de Offic. Praetor.* quae expresse loquitur de casu, in quo praecessit electio alicujus in Praetorem, qui a parte rei quidem fuerit inhabilis (erat enim servus fugitivus) communi tamen hominum opinio reputabatur li-

her, atque ad exercendum illud officium habilis; sicque ob publicam Reipublicae utilitatem, et ne innoxii, qui coram ipso bona fide egerant, damnum patiantur, sustineantur Acta ipsius, ipso Jure communi sic disponente: idem ergo dicendum de Notario, habente titulum coloratum officii sui, ob paritatem rationis. Hoc ipsum suadent rationes dubitandi n. 265. et 266 relatae junctis eorum solutionibus, in quantum pugnant contra alteram partem Conclusionis, proxime afferendis.

- 269 Secunda pars probatur ex eo: quia potestas creandi Notarium, est reservata Supremis Principi, in signum suae supremae potestatis, arg. c. Cum P. h. t. et Auth. de Tabellionibus Collat. 4. Unde nemo est Tabellio, nisi creetur a Superiore. Bartolus, ubi supra: ideoque error privatorum istam potestatem eidem praehere non potest, l. Privatorum. C. de Jurisdiction. omni judic. Nec urget textus in d. l. Barbarius. ff. de Offic. Praetor. Nam ibi praecessit deputatio Barbarii servi in Praetorem facta ab eo, qui poterat cum ipso dispensare, ut loquitur textus, sicque habuit titulum saltem coloratum, ac proinde merito ob communem utilitatem sustineantur Acta illius. Secus accidit in hoc casu, ubi quis nullum omnino habet titulum coloratum Notariatus; sed semetipsum huic officio ingessit, nulla praecedente auctoritate Superioris, vel titulo saltem colorato. Concordant dicta superius cit. tit. 1. §. 8. n. 199. et 200.

- 270 Confirmatur. Quia similiter in aliis casibus gesta ab eo, qui nullum habuit titulum, non valent: ut cap. 1. de Reg. Jur. in 6. etc. Ex frequentibus de Institut. ubi occupatio Beneficiorum sine institutione canonica non valet, non obstante consuetudine contraria, seu errore communi. Similiter non valent gesta ab eo, qui communi opinione reputatur Tutor, cum non sit, l. 2. ff. De eo, qui pro tutore, etc. Accedit textus apertus in l. Actuarius. juncta Glossa fin. C. de Numerariis, Actuarius etc. lib. 12. ubi irrita censentur gesta ab Actuario, et ipse faciens punitur, si non fuerit secundum consuetudinem antiquam ordinatus.

- 271 Nec obstant rationes dubitandi n. 265. in contrarium allatae. Non quidem textus in cit. l. Barbarius. ff. de Offic. Praetor. quia ibi intervenit titulus coloratus: ac electio Barbarii servi in Praetorem ut proxime dictum; secus in nostro casu, ubi supponitur, titulum coloratum abesse in Notario, cum se ipsum officio tali ingesserit.

- 272 Neque obstat communis error: quia quando actus peccat in sui forma, sive quando error est substantialis, tunc error communis nihil operatur. Sic autem fit in proposito, quia Notarius est officium publicum, nec potest exerceri, nisi quis privilegium habeat a supremo Principe, aut cuius specialiter commiserit; cum sit de reservatis in signum supremae potestatis. Porro possessio Notariatus nihil etiam juvat, cum sit mere naturalis: simulque, qui sine creatione, ac Superioris auctoritate se immiscet officio Notariatus, potius censetur temerarius et violentus occupator, non autem possessor. Unde nec locum habere potest praescriptio, quatenusque tempore possessio illa continuatur: quia possessor malae fidei ullo tempore non praescribit, juxta Reg. 2. Juris in 6.

- 273 Ad confirmationem negatur paritas inter Notarium et testem, quantum ad propositum. Quia, ut quis sit testis, non requiritur auctoritas, seu specialis deputatio Principis; sed generaliter omnes illi, quibus testimonium non reperitur interdictum, possunt esse testes. l. 1. ff. de Testib. Secus dicendum in Notario publico: unde patet magna disparitas, haud obstante, quod in aliis va-

leat argumentum a Notario ad testem, et e contra.

Resp. II. Patitur nihilominus data Conclusio quoddam limitationem, si videlicet quis ingressus fuisset in quasi possessionem Notariatus sciente, et patiente Superiore, habente potestatem creandi Notarios, et fungeretur tali officio: nam tunc instrumenta per eum confecta, valent. Ita Jason cit. l. Barbarius. n. 52. de Offic. Praetor. post Anton. in cap. 1. de Fide instrumenti. Ratio est: quia postquam Superior scivit, et tacuit, censetur tacite talium Notarium confirmasse; unde constituitur is in quasi possessione officii Notariatus, sicque valent gesta per ipsum: prout in simili de habente possessionem jurispatronatus, decernitur c. Consultationibus. 29. de Jurispatronat.

Quaeritur IX. An valeant instrumenta confecta per Notarium, qui antea quidem legitime creatus, sed postmodum condemnatus fuit de Falso in suo officio commissio? Resp. I. Valent instrumenta a tali Notario ante ejus condemnationem facta quamvis haec postea sequatur: sed instrumenta ab eo confecta post suam condemnationem, non valent. Ita Innocentius in c. Fraternitatis. de Haeretic. et Abbas ibid. n. 3. Bartolus in l. Barbarius. §. Quid de Notario. ff. de Offic. Praetor. Speculator Tit. de Instrumentorum editione. §. Restat videre. n. 35. et Jo. Andreas in Addit. ibid. vers. L. fin. Pirhing. h. t. n. 13. et alii. Prima pars sequitur ex dictis num. 268. quia ex quo talis Notarius toleratur in officio, gestaratione publici officii propter publicam utilitatem non retractantur, licet postea sequatur depositio ipsius, arg. l. Barbarius. ff. de Offic. Praetor. et can. Infamis persona 3. q. 7. §. Verumtamen. Accedit, quod sententia contra Notarium lata, non debeat aliis nocere, l. Lucius Titius. in fin. De iis, qui notantur infam. cum similibus.

Altera vero pars desomitur ex cit. c. Fraternitatis. 4. de Haeretic. Quia, ex quo damnatus est auctor falsitatis, opera ejus, veluti falsarii, nequeunt amplius facere fidem: nam qualis est auctor, talia praesumuntur opera ejus. Textus, et Glossa in Cass. cit. c. Fraternitatis. Concordat Reg. 8. Juris in 6. Semel malus, semper praesumitur esse malus, saltem in eodem genere delicti, ut explicat Glossa ibid. Accedit, quod Notarius de crimine falsi convictus, et condemnatus, hoc ipso removeatur a publico officio Notariatus: unde locum habet, quod statuitur l. Si aliquid C. de Susceptorib. lib. 10. ubi Bartolus in Summario breviter sic ait: Non potest qui exercere officium, in quo semel deliquit.

Resp. II. Instrumentum ante condemnationem Notarii confectum, si habeat plura capitula, et in uno capitulo sit admixta falsitas circa substantialia negotii, ob quam postea Notarius ille damnatur, et deponitur, probabilius reprobatur in totum. Ita Abbas cit. c. Fraternitatis. nu. 4. post Innocentium ibid. de Haeretic. Bartolus l. Si ex falsis. §. Advertamen. C. de Transaction. istud intelligens, quando falsitas provenit ex persona Notarii, qui sua malitia, vel dolo, commisit falsum in uno ex substantialibus. Eandemque sententiam plures alii tenent apud Menochium de Praesumptionibus. lib. 5. Praesumpt. 22. n. 3. cui etiam multum favet Speculator Tit. de Instrumentorum editione. §. Instrumentum ergo. nu. 10. et 11. quamvis in contrarium alleget Tancredum, et quosdam alios, qui volunt, quod tunc reprobandum sola capitula connexa cum falso, non vero separata: quam contrariam sententiam etiam sequitur Menochius cit. praesumpt. 22. n. 32. Pachineus lib. 9. Controvers. Juris, cap. 79. et probabilem censet Pirhing h. t. n. 52.

Ratio Conclusionis est: quia fides instrumenti publici pendet a fide, et probitate Notarii; ut inquit

- Menochius *loc. cit.* n. 4. allegans Glossam l. Si quis ex argentariis. §. 1. ff. de edendo. Ergo, si falsitas instrumenti circa substantialia negotii procedit ex vitio Notarii ob id condemnati, hoc ipso totum testimonium ipsius utpote falsarii reprobatum: nam fides Notarii est quid individuum, atque ex ea pendet fides instrumentorum. Confirmatur: quia si testis aliquam falsitatem circa substantialia adiciat suo testimonio, dictum ejus reprobatum in totum, utpote perjury, *can. Pura. 3. q. 9. ac notat Glossa c. In nostra. vers. Adversa. de Testib. Farinacius de Testib. q. 67. nu. 178. allegans plurimos alios. Ergo a pari idem est dicendum de instrumento Notarii: nam etiam hic est aliquis testis, l. Domitius. ff. de Testament. valetque argumentum a teste ad Notarium, juxta dicta paulo superius. n. 266. Concordant ea, quae in simili dicta sunt Lib. 1. Tit. 3. De Rescriptis. §. 8. n. 175. et seqq. ubi ex professo, atque solutis contrariis, fusiuse ostensum est, quod subreptio, contingens in una parte Rescripti diversas partes habentis, probabilius vitiet in totum, ergo ob paritatem rationis, idem dicendum est in proposito.*
279. Additur notanter in Conclusionem, *admixta falsitas circa substantialia negotii*. Qualis contingeret, si Notarius falso scripsisset, contractum fuisse celebratum circa unam rem, v. g. equum, qui fuit factus circa aliam rem, v. g. vaccam; nam error, seu falsitas circa substantiam rei, procul dubio est substantialis. Idemque fieret, si Notarius scripsisset, Titium debere Cajo viginti, cum scribendum fuisset decem: quia *summa*, id est, quantitas, pars est stipulationis, seu instrumenti, in quo continetur stipulatio; ac proinde est quid substantiale, L. 1. §. Editiones, juncta Glossa vers. Summa. ff. de Edendo. Unde commissum per Notarium tali falsitate, merito corrumpit totum instrumentum.
280. Secus dicendum, quando falsitas contingit circa aliquod extrinsecum, et non substantiale: ut quia scripsit, contrahentes esse talis nationis, seu consanguineos, affines, aut quid aliud, quod non facit ad negotium. Etsi enim istud vit falsum, non tamen ideo vitatur totum instrumentum: quia nihil facit ad contractum venditionis, permutationis etc. undecunque sint contrahentes, vel an consanguinei existant, nec ne, *arg. c. Cum deputati 16. de Judiciis. Innocentius, et Jo. Andreas c. Fraternitatis. num. 1. et Abbas ibid. num. 4. de Haeret. alique passim.*
281. Simile quid contingit in testibus. Licet enim, si testis deponit falsum in substantialibus, quoad unam partem, dictum ejus reprobetur in totum: quia reperitur perjurus, *can. Pura. 3. q. 9. et can. Si testes. 4. q. 3. §. Qui falso, cum similibus.* Secus tamen est dicendum, quando deposuit falsum circa accidentalia duntaxat, seu circa circumstantias neutiquam facientes ad substantiam negotii, de quo agitur: adhuc enim valet ejus testimonium quoad caetera, cum nihil sit, quod impediat fidem ipsius. Jo. Andreas, et Abbas, ubi supra. Farinacius de Testibus, quaest. 67. num. 179. allegans plurimos alios; atque subiungens, ita solere tenere etiam.
283. Probatio per testes, simpliciter loquendo, est validior digniorque probatione per instrumenta.
284. Idque varie probatur. Et n. 283. et 285. Primo nominatus censetur caeteris dignior. n. 283.
285. Probatio per testes est vera, et naturalis; probatio per instrumenta est extraordinaria, et artificialis.
286. Fides instrumentorum potest reprobari, atque elidi depositione testium.
287. Instrumentum inducit notorium, et fabiosam manifestam etc. Quale?
288. Eandem vim obtinent tam fides instrumentorum, quam depositiones testium; et quomodo? Et num. 282.
289. Testes plenam fidem faciunt in criminalibus: instrumenta vero directe non probant crimen. Verbum Litis, non criminalem, sed civilem causam designat. Ibid.
290. Instrumenti valor stat eo usque, donec aliquid probabile contra illud afferatur.
291. Ubi requiritur scriptura ad substantiam actus, testes non sufficiunt.
292. Per testes instrumentarios qualiter possit instrumentum impugnari? Et n. seqq. Testes instrumentarii, et extranei, qui? ibid.
293. Quando testes instrumentarii adhuc vivunt, omnesque adversantur instrumento, censetur istud omnino falsum.
294. Idemque dicendum, quando major pars testium inscriptorum contradicit instrumento.
295. Solvitur instantia Absentia testium qualiter probari possit? Ibid.
296. Quod si duo v. g. testes inscripti contradicunt instrumento, tunc aut remanet legitimus numerus testium stantium pro instrumento; et valet.
297. Hujusque ratio. Et n. seqq.
298. Magis creditur duobus affirmantibus, quam mille negantibus; et cur?
299. Aut non remanet legitimus numerus testium; et non valet instrumentum. Et n. 296.
300. Si aliqui testium non absolute negent, sed dicant, se non amplius recordari etc. sustinetur instrumentum.
301. Valet quoque testimonium testium, qui recordantur celebrati, v. g. contractus, non tamen anni, mensis, aut diei, quo is factus est etc.
302. Valet instrumentum publicum, etsi testes inscripti interea fuerint mortui. Et quid, si negetur esse genuinum talis Notarii instrumentum? Ibid.
303. Aut testis asserat, se non ita dixisse, sicut Notarius scripserat. Remissive.
304. Potest instrumentum reprobari etiam per testes extraneos. Et n. seqq.
305. Dummodo ipsi sint testes idonei, atque omni exceptione majores.
306. Modicus enim defectus repellit tales testes.
307. Secus dicendum de testibus instrumentariis, nisi nova causa istos repellendi superveniat.
308. Instrumentum potest si per testes reprobari dupliciter, nempe vel directe,
309. Et quid ad hoc requiratur?
310. Vel indirecte; et quomodo istud fiat? Probata falsitate instrumenti circa unum punctum substantiale, tollitur fides ejus in totum. Ibid.
311. Quot testes, praesertim extranei sufficiant ad reprobandum instrumentum Notarii, variant Doctores. Et n. seqq.
312. Refertur opinio Glossae, quinque vel saltem quatuor testis requirentis.
313. Probabilius est, sufficere duos testes omni exceptione majores etc.

## §. X.

De Reprobatione Instrumentorum per testes.

## SUMMARIUM.

282. Probatio per testes, an sit validior probatione per instrumenta? Et n. seqq. Ponuntur rationes negativam tenendi. Ibid.



- 314 Solvuntur contraria. Et n. seqq.  
 Praesumptio, quae stat pro instrumento publico  
 Notarii, tollitur per contrariam depositionem  
 testium.  
 315 Instrumentum aequivaleret duobus testibus; et quo  
 modo? Et n. 312.  
 316 Testes instrumento inscripti, quando probent?  
 317 Non tamen sufficiunt duo testes ad reprobandum  
 instrumentum, quando istud per alios testes vi-  
 ra voce coadiuvatur.  
 318 Iudicis arbitrio multum committitur, an instru-  
 mento, vel magis testibus contra illud deponen-  
 tibus fides sit habenda.  
 319 Cessante omni suspitione ex parte Notarii et  
 instrumenti, magis instrumento credi debet,  
 quam testibus contra illud deponentibus.  
 Praesertim, si instrumentum sit antiquum. Ibid.  
 320 Dantur nihilominus aliqui casus, in quibus con-  
 tra instrumentum non admittuntur testes; et  
 qui?

282 **Q**uæritur I. Utrum probatio per testes validior  
 sit probatione per instrumenta, atque hanc elidere  
 valeat? Ratio dubitandi, ac negativam tenendi,  
 desumitur ex l. In exercendis. C. de Fide instru-  
 ment. ubi dicitur: In exercendis litibus eandem  
 vim obtinent tam fidei instrumentorum, quam  
 depositiones testium. Ubi proinde Summarium sic  
 habet, Tantum valet instrumentum ad probandum,  
 quantum depositiones testium, et e contra. Accedit,  
 quod instrumentum majori cum praemeditatione fiat,  
 ac depositio testium: unde et facilius, certiorque  
 est probatio per scripturam, quam per testes; eo  
 praesertim, quod horum memoria sit labilis, ac sub-  
 indo etiam mutabilis, l. Hac consultissima. §. At cum  
 humana. C. de Testament. Atque ideo plures dantur  
 casus, in quibus scriptura requiritur, et testes  
 non sufficiunt; horum enim triginta quatuor enumerat  
 Glossa in cap. 1. vers. In scriptis. de Censib. in 6.  
 Verum his non obstantibus,

283 **R**esp. I. Probatio per testes simpliciter loquendo,  
 est validior digniorque probatione per instrumenta.  
 Ita Abbas in Rubric. de Testib. et Baldus ibid.  
 Felinus Rubric. de Fide instrument. nu. 1. Mascardus  
 de Probat. Quaest. Prooem. 6. nu. 2. et seqq. allegans  
 communem, contra Accursium in Rubric. ff. de Fi-  
 de Instrument. et nonnullos alios. Probatur imprimis  
 istud ex ordine Titulorum Juris Canonici: nam in  
 isto, sicut et in Jure Civili Lib. 4. Codicis (quam-  
 vis secus fiat Lib. 22. Digestorum: prius agitur de  
 Testibus, quam de Fide instrumentorum: atqui ali-  
 quid esse dignius altero, recte desumitur ex ordine  
 Titulorum: prout tradit Cardinalis in Rubric. de  
 Statu Monachor. Bartolus in L. 1. ff. de Confirmat. tu-  
 tor. Mascardus loc. cit. n. 7. allegans alios. Nec mi-  
 rum: quia etiam ex ordine verborum est argumen-  
 tandum; adeo, ut primo nominatus censeatur cae-  
 teris dignior, arg. can. Inter verba 11. q. 3. jun-  
 cta Glossa ibid. vers. Praemisit. ac notat Fagnanus c.  
 Bonae memoriae. num. 70. de Postulat. Praelas. ci-  
 tans alios.

284 **I**d ipsum probatur rationibus, quarum novem as-  
 signat Baldus, et Felinus, ubi supra. Quia, ut aliae  
 taceantur, dignior atque aestimabilior est vox viva,  
 quam mortua; ut Auth. de Instrument. cautel. §. Si  
 quis igitur. Collat. 6. ubi dicitur, quod quis caute  
 depositurus non confidat soli accipientis scripturae  
 (haec enim potest negari) sed advocet etiam testes.  
 Unde non debet quis testificari per schedulam, sed  
 viva voce, c. Tua. de Cohabitat. Cleric. cum simi-  
 libus. Quia alia est auctoritas praesentium testium,  
 alia testimoniorum, quae recitari solent; prout ha-  
 betur. L. 3. ff. de Testib. et can. Si testes. 4. q. 3. §.

Alia est auctoritas. Siquidem anima organo vocis  
 exprimit suam voluntatem, atque intentionem, et  
 voces sunt signa passionum animi; cum nemo existi-  
 mandus sit dixisse, quod mente non senserat, l. La-  
 beo. §. fin. ff. de suppellect. legat. Hinc acuitas vivae  
 vocis fortius, atque efficacius, movet animum audi-  
 toris: ac plerimque in excutienda veritate vox ipsa  
 aliquid dicentis assert, l. De minore. §. Tormenta. ff.  
 de Quaestionib.

Accedit, quod probatio per testes sit vera et 285  
 naturalis; Jurisque Divino consona, juxta illud Sal-  
 vatoris Matth. cap. 18: In ore duorum aut trium te-  
 stium, stat omne verbum. Econtra probatio per in-  
 strumentum est extraordinaria, et artificialis; atque  
 quodammodo quid prodigiosum, ut credatur pelli  
 animalis mortui cunctis tacentibus; prout post In-  
 nocentium c. Cum P. et c. Cum Joannes. h. t. loqui-  
 tur Abbas c. Tertio loco. 5. de Probat. et Felinus ad  
 Rubric. de Fide instrument. nu. 1. et Mascardus loc.  
 cit. nu. 3. allegans alios. Unde ulterius, et conformiter  
 datae Conclusioni,

**R**esp. II. Probatio per instrumenta; seu fides in- 286  
 strumentorum potest reprobari, atque elidi deposi-  
 tione testium, legitime oponentium aliquid contra  
 valorem, aut veritatem instrumenti. Ita communis;  
 et patet ex c. Tertio loco. 5. de Probat. et c. Cum  
 Joannes. 10. §. Porro. de Fide instrument. ubi refe-  
 runtur tales casus, in quibus instrumentum per testes  
 fuit reprobatum; ac notant Glossa, et DD. passim.  
 Nam generale est, quod ex contrariis probationibus  
 fortior, seu efficacior, praevalere debeat, l. Ob car-  
 men. §. fin. ff. de Testib. ac vincat, quod potentius  
 est, l. Generaliter. ff. de Fidejussorib. cum similibus;  
 estque jam dictum supra Tit. 19. de Probationibus  
 §. 4. n. 76. et seqq.

Nec obstant, quod instrumentum inducat notorium. 287  
 Abbas c. Cum olim. n. 9. et 10. de Censib. juncta  
 Glossa fin. ibid. Bartolus in L. 1. §. Penult. ad quae-  
 tionem. n. 8. et Jason ibid. n. 10. ff. de Novi operis  
 nunciis Sigism. Scaccia lib. 2. de Judiciis. cap. 7. n.  
 152. Menochius de Recuperand. possess. remed. 1. n.  
 224. Et faciat rem manifestam, sitque probatio pro-  
 bata. Baldus l. Quoties. in fin. C. de Judiciis. Jason,  
 Menochius, ubi supra, et alii. Resp. enim, istud  
 procedere loquendo de instrumento confessato, seu  
 contra quod a parte adversa nihil opponitur: secus  
 dicendum, quando opponitur aliquid rationabile  
 contra validitatem instrumenti. Menochius loc. cit.  
 num. 22. asserens, instrumentum ita denuo rem  
 claram facere, cum nihil illi objicitur: nam si  
 opponatur, et in controversiam vocetur, res cla-  
 ra esse desinit; ut probat Bartolus in l. Si causa.  
 cognita. num. 4. et ibi Alexander n. 9. C. de Trans-  
 action. Cravetta Consil. 299. num. 8. Decius Con-  
 sil. 351. num. 9. et sequitur Scaccia cit. cap. 7.  
 num. 156.

Neque obstant rationes dubitandi non: 282. in 288  
 contrarium allatae. Nam imprimis textus ex l. In  
 exercendis. C. h. t. relatus, vult duntaxat, quod  
 eadem sit instrumenti, ac testium vis quoad pro-  
 bationis effectum, si nihil ipsis opponatur; quia  
 tunc aequiparantur, paremque habent vim pro-  
 bandi; cum tam testes, quam instrumenta, plenam  
 faciant probationem. Abbas c. Tertio loco. nu. 5.  
 de Probat. et c. Cum Joannes. nu. 5. h. t. Pirhing h.  
 t. num. 73. vers. Quare. Secus dicendum, quando  
 testes contradicunt instrumento, illudque reprobant  
 veluti falsum, seu invalidum: quia tunc non obti-  
 nent eandem vim, sed caeteris paribus praevalent  
 testes. Glossa n. cit. l. In exercendis. Abbas d. c.  
 Cum Joannes. n. 5. h. t. Mascardus de Probat. quaest.  
 6. prooem. n. 23. et alii.

Tacetur, quod testes plenam fidem faciant etiam 289

in criminalibus, *l. Sciunt cuncti. C. de Probat.* cum similibus; instrumenta vero directe non probant crimen: unde in criminalibus testes personaliter debent apud Iudices comparere, *Auth. Apud eloquentissimum. C. h. t.* ac fuse ostendit Jo. Andreas *Reg. Semel malus. num. 4. et seqq. de reg. Jur. in 6.* Atque ideo vel ex hoc capite major est vis testimonii, quam instrumentorum, quoad effectum videlicet probandi in criminalibus. Quod ipsum indicat textus ex *cit. l. In exercendis litibus. etc. relatus*; nam verbum *litis*, non criminalem, sed civilem causam designat, *l. Litis nomen. ff. de Verb. signif.*

290 Ad alteram rationem n. 282. in contrarium allatam dicitur, ipsam habere locum, quando contra veritatem, seu valorem instrumenti, nihil rationabile opponitur: alias secus. Nam valor, ac prerogativa instrumenti stat quidem eo usque, donec aliquid probabile, et rationi consentaneum contra illud fuerit allatum; secus, si per testes probetur ejus falsitas, aut alius defectus substantialis. Quia etiam in instrumentis posse committi falsitatem, patet ex *cit. c. Tertio loco. de Probat.* Ut taceantur alii defectus substantiales, qui in instrumentis possunt intervenire, illudque invalidum reddere, conformiter hactenus dictis.

291 Ad tertiam dicitur, illud esse speciale in casibus illis, in quibus Jure sic disponente requiritur scriptura ad substantiam actus, sive contractus, sicque testes non sufficiunt: ut *l. Contractus venditionum. C. h. t.* cum aliis casibus, per Glossam *cit. cap. 1. v. In scriptis. de Censib. in 6. relatis*. Secus dicendum in ceteris casibus, seu ubi scriptura necessario non debet intervenire. Verum occasione praemissorum,

292 Queritur II. An, et qualiter per testes instrumentarios possit instrumentum impugnari, ac reprobari? Et additur notanter, *per testes instrumentarios*: plures enim impraesentiarum possunt casus distinguere. Vel enim Testes illi, qui instrumentum impugnant, sunt instrumentarii; hoc est, descripti in instrumento, seu inscripti (puta, si in instrumento dicatur, contractum aliquem fuisse celebratum praesentibus Titio, Cajo et Andrea testibus) aut etiam ipsi subscripti: uti fit in testamentis. Vel non sunt instrumentarii, sed impugnatur instrumentum a Testibus extraneis; hoc est, non descriptis, aut subscriptis in instrumento. Atque de utroque testium genere possunt plures casus formari, de quibus in progressu, incipiendo a Testibus instrumentariis, de extraneis autem agendo in sequenti quaestione. Unde

293 Resp. I. Quando testes instrumentarii, seu instrumento inscripti aut subscripti, adhuc vivunt, simulque omnes adversantur instrumento, dicentes, se non interfuisse confectioni illius, aut non esse ita actum, prout in ipso continetur: tunc ejusmodi instrumentum non solum redditur suspectum, sed omnino censetur reprobum et falsum, nisi testes illi falsitatis convincantur. Ita Innocentius *c. Cum Joannes. et ibi Jo. Andreas num. 7. et Abbas num. 14. h. t.* Bartolus *l. In exercendis. num. 3. et 7. C. h. t.* Pirhing *num. 71. Menochius de Arbitrar. Judic. lib. 2. cas. 105. num. 9.* allegans alios. Idque patet ex *cit. c. Cum Joannes. 10. h. t.* ubi instrumentum publicum, in quo continebatur, venditionem cujusdam domus puram extitisse, reprobat per quatuor testes, qui jurati deposuerunt, se interfuisse contractui illi, dictaeque domus venditionem extitisse conditionatam. Concordat *c. Tertio loco. 5. de Probation.* ubi simile instrumentum reprobat, veluti falso confectionum nomine Uni-

versitatis, quae tamen antea semper contradixerat, ubi probatur per testes juratos, nec contra hoc pars adversa quidpiam opponere valebat. Accedit ratio: quia testes adhibentur instrumento; ut per eos compleatur fides instrumenti, *Auth. de Instrument. contel. et fide. §. Sed et si instrumenta. et §. Si vero. Collat. 6.* Atqui istud non fit, quando omnes testes contradicunt instrumento; prout argumentatur Bartolus, et Menochius, *ubi supra*; ergo.

Et quod hic dictum est de contradictione omnium testium instrumento inscriptorum, procedit pariter, si longe major pars ipsorum instrumento contradicat: prout desumitur ex *c. Tam litteris. 33. §. fin. de Testib.* ubi reprobat instrumentum nomine majoris partis Capituli confectionum, cum consuerit per legitimas attestaciones, longe majorem partem Capituli non fuisse consensum ejusdem. Accedit, quia fides instrumenti vacillat ob contradictionem unius testis instrumentarii, *L. 1. §. Si quis se neget. ff. Quomodo testament. aperiant.* ubi si unus testium in testamento descriptorum negaverit suam esse sigillum, redditur testamentum suspectum: ergo magis, si omnes, aut saltem longe major pars contradicat.

Dices. Singuli testes, qui negant, confectioni instrumenti se fuisse praesentes, sunt in suo testimonio singulares: ergo per eos nihil probatur contra valorem instrumenti; cum tales singulares non probent, *c. Licet causam. 9. §. Quamquam. de Probat. et c. Cum dilectus. 32. de Election.* cum similibus. Resp. Quidquid sit de antecedenti: nam singulorum absentia potest probari; vel per alios, qui forte tunc aderant, ac viderant, istos tempore facti instrumenti non interfuisse; vel saltem indirecte, probando videlicet, quod eodem die alibi extiterint. Verum, quidquid sit de antecedenti, negatur consequentia: nam dictum illud, quod testes singulares non probent, praecipue locum habet in singularitate obstativa, et diversificativa; secus in adminiculativa, prout ex professo dictum est supra *Tit. 20. de Testibus. §. 9. nu. 291. 294. 297. et seqq.* Atqui in proposito vel nulla intervenit singularitas, puta, si aliunde constet de horum singulorum absentia: vel ea est duntaxat adminiculativa, cum testes ejusmodi concordent in dicto suo, quod nempe instrumentum sit falsum, utpote in quo ipsi fuerunt falso inscripti, *c. Quanto. De his quae sunt a Praelat.* Alioquin certe libera cuipiam malitioso Notario daretur facultas confectionis falsa instrumenta, testesque pro libitu inscribendi, si isti veluti testes singulares contradiere non possent.

Resp. II. Quod si duo v. g. testes inscripti contradicant instrumento, asserentes, se non interfuisse eidem, vel saltem non ita actum fuisse, prout in ipso continetur: tunc aut remanet legitimus numerus testium stantium pro instrumento, et valet instrumentum; aut non remanet legitimus testium numerus (hoc est, necessarius, aut sufficiens ad probationem, seu valorem instrumenti) tunc instrumentum redditur suspectum, vel etiam falsum, nisi per alios idoneos testes ejus veritas probetur. Ita Glossa in *L. 1. vers. Suspecta sunt. ff. Quomodo testament. aperiant.* ex textu ibidem inferens, quod vox unius testis, negantis v. g. esse sigillum suum testamento appositum, inducat suspicionem: si tamen praeter hoc adsint alia sufficientia sigilla: sufficiat, *arg. L. 3. C. Si ex falso instrument.* Idem docet Jo. Andreas *c. Cum Joannes. n. 8. et Abbas ibid. n. 14. et Felix n. 50. h. t.* Covarruvias *lib. 2. Variar. Resolut. cap. 13. num. 11. Concl. 2.* Menochius *de Arbitrar. Judic. lib. 2. cas. 105. nu. 27.* allegans plures alios; quamvis Auctores huc in re

virile loqui, et sentire, alio fateretur Abbas loc. cit. n. 13. 14. Mascardus de Probation. Concl. 97. nu. 9. Pirhing h. t. nu. 71. ceteroquin etiam tenens datam Conclusionem.

297. Ratio prioris partis est: quia, ubi adhuc superest numerus legitimus, ac necessarius testimonium pro validitate instrumenti deponentium, hoc ipso instrumentum illud est firmatum sufficienti testimonio numero, simulque publica Notarii auctoritate; ergo non est, cui reprobetur contradictione quorundam testimonium superabundantium, utpote qui non ex necessitate, sed ex superabundanti duntaxat adhibiti fuerunt. Probatur consequentia. Tum quia instrumentum ejusmodi jam est firmatum sufficienti auctoritate, qualis omnino de Jure requiritur. Tum quia alioquin otiose vitaretur per inutile seu per superabundantes testes, contra Reg. 37. Juris in 6.

298. Confirmatio. Quia testes statutes pro valore instrumenti, deponunt affirmative: alii vero, qui negant se interfuisse, aut contenta in instrumento vera esse, deponunt negative. Atqui magis credendum est de duobus affirmantibus, quam nulle negantibus; prout loquitur Jo. Andreas cit. n. 8. vers. Quod si non omnes etc. addita ea ratione: quia possibile est, quod ubi etiam multi praesentes sunt, duo tantum ad id, quod agitur, sint attenti, aliis non advertentibus, vel non curantibus; atque ideo aptius et naturalius est testimonium affirmantium, quam negantium veritatem. Hinc (ut exemplificat Covarruvias, ubi supra, Concl. 2.) si instrumento inscripti fuerunt quinque testes, cum duo tantum fuissent necessarii, et illud duorum testimonium viva voce comprobetur, non poterit reliquorum trium contrario testimonio reprobari, suctore Baldo Consil. 228. lib. 2. cum accedit Aymon Consil. 56. na. g. Ita Covarruvias.

299. Altera vero pars datae Conclusionis, nempe non valere instrumentum, si non remaneat legitimus numerus testimonium, desumitur ex cit. L. 1. §. fin. ff. Quammodum testamenta aperiunt. ubi testamentum ad vocem unius ex septem testibus, ad illud spectato Jure Civili necessario requisitis, ac negantis suum esse sigillum, redditur suspectum. Unde Bartolus ibid. in Summario, sic loquitur: Unus ex testibus necessariis adscriptis in testamento contradicens, fidem testamenti facit vacillare. Accedit ratio: quia, si unus ex testibus necessariis contradicat instrumentum, remanet instrumentum sine debita solemnitate; ergo hoc ipso plene non probat, nisi aliunde adjunctetur, prout argumentatur Felinus cit. c. Cum Joannes. n. 50. h. t. istud firmans ex l. Jubemus. C. de Probation.

300. Resp. III. Quod si aliqui testimonium non absolute negent instrumentum, vel contenta in eo, sed solummodo dicant, se non amplius recordari, an interfuerint, vel quid tunc actum fuerit, tunc instrumentum sustinetur. Jo. Andreas d. c. Cum Joannes. num. 8. vers. Sin autem testes. et Abbas ibid. n. 14. h. t. Menochius cit. cas. 105. num. 31. allegans alios. Ratio est: quia, cum probatio instrumenti publici seu confecti, de se sit plena ob auctoritatem testimonii publici Notarii, non debet fides ejus vacillare per depositionem incertam, et dubiam talium testimonium. Dubitatio enim, vel suspicio non est tantae virtutis, ut omnino debilitet instrumentum: quin imo in dubio facienda est benigna interpretatio, ut res potius valeat, quam pereat, c. Abbate. 25. de verb. signif. junctis concordantiis a Glossa ibid. v. Valere possit potius, relatis.

301. Hoc ipsum, et quidem a fortiori, est dicendum, quando testes bene recordantur celebrati v. g. contractus, non tamen anni, mensis aut

diei, quo is factus est: quia nihilominus valet testimonium eorum, ut est casus in cit. c. Cum Joannes. juncta Glossa v. Recordari. h. t. Nisi forsitan ageretur de ipsomet tempore probando; ut c. Ex de nore. 35. de Testib. c. 1. l. 1. q. 1. de Testib. c. 1. l. 1. q. 1. de Testib.

Idem dicendum, quando testes instrumento publico inscripti, interea temporis fuerint mortui: quia nihilominus instrumentum valet, cap. 2. h. t. argumento a sensu contrario desumpto. Nisi forsitan alia ratione illud impugnetur, ut puta negando, quod sit genuinum talis Notarii instrumentum; in quo casu, deficientibus aliis probationibus, ad comparationem litterarum deveniendum esse, praesito prius per potentem juramentis, quod non malignis causis ipsam petat, textus est in Auth. de instrument. cautel. et fide. §. Si vero moriantur. Collat. 6.

Quid autem juris sit, quando testis asserit, non ita dixisse, sicut Notarius scripserat, jam dictum est supra Tit. 20. de Testibus. §. 8. n. 279. Ubi nonnulla alia de auctoritate testimonii Notarii publici dicta reperiuntur.

Quaeritur III. An, et quae testes extranei, seu instrumento non inscripti, sufficiant ad istud impugnandum? Resp. I. Certum est, posse instrumentum reprobari etiam per testes extraneos: dummodo ipsi sint testes idonei, atque omni exceptione majores; simulque probent totam substantiam negotii, seu quod istud pro tali determinato tempore, ipsique praescriptis aliter fuerit gestum, quam est scriptum in instrumento; vel saltem probent, quod testes illi, quos instrumentum dicit fuisse praesentes, non fuerint illo tempore praesentes. Ita Abbas c. Cum Joannes. n. 13. et Felinus ibid. nu. 35. et seqq. h. t. Covarruvias lib. 2. Variar. Resolut. cap. 13. nu. 11. Consil. 1. Menochius lib. 2. de Arbitrar. Judic. cas. 105. n. 33. et seqq. Mascardus de Probation. Concl. 97. n. 1. et seqq. et alii ab istis copiose citati. Idque desumitur ex c. Tertio loco. juncta Glossa fin. de Probation. ubi talis casus refertur. Concordat textus in l. Optimam questionem. C. de Contrahend. stipulat. et l. Cum precibus. C. de Probation. in quo ultimo locum Summarium sic habet: statur instrumentum, donec probetur contrarium.

Additur notanter primo in data conclusione, dummodo ipsi sint testes idonei, atque omni exceptione majores. Nam testes extranei, atque instrumentum reprobanduri, debent esse omni exceptione majores, per textum in cit. l. Optimam questionem. C. de Contrahend. stipulat. ibi: Vel saltem per testes undique idoneos, et omni exceptione majores ostenderit etc. Ad idem facit textus in §. Item verborum. Instituit. de Inutilib. stipulat. et Glossa ibid. v. Idoneos Abbas cit. n. 13. vers. Ego concordando. Felinus nu. 45. Menochius n. 33. Mascardus n. 5. et alii. Quia enim magna stat praesumptio pro publico instrumentum, hinc ad elidendam istam Juris praesumptionem, validiores, imo apertissime requiruntur probationes, L. ult. ff. De eo quod motus causa etc. juncta Glossa v. Praesumptioni, cum similibus.

Unde quod modicus etiam defectus repellat tales testes, utpote non amplius exceptione majores, censet Baldus c. Cum Joannes. n. 8. h. t. Atque hoc ipsum de levissima etiam exceptione, quae opponitur testibus reprobandis instrumenti, intelligit Alexander Consil. 43. nu. 24. lib. 4. et sequitur Mascardus loc. cit. n. 6. et 7. subinferens, quod testes ejusmodi non debeant esse inferioris conditionis, quam Notarius.

Verumtamen istud est intelligendum duntaxat de testibus extraneis, seu instrumento, quod reprobandi, non inscriptis. Loquendo enim de testibus instrumentariis, ac postea instrumento contradicentibus;



nihil infert, an sint omni exceptione majores, nec ne: eo quod testes instrumento adhibiti, hoc ipso censentur a partibus approbati. Unde hi postea repelluntur, nisi ex superveniente nova causa ipsorum persona reprobari valeat, l. *Si quis testis*. C. de Testib. quae est canonizata in can. *Si testes*. 4. q. 3. §. *Si quis testibus*. Menochius cit. cas. 105. n. 6. post Cravettum. Consil. 56. nu. 9. et 10. et Socium juniorum Consil. 189. n. 52. lib. 2.

328. Additur ulterius in data num. 304. Conclusionem, simulque probent totam substantiam negotii etc. vel saltem probent, etc. quia instrumentum Notarii potest reprobari per testes dupliciter: nimirum directe, et indirecte seu per quoddam medium; ut loquitur Abbas cit. c. *Cum Joannes* n. 14. h. t. Et quidem Instrumentum reprobat per testes directe, quando hi expresso deponunt, seu probant per alios testes, negotium non ita actum fuisse, ut in illo instrumento scriptum est. Casus est in d. c. *Cum Joannes* h. t.

329. Porro, ut testes possint hoc modo, seu directe instrumentum reprobare, necesse est, quod interfuerint toti negotio gesto, illudque plene notati una cum anno, mense, die ac loco, quo gestum esse habetur in instrumento: alias enim nihil probarent contra veritatem instrumenti, arg. cit. l. *Optimam quaestionem* §. *An*. C. de Contrahend. stipulat. Oportet siquidem, ut testes reprobantes instrumentum optime concordent: alioquin quippe adhuc staret, et illaesa remaneret praesumptio, pro instrumento militans ex fide jurati Notarii publici. Alexander Consil. 93. n. 12. lib. 5. Menochius d. lib. 2. de Arbitrar. Judic. cas. 105. nu. 34. allegans alios. Atqui testes illi nihil concluderent, si non deponerent de illo eodemmet tempore, et loco, quo in instrumento legitur negotium fuisse gestum: quia alio tempore vel loco bene potuissent actus ille fuisse celebratus, de quo loquitur instrumentum, quamvis ipsi tunc non interfuerint; ergo. Menochius cit. n. 34. Mascardus d. Concl. 921. nu. 3. et 4. citans plures alios.

330. Tunc autem Instrumentum reprobat per testes indirecte, seu per quoddam medium, quando vel testes instrumentarii (de quibus jam antea) vel alii testes extranei liquido, ac manifesto probant, sive per legitimas scripturas, sive per alios idoneos testes, quod personae principales, aut una ipsarum, vel testes in instrumento inscripti, toto die celebrati contractus, quem continet instrumentum, non fuerint in illo loco, sed in alio, quam asserit idem instrumentum; ut l. *Optimam quaestionem*. C. de Contrahend. stipulat. et §. *Item verborum*. Instit. de Inutilib. stipulat. Probata enim falsitate instrumenti circa unum partem substantialem (puta, circa locum, seu diem celebrati contractus, aut testes necessario requisitos, etc.) tollitur praesumptio Juris de auctoritate fidelitateque Notarii illud conficientis, et per consequens etiam tollitur fides instrumenti in totum, atque contentorum in eo, arg. can. *Si ad scripturas*. dist. 9. et can. *Pura*. 9. q. 3. etc. Quanto §. *Absentium de his*, quae sunt a Praelatis etc. non notat Jo. Andreas cit. c. *Cum Joannes*. n. 8. in fin. et Abbas ibid. n. 13. et 14. h. t. Concordant dicta superius §. 9. n. 279. et 280.

331. Resp. II. Quot testes praesertim extranei, sufficiant ad reprobandum instrumentum Notarii, varient quidem Doctores; probabilius tamen est, sufficere duos testes omni exceptione majores, ac deponentes, et supra: nisi instrumentum illud per testes inscriptos, aut alios, viva voce coadjuvetur. Ita Innocentius, et post ipsum Abbas cit. c. *Cum Joannes*. n. 13. vers. *Septima est*. et Jo. Andreas ibid. n. 29. vers. *Si vero non dubitatur*. et Felinus nu. 35. et 43. h. t. Speculator Tit. de Instrumentorum editione

§. *Restat videre*. n. 15. Covarruvias lib. 2. *Pariar. Resolut. cap. 13*. n. 11. Concl. 1. Pirching. l. n. 72. Mascardus d. Concl. 921. n. 9. citans alios.

Prior pars liquet ex eo: quia solus Abbas cit. n. 312. enumerat septem diversas circa hoc Doctorum sententias. Harum praecipua, est opinio Glossae c. *Cum Joannes*. v. *Quodlibet instrumentum*. h. t. et c. *Tertio loco*. v. *Testium de Probat.* quae vult, quod ad reprobandum instrumentum Notarii requirantur quinque, vel saltem quatuor testes idonei. Ratio, nam dat: quia auctoritas publici Notarii videtur aequivalere duobus testibus, c. *Quoniam contra de Probat.* et ipsum instrumentum valet duos testes; quia fides instrumentorum eandem obtinet vim probandi, ac depositiones testium. l. *In exercendis*. C. h. t. Ergo, ut testes praevalerent instrumento, debent esse quinque, aut ad minus quatuor meliores. Ita Glossa loc. cit. Reliquae opiniones poterunt apud Abbatem, ubi supra, videri.

Altera pars, seu quod probabilius sit, sufficere 313 duos testes omni exceptione majores etc. probatur ex eo: quia instrumentum non habet fidem, nisi ab officio et auctoritate Notarii: atqui testimonium duorum testium omni exceptione majorum, ac viva voce deponentium, merito praefertur auctoritati unius solius Notarii, juxta illud Salvatoris Math. cap. 18. dicentis: *In ore duorum, vel trium testium stat omne verbum*: ac refertur c. *Licet universis*. 23. de Testib. Accedit, quod probatio per testes viva voce, ac de proprio sensu deponentes, sit vera et naturalis: ergo merito praefertur mutae, ac mortuae voci Notarii, juxta amplius dicta superius num. 285.

Nec obstat primo, quod pro instrumento publico 314. Notarii, stet praesumptio ratione publici officii. Resp. enim, hanc praesumptionem tolli per contrariam depositionem duorum testium omni exceptione majorum, ut inquit Jo. Andreas cit. n. 20. Nam etiam in Notariis quandoque reperiri falsitatem, liquet ex cit. c. *Tertio loco de Probat.* et c. *Cum Joannes* h. t. cum similibus.

Nec obstat secundo ratio Glossae n. 312. relata: 315 negatur enim consequentia. Quia, ut observat Jo. Andreas cit. c. *Cum Joannes*. n. 20. h. t. in antecedenti bis reassumitur idem: nam instrumentum, prout aequivalere duobus testibus, includit auctoritatem Notarii; et Notarius prout aequivalere duobus, includit instrumentum, utpote mediante quo loquitur, ac veluti publica persona fert testimonium. Et sic patet, quod in antecedenti idem bis, licet sub aliis terminis, reassumatur: unde neganda est consequentia.

Neque ulterius obstat, quod instrumento soleant 316. duo saltem testes inscribi, coram quibus negotium, de quo tractat, dicitur fuisse gestum. Resp. enim istud non urgere loquendo de testibus per Notarium duabus inscriptis, sed propria eorum manu non subscriptis: nam facile foret Notario, qui falsum cogitat instrumentum conficere, etiam testes falsos inscribere: unde impugnato per alios omni exceptione majores testes instrumento, sola testium inscriptorum nomina parum probant. Secus est dicendum, quando testes illi propria etiam manu subscripserint instrumento una cum Notario, (quod tamen non est moris, ut inquit Abbas d. c. *Cum Joannes*. n. 5. h. t.) item quando testes illi adhuc vivunt, et viva voce coadjuvant instrumentum, attestando pro ejus valore. Verum de hoc casu non loquitur altera pars datae n. 311. Conclusionis, sed tertia, istum casum expresse excipiens, ob illico dicenda: unde

Tertia tandem pars Conclusionis, seu quod non 317. sufficiant duo testes ad reprobandum instrumentum,

quando istud per alios testes viva voce coadjuvatur, ex eo suadet. Quia, ubi instrumentum publicum coadjuvatur per alios testes una cum Notario subscriptos, quorum subscriptio a parte adversa recognoscitur; vel saltem, ubi instrumentum per testes viva voce in ejus favorem deponentes corroboratur: tunc sicut crescit numerus testium unecum publico Notario pro valore instrumenti stantiam; ita e contrario plures semper debent esse testes reprobatorii illius; alioquin hi nihil probarent contra illud. Jo. Andreas cit. n. 20. Menochius lib. 2. de Arbitrar. Judic. cas. 105. n. 45. allegans alios. Nam productis hinc inde testibus debent prevalere illi, qui sunt numero plures, et aptiori negotio, veroque similia deponunt, v. Licet causam. §. Ex praemissis. de Testib. et L. 13. ff. eod. cum similibus.

318 Solum adde, quod in eo casu, quo una pars allegat pro se instrumentum, altera vero producit testes illud reprobantes, seu directe contra contenta in illo deponentes, multum Judicis arbitrio committi debeat, an instrumento, vel magis duobus aut tribus testibus, contra illud deponentibus fides sit habenda. Abbas, ubi supra, n. 13. vers. Ego concordando. Menochius loc. cit. n. 41. Pirhing h. t. nn. 73. Mascardus d. Concl. 92. num. 10. allegans alios; et concordant dicta superius Tit. 19. de Probationibus. §. 3. n. 60. ubi inter alia dicitur, probationes omnes esse Judici arbitrarie.

319 Addunt Doctores, praesertim proximo citati, quod in isto casu, si omnis cesset suspicio ex parte Notarii, et instrumenti; tunc magis instrumento, quam testibus contra illud deponentibus, credi debeat, arg. d. Optimam quaestionem. C. de Contrahend. stipulat. Praesertim, si instrumentum sit antiquum: quia tunc memoria testium est laudabilis, l. Si arbitri. ff. de Probat. Quia periculum non urget ex parte instrumenti, etiam antiquissimi.

320 Resp. III. Dantur nihilominus aliqui casus, in quibus contra instrumentum non admittuntur testes. Ita Glossa ff. c. Tertio loco. de Probat. et alii; idque probatur inductione. Sic quippe contra Inventarium publice confectum, et factum in eo Tutoris confessionem, non admittitur probatio in contrarium, l. ult. §. 1. C. Arbitrium Tutelae. Deinde contra instrumentum publice confectum, et a tribus testibus consignatum; quo mulier constituitur, se fidejussisse pro alio, non gratis, sed accepta pempta, non admittitur probatio; sed cogitur mulier illa carere beneficio S. O. Velleiani. l. Antiquae jurisdictionis. C. Ad S. C. Fellegian. Alios talis casus refertur in Auth. Ut liceat matri et aviae. §. Ad hoc autem. Collut. 8. de quo ibi.

## §. XI.

De contrarietate, et amissione Instrumentorum: ubi et de Extravaganti dubia.

## SUMMARIUM.

321 Instrumenta inter se contraria, et ab eadem parte producta, nihil probant, sed fidem sibi ad invicem derogant.

322 Sive sint publica, sive privata etc.

323 Solvitur instantia.

Disparitas inter testes, et instrumenta quoad hoc. Ibid.

324 Quando instrumenta contraria producuntur a diversis partibus, standum est digniori.

325 Si tamen aliqua ratione concordari possint, necesse est, ut inter se concordentur.

REIFFENSTUEL Jus Can. Tom. II.

326 Quod si instrumenta hinc inde producta omnino sint aequalia, absolvendus est Rens, praeterquam in causa liberali.

327 et 328 Instrumentum ob factam in parte substantiali rasuram potest reprobari: secus, si rasura est in parte non substantiali. Et numer. 330.

329 Pars substantialis instrumenti, quas?

330 Ob rasuram manu ejusdem Notarii factam, aut de qua ipsemet attestatur etc. non vitatur instrumentum.

331 Amissio instrumenti originalis potest tripliciter fieri.

332 Amissio instrumenti non nocet, si possit fieri probatio negotii, v. g. debiti, per testes, vel alios modos.

333 Quando instrumentum dicitur amissum casu fortuito, oportet, ut illud allegans probet casum fortuitum; simulque tenorem instrumenti.

334 et 335. Tamen instrumenti amissi potest probari per testes dupliciter; et quomodo?

336 Si instrumentum proprio facto deperditum fuit, hoc ipsum tenetur allegans v. g. creditor, probare.

Creditoribus; qui citius dant quietantiam, quam receperint solutionem debiti, possunt opponere exceptionem non factae solutionis, sed intra triginta dies tantum. Ibid.

337 Si tandem instrumentum facto adversarii, v. g. illud dilacerantis, perdit, oportet, ut istud legitime probetur; et tunc per solam juramentum spoliant probatur tenor instrumenti.

338 Intelligendo istud in casibus privatis: secus, ubi agitur de praepjudicio v. g. Ecclesiae inde laedendae.

339 Quid agendum, quando allegatur Extravagans Constitutio Papae, de qua dubitatur, an sit authentica?

340 Vel Rescriptum Papae, quod videtur prava suggestionis obtentum?

Quaeritur I. Quid juris, quando producuntur 321

Instrumenta inter se contraria? Resp. I. Si ab eadem parte instrumenta inter se contraria in judicio contra suum adversarium producuntur, nihil probant, sed fidem sibi ad invicem derogant; sibi que talis imputet; cum in ejus fuerit potestate, alterutrum, quod voluerat, non proferre. Ita textus expressus in c. Imputari. 13. h. t. et l. Scripturae. C. eod.

Atque istud procedit, sive deinde ab eadem 322 parte producantur scripturae contrariae publicae, aut privatae; sive tales, quarum una est publica, et altera privata: quia eas producendo videtur quis omnia in eis contenta confiteri; ac proinde veluti sibi ipsi contrarius non auditur, neque aliquid probat. Abbas cit. c. Imputari. n. 4. h. t.

Dices. Si quis producat in judicio testes, qui 323 postmodum contraria inter se deponunt; standum est dignioribus, aut verisimilibus deponentibus; v. In nostra. 32. de Testib. Ego idem dicendum de instrumentis: quia pari passu ambulant, l. In exercendis. C. de Fide instrument. Resp. neg. consequent. cum sua probatione: etsi enim instrumenta, et testes, quoad vim probandi aequiparentur; scus tamen sit in proposito. Ratio disparitatis, ac diversae dispositionis juris est: quia non est in potestate producentis testes, de iisdem deliberare, cum nesciat, quid dicturi sint. E contra producentis instrumentum potest deliberare, an sint contraria nec ne, simulque alterum, quod maluerit, relinquere: quod si hoc non fecerit, sibi imputet; nam vigilantibus, non negligentibus jura subveniant; ut bene notat, et probat. Glossa An. cit. c. Imputari. h. t.

324. Resp. II. Si vero iustitiam contraria, et quae nulla ratione concordari possunt, a diversis partibus producantur, tunc standum est digniori scripturae, v. g. publicae, aut quae magis caret falsi suspitione, arg. l. Scripturas. C. Qui potiores in pignore etc. Ita Glossa sup. cit. c. Imputari. et Abbas ibid. n. 3. h. t. et alii. Idque desumitur ex l. Scripturas. C. Qui potiores in pignore etc. juncto cit. c. In nostra. 32. de Testib. cum concordantijs.
325. Additur tamen, et quae nulla ratione concordari possunt. Nam si instrumenta hinc inde producta, videantur quidem prima fronte contraria, sed re penitus inspecta possint aliqua ratione concordari, necesse est, ut ita inter se concordentur. Tum quia, quantum fieri potest, jura iuribus sunt concordanda. c. Cum expediat. 29. de Election. in 6. Tum quia hoc ipsum est observandum in testibus, juxta Glossam communiter receptam, cit. c. In nostra. 32. de Testib. h. t. estque amplius dictum supra Tit. 20. De Testibus. §. 10. n. 321. Atqui testibus equiparantur instrumenta; ergo.
326. Resp. III. Quod si instrumenta illa, seu scripturae contrariae hinc inde productae omnino sint aequales, et parae auctoritatis, tunc Reus est absolvendus; praeterquam in causa liberali. Textus est in c. Ex litteris. 2. de Probat. Nam promptiora sunt jura ad absolvendum, quam condemnandum, praeterquam in causa liberali; prout loquitur Pontifex ibid. Unde regula est, quod Actor non probante Reus absolvitur, c. Cum Ecclesia. §. An de Causa possessor. cum similibus. Concordant ea, quae generaliter de praevaletia probationum inter se dicta fuerant superius Tit. 19. de Probationibus. §. 4. n. 80. 82. et 83. et Tit. 12. de Causa possessionis et proprietatis. §. 7. n. 239. et seqq.
327. Quaeritur II. An Instrumentum ob factam in eo rasuram, possit reprobari? Resp. I. Si rasura, vel litterarum deletio sit facta in parte aliqua substantiali, instrumentum redditur suspectum de falsitate, ac proinde reprobari potest; secus, si ea sit facta in parte non substantiali, seu in loco non suspecto. Ita DD. communiter; etque uberius dictum L. 1. Tit. 3. de Rescriptis. §. 9. n. 224. et seqq.
328. Prima pars Conclusionis desumitur ex c. Inter dilectos. h. t. et clarius ex c. Cum venerabilis. de Religiosis. domib. ubi instrumentum declaratur invalidum, utpote de jure suspectum, propter superlinearam scripturam, et rasuram loco suspecto factam, ubi videlicet annotatio temporis reconstatur. Altera vero pars patet ex c. Ex litteris. h. t. ubi deciditur, propter abrasionem, in narratione facti litteras non posse judicari falsas, nec haberi suspectas. Concordat cap. ult. de Crimin. fals. ubi propter papearum litterarum rasuram in loco non suspecto, instrumentum non censetur falsum.
329. Porro Pars substantialis instrumentis censetur ea, ex qua potissimum vis instrumenti, ac nota desuper repetitio prestat, maximeque rei veritas deprehendi potest, uti est indicio, tempus datae, sive annus Domini, et dies mensis; item nomen Actoris vel Reus, nomen loci, in quo factum est instrumentum, ac narratio iurum, et huiusmodi. Pinhing h. e. n. 60. junctis dictis supra cit. Tit. 3. de Rescriptis. n. 225.
330. Limita tamen primam partem datae Conclusionis una cum Glossa sup. in c. Cum venerabilis. de Religiosis. domib. et alijs Doctoribus, nisi huiusmodi rasura cognoscatur esse facta manu eiusdem Notarii, vel de qua tanquam a se facta Notarius ipse attestatur: aut nisi ex antecedentibus, et consequentibus appareat, ita esse legendum, sicut rasura indicat: quia tunc neque poterit esse suspicio falsitatis, neque vitiosum instrumentum. Idemque dicendum, quando rasura non est in loco substantiali, juxta alteram partem datae Conclusionis: quod quia generaliter determinari nequit, hinc recte notat Menochius lib. 2. de Arbitrar. Judic. cas. 187. n. 41. Judicis arbitrio esse relinquendum, quando rasura, vel interlineatura falsitatem arguat, nec ne. Accedunt dicta superius cit. Tit. 3. de Rescriptis. n. 226. et seqq. ubi plura de hac, quae proinde non videntur superflue repetenda.
- Quaeritur III. Quid Juris, quando instrumentum fuit amissum? Ubi praenotandum, quod amissio instrumenti originalis possit tripliciter contingere. Primo, casu fortuito, v. g. incendio, naufragio, depredatione hostium, aut huiusmodi. Secundo, ex proprio facto producentis: ut quia Creditor chirographum reddidit debitori spe obtinendae solutionis, aut illud ex incuria dilaceravit. Tertio, ex facto adversarii, instrumentum v. g. dilacerantis, aut surripientis. Quo praenotato, atque ordinate inter praemissos modos amittendi instrumentum distinguendo.
- Resp. I. Amissio instrumenti non nocet, si possit fieri probatio ipsius negotii, v. g. debiti, per testes, vel alios legitimos modos. Ita dicitur, et Summarium in L. 1. c. de Fide Instrument. Ubi Imperator cuipiam creditori rescribit, illis verbis: Debitores tuos quibuscunque rationibus debere tibi pecuniam si probaveris, ad solutionem compellet aditus Praeses. Provinciam nec oberit tibi amissio instrumentorum, si modo manifestis rationibus eos debitorum esse apparuerit. Accedit ratio: quia non ad unam speciem probationis quis alligatus est, ut inquit Glossa ibid. §. Quibuscunque, istud inter alia probans ex L. 3. §. Eiusdem. ff. de Testib.
- Resp. II. Quando instrumentum dicitur fuisse amissum casu fortuito, puta incendio, oportet, ut illud allegans probet huiusmodi casum fortuitum, simulque tenorem instrumenti. Ita habetur l. Sicut iniquum. C. h. t. ubi Salycetus in Summario, breviter sic loquitur: Si creditor dicat, se perdidisse casu instrumentum debiti, non debent propterea qui dicuntur debitorum, ad solutionem urgeri: nisi creditor probet casum, et tenorem instrumenti. Idipsum amplius declarat Mascardus de Probat. Concl. 910. n. 1. et 9. allegans plures alios.
- Porro tenor instrumenti amissi potest probari per testes dupliciter. Primo, quando deponunt de eo, quod est contentum in instrumento: ut quis fuerint praesentes contractui celebrato, de quo postea publicum instrumentum, nunc casu fortuito amissum, per Notarium fuit confectum. Et in hoc casu sufficiunt testes caeteroquin boni, seu idonei, licet non sint valde periti, aut scientes legere, et scripturam Notarii intelligere: testantur enim de proprio sensu, seu prout actus, quem tenor instrumenti exprimit, ipsi praesentibus est celebratus. Mascardus cit. Concl. 910. n. 7.
- Secundo, potest tenor instrumenti probari per testes, qui licet tempore contractus celebrati non fuerint praesentes, postea tamen instrumentum desuper factum viderunt, ejusdemque tenorem legerunt. Atque ut tales testes rite praebent tenorem instrumenti, deperditi, necesse est, ut non solum sint viri boni, sed etiam valde periti, qui potuerunt defectus instrumenti, et litteras Notarii cognoscere: simulque oportet, ut ipsi inter alia testentur, se ita legisse in dicto instrumento, et quod instrumentum illud non fuerit vitiosum: alioquin enim facile posset fraus committi. Abbas c. Albaricus. n. 4. de Testib. Alexander Consil. 196. n. 11. lib. 2. Bartolus l. Sicut iniquum. m. 2. C.



de Fide Instrument. Mascardus cit. Concl. 910. n. 6. et 10. et seq. allegans alios.

- 336 Resp. III. Quod si instrumentum proprio facto deperditum fuit ( puta, quia creditor chirographum reddidit debitori suo, aut istud dilaceravit apud obtinendam solutionem ) tunc hoc ipsum tenetur allegans, v. g. creditor probare: alioquin pro debitore stat praesumptio liberationis, nisi contrarium probetur, l. Si chirographum. ff. de Probatione. Pirhing h. t. n. 80. Solum adde, quod creditores, qui citius dant quietantiam, quam recipiant solutionem debiti, possint opponere exceptionem non numeratae pecuniae, seu non factae solutionis, sed intra triginta dies tantum, l. In contrarietibus §. Super cactaris. C. h. t. estque jam dictum supra §. 6. n. 184.

- 337 Resp. IV. Si tandem instrumentum facto adversarii perit, puta, quia illud dilaceravit, vel abstulit, tunc oportet, ut de hoc facto adversarii constet, aut istud legitime probetur: facta autem tali probatione, postmodum per solum juramentum spoliati probantur contenta, seu tenor instrumenti, valorque rerum in eo contentarum. Ita ducimur ex l. Si de Possessione, nuda Glossa marginali. C. de Probato et vocat Abbas c. Accipimus. num. 4. h. t. Mascardus Concl. 911. num. 3. et 4: Engel h. t. n. 24. allegans communem. Ratio est: quia probata tali fraude, seu violentia, praesumitur contra adversarium, qui instrumentum dilaceravit, seu subtraxit. Unde in simili, probata violentia per testes, res amissae earumque valor probatur per juramentum spoliati, cap. ult. De iis, quas vi metusve causa etc.

- 338 Intellige datam Conclusionem in causis privatis, seu quando agitur de praesudicio Juris: cuiusmodi privati instrumentum dilacerantis. Secus enim est dicendum, ubi agitur de praesudicio v. g. Ecclesiae, ex tali dilaceratione laedendae; prout vocat Abbas cit. c. Accipimus. n. 4. h. t. et Pirhing eod. n. 8. Siquidem delictum personae, puta, Rectoris, vel Procuratoris Ecclesiae, instrumentum alterius dilacerantis, non debet in detrimentum Ecclesiae redundare, juxta Reg. 76. Jur. in 6. Ac proinde Ecclesia erit admittenda, si alio modo, v. g. per testes, ostendere velit falsitatem instrumenti, per anum Rectorem vel Procuratorem, parti adversae subtrahi, aut dilacerati: nec sufficiet solum juramentum partis adversae in praesudicium Ecclesiae.

- 339 Queritur IV. Quid agendum, quando allegatur Extravagans Constitutio Papae, de qua dubitatur, an sit authentica? Resp. Questionem hanc resolvit in c. Pastoralis 8. h. t. ubi Pontifex distinguendum censet: Quia aut Decretalis illa, de qua Index merito dubitat, est consona Juri communi, aut dissona. Si prius, tunc, Index debet judicare secundum eam: Cum non tam ipsius, quam Juri communis auctoritate procedere videatur; prout argumentatur Pontifex. Si posterius, tunc est consulendus Superior, seu Papa veluti conditor ipsius; ut in textu: nam ejus est interpretari legem, seu dubia circa hujus validitatem abortiva resolvere, cujus est eovere, L. ult. C. de Legib.

- 340 Simile quid habetur c. Si quando 3. de Rescript. ubi is, ad quem Rescriptum Papae dirigitur; debet illi parere, aut causam rationabilem assignare, quare parere non possit. Verba ejus sunt multum notabilia, et sic sonant: Qualitem negotii; pro quo tibi scribitur ( inquit Pontifex ) diligenter considerans, aut mandatum nostrum reverenter adimpleas; aut per litteras tuas, quare adimplere non possis, rationabilem causam praetendas: quia patienter sustinimus, si non feceris, quod prava nobis fuerit insinuatione suggestum. Haec ibi.

REIP. INSTUEL Jus Can. Tom. II.

## TITULUS XXIII.

### De Praesumptionibus.

#### 1. Ratio continuationis Rubricarum.

Viso de Testibus et instrumentis, procedit Compiler Juri Canonici ad aliud probationis genus, nempe ad Praesumptiones: nam et haec sunt quoddam probationis genus, dum quandoque plene probant, ut violentiae: quandoque semiplenam probationem faciunt: quandoque alias praesumptiones conjungunt, ut patet ex discursu.

#### §. I.

#### Quid, et quotuplex sit Praesumptio?

#### SUMMARIUM.

- 1 Praesumere quandoque accipitur in malam partem. Praesumptio vi nominis, quid? Ibid.
- 2 Eius definitio ponitur, ac declaratur. Et num. seqq.
- 3 Qualiter differat a Conjectura?
- 4 Conjectura, quid?
- 5 Summitur quandoque pro praesumptione. Ibid.
- 6 Praesumptiones quandoque plene probant, quandoque semiplene etc.
- 7 An sint vera probatio Ibid.
- 7 Praesumptio cedit veritati.
- 8 Est effectus indicatorum.
- 9 Praesumptio alia est probabilis, alia violenta, alia temeraria. Ibid.
- 9 Indicium proprie acceptum, quid?
- 10 Indicium sumitur quandoque pro plena probatione, ac pro praesumptione Juris, ut violenta.
- 11 Proprie tamen acceptum, est quid minus semiplena probatione. Ibid.
- 11 Indicatorum multiplex est divisio. Et num. seqq.
- 12 Indicium plenum, seu indubitatum ac certum: et
- 13 Indicium semiplenum, seu dubitatum, quid?
- 14 Indicium proximum, et remotum.
- 15 Indicium leve, grave, et gravissimum, quid?
- 16 Alia horum Indicatorum explicatio, juxta Jul. Clarum.
- 17 Quae indicia sint levia, vel gravia, Judicis arbitrio relinquuntur.
- 18 Praesumptio est multiplex: Et num. seqq.
- 19 Praesumptio Juris, et
- 20 Praesumptio hominis, quae?
- 21 Cur non omnis Praesumptio legitima, sit praesumptio Juris?
- 22 Praesumptio naturae, et
- 23 Praesumptio facti, quid, et quotuplex?
- 24 Praesumptio Juris subdividitur: et alia est
- 25 Praesumptio Juris tantum: alia
- 26 Praesumptio Juris et de Jure: quae?
- 27 Praesumptio Juris quomodo differat a Fictione Juris? Remissivo.
- 28 Praesumptio hominis est triplex.
- 29 Violenta.
- 30 Probabilis, et temeraria: quae?

Queritur I. Quid sit Praesumptio? Resp. I. Praesumptio, quantum vim nominis attinet; idem est, ac ante et sumptio, hoc est, Antea sumptio; quia videlicet ante legitimas probationes aliquid sumit pro vero. Menzelius lib. 1. de Praesumptionibus quaest. 7. n. 3 post Simancas lib. Catholicar. institut. Tit. 50. de Praesumpt. n. 4. et alii.

Quamvis, autem, *praesumere*, quandoque, accipitur in malam partem, seu pro temere audere, seu tentare aliquid contra ius; sumitur in c. *Sed nec Clerici vel Monachi etc.* ibi: *Nec Clericorum quisquam exercere praesumat*, cum similibus. Nihilominus in proposito; *Praesumptio* idem est, ac ex verisimilibus argumentis, et conjecturis, aliquid existimare; ac *Praesumptio* dicitur existimatio; quae ex verisimilibus resultat. Quod ut melius intelligatur.

3. Resp. III. *Praesumptio* est rationabilis conjectura (vel probatio) rei dubiae, collecta ex argumentis et iudiciis, quae per rerum circumstantias frequenter eveniunt. Ita in re communis: quamvis plures aliae ejus definitiones afferri soleant, ut videri est apud Mascardum de *Probation. quaest. prooem. 10. num. 8. et seqq.* quarum potentissima est illa, quam inter alios sequitur Farinacius lib. 1. *Praxis Criminal. quaest. 36. nu. 72.* et Pirhing h. t. n. 1. dicens; *Praesumptio* est conjectura in rebus dubiis collecta ex argumentis, seu iudiciis, per circumstantias frequenter evenientibus.

4. Dicitur prima, *conjectura*. Quae particula stat loco generis; quamvis non differat a praesumptione, nisi penes magis et minus: nam Praesumptio importat magis determinatum assensum, seu iudicium; Conjectura vero potius suspicionem. Pirhing h. t. n. 3. Et additur, *rationabilis*: ad excludendam conjecturam, et praesumptionem temerariam.

5. Quia vero nonnulli volunt, Conjecturam idem esse, quod iudicium: in quo sensu Menochius de *Praesumpt. lib. 1. quaest. 7. n. 28.* et Mascardus de *Probation. quaest. prooem. 14. nu. 3.* cum aliis asserunt, quod *Conjectura* sit latentis rei iudicium: sicque ly, *Conjectura*, in data definitione non posset stare loco generis, cum praesumptio sit effectus iudiciorum. Plures etiam tenent, quod conjectura et praesumptio idem sint, atque unum pro altero in Jure accipiantur; ut L. un. juncta Glossa & *Conjectura. ff. Si tabulae testament. extab.* ac notat Farinacius lib. 1. *Praxis Criminal. quaest. 36. n. 273.* et Mascardus cit. *quaest. 14. nu. 2.* allegans alios: in qua acceptione rursus ly, *conjectura*, male poneretur loco generis, quia idem definiatur per idem.

6. Hinc in data praesumptionis definitione, sub disjunctione additur, *vel probatio*. Quae particula extra controversiam potest stare loco generis: nam, in proposito agitur de praesumptionibus, prout ipsae praeter testes et instrumenta, solent in iudiciis deservire loco probationum. Siquidem praesumptiones quandoque plene probant; ut violentae; quandoque semiplenam probationem faciunt; quandoque alias praesumptiones, seu conjecturas adjuvant; prout loquitur Abbas ad *Rubric. h. t.* atque amplius ex dicendis patebit. Quinimo Praesumptio dicitur esse vera probatio in materia, in qua probationes praesumptivae duntaxat fieri possunt; puta, in filiatione, ac hujusmodi: ut post Decium in *Rubric. de Probat. n. 17. et 166.* latetur ipsemet Mascardus *quaest. 10. prooemial. n. 16.* haud obstante, quod n. 14. asseruerit, praesumptionem in genere sumptam esse minus, quam simplicem probationem.

7. Dicitur deinde in data n. 3. praesumptionis definitione, *rei dubiae, seu controversae*. Quia praesumptio locum habet solummodo in dubiis: alioquin, si constet de re ipsa, praesumptio cedit renunti, l. *Imperatores. ff. de Probation.*

8. Dicitur ulterius, *ex argumentis, seu iudiciis, per rerum circumstantias plerumque evenientibus desumpta*. Tum quia praesumptio est effectus iudiciorum; et quo graviora vel leviora sunt iudicia, eo praesumptio est major vel minor: ipsa enim variatur, debilitatur, fortificatur, plus minus, prout

suadent iudicia, ex quibus resultat. Unde fit, quod quaedam praesumptio sit probabilis, alia violenta, quaedam vero temeraria: qualis est illa, quam absque ullis iudiciis, vel saltem non sufficientibus concipitur; ac proinde est rejicienda et repellenda, nequam vero admittenda. can. *Oves. 6. q. 1.* cum concordantiis a Glossa *fn. ibid.* adductis. Verum quia praesumptio in ordine ad iudicia explicatur, operae praetium est etiam de his mentionem facere: unde

Quaeritur II. Quid et quotplex sit iudicium? 9. Resp. I. *Iudicium* proprie acceptum, est notabile signum maleficii, vel alterius rei deserviens ad veritatem cognoscendam. Ita Jo. Andreas in *Addit. ad Speculator. Tit. de Probation. §. ult. nu. 19. & Sciant. Abbas c. Tertio loco. nu. 7. de Probat. Sannig h. t. cap. 1. n. 2. et alii.* Idque desumitur ex c. *Praeterea. 27. de Testib. etc. Tuas nos. 19. §. Mane itaque de Homicid.* cum similibus. Et dicitur *iudicium*, hoc est, argumentum, quia rem indicat; prout loquitur Glossa in l. *iudicia certa. C. de Rei vindicat.* Quale iudicium solet iusurgere ex aliqua singulari circumstantia. Nebrissenis in *Vocabulario Juris. Iudicium*: unde et in data definitione appellatur *Notabile signum*.

Additur vero, *iudicium proprie dictum*. Quia iudicium, sic dictum generatim ab inducendo, habet nonnullas alias acceptiones: et quandoque sumitur pro plena probatione; ut L. ult. C. de *Probation.* ibi: *Vel iudiciis ad probationem indubitatis, et luce clarioribus*: juncto textu in d. l. *Iudicia certa. C. de Rei vindicat.* Quandoque pro praesumptione Juris, aut pro praesumptione violenta, qualis sufficit ad ferendam sententiam, arg. l. *Solent. ff. de Praescriptis verbis.* ac notat Jo. Andreas, et Abbas, *ubi supra.* Iudicium tamen proprie acceptum, et prout impraesentiarum definitur, est quid minus semiplena probatione. Glossa in l. *Cum probatio. §. Deficit. ff. de Probation.* Bartolus l. *Excusantur. §. Ad declarationem. ff. L. 2. ff. de Excusation. tutor.* Mascardus *quaest. 15. prooem. n. 4.*

Resp. II. Iudiciorum multiplex est divisio: aliud enim est iudicium plenum, vel semiplenum: aliud proximum, vel remotum: aliud leve, grave, vel gravissimum. Ita Menochius lib. 1. de *Praesumptionib. quaest. 7. n. 14.* post Baldum in l. *Ea quidem. nu. 8. C. de Accusation.* Farinacius l. 1. *Praxis Criminal. quaest. 36. n. 35. et seqq.* Pirhing h. t. n. 2. Mascardus cit. *quaest. 15. n. 8. et 9.* et alii. Idque declaratur inductione: siquidem

*Iudicium plenum*, seu (ut loquuntur) *indubitatum*, est illud, quod est sufficiens ad movendum animum Judicis ad plenum assensum: hoc est, quod ita arietat animum Judicis, ut omnino credat, et plus investigare non curet. Et tale iudicium, sive sit unum, sive conjunctum cum aliis, etiam *Iudicium certum* appellatur, cit. l. *Iudicia certa. C. de Rei vindicat.* Quale fuit illud, quod habuit Salomon in muliere rogante, ne infans divideretur, eo quod commota fuissent viscera ejus; veluti verae matris, c. *Afferte 1. h. t.* Tale etiam iudicium foret homicidii ab eo perpetrati, qui egressus fuit e loco commissi homicidii totus pallidus, et gladium habens sanguinolentum. Abbas c. *Tertio loco. n. 8. de Probation.* ponens nonnulla alia exempla iudicii indubitati.

*Iudicium semiplenum*; seu *dubitatum* vero, est signum fortiter movens animum Judicis ad aliquid credendum, vel discredendum, sed enim aliquali dubio. Et de hoc procedit Glossa in d. l. *Cum Probatio. §. Deficit. ff. de Probation.* dicens, quod *iudicia sint minus quam semiplena probatio*: de quibus nunc potissimum sermo est.

*Iudicium proximum* dicitur, quod immediate tangit 14

ipsum negotium, vel maleficium, de quo quaeritur. *Indicium remotum* vero est, quod immediate non respicit veritatem delicti, seu negotii controversi, sed circumstantias ejus. *Forisacius cit. quaest. 36. n. 45. et seqq.* allegans alios.

- 15 *Indicium leve* censetur illud, quod non multum urget: unde suspicionem tantummodo gignit. *Layman lib. 3. Theolog. Moral. Tract. 6. cap. 5. n. 2. Pirhing h. t. n. 2.* Sive, ut loquitur *Forisacius loc. cit. nu. 54.* *Indicium leve* est, quod frequenter et facile contingit abesse a tali negotio, ac reperiri in alio. *Indicium grave* e contra est, quod frequenter contingit adesse, seu in tali negotio, aut maleficio intervenire: unde consurgit praesumptio, seu opinio non levis, etsi necdum omnino certa, de commissio v. g. maleficio. *Indicium gravissimum* censetur, quod frequentissimo solet adesse: ac proin parit assensum moraliter certum.

- 16 Alio modo haec Indiciorum divisionem explicat *Jul. Clarus lib. 5. Pract. Criminal. §. An. quaest. 20. n. 1. et 2.* dum *Indicia levia* appellat ea, quae sufficiunt ad capturam, et Reo tollatur facultas fugiendi; ac etiam ad inquirendum, id est, assumendas ex officio informationes contra aliquem de delicto: non tamen sufficiunt ad transmittendam ipsi inquisitionem, vel citationem. *Indicia gravia* vero nominat, quae sufficiunt ad transmittendam Reo absenti inquisitionem, eumque super delicto examinandum, atque ad ipsum torquendum. *Indicia gravissima* tandem vocat ea, quae sufficiunt etiam ad condemnandam, *arg. l. Sciant cuncti. C. de Probat.* Verum haec *Clari* descriptio Indiciorum procedit in solis causis criminalibus, ut patet: simulque respicit potius effectum Indiciorum, quam illorum substantiam; unde merito retinetur prior.

- 17 Porro quatenus *Indicia* in casibus particularibus sint levia, vel gravia, adeoque sufficientia ad capturam, vel inquisitionem, aut torturam, prodestis *Judicis* arbitrio est relinquendum. *Forisacius cit. lib. 1. quaest. 1. n. 45. Menochius lib. 2. de Arbitrar. Judic. cas. 270. n. 4.* citans alios; eoque jam dictum supra *Tit. 18. De Confessis. §. 4. n. 112. et §. 6. n. 139. et seqq.* enumerando quaedam legitima *Indicia* in specie. Quamquam ejusmodi arbitrium debeat esse regulatum: id est, debeat regi secundum *Jura*, et equitatem, non autem pro mera *Judicis* voluntate assumi. *Mascardus cit. quaest. 15. nu. 16.* catque in simili dictum supra *Tit. 19. de Probationibus. §. 3. n. 60.* Nunc redeundo ad Praesumptiones.

- 18 Quaeritur III. Quodplex sit Praesumptio? Resp. I. Praesumptio est multiplex: uti docet *Glossa c. Is qui fidem. & Contra praesumptionem. de Sponsalib.* et alia *Glossa in L. ult. & Praesumptioni. ff. De eo quod metus causa etc.* cum communi. Idque probatur inductione. Imprimis enim Praesumptio alia est *Juris*, alia *hominis*.

- 19 *Praesumptio Juris* (seu *Canonis*, aut *Legis*) dicitur illa, quae in *Jure* habetur expressa: hoc est, quae a *Lege* nominatim fit, aut ab ea approbatur. *Sperellus Decis. 174. Fori Ecclesiast. n. 50. Menochius lib. 1. de Praesumpt. quaest. 5. n. 6.* Sive, *praesumptio Juris*, dicitur, quando *Jus* ipsum super incerto praesumit quidpiam ex conjecturis; atque ex tali praesumptione aliquid decernit. *Abbas c. Quanto. n. 2. h. t. Mascardus quaest. proem. 10. n. 31. et alii.* Exemplum hujus erit in *cap. ult. de Restitut. spoliat. in 6.* ubi *Decimae* praesumuntur spectare ad *Ecclesiam Parochialem*, nisi aliud ostendatur. Item *l. Sive possidetis. C. de Probation.* ubi dominium patris praesumitur continuatum in filium haeredem; non in eum, qui contendit rem sibi fuisse donatam a patre, nisi istud probaverit. Alia hujusmodi exempla passim occurrunt in utroque *Jure*.

BRIPPENSTUHL Jus Can. Tom. II.

*Praesumptio hominis* e contra dicitur, quae nullo *Jure* scripta reperitur, sed juxta rerum, circumstantiarumque exigentiam, et varietatem, prudentis hominis, puta *Judicis*, arbitrio concipitur. Sive, ut inquit *Abbas cit. c. Quanto. n. 3. h. t.* *Praesumptio hominis* est, quando *Judex* ex aliquibus conjecturis quidpiam pro vel contra aliquem, seu in aliqua causa praesumit: ubi *Jus* specificare aliquid non praesumit: Quia enim *Judex* debet animi sui motum informare ex argumentis, et testimoniis, quae reliquiora esse compererit, *L. 3. ff. de Testib. et can. Si testes 4. q. 3. cum concordantiis*: ad hoc autem non semper possit habere veram scientiam facti per sensum aliquem corporum, nisi forsan factum sit notorium permanens; hinc oportet, ut quandoque animi sui motum informet ex praesumptionibus, quae censeantur ex variis conjecturis, indiciis, aut etiam dictis testium. Et haec dicitur *Praesumptio hominis*.

Dices. Omnis praesumptio, quae est legitima, et non temeraria, fit *Lege* approbante; ergo nulla datur praesumptio hominis dentaxat. Resp. arg. consequent. Quia ad Praesumptionem *Juris* requiritur, ut specialiter sit aliqua *Lege*, seu *Canone* expressa, prout fit in allatis *num. praeced.* exemplis: unde non sufficit, quod tantum terminis generalibus sit permessa.

Addit *Glossa in cit. c. Is qui fidem. de Sponsalib.* et *L. ult. ff. De eo, quod metus causa etc.* praesumptionem naturae, et praesumptionem facti. Ea quidem *Praesumptio naturae* dicitur illa, quae resultat ex illis, quae nobis naturaliter insunt: ut amor filiorum, qui praesumitur erga parentes, et e contra, cum nobis sit insitus a natura. Unde in dubio non praesumitur mater, quae non diligit filium, *c. Afferte. 2. h. t.* prout exemplificat *Mascardus de Probat. Concl. 1226. nu. 4.* Similiter juxta *Glossam loc. cit.* si pater exhaeredit filium, praesumitur contra eum, quod iniuste exhaereditaverit; et hoc propter naturam: nisi ab eo, vel ejus haeredibus, justa causa exhaereditationis probetur, *l. Omnimodo. C. de Inoffic. Testament.*

*Praesumptio facti* dicitur, quando praesumitur ex subsequentibus factis circa praeterita, vel ex praeteritis circa futura. Siquidem *Praesumptio facti* alia est praecedentis circa futura: ut si semel calumniatus es contra me, et iterum velis me accusare, praesumitur, quod rursus velis calumniari, *l. Si cas. §. Iisdem ff. de Accusation. et can. Si accusatorum. 3. q. 10. et c. Semel malus 8. de Reg. Jur. in 6.* cum similibus. Unde vulgati illi versiculi:

*Rumor de veteri faciet ventura timeri.*

*Cras poterunt fieri turpia, sicut heri.*

Alia *Praesumptio facti* est subsequentis circa praeterita, quando nimirum ex facto subsequenti praesumitur circa praeteritum: ut cum aliqui accusati fuerunt de adulterio, quod depellebant praetextu consanguinitatis, si postea in matrimonium se conjunxerint, praesumitur facinus praeteritum, de quo antea fuerint accusati, *l. Si qui adulterii. C. Ad Leg. Jul. de Adulteriis*, cum similibus.

Resp. II. Praesumptio *Juris* subdividitur in praesumptionem *Juris* tantum, et in praesumptionem *Juris* et de *Jure*. Ita *Abbas c. Quanto. n. 3. h. t.* et communis aliorum. Ratio est: quia quandoque *Jus* praesumit aliquid ex conjecturis in tantum, quod super illa praesumptione quid certum statuat, illudque veluti verissimum haberi velit: et haec appellatur *Praesumptio Juris et de Jure*. Aliquando autem *Jus* aliquid praesumit, sed super sua praesumptione non ita firmat pedes, ut super illa certum quid statuat: et haec simpliciter vocatur *Praesumptio Juris*. Itaque



- 25 *Praesumptio juris* tantum est illa, cui Jus tandiu inuitur, donec contrarium probetur. Sic de jure quilibet praesumitur bonus, nisi probetur malus: ut c. *Mandata. et cap. ult. h. t.* Et e contra, semel malus semper praesumitur esse malus (intellige, in eodem genere delicti, et nisi de emendatione appareat) juxta *Reg. 8. Juris in 6.* Similiter vicinus hac juris praesumptione praesumitur scire ea, quae sunt facta in vicinia, c. *Quosdam. et seqq. h. t.* ubi plura alia hujusmodi exempla habentur.
- 26 *Praesumptio juris et de jure* illa dicitur, propter quam Lex aliquid certum statuit. Abbas c. *Intor alia. n. 6. et 7. de immunitat. Eccles.* Sive praesumptio juris et de jure est ea, cui Jus adeo fortiter inuitur, ut eam plene pro veritate habendam decernat. Unde haec tantum operatur in Foro judiciali, quantum veritas. Abbas c. *Is qui fidem, n. 2. de Sponsalib.* Neque recipit probationem in contrarium, c. *Is qui fidem. de Sponsalib.* et amplius dicitur infra num. 52. Et merito haec dicitur esse *Praesumptio juris*, utpote cum sit a Lege introducta: simul et *de jure*, quia super hac praesumptione Lex firmam sauevit jus, et eam pro veritate haberi voluit. Exemplum habetur cit. c. *Is qui fidem. de Sponsalib.* de matrimonio taliter praesumpto. Item *Clem. Litteris. de Probat.* ubi contra Litteras Summi Pontificis, de facto proprio attestantis, non admittitur probatio in oppositum. Talis etiam praesumptio juris, et de jure, est contra Tutorem, quod res in inventario ab eodem descriptae vere fuerint in bonis defuncti, L. ult. C. *Arbitrium tutelae.* Omittuntur alia hujusmodi exempla, quae Glossa fin. cit. c. *Is qui fidem. q. Contra praesumptionem. de Sponsalib.* adducit.
- 27 Cacterum, qua ratione Praesumptio juris differat a Fictione juris, quidque sit Fictio juris, fusius, atque ex professo dictum fuit Lib. I. Tit. 2. *De Constitutionibus.* §. 8. n. 176. et 181. ac seqq.
- 28 Resp. III. Praesumptio hominis est triplex: videlicet violenta, probabilis, et levis seu temeraria. Ita communis. Ratio est: quia praesumptio est collecta ex indiciis, uti liquet ex ejus definitione num. 3. allata: atqui hujusmodi indicia quandoque sunt gravia, vel etiam violenta; quandoque levia, vel etiam nullius momenti; ergo, itaque.
- 29 *Praesumptio violenta*, seu vehemens sic dicitur, quia in applicando animum violentat, seu vehementer trahit mentem Judicis ad credendum; et ideo haec, quandoque sufficit ad condemnationem; ut c. *Afferte. 2. h. t.*
- 30 *Praesumptio probabilis* est, quae ex aliquibus verisimilibus indiciis oritur: et haec quandoque purificationem canoniceam indicit, ut c. *Si quis de gradu. de Purgat. canon.* cum concordantiis: quandoque alios habet effectus, de quibus n. 34. et 36. et seqq. Tandem, *Praesumptio temeraria* censetur ea, quae vel ex causis levibus, ac proinde insufficientibus, vel ex factis aequae in bonam et malam partem retribilibus concipitur: et haec est rejicienda, can. *Oves. 6. q. 1.* atque illico amplius dicetur.
- 31 *Probabilis, seu rationabilis*, relinquitur arbitrio judicis: ac tantum probat, quantum ei videbitur. *Praesumptio facit gradum probationis, juxta quod indicia stringunt. Ibid.*
- 33 Idque declaratur inductione.
- 34 *Praesumptio hominis*, ceteroquin probabilis, se sola probat tantum semiplena.
- 35 Si vero adjuvetur publica fama, vel aliis adminicularis, potest etiam facere plenam probationem. Et num. praeced.
- 36 *Praesumptio hominis* potest illum, qui contrarium asserit, gravare onere probationis, si Judici videatur.
- 37 Violenta praesumptio hominis transfert onus probandi in adversarium.
- 38 Contra praesumptionem violentam admittitur probatio in contrarium.
- 39 Ea sufficit ad sententiam, saltem in causis civilibus non nimium arduis. Et num. 37.
- 40 *Praesumptio naturae* transfert onus probandi in adversarium. Et num. 42.
- Prima facie praesumitur quis idoneus, nisi aliud in contrarium ostendatur Ibid.
- 41 Et quomodo istud sit intelligendum? Idoneitas, seu qualitas, alia est homini intrinseca, alia extrinseca: Et de qua procedat praesumptio naturae? Ibid.
- 42 Nemo praesumitur malus: nisi probetur malus. Et num. 83.
- 43 *Praesumptio naturae* non transfert onus probandi in adversarium, quando id, quod naturaliter inest, constat postea esse mutatum.
- 44 Idem dicendum, quando agitur de praepjudicio tertii, nisi aliter probetur Actoris intentio.
- 45 *Praesumptio juris*, quos operatur effectus in materia probationum. Et num. seqq.
- Ubi haec stat pro aliquo, tunc ipse relevatur ab onere probandi. Ibid.
- Qui habet praesumptionem juris pro se, dicitur habere intentionem suam fundatam. Ibid.
- 46 *Praesumptio juris* habetur pro veritate, donec contrarium probetur.
- 47 *Praesumptio juxta quosdam* non est probatio: bene tamen probationis relevatio.
- 48 *Praesumptio juris* est liquidissima probatio, nisi contraria probatione elidatur. Et n. 46.
- 49 Ubi requiruntur probationes liquidissimae, sufficiunt praesumptiones juris contraria probatione non elisas.
- 50 Idem dicendum, ubi Lex requirit probationem per instrumenta.
- Praesumptio juris* aequiparatur instrumento. Ibid.
- 51 Contra praesumptionem hominis, et contra praesumptionem juris tantum, admittitur probatio in contrarium.
- 52 Haec tamen contra praesumptionem juris et de jure regulariter non admittitur.
- 53 Fallit hoc in pluribus casibus. Et num. seqq.
- 54 Contra praesumptionem juris et de jure, admittitur propria confessio.
- 55 Probatio per confessionem partis, admittitur etiam contra sententiam.
- 56 Contra praesumptionem juris et de jure, admittitur probatio indirecte.
- 57 Ac probatio per evidentiam facti, seu per notorium.
- Probatio per evidentiam facti, nunquam censetur exclusae. Ibid.
- 58 Si contra praesumptionem juris et de jure admittatur probatio parte non opponente, cessat praesumptio.
- 59 Adversus eam admittitur probatio per testimonium quinque testium.

## §. II.

De effectis Praesumptionum, seu qualiter probent.

## SUMMARIUM.

- 31 *Praesumptio hominis* quam vim probandi habeat? Et num. seqq.
- Levis seu temeraria nihil probat, sed est repellenda. Ibid.

*Idem dicendum de tribus testibus multum legalibus. Ibid.*

31 **Quaeritur I.** Quam vim probandi habeat praesumptio hominis? Resp. I. Praesumptio levis, seu temeraria, nihil omnino probat; quin potius est penitus repellenda. Ita Glossa marginalis *can. Oves. 6. q. 1.* Vallensis h. t. §. 4. n. 1. et communis. Et merito: quia praesumptio levis, utpote ex insufficientibus causis temere concepta, importat suspicionem temerariam: atque *omnis suspicio potius repellenda est, quam approbanda, vel recipienda*, ut loquitur textus cit. *can. Oves. 6. q. 1.* In nullo enim potest enim prudenter movere animum Judicis: unde et *can. Primo semper. 2. q. 1.* Judicibus praecipitur: *Nullum suspicionis arbitrio judicetis.* Et *c. Inquisitioni. 44. §. An. de Sentent. excomm.* dicitur, conscientiam levis et temerariae credulitas esse explodendam.

32 **Resp. II.** Praesumptio hominis, quae videlicet Jure expressa non habetur, et caeteroquin probabilis seu rationalis existit, prudenti Judicio arbitrio relinquitur; ac tantum probat, quantum secundum subjectam materiam, et spectata indiciorum gravitate, Judici videbitur. Ita Abbas *c. Is qui fidem. 30. num. 6. de Sponsalib.* ubi inter alia dicit, quod de his non possit dari certa regula, sed juxta quod indicia stringunt, praesumptio faciat gradum probationis: atque amplius tradit idem Abbas. *c. Quanto. num. 3. h. t.* Bartolus *l. De aetate. num. 8. vers. Ad cujus evidentiam. ff. de Minorib.* Menochius *lib. 2. de Arbitrar. Judic. cas. 117. num. 2.* Mascardus *de Probat. Concl. 1227. num. 1.* et alii. Ratio est: quia ubi Juxta non potest perducere ad veram scientiam facti per aliquem sensum corporeum, debet ex animi sui motum informare ex argumentis et testimoniis, quae rei aptiora, et vero proximiora esse comperit, *l. 3. ff. de Testib. et can. Si testes. 4. q. 3. §. 1. et c. Causam quas. 14. de Sentent. et re judicat.* junctis concordantiis a Glossa hic §. *Speciem*, allegatis. Atqui hoc ipsum non est aliud, quam relinquere arbitrio Judicis, quantum in casibus specificis probent singula argumenta, seu conjecturae; atque quantum gradum probationis praesumptio inde resultans efficiat. Accedit, quod generatim, quatenus probatio hic et nunc sit plena et concludens, nec ne, Judicis arbitrio relinquatur, juxta dicta *Tit. 19. de Probationibus. §. 3. num. 60.* Atque, ut ibidem *num. 62. et seqq.* subjungitur, plures dentur casus in quibus non requiritur plena probatio, sed sufficit semiplena, vel alia ex conjecturis depropterea. Unde consequens est, quod Juxta, ut arbitrium suum sit regulatum, teneatur attendere ad subjectam materiam, de qua controversatur, et gravitatem indiciorum.

33 **Hoc ipsum declaratur inductione.** Nam tacendo nunc praesumptionem temerariam, qualis foret, si quis ex eo diceret, quod viderit v. g. Titium cum muliere loquentem, vellet praesumere adulterium, atque penitus rejicienda, juxta proxime dicta. Quandoque dentur conjecturae aliquantulum urgentes, quae sufficiunt ad causandam suspicionem, et praesumptionem probabilem: ut si Titius ille cum quapiam puella saepius fuit visus in secreto loqui, et confabulari, arg. *can. Clericus solus. dist. 81.* Aliquando possunt esse conjecturae, atque indicia magis urgentia, quae proinde causant praesumptionem magis vehementem: aliquando etiam possunt ipsa esse urgentissima, ita ut generent praesumptionem vio-

lentam. Atqui nequit certa regula generalis dari, quatenus indicia in singulis casibus specificis sufficiunt ad generandam hanc, vel illam praesumptionem; ergo non nisi prudenti Judicis arbitrio oportet istud relinquere determinandum. Verum ponendo regulas quasdam generaliores, ad regulandum, seu rite informandum arbitrium Judicis accommodas.

34 **Resp. III.** Praesumptio hominis, quae caeteroquin est rationalis seu probabilis, se sola probat tantum semiplene: si vero adjuvetur publica fama, vel aliis adminiculis, potest etiam facere plenam probationem. Ita Glossa *fn. in c. Insinuatione de Simonia.* Abbas cit. *c. Quanto. n. 3. h. t.* Baldus *ad Rubric. h. t. n. 2.* asserens, quod praesumptio juris faciat plenam probationem, cui standum est, nisi contrarium probetur; praesumptio hominis autem solum semiplene probet, nisi adjuvetur, aliis videlicet adminiculis. Menochius *lib. 1. de Praesumptionib. quaest. 94. n. 3. et 4.* asserens, sententiam ferri non debere contra aliquem ex praesumptione hominis probabilis; accens, ex violenta. Vallensis h. t. §. 4. n. 1. et 2. Sanguis *cod. cap. 2. n. 4.* et alii. Prior pars desumitur ex *c. Inquisitioni. 44. §. fn. de Sentent. excomm. et c. Tertio loco. 13. h. t.* ubi habita tali praesumptione probabilis, defertur partibus juramentum suppletorium; istud enim defurri non potuisset, si praesumptio illa semiplene non probasset, arg. *l. In bonae fidei. C. de Rebus credit.* neque potuisset exigi, si dicta praesumptio plene probasset, *cap. 2. de Probation.* Accedit ratio: quia indicia, quibus innitur praesumptio hominis, atque ex variis hominum moribus, et opinionibus oriuntur, sunt quidem verisimilia; unde et sufficiunt ad torturam, juxta Bartolum *l. 1. a princip. ff. de Quaest.* et alios: quia tamen adhuc sunt debilia, et fallere possunt, atque non urgent ad indubitata credendum, et concludendam veritatem facti: hinc praesumptio inde concepta censetur duntaxat probabilis et verisimilis, ac proinde nequit plene probare, sed semiplene tantum, juxta prudentis Judicis arbitrium.

35 **Altera pars colligitur ex c. Tertio loco. 13. juncto Glossa, et DD. ibid. h. t.** ubi praesumptio, alias probabilis tantum, de commissa copula carnali sponsi cum nepte sponsae concepta ex eo, quod fuerint a testibus insimul visi per plura et nomina, vix et iuxta plures circumstanciarum, plene probavit accidentem famam viciniae, et propriam partium confessionem juratam: haud obstante, quod contra valorem matrimonii, atque ad obtinendam sententiam divorcii deposuerint: quam etiam obtinuerunt. Concordat textus in *c. Illud quoque. 11. h. t.* juncto Summario, ubi dicitur, per cohabitationem diutinam, et famam de matrimonio, aliasque adminicula, probari matrimonium. Accedit, quod plura indicia de se insufficientia, conjunguntur ad eundem effectum probationis: simulque duae probationes semiplenas, faciant unam probationem plenam, juxta uberius dicta supra *Tit. 18. de Confessis §. 6. n. 42. et Tit. 19. de Probationibus §. 4. n. 198. et seqq.*

36 **Resp. IV.** Insuper praesumptio hominis, si Judici videatur, potest illum, qui asserit contrarium gravare onere probationis. Ita Bartolus in *l. De aetate. num. 8. ff. de Minorib.* Mascardus cit. *Concl. 1227. num. 3.* allegans alios: idque exemplificans in Actore, qui pro fundamento suae intentionis allegat aetatem majorem: nam si Juxta ex aspectu corporis arbitratur, quod revera Actor habeat aetatem majorem; poterit absque alia Actoris probatione gravare Reum, ut pro-

bet contrarium, atque onus probandi in ipsum transferre. Siquidem aetas hominis, quae ceteroquin est difficilis probationis, inter alia potest probari ex aspectu: qualis tamen probatio multum relinquitur arbitrio Iudicis. Menochius lib. 2. de Arbitrar. Iudic. cas. 117. n. 1. et alii.

- 37 Resp. V. Violenta praesumptio hominis pro aliquo, transfert onus probandi contrarium in adversarium: et isto per adversarium non probato, facit plenam probationem; adeo, ut ad condemnationem sufficiat, saltem in causis civilibus non nimium arduis. Primam partem probat textus in c. Veniens. et Abbas ibid. n. 3. de Presbyt. non baptizat. et c. Ut nostrum. §. Porro. Ut Ecclesiastica beneficia etc. ubi ob huiusmodi violentam praesumptionem refunditur onus probandi in adversarium.

- 38 Ex quo consequens est, quod contra praesumptionem violentam admittatur probatio in contrarium. Glossa fin. cit. c. Veniens et Abbas cit. n. 3. de Presbyt. non baptizat. Qui tamen addit, quod probatio talis debeat esse evidentissima: siquidem, ut loquitur textus ibid. violenta praesumptio pro certitudine est habenda: donec evidentissimis forsitan argumentis contrarium probetur. Nec immerito: quia efficacior probatio requiritur ab eo, qui probare vult illud, quod non est verisimile, c. Quia verisimile. 10. h. t.

- 39 Altera pars traditur de Abbate in c. Quanto 3. in c. ubi ait, quod violenta praesumptio dicatur illa, quae sufficit ad sententiam: quia quasi violenter trahit Iudicem ad credendum. Sic in c. Afferte. h. t. refertur, quod Salomon, Regum sapientissimus, ex violenta quadam praesumptione tulit sententiam inter duas foeminas, de filio vivente coram eo litigantes. Ubi proinde Summarium, Jo. Andreas. Felinus, alique Doctores passim, sic loquuntur: Ex violenta praesumptione fertur diffinitiva. Quenam autem in specie sit censenda praesumptio violenta, non nisi Iudicis arbitrio determinari potest, juxta dicta n. 32. Additur etiam in Conclusionem: adeo ut ad condemnationem sufficiat, saltem in causis civilibus non nimium arduis, ubi dicenda inferius n. 61. et 62. et seqq.

- 40 Resp. VI. Praesumptio naturae seu resultans ex re, quae nobis naturaliter insunt, tantam obtinet vim in materia probationum, ut transferat onus probandi in adversarium: hoc est, in eum, qui asserit aliquid contrarium praesumptioni naturali. Ita Glossa fin. cap. ult. h. t. juncto textu ibid. asserente, quod quis prima facie praesumitur idoneus, nisi aliud in contrarium ostendatur.

- 41 Hoc tamen intelligendum est de idoneitate intrinseca, cumque homo nascitur, non de extrinseca: prout notat Abbas ibid. n. 7. estque uberius dictum supra Lib. 1. Tit. 12. De Scrutinio in ordine faciendi, n. 10. Nam ut inquit Glossa c. Si forte. §. Scientias. de Election. in 6. et communis Doctorum, quaedam qualitas est homini intrinseca, cum qua videlicet homo nascitur: nempe quod aliquis sit castus, pacificus, sobrius etc. Et hanc quis praesumitur habere, donec contrarium probetur, cit. cap. ult. h. t. et cap. un. de Scrutinio in ord. faciendi. cum similibus: unde consequens est, quod loquendo de hac qualitate, eam idoneitate intrinseca, praesumptio naturae transferat onus probandi in adversarium, qui eam inesse negat. Quaedam vero qualitas est homini extrinseca: ut litterata, seu quod aliquis sit vir doctus, bonus musicus, etc. Et talis debet probari, neque de hac procedit praesumptio naturae.

- 42 Eadem Conclusionem, seu quod praesumptio naturae transferat onus probandi in adversarium, tradit Mascardus Concl. 1223. de Probat. n. 6. et

seqq. allegans alios: quae praeter jam dicta, probatur etiam ex l. Omni modo. juncta Glossa §. Non licebit. C. Inofficios. testament. et L. 2. ubi Glossa §. Probationibus C. Qui testamenta facere etc. et cap. un. de Scrutinio in ordin. faciendi: ubi dicitur quod quis illum, quem indignum esse non novit, dignum debeat aestimare. Unde illud vulgatum: Nemo praesumitur malus, nisi probetur malus; prout desumitur ex c. Mandata. li. h. t. et can. In cunctis. 11. q. 3. cum similibus. Quia enim contra praesumptionem naturae est, aliquem dicere malum, istud asserenti incumbit onus probandi.

Limitatur tamen data Conclusio, et praesumptio naturae non transfert onus probandi in adversarium, quando id, quod naturaliter inest, constat postea esse mutatum. Quia, si est superinducta nova qualitas, quam naturalis, ea semper praesumitur inesse, donec doceatur sublatam. Semel malus de Reg. Jur. in 6. Felinus cap. ult. n. 15 h. t. Mascardus cit. Concl. 1226. n. 16. et alii.

Limitatur etiam, quando agitur de praedictio tertii. Quia praesumptio naturae non valet ad jus tertii perimendum, nisi aliter probetur Actoris intentio. D. Thomas 2. 2. q. 70. art. 3. ad 2. asserens, de quolibet praesumendum esse bonum, nisi appareat contrarium; dummodo non vergat in periculum alterius: quia tunc est adhibenda cautela, ut non de facili unicuique credatur, secundum illud 1. Joan. 4. Nolite credere omni spiritui. Glossa in can. Si quis praepropera. dist. 50. §. Videri, dicens, cuiuspiam imputari, quod nimis est credulus. Mascardus cit. Concl. 1226. n. 20. et 21. cum aliis. Unde, si talis praesumptio vergat in praedictio tertii, non transfert onus probandi in adversarium: cum Lex ex parte Actoris ultra talem praesumptionem, aliud probationis genus requirat. Sic quippe Jura decreverunt, ut unus, etiam Iudicis, verbo non credatur in praedictio alterius, nisi aliorum testimonium adminiculo sublevari, c. Cum a nobis 28. de Testib. cum similibus: haud obstante, quod sit praesumptio naturalis, quempiam esse veracem, non mentiri, donec probetur oppositum. Glossa fin. in c. Sicut nobis. 39. de Sentent. excommun.

Quaeritur II. Praesumptio juris quous operetur effectus in materia probationum? Resp. I. Praesumptio juris, ubi stat pro aliquo, tunc ipse relevatur ab onere probandi, atque istud transfertur in adversarium ejus. Ita Speculator tit. de Praesumptionibus. §. Species. n. 3. et 4. Sperellus Decis. 27. Fori Ecclesiast. n. 68. Bartolus l. In illa. in fin. ff. de Verbor. obligat. Mascardus de Probat. quaest. 10. Proem. n. 37. et Concl. 1228. n. 2. citans plurimos alios. Ratio est: quia, qui habet praesumptionem juris pro se, dicitur habere intentionem suam fundatam, l. Generaliter. §. Si petitor ff. de Fideicommissar. libertat. Lex etenim parificat hos casus, quod quis probet; vel, quod habeat pro se Juris praesumptionem. Sperellus Decis. 174. Fori Ecclesiast. n. 52. post Alciatum de Praesumption. p. 3. n. 4. et alios.

Resp. II. Insuper praesumptio juris habetur pro veritate, etque status, donec contrarium probetur. Textus est in cap. ult. de Restitut. spoliat. in 6. et c. Quia verisimile. h. t. et l. Cum de indobito. ff. de Probat. cum similibus. Sperellus Decis. 174. Fori Ecclesiast. n. 57. Menochius de Praesumption. lib. 1. quaest. 36. n. 3. Jason. l. Licet Imperator. n. 13. ff. de Legat. I. Mascardus cit. Concl. 1228. n. 38. asserens, quod praesumptionis juris effectus sit, ut ex eo alter, contra quem stat talis praesumptio juris, condemnatur, nisi ab ipso probetur contrarium per quendam legitimam speciem probationis. Siquidem praesumptio juris, est probatio liquidissima in causa ceteroquin obcura, seu donec contrarium probetur, l. Licet Imperator. ff. de Legat. I.



- 47 Non obstat, quod praesumptio juris proprie non dicatur probatio, arg. l. *Lucius Titius*, ubi Bartolus, et Dynus ff. de Condition. et demonstrat. ac notat Zoesius h. t. n. 4. addita ratione: Quia (inquis.) probatio vera percipitur sensu corporeo, n. g. quod testes viderint hominem occidi, audierint, interfuerint etc. hoc enim praesumptioni non convenit. Non obstat, inquam: quia licet praesumptio juxta quosdam Doctores proprie non sit probatio, est tamen probationis revelatio, dum transfert onus probandi in alium. Mascardus quaest. 10. prooem. n. 37. Zoesius, et alii.
- 48 Quoniam istiusmodi praesumptio juris dicitur liquidissima probatio, nisi contraria probatione elidatur. Glossa fin. l. *Si tutor petitus*. ff. de Pericul. tutor. Jason l. *Licet Imperator* n. 3. ff. de Legat. I. Sperellus cit. Decis. 174. n. 52. Mascardus d. quaest. 10. n. 401 et Concl. 1228. n. 37. Menochius lib. 1. de Praesumptionib. quaest. 81. n. 4. Vallensis h. t. §. 4. n. 4. Sannig cod. cap. 2. n. 8. et alii. Siquidem legum praesumptiones procedunt ex certis, ac legitimis indiciis: neque aptantur, nisi super verisimilibus, quae plerumque fieri solent; sive fieri praesumuntur, sive de contrario doceatur.
- 49 Et hinc, ubi ad victoriam consequendam requiruntur probationes liquidissimae (ut puta, si statutum aliquod hujusmodi probationes requirat) sufficit probare per praesumptiones a Jure inductas, et contraria probatione non eligas; eo quod haec sint probationes liquidissimae. Felinus ad Rubric. de Probat. n. 2. post Baldum in d. l. *Si tutor petitus*. Mascardus ead. quaest. 10. n. 41.
- 50 Quia etiam hujusmodi praesumptio juris, quando contraria probatione non eliditur, sufficit ad probandum, ubi Lex requirit probationem per instrumentum: ut l. *Quicumque*. juncta L. 1. C. de Aposchis publicis, lib. 10. Ex quo loco infert Alexander Consil. 126. n. 7. lib. 6. quod praesumptio juris aequiparetur scripturae. Mascardus loc. cit. n. 40. allegans insuper Baldum L. 1. C. de fideicommiss. pluresque alios.
- 51 Quaeritur III. An contra Praesumptionem, praesertim quae est juris et de jure, admittatur probatio in contrarium? Resp. I. Certum est, quod contra Praesumptionem hominis, et etiam contra Praesumptionem juris, tantum, admittatur probatio in contrarium. Ita Glossa fin. c. *Is qui fidem*. 30. de Sponsalib. et communis. Idque patet tum ex cap. 1. 20. seqq. de Purgat. canon. et L. ult. ff. De eo quod metus causa etc. ubi contra praesumptionem hominis probatio recipitur. Tum ex c. *Proposuit*. §. de Probat. et cap. ult. de Restitut. spoliat. in 6. et l. *Si chirographum*. ff. de Probat. et alibi: ubi contra praesumptionem juris tantum admittitur probatio in contrarium. Et de hoc non est difficultas, bene tamen de praesumptione juris et de jure: unde
- 52 Resp. II. Contra Praesumptionem juris et de jure, regulariter non admittitur probatio in contrarium. Ita textus expressus cit. c. *Is qui fidem*. 30. de Sponsalib. ibi: *Contra praesumptionem hujusmodi non est probatio admittenda*. Siquidem super eam Lex firmum sancivit jus, eamque pro veritate habet; ut loquitur Mascardus cit. quaest. 10. prooem. n. 48. Et idem operatur ista praesumptio in casu praesumpto, quod veritas in casu vero. Abbas in d. c. *Is qui fidem*. n. 2. et 4. et Fagnanus ibid. n. 3. et §. de Sponsalib. Qui tamen bene subiungunt, hoc esse intelligendum in Foro contentioso, et judiciali duntaxat; non autem quoad Damnum, et in Foro animae: in hoc quippe non habet locum praesumptio, sed ipsa veritas; estque amplius dictum Lib. 1. Tit. 2. De Constitutionibus. §. 7. n. 163. et seqq.
- Resp. III. Nihilominus allata regula fallit in nonnullis casibus. Ita Felinus c. *Quanto*. n. 3. et 4. h. t. Mascardus loc. cit. n. 51 seqq. Vallensis h. t. §. 4. Pirhing h. t. n. 9. et seqq. aliqua communiter complures tales casus referentes.
- 53 Sic imprimis contra Praesumptionem juris, et de jure admittitur propria confessio ejus, pro quo stat talis praesumptio: sive, in cujus favorem Jus praesumit. Abbas c. *Cum contingat*. n. 10. de Offic. Delegat. Jason l. *Cum te transegeris*. n. 7. C. de transact. Felinus loc. cit. n. 3. Mascardus cit. n. 51. et alii. Ratio est, quia is, in cujus favorem Jus praesumit, confitendo contrarium tollit praesumptionem juris, quatenus erat in sui favorem: siquidem praesumptio credit veritati l. *Imperatores*. ff. de Probat. Atqui confessio propria detegit veritatem; cum nemo censetur contra se temere confiteri, simulque propria confessio sit optima probatio; ergo.
- 54 Et hac de causa probatio per confessionem partem admittitur etiam contra sententiam, quae transiit in rem judicatam, licet habent pro se praesumptionem juris et de jure: adeo, ut sententia illa, utpote ex propria confessione partis injusta, sit rescindenda. Felinus c. *Quoniam contra*. n. 25. et 26. de Probat. Jason in Repetit. l. *Admonendi*. n. 36. ff. de Jurejurand. atque communi docet Mascardus cit. quaest. 10. n. 53. id tamen intelligens de confessione in judicio facta: nam extrajudicialis plene non probat, juxta dicta Tit. 18. De Confessis. §. 1. n. 54. et seqq.
- 55 Deinde contra Praesumptionem juris et de jure admittitur probatio indirecte: quia cum Lex ad hanc praesumptionem requirat certas qualitates et circumstantias, semper admittitur probatio, quod non simus in tali casu, vel quod deficiat aliqua ex qualitatibus requisitis. Sic contra matrimonium, quod in cit. c. *Is qui fidem*. de Sponsalib. praesumitur celebratum, admittitur indirecta probatio, per quam ostenditur prius fuisse renuntiatum sponsalibus; vel intercessisse impedimentum dirimens, ratione cujus nequivit sequi matrimonium. Glossa in Clem. 1. §. *Fecisse*. de Probat. Felinus cit. c. *Quanto*. n. 4. h. t. Vallensis h. t. §. 4. n. 9. Menochius lib. 1. de Praesumptionib. quaest. 71. n. 1. citans plurimos alios.
- 56 Tertio, contra Praesumptionem juris et de jure, admittitur probatio per evidentiam facti, seu per notorium. Quia probatio, quae est per evidentiam facti, nunquam censetur exclusae, quando enim constat certo et evidenter de veritate, cessat dubium, circa quod versatur praesumptio; unde necesse est, ut praesumptio cedat veritati, cit. l. *Imperatores*. ff. de Probat. Vallensis loc. cit. nu. 10. Felinus, ubi supra. num. 4. fall. 5. Pirhing h. t. num. 11. Menochius d. lib. c. de Praesumpt. quaest. 67. n. 1. et alii.
- 57 Quarto, si contra Praesumptionem juris et de jure admissa fuerit probatio parte non opponente, cessat, atque tollitur ista praesumptio: quia adversarius, qui nihil opposuit, videtur tacite consensisse, suoque juri renunciassse, loquendo de casu, in quo renunciare potuit. Abbas c. *Cum contingat*. n. 10. de Offic. Delegat. Jason in Repetit. l. *Admonendi*. n. 45. ff. de Jurejurand. Felinus cit. c. *Quanto*. n. 4. fall. 3. h. t. allegans plures alios.
- 58 Huc accedit, quod tradit Menochius cit. lib. 1. de Praesumpt. quaest. 63. n. 1. videlicet, adversus praesumptionem juris et de jure admitti probationem in contrarium per testimonium quatuor testium, arg. l. *Testium*. C. de Testib. ubi quinque testes sufficiunt loco scripturae: per scripturam vero admittitur probatio contra praesumptionem juris et
- 59

de jure, l. Generaliter. C. De non numerat. pecun. Imo Menochius eod. lib. 1. de Praesumption. quaest. 65. n. 1. et 2. allegans alias, censet, huc ipsum procedere de dubis, vel tribus testibus summae fidei, a jure multum legalibus et probis. Consentit Valleusis h. t. §. 4. n. 6. et Pirhing n. 11. eod.

## §. III.

De sufficientia Praesumptionum ad ferendam sententiam.

## SUMMARIUM.

- 60 Certum est, posse ferri sententiam conformiter praesumptioni juris, nisi contraria probatione elidatur.
- 61 Esi praesumptiones hominis regulariter plenam fidem non faciant, possunt tamen adeo vehementes existere ut sufficiant ad ferendam sententiam.
- 62 Saltem in causis civilibus non nimium arduis. Et num. praeced.
- 63 Secus in criminalibus criminaliter motis.
- 64 Et hujus ratio.
- 65 ibi. 67. Solvantur contraria. Et num. seqq.
- 66 Confessio conjugum, qui fatentur quod affinitas praecesserit matrimonium, non sufficit ad eorum separationem; et quando?
- 67 Causa illa, in qua agitur de peccato carnis ad vitandam divortium, non est criminalis, sed quasi mixta inter civilem et criminalem.
- 70 Reus ob solas vehementes praesumptiones in causis criminalibus non est condemnandus, sed torquendus, vel Canonica purgatio ei, indicenda.
- 71 An tali Reo poena extraordinaria possit injungi? Et num. seqq.
- 72 Dicere, quod quis majore vel minore poena sit afficiendus, eo quod delictum magis vel minus fuerit probatum, est inconveniens.
- 73 Potest tamen propter ipsa indicia, quae de se mala sunt, poena extraordinaria imponi.
- 74 Quae sit obligatio Legum in praesumptione fundatarum? Responsivo.

60 Queritur I. Utrum tam ex praesumptione juris, quam hominis, possit ferri sententia? Resp. I. Certum est, posse conformiter praesumptioni juris ferri sententiam, nisi contraria probatione elidatur. Ita Menochius de Praesumpt. lib. 1. quaest. 95. n. 1. et 2. assertens, hoc esse certum et clarum. Idque patet ex c. Nullus. et c. Quosdam. 7. et seqq. h. t. et cap. ult. de Restitut. spoliat. in 6. cum similibus. Nam, quod per praesumptionem juris constat, satis patere dicitur, inquit Abbas c. Ad nostrum. n. 6. de Emption. et vendit. istud probans ex l. Licet Imperator ff. de Legat. 1. et Sprellus Decis. 27. Fori Ecclesiast. n. 65. et aliis. Quinimo praesumptio juris habetur pro veritate, etque probatio liquidissima, nisi contrarium probari valeat, juxta dicta n. 46.

61 Resp. II. Esi praesumptiones hominis regulariter plenam fidem non faciant, sique juxta eas scripta ferri nequeant, aliis adminiculis adjuvantur, ut dictum est supra n. 35. et seqq. possunt nihilominus praesumptiones hominis adeo vehementes, seu violentae existere, ut sufficiant ad ferendam sententiam diffinitivam, saltem in causis civilibus non nimium arduis. Ita Menochius lib. 1. de Praesumption. quaest. 95. n. 3. et 4. Mascardus de Probat. Concl. 127. n. 6. et seqq. cum communi Doctorum. Idque patet ex c. Affertis. 2. h. t. ubi

Salomon ex hujusmodi violenta praesumptione legitur solisse sententiam inter duas Meretrices, de filio vivente coram eo litigantes. Unde citatum Capitulum sic summatur: *Ex violenta praesumptione fertur diffinitiva; et est casus notabilis.* Similiter c. Litteris 12. et c. Tertio loco. 13. h. t. per violentam praesumptionem probatur copula carnalis, quando videlicet solus cum sola, nudus cum nuda in eodem lecto jacens, repertus fuit: adeo, ut ex tam violenta praesumptione possit sententia divortii promulgari, ut ibidem subiungitur, Insuper l. Quareo. §. An. ff. de Edictio edicto, si alio indicio non deficiat, decernitur, ferendam esse sententiam ob confessionem servi fugitivi Concordant dicta superiora §. praeced. n. 32. et seqq.

Additur notanter in Conclusionem, saltem in causis civilibus non nimium arduis. Utrum enim ea procedat etiam in causis criminalibus (quibus nequiparantur causae civiles arduae magnique momenti, juxta dicta superiora Tit. 20. de Testibus. §. 3. n. 41.) multum variis Doctores. Et alii quidem affirmant, alii negant: nonnulli vero media via incedentes volunt, condemnari quidem posse Reum ex praesumptionibus violentis, sed ad poenam mitiorem dimittere, non extraordinariam: ut videri est apud Fachinum lib. 1. Controvers. Jur. cap. 29. Menochium cit. lib. 1. de Praesumpt. quaest. 97. n. 19. et seqq. Engel h. t. n. 3. et alios. Pro ejus resolutione.

Queritur II. Utrum etiam in causis criminalibus possit ex praesumptionibus ferri sententia? Resp. I. Ex solis praesumptionibus, etiam vehementibus, nemo in causa criminali criminaliter motus condemnandus est. Ita Fachinus cit. lib. 1. Controvers. Jur. cap. 29. Mascardus de Probat. Concl. 128. n. 73. et seqq. cum aliis doctis, quod nemo possit ex quibuscunque urgentissimis praesumptionibus, et conjecturis condemnari de maleficio poena aliqua corporali: quia, ut quis condemnatur, et puniatur de maleficio criminaliter, debent praesumptiones esse violentae, et sic a Legge approbatae, vel inductae: non autem verisimiles, et probabiles, prout sunt hominis praesumptiones, quae non adeo indubitatae sunt, quin quoadque sollicitam dubitationem semper recipiant. Ita Mascardus citans plures alios. Eandem Conclusionem novissime tenet Engel h. t. n. 4. et Pirhing eod. n. 49. id tamen limitans, nisi conjecturae, seu praesumptiones sint valde violentae, et urgentissimae: sive, ut loquitur Engel n. 5. nisi indicia sint indubitata, et luce clariora, seu talia, quae evidentiam rei inducant: prout fit, si marito per annum absente uxor gravida reperitur.

Ratio Conclusionis taliter declaratae est. Quia in causis criminalibus criminaliter motis, ut possit Reus condemnari, requiruntur probationes luce clariores, l. ult. C. de Probat. ibi: *Instructa appetitissimis documentis, vel indiciis ad probationem indubitatis, et luce clarioribus expedita.* Alioquin enim praestat nocentem dimittere, quam innocentem damnare, l. Absentem. ff. de Poenis. Deinde idipsum clare desomitur ex c. Litteras vestras. 14. h. t. ubi Pontifex propter solam suspicionem, quamvis vehementem, noluit aliquem de tam gravi crimine (Haeresis videlicet) condemnari, de quo tamen fuerat praesumptio vehementis, juxta Summarium, et Doctores ibid.

Obijciat contra hanc Conclusionem, afferendo fundamentum oppositae sententiae. In relata l. ult. C. de Probat. expresse dicitur, etiam indicia sufficere posse ad condemnationem in causa criminali: ergo. Resp. Textum allegatum loqui solammodo de indiciis indubitatis, et luce clarioribus: quale

foret; si marito per annum absente non gravilla reperitur; talia enim indicia indubitanter, luceque clariora, in data Conclusionis expresso recipiuntur: secus dicendum de solis præsumptionibus, quatuorvis vehementibus.

66. Instabis. *inst. Affert. 2. et c. Litteris. 10. et c. Tertio loco. 1. h. t.* habentur solæ præsumptiones, et tamen ex illis lata est sententia; ergo nulla solutio. Resp. neg. consequens. Quia c. *Affert. loquitur de causis civilibus; in quibus posse ferri sententiam ex præsumptionibus violentis; ultra conceditur sensus dicendum in causis criminalibus criminaliter motis, præsertim ubi agitur ad poenam sanguinis. Intellige, nisi forsitan præsumptiones forent urgentissimæ, seu ortæ ex indiciis indubitanter, et luce clarioribus; prout jam exemplificatum est in adulterio, dum uxor reperitur gravilla absente viro per annum, aut huiusmodi: tunc enim potest infligi poena ordinaria quacunque maxima, cit. *L. ult. C. de Probato. no. notat Abbas c. Affert. n. 6. h. t.**

67. Ad c. *Litteris. et c. Tertio loco. h. t.* ubi per violentiam præsumptionem probatur delictum carnis, adeo ut in priori loco fuerit lata sententia divortii quoad thorum inter conjuges, in secundo autem declarata fuerit nullitas matrimonii, seu sponsalium de præsentis contractuum: Respondet Engel h. t. n. 5. ibi intervenisse indicia indubitanter peccati carnis: talia enim, quæ ibidem recensentur, sufficientem constituent probationem, maxime in delictis carnalibus, non nisi in secreto comminari solitis, ac proinde difficulter probandis. Quia vero indicia *inst. c. Tertio loco. h. t. relata*, saltem conjunctione accepta, evidentiam facili induxerunt: eo quod accesserit jurata, et judicialis confessio utriusque partis de peccato carnis ante matrimonium contractum, et postea perpetrato: simulque illud non diceatur occultum, sed quasi prædicaretur a pluribus manifestum, prout subiungit textus. Unde non mirum, quod secunda fuerit sententia super nullitate matrimonii contracti.

68. Nec obstat, quod aliquis confessio conjugum, qui latentur, quod affinitas præcesserit matrimonium, non sufficiat ad eorum separationem, ne forsitan collodant contra matrimonium, et Super. no. 5. De eo, qui cognovit consanguin. Resp. enim, quod hæc præsumptio collationis cessaverit in cit. c. *Tertio loco. h. t.* cum ubi juvenis nollet ab ea, quam desponsaverat, separari: ut loquitur textus; et amplius declarat Glossa q. *Nollet ab ea. et Abbas ibid. n. 1. et 4.* Hinc enim patet, quod non probo animo collodandi contra matrimonium, sed ob religionem juramenti dictam confessionem fecerint.

69. Accedit, quod in capitulis non sit sermo de causis proprie criminalibus; seu criminaliter motis; de quibus loquitur nostra Conclusio. Si quidem ibidem agitur de peccato carnis ad poenam publicam, seu legitimam inferendam; sed in ordine ad obtinendum divortium quoad thorum, vel dissolutionem matrimonii nulliter contracti, ali liquet ex texto. Atque huiusmodi causa non est proprie criminalis, haud dubitante, quod in ea quis accusator de crimine carnali; sed est quasi mixta inter civilem et criminalem: peccat habetur c. *Tuas frater. nitati. 5. de Procuratorib.* ubi de tali causa sic legitur: *Quoniam huiusmodi accusatio (de adulterio) etsi de crimine fiat, non est tamen criminalis, sed quasi mixta inter civilem et criminalem.*

70. Remanet proinde, quod si solæ vehementes conjecturæ, seu præsumptiones urgeant, in rebus criminalibus criminaliter motis Reus non sit condemnandus: sed talis ad extorquendam confessionem

subiciatur torture, spectato præsertim Jure Civili: vel ipsi indicatur purgatio canonica; juxta Sacros Canones, *tot. tit. de Purgat. Canon.*

71. An autem tali Reo poena extraordinaria possit injungi, spectandæ erunt aliæ circumstantiæ, arg. c. *Litteras vestras. 14. h. t.* ubi cuipiam de hæresi graviter suspecto poena extraordinaria fuit infligenda: non quidem propter ipsummet crimen hæresis, quia de tam gravi crimine non fuit convictus, neque condemnatus; sed propter indicia hæresis, quæ fuerunt de se mala, et scandalosa; sicque ex se jam promeruerunt aliquam poenam, saltem arbitriariam.

72. Dicere autem, quod quis majore vel minore poenæ sit afficiendus, eo quod delictum magis vel minus fuerit probatum, nimis est inconveniens; prout observant Franciscus Sarmientos *Select. Interpretati lib. 2. cap. 1.* quem sequitur Engel h. t. n. 6. Quia major vel minor probatio non arguit; neque minuit malitiam delinquentis; et si ob gravia indicia Reus fuerit torture subjectus, negaverit tamen se deliquisse, jam censetur purgatus præsumptiones, et indicia; sicque Reus erit absolvendus.

73. Quod si formæ ejusmodi indicia de se forent mala, et digna cujusdam poenæ extraordinariæ: tunc locum habere poterit sententiam Innocentii in c. *Quia verisimiles. n. 5. h. t. Felini c. Affert. n. 6. et seqq. eod. Menochii lib. 1. de Præsumptionibus. quæst. 97. n. 23. et 25. ac seqq. et aliorum; solentium, quod si sententia diffinitiva ferretur, et aliquis condemnatur ex præsumptionibus violentis, Iudex mittitur debeat temperare sententiam; ita ut non condemnaret nisi raro, et ad modicam poenam. Talis quippe poena potest infligi propter indicia gravia, et rite probata; ubi hæc de se mala sunt, et digna alicujus poenæ extraordinariæ.*

74. Queritur III. Quæ sit obligatio Legum in præsumptione fundatarum? Resp. De hoc ex professo, ac fusius, dictum esse superius Lib. 1. Tit. 2. De Constitutionibus. §. 7. num. 162. usque ad n. 175. quo proinde Benevolus Lector remittitur.

#### §. IV.

De conjunctione, et prævalentia Præsumptionum, et ubi et de nonnullis harum in specie.

#### SUMMARY.

75. In causis civilibus plures præsumptiones possunt conjungi ad faciendam plenam probationem.

76. Quomodo scortum inducat semiplenam probationem: alias secus.

Si plura indicia insimul constituent semiplenam probationem, potest deferri iuramentum suppletorium. *Ibid.*

77. In causis tamen criminalibus non sufficient plures præsumptiones ad faciendam plenam probationem.

78. Præsumptionum, et quando prævaleat alteri? Et nam scq.

Præsumptio fortior, juxta arbitrium Iudicis, tollit aliam minus fortem. *Ibid.*

79. Declaratur istud exemplis.

80. Præsumptiones in genere, tolluntur per præsumptiones in specie.

81. Præsumptio naturæ prævaleat contrariis præsumptionibus.

82. Præsumptio honestior est recipienda, habita potissimum ratione personæ et dignitatis.

Magis credendum est testibus deponentibus de bonitate, quam aliter asserentibus. *Ibid.*



- 83 Ex pluribus præsumptionibus amplectenda est ea, quæ est exclusiva delicti.
- 84 Solvitur instantia ex cap. 1. h. t.
- 85 Præsumptio benignior, et parvi favorabilior, est præferenda aliis.  
Filius præsumitur legitimus, etiamsi probetur uxoræ tempora conceptionis filii fuisse adulteram. Ibid.
- 86 Præsumitur pro Viris litteratis, providis et honestis, quod in suis negotiis rite processerint, donec contrarium probetur.
- 87 Sicut, et pro publico Notario.
- 88 Ac Judice judicialiter procedente etc.
- 89 Præsumptio verisimilior vincit minus verisimilem.
- 90 Præsumptiones pro validitate actus, præferuntur contrariis præsumptionibus.
- 91 Præsumptio illa, quæ facit valere actum, est regina aliarum præsumptionum.
- 92 Præsumptio juris prævalet præsumptioni hominis.
- 93 Præsumptiones vel maxime tolluntur per probationem in contrarium.
- 94 Præsumptiones hinc inde militantes, ac penitus æquales, invicem se collidunt.
- 95 Omnis maleficus præsumitur factum malo animo, nisi probetur contrarium. Et num. seq. ac num. 84.
- 96 Præsumptio contraria potest tollere præsumptionem fraudis.
- 97 Ex præteritis præsumitur circa futura. Et num. seqq.  
Ex bona conversatione in adolescentia, præsumitur puer bonus futurus in ætate virili; et quomodo? Ibid.
- Nihil incertius, quam vita adolescentium. Ibid.
- 98 Non præsumitur incontinens in senectute, qui in juventute vixit continens etc.
- 99 Ex præteritis præsumitur in futurum, etiam in malam partem.
- 100 Semel malus, semper præsumitur esse malus; et quomodo? Emendatio criminosi præsumitur, si is per trionium ab improbe factis abstinuit. Ibid.
- 101 Ex præteritis præsumitur tripliciter; nempè circa præteritum, circa præsens, et circa futurum.
- 102 Eodem modo ex præsenti potest elici præsumptio tripliciter.
- 103 Præsumitur contra eum, qui subterfugit iudicium; et præsumitur pro illo, qui se offert iudicio.
- 104 Fuga post patratum scelus, facit præsumptionem contra fugientem.
- 105 Nisi apparet alia rationabilis causa discendi.
- 106 Qui ex duobus illatis, seu sibi objectis, unum duntaxat negat, aliarum affirmare præsumitur, et quando?
- 107 Qui tacet, consentire videtur: et quando?
- 108 Vicinus præsumitur scire ea, quæ sunt gesta in vicinia; et qualiter istud sit intelligendum?
- 109 Factum præsumitur notum in vicino loco, quod est notum in remoto.
- 110 Præsumptiones Juris Civilis plures. Remissivo.
- 75 Queritur. I. Utrum plures Præsumptiones conjungantur ad faciendam unam plenam? Resp. I. In causis civilibus plures præsumptiones possunt conjungi; duæque earum faciant plenam probationem, dummodo seorsim inducant saltem semi-

plenam probationem. Ita Glossæ in c. Cum causam. §. Testes. et §. Adminicula. de Probation. et alia. Glossæ in o. Illud quoque. §. Fama loci. juncto textu ibid. h. t. c. 1. Instrumenta. C. de Probat. Abbas c. A nobis. n. 2. Qui matrimonium accus. poss. ubi ait, quod varias præsumptiones conjungi possint ad sententiam proferendam. Bartolus l. Excusantur. §. Viso quid ff. de Excusatione tutor. Jason in Repet. l. Admonendi. n. 258. et seqq. ff. de Jurejurand. Mascardus de Probat. Concl. 1230. n. 1. et 18. ac seqq. et Concl. 1228. n. 85. dicens, quod in civilibus plura indicia et præsumptiones plenam inducant probationem; non tamen in criminalibus; atque addit, hanc esse communem Doctorum sententiam, quorum plurimos citat. Idque præter Canones proxime citatos, probatur et l. Quaero. §. fin. ff. de Edilitio Edicto. et l. Exconsantur. §. Etat. ff. de Excusatione tutor. ubi tales probationes in civilibus recipiuntur. Concordant dicta superius Tit. 19. De Probationibus. §. 4. n. 98. et seqq. ibi quippe fusius ostensum fuit, quod ex duabus probationibus semiplenis constituitur una plena. Unde illud vulgatum: Quas non prount singula multa jurant.

Additur tamen, dummodo seorsim inducant saltem semiplenam probationem. Si enim duæ tales præsumptiones singillatim minus probarent, quam semiplene, hoc ipso non possent efficere plenam probationem etiam conjunctim, et simul sumptæ. Mascardus cit. Concl. 1230. n. 18. cum aliis. Quamquam per hoc non negetur, quod unum indicium etiam a remotis juret aliud, et una præsumptio corroboret aliam. Jo. Andreas in Addit. ad Speculatorem. de Præsumption. §. Species. §. De tertia præsumptione, et alii. Unde si plura indicia in simul constituant semiplenam probationem, potest deferri etiam juramentum supplementarium: secus, si minus probent, quam semiplene. Abbas cap. ult. §. Sano. n. 8. de Jurejurand.

Resp. II. Loquendo tamen de causis criminalibus, ubi agitur de poena capitali, non sufficiunt plures præsumptiones ad faciendam unam plenam probationem. Ita Bartolus cit. l. Excusantur. ff. de Excusatione tutor. Speculator tit. de Præsumptionib. §. Species. num. 7. Mascardus quæst. 10. prooem. n. 78. et cit. Concl. 1228. n. 85. allegans communem. Ratio est: quia in istis requirantur probationes indubitatae, ac luce meridiana clariores, l. ult. C. de Probatione. et can. Sciant. 2. q. 8. cum similibus: atqui tales indubitatae probationes non sunt illæ, quæ desumuntur ex conjecturis etiam pluribus, nupotè quæ semper sollicitam quandam dubitationem recipiunt; ergo.

Queritur. II. An, et quando una Præsumptio prævaleat alteri, hæcque tollat? Resp. I. Præsumptio illa, quæ est fortior altera juxta prudens arbitrium Judicis, prævalet, ac tollit aliam minus fortem. Ita Glossæ fin. in o. Accedens et Abbas ibid. n. 4. de Crimine falsi. Alexander Consil. 124. n. 11. lib. 6. Everardus Loco. 11. a Verisimili. n. 13. et 14. Menochius Consil. 409. n. 67. lib. 5. Card. Tuschus Litt. P. Concl. 613 n. 1. et seqq. Sperellus Decis. 5. Fori. Ecclesiast. n. 96. Mascardus de Probat. Concl. 1231. n. 1. et seqq. citans alios. Idque desumitur ex cit. c. Accedens. de Crimine falsi. et c. Cum inter R. 16. juncta Glossæ §. Episcopus manus. de Electione. et l. Cum de indebito. ff. de Probat. et l. Divus. ff. de Restitut. in integr. ubi reperitur, quod præsumptio una fuerit sublata per aliam. Concordant dicta superius Tit. 19. De Probationibus. §. 4. n. 76. ubi generaliter notatur, et probatur, quod ex probationibus fortior prævaleat, et

76

77

78

plenior absorbeat minus plenam: idem ergo dicendum de praesumptionibus, veluti specie quadam probationum ut sic.

- 79 Declaratur etiam praesens Conclusio inductione. Sic ignorantia facti alieni praesumitur, ubi scientia non probatur, juxta *Reg. 47. Jur. in 6. et DD.* communiter: tamen haec ipsa praesumptio ibi eliditur ex alia praesumptione, quae oritur ratione vicinitatis, cohabitationis, ac hujusmodi, c. *Quanto. 8. h. t.* Similiter furri praesumptio adversus naptas, canones, et hujusmodi, penes quos aliquid est deperditum, tollitur ab alia praesumptione, quae provenit ex bona fama ipsorum. *Mascardus cit. Concl. 1231. n. 3. post Socium Consil. 65. n. 20. volum. 1. Decium Consil. 95. Cravettam Consil. 40. et alios.* Uterius praesumptio de his, quae raro eveniunt, tollitur per praesumptionem aliam de illis, quae ut plurimum contingunt, arg. *l. Nam ad ea. ff. de Legib. et untat Mascardus loc. cit. num. 42. allegans alios.* Quamquam haec omnia prudenti Judicis arbitrio quondam casus particulares sint discutienda, et specietatis omnibus circumstantiis regulanda. Quod ut clarius patet, ponuntur quaedam Regulae generales: unde

- 80 Resp. II. Praesumptiones in genere, tolluntur per praesumptiones in specie: nam *generi per speciem derogatur*, juxta *Reg. 34. Jur. in 6.* cum concordantibus. Sic quamvis nemo praesumatur suum iactare, *l. Cum de indebito. ff. de Probat.* si tamen creditor reddat debitori chirographum, praesumitur id factum animo remittendi debitum, *l. Labeo ait ff. de Pactis*: idemque dicendum, si chirographum repertatur cancellatum, nisi probetur contrarium, *l. Si chirographum ff. de Probat.* Prior etenim praesumptio, seu quod nemo praesumatur iactare suum, est generalis, posterior autem specialis: atqui praesumptiones speciales vincunt alias generales. Bartolus *d. l. Cum de indebito. ff. de Probat.* Alexander *Consil. 150. num. 17. vol. 3. post Baldum in l. Si vo possidetis. C. de Probation.* Sperellus *Decis. 146. Fori Ecclesiast. n. 43. Card. Tuschus Litt. P. Concl. 613. num. 10. Mascardus cit. Concl. 1231. num. 6. et 8. allegans alios.*

- 81 Resp. III. Praesumptio naturae, seu quae est secundum ordinem naturae, fortior est contrariis praesumptionibus, utriusque praevalet. *Mascardus cit. Concl. 1231. n. 17. et alii.* Siquidem naturalia sunt nobiliora, et priora his, quae arte fiunt: simulque praesumptio naturae transfert onus probandi in adversarium, juxta dicta paulo superius *n. 40. 42. et seqq.* Unde etiam testibus, pro praesumptione naturae deponentibus, magis est credendum, quam contrarium asserentibus. *Baldus c. In nostra. n. 1. de Testib.* istud exemplificans in casu, quo duo testes dicunt, quod pater occiderit filium dolo malo, alii duo contra asserunt, quod ex improviso: isti duo credibilis dicunt, ideoque probant, quia rerum natura est cum ipsis. Ita *Baldus. Concordant Ancharanus Consil. 253. n. 3. et Mascardus Concl. 1236. n. 7. allegans alios.*

- 82 Inferitur proinde, quod praesumptio honestior, recipienda sit veluti fortior, habita potissimum ratione personae, et dignitatis. *Bellarmino Consil. 31. num. 10.* Sicut etiam in dubio magis credendum est testibus deponentibus de bonitate, quam aliter asserentibus. *Felinus cap. ult. num. 11. h. t.* quia videlicet testes deponentes de bonitate, dicuntur deponere ea, quae magis amica, et consentanea sunt naturae. *Mascardus loc. cit. num. 9. post Cravettam Consil. 6. num. 63.*

- 83 Inferitur ulterius, quod concurrentibus pluribus praesumptionibus caeteroquin paribus, amplectenda sit ea, quae est exclusiva delicti: atque haec,

veluti honestior, magisque consentanea naturae rationali, praepositur aliis praesumptionibus inclusivis delicti, ut poena evitetur. *Abbas Consil. 68. num. 3. vol. 1. Sperellus Decis. 108. Fori Ecclesiast. num. 53. id probans ex l. Merito ff. Pro socio. Farinacius lib. 3. Praxis Criminal. quaest. 85. n. 19. Menochius de Praesumptionib. lib. 5. praesumpt. 2. n. 22. Mascardus Concl. 1231. num. 30. et seqq. citans alios.* Accedit ratio: quia dubia in meliorem partem sunt interpretanda, *cap. 2. de Reg. Jur.* Simulque nemo praesumitur malus, nisi probetur malus, *can. Irconectis. 11. q. 3. et cap. ult. de Scrutinio in ordin. faciendi cum concordantibus*: atqui non censetur delictum esse probatum, quando praesumptiones hinc inde militanti; ergo.

Nec obstat *cap. 1. h. t.* ubi non creditor illi, qui fraudulenter nocet amico suo; et cum fuerit deprehensus, dicit: *Ludens feci.* Resp. enim, hinc solent sequi, quod omne maleficio praesumatur factum malo animo, nisi probetur contrarium: pro ut infra *num. 95.* amplius dicitur. Talis autem sufficiens probatio dequit esse sola assertio illius, qui fraudulenter amico suo grave documentum intulit, si deprehensus in facto velit se excusare, et dicere: *Ludens feci.* Quis enim est testis idoneus in propria causa, praesertim, ubi patens est malitia facti sui? Aut quis ludos appellet, ex quibus gravis proximo damna oriuntur? Quin imo *Ludas quique noxius in culpa est*, uti habetur *l. Nam ludus. ff. Ad Leg. Aquil.* Hinc tamen non sequitur, quin in dubio, et quando non constat de dilecto, seu illato alicui maleficio praevalere debeant praesumptiones exclusivae delicti alius, quae includunt delictum.

Rursus inferitur, quod praesumptio benignior, et parvi seu proli favorabilior, sit capienda, atque aliis praeferenda, arg. *c. Estote. de Reg. Jur.* *Sperellus Decis. 174. Fori Ecclesiast. n. 7. Mascardus de Probat. Concl. 1231. n. 27.* asserens, praesumptiones, quae prosunt filijs (ut puta, stantes pro eorum legitimitate) prae omnibus esse recipiendas. Adeo, ut etiamsi probetur, uxorem tempore conceptionis filii fuisse adulteram, nihil minus filius praesumatur esse mariti sui, adeoque legitimus: per textum in *l. Miles. §. Defuncto. ff. Ad Leg. Jul. de Adulter.* ac notat *Abbas c. Per tuas. num. 1. de Probat.* *Menochius de Arbitrar. Judic. cas. 89. n. 20. et de praesumpt. lib. 6. praes. 53. n. 2. Mascardus de Probat. Concl. 1289. n. 6. allegans plures alios.* Nec immerito: nam est honorabilius, naturaeque conformius, quod filius praesumatur ex legitimo matrimonio natus, quam quod dicatur vulgo conceptus.

Atque ob hanc ipsam rationem praesumitur pro Viri litteratis, providis et honestis, quod in suis negotiis rite processerint, donec oppositam probetur, *c. In nostra. et Abbas ibid. n. 3. de Procurat. et c. Cum in juventute. 15. h. t. et c. Cum dilectus. 9. de Fide instrument.*

Insuper stat praesumptio pro publico Notario, quod fideliter officium suum exercuerit, donec contrarium concludenter probetur, *c. Ad audientiam. 13. de Praescript.* Ubi Glossa *§. Juratus*; et *Ubi Sperellus Decis. 27. n. 11. et alii.*

Idemque dicendum de Judice procedente judicialiter, aut etiam extrajudicialiter in iis, quae extrajudicialiter ex officio praestare potest: quis praesumitur, quod juxta processerit. Secus, si processerit extrajudicialiter in acta, qui solet judicialiter exerceri: quia tunc non praesumitur pro Judice, veluti procedente non servato Juris ordine; ut *c. Conquerente. 7. de Restitut. spoliat.* ubi Glossa *fin. Abbas n. 2. et 15. et alii.*

- 89 Resp. IV. Praesumptio verisimilior vincit minus verisimilem, arg. c. *Per tuas*. 10. de *Probat.* Alexander *Consil.* 131. n. 19. lib. 5. Mascardus cit. *Concl.* 1231. n. 14. et 15. allegans alios. Nam quod alienum a verisimili, est quaedam falsitatis imago, Baldus *L. 1. C. de Servis fugit.* Everardus *Loco* 11. a *Verisimili*. n. 11. Sperellus *Decis.* 28. *Fori Ecclesiast.* num. 65. citans Rotam in *Gerunden. Anniversar.* 9. Junii 1586. coram *Gypsi.* Unde quod fieri non consuevit, non praesumitur factum, arg. l. *In obscuris ff. de Reg. Jur.* Sperellus *loc. cit.* n. 66. Quin etiam efficacior probatio requiritur ab eo, qui probare vult illud, quod non est verisimile, c. *Quia verisimile*. 10. h. t. juncto Summario et DD. *ibid.*
- 90 Resp. V. Praesumptiones pro validitate actus, praeseruntur contrariis praesumptionibus. Ita Decius c. *Quoniam abbas*. n. 16. de *Offic. Delegat.* quem citat, et sequitur Alexander Staticus in *Repetit. Extravag. Ambitiosae de Rebus Eccles. non alien.* Mascardus d. *Concl.* 1231. post Cephallos *Consil.* 10. n. 14. lib. 1. ubi inquit, quod ex duobus contrariis praesumptionibus illa praevalet, quae facit valere actum; prout in simili, ubi ambigua est oratio, verba ita intelligenda sunt, ut res, de qua agitur, valere possit potius, quam perire, c. *Abbate.* 25. de *Verb. signif. et l. Quoties ff. de Rebus dubiis*, cum concordantiis. Unde praesumptio illa, qua dicimus, actum ita fuisse gestum, ut omnino valeat, non autem ut poreat, est admodum potens, *L. 3. ff. de Testament. milit.* et forte caeteris validior, prout loquitur Menochius de *Praesumptionib.* lib. 6. *praesumpt.* 4. n. 1.
- 91 Quin imo Praesumptio illa, quae facit valere actum, est regina aliarum praesumptionum. Mascardus *loc. cit.* num. 25. allegans alios. Ac proinde praesumitur pro validitate actus, donec probetur invalidus, l. *Si post divisionem*, juncta Glossa & *Non posse. C. de Juris et facti ignorant.* Sperellus *Decis.* 38. *Fori Ecclesiast.* num. 61. Menochius d. *praesumpt.* 4. num. 2. et seqq. citans alios, et fusius istud exemplificans, additis postea nonnullis limitationibus.
- 92 Resp. VI. Praesumptio Juris praevalet praesumptioni hominis, hancque tollit, nisi contrarium illius probetur. Ita Baldus ad *Rubric. de Praesumpt.* num. 3. asserens, quod praesumptio legis faciat plenam probationem, cui est standum, nisi contrarium probetur: praesumptio hominis econtra semiplenam probationem faciat, cui non est standum, nisi conjuvetur. Mascardus cit. *Concl.* 1231. num. 39. et 40. et concordant dicta superius §. *praeced. numer.* 48. ubi dictum, quod praesumptio Juris sit probatio liquidissima, donec contrarium probetur.
- 93 Resp. VII. Praesumptiones vel maxime tolluntur per probationem in contrarium. Ita Abbas c. *Ex parte*. n. 31. de *Confessis*, et alii. Idque patet ex c. *Proposuiti*. 4. de *Probat.* ubi praesumptio ex juramento viri de prompta, eliditur per testimonium septem mulierum de opposito deponentium. Accedit textus in *L. 1. C. Ad Leg. Cornel. de Sicariis, et l. Si non convitit. C. de Injuriis*, ubi contra praesumptionem, quae contra aliquem oritur, quod malo animo quempiam occiderit, vel verba injuriosa animo injuriandi protulerit, expresse admittitur probatio in contrarium: et consequenter per hanc tollitur ejusmodi praesumptio.
- 94 Resp. VIII. Praesumptiones hinc inde militantes, ac penitus aequales, seu quorum una pensatis omnibus non praeponderat alteri, invicem se collidunt. Ita Abbas c. *Mulier*. n. 3. et c. *Accedens*. n. 3. de *Crimine falsi.* Everardus *Loco* 11. a *Simili*. num. 13. Mascardus cit. *Conclus.* 1231. num. 9. et 10. allegans alios, atque inde concludens, quod data paritate praesumptionum Reus obtinere debeat. Concordant dicta superius *Tit. 19. de Probationibus* §. 1. n. 80. 81. et 83. ac seqq. ubi hoc ipsum de Probationibus omnino aequalibus generatim declaratum fuit: excipiendo tamen hinc causas favorabiles, utpote in quibus stante aequalitate probationum secus est dicendum, prout ibidem fusius ostenditur.
- 95 Quaeritur III. Quid censendum de nonnullis Praesumptionibus in specie, hoc Titulo relatis? Resp. I. Omne maleficium praesumitur factum animo malo, nisi probetur contrarium. Ita textus in *cap. 1. juncta Glossa fin. h. t.* ubi non creditur illi, qui *fraudulenter nocet amico suo, et cum fuerit deprehensus, dicit, Ludentes feci.* Unde Innocentius, Hostiensis, et Abbas cit. *cap. 1. num. 3. h. t.* notandum inquit, quod malum seu damnum, semper praesumatur factum malo animo, nisi contrarium probetur, vel praevalet contraria praesumptio. Concordat textus in *L. 1. C. Ad Leg. Cornel. de Sicariis*, ubi qui occidit hominem, tenetur probare, se non animo occidendi id fecisse, sed v. g. casualiter; alias non evadit poenas homicidarum. Et *l. Si non convitit. C. de Injuriis*, ubi verba de sui natura injuriosa, praesumuntur animo injuriandi prolata, nisi contrarium probetur: nam *humanae aures verba nostra talia judicant, qualia foris sonant*, ut dicitur *can. Humanae aures*. 32. q. 5. His accedant dicta superius n. 84.
- 96 Additur notanter, nisi probetur contrarium. Quia ubi constat de maleficio, seu damno alteri illato; hoc ipso, quod prima facie istud praesumatur malo animo factum, onus probandi contrarium incumbit illi, qui asserit, se non malo animo id fecisse: ut puta probando, quod dederit operam rei licitae, et casualiter inde damnum proximo evenerit: vel allegando praesumptiones fortiores, quae praevalet praedictae praesumptioni de malo animo. Nam, quod contraria praesumptio possit tollere praesumptionem fraudis, patet ex *l. Item si obstetrix. §. fin. et l. Item Mala. §. 1. ff. Ad Leg. Aquilianam*; et notat Innocentius, et Abbas, ubi *supra*. Concordant dicta paulo superius n. 81. et 83.
- 97 Resp. II. Ex praeteritis praesumitur circa futura. Textus est in c. *Mandata*. 6. et c. *Scribam eis*. 9. h. t. ubi Summarium, Glossa, et DD. communiter. Hinc ex bona conversatione in adolescentia, praesumitur puer bonus futurus in aetate virili, ac senectute, c. *Ex studiis*. 3. h. t. ubi in hunc finem allegatur illud Proverb. cap. 20. *Ex studiis suis intelligitur puer.* Quamquam haec sit mera praesumptio, dum ex bona conversatione adolescentis, veluti ex idoneis argumentis, bonam de ipso concipimus opinionem in futurum, quo usque aliquid appareat in contrarium, juxta illud Proverb. cap. 21. *Adolescens juxta viam suam, etiam cum senuerit, non recedat ab ea.* Nam pro certo istud non possumus acire, juxta illud Salomonis Proverb. cap. 30. ubi post tria sibi difficilia (nempe post viam aquilae in caelo, viam colubri super petram, et viam navis in mari) quantum penitus se ignorare profitetur, videlicet *viam viri in adolescentia sua.* Glossa *fin. cit. cap. Ex studiis. h. t.* Unde *can. Omnis aetas*. 12. q. 1. legitur: *Nihil incertius, quam vita adolescentium.*
- 98 Deinde ex eo, quod ex praeteritis praesumatur circa futura, non praesumitur incontinens in senectute, qui in juventute vixit continens, donec probetur contrarium. Textus est in c. *Cum in juventute*. 15. h. t. ubi Glossa et Doctores communiter. Similiter ex vita hactenus pia, et in exacta observantia Coelestium mandatorum transacta, praesumere licet de subsequenti bona conversatione alicujus, cit. c. *Mandata*. 6. h. t. Quod intellige conformiter



proxime dictis de praesumptione rationabili, donec probetur contrarium, non de certitudine.

99 Insuper, atque in malam partem, ex praeteritis praesumitur in futurum, juxta c. *Scribam eis*. g. h. t. ubi illud S. Hieronymi super *Osee* cap. 8. refertur: *Ex prius datis, et neglectis apparet, quod has negligant*. Hinc Abbas *ibid.* circa princip. istud exemplificando inquit, esse notandum, quod diu negligens in praeterito, praesumitur, quod erit negligens in futuro: et qui negligenter studuit in Jure Canonico, praesumitur, quod negligenter studebit in Jure Civili. Atque ideo Praelatus non tenetur assidue monere perversum, seu negligentem, ex quo vehementer praesumere potest, se nihil profectorum: unde expedit quandoque tacere, ne mittat margaritas ante porcos, *can. Quando ergo*, 11. q. 3.

100 Concordat Reg. 8. Jur. in 6. *Semel malus, semper praesumitur esse malus*: intelligi, in eodem genere delicti, ut explicat Glossa *ibid.* in *Capo*, et nisi de emendatione appareat, *can. Ferrum*, dist. 50. Atque haec emendatio inter alia comprobatur, seu praesumitur ex eo, si criminosis per lapsum criminis ab improbe factis abstinuit, et in bonis honestisque actibus se exerceat, *Auth. de Monachis*. §. *Sancimus ergo Gollat*. 1. estque jam dictum supra *Tit. 20. De Testibus*. §. 2. n. 56. et 57.

101 His adde, quod ex praeteritis non solum praesumatur circa futura, sed etiam aliis modis, ac generatim tripliciter, ut notat Glossa in *cit. c. Scribam eis*. §. *Ex prius datis*. et Abbas *ibid.* numer. 1. h. t. Quandoque enim ex praeteritis praesumitur circa praeteritum: ut est exemplum *can. Quia sunt culpa*, dist. 28. ubi ex eo, quod mulier quaedam non fuerit virgo, atque post ordinationem Titii in Diaconum non assumpserit habitum religiosum, colligitur, quod non fuerit uxor illius Titii. Quandoque vero ex praeteritis praesumitur circa praesens: uti sit, quando quaeritur de fama alicujus; quia tunc praesumitur quis bonus, vel malus pro praesenti, secundum vitam suam de praeterito, nisi probetur mutatus, *arg. can. Quicumque*. et *can. Monachus vero*, dist. 77. Quandoque ex praeteritis praesumitur circa futura: ut *cit. c. Scribam eis*. et *c. Ex studiis*. et *c. Mandata*. h. t. cum similibus.

102 Quia etiam ex praesenti potest elici praesumptio, et quidem tripliciter. Quandoque enim ex praesenti praesumitur circa praesens: ut *can. Qui crimin.* 6. *quaest. 1.* ubi criminosis de praesenti, si accuset alterum, praesumitur non bono zelo accusare, atque ideoque repellitur. Quandoque ex praesenti praesumitur in futurum: ut *can. Si quis Diaconus*, dist. 30. cum similibus. Quandoque etiam ex praesenti praesumitur in praeteritum: ut *can. Cum per bellican.* 34. q. 2. Glossa, et Abbas *cit. c. Scribam eis*. h. t. et alii.

103 Resp. III. Praesumitur contra eum, qui subterfugit iudicium, et praesumitur pro illo, qui se offert iudicio. Textus est in *c. Nullus* 4. h. t. ubi Doctores communiter. Accedit ratio: quia in iudicio debet unicuique reddi, quod suum est, *l. Iustitia*. ff. de *Iustit. et jur.* Ideoque nullus dubitat (ut loquitur Pontifex in citato textu) quod ita iudicium nocens subterfugiat (diffidendo videlicet de iustitia suae causae, seu ne condemnator) quemadmodum ut absolvatur, qui est innocens, quaerit: quia nimirum confidit de iustitia suae causae, sicut se absolvendum sperat, ac desiderat. Concordat *can. Decernimus*. 3. *quaest. 9.* ubi dicitur: *Manifestum est* (praesumptive, ut explicat Glossa) confiteri eum de crimine, qui indulto, et toties delegato iudicio, purgandi se occasione non petit.

REIFFENSTUEL Jus Can. Tom. II.

Hinc fit, quod fuga cuiuspiam post patratum scelus, ferme semper contra fugientem faciat magnam suspicionem, seu praesumptionem: ut *l. Raptos*. §. *Sin autem post commissum*. ff. de *Episcop. et Cleric.* et *l. Impuberibus*. §. *Praeterea*. ff. de *Suspect. tutor.* ubi Glossa §. *Sententia sua*. Bartolus *l. Quis sit fugitivus*. §. *Sicuti*. ff. de *Edictio Edicto*. Jason in *Repetit. l. Admonendi*. numer. 167. ff. de *Iurjurand.* Farinacius lib. 1. *Praxis Criminal.* *quaest. 48. num. 1. et seqq.* Mascardus de *Probat. Concl.* 820. num. 1. et seqq. allegans plurimos alios: quamvis numer. 10. cum communi aliorum notet, quod licet fuga magnam suspicionem, seu praesumptionem causet, non tamen faciat semiplenam probationem.

Additur tamen, ferme semper contra fugientem facit praesumptionem etc. Fallit enim hoc, et fuga nullam facit praesumptionem contra fugientem, quando apparet alia causa, rationabilis discedendi: quia in dubio, quod benignius est, praeferrere debet; sicque fuga, seu discessio illa, in meliorem partem accipi; c. *Odia*. 15. de *Reg. Jur.* in 6. et *l. Merito*. ff. Pro *Socio*, cum similibus. Jason, ubi supra, num. 119. pluribus modis istud exemplificans. Mascardus *cit. Concl.* 820. num. 11. Farinacius *d. quae. 48. n. 44. et 55.* Pirhing *h. t. n. 31.* et alii, apud quos plura circa materiam de fuga.

Resp. IV. Qui ex duobus illatis, seu sibi objectis, unum duntaxat negat, alterum affirmare, seu tacite confiteri praesumitur. Ita Textus, Summarium, et Doctores in *c. Nonne bene*. 5. h. t. ubi S. Gregorius Homil. 18. in *Joan.* asserit, quod Christus Dominus *Joan. cap. 8.* cui duo illata fuerunt, unum negavit, alterum tacendo consensit.

Accedit ratio: quia, qui tacet consentire videtur, juxta Reg. 43. Jur. in 6. quae Regula procedi praecipue in facto concupiscibili, et honorabili, secundum Glossam in *c. Is, qui tacet*. eod. in 6. quale factum honorabile, juxta verum sensum fuerat, quod Christus sit Samaritanus, quod interpretatur Custos, ut explicat D. Gregorius *loc. cit.* Alias vero diligenter considerandae sunt circumstantiae, quae tales esse possunt, ut isthaec praesumptio locum non habeat: nam, ut alia taceatur, si per meam prohibitionem prohibere non possum illud, quod sit, tunc taciturnitas mihi non obest, nec censor consentire, *l. Saeppe*. ff. de *Re judicat.* ac notat Glossa *cit. c. Nonne bene*, §. *Tacendo*. h. t.

Resp. V. Vicinus praesumitur scire ea, quae sunt gesta in vicinia. Ita Textus, Summarium, Glossa et Doctores in *c. Quosdam*. 7. h. t. Quamquam hoc esse intelligendum de factis illis, quae sunt communiter nota in loco illo, adeo, ut tunc non facile sit admitte-ndus, volens probare ignorantiam per proprium juramentum; recte notet Abbas *cit. c. Quosdam*. num. 3. h. t. et Menochius de *Praesumpt. lib. 6. praesumpt. 24. num. 10.* allegans alios. Secus, quando factum vicini non est communiter notum in loco: quia tunc creditur ipsi suam ignorantiam alleganti, juxta Reg. 47. Jur. in 6. *Praesumitur ignorantia, ubi scientia non probatur*. Dummodo quis ex officio suo non tenebatur investigare: quia in isto praesumeretur scientia, *arg. c. Innotuit*. 20. de *Election.* ac notat Abbas *cit. n. 3.*

Huc accedit alia Praesumptio, de qua fit mentio *c. Quanto*. 8. h. t. videlicet, quod praesumitur factum notum in vicino loco, quod est notum in remoto. Quia tamen concurrentibus certis circumstantiis haec ipsa praesumptio potest fallere, hinc contra eam admittitur probatio in contrarium: licet enim sit praesumptio juris, non tamen est praesumptio juris et de jure. Glossa *cit. c. Quanto*. §. *Non potuit* et Abbas *ibid. n. 1. h. t.* et alii.

110 Possent hoc loco etiam adduci quaedam Praesumptiones Juri Civilis, quarum plures refert Guido Papae *Tractatum* tom. 4: tract. de Praesumptionibus; ac praesertim Andreas Alciatus eod. Tom. 4. *Tract. de Praesumptionibus*, ubi universim sub tribus distinctis Regulis centum triginta quatuor ejusmodi praesumptiones allegat, fuseque explicat. Verum ne videamur saltem mittere in messem alienam, harum explicatio convenientius relinquatur Juri Civilis Interpretibus: poterit etiam, si placuerit, videri Jacobus Menochius in suo praecelsissimo Tomo de Praesumptionibus, ubi de his per integros sex libros eruditissima discurret.

## TITULUS XXIV.

## De Jurejurando.

## 1. Ratio continuationis Rubricarum.

Quia in defectum aliarum probationum saepe saepius recurritur ad Juramentum; non immerito nunc agitur de Jurejurando: nam maximum remedium expediendarum litium est juramentum, L. 1. ff. de Jurejurand. et amplius patebit ex dicendis. Agitur autem in praesenti Titulo non tantum de Juramento judiciali, quod est species quaedam probationis, sed etiam de aliis juramentum concernentibus: quorum tamen plura, praesertim Forum conscientiae respicientia, commodius ad Theologiam Moralem remittuntur.

## §. I.

De natura, et divisione Juramenti; et: qualiter sit licitum?

## SUMMARIUM.

- 1 Jurare quid?
- 2 Juramenti nomine, quid intelligatur? Ibid.
- 3 Appellatur etiam Jusjurandum, et Sacramentum: Et cur Ibid.
- 4 Juramentum, quid?
- 5 Ejus finis immediatus, est confirmatio rei dubiae.
- 6 Dividitur varie; ac praecipue in assertorium, et promissorium.
- 7 Juramenti assertorium, et promissorium, quid?
- 8 Ad juramentum promissorium duplex requiritur veritas.
- 9 Utriusque varie subdividitur. Et num. seqq.
- 10 Juramentum simplex, et solenne.
- 11 Juramentum per execrationem, et per simplicem Dei contestationem.
- 12 Juramentum extrajudiciale, et judiciale, quid?
- 13 Juramentum judiciale varie dividitur. Et num. seqq.
- 14 Juramentum calumniae.
- 15 Juramentum malitiae, et
- 16 Juramentum de veritate dicenda; quid?
- 17 Juramentum decisorium litis, quid, et quotuplex?
- 18 Juramentum in litem, quid?
- 19 Juramentum istud est aestimatorium. Ibid.
- 20 Estque triplex: nempe,
- 21 Juramentum in litem de veritate. Ibid.
- 22 Juramentum in litem de affectione; et
- 23 Juramentum in litem de interesse; et quid?
- 24 Juramentum in litem deferitur solum ratione doli, non ratione culpa.
- 25 Culpa, et Dolus, apud Jurisperitos, quid?
- 26 Culpa lata aequiparatur dolo. Ibid.

21 Juramentum judiciale aliud est Testium, aliud Judicis, Advocatorum, Tutoris etc.

22 Juramentum an sit licitum, praesertim Sacerdotibus, ac Religiosis? Et num. seqq.

Juramentum debite factum est licitum, et actus Religionis. Ibid.

23 Non tamen est de genere eorum, quae per se bona sunt, et frequentanda.

Consuetudo incaute jurandi, est periculosa. Ibid.

24 Ad juramentum, ut sit licitum, tres requiruntur comites, nempe Veritas, Judicium, et Justitia: idque declaratur.

25 His concurrentibus licite juratur, etiam per Sacerdotes, ac Religiosos.

26 Sine justa causa jurare etiam verum, ad minus est peccatum veniale.

27 Sacerdotes in levi causa non sunt compellendi ad jurandum.

Possunt tamen jurare in causis necessitatibus, sicut et Religiosi. Ibid.

28 Christus Matth. cap. 5. prohibuit jurare per creaturas.

Si tamen juretur per creaturas, servandum est juramentum. Ibid.

29 Explicatur dictum Salvatoris, Matth. cap. 5. Et num. praeced. ac seq.

30 Juramentum est a malo: et quomodo?

31 Jacob. cap. 5. non prohibetur juramentum simpliciter, sed voluntas jurandi incaute, et sine causa.

Quaeritur I. Quid; et quotuplex sit Juramentum? Resp. I. Jurare, est aliquid teste Deo dicere. Juramentum vero est vox jurantis, seu actus illo, quo juratur teste Deo. Ita Glossa in Summa, caus. 22. q. 1. Abbas ad Rubric. h. t. nu. 1. et alii. Igitur Juramenti nomine in proposito intelligitur actus Religionis, quo quis Deum in testem adhibet ad confirmationem eorum, quae affirmat, vel promittit: eaque ratione profitetur, Divinam veritatem esse indefectibilem. Atque istud in Rubrica praesentis Tituli appellatur Jusjurandum, id est, jus quod est jurandum: quia videlicet juramentum est jure faciendum, concurrentibus tribus ejus comitibus, veritate, judicio et justitia; prout requiritur Jere. cap. 4. ac infra num. 24. amplius declarabitur. Dicitur etiam in Jure non raro Sacramentum, quasi per sacra astringamentum, uti explicat Abbas loc cit. eo quod Juramentum fiat per res sacras, nempe invocando Deum in testem, vel etiam tangendo sanctum Evangelium, aut alias res sacras: vel appellatus. Sacramentum tangere, quasi rei sacrae signum, prout notat idem Abbas cap. 2. not. 2. de Probatione.

Resp. II. Juramentum recte definitur, dicendo: Juramentum est invocatio Divini Nominis in testimonium alicujus rei. Ita D. Augustinus de Serm. Dom. in Monte. cap. 17. Quae definitio in re non differt ab ea, quam tradit Hostiensis in Summa. h. l. §. 1. n. 1. et Abbas ad Rubric. h. t. nu. 1. dicendo: Juramentum est assertio, vel negatio de aliquo bono, licito, et possibili, sacrae rei attestatione firmata. Ratio est: quia finis immediatus usus juramenti, est confirmatio rei dubiae, seu controversiae per obtestationem alicujus majoris, nempe Dei; juxta illud Hebrae. cap. 6. Homines enim per majorem sui jurant: et omnis controversiae eorum finis, ad confirmationem, et juramentum.

Resp. III. Juramentum varie dividitur: prout notat Glossa ad Rubric. ff. de Jurejurand. Inter alias tamen ejus divisiones praecipua est illa, qua Juramentum dividitur in assertorium, et promissorium. Ita Scotus in 3. dist. 39. quaest. un. Hostiensis

in Summa, h. t. num. 3 Pirhing cod. m. 12. et alii. Ratio est: quia aut juramentum fit ad fidem veritatis narratae astruendum illi, qui audit: aut fit ad promissionem firmandam, qua alteri vel sponte vel ex ejus impulsu quidpiam promittimus. Atqui prius juramentum est assertorium, posterius promissorium; ergo. Itaque

5. *Juramentum assertorium* est, quo simpliciter sine aliqua promissione per obtestationem Dei aliquid affirmamus, vel negamus. *Juramentum promissorium* vero dicitur, quod ad confirmationem promissionis, seu contractus, aut pacti alicujus corroboracionem adhibetur.

6. Atque ad hoc juramentum promissorium duplex requiritur veritas: una intentionis, seu veritas dicti, qua jurans verum existimat esse id, de quo jurat. Et altera executionis, seu veritas facti, qua quis in animo habet servare illud, quod promittit, atque tempore servat. D. Thomas 2. 2. quaest. 89. art. 7. Sanchez lib. 3. in Decalog. cap. 4. n. 2. Engel h. t. n. 6. atque egomet ipse jam dixi in Theolog. Moral. Tract. 6. Dist. 2. n. 4. et n. 17. ac seqq. plura de obligatione Juramenti promissorii subjungendo.

7. Resp. IV. Juramentum tam assertorium, tum promissorium, ulterius dividitur in simplex, et solemne: item in Juramentum per simplicem Dei contestationem, et per execrationem: et in Juramentum extrajudiciale, et judiciale. Ita communis; ac probatur inductione, seu declarando terminos. Siquidem

8. *Juramentum simplex* dicitur omne illud, quod solennione non est. *Juramentum solemne* vero, quod per certam verborum formulam, vel corporalem aliquam rei, v. g. Sacri Evangelii attactum, perficitur coram legitimo Superiore, ut majorem auctoritatem, aestimationemque habeat: quale potissimum solet fieri in Judiciis, in Professione Fidei, in Homagiis, ac Juramento fidelitatis, et hujusmodi.

9. *Juramentum per execrationem* (quod speciali nomine *Juramentum execratorium* appellatur) est illud, quo jurans sibi ipsi, vel alicui alteri sibi clero, mali quidpiam a Deo falsitatis vindice imprecatur, nisi verum sit, quod asserit aut promittit. *Juramentum per simplicem Dei contestationem* econtra censetur omne illud, quod fit absque tali execratione.

10. *Juramentum extrajudiciale* dicitur, quod fit extra judicium. *Juramentum judiciale* vero, quod praestatur in judicio. Atque istud rursus vario subdividitur, prout illico amplius dicetur: quamvis quodlibet horum commodum reduci valeat ad Juramentum assertorium, vel promissorium, veluti praecipuam divisionem Juramenti ut sic. Proinde.

11. Quaeritur II. Qua ratione dividatur Juramentum judiciale? Resp. I. Juramentum judiciale, prout respicit partes litigantes, dividitur in juramentum calumniae, juramentum malitiae, et juramentum de veritate dicenda. Ita in re communis: et patet ex dictis supra Tit. 7. De Juramento calumniae. §. 1. n. 2. 6. et 9. ubi de isto triplici Juramento expresso agitur. Siquidem

12. *Juramentum calumniae* dicitur, quod praestatur tam ab Actore, quam Reo, ab initio post litem contestatam super tota causa: quo videlicet jurant, se bona fide, et sine animo calumniandi agere, et respondere velle; id est, quo jurant se credere, quod bonam ac justam causam litigandi habeant, quodque interrogati velint veritatem dicere, noluntque ullam dilationem non necessariam petere, et hujusmodi, de quibus Glossa cap. 1. de Jurament. calumn. §. Calumniae Juramentum.

13. *Juramentum malitiae*, de quo fit sermo cap. 2. de Jurament. calumn. in 6. vocatur illud, quod non

super-tota causa, sed super singularibus quibusdam articulis, sive ante, sive post litem contestatam praestandum venit, quoties articulus ille videtur Judici de malitia suspectus: sive quoties praesumptio est contra aliquem, quod quid malitiose proponat. Unde patet hujus juramenti differentia a Juramento calumniae: nam, ut taceatur aliae differentiae, de quibus jam dictum supra cit. Tit. 7. n. 8. Juramentum calumniae (nisi tacite remittatur) est praestandum circa initium post litem contestatam, simulque super tota causa: secus est in Juramento malitiae; quamvis tam hoc, quam illud, solet esse juramentum de credulitate.

*Juramentum de veritate dicenda* illud appellatur, quod fit super scientia, seu veritate, quam quis scit, dicenda. Unde Juramentum hoc, stricte loquendo, cadit super scientiam, et non mere super credulitatem nostram; prout cit. Tit. 7. nu. 9. et seqq. uberius declaratur.

Resp. II. Juramentum judiciale, prout respicit decisionem causarum, dividitur in Juramentum decisorium litis, et in Juramentum in litem: quorum utrumque rursus subdividitur. Ita communis: et patet inductione. Siquidem *Juramentum decisorium litis* dicitur illud, per quod deciditur lis principalis. Atque istud subdividitur in voluntarium, judiciale (intellige, de juramento judiciali specificè sumpto) et necessarium, prout amplius declarabitur infra, §. 5. n. 13. et seqq.

*Juramentum in litem* econtra dicitur, per quod deciditur aestimatio rei. Unde Juramentum istud est aestimatorium, prout notat Jason ad Rubric. Tit. ff. De in litem jurando. n. 1. ubi de hoc juramento habetur integer Titulus, de in litem jurando, inscriptus. Tale Juramentum in litem est illud, quod probata violentia sibi illata, solet damnum passis Juxta deferre super rebus amissis, earumque valore: prout habetur cap. ult. De iis, quae vi metusve causa etc. et l. Si quando. C. Unde vi. Quo utroque in loco statuitur, ut si quis legitime probaverit, violentiam sibi factam, nec tamen singula ablata liquido probare valeat, eo quod difficile sit probare, singula utensilia, et alia minuta ab hoc sibi ablata fuisse: tunc Juxta inspecta personarum, et negotii qualitate, debet damnum illatum taxare, et postea damnum passis juramentum super rebus amissis, earumque valore deferre, quod videlicet tantum et non minus sibi ablatum fuerit; stabiturque ejus juramento usque ad quantitatem taxatam: prout etiam Lib. 1. Tit. 40. De iis, quae vi metusve causa etc. nu. 13. ac seqq. jam dictum fuit. Et hujusmodi juramentum appellatur *Juramentum in litem*.

Porro Juramentum in litem est triplex, prout observat Jason loc. cit. num. 2. et Pirhing h. t. num. 18. Primum dicitur *Juramentum in litem de veritate*: seu quod deferretur spoliato, aut damnum passis super vera aestimatione, seu valore rei per vim, aut dolum alterius amissae; ut cit. l. Si quando. C. Unde vi. et cap. ult. De iis, quae vi metusve causa etc. estque proxime dictum.

Secundum appellatur *Juramentum in litem de affectione*: seu ubi damnum passis vi, aut dolo alterius, permittitur jurare non tantum de vero pretio rei sibi dolo ablatae, vel destructae; sed etiam, quantum res illa valebat juxta suam affectionem. Exemplum sit: Tu mihi dolo abastulisti, aut destruxisti librum valentem 20., sed quia ille mihi percharus fuit ob annotationes magno labore meo in ipso factas, ipsum non dedissem pro 20., tunc Juxta in odium dolosi, aut contumaciter restituere recusantis, praevia sua taxatione, ut supra (ne alias in immensum jurare liceat) potest mihi iniuste spoliato deferre juramentum, quo juxta pri-



volam etiam meam affectionem, atque utilitatem, possim librum illum aestimare, et jurare, quod ipsum non de-lissem pro 20. l. Videamus, §. Deferre. juncta Glossa §. Ex magna causa. ff. De in litem jurando.

- 19 Tercium dicitur Juramentum in litem de interesse: seu quod praestatur ratione interesse singularis extra rem. Exemplum sit: Deposui penes te pecuniam, quam post lapsum temporis, aut sententiam Judicis debuisti mihi restituere; sed quia ipsam dolose non restituisti, passus sum grave damnum, v. g. perdidisti pignora mea sub usuris, aut crescente interim pretio frumenti gravem laesionem incurri: isto casu debet Judex propter dolum, seu contumaciam non solventis, deferre mihi juramentum in litem; non quidem de veritate, quia constat de quantitate pecuniae apud te depositae, neque de affectione, quia in nummis non cadit singularis affectio. l. Nummis. ff. De in litem jurand. sed de meo interesse singulari extra rem; hoc est, ut ego jorem in litem secundum aestimationem damni, quod passus sum per hoc, quod pecuniam debito tempore dolose non restituisti, cit. l. Nummis. §. Nisi forte. et Jason, ubi supra, n. 4.

- 20 Additur tamen, dolose etc. Quia Juramentum in litem, quo creditur Actori quantum in litem juraverit, defertur solum ratione doli (puta, quia Reus vi abstulit, aut contumax est in restituendo, vel hujusmodi) non item ratione culpa, l. 2. et l. in actionibus. ff. De in rem jurand. Nam Culpa apud Jurisperitos idem est, ac ommissio aliquis diligentiae, unde sequitur quodpiam damnum proximo: et haec postea subdividitur in latam, levem, et levissimam. Dolus autem dicitur omnis calliditas, fallacia, et machinatio, ad circumveniendum, fallendum, et decipiendum aliorum adhibita, l. 1. ff. de Dolo malo. Quamquam Culpa lata, seu quae est ommissio ejus diligentiae et circumspeditionis, quam passim homines ejusdem conditionis adhibere solent, in jure dolo equiparetur, l. 1. ff. Si mentor falsum etc. etsi proprie dolus non sit.

- 21 Resp. III. Juramentum judiciale sub diversis aliis respectibus adhuc varie dividitur. Ita Glossa ad Rubric. ff. de Jurejurand. et patet inductione. Nam aliud est Juramentum testium; et hoc est de veritate dicenda, l. Jurejurando. C. de Testib. et alibi. Aliud est Juramentum Judicis, et Advocatorum, de rite praestando officio suo, l. Rem non novam. C. de Judiciis. Aliud est Juramentum Tutoris, qui est creditor, vel debitor Pupilli, Auth. ut ii, qui obligatas et c. Collat. 6. Aliud purgationis Canonicae, c. Quoties. de Purgation. Canon. Taceatur alia hujusmodi juramenta, utpote quae superfluum foret hoc loco recensere.

- 22 Queritur III. An juramentum sit licitum, praesertim Sacerdotibus, ac Religiosis? Resp. I. Juramentum debite factum, ex se malum non est, sed potius actus virtutis Religionis. Ita D. Thomas 2. 2. quæst. 89. art. 4. asserens, juramentum esse actum Religionis, sive Patriae; et communis totius Theologorum, tum Canonistarum. Idque patet ex illo Deuteronom. cap. 6. ubi praecipitur: Dominum Deum tuum timebis, ac per nomen illius jurabis. Et Psalm. 62. Laudabunt omnes, qui jurant in eo, cum similibus. Accedit ratio: quia hoc ipso, quod homo per Deum jurat, proficitur Deum esse potius, utpote cujus veritas est indefectibilis; sicque Deum veracissimo exhibet quamdam reverentiam: atqui exhibere Deo reverentiam, est actus Religionis, seu Patriae; ergo.

- 23 Additur notanter, juramentum debite factum. Quia juramentum non est de genere eorum, quae per se bona sunt, et frequentanda; ut est Oratio,

Eleemosyna, et hujusmodi: sed quae bona sunt donatae supposita vera necessitate, sed causa rationabili; prout explicat D. Augustinus Lib. 1. de Verbis Domini in Monte. Unde consuetudo incaute jurandi multum est periculosa, graviter perstringitur in Sacra Scriptura: ut Ecclesiastici cap. 23. Jurationi non assuecat os tuum, multi enim casus in illa. Et iterum ibidem: Vir multum jurans, implebitur iniquitate, cum similibus. Itaque

Resp. II. Ad juramentum, ut sit licitum, et opus bonum, actusque Religionis, tres requiruntur conditiones, tanquam comites ipsius, nempe Veritas, Judicium, et Justitia; juxta illud Jerem. cap. 4. Jurabis, vivit Dominus, in veritate, judicio, et justitia. Et quidem Veritas in eo consistit, ut veracissimi Nominis testimonium non adducatur in attestationem falsi, seu mendacii: alioquin foret perjurium, et gravissimum peccatum mortale. Justitia consistit in hoc, quod aequissimi Nominis testimonium non adducatur in confirmationem rei iniquae, et peccato obnoxiae. Judicium vero, seu judicii discretio consistit in eo, ut com prudenti intellectus consideratione, ac pia et reverenti voluntatis affectione, non sine necessitate, aut magna utilitate juretur: prout jam dixi in Theolog. Moral. cit. Tract. 6. Dist. 2. quæst. 2. numer. 12. ac seqq. ubi plura huc attinentia videri possunt.

Resp. III. Ex causa necessitatis, seu concurrentibus hisce tribus juramenti comitibus, licito etiam per Sacerdotes, et Religiosos juratur. Ita communis omnium: atque habetur expresse decretum c. Etsi Christus 26. h. t. ubi etiam Pontifex solvit contraria, ob quae nonnulli Religiosi, velati vitae perfectioris aemulatores, timebant deponere juramentum judiciale in causis suae Ecclesiae. Accedit ratio: quia, ut proxime dictum est, juramentum debite factum, seu quod habet tres comites suos, nempe veritatem, judicium, et justitiam, est licitum, et actus Religionis, atque in Sacra Scriptura commendatur, ergo non est ratio, cur Clericis, atque Religiosis censetur esse illicitum. Quia imo non esse credendum testi, etiam Religioso, qui sine juramento deponit, habetur c. Nuper nobis 51. de Testib. Similiter Clerici in causis Ecclesiae suae, imo et in propriis suis causis praestant juramentum calumniae; ut cap. 1. et c. Coetorum. de Jurament. calumnia. Sicut et Episcopus, si per se ipsum eligit litigare, idem juramentum praestare debet, sed propositis tantum, non vero tactis Evangeliiis, cap. ult. §. 1. eod.

Additur notanter in Conclusionibus, ex causa necessitatis etc. Nam hac cessante, sed siue jura causa jurare etiam verum, ad minus est peccatum veniale: quia non caret irreverentia quodam, Deum imprudenter adducere in testimonium rei, licet caeteroquin verae; pugnatque istud contra altissimam conditionem ad juramentum requisitam, quae est judicium.

Unde et Sacerdotes in loci causa non sunt ad jurandum compellendi per Judicem; sed vice juramenti, per sanctam conservationem interrogantur: quia Sacerdotes (ideinque dicendum de Regularibus, utpote specialius ad perfectionem Evangelicam aspirantibus) ex gravi causa jurare non debent; prout loquitur textus in can. Si quis Presbyter. 2. quæst. 5. allegato illo Salvatoris Matth. 5. Nolite omnino jurare, Sit autem sermo vester, Est est: Non, non. Verumtamen in casu necessitatis, seu magnae utilitatis (ut puta, ad sui purgationem, vel probandam alterius innocentiam, aut tuenda sua, vel Ecclesiae suae jura, quae alioquin ex defectu probationum graviter laedi possent, ac hu-

(jasmodi) bene possunt jurare etiam Sacerdotes, ac Religiosi.

- 28 Dices. Christus Dominus Matth. cap. 5. dixit nobis, *Non jurare omnino, neque per coelum, quia thronus Dei est, neque per terram etc. Sit autem sermo vester, Est, est: Non, non: quod autem his abundantius est, a malo est: ergo nunquam licitum est jurare.* Resp. negand. consequent. Quia, ut optime declarat Pontifex cit. c. *Etsi Christus h. t.* praedictis verbis Christus Dominus non prohibuit juramentum per Creatorem (nam et Angelus legitur jurasse per viventem in saecula saeculorum, *Apocal. cap. 10.* et Apostolus quoque jurabat per Deum, cum *Rom. cap. 1.* diceret: *Testis est mihi Deus:*) sed quia juramentum est actus Religionis, et Latitiae, ut dictum n. 32. prohibuit jurare per creaturas, puta, per coelum, per terram, ac hujusmodi: *Ne per hujusmodi juramentum transferretur ad creaturam honorificentia Creatoris:* prout loquitur textus, et amplius probat Glossa *ibid.* §. *Creaturam.* Quamvis autem (subdit Pontifex) non sit jurandum per creaturam, si tamen juretur per creaturam, servandum est juramentum, dummodo sit licitum, quod juratur: quia teste Veritate, qui jurat in Coelo, jurat in Throno Dei, et in eo, qui sedet super illum.

- 29 Nec obstat illud, quod Salvator, ubi supra, subiunxit: *Sit autem sermo vester: Est, est: Non, non etc.* Nam contra est: quia ipsemet Christus Dominus legitur in Evangelio plus dixisse, quam ista verba, dum *Lucan. cap. 4.* post illa verba, *Amen dico vobis, quia nemo propheta acceptus est in patria sua,* illico subiunxit: *In veritate dico vobis, multa viduae erant in diebus Helias in Israel etc.* Unde patet illis verbis non prohiberi juramentum absolute, ac veluti per se malum, cum sit confirmatio veritatis; et si debite fiat, videlicet in veritate, iudicio atque justitia, a Deo sit commendatum, *Jerem. cap. 4.* et alibi. Quamvis prohibeatur frequens, et incauta juratio, utpote ex qua saepe contingit perjurium, una cum aliis delictis, juxta illud *Ecclusiastici cap. 23.* jam allegatum: *Vir multum jurans, replebitur iniquitate.*

- 30 Neque ulterius urgent illa verba Salvatoris immediate subjuncta: *Quod autem his abundantius est, a malo est.* Nam Salvator non dixit, *malum;* sed dixit: *a malo.* Quia, quod amplius est, id quidem a malo est, videlicet ab incredulitate audientium (nam si isti crederent, opus non foret pluribus verbis, multo minus juramento) non tamen est malum, si debite fiat. Quin imo, licet juramentum sit a malo, juxta allegata verba Salvatoris, nihilo minus est a malo, non iam culpae, quam poenae; nec exhibentium, sed exigentium juramentum: nam horum incredulitas magis est poena, quam culpa, et inquit Pontifex in cit. c. *Etsi Christus h. t.* Siquidem in statu Naturae laesae, et exerceato hominum malitia, simplici assertioni, vel negationi, vix creditur: imo locum habet illud *Ecclusiastici, cap. 19.* *Qui cito credit, levis est corde.*

- 31 Urgebis. In Epistola Canonica S. Jacobi Apostoli, *cap. dicitur: Ante omnia autem, fratres mei, nolite jurare etc.* ergo nunquam licitum est juramentum, ponderando ly, *ante omnia nolite.* Resp. negand. consequent. Quia, uti declarat ly, *Nolite,* atque interpretatur Pontifex in cit. c. *Etsi Christus. §. Jacobus. h. t.* hisce verbis non simpliciter prohibetur juramentum, sed voluntas jurandi, videlicet incaute, et sine legitima causa. Siquidem ad juramentum non debet quemquam spontanea voluntas inducere, sed necessitas trahere importuna: et tunc potest quis sine culpa jurare id, quod caeteroquin est justum, ac verum.

§. II..

De interpretatione Juramenti, et conditionibus eidem tacite inexistentibus.

## SUMMARIUM.

- 32 Juramentum est stricti Juris, strictoque interpretandum.
- 33 In Foro animae juramentum interpretatur secundum intentionem jurantis. Et si de hac non constet, interpretatur stricta. *Ibid.*
- 34 Solvitur instantia. Favor juramenti, et reverentia ipsi debita, in quo consistat? *Ibid.* et n. 55.
- 35 Juramentum praestitum circa materiam Juris, interpretatur secundum dispositionem Juris communis. Idque varie exemplificatur. *Ibid.* et num. seqq. Non obstante juramento de rebus Ecclesiae non alienandis, potest Episcopus novam Ecclesiam aedificare, si populus ea indigeat. *Ibid.*
- 36 Jurans in omni causa servare ordinem judicium, non tenetur hanc servare in notariis. Juramentum generale debet ita intelligi, si fieri potest, ut non obviet Juri. *Ibid.*
- 37 Qui jurato promisit iudicio sisti, potest ex concessa causa illud deserere.
- 38 Clericus, qui juravit perpetuam residentiam, potest in casibus a Jure permissis abesse.
- 39 Qui juravit parere Juri, vel mandatis Ecclesiae, potest ob injustum gravamen licite appellare.
- 40 Et qui juravit consilium, vel secretum alterius nulli revelare, tenetur solummodo celare consilium ipsius honestum; non vero malum, et Reipublicae perniciosum.
- 41 Juramentum de servando secreto, v. g. Capituli, Concilii etc. qualiter sit intelligendum, atque obliget?
- 42 Juramentum promissorium in materia levi violatum, continet dumtaxat peccatum veniale.
- 43 Juramentum Episcoporum, Canonicorum, et aliorum ad Dignitates, vel Officia promotorum; item juramentum Capitulorum, Collegiorum, Universitatum etc. jurantium servare propria Statuta, qualiter interpretandum? Statuta haec, sicut et juramenta ipsis apposita, interpretantur secundum Jus commune; atque obligant juxta subjectam materiam mortaliter, vel venialiter. *Ibid.*
- 44 Juramentum an sit interpretandum secundum intentionem jurantis, vel illud recipientis? Et num. seqq. Bona fide generaliter praestitum interpretatur secundum intentionem jurantis, nec extenditur ad incogitata. *Ibid.*
- 45 Juramentum generaliter prolatum debet civili modo intelligi.
- 46 et 47. Idque exemplificatur.
- 48 Si jurans fuit in dolo, tunc juramentum ejus interpretatur, atque obligat juxta intentionem recipientis. Et num. seqq.
- 49 Fraus, et dolus, alieni patrocinari non debent.
- 50 In Juramento assertorio nulla conditio subintelligitur.
- 51 In juramento tamen promissorio, quamvis absolute facto, quaedam tacite subintelliguntur conditiones. Et num. seqq.
- 52 Nempe I. Si potero: vel, si Deo placuerit. Ad impossibile nemo tenetur: et hoc qualiter intelligendum? *Ibid.*
- 53 II. Salvo jure, et auctoritate Superioris.

54 III. Si non is sponte remiserit, in cujus favorem juratum est.

*Invito beneficium non tribuitur. Ibid.*

55 Juramentum in favorem hominis factum Deus non acceptat, nisi in ordine ad hominem.

56 Juramentum dandi certam elemosinam pauperibus in genere, an possit a paupere aliquo remitti?

57 IV. Si res in eodem statu permanserint.

58 V. Si et altera pars fidem servaverit.

59 Conditiones illae, quas tacite, sen-do jure insunt, non faciunt actum conditionatum: bene tamen conditiones extrinsecas.

60 Juramentum servandi Statuta edita, non extenditur ad Statuta imposterum edenda.

61 Etiam si quis promittat, vi juramenti antea praestiti eadem servare.

62 Juramentum etiam absolute praestitum servandi Statuta, non extenditur ad futura, nisi exprimatur?

63 Et ratio hujus.

64 Limitatur istud, quando posterius Statutum venit ad declarationem prioris duntaxat.

65 Solvuntur contraria. Et num. seqq.

*Hypotheca rerum suarum, etiam ad futuras res producitur. Ibid.*

66 Indefinita locutio aequipollet universali, et quando? Et num. praeced.

67 Disparitas inter hypothecam, et juramentum.

68 Juramentum a Judice delatum Reo, et juramentum tertium, qualiter sit interpretandum? Remissive.

32. Quaeitur I. Quomodo Juramentum sit interpretandum Resp. I. Juramentum est stricti juris, stricteque interpretandum propter periculum animarum, atque ad evitandum perjurium. Ita Abbas c. Clericus. num. 2. h. t. Suarez lib. 2. de Jurament. cap. 32. num. 7. Pirhing h. t. numer. 102. cum communi. Idque desumitur ex c. Cum Clerici. 19. de Verb. signif. ubi juramentum a quopiam editum, stricte per Papam interpretatur. Accedit ratio: quia ubi de inducenda obligatione agitur, stricta debet fieri interpretatio, juxta c. Odia restringi. 15. de Reg. Jur. in 6. cum similibus. Unde si quaedam reperitur obscuritas, juramentum interpretatur pro favore jurantis; atque illud, quod palam verbis expressum non est, censetur omissum, l. Quidquid astringendae. ff. de Verb. obligat. ibi: Quidquid astringendae obligationis causa dictum est, id nisi palam verbis exprimatur, omissum esse in colligendum est: aut certe secundum promissorem interpretandum.

33 Atque istud vel maxime procedit pro Foro externo: nam in Foro animae juramentum interpretatur secundum intentionem jurantis, juxta illud 1. Regum cap. 16. Homo videt ea, quae parent, Dominus autem intuetur cor. Unde D. Gregorius, relatus can. Humanas aures. 22. q. 5. sic loquitur: Humanas aures verba nostra talia judicant, qualia foris sonant: Divina vero judicia, talia ea audiunt, qualia ex intimis proferuntur. Quod si tamen de ipsa jurantis intentione non constet, tunc etiam in Foro animae, ac poenitentiali, juramentum stricte est interpretandum, ob dicta num. praeced.

34 Neque obstat favor juramenti, atque reverentia eidem debita. Siquidem favor juramenti, ac reverentia ipsi debita, principaliter consistit in eo, quod sit verum, justum atque rationabile; sicque habet tres comites suos, veritatem nimirum, judicium atque justitiam, juxta Jerem. cap. 4. Non autem, et ad plura extendatur, atque in dubio amplietur: quia imo, quo benignior fuerit interpretatio jura-

menti, eo facilius observabitur, magisque evitabitur ipsius violatio, seu perjurium.

Resp. II. Quando juramentum est praestitum circa materiam juris (hoc est circa illa, de quibus Jus ipsum quid disponit) tunc illud est interpretandum secundum dispositionem Juris Communis, neque ultra extendendum. Ita Glossa in cap. 1. §. Declaramus. h. t. in 6. Innocentius c. Per tuas litoras. circa med. de Arbitris. Abbas c. Tua nos. n. 4. de Eccles. aedificand. Layman lib. 4. Theolog. Moral. tract. 3. cap. 9. num. 2. Pirhing h. t. num. 107. et alii. Idque desumitur ex cit. c. Tua nos. 6. de Eccles. aedificand. ubi non obstante juramento de rebus Ecclesiae non alienandis, potest Episcopus novam Ecclesiam aedificare, si populus ea indigeat: quia hoc ipsum est de Jure Communi, c. Ad audientiam 3. eod. sicque juramentum illud Episcopi est interpretandum juxta Jus Commune, ac proinde casus iste in juramento illo censetur tacite exceptus.

Concordat c. Ad nostram. 21. h. t. ubi jurans, quod in omni causa debeat observare ordinem judicarium, non tenetur vi juramenti ipsum servare in manifestis, ac notoriis: siquidem spectato Jure Communi manifesta accusatione non indigent, can. Manifesta. 2. q. 1. etc. Evidentia. de Accusation. ac proinde etiam illud juramentum, utpote interpretandum secundum Jus Commune, casum hunc de manifestis non comprehendit. Accedit ratio ibidem allata: quia sic jurans non habebat in mento, ut propterea veniret contra Canonicas Sanctiones: Alioquin non juramentum, sed perjurium potius extitisset: nec esset aliqua ratio servandum. Haec Pontifex pro interpretatione dicti juramenti. Ubi proinde Summarium ex Abbate desumptum, sic loquitur: Juramentum generale debet ita intelligi, si fieri potest, ut non obviet Juri; alias tanquam temerarium non obligat contra Juris observantiam.

Huc etiam facit textus in L. ult. ff. Qui satisfacere cogantur, ibi: Qui jurato promisit iudicio sisti, non videtur pejerasse, si ex concessa causa hoc deseruerit. Atque ratio horum generalis est: quia in quolibet juramento promissorio tacite subintelligitur, atque ipso jure inest conditio illa, Salvo jure, et auctoritate Superioris (puta, supremi Legislatoris) c. Venientes. 19. h. t. atque amplius n. 33. dicetur. Unde consequens est, quod juramentum conformiter menti Legislatoris, per Jus commune manifestatae, interpretari debeat, ne alias veluti temerarium rejici debeat.

Eadem Conclusio amplius declaratur exemplis, atque casibus specialibus. Sic imprimis Clericus, qui juravit perpetuam residentiam, potest in casibus a Jure permissis abesse, v. g. pro servitio suae Ecclesiae, c. Ex parte. 13. de Cleric. non resident. Vel ex causa infirmitatis, sen justae et rationabilis corporalis necessitatis, cap. un. eod. in 6. cum similibus.

Deinde, qui juravit parere Juri, vel mandatis Ecclesiae, potest hoc juramento non obstante, si se injuste gravatum viderit, licite appellare, sicuti Jure Communi concessum est. Glossa communiter recepta in c. Prout §. Cautionem. de Dolo et contumac. et Abbas ibid. num. 11. illud extendens ad eum casum, quo quis juravit coram Judice respondere: adhuc enim (inquit) ex supervenienti causa poteris ipsum recusare; ut c. Insinuante. 26. de Offic. Delegat.

Uterius, qui juravit consilium, sive secretum alterius, nulli revelare, vi hujus juramenti solummodo tenetur celare consilium ipsius honestum: secus dicendum de consilio malo, ac Republicae pernici-

Abbas  
addit  
multum  
maius  
legitur  
quibus  
possum  
malis  
Ins  
et  
Conc  
mater  
secre  
mom  
ipsius  
indol  
foer  
San  
lib.  
N  
in t  
ven  
No  
Jur  
lib  
lib  
atq  
Di  
int  
ue  
jur  
su  
rel  
pre  
etia  
huj  
43  
int  
N.  
et  
vel  
eius  
Un  
ser  
jur  
sec  
int  
vel  
est  
Cl  
et  
mur  
cet  
de  
qu  
F.  
Sa  
al  
s  
et  
ld  
44  
re  
Be  
su  
on  
tal  
et  
lu  
A  
a  
q



40. Glosa in c. Ego N. 4. §. Nulli pandam: et Abbas *ibid.* num. 7. h. t. Qui tamen notanter addit, quod tunc ejusmodi consilium, seu secretum malum, non possit revelari omnibus (foret enim manifesta detractio, occultum crimen alterius sine legitima causa manifestare) sed illis duntaxat, quibus potest prodesse, et non obesse: puta, quia possunt sibi, aut Reipublicae praecavere a gravioribus malis.

41. Insuper juramentum de servando Secreto (hoc est, de non revelandis illis, quae in Capitulo, Concilio etc. tractantur) est intelligendum juxta materiam subjectam, seu quatenus materia subjecta secretum postulat: Ita nimirum, ut si res magni momenti existat, et valde intersit eam non evulgari, ipsius evulgatio perjurium, atque peccatum mortale inducat propter violatum juramentum: si autem fuerit res levis, solum veniale peccatum inducat. Sanchez lib. 3. in Decalog. cap. 14. n. 5. Layman lib. 4. Theolog. Moral. cap. 9. n. 2. citans alios.

42. Nec immerito: nam quod juramentum promissorium in materia levi violatum, contineat peccatum duntaxat veniale, sicut et violatio voti in materia levi, tenet Navarrus cap. 12. Manual. num. 11. Angelus §. Juramentum. 5. n. 41. Suarez tom. 2. de Relig. lib. 3. de Jurament. cap. 16. num. 9. et seqq. Sanchez lib. 3. in Decalog. cap. 4. num. 23. citans alios; atque ego ipse jam dixi in Theol. Moral. Tract. 6. Dist. 2. nam. 32. ea addita ratione. Tum quia inter alias conditiones, quae juramento promissorio tacite insunt, una est: *Nisi is, in cujus gratiam juratur, id remittat*, juxta dicenda n. 54: atqui nullus censetur rationabiliter velle obligare alterum sub gravi culpa ad praestandam rem levem, quam sibi promisit sub juramento. Tum quia levitas materiae etiam a mortali culpa excusat in voto, et aliis hujusmodi materiis.

43. Et conformiter praemissis debet intelligi, atque interpretari juramentum Episcoporum, c. Ego N. 4. h. t. relatum, item juramentum Canonicorum, et aliorum in sua promotione ad certas Dignitates, vel Officia, speciale juramentum deponentem: sicut et juramentum Capitulorum, Collegiorum, Universitatum, aliarumque Communitatum, jurantium servare propria Statuta. Haec enim, sicut et juramenta ipsis apposita, sunt interpretanda secundum Jus Commune; ac proinde sunt intelligenda, ut obligent juxta subjectam materiam, vel mortaliter, vel venialiter, vel etiam ad subeundam solum poenam. Prout in simili habetur Clem. 1. §. Item quia. de Verb. signif. ubi Pontifex expositurus ea, quae in Regula Fratrum Minorum sunt aequipollentia praeceptis, istud desumendum censuit ex vi verbi, vel saltem ratione materiae, de qua agitur, seu ex utroque. Concordat c. Exiit qui seminat. §. In primis quia vers. Et dato. de Verb. signif. ubi dicitur, quod absolute promittentes Sanctum Evangelium observare, teneantur ad observantiam Evangelii sic, sicut tradita reperitur a Christo; videlicet, quod praecepta ut praecepta, et consilia ut consilia a promittentibus observentur. Idem ergo dicendum de Statutis juratis.

44. Queritur II. An Juramentum sit interpretandum secundum intentionem jurantis, vel illud recipientis? Resp. I. Juramentum bona fide generaliter praestitum, est interpretandum secundum intentionem jurantis; non vero extendendum ad incogitata, seu ad talia, de quibus jurans in specie non cogitavit, et si in mentem venissent, verisimiliter excepisset. Ita Glosa c. Veniens. 16. §. Praescivisset. et Abbas *ibid.* num. 4. Jo. Addemas n. 9. Barbosa in collectan. numer. 4. cum aliis h. t. D. Thomas 2. 2. quest. 98. art. 2. ad 3. istud exemplificans

in eo, qui juravit facere voluntatem alterius: quia (inquit) in tali juramento intelligenda est debita conditio: *Si scilicet id, quod ei mandatur, licitum sit et honestum et portabile sive moderatum.* Layman cit. lib. 4. Theol. Moral. tract. 3. cap. 9. n. 3. Pirhing h. t. n. 109. et alii.

Ratio est: quia in generali concessione non veniunt ea, quae quis non esset verisimiliter in specie concessurus, juxta Reg. 81. Jur. in 6. Ergo idem dicendum de promissione, etiam jurata: nam juramentum generaliter prolatum debet civili modo intelligi, l. Si cui simplici. ff. de Servitutib. siquae non est extendenda ad casus non cogitados, nimiumque graves, seu importabiles, l. Quamquam. juncta Glosa §. Cogitasset. ff. de Ritu nuptiar. Glosa, et Abbas cit. c. Veniens h. t. Idem probatur exemplis.

45. Sic in c. Veniens. 16. h. t. cum Atticus post offensam alteri illatam crederet, se non commississe tale quid, propter quod ei aliquod grave deberet imponi: siquae ad suggestionem aliorum bona fide jurasset, quod in satisfactionem injuriarum vellet obedire mandatis: Maerius autem illi sub juramento debito praecepisset, ut nunquam intraret Curiam Ducis, cujus tamen idem Atticus fuerat Consiliarius, ejusque servitiis juramento adstrictus. Re ad Papam delata declaratur, juramentum Attici non esse servandum, eo quod repugnet alteri juramento prius per Atticum Duci facto; et quia Atticus nequaquam taliter jurasset, si mandatum illud sibi contrarium praescivisset; prout loquitur ibidem textus in narratione Facti.

46. Similiter, qui juravit stare mandatis alterius, si alter ipsi praecepiat, ut in poenam illatae offensae filios et filias exhaeredet, et a se propriam removeat uxorem: non tenetur servare tale juramentum, utpote ad incogitata se extendens, simulque praecepiens aliquid illicitum, c. Quintavallis. 23. h. t. juncta Glosa, et DD. *ibid.* Accedit ratio: quia in quolibet juramento promissorio tacite, atque ipso jure continentur quaedam conditiones: videlicet, *Si potero, Salvo jure Superioris, Si res in eodem statu permanserint etc.* Si igitur una harum conditionum deficiat, prout fit in casibus proxime relatis, aliisque similibus, ubi juramentum generale extenditur ad incogitata, seu nimis gravia, et de jure vel facto impossibilia observata: tunc hoc ipso cessat obligatio juramenti promissorii in casu ejusmodi.

47. Resp. II. Quod si vero jurans fuit in dolo, praestando v. g. juramentum sub verbis callidis, seu amphibologicis ad decipiendum eum, cui jurat, tunc juramentum est interpretandum, atque obligat juxta intentionem recipientis: hoc est, juxta sanam intellectum illius, cui juramentum praestator. Ita D. Thomas 2. 2. q. 89. art. 7. ad 4. Navarrus cap. 12. Manual. num. 13. Angelus §. Juramentum. 4. num. 1. Covarruvias in c. Quamvis. de Pactis. in 6. part. 1. §. 5. num. 1. et 2. Sanchez lib. 3. in Decalog. cap. 10. num. 4. et num. 12. 13. et 14. citans alios. Conclusio haec desumitur ex can. Quacumque. 22. q. 5. ubi ex S. Isidoro sic refertur: *Quacumque arte verborum quisque juret, Deus tamen, qui conscientiae testis est, ita hoc accipit, sicut ille, cui juratur, intelligit.* Quem textum procedere de juramento doloso, notat Archidiaconus *ibid.* n. 1. istud probans ex ly. arte: id est, fraude, calliditate seu versutia: ac D. Thomas, et alii, ubi supra istud confirmantes ex eo, quod ibidem subditur: *Dupliciter autem reus fit: quia et Dei nomen in vanum assumit, et proximum dolo capit:* siquae patet, ibidem sermonem esse de juramento doloso, seu ad alterum lulo capiendum praestito.

49 Accedit ratio. Tum quia *fraus et dolus alicui persequinari non debent*, uti dicitur c. Sedes 15. et c. *Ex tenere*. 16. de Rescript. Tum quia non debet alteri per aliarum iniqua conditio inferri, prout habetur l. *Non debet*. ff. de Reg. Jur. peccat fieret, si iuramentum dolosum interpretaretur juxta mentem proferentis, et non juxta intentionem, sanumque intellectum recipientis, cui juratur. Quia imo si secus contingeret, tunc dolose jurans, teneretur ex virtute Justitiae pro Foro conscientiae, etiam ante aliam sententiam Judicis, ad refundendum omne datum alteri, quem suo doloso iuramento decepit, atque damificavit. Concordant dicenda inferius §. seq. n. 70.

50 Quæritur III. Quænam conditiones tacite inesse censentur Juramento promissorio? Et additur notanter; *promissorio*: siquidem in Juramento assertorio, utpote in quo præcise aliquid assertur, vel negatur esse verum, nulla conditio subintelligitur: cum fiat de re præsentis, vel præteritis, adeoque sit de simplici veritate, quæ consistit in hoc, quod jurans bona fide arbitretur esse verum id, quod sub jurejurando affirmat. At vero in Juramento promissorio, utpote in quo aliquid promittimus, duplex debet intervenire veritas: una intentionis, seu veritas dicti; et altera executionis, seu veritas facti: ut videlicet illud, quod sub iuramento promittimus, non solum ab initio intendamus adimplere; sed posmodum etiam, cessante iusta causa excusante, opere compleamus, ne perjurium incurramus, ut jam dictum supra n. 6. Hoc prænotato

51 Resp. I. In omni Juramento promissorio, quamvis absolute factum, quædam tacite subintelliguntur conditiones. Ita desumitur ex c. *Quemadmodum*. 25. §. 1. h. t. ibi: *Non obstante hujusmodi iuramento, quoniam in eo talis erat subintelligenda conditio: ac notat Glossa & Conditio. et Abbas ibid. §. Illud autem. num. 8. Layman lib. 4. Theol. Moral. tract. 3. cap. 9. n. 4. Sylvester & Juramentum. 3. q. 1. Pirhing h. t. n. 119. et alii. Idque amplius patebit ex dicendis: unde*

52 Resp. II. Inter ejusmodi conditiones, quæ videlicet Juramento promissorio tacite, ac ipso jure insunt, Prima est, *Si potero*. Quia ad impossibile nemo tenetur, juxta Reg. 6. Juris in 6. Atque istud procedit de quolibet impossibili, sive sit impossibile *de jure*, (quia nimirum honeste, et secundum bonos mores fieri non potest) sive sit impossibile *de facto*, quia videlicet naturaliter fieri non potest, vel saltem non nisi difficillime; prout hanc impotentiam Facti explicat Layman c. *Saiscitatur*. n. 1. de Rescript. et Gobath tract. 11. Theolog. Experiment. n. 496. post Peckiam in Reg. 6. Jur. in 6. Huc referri potest illa conditio. *Si Deo placuerit*: *Si potero licite*: quia iuramentum non est vinculum iniquitatis, c. *Quanto* 18. h. t. et cap. 1. eod. in 6. cum similibus: nam quæ sunt illicita, sive displicent Domino Deo, censentur de jure impossibilia.

53 Secunda est, *Salvo jure, et auctoritate Superioris*. Atque hæc conditio desumitur ex c. *Venientes*. 19. h. t. ibi: *Cum prædictum iuramentum vos excusare non possit, in quo debet intelligi ius Superioris acceptum*. Concordat c. *Ea te* 22. h. t. ubi illicitum, nec servandum censetur iuramentum, quod salvo Apostolicæ Sedis honore servari nequit. Unde in simili c. *Non est*. 5. de Toto, dicitur: *Non est voti dicendus transgressor, qui quod vovit, auctoritate Sedis Apostolicæ distulit adimplere*: quia nimirum, si iusta causa subsit, potest in votis Papa dispensare; prout notat Glossa ibid. & Auctoritate.

Tertia, et in Juramento promissorio tacite subintelligenda conditio est: *Si non is sponte remiserit in cuius favorem juratum est*. Tum quia invito beneficium non tribuitur, juxta textum in l. *Invito*. ff. de Reg. Jur. Requiritur enim ejus acceptatio, l. *Absenti*. ff. de Donation. Tum quia quilibet suo juri renunciare potest, c. *Si diligenti*. de Foro compet. ac proinde potest rem, vi iuramenti sibi debitam, alteri remittere, et condonare.

Nec obstat religio iuramenti, atque reverentia per ejus observantiam Deo exhibenda. Resp. enim, istud neutiquam obstat præmissæ conditioni: siquidem iuramentum in favorem hominis factum, Deus non aliter acceptat, nisi in ordine ad hominem, in cuius utilitatem cedit; alioquin enim iuramentum homini factum, posset ipsi ob varios respectus, seu circumstantias, quandoque præjudicare: unde si homini est satisfactum, etiam Deo, ad debitæ ipsius reverentiæ satisfactum esse censetur. Navarros cap. 25. *Manualis*, n. 25. loquens in casu, quo quis juravit matrimonium inire cum aliqua paupere ob amorem Dei. Sanchez lib. 3. in Decalog. cap. 20. n. 7. et lib. 1. de Matrim. disp. 51. n. 8. et 9. Pirhing h. t. n. 123. Layman cit. lib. 4. tract. 3. cap. 9. num. 5. asserens, hoc esse certum, quando persona illa, cui juratum est beneficium, v. g. matrimonium, istud positive respuit tanquam sibi non acceptum: quod si vero beneficium non respuat, sed duntaxat voluit jurantem ad id obligari, tunc cum pluribus aliis censet, iuramentum non relaxari; quamvis etiam nonnulli probabiliter teneant oppositum, ob rationem proxime dictam.

Excipe hinc casum, quo quis juravit dare, v. g. certam elemosynam pauperibus in genere, nulli autem eorum in specie: tunc enim nullus pauper posset ejusmodi iuramentum requirere, utpote non sibi directe ac principaliter factum, sed Deo, et pauperibus in genere, atque vago. Sanchez cit. cap. 20. n. 8. Quod si tamen tali voto adstrictus, elemosynam illam sine pacto reddendi cupiam pauperi largiretur, qui mox sponte sua, vel etiam rogatus, eam largienti redderet, satisfactum esset iuramento: Quia cum elemosyna semel absolute data sit pauperi, iuramentum fuit expletum; pauper vero, utpote ejus dominus effectus, libere poterat eam reddere largienti. Sanchez loc. cit. n. 8. Layman cit. n. 5. et alii.

Quarta conditio in Juramento promissorio imbibita, seu eidem tacite inexistens, est. *Si res in eodem statu permanserint*; hoc est, non fuerint notabiliter mutatae. Et hæc conditio desumitur ex c. *Brevi*. 17. et c. *Quemadmodum*. 25. h. t. juxta Glossa hic, & Conditio et DD. passim. Concordat textus in l. *Cum quis*. §. 1. ff. de Solution. ibi: *Tacite enim hæc conventio inessa stipulationi videtur, si in eadem causa maneat*. Accedit ratio: quia verisimile non est, quod jurantis intentio fuerit, sese obligare ad rem admodum difficilem, vel etiam indecentem; qualis contingere solet, ubi notabilis mutatio supervenit, ergo iuramentum ejus ita est interpretandum ut ad casum adeo improvisum, et incogitatum se non extendat, conformiter Juribus quæ allegatis, et dictis supra num. 44. et seqq.

Quinta conditio, sed Pacto vel Contractui reciproco etiam jurato specialis, ac suapte natura inexistens, hæc est: *Si et altera pars fidem servaverit*; id est, pacto, seu promissis suis steterit. Textus est in c. *Pervenit*. 3. ibi: *Nec tu ei, etiam si promissum tuum iuramento firmasset, aliquatenus teneris, si constat eum conditioni minime paruisse*. Concordat c. *Sicut* 29. §. fin. h. t. Atque illud vulgatum axioma: *Frangenti fidem, fides frangatur eidem*. Nam, ut habet Reg. 57. Juris in 6. *Frustra sibi fidem quis po-*

statat ab eo servari, cui fidem esse praestitam servare recusat, cum similibus:

59 Obijcies contra praemissa. Si praedictae conditiones in quodlibet juramento promissorio subintelliguntur; ergo omne tale juramentum erit conditionale. Resp. negand. consequent. Quia, ut notat Glossa c. Quemadmodum: §. *Conditio. h. t.* et Doctores communiter, quavis conditio extrinseca, quae v. g. quidpiam sub juramento promittitur, si navis ex India advenerit, vel hujusmodi; reddat contractum; vel juramentum conditionale: secus tamen est dicendum de illis conditionibus, quae accepte nuntia, sive ex necessitate Legis insunt. Nam generaliter conditiones illae, quae tacite, seu de jure insunt, non faciunt actum conditionatum; ut l. *Conditiones. ff. de Condition. et demonstr. ibi: Conditiones, quae tacite inesse videntur, non faciunt legata conditionalia.* Quia imo, licet ejusmodi conditio expresse apponatur, adhuc non reddit actum conditionatum, l. 3. ff. *de Legat. l.* ubi Summarium habet: *Expressio conditionis per modum, per quem ex necessitate inest, nihil operatur: sive, ut loquitur textus, non facit legatum conditionale.*

60 Queritur IV. Utrum juramentum servandi Statuta, extendatur ad Statuta imposterum edenda? Resp. I. Juramentum servandi Statuta edita alicujus Ecclesiae, Capituli vel Communitatis, non extenditur ad Statuta imposterum edenda. Ita textus in c. *Clericus. 35. seu cap. penult. h. t.* ubi Glossa §. *Quod promissit. Abbas in Summario. Barbosa in Collectan. numer. 1. et DD. communiter.* Ratio est: tum quia juramentum est stricte interpretandum; unde qui juravit servare Statuta jam edita, vi hujus juramenti nequit intelligi, quod voluerit se obligare ad servanda ea, quae imposterum erunt edenda.

61 Atque istud amplius, etiamsi quis promittat, se velle vi juramenti antea praestiti servare illa Statuta postmodum edita. Quia, nisi de novo juraverit, promissio illa retinet vim simplicis promissionis: ac proinde, licet quis transgredi non debeat, quod promissit: non tamen ad illud obligatur ex debito praestiti juramenti, adeo ut perjurus censeri possit, si promissum non exequatur. Textus est in *ait. cap. penult. h. t.* qui sic sonat: *Clericus, qui juravit se statuta in Ecclesia sua edita servaturum, promittens per idem juramentum (non tamen jurando de novo, ut explicat Glossa ibid. §. Per idem. et Abbas in Summario) statutum, quod postmodum subsecutum est, fideliter observare: Licet transgredi non debeat, quod promissit (quia omne promissum cadit in debitum) non tenetur ad illius observantiam ex debito praestiti juramenti.* Accedit ratio: quia obligatio prioris juramenti non potest ultra fines sui objecti extendi per simplicem promissionem, et nisi de novo quis juraverit: atqui objectum prioris juramenti, fuerunt statuta jam tunc edita, quae Clericus ille servare juraverat; ergo.

62 Resp. II. Juramentum etiam absolute praestitum servandi Statuta alicujus Ecclesiae, seu Communitatis, non extenditur ad futura; nisi expresse in aliqua parte juramenti fiat mentio de futuris. Ita Baldus ait. c. *Clericus. seu penult. num. 2. et Barbosa ibid. num. 7. h. t.* Angelus §. *Juramentum. 5. n. 35. Sanchez lib. 3. in Decalog. cap. 14. num. 1. Pirhing h. t. num. 105.* pluresque alii ab his citati; contra Io. Andream in d. c. *Clericus. num. 1. et 2. et Abbatem ibid. num. 2. et quosdam alios, qui volunt, juramentum simpliciter praestitum de servandis statutis, extendi etiam ad servanda imposterum edenda; saltem, si non multum sunt praepjudicialia, prout limitat Abbas loc. cit.*

Ratio Conclusionis est, quae supra: quia videlicet juramentum est stricte interpretationis; ac proinde censetur praestitum super observandis Statutis tempore ipsius juramenti existentibus, non autem primum futuris, nisi expresse secus exprimatur. Accedit, quod futura sint incerta, variorumque et difficiles quandoque exitus habere soleant: unde fatuum foret, illico talia Statuta primum fienda; et adhuc ignota, se servaturum jurare. Ac proinde non est verisimile, quod intentio simpliciter jurantis observantiam Statutorum talis Ecclesiae, vel communitatis, ad futura, et postea primum edenda sese extenderit; nisi forsitan id exprimatur, potius solet exprimi in juramento Fidelitatis.

63 Intellige tamen datam Conclusionem cum Bel- do, Sanchez, et aliis, ubi supra, dummodo posteriorius illud Statutum non veniat ad veteris declarationem duntaxat. Quia tunc re ipsa non foret novum Statutum, sed idem eum veteri; eo quod declaratio legis retrahatur ad tempus conditae legis, atque a principio jam insuerit ipsi legi; *Auth. De raptis mulieribus §. fin. Collat. 9. et notat Glossa c. Sicut nobis §. Respondemus. de Verb. signif. in 6.*

64 Obijcies contra secundam Conclusionem. Juramentum simpliciter, ac indeterminate factum servandi Statuta, vi verborum extendit ad etiam ad edenda, seu imposterum facienda; ergo. Antecedens probatur. Tum quia locutio indefinita aequipollent universali, Glossa in *Prohem. Decretal. §. In judiciis.* Tum quia l. *ult. C. Quaeseris pignori oblig. poss. si debitor res suas hypothecam supponat, non adjacto, tam praesentes, quam futuras; nihilo minus hypotheca etiam ad futuras res producitur, ut loquitur textus: idem ergo dicendum de juramento, simpliciter facto servandi statuta. Tum tandem: quia in cit. c. *Clericus. seu penult. h. t.* expresse fit mentio de Clerico, qui juravit servare Statuta in Ecclesia sua edita; ergo secus videretur dicendum, si jurasset simpliciter servare Statuta suae Ecclesiae. Haec sunt praecipua fundamenta Doctorum contrariam sententiam tenentium. Resp. tamen neg. anteced.*

65 Ad primam eius probationem dicitur, quod indefinita locutio aequipollent universali, quando subest eadem ratio omnium sub indefinita comprehensorum: alias secus; prout latius fuit declaratum supra *Lib. 1. Tit. 2. De Constitutionibus. §. 16. num. 400. et seqq.* Quod autem non sit eadem ratio Statutorum jam editorum, et postea edendorum, patet ex dictis in Conclusionis.

66 Ad alteram probationem negatur consequentia, et paritas inter juramentum et hypothecam. Illud enim, quod dicitur de hypotheca seu pignore, est favorabile (pignus enim datur et gratia Creditoris, ut ei fiat assuectio rei creditae, et gratia Debitoris, ut ei sub assuectione pignoris facilius quidpiam mutuo concedatur) unde non mirum, quod extendatur ad futura. Secus dicendum de juramento, utpote quod est stricte interpretandum; atque, ut impraesentiarum extendatur, foret odiosum, et periculosum, ut dictum. Ad tertium respondetur, Conclusionem nostram non tam fundari in cit. c. *Clericus. h. t.* (revera enim istud parum probaret, ob rationem allegatam, quidquid non nulli inde inferri velint) quam in aliis rationibus, de quibus in Conclusionis.

67 Posset hoc loco etiam queri de semine, atque interpretatione Juramenti, quod a Judice deferretur Reo ad aperiendam veritatem: praesertim, ubi is interrogatur de occultis criminibus, aut ex praesumptione falsae Verum de hoc satis patet ex dictis *Tit. 18. de Confessis §. 7. per totum.* De Juramento etiam testium abunde



dictum fuit Tit. 10. De Testibus et attestationibus. §. 14. per totum: unde hoc loco eadem repetere, superfluum foret.

## §. III.

De obligatione Juramenti promissorii.

## SUMMARIUM.

69. Omne juramentum promissorium debite factum, parit obligationem observandi illud ex virtute Religionis.
70. Si desit intentio jurandi, peccat quis dupliciter: atque obligatur ad servandum illud tum ratione scandali vitandi, tum ex justitia.
71. In Foro externo cogitur quis illud observare etiam ex virtute Religionis: alias reputaretur perjurus.
- Ecclesia non judicat de oculis. Ibid.
72. Allegans propriam turpitudinem, non auditur: et quomodo?
73. Juramentum de re inhonesta, seu illicita, non obligat.
- Juramentum non est vinculum iniquitatis. Ibidem.
74. Juramentum de re inhonesta, seu illicita censetur illud, quod servari non potest absque peccato mortali, vel veniali.
75. Etiam juramentum temerarium, seu quod observatum vergeret in peiorem partem, observari non debet.
- Idque declaratur exemplo David Regis. Ibid.
76. Juramentum soli DEO factum de opere minus perfecto, aut prorsus indifferente, non obligat.
77. Nihilominus ut juramentum homini factum obliget, sufficit, quod possit servari absque dispendio salutis aeternae.
- Differentia inter juramentum Deo, et homini factum. Ibid.
78. Debitorum, qui juraverunt solvere usuras, tenentur ad eorum solutionem: quoniam solvas repotere possint.
79. Pactum Legis commissoriae in pignoribus, si accesserit juramentum, debet a debitorum servari.
80. Juramentum factum homini, non potest eo non consentiente commutari in opus melius: bene tamen juramentum factum Deo.
81. Juramentum generali servandi Statuta, Capitulationes, vel consuetudines alicujus Ecclesiae, seu Communitatis, obligat solum ad servanda licita etc.
82. Juramentum contra utilitatem Ecclesiasticam, ab Episcopo ante suam electionem praestitum, non tenet.
83. Neque obligat juramentum Regis in praedictum Regni sui.
84. Juramentum servandi Statuta, Capitulationes etc. quando in ipsis continentur quaedam illicita, damnosa, vel Libertati Ecclesiasticae obviante, est illicitum, ac nullatenus servandum.
85. Constitutio nova Innocentii XII. de Capitulationibus, quas occurrente vacationem Ecclesiarum, vel Monasteriorum, fieri contingit.
86. Jurans scienter servare Statuta, Capitulationes, vel pacta illicita, censetur largo modo perjurus.
87. Et quid, si quis generaliter jurat et talia servare, ignorans ea continere quid illicitum?
88. Juramentum factum contra leges Civiles, quae obligant ad culpam, non tenet.

89. Quando Lex Civilis censetur obligare ad culpam, etiam pro Foro conscientiae.

90. Si Lex Civilis principaliter fundatur super bono publico, tunc juramentum de praestando actu per eam prohibito non obligat.

91. Regula est, quod juramentum vergens in praedictum tertii, non obliget.

92. Dummodo tendat directe ac principaliter in detrimentum tertii: alias secus.

Idque exemplificentur. Ibid.

93. Quando Lex Civilis principaliter fundatur super favore privati, tunc juramentum in contrarium praestitum valet, et obligat jurantem. Et numer. seqq.

94. Sic valet alienatio rerum dotantium juramento firmata, quae alioquin secundum Leges est invalida: et cur?

95. Item juramentum, ut filia dote contenta patri non incedas ab intestato.

96. Pactum non revocandi testamentum, Jura Civili est irritum: si tamen accesserit juramentum, obligat.

97. Mulier, si pro altero fidejubeat, non obligatur efficaciter: secus, si accesserit juramentum.

98. Solvuntur objectiones contra praemissa. Et numer. seq.

Pactum, vel juramentum, per quod tollitur jus privati sibi publica auctoritate concessum, valet: secus, si tollatur Jus commune. Ibidem.

99. Accessorium naturam sequit congrui principalis: quomodo intelligendum?

100. Juramentum vi, metu gravi extortum, an obliget? Et numer. seq.

101. Coacta voluntas est voluntas.

102. Juramentum promissorium in utilitatem hominis factum, potest considerari, vel ut per se stat: vel ut ab altero est acceptatum, sicque involvit rationem pacti.

103. Obligatio propria juramenti, seu procedens ex virtute Religionis, est omnino personalis. Et numer. seqq.

104. Et quid, si aliquis pro se, et suis Successoribus, juravit quidpiam praestare?

105. Rex, Episcopus, Canonicus, et haeres Vasalli, cur a principio soleant praestare personale juramentum?

106. Si juramentum est confirmatorium promissionis ab altero acceptae, tunc obligatio inde suborta vi pacti transit, ad haeredes etc. Et numer. 107.

Paritque actionem in utroque Foro. Ibid.

107. Si defunctus promissionem homini factam, et ab eo acceptam, juramento firmaverit: tunc obligatio propria juramenti extinguitur, sed obligatio ratione pacti transit ad haeredes.

108. Juramentum reale Deo factum, tenetur haeres defuncti adimplere, potestque ad hoc compelli.

Idem est dicendum de voto reali. Ibid.

109. Secus dicendum de juramento debitoris defuncti, qui promisit solvere usuras.

110. Juramentum ex parte ejus, cui juratur, non est personale, sed transit ad haeredes.

111. Pactum tibi factum, extenditur ad haereditatem.

Quaeritur I. Quae generatim sit obligatio Juramenti promissorii? Resp. I. Certum est, quod omne juramentum promissorium debite factum circa materiam honestam, et cedentem ad honorem Dei, vel bonum tertii, parit obligationem observandi illud ex virtute Religionis. Ita continuus,

et patet ex c. Si vero. 8. h. t. ubi Pontifex respondet, quod non est tutum, quemlibet contra juramentum suum venire, nisi sit tale, quod servatum vergat in interitum salutis aeternae. Concordat c. Cum contingat. 28. eod. et c. Quamvis pactum. 2. de Pactis in 6. cum similibus: ex quibus dicitur illa generalis regula: *Omne juramentum est servandum, si sine salutis dispendio servari potest*; de quo plura inferius Concl. seq. n. 73. 74. et 75. Accedit ratio: quia juramenta debite facta, simulque honesta, involvunt reverentiam Divini Numinis, cujus summam atque indefectibilem veritatem jurans profitetur, atque in testem vocat; ergo hoc ipso ex motivo Religionis obligant ad sui observantiam, ne Dei veracissimi testimonium in confirmationem falsitatis, et mendacii adducatur, contra illud Exod. cap. 20. et lumine naturali notum: *Non assumes nomen Domini Dei tui in vanum*:

70. Additur notanter, *juramentum promissorium debite factum etc.* Nam, ut nunc taceantur alia, de quibus in progressu, si desit intentio jurandi, conveniunt Doctores, juramentum in Foro conscientiae non obligare ex virtute Religionis, ac vi ipsius juramenti (revera enim tale non fuit, ex defectu intentionis) quamvis non solum talis graviter, imo dupliciter peccet, dum et Dei nomen assumit in vanum, et proximum decipit ita ei dolose jurando, can. Quaecunq; arte. 22. q. 5. Sed etiam obligetur ad servandum juramentum illud; tum ratione scandalii exterioris vitandi, quod alias ex transgressionem illius subsequeretur; tum ex Justitia, ne ex suo doloso juramento grave damnum, atque injustitia proximo inferatur: alioquin vero tenebitur ad resarciendum omne damnum, suo doloso juramento causatum. Atque in hoc sensu procedit illud, quod cit. can. Quaecunq; arte. 22. quaest. 5. ex D. Isidoro refertur, illis verbis: *Quaecunq; arte verborum quisque juret, Deus tamen, qui conscientiae testis est, ita hoc accipit, sicut illo, cui juratur, intelligit*. Quia nimirum dolose jurans proximo, tenetur juxta intentionem recipientis servare suum juramentum tum ratione scandalii praecavendi, tum ex virtute Justitiae, ne grave damnum proximo inferat; licet non ex virtute Religionis, saltem spectato Foro conscientiae. Sanchez lib. 3. in Decalog. cap. 10. n. 4. et 13. et 14. cum aliis; et concordant dicta superius n. 48. et 49.

71. Notanter tamen hic dicitur, *saltem spectato Foro conscientiae*. Siquidem in Foro externo cogreretur talis servare juramentum juxta verum sensum verborum, atque intentionem accipientis: et si dolose jurans illud non servaret, censeretur agere non solum contra Justitiam ratione damni injuste dati, sed etiam contra virtutem Religionis, sique reputaretur perjurus. Nam Ecclesia non judicat de occultis, can. Erubescant. dist. 52. juncta Glossa. §. Secretorum; ac proinde censeret, juramentum fuisse veraciter, et debite cum intentione prolatum: siquidem humanas aures verba nostra talia judicant, qualia foris sonant: Divina vero judicia, talia ea audiunt, qualia ex intimis proferuntur, ut loquitur S. Gregorius, relatus can. Humanas aures. 22. q. 5.

72. Neque enim prodesset, si fecte jurans postea ultro confiteretur defectum suae internae intentionis, quem tempore praestiti exterioris juramenti interioris habuit. Nam allegans propriam turpitudinem, non auditur: saltem non ad suum commodum, bene tamen ad aium praepudicium, l. Transactione. juncta Glossa et Bartolo ibid. C. de Transactionib.

73. Resp. II. Juramentum de re inhonesta, turpi seu illicita praestitum, nullum inducit obligationem. Ita communis omnium tum Theologorum, tum Canonistarum, atque Juristarum. Siquidem in malis

promissis fidem non expedit observari, juxta Reg. 69. Jur. in 6. juncto cap. ult. de Pactis. Simulque juramentum non fuit institutum, ut esset vinculum iniquitatis, c. Quanto. 18. h. t. et can. Inter caetera. 22. q. 4. cum similibus. Unde Reg. 58. Jur. in 6. indistincte loquitur: *Non est obligatorium contra bonos mores praestitum juramentum*. Hinc can. Unusquisque 22. q. 4. gravissime cum S. Ambrosio lib. 3. de Officiis, cap. 12. perstringitur factum Herodis Regis, qui saltatrici praemium turpiter promisit, crudeliter solvit. Turpe, quod regnum pro saltatione promittitur: crudela, quod mors Prophetarum pro jurisjurandi religione donatur. Quanto tolerabilius tali fuisset perjurium juramento; si tamen perjurium posset dici, quod ebrius inter vina juraverat: quod ejuratus inter saltantium choros promiserat. Infertur disco Prophetarum caput, et hoc aestimatum est fidei esse, quod amentiae fuit. Haec ibi. Quibus plura similia habentur can. Si publicis. et can. Est etiam. ad seqq. ead. caus. 22. q. 4.

Porro juramentum de re inhonesta, turpi seu 74 illicita, non solum censetur illud, quod absque peccato mortali servari non potest, sique verissime vergit in interitum salutis aeternae, ut loquitur textus c. Si vero. 8. h. t. Sed etiam, quod servari nequit absque peccato veniali: quia etiam istud, utpote continens offensam Boni infiniti, vergit in dispendium salutis aeternae; imo et successivum disponit ad lapsum in graviores, juxta illud Ecclesiastici cap. 19. Qui spernit modica, paulatim decidet. Proinde juramentum de faciendo peccato veniali, veluti vergens in aeternae salutis dispendium, non obligat, c. Cum contingat. 28. h. t. et c. Quamvis pactum. de Pactis in 6. ac notat Glossa in can. Si aliquid. 22. q. 4. §. Pejorem: ea addita ratione, quia jurans se peccaturum venialiter, si tale juramentum adimpleret, adjiceret peccatum peccato. Jo. Andreas c. Quamvis. n. 3. de Pactis in 6. Sanchez lib. 3. in Decalog. cap. 4. n. 29. Fachineus lib. 3. Controvers. Jur. cap. 72. vers. Respondeo, et alii.

75. Ampliatur haec Conclusio ad juramentum temerarium, seu incautius factum, quod videlicet observatum vergeret in pejorem partem, sique ad sui observantiam non obligat: ut can. Si aliquid. 22. q. 4. ubi istud declaratur exemplo David Regis, qui cum per Dominum jurasset, occidere Nabal virum stultum et impium, atque omnia ad ipsum pertinentia demoliri, ob injuriam sibi, servisque suis illatam. 1. Reg. 25. nihilo minus ad primam intercessionem Abigail formosae prudentis remisit minas, revocavit ensen in vaginam, neque aliquid culpae se tali perjurio contraxisse doluit, cit. can. Si aliquid. Unde S. Augustinus, relatus can. Juravit. ead. caus. 22. q. 4. inquit: *Juravit David temere, sed non implevit jurationem majori pietate*. Atque conformiter dictis possunt innumeri casus, tam pro Foro conscientiae, quam externo resolvi.

76. Quaesitur II. Quando obliget juramentum Deo, vel homini factum? Resp. I. Juramentum soli Deo factum de opere minus perfecto, et cujus oppositum est melius, sicut et juramentum Deo factum de re promissa indifferente, non obligat. Ita D. Thomas 2. 2. qu. 89. art. 7. Sanchez cit. lib. 3. in Decalog. cap. 9. n. 11. Layman lib. 4. Theol. Mor. tract. 3. cap. 6. n. 5. et alii communiter. Idque desumitur ex c. Pervenit. 3. h. t. ubi dicitur: *Non enim propositum, aut promissum infringit, qui in melius illud commutat*. Ubi Abbas num. 2. per ly promissum, intelligit promissum juratum; ut sensus sit, quod non dicitur transgredi juramentum, qui in melius illud commutat: alias enim textus ille non faceret ad hunc Titulum. Accedit ratio: quia juramentum soli Deo factum, induit naturam voti:

atque votum de re impeditiva majoris boni, non obligat, sed licite eligitur illud majus bonum, c. *Scripturas*. 4. de *Voto*; ergo. Idemque dicendum, si juretur res prorsus indifferens, ita ut hic et nunc, pensatis omnibus circumstantiis, talis remaneat: quia Deus juramentum de praestando aliquo vano et otioso, ut est res indifferens, non acceptat; neque ad illud obligare intendit, cum nihil honoris inde sibi accrescat.

77 Resp. II. Nihil minus ad hoc, ut juramentum promissorium homini factum obliget, sufficit, quod res promissa possit servari absque dispendio salutis aeternae: hoc est, sine peccato mortali, vel veniali. Ita Abbas c. *Cum contingat*. n. 6. et 7. h. t. Sanchez loc. cit. n. 19. Layman num. 6. Angelus §. *Juramentum*. n. 5. et alii. Idque desumitur ex c. *Cum contingat*. 28. juncta Glossa §. *Debent*. et DD. ibid. h. t. et c. *Quamvis pactum*. 2. de *Pactis* in 6. ubi tanquam regula generalis statuitur, quod juramentum homini praestitum necessario sit servandum, quando potest servari absque dispendio salutis aeternae (hoc est, sine peccato mortali, vel veniali) simulque non redundat in alterius detrimentum. Accedit ratio: quia juramentum promissorium de re non illicita eatenus obligat ad sui impletionem, quatenus in, cui est praestitum, illud acceptat, vultque impleri. Atque Deus juramentum non acceptat, quando est impeditivum majoris boni, vel factum de re penitus indifferenti; bene tamen illud acceptare solet homo, dummodo cedat in suam utilitatem, simulque absque peccato fieri possit: nam in juramento homini facto spectatur, quid illi sit gratius; in juramento autem facto Deo, quid melius; ergo. Atque per hoc patet disparitas inter hanc, et priorem Conclusionem, atque inter juramentum Deo, et homini factum.

78 Hinc, licet debitores, qui se obligaverunt ad solvendas usuras, cogi non debeant ad earum solutionem; eo quod nulla fuerit ipsarum obligatio, tum de Jure Divino, tum Canonico, Clem. un. de *Usuris*, cum similibus. Si tamen de ipsarum usurarum solutione juraverint, cogendi sunt Domino reddere juramentum, dictasque usuras solvere; quamvis solutas judicialiter repetere possint. Textus est in c. *Debitorum*. 6. h. t. ubi Glossa, et DD. communiter. Ratio est: quia solvere usuras, peccatum non est, sed licite potest quis alteri dare suum; ergo cum tale juramentum possit servari absque dispendio salutis aeternae, servandum est, haud obstante, quod alter recipiendo usuras peccet: nam sua culpa id accidit, cum posset, ac debere gratis mutare, juxta illud Dominicum Lucas cap. 6. *Beneficite, et mutuum date, nihil inde sperantes*.

79 Similiter, quamvis pactum Legis commissoriae in pignoribus non valeat, et veluti usurarium unimodis reprobetur, L. ult. C. de *Pactis pignor.* et alibi: si tamen accesserit juramentum, quo debitor creditori juravit, ut si intra certum tempus debitum non solverit, neque pignus redemerit, ipsum super pignore nolit amplius molestare, tenetur debitor stare suo juramento; arg. c. *Significante* juncta Glossa §. *Si est ita*, et DD. de *Pignorib.* Ratio est: quia tale juramentum de non amplius molestando creditorem, potest licite, et absque dispendio salutis aeternae per debitorem observari; quamvis creditor non possit licite retinere excessum pignoris, veluti usurarium. Huc, etiam faciunt alii casus, de quibus infra num. 94. et seqq.

80 Et conformiter datae Conclusioni inferitur, quod juramentum factum homini ita obliget, ut in aliud melius opus commutari non possit, nisi is, cui juratum est, conveniat, sed juramentum aliud,

remittat: ut puta, Jurasti Cajo dare viginti florenos, si postea velis Deo offerre Calicem valentem quinquaginta, aut tantumdem dare pauperibus, non potes Cajo negare suos viginti florenos, hucque applicare pro conficiendo Calice, aut dare pauperibus, quamvis istud de se foret melius, Deoque gratius. Econtra, si jurasses in Dei cultum expendere 20. florenos, propria auctoritate posses istos applicare pro conficiendo sacro Calice valente 50. aut tantumdem in pauperes expendere: nam istud de se est melius, Deoque acceptius. Disparitas est: quia in promissione facta homini, aut juramento in ejus favorem praestito spectatur, quid illi gratius sit; in promissione autem facta Deo, quid melius. Layman cit. cap. 6. n. 6. et alii, atque jam dixi in *Theol. Mor. tract. 6. dist. 2. n. 26.*

Quaeritur III. Utrum, et qualiter obliget 81 juramentum servandi Statuta, Capitulationes, aut consuetudines alicujus Ecclesiae, vel Communitatis, quando in eis aliqua continentur, quae sunt illicita, vel vergunt in praerudicium Ecclesiae seu Dignitatis, ad quam jurans assumitur? Resp. I. Juramentum generale servandi Statuta, et Capitulationes, vel consuetudines alicujus Ecclesiae, seu Communitatis, obligat solum ad servanda licita, possibilia, et Libertati Ecclesiasticae non praerudicialia. Ita communis; estque expresse decisum cap. 1. h. t. in 6. declarando, quod juramenta illa, quae a Potestatibus, Rectoribus, et Officialibus laicis, in principio officii sui praestari solent, et nonnunquam quaedam illicita, atque immunitati Ecclesiasticae praerudicialia continent, quoad sola licita observari debeant: cum quoad alia sine Divinae Majestatis offensa servari nequeant, et juramentum non sit vinculum iniquitatis. Quia vero utile non debet per inutile vitari, juxta Reg. 37. Jur. in 6. hinc juramenta ejusmodi obligant saltem quoad puncta licita.

Concordat c. *Sicut nostris*. 27. h. t. ubi 82 juramentum contra utilitatem Ecclesiasticam, ab Episcopo ante suam electionem praestitum, non tenet. Nam cum Canonici vacante Ecclesia Tudertina sub juramento starent, ut quicumque ex ipsis fieret Episcopus, servaret quaedam in damnum juris Episcopalis cedentia; et postmodum Episcopus electus, qui et ipse capitula illa adhuc Canonici juraverat, Papam consulisset, num tali juramento constringeretur: Respondit Papa, ejusmodi juramentum non tenere, et omnia in statum debitum reducenda esse: Quia (inquit) non juramenta, sed perjurya potius dicenda sunt, quae contra utilitatem Ecclesiasticam attentantur.

Simile quid habetur decisum in c. *Intellecto*. 33. h. t. 83 de Rege, qui juraverat non revocare quasdam alienationes, quas fecerat in praerudicium Regni sui. Nam hoc intellecto respondet Pontifex, quod, cum Rex teneatur, et in sua coronatione juraverit, jura Regni sui, et honorem Coronae illibata servare, illicitum fuerit de non revocandis alienationibus hujusmodi juramentum; et propterea penitus non servandum. Atque idem a pari dicendum est de similibus.

84 Resp. II. Juramentum servandi Statuta, Capitulationes, vel consuetudines locorum, quando in ipsis continentur quaedam illicita, impossibilia, damna, vel libertati Ecclesiasticae obnoxia, est illicitum, ac nullatenus praestandum. Textus est in cit. cap. 1. h. t. in 6. continenti Constitutionem Innocentii III. quae postea fuit confirmata per Gregorium XIII. in sua Constitutione 94. Inter Apostolicas. et (loquendo de illicitis Capitulationibus, quae occurrente vacatione Ecclesiarum, seu Monasteriorum, interdum fieri cunctantur) per Pium V. in sua Constitutione 64.



*Darum nimis*; quae non cum priori refertur *Tom. 2. Bullarii Romani*: ubi non solum juramenta hujusmodi penitus reprobantur, non obstant quatenusque consuetudine, quae potius corruptela est censenda; sed insuper exigentes illa censuris Ecclesiasticis, atque excommunicationi Summo Pontifici reservatae subijciuntur; prout latius in eisdem Constitutionibus Apostolicis continetur.

85 Quin imo novissimis temporibus Innocentius Papi XII. in sua Constitutione, quae incipit, *Ecclesiae Catholicae*, die 29. Septembris, 1695. emanata, ad tollendum abusum illicitarum Capitulationum, quae occurrente vacatione Ecclesiarum seu Monasteriorum, ab illis, ad quos electio personarum illis praeficiendarum spectat, interdum fieri contingit, non solum innovavit memoratas Constitutiones Nicolai III. Pii V. et Gregorii XIII. cum additione poenarum, et prohibitione dietarum illicitarum Capitulationum sub eisdem poenis, ac censoris etiam ipso facto incurrendis, et Summo Pontifici reservatis: sed etiam praecepit, Capitulationes quascunque, et statuta, quae electionis, seu postulationis hujusmodi *eventa quomodolibet iniri, condi, seu fieri contigerit, ad Nos, seu eundem Romanum Pontificem pro tempore existentem, quamprimum deferri, atque ita nostro, et Sedis Apostolicae judicio subijci praecipimus; suspensa interim eorum omnium, et singulorum executione, donec, et quousque ab eadem Sede, sine cujus auctoritate nihil omnino in similibus pactis fieri potest, Apostolicas confirmationis robor in totum, vel in partem receperit*. Hactenus Pontifex, subiungens postea amplissimas clausulas derogatorias quorumcumque contrariorum, atque decernens, Litteras hujusmodi Romae, ut moris est, publicatas, et affixas, omnes et singulos, quos illae concernunt, perinde arctare, et afficere, ac si unicuique eorum nominatim, ac personaliter intimatae fuissent etc. prout loquitur eadem Constitutio.

86 Resp. III. Insuper, qui scienter jurat Statuta, Capitulationes, consuetudines, vel alia pacta illicita servare, censetur largo modo perjurus. Ita Glossa cap. 1. §. *Declaramus*, et ibi Francus n. 4. et 7. h. t. in 6. Abbas c. *Sicut nostris*, n. 1. h. t. ubi ex verbis illius Capituli, asserentis, quod non juramenta, sed perjuria potius sunt dicenda, quae contra utilitatem Ecclesiasticam attentantur, notandum inquit; quod illicitum juramentum largo modo potest dici perjurium, id est, indiscretum et illicitum juramentum: non enim capitur hic perjurium pro transgressionem juramenti liciti. Pirhing h. t. n. 105. et alii. Idque desumitur ex cit. c. *Sicut nostris* 27. h. t. ubi juramenta illicita dicuntur perjuria potius: sicque ea praestans, quasi perjurus. Concordat can. *Animadvertendum*, 22. q. 1. ubi iurandum, quod non habet tres comites, veritatem, iudicium atque justitiam, nequaquam juramentum, sed perjurium appellatur. Quod intellige largo modo: nam Perjurium proprie dicitur juramentum, cui deest veritas: sive, ut inquit D. Thomas 2. 2. q. 98. art. 1. Perjurium est mendacium juramento firmatum. Atque ideo proprie ille dicitur perjurus, qui aliud jurat, quam habet in mente: vel qui non adimplet id, quod sub juramento promisit, cum etiam hic deficiat veritas, nempe veritas facti.

87 Additur tamen in data Conclusionem, qui scienter etc. Nam si quis generaliter jurasset servare Statuta, et consuetudines alicujus Communitatis, atque ita in mente habuisset, ignorans ea esse illicita, vel quid illicitum continere, tunc non peccavit jurando, ratione suae bonae fidei: sicque non censetur quasi perjurus: nullo minus cognita rei veritate prohibetur servare Statuta illicita, non

RIFFENSTUEL Jus Can. Tom. II.

obstante suo juramento generaliter, ac bona fide facto, etiam obligetur ad servanda licita. Textus, et Glossa in cit. c. 1. h. t. in 6. ubi istud exemplificatur in Statutis locorum, quae alicubi clausa porrigi consueverant promovendis ad Potestarias, Rectorias, et Officia, ut prius se ea servaturos jurarent. Concordant dicta paulo superius n. 81.

Quaeritur IV. An juramentum contra Leges Civiles, earumque prohibitionem factum obliget? Resp. I. Quoties Lex Civilis obligat ad culpam, tunc juramentum de praestando actu per ipsam prohibito non obligat, estque nullius roboris. Ita communis; et patet ex dictis num. 73. et 74. Siquidem juramentum non est vinculum iniquitatis: unde nec est obligatorium contra bonos mores praestitum juramentum, juxta Reg. 58. Jur. in 6. cum concordantiis.

Caeterum, quandoque Lex Civilis obliget ad culpam, etiam pro Foro conscientiae (posse enim sic obligare, sciuntur omnes Doctores, conformiter quarto Praecepto Decalogi) aequit non regula generali determinari, cum deinde Leges etiam mere poenales, aliquae autem duntaxat favorem contineant, quo nemo cogitur frui invitus. Unde quando obligent sub culpa, tum ex verbis Legis, tum ex subjecta materia, aliisque circumstantiis, ac praesertim ex recepta et antiqua consuetudine, utpote quae est optima legum interpret, prudenti judicio erit determinandum; de quo plura superius Lib. 1. Tit. 2. De Constitutionibus. §. 7. n. 152. ac seqq. et §. 9. n. 204. et seqq. Quin imo plurimae Leges Civiles sub certis poenis taxatis praecipunt, aut prohibent ea, quae jam Jure naturali, aut Divino praeccepta, vel prohibita fuerunt: ut, veram Fidem Catholicam profiteri, Deum colere, proximum non ledere, alienum restituere, a sortis, loteriiis, adulteriis, aliisque criminibus abstinere, et hujusmodi. Et talium legum violationem inducere culpam, extra controversiam est: unde nec valet juramentum de praestando actum in contrarium.

Resp. II. Si Lex Civilis principaliter fundetur super bono publico, tunc juramentum de praestando actu per illam prohibitio non obligat. Ita Abbas c. *Cum contingat*, 28. n. 5. et Baldus ibid. n. 5. h. t. Card. Tuschus L. 1. Concl. 500. n. 20. post Coderinum Consil. 185. alias q. de Jurejurand. Sanchez lib. 3. in Decalog. cap. 9. num. 34. citans alios. Ratio est: quia pactis, et juramentis privatorum, Juri publico renunciari non potest, c. *Si diligenti* in de Foro compet. et c. *Contingit interdum*, 36. de Sentent. et commun. et l. *Jus publicum*, ff. de Pactis. Siquidem nemo renunciare potest ei, quod pro se non est introductum: prout dicitur ipsam lumen naturale. Quinimo juramentum, quod principaliter militat contra bonum commune, si servetur, vergit in dispendium salutis aeternae, hoc ipso, quod sit contra jus alterius, sive communitatis: etenim

Regula generalis est, quod juramentum vergens in praedictum tertii, non obliget, c. *Quamvis pactum* 1. de Pactis in 6. ibi: *Nec redundet in alterius detrimentum*. Concordat textus in c. *Cum contingat*, 28. §. *fn. h. t.* ubi familiae habentur. Ea ratio est: quia juramentum, quod redundet in detrimentum tertii, saltem principaliter includit injustitiam: ideoque non obligat, ne sit vinculum iniquitatis. Glossa *fn. cit.* c. *Quamvis pactum de pactis in 6.* Layman lib. 4. Theolog. Moral. tract. 3. cap. 6. n. 9. Sanchez d. cap. 9. n. 38. allegans alios.

Additur tamen, saltem principaliter. Quia regula haec debet intelligi, quando juramentum tendit directe ac principaliter in detrimentum tertii.

ut si mater, sub juramento velit alienare, vel pigrius obligare bona, quae ex alicujus dispositione pertinent ad filiam, debentque huic illaesa relinquai. Secus, si juramentum illud indirecte duntaxat, ac secundario possit nocere tertio, atque in ejus redundare detrimentum: sic enim valet pactum juramento firmatum a filia, dum nuptioi tradebatur, ut dote contenta, nullum habeat ad bona paterna regressum; haud obstante, quod illud secundario, et in consequentiam praedictet proliis ex filia illa nascituris, d. c. *Quamvis pactum*, juncta Glossa *fin. et margin. ibid. de Pactis in 6. Sanchez cit. cap. 9. n. 39. et alii.*

93. Resp. III. Quando Lex Civilis principaliter fundatur super favore privati, licet secundario et in consequentiam respiciat etiam publicam utilitatem, tunc juramentum in contrarium praestitum valet, atque obligat jurantem. Ita Glossa *fin. c. Quamvis pactum*, et Francus *ibid. n. 12. de pactis in 6. Abbas cit. c. Cum contingat. n. 5. et Barbosa ibid. n. 4. et alii, h. t. Sanchez d. cap. 9. n. 35. allegans plurimos alios. Ratio est; quia hujusmodi Lex Civilis potest quidem ob utilitatem privatorum sibi subjectorum, impedire obligationem quaerendam homini, v. g. statuendo, ut non valeat pactum filiae, quod dote contenta nullum velit habere regressum ad bona paterna: quia tamen Lex est subjecta Deo, can. *Si dominus. et can. Qui resistit. 1. quaest. 3.* hinc non potest impedire obligationem quaerendam Deo vi juramenti, quando istud caeteroquin non involvit turpitudinem; nec praedictat tertio sive bono publico, sed duntaxat favori privato, cui quilibet renunciare potest. Unde cum juramentum principaliter dirigatur in Deum, subintrat Jure naturali notum, Matthi cap. 5. *Non pejorabis: reddes autem Domino juramenta tua.* Sive, ut loquuntur SS. Canonibus: *Omne juramentum nec vi, nec dolo praestitum servari debet, si non vergit in aeternae salutis dispendium, nec redundat in alterius detrimentum*, prout dicitur saepe cit. c. *Quamvis pactum de Pactis in 6. et c. Cum contingat. 28. h. t. cum similibus.**

94. Eadem Conclusio declaratur inductione. Sic imprimis alienatio rerum dotialium, secundum Leges prohibita est, ac invalida. l. *Julianus. ff. de Fundo dotal. et Auth. Sive a me. C. Ad S. C. Vellejan.* Si tamen eam mulier, sine vi et dolo, juramento suo confirmet, istud erit observandum, ne via perjurii aperiatur, cit. c. *Cum contingat. 28. h. t.* ubi Glossa & *Debent.* Jo. Andreas num. 1. et 2. Abbas in *Summario.* Barbosa in *Collectan. num. 2.* cum aliis communiter. Nam finis primarius, seu principaliter intentus illarum Legum Civilium, est bonum particulare mulierum, utpote quibus expedit salvas habere dotes suas, ut post mortem mariti inveniant alium, cui nubere possint: quamvis secundario inde sequatur bonum Reipublicae, quae conservatur per propagationem generis humani, l. 1. ff. *Solutio matrimonii.* Atqui illicitum non est, quod mediante juramento mulieres renuncient suo particulari favori, sicque alienent res suas dotales; cum libere possint penitus in secundis nuptiis abstinere, vel saltem ad has alia ratione pervenire.

95. Deinde, licet secundum Leges Civiles pactum, quod filia dote contenta patri ab intestato non succedat, non valeat; et ideo ipsa succedere patri non prohibeatur, dummodo dotem fratribus conferat, l. *Pactum dotali instrumento. C. de Collation.* Si tamen accesserit juramentum, omnino servari debet, saepe cit. *Quamvis pactum de Pactis in 6.* ubi istud expresse habetur decisum; ac notat Glossa *ibid. & Quamvis.* et Barbosa in *Collectan. n. 1. et*

2. allegans plurimos alios. Covarruvias d. c. *Quamvis pactum. part. 3. §. 2. et 3. Fachineus lib. 3. Contravers. jur. cap. 22. 23. et 24.* qui hoc ipsum varie ampliant. Ratio est, quae supra n. 93.

Tertio, pactum, sive promissio non revocandi testamentum, Jure Civili irritum est: quia liberam de bonis suis usque ad mortem disponendi libertatem aufert, l. ult. C. de Pactis. Si tamen juramentum accesserit, obligat, nec potest revocari absque perjurii reatu, nisi ejus relaxatio impetretur. Covarruvias de Testament. part. 2. Rubric. num. 52. Jo. Andreas c. *Quod semel. num. 11. de Reg. Jur. in 6.* Alexander Consil. 16. num. 3. vol. 3. Layman cit. lib. 4. tract. 3. cap. 6. num. 7. et communis aliorum, contra Fachineum lib. 8. *Contravers. Juris, cap. 72.*

97. Quarto, si mulier pro altero spondeat, non obligatur efficaciter, sed potest se jurare auxilio Senatusconsulti Vellejani, l. 1. et 2. ff. *Ad S. C. Vellejan.* Secus, si accesserit juramentum: nam quia istud servari potest absque periculo animae, et dispendio salutis aeternae, est observandum arg. c. *Ex rescripto. 9. h. t.* ubi Glossa & *Et uxorem. Abbas num. 9. Covarruvias c. Quamvis pactum. part. 2. §. 3. num. 8. de Pactis in 6.* cum aliis. Tacentur plures consimiles casus, de quibus inter alios Layman cit. cap. 6. num. 7.

98. Objicies generaliter contra praemissa. Juramentum contra bonos mores est invalidum, ac nullius obligationis, c. *Non est obligatorium. 58. de Reg. Jur. in 6.* Atqui juramentum, quod est contra Leges Civiles, est contra bonos mores; nam Leges illae sunt justae, ac honestae can. *Erit autem lex. dist. 4.* sicque earum violatio injusta, et peccaminosa. Resp. concessa majori, distinguendo minorem. Atqui juramentum, quod est contra Leges Civiles, quae obligant sub peccato, est contra bonos mores, conced. Quae non obligant sub peccato, ut sunt illae, quae principaliter respiciunt bonum et favorem privatorum, cui si volunt renunciare, non prohibentur, neg. minor. et consequent. sub eadem distinctione. Quia enim pactum, per quod tollitur jus privati sibi publica auctoritate concessum, valet; secus, si tollatur jus commune c. *Si diligenti. 12. de Foro competent. et l. Juris gentium. §. Si paciscar.* juncto Summario ff. *de Pactis*: a potiori istud erit concedendum de juramento, quo privatae personae renunciant favori sibi publica auctoritate Legis concessio; uti fit in allatis exemplis. Neque enim cogitur quis sub peccato ad fruendum favore pro se introducto: Sicut et invito beneficium non datur, ut habetur l. *Invito. ff. de Reg. Jur.*

99. Urgebis *Accessorium naturam sequi congruit principali*, juxta Reg. 46. Jur. in 6. ergo si non tenet principale, puta, pactum filiae, quod dote contenta nullum velit habere regressum ad bona paterna, etc. neque tenebit juramentum eidem appositum, veluti accessorium ipsius. Resp. neg. consequ. Nam regula illa, *Accessorium*, inter alias limitationes non procedit, quando in accessorio reperitur specialis ratio, quae non reperitur in principali; et propter quam illud, corrumpente principali, meretur sustineri: prout in juramento est reverentia Divini Numinis, ne videlicet testimonium Aeternae Veritatis in falsum adducatur. Abbas c. *Debitores. n. 2. h. t.* et conformiter praemissis, sicut et dictis supra num. 77. et seqq. possunt solvi nonnullae aliae instantiae.

Quaeritur V. Utrum obliget juramentum vi, aut metu gravi extortum? Resp. I. Juramentum promissorium metu etiam gravi, atque injuste incusso extortum obligat, dummodo possit servari.

abique dispendio salutis aeternae: nisi a legitimo Superiore relaxetur. Ita D. Thomas 2. 2. *quaest.* 99. *art.* 7. *ad* 3. Glossa in *cap.* 2. §. *Possit constringi.* et Abbas *ibid.* n. 2. h. t. Sanchez *lib.* 3. in *Decalog.* *cap.* 11. num. 14. asserens, hoc esse certissimum. Pirhing h. t. num. 69. Sannig *eod.* *cap.* 4. num. 4. et alij contra quosdam antiquiores, quorum meminuit Glossa *loc. cit.* Conclusio haec expresse habetur decisa e, *Si vero.* 8. h. t. ubi loquendo de quopiam, qui gravissimo metu coactus, sub religionis juramenti jus suum refutavit, Papa consultus respondit: *Quod non est tutum, quemlibet contra juramentum cum venire, nisi sit tale, quod servatum vergat in interitum salutis aeternae: nec Nos* (inquit) *materiam alicui dare volumus veniendi contra juramentum proprium: ne auctores perjurii videamur.* Haec ibi: eo tamen addito, quod ad coercendam iniquitatem perversorum, Romana Ecclesia consueverit a tali juramento absolvere. Concordat c. *Forum.* 15. *eod.* et c. *Ad audientiam.* 4. *De iis, quas vi metus etc.*

101 Accedit ratio: quia coacta voluntas est voluntas, ut habet vulgatum Canonistarum, atque desumitur ex *can. Merito.* 15. q. 1. juncta Glossa *ibid.* §. *Valt.* Et quia per juramentum simul oritur obligatio, qua quis obligatur Deo, ut impleat, quod per Nomen ejus, atque sub attestatione sui Divini testimonii promissit: potius is deberet damnum temporale sustinere, quam juramentum violare, donec ab hujus observantia per Superiorem legitime fuerit absolutus. Plura de juramento, per metum injustum extorto, patent ex iis, quae *Lib.* 1. *Tit.* 40. *De iis, quas vi metus causa sunt,* per totum copiosius dicta fuerunt: ubi etiam n. 57. 58. et 59. ponitur differentia inter Votum metu emissum, quod non obligat; et Juramentum metu extortum, quod obligat.

102 Quæritur VI. Utrum obligatio Juramenti promissorii sit personalis, vel potius realis, ita ut ad haeredes transeat? Ubi praenotandum, quod juramentum promissorium, in hominis utilitatem factum, dupliciter considerari possit. Primo, ut per se stat, atque praescindit a ratione pacti, seu promissionis ab altero acceptatae, simul quandoque concurrentis: uti est juramentum Deo factum dandi elemosynam pauperibus, aedificandi Ecclesiam pro certis Religiosis, vel aliud quid praestandi ad utilitatem hominum. Antequam enim promissio illa fuerit ab altero acceptata, cessat ratio pacti, quod includit duorum, vel plurium in idem consensum; ne remanet sola ratio, atque obligatio propria juramenti, obligantis duntaxat erga Deum ex virtute Religionis. Secundo, ut juramentum promissorium homini factum intelligitur ab altero acceptatum, atque simul involvit rationem pacti: hoc est, promissionis alteri factae, ab eoque acceptatae. Atque in hoc casu juramentum promissorium duplicem inducit obligationem: unam erga Deum ex virtute Religionis, ne testimonium ejus in falsum assumatur: alteram erga hominem ex virtute Justitiae, ut ejus tenetur quis servare pactum, seu suam promissionem alteri factam, ab eoque acceptatam. Hoc praenotato,

103 Resp. I. Obligatio propria juramenti, seu procedens ex virtute Religionis, est omnino personalis, solvique jurantem officit: si tamen juramentum sit confirmatorium promissionis ab altero acceptatae, tunc obligatio inde suborta vi pacti, seu ex virtute Justitiae, transit ad haeredes, paritque actionem in Foro externo tam Civili, quam Canonico. Ita D. Thomas 2. 2. *quaest.* 98. *art.* 2. *ad* 4. Abbas c. *Veritatis.* num. 3. h. t. Covarruvias c. *Quamvis pactum.* part. 1. §. 2. a num. 3.

REIFFENSTUEL Jus Can. Tom. II.

usque ad 10. Layman *lib.* 4. *Theolog. Moral. tract.* 3. *cap.* 10. num. 2. 3. et 5. Sanchez *lib.* 3. in *Decalog.* *cap.* 13. num. 1. et seqq. Pirhing h. t. num. 145. et seqq. cum aliis. Prima pars ex eo patet: quia juramentum est obligatio voluntarie assumpta ex virtute religionis: juramentum enim, sicut et votum, non potest esse sine intentione jurandi, seu vendendi; ergo est vinculum personae annexum, sique ex vi juramenti nequit ejus obligatio ad aliam transferri personam.

Atque istud quoque procedit, etiamsi aliquis pro se, et suis successoribus juraverit quidpiam praestare. Quamvis enim tunc Successores possint obligari vi pacti, seu promissionis ab alio acceptatae, ut habet altera pars Conclusionis: non tamen hi tenebuntur ex vi juramenti, adeo, ut si juramentum sui Antecessoris non servaverint, fiant perjuri: quia religio juramenti est personalis, sique nequit ea quis per alterum obligari, Abbas, Sanchez, Layman, ubi supra, et alii.

Et hinc est, quod Rex, Episcopus, Canonici etc. a principio sui Regni, Episcopatus, Canoniciatus etc. soleant praestare proprium, ac personale juramentum: quia caeteroquin sub reato perjurii non obligarentur ad servanda juramenta, quae Antecessores ipsorum ediderunt. Similiter haeredes Vasalli, cum investitur, novum fidelitatis juramentum praestare cogitur: quis non obligaretur ex homagio sui Antecessoris. Sylvester §. *Juramentum.* 4. q. 3. Layman *loc. cit.* n. 3. allegans communem.

106 Altera pars Conclusionis probatur ex eo. Quia promissio jurata, et ab altero acceptata, non est merum juramentum, sed est verum pactum: atqui obligatio pacti, praesertim juramento firmati, transit ad haereditem, etiamsi non fuerit expressum, dummodo contrarium non sit cautum, l. *Peteris. C. de Contrahend. stipulat.* et l. *Si pactum. ff. de Probat.* Paritque actionem in utroque Foro, *cap. 1. de Pactis.* et l. *Ut jurisjurandi ff. de Operis libertor.* cum similibus: estque uberius dictum *Lib.* 1. *Tit.* 35. *de Pactis.* §. 1. num. 31. et seqq. ergo. Hinc *cap. ult. de Foro compet.* habetur, quod Laicus ratione juramenti, seu ut illud servare compellatur, coram Judice Ecclesiastico conveniri valeat.

107 Infertur proinde, quod si defunctus promissionem homini factam, et ab eodem acceptatam, v. g. de danda certae pauperi puellae dote, juramento firmaverit, sique duplicem contraxerit obligationem: unam Religionis, vi praestiti juramenti; alteram Justitiae, ratione pacti, seu promissionis ab altero acceptatae: tunc quidem per mortem ipsius extinguatur prior obligatio, quae est propria juramenti, atque ex virtute Religionis oritur, cum sit mere personalis; posterior tamen transeat ad haereditem. Et ratio est: quia haeres hoc ipso, quod adest haereditatem, censetur contractum inire ad solvenda omnia defuncti debita, et onera realia; sique etiam tenetur implere dictam promissionem, dando videlicet pauperi puellae dotem, non quidem ex motivo Religionis, sed ex virtute Justitiae. Layman *cit.* *cap.* 10. num. 4.

108 Atque hoc ipsum est dicendum de juramento reali soli Deo facto, dandi v. g. certam pecuniam pauperibus in honorem Dei: quia, licet tale juramentum a nullo hominum sit acceptatum, nihilominus haeres defuncti tenetur illud adimplere, potestque ad ejus adimplerionem compelli a Judice Ecclesiastico. Prout in simili dicitur de voto reali, c. *Ex parte.* 16. *de Censib. et c. Si haeredes.* 6. *de Testament. et l. 1. ff. de Pollicitat.* ubi sic habetur: *Poti enim obligationem ad haereditem transire constat.* Quod de voto reali, seu consistente in dan-



do, non aulem de voto personali, eundi v. g. ad S. Jacobum Compostellum, esse intelligendum, notat Glossa *fin. ibid.* Accedit ratio: quia licet haeres defuncti, juramentum reale Deo facientis, non obligetur ad istud persolvendum ex vi ipsius juramenti, seu ex virtute Religionis (nam obligatio juramenti fuit personalis, ac cessavit cum persona defuncti) tenetur, nihilominus haeres defuncti tale juramentum reale persolvere ex obligatione justitiae, ac vi memorati contractus per additionem haereditatis cum defuncto initi ad solvenda onera realia ipsius. Pirhing *h. t. h. 147. Castropalea part. 3. disp. 2. de Jurament. punct. 11. n. 1. citans alios.*

109 Secus dicendum de juramento debitoris defuncti, qui promisit solvere usuras, juxta *c. Debitores. 6. h. t.* Nam, quia obligatio juramenti fuit personalis, sique extincta in morte debitoris defuncti; nulla vero remanserat obligatio Justitiae, eo quod exactio usurarum contineat turpitudinem, atque injustitiam ex parte recipientis: hinc haeres non tenetur ad istud juramentum persolvendum. Covarruvias *d. c. Quamvis pactum. de Pactis in 6. part. 1. §. 2. n. 8.* Pirhing *cit. n. 147.* Layman *d. cap. 10. n. 4.* Sanchez *lib. 3. in Decalog. cap. 13. n. 5. citans alios.*

110 Resp. II. Nihilominus juramentum ex parte ejus, cui juratur, non est personale, sed transit ad haeredes ipsius. Ita Innocentius *c. Veritatis. h. t.* dicens, quod juramentum, licet sit personale ex parte jurantis, tamen sit reale ex parte ejus, cui juratur. Sigism. Scaccia *lib. 2. de Judiciis. cap. 2. n. 103.* asserens, Doctores communiter sequi Innocentium, Covarruvias *cit. part. 1. §. 5. n. 7.* Angelus *§. Juramentum. 5. n. 40.* Sanchez *d. cap. 13. n. 6.* et alii passim. Idque desumitur ex *c. Veritatis. 14.* juncta Glossa *fin.* et DD. *ibid. h. t.* ubi Vasallos, qui jurant Praelato fidelitatem atque reverentiam, eandem etiam tenentur exhibere Successoribus ipsius, neque istis amplius compellitur jurare, nisi velis; prout notat Glossa *ibid. §. Compellantur.*

111 Concordat textus in *l. Si pactum. ff. de Probat.* ubi pactum tibi factum, extenditur etiam ad haeredem tuum: Quia plerumque tam haeredibus nostris, quam nobismetipsis cavemus. Idem ergo dicendum de juramento, utpote quod suscipit naturam et conditiones promissionis, cui adjicitur. Hinc jurans, v. g. solvere Petro centum florenos, eo defuncto ante factam solutionem, tenetur istos solvere haeredibus Petri, et quidem ex vi juramenti huic praestiti; prout exemplificat Sanchez *cit. n. 6.* et Pirhing *h. t. n. 149.* allegans alios cum communi.

## §. IV.

De Juramento ut confirmante pacta, vel contractus de jure invalidos.

## SUMMARIUM.

112 Contractus per juramentum confirmatus plurimum differt ab eo, qui non confirmatur, sed solum juramentum servari debet. Et num. seqq.

113 114. 115. et 116. Enumerantur hujusmodi differentiae.

117 Contractus de jure invalidi, an confirmantur juramento? Et num. seqq.

Qui sunt juri naturali aut Divino contrarii, non possunt juramento confirmari. *Ibid.*

118 Contractus jure duntaxat humano invalidi, aliquando confirmantur juramento.

119. et 120 Idque probatur.

121 Aliquando vero non confirmantur juramento. Ut, si juramentum per vim, aut metum factum extortum. *Ibid.*

122 Aut si juramentum est in praerudicium tertii, vel boni publici.

123 Et quando observantia juramenti vergit in praerudicium salutis aeternae.

124 Vel valtem ex parte exigentis, sive recipientis turpitudinem continet.

125 Quando pactum, sive contractus de jure irritus, censetur confirmari juramento? Et num. seqq.

Si Lex irritans contractum fundatur super bonis moribus, vel bono publico, tunc contractus in contrarium gestus non confirmatur juramento. *Ibid.*

126 Bene tamen, quando Lex irritans contractum principaliter respicit favorem privati.

127 Referuntur hujus exempla.

128 Afferuntur objectiones.

129 Et resolvuntur. Ac num. seqq.

130 Quae contra jus sunt, debent utique pro infectis haberi, quomodo intelligendum?

Quaeritur I. Utrum, et qualiter differat contractus per juramentum confirmatus, ab eo, qui non confirmatur, sed ipsum solum juramentum servari debet? Resp. Plurimum differre; prout satis ostendit Jason *Auth. Sacramenta puerum. n. 38. et seqq. C. Si adversus vendition. Sanchez lib. 3. in Decalog. cap. 12 n. 58. et seqq. Engel h. t. n. 12. et alii.* Idque probatur inductione, ostendendo plures ejusmodi differentias, atque peculiare effectus, quos habet contractus juramento confirmatus, qui non competunt alteri non confirmato, seu ubi solum juramentum habet vim obligandi.

Primo enim, quando juramentum solum obligat, contractus vero caeteroquin de jure nullus per illud non confirmatur, obligatio ejus non transit ad haeredes: secus dicendum, si per illud etiam confirmetur contractus. Ita Jason *cit. l. Sacramenta puerum. n. 38.* et Engel *h. t. num. 12.* Ratio est: quia juramentum non potest esse si non propria intentione; ac proinde obligatio ejus est mere personalis, atque voluntarie assumpta ex virtute religionis, et consequenter non transit ad haeredes: quamvis hi teneantur stare pactis, et contractibus defuncti, ut paulo superius *n. 103. et seqq.* jam dictum.

Secundo, quando juramentum non confirmat contractum caeteroquin invalidum, potest peti relaxatio juramenti, eaque impetrata veniri contra contractum; utpote qui dimitteretur in sua natura, sique invalidus remaneret. Secus, si contractus ipse per juramentum confirmaretur: nam tunc sublatum per dispensationem vinculo juramenti, adhuc remaneret obligatio et vinculum contractus, eo quod per juramentum fuisset confirmatus, roburque accepisset.

Tertio, quando juramentum non confirmat pactum vel contractum, sed ipsum, duntaxat obligat, impletur obligatio ejus momentanea solutione, et statim potest solvens, implorato Judicis auxilio repetere rem solutam; ut accidit *c. Debitores. 6. h. t.* Secus, si ipsum pactum seu contractus confirmetur.

Quarto, quando juramentum non confirmat contractum, violans illud solum agit, et peccat contra virtutem Religionis: si vero confirmetur contractus, ageret etiam contra virtutem Justitiae. Tacentur aliae differentiae, de quibus Jason, et Sanchez, ubi supra, et Pirhing *h. t. n. 147.* cum aliis. Supposito proinde tam multiplici effectu contractus per juramentum confirmati,

117. Quaeritur II. Utrum contractus de Jure invalidi, confirmantur juramento? Resp. I. Contractus Juri naturali, aut Divino contrarii, vel versantes circa materiam illicitam, non possunt juramento confirmari: adeo, quod tunc neque ipsum juramentum obliget. Ita certa, et communis omnium: siquidem non est obligatorium contra bonos mores praestitum juramentum, ut loquitur Reg. 58. Juris in 6. Simulque juramentum non, ut esset iniquitatis vinculum, fuit institutum: prout loquitur Pontifex in c. Quanto. 18. h. t. etque jam dictum supra num. 73. et 74. Quaestio itaque duntaxat remanet de pactis, seu contractibus, solo Jure humano, sive Civili, sive Canonico irritis; et de his loquendo,

118. Resp. II. Contractus Jure duntaxat humano invalidi aliquando confirmantur per juramentum, aliquando non. Ita Abbas c. Cum contingat. num. 8. h. t. allegans Bartolum Covarruvias c. Quamvis pactum de Pactis in 6. part. 2. §. 1. n. 17. Sanchez lib. 3. in Decalog. cap. 12. n. 5. Pirhing h. t. n. 132. allegans alios; estque communior Doctorum, paucis exceptis, qui volunt, contractum de jure irritum nunquam confirmari juramento, sed tunc solum juramentum esse servandum, relicto contracto in sua invaliditate. Et hujus sententiae rationes ponuntur infra num. 128. loco objectionum; ipsamque tenet Jason cit. l. Sacramenta puberum. n. 37. C. Si adversus vendit. cum nonnullis aliis, quos pro hac sententia allegat Covarruvias, ubi supra, n. 17.

119. Prima pars, videlicet contractus aliquos Jure humano caeteroquin irritos confirmari juramento, probatur ex textu satis claro, c. Quamvis pactum de Pactis in 6. ubi dicitur: Quamvis pactum patri factum a filia, dum nuptui tradebatur, ut doto contenta nullum ad bona paterna regressum haberet; improbet Lex Civilis: si tamen juramento non vi, nec dolo praestito, firmatum fuerit ab eadem, omnino servari debet: Cum non vergat in aeternae salutis dispendium nec redundet in alterius detrimentum. Haec ibi. Ubi patet, non juramentum duntaxat decerni servandum, sed etiam ipsummet pactum utpote, de quo loquitur textus, quodque expresse dicitur juramento praestito firmatum; ac proinde subditur, quod omnino servari debet.

120. Hoc etiam communiter allegatur textus c. Cum contingat. 28. h. t. et c. Licet. eod. in 6. ubi etiam Judices saeculares per locorum Ordinarios censura Ecclesiastica jubentur compelli ad servandum quoad hoc Jus Canonicum. Concordat Auth. Sacramenta puberum. C. Si adversus venditionem etc. juncta Glossa et Summario ibidem, expresse hanc sententiam tenente, dum inquit: Contractus puberum juramento firmati, nequeunt infirmari: nisi vis, vel justus metus intervenierit etc. Quamvis caeteroquin textus isti possent facile de juramento explicari, non autem de pacto sive contractu ipso.

121. Altera vero pars, quod nimirum aliquando contractus non confirmantur juramento, patet tum ex c. Cum contingat. 28. h. t. tum ex relato c. Quamvis pactum de Pactis in 6. Nam imprimis juramentum, ad quod quis praestandum per vim, sive metum gravem, aut dolum inductus fuit, non confirmat contractum, promissionem vel pactum: prout ex citatis Canonibus, argumento a sensu contrario desumpto, colligitur; juncta Auth. Sacramenta puberum. C. Si adversus venditionem: ibi: Sacramenta puberum per vim, vel justum metum extorta, nullius esse momenti jubemus, cum concordantiis: haud obstante, quod ipsum juramentum metu extortum obliget, donec illud legitima au-

toritate fuerit relaxatum, sive dispensatum, juxta dicta num. 100. et 101.

Deinde, si juramentum est in praedictum tertium, non confirmat contractum: imo si principaliter ac directe redundet in alterius praedictum, etiam ipsum juramentum non obligat, neque observandum est, c. Cum contingat. 28. h. t. et c. Quamvis pactum eod. in 6. Siquidem tale juramentum foret illicitum, utpote tendens in injustum praedictum alterius. Et hoc a fortiori procedit in juramento, quod tendit in praedictum boni publici; puta, quia actus, sive contractus, principaliter facti prohibitus ob favorem publicum: nam Jus publicum, privatorum pactis mutari non potest, ut habetur l. Jus publicum. ff. de Pactis. et c. Si diligenti. 12. de Foro compet. estque amplius dictum supra num. 90. et seqq.

Uterius juramentum, cujus observantia vergit in dispendium salutis aeternae, non confirmat pactum, vel contractum de jure invalidum. Siquidem hujusmodi juramentum nullius est obligationis, et roboris: per textum num. 73. et 75. allegatos.

Ex hoc intelligendum est non solum de juramento; quod sine peccato nequit observari (hoc enim nullatenus est obligatorium) sed etiam de eo, quod quidem ex una parte observari potest sine peccato, solvendo v. g. sponte rem alteri sub juramento promissam; adhuc tamen ex parte exigentis, sive acceptantis turpitudinem continet, quatenus is accipit injuste, ac restituere tenetur, prout cum aliis communiter notat Sanchez loc. cit. cap. 12. n. 51. et seqq. Exemplum clarum habetur c. Debitores h. t. ubi sub juramento promittens se soluturum usuras, cogitur quidem eas solvere ob religionem jurisjurandi; sed solutas repetere potest, etiam auctoritate Judicis implorata: ac proinde pactum illud, juramento non fuit confirmatum. Idem contingit in casu c. Significante de Pignorib. superius n. 79. jam declarato, et nonnullis aliis.

Quaeritur III. Quando pactum, sive contractus de jure irritus, censetur confirmari juramento? Resp. I. Si Lex irritans contractum fundatur super bonis moribus naturalibus (hoc est, quibus homo efficitur bonus, et quibus contravenire est peccatum) aut fundatur super bono publico principaliter, tunc contractus in contrarium gestus juramento non confirmatur; per Jura, et rationes supra §. praeced. num. 88. 90. et seqq. allatas.

Resp. II. Quando vero Lex neque super bonis moribus naturalibus, neque super bono publico fundatur, sed principaliter respicit favorem privati, licet secundo et in consequentiam respiciat favorem atque utilitatem publicam; tunc juramentum adeo confirmat contractum, ut non tantum ipsum juramentum sit servandum, sed etiam contractus, licet caeteroquin invalidus. Ita Abbas c. Cum contingat. num. 5. et 8. h. t. Covarruvias cit. c. Quamvis pactum part. 2. §. 1. num. 17. Sanchez lib. 3. in Decalog. cap. 12. num. 43. 44. et seqq. citans plures alios; et concordant dicta superius §. praeced. num. 93. ac seqq.

Exempla hujus sunt, quae adducit Layman lib. 4. Theolog. Mor. tract. 3. cap. 8. num. 1. et Pirhing, h. t. num. 178. Sic enim valet, atque juramento confirmatur renunciatio filiae de non succedendo paternae haereditati, c. Quamvis de Pactis in 6. Item alienatio rerum dotialium, ac donationum propter nuptias, c. Cum contingat. 28. h. t. et c. Licet. 2. eod. in 6. Item contractus Minoris sub

- juramento celebratus absque Tutoris auctoritate, *Aulh. Juramenta puberum. C. Si adversus venditionem.* Item donatio excedens quingentos solidos sine insinuatione Judicis: mutatio filii familias, qui juratus renuntiavit beneficio Senatus consulti Macedoniani: fidejussio mulieris sub juramento renunciantis privilegio Senatus consulti Vellejani, et alia nonnulla hujusmodi.
- 128 Obijcies contra hoc. Nam *Jus publicum privatorum pactis mutari non potest*, prout habetur *l. Jus publicum. ff. de Pactis.* Item, quae contra jus sunt, debent utique pro infectis haberi, juxta *Reg. 64. Juris in 6.* cum similibus. Insuper, si principale non tenet, neque accessorium, juxta *Reg. 42. Juris in 6.* Ergo nunquam confirmatur contractus de Jure invalidus per juramentum. Resp. neg. consequent. conformiter dictis supra num. 98. et 99.
- 129 Ad primum dicitur, textum allegatum procedere, quando jus illud principaliter statutum fuit ob favorem publicum: secus, si principaliter ob favorem privatorum. Si quidem quilibet juri suo renunciare potest, *c. Si diligenti. de Foro compet. et l. Juris gentium. §. Si paciscar. ff. de Pactis.* et alibi.
- 130 Ad alterum plures sunt responsiones: caeteris tamen dimissis, dicitur, Regulam illam, *Quae contra Jus sunt etc.* procedere, quando Lex manet in terminis prohibitionis: videlicet tam ab initio, quam ex postfacto prohibendo, atque annullando actum contrarium: secus, si tantum ab initio prohibeat, sed ex postfacto ulterius procedat disponendo, quod actus, sive contractus valeat: uti fit in proposito, juxta *c. Quamvis pactum. de Pactis in 6. et c. Cum contingat. 28. h.t.* cum similibus. Aut dando alia remedia ad actum, sive contractum illum rescindendum: uti fit in contractibus ex gravi, et injuste incusso metu celebratis, ac hujusmodi: prout latius dicta Regula explicantur supra lib. 1. Tit. 2. de Constitutionibus. §. 11. n. 246. 247. et 249. Ad ultimum patet ex dictis supra num. 99. Nam Regula illa, *Accessorio etc.* solum procedit, quando in principali et accessorio reperitur eadem ratio: secus, quando diversa est ratio in accessorio, ut sustineri mereatur, quae non reperitur in principali, prout impraesentiarum est reverentia Divini Numinis.

## §. V.

De Juramento litis decisorio, ejusque divisione, effectu, ac requisitis.

## SUMMARIUM.

- 131 Juramentum litis decisorium, quid, et quando deferendum?
- 132 Est triplex, nempe voluntarium, judiciale, et necessarium.
- 133 Voluntarium, quid?  
Appellatur alio nomine Juramentum conventionale.
- 134 An serviat ad lites in judicio decidendas?  
Et producat actio ex eo? *Ibid.*
- 135 Juramentum litis decisorium judiciale, seu juramentum judiciale specificè sumptum, quid?  
Isto delato tenetur pars jurare, aut illud referre. *Ibid.*
- 136 Dummodo hinc excipiat actio famosa: et cur?
- 137 Deferre juramentum, et Referre juramentum, quid?
- 138 Juramentum necessarium, et cur sic dicatur?  
Appellatur etiam Juramentum suppletorium: et cur?
- 139 Differentia inter triplex memoratum juramentum decisorium litis.
- 140 Effectus juramenti litis decisorii primarius est, ut si praestetur, ei sit standum.
- 141 Saltem, quamdiu de falsitate juramenti aliunde non constat.  
Dupliciter potest intelligi juramentum falso praestitum, scienter videlicet, et ignoranter. *Ibid.*
- 142 Juramento sibi delato scienter falsum jurans, praeter peccatum mortale, tenetur de Foro conscientiae restituere, quidquid inde fuit consecutus.
- 143 Non obstante sententia judiciali pro ipso lata: et cur? Praesumptio cedit veritati. *Ibid.*
- 144 Juramentum scienter falso depositum, si de hoc constat, etiam in Foro externo retractandum est. Et Judex eidem inhaerens peccaret. *Ibid.*
- 145 Solvitur instantia ex *L. 1. C. de Rebus credit. Perjurus a solo Deo punitur: et quando? Ibid.*
- 146 Juramentum necessarium, etiam bona fide praestitum, potest retractari, si per instrumenta de novo reperta probetur falsum, secus dicendum de juramento voluntario, et judiciali. Et num. seqq.
- 147 Et ratio disparitatis. Ac num. 152.
- 148 An juramentum necessarium retractetur propter testes de novo repertos, sicut propter instrumenta?
- 149 Sententia lata retractari non potest propter instrumenta de novo reperta.
- 150 Et quando secus. Et num. praeced. et seq.
- 151 Probatio privilegiata, quae?  
Sententia lata per probationes privilegiatas, nunquam transit in rem judicatam etc.
- 152 Lex magis subvenit illi, qui facit actum ex necessitate, quam ex voluntate.
- 153 Dantur aliqui casus, in quibus juramentum etiam voluntarium, ac judiciale, cognita rei veritate retractatur. Et num. seqq.
- Juramentum voluntarium, ac judiciale procedit dumtaxat quoad jurantem, et juramentum deferentem: non quoad extraneos. *Ibid.*
- 154 Nec procedit in causa ultimae voluntatis.
- 155 Neque in causis matrimonialibus.
- 156 Nec etiam, ubi per confessionem partis constat de injustitia sententiae.
- 157 Alia limitatio refertur.
- 158 Ad juramentum litis decisorium requiritur, quod lis sit dubia.
- 159 Nec est deferendum, ubi de veritate negotii aliunde constat.  
Nec valet consuetudo contraria: et cur? *Ibid.*
- 160 Ad juramentum voluntarium, seu conventionale requiruntur, ac sufficiunt ea, quae ad transactionem.
- 161 Ad juramentum litis decisorium judiciale requiritur ulterius approbatio Judicis.
- 162 Ad juramentum necessarium plura requiruntur: et quae?
- 163 Juramentum litis decisorium, an possit deferri etiam per execrationem?  
Sic delatum nequit praestari per Procuratorem. *Ib.*

Quaeritur I. Quid, et quotuplex sit Juramentum litis decisorium? Resp. I. Juramentum litis decisorium vi nominis est illud, per quod lis principalis deciditur: sive, quod in defectu aliarum probationum deferatur alterutri partium litigantium, ad definiendas, seu decidendas lites. Et notanter additur, in defectu aliarum probationum: quia Juramentum litis decisorium tunc demum est deferendum, cum aliae legitimae probationes deficiunt, test. *clar. cap. 2. de Probatione.* junctis concordantibus a Glossa *ibid. §. Cum aliae, relatis.* Additur ulterius, alterutri partium: quia Juramentum litis decisorium non praestatur ab utraque parte, prout praestari debet



- juramentum calumpniæ, et malitiæ; sed illud defer-  
tur duntaxat uni parti, sub ea conditione, seu  
pacto, ut si confessa de justitia suae causae juraverit,  
causam obtineat; prout amplius patebit ex dicendis.
132. Resp. II. Juramentum litis decisorium est triplex;  
nempc voluntarium, judiciale, et necessarium. Ita  
Glossa cap. ult. §. A. te. h. t. et alia Glossa in L. 1. §.  
Nisi specialiter. C. de Rebus creditis, Bartolus in Sum-  
mario. l. Admonandi ff. h. t. iuncto textu et Glossa  
in ibi. Abbas cap. ult. n. 1. h. t. Zoetius eod. n. 33. Pier-  
hing n. 20. Engel num. 20. et alii communiter. Ra-  
tio est: quia juramentum litis decisorium vel de-  
fertur in judicio, vel extra judicium. Si extra ju-  
dicium, dicitur voluntarium, sive (et alii loquun-  
tur) *conventionale*. In judicio autem potest illud do-  
pliciter deferri: nam quandoque deferretur a Judi-  
ce; et appellatur *necessarium*: quandoque vero de-  
fertur a parte parti; et istud stat in nomine sui ge-  
neris, diciturque *judiciale*, ut notat Abbas loc. cit.  
quamvis nonnulli majoris claritatis gratia, istud ap-  
pellent *Juramentum judiciale specificum sumptum*; id  
est, *Juramentum litis decisorium judiciale*. Itaque
133. *Juramentum voluntarium* dicitur illud, quod vo-  
luntarie, seu ex mera conventionione partium, extra  
judicium deferretur sub ea conditione, ut si una  
pars litigans, cui illud ab altera parte deferretur,  
confessa de justitia causae suae, jurare ausa fuerit, abs-  
que alio processu causam obtineat. Atque istud alio  
nomine appellatur *Juramentum conventionale*, utpote  
ex mera partium conventionione descendens; confor-  
miter textui in l. Jusjurandum quod 17. ff. h. t. ibi:  
*Jusjurandum, quod ex conventionione extra judicium*  
*deferretur etc.*
134. Arbitrator quidem Pierhing cit. num. 20. post Wes-  
sembecium in Parat. ff. de Jurejur. n. 7. quod praedictum  
juramentum conventionale ad lites in judicio deci-  
dendas non serviat, ideoque hac non pertineat. Ve-  
rum Ludov. Engel h. t. n. 20. tenet oppositam; dem-  
modo constet, quod sub ea conditione et lege  
praestitum fuerit juramentum, sub qua delatum fuit.  
Idque satis liquere potest ex l. Non erit ff. h. t.  
ubi indistincte dicitur: *Dato jurjurando non aliud*  
*quaeritur, quam an juratum sit, remissa quaestione,*  
*an debeatur: quasi satis probatum sit jurjurando.*  
Haec ibi. Unde Abbas cap. ult. n. 1. et 2. post fa-  
ctam de praefato triplici juramento mentionem, indi-  
stincte censet, quod ex quolibet juramento licito, de  
Jure Canonico prodicator actio, dummodo materia  
sit ad hoc apta: Quia (inquit) Jus Divinum, et  
Canonicum, mandant juramentum servari, c. Eius  
Christus. et c. Cum contingat. et c. Debitores. h. t.  
cum similibus; ergo competit jus agendi, l. Statuas.  
ff. de Acquirend. rer. domin. et L. un. ff. de Condict.  
ex leg. Adde dicta superiorum Lib. 1. Tit. 35. de Pactis.  
§. 1. n. 31. et seqq. ubi fusiuse ostensum est, ex quo-  
libet pacto, praesertim si sit vestitura juramento, dari  
actionem in Foro externo.
135. *Juramentum litis decisorium judiciale*, seu *Jura-*  
*mentum judiciale specificum sumptum*, dicitur illud,  
quod a parte parti deferretur in judicio, Judice appro-  
bante. Porro, quando tale juramentum in judicio, at-  
que interveniente Judicis auctoritate a parte deferretur  
parti, tenetur haec vel jurare, vel parti deferenti ju-  
ramentum referre; alioquin causa cadet, sive solvere  
tenebit, cap. ult. §. 1. h. t. et l. Jusjurandum et ad pecu-  
nias. ff. eod. estque communis. Siquidem manifestae  
turpitudinis est, et confessionis, nolle nec jurare, nec  
jusjurandum referre; ut dicitur l. Manifestae. ff. h. t.
136. Dummodo hinc excipiat Actio famosa: ut est  
actio furti, et hujusmodi: nam in hujusmodi actio-  
ne famosa non licet referre juramentum sibi a parte  
altera delatum; prout habetur expressum cit. cap.  
ult. h. t. illis verbis: *Nec liceat convento famosa*

actione referre hujusmodi juramentum. Rationem hu-  
jus dat Abbas ibid. n. 12. et Vivianus in *Rationali*  
*Juris*, eod. cap. ult. §. 3. Quia conventus actione fa-  
mosa, puta quod equum furto abstulerit, melius  
praesumitur scire veritatem, quam Actor equum ejus-  
modi repetens: unde merito taliter conventus, non  
permittitur juramentum sibi ab Actore delatum eidem  
referre; cum ipse certo sciat, an talem equum alteri  
abstulerit, quod Actor tam certo scire non potest  
(dantur enim equi multum sibi similes) atque non  
posset adeo tota conscientia jurare.

Ubi pro intelligentia terminorum sciendum est, 137  
quod ille dicitur *Deferre juramentum*, qui primo  
alteri parti offert, ut juret, si confidat de veritate,  
seu justitia causae suae. *Referre juramentum* contra  
dicitur pars illa, quae post delatum sibi juramentum  
jurare non vult, sed juramentum ejusmodi offert  
vicissim adversario suo, qui prius sibi delulerat.  
Layman lib. 4. Theol. Mor. tract. 3. cap. 5. n. 2.  
vers. Si quaeras.

*Juramentum necessarium* tandem dicitur illud, quod 138  
per Judicem alterutri parti, ob defectum plenae pro-  
bationis, sive in ejus supplementum deferretur. Et  
ideo alio nomine etiam *Juramentum suppletorium*  
appellatur: quia videlicet tunc demum est deferen-  
dum, quando aliae legitime probationes deficiunt,  
cap. Sicut. 2. de Probat. ubi Glossa §. Cum alias.  
Fagpanus n. 5. et Barbosa in Collectan. ibid. n. 4.  
allegans alios. Dicitur autem *Juramentum necessa-*  
*rium*: tum quia Juxta quandoque necesse habet il-  
lud deferri alterutri parti litigantibus, sive ad earum  
petitionem, sive etiam ex officio ad investigandam  
veritatem: tum quia juramentum istud parti delatum,  
nisi iuxta de causa, recusari non potest, nec etiam  
alteri parti referri, cap. ult. §. 1. h. t. atque amplius  
infra §. 7. num. 228. et seqq. dicitur.

Atque ex his patet differentia inter triplex me- 139  
moratum juramentum decisorium litis. Siquidem ju-  
ramentum voluntarium, seu conventionale, deferretur  
a solis partibus, et quidem extra judicium, potest-  
que libere recusari, adeo, ut nec opus sit illud al-  
teri parti deferre, l. *Juramentum quod*. iuncta Glossa  
§. *Non potest*. ff. h. t. Juramentum litis decisorium  
judiciale, seu judiciale specificum sumptum, pariter  
quidem ab una parte deferretur alteri, sed non nisi  
in judicio: simulque opus est, ut prius sit appro-  
batum a Judice, l. *Generaliter*. §. *De Juramento*.  
C. de Rebus creditis: et si deferatur, vel est praes-  
tandum, vel referendum, nisi iuxta causa recusandi  
subsit. Juramentum necessarium vero a solo Judice  
deferretur, et delatum, nisi iuxta de causa, recusari  
nequit, neque etiam alteri parti referri potest, cap.  
ult. h. t. cum concordantibus, atque infra §. 7. n. 221.  
et seqq. dicitur.

Quaeritur II. Quis sit effectus Juramenti litis de- 140  
cisorii, et an retractari valeat, si postmodum appa-  
reat falsitas ejus? Resp. I. Effectus juramenti litis de-  
cisorii, sive sit necessarium, atque a Judice alteri parti  
delatum, sive voluntarium, et ab una parte alteri de-  
latum, vel etiam relatum, primarius et principalis est  
iste, ut si praestetur, ei omnino sit standum; remissa  
ulteriori quaestione, an revera quidpiam debeatur,  
nec ne. Ita communis; et patet ex l. *Non erit*. et  
l. *Jusjurandum et ad pecunias*. §. *fin.* h. t. iuncta l.  
*Generaliter*. §. 2. C. de Rebus creditis. Quibus in locis  
expresso dicitur, quod juramento praestito standum  
sit praecedente legitima delatione, *quasi satis proba-*  
*tum sit jurjurando*. Atque ideo L. 1. ff. de Jurejur.  
merito dicitur, quod *Maximum remedium expedien-*  
*darum litium in usum venit jurisjurandi religio*,  
qua vel ex pacatione ipsorum, vel ex auctoritate ju-  
dicis deciduntur controversiae. Haec ibi, iunctis con-  
cordantibus in progressu adducendis.

141 Et hoc est certum, quomodo de falsitate praestiti juramenti aliunde non constat: quia tunc adest praescriptio juris pro jurante, quod verum jureverit ob reverentiam Divini Numinis. Major difficultas est de juramento liti decisorio, quod vel a parte, vel a Jure delatum fuit, et ab altera parte praestitum, ad tantae sit efficaciae atque virtutis, et amplius retractari non possit, etiam postmodum certo constat, puta, per instrumenta de novo reperta, juramentum illud fuisse falsum. Quia vero dupliciter potest intelligi, juramentum fuisse falsum, seu potius falso praestitum, scienter videlicet, aut ignoranter: hoc est, bona fide credendo, rem ita se habere, prout quis juravit, etiam postmodum per legitima instrumenta contrarium manifeste appareat: hinc loquendo imprimis de juramento scienter false deposito,

142 Resp. II: Si quis juramento sibi delato scienter falsum juraverit non solum est reus gravissimi peccati mortalis, seu perjurii; verum etiam tenetur in Foro conscientiae restituere, quidquid inde fuerit consecutus, refusus insuper omnibus damnis atque expensis, ex suo malitioso atque iniusto juramento parti adversae obvenientibus. Ita Abbas c. Quia plerique. n. 21. post Innocentium ibid. de Immunitat. Eccles. estque communis tum Theologorum, tum Canonistarum. Ratio est clara: quia talis falso jurans non solum circumvenit Judicem, sed etiam dominum proximum, atque iniuste acquirit rem alienam; ergo in Foro animae, atque ante aliam sententiam Iudicis tenetur ad restitutionem, juxta Reg. 4. Juri in 6. Peccatum non dimittitur, nisi restituatur ablatum, cum concordantiis.

143 Nec obstat, quod talis consecutus fuerit sententiam judicalem pro ipso latam. Non obstat, inquam: quia sententia Iudicis fundatur in praesumptione veritatis, seu quod quis verum juraverit. Unde, quia praesumptio cedit veritati, l. Imperatores. ff. de Probat. et falso jurans certo novit, talem praesumptionem hic et nunc non subsistere, nequit in Foro animae retinere, quod per sententiam Iudicis acquisivit: eo quod hanc, utpote in falsa praesumptione fundatam, manifeste sciat esse injustam, sicque tenetur totum restituere. Hoc siquidem exigit naturalis obligatio virtutis Justitiae, reddens cuilibet, quod suum est: et quod *fraus et dolus alicui patrocinari non debeat*, patet ex c. Seder. 15. de Rescriptis, cum Concordantiis.

144 Et haec ratio tam fortiter urget, ut si in Foro etiam externo constaret, v. g. per propriam ejus confessionem, quod quis scienter deposuisset falsum juramentum liti decisorium, absque dubio juramentum ejusmodi, ita cum omnibus inde subsecutis, etiam in Foro externo retractandum foret. Nam *Jure naturae aequum est, neminem cum alterius detrimento et injuria fieri locupletiores*, prout dicitur l. Jure naturae ff. de Reg. Jur. et c. Locupletari: 36. cod. in 6. Simulque pactum turpe, vel rei turpis, nullum inducit obligationem, cap. ult. de Pactis. Quia ita Juxta subserens tali juramento, de cujus falsitate scienter commissa constat, hoc ipso peccat contrahendo, et cooperando ad injustam rei alienae occupationem, seu detentionem, juxta illud can. Negligens. 54. 7. ubi dicitur: *Negligens, cum possit disturbare perversos, nihil aliud est, quam fovere*.

145 Nec obstat textus in l. 1. C. de Rebus creditis, ubi dicitur: *Causa jurejurando ex consensu utriusque partis, vel adversario inferente delato et praestito, vel remissio datam, nec perjurii praestite et retractari potest, nisi specialiter hoc Lex excepiatur*. Resp. enim, concordando jura juri, Legem allegatam procedere in juramento bona fide praestito: quale in Foro externo praesumitur omne juramentum liti decisorium,

nisi constet de contrario, v. g. per propriam confessionem: adeo, ut perjurus a solo Deo puniri dicatur, l. 2. C. cod. Secus, ubi quis scienter deposuit falsum juramentum, et de hoc constat in Foro externo, puta per propriam ejus confessionem: nam quia tunc suum juramentum pravam alicui offert, merito retractatur; deque non habet solum Deum ultorem. Glossa cit. l. 2. §. Ultoribus. C. de Rebus creditis: concordant dicenda inferius num. 157. Et de hoc non est controversia, sed solum de juramento bona fide praestito, quod tamen postea apparet, v. g. per instrumenta de novo reperta, fuisse falsum: unde

146 Resp. III. Juramentum necessarium, seu delatum a Jure in supplementum, ad etiam bona fide praestitum, potest retractari: si contra jurantem per instrumenta noviter reperta probetur falsum: secus tamen est de decodum de juramento voluntario seu conventionali, et judiciali specificè sumpto. Ita textus satis apertus in l. Admonendi. ff. h. t. qui sic loquitur: *Admonendi sumus, interdum etiam post jurejurandum exactum permitti Constitutionibus Principum ex integro causam agere, si quis nova instrumenta se invenisse dicat, quibus nunc solum usus sit*. Sed haec Constitutiones tunc videntur locum habere, cum a Jure aliquis absolutus fuerit. Solent enim saepe Jures in dubii causis ex acio jurejurando secundum eum judicare, qui juravit. Quod si alias inter ipsos jurejurando transactum sit negotium, non conceditur eandem causam retractare. Ubi Glossa in Casu. et §. Absolutus. et §. Quod si alias, Bartolus, Salyerius, Jason in Repetit. cit. l. Admonendi. num. 4. et alii communiter, priorem partem intelligunt de juramento necessario, quod deferretur a solo Jure sine partis consensu: posteriorem vero ab illis verbis, *Quod si alias*, intelligunt de juramento voluntario, vel judiciali, quod deferretur a parte parti, sive extra judicium, sive in judicio. Eandem Conclusionem tradit Engel h. t. n. 32. et Mascardus de Probat. Concl. 936. n. 9. et 13. allegans alios: quae quoad alteram partem etiam habetur cit. l. 1. C. de Rebus creditis.

147 Ratio disparitatis inter utramque partem Conclusionis ea solet reddi: quia dum deferretur, atque praestatur juramentum voluntarium, aut judiciale, res videtur potius decise partium transactione, quam sententia: nam *jurejurandum speciem continet transactionis*, ut dicitur l. 2. ff. h. t. juxta textum allegatum ex cit. l. Admonendi. ibi: *Quod si alias inter ipsos jurejurando transactum sit negotium, non conceditur eandem causam retractare*. Unde cum juramentum voluntarium, atque judiciale, continet speciem transactionis, transactio autem propter instrumenta de novo reperta regulariter non rescinditur, l. Sub praestito instrumenti C. de Transaction. sibi imputare debet is, qui hujusmodi juramentum parti adversae deferendo, eandem in propria causa et testem et judicem, novum se constituit. Secus fit in juramento necessario, utpote quod non ex consensu partium, sed a Jure deferretur, atque delatum: neque rescari, neque refari potest.

148 Utrum autem juramentum necessarium retractetur non solum propter instrumenta de novo reperta (nam de his testis allegatus expresse loquitur) sed etiam propter testes noviter repositos, quaeri potest? Hanc questionem proponit Bartolus in cit. l. Admonendi. in fine. ff. h. t. et Abbas cap. ult. n. 10. cod. ac respondet uterque sub distinctione. Nam quaedam sunt causae, in quibus non admittitur reprobatio per testes: l. Generaliter. C. De non numerat. pecuni. et in his certum est, quod non. Quaedam vero sunt causae, in quibus admittitur reprobatio per testes: et tunc vel in prima causa fuerunt examinati,

et publicati testes: et non poterunt amplius produci, prohibente publicatione attestationum, et timore subornationis, juxta dicta *Tit. 19. de Probationibus* §. 6. n. 149. et 152. et seqq. Si vero testes non fuissent antea publicati, tunc possunt de novo produci, sique retractari sententia, eadem ratione, qua haec retractatur per instrumenta de novo reperta: quia appellatione instrumentorum veniunt etiam testes: ut c. *Pervenit ad audientiam. de Testib. cogend. et L. 1. ff. de Fide instrument.*

149 Objiciunt autem contra priorem partem Conclusionis. Sententia lata retractari non potest etiam propter instrumenta de novo reperta, *l. Sub specie. C. de Re judicat. et alibi*: ergo neque sententia lata praetextu falsi juramenti necessarii, contra *cit. l. Admonendi*. Resp. cum Glossa hic §. *Nova instrumenta*, Antecedens regulariter procedere, quando sentit sola sententia: secus, si et sententia lata, et juramentum falsum praestitum fuit: nam tunc potest retractari, estque hoc speciale, idque in odium pejerantis.

150 Verum hanc Glossae solutionem reprobat Jason in *Reposit. cit. l. Admonendi. n. 37.* post Ludov. Romanum, et Alexandrinum *ibid.* Tam quia dicta ratio non est generalis, sed restringit totum ad solum juramentum dolosum, cui tamen textus allegatus indistincto concedat, juramentum necessarium posse retractari ob instrumenta de novo reperta, siue quis juraverit dolose, siue non dolose. Tam quia ob eandem rationem, seu in odium pejerantis, etiam deberet posse retractari juramentum voluntarium, atque judiciale, propter instrumenta de novo reperta: quod tamen est contra §. *fin. cit. Leg.*

151 Melius itaque respondetur cum Doctoribus proxime citatis, et Mascardo d. *concl. 956. n. 9.* allegante alios, negando consequentiam. Nam, ubi sententia est lata praetextu juramenti necessarii, tunc ea dicitur lata ex Probatione privilegiata: hoc est, ex proprio juramento partis, et sic in defectu aliarum probationum ex proprio testimonio in causa propria, contra illam regulam: *Nullus idoneus testis in re sua intelligitur*, atque habetur *l. Nullus. ff. de Testib. et l. Omnibus. C. eod. et can. Si testes 4. q. 3* qualis proinde merito censetur esse *Probatio privilegiata*. Atqui sententia lata per Probationes privilegiatas nunquam transit in rem judicatum: sed potest semper, et quodcumque usque ad mille annos, et ultra retractari, supervenientibus veris et propriis probationibus. Innocentius c. *Tua nos. in Glossa marg. de Cohabitat. Cleric.* Mascardus *loc. cit. n. 10.* Jason, *ubi supra num. 38. et 31.* allegans alios, atque asserens, hanc esse communem opinionem. Secus sit in *l. Sub specie. C. de Re judicat.* utpote quae procedit quoad *res judicatas*, seu tales, in quibus sententia transit in rem judicatum.

152 Urgetur. Stante hac ratione etiam juramentum voluntarium, ac judiciale, poterit retractari per instrumenta de novo reperta: nam etiam tale juramentum est probatio privilegiata. Consequens est contra Conclusionem, et contra *l. Admonendi. §. fin. ff. h. t. et contra L. 1. C. de Reb. credit.* ergo. Resp. cum Jasone *loc. cit. n. 41.* neg. sequel. majoris cum sua probatione. Siquidem in juramento necessario illa probatio privilegiata procedit parte altera invita: secus est in juramento voluntario, ac judiciale: quia istud deferretur ex mera voluntate partium: unde pars istius deferens sibi debet imputare, quod adversarium suum in propria causa contra se testem constituerit, atque sententiam adversus se latam reportarit, quae retractari amplius non possit: Nam Lex magis subvenit illi, qui facti aequi ex necessitate, quam illi, qui facti voluntarie. *l. Si Fidejussor. §. Si necessaria. ff. Qui testatur cogantur. et c. Ab arbitris, jura.*

Glossa §. *Appellandum. De offic. Delegat. in 6.*

Resp. IV. Vancur nihilo minus aliqui casus, in quibus juramentum etiam voluntarium, ac judiciale non procedit, sed cognita rei veritate potest retractari. Ita Jason *l. At praetor. §. Jurari. n. 6 ff. h. t.* Mascardus d. *Concl. 956. n. 20. et seqq.* allegans alios, pluresque tales casus referens. Idque probatur inductione. Sio imprimis juramentum litis decisorium voluntarium, et judiciale, procedit duntaxat quoad jurantem, et juramentum ejusmodi deferentem: non vero quod alios, siue extraneos. Jason *cit. num. 6.* et Mascardus *n. 20.* post Romanum in *l. Nam posteaquam. §. Sed et si quis. ff. h. t.* qui istud probat ex citata Lege, ubi dicitur, quod contra juramentum praestitum in fraudem creditorum, succurritur creditoribus replicando, et excipiendo. Concordat textus expressus in *L. 3. fin. ff. eod.* illis verbis: *Quia iurandum alterius alteri neque prodest, neque nocet.*

Deinde loquendo etiam de jarante, ac juramento deferente, data Regula limitatur in causa ultimae voluntatis: In hac enim posse retractari sententiam latam ex juramento, etiam voluntario ac judiciale, si postea contrarium sit factum manifestum, constat ex *L. ult. C. de Rebus creditis*, ubi refertur talis casus, ac proinde Summarius breviter sic loquitur: *Causa ultimae voluntatis falso juramento decisa; retractatur veritate reperta.* Atque Legem illam habere locum in omni juramento, etiam voluntario, ac judiciale, notant omnes, ut inquit Mascardus *loc. cit. num. 21.* Et ratio est: quia in his, quae ex testamento proficiuntur, transigi non potest non inspectis verbis testamenti. *L. 1. ff. Quemadmodum testament. aperiant. et l. De his controversiis. ff. de Transactionib.* ergo ne iurari: cum iurandum voluntarium, ac judiciale, sit species transactionis, *L. 2. ff. h. t.*

Tertio limitatur Regula praemissa in causis matrimonialibus: nam in his post praestitum juramentum contra valorem matrimonii, adhuc potest quaeri de veritate. Glossa in *L. 3. §. Agatur. ff. h. t.* id probans ex c. *Lator. 7. de Sentent. et re judicat.* ubi decum habetur, quod sententia lata contra matrimonium, nunquam transit in rem judicatum: ac proinde quodcumque revocetur, cum constet de errore. Jason *cit. num. 6.* allegans Hostiensem in c. *Mulier. h. t.* Idemque ob paritatem rationis procedit in aliis casibus, in quibus sententia non transit in rem judicatum, de quibus suo loco.

Quarto limitatur quoad probationem per confessionem partis: si enim in Foro contentioso constaret de injustitia sententiae per confessionem illius, qui obtinuit sententiam vi juramenti a se praestiti, tunc cassaretur sententia illa etiam in Foro judiciali. Abbas c. *Quia plerique. n. 22.* post Innocentium *ibid. de Immunit. Eccles.* Mascardus d. *Concl. 956. n. 22.* citans Castreum in *l. Qui iurasse. §. 1. ff. de Jurajurand.* Boerium *quaest. 306. n. 3. et 4.* et alios. Ratio est: quia sententia ob juramentum partis prolata, sustinetur ex sola praesumptione justitiae, atque contra quaecumque praesumptionem, etiam juris et de jure, admittitur probatio in contrarium per confessionem illius, in cujus utilitatem Jus induxit praesumptionem illam, ut dictum *Tit. praeced. §. 1. num. 54. ergo.*

Addit Engel *h. t. n. 32.* quod probabilius, ac aequius sibi videatur, si quis per probationes in contentu passus, nec alioquin iudicium, vel longiorem, dilationem requirentes, demonstraret posset falsitatem juramenti voluntarii, aut judicialis, ab altera parte praestiti, ipsum audendum esse. Rationem dat: quia in *L. ult. C. de Rebus credit.* generaliter Imperator statuit, minimum



posse ex perjurio, etiam in iuramento judiciali, commisso lucrum capere: *Ne cui (inquit) ex delicto impium lucrum afferre nostris legibus patitur.* Et quavis iuramentum voluntarium, et iudiciale, contineat speciem transactionis, *cit. L. 2. ff. h. t.* qualis propter instrumenta de novo reperta non rescinditur, *l. Sub praetextu instrumenti. C. de Transaction.* hoc tamen solum procedit, ubi laesio non est valde gravis: nam quod propter immodicam laesionem etiam possit rescindi transactio, tenet *Fachineus lib. 2. Controvers. Jur. cap. 26.* cum pluribus aliis; estque ex professo iam dictum supra *lib. 1. Tit. 36. de Transactionibus. §. 4. n. 52. 56. et seqq.*

158. Quæritur III. Quænam requirantur ad iuramentum litis decisorium, ejusque delationem? *Resp. I.* Ad iuramentum litis decisorium requiritur imprimis, quod lis existat dubia, nec aliunde constet de veritate. Ita communis; et patet ex *c. Sicut. 2. de Probation.* ubi reprobatâ consuetudine in contrarium, Pontifex declarat, quod tunc demum ad hujusmodi (iuramenti) sit suffragium recurrendum, cum aliae legitimæ probationes deesse noscuntur; junctis concordantiis a *Glossa ibid. §. Cum aliae*, relatis. Accedit ratio: tum quia iusjurandum est inductum ad lites dicimendas, *L. 1. ff. h. t.* sicque frustra adhiberetur, ubi aliunde constat de veritate. Tum quia iusjurandum speciem continet transactionis, juxta textum expressum in *L. 2. ff. h. t.* Atqui transactio locum non habet, nisi de re dubia: nam qui transigit, quasi de re dubia et lite incerta transigit, prout habetur *L. 1. ff. de Transaction.*

159. Inferitur proinde, quod si de veritate negotii aliunde constat, puta, per testes legitimas, vel authentica instrumenta, non amplius cuipiam sit deferendum iuramentum: adeo, ut consuetudo contraria non valeat, atque expresse reprobetur *cit. c. Sicut. 2. de Probation.* Et ratio est: tum quia talis consuetudo est contra naturalem rationem, quæ non admittit superflua: Deus enim, et natura, nihil faciunt frustra. Imo perquam iniquum est, supervacua cautione onerari quæpiam; prout ex lumine naturali cognovit Jurisconsultus in *l. Haec stipulatio. ff. Ut legatorum nomin. caveat.* Tum quia talis consuetudo est etiam contra Jus Divinum, secundum quod non juratur, nisi ex causa rationabili. Abbas *cit. c. Sicut. n. 1. et 2. de Probat.* addens nonnullas alias hujus rationes.

160. *Resp. II.* Ad iuramentum litis decisorium voluntarium, seu conventionale requiruntur, et sufficiunt ea, quæ requiruntur ad pactum, seu transactionem ut sic: nempe, ut sit capacitas ex parte deferentis, ac præstantis iuramentum; simulque, ut iure non sit prohibitum super tali re transigere, seu præstare ejusmodi iuramentum. Ratio est clara: quia iuramentum istud speciem continet transactionis, *L. 2. ff. h. t.* et consequenter ad illud sufficiunt ea, quæ ad transactionem.

161. *Resp. III.* Ad iuramentum litis decisorium iudiciale, seu quod pars parti deferat in iudicio, requiritur ulterius approbatio Judicis, seu quod illud causa cognita sit a Judice approbatum. Ita habetur *l. In bonas fidei. juncta Glossa §. Per judicem. C. de Rebus creditis. et l. Generaliter. §. Sed iuramento. C. eod.* ubi dicitur: *Sed iuramento illato, cum hoc a partibus factum fuerit, et a Judice approbatum.* Et sic (addit *Glossa ibid. §. Approbatum*) est iudiciale: et ideo dicit, approbatum, quia quandoque non approbat: ut si ille, cui deferatur, dicat se nescire veritatem, ut *l. Iusjurandum et ad peccantias. ff. h. t.*

162. *Resp. IV.* Ad iuramentum necessarium, seu ut iudex a Judice deferatur parti in supplementum probationis, plura requiruntur; copulative: nempe,

ut causa sit dubia; hoc est, quod non sit probatum plene, sed semiplene. Item legalitas personæ, ut videlicet deferatur duntaxat personæ honestæ, atque integræ fidei: haud obstante, quod in iuramento voluntario, ac iudicali, de hoc non multum quaeratur; quia ibi sufficit, personam, cui deferatur iuramentum, ab altera parte fuisse approbatam. Requiritur insuper ad iuramentum necessarium, ut deferatur duntaxat personæ habenti veram scientiam causæ per proprium sensum corporeum. Item parvitas causæ: quia non est deferendum iuramentum necessarium in causis arduis, magnique præjudicii; neque in causis criminalibus criminaliter motis, nec in causis spiritualibus. Item, ut sit petitum a parte; nisi forsan ex officio, causa cognita, Judex illud deferendum esse existimet. Verum de his plura Paragrapho sequenti.

Utrum autem iuramentum litis decisorium deferri possit aut debeat, per simplicem duntaxat Dei contestationem, vel etiam per execrationem (quod *Iuramentum execratorium* appellant) consulatur particulares singulorum Tribunalium formulæ iurandi: nam quodlibet bonum iuramentum adducit Deum in testem veritatis; et si hæc deficeret, inducit gravissimum peccatum perjurii, irrogat infamiam juris, constituitque pejerantem reum æternæ pœnæ infernalis, nisi debitam egerit poenitentiam. Quod autem deponens iuramentum execratorium, sibi ipsi, vel alteri sibi chæro, expresse mali quidpiam a Deo falsitatis vindicæ imprecatur, augeat quidem malitiam perjurii: sed si fiat in iustitia, iudicio et veritate, nullo jure prohibitum est; sed est actus virtutis Religionis, atque protestatio quædam Divinæ Veracitatis, et Justitiæ. Imo quandoque, præsertim pro rudioribus, consultum est, sub tali formula execratoria exigere iuramentum litis decisorium: quia, si istud debite fiat, non solum caret omni naevo peccati, sed etiam magnam vim habet deterrendi homines a perjurio. Unde notant Doctores, quod ubi per Decretum, seu Statutum municipale, præscribitur forma iuramenti cum imprecationibus, tale iuramentum requirat personalitatem jurare debentis: et hinc ejusmodi iuramentum non potest præstari per Procuratorem cum speciali mandato, sed debet Principalis jurare. Ita *Observationes Forenses Sac. Senatus Pedemontani Observat. 62. n. 5.* post *Gratianum Consil. 28. num. 11. lib. 2.* Hieron. de Laurent. *Decis. Avon. 7. n. 3.* Carocium in tract. de *Jurament. decis. quæst. 9. q. 13. princ. n. 11.* et *Vivianum Commun. Opin. lib. 1. opin. 429. num. 10.*

## §. VI.

De Iuramento necessario, seu a Judice in supplementum probationis delato, ejusque requisitis.

## SUMMARIUM.

- 164 Regula est, quod iuramentum in probationis supplementum deferri possit.
- 165 Potest istud Judex deferre non tantum ad petitionem partis, sed etiam ex officio.
- 166 Idque probatur.  
Judex usque ad prolationem sententiæ debet cuncta rimari etc. *Ibid.*
- 167 Solvitur instantia. Et num. 165.
- 168 Potest pars litigans petere delationem iuramenti necessari, dummodo petitio illa concipiatur impersonaliter.
- 169 Et fiat ante conclusionem in causa.

- Judex tamen potest juramentum necessarium deferre usque ad prolationem sententiae, quando ita expedire judicaverit. Ibid.*
- 170 Sed parte adversa praesente, seu citata, et causa cognita.
- 171 et 172. Ad delationem juramenti necessarii requiritur, quod deficient alias legitimae probationes.
- 173 Ac praecesserit semiplena probatio. Et num. 171.
- 174 Ob solam praesumptionem levem, non potest illud Actori deferri.
- 175 Secus, quando ipsa facit semiplenam probationem.
- 176 Praesumptio quando faciat semiplenam probationem, Judicis arbitrio relinquitur.
- 177 Probatio per unum testem omni exceptione majorem, potest suppleri praestatione juramenti necessarii: secus, quando is non est major omni exceptione.
- 178 Non deferretur juramentum necessarium, quando contra semiplenam probationem urget probatio contraria, per quam debilitatur.
- 179 Secus, si non debilitetur.
- Hinc deferretur illud ex depositione testis reddentis rationem dicti sui, etiamsi habeat contra se alium testem non reddentem rationem. Ibidem.*
- 180 Ut juramentum necessarium cuiuspiam deferatur, requiritur legalitas personae.
- 181 Unde non deferretur infami, usurario, perjuro etc.
- 182 Bene tamen mulieri.
- 183 Et consanguineis, amicis etc.
- 184 Ut juramentum suppletorium cuiuspiam deferatur, necesse etiam est, ut sciat veritatem rei per sensum corporalem.
- 185 Hinc illud non deferretur Haeredi super facto Defuncti.
- Nisi verisimiliter praesumatur scire factum. Defuncti per proprium sensum; ut Filius. Ibid.*
- 186 Ad delationem juramenti necessarii etiam requiritur parvitas materiae. Et num. seq.
- Istud non deferendum in causis arduis, magnique praecedentis, sed duntaxat in modicis; et cur? Ibid.*
- 187 Quae causae censentur modicae, et quae magnae seu arduae?
- 188 Limitatur illud, quando fuit plus quam semiplene probatum: quia tunc juramentum in supplementum deferretur etiam in causis arduis.
- 189 Et quid in causis criminalibus?
- 190 Limitatur etiam, quando non agitur ad totam intentionem Actori fundandam, sed solum ad declarandum obscuritatem etc.
- 191 Cuius parti Judex deferre debet juramentum necessarium? Et num. seqq.
- Cacteris paribus illud Reo potius est deferendum. Ibid.*
- 192 Idque probatur.
- 193 Solvuntur contrariae. Et num. seqq.
- 194 Juramentum tunc non deferretur Reo ad complendam suam probationem, sed ad purgandam praesumptionem contra ipsum.
- 195 Si Actor semiplene probaverit, Reus autem nihil praestiterit, sintque ambo aequae Legales, tunc juramentum est Actori deferendum.
- 196 Delationi juramenti necessarii quando sit locus?
- 197 Si non omnia sunt paria ex parte Actoris et Rei, Judicis arbitrio relinquitur, cuius parti juramentum deferre debet.
- 198 In praecellendo, cui parti Judex deferat juramentum, quatuor sunt considerata; videlicet,

199 *Conditio personarum.*200 *Natura causarum.*201 *Quantitas rerum, et*202 *Qualitas factorum: et quomodo?*203 *Ut juramentum in supplementum possit Actori deferri, decem copulative requiruntur; et quae?*

**Quaeritur I.** An, et quando deferri, ac peti, possit juramentum necessarium, seu suppletorium? Resp. I. Regula est, quod juramentum in probationis supplementum a Judice deferri possit. Ita Socius in *Fallentiis*, Reg. 104. subiungens postmodum octoginta fallentias dictae Regulae, quae ex dicendis melius patebant, ne simul prolatae Lectoris confundant memoriam.

Resp. II. Juramentum necessarium, sive suppletorium, potest Judex deferre non tantum ad petitionem partis; sed etiam ex officio suo, sive neutra parte petente, quodcumque ita expedire judicaverit. Ita Abbas cap. ult. §. Sane. n. 15. h. t. Mascardus de Probat. Concl. 998. n. 47. Alexander Consil. 53. n. 5. lib. 1. Fachineus lib. 1. Controvers. Jur. cap. 16. Gailus lib. 1. Pract. Observat. 108. n. 1. Pirhing h. t. n. 98. et alii; quamvis Bartolus in l. Admonendi. n. 60. et Baldus ibid. vol. ult. et Jassa in Repetit. n. 316. ff. de Jurejurand. concludant, quod Judex ex officio suo non possit deferre hoc juramentum; sed illud de necessitate debeat peti: quia (inquiunt) Judex regulariter officium suum non debet impartiri, praesertim ad privatum partium utilitatem, nisi fuerit imploratum, l. 4. §. Hoc autem iudicium. ff. de Damno infecto: unde imputet sibi pars, quod in processu causae post didicita testificata sibi juramentum deferri non postulaverit; nam jura vigilantibus, non dormientibus scripta sunt, l. Pupillus. ff. Quae in fraudem credit. Verum his non obstantibus,

Probatur Conclusio ex cap. ult. §. An. h. t. ubi Judicis arbitrio relinquitur, inspectis personarum, et causae circumstantiis, juramentum istud Reo, vel potius Actori deferre; ergo, si ita expedire viderit, poterit illud etiam ex officio, ac nemine petente deferre. Accedit, quod Judex usque ad sententiae prolationem debeat universa rimari, can. Judicantem. 30. q. 5. et c. Cum Joannes. 10. §. Ad hoc autem de fide instrument. Ac rei veritatem plena inquisitione discutere, l. Judices oportet. C. de Judiciis. Et quodcumque requiritur postulaverit, durante iudicio partes interrogare, l. Ubiunque. ff. de Interrogation. in jure faciend. Ergo etiam deferre juramentum parti, ut veritate melius probata juste judicet.

Nec obstat ratio oppositae sententiae, seu quod Judex non imploratus non teneatur impendere officium suum. Tum quia satis est, quod pars ab initio, vel in processu imploraverit officium Judicis pro administratione iustitiae, inserta Libello clausula illa salutari, quae communiter adici consuevit: *Peto mihi jus et iustitiam administrari*; prout respondet Abbas cit. n. 15. et And. Gailus lib. 1. Practic. Observat. 108. n. 6. et 7. referens, ita fuisse practicum in Camera. Tum quia ex officio incumbit Judici, ut si quod dubium circa deducta in iudicium supervit, illud per interrogationes, et alias modos supplet, et tolli procuret; ut iam dictum, ac notat Pirhing h. t. n. 98.

Per hoc tamen non negatur, quin etiam pars litigans possit petere delationem juramenti; dummodo petitio illa conspiciatur impersonaliter, non autem concludendo, ut sibi deferatur. Et huius limitationis ratio est: tum quia ad arbitrium Judicis pertinet inspicere, an Reo, vel Actori

potius illud sit deferendum, *cap. ult. §. Sane h. t.* Tum quia, si quis personaliter peteret sibi deferri iuramentum, hoc ipso redderet se suspectum; prout etiam testis sponte se ingerens, sese suspectum reddit, *l. Quae omnia. §. Sed et si. ff. de Procurat.* Abbas *loc. cit. n. 15.* et nonnulli alii apud Mascardum *d. Concl. 958. n. 57.* Quamvis hoc ultimum neget Fachineus *cit. lib. 1. Controvers. Jur. cap. 16. in fine.* et Pirhing *h. t. n. 78.* eo quod Lege permittente possit quis petere delationem iuramenti sibi fieri pro causae dubitae decisione. Verum prudentius agi, si iuramentum petatur impersonaliter, seu conditionaliter, in quantum expediat, censet cum aliis Mascardus, *ubi supra. n. 58. et 59.*

169 Resp. III. Etsi pars litigans, si petere voluerit delationem iuramenti, eam petere possit usque ad conclusionem in causa et non amplius postea: nihilominus Iudex ex officio potest iuramentum necessarium deferre, quando ita expedire iudicaverit, etiam postquam a partibus conclusum fuit in causa, et usque ad prolationem sententiae. Ita Jason *in Repetit. l. Admonendi. n. 318. ff. de Jurejurand.* Gailus *lib. 1. Practic. Observat. 108. n. 1. et 4.* Mascardus *cit. Concl. 958. n. 50. et 55.* Pirhing *h. t. n. 99.* cum communi. Ratio prioris partis est: quia per conclusionem in causa renunciatur ulterioribus probationibus, et partibus ea clauditur; ergo post dictam conclusionem nequit amplius pars petere delationem iuramenti, cum hoc sit species quaedam probationis: nisi forsitan huiusmodi iuramentum suppletorium iam antea fuisset petitum. Altera vero pars ex eo liquet: quia quoad Iudicem nunquam censetur conclusum in causa, quia possit ex officio novas probationes admittere, vel eas partibus injungere, *c. Cum Joannes. 10. §. Ad hoc autem. de Fide instrument. estque uberius dictum Tit. 19. de Probationibus. §. 6. n. 159. 161. et seqq. et 170.* ubi ex professo agitur de Conclusionem in causa, et novis probationibus post eam regulariter non admittendis.

170 Solum his addendum est, quod inter alia requisita delationis iuramenti necessarii in supplementum, etiam unum sit, ut illud a Iudice deferatur parte adversa praesente, vel saltem citata, et interesse nolente: simulque causa cognita. Alexander *Consil. 122. n. 13. lib. 2. Maranta part. 6. Speculi Aurei. Actu 9. n. 11.* Mascardus *cit. Concl. 958. n. 60.* allegans plures alios: et concordant dicta superius *Tit. 20. de Testibus §. 13. n. 418. et seqq.* ubi hoc ipsum de productione, ac receptione testium dictum fuit. Accedit textus in *l. In bonae fidei. C. de Rebus credit. ibi: Inopia probationum, per Iudicem Jurejurando causa cognita res decideri oportet:* junctis dictis supra *num. 162.*

171 Queritur II. Utrum, et qualiter ad delationem iuramenti necessarii requiratur, quod praecesserit semiplena probatio? Resp. I. Ad hoc, ut iuramento necessario, ejusque delationi in supplementum, locus sit, requiritur, cumprimis, quod deficient aliae legitimae probationes, simulque negotium saltem semiplene sit probatum. Ita Glossa *c. Ex insinuatione. vers. Clerici de Procurat.* Jo. Andreas *in c. Sicut. n. 2. et 3. et Hostiensis ibid. n. 2. et Fagnanus n. 5. de Probation.* Socinus *loc. cit. Fallent. 54. et seqq.* Jason *l. Admonendi. n. 75. et in Repetit. ibid. n. 24. ff. de Jurejur.* Menochius *lib. 2. de Arbitrar. Judic. cas. 190. n. 2.* Barbosa *Collectan. ad d. c. Sicut. n. 3. et seqq. de Probation.* Mascardus *de Probat. Concl. 958. num. 3. et seqq.* cum communi.

172 Prior pars patet ex *c. Sicut. 2. h. t.* ubi decisum reperitur, quod tunc demum ad huiusmodi (iuramenti) sit suffragium recurrendum, cum aliae legitimae probationes deesse noscuntur: etque proximo dictum *num. 159. et 160.* Accedit ratio: quia pro-

batio illa, quae habetur ex iuramento, est probatio privilegiata; hoc est, in defectu aliarum probationum facta ex testimonio suo in propria causa, contra Regulas communes, *Ne quis in propria causa etc.* juxta dicta *num. 161.* ergo hoc ipso, quamdiu possunt haberi aliae legitimae probationes, locus non est huic iuramento, utpote deferendo duntaxat in supplementum, ac defectum aliarum probationum. Concordat textus in *l. In bonae fidei. C. de Rebus creditis:* ubi dicitur, quod *inopia probationum (emergente, ut explicat Glossa) per Iudicem Jurejurando causa cognita res decideri oportet.*

173 Altera vero pars, requirens ad delationem iuramenti suppletorii, quod negotium saltem semiplene sit probatum, communiter post Glossam *cit. l. In bonae fidei. vers. Decidi. C. de Rebus credit.* evadetur ex eo: Quia, si Actor nihil probavit, absolvendus est Reus, etiamsi is nihil praestiterit, *l. Qui accusari. C. de Edendo. et c. Cum Ecclesia. fin. de Causa possans.* unde nec opus est, quod tunc Reus juret. Si autem Actor plene probavit, Reus est condemnandus, *cit. c. Sicut. n. 2. et c. In praesentia. 8. de Probation.* ac proinde etiam in hoc casu non est locus iuramento suppletorio. Remanet proinde, quod tunc demum possit deferri iuramentum necessarium, sive in supplementum, quando praecessit semiplena probatio, v. g. per unum testem omni exceptione majorem; simulque aliae legitimae probationes haberi non possint. Prout est casus in *c. Ex insinuatione. 3. de Procuratorib.* ubi Archidiacono, qui duobus Clericis praesentibus Procuratorem suum esse revocasse dixerat, istud tamen, cum alter de praedictis Clericis jam obiisset, plene probare non poterat, deferretur iuramentum in supplementum; adeo, ut Pontifex mandaverit, standum esse iuramento ipsius Archidiaconi, et superstitis Clerici. Idem ergo dicendum in aliis huiusmodi casibus.

174 Resp. II. Ob solam praesumptionem levem, seu quae prudenti arbitrio Iudicis est minor semiplena probatio nunquam potest Actori deferri iuramentum istud in supplementum. Ita Glossa in *L. 3. vers. Si levior. ff. de Minorib.* Abbas *cap. ult. §. Sane. n. 9. h. t.* quamvis addat conformiter illi textui, quod tunc, si videbitur Iudici, possit Reo deferri iuramentum ad purgandam illam praesumptionem. Socinus *de Fallentiis. Reg. 204. Fallent. 73.* Jason *in Repetit. l. Admonendi. num. 75. ff. h. t. et alia.* Ratio est: quia istud iuramentum supplet, et facit perfectam seu plenam probationem; ergo oportet, quod praecesserit semiplena.

175 Nec obstat Glossa *c. Tam litteris. v. Probata. de Testib.* Bartolus in *l. Admonendi §. 5. Post dubitationem autem. ff. de Jurejurand.* Alexander *Consil. 53. n. 6. vol. 1.* Baldus post Jo. Aretin. in *l. Si fundum. ad fin. C. de Rei. vindicat.* qui volunt, quod si Actor habeat pro se praesumptiones, vel conjecturas, iuramentum istud sit deferendum in supplementum. Resp. enim, Glossam praesallegatam loqui in casu, quo Actor habet bonam praesumptionem pro se (hoc est, non levem duntaxat, sed talem, quae faciat semiplenam probationem, ex variis indiciis arbitrio Iudicis desumptam) habito respectu ad qualitatem personae, et causas, *cap. ult. de Jurejurand.* Bartolus etiam *loc. cit. §. Videnda sunt ergo exempla etc.* clare se declarat, quod antea locutus fuerit de conjecturis semiplenam probationem facientibus, quarum postea adducit exempla. Atque eodem modo intelligendi sunt caeteri Auctores, vel certe reliquendi, retenta communi aliorum sententia, quod propter levem praesumptionem nunquam a Iudice sit deferendum iuramentum in supplementum probationis: possit tamen istud in causis civilibus deferri propter.



Donam; seu vehementem praesumptionem; hoc est, propter tales conjecturas atque indicia, quae faciunt semiplenam probationem.

176 Verumtamen quando indicia, seu conjecturae, atque ipsa praesumptio sit tam vehemens, ut semiplenam probationem faciat, Judicis arbitrio relinquendum erit. Jason cit. n. 75. Menochius d. lib. 2. cas. 190. n. 3. et concordant dicta superius Tit. praeced. §. 1. n. 17. et alibi, prout ibidem notatur.

177 Resp. III. Quamvis probatio facta per unum testem de viso deponentem, atque omni exceptione majorem, possit suppleri per praestationem juramenti necessarii, seu in defectum aliarum probationum a Judice delati: secus tamen dicendum, quando testis ille non est major omni exceptione: ut puta, quia est consanguineus, aut multum amicus parti, vel malae conversationis, infamis, aut alias suspectus. Ita Abbas cap. ult. §. Sano. n. 12. h. t. Bartolus l. Admonendi. circa fin. ff. h. t. Socinus cit. Reg. 204. fallent. 54. Mascardus Concl. 958. n. 9. et 10. cum aliis. Et quidem prima pars patet ex c. Ex insinuatione. 3. de Procuratorib. et aliis hactenus dictis. Altera vero pars suadetur ex eo: quia testis ille consanguineus parti, vel infamis, aut hujusmodi, non est testis omni exceptione major sicut hoc ipso non facit semiplenam probationem; ergo nec deferretur juramentum in supplementum ratione sui testimonii, cum exinde non possit consurgere plena probatio, sicut juramentum illud non nisi frustra deferretur.

178 Resp. IV. Insuper non deferretur juramentum supplementarium, ubi contra semiplenam probationem urget e converso aliqua probatio, vel praesumptio contraria: quia tunc probatio illa caeteroquin semiplena extenuaretur atque enervaretur, sicut non remaneret talis; ne proinde foret insufficientis pro delatione hujus juramenti. Ita Glossa in L. 1. vers. Non sit. C. Qui et adversus quos etc. Jason in Repetit. l. Admonendi. n. 24. ff. h. t. Socinus cit. Reg. 204. fallent. 61. Mascardus, ubi supra, n. 23. post Rotam Decis. 19. de Dolo et contumacia. in nov. et plurimos alios.

179 Secus dicendum, ubi semiplena illa probatio non debilitaretur. Hinc deferretur juramentum in supplementum, ut depositionis unius testis omni exceptione majoris, ne reddentis rationem dicti sui, etiam si habeat contra se alium testem non reddentem rationem: quia talis nihil probat, sicut per eum non debilitatur depositio alterius testis cum ratione. Faviosius de Testibus, quaest. 70. n. 20. Felinus c. Cum causam. num. 4. vers. Fallit quarto. de Testib. post Baldum l. De quibus. de Legib.

180 Queritur III. Quid sentiendum sit de Legalitate personae, ad delationem juramenti necessarii requisita? Resp. I. Ad hoc, ut coipiam deferatur a Judice juramentum necessarium, sive in supplementum probationum, requiritur etiam Legalitas personae: hoc est, quod persona illa, cui deferendum est juramentum, sit honesta, et fide digna; non autem sit vilis, infamis, seu talis, quae secundum Leges a ferendo testimonio repellitur. Ita Abbas cap. ult. §. Sano. n. 9. h. t. Bartolus in l. Admonendi n. 58. et Jason ibid. n. 113 ff. de Jurajurand. Socinus cit. Reg. 204. fallent. 43. et seqq. Maranta part. 6. Speculi Aurei. Actus 9. n. 5. et alii. Ratio est: quia hoc ipsum exigit legalitas personae in jurante requisita; nam apertum foret periculum perjurii, si quis cogereetur juramentum de veritate, quae est juramentum supplementarium, deponere quoad illam rem, cujus veram notitiam per sensum corporeum non habet. Accedit, quod juramentum istud aequiparetur testi, utpote cum quo constituit plenam probationem, seu sufficientem ad decisionem causarum; atqui testis non probat, nisi deponat de veritate per proprium sensum corporeum, can. Testes. 3. q. 9. et l. Testium. C. de Testib. ergo nec jurans, nisi deponat de proprio sensu.

BRUFFENSTUEL Jus Can. Tom. II.

Leges repelluntur a ferendo testimonio in judicio, multo fortius repelluntur ab isto juramento; utpote quo tota lis decidenda foret.

Unde juramentum in supplementum non deferretur 181 infami infamia juris, vel facti, usurario, Judaeo, nec ei, qui semel pejeravit, nec inimico gravi inimicitia, nec concubinario, nec pauperi suspecto de perjurio, nec ulli alteri, qui ratione maculae, seu viti, aut defectus repellitur a testificando: de quibus fere dictum est supra Tit. 20. de Testibus. §. 2. et seqq. ac notant Doctores proxime relati, et alii.

Secus dicendum de illis, qui repelluntur a testi- 182 monio ratione sexus: ut mulieres, quae licet non admittantur ad testimonium in testamentis, causisque feudalibus, juxta dicta cit. Tit. 20. n. 88. 89. et 90. potest nihilominus etiam mulieribus hoc juramentum deferri, ut aqat Mascardus cit. Concl. 958. n. 69. et n. 34. allegans Rotam apud Patrem Decis. 430. lib. 2. et Jason in Repetit. l. Admonendi. n. 198. et 199. ff. h. t.

Idem dicendum de illis, qui repelluntur a testi- 183 monio in judiciis ratione solius reverentiae, seu consanguinitatis, affectionis, aut commodi: quia enim probatio, quae per juramentum supplementarium quandoque conceditur, est irregularis, et privilegiata: eo quod angulari quodam Jure admittatur contra Regulas communes. Ne quis sit testis in propria causa etc. dum vi hujus juramenti potest reddi testimonium in causa propria: non est quaerendum de consanguinitate, amicitia vel commodo ejus, qui istud juramentum est praestiturus, dummodo caeteroquin sit persona honesta, fideque digna, neque aliud quid obstat. Mascardus loc. cit. n. 70. post Joan. Bapt. Caecialupum in l. Admonendi. n. 52. ff. h. t.

Resp. II. Ut juramentum supplementarium coipiam 184 per Judicem deferatur, necesse etiam est, ut is verisimiliter existimetur nosse veritatem rei per veram scientiam, seu proprium sensum corporeum. Ita Glossa l. In bonae fidei. v. Decidi. ff. de rebus credit. istud probans ex l. Jurajurandum et ad pecunias. ff. de Jurajurand. et l. Marcellus. §. Qui rerum. ff. de Action. rerum amotar. Bartolus in l. Admonendi. n. 57. et Jason in Repetit. ibid. n. 312. ff. h. t. Mascardus d. Concl. 958. n. 61. et seqq. Maranta cit. part. 6. Speculi Aurei. Actus 9. n. 5. et alii. Ratio est: quia hoc ipsum exigit legalitas personae in jurante requisita; nam apertum foret periculum perjurii, si quis cogereetur juramentum de veritate, quae est juramentum supplementarium, deponere quoad illam rem, cujus veram notitiam per sensum corporeum non habet. Accedit, quod juramentum istud aequiparetur testi, utpote cum quo constituit plenam probationem, seu sufficientem ad decisionem causarum; atqui testis non probat, nisi deponat de veritate per proprium sensum corporeum, can. Testes. 3. q. 9. et l. Testium. C. de Testib. ergo nec jurans, nisi deponat de proprio sensu.

Et hinc fit, quod juramentum in supplementum 185 non deferatur Haeredi super facto Defuncti: quia videlicet istud verisimiliter ignorare praesumitur, sicutque subintrat periculum perjurii. Patet hoc ex cit. l. Marcellus. §. Qui rerum. ff. de Action. rerum amotar. ubi sic habetur: Pater autem amovensis jurare non cogitur: cum iniquum sit, de alieno facto alium jurare. Is ergo cogitur jurare, qui amovisse dicitur: et idcirco nec haeres ejus, qui quare amovisse dicitur, jurare cogitur. Haec ibi. Adco, ut non sufficiat, habere notitiam aliunde, puta per famam, vel confessionem extrajudicialem adversarii: quia, ut coipiam istud juramentum deferatur, necesse est, quod praesens interfuerit facto, sciatque veritatem per proprium sensum, arg. l. Generaliter. §. 1. juxta Glossa vers. A principio. et Baldo ibid.

*C. de Rebus creditis. ac notat Alexander Consil. 73. n. 13. lib. 3. Jason cit. n. 312. Mascardus d. Concl. 958. num. 63. et 64. ubi istud procedere inquit in Haerede extraneo: secus in filio, vel alio conjuncto haerede, qui verisimiliter praesumitur scire factum Defuncti per propriam sensum, sique ipsi posset deferri juramentum in supplementum.*

- 186 Queritur IV. An ad delationem juramenti necessarii etiam requiratur parvitas causae? Resp. I. Juramentum istud non est deferendum parti a Iudice in causis arduis, magnique praesudicii, sed duntaxat in parvis, sive modicis. Ita Glossa in cap. ult. vers. In probatione. et Canonistae ibid. h. t. et alio. Glossa in l. Admonendi. §. Exacto. et Bartolus ibid. §. Vix ergo quando. Et Jason n. 271. ff. de Jurejur. Alexander Consil. 180. n. 7. lib. 6. Marautus cit. Acta. g. num. 7. Menochius lib. 2. de Arbitrar. Judic. cas. 190. num. 18. Mascardus cit. Concl. 958. n. 30. Barbosa c. Sicut n. 44. et seqq. de Probat. et alii. Ratio est: quia in Modicis non est praesumptio, quod pro tanto quis velit delinquere, aut pejerare, c. Etsi yersiones. 18. §. An de Simonia, juncta Glossa ibid. v. Modici pretii, et alia Glossa in c. Statutum. §. Insuper. §. Consumi. de Election. in 6. sique tunc deferitur juramentum istud. Secus dicendum in causis arduis, magnique momenti, utpote in quibus ob avaritiam hominum majus orget periculum perjurii, graviusque praesudicii proximo injuste inferendi. Accedit, quod in causis criminalibus criminaliter motis (quibus acquiescuntur causae civiles arduae, magnique praesudicii, juxta dicta Tit. 20. de Testibus. §. 3. n. 81.) ad Reum condemnandum requiratur probatio non apertissima, ac luce meridiana clariores, l. Sciant. cuncti. C. de Probat. cum similibus: atqui talis probatio luce meridiana clarior, non est juramentum supplementarium: cum non reddat rem penitus indubitatum, imo nec sit legitima aliqua probatio, juxta dicenda num. 211.

- 187 Caeterum causa ardua, magnique praesudicii, merito censetur ea, quae est unius haereditatis, vel omnium bonorum, aut majoris partis horum, arg. l. Propter litem. §. 1. ff. de Excusat. tutor. estque jam dictum supra Tit. 20. de Testibus. §. 3. n. 81. Alioquin vero, quacumque causa censetur modica, et quae magna, id inspecta qualitate causae, atque personarum. Inductis arbitrio relinquitur decidendum: nam v. g. causa ducentorum florenorum inter duos Reges censetur modica, et parva, sed inter duos cives reputaretur magna. Bartolus in l. Admonendi. §. Sed est advertendum. et Jason in Repetit. ibid. n. 272. ff. h. t. Menochius cit. cas. 190. n. 17. Mascardus d. Concl. 959. n. 13. Pirhing h. t. n. 96. et alii Insuper inter causas arduas recensentur causae criminales, et causae spirituales, puta, matrimoniales, Beneficiales, et nonnullae aliae, de quibus infra n. 215. 217. et seqq.

- 188 Resp. II. Patitur nihilo minus data Conclusio limitatio, quando fuit plus quam semipleve probatum: quia tunc juramentum in supplementum deferitur etiam in causis arduis, magnaeque quantitatis, dummodo persona sit honesta, arg. l. ult. ff. De eo, quod metus causa etc. Ita Glossa in c. Viduas. de Regularib. Mascardus d. Concl. 958. num. 34. Jason in Repetit. l. Admonendi. num. 281. ff. de Jurejurand. istud intelligens, quando ultra semiplevenam probationem aliquid esset adductum, vel adesset aliqua alia praesumptio, aut prodesset quis duos testes, quorum unus non esset integer: quo casu saltem haberetur plus quam semipleve probatum: ac proinde, si persona ceteroquin sit honesta, potest ei Juxta etiam in causa ardua, seu gravi, deficientibus aliis probationibus deferri juramentum necessarium, per textum cap.

ult. §. Sane. h. t. Id ipsum tradunt Jo. Guissem tract. de Matrimonio. cap. 18. n. 4. Alexander Consil. 76. n. 6. lib. 6. Barbosa cit. c. Sicut. nu. 45. de Probat. Pirhing h. t. num. 97. Gailus lib. 1. Practic. Observat. 108. num. 11. Franciscus Herulanus Tom. 4. Tractatum, tract. de Negativa probanda. num. 235. pluresque alii ab his allegati.

Addit idem Herulanus cit. n. 235. et Mascardus, 189 ubi supra, n. 34. etiam in causis criminalibus deferri hoc juramentum, quando est plus, quam semipleve probatum. Quamvis istud in praxi non facile se admissorum, si agatur de poena corporali etiam leri imponenda, sed solum ubi Reo deberet imponi poena pecuniaria, fateatur Jul. Clarus in Pract. crimin. §. An. quaest. 63. num. 2. et 3. Concordant dicenda inferius num. 212. et seqq. ubi plura de hoc.

Limitatur ulterius dicta Conclusio, quando non 190 agitur ad totam intentionem Actoris fundandam, sed solum ad declarandam obscuritatem fundamenti adjuvantis dictam intentionem: quia tunc juramentum in supplementum deferitur etiam in causa magna. Card. Tuschus Litt. I. Concl. 540. n. 87. citans Baldum Consil. 297. num. 3. lib. 3. et Barbosa, ubi supra, n. 45.

Queritur V. Cuiam parti Juxta deferre de- 191 beat juramentum necessarium, aut Actori in supplementum saae probationis, vel potius Reo ad purgationem sui, seu ad ostendendam suam innocentiam? Resp. I. Caeteris paribus, Reo potius deferendum est istud juramentum, non Actori. Ita Glossa in l. Admonendi. §. Exacto jurejurando. ff. h. t. enumerans plures casus, in quibus Actori deferitur juramentum; et subiungens, quod ubi Reus ita est honestus et Actor, et Summa non est modica, deferatur Reo juramentum. Speculator Tit. de Juramenti delatione, num. 9. referens nonnullas alias Doctorum sententias, sed haec appellans veriorrem. Abbas cap. ult. §. Sane num. 9. h. t. et Barbosa in Collectan. ibid. num. 6. aliqui Canonistae passim. Mascardus de probat. quaest. Prooem. g. n. 53. Menochius de Arbitrar. Judic. lib. 2. cas. 190. n. 19. asserens, istud levem habere dubitationem.

Conclusio haec clare desumitur ex cit. cap. ultim. 192 §. Sane. h. t. ubi dicitur: Sane si actor omnino in probatione defecerit, reus debet, etsi nihil praestiterit, obtinere. Praesumptione vero faciente pro illo (videlicet pro Actore, et explicat Glossa) Reo deferri potest ad ostendendam suam innocentiam juramentum: nisi Juxta (inspectis personarum, et causae circumstantiis illud Actori videatur deferendum. Hinc eorum verbis) Regula statuitur pro Reo; quae tamen limitatur, quando Juxta inspectis personarum, et causae circumstantiis, aliud videtur faciendum Atqui talis limitatio nequit subsistere, ubi caetera supponuntur esse paria: puta; quia Actor semipleve probavit suam intentionem, et Reus suam defensionem, atque aequalia conditionis, atque legalitas utriusque; ergo. Accedit ratio: quia, ut habet Reg. 11. Juris in 6. Cum tam partium jura obscuris reo favendum est potius quam Actori nec proinde illi deferendum est juramentum supplementarium, ad ostendendam suam innocentiam. Nam favorabilioris Rei potius, quam Actoris habentur, ut dicitur l. Favorabilioris. ff. de Reg. Jur.

Dices. In rebus cap. ult. §. Sane. h. t. solum dici, 193 tunc Reo deferri potest ad ostendendam suam innocentiam juramentum etc. ergo si tantum potest, non necessario debet iuxta regulariter deferri Reo. Confirmatur hoc ipsum ex cap. ult. de Testib. in 6. nam ibi loquendo de delatione juramenti necessarii, ait Actoris sit novum, illis verbis: Neque indistincte ipsi appellanti deferatur juramentum: sed tunc, cum in praeis personarum, et ipsius causae circum-

*stantis id fuerit faciendum.* Resp. neg. consequent. Quia in priori textu, ut notat Abbas *ibid.* n. 3. ideo ponitur *ly Potest*, eo quod Judex non semper teneatur de necessitate deferre juramentum, etiam praesumptione faciente pro Actore; sed ipse habeat istud arbitrari, consideratis personarum et causae circumstantiis. Ad *cap. ult. de Testib.* in 6. dicitur, ibidem solum corrigi Judicem, qui indistincte juramentum detulit appellanti, seu Actori: et sic in effectu providetur ibi, prout habetur *cap. ultim. h. t.* videlicet, Juramentum necessarium non esse deferendum Actori, nisi spectatis personarum, et causae circumstantiis, ita Judici videtur expedire. Abbas *loc. cit.* num. 9. *circa fin.*

194 Urgebis. Si Actore duntaxat semiplene probante, Reus habet e contra semiplenam probationem pro sua defensione atque innocentia, tunc pro hanc elidit semiplena probatio Actoris; ergo frustra Reo deferatur juramentum in supplementum, cum caeteroquin Actore non probante Reus sit absolvendus. Resp. neg. consequent. Quia, ut notat Abbas *cit. cap. ultim. §. Sane. numer. 9. h. t.* tale juramentum tunc non deferatur Reo ad complendam suam probationem, sed ad purgandam praesumptionem illam, quae ex contraria Actoris probatione contra ipsum consurgebat: sive ad ostendendam suam innocentiam, ut loquitur textus *ibid.* Accedit, quod quidem Actori non possit deferri juramentum istud, nisi habeat pro se ad minus semiplenam probationem, juxta dicta num. 171. et 173. bene tamen Reo: quia, ut illud Reo deferatur, sufficit qualiscunque urgens probatio; puta, habita per unum bonum testem, licet non sit omni exceptione major, sicque non fuerit semiplenam probationem. Siquidem, ut proxime dictum, juramentum ejusmodi non deferatur Reo ad complendam, suam probationem, sed ut remaneat suspicio contra eum, ut inquit Abbas *loc. cit.*

195 Quod si vero Actor et Reus sint aeque legales, atque vitae honestae, Actor vero semiplene probaverit suam intentionem, v. g. per unum testem omni exceptione majorem, Reus autem nihil praestiterit sed solum negaverit, tunc crebrior, veriorque est Doctorum sententia, quo pensatis omnibus circumstantiis causae, et personarum, atque repertiis, ut supra, juxta prudentem arbitrium Judicis, Actori deferendum sit juramentum memoratum; prout relatis, atque rejectis aliorum sententiis, tenet Jacob *cit. Repetit. l. Admonendi. nu. 314. ff. h. t.* Menochius *d. lib. 2. de Arbitrar. Judic. cas. 190. nu. 19. et 20.* Pirhing *h. t. num. 80.* Fachineus *lib. 1. Controvers. Jur. cap. 18.* asserens, ita semper se servasse, atque ab aliis servatum vidisse. Id ipsum, sanctorum ratione: quia ex semiplena probatione Actoris facile Judex inducitur ad opinandum, meliorem esse causam ipsius, quam Rei, quem videt nihil procius praestitisse, sed duntaxat Actoris intentionem negasse: unde cum Reum absolvere non possit, nec debeat, cum sit plene convictus; neque ipsam simpliciter condemnare valeat, quin Actoris intentio plene probata non est: merito quidem ex probationis incopia causam rejucundo decidet, *l. In bonae fidei. C. de Rebus credit.* Reo tamen juramentum non deferret, cum jam suspicatur ipsammet Index, ac pene certus sit, eum mentiri, ac ex parte ipsius periculum subesse perjurii, Actorem contra veram dicere. Accedit, quod tunc nulla subsit ratio, ut potius Reo juranti in propria causa credatur, quam Actori qui jam de suo jure aliqua ex parte docuit; ergo aequitas naturalis suadet, ut deferatur juramentum Actori, pro quo stat major praesumptio. Atque ad hunc casum inter alios excludendum notanter in data num. 193. Conclusio addita fuit *ly, Caeteris paribus.*

RAPPENSTUEL Jus Can. Tom. II.

Instabis contra eandem Conclusionem: Non videtur, quod unquam possit esse locus delationi juramenti necessarii; ergo adhuc data Conclusio subsistit. Antecedens probatur. Vel enim Actor plene probat, et Reus debet condemnari. c. *Sicut. de Probat.* cum concordantiis: vel non plene probat, et Reus debet absolvi, etiamsi nihil praestiterit, *cap. ultim. h. t.* ergo nunquam erit locus huic juramento. Resp. negando antecedens, cum consequentia suae probationis: haec enim sit a partibus non sufficienter enumeratis, et debet addi tertium membrum; scilicet, *Aut Actor aliquid probat, ita ut fiat praesumptio pro eo.* Atque in hoc ultimo casu est locus delationi juramenti: quod quidem ordinarie, et caeteris paribus, dicitur esse deferendum Reo ad ostendendam suam innocentiam; nisi aliud pensatis personarum, vel causae circumstantiis Judici videatur. Abbas *ibid.* n. 5. et 9. Quod ut melius intelligatur,

Resp. II. Quando non omnia sunt paria ex parte Actoris et Rei, tunc Judex prudenter sectatis circumstantiis arbitrari debet, cuius parti juramentum deferre debeat. Textus est in *cap. ult. l. Sane: h. t.* cujus verba num. 193. jam sunt relata: ubi Glossa vers. *In probatione* Abbas n. 9. Jo. Andreas n. 6. alique passim.

Porro in praeceligendo, cui parti Judex deferat juramentum, quatuor sunt consideranda, videlicet, conditio personae, natura causarum, quantitas rerum, et qualitas factorum. Abbas *cit. cap. ult. §. Sane. num. 9. h. t.* juncto textu *ibid.* dum inquit: *Nisi Judex inspectis personarum, et causae circumstantiis, illud Actori videat deferendum.* Nam ad circumstantias personarum et causarum, enumerata quatuor capita commode reducuntur: idque declaratur inductione. Ex quidem

Imprimis conditio personarum attenditur penes eorum legalitatem: ut videlicet juramentum necessarium non deferatur personae infami, villi, aut alias suspectae de perjurio, sed duntaxat personae legali, seu honestae, ac fide dignae. Unde quando Reus est persona vilis, infamis, seu alias de perjurio suspecta, Actor vero est multum legalis ac honestus, potius huic, semiplene probanti, deferendum est juramentum in supplementum, quam Reo. Glossa in *l. Admonendi. vers. Exacto juramentum.* et Bartolus *ibid. circa fin. §. Hoc praemisso. h. t.* Abbas *cap. ult. §. Sane. n. 9. cod. et alii.* Ratio est: quia juramentum istud deferatur in defectum probationis ad eam supplendam, ubi deficit, *l. In bonae fidei. C. de Rebus creditis;* et consequenter, ubi per juramentum non potest compleri probatio, illud frustra deferretur: atqui si Actor semiplene probavit, estque persona legalis, non vero Reus, juramentum potest complere probationem duntaxat ex parte Actoris, non vero ex parte Rei; ergo tunc est deferendum Actori. Minor probatur: quia, ut supponitur, Reus non est persona legalis: atqui talis persona non potest complere probationem, cum non probet, uti patet in teste extraneo talis conditionis, cujus testimonium non facit semiplenam probationem. Secus foret dicendum quando Reus est persona legalis, non vero Actor: quia tunc ob eandem rationem juramentum deferretur Reo potius, quam Actori.

Deinde natura causarum attenditur penes hoc, an causa sit civilis, vel criminalis exigens probationes spectatissimas, et luce clariores. In his quippe non deferatur Actori juramentum in supplementum licet semiplene probaverit: quamvis interdum possit juramentum deferri Reo ad ostendendam suam innocentiam, et purgandam sinistram suspensionem, quae contra ipsum ex semiplena Actoris probatione consurgebat, juxta docenda inferius §. *seq. n. 216.*



- 201 *Tertio quantitas rerum prudenti Judicis arbitrio venit considerata, in causis civilibus. Nam ubi agitur causa magna atque ardua, seu res, quae petitur in judicio, est magni valoris, gravisque praedicti, pariter requiruntur probationes clariores, et apertae: sicque non potest Actori semiplene probanti juramentum deferri in supplementum, conformiter dictis supra numer. 187. sed Reus est absolvendus, nisi Judex expedire judicaverit huic deferre juramentum ad ostendendam suam innocentiam, sive quod Actori nihil debeat, cap. ult. §. Sane h. t. Secus dicendum in causis modicis, praesertim si Actor, qui semiplene probavit, ac praesens negotio interfuit, sit, honestas, et multum legalis, arg. l. Legitimos. §. 1. ff. de Legitim. tutor. ac notat Glossa in l. Admonendi. vers. Exacito. ff. h. t. juncto c. Ex insinuatione. 3. de Procuratorib.*
- 202 *Tandem qualitas factorum debet attendi penes hoc, ut magis scienti, seu veritati rei. per proprium sensum cognoscenti, deferatur ejusmodi juramentum, non vero ignoranti Glossa marginalis c. Tam litteris. vers. Probata de Testib. junctis dictis supra §. praeced. num. 184. et 185. Unde si Actor cuipiam facto praesens interfuit, ipsi potius semiplene probanti juramentum supplementarium, est deferendum; non vero Reo, qui est haeres alicujus defuncti, et solum negat: praesumitur enim ignorare factum alienum, l. Marcellus ff. Rerum amotarum. et l. Quamquam. ff. Ad S. C. Velleian. cum similibus.*
- 203 *Resp. III. Ut juramentum, supplementum possit deferri Actori, decem copulative requiruntur. Ita Jason in l. Admonendi. n. 24. post Paulum de Castro ibid. ff. h. t. et concordant tum haec dicta, tum proxime dicenda: atque illa sunt sequentia I. Quod causa sit civilis, non criminalis, vel spiritalis. II. Quod causa non sit famosa, conformiter dicendis §. seq. n. 212. et 217. III. Quod summa sit parva. IV. Quod Actor bene sciat rerum veritatem, et per sensum corporeum. V. Quod sit legalis, et fide dignus. VI. Quod semiplene probaverit intentionem suam. VII. Quod illa semiplena probatio non sit elisa per aliquam praesumptionem, vel suspicionem contrariam. VIII. Quod non sit conclusum in causa. IX. Quod petatur a parte; nisi Judex ex officio censuerit illud esse deferendum. X. Quod deferatur causa cognita simulque alia parte praesente, vel ad hoc legitime citata. Atque de hisce postremis requisitis jam haec dictum est a num. 165. et deinceps.*

## §. VII.

Resolvuntur alia dubia Juramentum, litis, decisorium concernentia.

## SUMMARIUM.

- 204 *In quibus causis possit vel non possit deferri juramentum litis decisorium? Et num. seqq. Juramentum voluntarium, atque judiciale potest deferri, quacunque actione quis conveniatur, ac praestitum prodest juranti. Ibid.*
- 205 *Dummodo ab adversario sibi fuerit delatum: Alias secus. Sponte ad jurandum sese offerens, reddit suspectum. Ibid.*
- 206 *Juramento praestito standum est, quoad litigantes, non quoad extraneos. Jusjurandum alterius alteri neque prodest, neque obest. Ibid.*
- 207 *Juramentum necessarium potest regulariter deferri in omnibus causis: adeo, ut parte petente, et Judice nolente illud deferre, possit appellari.*
- 208 *Solvuntur contraria quoad alteram partem. Et num. seqq.*

- 209 *Judicis arbitrio qualiter relinquatur, deferre juramentum necessarium?*
- 210 *Dantur tamen plures causae, in quibus nequit deferri juramentum necessarium. Et num. seqq.*
- 211 *Sic non potest deferri, ubi Lex, vel Statutum requirunt probationem evidentissimam, vel plenam, aut legitimam. Probatio per juramentum supplementarium non est legitima probatio, sed duntaxat privilegiata. Ibid.*
- 212 *Juramentum supplementarium nequit Actori deferri in causis criminalibus criminaliter intentatis.*
- 213 *Secus, ubi de crimine agitur civiliter.*
- 214 *Vel quando pro eo debet imponi solum poena pecuniaria.*
- 215 *Potest in causis criminalibus aliquando deferri Reo juramentum in sui purgationem.*
- 216 *In causis criminalibus qualis ordo hodie servetur?*
- 217 *In causa civili et famosa, non deferretur juramentum in supplementum. Causa famosa, quae dicatur? Ibid.*
- 218 *Etiam in causa civili non famosa, sed tamen ardua, non deferretur juramentum supplementarium. Nec in causa Feudali? aut Fiscali etc. Ibid.*
- 219 *Neque illud deferretur in causis spiritalibus, v. g. matrimoniali, Monachatus, Beneficiali.*
- 220 *Utrum id deferendum sit in causis Sponsalium? Causa sponsalitia censetur gravis; et cur? Ibid.*
- 221 *Juramentum litis decisorium, si deferatur, an possit recusari? Et num. seqq. Juramentum voluntarium libere potest recusari: adeo, ut non sit opus illud referre. Ibid.*
- 222 *Nisi forte inter partes jam fuerit conventum, quod una earum juret.*
- 223 *Juramentum judiciale potest libere recusari, donec a Judice fuerit approbatum.*
- 224 *Et ratio hujus.*
- 225 *Sed ubi Judex illud approbavit, tenetur pars aut jurare, aut referre, autolvere. Et num. 223.*
- 226 *Conventus actione famosa, non potest juramentum referre.*
- 227 *A sententia lata virtute juramenti judicialis non praestiti, an possit appellari?*
- 228 *Juramentum necessarium non potest sine justa causa recusari.*
- 229 *Causae justae recusandi juramentum necessarium, vel judiciale a Judice approbatum, sunt plures. Et num. seqq.*
- 230 *Potest enim illud recusari ratione Probationis, factae, vel non factae.*
- 231 *Ratione ignorantiae.*
- 232 *Ratione causae, seu ob naturam actionis.*
- 233 *Ex persona deferentis.*
- 234 *Ex persona ejus, cui deferretur.*
- 235 *et 236 Practica ferendi sententiam ex juramento, quae sit?*
- 237 *A sententia vigore juramenti necessarii lata, potest appellari.*
- 238 *Etiam si quis istud praestare recusaverit, sicque condemnatus fuerit, allegando, quod habuerit justam causam recusandi.*
- 239 *et 240. An a sententia virtute juramenti judicialis lata possit appellari, est distinguendum; et qualiter?*
- 241 *Solvitur instantia. Plus subvenitur illi, qui necessario agit; quam qui voluntarie. Ibid.*

Quaeritur I. In quibus causis possit, vel non possit deferri juramentum litis decisorium? Resp. I. Loquendo de juramento voluntario, atque

judiciali, potest illud deferri, quocunque actione quis conveniatur: et si aliquis delato sibi ab adversario juramento juraverit, proficiet ei *jusjurandum*, sive in personam, sive in rem, sive in factum, sive ponnali actione, vel quavis alia agatur, sive de interdicto. Ita textus expressus in *l. Ait Praetor. 3. §. 1. ff. de Jurejurand.* Ex ratio est: quia *jusjurandum*, tota voluntarium, seu conventionale, tum judiciali, sive a parte parti delatum in judiciq, *speciem continet transactionis: majoremque habet auctoritatem, quam res judicata*, prout habetur *l. 2. ff. eod.* Unde merito standum est tali juramento, illudque Juxta tenetur.

205 Additur notanter in data Conclusionem, delato sibi ab adversario juramento. Nam, si Reos juraverit ponnine ei *jusjurandum* deferente, tale juramentum Juxta non torbitur: alioquin facillime quisque ad *jusjurandum* decurrens, nemine illud sibi deferente, oneribus actionum se liberaret, prout dicitur in *cit. l. Ait Praetor. §. 1. ff. h. t.* Quin imo sponte ad *jusjurandum* sese offerens, reddit se suspectum, *l. Ait Praetor. 3. §. 1. ff. h. t. et l. Si legatarius. ff. de Dolo malo.*

206 Dum vero subjungitur, *proficiet ei jusjurandum*, id est intelligendum quoad litigantes, secus quoad extraneos: prout explicat Bartolus *ibid. in Summario.* Etiam tali juramento standum est: quidem quoad ipsos litigantes, atque istud proficiet juranti, non vero quoad extraneos: quia *jusjurandum* alterius alteri neque prodest, neque nocet: prout subdit textus in *cit. l. Ait Praetor. §. 1. ff. h. t.* estque jam dictum supra §. 8. n. 154.

207 Resp. II. Loquendo nunc de juramento necessario, potest etiam istud in supplementum probationis regulariter a Judice deferri in omnibus causis: adeo, ut parte petente, et Judice nolente illud deferre, possit appellari. Ita Bartolus in *l. Admonendi. circa fin. et Jason in Repetit. ibid. n. 315. ff. de Jurejurand.* Mascardus de Probat. Concl. 958. n. 1. et 2. alique Doctores Juris Civilis: quorum sententiam magis sibi placere, fatetur Abbas *cap. ult. §. Sane. n. 3. h. t.* quatenus Hostiensis, et Jo. Andreas *ibid.* et nonnulli alii Canonistae, quoad secundam partem oppositum teneant. Conclusio haec quoad utramque partem desumitur ex *l. In bonae fidei. 3. C. de Rebus creditis*, ubi sic habetur: *In bonae fidei contractibus, necnon et in ceteris causis, inopia probationum, per Judicem jurejurando causa cognita res decidi oportet*. ubi ponderandum ly, *Oportet*: nam verbum istud importat necessitatem, can. *Oportet. 8. q. 1. cum similibus.* Ac proinde, si stante legitima causa, simulque parte petente, nollet illud Juxta deferre, poterit appellari, non minus, ac potest appellari, quando Juxta illud deferret parti habenti justam causam non jurandi, *l. Generaliter. §. Ipsa autem. C. de Rebus creditis.*

208 Dices. In *cap. ult. §. Sane. h. t.* nulla imponitur Juxta necessitas deferendi hoc juramentum, sed istud relinquitur ejus potestati: ibi: *Praesumptio vero faciente pro illo, Reo deferri potest ad ostendendam innocentiam juramenti etc.* Atqui non omne, quod Juxta potest, necesse habet facere, *l. Non quidquid. ff. de Judiciis*; ergo. Accedit, quod Jo. Andreas *cit. cap. ult. num. 3.* asserat, in textu *cit. l. In bonae fidei. C. de Rebus creditis*, ubi alii habent litteram, *Oportet*, esse ibi habere litteram, *Potest*, quae concordat cum *cap. ult. h. t.* unde nulla exinde videtur desumpta necessitas. Respondet Abbas *cit. §. Sane. num. 3.* nec in aliquibus libris videri, quod textus in *cit. l. In bonae fidei.* habeat ly, *Oportet*: et quia huic Lecturae de facto correspondent Exemplaria impressa, parum urget Codex Jo. Andreas, veluti mendosus.

209 Ad *cit. cap. ult. §. Sane. h. t.* dicitur, ibi relin-

qui arbitrio Juxta, ut discernat, utrum hic et tunc sit deferendum juramentum necessarium (in multis etiam casibus istud locum non habet, ut illico dicitur) ac praesertim, ut inspectis personarum et causae circumstantiis cognoscatur, an dictum juramentum Rep. potius, quam Actori, sit deferendum: non autem, quod liberam habeat potestatem deferendi, vel non deferendi juramentum suppletorium, haud obstante legitima causa et petitione partium. Hoc enim manifestum inferret gravamen partibus litigantibus, contra *l. 1. ff. h. t.* ubi dicitur, *maximum remedium expediendarum litium esse jurisjurandi religionem*: unde merito a tali gravamine seu subtractione remedii tam opportuni ad litem finiendam, appellari posset. Atque haec responsio confirmatur ex illis verbis, *Causa cognita*, quae continetur in *l. bonae fidei. C. de Rebus creditis.* paulo superius relata.

Resp. III. Datur nihilominus plures casus, atque causae, in quibus juramentum necessarium, seu in supplementum probationis, a Judice deferri nequit. Ita Socinus in *Fallentiis. Reg. 204.* enumerans quadraginta duos tales casus. Barbosa c. *Sicut. 2. n. 17. et seqq. de Probat.* referens triginta tres. Jason in *Repetit. l. Admonendi. n. 271. et seqq. ff. h. t.* fusa declarans plures tales casus, atque causas, in quibus, licet quis semiplene probaverit, non deferatur hoc juramentum Prosper Farinacius *part. 2. Fragment. Criminal. Litt. I. v. Juramentum in supplementum. n. 1235. et seqq. Mascardus de Probat. Concl. 958. n. 38. et seqq.* et alii. Idque ostenditur inductione, referendo principales tales casus, sive causas.

Imprimis quidem juramentum in supplementum probationis non deferatur, ubi Lex, Statutum vel alia dispositio requirant probationem evidentissimam, vel plenam et indubitam, aut luce clariorem, sive legitimam. Socinus *loc. cit. fallent. 1. Jason n. 282.* Mascardus n. 44. et alii. Siquidem probatio per juramentum suppletorium non est evidentissima, vel indubitata, aut luce clarior. Quin imo probatio per Juramentum nec est legitima probatio: prout desumitur ex *c. Inter quatuor. 2. et c. Tuas. 3. de Clericis peregrinis*, ac notat Glossa §. *Sed fuit. v. Duplicantur. Instit. de Actionib.* et alia Glossa in *l. Contra negantem. vers. Probat. C. de Lege Aquil.* Jason in *Repetit. l. Admonendi. n. 282. ff. de Jurejurand.* Mascardus *Concl. 955. n. 4. et quaest. prooemial. g. n. 1.* citans alios, estque jam dictum supra Tit. 19. *De Probationibus §. 1. n. 14.* Accedit, quod haec sit duntaxat probatio privilegiata, juxta dicta *num. 151.* ac proinde merito locum non habet in illis casibus, in quibus Lex, vel Statuto requiritur probatio evidens, plena seu indubitata.

Deinde, atque descendendo ad casus speciales, juramentum suppletorium nequit a Judice deferri Actori, seu Accusatori in causis criminalibus criminaliter intentatis: quia in his requiruntur probationes indubitatae, et luce meridiana clariores, *l. ult. C. de Probat. et can. Sociant cuncti. 2. q. 8.* sique urgent dicta *n. praeced.* Barbosa *cit. c. Sicut. num. 41. de Probat.* Mascardus de Probation. *Concl. 958. num. 38.* Jason, ubi supra. n. 275. Pirhing h. t. n. 95. Farinacius *part. 2. Fragment. Litt. I. n. 1222. et seqq.* allegans communem.

Additur tamen, in causis criminalibus criminaliter motis: hoc est, in illis, in quibus agitur ad vindictam publicam. Secus enim dicendum est, quando de crimine agitur civiliter tantum ad privatam utilitatem, simulque actio non est famosa: tunc enim posse deferri juramentum suppletorium, tenet Abbas *cap. ult. n. 13. vers. Mihi placet. h. t.* Jason *loc. cit. n. 276.* Julius Clarus in *Practica Crimin. §. fin. quaest. 63. n. 1.* citans alios.

214 Atque istud ultimum extenditur ad causam criminalem, pro qua imponi debet solum poena pecuniaria: quia etiam tunc potest deferri hoc iuramentum; ut esse communem opinionem, dicit Alexander *Consil. 66. nu. 1. lib. 1.* et Jasoni *n. 275.* ac sequitur Jul. Clarus *loc. cit. n. 3.* Quod tamen Farinacius *d. part. 2. Fragment. Litt. I. n. 1222.* solum procedere inquit, quando non agitur de poena pecuniaria magna, sed parva duntaxat: alias secus, eo quod in causis etiam civilibus magnis tamen, non deferatur istud iuramentum in supplementum.

215 Additur ulterius, nequit deferri *Actori, seu Accusatori.* Quia in causis criminalibus etiam criminaliter motis, potest aliquando Iudex, si ita expedire judicaverit, deferre iuramentum Reo in sui purgationem, seu ad ostendendam suam innocentiam, dum Actor crimen plene non probavit; prout desumitur ex *cap. ult. §. Sane. h. t.* ac esse communem Doctorum, testatur Jul. Clarus *cit. quaest. 63. num. 4.* et Farinacius *d. Litt. I. num. 1230.* allegans plurimos alios. Verumtamen non deferri iuramentum purgationis ipsi Reo, quando agitur de poena corporali intelligenda, et adsunt indicia sufficientia ad torturam, notat Barbosa *cit. c. Sicut. n. 43. de Probat.* et Farinacius *loc. cit. n. 1231.* allegans communem: tunc enim oportebit Reum subicere torturae ad eruendam veritatem.

216 Unde breviter notandum, quod hodie in causis criminalibus hic ordo servetur. Primo, si Reus est convictus, et confessus, condemnatur, *l. Qui sententiam. C. de Poenis.* cum similibus. Secundo, si Reus non est confessus, neque convictus, multis tamen argumentis, seu iudiciis ad torturam sufficientibus oppressus, tunc ipse subicitur torturae ad eruendam veritatem, *L. 2. §. 1. ff. de Quaest.* Quod si torqueri non possit, tunc vel poena extraordinaria afficitur, si argumenta et indicia sint magna seu scandalosa, atque de se digna aliqua poena extraordinaria. Engel *Tit. de Praesumption. n. 7.* id colligens ex *c. Litteras. 1. §. eod. Fachineus lib. 1. Controvers. Jur. cap. 15.* estque jam dictum supra *Tit. praeced. §. 3. n. 73.* Vel absolvitur *L. 4. C. de Edendo. et l. Absentem. ff. de Poenis.* cum similibus. Verum in hoc casu posse Reo iuramentum purgatorium aliquando deferri, juxta *cit. cap. ult. §. Sane. h. t.* patet ex dictis *§. praeced. n. 194.* atque inter alios notat Jul. Clarus *d. §. fin. quaest. 63. n. 4.* asserens, tale iuramentum purgationis locum habere, quando contra ipsum Reum non adsunt indicia, quae sufficiant ad torturam; atque hodie, praesertim in causa Haeresis, servari etiam cum Laicis Fachineus *cit. cap. 15. in fin. Gailus lib. 2. de Pace publica. cap. 7. Pirhing. h. t. n. 95.*

217 Tertio, in causa civili et famosa non deferitur iuramentum in supplementum. Speculator *Tit. de Juramenti delatione. n. 6.* istud probans ex *cap. ult. h. t. et L. 1. ff. De his qui notantur infam. cum similibus: Barbosa cit. c. Sicut. n. 48. de Probat. Pirhing h. t. n. 69.* Farinacius *d. Litt. I. n. 1210.* allegans alios. Ubi dictus Farinacius post Cephalum *Consil. 127. n. 2. et 3.* addit, quod *Causa famosa* non dicatur ea, quae duntaxat irrogat infamiam facti; seu laedit alicujus opinionem apud bonos et graves viros; sed illa tantum, quae juris infamiam irrogat. Et hoc (inquit) contingit tripliciter, vel ipso jure, vel per sententiam, vel ex genere poenae. In his enim casibus requiritur plena probatio, cum agatur de praestantissimo bono famae: nam *melius est nomen bonum, quam divitiae multae.* Proverb. *cap. 22.* cum concordantia.

218 Quarto, etiam in causa civili non famosa, sed tamen ardua sive magna, non deferitur iuramentum supplementum. Speculator *cit. num. 6.* istud probans ex *l. Legitimus. ff. de Legitim. tutorib. Bar-*

bosa, ubi supra, *n. 44.* Menochius *libi 2. de Arbitrar. Judic. cas. 464. n. 4.* et alii: estque jam dictum supra *n. 186. et seqq.* ubi tamen nonnullae hujus limitationes subjunguntur. Ulterius in causa feudali, ubi est quaestio de feudo, non deferitur iuramentum, nisi possessori. Socinus *de Fallentiis, Reg. 204.* post Baldum in *L. 1. §. Si vasalli. de Consuetud. recti feudi.* Neque illud deferitur in causa Fiscali. Barbosa *loc. cit. n. 12.* Neque in causa usurarum: neque in exceptione excommunicationis, et aliis hujusmodi casibus, de quibus Barbosa, Socinus, Mascardus, Farinacius ubi supra, aliique plures.

Quinto, non deferitur iuramentum supplementum 219 in causis spiritualibus: ut puta, in causa matrimoniali. Glossa *c. Mulieri. 34. vers. Absolutio.* et Abbas *ibid. num. 6. et 8. h. t. Joan. Gutierrez tract. de Matrimonio. cap. 38. num. 3. Gailus lib. 2. Practic. Observat. 94. num. 1. et seqq. Mascardus de Probation. Concl. 958. num. 43.* allegans communem: cum enim hic agatur quasi de statu hominis, merito censetur causa gravis et ardua, sicque iuramentum non deferendum. Quamquam Barbosa *cit. c. Sicut. 2. num. 17. de Probat.* allegans plures alios, istud intelligendum censeat, quando agitur de matrimonio dissolvendo: secus, quando jurandum est pro matrimonio, utpote cujus causa est favorabilis, *cap. ult. de Sentent. et re judicat.* Item non deferitur iuramentum ejusmodi in causa matrimonii spiritualis, seu Monachatus. Abbas, Gailus, Mascardus, ubi supra. Barbosa *cit. cap. 2. n. 18.* cum aliis. Neque etiam in causis Beneficialibus. Farinacius *d. part. 2. Fragment. Litt. I. n. 1237.* Barbosa *n. 19.* cum plurimis aliis: qui tamen addunt, istud non procedere, quando agitur de fructibus Beneficii: quia tunc deferitur iuramentum.

Utrum vero illud, quod de causa matrimoniali 220 proxime dictum est, procedat etiam in causis Sponsalium de futuro, adeo, ut in his non sit deferendum iuramentum in supplementum, non ita clare explicant Auctores praecitati. Solam enim dicunt, in causis matrimonialibus non deferri istud iuramentum: atqui negari non potest, majorem gravitatem reperiri in causis illis, in quibus agitur de matrimonio de praesenti, utpote de jure Divino indissolubili; quam in aliis, in quibus agitur de solis sponsalibus de futuro, quae pluribus ex causis adhuc dissolvi possunt. Verum allatam doctrinam procedere quoque in sponsalibus de futuro, tradit Antonius Gabrielius in *Communibus Conclusionibus, lib. 1. de Probat. Concl. 1. n. 41.* inter alia asserens post Marinum Junior. *Consil. 88. n. 9. vol. 2.* etiam agi de causa gravi, quando agitur de matrimonio contrahendo tantum. Ad idem favet Gutierrez *d. tract. de Matrimonio. cap. 38. n. 1. et 2.* sicut et causam sponsalitiarum censeri gravem, tradit Gobat, *tract. 10. Theolog. Experiment. n. 76.* Nec immerito: quia etiam hic agitur quasi de statu hominis; cum necesse quis habeat stare sponsalibus valide contractis, et matrimonium cum altera parte (nisi haec sponte suo jure cedere velit etc.) postea celebrare: per quod in ipso constituitur servitus quaedam, cum non amplius habeat potestatem corporis sui, sed mulier, juxta Apostolum *1. Corinth. 7.* Accedit, quod sub causis matrimonialibus absolute prolatis, etiam comprehenduntur causae sponsalitiarum: ut *c. Accedentibus. 12. de Excessib. Praelat.* juncto Concilio Tridentino *sess. 24. can. 12.* atqui causas matrimoniales reputari graves et arduas, communiter et indistincte tenent Doctores. Nihilominus, cum in causis quoque arduis locum habeat iuramentum supplementum, ubi plus, quam semiplene probatum est, juxta dicta superius *num. 188.* quod etiam in causis matrimonialibus locum habere, tenet Mascardus *de Probat.*



Concl. 1035. n. 5. Barbosa, ubi supra, n. 17. et Gutierrez cit. cap. 38. n. 4. allegans alios: hinc istud a fortiori procedit in causis sponsalium de futuro, utpote non tam stricte matrimonialibus. Gobat. d. tract. 10. n. 76. Siquidem juramentum suppletorium deferendum est in speciebus circumstantiis causae, et personarum. Glossa cit. c. *Mulieri* §. *Absolutio*. h. t.

221 Queritur II. An, quibusque de causis juramentum litis decisorium, si deferatur, possit recusari? Resp. I. Juramentum voluntarium, seu extrajudiciale, licet parti delatum, libere potest recusari, adeo, ut non sit opus illud alteri parti referre. Ita Glossa in l. *Jurjurandum, quod ex conventionione*. v. *Non potest* et Jason ibid. n. 1. de *Jurjurand.* Abbas cap. ult. n. 1. h. t. Vallensis h. t. §. 5. n. 1. et alii. Ratio est: quia juramentum istud ideo appellatur voluntarium, seu conventionale, quia non nisi voluntarie, seu ex conventionione partium suscipitur; ergo hoc ipsum non potest deferri, neque referri in iudicium, arg. L. 1. 2. et 3. ff. h. t. sed potest libere recusari, ac par illud recusans dicere alteri: *Frater, non teneor hoc et nunc tibi jurare, sed si quid habes contra me, il probetur*: prout in simili loquitur Speculator Tit. de *Juramenti delatione*. n. 4. Concordat textus in l. *Jurjurandum, quod ex conventionione*. ff. h. t. illis verbis: *Jurjurandum, quod ex conventionione extra iudicium deferretur, referri non potest*: nempe, ut cogatur juramentum subire is, cui deferretur, vel succumbere, prout explicat Glossa loc. cit.

222 Excipe, nisi forte inter partes jam fuerit conventum, quod una earum determinate juret: tunc enim ab ea praestandum est juramentum, aliam succumbentem adeo, et si illa velit potest jurare, sed valit juramentum alteri parti referri, istud referre non potest; juxta alium intellectum cit. l. *Jurjurandum, quod ex conventionione*. ff. h. t. quem intellectum magis approbat Jason ibid. n. 1. Accedit ratio: quia, licet juramentum extrajudiciale a principio sit voluntarium, tamen ex praevia conventionione, seu susceptione redditur necessarium, juxta illud vulgatum: *Quod a principio est voluntatis, ex post facto fit necessitatis*: atque patet ex Sicut. C. de *Action. et obligat.* et l. *In commodato*. §. *Sicut*. ff. *Commodati*. Jason cit. n. 1. Vallensis h. t. §. 5. n. 6. et alii.

223 Resp. II. Juramentum judiciale; quod a parte parti deferretur, non libere recusari, etiam illud non referendo, donec a Judice fuerit approbatum: sed, ubi Juxta causa cognita illud approbavit, tunc debet is, cui delatum est, aut jurare, aut juramentum referre, aut solvere, ha Abbas cap. ult. n. 4. h. t. Bartolus l. *Manifestae*. §. *An autem possit*. ff. h. t. Joannes de Selva Tom. 4. *Tractatum, tract. de Jurjurando*, part. 3. q. 1. n. 7. Menochius lib. 2. de *Arbitrar. Judic. cas.* lib. n. 1. et alii.

224 Prior pars desumitur ex l. *Generaliter*. §. *Sed juramento*. C. de *Rebus credit.* ubi tunc primum jubetur juramentum judiciale praestari, vel referri, cum hoc a partibus factum fuerit, et a Judice approbatum: quia, ut loquitur Glossa ibid. §. *Approbatum*, illud quantum Juxta Juxta non approbat; puta, quia is, cui deferretur, dicit se petere veritatem. Accedit ratio: quia pars non potest necessitate partem ad jurandum, vel ad referendum juramentum; cit. cap. ult. juncta Glossa v. *Acto*. et Abbate ibid. n. 7. h. t. Quia imo habet licentiam istud recusandi, cit. l. *Generaliter*. §. *Sed autem*. C. de *Rebus credit.* cum etiam quis non tenetur respondere adversario, nisi ad mandatum Judicis. Abbas c. *Prout*. n. 9. de *Dolo et contumacia*.

225 Altera pars patet ex l. *Jurjurandum et ad pecunias*. §. *Practor ait*. ff. h. t. ubi dicitur *Aut Practor: Eum a quo Jurjurandum petatur, solvere, aut jurare cogam. Alterum utque eligat reus aut solvat, aut juret*. Datur autem et alia facultas reo, ut si malit, referat

jurjurandum. Concordat textus in cap. ult. juncta Glossa, et ill. ibid. h. t. et l. *Generaliter*. §. *Sed autem*. C. de *Rebus credit.* et l. *Delata*. C. eod. cum similibus. Accedit ratio: quia manifestae turpitudinis est et confessionis, nolle jurare, nec juramentum referre, prout habetur l. *Manifestae*. ff. h. t.

Excipe tamen Actionem famosam; ut est actio furti, ac hujusmodi. Nam conventus actione famosa, non potest hujusmodi juramentum referre; prout est decisum cit. cap. ult. h. t. et l. *Marcellus*. §. *fin. ff. de Action. rer. quatuor*, et l. *Ideo Labeo*. ff. eod. Cujus ratio est: quia conventus actione famosa, sive super crimine infamiam irrogante, melius praesumitur scire veritatem, videlicet, an commiserit illud crimen, nec ne, quam Actor seu accusator ipsius; prout jam supra dictum fuit n. 136.

Obijciens contra Conclusionem, A sententia lata virtute juramenti judicialis non praestiti, potest appellari, l. *Generaliter*. §. *Sed juramento*. C. de *Rebus credit.* ergo illud non praestans, nec alteri parti referens, non necessario cogitur solvere. Resp. Autecedens dubitatur esse verum, quando is, cui primum delatum fuit juramentum, habet justam causam istud recusandi, conformiter dicendis n. 229. et seqq. alias recis. Abbas cit. cap. ult. n. 11. h. t. Atque hinc debet Juxta non illico juramentum a parte parti delatum apprehendere, sed duntaxat causa cognita; ut loquitur textus in l. *In bonae fidei*. juncta Glossa vers. *Per judicem*. C. eod. Verum de appellatione a sententia si persequuti lata, plura inferius. Quaest. seq. n. 237. et seqq.

Resp. III. Juramentum litis decisorium necessarium, seu a Judice parti delatum, sine justa causa recusari non potest, nec etiam alteri parti referri: et si recusat, tunc illud recusans habetur pro convicto. Textus est in cap. ult. h. t. et l. *Generaliter*. §. *Sed autem*. C. de *Rebus credit.* ex quo communis omnium.

Porro causae iuxta recusandi juramentum necessarium, vel etiam judiciale a Judice approbatum, sunt plures: adeo, ut Bartolus in l. *Manifestae* §. *Pro declaratione*. ff. h. t. novem earum enumeret, quibus Jason in d. l. *Manifestae*. num. 6. et 7. sex alias superaddit. Earum praecipuae partim constant ex hactenus dictis, partim breviter tunc referuntur. Et quidem

I. Ratione probationis factae, vel non factae, potest recusari juramentum. Si enim actor plene probavit, potest is recusare juramentum sibi ulterius oblatum, sive a parte, sive a Judice; adeo, ut non possit amplius compelli jurare, c. *Sicut*. 2. de *Probatione*. Et contra contingit, si Actor nihil probavit, ne quidem semiplene: quia tunc non potest Reus cogi ad jurandum, etiam si Actor sese obtulerit ad standum juramento ipsius. Abbas cap. 2. n. 1. de *Probat.* et cap. ult. n. 8. h. t. Menochius de *Probat.* Concl. 36. n. 40. citans alios, junctis dictis supra §. 6. num. 171. et seqq. Nam, si Actor omnino in probatione defecerit, Reus debet, etiam nihil praestiterit, obtinere; prout habetur expressum cap. ult. §. *Sane* h. t. cum concordantiis.

II. Ratione ignorantiae. Sic enim potest juramentum recusari si ille, cui deferretur, vel refertur ejusmodi juramentum, rei gestae est ignarus, vel probabiliter ejus oblivione, aut ignorantiam allegat, l. *Jurjurandum et ad pecunias*. §. 1. ff. h. t. ubi idcirco is, cui in re communi deferretur juramentum, potest petere tempus ad deliberandum. Glossa cap. ult. §. *Nisi juxta de causa*. h. t. Bartolus, ubi supra, et alii, junctis dictis supra n. 184. et 185.

III. Ratione causae, seu ob naturam actionis. Nam quod plures sint causae, in quibus juramentum suppletorium nequa deferri, constat ex dictis n. 171. 180. et seqq. unde juramentum in de-

lis cuiusdam delatum, merito potest recusari. Huc accedunt actiones illae, quae coram tali Iudice non possunt tractari: nam non cogitur quis ibi jurare, ubi non potest conveniri, *l. Tutor. §. fin. ff. h. t. juncto Summario, Glossa, et DD. ibid.*

- 233 IV. Ex persona deferentis. Plures enim dantur personae, quae non possunt alteri deferre juramentum: ut Procurator, nisi habeat generale cum libera, vel speciale mandatum, vel sit Procurator in rem suam, *l. Jusjurandum quod ex conventionibus. §. fin. ff. h. t.* Item Prodigus, et Furiosus, cum similibus, *l. Tutor. §. Prodigus. ff. eod.* Ac proinde juramentum a talibus delatum, merito potest recusari.

- 234 V. Ex persona ejus, cui deferretur juramentum, quandoque jure recusatur juramentum: ut si deferatur Pupillo, vel Procuratori aut Defensori rerum alienarum: hi enim jurare non coguntur, *l. Jusjurandum et ad pecunias. §. Pupillo. ff. h. t.* Tacetur caeteri casus, prioribus non abimiles, ac praesertim tunc procedens, quando actio, vel exceptio locum non habet; de quibus Doctores proxime citati, et alii.

- 235 Quaesitur III. Quae sit practica ferendi sententiam ex juramento; et an ab ea possit appellari? Resp. I. Quando Actor plene probavit intentionem suam, tunc condemnandus est Reus: et e contra, si Actor nihil probavit, Reus est absolvendus, etiam sine alio praestito juramento. Ita Glossa communiter recepta, *l. In bonae fidei. §. Decidi oportet. C. de Rebus credit. et l. Admonendi. vers. Exacto juramento. ff. h. t.* estque proxime dictum num. 230.

- 236 Resp. II. Quod si praecesserit semiplevis probatio, atque deficientibus aliis probationibus juramentum exactum, tunc nisi subit justa causa recusandi tale juramentum, observanda erit Practica, quae continetur in *l. Jusjurandum et ad pecunias. §. fin. ff. h. t.* illis verbis: *Cum res in jusjurandum demissa est, iudex jurantem absolvit, et referentem audiet: et si actor juret, condemnet reum: nolentem autem jurare reum, si solvat, absolvit: non jurantem condemnet: vel ex relatione non jurante actore, absolvit reum.* Haec ibi. Concordant jura hactenus allegata, praesertim ea, quae num. 225. citantur.

- 237 Resp. III. Utrum a sententia vigore juramenti lata decisorii lata possit appellari, distinguendi sunt plures casus, qui habentur in *l. Generaliter. §. Sed juramento. C. de Rebus credit.* juncta Glossa, et Bartolo *ibid.* ac sequitur Abbas *cap. ult. n. 11. h. t.* Ex quidem, si lis sit decisa vigore juramenti necessarii, seu, a Iudice delati, potest appellari: quia potest hujusmodi sententia rescitari propter instrumenta de novo reperta, *l. Admonendi. ff. h. t.*

- 238 Atque istud ampliatur ad eum casum, quo quis juramentum a Iudice delatum praestare recusavit, sicque ab ipso fuit condemnatus. Adhuc enim a tali sententia poterit appellare, allegando, quod habuerit justam causam recusandi juramentum ejusmodi: et si quidem Iudex appellationis, bene quidem delatum jusjurandum, male autem recusatum pronunciaverit, rata manebit prior sententia: si autem non rite delatum, recte autem recusatum juramentum pronunciet, tunc la. priorem sententiam, quae quasi ex recusato juramento processit, emendare seu cassare valet. Textus est in *cit. l. Generaliter. §. Ipse autem. C. de Rebus credit.* ubi Bartolus addit, istud etiam procedere, licet quis causas, quare noluerit jurare, non allegaverit coram primo Iudice: adhuc enim potest eas allegare coram Iudice appellationis.

- 239 Quod si virtute juramenti judicialis, hoc est, a parte delati, et per Iudicem approbati, sententia lata sit, tunc iterum est subdistingendum. Aut enim alter juravit; et tunc is, qui detulit juramen-

tum, appellare non potest: quia videtur suo consensu transactum. Aut alter non juravit, sed retulit juramentum deferenti, qui etiam non vult jurare; et fertur sententia contra istum, nec potest iste appellare: quia ex quo a principio deferendo, elegit decisionem causae per juramentum, non potest illud sibi relatum recusare, neque a sententia exinde contra se lata appellare. Quis enim ferendus est ad appellationis veniens auxilium in iis, quae ipse facienda procuravit? Inquit Imperator *cit. l. Generaliter. §. Sed juramento. C. de Rebus credit.* Quamquam hoc ultimum limitet Abbas, ubi *supra*, nisi aliquis ex justa causa recusaret juramentum; potest, quia non haberet veram notitiam rei, de qua juramentum sibi relatum fuit.

Si vero is, cui juramentum refertur, jurat, 240 tunc esse dubium, an referens possit appellare a sententia contra ipsum lata, inquit Abbas *cit. cap. ult. n. 11. h. t.* adducens diversas Doctorum sententias: quamvis finaliter adhaereat sententiae affirmativae, videlicet talem posse appellare.

Nec obstat, quod omnis relator juramenti, sit 241 etiam delator hujus: atqui delator juramenti non potest appellare, ut dictum num. 239. ergo nec relator. Resp. enim negando paritatem inter delatorem, et relatorem juramenti: nam delator, seu qui primo defert, omnino sponte detulit juramentum; non sic relator hujus: isto enim tenetur ad alterum duorum, videlicet aut jurare, aut juramentum sibi delatum referre. Constat autem plus subveniri illi, qui necessario agit, quam qui omnino voluntario, *a. Ab arbitris.* juncta Glossa *vers. Appellandum. de Officio. Delegat. in 6. et l. Si fidejussor. §. Si necessaria. ff. Qui satisfacere cogantur.* ac proinde non mirum, quod quidem delator juramenti altero jurante non possit appellare, bene tamen relator. Abbas *loc. cit.* asserens post Id. Andream, istud communius approbati.

## TITULUS XXV.

### De Exceptionibus.

#### 1. Ratio continuationis Rubricarum.

*Exceptio facilius conceditur, quam actio. Ibid.*

Postquam hactenus visum est de jure Actorem, tractando de Probationibus in genere ad speciem, quibus mentionitur, et hinc et gladiis: merito Compiler Juris Canonici subicit de jure Reorum, quo muniantur et clypeis et loriceis, agendo de Exceptionibus: sicut enim probationes sunt arma Actorum, ita exceptiones sunt arma Reorum, juxta Glossam in Rubric. *h. t.* Quamquam adhuc sit nonnulla differentia: nem exceptio, utpote spectans ad naturalem defensionem, nulli deusgandum, facilius conceditur, quam actio, juxta Reg. 71. *Jur. in 6. Qui ad agendum admittitur, est ad excipendum multo magis admittendus.* Concordat textus in *l. Inventus. ff. de Reg. Jur.* ibi: *Cui damus actionem, eidem et exceptionem competere multo magis quis dixerit: cum similibus.* Hinc licet spectato rigore Juris Civilis ex pacto nudo non oriatur actio, bene tamen exceptio, quae quis contra petitionem adversarii se defendere potest, *l. Juris gentium. §. Sed cum nulla. ff. de Pactis.*

## §. I.

De natura et varia divisione Exceptionum.

## SUMMARIUM.

- 1 Exceptionis varias acceptiones referuntur.
- 2 Exceptio ut sic dupliciter accipitur, large et proprie. Exceptio facti, et exceptio juris, quae? Ibid.
- 3 Exceptio ut sic, quid?
- 4 Exceptiones dilatorias, an sint actionis exclusio?
- 5 Exceptioni contraria est replicatio, et huic Duplicatio, Triplicatio, etc.
- 6 Exceptiones dividuntur juxta quatuor causarum genera. Et num. seqq.
- 7 Earum divisio a causa finali desumpta, est praecipua; et quae? Ibid.
- 8 Exceptiones peremptoriae, seu perpetuae, et
- 9 Exceptiones dilatorias, seu temporales, quae?
- 10 Exceptiones dilatorias sunt in triplici differentia. Et num. seqq.
- 11 Harum aliae respiciunt personam Judicis, quae et Declinatoriae Fori dicuntur.
- 12 Atque istae ante omnes alias exceptiones opponi debent; et cur?
- 13 Aliae respiciunt personam Actoris.
- 14 Et aliae desumuntur a qualitate causae.
- 15 Exceptiones a causa materiali, qualiter dividantur.
- 16 Exceptiones personales, quae?
- 17 Exceptio competentiae est personalis; et cur? Ibid.
- 18 Exceptiones reales, quae?
- 19 Haeres succedit in universum jus defuncti. Ibid.
- 20 Exceptiones mixtae quales?
- 21 Exceptiones a causa efficiente dividuntur in Civiles, et Praetorias; et quae sint istae?
- 22 A causa formali dividitur exceptio in justam, seu legitimam, et injustam, sive frustratoriam, frivolam, seu infirmam; et quid sint?
- 23 Quae exceptio hic et nunc sit legitima, Judicis arbitrio relinquitur. Ibid.
- 24 Exceptiones anomaliae, quae?
- 25 Harum nonnullae recensentur.

3 Quæritur I. Quid sit Exceptio, et Replicatio? Ubi prænotandum, quod impræsentiarum Exceptio non sumatur pro exemptione aliqua, seu immunitate a communibus oneribus: neque pro limitatione quadam, seu fallentia Regulæ cuiuspiam; in quo posteriori sensu procedit illud vulgatum: *Nulla regula sine exceptione*. Iuxtaque Exceptio in proposito dicitur ea, quæ a Reo opponitur adversus petitionem Actoris. Nam, ut Ulpianus L. 2. ff. h. t. loquitur: *Exceptio dicta est quasi quædam exclusio, quæ interponi actioni cujusque rei solet ad excludendum id quod in intentionem, condemnationemve deductum est.*

3 Et merito hoc utrumque simul jungitur: nam exceptio ut sic potest dupliciter accipi, large et proprie. Priori modo, seu large, sumitur. exceptio pro omni defensione, quæ Reo competit, etiamsi nulla actio competat Actori: et hæc vocatur *Exceptio facti*. Cæterum exceptio proprie sumpta aliud non est, quam actionis exclusio. Et hæc alio nomine, dicitur *Exceptio juris*: atque supponit, quod Actor de jure competat actio; quam tamen exceptio proprie dicta excludit. Quo prænotato,

4 Resp. I. *Exceptio ut sic* est actionis, vel intentionis exclusio. Ita Abbas *ad Rubric. h. t. Vallensis eod. n. 2.* et in re communis. Et notanter sub disjunctione dicitur, *Actionis, vel intentionis exclusio*: quia hæc definitio (ut dictum) competit Exceptioni

ut sic: seu quatenus sub se comprehendit utramque præmissam exceptionem, videlicet tam large, quam proprie acceptam. Siquidem exceptio facti, seu large accepta, excludit intentionem tantum Actoris: si quis a Titio sibi petat solvi centum flores, nos, antea eidem mutuo datos Titius vero excipiat, negando, illos sibi mutuo datos fuisse, excluditur sola intentio Actoris: nam si vera est negatio Titii, nulla Actori competebat actio, ne proinde hæc excludi non potuit, sed sola ejus intentio. At vero exceptio proprie dicta, seu exceptio juris, excludit etiam actionem, quæ in veritate, ac de jure Actori competebat: ut si metu coactus, quidpiam stipulatus sum, valet stipulatio, sique competit adversario actio ex stipulatu contra me; eam tamen per exceptionem *Quod metus causa* excludere possum. Atque hæc est Exceptio proprie dicta; estque *Actionis exclusio*, ut proxime declaratum.

Dices. Dantur exceptiones proprie dictæ, quæ appellantur dilatorias, atque ante litis contestationem proponi debent: atqui tales non sunt actionis exclusio; quia ante litem contestatam non dicitur quis agere, sed velle agere, l. *Amplius. ff. Rem ratam habere*; ergo non omnes exceptiones proprie dictæ, sunt actionis exclusio. Resp. neg. min. cum consequentia suæ probationis. Quia etiam exceptiones dilatorias, sunt actionis exclusio; non quidem actu jam coepisse, sed incipere: eo quod actionem temporaliter differant, prout amplius patebit ex dicendis.

Resp. II. Exceptioni contraria est Replicatio, utpote per quam Actor excludit exceptionem Rei. Textus est in L. 2. §. 2. *Exceptiones. ff. h. t.* ubi dicitur: *Replicationes nihil aliud sunt, quam exceptiones; et a parte Actoris veniunt etc.* Nam sicut Exceptio est actionis exclusio, ita Replicatio est exclusio exceptionis. Exceptio siquidem datur Reo; Replicatio vero datur Actori, quæ ideo obijcitur, ut exceptionem Rei oppugnet. Verum contra replicationem solet dari Duplicatio, et contra duplicationem Triplicatio, et contra triplicationem cursus Quadruplicatio; et sic deinceps multiplicando nomina, dum aut Reus aut Actor excipit; prout habetur cit. L. 2. §. *Illud tenendum. ff. h. t.*

Quæritur II. Quomodo Exceptiones dividantur? Resp. I. Exceptiones varie dividuntur et quidem juxta omnia quatuor causarum genera; prout notat *Zoesius tit. de Exceptionib. ff. num. 4.* Praecipua tamen earum divisio est illa, quæ a causa finali, seu ab effectu desumitur; et juxta quam exceptiones aliae dicuntur peremptoriae et perpetuae, aliae dilatorias ac temporales. Atque hæc divisio habetur expressa in L. 3. ff. h. t. estque recepta ab omnibus. Et quidem

Exceptiones peremptoriae dicuntur illæ, quæ jus Actoris perimunt, atque in totum elidunt petitionem ipsius; ut sunt Exceptio doli mali, Exceptio rei judicatas, pacti de non petendo in perpetuum, transactionis, solutionis, præscriptionis, aut si contractus invalidus, vel quidpiam contra leges esse factum dicatur, et hujusmodi. Et merito tales dicuntur Exceptiones peremptoriae, ac perpetuae. *Peremptoriae* quidem: quia, si verificentur, atque probentur, tollunt omnino jus agentis, et totaliter perimunt actionem. *Perpetuae* vero: quia actionem excludunt in perpetuum, et non pro determinato duntaxat tempore; prout accidit in exceptionibus dilatoriis.

Exceptiones dilatorias ac temporales contra sunt, quæ principalem causam et actionem non perimunt, sed tantum eam suspendunt sive differunt in aliud tempus: ideoque recte appellantur dilatorias, ac temporales. Siquæ exceptio incompetentiæ judicis negotium principale non perimit, sed solum facit, ne coram tali incompetenti, aut suspensio



Judice tractari valeat: sive, ut dicitur *L. 1. §. An. ff. h. t.* opponens hujusmodi exceptionem non prorsus litem inficitur, sed personam evitat. Similiter exceptio dilatoria solutionis, puta, exceptio de non petendo ante certum tempus, v. g. quinquennium, quod promissum est, non tollit actionem de petendo, sed solum, ne fiat petitio debiti ante tale tempus; postea enim bene peti potest: ac idem dicendum de aliis similibus.

10 Unde notandum cum Maranta *part. 6. Speculi Aurei. Membr. 9. n. 1.* Sigismund. Scaccia *lib. 1. de Judiciis, cap. 101. n. 6.* et aliis, quod Exceptiones delatoriae in tripliei sint differentia: nam quaedam earum respiciunt personam Judicis, quaedam personam Litigantis, quaedam vero respiciunt causam ipsam. Et quidem

11 Exceptiones respicientes personam Judicis, quae et Declinatoriae Fori dicuntur, ex variis causis oriri possunt: puta, quia contra Judicem excipitur tanquam in competentem, aut impetratum mediante Rescripto subreptitio obtento, vel tanquam suspectum propter cognationem, affinitatem sive familiaritatem, quam habet cum Actore; aut propter inimicitias, quas gerit erga Reum: vel quia excipitur contra ipsum ex eo, quod sit imperitus juris, aut impar magnitudini causae, sive quod in eadem causa advocatum egerit, aut ejusdem ferme generis litem habeat, vel ex alia justa causa Reus contra ipsum excipiat: prout desumitur ex *c. Postremo. 36. juncta Glossa ibid. vers. Consanguineus. de Appellation.*

12 Porro ejusmodi exceptio, seu recusatio Judicis, debet esse prima, atque opponi ante omnes alias exceptiones. *L. ult. C. de Exceptionib.* atque notat Glossa in *c. Exceptionem. 12. v. In dilatoriis.* et Abbas *ibid. n. 10. h. t.* Maranta *loc. cit. n. 2.* Barbosa in *c. Pastoralis. n. 22. h. t.* citans plures alios. Ratio est: quia, si alia exceptio coram tali Jdice prius proponeretur, censureretur opponens eundem interpellare, ut super proposita exceptione pronunciet; sique tacite, atque ipso facto in talem judicem consentiret, seu ejus jurisdictionem in se prorogaret; unde non posset ipsum ulterius declinare, sive recusare. Concordat textus in *c. Inter Monasterium. 20. juncta Glossa vers. Renunciass. de Sentent. et re judicat.* estque amplius dictum *Tit. 2. de Foro competent. §. 1. n. 7. et 8.*

13 Exceptiones dilatorias, quae respiciunt personam Litigantis, seu Actoris, sunt illae, quae proponuntur ad repellendam personam ab agendo: ut si excipitur contra Actorem, quod sit excommunicatus, proscriptus, pupillus, vel minor viginti quinque annis, qui sine Tutore, vel Curatore, non possunt comparere in judicio ad agendum, et hujusmodi. Aut si fiat exceptio contra Procuratorem, quod sit miles, foemina, accusatus de crimine, vel quod careat mandato, seu non sit legitime constitutus etc. Huc etiam pertinent exceptiones illae, quae competunt Reo, si in conqueratur, se ab Actore suavis spoliatum: sique excipiat contra eum, quod non teneatur respondere, nisi prius restitutus sit, *cap. 1. de Restitut. spoliat. in 6.* Aut si Reus ex legitima causa Actorem revocet domum, *L. 1. §. Legatis. ff. de Judiciis.* Omnes enim hujusmodi exceptiones respiciunt quodam modo personam Litigantis, suntque dilatoriae: quia non excludunt actionem in totum, sed duntaxat suspendunt seu differunt, donec impedimentum illud in quo fundat se exceptio, sublatum fuerit.

14 Tandem Exceptiones delatoriae quae respiciunt causam ipsam, sunt eae quae desumuntur ex qualitate causae vel actionis, ex loco vel tempore, aut alijs hujusmodi circumstantiis ipsae: ut, si Reus excipiat, quod Libellus Actoris sit ineptus,

vel obscurus: quod citatio tempore Feriarum, vel ad locum non talem facta fuerit, quod causae continentia non sit dividenda: quod pactum de non solvendo usque ad certum tempus intervenierit, quale tempus necdum est completum, ac hujusmodi. Patet enim hujusmodi exceptiones concernere causam ipsam, simulque esse duntaxat dilatorias et temporales, dum aliqua earum opposita non tollitur actio in totum, sed solum in aliud tempus differtur, donec v. g. Libellus emendetur, seu declaretur, aut nova citatio ad tempus debitum, locumque totum fiat, et hujusmodi.

Resp. II. A causa materiali recte dividuntur 15 Exceptiones in reales, et personales: quibus addi possunt exceptiones mixtae. Ita textus apertus in *l. Exceptiones quas. 7. ff. h. t.* ac notant Doctores communiter. Ex his.

Exceptiones personales dicuntur, quae personae 16 cujusque cohaerent, et non transeunt ad alios. Talis est Exceptio competentiae (ut vocant) quam habet Pater adversus filium, Patronus adversus libertum, Socius adversus socium etc. ut si conveniatur ab eo, in id tantummodo condemnari valet, quod honeste facere potest, ne ipsemet egeat. Quia enim hujusmodi exceptio datur intuitu harum personarum, atque ob specialem reverentiam eisdem debitam (unde et Exceptio competentiae appellatur) merito censetur esse personalis: et ideo non transit ad eorumdem haeredes, vel Fidejussores, neque ab istis opponi potest, juxta textum in *cit. l. Exceptiones quas. ff. h. t.* Loesius *tit. de Exceptionib. ff. n. 6.* Pirhing *ad. n. 2.* et alij. Talis exceptio personalis etiam est illa, quae de Jure Civili competit illis, qui bonis cedunt, et postmodum non valeant conveniri, nisi in quantum facere possunt; et sic habita ratione, ne egeant, *§. Exceptiones. Instit. de Replicat. juncto §. ult. Instit. de Actionib. et l. Ex contractu. C. de Bonis auctoritat. judic.* ac notat Glossa in *L. vers. In eo tantum. C. Qui bonis cedere possunt.* Tacentur nonnullae aliae exceptiones personales, de quibus Interpres Juris Civilis.

Exceptiones reales e contra sunt, quae cohaerent 17 rei, ipsamque sequuntur: ut est Exceptio rei judicatae, Exceptio doli mali, jurisjurandi, quod metas causae etc. aliaeque consimiles. Et tales transeunt ad Fidejussores, *l. Exceptiones quas. 7. ff. h. t.* atque ad Haereditatem, utpote qui in universum ius defuncti succedit, *l. Sicut. rem. 6. ff. eod.*

Huc addi possunt Exceptiones mixtae, quae videlicet 18 certo personarum generi dantur, sed ratione rei sive materiae: adeoque competunt etiam Fidejessori, si super tali re conveniatur. Et hujusmodi exceptiones mixtae enumerantur quatuor in *cit. l. Exceptiones quas. ff. h. t.* videlicet, Exceptio Senatusconsulti Valeriani competens mulieribus, si fidejubendo graviter laesae fuerint, *l. Si mulier contra. §. 1. ff. Ad S. C. Velleian.* Item Exceptio, quod libertus onerandae causae petitur: hanc enim Libertus Patrono suo obicere potest, ut non teneatur praestare eas operas, quae ei Patronus in sua manumissione imposuerat. *L. 1. §. Quae onerandae. ff. Quorum rerum actio non datur.* Item Exceptio, quae competit filiofamilias sine consensu Patris mutuum accipienti, ex Senatusconsulto Macedoniano: talis enim competit illi, qui pro Filiofamilias contra dictum Senatusconsultum fidejusserat, *cit. l. Exceptiones quas. ff. h. t. et l. Sed et si pater. §. Non solum. ff. Ad S. C. Macedon.* Item Exceptio competens minori viginti quinque annis, quando dolo adversarii graviter laesus est: si enim et eo conveniatur in judicio, tam ipse, quam Fidejussor potest opponere memoratam exceptionem. Additur tamen dolo adversarii: nam si Minor annis alia ratione laesus est, v. g. sua facilitate,

non competit ei haec exceptio, sed sola restitutio in integrum.

19 Resp. IV. A causa efficiente dividuntur Exceptiones in Civiles, et Praetorias. Ita textus §. *Haec exempli. Instit. h. t. Zoesius tit. de Exceptionib. ff. n. 4.* Pirhing *h. t. n. 2.* et alii. Porro *Exceptiones Civiles* appellantur, quae a Jure Civili sunt inductae: ut est exceptio declinatoria fori, *L. ult. C. h. t.* Exceptio rei iudicatae, §. *Item si in iudicio. Instit. h. t.* et huiusmodi. *Exceptiones Praetoriae* contradicuntur, quae ex ipsius Praetoris jurisdictione substantiam capiunt, seu ob naturalem aequitatem inductae fuerunt: ut est Exceptio doli mali, et Exceptio quod metus causa, et huiusmodi. Glossa. *cit. §. Haec exempli, vers. Praetoris. Instit. h. t.*

20 Resp. V. A causa formali Exceptio dividitur in justam, seu legitimam; et in injustam, sive frustratoriam. Ita Zoesius *loc. cit. n. 4.* et communis. *Exceptio legitima* (seu justa, atque relevans) censetur ea, quae a Legibus approbatur: sive quae provenit a causa ad justam appellationem sufficientem. Card. Tuschus *Litt. E. Concl. 378. n. 1.* post Oldradum *Consil. 323. circa init.* Contra *Exceptio injusta, seu frustratoria* dicitur, quae ad procrastinationem duntaxat litem malitiose opponitur. Glossa in *Clam Saepo* contingit. *vers. Dilatorias. de Verbisignif.* Quamquam in casibus particularibus, quatenus exceptio hic et nunc sit legitima, et quatenus frustratoria, pendenti Iudicis arbitrio esse relinquendum, voluit Card. Tuschus *cit. Concl. 378. n. 4.* et Menoschius *lib. 2. de Arbitrar. Iudic. cas. 197. n. 6.* et 7. hoc ipsum docens de exceptionibus frivolis, seu infirmis et fragilibus. Atque, ut aliae taceantur divissimae Exceptionum, de quibus fusa agit Speculator *tit. de Exceptionibus. §. 1. n. 5.* et seqq. ac Hostiensis in *Summa. tit. eod. num. 2.* sufficiat breviter mentionem facere de Exceptionibus anomalis. Et quidem

21 Per *Exceptiones anomalas* intelliguntur exceptiones irregulares, seu quae non sequuntur normam aliarum exceptionum: quia videlicet possunt proponi tum ante litem contestationem, tum post eam; ut inquit Speculator *cit. §. 1. n. 7.* et Nebrissenus in *Vocabulario Juris. vers. Exceptio anomala.* Nec discordat Abbas in *e. Exceptionem. n. 9 h. t.* dicens, quod quaedam Exceptiones sunt *anomalas respectu naturae earum, quia ex toto non sequuntur naturam dilatorias, vel peremptorias.* Atque huiusmodi Exceptiones, quae etiam dicuntur, seu videntur *mixtae*, ut inquit Sigismund. Scaccia *lib. 1. de Iudiciis. cap. 101. n. 4.* (non quidem in sensu num. 18. explicato, sed quia participant aliquid de dilatoriis et peremptoriis) alio nomine vocantur *anomala*: quamquam de nomine non sit curandum, sed sufficit scire, quod omnes haec voces significant exceptionem sine regula, et inaequalem, quae propterea potest opponi tam ante, quam post litem contestatam.

22 Talis Exceptio anomala, juxta Abbatem *loc. cit. n. 19.* Speculatorem, et Nebrissenum, *ubi supra*, est Exceptio excommunicationis, quae licet in *Clam. un. h. t.* connumeretur inter exceptiones dilatorias, merito tamen dicitur *anomala*, cum possit opponi in qualibet parte iudicii, possitque etiam esse peremptoria; ut notat Glossa *ibid. vers. Dilatorias.* et amplius dicitur infra §. 4. n. 85. et 93. Talis etiam est exceptio non numeratae pecuniae, atque exceptio non numeratae dotis: haec enim licet sint temporales, quia non nisi intra biennium opponi possunt; si tamen tunc opponantur, et maneat iudicium, evadunt peremptoriae, atque elidunt positionem Actoris in totum *l. In contrariis. §. 1. et 3. ff. C. De non numerata pecunia*, et alibi. Idemque dicendum de novellis alio exceptionibus, de quibus dubitatur, REIFFENSTULL *Jus Can. Tom. II.*

an sint perpetuae, vel temporales, atque notat Speculator, *ubi supra.*

## §. II.

## De tempore opponendi Exceptiones.

## SUMMARIUM.

- 23 *Exceptiones dilatoriae regulariter sunt opponendae, atque probandae ante litem contestationem.*
- 24 *Reus tenetur probare suam exceptionem. Atque excipiendo fit actor. Ibid.*
- 25 *Debetque eam probare intra terminum a Iudice praefigendum. Et num. 23.*
- 26 *Solvitur instantia declarando textum in l. Exceptionem. C. de Probatione.*
- 27 *Exceptio dilatoria non proposita ante litem contestatam, et intra terminum praefixum, nequit amplius proponi in causa appellationis.*
- 28 *Solvuntur instantiae. Et num. seqq.*  
*Per appellationem rescinditur iudicatum, et reponuntur omnia ad priorem statum; et qualiter? Et num. 74.*
- 29 *Non allegatum, vel non probatum in causa principali, potest allegari et probari in causa appellationis; et quomodo?*
- 30 *Pluribus aliqui casus, in quibus post terminum a Iudice praefixum possunt opponi exceptiones dilatoriae. Et num. seqq.*
- 31 *I. Quando quis antea eas fuit protestatus.*
- 32 *Quae protestatio debet esse specialis, nec sufficit generalis.*
- 33 *II. Quando aliqua exceptio postea primum supervenit.*
- 34 *III. Quando Reus allegat et probat, se postea primum in notitiam illius exceptionis pervenisse.*  
*Intelligendo istud de exceptione facti, non juris. Ibid.*
- 35 *Ignorantia exceptionis insufficienter probatur per iuramentum; et cur?*
- 36 *et 37. Praedictae limitationes, ac praesertim tertia, an etiam locum habeant post litem contestatam?*
- 38 *Pluribus alii adhuc casus, in quibus post terminum praefixum admittuntur exceptiones dilatoriae nempe.*
- 39 *IV. Si postea primum supervenit facultas aliquam ipsarum probandi.*
- 40 *V. Aut si postmodum opponitur nova exceptio priori contraria.*
- 41 *VI. Vel si opponitur exceptio de incompetencia Iudicis, in quem pars litigans non potuit consentire.*
- 42 *VII. Post lapsum termini potest pars exceptionem prius propositam declarare.*
- 43 *Alii tales casus referuntur. Remissive.*
- 44 *Exceptiones peremptoriae regulariter opponendae sunt post litem contestatam, possuntque opponi usque ad sententiam. Et num. seqq.*
- 45 *Ante litem contestatam eas opponi non possunt; et cur?*
- 46 *Fallit istud in exceptionibus peremptoriis litis finitae.*
- 47 *Et cur?*
- 48 *Fallit etiam, quando exceptio peremptoria est notoria.*
- 49 *Et quando Reus in continenti potest probare exceptionem peremptoriam.*
- 50 *Et ubicunque exceptio concludit, Actori jus non competere.*
- 51 *Regula est, quod post sententiam definitivam*

- nullae exceptiones, etiam peremptoriae, opponi possunt.
- Post diffinitivam vel est confugiendum ad remedium appellationis, vel ad remedium restitutionis in integrum, si competit. *Ibid.*
- 52 Fallit data regula in exceptionibus, quas principaliter respiciunt executionem sententiae: tales enim post sententiam opponi possunt.
- 53 Ut est exceptio Senatus consulti Macedoniani.
- 54 Et exceptio Senatus consulti Velleiani.
- 55 Item exceptio Militis condemnati, si quam ante sententiam non opposuit.
- 56 Atque exceptio competentiae: et quibus haec competat?
- 57 Item exceptio compensationis.
- 58 Et exceptio juris revocandi.
- 59 Ac exceptio rei non traditae, vel non numeratae pecuniae, aut solutionis jam factae: vel quod res petita aliunde pervenerit ad Actorem.
- 60 Item exceptio transactionis, vel pacti de non petendo etc.
- 61 Atque exceptio evictionis imminenti super re emptae.
- 62 Et exceptio non implementi.
- Haec retardat executionem Cameralis obligationis. *Ibid.*
- 63 Exceptio attentatorum impedit executionem sententiae.
- 64 Post sententiam potest opponi exceptio contra ejus executionem, quando executor modum excedit in exequendo.
- 65 Ac exceptio contra executionem, ob defectum jurisdictionis.
- 66 Exceptiones peremptoriae, etiam negotium principale concernentes, possunt opponi post sententiam, quoties dicitur, propter eas nullum fuisse iudicium.
- 67 Nullitas sententiae, atque inde consurgens exceptio ipsius, potest oriri multipliciter.
- 68 Exceptio falsitatis instrumenti potest obijci post sententiam.
- 69 Sicut et exceptio falsi Procuratoris.
- 70 Exceptio nullitatis sententiae, regulariter non impedit executionem ipsius.
- 71 Et hujus ratio.
- A diresis non valet illatio. *Ibid.*
- 72 Fallit illud, quando nullitas sententiae est evidens seu notoria.
- Vel potest in continenti probari. *Ibid.*
- 73 Aut quando executio sententiae foret irretractabilis: quia tunc exceptio nullitatis, impedit executionem sententiae.
- 74 Exceptiones peremptoriae possunt opponi in causa appellationis, sicut poterant antea post litem contestatam.
- 75 Quomodo quis non scienter, et malitiose eas omiserit in causa principali, ut sic saepe et adversarium. Et num seqq.
- Malitiae hominum non est indulgendum. *Ibid.*
- 76 Et quid, si exceptio excommunicationis ita malitiose fuit dilata?
- 77 Iudex non illico debet repellere exceptionem peremptoriam propter quamlibet malitiam suspicionem.
- Qui dolum allegat, dolum probare debet. *Ibid.*
- 78 Dolum, sive sive malitia differentis opponere exceptionem, quomodo probari possit?

23 Queritur I. Quando opponendae, atque probandae sint Exceptiones dilatoriae? Resp. I. Exceptiones dilatoriae regulariter sunt opponendae, ac probandae ante litem contestationem: et quidem intra terminum a Iudice praefigendum. Ita textus

expressus in c. Inter Monasterium. 20. de Sentent. et re judicat. ubi de hujusmodi exceptionibus dicitur: Quas etiam tanquam dilatorias ante litem ingressum opponere debuerant. Concordat textus in o. Pastoralis. §. h. t. ubi ne per dilatorias exceptiones malitiose causarum terminatio prorogetur, Pontifex decrevit, ut infra certum tempus a iudice assignandum, omnes dilatoriae proponantur: Ita quod si partes ex tunc aliquas voluerint opponere, quas non fuerint potestates, nullatenus audiantur: nisi forte aliqua de novo sibi competens exorta fuerit: vel is, qui voluerit eam opponere, fidem faciat juramento, se postmodum ad illius notitiam pervenisse. Haec ibi. Id ipsum habetur expressum in Jure Civili: ut l. Exceptionem, juncta Glossa i. *ibid.* C. de Probation. et l. penult. et l. ult. C. h. t. ac tradit Abbas c. Exceptionem. n. 10 h. t. Barbosa o. Pastoralis. n. 4. eod. Tiesius h. t. n. 3. et communis aliorum.

Additur primo, ac probandae etc. Siquidem non 24 sufficit tantum opponere exceptionem, sed ea ab excipiente est etiam probanda. Nam sicut Actor tenetur probare suam intentionem, ita Reus probare debet suam exceptionem: quia hic excipiendo quodammodo fit actor, l. i. ff. h. t. ibi: Agere etiam is videtur, qui exceptione utitur: nam reus in excipiendo actor est.

Additur ulterius in data Conclusionem, et qui- 25 dem intra terminum a Iudice praefigendum. Quia enim antiquitus malitiose nonnunquam causarum terminatio prorogabatur, dum lite diutius non contestata tempus inutiliter consumebatur in proponendis, ac probandis novis, et novis exceptionibus: hinc Pontifex cit. c. Pastoralis, §. h. t. provide decrevit, ut Iudex partibus terminum, sive certum tempus assignare debeat, intra quod suas exceptiones opponere debeant: Adeo, ut post lapsum illius termini, suo arbitrio pensatis qualitate causae, et personarum, aliisque circumstantiis praefigendi, excipientem amplius non audiat: nisi in tribus casibus ibidem expressis, et infra n. 30. et seqq. referendis. Atque ob hos ipsos casus, et nonnullas alias fallencias, merito in eadem Conclusionem additum fuit Iy, Regulariter.

Dices. Praemissis videtur ob stare textus in l. 26 Exceptionem c. de Probation. ubi dicitur: Exceptionem dilatoriam opponi quidem initio; probari vero, postquam actor monstraverit quod asseverat, oportet: ergo. Respondet Bartolus *ibid.* istam Legem esse intelligendam de exceptione dilatoria solutionis, quae debet opponi ab initio (hoc est, ante litem contestatam, vel in ipsa litem contestatione) probari vero post intentionem Actoris fundatam: ut l. Si quidem C. h. t. Decus de dilatore doctrinae fore, et alia hujusmodi, quae proponi ac probari debent ante litem ingressum. Vel, da cum Glossa un. *ibid.* Legem allegatam procedere a exceptione dilatoria solutionis, et quidem sub conditione proposita ab initio; puta dicendo: Propter, non confiteor quod dicis: sed si probaretur, dico, pactum mihi factum esse de non petendo ante tempus, vel hujusmodi. Tunc enim necesse foret, ut Actor prius monstraret suam intentionem, antequam Reus cogeretur probare suam exceptionem dilatoriam, juxta textum cit. l. Exceptionem. C. de Probation. Atque istum excipiendi modum valde commendat Glossa in c. Cum venerabilis. §. Confessus. et Abbas *ibid.* n. 26. et 27. h. t.

Resp. II. Exceptio dilatoria adeo debet pro- 27 poni ante litem contestatam, et intra terminum a Iudice praefigendum, ut si tunc fuerit omisa, non possit amplius opponi etiam in causa appellationis. Ita textus in l. Ita demum. C. de Procurat. ubi proinde Summarium, ex Alexandro desumptum,



sic loquitur: *Exceptio dilatoria, si non fuit opposita in causa principali, non poterit in causa appellationis opponi.* Idem docet Bartolus *ibid.* §. *Secundo nota.* Abbas *c. Exceptionem. n. 17. h. t.* istud probans ex *cit. l. Ita demum. C. de Procurat.* addita ea ratione: quia in causa appellationis durat effectus litis contestationis factae a principio, *c. Per tunc. 58. de Appellat.* Idem tradit Sigism. *Seccola tract. de Appellation. quaest. 11. num. 36. et 48.* cum aliis, quos citat. Matthaeus Nerutius in *Reposit. Rubric. de Appellat. n. 19.* et Card. Tuschus *Litt. E. Concl. 930. n. 21.* allegans communem.

28. Nec obstat, quod per appellationem rescindatur iudicatum, et reponatur in antiquo statu. Resp. enim, cum Bartolo, et Nermio, ubi *supra*, quod per appellationem rescindatur quidem iudicatum, ac reponatur omnia ad priorem statum, in quo antea fuerant post litem contestatam: non vero ad eum statum, qui fuerat ante litem contestatam; prout convincit textus in *cit. l. Ita demum. C. de Procurat.*

29. Neque ulterius obstat textus in *l. Eos qui. §. Si quid autem. C. de Appellat. et l. Per hanc. C. de Temporib. et reparat. appellat.* ubi pro regula traditur, quod *Non allegatum, vel non probatum in causa principali, potest allegari et probari in causa appellationis.* Resp. enim, concordando iura iuribus, Regulam hanc procedere in exceptionibus peremptoriis, earumque probationibus: secus in dilatoriis. Ita Nerutius *cit. num. 19.* post Angel. et Paul. et *l. ranc. in d. l. Ita demum*, et alios. Abbas *d. c. Exceptionem. n. 17. h. t.* hinc tamen excipiens illos casus, in quibus exceptiones dilatoriae possunt proponi in causa principali post litis contestationem, atque illico referuntur. Unde

30. Resp. III. Dantur nihilominus aliqui casus, in quibus post terminum a Iudice praefixum possunt opponi exceptiones dilatoriae. Ita communis, atque habetur expressum in *d. c. Pastoralis. 4. h. t.* ubi tres tales casus referuntur verbis *supra num. 23.* jam relatis.

31. Primus casus, in quo post terminum a Iudice praefixum (imo et post litem contestatam, juxta dicenda *num. 36. et 37.*) admittuntur exceptiones dilatoriae, est ille: videlicet, si quas ante partes fuerint protestatae. Sic enim habetur *cit. c. Pastoralis. 4. h. t.* illis verbis: *Decernimus, ut infra certum tempus a Iudice assignandum, omnes dilatoriae proponantur: ita quod si partes ex tunc aliquas voluerint opponere, quas non fuerint protestatae, nullatenus audiantur.* Ac proinde, cum exceptio firmet regulam in oppositum, si alterutra pars antea quandam exceptionem fuerit protestata, etiam post lapsum illius termini erit audienda: prout in simili, si quis ante publicationem attestatorum fuerit protestatus, ac velle quidpiam obicere in personas testium, sive contra hos excipere, postea est audiendus, *c. Praesentium. 31. de Testib.*

32. Caeterum protestatio exceptionis, ad hoc, ut post praefixum terminum admittatur, debet esse specialis, nec sufficit generalis; alioquin enim inutilis foret provisio *cit. c. Pastoralis. h. t.* et notat ibi Glossa *vers. Protestatae*: quam approbat Abbas *ib. n. 18.* et Speculator *cod. tit. §. Nunc videndum n. 4.* et Pirhing *h. t. n. 27.* Proinde protestatio exceptionis debet fieri in specie, ac expresse eam nominando; puta, post unius exceptionis dilatoriae exceptionem subiungendo *ly, Salvis aliis dilatoriis, quas tales et tales sunt, suo tempore probandis.* Et tunc etiam post lapsum termini potest quis super tali exceptione, ejusque probatione audiri, *cit. c. Pastoralis. h. t.* Et merito: quia nullus pluribus uti defensionibus prohibetur, juxta *Reg. 20. Juris in 6.* cum concordantiis.

REIFFENSTUEL Jus Can. Tom. II.

33. Secundus casus est, si quando aliqua exceptio post lapsum termini praefixi (imo et post litem contestatam) primum ex nova causa supervenerit. Tunc enim illa ex post facto rite potest proponi, juxta textum expressum *cit. c. Pastoralis. h. t.* ubi casus iste reperitur exceptus, illis verbis: *Nisi forte aliqua (exceptio) de novo sibi competens exorta fuerit.* Nec immerito: quia quae de novo emergunt, novo indigent auxilio; ut loquitur Glossa *ibid. vers. De novo.* illud probans ex *l. De aetate. §. Ex causa. ff. de Interrogator. action. cum similibus.* Unde et Index delegatus, etiam post litem coram eo contestatam potest recusari, si nova causa, v. g. familiaritatis cum adversa parte, supervenerit, *c. Insinuante. 25. de Offic. Delegat.*

34. Tertius casus est, quando Reus exceptionem oppositorum allegat, atque juramento interposito probat, se postea primum in notitiam illius exceptionis pervenisse. Tunc enim etiam post lapsum termini a Iudice praefixi audiri meretur, juxta *cit. c. Pastoralis. h. t.* ubi casus iste excipitur sequentibus verbis: *Vel is, qui voluerit eam opponere, fidem faciat juramento, se postmodum ad illius notitiam pervenisse.* Quamquam Glossa finalis, et marginalis, et Abbas *ib. n. 12.* et Jo. Andreas *n. 12. et 13. h. t.* et Speculator *cod. tit. §. Nunc videndum n. 4.* recte istud intelligant de exceptione facti, non juris: puta, quia Reus oppositorum exceptionem, ignoravit factum, v. g. quod Index sit consanguineus Actoris. Secus, si Reus sciebat Iudicem esse Actoris consanguineum, sed ignorabat, eum per hoc repelli posse: quia tunc ipsi imputatur: nem *ignorantia facti, non juris excusat*, ut loquitur *Reg. 13. Juris in 6.*

35. Caeterum in allegato casu sufficit, ignorantiam exceptionis probare per juramentum: alioquin enim difficile foret probare, quod quis antea habuisset ignorantiam talis exceptionis. Unde in simili casu sufficit probatio per juramentum in *c. Praesentium. 31.* juncta Glossa *vers. Didicerit. de Testib.* Accedit: quia in facto alieno praesumitur ignorantia, ubi scientia non probatur: prout loquitur *Reg. 57. Juris in 6.* Unde non mirum, quod stante jam tali praesumptione, sufficienter probetur ignorantia per proprium juramentum: quia *negantis factum* (puta, negantis, quod praesceverit exceptionem) *per rerum naturam nulla est directa probatio*: prout habetur *c. Bonae memoriae. 23. §. Contra. de Election. et alibi.*

36. Dicitur notanter *num. 30. et seqq. post terminum a Iudice praefixum.* Nam de hoc in *cit. c. Pastoralis h. t.* solummodo fit mentio; ac proinde, utrum dicta limitatio in casu praesertim tertio (de duobus enim prioribus casibus minor est difficultas) etiam locum habeat post litem contestatam: adeo, ut si quis lite jam contestata vellet jurare, se postmodum ad notitiam exceptionis cujuscumque, quae antea praesisterat, primum pervenisse, variant Doctores. Et quidem Glossa *fin. c. Pastoralis. h. t.* negative respondet, ea ratione: quia ab initio debet quis inquirere de hujusmodi dilatoriis, v. g. an Index sit consanguineus Actoris: etenim iura vigilantibus, et non negligentibus subveniunt, *l. Non enim. ff. Ex quibus causis majores etc. et alibi.*

37. Affirmativam e contra sententiam, videlicet etiam post litis contestationem posse opponi exceptionem dilatoriam, si postea primum ad Rei notitiam ipsa pervenerit, idque juramento firmetur: tenet Archidieceus *can. Si quis Episcoporum. 3. quaest. 6. num. 4.* allegans Gottredum in *Summa. h. t. §. Hoc dicendum est*, et alios, qui secundum Hostiensium subtilius intelligunt. Et huic sententiae etiam favet Abbas *cit. c. Pastoralis. n. 23. h. t.* ipsam intelligens, quando nihil potest parti imputari, quare non opposerit debito tempore: secus, si possit imputari,

ac negligentia pars notari, *arg. c. Innotuit. 20. de Election. et c. Nulli. 8. eod. in 6.* Atque hoc solum convincit ratio *Glossae num. praec. alia.*

38 Resp. IV. Praeter tres relatos casus dantur nonnulli alii, in quibus post terminum praefixum, ipsamque litem contestationem, admittuntur exceptiones dilatoriae. Ita Abbas *d. c. Pastoralis. num. 4. et num. 16. h. t.* tres alios casus proxime recensendos superaddens. Pirhing *cod. tit. num. 28. et alii.* Quamquam casus illi vel commode reducuntur ad unum ex tribus in *cit. c. Pastoralis. h. t.* enumeratis: vel saltem non sint adeo generales, prout contingit in tribus praemissis.

39 Sic ulterius, et quarto post lapsum termini peremptorii, a Iudice ad proponendas exceptiones praefixi, potest aliqua harum opponi, quando tunc primum supervenit facultas ipsam probandi. Parum enim sunt ista, videlicet, non competere exceptionem; et, Exceptionem probari non posse, aut hanc ignorari, *arg. c. Ut circa. 4. de Election. in 6. ibi: Vel super Antiquis supervenerit probandi facultas iuxta Glossa ibid. ac notat Abbas cit. num. 4. allegans insuper Paulum de Leandris in Clem. Constitutionem de Election. et Pirhing, ubi supra.*

40 Deinde, et quinto, potest post elapsum terminum proponi nova exceptio priori contraria. Glossa in *can. Ad haec. 13. q. 2. vers. Ut asseritis*, ex professo hanc questionem tractans atque resolvens, quod si alicui competere plures exceptiones, quae non sunt contrariae, vel intra praefixum terminum non proponeret omnes, tunc succumbens in una, non audiat in altera, *arg. 5. Qui autem, Instit. de Excusatione tutor. et cit. Pastoralis. h. t.* Si autem sint contrariae, tunc licet succubuerit in una, nihilominus post tempus praefixum possit proponere aliam: ut *l. Contra majores. ff. de Inofficior. testamenti.* Idem tradit Glossa *fin. in c. Cum dilectus. 8. de Religiosis. domib.* ac sequitur Abbas, *ubi supra, n. 4.* Accedit ratio *num. praeced. alia.* quia videlicet donec exceptiones contrariae simul proponi, ac probari non poterant, sed post rejectam unam, primum supervenit facultas probandi alteram contrariam.

41 Rursum, ac sexto, exceptio de incompetencia Iudicis, si talis sit Iudex, in quem pars litigans consentire non potuit, puta Clericus in Laicum, potest proponi post terminum a Iudice praefixum: immo etiam post sententiam latam. Abbas *cit. c. Pastoralis. n. 16. h. t.* Pirhing *d. n. 28. et alii.* Accedit ratio: quia taciturnitas non excipientis contra talem Iudicem nihil officit, ex quo non potuit illum facere Iudicem. Unde, sicut lite jam contestata potest opponi talis exceptio incompetenciae Iudicis, ob defectum jurisdictionis, ex quo defectu inducitur nullitas processus, ipsiusque sententiae, *c. At si Clerici. 4. de Judiciis*, cum similibus: ita etiam eadem exceptio potest opponi post lapsum termini a Iudice pro opponendis exceptionibus praefixi: cum haec ipsa praescriptio, veluti facta a Iudice incompetente, nullius sit valoris ac momenti.

42 Septimo, licet post lapsum termini praefixi pars non possit amplius excipere, poterit tamen exceptionem prius propositam declarare: nam qui declarat, nihil agit de novo, *h. Haeredes. palam 5. Si quid. ff. de Testament. et ibi textus in c. Cum dilecti. 18. de Accusation. Archidiaconus 13. q. 2. in Summa. n. 2. Abbas d. c. Pastoralis. n. 31. h. t. et alii.*

43 Tacetur nunc exceptio excommunicationis majoris, utpote quae semper obijci potest contra Actorem, *c. Exceptionem. 1. h. t.* commodius tamen declarabitur infra *n. 85. et seqq.* Tacetur pariter aliae exceptiones anomaliae, seu mixtae: nam, et haec, cum sint irregulares, ac normam aliarum exceptionum non sequantur, possunt proponi tam ante, quam

post litem contestatam; uti jam dictum est supra *5. praeced. num. 21.*

Quaeritur II. Quo tempore possint, ac debeant opponi Exceptiones peremptoriae? Resp. I. Exceptiones peremptoriae regulariter opponendae sunt post litem contestatam: possuntque proponi usque ad sententiam, seu conclusionem in causa. Ita Glossa *c. Exceptionem. vers. In dilationis.* et Abbas *ibid. n. 16. 5. 1. Speculator Tit. de Exception. 5. Dicto de dilatorijs. n. 1. et seqq.* Socinus in *Fallentiis. Reg. 127.* Federicus de Denis *Consil. 160.* referens talem casum, in quo Procurator cuiuspiam (ut inquit) inepte proposuit quasdam exceptiones peremptorias, quae veniebant probandae, lite contestata: Iudex tamen eas non admisit, sed reservavit post litem contestatam. Pirhing *Tit. de Litis contestat. n. 23. et 24.* Zoesius *h. t. n. 6.* Sannig *cod. cap. 2. n. 7.* et alii; licet Vallenais *h. t. n. 13.* et Engel *cod. n. 4.* exceptiones peremptorias regulariter tam ante, quam post litem contestatam, opponi posse censent usque ad sententiam. Conclusio haec desumitur ex *l. Praescriptionem. C. h. t. et l. Peremptorias. C. de Sententiam rescindi. etc.* Quo utroque in loco habetur, exceptiones peremptorias posse opponi usque ad sententiam diffinitivam, non postea: nisi forsitan quis mereatur restitutionem in integrum.

Quod autem exceptiones peremptoriae regulariter ante litem contestatam obijci non possint, desumitur ex *cap. 1. de Litis contestat. in 6.* Ubi exceptio peremptoria antea obiecta (demptis casibus ibidem expressis) litem contestationem non impedit, nec retardat: unde non nisi inutiliter tunc proponeretur, cum adhuc lis contestari, et causa prosequi deberet. Accedit alia ratio: tum quia Reus non debet proponere, neque probare exceptionem suam peremptoriam, antequam Actor fundaverit intencionem suam: debet enim prius constare de juris Actoris: alioquin confunderetur ordo iudicii, et frustra Reus se gravaret onere probandi, cum Actore non probante Reus sit absolvendus, *l. Qui accusare. C. de Edendo. et c. Cum Ecclesia. 5. fin. de Causa possession.* Tum quia exceptiones peremptoriae concernunt iudicium jam coeptum, *l. Si quidem. C. h. t.* ac notat Zoesius *n. 6.* et Sannig *h. t. cap. 2. n. 7.* Tum tandem, quia licet peremptoria ante litem contestationem probaretur, nihil exinde utilitatis probanti accresceret; cum lite necdum contestata non absolveretur: *cap. 1. et seqq. Ut lite non contestata etc. et l. Prolatam. C. de Sentent. et interlocut. omn. iudic. juncto cit. cap. 1. de Litis contestat. in 6.*

Resp. II. Fallit nihilominus data Conclusio quoad utramque partem in nonnullis casibus. Et quidem posse quasdam exceptiones opponi post sententiam latam, patet ex dicendis *n. 51. 52. et seqq.* Quod autem aliquae etiam ante litem contestationem opponi valeant, ostenditur inductione. Imprimis enim Exceptiones peremptoriae litem finitas, videlicet Exceptiones de re iudicata, transacta, vel aliam finita, nulliter proponuntur, atque probantur ante litem contestationem. Textus est in *cit. cap. 1. de Litis contestat. in 6.* iuxta Glossa *ibid. vers. Finita.* Jo. Andreas *num. 3.* Ancharanus *n. 2.* et alii: qui tamen cum Jo. Monacho intelligunt hanc exceptionem de re iudicata efficaciter: sive ab eo, qui ius iudicandi habuit: secus, si sententia lata fuisset a Iudice incompetente, v. g. Laico in causa spirituali. Item exceptiones de re transacta firmiter, sive ubi transactio bona fide facta fuit, ac tenuit, ut *l. Tres fratres. ff. de Pactis.* secus, Glossa *loc. cit.* iuxta Glossa marginalem *ibid.* Item exceptionem de re finita irretractabiliter, sive per unicusibilem compositionem in spiritualibus, ubi non edit transactio: sive per consensum, aut iuramentum delatum a

44

45

46

parte parti : quia tale iuramentum majorem habet auctoritatem , quam res judicata , *L. 2. ff. de Jurejurand.* Glossa. et Jo. Andreas, *ubi supra.*

47 Et merito memoratae tres exceptiones possunt opponi ante litis contestationem, hancque impediunt.

1 Tunc quia hae exceptiones concernunt instantiam, eamque finiunt ; aliae vero concernunt rem ipsam, secundum Jo. Monachum. Tum quia actio, sive obligatio semel extincta, non reviviscit amplius, *L. Qui res §. Arcam. ff. de Solution.* atqui per memoratas exceptiones intelligitur actio sive obligatio extincta. Tum tandem, quia Jura ita statuerunt, ut sit finis litium, nec post unam litem jam finitam (etiam mediante transactione extra judicium facta) teneatur pars iterum subire novam litem, novumque judicium, ne alioquin detur processus in infinitum. Ancharanus *cit. n. 2.* Abbas *c. Exceptionem. num. 15. h. t.*

48 Deinde eadem Conclusio limitatur, fallitque quando exceptio peremptoria existit notoria, seu manifesta. Siquidem in notoriis non debet Juxta pati, ut causa in judicium deducatur, juxta textum notabilem in *c. Quoniam. 10. de Filiis Presbyter* Abbas *cit. c. Exceptionem. n. 16.* et Felinus *ibid. num. 24. h. t.* Jo. Andreas in *Addit. ad Speculatorem. Tit. de Exception. §. Dicto. vers. Adde quod si Reus.* Pirhing *Tit. de Litis contestat. num. 25.* allegans alios.

49 Hoc ipsum extenditur ad eum casum, quo Reus in continenti probare potest exceptionem peremptoriam puta, per instrumentum, contra quod Actor nihil excipere potest: quia talis potest illico proponi, etiam ante litis contestationem, ad impediendum litis ingressus, atque ut cito finis imponatur litibus. Felinus, Pirhing, *ubi supra*, et alii. Secus dicendum, quando hujusmodi exceptionis probatio indigeret majori indagine, longiorique discussione: tunc enim protestari quidem posset ante litis contestationem, non tamen deberet audiri ejus probatio, ob rationes *num. 45.* allatas; et quia omnia suis debent temporibus convenire, *can. Si Ecclesia. 23. q. 4.* Speculator *cit. §. Dicto n. 3.*

50 Tertio limitatur data Conclusio, obvenitque exceptio concludit, Actori jus non competere: talem enim exceptionem peremptoriam potest Reus proponere ante litem contestatam, ac hujus contestationem impedire. Ratio est: quia si nullum jus competit Actori, ergo nec agere potest: atqui sine actione nemo potest experiri in judicio, seu convenire alium, *L. Si pupilli. §. Videamus. ff. de Negot. gest.* Abbas *cit. num. 16.* Jo. Andreas, *ubi supra*, allegans insuper Bartolum in *L. Cum quaerebatur ff. Judicatum solvi*; et ibi Alexandrum in *Apostill.* Pirhing *Tit. de Litis contestat. n. 25.*

51 Quaeritur III. Utrum post latam sententiam opponi possint quaedam Exceptiones? Resp. I. Regula est, quod post sententiam diffinitivam nullae exceptiones, etiam peremptoriae, opponi possint. Ita Jura, et Doctores *num. 44.* allegati, cum communi. Siquidem post latam diffinitivam sententiam vel ad remedium appellationis est confugiendum; vel saltem ab beneficium restitutionis in integram, si competit, *text. clar. cit. l. Peremptoriae. C. Sententiam rescindi non posse.*

52 Resp. II. Fallit nihilominus data Regula in exceptionibus, quae principaliter respiciunt executionem sententiae: tales enim post latam sententiam opponi possunt, sive ad impediendam hujus executionem, sive ad eam retardandam. Ita Socius in *Fal-lantiis. reg. 192. fallent. 1. et seqq.* Speculator *de Ex-ceptionibus. §. Dicto. n. 14. et seqq. et Tit. de Execu-tione sententiae. §. Postremo. n. 3. et seqq.* plures tales casus enumerans. Abbas *c. Exceptionem. n. 18. h. t.* generaliter asserens, quod exceptiones peremptoriae, REIFFENSTUEL Jus Can. Tom. II.

concernentes executionem sententiae, possint opponi, atque probari post sententiam. Engel *h. t. n. 5.* Sannig *eod. cap. 2. n. 9. et 10. et alii.* Atque istud probatur per *L. Ex diverso. §. fin. ff. Solutio matrim.* ubi Bartolus et Alexander, in *Summario* inquirunt: *Exceptio, quae non impugnat sententiam, potest opponi post sententiam.* Id ipsum ostenditur inductione, afferendo tales casus.

Sic imprimis exceptio Senatusconsulti Macedoniani, competens filiis familiasmutoam pecuniam a foeneratore accipientibus, potest etiam post sententiam contra filiosfamilias latam opponi, si illam antea, ut solvere non tenerentur, non opposuissent, *L. Tamen si. ff. Ad S. C. Macedonian.* juncta Glossa 1. et DD. *ibid.*

Secundo, hoc ipsum procedit in exceptione peremptoria Senatusconsulti Vellejani, mulieribus competente, ut incaute fidejohentes pro aliis, solvere compellantur: unde si mulier incaute pro alio fidejussisset ac non opposita dicta exceptio con-demnata fuisset, ut solveret pro altero; non obstante tali sententia, poterit hujusmodi exceptio-nem opponere ad impediendam illius sententiae executionem. Textus et Glossa *cit. l. Tamen si. Speculator*, et alii, *qui supra.* Haec enim ambae exceptiones, licet sint peremptoriae, non tam senten-tiam impugnant, quam ejus executionem. Zoesius *h. t. num. 7.*

Tertio, idem procedit in exceptione Militis con-demnati, *L. 1. C. de Juris et facti ignorant.* juncto Summario, et DD. *ibid.* Ubi permittitur Militi, qui exceptionem peremptoriam per Joris ignorantiam ante sententiam non objecit, ut eam post sententiam possit opponere: sique impedire executionem ejus, si facta nondum est.

Quarto, Exceptio competentiae, quae datur Do-natori contra Donatarium, *L. Nescimus. §. fin. de Re judicat.* Socio contra socium, *L. Verum est. §. 1. ff. Pro socio.* Marito dotis nomine, vel constante matrimonio adversus uxorem, *L. Non tantum ff. de Re judicat.* Clerico contra suum creditorem; *c. Odoar-dus. 3. de Solutionib.* et nonnullis aliis, ut in plus condemnentur, nisi in quantum facere possunt, ita ut non egeant. Haec, inquam, Exceptio competentiae etiam post latam sententiam opponi potest, per Jura proxime relata, ac praesertim juxta *cit. l. Nescimus. §. fin. ff. de Re judicat.* ubi Summarium generaliter sic habet: *Exceptio, quae non impugnat sententiam, potest opponi in executione ejus.*

Quinto, post latam sententiam potest contra hujus executionem opponi exceptio compensationis; seu, quod victor in causa, tantandem aliunde victo debeat: quia magis interest non solvere, quam solummodo repere. Accedit textus in *L. Quod in diem. §. Si rationem ff. de Compensation.* et *L. Si autem is. §. Si quocunque modo. ff. de Negotiis gestis:* ubi Glossa vers. *A Judo.* istud intelligit, quando antea vel Juxta noluit habere rationem compensationis, vel haec non fuit petita. Alioquin enim, si post examinationem compensatio a Jure rejecta esset nec a tali sententia appellaretur, haec transiret in rem judicatam: sique compensationi illi obstatet exceptio rei judicatae, juxta textum *cit. §. Si quocunque modo.*

Sexto, accedit haec exceptio juris retinendi. Nam quando creditum, victori in causa olim factum, liquidum est, atque constat, victorem victo vicis-sim quicquam debere: competit huic adversus victorem exceptio retentionis etiam post sententiam, donec sibi solvatur. Sardas *Consil. 248. num. 15.* et post ipsum Jo. Bapt. Carlinius *Controv. Forens. cap. 118. n. 41.* Adeo, ut nec proit victori, offerre fidejussorem de solvendo suo debito. Carlinius *cit. n. 41. et 43.* post Moliniam *Tract. de Retentione.*



part. 2. q. 417. ea addita ratione: quia retentio est favorabilior, quam ipsa petitio. Verum casus iste propemodum convenit cum priori.

59 Septimo, executionem late sententiae impedit, vel saltem retardat exceptio rei non traditae. Mangilius de Eviction. q. 98. Item exceptio non numeratae pecuniae, si adhuc intra biennium opponatur. Fachineus lib. 2. Controv. Jur. cap. 84. et seqq. Item exceptio solutionis jam factae: sicut et exceptio, quod res petita aliunde jam pervenerit ad Actorem; ut L. 1. C. de Re judicat. et L. 1. et 2. ff. de Conditione sine caus. Speculator Tit. de Executione sententiae. §. Postremo n. 6. Siquidem aequitati naturali repugnat, ut alicui solvatur, quod nunquam traditum est: aut id ipsum bis ei solvi debeat.

60 Idem dicendam de exceptione transactionis, vel pacti de non petendo, aut hujusmodi. Nam pacta fideliter sunt custodienda, cap. 1. de seqq. de Pactis: ac proinde etiam post sententiam potest fieri ipsorum exceptio ad impediendam, seu retardandam illius executionem. Gratianus Discept. Forens. cap. 411.

61 Octavo, exceptio evictionis imminenti super re empti, retardat executionem sententiae de solvendo pretio rei emptae; donec emptori idonee per fidejussores caveatur, l. Si post perfectam. C. de Eviction. Sperellus Decis. 117. Fori Ecclesiast. n. 3. post Rotam Decis. 281. n. 1. et 6. et 32. part. 2. divers. Romanum Consil. 8. n. 3. pluresque alios.

62 Nono, exceptio non implementi (seu, quod ab altera parte non fuerit observatum, quod sibi servari debuerat) repellit agentem, etiamsi defectus sit in minimo. Baldus l. Juris gentium. §. Arleo. notab. 2. ff. de Pactis. Menochius lib. 1. Consil. 1. n. 368. Sperellus cit. Decis. 117. num. 68. et seqq. allegans alios. Quod adeo verum est, ut exceptio non adimplementi, retardet etiam executionem Cameralis obligationis. Sperellus loc. cit. n. 70. cum aliis. Licitum enim est, fidem frangenti frangere eandem, etiamsi juramentum intervenisset, l. Julianus. §. Ausferri. ff. de Action. empti. et l. Cum proponas, inter vos. de Pactis. Nam quaelibet promissio, imo et juramentum eidem appositum, tacitam habet conditionem, si etiam ab altera parte fides servetur, c. Pervenit. 3. de Iurejurand.

63 Decimo, exceptio attentatorum impedit executionem sententiae. Marescotti lib. 2. var. resolut. cap. 121. ubi Rota. Etiam, ratione fructuum non liquidorum; nisi notorie constet de non jure petentis revocari attentata. Cassiodorus dec. 3. de Restitut. spoliat.

64 Undecimo, post latam sententiam potest opponi exceptio contra ejus executionem, quando executor modum excedit in exequendo, vel sententiam male interpretando. Textus est in c. Quod ad consultationem. in fin. 15. de sentent. et re judicat. ubi dicitur, quod ab executione sententiae post lapsum decedii non appellatur, nisi forte adversus eum (appellatorem, seu excipientem) modus executionis canonicus excedatur: quae posteriora verba firmannt regulam in oppositum. Concordat c. Super quaestione. 27. §. Nos autem. juncta Glossa, vers. Modum excedat. de Offic. Delegat. et l. Ab executione. C. Quoniam appellat. non recip. cum similibus. Atque istud intelligit Speculator Tit. de Executione sententiae. §. Postremo. n. 6. de omni exceptione, quae potest obijci contra executionem: unde ulterius, et

65 Duodecimo, potest post sententiam obijci exceptio contra executionem, ob defectum jurisdictionis, seu potestatis ex parte exequentis: ut si Judex velit exequi sententiam in rebus extra eum territorium existentibus, l. Cum unus. §. Is qui possidere. ff. de Bonis auctorit. judic. possid. et c.

Romana. §. Contrahentes. de Foro compet. in 6. cum similibus. Speculator cit. §. Postremo. n. 3. et seqq. apud quos nonnulli alii hujusmodi casus reperiri possunt.

Resp. III. Loquendo nunc de exceptionibus peremptoriis principale negotium concernentibus, ipsamque sententiam impugnantibus, possunt eadem post sententiam proponi, quotiescunque dicitur, propter eas nullum fuisse iudicium. Ita Glossa c. 1. in l. Tamen si. C. Ad S. C. Macedonian. Speculator Tit. de Exceptionibus. §. Dicto. num. 14. Socinus de Fallentiis. reg. 121. hinc excipiens duntaxat exceptionem nullitatis contra tres sententias conformes latae, juxta Clem. Ut calumniis. de Sentent. et re judicat. nisi talis nullitas causaretur ex defectu jurisdictionis, aut de ipsa constaret ex Actis productis coram Judice etc. et alii. Nec immerito: nam sententia contra Leges, Canonesve prolata, non tenet, ipso jure, nec ab ea opus est appellare, cap. 1. de Sentent. et re judicat. unde non mirum, quod exceptio nullitatis ejus possit imposterum opponi.

Caeterum nullitas sententiae, atque inde consurgens exceptio ipsius potest oriri multipliciter. Videlicet, vel ratione Judicis; puta, quia erat incompetens, excommunicatus, aut hujusmodi, L. 1. C. Si a non competente Judice etc. et l. Cum Magistratus. et l. Certa ratione. C. Quando provocare non est necesse: et c. Ad probandum. 24. de Sentent. et re judicat. cum similibus. Vel ratione partis, quae habet privilegium, v. g. immunitatis, ne vocetur ad iudicia personalia: nam vocatio, atque sententia in contrarium lata, ipso jure est invalida, adeo, ut non sit opus appellatione, l. Si poter. et l. Veteranis. C. Quando provocare etc. Vel ratione rei, de qua fertur sententia: ut si contra sententiam, quae jam transivit in rem judicatam, de novo pronunciatur, L. 1. C. eod. Vel quando alia consimili de causa sententia lata non transit in rem judicatam, juxta dicenda inferius Tit. 27. de Sententia et re judicata. §. 4. n. 114. et seqq.

Hinc non solum ante sententiam, verum etiam post eam, obijci potest exceptio falsitatis: cum falsorum instrumentorum praetextu lata sententia usque ad viginti annorum spatium valeat retractari veritate comperta. Ita loquitur Pontifex in c. Cum venerabilis. 6. Licet autem h. t. et concordat textus in l. Querela falsi. C. Ad Legem Cornel. de Falsis. et L. 1. de seqq. C. Si ex falsis instrumentis etc.

Similiter exceptio falsi Procuratoris non solum ante sententiam, sed etiam postea obijci potest: utpote quae probata iudicium reputatur nullum, c. In nostra. 4. §. fin. de Procuratorib. et l. Licet. C. eod. Tacentur alii tales casus, utpote cit. Tit. 27. §. 4. commodius referendi.

Resp. IV. Quamvis exceptio nullitatis possit opponi post sententiam diffinitivam, ut dictum: nihilominus per exceptionem nullitatis ejus, regulariter non impeditur executio sententiae. Textus est in can. Sicut cetera. 2. q. 1. et Clem. Ut calumniis. de Sentent. et re judicat. ac notat Glossa c. Cum in jura. vers. Sententiae. et Innocentius ibid. circa princip. de Offic. Delegat. Socinus de Fallentiis, reg. 122. Bartolus L. 4. §. Condemnatum. num. 2. et 3. ff. de Re judicat. Scaccia de Appellation. q. 19. remed. 1. Concl. 5. n. 1. et seqq. citans alios, nonnullis tamen exceptis, quos pariter allegat.

Accedit ratio. Quia oppositio nullitatis sententiae, et impeditio executionis ejus, sunt valde diversa, uti liquet ex terminis: atqui a diversis non valet illatio, l. Papinianus. ff. de Minorib. et notat Abbas Consil. 10. in princip. lib. 1. Card. Tuschus Litt. A. Concl. 510. n. 2. Barbosa in tract. Loca communia. argument. jur. Loco 37. cum aliis. Unde in simili postquam unam conformem sententiam, sique post.

66

67

68

69

70

71

exclusum remedium appellationis, potest quidem fieri supplicatio Principi, nihilominus ipsa pendente mandatur sententia executioni: praestita tamen cautione, ut si retractetur sententia, omnia restituantur, *Auth. Quae supplicatio. C. de Precib. Imperat. offerend.*

72 Additur tamen in data Conclusionem, regulariter non impeditur executio sententiae etc. Fallit enim istud, atque per exceptionem nullitatis sententiae impeditur istius executio, quando talis nullitas est evidens, seu notoria. Socinus *cit. reg. 122. fallent. 9.* post Baldum in *L. ult. C. Si ex falso instrument. Sigism. Scaccia d. quaest. 19. Remed. 1. Concl. 5. n. 23. et seqq.* allegans Rotam *Decis. 3. alias 280. de Exception. in nov. et communem aliorum.* Vel quando dicta nullitas sententiae potest in continenti probari: quia etiam tunc exceptio ipsius impedit executionem. Bartolus *cit. §. Condemnatum. n. 2. et 3.* Socinus, *ubi supra. fallent. 1.* Scaccia *cit. n. 23. et alii.* Idque merito: ne alioquin per executionem sententiae manifesta injustae, manifesta committeretur, seu toleraretur injustitia.

73 Fallit insuper, quando executio sententiae foret irretectibilis. Quia enim tunc exceptio nullitatis sententiae impedit hujus executionem; et quidem tam in causis criminalibus, v. g. in amputatione manus, quam in civilibus, donec de nullitate sententiae antea cognoscatur: idque ob periculum inferendi damnum injustum amplius irreparabile. Socinus *cit. reg. 122. fallent. 2.* subiungens plures alias huiusmodi fallentias. Scaccia *d. Remed. 1. Concl. 4. n. 74. 75. et 76.* citans alios; atque istud intelligens, etiamsi exceptio illa requireret altiore indaginem, aut opponeretur contra tres sententias conformes.

74 Queritur IV. Utrum exceptiones peremptoriae post latam sententiam opponi possint in causa appellationis? Resp. Affirmative: adeo, ut exceptiones huiusmodi possint tunc opponi regulariter in omnibus illis casibus, in quibus poterant opponi in causa principali, post litem contestatam. Ita Glossa *fin. c. Inter Monasterium. de Sentent. et re judicat.* Abbas *c. Exceptionem. n. 17. et 18. h. t. et alii.* Siquidem per appellationem rescinditur, sive suspenditur iudicium, et reponitur in antiquo statu, ut possit quis facere ea omnia, quae poterat post litem contestatam: ad illum enim statum reducitur, licet non ad eum, qui erat ante litem contestationem. Bartolus in *l. Ita damnum. C. de Procurat.* Abbas *loc. cit. et alii,* iunctis dictis supra num. 28.

75 Additur tamen ly, regulariter in omnibus illis casibus etc. Fallit enim hoc, quando quis sciens in fraudem, se malitiose, praetermisit opponere exceptionem peremptoriam in causa principali, ut sic fatigaret adversarium suum. Qui tunc dolose praetermittens opponere exceptionem peremptoriam (dempta exceptione excommunicationis) non est audiendus in secunda instantia, seu in iudicio appellationis. Glossa *fin. c. Inter Monasterium.* et Jo. Andreas *ibid. n. 17.* et Abbas *n. 15. de Sentent. et re judicat.* post Hostiensem *ibid.* Idemque Abbas in *cap. 1. n. 9. h. t.* istud intelligens de quacunque exceptione, quae malitiose tempore determinata non fuit opposita, ut post illud tempus non admittatur. Accedit ratio: quia malitiis hominum non est indulgendum, *l. In fundo. ff. de Rei vindicat.*

76 Id ipsum, et magis ad propositum, desumitur ex *c. Exceptionem. 12. h. t.* argumento a speciali desumpto: ibi quippe in exceptione excommunicationis (majoris videlicet) istud habetur speciale, ut in quacunque litem parte possit opponi: ita tamen, ut si malitiose dilata fuerit, Reus Actori in legitimis expensis condemnandus sit. Atque istud esse speciale in exceptione excommunicationis, pro-

bat textus in *cit. c. Exceptionem. h. t.* sic sonans: *Exceptionem excommunicationis in dilatoriis proponendis Reus sciens omittens, in qualibet parte litis opponere minime prohibetur: quod est in hac exceptione specialiter observandum: ne quisquam in periculum animae excommunicatio communicare cogatur etc.* Ergo cum istud sit speciale in exceptione excommunicationis sciens omittens, et quidem ob rationem allegatam, id ipsum in aliis exceptionibus sciens, et malitiose omittens, locum non habet: eo praesertim, quia in istis allegata ratio non procedit. Jo. Andreas *cit. num. 17.*

In praxi tamen non illico Iudex exceptionem peremptoriam repellere debet propter quamlibet fraudem, seu malitiae suspicionem. Tum quia nemo praesumitur malus, nisi probetur malus, *cap. ult. de Praesumption. cum similibus.* Et qui dolum allegat, dolum probare debet, *l. Quoties. §. Qui dolo. ff. de Probation.* Tum quia dolus non nisi ex indiciis perspicuis probatur, *l. Dolum. C. de Dolo malo.* Unde et Pontifex in *c. Suscitata. 6. De in integrum restitut.* post sententiam a se latam, admisit exceptionem praescriptionis a Reo propositam (haud obstantem, quod ex praesumptionibus pluribus videbatur per malitiam excogitata) idque sub certis tamen cautelis, censuit faciendum aequitate pensata, seu ne cuius parti praesudicium generaretur. Abbas *cit. c. Suscitata. n. 3. De in integrum restitut.*

Et si petas, quomodo ejusmodi dolus, sive malitia differentis opponere exceptionem ad fatigandum adversarium suum, probari valeat? Respondet Abbas *cit. c. Inter Monasterium. n. 14. in fin. de Sent. et rejudicat.* ejusmodi dolum probari posse vel ex confessione adversarii; puta, quia ipsemet extra iudicium id dixerat: vel ex conjecturis, sive ex indiciis perspicuis, juxta *cit. l. Dolum. C. de Dolo malo.*

## §. III.

Solvuntur alia Dubia oppositionem Exceptionum concernentia.

## SUMMARIUM.

- 79 Exceptiones, a quibus possint opponi? Et n. seqq. Bne opponuntur a Reis, horumque haeredibus. *Ibid.*
- 80 Replicatio potest ab Actore fieri contra Exceptionem Rei, et contra illam Duplicatio, Triplicatio etc.
- 81 Exceptiones Reo competentes (nisi fuerint personales) possunt etiam a Fidejussore ipsius opponi.
- 82 Et si exceptio legitime opposita, per Iudicem non admittatur, potest appellari.
- Exceptiones sunt arma, clypei et loricae Reorum. *Ibid.*
- 83 Exceptio reprobat non solum verbis, seu per sententiam interlocutoriam; sed etiam facto, sive ultra procedendo.
- 84 Exceptiones modici praesudicii potest Iudex repellere ex levi praesumptionis fraudis.
- 85 Iudex potest revocare malam sententiam interlocutoriam de non admittenda exceptione: et postea procedere in causa principali, etiam nolente parte appellante.
- 86 Iudex non debet erubescere revocare id, quod male egit.
- Praxis revocandi gravamen verbis curialibus. *Ibid.*
- 87 Si exceptio non admittatur, appellatur, tunc Iudex appellationis super sola veritate exceptionis cognoscit, non vero de causa principali.
- 88 Solvitur instantia ex *c. Ex parte. de Appellat. desumpta.*
- 89 Quando Reus pure excipit, non per hoc confitetur intentionem adversarii.

- 90 Qui excipiendo fatetur permutationem Ecclesiae esse factam etc. non ideo fatetur, Ecclesiam illam antea fuisse alterius; et cur? *Ibid.*
- 91 Si Reus non pure excipiat, sed simul adjungat confessionem, et quidem separatam ab exceptione, tunc ipse sibi praejudicat etc.
- 92 Excipiens confitetur factum in exceptione contentum.
- 93 An si Reus opponat exceptionem peremptoriam, et in ejus probatione deficiat, condemnatur tanquam confessus?
- 94 Si Reus est certus, quod Actor non possit probare suam intentionem, debet negare, non excipere: et cur?
- 95 Quod si dubitet, num Actor valeat probare intentionem suam, potest negationem et exceptionem cumulare; et quomodo?
- 96 Potest quis uti pluribus exceptionibus, etiam contrariis.
- 97 Tum successive.
- 98 Tum etiam simul, saltem disjunctive.
- 99 Actor non potest simul plures actiones instituire super eadem re, bene tamen reus pluribus exceptionibus uti; et cur?
- Reus excipiendo fit actor necessarius. *Ibid.*

79 Quæritur I. A quibus possint exceptiones proponi, et si non adstantur, appellari? Resp. I. exceptiones opponuntur a Reis, horumque Haeredibus, et Fidejussoribus; nisi fuerint exceptiones personales ita Hostiensis in *Summa. h. t. num. 4.* et alii. Ratio est, quia exceptio est actionis exclusio, ergo hoc ipso poterit ipsa opponi a Reo, contra quem actio est instituta, ejusque Haerede, utpote qui in universum jus ejus succedit, *l. Cum haeres. ff. de Divers. et temporalib. praescription.*

80 Potest tamen ab Actore deinde fieri replicatio contra exceptionem Rei, et a Reo duplicatio contra replicam Actoris, et rursus ab Actore triplicatio contra illius duplicam; ac sic deinceps multiplicando nomina, quamdiu naturalis aequitas, ac speciales locorum constitutiones, sive consuetudines progressum admiserint, *L. 2. §. Illud ff. h. t. et §. 1. Instit. de Replication.* fuitque practicum in *c. Ex part. 15. de Foro competente.*

81 Cæterum, quod exceptiones Reo competentes (dummodo non fuerint personales, juxta dicta *num. 17.*) proiunt etiam Fidejussori ipsius, ab eoque possint opponi; textus est in *§. Exceptiones autem. Instit. de Replication.* addita ratione: Quia quod a Fidejussoribus petitur, id ab ipso debitore, sive Reo, peti videtur: quia mandati judicio redditurus est eis, quod ii pro eo solverint. Et hoc adeo verum est, ut omnes exceptiones reales, quae Reo competunt, Fidejussori quoque, etiam invito Reo, competant, *text. clar. l. Omnes ff. h. t.* Ubi Glossa ly etiam invito Reo, sic intelligit, quod ejusmodi exceptionem Fidejussor, etiam invito Reo, opponere valeat, Reo tamen manente in integro statu, ut *l. Defensiones. C. eod.* Concordant dicta superius *num. 17.*

82 Resp. II. Si exceptio legitime opposita per Judicem non admittatur, potest appellari. Ita Abbas *cap. ult. n. 4. de Libelli oblation.* Speculator *Tit. de Exception. §. Viso quando nu. 27. et seqq.* Bartolus in *l. A procedente. C. de Dilation.* et alii. Siquidem rationabiles exceptiones debet Judex admittere, *Text. clar. c. Ex parte tua. 13. de Offic. Delegat.* Unde eas non admittendo, injuste gravat partem, sive Reum excipientem contra Actorem; eo quod eum privet sua legitima defensione, Jure naturali sibi concessa et debita; cum exceptiones sint arma, clypei et lorice Reorum, juxta Glossam *ad Rubric. h. t.* et dicta superius *n. 1.* Ac proinde merito appellare poterit

Reus excipiens et non auditus, a tali gravamine contra Jus naturale sibi illato.

Notandum tamen quod exceptio non solum censetur reprobari verbis, seu quando Judex per sententiam interlocutoriam rejicit ipsam; sed etiam facto ipso, sive quando Judex, postquam de veritate exceptionis cognovit, non obstante exceptione ultra procedit: nam procedendo ultra, tacite pronunciat ipsam non obstaré; ac proinde, si acceperit pronuntiando, seu ultra procedendo gravavit partem, quia forte exceptio legitime obstabat, poterit appellari. Desumitur istud ex *c. Ex parte M. 67. de Appellat.* ibi: *Judices hac exceptione neglecta etc.* ac notat Abbas *ibid. n. 2.* Bartolus *cit. l. A procedente. C. de Dilationib.* cum aliis.

Interim satendum est cum Innocentio *c. Post electionem. circa un. de Concess. Praebend.* et Abbate *c. Interposita. §. 1. n. 3. de Appellat.* quod exceptiones modici praejudicii possint Judex repellere ex levi presumptione fraudis, seu quod tantum opponantur ad morandam litem, nisi forsitan in continenti velit quis suam exceptionem probare, sicque praesumptio fraudis cessaret. Quod si vero exceptio sit magni praejudicii, ut puta, exceptio de non petendo, vel praescriptionis, non debet ea repelli sine vehementi praesumptione, *arg. c. Constitutus. 45. de Appellation.* et *c. Suscitata. 6. de in integrum restitut.* cum similibus.

Notandum ulterius, si Judex viderit, se male interlocutum fuisse, aut male processisse non admittendo interpositam exceptionem, quod is non obstante appellatione partis possit suam sententiam interlocutoriam, vel factum illegitimum processum revocare; et facta sui erroris revocatione poterit in principali causa procedere, etiam nolente parte appellante. Textus est in *c. Cum cessante. 60. de Appellat.* et amplius declarat Glossa *fn. ibid.* Abbas *nu. 3. et seqq.* Barbosa *n. 1. et seqq.* allegans alios. Speculator *Tit. de Exceptionibus. §. Viso quando n. 37.* addens, talem revocationem debere fieri utraque parte praesente, vel saltem eam ad notitiam appellantis pervenire debere, ne alioquin superfluis expensis oneretur.

Nec debet Judex erubescere revocare id, quod male egit. Tum quia etiam Papa suam sententiam injuste latam corrigit, atque in melius mutat, *can. Veniam. et can. Sententiam. 35. q. 9. et c. Tum ex litteris. 5. de in integrum restitut.* Et Imperator non erubescit, si quid melius etiam horum, quae prius dixerat, adinvenit, id sancire, *Auth. de Nuptiis. §. 1. Collat. 4. et Auth. Ut fratrum filii. etc. §. 1. Collat. 3.* Nam Sapientis est, in melius mutare consilium atque ut *can. Magnas. 22. q. 4. ex S. Augustino* refertur, *Magnas sapientiae est, revocare hominem, quod male locutus est.* Tum quia, si Judex non est certus de gravamine a se illato, potest gravamen revocare verbis curialibus, v. g. dicendo: *Non credo, quod te gravaverim, sed si te gravavi, revoco etc.* Aut paratus sum revocare, si de gravamine doctueris etc. Glossa *fn. cit. c. Cum cessante. de Appellat.* Speculator *loc. cit. n. 40.* istum modum probans ex *c. Ad Apostolicam.* juncta Glossa *vers. Parata Ecclesia. de Sent. et de re judicat. in 6.*

Resp. III. Quod si exceptio declinatoria Fori, vel alia dilatoria opposita non admittatur, ideoque appellatum fuerit, tunc Judex appellationis super sola veritate exceptionis coram eo probandae cognoscit: quae probata, Judex appellationis pronunciat quidem, appellationem fuisse legitimam, de causa tamen principali non potest cognoscere, sed debet ea supersedere. Ita desumitur ex *c. Olim. 7. h. t.* ac notat Abbas *ibid. in Summario.* Barbosa in *Collect. n. 1. Pirhiog. h. t. n. 41. et 42.* cum communi.

83

84

85

86

87



Ratio est: quia Juxta appellationis, seu ad quem appellatum fuit, de eo tantum cognoscere potest, super quo extitit appellatum: atqui in tali casu fuit appellatum duntaxat super exceptione, non vero super causa principali; ergo.

88 Nec obstat *Ex parte M. 67. de Appellat.* ubi Juxta appellationis non solum cognoscere jubetur super exceptione, propter quam antea oppositam, sed a Juxta non admissam, appellatum fuit: sed etiam super causa principali. Resp. enim, ibi sermonem esse de Juxta delegato a Papa, cui Pontifex, ad quem appellabatur, non solum cognitionem exceptionis, sed et probata etiam cognitionem causae principalis expresse commiserat; ut liquet ex textu, et notat Pirhing *h. t. n. 42. Alias secus.*

89 Queritur II. Utrum excipiens de intentione adversarii confiteri censeatur: ita, ut si in probatione exceptionis deficiat, condemnandus sit tanquam confessus? Resp. I. Quando Reus pure excipit, non per hoc confitetur intentionem adversarii. Ita communis: atque habetur ex *Reg. 63. Juris in 6. ibi: Exceptionem objiciens, non videtur de intentione adversarii confiteri.* Concordat textus in *l. Non utique. ff. h. t. ibi: Non utique existimatur confiteri de intentione adversarii, cum quo agitur, qui exceptione utitur.* Unde in *c. Cum venerabilis 6. h. t.* rejicitur illatio cujusdam Episcopi, qui ex exceptione Procuratoris partis adversae, quod Ecclesiam aliquam ex causa permutationis obtineret, inferre voluit tanquam a Procuratore confessum, olim dictam Ecclesiam ad jus pertinuisse Episcopi; sed hanc illationem Papa rejecit: Quia (inquit) exceptionem objiciens, de intentione partis adversae non intelligitur fuisse confessus. Accedit ratio: quia exceptio, est actionis exclusio; ergo hoc ipso opponens exceptionem, non confitetur intentionem Actoris: alioquin enim exceptio haberet duos contrarios effectus, affirmando nempe intentionem Actoris; et eandem negando, seu excludendo.

90 Dices. Qui excipiendo fatetur, permutationem Ecclesiae esse factam, hoc ipso fatetur, Ecclesiam illam antea fuisse alterius. Et similiter, qui excipiendo asserit, se solvisse, quod Actor petit, hoc ipso fatetur se antea fuisse debitorem: nam qui fatetur unum, per consequens confitetur id, quod sequitur ex illo, *c. Cum super. 23. de Offic. Delegat.* ergo. Resp. negando antecedens quod utramque partem, una cum suae probationis consequentia. Quia, ut notat Glossa in *cit. c. Cum venerabilis. vers. Confessus. h. t.* et Abbas *ibid. n. 25. et 26.* bene potest esse permutatio, vel etiam solutio de facto, et non de jure: datur enim solutio in debiti, aut permutatio rei alienae. Ac proinde, qui illam excipiendo opponit, non idcirco fatetur intentionem adversarii (hoc est, quod Ecclesia illa revera pertinuerit antea ad Actorem, vel quod excipiens fuerit ipsius debitor) quia utrumque potest fieri, absque eo, quod adversarius habuerit jus ad recipiendum rem permutatam, vel solutam: Oportet proinde, quod adversarius, sive Actor, de hoc jure suo aliunde doceat, illudque penitet.

91 Resp. II. Quod si vero Reus non pure excipiat, sed simul adiungat confessionem, et quidem separatam ab exceptione: tunc ipse sibi praediciat, atque per ejus confessionem fundatur intentio Actoris, ut puta, Reus dicit: *Fateor pecuniam a te mihi mutuo datam, sed ego jam solvi: vel sed tu pactus es mihi de ea non recipienda.* Tunc enim per talem confessionem Reus de recepta mutuo pecunia, fundata est intentio Actoris: adeo, ut Actor relevetur ab onere probandi debitum, et Reus efficiatur onere probandi exceptionem, ac nisi hanc probaverit, condemnandus sit, quia in tali casu confessio est separata

ab exceptione. Ita Abbas *c. Exceptionem. num. 26. vers. Quartam opinionem. h. t.* istud probans ex *l. Si quidem. C. h. t.* ubi dicitur: *Si vero de hac (intentione Actoris) constando, exceptione te munitum arueras, de hac tantum agi convenit.* Concordant dicta superius *Tit. 18. De Confessis. §. 5. nu. 117. et seqq.* agendo de confessione qualificata.

Resp. III. Insuper certum est, quod excipiens confiteatur factum in exceptione contentum: puta, quod juxta casum *cit. c. Cum venerabilis 6. h. t.* facta fuerit quaedam permutatio Ecclesiarum. Ita Abbas *cit. c. Cum venerabilis. n. 26. h. t.* et alii. Hinc in *c. Ex parte Decani. 33. de Rescript.* cum Reus Nobilis excipiendo proposuerat, Procuratorem V. a se fuisse revocatum ante impetrationem certarum Litterarum Apostolicarum (de quibus ibidem sermo est) Actor in hac ipsa revocatione Procuratoris V. veluti confessata, postmodum se fundavit: et quasdam alias Litteras Apostolicas, ab eodem revocato Procuratore V. impetratas, invaliditatis redarguit, quae etiam fuerunt cassatae: sicque patet, quod excipiens confiteatur factum in exceptione allegatum.

Et conformiter dictis patet solutio ad illam questionem, an si Reus exceptionem peremptoriam opponat, v. g. solutionis, vel praescriptionis: et posita in ejus probatione deficiat, condemnatur tanquam confessus? Resp. enim cum Engel *h. t. n. 6.* allegante Abbatem *cit. c. Cum venerabilis. n. 26. eod.* sub distinctione. Quia Reus deficiens in probatione suae exceptionis, vel postea negat intentionem Actoris quoad jus, puta dicendo: *Fecimus quidem contractum; sed nego ipsum esse validum:* et erit audiendus: cum nemo proibeatur ut pluribus exceptionibus, etiam diversis, *l. Nemo prohibetur. ff. de Reg. Jur.* atque amplius dicitur *num. 81. et seqq.* Vel Reus vult negare intentionem Actoris quoad factum, jam per suam exceptionem confessatum: et non audiri amplius, nisi de errore docuerit, conformiter dictis supra *Tit. 18. De Confessis. §. 3. num. 77. et 80.*

Uterum in praxi notandae sunt ex *l. Si quidem. C. h. t.* sequentes cautelae. Prima est: si Reus est certus, vel confidit, quod Actor non possit probare suam intentionem, debet negare (intellige, ubi conscientia, et veritas non est in contrarium) non autem excipere. Quia excipiendo, onus probandi in se suscipit, nam Reus in exceptione est actor. *l. 1. ff. h. t.* Si autem negat, Actor non probante Reus absolvitur, *l. Qui accusare. C. de Edendo et c. Cum Ecclesia §. fin. de causa possession. cum similibus.*

Secunda cautela ibidem expressa, est: Quod si vero Reus dubitet, nam Actor valeat sufficienter intentionem suam probare, potest negationem et exceptionem cumulare, dicendo v. g. *Nego, vel non confiteor, me accepisse mutuum a te; sed si esset, aut probaretur, dico me tibi solvisse:* et idem dicendum de aliis exceptionibus. Atque hunc excipiendi modum, tanquam securissimum, commendat Glossa *cit. c. Cum venerabilis. vers. Confessus. h. t.* et Abbas *ibid. n. 26. et 27.* et Dynus in *Reg. Exceptionem n. 3. de Reg. Jur. in 6.* Nam quia circa propositum extant diversae Doctorum sententiae, et videre est apud Abbatem *loc. cit.* ut evitetur quaevis controversia, oportet Reum esse cautum, quod taliter excipiat, ut nullo modo videatur lateri.

Queritur III. An possit quis uti pluribus exceptionibus, etiam contrariis? Resp. affirmative: *Text. clar. l. Nemo prohibetur. ff. h. t. ibi: Nemo prohibetur pluribus exceptionibus uti, quamvis diversae sint.* cum obstat *Reg. 20. Juris in 6. ibi: Nullus pluribus uti defensionibus prohibetur.* Et ratio est: quia defensio est de Jure naturali, sicque nullo deneganda. *l. Vin. vi. ff. de Justit. et Jur. et Clem. Pastoralis.*

§. *Cæterum, de Sentent. et de re judicat.* Atqui exceptio, est aliqua defensio; ergo non debet cuiquam denegari, etiamsi sit multiplex.

- 97 Hinc si quis conventus a principio negavit debitum, sicque proposuit exceptionem facti, potest nihilominus postmodum alias exceptiones proponere; prout habetur expressum *l. Nemo ex iis. ff. de Reg. Jur.* ibi: *Nemo ex iis, qui negant se debere, prohibetur etiam alia defensione uti, nisi Lex impediat;* cuius prohibitionis exempla nonnulla refert Glossa *ibid.* vers. *Nemo.* Item, si quis a principio proposuit exceptionem minus utilem v. g. iurisjurandi, vel pacti, quæ sibi non competebat; potest deinde proponere aliam magis utilem, v. g. rei iudicatæ, præscriptionis, aut huiusmodi, *l. l. qui, ff. h. t.* et alibi.

- 98 Quinimo non solum successive, sed etiam simul, possunt proponi exceptiones contrariæ, arg. e. *Auditis. 15. de Præscriptionib.* ubi Abbas de Hevesca contra Episcopum Vigoriens. opposuit contrarias defensiones, seu exceptiones; videlicet privilegium, et præscriptionem: nam quod meum est (puta virtute privilegii) ex alia causa meum fieri non potest (puta iure præscriptionis) nisi desierit esse meum; prout loquitur textus in c. *Inter dilectos. §. Cæterum, de fide instrument.* iunctis concordantiis Glossa *ibid.* vers. *Quod meum est,* relatis. Quamquam in eo casu, quo quis exceptiones contrarias simul opposuit, intelligatur illas opposuisse disjunctive, ut si unam non potuerit probare, alteram probet, arg. cit. c. *Auditis,* ac notat Abbas *ibid.* n. 24. et Innocentius circa medium. *de Præscript.* Concordat textus jam allegatus ex cit. *l. Nemo prohibetur. ff. h. t.* iuncta Glossa un. *ib.* cum similibus.

- 99 Dices. Actor non potest simul plures instituere actiones super eadem re, cit. *l. Nemo ex iis. §. fin. ff. de Reg. Jur.* ibi: *Quoties concurrunt plures actiones ejusdem rei nomine, una tantum experiri debet;* iuncta *l. Quod in hærede. ff. de Tributor. Action.* Atqui Reus excipiendo fit actor, *l. 1. ff. h. t.* ergo. Resp. Majorem procedere de Actore voluntario, seu de eo, qui prima vice actionem contra alterum intentat; sicque in ejus potestate est, an, quando, et quomodo velit provocare ad Judicem: ac proinde tenetur venire paratus, et eligere, qua velit actione experiri. Secus autem dicendum est de Reo, qui excipiendo fit Actor necessarius, atque permittente sic Jure naturali potest se defendere modo, quo potest meliori, sicque pluribus exceptionibus uti. Accedit, quod Leges plus subveniant illi, qui necessario agit, quam qui omnino libere, c. *Ab arbitrio de Offic. Delegat.* in 6. iunctis concordantiis a Glossa *fin. ibid.* relatis.

#### §. IV.

De Exceptionibus in Judicio summario, aut summarissimo proponendis.

#### SUMMARIUM.

- 100 *Utrum exceptiones in Judicio summario sint admittendæ? Et ratio dubitandi.*  
 101 *In hoc non prohibentur fieri exceptiones legitimæ; quamvis repelli debeant frustratorias. Et num. seqq.*  
 102 *Solvitur ratio dubitandi.*  
 103 *Et probatur, in Judicio summario admittendas esse exceptiones legitimas.*  
 104 *Præsertim, si non requirant altiore indaginem.*  
 105 *Exceptiones frustratorias in eo sunt repellendæ, et quidam fortius, ac in aliis causis. Et num. 101.*  
 106 *An exceptiones dilatorias in Judicio summario*

*repelli debeant; distinguendum est. Et n. seqq. Ubi repelluntur frustratorias; non vero legitimas exceptiones dilatorias, si hæc non requirant altiore indaginem.*

- 107 *Exceptio altiore indaginem requirens, quæ sit, Judicis arbitrio relinquitur.*  
 108 *Exceptiones dilatorias legitimæ, etiam altiore indaginem requirentes, sunt admittendæ in Judicio summario, quando absque earum examinatione in causa procedi nequit sine magno ipsius causæ præjudicio.*  
 109 *Secus, quando in causa procedi potest absque ejusdem præjudicio.*  
 110 *Atque istud probatur.*  
 111 *Judicium summarissimum, quod? Et num. seqq.*  
 112 *Solet declarari per Possessorium retinendæ. Appellatur Judicium interim, sive Summarissimum possessorium. Ibid.*  
 113 *Judicium retinendæ possessionis, duplex: ordinarium, seu plenarium; et*  
 114 *Possessorium summarium, seu potius summarissimum: idque declaratur.*  
 115 *Sententia in summarissimo judicio lata, est solum interlocutoria, non diffinitiva. Nec affert perpetuum, sed modicum duntaxat præjudicium. Ibid.*  
 116 *Secus dicendum de sententia lata in possessorio ordinario. Num. 113.*  
 117 *In Judicio summarissimo non admittuntur exceptiones tangentes proprietatem rei.*  
 118 *Nec turbidæ, seu requirentes altiore indaginem.*  
 119 *Atque istud varie exemplificatur.*

Quæritur I. Utrum exceptiones, præsertim requirentes altiore indaginem, admittendæ sint in Judicio summario? Ratio dubitandi, ac negativam tenendi, desumitur ex *Clem. Sæpe contingit. §. Nos autem, de Verb. signif.* ubi Pontifex loquens de Judicio summario, in quo simpliciter ac de plano proceditur, inter alia Judici mandat, ut *amputet dilationum materiam: litem quantum poterit, faciat brevior, exceptiones, appellationes dilatorias et frustratorias repellendo.* Verum his non obstantibus,

Resp. I. In Judicio summario non prohibentur fieri exceptiones legitimæ; quamvis repelli debeant frustratorias, et quidem fortius in eo, quam in aliis judiciis. Ita Glossa in cit. *Clem. Sæpe contingit.* vers. *Amputet, et seqq.* et Abbas *ibid.* n. 36. asserens, per dictam Clementinam, quantum ad hoc, nihil poni speciale; nisi quod in Judiciis summariis magis, quam in aliis, debeat Index laborare ad litem abbreviandam. Hoc ipsum tradit Ancharanus in *ead. Clem. num. 19.* et Imola *ibid.* §. Glossa *dilationes,* et alii. Idque desumitur ex verbis dictæ Clementinæ, utpote in qua non absolute dicitur, repellendas esse exceptiones; sed cum addito: *Exceptiones, appellationes dilatorias et frustratorias repellendo.*

Et per hoc patet solutio rationis dubitandi, ex cit. *Clem. Sæpe contingit.* proxime adductæ. Procedi enim duntaxat in exceptionibus frustratoriis, utpote de quibus loquitur dicta Clementina: secus in legitimis.

Accedit ratio prioris partis. Conclusionis: quia rationabiles, seu legitimæ exceptiones, sunt arma, clypei et loriceæ Reorum, juxta Glossam ad *Rubric. h. t.* ergo nullo modo, ne quidem in Judicio summario, sunt denegandæ Reis; cum pertineant ad justam horum defensionem, Jure naturali omnibus injuste molestatis concessam; ut *l. Vim vi. §. Cum. ff. de Vi. et vi armat.* iunctis dictis supra num. 82. Confirmatur hoc ipsum per textum expressum in c. *Ex parte tua. 13. de Offic. Dele-*

- gat. ubi non obstante forma litterarum Apostolicarum, Delegatus Papae debet rationabiles exceptiones admittere. Unde quamvis haec clausula, *Sine aliqua exceptione*, omne videtur excludere exceptionem, arg. l. *Thais ancillas*, §. *Stichus servus*, ff. de *Fideicommissar. libertat.* ea tamen non tollit exceptiones rationabiles, seu legitimas. Glossa *lit. c. Ex parte tua vers. Nullae*, de *Offic. Delegat.* inud, praeter textum ibid. ulterius tiratus ex c. *Audita* 4. de *Restitut. spoliat.* et l. *Obligatio* ff. de *Pignorib.* cum similibus. Barbosa tract. de *Clausulis. claus. 156. n. 2.* post Rebuffum in *Compend. alienat. n. 4.*
- 104 Atque illud vel maxime procedit, quando exceptio caeteroquin rationalis non requirit altiore indaginem, quia tunc omnino admitti, atque antea desumpti debet exceptio, etiam in iudicio summario. Abbas c. *Cum dilecta* n. 22. de *Confirmat. util. vel inur.* id probans per textum ibid. dum Pontifex a principio facile admisit exceptionem praescriptionis propositam contra innovationem privilegiorum, dam arbitratur; rem per Delegatum suos brevi expediendam: sed cognito, quod dicta exceptio longinqua tractum temporis requirat, ea non obstante procedendum duxit ad innovationem memoratorum privilegiorum.
- 105 Altera pars Conclusionis, seu quod in Iudicio summario repellendae sint exceptiones frustratoriae, atque frivolsae (hoc est, fragiles duntaxat, ac nullius solidi fundamenti; sique deservientes solummodo ad malitiose procrastinandam litem) patet ex textu iam allegato d. *Clem. Saepe contingit. de Verb. signif.* iuncta Glossa vers. *Dilatorias*, et DD. ib. Qui addunt, quamvis Iudex in omnibus causis laborare debeat, ut litem, quantum fieri potest, brevior reddat; exceptiones, dilationes, et appellationes frustratoriae repellendo, ac nimiam testium multitudinem refracuendo; ut l. 1. c. de *Dilation. et l. Properandam*, §. 1. c. de *Judiciis*, et c. *Finem litibus*, §. de *Stolo et contum.* cum similibus: tamen fortius fieri possit, et debeat in Iudicio summario, utpote in quo procedendum, est simpliciter, ac de plano, et sine strepitu; sique contentiosis, aut indiscretis vocibus, vel (quod deterius est) obstinatis disputationibus obstrepere non licet, can. *In loco*, §. q. 1.
- 106 Resp. II. Utrum in Iudicio summario repelli debeant exceptiones dilatorias, distinguendum est. Et quidem exceptiones dilatorias, quae sunt frivolsae, seu more frustratoriae, non esse admittendas, patet ex proxime dictis. Contra vero plures reperiri legitimas exceptiones dilatorias, quae in Iudicio etiam summario admitti debent, neque sine iniuria partis rejici possunt, praesertim si non requirant altiore indaginem, in confesso est. Sic enim exceptio pacti de non petendo ante tempus, procul dubio admitti debet; ut exp. m. de *plus petition.* Idemque dicendum de exceptione spoli; cap. 1. ac seqq. de *Restitut. spoliat.* et aliis hujusmodi, quae non requirunt altiore indaginem.
- 107 Porro, quatenus in casibus particularibus censetur Exceptio altiore indaginem requirere, nec ne, pendens Iudicis arbitrio est relinquendum, qui pensatis qualitate causae, et personarum, aliisque circumstantiis id diiudicabit. Menochius lib. 2. de *Arbitrar. Judic. cas. 10. num. 3.* citans Romanum in *Ambrie. de Arbitris*, n. 10. Cravettare *Consil.* 156. nu. 17. Socium sen. *Consil.* 59. et alios Concordant in simili dicta superius Titius de *Probationibus*, §. 3. num. 60. et alibi.
- 108 Resp. III. Loquendo de exceptionibus dilatoriis caeteroquin legitimis, sed altiore indaginem requireribus, rursus oportet distinguere, utrum harum aliqua rejecta, vel ad finem causae reservata, possit in ejusmodi causa procedi absque ma-

gno talis causae praesidio, nec ne. Et si quidem absque examinatione oppositae exceptionis in causa procedi nequeat sine magno ipsius causae praesidio (puta, quia sententia lata tribueret jus finale, quod amplius reparari non posset, nisi per appellationem, vel restitutionem in integrum etc.) tunc exceptio, etiam altiore indaginem requirere, non potest repelli, neque ad finem causae reservari in Iudicio summario, sed debet antea examinari. Ita desumitur ex l. 3. §. *Ibidem*, ff. *Ad exhibendum*, ubi istud exemplificatur de exceptione pacti conventi, doli mali jurisjurandi, et rei judicatae: nam si talis exceptio antea non admitteretur, neque cognosceret, auferretur parti excipienti jus suum, et tolleretur cognitio veritatis: quod est illicitum. Menochius de *Arbitrar. Judic. lib. 1. quaest. 53. nu. 2.* Bartolus in *Extravag. Ad reprimendum. num. 4. vers.* Et aliud est dicere, istud ulterius probans ex l. *Judices*, c. de *Judiciis*, Abbas c. *Cum dilecta*, num. 22. et l. de *Confirmat. util.* Ancharanus in *Clem. Saepe contingit*, n. 19. de *Verb. signif.* et alii.

Quod si vero rejecta, vel ad finem causae dilata 109 exceptione altiore indaginem requirere, possit procedi in causa summario, adeo ut sententia lata non pariat magnum praesidium: vel pariat duntaxat tale, quod per aliud iudicium potest reparari absque appellatione, vel restitutione in integrum, aut alio equitabili remedio: tunc exceptio illa poterit repelli, vel saltem ad finem causae differri, ac interim procedi in Iudicio summario. Ita Glossa in *Extravag. seu Auth. ad reprimendum. vers. Summario*, et Bartolus ib. n. 4. Abbas d. c. *Cum dilecta*, nu. 22. de *Confirmat. util.* Barbosa in *Collectan. ad Clem. Saepe contingit*, nu. 4. de *Verb. signif.* et tract. de *Clausulis, claus. 156. n. 16.* Card. Turchus *Litt. C. Concl.* 366. n. 3. post Oldradum *Consil.* 115. vers. *Frustratoria*. Fagnanus c. *Lator*, n. 70. et 81. *Qui filii sint legit.* ubi in simili cum aliis asserit, quod exceptio turbida, et altiore requirere indaginem, non admittitur in Iudicio possessionis, v. g. legitimatis, sed ad petitorium sit rejicienda.

Id ipsum probatur tum ex textu *Clem. Saepe con-* 110 *tingit. de Verb. signif.* iam relato num. 100. Tum ex c. *Cum dilecta*, §. de *Confirmat. util.* ubi Pontifex exceptionem illam, quam a principio veluti celeriter per suos Delegatos expediendam admisit, intelligens indigere longiori indagine, postea non amplius attulit, sed innovationem privilegiorum, quae petebatur, faciendam curavit: uti notat Abbas, ubi supra, per hoc datam Conclusionem probans. Accedit textus in l. 3. §. *Ibidem*, ff. *Ad exhibendum*, statuens, quod si exceptio sit obscurior, vel, quae habeat altiore questionem, differenda sit in directum (sive ordinatum) iudicium, re exhiberi jussa. Ubi proinde Bartolus in *summario*, inquit: *Exceptiones, quae requirunt altiore indaginem, in causis summariis non admittuntur, sed in causis principalibus reservantur.* Hoc ipsum probatur ex l. *Illo a quo*, §. *Si de testamento*, ff. *Ad S. C. Trebellian.* iuncto Alexandro ibid. in *summario*.

Quaeritur II. Quod dicendum sit de Iudicio 111 summarissimo, et an in eo locum habeant exceptiones? Resp. I. *Judicium summarissimum* dicitur illud, in quo ob periculum in mora proceditur brevissimum. Nam, ut inquit Glossa in *Auth. Ad reprimendum. vers. Summario*, verbum istud *summarium* idem est, ac *brevis*, sive *summatum*. Unde summarissimum iudicium idem sonat, ac brevissimum, in quo videlicet Iudex procedit sola facti veritate inspecta; ac sublati omnibus solemnitatibus Juris positivi, manu regia, et secundum propriam conscientiam judicare potest. Barbosa cit. *Claus. 156. n. 3.* et 6. et 7. ita cum aliis declarans clausulam *summaria-*



- 112 Atque hujusmodi Judicium summarissimum passim Doctores declarare solent per Possessorium retinendae, quando uterque litigantium contendit se possidere: ita quidem, ut neuter eorum libellum offerre, seu partes actoris sustinere velit; ne proinde periculum subit, ne partes illae veniant ad arma. In tali quippe casu Juxta ex officio instituit Judicium summarissimum (quod alii appellant Judicium interim, sive summarissimum possessorium) in quo vocatis ambabus partibus, eorumque fundamentis auditis summatione cognoscit, uter ex litigatoribus tempore motae litis possident, sique sciatur, quis debeat sustinere partes actoris in possessorio ordinario, vel petitorio judicio. Fachineus lib. 8. *Controvers. Jur. cap. 15. circa init.* Ludovic. ab Ecclesia, *Observationes Forenses Senatus Pademontani, Observ. 189. n. 1.* Covarruvias *Practic. Quaest. cap. 17. n. 1. et seqq.* Menochius de *Retinend. possess. Remed. ult. n. 1. et seqq.* alique ab his relati. Ubi
- 113 Sciendum est, quod communis Doctorum duplex statuat Judicium retinendae possessionis, sive (ut alii loquuntur) duplex Possessorium retinendae. Unum dicitur ordinarium, seu plenarium, in quo videlicet juris ordine servato proceditur, ne principaliter et absolute de possessione partium disceptetur: unde et plena causae cognitio adhibetur, cum Actor rem, de qua controversitur, vere possideat, et quidem non vi, nec clam, nec precario, *arg. L. 1. ff. Ut possidetis.* Fachineus cit. lib. 8. cap. 15. Gailus lib. 1. *Practic. Observat. 7. num. 2. et 4.* Ubi cum aliis notat, quod sententia in hoc judicio lata, non sit modici praesudicii, quia est difficultiva: neque aliam post se super possessorio expectat sententiam, nisi fuerit appellatum: ideoque magni momenti est, juxta textum in §. *Retinendae. Instit. de Interdict.* et hoc fit propter multiplicia commoda possessionis, superius Tit. 12. *De causa possessionis proprietatis.* §. 2. num. 39. et seqq. ex professo jam declarata.
- 114 Alterum vocatur Possessorium summarium, seu potius summarissimum, in quo Juxta summatione cognoscit, quoniam ex litigatoribus tempore motae litis possident, sique in sua possessione manutenendus sit, salvo ceteroquin jure partium tam in possessione, quam in proprietate, donec de his in possessorio ordinario, vel petitorio judicio, plenarie cognoscatur. Atque hujusmodi Judicium summarissimum praecipue instituitur ad eum finem, ne lite diutius pendente partes ad arma veniant. Declarat istud Menochius cit. *Remed. ult. de Retinend. possess. num. 1. et seqq.* in casu, quo duo de eadem possessione litigant, et ambo contendunt se possidere, atque controversiam hanc non judicio, sed armis diffinire gestant: dum videlicet uterque sua euctoritate, atque manu, in possessione sese tueri conatur; uterque armis bene munitus, et sociorum auxilio stipatus adversarium terrere, atque ne ad possessionem accedat, repellere studet. Tunc enim, quia judicis officium expositulat, publicam pacem, et Reipublicae quietem illacram servare, in utrique parti jubere, atque sub poena indicta praecipere solet, ne ad eam possessionem accedere audeant, sed ipsam sub sequestro apud se relinquant. Quo facto diligens Juxta utriusque partis summarias informationes, seu documenta juris sui super possessione, ex officio sumit; et deinde pronunciat illum, qui tempore litis motae in possessione, seu verius detentione fuerat, interim possidere debere, donec causa illa in possessorio ordinario, vel petitorio judicio, plenarie finitur. Ita Judicium summarissimum (sive, ut alii loquuntur, Judicium interim vel Possessorium summarissimum) describit Menochius loc. cit. allegans alios, et pro se ad-
- ducens textum notabilem in l. *Liberis. §. fin. ff. de Liberali causa.*
- Porro sententia in hoc Judicio summarissimo lata, 115 est solum interlocutoria, utpote lata inter principia et finem ipsius causae possessorii; non vero definitiva. Menochius cit. *Remed. ult. n. 46.* Covarruvias *Practic. Quaest. cap. 17. num. 2.* Gailus d. lib. 1. *Observat. 7. n. 6.* et alii. Simulque sententia in ipso lata non affert perpetuum, sed modicum durat praesudicium; eo quod feratur ad interim solum, et salvo jure litigantium in possessione, et proprietate. Lud. Postius de *Manutendo. Observat. 2. n. 34.* et alii. Ac proinde praesudicium illud est reparabile tam in possessorio ordinario, quam in petitorio: quia de causa etiam appellatur *Momentaneum possessorium.* Gailus cit. *Observat. 7. num. 5. et 6.* Quamquam Juxta dictam sententiam interlocutoriam extra possessorium ordinarium, vel petitorium, amplius revocare non possit; eo quod ipse secum trahat executionem, dum jubet unum ex contenditibus in possessione esse, alterum ab ea abstinere: haud obstante, quod aliquando sententia interlocutoria revocari possit, l. *Quod jussit. ff. de Re judicat.* Menochius loc. cit. num. 56. quidquid nonnulli apud ipsum in oppositum teneant.
- Resp. II. In Judicio summarissimo, seu Judicio 116 interim, nulla admittitur exceptio, quae vel rei proprietatem tangit; vel alioquin est turbida, seu requirit altiore indaginem. Ita Menochius cit. *Remed. ult. n. 43.* Ludovic. Postius d. tract. de *Manutendo, Observat. 49. n. 67. 68. et seqq.* allegans Rotam in *Romana, seu Terracina. Afflictus coram R. P. D. Pirovano, post tract. Decis. 215. num. 16.* Fontanell. de *Pact. nuptial. claus. 7. Gloss. 3. part. 10. n. 75. tom. poster.* Gratian. *Discept. Foren. cap. 926. n. 27.* cum plurimis aliis. Ratio prioris partis Conclusionis est: quia judicium possessorium, nihil habet commune cum petitorio; ut l. *Naturaliter. §. 2. ff. de Acquirend. possess.* ibi: *Nihil commune habet proprietatis cum possessione.* Atqui judicium summarissimum hactenus explicatum, est possessorium; ergo non mirum, quod in eo non admittantur exceptiones, quae tangunt proprietatem rei; haec enim pertinent ad petitorium, non ad possessorium. Idem a simili confirmatur ex causa restitutionis spoliatorum, ubi probata rei cujuscumque praehabita possessione, et facta ipsius spoliatione, non admittitur exceptio proprietatis rei, sed spoliatus ante omnia est restituendus, cap. 1. et seqq. de *Restitut. spoliat.* estque supra eod. Tit. 13. §. 3. n. 48. et seqq. ex professo jam dictum.
- Altero vero pars Conclusionis ex eo probatur: 117 quia possessorium summarissimum non tam veram et propriam possessionem respicit, quam statum rei, qui erat tempore motae litis, aut paulo ante; ut notat Covarruvias *Practic. quaest. cap. 17. num. 3. vrrs.* Sic sane Postius cit. *Tract. de Manutendo, Decis. 311. num. 3.* Menochius d. *Remed. ult. n. 18.* allegans alios. Ergo probata semel per summarias informationes, sive documenta, praehabita possessione, aut verius detentione alicujus rei, erit quis manutenendus in dicta detentione, donec contrarium probetur, l. *Si quis ante. ff. de Acquirend. possess.* et l. *Attilius Regulus. ff. de Donationib.* Ubi non solum habens veram possessionem, sed etiam detentionem cujuscumque rei tempore motae litis, dicitur manutenendus in ea: sique merito in judicio summarissimo repelluntur exceptiones turbidae, atque altiore indaginem requirentes, donec causa possessoria principalis, vel etiam petitoria instituitur, in eaque doceatur de jure Actoris, juxta dicta superius Tit. 12. *De causa possessionis et proprietatis.* §. 7. n. 223. et 224. ac seqq.

118 Inferitur proinde, quod in hujusmodi Judicio summarissimo non possit Judici objici exceptio excommunicationis, altiore indaginem requirens. Menochius cit. Remed. ult. n. 43. Neque in Beneficialibus defectus tituli. Menochius eod. n. 43. Nec admittatur in hoc judicio testium repulsio. Menochius ibid. n. 41. et Covarruvias cit. cap. 17. n. 4. vers. Septimo est. Neque exceptio invaliditatis provisionis. Postius, ubi supra, Decis. 42. n. 68. post Rotam in Romana Domus, coram R. P. D. Ghislerio, et plures alias Decisiones, quas allegat. Quia imo omnis ab hoc judicio aliena dicitur exceptio, quae in continenti (hoc est, intra terminum probatorium, seu instantiae) non probatur. Postius d. Observat. 42. n. 73. citans Rotam in Romana Fidei commissi de Episcopis, coram R. P. D. Veraspio. Ratio horum est, quae supra: quia videlicet in Possessorio summarissimo non tam agitur de vera possessione, quam de statu rei, qui erat tempore motae litis, vel paulo ante: unde exceptiones hujusmodi statum rei non respicientes, merito rejiciuntur; cum hae sint impertinentes, et potius spectent ad possessorium principale, vel judicium petitorium, ad quod proinde remittuntur, seu reservantur examinandae.

## § V.

De Exceptione excommunicationis, et quibusdam aliis Exceptionibus in specie.

## SUMMARIUM.

- 119 Excommunicationis nomine absolute posito, intelligitur excommunicatio major.
- 120 Exceptio excommunicationis potest a Reo contra Actorem proponi tam ante litis contestationem, quam in qualibet parte judicii etc. Ibid.
- 121 Exceptio excommunicationis repellit Actorem ab agendo, non Reum a defendendo.
- 122 Tamen ut repellat Actorem ab agendo, debent plures observari conditiones. Et n. seqq.
- 123 Eam opponens debet speciem excommunicationis, et nomen Excommunicatoris exprimere. Ibid.
- 124 Ipsamque apertissimis documentis probare infra octo dies.
- 125 Dammodo non obstat legitimum impedimentum. Ibid.
- 126 Enumerantur aliae ejusmodi conditiones.
- 127 Si exceptio excommunicationis probetur prius post sententiam latam, impeditur hujus executio, sed sententia valet.
- 128 Solvitur instantia ex cap. 1. de Rescript. in 6. Ibid.
- 129 Actorem excommunicatum debet Judex ex officio repellere: et qualem?
- 130 Quando excommunicatio opponitur in vim peremptoriae exceptionis, non compellitur opponens eam probare infra octo dies.
- 131 Reo excipiente de excommunicatione Actoris, non obstat communionis replicatio.
- 132 Habens plura Beneficia, contra alium de pluralitate beneficiorum non excipit.
- 133 Saltem nomine proprio: et an nomine Ecclesiae sic possit excipere?
- 134 Exceptio rei judicatae non competit Reo absoluto ex eo, quia tempore latae sententiae non possidebat, si post eam possidere incipiat.
- 135 Id ipsum probatur in simili.
- 136 Exceptio rei judicatae per Judicem Ecclesiasticum, debet etiam admitti in Foro saeculari: et contra.

133 Testis, contra quem fit exceptio de crimine, isto probato repellitur a testimonio; de crimine tamen non punitur.

134 Dicta de Exceptionibus, servata proportionem, locum habent in Replicationibus.

Replicatio, est quasi exceptionis exceptio. Ibid.

Quaeritur I. Quo tempore, qua ratione opponi possit, an debeat exceptio excommunicationis? Resp. I. Exceptio excommunicationis majoris (quae sub Excommunicationis nomine absolute posito semper intelligitur, c. Si quem. 59. de Sentent. excommunicat.) potest a Reo contra Actorem opponi non solum ante litis contestationem ad instar exceptionum dilatoriarum, Clem. an. h. t. sed etiam post eam, sive in qualibet parte judicii, termino peremptorio ad proponendas quaslibet exceptiones per iudicem assignato non obstante. Ita textus in c. Exceptionem. 12. h. t. ubi istud dicitur in hac exceptione specialiter observandum, ne quisquam in periculum animae excommunicato communicare cogatur. Eo tamen addito, quod si Reus malitiose diutius omiserit exceptionem excommunicationis opponere, ut Actor laboribus et sumptibus fatigetur, ipse in expensis legitimis huic sit condemnandus; estque jam dictum supra §. 3. nu. 60. et 61. Concordat, atque amplius Conclusionem declarat textus in cap. 1. h. t. in 6. in Clem. an. eod.

Additur notanter, a Reo contra Actorem etc. 120 Siquidem exceptio excommunicationis majoris in quacunque parte litis opposita repellit quidem Agentes, sive Actorem ab agendo; non vero Defendentes, sive Reum a defendendo. Glossa cit. cap. 1. h. t. in 6. §. Agentes. quae istud probat ex c. Intelleximus. 7. de Judiciis et c. Cum inter. 5. h. t. In quo proinde posteriori loco dicitur, quod Reus excommunicatus possit excipere, appellare, et omnem defensionem facere: quamvis Actorem reconvenire non possit: Ne quod in defensionis remedium sustinetur, ad impugnationis materiam extendatur, prout loquitur textus ibid. Concordant dicta superius Tit. 1. de Judiciis. §. 6. n. 146. ac aliis locis ibidem allegatis, ubi plura de hoc.

Resp. II. Nihilominus, ut excommunicatio in vim dilatoriae opposita contra Actorem, repellat istum ab agendo, debent observari conditiones illae, quae cap. 1. h. t. in 6. praescribuntur: et sunt sequentes. Primo, excommunicationem opponens debet speciem ipsius excommunicationis, et nomen Excommunicatoris exprimere.

Secundo, Reus opponens tenetur dictam excommunicationem apertissimis documentis probare infra octo dies: alioquin Index procedet in causa, et ipsum condemnabit in expensis, quas Actor idcirco diebus illis se fecisse probaverit. Intellige, dummodo propter opponentis infirmitatem, vel propter fraudem adversarii, aut testium absentiam, vel propter aliam justam causam non impediatur tempus octo dierum, quo minus tunc fiat probatio oppositae excommunicationis: quia stante tali legitimo impedimento non currit tempus illud, vel saltem a Iudice prorogari potest, arg. L. 2. ff. de Re judicat. ac notat Speculator tit. de Dilationibus. §. 1. n. 13. Alias vero spatium octo dierum currit ipso jure, licet eos Judex excipienti non praefigat: quia terminus iste a Jure statutus est. Speculator loc. cit. n. 14.

Tertio, in cit. cap. 1. h. t. in 6. statuitur, quod si excommunicatio iterum objiciatur, atque eadem, vel alia excommunicatio probetur, tunc Actor insequentibus repellatur ab agendo, donec meruerit gratiam absolutionis obtinere: valeant tamen ea, quae prius acta fuerunt. Quarto, quod ultra duas

vices exceptio hujusmodi non opponatur: nisi vel nova excommunicatio emerit, vel evidens et prompta probatio de antiqua supervenerit.

- 124 Quinto dicitur, sive declaratur ibidem, quod si exceptio excommunicationis proponatur, atque probeur primum post rem judicatam, seu latam sententiam; tunc quidem impediatur hujus executio, nihilominus sententia, quae praecessit, valeat. Nec obstat *cap. 1. de Rescriptis. in 6.* ubi ipso jure Rescriptum, vel processus per ipsum habitus non valet, si ab excommunicato super alio, quam excommunicationis vel appellationis articulo fuerit impetratum. Resp. enim, ubi sermonem esse de nullitate Processus, ac sententiae latae a Judice delegato, seu dato per Rescriptum ab excommunicato nulliter impetratum: quia enim is antea non habuit jurisdictionem aliquam respectu talis causae, hancque per ejusmodi Rescriptum, utpote ipsum jure nullum, accipere non potuit, merito totus Processus una cum sententia inde secuta invalidus, ipsoque jure irritus censetur. Secus est in casu *cap. 1. h. t. in 6.* ubi sermo est de Judice ordinario, atque jam antea jurisdictionem suam habente, et de sententia per ipsum lata; prout uberius dictum est supra *Lib. 1. Tit. 3. de Rescriptis. §. 2. n. 47. et 48.*

- 125 Sexto, in *cit. cap. 1. h. t. in 6.* dicitur, quod si Actor sit publice excommunicatus, et hoc Judex noverit, quandoque (licet Reus de hoc non excipiat) ipsum Judex ex officio repellere debeat. Atque istud ultimum antea jam statutum fuerat in *cit. c. Exceptionem 12. h. t.* Quod tamen de facto, seu post Concilium Constantiense, ac Bullam Martini V. *Ad evitanda*, solum procedit de excommunicato vitando; qualis est publice denunciatus, aut notarius percussor Clerici: quia excommunicatum non vitandum potest quidem Judex ab agendo repellere, sed non tenetur repellere; cum de facto non obligetur ipsum vitare. Suarez *disp. 16. de Censuris. sect. 3. n. 2.* Pirhing *h. t. n. 20.* et alii.

- 126 Additur notanter num. 121. *Excommunicatio in vim delatoriae opposita etc.* De tali quippe exceptione in *cit. cap. 1. h. t. in 6.* est sermo: uti patet ex toto contextu, ac notat Glossa *ibid. vers. Opponit.* Secus dicendum, quando excommunicatio opponitur in vim peremptoriae exceptionis: ut si Electo ad Beneficium Ecclesiasticum, suamque electionem prosequenti, ex adverso objiciatur, seu contra ipsum excipiat, quod fuerit electus in excommunicatione majori, vel quod fuerit electus ab excommunicatis. Nam quia talis exceptio excommunicationis est peremptoria, atque perimit totum jus Actoris, eo quod electio excommunicati, vel ab excommunicatis celebrata, ipso jure sit irrita et nulla, *c. Postulatus. 7. de Clerico excommunicato etc. et c. Constitutis. 13. juncta Glossa vers. Excommunicationis. de Appellat.* cum similibus: hinc non compellitur opponens eam probare infra spatium octo dierum, sed datur competens dilatio; neque alia hactenus dicta respectu talis peremptoriae exceptionis procedunt. Glossa *cit. cap. 1. vers. Opponit. h. t. in 6.*

- 127 Queritur II. Quae aliae exceptiones specialiter hoc Titulo approbentur, vel reprobentur? Resp. I. Reo excipiente de excommunicatione majori contra Actorem, non obstat communionis replicatio: qua videlicet Actor replicat, etiam Reum esse excommunicatum, eo quod scienter excommunicato vitando communicaverit in locutione, vel oratione, sicque incurrerit excommunicationem minorem. Textus est in *cap. 2. h. t.* addita ea ratione disparitatis: Quia Excommunicatus excommunicatione majori, puta Actor, est simpliciter a *communione Fidelium exclusus*: Excommunicatus ve-

to excommunicatione minori, quae incurritur ob communionem cum excommunicato vitando, puta Reus, tantum a *Sacramentorum participatione est remotus*. Ita Pontifex.

Resp. II. Habeus plura Beneficia, contra alium de pluralitate Beneficiorum non excipit. Ita textus in *c. Cum Ecclesiasticas. 3. h. t.* juncto Summario, et DD. *ibid.* Accedit ratio: quia non potest quis reprehendere in alterius persona, quod in sua putat aequum, *can. Nihil iniquius et seqq. 32. q. 6. et can. Judicet. 3. q. 7.* cum similibus. Unde S. Augustinus, relatus *can. Iniquum est. 32. q. 6.* merito ait: *Iniquum est, ut quisque de alio judicare velit, et judicari de se nolit.* Accedit, quod frustra invocet auxilium legis, qui committit in legem, *arg. cap. penult. de Adulter.* cum similibus. Atque illud notissimum: *Quod quisque juris in alterum statuit, ipse debeat uti eo*; prout habetur *L. 1. ff. Quod quisque juris, et c. Cum omnes. 6. de Constitut.*

Quamquam caeteroquin sit fatendum, quod *cit. c. Cum Ecclesiasticas. h. t.* sit difficile quoad intellectum, et adhuc reddatur difficilior propter diversa dicta Doctorum; uti videre est apud Glossam *ibid. §. Opponere.* Abbatem *n. 1. et 4. ac seqq.* Innocentium, Jo. Andream, et alios, illud praesertim in dubium revocantes; An habens plura Beneficia nequeat contra pluralitatem Beneficiorum alterius excipere, non solum nomine proprio (prout ultro fatentur, ob rationes hactenus relatas) sed nec etiam nomine Ecclesiae, in cujus praedictum tendit dicta pluralitas Beneficiorum. In quo quidem casu probabilis est, istud posterius fieri posse, quando Beneficia de Jure communi sunt incompatibilia: secus, quando de Jure communi sunt compatibilia, vel adest legitima dispensatio Pontificia, licet dicta pluralitas Beneficiorum repugnet speciali Statuto cujuspiam Ecclesiae. Verum de hoc plura citati Auctores, et Pirhing *h. t. n. 33. et 34.*

Resp. III. Exceptio rei judicatae non competit Reo absoluto ex eo, quia tempore latae sententiae, non possidebat, sed jam antea bona fide desiderat possidere, si post sententiam denuo possidere incipiat. Textus est in *c. Adversario 13. h. t.* ubi Glossa, Abbas, alique DD. communiter Accedunt ratio: quia exceptio rei judicatae non competit, quando cessat ratio sententiae olim latae: atqui ratio sententiae olim latae, seu cur Reus fuerat absolutus, est illa, quia tunc non possidebat; haec autem ratio cessat, quando post sententiam denuo incipit possidere; ergo.

Id ipsum declaratur, et probatur a pari. Quia si Reus fuit absolutus, eo quod Actor ante statutum diem, vel ante eventum conditionis, sub qua quidpiam spondebatur, illud petiisset; non ideo potest Reus praetendere exceptionem rei judicatae adveniente illo die, vel eveniente conditione: ut *L. Grege. 8. fin. ff. de pignorib. et l. Bovem. §. Si sub conditione. ff. de Edictio Edicto.* Nam ante diem illum, aut eventum conditionis, nihil adhuc debebatur: bene tamen postea. Unde ergo dicendum, ubi Reus fuit absolutus ex eo, quia tunc non possidebat, ubi postea de novo possidet.

Resp. IV. Exceptio rei judicatae per Judicem Ecclesiasticum, debet etiam admitti in Foro saeculari; et contra. Ita textus expressus in *cap. 2. h. t. in 6.* ubi Judices saeculares oppositam attentantes, per censuram ecclesiasticam jubentur compelli ad admittendam exceptionem rei judicatae per Judicem Ecclesiasticum in casu, quo ad eum de jure, vel consuetudine pertinet cognitio: et contra Judices Ecclesiastici, non admittentes exceptionem rei judicatae per Judicem saecularem in his, quae animarum periculum non inducunt, per Superiores suos animadversione debita castigandi censentur.



Intellige, dummodo alioquin ejusmodi exceptio rei judicatae, de jure sit admittenda: quod additur propter dicta in *Conclus. praeced.* et nonnullos similes casus, in quibus exceptio rei judicatae non procedit; prout notat Glossa in *cit. cap. 2. §. Admitti. h. t. in 6.*

- 133 Resp. V. Quando sit exceptio contra testem, atque is de crimine contra eum excepto conviatur, vel alias convictus apparet, tunc is repellitur a testimonio: de crimine tamen non punitur, si non tangat negotium principale. Ita textus in *cap. 1. h. t. ubi Abbas in Summario*, aliique DD. communiter. Accedit ratio: quia, si crimen obijciatur testi per modum exceptionis, regulariter solum agitur ad repellendum ejus testimonium, non vero ad sumendam publicam vindictam; ergo sufficit, ut Judex ipsum convictum repellat a testimonio. Nam, ut contra eum Judex posset procedere puniendo, seu infligendo poenam ordinariam, deberet praecedere accusatio, ac caeteroquin Juris ordo servari; prout dicitur in *textu cit. cap. 1. h. t. et c. Inquisitionis. 21. §. 1. de Accusationib.* Verum de exceptionibus contra testes, plura ex professo jam dicta fuerunt *Tit. 20. De Testibus. §. 17. num. 534. et seqq.* De aliis etiam exceptionibus, praesertim hoc Titulo contentis, vel hactenus jam dictum est, vel in propriis locis commodius dicetur.

- 134 Illud duntaxat praemissis est addendum, quod ea, quae hactenus dicta fuerunt de Exceptionibus, servata proportionem etiam locum habeant in Replicationibus. Siquidem effectus replicationis est, resolvere, vel expugnare exceptionem: unde sicut se habet exceptio ad actionem, ita se habet replicatio ad exceptionem, *L. 2. ff. h. t.* Et sicut excipiens non confitetur, ita nec replicans. Glossa in *c. Exceptionem. 63. in fin. de Reg. Jur. in 6. Abbas c. Cum venerabilis. n. 27. et c. Dilecti filii. n. 9. h. t.* inde ulterius inferens, quod ut replicatio admittatur, suumque effectum operetur, requirantur ea omnia, quae concurrere debent ad exceptionis admissionem: nam replicatio est quasi exceptionis exceptio, ut dicitur *l. Exceptio est. 22. ff. h. t.*

## TITULUS XXVI.

## De Praescriptionibus.

## 1 Ratio continuationis Rubricarum.

Posteaquam Titulo praecedenti visum est de Exceptionibus in genere, sequitur nunc de Praescriptione, quae est species quaedam exceptionis peremptoriae, atque non raro in Judiciis objici solet. Et quia notabiles circa eam occurrunt difficultates, merito de ipsa tum in Jure Civili, tum Canonico, sub specialibus Titulis tractatur: unde de ea majoris claritatis gratia in distinctis etiam Paragraphis agendum videtur; haud obstante, quod de Praescriptione, et Usucapione, etiam in Theologia Morali *Tract. 7. Distinct. 6.* per totum ex professo jam egerim.

## §. I.

De natura, divisione, effectu, atque conditionibus  
Usucapionis, et Praescriptionis.

## SUMMARIUM.

1 Praescriptionis nomen sumitur dupliciter; generatim,

3 Et magis proprie: quomodo?

REIFFENSTUHL Jus Can. Tom. II.

4 Praescriptio adhuc dupliciter accipitur, nempe prout est in fieri: et prout est in facto esse.

5 Circa Praescriptionem est observanda certa phrasia, et formula loquendi; et qualis?

6 Usucapio, quid?

7 Solvitur instantia contra ejus definitionem.

8 Usucapio et praescriptio, an differant? Et num. seqq.

9 Usucapio juxta quosdam rebus tantum corporalibus convenit: Praescriptio generatorem habet significationem.

10 Praescriptio triennalis solet dici usucapio: praescriptio longi, vel longissimi temporis praescriptio, non usucapio

11 Usucapio est in rebus mobilibus, Praescriptio in immobilibus.

Hae tamen differentiae non semper attenduntur. Ibid.

12 Praescriptio quid?

13 Alii praescriptionis, atque usucapionis definitio, per sua essentialia data.

14 Praescriptio est triplex, videlicet,

15 Praescriptio odiosa,

16 Praescriptio more favorabilis, et

17 Praescriptio mixta: quae?

18 Praescriptio primitus est introducta per Leges Civiles, postmodum approbata per Canones.

19 et 20. Et cur fuerit introducta? Et n. 22.

21 Praescriptio est justa, et transfert rerum dominium non solum in Foro externo, sed etiam in Foro conscientiae. Et n. seqq.

22 Alia hujus ratio offertur.

23 Locupletari non debet aliquis cum alterius injuria, vel jactura: quomodo intelligendum?

24 Conditiones ad praescriptionem requisitae, quae?

25 Ad eam an etiam requiratur traditio rei?

Queritur I. Quot modis Praescriptionis nomen in Jure sumatur? Resp. I. Dupliciter. Primo generatim: prout idem est, ac exceptio, sive oppositio ad excludendam actionem, seu intentionem alterius. Sic praescriptio accipitur in *l. Sed et si. §. ult. ff. de Judiciis*: atque in toto *Tit. ff. et C. de Exceptionib. et Praescriptionib.* et alibi frequenter.

Secundo, et magis proprie, sumitur Praescriptio specialiter pro exceptione peremptoria, per quam bonae fidei possessor, post decursum temporis a legibus definiti, dominum rem suam pristinam repotentem, vel antiquo suo jure, uti volentem, repellere potest. Sic enim quis dicitur contra eum praescribere, seu peremptorie excipere, opponendo continuatam sufficientis temporis possessionem, per quam fecit rem suam. Et in hoc sensu procedit Rubrica praesentis Tituli.

Resp. II. Praescriptio taliter sumpta, adhuc dupliciter accipi potest. Primo, prout est in fieri: qualiter aliud non est, quam actus acquirendi rem alterius per durantem etiamnum possessionem bona fide continuatam, et necdum tempore legibus definitio absolutam: et sic praescriptio dicitur non procedere, dormire, vel interrumpi, juxta amplius dicenda *§. 7. n. 191. 192. et seqq.* Secundo, prout est in facto esse: quando videlicet tempore legitimo completo per continuatam bona fide possessionem cuiuspiam jam est acquisitum jus in re, vel extinctum jus alterius, eique praescriptum. Dicitur notanter in *Dativo, eique praescriptum.* Siquidem

Notandum est cum Ludov. Engel *h. t. num. 1. et aliis*, quod circa praescriptionem sit observanda certa phrasia, et formula loquendi. Quando enim per praescriptionem jus alterius, quod habuit in re nostra, puta, agro, domo etc. extinctum seu peremptum est, eo quod tempore a legibus definitum jure

suo uti neglexerit: tunc Juristae solent loqui in Dativo, scilicet: *Praescripti huic obligationi: jam praescriptum est tali juri, actioni.* Vel saltem solet addi praepositio, *Contra*, dicendo v. g. *Praescripti contra talem obligationem.* Quando autem de acquisitione sermo est, dum scilicet per viam praescriptionis nobis jus, vel dominium rei alienae acquisitum fuit: tunc utimur, vel Nominativo, vel Accusativo casu, taliter: *Praescripta est a me res ista: sive, Praescripti hanc rem, jurisdictionem, servitutem etc.*

6 Queritur II. Quid sit Usucapio, et an differat a Praescriptione? Resp. I. *Usucapio est acquisitio, vel adjectio domini per continuationem possessionis temporis lege definiti.* Ita textus in *L. 3. ff. de Usucapion.* Quae quidem definitio est intelligenda causaliter, ut notat Glossa 1. *ibid.* Et enim Usucapio est causa acquisitionis domini, non vero est ipsa acquisitio: sicut a juri traditio rei est causa possessionis, non vero ipsa possessio.

7 Dices. Ista definitio non explicat quidditatem usucapionis, sed duntaxat effectum ejus, ut proxime dictum; ergo non est bona: nam causatum, sive effectus, necessario differt a causa, veluti correlativum ipsius. Resp. neg. consequent. cum hoc probationis consequentia. Quamvis enim definitio rei non recte concipiatur per effectus ipsius, qui duntaxat sunt remoti, ac pluribus communis, neque eidem inseparabiliter adhaerent: secus tamen est, quando effectus illi sunt proprii talis rei, et tunc necessario ac inseparabiliter adhaerent: prout sit in proposito. Sic enim a posteriori notissime definiuntur rerum essentiae, seu potius istae circumscribuntur per effectus sibi proprios; ut patet tum in Physicis, tum in aliis passim.

8 Resp. II. Etsi nonnullae inter Usucapionem, et Praescriptionem, soleant a Doctoribus afferri differentiae: nihilo minus de facto plerumque inter se confunduntur. Ita Abbas *ad Rubric. h. t. n. 3.* asserens, quod usucapio, ac praescriptio, proprie et stricte inter se differant, sed late sive largo modo unum comprehendat alterum. Pirhing *h. t. num. 3.* Engel *cod. n. 1.* Sennig *cap. 1. n. 3.* asserens, quod quidam priscae Jurisconsulti varias posuerunt differentias inter Usucapionem et Praescriptionem, sed posteriores Legistae, et maxime Canonistae, non nisi nominalem distinctionem agnoscant, ipsasque pro synonymis accipiant.

9 Conclusio haec probatur assignando nonnullas differentias, quas antiquiores Doctores inter Usucapionem et Praescriptionem posuerunt; ipsasque breviter impugnando. Et primo quidem, atque attendendo ipsam vim nominis, et juxta plerumque Antiquiores, Usucapio rebus tantum corporalibus convenit; utpote quae ipso usu capi, seu apprehendi, sique acquiri solent, *arg. l. Usucapionem.* juxta Glossam & *Maxime. ff. de Usucapion.* Praescriptio autem generaliore habet significationem, et rebus tum corporalibus tum incorporalibus, imo et juri alieni peremptioni convenit: ut proinde latius patere videtur Praescriptio, quam Usucapio; et omnis quidem usucapio sit praescriptio, non e contra. Verum quia etiam libertas, et servitutes usucapi posse dicuntur, *l. Sequitur §. Libertatem ff. de Usucapion.* et *l. Si aliena res. §. Hoc jure. ff. eod.* hinc patet, istam differentiam non semper Jure observari.

10 Deinde, Praescriptio triennalis (qualis datur inter res mobiles) frequentiori usu, ac proprio nomine, solet in jure dici *usucapio*: ut inquit Glossa *§. 1. & Usucapiantur. Instit. de Usucapion.* Praescriptio vero longi, vel longissimi temporis, communiter appellatur *praescriptio*, non *usucapio*: prout patet ex Rubricis, *Cod. de Usucapion. pro emptore et seqq. de Praescriptione longi temporis. de Praescriptione*

*30. vel 40. ann.* Verum hoc ipsum non semper procedere, neque observari, patet ex Rubrica, totaque *Tit. Cod. de Quadrienni praescriptione, et Auth. Quas actiones. C. de SS. Ecclesiis*, cum similibus; ubi admittitur praescriptio quatuor, vel pauciorum annorum.

Rursus Glossa in *L. 3. ff. de Usucapion.* et Abbas *ad Rubric. h. t.* et Veteres passim voluerunt, quod Usucapio proprie sit in rebus mobilibus: Praescriptio in rebus immobilibus, et juribus incorporalibus. Et hanc differentiam etiam Doctor Subtilis in *4. dist. 25. quaest. 2. §. De secundo*, seponere videtur, ibi: *Ex hoc dico, quod praescriptio in immobilibus, et usucapio in mobilibus etc.* Verum, quia *§. 1. Instit. de Usucapion.* expresse nomen *usucapionis* rebus tam mobilibus, quam immobilibus attribuitur, ibi: *Res quidem mobiles per triennium, immobiles vero per longi temporis possessionem usucapiantur*: quod ipsum sit *Lan. C. de Usucapion. transformand.* et alibi: hinc patet, hanc etiam differentiam non semper attendi. Covarruvias *c. Possessor part. 1. nu. 3. de Reg. Jur. in 6.* Engel *h. t. n. 1.* Pirhing *n. 3.* et alii passim.

Resp. III. Usucapionis definitio *n. 6.* assignata, etiam Praescriptioni adaptari potest; praesertim, si per *ly, adjectio domini*, etiam alieni juris elisio comprehendatur, dicendo videlicet: *Praescriptio est adjectio domini, vel alieni juris peremptio, per continuationem possessionis temporis a lege definiti.* Ita Engel *h. t. n. 1.* et alii; non obstante, quod nonnulli addendum putent *ly, et modo legibus definiti*, nam haec clausula satis indicatur per *ly, tempore legibus definiti*, prout observat Vallensis *h. t. §. 1. in fin.* Ratio Conclusionis taliter explicata est: quia, ut dictum, Usucapio et Praescriptio plerumque inter se confunduntur, idemque important; et consequenter definitio competens uni, etiam alteri convenire debet. Additur tamen in hac definitione *ly, vel alieni Juris peremptio*: quia hanc non importat Usucapio, vi nominis, bene tamen ipsam involvit Praescriptio, juxta dicta *n. 9.*

Quod si vero Praescriptionem, atque Usucapionem, per sua essentialia d. finire placuerit, istud apte fiet dicendo: *Praescriptio (usucapio) est exceptio ex tempore legibus definiti substantiam capiens, quae actioni personali, vel in rem opponitur.* Ita Glossa *caus. 16. q. 3. in Summa.* Covarruvias *cit. part. 1. in c. Possessor. n. 4.* qui tamen posteriora verba, videlicet *quae actioni etc.* omittenda censuit. Pirhing *h. t. nu. 2.* et alii. Dicitur primo, *Exceptio*: quae particula stat loco generis; nam praescriptio, est species quaedam exceptionis, et quidem peremptoriae. Et additur, *ex tempore legibus definiti substantiam capiens*: quae particula stat loco differentiae; nulla enim alia exceptio habet suum valorem ex tempore legibus definiti, praeter praescriptionem seu usucapionem. Ultima vero particula, *quae actioni etc.* majoris claritatis gratia additur per Glossam, *ubi supra*: quamvis etiam cum Covarruvia omitti valeat.

Queritur III. Quotuplex sit Praescriptio, et quo jure introducta? Resp. I. Praescriptio est triplex: nam quaedam est odiosa, quaedam favorabilis, et quaedam mixta. Ita Glossa in *l. Sicut in rem. §. Per executorem* et Bartolus *ibid. §. Quaedam C. de Praescript. 30. vel 40. ann.* Abbas *c. Illud autem. n. 1. h. t.* Covarruvias *part. 1. c. Possessor §. 12. n. 4.* et alii. Idque ostenditur declarando terminos: siquidem

*Praescriptio odiosa* dicitur, quae currit solum ex negligentia non petentis, nullo attempto favore praescribentis. Nam quia haec praescriptio secundum Leges Civiles fuerat introducta in merum odium negligentis, seu non repetentis rem suam intra tempus longissimum 30. vel 40. annorum, atque statuta fuit in positionem tantae negligentiae: hinc ipsa secundum Leges (non autem secundum Canones) pro-

cedebat, sive praescribens fuisset bonae fidei, sive malae fidei, saltem in modum exceptionis: interruptumpebatur autem per solam Executoris missionem. Textus, Glossa, Bartolus, alique Doctores in c. l. Si cut in rem. C. de Praescript. 30. vol 40. ann. estque quoad alteram partem jam dictum supra Tit. 3. De Libelli oblatione. n. 109. et alibi.

- 16 *Praescriptio mera favorabilis* dicitur ea, quae currit favore possidentis propter titulum, et bonam fidem ipsius: ut est Praescriptio triennali, qualis locum habet in rebus mobilibus. Et ista non interruptur per citationem, nec per litem contestationem, nisi in effectu; ut l. Si post acceptum. ff. de Rei vendicat. Glossa, et Bartolus, ubi supra, et alii. Accedit ratio; quia litis contestatio non tollit favorem Rei.

- 17 *Praescriptio mixta* tandem est, quae currit tam favore possidentis (ob titulum et bonam fidem ipsius) quam odio negligentis: ut praescriptio decem, vel viginti annorum. Et in hac eligitur quaedam via media, ut non interruptatur per solam executoris missionem, bene tamen per litem contestationem; ut l. More litis. C. de Rei vendicat. et notat Glossa, et Bartolus loc. cit.

- 18 *Resp. II.* Praescriptio primitus fuit introducta per Leges Civiles, postmodum vero per Sacros Canones approbata; dummodo concurrant debita conditiones, de quibus in progressu. Conclusio desumitur ex L. 1. et seqq. ff. de Usucapionib. et L. 1. ac seqq. C. de Praescript. longi tempor. cum similibus: ubi plures tales Leges praescriptionem introducentes reperiuntur, quae postea per Jus Canonicum toto hoc Titulo fuerunt receptae, et approbatae. Id ipsum confirmatur ex c. Vigilanti. 5. h. t. ubi Pontifex fateatur, quod Ephesinus Legislatores propter vitandam miserorum segnitiem, et longi temporis errorem et confusionem, primus triennali vel quadragennali praescriptioni vigorem legis imposuit: quam etiam Papa ibidem, et alibi saepe, concurrentibus debitis conditionibus approbavit.

- 19 Porro causa introducendi per Leges et Canones Jus praescriptionis, fuit bonum publicum, ne videlicet rerum dominia diu, et fere semper essent incerta, L. 1. ff. de Usucapion. Tum ut praescindantur innumerabiles, ac perpetuae lites, quae ceteroquin oriri possent. Tum etiam, ut hac ratione tollatur, vel puniatur misera quorundam segnities, rem suam repetere negligentium, c. c. Vigilanti. 5. h. t. Nam sibi imputet negligens, l. Quod quis. ff. de Reg. Jur. Simulque Jura vigilantibus subveniunt, non dormientibus: ut habetur l. Non enim. ff. Ex quibus causis majores etc. et l. Pupillus. ff. De iis, quae in fraudem creditor.

- 20 Id ipsum declaratur ex eo. Quia si, Lex ob diuturnam possessionem bona fide continuatam, ac iusto titulo acquisitam, alicujus rei dominium expresse mihi non attribueret, nunquam de hoc forem securus; quin imo semper timere possem, ne quis superveniat illius rei dominium sibi vendicans: ergo, ne fere semper incerta essent rerum dominia, merito per Leges, et SS. Canones, introducta est usucapio, atque praescriptio. Antecedens probatur. Quia non illico sequitur, Rem istam emi, vel alter eam mihi donavit, legavit etc. ergo est mea. Si enim ille, qui rem istam mihi donavit etc. dominus ejus non fuit, neque me dominum facere potuit, juxta Reg. 79. Juris in 6. Nemo potest plus Juris transferre in alium, quam sibi competere dignoscatur, cum concordantiis.

- 21 Quaeritur IV. Utrum Praescriptio procedat non solum pro Foro externo, sed etiam pro Foro conscientiae; et sub quibus conditionibus? Resp. I. Translatio domini facta auctoritate Legis per praescriptionem, seu usucapionem, iusta est; simulque per eam transfertur rerum dominium, nedum in Foro

externo, sed etiam in Foro conscientiae: adeo quidem, ut si praescriptio cujuscumque rei legitime fuerit completa, postmodum possessor ipsius eam amplius non teneatur restituere, etiamsi certo sciat, rem illam antea fuisse alienam. Ita Glossa c. Vigilanti vers. Noverit. et Abbas ibid. nu. 6. h. t. Scotus in 4. dist. 15. q. 2. §. De secundo. Fagoanus c. Si quis. n. 50. de Regularib. et alii communiter. Ratio est: quia, ut argumentatur Doctor Subtilis loc. cit. translatio domini, facta auctoritate Legis publicae iustae, iussa, est: atqui in praescriptione legitime completa intervenit talis translatio domini, per Jura hactenus allegata, et imposterum alleganda; ergo. Major probatur: quia Lex iusta potuit a principio iuste determinare prima rerum dominia; ergo etiam posterior Lex iusta pro temporum varietate, atque exigentia boni publici, iuste de eisdem poterit disponere, arg. can. 1. et seqq. dist. 29.

Confirmat hoc ipsum Doctor Subtilis loc. cit. ex eo. Quia iuste potest istud statui a Legislatore, quod est necessarium ad pacificam conversationem subditorum; sed dominium rei neglectae (prout negligitur in praescriptione) transferri in bona fide possidentem, est necessarium ad pacificam conversationem subditorum; ergo. Minor patet: quia, si non transferretur rerum dominium in bona fide possidentem tempore longo, vel etiam longissimo, orirentur lites immortales: nam post quantumcunque tempus ille, qui neglexit rem aliquam repetere, postmodum vel ipse, vel haeres ejus posset ipsam repetere; ex quo orirentur lites perpetuae. Atque istud est, quod in L. 1. ff. de Usucapion. habetur illis verbis: Bono publico introducta est usucapio, ne scilicet quarundam rerum diu, et fere semper incerta dominia essent: cum sufficeret dominis ad inquirendas res suae statuti temporis spatium. Haec ibi.

Nec obstat Regula 48. Juris in 6. sic loquens: Locupletari non debet aliquis cum alterius injuria, vel factura. Resp. enim, Regulam istam loqui de injusta locupletatione; non autem de iusta, qualis est haec, quae fit auctoritate Legis ex rationabili et publica causa, atque ob communem Reipublicae quietem, et pacem subditorum constitutae. Simile quid accidit in bello iusto, ubi multi locupletantur cum hostium jactura, etsi mentiquam iniuste. Concordant ea, quae dixi in Theologia Morali, Tract. 7. Distinct. 6. quaest. 1. n. 5. et seqq.

Resp. II. Nihilominus ut praescriptio, sive usucapio sit legitima, vimque transferendi rerum dominium habeat, plures requiruntur conditiones; videlicet sequentes. I. Ut res sit apta praescribi. II. Bona fides. III. Justus. IV. Possessio, et quidem legitimo tempore continuata: quae omnes (ultima in duas divisa) sequentibus versiculis apte comprehenduntur.

*Non usucapies, nisi sint tibi talia quinque.  
Sit res apta, fides bona, sit titulus quoque justus.  
Possideas iusto, completo tempore legis.*

Addunt nonnulli cum Glossa causa 16. q. 3. in Summa, relictos versiculos non nihil immutatos referentes, traditionem rei. Verum recte notat Engel h. t. n. 5. eam non esse per se necessariam, sed solum ex consequentibus, quatenus vel iusta possessio, aut bona fides, vel justus titulus sine ea deficit. Porro si enumeraretur conditiones rite intelligantur, ipsa natura praescriptionis exactius percipietur, hinc de eisdem singillatim restat dicendum in propriis paragraphis: proinde sit.



## §. II.

De rebus, quae praescribi possunt, vel non possunt.

## SUMMARIUM.

- 26 Omnes res possunt praescribi, nisi specialiter prohibeantur.
- 27 In Jure dicuntur quaedam praescribi non posse, dupliciter. Et num. seqq.  
Furtivae res praescribi non possunt: et quomodo? Ib.
- 28 Fisci res usucapi non possunt: et quando secus?
- 29 Liber homo usucapi non potest. Et num. seqq.
- 30 Potest tamen servus praescribere libertatem contra Dominum.
- 31 Reus publicis usibus deputatae, v. g. forum, platea, pons etc. nec in totum, nec in partem praescribi possunt: et cur?
- 32 Res sacrae, v. g. Ecclesia, jura spiritualia, Decimae etc. nullo tempore a Laicis praescribi possunt.
- 33 Dummodo accipiantur Decimae, Laicis ante Concilium Lateranense in feudum concessae. Ac etiam Jus Patronatus. Ibid.
- 34 Bene tamen, Res sacrae possunt a Clericis, et aliis personis Ecclesiasticis praescribi.
- 35 Nam etiam Beneficium Ecclesiasticum quoad titulum praescribi valet?
- 36 Res indivisim communes pluribus, ab aliquo eorum praescribi non possunt.
- 37 Sicut nec precarium, Commodatum, Pignus, res emphyteutica etc.
- 38 Res mirae facultatis, seu gratuitas voluntatis, nequeunt praescribi.  
Exemplificatur istud in pergente ad certum molendinum, furnum, aut praetorium pro emenda cerevisiae, vel pane etc. Ibid.
- 39 Quid si Dominus suis subditis prohibuerit, ne ad alias furnos, praetoria, vel molendina pergant, quam sua?
- 40 Limites Provinciarum, Dioecesium, Parochiarum etc. praescribi non possunt.  
Etiam cum titulo, ac per tempus immemorabile. Ibid.
- 41 Secus dicendum de limitibus Praediorum, privata auctoritate constitutis.
- 42 Imo et de Limitibus Provinciarum, Dioecesium, Parochiarum etc. si de ipsorum certa ordinatione Ecclesiastica non constet.
- 43 Reservata Principi in signum supremi domini, praescriptione non tolluntur.
- 44 Res pupillari praescribi non potest.  
Contra aetatem pupillarem non currit praescriptio. Ibid.
- 45 Anquit praescribi fundus dotalis.
- 46 Ubi a Lege, aut Canone prohibetur alienatio alienius rei, etiam intelligitur prohibita ipsius usucapio, juxta Glossam.  
Alienationis verbum etiam Usucapionem continet. Ibid.
- 47 Regula illa Glossae non procedit universaliter.
- 48 Et quando procedat, nec ne?
- 49 Subditi an possint praescribere exemptionem ab obedientia Superioris, vel contra visitationem, et procuratorem ratione hujus debiti? Et num. seqq.
- 50 v. g. Ponitur fundamentum sententiae negativae.  
Per Procuratorem ratione visitationis debitam, quid intelligatur? n. 51.
- 51 Sententiam affirmativam videntur convincere aliqui textus Juris.
- 52 Item potest praescribere contra obedientiam,

et visitationem extinctive, bene tamen translativae: idque declaratur.

- 54 Alia responsio, et Jurium concordia refertur.
- 55 Subditus manens subditus nequit in totum praescribere exemptionem a reverentia Episcopo debita, bene tamen ex parte.
- 56 Abbas exemptus potest praescribere contra Episcopos certam Parochiam.

Queritur I. Quatenus res generatione possint, vel non possint praescribi? Resp. I. Omnes res possunt praescribi, seu usucapi, nisi lege, vel speciali ratione praescribi prohibeantur. Ita communis; et patet ex §. 1. et seqq. Instit. de Usucapion. et l. Longi temporis. C. de praescription. long. tempor. cum similibus; ubi rerum usucapio, seu praescriptio indistincte conceditur, certis duntaxat rebus postmodum exceptis.

Resp. II. In Jure dicuntur quaedam non posse praescribi, quia ordinario tempore non usucapiuntur: quaedam vero, quia nullo modo praescribi possunt. Ita Lessius lib. 2. de Justit. et Jur. cap. 6. dubit. 15. n. 48. et alii; idque probatur inductione. Si quidem in primis §. Furtivae. Instit. de Usucap. dicitur: Quod furtivae res, et quae vi possessae sunt, non possunt usucapi. et tamen hae a tertio bonae fidei possessore, puta, qui eas bona fide emit, praescribuntur annis triginta, l. Sicut in rem. C. de Praescription. 30. vel 40. ann. et l. 1. §. Ad haec. C. de Annal. except. ac notat Glossa cit. §. Furtivae. §. Praedicto longo tempore Instit. de Usucap.

Similiter in §. Res fisci. Instit. eod. ait Imperator, quod Res fisci nostri usucapi non possit: et tamen bona Fisco jam incorporata, praescribuntur annis quadraginta, l. Omnes. C. de Praescript. 30. vel 40. annor. Si vero unquam fuerunt Fisco incorporata, ei tamen debita, partim praescribuntur quadriennio, quando videlicet non debentur ex delicto, sed ob mortem decedentis sine legitimo haerede, l. 1. C. de Quadrienni praescriptione. Partim quinquennio, ut quando debentur ex delicto, v. g. ob vertigal non solum, juxta textum in l. 2. C. de Vertigalib. Ac per haec patet ad priorem partem Conclusionis: altera vero pars liquet ex eo, quia dantur nonnullae res, quae nullo modo praescribi possunt, prout illico dicitur. Unde

Queritur II. Quae res in specie praescribi nequeant? Resp. I. Liber homo nullo unquam tempore usucapi, seu praescribi potest. Textus est in §. Sed aliquando Instit. de Usucapion. ibi: Sed aliquando, etiam maxime quis bona fide possideat rem, non tamen illi nullo tempore usucapio procedit: veluti, si quis liberum hominem, vel rem sacram, vel religiosam, vel servum fugitivum possideat. Ita textus expressus §. Sed aliquando. Instit. de Usucapion. Concordat textus in l. ult. C. de Longi tempor. praescriptione, quae pro libertate etc. ubi dicitur, contra libertatem hominis non praescribi etiam sexaginta annis.

Nec obstat, quod servus praescribere possit libertatem suam contra dominum, si viginti annis, etiam sine titulo, bona fide sese gesserit pro libero, cit. l. 1. C. de Longi temporis praescriptione, quae pro libertate etc. juncta Glossa fin. ibid. Resp. eum, esse maximam disparitatem: nam libertas hominis connumeratur inter causas favorabiles, cap. ult. de Sentent. et re judicat. ac proinde favor libertati debitus, et salubris, merito induxit Legislatores, ut admitterent longi temporis praescriptionem pro libertate, cit. l. 2. C. de Longi tempor. praescript. Non vero adversus libertatem hominis, etiam si praescriptio ista accessisset sexaginta annorum curriculum, l. 3. C. eod.

Resp. II. Res publicis usibus deputatae, et Forum, via publica, platea, pons, et hujusmodi, nec in totum, nec in partem praescribi possunt. Ita Lessius

*lib. 2 de Justit. et Jur. cap. 6. n. 48. Pirhing. h. t. n. 12. et alii. Idque patet ex l. Usucapionem. ff. de Usucapionib. ubi expresse dicitur, quod in rebus publicis, Populi Romani, et Civitatum, non procedat usucapio. Quamquam Glossa ibid. §. Romani. et §. Civitatum, istud intelligendum censet de illis rebus, quae sunt in usu ipsius Populi Romani, aut totius Universitatis: uti sunt res in Conclusionibus enumeratae: alias secus. Accedit ratio: quia ejusmodi res publicae, utpote omnibus communes, a privatis non possidentur, sed promiscue usurpantur, l. 1. §. fin. ff. de Acquirend. possessione. Atqui sine possessione praescriptio non procedit, juxta Reg. 3. Juris in 6. cum similibus. Concordat textus in l. 2. ff. de Via publica ubi dicitur: *Viam publicam populus non utendo amittere non potest*: etiam si centum annis non itit, prout subiungit Glossa *un ibid.* asserens, istud contingere favore publicae utilitatis.*

32 Resp. III. Res sacrae, puta, Ecclesiae, atque loca Religiosa, nec non jura spiritualia, v. g. Jus Decimarum, jus conferendi Beneficia Ecclesiastica, et hujusmodi, nullo tempore a Laicis praescribi possunt: utpote cum nec talia a Laicis possideri valeant. Ita habetur c. Cum causam. 7. h. t. eum similibus; et concordat textus in l. Usucapionem ff. de Usucapion. et §. Sed aliquando. Insit. eod. estque communis Doctorum.

33 Fallit istud in Decimis ante Concilium Lateranense, sub Alexandro III. anno 1179. celebratum, Laicis per Episcopos pro defensione suarum Ecclesiarum inferendibus perpetuo concessis: nam, quod Decimae illae, quae antea Laicis perpetuo in feudum concessae fuerant, postmodum penes Laicos Vasallos remanserunt (sublata tamen Episcopis in dicto generali Concilio potestate, Decimas ita Laicis imposterum infeudandi; clare desumitur ex c. Cum Apostolica. 7. An De his, quae sunt a Praebatis etc. et c. Statuto §. Sane. de Decimis in 6. ac tenet Covarruvias lib. 1. Variar. Resolut. cap. 17. n. 5. Nota apud Merlinum Decis. 644. Ribuffus de Decimis. quaest. 1. h. nu. 64. Marescottus lib. 1. Var. Res. cap. 92 allegans Rotam, eum alia. Fallit id ipsum etiam in Jure patronatus, nam hujus Laici non sunt incapaces, c. Quoniam 3. et seqq. de Jure Patronat. ac proinde istud bene potest ab uno Laico praescribi contra alium. Sed de his plura in propriis Titulis.

34 Additur quoque in data Conclusionibus ly *A Laicis*. Nam, quod Ecclesiae quoad proprietatem ab uno Prelato Ecclesiastico contra alium, et alia jura spiritualia bene possunt praescribi a Clericis, abique personis Ecclesiasticis, patet ex cap. 1. h. t. et c. De quarta 4. et c. Ad aures. 6. et c. Auditio. 15. et c. Cum alio. 18. eod. cum concordantibus.

35 Non autem Feudum Ecclesiasticum, seu Ecclesiae quoad titulum, possit usurari per triennalem possessionem, pacifice ac bona fide continuatam, juxta Reg. 36. Cancellariae De Triennali possessore, variam Doctorum. Negat Glossa c. Contingit. §. Constituitur. circa med. de Dolo et contumacia. Torsius h. t. num. 19. Covarruvias part. 1. in c. Possessor. §. 10. num. 6. ver. Sexta Conclusio. citans alios. Siquidem Beneficium Ecclesiasticum non potest licite sine institutione canonica obtineri, prout loquitur Reg. 1. Jur. in 6. cum concordantibus. Afferunt Navarrus Consil. 30. de Praebend. Lessius lib. 1. de Just. et Jur. dubit. 10. nu. 55. Emmanuel de §. Beneficium n. 14. Layman lib. 4. sect. 3 tract. 1. cap. 8. num. 16. allegans alios: atque asserens, Regulam in contrarium allegatam procedere jure ordinario, ac excluso ordinario remedio usurpationis: apud quem, sicut et apud Covarruviam loc. cit. num. 9. et 10. plura de hoc.

36 Resp. IV. Res indivisae communes pluribus, ab

aliquo sociorum praescribi non possunt, quo minus caeteris suam portionem reddere debeat, etiam si tempore longissimo ipsas detinuerit. Ita Vallensis h. t. §. 8. n. 6. Pirhing eod. n. 16. Lessius cit. cap. 6. num. 48. et alii. Ratio est: quia rem indivisam censetur quis non suo tantum, sed etiam aliorum sociorum nomine possidere: ut l. Si communem. ff. Quomodo servitutes amittantur: ac proinde nunquam poterit eam suo nomine praescribere: cum sine possessione praescriptio non procedat, juxta Reg. 3. Jur. in 6.

37 Et ob eandem rationem nequit praescribi Praecarium, Commodatum, Pignus, res emphyteutica vel feudalis, Conductum aut Depositum ab eo, qui haec sub tali titulo possidet, aut ab ejus haerede. Quia nimirum talia nomine alieno possidentur: atqui alieno nomine possidens, non praescribit: nam is possidet, cujus nomine possidetur, c. Si diligenti. 17. h. t. Unde, quod teneas ut emphyteuta, vel conductor, seu quolibet alio tali titulo non praescribas; textus est in l. Cum notissimi. §. In iis etiam, juncto Baldo in Summario. ibid. C. de Praescriptione. vel 30 annor. Idemque de pignore habetur expressum l. Pignori. ff. de Usucapion. ac tradit Glossa fin. c. Cum non liceat. et Abbas ibid. n. 11. h. t. Lessius cit. cap. 6. dubit. 15. n. 48. Saunig. h. t. cap. 6. n. 2. et alii communiter. Quamquam per hoc non negatur, quin jus feudale, seu emphyteuticum, quoad proprietatem possit praescribi contra Dominum directum: puta, si quis tempore debito, bonaque fide rem aliquam possedit in feudum; ac servitutem Domino exhibuit: licet ea de re nunquam fuerit vestitus: prout habetur lib. 2. Feud. Tit. 26. Si de feudo defuncti etc. §. Si quis per triginta.

38 Resp. V. Res merae facultatis, seu gratitae voluntatis, nequeunt praescribi. Ita desumitur ex l. 2. ff. de Via publica: ac volat Covarruvias in c. Possessor. part. 2. §. 4. n. 6. istud ulterius probans ex l. Quod jure familiaritatis ff. de Acquir. possess. et l. Et habet. §. Hospites ff. de Praecar. et l. Si mulier. ff. Quibus modis transfretio amittit. Gailus lib. 2. Practic. Observat. 17. n. 4. et 5. Pirhing h. t. n. 17. et communis. Hinc, si centum annis, et ultra; quidem ierint ad certum molendinum, vel ad furnum pro coquendis pane, aut praxatorium pro emenda coctivina; non tamen vi praescriptionis eorum possunt, ut deinceps illuc eant: quia per actus merae facultatis, seu potestatis liberius non inducitur consuetudo, neque praescriptio.

39 Fallit hoc, quando jus hujusmodi quaesitum fuit Domino adversus suos Vasallos, sive subditos, eo quod ex rationabili causa, puta, ex consuetudine in antea vigente vel privilegio saltem coarctato, siquidem bona fide prohibuerit subditis suis, ut iterum ad alios furcos, praxatoria, vel molendina, quam ad sua, aut sibi subiecta. Tunc enim, licet subditus illi antea leniter ex mera facultate viasset ad furnum, praxatorium, vel molendinum Domini sui; tamen postea dicere prohibitioni a Domino suo territoriali bona fide (qualis requiritur ad omnem praescriptionem) interpositae, ne aliorum pergerent, cum pertinentia requirerent: revera tum probata tali prohibitioni subditorum, Dominus in quam possessione talis Juris constitueretur: neque hoc ratione procederet praescriptio, incipiens a die factae prohibitionis. Ab hac e. Significante. n. 1. de Appellatione. Covarruvias cit. part. 2. in c. Possessor. §. 1. n. 6. allegans plurimos alios: et docet in simili Glossa 1. h. Qui luminibus ff. de Servitutib. urban. Praedior.

40 Resp. VI. Limites, seu termini Provinciarum, Dioecesium, et Parochiarum, vel finibus cohaerentibus, de quibus, quod Ecclesiastica ordinatione olim sic praefixi fuerint, legitime coarctati, praescribi non

possunt. Textus est in *c. Super eo. 4. de Parochiis*; ubi Glossa s. Abbas, Barbosa in *Collectan.* et alii passim. Concordat *can. Quicumque et can. Licet in regulis. 16. q. 3.* ubi et hujus ratio redditur: *Ne Provinciarum termini confundantur.* Quod ipsum procedere in Episcopatibus, atque Parochiis, cum sit eadem ratio de his; probat textus *cit. c. Super eo*, juncta Glossa f. *Per canones eod.* Adeo, ut istud procedat in omni praescriptione, sive cum titulo, sive absque titulo, imo per tempus immemorabile, aut ultra centum annos continuata. Abbas *ibid. n. 2. et 7.* Pirhing *h. t. n. 18.* et alii; qui istud etiam ad limites Regnorum, Ducatum, et Comitatum saecularium extendunt.

41 Dicitur notanter, *Limites Provinciarum, Dioecesium etc.* Nam secus est dicendum de limitibus Praediorum qui privata auctoritate, atque conventionione constituuntur. Hi enim spatio quadraginta annorum cum bona fide praescribuntur, juxta textum expressum. *c. Quia indicante g. h. t. cum similibus.*

42 Et additur, *de quibus quid Ecclesiastica ordinatione olim sic praefixi fuerint, legitime constat.* Nam de talibus finibus, seu limitibus Parochiarum etc. in *cit. c. Super eo. de Paroch.* fit expressa mentio. Unde secus est dicendum, si de limitum certa ordinatione Ecclesiastica antiquitus facta non constat: tunc enim valet praescriptio. Abbas *loc. cit. n. 2.* Engel *h. t. n. 8.* et alii, apud quos plura de hoc.

43 Resp. VII. Reservata Principi in signum supremi domini, puta, praestatio tributi, ac hujusmodi, nullius temporis praescriptione tolluntur. Textus est expressus in *l. Comperit. C. de Praescription. 30. vel 40. annor.*

44 Insuper res pupillaris praescribi non potest, *l. Bonae fidei*, juncta Glossa vers. *Pupilli ff. de Acquirend. rerum domin.* Siquidem contra aetatem pupillarem non currit praescriptio, *l. Sicut in rem. C. de Praescription. 30. vel 40. annor.*

45 Item nequit praescribi fundus dotalis: quia nec alienari potest, *l. Fundus ff. de Fundo dotali.* Tacenter nonnullae aliae res, quae praescribi non possunt, vel saltem non praescribuntur tempore ordinario; de quibus fere agit Glossa *fn. c. Cum non liceat. 12. h. 2.* Hostiensis in *Summa h. t. n. 4. et 5.* et alii.

46 Addit Glossa in *l. Ubi lex inhibet. Nihil prodest*, juncta Glossa marginal. *ibid. ff. de Usucapion.* quod ubicunque a Lege communi, seu municipali, aut a Canone prohibetur alienatio alicujus rei, etiam intelligatur prohibita ipsius usucapio. Et hanc Glossam approbat Bartolus ibidem, asserens eam tota die allegari. Concordat Glossa s. in *l. Alienationis. ff. de Verb. signif.* Qua enim hic dicitur: *Alienationis verbum, etiam usucapionem continet*: hinc prohibita alienatione, hoc ipso saltem tacite censetur prohibita usucapio: ut *cit. l. Fundus ff. de Fundo dotali. et l. Bonae fidei ff. de Acquirend. rerum domin.*

47 Verum, ut notat Abbas *c. Cum non liceat. n. 7. et seqq. h. t.* Angelus vers. *Praescriptio n. 22.* Pirhing *h. t. n. 35. et seqq.* et alii, dicta Regula non procedit universaliter: nam multis prohibentur alienari, quae tamen possunt praescribi. Sic quippe res Ecclesiae immobiles prohibentur alienari, toto *Tit. de Rebus Eccles. non alienand.* et tamen possunt praescribi, *c. Illud autem 8. et c. Quia indicante 8. h. t.* Similiter res dotalis prohibetur alienari, *cit. l. Si Fundus ff. de Fundo dotali*: potest tamen praescribi, si jam antea fuit inchoata praescriptio, priusquam esset res dotalis, *l. Si fundum ff. eod. cum similibus.*

48 Distinguendum proinde est cum Doctoribus proxime citatis. Quia aut Lex prohibet alienationem, eo quod res illa non sit in commercio hominum, nec ejus possessio haberi possit: ut res sacrae, et publicae, quae a Laicis, vel privatis possideri non pos-

sunt: et sic non valet praescriptio ullo tempore; nam *sine possessione Praescriptio non procedit*, juxta *Reg. 3. Jur. in 6.* Aut lex prohibet simpliciter alienationem favore ipsius rei (prout contingit in fundo dotali, in fideicommissio, et similibus) et sic praescriptio non potest inchoari: si vero jam antea fuerat inchoata praescriptio, priusquam fundus, v. g. datus est in dotem, aut hujusmodi: tunc non impeditur, neque interruptitur praescriptio, quo minus tempore ordinario compleatur, *cit. l. Si fundum ff. de Fundo dotali.* Aut Lex prohibet alienationem non simpliciter, sed ne fiat sine certa solemnitate: ut sit in rebus Ecclesiae, ac nonnullis aliis: et tunc data bona fide, et excluso errore Juris, procedit praescriptio, dummodo concurrant alia requisita ad praescriptionem. Abbas *cit. c. Cum non liceat. n. 8. et 9.* Angelus *ubi supra*, istud exemplificantes in casu, quo quis bona fide emit rem a Minore, quem putabat esse Majorem, vel rem acquisivit a Praelato Ecclesiae, sed putabat Capitulum legitime consensisse, quod tamen non consenserat: tunc enim non intervenisset error Juris, sed duntaxat error facti qui potest excusare, juxta *Reg. 13. Jur. in 6.* Secus, si intervenisset error Juris: puta credendo, quod Praelatus posset alienare sine suo Capitulo, et Minor sine Decreto. Glossa *cap. 2. vers. Non post multum. De his, quae fiunt a Praelat. Abbas, et Angelus, ubi supra*: et concordat textus in *cap. 1. de Rebus Eccles. non alienand. in 6. cum similibus.*

Quaeritur III. Utrum Subditi possint praescribere exemptionem ob obedientiam Superioris; aut praescribere contra visitationem, et procurationem ratione visitationis debitam? Resp. I. Celebris est haec Quaestio, et satis inter Doctores agitata, ob textus Juris prima fronte inter se pugnantes. Et quidem

Sententia negativa, videlicet, Subditum non posse praescribere obedientiam contra Superiorem, videtur clare decisa in *c. Cum non liceat. 12. h. t.* Ubi proinde Summarium, Jo. Andreas, Abbas Panormitanus, Barbosa, et alii, communiter sic habent: *Subditus non praescribit obedientiam contra Praelatum.* Ratio hujus adducitur in textu *ibid.* illis ponderosis verbis: *Cum non liceat a capite membra recedere.*

Id ipsum de visitatione, et procuratione ratione visitationis debita (per Procuracionem istam intelligendo moderatas impensas, quae pro decenti viatu, atque sustentatione, debentur Praelatis tempore visitationis, cum secundum Apost. 1. Corinth. 9. *Nemo cogatur suis stipendiis militare*) videtur clare decisum *c. Cum ex officio. 16. h. t.* Accedit ratio: quia praescribere contra visitationem, est praescribere contra obedientiam: ut notat Glossa *ibid. vers. Visitacionem*: atqui contra obedientiam praescribi nequit, *cit. c. Cum non liceat. h. t.* Procuratio autem est accessoria ad visitationem, estque omni jure debita Visitatoribus, juxta D. Apostolum *loc. cit.* cum concordantiis: unde pariter contra procuracionem nequit procedere praescriptio.

Affirmativam e contra sententiam, videlicet contra talia procedere praescriptionem, videntur convincere alii textus Juris. Imprimis enim, quod omnia Jura Episcopalia possint praescribi per inferiorem Episcopo, v. g. per Abbatem; textus clarus est in *c. Auditis. 15. et c. Cum olim. 18. h. t.* et alibi: atqui inter Jura Episcopalia expresse connumeratur obedientia, visitatio, et procuratio, *c. Conquerente. 16. de Offic. Ordinari.* ergo et haec praescribi poterunt. Accedit, quod in *c. Cum olim. 5. Quia vero. 14. de Privileg. et c. Cum personae. eod. in 6.* expresse dicatur, posse libertatem, seu exemptionem a Jurisdictione, et subjectione Episcopi, et consequenter ab ejus obedientia et visitatione, praescribi. Insuper in *c. De quarta 4. h. t.* cum concordantiis,

49

50

51

52



admittitur praescriptio exemptionis a solvenda quarta Decimarum, ac Funeralium, et hujusmodi. Igitur pro concordia horum Textuum,

53 Resp. II. Esi nemo praescribere possit contra obedientiam, et visitationem *extinctive*: ita videlicet, ut obtineat omnimodam et absolutam exemptionem respectu omnium Superiorum Ecclesiasticorum, atque a nullo eorum visitari valeat: nihilominus visitatio, et obedientia Superioribus debita, potest praescribi *translative*: ita nimirum, ut alteri, quam Episcopo (puta, Praelato Regulari, aut alii Praelato, vel saltem immediate Summo Pontifici) debeatur obedientia, et competat visitatio. Ita innuit Abbas c. *Cum non liceat*. n. 17. h. t. atque ex professo tradit Barbosa *part. 3. de Offic. et potest. Episcop. allegat.* 128. n. 3. et 5. ac *seqq. et allegat.* 129. num. 8. et 9. ac *seqq.* citans alios. Pirhing. h. t. n. 12. Engel n. 7. et alii. Prima pars convincitur per textus n. 50. et 51. allatos; simulque ex eo, quia ad manus talis Jure Divino manebit subjectus Summo Pontifici, utpote Capiti visibili totius Ecclesiae, Christique in terris Vicario. Accedit, quod monstruosum sit corpus accephalum, hoc est, sine capite: tale autem daretur, si posset praescribi obedientia extinctive, seu respectu omnium; ergo. Altera vero pars suadetur per textus *num. praeced.* citatos, qui hac ratione bene cum prioribus concordantur, dicendo, quod quidem contra obedientiam possit aliquis subditus praescribere translative, non vero extinctive.

54 Vel poteris dicere, in tali caso non subditum ipsum praescribere contra obedientiam Praelati (*cum non liceat a capite membra recedere*, juxta textum in cit. c. *Cum non liceat* h. t.) sed potius alteram Superiorem, cui subditus ille sese voluntarie subiecit, eiusque visitationem admisit, praescribere contra priorem Praelatum ipsius, per tempus ad praescriptionem sufficiens non reclamantem. Atque hanc posteriorem responsionem, seu concordantiam textuum Juris supra allegatorum, approbat Glossa c. *Cum olim* 14. v. *Praescripisset. de Privileg.* et Barbosa cit. *allegat.* 128. n. 14. et 15. allegans alios. Atque haec posterior responsio suadetur ex c. *Cum ex officio*. 16. h. t. ubi dicitur: *Cum contra praescriptionem praescribi nequiverit, nec contra visitationem ipsam, et alia contra eum praescribere possit utrumque*. Quamquam ad hoc, ut quis dicatur per praescriptionem immediate subiectus Ecclesiae Romanae, atque ab Episcopi jurisdictione exemptus, requiratur, quod ab Ecclesia Romana (idem servata proportionem decedam de alio Praelato) habitus fuerit, atque tractatus tanquam immediatus subditus, non autem solummodo ut subditus quoad subjectionem universalem, quam habent omnes Christi Fideles erga Sanctam Romanam Ecclesiam, veluti Matrem et Magistrum omnium Ecclesiarum.

55 Resp. III. Insuper subditus manens subditus, (id est, quamvis se gerit, et recognoscit pro subdito) nequit in totum praescribere exemptionem a reverentia Episcopo debita: eam tamen potest praescribere in parte; puta, ut Praelatus inferior in sua Parochia praecedat Episcopum, prout exemplificat Barbosa cit. *allegat.* 128. nu. 7. allegans alios. Et hac ratione admittitur quoque praescriptio exemptionis de non solvendis Episcopo Funeralibus, aut quarta decimarum, c. *De quarta*. §. h. t. et alibi: siquidem talis praescriptio procedit solum ex parte: non autem subtrahit Episcopo totum Jus Episcopale, aut omnem reverentiam, et subjectionem eidem debitam.

56 Ex dictis inferitur cum Abbate, c. *Cum non liceat*. nu. 17. h. t. et Barbosa cit. *allegat.* 128. n. 9. et aliis, quod Abbas exemptus possit praescribere contra Episcopum certam Parochiam: ita videlicet, ut non amplius ista subsit Episcopo, sed Abbati exempto,

qui a tempore immemoriali per suos Monachos exercuit curam animarum respectu illius Parochiae, et nunquam ab Episcopo curam recepit, neque visitatus fuit. De quo plura citatus Abbas, solvens contraria.

## §. III.

De bona fide ad Praescriptionem requisita.

## SUMMARIUM.

- 57 *Bona fides in proposito, quid?*  
Ea in Foro externo praesumitur, nisi probetur contrarium. Ibid. Et n. 83.
- 58 *Ad legitimam Praescriptionem omnino requiritur bona fides.*
- 59 *Et quidem toto illo tempore, quo currit Praescriptio.*
- 60 *Secus, ubi post Praescriptionem jam completam supervenit notitia rei alienae.*
- 61 *Spectato Jure Civili olim, ad Praescriptionem sufficiebat bona fides ab initio etc.*  
Leges illae fuerunt correctae de Jure Canonico, seu per Concilium Generale, et cur? Ibid.
- 62 *Solvitur instantia ex cap. 1. h. 1.*
- 63 *Dubitans, num res sit sua, nec ne, an possit praescribere? Et n. seqq.*  
Stante tali dubio nequit inchoari Praescriptio. Ibid.
- 64 *Solvitur instantia.*  
Dubitans, num res sit sua, nec bonam, nec malam fidem habet. Ibid.
- 65 *Quod si dubium post Praescriptionem bona fide coeptam superveniat, non interruptit Praescriptionem etc.*
- 66 *Solvitur instantia, offerendo disparitatem inter hunc et priorem casum.*
- 67 *Error Juris an impediat bonam fidem, atque Praescriptionem? Et n. seqq.*
- 68 *Ignorantia Juris clari, etiam inculcata, impedit Praescriptionem.*
- 69 *Et hujus ratio.*
- 70 *Ad Praescriptionem requiritur bona fides tam Theologicae, quam Juridicae.*
- 71 *Limitatur data Conclusio in certis casibus.*  
Et n. seqq.
- Inculcata ignorantia Juris sufficit ad praescribendas triennio fructus, ex re alterius taliter perceptos. Ibid.*
- 72 *Differantia inter Praescriptionem, et fructuum acquisitionem interveniente Juris errore, quae?*
- 73 *Ignorantia Juris tam Theologicae, quam Juridicae inculcata, juxta quosdam sufficit ad Praescriptionem.*
- 74 *Hae sententiae non caret difficultate.*  
Juris ignorantia non prodest acquirere volentibus: num vero petentibus non nocet. Ibid.
- 75 *Error Juris bonam fidem inducit sufficientem ad praescriptionem, quando hae titulum non requirit, simulque error contingit in Jure nec assistente, nec resistente.*
- 76 *Invincibilis ignorantia Juris, juxta quosdam, non impedit pro Foro conscientiae praescriptionem.*
- 77 *Error Juris dubii non impedit bonae fidei possessorem, quo minus praescribere possit.*
- 78 *Sicut nec ignorantia facti.*
- 79 *Mala fides Praelati, an noceat Ecclesiae, vel Capitulo, habenti bonam fidem? Et n. seqq.*  
Praelatus certus sciens, rem esse alienam, tenetur purgare conscientiam suam, remque suo domino restituere. Ibid.
- Quidquid sit contra conscientiam, aedificat ad gehennam. Ibid.*

80 Quo modo tunc Praelatus possit restituere rem alienam?

81 Si Praelatus certo scit, rem esse alienam, probabilius non habet locum praescriptio etiam stante bona fide Ecclesiae, vel Capituli.

82 Bona vel mala fides Testatoris, aut Praedecessoris in Beneficio etc. an prosit, vel noceat Haeredi aut Successori, ut praescribere valeat, vel non valeat? Remissive.

83 Bona, vel mala fides in materia praescriptionum, qualiter probetur? Et n. seqq.

Qui allegat malam fidem alterius, eum probare debet. Ibid.

84 Mala fides possidentis, seu praescriptionem oppositoris potest variis probari.

85 Ut per propriam confessionem possidentis.

86 Vel per denunciationem factam tempore contractus.

87 Aut per famam in vicinia.

88 Vel si res fuit acquisita contra jus.

57 **Q**uaeritur I. An, et quo tempore bona fides requiratur ad Praescriptionem? Ubi praenotandum, quod Bona fides in proposito aliud non sit, quam proba existimatio, sive credulitas, qua quis prudenter sibi persuadet, rem, quam possidet, esse suam. Et additur, prudenter: quia si ex ignorantia crassa et affectata, seu ex inordinata cupiditate habendi persuasio illa procedat, non erit bona fides, juxta illud Psalm. 68. *Noluit intelligere, ut bona ageret.* Hinc Glossa e. *Si diligenti.* §. *Bonae fidei.* h. t. inquit: Bona fides intelligitur, cum aliquis credit, tradentem esse dominum: vel habere jus distrahendi, licet erret in facto. l. *Bonae fidei emptor.* ff. de Verbor. signif. Et talis bona fides in Foro externo semper praesumitur, nisi probetur contrariam; prout subiungit Glossa loc. cit. istud probans ex l. *Verius.* ff. de Probat. juncta Reg. 47. Jur. in G. quae sit: *Praesumitur ignorantia* (facti alieni, puta, injustae possessionis alterius) ubi scientia non probatur. Quo praenotato

58 **R**esp. I. Ad legitimam praescriptionem omnino requiritur bona fides: adeo, ut nec in Foro Canonico, nec Civili, valeat praescriptio cum mala fide. Ita Abbas cap. ult. in Summario. h. t. ac Theolog. et Canonistae communiter. Conclusio haec clare habetur decisa c. *Vigilanti.* 5. h. t. et cap. ult. eod. Ubi in Concilio Generali (hoc est, Lateranensi, celebrato sub Innocentio III.) sic decisum refertur: *Quoniam omne, quod non est ex fide, peccatum est, Synodali judicio diffinimus, ut nulla valeat absque bona fide praescriptio, tam Canonica, quam Civilis etc.* Hinc in Reg. 2. Jur. in G. absolute dicitur: *Malae fidei possessor ullo tempore non praescribit.* Unile consequens est, nullam praescriptionem cum mala fide procedere, quantuncumque tempore, puta, centum vel mille annis, possessio rei alienae scienter continuata fuerit: quia imo tanto gravius sunt peccata talis injustae detentionis rei alienae, quanto diutius infelici animam detinent alligatam, cap. ult. de Consuetud.

59 **R**esp. II. Ad compleendam praescriptionem requiritur bona fides toto illo tempore, quo currit praescriptio. Ita communis Theologorum, et Canonistarum; atque habetur decisum in eodem Concilio Generali, relato in cap. ult. h. t. Ubi post verba proxime allegata, subiungitur: *Cum generaliter sit omni constitutioni, atque consuetudini derogandum, quae absque mortali peccato non potest observari. Unde oportet, ut qui praescribit, in nulla temporis parte rei habent notitiam alienae.* Hae ibi.

60 **S**ecus est dicendum, ubi post completam bona fide praescriptionem primum supervenit notitia rei alienae: quia cum talis iure praescriptionis jam legitime fuerit adeptus dominium rei alienae, juxta

dicta n. 21. et seqq. hoc ipso non censetur esse malae fidei possessor; neque rem illam amplius restituere tenetur. Glossa fin. cit. cap. ult. h. t. et alia Glossa c. *Vigilanti.* §. *Noverit.* eod. communiter recepta.

61 **E**stendum quidem est, quod spectato Jure Civili, olim ad praescriptionem triennalem rerum mobilium, sicut et ad praescriptionem longi temporis rerum immobilium, sufficiat bona fides ab initio habita, l. un. C. de Usucapion. transformand. Atque ideo diutina possessio bona fide per defunctum coepta, prosit ejus haeredi, non obstante, quod haeres ille sciat rem esse alienam, cit. l. un. et §. *Diutina.* Instit. de Usucapion. Quo ipsum etiam procedit in praescriptione longissimi temporis, triginta scilicet vel quadraginta annorum, l. *Si quis emptionis.* §. *Quod si quis.* C. de Praescript. 30. vel 40. annor. eo addito, ut si Praescriptor malam fidem habuerit ab initio, praescriptione longissimi temporis acquiratur ipsi sola retinendi exceptio. Verum hujusmodi Leges Juris Civilis, cum absque peccato mortali observari nequiverint, simulque fuerint nutritivae peccati; eo quod homines praes desiderio praescribendi animaverint ad continuandam injustam rei alienae possessionem; de facto amplius non procedunt, sed sunt per Concilium Generale, relatum cap. ult. h. t. correctae, atque abrogatae, ea addita ratione: *Quoniam omne, quod non est ex fide, peccatum est.* Quod ipsum jam antea decreverat Alexander III. relatum in c. *Vigilanti.* 5. h. t. Et quidem, cum versemur in materia concernente salutem animarum, isthaec Juris Canonici dispositio in utroque Foro, tam Civili videlicet, quam Ecclesiastico, est observanda, juxta ea, quae fusius dicta fuerunt superius in Prooemio Libri I. Decretalium. §. 12. nn. 217. 219. et seqq.

**D**ices. In cap. 1. h. t. et can. *Placuit.* 16. q. 3. habetur, quod Episcopus locum a se ad fidem conversum per triennium praescribat contra alium Episcopum, qui interea eum non repetivit, seu tacuit: ergo etiam de Jure Canonico procedit praescriptio cum mala fide. Resp. neg. consequent. Quia Episcopus locum convertens ad fidem Catholicam, bonum opus operatur, ac neutiquam peccat, neque non est in mala fide: quamvis lapsu triennii jus in dictum locum sibi competat, non vi solius praescriptionis (ad hanc enim non sufficeret triennium, quin imo requirerentur quadraginta anni, c. *De quarta.* §. et c. *Ad aures.* 6. h. t.) sed ex speciali constitutione, auctoritate Sanctae Matris Ecclesiae, quae ob favorem Fidei Catholicae, atque ad excitandos Episcoporum animos pro conversione Infidelium, sic statuit.

62 **Q**uaeritur II. Utrum dubitans, utrum res sit sua, nec ne, censetur habere bonam fidem, possitque praescribere? Resp. I. Si tale dubium adfuit ab initio, non censetur quis habere bonam fidem; adeoque eo stante nequit inchoari praescriptio. Ita Abbas cap. ult. n. 49. h. t. Bartolus l. *Naturaliter.* §. *Quaero utrum superveniens.* ff. de Usucapion. Covarruvias in Reg. Possessor. part. 2. §. 1. n. 3. Lessius lib. 2. de Justit. et Jur. cap. 6. 10. allegans communem; et dixi ego in Theolog. Moral. Tract. 7. Dist. 6. n. 11. Ratio est: quia dubitans, an res sit sua, vel alterius, injuste agit eam sibi arrogando; cum non sit melior conditio sua, quam alterius, qui eam rem prius possederat, sed contra melior fuerit hujus, nimirum possessoris conditio: ergo jam non censetur habere bonam fidem, qualis requiritur ad praescriptionem. Quod si vero res antea fuit sub nullius dominio, hoc ipso fit primo occupantis; atque cessat ratio dubii.

**D**ices. Qui dubitat, hoc ipso non scit rem esse alienam; ergo non habet malam fidem, et conse-

61

62

63

64

quenter habet bonam fidem, cum quia potest praescriptio inchoari. Resp. neg. consequent. Quia, ut notat Glossa in L. 1. §. *Intervenerit. C. de Acquirend. poss.* et Glossa *fin. L. 2. ff. Pro soluto.* et Covarruvias *est. nu. 3.* ignorans, seu dubitans, an res sit sua vel aliena, nec bonam, nec malam fidem habet; datur enim medium per abnegationem, seu suspensionem utriusque, qualem habet vere dubitans, arg. L. 7. juncta Glossa §. *Velle. ff. de Tributor. action.* Atqui ad inchoandam praescriptionem Jura positive requirunt bonam fidem; ut L. *un. C. de Usucapion. transformand.* ibi: *Hoc tantum observando, ut in his omnibus casibus ab initio eam bona fide capiat:* cum similibus. Unde vere dubitans, an res sit sua vel aliena, hoc ipso nequit praescriptionem incipere, ex defectu bonae fidei.

65 Resp. II. Quod si dubium post praescriptionem bona fide jam coeptam primum superveniat, illud non vitiat bonam fidem, neque interrumpit praescriptionem; quamvis teneatur interim possessor moralem diligentiam adhibere in investiganda veritate. Ita Glossa *fin. cap. ult. h. t.* Abbas, Barolus, Covarruvias, *ubi supra*, alique communiter, paucis exceptis, quos in contrarium citat Covarruvias *loc. cit. n. 4.* Ratio est, quia in dubiis melior est conditio possidentis, juxta Reg. 65. *Juris in 6.* Ergo si is, qui incipit dubitare, jam prius bona fide possederit rem, melior est conditio ejus, quam alterius non possidentis: sicque bona fide poterit continuare possessionem, et praescriptionem, dummodo adhibeat moralem diligentiam de investiganda veritate, an res sit sua, vel alterius, arg. *can. Occidit. ad. q. 8.* Atque per hoc patet disparitas inter hanc, et priorem Conclusionem. Ibi enim non suffragatur cuipiam possessio, eo quod cum dubio, num res sit sua, nec ne, primum incipiat ipsam possidere; imo injuste agat, stante tali dubio eam rem sibi arrogando. Sedens dicendum in casu, quando quis bona fide jam antea coepit possidere rem aliquam, et dubium postea primum supervenit: nam tunc suffragatur ipsi possessio, sicque erit melior conditio ipsius, utpote possidentis.

66 Dices. In cap. ult. h. t. requiritur, ut qui praescribit, in nulla temporis parte rei habent conscientiam alienae: atqui dubitans, etiam dubio primum superveniente, habet conscientiam rei alienae; alioquin enim cum tali dubio pariter possit inchoari praescriptio; ergo. Resp. neg. min. cum sua probatione. Quia moralis post coeptam bona fide possessionem prudenter judicat, praeterea se resolvendo, rem esse suam, quamvis oppositum per diligentem investigationem nequit cognoscere: idque vi citatae Regulae: *In dubiis melior est conditio possidentis:* non obstante, quod adhuc dubiet speculative loquendo. Unde *can. Si virgo. 14. q. 1.* de talibus bona fide possessionem inchoantibus, dicitur: *Tandem quisque bonae fidei possessor rectissime dicitur, quamdiu se possidere ignorat alienum.* Sedens dicendum, quando quis inchoat possessionem alicujus rei, quam dubitat esse suam, vel alterius: et hoc tum ob disparitatem jam allatam, tum quia secundum Leges ad praescriptionem ab initio requiritur bona fides, qualem vere dubitans non habet, ut dictum n. 64.

67 Queritur III. An error juris impediat bonam fidem, ac proinde cum eo non procedat praescriptio? Et sensus est, an quis possit usucapere rem illam, quam contractu de jure nullo, puta usuratio, acquisivit, ignorans eum esse de jure nullum: adeo, ut postmodum contracto nulliter declarato, possit opponere praescriptionem. Idem est, si quis a Pupillo sine Tutoris auctoritate emisset rem quampiam; puta, licere Pupillis res suas absque interventu Tutoris alienare; aut si a Religioso accepisset

rem, puta equum, sine Praelati licentia, vel agrum non servatis solemnitatibus juris. Queritur, inquam, utrum cum tali errore juris currat praescriptio?

68 Resp. I. Ignorantia juris clari, atque indubitati, non sufficit ad praescriptionem; quin imo eam impedit in utroque Foro, licet sit invincibilis, et prorsus inculpata. Ita Glossa c. *Apostolicae, §. Praescriptionis. de Donation.* Abbas c. *De quarta. nu. 12. h. t.* Covarruvias *part. 2. c. Possessor. §. 7. n. 6. et seqq.* istud intelligens de errore juris resistentis: secus de errore juris nec assistentis, nec resistentis, se loquendo de praescriptione, quae titulum non requirit. Layman *lib. 2. Theolog. Moral. sect. 5. tract. 1. cap. 8. n. 11.* Lessius *cit. lib. 2. cap. 6. n. 14.* Pirhing *h. 2. n. 61.* et alii passim; contra Jo. Medicum in *tract. de Contractibus. quaest. 17. prope fin.* qui arbitratur ignorantiam inculpata juris sufficere ad praescribendum pro Foro conscientiae: quam sententiam Lessius *ibid. nu. 17.* admittit tanquam probabilem, quando agitur de praescriptione longissimi temporis, quae non requirit titulum; ut est praescriptio triginta, vel quadraginta annorum.

69 Ratio Conclusionis est: quia praescriptio, per quam dominium rei ab uno transfertur in alium, totam vim suam atque originem habet ex Jure humano positivo; ergo non habet locum in casu, ubi Jura expresse eam reprobant: atqui Jura expresse dicunt, errorem juris non prodesse ad usucapionem. Sic quippe in L. *Nunquam. ff. de Usucapion.* dicitur: *Nunquam in usucapionibus juris error possessoribus prodest.* Idem L. 2. §. *Si a pupillo. ff. Pro emptore,* sic habetur: *Si a pupillo emeris, et scias pupillum esse, putes tamen pupillis licere res suas sine tutoris auctoritate administrare, non capies usum: quia juris error nulli prodest.* Similiter L. 4. *ff. de Juris et facti ignorantia,* generaliter dicitur: *Juris ignorantia in usucapione negatur prodesse: facti vero ignorantiam prodesse constat.* Neque reperiuntur hae Leges ullibi correctae, aut per Sacros Canones aliud quid dispositum. Accedit ratio: quia errans in Jure, praesumitur malam fidem habere: atqui cum mala fide non procedit praescriptio; ergo Major patet ex L. *Quemadmodum. C. de Agricol. et censu. lib. 11.* ibi: *Malae fidei namque possessorem esse nullus ambigit, qui aliquid contra legum interdicta mercatur.* Concordat Reg. 82. *Jur. in 6.* Qui contra jura mercatur, bonam fidem non praesumitur habere.

70 Nec obstat, quod ignorantia inculpata juris excuset a peccato; sicque videatur possidentem constituere in bona fide, quae sufficit ad praescriptionem. Resp. enim, hic quidem induci bonam fidem Theologicam, seu moraliter, quae excludit peccatum: non autem bonam fidem civilem, seu juridicam, in quod expresse a Jure reprobandum in ordine ad effectum praescriptionis. Unde ad inducendam praescriptionem requiritur quidem necessario bona fides Theologica, cap. ult. h. t. sola tamen non sufficit, nisi concurrat simul bona fides civiliter, seu juridice, propter rationem jam allegatam: quia nimirum Leges, a quibus jus praescriptionis totam vim, atque originem suam habet, expresse statuerunt, quod error juris ad usucapionem non proxit. Pirhing *h. 2. n. 61.*

71 Resp. II. Petitur nihilominus data Conclusio quasdam limitationes. Imprimis enim inculpata juris ignorantia sufficit ad praescribendos triennio fructus, ex re alterius tamen perceptos. Ita Glossa l. *Si fur. §. Erranti. ff. de Usucapion.* Navarrus *Consil. 9. nu. 3. de Offic. Judic. ordin.* Dynus in Reg. *Possessor. n. 19. de Reg. Jur. in 6.* Covarruvias *lib. 1. Variar. Resol. cap. 4. n. 8.* Lessius *cit. cap. 6. num. 15.* allegans communem. Idque desumitur ex l. *Sed et si. §. Soiro. ff. de Petition. haeredit.* ubi dicitur: *Et non*



puto hunc esse praedonem, qui dolo caret, quamvis in jure erraverit. Ex quibus verbis Glossa ibidem infert: Si non est praedo, ergo facit fructus suos. Quamquam istud intelligendum esse de fructibus iam consumptis ( utpote quos bonae fidei possessor facit suos, §. Si quis a non domino. Instit. de Rerum divis. ) non item de fructibus adhuc extantibus, censeat Layman cit. cap. 8. n. 11. et Pirhing h. t. n. 63. Nam quod fructus extantes post rescissionem contractus, ipso jure non subsistentis, una cum re ipsa restituendi sint, desumitur ex l. Jubemus. 14. §. Sane, C. de Sacros. Eccles. et concordant dicta superius Tit. 13. de Restitutione Spoliatorum. §. 6. num. 127. et 131. et seqq.

72 Quod si petas, quae sit differentia inter praescriptionem, et fructuum acquisitionem interveniente juris errore? Respondet Bartolus in d. l. Sed et si. §. Scire. ff. de Petition. haeredit. disparitatem esse: quia ad usucapionem requiritur verus titulus vel justus error; ut l. Celsus. ff. de Usucapion. et l. Justo errore. ff. eod. sed error juris non est justus error, cum reprobetur a Jure; ergo ad usucapionem non sufficit. Secus dicendum quoad acquisitionem fructuum: quia hic sufficit, abesse malam fidem; qualis iam abest, ubi adest juris error. Verumtamen is, qui allegat juris errorem, debet hunc probare: alioquin enim praesumitur scientia, l. Leges sacratissimas. C. de Legib.

73 Deinde, quod ignorantia juris tam Theologicae, quam juridice inculcata ( qualis potest dari in Minorenibus, Militibus, mulieribus, imo et in Rustico non habente copiam Consultoris, utpote quibus jus ignorare permissum est, l. Regula est. ff. de Juris et facti ignorant. ) sufficit ad praescriptionem, videtur admittere Lessius cit. cap. 6. num. 17. §. Quarto, post Baldum in l. Venditioni. C. de Usucapion. pro empt. et l. Possessiones. c. Si quis ignoraverit rem minor. et sequitur Layman d. cap. 8. n. 11. et Pirhing h. t. n. 62.

74 Verum haec sententia non caret difficultate: quia licet praemissis personis permissum sit Jus commune ignorare; adeo, ut ex ejus ignorantia non laedantur, nihilominus dicta ignorantia ipsis non prodest in compendiis ( hoc est, in acquirendo, seu lucro captando ) sed solum in damnis vitandis, juxta textum in l. Error. ff. de Juris et facti ignorant. ibi: Juris autem error nec fuaminis in compendiis prodest. Concordat textus in l. Juris. ff. eod. ubi dicitur: Juris ignorantia non prodest acquirere volentibus: suum vero petentibus non nocet. Atqui in praescriptione vult quis acquirere; ergo. Unde in hac limitatione non conveniunt Doctores, fatetur ipsemet Pirhing. loc. cit.

75 Tertio, error juris bonam fidem inducit sufficientem ad praescriptionem, quando haec titulum non requirit, sed sola bona fide contenta est ( ut praescriptio longissimi temporis ) simulque error contingit in Jure nec assistente, nec resistente. Covarruvias part. 2. c. Possessor. §. 7. n. 6. et seqq. fusissime hanc limitationem deducens, atque plurimos pro ea allegans: qui proinde datam n. 68. Conclusionem censet esse intelligendam de errore Juris resistentis, seu quidpiam fieri prohibentis, non de errore juris nec assistentis, nec resistentis, dummodo error iste contingat absque ulla culpa: puta, quia quis adivit haereditatem ex testamento minus solemni, quia illi Jus non assistit; sed nempe resistit, prohibendo talem additionem; prout exemplificat Bartolus cit. l. Sed et si. §. Scire. ff. de Petition. haeredit.

76 Tacetur sententia Medinae, et quorundam aliorum, quos citat Pirhing h. t. n. 63. docentium, vel saltem probabile consentium, quod invincibilis ignorantia juris non impediat pro Foro conscientiae

praescriptionem, seu bonam fidem requisitam ad praescribendum: nam de hoc jam dictum est cit. n. 68. et 73. Atque hactenus dicta procedunt de ignorantia juris clari: unde etiam in dicta Conclusionem notanter additum fuit: Ignorantia juris clari etc. idque obsequentem Conclusionem: unde

Resp. III. Ignorantia, seu error juris dubii, atque inter Doctores controversi, non impedit bonae fidei possessorem, quo minus praescribere possit. Ita Abbas c. De quarta. num. 13. h. t. Covarruvias cit. part. 2. c. Possessor. §. 7. n. 12. Lessius cit. cap. 6. n. 16. Layman, ubi supra, num. 11. et alii. Ratio est: quia ubi jus est vere dubium, et secundum diversas probabiles Doctorum opiniones intelligibile, non est major ratio, cur quis unam potius, quam aliam opinionem sequi teneatur; cum ignoret, quatenus eorum revera Juri sit conformis. Quin imo talis ignorantia proprie non est ignorantia juris; cum de ratione juris, seu legis sit, esse manifestum. van. Erit autem lex. dist. 4.

Porro ignorantiam facti, si sit invincibilis, non excludere bonam fidem ad praescribendum necessariam, fatentur omnes, juxta textum expressum l. 4. ff. de Juris et facti ignorant. ibi: Juris ignorantia in usucapione negatur prodesse: facti vero ignorantiam prodesse constat. Accedit ratio: quia alioquin nunquam posset dari praescriptio, utpote in qua necessario intervenit error facti, dum praescribens possidet rem alienam, bona fide putans esse suam: si enim non erraret hoc modo, nulla opus foret praescriptione.

Quaeritur IV. Utrum mala fides Praelati noceat Ecclesiae, vel Capitulo, habenti bonam fidem: adeo, ut istud praescribere nequeat? Resp. I. Quando Praelatus certo scit, rem esse alienam, nequit eam retinere; sed tenetur purgare conscientiam suam, atque vero domino rem illam restituere. Ita Glossa fn. cap. ult. h. t. et Abbas ibid. n. 41. et in re communis. Siquidem istud exigit virtus Justitiae, volentis, ut cuique reddatur suum. Accedit textus in can. Generalis. §. fn. dist. 54. ubi Gelasius Papa rescripsisse legitur Episcopis per Lucaniam, in haec verba: Nihil perire credimus Ecclesiasticis utilitatibus, si, quae sunt aliena, reddantur. Atque in hoc sensu malam fidem Praelati nocere Ecclesiae, est indubitatum: nisi enim Praelatus restitueret rem illam, quam certo scit esse alienam ( secus, si de hoc dubitaret ) hoc ipso ageret contra conscientiam, sicut peccaret: nam quidquid sit contra conscientiam, aedificat ad gehennam, ut dicitur can. Omnes. 28. q. 1. §. Ex his. et c. Litteras. 13. de Restitut. spoliat.

Dices. Praelatus solus nequit alienare rem Ecclesiae absque consensu sui Capituli; ergo, ubi Ecclesia, seu Capitulum est in bona fide, nequit fieri talis restitutio, sicut ejus mala fides non nocet Ecclesiae. Resp. Varias esse solutiones hujus instantiae, uti videre est apud Abbatem cit. cap. ult. num. 41. h. t. et alios. Primo enim Glossa fn. d. cap. ult. h. t. et alia Glossa cit. can. Generalis. dist. 54. §. Reddantur, inquit, quod Praelatus debeat significare illi, quem credit dominum, ut rem petat: nec in hoc ( sit ) videtur fraudem facere; ut l. At qui natura. §. Cum me absente. ff. de Negot. gest. Secundo Archidiaconus cit. can. Generalis. num. 3. post Hostiensium notat, istud esse intelligendum sic, ut Praelatus communicato concilio Capituli restituat: vel, si Capitulum non consentiat, dicat: Mundae sunt manus meae a sanguine hujus causae; vos defendatis, si vultis. Tertio Abbas cit. n. 41. et Pirhing h. t. n. 77. illud volunt esse intelligendum, quando notorie constat rem esse alienam: quia tunc solus Praelatus potest, et debet, rem alienam restituere. Secus, ubi solus Praelatus scit, nec potest aliter rem probare:

tunc enim debet tacere, quia ipsi soli non crederetur, quod res sit aliena; nisi istud posset probari, juxta Glossam, ubi supra.

81. Resp. II. Quando Praelatus certo scit rem esse alienam, ac nihilo minus immemor suae salutis eam restituere non curat; tunc videtur probabilis, quod etiam bona fide Ecclesiae, seu Capituli, locum non habeat praescriptio. Ita Pirhing h. t. n. 78. citans Layman d. cap. ult. n. 7. h. t. atque in simili tradit Fachineus lib. 8. Controvers. Jur. cap. 75. allegans Corneum Consil. 22. n. 12. lib. 1. et Hippolytum Riminaldum Consil. 6. num. 102. lib. 1. quamvis Baldus Tom. 17. Tractatum tract. de Praescriptionibus, part. 3. princip. §. Decimo quinto n. 2. allegans Insulam, et nonnulli alii teneant contrarium. Ratio Conclusions est: quia Praelatus est caput Capituli, atque mala fides ejus inficit totum corpus; atque si ne bona fide non currit praescriptio. Accedit, quod praescriptio sit odiosa, ac proinde restringenda (est enim introducta praeter Jus naturale, atque inodium negligentis) ergo eam impedit mala fides Praelati in re communiter, ac pro indiviso una cum Capitulo possessa, non minus, ac mala fides in aliqua temporis parte superveniens: valet enim argumentum a tempore ad personas; ut l. Nonnunquam autem ff. de Judiciis, et notat Everardus Loco. 89. a Tempore ad personas inscripto.

82. Posset hoc loco etiam quaeri, an bona, vel mala fides Testatoris prosit, aut noceat haeredi; vel Praedecessoris in Beneficio, aut officio, Successori suo, ut praescribere valeat, vel non valeat? Verum de hac quaestione commodius agatur infra §. 5. n. 131. 132. 133. et seqq. agendo de Titulo Pro haerede.

83. Quaeritur V. Quatenus probetur bona, vel mala fides in materia praescriptionum? Resp. I. Bona fides in dubio praesumitur, donec probetur contrarium. Ita Glossa c. Sanctorum. §. Sincera, et Abbas ibid. n. 3. et Barbosa n. 3. h. t. Covarruvius cit. part. 2. c. Possessor. §. 8. num. 3. allegans communem. Ratio est: Tum quia praesumitur ignorantia, nisi probetur scientia, l. Verius ff. de Probation. et l. Super servis. C. Qui militare non poss. lib. 12. Tum quia nullus praesumitur malus, nisi probetur malus, cap. ult. juncta Glossa fin. de Praesumpt. Unde qui allegat malam fidem alterius, eam probare debet; ut l. Quoties §. Qui dolo ff. de Probat. ubi dicitur: Qui dolo dicit factum aliquid, licet in exceptione, docere dolum admissum debet. Generaliter enim ei, qui dicit, incumbit probatio, l. 2. ff. eod. cum similibus.

84. Resp. II. Mala fides possidentis, seu praescriptionem opponentis, potest variis modis probari. Ita Abbas d. c. Sanctorum. n. 4. et c. Si diligenti. n. 22. h. t. Bartolus in l. Celsus §. Sed qualiter probabitur ff. de Usucapion. Mascardus de Probation. Concl. 1004. n. 19. ac seqq. susissime hanc materiam declarans. Idque probatur inductione, ostendendo tales modos probandi malam fidem alterius.

85. Primo siquidem mala fides probatur per propriam confessionem possidentis; puta: si coram aliquibus ipsemet dixerit, se scivisse rem esse alienam: quia praesumitur illud in mente habuisse, quod verbis expressit, l. Labeo ff. de Suppellect. Legat. Vel quando hoc ipsum in iudicio confessus est; ut cap. 2. de Confessis. et c. Si diligenti. 17. h. t. cum similibus.

86. Deinde mala fides probatur per denunciationem factam tempore contractus, l. Si fundum. C. de Rei vendicat. Ubi Summarium sic habet: Denunciatio facta a domino, ne quis emat, constituit emptorem male fidei possessorem. Atque istud ampliat Mascardus cit. Concl. 1004. n. 29. et 30. et seqq. etiamsi talis denunciatio fieret a Procuratore, vel ab aliquo tertio, qui denunciat nomine Domini, ne quis talem rem emat, cum sit sua nam etiam ex tali relatione, seu denun-

RIFFENSTUEL Jus Can. Tom. II.

ciatione induitur mala fides, juxta textum notabilem in l. Item veniant. §. Petitam. ff. de Petition. haeredit. Menochius de Arbitrar. Judic. lib. 2. cas. 223. num. 14. Mascardus loc. cit. num. 32. allegans alios. Secus diceendum, quando primum ex post facto sit denunciatio, non autem ab initio contractus: quia tunc per hoc solum non inducitur mala fides, nisi fiat in defectum coram Judice, juxta formam traditam in l. Ut perfectus C. de Annali except. Italic. Abbas c. Si diligenti. n. 22. h. t.

87. Tercio mala fides probatur per famam in vicinia, quod res sit alterius, quam venditoris. Hanc enim emptor, atque possessor exinde factus, ignorare non praesumitur, c. Quosdam. 7. et c. Quanto. 8. de Praesumption. sicque arguitur mala fides ipsius. Abbas cit. c. Sanctorum. n. 4. h. t. Mascardus d. concl. 1004. n. 34. allegans plurimos alios.

88. Quarto probatur mala fides, si res sit acquisita contra jus: ut puta, si quis emit rem ab Ecclesia non servata juris solemnitate, aut rem Pupilli sine intervenitu Tutoris, juxta Reg. 82. Jur. in 6. Qui contra jura mercantur, bonam fidem praesumitur non habere, cum concordantiis. Tacentur nonnullae aliae malae fidei probationes, de quibus copiose Mascardus cit. Concl. 1004.

## §. IV.

De Servitutibus, Obligationibus, et Actionibus, atque bona fide ad praescribendum ipsis requisita.

## SUMMARIUM

89 Servitutis nomen dupliciter accipitur, pro subjectione nimirum, et pro jure.

90 Servitus ut sit, quid?

91 Dividitur in personalem, realem, et mixtam.

92 Servitus personalis, et

93 Servitus realis, quid?

94 Servitus realis alia est rustica, alia urbana.

95 Praedium urbanum, et Praedium rusticum, quid? Praedium dominans, et Praedium serviens, quod? Ibid.

96 Servitus realis urbanae duplex est, affirmativa et negativa.

Moeriana, et Subgeundia, quid? Ibid.

97 Servitutes urbanae affirmativae, quae? Et num. praeced.

98 Servitutes urbanae negativae, quae?

99 Servitus realis rustica etiam duplex est, nominata et innominata

Servitus rustica nominata, quid, et quotplex?

Iter, Actus, Via, et Aqueductus, quid?

100 Servitus rustica innominata, quae, et qualis?

101 Servitus realis alia continua, alia quasi continua, et alia discontinua, quae?

102 Servitus mixta et triplex: videlicet Usufructus.

103 Eius: et quomodo differat ab Usufructu?

104 Habitatio, et quid?

105 Utrum servitutibus, aliisque obligationibus praescribi valeat, non obstante mala fide, seu scientia juris alieni? Et num. seqq.

Obligationes sunt duplicis generis: aliae inapte natura tendunt ad agendum, vel non agendum. Ibid.

106 Aliae duntaxat referuntur ad patiendum, vel onus subeundum, si ab altero agatur, vel petatur.

107 Hae posteriores obligationes, etque correspondentes actiones personales, praescriptione tolluntur ob solam negligentiam Actoris.

108 Idque vario exemplificatur.

109 Atque etiam accidit in servitutibus rusticis, quae amittuntur per solum non unum. Et num. seqq.

- 110 *Et si secus sit in servitutibus urbanis, juxta notabilem differentiam inter ipsas.*
- 111 *Obligationes illae, quae tendunt ad aliquid agendum, vel non agendum, non possunt ullo tempore cum mala fide, seu scientia juris alieni, praescriptione extinguí. Et num. seqq.*
- 112 *Debitum pecuniarium non extinguitur per hoc, quod creditor longo tempore illud non exigat. Quid requiratur, ut quis praescribat contra debitum pecuniarium? Ibid.*
- 113 *Servitutibus urbanis negativis praescribi nequit, nisi per factum contrarium.*
- 114 *Utrum actionibus personalibus, quae correspondent obligationibus ad aliquid agendum, vel non agendum, possit praescribi cum mala fide, seu scientia juris alieni? Et num. seqq.*
- 115 *Declaratur sensus quaestionis. Et num. praeced.*
- 116 *Sententia negativa statuatur, atque probatur.*
- 117 *et 118. Solvuntur instantiae. Et num. seq.*
- 119 *An detur actio ex pacto nudo?*

89 **Q**uaeritur I. Quid, et quomplex sit Servitus? Ubi praenotandum cum Lessio lib. 2. de Just. et jur. cap. 3. n. 28. nomen *Servitutis* dupliciter accipi a Juristis. Primo, pro subiectione, seu obligatione, qua res seu persona unius est obligata alteri, ut ipsi quodammodo serviat: et in hoc sensu Mancipia dicuntur servitutis praemi. Secundo, pro jure illo, quod ex parte alterius correspondet dictae obligationi. Sic quando Titius habet rem Caii sibi obligatam aliquo modo, ex infra enumerandis, tunc ex parte Caii reperitur Servitus sumpta pro obligatione; ex parte Titii vero datur Servitus sumpta pro jure, id est, jus servitutis. Atque in hac posteriori acceptione Jurisperiti frequentius accipiunt Servitum, videlicet pro jure fruendi, vel utendi aliquo modo re aliena, vel aliquid circa eam impediendi. In quo proinde posteriori sensu potissimum impraesentiarum sermo erit de Servitutibus: quamquam ea, quae dicuntur de Servitute sumpta pro jure, e converso (servata tamen proportionem) applicari possint Servitui acceptae pro obligatione. Quo praenotato

90 **Resp. I.** *Servitus ut sic* est jus, quo res aliena praeter naturam alteri rei, vel personae utilitatem debet, praestatque. Ita desumitur ex l. *Quoties. ff. de Servitutib.* ubi dicitur, servitutem non posse constitui de eo, quod nihil vicinorum interest; sed eam esse servitutem naturam, ut quis patiatur, aut non faciat aliquid, quod interest alterius. Sive, ut Spiegelius in *Lexico Juris vers. Servitus*, loquitur: *Servitus* est jus, quo adimitur aliquid libertati, quam dominus in re sua habet, idque conceditur personae, vel rei alienae.

91 **Resp. II.** Servitus ut sic recte dividitur in servitum personalem, realem, et mixtum. Ita Glossa §. *Rusticorum. vers. Jura Instit. de Servit. rustic. praedior. et Arbor Servitutum*, quae est praefixa l. 8. ff. tit. 1. de *Servitut.* Sylvester *vers. Servitus. n. 1.* Lessius lib. 6. de *Justit. et jur. cap. 3. n. 19.* et alii passim; quamvis Spiegelius, *ubi supra*, servitum mixtum reducat ad personalem. Ratio Conclusionis est: quia servitus potest tribus modis contingere. Primo, cum una persona servit alteri personae: haec vocatur *Servitus personalis*; seu (ut cum praefata Arbore Servitutum nonnulli loquuntur) *mere personalis*. Secundo, et ad imitationem personarum, constituitur servitus in rebus: idque adhuc dupliciter, juxta l. 1. ff. de *Servitutib.* Nam aut res immediate servit personae; atque haec appellatur *Servitus mixta*: sive (ut Spiegelius cum nonnullis aliis loquitur) *personalis*, licet non mere personalis. Aut una res

immediate servit alteri rei, eidem commodam aliquid afferendo: et dicitur *Servitus realis*; eo quod ab una re debeat alteri rei, et cum ipsa transeat ad quemcumque possessorem illius.

Porro Servitus personalis, qua una persona servit alteri, definitur in §. *Servitus. Instit. de Jure personar.* sequentibus verbis: *Servitus est constitutio juris gentium, qua quis dominio alieno contra naturam subicitur.* Dicitur, *constitutio gentium*: hoc est, jus inductum a constitutione gentium: ponitur etiam hic causa pro effectu, sive constitutio pro jure proveniente ex tali constitutione, quae est *Juris gentium*; atque haec particula stat loco generis. Et additur, *qua quis dominio alterius subicitur*: quia in tali jure, quo una persona habet aliam sibi subjectam, consistit ratio et natura servitutis personalis: simulque haec particula stat loco differentiae. Porro ly, *contra naturam*, ideo additur: quia, ut communiter tenent Doctores, ac etiam Scotus §. *dist. 35. q. aest. un.* quantum est de Jure naturae, omnes homines nascuntur liberi. Verum de servitute personali plura superius lib. 1. tit. 18. de *Servis non ordinandis. num. 2. et seqq.* ubi triplex genus Servorum ex professo declaratur.

Servitus realis e contra recte definitur a Bartolo l. 1. ff. de *Servitut. et Arbore Servitutum, ubi supra*, et aliis, dicendo: *Servitus realis* est quoddam jus praedio inherens, et ipsius utilitatem respiciens, et alterius praedii jus sive libertatem diminuens. Quae definitio convenit servituti reali sumptae in ratione juris, ut pater ex particula illa: *jus quoddam*: simulque in ea nomine *praedii*, etiam agri; aliaeque res servitui obnoxiae veniunt intelligendae. Et de hac impraesentiarum loquendo,

94 **Resp. III.** Servitus realis alia est urbana, alia rustica: de qua toto tit. *Instit. et ff. de Servitutibus rusticorum praediorum, et urbanorum.* Et quidem *Servitus urbana* dicitur illa, quae debetur praedio urbano. Neque refert, ab urbano, an a rustico praedio debeat, dummodo urbano serviat: nam in qualitate servitutis realis dijudicanda inspicendum est praedium, cui ea debetur, ut ejusdem conditionis sit et servitus. Nyusinger in *Rubric. Instit. de Servitut. rusticor. praedior. num. 9.* At vero *servitus realis rustica* appellatur, quae debetur praedio rustico: ut l. 1. ff. de *Servitut. rusticor. praedior. et §. Ideo autem. Instit. de Servitut.*

Porro *Praedium urbanum* in Jure appellatur omne aedificium habitandi gratia factum, sive ruri, sive in civitate existat, una cum horto ipsi causa amoenitatis annexo, l. *Urbana. ff. de Verbo. signif.* Contra vero *Praedium rusticum* dicitur, quod colligendorum, vel percipiendorum causa fructum factum est: ut stabulum, horreum, ager, et hujusmodi, quae non habitandi gratia erecta sunt, simulque ab aedificiis urbanorum praediorum separata, l. *Ex jure utimur ff. In quibus causis pignus etc.* cum similibus. *Servitutes* igitur urbanae sunt, quae ab uno praedio, sive rustico, sive urbano, debentur alteri praedio urbano. *Praedium* autem, cui servitus debetur, vocatur *dominus*: alterum vero Praedium, quod patitur servitutem, *serviatus* nominatur.

96 **Resp. IV.** Servitus realis urbana duplex est, affirmativa videlicet, et negativa. Ita communis. Et quidem *Servitutes urbanae affirmativae* sunt, quae verbis affirmativis exprimuntur: atque harum plures sunt, de quibus §. *Praediorum Instit. de Servitutib. et l. 1. ac seqq. ff. de Servitut. urbanor. praedior.* atque per ordinem referantur in Arbore Servitutum, *ubi supra*. Talis est *Servitus stillicidium avertendi*: id est, jus derivandi stillicidium domus suae in domum, vel aream vicini: nam istud nemo exquirere tenetur, nisi per nupus servitutis constitutionem. Item



*Servitus tignum immittendi*; estque jus, quo tignum super parietem vicini mei possum immittere. *Tigni* autem nomen accipitur pro trabe: quae immitti dicitur, cum utrinque in meo, et in alieno pariete imponitur. Item *Servitus projiciendi*; estque jus, quo ex fundo meo urbano in solum vicini aquam, aut limum, aut quisquillas mihi licet projicere. Item *Servitus protegendi*; estque jus, quo licet aedes suas protendere in solum vicinum; et sic in aream projicere, ac porrigere moenia sua, subgrundiis, vel pensilibus ambuleris, ut tamen in vicino solo, vel pariete non insideant nec conquiescant. Siquidem *protegere*, est tectum projicere: *Moenia* vero, sunt quaedam exterius porrecta aedificia: et *Subgrundiis*; pars tecti ultra structuram aedium projecta, et prominens. Atque de hisce servitutibus fit mentio *L. 1. ff. de Servitutib. urbanor. praedior* illis verbis: *Urbanorum praediorum jura talia sunt --- stillicidium avertendi in tectum, vel aream vicini: item immittendi tigna in parietem vicini: et denique projiciendi, protegendive: caeteraque his similia.*

97 Et additur notanter, *caeteraque his similia*. Nam praeter servitudes negativas, de quibus proxime, dantur plures aliae adhuc servitudes affirmativae urbanorum praediorum: ut puta, *Servitus prospectus*; quae est jus prospiciendi ex inferiori parte, seu loco, aperta fenestra rerum faciem ostendente. Item *Servitus luminum*; estque jus videendi coelum: nam, ut dicitur *L. Luminum. ff. de Servitut. urbanor. praedior*. hoc interest inter lumen et prospectum, quod servitus luminis ex coelo debetur, ut scilicet possit caelum videri; unde *L. Si arborem ff. eod.* dicitur, quod arbor, quae impedit videri coelum, et consequenter lumini adjacentis domus officit, habeatur contra servitutem luminum: e contra vero prospectus debetur mihi ex inferiori parte, ut semper possim inferiora videre, v. g. sylvas, campos etc. Item *Servitus altius tollendi*; quae est jus quoddam ab uno praedio alteri debitum, quo quis tenetur aedificare, vel sublimius aedes superstruere propter aliquam ex hoc utilitatem vicino depreSSIONem convenientem; v. g. propter prospectus aversionem a domo depreSSIONem ex via sublimiori, vel propter ventos, aut hujusmodi. Textus, Glossa, et Bartolus in *L. 1. ff. de Servitut. urbanor. praedior*.

98 *Servitudes urbanae negativas* e contra sunt, quae verbis negativis concipiuntur: et sunt sequentes, juxta *Arborem Servitutem, ubi supra*. Prima, est *Servitus altius non tollendi*; estque jus illud, quo alteri fas non est, aedificium suum invito vicino extollere, seu alijs erigere, *L. Altius. C. de Servitut. et aqua*. Secunda, *Ne luminibus officiatur*; et haec est jus, quod habeo, ne alter lumina mea sive aedificando, sive arbores plantando auferre, vel obscuriora facere possit. Tertia est, *Ne prospectui officiatur*; estque jus, quo liberum, et mihi gratiorem prospectum, gravio-rem reddere non licet, *L. Inter servitudes ff. de Servitut. urbanor. praedior*. ubi de hisce posterioribus duabus servitutibus fit mentio. Quarta tandem servitus urbana negativa, est *stillicidium non avertendi*; estque jus, quo vicino stillicidium suum alio derivare fas non est, ut supra solum vel aream meam cadat *L. 1. ff. eod.*

99 Resp. V. Servitus realis rustica, seu quae rustico praedio debetur, etiam duplex est, nominata scilicet, et innominata. *Servitus rustica nominata* dicitur ille, quae nomen habet a Jure impositum: et hujus sunt quatuor species; videlicet *Iter*, *Actus*, *Via*, et *Aquaeductus*. *Iter* est jus eundi, ambulandi hominis, non etiam jumentum agendi, aut vehiculum. Hoc tamen intellige de jumento separato a se: nam qui habet jus itineris, potest etiam super equum sedens, vel lectica portatus ingredi; ut habetur *L.*

*Qui sella. et l. Inter actum ff. de Servitut. rusticor. praedior*. Porro *Actus* est jus eundi, ambulandi hominis, agendi jumentum vel vehiculum: itaque qui habet iter, actum non habet; sed qui habet actum, iter habet, eoque uti potest etiam siue jumento; ut dicitur *L. 1. ff. eod. et §. Rusticorum. Instit. de Servitut. rusticor. praedior*. Caeterum *Via* est jus eundi, et agendi, et ambulandi: nam *Via* continet in se et iter et actum, et insuper jus trahendi tignum, seu trabem, aut saxum, et rectam hastam ferendi, etc. *§. Rusticorum*, juncta Glossa *ibid. vers. Continet*. Dummodo civiliter gerat: et non devastet fructus: quod notandum esse pro Capitaneo, cui conceditur transitus per aliquod territorium, inquit Glossa marginalis *ibidem*. Tandem *Aquaeductus* est jus ducendi aquam per fundum alienum, siue prius inventam, siue postea invenendam.

*Servitus rustica innominata* e contra est, quae ab 100 acto, non a jure denominatur: et haec etiam est multiplex. Prima dicitur *jus pascendi*, estque jus, quo in alieno pascuo licet pascere pecus praedii proprii causa. Secunda, *pecoris appulsus*; estque jus appellandi ad aquam pecoris per solum vicini. Tertia dicitur *Aquaehaustus*; estque jus hauriendae aquae de puteo vicini. Quarta, *jus calcis coquendae*; estque illud, quo in fundo vicini ad utilitatem proprii praedii rustici coquere licet calcem. Quinta, *arenas fodiendae*; estque jus, quo licet ex vicini fundo arenam effodere ad proprii rustici praedii utilitatem. Huc accedit *jus cretae effodiendae: et lapidis eximendi*, quatenus ad eum ipsum fundum opus est; cum similibus; ut *L. 1. §. In praediis. et L. 2. ac seqq. ff. de Servitut. rusticor. praedior*.

Resp. VI. Servitus realis ulterius dividitur in con- 101 tinuam, quasi continuam, et discontinuam. Ita communis. Et quidem *Servitus realis continua* illa est, cujus et causa et usus perpetuo durat vel actu, vel potentia, extra continuam hominis operam: ut servitus aquaeductus, tigni immittendi, et hujusmodi. *Servitus quasi continua* dicitur, cujus usus perpetuo durat, potentia quidem, sed non actu: ut servitus stillicidii. *Servitus discontinua* tandem est, cujus usus est in hominis actione, quae cum assidua nec sit, nec esse possit, discontinua dicitur: ut iter, actus, aquaeductus, et hujusmodi. Atque inter has est notabile discrimen, quod tempus, quo possunt praescribi, ut dicitur infra §. 6. numer. 159. et 160.

Resp. VII. Servitus mixta, seu quae a re de- 102 tur personae, est triplex; videlicet usufructus, usus, et habitatio. Ita communis. *Usufructus* est jus utendi, fruendi rebus alienis, salva earum substantia.

*Usus* est jus utendi tantum rebus alienis, salva ea- 103 rum substantia. Unde minus juris est in usu, quam in usufructu: et cui usus alicujus rei legatus est, uti quidem potest, frui vero eadem non potest, §. 1. *Instit. de Usu et habitatio. et L. 2. ac seqq. ff. eod.* ubi istud varie exemplificatur. Sic enim, cui usus dun- taxat horti relictus est, potest quidem in ipso deambu- lare, poma, olera, et reliqua, quae ibi nascun- tur, ad suam suaeque familiae et hospitum victum, seu usum quotidianum accipere; non tamen potest omnes fructus percipere, eosque suo arbitratu ven- dere, seu alienare, sicut potest is, cui usufructus horti relictus est. Similiter, cui usus jumentorum le- gatus est, potest quidem boves, vel ovibus uti ad stercorandum, arandum, et hujusmodi; non tamen potest percipere pecorum foetus, vel lanam, aut lac, nisi in modica quantitate, et quatenus ad victum quotidianum opus habet, *L. Planum. ff. eod.* cum si- milibus.

*Habitatio* tandem est jus alienas aedes inhabitare-- 104

di, easque etiam commodandi, et locandi. Atque per hanc ultimam particulam differt Habitatio ab Usu aedium: nam cui concessus, sive legatus est usus alicujus domus, is poterit quidem una cum suis domum illam inhabitare, imo et hospitem recipere; non tamen poterit eam aliis locare, seu commodare: quod utrumque tamen poterit is facere, cui competit habitatio, seu servitus habitationis, §. *Item is, et §. Sed si cui. Instit. de Usu et habitas.* et alibi. Et haec de Servitutibus, innumerata caeteroquin lites inter homines causantibus, pro meliori sequentium intelligentia insinuasse sufficiant: nam exactior eandem discussio Juristis relinquatur.

105 Queritur II. Utrum servitutibus, aliisque obligationibus praescribi valeat, non obstante mala fide seu scientia juris alieni? Pro resolutione hujus celebris, ac multum inter Doctores agitatae controversiae, est praenotandum cum Laymano *lib. 3. Theolog. Moral. tract. 1. cap. 8. num. 12.* Ludov. Engel *h. t. n. 18.* et aliis, quod obligationes, quae ex servitutibus nascuntur, aut per praescriptionem extinguí possunt, sicut duplicis generis. Quaedam enim suapte natura tendunt ad agendum, vel non agendum: sic qui rem alienam detinet, obligatur ad agendum; hoc est, ad reddendam rem illam domino suo, quamvis hic non petat, vel etiam non recordetur illius; quia res pro domino suo interpellat. At vero in servitutibus urbanis negativis obligatur quis ad non agendum; puta, ad aedificium aliud non tollendum, ad fenestram in alterius hortum non aperiendam, et hujusmodi.

106 Aliae vero obligationes sunt, quae suapte natura duntaxat referuntur ad patiendum, vel onus subeundum, si ab altero agatur, vel petatur. Sic fit in Legibus poenalibus, quae non obligant Reum ad solvendam poenam ante sententiam Judicis, et poenae executionem: similiter poena Commissi ob non solum vectigal non debetur, nisi petatur: insuper obligatio servituti rusticae correspondens, qua praedium serviens, debet permittere transitum, seu viam, aut quid simile, possessori praedii dominantis, tunc solum urget, quando tale quid exigitur. Quo praenotato

107 Resp. I. Obligationes illae, quae referuntur duntaxat ad patiendum, sive subeundum onus, si ab altero agatur, vel petatur, eisque correspondentes actiones personales, praescriptione extinguuntur ob solam negligentiam Actoris, seu cessationem Exactoris, quamvis obligatus suae interim obligationis probe conscius sit. Ita Glossa in *L. ult. §. Credidit in An. ff. Quomodo servit. amitt.* id probans ex eo: quia in tali casu non exigitur, ut quis aliquid faciat. Abbas *c. Quoniam omne n. 21. h. t.* concludens, quod ubi nullum intervenit peccatum ex parte praescribentis, valet praescriptio, quantumcumque quis sciverit se esse debitorem. Bartolus *l. Sequitur §. Si viam ff. de Usucapion.* Layman *cit. cap. 8. num. 12.* Pirhing *h. t. num. 52. et 54.* Engel *eod. num. 18.* et Doctores communiter. Ratio est: quia hic revera non intervenit mala fides ex parte praescribentis, sive per praescriptionem extinguentis jus alterius: etsi enim is probe recordetur juris alieni, suaeque obligationis, si ab altero agatur, vel quidpiam exigitur; simul tamen novit, se ad nihil esse obligatum, priusquam ab alio agatur, vel exigitur; sicque non peccat nihil praestando, quamdiu non exigitur: sed tamen alter ob suam negligentiam lapsu temporis a Jure defuncti perdit jus suum, neque amplius auditur opposita per Reum exceptio praescriptionis. Quinimo re positus inspecta, in dictis casibus potius unus perdit jus suum propter negligentiam, quam aliter contra eum praescribat; prout notat Abbas *d. c. Quoniam omne num. 9. h. t.* Bartolus, ubi supra.

Sic accidit in Legibus poenalibus, ut jam dictum. 108 Similiter adversus Fiscum poena Commissi ob non solum vectigal, aut hujusmodi, ipso jure debita praescribitur quinquennio, ut *L. 2. C. de Vectigal.* quia nemo tenetur eam solvere, nisi exigitur; et sic, quamvis habeatur notitia debiti, propria tamen non intervenit mala fides. Eadem ratione possunt plures actiones praescriptiones extinguí, si Actor neglexerit eas proponere intra tempus a Jure praefixum: prout tollitur Actio injuriarum lapsu, annis anni, si injuriatus eam proponere neglexerit, *l. Si non convitti. C. de Injuriis.* Sicut et privilegium nundinarum perditur lapsu decennii, quando illud impetrans a Principe, eodem per tantum tempus usus non fuit, *L. 1. ff. de Nundinis.*

Addunt Doctores, ac praesertim Glossa in *L. ult. §. Credidit ff. Quomodo servit. amittant.* Abbas *c. Quoniam omne n. 8. h. t.* Lessius *cit. cap. 6. n. 12.* Pirhing *h. t. num. 54.* Layman *cit. cap. 8. n. 12. vers. Servitutes rusticae,* et alii, hoc ipsum procedere in servitutibus rusticis: adeo, ut possim praescribere contra eum, qui habet jus servitutis rusticae in medio praedio, quando is eodem per tempus a Jure praefixum uti neglexit, etiamsi sciam, ipsi tale jus vere competere, *l. Haec autem jura ff. de Servitutib. urbanor. praedior.* Neque enim mala fide ego quidpiam facio, multo minus alterum impedio in prosecutione sui juris (alioquin quippe secus foret dicendum) imo ex parte mea nullus requiritur ad praescribendum contra servitutem rusticam: sufficit enim, quod alter non utatur jure suo per tempus a Lege definitum.

Unde Glossa in *Casu cit. l. Haec autem jura*, et 110 Bartolus *ibid.* ponit notabilem differentiam inter servitutes urbanas, et rusticas: quia ad amissionem servitutis rusticae sufficit, me non uti; ad amissionem autem servitutis urbanae requiritur, et me non uti, et te libertatem usucapere per factum tuum; puta, domum alius elevando, vel foramen muri obstruendo, aut hujusmodi, per textum *cit. l. Haec autem jura ff. de Servitut. urban. praed.* Atque ideo hic ex parte mea requiritur bona fides; non ibi, cum nullus actus ex parte mea requiratur, sed ad amissionem servitutis rusticae sufficiat sola negligentia non utentis.

Resp. II. Econtra obligationes illae, quae suapte 111 natura tendunt ad aliquid agendum, vel non agendum, non possunt ullo tempore cum mala fide, sive scientia juris alieni praescriptione extinguí, neque easdem praescribi potest. Ita Auctores *num. 107.* citati cum aliis pluribus. Ratio est: quia tales obligationes nequeunt praescribi, nisi vel omitendo actum debitum, vel exercendo actum prohibitum: atqui stante notitia juris alieni neutrum potest fieri absque peccato, et cum bona fide; ergo pariter eas nequeunt ullo tempore praescribi, ut *cap. ult. h. t.* cum similibus.

Id ipsum probatur inductione: sic quippe debitum 112 pecuniarium, v. g. centum florenorum, vi mutui, emptionis etc. contractum non extinguatur per hoc, quod creditor illud longo tempore non exigit (aepe enim urbanitatis gratia id coniungit) quamdiu debitor retinet notitiam hujus debiti. Tum quia pro creditoribus interpellat dies statuta solutionis; ut *cap. ult. de Locato*, ibi: *Cum in hoc casu dies statuta pro domino interpellat*, juncta *l. Magnam. C. de Contrah. stipulat.* Tum quia vel talis debitor stante scientia debiti habuit voluntatem solvendi, vel non: si primum, non fuit in quasi possessione liberationis: si vero secundum, non fuit in bona fide, quia potius in continuo stato peccati; sicque in neutro casu praescribere potuit. Igitur ut quis praescribat contra tale debitum pecuniarium, omnino requi-

ritur, ut ipse tempore a legibus definito, bona fide existimet, se nihil debere; sicque existat in possessione suae libertatis, v. g. putando debitum suum condonatum, vel solutum. Lessius cit. cap. ii. n. 19. Covarruvias part. 2. c. Possessor. §. 11. n. 4. vers. Sed ipse. Layman cit. cap. 8. num. 11. Pirhing h. t. n. 51. Engel h. t. n. 18. vers. Praeterea, et alii.

- 113 Idem patet in servitutibus urbanis negativis, seu obligationibus ad non agendum, v. g. non aedificandi altius, non aperiendo fenestram in hortum vicini, non pascendi in alieno praedio, non venandi vel piscandi in tali loco etc. Siquidem talibus obligationibus praescribi nequit, nisi per factum contrarium praescribentis; prout de servitutibus urbanis expresse cavetur l. Hasc autem jura. ff. de Servitut. urban. praed. decernendo, quod tales servitutes non omnimodo possint non utendo, sed ita, si vicinus simul libertatem usucipiat; puta, domum altius aedificando, fenestram aperiendo, aut huiusmodi. Atqui stante scientia juris alieni, non possum bona fide praestare actum contrarium; ergo neque praescribere talibus servitutibus, atque obligationibus, stante scientia juris alieni. Et haec videntur certa: major vero difficultas est de actionibus personalibus respectu dictarum servitutum, seu obligationum: unde

- 114 Quaeritur III. Utrum saltem actionibus personalibus, quae correspondent dictis obligationibus ad aliquid agendum, vel non agendum, possit praescribi cum mala fide, seu scientia juris alieni? Et notanter additur, quae correspondent obligationibus ad aliquid agendum etc. Nam quod actionibus personalibus, quae correspondent obligationibus ordinatis duntaxat ad aliquid patiendum, sive subeundum onus, si ab altero exigatur, possit praescribi non obstante scientia juris alieni, jam dictum est supra num. 107. et seqq.

- 115 Porro sensus praesentis quaestionis est, an stante scientia juris alieni, seu quod quis noverit sese manere obligatum pro Foro conscientiae ad solvendum, vel aliquid praestandum proximo: nihilo minus contra hunc praescribere possit in tantum, ut post lapsum temporis a lege definiti non possit amplius actio contra eum institui, neque debitum in iudicio repeti; etiam si constet de mala fide debitoris, forte per propriam ejus confessionem, aut alias legitimas probationes. Quod notanter additur: quia si non constaret de mala fide debitoris, sive Rei, praesumeretur is in Foro externo habuisse bonam fidem (nam praesumitur ignorantia, ubi scientia non probatur, puta, notitia rei alienae, ut inquit Reg. 47. Jur. in 6.) sicque merito, juxta dispositionem Legum Civilium, actioni contra ipsum intentatae aditus negaretur. Atque de hac difficultate loquendo

- 116 Resp. I. Actionibus personalibus, quae correspondent obligationibus ad aliquid agendum, vel non agendum non potest praescribi cum mala fide. Ita Covarruvias in c. Possessor. part. 2. §. 11. num. 4. et seqq. Lessius lib. 1. de Justit. et Jur. cap. 6. num. 19. quatenus etiam contrariam opinionem non improbabilem censet Pirhing h. t. n. 51. Engel eod. num. 18. vers. Ad alterum, et communior Doctorum; contra Hostiensem in Summa. tit. de Praescription. rerum immobilium §. Quae res. num. 4. vers. Actiones personales. Bartolum in l. Sequitur. §. Si viam. ff. de Usucapion. et plures alios, quos in oppositum citat Covarruvias, ubi supra. Ratio Conclusionis est: quia cap. ult. h. t. generaliter damnatur quaelibet praescriptio, quae cum peccato et mala fide procedit; ergo etiam huiusmodi praescriptio actionis personalis cum mala fide: nam qui dicit omnia, nihil excludit, c. Solitae. de Majorit. et obed. cum similibus. Antecedens patet ex verbis cit. cap. ult. h. t. ibi: Quoniam omnia, quod non est ex fide, peccatum est, Synodali iudicio diffinimus, ut

REIFFENSTUEL Jus Can. Tom. II.

nulla valeat absque bona fide praescriptio tam Canonica, quam Civilis etc. Accedit; quod praescriptio actionum personalium cum mala fide, foret nutritiva peccati; eo quod debitores saltem pro Foro externo, non possent amplius compelli ad solvendum debitum, v. g. vi mutui contractum; imo admissa tali praescriptione manerentur in continuanda iniqua detentione rei alienae, seu debiti non solvendi; ergo hoc ipso non est admittenda.

Obicies contra hoc. Jus Canonicum considerat 117 malam fidem possidentis rem alienam contra conscientiam; ergo non derogavit Legibus Civilibus denegantibus actionem personalem post lapsum certi temporis ob solam negligentiam non repetentis rem suam. Probatur consequentia: quia hic nulla intervenit res, quae possidetur, sed solum excluditur actio alterius. Resp. neg. consequent. loquendo de actionibus personalibus, quae correspondent obligationibus ad agendum, vel non agendum. Ad probationem negatur assumptum: quia in tali praescriptione, si procederet, necessario deberet intervenire possessio, vel potius quasi possessio propriae libertatis, seu immunitatis a tali obligatione: talis autem possessio non potest haberi sine peccato, ex quo quis novit sese obligatum ad tale quid agendum, vel non agendum conformiter dictis numer. 112. et 113.

Obicies ulterius. Dantur complures aliae actiones, 118 quae tolluntur, seu contra eas fit praescriptio lapsu certi temporis, et quidem ob solam negligentiam Actoris, qui postmodum perdit jus agendi, neque amplius auditur, quantumvis alter sese noverit reum; ergo idem videtur dicendum in dictis actionibus personalibus. Antecedens patet: quia sic tollitur Actio injuriarum lapsu unius anni, l. Si non convitiis. C. de Injuriis. Actio rehibitoria lapsu sex mensium l. Cum sex. C. de Edilit. Edict. Actio quanti minoris lapsu unius anni, et aliae huiusmodi; ergo. Resp. neg. consequent. Quia, ut notat Covarruvias cit. §. 17. num. 6. aliud est, actionem negari a Lege humana post lapsum certi temporis, seu ob etiam causam, quae solet contingere absque ullo dolo, et peccato adversarii; ut sit in actionibus allegatis: aliud vero, actionem tolli per factum ejusmodi mala fide continuatum, sicque fomentum a Lege exhiberi ad occupandas res alienas cum mala fide, et peccato. Illud quippe ob commune bonum Reipublicae, atque ad refracuendam litium multitudinem, bene potest fieri: non vero istud posterius. Hoc autem accideret admissa praescriptione cum mala fide contra obligationes, atque actiones personales, quae dantur ad aliquid agendum, v. g. ad solvendum creditori debitum; vel non agendum, v. g. ad non aedificandum altius etc. Nam talia faciens, seu continuans, interea semper peccaret injuste detinendo rem alienam, neque eam restituendo, cum posset, aut injuste per suum aedificium laedendo jus proximi animo complendae praescriptionis contra actionem personalem, forsitan imposterum contra ipsum instituendam.

Urgebis. Valet Lex, qua ad evitandam litium mul- 119 titudinem in Foro externo denegatur actio ex pacto nudo, l. Juris gentium. §. Sed cum. ff. de Pactis Item et alia Lex statuens, quod venditori infra dimidium justii pretii decepto, in Foro externo non subveniatur, sed eadem actio negatur, l. Rem minoris. C. de Rescindend. vendit. et c. Cum dilecti. 3. de Emption. Et tamen hic intervenit mala fides non servantis obligationem pacti nudi, vel non suppletis defectum justii pretii, ac prout subest periculum peccati; ergo data solutio non subsistit. Resp. Lex huiusmodi fuisse lata ob bonum commune Reipublicae, publicamque quietem conservandam, permittendo minus malum ad evitanda majora mala: quamquam



defecto, atque ad praecavendum peccatis, quae oriuntur ex violatione pactorum nudorum, non solum de Jure Canonico, verum etiam secundum hodiernos mores in Foro Civili, detur actio ex pacto nudo; prout uberius dictum fuit supra Lib. I. Tit. 35. De Pactis. §. 1. n. 31. et 37. Unde haec objectio posset retorqueri. Accedit ratio disparitatis: quia praescriptio cum mala fide expresse fuit revocata per Concilium Generale, relatum cap. ult. h. t. eo quod spe lucri captandi, seu complendae praescriptionis, animaverit homines ad continuandam injustam possessionem rei alienae; secus accidit in Legibus proxime allegatis.

## §. V.

De Titulo ad Praescriptionem requisito.

## SUMMARIUM.

- 120 Titulus justus requiritur ad Praescriptionem.
- 121 Et quidem duplici de casu. Et n. 125.  
Primo, ad purgandum vitium malae fidei, quando Jus commune resistit praescribenti, vel est praesumptio contra ipsam.
- 122 Tempus immemoriale, et Praescriptio immemoralis, quae? Et num. seqq.
- 123 Praescriptio tanti temporis, cujus initii memoria non extat, est minor praescriptione centenaria.
- 124 Et quomodo ea probetur per testes?
- 125 Ad praescriptionem requiritur titulus, ut ea breviori, seu ordinario tempore compleatur.
- 126 Ad praescriptionem sufficit titulus putativus, seu coloratus, nec requiritur verus.  
Et in quo sensu ille dicatur Justus titulus? Ibid.
- 127 Titulus ejusmodi, quid?
- 128 Et quotuplex sit?
- 129 Tituli Pro soluto et pro suo, dicuntur generales, alii speciales.
- 130 Tituli generales regulariter non recte allegantur ad praescriptionem sine specialibus.
- 131 Titulus Pro haerede, quando sufficiat ad Praescriptionem? Et num. seqq.  
Si defunctus rem bona fide possedit ut suam, ac necdum Praescriptionem complevit, possessio ejus continuatur in haerede
- 132 Idque exemplificatur.  
Atque ampliatur ad Successorem in Beneficio, et Legatarium. Ibid.
- 133 Haeres succedit in omne Jus defuncti.  
Ac censetur eadem persona cum defuncto. Ibid.
- 134 Quando defunctus fuit possessor malae fidei, haeres ejus immediatus nunquam praescribit rem illius, licet hanc bona fide habeat. Et num. seqq.
- 135 et 136. Et hujus ratio.  
Haeres repraesentat personam defuncti. Ibidem.
- 137 An haeres immediatus bona fide possit saltem longissimo tempore praescribere rem a defuncto mala fide possessam?
- 138 Hanc haeres mediatus bona fide praescribit tempore ordinario.
- 139 Idem dicendum de Donatario, vel Emptore.
- 140 Ac Successore in Dignitate, Beneficio, vel Officio.
- 141 Haeres potest rem a defuncto mala fide possessam bene praescribere ex alio Titulo, quam haereditatis.
- 142 An ad omnem prorsus Praescriptionem requiratur titulus? Et num. seqq.
- 143 Titulus requiritur ad Praescriptionem in duobus duntaxat casibus: nempe, ut compleatur breviori, seu ordinario tempore; et quando Jus commune resistit praescribenti etc.
- 144 Nisi allegetur Praescriptio immemoralis.  
Possessio temporis immemoralis est instar tituli, imo melior titulus de toto Mundo. Ibid.

145 Non omnis Praescriptio est contra Jus commune, licet sit contra Jus privati.

146 In materia Praescriptionis, ac tituli ad eam requisiti, non est differentia inter Jus Civile et Canonicum.

147 Textus in cap. 1. h. t. in 6. procedit, quando Jus commune fortiter resistit praescribenti.

**Q**uae sit I. Utrum, et cur ad Praescriptionem requiratur Titulus? Resp. I. Inter alias condiciones ad Praescriptionem requisitas, etiam est justus Titulus. Ita liquet ex c. Si diligenti. 17. h. t. ubi dicitur: Cum in Praescriptione rerum Ecclesiasticarum bona fides, et justus titulus exigatur. Concordat c. Dudum. 31. de Decimis; ubi allegans praescriptionem, jubetur per Papam, praescriptionis Titulum probare. Adde Textum in L. ult. C. de Usucapion. pro haerede, ibi: Usucapio non praecedente vero Titulo, procedere non potest. Et l. Nullo. C. de Rei vindicat. ibi: Nullo justo Titulo praecedente possidentes ratio Juris quaerere dominium prohibet: cum similibus.

Resp. II. Ejusmodi Titulus duplici praecipue de causa requiritur ad Praescriptionem. Primo quidem ad purgandum vitium malae fidei, quando vel Jus commune resistit praescribenti, vel alia praesumptio est contra ipsam. Textus est in cap. 1. h. t. in 6. ibi: Licet ei, qui rem praescribit Ecclesiasticam, si sibi non est contrarium Jus commune, vel contra eum praesumptio non habeatur, sufficiat bona fides: ubi tamen est ei Jus commune contrarium, vel habetur praesumptio contra ipsum, bona fides non sufficit, sed est necessarius titulus, qui possessori causam tribuat praescribendi: Nisi tanti temporis allegetur Praescriptio, cujus contrarii memoria non existat. Haec Pontifex; ac pluribus declarat Glossa ibid. §. Titulum. et Jo. Andreas, et Barbosa in Collectan. ad cit. cap. 1. h. t. in 6. et Vivianus in Rational. ibid. atque Abbas c. Si diligenti. n. 20. h. t. juncto textu ibid. cum communi.

Porro Tempus immemoriale, seu Praescriptio immemoralis dicitur, cujus initium excedit memoriam hominum: sive, cujus origo memoriam excedit, scilicet hominum, qui nunc vivunt, l. Haec Jura. §. Ductus aquae. juncta Glossa §. Memoriam. ff. de Aqua quotidian. etc. Super quibusdam. 26. de Verb. signif. Quia vero censetur aliquid excedere memoriam hominum, si excedat centum annos, qui est finis vitae longaevae hominis, l. An usufructus. ff. de Usufruct. Hinc ad praescriptionem tanti temporis, cujus initii memoria non extat, requiri lapsum centum annorum, nec sufficere praescriptionem brevioris temporis, non pauci voluerunt: ut Curtius Junior Consil. 90. col. fin. Cardinalis c. Si diligenti in fin. de Praescript. Felinus c. Cum vobis. eod. quos pro hac sententia allegat Cravetta proxime citandas; ac novissime Pirhing h. t. num. 127. cum nonnullis aliis.

Oppositum tamen, seu quod praescriptio temporis, cujus initii memoria non extat, non requirat tempus centum annorum, sed minor dicatur praescriptione centenaria: innuit Glossa c. Cum vobis. §. Centum annorum, et Barbosa ibid. num. 5. h. t. Idemque ex professo, ac pluribus allegatis Doctoribus, et rationibus, probat Aymon Cravetta Tom. 17. Tractatum, tract. de Antiquitat. tempor. part. 4. §. Absolutis differentiis. num. 2. et seqq. Ratio est: Tum quia praescriptio centenaria, et praescriptio tanti temporis, cujus initii memoria non extat in contrarium, diversis nominibus appellantur; ergo una non debet importare idem, quod altera, arg. l. Si idem. C. de Codicillis. Tum quia praescriptio centenaria soli Romanae Ecclesiae competit, c. Cum vobis. 14. et c. Si diligenti. 17. h. t. et Auth. Quas actiones. C. de Sacros. Eccles. ergo Praescriptio illa, cujus initii memoria non extat, et

contra Ecclesias inferiores procedit, hoc ipso nequit importare tempus centum annorum; alioquin saluum foret, quod sola Romana Ecclesia gaudeat privilegio Praescriptionis centum annorum. Tacentur aliae rationes, apud Cravettam videndae.

124 His accedit Engel *h. t. num. 34.* ubi inquit, quod Practici advertant, praescriptionem tanti temporis, cujus initii memoria non exstat in contrarium, probari per testes, qui saltem quadraginta annos testantur de visu, vel sensu proprio, ac de caetero etiam a suis Majoribus semper audierunt rei statum sic fuisse. Mynsinger *Centur. 1. Observat. 30.* Concordant dicta superius *Lib. 1. Tit. 4. De consuetudine. §. 7. num. 180.* ubi agitur de probatione consuetudinis immemorialis.

125 Secundo, requiritur titulus ad praescriptionem, ut haec brevior, seu ordinario tempore compleatur. Sic enim ad praescribenda bona immobilia privatorum cum titulo, sufficit tempus longum: quod est decem annorum inter praesentes, et viginti annorum inter absentes, §. 1. *Instit. de Usucapion.* Contra vero ad praescribendum bona ejusmodi sine titulo, requiritur possessio triginta annorum bona fide continuata, *l. Sicut in rem C. de Praescription. 30. vel 40. annor. cum similibus*; atque ex professo dicitur infra §. 6. n. 155. et seqq.

126 Dices. Si aliquando ad Praescriptionem requiritur justus titulus, ergo tunc non amplius erit opus praescriptione. Probatur consequentia: Quia justus titulus, v. g. emptionis, donationis etc. secuta rei traditione, ex se ipso, transfert rei dominium, *l. Traditionibus. C. de Pactis*: ergo ulterius non erit opus praescriptione: *Nam quod meum est, ex alia causa meum fieri non potest, nisi desierit esse meum*; ut dicitur *c. Inter dilectos 6. §. Caeterum. de Fide instrument.* cum concordantiis ibidem a Glossa & *Quod meum est, relictis* Resp. neg. consequent. ejusque probationem distinguendo. Justus titulus transfert rei dominium, si simul est verus, atque a parte rei subsistens, conced. Si est putativus tantum, qui scilicet justo errore putatur legitimus, quamvis ex aliqua occulta causa talis non sit, neg. assumptum. Siquidem ut notat Glossa in *c. Si diligenti. §. Justus titulus. h. t.* et Abbas *ibid. num. 23.* ad Praescriptionem non requiritur justus titulus, qui in veritate sit talis, seu per quem transferatur rei dominium: sed sufficit putativus, sive (ut alii loquuntur) coloratus, vel praesumptus. Et talis Titulus pro tanto dicitur justus: quia concurrente bona fide possidentis dat causam praescribendi; licet in veritate non sit justus, alioquin eodem nulla opus foret praescriptione. Unde

127 Queritur II. Quid sit, et quotuplex sit Titulus? Resp. I. Titulus, quantum ad propositum, est causa ex se habilis ad transferendum dominium, vel usucapiendi conditionem praebens. Ita Vallensis *h. t. §. 5. n. 1.* Engel *cod. num. 22.* Sannig. *cap. 3. n. 1.* et alii: nec in re discordat Glossa in *Summa. caus. 16. q. 3.* dicens: *Titulus est justa causa possidendi, quod nostrum non est.* Et hujusmodi justa causa possidendi, seu ex se habilis ad transferendum dominium, vel saltem (si a parte rei non subsisteret) usucapiendi conditionem praebens, est donatio emptio, transactio, et hujusmodi: nam alii tituli, qui ex natura sua non tendunt ad translationem domini, ut commodatum, depositum, precarium etc. pariter nihil prosunt ad praescriptionem, neque usucapiendi conditionem praebent.

128 Resp. II. Ejusmodi tituli habiles ad transferendum rerum dominium, vel saltem praebentes usucapiendi conditionem, sunt sequentes, quos ex *Libro 41. Digestorum* desumptos, breviter allegat, et explicat Lessius *lib. 2. cap. 6. dubit. 7.* videlicet, dom quis bona fide possidet rem alienam *Pro emptore, Pro*

*transacto, Pro donato, Pro haerede, Pro legato, Pro dote, Pro judicio, Pro derelicto, Pro soluto, Pro suo.* Quia enim titulo emptionis, transactionis, donationis etc. secuta traditione transferri solet rerum dominium, dummodo tradens fuerit dominus, simulque potuerit alievari: hinc fit, quod si bona fide emi rem ab aliquo, quem credebam dominum, et non erat; vel rem Ecclesiasticam ab Abbate, aut Episcopo, credens requisita Juris in ejus alienatione fuisse observata per ipsum, et non erant observata, aut hujusmodi, ob talem latentem defectum non acquiram rei dominium, bene tamen usucapiendi conditionem.

Resp. III. Ex enumeratis titulis priores sunt speciales; duo tamen posteriores, nempe *Pro soluto*, et *Pro suo*, dicuntur generales, eo quod sint incerti, et in aliis specialibus etiam includantur. Quicumque enim rem possidet *Pro emptore, donato, legato* (id est, titulo emptionis, donationis, legati sibi in testamento relictis etc.) eam etiam possidet *Pro soluto, et Pro suo.*

Porro isti Tituli generales, cum sint incerti, soli ordinarie non recte allegantur ad praescriptionem sine suis specialibus titulis, ex quibus ortum habent; ut notat Engel *h. t. n. 23.* Dicitur *ordinarie*: nam quandoque etiam omnibus aliis deficientibus sufficere possunt, *arg. l. ult. ff. Pro suo.* ubi admittitur usucapio, quando quis in bonis suis invenit aliquid, quod bona fide existimavit esse suum, etiamsi a parte rei fuerit falsa ejus existimatio. Unde successor, v. g. Praelatus potest res, ac Jura a suo Antecessore relictas, ex titulo *Pro suo* praescribere: quia, qui in locum alterius succedit, justam habet ignorantiae causam. Glossa *c. De quarta. §. Se posse tueri h. t.* Engel *cit. n. 23.* adducens nonnulla alia exempla.

Queritur III. Quando titulus *Pro haerede* sufficiat ad Praescriptionem? Resp. I. Titulus *Pro haerede* tunc juvat ad Praescriptionem, quando defunctus rem bona fide possedit ut suam, ac necdum tempus praescriptionis complevit: nam possessio defuncti continuatur in haerede. Textus est in §. *Diutina Instit. de Usucapion.* ibi: *Diutina possessio, quae prodesse coeperat defuncto, et haeredi, et bonorum possessori continuatur etc.* Concordat textus in *l. Dolia. §. Eum, qui. ff. de Contrahend. emptio.* ubi Bartolus in *Summario* inquit, quod possessio Aitoris et Successoris jungatur ad praescriptionem implendam: juncta *l. Pomponius. C. Cum quis. ff. de Acquirend. possess.*

Inferitur proinde, quod si quis existat haeres alterius bonae fidei possessoris, qui rem immobilem alicujus privati quinquennio cum titulo, v. g. emptionis possedit, ejusmodi haeres additis aliis quinque annis suae possessionis, bona pariter fide continuatae, possit praescriptionem inter praesentes complere. Pirhing *h. t. n. 65.* Layman *lib. 3. Theolog. Moral. sect. 5. tract. 1. cap. 8. n. 17.* ubi istud ampliat ad Successorem in Beneficio: nam hic etiam ad complendam praescriptionem circa Jura, et res sui Beneficii, potest connumerare annos, quibus bona fide Antecessor suus easdem possidebat. Et quod etiam Legatario danda sit accessio ejus temporis, quo res fuit apud Testatorem; textus est expressus in *l. Pomponius. §. Sed et Legatario ff. de Acquirend. possession.*

Adiicitur notanter, quando defunctus rem bona fide possedit ut suam etc. Secus est dicendum, si defunctus rem detinuisse veluti sibi commodatam, locatam, oppignoratam, vel apud se depositam: quia talem rem haeres ipsius numquam praescribere poterit, quantumvis bona fide, ac jure hereditario, ipsam possidere videatur. Siquidem haeres in omne jus defuncti succedit, ut dicitur *l. Cum haeres. ff. de Diversis. et temporal. praescript.* et proinde censetur rem tenere eo modo, ac jure, quo ipsam tenuit defunctus: videlicet per modum commodati, locati, pignoris, depositi etc. Accedit, quod haeres censetur eadem persona

eum defuncto, *Auth. de Iurejurand. §. 1. Collat. 5.* ibi: *Cum utique nostris videtur legibus unam quodammodo personam haeredis, et ejus, qui in eum transmittit haereditatem: junctis concordantiis a Glossa ibid. §. Unam quodammodo, relatis.* Unde locum habet, quod *Reg. 46. Jur. in 6.* dicitur: *Is, qui in jus succedit alterius, eo jure, quo ille, uti debet.* Quod procedere in Successore universali, qualis est haeres, utpote succedens in universum jus defuncti, notat Dynus in *cit. Reg. 46. Jur. in 6. num. 2. et seqq.*

- 134 Resp. II. Quando defunctus fuit possessor malae fidei, tunc haeres ejus immediatus ex titulo *Pro haerede*, non potest ullo tempore rem a defuncto mala fide possessam praescribere, etiam si eam bona fide habeat, velique a se ipso initium praescriptionis ioculare. Ita Covarruvias *part. 2. in c. Possessor. §. 9. num. 1. et seqq.* Abbas *c. Si diligenti num. 29. et 30. h. t. Lessius cit. lib. 2. cap. 6. num. 42.* Fachineus *lib. 8. Controvers. Jur. cap. 27.* Pirhing *h. t. n. 68.* et communis aliorum; contra Glossam *c. Cum quis in jus. de Reg. Jur. in 6.* et quosdam alios, quos in contrarium citat Covarruvias *ibid. n. 5.*

- 135 Ratio communis sententiae est: quia haeres representat personam defuncti; immo censetur eadem persona cum defuncto, juxta *cit. Auth. de Iurejurando a moriente praestito. Collat. 5.* Ergo sicuti defunctus ipse non potuisset praescribere ullo tempore cum mala fide, ita nec haeres ejus, utpote qui ob representationem defuncti, fictione Juris censetur habere malam fidem. Id ipsum habetur clare decisum in *l. ult. C. Communia de Usucapion.* ubi proinde Salycetus in *Summario* sic inquit: *Vitium defuncti nocet ejus universali successor, etiam bonam fidem habenti.* Concordat textus in *l. Cum haeres ff. de Diversis et temporal. praescription. et §. Diutina Instit. de Usucapion.*

- 136 Dices. Hoc quidem procedere spectato Jure Civili: secus autem esse dicendum de Jure Canonico, utpote cum secundum hoc ad praescriptionem sufficiat bona fides possidentis; ut *c. Si diligenti* juncta Glossa §. *Bona fides, et cap. ult. h. t.* cum similibus. Resp. neg. assumptum. Tum quia circa praesentem controversiam nullum habemus textum contrarium in Jure Canonico; et consequenter stabitur clarae decisioni Juris Civilis, juxta dicta superius in *Prooemio Lib. 1. Decretalium n. 225. et seqq.* Tum quia sicut Jure Civili, ita et Pontificio, haeres representat personam defuncti; atque idcirco ex hac representatione censetur habere malam fidem: non quidem veram (uti supponitur) sed fictam, seu fictione Juris induciam, eo quod haeres censetur eadem persona cum defuncto; uti notat Abbas, et Covarruvias, *ubi supra.* Tum tandem, quia haeres tenetur ad exonerandam conscientiam defuncti, *cap. ult. de Sepultur.* atqui non aliter poterit exonerare conscientiam defuncti, nisi restituendo rem, quam ipse mala fide possederat; prout cum aliis argumentatur Abbas *cit. num. 30. ergo.*

- 137 Urgebis. Jus Civile locis supra *n. 61.* citatis, non impedit praescriptionem longissimi temporis, videlicet 30. vel 40. annorum etiam cum mala fide: ergo mala fides defuncti non obstat haeredi bona fide rem praescribenti saltem annis triginta, dummodo velit uti accessione possessionis ipsius defuncti. Antecedens probatur ex *l. Sicut in rem. et l. Si quis emptionis. C. de Praescription. 30. vel 40. annor.* ergo. Nec dicas, hujusmodi Leges fuisse correctas per Jus Canonicum, *cap. ult. h. t.* Nam contra est: quia Jus Canonicum *loc. cit.* loquitur solummodo de vera mala fide, quae peccatum involvit; non autem de ficta mala fide, utpote quae nullum ex parte haeredis peccatum involvit. Resp. negando antecedens, cum consequentia esse probationis; idque ob responsionem inter arguendum relatum. Ad hujus impugnationem dicitur:

quamvis ob ipsam Covarruvias *loc. cit. num. 5.* et Lessius *n. 42.* cum nonnullis aliis probabile censent, quod mala fides defuncti non obstat haeredi bona fide praescribenti annis triginta: simulque statendum sit, oppositum istius sententiae ex *cit. cap. ult. h. t.* non evinci, ob rationem jam allatam; quia videlicet in eo duntaxat est sermo de vera mala fide, seu peccatum involvente, non autem de ficta: nihilo minus istud probatur aliunde. Et primo quidem ex eo: quia haeres succedit in jus defuncti, imo omne jus suum causatur a defuncto; sicque propter vitium defuncti, transit res in ipsum cum suo onere; ergo sicut defunctus malae fidei, rem illam nullo tempore potuit praescribere, ita nec haeres ejus. Abbas *cit. cap. ult. n. 30. h. t.* Fachineus *lib. 8. Controvers. Jur. cap. 27.* et alii. Deinde id ipsum confirmatur ex eo: quia haeres etiam de Jure Canonico representat personam defuncti (quae representatio, simulque mala fides ficta, non extinguitur spatio triginta annorum) teneturque ad exonerandam conscientiam defuncti; ergo hoc ipso probabilius est, Jurique conformius, dictam obligationem lapsu triginta annorum non extinguere, neque eidem praescribi posse. Lessius *cit. n. 42.* Pirhing *h. t. n. 72.* Sylvester §. *Praescriptio l. n. 8.* Abbas, Fachineus, *ubi supra*, et alii.

Dicitur notanter num. 134. *haeres immediatus.* 138

Quia haeres medius, id est, haeres primi haeredis, potest rem tempore ordinario praescribere, quam bona fide prior haeres possederat. Ratio est: quia haeres haeredis non amplius habet malam fidem fictam, utpote quam Jura induxerunt ex sola vera mala fide defuncti, ob representationem ejus in haerede. Accedit, quod fictio non pariat fictionem. Covarruvias *loc. cit. n. 7.* Lessius *n. 41.* Pirhing *h. t. n. 70.* et alii, istud intelligentes, dummodo haeres medius et bona fide possidens incipiat praescriptionem, computando videlicet solum tempus, quo ipse possedit, non autem connumerando tempus, quo possedit suus Antecessor.

Hoc ipsum multo magis procedit in Successore singulari, puta, in Donatario, vel Emptore, cui primus haeres rem ejusmodi bona fide donavit, vel vendidit: quia ille personam defuncti non representat, atque tempore ordinario praescribere poterit. Hinc §. *Sed tamen. Instit. de Usucapion.* dicitur: *Si haeres rem defuncto commodatam, aut locatam, vel apud eum depositam, existimans haereditariam esse, bona fide accipienti vendiderit, aut donaverit, aut dotis nomine dederit, quin is, qui acceperit, nuncupare possit, dubium non est.*

Quin imo etiam Successor in Dignitate, Beneficio vel Officio, qui personam defuncti, vel Antecessoris sui minime representat, potest cum bona fide praescribere rem a defuncto, vel Antecessore suo mala fide possessam; dummodo non computet tempus illud, quo aliter mala fide possedit. Glossa *c. De quarta §. Se posse tueri.* et Abbas *ibid. n. 9.* Felinus *n. 23. h. t.* Covarruvias *cit. part. 2. in c. Possessor. §. 9. n. 7.* Pirhing *h. t. n. 72.* et alii. Ratio est: quia talis non possidet Dignitatem, Beneficium vel officium, jure sui Antecessoris, sed mediante legitimo Collatore, ergo non est, cur ipsi bonam fidem, debeat uocare mala fides Antecessoris sui, quo minus possit praescribere rem a se bona fide possessam.

Dicitur etiam eod. num. 134. *ex titulo pro haerede.* 141

Quia potest haeres rem a defuncto mala fide possessam bene praescribere, si ipsam acquisivit alio titulo, quam titulo haereditatis: puta, si defunctus ante mortem suo futuro haeredi vendidit, aut donavit rem alienam, quam iste bona fide accepit, atque possedit: potest enim eam debito tempore praescribere, juxta textum *l. An vitium. ff. de Diversis et temporalib. praescription.* ubi Glossa in *Casu.* Covarruvias *d. §. 9. n. 6. vers. Quartum.* Pirhing *h. t. n. 69.* et alii.

Quaeritur IV. An ad omnem prorsus praescriptio- 142



nam requiratur iustus Titulus? Resp. Negative, intelligendo istud de Titulo aliquo speciali, puta emptionis, donationis, vel huiusmodi; non autem de Titulo illo valde generali *Pro suo*: constat enim, quod hic semper debeat intervenire, cum alioquin quis non possideret rem nomine proprio, vel saltem non cum bona fide. Ratio Conclusionis taliter explicatae, desumitur ex cap. 1. h. t. in 6. ubi expresse dicitur, quod *ei, qui rem praescribit Ecclesiasticam, si sibi non est contrarium Jus commune, vel contra eum praesumptio non habeatur, sufficiat bona fides*. Concordat textus c. De quarta 4. et c. Ad aures 6. et cap. ult. h. t. ubi nulla prorsus fit mentio de titulo; et tamen interveniente bona fide, et possessione legitimo tempore continuata, admittitur praescriptio. Et hinc in bonis privatorum procedere praescriptionem triginta annorum sive titulo, cum communi Doctorum dicitur infra num. 155.

143 Igitur ad Praescriptionem requiritur Titulus specialis in duobus duntaxat casibus. Primo, ut praescriptio compleatur breviori, seu ordinario tempore, juxta dicta superius n. 125. Secundo, quando Jus commune resistit praescribenti, vel alias habetur praesumptio contra ipsum. Ratio est: quia ad praescriptionem requiritur bona fides: sed quando praescribenti est contrarium Jus commune, vel habetur praesumptio contra ipsum, hoc ipso censetur abesse bona fides, nisi allegando specialem titulum possit talis praesumptio tolli, seu mala fides purgari: ergo ad eam tollendam, atque purgandam malam fidem, requiritur allegatio cujusdam specialis tituli. Atque hoc ipsum patet ex c. Si diligenti 17. h. t. et cap. 1. eod. in 6. cujus verba n. 121. jam sunt relata.

144 Estendum tamen, quod in hoc posteriori loco istud limitetur illis verbis: *Nisi tanti temporis allegetur praescriptio, cujus contrarii memoria non existit*. Siquidem ipsa temporis immemorialis continuata possessio, est instar tituli, imo qua non potest allegari melior titulus de toto Mundo, ut loquitur Fagnanus in c. Cum Apostolica n. 6. De his, quae sunt a Praeclatis etc. post Rotam Decis. 642. n. 2. part. 4. Divers. et Decis. 150. n. 4. part. 5. Recent. Dummodo sit capacitas in possidente, et bene limitat Fagnanus loc. cit. num. 7. et c. Cum contingat n. 8. et seqq. de Foro competentis citans plures alios. Quid autem intelligatur per possessionem, seu praescriptionem temporis immemorialis, patet ex dictis supra num. 122. et seqq.

145 Dices. Si ad Praescriptionem, cui Jus commune resistit, requiritur titulus specialis, ergo hoc ipso ad omnem praescriptionem requiritur titulus specialis: atqui istud est contra datam Conclusionem; ergo. Probatur sequela maj. Quia omnis praescriptio est contra Jus commune, quo decernitur, ut Jus suum cuique tribuatur; ergo. Resp. neg. sequel. major. cum antecedenti suae probationis. Quia, licet omnis praescriptio sit contra Jus hominis privati, negligentis tempore debito rem suam repetere: non tamen omnis est contra Jus commune. Quia imo Jus commune induxit legem de praescriptione, tum ad puniendam quorundam desidiam, res suas longo tempore repetere negligentium: tum etiam ad conservandam publicam pacem Reipublicae, ac sopiendas infinitas propemodum lites, quae alioquin oriri possent. Unde etiam fit, quod completa semel bona fide per alterum praescriptione, amittat prior dominus Jus suum ad rem, quam tempore legibus definito non repetivit, aut repetere neglexit.

146 Urgebis. Citato cap. 1. de Praescriptione. in 6. fit solum sermo de praescriptione rerum Ecclesiasticarum, ibi: *Qui rem praescribit Ecclesiasticam*: ergo dispositio illius Decretalis non est extendenda ad praescriptionem rerum civilium, seu profanarum, quoniam Jus commune sit contrarium praescribenti. Resp. neg.

consequent. Quia in materia praescriptionis, ac tituli ad eam requisiti, nulla est differentia inter Jus Civile et Canonicum; eo quod in tali casu de Jure Canonico exigatur titulus propter praesumptam malam fidem: adeoque, cum agatur de peccato excludendo, standum erit Juri Canonico etiam in Foro Civili; prout recte notat Abbas c. Si diligenti num. 35. h. t. et Covarruvias lib. 1. Variar. Resolut. cap. 17. n. 7. citans alios.

Instabis. Praescribenti servitutem in alieno fundo, adversatur praesumptio Juris communis (nam quodlibet praedium praesumitur liberum, nisi probetur contrarium, arg. l. Alius. C. de Servitut. cum concordantiis ibidem a Glossa adductis) et tamen ad praescribendam servitutem in alieno fundo, non requiritur titulus, text. clar. l. Si quis diuturno ff. Si servitus vindicetur; ergo. Resp. neg. anteced. Quia, ut notat Covarruvias loc. cit. num. 7. quod quis habeat Jus servitutis in alieno praedio, non est contra Jus commune, sed tantum contra quandam praesumptionem Juris naturalis, juxta cit. l. Alius. Caeterum (subdit idem Auctor) textus in cap. 1. h. t. in 6. procedit, quando Jus commune fortiter resistit praescribenti, attribuendo videlicet alteri talem rem, prout Decimas, de quibus ibidem est sermo, attribuuntur Parocho. Concordat Abbas c. Si diligenti n. 20. h. t. ubi ait, quod cit. cap. 1. eod. in 6. procedat in praesumptione urgenti, non autem in qualibet praesumptione. Faciendum tamen, quod plures Doctores velint, illud esse speciale in servitutibus praescribendis, utpote in quibus praesumptio libertatis versatur circa modicam laesionem.

## §. VI.

De tempore ad complendam Praescriptionem rerum, servitutum, et actionum requisito.

## SUMMARIUM.

- 148 Res mobiles privatorum cum titulo, et bona fide, praescribuntur triennio: immobiles per longi temporis possessionem.
- Longum tempus, quod censeatur in Jure? Ibid.
- 149 Res mobiles, et immobiles, quae?
- 150 Nomine immobilium etiam veniunt Beneficia, census, redditus, Jus patronatus etc. ac jura, et actiones ad immobilia.
- 151 Praesentes, et Absentes qui dicantur? Et n. seq.
- 152 Provinciae nomine, quid intelligatur?
- 153 Quid, si quis quibusdam annis fuit absens, quibusdam praesens?
- 154 Res vitiosae, seu furtivae, non possunt triennio usucapi.
- Usucapio in rebus mobilibus non facile procedit. Ibid.
- 155 Bona tam mobilia, quam immobilia privatorum, sine titulo, sed cum bona fide, praescribuntur triginta annis.
- 156 Servitus mere personalis nullo tempore praescribitur, bene tamen libertas hominis.
- 157 Servitus mixta, et
- 158 Servitus realis, quo tempore praescribatur cum titulo?
- 159 Et quo tempore praescribatur sine titulo, servitus realis continua, vel quasi continua.
- 160 Et quo discontinua?
- 161 Servitutes mixtae, sicut et servitutes reales, tum rusticae, tum urbanae, quo modo, et tempore amittantur?
- 162 et 163. Ad praescribendas res immobiles contra Ecclesias, Monasteria, Hospitalia etc. requiruntur anni quadraginta.

- 164 *Idque probatur.*  
 165 *Contra Ecclesiam Romanam currit sola centenaria praescriptio.*  
 166 *Monasteria quaedam, et Ordines sunt privilegiati, ut majori quam quadraginta annorum praescriptione gaudeant.*  
 167 *Bona privata, et patrimonialia Clericorum, praescribuntur tempore ordinario.*  
 168 *Utrum res mobiles Ecclesiarum, aliorumque piorum Locorum, cum titulo, et bona fide, triennio usucapiantur, variant Doctores.*  
 169 et 170. *Fundamentum negativae sententiae affertur.*  
 171 *Affirmativa est communior, et verior.*  
 172 *Solvuntur contraria. Et num. seq.*  
 173 *Ecclesia gaudet privilegiis Fisci; et qualiter? Et num. seq.*  
 174 *Actiones, quo tempore extinguuntur, sive praescribatur contra eas? Et num. seqq.*  
*Actio hypothecaria contra debitorem, vel ejus haereditatem non extinguitur, nisi annis quadraginta. Ibid.*  
 175 *Secus contra alios.*  
 176 *Actiones temporales per contestationem litis sunt perpetuae.*  
 177 *Ceterae actiones extinguuntur per praescriptionem annis triginta etc. non tamen omnes tantum temporis requirunt. Et num. seqq.*  
 178 *Actio injuriarum expirat lapsu unius anni.*  
 179 *Actio ad accusandum adulterium, alinqua peccata carnis (quibusdam exceptis) expirat quinquennio.*  
 180 *Quid dicendum de nefando crimine Sodomiae?*  
 181 *Actiones criminales tolluntur regulariter viginti annis, nonnullis tamen exceptis.*  
 182 *Actio redhibitoria, quae; et quo tempore eidem praescribatur?*  
 183 *Actio quanti minoris, quae, et quamdiu duret?*  
 148 **Q**uaeritur I. Quantum temporis requiratur ad Praescriptionem rerum tum mobilium, tum immobilium, contra privatos? Resp. I. De facto res mobiles privatorum cum titulo et bona fide, usucapiuntur triennio: res immobiles autem per longi temporis possessionem; id est, decennio inter praesentes, et viginti annis inter absentes. Ita nunc communis; atque secluse omni locorum differentia, rejectaque annali exceptione prius usitata, habetur expressum *L. an. C. de Usucapion. transformand. et §. 1. Instit. de Usucapion.* In quo posteriori loco cum primis fit mentio de bona fide, ac justo titulo, illis verbis: *Jure Civili constitutum fuerat, ut qui bona fide ab eo, qui dominus non erat, cum crederet eum dominum esse, rem emerit, vel ex donatione, aliave quamvis iusta causa acceperit etc.* Atque infra loquendo de rebus taliter acquisitis, atque possessis, subiungitur: *Cantum est, ut res quidem mobiles per triennium, immobiles vero per longi temporis possessionem (id est, inter praesentes decennio, inter absentes viginti annis) usucapiantur.* Haec ibi. Pro cuius intelligentia  
 149 Notandum est primo, quod *Res mobiles* dicantur esse, quae loco moveri possunt: ut vestis, animalia, naves, et similia. *Res immobiles* e contra sunt, quae loco non moventur: ut Ecclesiae, domus, agri, praedia, et huiusmodi.  
 150 Porro nomine *immobilium* etiam veniunt Beneficia, census, redditus, Jus patronatus, usufructus, et servitutes. Haec enim omnia fixe manent, et iustae immobilium afferunt fructum, et commoditatem suam: uti argumentatur Lessius *lib. 2. cap. 6. n. 25.* et concordat textus in *Clem. Exivi. §. Proinde de Verb. signif.* ibi: *Cumque annui redditus inter immobilia censeantur a Jure.* Rursus nomine immobilium

comprehenduntur Jure, et actiones ad immobilia. Dicitur notanter; *ad immobilia*: nam Jure, et actiones ad mobilia; v. g. ad equum, vestem etc. dicuntur res mobiles, non minus, ac ipsemet equus, vestis etc. Siquidem accessorium naturam sequitur principalis; juxta *Reg. 42. Jur. in 6.*

Notandum ulterius, quod quantum ad propositum, 151 *Praesentes* dicantur, qui in eadem Provincia commorantur, sive res praescribenda sit pariter in illa Provincia, sive in vicinia, sive alibi, aut etiam trans mare. Hoc enim nihil importat, cum dominium rei, et Jus venditionis incorporeale sit, ac proinde, ubicunque res posita sit, ejus dominium a domino repeti possit, *l. Cum in longi. juncta Glossa §. In eadem provincia. C. de Praescription. longi tempor.* E contra vero *Absentes* dicuntur illi, qui in diversis Provinciis habitant.

Porro nomine *Provincias* impraesentiarum intel- 152 ligitur locus, qui olim ab eodem Praeside regebatur. Quia vero de facto plures sunt Civitates, quae habent sua propria Regimina, sive proprium Governatorem, qui soli Principi, vel Senatui subest; de singulis talibus Territoriis idem nunc est dicendum, quod superius dictum est de Provinciis: videlicet, *Praesentes* esse, qui in eodem tali Territorio; *Absentes* autem, qui in diversis Territoriis habitant. *Glossa cit. l. Cum in longi. §. Id est in una Provincia, et Bartolus ibid.* ac sequuntur alii passim.

Resp. II. Quod si quis quibusdam annis praesens sit, 153 quibusdam absens, adjiciuntur ei super decennium tot anni, quot anni ex decennio fuit absens. Ita loquitur *Auth. Quod si quis. C. de Praescript. longi tempor.* Quae quidem communiter sic intelligitur, quod unus annus praesentiae aequivalet duobus annis absentiae; et vicissim duo anni absentiae, faciunt unum annum praesentiae; adeoque, si quis per octo annos praesens fuerit, et deinde per duos absens, alii duo anni sint superaddendi; ita ut haec praescriptio ante annos duodecim non compleatur.

Ceterum ab usucapione triennali excipiuntur res 154 vitiosae, id est, furtivae, vel vi possessae. Tales enim non possunt triennio usucapi: non tantum a fure ipsomet, vel per vim possidente, (nam his alia ratione usucapio non competit, quia scilicet mala fide possident) sed nec a quocunque alio tertio, quamvis eas bona fide a fure, vel ab aliis emerit, aut quocunque alio titulo acceperit, *Text. clar. §. Furtivae. Instit. de Usucapion.* Ubi proinde merito subiungitur, quod usucapio in rebus mobilibus non facile procedit: quia plerumque, qui primus rem alienam vendidit, furtum commisit; quin imo scienter rem alienam vendens, hoc ipso committit furtum. Verum hoc intellige de usucapione triennali: nam res huiusmodi furtivae a bonae fidei possessore posse praescribi spatio triginta annorum, tenet communis Doctorum; estque jam dictum supra §. 2. n. 27. et seqq. ubi nonnullae aliae limitationes declarantur.

Resp. III. Ad praescribenda bona tam mobilia, 155 quam immobilia privatorum sine titulo (supposita tamen bona fide ex parte praescribentis) requiritur, et sufficit tempus triginta annorum. Ita communis; et habetur *l. Sicut in rem. C. de Praescript. 30. vel 40. annor.* ubi generaliter dicitur: *Si qua res, vel Jus ali-quod postuletur, vel persona qualicunque actione vel persecutione pulsatur, nihilominus erit agentis triginta annorum praescriptio metuenda etc.* Concordat textus *c. Sanctorum. 3. h. t.* ubi Ecclesia per quietam et sinceram, hoc est (ut explicat *Glossa ibid.*) bona fide continuatam possessionem triginta annorum, praescribit rem et possessiones privati. Neque in hoc casu (sive loquendo de praescriptione longissimi temporis, nempe triginta vel quadraginta annorum) adhibetur distinctio inter absentes, et praesentes: nam neque Jus eam

adhibet; ubi autem Jus non distinguit, neque nos distinguere debemus, *l. De pretio. ff. de Publiciana in rem action.* ubi Summarium, et DD. passim.

156 Quæritur II. Quanto tempore præscribantur Jura servitutem, aut mediante alterius præscriptione amittantur? Hæc quaestio procedit solummodo de servitute reali, ac mixta: nam quod servitus incho personalis, quæ tollitur libertati hominis, nullo unquam tempore præscribitur, etiam servus possit præscribere libertatem contra dominum; patet ex *L. 1. et 3. C. de Longi tempor. præscript. quæ pro libertate etc.* usque par dictum supra §. 1. num. 29. et 30. Hoc prænotato.

157 Resp. I. Servitus mixta, æquæ quæ a re debetur homini, ut est usufructus, usus et habitatio, præscribitur cum titulo decem annis inter præsentem, et viginti annis inter absentes: sed sine titulo annis triginta. Ita Lessius *L. 1. de Justit. et Jur. cap. 6. n. 27.* post Gomezium *tract. de Servitutibus, tom. 2. cap. 15.* et alii. Idque patet ex *L. ult. §. fin. C. de Praescription. longi tempor.* ubi ea, quæ prius decidebantur observanda in præscriptione rerum immobilium (de quibus num. 148. et 155. jam dictum est) etiam in servitutibus, præsertim mixtis, observanda declarantur, illis verbis: *Eadem observanda, etsi res non soli sint, sed incorporales, quæ in Jure consistunt, veluti usufructus, et cæteræ servitutibus.* Hæc ibi.

158 Resp. II. Servitus realis, seu quæ a re debetur rei, tam affirmativa, quam negativa, tam rustica, quam urbana, continua, vel quasi continua, cum titulo, et bona fide præscribitur contra præsentem decem annis, et viginti annis contra absentem. Ita Textus *L. ult. C. de Praescription. longi tempor.* ac tenet Abbas *c. De quarta n. 21. et seqq. de Praescription.* Gomez loc. cit. n. 27. Covarruvias *in c. Possessor. part. 1. ab init. n. 8.* Lessius loc. cit. n. 28. Layman *lib. 3. Theolog. Moral. sect. 3. tractat. 1. cap. 9. n. 4.* Pirhing *h. t. n. 119.* attestantes de communi; pluresque alii apud Fachinum *lib. 8. Controvers. Jur. cap. 22.* quomodo iste postmodum aliam sententiam sequatur.

159 Resp. III. Loquendo tamen de præscriptione servitutis realis sine titulo, et quanto tempore jus talis servitutis mediante præscriptione acquiri valeat; est distinguendum inter servitutem continuam, seu quasi continuam, et inter servitutem discontinuam. Et quidem servitus realis continua, vel quasi continua cum bona fide, licet absque titulo, interveniente scientia et patientia adversarii, contra quem fit præscriptio, præscribitur decem annis inter præsentem, et viginti annis inter absentes. Ita Lessius *ubi supra n. 28.* Layman *d. n. 5.* post Gomezium *cit. cap. 15. num. 27.* et communem aliorum. Idque patet ex *L. 1. et 2. C. de Servitutib. et aqua.* ubi expresse dicitur, servitutem, quæ habet causam continuam, sciente adversario, nec reclamante, acquiri longi temporis spatulo: æquæ per longum tempus intelligitur decennium inter præsentem, et viginti anni inter absentes, §. 1. *Instit. de Usucapion.* Concordat textus in *l. Si quis diuturno ff. Si servitus venditur.* Accedit: quia si dominus, seu is, cujus interest, scit, et permittit tanto tempore rem suam alteri servire (ut puta, tolerando tignum alterius suo parieti immissum, vel aquæ ductum in suo fundo factum, aut hujusmodi (censetur hoc Jus sponte alteri concedere: unde non est opus alio titulo ex parte præscribentis, dummodo interveniat bona fides.

160 Quod si vero servitus sit discontinua, ut iter, via, seu jus agendi jumentum, vel ducendi currum per fondum alterius: tunc ea absque titulo non præscribitur, nisi tempore immemoriali: probat desumitur ex *L. Servitutib. ff. de Servitutib.* notat Lessius *cit. num. 28.* et Layman *d. cap. 9. num. 5.* allegans communem: Ratio disparitatis est: quia non solum a domi-

no potest adverti possessio Juris servitutis discontinuæ, ab altero prætensæ, ut eam possit impedire, prout accidit in servitute continua, cujus usus cum sit continuus, facile advertitur.

Resp. IV. Servitutes mixtæ, puta, usufructus, 161 usus et habitatio; sicut et servitutes reales, quæ non usu amitti solent, extinguuntur spatulo decem annorum inter præsentem, et viginti annorum inter absentes. Textus est in *l. Sicut usufructum. C. de Servitutib. et aqua.* Ubi tamen sciendum est conformiter dictis n. 109. et 110. quod servitutes rustice amittuntur per solum non usum alterius: unde non est opus, quod dominus prædii aliquid faciat, quo bona fide facto incipiat usucapere suam libertatem. At vero urbanae servitutes non amittuntur solo non usu, sed opus est, ut possessor loci debentis servitutem, aliquid faciat bona fide, quo incipiat usucapere suam libertatem, v. g. tignum erigendo, vel foramen obstruendo, ac eodem modo, *l. Hæc autem Jura ff. de Servitut. urban. præd.* Et tunc tempus decennale, vel vicennale, est computandum a tali actu contrario, quo bona fide incipit libertas usucapi: at vero respectu servitutum, rusticarum computatur totum tempus, quo cessavit usus ipsarum.

Quæritur III. Quantum temporis requiratur ad 162 præscribendas res immobiles contra Ecclesias, Monasteria, Hospitalia, aliaque Loca Religiosa, et contra Institutiones ad pias causas? Et notanter de his omnibus insinuat quaestio proponitur: nam, quantum ad materiam Praescriptionis attinet, de omnibus pariter dicendum est, juxta *Auth. Quot Actiones. C. de Sacrosanct. Eccles.* puncta *Auth. de Ecclesiasticis Titulis §. Pro temporalibus. Collat. 9.* Occasione cujus etiam quæritur de bonis privatis, seu patrimonialibus Clericorum.

Resp. 1. Ad præscribenda bona immobilia contra 163 Ecclesiam, aliaque pia Loca, et causas, requiruntur anni quadraginta: excepta tamen Romana Ecclesia, contra quam et ejus jura currit sola centenaria præscriptio: exceptis etiam nonnullis Monasteriis, aliquo Ortuibus Religiosis speciali privilegio munitis, et majori quam quadraginta annorum præscriptione gaudeant. Ita communis.

Et quidem prima pars habetur expressa in pluribus 164 textibus Juris, hoc Titulo passim occurrentibus: ut *c. Ad aures. 6. et c. Illud autem. 8. et c. Quia indicante. 9. h. t.* ubi clare habetur decisum, quod contra Ecclesiam, jura Episcopalia, decem, et hujusmodi, quadraginta annorum spatulo præscribitur. Quomodo etiam aliqui antiqui Canones (ut *can. Per singulas. can. Qui unque. et can. Placuit. 16. q. 3.*) admisserint præscriptio nem triennalem. Illi tamen vel procedunt ex prete Ecclesie, quæ præscribitur non privati per quietem, et bona fide continuatam possessionem triginta annorum: ut *c. Sanctorum. 3. h. t.* puncta Glossa *in Casu. et DD. ibid.* vel eisdem nunc est derogatum, *cit. c. De quarta. §. et c. Illud autem. 8. h. t.* ubi sola quadraginaria præscriptio adversus inferiorem Ecclesiam admittitur.

Altera pars, seu quod sola centenaria præscriptio 165 contra Romanam Ecclesiam procedat, clare habetur *can. ult. caus. 16. q. 4. et c. Ad audientiam. 13. et c. Cum vobis. 14. h. t. et c. Si qui eod. in 6.* Concordat prædictis *Auth. Quot actiones. C. de Sacrosanct. Eccles.* ibi: *Quæ actiones alias decennales, alias vicennales, alias triennales præscriptio excludit: et si loco religioso competant, quadraginta annis excludantur, usucapione triennii, vel quadriennii præscriptione in suo robore durantibus: sola Romana Ecclesia gaudente centum annorum spatulo, vel privilegio.* Hæc ibi.

Tertia pars, seu quod quedam Monasteria, et 166 ordines specialiter sint privilegiati, ut majori quam



quadraginta annorum praescriptione gaudeant; traditur a Lessio lib. 2. de Justit. et jur. cap. 6. n. 25. Engel h. t. n. 33. Molina, et aliis. Sic enim Eugenius IV. de plenitudine potestatis concessit Ordini S. Benedicti, ut res immobiles non nisi annis sexaginta possint contra ipsum praescribi; et hoc idem concessit Julius II. Congregationi S. Salvatoris. Addit Engel, ubi supra, post Arnoldum Rath tract. de Usucap. cap. 5. assert. 35. Ordinibus Mendicantium, et Ordini Cisterciensium primum in Hispania, et deinde per communicationem in Superiori Germania, centenariam praescriptionem a diversis Pontificibus esse concessam.

167 Resp. II. Memorata praescriptio quadragenaria aequum extenditur ad bona privata, et patrimonialia Clericorum; sed haec praescribuntur tempore ordinario, sicuti bona Laicorum. Ita Glossa can. Possessiones. 16. q. 4. §. Episcoporum, istud probans ex c. Sanctorum. 3. h. t. quod intelligit de bonis patrimonialibus Episcoporum, vel Clericorum. Covarruvias lib. 1. Variar. Resolut. cap. 4. num. 3. et 4. istud ampliando ad bona patrimonialia Clericorum, ad quorum Titulum sunt ordinati. Abbas d. c. Sanctorum. n. 6. et Barbosa ibid. num. 2. allegans communem. Pirhing h. t. n. 95. et alii. Ratio est: quia privilegium quadragenariae praescriptionis est quidem concessum Ecclesiis, aliisque Locis piis, non vero istud reperitur concessum Clericis, horumque bonis patrimonialibus: imo oppositum innuit textus in cit. c. Sanctorum. h. t. juxta intellectum Glossae proxime citatae.

168 Queritur IV. Utrum res mobiles Ecclesiarum, aliorumque Locorum piorum, cum titulo et bona fide, triennii possessione usucapiantur? Resp. In hujus quaestionis resolutione variant Doctores, qui in duas extremas abeunt sententias, affirmativam videlicet, ac negativam; uti videre est apud Abbatem cap. 1. n. 13. De in integrum restitut. et alios; atque patet afferendo utriusque sententiae fundamenta. Et quidem

169 Fundamentum negativae sententiae desumitur ex c. Illud autem. 8. h. t. Ubi absque restrictione aliqua ad res immobiles generaliter dicitur, quod adversus Ecclesias minorem praescriptionem, quam quadraginta annorum, Romana Ecclesia non admittit: ergo cum Canon non distinguat inter res mobiles et immobiles, neque nos distinguere debemus, sed in utriusque sola quadragenaria praescriptio admitti debet. Confirmatur. Quia contra Fiscum non procedit usucapio triennalis, §. Res fisci. Instit. de Usucap. ergo a pari idem dicendum de Ecclesia, utpote quae gaudet privilegio Fisci, arg. c. Auditis juncta Glossa §. Jura minoris. De in integrum restitut. et L. ult. C. de Sacrosanct. Eccles. ubi ista equiparantur; et notat Menochius Consil. 39. n. 4. et Barbosa tract. Loca communia argum. juris. loc. 49. n. 2. et post. 2. Jur. Ecclesiast. univ. cap. 13. n. 2. citans Tirsquellum de Privileg. piae causae. privileg. 143. Martham de jurisdict. part. 4. cent. 1. casu 11. n. 48. et cas. 20. n. 22. pluresque alios.

170 Nec obstat Auth. Quas actiones. C. de Sacros. Eccles. ubi videtur oppositum desidi: et quod dicta Authentica sit inserta Decreto Gratiani can. penult. §. Quas actiones. 16. q. 3. Tum quia Leges Civiles, dum quid disponunt circa Ecclesias, resque Ecclesiasticas, nihil habent roboris, sed sunt inefficaces, nisi quatenus sunt approbatae ab Ecclesia; ut c. Ecclesia Sanctae Mariae. 10. et c. Quae in Ecclesiarum. 7. de Constitut. cum similibus. Tum quia can. penult. §. Quas actiones. 16. q. 3. non est alienus Papae, qui habet jus condendi leges, sed ipsius duntaxat Gratiani, qui veluti Doctor privatus ex Jure Civili citatum Paragraphum illud transtulit. Atque ideo hanc sententiam tenet Glossa in Auth. de non alienandis etc. §. Simus §. Nec multum. Collat. 2. Hostiensis in Summa. tit. De

in integrum restitut. n. 4. hancque opinionem Abbas in cap. 1. n. 13. De in integrum restitut. appellat aequiorem; et quia in favorem Ecclesiae tendit, cum optime posse teneri asserit, eo vel maxime, quod non reperitur aliquis Canon, qui in rebus Ecclesiae approbet usucapionem triennem. Atque eandem sententiam saltem circa mobilia pretiosa, utpote quae aequiparantur immobilibus, et ad inalterabilia immobilium absque sollemnitate alienari prohibentur, Extravag. un. De rebus Eccles. non alienand. inter Commun. censet valde probabilem Engel h. t. num. 28. nam etiam usucapio est quaedam alienationis species, l. Alienationis. ff. de Verb. signif.

Affirmativa e contra sententia, seu quod res mobiles Ecclesiae (demptis tamen pretiosis) triennali possessione usucapiantur, est communior Doctorum, et verior de subtilitate juris; uti fatetur ipsemet Abbas cit. num. 13. eamque tenet Innocentius cap. 1. De in integrum restitut. Dynus in Reg. Possess. n. 18. de Reg. Jur. in 6. ex professo hanc quaestionem examinans. Covarruvias part. 2. in Reg. Possessor. §. 2. n. 5. Lessius d. lib. 2. cap. 6. n. 22. hinc excipiens bona Romanae Ecclesiae Lessius h. t. n. 5. Vallensis eod. §. 6. num. 3. Layman lib. 3. tract. 1. cap. 8. num. 13. Pirhing h. t. n. 90. Sannig eod. cap. 5. num. 1. pluresque alii. Fundamentum hujus communioris sententiae desumitur ex Auth. Quas actiones. C. de Sacrosanct. Eccles. ubi Locis Religiosis conceditur privilegium praescriptionis quadragenariae, sed cum addita limitatione, illis verbis: Usucapione triennii, et quadriennii praescriptione in suo robore permansuris. Estque haec Authentica per Gratianum Juri Canonico inserta, can. penult. §. Quas actiones. 16. q. 3. atque ab Ecclesia recepta; uti volunt Layman, Pirhing, Vallensis, alique hujus sententiae sectatores. Confirmatur. Quia si lex non esset, non posset Ecclesia usucapere spatio triennii rem mobilem privatam; ergo si vult accipere legem pro se, debet etiam eam admittere contra se, ex quo circa hoc non reperitur specialiter privilegiata per Principem.

Nec obstant rationes num. 169. in oppositum allatae. Siquidem textus c. Illud autem 8. h. t. commode intelligitur de praescriptione rerum immobilium, non vero mobilium: ut sic jura iuribus concordentur. Porro dictum illud, ubi jus non distinguit, neque nos distinguere debemus, non procedit, quando una lex per aliam distinguitur; prout fit in proposito per cit. Auth. Quas actiones, cum similibus.

Neque urget assumpta paritas de Fisco: nam verum quidem est, quod Ecclesia gaudeat omnibus privilegiis Fisci temporalis, sed cum limitatione; nimirum (ut inquit Barbosa cit. lib. 2. Juris Ecclesiast. univers. cap. 13. n. 2. cum aliis.) dummodo subsistat identitatis ratio, et non reperitur contrarium in Jure expressum: horum quippe ultimum deficit in proposito, propter textum cit. Auth. Quas actiones. C. de Sacrosanct. Eccles.

174 Queritur V. Quo tempore extinguantur actiones, sive praescribatur contra eas? Resp. I. Actio hypothecaria, quae creditorum pignora, sive hypothecas persequuntur, seu repetunt a debitore, vel ejus haeredibus, non extinguitur contra creditorem, nisi annis quadraginta. Textus est clarus in l. Cum notissimi. C. de Praescription. 30. vel 40. annor.

Dicitur notantur, a debitoribus, vel ejus haeredibus. 175. Nam si res pignori, vel hypothecae supposita, possideatur cum titulo et bona fide ab aliquo alio, qui nec debitor, nec debitoris haeres est (ut si fuit cuiusdam vendita ignoranti, quod sit hypothecata) tunc contra eam praescribitur spatium longi temporis; id est, decennio inter praesentes, aut viginti annis inter absentes: siue titulo autem annis triginta, cit. l. Cum notissimi, juncta L. 1. et 2. C. Si adversus creditorem etc.

Resp. II. Actiones temporales (hoc est, decem, 176

viginti, aut plerum annorum) per contestationem litis fuit perpetuae: id est, extenduntur ad annos quadraginta a tempore cessationis a lite inchoandos, ita ut, antea per praescriptionem non extinguantur. Ita habetur *L. ult. C. de Praescript. 30. vel 40. annor.* Ratio autem, cur longius tempus concedatur post litis contestationem, quam sine ea, ibidem offertur: quia praescriptiones longi temporis sunt institutae partim in favorem possidentis, partim in odium negligentis rem suam repetere: atqui is, qui petitus ab initio secuit, non est similis alteri litem contestanti, atque in iudicium venienti, et certamen subeunti, licet postea forsam impeditus ob quosdam casus, litem implere cessaverit. Quin imo longe minor est negligentia huius, quam illius: ac proinde tempus praescriptionis contra ipsum iure conceditur maius, et perpetuatur, sive ad quadraginta annos extenditur; haud obstante, quod antea ad decem, vel viginti duntaxat annos competitivisset.

177 Resp. III. Etsi caeterae actiones (ei excipias actiones contra Ecclesiam, aliaque Loca pia super bonis immobilibus, et iuribus correspondentibus praescribendis, de quibus discurrendum est conformiter dictis supra n. 163. et seqq.) Etsi inquam, caeterae actiones extinguantur per praescriptionem annis triginta: non tamen omnes tantum temporis requirunt: Ita communis. Ex quidem prima pars habetur expressa in *l. Sicut in rem. C. de Praescript. 30. vel 40. annor.* ubi Summarium breviter sic habet: *Omnes actiones, quae minori tempore non tolluntur, triginta annis tolluntur.* Concordat textus in *l. 1. C. de Annali exception.*

178 Altera vero pars Conclusionis probatur inductione. Nam imprimis Actio injuriarum expirat lapsu unius anni, *l. Si non convitii. C. de Injuriis*, ibi: *Cum injuriarum actio annuo tempore praescripta sit.*

179 Deinde Actio ad accusandum adulterium, vel alia peccata carnis extinguitur lapsu quinquennii: adeo, ut quis postea de tali delicto inquiri, aut judicialiter accusari, et puniri non possit, *l. Mariti. ff. Ad Leg. Julianam de adulteriis et l. Adulter. C. eod.* Excipitur tamen hic Stuprum per vim illatum, *cit. l. Mariti. §. An. ff. Ad Leg. Jul. de adulter.* et Adulterium cum incesto, *l. Pura passio. §. Praescriptio. ff. eod.* atque Raptus, *l. Qui caetu. ff. ul Leg. Jul. de vi publica.*

180 His novum addunt crimen nefandum, Sodomiae videlicet, quod nullo nunquam tempore praescribi, tradit Sebastianus Guazzinus *lib. 1. Defensionis 2. Inquisitorum etc. cap. 2. numer. 79.* Sed quia nullum allegat textum Juris, neque talem hactenus reperire licuit, quo intus caeteroquin gravissimum, atque in coelum clamans delictum carnis, sic exceptum, merito de hac Guazzini sententia dubitari potest: eo praesertim, quod textus, et Glossa in *cit. l. Adulter. §. Adulterium. C. Ad Leg. Jul. de adulteriis*, dictum quinquennii terminum ad omnia peccata carnis in Jure non exceptis extendat: simulque in poenalibus causis benignius interpretandum sit, juxta *l. Factum cuique. ff. de Reg. Jur. et c. In poenis. eod. in 6.*

181 Porro aliae Actiones criminales tolluntur regulariter spatio viginti annorum, computando a die commissi criminis, *l. Querela falsi. C. Ad Leg. Cornet. de Falsis.* ibi: *Querela falsi temporalibus praescriptionibus non excluditur, nisi viginti annorum exceptione, sicut caetera quoque fere crimina: juxta Glossam ibid. §. Sicut caetera.* Ubi tamen eadem Glossa ponit nonnullas exceptiones, assignando crimina, quae vel minori tempore tolluntur; vel sunt perpetua, adeo quod nullo nunquam tempore praescribantur:

REIFFENSTUEL Jus Can. Tom. II.

uti sunt crimen suppositi partus, crimen patricidii, et concussionis; quibus adde crimen laesae Majestatis, Falsae monetae, Haeresis, et nonnulla alia, de quibus alibi.

Uterius Actio redhibitoriae, quae datur emptori contra venditorem, ut animal morbidum, vel aliam rem vitiosam, quam quis cognito vitio non emisset, recipiat, pretiumque ejus restituat: tollitur, eademque praescribitur contra emptorem sex mensibus, computandis a die, quo emptor vitium rescivit, *l. Sciendum. et l. Cum sex. ff. de Edilitio Edicto.*

Insuper Actio quanti minoris, quae datur emptori, qui rem vitiosam, si praescrivisset vitium ejus, emisset quidem, sed minori pretio, ut quanti minoris emisset, repetere possit, *l. 1. ac seqq. ff. de Edilitio Edicto*, durat duntaxat per annum. Tacentur aliae actiones, utpote commodius in propriis locis explicandae: nam magna est disparitas de actionibus, ac tempore requisito ad hoc, ut contra ipsas praescribatur; ita videlicet, quod amplius in Fora externo proponi nequeant, si contra eas excipitur, remanente interim obligatione in Foro conscientiae resciscendi pro viribus injustam laesionem proximam illatam.

## §. VII.

De possessione ad Praescriptionem requisita, hujusque dormitione et interruptione, ac restitutione in integrum contra eam.

## SUMMARIUM.

- 184 Possessio legitime continuata requiritur ad praescriptionem
- Non plus praescriptum, quam possessum. *Ibid.*
- 185 Praescribens decimas, non censetur praescripsisse decimas Novalium.
- 186 Etiam in praescriptione contra servitutes, actiones etc. requiritur aliqua possessio; et qualis?
- 187 Dicta de possessione, procedunt etiam de quasi possessione.
- 188 Ad praescriptionem requiritur talis possessio, ut quis rem proprio nomine possideat.
- 189 Ad eam inchoandam requiritur possessione naturalis et civilis simul; ad continuandam sufficit sola civilis.
- 190 An etiam possessio civilissima sufficiat ad inchoandam praescriptionem?
- 191 Praescriptio, quando dicatur non procedere?
- 192 Vel dormire.
- 193 Praescriptio in pluribus casibus dormit: Enum. seqq.
- 194 Nimirum tempore hostilitatis, seu belli: et qualiter?
- 195 Tempore pestis: et quomodo?
- 196 Praescriptio adversus Ecclesiam vacantem, seu destitutam Praelato, dormit.
- Idemque dicendum, si Praelatus sit lapsus in haeresin, vel sit excommunicatus, suspensus, vel captus ab hostibus. *Ibid.*
- 197 Dormit Praescriptio contra Ecclesiam tempore Praelati dilapidantis.
- Item dormit tempore Schismatis contra Romanam Ecclesiam. *Ibid.*
- 198 Dormit praescriptio contra pupillum durante pupillari aetate.
- 199 Dormit praescriptio, cum quis de jure agere non potest: idque exemplificatur.
- 200 Contra non valentem agere, non currit praescriptio.

- 201 Et quomodo haec regula sit intelligenda ?  
 202 Praescriptionem interrumpi, quid ?  
 203 Interruptio praescriptionis duplex, naturalis et civilis, quae ?  
 204 et 205. Differunt in effecta ; et qualiter ?  
 206 Quibus modis interrumpatur praescriptio civiliter ? Et num. seqq.  
*Praescriptio alia mere favorabilis, alia odiosa, alia mixta. Ibid.*  
 207 Usucapio triennalis non interrumpitur per litem contestationem.  
 208 In usucapione dies ultima inepta, habetur pro completa : sicut in aliis praescriptionibus.  
 209 Si tamen dominus, durante triennio litem contestatus, postea rem evicerit, debet ista eidem reddi. Et num. 207.  
 210 In quo sensu usucapio non interrumpatur per litem contestationem ? Et n. 209.  
 211 Praescriptio mixta interrumpitur per litem contestationem : praescriptio odiosa vero per solam citationem.  
 212 Et ratio disparitatis.  
 213 Praescriptio mixta an interrumpatur per quamcunque litem contestationem, vel ulterius requiratur animus prosequendi litem ?  
*Refertur sententia affirmans, requiri talem animum. Ibid.*  
 214 Contraria sententia in praxi haud immerito tenetur.  
 215 Praescriptio ulterius interrumpitur civiliter aduendo Judicem, aique libellum offerendo contra absentem etc.  
 216 Item per sacrum Oraculum.  
 217 An etiam interrumpatur per denunciationem extra iudicium factam ?  
 218 Praescriptio semel interrupta potest denuo inchoari, non solum interrupta naturaliter.  
 219 Sed etiam interrupta civiliter : et qua ratione ?  
 220 Beneficium restitutionis in integrum competit Minoribus, Ecclesiis etc. adversus praescriptionem contra eos completam.

- 184 Quæritur I. An, et qualis possessio ad praescriptionem requiratur, et sufficiat ? Resp. I. Certum est, requiri possessionem, quae sit tempore a jure constituto legitime continuata. Nam, ut habet *Reg. 3. Jar. in 6. Sine possessione praescriptio non procedit*, cum concordantiis. Unde illud vulgatum Juristarum: *Non plus praescriptum, quam possessum*. Si quidem praescriptio fundatur super possessione : ubi autem fundamentum non est, superaedificari nequit.  
 185 Et hac de causa, qui praescripsit Decimas intra fines alienae Parochiae, non potest vi talis praescriptionis percipere decimas Novalium postea ibidem factorum : quia nempe decimas Novalium, utpote hactenus non existentium, nunquam possedit, c. *Cum contingat. 29. de Decimis*, juncto Summario, Glossa & Novalium. et DD. *ibid.*  
 186 Dices. Praescriptio non solum datur ad acquisitionem alicujus rei, vel juris ; sed etiam in ordine ad extinguendum jus alterius, vel ad defensionem contra jura alteri competens ; ergo datur aliqua praescriptio sine possessione. Antecedens patet in praescriptione servitutum rusticarum, actionum, et hujusmodi : in quibus datur praescriptio ex solo non seu adversarii post elapsum certum tempus, nulla vero intervenit possessio. Resp. neg. consequent. cum sua probatione : quia, ut notat Abbas in c. *Cum non liceat. numer. 15. h. t.* praedicta regula proprie quidem procedit in priori casu, seu ubi praescriptio datur ad acquisitionem alicujus rei, vel juris : nihilo minus ea etiam in posterioribus casibus, puta, servitutibus rusticis, etc.

procedit : utpote in quibus praescriptio habet effectum abnegativum, atque praescribitur proprie libertas, in cujus possessione quis fuit.

Ceterum ea, quae hic dicuntur de possessione, intelligenda etiam sunt de quasi possessione : nam incorporalia proprie non possidentur, sed quasi possideri dicuntur, c. *Cum Ecclesia. 3. de Causa possessionis. cum concordantiis* et Glossa *ibid.* & Quasi possessionem, adductis.

Resp. II. Ad praescriptionem requiritur talis possessio, ut quis rem proprio nomine possideat, non autem alieno. Ita communis ; et patet ex dictis supra numer. 37. Accedit ratio : quia is, qui alterius nomine possidet, revera non est possessor, sed alter qui per ipsum possidet ; nam *is possidere dicitur, cujus nomine possidetur*, prout habetur c. *Cum venissent. 9. §. fin. de Restitut. Spoliat. et c. Si diligenti. 17. h. t.* Unde Procurator, Conductor, Filius familias etc. nullo unquam tempore contra Dominum directum rem quampiam praescribunt : quia eam non suo, sed alterius nomine possident.

Resp. III. Ad inchoandam praescriptionem requiritur possessio naturalis, et civilis simul : ad eam tamen continuandam et complendam, sufficit sola civilis possessio, non autem sola naturalis. Ita Glossa communiter recepta in c. *Sine possessione. 4. Sine de Reg. Jur. in 6.* Idque desumitur ex l. *Licet. C. de Acquirend. possess.* ubi dicitur : *Licet possessio (et consequenter praescriptio) nudo animo acquiri non possit, tamen solo animo retineri potest* : juncta Glossa ibidem amplius hoc declarante. Concordant dicta superius Tit. 12. *De Causa possessionis. §. 1. num. 10. et seqq.* ubi etiam declaratur, quid sit Possessio naturalis, civilis, et naturalis ac civilis simul.

Resp. IV. Nam autem possessio civilissima, sive acquisita ministerio legis, seu consuetudinis sine actuali insistentis rei (de qua jam dictum supra cit. Tit. 12. §. 1. num. 17. et §. 4. num. 140. et seqq.) sufficit ad inchoandam praescriptionem, variant Doctores. Et quidem negativam sententiam tenet Romanus *Singul. 412. Felius in c. Illud. col. ult. h. t. et Baldus Tom. 17. Tractatum, tract. de Praescriptionibus, part. 3. principal. circa fin.* Verum affirmativa sententia est probabilior : eamque tenet Glossa *fin. c. Contingit. 9. de Dolo et contumacia.* ubi talis casus possessionis civilissimae, seu legis ministerio acquisite, habetur in Actore, cui propter Rei contumaciam adjudicata fuit possessio (causa rei servandae) sed quia in possessionem sibi a Judice decretam, propter Rei potestatem, vel dolum non admissus fuit, verus constituitur *elapso anno possessor* : prout loquitur textus ibidem. Atque hanc sententiam sequitur Covarruvias *cit. numer. 5.* allegans communem Doctorum. Accedit ratio : quia hoc ipso, quod talis possessio censetur ministerio legis vera possessio, quoad effectum nihil differt a vera naturali civilique possessione. Nec obstant dicta in *Concl. praeced.* Quamvis enim hic non interveniat possessio naturalis secundum veritatem : bene tamen ea intervenit secundum fictionem juris, seu ministerio legis ; prout uberius liquet ex dictis supra cit. Tit. 12. *De Causa possessionis, a num. 111. et 112. neque ad n. 142.* ubi plura de hoc.

Quæritur II. Quid sit, Praescriptio non procedere, vel dormire ; et in quibus casibus ea dormiat ? Resp. I. Praescriptio tunc dicitur non procedere, seu non currere, quando ob defectum aliqujus conditionis ad ipsam requisitae ipsa nec incipit, nec incipere potest ; ut si desit bona fides, vel possessio necessaria, aut hujusmodi. Quo modo



locum habet *Reg. 3. Juris in 6. Sine possessione praescriptio non procedit. Et Reg. 2. eod. in 6. Possessor male fidei ullo tempore non praescribit.*

- 193 Resp. II. Dormire dicitur praescriptio, quando ipsa semel inchoata, aliquanto tempore cessat currere, atque interim manet suspensa propter superveniens impedimentum: ita tamen, ut eo sublato rursus procedat, et continuetur tempus subsequens cum precedenti ad complendam praescriptionem, solo dormitionis tempore subducto. Ita liquet ex c. *Cum vobis. 14. h. t. et c. Ex transmissa. 10. juncta Glossa fin. eod. cum communi.*

- 193 Resp. III. Plures sunt casus, in quibus dormit praescriptio: quos enumerat Glossa in can. *Prima actio. 16. q. 3. §. Postliminio.* ac Innocentius, et Abbas cit. c. *Ex transmissa. num. 5. et seqq. h. t.* quorum praecipui sunt sequentes.

- 194 Et imprimis praescriptio dicitur dormire tempore hostilitatis, seu belli, c. *Ex transmissa. 10. h. t. ibi Praescriptio hostilitatis tempore non curret.* Concordat textus in can. *Prima actio. 16. q. 3. cum similibus.* Quod intellige cum Balbo Tom. 17. *Tractatuum, tract. de Praescriptionib. part. 6. principal. part. 2. §. Nunc venio. n. 3.* Barbosa c. *Ex transmissa. num. 5. h. t. et alii*; sive una die duraverit hostilitas, sive pluribus annis: ac necdum tempore durantis belli, sed etiam post; quia contra populum hostilitate destructum non currit praescriptio, prout etiam cuilibet alteri impedito ea non currit. Baldus *Consil. 32. vol. 1.* Baldus, Barbosa, ubi supra, et alii ab hoc citati.

- 195 Secundo, dormit praescriptio tempore grassantis pestis, si jus tunc non dicatur. Ita Bartolus in l. *Naturaliter. ff. de Usurpatione.* et Abbas cit. c. *Ex transmissa. num. 7. h. t.* Baldus loc. cit. §. *Nunc venio. num. 5.* Pirhing h. t. num. 131. et alii: Ratio est: quia bonum est argumentum de bello ad pestem, quae vocatur *Bellum Divinum*, secundum Bartolum, et Balbum, ubi supra. Idque merito dicitur ob paritatem rationis, quamvis hoc in Jure clare expressum non habeatur; cum non omnes casus sint expressi, l. *Non possunt. ff. de Legib. Ac de similibus idem judicium sit habendum, per textum in cap. 2. de Translatione. Episc.* Additur vero, si jus tunc non dicatur. Quia si adhuc jus redditur in loco grassantis pestilentiae, currit praescriptio: quamvis Actor, qui fuerat absens propter timorem ipsius, possit restitui in integrum ex clausula generali. Abbas cit. n. 7.

- 196 Tertio dormit, seu suspensa manet praescriptio adversus Ecclesiam vacante, seu destitutam Praelato, aut Rectore suo. Textus est in cap. 1. et 6. *Auditis. 10. et 6. De quarta. 4. h. t.* cum concordantibus: et tradit Barbosa *part. 3. de Offic. et potest. Episc. allegat. 132. num. 1.* post Kotam *Decis. 413. num. 3. part. 2. Recont.* et alios passim. Idemque dicendum, si Praelatus sit lapsus in haeresin, aut sit excommunicatus, vel suspensus, sive captus ab hostibus: quia tunc Ecclesia censetur quasi vacare, ut loquitur Glossa cit. can. *Prima actio. 16. quaest. 3.* atque carere legitimo defensore; cum talis Praelatus nequeat agere, et jura Ecclesiae suae defendere. Abbas cit. c. *Ex transmissa. num. 8. h. t.* Barbosa d. *allegat. 132. nu. 3. et 4.* cum communi: atque desumitur ex cap. 1. h. t. et c. *Quia diversitatem. 5. de Consens. Praebend.* cum similibus.

- 197 Quarto, dormit Praescriptio contra Ecclesiam tempore Praelati dilapidantis, seu bona alienantis, can. *Si Sacerdos 16. quaest. 3.* ac notat Glossa, et Abbas, et Barbosa num. 6. ubi supra. Quinto, adversus Romanam Ecclesiam tempore Schismatis non currit praescriptio, sed dormit: ac

proinde tempus illud est subducendum a centenaria praescriptione; prout habetur c. *Cum vobis. 14. h. t.*

Sexto, dormit praescriptio contra Pupillum durante aetate pupillari, l. *Sicut in rem. C. de Praescriptione. 30. vel 40. annor.* ibi: *Sed pupillari aetate duntaxat, quamvis sub tutoris defensione consistat, huic eximenda sanctioni, cum similibus.* Glossa cit. can. *Prima actio. 16. q. 3. §. Postliminio.*

Septimo, dormit praescriptio, cum quis de jure impeditur agere. Glossa loc. cit. Abbas d. c. *Ex transmissa. numer. 9. h. t.* asserens hunc casum esse satis generalem. Exemplum hujus est in *Filosofia*, qui vivente patre non valet agere, sique contra eum non currit praescriptio: ut l. 1. §. *fin. de Annali exception.* Idem dicendum de muliere, vivente suo marito, respectu rerum dotalium, l. *In rebus. ff. de Jure dotium*: quia non praescribitur contra mulierem in dote repetenda, nisi soluto matrimonio, ut ibidem dicitur, ac notat Glossa, ubi supra.

Tandem generaliter contra non valentem agere, non currit praescriptio, arg. cap. 1. h. t. juncta l. 1. C. *de Annali exception.* eo quod nulla tunc ex parte eius interveniat negligentia. Quis enim incusare eos poterit, si hoc non fecerint, quod etiam maluerint, minime adimplere *Legem obviante* valebant: prout dicitur et l. 1. §. *fin. C. de Annali exception.*

Ceterum regulam hanc, *Non valenti agere, non currit praescriptio*, intelligunt Doctores apud Barbo-  
sam c. *Ex transmissa. num. 4. et 5. h. t. ac part. 3. de Offic. et potest. Episc. allegat. 132. n. 16.* quando quis impeditur agere ob impedimentum juris, vel saltem ob impedimentum facti alicujus communis, sive generalis, ac notorii omnibus; prout fit in casibus allegatis. Secus, quando intervenit impedimentum facti non generale, nec notorium: prout accidit, si quis in exilio detineatur, vel infirmitate impediatur, aut hujusmodi: tunc enim currit praescriptio. Quandoque tamen taliter impedito datur restitutio in integrum ex clausula generali: ut in casibus proxime dictis, aut si quis absuit causa Reipublicae, l. *Senatus. ff. de Offic. Praesidis.* Pirhing h. t. nu. 131. citans alios.

Quaeritur III. Quid sit, Praescriptionem interrumpi, et quot modis ipsa interrumpatur? Resp. I. *Praescriptio dicitur interrumpi*, quando ipsa semel coepta, ex aliqua causa adeo cessat, ut totum tempus praecedens ipsius conquassetur; ac proinde, si sublato impedimento postea praescriptio rursus reviviscat, tempus posterius non continuetur cum priori, sed de novo debeat inchoari. Ita Baldus ubi supra. §. *Expedita secunda, num. 1. et communis.* Unde est magna disparitas inter dormitionem, et interruptionem praescriptionis: nam ubi haec solummodo dormit, subtrahitur quidem tempus dormitionis, sed cessante postmodum dormitione, atque sublato impedimento ipsius, prius ac posterius tempus possessionis bona fide continuatae conjungitur, atque computatur in unum: acens accidit, ubi praescriptio interrumpitur.

Resp. II. Duplex est interruptio praescriptionis: una naturalis, altera civilis. Ita Glossa communiter recepta in c. *Illud autem. §. Interruptio.* et Abbas ibid. num. 6. h. t. et communis. Et quidem *Naturaliter interrumpitur praescriptio*, quando incipit aliquid delictum ex his, quae necessario ad praescriptionem requiruntur: ut si autocessu temporis superveniat mala fides, seu certa notitia rei alienae; aut si quis amittat possessionem rei tam naturalem, quam civilem simul. *Civiliter autem interrumpitur praescriptio*, quando manentibus naturalibus praescriptionis interpellatur possidens per actum aliquem

juridicum, qui ex legum dispositione talem interruptionem inducit: de quo ultimo plura in proximo.

204 Resp. III. Interruptio naturalis, et civilis ipsius praescriptionis, quantum ad effectum, differunt in duobus. Primo, quia naturalis interruptio se habet respectu omnium adversariorum: adeo, ut absolute praescriptionem interrumpat, prositque omnibus, et non solum interruptenti. Textus, Summarium, et Doctores in *l. Naturaliter. §. ff. de Usucapion.* Contra civilis interruptio praescriptionis tantum se habet respectu illius, qui litem movit. Glossa *can. Placuit. §. Potest. §. Interrupta. 16. q. 3.* asserens, quod civilis interruptio praescriptionis ei tantum prosit, qui ipsam facit, et obsit illi tantum, contra quem fit: ut *l. Inter quatuor. ff. de Divers. et temporal. praescription. iuxta Glossa hic. §. Denunciatione.* Unde si Actor litem movens, etque alterius praescriptionem interrumpens, non fuerit verus dominus rei; atque interim contra verum dominum illius rei tempus legitimum elapsum sit, contra hunc erit praescriptio completa, haud obstante alterius litem. Engel *h. t. circa fin.* istud firmans ex *l. 2. C. Quibus res iudicata non nocet*: ubi res inter alios acta, aliis non patrocinatur, neque nocet.

205 Secundo differant, quod praescriptio naturaliter interrupta, seu possessio ad eam requisita, semper debeat de novo inchoari: requiritur enim ad praescriptionem continuatio possessionis temporis a lege definiti, *l. Usucapio. et l. Nunquam in usucapionibus. §. 2. ff. de Usucapion.* At vero praescriptio civiliter interrupta, tunc demum remaneat interrupta, si sententia condemnatoria contra possessorem sequatur: quod si vero possessor vixerit vel per pactum, aut transactionem, a lite recessum fuerit, periunde tunc possessionis continuatio habetur, ac si litem nunquam mota fuisset. Covarruvias *part. 2. in c. Possessor. §. 12. numer. 8. vers. Illud vero.* Engel, *ubi supra.* post Helium *c. Illud autem. col. 8. h. t.* et alios, quos allegat. Quod ut melius intelligatur,

206 Queritur IV. Quibus modis Praescriptio interrumpatur civiliter? Ubi repetendum ex dictis supra *§. 1. numer. 15.* quod Praescriptio alia sit *mere favorabilis*, seu inducta in favorem possidentis tantum: ut, est praescriptio triennalis rerum mobilium cum titulo, et bona fide, quam Doctores Usucapionem appellant. Alia *odiosa*, seu mere inducta in odium negligentium, nullo attento favore praescribentis; ut, est praescriptio triginta, vel plurium annorum, procedens ob solam negligentiam non repetentium tanto tempore rem suam, non obstante (secundum Leges) mala fide possessoris. Alia tandem dicitur Praescriptio mixta, qualis est, quae cum titulo, ac bona fide procedit contra privatum decem vel viginti annis; vel sine titulo, bona tamen fide, annis triginta. Glossa in *l. Sicut in rem. §. Per executores*, et Bartolus *ibid. §. Quedam praescription. 30. vel 40. annor.* Covarruvias *d. part. 2. in c. Possessor. §. 12. numer. 4.* et alii. Atque haec distinctio impraesentiarum est bene notanda: cum enim in iudicia plures soleant actus intervenire, ut puta, citatio, litem contestatio, ac huiusmodi; sufficit quidem unus talis actus ad interruptendam unam praescriptionem, non tamen ad aliam. Unde

207 Resp. I. Usucapio triennalis, bona fide, et cum titulo inchoata, non interrumpitur per litem contestationem, imo procedit, ac perficitur etiam durante lite: ita tamen, ut si dominus durante triennio litem contestatus, postea rem evicerit, seu

probatum esse suam, res illa domino restitui debeat, non obstante usucapione. Ita tempus in *l. 2. §. An ff. Pro Emptore.* et Bartolus *ibid.* asserens, quod usucapio triennalis non interrumpitur litem contestatione, nisi in effectu. Concordat textus in *l. Si post acceptum ff. de Rei vendicat.* ac notat Abbas *c. Illud autem. num. 11. h. t.* Covarruvias *cit. num. 4. Concl. 1. Pirhiug h. t. num. 134.* et alii. Accedit ratio: quia usucapio est praescriptio mere favorabilis, seu inducta in favorem possidentis tantum; unde voluerunt Iura, interrumpi per litem contestationem, cum sufficere possit domino rem suam repetenti, si pronuncietur rem esse suam.

Idem probatur a simili: quia in usucapione, ut pote inducta in favorem possidentis tantum, dies ultima rapta habetur pro completa: ut *l. In usucapione ff. de Divers. et temporal. praescription. et l. 6. ac §. ff. de Usucapion.* Quamvis arduum sit dicendum in ceteris praescriptionibus, ut *l. In omnibus. ff. de Actionib. et obligat.* cum ceterae praescriptiones non sunt inductae ob merum favorem possidentis.

Dices. Si lite durante adhuc procedit usucapio: ergo usucapio completa non debet amplius rem evicta per sententiam domino suo restitui; cum dominus rase decessit, ac possessor eam usuceperit. Hanc institutionem movet Glossa *l. Si post acceptum. §. Tradere.* et Bartolus *ibid. ff. de Rei vendicat.* et plures affert solutiones. Ceteris tamen dimissis, respondetur neg. sequel. cum una probatione: quia licet usucapione post litem contestationem per bonae fidei possessorem completa, dominus rei non amplius habeat actionem directam ad eam recuperandam; habet tamen actionem utilem, quae eidem ex aequitate competit. Unde Summarium in *cit. l. Si post acceptum*, notanter sic inquit: *Si pendente iudicio jus Actoris perimitur absque facto suo, ex facto Rei, pervenitur ad condemnationem, ac si peremptum non esset.* Et hinc per litem contestationem usucapio non interrumpitur ipso iure, sed ex effectu bene. Bartolus *loc. cit. in fin.* Abbas *d. num. 11.* et alii.

Accedit, quod usucapio per litem contestationem etiam in tantum non interrumpatur, sed procedat post litem contestatam, ut si Actor quacunque de causa litem non persequatur, usucapio non debeat de novo inchoari; imo ad eam compleendam etiam tempus litem possit computari. Secus enim foret dicendum, si revera per litem contestationem usucapio triennalis interrumpatur: uti patet in aliis praescriptionibus, quae si semel exceptae interrumpantur, sunt de novo inchoandae.

210 Resp. II. Praescriptio mixta, id est, decem vel viginti annorum, cum titulo, et bona fide (aut triginta annorum cum bona fide, licet sine titulo) interrumpitur per litem contestationem, coram Iudice tamen competentem faciam; non vero per solam citationem, iuxta textum in *l. Motus litem. C. de Rei vendicat.* iuxta *l. Si pater tuus. C. de statu defunctorum. etc.* Praescriptio autem mere odiosa, seu quae mala fide olim procedebat ob negligentiam, ac negligentiam non repetentis rem suam tempore longissimo, interrumpitur etiam per solam citationem, *l. Cum notissimi. C. de Praescription. 30. vel 40. annor.* Ita Glossa *l. Sicut in rem. §. Per executores.* et Bartolus *ibid. C. eod. Abbas c. Illud autem. num. 11. h. t.* Covarruvias *cit. part. 2. §. 12. num. 4.* Pirhiug *d. t. num. 134.* Gaius *lib. 1. Practic. Observat. 74. num. 20.* et seqq. et alii.

Ratio posterioris partis est: quia per citationem, ad petitionem Actoris antes negligentis factam, iam cessat ejus negligentia: unde merito per

talem citationem censetur interrumpi ejusmodi praescriptio odiosa; prout jam dictum supra Tit. 3. *De Libelli Oblatione*. §. 3. num. 109. Ratio vero prioris partis est: quia praescriptio mixta currit tam favore possidentis, quam odio negligentis; hinc in ea Leges elegerunt mediam viam, ut non interrumpatur per solam executoris missionem, seu citationem auctoritate Judicis factam, ut praescriptio odiosa: bene tamen per litis contestationem; licet secus sit in usucapione triennali, veluti praescriptione mere favorabili, per Jam proxime allegata.

- 213 Num autem praescriptio (mixta videlicet) interrumpatur per quaecunque litis contestationem, vel ulterius requiratur animus prosequendi litem, sive causam deducendi ad finem: variant Doctores. Et quidem requiri talem animum prosequendi litem (de quo ex circumstantiis, juxta prudentis Judicis arbitrium, constare debet) adeo, ut ad interruptionem praescriptionis requiratur, quod quis eo animo litem contestetur, ut ducat causam ad finem, nisi impediatur propter fortuitos casus; alias vero ejusmodi contestatio litis non prosit ad interruptionem praescriptionis: tenet Glossa in *can. Placuit*. §. *Potest*. §. *Interrupta*. 16. quaest. 3. ubi Glossa margin. citat plures alios. Auctores pro hac sententia. Abbas c. *Illud autem*. numer. 13. h. t. Lessius lib. 2. de *Justit. et jur.* cap. 6. numer. 49. Pirhing h. t. num. 134. Eandemque sententiam egometipse secutus sum *Tract. 7. Theolog. Moral. Dist. 6. numer. 30.* quae etiam probatur, argumento a sensu contrario desumpto, ex *L. ult. C. de Praescription. 30. vel 40. annor.* ubi ejusmodi interruptio praescriptionis admittitur duntaxat in casu, quando Actor in *judicium venit, et subiit certamen, litem autem implere per quosdam casus praepeditus est.*

- 214 Oppositam nihilo minus sententiam tenet Glossa in *L. ult. §. Humanas*. C. eod. asserens, quod prior sententia fuerit Alberici, sed alii omnes Doctores contrarium dixerunt. Eandemque Glossam, post plura in favorem prioris sententiae dicta, commendat Jason l. *Ex hoc edicto*. numer. 11. ff. *De eo, per quem factum erit*. Covarruvias cit. part. 12. numer. 4. *Concl. 2. in fin.* asserens, hanc Glossam sequi Doctores communiter, ipsamque apparere veriore. Atque istud allegasse sufficiat: nam textum Juris, specialiter illud determinantem, videre non licuit; licet in praxi, ob difficultatem probandi animum contrarium, atque periculum prolongandi lites, haud immerito haec posterior sententia propter auctoritatem tantorum Doctorum observari valeat.

- 215 Resp. III. Praescriptio ulterius interrumpitur civiliter, quando non valens litem contestari Judicem adit, eique libellum offert contra absentem, seu contra eum, qui aliqua de causa conveniri nequit (puta, quia est furiosus, aut impubes Tutorem non habens, vel in magna potestate constitutus) atque in memorato libello querimoniam de re sua per alterum possessa, intra tempora a Jure statuta deducit: hoc enim sufficit ad plenissimam interruptionem praescriptionis ab altero inchoatae. Textus est in *L. Ut perfectius*. C. de *Annali exception. et l. Nemo ambigit*. C. de *Acquirend. et amittend. possess.*

- 216 Resp. IV. Rursus interrumpitur civiliter praescriptio per sacrum Oraculum: hoc est, per petitorium, seu rescriptum Principi porrectum, quando per executores seu nuntium postea subsequuta est citatio, *l. Sicut in rom.* C. de *Praescription. 30. vel 40. annor.* Glossa fin. c. *Illud autem*. et Abbas *ibid.* n. 13. h. t.

Per solam vero denunciationem extra judicium 217 factam regulariter non interrumpitur praescriptio: nam denunciationes extrajudiciales non constituent possessorem in mala fide post praescriptionem jam inchoatam; juxta textum *L. penult. ff. Pro emptore*. Abbas c. *Nihil prodest*. num. 9. h. t. Bartolus in *L. Naturaliter*. ff. de *Usucapion.* et alii. Secus, si a principio facta fuisset denunciatio; puta, a domino denunciante, ac quis rem emat, cum non sit distrahentis: quia talis denunciatio constituit emptorem malse fide possessorem, *l. Si fundum*. C. de *Res vendicat.* Abbas cit. numer. 9. et alii. Idem dicendum de praescriptione, quae procedit cum mala fide; hoc est, a debitore consensio, quod debeat alteri servitutem, vel quid aliud, si exigatur, conformiter dictis numer. 107. et seqq. Talis enim praescriptio interrumpitur per solam citationem, vel denunciationem, utpote per quam virtualiter exigit dominus suum debitum, *l. Sicut in rom.* et *l. Cum notissimi*. §. 1. et §. *Imo et illud*. C. de *Praescription. 30. vel 40. annor.* Pirhing h. t. n. 134.

Quaeritur V. Utrum praescriptio semel interrupta, 218 possit denuo inchoari? Resp. I. Certum est, quod praescriptio naturaliter interrupta, puta, per amissionem possessionis rei praescribendae, possit cessante impedimento, v. g. recuperata possessione, a bonae fidei possessore denuo inchoari; dummodo nova, seu a tempore cessantis interruptionis computanda praescriptio instituatur. Ita Covarruvias part. 2. in c. *Possessor*. §. 12. n. 6. asserens, hoc esse constitutissimum: quamvis de interruptione civili major sit difficultas.

Resp. II. Etiam praescriptio civiliter interrupta, 219 potest denuo cum bona fide, et concurrentibus caeteris requisitis inchoari: quamvis, si litis fuerit contestata, requiratur tempus quadraginta annorum ad praescribendam etiam actionem, ut pote quae per litis contestationem fuerat perpetuata, juxta *L. ult. C. de Praescription. 30. vel 40. annor.* et quae jam dictum supra num. 176. Ita Abbas c. *Illud autem*. numer. 18. h. t. asserens, quod tempus novae praescriptionis sit inchoandum non a die factae contestationis litis; sed a die, qua partes cessarunt litigare, puta, post peremptam instantiam. Covarruvias cit. §. 12. numer. 7. Pirhing h. t. numer. 135. citans alios: atque hinc inferens, quod si intra dictos quadraginta annos ipsemet Actor, vel haeredes ipsius actionem iterum intentent, et in judicio vincant, res debeat eis restitui; haud obstante, quod interea temporis jam fuisset praescripta. Siquidem actio per litis contestationem jam fuerat perpetuata.

Quaeritur VI. An Minoribus, Ecclesiis, et 220 hujusmodi, competat beneficium restitutionis in integrum adversus praescriptionem contra eos jam completam? Resp. Affirmative; idque intra quadriennium continuum, postquam praescriptio adversus Ecclesiam, vel Minorem viginti quinque annis, fuit completa. Textus est in *l. un. C. Si adversus usucapionem*. juncta *L. ult. C. de Temporib. in Integrum restitut.* ac suae tradit Covarruvias part. 3. in c. *Possessor*. §. 3. numer. 1. et seqq. Layman lib. 3. *Theolog. Moral. tract. 1. cap. 8. numer. 20.* Pirhing h. t. num. 138. et alii. Videantur, hucque applicentur dicta superius Lib. 1. Tit. 41. *De in Integrum restitutione*. per totum.



## TITULUS XXVII.

## De Sententia et Re judicata.

## 1 Ratio continuationis Rubricarum.

Quia allegatis utriusque probationibus, quibus vel Actor suam intentionem fundare, vel Reus eandem propulsare atque elidere conatur, per Judicem super negotio principali ferenda est sententia diffinitiva: merito Compiler Juris Canonici post expeditum tractatum Processus judiciarii, pergit nunc ad sententiam, utpote per quam finis litibus imponitur. Pro cuius meliori declaratione sit

## §. I.

De Sententia ut sic, ejusque divisione in diffinitivam et interlocutoriam, harumque differentiis.

## SUMMARIUM.

- 1 Cur Rubrica praesentis Tituli inscribatur, De Sententia et Re judicata?  
Sententia, et Res judicata, sunt valde affinia. Ibid.
- 2 Datur tamen inter eas aliqua differentia; et quae? Et num. seqq.
- 3 Sententia est res judicans: materia vero, super qua fertur, est Res judicata.  
Et differunt sicut decedens, et decedens. Ibid. et num. seq.
- 4 Sententia potest sumi dupliciter: et in quo sensu dicatur transire in rem judicatam?  
Sententia ante lapsum decedens dicitur Res judicata large solum, et improprie; postea vero proprie, ac irrevocabiliter. Ibid. et num. 2.
- 5 Sententia dicitur a sentiendo; sicque plura significat.
- 6 Sententia quantum ad propositum, dividitur in diffinitivam, et interlocutoriam.  
Interlocutoria tamen non est proprie sententia; et cur? Ibid.
- 7 In dubio nomine Sententiae intelligitur diffinitiva, non interlocutoria etc.
- 8 Sententia diffinitiva, quid? Et num. seqq.
- 9 Sententia Arbitri, non est proprie sententia; neque in materia restringibili venit nomine sententiae.  
Arbitrarius non habet jurisdictionem, sed solum notionem. Ibid.
- 10 Sententia diffinitiva differt a sententia interlocutoria ab observatione iudicii; et quomodo?
- 11 Sententia interlocutoria, quae?
- 12 Quilibet iussus Judicis, faciens ad causam, an sit sententia interlocutoria? Et num. seq.
- 13 Sententia interlocutoria dicitur ab inter, et loqui.  
Quod a Iudice praecipitur ante principium, vel post finem causae, dicitur Sententia quasi interlocutoria.
- 14 Istud est notandum propter Statuta loquentia de sententiis interlocutoriis.  
In Statutis verba debent proprie, et stricto intelligi. Ibid.
- 15 Sententia interlocutoria subdividitur in more interlocutoriam, et in eam, quae habet vim diffinitivae.

17 Sententia interlocutoria habens vim diffinitivae, quae?

Appellatur etiam mixta, seu quasi media. Ibid.

18 Unde cognosci possit, sententiam interlocutoriam habere vim diffinitivae? Et num. seqq.

Talis est ea, post quam non speratur alia ferenda sententia in eadem instantia. Ibid.

19 Item, per quam diffinitur unus articulus causae principalis.

20 Aut, per quem expirat officium Judicis.

21 Vel, qua quis pronunciat, se esse Iudicem competentem.

22 Sive, per quam admittitur, vel rejicitur exceptio peremptoria.

23 Et quae continet aliquid dari, vel fieri a parte.

24 et 25. Sententia interlocutoria habens vim diffinitivae, an debeat regulari secundum naturam diffinitivae?

26 Differentiae inter sententiam diffinitivam, et interlocutoriam, sunt plures; commode tamen reducuntur ad tres principales.

27 Differunt enim respectu rei controversae; et quomodo?

28 Differunt quoque ordinem judicium multipliciter.

29 et 30. Idque declaratur inductione.

31 Differunt varie quoque effectus. Et num. seqq.

32 Condemnatus de crimine per sententiam diffinitivam, efficitur infamis: secus de interlocutoria.

33 Sententia diffinitiva semel valide prolata, a Iudice revocari nequit: bene tamen interlocutoria.

34 Et quae ratio disparitatis?

Judex, posteaquam semel dixit sententiam diffinitivam, Judex esse desinit Ibid.

35 Istud intelligendum est non solum de Delegato, sed etiam de Ordinario; et quomodo?

36 Judex ordinarius nequit revocare sententiam, quae existit valida, licet forsitan sit iniqua: potest tamen revocare sententiam suam, quae ipso jure est invalida.

Idem dicendum de Delegato ad universitatem causarum. Ibid.

37 Sed delegatus ad causam particularem, nequit revocare sententiam diffinitivam, etiam invalidam: et quae ratio disparitatis?

38 A sententia diffinitiva potest regulariter appellari, non ab interlocutoria.

Quaeritur I. Cur Rubrica praesentis Tituli inscribatur, De Sententia et re judicata; et an differant? Resp. I. Rubrica Tituli hujus merito inscribitur una solum de Sententia, sed de sententia et re judicata simul, eo quod ista duo sint valde affinia. Nam sententia lata, si non appelletur ab ea, sumit nomen rei judicatae: ut notat Glossa ad Rubric. h. t. et Jo. Andreas, et Abbas num. 1. ibid. Concordat textus in c. Cum dilectus. 32. §. fin. de Election. et c. Cum inter. 13. h. t. ubi expresse dicitur, quod sententia in rem transeat judicatam, cum intra decem dierum spatium, sententia in auctoritatem rei transeat judicatae: ut loquitur Pontifex c. Quod ad consultationem. 15. h. t.

Resp. II. Datur nihilo minus aliqua differentia inter sententiam, et rem judicatam. Ita Abbas ad Rubric. h. t. n. 1. Jason in l. Res judicata. n. 1. ff. de Re judicat. et alii. Idque desumitur tam ex copula Et, quae habetur in Rubrica praesentis Tituli, et ponitur inter diversas. Tum etiam ex eo, quia in Jure Civili extat distinctus Titulus De Re judicata inscriptus, et alius de Sententiis etc.

4 Accedit ratio: quia proprie et stricte loquendo, *Sententia* est res judicans; materia vero, seu quaestio illa, super qua fertur, seu quae judicatur, est *Res judicata*: sive, quod idem est, *Res judicata* dicitur illa, quae accipit finem controversiarum ex sententia Judicis, ac proinde se habet per modum patientis: *Sententia* vero est ipsamet pronuntiatio, sive decisio judicis causam terminans, et finem libitibus imponens, sicutque sese habet per modum agentis. Unde apparet, quod differant sicut decedens, et decedens, eo quod *Res judicata* sit ipsa lis seu causa decisa, atque terminata; prout notat Jason in *l. Res judicata*. num. 1. ff. de *Re judicat.* Vallensis h. t. §. 1. num. 2. et alii.

5 Dices. Si sententia est res judicans, seu se habens per modum agentis, ergo non potest transire in rem judicatam; utpote cui correlative opponitur, veluti actio et passio. Resp. cum Abbate ad *Rubric. h. t. n. 1. et 2.* quod sententia possit dupliciter sumi. Primo, pro ipsa actione Judicis sententiantis, seu sententiam proferentis: quo modo sententia non transit in rem judicatam, ob rationem allatam. Secundo, pro objecto ipsius, seu pro causa patiente. Et in hoc posteriori sensu sententia ante lapsum decendii dicitur *Res judicata* large donaxat, et improprie: post elapsam vero spatium decem dierum, si non fuerit appellatum, vocatur *Res judicata* proprie, ac irrevocabiliter; sicutque dicitur sententia transire in auctoritatem rei judicatae, juxta allatum textum c. *Quod ad consultationem*. 15. h. t. Atque in hoc sensu est intelligendum illud, quod *L. 1. ff. de Re judicata*, habetur in haec verba: *Res judicata dicitur, quae finem controversiarum pronuntiatione judicis accepit: quod vel condemnatione, vel absolutione contingit.* Concordant dicenda inferius §. 4. numer. 105. et seqq. ubi ex professo agitur de *Re judicata*.

6 Queritur II. Quid, et quotuplex sit Sententia? Resp. I. Generationem loquendo, *Sententia* dicitur a *sentiendo*. Atque in hac tam generali acceptione plura sub se continet, variasque habet acceptiones. Quandoque enim sententia, potest dici cujuslibet energiae orationis significatio; ut ibi: *Sententiae Patrum*. Quandoque ponitur pro opinione Magistratum, qui in hoc sensu dicuntur *sententias ferre*. Quandoque appellatur sententia, quidquid alicui de re quapiam placet, juxta illud vulgatum: *Quot capita, tot sententiae*. Quandoque etiam excommunicatio, suspensio etc. dicuntur sententiae excommunicationis, suspensionis etc. Verum in proposito *Sententia* sumitur pro oratione, per quam Jux, quid super causa controversa sentiat, legitime pronunciat.

7 Resp. II. Sententia taliter accepta, seu quantum ad propositum, dividitur in sententiam diffinitivam, et interlocutoriam. Ita communis. Quamquam Glossa fin. et marginal. l. *Quod jussit*. ff. de *Re judicat.* juncto textu ibid. Alexander Consil. 50. numer. 2. lib. 2. Jason cit. l. *Quod jussit* num. 16. ff. de *Re judicat.* et alii notent, quod appellatione *sententias* simpliciter facta, intelligatur diffinitiva: quia interlocutoria non est proprie sententia; eo quod non definit negotium principale, neque finem controversiae imponat per absolutionem, vel condemnationem: haud obstantia, quod large et improprie appellatione sententiae etiam veniat interlocutoria.

8 Inferitur proinde, quod in debio Statutum, vel alia dispositio, loquens de Sententia, intelligi debeat solummodo de sententia, diffinitiva non de interlocutoria, ubi aliud non apparet. Abbas c. *Super eo* 12. num. 6. de *Appellatione*. Maranta part. 6. *Speculi*

*Aurei. Tit. de Sententia*. num. 5. post Felinum ad *Rubric. h. t. cod. col. 5.* et alios: istud tamen limitans, nisi essemus in materia indifferenti, aut in tali, in qua sumendo sententiam etiam pro interlocutoria, non consurgit aliqua absurditas, arg. c. *Causam* 16. de *Offic. Delegat.* Ubi dum simpliciter dicitur, quod si causa duobus committitur, *sententia unus non tenet*; id esse intelligendum de sententia non solum diffinitiva, sed etiam interlocutoria, tradit Abbas ibid. num. 3. istud ulterius probans ex *Clem. 1. juncta Glossa §. Sententias* h. t.

9 Resp. III. *Sententia diffinitiva* est definitio Judicialis, controversiae finem imponens, ex pronuntiatione Judicis damnationem vel absolutionem continens. Ita desumitur ex *L. 1. ff. de Re judicat.* et tenet Glossa in *Casu Clem. un. de Dolo et Contumacia*. Anton. Nebrissensis in *Vocabulario Juris*. §. *Sententia*. estque in re communis: quamvis nonnulli addant ly, *indubitata*: alii vero post Glossam in *Clem. un. §. Diffinitiva. de Sequestrat. possess.* nonnulla verba omittant, dicendo, quod diffinitiva est; quae principalem quaestionem diffinit: sive, ut Abbas ad *Rubric. h. t. num. 4.* loquitur, *Sententia diffinitiva* est, quae imponit finem toti causae in judicium deductae.

10 Dicitur primo, *Diffinitio*: hoc est, enunciatio, seu decisio: quae particula stat loco generis, ceterae vero tenent locum differentiae. Et additur, *Judicialis*: ad excludendam sententiam Arbitri, vel Arbitratoris: quia sententia Arbitri, seu Arbitratoris non est proprie, et per omnia sententia, cum is non habeat jurisdictionem, sed solum notionem, l. *Aut Praetor*. ff. de *Re judicat.* Unde, quod sententia Arbitri non sit proprie sententia, neque in materia restringibili veniat appellatione sententiae, pluribus ostendit Jason *L. 1. n. 3. ff. eod.* ac notat Abbas cap. 1. n. 2. de *Arbitris*. Quin imo sententia Arbitri, proprio nomine appellatur *Laudam*: quamvis large ac improprie, et non simpliciter, sed cum quadam adjectione, possit dici *sententia Arbitri*; prout fit cap. 1. de *Arbitris*. et l. *Qualem autem*. ff. de *Receptis Arbitris*, cum similibus.

11 Dicitur ulterius, *controversiae finem imponens*. Per quod sententia diffinitiva differt a sententia absolutoria ab observatione judicii: nam per eam controversiae finis imponitur; e contra vero per sententiam absolutoriam ab observatione judicii non terminatur controversia principalis, sed Reus liberatur tantum ab observatione judicii, seu factae instantiae. Quod quidem fieri solet vel propter libellum Actoris ineptum, ut c. *Examinata* 15. de *Judiciis*; vel propter defectum, sive contumaciam Actoris, juxta dicta *Tit. 14. De Dolo et Contumacia*. §. 3. numer. 98. et 99. aut ob aliam hujusmodi causam. Insuper per hanc particulam sententia diffinitiva differt ab interlocutoria, de qua mox plura. Per alias vero particulas partim indicatur modus ferendi sententiam diffinitivam: partim innuitur, quod ea subdividatur in absolutoriam, et condemnatoriam, quarum prior sit absolvendo, altera vero condemnando Reum.

12 Resp. IV. *Sententia interlocutoria* e contra dicitur illa, quae fertur inter principium et finem causae super aliquo incidenti, vel emergenti. Ita Glossa *Clem. 1. §. Diffinitiva. de Sequestrat. possess.* quae quotidie allegatur, ut inquit Jason ad *Rubric. ff. de Re judicat.* num. 3. Abbas ad *Rubric. h. t. n. 6. et 7.* Speculator *Tit. de Sententia*. §. *Species*. n. 1. Maranta part. 6. *Speculi Aurei. Tit. de Sententia*, n. 3. et alii.

13 Estendum tamen, quod nonnulli datam definitionem, veluti nimium restringentem, rejiciant ex eo: quia (inquiunt) quilibet jussus Judicis, fa-

nens ad causam, est interlocutoria sententia. Felicius ad Rubric. h. l. nu. 3. vers. Circa diffinitionem. Franciscus de Acceptantibus Tom. 5. Tractatum, tract. de Sententia definit. et interlocut. nu. 7. et 8. et 17. istud inter alia probans ex l. Quod jussit. ff. de Re judicat. et quidem alii. Atque horum sententias faveat Glossa can. Ei, qui appellat. t. i. q. 6. §. Et §. Diffinitiva. asserens, quod diffinitiva sententia sit ea, quae finem imponit negotio: alia omnis sit interlocutoria. Faveat etiam textus in l. A Divo Pio. §. In venditione. ff. de Re judicat. ubi etiam post sententiam Judices interloqui dicuntur. Accedit, quod vix negari possit, quin praeceptum, seu citatio a Judice emanata ante litem contestatam, sit sententia ejus interlocutoria; ergo.

14 Verum respondet Jason ad Rubric. ff. de Re judicat. n. 3. citans Geminianum in cap. 1. de Appellat. in 6. Cossedum, et alios, ista dici improprie. Si quidem sententia interlocutoria dicitur ab inter, et loqui: atque idem est, ac locutio Judicis inter principium causae, quae est citatio, finem, quae est sententia. Igitur omnis jussus, et omne praeceptum Judicis, quod sit inter principium et finem causae, est proprie sententia interlocutoria: illud vero, quod sit ante principium, ut puta, citatio, seu praeceptum Judicis de comparando, ante inchoatum judicium facta, vel quod post finem causae sit, non est proprie sententia interlocutoria, sed dicitur quasi interlocutoria: prout loquitur Glossa in Auth. de Haeredit. et Falcid. §. Si quis autem non implens. §. Decreto Collat. 1. Abbas ad Rubric. h. l. n. 6. et 7. Jason loc. cit. et Vallensis h. l. §. 1. n. 6. cum aliis.

15 Atque istud bene notandum est (subdit Jason ibid. n. 4.) propter Statuta loquentia de sententiis interlocutoriis; puta, quod a sententiis interlocutoriis non possit appellari. Quia enim in Statutis verba debent proprie et stricte intelligi, l. 1. §. Si is, qui navem. vers. In re igitur dubia. ff. de Exercitator. action. et l. Quod constitutum ff. de Militar. testament. et late Bartolus in l. Non dubium. C. de Legib. hinc talia Statuta intelligenda sunt interlocutoriis veris et propriis, quae feruntur inter principium et finem causae: secus, si ante vel post.

16 Resp. V. Sententia interlocutoria subdividitur in mere interlocutoriam; et in eam, quae habet vim sententiae diffinitivae. Ita communis. Et quidem sententia mere interlocutoria solet esse, quae fertur super dilationibus dandis, testibus producendis, examinandis, aut repellendis; vel qua imponitur alterutri parti onus probandi, seu pronunciat Procurator alicujus rei non esse idoneus, aut qua deciduntur alia hujusmodi incidentia vel emergentia inter principium et finem causae; ipsum vero negotium principale non terminatur, sed expectatur alia sententia toti causae finem imponens.

17 Sententia interlocutoria habens vim diffinitivae (quam et mixtam, seu quasi mediam appellant) illa est, quae quidem causam principalem non diffinit, eam tamen ferme perimit; ut dicitur l. Post sententiam. C. de Sententiis et interlocution. omn. Judic. ibi: Nec causam ullam interlocutiones plerumque parimunt. Et dicitur plerumque: quia interlocutio aliquando rem ferme perimit, ut post Cujacium notat Wesenbecius ad cit. l. Post sententiam. C. eod. quolis proinde dicitur habere vim sententiae diffinitivae. Occasione cujus

18 Quaeritur III. Unde cognosci possit, sententiam interlocutoriam habere vim diffinitivae: et an ipsa reguletur secundum naturam diffinitivae? Resp. I. Signa sententiae interlocutoriae, habentis vim diffinitivae, sunt sequentia. Primo, quando post ipsam non speratur alia ferenda sententia in eadem

instantia, eo quod ipsi finem imponat: tunc manifestum signum est, ejusmodi sententiam interlocutoriam habere vim diffinitivae. Talis est sententia, qua Juxta interloquendo pronunciat, aliquos non posse, vel non potuisse de Jure appellare, puta, tertio appellando: ut est casus in c. Sua nobis. 65. de Appellationib. ac notat Abbas ibid. numer. 3. Talis etiam est sententia absolutoria ab observatione judicii; vel qua Juxta pronunciat, appellationem esse desertam: quia per talem quoque sententiam finitur instantia. Abbas in c. Pervenit. 28. num. 9. de Appellation. Maranta part. 6. Speculi Aurei. Tit. de Sententia, n. 42. Vallensis h. l. §. 1. n. 9. et alii passim.

Secundo, omnis illa sententia, per quam diffinitur unus articulus causae principalis, dicitur habere vim diffinitivae. Atque istud probatur ex l. Intra utilis. §. 1. ff. de Minorib. ubi Minorennis, qui petit restitutionem in integrum, Judice pronunciente super aetate, puta, ipsum non esse minorem viginti quinque annis, appellavit: nam per talem sententiam interlocutoriam diffinitur aliquis articulus causae principalis, imo Minorennis tacite excluditur a beneficio restitutionis in integrum; sique ea merito censetur habere vim diffinitivae. Maranta loc. cit. num. 44. allegans Alexandrum in Rubric. ff. de Re judicat. et Baldum in l. 1. C. Quando provocare non est necesse. Vallensis d. n. 9.

Tertio, sententia interlocutoria, per quam expirat officium Judicis, dicitur habere vim diffinitivae. Sic accidit, quando Juxta interloquendo pronunciat, se non esse competentem Judicem (Judicis enim est existimare, an sua sit jurisdictio, per textum in l. Si quis. 5. ff. de Judiciis.) quia sic interloquendo, jam est functus officio suo, c. Significantiis. 38. de Offic. Delegat. Maranta loc. cit. n. 43. post Bartolum in l. Quod jussit. ff. de Re judicat. Jason cit. l. Quod jussit. num. 25. istud extendens etiam ad Judicem Ordinarium.

Addit Abbas in c. Ex parte Decani num. 6. de Rescriptis, et Jason loc. cit. quod etiam illa sententia, qua quis pronunciat affirmative, se esse Judicem competentem, licet sit interlocutoria, habet vim diffinitivae: adeo, quod etiam de Jure Civili possit appellari: de quo est Glossa notabilis in Auth. Habita. §. Cedat. C. Ne filius pro patre etc.

Quarto, sententia interlocutoria habens vim diffinitivae est illa, per quam admittitur, vel rejicitur exceptio peremptoria, arg. Clem. ult. juncta Glossa ibid. §. Repulsione. de Appellat. Maranta, ubi supra, num. 44. Vallensis cit. §. 1. num. 9. h. l. et alii.

Quinto, omnis interlocutoria, quae continet aliquid dari, vel fieri a parte, habet vim diffinitivae. Ita Bartolus l. Nec quicquam. circa init. ff. de Offic. Proconsul istud probans ex l. Quod jussit. ff. de Re judicat. et l. Qualom. penult. ff. Receptis arbitris. Maranta loc. cit. n. 42. et 45. Vallensis n. 9. et alii, qui hoc exemplificant in praecepto Judicis de solvendo, ac in sententia mulctam imponente, et hujusmodi.

Resp. II. Quod sententia interlocutoria habens vim diffinitivae reguletur secundum naturam diffinitivae, eique aequiparetur quoad effectum interponendae appellationis, et alios Juris effectus, tenent multi Doctores: ut Glossa cap. ult. par. Inanes. de Election. in 6. Alexander Consil. 181. numer. 1. lib. 6. Gailus lib. 1. Praet. Observat. numer. 4. et 6. Pirhing h. l. numer. 3. et alii: quia (inquiunt) paria sunt, sententiam esse diffinitivam, et habere vim diffinitivae. Nihilominus Abbas in c. Pervenit. 28. numer. 8. et 9. de Appellation. non immerito docet, quod interlocutoria hominis neque



ex toto regulatur ut diffinitiva, neque ex toto ut interlocutoria; sed trahatur quousque ad naturam interlocutoriae, quandoque ad naturam diffinitivae, secundum quod magis participat de pure diffinitiva, vel mere interlocutoria, cum sit quoddam medium inter utramque.

25 Hinc si sententia interlocutoria habens vim diffinitivae, est talis, ut per ipsam finiat officium Judicis, tunc ab ea debet appellari tanquam a diffinitiva. Abbas est. num. 11. Debetque etiam ferri cum causae cognitione praesentibus partibus, ac legitime citatis, l. De unoquoque ff. de Re judicat. et notat Bartolus l. Nec quicquam §. Ubi decretum circa init. ff. de Offic. proconat. Quod si sit talis sententia, quae non omnino finit officium Judicis, sed potest adhuc ab eo iustitia consequi, tunc ea est regulanda tanquam interlocutoria: quia magis trahitur ad naturam interlocutoriae. Exemplum sit, ubi Judex pronunciavit, non esse respondendum libello, tanquam incepto: nam si exprimitur causa rationabilis curam eo, potest ipse mutare hanc sententiam suam, c. Cum cassante 60. de Appellatione. Idemque dicendum in aliis similibus: ut quod, ubi sententia quasi diffinitiva habet omnem effectum diffinitivae, servetur in ea sollemnitas ut in diffinitiva; alias secus. Abbas est. num. 9.

26 Quae sunt differentiae inter sententiam diffinitivam, et mere interlocutoriam? Resp. I. Plures quidem sunt differentiae inter sententiam diffinitivam et interlocutoriam, eadem tamen commodè restringuntur ad tres principales: quarum prima est respectu rei controversae; secunda, respectu ordinis judicarii; tertia vero respectu effectuum, qui ex illis sententiis sequuntur, vel non sequuntur. Ita Sigismundus Scaccia Tract. de Sententia et re judicata, Glossa 14. quaest. 4. numer. 1. et seqq. atque patebunt singula ex specialibus Conclusionibus; quamvis Franciscus de Acceptantibus cit. Tract. de Sententia diffinit et interlocut. num. 6. et seqq. omnes earum differentias consistere asserat in duobus, nempe in modo producibili, et in effectu. Verum retinendo priorem divisionem,

27 Resp. II. Respectu rei controversae differunt ambae sententiae inter se: quia sententia diffinitiva determinat controversiam principalem; hoc est, per eam diffinitur negotium principale, videlicet illud, quod principaliter deductum fuit in iudicium: uti liquet ex definitione ipsius num. 9. assignata. Unde debet continere absolutionem, vel condemnationem; aliter non valet: ut l. 1. ff. de Re judicat. et l. Praeses. C. ad. Speculator Tit. de Sententia §. Species n. 3. Maranta part. 4. Speculi Auri Tit. de Sententia num. 3. Scaccia loc. cit. n. 1. et alii. Contra sententia interlocutoria non determinat, neque diffinit causam principalem; sed determinat solum quaestiones emergentes et incidentes, quae oriuntur inter principium et finem controversiae principalis; prout etiam constat ex eadem definitione n. 12. data, et tenet Abbas ad Rubric. h. t. 6. Speculator loc. cit. n. 1. Maranta d. nu. 3. et communis. Hinc etiam fit, quod appellatione sententiae simpliciter facta, intelligatur duntaxat diffinitiva, non interlocutoria; imo haec non sit propria sententia, ut jam dictum num. 7.

28 Resp. III. Quoad ordinem judicarium multipliciter differt sententia diffinitiva ab interlocutoria. Siquidem diffinitiva non potest ferri, quin praecesserit ordo, et tela judicaria: qui ordo referatur a Glossa an. in l. Prolatam C. de Sentent. et interlocut. omn. Judic. et c. Quoniam contra. juncta Glossa et Doctoribus ibid. de Probat. atque infra §. 2. num. 57. ac seqq. et §. 3. per totum, quoad so-

lemnitates necessariae declarabunt. Adeo, ut si sententia diffinitiva feratur non servato substantiali ordine judicario, sit nulla de ipso jure, non auctoritatem rei iudicatae inducat Speculator Tit. de Sententia §. Nunc videndum n. 1. Franciscus de Acceptantibus, ubi supra, n. 1. Scaccia l. cit. num. 30. citans alios: atque hinc num. 34. excipiens causas, quae summariter ac de plano possumus tractari, juxta Clem. Saepa contingit. de Verb. signif. Sententia vero interlocutoria potest ferri nullo ordine judicario praecedente, qui ad illam ordinatur: dum enim servatur ordo judicarius in ordine ad diffinitivam, saepius contingit, ut infra ipsam Processus fabricationem, seu ordinem, Judex interloquatur. Maranta loc. cit. numer. 20. Scaccia num. 31. Franciscus de Acceptantibus loc. cit. num. 31.

Deinde, licet sententia diffinitiva non valeat, si feratur in scriptis, et de scripto recitetur, ut cap. ult. h. t. in 6. et l. ult. C. de Sentent. et breviculo recitand. Secus tamen est de interlocutoria, quia potest ferri sine scriptura; quamvis postea debeat redigi in scriptis, ut appareat de ipsa ex Actis. Glossa c. Quoniam contra: et Interlocationes. de Probation. et alia Glossa in cap. ult. §. Diffinitiva. h. t. in 6. Abbas cap. 1. num. 21. de Postulat. Praelat. Speculator Tit. de Sententia §. Juxta. n. 14. Franciscus de Acceptantibus loc. cit. n. 8. Maranta, ubi supra, n. 12. Pirhing h. t. n. 1. et alii. Quamvis enim haec sententiae interlocutoriae redactio in scripturam, non sit necessaria ad validitatem actus, ea tamen requiritur ad probationem: nam alias non creditur Judici, nisi de ipsa pateat per scripta in Actis, cit. c. Quoniam contra 11. §. fin. de Probation.

Insuper sententia diffinitiva non potest ferri, nisi 30  
Judice pro Tribunali sedente, l. Cum sententiam. C. de Sentent. et interlocation. omn. Judic. Nec quis partibus praesentibus aut saltem legitime citatis, et contumaciter absentibus l. Ea quae. et l. Consentaneam C. Quomodo et quando Jures etc. cum concordantibus. Secus est dicendum de sententia interlocutoria: nam ista potest proferri etiam parte absente, ac per nuntium, vel epistolam, l. Diem proferre. ff. de Receptis. arbitris ubi Bartolus in Summario. Glossa in l. Nec quicquam §. Decretum ff. de Offic. Proconat. et Glossa fin. in l. A procedente. juxta textum ibid. C. de Dilatationib. Franciscus de Acceptantibus. cit. num. 8. et 10. Maranta, ubi supra, num. 11, istud intelligens de interlocutoria, quae est legis momenti. Tacetur aliae consimiles differentiae ordinem judicarium respicientes.

31 Resp. IV. Sententia diffinitiva et interlocutoria differunt varie quoad effectus, qui ab ipsis promanant. Ita Maranta, Scaccia, Franciscus de Acceptantibus, ubi supra, et alii; idque probatur inductione, declaranda talei diversitatem effectuum. Primo etiam sententia diffinitiva, a qua non est appellatum, terminat totam causam, eique finem imponit: non sic sententia interlocutoria; uti patet ex utriusque definitione superius jam allegata.

32 Secundo differunt: quia condemnatus de aliquo crimine per sententiam diffinitivam, efficitur infamis, l. 1. §. Qui in iudicio ff. De his, qui notantur infam. Secus dicendum de interlocutoria, utpote per quam infamia non irrogatur. Textus est in l. Quid ergo. §. Quantum, juncta Glossa §. Interlocutoria ff. eod. Maranta loc. cit. n. 4. allegans alios.

33 Tercio differunt: quia sententia diffinitiva semel a Jure pro lata, dummodo valida fuerit, ab eodem revocari nequit, l. Hac lege C. de Sententiis et breviculo recitand. et l. Jures ff. de Re judic. et

con. Quod bene. 6. q. 4. et c. In litteris. 9. de Offe. Delegat. Secus est de interlocutoria: nam haec ante subsecutam diffinitivam potest a Iudice revocari: per textum in l. Quod jussit. ff. de Re judicat. ubi Summarium ex Bartolo sic ait: *Judex potest suam sententiam interlocutoriam revocare, sed non diffinitivam.* Idem tenet Speculator cit. Tit. de Sententia, §. Qualiter. n. 10. Sigism. Scaccia de Sententia, Glossa 14. quaest. 4. n. 36. Maranta, ubi supra, num. 7. et 21. et alii.

- 34 Ratio disparitatis est: quia *Judex postquam semel dixit sententiam (diffinitivam) Judex esse definit, ut amplius sententiam suam corrigere non possit, (quamvis pluris, vel minoris condemnaverit) semel enim sive male, sive bene, officio functus est; ut dicitur cit. l. Judex. ff. de Re judicat.* Contra vero, si Judex tantum dedit sententiam interlocutoriam, is adhuc remanet Judex in dicta causa, donec eam terminet per sententiam diffinitivam.

- 35 Nec dicas, hanc disparitatem solum urgere respectu Judicis delegati, non vero respectu Judicis ordinarii; utpote qui adhuc post sententiam a se latam remanet Judex: cum ipsi firma remaneat sua jurisdictio ordinaria. Resp. enim negando assumptum cum suae probationis consequentia. Quia, ut in simili notat Jason l. Quod jussit. n. 26. ff. de Re judicat. licet tunc Judici ordinario firma remaneat sua jurisdictio quoad alias causas: non tamen quoad illam, in qua tulit sententiam diffinitivam, saltem valide: ac proinde etiam respectu Ordinarii, verificatur dictum illud: *Judex postquam semel dixit sententiam, Judex esse desinit, etc.*

- 36 Additur notanter, saltem valide. Nam praedicta procedunt, quando sententia diffinitiva Judicis existit valida, seu non est contra Jus constitutionis; licet forsitan sit iniqua, sive contra Jus litigatoris, seu partis. Quod si vero sententia ejus ipso jure sit invalida, et nulla (de quo plura inferius h. t. num. 70. et seqq.) potest Judex ordinarius eam revocare, causamque denuo cognoscere; ut l. 1. ff. de Sentent. et interlocution omn. Judic. et l. Si accusatoribus. ff. de Accusation. cum similibus. Et hoc idem dicendum est de Delegato ad universitatem causarum: quia censetur quasi ordinarius; prout uberius dictum est supra Lib. 1. Tit. 29. De officio et potestate Judicis Delegati. §. 3. n. 62. et 63.

- 37 Secus dicendum de Delegato ad causam particularem: nam talis, sive bene, sive male pronuntiaverit, seu teneat, seu non teneat sententia, non potest amplius pronunciare, dictamque sententiam diffinitivam revocare; siquidem illico ejus auctoritas, et jurisdictio cessat, quia semel est officio suo functus; prout dicitur cit. c. In litteris. 9. de Officio Delegat. Concordat textus in l. Si (ut proponis) pars. 4. juncta Glossa ibid. §. Commisit. et Bartolo in Summario. C. Quomodo et quando Judex etc. et dicit Abbas c. Qualiter et quando. 17. n. 4. et 5. de Accusation. Ratio diversitatis est, quam dat Glossa marginal. in fin. cap. ult. h. t. quia nimirum Jurisdictio ordinaria est naturalis et favorabilis; ac proinde magis ridem defertur, quam delegatae. Jo. Andreas cit. cap. ult. n. 9. h. t. Pirhing de Offe. Delegat. n. 156. et 157.

- 38 Quarto differunt quoad illum notabilem effectum, quod a sententia diffinitiva regulariter possit appellari: non autem ab interlocutoria, nisi habeat vim diffinitivae, aut contineat damnum irreparabile. Patet hoc et l. Ante sententiam. C. Quorum appellationes non recipiantur, juncta Glossa §. Discussore, nonnullas limitationes afferente. Concordat Concilium Tridentinum Sess. 24. cap. 10. de Reformat. ubi novissime sic statuit: *Neque appella-*

*tiones ab eisdem (Ordinariis locorum) interpositas per Superiores quoscunque recipiantur, nisi a definitiva, vel a definitivae vim habente, et ejus gravamen per appellationem a definitiva reparari nequeat.* Hoc ipsum, una cum pluribus aliis notabilibus, amplius declaravit Sacra Episcoporum Congregatio, die 16. Octobr. 1600. edita, et a Clemente VIII. approbata, quam per extensum refert Aloys. Biccus par. 1. Praxis. Resol. 414. et Quarta in Summa Bullarii §. Archiepiscopi auctoritas. in Addit. atque infra Tit. seqq. §. 9. num. 267. referetur. Taceatur aliae differentiae inter sententiam diffinitivam et interlocutoriam assignabiles, de quibus Maranta, ubi supra, et alii: nam praemisisse sunt ceteris notabiliores.

## §. II.

Quando, et quo modo, ac loco, proferenda sit Sententia? ubi et de Conclusionem in causa.

## SUMMARIUM.

- 39 Sententia ferenda est intra tempus a Jure praescriptum: et quale sit istud?
- 40 Post lapsum biennii, vel triennii, an parcat instantia?
- 41 Judex tenetur causas matura deliberatione examinare, et sententiam non praecipitanter ferro.
- 42 Et sententia lata a Iudice ignaro de meritis causas, est ipso jure nulla.
- 43 Ad sententiam diffinitivam debent praecedere termini substantiales. Atque admitti probationes necessariae. Ibid.
- 44 Sententia non est ferenda, quando causa adhuc est dubia, licet tempus datum ad sententiandum jam sit in fine. Et quid tunc agendum? Ibid.
- 45 Judicem oportet usque ad sententiam cuncta rimari. Et jurgantium controversias coleri sententia terminare. Ibid.
- 46 Ad diffinitivam sententiam est deveniendum, quando ab utraque parte conclusum est in causa.
- 47 Intelligendo istud in Judicio ordinario: sicut in summario.
- 48 Conclusio in causa non est de substantia Processus judicarii. Quid circa eam observetur in Camera Imperiali? Ibid.
- 49 Conclusio in causa, quomodo fiat? Et num. seqq. Ea potest fieri tam oretenus, quam scriptio; imo et tacite. Ibid.
- 50 Conclusio in causa passim confunditur cum Renunciatione probationum.
- 51 Stricto tamen differunt: et in quo?
- 52 Vulgaris formula concludendi in causa, quae?
- 53 Quid, si una pars concludat in causa, et altera adhuc aliquid proponere velit? Et num. seqq.
- 54 Conclusio in causa solet nonnunquam fieri conditionate: et cur?
- Conclusio in causa partibus os obstruit etc. Ibid.
- 55 Nisi ex justa, vel aequitate, videantur Judici novae probationes admittendae.
- 56 Judici nunquam concluditur in causa. Potestque Conclusionem in causa revocare. Ibidem.
- 57 Requisita sententiae diffinitivae alia respiciunt solemnitatem judicalem, alia ordinariam causarum cognitionem.

Quo modo, et loco, proferenda sit sententia diffinitiva. Ibid. et num. seqq.

58 Ad eam requiritur cum primis citatio partium. Sed legitime citatus, et contumaciter absens, habetur pro praesenti. Ibid.

59 Ad sententiam diffinitivam requiritur, ut sit redacta in scripturam, atque a Iudice ex scriptis proferatur; et cur?

60 Episcopi, et Personae Illustres, possunt sententiam per alium recitare.

61 Sententia diffinitiva debet proferri a Iudice sedente.

62 Et quidem sedente pro Tribunali, sive in loco consueto etc.

63 Episcopus potest in quolibet loco non exempto suae Dioecesis sedere pro Tribunali.

Quid in Delegato, aut si locus consuetus non est tutus? Ibid.

64 Sententia est ferenda de die, et quidem non Feriato.

Et quid, si feratur de nocte? Ibid.

65 Solemnitates huiusmodi adeo requiruntur, ut ipsis non observatis sententia diffinitiva regulariter ipso jure sit nulla.

66 Secus dicendum de sententia interlocutoria.

67 Et de sententia lata in Iudicio summario.

68 Atque in aliis certis casibus, in quibus fallit data Regula: et quales sint illi?

69 Consuetudo locorum, seu stylus singulorum Tribunalium, in proposito attendi debet.

39 Queritur I. Quando a Iudice proferenda sit Sententia? Resp. I. Sententia ferenda est cum primis intra tempus a Jure praescriptum. Et quidem spectato rigore Juris Civilis, causae civiles (exceptis causis Fiscalibus, et publicarum Functionum) debent terminari intra triennium a tempore litis contestatae numerandum, l. *Properandum. C. de Judiciis*. Causae criminales vero intra duos annos, pariter a contestatione litis computandos, terminandae sunt, l. ult. *C. Ut intra certum tempus etc.* Quin et novissime Concilium Tridentinum *Sess. 24. cap. 20. de Reformat.* voluit, ut omnes causae ad Forum Ecclesiasticum spectantes, in prima instantia saltem infra biennium a die motae litis terminentur; alioquin vero liberum sit partibus competentes Iudices superiores adire.

40 Caeterum id, quod habetur *cit. l. Properandum. §. 1. C. de Judic. et l. ult. C. Ut intra certum tempus etc.* nempe quod post lapsum biennii, vel respective triennii, pereat instantia, non procedit de Jure Canonico, per textum in *c. Venerabilis. 20. de Judiciis*. Ubi Pontifex expresse mandat Iudici a se delegato, ut lapsu triennii non obstante, procedat in causa sibi commissa: ac notat Glossa *ibid. §. Non obstante.* et Abbas *num. 5. et 6.* et Barbosa in *Collectan. n. 2.* citans complures alios; estque jam dictum supra *Tit. 1. De Judiciis. §. 1. nu. 31. et 32.*

41 Resp. II. Iudex tenetur causas matura deliberatione examinare, et sententiam non nimia festinatione ac praecipitantia ferre. Ita communis. Atqui istud suadet tum ratio naturalis, et aequitas ipsius iudicii, quae praecipiti prolatione sententiae facile laederetur: tum textus in *can. Apostolicas. 35. quaest. 9.* ubi de Apostolicae Sedis sententia dicitur, quod tanta semper consilii moderatione concipitur, tanta patientiae maturitate decoquitur, tantaque deliberationis gravitate proferitur, ut retractionis non egeat; cum similibus. Unde quod sententia incautus, seu per Iudicem de meritis ipsius causae nondum plene instructum prolata reformari debeat, liquet ex *c. Tum*

*ex literis. §. De in integrum restitut. Joanes Clem. Pastoralis. §. Verum. h. t. et alibi.*

Quin imo si apparet, quod sententia fuerit lata a Iudice ignaro de meritis causae (ut puta, si tantum legit Acta unius partis, ex quibus sufficienter de meritis causae instrui non potuit; aut si de sero recepit multa Acta intricata, et de mane statim tulit sententiam) tunc sententia est ipso jure nulla, utpote lata sine causa cognitione. Abbas *c. Dudum. 22. num. 5. de Election. et cit. c. Tum ex literis. nu. 6. De in integrum restitut.* post Bartolum in *l. Prolatam. C. de Sentent. et interlocut. omni. judic.* istud probans ex *c. Ecclesia sanctae Mariae. 10. §. fin. de Constitut.*

Resp. III. Insuper ad sententiam diffinitivam debent saltem praecedere termini substantiales. Fagnanus *c. Dilectus. num. 38. de Rescript.* post Rotam *Decis. 1278. part. 3. Divers.* Neque debet Iudex, etiam in Iudicio summario, ita litteram abbreviare, quin probationes necessariae, et legitimae defensiones admittantur. *Clem. Saepe contingit. de verb. signif.*

Quin imo si apparet, quod sententia non est ferenda, quando causa adhuc est dubia, licet tempus datum ad sententiandum jam sit in fine. Abbas *c. Super eo. 12. numer. 17. de Appellat.* Ubi proin subiungit, quod tunc aut fieri debeat de consensu partium prorogatio in aliud tempus, juxta *c. De causis. §. de Offic. Delegat.* Vel ipsamet tota causa indecisa remittatur ad Superiorem: alioquin enim grave esset, in re dubia certam ferre sententiam, *can. Grave. 11. q. 3.*

Insuper Iudicem oportet usque ad sententiam cuncta rimari, *c. Cum Joannes. 10. de Fide instrument.* (aliter enim ad veritatem perveniri non posset, *can. Occidit. 23. q. ult.*) ac proinde non antea ferenda est sententia, quam Iudex de meritis causae debite possit esse instructus. Idque fieri censetur, postquam a partibus conclusum fuerit in causa, juxta proxime dicenda. Et in hoc sensu accipiendum est, quod dicitur *cap. 2. h. t. ibi: Jurgantium controversias celeri sententia terminare, et aequitate convenit, et rigori*; prout notat Glossa *un. ibid.* Sive, quod Iudicis sit, conari, ut quam citius fieri potest, controversiae litigantium finiantur: servatis videlicet debitis requisitis, sive solemnitatibus juris; juxta dicta superius *Lib. 1. Tit. 32. de Officio Judicis. nu. 65. et 66.*

Resp. IV. Tum demum ad diffinitivam sententiam, et celerem terminationem litis, deveniendum est, quando allegatis et probatis hinc inde ex parte Actoris et Rei omnibus, quae ad suam causam et intentionem fundandam spectare judicaverint, ab utraque parte in causa conclusum fuit. Ita Vallensis *h. t. §. 3. numer. 1. Engel. numer. 1. et alii.* Idque habetur clare *can. Judicantem. 30. quaest. 5. ibi: Judicantem oportet cuncta rimari etc. Nec litigantibus Iudex prius velit sua sententia obviare, nisi quando ipsi jam peractis omnibus nihil habeant in quaestione, quod proponant.*

Intellige tamen hoc de Iudicio ordinario, de quo ex professo nunc sermo est. Nam in Summario, ubi simpliciter et de plano proceditur, potest Iudex ferre sententiam etiam conclusionem a partibus non facta, si ei ita videbitur expedire, *Clem. Saepe contingit. §. Sententiam. de Verb. signif. in 6. ibi: Sententiam vero diffinitivam (citatis ad id, licet non peremptorie, partibus) stans, vel sedens proferat: etiam (si ei videbitur) conclusionem non facta, prout ex petitione, et probatione, et aliis actibus in causa fuerit.*



*faciendum.* Haec ibi, loquendo de *Judicio sum-*  
*mario.*

48 Addit Glossa *ibid.* §. *Conclusiones*, alienbi in  
Judiciis saecularibus non fieri conclusionem hujus-  
modi. Unde quod Conclusio in causa non sit de  
substantia processus judiciarii, sed absque vicio  
nullitatis omitti possit, post Glossam *loc. cit.* te-  
net Abbas *c. Cum I. et A. num. 10. h. t. Jo. Au-*  
*dreus in Addit. ad Speculatorem. tit. de Renun-*  
*ciat. et Conclus. a princip. Maranta part. 4. Spe-*  
*culi Aurei dist. 9. numer. 23. Gailus lib. 1. Pra-*  
*ctic. Observat. 107. num. 1.* asserens Conclusionem  
hujusmodi, etiam de causis ordinariis, magis de  
consuetudine, quam substantia processus esse: quam-  
vis addat, in Camera nullam sententiam publicari,  
ne interlocutoriam, quidem, nisi in causa legitima  
conclusum sit: ita tamen, ut parte alterutra con-  
cludere nolente, Juxta ea invita usque in contuma-  
ciam, ex officio causam pro conclusa acceptare, et  
in principali pronunciare possit; dummodo parti ad  
concludendum sufficientes dilationes concessae fuerint.  
Occasione cujus

49 Queritur II. Quomodo fiat Conclusio in cau-  
sa? Resp. I. Conclusio in causa potest fieri tam  
oretenus, quam scripto; cum nulla certa solem-  
nitas a Jure sit praescripta: quin imo non solum  
expresse, sed etiam tacite potest in causa con-  
cludi, quando nimirum partes nulla formali fa-  
cta renunciatione ulteriorum probationum, sim-  
pliciter ab his desistant atque a Juxta senten-  
tiam postulant.

50 Quamvis Conclusio in causa videatur differre  
a Renunciatione ulteriorum probationum, arg. *c.*  
*Pastoralis. 5. de Causa possess. et propriet. ibi:*  
*Antequam renunciatum sit, aut conclusum in pro-*  
*prietatis judicio: ubi dictio, aut, videtur denotare*  
*diversitatem quandam.* Nihilominus in praxi hodie  
passim confunditur Renunciatio probationum cum  
Conclusione in causa, arg. *Clem. un. h. t. ubi de*  
*sola Conclusionem fit mentio.*

51 Fatendum tamen, quod si Renunciatio proba-  
tionum stricte accipitur, tunc ea fiat, quando  
partes renunciant ulteriori productioni testium tan-  
tum: Conclusio in causa vero (quae etiam Renun-  
ciatio large dici potest) quando partes, renun-  
ciatis quibuscunque allegationibus, totam causam  
cognitioni et decisioni Juxta submitunt. Abbas  
*c. Pastoralis. numer. 7. h. t. Pirhing h. t. nu-*  
*mer. 40. et Glossa in c. Cum dilectus. §. Con-*  
*clusum. de Fide instrument. ubi ait: Conclusum,*  
*id est, renunciatum allegationibus, et omnibus*  
*aliis probationibus.*

52 Resp. II. Vulgaris in causa concludendi formu-  
la est, quod partes in ultima sua scriptura addere  
soleant, quod hisce in causa concludere, seque  
ad sententiam submittere velint. Solet etiam quan-  
do Juxta interrogare litigantes, an habeant adhuc  
aliquid ad proponendum: et si quidem negative re-  
spondeant, jubet eos utrinque ulterioribus probatio-  
nibus renunciare, et in causa concludere: quae pro-  
inde renunciatio, et conclusio, confestim Actis in-  
seri debet, *c. Quoniam de Probation.*

53 Quod una parte probationibus renunciente, seu  
concludente in causa, pars altera sese adhuc ali-  
quid ad proponendum habere dicat, audienda  
erit: nihilominus, ne lites nimium, et quandoque  
malitiose protrahantur, statuet Juxta competen-  
tem terminum, intra quem illud allegari, et pro-  
bati debebit. Ita desumitur ex *Auth. Subimus. C.*  
*de Judiciis: ubi quoad hoc conceduntur tres suc-*  
*cessive dilationes, quarum singulae continent tri-*  
*ginta dies: quibus elapsis Juxta non amplius ex-*  
*pectare, sed sententiam legere, et consuetudini*

conformem ferre debet; et ibidem subiungitur. Val-  
lensis *h. t. §. 3. numer. 1. Engel h. t. numer. 1.*  
et alii.

Solet etiam Conclusio in causa nonnunquam fie-  
ri conditionate: ut puta, protestando, quod non  
aliter velit quis concludere in causa, nisi et adver-  
sarius concluderit nihilque novum in ultima scriptu-  
ra posuerit: aut conclusioni causae expresse adjicien-  
do hanc conditionem, *Nisi novae probationes, vel*  
*nova instrumenta reperiantur:* prout notat Engel  
*cit. n. 1.* Nec immerito hujusmodi cautela quan-  
doque adhibetur: nam alioquin, postquam a par-  
tibus in causam conclusum fuit, ante sententiam nul-  
la admittitur nova exceptio, vel probatio; ut *c.*  
*Cum venisset. 25. et c. De testibus. 29. de Testib.*  
juncto *c. Cum dilectus. 9. de Fide instrument.*  
Hinc Mascardus *de Probation. quaest. 17. prooem.*  
*n. 45.* ait, quod Conclusio in causa partibus os-  
obstruit, et claudit, ut probationibus nullas am-  
plius relinquatur locus.

Intellige, nisi ex justa causa, vel aequitate sic  
evadente, Juxta videantur novae probationes ad-  
mittendae; ut est textus in *c. Pastoralis. §. penult.*  
*et ult. de Causa possess.* Sic quippe in causis capi-  
talibus, ad probandam innocentiam Rei possunt no-  
vae probationes, testes ac defensiones, recipi etiam  
post conclusionem in causa, ne innocens con-  
demnetur. Idem fit in causis Beneficialibus, et Ma-  
rimonialibus: idque propter animarum periculum,  
ne videlicet vel legitimi conjuges separentur, vel  
quis per subreptionem ad Beneficium, aut Digni-  
tatem Ecclesiasticam ascendat. Mascardus *loc. cit. n.*  
*45. et seqq.*

Quia imo quoad Juxta nunquam concludi-  
tur in causa: ac proinde Juxta ex officio post  
Conclusionem in causa potest partes interrogare  
de facto, quoties aliqua occurrit dubitatio; cum  
usque ad prolationem sententiae debeat universa  
rimari, *c. Cum Joannes. 10. de Fide instrument.*  
Qua de causa Juxta potest etiam Conclusionem in  
causa revocare, novaeque probationes admittere,  
vel ultiores injungere partibus. Gailus *lib. 1.*  
*Practic. Observat. 107. num. 5. Jason in Repet.*  
*l. Admonendi n. 61. et 62. ff. de Jurejurand. cum*  
*aliis.* Concordant dicta superius Tit. 19. de Pro-  
bationibus. §. 6. n. 170. et 177.

Queritur III. Quo modo, et loco, proferen-  
da sit Sententia? Ubi praenotandum cum Ludov.  
Engel *h. t. num. 6.* et aliis, quod requisita senten-  
tiae diffinitivae alia respiciant solemnitatem judicia-  
lem, seu modum, quo ipsa solemniter est promul-  
ganda: ut puta, quod proferatur partibus antea  
citatis, Juxta sedente pro Tribunali etc. et de  
his impraesentiarum sermo est. Alia vero concer-  
nunt ipsam ordinatam causae cognitionem: puta,  
quod sententia sit conformis Juri, atque Libello;  
sit certa, et non lata sub conditione, ac hujusmodi:  
atque de istis commodius agetur Paragrapho sequenti.  
Quo praenotato

Resp. I. Facta a partibus Conclusionem in causa,  
ut supra, Juxta allegata et probata omnia dili-  
genter examinabit, hisque mature discussis sese ac-  
cinget ad causae principalis decisionem, prolaturus  
super ea sententiam diffinitivam: in quem pro-  
inde finem requiritur imprimis, ut Juxta senten-  
tiam latorum citari faciat pro certa die utrumque  
partem litigantium ad audiendam sententiam; idque  
vel trina citatione, vel saltem una preceptoria.  
Textus est in *l. Ea quae. C. Quomodo et quan-  
do Juxta sententiam proferre etc.* ubi sententia lata  
contra absentem non solemniter citatum, dicitur nulla:  
et *l. Consentaneum. C. eod. et l. De unoquoque ff. de*  
*Re judicata, cum similibus.* Quod si vero legitime

citatus, contumax fuerit, ac cessante justo impedimento noluerit comparere, id non obstat, l. Contumacia. ff. de re judicat. et c. Cum Bertoldus. 18. h. t. Nam legitime citati, et contumaciter absentes, habentur pro praesentibus, l. Properandum. §. Sin autem Reus. juncta Glossa §. Dei praesentia. C. de Judiciis: atque eorum contumacia litis damno coercetur, cit. l. Contumacia.

59 Requiritur secundo, quod sententia diffinitiva redacta sit in scripturam; et postquam scripta fuerit, a Judice, et non ab alio, de scripti recitatione proferatur: adeo, ut alias nec nomen sententiae mereatur habere, nec ab ea sit appellare necesse. Ita Textus expressus in cap. ult. h. t. in 6. et L. 2. C. de Sententiis ex breviculo recitandis. Ubi et hujus ratio indicator, atque notat Abbas c. Sicut nobis. n. 24. h. t. nempe, ut sententia cum majori moderamine proferatur; seu, ne forsitan aliquin Judices proferant subitas sententias, aut etiam in earum prolatione errent, vel alias ipsas recitando nonnihil immutet: unde debent Judices, habita matura deliberatione, sententias ponderatas sibi antea formare, et emendatas in libellum conferre, scriptasque ex libello partibus legere: invocato tamen prius Christi nomine; ut c. Veritatis. 8. §. fin. et Abbas ibid. n. 11. de Dolo et Contumacia. et c. In nomine Domini. 2. de Testib. ac solum Deum, seu causae justitiam aequitatemque praec oculis habendo.

60 Excipiuntur tamen hinc Episcopi, atque Personae Illustres: nam his ob Dignitatis praerogativam licitum est, sententiam a se ferendam per alium recitare, seu partibus publicare. Textus est expressus in cit. cap. ult. h. t. in 6. et L. 2. C. de Sententiis ex breviculo recitandis.

61 Requiritur tertio, quod sententia proferatur a Judice sedente, et non stante, vel ambulante, d. cap. ult. h. t. in 6. Ubi additur, quod si sententia diffinitiva a Judice litigatoribus non legatur, vel stando, non sedendo proferatur, nullius penitus sit momenti. Concordant dicta superius §. praeced. nu. 29. et 30.

62 Requiritur quarto, ut sententia proferatur a Judice, non quomodocunque sedente, sed sedente pro Tribunali; sive in loco publico, ubi Antecessores sui Jus reddere consueverunt, l. Cum sententiam. C. de Sentent. et interlocut. omn. Jud. et L. penult. ff. de Justit. et Jur.

63 Verumtamen Episcopus in quolibet loco suae Dioecesis non exempto, per se, vel per alium potest pro Tribunali sedere, c. Cum Episcopus. 7. de Offic. Ordinari. in 6. Sicut et Juxta Delegatus ad aliquam causam particularem, cum certam sedem deputatam non habeat, potest locum Juris dicendi causae, honestum tamen, sibi eligere, l. Si cum dies. §. Si arbitri. ff. de Receptis arbitris. Potest etiam Juxta ferre sententiam in loco non consueto, si locus consuetus non sit tutus; aut si Episcopus vi expulsus sit extra suam Dioecesim. Vallensis h. t. §. 3. n. 4.

64 Requiritur quinto, ut sententia feratur de die, et non de nocte, c. Consuluit. 24. de Offic. Delegat. quamvis Glossa ibid. §. Tenebras. et Jo. Andreas n. 32. et Abbas num. 14. ibid. arbitrentur, valere sententiam de nocte prolatam, quando Juxta adhibuit lumen, nec partes contradicunt: secus, si alterutra pars peteret licentiam recedendi, eo quod sit tempus quiescendi; nam si denegaretur petita licentia, posset licite appellare, nec valeret, si quid postmodum attentaretur. Insuper requiritur, ut sententia feratur die non Feriato, cap. ult. de Feriis. cum similibus.

65 Resp. II. Hujusmodi solemnitates adeo requiruntur, ut ipsis non observatis sententia diffinitiva, lata in Judicio ordinario, regulariter loquen-

do reddatur ipso jure nulla. Ita clare habetur cap. ult. h. t. in 6. et aliis Juribus hactenus citatis, ubi expresse dicitur, sententiam aliter latam nullius penitus esse momenti; vel, judicatae rei firmitatem non obtinere etc.

Additur primo in hac Conclusionem, sententia diffinitiva. De hac enim procedunt hactenus dicta: siquidem sententia interlocutoria non necessario requirit omnes enumeratas solemnitates: ut puta, non necessario recitatur ex scripto, sed potest etiam proferri verbis; juxta Glossam in cit. cap. ult. h. t. in 6. §. Diffinitiva. junctis dictis supra n. 29. et seqq. ubi plures aliae differentiae inter sententiam interlocutoriam, et diffinitivam referuntur.

Additur secundo, lata in Judicio ordinario. Nam in Judicio summario, seu causis illis, in quibus simpliciter ac de plano, et sine strepitu judicii proceditur, non requiri omnes praedictas solemnitates ad sententiam judicalem, ejusque validitatem; habetur expresse decisum in Clem. Saepe contingit. de Verb. signif. Estque hoc jam dictum supra Tit. de Judiciis. §. 2. n. 41. 43. et seqq. ubi simul declaratur, quaevis sint causae illae, in quibus summariter, et de plano, seu sine strepitu judicii procedi potest.

Additur tertio, regulariter loquendo. Nam hoc ipsum fallit in certis casibus; quorum plures enumerat Glossa cit. cap. ult. §. Illustrium. h. t. in 6. Ut, quando causae sunt leves, ac modici momenti, v. g. duorum aureorum: item, quando lites sunt breves, et maxime vilium personarum: quia tunc non est opus sententiam ferri ex scriptis, Auth. Nisi breves. C. de Sententiis ex breviculo recitandis. Idemque dicendum de Papa, vel alio Principe supremo, qui per se pronunciat: nam is est legibus solutus, ac praesentia ejus supplet omnem solemnitatem. Item, si Episcopus de causa civili judicat inter Clericos, can. Si qui cum Clerico. 11. q. 1. et cit. Auth. Nisi breves. C. de Sentent. ex breviculo recit. Aut, quando factum est notorium; adeo, ut liquido constet, nullam Rem competere defensionem: valet enim sententia tunc lata contra absentem, etiam non citatum: ut c. Cum olim. 12. §. fin. h. t. Rursus ex consensu partium potest Juxta ordinarius sententiam ferre in alio, quam ordinario loco judicii; modo non egrediator fines Territorii sui. Vallensis h. t. §. 3. n. 4. Pirhing cod. n. 2. et alii.

Tacentur specialis consuetudo locorum, utpote per quam nonnullae solemnitates Juris remitti valent, per textum in cap. ult. de Consuetud. Unde notat Engel h. t. in 6. quod licet ommissio cujusvis solemnitatis substantialis, ipso jure sententiam reddat nullam; ut cap. ult. h. t. in 6. nihilominus hodie magis ad stylum singulorum Tribunalium, atque rationabiles consuetudines locorum sit attendendum.

### §. III.

De requisitis Sententiae diffinitivae ordinatae causae decisionem respicientibus.

#### SUMMARIVM.

70 Sententia judicialis debet esse Juris conformis: alioquin ipso jure foret nulla.

71 Illae exemplificatur. Et num. seq.

72 Sententia, in qua clarius error juris continetur, est ipso jure nulla, licet error ille in sententia non sit expressus.

Sententia dicitur nulla novem modis; et quibus? Ibid.

73 Valet sententia, quae praeter errorem juris continet aliam rationem, qua justificari potest.

- 74 Sententia contra Jus obscurum, sive dubium, non est ipso jure invalida.
- 75 Regula illa, quod sententia debeat esse Juri conformis etc. intelligitur de jure constitutionis, non de jure litigatoris. Et num. seq.
- 76 Sententia lata contra jus constitutionis; et sententia lata contra jus litigatoris quae? Illa est ipso jure invalida, non haec: et cur? Ibid.
- 77 Regula est, quod sententia debeat esse conformis Libello. Et num. seqq.
- 78 Stultus appellatur Judex, qui ultra petita in Libello judicat.
- 79 Sententia debet esse conformis Libello in tribus; et quibus?
- 80 Regula ista patitur plures fallentias. Et nu. seq.
- 81 Fallit enim in Papa, Imperatore, aliisque supremis Principibus.  
Hi non attendunt ordinem judiciorum, sed meram veritatem. Ibid.
- 82 Fallit etiam in causis, in quibus proceditur sola facti veritate inspecta.  
Clavula illa, ut Judex procedat, sola facti veritate inspecta, plus operatur, quam clausula summarie ac de plano. Ibid.
- 83 Fallit insuper propter magnam conformitatem, seu connexionem, quam res petita in Libello habet cum alia re: idque exemplificatur.
- 84 Regula illa procedit solum in causis civilibus: secus in criminalibus.
- 85 Fallit quoque, si partes consentiant.
- 86 Atque in causa matrimonii carnalis, vel spiritualis, et in aliis casibus concernentibus periculum animae.
- 87 Sententia judicialis debet esse certa.
- 88 Adeo, ut sententia incerta, sit ipso jure nulla.
- 89 Etiam si petitio Libelli fuisset de quantitate incerta.
- 90 Regula haec procedit potissimum in Judiciis particularibus: secus in universalibus.
- 91 Fallit etiam in illis casibus, in quibus Judex nequit ferre certam sententiam: puta, in alternativis; vel quando dubium est, an res petita adhuc existat.
- 92 Sententia judicialis non debet ferri sub conditione.
- 93 Nec valet, si proferatur sub conditione extrinseca. Et num. seq.
- 94 An valet sententia lata sub conditione extrinseca? Et num. 95.
- 95 Quid dicendum de praesenti Tribunalium, absolutentium Reum sub conditione: Nisi Actor inclius suam intentionem probaverit etc.
- 96 Consuetudo ferendi sententiam sub tali conditione, videtur rationaliter.
- 97 Sententia diffinitiva debet continere absolutionem, vel condemnationem.
- 98 Non tamen causam ipsius, regulariter loquendo. Et num. seq.  
Imo factum est, in sententia exprimere causam ejus: et cur? Ibid.
- 99 Solvitur instantia.
- 100 In certis casibus debet in sententia exprimi causa ipsius. Et num. seqq.  
Ut in causa appellationis; idque exemplificatur. Ibid.
- 101 Et in sententia excommunicationis
- 102 Item in aliis quatuor casibus; et quibus?
- 103 In memoratis casibus debet causa in sententia exprimi duntaxat propter certos effectus etc.
- 104 Idem potest contingere in nonnullis aliis casibus.

90 Queritur I. Utrum sententia debeat esse Juri conformis, et quomodo? Resp. I. Certum est, quod sententia judicialis debeat esse Juri conformis; id est, non lata contra Jus clarum, et in-

debitum: alioquin eum ipso jure foret nullo, licet ab ea non fuisset appellatum. Ita communis, juxta textum expressum in cap. 1. h. t. ibi: *Sententia contra leges, canonesque prolata, licet non sit appellatione suspensa, non potest tamen subsistere ipso jure.* Concordat textus l. Si cum inter te. c. Quando provocare non est necesse, et l. Si expressim. ff. de Appellation. cum similibus: ubi sententia, quae continet expressum juris errorem, censetur nulla; adeo, ut appellatio ab ea non sit necessaria. Nam, quae contra jus sunt, debent utique pro infectis haberi: prout loquitur Reg. 64. Jar. in 6. cum concordantiis.

Unde si Judex pronunciet, minorem quatuordecim annis, posse testamentum facere: haec sententia, utpote expressum juris errorem continens, nullas omnino vires habet: adeo, ut nunquam transeat in rem judicatum, quamvis ab ea non fuerit appellatum, text. clar. l. Si cum inter te. C. Quando provocare non est necesse. Idem dicendum, quando Judex pronunciet, electionem a suspensis celebratam esse validam, eo quod suspensi possint eligere: nam etiam talis sententia continet clarum juris errorem, c. Cum dilectus. 8. de Consuetud. et c. Cum inter. R. 16. de Election. et alibi; sicque ipso jure est invalida.

Addit Abbas cap. 1. nu. 5. et 6. h. t. quod non solum sententia, in qua clarus error Juris habetur expressus, ipso jure sit nulla: sed istud etiam procedat de quacunque sententia contra. Leges, Canonesve prolata, licet error in sententia non fuerit expressus, ut puta, si intervenerit defectus jurisdictionis, eo quod fuerit lata a non competente Judice, c. At si Clerici. 4. de Judiciis; vel a Judice publice excommunicato, c. Ad probandum. 24. h. t. Vel si defectus interveniat contra clarum Jus ex parte litigatorum, v. g. quia contra Minorem, sine auctoritate Curatoris sui in judicio existentem, pronunciatum est, l. 1. et 2. C. Qui legitimam personam etc. Aut si die Feriato lata sit sententia, cap. ult. de Feriis; cum aliis similibus casibus, quorum plures enumerantur can. Et qui appellat. 5. Diffinitiva. 2. q. 6. Siquidem, ut notat Jo. Andreas cap. 1. num. 7. h. t. sententia dicitur nulla novem modis; scilicet ratione judicis, litigantis, loci, quantitatis, temporis, processus, modi, manifestae iniquitatis, et conditionis: de quibus partim jam dictum est Tit. 25. De Exceptionibus. n. 36. et 37. ac seqq. enumerando plures tales casus in specie; partim in propriis locis commodius agi solet.

Limitatur tamen haec Conclusio, quando sententia continet quidem expressum errorem contra Jus, sed praeter eum simul habet annexam aliam rationem, quae non est contra Jus commune, quin potius ipsa ob hanc justificari potest. Tunc enim sententia tenet ratione alterius causae, quam non est contra Jus, et ob quam potest sustineri. Abbas cap. 1. num. 5. et Barbosa ibid. num. 2. h. t. cum plurimis aliis, quos citant. Accedit ratio: tum quia in dubio (quale tunc intervenit ob concursus aliud fundamentum) propter auctoritatem judicariam praesumi debet, omnia legitime processisse, c. Sicut nobis. 16. §. fin. h. t. et consequenter sententiam esse validam. Tum quia *utiles non debet per inutile vitiari*, juxta Reg. 37. Jar. in 6.

Resp. II. Etenim sententia lata contra Jus clarum ipso jure sit invalida, et nullius roboris, ut dictum: secus tamen est dicendum de sententia lata contra Jus obscurum, sive dubium; hoc est, de cujus vero intellectu variae sunt Doctorum sententiae: nam sententia contra istud lata valet,



ac transit in rem judicatam, nisi intra decem dies ab ea fuerit appellatum. Ita Abbas cit. cap. 1. nu. 9. h. t. istud exemplificans in Lege habente plures intellectus, et probans ex l. Cum prolati. ff. de Re judicat. et c. Cum dilectus. 13. de consuetud. atque allegans communem; et concordant in simili dicta superius Tit. 26. de Praescriptionibus, §. 3. n. 68. et 77.

75 Resp. III. Insuper regula illa, quod sententia debeat esse Juri conformis, ut sit valida, intelligenda est de Jure constitutionis, non de jure litigatoris. Ita Glossa in cap. 1. §. Contra leges, et Abbas ibid. num. 7. h. t. Pirhing eod. nu. 4. Engel n. 15. et alii. Atque haec Conclusio clare desumitur ex l. 1. §. Item cum contra. ff. Quae sententiae sine appellatione rescind. ubi dicitur: Cum contra sacras Constitutiones judicatur, appellationis necessitas remittitur. Contra Constitutiones autem judicatur, cum de jure Constitutionis, non de jure litigatoris pronunciatur. Haec ibi.

76 Unde notandum, quod Sententia lata contra jus constitutionis, dicitur ea, quae est lata contra Leges Civiles, vel sacros Canones: sive, ut l. Si expressum ff. de Appellatione. dicitur, Si specialiter contra Leges, vel Senatus consulta, vel Constitutiones fuerit prolata. Et talis alio nomine appellatur Sententia lata contra Jus scriptum; prout loquitur Abbas c. Illud. n. 10. de Cleric. excommunicat. estque ipso jure invalida. Tum quia Judex habet necessitatem judicandi secundum Leges, non autem facultatem de istis arbitrandi, can. In istis. dist. 4. Simulque ea, quae contra jus sunt, debent utique pro infectis haberi, juxta Reg. 14. Jur. in 6. et l. Non dubium. C. de Legib. cum concordantia. Tum quia talis sententia nequit justificari ex consensu partium, eo quod consensu, seu pacto privatorum juri publico minime derogetur, per textum expressum in c. Si diligenti 12. de Foro competent. cum similibus. At vero Sententia lata contra jus litigatoris (hoc est alterius partis litigantis) censetur tunc intervenire, quando Judex male per sententiam negat parti jus aliquod, seu istud ei adjudicat, quod revera ipsi competit: et talis sententia, licet sit injusta habito respectu ad merita causae, nihilominus est valida; transitque in rem judicatam, nisi per legitimam appellationem suspendatur. Siquidem circa easus particulares, cum sint infiniti, habet Judex vi sui officii facultatem arbitrandi, atque adjudicandi, ejus partis jura sunt potiora: unde propter hanc auctoritatem judicariam praesumuntur esse iustum, quod Judex judicaverit, et quidem praesumptione juris et de jure, c. Sicut nobis. 16. h. t. et l. Res judicata ff. de Reg. Jur. ibi: Res judicata pro veritate accipitur: nisi interponatur legitima appellatio contrariumque probetur. Quiaque pars condemnata, nec appellans, censetur ipso facto sententiam acceptare, in eamque consentire; atque cedere jure suo, si quod habuisset.

77 Queritur II. An, et qualiter sententia debeat esse conformis Libello? Resp. I. Regula est, quod sententia debeat esse conformis Libello; id est, scripturae Actoris petitionem, ejusque causam continentem. Textus est in l. Ut fundus juncto Summario. Ibid. ff. Communi dividund. et c. Qualiter et quando. 24. circa fin. de Accusatione et Clem. Saepe contingit. de Verb. signif. ibi: Verum quia juxta petitionis formam pronuntiatio sequi debet: junctis concordantibus a Glossa ibid. §. Formam, allegatis.

78 Hinc in l. ult. C. de Fideicommissar. libertat. Judex ille appellatur Stultus, qui cum in Libello

certa res petatur, eaque praestari possit, Reum non in praestationem illius rei, sed in ejus aestimationem condemnat. Similiter, ubi agitur judicio possessorio, non debet Judex ferre sententiam super petitorio, sed solum super possessorio, et econtra. Speculator tit. de Sententia. §. Qualiter. n. 13. Sicut etiam, quando petitorio et possessorio simul actum est, super utroque sententia simul proferenda est, c. Cum dilectus. 6. de Causa possessor. et propriet. et sic discurrendo de aliis.

Resp. II. Sententia debet esse Libello conformis in tribus. I. In re; ita videlicet, ut Judex non pronunciet super alia re, quam quae in libello petita fuit, uti proxime dictum. II. In causa petendi; nempe, ut Judex attendat ad eam causam, quae in libello expressa fuit, et non ad aliam, arg. c. Ablato sane de Sentent. et re judicat. in 6. III. In actione; nempe, ut secundum eam actionem condemnet, vel absolvat, quam Actor instituit. Pirhing h. t. num. 31. post Hiltropium in Process. judiciar. part. 4. tit. 1. nu. 5. Quamquam de Jure Canonico non sit necessarium, exprimere in libello nomen actionis, c. Dillecti. 6. de Judiciis; estque jam dictum supra Tit. 3. de Libelli oblatione §. 1. nu. 18. et seqq. ubi per totum plura de Libello.

Resp. III. Patitur nihilominus data Regula plures limitationes; uti videre est apud Jasonem l. Vinum. nu. 23. 24. et seqq. ff. Si certum petatur. et Socinum in Fallentiis, Reg. 355. qui universim tredecim fallentias allegant; quarum aliquas etiam adducit Marana part. 6. Speculi Aurei, tit. de Sententia. nu. 61. et seqq. earumque praecipue sunt sequentes.

Primo dicta Regula fallit in Papa, Imperatore, aliisque Principibus superiorem non recognoscantibus: hi enim possunt ferre sententiam in alio, quam sit petitum, cum non teneantur ad observandum ordinem judiciorum; ut c. Ad petitionem. 12. de Accusatione. ubi Papa quempiam privatit Abbatis ex his, quae contra eum prolata fuerunt, non obstantibus, quod ordo judicarius non fuisset observatus. Jo. Andreas c. Mandatum. nu. 43. de Rescript. Barbosa tract. de Clausulis usu frequentior. claus. 173. n. 4. et 5. Socinus cit. Reg. 355. Fallent. 9. Jason cit. nu. 24. allegans plures alios. Accedit ratio: quia Princeps non attendit ordinem Judiciorum, cum sit solutus Legibus positivis, sed meram veritatem. Unde quod sententia Principis valeat, quantumcumque non conveniat regulis Juris positivi, tradit Abbas c. In nostra. numer. 8. de Sepultur. id probans ex §. Sed et quod Institut. de Juro natural. gent. civil. ubi id, quod Principi placet, dicitur Legi habere vigorem.

Secundo, ac loquendo de inferioribus Judicibus, data Regula fallit in causis, in quibus proceditur sola facti veritate inspecta: puta, quando aliqui Judici committitur causa sub clausula, ut procedat sola facti veritate inspecta. Nam haec clausula plus operator, quam clausula Summarie, simpliciter ac de plano, etc. Barbosa cit. tract. de Clausulis. claus. 173. nu. 2. post Hondedum Consil. 93. nu. 53. tom. 1. Jason l. Certi conditio. §. Si nummos. num. 32. et 33. ff. Si certum petatur, asserens, quod, ubicumque committitur causa sub clausula, Sola facti veritate inspecta, receditur a regulis Juris positivi; et censetur commissum, ut Judex procedat manu Regia. Marana part. 4. Speculi Aurei distinct. 9. num. 32. allegans alios. Unde stante illa clausula, potest Judex ferre sententiam non conformem libello, ubi sibi ex allegatis et probatis constat de veritate

Jason *cit. l. Vinum. num. 24. ff. Si certum petatur.* Maranta *part. 6. Speculi Auroi. tit. de Sententia. n. 62. et alii.*

- 83 Tercio fallit data Regula propter magnam conformitatem seu connexionem, quam res petita in Libello habet cum alia re; adeo, ut haec alteri tacite ac virtualiter insit, sicque unacum ipsa saltem implicite petita censeatur: tunc enim Judex super utraque re illa potest ferre sententiam. Socinus *d. Reg. 355. fallent. 2.* istud exemplificans de interesse cum obligatione; nam si petatur res simpliciter, Judex potest condemnare etiam ad interesse. Pirhing *h. t. n. 31. inter alia dicens*, quod si in Libello fuerit petitus fundus, possit Judex Reum etiam condemnare ad restitutionem fructuum. Maranta *cit. tit. de Sententia. n. 63.* ponens exemplum in eo, qui petit debitum: nam hoc soluto potest Judex eum condemnare ad restitutionem pignoris, licet non fuerit petitus; quia dicta restitutio venit ex natura actionis intentatae. Jason *cit. l. Vinum. numer. 30. et 31.* istud generaliter intelligens de illis, quae quidem expresse non sunt petita in libello, tamen vel ex natura, et aptitudine actionis inesse censeantur; vel sunt de natura petitorum in libello, aut his correlativa, vel correspondentia, seu connexa, et procedunt ex eodem fonte: quia tunc sufficeret, ac posset de illis ferri sententia, quamvis aliter explicite non sint petita.

- 84 Quarto Regula illa procedit solum in causis civilibus: secus in criminalibus. Jason *loc. cit. num. 24. et 25.* Quinimo in criminalibus non requiritur, ut pars accusans concludat, petendo certam poenam Reo infligendam; sed probato crimine, debet infligi poena a Jure statuta, vel, si poena est arbitraria, a Judice determinanda, ut jam dictum supra *T. 3. De Libelli Oblatione §. 1. num. 31.*

- 85 Quinto fallit eadem Regula, si partes consentiant: nam hiis consentientibus, potest Judex ferre sententiam etiam super alio, quod non est expressum in libello, *arg. l. Si conveniit. ff. de Re iudicat.* ubi summarium sic loquitur: *Si partes concordant, qualiter sententia feratur, Judex debet sequi earum voluntatem.* Socinus *cit. reg. 355. fallent. 5.* Jason *d. l. Vinum. n. 26.* licet dubitative; eo, quod partes non possint remittere substantialia ordinis iudicii.

- 86 Sexto fallit in causis matrimonii carnalis, vel spiritualis, atque in aliis casibus concernentibus periculum animae: quia in istis fertur sententia secundum veritatem, licet non sit conformis libello, ut evitetur peccatum. Jason *loc. cit. n. 31.* post Cardinalem Florentin. in *Clem. Saepo. §. 1. in 2. op. Verb. signif.* Tacetur nonnullae aliae fallentiae, apud re-  
latos Auctores videndae.

- 87 Queritur II. Qualiter sententia debeat esse certa? Resp. I. Sententia judicialis debet esse certa, ita, ut per eam res debita, quantum possibile fuerit, determinetur: quia alioquin lites non sopirentur. Hinc §. *Curare. Instit. de Actionib.* dicitur: *Curare autem debet Judex, ut omnino, quantum possibile ei sit, certae pecuniae vel rei sententiam ferat, etiam si de incerta quantitate apud eum actum est;* juncta Glossa *ibid. verb. Possibile.*

- 88 Et adeo requiritur, sententiam esse certam, ut sententia incerta, seu obscura, ratione suae incertitudinis ipso jure non valeat, *L. 3. et 4. C. de Sententia, quae sine certa quantitat. etc.* ac notat Abbas *c. Cum venerabilis. num. 48. de Exceptionib.* Speculator *tit. de Sententia. §. Qualiter. nu. 7.* Alexander *Consil. 109. n. 1. et seqq. lib. 5.* Sigism. Scaccia *tract. de Sentent. et re iudicat. Gloss. 14. quæst.*

15. num. 1. allegans plures alios. Ratio est: quia sententia ferenda est, ut possit haberi executionem, mediante qua jus suum cuique tribuatur, atque inter litigantes inducatur pax, et concordia inter cives conservetur: atqui sententia incerta nequit habere hujusmodi executionem; ergo.

Insertur proinde, quando Libellus est certus, seu de re certa, sive certa quantitate ipsius conceptus, pariter de re certa, certave quantitate ipsius, ferenda sit sententia condemnatoria, vel absolutoria: debet enim sententia esse conformis libello. Quinimo, licet Libellus, ejusque petitio foret incertus, ut puta, si esset conceptus de quantitate incerta, v. g. damni dati, aut expensarum, juxta textum *d. §. Curare. Instit. de Actionib.* si tamen in processu certificaretur, oportet, ut Judex ferat sententiam de certa re, seu quantitate ipsius. Jason *cit. §. Curare. n. 7. et seqq. Instit. de Actionib.* Sigism. Scaccia, *ubi supra, num. 5. et seqq. allegans alios.*

Resp. II. Nihilominus data Conclusio, seu Regula patitur quasdam limitationes. Imprimis enim ea potissimum procedit in Judiciis particularibus, seu actionibus singularibus, utpote in quibus agitur ad res aliquas speciales: secus in Judiciis, seu actionibus universalibus, ac generalibus, ut est, Petitio haereditatis, Familiae heriscundae, Petitio Castri unacum juribus suis, Actio negotiorum gestorum, tutelae, ac hujusmodi, juxta dicta superius *Tit. 1. de Judiciis. §. 2. n. 53. 54. et seqq.* Nam in hujusmodi actionibus universalibus et generalibus, ac sententiis desuper latis, non est opus specificare res ipsas; sed sufficit tum in libello, tum in sententia proponere, ac pronunciare universaliter, v. g. Pronuncio te haeredem existere ex asse, vel ex semisse, atque ideo tibi haereditatem restituendam esse. Glossa *cit. §. Curare. verb. Possibile.* et Jason *ibid. n. 7. Instit. de Actionib.* Glossa *fin. L. 2. et Bartolus ibid. C. de Sententia, quae sine certa quantitate proferatur.* Unde in talibus actionibus, et sententiis talis est, quod singulae res postmodum specificentur in executione.

Deinde loquendo etiam de Actionibus, et sententiis particularibus, eadem Conclusio patitur suas limitationes; dantur enim plures casus, in quibus Judex nequit ferre certam sententiam; ubi videre est apud Glossam *cit. L. 2. et Bartolum ibid. C. de Sententia, quae sine certa quantitat.* et Jasonem, *ubi supra.* Sic fit, quando proponitur actio singularis alternativa, simulque electio est debitoris, *l. Ubi autem. §. Qui illud et illud. ff. de Verbor. obligation.* Idemque accidit in aliis casibus, ubicunque incertitudo provenit ex parte Rei, seu debitoris, qui debet aliquid in genere, puta equum, non facta declaratione, qualis debeat ex pluribus, *l. Quae de tota. §. fin. ff. de Rei vindicat.* Item, quando dubium est, an res debita adhuc existat in rerum natura; adeoque petatur vel res, si existit, vel ejus aestimatio, *l. Si servum. §. fin. ff. de Verbor. obligat.* Jason, *ubi supra, n. 10. et seqq.* apud quem plures aliae limitationes. In hujusmodi enim casibus, sicuti admittitur Libellus incertus, ita et sententia incerta, Libello tamen proportionata.

Queritur IV. Utrum sententia possit ferri sub conditione, vel sic lata teneat? Resp. I. Ad sententiam judicialem inter alia requiritur, ut non feratur sub conditione. Textus est in *L. 1. §. Biduum. ff. Quando appellandum sit*, quae est canonizata *can. Biduum. 2. q. 6.* ubi dicitur: *Sane quidem non est dicenda sub conditione sententia: sed si fuerit dicta, quid fiet?* Accedit ratio: quia sententia definitiva, quae condemnationem, vel absolutionem

non continet, pro justa non habetur, juxta textum expressum in l. Praeses. C. de Sentent. et interlocut. omn. judic. Atqui talis est sententia lata sub conditione de futuro: quia verbum *Condemno, Absolve*, debet esse praesentis temporis, non futuri: nam futurum non disponit; ergo. Hoc ipsum confirmatur ex l. Non dubium. C. de Legib. et Reg. 64. Jur. in 6. ubi dicitur: *Quae contra jus sunt, debent utique pro infectis haberi.*

93 Resp. II. Esi regulariter non valet sententia lata sub conditione, ut dictum: istud tamen locum duntaxat habet, quando sententia profertur sub conditione extrinseca; veluti, si navis ex India advenit, aut hujusmodi: secus vero, si ea feratur sub conditione extrinseca, seu dependente a natura negotii in judicium deducti. Ita Glossa *fn. l. Cum Judex.* et Bartolus *ibid. ff. de Sententiis et interloc. omn. judic.* et alia Glossa l. A Divo. *ff. de Rejudicat.* Abbas c. Praeterea. 40. n. 10. de Appellation. id exemplificant de sententia lata sub conditione: *Condemno te, si actor juraverit, vel, Excommunico te, nisi intra tale tempus satisfeceris*, juxta textum *ibid.* Jason l. Admonendi. num. 61. et *seqq. ff. de Jurejurand.* et Fagnanus in c. G. Perpetuus. num. 24. de Fide instrumenti citans alios. Accedit ratio: quia a sententia lata sub conditione debet appellari infra decem dies, et quidem computandos a die latae sententiae, et non a die eventus conditionis, cit. l. 1. §. Biduum. *ff. Quando appellandum sit, et can. Biduum. 2. q. 6.* Sed non facit opus appellatione, nisi sententia lata sub conditione intrinseca, foret valida; cum sententia invalida nunquam transeat in rem judicatam, juxta dicenda nu. 114. et *seqq.* sicque opus non sit appellatione.

94 Additur tamen, sub conditione intrinseca. Nam oppositum esse dicendum de sententia lata sub conditione extrinseca, videntur convincere Jura, et rationes num. 90. allatae. Quinimo Sigism. Scaccia *Tract. de Sentent. et rejudicat. Gloss. 14. quaest. 1. §. n. 33. et n. 56. ac seqq.* generaliter docet, quod non solum sententia lata sub conditione extrinseca sit nulla; sed etiam sententia lata sub conditione intrinseca de futuro, ut puta, *Si probaverit.* Tum quia (inquit) Judex debet ferre sententiam certam: atqui talia non est haec, cum se referat ad probationes futuras, pendentes ab incerto eventu. Tum quia ordo judicarius exigit, ut probationes fiant ante sententiam durante instantia, et non postea: hoc enim foret praeposterare ordinem judicarium. Ita inter alia discurreit Scaccia loc. cit. n. 28. et *seqq.*

95 Dices. In multorum locorum Tribunalibus usu receptum est, ut Reus absolvatur a petitione Actoris, addita hac clausula: *Nisi possit Actor intentionem suam melius, quam in actibus praecedentibus factum est, probare; idque si intra unum, vel alterum mensem praestiterit: fiat tunc, quod Juris est etc.* Atqui talem praxin Tribunalium damna non facile licebit; ergo. Resp. Licet non possit negari, quin haec sententia sit conditionata, nihilominus eam valere: idque vel juxta sententiam Glossae, Bartoli, Abbatis, Jacobi, Fagnani, et aliorum volentium, quod sententia lata sub conditione intrinseca (qualis est haec) bene valeat: licet secus sit de sententia lata sub conditione extrinseca, ut proximo dictum. Vel saltem (uti vult Engel h. t. n. 10.) valet talis sententia ob receptam quorundam locorum, seu Tribunalium consuetudinem, quae rigori Juris praedicare potest, cum videatur rationabilis.

96 Et quidem, quod ejusmodi consuetudo non sit irrationabilis, ac proinde accedente usu longaevo possit derogare Juri positivo humano, per textum *RIPPENSTUEL Jus Can. Tom. II.*

in cap. ult. de Consuetud. ex eo desumitur. Quia per ipsam saepius liberantur partes ab onere appellationis, dum post talem sententiam novas probationes, atque exceptiones postea repertas, coram eodem Judice proponere possunt: ubi alias superiorem Judicem de rigore Juris adire deberent, non sine magno plerumque incommodo, gravibusque expensis.

97 Queritur V. Utrum sententia debeat continere non solum absolutionem, vel condemnationem, sed etiam causam ipsius? Resp. I. Certum est, quod sententia diffinitiva debeat continere absolutionem, vel condemnationem, l. 1. ff. de Rejudicat. et l. Praeses. C. de Sentent. et interlocut. omn. Judic. cum similibus. Idque vel expresse, sive clavis verbis Reum condemnando, aut absolvendo; vel saltem tacite, ac virtualiter. Nam et istud posterius sufficere, probat textus in l. Quid tamen si de pluribus. §. Si arbiter. ff. de Receptis arbitr. ubi Bartolus in Summario legit: *Qui pronunciat, nihil videri debitum, debitorem absolvere videtur.* Abbas c. In his. nu. 12. de Verb. signif. juncto textu *ibid.* dum dicitur, per verbum *Statuo*, et *Præcipio*, diffinitivam sententiam ferri posse. Vallensis h. t. §. 3. n. 13. et alii.

98 Resp. II. Sententia regulariter loquendo non necessario debet continere causam, quae Judicem movit ad absolvendum, vel condemnandum. Ita textus in c. Sicut nobis. 16. h. t. Nam, quando consistit sententiam a Judice suo prolatam, propter auctoritatem judicariam, praesumi debet, omnia legitime processisse; prout *ibid.* §. *fn.* argumentatur Pontifex. Quinimo, ut post Innocentium notat Jo. Andreas cit. c. Sicut nobis. n. 7. et Abbas *ibid.* nu. 11. h. t. et Engel *cod. nu. 26.* non solum non tenetur Judex ad exprimendam causam; sed etiam satuum est, eam exprimere: quia facile posset mala causa exprimi, et bona suppressi; et sic non valeret sententia, juxta dicenda n. 130. et 131.

99 Nec obstat *can. In tantum. dist. 21.* ubi Glossa ait, quod Judex tenetur exprimere causam; ei tamen non expresserit, teneat sententia. Resp. enim, illam Glossam quoad priorem partem communiter relinquere: quatenus enim Judex possit apponere causam, quae ipsum movit ad sic sententiandum; ad hoc tamen regulariter non tenetur, juxta textum in cit. c. Sicut nobis. juncta Glossa §. *Exprimantur.* et DD. *ibid.* h. t.

100 Additur tamen, regulariter. Dantur enim certi casus, per Glossam cit. c. Sicut nobis. §. *Exprimantur.* Jo. Andream num. 9. aliosque DD. *ibid.* relati, in quibus Judex tenetur apponere causam suae sententiae. Sic accidit imprimis in causa appellationis: nam in ea debet exprimi causa, quare prior sententia revocetur, ut per hoc prioribus Judicibus non imputetur. Glossa cit. c. Sicut nobis. §. *Exprimantur.* et Jo. Andreas n. 9. et Abbas *ibid.* n. 11. h. t. Pirhing *cod. n. 11.* Speculator *Tit. de Sententia. §. Qualiter. n. 14.* et alii. Idque patet ex c. Cum Bertoldus. 18. §. *Licet autem. h. t.* ubi Pontifex, ad quem appellatum fuerat, revocatur prior sententiam dixit, Archiepiscopum, qui eam tolerat, fuisse circumventum etc. Similiter c. Cum Joannes. 10. §. *fn. de Fide instrumenti.* Papa revocatur ejusmodi sententiam, apponit causam ad parcendum honori priorum Judicum: eo quod hujusmodi (inquit) exceptio causam ipsius nec probata fuerit, nec obiecta. Idipsum videre est in c. Cum olim. 14. §. *fn. de Privilegiis.* ubi pariter Papa reformatur sententiam, reddit rationem talis revocationis: simulque priores Judices excusat, utpote quibus (ait) *libertatis privilegia non suarant praesentata.* Idem ergo dicendum in similibus.

Secundo tenetur Judex exprimere causam in



sententia excommunicationis. Cum enim excommunicatio sit medicinalis, non mortalis: quisquam alterum excommunicat; debet excommunicationem in scriptis proferre, et causam excommunicationis expresse conscribere, ut sic alter resipiscere, ipsamque causam excommunicationis per poenitentiam, et debitam satisfactionem tollere valeat, *Text. clar. c. Cum medicinalis. §. 1. de Sentent. excommunicat. in 6.*

103. Tertio debet exprimi causa in sententia, ubi Reus absolvitur propter ineptam petitionem Actoris in libello factam: idque merito, ne aliquin Actori pereat jus agendi, seu novam actionem instituendi, ex ignorantia causae, ob quam Reus fuit absolutus; ut *c. Examinata. 15. de Judiciis*. Quarto, cum Index a Jure communi recedit sententiando: ut puta, non condemnando victum in expensis, *Auth. de Iudicibus. §. Oportet Collat. 6.* Vel non recipiendo alterius appellationem, *L. Secundum ff. de Appellat. recipiend.* Quinto, cum secundum Legem (scilicet *L. Properandum. C. de Judiciis*) absolvitur quis ab instantia iudicii: tunc enim debet Index exprimere, per quem stetit, quo minus causa diffiniri potuerit, ne ex toto pereat Actori jus agendi, *cit. L. Properandum §. Illo procul dubio.* iuncta Glossa. *ibid. §. Sententia*. Sexto, quando absolvitur Reus in rei vindicatione ex eo duntaxat, quia tempore latae sententiae non possidet: ne forte postea Actori, ex nova causa agere volenti, obstat rei iudicatae exceptio, *cap. penult. de Exceptionib.* Atque haec sex casus, in quibus causa in sententia debet exprimi, enumerant Speculator, Jo. Andreas, et Abbas, *ubi supra*, et Phising *l. c. n. 11.*
103. His adde, quod etiam in memoratis casibus, per se loquendo, non requiratur expressio causae in sententia; adeoque valent sententiae, si haec nemine opponente sine expressione causae lata fuerit. Si quidem in his ipsis casibus debet causa in sententia exprimi duntaxat propter certos effectus, qui ex tali sententia oriri possunt: puta, ut excommunicatus a sua contumacia resipiscere possit; vel ne Actori pereat jus de novo agendi, aut huiusmodi: prout facile colligitur ex dictis, atque amplius decorat Abbas *loc. cit. n. 12.*

104. Idem contingere potest in nonnullis alijs casibus, ac proinde debet exprimi causa in eorum sententijs ob certos effectus. Sic enim damnatus ex una causa efficitur infamis, non item ex alia: prout Tutor remotus a tutela ob dolum commissum, redditur infamis: non item, si removeatur ob negligentiam tantum, *L. 3. et 4. ff. de Suspectis tutorib.* Unde ad interrogandum effectum infamiae exprimi debet, quod ob commissum dolum amotus fuerit: alioquin enim, si in sententia istud non exprimitur, ea in initio rem partem interpretari debet: sique non intelligitur ex causa famosa damnatus, seu remotus, *l. Haec enim causae. ff. eod.*

### §. IV.

De Re judicata, veluti praecipuo effectu  
Sententiae diffinitivae.

#### SUMMARIVM.

- 105 et 106. Res judicata potest dupliciter accipi, large et proprie: et quid sit?
107. Praecipuus sententiae diffinitivae effectus est, ut regulariter post decendum, si ab ea non appelletur, transeat in rem judicatam.
108. Et cur?
- Vetus non appellans, vere non consentit in sententiam, sed ficta: neque victor, sciens sententiam injustam, potest rem sibi adjudicatam iura conscientia retinere. *Ibid.*

109. Sententia transiens in rem judicatam, habet pro se praesumptionem Juris et de Jure.

110. Tempus decem dierum concessum ad appellandum, quando incipiat currere? Et num. seqq.

111. Decendum istud currit de momento in momentum ab hora latae sententiae.

Tempus omne currit de momento in momentum, ubi aliud a Jure non exprimitur. *Ibid.*

112. Sententia non solum diffinitiva, verum et interlocutoria, post decendum transit in rem judicatam.

113. Transit etiam sententia in rem judicatam, quando appellatio fuit deserta.

114. Pluribus casibus, in quibus sententia post decendum non transit in rem judicatam.

115. Sic sententia lata contra Jus constitutionis, non transit in rem judicatam.

116. Idque probatur.

Quod nullum est, nullum producit effectum. *Ibid.*

Non entis, nullae sunt quotitates. *Ibid.*

Paria sunt, non esse: et esse nullum. *Ibid.*

117. Sententia a non suo Jure lata, vel pretio empti, aut lata ex probationibus a Jure reprobatis etc. non transit in rem judicatam.

118. Sententia lata in causis matrimonialibus, non transit in rem judicatam, sed revocatur, quandoque constat de errore.

119. Sive sit lata contra matrimonium, sive pro ejus valore. Et num. praec.

120. Intellige, quando ex illius sententiae observantia nutrit peccatum, utriusque partis consensu non impeditur: alias secus: quod exemplificatur.

121. Sententia lata contra valorem Sponsalium de futuro, transit in rem judicatam, nisi appelletur ab ea.

122. An idem dicendum de sententia lata, pro valore Sponsalium?

123. Sententia non transit in rem judicatam in causa Beneficiali.

124. Intellige, quoad praedictum Ecclesiae, et favorem Beneficiarii: secus quoad partem, seu contradictorem: idque declaratur.

125. Nulla sententia transit in rem judicatam, cujus observantia nutrit peccatum de consensu partium non remissibile.

126. In causis criminalibus, an, et in quo sensu sententia non transeat in rem judicatam? Et n. seq.

127. Consensus expressus nihil operatur, ut innocens possit occidi: bene tamen tacitus.

128. Sententia, quam victor fatetur iniquam, debet retractari, neque censetur transisse in rem judicatam.

129. Neque transit in rem judicatam sententia, quando per evidentiam facti constat de ejus iniquitate.

130. Idem dicendum de sententia lata ex errore, vel causa falsa, aut non concludente, quando haec in sententia fuit expressa.

131. Item de sententia lata ex falsis instrumentis, vel testimoniis testium corruptorum, dum probatur, Judicem in sententia ferenda eisdem utrum visso.

132. Istud ampliatur ad sententiam latam praetextu juramenti necessarii, falsi tamen postea reperti.

133. Sententia lata ex probationibus privilegiatis, aut praesumptivis, non transit in rem judicatam: sed supervenientibus veris probationibus etc. potest retractari.

134. Hoc ipsum procedit in omnibus sententijs, quas sunt latae ex consilio Doctorum, aut judicio Patrum in arte sua.

Nisi hi fuerint assumpti de voluntate utriusque partis. *Ibid.*

125 Qualiter sententia, quae non transit in rem judicatum, sit revocanda? Et num. seqq.

Ea post lapsum decem dierum non potest revocari per viam appellationis, sed solum per viam querelae. Ibid.

136 Et quomodo istud fiat? Et num. 138.

137 Notabilis differentia inter Appellationem, et inter Querelam, in causis non transeuntibus in rem judicatum. Et num. seq.

138 Appellatio devolvit causam ad Superiorem: Querela est cognoscenda ab eodem Iudice, qui sententiam tulit.

Hic cognita summariter causa querelandi, potest querelantem restituere in integrum, cumque denuo audire. Ibid.

105 Queritur I. Quid sit Res judicata, et quo tempore Sententia dicatur transire in rem judicatum? Resp. I. Res judicata potest dupliciter accipi: primo largo modo, sive pro ipsamet sententia, quae imponit finem controversiae per absolutionem, vel condemnationem. Sic Res judicata accipitur in l. Litigatoribus. C. de Appellation. ibi: Litigatoribus copin est, illico appellare voce, cum res poposcerit judicata: id est, cum lata est sententia rite: prout explicam Glossa & Judicata, et Bartolus ibid. ac notat Marantia part. vi. Speculi Aurei. tit. de Sententia. n. 18.

106 Secundo, et proprie, Res judicata dicitur sententia, quae post lapsum decem dierum accepit auctoritatem, ac vires rei judicatae: adeo ut pro veritate accipitur, et postea retractari non possit, atque contradicere volens amplius non audiat. Et de Re judicata, taliter sumpta, procedit Reg. 207. ff. de Reg. Jur. Res judicata pro veritate accipitur. Quod ipsum habetur in l. Ingenium ff. de Statu liberis. Unde sententia illa quae in rem transit judicatum, tantae est auctoritatis, ut de ente faciat non ens, et de falso verum, et de albo nigrum, secundum Iasonem l. Julianus verum debitorem nu. 2. ff. de Condition. indebit. et Marantiam loc. cit. nu. 129. Atque in hac posteriori acceptione nunc sermo est de Re judicata.

107 Resp. II. Praecipuus sententiae diffinitivae effectus est, quod regulariter loquendo, si ab ipsa infra decem dies per condemnatum non fuerit appellatum, ejusmodi sententia transeat in Rem judicatum: adeo, ut postea retractari non possit, et contradicere volens amplius non audiat. Ita communis: atque habetur clare decernum in Auth. de Appellation. et intra quae tempora etc. can. Anteriorum. 2. q. 6. ubi revocato biduo, vel triduo, antiquus ad appellandum duntaxat concessio, sancitur, omnes appellationes posse intra decem dierum spatium, a recitatione sententiae numerandum. iudicibus ab iis, quorum interest, offerri. Concordat. c. Cum inter. 14. etc. Quod ad consultationem. 15. h. t. In quo posteriori loco Pontifex sic loquitur: Cum post decem dierum spatium, sententia in auctoritatem rei transeat judicatae: qui ad provocationis subsidium intra id temporis non recurrit, appellandi sibi aditum denegavit: cum per hoc videatur per interpretationem juris talde sententiae permissio. Haec ibi.

108 Atque istud fit tum propter Iuris, et Iudicis auctoritatem, ob quam praesumuntur omnia rite celebrata, ex quo non fuit appellatum a sententia, c. Sicut nobis. 16. §. fin. h. t. Tum propter pacis non appellantis tacitum consensum, cuius, siquid habuit, juris renunciationem; L. ult. C. de Sententia, quae sine certa quantitate etc. et l. Ab eo. C. Quomodo et quando etc. Quamquam victus non appellans, vere non consentiat, sententiae, sed fide

duntaxat: ac proinde ex sententia condemnatoris iniusta, seu quam victor novit esse iniquam, non oritur obligatio naturalis: neque victor ille tota conscientia possit retinere rem sibi adjudicatam, praesentis consensus per non appellantis sententiae praestitum. Quia (ut dictum) iste non consentit vero in sententiam, sed fide, ac ex praesumptione seu interpretatione juris: alioquin cum saepe quis omittit appellationem, execrans litem, et timens variationem iudiciorum. Abbas c. Quod ad consultationem. n. 7. h. t.

Ceterum loquendo pro foro externo, sententia, quae transiit in rem judicatum, imposterum habet pro se praesumptionem juris et de jure, quod sit iusta, parique condemnata in eam consensit, cit. l. Res judicata ff. de Reg. Jur. et d. c. Quod ad consultationem 15. h. t. atque notat Abbas cap. ult. n. 32. de Praescription. et communis. Ita quidem, ut postea non admittatur probatio in contrarium, etiam praetextu instrumentorum de novo repertorum: ut c. Suborta. 21. §. fin. h. t. ubi Abbas n. 10. et 13. et idem Abbas c. Consanguinei. nu. 12. eod. Concordat textus in l. Sub specie C. de Re judicat. ibi: Sub specie novorum instrumentorum postea repertorum res judicatae restaurari, exemplo grave est.

Quod si petas, quando incipiat currere tempus decem dierum, concessum ad appellandum contra sententiam? Respondetur, juxta cit. Auth. de Appellation. et ran. Anteriorum. 2. q. 6. decennium iudicis esse computandum a recitatione sententiae: ut liquet ex verbis n. 107. allegatis.

Unde decennium hoc incipit ab hora latae sententiae, curritque de momento in momentum, Jo. Andreas c. Super eo. 12. n. 10. et Abbas ibid. n. 12. de Appellation. qui pro regula ponunt, quod omne tempus currat de momento in momentum, ubi aliud a Jure non exprimitur Engel tit. de Appellation. num. 39. Ita tamen, ut adhuc decimo die (ante completum ultimum ejus momentum) possit appellari, arg. can. Propter superfluum. n. q. 6. ac notat Glossa cit. can. Anteriorum. §. Decem. Et si sententia fuit lata in absentem, qui nec per Procuratorem defensos fuit (puta, quando absens damnatus fuit non propter contumaciam veram) tunc decennium illud currere incipit primum a die scientiae de lata sententia: ut dicitur L. 1. §. fin. et §. Dies autem. ff. Quando appellandum sit: ubi summarius inquit, Tempus appellationis interponendae esse vide quoad initium, continuum quoad processum. Glossa in Auth. Hodie autem. §. Assentantia. C. de Appellation. Secus, si absens agebat per Procuratorem: quia, si ejus Procurator non appellavit, elapso biennio non audietur: nisi forsitan Procurator non sit solvendo, cit. L. 1. §. fin. ff. Quando appellandum sit, juncta Glossa fin. et marg. ibid.

Adde tamen praemissis, quod una solum sententia diffinitiva, verum etiam sententia interlocutoria transeat in rem judicatum, si ab ea inter decennium non appelletur: ut dicitur c. Cum dilectus 32. §. fin. de Election. et notat Abbas cap. 2. n. 14. et 15. De in integrum restitut.

Resp. III. Insuper sententia transit in rem judicatum, quando inter decennium ab ea quidem appellatum est, postea tamen appellatio fuit deserta. Textus est in Auth. Ei qui appellat. C. de Temporib. appellation. ubi sic habetur: Ei qui appellat, imperatur annus, intra quem secundum se communicaverit cum adversario litem exagnatur: aut si iusta causa intercesserit, alius annus indulgentur quo transacto, litis non completa, rata manet sententia: ac si non fuerit appellatum, prout subiungit Glossa ibid. §. Manet sententia Adde tamen num. 107. regulariter loquendo, propter illud dicendum. Unde

- 114 Quæritur II. An dentur nonnulli casus, in quibus sententia post decendium non transit in rem judicatam; et qui? Resp. I. Dari plures hujusmodi casus; adeo, ut eorum viginti quatuor enumeret Maranta *part. 6. Speculi Aursi. tit. de Sententia etc. n. 128. et seqq.* quorum præcipui sunt sequentes.
- 115 Primo quidem, ac generatim loquendo, sententia, quæ fuit lata contra jus constitutionis, sique ipso jure est nulla, non transit in rem judicatam, licet ab ea non appellatur: sed probato juris errore, potest retractari non solum post decendium, sed etiam post decennium, et quidem usque ad triginta annos; non tamen ultra, nisi ubi vertitur periculum animæ. Ita Maranta *cit. part. 6. tit. de Sententia. nu. 154. post Cardinalem Clem. 1. quæst. 14. de Sentent. et re judicat. Speculator tit. de Sententia. §. juxta. in fin. et Gailus lib. 1. Practico. Observat. 127. n. 8. allegans communem, et in Camera receptam sententiam.*
- 116 Prima hæc fallentia desumitur tum ex *cap. 1. h. t. juncta Glossa ibid. §. Contra leges*: tum ex *l. Si cum inter te. C. Quando provocare non est necesse*: ubi sententia contra Leges, Canonesve prolata, nullas habere vires dicitur; adeo, ut *nec provocationis auxilium necessarium sit*. Nam, quod nullum est, nullam producit effectum, *arg. l. Si se non obtulit. 4. §. Condemnatum. ff. de Re judicat. et c. illud. 8. de Jurapatronat.* Et non entis, nullæ sunt qualitates, *c. Ad dissolvendum. 13. de Desponsat. impuber.* juncta Glossa §. *Legitimo accusari.* Et paria sunt, non esse; nullum, *l. Duo sunt Titii. ff. de Testamentar. tutel. cum similibus.* Concordat textus expressus in *l. Si expressim. ff. de Appellation. ibi: Si expressim sententia contra juris rigorem data fuerit, valere non debet: et ideo et sine appellatione causa denuo induci potest.* Hæc ibi.
- 117 Inferitur proinde, quod sententia a non suo Judice lata, non transeat in rem judicatam: quia est ipso jure nulla, *c. At si Clerici. 4. de Judiciis, et alibi. Glossa cit. cap. 1. §. Contra leges. h. t.* Deinde sententia pretio emptæ, sive lata a corrupto Judice, nunquam transit in rem judicatam: quinimo est ipso jure nulla, etiam citra interpositæ provocationis auxilium, *l. Venales. C. Quando provocare non est necesse. Abbas c. Cum ab omni. n. 7. de Vita et honestat. Cleric. et alii.* Idemque dicendum, quando sententia est lata ex probationibus a Jure reprobatis; ut puta, per duellum, vel ob experientiam ferri condentis, *cap. 1. et seqq. de Purgation. vulgar.* Maranta *cit. tit. de Sententia. nu. 139. post Baldum in l. Libertorum. C. de Testib.* Concordant dicta superius §. *præced. nu. 70. 71. et 72.* ubi nonnulla alia exempla referuntur. Et quia pluribus modis potest contingere, ut sententia feratur contra claræ Juri dispositionem, ut ibidem dictum: hinc patet, plurimos ex hoc capite casus speciales recenseri posse, in quibus sententia non transit in rem judicatam.
- 118 Resp. II. Deinde, ac magis loquendo in specie, sententia lata in causis matrimonialibus non transit in rem judicatam: unde revocatur, quandocunque constat de errore. Ita textus in *c. Lator. 7. h. t.* ubi Glossa in *Casu. Jo. Andreas, et Abbas in Summario, alique communiter.* Hinc, quando legitimum matrimonium judicialiter dissolutum fuit, eo quod v. g. fuisset allegatum impedimentum dirimens, quod postea constat revera non adfuisse, retractatur prior sententia, atque redintegratur matrimonium (atque Jure Divino indissolubile) postquam apparet, Ecclesiam esse deceptam, *c. Præcuratoris. 6. de Prigidis et malaficiat.* Simile quid habetur *c. Tenor 10. h. t.*
- 119 Idemque dicendum est de sententia lata pro va-

lore matrimonii, quando ex post facto constat, revera illud fuisse invalidum ob occultum impedimentum. Siquidem in utroque casu vertitur periculum animæ, cum matrimonium legitime contractum amplius dissolvi non possit; neque etiam impedimentum dirimens, suo consensu, conjuges putativi tollere valeant: unde cognita veritate, sententia ejusmodi retractari debet.

Cæterum dictum istud, quod sententia lata in causa matrimoniali non transeat in rem judicatam, tunc solummodo procedit, quando ex illius sententiæ observantiæ nutritur peccatum, quod strictiusque partis consensu non potest impediri, nec tolli quoad culpam: uti fit in proxime relatis casibus, ubi sententia lata contra legitimum matrimonium ex allegato falso impedimento, vel pro valore matrimonii non obstante impedimento dirimente, v. g. consanguinitatis, partium consensum convalidari non potest. Glossa *fin. cit. c. Lator. et Abbas ibid. n. 9. et Barbosa n. 3. h. t.* allegans plures alios. Secus dicendum, quando sententia fuit lata pro matrimonio, quod nullam erat ex defectu per partes remissibili; puta, ex defectu consensu ob gravem metum incussum, vel ex conditione servitutis ab altera parte antea ignoratæ. Nam si a tali sententia intra decendium non fuerit appellatum, tunc ea transit in rem judicatam: adeo, ut partes de novo consentire debeant, suoque consensu (uti possunt) matrimonium convalidare: ac postea resilire volens, non amplius sit audiendus, imo compellendus adherere alteri, cum absque peccato istud possit facere renovato mutuo consensu, ut dictum, Glossa, Abbas, Barbosa, ubi supra. Covarruvias *part. 2. de Matrimonio cap. 8. §. 12. n. 38. Sanchez lib. 7. de Matrimon. disp. 100. n. 13. et alii.*

Insuper dictum illud non procedit in sententia lata contra valorem Sponsalium de futuro: nam quia hæc motuo consensu rursus dissolvi possunt, *cap. 1. de Reg. Jur.* sique sententia illa sine peccato observari potest; merito censetur transire in rem judicatam, nisi intra decem dies ab ea fuerit appellatum.

Utrum vero sententia lata pro valore Sponsalium de futuro, similiter transeat in rem judicatam, si ab ea non fuerit appellatum, est distinguendum. Vel enim sententia illa potest observari sine peccato: et transit in rem judicatam. Vel non potest observari sine peccato: puta, quia sponsalia ob non probatum v. g. latens impedimentum consanguinitatis, pronuntiabantur valida: et talis sententia est nutritiva peccati, quod partium consensu tolli non potest, sique nequit transire in rem judicatam, sed quocunque tempore probetur latens illud impedimentum, erit retractanda. Alioquin quippe impedimento dirimente detecti compellerentur matrimonium inire, et quidem invalidum, non sine gravissimo peccato mortali, ac dispendio salutis æternæ.

Tertio, sententia non transit in rem judicatam in causa Beneficiali: argumento a simili desumpto ex matrimonio carnali ad spirituale, juxta *cap. 2. de Translat. Episcop. et notat Abbas c. Cum dilectus. n. 5. de Election.* Maranta *loc. cit. n. 150.* istud intelligens, quoad præjudicium Superioris, *c. Cum Bertoldus. 18. h. t.* Secus, quoad præjudicium ipsorum partium; ut est Glossa in *cap. 1. de Concession. Præbend. et Abbas ibid. n. 4.*

Nec obstat, quod in *cit. c. Cum dilectus. 32. §. fin. de Election.* loquendo de causa Beneficiali, dicitur: *Cujas (Metropolitani) sententia in rem transit judicatam, cum intra decendium non fuerit legitima provocatio suspensa.* Resp. enim cum Ab-



bate cit. c. Cum dilectus. num. 5. et Gonzalez Telles ibid. n. 32. de Election. istud intelligendum esse respectu contradictoris; non autem in praedictum Ecclesiae, atque favorem Beneficiarii. Unde sciendum est, quod sententia in causa Beneficiali bene transeat in rem judicatam, quoad partem, sive contradictorem illum, qui impugnare ausus fuit alterius electionem, seu collationem Beneficii alteri factam: ideo, ut si succumbat, seu sententia contra ipsam feratur, et intra decem dies non appellat, postmodum amplius non audiat; quia non appellando censetur acquiescere sententiae, eo praesertim, quod hanc sine peccato admittere, atque ab ulteriori impugnacione abstinere valeat. Non tamen ideo ejusmodi sententia transit in rem judicatam quoad praedictum Ecclesiae, atque in favorem Beneficiarii: sed potest adhuc post decedendum defectus, si quis irreperiat, Judici denunciari. Imo et Judex ad impediendum alterius peccatum, et damnum Ecclesiae imminens ob promotionem indigui, poterit ex officio inquirere de titulo legitimo; puta, de validitate electionis, seu canonicae institutionis dicti Beneficiarii: Ne alioquin in praedictum Ecclesiae promoveatur minus canonice institutus: et talis, qui sine peccato Beneficium obtinere, et retinere non potest: hujusmodi enim defectus ex consensu partium supplere non potest.

125 Quarto, nulla sententia transit in rem judicatam, cujus observantia nutrit peccatum de consensu partium non impedibile, arg. cap. ult. de Consuetud. et cap. ult. de Praescription. cum concordantiis; et tradit Glossa fin. c. Inter monasterium. h. t. docens, quod ubi vertitur periculum animae, tenet sententia contra primam. Innocentius ibid. in fin. Hostiensis, et Jo. Andreas in c. Lator. n. 5. et Abbas n. 9. h. t. Pirhing eod. n. 49. Maranta, ubi supra, n. 147. et alii. Unde idem Abbas in c. Juravit. n. 5. de Probation. ponit regulam, quod ubi vitium sententiae per partes est remissibile, sententia illa transeat in rem judicatam: alius secus.

126 Quinto notat Ludovic. Engel h. t. numer. 24. etiam in causis criminalibus sententiam non transire in rem judicatam, sed quodcumque posse Rei innocentiam demonstrari; ut l. Unius. 18. §. penult. ff. de Quaestionib. ibi: Quamvis defensionem quocunque tempore postulante Reo negari non oportet. Verum haec sententia, nisi melius explicetur, non caret difficultate: tum quia Glossa ibid. vers. Quocunque tempore, asserit, istud intelligendum esse de quocunque tempore ante sententiam: adeo, ut juxta Bartolum ibid. etiam post publicationem attestationum possint ad defensionem Rei recipi alii testes. Tum quia videtur repugnare textus l. 1. §. fin. ff. de Quaestionib. ubi Praeses Provinciae eum, quem damnavit, restituere non potest (hoc enim fieri posset, si sententiam non transiret in rem judicatam) sed cognita Rei innocentia Principi rescribendum esse dicitur, cujus indulgentia Reus innocens repertus restituatur. Unde in isto duntaxat sensu procedit relata Ludovici Engel sententia: videlicet, in causis criminalibus sententiam non transire in rem judicatam, quatenus semper potest innocentia Rei probari, ut Principis indulgentia restituatur: non autem, quia transeat in rem judicatam quoad inferiores Judices.

127 Accedit ratio: quis, licet loquendo de causis criminalibus consensus expressus nihil operetur, ut innocens possit occidi, vel mutilari (neque enim homo est dominus vitae, ac membrorum suorum) nihilominus tacitus ejus consensus, seu potius illa patientia, quae non appellavit, nec aliquid in sui defensionem allegavit, Jure suo deponente,

potest ei nocere: adeo, ut sententia transeat in rem judicatam, donec cognita rei innocentia per Principem relaxetur. Siquidem licite potest quis mortem, vel mutilationem etiam injustam pati, nec tenetur se defendere, exemplo multorum millium Sanctorum Martyrum; etsi expresse in eam consentire, aut renunciare defensionem suam non possit. Pirhing h. t. n. 50. Simulque novum non est, ut quis culpam tacite renunciare possit, non autem expresse: prout juramentum calumniae potest remitti tacite, non autem expresse, cap. 1. §. Propter omissum de Jurament. calumn. in 6.

Sexto, quando victor fatetur, sententiam pro se latam esse iniquam, tunc ea debet retractari. Abbas c. Cum inter. n. 8. h. t. post Innocentium c. Quia plerique. de Immunitat. Eccles. Neque talis sententia transit, nec transivisse censetur in rem judicatam: adeo, ut nunquam possit, aut debeat executioni mandari. Jason in Repetit. l. Admonendi. n. 45. et 46. ff. de Jurejurand. Maranta cit. part. 6. Speculi Auroi. tit. de Sententia. num. 138. allegans alios. Nec immerito: quia, licet sententia transiens in rem judicatam, habeat pro se praesumptionem juris et de jure, nihilominus contra hanc ipsam admittitur propria confessio partis: ut dictum supra Tit. 23. De Praesumptionibus. §. 2. numer. 54. et 55.

Similiter sententia nunquam transit in rem judicatam, ubicunque per evidentiam facti, v. g. per inspectionem ocularem, constat de ejus iniquitate: unde haec semper retractari potest, etiam sine appellatione, arg. l. Confessionibus. ff. de Interrogat. actionib. Innocentius c. Fraternitas. §. Nota sententiam, de Frigidis et maleficiat. Abbas c. Significantibus, n. 5. de Purgation. vulgar. hujus rationem datur; quia non debet Judex sustinere, ut quis notorie detineat rem alicuius cum peccato. Mascardus de Probation. quaest. 8. proem. n. 16. allegans alios.

Septimo, quando Judex ex errore, vel causa falsa processit, illamque causam expressit in sententia, hujusmodi sententia non transit in rem judicatam, sed detecta veritate semper potest retractari, arg. l. 1. ff. Quas sententias sine appellat. rescind. ubi propter errorem calculi in sententia expressum, appellare necesse non est. Maranta loc. cit. num. 118. et 141. citans alios; atque istud probans ex c. Inter ceteras. g. h. t. ubi dicitur, quod sententiae non debet stari, si iniquitatem contineat manifestam, prout fit in proposito. Engel h. t. num. 25. Idque ampliatur ad sententiam, in qua Judex exprimit causam non concludentem: quia etiam talis sententia est nulla, adeoque non transit in rem judicatam, licet ex alia causa non expressa posset justificari. Abbas c. Sicut nobis. num. 14. et 15. h. t. et c. Ex parte Astensis. numer. 19. de Concession. Praebend. citans Bartolum in l. Si is ad quem. ff. de Acquirend. haeredit. et Doctores communiter: quamvis addat, secus esse dicendum de sententia lata ex pluribus causis in ea expressis, quarum una est justa, altera injusta; nam haec est valida propter illam causam justam simul expressam, estque jam dictum supra §. praeced. num. 73.

Similiter sententia lata ex falsis instrumentis, vel testimoniis testium corruptorum, non transit in rem judicatam; sed cognita veritate retractatur, dum probatur Judicem in ferenda sententia eisdem usum fuisse. Textus est in l. 1. et l. Falsam. C. Si ex falsis instrumentis, vel testimoniis etc. et c. Sicut nobis. g. Testib. ubi sententia lata ex falsis instrumentis, vel testimoniis, dicitur retractanda, quando probatur eorum falsitas, et quod Judex ex iis motus fuerit ad sententiandum.

Quamquam ad hoc non sufficiat extrajudicialis confessio testis, aut Judicis propriam turpitudinem allegantis, et dicentis extra judicium, se falsum deposuisse in judicio; aut se venalem sententiam tulisse, vel seductum ab aliis male pronunciasse. Maranta *part. 6. Speculi Aursi. tit. de Confessione. n. 11.* post Angelum *Consil. 308. vers. Descendo ad tertium*; et concordant dicta superius *Tit. 20. de Testibus. §. 10. n. 335. seqq.*

132 Atque istud ampliatur ad sententiam latam praetextu juramenti necessarii, falsi tamen postea reperi: quia potest semper retractari, juxta textum in *l. Admonendi ff. de Jurejurand.* ubi Jason in *Repetit. n. 35.* Maranta *cit. part. 6. tit. de Sententia. n. 146.* asserens, secus in juramento voluntario. De hoc videantur dicta superius *Tit. de Jurejurando. §. 5. n. 146. et seq. et n. 151. et 156. et 157.*

133 Octavo, sententia lata ex probationibus privilegiatis, aut praesumptivis, non transit in rem judicatam; sed potest semper retractari supervenientibus veris probationibus evidentioribus, aut cognita rei veritate, dictaeque sententiae falsitate. Maranta *cit. part. 6. tit. de Sententia. n. 133.* allegans textum in *l. Si qui adulterii. C. Ad Leg. Jul. de Adulteriis.* Jason in *Repetit. l. Admonendi. nu. 38. ff. de Jurejurand.* hanc appellans Regulam notabilem. Felinus *c. Proposisti. n. 10. et 11. de Probat.* pluresque alii ab his citati. Unde

134 Nono, omnes sententiae, quae sunt latae ex consilio Doctorum, aut judicio peritorum in arte sua, non transeunt in rem judicatam: quinimo semper possunt retractari, quandocunque appareat de falsitate sui dicti, sive per rei evidentiam (ut est certum) sive propter consilium magis peritorum. Felinus *cit. c. Proposisti. num. 10. de Probat.* Sigism. Scaccia *lib. 1. de Judiciis. cap. 97. n. 131.* Maranta *d. tit. de Sententia. n. 130. et seqq.* istud limitans, nisi illi periti in arte, seu experti, fuissent assumpti de voluntate utriusque partis: quia tunc (inquit) ipsorum sententia non potest ulterius retractari. Idem, ac sub eadem limitatione, tradit Jason *cit. Repetit. l. Admonendi. n. 40. et 41. ff. de Jurejurand.* citans plures alios: apud quos videri poterunt nonnulli casus, in quibus sententia non transit in rem judicatam, quominus cognita rei veritate retractari possit, licet praemissi sint principales. Verum pro meliori dictorum intelligentia.

135 Quaeritur III. Qualiter sententia, quae non transit in rem judicatam, sit revocanda? Resp. I. Post lapsum decem dierum non potest amplius hujusmodi sententia revocari per viam appellationis, adeundo videlicet superiorem Judicem, atque ad ipsum appellando; sed solum per viam querelae, puta, adeundo eundem Judicem, qui hujusmodi sententiam tulit, atque ipsum debite informando de injustitia sententiae non transeuntis in rem judicatam: quo facto Judex ille dictam sententiam retractare potest. Illa Glossa *c. Ad reprimendam. & Suspendatur.* et Abbas *ibid. n. 6. et 12. de Offic. Judic. ordinar.* Sigism. Scaccia *lib. 1. de Judiciis. cap. 97. n. 131. et tract. de Sententia, gloss. 14. quaest. 2. n. 40.* Maranta *ubi supra, n. 155.* allegans alios. Ratio est: quia appellatio solum potest interponi intra decem dies a die latae sententiae, *Auth. Hodie autem. C. de Appellation.* junctis concordantiis supra *n. 107.* allegatis: unde elapso dicto termino decendii appellare volens, non amplius auditur, cum per lapsum decem dierum tollatur remedium devolutivum. Iam enim indistincte verificatur, sive sententia soleat transire in rem judicatam, sive non: cum quoad hoc Lex non distinguit.

136 Remanet proinde, quod sententia illa, quae non transit in rem judicatam, post lapsum decendii solum possit retractari per viam querelae. Idque fieri potest

adeundo Judicem illum, qui tulit sententiam, eidemque per modum querelae, ac petitionis de retractanda sententia, utpote in rem judicatam non transeunte, debite proponendo gravamen sibi illatum per sententiam injustam, seu ex errore latam. Judex autem non debet simpliciter admittere querelantem: sed oportet, ut prius summariter saltem sese informet de iustitia querelae, et injustitia sententiae: ac cognita rei veritate, retractet sententiam. Maranta *cit. n. 155.* Abbas *c. Tenor. n. 6. h. t.* asserens, quod sententia, quae non transit in rem judicatam, tunc demum retractetur, quando aequum videbitur Judici. Scaccia *cit. lib. 1. de Judiciis. n. 131. vers. Respectu judicis,* allegans alios, atque hoc ipsum amplius declarans conformiter proxime dicendis *n. 138.*

Unde est notabilis differentia inter Appellationem, 137 et inter querelam in causis non transeuntibus in rem judicatam: prout recte notat Sigism. Scaccia *cit. lib. 1. de Judiciis, cap. 97. n. 131.* assignans duplicem differentiam, unam respectu temporis, alteram respectu judicis. Differunt quidem respectu temporis: quia Appellatio solum potest fieri intra decem dies post latam sententiam, ut dictum. Querela vero potest proponi etiam post lapsum decem dierum; potestque dein cognita veritate sententia retractari quandocunque intra spatium triginta annorum, si in ea non vertatur periculum animae, vel si subsit periculum animae, in perpetuum Maranta *l. c. nu. 154.* citans Cardinalem in *Clem. 1. quaest. 14. h. t. Salicetum l. Si praeses. C. Quomodo et quando iudex etc.* Baldum *l. Data opera. col. 13. vers. Sed quid si bannitus. C. Qui accusare non poss.* et alios, ac sequitur Scaccia, *ubi supra.*

Differunt etiam respectu Judicis: quia Appellatio 138 devolvit causam ad Superiorem, *c. Dilactis. 55. et c. Ut debitus. 39. de Appellation.* Querela vero potest cognosci ab eodem Judice, qui sententiam, contra quam pars querelatur, tulit: atque is interposita coram se querela, praemittat summariam ejus cognitionem, an videlicet allegetur aliqua verisimilis et probabilis causa querelandi: hacque cognita, poterit querelantem restituere in integrum, eumque denuo judicialiter audire. Siquidem restitutio adversus sententiam non solum competit Ecclesiis, atque Minoribus; sed ex legitima causa, puta, quia sententia inferens grave damnum non transit in rem judicatam, conceditur etiam Majoribus *L. 1. ff. Ex quibus causis majores etc.* Simulque restitutio hujusmodi non est petenda a Principe. Scaccia *cit. lib. 1. de Judiciis, cap. 97. nu. 131. vers. Respectu judicis,* allegans Dominicum in *c. Venerabilibus. §. Porro. col. 1. de Sentent. excommunicat. in 6.* et Felinum *c. Lator. n. 8. h. t.* et Concordat Gailus *lib. 1. Practic. Observat. 114. n. 3.* cum aliis; quamvis Abbas, et Maranta, *ubi supra,* hujus restitutionis faciendae non meminerint. Porro concessa restitutione in integrum adversus sententiam non transeuntem in rem judicatam, potest ille ipse Judex, qui eam tulit, ex fortioribus rationibus talem sententiam retractare, atque reformare: quamquam ideo non negetur, quin querela nullitatis sententiae etiam possit opponi coram superiore Judice, si hanc gravatus adire maluerit, conformiter dicendis infra *Tit. seq. §. 1. n. 28. et seqq.*

#### §. V.

De aliis effectibus Sententiae diffinitivae: et sententia inter aliquos lata vocat, vel prosit aliis?

#### SUMMARIUM.

- 139 Sententia, quae transit in rem judicatam, facit jus inter partes.  
140 Non vero respectu aliorum.

141 Per ejusmodi sententiam diffinitivam finiuntur lites: adeo, ut non rescindatur praetextu instrumentorum de novo repertorum.

142 Solvitur instantia.

143 Per sententiam diffinitivam finitur potestas Judicii.

144 Eaque justo lata, debet a Superiore confirmari.

145 Sententia lata pro Actore, praebet ipsi Actionem in factum etc.

146 Reo per sententiam diffinitivam absoluto, datur Exceptio rei judicatae etc.

147 Secus, si absolvitur duntaxat ab observatione judicii.

148 In actione injuriarum Reus condemnatus efficitur infamis.

Nisi injuria foret minima etc. Ibid.

149 Regula est, quod sententia inter aliquos lata, aliis non praepjudicet.

Res inter alios acta, aliis non nocet. Ibid.

150 et 151. Idipsum declaratur exemplis.

152 Res inter alios acta, vel sententia lata, regulariter etiam non prodest aliis.

153 Regula haec patitur plures limitationes. Et num. seqq.

154 Res inter alios judicata nocet, sive prodest aliis quoad praesumptionem, si tangit jus absentium: licet non quoad plenum praepjudicium.

155 Sententia lata contra unum, nocet alteri, qui actionem mandavit, vel ratam habuit, etiam quoad plenum praepjudicium.

156 Ampliatur istud ad duos notabiles casus.

157 Regula illa fallit in causis connexis; idque declaratur.

158 Fallit etiam in re individua, et pluribus communi: quod exemplificatur.

159 Item in re communi cum Pupillo.

In individuis potest quis consequi per socium, quod per se potest. Ibid.

139 Queritur I. Quisam sint alii effectus sententiae diffinitivae? Resp. I. Postquam sententia lata post lapsum decem dierum transit in rem judicatum, aut ipsius appellatio fuit deserta; alius ejus effectus est, quod faciat eos inter partes Textus est in c. Cum inter. 13. §. Quamvis h. t. Attendentes tamen, quod quantum ad litigantes ipsos, jus ex sententia factum fuit, postquam in rem transit judicatum. Ubi Abbas n. 7. notanter ait, quod licet sententia a principio jus non constituat inter partes, sed declaret, l. Situt. §. Sed si quaeratur ff. Si servitus vendicetur: tamen post lapsum decem dierum dicatur facere jus inter ipsos litigantes. Barbosa in Collectan. ad cit. c. Cum inter. n. 4. Vallensis h. t. §. 3. nu. 2. et alii.

140 Dicitur notanter, inter partes, inter quas videlicet sententia lata est. Quia respectu aliorum ejusmodi sententia jus penitus facit: siquidem res inter alios acta, et judicata, regulariter aliis non nocet, ut loquitur textus cap. penult. h. t. et c. Dillecto. 25. §. fin. de Praebeneficiis. Et per hoc differt sententia a Lege et Canone, quia Lex et Canon omnes obligant, cap. 1. de Constitut. cum similibus; non sic Sententia. Vallensis cit. §. 5. n. 2. Verum de hoc plura n. 139. et seqq.

141 Resp. II. Alios sententiae diffinitivae, quae transit in rem judicatum, effectus est, quod per eam finiatur lites cap. 2. h. t. et c. Finem litibus. §. de Dolo et contumacia. cum similibus. Adeo quidem, ut sententia semel lata, postquam transivit in rem judicatum, amplius non rescindatur etiam praetextu instrumentorum de novo repertorum, vel

aliarum probationum, c. Inter monasterium. 20. h. t. ibi: Cum sub praetextu novorum instrumentorum lites non debeant instaurari: juncto: c. Suborta. 21. §. fin. eod. estque jam dictum supra n. 109.

Nec obsistat textus in l. Falsam. C. Si ex falsis instrumentis etc. ubi cognita veritate dicitur, retractandam esse sententiam, quae ex falsis instrumentis, aut testimoniis lata fuit: quod ipsum habetur c. Sicut nobis. 9. de Testib. Resp. enim, disparitatem esse: quia in allegatis Juribus sermo est de sententia praetextu falsorum instrumentorum lata, qualis ipso jure nulla est, necque nunquam transit in rem judicatum. Hic autem est sermo de instrumentis postmodum repertis, et sententia prius valide lata.

Resp. III. Tertius sententiae diffinitivae effectus est, quod per eam finiatur potestas Judicii: utpote qui dicta semel sententia functus est suo officio, ac judex esse desiit in illa causa, l. Judex. ff. de Re judicat. estque jam dictum supra n. 34. et seqq. atque amplius declarabitur §. seq. n. 168. solvendo instantiam quandam.

Uterius inter effectus sententiae diffinitivae connumerari potest, quod ea juste, ac legitime lata, debent a Superiore confirmari, c. Causam. 14. h. t. Secus, si fuerit appellatum, et Judex ad quem ex Actis cognoverit injustitiam sententiae: nam tunc ea retractanda est, c. Cum Bertoldus. 18. h. t. et alibi saepe.

Resp. IV. Sententia lata pro Actore, praebet ipsi Actionem rei judicatae, sive Actionem in factum, ut Reus praestet id, in quo condemnatus est, ac satisfaciatur sententiae: quae actio est perpetua, et rei persecutoria, et competit etiam haeredi Actoris, et contra haereditatem Rei. Patet hoc ex l. Miles. §. fin. de Re judicat. et l. Actori. C. de Rebus creditis.

Cacterum Reo per sententiam absoluto, datur Exceptio rei judicatae contra Actorem, ejusque haeredes, l. Rei judicatae. ff. de Exception. rei judicat. Intellige istud, quando Reus absolvitur diffinitive: nam ex sententia absolutoria diffinitiva solum oritur Exceptio rei judicatae, quae impedit Actorem in effectu amplius agere, §. Item si in judicio. Instit. de Exception. ac notat Glossa in l. Julianus verum. §. Absolutus ff. de Condict. indebit.

Secus est, quando Reus absolvitur duntaxat ab observatione judicii: nam tunc non oritur exceptio rei judicatae, quia solum absolvitur ab instantia causae, et non a debito principali; idcirco tunc Actor potest de novo agere, solutis tamen expensis prioris huius. Jason in l. Properandum. §. Et siquidem. n. 15. C. de Judiciis.

Resp. V. Quando agitur actione injuriarum, sive criminaliter, sive civiliter, tunc sententia diffinitiva alium habet effectum; nempe, quod condemnatus de crimine, seu injuria a se illata, notetur infamia, nisi injuria foret minima. Ita desumitur ex c. Cum te. 25. h. t. juncta Glossa ibid. §. Infamia. et §. Minima h. t. atque habetur l. Athletas. §. fin. ff. De iis qui notantur infamia, ibi: Si quis furti, vi bonorum raptorum, injuriarum, de dolo malo, suo nomine damnatus pactus erit, simili modo infamis est. Concordat textus in l. 1. ff. eod. et in l. Infamem. ff. de Publicis judiciis. Et hoc procedit in sententia diffinitiva: secus in interlocutoria, ut jam dictum supra §. 1. n. 32.

Queritur II. An sententia inter aliquos lata noceat, vel prosit aliis; et quando? Resp. I. Regula est, quod sententia inter aliquos lata, aliis non praepjudicet. Textus est in Rubrica, et l. 1. de seqq. C. Res inter alios actas, vel judicatas, aliis non nocere, cum similibus. Item habetur c. Inter



*dilectos. 6. §. In omnibus. de Fide instrument. et c. Quamvis. 15. et c. Cum super 17. h. t. ubi dicitur, quod res inter alios acta, non noceat regulariter aliis, juxta Constitutiones Canonicas, et Civiles. Idque merito. Tum quia non debet aliquis alterius odio praegravari, juxta Reg. 22. Jur. in 6. sive, non debet alteri per alterum iniqua conditio inferri, ut dicitur l. Non debet ff. eod. Tum quia res, quae culpa caret, in damnum vocari non convenit, cap. 2. de Constitution. Sic autem fieret, si sententia contra unum lata, praepredicaret alteri: nam sententia illa non transiret in rem judicatam, nisi pars succumbens eidem acquievisset, atque appellare intermisset; ac proinde haec ejus negligentia, vel omissio, non debet alteri culpa carenti praepredicare.*

150 Idipsum declaratur inductione. Sic cit. c. Cum super. 17. h. t. sententia lata contra Reum, nihil de jure suo docentem, confirmatur: sed quia tertius, cujus intererat, rationabilem opponebat appellationem contra eam, dicta appellatio admittitur; neque huic praepredicare censetur confirmatio dictae sententiae respectu alterius non appellantis facta. Simile quid habetur cit. c. Inter dilectos. §. In omnibus, de Fide instrument.

151 Deinde agnitio debiti, aut hujus solutio facta per unum ex haeredibus, non praepredicat aliis cohaeredibus tale debitum negantibus; nisi debitum fuerit probatum, L. 1. C. Res inter alios actas etc. Similiter transactio cum uno facta, alteri absenti non praepredicat, L. 2. C. eod. Adeo quidem, ut etiam persona conjuncta, v. g. frater non praepredicat fratri pascendo, vel agendo sine ejus mandato, L. 3. C. eod. Insuper sententia lata contra conjunctam personam, non praepredicat alteri conjunctae personae, quae neque mandavit, neque ratam habuit actionem, L. 1. C. Quibus res judicata etc. Sicut et sententia in criminali cum uno lata, non praepredicat alteri, L. 3. C. eod. Idemque dicendum de similibus: quia videlicet res inter alios acta, aliis non nocet.

152 Resp. II. Res inter aliquos acta, vel sententia lata, non solum non praepredicat aliis, ut dictum; sed etiam regulariter non prodest istis. Ita Glossa in c. Quamvis. 25. §. Res inter alios. et Abbas ibid. n. 2. h. t. Pirhing eod. n. 80. Idque clare habetur decisum L. 2. C. Quibus res judicata etc. illis verbis: *Res inter alios judicata, neque emolumentum afferre iis, qui in judicio non interfuerunt, neque praepredicium solent irrogare.* Atque ista procedunt regulariter quidem, patiuntur tamen plures limitationes: unde

153 Resp. III. Nihilominus data Regula plures patitur limitationes: uti videre est apud Glossa cit. c. Quamvis. 25. §. Res inter alios. et Abbatem ibid. n. 3. h. t. Pirhing eod. n. 81. et seqq. et alios.

154 Imprimis quippe data Regula procedit solum respectu plenae praepredicii, non commodi: alioquin vero res inter alios judicata nocet, sive prodest quoad praesumptionem, ex quo tangit ius absentium. Glossa in L. 2. §. Praepredicare. C. Quibus res judicata non nocet: asserens, quod non praepredicat aliis quoad plenum, sed qualequale praepredicium fiat exinde aliis: ut l. Si duo patroni, juncta Glossa §. Habiturum, et Bartolo ibid. ff. de Jurajurand. et l. A Sententia. ff. de Appellation. et can. Interrogatum est. 2. q. 5. ubi Glossa fn. inquit, quod confessio unius de crimine, non nocet alteri quantum ad condemnationem, nocet tamen quantum ad praesumptionem. Abbas d. c. Quamvis. num. 2. et 3. h. t. istud tamen relinquens arbitrio Judicis, qui hoc arbitrabitur, secundum quod sententia tangit ius absentium Pirhing h. t. n. 8. istud exemplificans in sententia lata contra unum, v. g. adulterum, vel simo-

niacum, qui allegat alterum consortem criminis: nam sententia illa inducit infamiam facti etiam tertio, sive asserto consorti criminis, ita ut possit huic indici purgatio canonica, juxta c. Significasti. 5. de Adulteriis.

Deinde sententia lata contra unum nocet alteri, 155 qui actionem mandavit, vel ratam habuit, etiam quoad plenum praepredicium; ut L. 1. C. Quibus res judicata non nocet, argumento a sensu contrario desumpto: ac patet in Procuratore, nam sententia contra ipsum lata, nocet Principali, qui ipsum constituit. Spectato enim rigore Juris Civilis, ferendam esse sententiam in personam Procuratoris (dummodo verba sententiae possint recte concipi in personam ejus) habetur L. 1. C. de Sentent. et interlocut. omn. judic. estque jam dictum supra L. 1. Tit. 38. De Procuratoribus. §. 5. n. 115. et 116.

Aliud, et quidem geminum hujus exemplum, 156 habetur cit. c. Quamvis, seu cap. ult. h. t. ubi praemissa Regula, quod regulariter aliis non nocent res inter alios judicata, subiungitur duplex ejusdem fallentia. Primo in eo, qui, cum sibi primum de re quapiam actio, vel defensio competeat, passus fuit litigare sequentem, sive illum, qui secundo loco competeat ejusmodi actio. Deinde in illo, qui passus est alterum agere, a quo causam habuit: nam in utroque casu sententia contra hunc alterum lata, praepredicium generat priori. Concordat textus in L. penult. ff. de Re judicat. ubi Bartolus in Summario breviter sic distinguit, dicens: *Sententia lata contra unum non praepredicat alteri, qui eum prohibere non poterat, vel ab eo causam non habeat: secus, si poterat prohibere, et ab eo causam habeat: et sciens, et erat.* Accedit ratio: quia ubi controvertitur in judicio de re ad me principaliter pertinente, ac passum remove litigantem, sive in me assumere actionem de re illa, vel saltem protestari, ne alter litiget in meum praepredicium, et tamen taceo: censeor consentire in illius actionem, juxta Reg. 43. Juris in 6. Qui tacet, consentire videtur: sicque alter intelligitur litigare de mea voluntate, l. Saepo constitutum. ff. de Re judicat. ac proinde merito sententia contra ipsum lata, nocet etiam mihi.

Tertio, data Regula fallit in causis connexis. 157 In his enim res inter alios acta aliis prodest, aut nocet; ut can. Tantis Daniel. dist. 81. ubi sententia lata contra indigne Ordinatum, praepredicat Ordinatori; ac notat Glossa fn. ibid. Concordat can. Haec quippe. 3. q. 6. juncta Glossa §. His amotis; ubi propter causarum cohaerentiam, seu connexitatem, sententia lata contra ejectum Episcopum (declaramus videlicet, quod juste fuerit ejectus ex sua Ecclesia) prodest subrogato in ejus locum: et e contra sententia lata pro ejecto Episcopo, nocet subrogato in ejus locum, eo quod hic cedere debeat injuste ejecto. Simile quid habetur c. Ad petitionem. 22. juncta Glossa §. Per consequentiam de Accusation. et cap. penult. de Purgat. Canonice. ubi cassato principali, cassatur etiam accessorium. Atque hanc fallentiam tradit Glossa cit. c. Quamvis. §. Res inter alios. h. t. et Abbas ibid. n. 22. allegans alios: etque subiungens, quod in praedictis casibus, et similibus, sententia contra unum lata nocet quidem alteri respectu juris creati, seu ab altero in ipsum translati, non vero respectu poenae quia quoad poenam non est connexitas inter eos. Idem tradit Pirhing h. t. n. 84.

Quarto, eadem Regula fallit in re individua, 158 et pluribus communi: quia tunc victoria unus, aliis proderit; ut dicitur l. Loci. §. Si fundus ff. Si servitus vendicetur, loquendo de servitute itineris; respectu cujus competit actio pluribus in solidum.

Concordat c. *Una sententia*. 72. de *Appellat.* ubi dicitur, quod si plures una sententia fuerint condemnati, et unus solus eorum appellaverit, illius victoria Jure communi caeteris suffragetur, si idem negotium, eademque causa defensionis existat: idque procedit ratione indivisibilitatis: quia nimirum sententia debet esse individua, sique non potest pro parte valere, et pro parte non Glossa, ubi supra. Abbas cit. c. *Quamvis* n. 15. h. t. et d. c. *Una sententia*. n. 3. et 4. de *Appellation.*

- 159 Quia, hoc ipsum procedit in re communi cum Pupillo: nam habens fundum communem cum Pupillo, retinet servitutem debitam fundo, etiamsi ea non utatur, ratione Pupilli. Textus est in l. *Si communem*. §. 1. ff. *Quemadmodum servitut. amittant.* Sicut enim non corrumpit praescriptio contra Pupillum, ita nec contra Majorem habentem rem communem cum Pupillo; idque ratione communionis, atque indivisibilitatis. Unde in individuis potest quis consequi per socium, quod per se non potest: c. *Sacris*. 12. de *Sepulture.* et cap. un. juncta Glossa, et Alibas cit. c. *Quamvis* n. 14. h. t. apud quos nonnullae aliae fallentiae dictae Regulae videri poterunt.

## §. VI.

## De executione Sententiae.

## SUMMARIUM.

- 160 In actionibus, seu causis civilibus, sententia lata non illico est executioni mandanda, sed expectandum saltem per decem dies.  
161 et 162. Et quid in criminalibus?  
163 Si dixerit Reus, se velle parere sententiae, statim ista in actione reali est executioni mandanda.  
164 In actione personali regulariter conceditur quadrimestre ad solvendum.  
Statim solvere debens, non tenetur illico cum sacro adire.  
165 Quadrimestre illud ex causa justa potest accipi, vel prolongari; non tamen sine causa.  
166 Executio sententiae in debitis personalibus, quo ordine in bonis fieri debeat?  
167 Executio sententiae plerumque spectat ad Judicem, qui eam tulit, dummodo is sit Judex ordinarius etc.  
Quid si bona Rei condemnati sint in alieno Territorio? Ibid.  
168 Post sententiam latam expirat officium Judicis; et quomodo?  
169 Delegatus Papae potest exequi suam sententiam, sive per se, sive per alium  
Idem dicendum de Delegato supremi Judicis. Ibid.  
170 171 et 172. Quid dicendum de Delegato ab inferiore Principe, puta Episcopo  
173 Tertius interveniens pro suo interesse, a quo appellans, potest impedire executionem sententiae inter alios latae.  
174 Dummodo probet de suo Jure; et qualiter probare debeat?  
175 A sententia inter alios lata appellari non potest, nisi ex justa causa, idque exemplificatur.

- 160 Quaeitur 1. Quo tempore, ac ordine sit facienda executio sententiae? Resp. 1. In actionibus, seu causis civilibus, sententia a Judice lata non est illico mandanda executioni, sed est expectandum saltem per decem dies. Ita communis, et ratio est, quia ante elapsum decursum sententia necdum transit in rem judicatum; imo ab eadem potest adhuc condemnatus appellare, c. *Quod ad consultationem*. 10. h. t. cum similibus; ac proinde hoc ipso nequit tunc fieri ejus executio.

REIFFENSTUEL Jus Can. Tom. II.

Additur notanter in causis civilibus. Secus enim 161 est dicendum de criminalibus: nam crimine liquidato, ac prolata sententia, non est deferenda ipsius executio, ne detur causa supplicandi Principi pro remissione poenae, sique criminosi maneant impuniti. Textus est in l. *Cum reis*. C. de *Poenis*. et notat Bartolus in l. *Qui ultimo*. n. 5. ff. eod. Pirhing h. t. n. 100. Layman c. *Quaerenti*. n. 2. de *Officio Delegat.* citans alios, atque subjungens, quod in Imperio criminaliter condemnatis remedium appellationis non concedatur.

Fateendum tamen, quod Abbas cap. 2. n. 2. et 3. 162 h. t. de Jure verius esse censet, non solum in civilibus, sed etiam, et quidem a fortiori in criminalibus, ubi agitur de maiori praedicio, seu poena corporali infligenda, ejusmodi sententiam poenae corporalis non posse executioni mandari intra decem dies, qui dantur ad appellandum, arg. l. *Non tantum* ff. de *Appellation.* Et haec sententia merito retinetur in casibus, in quibus Reo appellare licet. Nec obstat consuetudo praescripta. Resp. enim, istam ex eo salvari, quia communiter non damnatur quis ad mortem, nisi fuerit sponte confessus, vel ita in facinore deprehensus, aut testibus et argumentis convictus, ut vix ipse negare audeat, l. *Qui sententiam*. C. de *Poenis*. Nam convictis, et confessis de crimine appellare non licet: et si secus fiat, eorum appellatio non recipitur, L. 2. C. *Quorum appellationes non recipiantur*, juncto Summario, et DD. ibidem. Unde subintrat ratio, ex d. l. *Cum reis*. C. de *Poenis*, allata.

Resp. II. Si tamen dixerit Reus, se velle parere 163 sententiae, statim ipsa in actione reali mandanda est executioni. Ita Glossa c. *Quaerenti*. §. *Quadrimestre*. de *Officio Delegati*, et alii. Ratio est: quia quaciprimum definitur, rem non esse possessoris, et hic acquiescit sententiae, vel eam sibi transire in rem judicatum, utique eam ulterius invito domino retinere non potest; ac proinde compelli debet ad rei illius restitutionem faciendam: ejusque una cum fructibus possessionem Actori tanquam vero domino tradendam. Et si restituere jussus Judicis non obtemperet, vel mendaciter contendant, se non posse illico restituere: tunc erit locus executioni reali, atque manu militari ex officio Judicis transferatur ab eo possessio rei alienae, l. *Qui restituere* ff. de *Rei vindicata*.

Additur notanter in data Conclusionis, in actione 164 reali. Quia secus est dicendum in actionibus, et debitis personalibus: nam in his tempus a Jure definitum pro executione sententiae, regulariter est quadrimestre, quod condemnato etiam parere, seu satisfacere volenti, conceditur ad solvendum, c. *Quod ad consultationem*. 10. h. t. et c. *Quaerenti*. atq. juncta Glossa §. *Quadrimestre*. de *Officio Delegati*. et alibi. Nec immerito hic conceditur quadrimestre: tum quia alteri obligatus actione personali, non detinet rem alterius: prout contingit in obligato alteri actione, seu debito reali, de quo procedunt dicta nam praeced. Tum quia debere statim solvere, cum aliquo temperamento temporis intelligendum est: nec enim cum sacro adire debet, ut loquitur textus in l. *Quod dicimus*. 106. ff. de *Solutionib.* junctis concordantibus a Glossa ibid. §. *Intelligendum est*, relatus. Tale autem temperamentum temporis pro solutione debiti personalis, Jura statuerunt quadrimestre: quod incipit currere a die latae sententiae, text. clar. L. 2. et 3. C. de *usuris rei judicatae* junctis SS. Canonibus proxime citatis.

Additur etiam, regulariter est quadrimestre. Quia 165 tempus hoc ex justa causa potest Judex quandoque accipere, sive abbreviare, vel etiam prorogare, cit. c. *Quod ad consultationem*. h. t. Sine causa justa tamen id arctari, aut prorogari nequit, juxta Glossam ibi §. *Arctari*: nam, ut habet Reg. 17. Jur. in ti. *Indultum a Jure beneficium*, non est alicui auferendum. Si tamen ab initio

sponte qui receperit terminum breviorum, imputari sibi potest, ac debet; cum ex hoc videatur amplius beneficium contempsisse; prout loquitur Pontifex d. c. *Quod ad consultationem. h. t.*

- 166 Resp. III. Executio sententiae in actionibus, et debitis personalibus ita debet fieri, ut primo capiantur res mobiles, et animalia: quibus deficientibus, vel saltem pro debitorum personalium solutione non sufficientibus, deveniendum est ad immobilia, puta ad solam, agros, et hujusmodi: quod si nec ista sufficiant, tandem perveniatur etiam ad Jura. Ita statuitur in l. *A Divo §. In vendicatione. ff. de Re judicat.* atque in simili habetur cap. ult. §. *fn. Ut lito non contestata etc.* Et merito: quia hac ratione fiet executio sententiae, ut quam minimum noceatur Reo; quod suadet ipsa ratio naturalis. Concordant dicta superius Tit. 15. *De eo, qui mittitur in possessionem etc. n. 24.*

- 167 Queritur II. Per quem fieri possit, ac debeat executio sententiae? Resp. I. Executio sententiae plerumque spectat ad eum Judicem, qui tulit sententiam: dummodo is sit Judex ordinarius, simulque bona condemnati, in quibus executio facienda est, sicut in suo Territorio. Quod si vero bona Rei condemnati sint in alieno Territorio, vel sub alterius jurisdictione existant, is per *Litteras requisitorias* (ut vocant) requirendus erit a Judice sententiam ferente, ut eandem sententiam in suo Territorio exequi velit. Ita desumitur ex l. *A Divo §. 1. et 2. ff. de Re judicat. et c. 1. §. Contrahentes. de Foro compet. in li. ac notat Engel h. t. n. 19. et seqq.* estque amplius dictum supra Tit. 2. *de Foro competent. §. 3. n. 48. et seqq.* loquendo in specie de Clerico, qui in una Diocesi habet Beneficium, et in alia commisit crimen dignum privatione Beneficii: simulque n. 54. declarando, quid agendum sit, quando Judex debite requisitus, non vult exequi sententiam ab altero latam.

- 168 Dices. Post sententiam latam expirat officium Judicis, l. *Judex ff. de Re judicat.* ergo is non potest exequi sententiam, sed duntaxat superior ipsius. Resp. disting. anteced. Post sententiam latam cessat officium Judicis mercenarium, quod actioni deservit, et de quo loquitur Lex allegata, concedit. Cessat etiam officium Judicis nobile, quod consistit in coercendo, jubendo, vetando, juris judicii que conservandi, vel exequendi causa, neg. anteced. Quid autem sit Officium Judicis mercenarium, et nobile, ex professo dictum est superius Lib. 1. Tit. 29. *De Officio et potestate Judicis Delegati. n. 24.* Vel dic conformiter textui in c. *In litteris. g. de Offic. Delegat.* ac notat Abbas *ibid. n. 2.* quod per sententiam diffinitivam non censeatur Judex omnino functus officio suo, sed duntaxat per sententiam diffinitivam executioni mandatum; id est, post factam ejus executionem: quumquam certo respectu etiam antea, sive post latam diffinitivam, dicatur functus officio suo, eo quod non amplius possit se impendere cognitioni illius causae; ut cit. l. *Judex. et l. Cum quaerobatur ff. de Re judicat.*

- 169 Resp. II. Loquendo nunc de Judice Delegato, certum est, quod Delegatus Papae possit sententiam suam exequi, et quidem usque ad annum, c. *Quaerenti. 16. et c. Pastoralis. 28. §. Praeterea. de Offic. Delegat.* Quam etiam exequi potest sive per se, sive per alium, c. *In litteris. g. ood.* Adeo, ut si Delegatus Papae committit Judici ordinario executionem suae sententiae, iste mandato ipsius obedire, atque sententiam latam exequi teneatur, c. *Significasti. 7. et cit. c. Pastoralis. §. Quia vero ood.* estque ex professo dictum supra Lib. 1. Tit. 29. *De Officio et potestate Judicis Delegati. §. 5. n. 104. 103. et seqq.* Similiter, quod Delegatus alterius Principis supremi possit suam sententiam exequi, ceteri Pirhingh. t. num. 99. allegans communem: idque probans ex l. ult. C. *de Judiciis*; et Menochius lib. 1.

*de Arbitrar. Judic. quaest. 74. num. 42. citans alios.* Quamvis nonnulli contrarium affirmet, spectato Jure Caesareo.

Num vero Delegatus ab inferiore Principe, puta 170 ab Episcopo, possit sententiam a se latam exequi, variant Doctores. Et quidem negativa sententia est communior, per textum in l. *A Divo §. 1. ff. de Re judicat.* ubi dicitur: *Judicium a se datorum, vel arbitrorum sententiam exequantur ii, qui eos dederunt.* Favet ad idem textus in c. *Si quis contra §. de Foro compet.*

Verum Glossa in cit. c. *Si quis contra. vers. Ipsius sollicitudine* tenet oppositum. Quia ex quo (inquit) 171 Judici delegato causa committitur, intelliguntur ei omnia illa commissa esse, quae ad causam ipsam spectare dignoscuntur, et sine quibus causa expedi non potest; ut c. *Praeterea. 5. et c. Suspicionis. 39. de Offic. Delegat.* Nec obstant (inquit eadem Glossa) textus num. praeced. in contrarium allegati. Quia licet dicatur in eis, quod Ordinarius ejusmodi sententiam exequatur, non tamen id prohibetur Judici delegato. Et quamvis dici posset, priorem sententiam habere locum, quando Ordinarius est praesens, tamen eo absente Delegatus, vel Officialis ejus, exequitur sententias suas: alias perniciosum esset hanc subtilitatem servare. Ita discurrit Glossa.

Unde patet, hanc questionem esse satis controversam inter Doctores. Quia tamen de ipsa uberius jam dictum est supra L. 1. Tit. 29. *De officio et potestate Judic. Delegat. §. 2. n. 45. 46. et seqq. et §. 3. ibid. n. 110.* superfluum foret, eadem huc loco repetere. In praxi proinde attendendum erit tum ad speciales locorum consuetudines, tum ad verba factae cuipiam commissionis: nam quandoque actualiter, et expresse, per Superiorem committitur Delegato suo non solum cognitio causae, sed etiam executio latae circa eam sententiae, nisi forsan appellari contigerit.

Queritur III. Utrum tertius interveniens pro suo 173 interesse, possit impedire executionem sententiae inter alios latae? Resp. I. Quando Reus victus non appellavit, vel in appellatione de jure suo non docuit; poterit, tertius, qui ex tali sententia se gravatum sentierit, intervenire, atque appellando ejus executionem impedire, in quantum tenderet in suum praedjudicium. Ita patet ex c. *Cum super. 17. h. t.* ubi Glossa *vers. Interposita.* Jo. Andreas n. 1. Abbas n. 1. et seqq. Barbosa in *Collectan. n. 5. et 6.* citans plurimos alios. Ratio est: quia *res inter alios acta, non nocet regulariter aliis*; prout ibidem loquitur Pontifex in *fn.*

Intellige, dummodo ille tertius probet de suo ju- 174 re, atque praedjudicio ex sententia contra alterum lata sibi proveniente, saltem summariter. Quia hoc omnino requiritur, simul tamen sufficit ad impediendam executionem sententiae, in quantum ipsi praedjudicaret: quamquam ad obtinendam victoriam in causa principali, atque retractationem sententiae, oporteat eum plene de suo jure docere. Glossa cit. c. *Cum super. vers. Interposita.* et Abbas *ibid. n. 7. ac seqq.* et alii; atque probat textus in d. c. *Cum super. h. t.* Nam, cum vigente controversia inter Auriensem Episcopum ex una, et Monasterium Novae Cellae ex altera parte, super statu, puta super subjectione hujus, idem Episcopus plures sententias pro se reportasset: superveniens Episcopus Oretensis per suum Nuntium querebatur, graviter suam Ecclesiam per dictas sententias laesam fuisse, utpote ac quam dictum Monasterium pertinere asserbat. Quo audito Papa jussit admitti appellationem, si constiterit eam pro Ecclesia Oretensi rationabiliter interpositam: sicque ad hoc requiritur, ac sufficit, summaria causae cognitio. Verum ad alterum requirit Pontifex, ut ad memoratam appellationem prosequendam Nuntius ejus infra legitimum tempus destinatus fuerit; et sic executio sententiae differatur, ne circa



possessionem Ovetensis Ecclesia detrimentum incurrat etc.

- 175 Atque in hoc sensu procedit textus in l. A sententia: ff. de Appellatione ubi dicitur: A sententia inter alios dicta appellari non potest, nisi ex justa causa etc. Siquidem justam causam appellandi habet, qui ex sententia contra alterum lata, sibi praejudicium generari conspicit, ut in casu cit. c. Cum super. h. e. contigit. Sic etiam, si quis in cohaerendum praejudicium se condemnari patitur; possunt alii iuste appellare, atque executionem dictae sententiae impedire. Idem dicendum in Fidejussore pro eo, pro quo intervenit; adeo, ut venditoris Fidejussor emptore victo appellare valeat, licet emptor et venditor acquiescant: prout exemplificatur cit. l. A sententia. ff. de Appellat.

### §. VII.

De Expensis, in quas victus victori est condemnandus: ubi et de Sententiis duorum Judicum contraria pronunciantium.

### SUMMARIUM

- 176 Regula est, quod victus victori in expensis sit condemnandus.  
177 Et hoc tam in causis civilibus, quam criminalibus etc.  
Exempto Reo in causa criminali criminaliter intentata. Ibid.  
178 Fallit data Regula, quando victus justam causam litigandi habuit.  
179 Quando quis censetur habere justam causam litigandi, Judicis arbitrio relinquitur.  
180 181 et 182 Asseruntur plures casus, in quibus litigant censetur habere justam causam litigandi; adeo ut si succumbat, non sit condemnandus in expensis.  
183 Solum juramentum calumniae antea praestitum, non excusat victum a condemnatione expensarum.  
184 Quod, si victus in una parte judicii habuit justam causam litigandi, et non in alia?  
185 In dubio non censetur victus habuisse justam causam litigandi.  
186 Si Judex voluit, victum non esse condemnandum in expensis ob justam causam litigandi; debet tamen in sententia declarare.  
187 An etiam in sententia teneatur exprimere causam illam litigandi?  
188 Regula illa, quod victus condemnatur victori in expensis, fallit in nonnullis aliis casibus; et quibus?  
189 Fallit etiam, si persona succumbens in lite, sit valde honesta, et magnae fidei, aut religiosa.  
190 Atque in casu, qui pars semper probavit, et Judex ei contulit juramentum necessarium, neque ipsa viciat.  
Secus dicendum in juramento judiciali, seu a parte parti delato. Ibid.  
191 An Judex teneatur victum condemnare in expensis, etiam si haec non sint petita? Et num. seqq.  
192 Expensae, quibus modis censentur petita?  
193 Judex non condemnat victum victori in expensis, quando haec fuerunt petita, potest ipsum post latam sententiam toto die in eas condemnare. Aliastenebitur expensas rescire de suo. Nu. 191.  
194 Si expensae nullò modo fuerunt petita, potest quidem Judex ex officio victum in eas condemnare.  
195 Non tamen tenetur condemnare.  
Nec postea expensas rescire de suo. Ibid.

RESUMPTIVEL Jus Can. Tom. II.

- 196 Expensarum nomine, quid intelligatur?  
197 In taxatione expensarum judicialium non attenduntur archae, neque annuum salarium Advocatis per nonnullos dari solitum.  
198 et 199. Expensae necessariae, atque judiciales, sunt in quadruplici differentia.  
200 Est distinguendum inter expensas contumaciae, et expensas victoriae: Et n. seqq.  
201 Et quales expensae sub utriusque veniant?  
202 Advocatus, vel Doctor in propria causa conficiens instrumenta, nihil eo nomine exigere valet.  
203 Nisi propter hoc perdidit aliud lacrum, vel incurrerit damnum personale.  
204 Solvitur instantia contra hoc ultimum.  
205 et 206 Aliae differentiae inter expensas contumaciae, et expensas victoriae, referantur.  
207 Sententia super expensis potest esse incerta; et quomodo?  
208 Qualiter expensae sint probandae?  
Haec probantur per solum juramentum victoris. Ibid.  
Juramentum expensarum in parva summa non exigitur. Ibid.  
209 In causa appellationis, appellans et denuo victus, indistincte victori condemnandus est in expensis.  
210 Quando appellavit temerarie, aut frustratorie: secus, si probabilis causa excuset appellatem.  
211 Appellatus, et succumbens, an pariter sit condemnandus in expensis? Et num. seqq.  
212 Responderetur sub distinctione, affirmando, si ex eodem actis in causa appellationis succubuit.  
213 Et negando, esse condemnandum in expensis, quando succubuit ex novis probationibus per appellantem productis.  
214 In praxi Judicis arbitrio relinquitur, utrum Appellatus habuerit justam causam litigandi.  
215 Si plures Judices concurrant, standum est majori parti concordantium in eadem sententiam.  
216 Et tribus Arbitris statuitur sententiae duorum concordantium.  
Et quid, si omnes tres discordent, v.g. in taxando aliqua quantitate? Ibid.  
217 Solus Judex Ordinarius contraria pronunciant, cupit sententiae est standum?  
218 Et quid agendum, si duo Judices Delegati discordent in sententiando?  
219 Si duo Arbitri contrarias ferant sententias, neutra tenet.

Quaestio I. An Judex teneatur victum victori condemnare in expensis, et quando secus? Resp. I. Regula est vulgaris, quod victus victori in expensis sit condemnandus. Textus est in l. Propterandum §. Nisi autem alterutra et ibi Bartolus et Texier. c. d. de Judicis ubi dicitur: Omnes Judices sciunt, victum in expensarum causa victori esse condemnandum, quantum pro solitis expensis litium juraverit non ignorantes, quod si hoc praetermiserint, ipsi de propria injuncta poenae subiacent, et reddere eas parti laesae condecantur. Haec ibi Concordat textus in l. Eum, quem temere, ff. de Judicis, ibi: Eum, quem temere adversarium suum in iudicium vocasse conatiterit, vaticio, litisque sumptus adversario suo reddere oportet. Hoc ipsum habetur §. Haec autem. Instit. de Poena temere litigant illis verbis: Improbis litigatur et damnum, et impensas litis inferre adversario suo cogitur. Accedat Just. Antonione Finem litibus §. de Dolo et Contumacia. et c. Contumacia §. de Poenis, memoratas Sanctiones Imperiales comprobans.

Atque haec Regula procedit non solum in causis civilibus, sed etiam in criminalibus; sive procedatur per viam accusationis, sive denunciationis, aut inquisitionis: nam Jura allegata indistincte loquuntur. Glossa An. c. Cum dilecti. v. de Dolo et Contumacia. et Abbas

*ibid. num. 17. Gailus lib. 1. Practic. Observat. 152. n. 1. allegans alios. Siquidem resectio expensarum judicialium est debita tanquam species poenae, in iunctae temere litigantibus ex depositione Juris; ut inquit Card. de Luca Discurs. 39. de Judiciis, n. 7. sique merito locum habet in omni causa, ubi talis temeritas litigatoris intervenit. Quamquam loquendo de causa criminali criminaliter intentata, Henricus Temmen Tract. de Litium Expensis, cap. 8. sect. 6. n. 17. et seqq. non immerito distinguendum censet, an Reus, vel Actor succubuerit. Quia enim Reo ignoscendum est, si sanguinem suum qualitercunque redemptum voluerit, L. 1. ff. de Bonis eorum, qui ante sentent. idcirco, quod condemnatus ad poenam corporis afflictivam non debeat condemnari in expensis, resolvit idem Temmen d. n. 17. et seqq. citans Carpxovium Definit. Forens. part. 1. const. 31. def. 24. n. 7. et alios. Secus, ait, esse dicendum de Actore, seu Accusatore; nisi docuerit, se probabilem, legitimamque accusandi causam habuisse, juxta mox dicenda. Unde*

176 Resp. II. Fallit nihilo minus data Regula cum primis, quando victus justam causam litigandi habuit: quo casu expensae compensantur, L. Qui solidum. §. Etiam. ff. de Legat. II. juncta Glossa & In litis sumptibus, inde inferente, quod *justa ignorantia excusat a litis sumptibus*. Idem tradit Glossa c. Finem litibus. & Expensas. et Abbas *ibid. n. 21. et Barbosa n. 6. de Dolo et Contumac.* cum aliis. Socius in Fallentiis, reg. 139. fallent. 1. Card. Tuschus Litt. E. Concl. 646. n. 7. et seqq. Jason cit. l. Properandum §. Sive autem alterutra n. 2. C. de Judiciis. Gailus ead. Observat. 152. n. 3. allegans communem. Accedit ratio: quia, ut proxime dictum, resectio expensarum est debita tanquam species poenae, temere litigantibus a Jure impositae: a quo probabilis causa litigandi, excusat litigantem a temeritate; ergo etiam excusare debet a poena reseciendarum expensarum. Quilquid sit de Stylo Curiae, ac Rotae Romanae, ubi in quacunque causa, quantumvis dubia, semper fit condemnatio in expensis, etiamsi victus justam habuerit causam litigandi: prout refert Card. de Luca cit. Discurs. 39. de Judiciis, n. 10. et 11. citans alios, sed memoratum Stylum reformatione dignum asserens in Relatione Rom. Curiae, Disc. 32. n. 101. et 103.

179 Quando autem quis censeatur habere justam causam litigandi, non potest dari certa regula (dependet enim a particularibus circumstantiis, juncta notitia Juris communis, cujus ignorantia non excusat, juxta Reg. 13. Jur. in 6.) atque ideo relinquendum est arbitrio Judicis, qui ex qualitate facti, et conditione personarum, istud habet arbitrari. Abbas cit. c. Finem litibus. n. 25. et 26. et Barbosa in Collectan. *ibid. n. 7. de Dolo et contumac.* Menochius lib. 2. de Arbitrar. Judic. cas. 177. n. 2. et seqq. Jason cit. §. Sive autem alterutra n. 8. C. de Judiciis, cum aliis, quod citant.

180 Nihilo minus, ut aliquammodo cognosci possit, quando litigans censeatur habuisse justam causam litigandi, sique non sit condemnandus in expensis; sciendum est, quod Jason, et Menochius II. cc. istud continentur declarare, offerendo in specie novem, vel decem tales casus. I. Quando is, qui succubuit, habuit opinionem Doctoris, qui pro eo sentit: quod intelligit Menochius, quando Doctor ille fuit vir eruditus, et in sua opinione fuerat sine contradictione. II. Quando is, antequam litem ingrederetur, habuit consilium Doctorum viventium, praesertim scripta et sigillata: dummodo ipsemet litigans, ac succubens, Doctor non fuisset: nam turpis ignorantia suae professionis non excusaret. III. Quando in aliquo articulo sunt diversae Doctorum opiniones, nec reperitur, quae vere communis sit.

181 IV. Quando is, qui succubuit, semiplene probavit. V. Quando is intentionem suam probavit testibus, qui

postea reprobatum sunt ratione suae personae, v. g. ut excommunicati, infames etc. dummodo non subit suspicio contra producentem. VI. Cum testes extra judicium jactitabant, rem ita esse, et se in illius favorem testimonium dicturos, postea vero producti, contrarium deposuerunt. VII. Quando is, qui succubuit, probat se a pluribus fide dignis audivisse, quod justam causam haberet. VIII. Quando quis litigat ob suum pudorem servandum; ut l. Quas omnia. ubi Bartolus notat. 3. ff. de Procurat. Nam pariter verecundiae alicujus, juxta Glossam *ibid.* & Convitium, pluribus Juribus istud corroborantem. IX. Cum Actor petit plus debito: nam tunc Reus habet justam causam litigandi super toto. X. Quando is, qui succubuit, ex jussu Superioris, v. g. Summi Pontificis, litem suscepit. Verum de horum singulis plura Jason, et Menochius, *ubi supra*, citantes alios, ac novissime Henric. Temmen d. tract. de Litium Expensis. cap. 9. sect. 3. per totum.

Alium casum ponit Abbas cit. c. Finem litibus. n. 22. 182 de Dolo et Contumac. ubi cum praemisisset, quod probabilis ignorantia aliter probata, quam per juramentum, excuset a condemnatione expensarum: istud exemplificando post Hostiensem, subjungit, quod si filius ipse paterna inveniat instrumentum debiti, cui jam satisfactum erat, sed ipse ignorabat, excusetur ab expensis. Ex quo enim aliter successit, praesumitur justam ignorantiae causam habuisse, juxta Reg. 46. Jur. in 6. *Is, qui in jus succedit etc.* juncta L. ult. ff. Pro mo, ibi: *In alieni facti ignorantia error tolerabilis est.*

Porro solum juramentum calumniae antea praestitum, non excusat victum a condemnatione expensarum. 183 Potest enim bene esse, quod quis non calumniose litigaverit, bene tamen temere, quia prosluit inconsultus: atque condemnatio in expensis fit etiam propter temeritatem litigatoris, l. Eum, qui temere. ff. de Judiciis. Accedit, quod alioquin frustra mandassent Legislatores, victum victori condemnari in expensis: quia bene sciverunt, juramentum calumniae esse praemittendum litibus, l. Cum et Judices, juncta Auth. Principales. C. de Jurejurand. propter calumn. cum similibus, Abbas cit. c. Finem litibus. n. 21. de Dolo et Contumac. quidquid Glossa *ibid.* & Expensas, in contrarium sentiat, nisi evidenter de calumnia pateat.

Notandum tamen, quod si victus in una parte judicii 184 habuerit justam causam litigandi, et in reliqua non (ut puta, post exhibitum in judicio instrumentum praestitae satisfactionis) tunc Index debeat eum condemnare in expensis, quae ab altera parte factae sunt a die v. g. productionis dicti instrumenti extra, in aliis vero non; ut l. Si quis inficiatus. ff. Depositum. et notat Bartolus l. Properandum §. Sive autem alterutra. vers. Item potest. et Jason *ibid. n. 12. C. de Judiciis.* Abbas cit. c. Finem litibus. n. 13. de Dolo et Contumac. istud intelligens, quando quis potuit desistere ab actione sine abolitione: ut in omnibus causis civilibus.

Caeterum in dubio, qui victus est, praesumitur non 185 habuisse justam causam litigandi: atque ideo stante dubio, non nisi justam ignorantiae causam probare valeat, in expensis condemnari debet. Glossa in Auth. Generaliter autem. & Injusto. C. de Episc. et Cleric. Jason d. l. Properandum. §. Sive autem alterutra. n. 10. C. de Judiciis, citans Baldum, Angelum, et Salycetum *ibid.* Barbosa, *ubi supra*, n. 9. Henric. Temmen cit. cap. 9. sect. 3. n. 16. cum aliis, quos allegat.

Addit Speculator Tit. de Expensis. §. Nunc videndum n. 3. quod si Index vident, victum ex errore probabili succubuisse neque non esse condemnandum in expensis, debeat in sua sententia istud declarare; ut Auth. Post jursurandum. C. de Judiciis; et Auth. de Judicibus. §. Oportet. Collat. 6. juncta Glossa & Sua, asserente, quod declaratio ista possit fieri dicendo: *Ab expensis absolvo*: vel, si in aliquibus victum condemnavit, possit dicere: *Ab aliis absolvo.* 186

187 Fatendum quidem, quod Jo. Andreas d. c. *Finem litibus*, n. 17. de *Dolo et Contumac.* et Jason cit. n. 10. pluresque alii per Henric. Temmen cit. cap. 9. sect. 3. n. 84. allegati velint, si Juxta absolvit victum ab expensis, quia habuit justam causam litigandi, quod teneatur etiam in sententia exprimere causam illam. Verum hanc sententiam ex professo rejicit Abbas in c. *Examinata*, n. 8. de *Judiciis*, et ipsemet Temmen loc. cit. n. 85. et seqq. cum aliis. Tum quia ea ex nullo jure probatur: nam in cit. §. *Oportet*, in quo se suadant praescripti Auctores, solum dicitur, quod si Juxta vult absolvere ab expensis, debeat istud exprimere: puta, dicendo: quod absolvat ab expensis, ob rationabilem videlicet causam sibi cognitam. Tum quia in contrarium stat regula, quod Juxta non teneatur in sententia exprimere causam ipsam: eo quod propter auctoritatem judicariam praesumantur omnia legitime facta, c. *Sicut nobis*, 16. h. t. estque jam dictum supra num. 98. et seqq. Concordat Gailus lib. 1. *Practic. Observat.* 151. nu. 20. asserens, quod in Camera verbis duntaxat generalibus, puta, ex justis causis animum Judicis moventibus (vulgo, *aus beweglichen Ursachen*) fiat declaratio compensationis expensarum ob justam causam litigandi.

188 Resp. III. Fallit ulterius data n. 176. Regula in nonnullis aliis casibus: Videlicet, in casu cit. l. *Properandum*, §. *Sin autem reus*, et §. *Et si quidem*, c. de *Judiciis*: ubi Actor, vel Reus contumaciter absens, ob suam contumaciam condemnatur alteri parti in expensis, haud obstante, quod in causa victor existat: estque jam dictum supra partim Tit. 14. de *Dolo et Contumac.* §. 3. num. 85. partim Tit. 15. de eo, qui mittitur in possessionem, etc. nu. 14. Alios consimilis casus habetur in *Auth. de Defensorib. Civitat.* §. *Et judicare*, Collat. 3. quem Glossa ibid. §. *Omni litis*, appellat specialissimum, quod victo victor damnatur in expensis.

189 Fallit quoque in persona valde honesta, et magnae spectatae fidei, aut valde religiosa, quae si succumbat in lite, non debet in expensis condemnari: quia non praesumitur, quod calumniose seu temere litigaverit. Glossa ean. *Expediit*, 12. q. 1. §. *Si scirent*. Hostiensis c. *Finem litibus* et Jo. Andreas ibid. n. 17. et Abbas n. 22. et Barbosa n. 4. de *Dolo et Contumac.* Socinus in *Fallentiis*, reg. 139. fallent. 3. Jason, ubi supra, n. 10. et l. *Jubemus*, n. 12. c. eod. pluresque alii ab his allegati.

190 Fallit insuper in casu, quo pars aliqua semiplene probavit, et Juxta ei detulit juramentum necessarium, sicque ipsa vicit; tunc cuius altera pars non debet condemnari in expensis. Ita Jason cit. §. *Sive autem alterutra*, n. 10. post Alexandrum ibid. et Baldum in *Auth. Generaliter*, c. de *Episcop. et Cleric.* Secus dicendum de juramento judiciali litis decisivo, seu delato a parte parti in judicio: quia si Reus detulit juramentum Actori, et hic jurat, debet Reus in expensis condemnari. Jason d. num. 10. allegans plures alios.

191 Queritur II. Utrum Juxta debeat condemnare victum victori in expensis, sive haec fuerint petita, sive non? Resp. I. Certum est, quod Juxta teneatur victum victori condemnare in expensis, quando haec fuerant petita: alius Juxta litem faciet suam, ipsasque expensas de suo resarcire tenebitur. Ita textus in l. *Properandum*, §. *Sive autem alterutra*, et tradit Bartolus ibid. et Baldus c. de *Judiciis*. Maranta part. 6. *Speculi Auroi*, Tit. de *Libelli oblatione*, num. 18. cum communi. Idque patet ex cit. §. *Sive autem alterutra*, cujus verba num. 176. jam sunt relata: juncta L. 4. §. *Hoc autem judicium*, ff. de *Damno infecto*, cum similibus.

192 Caeterum *Expensas* censentur petita, non solum, quando verbis expressis per litigantem petuntur, Juxta pro Tribunali sedente; sed etiam, quando in Libello facta est protestatio de expensis: nam per talem

clausulam censetur interpellatus Juxta, ut victum victori condemnaret ad expensas. Maranta cit. n. 18. Idem dicendum de clausula illa generati, ac Libello inserta: *Super his omnibus peto mihi jus, et justitiam administrari omni meliori modo, ac forma, qua de jure, statuto vel consuetudine fieri potest etc.* nam per hujusmodi clausulam imploratur officium Judicis super omnibus causam ipsam contingentibus, et sic etiam super expensis. Engel Tit. de *Libelli oblatione*, num. 6. Gailus lib. 1. *Practic. Observat.* 61. n. 8. allegans alios. Addit Jason cit. §. *Sive autem alterutra*, n. 32. post Baldum, et Paulum de Castro, et Alexandrum ibid. sufficere quoque petitionem implicitam expensarum: puta, quod litigans petat ferri sententiam pro se: quia censetur petisse, quod Juxta ferat sententiam nedum super causa principali, sed etiam super omnibus accessoriis, arg. l. ult. c. de *Fructib. et litium expens.*

Porro, si Juxta victum (cessante justa causa) non 193 condemnavit victori in expensas petitas, non potest post latam sententiam amplius in eas victum condemnare, nisi adhuc *comminus partibus constitutis*; ut loquitur textus in l. *Terminato*, c. de *Fructib. et litium expens.* Ubi Glossa §. *Comminus*, et Bartolus ibid. istud intelligunt de toto illo die, quo Juxta tulit sententiam; ut l. *Paulus*, ff. de *Re judicat.* Unde, quod toto illo die possit Juxta condemnare victum in expensas, tradit etiam Abbas c. *Finem litibus*, numer. 35. de *Dolo et contumac.* et Jason cit. §. *Sive autem alterutra*, n. 32. inde concludens, quod expensae non petita, possint peti a parte per totam illam diem, qua Juxta tulit sententiam, utpote qui per totam illam diem potest supplere sententiam, cit. l. *Paulus*, ff. de *Re judicat.* Idem tradit Gailus lib. 1. *Practic. Observ.* 151. num. 19. quamvis addat, istud in Camera non observari.

Resp. II. Quando expensae nullo modo fuerant petita, potest quidem Juxta ex officio victum, et temere litigantem, condemnare victori in expensas, non tamen tenetur condemnare. Ita Abbas d. c. *Finem litibus*, num. 34. de *Dolo et Contumac.* citans Glossam fin. cap. ult. de *Rescript.* Bartolus l. *Properandum*, §. *Sive autem alterutra*, quæst. ult. et Jason ibid. n. 30. c. de *Judiciis*. Maranta, ubi supra, n. 18. Engel h. t. n. 13. cum aliis. Ratio partis prioris est: quia condemnare in expensas, emergit in lite, atque pertinet ad officium Judicis; ergo, si vult, potest ex officio in expensas, etiam non petitas, condemnare victum, cit. §. *Sive autem alterutra*, et l. *Non ignoret*, c. de *Fructib. et lit. expens.*

Altera vero pars ex eo probatur: quia Juxta non 195 tenetur officium suum impendere ad privatam alterius utilitatem, nisi fuerit petita; ut L. 4. §. *Hoc autem judicium*, ff. de *Damno infect.* Simulque, non quidquid Judicis potestati permittitur, id subijcitur Juris: necessitati, ut loquitur textus in l. *Non quidquid*, ff. de *Judiciis*. Unde consequens est, quod Juxta non teneatur condemnare victum victori in expensis, neque hujusmodi expensas resarcire de suo: haud obstante, quod secus foret dicendum, si expensae fuissent petita, et tamen in eas non condemnasset Juxta litigantem temerarium, cit. §. *Sive autem alterutra*. Abbas cit. num. 34. Bartolus, ubi supra, et alii.

Queritur III. Quid nomine expensarum intelligatur, et quotuplices sint? Resp. I. *Expensarum* nomine in proposito intelliguntur impensae necessariae, seu judiciales, quae propter ipsam causam factae sunt. Textus est in c. *Finem litibus*, 5. de *Dolo et Contumac.* ibi: *Ad solvendas alteri parti moderatas expensas in judicio faciendas*. Ubi Glossa marginalis §. *Expensas*, adducens plures concordantias, et Abbas numer. 26. amplius istud declarat. Concordat textus in l. *Properandum*, §. *Sin autem ex gestis*, c. de *Judiciis*, ibi:



*Expensis tantummodo litis, quas reus legitime se expendisse juraverit, condemnatione excipiendis: cum similibus.*

197 Hinc, quod in taxatione expensarum judicialium non sit habenda ratio earum impensarum, quas arrharum nomine clientes suis Advocatis sub litis initio dare consueverunt, sicut nec annuum salarium pro navanda sibi imposterum opera Advocatis, vel Procuratoribus, per nonnullos dari solitum: censet, atque in Camera conclusum refert Gailus lib. 1. *Practico. Observat.* 151. numer. 1. Quia (inquit) hae expensae sunt delicatae, atque voluntariae, quarum rationem Iudex habere non debet, arg. l. *Inter quos*, §. *fn. et l. Ex damnis*, §. 1. ff. de Damno infect. et l. *Si servos*, ff. de Pignorat. action. Quid enim ad partem victam, quod victor tam liberales expensas in arthris, seu annuo salario fecerit? Similiter ea, quae dantur pro muneribus, etiam licitis et solitis, hoc loco non veniunt nomine expensarum Card. de Luca *Discurs.* 39. de *Judiciis*, numer. 17.

198 Resp. II. Expensae necessariae, atque judiciales, quarum ratio habenda est in condemnatione expensarum, sunt in quadruplici differentia. Ita Speculator *Tit. de Expensis*, §. *Postremo*, numer. 21. et Gailus cit. *Observat.* 151. n. 2. et seqq. allegans alios. Idque patet inductione. Imprimis enim expensae hujusmodi sunt eae, quae fiunt in iudicio: puta, ad instruendum Processum, seu pro opera Advocatorum in concipiendo Libello, aliisque scripturis, atque productis ad ipsam causam pertinentibus conficiendis, quae debent taxari secundum qualitatem personarum, et magnitudinem causae. Hoc etiam pertinent expensae, quae dantur Procuratoribus in proponendis, et exhibendis partium iuribus; item et Notariis pro conficiendis instrumentis etc. Atque de his sit mentio in l. *Sancimus*, C. de *Judiciis*, et l. 1. §. *In honorariis*, ff. de *Paritis et extraordinar. cognit.* In quo posteriori loco dicitur, quod in honorariis advocatorum ita versari Iudex debet, ut pro modo litis, proque advocati facundia, et fori consuetudine, et iudicii, in quo erat acturus, aestimationem accipiat: dummodo licitum honorarium quantitas non excedat. Haec ibi.

199 Secundo expensae necessariae et judiciales censentur eae, quae fiunt pro examine testimonii: puta a longa adducendorum, c. *Cum pro causa*, 6. de *Procuratorib.* et l. *Quoniam*, C. de *Testib.* et alibi. Tertio, inter expensas necessarias, atque judiciales, connumerantur Sportulae, quae spectato Jure Civili Iudicibus delegatis dantur, juxta *Auth. de Iudicibus*, §. *No autem*, *Collat.* 6. de quibus ex professo actum est supra l. 1. *Tit. 32. de Officio Iudicis*, n. 17. et seqq. Quarto, inter expensas necessarias et judiciales computantur eae, quae dantur executoribus litium, seu Apparitoribus quae etiam Sportulae vocantur in *Rubric.* et toto *Tit. C. de Sportulis*, etc.

200 Resp. III. Insuper est distinguendum inter expensas contumaciae, seu quas pars incurrit ob contumaciam partis adversae; et inter expensas victoriae, seu in quas victus victori condemnatus est. Ita Abbas cit. c. *Finem litibus*, n. 35. de *Dolo et Contumac.* Jason l. *Properandum*, §. *Sive autem alterutra*, n. 1. ff. de *Judiciis*, Gailus lib. 1. *Practico. Observat.* 151. n. 13. et alii. Idque ostenditur inductione, declarando hujusmodi differentias.

201 Imprimis enim appellations *Expensarum ratione contumaciae*, veniunt non solum impensae litis; et retardati Processus; verum etiam damna, interesse, et deteriorationes, quas una pars ob contumaciam, v. g. ob contumaciam absentiam alterius, perpassa fuit, arg. c. *Cum dilecti*, 6. §. *fn. de Dolo Contumac.* ubi pars ob suam contumaciam condemnatur ad legitimas et moderatas expensas, quas adversarius ejus fecerat, et non tantum ad necessarias litis expensas. Glossa in l. 1. §. *Tenebitur*, et Bartolus ibid. n. 2. ff. de *Alienatione*.

*judicii mutand. caus.* Jason cit. n. 13. Secus est in *Expensis victoriae*: quia tunc veniunt expensae ratione litis tantum, l. *Sancimus*, juncta Glossa §. *Damna*, ff. de *Judiciis*, Bartolus, et Jason, ubi supra. Gailus d. *Observat.* 151. n. 13. allegans alios.

Et hoc adeo verum est, ut si Advocatus, vel Doctor in propria causa litiget, atque instrumenta sua ipsemet conficiat, nihil eo nomine pro sua navata opera exigere valeat: tantum enim expensas litis potest, quales tamen in dato casu non fecisset. Idemque dicendum, si alius mihi gratis servisset, aut ex privilegio mihi sportulae remissae fuissent. Glossa in l. ult. §. *Cum quidam*, C. de *Fructib. et litium expens.* et Bartolus ibid. n. 7. Baldus n. 12. Speculator *Tit. de Expensis*, §. *Postremo*, numer. 8. Abbas cit. c. *Finem litibus*, numer. 30. de *Dolo et Contumac.* Jason ubi supra, numer. 14. Card. Tuschus *Litt. E. Concl.* 632. n. 6. Henric. Temmen cit. *Tract. de Litium Expensis*, cap. 10. n. 38. et 39. Gailus d. *Observat.* 151. n. 15. allegans alios, atque in Camera ita decisum referens.

Quod ipsum tamen cum aliquo moderamine intelligendum est: videlicet, nisi Advocatus ille propter hoc perdiderit aliud lucrum, vel damnum personale incurrit: ut puta, quia propter istam litem non potuit aliis operam suam locare, siveque damnum in persona sua ex patrocinio propriae causae passus fuit: hoc enim casu damnorum ratio est habenda.

Nec obstat, quod in expensis victoriae veniant tantum expensae circa litem factae, et non damna circa alias res ipsius victoriae; ut n. 201. dictum. Nam istud singulariter limitatur, quando damnum in persona petentis contingit; puta, quia est talis persona, quae ex arte sua vivit: siquidem per assistentiam in lite repetit quis lucrum personale, quod perdidit; nam damna personalia non sunt extrinseca liti, sicut alia damna. Bartolus l. 1. ff. de *Alienat. Judic. mutand. caus.* Jason loc. cit. n. 13. Abbas numer. 19. et 30. Gailus, ubi supra, et alii.

Deinde differunt: quia in expensas contumaciae potest Iudex non expectata diffinitiva condemnare incontinenti, postquam constat de contumacia partis; ut c. *Cum dilecti*, 6. de *Dolo et Contumac.* et c. *Auditis*, 8. de *Procuratorib.* et alibi: ita tamen, ut si velit expectare, possit Iudex differre, et condemnare quandoque, etiamsi proferretur pro contumace; semper enim durat officium Iudicis a prima citatione usque ad sententiam. Innocentius in c. *Saepe* 44. de *Appellatione*, Abbas loc. cit. numer. 35. Gailus, ubi supra, n. 14. Secus dicendum de expensis victoriae: quia in has nequit condemnari pars victa, nisi per sententiam diffinitivam, et toto die illo, quo haec lata est, l. *Terminato*, juncta Glossa verb. *Comminus*, C. de *Fructib. et litium expens.* et l. *Paulus* ff. de *Re judicat.*

Tertio differunt: quia expensae contumaciae debentur actione in factum, l. un. §. *fn.* ff. *Si quis jus dicenti non obtemperet*, ubi Glossa verb. *Hoc iudicium*, Bartolus, et Baldus, et Abbas cit. c. *Finem litibus*, n. 32. de *Dolo et contumac.* Quamvis addat, quod Iudex ex officio suo, etiam absque partis petitione, possit Contumacem condemnare in expensis, juxta c. *Cum dilecti*, §. *fn.* eod. ubi nulla praecessit petitio partis, et tamen contumax fuit ipsi condemnatus in expensis. Expensae victoriae econtra debentur officio Iudicis; ut notatur cit. l. *Terminato*, C. de *Fructib. et litium expens.* Gailus d. *Observat.* 151. n. 13.

Quaeritur IV. Utrum sententia super expensis possit esse incerta; et qualiter hae sint probandae? Resp. I. Sententia super expensis lata, potest esse incerta, hoc est, lata absque taxatione ipsarum expensarum, consensu modo: *Condemnatus talem* (puta, Titium victum) in expensis alteri (v. g. Caio victori) quas hic fecit, vel se fecisse probabit. Ita Innocentius c. *Finem litibus*, circa *fnem*, et Abbas ibid. n. 8. de *Dolo*

et Contumacia. Idque clare desumitur ex c. *Auditis*. 8. de *Procuratorib.* ubi talis sententia condemnatoria in expensis habetur, illis verbis: *Condemnandum tibi duas imos in expensis, quas fecisti, etc.* Concordat textus in cit. c. *Cum dilecti*. 6. §. *fin. de Dolo et Contumacia*. et l. *Terminato*. iuncta Glossa §. *Comptere. C. de Fructib. et lit. expens.* cum similibus; ubi Iudex comminus, seu intra diem potest victum condemnare in expensis, licet non fuerint taxatae in sententia: quia taxabantur in executione, ut ibidem in *Summario* loquitur Paulus a Castro. Quod ut melius intelligatur,

208 Resp. II. Quando alteruter litigantium in expensis condemnatus fuit, tunc victor expensas, quas fecerat, tenetur probare ( hoc est, eas descriptas Iudici exhibere, atque adversario postulante liquidare ) quas deinde Iudex taxare, et tantum necessarias, rejectis immodicis, aut voluptariis, victori adjudicare debet, delato tamen prius ipsi juramento, quod expensae sint verae; seu, quod tantum, et non minus expendit. Textus est, in *Auth. de Iudiciis*. §. *Oportet*. Collat. 6. et l. *Sancimus. C. de Iudiciis*: atque in simili dicitur *cap. ult. De eo, quod vi metus causa etc.* ac notat Glossa in c. *Finem litibus verb. Expensas*. et Abbas *ibid. n. 36. de Dolo et Contumacia*. Engel h. t. n. 13. Jason l. *Properandum* §. *Sive autem alterutra numer. 25. C. de Iudiciis*. exinde inferens, quod expensae factae in lite, probentur per solum juramentum victoris: intellige, praestitum eo modo, quo dicitur in Conclusionem. Gailus *lib. 1. Practic. Observat.* 151. numer. 10. et 11. eo tamen addito, quod juramentum expensarum in Camera in parva summa ( puta, quae est infra viginti florenos Rhemenos ) a parte victrice non exigatur: siquidem in modicis cessat praesumptio perjurii: simulque de modico non curat Praetor, l. *Scio* iuncta Glossa *verb. Summam. ff. de Restitut. in integr.*

209 Queritur V. Utrum non solum appellans, sed etiam appellatus, si in causa appellationis succumbat, in expensis condemnandus sit? Resp. I. Loquendo nunc de causa appellationis, appellans a priori sententia contra ipsum lata, et denuo victus, indistincte victori in expensis condemnandus est: quia praesumitur malum fidem prosecutus. Ita Glossa *cit. c. Finem litibus verb. Expensas*. et Abbas *ibid. n. 25. de Dolo et contumacia*. Speculator *tit. de Expensis*. §. *Nunc videndum. n. 2.* istud intelligens, ubi quis calumnie appellavit: secus, si possit ostendere, quod iustam causam habebat appellandi. Gailus *d. lib. 1. Pract. Observat.* 152. numer. 4. asserens, de appellante non esse dubium, quin indistincte condemnandus sit: ut c. *Saepe contingit*. §. 1. et c. *Ut debitus*. 59. de *Appellatione*. et l. *Eor qui* §. *Ne temere*, C. *cod. Henric. Temmen cit. tract. de Litium Expensis, cap. 8. sect. 4. n. 33.* allegans alios.

210 Atque istud indubie verum est, quando quis temerarie, aut frustratorie, seu non legitime appellavit, et denuo succubuit. Quod si vero probabilis causa excusaret appellantem ( ut quia habebat pro se opinionem communem, quae non erat evidenter injusta; aut erat dubium circa intellectum alicujus legis, vel huiusmodi ) etiam in appellante limitandam esse datam Regulam, censet non solum Speculator, *ubi supra*, sed etiam Abbas *cit. nu. 26.* ac novissime Temmen *cit. cap. 8. sect. 4. num. 36.* Licet enim unus Iudex judicasset contra eum, non tamen semel succumbens tenetur statim quiescere, data tanta dubitatione Doctorum. Textus est in c. *Sacro*. 48. §. *Verum si. de Sentent. excommunicat.* ubi appellans, et succumbens, condemnandus dicitur in expensis, ea tamen addita limitatione: *Nisi forsitan, et ipsam probabilis error excuset*: atque amplius tradit Glossa *ibid. verb. Probabilis error*. Simile quid habetur, *cap. 1. in fin. de Election. in 1.*

211 Resp. II. In Appellato ( seu in eo, contra quem

pars victi appellat ) major est difficultas, graviorque ratio dubitandi, an si in iudicio appellationis succumbat, sit condemnandus in expensis. Siquidem ex una parte Appellatus praesumitur habere iustam causam litigandi, hoc ipso, quod Iudicis sententiam pro se reportarit; et ab appellante citatus, nunc necesse habent comparere, seque defendere. Ex altera vero parte urget, quia per appellationem tollitur praesumptio, quae stabat pro iustitia prioris sententiae, atque omnia reponuntur in eo statu, in quo antea fuerant post litem contestatam, ut L. 1. §. *fin. ff. Ad S. C. Tarpillianum*, estque iam dictum supra *Tit. 25. De Exceptionibus*. §. 2. n. 28. et 29.

Verum communis opinio distinguendum censet, 212 utrum Appellatus ex iisdem actis in causa appellationis succumbat; an vero ex novis probationibus noviter allegatis, et probatis. In priori casu concludit, Appellatum, si in iudicio appellationis succumbat, in expensis condemnandum; cum non censeatur habere iustam causam litigandi ( nisi hanc probaverit, juxta limitationem *num. 210.* datam ) eo quod praesumptio pro iustitia prioris sententiae, per appellationem elidatur, omniaque quasi in pristinum statum reponantur; atque Appellans post auditas adversae partis rationes solum laboret ignorantia juris, quae non excusat, juxta *Reg. 13. Jur. in 6.* quamvis is potuisset, ac debuisset superare interrogando peritiores. Abbas *cit. c. Finem litibus. n. 25. vers. Secundo membro. de Dolo et contumacia*. Jason l. *Properandum*. §. *Sive autem alterutra. num. 23.* et Bartolus *ibid. C. de Iudiciis Gailus d. lib. 1. Practic. Observat.* 152. n. 5. citans alios, atque communem.

In altero casu, seu quando, Appellatus succumbit 213 ex novis probationibus per appellantem productis, asserunt Doctores praecallegati, quod facienda sit compensatio expensarum; adeoque Appellatus succumbens evitet condemnationem in expensis. Ratio disparitatis inter hunc, et priorem casum est: quia hic habuit Appellatus ignorantiam facti ( non enim potuit praevidere novas probationes, v. g. per instrumenta de novo reperta, ab appellante productas, cum sint quid facti ) et caeteroquin habuisse praesumitur iustam causam litigandi, etiam agnitam a Iudice a quo in favorem ipsius ferente sententiam: secus est in priori casu, ubi intervenit ignorantia juris. Atque juxta *Reg. 13. Jur. in 6. Ignorantia facti, non juris excusat*. Abbas, Jason, Gailus, *ubi supra*, cum aliis, quos allegant.

In praxi tamen, utrum Appellatus habuerit iustam 214 causam litigandi super negotio principali, et appellationis, relinquendum esse arbitrio, et discretioni Iudicis, censet Abbas *cit. num. 25.* et Baldus in l. *Generaliter*. §. *Sed juramento C. de Rebus credit.* Cujus opinionem ( inquit Gailus *d. Observat.* 152. n. 5. ) ut plurimum Camera sequitur; et communiter succumbente appellato, fit expensarum compensatio: adeo, ut non meminerim aliter observatum. Haec Gailus. Similia habet Henric. Temmen, *ubi supra, cap. 8. sect. 4. n. 26. et 27.*

Queritur VI. Quid dicendum de sententiis, per 215 duos Iudices contraria pronunciantes datis? Et additor notanter, *per duos Iudices*. Nam si plures Iudices concurrant, vel assumantur, praesertim in impari numero, standum est majori parti concordantiam in eandem sententiam; ut tradit Glossa, communiter recepta, *cap. ult. vers. Diversas h. t.* istud intelligens, sive plures illi Iudices sint Ordinarii, sive Delegati, sive Arbitri. *can. 1. et 2. dist. 65. et l. Duo ex tribus. ff. de Re judicat.* Idemque probat textus in *cap. 1. De his quae fiunt a major. part. Capit.* ubi semper praevalet, summaque effectum consequitur, quod a majori et saniori parte Capituli fuerit constitutum.

- 216 Concordat cap. 1. de Arbitris, ubi ex tribus Arbitris electis, standum decernitur sententiae duorum concordantium: et si omnes tres discordent, puta in taxanda aliqua quantitate pecuniaria, obtinebit pars minima, utpote in qua omnes concordant, cap. 1. eod. in 6. estque jam dictum supra Lib. 1. Tit. 43. de Arbitris. §. 2. nu. 51. et 52. Verum loquendo de duobus Judicibus concurrentibus, et in judicando discordantibus, specialis est difficultas; quae quia cap. ult. h. t. reperitur decisa, haud immerito pro complemento praesentis Tituli nunc proponitur: unde
- 217 Resp. I. Si duo Judices ordinarii contraria pronunciant, tenet sententia lata pro Reo: praeterquam in causa favorabili. Ita communis; estque expressum d. cap. ult. §. 1. h. t. illis verbis: *Duobus judicibus, ut accepimus, diversas sententias proferentibus, si ex jurisdictione ordinaria processerunt, tenet pro Reo, non pro Actore sententia: nisi in causa favorabili, puta matrimonio, libertate, dote, seu testamento, pro ipso fuerit promulgata.* Ubi tamen Abbas in Summario, et Barbosa numer. 1. et 7. addit ly, cum similibus (intellige) causis favorabilibus, puta, alimentorum, et in causa Fisci: nam in dubio semper pro his ferenda est sententia. In caeteris autem causis eligitur via favorabilior, ut teneat sententia pro Reo, non vero pro Actore: nam *favorabiliores Rei potius, quam Actores habentur*, uti dicitur l. Favorabiliores. ff. de Reg. Jur. juncta Reg. 11. eod. in 6. cum similibus.
- 218 Resp. II. Quod si duo Judices delegati discordent in sententiando, tunc Delegatus est aduendus, ut ipse pronunciet pro alterutra parte, sicque ex ejus arbitrio pendet sententia. Textus est in cit. cap. ult. §. Si vero. h. t. et l. Duo judices. ff. de Re judicat. uni in tali casu respondetur, *utramque sententiam in pendenti esse, donec competens iudex (sive, qui alios delegavit) unam earum confirmaverit.* Ratio disparitatis inter hanc, et priorem Conclusionem, est: quia Delegati non habent jurisdictionem jure proprio, sed beneficio Delegantis, et ejus locum representant: unde unus eorum non potest valide sine altero judicare, c. Causam. 16. de Offic. Delegat. Econtra Ordinarii habent jurisdictionem propriam, eamque suo jure exequuntur: unde etiam horum jurisdictionis est naturalis, et favorabilis, sicque ei per Leges magis deferitur, quam jurisdictioni delegatae, quae est accidentalis et odiosa: prout amplius dictum est supra Lib. 1. Tit. 29. De Offic. et potestat. Judic. Delegat. §. 2. numer. 42. et 52. ac seqq.
- 219 Resp. III. Si tandem duo Arbitri contrarias ferant sententias, neutra harum tenet. Textus est in cit. cap. ult. §. fin. h. t. illis verbis: *Quod si ex compromisso, neutra debet habere vigorem.* Neque in tali casu recurritur ad Superiorem: quia partes compromittendo in Arbitros, recesserunt a provisione Superioris, sibiique providere voluerunt; unde Superior non curat de tali laudo, sive sententia Arbitrorum. Vivianus in Rationali Juris, cap. ult. §. fin. h. t.

## TITULUS XXVIII.

De Appellationibus, Recusationibus  
et Relationibus.

: Ratio continuationis Rubricarum.

- Viso de sententia, et ejus effectu, recte subjungitur praesens Rubrica: tum quia appellatio impedit effectum rei judicatae, atque executionem sententiae: tum quia ipsa est opportunum remedium

contra sententiam iniquam, seu per quam pars litigans sentit se injuste gravatam. Cum vero materia praesentis Tituli sit longior, scituque necessaria, jovabit ipsam majoris claritatis gratia in Paragraphos dividere: unde sit

## §. I.

De Appellatione, Supplicatione, ac Oppositione nullitatis sententiae, harumque differentiis.

## SUMMARIUM.

- 2 Appellatio vi nominis, et
- 3 Appellatio, quantum ad propositum, quid?
- 4 Iudex a quo, et Iudex ad quem, seu Iudex appellationis, quis?
- 5 Appellatio debet fieri gradatim ad proximum Superiorem.
- 6 Ad Papam tamen potest immediate appellari in causis spiritualibus etc.  
Imo et in prima instantia lis coram eo inchoari; et cur? Ibid.
- 7 Valet etiam consuetudo, quod ab inferiore appellatur ad superiorem, omisso medio.  
Quin et cessante consuetudine valet hujusmodi appellatio, si non opponatur exceptio. Ibid.
- 8 Appellatio est duplex, judicialis,
- 9 Et extrajudicialis; quid?
- 10 Appellatio extrajudicialis non est propria appellatio, sed potius dicitur Provocatio.  
Provocatio est quid generalius appellatione. Ibid.
- 11 Appellatio judicialis, et extrajudicialis differunt: et quomodo? Et n. praec.
- 12 Appellatio judicialis subdividitur in eam, quae fit ab interlocutoria; et, quae a diffinitiva sententia.
- 13 Inter has duas appellationes quatuor potissimum sunt differentiae. Et n. seqq.  
Appellatio a diffinitiva potest fieri in continenti, seu stante pede: altera debet fieri in scriptis. Ibid.
- 14 In illa non est necesse, causam appellationis in specie exprimere: secus in altera.
- 15 In causa appellationis a diffinitiva licet novis probationibus uti: secus in causa appellationis ab interlocutoria.  
Appellans potest non deducta deducere, et non probata probare: et quomodo? Ibid.
- 16 Appellatio a diffinitiva potest semper proponi: non sic appellatio ab interlocutoria, saltem spectato Jure Civili, et Concilio Tridentino.  
Gravamen per sententiam diffinitivam irreparabile, exemplificatur. Ibid.
- 17 Appellationes rationabiles, seu legitimas: et Appellationes frustratorias, frivolas ac leves, quae? Ibid.
- 18 Supplicatio proprie dicta, et
- 19 Supplicatio large accepta, quid? Et num. seq. Revisorium, unde traxerit originem? Num. 18.
- 20 Supplicare quilibet potest, quantumcunque remota sit appellatio.  
Ubi potest appellari, non debet supplicari. Ibid.  
In dubio tamen potest intentari utrumque remedium.
- 21 Supplicatio differt in pluribus ab Appellatione.
- 22 Et in quibus?
- 23 Oppositio nullitatis sententiae, quid?  
Haec solet fieri per viam quarelae. Ibid.
- 24 Appellatio, et Oppositio nullitatis sententiae, differunt varie. Et num. seqq.



Atque remota appellatione, non censetur nullitas sublata. *Ibid.*

25 Solvantur instantiae. Et num. seq.

26 Appellatione interposita non potest Judex exequi sententiam: secus, si solum opponatur nullitas, nisi haec foret notoria.

27 Appellatio debet fieri intra decem dies: non sic Oppositio nullitatis sententiae.

28 Appellatio semper coram Superiore proponenda est: secus, si opponatur nullitas sententiae.

29 Judex ordinarius potest reformare sententiam suam de jure nullam.

30 Secus dicendum de Judice Delegato: quod tam limitatur.

31 Ubi ex unum Furi ubique sermo solet adiri Superior, sive Judex appellationis, super nullitate principaliter cognoscenda.

Quaeritur I. Quid, et quomplex sit Appellatio? Resp. I. Appellatio vi nominis idem est, ac nominatio, compellatio, et allocutio alicujus: uti videre est apud Calepinum & Appellu, et Appellatio. Verum apud Jurisconsultos Appellatio significat provocationem, qua ob sententiam injustam, vel gravamen indebitum, majoris Judicis imploramus auxilium. Atque in hac posteriori acceptione nunc loquendo,

Resp. II. Appellatio, quantum ad propositum, est provocatio ab inferiori iudice ad superiorem ratione gravaminis illati, vel inferendi facta. Ita Abbas ad Rubric. n. 3. h. t. Maranta part. 6. Speculi Aurei tit. de Appellatione. n. 1. Sigism. Scaecia de Appellatione quest. 2. n. 1. & Quinta. Engel h. t. n. 9. ac in re communis. Et notanter additur, ratione gravaminis illati, vel inferendi: quia non solum a gravamine injuste illato, sed etiam ab inferendo sive judicialiter, sive extrajudicialiter, appellari potest: ut c. Bonae memoriae. 51. et c. Cum teneamur. 17. de seqq. h. t. etc. Praeterea. 40. eod. cum concordantiis.

Porro Judex inferior, a quo per appellationem fit transitus ad superiorem, dicitur Judex a quo: alter vero, nempe Judex superior, vocatur Judex ad quem, vel absolute Judex appellationis.

Addit Zoësius h. t. n. 1. cum nonnullis aliis, in definitione appellationis ly, gradatim facta provocatio. Siquidem appellatio debet fieri gradatim ad proximum Superiorem: adeo, ut omisso medio non recte appelletur immediate ad Principem, l. Imperatores. ff. de Appellationib. Et ideo, si fiat ejusmodi appellatio omisso medio ad Superiorem, non sit quidem omnino inutilis: nihilo minus ea ad proximum Judicem remitti debeat, l. 1. §. Si quis. ff. eod. Secus, si quis in appellatione ita errasset, ut a Superiore ad inferiorem provocasset: nam talis error noceret, atque inutilem redderet appellationem, text. clar. cit. §. Si quis.

Verum dicta clausula una cum Abbate, Maranta, Engel, ubi supra, et aliis, de industria omittitur in data appellationis definitione. Nam imprimis, spectato Jure Canonico, aliter res se habet: cum secundum statum quoque inferiori Judice Ecclesiastico, atque ex omnibus mundi partibus, immediate ad Summum Pontificem possit appellari: ut can. Si quis vestrum. et can. Ad Romanam. 2. q. 6. et c. Si duobus. 7. h. t. Idque merito: tum quia Summus Pontifex immediate a Deo iure accepit jurisdictionem, atque Pastor universalis omnium Christianorum; unde merito his omnibus licitum est, in causis spiritualibus, atque Ecclesiasticis, immediate ad ipsum appellare; ab eoque, si se gravati viderint, remedium quaerere. Tum quia Papa est iudex ordinarius omnium Christianorum, can. Cuncta per mundum. 9. q. 3. Atque Ordinarius Ordinariarum, Glossa c. Cum nullus. §. In eadem. de

Temporib. Ordinatus in 6. Habens concurrentem potestatem cum omnibus Ordinariis, cit. can. Cuncta per mundum. 9. q. 3. et cap. ult. de Foro compet. cum similibus. Hinc etiam in prima instantia, quoad memoratas causas, potest a quocunque lis coram Papa interchoari. Zoësius h. t. n. 2. et alii. Secus est in inferioribus Judicibus, ac etiam Principibus saecularibus.

Deinde clausula illa, gradatim facta provocatio, ex eo censetur omittenda in definitione appellationis: quia non pertinet ad hujus substantialia, sed accidentalia solum; ut inquit Abbas ad Rubric. h. t. n. 2. Unde valet consuetudo, quod ab inferiore appellatur ad superiorem, omisso medio, arg. c. Referente. 7. juncta Glossa verb. Archiepiscopum appellavit. de Praebend. estque textus expressus in c. Romana. §. Ab Archidiacono. eod. in 6. ubi de subdito Episcopi ad Episcopum, non vero ad Archiepiscopum dicitur appellandum, nisi aliud, hinc de consuetudine competat in hac parte. Quin imo cessante etiam consuetudine, valet appellatio omisso medio, si non fuerit opposita exceptio; uti tradit Glossa magna in c. Dillecti filii. Prior. 66. h. t. et Jo. Andreas ibid. n. 7. post lunacentium, et Hostiensem, et Abbas cit. n. 2.

Resp. II. Appellatio est duplex, judicialis nimirum, et extrajudicialis. Ita communis. Et quidem Appellatio judicialis dicitur, quae sit ab actibus judicialibus, quibus se gravatum quis existimet: qualis est illa, quae sit a sententia tum diffinitiva, tum interlocutoria; item, si quis citatus sit a Judice, dato nisi brevi termino peremptorio, sicque appellat: ut cap. 1. de Dilationib. Aut quando appellatur, eo quod Index delegatus iustam exceptionem partis admittere nolit: puta, quod non possit contrariari illi descripti Pontificii, vel hujusmodi. Pirhing h. t. numero 2.

Appellatio extrajudicialis e contra est, quae sit ab actibus extrajudicialibus, quibus aliquis se gravatum queritur, vel probabiliter gravandum timet: ut si quis injuste sit captus, et incarceratus, vel nominatus ad tuendam; item appellatio extrajudicialis est, quae sit contra electiones, collationes et provisiones, ex quibus se quis gravatum sentit, c. Concertationi. h. t. in 6.

Differt autem haec duplex appellatio in nonnullis. Imprimis enim Appellatio judicialis proprie dicitur appellatio: extrajudicialis vero non est proprie appellatio (haec enim stricte sumpta supponit iudicium esse exceptum, cum fiat ab inferiore Judice ad superiorem) sed potius dicitur Provocatio, juxta textum notabilem in c. Cum sit Romana. 5. h. t. ibi: Sacri Canonis etiam extra iudicium, passim appellare permittunt; nec solent hujusmodi dici appellationes, sed provocationes ad causam. Siquidem provocatio est quid generalius appellatione: nam Provocatio dicitur unius ille actus, per quem Judicium officium, vel auxilium imploratur; ac proinde, veluti latius patens, non immerito in definitione appellationis ponitur loco generis.

Deinde Appellatio judicialis supponit Judicem a quo, et Judicem ad quem: extrajudicialis vero non necessario supponit Judicem a quo, cum possit extrajudicialiter appellari etiam contra alium, qui gravamen inferat. Pirhing h. t. n. 3. et alii. Rursum differunt: quia Appellatio judicialis etiam male et simpliciter proposita, suspendit executionem, et facit in contrarium attentata revocari, can. Post appellationem. §. Appellatione. 2. q. 6. et c. Dillecti filii. 55. h. t. cum concordantiis. Contra in Appellatione extrajudiciali oportet rationabilem causam appellandi exprimere, quae si per Superiorem fuerit admissa, tunc primum attentata medio tempore revocatur, alias non; prout liquet ex c. Cum inter R. 17. de Electioni. ibi: Appellationem illam dicimus legitimam non fuisse, unde per eam electio non potuit impediri. Simile quid

habetur c. *Constitutis*. 46. h. t. et notat Engel eod.  
tit. numer. 10.

79 Resp. III. Appellatio judicialis subdividitur in eam, quae sit ob interlocutoria; et in eam, quae sit a sententia definitiva. Ita communis.

13 Porro iter has duas appellationes, praeter diversos effectus, quos habeat, juxta dicenda inferius §. 7. et 8. quatuor potissimum sunt differentiae. Primo siquidem Appellatio a definitiva potest in continenti, sive ( ut loquuntur ) *stante pede*, fieri occenens, per verbum *appello*, aut hujusmodi, *L. 2. et l. A sententia. ff. de Appellatione*. Appellatio ab interlocutoria econtra debet fieri in scriptis, *cap. 1. h. t. in 6.* Et item dicendum de appellatione a definitiva, quando interponitur ex intervallo, puta, post unum vel alterum diem: tunc enim et ipsa debet fieri in scriptis, seu per correctum Libellum appellationum, *cit. l. A sententia. §. fin. ff. de Appellat.*

14 Deinde in appellatione a diffinitiva non est necesse, causam appellationis in specie exprimere; sed sufficit dicere, *appellat ab hac sententia*, juxta textum expressum cit. *L. 2. ff. de Appellat.* ac sequitur Glossa *cap. 1. vers. Statuit. h. t. in 6.* Contra vero appellans interlocutoria, vel gravamine aliquo, tenetur causam appellationis in scriptis excludere, cit. *cap. 1. h. t. in 6.*

15 Tertio, in causa appellationis a diffinitiva licet utriusque parti, tam Actori scilicet quam Reo, novis probationibus, atque instrumentis, uti; dummodo causam principalem antiquam, et non novam respiciant: unde habet ibidem locum illud vulgatum Iacitarum. *Non deducta deducam, non probata probabo*: ac patet ex l. *Per hanc C. de Temporib. appellat. et l. Eos qui. § Si quid autem C. de Appellatione*. Dummodo hinc excipiantur novae probationes per testes: nam hi publicatis semel attestatombus, propter periculum subornationis, non possunt amplius in causa appellationis produci super eisdem articulis, vel directe contrariis, juxta textum expressum *Clem. ult. de Testib.* et si super novis articulis, causam principalem antiquam respicientibus, hanc produci valeant, c. *Fraternitatis. 17. de Testib.* ubi Glossa verb. *Novis In. Andreas n. 13 Abbas n. 3. et Barbosa in Collectan. ibid. n. 2. et 3* citans plurimos alios, et concordans dicta superius *Tit. 13. De Probation. § 6 nu. 139. et seqq.* Contra vero appellanti ab interdictoria, vel a gravamine Judicis, non licet alias causas prosequi, quam in appellatione sua nominatim dimittaxit expressas: nec processus primi judicis ex novis, aut de novo probandis justificari potest, vel etiam impugnari, sed tantum ex illis, quae acta fuerunt, vel adhibita curam ipso: prout loquitur textus expressus, c. *1. de Appellanti §. h. t.*

16 Quarto dicitur, ut, quia quavis olim de Jure Canonico a quavis sententia, tam definitiva videlicet quam interlocutoria, appellare permissum fuerit, ut *c. De appellationibus. 11. et c. Super eo. 12. h. 1.* (non obstante, quod de Jure Civili ab interlocutoria non fuisset permessa appellatio, exceptis certis duntaxat casibus, *h. Ante sententiam. C. Quorum appellatione etc. juncta Glossa ibid.*) Nihilominus Concilium Tridentinum *Sess. 13. cap. 1. de Reform. et reformatione Sess. 24. cap. 10. de Reform.* ad coercendas frivolae, atque frustratoriae appellationes, novissime decrevit, quod deinceps ab interlocutoria, vel alio quocunque gravamine non appelletur, atque interposita appellatio per Superiores recipiatur, nisi ejusmodi sententiae habeat viam dissolutive: vel nisi gravamen illud per appellationem a definitiva reparari nequeat. Concordat Decretum hoc Congregationis infra §. 13. num. 217. referendum, atque gravamen per sententiam definitivam irreparabile, evenit, si quis in indebita incarceratione, tortura et excommunicatione: haec enim, ea alia huiusmodi, secunda requirunt executionem, postea amplius appella-

**parabilem. Contra appellatio a diffinitiva (extra casum in Jure exceptos) potest semper proponi, quoties per ejusmodi sententiam sese quis gravatum senserit.**

Resp. IV. Ulterior appellationes aliae sunt rationabiles, sive legitimae; aliae frustratoriae, frivolae, inanes et leves. *Appellationes rationabiles, seu legitimae* sunt, quae fiunt iusta de causa, ac servatis de iure servandis. *Frustratoriae* vero *appellationes* dicuntur, quae solummodo morandae solutionis; aut protrahendae liti causa interponuntur; ut l. Tutor. ff. de Usuris. Tandem *appellationes frivolae* ac leves sunt, quae ex minimis, ac fatilibus rationibus fiunt; et tales ut temerariae merito recipiuntur; hand obstande, quod pro levioribus, ac minimis etiam causis, sive rebus, appellari possit, c. De appellationibus. 11. h. e. juncta Glossa fin. ibid.

Queritur. II. Quid sit Supplicatio, et quomodo differat ab Appellatione? Resp. I. *Supplicatio* proprie dicta, et quantum ad propositum, est quaedam precum porrectio facta Principi, ut is ex quadam benignitate restituat supplicantem adversus sententiam, contra quam non competit medium ordinatum. Ita Abbas c. *Ex litteris*. n. 6. *De in integr restitut.* Et de supplicatione taliter accepta ait mentio in l. *Si quis adversus*. jurem *Auth. Quae supplicatio*. C. de Precib. *Imperat. offerend.* estque non infrequens, praesertim in supremis Tribunalibus Principum, ubi locum non habet ulterior appellatio, bene tamen supplicatio pro revisione Actorum judicialium: unde et *Revisorium* originem trahit.

Dicitur notanter, *supplicatio proprie dicta*. Nam largo modo, ea accipitur pro quibuscunque precibus Principi, alterive superiori potestati, sive ad iustitiam, sive ad gratiam obtinendam: in qua sententia passim in Curia loquuntur Libelli supplices, hanc clausulam continentis, *Supplicatur Dominationi vestrae etc.*

Aliæ particulæ in data definitione adduntur ad declarandam naturam Supplicationis propriè dictæ, utpote quæ innotuit benignitati Superioris, ad potestates sibi preces retractantis et, quæ credit male acta, ipsamque sententiam, quando ex aliquâ causa contra hanc non admittitur appellatio. Supplicare enim quilibet potest, quantumcumque remota sit appellatio, *l. Si quis adversus. C. de Precibus Imperat. offerend. ac notat Glossac. Ex litteris vers. Supplicavit. et Barbosa in Colloptan. ib. n. 3. De in integ. restit. citans alios. Ubi autem potest appellari, non debet supplicari: quia ubi competit remedium ordinarium, cessat extraordinarium, *l. in causae cognitione etiam. §. 1. ff. de Minorib.* Quod si vero quis dubitet, an adhuc possit appellare, potest ad eandem intentare unum remedium, appellando videlicet; et supplicando; uti legitur factum in *c. Ex litteris. §. De in integrum restitut. ibi: Postmodum appellavit ad Sedem Apostolicam, et etiam supplicavit. Abbas cit. c. Ex litteris n. 3. et seqq. De in integ. restitut.**

Resp. II. Supplicatio dicitur in pluribus ab Appella-  
tione. Ita Glossa cit. c. *Ex litteris. vers. Supplicavit.*  
et Abbas *ibidem* 6 et seqq. *De in integr. restitut. Me-*  
*nochius lib. 1. de Arbitr. Judic. quest. 70. n. 1. et seqq.*  
Supplicationem hujusmodi vocant Recursum ad Prin-  
cipem; et alii, Idque probatur inductione,

intra decem dies, cit. *Auth. Quae supplicatio. C. de Precib. Imperat. offerend.* Tandem differunt, quia Appellatione interposita nihil est innovandum: econtra pendente Supplicatione sententia mandatur executioni, praestita tamen cautione, quod si retractetur sententia, omnia restituantur, cit. *Auth. Quae supplicatio. Glossa d. c. Ex litteris.* et Barbosa *ibid.* n. 7. et 8. cum aliis.

23 Quæritur III. Quid sit Oppositio nullitatis sententiae, et quomodo differat ab Appellatione? Resp. I. *Oppositio nullitatis sententiae*, est legitima ostensio, sententiam a Jure latam, esse ipso jure nullam. Atque hujusmodi oppositio nullitatis sententiae solet fieri *per viam Querelae*, juxta dicta superius *Tit. praeced.* §. 4. n. 133. et seqq. Siquidem pluribus de causis accidere potest, quod sententia ipso jure sit nulla: ut puta, ob defectum jurisdictionis, si nimirum sententia fuit lata a Jure non competente, *c. At si Clerici. §. de Judiciis.* Item ob defectum substantialis ordinis judicarii: puta, si non observentur solemnitates illae substantiales, de quibus supra *Tit. praeced.* §. 2. et 3. n. 57. et seqq. dictum fuit. Item, si sententia feratur a Jure delegato post terminum delegationi praefixum, vel post recusationem Judicis suspecti, aut contra Reum indefensum, seu contra priorem sententiam, quae jam transiit in rem judicatam, et plurimis aliis modis. Generaliter enim *sententia contra Leges, Canonesve prolata, licet non sit appellatione suspensa, non potest tamen subsistere ipso jure*, ut dicitur, *cap. 1. de Sentent. et re judicat.*

24 Resp. II. Appellatio, et Oppositio nullitatis sententiae, in pluribus differunt: suntque diversa, et separata juris remedia: atque ideo appellatione remota, non censetur nullitas sublata. Ita habetur *c. Inter caeteras. q. de Sentent. et re judicat.* ubi Pontifex sic loquitur: *Cum aliqua causa appellatione remota committitur, et sententia fertur iniqua, eam a curari oportet nec et debet stari, si iniquitatem contineat manifestam*: puta, quia lata est contra Jus scriptum, scilicet contra Leges, vel Canones, prout explicat *Glossa ver. Manifestam. ibid.* Concordat *c. Licet. §. 4. in fin. de Sentent. et re judicat.* in 6. ac notat Abbas *cit. c. Inter caeteras* n. 4. et Barbosa *ibid.* n. 1. *de Sentent. et re judicat.* et Andreas Gailus *lib. 1. Practic. Observat.* 132. n. 4. cum aliis. Et haec est prima differentia, consistens in hoc, quod appellatione remota non censetur sublata oppositio, seu querela nullitatis sententiae.

25 Nec obstat, quod privilegium, quo causa sub clausula *appellatione remota* committitur, debeat accipi cum effectu, neque reddi elusorium: prout fieri videretur, si tunc locum haberet oppositio nullitatis sententiae. Neque etiam obstat, quod, cum *quid una via prohibetur alicui, ad id alia non debeat admitti*, juxta *Reg. 8. §. Jur. in 6.* Resp. enim, ista neutiquam obstat. Nam imprimis privilegium ejusmodi non redditur elusorium: quia diversa sunt juris remedia, appellatio, ac nullitatis oppositio: atque illo per clausulam: *appellatione remota*, sublato (qualis proinde clausula hinc ipso sortitur quendam effectum) non tollitur alterum remedium, scilicet oppositio nullitatis sententiae.

26 Accedit, quod sententia, quae in rem transiit judicatam, statim executioni mandetur, non obstante nullitatis exceptione: ut *Clem. 1. de Sentent. et re judicat.* junctis dictis supra *num. 22.* Nisi nullitas illa foret evidens, ac notoria: puta, si manifestis probationibus constet, sententiam esse latam ex falsis instrumentis, *L. ult. C. de Falsis instrumentis.* Unde haec etiam ratione clausula illa, *appellatione remota*, sortiretur aliquem effectum: haud obstat, quod probata postmodum nullitate sententiae, executio hujus foret retractanda. Et per hoc simul habetur altera differentia inter

appellationem, atque oppositionem, seu exceptionem nullitatis sententiae: nam appellatione interposita, et pendente, non potest Juxta executi sententiam, secus, si solum opponatur nullitas.

27 Tertio differunt: quia Appellatio debet fieri inter decem dies, *c. Quod ad consultationem. 15 de Sentent. et re judicat.* cum similibus. Nullitas vero potest opponi usque ad triginta annos, juxta communem, et tradit Engel *h. t. n. 7.* Gailus *lib. 1. Practic. Observat.* 127. n. 8. estque jam dictum, atque uberius declaratum *Tit. praeced.* §. 4. n. 107. et 114.

28 Quarto differunt, quia appellatio semper coram Superiore proponenda est: Nullitas vero sententiae potest opponi vel coram eodem Jure ( dummodo ordinarius sit ) qui sententiam tulit: vel, si principaliter intentetur, etiam coram Jure superiore, adeo, ut hoc sit in arbitrio gravati, per textum, in *l. Si accusatoribus §. juncta Glossa ver. Eundem C. de Accusatione et l. Si praesens. C. Quomodo et quando etc.* juncta *L. 1. ff. Quae sententiae sine appellat. rescind.* atque tradit Bartolus *l. Si expressim. §. Quaero coram quo judice. ff. de Appellation. et relation.* Abbas *c. In litteris* n. 6. et Felinus *ibid.* n. 4. *de Offic. Delegat.* Sigism. Scaccia *de Appellat. quaest. 19. remed. 1. Concl. 6. num. 7.* citans alios. Gailus *lib. 1. Practic. Observat.* 127. n. 6. hanc appellandi communem opinionem.

29 Additur tamen notanter, *vel coram eodem Jure, dummodo ordinarius sit.* Nam hic distinguendum est inter Jure ordinarium, et delegatum: et Ordinarius quidem, si adestur a gravato, et querelante super nullitate sententiae, potest reformare sententiam suam de jure nullam, ac rursus super illa causa pronunciare, conformiter dictis supra *Tit. praeced.* num. 138. Sive deinde nullitas intentetur principaliter: hoc est, quando ipsa deducitur separatim, et de per se, v. g. petendo sententiam pronunciari nullam, ac reformari: sive nullitas intentetur solum incidenter, ut quia una partium petit iterum pronunciari in causa, et sic deducit nullitatem sententiae incidenter: nam istud utrumque potest fieri per Jure ordinarium, secundum *Jura num. praeced.* citata: et tradit Abbas, et Bartolus, *ubi supra*, et Scaccia *d. quaest. 19. remed. 1. Concl. 6. n. 87.* allegans alios. Qui tamen notanter addunt, quod si nullitas sententiae solum incidenter deducatur, petendo nimirum iterum pronunciari in causa, tunc isto modo non possit adiri Superior: quia causa ad ipsum non devolveretur per appellationem, aut per aliud remedium aequivalens, puta per querelam nullitatis principaliter intentatam. Atque ob istud *numer. praeced.* additum fuit *ly, vel si principaliter intentetur, etiam coram Jure superiore*: secus enim, si nullitas intentetur solum incidenter, ut dictum.

30 Econtra Jure Delegatus ( quod intellige de Delegato ad causam particularem ) postquam semel pronunciavit, sive bene, sive male, functus est officio suo, sicque cessat ejus auctoritas et jurisdictio: ac proinde non potest amplius reformare sententiam suam nulliter prolatam, sed oportet adire Superiorem, seu Delegantem: ut *c. In litteris. de Offic. Delegat. et l. Si ( ut proponis ) pars C. Quomodo et quando judex etc.* Bartolus *cit. l. Si expressim. §. Quaero, coram quo judice ff. de Appellation. et relation.* Gailus *d. Observat.* 127. n. 5. et 6. et alii. Quamquam Abbas *cit. c. In litteris* n. 4. et Felinus *ibid.* n. 1. *vars. Tertio fallit. de Offic. Delegat.* istud intelligant, nisi sententia sit nulla ex defectu formae mandati: non enim dicitur Jure pronunciare, si non servavit formam mandati, *arg. l. Quod tamen ff. de Arbitris*: ubi Arbitr iterum pronunciat, si non servavit formam compromissi.

31 Notat tamen Gailus *cit. Observat.* 127. n. 7. Quod hodie ex usu Fori ubique ferme obtinuerit, quod Superior, sive Jure appellationis, super nullitate prin-



capitaliter cognoscenda adentur: praesertim, si nullitas ex malitia, vel torpitudine Judicis inferioris proveniat, et non aliunde, puta ex errore aliquo. Quia imo in tali casu iniquum foret, ut idem ipse suae iniquitatis, aut turpitudinis cognitor existeret, et forsitan haec malitiose occultando ulterius Reum gravaret: nam caeteroquin etiam gravatus, non debet remitti ad Judicem gravantem. *l. Eos qui. C. de Appellatione.*

## §. II.

Qui, et a quibus Judicibus, appellare possint?

## SUMMARIUM.

- 32 Regulariter quilibet potest appellare, si se injuste gravatum existimet.
  - 33 Appellans non facit injuriam Judici a quo.
  - 34 Saltem non tantam, ex qua agi possit; aut Judex a quo moveri debeat.  
Nemo videtur facere injuriam, qui utitur jure suo. *Ibid.*  
Per appellationem iniquitas prioris Judicis arguitur. *Ibid.*
  - 35 Excommunicatus, si injuste condemnatur, appellare potest.  
Imo et Rescriptum Apostolicum impetrare. *Ibid.*
  - 36 Potest interdum utraque pars appellare ab eadem sententia.
  - 37 Quilibet tertius potest appellare contra sententiam, si per eam se gravatum senserit.
  - 38 Quod ca. exemplificatur.
  - 39 Appellatio unius prodest alteri, si communi jure juventur.
  - 40 Illis, quorum non interest, appellatio concessa non est.
  - 41 Excepta causa sanguinis.
  - 42 Regulariter a quibuslibet Judicibus appellare licet.
  - 43 Nisi judex fuerit Princeps supremus.
  - 44 Appellari non potest a sententia Summi Pontificis.
  - 45 Nec a Concilio Generali.  
Aut a sententia totius congregationis Cardinalium. *Ibid.*  
Idem procedit in Imperatore, ac Regibus etc. *Ibid.*
  - 46 Quod etiam competit quibusdam inferioribus Principibus, ex speciali privilegio.
  - 47 Puta, Electoribus Sac. Rom. Imperii, ac supremis horum Dicasteriis.
  - 48 Hodie usus supplicandi propemodum ab Aulis recessit, et in ejus locum successit Revisio.  
Revisores, qui? *Ibid.*
  - 49 Revisio ejusmodi, quae habeat specialia?  
Et quomodo differat a Supplicatione, et Appellatione? *Ibid.*
  - 50 Regula illa, quod liceat appellare a quocunque Judice, nisi fuerit Princeps supremus, patitur nonnullas limitationes. Et num. seqq.
  - 51 Fallit enim si quis ante sententiam professus fuerit, se a Judice non provocaturum: et quando?
  - 52 Fallit quoque in Episcopo, judicante inter Laicos ex prorogatione jurisdictionis circa causam civilem.
  - 53 Item in Judice delegato cum clausula, Appellatione remota, et hujusmodi. Remissive.
- 32 Quæritur I. An omnibus sit permissum appellare, vel appellans faciat injuriam judici a quo?  
Resp. I. Regulariter loquendo quilibet potest appellare tum a gravamine sibi extrajudicialiter illato, tum a sententia contra ipsum lata, si per hanc se injuste gravatum existimet. Ita communis. Ratio est:

quia appellatio est species quaedam defensionis, e. *Cum speciali. tit. §. Porro h. t.* sique jure naturae omnibus regulariter permissa esse debet. Additur tamen, *regulariter*, propter nonnullos casus specialiter huic exceptos, de quibus infra §. 10. et 11. per totum.

Resp. II. Appellans non facit injuriam Judici, a cuius sententia appellat: utitur enim legitima defensione, sibi de jure concessa. Ita Glossa *fn. l. Illud sciendum, l. 1. ff. de Appellat.* istud intelligens, dummodo appellans non inferat Judici convitium; alioquin enim infamia notaretur, *l. Judici ff. de Injuriis.* Vallensis *h. t. §. 1. n. 1.* post Rebuffum *tract. de Supplicat. n. 41.* Idque præter rationum jam allatam patet ex *l. Et in majoribus. C. de Appellat. et relat. ibi: Et in majoribus, et in minoribus negotiis appellandi facultas est: nec enim judicem oportet injuriam sibi fieri et istimare, eo quod litigator ad provocationis auxilium convolvat.*

Dices Appellatio fuit introducta principaliter, ut per eam iniquitas prioris Judicis corrigatur, *l. 1. §. 1. de Appellat. et relat. ibi: Appellandi usus iniquitatem judicantium, vel imperitiam corrigit:* ergo appellans ipso facto arguit Judicem a quo alicujus iniquitatis, vel imperitiæ: ut *c. Interposita. 70. fn. h. t. ibi: Cum in hoc casu appellationis a gravamine, iniquitas prioris judicis principaliter arguatur.* Resp. neg. consequent. Quia, licet Judici, a quo appellatur, fiat aliquis injuria, arg. *Litigatores ff. de Receptis Arbitris, et l. ult. §. fn. C. Quando provocare non est necesse,* non tamen sit ei tanta injuria, ex qua agi potest, per *Jura n. 32. et 33. allegata, et notat Hostiensis in Summa, tit. Ut lito pendente nihil innovetur. n. 2.* Quia imo nec Judex, a quo appellatur, ex hoc moveri debet: siquidem appellans utitur jure suo: atqui nemini videtur facere injuriam, qui utitur jure suo, *c. Cum Ecclesia Pulverana. 31. de Election. et amplius tradit idem Hostiensis in Summa. tit. de Appellat. n. 5.*

Quæritur II. Utrum excommunicatus, vel utraque pars, aut etiam aliquis tertius appellare possit a judiciali sententia? Resp. I. Excommunicatus, si injuste condemnatur, appellare potest. Textus est in *c. Cum inter. 5. etc. Dilecti. 8. etc. Significaverunt. 1. de Exceptionib. cum similibus.* Quia imo excommunicatus non solum potest appellare, sed etiam *super appellationis articulo* Rescriptum Apostolicum impetrare, *cap. 1. de Rescript. in 6.* estque uberius dictum supra *Lib. I. Tit. 3. de Rescriptis. §. 2. n. 39. §. 1. et 34.* Nec immerito: nam etiam excommunicatis non est deneganda omnis legitima defensio, et consequenter nec appellatio.

Resp. II. Potest interdum contingere, quod utraque pars appellet ab eadem sententia, quatenus hæc utrique parti contraria est. Ita Glossa communiter recepta in *c. Significaverunt. §. Absolvit. de Exception. Idque patet ex c. Si duobus. 10. ubi Abbas n. 2. et Barbosa in Colletian n. 2. h. t. Scaccia quæst. 10. de Appellat. n. 5. cum aliis, istud intelligens, quando utraque pars potest præstendere gravamen: nam atque gravamine locum non habet appellatio. Id ipsum constat ex *c. Raynaldus. 16. et c. Raynaldus. 18. de Testament. ubi a sententia prolata utraque pars provocasse legitur.* Quando enim in sententia sunt plura membra, seu capitula, bene contingere potest, quod eadem utrique parti quod aliquid videatur præjudicium generare: sique petatur infirmari, quatenus contra se fuerat promulgata, et quatenus sibi favet, executioni mandari. Hinc in simili habetur *c. Auditis. 3. De re integr. restitut.* quod utraque pars, seu Ecclesia, atque in eadem causa, petierit restitui in integrum, furrisque restituta.*

Resp. III. Non solum ille, contra quem sententia lata est, sed etiam quilibet tertius, si per ejusmodi

sententiam se gravatum seuserit, atque exinde aliquod praedictum sibi obventurum iudicet, appellare potest. Ita communis; et patet ex *can. Non solent. 2. q. 6. ac L. 1. ff. de Appellation. recipiend.* quo utroque in loco dicitur: *Non solent audiri appellantes, nisi hi, quorum interest, vel quibus mandatum est, vel qui negotium alienum gerunt, quod mox ratum Reus habeat.* Et consequenter hi omnes, imo et singuli, quorum interest, possunt appellare; cum exceptio firmet regulam in oppositum, arg. *L. Quaesitum. §. Denique Noratius. ff. de Fando instructo, cum similibus.*

38 Declinatur id amplius inductione. Sic quippe ratione affectionis, et necessitudinis, potest pater, vel etiam mater, in causa deserta filii sui appellare, *cit. L. 1. ff. de Appellat. recipiend. canonizata d. can. Non solent. 2. q. 6.* Item potest appellare Procurator in causa sui Principalis, sicut et negotii alieni Gestor, dummodo id Dominus mandaverit, aut postea ratum habeat, per Jura iam allegata. Item Tutor, et Curator appellat nomine Pupilli, vel minoris, *L. Tutor. ff. de Appellat.* Item fidejussor in causa ejus, pro quo intervenit, *L. A sententia. ff. eod.* Item potest appellare Episcopus pro suo Clerico, Abbas pro Monacho, Civitas pro Cive, Dominus pro subdito; ut *o. Cum super. 17. de Sentent. et re judicat. et c. Delectis filiis. 55. de Appellat.* ubi Tertio interesse habenti, permittitur appellare; ac notat Innocentius et Abbas *cit. c. Delectis filiis in 6.* per textum ibidem, *Se ac suos etc.* et *Caillus Lib. 1. Practic. Observat. 123 n. 6. et 7. allegans alios.*

39 Quia imo si una eademque sententia plures condemnentur, et caeteris non appellantes unus solus appellare voluerit; non solum is audiri debet appellans, sed etiam, si ipse in causa appellationis vincat, ejus victoria caeteris prodest: dummodo communis iure juventur, idemque negotium, atque eadem defensionis causa: quoad omnes existim, *text. clar. c. Una sententia. 7. h. t.* Ubi proinde Summarium breviter ait: *Appellatio unius prodest alteri, si communi iure juventur etc.* Concordant dicta superioris Tit. praeced. §. 5. n. 158.

40 Resp. IV. Illis nihilo minus, quorum non interest, appellatio concessa non est. Patet hoc ex *L. 1. ff. de Appellation. recipiend.* quae est canonizata in *can. Non solent. 2. q. 6.* cujus verba sunt. 17. referuntur. Concordat *c. Cum inter R. 16. de Election.* ibi: *Cum nisi quorum interest, audiri non solent appellantes, appellationem illam dicimus legitimam non fuisse.* Accedit ratio: quis gravamen est causa appellationis, eoque cessante cessat appellatio: atqui is, cujus non interest, nullum patitur gravamen; ergo.

41 Fallit istud in causa sanguinis. Nam si quis postulatam sententiam ad ultimum supplicium ducatur, quem quis innocentem esse novit, aut probare velit, tunc cuilibet, etiam extraneo, et non cogito, appellare licet, quavis exeteroquin ejus non intersit: idque exemplo Danielis Prophetae, castam Susannam e manibus iniquorum Iudicum hoc modo liberantis, *Daniel. cap. 13.* Hoc ipsum, dicente lumine naturali, agnovit Ulpianus, et habetur expressum *L. Non tantum. ff. de Appellation. et relation.* Idque humanitatis ergo, sive ne sanguis innocens effundatur, ibidem expresse statuitur: haud obstante quod damnatus resistat, et cito perire festinet. Unde Bartolus in Summario *cit. L. Non tantum*, sic loquitur: *Cuilibet licet provocare pro eo, qui ad supplicium ducitur, etiam eo invito.*

42 Queritur III. An a quibuslibet Iudiciis appellare liceat? Resp. I. Regulariter loquendo id esse licitum: nisi iudex fuerit Princeps supremus. Prior pars requiritur ex dictis num. 38. et seqq. Siquidem

appellatio est species quaedam defensionis, quae datur oppressis contra injuriam Iudicis; estque remedium institutum ad praesidium innocentiae, *ac Cum speciali. 61. §. Porro h. t.* Simulque appellandi usus iniquitatem judicantium, vel imperitiam corrigit, uti dicitur *L. 1. ff. eod.* Concordat *can. Unus. 2. q. 6.* cum similibus: *Neque enim iudicem oportet injuriam sibi fieri existimare, quod litigator ad provocationis auxilium convolvit, juxta textum notabilem in L. Et in majoribus. C. h. t.* estque superioris jam dictum.

Altera pars Conclusionis, sive limitatio illa, nisi iudex fuerit Princeps supremus, ex eo patet: quia appellatio est de minore iudice ad majorem provocatio; sique debet fieri ab inferiori ad superiorem: atqui Princeps supremus, hoc ipso, quod sit supremus, non habet superiorem; ergo. Et hinc textus in *L. 1. ff. A quibus appellare non licet*, notanter inquit: *Stultum est illud admonere, a Principe appellare fas non esse; cum ipse sit, qui provocatur.* Ubi Glossa §. *Stultum*; exponit: *id est, supervacuum: quia omnes sciunt.*

Unde imprimis appellari non potest a sententia Sacrosanctae Romanae Ecclesiae, sive Summi Pontificis, *can. Ipsi sunt, et can. Cuncta per mundum. 9. q. 3.* cum veluti Vicarius Christi, superiorem in terris non recognoscat: quia imo appellantes a sententia, et mandatis Summi Pontificis ad futurum Concilium Generale, ipso facto excommunicantur excommunicatione in Bulla Coenae Domini reservata.

Deinde non appellatur a Concilio Generali legitime congregato, et approbato: quia una cum Romano Pontifice, qui illud approbavit, repraesentat Ecclesiam universalem. Addit Pirhing *h. t. n. 81.* et *Sennig eod. tit. cap. 5. n. 3.* post Dianam in Summa §. *Appellatio. 3. n. 6.* et *DI.* communiter, neque appellari a sententia totius Congregationis Cardinalium. Id ipsum procedit in Imperatore, a Regibus, et aliis hujusmodi, superiorem in terris quoad temporalia non recognoscentibus.

Imper non tantum a supremis, sed etiam a quibusdam inferioribus Principibus, ex speciali privilegio eidem concessio, prohibitorum est appellare. Sic olim a sententia Praefecti Praetoris, appellare non licuit; sed solum poterat supplicari Principi, *L. un. C. de Sententiis Praefectorum Praetorio.*

Atque istud privilegium hodie competit Electoribus Sac. Rom. Imperii, juxta Bullam Aream. Engel *h. t. n. 21.* Philippus Andr. Ohlenburgerus in *Lymnaco Enuchrato, lib. 2. cap. 1. num. 27. et 28.* Notius istud Electorum privilegium contra nonnullos alios propugnans. Et quia sententia a supremis horum Dicasteriis lata, censetur esse sententia ipsius Imperatoris, Regis, vel Electoris, ut pote nomine ipsius prolata; hinc usque a supremis eorum Dicasteriis appellare licet, sed solum Principi supplicari potest; saltem spectato Jure communi.

Additur noviter, saltem spectato Jure communi. Siquidem hodie usus supplicandi propemodum ab Aulis recessit, atque in ejus locum successit Revisio: nam de facie communiter Principes illi, a quibus appellare non licet, erant Revisores (ut vocant) habere solent Commissarios deputatos, quos appellat Revisores, in ordines ad priore Aem judiciali, si petatur, revidenda, ipsamque sententiam, si opus fuerit reformatam, idque fieri consuevit equitate sic suadente: cum etiam in supremis Dicasteriis, ob negotiorum confusionem, quandoque aliquid minus bene apprehendi, sique sententiam contra ius litigatoris proferri contingere valeat. Engel *h. t. n. 26.*

- 49 Caeterum Revisio hujusmodi nonnulla habet specialia, et quae in appellatione non reperiuntur. Primo enim in Revisione unico duntaxat scripto possunt exprimi causae gravaminis; neque licitum est aliquid novi, atque in Actis prioribus non contentum inserere; quia permittitur solum revisio Actuum priorum: secus, est in appellatione, ubi licitum est pluribus, ut scripturis; simulque non deducta dedocere, et non probata probare, *l. Per hanc. C. de Temporib. Appellat.* Deinde is, qui Revisionem postulat, tenetur certam pecuniae quantitatem deponere, quam amittet, si causam in Revisorio perdidit; recipiet vero, si ibidem obviaverit: talis autem depositio pecuniae non requiritur in appellatione. Engel cit. num. 25. addens, quod Revisio suspendat executionem causae, seu latae circa eam sententiae: per quod ipsa differt a Supplicatione, quae non suspendit executionem sententiae, conformiter dictis supra, num. 22. convenit autem cum appellatione, utpote quae pariter suspendit executionem latae sententiae.
- 50 Resp. II. Etsi regulariter loquendo licitum sit appellare a quocunque Judice, nisi fuerit Princeps supremus, ut dictum: tamen haec ipsa Regula patitur nonnullas alias limitationes. Ita communis; et patet inductione, ostendendo tales fallentias.
- 51 Fallit enim primo, Si quis ante sententiam professus fuerit, se a iudice non provocaturum: tunc enim indubitate provocandi auxilium perdidit, per textum expressum *L. 1. ff. A quibus appellare non licet.* Quamvis Glossa ib. §. Perdidit, recte observet, hoc procedere, si quis taliter professus fuerit in iudicio: secus, si extra; ut *l. Cum falsa. C. de Juris et facti ignorant.* Nisi forsan extra, jura pacisceretur quis cum adversario de non appellando a sententia electi Iudicis: quia tunc pariter non licet ad provocationis auxilium pervenire, *L. ult. §. fin. C. de Temporib. appellat.*
- 52 Fallit, secundo in Episcopo, ex prorogatione jurisdictionis, judicante inter Laicos circa causam civilem. Etsi enim caeteroquin a sententia Episcopi possit appellari, *c. Romana. de Appellat. in 6.* tamen si Laici in causis civilibus Episcopo se committant, ejus jurisdictionem prorogando, tunc a sententia per Episcopum lata appellare non possunt, *l. Episcopale. C. de Episcopali. audient.* Et hoc est speciale in Episcopis, ipsisque ob Dignitatem Episcopalem ex singulari privilegio concessum ab Imperatoribus, sed quoad Laicos solum: nam, quoad Clericos, atque in ipsorum praedictum, non potuit Imperator privilegiare Episcopum. Abbas, *c. Causam. n. 3. de Sentent. et re judicat.*
- 53 Fallit, tertio, quando Iudici Delegato, causa commissa fuit sub clausula, appellatione remota. Verum de hoc pauc, sicut et nonnullis aliis, in quibus appellare non licet, commodius dicitur infra §. 10. n. 279. et seqq.
- §. III.
- De Judice Ad quem appellationis.
- SUMMARIUM.
- 54 Regula est, quod appellatio debeat fieri gradatim ad proximum Superiorem.
- 55 Ea tamen fallit in pluribus casibus. Et n. seqq.
- 56 Ad Papam potest appellari, omisso medio, ex toto Orbe in causis Ecclesiasticis, ac spiritualibus, etc.
- 57 Haud obstant, quod locus sit in Imperatore: et cur?
- 58 Excipitur unicus casus, in quo non appellatur ad Papam.
- 59 Etiam ad Legatum Papae potest appellari immediate, omisis mediis.
- 60 Ampliatur istud ad Patriarcham.
- 61 A Subdelegato in totum appellatur ad primum Delegatum: secus, si Subdelegatus sibi aliquid de Jurisdictione reservavit.
- 62 A Vicario Generali Episcopi non appellatur ad Episcopum, sed duntaxat ad Superiorem.
- 63 Non obstante quacunque consuetudine in contrarium; et cur? Et n. proced.
- 64 Valet appellatio ad Superiorem omisis mediis, ubi id admittit consuetudo.
- 65 Idem procedit ratione privilegii. Et n. seqq.
- 66 Scholares possunt appellare ad Superiorem, omisso medio.
- 67 Simile privilegium competit Viduis, Pupillis, aliisque miserabilibus personis.
- 68 Potest appellari ad Superiorem, quando Juxta intermedius est inhabilis; puta, quia est excommunicatus, suspensus etc.
- 69 Aut suspectus, sicque recusatus.
- 70 Vel absens longo impedimento detentur.
- 71 Aut denegat justitiam, vel sponte remittit causam ad Superiorem.
- 72 Item, quando Episcopus litigat cum suo subdito.
- 73 Quando per errorem appellatur ad Superiorem omisso medio, non vitatur appellatio: secus, si ad minorem.
- 74 Generaliter valet appellatio ad Superiorem omisso medio, si contra eam pars adversa non excipiat.
- 75 Quid Juris, si uterque litigantium appellat, sed ad diversos Judices? Et n. seqq.
- Appellans ad Superiorem, si citatur a Judice inferiori, ad quem alter appellavit, tenetur comparere, vel saltem Responsalem mittere: alioquin Juxta ille contra eum poterit procedere, veluti contumacem etc. Ibid.
- 76 Et quae hujus ratio?
- 77 Dummodo aliunde Juxta ille non sciverit, appellationem ad Superiorem ab altera parte fuisse interpositam.
- 78 Appellatio ad Judicem superiorem praevalet alteri, quae facta est ad inferiorem.
- 79 Appellatio a Judice saeculari ad Papam, de rigore Juris non tenet.
- 80 Ecclesia se non intramittit quoad causas civiles in praedictum Judicis saecularis.
- 81 Nisi Laici litigantes sint de temporali Jurisdictione Ecclesiae.
- Integris temporali Jurisdictioni Ecclesiae subiectis, debent etiam inter Laicos servari Canones, non Leges Civiles, ubi discrepant. Ibid.
- 82 De consuetudine speciali potest tenere appellatio a Judice saeculari ad Papam. Et n. 79.
- 83 Non tamen valet consuetudo appellandi a Foro Ecclesiastico ad saecularem. Et cur?
- 84 Casus, in quibus a Judice saeculari videtur provocari ad Ecclesiasticum, referuntur.
- 85 86 et 87. Ac resolvuntur.
- Fiduciae, Pupilli, et aliae miserabiles personae rebus suis spoliatae, possunt spoliatores suos convenire coram Judice saeculari. N. 86.
- Quaeritur I. Utrum appellatio gradatim sit instituta ad proximum Judicem superiorem: et quando secus? Resp. I. Regula est, quod appellatio debeat fieri gradatim ad proximum Judicem superiorem ejus, a quo appellatur: non autem omisso medio ad remotum, sive mediatum. Ita Socius in Fallentis, Reg. 23. et communis. Idque patet ex c. Dilecti filii. 66. h. t. ubi appellatio, quae omisso Discreto Episcopo fuit facta ad Archiepiscopum,



ad quem gradatim appellari debeisset, exceptione partis adversæ opposita non habuit effectum. Id ipsum patet ex c. Romana. §. Ab Archidiacono. h. t. in 6. et can. Anteriorum. Ita tamen. 2. q. 6. et l. Imperatores ff. de Appellation. et l. Praecipimus. C. eod. cum similibus, ubi appellationem gradatim esse faciendam, et alioquin remittendam ad inferiores Judices, decernitur. Concordant dicta superius §. 1. n. 5. Nec immerito ita fuit statutum: quia jurisdictiones non debent confundi, sed cuilibet sua jurisdictioni conservari, can. Pervenit ad nos. 11. q. 1. et l. Venero puncta Glossa v. Aquatium. C. de Jurisdiction. omn. Judic. Sigism. Decreta Tract. de Appellation. q. 2. n. 1. et 2. cum aliis.

55 Resp. II. Nullo unius data Regula fallit in pluribus casibus. Ita Glossa cit. c. *Dilecti filii*. & Pont. hujusmodi appellationem et Abbas ibid. num. 6. ac seqq. et Falsus in *Collectan.* n. 3 h. t. Docum. in *Fal-*  
*lenius Reg. ad Sigism.* de *Seneca de Appellat.* in qua est. 7. n. 10 et seqq. invenientes tales casus adducens, eosque lucissime declarans. Idque probatur in *lucione*, enumerando principales casus illos, in quibus sub data Regula

56 Et primus quidem casus exceptus est in Papa: nam ad Papam appellari potest omisso medio, vel modis, ex toto Orbe in causis Ecclesie ex eis, in spiritualibus, et quoad res, qui temporales, quasi ad ipsius subsunt, etiam in temporalibus. Siquidem ad Sanctam et Apostolicam Sedem, quasi ad Caput, suffraganeus habetur, et sic appellatur, iudicatus. Item est, cum *Siquis vestrum et cum Ad hominem et cum Quibusvisque*, cum sacralibus. Nam i quo est Ordinarius Ordinarius, et habet concurrentem praesentem cum iudicibus interuenibus. Item iudicatus, estque iam dictum supra *cit. §. 1. n. 6.*

[illegible]

58 *Ex hoc patet non esse eorum, in quo non appellatur ad Papam, si nunc appellatur ad subdelegato delegatum Papae, atque is subdelegavit non in totum, sed in parte de personis ne reservatis. Item cum dicitur Papae representat personam ipsius Papae, non ab eius subdelegato non debet appellari ad Papam, sed ad eius delegatum, sive ipsam subdelegantem: idque tum ob honorem illius Delegati, ut de representantis personam Papae; tum ad personarum gravibus partium libris, atque expensis. Patet hoc per textum notabilem in c. cum te consulente 18 de Officio Delegati juncto Summa cum 1040 de l. et c. Super questionibus 27. §. Porro eod. ac notat Abbas et c. Plurimi ibi 11. h. 2. et Fulvius eod. n. 40. cum alijs, utque ex professio declarationum supra Lib. 1. Tit. 19. de Officio et potestate Judicis Delegati §. 7. not. ap. ibi. et seqq. ad*

*REFFENSICHEL Jus Can. Tom. II.*

deando nonnullas exceptiones hujus ipsius limitationis.

Secundus casus habetur in Legato Papae. Nam ad Legatum Papae si quis Legatione, sive Provincia, potest immediate appellari omnibus iudiciis, et *cap. 1. de Offic. Legat* quia Legatus ejusmodi in Provincia sua vires Papae gerere comprobatur, prout ibidem dicitur. Abbas *cit. c. Dilecti filii. n. 12. et 19.* Speculator *Tit. de Appellationibus. § Nunc tractemus. n. 13.* Felinus *c. Super questionum. n. 4. de Offic. Delegat.* Maranta *part. 6. Speculi Aurei. Tit. de Appellation. n. 471.* Scaccia *cit. quaest. 7. de Appellation. n. 104* allegans alios, etiam attestantes de communem: quiddam nonnulli apud Speculatorem *loc. cit.* olim tenuerint in oppositum.

Amplius istud ad Patriarcham, ad quem potest etiam appellari omnis intermedio Glossa 1. *can. Resonantes dist. 12.* istud concedens de Patriarcha Constantinopolitano, per textum in *can. Si Clericus. 11. q. 1.* Saccia d. *quest. 7 de Appellat. num. 104.* addens Patriarcham Alexandrinum, Socius in *Fallenti, Reg. 23 fallenti* ut post Innocentium in *c. Archiepiscopus de Privileg. Eubius de Super questionum n. 13 de Offic. Delegat. Matano ubi supra, n. 1.* et ipsius Saccia cit. *num. 204.* postmodum cum alius istud concedens generaliter in quolibet Patriarcha, nempe quod ad ipsum possit appellari

tertius casus est in Subdelegato in totum. Etiam a Subdelegato non appellatur ad primum Delegatum, sed ad ipsum Delegatum subdelegatum. Quod non tam tam subdelegavit totam causam, sed tantum partem, aut certum articulum ipsius, sed primum ad aliam conservando jurisdictionem, si tamen is non causam aliam subdelegavit, cum eo potestatem suam cum eadem conservet in aliam, potest appellari, sed ad primum Delegatum, et aliam in eam sequi vel et ipsam non appellari de hoc causam in hoc potestatem in e. Super questione istam p. 8. Poira de hoc Deputat

etiam est in Vetus Germania, sive Olibali  
Lusitania, cum de hoc non potest applicari ad Epus-  
tropum, sed duntaxat ad Superiorem: neque valet  
consuetudo in contrarium, c. *Non putamus. 2. de*  
*Consecrat. in te.* Nam cum ex illius Ambrosii  
verbo, nempe Episcopus et Clericus, vel re-  
cte applicari interpretari de eodem ad se ipsum, est  
que amplius declaratum supra *Tab. 1. Tit. 5. de Con-*  
*secrat. in te. c. 2. et seqq.*

ad superiorem non cum omisso medio. Nam, quod appetitur ab Officiis ad Episcopum, est contra substantialia appellationis; cum hæc essentialia sit quædam in materia ad maiorem. Sed quod apponitur cum omisso medio, non est contra cetera substantialia, sed contra accidentalia duntaxat; unde non mirum, quod possit valere constitutum in contrarium quantum ad hoc posterius, tenet vero quantum ad prius. Abbas cit. c. *Interdictum*, c. 10. num. 10. *h. t.* Concordant dicta superius §. 1. num. 7.

Quoniam enim, in quo valet appellatum ad Superiorem omissis mediis, est, si alicubi id admittat consuetudo legitime prescripta. Per hoc ex e *Romana. h. t. in 6* ubi dicitur, appellationem esse faciendam ab Archiepiscopo, et alios inferioribus Prelatis ad Episcopum, et non immediate ad Archiepiscopum, nec aliud Archiepiscopo de consuetudine competat in hac parte. Concordant dicta superius §. 1. num. 7.

Secutus causus habetur ratione privilegii, utpote  
 vi cuius potest quis appellare ab inferiore ad Su-  
 perioiorem, omisso medio. Tum quia privilegium est  
 lex privata, c. *Abbate*. 25. §. *Contra ff. de Verb. signif.*

- Tam quia consuetudo, et privilegium equiparatur, *can. Conquestus est. g. q. 3. et c. Duo simul. g. de Offic. Judic. Ordinar. Glossa c. Romana & Consuetudine. h. t. in 6. Socinus cit. Reg. 23. fallent. 7. Maranta part. 6. Speculi Aurei. Tit. de Appellation. nu. 372. Scaccia cit. quaest. 7. de Appellat. nu. 97. et 99. cum aliis, quos citat.*
66. Sic quippe, tacendo alia specialia privilegia quibusdam personis, aut Communitatibus concessa, possunt Scholares indebite gravati appellare ad Superiorem, puta Imperatorem, omisso medio; idque ex speciali privilegio, Scholaribus concessa, in *Auth. Habita. C. Ne filii pro parantibus etc. Socinus loc. cit. fallent. 5. Maranta d. n. 372. post Baldum in d. Auth. et alios.*
67. Simile privilegium competere Viduis, Pupillis, aliisque miserabilibus personis, adeo, ut eis permittitur sit appellare omisso medio, imo et Principem adire in prima instantia: tradit Scaccia d. quaest. 7. de Appellation. num. 113. 114. et seqq. id probans ex *L. un. C. Quando Imperator inter pupillos etc. atque pluribus aliis, pro hac sententia allegatis, refundens originem hujus privilegii (susus ab eodem declarati) in Jus naturale, ac Divinum; juxta illud Exodi cap. 22. Viduae et pupillo non nocebitis: si lueseritis eos, vociferabuntur ad me, et ego audiam clamorem eorum; et indignabitur furor meus, percutiamque vos gladio: et erunt uxores vestrae viduae, et filii vestri pupilli.*
68. Septimus casus est, quando Judex intermedius est inhabilis: puta, quia est excommunicatus, haereticus, suspensus, aut hujusmodi: quia tunc poterit, eo omisso, appellari ad Judicem superiorem, c. Si is, cui. 10. de Offic. Delegat. in 6. Abbas cit. c. Dilacti filii. 66. nu. 15. h. t. Socinus d. Reg. 23. fallent. 11. Felinus cit. c. Super quaestionum nu. 14. de Offic. Delegat. Maranta ead. part. 6. Speculi Aurei. Tit. de Appellation. n. 375. Scaccia, ubi supra, nu. 37. allegans alios. Neo immerito: nam, ex quo per excommunicationem, aut aliam hujusmodi inhabilitatem, sublatum est medium (nempe Judex intermedius excommunicatus etc.) consequens est, ut pateat accessus ad Superiorem: alioquin quippe subtraheretur enipiam necessaria defensio appellationis, omni jure concessa gravato: simulque quis praegravaretur odio alterius, contra *Reg. 22. Jur. in 6. cum similibus.*
69. Atque istud ampliatur ad eum casum, quo Judex proximus est suspectus, sique recusatus. Socinus cit. Reg. 23. fallent. 12. Speculator Tit. de Appellation. §. Nunc tractamus. n. 5. Maranta, ubi supra, n. 387. Scaccia cit. quaest. 7. n. 40. cum aliis, qui istud exemplificant in casu, quando Ordinarius recusatus ut suspectus, delegavit causam alicui Delegato: nam si ab ipso Delegato appellari contingat, non ad illum Ordinarium, v. g. Episcopum, sed ad ejus Superiorem, puta, ad Archiepiscopum, erit appellandum; sique procedit appellatio omisso medio. Nisi dicere velis eum Speculatorem cit. num. 5. quod, cum Ordinarius sit recusatus, non amplius censetur facere medium, arg. *can. Placuit, ut Presbyteri. 2. q. 6.*
70. Ampliatur ulterius ad eum casum, quo proximus Superior foret absens, longo impedimento detentus; quia tunc appellatur ad Superiorem, Judicis impediti, secus, si impedimentum modico tempore esset duraturum, quia tunc deberet expectari cessatio impedimenti. Scaccia d. quaest. 7. n. 111. post Francum in Rubric. n. 40. vers. Queritur. de Appellat. Maranta, ubi supra, n. 379.
71. Ampliatur rursus, quando immediatus, seu proximus Judex denegat justitiam, vel sua sponte causam remittit ad Superiorem. Gailus lib. 1. Pra-
- ctic. Observat. 119. n. 2. Scaccia loc. cit. n. 43. allegans insuper Mynsiuger. Singul. Observat. Cent. 1. Observat. 67. n. 2.*
- Octavus casus est, quando Episcopus litigat cum suo subdito; puta, cum Clerico aliquo: quo casu eligendi sunt Arbitri, *can. Si Clericus adversus Clericum, 11. q. 1. et postea, si a sententia Arbitrorum appellari contingat, appellandum est ad Papam, omisso medio. Textus, et Glossa fin. c. Ab arbitris. de Offic. Delegat. in 6. Abbas c. Dilacti. 66. n. 14. h. t. Maranta loc. cit. n. 376. Scaccia d. quaest. 7. n. 107. citans plures alios.*
- Novus casus est, quando per errorem appellatur ad Superiorem, omisso medio: nam talis error appellationem non vitiat, quatenus excipiente contra eam adversario remitti debeat ad Judicem competentem. Secus, si per errorem quis appellaverit ad minorem: quia talis error est contra substantiam appellationis; sique hanc vitiat, *L. 1. §. Si quis in appellatione. et ibi Bartolos nu. 1. et 5. ff. h. t. Abbas d. c. Dilacti. 66. n. 8. h. t. Scaccia loc. cit. nu. 96. citans alios; atque n. 98. subjungens, quod in dubio semper praesumatur error.*
- Decimo tandem, ut omittantur alii casus, apud Auctores proxime citatos videndi, fallit generaliter allata Regula, quando contra appellationem omisso medio factam, non opponitur exceptio per partem adversam: quia tunc ejusmodi appellatio, ad Superiorem mediatum facta, non est ipso jure nulla, sed valet una cum gestis per Superiorem istum: argumento a sensu contrario desumpto, ex cit. c. Dilacti filii. 66. h. t. ibi: Fuit excipiendo propositum: et tradit Glossa ibid. §. Post hujusmodi appellationem. Abbas n. 7. et Barbosa n. 4. h. t. Maranta cit. part. 6. Tit. de Appellation. num. 373. post Rotam Decis. 387. in c. Si tres etc. in navis. Scaccia cit. quaest. 7. n. 18. 19. et 26. allegans alios, qui attestantur de communi, saltem loquendo secundum Canones: quidquid nonnulli contradicant, quorum opinionem procedere secundum Leges, censet idem Scaccia nu. 17. et 20. Accedit ratio: quia pars adversa, si non excipiat coram illo Superiore, censetur in appellationem consentire, atque ejus jurisdictionem in se prorogare ipso facto, ac tacito suo consensu. Concordant dicta superius §. 1. n. 7.
- Queritur II. Quid juris, si uterque litigantium appellet, sed ad diversos Judices, v. g. unus ad Papam, alter ad inferiorem; aut unus ad Episcopum, alter vi consuetudinis eo omisso ad Archiepiscopum? Resp. I. Si appellans ad Superiorem citetur a Judice inferiore, ad quem alter appellavit, tenetur is coram Judice inferiore comparere, aut Responsalem mittere allegando appellationem suam ad Superiorem interpositam; alioquin inferior Judex contra eum veluti contumacem procedere poterit, valebitque excommunicatio in ipsum per contumacia promulgata: nisi Judex ille inferior sciverit appellationem ab eo interjectam ad Superiorem. Ita habetur c. Si duobus. 7. h. t. ubi Abbas in Summario. Barbosa in Collectan. n. 1. et 2. h. t. Scaccia de Appellation. quaest. 10. n. 10. et seqq. et alii.
- Ratio est: quia Judex inferior habet jurisdictionem ordinariam in eum, donec ea per exceptionem, sive oppositionem appellationis ad Superiorem elidatur; et consequenter hac non opposita, vel saltem sibi non patefacta, potest contra legitime citatum, nec comparentem, neque mittentem pro se Responsalem, procedere veluti contra contumacem, juxta textum d. Si duobus. h. t.
- Additur tamen, nisi Judex ille sciverit etc. Quia si aliunde sit notorium, sciaturque a Judice inferiore, appellationem ad Superiorem ab altera parte fuisse interpositam, frustra eam ulterius allegati

desideraretur: nam juxta Reg. 31. Jur. in 6. Eum, qui certus est, certiorari ulterius non oportet. At qui hic casus expresse exceptus est in cit. c. Si duobus. 7. h. t. illis verbis: Nisi Judex cognoverit, cum ad audientiam Romani Pontificis appellasse.

78 Resp. II. Appellatio ad Judicem superiorem praevalet alteri, quae facta est ad inferiorem; quoad hic desuper certificatus est. Desumitur hoc ex cit. c. Si duobus. 7. h. t. et notat Abbas ibid. n. 2. et Barbosa n. 2. citans alios. Esi enim ibi sermo sit de appellatione a duobus facta, quorum unus appellavit ad Summum Pontificem, et alter super eodem negotio ad inferiorem Judicem: idem tamen Juris est, si unus non ad Papam, sed ad quemcunque alium Judicem superiorem appellet; prout notat Abbas d. n. 2. cum aliis. Nec immerito: quia, cum una, eademque causa non possit tractari coram diversis Judicibus, praevalet Tribunal Superius: eique creditur minus dommodo desuper fuerit certificatum, juxta dicta n. praeced.

79 Quaeritur III. An appellatio a Judice saeculari ad Papam interposita teneat? Resp. I. Gravatus coram Judice saeculari non potest injustitiam illam per vim appellationis deferre ad Papam, nisi litigantes illi etiam sint de temporali jurisdictione Ecclesiae: et si secus fiat, spectato rigore Juris communis non tenet appellatio: licet de consuetudine speciali secus esse possit. Ita habetur ex c. Si duobus. 7. §. Denique h. t. ubi Pontifex desuper consultus, sic respondet: Denique, quod quaeris, si a civili Judice ante judicium, vel post, ad nostram audientiam fuerit appellatum, un hujusmodi appellatio teneat: tenet quidem in his, qui sunt nostrae temporali Jurisdictioni subjeti: in aliis vero, etsi de consuetudine Ecclesiae teneat, secundum Juris rigorem credimus non tenere. Haec Pontifex.

80 Hinc quantum attinet primam partem Conclusionis, Glossa fin. ibid. patere inquit, quod Jurisdictio temporalis non pertinet ad Ecclesiam, nec de ea debeat se intrudere in praerogativam Judicis saecularis: ut c. Novit. §. 1. de Judiciis. et c. Lator. et c. Causam, quae. 7. Qui filii sint legitimi, cum similibus. Accedit ratio: quia potestas Civilis, et Ecclesiastica, sunt potestates distinctae, can. Cum ad verum et can. Duo sunt dist. 96. ergo hoc ipso potestas Ecclesiastica, non debet se intrudere quoad causas Civiles in praerogativam Potestatis Civilis.

81 Intellige: nisi Laici litigantes sint etiam de temporali Jurisdictione Ecclesiae: nam tunc utraque potestas contrahit in unam: et facta ad Papam appellatione in Civilibus, nulli alii fit praerogativam. Concordat textus proxime allegatus, ibi: Tenet quidem in his, qui sunt nostrae temporali Jurisdictioni subjeti. Quia imo ex hoc textu desumitur argumentum optimum, et quasi expressum, quod in terris temporali Jurisdictioni Ecclesiae subiectis, debent etiam inter Laicos servari Canones, et non Leges civiles, data inter hos aliqua discrepantia. Abbas cit. c. Si duobus. n. 6. et Barbosa ibid. n. 6. h. t. et alii.

82 Altera pars datae Conclusionis, asserens, aliud esse posse de consuetudine speciali alicubi vigentem, ex eo patet. Quia talis consuetudo rationalis est, simulque favorabilis: ut c. Si Clericus. 5. et c. Licet. 10. de Foro compet. Unde nihil impedit quo minus possit introduci, ac legitimo tempore praescribi, cap. ult. de Consuetud. cum concordantiis.

83 Nec obstat, quod non valeat consuetudo, ut teneat appellatio a Foro Ecclesiastico ad saecularem. Resp. enim, disparitatem esse: quia hoc est contra essentiam appellationis, quae est provocatio a minore Judice ad majorem. Atqui majus, et dignius Tribunal est Ecclesiasticum, quam saeculare, can. Duo sunt. dist. 96. etc. Solitas. 6. de Majorit. et obed. et REIFFENSTUEL Jus. Can. Tom. II. .

Extravag. Unam sanctam. eod. inter Communes, cum similibus. Unde non mirum, quod si consuetudinis possit a Foro saeculari appellari ad Ecclesiasticum, non autem converso.

84 Dices. Etiam seculis consuetudine, et spectato Jure communi, potest a Judice saeculari provocari ad Ecclesiasticum; ergo. Antecedens probatur multipliciter. Sic enim imprimis in c. Novit. 1. de Judiciis, Rex Angliae denunciavit Papae Regem Franciae, quod venisset contra compositionem juramentum firmatum, et facta occasione Fendit super Comitatu Pictaviae: quod erat quid temporale. Deinde c. Ex parte. 15. de Foro compet. dicitur, quod Vidua, vel alia persona miserabilis, si in bonis suis, etiam feudalibus, aut saecularibus opprimatur, seu spoliatur, possit immediate ad Judicem Ecclesiasticum recurrere. Ulterius c. Ex tenore. 11. §. fin. eod. conceditur, quod si Judex saecularis negligit facere justitiam, possit Ecclesiasticus adiri. Tandem hoc ipsum admittitur in casu, quod superior Judex saecularis non invenitur, v. g. vacante Imperio, c. Elect. 10. juncta Glossa §. Vacante Imperio de Foro competent. ergo data Conclusio non videtur subsistere. Resp. neg. consequent. Nam allegata Jura loquuntur in casibus specialibus, atque omnino diversis: idque ostenditur inductione.

85 Imprimis enim in cit. c. Novit. de Judiciis, non agitur principaliter de aliquo temporali, puta, de fendo super Comitatu Pictaviensi: sed ibi agitur principaliter de causa spiritali, nempe de juramento, sive perjurio a Rege Franciae in fractione compositionis juratum commissio. Quia; ut protestatur ibidem Pontifex: is non intendebat judicare de fendo: sed de peccato in fractione pacis commissio, cujus cognitio indubitanter pertinet ad judicium Ecclesiae.

86 Ad alterum, sive ad c. Ex parte. 15. de Foro compet. dicitur, id procedere solum, si Viduae, aut Pupilli, vel quomodocumque personae miserae ab aliis injuste graventur, vel bonis suis spoliatur, sique spoliatores suos convenire velint coram Judice Ecclesiastico Interdicto Unde vi: nam causas hujusmodi miserabilium personarum, per vim oppressarum, sunt mixti Fori, sique earum defensio spectat etiam ad Ecclesiam saltem volumative, per textum ibid. juncto can. Licet. et can. Defensionis. dist. 87. cum similibus. Verum istud duntaxat procedit, si agatur Interdicto Unde vi, sive ad repellendam violentiam ipsis illatam, aut recuperandam possessionem ejusdem violentie ablatam: nam si vidua, vel alia persona miserabilis, velit agere contra Laicum petitorio tantum, sive de proprietate civitatem temporalem, non auditur coram Judice Ecclesiastico: nisi in defectum Judicis saecularis, c. Ex tenore. 11. de Foro compet. etque jam dictum supra eod. Tit. 2. de Foro competent. §. 7. num. 154. et seqq. ubi plura de hoc.

87 Ad alia duo Capitula dicitur, et in illis specialibus casibus procedere, ne alioquin Actor indebita privetur jure suo, dum nullus alius adest, qui justitiam administrare valeat: vel hanc Judex saecularis conditione recusat administrare, sique merito propter ejus peccatum jurisdictio devolvitur ad Judicem Ecclesiasticum. Plura de hoc videri possunt supra Lib. 1. Tit. 10. De supplenda negligentia Praelatorum. §. 4. a num. 45. usque ad nu. 49. inclusive.



## §. IV.

Coram quibus, et quomodo proponi  
debeat Appellatio?

## SUMMARIUM.

- 88 Appellatio regulariter, est proponenda coram  
Judice a quo.
- 89 Quid, si copia Judicis a quo haberi nequeat,  
bene tamen Judicis ad quem?
- 90 Quando censeatur copia Judicis non haberi?
- 91 Si neutrius Judicis copia haberi potest, sufficit  
appellare coram Viris honestis.
- 92 Quid agendum, si quis justo metu impeditur,  
quo minus appellet?
- 93 Non valet appellatio generalis super omni causa,  
vel gravamine.
- 94 Bene tamen appellatio generalis, quae est re-  
stricta ad certam causam.
- 95 Appellans an teneatur exprimere causam ap-  
pellationis in specie? Et n. seqq.
- 96 Appellatio ab interlocutoria, vel gravamine  
extrajudiciali, debet fieri exprimendo causam  
in specie.
- 97 Nec sufficit, eam duntaxat exprimere in ge-  
nere, idque exemplificatur.
- 98 Referuntur casus, in quibus causa gravaminis  
potest dici nominatim expressa.
- 99 Appellans ab interlocutoria non potest alias  
causas in appellatione prosequi, quam nomi-  
natim in ea expressas.
- 100 Nec tunc processus primi Judicis potest ju-  
stificari vel impugnari ex Actis novis, aut de  
novo producendis.
- 101 Regula illa, quod in appellatione ab inter-  
locutoria debeat exprimi causa ipsius in spe-  
cie, patitur plures limitationes. Et n. seqq.
- 102 Fallit enim in appellatione ab interlocutoria  
habente vim diffinitivae.  
Sententia interlocutoria habens vim diffinitivae,  
regulatur secundum naturam diffinitivae. Ibid.
- 103 Fallit etiam in causis, in quibus proceditur  
summariter, ac de plano.
- 104 Item, quando causa gravaminis consistit in  
mero jure.
- 105 Aut, quando ea antea non apposta, adhuc  
exprimitur ante elapsum decendum.
- 106 Vel, si de consuetudine aliter sit receptum.
- 107 Et quando nemine excipiente, Judex defert  
tali appellationi.
- 108 In appellatione a diffinitiva non est necesse,  
causam appellationis in specie exprimere.  
Si ea fiat in continenti, sufficit dicere, Appello.  
Ibid.
- 109 et 110. Ratio disparitatis inter appellationem  
a diffinitiva, et interlocutoria quoad hoc.
- 111 Limitatur istud in certis casibus. Et n. seqq.  
Appellans a diffinitiva tenetur exprimere cau-  
sam appellationis in omnibus casibus, in quibus  
de jure prohibitum est appellare: et cur? Ibid.
- 112 Vel, quando causa committitur Delegato sub  
clausula, Appellatione remota.
- 113 Item in appellatione ab executione sententiae,  
et a correctione, ac hujusmodi.
- 114 In appellatione interposita per tertium a diffi-  
nitiva, debet exprimi causa ipsius; et cur?
- 115 Appellatio an necessario debeat fieri in scri-  
ptis? Et n. seqq.  
Affirmatur, si fiat appellatio ab interlocutoria  
ad Papam. Ibid.
- 116 Utrum hoc ipsum procedat in appellatione ab

interlocutoria ad inferiores Judices directam,  
dubitatur; et cur?

117 Affirmativa sententia magis placet.

118 Quod ab interlocutoria debeat indistincto ap-  
pellari in scriptis, plures tradunt.

Fallit hoc in nonnullis casibus. Ibid.

119 Appellatio a sententia diffinitiva potest fieri  
vel in continenti, sive Staute prede.

120 Vel ex intervallo; et sic debet fieri in scri-  
ptis etc.

121 Potest fieri non solum per verbum Appello, sed  
etiam per verba aequipollentia: idque exem-  
plificatur.

122 Una potest etiam facto fieri.

Plus est facto provocare, quam verbo. Ibid.

123 Dummodo servantur ea, quas caeteroquin ad  
appellationem requiruntur.

Quaeritur I. Coram quo Judice appellatio sit 88  
proponenda? Resp. I. Regulariter loquendo, ap-  
pellatio debet proponi ab appellante coram Judice  
a quo: alioquin ea est nulla, nec habet effectum  
suspensivum, et devolutivum. Ita Speculator tit. de  
Appellation. §. Nunc dicamus. num. 10. Socaccia  
tract. de Appellat. quaest. 6. num. 1. et seqq. Barbosa  
c. Ut debitus nu. 3. h. t. post Rotam in una Sa-  
lernitana Contributionis. 14. Novemb. 1614. coram  
Domino Dmozello, et alios; et idem Barbosa cap.  
ult. n. 17. h. t. Pirhing eod. num. 85. et alii commu-  
niter. Idque desumitur tum ex d. cap. ult. juncta Glos-  
sa ibid. §. Coram Judice a quo. h. t. tum ex c. Ut  
debitus 29. eod. In quo posteriori loco dicitur: Cum  
autem ex rationabili causa putaverit appellandum,  
coram eodem judice causa probabili appellationis  
ea posita etc. Superior de appellatione cognoscat. Ac-  
cedit ratio: quia per appellationem principaliter agi-  
tur ad suspendendam, ad rescindendam sententiam Ju-  
dicis: unde merito coram eo appellandum est, et non  
solum in praesentis partis, ne alioquin Judex, igna-  
rus interpositae appellationis, ulterius causae illi sese  
immisceat.

Resp. II. Fallit nihilo minus data Regula in non- 89  
nullis casibus. Et primo quidem, si copia Judicis a  
quo haberi nequeat, possit tamen haberi copia Judi-  
cis ad quem Nam tunc coram isto erit proponenda  
appellatio, dummodo postea hoc ipsum intimetur Ju-  
dici a quo, ne amplius sese immisceat tali causae; et  
si secus fiat, postea revocari valeant attentata per  
ipsum; juxta textum notabilem in L. 1. §. Dices au-  
tem ff. Quando appellandum sit, quae est canonizata  
in can. Biduum §. Si quis. 2. q. 6.

Censeatur autem copia Judicis, si facultas ipsum 90  
adeundi tunc haberi, si in publico sui copiam se-  
cerit. Non enim Judex ab appellare valente est neces-  
sario requirendus in horto, aut in villa suburbana;  
sed satis est, quod perquiratur in loco publico, per  
textum est L. 1. §. Dices autem. ff. Quando appel-  
landum sit. et can. Biduum §. Adeundi 2. q. 6. et  
notat Barbosa c. Ut debitus. n. 5. h. t. Sigism. Soc-  
cia de Appellat. quaest. 6. n. 18. et 19. citans Rotam  
Decis. 50. alias 29. Si appellatur a diffinitiva, sub  
nu. 1. de Appellation. in nov. Mynsinger in Sing.  
Observat. Cent. 2. Observat. 1. cum aliis.

Quod si neutrius Judicis copia, seu praesentis 91  
haberi possit, tunc appellari potest coram Viris ho-  
nestis, aut una saltem persona authentica, puta  
Notario, adhibitis ei testibus, arg. c. Ut circa 4.  
de Election. in 6. et notat Abbas cap. ult. num. 3.  
h. t. Socaccia cit. quaest. 6. num. 18. 20. et seqq.  
Tamen in hoc casu necesse est, vel saltem consultum,  
ut quis coram Viris illis protestetur, se coram Ju-  
dice appellare voluisse, sed copiam ejus habere non  
potuisse.

92 Fallit insuper data Regula in casu, quo quis iusto metu, sive cadente in virum constantem impeditur, quo minus appellet. Nam si is coram Iudice a quo, aut si hoc fieri nequeat (eo quod ejus copiam habere non possit, vel ob ejusmodi gravem metum non audeat) coram Viris honestis intra decem dies protestetur, se appellare velle (exprimendo simul causas appellationis, saltem in genere, ut puta, quod iniqua sententia contra eum lata fuerit) nec tamen audere appellare, atque hoc ipsum sese coram ipsis protestari: tunc ejusmodi protestans habetur pro appellante, atque intelligitur hoc ipso appellasse. Ita habetur expressum cap. ult. h. t. juncta Glossa, Abbate, in Summario, Barbosa num. 1. et aliis Doctoribus ibid. Et merito: ne medium justae defensionis, quale censetur appellatio, cuiquam per metum gravem, atque injuste incussum precludatur.

93 Queritur II. Utrum valida sit appellatio generalis super omni causa, vel gravamine? Resp. I. Non valet appellatio generalis super omni causa, quae adversus appellantem quovis tempore moveri posset, text. clar. c. Inter cetera. 1. h. t. Neque etiam valet generalis et vaga appellatio respectu cujusunque gravaminis, quod sibi posset contingere: per textum expressum in c. Consuluit. 18. §. 1. h. t.

94 Resp. II. Valet nihilo minus appellatio generalis, quae est restricta ad certam causam: ut puta, si quis appellet ab aliquo Iudice super omni gravamine, quod in una causa sibi posset inferri. Ita habetur expressum cit. c. Consuluit. 18. h. t. et notat Abbas ibid. num. 1. et 3. Barbosa num. 1. et alii communiter. Ratio diversitatis inter hanc, et priorem Conclusionem est: quia appellatio non habet locum, nisi possit praetendi gravamen de praesenti: ipsa enim est inventa ad removendum gravamen cuiquam illatum. Atqui in duobus illis casibus, de quibus loquitur Conclusio praecedens, nullum potest praetendi gravamen de praesenti; ergo nec potest in illis locum habere appellatio: nam cessante causa cessat effectus, c. Cum cessante. 60. h. t. Secus accidit in casu hujus Conclusionis, ubi fit appellatio super omni gravamine respectu certae causae, circa quam jam praecessit, vel praecessisse putatur gravamen aliquod de praesenti, saltem quoad unum articulum: nam istud totum quodammodo causam contingere censetur, ob ejus connexionem, atque unitatem cum tota causa.

95 Queritur III. Utrum appellans teneatur exprimere causam appellationis in specie? Resp. I. Ille est distinguendum inter appellationem a sententia interlocutoria, vel gravamine extrajudiciali; et inter appellationem a sententia definitiva. Ita Abbas c. Cum in Ecclesia. 48. n. 6. h. t. Maranta part. 6. Speculi Aurei. Tit. de Appellation. n. 133. et seqq. Scaccia quaest. 15. de Appellat. n. 25. et alii. Unde

96 Resp. II. Appellatio ab interlocutoria, vel gravamine extrajudiciali, debet fieri exprimendo in specie causam appellationis: alioquin appellatio non valet, et appellator istud non observans, reputabitur non appellans, et ad prioris Iudicis examen redibit, in legitimis tamen expressis condemnandus. Ita habetur expressum cap. 1. h. t. atque procedit non solum in appellatione ad Papam, sed etiam in appellatione ab interlocutoria ad inferiores Iudices directam, ob rationes illico afferendas, junctis dicendis infra nu. 116. et 117. ac seqq. Concordat c. Cum specialis. 61. §. Perro. h. t.

97 Adhuc notanter, exprimendo in specie causam appellationis. Quia non sufficit, hanc exprimere duntaxat in genere, puta dicendo: Appello ab iniqua in-

terlocutoria, quia me gravasti. Item non sufficit dicere, Appello, quia interlocutoria est injusta. Haec enim est nimis generalis causa: atqui Iura volunt, appellationis causam exprimere, ut loquitur textus cap. 1. h. t. in 6. Adeo, ut de ejus rationabilitate possit Iudex cognoscere, c. Ut debitus. 59. h. t. Idque eo magis, quia appellatio ab interlocutoria non potest justificari ex alia causa, quam in appellatione nominatim duntaxat expressa, juxta textum in Clem. Appellanti. h. t. Quinimo in tantum causa gravaminis, seu appellationis, debet nominatim exprimi, ut non sufficiat illam exprimere generaliter per relationem ad Acta, v. g. dicendo: Appello ab iniqua sententia interlocutoria; et pro causa gravaminis allego omnes causas, quae ex Actis colligi possunt. Maranta, ubi supra, num. 153. Scaccia cit. quaest. 4. de Appellation. post notam Decis. 2. alias 7. Si appellatur nu. 1. de Appellat. in nov. et plurimos alios, quos allegavit.

98 Secus est dicendum, si fieret appellatio ab interlocutoria, per relationem ad certam partem Actorum, in qua diceretur apparere de gravamine: quia tunc causa gravaminis posset dici nominatim expressa; et ideo sufficeret. Scaccia loc. cit. n. 39. post Rotam, Bulhum, et Francum c. Ut debitus. quaest. 12. n. 23. h. t. Similiter causam gravaminis censetur sufficienter expressa, si dicatur: Appello, quia non attendisti exceptionem pacti, de qua constat ex Actis. Scaccia cit. n. 32. Idem dicendum in similibus.

99 Caeterum, ut probatio nu. 97. allata melius intelligatur, est sciendum, quod appellans ab interlocutoria non possit alias causas in appellatione prosequi, nisi nominatim duntaxat antea in ea expressas, prout habetur decisum cit. Clem. Appellanti. h. t. illis verbis: Appellanti ab interlocutoria, vel gravamine Iudicis, non licet alias causas prosequi, quam in appellatione sua nominatim duntaxat expressas. Haec ibi Concordat c. Cum causam. 61. juncta Glossa §. Dammolo. h. t. Atqui, ut istud observari valeat, necesse est, ab initio exprimere causas appellationis in specie: ut patet consideranti.

100 Insuper sciendum est, quod in causa appellationis ab interlocutoria, processus primi Iudicis non possit justificari, neque etiam impugnari ex Actis novis, vel de novo producendis, sed ex illis duntaxat, quae coram eo acta fuerunt, vel exhibita. Ita cit. Clem. Appellanti. h. t. post verba proxime allegata sic subiungens: Nec processus primi Iudicis ex novis, aut de novo probandis justificari potest, vel etiam impugnari: sed tantum ex illis, quae acta fuerunt, vel exhibita coram ipso. Haec Pontifex. Atqui ad hujus observantiam rursus necesse est, ut ab initio exprimantur causae appellationis in specie; ergo.

101 Resp. III. Nihilo minus data Conclusio, asserens, quod in appellatione ab interlocutoria debeat exprimi causa ipsius, seu illati gravaminis in specie: patitur plures limitationes, juxta illud vulgatum: Nulla regula sine exceptione.

102 Et primo quidem ipsa fallit in appellatione a sententia interlocutoria habente vim diffinitivae: quia haec regulator secundum naturam diffinitivae. Alexander Consil. 182. n. 1. lib. 6. Gaius lib. 1. Practic. Observat. nu. 4. et 6. Viching. de Sentent. et re judicat. n. 2. Scaccia d. quaest. 4. de Appellat. nu. 28. et 37. post Francum in cit. c. Pervenit. 28. et c. Ut debitus. 59. q. 14. nu. 25. de Appellation. intelligendo tamen istud sub limitatione data superius Tit. praeced. §. 1. nu. 24. et 25. Atque ideo, sicut in appellatione a diffinitiva regulariter non est necesse, exprimere in specie causam ipsius, ita nec est necesse, hanc exprimere in appellatione ab interlocutoria habente vim diffinitivae. Ita praeter proxime citatos, Maranta part. 6. Speculi Aurei. Tit. de Appellation.

- n. 14. et 157. allegans insuper Baldum in l. *Minoribus. c. de his, quibus ut indignis etc.* et alii. Atque ob eandem rationem, si ab interlocutoria habente vim diffinitivae appelletur in continenti, potest appellari viva voce, sicut a diffinitiva. Scaccia cit. *quaest. 4. n. 12.* post Francum d. c. *Ut debitus. quaest. 7. n. 16. h. t.*
103. Fallit secundo in causis, in quibus proceditur summariter, ac de plano: quia in his potest appellatio ab interlocutoria fieri non solum in continenti viva voce, seu sine scriptis, sed etiam valet, etiam si non fuerit expressa causa gravaminis. Scaccia cit. *quaest. 4. n. 10. et 11. et num. 37.* Marantus d. *Tit. de appellat. num. 154. in Addit. Folleri.* post Philipp. Francum c. *Ut debitus. num. 15. h. t.* Angelum Consil. 267. et alios. Accedit ratio: quia causa appellationis est ejusdem naturae, qualis est causa principalis; ergo, sicut in hac potest procedi positivis solemnitatibus Juris non servatis, *Clem. Saepe contingit, de Verb. signif.* ita dicendum de appellatione respectu causarum summarie, ac de plano tractandarum.
104. Fallit tertio, quando causa gravaminis consistit in mero Jure, adeo, quod nullem requirat probationem in facto: puta, quando ex forma, tenore, et inspectione ipsius sententiae, constat de gravamine: prout fuerit, si in ea exprimitur causa a Jure reprobanda; vel saltem de gravamine appareat praesumptione Juris; ut si Judex interlocutor, sequensum esse faciendum, quod tamen de Jure regulariter est prohibitum. Quia tunc valet appellatio ab interlocutoria absque alia expressione causae, utpote quae ex allegationibus Juris deduci potest. Marantus cit. *Tit. de Appellation. n. 156.* post Baldum in l. *Minoribus. C. De his, qui ut indigni etc.* Philipp. Francum c. *Ut debitus. quaest. 11. h. t.* et alios. Scaccia d. *quaest. 4. n. 34.* allegans plurimos alios.
105. Fallit quarto, quando causa gravaminis non fuit quidem apposta in ipsa appellatione a sententia interlocutoria, adhuc tamen exprimitur postea ante elapsum decendum: nam quia hoc tempus concessum est appellandum, sufficit intra illud causam appellationis exprimere. Scaccia loc. cit. *num. 37.* post Francum d. c. *Ut debitus. quaest. 15. h. t.* et Angelum de Aretio in l. 1. §. ult. n. 10. ff. de *Appellat. et Relation.*
106. Fallit quinto, si aliter de consuetudine alicubi receptum sit: puta, quod ab interlocutoria possit in continenti viva voce appellari nam talis consuetudo valet, eo quod solemnitas appellandi sit Juris duntaxat positivum humani. Cuius lib. 1. *Practic. Observationes. 130. n. 3.* allegans Ferrariensem in *Form. appellat. ab interlocut. & Causis. n. 4.* Angelum Consil. 267. n. 1. Philipp. Francum d. c. *Ut debitus. n. 17. h. t.* et praxin. Camerac.
107. Fallit tandem, quando nemine excipiente contra talem appellationem, Judex deferat eidem: quia tunc appellatio ab interlocutoria, etiam non expressa causa ipsius valet, ac devolvit causam ad Superiorem: cum Judex inferior deferendo tali appellationi, quantum in se fuit, a se jurisdictionem abdiceret, et causae totius decisionem in Superioris potestatem transferret, c. *Cum appellationibus. h. t. in 6.* Scaccia cit. *cap. 1. §. Post hoc. n. 24. de Appellat. in 6.*
108. Resp. IV. Econtra in appellatione a sententia diffinitiva non est necesse causam appellationis in specie exprimere: sed sufficit dicere in genere, ac esse gravatum, aut appellare a sententia iniqua: et si in continenti post latam sententiam diffinitivam fiat appellatio, satis est dicere, *Appello*: quo facto tenetur Judex appellationi deferre. Ita communis, etque expressa doctrina in l. 2. ff. de *Appellation. juncto cap. 1. h. t. in 6.* et Glossa hic §. *Statuit.*
- Ratio hujus, simulque diversitatis inter appellationem a diffinitiva et interlocutoria, est: quia in appellatione a diffinitiva frustra allegaretur causa in specie, cum de hac Judex a quo, nupote iam functus suo officio, amplius cognoscere non valeat. Secus est in appellatione a gravamine, vel ab interlocutoria: nam tunc Judex a quo potest de gravamine cognoscere, et illud suadente aequitate remittere, eoque revocato in causa principali procedere, prout habetur devisum c. *Cum cessante. 60. h. t.* Equum proinde est, ut in hac appellatione causae ejus in specie exprimantur, ipsique Judici a quo proponantur, ut deliberare possit, num gravamen ob ejusmodi causas revocare, vel appellationi deferre velit.
- Accedit, quod appellans ab interlocutoria, non possit alias causas in appellatione prosecui, quam nominatim duntaxat expressas, *Clem. Appellanti. h. t.* Econtra vero in appellatione a diffinitiva, sicutum est utrique parti, novis probationibus uti, ac prius non deducta deducere, non probata probare, l. *Per hanc. C. de Temporib. appellat.* Unde consequens est, ibi causas appellationis necessario esse exprimendas, conformiter dictis supra n. 99. et 100. Secus loquendo de appellatione a diffinitiva, argumento a contrario desumpto.
- Resp. V. Patitur tamen etiam haec Conclusio quasdam limitationes, seu fallencias. Et primo quidem ipsa est limitanda in omnibus illis causis et casibus, in quibus de jure prohibitum est appellare a diffinitiva: tunc enim, si nihilo minus quis inique se gravatum senserit, ac proinde ad Superiorem provocare voluerit, debet exprimere causam appellationis, atque illati gravaminis: alioquin appellatio non valebit. Ita Glossa in c. *Romana. §. Si autem. §. Mandatur. h. t. in 6.* Abbas c. *Cum speciali. 61. §. Porro. n. 6. h. t.* Marantus d. *Tit. de Appellat. n. 155.* Pirhing h. t. n. 123. et alii. Ratio est: quia si appellatio est de Jure prohibita, stat contra appellantem Juris praesumptio: ideoque Judex non tenetur ei deferre, nisi ejusmodi praesumptio allegata iusta causa elidatur.
- Atque istud ampliatur, sive appellatio sit prohibita a Lege, sive ab homine: ut, quando causa committitur Delegato sub clausula, *Appellatione remota*: quia in appellatione contra sententiam diffinitivam tunc latam debet exponi causa. Scaccia cit. *quaest. 4. de appellat. n. 99.* Marantus d. n. 155. allegans alios: de quo plura inferius §. 10. n. 290. et 291.
- Limitatur eadem Conclusio in appellatione ab executione sententiae diffinitivae. Cum enim appellatio ab executione generaliter sit prohibita, l. *Ab executione. C. quorum appellationes etc. et can. Eadem. §. Ab executione. 2. q. 6.* cum concordantiis: hinc appellans ab executione sententiae diffinitivae debet dicere causam, quare appellat: alius appellatio non valet. Speculator *Tit. de Executione sententiarum. §. Nunc dicendum. n. 9.* Scaccia d. *quaest. 4. n. 20.* hoc ipsum tenens de appellatione a correctione. Nam etiam a correctione de Jure prohibitum est appellare, nisi modus excedatur, c. *Ad nostram. 3. h. t.* juncto Summario, et UD. *ibid.* ac proinde appellans a correctione sibi per Superiorem facta, tenetur causam appellationis exprimere: alioquin stat praesumptio Juris contra appellantem, sicque non tenetur Judex hunc admittere, donec praesumptionem hujusmodi alligata iusta causa elidat. Atque hoc ipsum, servata proportionem, est dicendum de caeteris casibus, in quibus Jura litigantibus appellationem denegant, de quibus ex professo dicitur infra cit. §. 10. n. 268. et 299.



114 Limitatur tandem dicta Conclusio in appellatione interposita per aliquem tertium a sententia diffinitiva propter suum interesse: quia, nisi exprimat causam rationabilem, per quam doceat summarie, et aliquantulum de suo interesse, non auditur appellans: ut *l. A sententia. ff. h. t.* et notat Bartolus *ibid. nu. 9.* et Abbas *c. Cum super. n. 5. de Sentent. et re judicat.* Scaccia *cit. n. 29. et quaest. 17. nu. 106. et seqq.* allegans Doctores communiter. Siquidem appellatio a sententia non admittitur, nisi, propter gravamen ex ea cuipiam illatum: atqui ex sententia inter alios lata non praesumitur gravamen cuipiam tertio inferri, nisi ostendatur ratio, seu causa talis gravaminis; alioquin enim procedit Regula illa: *Res inter alios acta aliis non nocet*, juxta textum *L. 1. C. Res inter alios acta etc. et cap. penult. de Sentent. et re judicat.* cum similibus.

115 Queritur IV. An appellatio debeat necessario fieri in scriptis vel etiam aliis modis fieri possit? Resp. I. Appellatio a sententia interlocutoria, vel gravamine extrajudiciali per Judicem illato, si fiat ad Papam, necessario debet fieri in scriptis. Textus est in *cap. 1. h. t. in 6.* ubi appellans ad Papam ab interlocutoria, vel gravamine extrajudiciali, jubetur appellare in scriptis, et causam exprimere, et apostolos petere: atque amplius declarat Glossa *ibid. §. Vel extra et §. Interlocutoria.* et Vivianus in *Rational Jur. eod. cap. 1.* et Barbosa *ibid. num. 1. et seqq.* et alii.

116 Additur tamen, si fiat ad Papam. Utrom enim Decretalis illa, quae expresse loquitur de appellatione ad Papam, etiam locum habeat in appellatione ab interlocutoria, vel gravamine ad inferiores Judices interposita, dubitat Glossa *ibid. §. Ad nos.* et Pirhing *h. t. n. 109.* Vivianus *loc. cit.* et alii. Ratio dubitandi est: quia Decretalis illa solum loquitur de appellatione ad Papam, simulque est poenalis; ac proinde videtur restringenda potius, non amplianda ad inferiores Judices.

117 Veram affirmativa sententia magis placet Glossae, et aliis; videlicet, idem esse dicendum de appellatione hujusmodi interposita ad inferiorem Judicem ordinarium; qui per simplicem querelam audiri, et cognoscere potest. Neque obstat, quod dicta Decretalis expresse loquatur solum de appellatione ad Papam: quia textus ille intelligitur quidem, atque procedit, maxime si ad Papam appelletur; non tamen excluduntur hujusmodi appellationes, quae fiunt ad inferiores Judices, cum de istis eodem ratio militet.

118 Atque ideo, quod ab interlocutoria debeat indistincte appellari in scriptis, tradit Speculator *Tit. de Appellation. §. Qualiter autem. n. 1.* istud probans ex *eod. cap. 1. h. t. in 6.* Maranta *cit. Tit. de Appellat. n. 138.* Scaccia *quaest. 4. de Appellation. nu. 9.* post Francum *c. Ut debetur. q. 7. n. 16. h. t.* et alios. Dummodo hinc excipias appellationem ab interlocutoria habentem vim diffinitivae, sicut et appellationem in causis summarie et de plano tractandis, ac hujusmodi, conformiter dictis supra *n. 102. et seqq.* Nam in his appellari potest in continenti viva voce, ob rationes superius allatas.

119 Resp. II. Appellatio a sententia diffinitiva potest fieri dupliciter. Primo quidem in continenti, sive (ut alii loquuntur) *Stante pede*, et Judice adhuc pro Tribunali sedente: et tunc ea sit viva voce, et satis erit, si dicat, *appello*, per textum expressum in *L. 1. ff. de Appellat. et Litigatoribus. C. eod.* Quamvis hoc ipsum mox sit inserendum Actis publicis; et procedat solum in appellatione a sententia diffinitiva: nam appellatio interlocutoria, vel a gravamine aliquo semper debet fieri in scriptis, *cap. 1. h. t. in 6.*

Deinde appellatio a diffinitiva potest interponi ex intervallo; tamen intra decem dies: et tunc ea est facienda in scriptis, sive per libellum, quem vocant *Appellatorium*; quique debet continere personam appellantis, personam Judicis a quo appellatur, et sententiam a qua fit appellatio, *L. 1. §. An. ff. h. t.* Personam vero adversarii, contra quem fit appellatio, etsi bonum sit addere, tamen Libellus appellatorius de necessitate non debet continere, *l. Scio. 3. ff. eod.*

Resp. III. Non solum per verba expressa *Appello*, vel *Provoco*, sed etiam per verba equipollentia potest interponi appellatio. Ita Scaccia *de Appellation. quaest. 4. nu. 19.* et alii. Idque clare desumitur ex *c. Ad audientiam. 34. h. t.* ubi gravatus a Judice, si se subiciat protectioni Superioris, censetur appellasse, licet non fuerit usus hoc verbo, *Appello*. Quod intellige cum Abbate *ibid. n. 1.* Barbosa *nu. 2.* Scaccia *loc. cit. nu. 22.* et aliis, dummodo exprimentur, atque servantur omnia necessaria ad appellationem, in tali submissione, puta dicendo: *Domine, contra gravamen mihi illatum nolo amplius coram vobis litigare, sed submitto me, meaque omnia protectioni Papae: petendo postmodum apostolos, et alia observando, quae ad appellationem requiruntur.* Accedit ratio: quia quando non requiritur certa verborum formula ad substantiam actus, sufficit mentem suam exprimere verbis equipollentibus, *c. In his. de Verb. signif. Pirhing h. t. num. 103.* Unde ulterius ad appellationem sufficit dicere, *Proclamo*, vel *Provoco* a tali sententia, seu conqueror de ea, aut hujusmodi: quia non refert, quid de equipollentibus fiat, *arg. L. ult. ff. Mandati.* Scaccia *cit. num. 18.* istud cum aliis intelligens, quando per verba equipollentia constat de mente appellantis.

Resp. IV. Non verbis donatatur, sed etiam ipso facto potest appellatio fieri: sic enim itineris arreptio ad Superiorem habet vim appellationis, dummodo servantur ea, quae caeteroquin requiruntur ad appellationem. Ita communis; et habetur decisum *c. Dilacti filii. 52. h. t.* addita ea ratione: *Quia plus est facto provocare, quam verbo: nam plus est, facis declarare animum tuum, quam verbis; imo verba quandoque sunt, falsa, non facta.*

Additur, dummodo servantur ea, quae caeteroquin requiruntur ad appellationem. Hoc est, ut appellare volens iter arripit ad legitimum Judicem, petat apostolos, exprimatque causas gravaminis, v. g. dicendo Superiori: *Domine Episcops, vos me gravastis in tali articulo, circa quem nolo amplius litigare coram vobis, sed volo ire ad Papam; et hinc instanter peto apostolos.* Tunc enim, quamvis non exprimat verbum, *Appello*, itinerando tamen ad Papam habetur pro appellante: quia non refert, quid de equipollentibus fiat, ut proxime dictum. Abbas *cit. c. Dilacti filii. 52. n. 4. de Appellat.* Pirhing *h. t. n. 95. et 96.* et alii. Quod si praedicta non servantur, censetur quis renunciasse appellationi, nec sufficit sola itineris arreptio, aut missio ad Superiorem pro appellatione proseguenda, *c. Ab eo. h. t. in 6.*

## §. V.

De Apostolis, seu Libellis dimissoriis Appellationum.

## SUMMARIUM.

124 Apostoli in proposito, qui; et unde sic dicantur?

125 Apostolorum hujusmodi quinque sunt species. Et n. seqq.

126 Apostoli dimissorii; et

- 127 *Apostoli reverentiales, et*  
 128 *Apostoli recusatorii, qui, et quomodo hi dandi?*  
 129 *Non obstante, quod appellatio per Judicem inferiorem non fuit admissa, nequit is procedere ad executionem sententiae*  
 130 *Notabilis differentia inter apostolos dimissorios, atque reverentiales; et inter apostolos refutatorios. Et n. seqq.*  
*Judex a quo deferens appellationi abdicat a se jurisdictionem, et transfert causam in Superiorem. Ibid.*  
 131 *Secus, si Judex a quo non deferat appellationi, dando apostolos refutatorios.*  
 132 *Apostoli conventionales, et*  
 133 *Apostoli testimoniales, qui?*  
 134 *Apostoli de facto sunt petendi intra triginta dies.*  
 135 *Olim intra quinque dies peti debebant.*  
 136 *Apostoli alicubi, ac in Camera Imperiali, non necessario petuntur.*  
 137 *Secus spectato Jure communi. Et n. 134.*  
 138 *Judex an teneatur tradere apostolos non petenti. Et n. praeced.*  
 139 *Quando appellatur a Judice, sunt petendi apostoli.*  
 140 *Et quid, si appelletur a gravamine extrajudiciali, et non per Judicem illato?*  
 141 *Apostoli etiam congruo loco, et tempore, instant et saepius sunt petendi; idque exemplificatur.*  
 142 *Alioquin appellans censetur renunciasse suae appellationi.*  
 143 *Sufficit tamen, apostolos petere saepius in uno contextu.*  
 144 *Possuntque peti intra triginta dies, et viva voce etc.*  
 145 *Sunt petendi, ac praesentandi Judici ad quem, sumptibus ipsius appellantis.*  
 146 *Judex a quo potest appellanti, praefigere terminum praesentandi apostolos; adeo, ut alioquin appellatio efficiatur deserta.*  
 147 *Pendente appellatione sunt ligatae manus Judicis a quo: et quomodo?*  
 148 *Judex tenetur debite petenti Apostolos exhibere intra triginta dies; alias punitur, et quomodo?*  
 149 *Et si post denegatos apostolos procedat in causa, processus est invalidus.*  
 150 *Et quo modo?*  
 151 *Si Judex non dederit apostolos, potest appellans absque istis proseguere appellationem.*

124: **Q**ueritur I. Quid et quatuorplex sint Apostoli?

Resp. I. Apostoli in proposito, dicuntur Libelli dimissorii (ut vocantur in Rubric. ff. de Libellis dimissoriis) seu Litterae dimissoriae, quas Judex a quo appellatum est, transmittit ad Judicem ad quem, sive ad eum, qui de appellatione cogniturus est; in eisque testatur, Titium v. g. appellasse a sententia sua, quam inter ipsum et Capum circa talem causam tolerat. Textus est in L. i. ff. de Libellis dimissor. Et tales Libelli dimissorii appellationum, vulgo dicuntur apostoli, hoc est, missi: quia mittuntur ad Judicem ad quem, ut de causa appellationis instruat. Unde impraesentiarum per apostolos non intelligantur Petrus et Paulus, vel alii ex Collegio Apostolico Christi Domini. Glossa in cap. i. §. Petat apostolos. h. t. in 6.

125 Resp. II. Hujusmodi apostolorum quinque sunt species. Ita Speculator Tit. de Appellationibus. §. Sequitur videre n. 1. Abbas c. Bonae memoriae. 51. n. 9. h. t. Scaccia quaest. 13. de Appellation. n. 3. et alii. Ratio est: quia apostoli possunt peti, ac dari tum in judicio, tum extra judicium; ex quibus illi, qui dantur in judicio, sunt vel dimissorii; vel reverentiales, vel refutatorii: qui vero extra judicium, generatim extrajudiciales dicuntur; et sunt vel

conventionales, vel testimoniales. Idque patebit explicando singula membra: Siquidem

Apostoli dimissorii dicuntur litterae ad Judicem 126 superiorem directae, in quibus Judex a quo appellationi deferens testificatur de appellatione interposita, et a se admissa. Et de his sit mentio can. Ab eo. 2. q. 6. ibi: Ab eo, a quo appellatum est, ad eum, qui de appellatione cogniturus est, dimissoriae litterae dirigantur, quae vulgo Apostoli appellantur. Similiter habentur L. i. ff. de Libellis dimissor. Et hi Libelli, sive apostoli, dicuntur dimissorii: quia, ut notatur l. Dimissoriae. ff. de Verb. signif. per ejusmodi litteras causa ad eum, qui appellatus est, dimittitur: nam Judex concedendo apostolos dimissorios, hoc ipso exprimit, quod deferat appellationi, sicque appellanti a sua potestate, et jurisdictione dimittat. Scaccia de Appellation. quaest. 13. n. 10. cum aliis.

Apostoli reverentiales vocantur, quando Judex 127 a quo deferat appellationi, eamque admittit, non ob justitiam causarum, sed ob reverentiam Judici superioris, ad quem fuit appellatum. De hac sit mentio cap. i. h. t. in 6. ibi: Vel si appellationi forsitan ex Superioris reverentia sit delatum. Ubi Glossa §. Delatum. in Addit. ait, hoc fieri solere in dubio, quando nimirum dubitatur de veritate appellationis, aut de ejus justitia: puta, propter diversitatem sententiarum inter Doctores.

Apostoli refutatorii sunt, quos dat Judex non 128 deferens appellationi, exprimendo simul causam, cur appellationem non admiserit. Debet enim hujusmodi causa exprimi, cap. i. h. t. in 6. et l. Sciendum. ff. de Appellat. recipiend. Alias, si absque causa Judex appellationem non admittat, punitur, l. Quoniam. C. h. t.

Ceterum his non obstantibus, seu non obstante, 129 quod appellatio per Judicem inferiorem non fuerit admissa, nequit is ea interposita procedere ad executionem sententiae. Nam, ut L. un. ff. Nihil novari appellatione interposita, dicitur, Appellatione interposita, sive recepta sit, sive non, medio tempore nihil novari oportet. Ne videlicet interim, dum per Superiorem deliberatur, an appellatio recipienda sit, nec ne, per executionem Judicis inferioris fiat praepjudicium appellanti.

Interim est notabilis differentia inter memoratos 130 apostolos. Nam si Judex a quo delatit appellationi ab interlocutoria, vel gravamine extrajudiciali (proat fit per apostolos dimissorios, ac reverentiales) censetur a se omnem jurisdictionem abdicare, et causam in Superiorem transferre: unde poterit iste, si velit, in causa procedere, etiam si indicaverit appellationem esse frivolum, et frustratoriam; per textum in c. Cum appellationibus. §. Si vero. h. t. in 6. ubi istud sequentibus verbis statuitur: Si vero Judex admittat eandem, licet tam appellatio, quam ipsius Judicis delatio a Superiore valent refutari: quia tamen Judex ipse, quantum in se fuit, a se jurisdictionem abdicavit eandem, appellationi deferens minus iustar, totius causae decisio in Superioris est potestatem transfusa: nec est illi causa de necessitate ultioris remittenda etc. Haec ibi.

Secus est, si Judex a quo appellationi, tanquam 131 minus legitimae, non deferat, dando videlicet apostolos refutatorios. Nam tunc Judex, ad quem est appellatum, si cognoscat appellationem esse minus legitimam, tenetur appellanti remittere ad priorem Judicem: ita tamen, ut talem appellatorem antea, seu eadem adhuc die, alteri parti in expressis condemnet. Textus est in c. Cum appellationibus. §. i. h. t. sic loquens: Cum appellationibus frivolis nec justitia deferat, nec sit a Judice deferendum: si Judex inferior appellationem minus legitimam non admittat, eam appellatore nihilo minus

prosequente, Superior de ipsa cognoscens causam ad priorem Judicem (juxta Sanctiones Canonicas) sine difficultate remittat, eadem diem condemnationem faciens expensarum. Ubi Glossa, et Doctores, atque infra §. 8. n. 235. et seqq. ulterius dicitur.

133 Apostoli conventionales dicuntur, qui debentur a parte adversa appellationem approbante, etiam si Index sit invitus, aut dentur extra judicium; c. Saepa contingit. 44. h. t.

133 Tandem Apostoli testimoniales sunt illi, qui dantur a Notario, vel aliis honestis viris, quando eorum illis copia Judicis non existente appellatio proposita fuit, sicque de hoc iidem testantur, conformiter dictis supra §. 4. n. 91.

134 Queritur II. Intra quod tempus, et quo modo petendi, dandique sint Apostoli? Resp. I. De facto, et spectato Jure communi, apostoli intra triginta dies a tempore interpositae adversus Judicem appellationis sunt petendi. Ita habetur l. Judicibus. C. de Appellat. estque clarius expressum c. Ab eo. h. t. in 6. ubi dicitur: Ab eo, qui appellat, infra triginta dies instanter apostoli peti debent, et eidem infra dictum tempus a Judice exhiberi: alias praesumitur appellationi suae renunciare appellans, si eas infra idem tempus petere praetermittat, etiamsi vadat, aut mittat ad appellationem hujusmodi prosequendam. Haec ibi. Concordat Clem. Quamvis. h. t. ubi istud amplius declaratur.

135 Dicitur imprimis, De facto. Nam olim de Jure antiquo apostoli intra quinquaginta dies peti debuerunt, can. Ab eo. 2. q. 6. Sed istud Jure recentiori fuit immutatum, atque appellare volentibus, pro petitione apostolorum est concessum tempus triginta dierum: per textus jam allegatos, cum concordantiis.

136 Dicitur ulterius, spectato Jure communi. Significum etiam de facto in Camera Imperiali, ac in nonnullis aliis Tribunalibus, isthaec apostolorum petitio non est in usu, neque necessaria: sed valet appellatio, quamvis apostoli petiti non fuerint. Sigism. Scaccia quaest. 13. de Appellation. n. 56. asserens, ita esse constitutum in Regno Franciae. Engelh. t. 46. ubi ait, in Camera Imperiali hodie apostolorum petitionem non esse in usu. Maranta part. 6. Speculi Aurei. Tit. de Appellation. n. 211. et alii.

137 Verum spectato Jure communi appellans necessario debet petere apostolos, can. Post appellationem. 2. q. 6. et d. c. Ab eo. h. t. in 6. cum similibus. Scaccia cit. quaest. 13. n. 24. allegans alios. Adeo, ut si non petantur debito modo proxime declarando, censetur appellans renunciare factae suae appellationi. Clem. Quamvis. h. t. Sive deinde appelletur a sententia definitiva, sive ab interlocutoria. Scaccia cit. quaest. 13. n. 91. et alii.

138 Nec obstat textus in l. Eos, qui de §. Apostolos. C. h. t. ubi dicitur: Apostolos autem post interpositam provocationem, etiam non petente appellatore, sine aliqua dilatione Judicem dare oportet. Nam, ut concordentur Jura Juribus, dicendum est, textum istum procedere, quando Index recipit appellationem: quia tunc tenetur tradere apostolos, etiam non petitos. Petrus de Anchano cap. 9. h. t. in 6. Scaccia cit. quaest. 13. n. 37. allegans insuper Geminianum in d. cap. 1. n. 12. et Francum n. 11. h. t. in 6. Alias auctores, per Jura prima.

139 Dicitur tertio, interposita adversus Judicem etc. Nam quando appellatur a Judice, sive judicialiter, sive extrajudicialiter procedente, de Jure communi semper peti debent apostoli: cum adsit, qui eos dare possit, qui et dare tenetur, videlicet Index ille, a quo appellatur: ut cap. 1. juncto Glossa §. Vol extra h. t. in 6.

140 Quod si vero appelletur a gravamine extra judicium, et non per Judicem, sed aliunde illato, peti,

in electione, non est necesse petere apostolos; cum non adsit, qui illos dare valeat, vel teneatur. Consultius tamen est, etiam tunc ipsos petere sub conditione, si adsit, qui eos dare possit. Glossa cit. cap. 1. §. Vol extra. h. t. in 6. Maranta part. 6. Speculi Aurei. Tit. de Appellation. n. 227. Pirhing h. t. n. 142. et alii.

Resp. II. Non solum intra tempus triginta dierum, sed etiam congruo loco, et tempore, instanter et saepius, petendi sunt apostoli. Ita communis: atque his ipsis verbis habetur expressum in cit. Clem. Quamvis. h. t. Unde non sufficit, apostolos petere a Judice, dum equitat, vel per viam transit: quia sunt petendi congruo loco. Nec etiam satis est, eos petere de nocte, aut sub Missa, sive sub prandio, vel alio tempore incongruo, prout exemplificat Glossa c. Ab eo, qui. §. Loco. h. t. in 6. Neque sufficit, apostolos petere leviter solum, vel semel duntaxat: sed debent peti instanter, et saepius; ut loquitur citata Clement. Quamvis. post textum expressum in can. Post appellationem. 2. q. 6. Idque merito statutum fuit: tam ut Judici, a cujus sententia appellatur, debitus deferatur honor, ab ipso instantius petendo Apostolos: tum ut Index ille moveatur ad revocandum gravamen, si gravavit, atque sententiam ad hoc revocare possit (prout accidit in appellatione a sententia interlocutoria) forte enim alias gravamen illud non revocaret, si non fieret talis instantia. Sigism. Scaccia d. quaest. 13. de Appellation. n. 25. post Rotam Decis. 46. alias 351. de Appellat. in novis.

Quod si secus fiat, atque appellans non petat apostolos modo jam memorato, censetur ipse renunciare suae appellationi. Glossa can. Post appellationem. §. Tempus. 2. q. 6. id probans ex can. Ab eo, a quo, ead. caus. 2. q. 6. Concordat textus in c. Ab eo, qui appellat. h. t. in 6. argumento a secus contrario desumpto. Ibi: Apostolos appellanti non tribuat requisitus etc. Estque clarius decisum in cit. Clem. Quamvis §. Porum h. t. illis verbis: Verum si Index, a quo appellatur, certum terminum ad recipiendos apostolos appellanti assignat, et appellans in assignatio sibi termino non compareat coram eo, nec petat apostolos sibi tradi, appellationi suae renunciare videtur. Similiter si Index appellanti responderit, intra Juris terminum apostolos se daturum, appellationi suae renunciare appellans intelligitur; nisi intra dictum terminum congruo loco, et tempore instanter, et saepius, saltem uno contextu, petat apostolos ab eodem Judice sibi dari; vel si responderet, recuset oblatos. Haec ibi.

Additur deinde, saltem uno contextu. Quamvis enim antiquitus petitio apostolorum fuerit facienda interpolatis, seu renovatis vicibus; prout scribit Scaccia d. quaest. 13. num. 26. post Rotam Decis. 57. alias 460. de Appellation. in novis. et alios. De facto tamen, juxta cit. Clem. Quamvis. h. t. sufficit, uno contextu saepius, et instanter, apostolos postulare; puta dicendo, Dominus Index, appello, et peto apostolos; et quidem instanter, easque iterum, atque iterum petito.

Insuper necesse non est, ut apostoli petantur tempore appellationis; dummodo petantur intra triginta dies; a die factae appellationis numerandos; ut cit. can. Post appellationem. 2. q. 6. iuncta Glossa ibid. §. Tempus. Possuntque viva etiam voce petantur; licet consultius sit eosdem petere in scriptis; ut sic melius facta illorum petitio probari valeat: ipsa tamen petitio apostolorum, per Judicem necessario in scriptis expediri debet. Pirhing h. t. n. 142.

Queritur UL. Cujus expensis apostoli concedantur, et an in eorum concessione possit Index a quo praefigere appellanti terminum ad se praesentandum, cum apostolis coram Judice ad quem? Resp. I.



Apostoli sunt petendi, atque praesentandi Judici ad quem, sumptibus ipsius appellantis. Ita Glossa in *Clom. Quamvis. §. Oblatos h. t. Maranta part. 5. Speculi Aurei. Tit. de Appellation. n. 124.* hanc appellans communem, et veram Conclusionem. Scaccia cit. *quaest. 13. de Appellat. n. 114.* post Baldum in *Auth. Hodie. §. Apostolos n. 13. C. de Appellation. et alios.*

- 146 Resp. II. Potest Judex a quo dando apostolos praefigere appellanti certum terminum, competentem tamen, praesentandi apostolos coram Judice ad quem: adeo, ut si appellans intra tempus illud se coram superiore Judice non praesentaverit, non cum datis apostolis appellatio efficiatur deserta. Ita Glossa l. *Praeses. §. Praescriptum. C. h. t. Scaccia cit. quaest. 13. n. 88. et quaest. 13. n. 15.* Maranta d. *Tit. de Appellat. n. 205.* Pirhing h. t. n. 143. et alii communiter. Idque desumitur ex c. *Personas. §. h. t. ubi dicitur, posse Judicem a quo praefigere terminum appellanti ad se praesentandum: adeo, et alias cessatur appellatio deserta, et appellans cogatur stare priori sententiae. Nec immerito: tum ut praeceludatur via malitiis hominum, causam appellationis: alioquin diutius protrahentium. Tum quia qualitas negotii principalis, quandoque ob varias circumstantias majorem requirit accelerationem, ac brevioris finem huius.*

- 147 Nec obstat, quod pendente appellatione cessatur ligatae manus Judici a quo. Nam istud procedit solum quoad causam principalem, cui non potest se immiscere, neque sententiam suam exequi: non vero, quo minus possit statuere terminum competentem, et abbreviare tempus Juris, infra quem terminum si appellans non se praesentet Judici ad quem, vel non prosequatur appellationem, remaneat appellatio deserta, et priorem suam sententiam possit Judex ille exequi: ut cit. c. *Personas. h. t. Cui simile quid habetur c. Cum sit Romana. 5. et Clement. Quamvis. eod. Maranta cit. n. 205. et alii.*

- 148 Quaeritur IV. Quid juris, si apostoli debite petantur, aut petiti non dentur a Judice a quo? Resp. I. Quando apostoli per appellantem debite, ut supra, petiti fuerint, tenetur Judex eosdem intra tempus triginta dierum, a die latae sententiae numerandum exhibere, *Text. clar. c. Ut super. §. et c. Ab eo. 6. h. t. in 6. ejus posterioris verba n. 134. relata sunt.* Alias ipsemet Judex non cum Officio, seu Officiali suo non contradicente, multo, subiacet, l. *Judicibus C. h. t. Qualis multa de rigore Juris Civilis, ac legendo in causis civilibus, est positio in triginta libris auri, l. Quoniam. C. eod. de Jure Canonico tamq. si causa est civilis, imponitur poena arbitraria: si vero causa est criminalis, Judex est deponendus. Maranta part. 6. Speculi Aurei. Tit. de Appellation. n. 210. Scaccia d. *quaest. 13. n. 101.**

- 149 Resp. II. Insuper, si Judex post denegatos, vel non datos appellanti, debiteque petenti apostolos, ex tunc forsitan in causa procedat, nisi appellationi renunciata fuerit (expresse, vel saltem tacite) processus est invalidus, et irritus. Ita textus expressus in cit. c. *Ut super. §. h. t. in 6.* juncta Glossa §. *Renunciatum. et §. Iratus.* istud ampliatur ad eum casum, quo alias de jure valeret processus: puta, quia frustratoria est appellatio, cui deferendum non est, c. *Cum Appellationibus. §. h. t. in 6.*

- 150 Et, quidem, loquendo de appellatione a sententia diffinitiva, si Judex a quo procedere attentaverit in causa post denegatos, vel saltem non datos rite petenti apostolos: ejusmodi processus ipso jure nullus existit, atque retractatur per viam attentati, nisi pendente appellatione (et haec semel facta pendet intra terminum petendi apostolos) conquisierit officium Judicis a quo Scaccia cit. *quaest. 13. de Appellation. n. 76. et seqq. et n. 91. ceteros*

alias Doctorum sententias: quamvis oppositum merito teneat in appellatione a sententia interlocutoria: tunc enim nullitas processus pendet a futuro eventu: quia, si appellans obtinuit in causa appellationis ab ipsa interlocutoria, retractabitur processus: alioquin, juxta textum in c. *Non solum. 7. §. Illa vero. h. t. in 6.*

Resp. III. Uterius si Judex debite, instantere, ac saepius requisitus, ut supra, expresse denegat apostolos, aut saltem statuto a se, vel a jure tempore, malitiose sive negligenter eosdem tradere praetermittit: tunc appellans absque apostolis poterit prosequi appellationem suam: dummodo id ipsum contestetur. Textus est in l. *un. C. de Libellis dimissor. quae est canonizata, can. Post appellationem. 2. q. 6.* Ubi ratio hujus refunditur in naturalem aequitatem, non quia *aequum est, si per Judicem steterit, qui debebat dare litteras, quo minus det, ne hoc accipere volenti noccat.* Concordat textus in *Clom. Quamvis. §. fin. h. t. ubi etiam hoc ipsum declaratur.*

## §. VI.

### De Fatalibus Appellationum.

#### SUMMARIUM.

- 152 Fatalis appellationum: quid?  
153 Et unde sic dicantur?  
154 Generatim sunt in triplici differentia.  
155 Fatalia interponenda appellationis, quid?  
156 Haec olim fuerant duo, vel tres dies: nunc sunt decem dies.  
157 Decendum ad appellandum concessum, quando currere incipiat? Et n. seqq.  
158 Non currit ignorantia, se esse gravatum.  
159 Decendum istud currit de momento in momentum: idque declaratur.  
Causela pro Notario quoad hoc. Ibid.  
160 Decendum hoc a principio est utile, sed in progressu continuum. Et n. 157.  
161 Procurator, contra quem fertur sententia, debet appellare etc.  
162 Alias nocet Domino suo.  
163 Fatalia introducenda, ac prosequenda appellationis, sunt duplicis generis: videlicet  
164 Fatalia legis, et  
165 Fatalia hominis.  
166 Idque ostenditur.  
167 De Jure Civili Fatalia legis introducenda coram Judice ad quem appellationis, sunt sex menses.  
168 Et quid de Jure Canonico?  
169 Fatalia prosequenda, ac finienda appellationis, de jure sunt annus, ac ex causa biennium.  
170 Hoc tempus computandum a die interpositae appellationis.  
171 Lapsus horum Fatalium non obstat illi, qui propter justum impedimentum non prosequitur, vel non finit tunc appellationem.  
172 173 174 et 175. Enumerantur sex hujusmodi iusta impedimenta.  
176 Unus probandi talo impedimentum prosequenda appellationis, incumbit appellanti.  
Facta sunt cui natura inheret. Ibid.  
Nec praesumuntur, nisi probentur. Ibid.  
177 Non sufficit probare duntaxat impedimentum, nisi etiam probetur, diligentiam in eo removendo adhibitam esse.  
178 Stante legitimo impedimento prosequendi appellationem intra annum, conceditur appellanti secundum annum ipso jure.

- 179 *An tunc appellans debeat intra annum protestari de impedimento?*
- 180 *Et an ipsi impedito solum ex parte anni, concedatur secundus annus totus ipso jure?*
- 181 *Uterius tempus, puta tertius annus, conceditur legitime impeditis per restitutionem in integrum.*
- 182 *Si per Judicem stetit, quo minus debito tempore finitur appellatio, tempus Fatalium non currit.*
- 183 *Fatalia proseguendae, ac finiendae appellationis, hodie non attenduntur in majoribus Tribunalibus.*
- 184 *Appellans a gravamine extrajudiciali adhuc post memoratum tempus auditur, saltem per remedium Juris communis.*
- 185 *An, et per quem terminus Fatalium a Jure concessorum possit restringi? Et num. seqq.*  
*Judex a quo non potest statuere terminum finiendae appellationis.*
- 186 *Et si hoc fecerit, censetur praefixisse terminum proseguendae appellationis.*
- 187 *Potest terminum ad proseguendam appellationem concessum, abbreviare secundum exigentiam negotii etc. Et num. seqq.*
- 188 *Econtra Judex ad quem non potest istum terminum abbreviare, nisi imminuat periculum.*  
*Et num. seqq.*
- 189 *Judex a quo nequit minuere terminum decem dierum ad appellandum concessum; et cur?*
- 190 *Disparitas inter Judicem a quo; et ad quem, quoad propositum. Et num. seqq.*  
*Ubi imminet periculum Reipublicae, vel animarum, potest etiam Judex ad quem restringere tempus proseguendae appellationis. Ibid.*
- 191 *Istud exemplificatur in conjugio spirituali, et cardinali etc. Et num. praeced.*
- 192 *Qualiter in aliis causis possit Judex ad quem, finire Fatalia appellationum?*
- 193 *Appellans potest sibi ipsi restringere Fatalia hujusmodi.*
- 194 *Utrum haec mutuo partium consensu possint prorogari?*
- 195 *Quis sit Judex in causa desertae appellationis ob lapsum Fatalium? Et num. seqq.*  
*Praxis notabilis de serviens Appellato, quando appellans intra debitum tempus non petiit apostolos, vel non est prosecutus appellationem. Ibid.*
- 196 *Et hujus ratio.*
- 197 *Si appellans nunquam comparuit coram Superiore, tunc Judex a quo cognovit super causa desertae, vel non desertae appellationis.*
- 198 *Alias de hac cognoscit Judex ad quem.*

152 *Quaeritur I. Quid sint, et quotupliciter Fatalia appellationum? Fatalia appellationum dicuntur tempora illa, intra quae debet inchoari et terminari causa appellationis: alias quippe appellatio sit desertae. Ita Sigism. Senecia quaest. 15. de Appellationum 2. et in re communis.*

153 *Et dicuntur Fatalia, a fato, sive a morte, juxta El. 2. C. de Tempore. in integr. restitut. ibi: Pater tuus in fata concessit, cum similibus. Unde tempora illa, intra quae debet inchoari, et terminari causa appellationis, appellantur Fatalia, id est, mortem inferentia ipsi appellationi; adeo, ut haec sit desertae, nisi intra tempora illa fiat, ac terminetur, et rata maneat prior sententia: quia sicut mors extinguit hominem, ita lapsus illius temporis extinguit appellationem Abbas c. Ex ratione 8. num. 8. h. t. Marant. part. 6. Speculi Aurei Tit. de Appellation. num. 232. Senecia, ubi supra, num. 1. et alii.*

154 *Resp. II. Fatalia appellationum generatim sunt in triplici differentia: nam quaedam sunt ad inter-*

ponendam appellationem; quaedam ad eam interducendam coram Superiore, seu Judice ad quem; alia vero spectant ad finiendam appellationem. Ita Gellius lib. 1. Pract. Observat. 139. num. 1. et alii. Nec in re discordat Pirhing h. t. numer. 131. cum nonnullis alia addens, quatuor esse Fatalia appellationum. Nam hi Auctores; praeter tria jam enumerata, addunt fatale petendi apostolos; de quo jam proxime dictum est: neque proprie ac immodice est unum ex Fatalibus appellationum, sed solum mediate, ac in consequentiam; imo alicubi nec est in usu. Porro per ordinem proseguendo alia tria Fatalia appellationum.

155 *Quaeritur II. Quae sint Fatalia interponendae appellationis; et qualiter computentur? Resp. I. Per Fatalia interponendae appellationis intelligitur tempus illud, intra quod gravatus per sententiam Judicis, vel aliunde appellare potest ab illa sibi gravamine: adeo; ut elapso tali tempore facultas appellandi perit, atque extinguatur. Ita in re communis. Quae quidem Fatalia interponendae appellationis passim appellantur Decendum ad appellandum concessum: de quo jam breviter dictum est Tit. praeced. §. 4. n. 110. et 111. nonne autem amplius declarabitur: unde.*

156 *Resp. II. Hujusmodi Fatalia interponendae appellationis, de Jure antiquo fuerunt duo, vel tria dies, L. 1. §. Biduum ff. Quando appellandum sit; ac referuntur can. Biduum. 2. q. 6. Verum spectato Jure novo sufficit appellare intra decendium: hoc est, intra decem dies a die latae sententiae, vel illi gravi gravamine, ejusque scientiae numerandos. Ita communis, atque habetur decisum in Auth. Hoc die, juxta Glossa ibid. C. de Appellation. Concordat textus in c. Quod ad consultationem 12. de Sentent. et re judicat. ibi: Cum post decem dierum spatium sententia in auctoritatem rei transeat judicatae, qui ad provocationis subsidium infra id temporis non recurrit, appellandi sibi adiuturum denegavit.*

157 *Resp. III. Praedictum decendum ad appellandum concessum, seu continens Fatalia interponendae appellationis, est computandum ad horam latae sententiae, seu illi gravi gravamine, ejusque scientiae: atque a principio est utile, et non currit ignorantia; sed in progressu est continuandum, et sit computatio ejus de momento in momentum. Ita Glossa c. Concertationi. §. Sciverit. h. t. in 6. et faret textus ibidem illis verbis: Quisquis ex eis (actibus extrajudicialibus, v. g. Electionibus, Provisionibus etc.) gravatum se reputans, per appellationis beneficium gravamen illatum desideravit revocari, infra decem dies (postquam sciverit) si velit, appellat: post decendum vero eidem actus non patent appellandi. Concordant dicta superius cit. Tit. praeced. §. 4. num. 110. et 111. ubi plures Auctores pro hac sententia allegantur.*

158 *Quin imo non sufficit scire solummodo, actum factum; sed etiam est necesse scire, acse ex eo esse gravatum. Sic v. g. non sufficit, quod sciam, te esse electum ad tale Beneficium; sed requiritur etiam, me scire, quod petis de Beneficio illo Papa mihi provideri, neque per electionem tuam sim gravatus. Glossa cit. c. Concertationi. §. Sciverit. h. t. in 6. istud desumens ex jam allegato textu ibi: Infra decem dies, postquam sciverit, si velit, appellat. Accedit ratio: tum quia appellatio conceditur ad justam defensionem; nemo autem potest defendere, nisi sciat, se ab alio gravari. Tum quia hoc decendum jure concessum est ad deliberandum, cum quis velit stare sententiae, aut gravamen illatum sustinere, nec ne: et consequenter est computandum a tempore scientiae ejus; cum ignoratus non possit deliberare.*

159. Igitur hoc tempus decendii incipit currere a tempore notitiae, et postea currit de momento in momentum: adeo, ut si contra praesentem proferatur sententia, prima dies non tota computetur in termino decendii, sed solum ab hora latae sententiae; et horae priores sint ex alio die, puta, undecimo supplendae. Gailus lib. 1. *Pratic. Observat.* 139. num. 5. Pirhing h. t. n. 135. Qui idcirco moment, ut Notarius in instrumento appellationis non solum diem, sed etiam horam appellationis apponet, ad hoc, ut rite cognoscatur, an, et quando decendium sit elapsum.
160. Quod autem in progressu hoc tempus decendii sit continuum, patet L. 1. C. de Feriis, ubi propter Ferias censentur Fatalia non prorogari. Unde Summarium in L. 1. §. Dies autem. ff. Quando appellandum sit, juncto textu ibid. notanter inquit: *Tempus appellationis interponendae, est utile quoad initium: continuum quoad processum.*
161. Resp. IV. Quod si quis absens per Procuratorem steterit in iudicio, et contra ipsum, vel potius contra Procuratorem ejus lata fuerit sententia, tunc Procurator ille tenetur appellare: vel, si iusta causa impeditur, puta ob metum gravem, appellare nequeat, debet Domino suo id denunciare, ut is, si voluerit, appellare valeat. Textus est in c. Non injuste. et Abbas ibid. n. 13. de Procurator. et l. Inventus. C. eod.
162. Si vero neutrum horum fiat, negligentia Procuratoris nocet Domino suo (quamvis hic regressum habeat contra Procuratorem) et sententia transit in rem iudicatam. Gailus lib. 1. *Pratic. Observat.* 139. num. 9. Engel h. t. num. 43. et alii. His adde dicta superius Tit. praeced. §. 4. n. 111. et quae fusius habentur supra Lib. 1. Tit. 38. de Procuratoribus. §. 5. n. 121. 122. et seqq.
163. Queritur III. Quid sit sentiendum de Fatalibus introducendae coram Superiore appellationis? Resp. I. Fatalia huiusmodi, sicut et Fatalia prosequendae, ac finiendae appellationis, sunt duplicis generis: alia legis, et alia hominis. Ita textus in c. Cum sit Romana. 5. et Glossa ibid. §. Recisus. h. t. Scaccia quaest. 15. de Appellat. num. 13. Gailus lib. 1. *Pratic. Observat.* 140. n. 2. et alii. Atque patebit declarando terminos: siquidem
164. *Fatalia legis* dicuntur, quando Lex ipsa, vel commune Statutum, ponit certum terminum introducendae, v. g. appellationis: hoc est, ad eam post praesentatos apostolos effectualiter introducendam coram Iudice ad quem, praesentando nimirum ipsi appellationem, eundemque desuper informando, prout explicat Scaccia loc. cit. num. 13. vers. Quartum tempus. Et talia Fatalia legis respectu interponendae appellationis, consistunt in decendio: et respectu petendorum apostolorum, sunt triginta dies, ut paulo superius dictum est: et quale sit respectu introducendae, ac finiendae appellationis, dicetur in Quaest. seq.
165. *Fatalia hominis* e contra sunt, quae vel Iudex a quo, vel ipsemet appellans praefigit, statuendo certum terminum introducendae v. g. coram Superiore, aut etiam finiendae appellationis. Sic c. Personar. 4. juncta Glossa §. Praefixit. h. t. dicitur, quod appellans possit sibi statuere terminum ad appellationem prosequendam. Similiter c. Ad haec. 20. h. t. jubetur serveri iuramentum praestitum de stando Ecclesiae iudicio, vel intra quadraginta dies post interpositam appellationem inter arripiendo ad eam prosequendam: talem enim terminum appellans, mediante proprio iuramento, sibi ipsi praefixit.
166. Clarius utrorumque Fatalium mentio habetur c. Cum sit Romana. 5. §. 1. h. t. illis verbis: Si, ante sententiam, vel postea fuerit appellatum, huiusmodi appellantibus annus indulgetur, aut ex necessaria et evidenti causa, biennium (En! Fatalia legis) Nisi forte iudex, a quo appellatum fuerit, secundum locorum distantiam, et personarum, et negotii qualitatem, recisius tempus fuerit moderatus. (En! Fatalia hominis) Infra quod, si is, qui appellaverit, causam appellationis non fuerit prosecutus, tenebit sententia: si post sententiam appellaverit, et a causa cecidisse videtur, nec amplius super eodem negotio audietur appellans etc. Haec ibi.
- Resp. II. Spectato rigore Juris Civilis, Fatalia legis praesentandi apostolos, atque introducendae coram Iudice ad quem appellationis, est tempus sex mensium, a die interpositae appellationis computandum. Ita Gailus lib. 1. *Pratic. Observat.* 140. n. 1. et 3. allegans ordinationem Cameracae. Pirhing h. t. nu. 145. Sanguis h. t. cap. 6. n. 9. Idque desumitur ex L. 2. et 3. C. de Temporib. appellation. juncta Clem. Sicut. h. t. ubi dicitur, huiusmodi tempus esse computandum a die interpositae appellationis.
- Fatendum tamen, quod Ludov. Engel h. t. n. 48. citans Hostiensem in Summa. eod. asserat, quod Fatalia istud, sive tempus praesentandae, seu introducendae appellationis coram Iudice ad quem, de Jure communi, saltem Canonico (quidquid olim fuerit de Jure Civili) non sit determinatum: sed Iudex a quo terminum praefigere debeat; ut c. Ad auras. 33. h. t. ibi: *Appellanti ad prosecutionem appellationis, terminus congruus praefigatur etc.* Concordat Scaccia quaest. 15. de Appellat. 2. 12. post Baldum in L. An. n. 1. C. de Temporib. appellat. et alios dicens, quod tempus praesentandi apostolos Iudici ad quem sit arbitrium, sicut et tempus ad prosequendam appellationem, dummodo fiat intra annum.
- Queritur IV. Quae sint Fatalia prosequendae, ac finiendae appellationis? Resp. I. Ad prosequendam, et finiendam appellationem, de jure conceditur integer annus; atque ex causa necessaria, et evidenti, biennium: nisi forte Iudex a quo secundum locorum distantiam, et personarum, negotique qualitatem, brevius tempus praefixerit. Ita communis; et habetur expressum c. Cum sit Romana. 5. h. t. verbis supra n. 166. jam relatis. Concordat Auth. Ei qui appellat. C. de Temporib. appellat. et Clem. Sicut appellationem. 3. h. t.
- Porro hoc tempus est computandum a die interpositae appellationis; prout desumitur ex cit. Clem. Sicut appellationem. h. t. ibi: *Intra annum a die interpositionis ipsius appellationis prosequi, et finire tenetur appellans.* Et si quis tali tempore suam appellationem, cessante justo impedimento, non fuerit prosecutus, neque finiverit, debet ejus appellatio censi deserta, prout subiungitur cit. Clem. Sicut appellationem, illis verbis: *Quod si justo impedimento cessante non fecerit, debebit ejus appellatio deserta censi.* Ac proinde tenebit sententia prius lata; ut Auth. Ei qui appellat. C. de Temporib. appellat. quae est canonizata can. Ei qui appellat. 2. q. 6. juncto c. Cum sit Romana. 5. h. t.
- Resp. II. Quod si quis propter justum impedimentum non prosequatur, vel non finiat causam appellationis intra annum, aut biennium, non obstat ipsi lapsus praedictorum Fatalium prosequendae, et finiendae appellationis. Ita textus in c. Ex ratione. 8. juncta Glossa an. h. t. et tradit Hostiensis in Summa. numer. 10. h. t. Abbas d. c. Ex ratione num. 4. et seqq. Pirhing eod. n. 165. et alii, qui in specie sex talia justa impedimenta, seu causas afferunt, ratione quarum appellans, primo anno impeditus debeat habere secundum; imo etiam post biennium sit admittendus ad ipsam prosequendam. Et sunt sequentia.



172. Primum impedimentum prosequendi appellationem intra annum, vel etiam biennium, trahit se ex parte Appellantis, videlicet propter ejus *impotentiam*: puta, quia propter infirmitatem, vel propter inopiam, aut hujusmodi, non potuit tam cito absolvere prosecutionem appellationis, v. g. Romam interpositae, sique indigentibus majoribus expensis. Textus est in d. c. *Ex ratione*. 8. ubi Glossa *fin.* Innocentius, Abbas n. 5. h. t. et alii.

173. Secundum impedimentum provenire solet ex parte Appellati: puta, si is per se, aut per alios, vel interponendo frustratorias appellationes etc. impedit, ne Appellator intra annum, aut biennium, possit finire causam appellationis. Abbas cit. c. *Ex ratione*. n. 8. vers. *Quandoque impedimentum provenit ex facto solius appellati*. Scaccia *quaest.* 15. *de Appellat.* n. 61. citans alios.

174. Tertium impedimentum intervenit ex facto mixto; hoc est, ex facto tam appellantis, quam appellati. Quia si appellationis prosecutio per compromissum, vel alias de partium expresso consensu differtur, tempus ad prosequendum eandem ab homine, vel a iure praefixum, non currere appellanti, textus est expressus in *Clar. Quamdiu*. 4. h. t.

175. Quartum impedimentum procedit ex facto Judicis: puta, nolentis appellantem audire, vel tam cito causam cognoscere, atque expedire. Quintum oritur ex facto Tertii, v. g. Procuratoris, negligentis debito tempore prosequi appellationem. Sextum tandem impedimentum provenit ex casu fortuito: puta, quia appellans ab hostibus captus, vel inundatione aquarum praepeditus, aut hujusmodi appellationem debito tempore prosequi, atque finire non potuit.

176. Porro onus probandi ejusmodi impedimentum prosequendae appellationis, incumbit appellanti text. *clar. l. ult. §. Illud etiam. C. de Temporib. appellat.* ibi: *Nisi appellatur evidentissimis probationibus possit ostendere, se quidam summa opem nisum, valuisse litam exercere, per judicem autem statuisse, vel aliam inexorabilem causam subreptam, propter quam hoc facere minime valuit*. Accedit, quod generaliter affirmanti incumbat probatio, *L. 2. ff. de Probatione*. Nam facta, sunt sui natura incerta, *l. In omnibus. ff. de Juris et facti ignorant.* sique non praesumuntur, nisi probentur, *l. In bello §. Facta. ff. de Captivis et postlim. revers.* Barbosa *Axiomat.* 93. nu. 27. et 28. cum aliis.

177. Addit Gailus lib. 1. *Practic. Observat.* 143. nu. 1. et Pirhing. h. t. num. 171. quod non sufficiat probare duntaxat impedimentum; verum insuper appellans probare debeat, se non fuisse in mora, sed diligentiam adhibuisse ad removendum impedimentum, et appellationem prosequendam; per textum allegatum ex cit. *L. ult. C. de Temporib. appellat.* Alioquin enim probatio non concluderet, et consequenter nec relevaret, arg. *l. Qui committitur. ff. de Re militari*. Unde Scaccia cit. *quaest.* 15. n. 156. concludit, se pluribus firmat, quod si appellans potuisset remove impedimentum, et non removet, non obtineat secundum annum, neque evitet desertionem causae.

178. Resp. III. Sianteque probato, ut supra, legitimo impedimento prosequendi appellationem, ipsamque finiendi intra primum annum, conceditur appellanti ad hoc ipsum secundus annus; et quidem ipso jure. Ita desumitur ex *Auth. Et qui appellat.* iuxta Glossa *q. Indulgeatur C. de Temporib. appellat.* et c. *Cum sit Romana*. 5. h. t. et c. *Ex ratione*. 8. ubi Glossa *q. Impotentiam et o. Oblatae*. 57. et alique tradit Barbosa cit. c. *Cum sit Romana*. n. 3. h. t. et Pirhing. *op. cit.* num. 165. cum aliis.

179. Et hoc adeo procedit, ut licet non pauci velint, *REIFFENSTUEL Jus. Can. Tom. II.*

appellanti tunc debere iura, annam protestari de ejusmodi impedimento, juxta Doctores per Sigism. Scacciam d. *quaest.* 15. n. 181. relaps: nihilo minus istam protestationem non esse necessariam, teneat idem Scaccia num. 182. post Rotam apud Caputag. *Depis*. 73. p. 2. *Cassent. Decis.* 5. n. 2. *de Excep. p. non.* et plures alios. Unde Barbosa cit. c. *Cum sit Romana*. n. 3. post Guid. Pap. tract. *de Appellat.* q. 101. n. 64. inquit, quod finito primo anno debeat appellans probare causam impedimenti; quae si iuxta fuerit, declarabit Iudex, si competere secundum annum datum a Legē.

Certum, an iuste impedito prosequi appellationem primo anno solum ex parte anni, concedatur totus annus secundus ipso jure ad prosequendam appellationem, variant Doctores. Et quidem non pauci volunt, concedi duntaxat tantum tempus secundi anni, quanto duravit impedimentum prioris anni: sic enim (ajunt) sufficienter suppletur id spatium temporis, quod ei per justum illud impedimentum fuerat sublatum. Alii vero distinguunt: et istam sententiam de rigore Juris quidem procedere censent; addunt tamen, quod si appellans toto primo anno fuit diligens in prosequenda appellatione, ne removendis impedimentis, concedatur ipsi de jure integer annus secundus, etsi impedimentum ejusmodi duntaxat duraverit per partem anni. Scaccia d. *quaest.* 15. *de Appellat.* num. 148. citans alios. Atque hanc sententiam secundum praxin, et usum Fori, praesertim Ecclesiastici, magis obtinuisse, refert Pirhing. num. 172. h. t.

At vero tempus ulterius, puta tertius annus, conceditur legitime impeditis per restitutionem in integrum: ut inquit Abbas in c. *Ex ratione*. 8. nu. 5. et 6. h. t. post Bartolum in *Auth. Item si appellatione. C. de Temporib. appellat.* et alios: qui tamen addunt, hujusmodi restitutionem posse fieri per Judicem sine libello, v. g. pronuntiando, quod, quia appellans tali, vel tali facto fuit impeditus, ideo ipsum restituimus etc. Hinc Summarium in d. c. *Ex ratione*. h. t. sic loquitur: *Lapsus biennii non praesudicat appellanti, quo minus ex causa legitima audiat, saltem per beneficium restitutionis in integrum, secundum veriorum intellectum.*

Solum adde, quod si per Judicem stetit, quo minus debito tempore finiatur appellatio, tempus fatalium appellationis ipso jure non currat; juxta Hostiensium in *Summa*, cit. n. 10. h. t. Idque patet ex *Auth. Sed et lis et Auth. Si appellatione. C. de Tempor. appellat.* in quo posteriori loco Bald. in *Summario* sic ait: *Si stat per judicem appellationis, non currunt Fatalia.*

Unde Engel h. t. n. 49. observat, quod ista Fatalia prosequendae, ac finiendae appellationis, hodie non attenduntur in majoribus Tribunalibus; ubi propter multitudinem causarum, appellationes plerumque in plures annos pendunt. Et merito: nam, ut in *Auth. de Appellationibus. §. Ad haec. Collat.* 4. quae est canonizata can. *Anteriorum*. 2. q. 6. notanter dicitur: *Quod visum est litigantium, si culmen Imperatorem occupatur? vel quis tanta est aegritudo, ut nolentem Principem possit ad convocandos Patres, caeterasque Proceres convocare?* Concordat d. *Ex insinuatione*. 50. h. t.

Resp. IV. Etsi post memoratum tempus non amplius super eodem negotio audiat appellans a sententia definitiva, vel interlocutoria, sed teneat prior sententia, ut hactenus explicatum; apud tamen est dicendum, si a gravamine extrajudiciali, et ante litem ingressum, quis appellaverit; nam hujusmodi appellans adhuc potius audiat, solum per remedium Juris communis, etsi non per remedium appellationis. Ita textus in *vic. c. Cum sit Romana*. 5.

§. *Infra quod. h. t.* et amplius declarat Glossa *ibid.* §. *Si vero a gravamine.* et Abbas *num. 18.* inter alia dicens. Quod si fuit appellatum a gravamine extra iudicium, audiatur appellans post terminum, licet appellationem non fuerit prosecutus in termino: quia licet tunc deserta sit appellatio extrajudicialis, nihilo minus auditor appellans super iure suo per viam appellationis; ut *c. Concertationi. 8. h. t. in 6.* Ubi proinde Jo. Andreas in *Summario*, breviter sic loquitur: *Qui appellat extra iudicium, infra decem dies, quo scivit gravamen, appellare debet; postea per remedium Juris communis audietur, sed non per appellationis remedium.* Accedit ratio: quia facta extrajudicialia non transeunt in rem iudicatam, hoc ipso, quod necdum sint in iudicium deducta, neque sententia super eisdem lata, ergo nihil obstat, quo minus imposterum revocari valeant per contradictionem debitam (puta iustitucundo actionem, aut querelam, vel exceptionem contra illatum gravamen, aut alia iuris remedia intucundo) dummodo appellans medio tempore eisdem non consenserit, juxta textum *cit. c. Concertationi. h. t. in 6.*

185 Quæritur V. An, et per quem, terminus Fatalium a Jure concessorum possit restringi? Resp. I. Juxta a quo potest certum tempus præscribere ad appellationem prosequendam, etiam ex rationabili causa coarctando terminum a Lege concessum: non tamen potest statuere terminum ad eam finiendam. Ita habetur *c. Ex insinuatione. 30. h. t.* ubi Summarium, et Abbas *n. 1. et seqq. Barbosa n. 1. h. t. Scaccia de Appellat. quæst. 15. n. 218.* Pirhing *h. t. n. 151.* et alii. Ratio posterioris partis est: quia Juxta a quo, utpote inferior, non potest legem ponere Superiori, sive Judici ad quem; videlicet præfigendo appellanti terminum finiendi coram eo appellationem, adeo ut alioquin causa appellationis ad ipsum reverteretur. Hoc enim modo aretaretur etiam Juxta ad quem, et imponderetur ipsi per inferiorum necessitas terminandi causam intra prædictum tempus: quod repugnat ordini hierarchico.

186 Quod si vero Juxta inferior id fecerit seu appellanti præfixerit terminum finiendi appellationem, censetur præfixisse terminum ad se præsentandum Superiori, seu ad prosequendam appellationem, non vero ad eam finiendam Summarium, et Abbas *cit. c. Ex insinuatione. n. 1. et 2. h. t.*

187 Prior vero pars patet ex *c. Cum sit Romana.* ubi Glossa §. *Recisus* et Abbas *ibid. n. 1. et 12. et 17.* et Barbosa *n. 1. h. t.* et alii communiter, docentes, quod Juxta a quo possit terminum ad prosequendam appellationem concessum (videlicet unum annum, vel ex legitima causa biennium) abbreviare secundum qualitatem seu exigentiam negotii, ac personarum, locorumque distantiam, per textum *cit. c. Cum sit Romana. h. t.* Idem probatur ex eo: quia Juxta a quo potest appellanti præfigere terminum ad iter arripiendum; ut *c. Ad hanc. 30. h. t.* juncta Glossa *ibid. §. Infra quadraginta.* Item ad petendum apostolos, *Clem. Quavis. h. t.* ac hujusmodi: licet non possit præfigere terminum respectu appellationis finiendæ, *cit. c. Ex insinuatione. 30. h. t.* estque proxime dictum.

188 Resp. II. Contra Juxta ad quem, non potest abbreviare terminum a Jure concessum ad prosequendam appellationem, nisi forsan ex mora, seu longiori dilatione, periculum imminet animarum, vel damnum Reipublicæ. Ita Hostiensis in *Summa. h. t. num. 10. vers. Sed et Juxta ad quem.* Abbas *c. Oblatae. 37. nu. 6. h. t.* Pirhing *cod. nu. 153.* et alii. Ratio disparitatis inter Judicem a quo, et Ju-

dicem ad quem, quantum ad propositum, est hæc: quia, ut notat Abbas *ibid.* Judici a quo fit præjudicium per appellationem: nam sæpe appellator frustratorie, ad differendum negotium principale; sicque merito potest is, quando ita ob qualitatem causæ, atque personarum expedire judicaverit, appellationi prosequendæ terminum brevioris præfigere, ut fraudibus obviatur. Econtra Judici ad quem nullum fit præjudicium; ac proinde nec potest restringere terminum prosequendæ appellationis a Jure concessum, juxta *Reg. 17. Jur. in 6. Indultum a jure beneficium, non est alicui auferendum.* Intellige, nisi justa causa, puta, commodum publicum, aut evitandum periculum animarum, aliud fieri deponat: prout dicta Regula limitari solet, conformiter alteri parti datæ Conclusionis.

Nec obstat, quod Juxta a quo non possit minuire terminum decem dierum, concessum ad appellandam; ut inquit Glossa *d. c. Cum sit Romana §. Recisus. h. t.* Resp. enim, disparitatem esse: quia istud nulla Lege reperitur Judici concessum, præsertim cum ex tam modico termino haud facile possit præjudicium aliquod generari. Secus dicendum in Fatalibus prosequendæ appellationis, utpote ad integrum annum, aut ex necessaria et evidenti causa ad biennium sese extendentibus: nam quod tale tempus secundum causæ, et personarum qualitatem, Juxta a quo moderari possit, si ita expedire judicaverit, expresse conceditur ipsi *cit. c. Cum sit Romana. 3. et c. Oblatae. 37. h. t.* cum concordantibus.

Atque ex his elicitur alia probatio præmissarum Conclusionum, et disparitatis inter Judicem a quo, et ad quem. Nam illi expresse concessum est a Jure, posse juxta exigentiam causarum, locorum, atque personarum moderari, seu restringere tempus prosequendæ appellationis: econtra Judici ad quem istud nullibi reperitur concessum, nisi ubi imminet periculum, puta commune Reipublicæ, vel animarum; sicque, argumento a sensu contrario desumpto, censetur ipsi istud denegatum respectu causarum, in quibus tantum versatur utilitas privata. Abbas *cit. c. Oblatae. 37. nu. 6. h. t.* et favet textus *ibid. §. Superior, in hæc verba loquens: Superior quoque Juxta, si viderit ex dilatione periculum imminere, potest, et debet neutro prosequente appellationem, occurrere, ut periculum evitetur: puta, si a sententia lata super confirmatione alicujus electi fuerit provocatum, et utraque pars velit etiam ad annum prosecutionem appellationis differre, potest utique, imo debet, superior Juxta, ad quem fuerat appellatum, terminum provide moderari, ne gregi dominico diu desit cura pastoris.* Hæc ibi.

Porro, quod textus allegatus statuit de conjugio spirituali, existente inter Ecclesiam et Prælatum, intelligit Hostiensis *cit. num. 10.* etiam de causa appellationis in controversia conjugii carnalis, ob periculum animarum. Et quia exempla declarant, dispositionem de similibus esse intelligendam, *L. 1. §. Quod vulgo. ff. de Vi et vi armat.* Ragnanus *c. Non minus. n. 30. de Immunitat. Eccles.* consequens est, idem esse dicendum in periculo damni Reipublicæ, imo et in causa alimentorum necessariorum, ac hujusmodi, ubi pariter ex dilatione immineret periculum vitæ esurientis, aut Communitatis. Pirhing *cit. n. 153.*

Quin etiam in aliis causis, licet Juxta ad quem non possit imponere terminum instantiæ appellationis, hujusque Fatalibus: tamen, si ei liquet de causa, potest partibus præsentibus quodocunque pronuciare, seu ferre sententiam; sicque imponere terminum causæ, ac finire Fatalia appella-

tionem. Scaccia cit. quaest. 15. n. 217. post Baldum in *Auch. Et qui appellat. n. 12. C. de Temporib. appellat. et Francum c. Cum sit Romana. num. 12. h. t.*

193 Resp. III. Appellans potest sibi restringere, seu abbreviare Fatalis appellationum, juxta c. *Personat. 4. §. An. h. t. et c. Ad haec 10. cod. non tamen potest se solū eadem prorogare. Hoc enim redundaret in praedictum tertii, seu appellati, contra Reg. 14. Id. in 6. Non debet aliquis ulterius odib. praegravari. juxta c. 1. Non debet. ff. cod. cum similibus.*

194 Utrum autem mutuo partium consensu possint Fatalis appellationum prorogari, contraveniant Doctores, uti videre est apud Scacciam quaest. 15. de Appellation. n. 188. referentem plurimos Auctores pro et contra. Probabilior tamen et communior sententia est, posse talem prorogationem Fatalium communium partium consensu fieri, dummodo adhuc durent tempora Fatalium: alias veniens, nam quod non est, prorogari nequit, Scaccia loc. cit. n. 189. et 191. et seqq. Pirhing h. t. n. 167. Mantua part. 6. Speculi Aurei tit. de Appellation. numer. 215 Gailus lib. 1. Practic. Observat. 11 num. 6. et alii Idque probatur ex L. ult. §. An. C. de Temporib. appellat. ubi partes permittuntur pacisci, ut nullum fatale observetur. Concordat Clem. Quamvis dicitur. h. t. ubi dicitur, quod de expresso partium consensu differatur, neque appellanti curet tempus a jure, vel homine praesentem ad proseguendam appellationem: nisi Judex, ob imminens ex dilatione periculum, jussit in illa procedi: ergo, si praecceptum Judicis non obstat, hoc ipso possunt prorogare Fatalis appellationum. Concordat c. De causis. 4. de Offic. Delegat. ubi simile quid statuitur de prorogatione jurisdictionis Delegati.

195 Queritur VI. Quis sit Judex in causa desertae appellationis ob lapsum Fatalium? Resp. I. Quando appellans nunquam petivit apostolos, aut debito tempore causam appellationis non introduxit, vel saltem eam non est prosecutus coram Judice ad quem: tunc Appellatus, seu victor in causa potest adire Judicem a quo, qui sententiam tulit, ad eoque petere, ut mandet illam executioni, citato tamen Appellatore ad contradicendum, si habeat, eum non debeat executioni mandari: et tunc Appellator ille tenetur comparere; atque docere, vel a se factam fuisse legitimam prosecutionem appellationis, vel justum intervenisse impedimentum, ratione cujus non potuerit eam prosecui: quod si vero Appellator non comparuerit, vel saltem alterum dictorum non docuerit, potest Judex ille ad executionem suae sententiae venire: nec tunc opus est alia pronuntiatione super desertione appellationis. Ita Felinus c. Ex parte. 12. numer. 9. de Rescriptis, citans Angelum in l. Si contra majorem. C. de Appellatione Alexander Consil. 93. numer. 3. vol. 1. d. cum Scaccia quaest. 11. de Appellat. 149. et 167. allegans insuper Card. Alexandrum c. Ex ratione. num. 44. et Francum ibid. num. 35. de Appellat. asserentes, per hoc evitari magnum circuitum.

196 Conclusio haec probatur per textum singularem in d. l. Si contra majorem. C. de Appellation. quem infinitis viribus se practicas, dicit Angelus, ubi supra; et sic sonat: Si contra majorem viginti quinque annis sententia prolata, pronuntiationis secularis tempore praefinito causae non esse representatas, nec appellatione pendente, transactione finitum negotium Rector Provinciae animadverterit, res judicatae exequi curabit. Hae ibi: juncta Glossa, per res judicatae intelligente primam sententiam: Concordat c. Ad haec. 10. h. t. et Clem. 1. et 3. et 5. cod. ubi appellatio censetur deserta, et prior sententia in rem trahitur judicata, si appellationem appellatus rite non fuerit prosecutus: sique non est opus alia pro-

nuntiatione super desertione appellationis; hoc ipso, quod appellans ejus prosecutionem non probet, et Fatalis sint elapsa.

Resp. II. Quod si vero Appellatore veniente, et aliquid allegante, dubium remanent, an causa appellationis ab eo fuerit deserta, nec ne: tunc est distinguendum inter duos casus. Quia vel appellans nunquam comparuit coram Superiore: et tunc indubitanter discussio, atque pronuntiation super causa desertae, vel non desertae appellationis, spectat ad Judicem a quo: siquidem Judex ad quem non habet cognitionem aliquam, nisi per viam appellationis negotiationem ad ipsum deferatur; hoc autem in casu posito (puta, si non fuissent petiti apostoli, vel saltem causa ipsa nunquam fuisset delata ad Superiorem) non contingeret; ergo, Felinus cit. c. Ex parte. 12. nu. 9. de Rescriptis Scaccia ubi supra, n. 149. et 150. et nu. 166. post Francum c. Romana. §. An. n. 3. de Appellat. in 6. Vestrius in Praxi. lib. 8. cap. ult. n. 9. et alios.

Vel appellans jam comparuit aliquando coram Superiore, seu Judice ad quem, et coram ipso introducta fuit causa appellationis: et tunc in dubio, an appellatio fuerit deserta, nec ne (puta, an appellans legitime fuerit impeditus a prosecutione appellationis) debet Judex ad quem cognoscere, atque pronunciare super desertione: quia is jam semel fuit aditus: ubi autem semel coeptum est iudicium, ibi debet finire, l. Ubi acceptum. ff. de Judiciis Felinus cit. n. 9. Scaccia d. quaest. 11. num. 151. et seqq. post Francum c. Ex ratione. num. 67. et 99. h. t. et alios.

## §. VII.

De effectibus Appellationum: ac praesertim de harum effectu suspensivo, et revocationis sententiae.

## SUMMARIUM.

- 198 Effectus appellationis legitime interpositae principaliter est duplex; suspensivus, ac devolutivus.
- 199 Effectus ejus suspensivus, in quo consistat?
- 200 Operatur tria, et quae?
- 201 Suspendit pronuntiationem, etc. non vero extinguit.
- 202 Effectus devolutivus appellationis, quis?
- 203 Possumus distinguere plures alii effectus appellationis, minus tamen principales.
- 204 Prima, quod possit impetrari Judex appellationis per Rescriptum.
- 205 Quod pendente appellatione nihil sit innovandum.
- 206 Imo nec intra decennium ad appellandam concessionem possit aliquid innovari, etiam ante factam appellationem.
- 207 Quod suspendat iudicium.
- Atque reponat appellantem in pristino statu; et quomodo? Ibid.
- 208 Et quod Judex ad quem debeat revocari, aut confirmare sententiam Judicis a quo.
- 209 Quando appellatio a sententia definitiva habeat, vel non habeat effectum suspensivum? Et nu. seqq.
- Appellatio a definitiva regulariter habeat effectum suspensivum Ibid.
- 210 Fallit istud in casibus exceptis, seu in quibus Jura prohibent appellari.
- 211 Ac in appellatione a censuris Ecclesiasticis absolute prolatis. Et num. seqq.
- Excommunicatus, etiamsi appellat ab excommunicatione absolute prolata, eadem ligatur. Ibid.



- Excommunicatio executionem secum trahit. Ibid.*  
 213 *Idem dicendum de aliis censuris Ecclesiasticis absolute prolati.*  
 214 *Socus, si appelletur a Censura, solum comminatus, vel lata sub conditione, si ante hujus eventum appelletur.*  
 215 *Appellans in una causa, si committat grave crimen, potest de eo puniri per Judicem ordinarium a quo.*  
 216 *Sicut et appellans in una causa, v. g. civili, potest conveniri coram ordinario Judice a quo in alia causa.*  
 217 *Nisi hunc recusaverit ut suspectum etiam in alia causa.*  
 218 et 219. *Et quando talis recusatio fieri possit? Et num. praeced.*  
 220 *Appellatio non habet effectum suspensivum in iis, quae tendunt duntaxat ad faciliorem causae exitum.*  
 221 *Sicut et in nonnullis aliis casibus.*  
 222 *Appellatio a sententia interlocutoria, vel gravamine, habet effectum suspensivum respectu illius articuli etc. a quo appellatur.*  
 223 *An si appelletur super incidenti solum, possit Judex a quo procedere in causa principali? Et numer. seqq.*  
 224 *Quando sine incidenti illo potest causa principalis expediri, nequit Judex a quo in ea procedere.*  
 225 *Alias id fieri posse, consent nonnulli: et horum fundamentum.*  
 226 *Opposita sententia est retinenda.*  
 227 *Solvuntur rationes prioris sententiae.*  
 228 *Judex a quo nequit revocare sententiam diffinitivam valide prolatam.*  
 229 *Potest tamen revocare sententiam interlocutoriam, vel gravamen, ac deinde in causa principali libere procedere.*

199 **Q**uæritur I. Qui sint effectus appellationis? Resp. I. Effectus appellationis legitime interpositae, principaliter est duplex, nimirum suspensivus, ac devolutivus: quamvis non semper appellatio operetur ambos istos effectus. Ita Abbas *ad Rubric. h. t. n. 4.* et alii passim. Et quidem altera pars, seu quod appellatio non semper operetur ambos hosce effectus, patebit ex dicendis num. 210. et 211. ac seqq. ubi plures referuntur hujusmodi casus. Prior autem pars ostenditur declarando terminos: nam

200. *Effectus suspensivus appellationis consistit in hoc, quod per ipsam suspenditur sententia Judicis a quo, ejusque jurisdictio, quantum: ad illam causam, in qua fuit appellatum: adeo, ut ad executionem sententiae suae procedere non possit. Nam appellatione interposita medio tempore nihil novari oportet, ut dicitur L. un. ff. Nihil novari appellatione interposita. Unde*  
 201. *Effectus suspensivus tria operatur. Primo enim suspendit pronuntiatum, sive sententiam Judicis a quo. Secundo suspendit ejus executionem quantum ad illam causam: adeo, ut pendente appellatione Judex ille non possit circa eam procedere absque vitio attentati. Tertio suspendit etiam praesumptionem aliquam stantem pro sententia judicis, c. Cum ad Sedem. 15. §. fin. de Restitut. spoliat. cum similibus.*

202. *Dicitur notanter, suspendit pronuntiatum etc. non vero, extinguit. Nam appellatore non prosequente appellationem, rata manet prior sententia, et assumit vires suas, c. Cum sit Romana. 5. et c. Personas. 4. h. t. cum concordantiis. Hoc autem fieri non posset, si sententia Judicis a quo per appellationem interpositam, simpliciter extingueretur, et non tan-*

tom suspenderetur: prout argumentatur Abbas *cit. n. 4.* Unde dum L. 1. §. fin. ff. Ad S. C. Turpilianam dicitur: *Provocationis remedio condemnationis extinguitur pronuntiatum: ly Extinguitur exponendum est pro ly, Suspenditur: et explicat Glossa. ff. ibid.*

*Effectus devolutivus appellationis consistit in hoc, quod tota causa devolvatur ad Judicem superiorem, seu Judicem ad quem: ita, ut is non solum de iustitia appellationis cognoscere valeat: sed etiam, hac probata, causam principalem examinare, eamque eventualiter definire possit, ac debeat. Textus est in L. 1. Eos qui. §. 1. C. de Appellation. et c. Dilactis pñis. 55. h. t. ubi Summarium sic loquitur: Per appellationem legitimam interpositam, principale cum accessoris ad Judicem appellationis deferitur. Verum de hoc plura inferius num. 230. et seqq.*

Resp. II. Etsi duo sint effectus principales appellationis, nempe suspensivus, et devolutivus, ut dictum: nihilo minus praeter hos possunt distingui plures alii effectus appellationis, minus tamen principales, vel ad unum praedictorum commode reducibiles. Ita Sigism. Scaccia *tract. de Appellation. quaest. 2. n. 3. et seqq.* enumerans universim septem effectus illius: et n. 85. notans, quod Card. Alexand. in *Rubric. de Appellation. a n. 69. usque n. 82.* conetur cumulare duodecim effectus appellationis. Et quidem, praeter duos jam enumeratos,

Tertius appellationis effectus est, quod ea legitime interposita possit impetrari Judex appellationis, seu de super expediri commissio: puta, per Rescriptum Apostolicum, ut *cap. 2. et seqq. et c. Significaverunt. de Exceptionib.* cum similibus. Alioquin enim, si causa appellationis committatur, seu delegetur non interposita prius appellatione, commissio est invalida, nupote data super eo, quod non est. Scaccia *cit. num. 3.* asserens, hunc effectum esse notum in Cura, ex vulgata Bellamirae *Decis. 28. et 100* ubi ait: *Commissio facta super appellatione nondum interposita, est nulla ipso jure.* Verum effectus iste commode reducitur ad devolutivum, de quo proxime dictum.

Quartus appellationis effectus, sed ad effectum ejus suspensivum reducibilis, est: quod pendente appellatione nihil sit innovandum: ut L. un. ff. Nihil novari appellatione interposita. Ubi Ulpianus sic loquitur: *Appellatione interposita, sive recepta sit, sive non, medio tempore nihil novari oportet, cum similibus.*

Concordat textus notabilis in c. Non solum. 7. h. t. in 6. Ubi non solum innovata post appellationem a diffinitiva, jubentur (exceptis certis casibus, statim revocari per Judicem appellationis: sed etiam illa, quae medio tempore decem dierum intra sententiam et appellationem gesta fuerunt, illis verbis: *Non solum innovata post appellationem a diffinitiva sententia interjectam, debent semper (exceptis casibus, in quibus Jura post sententiam prohibent appellare) ante omnia per appellationis judicem penitus revocari: sed etiam ea omnia, quae medio tempore inter sententiam et appellationem (quae postmodum infra decendum interponitur ab eadem) contingit innovari, ac si post appellationem eandem innovata fuissent.* Ubi Glossa 4. *Innovata fuissent*, hujus posterioris partis rationem assignat, dicens: Quia sicut post appellationem a diffinitiva nihil attentari debet: sic nec pendente jure, quod condemnato competit ad appellandum, scilicet usque ad decem dies. Sicut eois indultum a jure beneficium, non est alieni conferendum, juxta Reg. 17. *Juris in 6.* ita nec spes ad illud, puta, facultas appellandi intra decendum, arg. l. Si usufructus mihi legatus. ff. *Usufructuarius quemadmodum caveat.* Concordant dicta superior Tit. praeced. §. 6. n. 160.

208 Quintus appellationis effectus est, ut suspendat iudicium, non tamen extinguat, conformiter dictis paulo superius num. 201. et 202. Sextus ejus effectus est, ut reponat appellantem in primum statum; intellige in eum, quo prius fuerat post litem contestatam, non vero in illum, in quo fuerat ante litem contestationem. Scaccia quæst. 11. de Appel- lat. n. 46. estque jam dictum supra Tit. 25. de Exce- ptionibus. n. 28. et n. 74.

209 Septimus appellationis effectus est, ut si appella- tio sit legitima, talisque appareat in fine, teneatur Judex ad quem revocare sententiam Judicis a quo: sia minus, debeat hanc confirmare, simulque calum- nioso, vel temere appellantem condemnare alteri parti in expensis. Scaccia de Appellation. quæst. 3. num. 83. et quæst. 2. num. 52. et alii: atque concor- dam dicenda inferius num. 231. Verum hi etiam ap- pellationis effectus commode redeuntur vel ad su- spensivum, vel ad devolutivum ejus effectum: uti facile patebit consideranti.

210 Quæritur II. Quando appellatio a sententia dif- finitiva habeat, vel non habeat effectum suspensi- vum? Resp. I. Esi regulariter per appellationem a definitiva suspendatur jurisdictio Judicis a quo: ut dicitur c. Si a iudice. 10. h. t. in 6. ibi: Cum per appellationem sit suspensa ipsius jurisdictio, cum similibus. Simulque appellatione pendente nihil sit innovandum: cit. L. un. ff. Nihil novari appella- tione interposita, et alibi. Haec tamen ipsa Regula fallit in pluribus casibus, juxta illud vulgatum: Nulla regula sine exceptione.

211 Et primo quidem fallit ipsa in casibus exceptis, seu in quibus Jura post sententiam prohibent appel- lari. Textus est in c. Non solum. 7. h. t. in 6. ubi dicitur: Innovata post appellationem a definitiva sententia interjectam, debent semper (exceptis ca- sibus, in quibus Jura post sententiam prohibent ap- pellare) ante omnia per appellationis Judicem peni- tus revocari. Ubi limitatio illa, exceptis casibus etc. aperte tradit præsentem fallentiam. Nec immerito: nam appellatio, quæ contra Jura prohibitionem interponitur, habetur pro infecta, can. Imperiali. 25. q. 2. juncta Reg. 64. Jur. in 6. cum concordan- tibus, quod autem nullum est, atque infectum, nul- lum producit effectum: ut c. Illud 8. de Jure pa- tronat et L. 4. §. Condemnatum ff. de Re judicat. cum similibus. Qui vero sunt illi casus excepti, seu in quibus Jure prohibente non licet appellare, di- citur §. 10. et 11. per totum.

212 Fallit secundo data Regula in Censuris Ecce- siasticis absolute inflicta. Nam si ab istis jam latis appellatur, appellatio non sortitur effectum suspensi- vum, seu non impedit, neque suspendit valorem censurarum. Pateo hoc ex c. Pastoralis. 53. h. t. ubi di- citur, quod excommunicatus, etiamsi appellet ab ex- communicatione in ipsum absolute prolata, nihilo minus eadem ligetur: adeo, ut non obstantis appel- latione possit denunciari, ut ab aliis evitetur, nec non et preventibus Ecclesiasticis spoliari. Siquidem excommunicatio executionem secum trahit (prout loquitur textus ibid.) id est, prolata sententia ex- communicationis statim aliquis est excommunicatus, nec est opus alia executione, qualis tamen executio requiritur, quando quis condemnatur ad solvendum, vel tradendum alteri rem suam.

213 Et quia etiam aliae censuræ Ecclesiasticæ abso- lute prolatae executionem secum trahunt, idem juris est in illis: prout habetur expressum in c. Is cui. 20. de Sentent. excomm. in 6. ibi: Sane sicut ex- communicatio, sic ab officio, vel ab ingressu Ecce- siæ lato suspensio, aut ipsius effectus, per appella- tionem sequentem minime suspenduntur. Id ipsum tri- dit Abbas c. Saepe contingit. 44. n. 16. h. t. Scaccia de

Appellat. quæst. 17. limitat. 22. n. 3. Pirhing h. t. n. 237. et communis aliorum. Ratio ulterior est: quia censuræ Ecclesiasticæ sunt medicinales, et veniunt principaliter ad corrigendum, c. Cum medicinalis. 1. de Sentent. excomm. in 6. unde, ne prætextu frivole appellationis quandoque impediatur correctio, fuit in eis inducta isthæc specialitas, quod per ap- pellationem subsequentem non suspendantur.

Dicitur notanter num. 217. fallit in censuris Ec- 214 clesiasticis absolute inflicta. Nam secus est dicen- dum, si censura nondum fuerit lata, sed solum eno- minata; atque imposterum ferenda; aut si fuisset lata duarum sub conditione; v. g. nisi inter certos dies satisfecerit, sciat Sempronius se esse excom- municatum, suspensum, aut interdictum: siquidem appellatione ante eventum conditionis interposita (et multo magis, si censura nullo modo lata est, sed solum facta ejus comminatio) suspenditur hujusmodi censura, ejusque effectus impeditur, per textum expressum in c. Praeterea. 40. ubi Abbas n. 1. et 3. Barbosa n. 1. et 4. h. t. et communis. Ratio disparitatis inter hunc, et priorem casum, est: quia ibi excommunicatio, seu alia censura, utpote lata absolute, jam arctat excommunicatum ante in- terpositam appellationem: secus in altero caso, ubi lata fuit sub conditione, atque ante hujus eventum extitit appellatum. Quod si vero post eventum conditionis primum appellaretur, tunc revera con- ditione impleta jam ligaret censura: ut c. A nobis. 21. de Sentent. excommunicat. Ac proinde non amplius suspenderetur per subsequentem appella- tionem, cit. c. Pastoralis. 53. h. t. et notat Glossa fin. d. c. Praeterea. 40. h. t.

Fallit tertio data Regula in caso, quo quis ap- 215 pellat a Judice ordinario in una causa, et postea committit grave crimen, aut de crimine antehac com- misso coram eo accusatur: nam hujusmodi appel- lans potest de illo crimine puniri per Judicem illum ordinariæ, a quo in alia causa appellavit, non ob- stante priori appellatione. Textus est in c. Praeterea. 22. h. t. juncto Summario, et DD. ibid. Et merito: tum quia appellatio est quidem species justae de- fensionis, non tamen debet delinquentem tueri in sua iniquitate: cum remedium istud sit concessum, ut relevet ab iniquo gravamine, non ut justitiam pervertat. Tum quia appellatio non extenditur ad ea, quæ sunt post appellationem: neque per eam suspenditur jurisdictio Judicis a quo, nisi in ea so- lum causa, super qua appellatum extitit.

Atque istud procedit non solum in casis crimi- 216 nalibus, sed etiam in aliis: adeo, ut si appellans in una causa, puta civili; conveniatur coram Judice ordinario a quo super alia re, seu causa, de qua ap- pellatum non est, debeat stare ejus iudicio, nisi vo- luerit eum recusare ut suspectum; per textum in cit. c. Ad haec. 6. h. t. et c. Proponit. 24. h. t. ubi dicitur, quod appellans non minus teneatur in aliis, super quibus appellatum non est, respondere. Accedit ratio: quia appellatio non eximit appellantem a jurisdictio- ne Judicis ordinarii, nisi in eo tantum caso, super quo appellatum fuit, c. Romana. 5. Cum vero is. h. t. in 6. Quod intellige, dummodo appellans Judicem, a quo appellavit in una causa, non recusaverit ut suspectum etiam in alia causa.

Et notanter hoc ultimum additur: quia appellans 217 in una causa, potest Judicem a quo, si voluerit, recusare ut suspectum etiam in alia causa. juxta textum cit. c. Ad haec. 6. h. t. ibi: Eum potest, si voluerit, tanquam suspectum vitare in aliis causis. Adeo, ut Barbosa ibid. num. 2. cum aliis, inde in- ferat, ex sola appellationis interpositione in una causa (gravamine etiam non probato) posse Ju- dicem a quo recusari ut suspectum in alia causa.

Rationem dat: quia aliqualis injuria videtur inferri Judici, a quo appellatur, sicque iste non nihil offendi: et quia multi alii Judices solent provocari ad aliquam indignationem contra appellan-tem, dubitari potest, ne Judex ille, ut pote aliquantulum offensus, velit in alia causa se ulcisci contra appellan-tem: et consequenter debet posse recusari, et suspectus. Id ipsum confirmatur ex textu cit. c. *Ad haec*, si h. t. ponderando ly, *si valuerit*: et consequenter videtur esse in libertate appellantis a Judice in una causa, ipsum in alia causa recusare ut suspectum, si voluerit.

218. Favendum tamen est, quod Ia. Andreas in d. c. *Ad haec*, n. 1. h. t. et Abbas ibid. n. 3. Pirhing eod. n. 21. et Scaccia quaest. 17 de Appellat. limit. 47. memb. 3. n. 4. allegans communem aliorum, praedictam suspectam non admittant indistincte. Unde volunt, quod memorata sententia, et textus cit. c. *Ad haec*, si h. t. tunc demum procedat, quando suppetit alia causa recusandi Judicem a quo, ut suspectum ( puta, quia forte aliquid aliud gravamen intulit appellanti, vel huic imputatus fuit ) ratione ejus proinde appellans velit ipsum recusare, atque recuset ut suspectum: non autem praesume ex eo, quod quis in aliqua alia causa ab ipso appellaverit, etiam nullo caeteroquin probato gravamine. Rationem dant: tum quia Judex discretus non provocatur, seu non irritatur ex appellatione, ut inquit Abbas c. *Ut debitas*, 59. n. 32. h. t. sicque ex hoc solo non praesumitur velle se vindicare. Tum quia sententia Judicis, bono animo judicantis, non debet obesse ipsi, con. *Hoc etiam placuit*, 2. q. 6. Obesset autem, si ipse posset libere recusari ut suspectus in alia causa: quia per hoc minueretur jurisdictio ipsius. Tum tandem, quia aliquando posset appellans recusare Judicem a quo in alia causa ut suspectum, etiam si temere, et frustratorie appellasset: hoc autem videtur absurdum, et contra textum apertum in *L. un. ff. Apud eum, a quo appellatur, aliam causam agege*, etc. illis verbis: *Nec utetur ( appellans ) hoc praetextu, quasi apud offensum Judicem non debeat experiri: cum possit denuo provocare*.

219. Illud est in confesso, quod Index ordinarius, a quo in alia causa appellatum fuit, non possit recusari in crimine manifesto. Patet enim istud ex c. *Proposuit*, 24. h. t. ubi Pontifex desuper consultus, respondit in haec verba: *Licet pro illa appellatione non minus teneatur in aliis, super quibus appellatum non est, respondere: Index tamen, a quo appellatur ( quia illi omnino suspectus est ) eum non debet ad respondendum super aliis compellere: nisi pro crimine atro gravi, et manifesto, quod ipso actu merito sit aliquandus*. Ratio hujus est, quia in notoriis non est locus recusationi, sicut nec appellationi: nam appellatio, et recusatio equiparantur, c. *Super eo*, 12. h. t.

220. Estit quarto Regula memorata, atque appellatio non habet effectum suspensivum in iis, quae tendunt ad favorem, seu faciliorem causae appellationis exitum: dummodo Index a quo absteineat a cognitione ipsius causae appellationis. Ita Abbas c. *Cum tenamus*, 17. n. 1. et Barbosa ibid. n. 3. h. t. Maranta part. 6. *Speculi Aurei*, tit. de Appellationum num. 194. Scaccia, ubi supra, quaest. 3. n. 20. Sanning h. t. cap. 8. n. 1. et alii. Idque clare desumitur ex cit. c. *Cum tenamus*, 17. h. t. ubi habetur, quod Index a quo appellationis possit reformare possessionem, a qua appellans pendente appellatione fuerat turbatus, sive dejectus. Concordat textus in c. *Ex litteris*, juncta Glossa & *Discretus interdicti de Matrimon. contracto contra interdicti*, ubi dicitur, quod licet Index deferat appellationi, nihilo minus interdicere possit, ne appellans faciat id, propter quod appellavit; v. g. ne appellans a valore matri-

monii nubat alteri, donec causa ipsius matrimonii debitum suum sortiatur.

Praeter hos casus, in quibus appellatio non sortitur effectum suspensivum, plures alii adducuntur a Barbosa in c. *Ut debitas*, 59. n. 15. de Appellat. allegante alios Doctores. Sic quippe fit, ac proinde non obstante appellatione proceditur ad executionem sententiae, in causa dotis, in causa mercedis, in alimentis futuris ( scus, in alimentis jam decursis ante litem motam ) item in causis p. is, atque in illis causis, quae celeritatem requirunt: prout ulterius deducit citatus Barbosa, probatque, in ipsis non dari appellationem in ordine ad effectum suspensivum. Et haec procedunt de appellatione a sententia dissolutiva: nunc ulterius.

Queritur III. An pariter appellatio a sententia interlocutoria, vel gravamine, habent effectum suspensivum? Resp. I. Etiam appellatio a sententia interlocutoria, vel gravamine, sortitur effectum suspensivum, saltem respectu illius articuli, sive gravaminis, super quo appellatum fuit: dummodo istud per Judicem a quo postea non revocetur. Ita patet ex c. *Si a iudice*, h. t. in 6. Generaliter enim appellatione interposita medio tempore nihil novari debet; ut dicitur: *L. un. ff. Nihil novari appellat interposit*.

Additur notanter, dummodo istud ( videlicet gravamen per sententiam interlocutoriam illatum ) per Judicem a quo postea non revocetur: nam quod Index a quo possit istud revocare, et tunc in causa procedere, non obstante facta appellatione, patet ex c. *Cum cessante*, 110. h. t. et amplius dicitur infra n. 229. Additur ulterius, saltem respectu illius articuli etc. Nam controversia non modica est, an si appelletur super incidenti solum, possit Index a quo procedere in causa principali.

Et quidem satis convenit inter Doctores, quod, quando appellatur super aliquo articulo, sive quaestione incidenti, vel gravamine tali, sine quo causa principalis expediri nequit: tunc Index a quo supersedere debeat non tantum a cognitione illius quaestionis incidentis, super qua appellatum fuit, sed etiam a cognitione ipsius causae principalis. Ita siquidem habetur expressum c. *Super eo*, 10. h. t. verbis illis: *Si de aliqua exceptione quaestio oriatue, et eandem appellationem fieri contingat, eidem exceptioni erit merito supersedendum, et si principalis causa sine illa terminari non poterit, ei nihilo minus supersedeatur*. Concordat in simili c. *Lator*, 5. et c. *Causam quae inter* 7. *Qui filii sint legitimi*. Ubi si incitat quaestio spiritualis, v. g. super valore matrimonii, ac legitimitate proles, nec ad iudicium Ecclesiae remissa, interim quiescit causa petitionis haereditatis coram Iudice saeculari intentata: quia nimirum haec sine illa decidi non potest. Concordant dicta superius Tit. 10. de Ordine cognitionum, n. 15. et n. 50. ac seqq.

Nun vero pariter appellatio ab interlocutoria, vel articulo quodam incidente, sine quo tamen causa principalis terminari potest, suspendat jurisdictionem Judicis a quo in totum, variant Doctores. Negat Zorsius h. t. num. 17. et Pirhing num. 178. id probantes ex cit. c. *Super eo*, 10. h. t. ubi dicitur: *Et si principalis causa sine illa terminari non poterit, ei nihilo minus supersedeatur*: ergo, argumento a sensu contrario desumpto ( inquit ) si sine illa causa incidente, v. g. exceptione aliqua, a qua appellatum exitit, potest terminari, seu decidi causa principalis, non est necesse, ut per Judicem a quo huic supersedeatur. Accedit, quod appellatio in una causa non impediat, quo minus Index a quo ( nisi recusetur ut suspectus ) possit iudicare in alia causa, c. *Ad haec*, 6. et c. *Proposuit*, 24. h. t.



etque paulo superius dictum. Atqui in proposito videntur esse duae causae, cum causa principalis ( uti supponitur ) possit terminari sine altera incidenti: puta, si appelletur ratione contumaciae, postulando, ut propter eam pars litigans condemnetur in expensis: vel si appelletur ab exceptione compensationis, aut huiusmodi; ergo.

226 Oppositam sententiam, ac in praxi merito retinendam, videlicet Iudicem a quo tunc non posse procedere in causa principali, tenet Glossa cit. c. Super eo. 10. §. Terminari. et Abbas ibid. num. 4. et seqq. h. t. hanc opinionem appellatus communem, eamque probans ex c. Si a iudice etc. Non solum h. t. in 6. Accedit, quod durum sit, eundem litigantem arctari ad comparandum in eadem causa coram diversis Iudicibus, contra illud vulgatum: Causae continentia non debet dividi: ut dicitur l. Nullam, iuncto Summario, et DD. ibid. C. de Iudiciis et c. Dispensatio. 3. de Rescript. in 6.

227 Neque multum urgent rationes in oppositum n. 225. allatae. Nam imprimis argumentum a sensu contrario non procedit, quando exinde resultat iuriam correctio: prout uberius dictum est supra Lib. 1. Tit. 1. de Constitutionibus. §. 16. n. 406. et 408. Tali autem correctio iurium, puta de continentia causae non dividenda, accideret iuxta contrariam sententiam. Deinde in isto casu non duae, sed una duntaxat causa, saltem principalis, foret; quavis huic accessorie adiungatur altera incidenti: unde negatur Assumptum confirmationis.

228 Quaeritur IV. Utrum post interpositam appellationem Iudex a quo possit revocare sententiam a se latam? Resp. distinguendo inter sententiam diffinitivam, et interlocutoriam. Et quidem loquendo de sententia diffinitiva, conveniunt Doctores, quod eam semel valide prolatam Iudex a quo revocare nequeat: siquidem sententia diffinitiva imponit finem controversiae, et patet ex definitione ipsius: ac proinde ea semel valide lata, desinit quis esse iudex in tali causa. Semel enim sive male, sive bene, officio functus est, prout dicitur l. Iudex. ff. de Re iudicat. Concordat textus c. In litteris. q. de Officiis Delegat. iunctis dictis supra Tit. praeced. §. 1. n. 33. et seqq. Additur tamen ly; semel valide prolatam etc. Nam quod Iudex ordinarius possit reformare sententiam suam invalide prolatam, seu de iure nullam, iam dictum est cit. Tit. praec. n. 36. et 37. et amplius supra h. t. §. 1. n. 28. 29. et seqq. Ibi videntur.

229 Loquendo contra de sententia interlocutoria, certum est, quod Iudex a quo, si ita expedire viderit, possit eandem revocare, seu reformare; atque sublato gravamine, per ipsam parti appellanti illato, in causa libere procedere. Ita quippe expressè habetur decretum in Concilio Generali; hoc est, Lateranensi, celebrato sub Innocentio III. ) atque refertur c. Cum cessante. 60. h. t. illis verbis: Cum cessante causa, cesset effectus: Statuimus, ut sive Iudex ordinarius, sive delegatus aliquid comminando, vel interlocuendo protulerit, quo executioni mandato alter litigantium gravaretur: et iano usus consilio ad huiusmodi interlocutionis, vel comminationis effectum destituerit, libere in causae cognitione procedat. non obstante, si a tali comminatione vel interlocutione fuerit appellatum, dummodo non sit ex alia causa suspectus. ne processus negotii frivolis occasionibus retardetur. Haec ibi: Concordant dicta superius Tit. praeced. §. 1. n. 33. 34. et seqq. ubi additur, rationem disparitatis inter hanc, et priorem partem esse, quod per prolationem sententiae interlocutoriae noudum quis desinat esse Iudex in tali causa, sicuti per sententiam diffinitivam, quae terminat totam causam.

## §. VIII.

De effectu devolutivo Appellationum: ubi et de transportatione Actorum, ac decreto Sac. Congregationis circa materiam Appellationum.

## SUMMARIUM.

230 Appellatio parit etiam effectum devolutivum: et quomodo? Et num. seqq.

231 Quando appellatur a diffinitiva, Iudex ad quem debet iudicare, ac pronunciare, Bene iudicatum, male appellatum: aut e contra.

232 Vel priorem sententiam reformare, et aliquid addendo, aut detrahendo etc.

233 Tunc devolvuntur ad Iudicem ad quem tam causa principalis, quam ejus accessoria, et consequentia.

234 Utrum appellatio ab interlocutoria, vel gravamine, devolvat causam principalem ad superiorem Iudicem est distinguendum. Et numer. seqq.

Devolvit, si pronunciatur esse legitima Ibid.

235 Sin minus, tunc Iudex ad quem tenetur remittere causam principalem Iudici a quo etc.

236 Dummodo Iudex a quo non detulerit appellationi.

237 Quamvis etiam tunc Iudex ad quem possit eam remittere.

238 Executio sententiae in causa appellationis, an spectet ad Iudicem ad quem, vel a quo? non conveniunt Doctores.

239 Communior sententia tenet, eam spectare ad Iudicem ad quem. Et num. praeced.

240 Limitatur haec sententia, quando Iudex a quo dedit apostolos refutatorios, et appellatio pronunciatur frivola.

241 Et quid observetur in Curia Romana?

242 Limitatur etiam, quando sententia transit in rem iudicatam ob non praesentatam Superiorem appellationem inter legitima tempora.

243 Et quando appellatio fuit deserta per lapsum Fatalium, ad ejus prosecutionem statutorum.

244 Acta prioris instantiae, quae?

Sub his etiam comprehenditur sententia Ibid.

245 Regestum, sive extractus Actorum primae instantiae, fit ad instantiam partis, ejusque expensis

246 Acta prioris instantiae, et quidem omnia, debent per appellantem suis sumptibus transportari ad Iudicem appellationis.

247 Notabilis textus Concilii Tridentini quoad hoc

248 Solvitur instantia.

Quaeritur I. Quid sentiendum sit de effectu devolutivo Appellationis? Resp. I. Certum est, quod appellatio legitime interposita parit etiam effectum devolutivum: ita videlicet; Iudex ad quem non solum de iustitia appellationis, sed etiam de meritis causae cognoscere valeat. Patet istud ex c. Dilectis filiis 55. h. t. et c. Ut debitas 59. eod. cum similibus. Concordant dicta superius §. praeced. n. 203.

Resp. II. Quando appellatur a diffinitiva, tam Iudex ad quem, utpote cognoscens de meritis causae, debet iudicare, an bene vel male fuerit iudicatum: et si quidem bene; confirmabit priorem sententiam; pronunciando, quod sit Bene iudicatum, male appellatum; sin autem male, cassabit illam priorem sententiam, pronunciando, Bene appellatum, male iudicatum: neque licebit eidem causam ad Iudicem a quo ultimum remittere, sed tenetur eam propriis sententia terminare.

Ita Glossa c. *Ut debitus* §. *Alioquin*. h. t. idque patet ex l. *Eos qui*. C. h. t. et can. ult. §. *Ab eo autem*. 2. quest. 6.

232 Poterit etiam Index ad quem, si ita judicaverit, priorem sententiam plura capitula continentem reformare, eidem aliquid addendo, vel quid detrahendo ab ea; aut ipsam ex una parte cassando, ex altera confirmando, secundum quod iustum fuerit; ut c. *Raynuius*. et c. *Raynaldus de Testament*. ac notat Glossa cit. c. *Ut debitus*. §. *Alioquin*. h. t.

233 Resp. III. Insuper quando appellatur a diligitiva, non solum causa principalis, sed etiam ejus accessoria, ipsamque consequentia devolvuntur ad Judicem appellationis, seu Judicem ad quem. Ita desumitur ex cit. c. *Dilectis filiis*. 55. h. t. ubi Summarium, et Abbas num. 1. et Barbosa in *Collectan.* num. 1. citans alios, sic habet: *Per appellationem legitime interpositam, principale cum accessoriis ad Judicem appellationis deferitur*. Ex merito: nam idem juris debet esse in accessorio, quod in principali; prout multipliciter probat Glossa *ibid.* §. *Principale*. Pirhing h. t. n. 238.

234 Resp. IV. Loquendo nunc de appellatione ab interlocutoria, vel gravamine, num etiam haec causam principalem devolvat ad superiorem Judicem, est distinguendum. Nam imprimis Index ad quem debet cognoscere de ipsamque appellatione, an sit legitima, atque ex rationabili causa proveniens, nec ne: et si quidem cognoscat, atque pronunciet, bene esse appellatum, tota causa, ejusque cognitio ad ipsam devolvitur; neque tunc is causam remittere debet ad Judicem a quo, sed ipsemet de causa principali cognoscere, eamque definire. Textus est in c. *ut debitus*. 59. h. t. ibi: *Alioquin ipse procedet*; id est, Index appellationis ab interlocutoria, vel gravamine, cognoscens ex rationabili causa fuisse appellatum; ac notat Glossa *ibid.* §. *Alioquin*. Pirhing h. t. numer. 237. et alii.

235 Quod si vero Index ad quem pronunciaverit, appellationem ejusmodi, non fuisse legitimam, sed frivolum, ac minus rationabilem; tunc Index ad quem tenetur causam principalem remittere Judici a quo; simul tamen frivole appellanti in expensis alteri parti condemnare. Textus est in cit. c. *Ut debitus*. 59. h. t. ita loquens: *Cum autem quis appellent sententiam ex rationabili causa putaverit appellandam, coram eodem iudice causa probabili appellationis exposita, tali videlicet, quae si foret probata, deberet legitima reputari, Superior de appellatione cognoscat. Et si minus rationabiliter eum appellasse constiterit, (puta, quia appellans non probavit allegatam causam) illum ad inferiorem remittat, et in expensis alteri parti condemnet: Alioquin ipse procedet etc.* Concordat textus expressus in c. *Cum appellationibus*. §. 1. h. t. in 6. junctis dictis supra num. 231.

236 Intellige tamen istud, dummodo Index a quo non detulerit appellationi. Nam deferendo appellationi, puta, concedendo apostolos, dissidios, vel reversiones, censetur Index a quo abdicasse a se omnem jurisdictionem quoad causam illam; ita ut tota causa (haud obstante, quod appellatio caeteroquin fuerit frustratoria, et frivola) ad Judicem ad quem devolvatur, atque in hujus potestatem decisio ejusdem causae transferatur; proindeque Index appellationis non teneatur causam illam remittere ad Judicem a quo. Textus est expressus in cit. *Clam*. *Cum appellationibus*. §. *Si vero*. h. t. illis verbis: *Si vero Index admitteret, licet tam appellatio (minus legitima) quam ipsius iudicis delatio a Superiore valeant refutari: quia tamen Index ipse, quantum in se fuit, a se jurisdictionem abdicavit, eandem appellationi*

*deferens minus jure, totius causae decisio in Superiore est potestatem transfusa; nec est illi causa de necessitate ulterius remittenda etc.* Haec ibi.

Additur notanter in relatu textu: *nec est illi causa de necessitate ulterius remittenda*. Quia, si Index ille superior sponte velit, bene poterit eam remittere ad Judicem a quo; uti notat Glossa *ibid.* §. *Remittenda*: Non enim Superior tenetur de necessitate appellationem frivolum recipere, quantumcumque Index a quo voluerit a se abdicare jurisdictionem, frivole illi appellationi deferendo; cum hujus culpa, vel imperitia, alteri volenti praedjudicare non possit, nec debeat. Ancharanus ad cit. c. *Cum appellationibus*. num. 2. h. t. in 6. Id ipsum probant praecedentia verba allegati textus, ibi: *Licet tam appellatio, quam ipsius iudicis delatio a Superiore valeant refutari*.

Quaeritur II. Utrum executio sententiae in causa appellationis spectet ad Judicem ad quem, vel a quo? Resp. I. Licet in resolutione hujus questionis Doctores non undequaque conveniant; communior tamen, et magis recepta opinio tenet, quod Index ad quem, qui vel in tribus conformibus, vel alias in causa appellationis ultimam nullam sententiam, eandem mandet executioni. Ita Glossa in c. *Pastoralis*. §. *Praeterea*. §. *Discussa*. de *Offic. Delegat.* referens simul contrariam quorundam opinionem. Bartolus l. *A Divo Pio*. n. 15. ff. de *Re judicat.* Sigism. Scaccia quest. 11 de *Appellat.* num. 162. citans alios; atque asserens, hanc Bartoli opinionem sequi Doctores communiter. Gailus lib. 1. *Practic. Observat.* 113. num. 14. hanc appellans receptam, et communem Doctorum opinionem: quamvis oppositum teneat Glossa c. *Cum in Ecclesia*. 38. §. *Alioquin*. h. t. ubi pro regula ponit, quod Index appellationis, qui confirmat sententiam priorem, non debeat ipsam mandare executioni. Quod tradit Abbas *ibid.* num. 8, et in c. *Pastoralis* §. *Praeterea*. n. 6. et Felinus num. 14. *Concl. 2. de Offic. Delegat.* istud tenentes, saltem in eo caso, quo Index appellationis nihil addidit, vel detraxit de priori sententia: sed motus iisdem rationibus solum pronuntiavit, *Bona iudicatum, malo appellatum*. Atque ex his patet prior pars Conclusionis, nempe Doctores in resolutione hujus questionis non undequaque convenire.

Altera pars desumitur ex c. *Dilectis filiis*. 55. h. t. ubi dicitur, per legitimam appellationem deferri ad Judicem superiorem principalem negotium cum accessoriis: atque inter accessoria connumeratur executio sententiae; ergo. Concordat textus in l. *Præcipimus*. §. *In his autem*. C. h. t. ubi Officiales Judicem appellationis jubentur exequi sententiam in causa appellationis latis, illis verbis: *Officio videlicet eorum sequentibus iudicata*. Simile quid habetur l. ult. §. *fn. C. de Judiciis*. Accedit ratio: quia, quando in causa appellationis prior sententia fuit confirmata, tunc agitur ad executionem ex sententia confirmante (quae est sententia Judicis ad quem) non vero ex sententia confirmata, seu Judicis a quo, quippe per appellationem suspecta. Quod si vero prior sententia Judicis a quo per Judicem superiorem reformata, seu cassata fuit, hoc ipsaq. Index a quo ad ejus executionem procedere nequit.

Resp. II. Patitur nihilo minus data Conclusio nonnullas limitationes. Et primo quidem, quando Index a quo dedit appellanti apostolos refutatorios, allegata iusta causa, cur non deferat appellationi interpositae: tunc enim Index ad quem cognoscit quidem super iustitia, vel illegitimitate appellationis; si tamen hanc illegitimitatem frivolum pronuntiaverit, oportet, ut causam ejusque

executionem ad Judicem a quo remittat, juxta c. *Ut debitus*. 59. h. t. et c. *Cum appellationibus*. eod. in 6. estque jam dictum supra num. 131. et 235.

241. In Curia tamen Romana, utpote ad quam ex universo Orbe Christiano, in causis spiritualibus immediate potest appellari, imo et in prima instantia negotium principale proponi, *can. Cuncta per mundum*. 9. q. 3. cum similibus, talis remissio locum non habet. Etenim stylus habet, ut Litigator, praetendens ex quovis capite habere rem judicatam, adest Signaturam Justitiae, eique partigat supplicem Libellum executionis, seu Commissionis executorialis: qualis postea expediri consuevit datis Executoribus, qui sententiam in Curia Romana latam, postea exequantur in partibus. Scaccia d. *quaest.* 11. num. 172. et alii.

242. Limitator secundo, quando sententia a qua fuit appellatum, transit in rem judicatam ob non presentatam Superiori appellationem inter legitima tempora: quia tunc Judex a quo, qui tulit sententiam, pronunciat causam esse desertam, conformiter dictis supra num. 195. et deinde exequitur sententiam. Scaccia cit. *quaest.* 11. nu. 166. post Francum c. *Romana*. §. *fin.* num. 3. de *Appellat.* in 6. Mandosium in *Formul. Commiss. in Commiss.* 23. §. *Ob non prosecutionem*, et alios.

243. Atque istud ampliatur ad eum casum, quo Judex ad quem declarat, appellationem esse desertam per lapsum termini, seu fatalium ad ejus prosecutionem statutorum: quia tunc potest Judex a quo reassumere causam, ipsamque exequi. Ratio est: quia in tali causa sententia non confirmatur ex declaratione Judicis ad quem (seu per sententiam interlocutoriam declarantis, appellationem esse desertam) sed ipsa confirmatur ex lapsu temporis dierum fatalium: ut loquitur Bartolus in l. *A Divo Pio*. n. 15. de *re judicat.* et Scaccia cit. *quaest.* 11. nu. 167. et seqq. allegans alios.

244. Queritur III. A quo, cujusque expensis, Acta prioris instantiae transportanda sint ad Judicem appellationis? Ubi sciendum, quod per Acta prioris instantiae intelligantur scripturae de his factae, quae apud priorem Judicem acta sunt, vel dicta. Glossa in l. *Acta apud*. §. *Acta*. ff. de *Re judicat.* Atque de his sit mentio in c. *Quoniam* contra. 11. de *Probation.* illis verbis: *Qui fideliter universa iudicis Acta conscribant: videlicet, citationes, dilationes, recusationes, exceptiones, petitiones, responsiones, et interrogationes, confessiones, testium depositiones, instrumentorum productiones, interlocutiones, appellationes, renunciationes, conclusiones, et caetera, quae occurrerint.* Atque istis addendam esse sententiam, ita ut etiam haec appellatione Actorum, seu Processus comprehendatur; monet Abbas cit. c. *Quoniam* contra. n. 5. eod. et Maranta part. 6. *Speculi Aurei. Acta* 10. tit. de *Actorum* editione, ponderando in relato textu, *Et caetera, quae occurrerint.* Concordat Glossa in l. *In fraudem*. §. *Nihil* §. *Neque acta.* et Bartolus ibid. ff. de *Jure Fisci.* Quo praenotato

245. Resp. I. Regestum, seu extractus Actorum primae instantiae, sit ad instantiam partis, et praecedente mandato Judicis, atque expensis illius, ad cujus instantiam sit Regestum. Ita Baldus et Paulus de Castro l. *Is apud quem*. 2. num. 2. et Decius num. 10. c. de *Edendo*. Maranta cit. part. 6. *Actu* 10. n. 55. istud probans per textum in cit. l. *Is apud quem*, et alii: quamvis Scaccia *quaest.* 20. de *Appellation.* n. 34. istud Judicis praecceptum Notario faciendum, de necessitate non requiri asserat.

246. Resp. II. Non solum Acta illa, quae justificent validitatem appellationis; puta, quod quis intra legitima tempora appellaverit, et apostolos petierit: sed etiam Acta omnia, quae facta sunt circa

merita causae in prima instantia, debent per appellantem suis sumptibus transportari ad Judicem appellationis. Ita Scaccia cit. *quaest.* 20. num. 8. post Baldum in l. *Is apud quem*. c. de *Edendo*, et alios. Ratio est: quia Judex appellationis non potest judicare ex Actis primae instantiae, nisi producantur: et si judicaret eisdem non visis, perverteret ordinem iudicii. Quin imo, si Judex appellationis ferret sententiam non visis, neque transportatis, Actis, sententia foret nulla: uti cum aliis notat Scaccia loc. cit. n. 11. ac loquendo in Actis probatoriis, tenuit Rota die 13. Februarii 1609. in una *Anconitana pecuniaria*, coram R. P. D. *Sacrato*.

Concordat Concilium Tridentinum Sess. 24. cap. 20. 247. de *Reformat.* id ipsum expresse statuens, illis verbis: *Praeterea, si quis in casibus a Jure permittis appellaverit, aut de aliquo gravamine conquestus fuerit, seu alias ob lapsum biennii, de quo supra, ad alium judicem recurrerit: teneatur acta omnia, coram Episcopo gesta, ad judicem appellationis expensis suis transferre: eodem tamen Episcopo prius admonito, ut si quid ei pro causae instructione videbitur, possit iudici appellationis significare.* Et infra: *Porro ipsam actorum copiam teneatur Notarius, congrua mercede accepta, appellanti quanto citius, et ad minus inter mensures exhibere etc.* Hactenus Concilium Tridentinum.

Nec obstat contraria quorundam sententia apud Scacciam cit. *quaest.* 20. num. 8. asserentium, quod absurdum sit, appellantem suis sumptibus teneri ad producenda acta, quae faciunt pro adversario, et contra se: Resp. enim, istud neutiquam esse absurdum in casu, quo is appellat: quia non tenetur simpliciter ac praecise ad hoc, ita ut cogi possit ad transportanda acta sibi contraria: sed solum causative, ac ex hypothesi, quod a Judice ad quem velit obtinere revocationem prioris sententiae, contra ipsam latam a Judice inferiori.

## §. IX.

De Attentatis appellatione pendente, horumque revocatione:

### SUMMARIUM.

249. Attentatorum nomine, quod intelligatur?
250. Attentatum potest accipi et pro facto, et pro jure.
251. Ubi nihil innovatur; non dicitur Attentatum. Attentare non dicitur, qui facit actum continuativum. Ibid.
252. Attentata, lite, vel appellatione pendente, an differant?
253. Attentatum dici nequit, quod sit lege permittente.
254. Idque exemplificatur. Et num. praeced.
255. Attentata pendente appellatione a sententia diffinitiva, sunt ipso jure nulla. Et num. seq.
256. Dummodo pars adversa debite petat revocationem ipsorum.
257. Ad revocationem attentatorum duplici via proceditur; nempe,
258. Via ordinaria, et
259. Via extraordinaria, seu per Remedium Attentati. Appellans potest simul prosequi causam appellationis, et attentatorum; ac potest etiam prosequi solam causam attentatorum. Ibid.
260. Petens revocari attentata, quae teneatur probare?
261. Attentata pendente appellatione a diffinitiva, revocantur ante omnia per Remedium attentati.
262. Secus, quando ad eorum revocationem proceditur per viam ordinariam.
263. Et loquendo de attentatis post appellationem ab interlocutoria, vel gravamine.



- 264 *Disparitas notabilis inter appellationem a sententia diffinitiva, et ab interlocutoria, vel gravamina.*
- 265 *Attentata pendente appellatione a diffinitiva, sunt revocanda per Judicem ad quem.*
- 266 *Limitatur istud in certis casibus, et quibus?*
- 267 *Refertur Decretum Sac. Congregationis circa materiam Appellationum.*
- 249 **Q**uæritur I. Quid intelligatur nomine *Attentatorum*, præsertim appellatione pendente? Resp. I. *Attentata* in proposito idem sunt, ac *Innovata* contra ius lite, seu appellatione pendente. Ita desumitur ex Rubrica, totoque Titulo, *Ut lite pendente nihil innovetur*: iuncta Rubrica, et *L. un. ff. Nihil novari appellatione interposita*: cum similibus. Quamquam ly, *Attentata*, esse vocabulum interpretum, non Jurisconsultorum, notet Spiegelius in *Lexico Juris*. x. *Attentata*: nam in Jure talia appellantur, *Innovata post appellationem*; ut c. *Non solum*. 7. h. t. in 6. non vero *Attentata*.
- 250 Additur vero, *Attentata in proposito*, videlicet, prout *Attentatum* sumitur pro facto, quo aliquid appellatione, seu lite pendente, innovatur contra ius. Siquidem *Attentatum* potest etiam accipi pro iure: prout in simili *Ususfructus*, *Usus*, *Servitus*, ac huiusmodi, possunt accipi et pro facto, et pro iure. Atque in hac acceptione, *Attentatum* est ius revocandi innovata, lite, seu appellatione pendente. Franciscus Herculanius Tom. 5. *Tractatum tract. de Attentatis*. cap. 3. n. 1. et 3. Abbas c. *Bonae memorie*. 51. n. 6. et 20. istud appellans *Remedium attentati*; et alii. Iq. proposito tamen, *Attentata* præcipue sumuntur pro facto innovato contra ius lite, vel appellatione pendente.
- 251 Et dicitur *innovato*. Quia si nihil innovatur (hoc est, si non aliquid novi fiat, quod antea inceptum non fuerat) non vocatur *Attentatum*, sed magis continuatum. Herculanius cit. cap. 3. n. 4. et 5. Concordat Sigism. Scapcia, quæst. 3. de *Appellat.* n. 70. post Rotam *Decis.* 44. alias 344. n. 1. de *Appellat.* in nov. Franciscus c. *Cum teneantur*. 17. nu. 1. h. t. et alios; dicens, quod *attentare* non dicatur is, qui facit actum continuativum; hoc est, qui continuat actum præcedentem: quia lis seu appellatione, non debet quemquam sua possessione privare, neque teneatur quis dimittere ius suum, vel desistere a continuatione sui iuris, aut possessionis propter aliquam appellationem: imo desperet, si hoc faceret. Rota cit. *Decis.* 44. nu. 2. de *Appellat.* in nov. Herculanius d. cap. 3. n. 6. et alii.
- 252 Coniunguntur autem simul, *Attentata lite, vel appellatione pendente*. Quia in effectu non differunt, licet possit aliqua differentia notari quoad causam efficiensem. Nam *Attentata pendente appellatione*, respiciunt personam Iudicis, cujus seilicet ab eo attentata sunt: quæ vero sunt pendente lite, respiciunt personam adversarii, quia quicquid ab ipso sunt innovata. Menckius de *Recuperanda possessione*. Remed. 17. n. 43. post Decretum in c. *Consultus* il. 2. n. 3. de *Appellationibus*.
- 253 Additur ulterius num. 249. in definitione *Attentati*, contra ius. Quia, quod sit *Legē* permitte, poenam non meretur. l. *Grachus*. C. de *Adulteriis*: etique nec *Attentatum* dici potest, utpote quod sonat in malam partem. Unde quando Iudex a quo statuit appellanti terminum ad recipiendum apostolos, vel ad proseguendam appellationem, aut huiusmodi, iuxta c. *Personas*. §. h. t. de *Clem. Quamvis*, ead. non censetur attentare; haud obstat, quod innovet aliquid post appellationem: quia Jure permitte istud facit. Idem licet hinc de aliis, quæ juxta ad facilitatem expeditionem causæ appellatiq. nam

ista expediendo post interpositam appellationem, non censetur Iudex aliquid innovare, seu attentare juxta c. *Cum teneantur*. 17. ubi Abbas, Imolus, Franciscus, Decius h. t. iunctis dictis supra n. 270.

Insuper, si post appellationem interpositam innovetur de dilapidatione Fructuum, rei Actori adpudicatus, non dicitur innovare, seu attentare Iudex, qui facit eos sequestrari: possunt enim tunc sequestrari fructus Jure permitte, can. *Quoties post*. 2. q. 6. et l. *Ab executione*. c. *Quorum appellat. non recipi* et cap. ult. de *Sequest. passess.* Speculator tit. de *Appellatione*. §. *Novissima*. n. 1. Herculanius ubi supra. n. 9. et seqq. apud quos nonnulli alii tales casus reperiri possunt.

Quæritur II. Utrum *Attentata pendente appellatione* sicut nulla, et qualiter revocentur? Resp. I. Licet *Attentata pendente appellatione* a sententia diffinitiva, ipso jure sint nulla: istud tamen intelligitur parte adversa volente nullitatem eorum, seu revocationem attentatorum legitime urgente. Ita desumitur ex c. *Non solum*. 7. h. t. in 6. ponderando verba illa, *penitus revocari*: ac notat Barbosa ibid. num. 5. Abbas *Dilectis*. 55. num. 13. et 14. h. t. Gonzalez ad Reg. 8. *Cancell. gloss.* 56. num. 63. et seqq. et alii. Accedit ratio: quia appellatio eximit appellantem a jurisdictione Iudicis a quo quoad illam causam, a cujus sententia appellatum est: ergo, quicquid interim Iudex a quo circa eam innovat, seu attentat, censetur factum a Iudice incompetente: atque ipso jure invalidum, c. *At si Clorici*. 4. de *Judiciis*, cum similibus.

Intellige tamen datam Conclusionem de appellatione a sententia diffinitiva, non de appellatione ab interlocutoria, vel gravamine extrajudiciali ob dicenda n. 253. et 254. Insuper ipsum intellige parte adversa volente: hoc est, dummodo pars adversa velit nullitatem huiusmodi attentatorum, ac petenda debite petat ipsorum revocationem. Alioquin, eum censeretur tacite eadem approbare, atque juri suo renunciare: quod facere, non prohibetur, c. *Si diligenti*. 12. de *Foro competent.* cum similibus.

Resp. II. Ad revocationem *Attentatorum* duplici via principaliter proceditur: ordinaria videlicet, ac extraordinaria. Ita Herculanius cit. tract. de *Attentatis*, cap. 14. n. 16. et 17. Maranta part. 6. *Speculi Arch.* tit. de *Appellat.* n. 307. hoc ipsum, sed sub aliis terminis tradens, dicendo, quod *attentata revocantur duplici via: uno modo, implorando principaliter officium Iudicis super ipsorum revocatione* Secundo modo, *accessorie, proseguendo appellationem*. Ita Maranta.

Porro via ordinaria proceditur ad revocationem *Attentatorum*, quando instituitur directæ petito revocationis attentatorum simul cum causa principali et tunc non illi revocantur attentata, sed expectatur finis litis. Atque hinc via ab Herculano, ubi supra; post Vestrionem in *Prætic. lib. 8. tit. Ut lite pendente* etc. dicitur *Modus revocandi attentata per viam injustitias*: atque etiam locum habet appellatione deserta: quemquam tunc requiratur oblatio libelli, una cum aliis requisitis ad Processum judicium. Habet quoque locum, quando petatur accessorie revocatio innovatorum, proseguendo appellationem, juxta Marantam loc. cit.

At vero via extraordinaria proceditur ad revocationem *Attentatorum*, principaliter implorando officium Iudicis super eorum revocatione. Atque istud dicitur fieri per *Remedium attentati*, quo proceditur extra ordinem, seu iudicii ordine non servato: dum magis properantius ad ipsorum revocationem, petunt, per officium Iudicis mercedem attentata ante omnia revocari. Atque per hanc viam resultat effectus suspensivus, ut interim taceatur in negotio principali, donec sita sententia post sententiam diffinitivam, ante omnia

sententia revocata: ut cit. c. Non solum. h. t. in 6. et notat Herculanius d. num. 17. citans alios. Accedit Sigism. Scaccia quæst. 15. de Appellat. num. 65. tenens, quod licet appellans possit appellationem suam, et negotium principale, atque causam attentatorum simul prosecui, juxta dicta non procedit tamen ad hoc non arctatur: immo. Legi sibi indulgentiam existat, ut ante omnia audiat super attentatis. Rote Decis. 15. alias 107. de Appellat. in nov. et Decis. 79. alias 448. de Appellat. in antiq. Abbas c. Eæ ratione: n. 8. et Decius ibid. n. 38. et Felinus n. 4. h. t. et alii.

260 Notandum tamen cum Glossa in d. c. Non solum. quod ante omnia Mascardo de Probation. Concl. 1283. n. 1. et seqq. Pishing h. t. n. 242. et alii, quod petens revocari. Attentata, tenetur tria conjunctim probare. I. Quod fuerit diffinitiva pronuntiata: hoc est, quod sit lata sententia diffinitiva II. Quod ab hac fuerit appellatum; et quidem Jure non prohibente: ut in textu ibid. III. Quod postea aliquid fuerit innovatum, atque attentatum. Quibus edicto post Marantiam qis. 12. de Appellation. n. 408. et Herculanius d. cap. 14. n. 17. et alii, quod ad revocationem. attentatorum etiam requiritur partis citatio. Hinc quippe Attentata dicuntur revocari casibus coactis; ut post Innocentium in c. Cum M. de Constitut. et Albericum in Dictionar. §. Attentatorum revocatio, utatit Hieron. Manfredus Tum. 3. Tractatum, tract. Super attentatis etc. lib. 2. Concl. 59.

261 Resp. III. Attentata pendente appellatione a diffinitiva, revocantur ante omnia per Remedium attentati; intelligendo istud etiam de illis, quæ medio tempore inter sententiam et appellationem ante lapsum decemdi innovata, seu mutata fuerunt: dummodo hinc excipiantur casus, in quibus Jure post sententiam appellare prohibetur. Ita Covarruvias Præc. etic. Quæst. cap. 24. n. 1. Scaccia quæst. 3. de Appellation. num. 47. et 48. Pishing h. t. n. 241. et alii. Idque probat textus in c. Non solum. 7. §. 1. h. t. in 6. cujus verba superius num. 207. referantur, atque amplius declarantur.

262 Additur tamen, per Remedium attentati: sive, quando ad eorum revocationem proceditur via extraordinaria. Secus enim dicendum, quando ad revocationem attentatorum proceditur via ordinaria: sive post appellationem jam desertam agendo ad ipsorum revocationem per viam injustitiæ; seu accusatorie proseguendo videlicet appellationem, atque eorum revocationem petendo. Tunc enim attentata non revocantur ante omnia, sed debet expectari finis litis, ut jam dictum num. 258.

263 Additur ulterius, attentata pendente appellatione a diffinitiva etc. Quia verus est dicendum de appellatione, quæ sit ante diffinitivam sententiam; puta, si appellatur ab interlocutoria, vel a gravamine quia tunc innovata, vel attentata non revocantur ante omnia, sed debet prius justificari causa appellationis, et hac probata demum revocantur: nisi forsan post inhibitionem, debito modo a Jure superiore factam, attentata fuissent. Textus est in cit. c. Non solum. §. Illa vero h. t. in 6. sic loquens: Illa vero, quæ post appellationem interpositam ante diffinitivam sententiam innovantur, donec appellationis causam veram esse constiterit, revocari non debent: nisi iudex appellationis persequens sibi constituerit per appellationem emissam, et causa probabili fore ad se negotium devolutum inhibeat canonice judici, a quo appellatum est, ne procedat: tunc enim quidquid post inhibitionem hujusmodi fuerit innovatum, est (licet causa eadem non sit vera) per

RESERVENTUR Jus Can. Tom. II. 130

eandem appellationis iudicem, ante omnia in statum pristinum reducendum. Hæc ibi.

Ratio disparitatis est. Quia per sententiam diffinitivam, atque interpositam appellationem ab ea expirat, vel saltem suspenditur officium Judicis a quo respectu illius causæ; atque hæc tota statim devolvitur ad Iudicem ad quem, absque alia justificatione causæ appellandi: unde si Iudex a quo ulterius se immisceret causæ illi, procederet sine jurisdictione, atque invalide ageret. Secus est in sententia interlocutoria, atque appellatione ab ea: tum quia per hæc non expirat officium Judicis a quo respectu illius causæ, quinimo potest adhuc in ea procedere, dummodo revocaverit gravamen, c. Cum cessante. 60. h. t. Tandem quia in appellatione ab interlocutoria debet exprimi, causa rationalis, ob quam appellatur, c. Ut de hinc. 59. h. t. Unde sicut hæc non expressa non valet appellatio ab interlocutoria, ita nec habet virtutem irritandi postea innovata, nisi fuerit justificata; vel saltem præcesserit inhibitiō Judicis ad quem, juxta textum proxime allegatum.

Quæritur III. Per quam Iudicem Attentata pendente appellatione sint revocanda? Resp. I. Attentata pendente appellatione a diffinitiva, sunt revocanda per Iudicem ad quem. Ita tenet cit. c. Non solum. h. t. in 6. ibi: Innovata post appellationem a diffinitiva sententia interpositam, debent semper ante omnia per appellationis iudicem penitus revocari. Concordat textus in l. Ei casus. ff. de Appellation. recipiend. Abbas in c. Solicitudinem. 54. nu. 1. not. 3. et Francus ibid. num. 3. h. t. et Sigism. Scaccia quæst. 11. de Appellation. num. 15. istud extendentes, adeo, ut alius Iudex non possit cognoscere de innovatis post appellationem; si attentata tangant articulum appellationis, etiamsi hoc ageretur ad petitionem appellantis, et sciret textus in cit. c. Solicitudinem. Nec immerito: unum quidem principali cognovit, potest, ac debet etiam cognoscere de accessorio; c. Accessorium. 42. de Reg. Jur. in 6. Atqui causa revocandi attentata, est accessoria ad causam appellationis, utpote a qua dependet ergo.

Intelligo, nisi appellans velit renuntiare appellationi: ut cit. c. Solicitudinem. §. fit h. t. ac notat Abbas, et Francus, et Scaccia, ubi supra. Vel nisi attentata, sint notorie injusta. Abbas ibid. Scaccia d. quæst. 11. num. 20. et 21. Quibus adde casus illos, in quibus Jure permittebat potest Iudex a quo aliquid innovare, non obstante appellatione, juxta dicta paulo superius num. 253. et 254. Ulterius datam Conclusionem intellige de appellatione a diffinitiva, utpote de qua expresse loquitur: nam quod Iudex a quo possit revocare sententiam interlocutoriam, et consequenter etiam attentata post appellationem ab eadem interpositam, si superiori velit uti iudicio; patet ex c. Cum cessante. 60. h. t. etque jam sæpius dictum, præsertim supra §. 7. nu. 229. Tandem diverso modo revocanda esse attentata post diffinitivam, et attentata post interlocutoriam sententiam, constat ex c. Non solum. 7. h. t. in 6. juncto Summario, et DD. ibid. et proxime dictis numer. 261. 263. et 264.

Quæritur IV. Quid censendum sit de Decretis Sac. Congregationis circa materiam Appellationum emisso? Resp. Circa materiam præsentis Tituli, præter alia hætenus dicta, et impostum dicenda, simulque ad majorem eorundem confirmationem, vel maxime observanda est Declaratio Sacre Episcoporum Congregationis, die 16:

Octobris; 1600. edita; et a Clemente VIII. approbata: eamque per extensum refert Quaranta in *Summa Bullarum*. & Archiepiscopi auctoritas in *Addit. Piascius in Praxi Episcopali*, part. 2. cap. 4. art. 15. de Appellat. n. 5. Aloys. Riccius part. 1. *Praxis Rarum Ecclesiarum* resol. 414. Tenor ejusdem est, ut sequitur.

Ad tollendas ambiguitates, et controversias jurisdictionales, quas inter appellationum et prioris instantiae Judices, non sine partium dispendio, cursusque justitiae impedimento, et saepe cum scandalo oriuntur: Sacra Congregatio causis Episcoporum praeposita, facta prius relatione Sanctiss. D. N. Clementi Papae VIII. ac de Sanctitatis suae mandato, vitae vocis oraculo desuper habito, in hunc, qui sequitur, modum, ab omnibus, ad quos spectat, imposterum servari debere mandavit, et mandat.

Metropolitani, Archiepiscopi, Primates, aut Patriarchae, Suffraganeos eorumque subditos non judicent, nisi in casibus a Jure expressis.

Iidem et alii, quivis Superiores, etiam Nuncii, vel Legati de Latere speciofam facultatem majorem non habentes, causas in Curia Ordinarium, vel aliorum inferiorum Judicum pendentes ad se non advocent, nisi per viam legitimae appellationis ad ipsorum Tribunalia deferantur: tuncque appellantes ab inferiorum jurisdictionibus, quoad alias causas eximi non possint.

Appellationes nunquam recipiantur, nisi per publica documenta, quae realiter exhibeantur, prius constiterit, appellationem a sententia diffinitiva, vel habente vim diffinitivae, aut gravamine, quod per diffinitivam reparari non possit in casibus a Jure non prohibitis, per legitimam personam, et intra debita tempora fuisse interpositam, ac prosecutam.

Dum causae coram inferioribus Judicibus pendent, ante diffinitivam sententiam, vel habentem vim diffinitivae, de gravamine illato Superiores cognoscere non valeant, licet citra praepudicium cursus causarum se id facere contestentur: nec ad hunc effectum liceat eis inhibere, aut simpliciter mandare ut ipsius copia processus transmittatur etiam expensis appellantis.

Inhibitiones post appellationem, sicut praemittitur receptam, non concedatur, nisi cum insertionem tenoris sententiae, aut decreti diffinitivi, aut vim diffinitivi habentis, vel damnum per diffinitivam irreparabile continentis: alias inhibitiones, et processus, et inde sequuta quaecunque sint ipso jure nulla, etisque impune non parere liceat.

Si appellans asserat, sententiae, aut appellationis exemplum culpa Judicis a quo, aut Actuarii haberi non posse, non ideo recipienda erit appellatio, aut aliqua inhibitiō concedenda: sed eis tantum, ad quos pertinet, injungi poterit, ut soluta condigna mercede, actorum exemplum authenticum appellanti intra breves aliquem competentem terminum tradatur. Caveat tamen Juxta a quo, ne si vere appellatum fuerit in casu appellabili, interim aliquid in praepudicium appellantis attentet: et si per actum publicum, aut per testium depositiones constiterit, acta denegari appellanti, Juxta appellationis mandato tradendi: acta possit adjicere, ne interim aliquid novi contra appellantem attentetur.

A sententia autem diffinitiva contra verum contumacem prolata, appellatio non recipiatur: nec inhibitiō, aut alia quaevis provisio, quamdiu appellans in hujusmodi vera contumacia persistit, concedatur.

Ab executione Decretorum Sac. Conc. Tridentini, aut Visitationis Apostolicae, appellationes a Metropolitanis non recipiantur neque etiam quando Episcopi virtute ejusdem Sac. Concilii Tridentini procedunt, uti Sedis Apostolicae Delegati in causis, quae sub eorum jurisdictione ordinaria non comprehen-

duntur: salva tamen in hoc eam Legatorum, et Nunciorum Apostolicorum auctoritate.

In causis vero visitationis Ordinariorum, aut correctionis morum, quoad effectum devolutivum tantum appellationes admittantur, nisi de gravamine per diffinitivam irreparabili agatur, vel cum Visitatione citata parte, et adhibita causae cognitione judicialiter procedit: tunc enim appellationi locus erit etiam quoad effectum suspensivum.

Cum a gravamine, quod per diffinitivam reparari nequit, ut indebitae incarcerationis, vel torturae, aut excommunicationis etiam comminatae appellatur, non nisi visis actis, ex quibus evidenter appareat de gravamine, appellatio admittatur, aut inhibitiō, vel provisio aliqua concedatur.

Causa appellationis pendente, appellans in eodem, quo reperitur, carcere permanebit, quoad Juxta, ad quem appellatum est, visis actis, et causa cognita, aliter decreverit. Et tunc, si a Judicis ad quem decreto vim diffinitivae habentis fuerit appellatum, is nihil mandare, aut pro sui decreti executione attentare poterit, donec per Judicem superiorem aliud fuerit ordinatum.

Acta originalia processum primae instantiae, ad Judicem appellationis Notarius mittere non cogatur, nisi probabilis aliqua falsitatis causa et suspicio incidat, quae judicialiter obijciatur: et tunc terminata causa, remittenda sunt ad Ordinarium, ut in suo archivio conserventur.

Censura Ecclesiastica contra appellantem prolata, relaxari, aut nulla declarari per Judicem appellationis non possit, nisi auditis partibus, et causa cognita: tuncque si constiterit eam justam esse, ad Judicem, qui excommunicavit, appellans remittendus est, ut ab ipso, juxta Sacros Canones, beneficium absolutionis, si humiliter petierit, debitamque emendationem praestiterit, obtineat: si vero injustam esse clare appareat, Superior absolutionem impendat. Si autem dubitatur, honestius est, ut ad excommunicatorem, intra breves aliquem competentem terminum eidem praefigendum, absolvendus remittatur, licet etiam Superior hoc casu idipsum per se praestare Jure possit.

Absolutio ad cautelam, non nisi parte citata, et visis actis, cum dubitatur de nullitate excommunicationis ab homine prolatae, vel a Jure si occurrat dubium facti, vel probabile dubium Juris, concedenda erit, tuncque ad tempus breve cum reincidentia, et praestita per excommunicatum cautione de stando Juri, et parendo mandatis Ecclesiae tantum: et si juxta formam a Jure praescriptam apparebit, aliquem ob manifestam offensam excommunicatum fuisse, debitam etiam satisfactionem praestare. Si vero ob contumaciam manifestam, expensas quoque reficere, ac insuper cavere de judicio sibi coram excommunicatore quistoneatur, priusquam ad cautelam absolvatur. Romae in Sacra Congregatione die 16. Octobris. 1600.

Alex. Card. Florent.  
Hieron. Agutius. Secret.

## §. XI.

De Casibus, in quibus Jura prohibent appellare: ubi plura de clausula, Appellatione remota.

## SUMMARIIUM.

268 Dantur nonnulli casus, in quibus Jura litigantibus denegant appellationem.



*Referuntur versiculi eodem complectentes. Ibid.*  
 269 *Illi ipsi casus patiuntur quosdam limitationes.*

270 *Declarantur singuli casus in specie. Et n. seqq.*

*Ob Scelus prohibetur quis appellare, quando de eo convictus, et confessus est. Et num. 271.*

271 *Secus, quando de scelere non sic constat.*

272 *Interess Reipublicae, crimina non manere impunita.*

*De consuetudine Germaniae non admittuntur ad appellandum damnati in causa criminali etc. Ibidem.*

273 *Excellentia Judicis supremi impedit appellationem. Remissiva.*

274 *Pactum appellare vetat. Et num. seqq.*

275 *Appellare prohibetur, qui expresse, vel tacite appellationi renunciat.*

276 *Arbitrium impedit appellationem.*

277 *Fatalia tollunt potestatem postea appellandi.*

278 *Quando Dilatio nulla datur appellare non licet: idque exemplificatur.*

279 *Clausula, Appellatione remota, impedit appellationem. Et num. seqq.*

280 *Soli Principi supremo competit delegare causam sub clausula, appellatione remota.*

*Et quid de Legato a Latere? Ibid.*

281 *Appellatio est species defensionis.*

*Et quomodo nihilo minus a Principe possit removeri? Ibid.*

282 *Clausula, appellatione remota, operatur plures effectus: et quos? Et num. seqq.*

283 *Judex datus sub hac clausula, potest exequi suam sententiam, non obstante appellatione.*

284 *Ac tenet excommunicatio ab eo lata in contumacem post appellationem suam.*

285 *Judex virtute dictae clausulae non deferens appellationi, minima punitur.*

286 *Referuntur alii effectus memoratae clausulae. Et num. praeced.*

287 *Clausula, appellatione remota, an operetur effectus suos in omnibus casibus? Et numer. seqq.*

*Non impedit appellationem in casibus a Jure expresse concessis. Ibid.*

288 *Referuntur tales casus.*

289 *Atque istud ampliatur ad omnem appellationem, expresse a Jure admissam. Et hujus exempla.*

290 *291. et 292. Solvitur instantia, ostendendo, quos effectus adhuc operetur clausula illa.*

293 *Quale remedium competat illi, qui per sententiam Judicis dati cum clausula, appellatione remota, sentit se injuste gravatum?*

294 *295. et 296. Enumerantur tria remedia, quibus remota, vel alias deficiente appellatione, juvari possunt injuste gravati.*

268 **Q**ueritur I. An, et qui sint casus illi, in quibus Jure prohibente appellari nequit? Resp. I. Certum est, atque ab omnibus concessum, dari nonnullos casus, in quibus Jura litigantibus denegant appellationem. Textus quippe expressus istud tradit in cap. *Non solum*. §. 1. h. t. in 6. ibi: *Exceptis casibus, in quibus Jura post sententiam prohibent appellare. Ubi Glossa & Casibus*. plures tales enumerat, quos alia Glossa in c. *Romana*. eod. in 6. certis versiculis complecti nititur: qui tamen auctius, simulque melius, comprehendendo videlicet quindecim tales casus, ab aliis memoriae gratia sic formantur.

*Appellare vetant Scelus, Excellentia, Pactum, Arbitrium, Fatale, aut si Dilatio nulla, Clausula, quas remonet. Res quae notoria constat. Corrige, Contemptus, Possessio, Jus quoque clarum. Post Executio, Minima, et Res longius acta.*

**REIFFENSTUEL Jus Can. Tom. II.**

Patendum tamen, quod hi ipsi casus nonnullas patiuntur exceptiones, atque in ipsis locum habent appellationis, quando quis injuste se gravatum senserit: praesertim, si possit in continuata justam causam appellationis, atque illati gravaminis allegare, per quod eliditur praesumptio Juris, quae stat contra appellantem in dictis casibus exceptis, seu prohibitis; uti jam dictum est supra §. 4. n. 111. et amplius patebit ex dicendis. Unde

Quaeritur II. Quomodo intelligendi sint singuli casus excepti, atque in relatis versiculis comprehensi? Resp. Eosdem prosequendo, prout stant in relatis versiculis. Et primo quidem, per ly *Scelus*, intelligitur causa criminalis criminaliter mota: nam in hac non admittitur appellatio, postquam de crimine quis convictus est, et confessus, l. 2. c. *Quorum appellationes non recipiantur*. Vel saltem in judicio sponte confessus est, et nullam in sua appellatione allegat causam obfuscativam factae a se confessionis; uti vult Farinacius lib. 3. *Praxis Criminal.* quaest. 101. n. 157. et seqq. citans plurimos alios: et concordant dicta superius Tit. 18. de *Confessis*. §. 3. n. 67. 68. et seqq.

Quod si vero de scelere commisso non sic constet, tunc ille, qui de crimine impetitur, bene appellare potest: nisi forte manifestus raptor, vel fornicator existat, per textum in c. *Cum sit Romana*. §. 5. §. fin. h. t. juncto c. *Peruenit*. 13. et c. *Consuluit*. 14. eod. Concordat Jus Civile l. *Non tantum*. ff. de *Appellat.* ubi non solum illi, qui de crimine condemnatus ad supplicium ducitur, appellare licet; verum etiam quilibet alius pro eo, etiam invito, provocare potest: idque ex ratione humanitatis, ac pietatis.

Eadem Regula, sive quod ob *Scelus* non admittatur appellatio, confirmatur ex l. *Constitutiones*. ff. h. t. ubi dicitur, constitutiones de recipiendis appellationibus locum non habere in eorum persona, quos damnatos statim puniri, publice interest: ut sunt insignes latrones, vel seditionum concitatores, vel duces factionum. Intellige cum Glossa *fin.* ibid. si modo sint convicti, et confessi: ut l. 2. c. *Quorum appellationes non recip.* vel, ut alii volunt, saltem convicti. Nam, ut in allegato textu notanter dicitur, publice interest (hoc est, ad publicam Reipublicae quietem, atque indemnitatem pertinet) crimina, praesertim tam atrocia, et communitati perniciose non manere impunita. Et hac ratione Layman c. *Querenti*. n. 2. de *Offic. Delegat.* atque Engel h. t. n. 26. cum aliis notant, quod ex generali, atque inveterata totius Germaniae consuetudine non admittantur ad appellandum damnati in causa criminali, cujus poena est corporis afflictiva: cum experientia teste compertum fuerit, Reos ordinarie tantum ad differendam judicium appellasse, pluraque crimina mansisse impunita. His adde dicta superius Tit. praeced. §. 6. n. 161. et 162.

Secundo per ly *Excellentia*, denotatur excellentia Judicis supremi; ut puta Papae, Concilii Generalis, Imperatoris, Regis, ac hujusmodi. Nam ab his appellare non posse, constat ex dictis supra §. 2. n. 42. et seqq.

Tertio, *Pactum* appellare vetat eos, qui in judicio transegerunt: ut cap. 1. et ult. de *Transact.* et l. *Causas*. et l. *Non minorem*. C. eod. Item, qui causam per delationem juramenti voluntarii, aut judicialis terminaverunt: de quo supra Tit. 24. de *Jurisjurando* §. 5. et 6. per totum.

Insuper ex hoc capite appellare prohibetur, qui expresse, vel tacite, appellationi renunciant. Expresse quidem, v. g. pacto interveniente, de acquiescendo sententiae Judicis, et non ap-

pellando; ut *L. ult. §. fin. C. de Temporib. appellat. et L. 1. ff. A quibus appellare non licet*, ibi: *Si quis ante sententiam professus fuerit, in a Iudice non Provocaturum*; indubitate provocandi anulum perdidit; estque jam dictum supra §. 2. num. 51. Tacite vero, exercendo actum contrarium appellationi, sicque approbando ipso facto sententiam contra se latam; ut *c. Sollicitudinem. 54. §. fin. h. t. et c. Cum venisset. 25. de Testib. et c. Gratum. 20 de Offic. Delegat.* cum similibus. Siquidem Juri suo renunciare praesumitur, qui eidem contrarium facit; per Iura citata, et fusius probat Glossa *fin. in cit. c. Gratum.* Piching *h. t. n. 26. et alii.*

276. Quarto impedit appellationem *Arbitrium*. Nam si qui, praetermisso Iudice ordinario, compromiserunt in Arbitrum (quod intellige de Arbitrio, voluntario, non autem de Arbitro Juris, sive necessario) tenentur stare ejus arbitrio, neque appellare possunt ab eo, dummodo non contineat manifestam iniquitatem per partes non remissibilem: ut habetur *L. 1. C. de Recept. arbitris*, ibi: *Ex sententia arbitri, ex compromisso Jure perfecto aditi, appellari non potest*. Concordat textus in *can. A Judicibus. 2. q. 6. juncto c. Non sine. 1. §. fin. de Arbitris*. Et merito: nam tales de injuria Iudicis sibi facta conqueri non possunt, sed omnia sua pactionibus et compromisso voluntario, imputare debent.

277. *Fatalia* appellationis tum interponendae intra decennium, tum introducendae, et proseguendae, ac finiendae tempore legitimo, si non observentur, tollunt potestatem postea appellandi; prout uberius supra §. 6. per totum dictum fuit.

278. Sexto, appellare non licet, quando *Dilatio nulla* datur: hoc est, quando *res dilationem non recipit, non permittitur appellare: veluti ne testamentum aperiatur, ne frumentum in usum militum, in annonae subsidia, contrahatur et hujusmodi*; prout statuitur, atque exemplificatur *L. ult. ff. de Appellation. recipiend.* Talia siquidem, admissa appellatione, aut praepjudicium grave inferrent, aut penitus interirent, atque dilationem non recipiunt: et, cum sit periculum in mora, non admittunt appellationem, saltem non quoad effectum suspensivum.

279. Septimo, *Clausula quae removet* (hoc est, quando cuiquam a Principe delegatur causa cum addita clausula, ut in causa illa procedat *Appellatione remota*) impedit appellationem. Textus est in *L. 1. §. fin. ff. A quibus appellare non licet. et c. Pastoralis. 53. h. t.* ubi Papa desuper consultus respondet, quod per hujusmodi clausulam non solum appellatio frustratoria videatur inhibita, atpote per quam ceteroquin negotium non debet impediri: sed etiam *quaelibet provocatio intelligatur removeri, quae a Jure non indulgetur expresse.*

280. Additur notanter *ly, a Principe*. Seli enim Principi supremo, puta Papae, vel Imperatori competit, contra Leges communes, omnibus appellationem permittentes, delegare cuiquam causam cum clausula, *Appellatione remota*: juxta *L. 1. §. fin. ff. A quibus appellare non licet*. Adeo, ut nullus inferior Principi hac clausula uti possit. Maranta *part. 6. Speruli Aurei. Tit. de Appellat. n. 337.* Barbosa *Tract. de Clausulis, claus. 9. num. 2.* citans alios. Ac etiam Legatus a Latere non possit sub illa clausula subdelegare, *c. Super questionum. 17. §. Si vero. de Offic. Delegat.* Nisi id specialiter ei fuerit concessum, Barbosa *loc. cit. n. 3.* post Marches. *de Commis. part. 1. cap. 8. n. 77.*

281. Dico. Appellatio est species defensionis, *c. Cum speciali. 61. §. Porro. h. t.* Atqui defensio est cuiuslibet concessa de Jure naturali; ergo non potest

tolli per Principem: nam quae sunt de Jure naturali, nequit is tollere, veluti inferior, ac subiectus ipsimet Juri naturali, *Clem. Pastoralis §. Ceterum defectus. de sentent. et re judicat.* Resp. Disting. maj. Appellatio est defensio judicialis, atque secundum suam formalitatem, sive modalitatem inducta per Leges, ac Jus positivum humanum, conced. Est defensio mere naturalis, seu inducta a solo Jure naturali, neg. maj. Et eodem modo distincta minori, neg. consequent. Quia, ut inquit Abbas *ad Rubric. h. t. n. 7.* et Scaccia *quest. 16. de Appellat. n. 22.* claus. alios, in appellatione sunt duo: videlicet substantia appellationis, consistens in hoc, ut iustitia reddatur adversus iniquitatem, vel imperitiam Iudicis: et formalitas, seu modalitas appellationis, secundum quam a sententia definitiva potest libere appellari, etiam non praescripta causa ejus. Princeps igitur per clausulam *appellatione remota* (idem dicendum de aliis hujusmodi clausulis, ac modis tollendi appellationem) removet duntaxat formalitatem, se modalitatem appellationis, ne videlicet admittatur causa gravaminis sive non expressa, non vero tollit substantiam ipsius, quia non prohibet iustitiam reddi adversus iniquitatem, vel imperitiam Iudicis rite probatam; band obstante, quod ob auctoritatem iudicariam praesumat sententiam esse iustam, donec hac praesumptio elidatur per contrariam probationem. Verum pro meliori intelligentia dictae clausulae,

Quaeritur III. Quos effectus operetur clausula, *Appellatione remota*? Resp. Operari plures effectus: ubi videre est apud Abbatem *c. Ut debitas. 59. num. 14. h. t.* ubi decem ejus effectus enumerat: et Barbosam *Tract. de Clausulis. claus. 9. per totum.* Horum principales sunt, qui sequuntur. I. Quia dicta clausula non admittit appellationem, nisi in casibus a Jure expressis, *cit. c. Pastoralis. 53. h. t.*

II. Clausula haec operatur, ut Juxta *a quo*, non obstante appellatione, possit suam sententiam mandare executioni, nisi prius appellatio ex certa scientia fuerit recepta a Principe: ut *c. Super questionum. 29. §. Porro. de Offic. Delegat.* ac notat Abbas *loc. cit. n. 14.* et Barbosa *cit. Claus. 11. n. 9.* allegans plures alios. Ratio est: quia Juxta *a quo* clausula, *Appellatione remota*, non tenetur deferre appellationi, nisi in casibus a Jure expressis, *cit. c. Pastoralis. h. t.* Et consequenter potest exequi sententiam suam: nisi forsau Princeps ex certa scientia admiserit appellationem, *c. Pastoralis. 53. §. Praeterea. de Offic. Delegat.*

Amplius effectus iste, ut teneat excommunicationem, quam Juxta *a quo* clausula, *appellatione remota*, profert in contumacem post appellationem ipsius: dummodo appellatio illa non sit expresse approbata a Jure. Abbas *c. Pastoralis. 53. n. 9.* et Francus *ibid. n. 7. h. t.* Scaccia *de Appellat. quest. 17. limit. 22. numer. 56.* Barbosa *cit. Claus. 9. numer. 13. et alii.*

III. Clausula illa operatur, quod Juxta *a quo* clausulae, extra casus in Jure expressos, non deferens appellationi, minime possit. IV. Operatur, quod innovata post interpositam appellationem, non possint revocari per vim attentati. V. Quod, ubi alios appellatio operatur suspensionem jurisdictionis Iudicis *a quo* virtute hujus clausulae perdit appellatio suum effectum. Ratio est, quae supra: quia videlicet Juxta *a quo* sub tali clausula datus, non tenetur deferre appellationi, nisi in casibus a Jure expressis: unde istud faciens, seu auctoritate Legis, vel Principis aqua deferens appellationi, minime potest, ne

que puniri nequit, simulque valide ac licite procedit.

286 VI. Clausula illa operatur, ut Rescriptum posterius non revocet prius datum sub clausula, *Appellatione remota*, nisi prioris Rescripti, ac etiam hujus clausulae, faciat expressam mentionem. Abbas cit. numer. 14. istud probans ex c. *Ex conquestione. 10. et notatis ibid. de Restitut. spoliat.* istudque amplius ad quamlibet aliam notabilem clausulam, arg. cap. 2. de *Dolo et contum. et c. Postulasti. 27. de Rescriptis.* Tacetur ubi effectus memoratae clausulae, apud Abbatem, et Barbosam, ubi supra, et alios videndi.

287 Queritur IV. Utrum clausula illa, *appellatione remota*, operetur effectus suos in omnibus casibus: et quando secus? Resp. I. Regula illa, quod clausula, *appellatione remota*, impediatur appellationem, fallit in nonnullis casibus: et quidem imprimis in illis, ubi appellatio a Jure conceditur expresse. Textus est in cit. c. *Pastoralis. 53. h. t.* ubi dicitur, quod per hanc clausulam *quaelibet provocatio*, seu appellatio, intelligitur removeri, quae a Jure non indulgetur expresse: et consequenter, ubi haec a Jure conceditur expresse, locum habebit.

288 Porro plures sunt casus, in quibus Jure expresse concedente licitum est appellare, haud obstante clausula illa, *appellatione remota*, quos refert Glossa cit. c. *Pastoralis. 53. §. Expresso. h. t.* Sic primo expresse indulgetur appellatio, non obstante illa clausula, quando Index denegat spoliato restitutionem spoli, arg. c. *Ex conquestione. de Restitut. spoliat.* Deinde, quando Delegatus est consanguineus ejus, cui Litteras impetravit, aut fuit Advocatus ipsius in eadem causa, vel ex alia justa causa suspectus est, poterit is recurrere: et si non vult admittere recusationem, potest ab eo appellari, quamvis sub clausula, *appellatione remota*, fuerit ipsi negotium commissum, c. *Postremo. 36. de Appellat.* Ulterius potest appellari non obstante clausula illa, si partes citantur ad locum non tutum, c. *Ex parte. 47. h. t.* Tacetur alii consimiles casus.

289 Resp. II. Non solum, quando Jus expresse admittit appellationem, haud obstante clausula, *appellatione remota*; sed generaliter omnis appellatio, caeteroquin a Jure approbata, videtur tunc praemissa, licet Jura non exprimant eam, quod appellatio sit remota. Ita Hostiensis in d. c. *Pastoralis. §. Expresso.* et Abbas ibid. numer. 14. citans Doctores communiter: ac sequitur Pirhing h. t. numer. 70. Ratio est: quia hoc ipso, quod Jura permittant appellare, gravamen videtur manifestum: atqui remotio appellationis non impedit appellationem, ubi quis manifeste gravatur, juxta Glossam c. *Ex conquestione. 10. §. Post appellationem. de Restitut. spoliat.* ergo. Exempla hujus habentur in c. *Significantibus. 49. de Appellat.* ubi licet appellat Reus, si non auditur, petens declarari rem petitam in libello adversarii: v. g. quam terram Actor petat in libello, si Reus plures terras habeat. Item c. *Ad audientiam. 31. et c. Significatio. 34. et c. Rudolphus. 35. et c. Significavit. 36. de Rescriptis* et alibi: ubi Papa, si est ita, jubet revocari in irritum etc. sique causam, ibidem expressam gravaminis, justam agnoscat.

290 Dices. Si haec responsio subsistit: ergo clausula illa, *appellatione remota*, nullum operabitur effectum. Nam vel appellatio est facta sine causa, et sic tanquam frivola caeteroquin nihil valet, c. *Pastoralis. §. h. t. et c. Cum appellationibus. eod. in ti.* Vel est facta ex causa et justo gravamine: et sic juxta proxime dicta admitti debet appel-

latio, non obstante illa clausula: ergo. Resp. neg. seq. Quia imprimis haec clausula id operatur, ut appellatio, etiam caeteroquin justa, admitti non debeat, nisi de causa gravaminis antea exprimatur, atque propter eam expresse in Jure concedi appellationem reperiat: ut d. c. *Pastoralis. 53. h. t.* Cum tamen caeteroquin a diffinitiva sententia absolute licitum sit appellare, nulla in specie expressa causa gravaminis, ut dictum supra §. 4. numer. 108. Engel h. t. n. 36.

Deinde clausula haec id operatur, ut appellatio interposita (extra casus a Jure expressos) non suspendat jurisdictionem Judicis a quo: unde iste non cogitur appellationi deferre, potestque sententiam suam manere executioni: non obstante facta appellatione; antequam a Superiore ex certa scientia recipiatur ejusmodi appellatio. Abbas cit. c. *Pastoralis. numer. 9. h. t.* istud ulterius probans ex c. *Pastoralis. 28. §. Praeterea. de Officio Delegati.* ubi clausula illa, *appellatione remota*, suum operatur effectum, donec Superior, seu Papa, appellationem a diffinitiva, ex certa scientia recipiat. Idem tradit Pirhing h. t. n. 75.

Accedit tertius dictae clausulae effectus, sed ex praecedenti consequens: quia attentata a Judice a quo post ejusmodi appellationem non revocatur a Judice superiore per viam nullitatis, sed solum per viam querelae. Ratio est: quia, ex quo non fuerat suspensa jurisdictio Judicis a quo per dictam appellationem, tenuerunt gesta ab ipso; et consequenter hoc ipso nequeunt revocari per viam nullitatis: licet possint a Superiore revocari per viam querelae, ubi cognoscuntur continere aliquam iniquitatem, seu gravamen injustum. Abbas cit. c. *Pastoralis. numer. 11. h. t.* Pirhing eod. numer. 75. His adde caeteros effectus supra n. 282. et seqq. jam expressos.

Queritur V. Quale remedium competat illi, qui per sententiam Judicis dati cum clausula, *Appellatione remota*, sentit sese injuste gravatum? Resp. I. Ejusmodi injuste gravatus potest imprimis appellare, non obstante clausula illa, dummodo prius exprimat causam gravaminis. Ita desumitur ex cit. c. *Pastoralis. 53. h. t.* ubi dicitur: *Sed si appellans fuerit gravatus injuste, gravamen hujusmodi per Superiorem poterit emendari.* Ubi Abbas numer. 13. recte ponderat ly, appellans: ac proinde infert eum communiori, quod talem injuste gravatum teneatur Superior audire etiam per viam appellationis, etque succurrere: et non solum (ut nonnulli alii voluerunt) per viam querelae gravamen illud sit revocandum. Accedit, quod Princeps per oppositionem dictae clausulae non censeatur cuiquam penitus auferre facultatem appellandi: cum appellatio sit species quaedam defensionis: sed solum, ne libere possit appellari, etiam nulla prius allegata causa gravaminis: ut jam dictum est supra numer. 108. et 111. et numer. 269. Hinc Barbosa cit. *Claus. §. numer. 23.* cum aliis tradit, quod clausula, *appellatione remota*, non tollat appellationem, quotiescunque in continentis quis paratus est docere de justa, et legitima causa appellandi.

Resp. II. Insuper remota, seu alias deficiente appellatione, potest quis injuste gravatus juvari aliis remediis: atque imprimis opponendo nullitatem sententiae. Ita Sigism. Scaccia quaest. 14. de *Appellat. Remed. 1. Causis lib. 1. Practic. Observat. 135. numer. 7.* et alii: estque jam dictum supra §. 1. numer. 24. et seqq. Siquidem appellatio, et nullitas sententiae: hujusque oppositio, sunt diversa Joris remedia; ac proinde sublato uno, non tol-



litur alterum. Hinc *c. Inter caeteras. 9. de Sentent. et re judicat.* expresse dicitur, quod sententia iniqua retractetur per Superiorem, licet causa fuerit commissa sub clausula, *Appellatione remota.*

295 Aliud remedium, est Supplicatio: nam supplicare, quilibet potest, quantumcunque remota sit appellatio, juxta dicta superius §. 1. num. 20. Quamquam hodie usus supplicandi propemodum ab Aulis recesserit, atque in ejus locum successerit Revisio; de qua jam dictum supra §. 2. num. 48. et seqq.

296 Tertium remedium, est Restitutio in integrum: haec enim potest dari adversus sententiam inappellabilem, quando per eam quis graviter laesus fuit; ut *l. Minor. §. 2. ff. de Minorib.* Sive dein sit inappellabilis ex natura causae, sive ob excellentiam Judicis, aut commissionem causae sub clausula, *Appellatione remota.* Et de hoc remedio fusissime agit Scaccia quaest. 19. de *Appellation. Remed.* 2. num. 1. et seqq. atque oportet huc applicare ea, quae superius *L. 1. Titul. §. 1. De in integrum Restitutione,* per totum, ex professo dicta fuerunt.

### §. XI.

Declarantur alii casus, in quibus appellare non licet.

### SUMMARIVM.

- 297 Appellatio non admittitur, Si res notorie constet.
- 298 In dubio tamen ea admittitur.
- 299 Notorium, quid dicatur?
- 300 A legitima correctione non admittitur appellatio, praesertim in Regularibus.
- 301 Nisi modus excedatur.
- 302 Id ipsum procedit etiam in Clericis saecularibus.
- 303 Contemptus impedit fieri appellationem.  
Et quid per contemptum hic intelligatur? Ibid.
- 304 Possessio, seu sententia lata in possessorio, non admittit appellationem.
- 305 Fallit istud in possessorio magni praepjudicii, saltem spectato Jure Canonico.
- 306 Et quid spectato Jure Civili? Et num. seq.
- 307 Solvitur instantia.
- 308 Appellare vetat, Jus clarum.
- 309 Appellationem non admittit Executio sententiae etc.
- 310 Sicut nec Res minima, saltem spectatis specialibus locorum Statutis.
- 311 De Jure Canonico tamen potest appellari etiam pro causis minimis.
- 312 Res longius acta non recipit appellationem.  
Ab eadem sententia, et super eodem articulo, non licet eadem ter appellare. Ibid.
- 313 Secus super diversis articulis, etiam ejusdem causae.
- 314 Et quid, si modo una, modo altera pars succumbat, et appellet?
- 315 Quae remedia competant post secundam appellationem?

297 Octavo, non admittitur appellatio, Si res notoria constet, sive ob notorietatem facti. Patet istud ex *c. Cum sit Romana. §. §. An. et c. Pervenit. 13. et c. Consuluit. 14. h. t.* ubi Summarium, Glossa, et DD. Quotiescunque enim de causa, sive delicto notorie constat, jam appellatio tantum interponere-

tur ad differendam litem, atque impediendam executionem justas sententiae. Unde tali appellatio, utpote de cuius iniquitate constat, non est deferendum: *Cum appellationis remedium non sit ad defensionem iniquitatis, sed ad praesidium innocentiae institutum:* prout loquitur Pontifex in *c. Cum speciali. 61. §. Porro. h. t.* Et hinc convictus in iudicio, simulque sponte confessus, appellare prohibetur, *l. Observare. C. Quorum appellationes non recip. et can. Et, qui appellat. §. Nullus etiam. 2. q. 6.* Ubi dicitur: *Nullus etiam homicidarum, veneficorum, maleficorum, adulterorum, itemque eorum, qui manifestam violentiam commiserunt, argumentis convictus, testibus superatus, voce etiam propria vitium scelusque confessus, audiat appellans.* Haec ibi.

Verum tamen Pontifex in *cit. c. Consuluit. 14. h. t.* 298 notanter monet: *Cum multa dicantur notoria, quae non sunt, providendum esse, ne quod dubium est, pro notorio habeatur.* Nam in factis, et delictis dubiis, dummodo causa probabilis coram Iudice exprimitur, bene admittitur appellatio: si tamen appellans hanc non prosequitur, aut causam allegatam non probat, Iudex a quo procedet in causa juxta *c. Cum speciali. 61. h. t.*

Porro, Notorium in proposito dicitur illud factum, 299 sive crimen, de quo constat vel per evidentiam rei, quae nulla possit tergiversatione celari; ut dicitur *cap. ult. de Cohabitat. Cleric. et c. Cum olim. 24. de Verb. signif.* Vel de quo constat per propriam confessionem Rei factam in iudicio; ut habetur *ll. ce. et c. Cum speciali. 61. de Appellat.* Quod tamen intelligendum est de confessione sponte facta, et non metu gravi, aut vi tormentorum extorta. Pirhing *h. t. num. 39.* Vel de quo patet per sententiam condemnatoriam, a qua non fuit appellatum; ut *cit. cap. ultim. de Cohabitat. Cleric. juncto cap. 1. de Exception.* Aut, de quo constat per testes idoneos, aliasque legitimas probationes, si illis nihil possit opponi, sitque jam in causa conclusum *cit. c. Cum olim. de Verb. signif. juncta Glossa in c. Significaverunt. §. Liquere de Testib. Pirhing h. t. num. 55.*

Novo, ly Corrigere denotat, non admitti appella- 300 tionem a legitima correctione. Textus est in *c. Licet. 12. de Offic. Ordinari.* ibi: *Licet in corrigendis excessibus, juxta canonicas sanctiones, appellationis sit diffugium interclusum:* junctis Concordantiis a Glossa *ibid. §. Interclusum, relatis.* Idque vel maxime procedit in Regularibus, *c. Reprehensibilis. 26. §. An. h. t. et c. Ad nostram. 3. eod.* Ubi expresse statuitur, quod a legitima correctione Praelati Regularis, facta videlicet juxta Regulae praescriptum, et Ordinis Constitutiones, causa disciplinae Regularis, non sit admittenda appellatio: nisi modus excedatur. Quia (ut loquitur ibi Pontifex) *remedium appellationis non ideo est inventum, ut alicui a Religionis, et Ordinis observantia exorbitanti, debeat in sua nequitia patrocinium exhibere.*

Additur notanter cum Summario, et Doctoribus ibidem, nisi modus excedatur. Nam, ut argumentatur Abbas *cit. c. Ad nostram. n. 1. h. t.* argumento a sensu contrario desumpto, etiam Religiosis permittitur appellatio, quando indebito, et contra Ordinis Constitutiones praegravatur per Superiorem suum: haud obstante, quod hic procedat per viam correctionis, arg. *c. Reprehensibilis. 26. §. An. h. t.* Ubi Religiosis per Superiores suos indebite excommunicatis, seu aliter gravatis, ac proinde appellantis, rigore praecipitur observantia dictae Decretalis: et consequenter indebite gravati contra Ordinis Constitutiones possunt appellare.

302. Insuper secularibus etiam Clericis in cit. c. *Reprehensibilis*. ubi h. t. praecipitur, ne contra disciplinam Ecclesiasticam in vocem appellationis erumpant. Si vero quispiam pro sua necessitate crediderit appellandum, competens ei ad proseguendum appellationem terminus praefigatur: infra quem, si facta prosequi neglexerit, tunc Episcopus libera sua auctoritate utatur, etc. Haec Pontifex; postmodum subiungens potestatem recompensationis expensarum, in quas condemnatur appellans non proseguens suam appellationem, appellato veniente, hancque proseguente.

303. Decimo, *Contemptus* impedit fieri appellationem. Ubi per *Contemptum* intelligitur contumacia Judici exhibita in veniendo. Nam verus contumax (id est, ille, qui tribus Edictis propositis, vel uno pro tribus, quod *Peremptorium* vocant, legitime vel Judicem citatus est, et tamen non impeditus morbo, aut alia legitima causa, praesentiam sui facere, et venire contemnit) talis, inquam, verus contumax a sententia contra eum lata appellare nequit: et appellans non auditur, postquam negotio prius summis pertractato super contumacia sua condemnatus fuit. Textus est in *L. 1. C. Quorum appellation. non recipiant.* ubi proinde Bartolus in *Summario* breviter inquit: *Verus contumax non appellat.* Idem patet ex *l. Ex consensu. ff. de Appellat. et l. Contumacia. ff. de re iudicat.* In quo posteriori loco dicitur: *Contumacia eorum, qui ius dicenti non obtemperat, litis damno coercetur: hoc est (ut explicat Glossa ibid. §. Litis damno coercetur) ut non appellent;* quamvis non illico amittant causam principalem, si caeteroquin iustam causam foreant.

304. Undecimo, *Possessio*, sive sententia lata in iudicio possessorio, non admittit appellationem. Textus est in *L. un. C. Si de momentanea possessione. etc.* iuncto Canone *Ei, qui appellat. §. De possessione. 2. q. 6.* ibi: *De possessione etiam, et ejus momento, si causa dicatur (quae sententia interlocutoria appellatur) quamvis provocatio interposita fuerit, tamen lata sententia sortitur effectum.* Ubi Glossa §. *Momento*, hoc intelligit de momentanea possessione: quia tunc non appellatur propter modicitatem praedicii; cum istud illico, atque in momento cesset, si condemnatus in possessorio postea probet de proprietate rei. Siquidem sententia lata super proprietate rei, absorbet sententiam super ejus possessione: ut c. *Cum dilectus. 6. de Causa posses.* cum similibus.

305. Caeterum loquendo de sententia, praesertim diffinitiva, super possessorio magni praedicii lata, spectato Jure Canonico habet locum appellatio; ut c. *Cum ad sedem 15. de Restitut. spoliat. et Clem. un. de Causa posses.* ubi talis appellatio super possessorio reperitur facta, et alibi. Accedit ratio: tum, quia cit. can. *Ei, qui appellat. 2. q. 6.* solum fit mentio de sententia interlocutoria super possessione lata, Tum, quia sententia super possessorio lata, potest etiam esse maximi praedicii: ut si non possunt haberi aliae probationes super proprietate rei, nam tunc ex defectu possessionis perderet quis etiam proprietatem, nisi appellare valeret: ut taceantur alia privilegia possessionis, de quibus supra *Tit. 12. De causa possessionis et Proprietatis. §. 2. n. 39. et seqq.* suscipiuntur. Tum tandem, quia de Jure Canonico potest appellari etiam in minimis, c. *De appellationibus. 11. h. t.*

306. Et hinc Glossa in c. *Cum ad sedem. §. Interdictum de Restitut. spoliat.* et nonnulli volunt, dictum illud, quod non possit appellari in causa possessionis, procedere solum spectato Jure Civili, non vero de Jure Canonico. Imo Abbas in d. c. *Cum*

*ad Sedem num. 30. de Causa posses.* asserit, quod non potest, utilem esse provisionem. Legalem: quia licet certo respectu questio possessoria videatur modici praedicii, tamen alio respectu potest esse maximi praedicii; idque ob rationes hactenus allatas.

Quod si dicas, non esse revidendum a depositione Juris Civilis, ubi de Jure Canonico non reperitur contrarium depositum, arg. cap. 1. de *Novi operis nunciat.* Atqui in proposito de Jure Canonico non reperitur contrarium depositum, quam habetur in cit. *L. un. C. de Momentanea posses. etc.* imo haec videtur canonizata in eam *Ei, qui appellat. 2. quest. 6.* cujus verba num. 304. referuntur; ergo. Resp. neg. min. ob SS. Canones num. 305. citatos. Si vero placeat, tollam quoad propositum inter Jus Civile, et Canonicum, admittere discrepantiam, potest dici cum Abbate cit. c. *Cum ad sedem. num. 30.* allegante pro se Bartolum, quod etiam de Jure Civili semper possit appellari, sed per appellationem non impediatur executio sententiae; prout hoc ipsum videtur velle cit. *L. un. C. de Momentanea posses.* illis verbis: *Tamen lata sententia sortitur effectum.* Simile quid habetur *l. Ab executione. C. Quorum appellat. non recip.*

Dodecimo vetat appellare *Jus clarum*. Nam censetur appellatio frivola, atque iniqua, si interponatur circa illud, quod Juxta secundum clarum Juris textum definit, atque praecipit. Siquidem Jus commune nrimem gravat, sicque cessat ratio appellationis interponendae; nempe injuriam gravamen, ad quod tollendum inventa fuit appellatio. Quin imo deferre appellationi contra Jus clarum, aut contra executionem ipsius, aliud non foret, quam praesidium subministrare inobedientiae. Unde si Episcopus mandet Clerico, nullam justam excusationem habenti, et resident in suo beneficio, et is appellat, non est audienda ejus appellatio, c. *Relatum. 4. de Cleric. non resid.* Simile quid habetur c. *Consultuit. 19. de Appellat.* iuncta Glossa fin. ibid. generaliter inferente, quod appellatio, quae fit contra Leges vel Canones, non sit aliquatenus admittenda. Verumtamen hoc limitare oportet, nisi quis alleget causam rationabilem; ob quam Jus generale in tali casu locum habere non videtur: sed tunc hoc ipso Jus non est clarum.

Decimo tertio, *Executio* non admittit appellationem: siquidem ab executione sententiae, quae in rem transit iudicatum, aut secundum clarum Juris textum lata fuit, non licet appellare; nisi forsitan Executor, male sententiam interpretatus, excedat modum executionis. Textus est clarus in *l. Ab executione. C. Quorum appellationes et c. et l. Ab executione. ff. de Appellat.* Concordat c. *Novit. 43. h. t. et c. Quod ad consultationem. 15. §. Sed nec. de Sent. et re iudicat. et c. Super quaestionibus. 17. §. Nos autem. de Offic. Delegat.* iuncta Glossa §. *Executorum.* et Abbate ibid. n. 11. et aliis. Accedit ratio: quia merus Executor (nisi modum excedat) non gravat exequendo sententiam Judicis: cum non habeat cognitionem causae, sed nudum ministerium; et si quod gravamen interveniret, id a sententia Judicis oriretur, qui mandavit, a quo proinde appellandum erit, nisi aliud obstat: estque jam dictum supra *Lib. 1. Tit. 29. de Offic. et potestate. Judic. Delegat. §. 7. n. 157.*

Decimo quarto, *Minima res* non admittit appellationem, solum spectatis specialibus diversorum locorum Statutis: eo quod res minime, atque exigui, momenti, non merentur appellationem, atque protectionem liti. Sic in Can.

ria Romana, non admittitur appellatio in causis non excedentibus quinque Ducatos auri de Camera; ut refert Barbosa c. *De appellationibus*. 11. nu. 3. h. t. similia de nonnullis aliis allegans. Similiter in Camera Imperiali, appellationes regulariter non recipiuntur, si summa appellationis sit infra centum quinquaginta florenos; teste Gailo lib. 1. *Practic. Observat.* 123. n. 1.

311 Ceterum de Jure Canonico potest appellari etiam pro causis minimis, *text. clar. cit. c. De Appellationibus*. 11. h. t. Siquidem appellatio non est fundata super quantitate gravaminis; sed super injustitia sententiae, atque iniquitate seu imperitia Judicis, L. 1. § 1. ff. *de Appellat* qualis etiam in causis minoribus intervenire potest. Et ob hanc causam infert Pirhing num. 36. h. t. etiam de Jure Civili posse appellari in causis minoribus; ut l. *Et in majoribus*. C. h. t. ibi: *Et in majoribus, et in minoribus negotiis appellandi facultas est*. Quamvis nonnulli contradicant, qui postmodum per causas minores, cum Glossa *ibid.* intelligunt civiles; et e contra per majores, intelligunt causas criminales.

312 Decimo quinto, *Ras longius acta*, sive protelata, non recipit appellationem. Et hoc inter alia fit ex eo, quia ab eadem sententia, ei super eodem articulo, sive gravamine lata, eidem ter appellare non licet; prout habetur expressum in L. 1. C. *Ne liceat in una eademque causa ter provocare*. etc. *Sua nobis*. 65. h. t. Idque merito statutum fuit: tum ne detur processus in infinitum, et lites evadant propemodum immortales: tum quia praesumptio est contra eum, qui tam in priori instantia, quam bis provocando, ter succubuit. Et hoc procedit non solum in appellatione a diffinitiva, verum etiam in appellatione ab interlocutoria. Barbosa *cit. c. Sua nobis*. n. 2. h. t. allegans alios. Procedit etiam in illis causis, quae non transeunt in rem judicatam: licet enim in his possit causa de novo inchoari, non tamen potest tertio appellari. Abbas d. c. *Sua nobis*. n. 7. h. t.

313 Dicitur notanter primo, *ad eadem sententiam, et super eodem articulo etc.* Nam si quis milles super diversis articulis, licet in eadem causa, gravaretur, posset is toties appellare; ut *can. Quoties Episcopus*. 2. q. 6. ac notat Abbas *cit. c. Sua nobis*. n. 7. h. t. Quia super appellaret super diverso gravamine, sive articulo.

314 Dicitur secundo, *eidem ter appellare non licet*. Nam si modo una, modo altera pars succumbat, cuilibet bis appellare licet, sed nulli ter. Hinc si Titius contra Cajum litigans, in prima instantia condemnatur, potest Titius appellare; si dein in altera instantia Cajus condemnatur, potest etiam is appellare: quod si denuo condemnatur Titius, rursus huic appellare licebit; et si iterum Cajus demetur, et ipsi adhuc licebit appellare. Tunc autem, ex quo quilibet bis appellavit, neutri amplius licebit appellare: atque obtinebit is, qui in ultima instantia superando, tres conformes sententias pro se reportabit, *arg. Clem. 1. de Re judicis*. ac notat Abbas *cit. n. 7*. Et hoc idem juris est, si quis non interpolatus, sed successive bis appellaverit: ut si Titius adversus sententiam in prima instantia contra se latam appellet, et ipsa confirmetur; sicque Titius secundo appellet: nam si sententia illa denuo confirmetur, non est locus tertiae appellationi.

315 Quamvis autem, juxta hactenus dicta, non sit licitum tertis vice appellare; adeo quidem, ut neque Papa, neque alius Princeps superioris potestatis seu ordinis, mediante Rescripto con-

cedere ceaseatur facultatem appellandi tertis vice: potest tamen imprimis id Princeps concedere per viam privilegii, ac ex certa scientia. Pirhing h. t. n. 126. Deinde, licet quis non audiat tertio per viam appellationis, auditur tamen per viam nullitatis sententiae; ostendendo videlicet, quod prior sententia fuerit ipso jure nulla: ita tamen, ut sententia prius possit executioni mandari, *Clem. 1. de Sent. et re judicat.* estque jam dictum supra §. 1. n. 26. Potest insuper tunc peti restitutio in integrum, servatis tamen aliis de Jure servandis, l. *Minor*. §. 2. ff. *de Minorib.* Tandem potest etiam supplicari Principi, non obstante gemina appellatione; ut patet ex dictis supra §. 10. n. 294. et seqq.

## §. XII.

### De Recusationibus, et Relationibus.

#### SUMMARIUM.

- 316 *Recusatio Judicis, quid?*
- 317 *Haec in nonnullis convenit cum Appellatione.*
- 318 *Appellatio, et recusatio aequiparantur; et quomodo?*
- 319 *Differunt autem in pluribus.*
- 320 *Recusatio Judicis suspecti debet fieri ante litem contestatam, et intra viginti dies post oblatum libellum.*
- 321 *Nisi nova causa recusandi supervenerit.*
- 322 *De Jure Canonico potest recusari Judex tam ordinarius, quam delegatus.*
- 323 *Et quid spectato Jure Civili?*
- 324 *Volens recusare Judicem sibi suspectum, quid agere debeat?*
- 325 *Effectus recusationis Judicis, quis?*
- 326 *Recusatio an ita suspendat jurisdictionem Judicis, recusati, ut postea gesta ab eo, sint nulla ipso jure? Et num. seqq.*
- 327 et 328. *Referuntur diversae circa hoc Doctorum sententiae.*
- 329 *Relatio, quid?*
- 330 *Relationes de facto propemodum abierunt in consuetudinem.*
- Judices ipsi tenentur causam sententialiter terminare, omissis relationibus. Ibid.*
- 331 *Licitum tamen est, in dubio Juri Principem consultare.*

Quaeritur I. Quid sit Recusatio, et quomodo differat ab Appellatione? Resp. I. *Recusatio* est Judicis suspecti, et jurisdictionis ipsius proposita causa suspicionis declinatio. Ita Pirhing h. t. num. 266. et alii. Nam quia naturale quodammodo est, suspectorum Judicium insidias destinare, eo quod is aut consanguineus, vel affinis parti adversae existat, aut nimia affectione erga eum ducatur, vel proprium interesse in causa habeat; sive odio erga recusantem afficiatur: hinc Jurisdictio esse voluit, ei, qui suspectum Judicem putat, inter quas is inchoetur, eum recusare, ut ad alium recurratur, *can. Quod suspecti*. 3. q. 5. et ff. *Appellatissimi*. c. *de Judiciis*, cum concordantibus. Resp. II. Recusatio Judicis in nonnullis convenit cum Appellatione: in pluribus ab ipsa differt. Ita communis; et patet distinctione. Convenit quidem cum ea, tum quia sententia recusatio suspendit jurisdictionem Judicis recusati; adeo, ut pendente recusatione non possit deinceps aliquum actum procedere, et alioquin processus sit nullus (ut dicitur num. 325. et seqq.) Quod



ipsum accidit in appellatione: atque ob hanc convenientiam Compiler Juris Canonici, sub eodem Titulo, simul agit de Appellationibus, et Recusationibus etc. uti notat Glossa *ad Rubric. h. t.* Deinde conveniunt: quia sicut Appellatio ab interlocutoria non admittitur, nisi causa probabilis appellandi exprimitur, *c. Ut debitas. 59. h. t.* ita nec Recusatio Judicis, *c. Super eo. 12. h. t.* juncta Glossa *ibid. §. Sicut appellationi. et c. Cum speciali. 61. §. 1. eod.* cum concordantiis.

318. Nec obstat, quod *cit. c. Super eo. 12. h. t.* absolute dicatur: *In causis Ecclesiasticis, ubi appellationis remedium tollitur, sicut appellationi, ita recusationi non est aliquatenus deferendum.* Nam contra est: quia in *c. Postremo. 30. eod.* expresse habetur, quod Delegatus cum clausula, *appellatione remota*, possit recusari, si est consanguineus impetrantis, vel ex alia justa causa suspectus: et tamen ab eo nequit appellari, ob memoratam clausulam. Et hinc, ut jura juri concordentur, juxta *cit. c. Super eo. 12. h. t.* Appellatio et Recusatio equiparantur in hoc, quia sicut in appellatione requiritur causa rationalis, ita et in recusatione: prout loquitur Summarium *ibid.* ac notat Pirhing *h. t. num. 266.*

319. Differunt econtra Appellatio, et Recusatio in pluribus. Nam prior non habet locum, nisi postquam quis se sentiat gravatum a Jure: sensus in recusatione: haec enim fit ante litem inchoatam, et consequenter, etiamsi Juxta pondum gravaretur. Deinde, in eadem causa non licet ter appellare, tamen recusatio judicis non numeratur in hoc numero appellationum, *L. un. C. Ne liceat in una eademque etc.* Uterius Officialis, sive Vicarius Generalis Episcopi, potest coram eodem Episcopo recusari, licet ab Officiali ab Episcopo appellare non liceat, *text. clar. c. Si contra. 4. §. fin. de Offic. Jud. Delegat. in 6. juncta Glossa fin. ibid.* Tandem potest quis appellare a Jure, in quem consensus, *c. Causam. 14. h. t.* non tamen eum recusare, *c. Insinuante. 25. §. fin. de Offic. Delegat.*

320. Queritur II. Quando, et quomodo fieri debeat Recusatio Judicis suspecti? Resp. I. Juxta suspectus non nisi ante litem contestatam, ac intra viginti dies post libellum oblatum, recusari potest. Patet hoc ex *Auth. Offeratur. C. de Litis contestation. ibi: Offeratur ei, qui vocatur ad judicium, Libellus: et exinde viginti dierum gaudeat induciis, quibus deliberet, cedat an contendat, aut judici alium associari petat, vel recuset eum etc.* Concordat *can. Quod suspecti. 3. q. 1. et l. Apertissimi. C. de Judiciis*, in quo posteriori loco sic dicitur: *Apertissimi juris est, licere litigatoribus iudices datos, antequam lis inchoetur, recusare.* Ratio ulterior, cur recusatio debeat fieri ante inchoationem judicii, sive ante contestationem litis, haec est: quia si quis coram Jure semel litigare inceperit, hoc ipso censetur in eum consensisse; sicque ipsum, utpote semel a se approbatum, amplius recusare non potest.

321. Intellige, nisi nova causa ipsam recusandi superveniat, juxta textum expressum in *c. Insinuante. 25. de Offic. Delegat.* ubi Juxta delegatus, post litem jam contestatam, et diutius agitantem recusatur: eo quod postea alteram Litigantem in animum familiarem admiserit. Aut nisi post litem contestationem primum, Recusatio emane illius notitiam adquisierit, idemque juramento deponat: ut *c. Pastoralis. 4. de Exception. 30. q. 1. Covar. rarias Practic. Quaes. cap. 16. num. 2. et Zoesius h. t. num. 34.* Nam tunc ignorantia illius causae

recusandi, removel consensum in approbationem talis Judicis.

Resp. II. De Jure Canonico potest recusari Juxta 322. tam ordinarius, quam delegatus: quidquid sit de Jure Civili. Prior pars patet ex *c. Cum speciali. 61. h. t.* juncto *c. Si contra. 4. et c. Judex. 5. de Offic. Delegat. in 6.* ubi expressa fit mentio de recusatione Judicis ab Apostolica Sede dati, et suspecti, cum concordantiis. Idque ex eo statutum fuit, ne quoquo modo alienius causam contingeret contra justitiam in judicio laedi.

Additur vero, quidquid sit de Jure Civili. Nam 323. spectato rigore Juris Civilis, quamvis Juxta delegatus possit recusari ut suspectus, *cit. l. Apertissimi. C. de Judiciis* Juxta tamen ordinarius recusari nequit: sed si circa ipsum aliqua suspicio, atque dubitatio emergerit, tunc ejusmodi Juxta ordinario jubetur adjungi Episcopus loci, qui una cum Jure illo ordinario causam audiat; atque vel stansibiliter eam componat, vel simul cum ipso cognitionaliter dirimat, *Auth. Si vero. C. de Judiciis* Notat tamen Baldus in Summario, *ad cit. Auth. Si vero.* et Covar. *Practic. Quaes. cap. 16. n. 1.* dictam Authenticam quoad id, ut Juxta recusatus assumat socium Episcopum, non esse receptam de consuetudine, sed ejus loco per Juxta recusatum solero recipi alium quempiam bonum, et candidum. Virum ad obscurandam, quae de illo orta fuerat, suspensionem. Atque ob hoc in *num. praeced.* de industria additum fuit *ly, spectata rigore Juris Civilis.*

Resp. III. Volens recusare Juxta sibi suspectum, 324. debet coram eo suspicionis probabilem causam in scriptis proponere, eamque coram Arbitris communiter eligendis probare: qua legitime probata, Juxta recusatus vel negotium principale de Recusatoria consensu committat alii personae idoneae dijudicandum; vel illud transmittat ad Superiorem; ut ipse in eo procedat, secundum quod justum fuerit: dicta vero causa recusationis non probata inter terminum competentem, ipsemet Juxta utitur sua jurisdictione, et procedit in causa principali. Ita habetur decisum in *c. Cum speciali. 61. h. t.* juncta *l. Apertissimi. C. de Judiciis*, ibi: *Libello recusationis ei porrecto.* Zoesius *h. t. num. 37.* Pirhing *n. 271.* et alii.

Queritur III. Quis sit effectus Recusationis 325. judicis? Resp. I. Effectus recusationis est, suspendere jurisdictionem Juxta recusati: unde recusatione rite proposita, ac pendente super ejus iustitia cognitione (nisi manifeste pateat, eam esse frivolum) Juxta recusatus in causa supercedere debet, neque poterit ad ulteriora procedere. Textus est in *c. Secundo requiris. 41. §. fin. h. t.* Ubi etiam, hujus ratio assignatur, illis verbis: *Ipsi namque ratio dicitur, quod suspecti, et inimici, iudices esse non debent.*

Resp. II. Utrum recusatio ita suspendat jurisdictionem Juxta recusati, ut postea gravis ab eo, sine ulla ipso jure, variant Doctores. Affirmat Glossa *can. Quoties. 2. q. 6. §. Appellent. V. l. 1. §. 19. num. 4. Zoesius. numer. 38. Glossa. l. 1. Practic. Observat. 33. num. 12. et alii.* Rationem dant: quia, cum Juxta recusatus solutus, vel saltem suspendatur iudicandi, debet, si lites sine suspensione procedant, *l. Apertissimi. C. de Judiciis*; jam hoc ipse postea ab eo non potest valere, sicque non irritum ipso iure probatur, si de gestis post interpositam appellationem dici solent.

Negativam vero sententiam, est quod, post factam recusationem non sinit ulla iure, sed valent, nisi etiam interposita appella-

latio; tenet Pirhing h. t. num. 277. citans Innocentium in c. Cum speciali. n. 7. Imolam ibid. nu. 28. et 21. et Alexandrum n. 46. ac seqq. Rationem offert: quia c. Super quaestionum. §. An. de Offic. Delegat. dicitur, si Judex tanquam suspectus merito recusetur, et tamen recusatio non admittatur, posse appellari; quodque post appellationem hujusmodi est praesumptum, judicari debere irritum et inane: ergo, argumento a sensu contrario desumpto, gesta post recusationem, tamen ante appellationem, non sunt irrita ipso jure.

328 Sicut, qui distinguunt inter Jus Canonicum, et Civile: et secundum hoc asserunt, non valere attentata post recusationem, bene tamen spectato Jure Canonico; pro qua sententia plures allegat Abbas c. Cum speciali. numer. 12. vers. Quarta fuit. h. t. Alii apud Abbatem cit. num. 12. vers. Tertia. quos sequitur Engel h. t. num. 57. volunt, validitatem talium gestorum post recusationem attentatorum, pendere ex futuro evento admissae, vel non admissae recusationis. Nam si pronuncietur, hanc non tenuisse, valebunt (inquiunt) ejusmodi gesta: sin minus, non valebunt: sicut in simili dicitur in attentatis per Judicem a quo post appellationem ab interlocutoria, c. Non solum. h. t. in fi.

329 Queritur IV. Quid sit Relatio? Resp. I. Relatio est Judicis inferioris in causa de jure dubitantis, ad Superiorem, sive Principem transmissa consultatio, ut sciat, quid in judicando sequi debeat. Ita Vallensis h. t. §. 20. n. 3. Pirhing num. 278. et alii. Dicitur notanter, de jure dubitantis: quia in dubiis de facto, sive de veritate gestorum, Relatio non habet, locum, l. Eum quem. ff. de Judiciis. Quia imo, quando fit Relatio, oportet totum factum plene instructum referre ad Principem, et tunc ejus sententiam expectare, L. 1. C. de Relatione. Nam pendente relatione, officium inferioris Judicis con- quiescit, L. ult. C. eod.

330 De facto tamen hujusmodi Relationes utroque Jure propere modum in desuetudinem abierunt. Nam quia teste experientia compertum fuit, lites nimium protrahi, dum post longam causae descriptionem, tandem adhuc ad Principem, plurimis aliis negotiis distentum, fiebat recursum, causaque ipsa plene prius instructa (data prius copia utrique parti litigantium) ad ipsum referebatur. Hinc in Auth. Ut iudices non expectent sacras iussiones etc. Collat. 9. provide statutum fuit, ut ipsimet Iudices, omnis relationibus, causam perfecte examinatas, sententialiter terminent, eamque executioni demandent; nisi partes, quae per sententiam sese gravatas censent, ab eadem appellaverint.

331 Caeterum his non obstantibus licitum est, in dubio juris, praesertim ob pugnam rationum, aut verborum Legis ambiguitatem subortam, Principem consultare, ut respondeat super illo dubio puncto juris. Siquidem, stricte loquendo, Consultatio, et Relatio differunt: nam per relationem tota causa ad Superiorem refertur, ut ejus judiciali sententia definatur: sicque Judex inferior sese privat potestate judicandi, totam causam transferendo in Superiorem, prout olim frequenter fieri solebat. Secus fit in Consultatione: nam per hanc Princeps solum consultatur super dubio juris; et tunc inferior facta consultatione, et juxta datum responsum judicat, fertque in causa sententiam. Late tamen loquendo, Relatio, et Consultatio promiscue somniantur. Pirhing h. t. num. 279.

## TITULUS XXIX.

## De Clericis peregrinantibus.

## SUMMARIUM.

- 1 Ratio continuationis Rubricarum.
- 2 Statuta de Clericis peregrinantibus etiam procedunt in Laicis peregrinantibus ad Sedem Apostolicam.
- 3 Peregrinantes ad Sedem Apostolicam, constituti sunt sub hujus protectione.
- 4 Et omnia, interim contra ipsos attentata, revocantur.
- 5 Nisi quis eorum ab inferiori Judice fuerit citatione praeventus.

Quis peregrinatio ad Sedem Apostolicam, rem et effectum habet appellationis, dummodo secuta sit intra decem dies a die latae sententiae, seu illati gravaminis, fueritque intimata Judici: cum talis, qui inter ad Sedem Apostolicam arripit, censeatur ipso facto appellare; quod plus est, quam verbis appellare, c. Dilecti filii. 52. de Appellatione. Ideo post Appellationes subjicitur praesens Titulus De Clericis peregrinantibus. Qui Titulus qualiter differat a Tit. 22. Libri primi Decretalium, De Clericis peregrinis inscripto, ibidem num. 1. jam dictum est.

Et quamvis in Rubrica hujus Tituli fiat mentio de solis Clericis; nihilo minus, quae de his statuuntur, etiam locum habeant in Laicis peregrinantibus ad Sedem praefatam. Siquidem causa dispositionis, quae habetur cap. un. h. t. est generalis; ac etiam habet locum in Laicis, ibi: Tamen cum hi, qui accedant ad praesentiam nostram, cum rebus eorum debeant esse sub Apostolica protectione securi. Concordat can. Si quis Romipotas. et can. Paternarum. 24. q. 3.

Itaque peregrinantes ad Sedem Apostolicam, hoc ipso sunt constituti sub hujus protectione: et si quid eisdem post iter arripit subtrahatur, vel auferatur, id omne ipsius restituendum est, cap. un. h. t. juncto Summario, et DD. ibid.

Et istud extenditur etiam ad ea, quae interim taliter peregrinantibus in judicio per processum, et sententiam Judicis auferuntur: nam omnia attentata post tale iter arripit, sive extra judicium per privatum, sive in judicio per sententiam Judicis attentantur, revocari debent: adeo, ut processus per Judicem contra talem peregrinantem factus, licet caeteroquin justus, ipso jure non valeat. Generaliter enim, accedentes ad Papam, cum suis rebus debent sub protectione Apostolica esse securi.

Excipe, nisi accedens ad Sedem Apostolicam ab inferiori Judice, sive ordinario, sive delegato, fuerit citatione praeventus, antequam iter arripuerit. Quia tunc, utpote ab altero jam praeventus, non posset amplius ipsius Forum declinare; ut c. Ad haec sicut asseris. 30. de Appellat. et c. Proposuit. 19. de Foro compet. Et Judex sive ordinarius, sive delegatus, procedere poterit in causa; non obstante, quod Reus post citationem iter arripuerit ad Sedem Apostolicam, c. Meminimus. 9. et c. Suggestum est. 15. et d. c. Ad haec sicut asseris. 30. de Appellat. Secus, si ante factam citationem Reus ejusmodi iter arripuerit: nam tunc Judex inferior nequit in

causa procedere: prout dicitur in Juribus proxime allegatis.

## TITULUS XXX.

De Confirmatione utili, vel inutili.

## SUMMARIUM.

- 1 Ratio continuationis Rubricarum.
- 2 Confirmatio, quid? Et num. seq.
- 3 Supponit jus aliquo modo quæsitum.
- 4 Confirmatio in forma communi, seu simplex, quae?
- 5 Haec nullum jus novum tribuit, sed supponit actum jam validum.
- 6 Et cur, idcirco non sit inutilis?
- 7 Confirmatio in forma speciali, an ex certa scientia, quae?
- 8 Unde colligi possit, confirmationem esse factam in forma speciali, et non tantum in forma communi?
- 9 Confirmatio alia utilis, alia inutilis; et quae?
- 10 In dubio, an censatur esse confirmatio in forma speciali?
- 11 Refertur sententia, assertivum, tunc videtur datum confirmationem in forma speciali.
- 12 Dummodo non praepjudicat Juri communi. Et num. 17.
- 13 Opposita sententia, assertiva, in dubio ceteri, confirmationem esse factam in forma communi, est communior, et probabilior.
- 14 Eadem amplius probatur.  
Concessio Principis in dubio, est interpretanda, ut nulli tercio irrogetur praepjudicium. Ibid.
- 15 et 16. Solvantur rationes prioris sententiae.  
Confirmatio actum ex se invalidum, non reddit validum; nisi is aliunde reddatur validus. Num. 15.
- 17 Prior, seu contraria sententia locum habet in confirmatione beneficii propria dicti.
- 18 Contra confirmationes Papae, nequit Juxta inferior judicare etc.
- 19 Nisi de speciali Papae mandato.  
Et quando Papa istud mandata soleat? Ibid. et num. seqq.
- 20 Clausulae praepjudiciales, quae?  
Hae claudunt os partibus, et ligant manus Judicis, nisi concedatur aperitio oris. Ibid.
- 21 Aperitio oris, a quo petenda?  
Ubi, et quomodo concedi soleat? Ibid.
- 22 Juxta inferior potest procedere contra litteras confirmationis Apostolicas, quando sunt subreptitiae.
- 23 Potest etiam de litteris, etc. confirmationem Papae continentibus, cognoscere incidenter.
- 24 Idque exemplificatur. Et num. seqq.
- 25 An privilegiatus a Papa, sit capax privilegii, potest Juxta inferior cognoscere.
- 26 Non valet confirmatio Papalis, quam Religiosus super Prioratu, vel administratione perpetuo possidenda obtinuit.
- 27 Juxta inferior, videns actum a Papa confirmatum in forma communi, fuisse invalidum, potest incidenter pronunciare, confirmationem illam esse invalidam.
- 28 Innovatio Privilegiorum, et aliorum instrumentorum potest fieri, ne usustate corrumpantur.

29 Ea tamen jus novum non tribuit, sed conservat antiquum.

30. Conclusio totius Libri.

Visum est duobus precedentibus. Titulis de suspensione sententiae judicialis, sive jurisdictionis Judicis, quae fit mediante appellatione, atque peregrinatione ad Sedem Apostolicam. Nunc vicissim ultimo hoc secundi Libri Decretalium Titulo, agit Compiler de Confirmatione, tum utili, tum inutili, sententiae judicialis; simul etiam agendo de confirmatione instrumentorum, privilegiorum, et aliarum rerum. Unde

Quaeritur I. Quid, et quomodo sit Confirmatio, Resp. I. Confirmatio, quantum ad propositum, est ipso quocunque modo quæsiti per legitimum Superiorem facta corroboratio. Ita Hostiensis in Summa h. t. nu. 1. Barbosa ad Rubric. h. t. n. 3. Pirhing n. 1. Sannig eod. n. 2. et alii.

Dicitur, corroboratio, quae particula stat loco generis, ac semitur hic latissime. Et additur, per legitimum Superiorem, ad excludendas eas, quae a personis privatis geruntur; et magis approbationes, quam confirmationes, dici possant. Dicitur ulterius, juris quocunque modo quæsiti: ad complectendam utramque confirmationis speciem, videlicet tam datae in forma communi, quam ex certa scientia: tum utraque jus aliquo modo quæsitum corroborat; illa jus legitime quæsitum; haec jus nulliter, et de facio duntaxat quæsitum. Simulque per hanc particulam natura Confirmationis magis declaratur: qui enim confirmat, nihil de novo dat, sed datum, vel aliter quæsitum corroborat, l. Et quia, ff. de Jurisdic. omn. judic. Hostiensis cit. num. 1. junctis dicendis infra num. 15.

Resp. II. Confirmatio est duplex, una in forma communi; alia in forma speciali, seu ex certa scientia. Ita Barbosa loc. cit. nu. 6. Pirhing h. t. n. 2. Sannig eod. nu. 3. et seqq. et alii communiter. Confirmatio in forma communi (quae et Confirmatio simplex, atque ordinaria, appellatur) ea est, qua Superior non praecedente alia cognitione causae actum ab inferioribus gestum confirmat in eo statu, in quo prius fuerat.

Et additur notanter ly, in eo statu, in quo prius fuerat. Siquidem Confirmatio in forma communi, nullum jus novum, neque valorem tribuit illi, cui accedit; sed supponit actum jam validum, eumque approbat, quatenus de jure validus existit. Glossa cap. 1. §. Confirmationem. et Abbas ibid. n. 6. h. t. Pirhing eod. n. 3. Sannig n. 4. et alii, istud comprehentes, ex cap. 1. et 2. h. t. ubi satis indicatur, Confirmationem in forma communi non facere actum de novo validum, qui prius erat invalidus. Id ipsum probatur clavis verbis ex c. Quia diversitatem. §. de Concess. praebend. ubi dicitur: Non obstante confirmatione a Sede Apostolica obtenta sub forma communi, quae confirmat beneficia et praebendas, sicut iuste et pacifice possidentur. Accedit textus in c. Cum dilecta. 4. h. t. ubi Pontifex in simili sic loquitur: Nolentes quod ex innovatione hujusmodi novum jus Monasterio acquiratur; sed antiquum (si quod habet) per innovationem privilegii conservetur. Concordat illud, quod habetur can. Praeceptis. dist. 12. ibi: Non novum aliquid praesenti jussione praecipimus, sed illa, quae olim videntur indulta, confirmamus; cum similibus.

Dices. Ergo confirmationes in forma communi datae a Sede Apostolica, ad nihil proderunt: quia vel supponunt actum jam validum, vel etiam ipsae erunt invalidae. Resp. negando sequelam. Quia, ut notat Abbas cap. 1. n. 6. h. t. licet



Confirmatio in forma communi cujusque rei facta per Papam, jus novum non tribuit, adhuc tamen non est inutilis. Tum quia solet impetrari ad cautelam, ne quis improvide, ac sine scientia Papae videatur procedere. Tum quia Confirmatio in forma communi solet impetrari, et dari, ut magis timeatur; nam solet plus timeri, quod specialiter, ac praesertim per Principem supremum disponitur, arg. can. *Quamquam. dist. 23.* Tum tandem, quia confirmatio v. g. electionis, data in forma communi, tribuit electo potestatem administrandi; ut c. *Transmissam. 15. et c. Qualiter. 17. de Election.* Alioquin vero hujusmodi Confirmationes in forma communi parum valent; ut ait Glossa cap. 1. §. *Confirmationem h. t.*

7 Confirmatio in forma speciali, atque ex certa scientia, dicitur ea, quae fit cum perfecta notitia totius negotii, et omnium ejus circumstantiarum. Et hujusmodi confirmatio facta ex certa scientia, novum jus tribuit actui; cumque, si forsan antea invalidus fuisset, firmum reddit, atque validum; ut cap. 1. de *Transaction.* juxta Glossa *fin. ibid.* et notat alia Glossa in c. *Ecclesia Sanctae Mariae. 10. §. Ab Ecclesia de Constitut.* Barbosa *ad Rubric. h. t. n. 8.* Pirhing *num. 4. et communis.* Siquidem hujusmodi Confirmatio ex certa scientia, non est nuda et simplex confirmatio; sed potius est nova concessio, atque in effectu dispensatio: ideoque vim habet, actum caeteroquin nullum, reddendi validum.

8 Quod si petas, unde colligi possit, Confirmationem esse factam in forma speciali, et non tantum in forma communi? Resp. Istud colligi ex sequentibus signis. Primo videlicet, si tenor totius Privilegii, aut Instrumenti, inseritur ipsi confirmationi; vel saltem apponitur clausula, ex certa scientia: quia tunc Principi affirmanti, se sufficientem rei notitiam habuisse, sicque non ignorasse defectum aliquem, qui ejus potestatem impedire potuisset, credendum est, Clem. *un. de Probation.* Abbas c. *Examinata in fin. h. t.* Deinde idem est dicendum, si Pontifex apponat clausulam, *Sublata etc.* Barbosa *Tract. de Clausulis, claus. 175. numer. 22. et seqq.* Aut, si confirmatio fiat per verba aequipollentia: ut puta, sub clausula, *Ex plenitudine potestatis: vel, Non obstante quacunque lege, seu consuetudine in contrarium etc.* Pirhing *h. t. n. 8.* Barbosa *Claus. 82. et seqq.* citans alios; et multo magis, si addatur clausula illa, *Supplentes omnes juris et facti defectus.* Barbosa *loc. cit. Claus. 175.* cum plurimis aliis. Huc accedant dicenda inferius *num. 20. et seqq.*

9 Resp. III. Uterius Confirmatio alia censetur utilis, alia inutilis; ut patet ex *Rubric. h. t.* Et quidem Confirmatio dicitur utilis, quando est valida: et tali nequit Juxta inferior contravenire, nec de ea judicare potest, cap. 1. et 2. h. t. Contra Confirmatio inutilis vocatur ea, quae non valet: unde merito censetur inutilis, atque nullius valoris. Talis est, quae obreptitia, vel subreptitia fuit obtenta: narrata scilicet falso, aut suppresso vero, quod de jure exprimi debuisset; ut c. *Bonae 3. et c. Ad nostram. 5. cum 7. seqq. h. t. juncto c. Super litteris. 20. de Rescriptis.*

10 Queritur II. Utrum si a Lege, vel alia dispositione fiat mentio de confirmatione, in dubio censetur, eam esse Confirmationem in forma speciali, vel communi? Resp. In resolutione hujus questionis non convenire Doctores.

11 Et quidem Glossa *fin. in cap. 1. h. t. et Jo. Andreas c. Venerabilis. n. 9. cod. et Abbas c. Examinata. num. 5. h. t.* asserunt, quod si Papa confirmet aliquid

simpliciter nulla clausula apposita, nec expresso tenore juris confirmati, videatur confirmare in forma speciali, ac ex certa scientia. Fundamentum hujus sententiae est: quia (ut argumentatur Abbas *ibid.*) verbum *confirmo*, alio non expresso, ex sui natura importat, ut rem faciat firmam; prout desumitur ex c. *Inter dilectos. 6. §. Caeterum. de Fide instrument.* ubi loquendo de instrumento confirmatorio, dicitur: *Ut tamen intelligatur eo modo, quo magis posset valere.* Unde Glossa *ibid. §. Valere.* exinde notat, quod sic facienda sit interpretatio, ut res de qua agitur, magis valeat, quam pereat, c. *Abbato. de Verb. signif.* cum concordantibus: et consequenter, stante dubio, videtur confirmatio esse specialis, et non mere data in forma communi; cum haec parum, aut nihil valeat, bene tamen illa.

Limitat tamen istud Abbas *loc. cit. num. 5. et 6.* dummodo confirmatio non sit contra Jus. Nam in dubio non censetur aliquid concedi contra Jus commune, nisi id specialiter exprimatur: ut c. *Nonnulli. 28. de Rescript.* juncto c. 1. de *Excessibus Praelat. in 6.*

Oppositam vero sententiam, sive quod in dubio censeri debeat, confirmationem esse factam in forma communi; ex professo tradit Barbosa in c. *De Confirmationibus. n. 3. h. t.* allegans Glossam penult. in l. *Ex verbis. C. de Donat. inter vir. et uxor.* et Innocentium communiter receptum in c. *Dudum. in fin. de Decimis.* Carolus Tuschus *Lit. C. Concl. 708. num. 2. ac seqq.* Alexander *Concl. 59. num. 8. lib. 1.* asserens, quod certa scientia non praesumatur, nisi probetur. Pirhing *h. t. num. 16.* citans Decium *ad Rubric. h. t. num. 7.* Gailus *lib. 2. Practic. Observat. 1. num. 17.* et Jason l. *Morenu. 30. ff. de Jurisdiction. omn. judic.* dicens cum aliis, quod in dubio praesumatur Princeps confirmasse eo modo, quo potest de Jure communi, non autem de plenitudine potestatis. Atque haec sententia, sicut est communior Doctorum, ita videtur probabilior, meritoque retinenda, saltem ubi agitur de praepjudicio tertii. Accedit ratio: quia confirmatio ex certa scientia tunc censetur facta, quando vel istud exprimitur; ut cap. 1. de *Constitut. in 6.* ut c. *Si motu. 23. de Praebend. in 6.* vel saltem ea fit per Principem cum notitia perfecta totius negotii, et omnium ejus circumstantiarum, juxta dicta n. 7. et 8. Atqui stante dubio, nullum horum habetur; ergo.

Deinde concessio Principis in dubio, et nisi secus exprimatur, interpretanda est, ut nulli tertio irrogetur praepjudicium, c. *Super eo. 15. de Offic. Delegat.* atque amplius dictum *Lib. 1. Tit. 3. De Rescriptis. num. 132. et 142.* Atqui in proposito irrogatur praepjudicium tertio, si stante dubio intelligeretur confirmatio facta ex certa scientia: nullum, si in forma communi, ergo. Et hinc in c. *Dudum. 31. de Decimis*, confirmatio Sedis Apostolicae simpliciter facta, accipitur de confirmatione in forma communi; ita, ut nulli tertio generetur praepjudicium.

Nec obstant rationes *numer. 10.* in oppositum allatae. Nam imprimis verbum, *confirmo*, reddit quidem actum firmum, sed juxta propriam naturam ipsius: ita videlicet, ut si actus a parte rei antea sit validus, firmior reddatur; saltem ex eo, quia plus solet timeri, quod singulariter confirmatur, arg. c. *Quamquam. dist. 23.* Non tamen verbum, *confirmo*, ex sui natura, et nisi aliud exprimatur, actum ex se invalidum reddit validum. Quia potius oppositum inde deductum: nam quod non est, condemnari nequit; cum qualitas

puta confirmatio, supponat subjectum. Intellige, nisi aliunde actus ille reddatur validus, nempe ex absoluta auctoritate Principis: prout accidit in confirmatione speciali, sive facta ex certa scientia.

- 16 Ad cit. c. *Inter dilectos*. 6. de *Fide instrumenti*. dicitur, illud stare in oppositum: nam paulo inferius ejusmodi instrumentum confirmatorium Henrici (ut dicebatur) Imperatoris reprobatur, ibi: *Cum igitur privilegium Henrici confirmatorium tantum extiterit, si principale non tennit, nec accessorium, quod ex eo, vel ob id dignoscitur esse secretum*. Nec orget ratio ibidem allata: nam accipiendo ly, *confirmo*, stante dubio, adhuc actus sustinetur, et valet, dummodo antea validus extiterit. Et quia haec interpretatio minus praepjudicat tertio, hoc ipso retinenda videtur: si enim Princeps voluisset convalidare actum etiam caeteroquin invalidum, potuisset expressisse; prout in simili dicitur cap. 2. §. *Sed neque de Translat. Episcop.*

- 17 Additur notanter numer. 13. posteriorem sententiam merito esse retinendam, *saltem ubi agitur de praepjudicio tertii*. Nam loquendo in casu, quo aliquid conceditur, seu concessum confirmatur ex mera liberalitate Principis concedentis (hoc est, non ad praepjudicium tertii, aut Juris communis, sed vel ad nullius, vel ad concedentis duntaxat praepjudicium; quod *Beneficium proprium, seu stricte sumptum* appellant) tunc prior Abbatis sententia locum habere poterit. Nam quod *Beneficia Principum sint interpretanda largissima*, textus est in c. *Olim*. 16. de *Verb. signif.* et c. *Cum dilecti*. in 6. de *Donation. etq. Quoniam*. 4. de *Praebend.* in 6. atque ex professore declaratum est supra Lib. 1. Tit. 3. de *Rescriptis*. §. 5. n. 126. 128. et seqq.

- 25 Queritur III. Utrum de confirmatione per Papam facta possit Judex inferior cognoscere? Resp. I. Contra confirmationes Papae super aliquo re, statuto, contractu, privilegio, sententia, aut hujusmodi facta, nullus inferior Judex potest aliquatenus judicare, aut recognoscendo easdem immutare: nisi de speciali ejusdem mandato; aut nisi certum sit, confirmationem per falsi suggestionem fuisse elicitam. Ita textus in cap. 1. et 2. h. t. et ibi Canonistae communiter. Ratio est: quia ea, quae per Papam confirmata sunt, dicuntur Papalia: juxta quod habetur c. *Si Apostolicus*. de *Praebend.* in 6. ubi Pontifex inquit: *Cum provisio ipsius Legati post imperitam a nobis auctoritatem nostra censeatur effecta*. Concordat textus in L. 1. §. *Sed neque*. C. de *Veteri Jure enucleand.* referens Imperatorem sic loquentem: *Omnia etiam meritis nostra facturus: quia ex nobis omnis eis imperitur auctoritas*. Atqui de jure Papae, veluti Christi in terris Vicarii, ac visibilis Capitis Ecclesiae nemini permissum est judicare, aut illius sententiam retractare, can. *Nomini est*. 17. q. 4. Nam ejus causas Deus suo judicio reservavit, can. *Aliorum*. 9. qu. 3. cum similibus.

- 19 Additur tamen in Conclusionem, *nisi de speciali ejusdem mandato*. Quia cum contingere possit, quod ad importunas, vel minus veras preces a Papa aliquid obtineatur, aut concessum confirmetur in praepjudicium, atque gravem laesionem alterius: isto recurrente ad eundem Papam, vel Successorem ipsius, causae illius examinatio solet ab eo committi rursus cuiusdam Sac. Congregationi, aut alii Judici delegato. Quamquam antea aliqua summaria cognitio iustitiae, et boni juris ex parte Supplicantis, desuper haberi solet: tum ut litigantium calumniis tempestive occurratur: tum quia Princeps non debet aditum liti concedere, quam agno-

scit esse injustam. Card. Luca De *Judiciis*, *Discurs.* 20. num. 12. et 14.

Atque istud etiam procedit non obstantibus *20* *Clausulis* (ut in Curia loquuntur) *praepjudicialibus*, quae in Litteris Apostolicis quandoque apponi solent: uti sunt, *Decretum irritans*, et *clausula Sublata* etc. Quandoque de subreptione, vel obreptione, aut de defectu intentionis judicari non valeat; et hujusmodi. Etsi enim talium clausularum virtus, atque operatio sit, claudere os partibus, atque ligare manus Judici: adeo, ut neutra illarum amplius audiri debeat, nec Judex desuper judicare possit; et si secus attestetur scienter, aut ignoranter, nulliter agatur ex defectu jurisdictionis, quae per Papam virtute talium clausularum sublata censetur. Nihilominus, si antea debite petatur, atque concedatur aperitio oris adversus hujusmodi clausulas, tollitur rigor dictarum clausularum; et datur facultas impugnandi Litteras Apostolicas, non obstante confirmatione Pontificia; licet idcirco non elidantur alii effectus. Barbosa *Tract. de Clausulis*, claus. 175. *Sublata* et c. n. 6. post Rotam in *Pacen. Pensionis*. 20. Novemb. 1609. coram Card. Marguemonio.

Caeterum memorata aperitio oris adversus dictas clausulas praepjudiciales, petenda est a Summo Pontifice in Signatura Gratiae. Barbosa cit. claus. 175. n. 3. Nec solet concedi, nisi praevia aliqua summaria cognitio iustitiae, et boni juris ex parte Supplicantis, ob dicta num. 19. Unde aliquando simpliciter concedi solet, quandoque vero simpliciter denegari; teste Card. de Luca cit. *Discurs.* 20. de *Judiciis*. n. 11. De facili tamen concedi solere dictam oris aperitionem, scribit Barbosa loc. cit. n. 6. allegans alios; idque ex eo: tum ne clausulae ejusmodi praepjudiciales sint vinculum iniquitatis; atque propter ipsas jura partium maneant indefensa, et inaudita. Tum quia oris aperitio non dicitur nova gratia, se tantum removet obstaculum, sicque sapit iustitiam.

Additur ulterius in data num. 18. Conclusionem, *aut nisi certum sit, confirmationem per falsi suggestionem fuisse elicitam*: puta, quando de hoc constat, vel per evidentiam facti, vel per confessionem partis in judicio factam, ac hujusmodi; ut c. *Cum olim*. 24. de *Verb. signif.* cum similibus. Tunc enim Judicem inferiorem posse procedere contra Litteras Confirmationis Apostolicae, aperte conceditur in c. *De appellationibus*. 2. h. t. Idque merito: tum ne Sedes Apostolica quoquo modo videatur indulgere malitiis hominum, tum quia aequum est, ut *mendax peccator carere debeat penitus impetratis*, per textum in c. *Super litteris*. 20. de *Rescriptis* cum similibus.

Resp. II. Etsi Judex inferior de Litteris, aliave rebus confirmationem Papae continentibus, cognoscere non possit principaliter, juxta haecenus dicta: potest tamen de ipsis cognoscere incidenter. Ita Glossa *fin.* in c. *Cum venissent*. 12. et Abbas *ibid.* num. 3. de *Judiciis*; et alii. Idque probatur ex c. *Causa*. 9. de *in integr. restitut.* ubi in simili casu Delegati ab Ordinariis, qui administrationem non habent: super causa restitutionis, veluti ad majores Judices pertinente, *cognoscere nequeunt, nisi coram eis mota fuerit incidenter*. Concordat textus in l. *Quoties*. C. de *Judiciis*: Ubi Judex, qui de causa status principaliter cognoscere non valet, potest istud incidenter.

Declaratur Conclusio inductione. Sic, ubi v. g. privilegium a Papa confirmatum, ab una parte producit contra aliam, potest Judex inferior illud inspicere, ac videre, utrum sit vitio-

sum, vel subreptitium, nec ne. Abbas *cit. n. 3. vers. Aut quaeritur, numquid inferior.* Item, si constet esse legitimum, et verba talis privilegii sint clara, seu manifesta, poterit Iudex inferior dicere, quod obstat, vel non obstat privilegium. Glossa *fin. in d. c. Cum venissent. de Judic.* istud probans ex *c. Accepimus. q. de Fide instrument.*

Insuper quando quaeritur solum, an privilegiatus a Papa, sit capax talis privilegii, potest Iudex inferior desuper cognoscere: quia tunc potius cognoscit de privilegiato, quam de privilegio per Papam confirmato. Abbas *loc. cit.* istud inter alia probans ex *c. Super litteris. 20. de Rescript.* Ubi Delegato datur potestas cognoscendi super capacitate impetrantis Rescriptum ad lites, per simplicitatem *expressimendo* falsitatem, vel occultando veritatem de iure exprimendam.

Alius talis casus habetur in *c. Ad nostram. 5. et c. Porrecta. 6. h. t.* ubi non valet confirmatio Papalis, quam Religiosus super Prioratu, vel alia administratione perpetuo, quoad vixerit, possidenda obtinuit. Quia vel in ea non fit mentio, quod impetrans sit Religiosus; et confirmatio est subreptitia; vel dicitur, impetransem esse Religiosum, et litterae confirmationis sunt falsae; cum tales, veluti perfectae obedientiae, et paupertati Religiosorum praepjudiciales; Sedes Apostolica non soleat concedere. Unde hujusmodi litteras sub nomine Papae sibi porrectas, jubetur ibidem Episcopus recognoscere, ne de ipsis judicare.

27 Uterius, quia per Confirmationem in forma communi concessam a Papa, non tribuitur novum jus, sed supponitur actus jam antea validus: si Iudex inferior videat actum, qui a Papa confirmabatur in forma communi, secundum se nullum fuisse, atque invalidum; potest per consequens accessorie, atque incidenter pronunciare, ipsam etiam confirmationem Papalem esse invalidam. Pirhing *h. t. n. 15. post Suarez lib. 8. de Legib. cap. 18. num. 2.* Unde quando aliquis rei litigiosae confirmationem in forma communi a Sede Apostolica im-

petravit, potest Iudex de re illa, num fuerit litigiosa, cognoscere, hocque deprehenso in causa procedere: nam confirmatio illa non valebat, neque aliquid novi juris tribuebat, *cap. 1. h. t.* Similiter litterae confirmationis super sententia, a qua fuerat appellatum, tacita appellatione impetratae non valent, neque confirmant sententiam latam, *c. Bonae memoriae. 3. h. t.* Idemque dicendum de similibus.

Quaeritur IV. Quid sentiendum sit de innovatione Privilegiorum, aliorumque Instrumentorum? Resp. I. Privilegia, et alia Instrumenta antiqua possunt renovari, ne nimia vetustate corrumpantur; aut si ex alia rationabili causa timendum sit, ne pereant, sique fortuitis casibus subtrahatur probandi facultas, et veritas occultetur. Ita habetur decisum *c. Cum dilecta. 4. h. t.* Idque per extensionem extensivam deducitur ibidem ex Legibus Civilibus, quibus ob rationes praedictas conceditur, etiam lite non contestata testes valetudinarios, et alios, de quibus ex aliqua rationabili causa timetur, ad testimonium admittere; ne videlicet ob eorum mortem, aut diuturnam absentiam, probandi facultas subtrahatur, et veritas occultetur.

Resp. II. Nihilominus per innovationem Privilegiorum, aut aliorum Instrumentorum, jus novum non acquiritur, neque antiquum confirmatur; sed tale jus antiquum duntaxat (si quod erat) conservatur. Ita *cit. c. Cum dilecta. 4. h. t.* iuncto Summario, et DD. *ibid.* Unde minus est, innovatio privilegii, quam ejus confirmatio: per hanc enim, etiam in forma duntaxat communi factam, major aliqua firmitas, atque auctoritas confertur actui: non sic per innovationem, utpote quae nihil juris, aut majoris firmitatis de novo tribuit, sed solum deservit ad faciliorem probationem ejus, quod in privilegio olim concessa continebatur.

Et haec dicta sufficiant in Librum Secundum Decretalium, cedantque ad Majorem Gloriam Dei, qui est Benedictus in saecula. Amen.

FINIS.







